

প্রবাসী

সচিত্র মাসিক পত্র

ভাগ, দ্বিতীয় খণ্ড

কার্তিক—চৈত্র

১৩৩১

শ্রীরামানন্দ চট্টোপাধ্যায় সম্পাদিত

বার্ষিক মূল্য ছয় টাকা আট আনা




পবাসী প্রেস, কলিকাতা

মেলা
শ্রীপ্রভাতেন্দুশেখর মজুমদার





বুদ্ধের সম্বোধিত
সাঁচি স্থপের পূর্ষ ভোয়ণের "রিলিফ"



সাঁচি ভূপ
[কোটো—ক্রমেস্ত্র নাথ ৩৩]

সত্য

সত্য শিব প্রসন্ন

নারায়ণ বলহীনের লতা:

38

১৩শ ভাগ
২য় খণ্ড

কাঙ্ক্ষিক, ১৩৬৩

১ম সংখ্যা

বিবিধ প্রসঙ্গ

শারদীয়

আনন্দের পূজা আগতপ্রায়। কিন্তু পশ্চিম বাংলার আজ যে দুর্দৈবের অভিশাপ পড়িয়াছে তাহাতে আনন্দও যেন বিয়ানমিশ্রিত, অবসাদপূর্ণ। একে ত দেশের লোক সখিংশীন ও অবসন্ন-হৃদয়, উপরন্ত এই বিবম বিপন্ন। লক্ষ লক্ষ মননায়ী আশ্রয়হীন, আর্ন্ত, ভয়বিহ্বল। এ যেন বিনামেঘে কল্লিঘাতে।

তবুও আমাদের শক্তির আধাহনে মনে বল আনিতে হইবে, বাহাতে বিপদের সম্মুখে আমরা হতচেষ্ট না হইয়া পড়ি। দৃঢ় চিত্তে মনে রাখিতে হইবে এই বাঙালীর অগ্নিপরীক্ষা। মনে রাখিতে হইবে এই পূজার আর্ন্তের সেবা ও পরিষ্কারবারণের পূজাই হইবে চরম আরাতি ও আহতি।

প্রতি বৎসর এই সময়ে চুব-বন্দ, ভয়-কেশ সবকিছু তুলিয়া আমরা বিমল আনন্দ উপভোগ করি। এবার লক্ষ লক্ষ গৃহহারা চূর্তাগার পক্ষে কোনই উপায় নাই, যদি না আমরা নিজের আনন্দের অংশ মুক্তহস্তে তাহাদের দিয়া পূজা সার্থক করি।

আর্ন্তের পরিচাণে কেন্দ্রীয় ও প্রাদেশিক সরকার তাহাদের কর্তব্য অবশ্য পালন করিবেন, এই প্রতিশ্রুতি আমরা পাইয়াছি, কিন্তু বেরূপ ব্যাপকভাবে বঙ্গীয় প্রকোপে দেশ বিধ্বস্ত হইয়াছে তাহাতে শুধু সরকারী সাহায্যের উপর নির্ভর করিলে চলিবে না। এবারকার পূজার সকলেরই উচিত নিরীহদের ব্যবস্কাচ করিয়া আর্ন্তপ্রাণে সাহায্যদান। এ বিষয়ে কলিকাতার নাগবিকল্পণ ইতি-মধ্যেই অসুযোগ পাইয়াছেন, অতএব এই আবেদন প্রচারিত হওয়া অবিলম্বে প্রয়োজন।

বহুদিন পূর্বে, যখন দেশ স্বাধীন ছিল না তখন, উত্তরবঙ্গের প্লাবনের ধংসলীলা হইতে সেই অকল্পের দ্বাককে পরিচাণ করার জ্ঞান আচার্য্য প্রফুল্লচন্দ্র রায় উদ্বোধন করিয়াছিলেন। এক সমিতি সংগঠন করেন। দীর্ঘদিন সেই সমিতির স্মৃতি হইয়াছে। এখন প্রয়োজন সেইরূপ বহু সমিতি।

বাঙালীর ভবিষ্যৎ

রাজ্য পুনর্গঠনের ত শেষ দীর্ঘাঙ্গা হইয়া গিয়াছে। আর যে

ঐভাবে কিছু হওয়ার সম্ভাবনা আছে তাহা মনে হয় না। এখন আমাদের উচিত একটা হিসাব-নিকাশ করার, যে, আমরা কোথায় দাঁড়াইয়া আছি। সম্মুখেই ত নির্বাচন, সে সময় প্রত্যেক নির্বাচনপ্রার্থীই দেশ ও দেশকে স্বর্ণে তুলিবার প্রতিশ্রুতি দিবেন। কিন্তু নির্বাচন শেষ হইলেই ত পাঁচ বৎসরের মত নিশ্চিন্ত। তখন কে কিসের খোঁজ রাখে? অথচ উপযুক্ত প্রতিনিধি অভাবে এই বিভক্ত ও অভিশপ্ত বাংলা বেরূপে প্রতিপদে বঞ্চিত হইয়াছে এরূপ আর কোনও প্রদেশ হয় নাই।

আমাদের চিন্তা করার শক্তি যদি এখনও থাকে তবে আমাদের বৃথিবার সময় আসিয়াছে যে, আর আর কিছুদিনের মধ্যে আমরা সমষ্টিগতভাবে অসুস্থতার আড়াল পর্বায়তুল হইয়া পড়িব। আমাদের ছিল লিলা ও মুক্তি পৌত্ত্ব। শিকার যে কিরূপ হুবহু তাহা আমরা এই সংস্কারই অস্তর দেখাইয়াছি।

দেশের চাষীর কিছু উন্নতি হইয়াছিল। ধান-চালের মূল্যবৃদ্ধিতে এক চাবের উন্নতিতে। তাও ত আর লক্ষ লক্ষ চাষী সর্ব্ব্বাস্ত হইয়া গেল বজায়। দেশের অধিক ত প্রায় সবই অবাঙালী এবং দেশের অধিক নেতাদিগের কার্যকলাপে দেশে বৃত্তন কোনও বৃহৎ প্রতিষ্ঠান পড়িয়া উঠা হুকর, পুরনো স্বাস্থ্য ছিল তাহাও ত ধ্বংস হইতে চলিয়াছে। কোন পথে এই অবস্থা হইতে দেশকে কিরাইতে পারা যায়, সে বিষয়ে চিন্তা করার অবকাশ কি আমাদের নাই? মিলিত পরামর্শ করার আপত্তি নাই নিশ্চয়। মনে হয় আজও আমরা কিরাইয়া আনিতে পারি প্রাচীন গৌরব, বাঙালীকে পুনঃপ্রতিষ্ঠিত করিতে পারি তাহাও হত আসনে, যদি শুধু ভাবোচ্ছাসে বিভ্রান্ত না হইয়া আমরা ভবিষ্যতের পথ পরিষ্কারে কেশ-মন নিয়োগ করি। আমাদের বিশ্বাস আছে যে, পথিকৃৎ যদি কেহ ডাক দেয়, তবে দেশের লোক সাড়া দিবে, কেননা পালতরা জোগানে ও উদ্ধার উদ্ধাসে দেশকে যে কোথায় লইয়া বাইতেছে তাহা এখন সকলেরই চিন্তার কারণ হইয়া দাঁড়াইয়াছে। অধিকাংশই আক্ষেপ ও বিরাগে সে চিন্তা হইতে অব্যাহতি চাহেন, কিন্তু কিছু লোক পথও বুঝিতেছেন। তাহাদের দলে যদি আমরা সকলে যোগদান করি, পথ পাওয়া বাইবেই।

খাদ্যশস্যের উৎপাদন

ভারতীয় পার্লামেন্টে দ্বিতীয় পঞ্চবার্ষিকী পরিকল্পনার সমালোচনাকালে পশ্চিম নেহেরু বলেন যে, দ্বিতীয় পরিকল্পনার খাদ্যশস্য উৎপাদনের যে পরিমাণ নির্ধারিত হইয়াছে তাহা হইতে আরও ৪০ শতাংশ অধিক উৎপাদন করা প্রয়োজন। প্রথম পঞ্চবার্ষিকী পরিকল্পনার খাদ্যশস্যের উৎপাদনের লক্ষ্য ছিল ৬'১৬ কোটি টন; সেই তুলনায় উৎপাদন হইয়াছে ৬'৫৮ কোটি টন; কিন্তু তৎসঙ্গেও ভারতবর্ষে খাদ্যশস্যের ঘাটতি হইতেছে এবং এ বৎসর দেশব্যাপী বজার প্রকোপে ঘাটতি আরও অধিক পরিমাণে হইবে। দ্বিতীয় পরিকল্পনার খাদ্যশস্যের উৎপাদন-লক্ষ্য ৭'৫ কোটি টনে নির্ধারিত হইয়াছে। অনেকের ধারণা যে, দ্বিতীয় পরিকল্পনা প্রধানতঃ শিল্পের পরিকল্পনা এবং কৃষি তথা শস্য উৎপাদন উপেক্ষিত হইয়াছে। কিন্তু প্রকৃতপক্ষে তাহা হয় নাই। দ্বিতীয় পরিকল্পনার কৃষি ও সেচের জন্য মোট খরচ হইবে ১,০৮৩ কোটি টাকা। ইহা মোট খরচের ২২'৫ শতাংশ। প্রথম পরিকল্পনার কৃষি ও সেচের জন্য মোট খরচ হইয়াছে ৮৫৮ কোটি টাকা এবং মোট খরচের ইহা ছিল ৩৪'৪ শতাংশ। মোট অর্থের পরিমাণে দেখা যায় যে, প্রথম পরিকল্পনা হইতে দ্বিতীয় পরিকল্পনার ২২'৫ কোটি টাকা অধিক খরচ করা হইবে। দ্বিতীয় পরিকল্পনার কৃষিসংক্রান্ত অসংখ্য ব্যাপারেও অধিক পরিমাণে খরচ ধার্য করা হইয়াছে। যথা, বস্ত্র নিবারণের জন্য প্রথম পরিকল্পনার মাত্র ১৭ কোটি টাকা খরচ হইয়াছে, কিন্তু দ্বিতীয় পরিকল্পনার ইহার জন্য ১০৫ কোটি টাকা খরচ করা হইবে। সুতরাং কৃষির দিকে বধোপযুক্ত নজর রাখিয়া যদি শিল্পোন্নয়ন ব্যাপারে সরকার অধিকতর মনোযোগ দেন, তাহাতে কাহারও কোন আপত্তি থাকিতে পারে না।

দ্বিতীয় পরিকল্পনার সর্বপ্রকার কৃষি-ক্রমের উৎপাদন বৃদ্ধি করা হইবে, খাদ্যশস্যের উৎপাদন বৃদ্ধি পাইবে ১৫ শতাংশ, তৈলবীজ ২৭ শতাংশ, ইক্ষু ২২ শতাংশ, তুলা ৩১ শতাংশ এবং পাট ২৫ শতাংশ। সম্প্রতি কতকগুলি কারণে প্ল্যানিং কমিশন মনে করেন যে, খাদ্যশস্য উৎপাদনের নির্ধারিত লক্ষ্য যথেষ্ট নহে; কারণ দ্বিতীয় পরিকল্পনাকালীন খাদ্যশস্যের উৎপাদন ৭'৫ কোটি টনে বৃদ্ধি পাইলেও দৈনিক গড়ে প্রতি পূর্ণবয়স্ক ব্যক্তি ১৮'৩ আউন্স করিয়া খাদ্য পাইতে পারিবে। ইহা প্রায় আড়াই পোয়ার মামিল। যদিও বর্তমানের পরিমাণ হইতে এই পরিমাণ অধিক তথাপি ইহা অনুমান করা হইতেছে যে, ভবিষ্যতে জনসাধারণের আর বৃদ্ধি পাইলে এই পরিমাণ খাদ্যশস্য কম হইবে। সেই কারণে খাদ্যশস্য উৎপাদনের পরিমাণ বৃদ্ধি পাওয়া প্রয়োজন। দ্বিতীয়তঃ, ঘাটতি বাস্তব খরচ উত্তমোত্তর বৃদ্ধি পাইবে এবং সেই অবস্থার বস্ত্র ও খাদ্যশস্যের সরবরাহে প্রাচুর্য না থাকিলে কালোবাজারী কাটকা বিস্তার লাভ করিবে। তৃতীয়তঃ, খাদ্যশস্যের উৎপাদন অধিক হইলে ইহার রপ্তানী দ্বারা বৈদেশিক মুদ্রা আয়ের পক্ষে সুবিধা হইবে।

এই সকল চিন্তাধারায় পরিশেষে সম্প্রতি মুসৌদীতে

প্রাদেশিক কৃষিমন্ত্রীদেব একটি অধিবেশন হইয়া গিয়াছে। এই অধিবেশন জাতীয় অর্থ নৈতিক দিক হইতে খুব গুরুত্বপূর্ণ ছিল, কিন্তু হুঃখের বিষয় যে, এই অধিবেশনের আলোচনা ইত্যাদি সরকার জনসাধারণের গোচরের ভিত্তি কিছুই প্রকাশ করেন নাই, যদিও তাঁহারা জনসহযোগিতা পাওয়ার জন্য মাঝে মাঝে আগ্রহ ও উৎসাহ দেখান। খাদ্যশস্যের উৎপাদন ব্যাপার জাতীয় অর্থনীতির পক্ষে খুবই গুরুত্বপূর্ণ এবং এ সম্বন্ধে সকলেই জানিবার অধিকার আছে। এই অধিবেশনে একটি কার্যকরী কমিটি নিযুক্ত হয় কৃষিজব্য উৎপাদনের নূতন লক্ষ্য নির্ধারণ করিবার জন্য। এই কমিটি প্রস্তাব করেন যে, দ্বিতীয় পরিকল্পনার নির্ধারিত লক্ষ্যগুলি প্রয়োজনের তুলনায় অল্প হইবে; সেই কারণে কৃষিজব্যের উৎপাদন নিম্নলিখিতভাবে বর্দ্ধিত হারে হওয়া প্রয়োজন: খাদ্যশস্য ৭'৫ কোটি টন হইতে ৮'১৫ কোটি টন হওয়া প্রয়োজন, ইহা বর্তমান উৎপাদন হইতে ১'৬৫ কোটি টন অধিক। তুলার উৎপাদন ৫৫ লক্ষ গাঁইট হইতে ৫৮ লক্ষ গাঁইটে বৃদ্ধি পাইবে। কাঁচাপাটের উৎপাদন ৫০ লক্ষ গাঁইট হইতে ৫৫ লক্ষ গাঁইটে উন্নীত হইবে এবং তৈলবীজ ৭১ লক্ষ টন হইতে ৭৮ লক্ষ টনে বৃদ্ধি করা হইবে। প্রথম সংখ্যাগুলি দ্বিতীয় পরিকল্পনার নির্ধারিত লক্ষ্য। মুসৌদী অধিবেশন নূতন প্রস্তাবিত লক্ষ্যগুলিকে গ্রহণ করিয়াছেন বলিয়া প্রকাশ। খাদ্যশস্য উৎপাদনের নূতন নির্ধারিত লক্ষ্য বর্তমান উৎপাদন হইতে ২৫ শতাংশ অধিক হইবে। সুতরাং পশ্চিম নেহেরুর প্রস্তাবিত ৪০ শতাংশ বৃদ্ধি গৃহীত হয় নাই, হওয়া উচিত ছিল, কারণ বাস্তবতার দিক হইতে ইহা বার্থ হইত। পশ্চিম নেহেরুর অভিমতে আদর্শ কৃষি-খামারগুলিতে ৪০ শতাংশ শস্য-উৎপাদন বৃদ্ধি পাইয়াছে; সুতরাং এই পরিমাণে খাদ্যশস্যের উৎপাদন বৃদ্ধি করা সম্ভবপর। কৃষি-অভিজ্ঞেরা বলেন যে, আদর্শ কৃষিক্ষেত্রেই দেশের সকল কৃষিক্ষেত্র নহে। সমষ্টি উন্নয়ন পরিকল্পনা ক্ষেত্রে এবং জাতীয় সম্প্রসারণ কার্যাবলী ক্ষেত্রে কৃষি উৎপাদনের পরিমাণ কেবলমাত্র ২০ হইতে ২৫ শতাংশ বৃদ্ধি পাইয়াছে। আদর্শ কৃষি-ব্যবস্থা সর্বত্র প্রচলিত নহে। আদর্শ কৃষি-ব্যবস্থা বলিতে বুঝায় প্রয়োজনীয় সেচব্যবস্থা, সারসমববাহ, ঋণপ্রদান ব্যবস্থা এবং উচ্চতর কৃষিকার্যের জন্য বৈজ্ঞানিক জ্ঞান। এইগুলির অভাব ভারতবর্ষে ব্যাপকভাবেই আছে, সেই জন্যই কর্তৃপক্ষ পরিকল্পনার লক্ষ্য আরম্ভের মধ্যে রাখিতে চান।

পৃথিবীর অসংখ্য দেশের তুলনায় ভারতবর্ষের কৃষিভূমির পরিমাণ সর্বাধিক। অষ্ট্রেলিয়া ও ব্রেন্সিলের মোট ভূমির মাত্র ২'৫ শতাংশ ভূমি কৃষিবোধ্য; কানাডার ৪ শতাংশ ভূমি কৃষিবোধ্য; চীন ও রাশিয়ার মোট ভূমির ১১ শতাংশ কৃষিবোধ্য এবং আমেরিকা যুক্তরাষ্ট্রের ২৫ শতাংশ ভূমিতে কৃষি সম্ভবপর। সেই তুলনায় দেখা যায় যে, ভারতবর্ষের মোট ভূমির ৪৫ শতাংশ কৃষিবোধ্য। আবার মোট কৃষিভূমির পরিমাণ হিসাব করিলে দেখা যায় যে, ভারতবর্ষ তৃতীয় স্থান অধিকার করিয়া আছে। সোভিয়েট রাশিয়ার

কৃষিক্ষেত্রের মোট পরিমাণ ৫২.৬ কোটি একর, আমেরিকা যুক্তরাষ্ট্রের ৪৭.৮ কোটি একর এবং ভারতবর্ষের ৩৬.৬ কোটি একর। পৃথিবীর উন্নত দেশগুলির তুলনায় ভারতবর্ষের জমির উৎপাদিকা-শক্তি অত্যন্ত। ১৯৪৯ সন হইতে ১৯৫১ সনে ভারতবর্ষে একর-প্রতি গড়ে ৫৮৬ পাউণ্ড গম উৎপন্ন হইয়াছে। ঐ সময়ে দেখা যায় যে, রাশিয়ার একরপ্রতি গড়ে উৎপাদনের হার ৮৩০ পাউণ্ড। চীনদেশে ৮৭৪ পাউণ্ড এবং আমেরিকা যুক্তরাষ্ট্রে ৯৪৯ পাউণ্ড। ১৯৫৩ সনে ভারতবর্ষে একরপ্রতি উৎপাদনের হার বৃদ্ধি পাইয়া ৬৩০ পাউণ্ডে দাঁড়াইয়াছে।

সুতরাং দেখা যায় যে, আধুনিক উপাদান দ্বারা জমির উৎপাদিকা-শক্তি বৃদ্ধি করা সম্ভবপর এবং সেই কারণে মূর্সোরী অধিবেশনে নির্ধারিত উৎপাদনের উচ্চতর লক্ষ্যগুলিকে কার্যকরী করার সম্ভাবনা আছে, যদি অবশ্য কৃষিযাবস্থার কতকগুলি উন্নতিসাধন করা হয়। কৃষি-ঋণের ব্যাপক প্রচলন হওয়া অতীব প্রয়োজন এবং সেই সঙ্গে প্রয়োজন পরিবহন-ব্যবস্থার বিস্তৃতি। কিন্তু মানবীর সকল ব্যবস্থা অবলম্বন করা হইলেও ভারতীয় কৃষিকে একটি অনিশ্চিত সম্ভাবনার মধ্য দিয়া অতিক্রম করিতে হয় এবং ইহা হইতেছে মৌসুমী বায়ু-বামখেয়াল। দেখা গেল যে, মৌসুমী বায়ু বিকছে এখনও পর্যন্ত মানুষের কোনও বুদ্ধিই কার্যকরী হয় নাই। প্রকৃতির উপর বিজয়-গৌরবের আশা লইয়া বহু-বিঘোষিত নদী-পরিকল্পনাগুলি গ্রহণ করা হইয়াছে এবং ইহাদের জন্য কোটি কোটি টাকা ব্যয় করা হইয়াছে ও হইতেছে। কিন্তু দিন দিনই যেন বজ্রের প্রকোপ বাড়িয়া চলিয়াছে, আর এ বৎসর তো কথাই নাই। এখন বাংলা ও বিহারবাসী ভাবিতেছে, হার দামোদর, তুমি ও তোমার পরিকল্পনা-গুলি কোথায় গেল। দামোদর উত্তর দিতে পারিলে বলিত—টাকাগুলি অবশ্য বজ্রের জলের মত ভাসিয়া গিয়াছে, তবে সমুদ্রে যায় নাই।

উৎপাদন-বৃদ্ধির আর একটি বড় প্রতিবন্ধ হইল ভারতের ভূমি-বণ্টনের অব্যবস্থা। ভূদান দ্বারা যাহারা এই সমস্যার সমাধান করিতে চাহিয়াছিলেন তাঁহারা বর্তমানে নিশ্চয়ই নিরুৎসাহ হইয়াছেন। আর সরকারী ভূমি-বণ্টন-ব্যবস্থা বার্ষিকতার পর্যাবসিত হইতে চলিয়াছে, অন্ততঃ বাংলাদেশে। জমিদারী-প্রথা বিলোপের পূর্বে কৃষিজীবীদের মধ্যে এক-তৃতীয়াংশ ছিল ভূমিহীন কৃষি-শ্রমিক এবং এই সংখ্যা ভবিষ্যতেও থাকিয়া যাইবে। আইনের কাক রাখিয়া ভূমিহীন কৃষকের অস্তিত্ব বজায় রাখিবার জন্য চিরস্থায়ী বন্দোবস্ত কর্তৃপক্ষ করিয়া দিয়াছেন। আইন করা হইয়াছে যে, প্রত্যেকে মাথাপিছু ২৫ একর করিয়া জমি রাখিতে পারিবে; কলে জমিদাররা ভাই, বোন, খুড়ী, মাসভূক্তা ভাই প্রভৃতির নামে ২৫ একর জমি দেখাইয়া সমস্ত জমিটাই নিজের আয়ত্তে রাখিয়া দিতেছেন। পুরাতন কাঠামোই নূতন আকারে চালু করা হইল। ইহাতে বেকার কৃষকের সংখ্যা বৃদ্ধি পাইবে এবং উৎপাদন ব্যাহত হইবে।

কয়লার অভাব

গত কয়েক বৎসর ধরিয়া আসানি কয়লার অভাব হইতেছে; সম্প্রতি জুলাই মাস হইতে টনপ্রতি কয়লার মূল্য বৎসামাত্র বৃদ্ধি হওয়ার কলে কয়লার অভাব বিশেষভাবে পবিলক্ষিত হইতেছে। বাংলা-বিহার কয়লাখনিগুলিতে ভারতের ৮০ শতাংশ কয়লা উৎপাদিত হয়। এই এলাকার কয়লার মূল্য টনপ্রতি (প্রায় সাড়ে সাতাশ মণ) ৩ টাকা করিয়া ভারত সরকার বৃদ্ধি করিয়া দিয়াছেন, কারণ কয়লাখনির মালিকেরা তাঁহাদের ক্ষতি হইতেছে বলিয়া সরকারের নিকট আবেদন করিয়াছিলেন। এই মূল্যবৃদ্ধির কলে খুচরা বিক্রেতারা মণপ্রতি চারি আনা করিয়া মূল্যবৃদ্ধি করিয়া দিয়াছেন, কি হিসাবে তাহা অবশ্য তাঁহারা বলেন নাই। মূল্যবৃদ্ধির সঙ্গে সঙ্গে কয়লা সরবরাহে অভাব পড়িতেছে, অর্থাৎ প্রয়োজনের তুলনায় কয়লা পাওয়া যাইতেছে না।

ভারতবর্ষে বর্তমানে ৯৬০টি কয়লার খনি আছে এবং ৪৭৫টি বর্ধ কোম্পানী ইহাদের মালিক। কয়লা-শিল্পের মোট মূলধন ২২.৪২ কোটি টাকা এবং দৈনিক ৩,৪০,০০০ শ্রমিক কার্য করে। ১৯৫৫ সনে ৩.৮২ কোটি টন কয়লা উৎপাদিত হইয়াছে। কলিকাতার অবস্থিত কোল কমিশনারের হিসাব অনুসারে দেখা যায় যে, ভারতবর্ষে চাহিদার তুলনায় কয়লা উৎপাদনে ঘাটতি আছে। কোল কমিশনারের হিসাব নিম্নে দেওয়া হইল :

(কোটি টন হিসাবে)

বৎসর	উৎপাদন	চাহিদা	বরাদ্দ	প্রেরণ (Despatches)
১৯৫০	৩.২৩	৩.৪৭	৩.৪৩	২.৭১
১৯৫১	৩.৪৪	৩.৭১	৩.৫০	২.৯২
১৯৫২	৩.৬৩	৩.৯০	৩.৪৭	৩.১১
১৯৫৩	৩.৫২	৩.৭৫	৩.৬৩	৩.০৭
১৯৫৪	৩.৬৮	৩.৯৪	৩.৯০	৩.১৯

সর্বভারতীয় শিল্প আদালত (কয়লার খনি বিবাদসংক্রান্ত) বিশ্বাস করেন যে, ভারতবর্ষে কয়লার আভ্যন্তরিক প্রয়োজনের তুলনায় উৎপাদনে ঘাটতি হয়। কিন্তু জিজ্ঞাস্য এই যে, আভ্যন্তরিক প্রয়োজনের পরিমাণ কি উপায়ে হিসাব করা হইল? এই পরিসংখ্যান তথ্যের ভিত্তি খানিকটা কাল্পনিক হইতে বাধ্য। আর দ্বিতীয় কথা এই যে, যদি আভ্যন্তরিক সরবরাহে ঘাটতি পড়ে তাহা হইলে ভারতবর্ষ হইতে কয়লা রপ্তানী করিতে দেওয়া হয় কেন? ১৯৫২ সনে ভারতবর্ষ ২৫ লক্ষ টন কয়লা রপ্তানী করিয়াছে, অর্থাৎ ঐ বৎসরের উৎপাদনের প্রায় সাত শতাংশ আভ্যন্তরিক প্রয়োজনের অতিরিক্ত হইয়াছিল, ঐ বৎসর কয়লার মোট উৎপাদনের পরিমাণ ছিল ৩.৬৩ কোটি টন। তাহা হইলে দেখা যাইতেছে বৎসরে গড়ে ভারতের আভ্যন্তরিক কয়লার প্রয়োজন প্রায় ৩.৪০ কোটি টন। ১৯৫৩, ১৯৫৪ এবং ১৯৫৫ সনে প্রতি বৎসর প্রায় ১৩ লক্ষ টন করিয়া কয়লা রপ্তানী করা হইয়াছে।

এই কয় বৎসর কয়লায় কোন অভাব হয় নাই ; হঠাৎ ১৯৫৬ সনের শেষের দিকে কয়লায় অভাব হইতেছে কেন ।

এই “কেন”র কাবণ দেখা যায় যে, পরিবহন ব্যবস্থার অযোগ্যতা এবং অসামর্থ্য । ভারতীয় রেলপথসমূহের আঞ্চলিক বিভাগ ব্যবস্থার পথ হইতেই কয়লা পরিবহন ব্যবস্থার রেলপথের উদাসীনতা ও অযোগ্যতা প্রতীয়মান হইয়া আসিতেছে । উপরের তালিকা হইতে ইহা সুস্পষ্ট যে, যে পরিমাণে কয়লা উৎপাদন হয় তাহার সমস্তটাই ব্যবহারের জন্য খনি হইতে চালান দেওয়া হয় না । যুদ্ধের সময় হইতেই মালগাড়ীর সরবরাহ নিয়ন্ত্রিত হইয়া আসিতেছে এবং ইদানীং সেই নিয়ন্ত্রণে প্রায় অসামর্থ্যতা সূত্র হইয়াছে বলিলেও অতুক্তি হয় না, যদিও নিয়ন্ত্রণের কাঠামো এখনও বজায় রাখা হইয়াছে । ১৯৫৫ সনের শেষে কয়লাখনি-গুলিতে (pit-head) প্রায় ৩৬ লক্ষ টন কয়লা জমায়েত ছিল । ১৯৫৬ সনের মে মাসে কয়লাখনির মুখগুলিতে ৩৮'৩৪ লক্ষ টন কয়লা উৎপাদিত ছিল ।

সুতরাং বর্তমান কয়লায় অভাবের কারণ কম উৎপাদন নহে, এই ব্যাপারে সরকারী কিরিত্তি সম্পূর্ণরূপে ভুল । কয়লায় অভাবের অন্য দায়ী রেল পরিবহন ব্যবস্থার অযোগ্যতা । পোল্যান্ড, ফ্রান্স ও জাপান ভারতবর্ষের চেয়েও ছোট দেশ ; কিন্তু তাহাদের কয়লা উৎপাদনের পরিমাণ ভারতবর্ষের চেয়ে অধিক । পোল্যান্ডের কয়লা উৎপাদনের পরিমাণ ৯ কোটি টন ; ফ্রান্সের ৫ কোটি টন এবং জাপানের ৪ কোটি টন ।

সংখ্যাতথ্য সংগ্রহ

বর্তমান অর্থনৈতিক ব্যবস্থায় নির্ভুল সংখ্যাতথ্য সংগ্রহের গুরুত্ব অনেক । কমনওয়েলথ দেশগুলির পরিসংখ্যানবিদগণ সাধারণ স্বার্থসংশ্লিষ্ট সমস্যাবলী সম্পর্কে আলোচনার জন্য এবং তথ্য ও অভিজ্ঞতা বিনিময়ের নিমিত্ত সম্প্রতি লণ্ডনে এক সম্মেলনে মিলিত হন । সম্মেলনের অধিবেশন চলে ১৭ই সেপ্টেম্বর হইতে ২৯শে সেপ্টেম্বর পর্য্যন্ত । সম্মেলনে কমনওয়েলথের সকল দেশের প্রতিনিধি এবং এই প্রথম, ব্রিটিশ উপনিবেশগুলিরও প্রতিনিধিবর্গ যোগদান করেন । ইহা ছাড়া আইরিশ প্রজাতন্ত্র, রাষ্ট্রসভ্যের পরিসংখ্যান-দপ্তর এবং কমনওয়েলথ অর্থনৈতিক কমিটি হইতে পর্য্যবেক্ষকগণও এই সম্মেলনে উপস্থিত ছিলেন । ব্রিটেনের কেন্দ্রীয় পরিসংখ্যান সংস্থার উদ্যোগে উক্ত সম্মেলন অনুষ্ঠিত হয় । এখানে উল্লেখ করা বাইতে পারে যে, ইহা কমনওয়েলথ পরিসংখ্যানবিদদের চতুর্থ সম্মেলন—প্রথম সম্মেলন অনুষ্ঠিত হয় ১৯২০ সনে লণ্ডনে, দ্বিতীয় সম্মেলন হয় ১৯৩৫ সনে অটোরাতে এবং তৃতীয় সম্মেলন অনুষ্ঠিত হয় ১৯৫১ সনে ক্যানবেরাতে ।

এই সম্মেলন উপলক্ষে ব্রিটেনের সংখ্যাতথ্য গ্রহণের পদ্ধতি সম্পর্কে একটি প্রবন্ধে “জন কিংসলী” লিখিতেছেন : “ব্রিটেনে

পরিসংখ্যান সংগ্রহের জন্য দুইটি প্রধান পোষ্ঠী কাজ করিয়া থাকে একটি সরকারী ও একটি বেসরকারী । গবর্নমেন্ট ও ব্যবসায়ী-পোষ্ঠীর মধ্যে একরূপ ঘনিষ্ঠ সহযোগিতা আছে যে, বেসরকারী প্রচেষ্টায় যে পরিসংখ্যান সংগৃহীত হয় তাহাও সরকারী পরিসংখ্যানের অন্তর্ভুক্ত করা হয় ।

“কিন্তু শ্রমশিল্প প্রতিষ্ঠানসমূহের সহযোগিতা না পাইলে পরিসংখ্যান সংগ্রহ ব্যবস্থার এতটা উন্নতিসাধন করা সম্ভব হইত না । ব্রিটিশ শ্রমশিল্প কেডারেশন ও অন্যান্য শ্রমশিল্প প্রতিষ্ঠান যে কাজ করেন তাহা বিশেষভাবে উল্লেখযোগ্য । লৌহ ও ইস্পাত কেডারেশনের মাসিক বুলেটিন ও অন্যান্য অনুরূপ বিশেষ ধরনের সাময়িক পত্রী সরকারী পত্রিকাদির পরিপূরক হিসাবে ব্যবহৃত হয় । জাহাজ ব্যবসায়ের ক্ষেত্রে ‘লয়েডস রেজিষ্টার’ ও ব্রিটিশ চেম্বার অব শিপিং-এর সংকলনসমূহ বিশ্বের সর্বদেশে ব্যবহৃত হয় ।”

অন্য প্রচলিত পরিসংখ্যানের অধিকাংশই সংগৃহীত হয় সরকারী প্রচেষ্টা ও উদ্যোগের দ্বারা । বিভিন্ন সরকারী দপ্তরখানা হইতে সংগৃহীত পরিসংখ্যান বিশ্লেষণ ও প্রকাশ করেন কেন্দ্রীয় পরিসংখ্যান দপ্তর । এই দপ্তর ‘মাসুলী ডাইজেস্ট অব ষ্ট্যাটিস্টিক্স’, ‘ইকনমিক ট্রেণ্ড’ এবং ‘এন্থ্র্যাল আবস্ট্রাক্ট অব ষ্ট্যাটিস্টিক্স’ এই তিনটি প্রধান পত্রিকা সংকলিত ও প্রকাশিত করে । ইহা বাতীত কেন্দ্রীয় পরিসংখ্যান দপ্তরের অগ্রতম প্রধান কাজ হইল জাতীয় অর্থনৈতিক অবস্থা ও জাতীয় আয়-ব্যয় সম্পর্কিত পরিসংখ্যানের সংক্ষিপ্তসার এবং শ্রমশিল্প উৎপাদনের মাসিক হিসাব-নিকাশ প্রকাশ করা ।

মিঃ কিংসলী লিখিতেছেন : “মার্চ মাসে বাজেটের প্রায়শ্চৈ জাতীয় আয়ের প্রাথমিক হিসাব এবং আগষ্ট মাসে বার্ষিক বিবরণীতে জাতীয় আয়ের বিশদ হিসাব প্রকাশিত হয় । এই হিসাবগুলি বর্তমানে বহু সমস্তা বৃদ্ধিতে বিশেষভাবে সহায়তা করে, কারণ লভ্য সম্পদ ও তাহার ব্যবহার সম্পর্কিত বিবরণাদি ইহার মধ্যেই পাওয়া যায় ।”

যদিও ব্রিটেনের পরিসংখ্যান গ্রহণের পদ্ধতি কোন দেশ অপেক্ষাই নিম্নতর মানের নহে তথাপি উহার ক্রমোন্নতির জন্য অবিরাম চেষ্টা চলিতেছে । সম্প্রতি কেন্দ্রীয় পরিসংখ্যান দপ্তর ‘শ্রাশনাল ইনকাম ষ্ট্যাটিস্টিক্স—সোসেস এণ্ড মেম্বডস’ নামক যে পুস্তিকাটি প্রকাশ করিয়াছে তাহা হইতে ব্রিটেনের পরিসংখ্যান সংগ্রহ বিষয় সম্পর্কে বিশেষ জ্ঞানলাভ হইবে ।

মিঃ কিংসলী লিখিতেছেন : “সম্প্রতি ঘোষিত পরিকল্পনা অনুযায়ী জাতীয় আয়ের ত্রৈমাসিক হিসাব প্রকাশিত হইবে এবং লগী ও মজুত সম্পর্কে এবং পাইহ্যা বাজেট সম্পর্কে আরও পরিসংখ্যান সংগ্রহ করা হইবে । ব্রিটিশ গবর্নমেন্ট জানেন যে নীতি-নির্ধারণের ব্যাপারে পরিসংখ্যানকে কাজে লাগাইতে হইলে উহাকে কেবল ব্যাপক ও নির্ভরযোগ্য করিলেই চলিবে না, সহজলভ্যও করিতে হইবে ।”

ৰাজ্য পুনৰ্গঠনৰ ফল

“আনন্দবাজার পত্ৰিকা” নূতন ব্যবস্থার রাজ্যগুলির আয়তন ও লোকসংখ্যা সম্বন্ধে একটি বিবৃতি দিয়াছেন। আমরা নীচে তাহা দিলাম :

ৰাজ্য পুনৰ্গঠন আইন এবং বিহার ও পশ্চিমবঙ্গ ভূমি হস্তান্তর আইন অনুসারে আগামী ১লা নবেম্বর হইতে ভারতীয় রাজ্যসমূহের সীমানা পুনৰ্নিৰ্দ্ধাৰিত হইবে। এই নূতন ব্যবস্থা অনুসারে অন্ধ্ৰ-প্ৰদেশ, আসাম, বিহার, বোম্বাই, জম্মু ও কাশ্মীর, কেৰালা, মধ্য-প্ৰদেশ, মাদ্ৰাজ, মহীশূৰ, উড়িষ্যা, পঞ্জাব, রাজস্থান, উত্তৰপ্ৰদেশ এবং পশ্চিমবঙ্গ—এই ১৪টি ৰাজ্য লইয়া ভারত রাষ্ট্ৰ গঠিত হইবে। ইহা ব্যতীত ছয়টি কেন্দ্ৰশাসিত অঞ্চলও থাকিবে। সেগুলি হইল— আন্দামান ও নিকোবৰ দ্বীপপুঞ্জ, দিল্লী, হিমাচল প্ৰদেশ, লাক্ষাদ্বীপ ও আমীল দ্বীপপুঞ্জ, মণিপুৰ এবং ত্ৰিপুৰা।

‘ক’, ‘খ’, ও ‘গ’ শ্ৰেণীৰ ৰাজ্যগুলিৰ পাৰ্থক্য লোপ পাইবে এবং ৰাজপ্ৰমুখৰ পদ তুলিয়া দেওৱা হইবে।

নিম্নে ৰাজ্যসমূহৰ সীমানা ও জনসংখ্যা দেওৱা হইল :

ৰাজ্য	সীমানা (বৰ্গমাইল হিসাবে)	জনসংখ্যা (কোটি হিসাবে)
পশ্চিমবঙ্গ	... ৩৩,২৭২ (আনুমানিক)	২ কোটি ৬১ লক্ষ ৬০ হাজাৰ
অন্ধ্ৰপ্ৰদেশ	... ১,১০,২৫০	৩ কোটি ২২ লক্ষ
আসাম	... ৮৪,২২৪	৩ কোটি ২০ লক্ষ
বিহার	... ৬৮,৮৩০ (আনুমানিক)	৩ কোটি ৮২ লক্ষ ৩০ হাজাৰ
বোম্বাই	... ১,৮৮,২৪০	৪ কোটি ৭৮ লক্ষ
জম্মু ও কাশ্মীর	... ২২,৭৮০	৪৪ লক্ষ
কেৰালা	... ১৪,২৮০	১ কোটি ৩৬ লক্ষ
মধ্যপ্ৰদেশ	... ১,৭১,২০০	২ কোটি ৬১ লক্ষ
মাদ্ৰাজ	... ৫০,১৭০	৩ কোটি
মহীশূৰ	... ৭২,৭৩০	১ কোটি ২০ লক্ষ
উড়িষ্যা	... ৬০,১৪০	১ কোটি ৪৬ লক্ষ
পঞ্জাব	... ৪৬,৬১৬	১ কোটি ৬০ লক্ষ
ৰাজস্থান	... ১,৩২,৩০০	১ কোটি ৬০ লক্ষ
উত্তৰপ্ৰদেশ	... ১,১৩,৪১০	৬ কোটি ৩২ লক্ষ

ট্ৰামকাৰ্মীৰ হঠকাৰিতা

কয়দিন পূৰ্বে বিনা নোটিশে, অতিশয় অজ্ঞান ও অৰ্বোক্তিক ভাবে ট্ৰামেৰ বে ধৰ্মঘট হয়, সে সম্বন্ধে “আনন্দবাজার পত্ৰিকা”ৰ মন্তব্য আমৱা আংশিকভাবে নীচে উদ্ধৃত কৰিলাম।

প্ৰমিক-নেতা এম-পি, মহোদয়ৰ মনস্তত্ত্ব বোঝাৰ সম্বন্ধে “আনন্দবাজার পত্ৰিকা” তামিক কৰিৱাছেন। কিন্তু এম-পি মহোদয় ত লাক্ষাৰণ প্ৰমিক-নেতা মাজেই বে কথা বলেন ও বেভাবে বলীৱ

ধাৰ্ৰ ও নিজ ধাৰ্মসিদ্ধিৰ জন্ত দেশেৰ লোকেৰ কতি কৰিঙে বিন্দুৰাঙ ইত্যন্তত কয়েন না, তাহাৰ বাহিৰে কিছু বলেন নাই।

দেশেৰ লোক যদি জড়তৰত হয় ও দেশেৰ শাসনতন্ত্ৰ বৰি শিথিল হয় ত অত্ৰ আৰ কি হইবে ?

‘সমগ্ৰ শহৰেৰ পক্ষে উংপীড়নমূলক অকাৰণ ধৰ্মঘট হইতে নিবৃত্ত হইৱাৰ জন্ত ট্ৰামকাৰ্মীদিগকে সকল দিক হইতে অমুবোধ জানানো হইৱাছিল, তাহাৰ উত্তৰে কৰ্মীৱা জানাইৱাছেন বে, ধৰ্মঘট তাঁহাৱা চলাইৱাই ৰাইবেন। একেৰাৰে মনুমেণ্টেৰ তলাৰ সভা কৰিৱাই তাঁহাৱা এ অভিমত ৰাজ্ত কৰিৱাছেন ; সংশয়েৰ কোনও হেতু নাই। সুতৰাং অসহায়ভাবে দুৰ্ভোগ ভুগিতে প্ৰস্তুত হওৱা ছাড়া শহৰবাসী-দেৰ আৰ কোনও গতান্তৰ নাই।

“এ অৱস্থাৰ আমাদেৰ একটা প্ৰস্তাৱ আছে। কলিকাতা শহৰ হইতে ট্ৰাম চলাচল একেৰাৰে উঠাইৱা দেওৱাৰ ব্যবস্থা কৰা হউক। পালাজৰেৰ মত মধো মধোই ট্ৰাম ধৰ্মঘটেৰ ক্লেপভোগ কৰা অপেক্ষা ট্ৰাম চলাচল একেৰাৰে না থাকা অনেক ভাল। লোকে জানিবে ট্ৰাম নাই ; তাহাৱা তদনুযায়ী আপনাদেৰ কাজকৰ্মেৰ ব্যবস্থা কৰিৱা লইবে, আৰ ট্ৰাম না থাকিলে অজ্ঞাত উপযুক্ত ৰানৰাহনও তাহাৰ স্থান গ্ৰহণ কৰিবে। শহৰে ৰানৰাহনেৰ ব্যবস্থা ৰাধা হয় লোকেৰ সুবিধাৰ জন্ত, লোকেৰে বিপাকে কেলিৱাৰ জন্ত নহে। ট্ৰাম-কৰ্মীৱা ৰেৰূপ নিত্য নিত্য ধৰ্মঘটে অভ্যস্ত হইৱা উঠিৱাছেন, তাহাতে শহৰে ট্ৰাম চলাচল-ব্যবস্থা প্ৰকৃতপক্ষে লোকেৰ বিপাকেৰ কাৰণ হইৱা উঠিৱাছে। ট্ৰাম চলিবে এই সম্ভাৱনাৰ উপৰ নিৰ্ভৰ কৰিৱা লোকে জীৱনৰাত্ৰাৰ পক্ষে প্ৰয়োজনীয় কাজকৰ্মে অগ্ৰেৰ হয়। অকস্মাৎ একেৰাৰে অৰ্থে জলে পড়িৱা ৰাৱ।

“পনয় লক্ষাধিক লোকেৰ ৰাত্ৰাত-ব্যবস্থা এইভাবে খেৱাল-মাত্ৰিক বিপৰ্য্যস্ত কৰিৱা এবং লোকেৰে অসহ্য দুৰ্গতিৰ মধে কেলিৱা মনুমেণ্ট-তলাৰ সভাৰ নিতাঙ নিলজ্ঞভাবে এই ধৰ্মঘটেৰ সমৰ্থনে জনসাধাৰণেৰ সহানুভূতি প্ৰাৰ্থনা কৰা হইৱাছে। আৰও নিলজ্ঞেৰ মত ৰলা হইৱাছে বে, “দেশেৰ সম্মান”ৰকাৰ জন্ত এই ধৰ্মঘট কৰা হইৱাছে। “দেশেৰ সম্মান” ৰস্তটা নিতাঙই সম্ভা হইৱা পড়িল দেখিতেছি। ট্ৰাম কৰ্মচাৰীৱা বে কয় দলে বিভক্ত তাঁহাদেৰ মধে “কৰ্মী সম্ভে”ৰ প্ৰতিনিধি উক্ত সভাৰ বলেন বে, এই সময়ে ধৰ্মঘট কৰা উচিত নহে। তাঁহাকে শ্লেষ ও উপহাস কৰিৱাই ৰসাইৱা দেওৱা হয়। ইহাৰ উপৰ একজন অতি বুদ্ধিমান এম-পি নেতা ধৰ্মঘটী-দিগকে ভৱসা দিৱাছেন বে, কলিকাতাৰ লোকেৰা তাহাদেৰ পশ্চাতে আছে, কাৰণ ব্ৰিটিশ কোম্পানীই ত এই ধৰ্মঘট ঘটাইৱাছে। এম-পি নেতা মহোদয়েৰ মনস্তত্ত্ব বুঝিৱাৰ কৰ্মতাৰ তাৰিক কৰিতেছি, কিন্তু তিনি হয়ত জানেন না, ৰেলগাছিৱাৰ বে কৰ্মচাৰীকে কেন্দ্ৰ কৰিৱা ধৰ্মঘটেৰ উত্তৰ তিনি ৰিলাতী নহেন, খাস দেশী।

‘ট্ৰামকাৰ্মীৱা ৰখন আপনাদেৰ খেৱালমাত্ৰিক এই ৰক্ৰেছ আচৰণ কৰিৱা চলিৱাছেন তখন শহৰেৰ পনয় লক্ষাধিক লোক এবং

বাহিরের আরও কয়েক লক্ষ লোক তাঁহাদের সেই প্রয়োজনের বিধে ভোগ করিতেছে। নিত্যকার জীবনের স্বাভাবিকতার প্রয়োজন ও রহিয়াছেই, তাহার উপর একদিকে বস্তা, অপরদিকে বাংলার ও বাঙালীর প্রধান জাতীয় উৎসব—পূজা। উভয় কারণেই স্বাভাবিকতার প্রয়োজনীয়তা বাড়িয়াছে। এক বস্তার দরুনই প্রায় গোটা শহরের লোককেই উদ্ভাস্ত হইয়া কত ছুটাছুটি করিতে হইতেছে। কোন না কোন প্রকারে প্রায় প্রত্যেকই এই দারুণ দুর্বিপাকের সহিত জড়িত। সংবাদ চাই, সাহায্য চাই, আরও কত প্রয়োজন। এই অবস্থার ট্রাম ধর্মঘটের দ্বারা স্বাভাবিক চলাচল ব্যাহত করা হইয়াছে। এ যেন জনসাধারণের উপর দণ্ড উচ্চত করিয়া বলা হইতেছে, ‘আমাদের দাবি আদায় করিয়া দাও না হইলে এই দুর্ভোগ ভোগ কর।’

“কিন্তু অসহায় ভাবে আত্মসমর্পণ করিয়া এই দুর্ভোগ ভুগিতে আমরা আর সক্ষম নহি। এ সবক্কে আমাদের অভিমত ইতঃপূর্বেই আমরা একাধিকবার বলিয়াছি। সমাজের সকল কাজ সকলে না লইতে পারে, কিন্তু কতকগুলি কাজ এমন আছে যেগুলি লইলে খুশিমত ধর্মঘটের অধিকার থাকিবে না বা আদৌ ধর্মঘটের অধিকার থাকিবে না। লোকের স্বাভাবিক ব্যবস্থা সেইরূপ একটি কাজ। সমাজের পক্ষে নিত্য ও নিত্যান্ত প্রয়োজনীয় এই ব্যবস্থার মধ্যে যাহারা অনুগ্রহ করিয়া কাজ লইবেন, তাঁহাদের পূর্বে হইতে জানিয়াই লইতে হইবে যে, খুলী হইলেই তাঁহারা ধর্মঘট করিতে পারিবেন না। বর্তমান ধর্মঘটের ক্ষেত্রে ধর্মঘটের সাধারণ নিয়ম পর্বস্ত পালিত হয় নাই। এ ধর্মঘট কেবল লোকবিরুদ্ধ নহে, আইনবিরুদ্ধও বটে।”

বারো মাসে ছাব্বিশ হরতাল

পশ্চিম বাংলার একটি গুণ আছে। যদি কেহ কার্য বন্ধ করার প্রস্তাব দেয়, কারণ বাহাই হউক, তবে হাজার হাজার বেচ্ছাচারী “সেবক” মহানন্দে পরের কার্য পণ্ডে নামিয়া পড়ে। কিছুদিন পূর্বে এ বিষয়ে আমরা লিখিয়াছিলাম।

বিগত হরতাল সবক্কে কয়েকজন বিশিষ্ট ব্যক্তি যে বিবৃতি দিয়াছেন তাহা নিম্নে দেওয়া গেল। “নিজের নাক কাটিয়া যাত্রাভঙ্গ” ব্যাপারে যাহারা উদ্যোগী তাঁহাদের বিষয় আর কি লিখিব? দেশ ও দেশবাসীর অস্তোষ্টিক্রিয়া শেষ না হওয়া পর্যন্ত বাঙালীর অংকস হইবে না।

শ্রীশুশীলকুমার ঘোষ, শ্রী এইচ. সি. কব সহ ২৯ জন সলিসিটর ও এডভোকেট শ্রীমিহির ধর গুপ্ত, শ্রীমহেন্দ্রনাথ তেওয়ারী সহ ৩৯ জন শিক্ষক শিক্ষিকা এবং শ্রীসতীশচন্দ্র শা, শ্রীমনোহর গাজুলী সহ ৯ জন ব্যবসায়ী নিম্নোক্ত বিবৃতি দিয়াছেন :

“কতকগুলি প্রতিষ্ঠান নিত্যব্যবহার্য জরুর্যসমূহের মূল্যবৃদ্ধির প্রতিবাদে ২৫শে সেপ্টেম্বর কলিকাতায় সাধারণ ধর্মঘট ঘোষণা করিয়াছেন। প্রত্যেক দায়িত্ববোধসম্পন্ন নাগরিকই মনে করেন যে মূল্যবৃদ্ধি নিরোধ করা উচিত এবং তৎক্ষণ উপযুক্ত ব্যবস্থা গ্রহণ করা সঙ্গত।

এই ধর্মঘটের উদ্যোগীরা যে সকল ব্যবস্থা গ্রহণ করিতেছেন, তাহাতে বিপরীত বল হইবে। এই ধর্মঘট সকল হইলে কাজকর্ম বন্ধ হইবে এবং উহার ফলে উৎপাদন হ্রাস পাইবে। এই উৎপাদন হ্রাসের ফলে আরও ঘাটতি হইবে এবং মূল্য বৃদ্ধি পাইবে। ইহাতে ধর্মঘটের উদ্দেশ্যই ব্যাহত হইবে।

কর্মীদের মজুরির ক্ষতি হইবে ও উহার ফলে তাহাদের কষ্ট আরও বৃদ্ধি পাইবে। এই ধর্মঘটের ফলে জনসাধারণের অসুবিধা ত হইবেই, তাহা ছাড়া ক্ষেত্র ও শ্রমিকদের দুর্দশা বৃদ্ধি পাইবে। ঘন ঘন ধর্মঘটের ফলে জনগণের মনে নিরাপত্তার ভাব নষ্ট হইবে ও অস্থিরতা দেখা দিবে, উহা আধিক ক্ষেত্রে কার্যসম্প্রসারণের বিরোধী। এই শ্রেণীর ধর্মঘটের ফলে যদি পশ্চিমবঙ্গে আর্থিক উন্নয়ন বাধাপ্রাপ্ত হয়, তাহা হইলে এই রাজ্যের সম্পদ বৃদ্ধি হইবে না ও উহার ফলে জনগণের দুর্দশা ঘনীভূত হইবে। সুতরাং পশ্চিমবঙ্গের কস্যাপ ও জনগণের ভবিষ্যতের দিক হইতে এই প্রকার ঘন ঘন বাধ্যতামূলক কর্মবিবর্তি সম্পর্কে পশ্চিমবঙ্গের জনসাধারণকে ভাবিয়া দেখিতে হইবে।”

অস্বাভাবের একটি কারণ

পশ্চিম বাংলা হইতে পাকিস্থানে চোরাই চালান এক বৃহৎ ব্যাপার। খাত্তশস্ত্র তাই হইতেছেই, উপরন্তু কাপড় ওষধ চোরাই গহণাপত্র খাত্ত ও খাত্তব জরুর্যাদি ত প্রতিদিন যায়। যাহারা এই চালান ব্যাপারে ‘পালের গোদা’ তাঁহাদের অধিকাংশই গারে মোটা কংগ্রেসী ছাপও আছে। পুলিশ ত এই ব্যাপারে বিলক্ষণ দু’পরসা পায়। সুতরাং “বিশিষ্ট কংগ্রেস এম-এল-এ”, অরণ্যে বোদন করিয়া কি করিবেন? নিম্নের সংবাদ একটি নমুনা মাত্র :

“নদীয়া জেলার ভারত-পাক সীমান্তে বিস্তৃত অঞ্চল জুড়িয়া কিছুকাল বাবৎ প্রয়োজনীয় জরুর্যাদির যে চোরাই চালান চলিতেছে, তাহা এখনও অনেক স্থানে পুরাপুরি অব্যাহত আছে বলিয়া বিশ্বস্ত-সূত্রে জানা গিয়াছে। সংবাদে প্রকাশ, এখনও যাত্রির অক্ষকারে গা-ঢাকা দিয়া গরুর গাড়ীতে বোঝাই করিয়া বহু পরিমাণ চাউল প্রত্যাহ পাকিস্থানে পাচার হইতেছে।

আরও প্রকাশ, এক শ্রেণীর পুলিশের সহিত বোগসাজশ করিয়া একদল অসাধু ব্যবসায়ী এমন পটুতার সহিত এই জাতীয় স্বার্থ-বিরোধী বেআইনী চোরাই কারবার চালাইতেছে যে, উহা বন্ধ করিতে বিধানসভার স্থানীয় সদস্যগণের প্রচেষ্টা ব্যর্থ হইতেছে।

প্রকাশ, নদীয়া সীমান্তের একজন বিশিষ্ট কংগ্রেস এম-এল-এ সম্প্রতি চাউলের ঐরূপ চোরাই চালানোর প্রতি রাজ্য সরকারের দৃষ্টি আকর্ষণ করিয়া এই সম্পর্কে যথাবিহিত ব্যবস্থা অবলম্বনের জন্ত অসুরোধ জানান। কিন্তু তৎসঙ্গেও এই চোরাকারবার এখন পর্যন্ত সম্পূর্ণরূপে বন্ধ হয় নাই বলিয়া সংবাদ পাওয়া গিয়াছে।”

বন্ধ্যাপীড়িত পশ্চিমবঙ্গ

সেপ্টেম্বর মাসের শেষাংশেই সমগ্র পশ্চিমবঙ্গে দুই-তিন দিনব্যাপী প্রবল বারিপাতে পশ্চিমবঙ্গের বিভিন্ন অংশ বজ্রাগ্রাণিত

হইয়াছে। এই বঙ্গের প্রকোপ অদ্ভুতপূর্ব। বঙ্গের কলে প্রায় লক্ষ লক্ষেরও অধিক লোক ক্ষতিগ্রস্ত হইয়াছে। সর্বাপেক্ষা বেশী ক্ষতি হইয়াছে নদীয়া, বর্ধমান ও মুর্শিদাবাদ জেলায়। বিস্তৃত অঞ্চলে ব্যাপক এবং দীর্ঘস্থায়ী প্রাচ্যে, জীবন ও সম্পত্তির যে ক্ষতি হইয়াছে তাহা বিশেষ ভয়াবহ। লক্ষ লক্ষ লোক গৃহহীন হইয়াছে। কলে, জল কমিবার পরও তাহাদের দুর্দশার কোন উপশম হয় নাই। সর্বত্রই অন্নভাব, জলাভাব এবং বাসস্থানের অভাব বিশেষ প্রকট হইয়া উঠিয়াছে। ইহার পরই স্বাভাবিক নিয়মে বিভিন্ন রোগের প্রাদুর্ভাব দেখা দিবে। কেন্দ্রীয় খাদ্যমন্ত্রী শ্রী অজিতপ্রসাদ জৈন স্বচক্ষে এই ভয়াবহ ধ্বংসকাণ্ড প্রত্যক্ষ করিয়াছেন।

এই প্রচণ্ড প্রাচ্যে পশ্চিমবঙ্গের দুর্দশার এক চিত্র আঁকিয়া আড়াই কলমব্যাপী এক সম্পাদকীয় প্রবন্ধে ২১শে অক্টোবর কলিকাতার "বুগাভা" পত্রিকা লিখিতেছেন যে, বঙ্গের প্রত্যক্ষ ক্ষতি ছাড়াও পরোক্ষ ক্ষতির পরিমাণও কোন অংশে কম নহে। "...জল নামিয়া বাওয়ার পরে দুর্দশা ও দুর্গতি অধিকতর ভয়াবহ ও বিপৎ-সঙ্কুল। ময়লা জল প্রবেশের কলে পানীর জলের কুণ ও পুকুর-গুলি দূষিত হইয়া গিয়াছে; ক্ষেতে, পথে-মাঠে-ঘাটে মৃত পশুদেহ-গুলি পচিয়া দুর্গন্ধ ও বিভিন্ন মারাত্মক রোগের বীজাণু ছড়াইতেছে। মশা ও মাছির উপজব বৃদ্ধির সঙ্গে সঙ্গে নানারূপ সংক্রামক ব্যাধির প্রকোপের আশঙ্কা দেখা দিয়াছে, খাদ্যের অভাবে রোগ-বীজাণুর সঙ্গে সুবিচার শক্তি ক্রমশঃ হ্রাস পাইতেছে, যানবাহন ব্যবস্থা বিপর্যস্ত। আর ব্যাপক দুর্দশার ও ক্রেশের সুযোগ লইয়া মওকা লুটিবার জন্ত ব্যবসায়ীরা পূর্ব হইতে মজুত মালের দর চড়াইয়া দিয়াছে। একরূপ কার্যকলাপ এদেশে নিত্যনৈমিত্তিক হইলেও ইহা দ্বারা জাতীয় চরিত্রের কি শোচনীয় অধঃপতনই না সূচিত হইতেছে। এই বিপর্যায় হইতে সঞ্জাত জটিল উপসর্গগুলি জাতীয় জীবনের সকল ক্ষেত্রেই ছড়াইয়া পড়িবে। মাত্র এক মাস পূর্বে প্রচণ্ড বৃষ্টি ও বঙ্গের জন্ত মেদিনীপুর জেলার বিস্তীর্ণ অঞ্চলে ভয়াবহ ক্ষতি হইয়াছিল। এখন পশ্চিম বাংলার দক্ষিণ অংশে অগ্রান্ত জেলাগুলিও বিপন্ন হওয়ার স্বাভাবিক ফলনের তুলনায় আগামী অগ্রহায়ণ-পৌষ মাসে অনেক কম আমন ফসল উঠিবে। গত বৎসরও এই রাজ্যে কম ফসল হইয়াছিল। সেজন্ত গৃহস্থের ঘরে আদৌ কিছু উৎস থাকিবে কিনা সন্দেহ। স্নাতক আগামী বৎসর খাদ্যের ঘাটতি অবশ্যস্তাবী, সে সুযোগে দর চড়াইবার জন্তও চেষ্টার কল্পনাই হইবে না। এ সম্পর্কে এখন-হইতেই সরকারী ভরসের সতর্কতা আবশ্যিক। নতুবা আগামী বৎসর খাদ্যসংকট ব্যাবহার বিপর্যায় অবশ্যস্তাবী।"

খাদ্যশস্ত্র উৎপাদন বৃদ্ধির ব্যবস্থা করা এবং দুর্নীতি দমন সরকারের সম্মুখে এই দুইটি প্রধান আণ্ড কর্তব্য রহিয়াছে। তবে কেবলমাত্র সরকারী প্রচেষ্টায় যে এই বিরাট সমস্যার সমাধান সম্ভব নহে, "বুগাভা" তাহাও স্বরণ করাইয়া দিয়াছেন। জাতিয় এই পতীর দুর্দিনে সকলকেই অগ্রসর হইতে হইবে পারম্পরিক সাহায্যের জন্ত।

দামোদর উপত্যকা কর্পোরেশনের চেয়ারম্যান শ্রীকুলপ্রসাদ বন্দ্যোপাধ্যায় একটি বিবৃতিতে বলিয়াছিলেন যে, দামোদর পরিকল্পনার অন্তর্গত বাধগুলি না থাকিলে পশ্চিমবঙ্গে বঙ্গের ক্ষতির পরিমাণ আরও অধিকতর ভয়াবহ হইত। অপরপক্ষে জনসাধারণের এক অংশ এই অদ্ভুতপূর্ব বঙ্গা দেখিয়া নদী-পরিকল্পনাগুলির বৌদ্ধিকতা সম্পর্কে প্রশ্ন তুলিয়াছেন। "বুগাভা" লিখিয়াছেন, "আমরা দুঃখের সহিত লক্ষ্য করিতেছি যে, ইহার মধ্যে কোন পক্ষেই সাম্প্রতিক বঙ্গার কারণ ও প্রকৃতি নির্ণয়ের জন্ত চেষ্টা করেন নাই। প্রথমে জীবনধারণের অভিমতই আলোচনা করা বাউক। ডি. ভি. সি'র বাধগুলি নির্মিত হইতেছে পশ্চিম বাংলা সীমান্ত পার হইয়া বিহারের এলাকায়। ময়ূরাক্ষীর কানাডা বাধও তথৈবচ—বিহারে সাঁওতাল পরগণা জেলার সীমান্তে। বিহার-রাজ্যের বাঁচি, হাজারিবাগ, সাঁওতাল পরগণা কিংবা পালার্মো জেলার পাহাড় অঞ্চলে বৃষ্টি হইলে মাত্র সে জলটাই ঐ সকল বাধের মধ্যে আটক করা সম্ভব। কিন্তু আবহাওয়ার রিপোর্টে দেখা যায়, সাম্প্রতিক বঙ্গার পূর্বে ঐ সকল অঞ্চলে বৃষ্টির আদৌ প্রাদুর্ভাব ছিল না। অতিবৃষ্টি হইয়াছিল পশ্চিম বাংলার জেলাগুলিতে, বাঁকড়া-বীরভূম হইতে আরম্ভ করিয়া মুর্শিদাবাদ, নদীয়া ও কলিকাতার দক্ষিণাংশ পর্যন্ত। সে জল বিহারের এলাকায় বিভিন্ন বাধে আটক করার কোন সম্ভাবনা ছিল না, আর সেরূপ দাবিও হস্তকর। মাত্র আসানসোল মহকুমার ও দুর্গাপুরের পশ্চিমদিকে ২৫শে সেপ্টেম্বর প্রায় সাড়ে সাত ইঞ্চি পরিমাণ অতিবৃষ্টির কতকটা জল দুর্গাপুরে নীচু বাধের মধ্য দিয়া প্রবাহিত হইয়াছিল—কিন্তু ডি. ভি. সি'র পক্ষে তাহাও সম্পূর্ণ আটক করা সম্ভব হয় নাই। ডি. ভি. সি'র উচু বাধগুলিতে অতিবর্ষণের জল মজুত না হইলেও যে সকল প্রচারবিষয় এই বিপর্যয়ের মধ্যে ডি. ভি. সি পরিকল্পনার সার্থকতা আবিষ্কার করিয়াছেন, তাহাদের উৎকট বঙ্গনাশক্তিকে তাদিক না করিয়া উপায় নাই! আর এই ব্যাপারে সবার উপরে টেকা দিয়াছেন উক্ত প্রতিষ্ঠানের চেয়ারম্যান। তাহার নিকট জিজ্ঞাসা করিতে ইচ্ছা হয় যে, বঙ্গের জল আটক করার জন্তই বহু কোটি টাকা ব্যয়ে ঐ বাধগুলি তৈয়ারি করা হইয়াছে কিনা? আর সে উদ্দেশ্য সিদ্ধ না হইলেই কি তাহাদের কৃতিত্ব প্রমাণিত হইত? তাহা হইলে এই উপলক্ষে একটা ভূগা কৃতিত্বের দাবি তুলিয়া আশ্চর্য্য প্রকাশের কারণ কি? অত্রদিকে, বাঁহারা এই বিপর্যয়ের মূলে ডি. ভি. সি'র বাধগুলির ব্যর্থতা অস্বীকার করিতেছেন—তাঁহারাও সুবিচার করেন নাই। কেননা পূর্বেই বলিয়াছি যে, পশ্চিম বাংলার অতিবর্ষণের জলটা ঐ সকল বাধের মধ্যে আটক করা হুঃসাধ্য। অতএব বাধ দিয়া এই বঙ্গা রোধ করা সম্ভব ছিল না। বঙ্গা রোধ করাও বাধের উদ্দেশ্য নয়। বাধ দিয়া মাত্র বঙ্গায় প্রচণ্ডতা হ্রাস করা যায়, কিন্তু উহা বন্ধ করা যায় না।"

সেই জন্ত নদীগুলির সংস্কারসাধন করিয়া জননিকার্যের সুসম্পাদন করিতে হইবে। উপসংহারে "বুগাভা" লিখিতেছেন :

“যদি কৈশোরী ও কৃষিক্ষেত্রে সেচের ব্যবস্থা-উন্নয়নের জগৎ শত শত কোটি টাকা ব্যয় হইতেছে—কিন্তু অতিরিক্ত জল হইলে নদীর স্বাভাবিক পতিপথে সেটা নামাইয়া দেওয়ার উপযোগী ব্যবস্থাদির জন্ত সে তুলনার এক শতাংশ অর্থও ব্যয় হয় নাই, এমনকি এসম্পর্কে কোন পরিকল্পনাও নাই। কলে, শুধু পশ্চিম বাংলা কেন—বিহার, উত্তরপ্রদেশ, আসাম, উড়িষ্যা, পঞ্জাব, বোম্বাই, অন্ধ্র, সৌরাষ্ট্র প্রভৃতি অনেক অঞ্চলেই নদীগুলির গর্ভ ক্রমশঃ উঁচু হইয়া উঠিতেছে। আর প্রতি বৎসরেই কোন না কোন স্থানে ভয়াবহ বন্যা হইতেছে। গত বৎসর সেপ্টেম্বর মাসে উড়িষ্যার প্রচণ্ড বন্যার ক্ষয়-ক্ষতি পরিদর্শনকালে পণ্ডিত নেহরু এই বিবরণটির গুরুত্ব উল্লেখ করিয়াছিলেন। কিন্তু তার পর কোন উচ্চবাচ্য শোনা যায় নাই। সম্ভবতঃ তিনি নিজেও কথাটা ভুলিয়া গিয়াছেন। পশ্চিম বাংলার সাম্প্রতিক বিপর্যয়ের দ্বারা জননিকাশের জরুরী প্রয়োজনই প্রকৃতি আর এক বার স্বরণ করাইয়া দিল। এই সতর্কবাণী উপেক্ষা করিলে ভবিষ্যতে আরও গুরুতর বিপর্যয় অবশ্যজ্ঞাবী। কর্তৃপক্ষ এখনও সতর্ক হউন।”

উত্তরবঙ্গে শিক্ষার উন্নতিসাধন

উত্তরবঙ্গে শিক্ষার উন্নতিসাধনের জন্ত পশ্চিমবঙ্গ সরকার তথায় একটি বিশ্ববিদ্যালয়, ইঞ্জিনিয়ারিং কলেজ, মেডিকেল কলেজ প্রভৃতি স্থাপনের যে পরিকল্পনা করিয়াছেন তাহাকে অভিনন্দিত করিয়া ১৫ই আশ্বিন “জনমত” পত্রিকার সম্পাদকীয় প্রবন্ধে বলা হইয়াছে : “উত্তরবঙ্গে শিক্ষিতের সংখ্যা মাত্র শতকরা ২।০ বা ৩ জন। সুতরাং পশ্চিম বাংলার এই অমুন্নত অংশের জন্ত শিক্ষা-ব্যবস্থার যে ব্যাপক প্রচলন প্রয়োজন তাহাতে কোন সন্দেহ নাই। উচ্চ শিক্ষা লইতে হইলে উত্তরবঙ্গবাসীকে কলিকাতায় ছুটিতে হয়। ব্যয়সাপেক্ষ এই শিক্ষার জন্ত তাই উত্তরবঙ্গের সাধারণের আশ্রয় কম। কাজেই উচ্চশিক্ষার সকল সুযোগ যদি উত্তরবঙ্গে করিয়া দেওয়া যায় তবে জনসাধারণের আশ্রয় তাহাতে বাড়িবে এবং ক্রম হারে উচ্চশিক্ষা সাধারণ লোক গ্রহণ করিবে।”

উত্তরবঙ্গের কোন স্থানে প্রস্তাবিত আবাসিক বিশ্ববিদ্যালয়টি স্থাপিত হইলে উক্ত অঞ্চলের জনসাধারণের সর্বোপেক্ষা অধিক সুবিধা হইতে পারে সেই সম্পর্কে আলোচনা করিয়া “জনমত” লিখিতেছেন যে, সকল দিক দিয়া বিবেচনা করিয়া জলপাইগুড়িতেই বিশ্ববিদ্যালয়টি প্রতিষ্ঠিত হওয়া সমীচীন। উত্তরবঙ্গে বিশ্ববিদ্যালয় প্রতিষ্ঠার অপূর্ণ উপযুক্ত স্থান দার্জিলিং—কিন্তু ব্যয়বহুল, দুর্গম এবং সকলের স্বাস্থ্যক্ষয় না হওয়ার ঐ স্থানটি নির্বাচন যুক্তিযুক্ত হইবে না। জলপাইগুড়িতে বিশ্ববিদ্যালয় প্রতিষ্ঠার সমর্থনে যুক্তি দিয়া “জনমত” লিখিতেছেন : “উত্তরবঙ্গের ভৌগোলিক পরিবেশ লক্ষ্য করিলে দেখা যায় জলপাইগুড়ির সহিত বিভিন্ন স্থানের সংযোগ সহজ ও সুবিধাজনক। শহরটি উত্তরবঙ্গের মোটামুটি কেন্দ্রে অবস্থিত। এখানে স্থানলাভ সহজ হইবে, বর্তমানে এখানে বাড়ী-লাভও সম্ভব হইবে। আর শিক্ষার যে পরিবেশ এখানে পড়িয়া

উঠিয়াছে তাহাতে বিশ্ববিদ্যালয় স্থাপনে তাহা বিশেষ সহায়তা করিবে বলিয়াই আমাদের মনে হয়। শিক্ষার অনগ্রসর স্থানেই উচ্চ শিক্ষার সুযোগ করিয়া দেওয়া প্রয়োজন। সর্বোপরি আর্থিক সাহায্য ও সহায়তা জলপাইগুড়ি হইতে বিপুলভাবে পাওয়া সম্ভব। চা-শিল্প সরকারকে যে কয় দিয়া থাকে তাহার একাংশ হইতেই সমগ্র উত্তরবঙ্গের শিক্ষার ব্যয়ভার বহন করা যায়। জলপাইগুড়ির চা-কয়গণ এ ব্যাপারে নিশ্চয়ই যথেষ্ট অর্থসাহায্য করিতে পারিবেন।

বাংলার ছাত্র-ছাত্রী

পশ্চিম-বাংলার আশা-ভরসার আধার আমাদের সম্মান-সম্মতি। তাহাদের মধ্যে কিছুকাল যাবৎ সে মানসিক বিকার দেখা দিয়াছে তাহার একটি তদন্ত বিশেষ প্রয়োজন। আংশিকভাবে সে কাজ শিক্ষা বিভাগের কয়েকজন কর্মী বাহা করিয়াছেন তাহার বিবরণ নীচে ‘আনন্দবাজার পত্রিকা’ হইতে উদ্ধৃত হইল।

তদন্তে বাহা প্রকাশ পাইয়াছে তাহা গভীর নৈরাশ্রজনক সন্দেহ নাই। কিন্তু ইহার কারণ নির্ণয় সমাক্তভাবে হওয়া প্রয়োজন, নচেৎ প্রতিকারের ব্যবস্থা করা সম্ভব হইবে না। শুধু মাত্র অসুযোগ অভিযোগ বা উপদেশে কোনও ফল হইবে না, কেননা যোগ বহু দূর ছড়াইয়া পড়িয়াছে। এখন প্রয়োজন অতি দৃঢ়ভাবে প্রতিকারের ব্যবস্থা নিরূপণ ও পরিচালন। নহিলে জাতির ধ্বংস আর বোধ করা যাইবে না।

বিশেষজ্ঞদের এই কাজে লাগাইয়া, বিজ্ঞ লোকের ও অভিজ্ঞ শিক্ষকদিগের সাহায্য, এবং প্রতিকারের উপায় স্বরূপে তাহাদের মস্তব্য ব্যাপকভাবে গ্রহণ করা প্রয়োজন :

আজকাল ছাত্র-ছাত্রীদের মধ্যে সাধারণভাবে শিক্ষার প্রতি অবহেলা ও উদাসীনতা, নিয়ম না মানা উচ্চ অলসতা এবং শিক্ষকদের সম্পর্কে শ্রদ্ধার অভাব, জীবনের গুরু এবং গভীর দিক অপেক্ষা চটুল ও হালকা বিষয়ের প্রতি ছাত্রসমাজের ঝুঁকিয়া পড়ার প্রবণতা প্রভৃতির ফলে যে সমস্তর উদ্ভব হইয়াছে তাহাতে অভিতাবক, শিক্ষক, সমাজ ও রাষ্ট্রনেতা—এক কথায় সমাজের সকল স্তরের জনসাধারণের মনে নিবর্তিত উদ্বেগ ও গভীর হতাশার সঞ্চার হইয়াছে।

ডেভিড হেরার ট্রেনিং কলেজের সংশ্লিষ্ট শিক্ষা ও মনস্তত্ত্ব প্ৰবেশনা সংস্থা সম্প্রতি পশ্চিমবঙ্গের কতকগুলি মাধ্যমিক বিদ্যালয়ের বর্ষ হইতে দশম শ্রেণী পর্যন্ত ছাত্র-ছাত্রীদের মধ্যে ‘আচরণ-সমস্যা’ সম্পর্কে যে নমুনা তদন্ত পরিচালনা করেন, উহার ফলাফলে ঐ সমস্তর মৌলিক দিকটা উদ্ঘাটিত হইয়া উঠিয়াছে।

ঐ তদন্তকালে দেখা যায় যে, তদন্তের আওতাভুক্ত মাধ্যমিক বিদ্যালয়গুলির শতকরা ১৪টি বিদ্যালয়ের ছাত্র-ছাত্রীই ‘শিক্ষার ক্ষেত্রে অনগ্রসর’ এবং তাহাদের মধ্যে পড়াপড়ার অনমনোযোগ ও উদাসীন স্পষ্টরূপে প্রতীয়মান হইয়াছে। ইহা ছাড়া

গড়ে শতকরা ৮০টি ছাত্র-ছাত্রীর মধ্যেই আলস্য এবং দায়িত্বজ্ঞানের অভাবের পরিচয় পত্রিকুট হইয়া উঠিয়াছে।

পশ্চিমবঙ্গের শহর ও গ্রামাঞ্চলে ২৩০টি মাধ্যমিক বিদ্যালয়ে ঐ তদন্ত পরিচালিত হয়। তন্মধ্যে ৩০টি বালিকা বিদ্যালয়। ৫০০ জন শিক্ষক এবং ১৪০ জন শিক্ষয়িত্রী তদন্তকার্যে অংশ গ্রহণ করেন।

তদন্তের পর শিক্ষক-শিক্ষয়িত্রীগণ যে অভিমত প্রকাশ করেন, তাহার উপর ভিত্তি করিয়াই উহার ফলাফল নির্ধারিত হইয়াছে। উহাতে লক্ষ্য করা যায় যে, উল্লিখিত সমস্তাগুলি ছাড়াও গালমন্দ করা, অশ্লীল কথা বলা অথবা লেখা, স্কুল পালানো, কুসঙ্গ, যৌন অপরাধ-প্রবণতা, অপরের উপর দোষারোপের প্রবৃত্তি, বিনা কারণে ক্লাসের সহপাঠীদের বিরুদ্ধে করা প্রভৃতি বৃত্তিগুলি মেয়েদের অপেক্ষা ছেলেদের মধ্যেই অধিকতর সক্রিয়। ছাত্রীদের মধ্যে ধূমপান এবং জুয়াখেলার প্রবৃত্তি দেখা যায় না। ইহা হইতে বুঝা যায় যে, মাধ্যমিক বিদ্যালয়ে ছাত্রদের তুলনায় ছাত্রীরাই সাধারণ নৈতিক এবং চারিত্রিক মান বজায় রাখিতে অধিকতর আগ্রহশীল।

কিন্তু ছাত্রীদের মধ্যে যে সকল প্রবণতার আধিক্য লক্ষিত হয় তন্মধ্যে ঔদ্ধত্য, অপরের উপর কর্তৃত্ব কলাইবার আকাঙ্ক্ষা, অহঙ্কার, বিবাদপ্রবণতা, অপরের কুংসা রটনা, অবাধতা প্রভৃতি উল্লেখযোগ্য। ইহা হইতে এইরূপ মনে হয় যে, কোন কোন শ্রেণীর ছাত্রীদের আচরণও সমস্তামূলক হইতে চলিয়াছে। অভঙ্গ অথবা কর্কশ আচরণ, দায়িত্বজ্ঞানের অভাব, স্নায়ুদৌর্বল্য, কোপন স্বভাব, আলস্য, হীনমন্ত্রতা, অপরিচ্ছন্নতা প্রভৃতি ক্রটিবিচ্যুতি ছাত্র ও ছাত্রী উভয়ের ক্ষেত্রেই সমভাবে প্রযোজ্য।

উল্লিখিত প্রবণতাগুলি ছাড়াও ছাত্র-ছাত্রীদের মধ্যে পরীক্ষার সময় নকল করা, শিক্ষকদের প্রতি শ্রদ্ধার অভাব, সিনেমায় আসক্তি প্রভৃতি প্রবণতা ব্যাপকভাবে পবিলক্ষিত হয়। এতদ্ব্যতীত ছাত্রদের মধ্যে যেমন শৃঙ্খলার অভাব, স্কুলের কাগজপত্র নষ্ট করা এবং গুরুত্বের প্রতি শ্রীতি অধিক পরিমাণে লক্ষ্য করা যায়, ছাত্রীদের মধ্যেও তেমনি বাচালতা এবং গল্পগুজব করার আসক্তি ব্যাপকভাবে দেখা গিয়াছে।

উল্লিখিত তদন্তে দেখা গিয়াছে যে, শিক্ষক-শিক্ষয়িত্রীগণের অধিকাংশই ছেলেমেয়েদের পড়াশুনার অনমনোযোগ ও ঔনাসীজ, শিক্ষাগত অনগ্রসরতা, আলস্য এবং দায়িত্বজ্ঞানের অভাবের উপরই অধিকতর গুরুত্ব আরোপ করিয়াছেন। তাঁহাদের মতে মাধ্যমিক বিদ্যালয়-গুলিতে ঐ চারিটি সমস্তাই সাধারণ এবং উহাদের ব্যাপকতাই সর্বাধিক। কুসঙ্গ, যৌন অপরাধপ্রবণতা, যৌন বিষয়ে জ্ঞানলাভের অত্যধিক আগ্রহ, প্রতারণা, চৌর্য্য, স্কুল পালানো প্রভৃতি বৃত্তিগুলি যদিও গুরুতর তবুও শিক্ষক-শিক্ষয়িত্রীদের মতে ঐ সকল প্রবণতা মাধ্যমিক বিদ্যালয়ে প্রায়শঃ লক্ষিত হয় না। যে সকল সমস্তা ছাত্রছাত্রীর ভাবাবেগ এবং সামাজিক সমস্তার সহিত সম্পর্কযুক্ত—

অপরের মনোযোগ আকর্ষণ করার চেষ্টা, নিবাসপ্র, লজ্জাপ্রবণতা, ঔদ্ধত্য, অপরের উপর কর্তৃত্ব কলাইবার উদ্যোগ প্রভৃতি বৃত্তি-গুলিকে খুব কমসংখ্যক শিক্ষক-শিক্ষয়িত্রীই গুরুত্ব দিয়াছেন। পক্ষান্তরে শতকরা ৬৬ জন শিক্ষক-শিক্ষয়িত্রীই শিক্ষার ক্ষেত্রে অনগ্রসরতা, পড়াশুনার অনমনোযোগ, আলস্য, দায়িত্ব-শীলতার অভাব, কুসঙ্গ এবং যৌন অপরাধপ্রবণতার উপর গুরুত্ব আরোপ করিয়াছেন। এই প্রসঙ্গে আরও উল্লেখযোগ্য যে, স্কুল পালানো, প্রতারণা, যৌন বিষয়ে জ্ঞানলাভের অত্যধিক আগ্রহ প্রভৃতি সমস্তার ক্ষেত্রে শিক্ষকদের অপেক্ষা শিক্ষয়িত্রীগণ অধিকতর গুরুত্ব আরোপ করিয়াছেন। পক্ষান্তরে চৌর্য্য প্রভৃতি অপরাধ-প্রবণতার উপর শিক্ষয়িত্রীদের তুলনায় শিক্ষকগণ বেশী গুরুত্ব দিয়াছেন।

উপরের বিবরণ হইতে দেখা যাইবে যে, শিক্ষকগণ, ছাত্রছাত্রীদের শিক্ষা ও পড়াশুনার সহিত সংশ্লিষ্ট বিষয়গুলির উপরই অধিকতর গুরুত্ব আরোপ করিয়াছেন। যে সকল সমস্তার সহিত সামাজিক ও পারিবারিকের প্রভাব জড়িত, সেই সকল সমস্তা স্বীকার করিয়া লইলেও অধিকাংশ শিক্ষক-শিক্ষয়িত্রীই উহাদের উপর তেমন গুরুত্ব দেন নাই।

শিক্ষা ও মনস্তত্ত্ব গবেষণা সংস্থার ভারপ্রাপ্ত অধ্যাপক জি কে, পি. চৌধুরীর নির্দেশে উহার জনৈক গবেষণা-কর্মী জিমতী নীলিমা দাস ঐ তদন্ত পরিচালনা করেন।

“ধর্মগুরু” পুস্তক ও পাকিস্তান সরকার

ভারতীয় বিদ্যাভবন কর্তৃক প্রকাশিত এবং মার্কিন গ্রন্থকার কর্তৃক রচিত বিশ্বের ধর্মগুরুদের জীবনীমূলিত একটি পুস্তকে হজরত মহম্মদ সম্পর্কে অবমাননাকর মন্তব্যের বিরুদ্ধে ভারত ও পাকিস্তানের একশ্রেণীর মুসলমান নিতান্ত অশোভন আচরণ করে। পাকিস্তানের আন্দোলনের বিশৃঙ্খলতা সরকার (অন্ততঃ পূর্বপাকিস্তানে) দৃঢ় হস্তেই দমন করেন। ইহাতে তাঁহারা সকলেই প্রশংসাজনক হইয়াছেন। কিন্তু তাহার পরই পূর্ব পাকিস্তান বিধানসভায় ভারতে “ধর্মগুরু” পুস্তকটি প্রকাশের নিন্দা করিয়া প্রস্তাব গ্রহণ করা হয়। পাকিস্তানের কেন্দ্রীয় সরকার ভারত সরকারের নিকট এই সম্পর্কে একটি প্রতিবাদ-লিপিও প্রেরণ করিয়াছেন। পাকিস্তান সরকারের এই আচরণের পরিপ্রেক্ষিতে নিম্নলিখিত সংবাদটি বিশেষ কৌতুকপ্রদ।

জিহট হইতে প্রকাশিত “জনশক্তি” পত্রিকার ৩রা আশ্বিন সংখ্যায় “আগুন লইয়া খেলা” শীর্ষক এক সম্পাদকীয় প্রবন্ধে “ধর্মগুরু” পুস্তক লইয়া সাম্প্রদায়িক উত্থানিদানের নিন্দা করিবার পর বলা হইয়াছে :

“পূর্বপাকিস্তান গবর্নমেন্টে কিছুকাল বাবং আমেরিকার প্রকাশন কোম্পানীর সাহায্যে তথা হইতে এই প্রদেশের জন্ত স্কুল পাঠ্যপুস্তক ছাপাইয়া আনিতেছিলেন। প্রাইমারী স্কুলের পাঠ্য-রূপে নির্দিষ্ট করে রাখা পুস্তকে হজরত মহম্মদের ছবি থাকার কলে

উহা মুসলমানদের ধর্মবিশ্বাসবিবোধী বলিয়া ঐ পাঠ্যপুস্তকগুলির প্রচলন বন্ধ করিতে হইয়াছে। ডেভিসের লিখিত পুস্তকে হজরত মহম্মদের সম্পর্কে অবমাননাকর উক্তি ছিল। ঐ পুস্তক যথারীতি পূর্বপাকিস্থানের শিক্ষা বিভাগের উর্দ্ধতন কর্তৃপক্ষের অমুমতি অনুসারেই স্কুলপাঠ্যরূপে নিষিদ্ধ হইয়াছিল। ছাত্রদের পড়াইতে গিয়া শিক্ষক মহাশয়গণের দৃষ্টিতে ঐ সকল অবমাননাকর উক্তি ধরা পড়িল। তাঁহারা শিক্ষা বিভাগের দৃষ্টি আকৃষ্ট করিয়া ঐ পুস্তকখানা পাঠ্যতালিকা বহির্ভূত করাইলেন। পাকিস্থান মুসলিম রাষ্ট্র—শিক্ষা বিভাগের উর্দ্ধতন কর্তৃপক্ষ সকলেই মুসলমান—তাঁহাদের দৃষ্টি এড়াইয়া কি করিয়া এই পুস্তক এই দেশেই চলিয়া গেল—তাহার কোন কৈফিয়ত এই সকল সরকারী কর্মচারীর নিকট কেহ চাহিয়াছেন বলিয়া আমরা শুনি নাই।

এই সম্পর্কে অধিক মন্তব্য নিম্নয়োজন। শুধু এইটুকুই বলা যাইতে পারে যে, কলিকাতার জনৈক প্রকাশকের পুস্তকে হজরত মহম্মদের একটি প্রতিকৃতি থাকার দরুন প্রকাশককে ছুরিকাঘাতে প্রাণ দিতে হইয়াছিল। কিন্তু “ইসলামিক রিপাবলিক অব পাকিস্থানে”র সুসন্তান ইসলামিক কর্ণধারগণ যখন হজরত মহম্মদের প্রতিকৃতিসম্বলিত পুস্তক “ইসলামিক” ঐতিহ্যপূর্ণ পাঠ্যসূচীর অন্তর্ভুক্ত করেন তখন ইসলামের ধ্বজাধারী কেহ তাহাতে বিন্দুমাত্র প্রতিবাদ জ্ঞাপন করাও প্রয়োজন মনে করে না। হয় ত পুস্তকের লেখক এবং প্রকাশক খেতকার মার্কিনী বলিয়াই কোন প্রতিবাদ করা হয় নাই। বাহাই হউক তাহারা ত ভারতীয় নহে, অথবা হিন্দুও নহে—কাজেই তাহাদের আচরণে এবং বক্তব্যে হজরত মহম্মদের অবমাননা হইলেও তাহাতে ইসলাম ধর্ম কোনক্রমেই ক্ষতিগ্রস্ত হয় না।

খাদ্যাভাবে মৃত্যু

“বারাসাত বার্তা” ৮ই আশ্বিন এক সম্পাদকীয় প্রবন্ধে লিখিতেছেন : “ইংরেজ আমলে বিগত হুভিঃক্ষর সময় খাদ্যাভাবে মানুষ পথের উপর মরিয়াছে, তাহাদের মৃতদেহ আমাদের জাতীয় নেতৃবৃন্দের মধ্যে অনেকেই দেখেন নাই—তাঁহারা তখন কারাস্ত্র-রালে বন্দী ছিলেন। খাদ্যাভাবে মানুষ কেমন করিয়া পথের উপর মরে এবং তাহাদের মৃতদেহ দেখিয়া প্রত্যক্ষ অভিজ্ঞতার জগ্গই বোধ করি গত শুক্রবার (২১ ৯।৫৬) বারাসাত রেল ষ্টেশনের পার্শ্বে উন্মুক্ত পথের উপর অজ্ঞাতনামা জনৈক ২৮।৩০ বৎসরের তরুণ মরিয়া পড়িয়া ছিল। মনুষ্যদেহের যে স্থানে খাদ্য থাকে তাহার পেট বলিয়া চিনিবার মত কোন বস্তু ছিল না। হাত পাগুলি শুকাইয়া গিয়াছে, সমস্ত হাড়গুলি চর্মসার দেহের বাহিরে ফুটিয়া বাহির হইয়া আসিয়াছে। মানুষ মরণশীল, কিন্তু মানুষের মরণেরও একটি শালীনতা আছে; আত্মীয়-পরিজনের অজ্ঞপাত বিলাপের সম্মুখে মানুষের মৃত্যু শুধু স্বাভাবিক নহে, মানুষ মাত্রেই কাম্য। উহার বাহিরে বাহা ঘটে তাহা নেহাত দুর্ঘটনা। কিন্তু প্রকাশ্য পথের উপর চলনশক্তিহীন ক্ষীণ মানুষ, কুকুর-বিড়ালের মত মরে—আজিকার এই নজির আমাদের সভ্যসমাজ ও জাতীয় জীবনে কলঙ্কপাত করিল।”

পত্রিকাটি বারাসাত মহকুমার খাদ্যাভাবে পূর্বপ্রকাশিত সংবাদ প্রকাশের উল্লেখ করিয়া বলেন যে, বড়ফু লোকেরা খাদ্যের দাবিতে ১৯শে সেপ্টেম্বর মহকুমা-শাসকের নিকট উপস্থিত হয়। তিনি তাহাদের দাবিগুলি বিবেচনা করিবেন বলিয়া আশ্বাস দেন।

রাজ্যের খাদ্যমন্ত্রী চাউলের দাম কমিয়াছে বলিয়া যে বিবৃতি দেন সেই সম্পর্কে আলোচনা করিয়া “বারাসাত বার্তা” লিখিতেছেন : “তাঁহার আত্মপ্রসাদে আমরা বিদ্র ঘটাতে চাহি না। তবে সবিনয়ে বলিতে ইচ্ছা করি—যেখানে কাজের অভাবে মানুষ বেকার বসিয়া আছে সেখানে নামতি দরের চাউলের মূল্যের সংখ্যাতত্ত্ব পরিবেশন বড়ফু জনতার অদৃষ্টের পরিহাস মাত্র। সেই চাউল কে কিনবে? যদি অনাহারে মৃত হতভাগ্য তরুণ উহা কিনিতে পারিত তবে তাহাকে ঘর, আত্মীয়-পরিজন ফেলিয়া পথের কুকুরের মত মরিতে হইত না এবং এইরূপ নরকদৃশ্যও বারাসাত-বাসীকে দেখিতে হইত না। বারাসাতের ক্ষুধার্ত মানুষ সরকারের পথরাতি সাহায্য চাহিয়াছে—উহার কতখানি দেওয়া হইয়াছে? হাবড়ার নারী-শিশুর আর্ন্ত ক্রন্দন কি ধামিয়াছে? দেগঙ্গার বিপন্ন কৃষক-সমাজের আর্ন্তনাদ কি ধামিয়াছে? ক্ষুধার্ত মানুষের মুখে দুই মুষ্টি অন্ন তুলিয়া দিতে কি বারাসাতে স্বল্পমূল্যের খাদ্যসামগ্রীর দোকান খোলা হইয়াছে?”

বারাসাত মহকুমার খাদ্যসঙ্কটে জননেতাদের নিষ্ক্রিয়তার সমালোচনা করিবার পর উক্ত সম্পাদকীয় মন্তব্যের উপসংহারে বলা হইয়াছে : “আমরা অনাহারে মৃত হতভাগ্য তরুণের মৃত্যুতে লজ্জায়, ঘৃণায় ও পরিতাপে দগ্ধ হইতেছি, দেশের মানুষ যদি এইভাবে পশুর মত পথে-ঘাটে মরে তবে ভারতবর্ষের আজিকার গৌবব দাঁড়াইবে কোথায় এবং ভবিষ্যৎ জাতির নিকট উহার কি জবাব থাকিবে। আমরা পুনরায় জাতীয় সংসদে নিকট মুহূর্তমাত্র বিলম্ব না করিয়া বারাসাতের ভুখা সমাজের প্রতি উপযুক্ত ব্যবস্থা গ্রহণের দাবি করিতেছি।”

ত্রিপুরায় উদ্বাস্তু আগমন ও ভারত সরকার

সম্প্রতি লোকসভায় এক বিবৃতিতে ভারতের স্বরাষ্ট্রমন্ত্রী শ্রীগোবিন্দবল্লভ পণ্ড ব বলেন যে, পূর্ববঙ্গ হইতে ত্রিপুরায় যে উদ্বাস্তু আসিয়াছে তাহার পর ত্রিপুরায় আর নূতন উদ্বাস্তু পুনর্বাসনের ব্যবস্থা করা সম্ভব নহে। স্বরাষ্ট্রমন্ত্রীর উল্লিখিত বিবৃতির সমালোচনা করিয়া “সেবক” পত্রিকা ৭ই আশ্বিন এক সম্পাদকীয় প্রবন্ধে লিখিতেছেন যে, পশ্চিমবঙ্গে উদ্বাস্তুদের স্থান সঙ্কুলান না হওয়ার দরুন তাহাদিগকে ভারতের অপরাপর রাজ্যে, এমনকি সুদূর আন্দামান দ্বীপে পর্যাস্ত প্রেরণ করা হইতেছে। প্রকৃতপক্ষে পূর্ববঙ্গ হইতে আগত উদ্বাস্তুদের পুনর্বাসনের কোন সুসাহায্য কেন্দ্রীয় সরকার করিতে পারেন নাই। এমতাবস্থায় ত্রিপুরায় উদ্বাস্তুদের আগমন নিষিদ্ধ করা নিতান্তই বিশ্বয়কর বলিয়া প্রতিভাত হইয়াছে।

“সেবক” লিখিতেছেন যে, ত্রিপুরা সরকার হইতে প্রাপ্ত রিপোর্টের উপর ভিত্তি করিয়াই স্বরাষ্ট্রমন্ত্রী তাঁহার বিবৃতি দিয়াছেন :

“দেশ বিভাগের ফলে লক্ষ লক্ষ উদ্বাস্তর আগমনে ত্রিপুরার উন্নয়নের পথ টানুস্ত হইয়াছে। স্তূর্হু পরিকল্পনার মাধ্যমে পুনর্বাসনের ব্যবস্থা হইলে এক বিরাটসংখ্যক উদ্বাস্তর ভরণপোষণের ব্যবস্থা হইতে পারে। কিন্তু কি ত্রিপুরা সরকার, কি কেন্দ্রীয় সরকার সেই দিকে নজর না দিয়া উদ্বাস্ত পুনর্বাসন সম্বন্ধীয় ব্যাপারটিকে এমন ভাবে ঘোলা করিয়াছেন যে, আজ তাহাদিগকে বলিতে হইতেছে ত্রিপুরার আর নূতন উদ্বাস্তর স্থান নাই। স্বরাষ্ট্রমন্ত্রীর এই মন্তব্যকে নিজেদের অক্ষমতার স্বীকারোক্তি বলিয়া আমরা মনে করি।”

কিন্তু উদ্বাস্ত পুনর্বাসন ব্যাপারে কেবলমাত্র ভূমি মাধ্যমে সমস্তার প্রতিকারের চিন্তা না করিয়া সরকার যদি ত্রিপুরার অর্থ-নৈতিক উন্নয়ন এবং সঙ্গে সঙ্গে উদ্বাস্তদের সুপরিষ্কৃত পুনর্বাসনের ব্যবস্থা করিতেন তবে, “সেবকে”র অভিমতে, “ত্রিপুরার যে পরিমাণ উদ্বাস্ত আসিয়াছে তাহার সমপরিমাণ উদ্বাস্ত গ্রহণ করা ত্রিপুরার পক্ষে অসম্ভব বলিয়া মনে করা যায় না।”

রিজাচালক

মানুষ কর্তৃক রিজাটানা বন্ধ করিয়া দিবার জন্ত সম্প্রতি যে প্রচেষ্টা চলিতেছে সেই পরিপ্রেক্ষিতে রিজাচালকদের অবস্থা সম্পর্কে আলোচনা করিয়া এলা আখিন এক সম্পাদকীয় প্রবন্ধে “মুর্শিদাবাদ পত্রিকা” লিখিতেছেন, “বড়লোকেরা গরীব মানুষের দারিদ্র্যের সুবিধা লইয়া তাহাদেরকে দিয়া গরু-মহিষের মত ভাব বহনের কাজ করাইয়া লইবে, ইহা খুবই অশ্রাব্য—ইহা প্রত্যেকের মনুষ্যত্ববোধে আঘাত করে। সবই স্বীকার করি কিন্তু একটা কথাও অস্বীকার করিতে পারি না যে, পেটের দায়ে ও বিবল কাজ পার না বলিয়া লোকে রিজা টানিতে বাধ্য হয়। আজ সাবা ভারতে কয়েক লক্ষ লোক রিজা টানিয়া রুজি-বোজগার করে। মনুষ্যত্বের নামে রিজাটানা বন্ধ করিলে ইহার দাঁড়াইবে কোথায়?...” একমাত্র বহরমপুর শহরেই প্রায় এক হাজার রিজাচালক রহিয়াছে—রিজাটানা বন্ধ হইলে ইহাদের রুজি-বোজগারের পথ সম্পূর্ণ বন্ধ হইয়া যাইবে।

বর্ধমান বেকায়-সমস্তার দিনে হঠাৎ রিজাটানা বন্ধ করিয়া দেওয়া তাই ঠিক হইবে না বলিয়া পত্রিকাটি অভিমত প্রকাশ করিয়া বলিয়াছেন, “এমন ব্যবস্থা অবলম্বন করিতে হইবে যেন রিজাচালকদের আর্থিক ক্ষতি না হয় অথচ সেই সঙ্গে তাহাদের স্বাস্থ্য ও অপরাপর স্বার্থও রক্ষিত হয়।”

বর্ধমানের রাস্তাঘাট

“বর্ধমানের ডাক” পত্রিকার ৮ই আখিন সংখ্যার বলা হইয়াছে যে, বর্ধমানের বিভিন্ন অঞ্চলে কয়েকটি অত্যন্ত গুরুত্বপূর্ণ রাস্তা-সম্মত বহুসংখ্যক রাস্তা চলাচলের প্রায় সম্পূর্ণরূপেই অযোগ্য। “রাস্তাগুলির ব্যাপক সংস্কার ত দুয়ের কথা, সাধারণভাবে রাস্তা-গুলির উপর কাজচলা পোছের মেয়ামতেরও কোন ব্যবস্থা নাই।”

চর্দপাঞ্জর রাস্তার দুর্ভাগ্য দিয়া বলা হইয়াছে যে, বর্ধমান-

কলিগ্রাম এবং কাটোয়া-দাঁইহাট রাস্তা দুইটি পাকা হইলে, সংস্কারের অভাবে এরূপ ছরবছার পতিত হইয়াছে যে বহুদিন বাবং বাস চলাচল বন্ধ রাখিতে হইয়াছে।

উক্ত সংবাদে আরও বলা হইয়াছে যে, যে সকল অঞ্চলে দ্রুত উন্নয়নের জন্ত কম্যুনিটি প্রোজেক্ট এবং জাতীয় সম্প্রসারণ ব্লক গঠিত হইয়াছে সেখানেও রাস্তাঘাটের কোন উন্নতি হয় নাই। রাস্তাগুলি ভাঙ্গিয়া না পড়া পর্যন্ত সেগুলি মেয়ামতের কথা কাহারও মনেও আসে না। সময়মত বধারীতি রাস্তাগুলির সংস্কারসাধন না করিয়া ঐগুলি প্রায় অগম্য হইয়া উঠিলেও সংস্কার করিলে অধিকতর সরকারী অর্থ ব্যয় হয় এবং সরকারী অর্থ যত অধিক পরিমাণে ব্যয়িত হয় সংশ্লিষ্ট ব্যক্তিদের অর্থগমেব সুযোগও তত বৃদ্ধি পায় বলা হইয়াছে। প্রকাশ যে, সংশ্লিষ্ট “সরকারী বিভিন্ন বিভাগ এবং জেলাবোর্ডের ইঞ্জিনিয়ার, ওভারসিয়ার, সাব-ওভারসিয়ার প্রভৃতি শ্রেণীর কর্মচারিগণ হয় রাস্তাগুলি তদারক করেন না—আর না হয় সময়ে কাজে হাত দেওয়া অপেক্ষা বিলম্বে হাত দেওয়াই বৃদ্ধিমানের কাজ মনে করিয়া থাকেন। রাস্তা, সাঁকো, নর্দমা প্রভৃতি সংস্কারের জন্ত সাধারণের পক্ষ হইতে কর্তৃপক্ষের দৃষ্টি আকর্ষণ করা হইলে, ‘বেল্লিক’দের কথার কর্ণপাত করা কর্তাব্যক্তিদের পক্ষে সম্ভব হয় না। অবশ্য সাধারণের পক্ষ হইতে অনেক সময় বধোচিত সহযোগিতা করা হয় না, তাহাও আমরা স্বীকার করি।”

বর্ধমান হাসপাতালে মেট্রনের দৌরাণ্য

বর্ধমান শহরের বিজয়চাঁদ হাসপাতাল সম্পর্কে জেলার প্রায় প্রত্যেকটি সংবাদপত্রেই নানারূপ অভিযোগ প্রকাশিত হইয়া আসিতেছে। কিন্তু কর্তৃপক্ষ এই সকল অভিযোগ প্রতিকারের কোন প্রকৃত চেষ্টা করিতেছেন বলিয়া মনে হয় না। হাসপাতালের বিরুদ্ধে সর্বশেষ অভিযোগ মেট্রন শ্রীমতী সুবমা নিয়োগীর (ভূতপূর্ব মিস টমাস) বিরুদ্ধে। ১৪ই সেপ্টেম্বর “দামোদর” পত্রিকার প্রকাশিত এক সংবাদে বলা হইয়াছে :

“বর্ধমান ১৩ই সেপ্টেম্বর, বিজয়চাঁদ হাসপাতালের নাসদের অবহেলার ফলে প্রায় আরোগ্যপ্রাপ্ত একটি যুবক গত ১০ই সেপ্টেম্বর বৈকাল ৪টা মাত্র মারা গিয়াছে। বোগীটির গ্যাসটিক আলসার হয়, অপারেশন হইবার পর সপ্তাহকাল সুস্থ অবস্থায় থাকে। চিকিৎসকের নির্দেশমত পথ্য না দিয়া একসঙ্গে সমস্ত দিনের খাবার খাওয়াইয়া দিবার ফলে বোগীর অবস্থা ধারাপ হইয়া যায়।”

সংবাদে আরও প্রকাশ যে, পূর্বে এই ধরনের কঠিন বোগীর পথ্য পৃথকভাবে রান্নার বন্দোবস্ত ছিল। কিন্তু বর্ধমান মেট্রনের আদেশে নাকি পূর্ব-অনুসৃত ব্যবস্থা বাতিল করা হইয়াছে। বোগীটিকে হাসপাতালের সাধারণ রান্না মাছ, ডিমসিদ্ধ, আলুসিদ্ধ ও দুধ একসঙ্গে বেশী পরিমাণ খাওয়ানো হইলে বোগীর পেটে বর্জ্য হইতে থাকে এবং অচিরেই প্রাণত্যাগ করে।

অপর একটি ঘটনার সংবাদে প্রকাশ যে, কিছুদিন পূর্বে জনৈক পালার্মেন্টের সদস্যের স্ত্রীসহ তিন জন মহিলা হাসপাতালে ভর্তি হইলে শিক্ষানবিশী নার্সদের দ্বারা তাঁহাদের ইন্ডেকেশন দেওয়ানো হয়। তাঁহাদের মধ্যে দুই জনের ইন্ডেকেশনের স্থান পাকিয়া উঠে। এম-পি মহাশয়ের চেষ্টায় অস্থায়ী সিভিল সার্জন এই ব্যাপারে অনুসন্ধান করিতে আসেন এবং ঠাক নার্স দিয়া ইন্ডেকেশন দিবার নির্দেশ দিয়া যান। “দামোদর” পত্রিকার সংবাদে প্রকাশ যে, “সিভিল সার্জনের এই আদেশে মেট্রন অসন্তুষ্ট হন এবং অজ্ঞাত কারণে শনিবার রাত্রি হইতে রবিবার সমস্ত দিন সারা হাসপাতালের রোগীদের ইন্ডেকেশন দেওয়া বন্ধ হয়। সিষ্টার বিশ্বাস রবিবার সকালে হাসপাতাল পরিদর্শন করিতে আসিয়া এ বিষয়ে সিভিল সার্জনকে রিপোর্ট করেন নাই। রবিবার বৈকালে সিষ্টার দে কেবিনের রোগীদের পরিদর্শন করিতে আসিয়া নির্বাক হইয়া চলিয়া যান। নার্সগণ রোগীদের সহিত নির্দয় ও অসহযোগমূলক আচরণ করেন। রবিবার রাত্রে কর্তৃপক্ষের দৃষ্টি আকৃষ্ট হইলে ইন্ডেকেশন দেওয়া হয়। রবিবার সন্ধ্যায় ডিউটি থাকা সত্ত্বেও সিষ্টার দেকে খু জিয়া পাওয়া যায় নাই।”

২৯শে ভাদ্র এক সম্পাদকীয় প্রবন্ধে এই ঘটনা দুইটির উল্লেখ করিয়া “দামোদর” লিখিতেছেন, “হাসপাতালে আগত আর্ন্তদের প্রতি সেবাস্বতচারিণী ভারতীয় মহিলাদের এই হৃদয়হীন অবহেলার বিবরণ দেখিয়া লজ্জায় আমাদের মাথা হেঁট হইতেছে। হাসপাতালের চিকিৎসকের নির্দেশ সেবিকা মানিবে না। এমনকি সিভিল সার্জনের আদেশও মেট্রনের ইচ্ছিতে পালিত হইবে না, উপরন্তু হাসপাতালের সমস্ত রোগীদের ঔষধ প্রয়োগ বন্ধ করিয়া দেওয়া হইল, কর্তৃপক্ষ তাহার কি কৈফিয়ত দিবেন তাহাই চিন্তা করিতেছি।”

মেট্রন স্ত্রীস্বয়ম নিয়োগীর আচরণের সমালোচনা করিয়া “দামোদর” লিখিতেছেন :—

“কিন্তু তিনি অসাধ্যসাধন করিতে পারেন বলিয়া কাহাকেও ঐশ্ব্য করেন না। সিভিল সার্জন হইতে বড় বড় চিকিৎসক পর্যন্ত নাকি তাঁহার অমুগ্ধের পাত্র। সুদীর্ঘ আট বৎসর তিনি এই হাসপাতালে চিরস্থায়ী স্বয়ং বহাল করিয়া বাঙালী ভ্রম-ঘরের কথা নার্সদের প্রতি চরম দুর্ভাবহার করিয়া আসিতেছেন। তাঁহার যথেষ্টাচারের নিকট বশুতা স্বীকার না করিলে তাঁহার শালীনতা রক্ষা করাও দুঃসাধ্য বলিয়া আমাদের জানা আছে। আমরা ইহার পূর্বে তাঁহার বিরুদ্ধে অভিযোগ বিস্তৃত ভাবে প্রকাশ করিয়াছি এবং সম্মানে তাঁহাকে বর্তমান হইতে অন্তর্গত গ্রহণ করিতে সরকারকে পরামর্শও দিয়াছি। কিন্তু তিনি এমনই অঘটনঘটন-পটীরসী যে, সকল বাণই তাঁহার নিকট ব্যর্থ হইয়া যায়। বর্তমান তাঁহার সীলাক্ষেত্র। এখানেই তিনি মালয়ালী হইতে বাঙালী বধু হইয়াছেন, কিন্তু ‘বুক ভরা মধু—বজ্রের বধু’ হইতে পারিলেন না। আমাদের পক্ষে ইটা নিতান্তই আক্ষেপের কথা।”

“বর্তমান বাণী” পত্রিকাতেও ২৯শে ভাদ্র ও ৫ই আশ্বিন সংখ্যায় সম্পাদকীয় প্রবন্ধে বিজয়চাঁদ হাসপাতালের মেট্রনের অপসারণের দাবি জানানো হইয়াছে।

করিমগঞ্জে ভেজাল দুগ্ধের দৌরাত্ম্য

“ভেজাল দুগ্ধের দৌরাত্ম্য” শীর্ষক এক সম্পাদকীয় প্রবন্ধে “যুগ-শক্তি” (৫ই আশ্বিন) লিখিতেছেন :

“বর্তমানে করিমগঞ্জ শহরে খাঁটি দুগ্ধ সংগ্রহ করা এক কঠিন ব্যাপার হইয়া দাঁড়াইয়াছে। নেহাত প্রয়োজনের থাকিলে (মুখ্যতঃ শিশুদের জন্য) শহরবাসী অনেকেই দুগ্ধ বলিয়া যে পদার্থ অগ্নিমূল্যে ক্রয় করিয়া থাকেন, তাহা অনেক ক্ষেত্রেই Condensed Milk Powder এবং নদী-নালায় জলের মিশ্রণ মাত্র। শহরবাসী নাগরিকদের অধিকাংশই শিক্ষিত এবং সমাজচেতনাসম্পন্ন হওয়া সত্ত্বেও এই শোচনীয় অবস্থার গুরুত্ব তাঁহারা উপলব্ধি করিতেছেন বলিয়া মনে হয় না। সরকার এবং পৌর কর্তৃপক্ষও এই ব্যাপারে সমভাবে উদাসীনতা প্রকাশ করিতেছেন।”

উক্ত সম্পাদকীয় প্রবন্ধে “যুগশক্তি” লিখিতেছেন যে, শহরে যে পরিমাণ দুগ্ধ সরবরাহ করা হয় তাহার অধিকাংশই ভেজালপূর্ণ। চতুর বিক্রেতার নানা অজুহাতে দুগ্ধ পরীক্ষা ব্যবস্থা এড়াইয়া যায়। যে কয়েকটি ক্ষেত্রে দুগ্ধ পরীক্ষা করা সম্ভব হইয়াছিল তাহার প্রত্যেকটিতেই ভেজাল ধরা পড়িয়াছে। “কিন্তু পরমাশ্চর্যের বিষয় এই যে, ভেজাল দুগ্ধ বিক্রেতাদিগকে আদালতে অভিযুক্ত করা হইলে বিচারকরা তাহাদিগকে অপরাধী সাব্যস্ত করিয়াও যে কারণেই হউক তাহাদের প্রতি দয়াগবন হইয়া অল্প জরিমানা করিয়াই রেহাই দেন। এইরূপ জঘন্য অপরাধের শাস্তি অত্যন্ত কঠোর হওয়াই বাঞ্ছনীয় নহে কি ?...”

উপসংহারে পত্রিকাটি লিখিতেছেন :

“আমরা আশা করি সরকার, পৌর কর্তৃপক্ষ এবং নেতৃস্থানীয় নাগরিকগণ এই গুরুত্ব সমস্ত সমাধানে আগ্রহ মনোযোগী হইবেন, দুগ্ধকারীদের কঠোর শাস্তি বিধানের ব্যবস্থা হওয়া যেমন একদিকে প্রয়োজন, অল্প দিকে তেমনি খাঁটি দুগ্ধ সরবরাহের সুবন্দোবস্ত হওয়া অত্যাৱশ্যক।

উপর্যুক্ত পরিমাণে খাঁটি দুগ্ধের অভাব ভারতের নাগরিক জীবনের একটি প্রধান সমস্যা। ভারতের প্রায় প্রত্যেক নগরী ও শহরগুলিতে বর্তমানে এই সমস্যা বিশেষ তীব্রতা লইয়া দেখা দিয়াছে। লব্ধ অভিজ্ঞতা হইতে ইহাও বুঝা গিয়াছে যে, কেবলমাত্র কঠোর শাস্তি প্রদান (অপরাধীদের কঠোর শাস্তি বিধান অরণ্যই করিতে হইবে) দ্বারা এই সমস্যার সমাধান হইতে পারে না। চাহিদার অনু-পাতে দুগ্ধসরবরাহের পরিমাণ বর্ত দিন কম থাকিলে তত দিন দুগ্ধ ভেজাল মিশাইবার ঝোঁক থাকিবেই। সে ক্ষেত্রে স্থায়ী এবং কল-প্রসূ সমাধানের পথ হিসাবে পৌর প্রতিষ্ঠান অথবা সরকারকে এই সমস্যা সমাধানের দায়িত্ব গ্রহণ করিতে হইবে। তবে সরকার

অথবা পৌর প্রতিষ্ঠানকে যদি এই দায়িত্ব সুচারুরূপে প্রতিপালন করিতে হয় তবে সর্ব জুরে প্রশাসনিক সততার পুনঃপ্রবর্তনকে অপ্রাধিকার দিতে হইবে এবং তজ্জন প্রয়োজনীয় সকল ব্যবস্থা অবলম্বনের নিমিত্ত প্রস্তুত থাকিতে হইবে।

পাকিস্থানে মাল আটক

৭ই আশ্বিন সাপ্তাহিক “সেবক” পত্রিকায় নিম্নলিখিত সংবাদটি প্রকাশিত হইয়াছে :

“আগরতলা, ২০শে সেপ্টেম্বর—“স্থানীয় ব্যবসায়ীমহলের সংবাদে প্রকাশ, আগরতলায় আনয়নের জন্ত কলিকাতা হইতে প্রেরিত নিত্য প্রয়োজনীয় দ্রব্য—কয়লা, টিন, সিমেন্ট, সরকারী চাউল ইত্যাদি বহুবিধ দুই কোটি টাকা মূল্যের মাল বিগত ২৮শে আগষ্ট হইতে আখাউড়া রেল ষ্টেশনে পাক মুদ্রায় রেলভাড়া দেওয়া সংক্রান্ত এক আইনগত প্রশ্নে আটক পড়িয়া আছে। এখানে উল্লেখ করা বাইতে পারে যে, গত ৯ বৎসর যাবৎ স্থানীয় ব্যবসায়ী-গণ পাক মুদ্রায় রেলভাড়া দিয়া আসিতেছেন, কিন্তু এ যাবৎ পাক সরকার কোন সময়ে এই প্রশ্ন উত্থাপন করেন নাই এবং পাক রেলওয়ে প্রতি বৎসর অন্ততঃ দুই কোটি টাকা রেলভাড়া ত্রিপুরা হইতে মালভাড়া বাবদ পাইয়াছেন।

“তিন সপ্তাহ কাল যাবৎ কোন মাল আখাউড়া হইতে না পৌঁছায় এখানে নিত্যপ্রয়োজনীয় দ্রব্যের ঘাটতি পড়িয়াছে এবং সমস্ত দ্রব্যের মূল্য শতকরা ২৫ হইতে ৪০ ভাগ বৃদ্ধি পাইয়া চলিয়াছে। এইরূপ অচল অবস্থায় পড়িয়া ব্যবসায়ী মহল ত্রিপুরায় অগৌণে রেল লাইন স্থাপনের প্রয়োজনীয়তা বিশেষ ভাবে উপলব্ধি করিতেছেন।

“সংবাদে প্রকাশ, পাক রেল কর্তৃপক্ষ পাক মুদ্রায় প্রশ্ন তুলিয়া মাল আটক করেন নাই। সীমান্ত এলাকায় কর্তৃত্ব জর্নৈক মিলিটারী সুবেদারের কারসাজিতে উপরোক্ত পরিস্থিতির উদ্ভব হইয়াছে।

“মাল আটক পড়ায় মালের উপর প্রত্যহ ডেমারেজ চার্জ লাগিতেছে। প্রকাশ, ডেমারেজ চার্জ প্রায় দশ হাজার টাকা দিতে হইবে।”

ঢাকাস্থিত ভারতীয় ডেপুটি হাই কমিশনারের চেষ্টায় অবশেষে নাকি সরকারী চাউলের ওয়্যাগনগুলি খালাস করা সম্ভব হয় এবং ১৯শে সেপ্টেম্বর হইতে আগরতলায় কিছু কিছু মাল পৌঁছিতে থাকে।

১৪ই আশ্বিন এই বিষয়ে এক সম্পাদকীয় প্রবন্ধে “সেবক” পত্রিকা পাকিস্থানের মধ্য দিয়া মাল সংবরণ ব্যবস্থার এইরূপ অনিশ্চয়তাজনিত জনসাধারণের হর্দশা এবং জাতীয় অর্থের অপচয়ের প্রতি দৃষ্টি আকর্ষণ করিয়া আগরতলা-আসাম সড়কটির নির্মাণ-কার্য দ্রুততররূপে সম্পন্ন করিবার প্রয়োজনীয়তার উপর বিশেষ জোর দিয়া এবং সঙ্গে সঙ্গে সরকারী অকর্ণণ্যতার সমালোচনা করিয়া লিখিতেছেন :

“যে আসাম-আগরতলা রাস্তার যত্ন আমাদের দেখান হইতেছে তাহার কার্য কোনকালেও সম্পন্ন হইবে কিনা সে বিষয়ে যথেষ্ট সন্দেহ থাকিয়া বাইতেছে। এই সড়ক গত নয় বৎসর যাবৎ নির্মিত হইতেছে। অথচ নয় বৎসর পরেও আমাদের দেখান করিতে হয় যে, চলিত বর্ষায় এই রাস্তা দিয়া সর্বমোট এক মাসও গাড়ী চলাচল করিতে পারে নাই। কেন গাড়ী চলাচল করিতে পারে নাই কিংবা কেন সড়কের নির্মাণ-কার্য সম্পন্ন হয় না তাহা আমরা জিজ্ঞাসা করিব না। আমরা ইহাই জিজ্ঞাসা করিব, লক্ষ লক্ষ নরনারীর জন্ত পরিবহন-ব্যবস্থার সুরাহা করার মিথ্যা প্রলোভন দেওয়ার অধিকার ভারতীয় সংবিধানে কোন গণতান্ত্রিক সরকারকে দেওয়া হইয়াছে কিনা? ৪,০০০ বর্গমাইল একটি রাজ্যের পরিবহন-ব্যবস্থা সুদীর্ঘ নয় বৎসরেও সম্পন্ন করা যায় না—ইহার চেয়ে লজ্জাকর ব্যাপার আর কি হইতে পারে তাহা আমরা বুঝিতে পারি না।”

বেআইনি মদ চোলাই

দেশে শাস্তি-শৃঙ্খলার মূলে যে নীতিজ্ঞান তাহা যদি দেশের লোকে হারাইয়া ফেলে তবে যে অবস্থা হয় তাহার পূর্ণ উপলব্ধি আমরা আজ করিতেছি। উপরন্তু এক শ্রেণীর লোক এখন কলিকাতায় আসা-যাওয়া করে যাহাদের উদ্দেশ্যই আইনভঙ্গ করিয়া নিজ স্বার্থপূরণ। তাহারই একটি দৃষ্টান্ত আমরা “আনন্দবাজার পত্রিকা” হইতে নীচে তুলিয়া দিলাম :

“শনিবার পুলিশ বেলেঘাটা অঞ্চলে একটি মসজিদের ভিতর হইতে বেআইনী মদ চোলাইয়ের একটি গুপ্ত কারখানা আবিষ্কার করে এবং এক শত মণের অধিক গাঁজানো মদ ও সাত গ্যালন চোলাই করা মদ উদ্ধার করে। দুপুর দেড়টা নাগাদ মসজিদের গুপ্ত প্রকোষ্ঠে নিভৃত নির্জনে চোলাইরত দুই ব্যক্তিকেও পুলিশ হাতেনাতে ধরিয়া ফেলে। এই ব্যাপারে জড়িত আরও কয়েকজন নাকি পলাইয়াছে। ধৃত এবং পলায়িত ব্যক্তির উদ্ধার বলিয়া পুলিশের ধারণা।

বেলেঘাটা মেন বোডের উপর সরকার বাজারের পাশেই একটি সড়ক গলির ভিতর এই মসজিদ—বর্তমানে পরিত্যক্ত। এখন সেইখানে নমাজও হয় না, আজানের ডাকও শোনা যায় না। তবে ইতঃপূর্বে গত দ্বাদশ মণর আজানের ডাকের সঙ্গে সঙ্গে যখন ঘন ঘন ‘আল্লা হো আকবর’ আওয়াজ শোনা যাইত তখন নাকি এই মসজিদের অভ্যন্তরে নানাপ্রকার মাদ্যাত্মক অস্ত্রশস্ত্রও বোঝাই থাকিত, স্থানীয় লোকজন সেই অভিযোগই করে।

এখন সেই সকল অস্ত্রশস্ত্র নাই। কিন্তু সম্প্রতি সেই শূন্য স্থান পূর্ণ করিয়াছে এই মদ চোলাইয়ের কারখানা। মসজিদের সম্মুখভাগে চতুষ্কোণ চব্বরের নীচে ৪০ ফুট লম্বা একটি বিঘাট সড়ক, ইহার ভিতর ৭০-৮০ মণ মদ ধরার মত বিঘাটাকার চৌবাচ্চা,

অগণিত বিপুলাকৃতি হাঁড়ি, ফুটবল ব্লাডার, জল সরবরাহের পাইপ, জল ইত্যাদি ও অসংখ্য সাজসবজামের বিরাট ব্যবস্থা।

জঙ্গলাকীর্ণ মসজিদের বাইরে পুষ্টিগন্ধময় জরাজীর্ণ অবস্থা : ভিত্তরে রহস্যময় পাতালপুরী। আর এই পাতালপুরীর সুড়ঙ্গ-পথ দ্বিধাই মাসিক হাজার হাজার টাকার আসা-যাওয়া। পুলিশ অত্যন্ত অভিযানে এই রহস্যময় পাতালপুরীর সন্ধান পায় এবং দুই ব্যক্তিকে গ্রেপ্তার করে।

প্রকাশ, খুঁত ব্যক্তিবর্গ উভয়েই উদ্ভাস্ত। মসজিদের পাশেই কয়েক ঘর উদ্ভাস্তর বাস।

পুলিস এই সম্পর্কে আরও অনুসন্ধান চালাইতেছে।”

পররাষ্ট্র দপ্তরের দলিল চুরি

সম্প্রতি সংবাদপত্রে নিম্নস্থ সংবাদটি প্রকাশিত হয়। পরে পররাষ্ট্র দপ্তরের জর্নিক মুখপাত্র এই পর্বের অধিকাংশই সাফাই গাহিয়া পরিষ্কার করিবার চেষ্টা করিয়াছেন। প্রকৃত তথ্য যে কি তাহা আমরা সকলেই জানি, সুতরাং দেশে যে অন্তর্ঘাতী গুপ্তচর ও শত্রুর পঞ্চমবাহিনী রহিয়াছে তাহা অস্বীকার করা অসম্ভব। হইতে পারে যে, আসামীর স্বীকারোক্তি কিছু অতিরঞ্জিত। কিন্তু পররাষ্ট্র দপ্তর যে সজাগ নহে তাহার প্রমাণ ত এই দলিল চুরিই :

“নয়াদিল্লী, ২২শে সেপ্টেম্বর—আজ নয়াদিল্লীর অস্বতম ম্যাজিস্ট্রেট জীবাজেন্দ্র সিং-এর নিকট পররাষ্ট্র মন্ত্রণালয়ের কর্মচারী সাদিলাল কাপুর যে স্বীকারোক্তি করিয়াছেন, তাহাতে বহু চাঞ্চল্যকর তথ্য ফাঁস হইয়াছে। ভারত সরকারের অতিশয় গোপনীয় কতকগুলি দলিল ও নথিপত্র অপহরণের দায়ে সাদিলাল অভিযুক্ত হইয়াছেন।

প্রকাশ, আসামী তাঁহার স্বীকারোক্তিতে পররাষ্ট্র মন্ত্রণালয়ের কয়েকজন অফিসারকেও জড়াইয়াছেন। পুলিশের ধারণা, আসামীর স্বীকারোক্তিমূলে অনুসন্ধান চালাইলে অনেক নূতন তথ্য আবিষ্কৃত হওয়ার সম্ভাবনা রহিয়াছে। এই ষড়যন্ত্রের পিছনে একটি আন্তর্জাতিক গুপ্তচর-চক্রের অস্তিত্ব আছে বলিয়া পুলিশ সন্দেহ করিতেছে।

দিল্লীর পুলিশ কর্তৃপক্ষ বলেন যে, অন্তর্ঘাতী কার্যকলাপ দ্বারা দেশে অশান্তি ও গোলযোগ সৃষ্টির জন্য একটি গুপ্তচর-দল ক্রিয়ামূলক রহিয়াছে বলিয়া তাঁহারা সন্দেহ করেন। তাঁহারা আশা করেন যে, আসামীর স্বীকারোক্তির ফলে তাঁহারা এই গুপ্তচর-চক্র নিমূল করিতে কৃতকার্য হইবেন। মামলা দেখিবার জন্য আদালত-কক্ষে বহু দর্শক সমাগম হইয়াছিল। একজন মাত্র পুলিশ কর্মচারী সাদিলালকে আদালত-কক্ষে লইয়া আসে এবং কয়েকজন নারী-পুলিস তাঁহার সঙ্গে স্ত্রীকে লইয়া আসে। তাঁহার স্ত্রীর কোলে এক বৎসরের একটি শিশু ছিল।

প্রকাশ যে, সাদিলাল পূর্বে অপর একজন ম্যাজিস্ট্রেটের নিকট স্বীকার করিয়াছেন যে, তিনি গোপনীয় দলিলপত্র ও কাইল একজন বিদেশী চব্বের হস্তে দিয়াছিলেন।

যে বিদেশী চব্বের নিকট কাইলের কাগজপত্র দেওয়া হইয়াছিল, সে ভারত ছাড়িয়া গিয়াছে বলিয়া জানা গিয়াছে। দুই জন বিদেশী কুটনীতিবিদ্যারও হঠাৎ ভারত হইতে চলিয়া গিয়াছে।

প্রকাশ যে, কাইলসমূহ সুরেজ সমগ্রা সম্বন্ধে কতকগুলি স্বাভাবিক প্রশ্ন-সংক্রান্ত। জীকৃষ্ণ মেননের কার্যের ব্যতীত প্রাকালে দেখা যায় যে, কাইলসমূহ উধাও হইয়াছে।”

সমাজ উন্নয়ন

পণ্ডিত নেহরু বাহা বলিয়াছেন তাহা আশার বাণী। কিন্তু কবে সুদিন আসিবে তাহার কোনও চাক্ষুষ লক্ষণও আমাদের দৃষ্টিগোচর হইতেছে না। প্রথম পঞ্চবার্ষিক পরিকল্পনা ত শেষ হইয়াছে। দ্বিতীয়ও চালু হইয়াছে, কিন্তু দেশের জনসাধারণ কি এখনও হাঁক ছাড়িবার অবকাশ পাইয়াছে?

“নয়াদিল্লী, ৩০শে সেপ্টেম্বর—প্রধানমন্ত্রী শ্রীনেহরু সমাজ-উন্নয়ন কর্মসূচীকে গ্রামীণ ভারতের মনোমুগ্ধকর উপকরণ এক নূতন অধ্যায় বলিয়া অভিহিত করেন। তিনি বলেন, “আমাদের ব্যাপক কর্মক্ষেত্র এবং অসংখ্য গ্রামে এক নূতন নাটকের অভিনয় হইতেছে। শত সহস্র গ্রামা কর্মী ও সংগঠনকারী প্রভৃতি এই নাটকের অভিনেতা। প্রত্যেক নরনারী ও এমনকি শিশু পর্যন্ত উহাদের অন্তর্ভুক্ত হওয়া বিধেয়।”

ভারতে সমাজ উন্নয়ন কর্মসূচী উদ্বোধনের বার্ষিকী উপলক্ষে সমাজ উন্নয়ন মন্ত্রণালয়ের মুখপত্র ‘কৃষ্ণকোষ’ প্রদত্ত এক বিশেষ বাণীতে প্রধানমন্ত্রী উপরোক্ত মন্তব্য করেন।

শ্রীনেহরু বলেন, “সমাজ উন্নয়ন পরিকল্পনা এক্ষণে নূতন ভিত্তির উপর স্থাপিত হইয়াছে। ভারত সরকারের একটি নূতন মন্ত্রণালয় এই নামে গঠিত হইয়াছে। সম্ভবতঃ একমাত্র আমাদের দেশেই এজাতীয় একটি দপ্তর আছে। ইহাতে শুধু সমাজ উন্নয়ন পরিকল্পনা ও জাতীয় সেবাসম্প্রদায় ব্যবহার কর্মবিবর্তনই প্রমাণিত হয় না, ইহার গুরুত্বও স্বীকৃতি দেওয়া হয়। এই পরিবর্তনের সঙ্গে সঙ্গে বৃহত্তর দায়িত্বও অর্পিত হইয়াছে। গত চার বছরে শ্রীমুখেন্দ্রকুমার দেব নেতৃত্বে এই কাজ বতটা আগাইয়াছে, তাহাতে আমার নিশ্চিত বিশ্বাস জন্মিয়াছে যে, এই নূতন মন্ত্রীর তত্ত্বাবধানে সমাজ উন্নয়ন মন্ত্রণালয়ের বাধার্থ্য প্রতিপাদিত হইবে।

ক্রম খাতোৎপাদন বাড়িতেছে। সমগ্র গ্রামাঞ্চলে সমন্বয় সমিতি গড়িয়া তোলায় প্রয়োজনীয়তার বিষয়ও আমি সম্প্রতি বার বার উল্লেখ করিয়াছি। উহাদের উপরই বৈষয়িক উন্নতি মূলতঃ নির্ভরশীল। তবে মানুষ গড়িয়া তোলাই আমাদের আসল উদ্দেশ্য।

জনসাধারণের নিকট আশার বাণী বহন করা, তাহাদের মধ্যে আত্মবিশ্বাস ও আত্মনির্ভরতা জাগাইয়া তোলা এবং কঠোর ও সহযোগিতামূলক কর্মপ্রচেষ্টার মাধ্যমে জাতীয় উদ্দেশ্যসিদ্ধির ব্যবস্থা করাই সমাজ উন্নয়ন পরিকল্পনার আসল কাজ।”

ব্যায সরকারী সাহায্য

“কান্দ্রি, ৭ই অক্টোবর—সরকার বুদ্ধকালীন জরুরী অবস্থায় ভিত্তিতে সমগ্র পশ্চিমবঙ্গে বক্তার্তদের জ্ঞান ব্যাপকভাবে সাহায্যকারী পরিচালনার সিদ্ধান্ত করিয়াছেন। ভারত সরকার পশ্চিমবঙ্গকে তাহার বর্তমান দুর্দশার জ্ঞান সর্বপ্রকার সাহায্যদানের আশ্বাস দেওয়ার রাজ্য সরকার এখন সাহায্যদানের উদ্যোগ-আয়োজন করিতেছেন। সাহায্যকার্যের জ্ঞান ১৫ কোটি টাকা ব্যয় করা হইবে বলিয়া স্থির হইয়াছে।

আজ এখানে ডাক বাংলাতে অনুষ্ঠিত বক্তার্তদের এক সমাবেশে বক্তৃতা প্রসঙ্গে খাদ্য ও কৃষিমন্ত্রী শ্রী অজিতপ্রসাদ জৈন বলেন যে, পশ্চিমবঙ্গ সরকারের অমুখোদ্যমে অগ্রাধিকারের ভিত্তিতে পরবর্তী তিন মাসের জ্ঞান প্রতি মাসে পাঁচ লক্ষ মণ চাউল প্রেরণের আদেশ দেওয়া হইয়াছে। শ্রী জৈন বলেন, প্রধানমন্ত্রী শ্রীনেহরু উৎসেগ সহকারে পশ্চিমবঙ্গে বক্তার্ত অবস্থা লক্ষ্য করিতেছেন।

দুর্ভিক্ষ, দেশবিভাগ ও ক্রমাগত বক্তার্ত ফলে গত ২০ বৎসর ধরিয়া পশ্চিমবঙ্গ যে চরম দুর্দশাভোগ করিয়া আসিতেছে, তাহার উল্লেখ করিয়া শ্রী জৈন বলেন, “আজ আপনাদের দুর্গতি সমগ্র ভারতের দুর্গতি। আপনারা যে চরম দুঃখকষ্ট ভোগ করিতেছেন তাহাতে আমি মর্মান্বিত হইয়াছি।”

সংস্কৃত কমিশন

ভারত সরকার ভারতে সংস্কৃত শিক্ষার বর্তমান অবস্থা বিবেচনা করিয়া দেখিবার জ্ঞান একটি সংস্কৃত কমিশন গঠন করিয়াছেন। ৫ই অক্টোবর এই কমিশন গঠনের ঘোষণা করা হয়। বিখ্যাত ভাষাতত্ত্ববিদ পণ্ডিত ড. শ্রীমুনীতিকুমার চট্টোপাধ্যায় মহাশয়কে এই কমিশনের চেয়ারম্যান নিযুক্ত করা হইয়াছে। এই কমিশনে অধ্যাপক এস. কে. দে সহ আরও আট জন সদস্য রহিয়াছেন। পূণা বিশ্ববিদ্যালয়ের সংস্কৃত বিভাগের প্রধান অধ্যাপক ডঃ আর. এন. দশেকার এই কমিশনের সন্যস্ত-সম্পাদক।

কমিশনের সম্মুখে কাজ হইল মুখ্যতঃ দুইটি—প্রথমতঃ, বিশ্ববিদ্যালয় এবং বিশ্ববিদ্যালয়-বহির্ভূত প্রতিষ্ঠানগুলিতে সংস্কৃত পঠন-পাঠনের ব্যবস্থা পর্যালোচনা করা এবং সংস্কৃত পঠন-পাঠন ও গবেষণার উন্নতিসাধনের পরামর্শ দেওয়া; দ্বিতীয়তঃ, সংস্কৃত পঠন-পাঠনের প্রচলিত পদ্ধতি আলোচনা করিয়া দেখা এবং তাহার কোন কোন বৈশিষ্ট্যগুলি আধুনিক শিক্ষাপদ্ধতির অন্তর্ভুক্ত করিয়া লওয়া যাইতে পারে তাহা বিবেচনা করিয়া দেখা।

কমিশন বাহাতে প্রয়োজনীয় সংবাদাদি সংগ্রহ করিতে পারেন সেইজন্ম যথাযোগ্য ক্ষমতা কমিশনকে দেওয়া হইয়াছে। ছয় মাসের মধ্যেই কমিশন রিপোর্ট পেশ করিতে পারিবেন বলিয়া আশা করা যায়। ৭ই অক্টোবর ডঃ চট্টোপাধ্যায়ের নেতৃত্বে নবদিল্লীতে কমিশনের প্রথম আনুষ্ঠানিক অধিবেশন বসে।

একটি সংস্কৃত কমিশন নিয়োগের জ্ঞান বহুদিন হইতেই আন্দোলন

চলিতেছিল। সুতরাং এই কমিশন গঠন সমরোচিত হইয়াছে সন্দেহ নাই। কোন জাতিই তাহার ঐতিহ্যকে বিন্যস্ত থাকিয়া মহৎ লাভ করিতে পারে না! মহামহোপাধ্যায় হরপ্রসাদ শাস্ত্রী মহাশয় বাঙালীকে একটি আত্মবিশ্বস্ত জাতি বলিয়া বর্ণনা করিয়াছিলেন। সমগ্র ভারতের পক্ষে এই কথাটি বোধ হয় আরও বেশী করিয়াই প্রযোজ্য হইতে পারে। বহু বৎসরের পরাধীনতায় ভারতবাসী সত্যই আপনাকে ভুলিয়াছে। পাশ্চাত্য ভাবধারায় লালিত ভারতীয় শিক্ষাব্যবস্থায় ভারতের (এবং এশিয়ার) সংস্কৃতি সম্পর্কে জ্ঞান-লাভের কোন সুযোগই নাই। এইরূপ বক্তব্যের অর্থ এই নহে যে, পাশ্চাত্য শিক্ষার কোনই মূল্য নাই। পাশ্চাত্য শিক্ষার যথেষ্টই মূল্য রহিয়াছে এবং সে শিক্ষা আমাদের পূর্ণমাত্রাতেই গ্রহণ করিতে হইবে। কিন্তু পাশ্চাত্য ভাবধারাকে আমাদের জীবন ও সংস্কৃতির উপযোগী করিয়া গড়িতে হইবে। ভারতীয় জীবনবোধ এবং পাশ্চাত্য জ্ঞানবিজ্ঞানের শিক্ষা এই দুইয়ের সমন্বয় সাধন নব-সৃষ্ট ভারতীয় জাতীয়তাবোধের সূত্র বিকাশের জ্ঞান অবশ্যপ্রয়োজন—কিন্তু দুঃখের সহিত স্বীকার করিতে হইবে যে, তাহা এখনও সম্ভব হয় নাই। ইহার প্রধান কারণ এই যে, আমরা বাহারা পাশ্চাত্য শিক্ষার শিক্ষিত হইয়াছি তাহারা কেহই দেশের ঐতিহ্যকে অমুখাবন করিবার শিক্ষাও পাই নাই, চেষ্টাও করি নাই (অবশ্য এক্ষেত্রেও ব্যতিক্রম রহিয়াছে)। অপর দিকে বাহারা সংস্কৃতজ্ঞ পণ্ডিত তাহারা আধুনিক শিক্ষা গ্রহণে পরাশ্রয় থাকায় তাহাদের অতীত-মুখী দৃষ্টিভঙ্গী আমাদের পক্ষে কোনই সাহায্য করিতে পারে নাই। এই অবস্থায় আধুনিক শিক্ষাতালিকার একটি অবিচ্ছেদ্য অঙ্গ হিসাবে সুপরিষ্কৃত সংস্কৃত শিক্ষার বিশেষ প্রয়োজনীয়তা রহিয়াছে। এই প্রসঙ্গে ভারতে সংস্কৃত পঠন-পাঠনের একটি সুসঙ্গত রীতি প্রবর্তন করা যায় কিনা তাহাও বিবেচনা করিয়া দেখা কর্তব্য।

আত্মহত্যার প্রাদুর্ভাব

বোম্বাই রাজ্যে আত্মহত্যার প্রাদুর্ভাব দেখা দিয়াছে। ইউ-নাইটেড প্রেস নিয়ন্ত্রিত সংবাদটি পরিবেশন করিয়াছেন :—

“বোম্বাই ৬ই অক্টোবর—মুখ্যমন্ত্রী শ্রীমোদরাজী দেশাই আজ বোম্বাই বিধানসভায় বলিয়াছেন যে, ১৯৫৪ ও ১৯৫৫ সনে বোম্বাই রাজ্যে মোট ৩,৮২৪টি আত্মহত্যা ঘটে। উহার মধ্যে ১,২৪১জন পুরুষ ও ১,২৮৩ জন স্ত্রীলোক। মুখ্যমন্ত্রী বলেন যে, ঘরোয়া ঝগড়া, দীর্ঘকাল ধাবং যোগভোগ, মস্তিষ্কবিকৃতি, দুর্ভাবহার, প্রণয়ে নৈরাস্ত্র প্রভৃতি এই সকল আত্মহত্যার কারণ। দারিদ্র্য, বেকার ও দেউলিয়া অবস্থার দরুনও অনেক ক্ষেত্রে আত্মহত্যা ঘটিয়াছে।”

আইনামুদারী আত্মহত্যার প্রত্যেকটি ক্ষেত্রেই পুলিশের গোচরে আসিবার কথা। সেই দিক হইতে বিচার করিলে বোম্বাইয়ের মুখ্যমন্ত্রী প্রথমতঃ পরিসংখ্যানটি সঠিক বলিয়া ধরিয়া লইতে পারা যায়।

যাত্র একটি রাজ্যে (মোট লোকসংখ্যা ৩,৫২,৫৬,৩৫০) দুই বৎসরে ৩,৮২৪ জন আত্মহত্যা করিয়া জীবনত্যাগ করিয়াছে—যবনটি সত্যই উৎসেগজনক। মুখ্যমন্ত্রী আত্মহত্যার যে কারণগুলি

বলিয়াছেন, তাহাতে দেখা যায় মুখ্যতঃ সেগুলি সবই সামাজিক। সামাজিক অবস্থার উন্নতিসাধন করিতে পারিলে এই প্রকার আত্ম-হত্যাও নিরোধ করা যাইতে পারে। সম্পদের উৎপাদন এবং তাহার বিতরণ-ব্যবহার অসামঞ্জস্যই এই সকল সামাজিক দ্রুত-স্থিতির জন্ম দায়ী। জাতীয় ধনবৈষম্য দূর করা ভাব্যতঃ জাতীয় পরিকল্পনাগুলির অন্ততম উদ্দেশ্য। কিন্তু বাস্তব কার্যক্ষেত্রে সেই উদ্দেশ্য ক্রমাগতই অস্তবালে থাকিয়া যাইতেছে।

পাকিস্থানী রাজনীতি

সম্প্রতি পাকিস্থানের আভ্যন্তরীণ রাজনীতির ক্ষেত্রে একটি গুরুত্বপূর্ণ সিদ্ধান্ত গৃহীত হইতে চলিয়াছে। নূতন সংবিধান অমুখ্যায়ী শীর্ষই যে জাতীয় নির্বাচন অনুষ্ঠিত হইবে তাহাতে হিন্দু ও মুসলমানের জন্ম পৃথক নির্বাচকমণ্ডলী থাকিবে, না একটি সংযুক্ত নির্বাচকমণ্ডলী (বাহাতে হিন্দু ও মুসলমান উভয়েই ভোটাধিকারী হইবেন) জাতীয় সভা এবং রাজ্য বিধানসভাগুলির প্রতিনিধি-বর্গকে নির্বাচিত করিবেন সেই সম্পর্কে চূড়ান্ত সিদ্ধান্ত গ্রহণ করিবার জন্ম পাকিস্থানের জাতীয় সভা ৮ই অক্টোবর হইতে ঢাকা নগরীতে আলোচনায়ত রহিয়াছেন। এখানে উল্লেখযোগ্য যে, পূর্ব-পাকিস্থানে পাকিস্থানের জাতীয় সভায় ইহাই সর্বপ্রথম অধিবেশন।

পশ্চিম-পাকিস্থানের বিধানসভা সংযুক্ত নির্বাচকমণ্ডলী গ্রহণের বিরোধিতা করিয়াছে। পূর্ব-পাকিস্থানের বিধানসভা প্রায় সর্বদম্ভতি-ক্রমেই সংযুক্ত নির্বাচকমণ্ডলীর পক্ষে ভোট দিয়াছে। এখন জাতীয় সভা এই বিষয়ে চূড়ান্ত সিদ্ধান্ত গ্রহণ করিবেন। তবে সর্বশেষ সংবাদে প্রকাশ যে, পশ্চিম-পাকিস্থানের রিপাবলিকান দলের সদস্যগণ আপন আপন মতামত অমুখ্যায়ী ভোট দিতে পারিবেন। জাতীয় সভার অধিবেশনের স্থান, সরকারী মনোভাব এবং পূর্ব-পাকিস্থানের সাধারণ আচরণ হইতে মনে হয় যে, জাতীয় সভা সংযুক্ত নির্বাচকমণ্ডলীর পক্ষেই সিদ্ধান্ত গ্রহণ করিবেন।

ধর্মের ভিত্তিতে স্বতন্ত্র নির্বাচকমণ্ডলী গঠন ব্রিটিশ সাম্রাজ্য-বাদের অপকীর্তি এবং ভারতে তাহাতে ইকন বোম্বার একদল অন্ধ সাম্প্রদায়িকতাবাদী—বাহাদের নেতৃত্বে ছিল মুসলিম লীগ। এই রাজনীতির অন্তঃসারশূন্যতা প্রমাণ হইয়াছে পাকিস্থানের রাজনৈতিক পটভূমিকা হইতে মুসলিম লীগের (প্রকৃতপক্ষে) সম্পূর্ণ অপসারণের কথা দিয়া। হিন্দু মুসলমান দুই জাতি এই “মুলাবান” তত্ত্ব আজ পাকিস্থানের কোন কাণ্ডজ্ঞানসম্পন্ন রাজনৈতিক নেতা বলেন না। এই সূত্র পরিবর্তনেরই অপরাধ পদক্ষেপ হইল স্বতন্ত্র নির্বাচকমণ্ডলীর বিলোপসাধন। অবশ্য সংখ্যাগুরু মুসলমানদের পক্ষে এখন বোধ নির্বাচকমণ্ডলীই অধিকতর সুবিধাজনক। তথাপি স্বতন্ত্র নির্বাচক-মণ্ডলীব্যবহার অন্তর্নিহিত অসাব্যতা বৃদ্ধিতে পারিয়া পাকিস্থানের সংখ্যাগুরু হিন্দুগণ যে বোধ নির্বাচনব্যবস্থাকে সমর্থন করিয়াছেন তাহাতে তাহাদের রাজনৈতিক দূর্দর্শিতার পরিচয় মিলে।

বিশ্ব আণবিক সংস্থা

বিশ্বের একাশীটি দেশের প্রতিনিধি সম্প্রতি যুক্তরাষ্ট্রে অবস্থিত রাষ্ট্রপুঞ্জের সদর দপ্তরে একটি বিশ্ব আণবিক সংস্থার খসড়া সংবিধান আলোচনার জন্ম সম্বলিত হন। সর্বসম্মত সাতাশটি রাষ্ট্রকে বোগদানের জন্ম আহ্বান জানানো হয়। তন্মধ্যে ৮১টি রাষ্ট্র সম্মেলনে বোগদান করে। ২০শে সেপ্টেম্বর হইতে ঐ সম্মেলনের কার্য শুরু হয়। মার্কিন যুক্তরাষ্ট্র, ভারত, যুক্তরাজ্য, সোভিয়েট ইউনিয়ন, কানাডা, অষ্ট্রেলিয়া প্রমুখ বারটি দেশ এই সম্মেলনের উদ্যোক্তা। এই কমিটি রাষ্ট্রের প্রতিনিধিবর্গই প্রস্তাবিত বিশ্ব আণবিক সংস্থার খসড়া সংবিধানটি রচনা করে।

আণবিক শক্তির শান্তিপূর্ণ ব্যবহারের জন্ম রাষ্ট্রসংঘের পরিচালনাধীনে একটি বিশ্ব আণবিক সংস্থা গঠনের জন্ম মার্কিন যুক্ত-রাষ্ট্রের প্রেসিডেন্ট আইসেনহাওয়ারের রাষ্ট্রসংঘের সাধারণ পরিষদের সম্মুখে ১৯৫৩ সনের ৮ই ডিসেম্বর প্রদত্ত এক বক্তৃতায় সর্বপ্রথম একটি প্রস্তাব গৃহীত হয়। তাহার পর বিভিন্ন আলোচনা-আলোচনার মাধ্যমে উপরোক্ত বাবোটি রাষ্ট্র একটি বিশ্ব আণবিক সংস্থা গঠনের জন্ম বাস্তব কার্যক্রম গ্রহণ করে। এই বাবোটি রাষ্ট্র ১৯৫৬ সনের ২৭শে ফেব্রুয়ারী হইতে ১৮ই এপ্রিল এই সময়ে মধ্য ওয়াশিংটনে একটি সম্মেলনে মিলিত হইয়া প্রস্তাবিত সংস্থাটির জন্ম একটি খসড়া সংবিধান রচনা করে। বর্তমান সম্মেলনে ঐ খসড়াটি আলোচনার পর গৃহীত হইবে বলিয়া আশা করা যায়।

রাষ্ট্রসংঘের সদস্য ৭৬টি রাষ্ট্র ব্যতীত আরও বাহাদের আমন্ত্রণ জানানো হয় সেই সকল রাষ্ট্র হইল : পশ্চিম জার্মানী, জাপান, দক্ষিণ কোরিয়া, মোনাকো, মরক্কো, সান মারিনো, সুদান, সুইজার-ল্যান্ড, টিউনিসিয়া, ভ্যাটিকান সিটি এবং দক্ষিণ ভিয়েতনাম। কিন্তু চীনা সাধারণতন্ত্রকে এই সম্মেলনে বোগদানের জন্ম কোন আমন্ত্রণ জানানো হয় নাই। কার্যতঃ ৮১টি দেশ সম্মেলনে উপস্থিত থাকে। পৃথিবীর ইতিহাসে আজ পর্যন্ত ইহাই বৃহত্তম আন্তর্জাতিক সম্মেলন।

এই সম্মেলন সম্পর্কে যে সংবাদ এদেশে আসিয়া পৌঁছিয়াছে তাহাতে দেখা যায় যে, প্রস্তাবিত বিশ্ব আণবিক সংস্থার গঠন ও কর্মপন্থা সম্পর্কে বিভিন্ন রাষ্ট্রের মধ্যে গুরুতর মতভেদ রহিয়া গিয়াছে। প্রস্তাবিত সংস্থা হইতে বিভিন্ন রাষ্ট্রকে আণবিক সাহায্য দানের যে সকল সর্ত্ত আরোপ করার প্রচেষ্টা হইতেছে, ভারতপ্রমুখ কয়েকটি রাষ্ট্র তাহার বিশেষ বিরোধিতা করিয়াছে।

পূজার ছুটি

শায়দীয়া পূজা উপলক্ষে প্রবাসী কার্যালয়ের আগামী ২৫শে আশ্বিন ১৩৬০ (১১ই অক্টোবর ১৯৫৬) হইতে ৭ই কার্তিক ১৩৬০ (২৪শে অক্টোবর ১৯৫৬) পর্যন্ত বন্ধ থাকিবে। এই সময়ে প্রাপ্ত চিঠিপত্র, টাকাকড়ি প্রভৃতি সবক্কে ব্যবস্থা আপিস খুলিবার পর হইবে। এই সূত্রে জানানো যাইতেছে যে, গ্রাহক, বিজ্ঞাপন, ঠিকানা-পরিবর্তন, প্রবাসী-অপ্রাপ্তি—এতদ্বিষয়ক চিঠিপত্র “ম্যানে-জার প্রবাসী” এই নামে প্রেরিতব্য।

রীতি ও রুচি

শ্রীবিনায়ক সাংঘাল

‘স্টাইল’ কথাটা আজকাল শোনা যায় লোকের মুখে মুখে। লেখা এবং খেলা, উভয়ত্রই এসে পড়ে স্টাইলের প্রসঙ্গ। কিন্তু বস্তুটা আসলে নিরাকার ব্রহ্মের মতই অনির্বাচ্য। এর সম্বন্ধে একটা আবছা-গোছের ধারণা হয় ত আছে আমাদের মনের মধ্যে; কিন্তু বিষয়টা এমনই যে বুঝিয়ে বলতে গেলেই সেটা আরও অস্পষ্ট হয়ে যায়। তা ছাড়া, ধারণার ব্যাপারেও ঐক-মত্য হওয়া প্রায় অসম্ভব। তাই বিদ্বজ্জনদের দরবারে একটু কুণ্ঠিত কণ্ঠেই পেশ করতে হয় নিজের বক্তব্যটি। সুবিধা বা অসুবিধার কথা এই যে, এই প্রসঙ্গ নিয়ে প্রাচীনকাল থেকে আজ পর্যন্ত, এদেশে এবং বিদেশে, আলোচনা নেহাত কম হয় নি। সুবিধা এই যে, পূর্বসূরিদের পথ ধরে প্রধান প্রধান মতবাদগুলির পর্যালোচনা করে মোটামুটি একটা সিদ্ধান্তে পৌঁছানো হয়ত সম্ভব হতে পারে। অসুবিধার কথা, বাঁশবনে ডোমকানা হওয়ার আশঙ্কাও আছে যথেষ্টই। যা হোক, বিষয়টা খতিয়ে দেখবার চেষ্টা করলে, লাভ না থাকুক, ক্ষতি অন্ততঃ কিছু নেই।

একদল আলঙ্কারিক ছিলেন এ দেশে যাঁরা কাব্যের স্বরূপ নির্ণয় করতে গিয়ে রচনা-রীতির উপরই জোর দিয়েছেন বিশেষ করে। এঁদের মধ্যে কেউ কেউ এমন কথাও বলেছেন যে, কাব্যের আত্মাই হ’ল রীতি। রীতির অর্থ করেছেন এঁরা ‘বিশিষ্টা পদ-রচনা’। চমৎকৃতি-বাদী হরিপ্রসাদ কাব্যকে চিহ্নিত করেছেন, ‘বিশিষ্ট শব্দরূপ’ এই লক্ষণে। প্রত্যেক পদবন্ধ বা বাক্যের মধ্যেই থাকে তিনটি জিনিষ—যোগ্যতা, আকাঙ্ক্ষা এবং আসক্তি। যোগ্যতার অর্থ পদার্থগমূহের পরস্পর সম্বন্ধে বাধা না থাকা; ‘রোদে ভিজেছে’ কিংবা ‘জলে পুড়ছে’ বললে বাক্যের হানি হয়। আকাঙ্ক্ষা বলতে এঁরা বুঝেছেন, ‘প্রতীতি-পর্যবসান-বিরহ’ অর্থাৎ বাক্যে পদার্থের নিরপেক্ষতার অভাব। ‘গো-অশ্ব-নর-বানর’ ইত্যাদি পদোচ্চর বাক্য নয়, কারণ গো-শব্দটি উচ্চারণের সঙ্গে সঙ্গে যে জিজ্ঞাসা জাগ্রত হয় শ্রোতার অন্তরে, তার উত্তর নেই অশ্বাদি-শব্দের মধ্যে। কাজেই এই নিরাকাজ্ঞ অর্থাৎ অন্তোন্ত-নিরপেক্ষ পদোচ্চরকে বাক্য বলা যায় না। আর আসক্তি হ’ল হুই বা তদধিক সন্নিহিত পদের অবিচ্ছিন্ন অধর। কিন্তু এ তো গেল সাধারণ পদ-রচনার

কেউ বলেন শব্দ-সৌষ্ঠবে, কেউ বলেন অলঙ্কার-সংযোগে,* কেউ বা বলেন অর্থের রমণীয়তা-প্রতিপাদনে;† চমৎকার-সৃষ্টির কথাও বলেন কেউ কেউ। সে যা হোক, অভিধা-মূলক বাক্য যে কাব্যের রসজ-সাধনের পক্ষে পর্যাপ্ত নয়, এ কথা সকলেই স্বীকার করেছেন এক বাক্যে; নতুবা অর্থকে ‘রমণীয়’-বিশেষণে বিশেষিত করা হ’ত না, কিংবা চমৎকার-সৃষ্টির প্রসঙ্গও উঠত না। বাক্য ‘রমণীয় অর্থ’ অর্থাৎ লোকোত্তর আত্মা উৎপাদন করে, কিংবা ‘চমৎকার’ অর্থাৎ বিদ্বজ্জনের চিন্তা-বিস্তার সাধন করে তখনই যখন সে বাচ্যকে অতিক্রম করে লক্ষ্যে এবং লক্ষ্য থেকে ব্যক্ত্যে গিয়ে পৌঁছয়।

অতএব ব্যঞ্জনার দিক থেকে শব্দ-সৌষ্ঠবের দান এবং স্থান কতটুকু সেই আলোচনাই করা যাক প্রথমে। ‘সুষ্ঠু’ শব্দের অভিপ্রেত অর্থ,—অর্থ ও ধ্বনির দিক থেকে যা একান্ত সঙ্গত, উচ্চারণের সঙ্গে সঙ্গেই যা আমাদের শ্রুতিকে তৃপ্ত করে মনের ভিতর মহলে চলে যায় এবং বাচ্যকে অতিক্রম করে এক অচিন্তিতপূর্ব অর্থের দ্যোতনা করে। এই প্রসঙ্গে ভারতীয় কাব্য-চিন্তায় কৈশিকী, ভারতী, সাত্তী, আরভটী প্রভৃতি রুচির কল্পনা করা হয়েছে। মনে রাখতে হবে রসই আমাদের মুখ্য লক্ষ্য; কাজেই কেবলমাত্র রস-সাধক বাক্যকেই ‘সুষ্ঠু’ আখ্যা দেওয়া যেতে পারে। রসের পরিপোষের দিকে লক্ষ্য রেখেই এই সব রুচি* অর্থাৎ পদ-বিশ্রাস-পদ্ধতির পরিকল্পনা করা হয়েছে। কৈশিকীর মধ্যে পাওয়া যায় ছটি বড় গুণ, প্রসাদ ও মাধুর্য; যে গুণ থাকলে বাক্যের উদ্দিষ্ট অর্থটি প্রতিভাত হয় বাক্যটি শুনবার সঙ্গে সঙ্গেই, পদ-প্রবন্ধের সেই স্বচ্ছ সৌকুমার্যের নামই প্রসাদ-গুণ; মাধুর্য নির্ভর করে অনেকটা কল্পনার কল্পতা ও অনন্ততন্ত্রতার উপর। পূর্বাচার্যগণের মতে এই রুচি বা স্টাইল শৃঙ্গার-রসের পক্ষে খুবই উপযোগী। বীর ও বোঁদ্র-রসের সহায়ক আরভটী, কারণ এর মধ্যে আছে ওজোগুণ, আছে শব্দ ও সমাসের সমারোহ; পৌড়ী রীতির সঙ্গেই এর সমধর্মিতা। ‘মেঘনাদ-বধে’র মেঘমঞ্জ প্রবন্ধগুলি এই রুচির প্রকৃষ্ট দৃষ্টান্ত।

* কাব্যঃ শ্রীহৃৎ অলঙ্কারঃ। (কাব্যালঙ্কার-সুত্রবৃত্তি)

† রমণীয়ার্থ-প্রতিপাদকঃ শব্দঃ কাব্যম্। রমণীয়তা চ লোকোত্তরাহ্লাদজনক-জ্ঞান-গোচরতা। (রসগঙ্গাবধ)

অনিবার্যক্রমেই আর একটা ব্যাপার এসে পড়ছে এর থেকে। কোন ভাব কোন বৃত্তির মাধ্যমে অভিব্যক্ত হতে পারে সৃষ্টি-ভাবে, সে কথা ভেবে নিতে হবে গোড়াতেই। বস্তুতঃ, রসোচিত রূপটি কবি-মানসে উদ্ভাসিত হয় অনায়াসে। এই সূক্ষ্ম শিল্প-দৃষ্টি—এই ‘কবিত্ব-বীজ’ নিহিত থাকে প্রত্যেক রূপদ্বয়ের অন্তরে। তবুও শাস্ত্র-পরিশীলন ও রচনা-চর্চারও প্রয়োজন আছে। কারণ কবিত্বই ত কাব্যত্বের একমাত্র হেতু নয়; কাব্য-মাধুরীর অনেকটাই নির্ভর করে কলা-চাতুরীর উপর। নিরন্তর কাব্য-চর্চার ফলে চিত্ত পরিমার্জিত হয় এবং ঔচিত্য-বোধ অর্থাৎ রুচি গড়ে ওঠে। এই কারণেই কাব্য-সম্পদের কারণ-নির্দেশ-প্রসঙ্গে আচার্য দণ্ডী নৈসর্গিক প্রতিভার সঙ্গে সংশয়রহিত বিদ্যা ও অবিরত অভ্যাসের উল্লেখ করেছেন। তাঁর মতে, ‘অভিযোগ’ ও অনুশীলনের গুণে পূর্ব-বাসনা জাগ্রত হয় এবং কাব্য-সৃষ্টির প্রেরণা আসে। কতকটা এই ভাবেরই আভাস পাই ভাসের উদ্ধৃত উক্তিতে—‘মধ্যমান অরণি থেকে যেমন অগ্নি উদ্গত হয়, ধনুমান ভূমি থেকে যেমন নীর নির্গত হয়, তেমনি রচনা-প্রসঙ্গের ফলে কাব্য-রসের উৎসেকও অসম্ভব নয়।’ বাস্তবিক, রচনার রুচিরতা নির্ভর করে উচিততার উপর—সৌম্যমোর উপর নির্ভর করে সুসমা।* ঔচিত্যবোধের অভাবে রচনা হয়ে পড়ে অসদৃশ ও অরুচিকর এবং রসোৎপত্তি হয় ব্যাহত।

স্টাইল-অর্থে রীতি এবং বৃত্তি দু’টি শব্দই প্রচলিত আছে অলঙ্কার-শাস্ত্রে। তবে রীতির শ্রেণীকরণ করা হয়েছে প্রধানতঃ ভৌগোলিক পরিবেশের দিকে লক্ষ্য রেখে, অর্থাৎ বিশেষ বিশেষ অঞ্চলে প্রচলিত ভাষা-রীতির গুণাগুণ অবধারণ করেই কল্পিত হয়েছে বৈদভী গোড়ী, পাঞ্চালী, প্রভৃতি রীতি-বিভাগগুলি। অপর পক্ষে, বৃত্তি-ব্যবস্থাটি পরিকল্পিত হয়েছে রস-সৃষ্টির সাধকরূপে। রস-সাধনের যোগ্যতা আছে এমন সব শব্দের সমাবেশই শুধু করা চলে কাব্যে। বিস্কৃত কবি ও সমালোচক এলিয়ট ‘auditory imagination’ অর্থাৎ শ্রুতিমূলা কল্পনার কথা বলেছেন তাঁর কোন এক নিবন্ধে। এই কল্পনার বলে শব্দ ও ছন্দের ধ্বনিগত তাৎপর্যটি স্বতই প্রতিভাত হয় শিল্পীর অন্তরে এবং সেই সব শব্দই বেছে নেন তিনি, যেগুলি আমাদের চেতনার বহিস্তর দিয়ে অনুক্রমিত হয়ে অন্তরের অন্তস্তলে গিয়ে পৌঁছয়। ভারতীয় অলঙ্কারেও আর্থী ও শাকী উভয়বিধ বৃত্তি ও ব্যঞ্জনাই স্বীকার করা হয়েছে। কৈশিকাদি অর্থ-বৃত্তির অন্তর্ভুক্ত ওজঃ-প্রসাদ-মাধুর্য প্রভৃতি গুণগুলিও পরিবাহিত

হয় ভাবগর্ভ শব্দ-সম্বোধের মাধ্যমেই। এইগুলি ছাড়া গ্রাম্যা (কোমলা), উপনাগরিকা, পুরুষা প্রভৃতি কতকগুলি শব্দ-বৃত্তিও ব্যবস্থিত হয়েছে সঙ্গে সঙ্গে। ‘গ্রাম্যা’ সরলা পল্লী-ললনার মতই কোমলা, সুকুমার-অনুভূতি-প্রকাশের অনুকূল; উপনাগরিকার মধ্যে পাই বিদগ্ধ-নাগরিকার মাজিত রুচি, হাশ্বশংগারাদি রস-সৃষ্টির সহায়ক এটি; পুরুষার প্রকৃতি একটু রুক্ষ—রোজাদি রসের ক্ষেত্রেই এর উপযোগিতা। ‘লোচন’-কারের মতে বৃত্তিগুলিই কাব্যের জননী—‘বৃত্তয়ঃ কাব্যমাতৃকাঃ’। সুতরাং বৃত্তি-ব্যবহারে বিশেষ অবহিত হওয়া প্রয়োজন, নতুবা অসুচিত শব্দ ও অর্থের সন্নিবেশে রস-সিদ্ধি ক্ষুণ্ণ হতে পারে। ভৌগোলিক রীতি-বিভাগ কতকটা কৃত্রিম ও কাল্পনিক, কারণ একই অঞ্চলের কবি ও লেখকদের ভাষা-শৈলী ঠিক একই প্রকার হয় না, কিংবা হতেও পারে না। বৈদভীর প্রশংসা এবং গোড়ীর নিন্দার মধ্যে অন্তরায় গন্ধই পাওয়া যায়।

কথা উঠতে পারে, বাক্য এবং অর্থ এরা ত পার্বতী-পরমেশ্বরের মতই পরস্পর-সম্পৃক্ত, এদের পৃথক করে দেখা সম্ভব হয় কি করে? পৃথক করে দেখা হয়ও না আসলে; প্রবৃত্তিগত পক্ষপাতের জন্মেই কেউ অর্থগত, কেউ বা শব্দগত বৃত্তির উপর জোর দেন এইমাত্র। শব্দ বললেই আসে অর্থের কথা, আর অর্থ বললেই এসে যায় শব্দের প্রসঙ্গ, কারণ অর্থবদ্ধ, বিবিধ ধ্বনির নামই ‘শব্দ’। অনুশূন-শব্দ-সংযোগের মাধ্যমেই অভিরূপ অর্থের উদ্বোধন সম্ভব হয়। বাক্যে কাব্যত্ব-সঞ্চারের জন্য প্রয়োজন শব্দার্থের সূচিস্থিত ও পরিমিত প্রয়োগ। ঔচিত্য-বোধ না থাকলে সন্দর্ভ কিছুতেই রসানুরূপ হতে পারে না। কিন্তু শব্দার্থকে বৃত্তির কষ্টি-পাথরে যাচাই করে নেবার যোগ্যতা আছে ক’জনের? কাজেই পদ-বন্ধ-সম্বন্ধে একটা শিথিল মনোভাব দেখা যাচ্ছে আজকাল চারিদিকে। আমাদের শব্দ-ভাণ্ডারে রজনীও আছে, শর্বরীও আছে; নারীও আছে, রমণীও আছে; সৌন্দামিনীও আছে, কণপ্রভাও আছে;—এক একটি শব্দের কত না পর্যায়-শব্দ ভাষায় প্রচলিত; কিন্তু কোন শব্দটি কোথায় ব্যবহার করলে তা রুচিসংগত ও রস-সম্মিত হবে তা বুঝব কি করে, যদি না শব্দার্থ সম্বন্ধে আমার প্রত্যয় হয় সুপ্রতিষ্ঠিত? শব্দের জন্মেই শব্দ-ব্যবহারের অথবা শব্দের অপব্যবহারের দৃষ্টান্ত সাম্প্রতিক সাহিত্যে আদৌ বিরল নয়। ‘যমুনা-পুলিনের তটে তটে’ কিংবা ‘বিনীত বিনয়ে’, ‘গীতির ছন্দোময়ী রূপ’ প্রভৃতি শিথিল প্রয়োগ আধুনিক সাহিত্যের পৃষ্ঠায় পাওয়া যায় বহু-তর। উপাধান অর্থে ‘অবধান’ পেশীবহুল অর্থে ‘পেশল’ শব্দের সাক্ষাৎ বা পারোক্ষ ব্যবহার

* উচিতং প্রাহ্মাচার্যঃ সদৃশং কিল বস্তু বং। (কেন্দ্র)

এমন নয়। এর অস্তিত্ব দায়ী আমাদের শব্দ-শিক্ষার অসম্পূর্ণতা। বিজ্ঞানীদের কাছে আমার সর্নির্বন্ধ অসুরোধ তাঁরা যেন এ বিষয়ে হন আর একটু অবহিত এবং অলঙ্কার-প্রয়োগ-সম্বন্ধেও হন আর একটু সংযত। তরুণ মনের ধর্মই হ'ল অহেতুক উচ্ছ্বাস—ফেনিল ভাবের যুকুরে ভাবের মুখ-দেখা। কিন্তু বয়স একটু বাড়লেই বোঝা যায় কত বড় ফাঁকি লুকিয়ে আছে এর তলায়। বস্তুতঃ, ঔচিত্যই হ'ল কাব্যস্বপ্নের লবণ—মাত্রার ভারতম্য হলেই বিপদ, সব লাভণ্য মাটি। ঔচিত্যবোধের সঙ্গেই সংস্কৃত আছে প্রসাদাদি বাবতীয় গুণ; রীতি বা রুচি, যত গুণ-গুণ্ণিতই হোক না, রসোচিত না হলে তা বন্ধ্য।

অলঙ্কার-কল্পনার ব্যাপারেও মিতাচার ও উচিততার অভাব দেখা যায় অনেক সময়। কণ্ঠ শ্বেতা কিংবা কটি-তটে হারের আরোপ, প্রণতের প্রতি শৌর্ষ কিংবা শক্রর প্রতি করুণা-প্রদর্শন, ইত্যাদি অসুচিত আচরণ রুচির অভাবই সূচিত করে। ঔচিত্য থেকে বিচ্যুত অলঙ্কারও গুণ না হয়ে হয় দোষেরই আঙ্গুঠি; 'বিষায়তে গুণগ্রামঃ ঔচিত্যপরিবন্ধিতঃ'। অঙ্কের সঙ্গে অঙ্গীর, ভাবের সঙ্গে ভঙ্গীর সংসক্তিই অঙ্গ নাম ঔচিত্য; কেমেত্র একে বলেছেন কাব্যের জীবন, আর রস তার আত্মা। বামন যে রীতি অথবা বিশিষ্ট পদ-রচনাকে কাব্যের আত্মা বলেছেন তার কারণ এই যে, একমাত্র অমুরূপ পদ-বন্ধেই রসাপত্তি সিদ্ধ হয়।

কবি ওয়ার্ডসওয়ার্থের একটি প্রখ্যাত উক্তি স্মরণীয় এই প্রসঙ্গে। তাঁর মতে কাব্যের অস্তিত্ব প্রচলিত বাগ-রীতিই যথেষ্ট। অকৃত্রিম আবেগ-প্রকাশের জন্য কৃত্রিম বাক-শৈলী অনাবশ্যক। ভাবের স্ফূর্তিই যদি তাৎপর্য হয় কাব্যের, তা হলে অলঙ্কার-সম্ভার যে ভার হয়ে থাকে তার বেহে তাতে সন্দেহ নাই। পরে অবশ্য তিনি তাঁর মত একটু বদলে বলেছিলেন, বৈনন্দিন ভাষা কাব্য-রূপায়ণের পক্ষে পর্যাপ্ত হলেও প্রয়োগ-পদ্ধতির নির্বাচন সময় সময় প্রয়োজন হতে পারে। কোলরিজ মোটামুটি এই মত মেনে নিলেও সম্পূর্ণরূপে সমর্থন করতে পারেন নি; কাব্যে অলঙ্কারের উপযোগিতা সম্বন্ধে তাঁর প্রত্যয় শেষ পর্যন্ত অসুর ছিল। যাকে বলা যায় 'রীতির রীতি' 'splendour of diction' ওয়ার্ডসওয়ার্থ তাকেই বলেছেন, 'প্রাণশূন্য প্রপঙ্কত বাগ-আল' 'gaudy, inane phraseology'। অলঙ্কারের অতিরিক্ত দোষের সন্দেহ নাই, কিন্তু অলঙ্কার-বিস্তৃতা গুণ কিনা সে বিষয়েও অসুর সন্দেহ আছে। ভাষার বিকল্প

সাহিত্যের ধর্ম নয়; বার্তা-সাহিত্য ভারতে নিন্দিতই হয়েছে প্রাচীনকালে, যদিও বাস্তবতার নামে কিছু ইচ্ছত পাচ্ছে এ যুগে। তবুও 'লঙ্কতে'র কথাটাও একেবারে ভুললে চলবে না; বাঞ্জনার আগে আছে রঞ্জনা। মনের দায়ী হ'ল স্রুতি; তাকে ধুশী করতে না পারলে ভাবের রঙমহলে প্রবেশের ছাড়পত্র মিলবে না। কাব্যকলার ক্ষেত্রে উচিত মিলে থাকে সলিতের সঙ্গে একাত্ম হয়ে—এদের বিচ্ছেদে কাব্য-শরীরের অঙ্গহানি ঘটে। কাজেই অলঙ্কারকে একেবারে বহিষ্কার করা যায় কেমন করে? আধুনিক কাব্যে প্রায়ই লক্ষিত হয় ভাষা ও ভূষার মধ্যে এই সঙ্গতির অভাব, যেন বিস্তৃতা ও অতিরিক্ততার মধ্যে কোন মধ্য-পন্থাই নেই। অলঙ্কার-শাস্ত্রে স্বভাবোক্তির প্রসঙ্গ আলোচিত হয়েছে বিস্তৃতাভাবে; এর লক্ষণ নির্দেশ করা হয়েছে এই-রূপে—'চাক্র যথাবদ্ বস্তু-বর্ণনম্'। যথাযথ বস্তু-বর্ণনার আদিত্তে 'চাক্র' বিশেষণটি বিশেষভাবে লক্ষণীয়। বস্তুর প্রতি বিশ্বস্ততা বজায় রেখে এবং কোনরূপ অঙ্গহারের সাহায্য না নিয়ে চাক্রতা সম্পাদন করতে হবে। অবশ্য চাক্রতা বলতে তাঁরা বুঝেছেন অগ্রাম্যতা। গ্রাম্যতার সপক্ষে ওকালতি করেও চাক্রতার কথা শেষ পর্যন্ত চিন্তা করতে হয়েছে ওয়ার্ডসওয়ার্থকে। এ দেশে কিন্তু আভরণকে আবরণ বলে মানা হয় নি কোম দিনই, যদিও তার ভিন্ন ভিন্ন প্রকার স্বীকার করা হয়েছে। বাহু, আভ্যস্তর ও বাহ্যভ্যস্তর ভেদে নিরূপিত হয়েছে এর ত্রিবিধ রূপ। বস্ত্র-মাল্য-মণ্ডন প্রভৃতি বাহু, দস্তপরিচয় অলঙ্কার-কল্পনা প্রভৃতি আভ্যস্তর, স্নান-ধূপ-বিলেপন প্রভৃতি বাহ্যভ্যস্তর; অঙ্গ কথায় শব্দালঙ্কার, অর্থাৎ অলঙ্কার এবং শকার্ধ-অলঙ্কার। কিন্তু শরীরীকৃত না হলে হার ভার হয়ে চেপে থাকে অঙ্গে। 'সঙ্গত' বখন ছাপিয়ে ওঠে সঙ্গীতকে, সঙ্গতির অভাব ঘটে তখনই। সত্যকার অসুভূতি ও আবেগ অতিরিক্ত চিত্র-কল্পনার মধ্য দিয়েই মূর্ত করে আপনাকে। 'রসাক্ষিপ্ত' অসুভূতিগুলি অভিব্যক্তির আধুখে একেবারে রূপ নিয়েই ফুটে ওঠে, কাজেই প্রকাশ-রূপ থেকে এদের বিচ্ছিন্ন করা সম্ভব নয়। আমাদের অভিজ্ঞতার সঙ্গরগুলির একটি বিশেষ সাঙ্কেতিক তাৎপর্য আছে এবং অস্তরের গূঢ়তম অসুভূতিগুলি শুধু সঙ্কেতময় রূপকের ভাষাতেই প্রকাশিত হতে পারে। আত্মকে যেমন দেহসত্তা থেকে পৃথক করা যায় না, ঠিক তেমনি রসকেও তার প্রকাশ-শরীর থেকে বিচ্ছিন্ন করা সম্ভব নয়; বিশ্বনাথের কথায় 'প্রকাশ-শরীরাদ্ অনন্ত এব হি রসঃ'। অনির্বাচনীকে প্রকাশ করতে হয় যে বচনের মধ্য দিয়ে তা কখনই উপমা-নিরপেক্ষ হতে পারে না। 'পূর্ব

দলে চলেছে কুলায়ের দিকে' ; এই বার্তা বা স্বভাবোক্তিকে কাব্য বলা চলে কি ? বাক্যকে কাব্য-প্রপানকে পরিণত করতে হলে উপমা-রূপকাদির সংযোগে তাকে বিশিষ্ট করে তুলতেই হবে। তবে বচন-রচনার যে বিশিষ্টতা আসে ব্যক্তিগত উৎকেন্দ্রিকতা থেকে তার মধ্যে প্রশংসার কিছু নেই ; যুদ্ধাদোষ বিশিষ্ট হলেও তা দোষই। লেখাটা 'অমুকে'র বলে চেনা গেলেই তার মূল্য বেড়ে যায় না। রবীন্দ্রনাথ কিংবা শরৎচন্দ্রের সৃষ্টি বিশিষ্ট তাঁদের কল্পনার মৌলিকতা তথা কলা-কর্মের অনন্ততায়। এঁদের বাগভঙ্গীর স্নানতা এসেছে দুর্গভঙ্গীর সূক্ষ্মতা থেকে। স্টাইলের লক্ষণ নির্দেশ করতে গিয়ে মনীষী বার্কো বলেছেন, 'Style is the man himself'—স্রষ্টা মানুষটি তার সৃষ্টি থেকে অভিন্ন—প্রকাশ-বৈশিষ্ট্যের মধ্যেই তার অন্তরতম সত্তাটি উদ্ভাসিত হয়। ফ্লোবেয়ার স্টাইলকে বলেছেন, 'স্বকীয় ভঙ্গীতে জীবনের আশ্বাদ'। জীবন দর্শনের এই স্বতন্ত্রতাই সাহিত্য ও শিল্প-কলার উদ্ভব-ভূমি।' শেকসপির বলেছিলেন গোকিকে, 'তুমি রূপদক্ষ, তোমার সংবেদনা গভীর ও গঠনশীল ; তোমার বর্ণনাগুলিতে রয়েছে তোমার নিজের হাতের সুস্পষ্ট স্পর্শ। এই ত চাই।' কথাগুলো-বলা তাঁর এই মন্তব্যটি থেকে যে জিনিষটি পাই সেটি হ'ল ভাব ও রূপের অব্যবহিততা ও অনিবার্যতা। জগৎ ও জীবনকে নিজের চোখে দেখা এবং অনুভূত সত্যটি মনের ছাঁচে যে রূপে ধরা দেয় ঠিক সেই-রূপেই তাকে তুলে ধরা রস-লক্ষ্যে পৌঁছবার একমাত্র পথ। সজীব ও উজ্জ্বল অনুভূতিই সাহিত্য-সৌন্দর্যের আকর, কারণ, এই অনুভূতি একান্ত বিশিষ্ট। বিশিষ্টতা-প্রসঙ্গে কবি-গুরু গ্যটে বলেছেন, সামান্য বা অবিশেষকে নিয়েই কবির কারবার, কিন্তু এই সামান্যকে অসামান্য বা বিশেষ করে তোলার মধ্যেই নিহিত আছে শিল্পের শক্তি, এবং এই বিশেষ দৃষ্টির উপরই শিল্পের প্রতিষ্ঠা। উদ্ভিগ্ধমান প্রত্যেকটি ভাব অভ্যুদয়ের সঙ্গে সঙ্গে আশ্চর্য দ্রুততার সঙ্গে পরিণত হয় ভাব-মূর্তিতে। কবির কাজ, মনোলীন সেই ভাবরূপটিকে অপরের আশ্রয় রস-রূপ দেওয়া ; এর জন্তই প্রয়োজন হয় শিল্প-কৌশলের। একটি অনুচ্ছেদকে কাটকুট করে অর্ধাঙ্গ-গঠনটি দিতে ফ্লোবেয়ারের মত কথা-কোরিদেরও দিনের পর দিন চলে যেত। বঙ্কিম এবং রবীন্দ্রনাথ ও তাঁদের রচনায় কাটকুট বড় কম করেন নি। দূর থেকে দেখে যে কাব্য-বিগ্রহটিকে অনায়াস-প্রসূত বলে মনে হয় তার পিছনে যে কি প্রয়াস লুকিয়ে আছে বাইরের লোকে তা জানতেও পারে না। আগল কথা, মনের নিহৃত ভাবচ্ছবিটিকে সহৃদয় সঁমাজিকের আশ্বাদযোগ্য করে তুলতে হলে রূপ-স্থাপনার

বিজ্ঞান-ব্যবস্থার প্রয়োজন আছে ; প্রতি রূপটি অভিন্ন না হলে রসাপান্তে ব্যাঘাত ঘটে।

সেক্সপীয়রের রচনা প্রতিরূপ-কল্পনায় বিশিষ্ট ; কালিদাসের উপমা ত অনুপমা, আর উপমার যাচুকর রবীন্দ্রনাথ। কিন্তু এই উপমা-সম্ভারের জন্তে এঁদের সৃষ্টি রসভ্রষ্ট হয়েছে কি ? বিশ্ব-জীবনের সঙ্গে আত্মজীবনের অন্তরঙ্গতাই এঁদের অনুপম কারু-সৃষ্টির নিহৃত উৎস। ভামহ বলেন, সাহিত্যের আয়তক্ষেত্র অলঙ্কারের অঙ্গহায়ে পরিব্যাপ্ত। গুঢ় গভীর অনুভূতিগুলির যথাবৎ বর্ণনা সম্ভব নয় ; কাজেই আশ্রয় নিতে হয় বক্রোক্তির। বাক্যের বাচ্যার্থ প্রসারিত হয় এই বক্রোক্তির সাহায্যেই এবং স্মৃতির হতে থাকে সহৃদয় শ্রোতার অন্তরে ; বাক্য সমাপ্ত হয়ে গেলেও তার অন্তরণন থামে না। এক অর্থে বক্রোক্তিমাত্রই অলঙ্কার, স্বাদহীন সাদা কথাও অপূর্ব হয়ে ওঠে ভাষণ-ভঙ্গীতে। বামনের মতে চাকু যা, সুন্দর যা তাই অলঙ্কার।*

একটা দৃষ্টান্ত দেওয়া যাক : 'মাষ্টারমশাই মাঝে মাঝে আমাদের পাঠমকুতুলীর মধ্যে ছাপান বহির বাহিরের দক্ষিণ হাওয়া আনিবার চেষ্টা করিতেন।' এই বাক্যটির মধ্যে রবীন্দ্রনাথ বক্রোক্তির সাহায্যে যে অনন্ততা ও অপূর্বতার স্বাদ এনে দিয়েছেন, স্বভাবোক্তির দ্বারা তা কখনই সম্ভব হ'ত না। যদি বলা যেত 'মাষ্টারমশাই আমাদের পড়ার বইয়ের কাঁকে কাঁকে বাইরের বইও পড়তে দিতেন ; তা হলে তথোর দিকে থেকে হয় ত তা ক্রটিহীন হ'ত, কিন্তু তার আশ্বাদ হয়ে যেত অনেক ফিকা। মোট কথা, সোজা সাদা কথার বদলে কাকু বা গ্লেশ দিয়ে ঘুরিয়ে বলতে পারলে তার ব্যঞ্জনা বা ধ্বনি বেড়ে যায় অনেকখানি, আর এই ধ্বনি থেকেই হয় রসের উৎপত্তি—মনের রসনার লেগে থাকে তার স্বাদটুকু। আবার দেখুন : 'চেনাশোনার সঁঝ-বেলাতে' অথবা 'কিরেছিলে আপন মনের গোপন অলিগলি'—উক্তি দুটির মধ্যে অলঙ্কারগুলি এমন একান্ত হয়ে মিশে আছে ভাবের সঙ্গে, যে তাদের অলঙ্কার বলে আর চেনাই যায় না ; অভিনব গুণ্ড একেই বলেছেন, রসবদ্ অলঙ্কার। বক্রোক্তির উপযোগ ভিন্ন এঁদের অর্থের রমণীয়তাটুকু আসত কি ? আর চলতি কথাতেই কি আমরা অজ্ঞাতসারে কম অলঙ্কার ব্যবহার করি ? একটা উদ্বিগ্ন কেটে গেলে আমরা কি বলে উঠি না, 'বাঁচা গেল ; কি ভাবনা যে হয়েছিল ; বাম দিয়ে এখন জর ছাড়ল।' আমরা 'জলের মত টাকা ধরচ করি', 'বাড়ি-ঝোলা হয়ে ট্রামে বাসে যাওয়া-আসা করি,' 'হাটের

* 'স্বভাবোক্তির সহৃদয় অর্থপ্রকাশ্যে অলঙ্কারঃ'

মাঝে হাঁড়িও ভাঙি।' খুঁটিয়ে তালিকা দিতে গেলে 'মহাভারত' হয়ে পড়বে। ফল-কথা, আবেগের ভাষাই হ'ল বক্রোক্তি, এ ছাড়া অন্য পথ নেই। ভূষণ দূষণ হয়, মধু বিষ হয়ে ওঠে তখনই যখন হয় তার অপচার। যাথাতথ্য সাহিত্যের ধর্ম নয়; জীবনের উজ্জীবন, লৌকিকের অলৌকিকে উদ্গতিই তার প্রাণ। ব্যক্ত্যর্থের অভিব্যক্তনের শক্তি নেই যে ভাষার সে ভাষা সাহিত্যে অচল। বক্রোক্তি-প্রসঙ্গে আচার্য মন্ত্রট বিশেষ করে কাকু এবং শ্লেষের উল্লেখ করলেও রমণীয়ার্থ-প্রতিপাদক অথবা রসোছোধক প্রত্যেকটি অলঙ্কারই এর আওতায় পড়ে। বিশ্ববিশ্রুত মনীষী এৱিস্টটল-

এর অভিমতটি এই প্রসঙ্গে প্রাণধানযোগ্য—'প্রকৃত বাস্তবতা প্রাকৃত বাস্তবতা থেকে স্বতন্ত্র। বস্তু সম্বন্ধে আমাদের দৃষ্টি ভাব-কল্পনার দ্বারা অসুবিদ্ধ না হলে তা সৃষ্টি হয়ে ওঠে না।' অমূর্ত 'সত্য' রস-মূর্তিতে আরোপিত হলে তবেই হয় 'সুন্দর'। সাকারের উপাসক কবি—সুন্দরের সাধক; অরূপকে অপরূপ অর্থাৎ বিশিষ্ট বাণীৰূপ দেওয়াই তাঁর ধর্ম। বাগ্-ধেমু থেকেই কবিতা হয় রসহৃৎ; যে রীতি বা বৃত্তি রস-রূপায়ণের যত অসুকুল সেই রীতি বা বৃত্তিই সাহিত্যের পক্ষে তত উপযোগী। শিল্পজীবী ও শিল্পীর মধ্যে ভেদবেধা টেনে দেয় ঔচিত্য-বুদ্ধি।

ঋতু-বাসৱ

শ্রীকৃষ্ণধন দে

শ্রীম

বুক-ফাটা মাটি যেথা এক কোঁটা জল চায়
হৃপুৱের ঝলসানো আকাশের প্রান্তে,
রং-হারা পাকা পাতা টুপ্‌টাপ্‌ ঝরে' যায়
কখন যে সেটা কেউ পারে নাক' জানতে।
হিস্ হিস্ লাগল যে কা'রা ছুরি শানাতে,
আঙনের হল্‌কায় ছুই চোখ বাঁধল,
পুকুৱের কান্দাজল ভরে পচা পানাতে,
জিৱজিৱে গরুগুলো কা'রা গোঁজে বাঁধল।
বাস সব জলে যায়, খাঁ-খাঁ করে সারা মাঠ,
হা-হা করে মেঠো ঝড় বুক-ফাটা হাসিতে,
উলুধড় শুয়ে যায়, বাঁশঝাড় সুরে যায়,
তালগাছ ছুঁয়ে যায় ওড়া-ধূলিরাশিতে।
এক কোঁটা নীল নেই, পুড়ে যেন যায় চোখ,
আকাশ দেউলে হ'ল সব নীল হারিয়ে,
নেই "বউ-কথা-কও," নেই আজ "খোকা-হোক,"
পাতা-ঝরা গাছগুলো কাঁপে ঠায় দাঁড়িয়ে।

বর্ষা

ব্যাংকের ব্যাং-ব্যাং, আকাশের গুৰু-গুৰু,
সঁাত্ত-সেঁতে পথঘাট উদাসীন সাপুল,
ভোবা-ঝাঝা-ঝী-নালা জলে টই-টুফু,
বৃষ্টির জল্‌ জল্‌ চান্দরিকে ঝাঙ্কল।

বকগুলো গাছ ছেড়ে বিলে এসে করে ভিড়,
কাপ্‌টায় সাদা ডানা এলোমেলো বাতাসে,
রূপের দেমাকে কেয়া ফেটে হ'ল চৌচির,
ছেয়ে গেল নদীতীর ভিজে বন-কাপাসে।
মেঘে মেঘে বাড়ে বেলা আঁধারের দেশে যে,
কালো মাঠে বাড় বুঝি অভিমানে ফুলছে,
বীজধান-চারাগুলো সবুজেতে গা মেজে
পুৱের হাওয়ার তালে মাথা নেড়ে হুলছে।
মনে হয় এ পৃথিবী রাত-দিন কাঁদে বুঝি,
চাঁদ আর সূর্য্যিকে ফেলেছে সে হারিয়ে,
সাস্তনা পেতে তাই লয় বিহ্ব্যতে খুঁজি,
মেঘে মেঘে সেও দেয় হাতখানি বাড়িয়ে।

শরৎ

নীল ও সবুজে আজ বাঁধে মিতালির ডোর,
আলোছায়া লুকোচুরি খেলে মাঠে হৃপুৱে,
কামরাজ-ডালে বসে ঘুঘু ডাকে দিনভোর,
মাছরাজা উড়ে উড়ে ডুব দেয় পুকুৱে।
নীচে সাদা কাশুল সাদা মেঘে ডাকে—"আয়,"
হাসে আঁক ফুলে-ফুলে-আলো-করা বন যে,
আকাশের বুক চিরে বক-সারি উড়ে যায়,
বোঁটা-রাজা শিউলিরা চাক্য করে মন বে।

বহুদিন পরে আজ দল বেঁধে প্রজাপতি
 বন-সেঁজুতির ডালে ভিড় করে বসল,
 ফড়িং-এর ছোঁয়া পেয়ে শিহরে “লজ্জাবতী”,
 জড়সড় হতে গিয়ে নীলফুল খসল।
 কে যেন ছড়িয়ে গেছে মাঠে খৈ মুঠো মুঠো,
 সাদা সাদা বাস-ফুল দোল খায় হাওয়াতে,
 সাঁওতাল ছেলে ভাবে আকাশের নেই ফুটো,
 জলঝরা ধেমে গেছে দেওতার দয়াতে।

হেমন্ত

ধানে ধানে ভরা মাঠ, ঝলমলে পথঘাট,
 রোদ্-যে পরশমণি দেয় সোনা ছড়িয়ে ;
 কলমিলতার ফুল বাতাসে দোহুল-দুল
 পুকুরের বুকে দেয় সাতনরী ছড়িয়ে।
 শিশিরভেজানো মাটি, ফুটেছে আলতাপাটী,
 ফুটেছে শাপলা ফুল ডোবা বিলখানাতে,
 পুঁই-মাচা আলোকরা মেটুলিতে রংধরা,
 রোদ্ করে বিকমিক শালিকের ডানাতে !
 শুর ওঠে সারাদিন পাকাধানে বিন্-বিন্,
 লক্ষ্মী এলেন যেন বাজারে নুপুর,
 শঙ্খচিলের ডাকে টুনটুনি বসে থাকে
 পাতার আড়ালে ভয়ে সারাটি হুপুর।
 পেয়েছে হিমের ছোঁয়া নেমেছে কুয়াসা ধোঁয়া,
 খেজুর রসের বাসে মাতে সমীরণ,
 রাতের নৃতন হিমে গাছভরা কচি সিনে
 শিশির বাঁধিতে চায় চাঁদের কিরণ।

শীত

উত্তরে বাতাসের সপাসপ বেত ধেয়ে
 গাছ থেকে টপাটপ পাকা পাতা ঝরল,
 রাশি রাশি কাটা ধান পড়ে আছে ক্ষেত ছেয়ে
 গন্ধ-উতলা মাঠ কোন্ মায়া ধরল !

বাপের আবছায়ে আকাশে সৃষ্টি ওঠে
 বাধা আর নাই তার পানে চোখ মেলিতে,
 শীতে হয়ে জড়সড় বুড়োরা রোজে জোটে,
 ছেলেরা-যে ভুলে যায় পথে-ঘাটে খেলিতে।
 সাঁঝ কি সকালে আর নদী বা দীঘির কূলে
 ওঠে না মধুর ধনি কাঁকনে ও কলসে,
 উত্তরে হাওয়া আসে সাম্যের ধ্বজা তুলে,
 নাহি আজ ভেদাভেদ শ্রমী আর অলসে।
 হিমময়ী রাত্রি কি সেজেছে তপস্বিনী,
 কুয়াসার ছাই মেখে যোগাসনে বসল ?
 কুক তরুর শাখা যেন জটা-লম্বিনী,
 ধরণীর শ্রাম-স্নেহ-বন্ধন খসল ?

বসন্ত

বসন্ত দিল রং মনে বনে ছড়িয়ে,
 আকাশে বাতাসে নামে পুলকের বস্তা,
 মঞ্জুল কুসুমের উত্তরী উড়িয়ে
 বনানী যে দেবদাসী নর্তনধষ্ঠা।
 আত্র-মুকুল-ঝরা গন্ধ-উতলা পথে
 মন যেন হতে চায় সুদূরের যাত্রী,
 তৃষ্ণা-বিধুরা দিবা আসে কল্পনারথে,
 মঞ্জু-স্বপনে আসে বিহ্বলা রাত্রি।
 চম্পার অভিসার কনক-প্রদীপ জ্বলি' ;
 বকুলের সৌরভে বনবীধি উতলা,
 কুকুমরঙা ফুলে পলাশ ভরেছে ডালি
 কুকচড়ায় কার দোলে পীত-মেখলা।
 আকাশ দিয়েছে ডাক সাজি' বরসজ্জায়,
 গোধূলির মেখে-আঁকা স্বপনের পুরীতে,
 “কথা কও”—ডাকে পাখী, ধবনী যে লজ্জার
 রাঙা হ'ল কিংক-অশোকের কুঁড়িতে।



শ্রীরামপদ মুখোপাধ্যায়

ব্রজেশের পত্র পড়ে আকাশ থেকে পড়লেন সুরমা। এর আগেও ত অনেকগুলি পত্র এসেছে—এমন তাৎপর্যহীন বেসুরো কোনটাই নয়। বিয়েটা ওদের নতুন হয় নি, অভিতাবকদের বাচাই-পছন্দেও শুভকাজ সুসম্পন্ন হয় নি। স্বীতিমত না হোক, পূর্বরাগের সামান্য ছোঁয়াও বেন ছিল। এই পত্র পড়ে মনে হয়—কিন্তু কেন এমন পত্র লিখল ব্রজেশ ?

পত্রখানি আর একবার তুলে ধরলেন চোখের সামনে। এইবার নিয়ে চার বার পড়া হবে। লেখা স্পষ্ট, অর্থ কিন্তু স্পষ্ট নয়।

শ্রদ্ধাস্পদস্যু,

মা, আশা করি আপনাদের সর্বস্বীকৃত কুশল। আমাদের সর্বস্বীকৃত কুশলটা যদি এই সঙ্গে জানাতে পারতাম। অবশ্য দেহের দিক দিয়ে স্বাস্থ্য আমাদের ভালই, সর্বস্বীকৃত বলতে পারছি না—মনটা জড়িয়ে আছে বলে। কেন এমন ঘটল—জানি না। মিতা কিছু দিন থেকে কি বেন ভাবছিল। প্রায় লক্ষ্য করছিলাম—মোটর-ভ্রমণে ওর স্পৃহা কমে গেছে, আলাপে উচ্ছ্বসিত হয় না, আহাধেও কেমন বিতৃষ্ণা।

একদিন জিজ্ঞাসা করলাম, শরীর খারাপ ?

একটু হেসে বলল, না।

ভাবলাম শহরের একঘেরেমিতে অমন হয়েছে। বললাম দেশে যাবে ?

ও খুশী হয়ে উঠল। বলল, যাব। কবে যাবে ?

বললাম, কালও যেতে পারি।

বেশ—কালই চল।

ওর আঙ্গুঠি দেখে ভাড়াভাড়ি চলে এসেছি এখানে।

জানেনই ত কয়েকটা মৌজা নিয়ে এখানে একটা ভাঙ্গুক আছে আমাদের। এখানকার কাছারীবাড়ীটা ঠিক নগরী খাড়ে। তার পিছনে—একেবারে শরীর উপরেই একটা ইয়ারত তুলেছিলেন বাবা। বিদ্যাকলক জমি পাঁচিল দিয়ে—নানা কলকলের গাছ বসিয়ে মাঝখানে স্বাগলো প্যাটার্ণের একখানা দোতলা বাড়ী। সেই বাড়ীর বাবান্না থেকে হাইলে সামনে পিছনে—সব জিনিসই পটে থাকা ছবির মত দেখায়। বিতা খুশী হয়ে উঠল—মা, হাঁপ ছেড়ে বাঁচলাম।

যত্ন করে বললাম, শহরের ফ্লা আর ঘোঁসার বুঝি হাঁপ হয়েছিল ?

না—খুশী পড়লে সেই। খোঁসার ঘোঁসার মতো মনে হয় না। মবার এই জিনিসটা। পত্রের মতো মনে পড়েছিল ওদের কোন মনোভাব। মবার যে মনোভাব, মবার মনোভাব, মবার মনোভাব।

চেহারা—দেখলেই মনে হয় তেরশো পঞ্চাশের তুর্ভিক বুঝি আবার ফিরে এল।

তা ওদের এত ভয় কেন তোমার ? ওরা তোমার গা ঘেঁষে পাড়ায় না। বললাম।

না হোক, ওদের সহ্য করতে পারি না। কেমন তোমাদের সরকার—এদের বিলিবন্দেজ করতে পারে না।

বললাম, সরকার ত চেষ্টা করছেন প্রাণপণে—

ও উত্তেজিত হয়ে উঠল, ছাই চেষ্টা ! তা হলে দিন দিন ওদের সংখ্যা বাড়ত না।

বললাম, জান, ভারত ভাগ হয়ে উদ্বাস্তর সংখ্যা কত বেড়েছে ? সরকার হিমসিম খেয়ে যাচ্ছেন এ সব সামলাতে।

এমন ভাগ করা দেশ নেওয়া কেন ? বাই বল বাপু—শহরটা আর বাসের যোগ্য রইল না।

বললাম, তোমার কথাগুলো আর কেউ শুনে ভাববে—তুমি ওদের ঘৃণা কর।

এই কথাও ওর চোখ দুটি হল হল করে উঠল। ভিজ গলায় বলল ও, সত্যি না। খোঁসার ওদের একটুও করি না। দেখে কষ্ট হয়, মারা হয়, সহ্য করতে পারি না।

জানি না কেন ওর এই ভয় ? এই ছবির মত জায়গার যদি ওর মন সুর হয়—যদি ভয় ঘোচে—জানব এখানে আসা সার্থক হ'ল।

কয়েকটা জিনিস আবার জানাবেন কি ? ওর খুব ছেলেরেলা-কার মনের ভাব। মানে সেই সময়ের খোঁসার-খুশি আবিষ্কার রাগ কিংবা আনন্দ কোন কোন ব্যাপারে বেশী করে মুটে উঠত। অবশ্য এত কাল পরে সে সব মনে আনাও শক্ত। তবু একটু চেষ্টা করে যে ঘটনাগুলো বিশেষ ভাবে মনকে নাড়া দিয়েছিল—সেইগুলি যদি জানান। জানতে চাইছি এই জন্তে—একমন মনোবিদ্যু ডাক্তার-বন্ধু আমাকে এই সব তথ্য সংগ্রহ করতে বলেছেন। এলোমেলো ঘটনার স্মৃতিগুলো এক করে একটা সিদ্ধান্তে পৌঁছতে চান তিনি। তিনি বলেন, এটি অবহেলার বস্তু নয়। এই মনের ভাবকে ব্যক্ত করে উচিত নয়।

আপনার চিঠি পেতে দেরি হয়েছে কতি নাই। ঘটনাগুলো এক সময় মনে না পড়ে—একটু একটু করে জানাবেন। আমি সত্যিই শুধিয়ে ঠিক করে দেব। ঘটনার পাশে ওর মনটা উল্লেখ করব। সম্ভব হলে সামলিও। আর কিছু না।

চিঠি পড়ে মন খুব করে ভারতে বসনের হয়নি। পৃথিবীতে মারা যাবার মতো, চিঠি পড়ে মন খুব করে ভারতে বসনের হয়নি। একমন বা ভাববাসনে

—অল্পের তাতে বিরাগ। একই বস্তুতে আসক্তি বা উপেক্ষা রুচি অসুখ্যায়ী ঘটে। এর মধ্যে বিপদটা কোথায় তিনি বুঝতে পারেন না। কিন্তু ব্রজেশ যা লিখেছে—ভয়ের ব্যাপারই। এমন দু'একটি গুঁটা তঁর মনে পড়ল। পাড়াতেই দেখেছেন। বসু-গৃহিণী তঁর সমবয়সী। বউ হয়ে দু'জনে প্রায় এক সময়ে এই পাড়াতেই আসেন। প্রথম থেকেই জয়া (বসু-গৃহিণী) ফিটফাট থাকত। অগোছাল ঘর দেখলে ও দু'দণ্ড সেখানে বসত না। কাউকে সকাল বিকেল একই কাপড় পরে থাকতে দেখলে মন্তব্য করত—স্বাস্থ্যের পক্ষে ওই অভ্যাস মোটেই ভাল নয়। সেই জয়া গৃহিণী হয়ে বাড়ীটা আয়নার মত ঝকঝক করে রেখেছিল। ওর ঘরে একটি জিনিসও অগোছাল পড়ে থাকত না, সিঁচুর পড়লে তুলে নেওয়া যেত। তার পর? সেই জয়া প্রোঁচড়ে পৌঁছে হয়েছে এক গুঁচি-বায়ুগ্রস্তা রমণী। উচ্ছিষ্ট অনাচার নিয়ে খুঁতখুঁতনি নয়—খুঁতখুঁতনি ঘর ধোয়ামোছা সাজানো গোছানো ফিটফাট বাখা নিয়ে। দিনরাত ধোয়ামোছা করে হাতে পায়ে হাজা পঁকুই চিরস্থায়ী বাসা নিয়েছে। ডাক্তার বলেন, এ রোগ সাববার নয়।

সেন-কর্তার ছিল আর এক বাই। রাত্রিতে তিন চারবার উঠে পরীক্ষা করতেন শোবার ঘরের দরজায় ভাল করে খিল আটা হয়েছে কিনা। তার আগে সদর অন্দর সব দরজায় লাগাতেন চাবি। এত করেও তাঁর সন্দেহ ঘুচত না। ক্রমে সন্দেহ গেল বেড়ে—যার ফলে সারা রাত খিল দেওয়ার আর খিল খোলার শব্দ শুনত পাড়ার লোক। তার পরে...কঁাকে দু'বছর আছেন, কোন উন্নতিই নাকি হয় না।

না, এ সব ভাবলেও মনটা কেমন করে ওঠে। মনঃসমীক্ষা নিয়ে ডাক্তারবা যেন বাড়াবাড়ি শুরু করেছেন। সুমিতার কথা জ্বাল করে ভেবে দেখবেন। মেয়েটি চিরদিনই আতুরে। বেশী বয়সের সম্ভান—আর একমাত্র সম্ভান। শুধু তাই নয়—ওর জন্মের বৎসরে মিঃ মুখার্জীর পদোন্নতি হয়—মোটাকৈ একটা লিফট পান। আরও দু'বছর পরে একশো বিঘে ধান-জমি কেনেন—তৈরি করেন প্রকাণ্ড এক প্রাসাদ। ইঞ্জিনীয়ারিং ডিপার্টমেন্টের পদস্থ ব্যক্তি—কনট্রোলারবা ত সর্বদাই ক্রীচরণকমলেশু। এই সম্মান-বৈভব সুমিতা না এলে কি ঘটত? সুমিতা যখন আট বছরের মেয়ে—তখন একটা ব্যাপার ঘটে। ঠিক কথা—এটা লিখে জানাবার মত।

কাগজ কলম টেনে নিয়ে সুমিতা লিখলেন :—

১৯৪২ এর একটা ঘটনা মনে পড়ছে। বিকেলে গাড়ী বার করতে বলেছেন মিঃ মুখার্জী—আমরাও পোশাক বদলে নেমে আসছি—হঠাৎ সুমিতা বলল, মা—সেই লোকটা আজ এসেছিল কেন?

কোন লোকটা? ওখোলাম।

বাকে রাবা একমাস আগে টাকা দিয়ে বললেন, এই নিয়ে

ব্যবসা করবে—এমন করে কারও কাছে হাত পাতবে না। সে দিন ত টাকা দিলেন বাবা, তবে আবার ও এল কেন?

ও বলছে—সে টাকা খরচ হয়ে গেছে।

তবে বাবা আজ টাকা দিলেন না কেন?

বোজ বোজই কি টাকা দেওয়া যায়? বললাম।

কেন—বাবা ত মেলাই টাকা উপার্জন করেন—তার থেকে ত দেওয়া যায়।

বাগ হ'ল মেয়ের অবস্থাপনায়। বললাম, আছে বলেই দিতে হবে তার মানে কি? যখন চাকরি থাকবে না—কোথেকে তখন টাকা আসবে? সব দিয়ে খুঁয়ে শেষ পরে ওর মত কি ভিক্ষে করবেন?

বাস, যেমন বলা—মেয়ে গুম্ব হয়ে গেল। আর কোন কথা না বলে নেমে এল, মোটরে বসল। সারাটা পথ প্রায় চূপ করেই রইল। উনি বললেন, বেবি, চূপ করে আছিস যে?—এমনি। তার পর বাড়ী ফিরে অবশ্য অনেক কথা বলল। কিন্তু আসল কথাটা যে ভোলে নি—সে বুললাম শোবার সময়। বলল, মা দিলেই বুঝি জিনিস ফুরিয়ে যায়?

বললাম, যায়, আবার যায়ও না।

ও বলল, কি জিনিস ফুরায় না।

কেন—বিছা। পড়িস নি—যতই করিবে দান তত বাবে বেড়ে।

ও বলল, ও হ'ল আলাদা জিনিস। কিন্তু টাকা? ফুরায় ত? ফুরায়। এখন ঘুমো। এই ত সামান্য ঘটনা—এর থেকে তোমার মনঃসমীক্ষক কি তথ্য খুঁজে পাবেন বলতে পার?

উত্তর এল দিন কয়েক পরে :

এমনি ছোটখাটো ঘটনা, কিংবা এর চেয়েও তুচ্ছ ব্যাপারে, বা 'কিছু না' বলে শুনবার পরমুহুর্তে ঠেলে দিই বিশ্বস্তির অঙ্কনে—অবশ্যই জানাবেন। আমার বন্ধু নোট রাখছেন এবং এর থেকে একটা সিদ্ধান্তে পৌঁছবেন—আশা করি।

তা হলে আরও ছোটবেলা থেকে আরম্ভ করব কি? ভাবলেন সুমিতা। যে বয়সে আকাশের চাঁদ ধরে দেবার ব্যর্থতা ধরে ছেলে-মেয়েরা—আর না পেলে কঁাদে, সেই বয়স থেকে—না রাজপুত্র রাজকন্তার গল্পে পক্ষীরাজ খোড়া আর সাত সমুদ্র ভের নদীর কথা জানতে চাওয়ার ক্ষণে—অর্থাৎ আধজ্ঞানের সময় থেকে সের ঘটনাগুলি? হাঁ—মনে পড়ছে একটা কথা। মেয়েটি যে গল্পের হুঁপ দেখতে পারে না—তেমন ঘটনা একটা মনে পড়ছে।

সুমিতা লিখলেন :

বেবীর বয়স তখন পাঁচই হবে—একটা জিনিস হঠাৎ লক্ষ্য করলাম একদিন। জান ত—বাংলা দেশে একতারা বা খড়নী বাজিয়ে পান গেয়ে ভিক্ষা করে ভিখারী টৈবাসীরা। বাড়ীর ছয়ানে পৌঁছে—জয় রাখে কুক বলে সাদা জাপিরে গোপীবন্ধে সুর তোলে



मधु-मंगलाप




दम्पति

[कोटा]-श्रीरामकिशोर सिंह



মজুর রমণী



চাষী
। বোটা—শিলাখকির সিংহ

ওর কচি প্রবল। কাজেই হুংখীর হুংখ-বোচন চিন্তার ওর মনে অশান্তি থাকতে পারে এ কল্পনা আমমা কেউ করি নি। আজও করি না।

তার পর একখানি দীর্ঘ চিঠিতে লিখলেন :

কাল চিঠিখানা ডাকে দেওয়ার পর একটা ঘটনা মনে পড়ল। সেটা ঘটেছিল আরও পাঁচ বছর পরে—তখন ওর বয়স বোল ছাড়িয়েছে। সেইবারই ও ম্যাটিক দিয়েছে এবং জন্মনা-কল্পনা চলছে কোন ডিভিশনে পাস করে কোন কলেজে ভর্তি হবে।

সাম্রাজ নেবে—না আর্টসে থাকবে সে আলোচনাও চলছে। ঐশ্বের বন্ধে ও বলল, পাড়ারগা দেখব মা।

পাড়ারগায়ে থাকেন এমন আত্মীয়ের নাম মনে পড়ল না—কোন বকমে বুঝিয়ে-সুঝিয়ে ওকে নিরস্ত করলাম।

হুঁদিন পরে সেই কথা, মা—চল না কোথাও।

বললাম, বাংলার বাইরে বাবি ?

না, বাংলার পাড়ারগা দেখব। পানাপুকুর, নদীনালা, বন-বাদাড়, মাঠক্ষেত এই সব দেখব।

বুঝলাম, কোন বই পড়ে ছবিটা মনে উজ্জ্বল হয়েছে। বললাম মিঃ মুখার্জিকে।

মিঃ মুখার্জি বললেন, বেশ ত, চল সবাই মিলে যাওয়া থাক।

কোথায় ? কেন আমার পিসীমা এখনও খুব-ভিটে আগলাচ্ছেন। বিরাট বাড়ী ; ওনেছি পুকুর বাগানও সে দেশে যথেষ্ট। কম শুধু মাহুব। ভর হয়—বদি ম্যালেরিয়া ধরে ? তা হুঁটো দিন ডাবের জল খেয়ে মশারি টাঙিয়ে অনারাসে কাটিয়ে দেওয়া যাবে।

সেই ঠায়েই এলাম। এত বন দেখব ভাবি নি, এমন প্রকাণ্ড পুরীও কল্পনা করি নি। সদর অন্দর নিয়ে তিনটে মহল। বাড়ীর উঠোনেও গাছপালা—ইমারতের গায়ে বট-অখণ্ডের চারা ; হালানে বাহুড় চামচিকা আর পারবা বাসিন্দা। কোনকালে পলস্তারা পড়েছিল দেওয়ালের গায়ে; এখন জয়তী নারী মত পাতলা ইটের পাঁজর বার করে প্রকাণ্ড ইমারত কালের পদধ্বনি ওনেছে আর বিমুছে।

এসব দেখে কিন্তু মেয়ের ভারি আনন্দ। এ-ঘর ও-ঘর, সিঁড়ি ছাদ, উঠোন পুকুরখাট...চকল পারের আর বিসাম নাই।

সন্ধ্যাবেলার পিসীমাকে বলল, দিদিমা, এগুলো সাম্রাজ না কেন ?

পিসীমা হেসে বললেন, নাতনী, পেয়ে উঠি না যে।

কেন, রাজমজুর ডাকিয়ে আনা কি এমন লজ্জা কাজ।

পিসীমা বললেন, আজ ডাকলে ওরা আজই আসবে। কাজ না পেয়ে ওদের অবস্থাও ত ভাল নয়। কিন্তু নাতনী এ ত এক আধ টাকার খেলা নয়, কোথায় পাব টাকা ?

আর কিছু বলল না মিতা—আমাকে হাতিতে শুধোল, মামো, দিদিমার অবস্থা বুঝি কেমন নয় ?

দেখতেই তো পাচ্ছিন। বিবর-সম্পত্তি সবই বুইয়েছেন। এই ভিটে আর হুঁটো নারকেলগাছ আর উরসা। অর্ধ একদিন ছিল বখন ওর ছরোবে হাতী বাধা থাকত।

বল না মা সেই গল্প।

গল্প শেষ করে বললাম, চিরদিন মহান বার না। কখনও নৌকোর ওপর গাড়ী—কখনও গাড়ীর ওপর নৌকো। কন্বাইয়ের দানখান ছিল অনেক। সেই পথ দিয়েই মা-লক্ষ্মী চলে গেলেন।

খুব দান-খ্যান করলে এমন হয় বুঝি ? ও শুধোল।

হয় না ? কথার বলে কলসীর জল ঢালতে ঢালতে ফুরিয়ে যায়। এও তাই। পিসেমশাই মারা বাবার পর পিসীমা সর্বস্বান্ত হলেন।

মেয়ে বলল, দিদিমাকে সঙ্গে নিয়ে চল।

উনি ভিটে ছেড়ে কোথাও যাবেন না।

আচ্ছা আমি বলব, দেখি নড়েন কিনা।

বুধা চেষ্টা। পিসীমা বললেন, যে কটা দিন আছি এমনি শান্তিতে বেন থাকি। অনেক সুখ ভোগ কবেছি, আর নয়।

ডেবেছিলাম এক সপ্তাহ থাকব, মেয়ে জিদ ধবল, থাকব না।

বললাম, তোদের আসতেও বতকণ—বেতেও ততকণ। বুড়ো বয়সে ভাল লাগে না ঘোড়দৌড়।

এখানে থাকলে আমি অসুখে পড়ব কিছ।

মেয়ে নিয়ে এক বকম পালিয়েই এলাম।

ব্রজেশ লিখল : তার পর আর কিছু মনে পড়ে না ?

লিখলেন নুহমা : তার পর কলেজে পড়তে ও হোট্টেলে চলে গেল, কোনমতেই বাড়ী থাকতে চাইল না। হুঁ বছরে আই-এ পাস করে ফিরে এলো। তার পর বিয়ের হাদামা। তা ছাড়া ছেলেমেয়ে বড় হলে তাদের মনে নতুন জগৎ পড়ে ওঠে। সব কথা মা বাপের কাছে খুলে বলে না ত।

কিছু দিন পরে একখানা প্রশ্ন সম্বলিত কাগজ পাঠিয়ে ব্রজেশ

লিখল : আমার বন্ধু এই উত্তরগুলি চেয়েছেন—আপনার কাছে। যদি আপত্তি না থাকে—ঘরগুলি পূরণ করে দেবেন।

প্রশ্নাবলী দেখে বিস্মিত হলেন, বিরক্ত হলেন নুহমা। কে

এই অদ্ভুত মনঃসমীক্ষক ? মেয়ের যোগনির্ধারণ করতে বলে সুভাষারীকে কয়েকটি উদ্ভট প্রশ্ন করেছেন। মনঃসমীক্ষকের নিজের মনের গবর ভাল করে জানা আছে কি ? এই কি প্রশ্নের ধরণ ?

প্রথম প্রশ্ন : মন ঐশ্বর্য আপনার ভাল লাগে কি ?

এ যুগে কে এমন বুদ্ধিহীন মাহুব আছে যে, বিবাহীন ভাবে উত্তর দেবে। না, ভাল লাগে না।

দ্বিতীয় প্রশ্নও এমনি অবাস্তব। অর্ধ, অলকার অর্ধা সম্পত্তি নষ্ট হলে আপনার খুব কষ্ট হয় কি ?

এ প্রশ্ন সংসারী মাহুবকে কোন সংসারী মাহুব করে না। সংসারী বিদ্যাদী পল্লাসীকেও কেউ করে না।

সবচেয়ে অকৃত প্রথম শ্রেণী : পৃথিবীতে আপনার সবচেয়ে প্রিয় বস্তু কোন্টি ? অর্থ-সম্পত্তি, স্বামী, কন্যা, কোন বই অথবা আপনি নিজে ?

সুন্দর বিজ্ঞপত্র হারি সুরমার ঠোঁটের কোণে ফুটে উঠল। আমাকে আমি ভালবাসতে পারি কি ? স্বামী নয়, সন্তান নয়, ধন-সম্পত্তি নয়, ধর্ম নয়, লেখা নয়—কিছু নিজেকে নিয়ে থাক ! অহোরাত্র আত্মচিন্তা ? যখন প্রেমে ভরপুর—তখনও, যখন ছেঁচে বিগলিত—তখনও ? সম্পদ পৌঁছবে পরিপূর্ণ হয়েও—ঈশ্বরকে দিনান্তে স্মরণ করবার সময়েও ?

লিখলেন : নিজেকে কে না ভালবাসে ? অর্থে কোন সংসারী বীতস্পৃহ ? সম্পত্তি নষ্ট হলে কার মন বা অকৃত থাকে ? এ সব প্রশ্ন কোন কারণেই সঙ্গত নয়। এর উত্তরইচ্ছে করেই দিলাম না। আশা করি তোমার মনঃসমীক্ষক এমন উত্তর প্রশ্ন আর কব-বেন না।

কিছুদিন পরে উত্তর এল ব্রজেশের : মা, মনঃসমীক্ষক বলে-ছেন—মিতার জন্ম চিন্তার কোন কারণ নেই। বয়স আর একটু বাড়লে ওয় মনের দৃষ্টি ঘুচেবে। এখন কাঁচা মন আর পাকা মনে বৃথাপড়া চলছে বলেই এত হাজারি। ও যখন স্বাভাবিক ভাবে ভিক্তে দিতে পারবে তিথারীকে, নিজের ছেলেমেয়েদের সাজিয়ে-গুলিয়ে নিজে নিখুঁত প্রসাধন করতে পারবে, আমি ভালুক না কিনি

ব্যাংকে টাকা জমাতে পারব প্রচুর এবং ছেঁড়া কাপড়, ময়লা জামা, ভাঙা বেওয়াল, ফুটা চালা, নোংরা বস্ত্রী, হাড়জিরাজিরে উলঙ্গ শিশুর মিছিল ভেদ করে আমাদের মোটর চলবে অনারাস পতিতে—আর সেই গাড়ীতে বসলে হুঁধারের দৃশ্য আমাদের মনে কোন যোগ্যপাত করবে না—তখনই নাকি আয়বা—মানে মিতা আর আমি হব পৃথিবীর সবচেয়ে সুস্থ মানুষ। এটা আমার কাছেও পরমাশ্চর্য মনস্তত্ত্ব, অথচ এইটাই নাকি সাম্প্রতিক কালের পরম সত্য।

এয় পরের পক্ষে লিখলে ব্রজেশ : কাল লক্ষ্য করলাম—এক জন হুঃহু আত্মীয় এসে হুঃখের কথা নিবেদন করলেন। মিতা তাঁকে একটি টাকা দিয়ে বলল, আর হাতে নেই, থাকলে দিতাম।

আত্মীয় চলে গেলে বললাম, সত্যিই টাকা নেই ? মিতা হেসে বলল, আত্মবক্ষার অধিকার সকলেরই আছে। এখানে মিথ্যা এমন ভয়ানক কিছু নয়।

ওয় কথা শুনে ভাবলাম কিছুক্ষণ। কথাটা হঠাৎ শুনে কেমন লাগে। এক কালের আদর্শ বা নীতিতে অল্প বাঁকা দিয়ে যায়। কিন্তু সে থাকা সামান্যই।

সব কথা বললাম ডাক্তারকে। ডাক্তার বললেন, অস্থখের বড় থাকা সামলেছে মিতা, সাজিয়ে একটু দুর্বলতা আছে শুধু। আপনি কি বলেন ?

রাখালের বেণু

শ্রীকালিদাস রায়

রাখাল, রাখাল বেণু আছো বাজে অস্থখন,
বে শোকে শিখরি উঠে তার সারা তরুমন।
কালিন্দী উজান চলে
কটিন পাবার বলে
চকল হয়ে উলে জুহুদের অস্থকন।

সেই বেণুতান শুনে আছো চলে অস্তিন্যাবে
পাগলিনী বসু যথা কোন বাধা না বিচারে।
স্বয়ং স্বয়ং বেণুস্বয়ে
শোকে শিখরি উঠে
আছো রাখাল বেণু বাজে অস্থকন অস্থকন।

শিখরিনা উঠে তরু তাই ফুটে কলিকুল,
বেণুতান শুনে ফুলে তাই জুটে অলিকুল।
মদীয়ে গিল্ল টানে
থায় সে বসু পানে,
গৃহী জুজে মন্দার মোরা তার বলি ভুল।

তব বেণু বেজে চলে শুনিত্তে কি সবে চার ?
যদি শোনে গৃহকোণে মন বলে তব তার ?
পাহে পানে বেণুতান
শোকে শিখরি উঠে
কর রাখাল বেণু বাজে অস্থকন অস্থকন হার ?

আল-বীরুণীর ভারতীয় ভূগোল

ডক্টর শ্রীবিমলাচরণ লাহা

১

আহমদের পুত্র আবুরেহান মহম্মদ আল-বীরুণী নামে খ্যাত। তিনি গণিত, জ্যোতির্বিদ্যা, ভূগোল এবং সংস্কৃতে সুপণ্ডিত ছিলেন। গজনির মামুদের সহিত তিনি ভারতে আগমন করেন। তাঁহার রচিত "তহকিক্ মা লিল হিন্দ" সম্ভবতঃ ১০৩০ খ্রীষ্টাব্দে সমাপ্ত হয়। এই গ্রন্থ হইতে আমরা ভারতের ধর্ম, দর্শন, সাহিত্য, ভূগোল, জ্যোতির্বিজ্ঞান, আচার-ব্যবহার ও আইন-কানূনের বিস্তৃত বিবরণ পাই। বেবারটির মতে আল-বীরুণীর গ্রন্থের নাম তারিখ-ই-হিন্দ নহে। ডাঃ সাচাউ কত্ক আল-বীরুণীর 'ভারত' গ্রন্থখানি বিষয়-সূচি ও ব্যাখ্যাসহ সম্পাদিত হইয়াছে। বিস্তৃত তাঁহার আলোচনা-গুলি অসম্পূর্ণ বলিয়া মনে হয়। সুবিস্তৃত এবং সম্পূর্ণ বিবরণ ব্যাখ্যাসহ প্রকাশ হইলেই আমরাদিগের বিশেষ কার্যে আসিবে। তাঁহার ভারতীয় ভূগোলের জ্ঞান মনে হয় খুব বেশী ছিল না। তিনি যে মৎস্য, আদিত্য ও বায়ু পুরাণের অংশবিশেষ মাত্র পড়িয়া-ছিলেন, এ কথা তিনি নিজেই স্বীকার করিয়াছেন। চারিটি দিক অনুযায়ী বায়ুপুরাণ হইতে এবং নয় দিক অনুসারে বরাহমিহির-সংহিতা হইতে দেশগুলির নাম তিনি লিপিবদ্ধ করিয়াছেন। কুমের অবস্থিতি অনুযায়ী ভারতের দেশ এবং জাতিদিগের বিশেষ বিবরণ মৎস্রগীত 'Geographical Essays' গ্রন্থে প্রদত্ত হইয়াছে। প্রাচীন জ্যোতির্বিজ্ঞান গ্রন্থসমূহের উপর ভিত্তি করিয়া মার্কণ্ডেয় পুরাণের কুম্ব বিভাগ বা কুম্ব নিবাস অংশে ভারতের দেশের ও জাতির একটি তালিকা পাওয়া যায়। এই সকল দেশ ও জাতি-সমূহের অধিকাংশ মার্কণ্ডেয় পুরাণের নবখণ্ড অধ্যায়ে উল্লিখিত হইয়াছে। কিন্তু ইহাদের অধিকাংশ দেশ ও জাতির নাম ঠিকমত নির্ধারণ করা সম্ভব নহে। আল-বীরুণীও এই মত পোষণ করেন।

আল-বীরুণীর মতে তালেখর, লোহরাণী, কচ্ছ, বাগ, বারোই, সোমনাথ, বদায়ং (কাষে), তান, লায়ান, বঙ্গভ, কাজী বা কাফী এবং দর্ভং উপকূল স্থান বলিয়া পরিচিত। কচ্ছ ও সোমনাথের জলস্রাবা সমুদ্রে জাহাজগুলিতে ডাকাতি করিত। দক্ষিণ ভারতে কাফীপুর একটি সুপ্রসিদ্ধ বৌদ্ধ বিদ্যালয়স্থান বলিয়া খ্যাত ছিল। এই কাফীপুর হইতে বিভক্ত ছিল—শিবকাফী ও বিষ্ণুকাফী। নগরের পশ্চিমে শিবকাফী অবস্থিত। বিষ্ণুকাফী শহরের পূর্বদিকে অবস্থিত। শিবকাফীর মন্দিরটি সবচেয়ে প্রাচীন আর বিষ্ণুকাফীতে মন্দিরটি পরে নির্মিত হয়। কাহারও কাহারও মতে কাফী বা কজিবরম তিনটি ভাগে বিভক্ত—(১) বৃহৎ কাফী, (২) ক্ষুদ্র কাফী, (৩) পিলেয়ার কোলিয়ার। এই প্রাচীন নগরটির উপর শৈব, বৌদ্ধ এবং জৈন এই তিনটি ধর্মের প্রভাব দেখা যায়। কজি-

বরমের কামাক্ষী মন্দির সর্বাপেক্ষা প্রাচীন। কৈলাসনাথের মন্দিরে অর্ধনারায়ণের মূর্তি আছে। কচ্ছপেশ্বর মন্দিরে কুম্বরূপী বিষ্ণু শিবকে পূজা করিতেছেন দেখা যায়। নগরের পশ্চিমে বিষ্ণুকজিবরমে বৈকুণ্ঠ-পেত্রমল মন্দিরে বিষ্ণু বহু প্রকার মূর্তি প্রস্তবে খোদিত আছে।

আল-বীরুণীর মতে চীন দেশের নিকটে পূর্ব দ্বীপগুলিকে জাবাজের দ্বীপ বলা হইয়াছে। হিন্দুগণের নিকট ইহারা সুবর্ণ-দ্বীপ নামে পরিচিত। আল-বীরুণী লঙ্কায় বিপরীত দিকে অবস্থিত বামেখরের উল্লেখ করিয়াছেন। বামেখর সেতুবন্ধ হইতে ২ কারসাক দূরে অবস্থিত (এক কারসাক চার মাইল)। দশরথের পুত্র যাম এই বাধ নির্মাণ করেন। বর্তমানে ইহা কতকগুলি পৃথক পৃথক মালাব সমষ্টি এবং ইহার মধ্যে সমুদ্র প্রবাহিত। আল-বীরুণী লঙ্কাকে পৃথিবীর শিখর বলিয়া বর্ণনা করিয়াছেন। তাঁহার মতে সরগদীব বা সিংগলদীব বা সংগলদীব বা সিংহল দ্বীপ লংকা হইতে অভিন্ন এবং ইহা একটি উপসাগরে অবস্থিত। তিনি বলেন যে, ভারতবর্ষ দক্ষিণে ভারত মহাসাগর এবং অপর তিন দিকে সুবৃহৎ পর্বত দ্বারা বেষ্টিত আছে।

হিন্দুদের মতে পৃথিবী গোলাকার ও সমুদ্রবেষ্টিত; গলবেষ্টনীর জায় পৃথিবী সমুদ্রে অবস্থিত এবং গলবেষ্টনীর জায় একটি গোলাকার সমুদ্র পৃথিবীতে অবস্থিত। শুধু গলবেষ্টনীর সংখ্যা (বাহাকে দ্বীপ বলা হয়) সাতটি এবং সমুদ্রের সংখ্যা ত্তরুপ। দ্বীপগুলি এবং সমুদ্রগুলি এরূপ ভাবে অবস্থিত যে প্রত্যেক দ্বীপ পূর্ববর্তী দ্বীপের দ্বিগুণ এবং প্রত্যেক সমুদ্র পূর্ববর্তী সমুদ্রের দ্বিগুণ বলিয়া আল-বীরুণী বর্ণনা করিয়াছেন। মৎস্য এবং বিষ্ণু পুরাণদ্বয়কে অবলম্বন করিয়া সাতটি দ্বীপের বর্ণনা তিনি দিয়াছেন। মধ্যবর্তী দ্বীপের নাম জম্বুদ্বীপ। জম্বুবন্ধ হইতে ইহার নামকরণ করা হইয়াছে। ইহার আকৃতি একটি শকটের জায়। দক্ষিণদিকে ইহার সম্মুখভাগ দেখা যায়। মহাভারতে বর্ণিত আছে যে, দক্ষিণ ও উত্তর দিক হইতে ইহাকে একটি ধনুকের জায় দেখায়। ইহার দুই টানিলে ধনুকোটি বা বামেখরে একটি শিখরের সৃষ্টি হয়। ভারতের আকৃতি সম্বন্ধে বৌদ্ধেরা বলেন ভারতবর্ষ উত্তরে সুবিস্তৃত দক্ষিণে একটি শকটের সম্মুখভাগের জায় দেখায় এবং ইহা সাতটি সমান ভাগে বিভক্ত। ভারতের প্রকৃত আকৃতির বর্ণনা এইরূপ। চৈনিক প্রবন্ধকার কা-কাই-লি-টো এরূপ বর্ণনা দিয়াছেন। শাকদ্বীপে সাতটি বৃহৎ নদী আছে। ইহাদের মধ্যে একটি গঙ্গার জায় পরিষ্কার। ইহার অধিবাসীরা ধার্মিক ও দীর্ঘায়ু। মৎস্যপুরাণের মতে কুম্বদ্বীপে সাতটি পর্বত আছে। নদীর মধ্যে বয়না সর্বাপেক্ষা বৃহৎ। বিষ্ণু পুরাণের মতে অধিবাসীরা লম্ব এবং পাপবর্জিত। দ্বৌকদ্বীপ

পর্বত, নদী এবং হাঙ্গা আছে। এখানকার লোকেরা খারিক ও লং। শাকসী বা শাকসীপে পর্বত ও নদী দেখা যায়। ইহার অধিবাসীরা পবিজ, দীবা, ক্রোধবর্জিত এবং অস্বাদিক। পীতে কিংবা ক্রীয়ে আবহাওয়ার পরিবর্তন দেখা যায় না। গোবেদ-দীপে হুইটি বৃহৎ পর্বত এবং হুইটি রাজ্য আছে। বিকুপুবাণ হইতে জানা যায় যে, ইহার অধিবাসীরা ধর্মভীর। ইহা একটি স্বাস্থ্যকর ও সুন্দর দীপ। জরোথবৃক হইতে পুত্র দীপের নামকরণ করা হইয়াছে। এখানকার লোকেরা দীর্ঘজীবী ও উচ্চ আকাঙ্ক্ষাশুভ্র। আল-বীরগীর বলেন ভারতবর্ষ কেবল যে ভারতকে বুঝায় তাহা নহে। কোন একটি মহাসাগর ভারতকে অতিক্রম করে নাই। কেবলমাত্র একটি অংশ অপর অংশ হইতে পৃথক করিয়া দিয়াছে। এই সাতটি দীপের মধ্যে জম্বুদ্বীপ এবং ভারতবর্ষ সাধারণতঃ অভিন্ন।

বৌদ্ধেরা বলেন, পৃথিবীতে যে সকল দীপ আছে, জম্বুদ্বীপ তাহাদের মতে একটি। ইহাদের মতে দীপের সংখ্যা আটটি; সাতটি নহে এবং কতকগুলি সমুদ্রের বিভিন্ন নাম দেওয়া হইয়াছে। জৈনদের মতে কতকগুলি দীপ ও সমুদ্রের নূতন নাম পাওয়া যায়। মার্কণ্ডেয়, মৎস্য এবং বাহুপুবাণ এবং মহাভারতের মতে ভারত নয় ভাগে বিভক্ত। নয়টি দীপের মধ্যে আটটি দীপ প্রকৃত ভারতের মতে, বৃহৎ ভারতের অন্তর্গত, এবং ইহারাই ভারতীয় উপদ্বীপ-বেষ্টিত দীপ এবং দেশ নামে পরিচিত। আল-বীরগীর এবং আবুল ফজল বহুদিন পূর্বে এই কথাই বলিয়াছেন। ভারতীয় উপদ্বীপ নবমদ্বীপ বলিয়া পরিচিত; ইহা সাগরবেষ্টিত এবং কুমার দীপ নামে খ্যাত। দক্ষিণ দিক হইতে উত্তর দিক পর্যন্ত দৈর্ঘ্যে ইহা এক হাজার বোজন বিস্তৃত। ভারতের এইরূপ বর্ণনা বৌদ্ধ-দিগের নিকট অবিলম্বিত।

আল-বীরগীর বলেন যে, কনোজের (কাতকুজ) চতুর্দিক দেশ ভারতের স্বদেশ বলিয়া পরিচিত। ইহা একটি ঐতিহাসিক কেন্দ্র, কাময় পুরাকালে এখানে সুপ্রসিদ্ধ মূর্তি এবং বীরের আবাসস্থান ছিল। কাতকুজের চতুর্দিক দেশকে আধ্যাত্মিক বলা হয়। অতএব আল-বীরগীর মত সঠিক নহে। বস্তুতঃ ইহার পূর্বদিকে পুণ্ড্রবর্ডন পর্যন্ত, দক্ষিণে পরাবতী অথবা সঙ্গলবতী পর্যন্ত, পশ্চিমে সুগ এবং উপসুগ পর্যন্ত এবং উত্তরে উশীরদিবি বা উশীরধ্বজ পর্বত পর্যন্ত স্বদেশ বলিয়া বিস্তৃত। ব্রাহ্মণগ্রাম, সুগ এবং হাবীখর অথবা ধানেখর অভিন্ন। হরিখারের নিকটস্থ কংখলের উত্তরদিকে অবস্থিত উশীর গিরি পর্বত এবং উশীরধ্বজ অভিন্ন। কাহারও কাহারও মতে সিওরাসিক পর্বতমালা এবং উশীর গিরি অভিন্ন। কোম একটি পর্বতবর্তী বৌদ্ধগ্রামে উল্লিখিত হইয়াছে যে, হিরালয় ও প্লাবিশ্য পর্বতের মতই স্বদেশে অবস্থিত। কেহ কেহ বলেন—কঙ্গল নগরের পূর্বদিকে, সঙ্গলবতী নদীর দক্ষিণ-পূর্বদিকে, মতকর্ষিক নগরের দক্ষিণে, ব্রাহ্মণগ্রাম সুগের পশ্চিমে এবং উশীরধ্বজ পর্বতের উত্তরে স্বদেশে অবস্থিত ছিল।

আল-বীরগীর বলেন যে, সমগ্র-বৃত্তান্ত লিপিবদ্ধ করিয়াছেন— কনোজ, মাহয় (মথুরা), অনহিলবার (পতন), মালবের অন্তর্গত ধাব, মুসলমান কতক পুরাতন রাজধানী জর কবিবার পর কাতকুজের অস্বাদী রাজধানী বারী এবং বজান হইতে জময় আদিত হয়। বোলটি জময় বৃত্তান্তের তালিকা এইরূপ—(১) কাতকুজ হইতে এলাহাবাদ এবং তার পর ভারতের পূর্ব উপকূল দিয়া কাফী পর্যন্ত এবং আরও দক্ষিণ দিকে; (২) কনোজ অথবা বারী হইতে বায়ানগরী পর্যন্ত এবং তার পর গজার মোহনা পর্যন্ত; (৩) কনোজ হইতে পূর্বদিকে কামরূপ (কামরূ) পর্যন্ত এবং উত্তর দিকে নেপাল এবং তিব্বত সীমানা পর্যন্ত; (৪) কনোজ হইতে দক্ষিণে দক্ষিণ উপকূলস্থ বনবাসী পর্যন্ত; (৫) কনোজ হইতে বজান অথবা গজারটের তৎকালীন রাজধানী নারায়ণ পর্যন্ত; (৬) মথুরা হইতে মালব রাজধানী ধাব পর্যন্ত; (৭) বজান হইতে ধাব এবং উজ্জয়িনী পর্যন্ত; (৮) মালবের অন্তর্গত ধাব হইতে গোদাবরীর দিকে; (৯) ধাব হইতে ভারত মহাসাগরের উপকূলে অবস্থিত তান পর্যন্ত; (১০) বজান হইতে কাথিয়ারের দক্ষিণ উপকূলে স্থিত সোমনাথ পর্যন্ত; (১১) অনহিলবার বা বর্তমান পতন হইতে বোম্বাইয়ের উত্তরে পশ্চিম উপকূলে স্থিত তান পর্যন্ত; (১২) বজান হইতে ভাতী হইয়া দিল্লুনের মোহনার অবস্থিত লোহাগীরী পর্যন্ত; (১৩) কনোজ হইতে কাশ্মীর পর্যন্ত; (১৪) কনোজ হইতে পাণিপট, এটক, কাবুল এবং শাজনা পর্যন্ত; (১৫) বত্রহান হইতে কাশ্মীরের রাজধানী আদিহান পর্যন্ত; (১৬) মাক্রানের অন্তর্গত তিজ হইতে উপকূল ধরিয়া সেতুবন্ধ (সিংহলের বিপরীত দিকে আদমের সেতু) পর্যন্ত।

আল-বীরগীর মতে খুরাসান, পামত, ইরাক, মোসুল এবং সিরিয়ার সীমানা পর্যন্ত দেশ বৌদ্ধদেশ বলিয়া বিদিত ছিল। বায়ানগরী এবং কাশ্মীর হিন্দু বিজ্ঞানের শ্রেষ্ঠ কেন্দ্র ছিল। সোম-নাথের নিকট দৈহকদুর্গ রসায়নপ্রতিষ্ঠান নাগাজুনের বাস-ভূমি ছিল। ধাব মালবদিগের রাজধানী বলিয়া পরিচিত এবং ভোজদের এখানে রাজত্ব করিতেন। বসন্ত বসন্তী নগরের পাশে ছিলেন। ভিনসেন্ট এ. গিথের মতে বসন্তী দেশ (ওরাল) পূর্ব কাথিয়ারে অবস্থিত ছিল। কাহারও কাহারও মতে ওরাল গজারটের উপদ্বীপভাগে অবস্থিত। কাতকুজের পশ্চিমে সিদ্ধেশ। সুবৃহৎ কনোজ শহর গজার পশ্চিমে অবস্থিত। গজার পূর্বদিকে বারী শহরকে রাজধানী কবিবার পর কনোজ শহরের অধিকাংশ ধ্বংসপ্রাপ্তে পরিণত হইয়াছিল। মথুরা (মহুর) যমুনা নদীর পূর্বদিকে বিস্তারিত ছিল। মথুরা হইতে বোম্বাই এবং কনোজ ২৮ কারসক দূরে অবস্থিত। কনোজ ও মথুরার উত্তরে হুই নদীর মধ্যে খানেখর (ভানেখর) বিস্তারিত। কনোজ হইতে প্রায় ৮০ কারসক ও মথুরা হইতে প্রায় ৫০ কারসক দূরে ইহা অবস্থিত। আল-বীরগীর মতে ধানেখর বা হাবীখর বা ভানেখর শব্দটি হাবু হাবীখর এই দুই শব্দের সংযোগে গঠিত। আল-বীরগীর মতে কনোজের পশ্চিমে সুগের পশ্চিমে এবং উশীরধ্বজ পর্বতের উত্তরে স্বদেশে অবস্থিত ছিল।

বৃহৎ এবং প্রতিপত্তিশালী রাজ্য ছিল। কাশীর রাজারা কোশল রাজাদের সহিত অনেকবার যুদ্ধ করিয়াছিল। আবার কখনও কখনও কোশল কাশী রাজ্য জয় করে। বৃহৎ সময় হইতে কাশীর রাজনৈতিক ক্ষমতা লোপ পায়। কিছুকালের জন্য ইহা কোশল ও মগধ রাজ্যের অন্তর্ভুক্ত হয়। সর্বশেষে দেখা যায় যে, কাশী বৃহৎ পরাজিত হইয়া মগধ রাজ্যের অন্তর্ভুক্ত হইয়াছিল। কাশীর রাজধানী ছিল বারাণসী। এইখানে বৃহৎদের তাঁহার সর্বপ্রথম ধর্ম প্রচার করেন।

কুরু ও পঞ্চালের পূর্বদিকে এবং বিদেহের পশ্চিমে কোশল অবস্থিত। কাহারও কাহারও মতে নেপালের পর্বতমালায় মধ্যে কোশলের উত্তর সীমানা। গণ্ডগা নদী ইহার দক্ষিণ সীমানা এবং কপিলাসুন্দর পূর্বদিকে ইহার পূর্ব সীমানা ছিল। ম্যাকডোনেল এবং কিথের মতে গণ্ডগার উত্তর পূর্বদিকে কোশল অবস্থিত। ইহা আধুনিক আউধ রাজ্য হইতে অভিন্ন। কোশলের দুইটি ভাগ ছিল—উত্তর এবং দক্ষিণ। উত্তর ভাগের রাজধানী ছিল শ্রাবস্তী এবং দক্ষিণ ভাগের রাজধানী সাকেত। সামারণ ও মহাভারত এবং কয়েকটি বৌদ্ধ গ্রন্থ হইতে জানা যায় যে, অযোধ্যা সর্বপ্রথম রাজধানী ছিল বলিয়া মনে হয় এবং পরবর্তী রাজধানী সাকেত। বৃহৎদের সময় অযোধ্যা একটি নগর নগরে পরিণত হইয়াছিল। কিন্তু ভারতের ছয়টি বৃহৎ পহরের মধ্যে সাকেত এবং শ্রাবস্তী দুইটি। কেহ কেহ মনে করেন যে, সাকেত এবং অযোধ্যা অভিন্ন। কিন্তু দ্বিজ ডেভিডস বলেন, এই দুইটি নগর বৃহৎদের সময় বর্তমান ছিল। শ্রাবস্তী আউধে অবস্থিত। বৃহৎদের সময় গণ্ডক এবং বারৈক জেলার সীমানায় অবস্থিত বাস্তী নদীর দক্ষিণ তীরস্থ সাহেট-মাহেট নামে বৃহৎ নগরস্থ প হইতে শ্রাবস্তী অভিন্ন।

মগধ বলিতে বিহারের বর্তমান পাটনা এবং গয়া জেলাকে বুঝায়। ইহার সর্বপ্রথম রাজধানী ছিল গিরিভ্রজ বা পুরাতন রাজ-গৃহ। বৌদ্ধধর্মের ইহা একটি প্রসিদ্ধ কেন্দ্র। অশোকের সময় ইহার রাজধানী ছিল পাটলিপুত্র। প্রাচীন বৌদ্ধযুগে ইহা একটি বিখ্যাত রাজনৈতিক এবং বাণিজ্য কেন্দ্র ছিল। উত্তর প্রতিবেশী সহিত এবং গন্ধারের পশ্চিমবাহ্যের সহিত বিবাহ ও অপরা কোন যুদ্ধে মগধেরা বৃহৎ বজায় রাখিয়াছিল।

প্রাগজ্যোতিষ একটি অনার্য জাতি বলিয়া পরিচিত। সামারণ ও মহাভারতে ইহা একটি অসুর-মানব রাজ্য বলিয়া বর্ণিত আছে। মহাভারতের মতে ইহা উত্তরদিকে অবস্থিত কিন্তু মার্কণ্ডের পুরাণ হইতে জানা যায়, ইহা পূর্বদিকে। প্রাগজ্যোতিষপুর কামরূপের রাজধানী। কামাখ্যা অথবা গোহাটা হইতে ইহা অভিন্ন। কেহ কেহ বলেন যে, প্রাগজ্যোতিষ এবং কামরূপ একই দেশ। প্রাগ-জ্যোতিষ বলিতে আমরা সমগ্র আসাম, উত্তর বাংলা, অসম এবং কুচবিহারকে বুঝি।

বর্তমান তমলুক, তাম্রলিপ্তিক বা তাম্রলিপ্ত অভিন্ন। রূপ-নারায়ণ নদীর পশ্চিমতীরে ইহা অবস্থিত। খ্রীষ্টপূর্ব ষষ্ঠ শতাব্দীতে

ইহা প্রাচীন বৃহৎ রাজ্যের রাজধানী ছিল এবং যৌবনাসিত বৃহৎ রাজ্যের অংশবিশেষ ছিল।

প্রাচীনকালে বঙ্গ বলিতে আধুনিক বাংলার একাংশকে বুঝাইত। প্রাচীন বঙ্গের প্রধান বিভাগগুলির মধ্যে সমস্ত (বর্তমান ফরিদপুর) এবং তাম্রলিপ্তের (বর্তমান তমলুক) উল্লেখ করা যায়। প্রকৃতপক্ষে বঙ্গ বলিতে পূর্ব বাংলাকে বুঝাইত। বর্তমান ঢাকা ও চট্টগ্রাম বিভাগ পূর্ববাংলার অন্তর্গত।

খ্রীষ্টীয় প্রথম শতকে বর্তমান মাদ্রাস বৃহৎ অংশ এবং তিনেভেলি জেলা ও দক্ষিণ ত্রিবাঙ্কুর পাণ্ড্য রাজ্যের অন্তর্গত ছিল। তাম্র-পর্ণী নদীতীরস্থ কোলকায় ইহার সর্বপ্রথম রাজধানী এবং ইহার পরবর্তী রাজধানী মদ্রা (দক্ষিণ মথুরা)। কেহ কেহ বলেন যে, পাণ্ড্যদেশ বলিতে মদ্রা, রামনাদ, তিনেভেলি জেলাগুলি এবং সম্ভবতঃ ত্রিবাঙ্কুর রাজ্যের দক্ষিণ অংশকে বুঝাইত। ইহা তাম্রপর্ণী ও কৃষ্ণমালা অথবা বেগাই নদীর জলে ধোঁত হইত।

কেবল বা চের কুপক কিংবা সত্যদেশের দক্ষিণে একটি দেশ। ইহা মধ্য ত্রিবাঙ্কুরের কয়েকটি পর্বত বিস্তৃত। কাহারও কাহারও মতে ত্রিবাঙ্কুর, কোচিন এবং মালাবার জেলা লইয়া কেবল বা চেরদেশ গঠিত। কোয়েমবাটোর জেলা এবং সালের জেলার দক্ষিণাংশ কংক দেশ নামে পরিচিত ছিল। কেবল বা চের দেশ পেরিয়ার নদীর জলে ধোঁত হইত। এই নদীর তীরে কোচিনের নিকটে ইহার রাজধানী বসি অবস্থিত ছিল।

বনবাসী রাজ্য ঐতিহাসিক যুগে উত্তর কানাড়ার একটি সুবিখ্যাত দক্ষিণদিকের অঞ্চল ছিল।

বামন পুরাণের মতে মারাঠা বা মহারাষ্ট্র দেশ উত্তর গোদাবরীর জলে বিধোঁত হইত। ইহা গোদাবরী ও কৃষ্ণা নদীর মধ্যবর্তী স্থান। অশোক এই দেশে বৌদ্ধধর্ম প্রচারের জন্য মহাধর্মযজ্ঞিতকে প্রেরণ করেন।

কপিলা নদী (মেদিনীপুর জেলার অন্তর্গত বর্তমান কামাই) হইতে দূরে বংগের দক্ষিণে কলিঙ্গ দেশ বিস্তারিত ছিল। ইহা দক্ষিণে মহেন্দ্র পর্বত পর্বত বিস্তৃত। বৈতরণী নদীর দক্ষিণে বর্তমান উড়িষ্যা এবং তিলাগাপত্তম পর্বত দক্ষিণে বিস্তৃত সমস্ত উপকূল প্রাচীন কলিঙ্গ দেশের অন্তর্গত। কুর্ষ পুরাণের মতে অমরকটক পর্বত ইহার অন্তর্ভুক্ত ছিল। হাতিগুফা শিলালিপি হইতে জানা যায় যে, খায়বেলের রাজত্বকালে কলিঙ্গনগর কলিঙ্গের রাজধানী ছিল। মাত্রাজ প্রদেশে গজাম জেলার অন্তর্গত সংলগ্ন-স্ত পুণ্ড্রি এবং বংশধার তীরে অবস্থিত মুখলিগুম ও কলিঙ্গনগর অভিন্ন।

সুরপারক একটি সমুদ্র বন্দর এবং ইহা বোম্বাইয়ের সাঁইরিয়া মাইল উত্তরে থানা জেলার অন্তর্গত সুরপা বা সোপারা হইতে অভিন্ন। ইহা বেসিনের প্রায় চার মাইল উত্তর পশ্চিমে অবস্থিত।

মহাভারতের লতাপর্ষ দেখা যায় যে, ভারতের পশ্চিমতীরে আতীতগণ বাস করিত। পরবর্তী পুরাতনকালীন যুগে, ভারতের পশ্চিমতীরে বাস করিত কিন্তু পুরাতনকালে ভারতের পশ্চিমতীরে

অধিবাসী ছিল বলিয়া মনে হয়। আল-বীরুণী তাহাদিগকে ভুল কৰিয়া দক্ষিণেৰ অধিবাসী বলিয়াছেন। মহাভাৰতের মতে ইহারা পশ্চিম রাজপুতনার অধিবাসী ছিল।

সুৰাষ্ট্ৰ বলিতে বৰ্তমান কাথিয়াওয়ার্ণ্ড এবং গুজৰাটের অপর অংশগুলিকে বুঝায়। শতোদিকা নদী সুৰাষ্ট্ৰ দেশের সীমানা দিয়া প্রবাহিত হইত। চৈনিক পৰিব্রাজক হিউয়েনসাঙের মতে এই দেশ সু-স-হ নামে বিদিত। টলেমির মতে সৈরাট্টেনে এবং সুৰাষ্ট্ৰ অভিন্ন। আল-বীরুণী ভুল কৰিয়া সুৰাষ্ট্ৰকে দক্ষিণ দিকে স্থান দিয়াছেন।

ভোজগণ দক্ষিণ দেশের লোক। তাহারা প্রাচীনকালে মধ্য এবং দক্ষিণ ভাৰতে বাস কৰিত। কথিত আছে, তাহারা কুরু পাণ্ডবগণের পূৰ্বপুরুষ যযাতিৰ পুত্র ক্ৰতুৰ বংশসম্ভূত ছিল। ইহারা শূৰসেনদিগের রাজধানী মথুৰা নগরে বাস কৰিত। আল-বীরুণী ভুলক্রমে ভোজগণকে পশ্চিমে স্থান দিয়াছেন।

মালবেৰা সৰ্বপ্রথম পঞ্জাবে বাস কৰিত। ক্রমশঃ তাহারা উত্তর ভাৰতের অনেক স্থানে বাস কৰিয়াছিল। রাজপুতানা, মহাভাৰত যুদ্ধপ্রদেশের বিভিন্ন স্থানে এবং প্রাচীন লাটদেশে (ব্রোচ, কচ্ছ, বড় নগর, আমেদাবাদ) চৰ্বশেষে ইহারা বৰ্তমান মালবে উপনিবেশ স্থাপন কৰিয়াছেন। ইহারা পানিনিৰ যুগ হইতে সমুদ্রগুপ্তের সময় পর্যন্ত নিজেদের জাতীয় সংঘ ভাৰতৰে বক্ষা কৰিয়াছিল।

মেকল দেশের অধিবাসীরা বৰ্তমান অমরকন্টক পৰ্বতে এবং ইহাৰ চতুৰ্দ্দিকস্থ দেশগুলিতে বাস কৰিত। প্রাচীনকালে অমরকন্টক পৰ্বতমালা মেকল নামেই পৰিচিত। এই পৰ্বতমালা হইতে নৰ্মদা উৎখিত হইয়াছে বলিয়া ইহা মেকলসুতা, মেকলকড়া ও মেকলা নামে পৰিচিত। কাহারও কাহারও মতে আনত বা আনৰ্ত্ত দ্বাৰকাৰ চতুৰ্দ্দিকস্থ দেশ এবং কেহ কেহ বলেন যে ইহা বড় নগরের চতুৰ্দ্দিকস্থ জেলা।

পুৰাণের মতে ভোগবর্ডন দাক্ষিণাত্যের অন্তর্গত একটি দেশ। মনে হয়, ইহা গোদাবরী অঞ্চলে অবস্থিত ছিল। মার্কণ্ডেয় পুৰাণের মতে ভোগবর্ডন, মৌলিক, অশ্বক ও কুন্তলদিগের সহিত দক্ষিণ দিকে বাস কৰিত। বায়ু, যন্ত্ৰ এবং মার্কণ্ডেয় পুৰাণে উল্লিখিত আছে যে, বৈদৰ্ভগণ দক্ষিণ দেশে বাস কৰিত। চৌলা বা চালুক্য উত্তর দিকস্থ রাজপুত জাতি। ইহারা দাক্ষিণাত্যের ত্ৰাবিড়দিগকে শাসন কৰিত। কিয়তগণ ছিল অনাৰ্য পাবৰ্ত্তা জাতি; ইহারা উত্তরাপথবাসী।

ত্রিগৰ্ত্তেৰ লোকেৰা একটি ক্ষত্ৰিয় জাতি বলিয়া পৰিচিত। ইহারা গণতন্ত্রভুক্ত। মহাভাৰতের মতে ইহারা পঞ্জাবেৰ একটি জাতি। বৰ্তমান জলন্ধৰ ও প্রাচীন ত্ৰিগৰ্ত্তদেশে অভিন্ন। কানিংহাম সাহেব বলেন যে, ত্ৰিগৰ্ত্তদেশ ও কাংগ অভিন্ন। আল-বীরুণী ভুল কৰিয়া উত্তর দিকে অপৰাষ্ট্ৰের স্থান নিৰ্ণয় কৰিয়াছেন। অপৰাষ্ট্ৰ পশ্চিম অঞ্চলে স্থিত। ইহাই উত্তরকেঙ্গণ নামে পৰিচিত। বাহ্লিক দেশ উত্তর দিকে অবস্থিত। চন্দ্রের মেহবৌলি স্তম্ভলিপি হইতে জানা যায় যে, বাহ্লিকগণ সিদ্ধ অপর দিকে বাস কৰিত। টলেমির সময়ে ইহারা ও বাক্টিওই অভিন্ন ছিল।

আৰ্য্য-সভ্যতাৰ সৰ্বপ্রাচীন যুগ হইতে গন্ধাৰ ভাৰতের একটি অংশ ছিল। গন্ধাৰ ভাৰতের উত্তর-পশ্চিম সীমান্তে অবস্থিত। কিন্তু ইহাৰ স্থান নিৰ্ণয় সৰ্বশ্বে মতভেদ আছে। বৰ্তমান পেশোয়ার ও বাওয়লপিণ্ডি জেলা গন্ধাৰের অন্তর্গত। বিষ্ণু-ডেভিডস-এব মতে গন্ধাৰ (বৰ্তমান কান্দাহাৰ) পূৰ্ব আফগানিস্থানের জেলা-বিশেষ। ভিনসেণ্ট এ. শ্মিথও এই মত পেৰণ কৰেন। কেহ কেহ বলেন, পশ্চিম পঞ্জাব ও পূৰ্ব-আফগানিস্থান লইয়া গন্ধাৰ রাজ্য গঠিত হইয়াছিল। পুষ্কাবতী (পুষ্কাবতী) এবং তক্ষশীলা (তক্‌সিলা) গন্ধাৰের প্রাচীন রাজধানী ছিল।

পাৰজিটাৰ সাহেবেৰ মতে চৰ্ম্মগণ্ডিক সমবকল হইতে অভিন্ন। মংগুপুৰাণে দেশবক্কের উল্লেখ আছে। দেশবক্ক দেশের লোকেৰা কুরুক্ষেত্ৰের মহাযুদ্ধে যোগদান কৰিয়াছিল। মার্কণ্ডেয় পুৰাণের মতে চম্পকগণ উত্তর দিকে বাস কৰিত। কানিংহাম সাহেবেৰ মতে চম্পকদেশ বৰ্তমান লম্বন হইতে অভিন্ন। লসেন সাহেবও এই মত পোষণ কৰেন।

যোন বা যবনগণ ঐকদিগের বংশসম্ভূত ছিল। ইহারা আইয়োনিয়ন নামে পৰিচিত। উত্তর ও পশ্চিম ভাৰতের রাজনৈতিক ইতিহাসে ইহাদের বিশিষ্ট স্থান ছিল। মহাভাৰত হইতে জানা যায় যে, কৰ্বোজ, গন্ধাৰ, কিয়াত এবং বৰ্কবের জায় ইহারা উত্তর ভাৰতে বাস কৰিত।

পুৰাণগুলিতে সিদ্ধ এবং সৌবীৰদিগকে যুক্তভাবে দেখা যায়; কিন্তু বিষ্ণুপুৰাণে ইহাদের পৃথকভাবে উল্লেখ আছে। মার্কণ্ডেয়-পুৰাণের মতে ইহারা উত্তর দিকে বাস কৰিত। বিষ্ণুপুৰাণ হইতে জানা যায় হুণ এবং মজ্জদিগের সহিত ইহারা পশ্চিম দিকে বাস কৰিত। আল-বীরুণী বলেন যে, সৌবীৰ, মুলতান এবং জাৰাওয়ার একই দেশ; কিন্তু হৈমকোষের মতে সৌবীৰ দেশ এবং কুণালব অভিন্ন।



জীবন বন্দনা

শ্রীশৈলেন্দ্রকৃষ্ণলাহা

জীবন সবার বড়, এই কথা জেনো শুধু প্রিয় !
কেন অশ্রু ? সুখদুঃখে নহে নহে পরিমাপ তার,
নূতন বিশ্বয় সেথা, নিত্য সেথা নব আবিষ্কার,
জীবন পরম সত্য, সে মহান, অনির্কচনীয় ।

জানি জানি প্রেমে এই জীবনের শ্রেষ্ঠ সার্থকতা,
দুঃখভরা ধরাতলে—জানি প্রেমে স্বর্গ আসে নামি,
তবুও তবুও জানি প্রেমে শুধু তুমি আর আমি,
বিশ্ব বিস্তারণ হয়—আসে যবে প্রেমের বারতা ।

মাধুর্য্যে মণ্ডিত প্রেম, তার চেয়ে বড় এ জীবন ।
কত স্বপ্ন, অশ্রুভূতি, কি বিস্মৃতি, কত অভিজ্ঞতা,
কি অতৃপ্তি, কি বাসনা, কি আনন্দ, কি গভীর ব্যথা !
জীবনের বেদনার—সব নিয়ে—সেই নিবেদন ।

শুধু স্মরণের মাঝে কেন খুঁজি নিয়ত সান্ত্বনা ?
একেলা সৌন্দর্য্য শুধু জীবনের নহে উপাদান,
স্মরণে ও অস্মরণে সেথা বৃষ্টি নাহি ব্যবধান,
জীবনের পথে নিত্য ভয়ঙ্কর করে আনাগোনা ।

জীবন বিচিত্র আর কি বিচিত্র অভিজ্ঞতা তার !
হৃদয় কাঁদিয়া মরে, তারা চায় অকুণ্ঠ প্রকাশ ।
পূর্ণ অভিব্যক্তি ? তার এ জীবনে কোথা অবকাশ ?
চিত্রে গানে কাব্যে তাই সে বিচিত্রে হেরি বার বার ।

জীবন পড়ে না ধরা, সে চঞ্চল, সে যে শুধু চলে,
আমরা আঁকিতে পারি শুধু এক মুহূর্তের ছবি,
সেখানে সার্থক মোরা, সেইখানে আমরা যে কবি,
বর্ণের যোজনা করি আমাদেরি তপ্ত অশ্রুজলে ।

বার বার প্রশ্ন করি, সে প্রশ্নের মেলে না উত্তর,
প্রতীক্ষায় দিন কাটে, অনন্ত এ জীবন-জিজ্ঞাসা,
সমাধান পাব তার একদিন, আছে তবু আশা ।
সত্যে খুঁজি ? সত্য সে যে কল্পনার নিত্য সহচর ।

দ্বার খোল, রহস্যের চিরকল্প দ্বার খোল দ্বারী !
স্বপ্ন ও বাস্তবে গড়া এ জীবন, তাহার স্বরূপ
কে জেনেছে ? পরিচয় কে পেয়েছে ? সে যে অপরূপ ।
জীবনের গান গাই আমি কবি জীবন-পূজারী ।

কাঞ্চনজঙ্ঘায়

শ্রীউমা দেবী

মনে হয়—মনে হয়—একটি ইচ্ছার মেঘ হয়ে
আরক্ত চূনির মত একটি তৃষ্ণাকে বৃকে বয়ে
ভেসে যাই—দূর থেকে দূরান্তরে কাঞ্চনজঙ্ঘায়
পৃথিবীর শেষ হলে আকাশের নীল সীমানায় ।
সেখানে রহস্তভরা নিশীথের নীলকান্তময় সিংহদ্বার
যুক্ত হলে—ফুলবন লাল নীল সাদা আর সোনালি তারার
শোনায় সঙ্গীত তার ভ্রমর পাখায়
যখন স্বপ্নের রেণু বাবে গিয়ে দক্ষিণ হাওয়ায়
কুয়াশার মতন ঘনায়—
আমার প্রাণের কাছে এসে
ভালোবেসে
কি যেন সে চায় দিতে—চায় !

আনি তো ইচ্ছার মেঘ—তাও ক্রমে বাষ্প হয়ে যাই
নীলাভ সুরভি ভীকু ধূপের শরীর নিয়ে তাই—
হৃদয়ের দেশে এসে এমনি মিলাই—
যত ঘুম-নামা চোখে জলে যাওয়া প্রাণেদের
পুড়ে যাওয়া বাসনার ছাই !

তাই মনে সাধ জাগে পুরন্ত—ভরন্ত এক ইচ্ছার
প্রবল মেঘ হয়ে

আরক্ত চূনির মত বিদ্যুতের মত দীপ্ত একটি
তৃষ্ণাকে বৃকে বয়ে

ভেসে যাই দূর থেকে দূরান্তরে যেখানে—যেখানে—মন চায়
হয়তো বা বাসনার সোনার বসনে ঢাকা কাঞ্চনজঙ্ঘায় !

ঐ তুষারের দেশে—তুষারের কোলে এসে ঘুমাবে না মন ?
ভাঙা ভাঙা মেঘ-বনে একটি ফুলের মত হারাবে না
রক্তরাঙা সঙ্ঘার মতন ?

একটি রঙীন তৃষ্ণা তুষার-স্নানের শেষে
হতে পারে শান্ত ও শীতল,
ভরন্ত প্রাণের এক ইচ্ছার প্রবল মেঘ

হতে পারে কুয়াশার মত সুকোমল—
ঐ দূরান্তরে হিম কাঞ্চনজঙ্ঘায়
যেখানে পৃথিবী এসে শেষ হয় আকাশের নীল সীমানায়
হৃদয়ের নীলাভ ছায়ায়—
...কাঞ্চনজঙ্ঘায়—দূর কাঞ্চনজঙ্ঘায়—

কেশবচন্দ্র সেন : প্রথম জীবন

(১৮৩৮-১৮৫৯)

শ্রীযোগেশচন্দ্র বাগল

পূর্বাভাস

ঋষি বঙ্কিমচন্দ্র কেশবচন্দ্র সেনকে উনবিংশ শতাব্দীর শ্রেষ্ঠতম দুই জন ব্রাহ্মণের মধ্যে অন্যতর বলিয়া 'ধর্মতত্ত্বে' উল্লেখ করিয়াছেন। বঙ্কিমচন্দ্র এরূপ উক্তি দ্বারা এই কথাই বুঝাইতে চাহিয়াছিলেন যে, হিন্দুশাস্ত্রে প্রকৃত ব্রাহ্মণের যেসব লক্ষণ বর্ণিত হইয়াছে, তৎসমুদয়ই কেশবচন্দ্রে বিদ্যমান ছিল। কেশবচন্দ্র ধর্মনেতা, সমাজ-সংস্কারক, শিক্ষা-সাহিত্য-সংস্কৃতির একান্ত সেবক। কিন্তু এ সকলের উপরে ছিলেন তিনি সত্যিকার দরদী মানুষ। মানুষের তথা স্বদেশবাসীর উন্নতি ছিল তাঁহার লক্ষ্য। এই উন্নতির মুলাধার যে ধর্মবোধ তাহা জানিয়া তিনি মনুষ্যসমাজকে ধর্ম বিষয়ে উদ্বুদ্ধ করিতে প্রয়াসী হন। আর এই কারণেই তাঁহাতে এবং শ্রীরামকৃষ্ণ পরমহংসদেবে এত আত্মীয়তা জন্মিয়াছিল।

কেশবচন্দ্রকে কেন্দ্র করিয়া ইংরেজী-বাংলা একটি বিরাট সাহিত্য গড়িয়া উঠিয়াছে। বড় ছোট কয়েকখানি জীবনী-গ্রন্থও লিপিবদ্ধ হইয়াছে। কেশবচন্দ্র ছেচল্লিশ বৎসরে পদার্পণ করিতেই মৃত্যুমুখে পতিত হন। কিন্তু এই স্বল্পকালের মধ্যেই তিনি ভারতীয় জীবনের নানা দিকের উন্নতিসাধনে সমর্থ হইয়াছিলেন। কেশবচন্দ্রের বিভিন্নমুখী কর্মপ্রয়াস সমাজজীবনে এমন এক আলোড়ন উপস্থিত করিয়াছিল যাহার তুলনা আধুনিক কালে খুব কমই মেলে। কেশব-সাহিত্যে, কেশব-জীবনী-গ্রন্থে এই সকলের ছাপ নিশ্চয়ই পড়িয়াছে। কিন্তু কেশব-জীবনের সব কথা ইহাতে ধৃত হয় নাই, হয়ত তাহা সম্ভবও ছিল না। কেশব-জীবন সম্বন্ধে একটি সুস্পষ্ট ধারণা করিতে হইলে সমসাময়িক পত্র-পত্রিকা, শিক্ষা ও অস্ত্রবিষয়ক রিপোর্ট এবং পুস্তক-পুস্তিকাদির সাহায্যও আমাদের লইতে হয়। প্রচলিত কেশব-সাহিত্য এবং এই সকল নূতন আকর হইতে প্রাপ্ত তথ্যাদির ভিত্তিতে কেশব-জীবনী নূতন করিয়া আলোচনার সময় আসিয়াছে। কেশবচন্দ্রের বহুমুখী কর্মপ্রয়াস জাতীয় জীবনকে কতখানি প্রভাবিত করিয়াছে ইহা হইতে তাহা আমাদের নিকট সম্যক প্রতিভাত হইবে।

বংশ-পরিচয় : জন্ম

কলুটোলার সেন-পরিবারে কেশবচন্দ্রের জন্ম। সেন পরিবারের কথা বলিতে গেলে উনবিংশ শতাব্দীর প্রথমার্ধে বাংলার শিক্ষা-সাহিত্য-সংস্কৃতির বিষয় আমাদের স্বতঃই মনে পড়ে। এই পরিবারের প্রতিষ্ঠাতা রামকমল সেন* নব-বঙ্গেরও অন্যতম প্রতিষ্ঠাতা,

* 'সাহিত্য-সাধক-চরিতমালা'র অন্তর্গত "রামকমল সেন, কৃষ্ণমোহন বন্দ্যোপাধ্যায়" পুস্তকে রামকমল সেন সম্বন্ধে নির্ভর-যোগ্য এবং তথ্যবহুল বিবরণ দ্রষ্টব্য।

একথা নিঃসংশয়ে বলা যায়। শিক্ষা, সাহিত্য, সংস্কৃত, সাধারণ বিজ্ঞান, প্রাচ্য-পাশ্চাত্য চিকিৎসা বিদ্যা, অর্থনীতি, রাষ্ট্রসাধনা নানা বিষয়েই তিনি উৎসাহী কর্মী ও নেতা ছিলেন। ধর্ম এবং সামাজিক



রামকমল সেন

ব্যাপারে রামকমল ছিলেন বক্ষণশীল, তথাপি জাতির উন্নতিমূলক যতকিছু প্রচেষ্টা, সমুদয়েই তাঁহার ঐকান্তিক সংযোগ লক্ষ্য করি। রামকমল নিষ্ঠাবান বৈষ্ণব, ধনে মানে কলিকাতা-সমাজের একজন প্রধান হইয়াও তাঁহার দৈনন্দিন জীবন-ব্যাপন-প্রণালী ছিল অতি সাদাসিধা; তিনি 'হবি' নাম জপে আনন্দ পাইতেন, স্বপাকে রান্না করিয়া বৎসামান্য আহার করিতেন। নিয়ম-সংঘমে রামকমল ঐ সময়ে এক জন আদর্শ হিন্দু বলিয়া গণ্য হন।

রামকমল সেনের চারি পুত্রের মধ্যে জ্যেষ্ঠ হরিমোহন সেয়ুগে মহর্ষি দেবেন্দ্রনাথ ঠাকুরের সহকর্মীরূপে খ্রীষ্টানবিরোধী আন্দোলনে একান্ত ভাবে যোগ দিয়াছিলেন। এই সময়ে প্রতিষ্ঠিত 'হিন্দু-হিতার্থী বিদ্যালয়ের' তিনি ছিলেন অন্যতর সম্পাদক। অগ্রাগ্র দেশকল্যাণকর প্রতিষ্ঠান, যেমন—ব্রিটিশ ইণ্ডিয়ান এসোসিয়েশন, হিন্দু মোট্রোপলিটান কলেজ প্রভৃতি রাজনৈতিক ও শিক্ষামূলক জাতীয় প্রতিষ্ঠানগুলির সঙ্গেও সূচনা অবধি যুক্ত ছিলেন। রামকমল সেন

১৮২১ খ্রীষ্টাব্দ হইতে হিন্দু কলেজের সঙ্গে মিলিত হন; জীবনের শেষ বৎসর (১৮৪৪) পর্যন্ত তিনি ইহার একজন অধ্যক্ষ ছিলেন। তাঁহার পুত্রগণ হিন্দু কলেজের ছাত্র। জ্যেষ্ঠ হরিমোহন (জন্ম ১৮১২) কলেজের প্রথম যুগের একজন কৃতী ছাত্র বলিয়া পরিচিত ছিলেন।

রামকমলের দ্বিতীয় পুত্র প্যারীমোহন সেন (১৮১৪-৪৮) কেশবচন্দ্রের পিতা। তিনিও হিন্দু কলেজে অধ্যয়ন করেন। জ্যেষ্ঠ হরিমোহন রামকমলের জনকল্যাণ প্রচেষ্টাসমূহের ধারক ও বাহক ছিলেন। মধ্যম পুত্র প্যারীমোহন পিতৃদেবের ভগবদ্ভক্তি,



প্যারীমোহন সেন

নিষ্ঠা ও সংযমের অধিকারী হইলেন। কলেজের পাঠ সমাপনান্তে প্যারীমোহন বঙ্গ ক্ষেত্রে অবতীর্ণ হন। তিনি বোগ সাহেবের ছাউনের মুংসুদী ছিলেন। এই ছাউনের পতনে তিনি ঋণগ্রস্ত হন। পিতা রামকমল সেন এষ্ট কালে দুইটি কর্ম করিতেন—বেঙ্গল ব্যাঙ্ক দেওয়ানী ও টাকশালের দেওয়ানী। রামকমলের মৃত্যুর পর জ্যেষ্ঠ হরিমোহন বেঙ্গল ব্যাঙ্ক দেওয়ান হন, টাকশালের কাজ পাইলেন প্যারীমোহন। তিনি এই পদ লাভ করিয়া ঋণ পরিশোধ করিতে সক্ষম হন। তাঁহার সুদিন কিরিয়া আসে। সেকালের নিয়ম অনুসারে তখন বয়সেই প্যারীমোহনের বিবাহ হয়। স্বথাম গৌরীভা (ডাকনাম, গদিফা)-নিবাসী গৌরহরি দাসের কন্যা সারদাসুন্দরী দেবী সাজ। ১৮৪৮ সনে পূজার ছুটির পর প্যারীমোহন অকালে মাত্র ৩৪ বৎসর বয়সে মারা গেলেন। প্যারীমোহন মৃত্যুকালে তিন পুত্র ও চারি কন্যা রাখিয়া যান। পুত্রদের নাম—নবীনচন্দ্র সেন, কেশবচন্দ্র সেন এবং কৃষ্ণবিহারী সেন। নবীনচন্দ্র বিশেষ সামাজিক ব্যক্তি ছিলেন। সমাজের কল্যাণে তাঁহার সার্থক প্রয়াস ভারতবাসী মাত্রেই আজ কৃতজ্ঞতার সহিত স্মরণ করে। তিনি 'হিন্দু ফেমিলি এম্বায়টি ফণ্ড'র অন্যতম

প্রতিষ্ঠাতা। এই কল্যাণকর প্রতিষ্ঠানটি স্থাপনে তিনি ছিলেন পণ্ডিত ঈশ্বরচন্দ্র বিজ্ঞানসাগরের সহযোগী। কনিষ্ঠ কৃষ্ণবিহারী মধ্যমার্গ কেশবচন্দ্রের বিশেষ অনুরাগী ছিলেন। এলবার্ট কলেজের প্রতিষ্ঠাতা অধ্যক্ষ রূপে তিনি সমধিক প্রসিদ্ধিলাভ করেন। পালি ভাষা বৌদ্ধ সাহিত্যে তাঁহার অগাধ পাণ্ডিত্য সুধীমাত্রেই বিস্মিত করিত। অগ্রজদের মত তিনিও স্বল্পায়ু ছিলেন (১৮৪৮-৯৫)।

কেশবচন্দ্র ১৮৩৮ সনের ১২শে নবেম্বর জন্মগ্রহণ করেন। এই সনে আরও দুই জন মনীষী আবির্ভূত হইয়াছিলেন—বঙ্কিমচন্দ্র চট্টোপাধ্যায় এবং কৃষ্ণদাস পাল। ধর্মপ্রাণ রামকমল নবজাত



সারদাসুন্দরী দেবী

পৌত্রের সম্পর্কে অতি উচ্চ ধারণা পোষণ করিতেন। মাতা সারদাসুন্দরী লিখিয়াছেন, "আমার স্বপ্ন মহাশয় কথায় কথায় 'পর্যন্ত' বলিতেন, কেশবের জন্মের পর বলিয়াছিলেন (কেশবকে লক্ষ্য করিয়া), 'এই পর্যন্ত আমার মতন হইবে। ইহাকে দিয়া তোমার খুঁ সুখ হইবে।'* রামকমল কেশবচন্দ্রকে 'বিশু' বলিয়া ডাকিতেন। মৃত্যুর পূর্বে তিনি পুত্র প্যারীমোহনকে বলেন, "Peary! your son Bishu is destined to be a great man—a religious reformer",† অর্থাৎ 'প্যারী, তোমার পুত্র বিশু একজন শ্রেষ্ঠ ব্যক্তি হইবে—একজন ধর্ম-সংস্কারক হইবে।' রামকমলের পৌত্রপৌত্রীদের মধ্যে কেশবচন্দ্র তাঁহার বিশেষ স্নেহ আকর্ষণ করিয়াছিলেন। রামকমল প্রথনিয়ত 'হরি' নাম জপ করিতেন; পরিবারের পুত্র, কন্যা এবং পুত্রবধূদেরও তিনি 'হরি' নাম জপ করিতে উপদেশ দিতেন। পিতা প্যারীমোহনের মাধ্যমে কেশবচন্দ্র এই নাম পাইয়াছিলেন। পরবর্তী

* কেশবজননী দেবী সারদাসুন্দরীর আত্মকথা, পৃ. ৭

† Life of Dewan Ramcomul Sen—Peary Chand Mitra, 1880, p. 88.

কালে ব্রাহ্মসমাজে বৈষ্ণবোচিত ভক্তিমূলক সাধন-প্রণালী প্রবর্তনে কেশবচন্দ্র যে উৎসুক হইয়াছিলেন তাহার মূল পাই তাঁহার পারি-
বারিক ঈশ্বর-আরাধনার মধ্যে ।

ছাত্রজীবন

প্রথম পর্ব—বাল্য ও কৈশোর : কেশবচন্দ্র ধনী পরিবারের সন্তান ; তাঁহার পোশাক-পরিচ্ছদ, আলাপ-বাবহার যে তহপমুক্ত হইবে সে বিষয়ে আশ্চর্য্যের কিছুই নাই । প্রতাপচন্দ্র মজুমদার ইংরেজী কেশব-জীবনীতে কেশবচন্দ্রের শৈশব ও কৈশোর সম্বন্ধে চমৎকার বর্ণনা দিয়াছেন । প্রতাপচন্দ্র গোবীন্ডার অধিবাসী, সেন-পরিবারের আত্মীয় । সেন-পরিবারের লোকেরা পূজার চুটিতে যখন স্বগ্রামে বাইতেন তখন ঐ অঞ্চলের অধিবাসীরা তাঁহাদের আচার-আচরণে বিস্মিত হইতেন । প্রায় সমবয়সী এবং আত্মীয় হইলেও ঐ সময় কেশবের সঙ্গে প্রতাপচন্দ্র তেমন মিশিতে পারিতেন না । কলিকাতার আসিবার পূর্বে হইতেই তিনি কেশব-চন্দ্রের সঙ্গে ঘনিষ্ঠ ভাবে মিলিত হইবার সুযোগ পান । প্রত্যক্ষ অভিজ্ঞতা হইতে কেশব-সম্পর্কিত পরবর্তী ঘটনাসমূহ উক্ত ইংরেজী জীবনী-গ্রন্থে প্রতাপচন্দ্র অনবচ্ছিন্ন ভাষায় লিপিবদ্ধ করিয়াছেন । অমু-সন্ধিস্থ পাঠক-পাঠিকা ইহা হইতে বহু নির্ভরযোগ্য তথ্য পাইতে পারিবেন ।

শৈশবে গৃহে বসিয়া 'গুরু'র নিকটে কেশবচন্দ্রের পাঠাভ্যাস শুরু হয় । তিনি ১৮৪৫ সনে হিন্দু কলেজ ভর্তি হইলেন । জ্যেষ্ঠ নবীনচন্দ্র তখন কলেজের ছাত্র । সে সময়ে হিন্দু কলেজে ধনী-পরিবারের ছেলেরা বেশীর ভাগ অধ্যয়ন করিতেন । সেন-পরিবারের সন্তানগণও বংশপরম্পরায় এখানে অধ্যয়ন করিতে লাগিলেন । কিন্তু ইহারা অল্পাংশ ধনীর ছাত্রদের মত ছিলেন না । বামকমল স্বয়ং সাহিত্যসেবী, এশিয়াটিক সোসাইটির সঙ্গে তাঁহার ঘনিষ্ঠ সম্পর্ক, অল্পাংশ শিক্ষা-সংস্কৃতিমূলক প্রতিষ্ঠানের সঙ্গেও তাঁহার প্রগাঢ় যোগ—এসব কারণে তাঁহার পরিবারে শিক্ষা ও সাহিত্যচর্চার একটি মহনীর পরিবেশ ধীরে ধীরে গড়িয়া উঠে । অল্পাংশ সন্তানদের মত কেশবচন্দ্রও শৈশব হইতেই পাঠে স বিশেষ মনোযোগী হন । তিনি সুদর্শন, অমিয়কান্তি, মিষ্টালাপী, আর সেই শৈশব হইতেই মানব-দরদী । কলেজের শিক্ষাত্রুতীদের দৃষ্টি তাঁহার উপর পড়িতে বিলম্ব হইল না । জুনিয়র বিভাগের প্রতি শ্রেণীতেই তিনি পাঠোৎকর্ষ দেখাইয়া পুস্তকাদি পুরস্কার পান । হিন্দু কলেজের জুনিয়র বিভাগের তৃতীয় শিক্ক টি. ষ্টারজেন (T. Sturgeon) তাঁহার উদ্দেশে ১৮৫০ সনে বলিয়াছিলেন, 'the little boy with a big head' । কেশবচন্দ্রের বয়স তখন মাত্র ছাদশ বৎসর । ইংরেজী ও পাঠাগণিতে তিনি বিশেষ পারদর্শিতা দেখান । এ কথা হরত অনেকে জানেন না যে, ঐ সময় বাংলা সাহিত্যের চর্চারও কেশবচন্দ্র বিশেষ অগ্রসর হন । ১৮৫১-৫২ সনের সরকারী শিক্ষা-রিপোর্টে 'হিন্দু কলেজ' অধ্যায়ে কুল-বিভাগের সার্টিফিকেট

এবং পুরস্কার প্রাপ্ত সিনিয়র ও জুনিয়র ছাত্রদের একটি কিরিস্তি আছে । ইহাতে কেশবচন্দ্র সম্বন্ধে এই তথ্যটি আমরা পাই :

SENIOR SCHOOL DEPARTMENT
Second Class

Keshub Chunder Sen . . . Vernacular.

এই তালিকার কবিবর হেমচন্দ্র বন্দ্যোপাধ্যায়ের সার্টিফিকেট-প্রাপ্তিরও উল্লেখ আছে । সত্যেন্দ্রনাথ ঠাকুর (মহর্ষি দেবেন্দ্রনাথ



কেশবচন্দ্র সেন (উনিশ বৎসর বয়সে)

ঠাকুরের মধ্যম পুত্র এবং প্রথম ভাবতীর আই-সি-এস) কেশবচন্দ্রের সময়েই কলেজে অধ্যয়ন করেন, এবং তাঁহার সঙ্গে কেশবের পরিচয় ও হৃদয়তা জন্মে । তিনিও পুরস্কার এবং সার্টিফিকেট পাইয়া-ছিলেন । গভীর অভিনিবেশ এবং কঠোর পরিশ্রম সহকারে

কেশবচন্দ্র এই সময়েই বিভিন্ন বিষয় অধ্যয়নে রত হন। প্রতাপ-
চন্দ্র মজুমদার লিখিয়াছেন :

“Keshub prepared his lessons industriously, and added patient labour to natural genius. This habit of hard work and systematic industry equally distinguished him at all times of life.”*

অর্থাৎ, কেশবচন্দ্র কঠোর পরিশ্রম সহকারে পড়া তৈরি করিতেন। এই প্রতিভাব শ্রমশক্তি সঙ্গে একত্র হওয়ায় তিনি জীবনে এতখানি বৈশিষ্ট্য প্রদর্শন করিতে সক্ষম হইয়াছিলেন।



কেশব-পত্নী জগনোহিনী দেবী

কীর্তন, কথকতা, যাত্রা, বিশেষতঃ রামযাত্রা শৈশবে কেশব-
চন্দ্রের বড়ই প্রিয় ছিল। শৈশব হইতেই এই সকল শ্রবণ করিয়া
কেশবচন্দ্র ভারতীয় ধর্ম, শিক্ষা, সংস্কৃতি সম্বন্ধে বিবিধ জ্ঞান আহরণ
করিতে থাকেন। তিনি সমবয়সীদের লইয়া রামযাত্রা অভিনয়
করিয়াছিলেন। গিলবার্ট নামক এক সাহেব হিন্দু কলেজের ছাত্রদের
একবার মাসিক দেখান। কেশবচন্দ্র গৃহে গিয়া সমবয়সীদের
সম্মুখে প্রায় ছবছ উহা প্রদর্শন করিতে সমর্থ হন এবং সকলকে

আনন্দ দান করেন। তিনি কোন বিষয় দেখিয়াই কান্ড
হইতেন না, নিজে তাহা করিয়া তবে নিরস্ত হইতেন।

দ্বিতীয় পর্ক, ষোড়শ : কেশবচন্দ্র ১৮৫৩ সন নাগাদ স্কুল
বিভাগের সর্বোচ্চ শ্রেণীতে উন্নীত হন। কিন্তু এই বৎসরের
প্রথমেই হিন্দু কলেজ লইয়া কলিকাতায় ভীষণ গণ্ডগোল হইয়া
হয়। কলেজ এই সময় সরকারী আওতায় আসে; কলেজের
অধ্যক্ষ-সভার কর্তৃত্ব তখন খুবই হ্রাস পায়। সভার প্রতিবাদ
সরকারী কর্তৃপক্ষ অগ্রাহ্য করিলে, হিন্দু সমাজের নেতৃবৃন্দ একটি
নূতন কলেজ প্রতিষ্ঠা করিলেন ১৮৫৩, ২রা মে তারিখে। কলেজের
নাম হইল—হিন্দু মেট্রোপলিটান কলেজ। এখানে এই কলেজ-
প্রতিষ্ঠার প্রধান উদ্যোগী হইয়াছিলেন কলিকাতা—ওয়েলিংটনের
বিখ্যাত দত্ত-পরিবারস্থ রাজেন্দ্র দত্ত মহাশয়। কলুটোলা সেন-পরি-
বারের অধ্যক্ষ হরিমোহন সেন এই প্রচেষ্টার পূর্ণ সমর্থক ছিলেন এবং
পরিবারের সম্মানদের হিন্দু কলেজ ছাড়াইয়া এই নূতন কলেজে
ভর্তি করিয়া দেন। কেশবচন্দ্রও হিন্দু কলেজ হইতে এখানে
আসিয়া অধ্যয়ন শুরু করিলেন।

প্রতাপচন্দ্র মজুমদার বলেন, হিন্দু কলেজের ছাত্রগণকে এই
নব-প্রতিষ্ঠিত কলেজে উচ্চতর শ্রেণীতে ভর্তি করা হয় এবং ইহার
ফলে তাহাদের পাঠে অত্যন্ত ব্যাঘাত ঘটে। কেশবচন্দ্র এই
বিদ্যালয়ের উচ্চতম শ্রেণীতে ভর্তি হইলেন। হিন্দু কলেজে যে সব
বিষয় তিন বৎসর পরে পড়িতে হইত, এই সময়েই তাহাকে তাহা
অধ্যয়ন করিতে হয়। অসামান্য প্রতিভাবলে তিনি এসকল আয়ত্ত
করিতে লাগিলেন বটে, কিন্তু অক্ষয়্য সম্পূর্ণরূপে অবহেলিত হইল।
তিনি এই অভাব আর কখনও পূরণ করিতে পারেন নাই।
সেক্সপীয়র, মিলটন, বেকন প্রভৃতি ভাবগর্ভ গ্রন্থাদি পড়িয়া
ইংরেজী সাহিত্যের সবিশেষ চর্চা করিতেন। বিখ্যাত সেক্সপীয়রবিদ্
ডি. এল. রিচার্ডসন প্রথম হইতেই হিন্দু মেট্রোপলিটান
কলেজের অধ্যক্ষ পদে বৃত্ত হইয়াছিলেন। অগাধ বহু বাঙালী
মনীষীর মত কেশবচন্দ্রের সেক্সপীয়র-প্রীতি রিচার্ডসনের আশ্চর্য
শিক্ষারই ফল। সেক্সপীয়র কৃত নাটকের অভিনয়-স্পৃহা এই সময়ে
তাঁহার মনে উজ্জীবিত হইয়া থাকিবে।

যাহা হউক, বৎসরখানেক পরে, ১৮৫৪ সনে, কেশবচন্দ্র হিন্দু
কলেজে ফিরিয়া আসিলেন। প্রতাপচন্দ্র বলেন, হিন্দু কলেজে
তিনি আর পূর্বের মত পাঠে উন্নতি দেখাইতে পারেন নাই।
কলেজে অধ্যয়ন সম্বন্ধে প্রতাপচন্দ্র লেখেন :

“Henceforth his educational career was not at all
brilliant. He toiled at it with all his might; he was
more than passable in English; he did tolerably well
in history; he had a liking for chemistry, and spent a
lot of money in buying a set of apparatus; he did
very well indeed in mental and moral philosophy,
but he was at desperate odds in trigonometry and
conic sections”*

* *The Life and Teachings of Keshub Chunder Sen*,
Second Edition, p. 55.

ইংরেজী, ইতিহাস, পাশ্চাত্য দর্শন, রসায়নশাস্ত্র, বিশেষতঃ শেফোল্ড বিষয়ে কেশবচন্দ্র বিশেষ উৎকর্ষ লাভ করেন; কিন্তু ত্রিকোণমিতি এবং কনিক সেকশ্যান, বা এককধার অক্ষশাস্ত্রের উপর তাঁহার মন একেবারে বিরূপ হইয়া উঠিল। অক্ষনের প্রতি তাঁহার স্বাভাবিক অমুরাগ ছিল বটে, কিন্তু অক্ষশাস্ত্রের খুঁটিনাটি বিষয়ে কিছুতে তাঁহার মন বসিত না। একারণ জ্যোষ্ঠ নবীনচন্দ্রের দ্বারা তিরস্কৃত হইয়াও, তিনি আর শোধরাইতে পারিলেন না। ইতি-মধ্যে ১৮৫৪-৫৫ সনে হিন্দু কলেজ, প্রেসিডেন্সী কলেজ ও হিন্দু স্কুলে বিভক্ত হইল। কেশবচন্দ্র কলেজে অধ্যয়ন করিলে লাগিলেন।

কেশবচন্দ্র ১৮৫৮ সনে হিন্দু কলেজ পরিত্যাগ করেন। এখানে অরণীয় যে, বঙ্কিমচন্দ্র চট্টোপাধ্যায়ও কেশবের সমসময়ে, ১৮৫৬ সনে প্রেসিডেন্সী কলেজের আইন-বিভাগে গিয়া ভর্তি হন। উভয়ের মধ্যে এই সময় আলাপ পরিচয় হওয়া বিচিত্র নয়। ১৮৫৬-৫৮, এই দুই বৎসর কেশবচন্দ্র কলেজের পাঠ্যাতিরিক্ত দর্শনশাস্ত্র (Mental and Moral Philosophy) অধ্যয়নে গভীরভাবে মনোনিবেশ করেন। প্রতাপচন্দ্র লিখিয়াছেন—তাঁহার প্রায়ই কেশবচন্দ্রকে কলেজ-লাইব্রেরীতে এই বিষয়ক পুস্তকাদি অভিনিবেশ সহকারে পাঠ করিতে দেখিতেন। কলেজের দর্শনশাস্ত্রের অধ্যাপক রিচার্ড জোনসের অতি প্রিয় ছাত্র ছিলেন কেশবচন্দ্র। প্রতাপচন্দ্র লিখিতেছেন :

“He (Keshub) was exceedingly attached to Mr. Jones, the professor of philosophy, who took a great deal of interest in his progress and gave special attention to his training, for all which Keshub was looked upon by students in general as a sort of youthful philosopher.”

কেশবচন্দ্র এই সময়ে অধ্যয়ন ও অমুখ্যানে বিরূপ তৎপর ছিলেন, প্রতাপচন্দ্র সে সময়েও প্রত্যক্ষ অভিজ্ঞতা হইতে কিছু কিছু লিখিয়া-ছেন। কেশবচন্দ্র প্রতিদিন কলিকাতা পাবলিক লাইব্রেরী—মেটকাফ হলে সকাল ১১টা হইতে সন্ধ্যা ৬টা পর্যন্ত অধ্যয়নে নিমগ্ন থাকিতেন। ধর্মশাস্ত্র এবং দর্শনের গ্রন্থাদি তাঁহার বিশেষ পাঠ্য বিষয়; তদ্ব্যতীত দর্শনের ইতিহাস পাঠে তিনি যত আনন্দ পাইতেন এমন আর কিছুতেই নয়। তিনি মিস্টন, ইয়ং-এর কবিতাও পাঠ করিতেন, সেঙ্গপীরের তো তিনি ছিলেন একান্ত অমুরাগী। তবে তিনি উপন্যাস আদৌ পছন্দ করিতেন না। সর্ উইলিয়ম হামিলটনের প্রশংসা তাঁহার মুখে ধরিত না। ভিক্টর কুজোর গ্রন্থাবলী তিনি অহরহ পাঠ করিতেন। জে. ই. ভি. মোয়েল, ম্যাকোব, থিরোডোর পার্কার, মিস কবের রচনাবলীও তাঁহার সমাগ দৃষ্টি এড়াইত না। এমার্সনের প্রতি তাঁহার অমুরাগ পবিত্রিত হইত। তাঁহার যত ঐরূপ বিভিন্ন বিষয়ের নিরন্তর পাঠক তখন কচিং দেখা

যাইত।* প্রতাপচন্দ্র আরও বলেন যে, ব্রাহ্মদমাজ সম্বন্ধে কোন কিছু জানিবার পূর্বেই কেশবচন্দ্র এই সকল গ্রন্থ পাঠে ধর্মবিষয়ক প্রাথমিক তথ্যগুলি সম্বন্ধে একটি ধারণা করিয়া লইয়াছিলেন।

মেটকাফ হলে কেশব কর্তৃক এইরূপ অধ্যয়ন কলেজ-ত্যাগের পরেই বেশী ভাগ চলিয়াছিল বলিয়া মনে হয়। হিন্দু কলেজে অধ্যয়নের শেষ দুই বৎসরের মধ্যে কেশব-জীবনের কয়েকটি অরণীয় ব্যাপার ঘটে। ব্যক্তিগত এবং সমষ্টিগত ভাবে কেশবচন্দ্র সেই তরুণ বয়সেই আত্মমোতিমূলক ও সমাজ-কল্যাণকর কার্যে



মহর্ষি দেবেন্দ্রনাথ ঠাকুর

“From eleven o'clock in the morning till about six o'clock in the evening, he read regularly everyday in Metcalfe Hall, which is the only large public library we have in Calcutta. He read theological and metaphysical works mostly, the history of philosophy being his delight. He read some poetry such as Milton and Young, he gloried in Shakespeare at all times, but he hated novels of all kinds. He was an intense admirer of Sir William Hamilton, and poured over the works of Victor Cousin. He read J. E. D. Morell and M'Cosh; loved the works of Theodore Parker, Miss Cobbe and praised Emerson. He was a versatile and voracious reader in those days.

“His mind has already formed the conception of religion before he knew anything of the Brahma Somaj.”—*The Life and Teachings of Keshub Chunder Sen.*—By P. C. Mozoomdar, p. 69.

* *The Life and Teachings of Keshub Chunder Sen*, p. 61.

হস্তক্ষেপ করেন। এই সময়ে তিনি পরিণয়সূত্রে আবদ্ধ হইলেন। তাঁহার ধর্মমতের বিবর্তন শুরু হয় এই সময় হইতে। এসব বিষয় এখন সংক্ষেপে বলিব।

ব্রিটিশ ইণ্ডিয়া সোসাইটি

প্রতাপচন্দ্রের উক্তি হইতে আমরা জানিতে পারিয়াছি, বিভিন্ন সদগুণবশতঃ, বিশেষতঃ নিয়ত অধ্যয়ন ও অমুখ্যান হেতু, কেশবচন্দ্র কলেজের উচ্চশ্রেণীর ছাত্রদের নেতৃস্থানীয় হইয়া উঠেন। ডিবোজিও-যুগের 'একাডেমিক এসোসিয়েশন'-এর মত এসময়েও কলেজের যুব-ছাত্রগণ সাহিত্য-সংস্কৃতি বিষয়ের আলোচনার নিমিত্ত ১৮৫৭ সনে ব্রিটিশ ইণ্ডিয়া সোসাইটি প্রতিষ্ঠা করেন। সভার সভাপতি ছিলেন প্রেসিডেন্সী কলেজের বিজ্ঞানশাস্ত্রের অধ্যাপক ডক্টর এইচ. হেলিউর (১৮৫৬-৬২)।

বলা বাহুল্য, কেশবচন্দ্র এই সোসাইটির ছাত্র-উদ্যোগীদের মধ্যে প্রধান ছিলেন। প্রতাপচন্দ্র বলেন, কেশবচন্দ্র ইতিপূর্বেই সমবয়স্ক এবং বয়ঃকনিষ্ঠ বন্ধুদের লইয়া ছোটখাটো ক্লাব, সংঘ ইত্যাদি স্থাপন করিয়াছিলেন এবং সেখানে সাহিত্য ও পাঠ্য বিষয়াদি সম্বন্ধে আলোচনা হইত। প্রতাপচন্দ্র ব্রিটিশ ইণ্ডিয়া সোসাইটির উদ্দেশ্য স্বল্প কথায় এইরূপ ব্যক্ত করিয়াছেন—“The culture of literature and science”, অর্থাৎ, সাহিত্য ও বিজ্ঞান অনুশীলন। প্রতি মাসে সভার একটি করিয়া সাধারণ অধিবেশন হইত। এই সভায় ছাত্র, অধ্যাপক বাতীত ঐ সময়কার বিখ্যাত ব্যক্তিগণ উপস্থিত থাকিয়া আলোচনার যোগদান করিতেন। প্রতাপচন্দ্র বলেন, ইউনিটেরিয়ান পাদ্রী সি. এইচ. এ. ড্যাল এবং চার্চ মিশনারী সোসাইটির পাদ্রী জেমস লঙের মধ্যে বাদবিতণ্ডা যুব-সভ্যদের নিকট বিশেষ উপভোগ্য অথচ শিক্ষাপ্রদ হইত।* মধ্যে মধ্যে বাহির হইতে শিক্ষাব্রতী এবং শিক্ষানুরাগী বক্তাদের দ্বারা সোসাইটির অধিবেশনে বক্তৃতাদানের ব্যবস্থা করা হইত।

সোসাইটির একটি অধিবেশনের বিবরণ সমসাময়িক সংবাদপত্রের পাইয়াছি। এই অধিবেশন হয় ২০শে আগষ্ট ১৮৫৭ দিবসে। প্রধান বক্তা ছিলেন বিখ্যাত শিক্ষাবিদ মিঃ কার্পেটিক। সভার আরম্ভেই সভাপতি হেলিউর এই বলিয়া দুঃখ প্রকাশ করেন যে, এমন একটি হিতকারী সভার প্রতি যেমন সংবাদপত্র তেমনি জনসাধারণ সমান উদাসীন। এই সভায় কুড়ি বৎসরের নিম্নবয়স্ক আশী-নব্বই জন ছাত্র, পাদ্রী ড্যাল এবং আরও অনেকে উপস্থিত ছিলেন। কার্পেটিকের বক্তব্য বিষয় ছিল—“On the Duties of Man”, বা মানুষের কর্তব্য সম্পর্কে। বক্তার পাণ্ডিত্যপূর্ণ অথচ হৃদয়গ্রাহী ভাষণের পরে সভাপতি অধ্যাপক হেলিউর বসায়ন-শাস্ত্রের, বিশেষতঃ কৃষি-বসায়নের চর্চার জগৎ যুবকগণকে উপদেশ

দেন। কেননা এই বিষয়ের চর্চার সমাজের আশু কল্যাণ সম্ভব। পাদ্রী ড্যাল আলোচনার যোগদান করিয়া একটি উপদেশপূর্ণ বক্তৃতা করেন। তাঁহার বক্তৃতার কিয়দংশ সংবাদপত্রে বেরূপ বাহির হইয়াছিল সেটরূপই এখানে উদ্ধৃত হইল :

“He (Dall) strongly reminded his hearers that they should never forget this valuable axiom ‘Truth helps Truth,’ and that every new discovery should have, and did have, for its object, an amelioration in the social condition of mankind. They should reflect that man was made of power, of wisdom, of justice, of love, and such being the cases it ought to be one of their main and principal endeavours in this world to render themselves useful, useful to themselves, useful to their friends, useful to their neighbours, and to the rest of the world.”

ড্যাল সাহেব বলেন, প্রত্যেক বৈজ্ঞানিক আবিষ্কারেই লক্ষ্য হওয়া উচিত মানব-জাতির কল্যাণ। আমাদের মনে রাখিতে হইবে যে, ঈশ্বর প্রত্যেককেই শক্তি, জ্ঞান, ধর্মবুদ্ধি, প্রেম দিয়াছেন। একারণ আমাদের প্রত্যেকেরই কর্তব্য নিজেদের, বন্ধুদের, প্রতিবেশীদের এবং জগৎবাসীর হিতসাধন। ব্রিটিশ ইণ্ডিয়া সোসাইটি বৎসরখানেকের মধ্যেই সুখীজনের দৃষ্টি আকর্ষণ করে। বিখ্যাত বেথুন সোসাইটির ১৮৫৭ সনের বার্ষিক বিবরণে এই সোসাইটি সম্বন্ধে নিম্নরূপ উল্লেখ আছে :

“The (Bethune) Society has much pleasure in recording that its example has been followed by some of the distinguished students of the Presidency College, who have established an Association for the purpose of discussing literary and scientific subjects, and it is sincerely hoped it may live long and increase in usefulness.”*

সোসাইটি যে উদ্দেশ্যে প্রতিষ্ঠিত হইয়াছে তাহার উল্লেখ করিয়া বেথুন সোসাইটি উহাকে অভিনন্দিত করেন।

কলুটোলা ইভনিং স্কুল

কলুটোলা ইভনিং স্কুল বা সাক্ষা বিদ্যালয় আর একটি প্রতিষ্ঠান যাহার সঙ্গে কেশবচন্দ্র ছাত্রাবস্থায়ই ঘনিষ্ঠভাবে যুক্ত হইয়া পড়িলেন। কলুটোলা সেন-পরিবারের যুবকগণ কেশবচন্দ্রের জ্যেষ্ঠ ভ্রাতা নবীনচন্দ্রের নেতৃত্বে ১৮৫৬ খ্রীষ্টাব্দে এই অভিনব শিক্ষায়তনটি স্থাপন করেন। এরূপ বিদ্যালয় এতদঞ্চলে ছিল না। প্রতিবেশী অপেক্ষাকৃত দরিদ্র ছাত্রদের এবং বাহায়া দিনমানে কর্ণে লিপ্ত থাকে, তাহাদের নিমিত্ত এই সাক্ষা বিদ্যালয়টির সূচনা। কেশবচন্দ্রের ইংরেজী জীবনী-গ্রন্থে প্রতাপচন্দ্র এ বিদ্যালয়টি সম্বন্ধে কিছু কিছু তথ্য পরিবেশন করিয়াছেন।† সেন-পরিবারের যুবকগণ নব্যশিক্ষার উৎসাহ। ইংরেজী সাহিত্য, কাব্য, নাটকের আলোচনার

* ঐ, পৃঃ ৬৫।

† The Englishman, 22nd August, 1857.

* The Bengal Hurkaru, January 22, 1858.

† The Life and Teachings of Keshub Chunder Sen, pp. 66-7.

তাঁহারা মশগুল। সেঈপীয় অধ্যয়ন তখন নব্যশিক্ষিতদের একটা ক্যাশনে দাঁড়াইয়াছিল। কলুটোলার সেন-পরিবারের যুবকগণও ইহার ব্যতিক্রম ছিলেন না। কিন্তু তাঁহারা নিজেরা জ্ঞানলাভেই সন্তুষ্ট থাকিতে পারিলেন না, অর্জিত জ্ঞান সাধারণের মধ্যে ছড়াইয়া দিতেও অগ্রণী হইলেন।

কলুটোলার সাক্ষা বিদ্যালয়ে কেশবচন্দ্র, প্রতাপচন্দ্র এবং 'ইণ্ডিয়ান মিরর'-সম্পাদক নবেন্দ্রনাথ সেন নিয়মিত ভাবে পড়াই-তেন। শিক্ষাদান ব্যাপার নিয়ন্ত্রণে ও পরিচালনে কেশবচন্দ্রের বিশেষ কর্তৃত্ব ছিল। "Lex" নামে এক পত্রপ্রেরক ১৮৫৭, ২৪শে ফেব্রুয়ারী তারিখে কলুটোলা ইভনিং স্কুলের একটি বিবরণ দিয়া সংবাদপত্রে* একখানি পত্র লেখেন! পত্রশেষে বিদ্যালয় পরিচালনে কেশবচন্দ্রের কৃতিত্বের কথা এইরূপ উল্লিখিত হইয়াছে :

"In conclusion we cannot be so thankless as to refrain from acknowledging the warmth of heart, the highness of spirit, the honesty of purpose and the amiableness of disposition of Babu Keshub Chunder Sen, who has all along taken and still takes a very active part in the instruction of the students and the management of the school."

কেশব-চরিত্রের সুন্দর পরিচয়ের সঙ্গে সঙ্গে সাক্ষা বিদ্যালয় নিয়ন্ত্রণে এবং ছাত্রদের শিক্ষাদান বিষয়ে তাঁহার কৃতিত্ব সম্পর্কে স্পষ্ট উল্লেখ আমরা এখানে পাই।

বিদ্যালয়টির তখন দ্বিতীয় বৎসর চলিতেছিল। মুখ্যতঃ কেশবচন্দ্রের পরিচালনায় ইহা কতটা উন্নতিলাভ করে—তাঁহারও বিবরণ এই পত্রে পাওয়া যাইতেছে। বিদ্যালয়ে তখন ষাট জন ছাত্র অবৈতনে অধ্যয়ন করিতেছিল। বিদ্যালয়ের মাসিক ব্যয় মাত্র পঁচিশ টাকা। সেন-পরিবারের যুবক ও আত্মীয়েরা স্বেচ্ছায় এবং সাগ্রহে ছাত্রদের পড়াইতেন। উক্ত পরিমাণ টাকা চাণা দ্বারা আদায় হইত। প্রথম বৎসরে সাড়ম্বরে ছাত্রদের বাসিক পরীক্ষা দেশী-বিদেশী বিদগ্ধ জনের সম্মুখে গৃহীত হয়। সেযুগে স্কুল কলেজের বাসিক পরীক্ষা গুলি একটি উৎসবের পর্যায়ে গিয়া পড়িত। বিদ্যালয়ের প্রথম বাসিক পরীক্ষা-উৎসব অনুষ্ঠিত হয় ১৮৫৭ সনের জানুয়ারী মাসে, এবং ইহাতে সভাপতিত্ব করেন বিখ্যাত বাগ্মী ভারতর্হিতৈষী জর্জ টমসন। তিনি এই সময় দ্বিতীয় বার ভারতবর্ষ পরিভ্রমণে আসিয়াছিলেন।

দ্বিতীয় বৎসরের আরম্ভেই ছাত্রসংখ্যা বাড়িয়া সত্তর জনে দাঁড়ায় এবং তাহাদের শিক্ষার মান বিবেচনা করিয়া সাতটি শ্রেণী খোলা হয়। প্রথম বৎসরে শিক্ষকগণ কেহই বেতন লইতেন না, দ্বিতীয় বৎসবে ছাত্র-বৃদ্ধি হেতু বেতন দিয়া কয়েকজন শিক্ষক নিযুক্ত করা হইল। পল্লীর মুসলমানগণও এই বিদ্যালয়ে শিক্ষার নিমিত্ত আগ্রহ প্রকাশ করে। তাহাদের জন্য বিদ্যালয়ের একটি স্বতন্ত্র শ্রেণী

খোলা হইয়াছিল। উক্ত পত্রে কলুটোলার সেন-পরিবারের যুবকদের ত্যাগপূত সেবাত্তের বিশেষ প্রশংসা আছে। কেশবচন্দ্র সম্বন্ধে যে অভিমত প্রকাশ করা হয় তাহা আগেই উল্লেখ করিয়াছি। দুই বৎসর যাবৎ বিদ্যালয়টি কৃতিত্বের সঙ্গে পরিচালিত হইল। ১৮৫৮, ২১শে জানুয়ারী "হিন্দু পেটি রট" সম্পাদকীয় স্তম্ভে ইহার উচ্ছসিত প্রশংসা করেন। সেন-পরিবারের যুবকদের, বিশেষতঃ কেশবচন্দ্রের সেবাত্ত যে বিশেষ সাক্ষ্যামণ্ডিত হইয়াছিল, 'পেটি রট'র উক্তি তাহাই প্রমাণ করিতেছে। 'পেটি রট' 'The Colootollah Evening School' শিরোনামায় অংশতঃ লেখেন :

"Some well-meaning gentlemen belonging to the family of Baboo Hurrymohun Sen have founded this benevolent institution of boys of the poor and the working classes, the days, hours of whose life are occupied in anxieties and labours for the acquisition of their daily bread. It has stood the trial and vicissitudes of existence for two years, and bids fair to continue and prosper. . . . If there is any heterogeneous population of Calcutta whose faculties should be developed and feelings cultivated by the improving and humanising influence of education, it is the working and industrial classes of the city. Much of the intensity and violence of the struggle that is now going on between principle and prejudice will lessen, Indian Society will take a refreshing and encouraging tone, and the work of progress and reform will become comparatively easy. The blessings of consolation and happiness will be diffused among the poor, and health will mark the cheerful faces of labourers and mechanics. The evening school is a novelty in India. . . . We would like to see a net-work of such useful and benevolent institutions spread over Calcutta and rear a body of industrious and intelligent men, an honour to themselves and a pride to their countrymen."

'পেটি রট' বিলাতের অস্বরূপ প্রতিষ্ঠানসমূহের কথাও এই প্রসঙ্গে বলেন। কলুটোলার বিদ্যালয়টি বাহাতে স্থায়িত্বলাভ করে সে সম্বন্ধে তিনি কলিকাতার দেশী-বিদেশী প্রধানগণকে সজাগ ও সচেতন থাকিবার নিমিত্ত আবেদন জানান। এহেন বিদ্যালয়টিও কিন্তু বেশী দিন স্থায়ী হইল না। প্রতাপচন্দ্র বলেন, ইহা তিন কি চারি বৎসরকাল চলিয়াছিল। বিদ্যালয়টি পরিচালনা-কালেই ১৮৫৭ সনে কেশবচন্দ্র আর একটি সভা বা সম্প্রদায় গঠন করেন এবং ক্রমে তাহার জন্মই নিজের সমস্ত শক্তি তিনি নিয়োজিত করেন। একটু পরে তাহা বলিতেছি।

বিবাহ

হিন্দু কলেজে অধ্যয়নকালে, আঠাষো বৎসর বয়সে কেশবচন্দ্র পরিণয়সূত্রে আবদ্ধ হন। জ্যেষ্ঠতাত হরিমোহন সেন তাঁহার বিবাহসম্বন্ধ স্থির করেন। ১৮৫৬ সনের ২৭শে এপ্রিল কলিকাতা হইতে ছয় মাইল দূরে বাসীধাম-নিবাসী চন্দ্রনাথ মজুমদারের ঘোড়া

* Hindu Intelligenceer, March 2, 1857.

কল্পা জগন্মোহিনী দেবীর সঙ্গে কেশবচন্দ্রের বিবাহ হইল। ঐ দিন খুব ঝগড়াবাত হইল এবং গঙ্গা-পারািপারে কষ্টের অবধি ছিল না। কেশবচন্দ্রের বিবাহ সম্বন্ধে তাঁহার জননী সারদাসুন্দরী দেবী অনেক কথা লিখিয়াছেন।* এখানে তাহার পুনরুক্তি নিম্নরোজন। বিবাহের পরের কথা তিনি এইরূপ লিখিয়াছেন :

“বিয়ের পর বৌ এক বৎসর বাপের বাড়ী ছিলেন, নয় বৎসর বয়সে আমি তাঁহাকে লইয়া আসি, সেই পর্য্যন্ত আমারই নিকট ছিলেন। আমার ও আমার বড় মেয়ে ফুলেশ্বরীর যত্নে বৌ ক্রমে ক্রমে সুস্থী ও সুস্থ হইতে লাগিলেন, এবং শেষে অতি সুন্দরী হইলেন। ধর্মভাবের সঙ্গে সঙ্গে বৌ-এর স্ত্রী ও সৌন্দর্য্য আরও বাড়িতে লাগিল।”

বিবাহের অব্যবহিত পরে কেশবচন্দ্রের মনোভাব কিরূপ ছিল তাহা তিনি এইরূপ বাক্যে লিখিয়াছেন। তিনি তখনও স্বীয় ধর্মপথে অগ্রসর হন নাই। কিন্তু সংযম-নিয়মাদি অভ্যাস দ্বারা কুচ্ছ সাধনে রত হইয়াছিলেন। কেশবচন্দ্র লিখিয়াছেন :

“যাহাতে কষ্ট হয়, গাঙ্গীয়া বৃদ্ধি হয়, কুচিন্তার দিকে মন না যায়, এমন সকল বিষয়েই নিযুক্ত হইতাম। এই সকল হইল কখন-? আঠার, উনিশ, কুড়ি বৎসরে। যখন বিবাহ করিয়া সংসারে প্রবেশ করিব, সংসারের বাড়ী যেখানে করিব, দেখি, এই জায়গাই ত স্থান। সংসারের বিষয় বিশেষ বুদ্ধিতাম না, কিন্তু সংসারের ভয় জানিতাম। স্ত্রী আসিতেছেন, সংসার আরম্ভ করিতে হইবে।... আমি ভাবিলাম, উচ্চ পদার্থ জীবাত্মা, একে আমি স্ত্রীর অধীন করিব? সংসারের অধীন করিব? প্রতিজ্ঞা করিলাম, এ জীবনে স্ত্রীগণ হইব না; কেননা স্ত্রীর অধীন হইয়াই অনেককে মরিতে দেখিয়াছি।” † ইত্যাদি ইত্যাদি।

“গুড উইল ফ্র্যাটার্নিটি”

কেশবচন্দ্র ধর্মী সন্তান, ঐশ্বর্যের মধ্যে লালিত-পালিত; কিন্তু নিরন্ত অধ্যয়ন অঙ্গুলীলনের ফলে তাঁহার মনে এক ধরনের নীতিবোধ ইতিমধ্যেই জাগ্রত হইয়াছিল। তিনি আমিষ আহার পরিত্যাগ করিলেন, নিয়ম-সংযমে অভ্যস্ত হইতে লাগিলেন। নিয়ম-সংযমের মধ্যেই তাঁহার বিবাহিত জীবন আরম্ভ হইল। ত্যাগপুত্র সেবাধর্ম্মে তাঁহার নিয়ম-সংযমের প্রথম অভিব্যক্তি; দ্বিতীয় অভিব্যক্তি এই ‘গুড উইল ফ্র্যাটার্নিটি’ প্রতিষ্ঠার। কেশব-ভক্ত এবং কেশব-সহযোগী প্রতাপচন্দ্র লিখিয়াছেন, এই সংস্থাটি মূলতঃ এবং মুখ্যতঃ একটি ধর্ম্মীয় সংস্থা। সেন-ভবনের এক কক্ষে কেশবের নেতৃত্বে কয়েকজন বন্ধু ও সহযোগী মিলিত হইতেন এবং ব্যক্তিগত মনের ভাব ও চিন্তাগুলি সকলের সম্মুখে বাক্য করিতেন। কেশবচন্দ্র বিভিন্ন উচ্চভাবপূর্ণ গ্রন্থাদি হইতে কিয়দংশ পাঠ করিতেন, এবং অগ্রে তাহা মনোযোগের সহিত শুনিতেন। ড. চামার্স-এর

“Enthusiasm” শীর্ষক রচনা এবং থিওডোর পার্কারের “Inspiration” বিষয়ক উপদেশ কেশব-কর্তৃক সাগ্রহে এবং সোৎসাহে পাঠিত হইত। এই সভাটি ১৮৫৭ সনে স্থাপিত হয় এবং দুই বৎসর যাবৎ জীবিত থাকে। সভার অধিবেশনে উক্ত গ্রন্থাদি হইতে পাঠ ব্যতীত কেশবচন্দ্র প্রায়ই উপস্থিতমতে ইংরেজীতে বক্তৃতা করিতেন। তাঁহার বক্তৃতার শ্রোতাদের প্রাণে সেই সময়েই এক অভূতপূর্ব আবেশ এবং অননুভূতপূর্ব প্রেরণার সঞ্চার হইত। এ সম্পর্কে প্রতাপচন্দ্রের কথাগুলিই এখানে উল্লেখ করি :

“At the Goodwill Fraternity which continued its activity for full two years, Keshub often preached extempore in English with great enthusiasm. Nay, all his intelligence, energy, and moral earnestness became ignited with an ascetic glow that burned fiercely in him. Every young man who heard him became similarly excited. He drew men chiefly by his enthusiasm. He spoke loud and long, poured forth a torrent of words and feelings, becoming often hoarse and exhausted at the end of his discourse.”*

এখানে আর একটি বিষয় লক্ষণীয়। এই উক্তি হইতে জানা যাইতেছে, ‘গুড উইল ফ্র্যাটার্নিটি’র অধিবেশনে বক্তৃতা-দানের ফলে ক্রমশঃ কেশবচন্দ্রের বাগ্মিত্যশক্তিরও স্ফূরণ হইতে থাকে। সভার নেতৃবৃন্দ মধ্যে মধ্যে ধর্ম্মপ্রাণ ব্যক্তিদের আহ্বান করিতেন। মহর্ষি দেবেন্দ্রনাথ ঠাকুর দীর্ঘ দুই বৎসর পরে ১৮৫৮ সনের ১৯শে নবেম্বর কলিকাতায় কিরিয়া আসেন। এ সময় তিনি আহৃত হইয়া সেন-ভবনের এই ফ্র্যাটার্নিটির সভায় আগমন করেন। তাঁহাকে আনয়ন ব্যাপারে কেশবচন্দ্র অগ্রণী হইয়া-ছিলেন। প্রতাপচন্দ্র প্রমুখ কেশবচন্দ্রের সহযোগীগণ দেবেন্দ্রনাথ-দর্শনে কিরূপ মুগ্ধ হইয়াছিলেন তাহাও তিনি (প্রতাপচন্দ্র) উক্ত কেশব-জীবনীতে বিবৃত করিয়াছেন।

ধর্ম্মমত বিবর্তন

‘গুড উইল ফ্র্যাটার্নিটি’ স্থাপনের সময় হইতেই কেশবচন্দ্রের ধর্ম্ম-মত একটি অপূর্ব রূপ পরিগ্রহ করে। কলুটোলা সেন-পরিবার বৈষ্ণব। ঈশ্বরে ভক্তি এবং জীবে প্রেম তাঁহাদের মজ্জাগত। পাশ্চাত্য দর্শন ও ধর্ম্মগ্রন্থাদি পাঠে কেশবচন্দ্রের মনে এক প্রকার নীতিবোধ এবং ধর্ম্মভাব পুষ্ট হইতে লাগিল। কিন্তু ইহার মধ্যে তাঁহার মন পরিপূর্ণ সার পাইল না। কলুটোলায় এক বাংলা শিক্ষক দেবেন্দ্রনাথের ব্রাহ্মসমাজে যাতায়াত করিতেন। ঐ সময়ে কেশবচন্দ্রের অপূর্ব ধর্ম্মবোধ দেখিয়া তিনি এই সমাজের কিছু কাগজপত্র তাঁহাকে দিলেন। ইহার মধ্যে ব্রাহ্মসমাজের বহু বিখ্যাত বক্তৃতা “ব্রাহ্মধর্ম্মের লক্ষণ”ও ছিল। কেশবচন্দ্র এই

* কেশবজননী দেবী সারদাসুন্দরীর আত্মকথা, পৃ. ৪১-৪।

† জীবনবেদ, সপ্তম সংস্করণ, পৃ. ২৮।

* The Life and Teachings of Keshub Chunder Sen, pp. 67-9.

• ঐ, ডু. ৬৮।

বক্তৃতা পাঠে ব্রাহ্মধর্মমুখী হইলেন।* তিনি প্রচলিত পদ্ধতি অনুসরণ না করিয়া প্রতিজ্ঞাপত্রে স্বাক্ষর করণান্তর সন্মোচনে ব্রাহ্ম-সমাজের কর্তৃপক্ষের নিকট উহা প্রেরণ করিলেন। ইহা ১৮৫৭ সনের কথা। মহর্ষি দেবেন্দ্রনাথ তখন প্রবাসে।

ইহার বৎসরখানেকের মধ্যে কেশবচন্দ্রের জীবনে এক গুরুতর পরীক্ষা উপস্থিত হইল। জ্যেষ্ঠতাত হরিমোহন কুলগুরুব নিকট অল্প ভ্রাতাদের সঙ্গে কেশবচন্দ্রের দীক্ষার দিন ধার্য করিলেন। দেবেন্দ্রনাথ এই সময় কলিকাতায় ফিরিয়াছেন। তাঁহার দ্বিতীয় পুত্র সত্যেন্দ্রনাথ ঠাকুরের সঙ্গে হিন্দু কলেজে অধ্যয়ন-কালে কেশবচন্দ্রের বক্তৃতা হয়। তাঁহাকে ধরিয়া তিনি দেবেন্দ্রনাথের উপদেশ যাক্রা করিলেন। মহর্ষি মৌখিক কোন পরামর্শ দেন নাই। কেশবচন্দ্র নিজেই কর্তব্য স্থির করিলেন। দীক্ষাগ্রহণের দিন প্রত্যুষে তিনি গৃহ হইতে নিজস্ব বইয়া জোড়াসাকো ঠাকুরবাড়ীতে আশ্রয় লইলেন। এই ব্যাপারে হরিমোহন খুবই অসন্তুষ্ট হন। কেশব ছাড়াই অল্পদেব দীক্ষা গ্রহণকার্য্য সমাধা হইল। কেশব-জননী লিখিয়াছেন :

“ভাস্করপো মোহিন, যোগীন, ও কেশবের দীক্ষা হইবে সব ঠিক, গুরু আসিয়াছেন, মহা ঘট, সোক খাবে। ওমা, সকালে উঠিয়া দেখি, কেশব নাই, তিনি দেবেন্দ্রনাথ ঠাকুরের বাড়ী পলাইয়া গিয়াছেন। কেশব সমস্ত দিন এলেন না। আমি মনে কবিলাম বুঝি খ্রীষ্টান হইতে গিয়াছেন। আমি অন্নজল পরিত্যাগ করিয়া পড়িয়া রহিলাম। রাত্রি ছপুয়ের সময়ে কেশব বাড়ীতে ফিরে এলেন, আমার জামাই বাদবের নিকট আমার অবস্থার বিষয় শুনিয়া তিনি চুপ করিয়া রহিলেন। তার পর আন্তে আন্তে আমার কাছে আসিয়া একপানি বই ও কাগজ আমার কোলের উপর রাখিয়া চলিয়া গেলেন। আমি পড়িতে লাগিলাম, প্রথমেই,

তুমি কার কে তোমার

তুমি কারে বল যে আপন

মিছে মায়াব নিজাবশে

দেখেছ স্বপন।

এই কবিতাটি পড়িবার পর আমার মন একেবারে জল হইয়া গেল।†

দেবেন্দ্রনাথ কেশবচন্দ্রের মধ্যে একজন দৃঢ়সংকল্প, শক্তিমান, ধর্মপ্রাণ যুবকের সন্ধান পাইলেন। কেশবচন্দ্রও শতবিধ অসুবিধা এবং নির্ধাতন-নিপীড়ন অগ্রাহ্য করিয়া ক্রমশঃ ব্রাহ্মসমাজের সঙ্গে একান্ত ভাবে যোগ দিলেন।

নাটক-অভিনয়

সেকসপীয়রের প্রতি সে সময়কার শিক্ষিত জনের অমুগ্ধতা, এবং কেশবচন্দ্রের সেকসপীয়র-প্রীতির কথা ইতিপূর্বে বলিয়াছি। তাঁহার এই প্রীতি সেকসপীয়রের কোন কোন নাটকের অভিনয় দ্বারা জনসাধারণের মধ্যে অমুকামিত করিতে তিনি যত্নপূর্ব্ব হইয়াছিলেন। তিনি ১৮৫৮ সন নাগাদ হ্যামলেটের অভিনয়ের আয়োজন করেন। এই অভিনয়ে হ্যামলেটের ভূমিকা গ্রহণ করেন কেশবচন্দ্র স্বয়ং। প্রতাপচন্দ্র মজুমদার ‘লিয়ারটেজ’ এবং নরেন্দ্রনাথ সেন ‘ওফেলিয়া’র ভূমিকা গ্রহণ করিয়াছিলেন। সাজসরঞ্জাম সংগ্রহ করিয়া একটি রীতিমত রঙ্গমঞ্চ তৈরি করা হয়। তাঁহাদের এই কার্য্যে সেন-পরিবারের কর্তৃস্থানীয় ব্যক্তিরও বিশেষ উৎসাহ প্রদান করেন।*

সেন-পরিবারের যুবকগণ মুবলীধর সেন ও কেশবচন্দ্রে সেনের নেতৃত্বে আর একটি অভিনয়ের আয়োজন করেন ১৮৫৯ সনের প্রথম দিকে। পণ্ডিত ঈশ্বরচন্দ্র বিদ্যাসাগর মহাশয়ের বিধবা-বিবাহ প্রচেষ্টার অমুকুলে উমেশচন্দ্র মিত্র ‘বিধবা-বিবাহ নাটক’ লেখেন। সেন-পরিবারের যুবকগণ ইহার অভিনয় করিতে উদ্যোগী হন। রঙ্গমঞ্চের নাম দেওয়া হয় ‘মেট্রোপলিটান থিয়েটার।’ বড়বাজার সিদ্ধবিদ্যাপটীর বিখ্যাত রামগোপাল মল্লিকের ভবনে—যেখানে পূর্বে হিন্দু মেট্রোপলিটান কলেজ স্থাপিত হইয়াছিল, এই নাট্যশালা প্রতিষ্ঠিত হয়। নাট্যশালায় দৃশ্যপটগুলি মিঃ হলবাইন আকিয়া দেন। এই রঙ্গমঞ্চে বিধবা-বিবাহ নাটকখানি দুই বার—২৩শে এপ্রিল ও ৭ই মে (১৮৫৯) সাক্ষ্যের সহিত অভিনীত হইয়াছিল। বিদ্যাসাগর মহাশয় অভিনয় দেখিয়া অক্ষয়সংবরণ করিতে পারেন নাই। ‘সংবাদ প্রভাকর’ (১৪ মে ১৮৫৯) এই অভিনয়ের একটি বিবরণ প্রকাশিত করেন। ইহাতে পাই :

“...সম্প্রতি জীযুক্ত বাবু মুবলীধর সেন স্বীয় বন্ধুবর্গ সহযোগে পূর্কতন মেট্রোপলিটান কলেজ বাটীতে এক সুবন্দা রঙ্গভূমি স্থাপিত করিয়া কয়েক বার বেরূপ শ্রবণ-মনোহর ও গোচর-সুখকর অভিনয় প্রকাশ করিয়াছেন, বোধ হয়, বাঙ্গলাভাষায় এরূপ সর্ব্বাঙ্গসুন্দর অভিনয় আর কুত্রাপি হয় নাই। সুন্দর কুশীলব মহাশয়েরা অতি সুচারুরূপে অভিনয় করিয়াছেন। বিশেষতঃ ভট্টাচার্য্য প্রভৃতি কুশীলবের অভিনয়ে মুগ্ধ হইতে হয়। আর ঘটনাস্থলের প্রতিকৃতির অধিকাংশই এরূপ চিত্তচমৎকারিণী ও মনোহারিণী হইয়াছে যে তাহা দেখিলে স্বরূপ ঘটনাস্থলই বোধ হয়, রঙ্গস্থলের কাল্পনিক কাব্য বোধ হয় না। অধিক কি কহিব, ...দর্শকমাজেই মুগ্ধকণ্ঠে এই অভিনয়ের সর্ব্বাঙ্গীণ প্রশংসা করিয়াছেন...।”

‘বিধবা-বিবাহ’ নাটকের অভিনয়ে কেশবচন্দ্র রঙ্গমঞ্চাধ্যক্ষ ছিলেন। অভিনয় দ্বারা সমাজ-কল্যাণ সাধন তাঁহার জীবনের ব্রত ছিল ‡

* রাজনারায়ণ বসু লেখেন : “কেশবচন্দ্র আমার ব্রাহ্মধর্মের লক্ষণ বিষয়ক বক্তৃতা পাঠ করিয়াই ব্রাহ্মধর্ম অবলম্বন করেন।”—রাজনারায়ণ বসুর আত্মচরিত, পৃ. ৭৮।

† কেশবজননী দেবী সারদাশুন্দরীর আত্মকথা, পৃ: ৬৯।

‡ প্রতাপচন্দ্র মজুমদারের ইংরেজী কেশব-জীবনীতে (পৃ. ৬৯) এ বিষয় বর্ণিত হইয়াছে।

‡ বঙ্গীর নাট্যশালায় ইতিহাস—ব্রজেননাথ বন্দ্যোপাধ্যায়, ২য় সং, পৃ. ৫১-২।

রাখী-পূর্ণিমা

শ্রীঅবিনাশচন্দ্র বসু

একজন অবিবাহিত রিসার্চ স্কলারের কাছে যে মেয়েলি হাতের ঠিকানা লেখা বড্ডিন ফিতার বাঁধা ছোট একটি পার্শেল আসতে পারে একথা দিল্লী ইউনিভার্সিটি হোস্টেলের ছাত্রদের কল্পনায়ই আসে নি। তাই সেটার বিষয়ে তাদের অসাধারণ কৌতূহল। কয়েকটি বন্ধু আমার ঘরে এসে দেখতে চাইল পার্শেলটার ভেতরে কি আছে। সেটা খুললে তার থেকে বেরুল রূপালি ঝালর-দেওয়া, হুঁদিকে স্মৃতি বাঁধা প্রাচীন কালের সৈন্যদের বাহুতে বাঁধবার রক্ষাকবচের মত একটা জিনিস, তবে খুব হালকা। তার সঙ্গে ছোট্ট একটি চিঠি। বন্ধুদের কৌতূহল নিবৃত্তির জগৎ বললাম, সেটা রাখী। শ্রাবণের পূর্ণিমাতে উত্তর ও মধ্যভারতের বোনরা ভাইয়ের হাতে রাখী বেঁধে মাস্তুলিক অমুষ্ঠান করে থাকে। ভাই দূরে থাকলে রাখীটা ডাকে পাঠিয়ে দেয়।

সেটা আমার বোন পাঠিয়েছে কি না, তাবা জিজ্ঞাসা করলে। আমি বললাম, আমার বোন নেই।

তবে সে কে ?

সে আমার পাতানো বোন।

পাতানো বোন ? সে আবার কেমন ?

যথাসম্ভব বুঝিয়ে বলা হ'ল।

বন্ধুরা চলে গেলে ছোট চিঠিখানা খুলে পড়লাম। বহু কথা মনে পড়ল,—পাঁচ বৎসর আগেকার।

তখন আমি ইন্দোরে পড়ি। রমেশ আমার কলেজের সহপাঠী এবং হোস্টেলের গৃহসঙ্গী ছিল। হুঁজনার মধ্যে খুব ঘনিষ্ঠ সখ্য গড়ে উঠেছিল। একবার তাকে আমাদের বাড়ীতে নিয়ে গিয়েছিলাম, তার পর থেকে সে প্রায়ই বলত, আমাকে তাদের বাড়ী নিয়ে যাবে। কিন্তু বড় ছুটিতে আমি নিজ বাড়ীতে চলে যাই, তার সঙ্গে যাওয়া হয়ে উঠে না। সেবার একদিন প্রাতে সে একখানা চিঠি নিয়ে এসে হাসতে হাসতে বললে, “এবার আমি বাড়ী চললাম, রাজেশকুমার ! তোমারও আমার সঙ্গে আসতে হবে।” চিঠিখানা তার বোন লিখেছে। রমেশ পড়ে শোনালে, “দাদা, অনেকদিন তোমাকে নিজ হাতে রাণী বাঁধতে পারি নি, এবার বাড়ী আসতেই হবে, অশু, অবশু।”

রমেশ ও গৌরীবাণী বাপমায়ের দুটি মাত্র সন্তান। ভাই বি-এ পড়ে, বোনটি ম্যাট্রিক পাস করে বাড়ী থেকেই আই-এ পরীক্ষার জগ্গে তৈরী হচ্ছে। বাপ গরীব, মিডিস্কুলের মাষ্টার, ছেলের পড়ার সাহায্য করাই তাঁর পক্ষে কঠিন। রমেশ কতকটা পিতার কষ্টার্জিত অর্থে, কতক নিজে প্রাইভেট টিউশন করে, পড়ার খরচ চালায়।

রমেশ বললে, “তোমাকে নিয়ে যখন যাচ্ছি, তখন সপ্তাহ-

খানেক থেকে আসব। আর কয়েকদিন আগে থেকেই যাব।” আমি সম্মত হলাম।

কলেজ কামাই করে শ'খানেক মাইল রেল-ভ্রমণের ব্যবস্থা হ'ল। বিক্ষিপ্ত অতিক্রম করে, নর্মদা নদী পেরিয়ে, একটা জংশনে ঘণ্টা আটেক বসে আর একটা গাড়ী ধরে ইন্দোর ছাড়বার প্রায় আঠারো ঘণ্টা পরে রমেশদের বাড়ী পৌঁছতে হবে। রমেশ সকাল থেকে বোনের জগ্গে রাখীবন্ধনের উপহার কিনতে লাগল।

গাড়ীতে যখন উঠলাম তখন দেখা গেল তার চোখ লাল, গায়ে জ্বর। সে বললে, গুটা কিছু নয়, বাড়ী গেলেই সেবে যাবে। জংশনে যখন পৌঁছলাম তখন দেখলাম তার জ্বরটা বেড়ে গেছে, সে একটু হুঁকলও হয়ে পড়েছে। খাউ ক্লাসের টিকিটখানা সেকেন্ড ক্লাসে পরিবর্তিত করে ওয়েটিং রুমে তাকে শুইয়ে দিলাম। কিন্তু সে যে-পর্যন্ত নিজের পকেট থেকে টিকিটের অতিরিক্ত পয়সাটা না দিয়েছে সে-পর্যন্ত তার মনে শান্তি নেই। রমেশ গরীব বলে টাকাপয়সা বিষয়ে তার অতিরিক্ত সতর্কতা।

মধ্যরাতে গাড়ী এল। আমরা দ্বিতীয় শ্রেণীর কামরায় যখন উঠতে যাব তখন দেখি তা ভেতর থেকে বন্ধ। অনেক ঠেলা-ঠেলিতেও কেউ দরজা খুলে না। এদিকে শ্রাবণের আকাশ থেকে বিষ্ণু বিষ্ণু করে বৃষ্টি পড়ছিল। গার্ডকে ডাকলাম, কিন্তু তাঁর পক্ষেও কিছু করা সম্ভব হ'ল না। গার্ড বলে গেলেন ও-কামরায় বাক খালি আছে। গাড়ীর থামবার সময় ফুরিয়ে এল। অনেক ধাক্কা-ধাক্কির পর একজন লোক ভেতর থেকে বললেন, দরজা সকাল ছ'টায় খোলা হবে। রমেশকে নিয়ে কোনরকমে পাশের ইন্টার ক্লাসের কামরায় ঢুকলাম। জ্বরের ঘোবে রমেশ প্রলাপ বকতে লাগল, “আমি চিনি ওসব নবাবের বেটাদের ! বোম্বাই শহরে থেকে থেকে মনে করে হুনিয়ার আইন-কানুন শুধু তাদের আরাধনের জগ্গ, অগ্গের কোন অধিকার নেই।” সে উত্তেজিত ভাবে বললে, সেকেন্ড ক্লাসের টিকিট নিয়ে সেকেন্ড ক্লাসে জায়গা থাকতে সে ইন্টার ক্লাসে বসবে না, চেন টেনে গাড়ী ধামাবে। অনেক কষ্টে তাকে নিরস্ত করা গেল। তার জ্বর জ্বেনে একজন ডব্ললোক নিজের বিছানাটা গুটিয়ে তার জগ্গে জায়গা করে দিলেন। আমি রমেশকে আস্তে আস্তে বললাম, “বোম্বাইয়ের সবলোকই একরকম নয়।” রমেশ গুয়ে পড়ল, কিন্তু কাসির জগ্গ ঘুমুতে পারল না। এ কাসিটা নতুন উপসর্গ।

গম্ভবা ষ্টেশনে যখন নামলাম, তখন দুয়ের আকাশে সোনালি আভা দেখা দিয়েছে। প্রভাতের মিঠে বাতাসে রমেশও কতকটা সুস্থ রোধ করতে লাগল। টাকায় চড়ে এ রাস্তা ও রাস্তা ঘুরে

রমেশদের বাড়ীর দিকে চললাম। স্থানটিকে শহর না বলে বড় গ্রাম বলতে হয়।

একটি সুন্দর খাপসার ছাউনির ছোট বাড়ীর সামনে টাঙ্গা খামল। সুমুখে বাগান, ফুলে ভরা। বাগানের ফটক খুলে চুকতে বাব এমন সময় ভেতর থেকে রমেশের বৃদ্ধ পিতা বেরিয়ে এলেন। তাঁর গায়ের চামড়া লোল হয়ে এসেছে, কিন্তু আঙনের মত রং, আর সরল উন্নত দেহ। আমরা তাঁকে প্রণাম করতেই পেছন থেকে এল রমেশের বোন গৌরীবাণী। মেয়ে বাপের রং ও চেহারা পেয়েছে। গৌরী বাস্তবিকই গৌরী। অতি ফর্সা রং, লম্বা ছিপছিপে গড়ন, সারা দেহটি প্রথম তারুণ্যের প্রভায় উজ্জ্বল। কালো চুলের ছুটি বেণী হৃদিকে ঝুলে পড়েছে, মুখে নিখুঁত হাসি। শুধু 'গৌরী' নামটিই যে তার সার্থক তা নয়, যে-কোন 'বাণী' তার রূপ ও সুন্দর চোখ দুটি পেলে নিজেকে ধন্য মনে করত।

তখন বারান্দায় এসে দাঁড়ালেন রমেশের মা। মনে হ'ল তিনি অসুস্থ, দেহ কতকটা ভেঙে পড়েছে।

বৃদ্ধা বললেন, "গৌরী ভোর চারটা থেকে উঠে বসে আছে।" গৌরী বললে, "কাল কখন গাড়ীতে উঠেছিলে, দাদা?" মায়ের চোখে রমেশের অসুস্থ ধরা পড়ল। তিনি বললেন, "বাবা, তোমার শরীরটা ত ভাল দেখা যাচ্ছে না। কি হয়েছে?"

রমেশ বললে, "কিছু না, শুধু পথের ক্লান্তি, বিশ্রামে সেবে ধাবে।" কিন্তু মায়ের মনে প্রত্যয় হ'ল না। তিনি তার কপালে হাত দিয়ে বললেন, "তোমার ত জ্বর রমেশ!" আমি তার অসুস্থের বিষয় খুলে বললাম। রমেশকে ঘরে নিয়ে মেঝের বিছানা পেতে শুইয়ে দেওয়া হ'ল।

আমি তার পিতার সঙ্গে ডাক্তার ডাকতে চললাম। বাবার পূর্বের গৌরী আমাদের চা খাইয়ে দিলে। পথ চলতে চলতে বৃদ্ধা বললেন গৌরীই এই সংসারটা চালিয়ে যাচ্ছে। সেই ভোর পাঁচটাতে উঠে, বাসন মাজা ঘর নিকানো থেকে আরম্ভ করে চা, জল-পানির তৈরি, রান্নাবান্না, কাপড় ধোয়া সবই সে করে। আবার সব কাজের মাঝে নিজের পরীক্ষার পড়া পড়ে। স্কুলে ও খুব ভাল ছাত্রী ছিল। শুধু পড়ার নয়, গানে, নাচে, খেলায়, সবটোতেই সবার প্রথম।

বৃদ্ধ হুঃখ করে বললেন, দারিদ্র্যের জন্ত এ পর্যন্ত মেয়েটিকে সংপাত্ত্ব্য করতে পারেন নি। তবে আশায় আছেন, রমেশ বি-এ পাস করলে একসঙ্গে হুঁজনারই বিয়ে দেবেন।

ডাক্তার এসে রোগী দেখলেন। বললেন, "নিমোনিয়া সন্দেহ হচ্ছে, তবে এখনও ঠিক বলা যায় না।" ডাক্তারখানার গিরে নেখ-লাম, ডাক্তারের জ্ঞান বৃত্ত, তাঁর ডিসপেন্সারীতে ঔষধের ব্যবস্থা সে অসুধারী নেই। ডাক্তারখানা থেকে ফিরতে ফিরতে মনে হ'ল, যদি রমেশের নিমোনিয়া হয়ে থাকে তবে তার জন্ত দারী হবে সেই

সেকেণ্ড ক্লাসের প্যাসেঞ্জাররা, বাবা ভেতরে বাঙ্ খালি থাকে সঙ্গেও দরজা খুলে দেয় নি।

বাড়ীতে বসে বসে লক্ষ্য করলাম, গৌরীবাণী পরম উল্লাসে গৃহের নানা কাজ করে যাচ্ছে। এক একবার মনে হচ্ছিল সে যেন হাঁটছে না, মাটিতে ঠিক পা ফেলে হাওয়ার উপর দিয়ে চলছে। মুখে হাসি লেগেই আছে। ভাইকে পেয়ে সে বাস্তবিকই খুশী হয়েছে। কিন্তু আমার সামনে এলে তার চোখ নীচু হয়ে যায়, সে লজ্জায় জড়সড় হয়ে পড়ে। সেটা যে শুধু আমি অপরিচিত বলে, তা মনে হ'ল না। কিছুক্ষণের মধ্যেই তার কারণ বুঝতে পারলাম। রমেশ একমাত্রা ঔষধ খেয়েই ভেবেছে অসুস্থ সেবে গেছে। প্রফুল্ল মুখে মায়ের সঙ্গে বহু কথা পেড়েছে। আমি শুনলাম, মায়ের কাছে উজ্জ্বল সিত ভাবে আমার কথা বলছে। মা বললেন, "তোমার বহু বড়লোকের ছেলে, নইলে তার সঙ্গে আমাদের গৌরীর বিয়ের আলাপ করতাম।" রমেশ বাধা দিয়ে বললে, "ওসব কথা তুলো না মা। সে কি মনে করবে?" মা বললেন, "কেন, সে যদি গৌরীকে পছন্দ করে?" "ওসব কথা থাক মা," বলে রমেশ কথাটা চাপা দিলে।

ঘরে রমেশকে একা পেয়ে বললাম, "মায়ের সঙ্গে কি সব আলাপ হচ্ছিল, রমেশ?"

সে একটু বিব্রত ভাবে বললে, "কিছু মনে করো না, রাজেশ-কুমার! মা বুড়ো মানুষ, আমাদের স্বজাতের ছেলে দেখলেই মেয়ের বিয়ের কথা ভাবেন।" একটু মুচকি হেসে বললে, "তোমার ত মিস গুপ্তাই রয়েছে।" মিস গুপ্তা আমাদের সহপাঠিনী, তার সঙ্গে আমার কথাবার্তা চলে, রমেশের কাছে আমি তার প্রশংসা করেছি। কিন্তু এখন বললাম, "ওসব বাজে বকো না, রমেশ?" সে আমার স্বরের কটুতায় অবাক হ'ল। মায়ের সঙ্গে দাদার এসব আলোচনা গৌরী অবশ্য শুনেছে। এখন বুঝতে পারলাম কেন আমার সামনে জলখাবার রাখবার সময় তার সুকৃষ্ণ পক্ষ্মাজিকপোলের উপর বিজ্ঞ হুঃখ ছিল, চোখের পাতা হুঃয়ে পড়েছিল, উজ্জ্বল দৃষ্টিটি ঢেকে গিয়েছিল।

একা বসে বসে ভাবতে লাগলাম, রমেশের মায়ের কথাটি—"সে যদি গৌরীকে পছন্দ করে?" রমেশ ভেবেছে তা অসম্ভব, কারণ আমার ত মিস গুপ্তাই রয়েছে। "মিস গুপ্তা আমার কে, আমি বা মিস গুপ্তার কে?" গৌরীকে পছন্দ! হাঁ, জগতে যদি কোন দিন কোন মেয়েকে পছন্দ করি তবে সে গৌরী। ভাবলাম, যদি আমি ভীষ্মের চিরকৌমার্যের ব্রতও ধারণ করতাম, আর আমাকে বলা হ'ত, গৌরীবাণী তোমার হাতে মঙ্গলসূত্র পরতে প্রস্তুত, তুমি তা পরাতে প্রস্তুত আছ!—তবে আমি সে ব্রত ভঙ্গ করে প্রস্তুত হতাম।

বিকালের দিকে ডাক্তার এসে রমেশকে দেখে বললেন, নিমোনিয়া সন্দেহ নেই। ডাক্তার আমার কাছে হুঃখ করলেন, চিকিৎসার আধুনিক ঔষধ তাঁর কাছে নেই, তা শুধু বড় শহরে

পাওয়া যেতে পারে। আমি ইন্দোর গিয়ে সে ঔষধ আনব বললাম। সেদিন সন্ধ্যায়ই রওনা হব স্থির হ'ল।

বৃদ্ধ এদিক-ওদিক ঘুরে এসে আমার বললেন, “একটি দিন দেরি করে যাও বাবা। জানলাম ঔষধের দাম বেশী, আমি কাল পর্যন্ত টাকা যোগাড় করে দেব।” আমি বললাম, “টাকা চাই নে, আমি সব ব্যবস্থা করব।” বৃদ্ধের মুখের শুষ্ক ভাব দেখে বললাম, “আমি রমেশের বন্ধু, তার জন্তে কিছু করা আমার কর্তব্য নয় কি?”

সন্ধ্যার পূর্বেই গৌরী আমার জন্ম রাত্রির আহার তৈরি করে রেখেছিল। সে তা পরিবেশন করতে করতে দাদার অসুখের কথা আলোচনা করতে লাগল। সে অসুখের গুরুত্ব বুঝতে পেরেছে। আমি তাকে আশ্বাস দিলাম। “বললাম ইন্দোরে যে প্রসিদ্ধ বাঙালী ডাক্তার আছেন আমি তাঁর পরামর্শ নেব এবং দরকার হলে তাঁকে এখানেও আনবার ব্যবস্থা করব। গৌরী আশ্বস্ত হ'ল। আমি যখন ষ্টেশনে যাবার টাকায় উঠতে যাব তখন গৌরী একটা ছোট খলে এনে বললে, এর মধ্যে সকালের জলখাবার রয়েছে, আমি যেন থাই। আমাকে দিয়ে ব্যাগটা খুলিয়ে খলেটা তার ভিতর রাখল। আমি তাকে কি উত্তর দেব ভেবে পেলাম না। শুধু বললাম, “রমেশের প্রতি দৃষ্টি রাখ, তাকে বেশী নড়াচড়া করতে দিও না।”

পথে যেতে যেতে ভাবলাম, কি আশ্চর্য্য মেয়েদের মন। ভাইয়ের জন্ম এত উৎসাহ, অথচ অতিথির খাবার-দাবার ব্যবস্থার বিন্দুমাত্র ক্রটি নাই।

গাড়ীতে বসে শুধু গৌরীর কথাই মনে হতে লাগল। এই একটি মেয়ে সমস্ত পরিবারটির প্রাণস্বরূপ। তার কি অক্লান্ত পরিশ্রম, কি উৎসাহ, সর্ববিষয়ে কি তৎপরতা! অথচ কচি বয়স, আঠারো বৈশী নয়! এক একবার ভেসে উঠতে লাগল তার কোমল মুখ, নিখিল স্নিগ্ধ দৃষ্টি, শুচিসুন্দর দেহের কান্তি।

বসে বসে বাইরের দৃশ্যের দিকে চেয়ে রইলাম। বহুদূর পর্যন্ত হ'দিকে বন, সবুজ পাতার উপর শুভ্র জ্যোৎস্না বলসে উঠছে। জানি না মনের ভিতর কি অপূর্ণ যাহু আছে যার প্রভাবে ঐ জ্যোৎস্নাত সবুজ বনানীর সঙ্গে গৌরীরোগীর দেহের রূপছটা মিলে আসতে লাগল। যেদিকে তাকাই সেদিকেই যেন দেখি পেছনে ফেলে-আসা ক্ষুদ্র গৃহকোণের কর্মরূপে তরুণ মুখখানির অপূর্ণ সুষমা সর্বত্র রূপায়িত হয়ে উঠছে!

প্রভাতে যখন গৌরীরোগীর দেওয়া খলেটি খুললাম, তখন অবাক হয়ে দেখলাম, খাবার জিনিসগুলোর নীচে, একটা ছোট মেথেলি রুমালে কি বাঁধা। খুলে দেখলাম, সোনার হার। মনে হ'ল গৌরীর গলায় তা দেখেছি। আসবার সময় সেটা যে গলায় ছিল না, তা লক্ষ্য করি নি। সঙ্গে একটা ছোট চিঠি।

“দাদার ঔষধ নাকি খব দামী। এ সঙ্গে আমার হারটা দিলাম। আমার একান্ত অনুরোধ, এটা বিক্রি করে ঔষধ কিনবেন অবশ্য, অবশ্য। গৌরীরোগী।”

কয়েক মুহূর্তের জন্ম আমি নির্বাক হয়ে চিঠিখানা হাতে নিয়ে বসে রইলাম। তার পর মনে হ'ল শেব কথা ছোটো কোথায় শুনেছি। ইঁা রমেশের কাছে যে চিঠি দিয়েছিল তারও শেষটা ছিল, “অবশ্য, অবশ্য।”

জানি না সহযাত্রীরা আমার চোখের আকস্মিক সজল ভাব লক্ষ্য করেছিল কি না।

ইন্দোরে মুহূর্তমাত্র সময় নষ্ট না করে আমি ঔষধ সংগ্রহের কাজে লেগে গেলাম। প্রসিদ্ধ বাঙালী ডাক্তারের অন্তরে যে পরিচয় পেলাম, তা লোকের মুখের বর্ণনার চাইতেও বেশী। তিনি নিজে ঔষধের ব্যবস্থা করলেন এবং বললেন, দরকার হলে যেন তাঁকে টেলিফোনে ‘ট্রাঙ্ককল’ দি, তিনি ট্রেনে আসবেন।

ফিরে বাড়ীর কাছে আসতে দেখলাম ফটকে দাঁড়িয়ে গৌরীরোগী আমার টাক্কাটা লক্ষ্য করছে। ধামতেই বললে, “ঔষধ পেয়েছেন?” মুখে উৎকণ্ঠার চিহ্ন। আমি নামতেই আমার হাত থেকে ঔষধের বাগুসটা নিলে। তার পর সজ্জভাবে বললে, “আমার উপর তো রাগ করেন নি?”

“তুমি তোমার হার দিয়েছিলে বলে?”

সে তার ঠোঁটের উপর হাতের আঙুল রেখে আমাকে জানালে, কথা যেন না বলি। পেছনে তার বাবা আসছিলেন।

ডাক্তার ডেকে ইনজেকশনের ব্যবস্থা করা হ'ল। ডাক্তার বললেন ফুফুসের ছোটো দিকই ধরে গেছে। রোগীর বিষয়ে বিশেষ সতর্কতা অবলম্বন করা দরকার।

রাত্রিতে রোগীর শুশ্রূষার জন্ম ডাক্তার একজন কম্পাউণ্ডার পাঠালেন, পাড়ার লোকও এল। আমি বরফ এনেছিলাম, তা আইসব্যাগে ভরে মাথার উপর রাখা হ'ল। মধ্যরাত্রে অল্পদেয় বিশ্বাস দিয়ে আমি গিয়ে বসলাম। রমেশ অসাড়ের মত পড়ে ছিল, চাপা কাসি, কঠিন নিঃশ্বাস। অবস্থাটা ভাল মনে হ'ল না।

প্রথম রাত্রে গৌরী একবার দেখে গিয়েছিল, বলেছিল খানিক ঘুমিয়ে আবার আসবে। মধ্যরাত্রে পরে এল, আলুখালু চুল— মনে হ'ল হঠাৎ ঘুম থেকে উঠে এসেছে। বললে, আপনি গিয়ে ঘুমুন আমি বসছি। বললাম, “তুমি বড় ক্লান্ত গৌরী, ঘুমাও গে।”

“আপনি ত সারাদিন ধরে ভ্রমণে ক্লান্ত হয়ে এসেছেন।” বলে সে একটা হাতপাখা নিয়ে ভাইয়ের বিছানার পাশে বসল এবং তার মাথার পাখা করতে লাগল। আমি আইসব্যাগ সরিয়ে বসলাম। দেখে খুশী হলাম গৌরী আমাকে আপনজন বলেই মনে করছে। কিছুক্ষণের মধ্যে তার মাথা চুলতে লাগল, হাত থেকে পাখাটা খসে গেল। ধীরে ধীরে, নিজের অজ্ঞাতে, সে ভাইয়ের বালিশে মাথা রেখে পাশে মেথের উপর শুয়ে পড়ল এবং দেখতে দেখতে ঘুমে অচেতন হয়ে গেল। তার একটা হাত অজ্ঞাতে এসে আমার গায়ে ঠেকল, কয়েকটা চুলের গুচ্ছ আমার উপর ছড়িয়ে রইল।

আমি কয়েক মুহূর্ত অবাক হয়ে সম্মুখে শয়ান ভাইবোনের

দিকে চেয়ে রইলাম। হৃৎকনার মুখের একই আদল, কিন্তু একটি মুখ স্নান, মৃত্যুর ছায়ার পাণ্ডুর; রুদ্ধ; অপরাধি উজ্জল, রক্তিম, ফুলের মত কোমল। একদিকে পুরুষের দেহ, বোগের প্রকোপে কঠিন থেকে কঠিনতর হয়ে উঠছে, অপরদিকে স্নুকুমার নারী-দেহ স্নুবৃষ্টির ক্রোড়ে তরুণ জীবনের অপূর্ণ গরিমায় লীলায়িত, রেখায়িত হয়ে পড়েছে। তার কেশজন্মে ক্রীণ স্পর্শ, তার শুভ্র হাতটির মুহূ চাপ আমার স্পর্শের অতিক্রম হবে যেন মনের কোন অতল গভীরে গিয়ে পৌঁছেছিল।

হঠাৎ আমার মনে একটা খেয়াল চাপল। ধীরে ধীরে উঠে আমার ঘরে এলাম, গোবীর হাতটা বের করলাম। ভাবলাম সেটা আস্ত আস্তে ঘুমন্ত অবস্থায় তার গলার পরিবেশ দেবো। পূর্নদিন সকালে যখন সে সেটা তার গলার দেখবে তখন ভাবি মজা হবে। কিন্তু রোগীর ঘরে এসে মনে খটকা বাধল। ভাবলাম হার পরিবেশ দেবার সময় যদি গোবীর মা কিংবা বাবা, অথবা আমার ঘরে যে ডাক্তারের কম্পাউণ্ডাটো ঘুমিয়ে আছে সে সেখানে আসে আর তা দেখতে পায়, আর ভাবে, আমি হার পরাচ্ছি না, গলা থেকে হার খুলে নিচ্ছি—তবে? অথবা, যদি গোবী হার পরাবার সঙ্গে জেগে যায়, তখন—আমি যে হার পরাচ্ছি তা তো আর জানবে না—সে কি মনে করবে? অনেক অসাধারণ কাজই পূর্নাপর বিবেচনায় বাধা পায়, আমারও তাই হ'ল। যদি ওসব বিবেচনা না করে হার পরিবেশ দিতাম, আর ঘেমন ভেবেছিলাম, গোবীকে বলতাম সেটা আমার 'আলীর্বাদ', তবে হয়ত ভবিষ্যৎ অজ্ঞ রূপে গড়ে উঠত।

যাহোক আমি আবার বেড়িয়ে এলাম। আমার আসা-যাওয়ার শব্দে রমেশের পিতার ঘুম ভেঙেছিল, অথবা হয়ত উনি জেগেই ছিলেন; বললেন, কি বিষয়?—আমি বললাম, গোবী রোগীকে পাখা করতে গিয়ে ঘুমিয়ে পড়েছে।—তখন গোবীর মা বেড়িয়ে এসে রমেশের ঘরে গেলেন এবং পাখাটা ডুলে নিজ হাতে রমেশের মাথায় বাতাস করতে লাগলেন। মেয়েকে ধাক্কা দিলেন, কিন্তু তার ঘুম ভাঙল না। তখন তিনি ঘুমন্ত কন্টার মাথাটা রোগীর বালিশ থেকে সরিয়ে নিজ কোলের উপর রাখলেন। আমি নীরবে দরজার কাছে দাঁড়িয়ে দাঁড়িয়ে ভাবলাম, অগতঃ বড় বড় চিত্রকররা শিশুকালে তরুণী মাতার চিত্র একেছেন, কিন্তু কেউ তরুণী কন্টা কোলে বৃদ্ধা মায়ের ছবি একেছেন কি? আমি চিত্রকর হলে আকতাম।

গোবী জেগে উঠে বলল, অবস্থাটা বুঝে লজ্জা পেল। আর মায়ের মুখের পানে অবাক হয়ে চাইল। তার পর মা-মেয়েকে তাদের ঘরে পাঠিয়ে আমি রোগীর কাছে গেলাম। তার অবস্থাটা বড়ই খারাপ বোধ হচ্ছিল।

প্রত্যন্তে উঠে ইন্ডোরের ডাক্তারকে টেলিফোন করতে গেলাম। ঘটনাচার্যক সময় লাগল। এসে দেখি বৃদ্ধ জীবনদীপ নির্বাণোন্মুখ। কিছুকালের মধ্যে সব শেষ হয়ে গেল।

গোবী শুধু কেঁদে আকুল হ'ল তাই নয়। সে ভাইয়ের মৃত্যুটা স্বীকারই করবে না। শব্দ নেবার সময় সহসা সে সমস্ত ধৈর্য হারিয়ে ফেলল। ভাইকে আকড়ে ধরে রইল, নিতে দেবে না। গোবী তার আঠাঘো বংশব বয়সের মধ্যে কাকেও মরতে দেখে নি, মৃত্যুর নির্মমতায় সঙ্গে তার এই প্রথম পরিচয়।

বৃদ্ধ-বৃদ্ধাকে কে সাহায্য দেবে? গোবীকে কে বুঝাবে। এ পরিবারের একমাত্র ভরসা স্থল রমেশ অকালে মৃত্যুর করাল ঘোরে পতিত হয়েছে, পরিবারটি অকুলে ভেসেছে। আত্মীয়বান্ধব প্রতিবেশীরা আসেন, চূপ করে বসে থাকেন। তার পর চলে যান। আমিও তিন দিন পর্যন্ত নীরবেই বসে রইলাম। শুধু দেখলাম, গোবী নিজেকে সামলে নিয়ে গৃহকার্যে লেগে গেছে, মুণ্ড বৃদ্ধে চোখের জল মুছে নিজ কর্তব্য করে যাচ্ছে।

আমি মনে মনে স্থির কবলাম নিজ স্থানে গিয়ে আমার এক জন আত্মীয়কে দিয়ে রমেশের পিতার নিকট চিঠি লেখাব—বিষয়ব আলোচনা করে। বলব, আমি তার পুত্রের স্থান পূর্ণ করব। সহজ ক'লাম, তাঁদের হৃৎচিন্তার অবসান করাব, যদিও শোকের অবসান হবে না।

চতুর্থ দিনে কয়েকজন বয়োবৃদ্ধ লোক এলেন। তাঁদের মধ্যে যিনি বয়োজ্যেষ্ঠ তিনি বললেন, "ভাই, শোক করে কি হবে, সবই ভগবানের ইচ্ছা। এবার ধৈর্য ধর।"

রমেশের পিতা আর্ন্ত কণ্ঠে বললেন, "কি করে ধৈর্য ধরি, দাদা! সর্বস্ব পণ করে রমেশকে মাহুয করছিলাম, ভগবান তাকে নিয়ে গেলেন। তার বিহনে আজ আমরা নিরাশ্রয়, আমাদের ভবিষ্যৎ অন্ধকার।"

অপর ভ্রাতৃলোকটি বললেন, "এবার নিজের কর্তব্য কর, তোমার মেয়ের বিয়ে দাও।"

"মেয়ের বিয়ে? আমার মত নিঃস্ব লোকের মেয়ে কে নেবে দাদা?"

"তোমার মেয়ে সুলভী, শিক্ষিতা। তার বিয়ে হওয়া কঠিন হবে না। বিয়ে হয়ে গেলে তোমরা হৃৎজনে কোন বকমে দিন কাটিয়ে দেবে।"

গোবী হাতে চায়ের পেরালা নিয়ে এসে খমকে গিয়েছিল। ধীরে ধীরে এগিয়ে বয়োজ্যেষ্ঠের সামনে পেরালাটি রেখে সোজা হয়ে দাঁড়িয়ে গেল। পিতার দিকে চেয়ে বললে, "বাবা, আপনি ওভাবে মন খারাপ করবেন না। ভাবুন আমি আপনার মেয়ে নই, ছেলে। আমি আপনাদের নিরাশ্রয় অবস্থায় ফেলে নিজে আশ্রয় নিতে রাজী হব না।" তার পর স্বর একটু চড়িয়ে বললে, "আজ সর্ব সম্বন্ধে শপথ করছি, আমি বিয়ে করব না, আমার নিজের সমস্ত সামর্থ্য দিয়ে উপার্জন করব, মা বাবার ভাব নেব, তাঁদের আজীবন ভরণপোষণ করব।"

সকলে অবাক হয়ে তার দিকে চেয়ে রইল। গোবীর নীরব মুখের কোমল চোখ দুটি থেকে যেন আগুনের ফুলকি বেরুচ্ছিল।

বয়োজ্যেষ্ঠ লোকটি বললেন, “সাবাস মা। কিন্তু তুমি মেয়ে-ছেলে হয়ে পুরুষের মাথার বোঝা কেমন করে নেবে, মা?”

গৌরী ধীরে ধীরে বললে, “আমি ম্যাটিক পাস করেছি, এবার আই-এ পরীক্ষা দেব, পাস করে স্কুলে চাকরি করব। তাতে আমি অনায়াসে এ পরিবারের ভরণপোষণ করতে পারব। তা ছাড়া, আমি আরও পড়ব, বি-এ, এম-এ পাস করব—আমার দাদা যা করত আমিও তাই করব।”

সবাই চুপ। গৌরী ধীরে ধীরে চলে গেল।

আমি মস্তমুগ্ধর মত দাঁড়িয়ে রইলাম।

সেদিন গৌরীর বৃদ্ধ মামা এসে পরিবারের দেখাশোনা করতে লাগলেন। আমি এবার যেতে চাইলাম। গৌরী বললে, “আজ, না, কালকের দিন থেকে যান।”

জানলাম, পরদিন রাণী-পূর্ণিমা। গৌরী ভোরে উঠে, ঘর নিকিয়ে, স্নান করে, ভাটটিব ঘরের মেঝেয় একটা পিড়ি পেতে সামনে বড় থালাতে ফুল, চাল, গমের অঙ্কুর, চন্দন, এ সব সাজাল। তার পর নিজ ঘরে গিয়ে ভাল একটি শাড়ী পরল, কানে তুল লাগাল আর হাতে সোনার চূড়ি। তার পর ধীরপদে আমার ঘরে এসে বললে, “আজ রাণী-পূর্ণিমা। দাদাকে রাণী পবাব বলে ডেকে এনেছিলাম। আজ দাদা নেই। আপনি তার বন্ধু। আপনিই দাদার হয়ে আমার রাণী নিন।”

আমি স্নান করে ধুতি জামা পরে তার ঘরে গেলাম। সে আমার কপালে চন্দনের ফোঁটা দিয়ে, তার উপর চাল মাথিয়ে দিলে। কানে গমের অঙ্কুর ছোয়ালে। আর আমার ডান হাতে একটি সুন্দর রূপালি রাণী বেঁধে দিলে।...এখনও আমার স্মৃতিতে ভেসে উঠে তার সে স্নেহশীতল স্পর্শ, তার সরল সুন্দর চোখ দুটি, তার শুভ্র কপোলের উপর অশ্রুবিন্দু, আর তার তপশ্চাঞ্চলি কোমল ঠোঁট দুটির অপূর্ব দৃঢ়তা।

পেছন থেকে তার মা আমার হাতে রমেশের-আনা উপহারগুলি তুলে দিলেন। আমি একে একে সেগুলি তাকে দিয়ে মনে মনে শুভেচ্ছা জানালাম। অবশেষে আমার পকেট থেকে তার সোনার হারটি বের করলাম। সেটার সঙ্গে ইন্দোর থেকে দামী পাথর বসানো একটি পেণ্ডেন্ট কিনে লাগিয়েছিলাম। হারটি তুলে তার গলায় পরিয়ে দিলাম।

গৌরী আমার সামনে মিষ্টি খালা বেখে শান্ত ভাবে বললে, “আপনি যখন বেখানে থাকেন, শ্রাবণের প্রথমে আমার কাছে ঠিকানা পাঠাবেন। আমি প্রতি শ্রাবণী পূর্ণিমায় আপনাকে রাণী পাঠাব। আজ থেকে আমি আপনার ধর্মের বোন।”...

সেই শ্রাবণ-পূর্ণিমার রাতে উজ্জল জ্যোৎস্নার মধ্যে মাইলের পর মাইল ট্রেনে অতিক্রম করে যাচ্ছিলাম। সারাটি রাত সে জ্যোৎস্নার দিকে চেয়ে কেটেছিল। পরের বৎসর ছুটিতে গৌরীদেব দেখতে গিয়েছিলাম। গৌরী আই-এ পাস করে মেয়েদের স্কুলে মাস্টারি করছিল। এখন আর হাওয়ার ওপর দিয়ে চলে না, তবে মনে অদম্য উৎসাহ। উনিশ অতিক্রম করে দেহের তারুণ্য আরও পরিপূর্ণতা লাভ করেছে।

একজন প্রতিবেশী গৌরীর বাবার কাছে বিয়ের প্রস্তাব তুললেন। গৌরী আমাকে একান্তে বললে, “তুনেছি ইঞ্জিনের রাজ-বংশে ভাই-বোনে বিয়ে হ’ত। ভারতবর্ষে সেটা হয় না।”...

গৌরীরানীর চিঠিখানা বার বার পড়লাম। সে এবার প্রাইভেট পরীক্ষা দিয়ে বি এ পাস করেছে। তা এক বৎসর পূর্বেই হবে, তবে মায়ের অসুখের জন্তে পরীক্ষা দিতে পারে নি। এখন ঘরেই এম-এ পড়া আরম্ভ করেছে। আগামী বৎসরে যদি মায়ের শরীর ভাল থাকে তবে বি-টি পড়তে বড় শহরে যাবে।

দিল্লী ইউনিভার্সিটির ছাত্রাবাসে প্রেসিডেন্টের ইলেকশন চলেছে, এক এক বার তরুণকণ্ঠের কলধ্বনিতে সারা বাড়ীখানা মুগ্ধিত হয়ে ওঠে। তারই মধ্যে আমি গৌরীরানীর চিঠিখানার সংক্ষিপ্ত উত্তর লিখলাম, তার জন্ত ছোট একটি উপহার পাঠাবার বন্দোবস্ত করলাম—বহুক্ষণ পর্যন্ত মনশ্চকুর সামনে ভেসে উঠল, গৌরীরানী,—জ্যোৎস্নারাতের অপরূপ রূপস্নেহ মত! তার পর, তাকে সন্নিবে আরও উজ্জল হয়ে ভেসে উঠল, দীপ্ত-মুখ, উন্নত-শির গৌরীরানী, চোখে তার অগ্নিস্ফুলিঙ্গ, কণ্ঠে অটল শপথ-বাণী! ভেসে উঠল, গৌরীরানী, আমার ধর্মের বোন!

চিঠিখানার শেষে লিখলাম, “গৌরীরানী, যদি এতকাল আমি তোমাকে ভাইয়ের মত স্নেহ না করে থেকে থাকি, তবে আমার ক্ষমা কর, বোন। আর ঈশ্বরের কাছে বল আমি যেন তোমার উপযুক্ত ভাই হতে পারি।”

সমস্তমুখে তার রাণীটি হাতে বাঁধলাম।



মিশ্র ভায়েরী

শ্রীবিভূতিভূষণ মুখোপাধ্যায়

যুবে কিবে যখন গঙ্গার ধারটিতে এসে বসলাম তখন সন্ধ্যা নেমে এসেছে। আমার পেছনে পড়ে রয়েছে ডায়মণ্ডহারবার শহরটা। রাস্তাটাই হচ্ছে বাঁধ। উত্তরে একটু এগিয়ে গেলে এই বাঁধের নীচে বাঁদিকে পড়বে ধান আর আদালতের বাড়িগুলো। ডান দিকে সারি সারি দোকান। আরও এগিয়ে বড় খালটা। পুল পেরিয়ে ডাইনে-বাঁয়ে নতুন বসতি, সজ্জা পত্রী ; ডায়মণ্ডহারবারের বালিগঞ্জ। একমুঠি শহর ডায়মণ্ডহারবার শেষ হয়ে গেল।

বেশ লাগে কিন্তু। যখনই আসি, দেখি কিছু-না-কিছু বেড়েছে। কলকাতাও বাড়ছে। বেড়ে হচ্ছে বিকৃত, শ্রীহীন ; ডায়মণ্ডহারবারের বৃদ্ধিটা শ্রীবৃদ্ধি ; এই জগ্রে ওখানে হাঁপিয়ে উঠলে এখানে আসি ছুটে মাঝে মাঝে কয়েক ঘণ্টার জন্ত ; রেল এসে বাসে কিবে যাওয়া। জায়গাটাকে ভাল-বাসি বলে এখানে রাত কাটাতে চাই না, বাসা বাঁধতে চাই না। কে জানে, অতিপরিচয়ে আবার কি গানি বেবিয়ে আসবে। ডায়মণ্ডহারবারের এইটুকু বাস্তবেই আমি সন্তুষ্ট ; বাকিটুকু আমার স্বপ্নে থাকে অগ্নান অক্ষয় হয়ে।

ছবিটুকু মনের মধ্যে সঞ্চয় করে নিয়ে গঙ্গার ধারটিতে এসে বসেছি। আমার শেষ বাস আটটায় ; এখনও ঘেঁরি আছে।

যুবে কিবে এসে এই জায়গাটিতে বসবার আমার সময়ও এই। এইখানে ডায়মণ্ডহারবারের বাস্তব আর স্বপ্ন মিলেছে সবচেয়ে নিবিড় হয়ে, যেমন নিবিড় হয়ে মিলেছে দিনের বাস্তবের সঙ্গে সন্ধ্যার স্বপ্ন। এখানে এসে আমি বসি স্থান আর কালের ত্রিবেণী সঙ্গমে। চতুর্বেণী বলাই ঠিক, ত্রিবেণী কথাটা ব্যবহার করলাম চালু বলে, সুগুণাস্তের ট্রাডিশন-পুত বলে।

আমার বাঁদিকে এই প্রশান্ত বাঁধের রাস্তা সোজা চলে গেছে কাকদ্বীপ, স্তম্ভর মানে নিবিড় স্কন্দরবন আর অনন্ত সমুদ্রের যাত্রী। সামনে আমার খিরাট বিস্তৃত নদী, নিতান্তই একটি ক্ষীণ বনজেরা ডাকে অনন্ত আকাশের সঙ্গে করেছে পৃথক, সন্ধ্যা আর একটু গাঢ় হয়ে এসেই সে পার্বত্যটুকু বাবে বুচে।

অনন্তের দিকে আরও একটা ঘোঁসে সন্ধ্যার কবি কখন এখানটিতে এসে বসি—সন্ধ্যার বাঁয়ে অসংখ্য সন্ধ্যার কবি

সামনেও প্রসারিত থাকে তারই সোদর—অন্তর্যাম-লাহিত পশ্চিম।

সন্ধ্যার ছায়া আরও গাঢ় হয়ে আসতে ওপারের নীল তটবেশা মুছে গিয়ে নদীর ওদিকটা হয়ে উঠল সীমাহীন। আকাশে যা একটু মলিন লাগে আভা লেগে ছিল সেটুকুও আন্তে আন্তে মিলিয়ে গেল ; সন্ধ্যাতারাটা হয়ে উঠল দীপ্ত। অদূরে খেরাঘাট থেকে একটি নৌকা বোধ হয় সন্ধ্যার ট্রেনের যাত্রী নিয়ে ওপারের দিকে পাড়ি জমাল। আরও কেউ যাবে নাকি ?—পাল তুলে দিয়েও জড়ানে আওয়ারে গোটা-কতক ডাক দিল মাঝি—বোধ হয় ওপারেরই কয়েকটা জায়গার নাম করে। আজ হাওয়া একটু জোরই, আকাশে কয়েক ষণ্ড মেঘও রয়েছে, বোধ হয় এই শেষ খেরা।... একটি যাত্রীবাহী নৌকা চেউয়ের ঘোলা খেতে খেতে এগিয়ে আসছিল—মাঝগঙ্গায় একটি ক্ষুদ্র বিন্দু থেকে আন্তে আন্তে বড় হতে হতে ; সেটিও এসে খেরাঘাটের নৌকার মধ্যে অদৃশ্য হয়ে গেল।

অনন্তের হৃদয় থেকে এই যে যাওয়া-আসার নিত্যলীলা এর কথা ভাবতে ভাবতে অনেকখানি আত্মবিশ্বাসই হয়ে পড়েছি, এমন সময় একটি ভক্তলোক আমার বেঞ্চিটার পাশটিতে এসে বসলেন।

বয়স ত্রিশ-পঁয়ত্রিশের মধ্যে, সুপুরুষই এবং সু-স্বাস্থ্য। এ-দিকে ভাবটা যেন একটু বিষন্ন, কিছু একটা ব্যাপার নিয়ে যেন একটু অশ্রমনক রয়েছে, এবং মনে হ'ল ভেতরে ভেতরে একটু অধৈর্য্যও।

গায়ে পড়ে আলাপ করা আমার অভ্যাস নয়, তবে প্রায় জনহীন জায়গায় পাশাপাশি ছুটি লোক একেবারে নিশ্চয় হয়ে বলে থাকারটা অস্বস্তিকর, তা তিন্ন ভক্তলোক এমন মনমরা হয়ে বলে আছেন, মনে হ'ল ছোটো কথা করে একটু অশ্রমনক করে দিলে বোধ হয় সেটা ভালোই হয়। একটা আলাপের সূত্র করতে বাচ্ছিলাম। উনিই হঠাৎ একটু যুঁচটা ঘুরিয়ে প্রশ্ন করলেন—“আপনি কি এখানকারই লোক ?”

বললাম—“না, আমার ঘরের খণ্ডকবাড়ি এখানে ; এসেছি।”

কথাটা মিথ্যা, প্রকৃত্যে ঘোঁসে আসাই ; কেমন যাব

মুন্সেই দ্রী নেই তার কন্ঠা থাকতে পারে না, এবং যার কন্ঠা নেই তার কন্ঠার খণ্ডরবাড়ি থাকতে পারে না। কিন্তু কোন কাজ নেই, ডায়মণ্ডহারবারের মত একটা অকিঞ্চিৎকর জায়গায় শুষ্ক ঘণ্টা ছ'তিনের জন্তে বেড়াতে এসেছি, এ ধরনের সত্যভাষণে শ্রোতার কোঁতুহল উদ্বেক করে এমন অবস্থায় পড়তে হয় যে, শেষে হাজারটা মিথ্যা না এনে ফেললে আর সামলে উঠতে পারা যায় না। অনেক অভিজ্ঞতার পর দেখেছি গোড়াতেই এ ধরনের একটি নির্জলা মিথ্যায় বেশ কাজ হয়।

ভদ্রলোক প্রশ্ন করলেন—“আপনার নিজের মেয়ে?”

বেশ একটু সচকিত হয়েই ফিরে চাইলাম মুখের দিকে। হঠাৎ এ ধরনের প্রশ্ন? আমি যে অকৃতদার এটা জানলেন কি করে? দৈবজ্ঞ নাকি? একটু বেশ অপ্রতিভও হয়ে পড়েছি। তবে সে ভাবটা চেপে হেসে বললাম—“পরের মেয়েকে নিজের বলে চালাতে অল্প কোথাও সাহস হলেও তার খণ্ডরবাড়িতেও চালাতে গেলে...”

ভদ্রলোকই এবার অপ্রতিভ হয়ে গেলেন, ভাড়াভাড়া বাধা দিয়ে বললেন—“না, না, সে কথা বলছি না...মানে—মানে...”

বারুই এইরকম আমতা আমতা করে হঠাৎ আগের মত বিষণ্ণ-গম্ভীর হয়ে বললেন—“একটা ব্যাপার হয়েছে...বড় হুশিষ্কার পড়ে গেছি তাইতে...”

“কি ব্যাপার?”—আমি বেশ উদ্বিগ্ন হয়েই প্রশ্ন করলাম।

“আমার একটা মেয়ে আসবে ওপারে সুহৃৎগঞ্জে তার খণ্ডরবাড়ি থেকে...”

আমি বাধা দিয়ে বললাম—“কিন্তু আর কখন আসবে?”

“আসবেই; আসতেই হবে তাকে, আর সেইটেই হয়েছে ভাবনার কথা। দেখে এলাম, এইমাত্র যে নৌকোটা এল তাতে আসে নি। এর পরে আসা মানে...অবিশ্বাস পাড়ি এখানে রাত করেও জমায়, কিন্তু আজ যে রকম আকাশের অবস্থা...”

কথাটাকে স্পষ্ট করতে ভয় পেয়েই যেন ছ'বার ধেমে ধেমে গেলেন। একটু চুপচাপ যে গেল তার মধ্যে পকেট থেকে একটা ছোট ডিবে বের করে বা হাতে একটু নম্র ঢেলে নাকে চালান দিলেন। তার পর সামনে একটু মুখটা বাড়িয়ে সন্ধ্যার ছায়ার মধ্যে দিয়ে দৃষ্টিটাকে ঠেলে আমার প্রশ্ন করলেন—“দেখুন ত দু'বে নৌকোর মতন কি কিছু নম্বরে ঠেকছে? আমার দৃষ্টি এখন আর বেশীদূর যায় না।”

বললাম—“না, কিছুই নেই।...চেউঙলোর জন্তে মনে

হচ্ছে ও রকম। আপনি কিন্তু নিশ্চিন্দ থাকুন। এরকম আকাশ দেখে কোন মাঝিই নৌকো ছাড়বে না। বিশেষ করে মেয়েছেলে নিয়ে।”

“কিন্তু ছাড়তেই হবে, ঐ মেয়েছেলে রয়েছে বলেই।”

আমায় মূঢ়ভাবে চেয়ে থাকতে দেখে প্রশ্ন করলেন—“আপনি নিয়তি বলে জিনিসটাকে বিশ্বাস করেন না?”

একটু যেন কেমন কেমন ঠেকছে। আমি উত্তর করলাম—“করি। কিন্তু তার চেয়ে বেশী কবি মানুষের বিচার-শক্তিকে।...আপনি অযথাই বড় বেশী ব্যাকুল হয়ে উঠেছেন যেন; এটা ঠিক নয় ত।”

ভদ্রলোক আমার যুক্তি থেকে কিছু সাহস সঞ্চয় করবার চেষ্টা করছেন কিনা বুঝতে পারলাম না, তবে একটু চুপ করে রইলেন; তার পর হঠাৎ কতকটা অপ্রাসঙ্গিক ভাবেই বললেন—“আমি রেবাকে ঠিক এইখানটিতে একদিন এই রকম সন্ধ্যায় কুড়িয়ে পাই; সেদিনও নদী এই রকম...এখনি সে রকম হয়ে উঠবে আর কি...”

আশ্চর্য্য নিয়তি বন্দী ত। আমি কথাটা ঘুরিয়ে প্রশ্ন করলাম—“আপনার নিজের মেয়ে নয় তা হলে?”

ভদ্রলোক বললেন—“মাপ করবেন। আমি অকৃতদার। নিজের মেয়ে নয় বলেই তখন আমি ওরকম ভাবে একটু অভদ্র ভাবেই প্রশ্নটা করে বসি আপনাকে। এর জন্তেও ক্ষমা চাইছি। এটা একটা রোগে দাঁড়িয়ে গেছে আমার,—কাকুর মেয়ের কথা শুনেই ফসু করে যেন আপনি মুখ থেকে বেরিয়ে যায়—আপনার নিজের মেয়ে? বড় লজ্জায় পড়ে যাই, আপনার কাছে ত তবু ক্ষমা চাইবার সুযোগ পাওয়া গেল একটা, সব ক্ষেত্রে ত পাওয়াও যায় না...”

হেসে বললাম—“ক্ষমা চাইবার আর কি হয়েছে এতে?...”

ভদ্রলোক ঘনায়মান অন্ধকারের মধ্যে দৃষ্টি ঠেলে একটা উদ্বিগ্ন নিখাস মোচন করে বললেন—“না, চেউই।”

আমার কথাটা বোধ হয় কানে যায় নি। ডিবেটা বের করে এক টিপ নম্র নিলেন—বেশী বিচলিত হলে ওটা বোধ হয় ওর অজ্ঞাতসারেই হয়ে যায়—তার পর নিজের কথার জের ধরেই বলে চললেন—“নিজের মেয়ে কি জিনিস জানি না বলেই কথাটা বেরিয়ে যায় আমার মুখ দিয়ে। আমি রেবাটাকে সত্যিই বড় ভালবাসি মশাই। আমি নিজে সংসার করি নি—এর পরে আর করবার সাহসও নেই। কিন্তু চেউয়ের দায়—দয়্যই বলুন বা নিষ্ঠুরতাই বলুন—কুড়িয়ে-পাওয়া এই মেয়েটাকে নিয়ে আমার এতই ভালবাসার একটা অশান্তি যে আমার মনে দর্ভদাই একটা প্রশ্ন লেগে থাকে—তা হলে আমার নিজের মেয়ে আছে, তারের কি

করে দিন কাটে। আচ্ছা আপনার পুত্রসন্তান আছে ?”

মিথ্যাটা যথাসম্ভব ছোট করেই বললাম—“আছে... একটি।”

“মেয়ে ?”

“হুঁ।”—মনে হ’ল সবই একটি বলতে গেলে মিথ্যাটা যেন ধরা পড়ে যাওয়ার সম্ভাবনা আছে কোথায়।

“তিনটির মধ্যে ছেলে মাত্র একটি, তা হলে ত আপনি আরও ঠিক করে বলতে পারবেন—আচ্ছা, আপনারা কি ছেলের চেয়ে মেয়েকে বেশি ভালবাসেন ?”

প্রত্যক্ষ অভিজ্ঞতা না থাকায় পরোক্ষ যুক্তির আশ্রয় নিলাম, বললাম—“দেখেছি মেয়ের উপর টানটা যতদিন থাকে ততদিন ছেলের চেয়ে বেশীই থাকে, অর্থাৎ যতদিন না স্বপ্নবাড়ি গিয়ে চোখের আড়াল হচ্ছে, তারপর স্বভাবতঃই কমে আসবার কথা ত ?”

“তাই আমিও ভেবেছিলাম। কিন্তু কৈ ? বিয়ে দেওয়ার পর এ যে আরও অসহ হয়ে উঠেছে। পরের মেয়ে নিয়ে এ কি জালা বলুন ত ? চোখের আড়াল হয়েছে, কোথায় নিশ্চিন্দ হব, না আরও অষ্টপ্রহর অশান্তি।”

প্রশ্ন করলাম—“কি ধরনের অশান্তি ?”

ভাবলাম, মনস্তত্ত্বের ব্যাপার, দেখি যদি কোন চিকিৎসা বাতলাতে পারা যায়।

উত্তর হ’ল—“মনে হয় হারাব। যেমন কোথা থেকে কে হাতে তুলে দিয়ে গেল, তেমনি কোথা থেকে কে এসে নিয়ে যাবে...”

ভ্রমলোক চঞ্চল হয়ে এক টিপ নশ্ব নিলেন। তন্নয়ন-করা আমাদের অদ্ভুত আলোচনার মধ্যে ইতিমধ্যে আকাশের ধও মেঘপুঞ্জ স্থানে স্থানে যুক্ত হয়ে উঠেছে। হাওয়াটা একটু বেড়েছে, বাঁধের পাকা শানের গায়ে চেউয়ের আছড়ানি গেছে বেড়ে। নদীর অর্ধেকটাও আর দেখা যায় না।

বেশ বিচলিত হয়ে উঠেছেন ভ্রমলোক। হাতটা ঝেড়ে বললেন—“অস্ত্র কেউ নয়—এই চেউ। এই চেউই সেদিন যেমন তুলে দিয়েছিল হাতে, তেমনি কেড়ে নেবে...”

যুশকিলে পড়া গেল। এ দৃশ্য থেকেই সরিয়ে নিয়ে যাওয়া দরকার ভ্রমলোককে। বললাম—“বড় বেশী ভালবাসেন মেয়েটিকে, তাই আপনার ও রকম মনে হচ্ছে। চলুন ওঠা যাক। ‘আজ আর কখনও আসে ?’

“আসবেই...আমাকে হারাতোও হবে আজ...”

চোখ দুটো অন্ধকারেও দীপ্ত হয়ে উঠেছে। কাঁপছেন একটু একটু। আমি গিঠে হাত রেখে আশ্বাস দিই বললাম—“এত অন্ধকারে মনস্তত্ত্বের নিয়মিতিকে সেনে গিঠে আছে ?—

এ যুগে যখন প্রত্যেক ব্যাপারেরই একটা বিজ্ঞানসম্মত কারণ...”

“তা যদি না হবে ত তাকে এই নদীর ওপারেই বিয়ে দিতে গেলাম কেন ? না দিয়েই পারা গেল না কেন ? এ নদীকে, এ জায়গাটাকে আমার এত ভয় করা সত্ত্বেও ? .. বলুন।”

নাকে নশ্ব টিপে ধরলেন।

বিমূঢ় হয়ে গেছি, এ বাতুলতার কি উত্তর দিই ?...তার পরেই পা থেকে মাথা পর্যন্ত যেন বিহ্যৎস্পৃষ্টের মত শিউরে উঠলাম। নদীর যেটুকু দেখা যাচ্ছে তার ওদিকে অন্ধকারের গহ্বর থেকে একটা করুণ আর্ন্তনাদ—“বাবা !...”

ঝড়ের দোলায় দোল খাওয়া, টানা, দীর্ঘ ; আর নিঃসংশয় ভাবে স্পষ্ট !

উঠে দাঁড়িয়েছেন ভ্রমলোক। ডান হাতটা আওয়াজ লক্ষ্য করে গঙ্গার দিকে বাড়িয়ে বললেন—“ঐ শুধুন, শুনছেন ?...ডাকছে !...কি হ’ল ? কি ওটা দেখুন ত ! ...নৌকো নয় ?...ঐ যে সাদা পাল উলটে পড়ল, ঐ !... ঐ !...”

নৌকার পাল নয়। যেখান থেকে অন্ধকারে লুপ্ত তার ঠিক এদিকে সংঘর্ষ লেগে দুটো চেউ ভেঙে পড়ল। বললাম। বলতে বলতেই উঠে পড়েছি কিন্তু, এগিয়ে সামনে বুকে চোখ দুটো ঠেলে দিয়েছি। নৌকা নয়, কিন্তু শব্দটা স্পষ্ট, আরও স্পষ্ট যেন—“বাবা !...বাবা !...বাবা !...গেলুম !...”

শেষ আকৃতি ঝড়ের শব্দটাকে যেন ঠেলে উঠেছে। তার পরেই সমস্ত শরীরটা আবার নূতন করে ঝঝঝ করে উঠল—কানের পাশেই “বাই মা !—আসছি !...”

আমি ঘুরে শক্ত করে ঠর একটা হাত ধরে ফেললাম, একটু ক্লকভাবেই প্রশ্ন করলাম—“কোথায় যাবেন ?”

অদ্ভুত এক বিমূঢ় দৃষ্টিতে আমার দিকে চাইলেন। সব চেয়ে আশ্চর্য্য সে উগ্র উৎকর্ষার ভাবটা একেবারেই নেই আর, সে কম্পন নেই, বা হাতে নশ্বের ডিবেটাও শিথিল ভাবে ধৃত। একটু চেয়ে থেকে ফিরলেন, একটু হাসি ঠোঁটে করে বললেন—“না, ও ত যাবেই—কি হবে গিয়ে আর ?”

সমস্ত শরীরটা আলগা হয়ে গিয়ে বেঞ্চে বসে পড়লেন।

ওর হতাশ নিষ্ক্রিয়তাই আমার চঠাৎ আবার সাজা এনে দিলে শরীরে ; যথাসাধ্য ত করতে হবে, স্বভাব সামনে জীবনের প্রতি জীবনের শেষ কর্তব্য, যথা সেনেও। খেরা-ঘাটের দিকে পা বাড়ালাম।

এবার উমি উঠে আমার ফেললেন ধরে।

“কোথায় যান ?”

বললাম—“দেখি যদি ছ’একটা নৌকো বেব করে দিতে পারি।”

“আমার কথা এখনও বিশ্বাস হচ্ছে না?...বেশ, দেখুন” বলে নিতান্ত নির্লিপ্ত ভাবে হাতটা আলাগা করে দিয়ে বসে পড়লেন।

ছুটেছি। সঙ্গে সেই আর্ন্ত কণ্ঠ। কয়েকটা লাফেই খেয়া-ঘাটে নেমে পড়লাম, কি রকম হয়ে গেছি একেবারে।

“ওগো, তোমরা নৌকো খুলে দেবে না? শুনতে পাচ্ছ না ডাক?”

কয়েকটা নৌকার মালা ছেয়েব মধ্যে থেকে একটু ত্রস্ত-ভাবেই গলুইয়ে এসে দাঁড়াল।

“কৈ বাবু?...ও ত বাতাসের শব্দ...তুফান উঠবে এখনি।”

আমি স্পষ্ট শুনছি—“বাবা!...বাবা!...গেলুম!” সেই শব্দটাই যেন আকাশ বাতাস ছেয়ে রয়েছে।

“কি আশ্চর্য!...শুনতে পাচ্ছ না তোমরা! কাকুর কানে যাচ্ছে না—বাবা!—বাবা!...গেলুম” . ঠ্র ত...।”

“কৈ বাবু?...ও ত হাওয়া!...মানুষের আওয়াজ চিনব না?”

“তোমরা যাবে না। তোমরা ভীতু! তোমরা মানুষ নয়।...”

রাগে ক্ষিপ্ত হয়ে বকেই চলেছি যা মুখে আসছে। জড়া-জড়ি করে কি সব হালকা মস্তব্য করতে করতে ওরা যে যার কাজে চলে গেল।

যাবে না। একটা অসহ্য অবস্থা, লাফিয়ে উঠতে যাচ্ছিলাম একটা নৌকায়, জোর করে কিছু একটা করতেই হবে, কিন্তু পা বাড়িয়েই হঠাৎ মনটা আবার ঘুরে গেল। যে হাতে আছে এখনও, তাকে ছেড়ে দিয়ে যে সত্যই নিয়তি-কবলিত তার দিকে হাত বাড়িয়ে একি ভুল করতে বসেছি!

কিন্তু তখন ভুলের যা হবার হয়ে গেছে। এসে দেখি বেঞ্চিটা শুল্ল, কেউ নেই, শুধু ছড়িগাছটা বেঞ্চিতে আগের মতই ঠেস দিয়ে রাখা রয়েছে।

ক’দিন থেকেই মনটা বড় খারাপ রয়েছে, কিছুই ভাল লাগছে না।

এইরকম কিছু না ভালো লাগার অবস্থায় বাইরে থেকে একটু বেড়িয়ে আসি; বেশীর ভাগ ডায়মণ্ডহারবারের ওদিক থেকে।

ডায়মণ্ডহারবার কিন্তু বোধ হয় চিরন্তনে বন্ধ হয়ে গেল আমার কাছে। জাহাজ, খাল, প্রশস্ত :গঙ্গা, গঙ্গার ধারের

বিস্তীর্ণ রাজপথ—কিছুই আজ টানে না; মনে পড়ে যায় মাঝ-গঙ্গা থেকে সেই করুণ আত্মান, আর সেই শুল্ল বেঞ্চি।

এবার ফিরে যাব ঠিক করেছি। বসুধা আপিসে একটা কাজ ছিল, ভাবলাম আজ গিয়ে সেবে ফেলি ওটা। আমি আর আমার এক বন্ধু পাশাপাশি ছুটি চেয়ারে বসে আছি। সামনে সম্পাদক; টেবিলে বাঁদিকে রয়েছেন লালকুটির রাজা শিকার-পোশাকে। শিকারের গল্প হচ্ছে।

ডান দিকের ভদ্রলোকটিকে আমি চিনি না, কিন্তু মনটা যেন বড় আকর্ষণ করছেন। বেশ গোলগাল চেহারাটি, সাহেবী স্ট্র পরা, বয়স চল্লিশের ভেতর। আমাদের মত গল্পই শুনছেন, মাঝে মাঝে এক-আধটা সংক্ষিপ্ত মন্তব্য।

সম্পাদক জিজ্ঞেস করলেন, ঠেকেই—“কৈ, আইসেন-হাওয়ারের সঙ্গে ট্রাঙ্ক-কনেকশানটা পেলেন?”

“না, এখনও...”

সঙ্গে সঙ্গেই ক্রিঃ-ঃ করে টেলিফোনের ট্রাঙ্ক কলের টানা ঝনঝনানি। “এই যে, এসে গেছে”—বলে ভদ্রলোক এগিয়ে মাউথপীসটা তুলে নিলেন।

“Hallo! Is that the President?” (ইজ ছাট দি প্রেসিডেন্ট?)

শাত সমুদ্র তের নদীর ওপার থেকে আমেরিকার রাষ্ট্র-পতির কণ্ঠস্বরও ভেসে এসে, অতি ক্ষীণ, কিন্তু স্পষ্ট—

“Speaking” (স্পীকিং)।

“This is Sorkar. Arranging a tour of the U.S.A. Could you help?” (দিস ইজ সোরকার। অ্যারেরঞ্জিং এ টুর অফ দি ইউ-এস-এ। কুড্ ইউ হেল্প?)

“Sure” (শ্যুওর)।

“Thanks” (থ্যাঙ্কস)।

‘No mention’ (নো মেনশান)।

রিসিভারটা বেধে দিলে গম্ভীরভাবে আবার চেয়ারটাতে বসে পড়লেন। অতি চমৎকার কাটা কাটা ইংরেজী। একে-বারে নিখুঁত স্টাইল।

মনে হ’ল আর সবাই-ই চেনেন, তেমন কোন বিশ্বস্তের ভাব নেই। অস্বীকার করব না, আমি শুধু বিশ্বস্তই নয়, বেশ একটু অভিভূত হয়ে পড়েছি। এত দূরের ট্রাঙ্ক-টেলিফোন কখনও শোনা নেই, তার উপর একেবারে প্রেসি-ডেন্ট আইসেনহাওয়ারের সঙ্গে! ..এমন অবস্থা হয়েছে যে, অসঙ্গতিটুকু ধরবার ক্ষমতাও সাময়িক ভাবে হারিয়ে বসে আছি।

সম্পাদক আমার বিবৃতি ভাবটা বেশীকণ থাকতে দিলেন

না, পরিচয় করিয়ে দিলেন—বিখ্যাত যাত্রাঘাটের ভাই।”

বিমূঢ় ভাবটা কিন্তু অত শীঘ্র ত যাওয়ায় নয়, আমি ঠেকেই প্রশ্ন করলাম—“কবে যাচ্ছেন আপনি আমেরিকায় তা হলে?”

যাত্রকর শুধু একটু ঠোট চেপে হাসলেন। আরও সবাই। সম্পাদক আবার একটু হেসে বললেন—“কথাটা প্রেসিডেন্টের সঙ্গে হয় নি, ওদিকেও ইনি, এদিকেও উনি।”

“মানে?...”

সঙ্গে সঙ্গে উত্তরটাও নিজের কাছেই পেয়ে গেছি, নশু নেওয়ার অজুহাতে মুখের কাছে হাত নিয়ে যাওয়ার রহস্যও। প্রশ্ন করলাম—“ভেন্ট্রোলোকিজম?”

যাত্রকরের দিকেই চেয়ে প্রশ্নটা করেছি। উনি একটু হাসলেন। এত নিখুঁত হরবোলার অভিনয় আগে কখনও শুনেছি বলে মনে পড়ে না। ঘণ্টিটা পর্যন্ত ওরই। মুখের দিকে দৃষ্টিটা কয়েকবারই ঘুরে ফিরে গিয়ে পড়তে লাগল। তার পরে একটা ব্যাপার হ’ল। প্রশংসার দৃষ্টিটা হঠাৎ যেন অনুসন্ধিৎসু হয়ে উঠল—দেখা মুখ নয়?

আমার বিমূঢ় ভাবটার জন্তে টেবিল-মজলিসের কথাবার্তা একটু চেপে গিয়েছিল, আবার চালু হ’ল। বন্ধু বললেন—“এবার কিছু খেলা দেখান্; ইনি নতুন লোক...”

তাদের খেলা, রুমালের খেলা, টাকা ওড়ানো, সঙ্গে সঙ্গে রহস্যও পরিষ্কার করে দিয়ে যাচ্ছেন যাত্রকর। সঙ্গে সঙ্গে নিজের পশার সম্বন্ধে মন্তব্যও করে যাচ্ছেন—অল্প সাধনার মতই সর্বদাই নিয়ে পড়ে থাকতে হয়—যখন যেটার সুবিধা সেই অনুযায়ী—নয় ত হাত নষ্ট হয়ে যায়, গলা নষ্ট হয়ে যায়...বোলচালের, সিচুয়েশন সৃষ্টির ক্ষমা যায় কমে।

মাঝে মাঝে কানে যাচ্ছে মন্তব্যগুলো, একটানা নয়;

কেননা আমি ভয়ানক অন্তমনস্ক হয়ে গেছি। সমস্ত মনটাকে জড়ো করেছি আমার স্মৃতির গোড়ায়।...একটু একটু যেন আলো এসে পড়ছে কোথা থেকে। আমার চোখ আর কান একেবারে উদগ্র হয়ে উঠেছে—কণ্ঠস্বরের প্রত্যেকটি পর্দা, বলার প্রত্যেকটি ভঙ্গী...দেখেছি—দেখেছি—হয় ত এত স্পষ্ট নয়, হয় ত আশা-আলোয়, কিন্তু দেখেছি ঠিক।...করবই বের। ভ্রলোক যেন একটু অপ্রতিভ হয়ে পড়ছেন আমার মনোনিবেশে, যেন—কি বলব?—লুকাতে চান?

“ভেন্ট্রোলোকিজমের রহস্য হচ্ছে...”

কি বলতে যাচ্ছিলেন ভ্রলোক, আমি আশ্তে আশ্তে ডান হাতটা বাড়িয়ে ওর বা হাতের উপর রাখলাম, একটু গলা নামিয়ে প্রশ্ন করলাম—“আচ্ছা, গত রবিবার সন্ধ্যায়...আপনি ডায়মণ্ডহারবারে গিয়েছিলেন?”

যাত্রকর ধরা পড়ে যাওয়ার ভাবে একটু লজ্জিত হয়ে হেসে মাথা দোলালেন।

আমার সমস্ত চৈতন্য যেন একটি চিন্তায় এসে জড়ো হয়েছে। প্রশ্ন করে চললাম—“সেই খেয়াঘাটের কাছে—মাঝগঙ্গায় সেই শব্দে—আপনার ডুবন্ত মেয়ের—আপনার পালিত কন্টার...”

সবাই কুতূহলী হয়ে মুখ বাড়িয়ে এসেছেন। বাইরে থেকে একজন কর্মচারী এসে বললেন—“মেয়েরা সবাই এসে গেছেন, ডাকছেন।”

পাশের ঘরেই বাড়ির মেয়েরা এসেছেন। যাত্রকর একটা বৈঠকী অভিনয় দেবেন; হাতের খেলা, হরবুলি...

উঠে পড়ে আমার পিঠে একটা হাত দিয়ে আবার একটু হাসলেন। বললেন—“প্র্যাক্টিশ।...কিন্তু বড় শব্দ দিয়ে ফেলেছিলাম আপনাকে সেদিন, মাফ করবেন।”

বার-দুই মুখটা ঘুরিয়ে হাসতে হাসতেই বেরিয়ে গেলেন।



পরমাণবিক শক্তি

শ্রীশরদিন্দু চৌধুরী

আজ হতে প্রায় এগার বছর আগে দ্বিতীয় মহাসমরের পরিসমাপ্তি ঘটলেও আজও বিশ্ববাসীর মনে পূর্ণ শান্তি কিংবা আসে নি। গত কয়েক বছর পৃথিবীর বড় বড় শক্তিগুলিকে আমরা যেমন শান্তির বাণী আওড়াতে শুনেছি, তেমনি আবার পরমাণবিক বোমার বিস্ফোরণ ঘটিয়ে তারা বিশ্ববাসীকে স্ব স্ব ক্ষমতা সম্বন্ধে সচেতন রেখেছে। প্রসিদ্ধ মহাসাগরের অন্তর্গত বিকিনি এটল দ্বীপে আমেরিকা কর্তৃক পরমাণবিক বোমা বিস্ফোরণের সংবাদ বহুবার সংবাদপত্রসমূহে প্রকাশিত হয়েছে। রাশিয়া কর্তৃক ঠিক কতগুলি পরমাণবিক বোমার বিস্ফোরণ ঘটানো হয়েছে, তার সঠিক বিবরণ না পাওয়া গেলেও, তারা সাইবেরিয়ার মরুপ্রদেশে এ বিস্ফোরণ ঘটিয়েছে বলে জানা যায়। কিছুদিন পূর্বে ব্রিটিশ ও অষ্ট্রেলিয়ার উত্তর-পশ্চিম উপকূলের অনতিদূরে মার্কিবেলোর দ্বীপে একটা পরমাণবিক বোমা ফাটিয়ে নিজের ক্ষমতা জাহির করে ফেলেছে। অর্থাৎ এই বোমা ফাটার সঙ্গ সঙ্গ বিশ্ব পূর্ণ শান্তি স্থাপনের প্রচেষ্টা, নিরস্ত্রীকরণ ও মানব-কল্যাণকর সলাপসামর্থ সমান গতিতেই চলেছে। যে সব শক্তি এ সকল পরমাণবিক বিস্ফোরণের জন্মে দায়ী তাঁরাই আবার একবারো স্বীকার করেছেন, “পরমাণবিক বোমা বিস্ফোরণ করা মানব-স্বাস্থ্যের পক্ষে নিতান্ত অকল্যাণকর। ইহা অবিলম্বে বন্ধ হওয়া উচিত।” নিজেদের দেশ থেকে বহু দূরে পরমাণবিক বোমা ফাটিয়ে এসে তাঁরা নিশ্চিন্তে মানবহিতৈষণার ভান করছেন। নিজেদের দেশে এখনও কোন ক্ষতি হয় নি মনে করে, তারা এখনও নিশ্চিন্ত।

এ পর্যন্ত যতগুলি পরমাণবিক বোমার বিস্ফোরণ ঘটানো হয়েছে তার প্রতিক্রিয়া পৃথিবীর নানা দেশে ইতিমধ্যেই শুরু হয়ে গিয়েছে, তাই পরমাণবিক বোমা বিস্ফোরণের কুফল সম্বন্ধে বলতে গেলে প্রথমেই জাপানের অন্তর্গত হিরোশিমা ও নাগাসাকির বিপর্যয়ের কথা আমাদের মনে হয়। বিগত মহাসমরের শেষ ভাগে আমেরিকানগণ এখানে পরমাণবিক বোমা বিস্ফোরণ করে। যারা বিস্ফোরণের অতি নিকটে ছিল, তারা পরমাণবিক শক্তির তেজে ৪৮ ঘণ্টার মধ্যে পুড়ে মরে যায়। যারা একটু দূরে ছিল, তাদের সকলের মৃত্যু সঙ্গ সঙ্গ না ঘটলেও, এই বিস্ফোরণের ফলে বায়ুমণ্ডলে যে অতিরিক্ত পরিমাণ তেজস্ক্রিয় পরমাণু সৃষ্টি হয়, তার ফলে এই সব লোকের রক্তের খেত কণিকার সংখ্যা অসম্ভব রকম কমে যায়। ফলতঃ কিছুদিনের মধ্যে এরা মারাত্মকভাবে রক্তশূন্য হয়ে পড়ে। তা ছাড়া তাদের অসংখ্য তেজস্ক্রিয়তাজনিত রোগ হয়। অনেকের ভীষণ স্নায়ুর সঙ্গ কঠিন রক্তাক্ততা দেখা দেয়। বহু লোকের মাথার চুল উঠে পেল। অনেকের পুনঃ পুনঃ বেশীমাত্রায় রক্তপাত

হতে থাকে। মনে হয়, রক্তের জমাট বাঁধার ক্ষমতা চলে যাওয়াতেই এরূপ রক্তপাত হতে থাকে। বাইরের রক্ত শরীরে সঞ্চালিত করে এবং পেনিসিলিন ইত্যাদি এন্টিবায়োটিক ইনজেকশন দিয়ে অনেক ক্ষেত্রে এই তেজস্ক্রিয়তাজনিত রোগের উশম করা সম্ভব হয়েছে বটে, তবে চিকিৎসকগণ আশঙ্কা করেন—এই সব রোগীদের সম্ভান-গণও এই তেজস্ক্রিয়তার প্রভাবমুক্ত হতে পারবে না।

দীর্ঘ দিন সামান্য মাত্রায় তেজস্ক্রিয়তা (radio-activity) সেবনের কুফল সম্বন্ধে এবার কিছু বলা দরকার। প্রথম মহাযুদ্ধের সময় দেখা গিয়েছে, যেসব শ্রমিক রেডিয়ামঘটিত লবণ নিয়ে কাজ করতেন তাদের প্রায়ই হাড়ে কর্কট রোগ (bone cancer) হ'ত। তাঁরা এই লবণ দিয়ে রাতে দৃষ্টিগোচর হয় এমন ঘড়ির ডায়াল ও বাড়ীর নম্ব-প্লেট ইত্যাদি তৈরি করতেন। এই কাজে প্রায়ই তাঁদের রং লাগাবার তুলি জিভ দিয়ে চাটতে হ'ত, তাই তাদের এই রোগ হ'ত বলে চিকিৎসকগণ মনে করেন। চেকো-স্লোভাকিয়ার অন্তর্গত জোরাকিমসখলের ইউরেনিয়াম খনিতে কর্ম-রত শ্রমিকদের প্রায়ই ফুসফুসের কর্কট রোগে ভুগতে দেখা যেত। এই সব তেজস্ক্রিয় উপাদান হতে নির্গত তেজ ও নিউট্রনসমূহ দেহের গ্রন্থিগুলিকে (tissues) তড়িৎশক্তি-প্রভাবে ভেঙে ফেলে (ionise)। ফলে দেহগ্রন্থির অণুগুলির মধ্যেও একটা ভাঙন ধরে। তার সঙ্গে জনন-কোষেও (genes and chromosomes) ভাঙন ধরে। রক্তের জলীয় অংশ ভেঙে উদ্ভ্যান এবং অম্ল-উদ্ভ্যান সৃষ্টি করে। তার পর পাচক-গ্রন্থির ক্রিয়াও ব্যাহত হয়। কোষের আয়ন অংশও (protein) ভেঙে যায়। সাধারণতঃ বিভাজক কোষসমূহের উপর (dividing cells) তেজস্ক্রিয়তার প্রভাব সবচেয়ে বেশী দেখা যায়।

কতটুকু পর্যন্ত তেজস্ক্রিয়তা শরীর ও স্বাস্থ্যের পক্ষে ক্ষতিকর হবে না, তা নিয়ে বিভিন্ন দেশের বৈজ্ঞানিকগণ গবেষণা করেছেন। ইঁদুর, খরগোশ ইত্যাদি প্রাণীর উপর গবেষণা করে দেখা গিয়েছে, তেজস্ক্রিয়তা সেবনের মাত্রার উপরই কেবল তার কুফল নির্ভর করে না, কুফল পরীক্ষা করতে হলে শরীরের বিভিন্ন অংশের গ্রন্থির উপর বিভিন্ন মাত্রায় তেজস্ক্রিয়তার প্রভাব কতটুকু তাও দেখতে হবে। দৃষ্টান্ত-স্বরূপ বলা যায়, ৫০০ শক্তির ‘রজেন’ মাত্রা (500 unit roentgen units) একটি মানুষের সারা দেহে চালনা করলে সে মরে যাবে, অর্থাৎ এই তেজের দ্বিগুণ তেজ মাত্রারটির বাহ্যে চামড়ার উপরিভাগে প্রয়োগ করলে বিশেষ ক্ষতি হবে না। চামড়ার একটু জালা করবে মাত্র। দেখা গিয়েছে, একটি গিনিপিপকে মাঝে মাঝে তেজ দরকার, একটা ইঁদুরকে মাঝে মাঝে তার চেয়ে বেশী তেজ দরকার

হয়। একটা খরগোশকে মারতে আরও একটু বেশী তেজ লাগে। তা হলে দেখা যাচ্ছে, বিভিন্ন প্রাণীর উপর এবং তাদের শরীরের বিভিন্ন অংশের উপরে তেজস্ক্রিয়তার কুফল বিভিন্নরূপ হয়ে থাকে। সেই জন্ত তেজস্ক্রিয়তার কুফল সবক্ষে কোন স্থির সিদ্ধান্তে পৌঁছতে হলে নানা দেশের জীবজন্তুর উপরও তেজস্ক্রিয়তার প্রভাব পরীক্ষা করে দেখা দরকার। আজ পর্যন্ত গবেষণাকার্য্য যতদূর এগিয়েছে, তাতে মনে হয়, প্রতিদিন ০'৫ ইঞ্চি তেজ সেবন করলে মানুষের স্বাস্থ্যের বিশেষ ক্ষতি হবে না। তবে আরও কয়েক বছর অতি-বাহিত না হলে এ কথাই সত্যতা যাচাই করে দেখা যাবে না।

গত কয়েক বৎসরে পরীক্ষাগুলো পৃথিবীর বিভিন্ন স্থানে যে করণী পরমাণবিক বিস্ফোরণ ঘটানো হ'ল, মানব ও অন্ত প্রাণীর স্বাস্থ্যের উপর তার কতটা কুফল হয়েছে, এবার তা নিয়ে একটু আলোচনা করব। কিছুকাল পূর্বে জীবজন্তু ভি. কে. কৃষ্ণ মেনন মাত্র কয়েক দিন আগে পৃথিবীর ক্ষমতাপিপাসু শক্তিগুলিকে যেভাবে তেজস্ক্রিয়তার কুফল সবক্ষে সাবধান করে দিয়েছেন, তাতে বিশ্বের বিভিন্ন জাতির মধ্যে বেশ সাড়া পড়ে গেছে। তিনি ব্রিটিশ এবং আমেরিকান বৈজ্ঞানিক ও চিকিৎসকদের অভিমত থেকেই প্রমাণ করে দেন, তেজস্ক্রিয়তার প্রভাব কত ভয়াবহ। ব্রিটিশ মেডিক্যাল কাউন্সিলের একটি বিবরণে বলা হয়েছে, আমাদের ভবিষ্যৎ বংশধর-দিগের কপালে কি আছে বলা যায় না। আমেরিকার স্ক্রাশনাল একাডেমি অব সায়েন্স একটি রিপোর্টে বলেছেন যে, এভাবে পরমাণবিক বিস্ফোরণ ঘটতে থাকলে ১৯৬২ সনের মধ্যে বিশ্বের প্রত্যেকটি লোক সর্বোচ্চ পরিমাণ তেজস্ক্রিয়তার কবলে পতিত হবে। এই রিপোর্টে আরও বলা হয়েছে, বিকিনিতে প্রথম পরমাণবিক বোমা বিস্ফোরণের তের মাস পরে তেজস্ক্রিয় জল এই মহাসাগরের দশ লক্ষ বর্গমাইল ব্যাপে ছড়িয়ে পড়ে। জীবজন্তু মেনন, ঐ সময় আরও বলেন, আগুন যেমন নিতে যায়, তেজস্ক্রিয়তার প্রভাব তেমন নিতে যায় না, বরং এর প্রভাব বহুদিন থাকে। জাপানের ফলমূল তেজস্ক্রিয় হয়ে গেছে, এমন খবরও পাওয়া যাচ্ছে—ইতিমধ্যেই কলিকাতার বৈজ্ঞানিকগণ এখানকার কতগুলি খাজ-দ্রব্য, ফলমূল ও শাকসব্জী পরীক্ষা করে তাতে তেজস্ক্রিয়তা আবিষ্কার করেছেন। ইতিমধ্যেই পৃথিবীতে যে সব শিশু জন্মগ্রহণ করেছে, তাদের শতকরা দুই জনের মধ্যে তেজস্ক্রিয়তার চিহ্ন পাওয়া গিয়েছে। মেনন আরও বলেছেন, রেডিও ট্রান্সিয়ার পরমাণবিক বোমা বিস্ফোরণের ফলে সৃষ্ট একটি মারাত্মক পদার্থ। এটি হাড়ের গ্রন্থি আক্রমণ করে টিউমার সৃষ্টি করে। শাকসব্জীর মধ্য দিয়ে ইহা গরুর পেটে যায়, তার পর সেই গরুর দুধ খেয়ে মানুষও সেই ট্রান্সিয়ারম আহরণ করে। যেমনের উজ্জ্বল তেজস্ক্রিয়তার প্রভাবের যে ভয়াবহ রূপ হুটে উঠেছিল সকলেই তা স্বীকার করেন।

মন্ট্রিবেলোয়ে ব্রিটিশ কর্তৃক পরমাণবিক বোমা বিস্ফোরণের পরই আমরা খবর পেয়েছি, অস্ট্রেলিয়ার তেজস্ক্রিয় বায়ু বর্ষিত হয়েছে। কলিকাতারও বৃষ্টির জলে তেজস্ক্রিয়তার প্রমাণ পাওয়া গিয়েছে, কিন্তু

তা স্বাস্থ্যের পক্ষে কতটা ক্ষতিকর হবে সে সবক্ষে এখনও জানা যায় নি। ইংলণ্ডের ধারে কাছে পরমাণবিক বোমা বিস্ফোরণ ঘটানো হয় নি, অথচ সেখানকার শিশুদের মধ্যে তেজস্ক্রিয় ট্রান্সিয়ারম পাওয়া গিয়েছে। বিশ্ব-স্বাস্থ্য সংসদেব (World Health Organisation) একটি বিবরণ থেকে জানা যায়, অধিকাংশ প্রগতিশীল দেশেই হৃদযন্ত্রের রোগের পর কৰ্কট রোগই (cancer) সবচেয়ে বেশী প্রাণহানির কারণ হয়েছে। এই সংসদেব (Epidemiological and Vital statistics Report) থেকে জানা যায় যে, এই শতাব্দীর প্রথম থেকে প্রায় ২৬টি দেশে জনসাধারণের পরিপাক-শক্তির ছুরারোগ্য রোগ দেখা গিয়েছে। কেবল ১৯৫৩ সনে জাপানের যতগুলি লোক কৰ্কট রোগে মারা যায়, তাদের শতকরা ৭০'৩ জন পেটের কৰ্কট রোগে মরে। ১৯০০ খ্রীষ্টাব্দের পর থেকে বিশ্বে ক্যান্সার রোগে মৃত্যুর সংখ্যা খুব বেড়ে গিয়েছে। কলিকাতার ক্যান্সার রোগ বেড়েছে কিনা এবং বেড়ে থাকলে তার কারণ কি, সে সবক্ষে এখন থেকে খুব সূক্ষ্ম গবেষণা করা দরকার।

এখন যেমন অধিকাংশ দেশই একবাক্যে স্বীকার করে যে, পরমাণবিক বোমার বিস্ফোরণ ঘটানো মানবের স্বাস্থ্যের পক্ষে ক্ষতিকর, তেমনই প্রায় অধিকাংশই কল্যাণকর কার্য্যে পরমাণবিক শক্তির ব্যবহারের খুবই পক্ষপাতী। শান্তি-কার্য্যে পরমাণবিক শক্তি মানুষের খুব উপকার করবে এরূপ উচ্চাশা আজ অধিকাংশ ব্যক্তিকেই পোষণ করেন। শান্তির সময় পরমাণবিক শক্তিকে কি কি কাজে প্রয়োগ করা হবে তা নিয়ে নিত্য নূতন চমকপ্রদ জল্পনা-কল্পনা শোনা যাচ্ছে। বিভিন্ন দেশ শান্তির জন্ত পরমাণবিক শক্তি স্বজন-কেন্দ্র স্থাপনের জন্ত খুবই আগ্রহ প্রকাশ করছে এবং ইতিমধ্যেই অনেক জায়গায় কাজও শুরু হয়ে গেছে। শোনা যায়, আমাদের ভবিষ্যৎ বেলগাড়ী, জাহাজ ও কলকারখানা ইত্যাদি পরমাণবিক শক্তিতে চলবে। ইংলণ্ডের ক্যালডার হলে যে নতুন পরমাণবিক শক্তি স্বজন-কেন্দ্রটি স্থাপিত হচ্ছে তাতে নাকি একটি ছোট শহরে যতটা বাস্তবিক শক্তির প্রয়োজন তা সৃষ্ট হবে, চিকিৎসাশাস্ত্রেও পরমাণবিক শক্তি খুব ফলপ্রসূ হবে, এরূপও অনেক চিকিৎসক মনে করেন।

এবার আমাদের স্থির মনে যাচাই করে দেখতে হবে যে, শান্তির সময়ে পরমাণবিক শক্তি দ্বারা আমাদের যতটা উপকার সাধিত হবে তার তুলনায় ক্ষতি হবে কতটুকু। পরমাণবিক শক্তিকে বাস্তবিক শিল্পে প্রয়োগের নিছনে ছোটো উদ্দেশ্য রয়েছে বলে মনে হয়। প্রথমতঃ, অতিরিক্ত উৎসাহের আভির্ষা। দ্বিতীয়তঃ, বৈজ্ঞানিকেরা মনে করেন, যে ভাবে বাস্তবিক শিল্পে করলা ও তৈল ব্যবহার করা হচ্ছে তাতে একদিন করলা ও বনিজ তৈল কুড়িয়ে যাবে—তা দু'শ বছর পরই হোক আর তিন শ' বছর পরই হোক। তখন বাস্তবিক শিল্পে মানুষকে এক অচল অবস্থায় সন্মুখীন হতে হবে। তাই আপনাকে পরমাণবিক শক্তিকে বাস্তবিক শিল্পে প্রয়োগ করতে, পূর্বলো, দু'শ বছর পরের একটি বিপর্য্যয়ের হাত থেকে রক্ষা পাওয়া যাবে।

এখন কথা হচ্ছে, পরমাণবিক শক্তি সৃজন-যন্ত্র (atomic reactor) থেকে যে পরমাণবিক শক্তি পাওয়া যাবে, তার তেজ সেই কারখানায় কৰ্মনিরত শ্রমিক ও নিকটস্থ অস্ত্রাস্ত্র অধিবাসীদের শরীরে প্রবেশ করবে কিনা এবং করলেও তা কতটা ক্ষতিকর হবে। বৈজ্ঞানিকগণ আশ্বাস দিচ্ছেন যে, এরূপ একটি যন্ত্রে এরূপ সতর্কতা-মূলক ব্যবস্থা অবলম্বন করা হবে, যাতে শ্রমিকদের শরীরে ক্ষতিকর পরিমাণে তেজ প্রবেশ করতে না পারে। এছাড়া দু'প্রকার সতর্কতা-মূলক ব্যবস্থা অবলম্বন করার প্রস্তাব করা হয়েছে। প্রথমতঃ পরমাণবিক শক্তি সৃজন যন্ত্রগুলি পুরু কংক্রীটের বা সীসার পাত দিয়ে আবৃত রাখা হবে যাতে করে তার ভেতর থেকে তেজ না বের হতে পারে। যন্ত্রে সৃষ্ট শক্তির পরিমাণ অনুসারে সৃজন-যন্ত্রের আবরণ কতটা পুরু হবে তা ঠিক করা হয়। দ্বিতীয় প্রকার সতর্কতা-মূলক ব্যবস্থা হচ্ছে—লেবরেটরিতে এমন একটি করে যন্ত্র থাকবে যার সাহায্যে লেবরেটরির তেজস্ক্রিয়তা পরীক্ষা করে দেখা যায়। এই যন্ত্র-সাহায্যে লেবরেটরির বেঞ্চ, চেয়ার, টেবিল ও অস্ত্রাস্ত্র আসবাবপত্র এবং এমনকি কৰ্মীদের শরীরে তেজস্ক্রিয়তা প্রবেশ করেছে কিনা, তা পরীক্ষা করে দেখা যায়।

তবে দীর্ঘদিন পরমাণবিক শক্তিকে কেন্দ্র করে কাজ করলে শ্রমিকের তেজস্ক্রিয়তাজনিত রোগ যে হবে না, তাই বা এখন কে হালক করে বলতে পারে? কারণ—বৈজ্ঞানিকদেরও ত এ বিষয়ে অভিজ্ঞতা অল্পদিনের। আবার এও ত হতে পারে, একটি স্থানে বহুদিন পরমাণবিক শক্তি সৃজন যন্ত্র (atomic reactor) চালু থাকতে থাকতে, হয় ত কোনদিন তেজস্ক্রিয়তা আবরণ ভেদ করে বাইরে বেরিয়ে এলে আবহাওয়া তেজস্ক্রিয় করে দিতে পারে। আবার দুর্ঘটনা যে হবে না, তাও ত কেউ হালক করে বলতে পারে না। তবে এ দুর্ঘটনা ঘটলে ফল অতি ভয়াবহ হবে—বোধ হয় নাগাসিকি ও হিরোশিমার বিপর্যয়ের থেকে কোন অংশে কম হবে না। অনেকে হয় ত বলবেন, পৃথিবীর সব কয়টি আবিষ্কারের ইতিহাস ঘাটলেই দেখা যাবে, একদল লোক মৃত্যু পর্যন্ত বরণ করে যে আবিষ্কার করে যায়, পরবর্তী যুগের মানুষ তার ফল ভোগ করে। কিন্তু পরমাণবিক শক্তির ক্ষেত্রে সে কথা খাটবে না। কারণ ইতঃপূর্বে পৃথিবীতে যে সব বৈজ্ঞানিক আবিষ্কার সাধিত হয়েছে, তাতে জীবনহানি হলেও মুষ্টিমেয় লোকের হয়েছে। ডিনামাইট এক সময় সবচেয়ে মারাত্মক মারণাস্ত্র বলে লোকে মনে করেছিল, তাতে স্থান-বিশেষের লোকেরই প্রাণহানি হয়েছিল। জেপলিন আবিষ্কারের সময় কয়েক জনের প্রাণহানি ঘটেছিল। বৈজ্ঞানিক যন্ত্রের দুর্ঘটনায়ও লোক মারা যায়। তাদের সংখ্যা হয় অল্প। কিন্তু পরমাণবিক শক্তি অল্পমাত্রায় সেবন করতে করতে ধীরে ধীরে ডুবের আগুনের মত মানুষের জীবনীশক্তি নষ্ট হয়ে যাবে। কেবল মানুষবিশেষের মধ্যে তা সীমাবদ্ধ থাকবে না, তা বংশানুক্রমিক বিস্তৃত হবে। যেদিন বৈজ্ঞানিকগণ এর কোন প্রতিবেদক আবিষ্কারে সমর্থ হবেন, তার আগেই বহু মানুষের বা ক্ষতি হবে তা হবে অপূরণীয়। শূন্যমুক্ত দানবের মত এই তেজস্ক্রিয়তা সারা পৃথিবীতে দীর্ঘমেয়াদী সংহার

কার্য শুরু করে দেবে। পরমাণবিক শক্তিকে কেন্দ্রের আর একটি মহা অশুবিধা হচ্ছে—এই সব কারখানা থেকে যে সব ছাই ও আবর্জনা ইত্যাদি বেরবে তারাও তেজস্ক্রিয়। সুতরাং এগুলি ফেলাও মহা সমস্যার ব্যাপার। সমুদ্রে ফেলে জল তেজস্ক্রিয় হবে, মাটিতে ফেলে গাছপালা জীবজন্তু তেজস্ক্রিয়তার কবলে পড়বে। সুতরাং এটিও একটি বিপৎসঙ্কুল সমস্যা।

কিন্তু পরিতাপের বিষয়, পরমাণবিক শক্তির এত কুফল থাকার সত্ত্বেও বিভিন্ন দেশ আজ নিজেদের রাজ্যে পরমাণবিক শক্তিকে কেন্দ্র স্থাপনের জন্ত ব্যস্ত হয়ে উঠেছে। রাশিয়ার সহযোগিতায় মিশর তাদের দেশে একটি বিরাট পরমাণবিক কেন্দ্র স্থাপনের পরিকল্পনা করেছে। ভারতবর্ষে ইতিমধ্যেই পরমাণবিক শক্তি-কেন্দ্র স্থাপনের কাজ শুরু হয়ে গেছে। বোম্বাইয়ে এই কারখানা হবে। প্রস্তাবিত কারখানার জন্ত লোক নেওয়া ও তাদের যথাযথ শিক্ষার ব্যবস্থা করা হচ্ছে। নতুন শক্তিগর্ভে গর্ভিত মানব আজ আর আণবিক শক্তির ভয়াবহতার কথা নিয়ে মাথা ঘামাচ্ছে না।

সারা পৃথিবী জুড়ে এমন ভাবে পরমাণবিক শক্তি-সৃজন কারখানা স্থাপিত হতে থাকলে, মানবের বৃহত্তর স্বার্থের প্রভূত ক্ষতি হবে, তা পূর্বেই বলেছি। স্বাস্থ্যের চেয়ে বড় মানুষের আর কোন সম্পদ নেই। স্বাস্থ্যই যদি নষ্ট হ'ল, তবে পরমাণবিক শক্তি নিয়ে আমরা কি করব? সেজন্ত পৃথিবীর প্রত্যেকটি লোকের আজ সম্বন্ধে বলা উচিত—কেবল পরমাণবিক বোমা বিস্ফোরণ বন্ধ করলেই চলবে না, সঙ্গে সঙ্গে পরমাণবিক শক্তি-সৃজন কারখানা স্থাপনের পরিকল্পনাও পরিত্যাগ করতে হবে। এ দাবির পেছনে কোন রাজ-নৈতিক দলাদলি থাকা উচিত নয়। মানব-কল্যাণের জন্ত সকল দেশে আজ পরমাণবিক শক্তির যথেষ্ট ব্যবহার অবিলম্বে বন্ধ হওয়া উচিত। কয়লা ও পেট্রোলের স্থলে পরমাণবিক শক্তি ছাড়া অল্প কোন জ্বালানি ব্যবহার করা চলে কিনা, সে সম্বন্ধে গবেষণা করবার জন্ত আমাদের বিশ্বের বৈজ্ঞানিকদিগকে এখন থেকে অনুরোধ জানাতে হবে। বিস্তৃত ভাবে সকল দেশে পরমাণবিক শক্তি উৎপাদনের সময় এখনও হয় নি। এই শক্তি নিয়ে খেলা করবার আগে, আটঘাট বেঁধে নিয়েই খেলায় নামা ভাল। কারণ এ খেলায় বিপদ শুধু খেলোয়াড়ের নয়—সকল মানবজাতির। পরমাণবিক শক্তির শান্তিপূর্ণ ব্যবহার ও মানব-স্বাস্থ্যের উপর তার প্রভাব সম্বন্ধে বহু দিনের নিশ্চিত অভিজ্ঞতা সঞ্চয় না করে ব্যাপক ভাবে পরমাণবিক শক্তি-সৃজন কেন্দ্র স্থাপন করা উচিত নয়। মনে হয়, সন্দ্বিগ্নিত জাতিপুঞ্জের তত্ত্বাবধানে লোকালয় হতে বহু দূরে কোন স্থানে এরূপ গবেষণার জন্ত একটি পরীক্ষামূলক পরমাণবিক শক্তি-কেন্দ্র স্থাপন করলে ভাল হয়। সেখানে অল্পতঃ পঁচিশ বৎসর গবেষণা ও তার সুফল এবং কুফল সম্বন্ধে নিশ্চিত অভিজ্ঞতা অর্জন করতে হবে। তার পর বৈজ্ঞানিকগণ উপদেশ দিতে পারেন, এরূপ পরমাণবিক কারখানা ব্যাপক ভাবে স্থাপন করা যায় কিনা। সামান্য কয়েক বছরের অভিজ্ঞতা নিয়ে পরমাণবিক শক্তি-কেন্দ্র স্থাপন করা মানুষের পক্ষে খুবই দুঃসাহসের কার্য হবে।

মেয়ে যখন মা হয়

শ্রীঅজিতকুমার ভট্টাচার্য

জাতির মৌলিক স্বাস্থ্য নির্ভর করে মাতা ও শিশুর স্বাস্থ্যের উপর। শিশুই ভবিষ্যৎ জাতির ধারক ও বাহক। আবার মাতাই শিশুর গর্ভধারিণী, প্রসূতি ও প্রতিপালিকা। সুতরাং মাতৃকল্যাণ ও শিশুস্বাস্থ্যের জন্তু বৈপ্লবিক-দৃষ্টিসম্পন্ন কোন ব্যাপক পরিকল্পনা কার্যকরী করা একান্তই প্রয়োজন। এ বিষয়ে আমাদের জাতীয় সরকার ও আন্তর্জাতিক জরুরী শিশুকল্যাণ সংস্থা (UNICEF) এবং ভারতের নবগঠিত সমাজ-কল্যাণ পর্ষৎ কতকগুলি কার্যসূচী গ্রহণ করেছেন। প্রসূতিসদন, শিশুভবন প্রভৃতি উক্ত কার্যসূচীর বহিঃস্থ। কিন্তু আসল প্রসূতি আরও বিরাট। আমরা জানি—বহু অঞ্চলে শিক্ষণপ্রাপ্তা স্বাস্থ্য-পরিদর্শিকাগণ তাদের এলাকায় ঘুরে ঘুরে কাজ করে বেড়ান। দেশের সর্বত্র একরূপ পরিকল্পনা এখনও বিস্তৃত হয় নি সত্য; কিন্তু কাজ যখন আরম্ভ হয়েছে তখন প্রতি পল্লীতেই মাতৃকল্যাণের সূচনা অদূর ভবিষ্যতে রূপ পরিগ্রহ করবে। নারীর মাতৃত্বের প্রারম্ভ থেকে শিশু-জন্মের পর কয়েক বৎসর ধরে স্বাস্থ্য-পরিদর্শিকা-দের দৃষ্টি রাখতে হয়। ফলে ক্রমে ক্রমে মাতা ও শিশুর স্বাস্থ্যের উন্নতি হতে থাকে এবং প্রসূতি ও শিশুমৃত্যুর হারও উল্লেখযোগ্য ভাবে কমে যায়। দেশের যে যে অঞ্চলে উক্ত পরিকল্পনা কার্যকরী হয়েছে, সেখানে এর বাস্তব কার্যকারিতা অভূতপূর্বভাবে দৃষ্টিগোচর হচ্ছে এবং জনসাধারণের আন্তরিক সমর্থনও পাওয়া যাচ্ছে।

কিন্তু পরিকল্পনা শুধুমাত্র মৌখিক সমর্থন লাভ করলে দেশের ও সমাজের আসল কর্তব্য বাকি থেকে যাবে। কল্যাণের মঙ্গলস্বীপ প্রতিগৃহে প্রজ্জলিত করতে হবে, প্রত্যেক পরিবারের বিধি পালন করতে হবে। প্রত্যেক গৃহস্থ যখন এদিকে ব্যক্তিগত ভাবে নতুন করে দৃষ্টি দেবে, তখন সত্যই মঙ্গলস্বীপের আলোকে সমগ্র জাতির অন্ধন আলোকিত হয়ে উঠবে। আমাদের দেশে পূর্বকালে শাস্ত্রের অনুশাসনের মাধ্যমে সমাজে প্রসূতি ও শিশুকল্যাণের যে ভাবগম্ভীর ও গুচিগুচি বিধি প্রচলিত ছিল, তাও প্রায় লুপ্ত হতে চলেছে। এই প্রসঙ্গে সেই সব কথা আলোচনা নিশ্চয়ই অবান্তর হবে না।

মেয়ে যখন কুমারী থাকে, তখন তাকে পূজা করার বিধি দেখতে পাই। গৃহিনীরা বধারীতি কুমারী মেয়েদের দেবী-জ্ঞানে অর্চনা করেন। পূজাপ্রাপ্তা কুমারীর মনে তখন যে ভাবের উদয় হয়, তার প্রতিফলন সুস্বপ্নদায়ী। মেয়ে যে

একটি সামান্য মেয়েই নয়, শুধু কুমারী নয়, সে যে ভাবী বধু, গৃহিনী ও মাতা—এই বোধ তার মনে সঞ্চারিত হয়। ভবিষ্যতে মা হবার জন্তু তার এই প্রস্তুতি মোটেই অবহেলায় বিষয় নয়। মাতৃত্বই যে নারীর সার্থক পরিণতি—এই মধুর সম্ভাবনার ছবি কুমারী-পূজার মধ্য দিয়ে পরিস্ফুট হতে সাহায্য করে। মেয়ে কিশোর বয়সে পদার্পণ করলে প্রকৃতি তার দেহে মনে নব বসন্তের পত্রপুষ্পসম্ভার সাজাতে আরম্ভ করে, ভূমি যেন নববর্ষার স্নেহাশিস লাভ করে ধরা হয়। কুমারী মেয়ে সীমন্তে সিন্দুর দিয়ে গৃহলক্ষ্মী-রূপে স্বামীর অঙ্গনে পদপাত করে। সেই মেয়ে যখন মাতৃত্বের সম্ভাবনার সাজরঞ্জে রঞ্জিত হয়ে উঠে, তখন তাকে কেন্দ্র করে পরিবারে শুভ উৎসবের মাত্রলিক চিহ্নিত হয়। এ যেন প্রস্ফুটিত অজস্র পুষ্পের মহোৎসব, যেন ভাবী মাতৃত্বের আগমনীর অগ্রিম অভিনন্দন।

আমাদের শাস্ত্রে আছে—‘জন্মনা জায়তে শূদ্রঃ সংস্কারাৎ দ্বিজ উচ্যত।’ অর্থাৎ মানুষ জন্মের সময় শূদ্র হয়ে পৃথিবীতে আসে, সংস্কার পালন দ্বারা সে ব্রাহ্মণত্ব লাভ করতে পারে। জন্মের সময় জাতিধর্মনির্কিশেষে সব মানুষই গুণগত ভাবে সমান থাকে। পরে বুদ্ধি ও বিচার সাধনা এবং শাস্ত্রীয় প্রক্রিয়া অনুশীলন দ্বারা ব্রাহ্মণোপযোগী সত্ত্বগুণ অর্জন করতে সমর্থ হয়। ভারতে নারী-পুরুষের দৈহিক মিলনকে নিছক জৈব কামনার অভিব্যক্তিরূপে না দেখে ধর্মের অঙ্গ হিসাবে দেখা হয়েছে। জনক-জননীর মন যাতে পশুভাবে ইন্দ্রিয়পরতন্ত্র হওয়ার পরিবর্তে গুণ ও সাত্ত্বিকভাবে প্রণোদিত হয়, সেজন্তুই শাস্ত্রানুমোদিত নানারূপ সংস্কার-কার্যের বিধান দেওয়া আছে। চিত্রকর সুলভভাবে চিত্রের অঙ্কন শুরু করে বার বার তুলিকা লেপন দ্বারা চিত্রের পূর্ণতা আনেন। তেমনি মানবদেহে সত্ত্বগুণের পূর্ণতা ঘটে সংস্কার-মার্জনার দ্বারা।

স্বামী-স্ত্রীর প্রথম মিলনের দিন যে সংস্কারবিধি পালনের প্রথা আছে, তাকে বলা হয় গর্ভাধাম। বর্ষার জলসিক্ত উর্বরা ভূমিতে সুপুষ্ট বীজ বপন ও তৎপরবর্তী নানারূপ তত্ত্বাবধান দ্বারা প্রয়োজনানুরূপ কল্যাণের সম্ভাবনা থাকে। সম্ভানকামী নবনারীর পক্ষেও একই কথা প্রযোজ্য। এই সংস্কারের উদ্দেশ্য হ’ল—অনুষ্ঠানের মাধ্যমে পত্নীর মনে পবিত্র ভাব উৎপাদন করে স্বামী-স্ত্রীর মনে তার সহিত মিলিত হবেন। উভয়ের মনে শক্তি ও মাধুর্য সৃষ্টির জন্তু পৌত্তল্য

ও সুগন্ধী পুষ্পমালা পরিধান করাও শাস্ত্রের বিধি। ঠিকই
আবেদনকে কামনার উর্দ্ধে উন্নয়নের এই প্রচেষ্টা অতীব
নিষ্ঠা ও দূরদর্শিতার পরিচায়ক।

শাস্ত্রমতে পরবর্তী সংস্কারের ন্যম পুংসবন। সাধারণতঃ
তিন থেকে চার মাসের মধ্যে নানাভাবে ক্রম নষ্ট হবার
আশঙ্কা থাকে। ইহা ব্যতীত, তিন মাসের মধ্যে প্রসূতির
গর্ভস্পন্দন হয়, অর্থাৎ ক্রমে জীবনীশক্তি অনুভূত হয়।
সেজন্য তৃতীয় মাসের দশ দিনের মধ্যেই পুংসবন সংস্কার
সম্পাদনের ব্যবস্থা নির্দিষ্ট আছে। পুংসবন অর্থে পুত্র
সন্তানের উৎপাদক সংস্কার। সর্বদেশে সর্বকালে স্ত্রীলোকেরা
কন্তা অপেক্ষা পুত্র সন্তান লাভ করার আগ্রহ প্রকাশ করে।
সেজন্য এই অনুষ্ঠান দ্বারা গর্ভস্থ ক্রমকে স্পন্দনের ঠিক
পূর্বেই পুরুষরূপে করণ করা হয়। তবে প্রথম গর্ভের
সময়েই এই সংস্কার পালনের কথা। তথাপি পরবর্তী
অনুষ্ঠানের পক্ষে এবং সাধারণ ভাবেও গর্ভস্পন্দনের সময়কে
চিহ্নিত করার প্রয়োজনীয়তায় ইহা প্রতিবারেই প্রযোজ্য
হতে পারে। এই অনুষ্ঠানের মাধ্যমে প্রসূতির মনে যে
আনন্দের সঞ্চার হয়, তার দ্বারা গর্ভাবস্থায় আলস্য, ভয়,
বমনেচ্ছা, অবসাদ প্রভৃতি বিদূরিত হয় এবং শক্তিবৃদ্ধি ঘটে।
অনুষ্ঠানের সময় পরিষ্কার শিলার উপর সম্ভব হলে শিশিরজলে
মুকুলিত বটপত্রগুচ্ছ পেষণ করে তার রস বধূর নাসায় দিতে
হয়। এই প্রথার উপকার সম্ভাবনা রয়েছে।

তৃতীয় সংস্কারকে সীমস্তোমসন বলা হয়। গর্ভগ্রহণের
সূচনার পরও স্বামী অনেক সময় স্ত্রীর সহিত মিলিত হন।
কিন্তু পুংসবন সংস্কারের পর অর্থাৎ গর্ভস্পন্দনের পর, মিলনে
গর্ভস্থ শিশুর ক্ষতি—এমনকি, মৃত্যু পর্যন্ত হতে পারে।
সেজন্য পুংসবন সংস্কারের পর চতুর্থ মাসে সীমস্তোমসনের
ব্যবস্থা দেওয়া আছে। আমাদের দেশের মেয়েদের সীমস্তো
সিন্দুর লেপন করার অর্থ বিবাহ ও শাস্ত্রানুসারে নারী-পুরুষ
মিলনের আইনানুগ অনুমোদন। গর্ভের চতুর্থ মাসে
সীমস্তোমসন অর্থাৎ সীমস্ত থেকে সিন্দুর তুলে দেওয়ার অর্থ
স্ত্রীর পক্ষে পতিগমনের উপর নিষেধাজ্ঞা। এই সংস্কার-
সাধনের পর স্ত্রী প্রসবকাল পর্যন্ত কোনভাবে অঙ্কলিপ্তা,
প্রসাধিতা ও শৃঙ্গারবেশিনী হতে পারবে না।

পঞ্চম মাসে গর্ভিণীকে পঞ্চামৃত দেওয়ার একটি প্রথা
প্রচলিত আছে। নারী তার দেহের অভ্যন্তরে প্রাণকোষের
মাধুরী দিয়ে একটি অঙ্কুরিত প্রাণে যে রস ও রক্তের
সঞ্চারে মগ্ন থাকে, তার পরিবর্তনের জন্য পরিপোষকতা
প্রয়োজন। তাই সারবান্ খাদ্যবস্তুর সাহায্যে ভাবী মাতার
দেহের পুষ্টিসাধন করার বিধি আছে। হৃৎ চিনি, ঘৃত, মধু

ও দধি—এই পঞ্চামৃত মঙ্গলানুষ্ঠানের মধ্য দিয়ে ভাবী
মাতাকে সেবন করাতে হয়। গৃহিণীরা গর্ভিণীকে যে সাধ-
ভরণ করান, তার মূলেও প্রায় একই ব্যাপার।

নারী যখন আসন্নপ্রসব হন, তখন স্বভবতঃই তাঁর মনে
ভাবী সন্তানের জন্মকালীন শুভাশুভ অবস্থা সম্পর্কে সন্দেহ ও
ভয়ের আবির্ভাব ঘটে। সেই সময় প্রসূতির মনে শক্তি
ও সাহস সঞ্চারিত হওয়া একান্ত প্রয়োজন। আসন্নপ্রসব-
কালে পতির পক্ষে সোম্যস্তীকর্ম নামে একটি অনুষ্ঠান
পালন করার বিধি আছে। এই সংস্কারসাধন দ্বারা
প্রসূতির মনে প্রসবকালীন সঞ্চারিত ভয় দূর হয়ে সাহসের
সঞ্চার হয়।

অতঃপর সন্তান-প্রসবের পর জাতকর্ম। সন্তান জন্ম-
গ্রহণ করার পর পরিষ্কার শিলায় পেষিত যবচূর্ণের দ্বারা তার
ত্রিহা মার্জনা এবং স্বর্ণ দ্বারা স্নাতপ্রাশন করাতে হয়।
স্বর্ণপিষ্ট ঘৃতের গুণ বহু প্রকার, আয়ুর্বেদ শাস্ত্রে একধার
উল্লেখ আছে। স্বর্ণ দ্বারা বায়ুদোষ নাশ হয়, প্রস্রাব পরিষ্কার
হয় এবং প্রসব যন্ত্রণার দরুন শিশুর রক্তে সন্তাব্য উর্দ্ধগতি
দোষও বিনষ্ট হয়। ঘৃত দ্বারা মল পরিষ্কার হয়, বলাধান হয়
এবং শরীরের তাপবৃদ্ধি হয়। সন্তোজাত শিশুর পক্ষে এই
প্রথা যে উপকারী, তাতে সন্দেহ নেই। জাতকর্মের পরই
ধাত্রী নাড়ী ছেদন করবে। শিশুর নাড়ী ছেদন করার জন্য
শাস্ত্রোক্ত নিয়ম রয়েছে।

আমাদের দেশের শাস্ত্রোক্ত সংস্কারবিধি আলোচনা করে
দেখা যায় যে, গর্ভিণী এবং গর্ভস্থিত শিশুর দৈহিক ও মানসিক
কল্যাণের জন্য যথেষ্ট বিধি রচিত হয়েছে। শিশু ও প্রসূতি-
কল্যাণ যে জাতির সর্বজনীন স্বাস্থ্যের ভিত্তিস্বরূপ,
একথা আমাদের প্রাচীন শাস্ত্রকার ও মনীষিগণ উপলব্ধি
করতেন। আমরা চর্চার অভাবে ও দীর্ঘকালীন পরাধীনতার
চাপে অনেক কিছুর মত স্বাস্থ্যের দিকে অবহেলা করে
এসেছি। নূতন করে স্বাস্থ্যবিধি পালন শিখবার দিনে
প্রাচীন প্রথা স্বরণের প্রয়োজনীয়তা অনুভব করছি। অবশ্য
বর্তমান বিংশ শতকের বহুপ্রকার পরিবর্তনের যুগে শাস্ত্রোক্ত
প্রথা যথাযথ ভাবে পালন করা সকলের পক্ষে ও সকল সময়ে
সম্ভব নাও হতে পারে। আমাদের আধুনিক বিশেষজ্ঞগণও
প্রসূতি এবং শিশুরক্ষার জন্য বহুবিধ নূতন বৈজ্ঞানিক ব্যবস্থার
বিধান দিয়েছেন। সকলের স্বাস্থ্য রক্ষা ও বর্ধনের
জন্য এবং অধুনা ভবিষ্যতে ভারতে এক সফল ও শক্তিশালী
মানবসমাজ গড়ে তোলার দিকে প্রত্যেক শিক্ষিত মরন্যায়ী
সচেতন হবেন এবং জনপ্রিয় ব্যক্তিবর্গের মিত্রবর্গ হয়ে
টেনে তুলবেন—স্বাধীন দেশের এ এক বিরাট আশা।

কম্পলোক

শ্রীকুমারলাল দাশগুপ্ত

অরুণের স্ত্রী করুণা। হৃৎকনের বয়স প্রায় এক—সাতাশ কি আটাতশ। অরুণের অবস্থা মাঝামাঝি, ছোট ভাড়াটে ক্যাটে বাস করে।

কাল্কনের মাঝামাঝি, অনেক রাত, আকাশে ছাদশীষ চাঁদ, খোলা জানালার ভিতর দিয়ে বিছানায় এসে পড়েছে জ্যোৎস্না। ঘুমিয়ে আছে পাশাপাশি অরুণ আর করুণা। একটি হাতের উপর মাথা রেখে অরুণ কাত হয়ে শুয়ে আছে, মুখের একটা দিকে আলো, আর একটা দিক অন্ধকার। করুণার খোলা চুল ছড়িয়ে পড়েছে মুখের উপর, ঠোট দুটি হাসি-হাসি।

অনেক দূরে ঢং ঢং করে ঘড়ি বাজে। বাতাসে জানালার পর্দা তুলতে তুলতে হঠাৎ তা খুলে যায়, প্রকাণ্ড একটা সাদা পাখীর মত ডানা মেলে দূর হতে দূরে গিয়ে মিলিয়ে যায়। জানালাটা বড় হতে থাকে, আঙুলে আঙুলে দেয়ালগুলো কাগজের টুকরোর মত আলাগা হয়ে খসে পড়ে। জ্যোৎস্না উজ্জ্বলতর হয়ে উঠে, সেই শুভ্র আলোর ধীরে ধীরে ঘর ঘর, বিছানা, অরুণ করুণা সব মিলিয়ে যায়। একটু পরে আবছায়া একটা ছবি ফুটে উঠে, ক্রমে তা ফুটতর হয়—দেখা যায় একটা নতুন দেশ, পথের হৃদয়ে গাছের শ্রেণী, একপাশে বাগান, ফুল ফুটে আছে অফুরন্ত, তারই আড়াল দিয়ে দেখা যাচ্ছে একখানা ছোট অথচ ছবির মত সুন্দর মাটির ঘর। পথ চলে গেছে একে বেকে দূরে একটা শহরের দিকে। সেই পথ ধরে আসে এক যুবক, মুখ দেখা যায় না, চাদর বাতাসে টেড়ে, হাতে তার একগাদা বই আর খাতা। হঠাৎ ঝড়ের মত বেগে মস্ত বড় একখানা দামী মোটর আসে, অজমলক যুবক সেদিকে খেয়াল করে না—ঘ্যাচ করে মোটরখানা তার এক ইঞ্চি দূরে ধেয়ে যায়, চমকে উঠে যুবক, বইখাতা ছিটকে পড়ে চারিদিকে। একজন মহিলা মোটর থেকে মাথা বার করেন।

মহিলা। (ভুরু ঝাঁকিয়ে) ছেলেমানুষ নন অথচ পথ চলতে মানেন না।

(যুবক সেক্ষার কান দেয় না, চাদর সামলে বইপত্র ঝেঁপে করে)

মহিলা। (বিরক্তির সঙ্গে) এসব লোকের পথে বেরনো ঠিকিত নয়।

যুবক। (বই কুড়োতে কুড়োতে) উচিত হচ্ছে এক শ্রেণীর যয়েদের মোটর দিয়ে পথে ছেড়ে দেওয়া।

মহিলা। এক শ্রেণীর মানে?

যুবক। (না কহিয়ে) এক বিশেষ শ্রেণীর—

মহিলা। (কঠিন ভাবে) বিশেষ শ্রেণীর মানে?

যুবক। (না কহিয়ে) যে শ্রেণীতে পড়ে যাবতীয় জীব যাবা পথচারীর—

মহিলা। (বিরক্ত ভাবে) জীব! সরে যান পথ থেকে।

যুবক। (না কহিয়ে) কি করছি আশা করি দেখতে পাচ্ছেন।

মহিলা। (অসহিষ্ণু ভাবে) তাড়াতাড়ি করুন।

যুবক। (ধীরে সূস্থে বই তুলে চাদর দিয়ে ঝড়তে ঝড়তে) কি বস্তু ধুলোর পড়েছে তা যদি জানতেন।

মহিলা। (বিরক্তির স্বরে) কি বস্তু!

যুবক। কাব্য।

মহিলা। (বিলম্বিত করে হেসে উঠে) সরে যান, আমার সময় নষ্ট করবেন না।

যুবক। (এতক্ষণে এগিয়ে এসে) আহা, কেন নষ্ট হবে, আশ্রন কাব্য আলোচনা করা যাক।

মহিলা। (যুবককে দেখে চমকে উঠে) কে! অরুণ!

অরুণ। (মহিলার মুখের দিকে তাকিয়ে) এ কি করুণা! তুমি এখানে?

করুণা। তোমাকে এখানে এমন ভাবে দেখব এ আমি কল্পনাও করি নি।

অরুণ। আমিই কি কল্পনা করতে পেরেছি যে তোমাকে এই অবস্থায় এখানে দেখব?

করুণা। (মোটর থেকে নেমে এসে) তারি আশ্চর্য্য বোধ হচ্ছে। এখানে কি করছ।

অরুণ। কিছু না, মাঝে মাঝে আসি এখানে।

করুণা। মাঝে মাঝে! তা হলে বল সর্বদাই আসা যাওয়া কর। কেন বল ত?

অরুণ। কোন বিশেষ কারণ নেই।

করুণা। সত্যি বলছ?

অরুণ। বললাম ত বিশেষ কোন কারণ নেই, তবে এখানে একখানা বাড়ী করেছি।

করুণা। আমাকে গোপন করে এত কাণ্ড করেছ!

অরুণ। (বিরক্ত ভাবে) তোমাকে বলি বলি করেও বলা হয় নি। ভাল কথা—তুমি এখানে কেন?

করুণা। বিশেষ কোন কারণ নেই।

অরুণ। সত্যি বলছ?

করুণা। (হেসে উঠে) আমিও এখানে একখানা বাড়ী করেছি।

অরুণ। মোটরও কিনেছ দেখছি।

করুণা। বহুদিনের সখ ছিল।

অরুণ। তোমার বাড়ীটা কোথায়।

করুণা। শহরের পূর্বদিকটাতে, দেখেছ বোধ হয় বেনিকে বড় বড় বাড়ী আছে। সবচেয়ে বড় বাড়ীখানা আমার।

অরুণ। ওদিকে আমার বাতায়াত নেই।

করুণা। তোমার বাড়ীটা কোন দিকে?

অরুণ। এই যে সামনেই, এ ফুলবাগান আমারই। এস ভিতরে—দেখবে।

(অরুণ আগে যায়, অনুসরণ করে করুণা। কার্ণের ছোট ফটকটা ঠেলে তারা বাগানে ঢোকে, একটু এগিয়ে গিয়ে একটা কদমগাছের নীচে দাঁড়ায়।)

অরুণ। কেমন দেখেছ আমার মালিক! এখানে বস।

(দু'জনে বসে)

করুণা। (চারিদিকে তাকিয়ে) মালিক কোথায়? এ ত দেখছি আগাছা-ভর্তি জঙ্গল।

অরুণ। জঙ্গল! এত ফুল, এত শ্যামলতা, এত পারিপাটা, একে জঙ্গল বলছ!

করুণা। জঙ্গল নয় ত কি? লাল সুরকির বড় বড় পথ কোথায়? অকিড, পাম, ক্রোটন কোথায়? ম্যাগনোলিয়া, ক্রেবোডেনডন, লাজেরষ্ট্রোমিয়া কোথায়? এ ত দেখছি বতসব চেনা ঘরোয়া গাছ; শিউলি, বকুল, চাপা, কদম, বেলি, চামেলি আর টগর।

অরুণ। ঘরোয়া বলেই ভাল লাগে, গন্ধ পেয়েই ফুল চিনে ফেলি, বোটানির বই খুলতে হয় না। আহা, দেখেছ নদীর ধারে ঝাউগাছ বাতাসে কেমন হুলছে।

করুণা। (সভয়ে) কত বড় নদী! কি নদী ওটা? এদেশে তো নদী নেই।

অরুণ। (সোঃসাহে) আছে বৈ কি। নদী না হলে আমি থাকতে পারি নাই, আমার ঘরের পাশে চাই মস্ত বড় কূলে কূলে ভরা নদী, রাতদিন গুনব তার কলকল ছলছল গান। ওর কোন নাম ছিল না, আমি নাম দিয়েছি পদ্মা। জানই ত আমার জন্ম পদ্মানদীর পারে।

করুণা। নদী দেখলে আমার ভয় করে।

অরুণ। তোমার জন্ম শহরে কিনা তাই। দেখেছ, ওপারের গাছপালা, খেয়াঘাটের ছোট্ট ঘর, কলসী কাঁখে গায়ের মেয়ে ছুটি, বাঁকের মাথায় পালতোলা নৌকো, আহা, ছবির মত সুন্দর দেখাচ্ছে। সারাদিন ঘরের দাওয়ায় বসে আমি চেয়ে চেয়ে দেখি।

করুণা। (আশ্চর্য্য হয়ে) ঘর কোথায়?

অরুণ। ঐ যে চাপাগাছের আড়ালে দেখা যাচ্ছে।

করুণা। ছোট ঐ মাটির ঘরখানা! ওটা তো মালীর ঘর।

অরুণ। (হেসে) মালীর নয়, মালিকের। ঐটাই আমার

ঘর। ছোট বটে, কিন্তু ভারি সুন্দর, দেয়ালে দিয়েছি আলপনা, চালে তুলে দিয়েছি মাথবীলতা।

করুণা। দেখতে যদি আমার বাড়ী, সে একটা প্রাসাদ। তোমার কোলকাতার ফ্ল্যাটের তিনটে ঘর বত বড় তার চেয়েও বড় এক একপানা ঘর। মেঝে সব মার্বেল। হালকা, পলকা সজা জিনিষ মেথানে নেই, ঘরে বসলে মনে হয় ঘরে বসেছি।

অরুণ। ঘরে বসলে আমার ঘরের কথা মনেই হয় না। গৃহটা ত আসল নয়—আসল হচ্ছে গৃহিণী।

করুণা। ভাল বাড়ী দেখতে বললেই তুমি ঐ কথা বল। ওটা বৃষ্টিই নয়।

অরুণ। সত্যিই বলছি, আসবাব দিয়ে ঠাসা, বাড়ীর কথা ভাবতে গেলেই আমার দম বন্ধ হয়ে আসে।

করুণা। দম বন্ধ হয় তোমার ছোট ঘরে; হাত পা ছড়িয়ে বসবারও স্থান নাই।

অরুণ। মন কিন্তু ছড়িয়ে যায়। কবিতার বই নিয়ে বখন বসি তখন কাব্যের সঙ্গে বাস্তব মিলে যায়।

করুণা। কাবাই তোমাকে অকেজো করেছে। চাকরি ছেড়ে দিয়ে ব্যবসা করতে বসলেই তুমি ভয় পাও। চোখের সামনে কতজন শেষার বাজারে ঢুকে বড়লোক হয়ে গেল, তুমি যেমন ছিলে এখনও তেমন।

অরুণ। কিন্তু যাই বল আনন্দে আছি।

করুণা। (হেসে) ওটা ফাঁকা আনন্দ। ভারী জিনিষ, ভাল আর দারী জিনিষ দু'য়ে, ধরেই তো আনন্দ।

অরুণ। তাই ত দেখছি অনেক ভাল ভারী আর দারী জিনিষ দেহে ধারণ করেছে। গয়নাগুলো অবশ্যই গিলটি নয়, পাথরগুলোও আসল হীরে।

করুণা। (হেসে) গিলটিও নয়, নকলও নয়, খাটি ও আসল। আমাকে কেমন দেখাচ্ছে বল ত?

অরুণ। (বিব্রত ভাবে) ইঁা, তা মন্দ নয়, বেশ সুন্দর বৈ কি।

[মোটরের হর্ণ বেজে ওঠে]

অরুণ। তোমার গাড়ীর হর্ণ বাজছে যে! কোন চুঠু ছেলে নয় ত?

করুণা। আমাকে ডাকছে।

অরুণ। (আশ্চর্য্য হয়ে) তোমাকে ডাকছে! কে?

করুণা। দেখতে পাও নি, গাড়ীতে আমার পাশে বসে ছিল।

অরুণ। (অবাক হয়ে) না, দেখি নি—কে সে?

করুণা। আমার বন্ধু।

অরুণ। তোমার বন্ধু আবার কে? নাম বল না।

করুণা। আমার এ দেশের বন্ধু, নাম আমলেও চিনতে পারবে না।

অরুণ। তা হলে একটি বন্ধু চয়ন করেছে।

করুণা। (লজ্জিতভাবে মাথা নীচু করে থাকে)

অরুণ । (স্নেহের সঙ্গে) বোধ হয় আদর্শ পুরুষ ।

করুণা । আদর্শ না হলেও বুদ্ধিমান পুরুষ, হালকা কাব্য নিয়ে সময় নষ্ট করে না, শেষের বাজারে মাথা খাটিয়ে পরসর উপার্জন করে ।

[বাগানের পথ দিয়ে আসে একটি মেয়ে, খোঁপায় ফুল গৌজা, গলার ফুলের মালা]

করুণা । (আশ্চর্য্য হয়ে) ইনি কে ?

অরুণ । এই, একটি মেয়ে ।

করুণা । চেন না বুঝি ।

অরুণ । তিনি বৈ কি ।

করুণা । পরিচয় বলতে আপত্তি আছে ?

অরুণ । না, ইনি হচ্ছেন আমার বান্ধবী ।

করুণা । তা হলে একটি বান্ধবী চরন করবেছ !

অরুণ । (জবাব দেয় না)

করুণা । (স্নেহের সঙ্গে) বোধ হয় আদর্শ নারী ।

অরুণ । আদর্শ না হলেও সৌন্দর্য্যবোধ আছে । ওর সঙ্গে কাব্য আলোচনা করে খুবই আনন্দ পাই ।

[মেয়েটি কাছে আসে]

করুণা । আপনাদের মালকে হঠাৎ এসে পড়েছি, অপরাধ নেবেন না ।

নবাগতা । বেশ করেছেন, আপনি নিশ্চয়ই অরুণের খুবই পরিচিত কেউ !

করুণা । (হেসে) অনেক দিনের আলাপ । আমার নাম করুণা, আপনার নাম কি ?

নবাগতা । আমার নাম চকিতা ।

করুণা । চকিতা ! নামটা যেন আগে শুনেছি বলে মনে হচ্ছে ! ওহো, সেই যে তুমি একটা গল্প লিখেছিলে, একটা কবিতা-পাগলা মেয়ের কথা, নাম দিয়েছিলে চকিতা । তাই না ?

অরুণ । হ্যাঁ, লিখেছিলাম ।

করুণা । চেহারাটাও যেন দেখা মনে হচ্ছে !

চকিতা । অসম্ভব, আপনাকে আমি আগে কখনো দেখি নি ।

করুণা । বসুন ।

(চকিতা করুণার পাশে বসে)

করুণা । কিছু মনে করবেন না, আপনাকে কিন্তু কালিদাসের কালের 'মনোহাসিকার' মত দেখাচ্ছে ।

"কেন্দরী কেনবে কেনপাশ করো সুরভি

কীণ কচিভটে গাঁথি লয়ে পারো কবরী"

(অরুণকে লক্ষ্য করে) তোমার মুখে শুনে শুনে আমারও মূণ্ড হরে গেছে ।

অরুণ । বর্ষার চকিতা অমনভাবে সাজতে ভালবাসে ।

করুণা । (হেসে উঠে) বরী ! পৌষের মাঝামাঝি, এখন বর্ষা কোথায় ?

অরুণ । পৌষের মাঝামাঝি ! কি যে বলছ তুমি—এ ত আষাঢ়ের মাঝামাঝি ।

করুণা । (আবার হেসে ওঠে)

(শুড়শুড় করে মেঘ ডেকে উঠে, একটা দমকা ঠাণ্ডা হাওয়া বয়ে যায়, কদমের বেগু ঝরে পড়ে)

অরুণ । (উল্লসিত হয়ে) ঐ শোমো ! শুনছ, মেঘ ডাকছে । দেখ পশ্চিম আকাশে কালো মেঘ ঘনিরে এসেছে, তারই পটভূমিতে সাদা বকের সারি উড়ে চলেছে । দেখ, মদীর ওপারে বিষ্টি নামল ।

করুণা । (অবাক হয়ে) বাপার কি বল ত ?

অরুণ । আমি যে বর্ষা ভালবাসি তাই এদেশে ব্যবসাস বর্ষা । হ' চার দিন শবৎ, হুচার দিন শিউলি ফোটে । শীত গ্রীষ্ম এ-দেশে নাই ।

করুণা । আমি কিন্তু ভালবাসি শীত, মিঠে বোদ আর পরিষ্কার আকাশ । আমার ওদিকটায় তাই ব্যবসাসে খটখটে পৃথিবী । আমার বাগানে চমৎকার কারনেশন, ক্রিশেনথেমাস, ডালিয়া আর সুইট পি ফুটেছে, একদিন গিয়ে দেখে এস ।

অরুণ । আর আমার বাগানে ফুটেছে কেয়া, কদম, কবরী । আজ একটা কবিতা লিখেছি শোন । (পকেট থেকে এক টুকরো কাগজ বার করে)

করুণা । (আশ্চর্য্য হয়ে) তুমি কবিতা লেখ ? অবাক কাণ্ড, শুনি নি ত কখনও !

চকিতা । সুন্দর কবিতা লেখে অরুণ ।

অরুণ । এখানে এলে কবিদের যেন উৎসমুখ খুলে যায়— ভাব, ভাবা, ছন্দ স্রোতের মত বেরিয়ে আসে ।

চকিতা । অরুণ মস্ত বড় কবি, মস্ত বড় বলাও ফুল হ'ল, আমার মতে ও শ্রেষ্ঠ কবি । কি গভীর ভাব, কি অপূর্ব ভাষা— কবিতা যেন ছবি হয়ে ফুটে ওঠে ।

করুণা । এসব কিন্তু নূতন ধরম ।

অরুণ । শোন কি লিখেছি (কাগজ তুলে নেয়)

করুণা । (হেসে) পড়বে কেমন করে ! চশমা কোথায়, হারিয়েছ বুঝি ?

অরুণ । চশমা ! ভেঙে শুড়ো করে নর্দমার কেলে দিয়েছি ।

করুণা । চশমা না হলে যে তুমি অন্ধ ! চশমা আর তুমি ত অবিচ্ছেদ্য !

অরুণ । ঐ জন্তেই ত ওটার উপর আক্রোশ, ঐ জন্তেই ত কেবল দিয়ে মুক্তিলাভ করেছি । শোন, পড়ছি—

কলর আমার নাচে যে আজিকে, যমুয়ের মত নাচে যে ।

কদম নাচে যে ।

শত বরণের ভাব উচ্ছাস

কলাচের মত করেছ বিকাশ,

আঁকুল পদাণ আকাশে চাহিয়া উল্লাসে করে যাচে যে ।

হৃদয় আমার নাচে রে আজিকে মনুষ্যের মত নাচে রে ।

গুরু গুরু মেঘ গুমরি গুমরি গরজে গগনে গগনে
গরজে গগনে ।

ধেয়ে চলে আসে বাদলের ধারা

নবীন ধাতু ছলে ছলে সারা,

কুলারে কাঁপিছে কাতর কপোত, দাড়ুরী ডাকিছে সঘনে

গুরু গুরু মেঘ গুমরি গুমরি গরজে গগনে গগনে ।

চকিতা । (উচ্ছসিত ভাবে) কি সুন্দর, কি চমৎকার ।

করুণা । (আশ্চর্য্য হয়ে) এ ত রবীন্দ্রনাথের লেখা কবিতা,
বহুবীর তোমাকে পড়তে শুনেছি !

অরুণ । না, এ আমার ।

চকিতা । রবীন্দ্রনাথ এত ভাল কবিতা লিখতে পারেন না ।

অরুণ । এ কবিতা আমার কেননা আমি এর প্রাণদান
করেছি । একদা রবীন্দ্রনাথ এর কাঠামো তৈরি করেছিলেন, কিন্তু
আমি কত মেঘাচ্ছন্ন প্রভাতে, কত নিয়ুম হুপুয়ে, কত বাদল-সন্ধ্যায়
কত অন্ধকার শ্রাবণ-রাত্রিতে অমৃতভব দিয়ে, আনন্দ দিয়ে, হৃদয়ের
উষ্ণতা দিয়ে একটু একটু করে জীবন্ত করে তুলেছি—এ আমারই
কবিতা ।

চকিতা । এ অরুণেরই সৃষ্টি ।

করুণা । (হাই তুলে) তা হোক, তাতে আমার আপত্তি
নেই ।

অরুণ । আরও আছে শোন ।

করুণা । (বাধা দিয়ে) থাক—থাক ।

(বাগানের কটক খুলে হালকাশানের সুট-পরা একটি যুবক
এগিয়ে আসে)

অরুণ । ইনিই বুঝি তোমার বন্ধু !

করুণা । হ্যাঁ ।

অরুণ । আসুন, আসুন, (চাপা গলায়) নামটা কি ?

করুণা । অশোক ।

অরুণ । আসুন অশোকবাব, স্বাগত । আপনার পরিচয়
ইতিমধ্যেই পেয়েছি ।

অশোক । আমার সৌভাগ্য । হঠাৎ এসে পড়ে আপনাদের
আলোচনা ব্যাহত করলাম ত ?

অরুণ । আরে না না । বরং আলোচনার যোগ দিতে
এলেন বলে খুশী হলাম । কাব্য সম্বন্ধে কথা হচ্ছিল ।

অশোক । কাব্য ! হ্যাঁ, তা আত্মকাল বইয়ের বাজারে
কাব্যের চাহিদা কিছু বেড়েছে । কবিতার লাইনগুলো যদি
পিঁয়ামিড প্যাটার্ন অথবা টেয়ার কেস প্যাটার্নে ছেপে মলাটটা
জমকালো করে বার করা যায়, তাহলে বুকলেন, প্রেক্ষেণ্টেশনের
বাজারে বেশ বিক্রি আছে ।

অরুণ । (বিব্রত ভাবে) আমি ঠিক ওকথা বলছি না, আমি
বলছি কি, সৃষ্টির দিক থেকে এই ছোটো লাইন :

“ধেয়ে চলে আসে বাদলের ধারা

নবীন ধাতু ছলে ছলে সারা—

অশোক । (হেসে) চমৎকার হয়েছে । দ্বিতীয় পঞ্চবার্ষিকী
পরিকল্পনার খাড়াসৃষ্টির দিকটায় বিশেষ নজর দেওয়া হয়েছে ; সেই
হিসেবে কৃষিসংক্রান্ত বিষয় কবিতায় লেখা হলে চাষীদের মধ্যে
প্রচারের বিশেষ সুবিধে হবে । ঠিক লিখেছেন—‘ধেয়ে চলে
আসে বাদলের ধারা, নবীন ধাতু ছলে ছলে সারা’, অর্থাৎ বর্ষা হওয়া
চাই ও ধানগাছের চারা বাতাসে দোলা চাই, তা হলেই সে গাছ
জোরালো হবে এবং ফলন বেশী হবে । এইটাই ত জাপানী পদ্ধতি !
ধরুন ফলন যদি দেড়া হয় আর ধানের বাজারদর যদি মণপ্রতি
৫৮/১৫ থাকে তা হলে—

অরুণ । (দুটি হাত উঁচু করে বাধা দিয়ে) একটু ধামুন,
দয়া করে একটু ধামুন—

অশোক । (খেমে গিয়ে) কি বলছেন ?

অরুণ । বলছিলাম কি আপনার বসবোধ ভারি সূক্ষ্ম ।
আপনাকে দেখে আমার একটি বন্ধুর কথা মনে হচ্ছে, শেষার-
বাজারে কারবার করে অনেক টাকা করেছে । ঠিক আপনার মত
মহা বিজ্ঞ লোক, দেখতেও অনেকটা আপনার মত—

করুণা । কার কথা বলছ—পরেশবাবুর কথা ?

অরুণ । হ্যাঁ, দেখেছ কথা বলবার ভঙ্গীটি পর্যাপ্ত এক !

অশোক । (হাসতে থাকে)

অরুণ । হাসিটিও মিলে যায় ।

[গুড় গুড় করে মেঘ ডেকে ওঠে]

চকিতা । (গুন গুন করে গান গায়) আমার দিন ফুরালো
বাকুল বাদল সাঁঝে—

করুণা । এইবার মনে পড়েছে, এতক্ষণ ভাবছিলাম এত চেনা
মনে হচ্ছে কেন ? গান শুনে মনে পড়ে গেল, পাশের বাড়ীর
মালতী সারা বর্ষাটা ঐ গান গায় । তার সঙ্গে চকিতার চেহারারও
আশ্চর্য্য মিল—চেয়ে দেখ ।

চকিতা । (হাসতে থাকে)

করুণা । দেখ, দেখ, হাসিটি পর্যাপ্ত মিলে যাচ্ছে, সেই মাথাটি
একটু কাত করে হাসা ।

[গুড় গুড় করে মেঘ ডেকে ওঠে, দরকা হাওয়া আসে]

চকিতা । (উচ্ছসিত হয়ে) নদীতে চেঁচি উঠেছে, কি সুন্দর !
নৌকোতে পাল তুলে দিয়ে মাঝ-নদীতে যাবার কথা ছিল, বাবে না ?

অরুণ । তুমি বাও—আমি যাচ্ছি ।

[চকিতা গান গাইতে গাইতে চলে যায়]

অশোক । (ঘড়ি দেখে) বেলা ছোটো অনেক হ'ল, এখন
তা হলে—

করুণা । তুমি পাড়ীতে গিয়ে বসো, আমি আসছি ।

[অশোক বাগানের কটক খুলে পথে ঘেঁষিয়ে যায়]

অরুণ। অশোকবাবুকে দেখে আমার ভারি ভাল লেগেছে।
তোমার সব মত উনি যেনে নেন ?

করুণা। সর্বাস্তকরণে যেনে নেন।

অরুণ। সব কথা শোনেন ?

করুণা। অবশ্যই।

অরুণ। কখনো রাগ করেন না ?

করুণা। কখনো না।

অরুণ। সব সময় শেয়ারবাজারের কথা বলেন ?

করুণা। সব সময়।

অরুণ। (গভীর ভাবে মাথা নেড়ে) ঠিক চকিতার মত,
সব মত যেনে নেন, সব কথা শোনে, কখনো রাগ করে না, সব
সময় মুখে কবিতা।

করুণা। (অরুণের মুখের দিকে তাকিয়ে) ভাল লাগে ?

অরুণ। (ভেবে চিন্তে) লাগে।

করুণা। সত্যি করে বলো।

অরুণ। (গভীর ভাবে) মাঝে মাঝে ভাল লাগে না।

করুণা। মাঝে মাঝে আমারও ভাল লাগে না।

অরুণ। (আঙুলে করুণার হাতখানি ধরে) সত্যি বলছ ?

করুণা। সত্যিই বলছি।

[হঠাৎ আকাশে মেঘ ঘনতর হয়, বকুলতলার অন্ধকার নেমে
আসে, অরুণ অংর করুণাকে দেখা যায় না, মালঞ্চ মিলিয়ে যায়।
একটু পরে অন্ধকার হালকা হয়ে আসে, কুটে ওঠে অরুণ-করুণার
শোবার ঘর। পাশাপাশি ঘুমিয়ে আছে হুঁজনে, করুণার হাতটি
অরুণের হাতের মধ্যে। ভোর হয়ে গেছে অনেককরণ, বোম এসে
পড়েছে বিছানার।]

পল্লীগীতি—কাজরী গান

শ্রীঅমিতাকুমারী বসু

ভারতের মধ্যপ্রদেশ উত্তর-প্রদেশ, গুজরাট, রাজপুতানা
ইত্যাদি স্থানে শ্রাবণ মাস নারীদের অতি আনন্দের দিন।
সারা শ্রাবণ মাস নারীরা উৎকৃষ্ট বস্ত্রালঙ্কারে সুসজ্জিতা হয়ে
দোলনায় দোলে আর কাজরী গান গায়। শ্রাবণের শেষ
পূর্ণিমায় রাধীবন্ধন উৎসবের আনুষ্ঠান করে নারীরা কাজরী
গান ও বুলায় দোলাপর্ব সমাপ্ত করে।

কাজরী গানে সাধারণতঃ পতিবিরহকাতরা নারীর
প্রাণের উচ্ছ্বাস ব্যক্ত হয়। শ্রাবণের আকাশ কালো মেঘে
ছেরে গেছে, থেকে থেকে বিজলী চমকচ্ছে, দেখতে দেখতে
ঝিমঝিম করে বারিবিন্দু পড়তে শুরু হ'ল। নিশীথরাতে
শুষ্ক শস্যের বিরহিণীর হৃদয় উতলা হয়ে উঠল। পাগলা
হাওয়ার সঙ্গে মন ছুটে গেল দুবে—সুদুবে, যেখানে তার প্রিয়
এমনি ব্যাকুল হয়ে তার কথা ভাবছে। তরুণী বিরহিণী
দোলনার হুলতে হুলতে কাজরী গাইছে, আর সে গানে
প্রিয়তমের অস্ত অধীর উৎকর্ষা সুললিত ভাষায় কুটে
উঠেছে—

বীতী ঠহি আবন কী, লালমন ভাবন কী

ভব ভই বাধন কী, লাবন কী বস্তিরী।

“আমার প্রিয়তমের আগসার দিন উত্তীর্ণ হয়ে গেছে, মন
ভাবনার ভবে উঠেছে, শ্রাবণের বাত সুস্বীর্ণতর হয়ে বাতছে।”

আর এক স্থানে মন মেঘে বিরহিণী কবিতা বলে—

শ্রাম ধরে নহী, ঘেরি আয়ে বদরা

শোওতি রহেওঁ সপন ইক দেখিওঁ রামা

খুলি গয়ে নৈন, চরিক গয়ে কাজরা।

“শ্রাম ধরে নেই, বাদল ধিরে এসেছে, হে রাম! শুয়ে এক
স্বপ্ন দেখে জেগে উঠলাম। ঘুম ভেঙে গেল, চোখের কাজল
ধুয়ে গেল অশ্রুজলে।”

মধ্যপ্রদেশ, উত্তর-প্রদেশ, রাজস্থান ও গুজরাটের উৎসব-
ভরা শ্রাবণ রাত নারীদের কাজরী গানে মুগ্ধরিত হয়ে উঠে।
গ্রাম্য নারীরা তাদের হৃদয়ের সুখ-হুঃখ মান-অভিমান কাজরী
গানের ভিতর দিয়ে সরল ভাষায় ব্যক্ত করেছে। সে গানের
মিষ্টি সুব আর পদাবলী হৃদয় স্পর্শ করে।

পতি প্রিয়তমা পত্নীকে নানা বসন-ভূষণে সাজাবে তাই
বিদেশে চলে গেছে বস্ত্রালঙ্কার আনতে, ধরে বিরহিণী পত্নী
উদ্বাস মনে গাইছে—

“নধিরা কে কারণ হবি মোবে উত্তরি গইলে পার

বস্তিরা সেজিরা হো-অকেলী, দিনয়েঁ বস্তিয়েঁ ন লোইতে

এক তো রাতি হো বড়ী হার, হুগরে সইরা বিছড়ী

জীসরে সাবন-কে মহিনঠা, কন্বয়কাতে বধরী।”

“আমার প্রিয়তম আমার অস্ত মন আমতে নধীর ওপারে চলে
গেছে, বাতে শস্যের আদি একাকিনী, দিনে কন্বয়
বাক্যলগত লক্ষ হয় মা। অকস্মৎ হুস্বীর্ণ বাত কাটে মা

তায় প্রিয় আমাকে ছেড়ে বিদেশে চলে গেছে, তৃতীয়তঃ শ্রাবণ মাস ঋতুসম্বন্ধে করে বারি বরছে, আমার প্রিয় কি করে আসবে।”

রাজস্থানের এক পল্লীগীতিতে আছে—

ভূ-ভীনী ঘোড়া ভলা ডাবা উপড়িয়াহ

মিরগা-নৈনী মাংগবা খগ বাবা খড়িয়াহ।

বর্ষার বারিপাতে পৃথিবী ভিজে যাচ্ছে, ভিজে মাটির সুগন্ধে চারিদিক ছেয়ে গেছে, এমনি দিনে এক যুবক সুন্দর ঘোড়ায় চড়ে যাচ্ছে, দেখে এক যুগনয়নী আপনমনে প্রশ্ন করছে, এমনি ছুর্যোগের দিনে ঘোড়ায় চড়ে বাইরে যাচ্ছে সে কে? হয় ত সে তার প্রিয়তমা পত্নীর সঙ্গে মিলিত হবার জন্ত এই ছুর্যোগ তুচ্ছ করে ঘোড়া ছুটিয়ে যাচ্ছে, নয় ত সে বর্ণক্ষেত্রে তলোয়ার চালিয়ে যুদ্ধ করতে যাচ্ছে, নইলে শ্রাবণের এই বর্ষণযুগের দিনে ঘর ছেড়ে কে বাইরে যাবে?

সাধারণতঃ গ্রামের পুরুষরা অর্ধ উপার্জনের জন্ত ব্যবসা-বাণিজ্য সংক্রান্ত কাজে দূর-দেশবাসী হয়, শ্রাবণ মাসে তারা নিজ গ্রামে ফেরে তাদের প্রিয়তমা পত্নী ও সন্তানের সঙ্গে মিলিত হবার জন্ত। যে নারীদের পতির কোন কারণে স্বদেশে ফিরতে অপারগ হয় তাদের বিরহিনী পত্নীদের মনোবেদনা কাণ্ডরী গানে ব্যক্ত করা হয়—

সৈয়্যী যোগী হোগেয়ে মোরে মহারাজ—

শ্রাবণ কী ছায় বৈশি আঁধেরী, রিম্বিন্দু বরসৈ মেহরে

হোগেয়ে মোরে মহারাজ সৈয়্যী যোগী হোগেয়ে।

“আমার প্রিয় যোগী হয়ে গেছে, শ্রাবণের আঁধার রাত, রিম্বিন্দু করে মেঘ বরছে, আমার প্রিয় যোগী হয়ে চলে গেছে।”

“কাহে কো বরসত কালী বদরিয়া

হমারে পিয়া পরদেশ নিধারে—

বিজলৌ চমকে জৈসে লাগে কটরিয়া।

সস্তরী সখিয়্যী বুলে হিডোঁলা

আঠে আঠে বং সুরগ-চুনরীয়া—

নহী-নহী বুদ্ধিয়ন মেহরা বরসৈ

প্রিয়াবিন তড়পত জৈসে মছরীয়া

সখী কুঞ্চ কী পেয়ারী রাধিকা

বেগ মিলে তৌহে আন সবরিয়া।


“হে কালো মেঘ, কেন রষ্টিরূপে করে পড়ছ? আমার প্রিয় পরদেশ চলে গেছে, বিজ্ঞাৎ চমকাচ্ছে, আর মনে হচ্ছে কে যেন ছুরির আঘাতে আমার দেহ অর্জরিত করে দিচ্ছে। রামধনু বস্তুর সুন্দর ওড়না ছলিয়ে সব সখীরা হোলনার হুলহোঁ। সেখ গলে ছোট ছোট বারিবিন্দু হয়ে করে পড়ছে। কাল বিনা মাত্র যেমন ধড়কড় করছে তেমনি আমিও প্রিয়

বিনা ছটফট করছি। সখী, আমি কৃষ্ণের প্রিয়তমা রাধিকা, তোমরা শীঘ্র প্রিয়কে নিয়ে এস।”

শ্রাবণের নাগপঞ্চমী দিন ঘরে ঘরে কন্যাদের “শুড়িয়া উৎসব”, মানে পুতুলের উৎসব হয়। নাগপঞ্চমী দিন বধু ও কন্যারা ভোরে স্নান করে সুন্দর বসন-ভূষণে সজ্জিত হয়। গৃহবধু ঘরের দেয়ালে কয়লা দিয়ে কালো নাগের চিত্র অঙ্কিত করে। দুধ দিয়ে পায়ের বেঁধে নাগদেবতার ভোগ দেয় ও যথারীতি পূজা করে। রাত্রে বয়স্ক গৃহিণীরা বাড়ীর জল-নির্গমনের রাস্তায় এক বাটি দুধ ও কলা বেধে দেয়, তাদের বিশ্বাস নাগদেবতা নিশ্চয়ই দুধ পান করে যাবে নীরবে এসে।

শুড়িয়া উৎসব-বেশ উপভোগ্য। সারা বছর ধরে ধনীরা কন্যাই হোক আর গরীবের কন্যাই হোক সবাই পুতুল খেলে এবং নাগপঞ্চমী দিনে সে সব পুতুলকে বিসর্জন দেয় বেশ সমারোহ করে। নব-বিবাহিতা বধুরা, কুমারী কন্যারা পুরানো কাপড় দিয়ে পুতুল তৈরি করে। পুতুলগুলি সাধারণতঃ এক-হাত আধ-হাত, লম্বা হয়। মেয়েরা পুতুল-গুলিকে নিপুণভাবে তৈরি করতে চেষ্টা করে। পুতুলের খোঁপা বাঁধে কালো সূতো দিয়ে, সুন্দর করে ছোট ছোট সেলাইয়ের ফোঁড় দিয়ে চোখ তুরু, নাকের রেখা টানে, লাল সূতো দিয়ে ঠোঁট আঁকে। ছেড়া শাড়ী আর বংবেরঙের কাপড়ের টুকরো দিয়ে সুন্দরভাবে শাড়ী ব্লাউজ; ঘাঘরা ইত্যাদি সেলাই করে পুতুলকে সাজায়। প্রত্যেকেই নিজ নিজ পুতুল অস্ত্রের চেয়ে সুন্দর করবার জন্ত চেষ্টা করে। প্রতি-যোগিতা থাকতে প্রায় প্রত্যেকটি পুতুলই দেখতে বেশ সুন্দর হয়। নাগপঞ্চমীর অপরাহ্নে তরুণী বধুরা, কিশোরী কন্যারা এবং বালিকারা বসন-ভূষণে সুসজ্জিতা হয়ে নুপুরের শিঞ্জন তুলে দল বেঁধে চলে কোন জলাশয়ের তীরে। হাতে তাদের সাধের পুতুল, আর শাড়ীর আঁচলে মটর ও চানাচুর ভাজা। বাড়ীর বয়স্ক গৃহিণীরাও এই উৎসবে সানন্দে যোগ দেয়। মেয়েদের নিজের ভাইয়েরা বা সম্পর্কিত ভাইয়েরা চলে সঙ্গে সঙ্গে লাঠি নিয়ে। ভাইদের লাঠিগুলিতেও বৈচিত্র্য আছে। তারা কুলের ডাল, অভাবপক্ষে অল্প গাছের ডাল কেটে তার সমস্ত বাকল চেঁচে ফেলে দেয়, শুধু লাঠির আগাতে কিছু কিছু বাকল বুঁটির মত বেধে দেয় এবং কালো বং দিয়ে লাঠিটাকে সুন্দরভাবে চিত্রিত করে। তারপর মাল-কোঁচা দিয়ে ধুতি পরে গায়ে কোর্তা আর কাঁধে বিচিত্র লাঠি নিয়ে ভাইয়ের দল চলে বোনদের পেছনে পেছনে।

শোভাযাত্রা বের হয়ে কোন হ্রদ বা পুকুরের তীরে গিয়ে দাঁড়ায়। বোনরা যে যার পুতুল বর্ণাঙ্গণ করে জলাশয়ের তীরে জলের একটু উপরে ছুঁড়ে ফেলে, আর ভাইয়েরা অমূল্য লাঠিগুলি দিয়ে পুতুলদের খুব নিচুতে থাকে, বোনদের



শাখের পুতুলগুলি মার খেয়ে খেয়ে চেপ্টা হয়ে যায়, নারীরা আর কন্ডারা এই দৃশ্য দেখে হেসে কুটিকুটি হয়। মারের পর্ক শেষ হলে বোনেরা সবার হাতে চামাচুর আর মটর-ভাজা বেঁটে দেয়, তা সবাই মিলে পরমানন্দে খায়। খাওয়ার পর ভাইয়েরা তাদের লাঠিগুলোকে মাঝখানে ঝানিকটা তেঙে দেয় ও তার মধ্যভাগে যে যার পুতুলটাকে আটকে নেয়, তারপর বাড়ীতে এনে সেই লাঠি গোয়ালে বা ঘরের কোণে পুঁতে রাখে। রাত্রে গুচি ও ক্ষীর (পায়েরস) সহযোগে ভোজনপর্ক সমাপ্ত করে।

কনৌজের নারীরা বড় পর্দানশীন, বধূদের গৃহের বাইরে চলাফেরা করবার অধিকার নেই। শ্রাবণের বুলায় কন্ডারা দোলে কাজরী গান গেয়ে, আর যে বধুরা পিতৃগৃহে 'নাইহর' যেতে পারে নি, তারা অশ্রুসজল নয়নে নন্দীদেব বুলায় দোলা দেখে দীর্ঘশ্বাস ফেলে। নাগপঞ্চমীর দিন রাত্রে আহার সমাপ্ত হলে পর যখন গৃহের পুরুষেরা ও প্রতিবেশী পুরুষেরা নিজা যায়, গৃহে গৃহে আলোকশিখা নির্কপিত হয় তখন সে রাতের মত শাশুড়ীরা বধূদের অশ্রুমতি দেয় বোলায় বুলাতে। রাত্রি বারটার পর বধুরা সেজেসুজে রাত চারটা পাঁচটা অবধি বুলায় দোলে, নন্দ-ভাজের কাজরী গান সে মনশীল রাত্রে সুবের জাল বুনে যায়।

এর পর আসে রাধী-বন্ধন উৎসব। বুলায় পূর্ণিমা উপলক্ষে পিতামাতা নিজ নিজ কন্ডাদের যথাযোগ্য বসন-ভূষণে সজ্জিত করে, পতিগৃহবাসিনী কন্ডাদের বস্ত্রালঙ্কার উপহার পাঠায়। শ্রাবণে অতিদরিদ্রা নারীও নিজকন্ডাকে সামান্য কিছু দৌধীন জিনিষ বা মিষ্টির জন্ত একটি মুদ্রা হলেও যে ভাবেই হোক সংগ্রহ করে দেবে, কারণ শ্রাবণ হ'ল কন্ডাদের উৎসবের মাস। কন্ডারা, বধুরা তরুণীরা মেহেদী দিয়ে হাত রাঙায়, পারে আলতা পরে জমকালো বাধরা ওড়না চোলীতে সুনজ্জিত হয়, গলায় চন্দ্রহার, সাত- 'নহরী', হাতে জসম পটি, বাজুবন্ধ, কাঁকন, কানে বড় বড় বুমকা, কপালে টাঁদের মত সোনার বিন্দি শোভা পায়। অলঙ্করসজ্জিত পারে পায়ের বাজিয়ে, কাজলটানা আঁধির উল্লাসভরা দৃষ্টি মেলে, বধুরা কন্ডারা হল বেঁধে চলে মাঠে কাজরী গান গেয়ে দোলনায় হুলতে।

খণ্ডবালয়ে তরুণী বধুরা পিজালয়ে যাবার জন্ত উশুখ হয়ে থাকে, কখন তাদের সহোদররা এসে তাদের নিয়ে যাবে আঞ্জনের নীড়ে। প্রতীকমাণা কন্ডাদের চোখের সামনে ভেসে উঠে উৎসবযুগের পিতৃগৃহ। শ্রাবণের বুলা আর কাজরী গানের কল্পন পূর তাদের হৃদয় উত্তলা করে তোলে। বিশেষতঃ যে বধুরা পিতৃমাতৃহীনা, তারা উৎসবভরা শ্রাবণে নিজদের বড় অত্মপিনী মনে করে। ওদিকে মায়েরাও লগ্ন-বিবাহিতা কন্ডাদের বিবাহে অধির হয়ে উঠে। কাজরী

এই গানটি মায়েরদের অন্তরের ব্যাকুলতা সুদূর ভুলেছে।
 শ্রাবণ নিয়বে আয়ে হো বেটা
 তোমারি বহিন পরদেশে হো রাজা
 সবহী বহনিয়া খেলে কাজরিয়া হো বেটা
 তিহারী বিসুবে পরদেশ হো
 জাও বেটা, সিবা লায়ে বহনিয়া
 তুমহারী বহিন পরদেশ হো।

শ্রাবণ এসেছে, বাছা তোমার বোন পরদেশে পথ চেয়ে বসে আছে। সব মেয়েরা বোনেরা কাজরিয়া খেলছে, আর সুদূর বিদেশে তোমার বোন ব্যাকুল হয়ে পথ চেয়ে আছে। যাও বাছা, তোমার বোনকে নিয়ে এস, বোন তোমার পথ চেয়ে বসে আছে।”

শ্রাবণের শেষ পূর্ণিমায় রাধী-বন্ধন উৎসব হয়, এটা হ'ল বোনদের সব চেয়ে বড় উৎসব। আজিকার দিনে বোনেরা তাদের পরম স্নেহের ভাইয়ের হাতে রাধী বেঁধে দেয় প্রাণ-ভরা ভালবাসা আর শুভকামনা নিয়ে, নিজের হাতে নানারূপ মিষ্টান্ন আর সুখাণ্ড তৈরি করে সাজিয়ে আনে ভাই-এর জন্ত। ভাইয়েরাও যথাযোগ্য উপহার বোনকে এনে দেয়। যদি কোন কারণে ভাই-বোন রাধী-বন্ধনের সময় একত্র না হতে পারে তবে বোন ডাকযোগে ভাইয়ের হাতের সুদৃশ্য রাধী ও মিষ্টির জন্ত টাকা পাঠিয়ে দেয়, আর তার পরিবর্তে ভাইয়ের কাছ থেকে সুদৃশ্য শাড়ী ব্লাউজ অথবা টাকা উপহার পায়।

রাধী-বন্ধন উৎসবের চার-পাঁচ দিন পূর্বে বোনেরা একটি মাটির পাত্রে কিছু গম ভিজিয়ে রাখে। তার পর সেই গম জল থেকে তুলে ঢেকে রাখে। শীঘ্রই তাতে অল্প বের হয়, ও গমগুলি কয়েক দিনের ভিতরেই ছোট চারাতে পরিণত হয়। ভাইদের হাতে রাধী বেঁধে দেবার পর বোনেরা এই সবুজ গমের ছ'চার গাছা ভাইয়ের কানে গুঁজে দেয়, এবং পরে আত্মীয়-স্বজন বন্ধু-বান্ধব সবাইকার হাতে ছ'চার গাছা করে গমের চারা দিয়ে শুভকামনা জানায়। উত্তর-প্রদেশে ও মধ্য-প্রদেশে এই সবুজ গমের চারাকে কোথাও ভুজরিয়া বলে, কোথাও বা কাজরিয়া বলে। খুব সম্ভব এই সবুজ চারা দীর্ঘ জীবনের প্রতীক হিসাবে ব্যবহৃত হয়। যুগ যুগ ধরে এই সব দেশের ধরে ধরে, ভাই-বোনের নির্মল স্নেহ ভাল-বাসার নিদর্শন রাধী-বন্ধন উৎসব পরম নির্ভর সহিত অনুষ্ঠিত হচ্ছে, এ উৎসব বড় সুন্দর, বড় মধুর। শ্রাবণী উৎসব শেষ হয়ে যায়, তার আনন্দের রেশ থেকে যায় মনে বহু দিন।

শ্রাবণের কাজরীয়া উৎসব ও গানের ভিতর দিয়ে শুধু সমাজচিত্রই পরিস্ফুট হয়ে উঠে না, কাজরী গান আমাদের চোখের সামনে তুলে ধরে পিতৃগৃহের জন্ত নববিবাহিতার ব্যাকুলতা-ভরা অন্তর, কন্ডা বিচ্ছেদ-কাতরতা মায়ের অসীম স্নেহ-ভরা উৎকণ্ঠিত হৃদয়, প্রিয়র অদর্শনে পল্লী বা প্রেমিকার কাজল-টানা অশ্রুসজল আঁধি আর অতিমান-ভরা ব্যথাভূর হৃদয়।

নষ্ট চাঁদ

শ্রীকালীপদ ঘটক

মনটি আমার বরছাড়া যে
করলে তুমি প্রিয়,
কেমন করে রাখব তাকে বেঁধে ।
সোনার কাঠি ছুঁইয়ে যাবে
করলে বরণীয়,
পথের ধারে সে কেন মরে কেঁদে ।

সেই যে দেখা একটি ক্ষণের তরে,
মুখের পানে ঈষৎ হেসে চাওয়া ;
একটুখানি আমায় ছুঁয়েছিলে,
সেই যে আমার অনেকখানি পাওয়া ।

নাই-বা দিলে ছ'একটি ফুল গুঁজে
শুষ্ক এ মোর শিথিল কবরীতে,
শাঁখ বাজায় লাল চেলীতে ঢেকে
নাই-বা এলে বরণ করে নিতে ।

বরণ ? ছি ছি মরণ কালামুখী,
এমন কথা বলতে কভু আছে !
শুনলে দেবে ঘরের লোকে খোঁটা,
বাইরে কেহ রটায় কিছু পাছে ।

বয়স যবে বারোই বৃদ্ধি হবে,—
কপালগুণে দিন্দুর গেছে মুছে,
টিপ পরা আর আরশিতে মুখ দেখা
ওসব আপদ বালাই গেছে ঘুচে ।

পাড়ায় বলে ভাগ্যটা যে পোড়া,
শাস্ত্র বলে উপোস করে থাক,
সমাজ বলে পানটা খেতে মানা,
ধান কাপড়ে লজ্জা ঢেকে রাখ ।

যৌবনে কি ঠেকান দেওয়া যায়,
কেমন করে রাখব তাকে চেপে ;
এল যখন ভাস্ত্রে ভরা নদী,
অদ ভরে ছ'কুল দিল ছেপে ।

এও যেন সে আমার অপরাধ—
দেহের সাথে রূপের মেশামেশি ;
রূপটা যেন নষ্ট চাঁদের আলো,
আলোর চেয়ে কালোর ভয়ই বেশী ।

মানাই কঁাসি মাজলিকে ডেকে
পড়শীরা কেউ কথাও বলে নাকো,
ভাবটা যেন শুনছ ওগো মেয়ে—
একটুখানি দূরে দূরেই থাকো ।

আমি যে এক অমঙ্গলের ছায়া,
ওদের বল ছষব কেমন করে ;
ছাঁদনাতলা এয়ো আচার থেকে
ছুঁৎ বাঁচিয়ে নিজেই থাকি সরে ।

বয়স হ'ল এই ত সবে বাইশ,
জীবন থেকে ফুরিয়ে গেছি কবে ;
লোকের মুখে সতীর কথা শুনি,
মরলে নাকি সেটা প্রমাণ হবে ।

তাই ত ভাবি মুক্তি কত দূরে—
বেঁচে থাকার বিড়ম্বনা থেকে ;
সুনাম রেখে মরানি বৃদ্ধি ভাল,
কাজ কি বল মনের কালি মেখে ।

পাড়ায় ঘরে একবয়সী যারা,
ছিল আমার সঙ্গীসার্থী যত ;
সীমস্তিনী ভাগ্যবতী তারা,
আমায় দেখে দুঃখ করে কত ।

মনের কথা খুলেই বলে আজো—
ঘরের কথা, বরের খুঁটিনাটি ;
জীবন কত সুখ সোহাগে ভরা,
সবটি যেন নিখুঁত পরিপাটি ।

অবাক হয়ে নীরবে দেখি চেয়ে
কারো বা কোলে সোনার খোকা হাসে,
জননী তারে শতেক চুমা দিয়ে
কত না ছাঁদে জড়ায় বাহুপাশে ।

আহা রে বাছা বালাই নিয়ে মরি,
যুধ দেখে তোব বুক যে উঠে ভরে ;
আর যে কথা স্বপ্ন হয়ে জাগে—
যুধ ফুটে তা বসি কেমন করে ।

চুপ চুপ চুপ, আশ্তে কড় ই রাঁড়ী,
মা হতে তোব এতও জাগে সাধ ;
আঁশ্ঠাকুড়ে ফুস কখনও ফোটে,
মনের এ পাপ চরম অপরাধ ।

এমনতর চপল মতিগতি—
এর যদি কেউ গন্ধটুকু পায়,
পরের কথা না হয় হবে পরে—
ঘরে যে তোব টেকাই হবে দায় ।

দাদা ও দিদি বৌদিদিরা সবে
ভালই বাসে, খোরাকটা ত জোটে ;
একাদশী নির্জলা হয় হোক,
হরিঘ্যানে অভাবটা নেই মোটে ।

জ্যেঠামশায় পৃথক অন্ন হলেও
দানধ্যানে তাঁর নাই কোন বিচ্যুতি,
বস্ত্র আমার তিনিই যোগান নিজে
পূজার সময় একজোড়া ধান ধুতি ।

অভাব কিসের ! জ্যেঠাইমাটাও ভাল,
তৃতীয়া তাই বয়স কিছু কাঁচা ;
আমার চেয়ে ছোটই কিছু হবে,
হলে কি হয়—মানুষটা ধুব সাঁচা ।

কতদিন যে গন্ধতেলের শিশি
এগিয়ে দিয়ে বলেন—তুলে রাখ,
হেজলিনটা দিই না গালে ঘষে—
মাখ না বাছা, একটুখানি মাখ ।

হেসেই বলি জ্যেঠাইমা আর কেন—
আশিস্ কর পায়ের ধুলো দিয়ে,
স্নো হেজলিন মাথতে যেন পাবি
তাড়াতাড়ি ঘমের বাড়ী গিয়ে ।

ভালই আছি—দুঃখ কিছু নাই ;
সুখেই আছি এদের ভালবেসে ;
বাপের বাড়ী আঁকড়ে আছি পড়ে,
যাইনি ত আর বানের জলে ভেসে ।

এরা আমায় পর ভাবে না কেউ,
আমার দিকে লক্ষ্য আছে ধর ;
লক্ষ্য মানে চোখে চোখেই রাখে,
বয়সটা যে আজো কেমনতর ।

সেদিক থেকে ধাতটা এদের কড়া,
সয় না কোন অসংযমের ক্রটি ;
একটুখানি হোঁচট যদি খাই—
রক্ষা নাই আর, এখান থেকে ছুটি ।

শাস্ত্র আচার সমাজবিধির বেড়া—
এদের কাছে মানুষ চেয়ে দামী ;
সাতপুরুষে নাইকো ব্যতিক্রম,
পারবে না কেউ দিতে এ বদনামী ।

একটা কথা নজির দিয়েই বলি,
আজ থেকে ঠিক বছর পাঁচেক আগে—
মেজদিদির এক ঠাকুরজামাই এলেন,
মস্ত উকিল, থাকেন আরামবাগে ।

সন্ন্যাসী লোক, এম-এ, বি-এল, পাস,
এই বাড়ীতে খাতির ছিল ঢের ;
এবার যেন ধরল কিছু চিড়,
ঘটিয়ে গেলেন কিছুটা হেরকের ।

কোনকালে সেই বিভাসাগর নাকি
দিয়ে গেছেন কিসের যেন বিধান
শাস্ত্রমতেই সিদ্ধ নাকি ওটা,
তুলিয়ে দিলেন আরো কতই নিদান ।

হঠাৎ একি অসম্ভবত প্রলাপ—
প্রসঙ্গটা আমারি নাম ধরে,
কে জানে ছাই ঝঁঝের সে মঞ্জলিশে
আমার কথা উঠল কেমন করে।

বলেন তিনি—বিধবাদের বিয়ে
বয়সকালে দেওয়াই সমীচীন ;
এই মেয়ে কি দগধে মারা চলে
পাত্র দেখে আবার বিয়ে দিন।

জেঠামশাই শুনেই হতবাক,
বড়দা দেখি ঈষৎ স্ত্রিয়মাণ ;
আর যাঁরা সব আশেপাশেই ছিলেন
অস্তুরালে এ ওর দিকে চান।

বলেন কি এ ভদ্রমহোদয়,
এই বাড়ীতে চলবে ওসব নীতি !
সমাজ থেকে একধরে ত বটেই ;
বংশে কালি, কুলের দফা ইতি।

একে একে সরে পড়লেন সবাই
ভদ্রলোককে একলা ঘরে রেখে,—
অবাক হলেন ঠাকুরজামাইবাবু
কুটুম্বদের কাণ্ডখানা দেখে।

নিজের হাতে সূটকেসটা বয়ে
তঁাকেও হঠাৎ বেরিয়ে যেতে হ'ল,
হুকুম দিলেন বিকুমাগাড়ী চড়ে—
জলুদি হাঁকো, ইষ্টিশানে চল।

ভদ্রলোককে তাড়িয়ে দিলে এরা,
নয় কি এটা নেহাত বাড়াবাড়ি !
সেজদিদিরা খবর পেলে পরে,
তখন থেকে কুটুম ছাড়াছাড়ি।

বিয়ে আমার নাই-বা দিলি তোরা—
তাই বলে কি ভদ্র হতে নেই।
দেখে শুনে অবাক মেবে গেছি,
দোষ দিই শুধু নিজের ভাগ্যকেই।

খাঁচার পাখী খাঁচার আছি পড়ে,
আকাশটাকে দূরের থেকে দেখি ;
পাখনা মিলে উড়তে সেথা মানা,
খাঁটি যে আমি—হতে কি পারি মেকি।

তবুও দেখি আমার পানে চেয়ে
কলকী চাঁদ হাসে মেঘের ফাঁকে ;
বাতাসে কার নিলাজ বাঁশী বাজে,
নিশির ডাকে আমায় যেন ডাকে।

এই যে হেথা সারা ভুবন জুড়ে
দিক্‌বিদিকে চলছে প্রাণের খেলা,—
সেখায় আমার নাই কি কোন ঠাই,
জীবন নিয়ে কেন এ হেলাফেলা।

মন বলে এ মিথ্যে দিয়ে গড়া
লোকভুলানো প্রবঞ্চনার ফাটুস,
বিশ্বস্ত্রী চায় নি যেটা নিজে
শাস্ত্র গড়ে তাই চেয়েছে মানুষ।

সয়েই গেছি, এই যে ভরা দেহ—
ইচ্ছে করেই তাকাই নে তার দিকে,
যৌবনের এ ব্যর্থ হাহাকার
কি আর হবে দিনসিপি:স্ত্র লিখে।

ভুলেই ছিলাম, ভাবতে পারিনিকো
ভবিষ্যতে আর কোনদিন কেউ,—
জীবনের এই ভাঙ্গা নদীর বঁকে
কুল ছাপিয়ে জাগিয়ে যাবে ঢেউ।

হঠাৎ কেন পড়ল তোমার ছায়া—
নদীর জলে, এই মনের আরাধিতে ;
ঘুম ভাঙিয়ে আমায় কেন ডাকা,
ফুল কেন গো আমার সমাধিতে।

তোমায় আমি রাখব কোথা বল,
চাকব তোমায় কিসের আড়াল দিয়ে !
যেদিন আমায় আর পাবে না খুঁজে—
সেদিন যেন আমার ঘেয়ো নিয়ে।

আজকে শুধু এইটুকুখানি বলি—
 যা দিয়েছ ভুলব না তা কতু ;
 যা চেয়েছ পারি নি যে তা দিতে,
 না পাওয়ার সে কোত্ত রেখো না তবু ।

মান দিয়েছ, দান দিয়েছ যেচে,
 কঠে আমার গান দিলে যে তুমি ;
 এ কোন্ রঙে রাঙিয়ে দিয়ে গেলে,
 শ্রামল করি উষর মনোভূমি ।

বাইরে তোমায় চিনবে না ত কেউ,
 হয় ত আমার বলবে কলঙ্কিনী ;
 শুনলে তুমি হুঃখ পাবে শুধু,
 নাই-বা হ'ল বাইরে চেনাচিনি ।

অন্তরে যে তুমিই আছ জেগে,
 পরশ দিয়ে আগিয়ে গেছ কবে ;
 সেই কথাটি কালের বুকে লেখা
 চিরস্তন সত্য হয়ে রবে ।

ভুল করি নি তোমার ভালবেসে,
 ভালবাসা ত নয় সে অপরাধ,
 'অহিক' জনে শুনবে না তা জানি,
 জটলা করে রটাবে অপবাদ ।

আমায় ওরা যা খুশি বলে বলুক—
 তোমায় পাছে মন্দ বলে কেউ ;
 সে হুঃখ আর সইবে না এ বুকে,
 তার চেয়ে যে মরণ ভাল সেও ।

মিলন-রাখী দিয়েছ বেঁধে হাতে,
 বিরহে জানি ভয়ত কিছু নাই ;
 ওপার ছেয়ে রয়েছে তুমি মোর,
 এপার থেকে আমি যে সাড়া পাই ।

মাঝখানে যে বহে বিরহ-নদী,
 এপার থেকে তোমায় র'ব ছুঁয়ে ;
 ওপারে এসে দাঁড়াও যদি কুলে,
 আঁজলা ভরে পা দু'টি দিব ধুয়ে ।

এপারে থেকে চোখের জলে গৌঁথে
 চেউয়ের বুক ভাসিয়ে দিব মালা,
 ওপার থেকে নিয়ো গো তুলে নিয়ো—
 মালার সাথে বুকের কিছু জালা ।

শেষ করি এ ছোট্ট ইতিকথ',
 জানে ত সবে চির অভাগী আমি ;
 একটা কথা কথা জানে না শুধু ওরা—
 স্বপনে পাওয়া তুমি আমার স্বামী ।



কেদারনাথের পথে

শ্রীপ্রভাসচন্দ্র সেন

গিরিরাজ হিমালয় পবিত্রতার চির প্রতীক। ভারতবর্ষের সম্পূর্ণ উত্তর সীমানা বেষ্টিত করিয়া উন্নতমস্তকে অনাদিকাল হইতে দণ্ডায়মান রহিয়াছে এই পর্বতশ্রেষ্ঠ হিমালয়। ইহার পবিত্র কোল তপস্কার অনুকুল ক্ষেত্র; কত ঋষি, যোগী, সিন্ধু মহাপুরুষ অরণ্যভীত কাল হইতে এই পবিত্র ভূমিতে কত কঠোর তপস্যায় কালাতিপাত করিয়াছেন এবং আজও করিতেছেন, কে তাহার পরিমাপ করিতে পারে ?



রুদ্রপ্রয়াগ

এই হিমগিরির অন্তর্দেশে হিন্দুদের কয়েকটি তীর্থক্ষেত্র অবস্থিত; কেদারনাথ ও বদরিকাশ্রম বা বদরিকাশ্রম, তাহাদের মধ্যে মুখ্য ও প্রাচীন। কত যুগ-যুগান্তর ধরিয়া এই তীর্থদ্বয় আপন মহিমায় মহিমামিত হইয়া সর্গোরবে আজও বিরাজিত রহিয়াছেন। মহাভারতে উক্ত আছে, পাণ্ডবেরা এই পথেই মহাপ্রস্থান করিয়াছিলেন; তাই প্রতি ভারতবাসীর নিকট এ পথের প্রতিটি ধূলিকণা চিরপবিত্র হইয়া রহিয়াছে।

প্রতি বৎসর শত শত পুণ্যাথী ভারতবাসী নানারূপ বাধাবিপত্তি, শারীরিক কষ্ট উপেক্ষা করিয়া ছুটিয়া বাহির হয় এই দুইটি প্রাচীন তীর্থ দর্শন করিতে। দুইটি তীর্থ-ক্ষেত্রই হিম-উপত্যকার ভিতরে অবস্থিত, এবং বৎসরের ছয় মাস তুষারাবৃত থাকে। অক্ষয়তৃতীয়া তিথি হইতে শ্রামাপূজা পর্যন্ত মন্দিরদ্বার খোলা থাকে। শ্রাবণ-ভাদ্রে যদিও মন্দিরদ্বার খোলাই থাকে, তথাপি বর্ষার প্রাচুর্যের জন্ম যাত্রী-সমাগম কমই হইয়া থাকে; গ্রীষ্ম ও শরৎকালেই যাত্রী-সমাগম হয় অধিক।

আগেকার দিনের তুলনায় আজকাল পথের কষ্ট বহুলাংশে লাঘব হইয়াছে সন্দেহ নাই, তবুও যথেষ্ট কষ্ট স্বীকার না করিলে আজও এই দুইটি তীর্থধামে উপনীত হওয়া সম্ভব

নহে। আজকাল বহুদূর পর্যন্ত মোটর বাসেই যাওয়া চলে বটে, কিন্তু শেষ পর্যন্ত চলিতে হয় পায়ে হাঁটিয়া কঠিন বন্ধুর পার্বত্য পথে। ক্রমাগত উঠানামা, চড়াই-উৎরাই করিয়া পথের সঙ্গে অবিরাম সংগ্রাম চালাইয়া চলিতে হয় দিনের পর দিন।

কেদারনাথের পথে হৃষীকেশ হইতে রুদ্রপ্রয়াগ পর্যন্ত বাসেই আসা চলে; তাহার পর আরও প্রায় পঞ্চাশ মাইল পথ পায়ে হাঁটিয়া চলিতে হয়। আর এই পথটুকু অতিক্রম করাই সমতলবাসী যাত্রীদের পক্ষে প্রায়ই একটা দুর্ভাগ্য সমস্যা হইয়া পড়ায়। বদরিকাশ্রমের পথে রুদ্রপ্রয়াগ হইতে আরও অগ্রসর হইয়া পিপুলকুঠি পর্যন্ত বাসে যাওয়া চলে। পিপুলকুঠি হইতে বদরিকাশ্রমের দূরত্ব আটত্রিশ মাইল। এই পথটুকু হাঁটিয়া চলিতে হয়, তবে শীঘ্রই ঘোশীমঠ পর্যন্ত বাস চলিতে আরম্ভ করিবে; তখন মাত্র আঠারো মাইল হাঁটা পথ থাকিবে।

আমরা যাত্রা শুরু করিলাম হৃষীকেশ হইতে বাসে। লছমনবোলা ছাড়াইয়া আরও প্রায় দু'তিন মাইল অগ্রসর হইয়া পার্বত্যপথে আসিয়া পড়িলাম। পাহাড়ের গা কাটিয়া মোটর চলিবার রাস্তা বাহির করা হইয়াছে। আমাদের প্রথম দিনের গন্তব্য স্থান দেবপ্রয়াগ। পথ গজার অববাহিকা ধরিয়াই চলিয়াছে। পথের বহু নিম্নে প্রবল শ্রোতস্বিনী গঙ্গা। পরপারে রেখার মত পায়ে চলা পথ দেখা যাইতেছে; বাসের রাস্তা হইবার পূর্ব যাত্রীদের ঐ পথেই চলিতে হইত। বিপৎসঙ্কুল বন্ধুর পার্বত্য পথে পাহাড়ের পর পাহাড় অতিক্রম করিয়া ছুটিয়া চলিয়াছে আমাদের মোটরবাস দেবপ্রয়াগের উদ্দেশ্যে। প্রায় সাড়ে তিন ঘণ্টায় বিয়াল্লিশ মাইল পথ অতিক্রম করিয়া বেলা আন্দাজ এগারটায় আমরা পৌঁছিলাম দেবপ্রয়াগে। অনেক দূর হইতেই ছোট্ট শহরটি ছবির মত চোখের সামনে ভাসিয়া ওঠে; মনে হয় পাহাড়ের স্তরে স্তরে ছোট ছোট বাড়ীগুলি কেহ যেন সাজাইয়া রাখিয়াছে। দেবপ্রয়াগ—গঙ্গা ও অলকানন্দার সঙ্গমভূমি। গঙ্গোত্তরী হইতে আসিয়াছেন গঙ্গা বা ভাগীরথী, আর বদরিকাশ্রমের উপর হইতে আসিয়াছেন অলকানন্দা। এই সঙ্গমবাটই এস্থানের প্রধান আকর্ষণ। হিন্দুশাস্ত্রের মতে সাতটি প্রয়াগতীর্থ আছে, তার ভিতর একটিমাত্র মর্ত্যে ও বাকি ছয়টি ভূস্বর্গে। প্রয়াগ বলিতে সাধারণতঃ আমরা এলাহাবাদকেই বুঝিয়া

থাকি, কারণ সমতলভূমিতে সাতটি প্রয়াগের ভিতর মাত্র এই একটিই অবস্থিত; বাকি ছয়টি হিমালয়ের ক্রোড়ে। দ্বিতীয়, গঙ্গা ও সরস্বতীর সঙ্গমস্থান—হৃষীকেশ; জাহ্নবী ও অলকানন্দার সঙ্গমস্থান—দিব্য বা দেবপ্রয়াগ—তৃতীয়; অলকানন্দা ও মন্দাকিনীর সঙ্গমস্থান রুদ্রপ্রয়াগ—চতুর্থ। আরও তিনটি প্রয়াগ যথা, কর্ণপ্রয়াগ, নন্দপ্রয়াগ এবং বিষ্ণু-প্রয়াগও হিমালয়ের অন্তর্দেশে অবস্থিত।



সঙ্গমঘাট, রুদ্রপ্রয়াগ

দেবপ্রয়াগ ছাড়িয়া আমরা রওনা হইলাম রুদ্রপ্রয়াগের দিকে, এখান হইতে আরও প্রায় চল্লিশ মাইল দূরে। গঙ্গাকে আমরা এখানেই ছাড়িয়া আসিলাম, এ পথে আর তাঁহার সাক্ষাৎ মিলিবে না; ফিরিবার সময় আবার এখানেই মিলিবে তাঁহার প্রথম দর্শন। তাই যাত্রীরা মা গঙ্গার শ্রীচরণে প্রার্থনা জানায়, “মা, বাবা কেদারনাথ ও বদরীনারায়ণের দর্শন অভিসাধে চলিয়াছি, এ যাত্রা যেন শুভ ও সফল হয়; ফিরিবার পথে আবার তোমাকে বলিয়া যাইব।” গঙ্গার সেতু পার হইয়া এবার গাড়ী ছুটিয়া চলিল অলকানন্দার গতিপথ ধরিয়া। যতদূর দৃষ্টি যায় অগণিত পাহাড়ের শ্রেণী, কোথাও সমতল ক্ষেত্রের চিহ্নমাত্র নাই। একটি প্রবাদ শোনা যায়, লক্ষ পাহাড় অতিক্রম না করিলে কেদারনাথ বদরীনাথ দর্শন হয় না, কথটা একেবারে অলীক নহে বলিয়াই ধারণা হইল।

বাসের গোলযোগে সেদিন আর রুদ্রপ্রয়াগ পৌছনো সম্ভব হইল না; পথে গাড়োয়াল জেলার শ্রেষ্ঠ শহর শ্রীনগরে রাত্রিযাপন করিয়া পরদিন বিকালে পৌঁছিলাম রুদ্রপ্রয়াগ। পূর্বেই উল্লেখ করিয়াছি, রুদ্রপ্রয়াগ অলকানন্দা ও মন্দাকিনীর সঙ্গমভূমি। সঙ্গমঘাটের ঠিক উপরে রুদ্রেশ্বর মহাদেবের মন্দির অবস্থিত। মন্দির-প্রাঙ্গণ হইতে সোপানশ্রেণী খাড়া নামিয়া আসিয়াছে যেন পাতালপুরীতে, সঙ্গমঘাটে। মাঝে দেবীর মন্দির। দুর্বার গতিতে দুই স্রোতবিনী আত্মহারা হইয়া আসিয়া মহা আলিঙ্গনপাশে আবদ্ধ হইয়াছে এই সঙ্গমক্ষেত্রে। এক সঙ্ঘীন সংগ্রাম চলিয়াছে অবিদ্যম গতিতে অনাদিকাল

ব্যাপিয়া; আর মিলন-মুহূর্তের মহাববে দিগদিগন্ত মুখরিত হইয়া উঠিতেছে, রুদ্রেশ্বরের রুদ্রবীণার বন্ধার যেন উখিত হইয়া চলিয়াছে যুগ-যুগান্তর ধরিয়া।



কাণ্ডী

মন্দিরপ্রাঙ্গণেই আমাদের ধর্মশালা, অতি মনোরম স্থান। এখান হইতেই কেদারনাথ ও বদরীনাথের পথ ভিন্ন হইয়া গিয়াছে; অলকানন্দার গতিপথে চলিয়াছে বদরীনাথের পথ, আর মন্দাকিনীর কোলে কোলে কেদারনাথের পথ। এখান হইতেই পায়ে হাঁটিয়া আমাদের যাত্রা শুরু হইবে। যাহারা হাঁটিতে অসমর্থ কিংবা অনিচ্ছুক তাহারা এখান হইতেই, ডাঙী, কাণ্ডী বা ঘোড়া ভাড়া করিয়া লইবে। দুই রাত্রি এখানে কাটাইয়া, তৃতীয় দিবসে আমরা এখান হইতে পদব্রজে রওনা হইয়া ক্রমাগত দুই দিন চলিয়া পৌঁছিলাম গুপ্তকাশী তীর্থক্ষেত্রে।

গুপ্তকাশী পৌঁছিবাব প্রায় দুই মাইল পূর্ব হইতেই চলার গতি আমাদের শিথিল হইয়া আসিল। এই দুই মাইল ক্রমাগত উপরে উঠিতে হইবে, প্রাণান্তকর চড়াই। পিপীলিকার মত মধুরগতিতে অগ্রসর হইতে লাগিল যাত্রী-বল। সামান্ত পথ চলিলেই বৃকে ব্যথা ধরিয়া যায়, গলা শুকাইয়া উঠে, কিন্তু পথ আর শেষ হয় না। যত উপরে উঠিতে লাগিলাম, তুষারচ্ছন্ন পর্বতমালা প্রথম দৃষ্টিপথে পতিত হইতে লাগিল। পাহাড়ের পাদদেশে, বহু নিম্নে মন্দাকিনী প্রবাহিত। মন্দাকিনীর পরপারে আর এক পাহাড়ের

শিখরদেশে বহুদূরে উখীমঠের বাড়ীগুলি চোখের সামনে ভাসিয়া উঠিল। অপক্লম নয়নাভিরাম প্রাকৃতিক দৃশ্যাবলী, অধচ উপলব্ধি করিতে হইতেছে কল্পনাভীত ক্লান্ত দেহমন লইয়া। স্থানমাধুর্য্যে হত শক্তি পুনর্জীবিত হইয়া উঠিল। প্রায় তিন ঘণ্টাকাল এই ছুরধিগম্য পথের সহিত ক্রমাগত সংগ্রাম চালাইয়া যখন গুপ্তকাশীতে উপনীত হইলাম তখন দিবা দ্বিপ্রহর।



ডাঙী

পঞ্চকাশীর অন্ততম শিবক্ষেত্র এই গুপ্তকাশী। এখানে বিশ্বেশ্বর ও অর্দ্ধনারীশ্বরের মন্দির আছে। মন্দির-প্রাঙ্গণে ঠিক বিশ্বেশ্বরের মন্দিরের মূলদ্বারের সম্মুখেই পতিত হইতেছে গোমুখীধারা মণিকর্ণিকা কুণ্ডে। যাত্রীরা এই কুণ্ডে স্নানান্তে বিশ্বেশ্বর দর্শন করিয়া কৃতকৃতার্থ হয়।

প্রথম হিম অনুভব করিলাম এখানেই, আর যত উর্দ্ধে উঠিতে লাগিলাম, ঠাণ্ডা ততই বাড়িতে লাগিল।

গুপ্তকাশী হইতে বাহির হইয়া, পরদিন সকালে আমরা এক মাইল পথ অগ্রসর হইয়া, নালাচটী অতিক্রম করিয়া চলিলাম ফাটাচটীর অভিমুখে। কেদারনাথ হইতে প্রত্যাবর্তনকালে নালাচটী পর্যন্ত একই পথে আসিয়া বাঁ দিকের উৎরাই পথে মন্দাকিনী সেতু পার হইয়া চলিতে হয়, বক্রীনাথের পথে। তৃতীয় দিবসে পৌঁছলাম গৌরীকুণ্ডে। স্বপ্নপুরাণে উক্ত আছে, উমা মহেশ্বরী এখানে একটি কুণ্ডে ঋতুস্নান করেন বলিয়াই এই পুণ্যক্ষেত্রের নাম গৌরীকুণ্ড। গৌরীকুণ্ডের পাশেই তপ্তকুণ্ড, ইহার জল অত্যাধিক; তপ্তকুণ্ডের পার্শ্বস্থ মন্দাকিনীর জল নিরতিশয় শীতল। এই হিম রাজ্যে তপ্তকুণ্ডে স্নান দেহের ক্লান্তি দূর করিয়া দেয়। অতি অপক্লম ও মনোহর স্থান এই গৌরীকুণ্ড। চারিদিক বেষ্টিত করিয়া রহিয়াছে উচ্চ পাহাড়শ্রেণী। এক স্থানে দুই পাহাড়ের মধ্য দিয়া মন্দাকিনী প্রবল বেগে নামিয়া আসিয়াছে। প্রস্রবণ দুইটি—গৌরীকুণ্ড, তপ্তকুণ্ড। গৌরীকুণ্ডের জল হিমশীতল, তপ্তকুণ্ডের জল অত্যাধিক, গৌরীকুণ্ড সমুদ্রপৃষ্ঠ

হইতে ছয় হাজার ফুট উপরে আর কেদারনাথ ১১,৭৫০ ফুট, মধ্যে ব্যবধান মাত্র সাত মাইল।

সেদিন আহার ও বিশ্রামান্তে দ্বিপ্রহরের পর আমরা আবার সুরু করিলাম পথচলা। আকাশ মেঘাচ্ছন্ন, কনুকে হাওয়া বহিতেছে। পূর্ব হইতে যাত্রীদের সতর্ক করিয়া দেওয়া হইয়াছে যেন খুব সাবধানে ও ধীর পদবিক্ষেপে বাকি সাত মাইল পথ সকলে অগ্রসর হয়। কারণ আমরা তুষার-রাজ্যের দ্বারদেশে আসিয়া পৌঁছিয়াছি, আর এখান হইতেই পর্বতারোহণ প্রকৃত পক্ষে সুরু হইবে, সঙ্গে সঙ্গে ঠাণ্ডাও উত্তরোত্তর বাড়িয়া চলিবে। পথ চলিতেছি আর চোখে পড়িতেছে নানা বর্ণের বিচিত্র পার্বত্য পুষ্প চারিদিককার পাহাড়ের গায়ে গায়ে। আরও প্রায় তিন মাইল পর্যন্ত দেখা গেল পাহাড়ের উপর গাছপালা ও ঘন জঙ্গল। তাহার পর হইতেই রক্ষসতার শ্রেণী ক্রমশঃ কমিতে আরম্ভ করিল। সেদিন আমরা মাত্র সাড়ে তিন মাইল চলিয়া রামওয়ারা বা ভীমগোড়া চটীতে আশ্রয় গ্রহণ করিলাম। কেদারনাথের পথে এইটাই শেষ চটী। কথিত আছে, স্বর্গারোহণকালে মধ্যম পাণ্ডব ভীমসেনের এইখানেই পতন ঘটে।

আপাদমস্তক গরম জামা-কাপড়ে আবৃত করিয়া পরদিন প্রাতে আবার যাত্রা সুরু হইল। চলিবার সময় মনে হয় যেন স্বর্গারোহণ করিতেছি। কি দুর্গম ছুরারোহ চড়াই, সামান্য পথ অতিক্রম করিতেই বুক বেদনায় টন টন করিতে থাকে। কণ্ঠ ও তালু শুকাইয়া কাঠ হইয়া যায়। কিন্তু এত শারীরিক কষ্ট সত্ত্বেও যাত্রীদল আজ সকলেই চলিয়াছে পূর্ণ উত্তমে, যাত্রাসমাপ্তির পথে। আর মাত্র সামান্য পথ অতিক্রম করিতে পারিলেই বহু-আকাঙ্ক্ষিত কেদারনাথের দর্শন মিলিবে। পাহাড়ের গায়ে আর গাছপালা জঙ্গল কিছুই নাই, লতাগুল্মবিহীন বিরাট মরুভূমি যেন ধূ ধূ করিতেছে চারিদিকে। সামনেই চিরতুষারাচ্ছন্ন পর্বতমালা, আর রজত-গিরির কেন্দ্রস্থলে কেদারনাথের মন্দির। শুভ্র শৈলশ্রেণী অশ্বক্ষুরাকায়ে মন্দির বেষ্টিত করিয়া বিরাড়িত। অদৃষ্টপূর্ব প্রাকৃতিক সৌন্দর্য্য দেখিতে দেখিতে মধ্যাহ্নের পূর্বেই কেদার-পুরীতে প্রবেশ করিলাম। মন্দাকিনীর সেতু অতিক্রম করিয়া পুরীতে প্রবেশ করিতে হয়। চটীতে পৌঁছিয়া নির্ধারিত স্থানে মালপত্র রাখিয়া কেদারনাথের দর্শনমানসে মন্দিরের উদ্দেশ্যে চলিলাম। পথের দুই ধারে সারি সারি দোকান। প্রয়োজন-মত জিনিসপত্র ও পূজার সামগ্রী এখান হইতে সংগ্রহ করা চলে।

উচ্চ মন্দির-প্রাঙ্গণ ও দ্বারদেশে প্রাচীন নিয়মিত ব্যবস্থা। মন্দির অভ্যন্তর দুই ভাগে বিভক্ত, মূল মন্দির

নাটমন্দির। নাটমন্দিরে বহু দেবদেবীর মূর্তির ভিতর পঞ্চ-পাণ্ডবের প্রস্তরমূর্তিও রহিয়াছে। মূল মন্দিরের দরজার সন্মুখে কেদারনাথের দিকে মুখ করিয়া গণেশমূর্তি। মন্দিরে প্রবেশ করিতে একপার্শ্বে পার্বতী দেবী। কেদারনাথ শিব-লিঙ্গ নহেন বা কোন বিশেষ মূর্তিও নহেন। বৃহদাকার অসমতল প্রস্তরশিলায় গঠিত; অনেকটা হান ব্যাপিয়া বিরাটমান। বহু ভক্ত এবং করুণাপ্রার্থী একই সময়ে স্পর্শ

কেদারনাথ তাঁহাকে বলিয়াছিলেন, আলিঙ্গনই আজ হইতে তাঁহার প্রকৃষ্ট পূজা বলিয়া প্রচলিত থাকিবে। মানা উপচারে মানুষের পুত্রা কেদারনাথের শ্রীচরণে সমর্পিত হইতেছেই, তাহা ছাড়া প্রকৃতিদেবীও কুয়াশা, মেঘ, বৃষ্টি, ভূবার ও রৌদ্র



গুপ্তকাশী মন্দির



কেদার মন্দির

ও আলিঙ্গন করিতে পারে। শোনা যায়, কেদারনাথের শ্রেষ্ঠ পূজাই হইতেছে আলিঙ্গন। কথিত আছে, সন্ন্যাসিত বজ্রতগিরির প্রভাদর্শনে একদা কেদারনাথ উল্লাসতরে বিচরণ করিতেছিলেন, এমন সময় মধ্যম পাণ্ডব ভীম তাঁহার অঙ্গপ্রভা দর্শনে আকৃষ্ট হইয়া তাঁহাকে ধরিবার জন্ত ধাবিত হন। ভীমসেনকে এই ভাবে ধাবিত হইতে দেখিয়া কেদারনাথ শিলায় ভিতর অন্তর্ধান করেন। কিন্তু সম্পূর্ণ অন্তর্হিত হইবার পূর্বেই বাহ ও বন্ধ বিস্তার করিয়া ভীমসেন তাঁহাকে আলিঙ্গনপাশে আবদ্ধ করেন। ভীমের বীরত্বে প্রীত হইয়া

এই পঞ্চ উপচারেও সদাসর্বদাই কেদারনাথের পাদপদ্মে অর্ঘ্য দান করিতেছেন। বৈশাখ মাস হইতে আশ্বিনের শেষ পর্যন্ত মন্দিরঘর যাত্রীদের জন্ত উন্মুক্ত থাকে। হেমস্তের প্রথমেই মন্দিরঘর রুদ্ধ করিয়া প্রধান পূজারী রওয়ান সাহেব ও অন্যান্য পাণ্ডা নীচে নামিয়া যান। ঘর বন্ধ করিবার পূর্বে একটি বৃহৎ তাম্রপাত্রে যুতপ্রদীপ জ্বলাইয়া অভ্যস্তরে রাখিয়া আসিবার রীতি আছে। শোনা যায়, এই নীতের ছয় মাস স্থল দেহধারী দেবতাগণ কেদারনাথের অর্চনা করিয়া থাকেন। উষ্মীমঠে তখন প্রতিনিধি-লিঙ্গের পূজা হইয়া থাকে এবং সেখান হইতেই কেদারনাথের উদ্দেশে পূজা নিবেদন করা হয়।



পূজার ছুটি

শ্রীদেবেন্দ্রনাথ মিত্র

স্বর্গীয় শ্রদ্ধেয় রামানন্দ চট্টোপাধ্যায় মহাশয় গ্রীষ্মের ও পূজার ছুটির প্রাৰম্ভে ছুটিতে বিগাৰ্খী যুবকগণ গৃহে (পল্লী অঞ্চলে) প্রত্যাগত হইয়া পল্লীর উন্নতি বিধানে কি ভাবে নিজেদের নিয়োজিত করিতে পারেন সে সম্বন্ধে “প্রবাসী”তে আলোচনা করিতেন। বঙ্গ বাহুল্য, তাঁহার আলোচনা ও উপদেশ খুবই মূল্যবান ছিল, এবং অভিজ্ঞতা হইতে বলিতে পারি বহু যুবক তাঁহার আলোচনা ও উপদেশ দ্বারা উৎসাহিত হইয়া পল্লী অঞ্চলের নানাবিধ উন্নতিমূলক কাৰ্যে নিজেদের নিয়োজিত করিতেন। আজ তাঁহাকে স্মরণ করিয়া আমি পূজার ছুটিতে যুবকগণের কর্তব্য সম্বন্ধে কয়েকটি কথা বলিতেছি। আমি ইহার নূতনত্বের কোন দাবি করি না। তবে এ সব কথা বর্তমানে আমাদের তরুণ-তরুণীদের আরও বেশী করিয়া অবধান করা প্রয়োজন হইয়া পড়িয়াছে।

অত্ৰাপি পল্লী অঞ্চলে আমরা বহু সমস্যার সম্মুখীন হইয়া রহিয়াছি। এমন অনেক সমস্যা আছে যাহার সমাধান করা আমাদের পক্ষে সম্ভব নহে ; কিন্তু এমন অনেক ছোট-খাটো সমস্যা আছে যেগুলির সমাধান আমরা সমবেত চেষ্টার দ্বারা করিতে পারি। পল্লী অঞ্চলে মানুষের অপ্রতুলতা আছে বলিয়া মনে হয় না, কিন্তু নেতৃত্বের যথেষ্ট অভাব আছে—পথপ্রদর্শকের অভাব আছে। মালশলা সবই সেখানে বিদ্যমান, কিন্তু নিপুণ কারিগর বা মিস্ত্রী নাই। জড়তা, আলস্য—সর্বোপরি দলাদলি পল্লী অঞ্চলের উন্নতির পথে প্রধান অন্তরায়। এই কয়টি অন্তরায় বিদূরিত হইলে পল্লী অঞ্চলের উন্নতির পথ অনেকটা সুগম হইতে পারে। দেশের যুবকগণই ভবিষ্যতের নেতা ও পথপ্রদর্শক। সুতরাং এই ভার এখন হইতেই তাঁহাদের গ্রহণ করিতে হইবে। আমাদের ত্রায় বৃদ্ধ ব্যক্তিগণ আর কি করিতে পারেন ? তাই এখানে যে কয়েকটি কথা বলিতেছি, যুবকগণের উদ্দেশ্যেই নিবেদন করিব।

২

একটু আগেই বলিয়াছি, পল্লী অঞ্চলের সমস্যা অনেক। বিশেষতঃ আজকার দিনে খাদ্য-সমস্যাই প্রবল। অবশ্য খাদ্য-সমস্যার সম্পূর্ণ সমাধান করা আমাদের পক্ষে আদৌ সম্ভব নহে। তবে পল্লী অঞ্চলের প্রত্যেক গৃহস্থ নিজের চেষ্টার দ্বারা হয় ত এই সমস্যার আংশিক সমাধান করিতে পারেন

—যদি হাতেকন্ডমে তাঁহাকে কেহ পথ দেখাইয়া দেন। এই কাজেই যুবকরাই অগ্রণী হইতে পারেন।

পল্লী অঞ্চলের প্রায় প্রত্যেক গৃহস্থের গৃহের আশপাশ নানাবিধ জঙ্গলে আবৃত—ডোবা, খানার দ্বারা বেষ্টিত। অনেকের মুখে শুনিয়াছি, “আবরু” ও নিরাপত্তার জন্ত ইহা দরকার। এই যুক্তি একেবারে উড়াইয়া দেওয়া যায় না, কিন্তু ইহার সঙ্গে সঙ্গে অন্য দিকটাও ভাবিতে হইবে। গৃহের আশপাশে এইরূপ অপ্রয়োজনীয় জঙ্গল বা ডোবা খানা কি স্বাস্থ্যের পক্ষে প্রতিকূল নহে ? ইহার দ্বারা কি গৃহের স্বাস্থ্য, সৌন্দর্য, শোভা বদ্ধিত হয় ? সেই জন্ত বলিতেছি—জঙ্গল, ডোবা, খানা প্রভৃতির সংস্কার করিলে হয়ত কিছু অসুবিধা হইতে পারে, কিন্তু তাহার তুলনায় সুবিধা অনেক বেশী বলিয়া মনে হয়।

৩

শীতকালীন শাকসবজীর চাষের মরশুম আগত প্রায়। এই সময় হইতেই ইহার দিকে মনোযোগ দিতে হইবে। যে সকল যুবক পূজার ছুটিতে পল্লী অঞ্চলে নিজেদের গৃহে গমন করিবেন তাঁহারা এই বিষয়ে অগ্রণী হইলে পল্লীর স্বাস্থ্য, শ্রী, সৌন্দর্য অনেক পরিমাণে বদ্ধিত হইতে পারে। গৃহ-সংলগ্ন জঙ্গলাদি পরিষ্কার করিয়া প্রত্যেক গৃহস্থই জমির আয়তন এবং পরিবার-পার্শ্ব প্রয়োজন অনুসারে একটি শাকসবজির বাগান অর্থাৎ কিচেন-গার্ডেনিং রচনা করিতে পারেন। যদি পরিবারভুক্ত বালকবালিকা, যুবকযুবতীর সাহায্যে এই বাগান রচনা করা যায় তাহা হইলে ইহাতে খরচ খুব বেশী হইবে না, তবে কিঞ্চিৎ পরিশ্রম করিতে হইবে। খরচ ও পরিশ্রমের তুলনায় লাভ বৈ লোকসান হইবে না।

এই কাজের মাধ্যমে বালকবালিকা, যুবকযুবতীগণের স্বাস্থ্যের উন্নতি হইবে, নিজহস্তে উৎপন্ন তরিতরকারী দেখিয়া তাঁহারা প্রচুর আনন্দ লাভ করিবে, পরস্পরের মধ্যে একটা প্রতিযোগিতার সৃষ্টি হইবে—কে কত উৎকৃষ্ট ও কত রকমের শাকসবজী উৎপাদন করিয়াছে। ইহা ব্যতিরেকে সংসারের প্রয়োজনের জন্ত অনেক রকম শাকসবজী আর বাজার হইতে ক্রয় করিতে হইবে না। ইহার ফলে দৈনন্দিন ব্যয় অনেক হ্রাস পাইবে। টাটকা শাকসবজীর গুণও বেশী, আনন্দও ভাল। আমার একজন প্রবীণ বন্ধু বলেন—“আমরা পাড়া-

গায়ের লোক—আমরা ‘অ:ত’ খাই, আর অপনারা শহরের লোক—আপনারা ‘মুত’ খান—অর্থাৎ টাটকা জিনিস খেতে পান না। কথাটা খুবই সত্য।

৪

হিসাব করিয়া দেখা গিয়াছে, এবং হাতেকলমে পরীক্ষার দ্বারাও প্রমাণিত হইয়াছে যে, একটি “প্লান” অনুসারে মোটামুটি ছয়-সাত কাঠা জমি চাষ করিলে প্রতি দিন দুই সের নানাবিধ শাকসবজী উৎপন্ন করা যায়। বিশেষজ্ঞেরা বলেন স্বাস্থ্য অটুট রাখিতে হইলে প্রত্যেক পূর্ণবয়স্ক ব্যক্তির প্রত্যেক দিন অন্ততঃ পাচ ছটাক টাটকা শাকসবজী গ্রহণ করা উচিত, তবে ইহার সঙ্গে অন্যান্য খাদ্যসামগ্রীও থাকিবে। সুতরাং ছয় জন পূর্ণবয়স্ক ব্যক্তির দ্বারা গঠিত একটি পরিবারের জন্য ছয়-সাত কাঠা জমিতে শাকসবজীর চাষ করিলে উক্ত পরিবারের শাকসবজীর প্রয়োজন মিটিতে পারে। অবিভক্ত বাংলার পল্লী-উন্নয়ন বিভাগের কার্যে লেখক যখন নিযুক্ত ছিলেন তখন এইরূপ প্ল্যানসহ শাকসবজীর বাগান সম্বন্ধে একটি পুস্তিকা প্রণয়ন করিয়াছিলেন, এবং সরকার-কর্তৃক উহা বহুসংখ্যক বিতরণিত হইয়াছিল। দ্বিতীয় মহাযুদ্ধকালে সৈন্য-বিভাগ উক্ত পুস্তিকা ও প্ল্যান অনুযায়ী বাগান রচনা করিয়া কৃতকার্য হইয়াছিলেন এবং উহার হিন্দী সংস্করণ প্রকাশিত করিয়াছিলেন।

শীতকালীন শাকসবজীর মধ্যে এইগুলি প্রধান—বেগুন, লাঙ্গল, কুমড়া, বরবটী, উচ্ছে, মূলা, পটল, আলু, পেঁয়াজ ইত্যাদি। চলতি কথায় ইহাদিগকে “দেশী শাকসবজী” বলে। ইহা ছাড়া শীতকালীন প্রধান শাকসবজী হইতেছে—বাধাকপি, ফুলকপি, ওলকপি, বীট, গাজর, শালগম, বিলাতী মূলা, বিলাতী পেঁয়াজ, লেটুস, বিলাতী সীম, বিলাতী বেগুন, মটরগুটি ইত্যাদি। ইহাদিগকে “বিলাতী শাকসবজী” বলে। স্থানীয় আবহাওয়া ও মৃত্তিকার উপরেই ইহাদের চাষ প্রধানতঃ নির্ভর করে। তবে পশ্চিম বাংলার প্রায় সর্বত্রই ইহাদের চাষ করা চলে। একটু যত্ন ও পরিশ্রম দরকার। আজকাল পল্লী অঞ্চলে এই সব শাকসবজী চাষের খুবই বিস্তৃতি হইতেছে এবং অনেকেই ইহাদের চাষের প্রণালী জানেন। প্রত্যেক ইউনিয়নে এক জন কৃষি-বিভাগের কৃষি-সহকারী নিযুক্ত আছেন, এই বিষয়ে ইহাদের সাহায্য ও পরামর্শ গ্রহণ করা যায়। ইহা ছাড়া কৃষি-বিভাগ হইতে এই সকল শাকসবজীর চাষের পুস্তিকা বিনামূল্যে পাওয়া যায়।

৫

আর একটি অতি প্রয়োজনীয় বিষয়ে যুবকদের দৃষ্টি

আকর্ষণ করিতেছি। সারের জন্ম যে ভাবে গোবর রাখা উচিত, সাধারণতঃ ঠিক সেই ভাবে গোবর রাখা হয় না। ফাঁকা জায়গায় গাদা করিয়া কিম্বা একটা নীচু জায়গায় বা গর্তে গোবর ফেলিয়া রাখা হয়, ইহাতে গোবরের মধ্যে যে সারপদার্থ থাকে তাহার প্রায় সব অংশই বৌদ্ধে ও বৃষ্টিতে নষ্ট হইয়া যায় এবং এইরূপ গোবর জমিতে প্রয়োগ করিলে ফসল উৎপাদনের বিশেষ কিছু তারতম্য হয় না।

সারের জন্ম গোবর ফাঁকা জায়গায় ফেলিয়া না রাখিয়া একটি গর্ত করিয়া এবং তাহার উপর একটি চালা দিয়া, সেই গর্তে গোবর রাখা একান্ত দরকার। গর্তটি যেন সর্বাপেক্ষা উঁচু জায়গায় করা হয়, যাহাতে বর্ষাকালে গর্তের মধ্যে বৃষ্টির জল প্রবেশ করিতে না পারে। ইহা খুব গভীর করিলে চলিবে না, তাহাতে মাটির ভিতর হইতে জল উঠিয়া সার নষ্ট করিয়া ফেলিতে পারে। গর্তের উপরে খুব বেশী খরচ করিয়া শক্ত ও মজবুত চালা দিবার প্রয়োজন নাই। খানকতক বাঁশের খুঁটি পুঁতিয়া তাহার উপর খড়, উলু বা ছন এমন কি তালপাতা দিয়াও চালা করা যাইতে পারে। ইহাতে বিশেষ কিছুই খরচ হয় না, প্রত্যেকেই অবসর সময়ে নিজে একটু পরিশ্রম করিয়া এই রকম চালা অনায়াসে প্রস্তুত করিতে পারেন। গোবর সংরক্ষণের জন্ম গর্ত খুঁড়িবার যদি অবসর না হয় তবে উহা খুব উঁচু জায়গায় গাদা করিয়া রাখা যাইতে পারে, কিন্তু সেই গাদার উপর চালা দেওয়া একান্ত আবশ্যিক। যুবকবৃন্দ প্রচারকার্যের সাহায্যে এই বিষয়ে সকলকেই শিক্ষা দিতে পারেন।

৬

আর একটি বিষয় হইতেছে ‘কম্পোস্ট সার প্রস্তুতি’। এই সার গোবর সার অপেক্ষা উৎকৃষ্ট অথচ ইহা প্রস্তুত করিতে খুব বেশী খরচ হয় না, তবে ষানিকটা পরিশ্রম করিতে হয়। ক্ষেত-নিড়ানো সকল প্রকার আগাছা, আঁথের ছাড়ানো পাতা, ক্ষেত-খামারের জঞ্জাল, জঙ্গল, গাছের পাতা, তরিতরকারীর খোসা, সকলপ্রকার আবর্জনা, কচুরীপানা, ইহার মত জঙ্গীয় অন্যান্য আগাছা প্রভৃতি পচাইয়া কম্পোস্ট সার প্রস্তুত করিতে হয়। ইহা সকল রকমের মাটি ও শস্যের পক্ষে উপযুক্ত।

জমিতে কম্পোস্ট সার প্রয়োগে খরচ ও পরিশ্রমের অনুপাতে শস্যের ফলন খুবই বাড়ে। ইহার প্রস্তুতপ্রণালীও কঠিন নহে। ইহার প্রচলনের জন্ম কৃষি-বিভাগ ব্যাপক ভাবে প্রচারকার্য করিয়াছেন ও এখনও করিতেছেন; কিন্তু হৃৎখের বিবরণ, পল্লী অঞ্চলের অধিবাসীরা এখনও ইহাকে

তেমন মনোযোগের সহিত গ্রহণ করেন নাই। কৃষি বিভাগ হইতে কম্পোস্ট সার প্রস্তুতপ্রণালী বিষয়ক পত্রিকা বিনামূল্যে পাওয়া যায়। ইউনিয়ন কৃষি-সহকারীও এই বিষয়ে পরামর্শ দিতে পারেন। যুবকবৃন্দের নেতৃত্বে ইহার প্রচলন বাড়িতে পারে।

৭

আর একটি কারণে আমাদের শস্যের খুবই ক্ষতি হয়। সেই কারণটি হইতেছে—ছাড়া গরু, বাছুর, ছাগল। বাস্তবিক ইহাদের অত্যাচার ও আক্রমণে ফসলের যে কত পরিমাণ ক্ষতি হয় তাহা নির্ণয় করা কঠিন। অথচ সকলের সমবেত চেষ্টায় এই ক্ষতি অতি সহজেই নিবারণ করা যায়। পল্লী অঞ্চলে এমন এক জনও নাই যিনি বলিতে পারেন ছাড়া গরু, বাছুর, ছাগলের দ্বারা তাঁহার শস্যের, শাকসবজীর বা ফলমূলের কোন দিন কোন ক্ষতি হয় নাই। প্রায় প্রত্যেকেই এই বিষয়ে ভুক্তভোগী। ফসলের ক্ষতি ছাড়া ইহার জন্ত পর্বস্পরের মধ্যে কত মনোমালিন্য, বাগড়াবাটি প্রভৃতি ঘটিয়া থাকে। অথচ পর্বস্পরের সহযোগিতায় ও চেষ্টায় ফসলের প্রভূত পরিমাণ ক্ষতি দূর করা যায় এবং অনর্থক মনোমালিন্য, বিবাদ বিসম্বাদ প্রভৃতির অবসান ঘটে। একটি গল্প (সত্য কাহিনী) বলিতেছি :

একজনের শাকসবজীর বাগানে প্রতিবেশীর শাকসবজীর ছাড়া গরু, বাছুর, ছাগল প্রভৃতি প্রবেশ করিয়া খুবই ক্ষতি করিত—তাঁহার প্রতিবেশীরও শাকসবজীর বাগান ছিল। ভদ্রলোক নিজের গরু বাছুর সঙ্কে খুবই সাবধান ছিলেন, যেন উহারা অন্যের ক্ষেতখামারে, বাগানে না যায়। কিন্তু তিনি তাঁহার ক্ষতির পরিমাণ আর সহ্য করিতে না পারিয়া নিজের গরু বাছুর ছাড়িয়া দিলেন, উহারা তাঁহার প্রতিবেশীর বাগানে প্রবেশ করিয়া শাকসবজীর খুবই ক্ষতি করিতে লাগিল। ইহার ফলে তাঁহার প্রতিবেশীও গরু, বাছুর সঙ্কে খুবই সাবধানতা অবলম্বন করিলেন, এবং উভয়ের বাগান গরু বাছুরের আক্রমণ হইতে মুক্তি পাইল—পর্বস্পরের মধ্যে বিবাদ-

বিসম্বাদেরও অবসান ঘটিল। এমনকি, পর্বস্পরের মধ্যে শাকসবজীর আদান-প্রদানও চলিল। যাহা হউক, আমরা প্রত্যেকেই যখন এই বিষয়ে ভুক্তভোগী তখন ইহার মীমাংসা আমাদের উপরেই প্রধানতঃ নির্ভর করে। চাই কেবল বিষয়টি উপলব্ধি করা এবং তদনুসারে সমবেতভাবে কাজ করা। এই দিকে যুবকগণ মনোযোগ দিলে সুফল পাওয়া যাইতে পারে।

৮

এইরূপ ছোটখাটো কাজের দ্বারা পল্লী অঞ্চলের অনেকটা উন্নতি বিধান করা সম্ভব। বিশেষতঃ, ইহার ফলে স্থানীয় কৃষির উন্নতি হইবেই হইবে—তবে সমবেত ভাবে এই সকল কাজ করিতে অগ্রসর হওয়া চাই। পূজার ছুটিতে যে সকল যুবক-যুবতী পল্লী অঞ্চলে অবস্থান করিবেন তাঁহারা যদি তাঁহাদের কতকটা সময় উপরোক্ত বিষয়ে নিয়োজিত করেন, এবং একটা সাড়া জাগাইতে সক্ষম হন—তাহা হইলে তাঁহাদের কাজ নিষ্ফল হইবে না। তাঁহারা তাঁহাদের আরও কাজ চালাইবার জন্ত স্থানীয় যুবক সঙ্ঘ গঠিত করিতে পারেন এবং এইরূপ যুবক-সঙ্ঘের নেতৃত্বেই উপরোক্ত সহজ সহজ কৃষিপ্রণালীসমূহের বিস্তৃতি ঘটবে। ইহার মধ্যে কোন ভেদাভেদ, কোন দলাদলি, কোন রাজনীতি ঢুকিলেই সব বানচাল হইয়া যাইবে।

স্বাধীন ভারতে প্রত্যেক নাগরিককে এই শপথ গ্রহণ করিতে হইবে যে, প্রত্যেকের শক্তি, সামর্থ্য, শিক্ষা প্রভৃতি অসুযায়ী কিছু-না-কিছু গঠনমূলক কাজ করিতে হইবে—সমাজ-কল্যাণকর সব কাজই যতদূর সম্ভব দলাদলির উর্ধ্বে থাকিবে। একজন মহাজন বলিয়াছিলেন যে, যিনি একটি তৃণের স্থানে দুইটি তৃণ উৎপন্ন সাহায্য করেন তিনিই দেশের পরম মিত্র। সেই জন্ত যুবকবৃন্দের প্রতি অনুরোধ জানাইতেছি—তাঁহারা যেন এই ছুটিতে একটি তৃণের স্থানে দুইটি তৃণ উৎপাদনে সাহায্য করেন। এই ধরনের জনহিতকর কার্যে তাঁহারা ঈশ্বরের আশীর্বাদ নিশ্চয়ই লাভ করিবেন।



সাঁচি

শ্রীনিখিল মৈত্র

মৌর্য সত্রাট অশোকের সময় থেকে উত্তর ভারতে বৌদ্ধধর্মের অবলুপ্তি পর্যন্ত এক হাজার বছরেরও বেশী সময় ধরে সাঁচির স্তূপ-নগরীতে নির্মাণ-কার্য চলেছিল। শ্রমণ-ভিক্ষু পুণ্যার্থী সাধারণ স্ত্রী-পুরুষের সমাগমে সাঁচির পথ-প্রান্তর মুখরিত হয়ে উঠত। আদি বৌদ্ধযুগের প্রখ্যাত পবিত্র স্থান কপিলাবস্ত্র, লুধিনী উচ্চান, বুদ্ধগয়া, সারনাথ, কুশীনার, রাজগৃহ, শ্রাবস্তী প্রভৃতি। এই তালিকায় কিন্তু সাঁচির নাম নেই। অথচ সে যুগের স্থাপত্য ও শিল্পকলার এত বড় নিদর্শন ভারতবর্ষে আর কোথাও মেই। সারা পৃথিবীতে বৌদ্ধযুগের আদিকালের স্থাপত্য-ভাস্কর্য শিল্পের সব চেয়ে ব্যাপক স্মৃতিচিহ্ন দেখতে পাওয়া যায় সিংহলের পবিত্র নগরী অমুরাধাপুরে। থুপরাম এবং স্বর্ণকণা ক্যানওয়েলি দাগোর্থ, মহাবিহার অভয়গিরি বিহার, মহামেধবন উচ্চান এবং ভগবান তথাগতের স্পর্শপূত জয়শ্রী মহাবোধি বংশ অমুরাধাপুরকে পরম এক পবিত্রতা দিয়েছে যার সঙ্গে অল্প নগরীর তুলনা অসম্ভব। অমুরাধাপুরের পরই বৌদ্ধযুগের আদিকালের বিখ্যাত কীর্্তিকলাপের সাক্ষ্য বহন করে আছে সাঁচি।

বুদ্ধদেবের পর্ষটনে পরিচিত স্থানের মধ্যেও সাঁচি পড়ে না। পালিধর্ম গ্রন্থেও এ নগরীর বিশেষ কোমণ্ড উল্লেখ মেই। এমনকি বহু ভীর্ষ ও দেশ ভ্রমণকারী চৈনিক পরিব্রাজক ফা-হিয়েন ও হুয়েন সাংও এই ঐতিহাসিক নগরীর বর্ণনা দেন নি।

একথা নিঃসন্দেহে বলা যেতে পারে যে, সাঁচির সর্ব-প্রাচীন স্তূপ ও স্থাপত্যশিল্পের সৃষ্টি আরম্ভ হয়েছিল মৌর্য সত্রাট অশোকের সময় থেকে। অতীত কালে সাঁচির নাম ছিল কাকনাড়, অনেক পণ্ডিতের মতে মহাবংশে বর্ণিত চেতিয়াগিরিই বর্তমানে সাঁচি বলে পরিচিত। যুবরাজ অশোক উচ্ছিন্নীর রাজ্যপাল ছিলেন। সিংহলী রাজ-কাহিনীতে বর্ণনা আছে যে, যুবরাজ পাটলিপুত্র থেকে উচ্ছিন্নী রাজ্যগণ্ডে চেতিয়াগিরিতে কিছুদিনের জন্যে বিজ্ঞান

করেন। সেইখানে শ্রেষ্ঠীকণ্ঠা দেবীর সঙ্গে রাজকুমারের পরিচয় হয় এবং পরে প্রেম ও বিবাহ হয়। অশোকের দুই পুত্র উচ্ছিন্নীয় ও মহেন্দ্র এবং এক কণ্ঠা সজ্জমিত্রা জন্মগ্রহণ করেন। ভগবান তথাগতের অমৃতবাণী নিয়ে মহেন্দ্র ও সজ্জমিত্রা সিংহলে যান। সাগরপারে যাবার আগে ভিক্ষু মহেন্দ্র দেবী মাতার সঙ্গে সাক্ষাৎ করার জন্তে চেতিয়াগিরিতে আসেন। সেখানে রাজমহিষী-নির্মিত বিরাট এক বিহারে ভিক্ষু মহেন্দ্র অবস্থান করেন। মহাবংশের কাহিনীর ঐতিহাসিক সত্যতা বিচারসাপেক্ষ। কিন্তু, এইখানে দেবানাম



সাঁচি স্তূপ

প্রিয় প্রিয়দর্শী রাজা অশোক এক শিলালিপি স্থাপনা করে-ছিলেন এবং তাতে মালওয়ার মহামাত্যকে নির্দেশ দিয়ে-ছিলেন যে, স্তূপের প্রবেশপথ যেন সূচুভাবে সংরক্ষিত করা হয়।

মৌর্য সাত্রাজ্যের পতনের পর এ অঞ্চলে স্তূপবংশের সার্বভৌমত্ব প্রতিষ্ঠিত হয়। সাঁচির দুইটি স্তূপ এবং সর্ববৃহৎ স্তূপের প্রস্তরাবরণ স্তূপ রাজাদের সময়ে নির্মিত হয়। বিরাট স্তূপের মূল অংশ মৌর্য যুগের ইটের তৈরি, স্বভাবতঃই তখন স্তূপের আয়তন অনেক কম ছিল। সে যুগের ভাস্কর্যশিল্পের যে পরিচয় পাওয়া যায় তা দেখে মনে হয় যে, শিল্পী অতীতের



কাম্বোজের নিকট বুদ্ধের ধর্মপ্রচার
(পূর্বদিকের তোরণের একটি 'প্যানেল')

ভাবাদর্শে অনুপ্রাণিত হলেও নূতন আঙ্গিকের সাহায্য নিচ্ছেন। নির্মাণশৈলী তখনও অপরিণত। মূর্তির গভীরতাও অনেক কম এবং বিভিন্ন প্রস্তরখোদিত চিত্রও অসংলগ্ন।

সাঁচিস্থপ নির্মাণে এবং ভাস্কর্য-শিল্পীর সৃষ্টিতে সুজয়ুগের শিল্পধারা অঙ্গ নৃপতি শতবাহনের রাজত্বকালে পূর্ণ পরিণতি লাভ করেছিল। বিরাট স্তূপের চারটি মনোরম প্রবেশদ্বার এবং তৃতীয় স্তূপের প্রবেশপথ এই সময় তৈরী হয়েছিল। প্রবেশ-তোরণে জাতকের কাহিনী ভাস্কর্য-শিল্পীরা অপরূপ মূর্তির মাধ্যমে লিখে রেখে গিয়েছেন। ভগবান তথাগতের মানবরূপ অঙ্কিত করা তখনও নিষিদ্ধ। বোধিক্রম পাঙ্ক, হস্তী প্রভৃতি চিহ্ন মাধ্যমে বুদ্ধদেবের স্থিতিকে শিল্পী প্রকাশ করেছেন। অঙ্কের শতবাহন রাজাদের আমলের বিশ্বয়কর শিল্পসৃষ্টির পরিচয় পাওয়া যায় অমরাবতী নগরীর ধ্বংসস্থলে।

কালের ও মানুষের ধ্বংসলীলার অমরাবতীর অধিকাংশ শিল্পসৃষ্টিই আজ অবলুপ্ত।

সাঁচির দক্ষিণে প্রবেশদ্বারে প্রস্তর-গাজে নির্মাতা ও দাতার নাম দেখতে পাওয়া যায়। শতবাহন নৃপতি শতকণির শিল্প-পরিচালক আনন্দদ্বারের এক অংশ দান করেছেন। জাতক কাহিনীর রূপায়ণে সুজয়ুগের শিল্পীদের যে জড়তা ছিল, শতবাহনের আমলের স্থপতি ও মূর্তি শিল্পকার সে বাধা অতিক্রম করে সাবলীল স্বচ্ছভঙ্গিতে নিজের অনুভূতিকে প্রস্তর-মাধ্যমে জীবনদান করতে সক্ষম হয়েছিলেন।

স্বত্রপ রাজাদের সময়ে নির্মিত কয়েকটি মূর্তিও সাঁচিতে পাওয়া গিয়েছে। এই যুগের শিল্পকলায় উপর মথুরা-শৈলীর প্রভাব অত্যন্ত সুস্পষ্ট।

শুপ্তযুগে ভারতীয় স্থাপত্য, ভাস্কর্য এবং শিল্পকলা স্বজনীশক্তির বলিষ্ঠতায়, সালিত্যে ও বৈচিত্র্যে স্বর্ণযুগের প্রসিদ্ধি

লাভ করেছে। ভারতের গৌরবময় যুগের শিল্পীরা সাঁচিস্থপ-পাদমূলেও সাধনা করেছিলেন। শুপ্ত সংবতের ৯৩ সনে শুপ্তরাজ্যের উচ্চপদস্থ রাজপুরুষ আত্রকারাভ ঈশ্বরবাসক নামে এক গ্রাম এবং অর্থ কাকনাড়বোট বিহারে আর্থদেবের ভিক্ষু-ভোজন এবং বিহারে দীপমালা জালাবার জন্তে দান করেন। সে যুগের শিলালেখ থেকে এ সংবাদ আমরা জানতে পারি।

তার পরে, ভাস্কর্যশিল্পে সাঁচির স্বজনীশক্তি স্তিমিত হয়ে আসে। শিল্প-সাধনা নব নব সৃষ্টির পথে না গিয়ে গতানু-গতিক রূপে নিজেকে প্রকাশ করেছে। সে যুগে একমাত্র চিত্রকলায় শিল্পীর স্বজনীপ্রতিভা সব চেয়ে প্রাণবন্ত, চঞ্চল হয়ে উঠেছিল। তার প্রমাণ অজস্তার গুহাগাজে আজও পাওয়া যায়। সাঁচির বিহার-প্রাচীরেও চিত্রের সে বর্ণচ্ছটা একদা প্রকাশ পেত, আজ অবশ্য তার কোনও চিহ্নই নেই।

খ্রীষ্টীয় ষাটশ শতাব্দীর পর সাঁচিতে আর কোনও উল্লেখযোগ্য বৌদ্ধশিল্প সৃষ্টি হয় নি। এর একশত বৎসরের মধ্যে মধ্যভারত থেকেও বৌদ্ধধর্ম সম্পূর্ণ অবলুপ্ত হয়ে যায়। সাঁচিও তার বৈভব, শ্রী-সম্পদ হারিয়ে ফেলে। ঐতিহাসিক রাজপথ থেকে সাঁচির স্থিতি সম্পূর্ণ লুপ্ত হয়ে যায়। বন-দেবতা পবিত্র স্থাপ, মন্দির বিহারের উপর আপন রাজত্ব প্রতিষ্ঠা করেন।

সাঁচির অনতিদূরে পূর্বমলওয়ার ইতিহাস-প্রসিদ্ধ রাজধানী বিদিশা, বেস ও বেতওয়া (বেত্রবতী) নদীর সঙ্গমস্থলে এই নগরী মধ্য ভারতের প্রাণচঞ্চল কর্ম-কেন্দ্র ছিল। কর্মব্যস্ত নগরীর আশেপাশে টিলা। সেইখানে বৌদ্ধ শ্রমণ ভিক্ষুরা নিজেদের আরাধনা, ধর্ম-আলোচনা, পূজা-পাঠের জন্তু বিহার স্থাপ গড়ে তোলেন। এমনি করেই সাঁচি স্থাপ নগরীর সৃষ্টি হয়েছিল। শিল্পীর স্থাপ, মন্দির, মূর্তি নির্মাণের উপাদানও বিক্রাশৈলশ্রেণীর গোত্রজ এই টিলার বালু-প্রস্তর থেকে এসেছে।

মুসলমান রাজাদের সময়ে সাঁচির পাঁচ মাইল দূরে তইল-আমিন নগর বহু বার আক্রান্ত ও লুপ্তিত হয়েছিল। কিন্তু, সাঁচির বিস্ময়ে কোনও অভিযান পরিচালিত হয় নি।



সাঁচি স্থাপের উত্তর দিকের তোরণ

উনবিংশ শতাব্দীর দ্বিতীয় দশকে জেনারেল টেলার যখন পাহাড়-জঙ্গলের আবরণ ভেদ করে সাঁচির স্থাপ ও অগ্ন্যাক্ত কীর্তিচিহ্নের কাহিনী সারা জগৎকে জানালেন, তখনও অধিকাংশ শিল্পসৃষ্টিই কালের ধ্বংসলীলাকে ভুগে কবে অক্ষত অবস্থায় দাঁড়িয়েছিল।*

* এই প্রবন্ধে ব্যবহৃত কটোগুলি জীদেবেন গুপ্ত কর্তৃক গৃহীত।

হৈমন্তী

শ্রীকরণাময় বসু

ষোড়শ বেন রঙ ফিরেছে, নদীর জল শুক,
মৌমাছিয়া ফুলে ফুলে উড়ছে নিঃশব্দ ;
হংসমিথুন গগন 'পরে ছড়িয়ে দেছে পক্ষ,
তারার আলোর পথ চিনে কি মানসহুদ লক্ষ্য ?

মেঘেরা সব হঠাৎ হাওয়ার কোলে আকাশপ্রান্তে,
চিকণ সোনার অরণোতে লিখছে কে একান্তে ?
শিখির বসে রঙ দিলো সে, পাকল ফুলে গন্ধ,
ম্রোত হারানো নদীর জলে এলো প্রাণের হৃদয়।

ধাসের শীর্ষে বসুবাঙা ফুল ফুটেছে হঠাৎ বে,
পাতার ভেঁপু দূর মাঠেতে আপন মনে বাজার কে ?
কেপা হাওয়ার ফুলের লতা দীঘির পাড়ে ছললো,
জময় আসে গুনগুনিয়ে, সেই জানে তার মূল্য।

কাশের বন গ্রাম হয়েছে, শিউলি-শাখা বিস্তৃত,
সোনা ষোড়শ ফলকানিতে দোরেল করে নৃত্য ;
নদীর পাড়ে চড়েই পাখী নাচার ফুলে পুচ্ছ,
কমল-কোঁতে উচ্ছসিত পাকা ধানের গুচ্ছ।

মহাত্মা গান্ধী

শুভ জন্মদিনে
শ্রীরতনমণি চট্টোপাধ্যায়

আজ ২রা অক্টোবর, গান্ধীজীব শুভ জন্মদিন। ৮৭ বৎসর আগে আজকের এই শুভদিনে গুজরাটের সুরামপুরী বা পোরবন্দরে মোহন দাস করমচাঁদ গান্ধী জন্মগ্রহণ করেন। সেদিন তিনি মায়ের কোল আলো করেছিলেন। আজ তাঁর আলোর ভারত আলো, জগৎ আলো। এস আমরা আজ তাঁর জন্মগান করি—আজ গান্ধী জন্মস্তীর পূর্ণদিন।

গান্ধীজী সমস্ত হৃদয় দিয়ে মানুষকে ভালবেসেছিলেন, সমস্ত হৃদয় দিয়ে মানুষের দুঃখ-বেদনা অনুভব করতে পেয়েছিলেন, সমস্ত হৃদয় ঢেলে দিয়ে সেই বেদনা দূর করবার প্রয়াস করেছিলেন। তাঁর নাম শ্রুণে মাত্রই অতি দুঃখীরাও মুখখানি উজ্জ্বল হয়, হৃদয়ে তাঁর আশার সঞ্চার হয়, পুণ্যের স্পর্শে তাঁর অন্তর দীপ্ত হয়ে ওঠে। তাই গান্ধী শ্রুণ-মঙ্গল। এস, ভারতবাসী আমরা তাঁর শুভ জন্মদিনে তাঁকে শ্রুণ করি, তাঁর পুণ্য কথা কীর্তন করি, তাঁকে আমাদের শ্রদ্ধা ও প্রেম নিবেদন করি, তাঁকে প্রণাম করি, তাঁর আশীর্ব্বাদ ভিক্ষা করি, তাঁর কাছে অভয় প্রার্থনা করি এবং তাঁর কর্মযোগে দীক্ষা গ্রহণ করি।

জয় হোক গান্ধীর। গান্ধীর জয়ে ধর্ম্মের জয়, গান্ধীর জয়ে সত্যের জয়, গান্ধীর জয়ে প্রেম ও অহিংসার জয়, গান্ধীর জয়ে মানবাত্মার জয়, গান্ধীর জয়ে শোষণমুক্ত, পুণ্যদীপ্ত, নব মানব-সমাজের জয়।

স্বাধীন ভারতে নব জাতির জনক তিনি। আজ জাতিগঠনের পথে ভারতবর্ষ যেন ত্যাগের দ্বারা, সেবার দ্বারা, তপস্বী দ্বারা তাঁর পতাকা বহন করবার শক্তি অর্জন করতে পারে। গান্ধীজীর জীবনকথা ত মহাভারতের মত। সে কথা বত গভীর তত ব্যাপক, বত করুণ তত কঠোর। সে কথা অমৃত সমান। সে পুণ্য কাহিনীর স্বরমাত্র অনুসরণ করে আজকের দিনে তাঁর প্রতি শ্রদ্ধাঞ্জলি অর্পণ করি।

পোরবন্দরে গান্ধীজীর জন্ম—পোরবন্দর ও রাজকোটের উত্তরে ছিল। তাঁর পিতা কাবা গান্ধী ছিলেন পর পর এই দুই জায়গায় দেওয়ান। কাবা ছিলেন জ্ঞানী, বুদ্ধিমান, কর্মঠ ও ধার্মিক। গান্ধীজীর মায়ের নাম পুতলীবাঈ। পুতলীবাঈ ভক্তিমতী সাধনী, ব্রতনিয়ম নিয়ে থাকতেন আর দেবদর্শন, প্রতিদিন হামমন্দিরে, বিষ্ণুমন্দিরে যেতেন। বালক মোহনদাস মায়ের সঙ্গে সঙ্গে মন্দিরে যেতেন, ভক্তিমত্রে ঠাকুর নমস্কার করতেন, মায়ের কঠোর উপবাস ও নিয়ম পালন দেখে তিনি অবাক হতেন। এমনকি কবেই বালক মোহনদাস ধর্ম্মের পথ দেখতে পার, উপবাসে তাঁর অঙ্গুরাগ সঞ্চারিত হয়। ভবিষ্যতে ধর্ম্মই হয় তাঁর সকল কর্মের

উৎস। ধর্ম্মের অভিষেকে তিনি রাজনীতিকে পরিত্যক্ত করেন। আর সত্যের স্পর্শ দিয়ে পলিটিক্সর ঘোর কুটিল পন্থার ঋজুতা সম্পাদন করেন। আর তাঁর উপবাসের কথা আজ কে না জানে! তাঁর এক-একটি উপবাসে দেবতার আসন টলেছে, ভারতের জনসমুদ্রে ঢেউ উঠেছে, প্রতিকারহীন কঠিন নিষ্ঠুর সমস্যার সমাধানের পথ খুলে গেছে।

বালক মোহনদাস তীতু ছিলেন। তাঁর দাসী তাকে বলেছিল, অক্ষকারে ভয় পেলে রাম নাম করবে। সেই থেকেই বালক মোহনদাসের মুখে রাম নাম। রাম নামের অভয় বাণী নিয়ে তাঁর সেই বিশ্বকর মহাজীবনে কত না অক্ষকারের সাগর তিনি পাড়ি দিয়েছেন।

ছেলেবেলায় মোহনদাস একটি যাত্রা শুনেছিল, যাত্রার পালা ছিল হরিশ্চন্দ্র। যাত্রা শুনে শুনে বালক কত চোখের জলই না ফেলেছিল। সত্য বক্ষার জন্ত রাজা হরিশ্চন্দ্রের সর্বস্ব গেল, রাজা গেল, স্ত্রী গেল, পুত্র গেল, নিজে শ্মশানঘাটে চণ্ডালের চাকর হলেন, তবু রাজা সত্যকে ছাড়লেন না। যেমন শ্রীরামচন্দ্র সর্ব-তাগ করেছিলেন, তবু সত্যকে ছাড়েন নি। প্রহ্লাদের কাহিনীও মোহনদাসের খুব ভাল লাগে। ভগবানের নাম নিয়ে বালক প্রহ্লাদ সকল বিপদ পার হয়ে গেল—আগুন তাকে দহন করল না, সমুদ্র তাকে গ্রাস করল না, মৃত হস্তী তাকে পদতলে মথিত না করে আদবে মাথার তুলে নিল, পর্বতশিখর হতে নিক্ষিপ্ত হতেই মা বসুন্ধরা স্নেহ-পুতলীর মত তাকে বুকে তুলে নিলেন। দৈত্যপুরে প্রহ্লাদের যে পরীক্ষা, জীবনে গান্ধীজীর পরীক্ষা তার চেয়ে বড় কম নয়। তাঁর সঙ্গে সমস্ত জাতি মত্ত রাজশক্তির নিষ্ঠুর পীড়ন হাসিমুখে সহ করেছে। তাঁর সত্য ও অহিংসার স্পর্শ পেয়ে তারা বিপদের তরঙ্গে তরঙ্গে আলোড়িত হয়ে শেষে স্বাধীনতার কুল পেয়ে বেঁচেছে। জড়পিশাচের জগদল পাষণ্ডতার তাদের বুক থেকে নেমে গেছে।

মোহনদাস ছুট সঙ্গীর পাশায় পড়েছিলেন। দুই-একটা বদ অভ্যাস তাঁর হচ্ছিল। কিন্তু লুকিয়ে মল কাজ করা বেশী দিন তাঁর ধাতে সহ্য না। মিথ্যার ভাবে তাঁর সরল মন হাঁপিয়ে উঠল। শেষে পিতার নিকট অপরাধ স্বীকার করে তাঁর মন হালকা হ'ল। পিতা ক্ষমা করলেন, মোহনদাস সত্যের সহজ পথে কিরে এসে বেঁচে গেল।

লেখাপড়ার মোহনদাসের মন ছিল। বন্ধ কবে পড়াশুনা করতেন, কিন্তু তিনি ছিলেন ভালমানুষ ও লাজুক। ছাত্র হিসাবে তাই তাঁর জেমন কোন জোলা ছিল না। ঠিকি দেওয়া বা

প্রতারণা করা তাঁর স্বভাববিরুদ্ধ ছিল। অন্ডায় কবলে তা স্বীকার করে ক্রমা চেষ্টে তিনি মন হান্না করতেন। অঙ্ক ও জ্যামিতি নিয়ে বালক মোহনদাস খুব ঠেকেছিলেন, কিন্তু চেষ্টা করে বুদ্ধি করে বিষয় বুঝে নেবার পর তাঁকে আর অস্থবিধায় পড়তে হয় নি। সংস্কৃত তাঁর বড় শত্রু ঠেকত। সংস্কৃত ছেড়ে দিয়ে তার বদলে ফারসী পড়বেন ঠিক কবলেন। তখন সংস্কৃতের পণ্ডিত মহাশয় স্নেহ করে তাঁকে উৎসাহ দিলেন। সঙ্গে একটু লজ্জাও দিলেন। বললেন, মোহন, সংস্কৃত ছেড়ে দেবে—এত সহজে হার মানবে? মোহনদাস হার স্বীকার করলেন না, সংস্কৃতে মন দিলেন। এই সংস্কৃত শিক্ষা নিয়ে তিনি পরে কত বার কত উপলক্ষে কত কথা বলেছেন। তাঁর মতে ভারতবর্ষের মনের কথা জানতে হলে সংস্কৃত জানা চাই। ভারতবর্ষের যুগ-যুগান্তের সাধনা কি তা বুঝতে হলে সংস্কৃত জানা চাই। ছাত্রদের তিনি গীতা নিত্য পাঠ করার উপদেশ দিতেন। স্বমধুর ভাবময় সংস্কৃত স্তোত্রগুলি আমাদের অক্ষয়সম্পদ বলে তিনি মনে করতেন।

খুব ছেলেবেলায় কস্তুরবাবু-এর সঙ্গে মোহনদাসের বিবাহ হয়। তখন তাঁদের বয়স তের বৎসর মাত্র। বাল্য-বিবাহের প্রথাকে তিনি কখনও ভাল বলেন নি। কস্তুরবাবু ছিলেন খাটি ভারতীয় মেয়ে। সীতা-সাবিত্রীর দেশের মেয়ে, স্বামীসেবাই জীবনের সার বলে বুঝতেন। জীবনভোর ছায়ার মত তিনি ছিলেন স্বামীর অনুগামিনী। সুখে-দুঃখে, সম্পদে বিপদে, সংগ্রামে শান্তিতে, ঘরে বাহিরে, আর্জুসেবার অতিথিসেবার, গৃহস্থালি গঠনে ও বিঘটনে, আশ্রম গড়ায় ও ভাঙ্গায়, পথে প্রবাসে বন্দীশালার, সর্বত্র সর্ব কক্ষে তিনি ছিলেন মোহনদাসের চিরসঙ্গিনী। কস্তুরবা লেখাপড়া জানতেন না, গান্ধীজী তাঁকে মোটামুটি শিখিয়ে নিয়েছিলেন। মোহনদাস ধীরে ধীরে কেমন করে মহাত্মা গান্ধী হয়ে উঠলেন, মহাত্মা গান্ধী কেমন করে সত্য ও অহিংসার পথে ভারতের মুক্তি-সংগ্রাম পরিচালনা করলেন—সে কথা ত আধুনিক ভারত-ইতিহাসের মর্মকথা। এত বড় লোকের, এই মহামানবের ধর্মপত্নী হয়ে ওঠা কি সোজা কথা। সেই সাধনার জীবনের সকল সাধ-মান ভাসিয়ে দেওয়া, সুখ-স্বাস্থ্য পরিত্যাগ করা, গৃহী হয়ে গৃহহীন হয়ে থাকা—কস্তুর বাবু-এর পতিপ্রেম কি কঠোর, কি মধুর, কি মহিমায় পূর্ণ। গান্ধীজীর হৃদয় তপস্কার ভাগিনী হওয়া কি কথার কথা! গান্ধীজী বার বার জাতিটাকে কঠোর অগ্নি-পরীক্ষার সম্মুখে দাঁড় করিয়েছেন, এক বিপদ থেকে আর এক বিপদের মধ্যে পরিচালিত করেছেন, নির্ধ্যাতন বুক পেতে নিতে শিখিয়েছেন। তারই তরঙ্গে তরঙ্গে উঠা-নামা করে কস্তুরবা হয়েছেন তপস্বিনী, ব্রতধারিণী, সৌমা, রজ্জা জননী। পার্শ্বতীর তপস্কার কাছেই মহাদেব ধরা দিয়েছিলেন। কস্তুরবার তপস্কা ত পার্শ্বতীরই অমুরূপ।

ক্রমে মোহনদাস এন্ট্রাস পাস করে কলেজে ভর্তি হলেন। কথা উঠল, মোহনদাস বিলেতে গিয়ে ব্যারিষ্টার হয়ে আসুক। কিন্তু বাড়ীতে পরসার স্বাস্থ্য নেই—বিলেতে যাওয়া হয় কি করে? শেষে

ভাই টাকার দায় ঘাড়ে নিলেন। কিন্তু মা পুতলীবাঈ আপত্তি করে বসলেন, বললেন বিলাতে গেলে প্রলোভনে পড়ে ছেলে মটী হয়ে যাবে। পুতলী বাঈ ছেলেকে বিশ্বাস করতেন। তাই মোহনদাস যখন মায়ের পা ছুয়ে প্রতিজ্ঞা করল—কোন দিন মদ চোবে না, মাংস খাবে না, পরস্ত্রীকে নিজেই মা-বোনের মত দেখবে, তখন ছেলের বিলেতে যাত্রার পুতলীবাঈ সম্মতি দিলেন।

প্রায় তিন বৎসর পরে মোহনদাস ব্যারিষ্টার হয়ে দেশে ফিরে এলেন। অর্থ উপার্জনের চেষ্টা করতে করতে শেষে এক সৎসা-গরের মামলা উপলক্ষে ১৮৯৩ সনে তিনি দক্ষিণ আফ্রিকা রওনা হয়ে গেলেন। তিনি কি তখন বুঝেছিলেন, সেই দূরদেশে তাঁর জীবন-দেবতা তাঁর হাতে সত্য্যগ্রহের অস্ত্র তুলে দেবেন—যে-অস্ত্রে অহিংসার দ্বারা হিংসাকে জয় করতে হয়, অক্রোধের দ্বারা ক্রোধকে, যে-অস্ত্র ভারতের স্বাধীনতা-সংগ্রামে হবে সবচেয়ে বড় অস্ত্র?

দক্ষিণ আফ্রিকায় গিয়ে মোহনদাস কি দেখলেন? তিনি দেখলেন, সহস্র সহস্র গরীব ভারতীয় কুসী সেখানে নানা রকম কাজ করে। তারা পরিশ্রমী, মিতচাৰী, কিন্তু তাদের জীবন দুর্ভর। খেতাজ শাসকরা তাদের পথে-ঘাটে ষত্রু-তত্রু নিত্য অপমান ও নির্ধ্যাতন করে। গান্ধীজীও বাদ গেলেন না, সেখানে তাঁর নাম হ'ল কুলী-ব্যারিষ্টার। সেখানকার রাজপথে, রেলগাড়ীতে তাঁকেও কতবার খেতাজরা প্রহার ও অপমান করেছে। ভারতীয়দের এই ঘোর দুঃবস্থা দেখে মোহনদাস তার প্রতিকারের সঙ্কল্প গ্রহণ করলেন। তিনি দক্ষিণ আফ্রিকায় থেকে গেলেন।

দক্ষিণ আফ্রিকায় ভারতীয়দের নির্ধ্যাতনের দুই-একটা নমুনা দিই। সেখানে একবার আইন হ'ল ভারতীয়দের মাথা পিছু ২৫ পাউণ্ড কর দিতে হবে। গান্ধীজীর নেতৃত্বে ভারতীয়গণ এই নিয়ে খুব আন্দোলন করল। শেষে রফা হ'ল, আচ্ছা ২৫ পাউণ্ডের স্থলে ৩ পাউণ্ড কর দিলেই চলবে। আর একটা আইন হ'ল—সেই আইনে প্রত্যেক ভারতীয়কে সরকারী দপ্তরে নাম রেজিস্ট্রারী করতে হবে, আর দশ আঙুলের ছাপ দিতে হবে। ভারতীয়রা যেন সকলেই দাগী আসামী, তাই তাদের সকলকে দশ আঙুলের ছাপ দিতে হবে। তখন গান্ধীজীর নেতৃত্বে ভারতীয়গণ এই পাশবিক আইন অমান্য করতে লাগল। দলে দলে তারা জেলে গেল, স্ত্রী-পুরুষ কেউ বাদ পড়ল না। তার পর শাসনকর্তা জেনারেল স্মাটস নাম রেজিস্ট্রারী নিয়ে গান্ধীজীর সঙ্গে একটা চুক্তি করলেন। কিন্তু আশ্চর্য্য, তাদের গবর্নমেন্ট পরক্ষণেই সেই চুক্তি মানতে রাজী হ'ল না। শুধু তাই নয়, আবার একটা নূতন আইন পাশ করে তারা ভারতীয়দের ট্রাল-ভালে প্রবেশ নিষেধ করে দিল। গান্ধীজী তখন পুরোভাগে এসে দাঁড়ালেন। আবার সত্য্যগ্রহ শুরু হ'ল। এবার ট্রালভাল অভিবান। দলে দলে ভারতীয়গণ স্ত্রী-পুরুষ, বালক-বালিকা, চাৰী মজুর, ঝাড়ুদার কেয়িওয়াল্লা, কেয়ালী ব্যবসায়ী, ধনী নির্ধন, হিন্দু, মুসলমান সকলে ট্রালভাল অভিবানে যোগ দিল। অস্ত্রবে গগবানের নাম নিয়ে, সাহসে বুক বেঁধে তারা অত্যাচারের মুখে

ঝাপিয়ে পড়ল। আঘাত তারা বুক পেতে নিল, কিন্তু কাকেও আঘাত করল না। সহস্রে সহস্রে জেলে গেল। গান্ধীজী কষ্টবহা সকলেই কয়েদী হলেন। কেউ কেউ মৃত্যুমুখে পতিত হ'ল, কিন্তু অজ্ঞায়ের সামনে মাথা হেঁটে কেউ করল না। শেষে সত্যাগ্রহের জয় হ'ল। নিঃসহায় নিঃস্বল ভারতীয়দের দৃঢ়তা, সাহস, ঐক্যবদ্ধতা, সর্বোপরি তাদের অহিংসা ও সত্যানুবাগ দেখে শত্রুর বুক কেঁপে উঠল। তারা পাশবিক আইনগুলো রদ করে দিল।

অর্জুন অরণ্যবাসী হয়ে দ্বাদশ বৎসর কঠোর তপস্যার পর মহাদেবের নিকট হতে পাণ্ডপত অস্ত্র লাভ করেছিলেন। গান্ধীজী সুদূর দক্ষিণ আফ্রিকায় নির্বাসনে কঠোর তপস্যার দ্বারা নব পাণ্ডপত অস্ত্র

লাভ করলেন। সেই অস্ত্র সত্যাগ্রহের অস্ত্র। পাণ্ডপত অস্ত্রে পশুর সঙ্গে পশুপতির লড়াই, অস্ত্র শক্তির সঙ্গে দৈবী শক্তির সংগ্রাম। তারপর প্রায় ২০ বৎসর পরে ১৯১৪ সনে গান্ধীজী দক্ষিণ আফ্রিকা থেকে ভারতে প্রত্যাবর্তন করলেন। হাতে তাঁর সত্যাগ্রহের অস্ত্র, আর হৃদয়ে ভগবান। ভারতের স্বাধীনতা সংগ্রাম আবৃত্ত হয়ে গেল।

স্বাধীন দেশে আজ নবজীবনের প্রাতে, এস আমবা জাতির জনক সেই বিজয়ী বীরকে প্রণাম করি।

(অল-ইণ্ডিয়া রেডিওর সৌজগে। গত ২রা অক্টোবর তারিখে কলিকাতা কেন্দ্র হইতে প্রচারিত।)

যে গল্পের শেষ নেই

লিওনাদ আল্দিফ্

শ্রীশ্যামাদাস সেনগুপ্ত

বিছানায় শুয়ে পড়ি।

দিনটা আমার কাছে বিশেষ ভাল বলে মনে হচ্ছিল না।

দিনটা অস্থিরতায় পূর্ণ।

আকস্মিক ভাবে পত্নী আমাকে জাগিয়ে দিল। তার হাতে মোমবাতি। মোমবাতিটা জ্বলছে, অন্ধকার মধ্যরাতে মোমবাতিটা সূর্যের মত ভাষার দীপ্তিতে উজ্জ্বল। দীপবর্তিকার পিছনে তার অধর ফুরিত, আয়ত চোখ দুটা স্থির।

—তুমি কি জান রাস্তার ওরা কোলাহল করছে, সে বললে।

আমরা পরস্পরের দিকে তাকাই। শাস্ত পরিবেশেও আমার মুখ বিবর্ণ। প্রাণশক্তি আমার স্তিমিত। পরক্ষণে আবার প্রাণশক্তি সঞ্চারিত হয় আমার মধ্যে। হৃৎপিণ্ডটা ধুকধুক করে আবার স্পন্দিত হচ্ছে। শাস্ত পরিবেশেও আলোকের শিখাটি চঞ্চল। শিখাটি ছোট্ট কিন্তু বাঁকা তলোয়ারের মত বলকিত।

—তুমি কি ভয় পেয়েছ? আমি প্রশ্ন করি। বিবর্ণ ওষ্ঠ তার আবার কেঁপে উঠল। তার চোখ দুটি শাস্ত ও স্থির। চোখে তার অজানা ভাষা। ভয়চকিত তার চাহনি।

গত দশ বছর ধরে সেই চোখের ভাষা আমি দেখে আসছি। আজকে তার চোখের ভাষা সম্পূর্ণ পৃথক। তার সেই দৃষ্টিকে অস্বীকার করতে পারিলাম না। সেই চাহনিকে গর্বদীপ্ত চাহনিও বলা যেতে পারে। তবু সে চাহনির মাঝে একটা ছায়াচ্ছন্নতা, একটা অজানা রহস্য ঠিকরে পড়ছিল। ছুঁয়ে দেখি তার হাত ঠাণ্ডা। সে আমার হাত জড়িয়ে ধরে, তার বাহুবন্ধন দৃঢ়তর হয়ে ওঠে। একটা নতুন কিছু অনুভব করি তার দেহের

স্পর্শে। এর আগেও সে আমাকে জড়িয়ে ধরেছে। আজ সে আকস্মিক ও অভাবিতরূপে আমার সামনে ধরা পড়ল।

—কতক্ষণ হ'ল—আবার প্রশ্ন করি তাকে।

—প্রায় এক ঘণ্টা হবে। তোমার ভাই চলে গেছে। সেই

এই ভেবে ভয় পেয়েছিল—এই অন্ধকার রাতে তাকে তুমি যেতে দেবে না। তাই একা সে গোপনে চলে গেল, আমিও তাকে চলে যেতে দেখেছি।

সে সত্যি কথাই বলল। বিছানা ছেড়ে আমি মুখ, হাত ও পা ধুলাম, এই আমার অভ্যাস, সেই সময়ে আমার পত্নী সাধারণতঃ বাতি ধরে আর আমি মুখ, হাত ও পা ধুই।

বাতি নিভিয়ে জানলায় ধারে গিয়ে রাস্তার দিকে তাকালাম। মে মাসের বসন্তকাল। ইতিপূর্বে এই পুরাতন নগরে হাওয়ার এত উচ্চাস আমি দেখি নি। নগরের কারখানা ও অলিগলি অলস হয়ে শুয়ে আছে। বাতাসে ধোঁয়া নাই। প্রাস্তরের সুবাস আর কুঞ্জবনের নির্ঘাস বাতাসে। হাওয়ার আর্দ্র শিশিরকণাও ছিল। বসন্তের এই গন্ধভরা প্রাণময় বাতাস আমি গভীর ভাবে বুকে শ্বাস নিয়ে টেনে নিলাম। নগরের রাজপথে কোলাহল নাই। শহরে শাস্ত গ্রাম্য পরিবেশ।

অনুবে একটা কুকুর ডাকছিল। ইতিপূর্বে এ শহরে কুকুরের ডাক আমি শুনি নি। একটা অমুভূতির তরঙ্গ আমি দেখে অনুভব করি।

[পত্নী আমাকে আলিঙ্গন করে বলে, কুকুরটা কোনো কোন থেকে ডাকছে নাকি?]

জানলার ধারে বুকে সেই প্রায়াক্রম্যে আমরা একটা নড়ন-চড়নের বহুশ্রমসমতা অনুভব করি। সেটি সঙ্গীত স্পন্দন, ছায়ার মত চঞ্চল। অশরীরী একটা কিছু ঘুরছে। একটা হাতুড়ি বা সেই ধবনের একটা ভারী ত্রিনিয়ের শব্দ আমরা শুনেতে পাই। শব্দটা খুব শ্রুতিমধুর। সুরের একটা সুসমঞ্জস প্রবাহ। বনের মধ্যে যেমন শব্দ শোনা যায়—সেই রকম শব্দ অনুভবগিত, এইখানে। জলের উপর প্রবাহিত নৌকা অথবা বাঁধের বন্ধনে উচ্ছল জলতরঙ্গের উথিত শব্দ সেটি, সেই শব্দ শুনে পত্নীকে গাঢ় আলিঙ্গন করে জড়িয়ে ধরি। আমার পত্নী অস্তগামী চাঁদ আর বাড়ীর ছাদের দিকে তাকিয়ে আছে। সুন্দর চাঁদ। পূর্ণ যুবতীর মতনই সেই চাঁদ সীমাহীন আকাশে অতীন্দ্রিয় স্বপ্নবাসরের স্বপ্ন দেখছে, কুণ্ঠিত লাজনম্রার মত সীমাহীন আকাশের এককোণে বিবাজ করছে।

—কবে পূর্ণমা আসবে।

—কবে পূর্ণমা আসবে? এ প্রশ্ন করো না—একথা শুনেও আমার ভয় লাগছে—আমার কাছে এস।

ঘরে অন্ধকার। আমরা পরস্পর কারও প্রতি না তাকিয়ে ঘবে অনেকক্ষণ পর্যন্ত চুপ করে বসে রইলাম। সেই একই চিন্তা করছি। কথা বলতে চেষ্টা করতেই মনে হ'ল অপয় কেউ যেন আমার মধ্য থেকে কথা বলবার চেষ্টা করছে। আমি ভয় পেলাম না। অপয়ের একটা কর্কশ গলার শব্দ শুনেতে পেলাম, সেই গলার স্বরে তুম্বার অধীর হয়ে ছটফট করছে।

—এ স্বরটা কিসের?

সে সব গলার স্বর—

—তুমি এদের মধ্যে বিবাজ করবে। আমি থাকতে পারছি না আর। আমি কে? আমি কি থাকতে পারি এখানে? তোমাকে পেলে তারা অনেক কিছুই পাবে।

আমি স্পষ্ট দেখতে পাচ্ছি পত্নী সে স্থান থেকে একচুলও সরে নি। আমি বুঝতে পারছি সে চলে যাচ্ছে দূরে...বহু দূরে। সে মিলিয়ে যাচ্ছে। আমার খুব শীত লাগছে। আমি বাহুগল এগিয়ে দিতে পত্নী সে আলিঙ্গন উপেক্ষা করল।

—এক শ' বছর পর মানুষ এই রকম অবাধ স্বাধীনতা পায়। তুমি আমাকে তা থেকে বঞ্চিত করছ কেন? সে বলল।

—সেখানে তোমাকে তারা ঘেরে ফেলতে পারে। আমাদের ছেলেমেয়েবা তা হলে ধ্বংস হয়ে যাবে।

—জীবন করণার পূর্ণ হবে, প্রেমে ভরে উঠবে—বদি—বদি তারা হবে।

এই অসম্ভব কথা পত্নী বললে যার সঙ্গে আমি দীর্ঘ দশ বছর বাস করছি। সন্তান সন্তান ছাড়া অত্র কোন চিন্তা তার দেখি নি। ছেলেমেয়ে ছাড়া বাইরে অত্র কোন জগৎ আছে কি না তা সে কিছুদিন আগেও জানত না। চোখের আড়ালে তাদের এক মিনিটও রাখত না। গত দিনে ভবিষ্যতের কুটিল ইঙ্গিত পেয়ে সে চমকে উঠেছিল। আর তার কি হ'ল?

গত দিন তার কি হয়েছিল? হায়! সেদিনের কাহিনী আমি আমি আজ ভুলে গেছি। গত দিনে কি হয়েছিল? আমার মনে নেই।

—তুমি কি আমার সঙ্গে যাবে?

—রাগ করো না। সে ভাবল আমি রাগ করেছি, ভীত হয়েছি। আবার পত্নী বলে।

—আজও রাতে যখন তারা দরজায় কড়াঘাত করছিল তখন তুমি ঘুমিয়েছিলে। আমি বুঝতে পারলাম সব কিছুই ক্ষণিকের। তোমাকে আমি গভীর ভাবে ভালবাসি।—সে আমাকে জড়িয়ে প্রবল বেগে নাড়া দেয়। তার পর আমাকে বলে: তুমি শুনেছ, কি ভীষণ ভাবে তারা দরজায় কড়াঘাত করছে। কড়াঘাত করছে তারা, কোন-কিছুর পতনের শব্দ তুমি পাচ্ছ না? মনে হচ্ছে পাথরের দেয়াল-গুলি পড়ে যাচ্ছে। এখনও সকাল হয়ে নি তবু মনে হচ্ছে আকাশে সূর্য্য কিরণ দিচ্ছে। আমার বয়স ত্রিশ হ'ল, তোমারও বয়স হয়েছে। তবু আমার কি মনে হচ্ছে জান? আমার মনে হচ্ছে আমি সতেরো বছরের যুবতী। আমার প্রথম প্রেমের কোন সমাপ্তি ছিল না; কাউকে সে প্রেম দিয়ে ভালবেসেছি। পত্নী ধামল।

উঃ কি রাত! মনে হচ্ছে নগরীর শেষ হয়ে গেছে, তুমি ঠিকই বলেছ, আমার বয়স কত।

তারা দরজায় আঘাত করছে। সে শব্দ আমার কাছে সঙ্গীত-মূর্ছনার মত বাজছে। আমার মনে হচ্ছে সঙ্গীতের এই সুর সারা জীবন আমি শুনেছি। আমার অসীম প্রেম দিয়ে কাঁকে ভালবেসেছি তা আমি বলতে পারব না। তবু বুঝছি সেই প্রেম আমাকে আবিষ্ট করেছে, সে প্রেম আমার চোখের জল ঝরাচ্ছে, গান গাওয়াচ্ছে। এ অসীম প্রেমে স্বাধীনতা আছে, দোহাই তুমি আমার স্বাধীনতা কেড়ে নিও না।

—আমাকে শাস্তিতে মরতে দাও, সে দেশে যেতে দাও যেখানে ওরা ভবিষ্যৎকে অস্তরে আহ্বান করছে এবং অতীতকে কবর থেকে ছিনিয়ে আনছে।

—এ রকম সময় কোন কালে ছিল না—নেই।

—তার মানে তুমি কি বলতে চাও?

—সময় বলে কোন কালে কোন কিছু ছিল না। তুমি কে? আমি তোমাকে জানি না—তুমি কি মানবী?

পত্নী উচ্ছল হাসিতে ভেঙে পড়ে। সে সত্যিই যেন সতেরো বছরের অনভিজ্ঞা যুবতী।

—আমি তোমাকে আমাকে কাউকে জানি না। তুমি কি মানুষ—মানুষ কি অদ্ভুত বিচিত্র জীব।...

এ সমস্ত কাহিনী অনেকদিন আগে ঘটেছিল। সেসব বিশ্বতপ্রায়। বিবর্ণ ধূসর জীবনে সে স্নান হয়ে গিয়েছিল। মৃত্যুর পর পুনর্জীবন না পেয়ে সে কাহিনী কেউ বিশ্বাস করবে না। অতীতে সময় বলে কিছু ছিল না। সূর্য্য উঠেছিল তার পর ডুবেছিল। অদ্ভুত হাতটা ডায়ালের পাশে ঘুরছিল। সময়ের

অস্তিত্ব বলে কিছু ছিল না। সে অনাদি অতীতে নানা আজব ব্যাপার ঘটেছিল।

—যারা ধূমর জীবনের ক্লাস্ত ছায়ায় ঘুমোচ্ছে এবং মৃত হয়ে জীবনে ফিরে আসে নি—তারা এ সব বিশ্বাস করবে না।

—অবশ্যই আমি ফিরে যাব—আমি বললাম।

—বেশ ভাল কথা। তুমি আজ কিছু খাও নি, কিছু খেয়ে নাও। আমার জ্ঞান কেমন টনটনে। আগামীকাল আমি বওনা হব, আমি ছেলেমেয়েদের সেখানে দিয়ে দেব আর তোমাকে খুঁজে বার করব।

—বন্ধু। আমি পত্নীকে বললাম।

—বল প্রিয়তম বন্ধু।

জানালার মধ্য দিয়ে প্রাস্তরের বিস্তৃতি দেখা যায়। মাঠে নীরবতা, মধ্য মধ্য কুঠারের বহুশ্রম আওয়াজ ভেদে আসছে। প্রাচীরের দিকে তাকাতে সেগুলো আমার কাছে ফাঁকা ও স্বচ্ছ বলে মনে হয়, আরও মনে হ'ল সেই প্রাচীরের খামগুলি অনন্তকে আলিঙ্গন করেছে একটা মধুর দৃষ্টি দিয়ে। কেমন করে এইসব দেখাল তৈরী হয়েছিল—কেমন করে এগুলির ধ্বংস হয়েছিল, কেমন করে ধ্বংসস্তপে পরিণত হয় এবং কেমন করে ধ্বংসস্তপে পরিণত হবে—সব যেন আজ দেখতে পেলাম। সবকিছু চলে যাবে। আমি কিছু পড়ে থাকব। সমস্ত কিছু আমার কাছে অদ্ভুত বলে মনে হচ্ছে। টেবিল এবং টেবিলের উপর রক্ষিত আহাৰ্য্য সব কিছুই আমার কাছে বিসদৃশ বলে মনে হয়। একটা স্বচ্ছ আলোর দ্বারা ক্ষণিকের জগৎ শুধু বিরাজ করে।

পত্নী প্রশ্ন করে : তুমি এখনও যাও নি কেন?

আমি হাসলাম।

পত্নী কঠির দিকে তাকায়। কঠির শব্দ আবরণের দিকে তাকিয়ে তার মন দুঃখে ভরে যায়। সে অপলক দৃষ্টিতে তাকিয়ে থাকে। আলিঙ্গন থেকে মুক্ত হয়। ছেলেটা ঘুমোচ্ছে। তাদের পানে সে তাকাল।

—তুমি কি এদের জগৎ দুঃখ অনুভব কর না? আমি প্রশ্ন করলাম। কঠির দিক হতে দৃষ্টি না সরিয়ে সে সশ্রুতি জানাল।

—না—আমি আমার পূর্বজীবনের কথা ভাবছি।

কি অবিশ্বাস্য! ঘুম থেকে উঠে সদা-জাগরিত ব্যক্তির মত ঘরের সমস্ত কিছু এক দৃষ্টিতে তাকিয়ে দেখে পত্নী অনুভব করে সব কিছু মানুষের অনুভূতির বাইরে। এই কি সেই স্থান, যেখানে অনন্ত বসবাস করছে।

—তুমি আমার পত্নী।

—ওখানে আমাদের ছেলেটা ঘুমিয়ে আছে।

—দেওয়ালের পাশের কবরে তোমার বাবা চিরনিদ্রায়।

—হ্যাঁ তিনি মারা গেছেন। মরণের পর পুনর্জীবন পান নি।

—আমাদের কোলের শিশুপুত্র ডুকরে কেঁদে ওঠে। সে ভয় পেয়েছে। শিশুর কাণ্ডা কিছু যেন দাবি করছে। অশরীরী দেয়ালের কাছে সে কিছু প্রার্থনা করছে। দূরে রাজপথে লোকেরা কাঁটাতার দিয়ে কি যেন করছে। শিশু কেঁদে উঠে। কোলে আসতে চায় সে, সামান্য আদর আর সোহাগ আমাদের কাছে দাবি করছে।

—বেশ তা হলে যাও—ফিস ফিস করে পত্নী বলে।

—ছেলেমেয়েকে চুমু দিতে আমার ইচ্ছে করছে।

—তা হলে তারা জেগে উঠবে।

—না, না, তারা জাগবে না, আলতো ভাবে চুমু দেব।

আমাদের বড় ছেলে জেগে উঠেছে। ন'-বছরের ছেলে সে। সব কিছু সে বুঝতে পেরেছে। আমার প্রতি তার কঠোর দৃষ্টি। আশ্রয়ের সুরে বলে, তোমার বন্দুক নেবে না বাবা?

—হ্যাঁ, অবশ্যই নেব।

—ওই তো বন্দুক ঠোঁভের পিছনে।

—তা তুমি কি করে জানলে। বেশ, বাছা আমাকে একটা চুমু দাও—আমাকে মনে রাখবে তুমি চুমু খেলে।

বিছানায় সে এতক্ষণ শুয়ে ছিল। বিছানা ছেড়ে লাফিয়ে উঠে। শরীর তার বেশ গরম। বাছ ছোটো তার নরম, তুলতুল করছে। আমাকে সে জড়িয়ে ধরায় তাকে স্নেহের চুমু খেলাম। চুলগুলো মাথার পিছন দিকে সরিয়ে দিলাম।

—তারা কি তোমায় মেরে ফেলবে বাবা—ফিস ফিস করে আমার কানের কাছে বলে।

—মারলেও আমি ফিরে আসবে।

ছেলে আমার কাঁদল না। এর আগে বাড়ীর বাইরে আমি গেলে সে কাঁদত। অনন্তের বহুশ্রু তার মধ্যে সঞ্চারিত হয়েছে বলে আমার বিশ্বাস হয় না। হয়ত অনেক বহুশ্রু অতীতে ঘটে গেছে, তার পূর্বজীবনে। দেয়ালের পাশে রক্ষিত কুটি আর টেবিলের দিকে আমি তাকলাম। শেষ প্রদীপের ক্ষীণ আলোকের শেষ শিখাটা আমি দেখছি। এই আলোকশিখা পত্নী সেই কখন ঘরে এনেছিল।

—বেশ, তা হলে আমরা আবার মিলিত হব?

—হ্যাঁ মিলন আমাদের হবেই।

শেষ কথা এই আমাদের। জানলার কাছে গভীর অন্ধকার। সেই অন্ধকার প্রাবিত আবেষ্টনী আর পাষণ-সিঁড়ির বহুশ্রময়তা আরও এক বহুশ্রুতে নূতন আনন্দ আমার হৃদয়কে প্রাবিত করে।

আনন্দের দেশে আমি যাত্রা শুরু করেছি।

পানিপথ

শ্রীমধুসূদন চট্টোপাধ্যায়

রাতের পান্থ, নগ্ন নিভূতে বাবে বাবে তব রথ
ছুঁয়ে ছুঁয়ে গেছে কতবার এই পৃথিবীর পানিপথ !
বিশ্বের সীমা তবুও আজকে রয়েছে ভৌগোলিক,
রক্তিম আভা সে নিয়েছে তবু হয় নি ত গৈরিক !
সন্ধানী আলো ফেলে গেছে দূত ইম্পাত চক্ষের,
মনস্তরে তারা পরাশরী বিদ্রোহী পক্ষের,
রাষ্ট্রে রাষ্ট্রে তারাই হয়েছে কখনো কর্ণধার,
ক্রমাবর্তনবাদের সত্যে নিষ্ঠুর দুর্বার ।
লণ্ঠন হাতে এ মহাশ্মশানে শবদেহ পার হয়ে
কেউ ফিরেছিল সন্ধান করে কয়টি চাঁদের দানা,
রাতের পান্থ তোমার স্বীকৃতি ছিল না ত তার হয়ে,
বেধে দিয়েছিলে বারুদেতে সিন্ধে প্রখ্যাত পরোয়ানা !
অনেক ভাঙা ও গড়ায় তৈরি হয়েছিল জনমত,
তারই চেতনায় পান্না হয়েছে আজকের পানিপথ !

‘র্যাফেলের ম্যাডোনা’

শ্রীমুখীর গুপ্ত

শুভ্র শোভা, শান্ত হাসি, করুণা-কোমল
স্নেহ-সমুজ্জ্বল দিগ্ধি চির শান্তি-ভরা ;
মুক্তিকা-মালিণী-মসী-ব্যথা-বিঘ্ন-হরা
মাতৃ-মূর্ত্তি মুগ্ধ করে রুদ্ধ ভ্রমণল ।
মরু-বয়ে’ চেলে দিয়ে স্বর্গ-গন্ধাজল
দূর করে জ্বরাতুর জীবনের জরা ;
অমৃত-পীযুষে বুকি সর্ব-সত্তা গড়া ;—
ক্রুশ-বিদ্ধ জীবনের ছায়া সুশীতল ।
‘র্যাফেলের’ শিল্প-স্বপ্ন চির নিরুপমা,—
‘ম্যাডোনা’র মাতৃ-ভাব বিহ্বল-বিবশ ;—
সুন্দরের স্বপ্ন যেন গুরু তিলোসুমা ;
বন্ধ লগ্ন যীশু বুকি মাতৃদেবরই রস ।
একাধারে এ ধরার শ্রীতি আর ক্রমা ;—
শিল্প-শোভা ঈশ্বরেরও পেলো কি পরশ ।

উথানের ডাক

শ্রীশৌরীন্দ্রনাথ ভট্টাচার্য্য

নর্মপথে বাজত যাদের বংশী কর্মরথে উঠত বেজে শঙ্খ,
ধর্মে যাদের মর্মে বাঁধা বর্ম, চলবে যে রে বাজিয়ে তারা ডঙ্ক ।
গীতায় যেথা কৃষ্ণ দিলেন মন্ত্র দাবির লাগি করতে হবে যুদ্ধ,
বার্তা দিলেন আত্মা অবিনশ্বর অহিংসারি মন্ত্র দিলেন বুদ্ধ ।
পুরুষরা যার ব্রহ্মতেজে দীপ্ত অক্ষরার সতীত্বেরি বিদ্যাৎ,
জনসাধারণ সবাই ছিল তৃপ্ত শক্তি তেজে সবাই ছিল শিবদূত ।
দুঃখে কেন আজকে তারা দক্ষ সর্বমানব দুর্দশাতে জসছে,
কল্যাণীরা পায়ের তলায় পিঠা জীবনুতের মতন সবাই চলছে ।
দুঃখ এবং দৈত্বেরি নাই শেষ যে, পাপের বিষে
আজ যে সবাই পূর্ণ,
হৃদিনে এর উপায় পাওয়া মুক্তির পাপের বিনাশ চাই
করা আজ তুর্ণ ।
এমনি করেই করতে হবে শুদ্ধি অগ্নিতে আজ
করতে হবে জ্ঞান রে,
উর্দ্ধমুখী করতে হবে মনপ্রাণ পরার্থেতে স্বার্থ বন্দিদান রে ।
পবিত্র আর না হও যদি নির্ভীক বন্ধাতে যে
পড়বি ভেঙ্গে বন্ধন ;
নিষ্পাপ হলে দুর্দশারি ধ্বংসে যুগের চাকা ঘুরিয়ে দিবি বনবন ।
আজ হওয়া চাই পবিত্র আর নির্ভীক আত্মতেজের
শৌর্য্যেতে হও দুর্বার,
তোমরা যে ভাই অমৃতেরি পুত্র যে দেশ ছিল
লীলার ভূমি দুর্গার,—
সেই দেশেরই বাসিন্দা যে তোমরা দুর্নীতদের বইলে
পাপের অংশ,
দুর্নীতেরা হবেই জেনো খান-খান তাদের সাথে
তোরাও হবি ধ্বংস ।
আজও যে রে সময় আছে ফিরবার আত্মতেজের
তোলরে জ্বলে অগ্নি,
তোমরা আবার শৌর্য্যদেবের গোত্রে সর্বজয়ী
হও গো ভ্রাতাভগ্নি !
বিশ্বে আবার শ্রেষ্ঠ হয়ে তোমরা দুর্নীতি পাপ
দাও করে সব খান-খান,
তোমরা আবার হও জগতের বিশ্বয় সবাই
বলুক অমৃতেরি সন্তান ।

বিংশ শতকের বিজ্ঞান-সাধনা

শ্রীশশাঙ্কশেখর মিত্র

(মিসিগান বিশ্ববিদ্যালয়)

সমসাময়িক কালে বিজ্ঞান ঔপন্যাসিক তথা বাবহারিক উভয় ক্ষেত্রেই, বেশ অগ্রসর হয়েছে। বিশেষতঃ বিংশ শতাব্দীর প্রথমার্ধে আমাদের জ্ঞানের প্রসার যেমন বিরাট তেমনই ব্যাপক। কয়েকটি মূল-তত্ত্বের আবিষ্কারে বিজ্ঞানের অভিব্যক্তি যেমন ত্বরান্বিত হয়েছে তেমনই উদ্ঘাটিত হয়েছে নব নব গবেষণার দ্বার; সামগ্রিকরূপেও উন্নতি অল্প হয় নি। ১৯০৫ এবং ১৯১৬ সনে আবিষ্কৃত, আইন-ষ্টাইনের বিশেষ ও সাধারণ আপেক্ষিকতাবাদ এইরূপ একটি যুগান্তকারী মূল সিদ্ধান্ত। দেশ ও কালের মধ্যে অনাবিষ্কৃত রহস্যময় সঙ্কেত স্বরূপ নির্ণয় কবেই এর উপযোগিতা শেষ হ'ল না, বলবিজ্ঞান ও তড়িচ্চুম্বকবাদের প্রচলিত নীতির পরিবর্তন ও পরিবর্তনের দ্বারা এই সিদ্ধান্ত প্রায়োগিক-গণিত ও পদার্থবিজ্ঞান পূর্ণাবয়বে নাড়া দিতে সমর্থ হ'ল। এরই সঙ্গে সঙ্গে পরমাণবিক ও কণিকা জগতের নানা তথ্যের সন্ধান পেয়ে আমাদের সম্মুখে এক নূতন ও পরমাশ্চর্য্য বিশ্বের রহস্যাবলম্বন আজ অপসারিত। মানুষের স্মৃতি যে জগৎ অবলোকনে অভ্যস্ত তাই প্রকৃতির চরম সত্য নয় আর এক সূক্ষ্ম ও জটিল বিশ্বের পরোক্ষ স্বীকৃতি পাওয়া গেল মূল কণিকাগুলির সক্রিয়তায়, যেখানে বিবর্তি ও কণ্যের অপূর্ণ সময়ের প্রকৃতি প্রাণবন্ত। সে জগতে বস্তুই শুধু পবন সূক্ষ্মতায় পরা ও অপরা তড়িৎ কণিকার বিশ্লেষিত নয়, আলোক-তরঙ্গ ও সজ্বাকায়ে, কণারূপী প্রকৃতির মূল কণিকার তালিকা ইলেকট্রন, প্রোটিন-ফোটনেই সীমিত নয়, নিম্নত বর্ধিত কলেবরে যুক্ত হয়েছে নিউট্রন, পজিট্রন ও অজস্র মেসন।

কৃষ্ণ পদার্থ বিকিরণের বিষয়ে অনুসন্ধানের অবসরে প্রাক আবিষ্কার করলেন আলোকের পরিমাণবাদ। এই বিপ্লবাত্মক সিদ্ধান্তের সাহায্যে নিসর্বোদর পরমাণুর একটি যুক্তিসঙ্গত চিত্ররূপ প্রস্তুতিতে সমর্থ হলেন। এরই উপর ভিত্তি করে অধচ একে যথেষ্ট পরিমার্জিত করে গড়ে উঠল তরঙ্গ ও পরিমাণ বলবিজ্ঞান। ইতিমধ্যে পদার্থের দৈতবাদও আবিষ্কৃত হয়েছে—অর্থাৎ, বস্তু একই সঙ্গে কণিকা-সমষ্টি ও তরঙ্গগুচ্ছ এবং তার প্রায়োগিক স্বীকৃতি এসেছে ইলেকট্রন বিচ্ছুরণের গবেষণায়। আদি নৈশ্চিত্যবাদের (যা রক্ষণ-শীল বিজ্ঞানীদের একটি অভ্যাস বিশেষ) আস্থার ভিত্তিমূলে বিপুল আলোড়নের সৃষ্টি করল সম্ভাবনাবাদ ও অনিশ্চিত্যবাদের তর্ক কণ্টকিত ধারণা। বিংশ শতাব্দীর বিজ্ঞান-সাধনায় নানা উপপ্লবের মধ্য দিয়ে এক বিচিত্র বিপ্লবরূপ পরিগ্রহ করল।

পরমাণু-অস্ত্রের কেন্দ্রীণও কম রহস্যের আকর নয়। অজস্র আলোড়ন-বিলোড়ন, আকর্ষণ-বিপ্রকর্ষণের প্রাচুর্য্যে পরমাণু কেন্দ্রীণের গঠন আপাতদৃষ্টিতে দুর্বোধ্য। এই শতাব্দীর প্রারম্ভে ইউরেনিয়াম, রেডিয়াম, পোলোনিয়াম প্রভৃতি মৌলের তেজস্ক্রিয়তা। পরমাণু নাভিকের অঙ্গবিজ্ঞানের হ্রস্বতার প্রথম পরিচয় বহন করে আনল

এবং এই অনুসন্ধানের পরবর্তী অধ্যায়ে কৃত্রিম তেজস্ক্রিয়তা, কেন্দ্রীণ বিভাজন ও এক মৌলের অণু মৌলে রূপান্তরিত হবার উপায়ও আবিষ্কৃত হ'ল। নানারূপ কেন্দ্রীণ বিকিরণ ও বিশ্বরশ্মির অশাস্ত স্নেহসম্পাত এই রহস্যকে আরও ঘনীভূত করেছে। কেন্দ্রীণ পদার্থ-বিজ্ঞান প্রতি নিম্নতই নাভিক-অভ্যস্ত্রের নব নব ঘটনা-পরম্পরার আবিষ্কারে রত। আজ কেন্দ্রীণের গঠন ও স্থিতিস্থাপকতা সম্বন্ধে আমাদের মোটামুটি ধারণা করা সম্ভবপর হয়েছে। এই শিশু-বিজ্ঞানের নিত্য নূতন প্রয়াস এর উজ্জ্বল ভবিষ্যতের সূচনা করছে।

বাবহারিক ক্ষেত্রেও প্রভূত পরিবর্তন সাধিত হয়েছে। ইউরোপের শিল্প-বিপ্লবের পর এই বোধ হয় প্রথম এত ব্যাপক ও বিরাট প্রায়োগিক উন্নতির সূচনা হ'ল; এ যুগের আলাদীনের প্রদীপ আলোক-বৈদ্যুতিক কোষ (ফটো ইলেকট্রিক সেল) ও তাপ আয়নিক বর্তিকা (থার্মায়নিক ভাল্ভ) দৈনন্দিন জীবনে ও শ্রম-শিল্পের ক্ষেত্রে বহু অসম্ভবকে সম্ভব করে তুলেছে। বেতার, দূরেকণ (টেলিভিশন) ও বাডার বিলাস তথা প্রয়োজনের বিশিষ্ট অঙ্গরূপে আমাদের কর্মজীবনে এক অপরিহার্য্য ভূমিকা গ্রহণ করেছে। এই বিজ্ঞান ও বেতার যান্ত্রিকতার দিনে বিজ্ঞানের প্রয়োগধর্ম্মিতা প্রত্যেককেই স্বীকার করতে হয়। কেন্দ্রীণ বিজ্ঞানের উন্নতির সঙ্গে সঙ্গে আরও এক নব দিগন্তের আভাস পাওয়া যাচ্ছে। পরমাণবিক ও হাইড্রোজেন অস্ত্রের ব্যাপক মারণ-ক্ষমতাই শুধু এর দান নয়, আজ শান্তির দিনে শিল্পক্ষেত্রে দেগা দিয়েছে এক বিপুল সম্ভাবনা। এর দৌলতে অদূরভবিষ্যতে সভ্যতা ও সমাজের রূপ বদলে যাবে। শান্তিকামী মানুষের করায়ত্ত অপরিসীম ক্ষমতা ইতিহাসকে দেবে অভিনব গতিবেগ।

কেন্দ্রীণ রসায়নের চরম উন্নতির দিনে তেজ-সরবরাহের জগৎ জ্বালানির সন্ধান খনির অন্ধকার গহবরে আর নামতে হবে না। তাপ-নাভিকীয় প্রতিক্রিয়ার সাহায্যে আমাদের দৈনন্দিন তেজের চাহিদা মিটেবে একান্তভাবে। খনিজ পদার্থের উপর নির্ভর করে থাকার হাত হতে হয়ত মানুষ অচিরেই মুক্তি পাবে, কিন্তু মনে হয় উদ্ভিদ জগতের মুখাপেক্ষী হয়ে এখনও তাকে বেশ কিছুদিন থাকতে হবে। বনস্পতি জগতের সঙ্গে আমাদের সঙ্কট প্রধানতঃ খাদ্য-খাদকের। দৈনন্দিন খাদ্যের তিনটি প্রধান অঙ্গ—শর্করা, প্রোটিন ও স্নেহ পদার্থ। প্রত্যেক অথবা পরোক্ষ উপায়ে এই তিনটিই আসে তরুরাজি হতে। কিন্তু বনজগতের উৎপাদন-ক্ষমতা সীমাবদ্ধ অধচ পৃথিবীর লোকসংখ্যা ক্রমবর্ধমান। ভেষজ বিজ্ঞান অত্যাশ্চর্য্য উন্নতি এবং রসায়নসম্মত স্বাস্থ্যবিধি পালনে যত্নাহার আজ হ্রাসপ্রাপ্ত, ওদিকে জনসংখ্যা উত্তরোত্তর বেড়েই চলেছে। এই ভাবে জন্মহার বৃদ্ধি পেতে থাকলে আশা করা যায় আগামী সম্ভব বৎসরে লোক-

সংখ্যা দ্বিগুণিত হবে। এই ক্রমবর্ধমান বিপুল জনসমষ্টির খাতি কেবলমাত্র বনস্পতি জগতের নিকট পাওয়া সম্ভব নয়, এর জল প্রয়োজন কৃত্রিম উপায়ে খাতবস্ত প্রস্তুত করা। সংশ্লেষণের দ্বারা শর্করা প্রস্তুতের গবেষণা আরম্ভ হয়ে গেছে। এই অম্লসন্ধানের দ্বারা প্রধানতঃ দুইটি : প্রকৃতির অম্লকরণে পর্ণশ্রামের অম্লরূপ কোন অম্লঘটকের সাহায্যে আলোক সংশ্লেষণের দ্বারা কার্বন ডাইঅক্সাইড ও জলের সংমিশ্রণ ঘটল। এই প্রণালী অজ্ঞাত প্রাকৃতিক নিয়মের মতই দীর্ঘ গতিসম্পন্ন এবং এর উৎপাদন-ক্ষমতাতে সীমাবদ্ধ। অল্প উপায় সদাসরি কঠিন ও জলের সংশ্লেষণ—উচ্চ তাপ ও চাপের দ্বারা এর গতিও নিয়ন্ত্রিত করা চলে। দুই প্রণালীতেই গবেষণা চলছে। এমিল কিসারের কৃত্রিম উপায়ে শর্করা সংশ্লেষণ এদিকে একটি উল্লেখযোগ্য আবিষ্কার। আশা করা যায়, শর্করা অণুর একত্রীকরণের দ্বারা অদূর ভবিষ্যতে খেতসার প্রস্তুতও সম্ভব হবে। প্রোটিন সংশ্লেষণও আজ শুদ্ধ জ্ঞানানুশীলনের ক্ষেত্রে অতিক্রম করে ব্যবহারিক জীবনে অম্লপ্রবেশের চেষ্টায় রত। কৃত্রিম উপায়ে প্রস্তুত বস্ত্রসমূহের সুবিধা সাধারণতঃ দ্বিবিধ। প্রথমতঃ অল্প ব্যয়ে ও অল্প সময়ে অধিক উৎপাদন, দ্বিতীয়তঃ অম্লরূপ প্রাকৃতিক বস্ত্রগুলি অপেক্ষা এদের ব্যবহারও ব্যাপকতর। উদাহরণস্বরূপ কৃত্রিম নীল অথবা রবারের নাম করা চলে। অবিসংবাদিত রূপে এরা প্রাকৃতিক দ্রব্যগুলি হতে অধিকতর উপযোগী। এ বিষয়ের আর একটি উল্লেখযোগ্য আবিষ্কার সাংশ্লেষিক পেট্রল। বিবিধ গন্ধসার, প্রাণিক ও বহু কৃত্রিম তন্তুময় ও রেশমী বস্ত্র সাংশ্লেষিক উপায়ে প্রস্তুত করা এই ব্যাপক কর্মসূচীরই অঙ্গবিশেষ।

পদার্থবিজ্ঞা, রসায়নশাস্ত্র ও কলিত বিজ্ঞানের চমকপ্রদ উন্নতির দিনে জীববিজ্ঞাও পিছনে পড়ে নেই। জীব রহস্যেরও অতলাস্ত সমস্ত সমাধানে তার ক্লাস্তিহীন প্রয়াস। আমরা জানলাম প্রত্যেক জীবিত পদার্থের একক যে কোষ তাও আর অবিভাজ্য নয়। বিভিন্ন ক্রোমোসোমের দ্বারা গড়ে উঠেছে তার নাভিক। ভিন্ন ভিন্ন জীবে এই ক্রোমোসোম সংখ্যার তারতম্য। মানব জাতির প্রত্যেক কোষে এর সংখ্যা আটচল্লিশ। কোষের সংখ্যাবৃদ্ধি ঘটে বিভাজনের দ্বারা। প্রত্যেক অপত্য কোষে ক্রোমোসোম সংখ্যা অপরিবর্তিতই থাকে। কিন্তু ক্রোমোসোমগুলিও শেষ কথা নয়, এরা গঠিত হয় প্রাণকণা বা জিন নামক অপেক্ষাকৃত ক্ষুদ্র রাসায়নিক বস্ত্রপিণ্ডের দ্বারা। এই জিনই বহন করে কুল-স্বত্তি, জীবের অভিব্যক্তিও ঘটে এই জিনের মাধ্যমে। সময় সময় পরিব্যক্তির (মুটেশন) দ্বারা প্রাণকণিকার মৌলিক পরিবর্তনও সাধিত হয়। পরিব্যক্তির কারণ নিয়ে বাদানু-বাদের শেষ এখনও হয় নি। এক দল বৈজ্ঞানিকের মতে পরি-বেশের প্রভাবে প্রাণকণকের নিয়ত উন্নতি অতীতসমূহের কারণ, অপূর্ণ মনের মতে এ সম্পূর্ণরূপে দুর্ঘটনাপ্রসূত, আকস্মিক। বিখ্যাত ফরাসী দার্শনিক বার্গসনর মতানুসারে—জীবন সত্যর অমের আকাঙ্ক্ষা অভিব্যক্তির স্বল্প ক্ষমতিতে প্রেরণা সঞ্চায়কারী। মনে হয়, মন-শীল জীববিদগণ এ ব্যাখ্যায় সন্তুষ্ট হন নি। নব-ডারউইনবাদ এখনও

নিখুঁত যুক্তির ভিত্তিতে প্রতিষ্ঠিত নয়; তবে আশা করা যায়, অচিরে বিবর্তন ও পরিব্যক্তির জটিল পন্থার সূত্র ব্যাখ্যায় এ সক্ষম হবে। আর এক বাদানুবাদের সৃষ্টি হয়েছে পরিবেশ ও বংশগতির তুলনামূলক প্রভাব নিয়ে। রুশ বৈজ্ঞানিক মহামতি লাইসেনকোর আবিষ্কার, বিবর্তনের বংশগত ব্যাখ্যায় অভ্যস্ত, সংকীর্ণনা পণ্ডিতদের বিরূপ করে তুলেছে। লাইসেনকোর মতে সূত্র পরিবেশ নিয়ন্ত্রণের দ্বারা অপত্য-বংশের চরিত্র সম্পূর্ণরূপে পরিবর্তিত করা সম্ভব এবং বংশগতির ধারণা এখানে একান্তই অপ্রয়োজনীয়। আবিষ্কার ধনতন্ত্রী সমাজের মৌলিক বিশ্বাসের ভিত্তিমূলে নাড়া দিয়েছে এবং কায়েমী স্বার্থের সংরক্ষণকল্পে আজ বহু জ্ঞানী ব্যক্তিও সত্যকে স্বীকার করতে পরাশ্রয়। জ্ঞানানু-শীলনের ইতিহাস পর্যালোচনা করলে দেখি, প্রতি যুগেই বহু বৃহৎ আবিষ্কারকে ব্যক্তিগত অথবা সংকীর্ণ সামাজিক প্রতিকূলতার সম্মুখীন হতে হয়েছে। এই বিবোধী শক্তি বৃদ্ধিবৃত্তি ও যুক্তিবাদের জয়যাত্রাকে সাময়িকরূপে ব্যাহত করে সন্দেহ নেই। মোটের উপর জীবন যে বস্ত্রই এক বিশিষ্ট প্রকাশ এ বিষয়ে রাসায়নিকগণ একমত হলেও প্রাণের উৎপত্তি সম্বন্ধে জীববিজ্ঞা বা জগবিজ্ঞা এখনও পর্যন্ত তেমন সন্তোষজনক মীমাংসায় উপনীত হতে সমর্থ হয় নি।

বিজ্ঞানের অবিশ্রান্ত অগ্রগতির ফলে একদিকে আমরা যেমন পেলাম বেতার, দূরেক্ষণ (টেলিভিশন), বিমানপোত, বকেট, পয়মানবিক শক্তির নানা ব্যবহার, খাতপ্রাণ, পেনিসিলিন, হরমোন, জন্মনিয়ন্ত্রণের বিভিন্ন উপায়, অল্পদিকে আমাদের ভাবনা-কল্পনা চিন্তনেও এল আমূল পরিবর্তন। নানা বৈচিত্র্যের সমন্বয়ে গড়ে উঠেছে এর অবয়ব, গতিশীলতাই এর অস্তরের গূঢ় সত্য, বিজ্ঞান তাই বিপ্লবাত্মক। নিত্য নূতন কৌশল অভিনব তন্ত্র ও কলিত-ক্ষেত্রে তার নূতন ব্যবহার, নূতন সমস্যা ও তার নবতর সমাধান—বৈজ্ঞানিক চিন্তাধারা ও প্রয়োগশালার অবিরাম কর্মপ্রচেষ্টার মধ্যে বিরাট এক সম্ভাবনার বীজ উদ্ভূত। আধুনিক যুগের দৃষ্টিভঙ্গী সৃষ্টিতে বিজ্ঞানের অপরিমিত প্রভাবের কথা বিস্মৃত হওয়া সমীচীন নয়। সমসাময়িক শিল্পপ্রচেষ্টার মধ্যে অন্নায়াসেই এর প্রত্যক্ষ বা পরোক্ষ প্রভাব লক্ষ্য করা যায়।

নিউটন-উত্তর যুগের বিজ্ঞান সাধকদের নিকট কার্যকারণবাদ প্রায় একটি প্রকল্পরূপে গৃহীত হয়েছিল। প্রকৃতির সর্ব-প্রকার প্রকাশ-প্রবণতার বাস্তবিক ব্যাখ্যার প্রয়াস ও তার অন্তর্নিহিত তন্ত্রের যুক্তিসঙ্গত অমূলসন্ধানের পরিপ্রেক্ষিতে জয়লাভ করেছিল এই বোধ। পরবর্তী যুগের সমস্ত সৃষ্টিধর্মী ভাবনা-কল্পনায় দেখি এর সর্বত্র প্রভাব। বিজ্ঞান ও পুষ্টি ভৌতিক ঘটনাবলীর উৎস সন্ধান নয়, দর্শন, অধ্যাত্মবিজ্ঞা, সমাজনীতি, ইতিহাস, সাহিত্য প্রভৃতি সূক্ষ্মর জ্ঞানের প্রায় প্রত্যেক শাখাতেই এর পরোক্ষ প্রভাব। যদিচ সমকালীন পদার্থবিজ্ঞান করেছেকটি যুগান্তকারী অমূলসন্ধান এই প্রকল্পের বিপক্ষে কিছু সন্দেহের উদ্রেক করেছে, তবুও ব্যবহারিক ক্ষেত্রে এর উপযোগিতা কিছুমাত্র ক্ষুণ্ণ হয়েছে

বলে মনে হয় না। অনিশ্চিত্যবাদ আমাদের পরীক্ষা-নিরীক্ষার নিভুলতার সূক্ষ্ম সীমা নিয়ে বিতর্কের সৃষ্টি করেছে তাই বলে বহিঃপ্রকৃতির বিরাট স্পন্দন-প্রাচুর্যের কার্যকারণগত সন্ধকে কোন-রূপ সন্দেহের সৃষ্টি করে নি।

এই সমস্ত তথ্য ও তথ্য থেকে এটাই প্রমাণিত হয়—বিশ শতাব্দীতে বিজ্ঞান কিরূপ দ্রুতগতিতে জয়যাত্রার পথে এগিয়ে চলেছে। বিজ্ঞানের এই যাত্রাপথ কিন্তু নিত্যমুহূর্তে মন্থন নয়। প্রায় প্রতি যুগেই সমাজের রক্ষণশীল মনোবৃত্তি নানারূপ কৃত্রিম বাধার সৃষ্টি করেছে। কিন্তু একথা মনে রাখা উচিত যে, শুধু শৃঙ্খলাবদ্ধ দী-শক্তির উন্মেষেই নয়, দেশকালাতীত এক সহযোগিতাপূর্ণ মনো-ভাব সৃষ্টি ও বিজ্ঞানের অগতম দান। এর বিচার ও পরীক্ষালব্ধ উপাস্ত সংগ্রহ পদ্ধতি জ্ঞান-চিন্তা-মনন-ক্রিয়ায় নিয়মাত্মবর্তিতার

অভ্যাস প্রকৃতির নিগূঢ় রহস্যের সমাধান ও মহাজগতের চরম তথ্য-সন্ধানের দিন হয়ত এখনও আসে নি, কিন্তু সত্যাত্মসন্ধানের আকাঙ্ক্ষা মানুষকে ঋদ্ধ প্রজ্ঞালোকে উন্নীত করেছে। আমাদের দৈনন্দিন জীবনে বিজ্ঞানের ব্যবহারিক উপযোগিতা—অর্থনৈতিক ইত্যাদি বিভিন্ন সমস্যার সমাধানে এর অপরিমিত ক্ষমতার পরিচয়ে আজ আমরা বিস্মিত। হয়ত সময় সময় ক্ষয় ও ধ্বংসের সহযোগিতায় বিজ্ঞানের বিকৃত ভূমিকা আমাদের ব্যাধিত করেছে কিন্তু তা সাময়িক; পরে শাস্তির দিনে, তার কল্যাণময়ী মূর্তি নব-দিগন্তের বাণী বহন করে এনেছে। সমাজ সংস্কৃতি ও সভ্যতার বিবর্তনের অবিসংবাদিত আধিপত্য প্রচুর গতিবেগ ও অনুপ্রেরণার সমাবেশ ঘটিয়ে এক শুভ ও সমৃদ্ধ জীবনযাত্রার ইঙ্গিত প্রদান করেছে।

মায়ের সোহাগে

শ্রীকুমুদরঞ্জন মল্লিক

১

হৃৎকষ্ট অনেক সহেছি, তবুও সুখের অন্ত নাই,
মায়ের সোহাগে সহনীয় হ'ল, তীব্র অনেক যন্ত্রণাই।
কুটবুদ্ধি কি কোন বুদ্ধিই, দেয় নি মা মোর মস্তকে,
কোন কাজে নয়—যুখের কাছেই ঘুরিতে দেখি এ হস্তকে।
যশ পাই নাই, যশ চাই নাই, পেয়েছি অলস সুস্থ মন,
রাজ্যবিহীন রাজা হয়ে আছি—সভিয়া মাটির সিংহাসন।
সব ধূলা 'মা'র চরণধূসা যে, ধূসর হয়েছি তাই মেখে,—
সবাই আপন, সবাই তৃপ্তি, করুণা তাঁহার পাই ডেকে।

২

জালনাগ মোর কপাট নাহিক, মোড়া তা খড়ের কিছাপে,
পৌষে ও মাঘে ডরি যে মায়ের-বা-পের-বাড়ীর হিমটা কে।
বাড়ীতে হয় না চুরি কি ডাকাতি, সুখ্যাতি মোর দেশময়ই,
জানে—দিনে যেথা অর্থ মিলে না, রাতে মিলিবে না নিশ্চয়ই।
বাড়ী পাকা নয়, কেন করি নাক' ?

লোকে বলে যাহা শুনিছি তো,

অপরের ভয়ে বিশাল সৌধ রূপায়িত হতে কুণ্ডিত।
রূপার অভাব জেনেও বলে না—গৃহে ঠাই যদি নাই থাকে,
সদয় অজয় নিজে দোষ লয়ে—নিতি গরীবের মান রাখে।

৩

অতিথি আসেন, তাঁরা দেবময়—প্রচুর না হটক খাওয়াদি,
আদর এবং পানীয় জলের কতই করেন সুখ্যাতি।
আমি—আত্মীয় বন্ধুগণের গৃহে গেলে ভয় পায় না কো,
অভিক্ষুক যে লোকটা তা জানে—

কাহাকেও কিছু চায় না কো।

জানী, গুণী, ধনী কিছুই তো নহি—তবু বসে থাকি বিজ্ঞবৎ—
যেতে হয় নাক কোনো দরবারে, দিতে হয় নাক' কৈফিয়ৎ।
প্রজ্ঞা লভিতে, পুস্তক পড়ি—খাই নাক বটে গঞ্জিক—
লেখা 'আড়া' জল-বিন্দু সলিল মিলে না নিগড়াড়ি পঞ্জিকা।

৪

বুড়া হইরাছি বুঝিতে দেয় না—বুঝি যাই যবে গ্রাম ছেড়ে,
গ্রামেতে এখনো শিশু হয়ে আছি—আরামে কাটিছে দিন বেড়ে।
ছোট ছেলে-মেয়ে ঘিরে রয় মোরে—ভেঙ্গে

আসে যেন গ্রাম গোটা,

বাধা মানে নাক', ঋণী দেবীর দধি হলুদের দেয় কোঁটা।
প্রাচীন অশথ নূতন পত্রে সুশোভিত হয়ে প্রাস্তরে—
হেসে যেন বলে, 'দেখিছ বন্ধু বেশ কাঁচা আছি অন্তরে'।
কোকিল শুধায়, 'কেমন আছ হে?' বক বলে, 'উড়ে যাচ্ছি ভাই'
'ভাল আছ—আর ভাল থেকে যেন'—সবাকার

যুখে এক কথাই।

৫

কৃষ্ণচূড়াটি চূড়া বেঁধে দেয়, টোপের পরাতে বট চাহে—
বংশ বংশী লয়ে কাছে আসে—তবুও লাগে যে ষটকা হে।
বুড়া আকন্দ ফুলে ফুলে ভরা বলে কই দেখা পাইনে আর ?
ফিরিবার পথে দেখা হ'ল আজ—ঘনায় আসিছে অন্ধকার।
ফুল চেয়ে বেশী কাঁটা পেয়ে থাকি কাহারো উপরে নাইক' রাগ,
সুবোধ বালক 'গোপাল' ছিলাম, 'বেণী' করিয়াছে

'মা'র সোহাগ।

ক্ষীর কই ? কই মিঠাই কোথায় ? যোগাইতে হয় আজ তাঁবে,
জগজ্জননী ঝালাপালা হন—অকৃতী স্নাতের আবদারে।



ইটালীর যুদ্ধোত্তর পুনর্গঠন-প্রচেষ্টা

বিচিত্র দেশ ইটালী। এখানকার পথে-প্রান্তরে প্রকৃতি যেন সৌন্দর্যের হাট খুলিয়া বসিয়াছে—ইটালী বাস্তবিকই প্রাকৃতিক সৌন্দর্যের লীলানিকেতন। আঙ্গন উপত্যকার নিরুপম শোভা এবং মৌন প্রশান্তিতে আকৃষ্ট হইয়া প্রতি বৎসর দেশদেশান্তরে হইতে অগণিত পর্যটক আসিয়া উপস্থিত হয় এই রমণীয় ভূমিতে—সেস্তা উপত্যকার পাইনবনের ওপারে পর্বতশৃঙ্গবয়ে গাভীধূর্ণ দৃশ্য তাদের হৃদয়কে বিশ্বয়ে অভিভূত করে। প্রকৃতির এই অমুপম রূপ ইটালীর অধিবাসীদের অন্তরে যে কি গভীর সৌন্দর্যবোধের সঞ্চার করিয়াছে তাহার পরিচয় পাওয়া যায় এদেশের সর্বত্র-ছড়ানো অগণিত শিল্পকর্মের নিদর্শনসমূহ হইতে। এগুলি দর্শকের নয়নের পরিতৃপ্তিসাধন করে।

সাম্প্রতিক কালে ইটালীতে যুদ্ধোত্তর পুনর্গঠন-প্রচেষ্টামূলক কার্যাবলী বহুপ সাক্ষর্যের সহিত অমুসৃত হইতেছে তাহার দরুন এই রমণীয় দেশটির প্রতি সমগ্র পৃথিবীর দৃষ্টি অধিকতর আকৃষ্ট হইয়াছে এবং এখানকার উন্নয়নমূলক কার্যসমূহের সহিত সাক্ষাৎ ভাবে পরিচয়লাভের মানসে বিদেশাগত পর্যটকদের সংখ্যা উত্তরোত্তর বাড়িয়াই চলিয়াছে।

দক্ষিণ ইটালীর পুনর্বাসন এবং পুনর্গঠন কার্য সুষ্ঠুভাবে চালাইবার জন্ত রাষ্ট্র "সাইবার্ণ ইটালী কং" নামে একটি ধনভাণ্ডারের প্রতিষ্ঠা করিয়াছে। এই কংগের সাহায্যে উন্নয়নমূলক বিভিন্ন কার্য অমুষ্ঠিত হইতেছে। প্রথম পঞ্চবার্ষিক কর্মপ্রচেষ্টার মধ্যে, পবিত্রিত কন্টাক্টের কাজের জন্ত মোট ব্যয় পাঁড়াইয়াছে ৪৭৭,২০০ লিরা, তদুপরে বাস্তানির্মাণ ব্যয় খরচ হইয়াছে ৬২,৫০০ লিরা।

"সাইবার্ণ ইটালী কং"র অর্থে জলসেচের খাল কাটানো, বাধ-নির্মাণ ইত্যাদি কার্য পরিলক্ষ্য হওয়ার বিস্তীর্ণ অঞ্চলে জলসেচের সুবিধা হইয়াছে। কৃষিক্রান্ত অর্থ নৈতিক সৎতা সম্বন্ধে পথে ইহাকে বলা বাইতে পারে প্রাথমিক অপরিহার্য ব্যবস্থা। কাম্পানিয়ার ভলভুৎনো নদীর উপরকার বাধের দৌলতে যে পরিমাণ জলসেচের ব্যবস্থা হইয়াছে তাহা দ্বারা হাজার হাজার হেক্টরের জমি উর্বর হইবে।

গত বৎসরের মধ্যে ইটালীতে যন্ত্রনির্মিত বস্তু উৎপাদ-


সাধন হইয়াছে তাহা বাস্তবিকই বিস্ময়কর। এই প্রসঙ্গে বিশেষ ভাবে উল্লেখ করিতে হয় ইটালীর ইলেক্ট্রো-মেকানিক শিল্পের কথা। আধুনিক উৎপাদনের ভিত্তিতে সমগ্র লৌহ এবং ইস্পাত সেক্টরের পুনর্গঠন ইটালীকে ইস্পাত-উৎপাদক দেশসমূহের শীর্ষস্থানে প্রতিষ্ঠিত করিয়াছে। আজিকার দিনে ২৬০টি ওয়ার্কশপ-সমবিত্ত যন্ত্রশিল্প দেশের বাজারের সামগ্রিক চাহিদা মিটাইয়া বিদেশেও রপ্তানি করিতে পারে।

ইটালীর কৃত্রিম বেষণ ইত্যাদি বয়নশিল্প উপযোগিতা, মূল্যের স্বল্পতা ইত্যাদির জন্ত হুনিয়ার বাজার জিতিয়া লইয়াছে। দেশের বাজারকে খুশী করিবার জন্ত ইটালী যেমন তাহার উৎপাদন বাড়াইয়াছে তেমনি বিদেশের চাহিদা মিটানোর নিমিত্ত রপ্তানির পরিমাণও বৃদ্ধি করিয়াছে। সম্প্রতি ইটালী বয়নশিল্প রপ্তানিকারক দেশসমূহের পুরোভাগে আসন গ্রহণ করিয়াছে। ১৯৫৫ সনে রপ্তানি হইয়াছিল ৩০,০০০ টনের অধিক বোনা বস্ত্র, দশ হাজার টন কাপড় ও ৩১,০০০ টন সূতা এবং অপচিৎ (waste) জিনিষ।


যুদ্ধের পরে ইটালী তাহার বৈজ্ঞানিক শক্তির উৎপাদন বাড়াইয়া এমন স্তরে লইয়া আসিয়াছে যে, তাহা দ্বারা শিল্পায়নের ক্ষেত্রে বাবতীর ভোগ-ব্যবহারের (consumption) প্রয়োজন মিটিয়া থাকে। এই উৎপাদন-বৃদ্ধির মূলে সর্বোপরি রহিয়াছে উৎপাদক যন্ত্রপাতির (production apparatus) উন্নতিবিধান। ১৯৫৫ সালে উৎপাদনের পরিমাণ পাঁড়াইয়াছিল ৩৭,৮০০,০০০,০০০ কিলোগ্রাম।

ম্যানিগোর হুদের দক্ষিণে তিসিনো বাধের উপরে অনমনীয় দৃঢ়তার, সুরক্ষিত শিবে পাঁড়াইয়া আছে বৃষ্টি, ইণ্ডাস্ট্রিয়াল জেনারেটিং প্ল্যান্টসমূহের অস্তম পোর্জো দেলা তোরি। প্রতি বৎসর ইহাতে বৈজ্ঞানিক শক্তি উৎপন্ন হইবে ৬১,০০০,০০০ কিলোগ্রাম এবং সেই সঙ্গে ইহা উত্তর নোভারা জেলায় বিস্তীর্ণ অঞ্চলে এলেনা সেচ-খালের জল-সংবহনের কাজকেও সহজসাধ্য করিবে।

যুদ্ধোত্তর কালে বাস্তবিক সত্যতার জরথ ইটালীর বৃদ্ধির উপর দিয়া চলিয়াছে অব্যাহত ভাবে—দিকে দিকে উজ্জীন হইয়াছে যন্ত্র-




দক্ষিণ তাইবোলের সেস্তো উপত্যকার দৃশ্য



আগ্রিজেন্তোর প্লাতানি নদীর উপর
নির্মিত সেতু

কাম্পানিয়ার ভলভুর্গের উপর বাঁধ



(৪) বিভারোলোর (ভূমি) আনসালদো-সান জিওরজিও ওয়ার্কশপে একটি বৈজ্ঞানিক যন্ত্রের অংশ—ইহা সুইডেনের একটি হাইড্রো-ইলেকট্রিক পাওয়ার স্টেশনে রপ্তানি করা হয়।

শ্রেয়ামদিও (সন্নিগতে) ঁকটি হাইড্রো-
ইলেক্টিক প্ল্যাণ্টের ঁংশবিশেষ স্থাপন



আসিসির ঁকটি বিখ্যাত দুগ্গাভের বিপনি

যাজের বিজয়-কেতন। বস্ত্রশিল্পের এই অগ্রগতি কিন্তু এদেশের কারু-শিল্পের ঐতিহ্যকে বিনষ্ট করিতে পারে নাই। বহু বুদ্ধোত্তর পুনর্গঠন-প্রচেষ্টার বিভিন্ন প্রকার কারু-শিল্প ও কারিগরি কাজের পুনরুজ্জীবন একটা বিশিষ্ট স্থান অধিকার করিয়াছে। সুপ্রাচীন কাল হইতেই কালা মাটি দিয়া ছাঁচে ফেলিয়া নানা জিনিষ তৈরি করার ইটালীর নৈপুণ্যের কথা প্রচারিত আছে। বহু শতাব্দী-সঞ্চিত অভিজ্ঞতার দৌলতে ইটালী আজ অলঙ্করণ এবং গাঁহীয়া কার্খ ব্যবহারোপযোগী এমন ব্যাপক ও বিপুল পরিমাণে ব্যবসায় উৎপাদন করে যেগুলির গঠন-সৌষ্ঠবে এবং সুন্দর কারুকার্যে চমৎকৃত হইতে হয়। দেহুতার অঙ্গুষ্ঠ আঁচিয়া, ওরভিয়েতো, গুলিও, আসিসি এবং গুয়ালদো তাদিনো প্রভৃতি কারিগরি কাজের বিখ্যাত কেন্দ্রসমূহ হইতে এগুলি দুঃদৃষ্টিতে গ্রামাঞ্চলের ঘরে ঘরে ছড়াইয়া পড়ে।

ইটালী একথা উপসন্ধি করিতে পারিয়াছে যে, বর্তমান যুগে কারুশিল্পের ক্ষেত্রেও স্বল্প সহায়তাকে একেবারে বাদ দিলে চলিবে না—এই দেশের সেবা কারিগররাও আজ যুগোপযোগী ব্যবস্থা অবলম্বন করিতেছে। মুৎপাত্র পোড়ানোর জন্ত হাপরের সাহায্যে

উত্তম চুল্লীর পরিবর্তে তাহারা আজ বৈদ্যুতিক বিদ্যুৎকারী বস্ত্র (Electric drier) ব্যবহার করে—ইহার সাহায্যে দ্রুত এবং নিখুঁত ভাবে কাজ সম্পন্ন হয়। তৎসঙ্গেও মুৎপাত্রাদির বাহু চাকচিক্য বিধানের (glazing) নিয়ম এবং পদ্ধতিসমূহ কিন্তু শতাব্দীর পর শতাব্দী ধরিয়া অপরিবর্তিতই রহিয়া গিয়াছে।

আসিসির রাজ্যের বেড়াইতে হঠাৎ দৃষ্টি আকর্ষণ করে একটি রমনীর বিপণিতে সুসজ্জিত, উজ্জ্বল বর্ণবিশিষ্ট “ম্যাঞ্জোলিকা” এবং অজ্ঞাত মুদ্রার পাত্রসমূহ। শত তাড়া থাকিলেও বিদেশী পর্ষটক দু’দণ্ডে ধাঁড়াইয়া এগুলির নিরুপম কারুকার্য নিরীক্ষণ না করিয়া পারেন না। এখানে নিশ্চিতই এমন কিছু দেখিতে পান যাহাকে তিনি ইটালীর স্বাক্ষররূপে মনের মণিকোঠায় বহিয়া লইয়া যাইতে পারেন। এমনি ভাবে ইটালীতে সাম্প্রতিক কালে বস্ত্রশিল্পের পাশা-পাশি কারুশিল্পের স্রষ্টা বিকাশের পরিচয় পাইয়া তাঁহার দৃষ্টির সমক্ষে জাতীয় উন্নয়ন ও পুনর্গঠন-প্রচেষ্টার এক নতুন দিগন্ত উদ্ঘাটিত হয়।

ন. ভ.

ক্ষুদ্র-শিল্প ও ইণ্ডাস্ট্রিয়াল এন্ট্রিট

শ্রীআদিত্যপ্রসাদ সেন

স্বরণ থাকতে পারে, দ্বিতীয় পঞ্চবার্ষিকী পরিকল্পনার পাঁচ বছর ছোট ছোট কারখানাগুলিকে তিন কোটি টাকা ঋণ দেওয়া হবে। অবশ্য কারখানাগুলিকে সরাসরিভাবে এই টাকা দেওয়া হবে না। জাতীয় ক্ষুদ্র শিল্প কর্পোরেশনের মাধ্যমে কারখানাগুলির মধ্যে টাকাটা বন্টন করার ব্যবস্থা হয়েছে। কেবলমাত্র আধুনিক বস্ত্র-পাতি তৈরি করার জন্য কর্পোরেশন টাকা বন্টন করবেন। ইণ্ডাস্ট্রিয়াল এন্ট্রিটে যে-সব ছোট ছোট কারখানা স্থাপনের উপর জোর দেওয়া হয়েছে সে-সব কারখানার উন্নতির ব্যাপারে জাতীয় ক্ষুদ্র শিল্প কর্পোরেশনের গুরুত্ব অস্বীকার করার উপায় নেই। এখানে উল্লেখ করা দরকার, মূলতঃ ইণ্ডাস্ট্রিয়াল এন্ট্রিটের পরিকল্পনাটি উত্থাপিত হয়েছে বিগত ১৯৩০-৩২ সনে। গোটা পৃথিবী জুড়ে যে দৃশ্য দেখা গিয়েছিল তখন সে মন্দার অবস্থান হয়ে এসেছিল। পৃথিবীর সর্বত্র বিশেষ করে ইউরোপ এবং আমেরিকার বেকার-সমস্যা তীব্র হয়ে উঠেছিল। এ বিষয়ে কোন সন্দেহ নেই যে, শিল্পের দিক থেকে ইউরোপ এবং আমেরিকা অনেক উন্নত ছিল। কিন্তু সে-সব এলাকার কলকারখানার অধিকতা যখন কার্খ-চ্যুত হলেন তখন এঁদের আর্থিক দুর্গতির সীমা রইল না। কার্খ-সংস্থানের অভাবে শিল্পোন্নত দেশগুলির বহু এলাকার খুব পোচনীর ব্যবহার উদ্ভব হ’ল।

এই আর্থিক দুর্বস্থা দূর করার জন্ত শেষ পর্যন্ত এই মর্মে প্রস্তাব উত্থাপন করা হয়েছিল যে, দেশে যে-সব ছোট এবং মাঝারি আকারের শিল্প আছে সে-সব শিল্পকে গড়ে তুলতে হবে এবং এই উদ্দেশ্যে দেশের সরকারের পক্ষে, সাহায্য করা দরকার। পরবর্তী কয়েক বছরের মধ্যে প্রস্তাবটি কার্যে পরিণত করার জন্ত চেষ্টাও করা হয়েছে। যে-সব শিল্পোন্নত দেশ এই ব্যাপারে অগ্রণী হয়েছিল সে-সব দেশের মধ্যে ব্রিটেন, কানাডা, অস্ট্রেলিয়া এবং মার্কিন যুক্তরাষ্ট্রের নাম বিশেষভাবে উল্লেখযোগ্য। অবশ্য এই সব দেশে কেবলমাত্র সরকারী সাহায্যে ছোট এবং মাঝারি আকারের শিল্প গড়ে ওঠে নি। আধা-সরকারী প্রতিষ্ঠানের উৎসাহ এবং আর্থিক সাহায্যও এই শিল্প স্থাপিত হবার পথ অনেকখানি প্রশস্ত করে দিয়েছে। এ ক্ষেত্রে প্রশ্ন উঠতে পারে, ইণ্ডাস্ট্রিয়াল এন্ট্রিট বলতে আমরা কি বুঝি, এবং কেনই বা ইণ্ডাস্ট্রিয়াল এন্ট্রিটের পরিকল্পনা করা হয়েছে। ইণ্ডাস্ট্রিয়াল এন্ট্রিট গঠন করতে হলে একটা সুনির্বাচিত এবং সুনির্দিষ্ট জায়গায় এমন কতকগুলি কারখানা-বাড়ী তৈরি হওয়া দরকার যেগুলির উদ্দেশ্য হচ্ছে ক্ষুদ্র আকারের শিল্প স্থাপন করা। তা ছাড়া নির্মিত কারখানা-বাড়ীগুলি ভাড়া দিতে হবে কিংবা এমন ভাবে বিক্রী করতে হবে যার ফলে কিস্তী-বন্দী হায়ে মূল্য আদায় করা সম্ভবপর হবে। কারখানা-বাড়ী

তৈরি করার সঙ্গে সঙ্গে ভাঙ্গ পথঘাট এবং কারখানার কর্মীদের বসবাসেরও সুবন্দোবস্ত করা দরকার।

বিগত ১৯৩৪ সনে ব্রিটেনে উন্নয়ন এবং সম্প্রসারণ সম্বন্ধীয় একটা বিশেষ অঞ্চল-আইন বিধিবদ্ধ করা হয়েছে। প্রকৃতপক্ষে এই বিশেষ আইনের ধারা অনুযায়ী সেখানে প্রথম ইণ্ডাস্ট্রিয়াল এষ্টেট গঠিত হয়েছে। এষ্টেটটি ব্রিটেনের উত্তর-পূর্ব এলাকার অস্ট্রালিয়া টিম উপত্যকায় অবস্থিত এবং এটা গঠিত হবার সময় হ'ল বিগত ১৯৩৬ সন। এখানে উল্লেখ করা দরকার, এষ্টেটটির মূলধন এসেছে ব্রিটিশ সরকারের কাছ থেকে, যদিও এটা যৌথ আইন অনুযায়ী রেজিস্ট্রি করা হয়েছে। এই এষ্টেটের পরিকল্পনাটি বিশ্লেষণ করলে দেখা যায়, কতকগুলো কারখানা-বাড়ী নির্মাণ করে ভাড়া দেবার উপর জোর দেওয়া হয়েছে। শুধু তাই নয়, অবস্থা অনুযায়ী সেগুলিকে ধোক কিংবা কিস্তিবন্দী হারে দাম নিয়ে বিক্রী করে দেবার কথাও বলা হয়েছে। কারখানা-বাড়ীর জন্ম ব্যবহৃত জমির মূল্য পরিশোধ করার জন্ম সরকারই দায়ী। এ ছাড়া এষ্টেটের স্কুল, বাজার, পথঘাট ইত্যাদি সম্বন্ধীয় খরচও সরকারের বহন করার কথা। ক্রমে ক্রমে টিম উপত্যকায় গঠিত ইণ্ডাস্ট্রিয়াল এষ্টেটের মত ব্রিটেনের অনেক জায়গায় আরও এষ্টেট গঠনের কাজ শুরু হয়ে গেল এবং এষ্টেটের কার্যাবলীর পরিধিও বেড়ে যেতে লাগল। যদি ভারতে ইণ্ডাস্ট্রিয়াল এষ্টেটের পরিকল্পনা ব্যাপক এবং সার্থকভাবে কার্যকরী করা হয় তা হলে একদিকে যে রকম জনসাধারণের কর্মসংস্থানের সুযোগ বেড়ে যাবে অন্যদিকে তেমনি দেশের অর্থনৈতিক অবস্থার উন্নতি সাধিত হবার আশা আছে।

ইণ্ডাস্ট্রিয়াল এষ্টেটে স্থাপিত শিল্প-কারখানায় নূতন নূতন কাজ সৃষ্টি হবার ফলে বহু লোক জীবিকা অর্জনের পথ খুঁজে পাবেন। এটা খুবই স্বাভাবিক যে, টাকা বোজগার করতে পারলে মানুষ নিজের জীবনযাত্রার মান উন্নত করতে চেষ্টা করে থাকে। কাজেই কারখানায় নিযুক্ত লোকের অর্থব্যয় করার ক্ষমতা যখন বাড়বে তখন অগাধ শ্রেণীর লোক কারখানায় নিযুক্ত না হয়েও বিভিন্ন ধরনের ব্যবসায় এবং ছোটখাটো শিল্পের সাহায্য নিয়ে কর্মসংস্থানের ব্যবস্থা করতে পারবেন। তা ছাড়া ইণ্ডাস্ট্রিয়াল এষ্টেটে স্থাপিত শিল্প-কারখানায় যে সব জিনিষ দরকার সে সব জিনিষের অনেকগুলি বাইরে থেকে না কিনে স্থানীয় অধিবাসীদের কাছ থেকে ক্রয় করা যেতে পারে। যে এলাকায় ইণ্ডাস্ট্রিয়াল এষ্টেট গঠিত হবে সে এলাকায় একদিকে যে রকম পথঘাটের সুবন্দোবস্ত হবে, সে রকম অন্যদিকে শিক্ষার প্রসার এবং স্বাস্থ্যের উন্নতির জন্ম ব্যবস্থা অবলম্বিত হবে।

ব্রিটেন, ক্যানাডা, অস্ট্রেলিয়া এবং ইউরোপের বিভিন্ন দেশে শিল্পের প্রয়োজন অনুসারে ইণ্ডাস্ট্রিয়াল এষ্টেটের উদ্দেশ্যও ক্রমে ক্রমে পরিবর্তিত হয়ে গেছে। প্রথম যখন ইণ্ডাস্ট্রিয়াল এষ্টেটের পরিকল্পনা করা হয়েছিল তখন কেবলমাত্র কারখানা-বাড়ী তৈরি করার উপর জোর দেওয়া হয়েছিল। কিন্তু ক্রমে ক্রমে বাস্তব

অভিজ্ঞতা থেকে দেখা গেল, কেবলমাত্র কারখানা-বাড়ী তৈরি করে ভাড়া দিলে কিংবা বিক্রী করলে চলবে না। এর কারণ হ'ল এই যে, সৃষ্টিভাবে শিল্প পরিচালনার জন্ম যে অর্থ দরকার সে অর্থের অভাব তীব্রভাবে অনুভূত হচ্ছিল। অর্থাৎ, আমরা যে কথটি বলতে চাইছি তা হ'ল এই যে, যদিও শিল্প সম্বন্ধে অভিজ্ঞ লোকের সংখ্যা হয়ত নেহাত কম ছিল না, তথাপি যেহেতু এদের অনেকের পক্ষে কার্যকরী মূলধন এবং যন্ত্রপাতির মূল্য সংগ্রহ করা সম্ভবপর হ'ত না সেহেতু এরা সৃষ্টিভাবে শিল্প পরিচালনা করতে পারেন নি। তাই এদের প্রয়োজন অনুযায়ী যন্ত্রপাতি ক্রয় করে ভাড়া দেবার আয়োজন করা হ'ল। যারা যন্ত্রপাতি ক্রয় করতে ইচ্ছুক তাঁরা কিস্তিবন্দী হারে মূল্য পরিশোধ করার সুযোগ লাভ করলেন। কিন্তু এই ব্যবস্থা সত্ত্বেও শিল্প তেমন প্রসারিত হয় নি। তাই আমরা দেখতে পাচ্ছি, এমন আরও কতকগুলি ব্যবস্থা অবলম্বিত হ'ল যেগুলির ফলে শিল্পের পরিচালকেরা কম দামে প্রয়োজনীয় কাঁচামাল ক্রয় করতে এবং গাষা মূল্যে তৈরী মাল বিক্রী করতে সমর্থ হলেন। তা ছাড়া এষ্টেটের ভিতরেই স্থাপিত বারোয়ারী কারখানায় এদের পক্ষে যন্ত্রপাতি মেরামত করাও সুবিধাজনক হ'ল।

প্রচারিত খবরে প্রকাশ, ভারতে এগারটি ইণ্ডাস্ট্রিয়াল এষ্টেট গঠনের জন্ম ইতিমধ্যে আয়োজন করা হয়েছে। বর্তমানে যে-সব জায়গায় ইণ্ডাস্ট্রিয়াল এষ্টেট গঠন করা হবে বলে জানা গিয়েছে সে-সব জায়গায় নাম হ'ল—রাজকোট, বিরুধনগর, গুইণ্ডি, কল্যাণী, ওখলা, পালঘাট-মালম্পুঝা, কুইলোন, মহীশূর, আগ্রা, কানপুর এবং এলাহাবাদ। রাজকোট সৌরাষ্ট্রের অস্ট্রালিয়া। বিরুধনগর এবং গুইণ্ডি অবস্থিত মাদ্রাজে। কল্যাণী হচ্ছে পশ্চিম বাংলার অন্তর্গত। ওখলা দিল্লীতে, পালঘাট-মালম্পুঝা মালাবারে এবং কুইলোন ত্রিবাঙ্কুর-কোচিনে অবস্থিত। অনুমান করা হয়েছে, এগারটি ইণ্ডাস্ট্রিয়াল এষ্টেটের জন্ম যে টাকা ব্যয় করা প্রয়োজনীয় হবে, সে টাকার মোট পরিমাণ পাঁচ কোটির কম হবে না। প্রশ্ন হ'ল, অত টাকা কোথা থেকে পাওয়া যাবে। আপাততঃ এই সব এষ্টেট গঠনের জন্ম মোট ষা খরচ পড়বে তাব সবটাই কেন্দ্রীয় সরকার কর্তৃক রাজী আছেন। তবে টাকাটা দীর্ঘমেয়াদী ঋণ হিসাবে দেওয়া হবে। কিন্তু যতদিন পর্যন্ত অল্প কোন ব্যবস্থা অবলম্বিত হবে না ততদিন পর্যন্ত যে-সব রাজ্যে এষ্টেট গঠিত হবে সে-সব রাজ্যের সরকার এষ্টেট পরিচালনার জন্ম দায়ী থাকবেন। শোনা যাচ্ছে, অদূরভবিষ্যতে এমন কতকগুলি অ-অকর্ষিত সম্পন্ন কর্পোরেশন গঠিত হতে পারে যেগুলির হাতে এষ্টেট পরিচালনার দায়িত্ব গৃহীত থাকবে।

এত দিন পর্যন্ত আমরা দেখে এসেছি, আমাদের দেশে যাদের কারিগরী বিদ্যা অর্জন করার সুযোগ হয়েছে তাঁদের বেশীভাগেই পক্ষে স্বাধীন ভাবে জীবিকা অর্জন করা সম্ভবপর হয় নি। অর্থাৎ এরা চাকুরি করতে বাধ্য হয়েছেন। কিন্তু আজ যদি ইণ্ডাস্ট্রিয়াল

এষ্টেটের পরিকল্পনা সার্থকভাবে কার্যকরী করা হয় তা হলে এদের পক্ষে ছোট ছোট শিল্প-কারখানা—খোলা সহজ হবে এবং চাকুরি আর প্রধানতম অবলম্বন বলে বিবেচিত হবে না। তা ছাড়া ছোট ছোট কারখানার পরিচালকেরা বাতে বেশের সরকারী এবং আধা-সরকারী প্রতিষ্ঠানের চাহিদা অনুযায়ী মাল সরবরাহ করার সুযোগ পান সেজন্যও চেষ্টা করা হবে বলে প্রতিশ্রুতি দেওয়া হয়েছে। অল্প দিকে আবার এদের প্রয়োজনীয় পরামর্শ দেবার জন্য জাতীয় ক্ষুদ্র শিল্প কর্পোরেশনকে অনুবোধ করা হবে বলে জানা গিয়েছে। বলা হয়েছে, জাতীয় ক্ষুদ্র শিল্প কর্পোরেশন কয়েকজন বিশেষজ্ঞ নিয়ে একটি দপ্তর গঠন করবেন এবং এই দপ্তর শিল্প-কারখানার পরিচালকদের প্রয়োজনীয় পরামর্শ দিবেন। এ ছাড়া প্রত্যেকটি এষ্টেটে

বহুশক্তি মেয়ামত করার জন্য একটি সাধারণ মেয়ামতি কারখানা খোলা হবে বলে জানা গিয়েছে। এ বিষয়ে কোন সন্দেহ নেই যে, ভারতের অর্থনীতিকে দৃঢ় ভিত্তির উপর প্রতিষ্ঠিত করার জন্য বড় বড় শিল্পপ্রতিষ্ঠানগুলিকে প্রসারিত করার সঙ্গে সঙ্গে ক্ষুদ্র এবং মাঝারি আকারের শিল্পপ্রতিষ্ঠানগুলিকে প্রসারিত করা দরকার। কিন্তু বিভিন্ন ধরনের সমস্যা শিল্পের প্রসারকে ক্রমাগত বাহত করে চলেছে। তাই সরকার শেষ পর্যন্ত এমন একটি বহুমুখী কার্যসূচী গ্রহণ করেছেন যেটির উদ্দেশ্য হচ্ছে ইণ্ডাস্ট্রিয়াল এষ্টেট গঠন করা। সরকার আশা করছেন, শহর এবং শহরবহির্ভূত এলাকায় ক্ষুদ্র শিল্পের প্রসারের পথে যে-সব বাধা বিদ্যমান, ইণ্ডাস্ট্রিয়াল এষ্টেট স্থাপিত হলে সে-সব বাধা দূর হয়ে যাবে।

ভূমি-বণ্টন ও বেকার-সমস্যা

শ্রীঅজিতকুমার বসু

চাষীকে তার পরিবারের ভরণপোষণের উপযোগী জমি বিলি করার প্রয়োজনীয়তা দল ও মত নির্কিংশে সর্ববাদিসম্মত। নিছক কোন ভাববিলাস বা সম্প্রদায় বিশেষের প্রতি বিদ্বেষ বা করুণার বশবর্তী হয়ে এ প্রয়োজনীয়তা স্বীকৃত হয় নি। অর্থনৈতিক সামঞ্জস্য, প্রশাসনিক ও সামাজিক জায়গারায়ণতা, মানবতা, সব দিক দিয়েই এ কথা বহু পূর্বেই স্বীকৃত হয়েছে। কিন্তু সবচেয়ে বেশী করে এ কথা স্বীকৃত হচ্ছে বেশের ও জাতির সর্বস্বীর্ণ উন্নতির পক্ষে অপরিহার্য বলেই। জীবীকায় উন্নতি, নাগরিক জীবনের সর্বমুখী বিকাশ, জনশক্তি তথা গণতন্ত্রের উন্মেষ, শান্তিময় পরিবেশ, জাতীয় শক্তি ও পুনির্যাপত্তা বৃদ্ধি, স্বাবলম্ব, আত্মবিশ্বাস, অটল দেশাত্মবোধ, এ সবেরই জন্য আন্ত চাষীর হাতে জমি বিলির অপরিহার্যতা যতদিন বাচ্ছে ততই বেশী করে প্রমাণিত হচ্ছে।

কেন যে একথা স্বীকৃত, একটু হিসাব নিয়ে ভূমি তথা চাষী সমস্যার গুরুত্ব উপলব্ধি করলেই তা বোঝা যাবে। ১৯৫১ সনের গণনার হিসাব অনুসারে পশ্চিম বাংলার মোটামুটি তুলনিক পরিবার (প্রতি পাঁচ জনে একটি পরিবার) ভূমিহীন ক্ষেত মজুর। তা ছাড়া, কৃষিক্রীবীদের মধ্যে ১২ লক্ষ ৯০ হাজার পরিবার আছে, যাদের হাতে পরিবার প্রতি এক-আধ থেকে পাঁচ একরের মধ্যে (তিন বিঘার এক একর) এবং সর্বসমেত ২৮ লক্ষ ১১ হাজার ২৬০ একর চাষের জমি আছে। অর্থাৎ সর্বনিম্ন (পরিবার প্রতি পাঁচ একর) প্রয়োজনের ৫৬ শতাংশ কম। রাজস্বমন্ত্রী একথা স্বীকার করেছেন। মুখ্যমন্ত্রীর মতে এদের সংখ্যা সাড়ে ১২ লক্ষ। এই দুই শ্রেণীর ক্ষেত মজুর ও গরীব চাষী—মোট সংখ্যা প্রায় ১৯ লক্ষ পরিবার।

যেসব এলাকায় ধান ছাড়া অন্যান্য কসল ও দো-কসলা অল্প-বিস্তর চাষ হয়, সেসব স্থানে মজুরী দ্বারা অর্থোপার্জননের সুবিধা

বেশী। তা সত্ত্বেও বছরে এদের আর পাঁচ মাস কোন কাজ থাকে না। অল্পাল্প এলাকায় এদের বছরে তিন চার মাসের বেশী কাজ থাকে কিনা সন্দেহ। চাষ ছাড়া অল্পাল্প কাজেও মজুরী করে এরা কিছু কিছু আয় করে। কৃষি-মজুরদের আয় ও বেকার সমস্যা যে সরকারী তথ্য প্রকাশিত হয়েছে, তাতে বলা হয়েছে—এরা তিন মাসের অধিককাল বেকার থাকে এবং মাসাধিক কাল নিজেদের ঘরের কাজে নিযুক্ত থাকে। ঘরের কাজে বিশেষ কোন আয় হয় না বলে উক্ত তথ্যে স্বীকৃত হয়েছে। অর্থাৎ, চার মাসের অধিককাল বেকার থাকে। কাজের সময়েই এরা বা মজুরী পায় (সরকারী তথ্য অনুসারে দৈনিক গড়ে মোট এক টাকা) তাতে এক দিনেরই সঙ্কলান হয় না। ভাগে চাষ করে বা কসল পায় তাতেও ছ' মাসের অল্প সংস্থান হয় না। হাজা গুকের দরুন ফসল নষ্ট হলে বা চাষ না হলে তো কথাই নেই, এবং চার-পাঁচ বছরের মধ্যে এক বছর এইভাবে অজন্মা হয়েই থাকে। এদের মধ্যে আবার যারা কৃষি-কার্যে ও অল্প কার্যিক পরিশ্রমে অক্ষয় তাদের অবস্থা আরও সঙ্গীন। এদের কথা ছেড়ে দিলেও অন্ততঃ আট লক্ষ পরিবারের কর্মক্ষমতা সারা বছর অকেজো থাকে। অর্থাৎ, এদের কোন ক্রম-ক্ষমতাই নেই।

এ ছাড়া এক-আধ থেকে দশ একর জমি বাদে আছে, তাদের মধ্যে যারা নিজ হাতে চাষ না করে ভাগে করার তাদের সংখ্যা হ'ল আনুমানিক ৩,৮১,৭৮২ পরিবার। এদের হাতে জমি আছে ১৫,২০ লক্ষ একর। ভে-ভাগার কথা ছেড়েই দেওয়া যাক। বিভিন্ন ধারার কারসাজিতে বর্গাদার-আইন কাজে লাগে নি। কাজেই আধা ভাগ হিসাবে এদের হাতে পরিবার প্রতি অন্ততঃ দশ একর জমি থাকা দরকার। এদেরও গড়ে শতকরা ৩১ ভাগ জমি কম আছে। প্রস্তাবিত ৩ ও ২ ভাগের হিসাবে আরও

কম হবে। শতকরা উনবাট ভাগ ভরণপোষণের সর্বনিম্ন মান বা ক্রম-ক্রমতার অনেক নীচে আছে। এদের মধ্যে আনুমানিক আধা-আধি লোকের জমি ছাড়া অন্য অবলম্বন নেই। সংখ্যায় এরা ২'৩৩ থেকে ২'৬৩ লক্ষ পরিবার।

আবার, উৎপাদনমূলক ও সমাজের পক্ষে প্রয়োজনীয় কাজে শ্রম বা শক্তি নিয়োগ না করে উৎপন্ন দ্রব্য ভোগ করার অধিকার যদি স্বীকার না করা হয়, তা হলে এই সব অ-চাষী ভূস্বামীরা অধিকাংশই বেকার।

এর উপর আছে যারা "কৃষিজীবী" নয়। এদের সংখ্যা গ্রামে ৪৪ লক্ষাধিক এবং শহরে ৬২ লক্ষাধিক, একত্রে ১০৬ লক্ষাধিক লোক বা ২১ লক্ষ ২০ হাজার পরিবার।

বেকার-সংখ্যা সম্বন্ধে যে সরকারী তথ্য প্রকাশিত হয়েছে, তাতে জানা যায়, কেবল কলকাতাতেই ৫ লক্ষ ১৪ হাজার পরিবারের মধ্যে চাকুরী প্রার্থীর সংখ্যা ৩ লক্ষ ৭৮ হাজার। এদের মধ্যে ভারতীয় ও সম্পূর্ণ বেকারের সংখ্যা ২ লক্ষাধিক। এর উপর ৫০ হাজারের বেশী আছে যাদের স্বচ্ছন্দ অবস্থা নয় বা পুরা কাজ নেই। কাজেই নিম্নতম ভরণপোষণ বা ক্রমক্রমতার দিক থেকে এদের মধ্যে অন্ততঃ ২০ হাজার লোকের কর্মক্ষমতা অকেজো থাকে। কলকাতার কর্মপ্রার্থীদের মধ্যে লক্ষাধিক লোক বাইরের। এদের বাদ দিয়ে কলকাতার হারে হিসাব করলে বাকি অ-কৃষিজীবী ১৬ লক্ষাধিক পরিবারের মধ্যে অন্ততঃ সাড়ে তিন লক্ষাধিক সম্পূর্ণ বেকার। গ্রাম অঞ্চলে এদের হার আরও বেশী হওয়াই স্বাভাবিক।

সুতরাং সারা বাংলায় সর্বসমেত বেকারের বা কর্মহীনের সংখ্যা অন্ততঃ ১৩ লক্ষ ১৬ হাজার বা সমগ্র পরিবারের ২৮ শতাংশ। এদের মধ্যে বাঙালী বেকারের সংখ্যা ১৩ লক্ষাধিক বা ২৬ শতাংশ। বাংলার মুখ্যমন্ত্রী স্বীকার করেছেন, বাংলার বেকারের সংখ্যা ১০ লক্ষাধিক। সারা ভারতের অবস্থা এ থেকে সহজেই অনুমেয়— অন্ততঃ ২৫ শতাংশ যে বেকার সে বিষয়ে সন্দেহ নেই। তাদের সংখ্যা ৯ কোটি লোক বা ১ কোটি ৮০ লক্ষ পরিবার। লোক-সংখ্যা বৃদ্ধির হারে সমগ্র লোকসংখ্যায় অনুপাতে তা বাড়বে বছর বছর—সারা ভারতে ৫০ লক্ষাধিক এবং বাংলার সাড়ে তিন লক্ষ। এ ছাড়া এমন পরিবার আছে, যাদের আর আছে কিন্তু পোষা কম। আবার এমন রোজগারী লোক আছে যার পোষাই নেই। তা ধরলে বেকার পরিবারের সংখ্যা বাড়বে।

কিছুদিন আগে গ্রামের লোকের জীবিকার মান নির্ণয়ের জন্ত যে হিসাব নেওয়া হয়েছিল তা থেকে জানা যায়, ভারতে গ্রামের পরিবার প্রতি বছরে সাংসারিক ব্যয় ১,১৪৩ টাকা। উপবোক্ত

১৪ লক্ষ সম্পূর্ণ বেকারদের বা ২৪ লক্ষাধিক আধা-সিকি বেকারদের ব্যয় যে এই অনুপাতে কত হবে তা সহজেই অনুমেয়। এদের আরই নেই তো ব্যয় হবে কোথা থেকে!

জাতীয় আয়ের মাথা প্রতি গড় হিসাব ধরলেও এই সব গরীব ও বেকারদের অবস্থা অল্পরূপ ভয়াবহ ব্যতীত আর কিছুই প্রমাণিত হবে না। আবার যদি কৃষি-নির্ভর গ্রামবাসীদের জাতীয় আয়ের হিসাব ধরা হয়, তা হলে অবস্থা আরও ভয়াবহ বলেই প্রতিপন্ন হবে। সমগ্র জাতীয় আয়ের অর্ধেকেরও কম আসে কৃষি থেকে। অর্থাৎ, কৃষি-নির্ভর গ্রামবাসীর সংখ্যা অজ্ঞাতের প্রায় দ্বিগুণ।

এই বিপুলসংখ্যক বেকার তথা ক্রম-শক্তিহীন লোকের কর্ম-সংস্থান যে কি দুর্লভ, তা সকলেই বুঝছেন। এদের বোঝা ঘাড়ে নিয়ে ভারতের মত গরীব, পরমুখাপেক্ষী ও কৃষিপ্রধান দেশের প্রকৃত কোন উন্নতি হওয়া তো দূরের কথা, বর্তমান অবস্থাতেই দাঁড়িয়ে থাকা সম্ভব হবে না; সব ভেঙে পড়বে। এ সমস্যার সমাধান কি করে হবে সে আলোচনা এখানে নয়। তবে একথা বলা যেতে পারে যে, কলকারখানা উন্নয়নমূলক কাজ বাড়িয়ে এদের সমস্যার সমাধান সম্ভব নয়।

প্রথম পঞ্চবার্ষিক পরিকল্পনা শেষ পর্যায় এসেছে। কৃষি, শিল্প ও অগ্রগত উন্নয়নমূলক কাজে যে বিপুল ও সাধ্যাতীত ব্যয়বরাদ্দ হয়েছে তা খবচ হয়েছে বা হচ্ছে। তবুও বেকার-সমস্যার কোনরূপ উন্নতি না হয়ে ক্রমশঃ তা ধারাপের দিকে নেমেই এসেছে। এ কথা সবকারণ স্বীকার করেছেন। শিল্পপতিরা দ্বিতীয় পঞ্চবার্ষিক পরিকল্পনার জন্ত যে খসড়া অভিমত দাখিল করেছেন, তাতেও তা স্পষ্টাক্ষরে স্বীকৃত হয়েছে। এ কথাও স্বীকৃত হচ্ছে যে, কৃষিজাত দ্রব্যের দাম নামতে থাকায় কৃষকদের ক্রমক্রমতারও যে ক্রমাবনতি ঘটছে তা উদ্বেগজনক। সুতরাং কলকারখানার সম্প্রসারণের সুযোগ কমে আসছে বৈ বাড়ছে না। তা ছাড়া, কতই বা কলকারখানা বর্তমান আর্থিক অবস্থায় বাড়ান যাবে! তার পুঁজিই বা মিলবে কি করে! কল, কারখানা, খনি প্রভৃতি শিল্পে বর্তমানে যত লোক নিযুক্ত আছে, তাদের প্রায় দেড় গুণ লোক বছর বছর বাড়ছে বা কাজের উপযোগী হচ্ছে। তার উপর এখনই বেকার হয়ে বসে আছে তাদের প্রায় পাঁচ গুণ লোক। সেই জন্তই সকলে একমত হয়েছেন যে, দেশের লোকের ক্রমক্রমতা বা ভোগ-শক্তি বাড়তে হবে। বস্তুতঃ শিল্পপতিরা এবার এই ভোগ-শক্তি বাড়ানোর দাবিই বিশেষ জোরের সঙ্গে তুলে ধরেছেন। চাষীর হাতে জমি বিলির ছায়াই তা বহুলাংশে সম্ভব। তাই জমি বিলির নীতি গৃহীত বা ঘোষিত হয়েছে।

উত্তরপ্রদেশের পরিবর্তনশীল রূপ

২৫শে এপ্রিলের ভোরবেলা। সবেমাত্র আঠারোটি গ্রাম-সমন্বিত এলাহাবাদ কল্যাণ সম্প্রসারণ পরিকল্পনার প্রাণ-প্রতিষ্ঠা হতে শুরু হয়েছে। গ্রাম প্রান্তে অবস্থিত খেরওয়াই কেন্দ্রের গৃহটি ভর্তি হয়ে গেছে চার থেকে আট বৎসর বয়সের শিশুদের দ্বারা। শিশুদের মধ্যে প্রায় চল্লিশ জন আছে সেখানে এবং ভারপ্রাপ্ত গ্রামসেবিকা—যিনি একজন অভিজ্ঞা শিক্ষিকাও বটেন—শিশুরা এখানে আসবার সঙ্গে সঙ্গেই তাদের দায়িত্ব গ্রহণ করেন। তিন-চার জন স্ত্রীলোকও অপেক্ষা করছে সেখানে, কেন্দ্রের ভারপ্রাপ্ত ধাত্রীদের দ্বারা কতকগুলো সামান্য অসুখের চিকিৎসা করানোর জন্য।

শিশুদের ধুইয়ে-মুছিয়ে পরিষ্কার করানো হ'ল, তার পর প্রত্যেককে তিন থেকে চার আউন্স হিসেবে দুগ্ধ বিতরণ করা হ'ল। তার পর একটা নির্দিষ্ট সময়ে তাদের লেখাপড়া শিক্ষাদান করা হয়। অল্পবয়স সত্ত্বেও বেশীর ভাগ শিশুই লিখতে এবং পড়তে পারে, কেউ কেউ আবার পড়তে পারে প্রাথমিক পাঠ্য পুস্তক পর্যন্ত। শকার্ছছোতক যথোচিত অঙ্গভঙ্গী সহকারে সমবেত সঙ্গীত করতেও তারা সমর্থ।

ধাত্রী হচ্ছেন একজন শিক্ষাপ্রাপ্তা এবং যোগ্য কর্মী। কিন্তু যতগুলি রোগীর পরিচর্যা করা অথবা সন্তান-জন্মের পূর্বে এবং পরে যতগুলি প্রসূতির চিকিৎসা করা তাঁর সাধ্যায়ত্ত, ততগুলি তিনি পান না। দৈনিক গড়পড়তা এদের সংখ্যা হচ্ছে দুই অথবা তিন। কেন্দ্রে যে সকল স্ত্রীলোক আসে, তাদের জন্মে তিনি যথোচিত চিকিৎসার বিধান দেন এবং সন্তান-জন্মের পূর্ক্কাবস্থায় গভিণী স্ত্রীলোকদের বাড়ীতে গিয়ে তাদের পরিচর্যা করেন। পরিকল্পনা রূপায়ণী সমিতির আনুষ্ঠানিক স্ত্রীমতী এস. বর্মা কেন্দ্রে উপস্থিত থাকেন। গ্রামসেবিকাদের তিনি বিতরণ করেন কতকগুলো খাদ্যের কাপড়ের টুকরো—সেগুলি দিয়ে তৈরি করতে হয় শিশুদের পোশাক-পরিচ্ছদ। এই সমস্ত পোশাক তৈরি হলে, সকাল-বেলাকার ধোয়ামোছার পালার অব্যবহিত পরেই শিশুরা সেগুলো পরবে, তা ছাড়া যখন তারা কেন্দ্রে লেখাপড়া

শেখে অথবা খেলাধুলো করে তখনও এগুলো তাদের পরতে হয়।

এখন বেলা দশটা—পরগম্বরপুর কেন্দ্রে এসে পৌঁছেছি আমরা—ওখানেও শিশুদের সম্পর্কিত কর্মপ্রচেষ্টা এগিয়ে চলেছে উন্নতির পথে। কেন্দ্রে নিয়মিত ভাবে হাজির হয় প্রায় চল্লিশটি শিশু, সেখানে তাদের লেখাপড়া এবং ছোট ছোট খেলনা ও পুতুল তৈরি করা শেখানো হয়। এই কেন্দ্রে মাতৃনীতি-সহায়ক কোন ব্যবস্থা নেই, কিন্তু একজন দাই গভিণীদের বাড়ীতে গিয়ে তাদের পরিদর্শন এবং পরিচর্যা করে।

কেন্দ্রের ভারপ্রাপ্ত গ্রামসেবিকা পরিণতবয়স্ক স্ত্রীলোক-দের এবং বয়স্ক বালিকাদের লেখাপড়া শেখাবার জন্মে এবং কোন একটি কারুশিল্প বিষয়ে তাদের উপদেশদানের নিমিত্ত নিয়মিত ভাবে পার্শ্ববর্তী গ্রামসমূহ পরিদর্শন করে থাকেন।

মারহুয়া কেন্দ্রে এগিয়ে গিয়ে আমরা দেখি যে, ওখানকার ভারপ্রাপ্তা গ্রামসেবিকা হচ্ছেন এমন একজন অভিজ্ঞ এবং বয়স্ক নারী যিনি স্থানীয় জন-সমাজের আস্থাভাজন এবং সকলেই তাঁকে সমর্থন করে—শিশুদের অক্ষরজ্ঞান শিক্ষা-দানের (Literacy) ক্লাসটি পরিচালনা করছেন তিনি। পরিকল্পনা-কেন্দ্রে সমবেত হয়েছে প্রায় পঞ্চাশটি শিশু, দৃষ্টি আকর্ষণ করে তাদের উজ্জ্বল এবং বুদ্ধিদীপ্ত আনন, সকলেই তারা উৎসুক তাদের লেখাপড়ার জ্ঞান, চরকা চালানোর কৌশল এবং সঙ্গীত-নৈপুণ্য প্রদর্শনের জন্মে। একদিকে যেমন ছোট ছেলেদের অক্ষরজ্ঞান শিক্ষা দেওয়ার ক্লাস এগিয়ে চলেছে উন্নতির পথে, অন্য দিকে তেমনি অধিকবয়স্ক বালিকারা—তাদের সংখ্যা হবে প্রায় কুড়ি জন—পাখা তৈরি এবং সূতাকাটায় তাদের নৈপুণ্যের পরিচয় প্রদান করে।

গ্রাম পরিদর্শন

এলাহাবাদ উন্নয়ন-পরিকল্পনার অন্তর্গত তিনটি কেন্দ্রে সরবরাহ করা হয় কতকগুলো চরকা। কেন্দ্রের অধীন গ্রামসমূহের বয়স্ক বালিকারা এগুলোর সাহায্যে সূতো

কাটতে শেখে। গ্রামসেবিকারা অক্ষরজ্ঞান শিক্ষাদানের ক্লাস পরিচালনা এবং স্ত্রীলোকদের সেলাই, সুতাকাটা অথবা অন্তর কোন কারুশিল্প শিক্ষাদানের উদ্দেশ্যে সপ্তাহে দুই কিংবা তিন দিন সন্ধ্যাকালে পার্শ্ববর্তী গ্রামসমূহ পরিদর্শন করেন। অচিরেই কেন্দ্রগুলিতে সরবরাহ করা হবে বালুগাদির সাজ-সরঞ্জাম, তখন শিশুরা তাদের শারীরিক শক্তিরও বিকাশ-সাধনের পথ খুঁজে পাবে।

দূর্ভাগাক্রমে গ্রামগুলিতে মাতৃনীতিবিষয়ক সাহায্যের অভাব সুপরিষ্কৃত। কিন্তু যেটুকু বা চিকিৎসাবিষয়ক পরামর্শ এবং ধাত্রীদের সাহায্য পাওয়া যেতে পারে তার সুযোগ-গ্রহণেও গ্রামবাসীরা প্রতিনিবৃত্ত হয় নিজেদের ঐতিহ্যগত কু সংস্কারবশতঃ। গ্রামীণ কর্মে আত্মনিয়োগ করতে ইচ্ছুক শিক্ষিতা ধাত্রী পাওয়া বাস্তবিকই কঠিন, কিন্তু যখন তাদের পাওয়া যায় তখন গ্রামের মেয়েরা যাতে তাদের পরামর্শ এবং সাহায্যের সুযোগ গ্রহণ করে তদনুযায়ী শিক্ষা তাদের দিতে হবে। এলাহাবাদস্থিত পরিকল্পনা রূপায়ণী সমিতি, কেন্দ্রীয় সমাজ-কল্যাণ পর্ষদ কর্তৃক প্রদত্ত ৫০০০ টাকা আর্থিক সাহায্য দ্বারা কমলা নেহরু হাসপাতাল কর্তৃক ক্রীত 'মেডিক্যাল ভ্যানে'র মাধ্যমে চিকিৎসাবিষয়ক সাহায্যকে গ্রামবাসীদের দ্বারে দ্বারে পৌঁছে দেবার ব্যবস্থা করেছে।

নারীদের অক্ষরজ্ঞান শিক্ষাদান

গ্রামীণ স্ত্রীলোকদের নিমিত্ত অনুর্ঠেয় কল্যাণকর্মের প্রথম দফা হচ্ছে তাদের মধ্যে অক্ষরজ্ঞান শিক্ষাদানের ব্যবস্থা। প্রয়োচনা দেওয়া সত্ত্বেও কিন্তু কেন্দ্রসমূহের অক্ষরজ্ঞান শিক্ষাদানের ক্লাসগুলিতে অধিকসংখ্যক স্ত্রীলোক পাওয়া কঠিন হয়ে দাঁড়িয়েছে। এর জন্ত অংশতঃ দায়ী পরম্পরাগত পর্দা-প্রথা এবং গৃহের গণ্ডীর বাইরে আসতে নারীদের অনিচ্ছা। “কন্যাদের আমরা পাঠাব লেখাপড়া শেখবার জন্তে, কিন্তু আমরা নিজেবা চাই এর হাত থেকে রেহাই পেতে”— অক্ষরজ্ঞান শিক্ষাদানের কোর্স সংগঠনের চেষ্টা করতে গিয়ে গ্রামসেবিকাদের প্রায়শঃই এ ধরনের যুক্তির সম্মুখীন হতে হয়।

গ্রামকল্যাণ-কর্ম সুনির্দিষ্ট রূপ লাভ করবে তখনই যখন অধিক থেকে অধিকতর সংখ্যক শিক্ষাপ্রাপ্ত কর্মী পাওয়া যাবে। উত্তরপ্রদেশের অনেকগুলি উন্নয়ন পরিকল্পনা কেন্দ্রে যে সকল গ্রামসেবিকা কর্মে নিযুক্ত আছেন তারা শিক্ষাপ্রাপ্ত নন—যদিও অগ্রাণু ক্ষেত্রে তাঁদের অভিজ্ঞতা থাকতে পারে। দৃষ্টান্তস্বরূপ বলা যেতে পারে তাঁদের কথা, এলাহাবাদের

তিনটি প্রোজেক্টে বাদের কর্মে নিয়োগ করা হয়েছে। শিক্ষণ-কেন্দ্রসমূহ থেকে যেমন যেমন এবং যখন শিক্ষাপ্রাপ্ত কর্মীরা বেরিয়ে আসবেন তখনই অশিক্ষিতদের জায়গার তাঁদের কাছে লাগিয়ে দেওয়া হবে আর প্রথমোক্তদের হয় শিক্ষণের জন্ত কেন্দ্রে পাঠানো হবে, নতুবা বিদায় দেওয়া হবে।

চটপটে শিশু

উল্লিখিত উন্নয়ন-পরিকল্পনা কেন্দ্রগুলিতে অনুষ্ঠিত কর্ম-সূচী এবং কর্মপ্রচেষ্টাসমূহ দিনের পর দিন সাফল্যের পথে এগিয়ে চলেছে। এর ফল পরিলক্ষিত হতে পারে শিশুদের উজ্জ্বল এবং উৎসাহদীপ্ত আননে। সাক্ষরতার পথে শিশুদের উন্নতির জন্ত তাদের পিতামাতারা যে গর্ষবোধ করে তাও এই সকল প্রচেষ্টার সাফল্যের দ্যোতক। এই বিষয়টির মত উৎসাহপ্রদ আর কিছুই নয় যে, কল্যাণ-সম্প্রদারণ পরিকল্পনা-সমূহের কর্মপ্রচেষ্টা বর্তমান 'পুরুষ'র গ্রামীণ শিশুদের মনে সাড়া জাগাতে সক্ষম হয়েছে এবং তারা বেড়ে উঠছে—ব্যক্তিগত এবং পারিপার্শ্বিক স্বাস্থ্যবিধি, লেখাপড়া শেখার প্রয়োজনীয়তা ও কোন কারুশিল্পে আত্মনিয়োগ করে নিজেদের অবসর সময়ের সর্বাধিক সদ্যবহার—এসকল বিষয়ের গুরুত্ব উপলব্ধি করে। গ্রামগুলিতে এই স্রীতিকর পরিবর্তন সাধিত হয়েছে কল্যাণ প্রোজেক্টের কর্মপদ্ধতি দ্বারা এবং এখন আর পশ্চাদ-বর্তনের কোন সম্ভাবনা নেই।

অপর একটি বিষয়ও কম উৎসাহপ্রদ নয় যে, গ্রামবাসীরা স্বতঃপ্রবৃত্ত হয়ে উন্নয়ন পরিকল্পনা কেন্দ্রসমূহের জন্ত ক্ষুদ্র ভূমিখণ্ড ও গৃহ এবং কেন্দ্রের গৃহনির্মাণকল্পে শ্রমদান করছে। এলাহাবাদ প্রোজেক্টের যে তিনটি কেন্দ্রের কথা উল্লেখ করা হয়েছে তন্মধ্যে পয়গম্বরপুর এবং মারহুয়া কেন্দ্রে গ্রামবাসীরা বিনামূল্যে ভূদান করেছে; পক্ষান্তরে খেরওয়ানী কেন্দ্রে, ঠিক গ্রামের বাইরে খোলা মাঠের মধ্যে যে বর্গীয় গৃহে কেন্দ্রটি প্রতিষ্ঠিত, সেই গৃহটি নামমাত্র ভাড়ায় প্রোজেক্টে কমিটির দখলে রাখা হয়েছে।

গ্রামীণ লোকেরা গ্রামসেবিকাকে এখন যে সকল গ্রাম নিয়ে কেন্দ্রটি গঠিত সেগুলোর অবিচ্ছেদ্য অংশ বলে মনে নিয়েছে। গ্রামবাসীরা এই কর্মীর জন্ত বাসস্থানের ব্যবস্থা করে তৎপরতার সঙ্গে, অস্থায়ী তাকে ভেসে বেড়াতে হ'ত। গ্রামের লোকেরা এটা প্রত্যাশা করে যে, হয় ত তাঁর যোগ্যতা যতটুকু তার চেয়েও বেশী কাজ তিনি গ্রামের নারী এবং শিশুদের জন্তে করবেন। তিনি কেবল সাধারণ কল্যাণ-কর্মে নিয়োজিত গ্রামীণ কর্মী নন, একজন কারুশিল্প শিক্ষা-দাত্রী এবং শিক্ষিকাও বটেন।

পার্বত্য গ্রামকেন্দ্র

শ্রীরতনপ্রভা রায়

টিহরি গাড়োয়ালের অভ্যন্তরভাগ দিয়ে প্রসারিত হিমালয় পর্বতমালার পাদদেশস্থ পাহাড়গুলোতে এমন কয়েকটি ভগ্ন-জীর্ণ খড়ো-ছাওয়া চালাঘর আছে, গাঙ্গীর্থাপূর্ণ পার্বত্য দৃশ্যের সঙ্গে যেগুলোর বৈসাদৃশ্য পরিলক্ষিত হয়। সেগুলোকে কুঁড়ে-ঘর, আস্তাবল এমনকি বাসযোগ্য আস্তানার সঙ্গে ন্যূনতম সাদৃশ্যযুক্ত কোন কিছুরও সমপর্যায়ভুক্ত করা যায় না।

এক শতের কিছু বেশী লোকসংখ্যা বিশিষ্ট, জীর্ণদশাপ্রাপ্ত কতকগুলি কুটার নিয়ে এই চূপরাইলি নামক পল্লী। এখানেই আকস্মিকভাবে আমি দেখতে পাই—টিহরি গাড়োয়ালস্থ আমাদের প্রথম কল্যাণ-সম্প্রদারণ পরিকল্পনা-কেন্দ্রটিকে। নবদ্বন্দ্বনগর থেকে চম্বাগামী চক্রাকার পথে চক্রর দেওয়ার কালে আমি যে “জেলা কল্যাণকেন্দ্র, চূপরাইলি”—এই সাইনবোর্ডটি দেখতে পাব সে ছিল সম্পূর্ণই অপ্রত্যাশিত। এই অঞ্চলে এখানেই প্রথম চেষ্টা চলছে—শিশু, নারী এবং পুরুষদের বৃন্যাদী শিক্ষাদান, অবসরবিনোদের ব্যবস্থা এবং চিকিৎসাবিষয়ক সাহায্য দেওয়ার। একটি আস্তাবলের এক তলায়—যার কোন অংশ সাধারণ একটি কাঠের ‘দিভানের’ ভাবে ধসে যেতে পারে, আমাদের গ্রামসেবিকার একটি অঙ্ককার নোংরা ঘরে আমাদের কেন্দ্রের ঔষধালয়টি অবস্থিত। এই ভ্রাম্যমাণ বিদ্যালয়টি উপযুক্ত আস্তানার অভাবে গত আট মাসের মধ্যে প্রায় আধ ডজন স্থান পরিবর্তন করতে বাধ্য হয়েছে বটে, কিন্তু এতে চূপরাইলি এবং নিকটবর্তী অন্যান্য গ্রামসমূহ থেকে আগত শিশুদের সংখ্যা আশাপ্রদ। বিদ্যালয়ে শিশুদের পাঠাতে গ্রামবাসীদের যে ঔদাসীণ্য বিদ্যমান সেকথা বিবেচনা করলে এটা বেশ উৎসাহজনক বলেই মনে হয় যে, এর ‘বালওয়াদি’র রেজিষ্টারী বইয়ে প্রায় ত্রিশটি শিশুর নাম আছে, তাদের মধ্যে কেউ কেউ আসে এই কেন্দ্র থেকে দুই-তিন মাইল দূরবর্তী গ্রামসমূহ থেকে। ১৯৫৬ সনের জানুয়ারী থেকে এপ্রিল পর্যন্ত চার মাসের মধ্যে এই কেন্দ্র থেকে প্রায় ছয় শত লোককে চিকিৎসা-বিষয়ক সাহায্য দেওয়া হয়েছে, তা ছাড়া আমাদের গ্রাম-সেবিকারা প্রস্তুতিদের পরিচর্যাও করেছেন।

চূপরাইলি কেন্দ্রকে কোন দিক দিয়েই আদর্শ কেন্দ্র বলা যেতে পারে না। কিন্তু এই পার্বত্য অঞ্চলে কর্মীকে যে সকল চূরতিক্রম্য প্রতিবন্ধের সন্মুখীন হতে হয় সেগুলো এবং বিশেষভাবে, টিহরি গাড়োয়ালের অনুরূপ অঞ্চলসমূহের জীবনযাত্রার মান ও আর্থিক অবস্থা সম্বন্ধে যারা ওয়াকিবখাল আছেন, তারা জানেন যে, এখানে যে কোন ধরনের কল্যাণ-কর্মের সংগঠনই নিরতিশয় চক্রবৎ ব্যাপার। এখানে কল্যাণ-

কর্মসমূহের নিঃসন্দ্বিগ্নরূপের হতে পারে একজন কর্মীর ত গ্যুতা, অধ্যবসায় এবং কর্মে আন্তরিকতার কষ্টপাথর-স্বরূপে। এখানকার পানীয় জলের দুঃপ্রাপ্যতা এবং আনুশঙ্গিক অনুবিধাসমূহের কথা কল্পনা করাও। কঠিন কোন কোন স্থানে এক বাসতি জলের জন্তে আমাদেরগ্রাম-র সেবিকাদের দিতে হয় দুই আনা থেকে চার আনা পর্যন্ত, তাও আবার সকল সময় আনতে হয় প্রায় এক মাইল দূরবর্তী, নীচেকার পাহাড়ের পাদদেশ থেকে। সেখানে আবার মাছিরও প্রাচুর্য এবং প্রায়শঃই একথা ভেবে অবাক হতে হয় যে, সরবরাহ-করা সমগ্র পরিমাণ ডি.ডি.টি. অথবা অন্ত কোন কীটপতঙ্গ-বিনাশক দ্রব্য তাদের সংখ্যা কমাতে সক্ষম হবে কিনা।

এটা মানতেই হবে যে, দারিদ্র্য এবং অর্থনৈতিক অনগ্রসরতা প্রতিফলিত হয় জীবনযাত্রার মানের উপর এবং অজ্ঞানতা, অশিক্ষা এবং কুসংস্কার এই তিনটির প্রতি-বন্ধকতার দরুন জীবনযাত্রার মানের উন্নয়নও সম্ভবপর হয় না, কেননা এগুলো আমাদের যাবতীয় কর্মপ্রচেষ্টাকে করে বাহত। ভারতের জনসমষ্টির এমন কোন অংশকে যদি আমি দেখে থাকি যাদের পরনের শ্বাকড়াটুকু পর্যন্ত জোটে না তো তা দেখেছি আমি এই টিহরি গাড়োয়ালে। আমার মানসলোকে তারা প্রতিভাত হ’ল দীর্ঘকাল যাবৎ টিহরি গাড়োয়ালে বসতি-স্থাপনকারী এক রাজপুত বংশের লোক-রূপে, এদের সমাজে পুরুষদের নির্দ্বারিত কাজ হচ্ছে, অল্প-স্বল্প চাষবাস করা। দিনের বাকী সময়টুকু এরা কাটিয়ে দেয় গল্পগাছা ও ধূমপান করে আর উদয়াস্ত অবিশ্রান্ত খেটে যাওয়া হচ্ছে এদের মেয়েদের অদৃষ্টলিপি।

সাধারণ এক পাহাড়ী মেয়ের দিনের কাজ শুরু হয় কান্তে হাতে ধানক্ষেতের অভিমুখে দ্রুত ধাবনের ভেতর দিয়ে। বিকেলবেলা সে ঘরে ফিরে আসে, পরিবারের জন্ত রান্নাবান্না করে, আবার ফিরে যায় মাঠে, গরু মহিষের করে তদারক, ঘাস কাটে, নিয়ে আসে পরিবারের প্রয়োজনীয় জল, তারপর মন দেয় শিশুদের পরিচর্যায়। সন্ধ্যাবেলা তাকে বসতেই হবে দ্বিবেসের সংগৃহীত শস্তের তুষ-ঝাড়া এবং ওবেলায় ধাবারের জন্তে সেগুলোকে যাতার সাহায্যে চূর্ণ করার কাজে। কৃষিই এদের জীবিকার প্রধান অবলম্বন এবং ক্ষেত্র থেকে উৎপন্ন শস্ত দ্বারা গড়পড়তা একটি পরিবারের বৎসরে কায়ক্লেশে ছয় মাসেরও যে ভরণ-পোষণ হয় না সেকথা বিবেচনা করলেই এই সকল লোকের দারিদ্র্য যে কত কঠোর তা উত্তমরূপেই কল্পনা করা যেতে পারে। হয় ত এর থেকেই

বুঝতে পারা যাবে কেন এই এলাকার বিপুলসংখ্যক লোক জীবিকার সন্ধানে চলে যায় সমতল অঞ্চলে। বহু বিবাহ এদের সমাজে অতি সাধারণ ব্যাপার, কেননা পরিবারে কোন বাড়তি স্ত্রীলোকের স্থানলাভ মানেই ক্ষেতে এবং গৃহে হাড়-ভাঙা খাটুনির জন্তে একজন অতিরিক্ত সাহায্যকারিণী লাভ। কিন্তু যে বিষয়টি হৃদয়বিদারক তা হচ্ছে এই যে, কোন বালিকার বয়স যখন পাঁচ বছরের কাছাকাছি তখন তাকে করতে হয় একজন পূর্ণবয়স্ক নারীর করণীয় যাবতীয় কাজ। পাঁচ বৎসরবয়স্ক লক্ষ্মী—যাকে বলা যেতে পারে আমাদের বাল্যওয়ার্দের একমাত্র চটপটে মেয়ে—বিদ্যালয়ে আসা থেকে বিরত হ'ল, কেননা ফসল কাটার জন্ত তৎপর হওয়া হয়ে দাঁড়াল তার পক্ষে একান্ত প্রয়োজন। ঠিক যখন আমি ঐ স্থান পরিত্যাগ করবার উপক্রম করছি তখন সে ফিরে এল মাঠ থেকে—মাথায় সমস্ত সংস্থাপিত সারা দিনের সংগৃহীত শস্তের বোঝা নিয়ে, কপাল বেয়ে তার ঝরে পড়ছিল মুক্তামালার মত বিন্দু বিন্দু ধাম।

সুতরাং আমাদের বাল্যওয়ার্দের মেয়েদের উপস্থিতির সংখ্যা স্বভাবতঃই কম।

কেবলমাত্র যখন ঔষধের প্রয়োজন হয় সেই সময় ছাড়া স্ত্রীলোকেরা আদৌ আমাদের কেন্দ্রে আসে না, এমনকি সেই উদ্দেশ্যেও তারা তখনই আসে যখন অবস্থা হয়ে দাঁড়ায় অত্যন্ত মারাত্মক। অতি সাম্প্রতিককালে মাত্র ডিস্‌পেন্‌সারির উপর গ্রামবাসীদের কিয়ৎপরিমাণ আস্থার সৃষ্টি হয়েছে। রোগাক্রান্ত এবং ব্যাধিক্রান্ত গ্রামবাসীদের মনে এ ধারণা গন্যাত্তে আমাদের গ্রামসেবিকাদের বেশ দীর্ঘ সময় লেগেছিল যে, আমাদের কেন্দ্রসমূহ প্রাপ্তব্য ঔষধাবলী তাদের তাবিজ-কবজ এবং স্থানীয় গাছ-গাছড়া ও টোটকার মতই কার্যকরী হতে পারে। এ অঞ্চলে শিশুমৃত্যু এবং সন্তান-জন্মের সময় প্রসূতিমৃত্যুর হার এত উচ্চ যে, তা রীতিমত ভীতিপ্রদ। কোন প্রসূতির বেলায় যে সকল জটিল উপদর্শ দেখা দিতে পারে তৎসম্বন্ধে স্থানীয় লোকদের মধ্যে একটা সাধারণ ঔদাসীন্য বিদ্যমান। এ সমস্ত 'কেস' যে পর্যন্ত না একরূপ ধারাপ হয়ে দাঁড়ায় যে, তার দরুন মাতা অথবা শিশুর জীবন বিপন্ন হয়ে উঠে সে পর্যন্ত কেন্দ্র কিংবা হাসপাতালের গোচরে আনা হয় না। প্রায়শঃই আমাদের গ্রামসেবিকারা নিজেদের অত্যন্ত অসহায় বলে বোধ করেন, কেননা আংশিক দৃষ্টিশক্তিসম্পন্ন বুড়ী দাই, কিংবা গ্রামের পুরুষ অথবা স্ত্রীলোক কেউই তাদের উপদেশে কর্ণপাত করে না। এই সকল অঞ্চলে বিবাহিতা স্ত্রীলোকদের গর্ভজাত জারজ সন্তানের সংখ্যা প্রচুর। পুরুষ-সমাজ থাকে একাদিক্রমে কয়েক বৎসর বাইরে সমতল অঞ্চলে এবং তার দরুন স্বতঃই সৃষ্টি হয় এই ধরনের জটিল সমস্যা।

কোটস্থিত আমাদের কেন্দ্রের অবস্থান কতকটা উৎকৃষ্টতর এই দিক দিয়ে দেখলে যে, এখানকার লোকসংখ্যা অপেক্ষাকৃত অধিক। এখানকার জনসমষ্টির এক দল হচ্ছে প্রাক্তন সৈন্যবাহিনীর লোক—যারা সৈনিক-জীবন থেকে প্রত্যাবর্তনের পর গ্রামের অবস্থার উন্নয়নকল্পে প্রত্যক্ষভাবে চেষ্টা করেছে। আমাদের প্রচেষ্টাসমূহ তারা সাড়া দেয় অধিকতর উৎসাহের সঙ্গে, আমাদের কর্মসূচীগুলিকে তারা করে অভিনন্দিত। আমাদের এখানকার কেন্দ্রে মেয়েদের অনুপস্থিতি এক লক্ষণীয় অত্যাশ্চর্য্য ব্যাপার। কোট কেন্দ্রের বিদ্যালয়ে কেবলমাত্র মেয়েদের উপস্থিতির কারণ এই যে, এখানে ইতিপূর্বেই স্থানীয় কোন বিভাগ কর্তৃক প্রতিষ্ঠিত ছেলেদের একটি স্কুল আছে। এখানে বিশেষ ভাবে ছোট-খাটো কতকগুলি কারিগরি কাজ সূষ্টভাবে করা হয়েছিল। আমাদের কেন্দ্রে যারা আসে তাদের মধ্যে কনিষ্ঠতম, তিন বৎসর বয়স্ক নুমলার প্রতি আমি বরং আকৃষ্ট হয়ে পড়েছিলাম—কবিতা আবৃত্তি, বর্ণমালার পুনরাবৃত্তি, এমনকি এরূপ কিছু তৈরি করার সার্থক চেষ্টা যা দেখতে খেলনার মত—এই সকল বিষয়েও সে তার সমবয়স্ক, শহরে প্রতিপালিতা যে-কোন শিশুর সমকক্ষ।

যদিও এই সকল অতি সামান্য সূচনা বলে প্রতীয়মান হতে পারে, তথাপি কল্যাণ-সম্প্রসারণ পরিকল্পনাসমূহের প্রবর্তন এবং যে ভারতীয় রেড ক্রস এই অঞ্চলসমূহে বিস্তর ক্ষেত্রপ্রস্তুতি কর্ম (Spade work) করেছে তার কার্যাবলী মনে এই আশারই সঞ্চার করে যে, অশ্রান্ত চেষ্টা এবং অধ্যবসায় দ্বারা অজিত হতে পারে অনেক কিছুই। সাফল্যের নিশ্চিত প্রমাণ পাওয়া যেতে পারে সেই সকল শিশুকে দেখে যারা আমাদের কেন্দ্রে নিয়মিত ভাবে হাজির হয়। যথোচিত শিক্ষাপ্রাপ্ত হলে অল্প যে-কোন সূস্থ এবং স্বাভাবিক যুবতী মেয়ের মত, পাহাড়ী তরুণীরও যে বুদ্ধিবৃত্তি এবং নূতন ভাবধারা গ্রহণ-ক্ষমতার বিকাশ হতে পারে তা সুস্পষ্টরূপে প্রতীয়মান হয় রামেশ্বরী এবং পরমেশ্বরীর দৃষ্টান্ত থেকে—চম্বা রেডক্রসে যারা এসেছিল গীতা পাঠ শেখবার জন্তে। আজ তারা সেলাইয়ের কলে কাজ করতে পারে, সুতা কাটতে পারে, তারা পড়েছে পঞ্চম শ্রেণীতে এবং স্বাধীনভাবে অন্য যে-কোন স্থানে অনুরূপ কর্ম সংগঠিত করতে পারে। এটা বেশ উৎসাহপ্রদ ব্যাপার যে, অপর একটি কেন্দ্র থেকে সেবামূলক কর্মের জন্য তাদের অনুরোধ জ্ঞাপন করা হয়েছে। আমরা আশা করি, শীঘ্রই এমন দিন আসবে যখন এই সকল পাহাড়ের সন্তানগণ একত্রিত হয়ে দাঁড়াবে এবং তাদের নিজস্ব বর্ণীয় পার্শ্বত্যাভূমির উন্নয়নকল্পে কর্মে প্রবৃত্ত হবে।

হিমাচলের কয়েকটি কল্যাণকর্মকেন্দ্রে

ফ্রেদা বেদী

আমাদের পর্বতের প্রত্যেক চেয়ারম্যানই কি বয়সের দাবির কথা ভুলে গিয়ে টাট্টু ঘোড়ায় চড়ে সেখানে চলে যেতে পারেন না যাকে বলা হয়েছে 'পরিচিত পৃথিবীর একেবারে বাইরের সেই বিরাট অঞ্চল'। হিমাচল প্রদেশে, আঁকাবাঁকা পার্বত্য পাকদণ্ডি পথে সিমলা থেকে আশী মাইল অতিক্রম করে আমরা এসে পৌঁছলাম রামপুরে। ছোট বাজার এবং জেলা শহর হলেও চিনি উপজাতীয় লোকদের শীতকালীন কেন্দ্র এবং যে পর্বতমালা তিব্বত সীমান্তে চিনিদের স্বদেশাভিমুখে প্রসারিত তার পাদদেশে অবস্থিত বলে রামপুরের একটি নিজস্ব ব্যক্তিত্ব আছে। রামপুর থেকে উপরের দিকে উঠে আমরা শেষ জীপটিকে দেখতে পেলাম এবং সেখান থেকে ঘোড়ার পিঠে চড়ে মোটর রোডের প্রান্ত-সংলগ্ন পাহাড়ের পার্শ্বদেশস্থ আঁকাবাঁকা পথে এগোতে লাগলাম।

প্রথম আমাদের থামতে হ'ল শিল্পলায় এসে। এখানকার প্রবেশপথটি উদ্ভমরূপে প্রস্তুত একটি রাস্তার উপরে। পঞ্চায়েত সভ্যরা যখন এটির সঙ্গে আমাদের পরিচয়সাধন করিয়ে দিচ্ছিলেন তখন উৎসাহে প্রদীপ্ত হয়ে উঠল তাদের আনন। তারা বলতে লাগল—“দেখুন শ্রমদান দ্বারা আমরা কি করেছি।” তাদের এই চেষ্টা নিশ্চিতই প্রশংসনীয়। রাস্তার উপরিভাগের দৃঢ়তা সম্পাদন করা হয়েছে চতুষ্পার্শ্বের ক্যাকটাস গাছগুলিকে ভূপাতিত করে এবং কর্দমাবরণের নীচে তাদের স্তরে স্তরে স্থাপন করে। এটা হ'ল চেয়ারম্যান কর্তৃক মধুর ভাবে শাসানোর হাতেকলমে প্রত্যুত্তর। চেয়ারম্যান তাদের এই বলে শাসিয়েছিলেন যে, রাস্তার যদি উন্নতি-বিধান না হয় তা হলে তিনি কেন্দ্রটিকে এখান থেকে সরিয়ে নেবেন। আনন্দে উৎফুল্ল হয়ে তিনি আমাকে বললেন যে, রাস্তার এই উৎকর্ষের জন্য ইদানীং অর্ধেক কষ্টের সাধব হয়েছে এবং ঘোড়ায় চড়ে আসতেও আগেকার চেয়ে অর্ধেক সময় লাগে।

শিল্পলা কেন্দ্রের তত্ত্বাবধায়িকা একজন শিক্ষাপ্রাপ্ত হিমাচলী গ্রামসেবিকা। এটা স্পষ্টই প্রতীয়মান হচ্ছিল যে, তিনি তাঁর কাজ চালিয়ে যাচ্ছেন সূষ্ঠভাবে। বাসওয়াদিতে ছিল সতেরটি প্রাণচঞ্চল শিশু এবং পঁচিশ জন তরুণী ও বয়স্ক স্ত্রীলোক। “তারা আমাকে দুই-এক দিনের ছুটি পর্য্যন্ত নিতে দেয় না।” গ্রামসেবিকা অনুযোগ করলেন—“পাছে

আমি আর ফিরে না আসি! আমি তাদের বলি যে, আমি ত এখানে সারা জীবন কাটাতে আসি নি। তখন তাদের চোখের কোলে দেখা দেয় অশ্রুরেখা। শেষ পর্য্যন্ত আমরা এই সব হেসে উড়িয়ে দিই এবং কাজ চালিয়ে যাই।” পাহাড়ী সুন্দরীরা মুহূর্তে হাসল, শিশুরা করে উঠল উচ্চহাস্য—বেশ একটি হাসিখুশী ভায়া পরিবেশের সৃষ্টি হ'ল। যদিও এই কেন্দ্রের চিকিৎসাবিষয়ক দিকটির বিকাশসাধন হয় নি তথাপি হাসপাতালের সঙ্গে যোগাযোগ রক্ষায় অশিক্ষিত সহকারী বিশেষ কর্মতৎপরতার পরিচয় দিয়েছে এবং অনেকগুলি অসুস্থ শিশুর প্রতি বিশেষ যত্ন নেওয়া হয়েছে। যখন আপনি একথা উপলক্ষি করবার চেষ্টা করেন যে, হাসপাতালটি পাহাড়ের চড়াই উত্তরাই পথে পাঁচ মাইলেরও বেশী দূরে এবং সেখানে যেতে হয় টাট্টু ঘোড়ায় চড়ে তখন এটা আপনার নিকট খারাপ 'রেকর্ড' বলে প্রতীয়মান হবে না। অস্ত্রান্ত কেন্দ্রের ঞায় এখানেও হিমাচলের গ্রাম্য লোকে অধীর আগ্রহে আমাদের প্রথম ধাত্রী এবং শিক্ষাপ্রাপ্ত দ্বাইয়ের জন্ম প্রতীক্ষা করছে এবং তারা যখন আসবে তখন তারা হবে গ্রামবাসীদের পক্ষে বিধাতার পরম আশীর্বাদ-স্বরূপ। মিসেস আমিনচাঁদ কর্তৃক একটি নূতন গৃহ নির্মাণ-কল্পে অর্থসাহায্যের আবেদনের পরে অপরাহ্নের অবসান হ'ল। পরবর্তী অনুষ্ঠান—অর্থসংগ্রহের ভারপ্রাপ্ত পঞ্চায়েত-সদস্য কর্তৃক বিনামূল্যে একটি ছোট নাটকের অভিনয়। জনৈক গ্রামবাসীকে যখন একটিমাত্র টাকা দেওয়ার জন্তে অনুরোধ করা হ'ল তখন তা এড়াবার জন্তে সে কি কৌশল অবলম্বন করেছিল—দ্রুত মুক অভিনয়ের মাধ্যমে তাই দেখালেন তিনি। যাদের চাঁদা বাকি রয়ে গেছে তাদের নামের একটি কৌতূহলোদ্দীপক তালিকা পঠিত হ'ল। সঙ্গে সঙ্গেই উদ্দিষ্ট ব্যক্তিদের মধ্যে একজন, গৃহমধ্যে নিরাপদে তালাবন্ধ টাকার থলিটি নিয়ে আসবার জন্তে তার ছেলেকে পাঠালে। সেটি আনীত হলে পর অকুস্থলেই তার দেনা মিটিয়ে ফেলবার জন্তে সাড়বরে সেটি সে খুলে ফেলল। আমরা অভিভূত হলাম এবং সে যখন নৈতিক উপদেশ চালিয়ে যাচ্ছিল আর কড়াকড়িভাবে স্বেচ্ছামূলক ভিত্তিতে “পরিবার পিছু প্রতি মাসে চার আনা” চাঁদার জন্ম আবেদন জানাচ্ছিল তখন আমরা সে স্থান পরিত্যাগ করলাম।

বাতালি কেন্দ্রের বিদ্যালয়-গৃহটি আমাদের মনে জাগিয়ে

তুলসী পুলক-শিহরণ—একদল রাজমিস্ত্রী, করাত এবং তক্তা নিয়ে কর্মরত ছুতোর এবং সাধারণ সাহায্যকারীগণ—তাদের মধ্যে কারুর হাত সক্রিয় আবার কেউ বা দিচ্ছে মৌখিক উপদেশ—এদের সকলের সমবেত চেষ্টায় এটি গড়ে উঠেছে। ঔষধালয় এবং বাসগোলাদি বিদ্যাভবনের নিমিত্ত দুটি চমৎকার ছোট ঘরের দেয়াল ও ফ্রেম ইতিমধ্যেই দাঁড় করানো হয়েছে—একতলায় হবে কর্মচারীদের থাকবার জায়গার ব্যবস্থা। এর সবটুকুই সম্পন্ন হয়েছে “শ্রমদান” বা স্বেচ্ছা-প্রবৃত্ত শ্রমের দৌলতে। বোর্ডের নিকট প্রত্যাশী হয়েছিল তারা শুধু ছাদের কাঠামোর জন্য দস্তার চাদরের মূল্যের নিমিত্ত। “জিঙ্ক শীট”কে তারা “চাদর” এই সুন্দর নামটিই দিয়েছে।

এখানকার শিশুরা হৃদয়কে কি গভীরভাবে আকৃষ্ট করে! হিমাচল যে লোকনৃত্যে সর্বভারতীয় পুরস্কার লাভ করেছিল তার মূলে সঙ্গত কারণ রয়ে গেছে। এখানকার ক্ষুদ্রে কিণ্ডার-গার্টেন শিক্ষার্থীদের রক্তের সঙ্গে মেশানো রয়েছে পরিচ্ছন্ন পাদকর্ষ এবং চিন্তাশক্তি সৃষ্টি ছন্দোমায়ুর্ধ্বের ঐতিহ্য। ছেলেরা মেয়েদের চেয়েও অধিকতর নৃত্যনিপুণ। আমার বিশেষভাবে ভাল লেগেছিল একটি ছোট বাচ্চাকে, মাথায় ছিল তার একটি মখমলে মোড়া টুপী—টুপীটির এক কোণে শোভা পাচ্ছিল প্রকাণ্ড একটি কাগজের ফুল। যদিও দুপুর-বেলায় গরমে শরীর ভাজা ভাজা হয়ে যাচ্ছিল তথাপি তার গায়ে ছিল হাতে-কাটা পুত্র দিয়ে তৈরি একটি বড় কোর্তা—এক বা দুই বছরের শিশুর পক্ষে সেটিকে যথেষ্ট বড় বলতে হবে। কিন্তু তখন ওখানে “পরিদর্শক” (আপনাদের সম্পাদিকা) আসছেন যে, এবং শিশুর কৃতিত্বে গর্বিতা মাতা ভাবছিল, কে জানে হয় ত সেখান থেকে তার ছেলের নাম গিয়ে পৌঁছতে পারে বাইরের জগতে। কিন্তু শোচনীয় ব্যাপার হচ্ছে এই যে, ছেলের নামটা আমি মনে করতে পারছি না, কিন্তু এখনও আমি মনশ্চক্রে দেখতে পাই, শিশুটি নৃত্যচ্ছন্দে রক্তাকারে পদক্ষেপ করছে সুগভীর আত্ম-প্রত্যয় সহকারে এবং নৃত্যের সঙ্গে সঙ্গে সমান তালে চলছে তার সুসলিলিত সঙ্গীত।

ওখানকার মাত্রী ছিলেন চিনি থেকে আগত জর্নৈকা বৌদ্ধ-ভিক্ষুণী। একটি হাসপাতালে শিক্ষাপ্রাপ্ত হওয়ার বিরাট ‘এডভেঞ্চার’র আনন্দ উপভোগ করবার সৌভাগ্য হয়েছে তাঁর, হাসপাতালের শিক্ষা সমাপ্ত করেছেন তিনি, এবং তাঁর সঙ্গে ছিল চৌদ্দ বৎসর-বয়স্কা একটি ভাইঝি। আমার উপর আস্থা স্থাপন করে তিনি আমাকে বললেন—“আমি একে লিখতে এবং পড়তে শেখাচ্ছি, একে গড়ে

তুলতে চাই একজন নার্সরূপে। মুম্বুকে সাহায্য দান নিশ্চয়ই উত্তম ‘সেবা’।” “গ্রামবাসীরা কিরূপ সমাদরে আপনাকে গ্রহণ করেছিল?”—আমি জিজ্ঞেস করলাম। “যে পর্য্যন্ত না সন্তান-জন্মকালে তাদের একজন স্ত্রীলোকের প্রাণবিয়োগের উপক্রম হয় সেই পর্য্যন্ত আমার সমস্ত প্ররোচনা সত্ত্বেও তারা আমার কাছে বেঁধে নি। কোন-না-কোন উপায়ে জীবন্ত অবস্থায় শিশুটির প্রসবকার্য সম্পন্ন করাতে আমি সমর্থ হই—মায়েরও জীবন রক্ষা পায়। আর শিশুটি ছিল একটি পুত্রসন্তান। আরও তিনবার বিপজ্জনক ‘কেস’গুলোর বেলায় আমাকে ওরা ডাকিয়েছে এবং ভগবানের রূপায় তাদের সকলকেই বাঁচাতে আমি সক্ষম হয়েছি। এখন তারা আমাকে সম্বোধে, যথোচিত সমাদরেই গ্রহণ করেছে, এবং আর কোন অসুবিধা নেই।”

খুব অধিকসংখ্যক শিশুর মেলা এখানে—সবাই চটপটে এবং বেশ পরিষ্কার-পরিচ্ছন্ন। আমি এটা উপলক্ষি করি যে, এই কেন্দ্রে শিশুদের সমক্ষে অন্ততঃ একটি নবজীবনের সম্ভাবনা বিদ্যমান।

দানশীল টেক সিং, তাঁর নিজের গ্রামে যাতে বিদ্যালয় এবং পুরা কম্বীসংসদসম্বিত একটি কেন্দ্র প্রতিষ্ঠিত হতে পারে সেই উদ্দেশ্যে জমি এবং সে স্থানেই একটি একতলা গৃহ দান করেন। সাময়িক হেড কোয়ার্টারের জন্য তিনি দুইটি উৎকৃষ্ট নতুন পাহাড়িয়া কুটীর পর্য্যন্ত নির্দ্বারিত করেছিলেন।

শ্রীমতী আমিনটান কাজের জন্ত প্রস্তুত এবং আগমন প্রতীক্ষারত কম্বী পাঠাবার প্রতিশ্রুতি দিলেন। এ বিষয়ে সন্দেহ নেই যে, স্থানীয় এম. পি. (শ্রীবর্মা) সামাজিক কর্তব্যসমূহ সম্বন্ধে সচেতন স্থানীয় কর্মচারী এবং উৎকৃষ্ট স্বেচ্ছাপ্রবৃত্ত কর্মীদের এই তিনের সম্মিলনকেই বলা যেতে পারে “দ্রুত কর্ম সম্পাদনকল্পে” আদর্শ সম্মিলন এবং নিসঙ্ক-গ্রাম তা প্রমাণ করতে সক্ষম হয়েছে। শ্রীটেক সিং বাস-গোলাদির কর্মপ্রচেষ্টাসমূহকেও সাফল্যের পথে অনেকদূর এগিয়ে নিয়ে যাবেন। আমরা দেখলাম যে, ঠিক বয়সের ছোট একুশটি শিশু—যাদের বলা যেতে পারে পৌত্রস্থানীয়—তাঁর আছে এবং আশীর্বাদ জানালেন তিনি চিন্তাজয়ী হাসি হেসে।

আর একটি শেষ আশা আছে। প্রতি বৎসর দশ হাজারের কাছাকাছি উপজাতীয় বৌদ্ধধর্মাবলম্বী লোকেরা চিনি থেকে নেমে আসে নিয়ে অবস্থিত রামপুর শহরের অপেক্ষাকৃত অধিকতর আরামদায়ক জীবনধারার মধ্যে। দুর্ভেদ্য তুষার-প্রাচীরের পেছনে বেধে আসে তারা তাদের স্ত্রী,

বৃদ্ধ-বৃদ্ধা এবং বহু শিশুকে ছাদ ও প্রাচীর থেকে লম্বা হাতলওয়ালী একপ্রকার কোদালি দ্বারা তুষারতুষ্প অপ-সারিত করবার জন্তে—তাদের এলাকায় এই তুষার-অবরোধ স্থায়ী হয় অন্ততঃ চার কি পাঁচ মাস। সঙ্গে করে নিয়ে যায় তারা গো-মহিষ, ভেড়া এবং ষষ্ঠরের পাল এবং অল্পবয়স্ক বালকদের। শতকরা পঁচিশ জন চরায় গরু-বাছুর। বাদ-বাকিরা ক্ষেতে এবং জঙ্গলে বাড়তি কাজ করে। দৈবাৎ

তাদের আশ্রয় ঘোটে গুহায়, তাঁবুতে, ধরমশালাগুলিতে এবং রাস্তার উপরে। চালাঘর নির্মাণ অথবা মাহুঘ ও গরু-মহিষের জন্ত কোন আস্তানা তৈরি এ দুটিই হচ্ছে উক্ত অঞ্চলে দুইটি একান্ত প্রয়োজনীয় সমাজ-কল্যাণকর্ম। এই সমস্যার চূড়ান্ত সমাধান অবশু নির্ভর করে চিনির উন্নয়নের উপর—যার দরুন ওধানকার অধিবাসীদের আর প্রয়োজন হবে না দেশত্যাগ করে স্থানান্তরে যাবার।

অল্পবয়স্কদের অপরাধপ্রবণতা এবং পরিবার-পরিকল্পনা

শ্রীলক্ষ্মণপ্রসাদ ও শ্রীলতিকা ঘোষ

‘পরিবার পরিকল্পনা’ বিষয়টির প্রতি সাম্প্রতিককালে সাধারণের মনোযোগ আকৃষ্ট হইয়াছে এবং আমাদের সরকার-কর্তৃকও ইহার উপর যথেষ্ট গুরুত্ব আরোপিত হইয়াছে। পরিবার পরিকল্পনার ভাব-ধারণা ভারতের মিকট নূতন নহে। প্রায় শতাব্দীর এক পাদ যাবৎ এদেশে এই আন্দোলনে অগ্রণী হইয়া আছে—স্বচ্ছামূলক সংগঠন এবং সংস্থাসমূহ, কিন্তু আর্থিক অনটন এবং এই ক্ষেত্রে শিক্ষাপ্রাপ্ত কন্মীর অভাবের দরুন এগুলির দ্বারা যে উন্নতি সাধিত হইয়াছে তাহা সন্তোষজনক নহে। ভারতে পরিবার পরিকল্পনা আন্দোলন এখনও রহিয়াছে শৈশবাবস্থায় এবং স্বল্পপরিসর ক্ষেত্রে সীমাবদ্ধ। গ্রামীণ এবং নাগরিক উভয় সমাজেই সামাজিক অর্থনীতি এবং মনস্তাত্ত্বিক এই দ্বিবিধ বহু সমস্যার উদ্ভব হইতে পারে যদি না জনসংখ্যার অবাধ বৃদ্ধি প্রতিরোধ কল্পে যথোচিত ব্যবস্থা অবলম্বিত হয়। এই বিষয় বিবেচনা করিয়া ভারত সরকার প্রথম পঞ্চবার্ষিকী পরিকল্পনায় জন-সংখ্যা নিয়ন্ত্রণ-নীতি প্রবর্তিত করিয়াছেন এবং দ্বিতীয় পরি-কল্পনা কালে, জনসংখ্যার দ্রুত বৃদ্ধি প্রতিরোধকল্পে তিন কোটি টাকা ব্যয় করিবারও প্রস্তাব করা হইয়াছে।

বৃহৎ পরিবার এবং অল্পবয়স্কদের অপরাধপ্রবণতার মধ্যে যে সুস্পষ্ট পারস্পরিক বনিষ্ঠ সম্পর্ক বিদ্যমান, বর্তমান প্রবন্ধে একদিকে যেমন তাহা দেখানোর চেষ্টা করা যাইবে অল্প দিকে তেমনই অল্পবয়স্ক শিশুদের অপরাধমূলক আচরণ মিরোধে পরিবার পরিকল্পনার নির্দিষ্ট স্থান সম্বন্ধেও আলোচনা করা হইবে। এই দুইয়ের মধ্যকার সম্পর্কের মূল্য নির্ধারণ করিবার পূর্বে সর্বপ্রথমে ইহা পরিষ্কার ভাবে বুঝানো প্রয়োজন যে, অপরাধপ্রবণ বলিতে কাহাকে বুঝায়। অপরাধপ্রবণ সেই ব্যক্তিকেই বলা যায়, যে সামাজিক নীতিসমূহের সঙ্গে মিলেছে খাপ খাওয়াইয়া লইতে পারে না, অর্থাৎ—সে একগুঁয়ে ; অসংশোধনীয় এবং অবাধ্যতা যার

স্বভাবসিদ্ধ ; চোর, অপরাধী এবং পাপাসক্ত লোকেদের সঙ্গে যার মেলামেশা এবং যে দুর্নীতিপরায়ণ, অশিষ্ট আর স্বভাবতঃ বধাটে।

ই. গ্লুয়েক ইহারও প্রমাণ পাইয়াছেন যে, অপরাধপ্রবণ বালকেরা আসিয়া থাকে কতকটা বৃহৎ পরিবারসমূহ হইতে, এই শিশুদের গড়পড়তা সংখ্যা হইতেছে ৬.৮। ভারতীয়দের পরিবার সাধারণতঃ বৃহৎ বলিয়া অপেক্ষাকৃত ক্ষুদ্র আয়তনের পরিবারবিশিষ্ট ইউরোপীয় দেশসমূহের তুলনায় এদেশে পরি-বারস্থ লোকেদের সামাজিক অপরাধপ্রবণ হইবার সম্ভাবনা রহিয়াছে অধিকতর।

দরিদ্র পরিবারগুলিতে অধিকসংখ্যক লোকের অবস্থানের জন্ত অত্যন্ত গুরুতর পরিস্থিতির সৃষ্টি হয়। যখন স্ত্রীপুরুষ-নির্কিশেষে সকল বয়সের লোকেরা একই ঘরে ঠাসাঠাসি গাদাগাদি করিয়া বাস করে তখন শালীনতা বজায় রাখা কঠিন হইয়া দাঁড়ায়। এইরূপে দারিদ্র্য, ধরে অতিরিক্ত লোকের সমাবেশ এই সমস্তের দরুন শিশুর গার্হস্থ্য পরিবেশ অপরাধের সৃতিকাগার হইয়া দাঁড়ায়।

প্রায়ই একথা বলা হয় যে, শারীরিক কষ্ট এবং ক্ষুধার তাড়নায় বাধ্য হইয়া শিশু অনেক সময় ঘর ছাড়িয়া চলিয়া যায় এবং ভিক্ষাবৃত্তি অথবা চৌর্য্যবৃত্তি অবলম্বন করে। অপরাধমূলক আচরণের আর একটি দৃষ্টান্ত দেখা যায় অবাঞ্ছিত শিশুদের মধ্যে। দম্পতি যখন চাওয়ার অতিরিক্ত সন্তান লাভ করেন, তখন অবাঞ্ছিত সন্তানেরা বঞ্চিত হয় ভালবাসা হইতে, তাহাদের ঠিকমত দেখাশুনা করা হয় না। তাহাদের পিতামাতারাও তাহাদের প্রতি ব্যক্তিগত ভাবে তেমন মনোযোগ দিতে পারেন না। এই ধরনের শিশুরা প্রায়ই পিতামাতার বিরুদ্ধে বিদ্বেহী হইয়া উঠে এবং সমাজ-বিরোধী কর্ণে লিপ্ত হয়।

এই সকল অল্পবয়স্কদের অপরাধপ্রবণতার প্রতিকার

করিতে হইলে পরিবার পরিকল্পনার দিকে বিশেষভাবে মনোযোগী হইতে হইবে। একথা মনে রাখিতে হইবে যে, ক্ষুদ্র পরিবার সকলের জন্মই যথেষ্ট অন্ন, বস্ত্র, আশ্রয় এবং শিক্ষার ব্যবস্থা করিতে পারে। সুপরিকল্পিত এবং সীমাবদ্ধ পরিবার উপভোগ করে বিধাতার আশীর্বাদস্বরূপ শান্তি, সুখ ও সমৃদ্ধি।

এই সমস্যার গুরুত্বের কথা বিবেচনা করিলে এ পর্য্যন্ত

হিমাচল প্রদেশে পুলিশ-বিভাগ কর্তৃক শিশুদের শিক্ষাদান

শ্রীআনন্দস্বরূপ গুপ্ত

অনেক সরকারী ও বেসরকারী প্রতিষ্ঠান উন্নয়ন-কার্য এবং সমাজ-কল্যাণ কর্মে ব্যাপৃত আছে। কিন্তু হিমাচল প্রদেশের পুলিশ কর্মচারীরাই প্রথম ইহা উপলব্ধি করেন যে, পুলিশের লোকেরাও এই ধরনের কর্মপ্রচেষ্টায় প্রয়োজনীয় অংশ গ্রহণ করিতে পারেন। এই লক্ষ্যে পৌঁছবার উপায়-স্বরূপ যতগুলি সম্ভব রিজার্ভ লাইন, পুলিশ স্টেশন এবং পুলিশ ফাঁড়িতে পুলিশ কর্মচারীদের পরিচালনাধীনে শিশুদের ক্লাব সংগঠিত করা স্থিরীকৃত হয়। পুলিশ কর্মচারীদের স্বেচ্ছামূলক আত্মকূল্যে সাত হইতে সতের বৎসর-বয়স্ক শিশু এবং কিশোরদের জন্ম আমোদ-প্রমোদ, শারীর শিক্ষা, সামাজিক শিক্ষা অক্ষরজ্ঞান এবং নেতৃত্বের শিক্ষাদানের মধ্যে বর্তমানে এই সকল ক্লাবের উদ্দেশ্য সীমাবদ্ধ। সকল জাতি এবং যাবতীয় বৃত্তি-অবলম্বনকারী পিতামাতাকেই তাহাদের শিশুদিগকে ঐ সকল ক্লাবে পাঠাইবার জন্ম উৎসাহিত করা হয়। বাসস্থান, সাজসজ্জাম এবং আর্থিক সংস্থানের কথা বিবেচনা করিয়া ক্লাবের সভ্যসংখ্যা সীমাবদ্ধ রাখা হইয়াছে।

এই রাজ্যে এ পর্য্যন্ত এই ধরনের শিশুদের ক্লাব প্রতিষ্ঠিত হইয়াছে উনত্রিশটি। ক্লাবগুলির সভ্যসংখ্যা ত্রিশ হইতে ষাটের মধ্যে। পুলিশ লাইন, পুলিশ স্টেশন এবং পুলিশ ফাঁড়ির গৃহে সুবিধাজনক কক্ষসমূহে ক্লাবগুলি স্থাপিত হইয়াছে। এ সকলের সন্নিহিত খোলা জায়গা খেলাধুলা এবং বাহিরের অগ্নাশু কর্মপ্রচেষ্টার জন্ম ব্যবহৃত হইতে পারে। এই সমস্ত ক্লাবের প্রত্যেকটিতে প্রতি সপ্তাহের নিকট হইতে মাসে নামমাত্র দুই আনা করিয়া টাঁদা আদায় করা হয়। এই টাঁদার উদ্দেশ্য—শিশুদের মনে এই বোধ জন্মাইয়া দেওয়া যে, তাহারা ক্লাবে যে সকল সুযোগ-সুবিধা ভোগ করিতেছে তাহার ব্যয় নির্বাহিত হইয়া থাকে তাহাদের নিজেদেরই অর্থে। বাকি খরচের জন্ম ক্লাবগুলিকে নির্ভর করিতে হয়, সাধারণের স্বেচ্ছামূলক দান, বেসরকারী পুলিশ ফণ্ড হইতে প্রাপ্ত অর্থসাহায্য ও ঋণ এবং ক্লাবের সভ্যদের উদ্যোগে সংগঠিত প্রমোদাকর্ষণ দ্বারা লব্ধ অর্থের উপর। ইহা উল্লেখ-

যে সমস্ত চেষ্টা করা হইয়াছে সেগুলিকে সমুদ্রে গোপ্পদ বলিতে হয় এবং যে পর্য্যন্ত না ব্যক্তিগতভাবে প্রত্যেক অপরাধপ্রবণ শিশুকে সংশোধনের ব্যবস্থা করা হইবে এবং অধিকাংশ পরিবারকে “ফ্যামিলি প্ল্যানিং প্রোগ্রামে”র অন্তর্ভুক্ত করা হইবে সে পর্য্যন্ত আমাদের প্রচেষ্টাসমূহ বাস্তব ভাবে ফলপ্রদ হইবে না।

যোগ্য যে, এই রাজ্যে, পুলিশ কর্মচারীদের তরফ হইতে কোন প্রকার চাপ বা তাহাদের প্রভাব ব্যতিরেকে নিছক স্বেচ্ছামূলক ভিত্তিতে প্রতিষ্ঠিত কতিপয় ক্লাব সাধারণের নিকট হইতে মোটা রকমের অর্থসাহায্য পাইয়াছে। আশা করা যায়, যথাসময়ে সমাজ-কল্যাণ পর্ষদ হইতেও এই সকল ক্লাবের জন্ম আর্থিক সাহায্যের ব্যবস্থা হইবে। এই সমস্ত ক্লাবের প্রত্যেকটির জন্ম গৃহাভ্যন্তরের (indoor) এবং ঘরের বাহিরের (outdoor) শিক্ষা এবং অবসরবিনোদনের সহায়ক কতকগুলি সাঙ্গসরঞ্জামের ব্যবস্থা করা হইয়াছে—“কম্যুনিটি লিসেনিং স্কিম” অনুযায়ী বেতার-যন্ত্র পাঠাইবার জন্মও চেষ্টা চলিতেছে। সভ্যদের সাধারণ শিক্ষার নিমিত্ত প্রত্যেক ক্লাবে কতকগুলি প্রয়োজনীয় বই, পুস্তিকা, মানচিত্র এবং চার্ট রাখিবারও প্রস্তাব করা হইয়াছে।

খেলাধুলা, শারীর শিক্ষা, সাধারণ বক্তৃতামালা, আবৃত্তি এবং নাট্যাভিনয় ছাড়া, সভ্যদের শক্তি ও রুচি এবং পরিচালন-ব্যবস্থার সহিত সংশ্লিষ্ট পুলিশ কর্মচারীদের বিশেষ গুণ অনুযায়ী প্রত্যেক ক্লাবে একটি খেলাধুলা-খুশীর (hobby) কেন্দ্র খুলিবারও উদ্যোগ আয়োজন চলিতেছে।

পুলিস লাইন, পুলিশ স্টেশন এবং পুলিশ ফাঁড়ির ভার-প্রাপ্ত কর্মচারীরা পদাধিকার বলে ক্লাবসমূহের ‘এক্স-অফিসিও প্রেসিডেন্ট’ পদবী লাভ করিয়াছেন। হিসাবরক্ষকের কাজ করিবার জন্ম প্রয়োজন একজন সাক্ষর (literate) কনেটবলের। একজন সেক্রেটারী এবং কার্যানির্বাহক সমিতির কতিপয় সভ্য নির্বাচিত হয় ক্লাবগুলির সভ্যদের ভিতর হইতে। এমনই ভাবে শিশুদের সংগঠন এবং দায়িত্ব-পালন সম্পর্কেও শিক্ষা দেওয়া হইতেছে। প্রত্যেক ক্লাবকে উপস্থিতি, আয়-ব্যয়, সভ্যদের ব্যক্তিগত উন্নতি ইত্যাদির বিশদ বিবরণী, ক্লাবের সম্পত্তির ষ্টক বহি এবং সভ্যের কার্য-বিবরণীর জন্ম একটি ‘মিনিট’ বহি রাখিতে হয়।

জনসাধারণ এই পরিকল্পনাকে সমাদরে গ্রহণ করিয়াছে এবং এ পর্য্যন্ত যে সকল ক্লাব সংগঠিত হইয়াছে সেগুলির সভ্যদের মধ্যে ঐকান্তিক উৎসাহ পরিলক্ষিত হইতেছে।



আলোচনা



“ম্যাডাম কামা”

ডক্টর শ্রীঅবিনাশচন্দ্র ভট্টাচার্য

বিগত শ্রাবণ সংখ্যা প্রবাসীতে শ্রীআরতি সেন লিখিত “ম্যাডাম কামা” শীর্ষক প্রবন্ধে কয়েকটি ভ্রম-ত্রুটি নজরে পড়িল। সেগুলি এখানে উল্লেখ করা যাইতেছে।

৪৮২ পৃঃ, ২য় স্তবকে ইণ্ডিয়ান হোমরুল লীগ প্রসঙ্গে লেখিকা বলিতেছেন :

“১৯০৬ সনে বীর সাতারকর ও কৃষ্ণ বর্ষার সঙ্গে ম্যাডাম কামার পরিচয় হয়। এই দু'জনের অমুপ্রেরণাতেই ম্যাডাম কামা রাজনৈতিক আন্দোলনে যোগ দেবার সুযোগ পান..... ম্যাডাম কামা যখন প্যারিসে ইনিও তখন প্যারিসে। এই সময়ে এরা ও আরও কয়েকজন মিলে চুপে চুপে “ইণ্ডিয়ান হোমরুল লীগ” প্রতিষ্ঠান সৃষ্টি করেন, যার উদ্দেশ্য ছিল কি করে ইংরেজকে তাড়িয়ে ভারতবর্ষকে স্বাধীন করা যায়? ম্যাডাম কামা ছিলেন এই গুপ্তদলের একজন বিশেষ উৎসাহী কর্মী।”

উক্ত অংশের তথ্যগুলি ভ্রান্ত। বীর সাতারকরের লগনে পৌঁছার দুই বৎসর পূর্বেই ম্যাডাম কামা শ্রামাজী কৃষ্ণ বর্ষা ও শ্রীসর্দার সিং বাওয়ালী বাণা বি-এ, ব্যার-এট-ল, এই দুই উৎসাহী নেতার সঙ্গে গুপ্তপ্রোত ভাবে জড়িত ছিলেন। “ইণ্ডিয়ান হোমরুল লীগ” নামে কখনও কোন প্রতিষ্ঠানের সৃষ্টি হয় নাই। ১৯০৫ সনের ১৮ই ফেব্রুয়ারী, ৬৫ ক্রমওয়েল এভিনিউ, হাইপেইট, লগনে শ্রামাজীর খবির করা বাটীতে (ইহাই পরে “ইণ্ডিয়া হাউস” নামে বিখ্যাত হইয়াছিল)। “ইণ্ডিয়ান হোমরুল সোসাইটি” প্রতিষ্ঠিত হয়। ইহা গুপ্ত সমিতি ছিল না, প্রকাশ্যে গঠিত হইয়াছিল। ইহার উদ্দেশ্য ছিল (১) ভারতের জন্ত হোমরুল আদায় করা (to secure); (২) তাহা লাভ করার জন্ত সর্বপ্রকারে গ্রেট ব্রিটনে প্রচারকার্য চালানো; (৩) স্বাধীনতা এবং জাতীয় ঐক্যের সুবিধা (advantage) সম্পর্কে ভারতবাসীর মধ্যে জ্ঞান বিস্তার করা।

শ্রামাজী কৃষ্ণবর্ষা সভাপতি, শ্রীসর্দার সিং বাওয়ালী বাণা, ডক্টর আবহুজা সরওয়ার্দি, মিঃ কে. এম. পারিধি, মিঃ গডবোল্ড এবং অল্প কয়েকজন সহ-সভাপতি নির্বাচিত হন। ম্যাডাম কামা একজন উৎসাহী সদস্য ছিলেন।

মিঃ কে. সি. মুখার্জী অনারারী সেক্রেটারী নিযুক্ত হন।

১৯০৫ সনের ১০ই মে শ্রামাজীর উত্তোগে ভারতের প্রথম স্বাধীনতা-সংগ্রামের প্রথম স্মৃতিবার্ষিকী লগনে অনুষ্ঠিত হয়। ম্যাডাম কামাই এই অনুষ্ঠানে সভানেত্রীর আসনে বৃত্ত হন

অপর স্থলে (৪৮২ পৃঃ ২য় স্তব ৪র্থ স্তবকে) আছে “..... ১৯০৫ সনে প্যারিসে তিনি “বন্দেমাতরম” নামে একটি ইংরেজী সাপ্তাহিক প্রকাশ করেন। কাগজখানি প্রায় আট-নয় বৎসর চলেছিল।”

এই তথ্য ভুল আছে। ১৯০৫ নহে, ১৯০৯ সনের ১০ই সেপ্টেম্বর “বন্দেমাতরম”-এর প্রথম সংখ্যা প্রকাশিত হয়। ইহা সাপ্তাহিক ছিল না, মাসিক ছিল। ইহার উপরে লিখিত থাকিত।

“A monthly organ of Indian Independence।” ইউরোপে ভারতীয়গণের দ্বারা কখনও সাপ্তাহিক পত্রিকা প্রকাশের ব্যবস্থা হয় নাই।

“বন্দেমাতরম”, কলিকাতার ইংরেজী দৈনিক “বন্দেমাতরম” বন্ধ হইয়া যাওয়ার পরে জেনেভা হইতে প্রকাশিত হয়। কিন্তু প্রচারিত হইত প্যারিস হইতে।

প্রথম সংখ্যায় ছিল “We issue this Journal with the object of carrying the high mission and proud tradition of “the Bandemataram” that has been suppressed in Bengal.”

পূর্বোক্ত ৪৮২ পৃঃ ২য় স্তবকের ‘ষষ্ঠ স্তবকে’ দেখিতেছি— “১৯০৭ সনে স্তর উইলিয়াম কার্জন ওয়াইলির হত্যা বাপারে ম্যাডাম কামা, বর্ষা, বাণাজী এবং সাতারকরকে বন্দী করবার কথা হয়। কিন্তু একমাত্র সাতারকর ছাড়া আর সকলেই সেই সময়ে ফ্রান্সে অবস্থান করিতে ইংরেজ তাঁদের কিছুই করতে পারে নি। সাতারকর সে সময়ে ইংলণ্ডে থাকিতে একমাত্র তাঁকেই তারা আইনতঃ বন্দী করতে সক্ষম হয়। কিন্তু তাঁকে বিচারের জন্ত জাহাজে করে ভারতবর্ষে আনবার সময় তিনি জাহাজ থেকে সমুদ্রে ঝাঁপ দেন.....”

— সত্যই বাংলার গৌরব —

আগড়পাড়া কুটীর শিল্প প্রতিষ্ঠানের
গণ্ডার মার্ক

গেজী ও ইজের সুলত অখচ সৌখীন ও টেকসই।

তাই বাংলা ও বাংলার বাহিরে যেখানেই বাঙালী

সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

শ্রীক—১০, আপার সাদুল্লায় রোড, বিতলে, কুম নং ৩২,


কলিকাতা-৯ এবং চাঁদমারী বাট, হাওড়া টেননের সম্মুখে।

লেখিকা ইতিহাস-খ্যাত ঘটনাগুলি সম্পর্কে ভুল তথ্য পরিবেশন
করিয়াছেন। শ্রী উইলিয়াম কার্জন ওয়াইলির হত্যাকাণ্ড ১৯০৭

আপনার থাকতলৌকে
এতথক
কষ্টাদন কেন?

ডায়াপেপসিন

খাদ্য
পরিপাকের
জন্যই
আছে



ইউনিয়ন ড্রাগ
কলিকাতা

ছোট ক্রিমিটরাগের অব্যর্থ ঔষধ

“ভেরোনা হেলমিনথিয়া”

শৈশবে আমাদের দেশে শতকরা ৬০ জন শিশু নানা জাতীয়
ক্রিমিরোগে, বিশেষতঃ ক্ষুদ্র ক্রিমিতে আক্রান্ত হয়ে ভগ্ন-
স্বাস্থ্য প্রাপ্ত হয়, “ভেরোনা” জনসাধারণের এই বহুদিনের
অসুবিধা দূর করিয়াছে।

মূল্য—৪ আ: শিশি ডা: মা: সহ—২।০ আনা।

ওরিয়েন্টাল কেমিক্যাল ওয়ার্কস প্রাইভেট লি:

১১ বি, গোবিন্দ আড্ডী রোড, কলিকাতা—২৭

ফোন: ৪৫—৪৪২৮

সনে নহে, ১৯০৯ সনের ১লা জুলাই সজ্বাটিত হইয়াছিল। সাতারক
তৎপর লগুনে থাকিয়া আসামী মদনলাল খিঙ্ডার মামলার যথা-
যথ তদ্বির করেন। পরবর্তী জাহ্নুয়ারী মাসের প্রথম দিকে তিনি
বন্ধু ও সহকর্মীগণ কর্তৃক স্বাস্থ্যোন্নয়নের জগু প্যারিসে নীত হন, কিন্তু
সহসা বন্ধুগণের বাধানিষেধ অগ্রাহ করিয়া তিনি লগুন যাত্রা
করেন। ১৩ই মার্চ, রবিবার, ভিক্টোরিয়া ষ্টেশনে ট্রেন হইতে
অবতরণ করামাত্রই তিনি বন্দী হইলেন। পরে জানা যায় বোম্বাই
গবর্ণমেণ্টের এক কল মাসিক ওয়ারেণ্টের (ফেব্রুয়ারী ২২, ১৯১০)
বলে তাঁহাকে বন্দী করা হয়। সমবায়োজন, যুদ্ধোত্তমে সাহায্য,
সম্রাটকে ভারতবর্ষের অধিকার-বিচারা করা, অস্ত্র সংগ্রহ করা, ভারত
সম্রাটকে রাজ্যচ্যুত করার জগু ষড়যন্ত্র ইত্যাদি ভাবী অভিযোগ এবং
তৎসঙ্গে কুড়ি-পঁচিশটি অতিরিক্ত অভিযোগ ছিল তাঁহার বিরুদ্ধে।

লগুনের বোর্ড কোর্টে তাঁহার প্রাথমিক বিচার হয়, তিনি
ইহার বিরুদ্ধে আপীল করেন, হাইকোর্টে হেবিয়াস কর্পাস দরখাস্ত
করেন, কিন্তু কিছুতেই কিছু হইল না। ১লা জুলাই এস. এস.
মোরিয়া জাহাজে তুলিয়া তাঁহাকে ভারত অভিমুখে প্রেরণ করা হয়
এবং পথে “মাসাইয়ে” তিনি সমুদ্রে ঝাঁপ দেন। ওয়াইলী হত্যার
আসামী হইলে তাঁহাকে বোম্বাইয়ে না পাঠাইয়া লগুনেই রাখা
হইত এবং লগুনে তাঁহার বিচার হইত। নাসিকের ম্যাজিষ্ট্রেট মি:
জ্যাকসন হত্যার সাহায্যকারী হিসাবে তাঁহাকে আসামীশ্রেণীভুক্ত
করা হয়।

অপর স্থলে (পৃ: ৪৮৩, ১ম স্তম্ভ, ২য় স্তম্ভক) লেখিকা উল্লেখ
করিয়াছেন যে, অস্তুরণ হইতে “মুক্তি পেয়েই ম্যাডাম কামার প্রধান
কাজ হ'ল রাশিয়ান বিপ্লবী খুঁজে বের করা, বারা ভাবতীয় কয়েক-
জন বিপ্লবীকে বোমা তৈরির পদ্ধতি শিখিয়ে দিতে পারে।” এই
তথ্য সম্পূর্ণ অলীক। ১৯০৭ সনেই ম্যাডাম কামার সহকর্মী
শ্রীরাণা, আলীপুর বোমার মামলার অগ্রতম আসামী হেমচন্দ্র দাসকে
রাশিয়ান বিপ্লবীগণ প্রদত্ত পদ্ধতি অনুসারে বোমা প্রস্তুত ও প্রয়োগ
শিক্ষা দিবেছিলেন। ম্যাডাম কামা ১৯১৯ সনে অস্তুরণ হইতে
মুক্তির পর রাজনৈতিক বা বৈপ্লবিক কোনও প্রচেষ্টায় লিপ্ত হন
নাই, হইবার মত স্বাস্থ্য এবং সুযোগও তাঁহার ছিল না।

ম্যাডাম কামার প্রসঙ্গে এই বিষয়টিও উল্লেখ করা প্রয়োজন যে,
১৯০১ সনে তিনি লগুন গমন করেন এবং প্রথমতঃ দাদাভাই
নোরজীর নেতৃত্বে কংগ্রেসের প্রচারকার্যে মনোযোগী হন। পরে
সত্বেই কাধিওয়াড়ের দুই বিপ্লববাদী শ্যামাজী কৃষ্ণবর্মা ও জীসর্দার
সিংগী বাওজী রাণার কার্যে সহযোগিতা করেন।

শোভা সেন


সর্বদা ব্যবহার করে থাকেন

লাক্স
টয়লেট
সাবান

“একমাত্র বিশুদ্ধ সাবানই
এত শুভ্র হতে পারে”

তিনি বলে থাকেন

লাক্স টয়লেট সাবান বিশুদ্ধ। এই সাবানটির হুধের মত শুভ্রতাই আপাত দৃষ্টিতে এর বিশুদ্ধতার পরিচায়ক। এই শুভ্র বিশুদ্ধ সাবানটি নিজে পরীক্ষা করে দেখুন। অল্প সময়ের মধ্যেই আপনি দেখবেন সরের মত মোলায়েম, সুগন্ধী এই ফেণা কি ভাবে আপনার ত্বকের যত্ন নেয়... কি ভাবে ত্বকে সুন্দর করে তোলে! সর্বাঙ্গীন সৌন্দর্যের জন্তে এবং খরচ সাশ্রয়ের জন্তে বড় সাইজের সাবান ব্যবহার করুন।



চিত্র - তারকা দে র সৌন্দর্য সাবান

পুস্তক পরিচয়

বনমল্লিকা—শ্রীললিনীকুমার ভদ্র। বাসন্তী বুক ষ্টল। ১৫৩
কর্ণওয়ালিস ষ্ট্রিট, কলিকাতা-৬। মূল্য দুই টাকা।

কোন একটা ইংরেজী বইয়ে এক বার আসামের এক কথায় একটা
সুন্দর বর্ণনা পড়েছিলাম—Assam is at the back of Beyond,
অর্থাৎ আসাম পরিচিত বিশ্বের একেবারে বাইরে। বাস্তবিকই, ঐক্ষপুত্র-
উপত্যকা থেকে নিবিড় জঙ্গলাকীর্ণ এই যে পার্বত্যভূমি চীন ও থাইল্যান্ডের
দিকে প্রসারিত হয়ে গেছে, রহস্যের দিক থেকে এ বোধ হয় মূল হিমালয়কেও
অতিক্রম করে যায়। এবং সেই হেতুই কৌতূহলকে করে আরও উদ্ভূত।

কিন্তু এই কৌতূহল নিরোধ করবার উপকরণ আমরা পাই না।
আমাদের দোড় কামরূপ কামাখ্যা পর্য্যন্ত। কামরূপ নিজেই রহস্যভূমি,
আমাদের অনুসন্ধিৎসা ঐখানেই ঘেন একটা বাধা পেয়ে আবর্তিত হতে থাকে,
তার ওদিকে সভ্যতার প্রত্যস্ত দেশে যে গভীরতর রহস্য রয়েছে তা অজানাই
থেকে যায় আমাদের কাছে।

কিছু কারণে দূরাভিযাত্রী মন একটু এগিয়ে গেছে, এই রহস্যলোকে
কিছু আলোকসম্পাত করেছে, যেন স্নগ চকিত আলোকেই আমরা একটা

অপরূপ সুন্দর জগতের সন্ধান পেয়েছি, বিস্মিত হয়েছি, মুগ্ধ হয়েছি। এ
সম্পর্কে সর্ব্বাঙ্গেরই নাম মনে পড়ে শ্রীললিনীকুমার ভদ্রের। এর আগে তিনি
“বিচিত্র মণিপুর” ও “আদিবাসীদের বিচিত্র কথা” প্রভৃতি নানা বই দিয়ে
বাংলা-সাহিত্যের এদিককার অভাব খানিকটা পূরণ করেছেন। অবশ্য
এসবের বেশীর ভাগ তাঁর ব্যক্তিগত অভিযান-লব্ধ নয়, তবে তার জ্ঞান বাংলা
পাঠক যে কম লাভবান একথা বলার উপায় নেই।

এর পরে আমরা পেলাম এই “বনমল্লিকা”

‘বনমল্লিকা’ তথ্যমূলক বই নয়; যদিও তথ্যমূলক বইও যে কত রসঘন
হতে পারে তার পরিচয় পূর্ব্বকর বইগুলিতে দিয়েছেন নলিনীবাবু। ‘বন-
মল্লিকা’ সাতটি গল্পের সমষ্টি। সাতটিই প্রেমের। গল্পগুলি লেখকের
স্বকল্পিত নয়। তিনি ভূমিকাতে বলেছেন, সুন্দর অতীত কাল থেকে
আসামের আদিবাসীদের মধ্যে যে সমস্ত প্রণয়কাহিনী প্রচলিত, মিলস, গার্ডন
প্রভৃতি জাতিতত্ত্ববিদদের পুস্তক থেকে সঞ্চয়ন করে তাদের মধ্যে থেকে
কয়েকটি বেছে নিয়ে তিনি গ্রন্থটি সঙ্কলন করেছেন।

একদিক দিয়ে দেখতে গেলে বইখানির আসল মূল্য এইখানে। কল্পনার
সাহায্যে আদিবাসী চরিত্র নিয়েও উৎকৃষ্ট কাহিনী রচনা করা যেত, কিন্তু
তাতে তাদের সত্য রূপটি পাওয়া যেত না। এ যা হয়েছে তাতে আদিম
আরণ্য জগতের একটি পরম বিশ্বয়কর চিত্র আমাদের চোখের সামনে তুলে
ধরা হয়েছে। যুগযুগান্ত বন্য-প্রথার মধ্যে জীবনের অলিগলি হয়ে প্রেমের
বিজয়-অভিযান সত্যই অপরূপ। আদিম পার্বত্য জীবন সমাজ-বন্ধনে
অনেকখানি শিথিল এবং সেই জন্তু ভালোবাসা যে সভ্য-জগতের চেয়ে
খানিকটা বেশী মুক্তি এবং প্রসার পায় তাতে প্রণয়লীলার অনেকখানি
বৈচিত্র্য এনে দেয় সভ্য-সমাজের তুলনায়। আবার, যত মুক্তই হোক, প্রণয়ে
আছে সংঘাত, প্রণয়কে এখানেও দিতে হয় পরীক্ষা, যেমন দিতে হয় সভ্য-
জগতেও। সেক্ষেত্রেও আদিম মানুষ অগ্নিপরীক্ষায় বিপুল হয়ে উঠে প্রেমের
স্পর্শে কেমন করে পূর্ণবিকশিত হয়ে ওঠে—দেখলে বিস্মিত না হয়ে পারা
যায় না।

এটা গেল কাহিনীগুলির প্রট বা গল্পাংশের কথা। কিন্তু শুধু প্রট নিয়েই
কাহিনী দাঁড়ায় না, এবং এইখানে এসে পড়েছে লেখকের কৃতিত্ব। তিনি
যে অনুপম ভাষা দিয়ে মণ্ডিত করেছেন গল্পগুলি, যে-ভাবে সমাবেশ সৃষ্টি
করেছেন এবং যে সুন্দর শিল্পদৃষ্টি দিয়ে চরিত্রগুলিকে ফুটিয়ে তুলেছেন তাতেই
সমস্ত কাহিনীগুলি স্বমহিমায় দীপ্ত হয়ে উঠেছে। প্রণয়-কাহিনীর অভাব
বাংলায় নেই; বস্তুতঃ বোধ হয় আমাদের কথাসাহিত্যের পনেরো আনাই
প্রণয়-কাহিনী। তার মধ্যে এই কাহিনীগুলি নিজের স্বকীয়তার যে সমৃদ্ধল
হয়ে উঠেছে তা লেখকের হাতের গুণেই। ভাবারই দুইটি নিদর্শন তুলে
দিই—

“ক্ষণকাল পরে তারা দেখলে, একটি অলোকসুন্দরী তরুণী গুহার ভেতর
থেকে বেরিয়ে পাহাড়ের গা বেয়ে ধীরে ধীরে নিচে নামছে; তাদের সঙ্গে
চোখাচোখি হবামাত্রই হকচকিয়ে উর্দ্ধ্বাসে ছুট দিলে। অবলীলাক্রমে
পাহাড়ের গা বেয়ে ওপরে উঠে সে গুহামুখে গিয়ে উপস্থিত হ’ল। তার পর
বিদ্যুজ্জ্বলা যেমন করে চকিতের মত তাঁর রশ্মিচ্ছটার চোখ ঝলসে কালো
মেঘের বৃকে বিলীন হয়ে যায়, তেমনিভাবে এক লহমায় গুহাস্তরস্থ নিবিড়
অন্ধকারের মধ্যে আত্মগোপন করলে।” (পৃ. ২৫)

“বাড়ী থেকে বেরিয়ে উদ্দেশ্যহীনভাবে ধানক্ষেতের স্তম্ভমুখে রওনা হ’ল
শাংকক। ক্ষেত্রভূমিতে গিয়ে যখন পৌঁছল, তখন দুই দিনসকলীন পাতকোই

শ্রীললিনীকুমার ভদ্রের

বনমল্লিকা

(আদিবাসীদের প্রেমকথা)


মূল্য—দুই টাকা

“বাংলা সাহিত্যে আসামের আদিবাসীদের প্রেমকথা
পরিবেশনে নলিনীবাবু পথিকৃত। কাহিনীগুলিতে এক
অপরিচিত আদিম রসলোকের সন্ধান মেলে।”

—ডক্টর শ্রীকালিদাস নাগ এম-এ, ডি-লিট

বাসন্তী বুক ষ্টল—১৫৩ কর্ণওয়ালিস ষ্ট্রিট, কলিকাতা-৬

ঢোল ও কোম্পানীর



দাদ ও কন্ডরের মলম

কিউটা-টোন পোয়ে বেসম্বা ও চর্ম্মাকারের জন্য

বিম মলম খোস পায়ে ও চর্ম্মাকারের জন্য

৩৩ নং র
কলিকাতা ৩৫



ডালডা
আমার
পক্ষে
ভালো

ডালডা মার্ক
বনস্পতি দিয়ে রান্না করুন

শুধু বাঘার জন্যই ভালো নয় — গুটিকরও বটে!



HVM. 283-50 BG

পাহাড়শ্রেণীর ওপর দিয়ে প্রভাতসূর্য আকাশে উঠেছে। বিচিত্রবর্ণাভূরঞ্জিত আকাশের পটভূমিকায় নীল পাহাড়ের চূড়াসমূহ চালচিত্রের মত শোভমান। পাহাড়ের পশ্চিম দিককার গড়ানে অংশ এখনও ছায়ার ঢাকা। নিচেকার উপত্যকাভূমি অজস্র হিমকণায় সমাচ্ছন্ন—কে যেন রহস্যময়ী প্রকৃতির স্পৃহা মুখের 'পরে শুভ্র, সুন্দর কোঁষেয় অবগুণ্ঠন টেনে দিয়েছে। সূর্যের সোনালী রশ্মিপাতে প্রকৃতির সেই মুখাবরণখানি বলমল করছে।”

ভাষার এরকম উদাত্ত স্বর, এরকম ধ্বনি-সম্পদ না থাকলে আদিম মানুষের বিচরণভূমি এই বহু প্রকৃতির পূর্ণ রূপটি ফোটানো যেত না; তার উদ্দাম প্রণয়লীলাকে রূপ দেওয়া যেত না।

আর একটি জিনিস যা লেখকের প্রতি পাঠকের মনকে আকর্ষিত করবে তা তাঁর সংযম। এত বিচিত্র প্রণয়কাহিনী, তার ওপর আদিবাসীদের সমাজ-প্রথায় এত শৈথিল্য কিন্তু একটি পংক্তিতে, এমনকি একটি শব্দেও কোনখানে লেখক তাঁর কাহিনীর সূচিন্দ্র নষ্ট করেন নি। অপ্রয়োজনে, অপ্রাসঙ্গিকভাবে যে যুগের সাহিত্যে কথায়-কথায় গালগার রেদ এনে ফেলা একটা সাধারণ রেওয়াজ হয়ে পড়েছে, যে যুগে সুযোগ পেয়েও তার অপব্যবহার না করার সংযমের জন্ত লেখককে অভিনন্দিত করতে হয়।

আমাদের যতদূর জানা আছে আমাদের এই অঞ্চলের আদিবাসীদের কাহিনী নিয়ে বাংলায় গ্রন্থ এই প্রথম, প্রণয়কাহিনী নিয়ে তো বটেই। সেদিক দিয়েও লেখক বাঙালী পাঠকের ধন্যবাদার্থ।

সাংকনামা একখানি বই। মাত্র সাতটি কাহিনী, কিন্তু তাইতেই বন-মল্লিকার মদির সৌরভে আগাগোড়া পাঠকের মনকে মাতিয়ে রাখে। রসিক-

সমাজে বইখানি উপযুক্ত সমাদর হবে বলেই আমরা আশা করি। এবং তার সঙ্গে এও আশা করি যে, লেখক আমাদের মনে যে রসতৃষ্ণা জাগালেন তাকে পূর্ণতর করে পরিতৃপ্ত করতে প্রয়াসী হবেন।

শ্রীবিভূতিভূষণ মুখোপাধ্যায়

আরাবল্লীর আড়ালে—শ্রীজ্যোতিষ্ময়ী দেবী। জেনারেল প্রিন্টার্স এণ্ড পাবলিশার্স প্রাইভেট লিঃ। ১১৯, ধর্মতলা ষ্ট্রিট, কলিকাতা-১৩। মূল্য দেড় টাকা।

বাংলা-সাহিত্যে রাজায়ারার শর্মা-বীর্ষা, গুণগরিমা, দেশাত্মবোধ ও সতীধর্ম পালনের দৃষ্টান্ত অনেক আছে। সে ছবিগুলি অপেক্ষাকৃত উজ্জ্বল। সেখানে রাজকীয় জাকজমক ও ঐশ্বর্য্য-বিলাসের নেপথ্যে—নিরাবরণ নরনারীকে খুজিয়া বাহির করা কঠিন। লেখিকা আলোচ্য গ্রন্থে এই কঠিন কাজটি সুসম্পন্ন করিয়াছেন, সুদীর্ঘকালের অভিজ্ঞতালব্ধ একটি রাজ-অস্ত্রপুর ও তাহার অভ্যন্তরচারী নরনারীকে গল্পের আসরে হাজির করিয়াছেন। মোগল হারেমের মত সুরক্ষিত এই অস্ত্রপুর—খোজা প্রহরী ও নানা নিয়ম-কান্ডনের গভী দিয়া ঘেরা। বাহিরের সাধারণ নরনারীর চোখে—এই ঐশ্বর্য্য মায়্যা-আলিম্পন আঁকে—মনকে মোহলুক করে। আরাবল্লী-রক্তের সাধারণ ঘরের কস্তারা সুখভোগের আশায় অস্ত্রপুরচারিণী হয়। কেহ আসে রাণীদের সঙ্গে উপঢৌকন স্বরূপ কাহাকেও কিনিয়া বা চাহিয়া আনা হয়, কোন কোন দরিদ্র বাপ-মা স্বেচ্ছায় মেয়েকে রাজ অস্ত্রপুরচারিণী করিয়া দেন। প্রথমে মেয়েরা আসে পাত্রী হইয়া রাজাশুগ্রহলাভের



সকল ষ্টেশনার্স ও
উষধালয়ে পাওয়া যায়

কবিতা রাখ বণেন


নিয়মিত ব্যবহারে মুখ আরো
সুন্দর ও লাবণ্যময় হবে। ব্রণ
ও মলিনতা উঠে গিয়ে ডক
কমণীয় ও উজ্জ্বল করবে।

মন মাতামো গন্ধে ভরপুর !

পরিবেশকঃ-
জি. দত্ত এণ্ড কোং
১৩, বনফিল্ড লেন, কলিকাতা-১

ষারোলীন

উচ্চাঙ্কুর ফেসক্রীম



‘লাইফবয় সাবান
দিয়ে এইবার চান করতে হবে’

- এটি সেই ঝরঝরে
তাজা ডাব এনে দেয়!

আশায়। রাজানুগ্রহ লাভ করিতে ইহারা নৃত্য-গীত, বাণ-যন্ত্র বাদন শিক্ষা করে, অনুগ্রহ লাভ করিয়া 'পর্দায়েৎ' হয়—'পাশোয়ান' হয়। অর্থাৎ, রাণীর মত সম্পদ-সম্মান ও ক্ষমতা লাভ করে। ক্ষমতা ও পদমর্যাদার লোভে পুরুষ আসে অস্তঃপুরে—খুশনজয়জী অর্থাৎ খোজা সর্দার হইয়া। পাশোয়ান-গর্ভজাত লালজী সাহেবদের অস্তঃপুর-বিচরণের অধিকার আছে, কিন্তু রাজপুত্রের মর্যাদা ইহারা পায় না। প্রকৃত ক্ষত্রিয়ের নীচের স্বতন্ত্র একটি শ্রেণীতে ইহাদের স্থান। এ ছাড়া অস্তঃপুরে আছেন মাজী সাহেব (রাজ-মাতা), শ্রেষ্ঠ পত্নী, বড়ারণজী (প্রধানা সখী) ও সাধারণ সখী ও দাসী প্রভৃতি। গল্প ইহাদেরই লইয়া। প্রাসাদ-সীমানায় খণ্ডিত হইলেও—এই সব জীবনের জাকজমক আছে, চমক আছে, মেহ, প্রেম, ঈর্ষা, ঘৃণা সঙ্কুচিত হইয়া উঠে। অস্তঃপুরের নাটমঞ্চের একমাত্র নায়ক রাজাকে ঘিরিয়া ইহাদের উৎসব-নাট্য-লীলা অবিরাম বহিয়া চলে। এ নাটক বাহ্যতঃ মিলনাস্তক—যদিও যবনিকার অন্তরালে একটি সক্রমণ সূত্রের মূর্ছনা ও শূন্যতার বেদনা ফল্গুশ্রাতের মত বহিয়া চলিয়াছে। প্রাসাদ-বৃত্তলীন জীবন বন্দী-জীবনের দুঃসহ জ্বালায় কোন কোন সময়ে জর্জরিত হইয়া উঠে। প্রতিটি কাহিনী শেষ হইলে বেদনার রেশট মনের মাঝেই রহিয়া যায়।

শুধু বাস্তবনিষ্ঠা দ্বারা নহে—লিপিকুশলতার গুণেও গল্পগুলি অনবদ্য হইয়াছে। বাংলা কথা-সাহিত্যে এটি একটি মূল্যবান সংযোজন।

মন্ত্রী থেকে মিনিয়েল—শ্রীরমেন্দ্রনাথ চট্টোপাধ্যায়। নব চেতনা, ৩৯, ফ্রেড বানার্জী লেন, শিবপুর, হাওড়া। মূল্য ২।০ টাকা।

নিয়মদের পিওন হইতে পদমর্যাদা-ভারাক্রান্ত ময়ী প্রভৃতির লইয়া গল্প। গল্পের ক্ষেত্র অবশ্য সরকারী দপ্তরে সীমাবদ্ধ। সেখানকার আদব-কায়দা, অফিসনীতি বা রাজনীতির খেলা, পদমর্যাদা, প্রমোশন, বৃত্তলয় জীবনের সুখ-দুঃখ-ঈর্ষা-সংঘাত, স্নেহ-ভালবাসার স্পর্শ, একটু বা চটুল প্রেম-বিলাসের অভিনয়—সব জড়াইয়া নানা স্তরের পরিচয়। 'দশটি' স্তবকে একটি বৃত্তের ক্রম-উচ্ছ্বাসিত কর্তৃক জীবনের ছবি। ছবিগুলি বাস্তব অভিজ্ঞতা-বর্জিত নহে। কোন কোন স্তবকে গল্প জমিয়াছে, কোন কোনটিতে উপস্থাসের ছায়াপাত হইয়াছে। যুগধর্ম-প্রভাবিত সমাজ, পরিবেশ ও জীবন মন্থকে লেখক সচেতন, প্রকাশভঙ্গী প্রশংসাই।

বাস্তব পেল বাস্তবহারা—পেই ওয়েই। অনুবাদক—শ্রীঅমল সরকার। ফার্মা কে, এন, মুখোপাধ্যায়, ৬।এ, বাহ্যারাম অজুর লেন, কলিকাতা-১২। মূল্য ২.০ টাকা।

উপস্থাসখানি চীনা লেখক পেই ওয়েই কৃত গ্রন্থের অনুবাদ। দেশ-গঠনমূলক কাজে আত্মনিয়োগ করিয়া একটি বাস্তবহারা কৃষক-পরিবার কেমন করিয়া হুহু ও হুখী নাগরিকে পরিণত হইল—তাহারই চিত্র আছে গল্পটিতে। গল্পটি বাস্তব অভিজ্ঞতাপুষ্ট। একই সমস্তাপীড়িত দেশে—অনুবাদটি সময়োচিত হইয়াছে; অনুবাদকের ভাষাও সাবলীল।

শ্রীরামপদ মুখোপাধ্যায়



উৎসবের দিনে

কে. হোডের

ধুবাসিত

প্রসাধন সামগ্রী

কে. হোড এণ্ড কোং

কলিকাতা-১৪

দেখুন!

অর্ধেকটি
সান্লাইট
সাবানেই এ সব
কাচ হয়েছে!

সান্লাইটের ফেনার অধিক্যই এর কারণ!

সান্লাইট
সাবান

দিয়ে কাচলে কাপড়ওয়াশা সাদা ও উজ্জ্বল হয়।

S. 243-X18 BQ

ভারতে প্রস্তুত

শ্লোকসংগ্রহ—নববিধান গ্রন্থপ্রকাশক সমিতি। ১৫, কেশব-
চন্দ্র সেন স্ট্রীট, কলিকাতা-২। পৃ. ৪৬৮।

ব্রহ্মানন্দ কেশবচন্দ্র সেন নব্বই বৎসর পূর্বে ব্রাহ্মধর্ম-প্রতিপাদক যে ক্ষুদ্র
শ্লোকসংগ্রহ প্রকাশ করিয়াছিলেন তাহা পরিবর্দ্ধিত হইয়া এখন মনোজ্ঞ
রুদ্রদাকার ধারণ করিয়াছে। ইহা হিন্দু, বৌদ্ধ, জৈন, শিখ, ইহুদী, খ্রীষ্টীয়,
মুসলমান, পারসিক ও চৈনিক ধর্মগ্রন্থ হইতে সঙ্কলিত এবং হিন্দী, বাংলা ও
ইংরেজী অনুবাদ-সম্বলিত। ইহা ব্রাহ্মধর্ম-প্রতিপাদক হইলেও অনেক সাধারণ
পাঠকের এবং ধর্মপিপাসু ব্যক্তির কোতুল নিবৃত্ত করিবে। এ-জাতীয় বহু-
ভাষানিবন্ধ নানা ধর্মীয় বাণীসংগ্রহ অত্যন্ত বিরল।

এই গ্রন্থের অধিকাংশ হিন্দু ধর্মশাস্ত্র হইতে সংগৃহীত। দুঃখের বিষয়,
এই প্রধান অংশের মুদ্রণে কতিপয় ত্রুটি লক্ষিত হইল, যাহা অনায়াসে
সংশোধিত হইতে পারিত। মহাত্মা কেশবচন্দ্রের স্মৃতিপুত্র গ্রন্থ বিশুদ্ধাকারে
প্রকাশিত হওয়া বাঞ্ছনীয়। আমরা দুই-একটি ত্রুটি দেখাইয়া দিতেছি।
পৃ. ৩ হইতে সংযুক্ত শিরোনামায় “বেদ-উপনিষদ” না হইয়া শুধু “বেদ”
(১৫ পৃ. পর্যন্ত) এবং শুধু “উপনিষদ” (পৃ. ১৭-৫৭) হওয়া উচিত।
পরেও অনুরূপ সংশোধন আবশ্যিক—ভাগবতের শ্লোকসমূহ (পৃ. ২৩৩-৬৩)
“বিষ্ণুপুরাণ” শিরোনামে মুদ্রিত হইয়াছে। এতদ্বির অনেক অন্তর্ভুক্ত পাঠ
লক্ষিত হয়—২২ শ্লোকে কল্পখিন্দনম, ৩০৫ শ্লোকে তথা, হিংসা পরমো
(পরে হইবে) দমঃ ইত্যাদি। মুদ্রাকরপ্রমাদের সংখ্যাও কম নহে—
৭৫ শ্লোকে ভূম্ব হলে ভয়, ২৪৯ শ্লোকে গীতার স্তিতধীমূ নিরুচ্যতে স্থলে
—মূনি—ইত্যাদি।

স্তোত্রমালা—উত্তমাশ্রম। পোঃ ডুমুরদহ, হুগলী। পৃ. ৩২।
মূল্য সোয়া দুই টাকা।

অতি প্রাচীনকাল হইতে ভারতবর্ষে চিত্তশুদ্ধির সর্বজনমূলক উপায়স্বরূপ
স্তোত্রাদি পাঠের প্রথা প্রচলিত আছে। এইরূপ স্তোত্রের সংখ্যা অগণিত
এবং তন্মধ্যে হইতে নিত্যপাঠ্য উৎকৃষ্ট কতিপয় নির্বাচন করিয়া লওয়া কঠিন
কার্য। উত্তমাশ্রমের প্রতিষ্ঠাতা প্রাতঃস্মরণীয় শ্রীমৎ উত্তমানন্দ স্বামী ত্রিশ
বৎসর পূর্বে সর্বসাধারণের উপযোগী একটি সংগ্রহ অময় ও বঙ্গানুবাদসহ
প্রকাশ করাইয়াছিলেন—তন্মধ্যে তাঁহার স্বরচিত গান সন্নিবিষ্ট ছিল। পরে
তাহা শ্রীমৎ ধ্রুবানন্দ স্বামী দ্বারা পরিবর্দ্ধিত হয়। বর্তমান সংস্করণটি অধুনা-
বিখ্যাত উত্তমাশ্রমের পর পর তিন জন মহাপুরুষের পবিত্র সংস্পর্শে
গৌরবান্বিত এবং তাঁহাদের চিত্র দ্বারা পরিশোভিত হইয়া মনোজ্ঞ আকারে
প্রকাশিত হইয়াছে। আশ্রমের বৈশিষ্ট্যমণ্ডিত হইলেও ইহা সর্বসাধারণের

দি ব্যাঙ্ক অব বাঁকুড়া লিমিটেড

কোন : ২২—৩২৭২

গ্রাম : কৃষিসখা

সেন্ট্রাল অফিস : ৩৬নং ট্যাণ্ড রোড, কলিকাতা

সকল প্রকার ব্যাঙ্কিং কার্য করা হয়
কিঃ ডিপজিটে শতকরা ৪, ও সেভিংসে ২, সুদ দেওয়া হয়

আদায়ীকৃত মূলধন ও মজুত তহবিল ছয় লক্ষ টাকার উপর
চেন্নারমান : জে: ম্যানেজার :

শ্রীজগন্নাথ কোলে এম,পি, শ্রীরবীন্দ্রনাথ কোলে
অস্তায় অফিস : (১) কলেজ কোয়ার্টার কালঃ (২) বাঁকুড়া

নিকট আদরণীয় হইবে—কারণ, এ-জাতীয় গ্রন্থ বাজারে বহু পাওয়া গেলেও
এইরূপ পবিত্র সমাবেশ অল্প কোন স্তোত্রসংগ্রহে পাওয়া কঠিন।

শাস্ত্র-সংশয়-নিরসন—শ্রীভবেন্দ্রনাথ মজুমদার। ১০২।১১-এ,
হাজরা রোড, কলিকাতা-২৩। পৃ. ৪৮+৪২৫। মূল্য পাঁচ টাকা।

উপনিষদের একটি বচন আছে—পৌরুষ ত্রিবিধ, ‘উচ্ছাস্ত্র’ (যাহা অনর্থ
ঘটায়) এবং ‘শাস্ত্রিত’ (যাহা পরমার্থজনক)। বর্তমানে পৃথিবীর সর্বত্র
উচ্ছাস্ত্র পৌরুষ প্রসারলাভ করিয়া মানবজাতির অনর্থ ঘটাইতেছে। গ্রন্থকার
ইঞ্জিনীয়ার অর্থাৎ জড়বিজ্ঞানের ব্যবসায়ী ছিলেন, কিন্তু গুরুকুপায় তাঁহার
শাস্ত্রে বিশ্বাস বিন্দুমাত্র খলিত হয় নাই। হিন্দুশাস্ত্রের যে সকল বিষয়ে
অশ্রদ্ধার বীজ নিহিত আছে বলিয়া আপাতদৃষ্টিতে মনে হয় এইরূপ ২৯টি
প্রশ্নের উত্তর এই বিরাট গ্রন্থে লিপিবদ্ধ হইয়াছে। পরলোক, জাতিভেদ,
বিধবাবিবাহ প্রভৃতি সমাজঘটিক এবং রাসলীলা, গুরুত্ব প্রভৃতি ধর্মঘটিক
বিষয়ের আলোচনায় ও বিশ্লেষণে গ্রন্থকার গভীর পাণ্ডিত্য ও মননশীলতার
পরিচয় দিয়াছেন। তাঁহার যুক্তি স্বভাবতঃই শাস্ত্রব্যবসায়ী পণ্ডিতসম্প্রদায়ের
অনুসন্ধানমাত্র নহে—পাশ্চাত্য শিক্ষার প্রভাব ও সঙ্গুরুর বাণী এমন এক
অপূর্ব মাধুর্যে তাঁহার বিচারবুদ্ধিকে অভিষিক্ত করিয়াছে যে, যোর অবিধাসীও
মুগ্ধ না হইয়া পারে না। গ্রন্থকারের পরম গুরু শ্রীশ্রীবিজয়কৃষ্ণ গোস্বামী
মহাশয়ের বহু অলৌকিক ঘটনা ও অসংশয়িত উপদেশ এবং নির্দেশ গ্রন্থটিকে
পবিত্র করিয়া দিয়াছে। গ্রন্থকারের ভাবপ্রবণতা ও ভাষার লালিত্য
উপভোগ্য। এই গ্রন্থ পাঠ করিয়া অনেক শিক্ষিত লোকের শাস্ত্রবিশ্বাস
দৃঢ় হইবে এবং দীক্ষাগ্রহণে প্ররতি জন্মিবে বলিয়া আমাদের ধারণা।
নাস্তিকতার প্রবল আকর্ষণের মধ্যে অমৃতের সন্ধান বহন করিয়া আনিয়া
গ্রন্থকার প্রকৃত সেবারত গ্রহণ করিয়াছেন। তাঁহার শেষ নিবেদন এই
সেবারতের পরিণতি এবং একান্ত মর্মস্পর্শী।

শ্রীদীনেশচন্দ্র ভট্টাচার্য্য

গান্ধী ও মার্কস—কিশোরলাল মশরুওয়ালা। অনুবাদক—
শ্রীশৈলেশকুমার বন্দ্যোপাধ্যায়। ওরিয়েন্ট বুক কোম্পানী, ২, শ্রীমাচরণ
দে স্ট্রীট, কলিকাতা-১২। মূল্য ৩। পৃষ্ঠা ১৩৪।

কিশোরলাল ভাই ১৮৯০ সনের ৬ই অক্টোবর এক সম্ভ্রান্ত গুজরাটী
পরিবারে জন্মগ্রহণ করেন। তিনি ছিলেন অজাতশত্রু। চরিত্রমাধুর্যে
তিনি ছিলেন সকলের প্রিয়। ১৯১৭ সনে তিনি প্রথম গান্ধীজীর সংস্পর্শে
আসেন এবং গভীর পাণ্ডিত্য, অপূর্ব কর্মনিষ্ঠা, বিনয় ও নম্র স্বভাবের
জন্ত শীঘ্রই মহাত্মাজীর প্রিয়পাত্র হন। বহুদিন তিনি গান্ধীজী-প্রস্তুত
‘হরিজন’ পত্রিকার সহিত যুক্ত ছিলেন। ১৯৪৭ সনে তিনি সাম্প্রদায়িক
সম্প্রীতি স্থাপনার্থ মহাত্মাজীর নোয়াখালি পরিক্রমার সময় তাঁহার সঙ্গে
ছিলেন। ১৯৫২ সনের ৯ই সেপ্টেম্বর তাঁহার মৃত্যু হয়। তাঁহার মধ্যে
জ্ঞান ও কর্মের সমন্বয় হইয়াছিল।

মার্কসবাদকে কিশোরলালজী সংস্কারমুক্ত হইয়া পাঠকের সম্মুখে,
উপস্থাপিত করিয়াছেন। বর্তমান ভারতে মার্কসবাদ এবং গান্ধীবাদের তুলনা-
মূলক বিচার ও আলোচনা চিন্তাশীল ব্যক্তিগণের নিকট খুবই চিন্তাকর্ষক।

মহাত্মা গান্ধী ও কাল মার্কস উভয়েই ছিলেন শ্রেষ্ঠ মনীষী। অনেকের ধারণা
উভয়ের আদর্শ এক, কেবল আদর্শে উপনীত হইবার পন্থা বিভিন্ন। এক জনের
পথ অহিংস, অপরের পথ হিংসার মধ্য দিয়া। কিন্তু আলোচনা করিলে দেখা
যায় যে, এই মতবাদ দুইটি পরস্পর হইতে কেবল বিভিন্ন নহে, পরস্পর-
বিরোধীও বটে। গান্ধী ও মার্কস উভয়েই একতত্ত্ববাদী বলা চলে। এই
একতত্ত্ব কিন্তু উভয়ের নিকট বিভিন্ন। গান্ধীজীর মূলতত্ত্ব ‘চৈতন্য’, মার্কসের
মূলতত্ত্ব ‘জড়’ এইজন্য গান্ধীজী ‘আত্মিক’ আর মার্কস ‘নাস্তিক’। এইজন্য

স্বপ্ন জাতি হতে পারে

ছোট্ট রিনি তার পুতুলকে সত্যিকার
লক্ষ্মীবিলাস মাথিয়ে স্নান করায়।

তার ধারণা এতেই বুঝি পুতুলের
মাথা চুলে, ছেয়ে, যাবে

যেমন ছেয়ে আছে তার মায়ের মাথা
অপর্যাপ্ত কালো চুলে।

তার নিজের মাথাও অমনি উপচে
পড়বে রেশম কোমল চুলের গোছায়,
রিনি হয়ত এমন স্বপ্নও দেখে।

বড় হয়ে রিনি দেখল,

তার স্বপ্ন সত্যি হয়েছে— কেন না

ছেলেবেলা থেকে সেও

মেখে আসছে

লক্ষ্মীবিলাস।

শতাব্দীকালের সুপরিচিত

লক্ষ্মীবিলাস তৈল

এম, এল, বসু স্ট্র্যাণ্ড
কোং (প্রাইভেট) লিঃ

লক্ষ্মীবিলাস হাউস
কলিকাতা-২



N. I. P.

গান্ধীদর্শন বলে—জড়ের অস্তিত্ব চৈতন্যের ভিত্তিতে, আর মার্কস-দর্শন বলে জড় হইতেই চৈতন্যের উৎপত্তি। ইহা হইতেই মার্কসদর্শনের 'নিয়তিবাদ' আদিয়াছে।

গান্ধীজী ও মার্কসের লক্ষ্যের মধ্যেও প্রভেদ বর্তমান—রাজনৈতিক ও আর্থিক অবস্থা সম্বন্ধে ইহাদের বিচারধারা পৃথক। মার্কসের মতে শ্রেণী-সংগ্রাম, সর্বস্বকার একনায়কত্ব দ্বারা শ্রেণী-বৈষম্যের অবলুপ্তিসাধন ও ভূমি, খনি ইত্যাদি প্রাকৃতিক সম্পদের উপর কর্তৃত্বস্থাপন, রাষ্ট্রীয় পুঞ্জিবাদ, শ্রমশিল্পের রাষ্ট্রায়ত্তকরণ এবং জনসাধারণের জীবনযাত্রা ও কার্যকলাপের উপর সম্পূর্ণ নিয়ন্ত্রণ প্রভৃতি খুবই প্রয়োজনীয়। কিন্তু গান্ধীজীর সিদ্ধান্ত হইতেছে—বর্ষব্যয় (অর্থাৎ কর্তব্যবোধ দ্বারা চালিত হইয়া শিল্পনমূহের অনুশীলন), সত্যগ্রহ, পঞ্চায়ত ব্যবস্থা, বিকেন্দ্রীকরণ, অহিংসবাদ ও সামাজিক জীবনে যথাসম্ভব ব্যক্তিখাতন্য ও গণতন্ত্রের প্রতিষ্ঠা।

গান্ধীজী জোর দিতেন নৈতিক ও মানসিক পরিবর্তনের উপর—মার্কস-কথিত পথে—শ্রেণীহীন (হত্যা প্রভৃতি দ্বারা তথাকথিত "বিপ্লব") সমাজ প্রতিষ্ঠিত হইবে এ বিশ্বাস তাঁহার ছিল না। গান্ধীজীর আসল লক্ষ্য ছিল কিসে মানুষের চারিত্রিক উন্নতি হয়—আর সকলই পথামাত্র। তিনি রাজনৈতিক বা আর্থিক কাঠামোর বাহ্য স্বরূপের উপর গুরুত্ব আরোপ করিতেন না। অথচ মার্কসবাদ মনে করে "মানুষের বিবেক-বুদ্ধি পরিবেশ রচনা করে না। পক্ষান্তরে মানুষের সামাজিক অবস্থা বিবেক নিশ্চয় করে।" গান্ধীজীর অহিংসবাদ মার্কসের একনায়কত্ব হইতে সম্পূর্ণ পৃথক। সূত্রান্ত বিভিন্ন সমস্যার প্রতি গান্ধীজী ও মার্কসের দৃষ্টিভঙ্গীর মৌলিক পার্থক্যও বিগমমান।

গান্ধীবাদ হইতেছে এক নিশ্চিত আদর্শের প্রতি অগ্রসর হইবার বিশেষ পদ্ধতি। তাঁহার মতে সত্য ও অহিংসা, সমাজে সমমর্যাদা, আত্মোন্নতির সমান সুযোগ, ধন এবং জীবনধারণোপযোগী উপকরণনমূহের সমবন্টন, রাষ্ট্রীয়-নিয়ন্ত্রণ-পাশ হইতে মুক্তি, বিকেন্দ্রীকরণ, অযান্ত্রিকতা, শাস্তি, সন্তান, মৈত্রী, যুদ্ধের আতঙ্কমুক্তি, আইনকানূনের নিগড় হইতে রেহাই পাওয়া, সর্বাধিক ব্যক্তিখাতন্য অথচ স্বব্যবস্থিত সমাজ ইত্যাদি বিষয় এই আদর্শ জীবনের বিভিন্ন অঙ্গ।

অথচ গান্ধীবাদ বলিয়া কিছু গান্ধীজী নিজেই স্বীকার করেন নাই। "আমি তো শুধু নিজস্ব পদ্ধতিতে শাস্ত সত্যকে দৈনন্দিন জীবন ও সমস্যা-বলীতে যুক্ত করিবার চেষ্টা করিয়াছি"—ইহা গান্ধীজীর নিজের কথা।

গান্ধী ও মার্কসের মতবাদ সম্বন্ধে আমাদের দেশের অশিক্ষিত কিং

অর্ধশিক্ষিত ব্যক্তিগণের ত বটেই, অনেক হৃদয়বৃত্তি ব্যক্তির ধারণাও অস্পষ্ট। এইজন্যই তরুণ-সমাজ আদর্শ-নির্গমে এবং কর্তব্য-নির্ধারণে স্বতঃই বিপথগামী হইতেছেন। 'মার্কসবাদের গতিপ্রকৃতি' শীর্ষক একটি অধ্যায় মূল গ্রন্থে না থাকিলেও উহা এই পুস্তকে সংযোজিত করিয়া অনুবাদক ভাল করিয়াছেন। মহাশয়জীর উত্তরস্বয়ক আচার্য্য বিনোবা ভাবে এই গ্রন্থের ভূমিকায় গান্ধীদর্শনের যে মনোরম ব্যাখ্যা করিয়াছেন তাহাতে গ্রন্থের প্রতিপাত্ত বিষয়গুলি স্পষ্ট হইয়াছে।

এইরূপ সঙ্গ্রহের বহুল প্রচার খুবই বাঞ্ছনীয়।

শ্রীঅনাথবন্ধু দত্ত

কৃষ্ণকলি—শ্রীতারাশ্রম রাহা। কথা ভবন। ২৭/২৩, কাকুলিয়া রোড, কলিকাতা-১৯। মূল্য দুই টাকা।

গল্পসংগ্রহ। কৃষ্ণকলি, মাটি আর মানুষ, শিবশঙ্কর, পাশের বাড়ীর বোঁ, বাঁশী, নিঃসঙ্গ, সমাপ্তির পূর্বপরিচ্ছেদ ও অনাবশ্যক—এই আটটি গল্প পুস্তকখানিতে স্থানলাভ করিয়াছে। ছোটগল্প লেখায় তারাশ্রম বাবুর হাত আছে। তিনি মিস্ট্রি করিয়া বলিতে জানেন—অল্প কথায় গুছাইয়া বলিবার শক্তি ও তাঁহার আছে।

কৃষ্ণকলি, মাটি আর মানুষ, পাশের বাড়ীর বোঁ ও নিঃসঙ্গ এই চারটি গল্প বিশেষ উপভোগ্য হইয়াছে। অস্থায়ী গল্পগুলিও মন্দ নয়।

শ্রীবিভূতিভূষণ গুপ্ত

ধূমকেতু—শ্রীরাধাগোবিন্দ চন্দ্র। মেসার্স গোকুলচন্দ্র দত্ত এণ্ড কোং ট্রেনার্স এণ্ড প্রিন্টার্স। ৯-এ, ডালহৌসী স্কয়ার স্ট্রিট, কলিকাতা-১। মূল্য আড়াই টাকা।

ধূমকেতু সম্পর্কে লেখক প্রাচীন শাস্ত্র অধ্যয়ন ও আধুনিক বিজ্ঞান আলোচনা করিয়া যে জ্ঞান লাভ করিয়াছেন তাঁহার সহিত ব্যক্তিগত গগন-পর্যবেক্ষণের বাস্তব জ্ঞানের সমন্বয়ে তিনি ধূমকেতু সম্পর্কিত এই তথ্যমূলক গ্রন্থখানি প্রণয়ন করিয়া আমাদের মাতৃভাষার একটি অভাব পূরণ করিলেন। গ্রন্থকার পল্লীবাসী, পল্লীর শাস্ত্র পরিবেশে অবস্থান করিয়া যৌবনের প্রারম্ভেই তিনি চর্মচক্ষুর দূরদৃষ্টি দ্বারা গগন-পর্যবেক্ষণ আরম্ভ করেন। গগন পর্যবেক্ষণে কৃতকার্যতালাভের দরুন তিনি আমেরিকা হইতে একটি মূল্যবান দূরবীক্ষণ যন্ত্র উপহার পান। তাঁহার দীর্ঘজীবনের গগন পর্যবেক্ষণের সার্থক সাধনার ফল এই ধূমকেতু নামক গ্রন্থখানি। জীবনসাম্রাজ্যে ইহা প্রকাশ করিয়া লেখক অনুসন্ধিৎসু জ্যোতির্বিজ্ঞানীদের মহৎ উপকার করিলেন। এই গ্রন্থে পুরাণ ও জ্যোতিষসংহিতায় বর্ণিত ধূমকেতুর পরিচয় এবং বর্তমান বিজ্ঞানে বর্ণিত ধূমকেতু-পরিবারের অবস্থান, তাহাদের আবির্ভাব ও তিরোধানের সময়নির্ধারণ ও ধূমকেতুসমূহের চিত্র, বৈজ্ঞানিক আবিষ্কারকণের জীবন-কথা ইত্যাদি যাবতীয় জ্ঞাতব্য বিষয় সহজ সরল ভাষায় বর্ণনা করিয়াছেন। পৃথিবীর সকল সভ্য জাতির ভিতরে ধূমকেতুর আবির্ভাব ও তিরোধানের সঙ্গে জড়িত এক অহেতুক অমঙ্গলের আশঙ্কা বহু শতাব্দী যাবৎ চলিয়া আনিতেছিল, কিন্তু বর্তমান যুগে 'ধূমকেতুর' গতিবিধি, ইত্যাদি পরীক্ষার পরে দেখা যাইতেছে যে, ধূমকেতু সৌর পরিবারের সকল জ্যোতিষ্কের তুলনায় অতি দুর্বল এবং নিঃশব্দ। ধূমকেতুর ভাগ্যে প্রায়শই সূর্যরশ্মির কুপালাভ হয় না। ধূমকেতু আকাশপথে অতি নিরীহ জীবের স্থায় ভয়ে ভয়ে বিচরণ করে; কারণ গ্রহসংঘর্ষে তাহার বক্ষচ্যুত হইবার সম্ভাবনা আছে। গ্রন্থকার প্রাচীন শাস্ত্র ও বর্তমান বিজ্ঞান এবং প্রাচীন কনস্কার সম্পর্কে সুন্দর মন্তব্য করিয়াছেন। এক কথায় ধূমকেতু গ্রন্থখানি ছাড়া, অধ্যাপক এবং মানমন্দিরের গগন-পর্যবেক্ষকগণের বিশেষ উপযোগী হইয়াছে।

শ্রীনরেন্দ্রনাথ বাগল

শ্রীরামপুরের
এস.চক্রবর্তীর

সুপার
XX
নম্ব

সোল এজেন্ট

লক্ষ্মী এজেন্সী
৪৩/১, স্ট্র্যাণ্ড রোড • কলিকাতা-৭

এখন রেয়োনায় নতুন একটা কিছু আছে !

এটা অনেক...

অনেক...

বেশী সুগন্ধী !

রেয়োনা সাবানে এখন

অনেক...অনেক

বেশী সুগন্ধ আছে

দীর্ঘস্থায়ী

সতেজতার জগে





দেশ-বিদেশের কথা



সাহিত্যিকের সম্মান

প্রথিতযশা কথাসাহিত্যিক শ্রীযুক্ত তারাক্ষর বন্দ্যোপাধ্যায় এ বৎসর দিল্লীর “সাহিত্য আকাদেমি” কর্তৃক “আরোগ্য-নিকেতন” শীর্ষক উপন্যাসের জন্য পুরস্কৃত হইয়াছেন। এই পুস্তকখানি লিখিয়া তিনি ১৯৫৪-৫৫ সনে পশ্চিমবঙ্গ সরকারের রবীন্দ্র পুরস্কার লাভ করিয়াছিলেন।



তারাক্ষর বন্দ্যোপাধ্যায়

সম্প্রতি চীন-রাষ্ট্রের আস্থানে তারাক্ষরবাবু ভারত-সরকারের প্রতিনিধিরূপে চীন-যাত্রা করিতেছেন। সেখানে লু-সিন নামক বখ্যাত চীনা সাহিত্যিকের বিংশতি মৃত্যু-বার্ষিকী উৎসব অনুষ্ঠিত হইবে। লু-সিন আধুনিক চীনা সাহিত্যের স্রষ্টা বলিয়া চীন দেশে স্বীকৃত। তারাক্ষরবাবু তাঁহার মৃত্যু-বার্ষিকী উৎসবে যোগদান করিবেন। এই উৎসবে যোগদানের নিমিত্ত তিনি আহ্বত হইয়াছেন।

দরিদ্র বান্ধব ভাণ্ডার

১৯৫৫ সনের বার্ষিক কার্যবিবরণী

১৯৫৫ সনে দরিদ্র বান্ধব ভাণ্ডারের কার্যতৎপরতা বৃদ্ধি পাইয়াছে। আলোচ্য বৎসরে শ্রীশ্রীবালানন্দ ব্রহ্মচারী সেবারতনে ১৬টি নূতন শয্যা প্রতিষ্ঠা করা হয়—তন্মধ্যে ১৪টি শয্যা জাতিধর্ম-উপজীবিকা-নির্কির্শেষে যে কোন যক্ষ্মা রোগীর জন্য সম্পূর্ণ বিনামূল্যে ব্যবহার্য। অবশিষ্ট দুইটি শয্যা কলিকাতা বিশ্ববিদ্যালয় কর্তৃক প্রতিষ্ঠিত ও বিশ্ববিদ্যালয় কর্মচারীদের জন্য সংরক্ষিত। ইহা লইয়া সেবারতনে মোট শয্যার সংখ্যা দাঁড়াইয়াছে ত্রিশটি—তন্মধ্যে অর্ধেক পুরুষ ও অর্ধেক নারীদের জন্য; এবং ২৮টি ভাণ্ডারের নিজস্ব অর্থে পরিচালিত সম্পূর্ণ ‘ফ্রি বেড’। আলোচ্য বৎসরে ৫৯ জন নূতন রোগীকে ভর্তি করা হইয়াছিল, আর বর্ষান্ত্রে রোগীর সংখ্যা ছিল ১৩ জন। সর্বমাকুল্যে ৭২ জন রোগীর মধ্যে ৪৩ জন বৎসর শেষ হওয়ার পূর্বেই রোগমুক্ত হইয়া গৃহে ফিরিয়া যায়। অবশিষ্ট ২৯ জন বর্ষশেষেও হাসপাতালে চিকিৎসিত হইতেছিল।

বৃকের রোগ চিকিৎসার জন্য বহির্বিভাগ দরিদ্র বান্ধব ভাণ্ডার চেষ্টা ক্রমিক ১২,৮৯৩ জন রোগীর চিকিৎসা করা হইয়াছিল। তন্মধ্যে ১৯৫৭ জন নবাগত। রোগীদের বাড়ীতে ডাক্তার ও তত্ত্বাবধায়ক পাঠাইয়া চিকিৎসার ব্যবস্থা অনুসারে আলোচ্য বৎসরে ১৪৫ জন নূতন রোগীকে চিকিৎসা করা হয়। তন্মধ্যে ৪০ জন অল্প কয়েকদিন পরেই চিকিৎসা বন্ধ করিয়া দেয় এবং অবস্থার উন্নতি হওয়ার ৬৪ জনকে নিয়মিত বহির্বিভাগে গিয়া চিকিৎসা করাইতে নির্দেশ দেওয়া হয়। অবশিষ্ট ৪১ জন বর্ষশেষেও বাড়ীতে থাকিয়া ভাণ্ডারের ডাক্তার ও কর্মীদের দ্বারা সম্পূর্ণ বিনাব্যয়ে চিকিৎসা করাইবার সুযোগ পাইতেছিল। এই পরিকল্পনা অনুসারে মূল্যবান ইঞ্জেকশন, ঔষধ, এ-পি ও পি-পি এবং চুখও সম্পূর্ণ বিনাব্যয়ে রোগীদেরকে সরবরাহ করা হয়।

সাধারণ রোগ চিকিৎসার জন্য চিত্তরঞ্জন দাস্তব্য চিকিৎসালয়ের দুইটি শাখায় আলোচ্য বৎসরে ৯২,৫২০ জন রোগীর চিকিৎসা করা হইয়াছিল, তন্মধ্যে ২৬,৯১৪ জন নবাগত। এই বিভাগে প্রতিটি রোগীর জন্য গড় দৈনিক খরচের পরিমাণ তিন আনা পাঁচ পাই।

সেবা-বিভাগের ভাণ্ডারের তরুণ কর্মীরা আলোচ্য বৎসরের বে মাস হইতে পুনরায় মুষ্টিভিক্ষা তুলিতে আরম্ভ করেন। প্রসঙ্গক্রমে স্বরণ করা যাইতে পারে যে, মুষ্টিভিক্ষা সঞ্চল করিয়াই ১৯২২ সনে ভাণ্ডারের যাত্রা শুরু হইয়াছিল। আলোচ্য বৎসরের শেষ আট মাসে মুষ্টিভিক্ষার দান একত্র করিয়া মোট ৭৩/৫ সের চাউল

পাওয়া যায়। তন্মধ্যে ৫৬২৬ সের চাউল বর্ষমধ্যেই দুঃস্থ গৃহস্থ-দিগকে বিতরণ করা হয়। ইহা ছাড়া নগদ ১,৪১২৬৬ পাই সাহায্য হিসাবে বিতরণ করা হয়।

কাঁকড়গাছীতে প্রস্তাবিত প্রসূতিসদন ও শিশুমঙ্গল কেন্দ্রের জগৎ দ্বিতল গৃহের নির্মাণ-কার্য আলোচ্য বৎসরে সম্পূর্ণ হইয়াছে। এখানে নার্সিং এবং খাত্তী-বিজ্ঞা শিক্ষারও ব্যবস্থা থাকিবে। বাড়ী তৈয়ারীর জগৎ আলোচ্য বৎসরে কেন্দ্রীয় সমাজকল্যাণ পর্ষদ দশ হাজার টাকা দান করেন; মোহনানন্দ ব্রহ্মচারী মহারাজের ভক্ত এবং শিষ্যদিগের নিকট হইতেও দশ হাজার টাকা পাওয়া যায়। ১৬টি শয্যা লইয়া প্রসূতিসদনের কাজ আরম্ভ করার আয়োজন চলিতেছে। ইহা বাস্তবে রূপায়িত করিতে পারিলে মানিকতলা অঞ্চলে প্রসূতি হাসপাতালের অভাব দূর হইবে।

আলোচ্য বৎসরে ভাণ্ডারের বিভিন্ন বিভাগের জগৎ দেড় লক্ষ টাকারও বেশী ব্যয় হইয়াছিল। রাজ্য সরকার, কেন্দ্রীয় স্বাস্থ্যমন্ত্রীর তহবিল, কেন্দ্রীয় সমাজকল্যাণ পর্ষদ, কলিকাতা কর্পোরেশন, কলিকাতা পুলিশের দাতব্য তহবিল, আই-এফ-এ প্রভৃতি প্রতিষ্ঠানের অর্থসাহায্য, ব্যক্তিগত ঠান্ডা ও দান এবং বালানন্দ ব্রহ্মচারী মহারাজ এবং মোহনানন্দ ব্রহ্মচারী মহারাজের ভক্ত ও শিষ্যদিগের নিকট হইতে দান ও সাহায্যের দ্বারা ব্যয়নির্বাহ হয়। কর্তৃকেন্দ্র প্রসারের সঙ্গে সঙ্গে অর্থের অভাবও প্রকট হইয়া উঠিয়াছে। প্রত্যেকটি বিভাগেই সাহায্যপ্রার্থীর তুলনায় স্থানাভাব, সেজন্য অবিলম্বে বিভাগগুলি সম্প্রসারিত করা প্রয়োজন। প্রসূতিসদনের বাড়ী তৈয়ারী শেষ হইলেও সাজসরঞ্জামের অভাবে কাজ আরম্ভ করা সম্ভব হয় নাই। এই উদ্দেশ্যে প্রভূত অর্থ প্রয়োজন। মাত্র মুষ্টিভিক্ষার দান সম্বল করিয়া ভাণ্ডারের সূচনা, তার পর দীর্ঘ ৩৪ বৎসরের সাধনার ইহা সেবা প্রতিষ্ঠানগুলির প্রথম শ্রেণীতে স্থান গ্রহণ করিয়াছে। সর্বসাধারণের আন্তরিক সহায়ত, সহযোগিতা ও সাহায্যই ইহার সম্বল। প্রতিষ্ঠানটি আরও প্রসারিত করিবার জগৎ তাঁহা হইবে অগ্রণী হউন।

ঝাড়গ্রাম কারিগরি শিক্ষাকেন্দ্র
প্রথম বার্ষিক সমাবর্তন উৎসব

গত ২১শে সেপ্টেম্বর ঝাড়গ্রাম কারিগরি শিক্ষাকেন্দ্রের প্রথম বার্ষিক সমাবর্তন উৎসব উপলক্ষে শিক্ষাকেন্দ্র প্রাঙ্গণে এক মনোরম

অনুষ্ঠান ও সভার আয়োজন করা হয়। ঝাড়গ্রামের রাজা বাহাদুর শ্রীনরসিংহ মল্লদেব এবং পশ্চিমবঙ্গ সরকারের শিল্প ও বাণিজ্য দপ্তরের উপমন্ত্রী শ্রীসৌরীন্দ্রমোহন মিশ্র যথাক্রমে সভাপতি ও প্রধান অতিথির আসন গ্রহণ করেন। এই সমাবর্তন উৎসবে শিক্ষাকেন্দ্রের ছাত্র ও শিক্ষকগণ বাদে পশ্চিমবঙ্গ সরকারের শিল্প-বিভাগের উপ-অধিনায়ক শ্রীদেবীদাস মজুমদার, স্থানীয় বিশিষ্ট ভদ্রমহোদয়গণ ও ছাত্রদের অভিভাবকবৃন্দ উপস্থিত ছিলেন। সভার আওতে সভাপতি ও প্রধান অতিথি শিক্ষাকেন্দ্রের বিভিন্ন বিভাগ পরিদর্শন করেন। শিক্ষার্থীদের কার্যকলাপ ও প্রস্তুত বিবিধ সামগ্রী পরিদর্শন করিয়া তাঁহারা পরম সন্তোষ প্রকাশ করেন। বিভাগ পরিদর্শনাঙ্কে সভার কার্য আরম্ভ হয়। সভার প্রথমে শিক্ষাকেন্দ্রের অধ্যক্ষ শ্রীহিমাত্রিশেখর দে তাঁহার বিবরণীতে এই শিক্ষাকেন্দ্রের শিল্প-

গিনিগোথ জুয়েলারি শ্বেশালিস্ট



মৌলিকতায়
নির্ভরতায়
আধুনিকতায়

এম.বি. সরকার এণ্ড সন্স

ফোন: ৩৪-১৭৬১ ডুয়েলস্ট্রাস গ্রাম-ট্রিলিয়াক্স

১৩৭/সি ১৩৭/সি/১ বহুবাজার স্ট্রীট কলিকাতা ১২

গ্রাম- ব্যালিগঞ্জ-২০০/সি রাসবিহারী এড্‌ভিউ. কলিকাতা-১২

স্বাক্ষরনের পুরাতন চিত্রনা
১২৪, ১২৪/১, বহুবাজার স্ট্রীট, কলিকাতা ১২

কেন্দ্রময় রক্ষিকার খোলা থাকে

নতুন নাম শাহরুহ - ডায়ালসেদপুর ফোন: ১০৮

শিক্ষার তাৎপর্য ব্যাখ্যা করেন। তৎপরে সভাপতি মহাশয় উক্ত কেন্দ্রের বিভিন্ন বিভাগের উত্তীর্ণ ছাত্রদিগকে সার্টিফিকেট প্রদান করেন। শিক্ষার্থীদের কারিগরি শিক্ষা সমাপনান্তে স্ব স্ব পল্লীতে গিয়া স্বীয় প্রচেষ্টা দ্বারা তাহাদিগকে স্বাবলম্বী হইতে প্রধান অতিথি মহাশয় তাঁহার ভাষণে উপদেশ দেন। তিনি এই শিক্ষাকেন্দ্রের কার্যপদ্ধতির ভূয়সী প্রশংসা করেন। শ্রীযুক্ত জে. সি. গুপ্ত, এম-এল-এ, বর্তমান কুটিরশিল্পকে সমবায়ের ভিত্তিতে কিভাবে কাজে লাগানো যায় সে সম্বন্ধে কিছু বলেন। শ্রীমলিনীমোহন মজুমদার বক্তৃতা প্রসঙ্গে এই শিক্ষাকেন্দ্রের মাধ্যমে এই অনগ্রসর অঞ্চলটিতে উন্নতি সূচিত হইতেছে বলিয়া মন্তব্য করেন।

মেদিনীপুরের ডিষ্ট্রিক বোর্ডের চেয়ারম্যান শ্রীমহেন্দ্র মাহাত, এম-এল-এ, কারিগরি শিক্ষায় যোগদানের জন্ম এই অঞ্চলের যুবকদের উক্ত কেন্দ্রের শিল্প-শিক্ষার সুযোগ গ্রহণ করিতে আহ্বান করেন। সভাপতি তাঁহার ভাষণে জীবনসংগ্রামে জয়ী হইতে কারিগরি শিক্ষার সার্থকতা ব্যাখ্যা করেন। তিনি আরও বলেন যে, এই শিক্ষাকেন্দ্রের মাধ্যমে এ অঞ্চলের অধিবাসিগণের কারিগরি শিক্ষা সম্পর্কে প্রবল উৎসাহ ও উদ্যোগ দেখা দিয়াছে।


পরলোকে সৈয়দ মোতাহের হোসেন চৌধুরী

গত ১৮ই সেপ্টেম্বর তারিখে সৈয়দ মোতাহের হোসেন চৌধুরী ৫৩ বৎসর বয়সে চট্টগ্রামে পরলোকগমন করিয়াছেন। তিনি একজন উচ্চশিক্ষিত প্রাবন্ধিক এবং চট্টগ্রাম কলেজে বাংলার অধ্যাপক ছিলেন। সৈয়দ মোতাহের হোসেনের পিতৃভূমি নোয়াখালি, কিন্তু তিনি জীবনের বেশীর ভাগ সময় কাটাইয়াছেন কুমিল্লা শহরে, তাঁর মাতুলসালয়ে। প্রথম জীবনে তিনি ছিলেন স্কুলের শিক্ষক। তার পর এম-এ পাস করিয়া ইসলামিয়া কলেজে বাংলার চেক্‌চারার হন দেশ বিভাগের অল্প কিছু দিন পূর্বে। দেশ বিভাগের পর তিনি চট্টগ্রামে যান। সৈয়দ মোতাহের হোসেন অল্প বয়সে সাহিত্যের প্রতি আকৃষ্ট হন। তাঁর রচিত প্রবন্ধগুলিতে চিন্তাশীলতা, যুক্তিবাদী মন ও মানবিকতা-বোধের পরিচয় পাওয়া যায়।

জিতেন্দ্রমোহন সেন

বিশিষ্ট শিক্ষাবিদ জিতেন্দ্রমোহন সেন মহাশয় গত ৩০শে আগস্ট (১৯৫৬) তারিখে অকস্মাৎ পরলোকগমন করেন। তিনি ২৫শে এপ্রিল ১৮৯২ খ্রীষ্টাব্দে জন্মগ্রহণ করেন। তিনি প্রেসিডেন্সী কলেজে শিক্ষালাভ করিয়াছিলেন। তিনি দীর্ঘকাল শিক্ষাব্রতী এবং সম্পাদকরূপে কেশব একাডেমির সঙ্গে সংশ্লিষ্ট ছিলেন। জিতেন্দ্রবাবু বিলাতের লীডস বিশ্ববিদ্যালয় হইতে এম-এড, ডিগ্রী লাভ করেন। স্বদেশে ফিরিয়া তিনি ডেভিড হেয়ার ট্রেনিং কলেজের অধ্যাপকরূপে কার্য আরম্ভ করেন। পরে ইন্সপেক্টর অব স্কুলস ও সহকারী ডিরেক্টর অব পাবলিক ইন্সট্রাকশান নিযুক্ত হন। কুমিল্লার কলেজের অধ্যক্ষরূপে খুব দক্ষতার সহিত কার্য

করিয়া ১৯৪৮ সনে অবসর গ্রহণ করেন। পরে, কলিকাতা বিশ্ববিদ্যালয়ের ট্রেনিং বিভাগের অধ্যক্ষের পদে নিযুক্ত হন। তাঁহার কর্মপ্রতিভা বহু দিকে বিস্তৃত ছিল। তিনি কর্পোরেশনের শিক্ষা পরিচালনা বিভাগ ও বিশ্ববিদ্যালয়ের মনস্তত্ত্ব বিভাগের সহিত বিশেষ ভাবে জড়িত ছিলেন। কিছুদিন পূর্বে তিনি এশিয়াটিক সোসাইটির অবৈতনিক সেক্রেটারিরূপে কর্ম করেন ও গ্যাশানালা ইন্সটিটিউট অফ মায়াজেস পত্রিকার সম্পাদনা করেন।



জিতেন্দ্রমোহন সেন

জিতেন্দ্রমোহন ভারতবর্ষীয় ব্রহ্মমন্দিরের সম্পাদকরূপে ব্রাহ্মসমাজের প্রভূত উপকার সাধন করেন। কলিকাতা শ্রমজীবী বিদ্যালয়ের সহিত প্রথম হইতে, তিনি সংশ্লিষ্ট ছিলেন।

তাঁহার কর্মময় জীবনে কয়েকটি শিক্ষামূলক গ্রন্থও প্রণয়ন করিয়াছেন। গত বৎসর হইতে তিনি ট্যাটিসটিক্যাল ইন্সটিটিউটের পরীক্ষা বিভাগের ভার গ্রহণ করেন।

জীবনের কোন বিপদ-আপদে বা কোন কঠিন কর্মের সম্মুখীন হইয়া তিনি অবসাদগ্রস্ত হন নাই। সুদীর্ঘকাল তাঁহার কর্মবহুল জীবনে অক্ষুণ্ণ উৎসাহ ও উদ্যোগের পরিচয় পাওয়া যায়।

প্রবাসী বাঙালী ছাত্রের কৃতিত্ব

শ্রীঅমের বনু নাগর বিশ্ববিদ্যালয় হইতে ১৯৫৬ সনে বি-এ, পরীক্ষায় প্রথম বিভাগে প্রথম স্থান অধিকার করিয়াছেন ও ইতিহাসে ডিসটিংশন লাভ করিয়াছেন। এ পর্যন্ত এই বিশ্ববিদ্যালয়ে কোন ছাত্রই ইতিহাসে ডিসটিংশন পায় নাই এবং এই সর্বপ্রথম একজন বাঙালী ছাত্র বি-এ পরীক্ষায় প্রথম বিভাগে প্রথম স্থান অধিকার করিতে সমর্থ হইলেন। শ্রীঅমের বনু মধ্যপ্রদেশের চিরমিরি লাহিড়ী কলেজের অধ্যক্ষ ডক্টর শ্রীঅবিন শঙ্কর বনুর পুত্র। তাঁহার মাতা শ্রীমতী অমিতা কুমারী বনু একজন সুলেখিকা।

শ্রীমতী প্রমীলা দেবী, কলিকাতা।

“প্রদীপ ধরিয়া হেরিল সাধুর নবীন গৌরকান্তি”

শ্রীমতী বন্দ্যোপাধ্যায়



সৈন্যবাহিনীর লোকদের দ্বারা যমুনা নদীর বন্যাপ্লাবিত গ্রামবাসীদের উদ্ধার



ইডেন গার্ডেন

[কটো- ত্রীকরণ গদোপাখ্যায়

অন্য

“সত্যম শিবম সুন্দরম
নারায়ণা বলহীনেন লভ্যঃ”

১৬শ ভাগ
২য় পৃষ্ঠা

অগ্রহায়ণ, ১৩৬৩

২য় সংখ্যা

বিবিধ প্রসঙ্গ

কলিকাতায় এ. আই. সি. সি.

বিগত ২৫শে কার্তিক কলিকাতায় নিম্নলিখিত-ভারতীয় কংগ্রেস কমিটির অধিবেশন শেষ হইয়া গিয়াছে। তিন দিনব্যাপী এই সম্মেলনে নানা কথার অবতারণা হইয়াছিল, নানা প্রশ্ন লইয়া বিচার ও বিতর্ক হয় এবং শেষ পর্য্যন্ত কয়েকটি প্রস্তাব উপস্থাপিত ও গৃহীত হয়। কিন্তু দেশের লোকের মনের উপর—এমনকি কলিকাতার জনসাধারণের উপর—যে এই অধিবেশন কোনও ছাপ রাখিয়া গিয়াছে তাহা ত মনে হয় না।

অবশ্য কলিকাতা এখন প্রাণহীন পাদুশালা। বিদেশী ও ভিন্ন রাজ্যের লোক সেখানে বাস করে এবং নগরীর সকল ব্যবসা-বাণিজ্য ও কর্মপ্রতিষ্ঠান তাহাদেরই অধিকারে। তাহারা ধনোপার্জন ও জীবিকা অর্জন যাহা করিবার তাহা করিয়া, পাদুশালায় পায়ের ধূলা ঝাড়িয়া, স্বদেশে ফিবিয়া যায়, নূতন আগন্তুক তাহার পরিত্যক্ত আসন দখল করে। দেশের সম্ভ্রান যাহারা তাহারা ত প্রায় অসহায় সঙ্ঘীহীন অনাথের অবস্থায় আছে। পিতৃপুরুষের প্রাপ্তি সম্পত্তিতে তাহাদের কোনই অধিকার নাই। সুতরাং এখানে কাহার মনে কে সাড়া জাগাইবে? যে আহরণে, লুণ্ঠনে ও অধিকার অর্জনে বাস্তব তাহার সময় কোথায় শুনিবার? যে হতসর্কস্ব পথের ভিখারী হইতে চলিয়াছে তাহাকে কোন আশার বাণী শুনাইয়াছেন কংগ্রেসের অধিকারীবর্গ যে সে সাড়া দিবে?

বলিতে কি, এই অধিবেশনে প্রাণময় বাস্তবের পরিচয় আমরা কিছুই পাই নাই। পাটয়াছি শুধু পণ্ডিত নেহরুর চিন্তার এবং ধারের প্রতিধ্বনি ও প্রতিচ্ছায়া। তাহাতে নূতনত্বই বা কি, উদ্ভূত ত্বের তুর্ধানাই বা কোথায়? পণ্ডিত নেহরু হাজেরী লইয়া বিব্রত মন—বিশেষতঃ ক্রীমেননের কার্যকলাপে—এই অধিবেশনে তিনি তাঁহার মনোভাব আরও স্পষ্টভাবে ব্যক্ত করার অবসর পাইলেন। ইহা ভিন্ন আর কোন কাজ হইল এই অধিবেশনে?

অধিবেশনের স্মরণেই হইবে বস্তুতঃ যে শঙ্কাজনক পরি- স্থিতিতে বহিরাছে, তাহার সখ একটা প্রস্তাব লইয়া। প্রস্তাবের ভাবা ছিল আত্মশর তীত্র, এবং আলোচনার আশ্রয় স্পষ্ট ভাষায় ইংরেজ, ক্রাসী ও রাশিয়ার কার্যকলাপের নিন্দ্যবাক হইবে। যথার্থের অধিবেশনে দেশের অর্গ নৈতিক অবস্থা সম্পর্কে কর্তৃপক্ষের বিবরণীয়

আলোচনা আবশ্যিক হয়, কিন্তু ইন্দোনেশীয় প্রধানমন্ত্রী শ্রীশান্তোম্বি- জয়ের আগমনের সঙ্গে সঙ্গেই পশ্চিম এশিয়া ও মধ্য-ইউরোপের সাম্প্রতিক ঘটনাবলীর আলোচনা পুনরায় চলে। পরে মূল প্রস্তাবের পুনরাবৃত্তি হয় এবং গতানুগতিক সমাজতন্ত্রবাদের বুলি আওড়াইয়া এগার শত শকের প্রস্তাবটি সমর্থিত ও গৃহীত হয়। শুধু শ্রীগাডগিল উহার প্রতিবাদে বলেন যে, দূর ভবিষ্যতে দেশে স্বর্গরাজ্য প্রতিষ্ঠার যে স্বপ্ন দেখানো হইতেছে, তত দিন দেশের লোক বাঁচিবে কি কবিয়া সে সম্বন্ধে অধিকারীবর্গ কি বলেন? বলা বাহুল্য, এই সমালোচনার কোন উত্তর দেওয়া হয় নাই, অবশ্য শ্রীশঙ্করীলাল নন্দ প্রত্যুত্তরে কিছু বাঁধিগতের আবৃত্তি করেন।

আসলে এই অধিবেশনের মূল উদ্দেশ্য ছিল স্বার্থরক্ষা। অর্থাৎ, যাহারা বর্তমানে অধিকারী হইয়া নিজেদের দলের স্বার্থে কংগ্রেসকে ডুবাইতেছেন এবং দেশকে বিজ্ঞান ও সঙ্ঘীহীন করিতেছেন, এই অধিবেশন হইয়াছিল তাহাদের ব্যক্তিগত ও গোষ্ঠীগত স্বার্থরক্ষার উপায় নির্ধারণের জন্ত। এক কথায় আগামী নির্বাচনে যাহাতে তাহাদের অন্তঃসারহীন চাটুকারমণ্ডলীর স্বার্থহানি না হয় তাহার চিন্তাই ছিল উপস্থিত মহাপ্রশ্নগণের শতকরা ৯০ জনের দেহমন ব্যস্ত কবিয়া। সুতরাং এই অধিবেশন যে বাহিরের লোকের কাছে অবাস্তব ঠেকিবে তাহাতে আর আশ্চর্য্য কি? শেষ পর্য্যন্ত নির্বাচনী ইচ্ছাহার স্থির হইল না। কেন হইল না সে তো বুঝাই যায়।

দেশে প্রাবনের ফলে ব্যাপক ক্ষতি সম্পর্কে উদ্বেগ জ্ঞাপন করিয়া একটি প্রস্তাব করা হয়। কিন্তু তাহাতেও কোন নূতন আশা- ভরসার কথা ছিল না, কেন ছিল না তাহা বলি।

প্রাবন সম্পর্কে পশ্চিম বাংলার গ্রামাঞ্চল পুনর্গঠন কারণে যে সকল সহকারী ব্যবস্থা হইতেছে, তাহার মধ্যে দেশী পাজার ইট পুড়াইবার জন্ত বে করলার ব্যবস্থা হইতেছে, এখানে সে বিষয়ে কিছু উল্লেখ করি। আমরা একজন বিশিষ্ট ও বিশেষজ্ঞ করলাপনিক মালিকের নিকট হইতে এক বিবৃতি পাইয়াছি। তিনি দেখাইয়াছেন যে, বাংলা সরকার যে শ্রেণীর করলাপনিক টন চাহিয়াছেন এই দেশী পাজার ইট পোড়াইবার জন্ত, তাহাতে এই কাজ আরো হইবে না; হইবে শুধু কালো বাজারে চড়া দামে এই করলা বিক্রী। কেতা হইবে বিদেশী প্রকার প্রতিষ্ঠিত ইটখোলায় মালিক।

পশ্চিম এশিয়ায় ইঙ্গ-ফরাসী আক্রমণ

সম্প্রতি পশ্চিম এশিয়ার ঘটনাবলী পাল হারবারের কথা স্মরণ করাইয়া দেয়। ১৯৪১ সনে ওয়াশিংটনে যখন জাপানী রাষ্ট্রদূত মার্কিন সরকারের সহিত শাস্তিচুক্তি সম্পর্কে আলাপ-আলোচনা চালাইতেছিলেন তখন কোন সতর্কবাণী ব্যতিরেকেই জাপান প্রশান্ত মহাসাগরে অবস্থিত পাল হারবার বন্দরে মার্কিন বণপোতগুলির উপর আক্রমণ আরম্ভ করে এবং এই ভাবেই দ্বিতীয় মহাযুদ্ধে “দ্বিতীয় ফ্রন্ট” প্রশান্ত মহাসাগরীয় ফ্রন্টের উদ্বোধন হয়। মিশরের উপর ইঙ্গ-ফরাসী আক্রমণ করা হইয়াছে পুরাপুরি “জাপানী” কায়দায়। হুমকি প্রদর্শন বন্ধ করিয়া সুয়েজ খাল জাতীয়করণ সংক্রান্ত প্রস্তাবটি যখন ব্রিটেন ও ফ্রান্স শাস্তিপূর্ণ ভাবে আলাপ-আলোচনার মাধ্যমে মীমাংসায় সম্মত বলিয়া মিশরের সহিত আলাপ-আলোচনার ভান করিতেছিল ঠিক সেই সময়েই তাহারা মিশর আক্রমণের শেষ বন্দোবস্তটি সম্পূর্ণ করিতেছিল। জুলাই মাসের শেষ দিক হইতে মধ্যপ্রাচ্যে সামরিকবাহিনী এবং রসদ যোগানো যখন তাহারা সম্পন্ন হইয়াছে মনে করিল তখনই ব্রিটিশ ও ফরাসী সাম্রাজ্যবাদী সরকার ইস্রায়েলকে উদ্ধাইয়া দিল মিশর আক্রমণ করিবার জন্ত। ইস্রায়েল তাহার অতীত ইতিহাস বিস্মৃত হইয়া (ইস্রায়েল রাষ্ট্রগঠনে ব্রিটেন সর্বপ্রকারে বাধা দিয়াছে) সাম্রাজ্যবাদের চরমরূপে ৩০শে অক্টোবর মিশর আক্রমণ করিল। আক্রান্ত মিশর স্বভাবতঃই আত্মরক্ষার চেষ্টা করিতে লাগিল। অপর দিকে ৩০শে অক্টোবর এক সতর্কবাণীতে ব্রিটিশ প্রধানমন্ত্রী সর এণ্টনী ইডেন ঘোষণা করিলেন যে, যদি অবিলম্বে মিশর এবং ইস্রায়েল সকল প্রকার সংঘর্ষ না বন্ধ করে তবে ফ্রান্স ও ব্রিটেন হস্তক্ষেপ করিতে বাধ্য হইবে। সর এণ্টনী আরও বলেন যে, বাহাতে সুয়েজ খালের মধ্য দিয়া সকল দেশের জাহাজ অবাধ গতিতে চলাচল করিতে পারে সেজন্ত মিশর সরকারকে অহুরোধ জানানো হইয়াছে যেন মিশর সরকার পোর্ট সৈয়দ, ইসমাইলিয়া এবং সুয়েজ বন্দরের গুরুত্বপূর্ণ স্থানগুলিতে সাময়িক ভাবে ইঙ্গ-ফরাসী সৈন্য মোতায়েনে সম্মত হন।

বলা বাহুল্য, মিশর এই সকল সর্ত্ত মানিয়া লইবে আশা করিয়া ইঙ্গ-ফরাসী সরকার সর্ত্তগুলি আয়োপ করেন নাই—বরং বাহাতে মিশর সর্ত্তগুলি গ্রহণের কোন উপায় না পায় সেজন্ত সর্ত্তগুলি যথেষ্ট সতর্কতার সহিত যথাসম্ভব রূঢ় করিবারই চেষ্টা হইয়াছে। জাতীয় সার্বভৌমত্বের প্রতিভূ মিশর সরকার ব্রিটেন ও ফ্রান্সের কোন সর্ত্তই মানিতে রাজী হন না। কাজে কাজেই “নিরুপায়” ব্রিটেন ও ফ্রান্স “নিস্তান্ত অনিচ্ছা সত্ত্বেও” কেবলমাত্র “গণতন্ত্র ও আন্তর্জাতিক আইনের নীতি রক্ষার্থে” নিরপরাধ, নিরস্ত্র মিশরবাসীদের উপর তাহাদের মারণাস্ত্রগুলি প্রয়োগ করিতে “বাধ্য” হয়—ব্রিটিশ প্রধানমন্ত্রী বিভিন্ন বক্তৃতাতে অন্ততঃ এইরূপই বুঝাইতে চাহিয়াছেন।

৩১শে অক্টোবর রাষ্ট্রসভ্যের নিরাপত্তা পরিষদে মার্কিন যুক্তরাষ্ট্র মিশরে বলপ্রয়োগে অথবা বলপ্রয়োগের ভীতি প্রদর্শন হইতে বিরত

ধাকিবার জন্ত শক্তিবর্গকে অহুরোধ জানাইয়া যে প্রস্তাব উপস্থাপিত করে তাহা ব্রিটেন এবং ফ্রান্সের ‘ভেটো’ প্রয়োগের ফলে অগ্রাহ হইয়া যায়। সোভিয়েট ইউনিয়ন প্রস্তাবটি সমর্থন করে। প্রস্তাবটির পক্ষে সাতটি ভোট এবং বিপক্ষে দুইটি (ব্রিটেন ও ফ্রান্স) ভোট পড়ে। দুইটি রাষ্ট্র (অস্ট্রেলিয়া ও বেলজিয়ম) ভোটদানে বিরত থাকে। প্রসঙ্গতঃ নিরাপত্তা পরিষদে ইহাই সর্বপ্রথম ব্রিটিশ ভেটো।

সোভিয়েট ইউনিয়ন একটি স্বতন্ত্র প্রস্তাবে ইস্রায়েল এবং মিশরকে অবিলম্বে যুদ্ধ বন্ধের দাবি জানায় এবং বলে যে, ইস্রায়েল যেন পূর্বনির্ধারিত যুদ্ধবিরতি সীমারেখার পশ্চাতে তাহার সৈন্য সরাইয়া লয়। ব্রিটেন এবং ফ্রান্সের ভেটোর ফলে এই প্রস্তাবটিও অগ্রাহ হয়। প্রস্তাবটির পক্ষে সাতটি ভোট এবং বিরুদ্ধে দুইটি ভোট (ব্রিটেন ও ফ্রান্স) পড়ে। দুইটি রাষ্ট্র মার্কিন যুক্তরাষ্ট্র ও বেলজিয়ম ভোটদানে বিরত থাকে।

সারারাত উত্তেজনাপূর্ণ আলোচনার পর ২রা নবেম্বর রাষ্ট্রপুঞ্জ সাধারণ পরিষদ এক জরুরি অধিবেশনে ৬৪-৫ ভোটে অবিলম্বে মিশরে যুদ্ধ করিবার জন্ত একটি মার্কিন প্রস্তাব গ্রহণ করে। যে পাঁচটি শক্তি এই প্রস্তাবের বিরোধিতা করিয়াছে তাহারা অস্ট্রেলিয়া, নিউজিল্যান্ড, ইস্রায়েল, ব্রিটেন এবং ফ্রান্স। তুরস্ক, মেনারল্যাণ্ডস, দক্ষিণ আফ্রিকা, বেলজিয়ম, কানাডা, লাওস এবং পর্তুগাল ভোটদানে বিরত থাকে। প্রস্তাবে সুয়েজ খাল অঞ্চলে যুদ্ধবিরতি ও ঐ এলাকায় সৈন্য এবং সমরাস্ত্র প্রেরণ বন্ধ করার দাবি জানাইয়া সকল পক্ষকে ১৯৪৮ সনে নির্ধারিত আরব-ইস্রায়েলী যুদ্ধবিরতি সীমারেখার পিছনে সরিয়া বাইবার, যুদ্ধবিরতি সীমারেখা অতিক্রম করিয়া আক্রমণ না চালাইবার এবং যুদ্ধবিরতি চুক্তির সর্ত্তাবলী নিষ্ঠার সহিত পালনের জন্ত দাবি জানানো হয়।

৩রা নবেম্বর এক যুক্ত বিবৃতিতে ইঙ্গ-ফরাসী সরকার রাষ্ট্রপুঞ্জ কর্তৃক গৃহীত প্রস্তাব প্রত্যাখান করেন। ব্রিটিশ পার্লামেন্টে এক বিবৃতিতে ব্রিটিশ প্রধানমন্ত্রী ইডেন বলেন যে, মিশর ও ইস্রায়েলের মধ্যে শাস্তিরক্ষার জন্ত রাষ্ট্রপুঞ্জ যদি সৈন্য মোতায়েন করেন, তবেই ব্রিটেন স্বৈচ্ছায় মিশরে তাহাদের সামরিক অভিযান বন্ধ করিতে পারে। ইহার অন্ততম সর্ত্ত হিসাবে মিশর ও ইস্রায়েল উভয়কেই শাস্তিরক্ষার জন্ত রাষ্ট্রপুঞ্জের সৈন্যদলকে মানিয়া লইতে হইবে এবং যতদিন পর্যন্ত রাষ্ট্রপুঞ্জের সৈন্য গঠিত না হইতেছে ততদিন পর্যন্ত ইঙ্গ-ফরাসী সৈন্যদিগকে মিশরে থাকিতে নিতে হইবে।

৩রা নবেম্বর পার্লামেন্টে বিবৃতিদান প্রসঙ্গে ব্রিটিশ প্রতিরক্ষা-মন্ত্রী মিঃ এণ্টনী হেড বলেন যে, মিশরে তখনও ইঙ্গ-ফরাসী সৈন্য অবতরণ করে নাই। ৪ঠা নবেম্বর মিশরে সৈন্য অবতরণের সংবাদ স্বীকার করা হয়। ৫ই নবেম্বর ব্রিটিশ সৈন্য পোর্ট সৈয়দ অধিকার করে।

৪ঠা নবেম্বর রাষ্ট্রপুঞ্জের বিশেষ অধিবেশনে মিশরে যুদ্ধবিরতি তদারক ও ব্যবস্থাকল্পে রাষ্ট্রপুঞ্জের অধীনে জরুরি আন্তর্জাতিক

বাহিনী গঠনের প্রস্তাব ৫৭-০ ভোটে গৃহীত হয়। ব্রিটেন, ফ্রান্স, সোভিয়েট ইউনিয়ন, মিশর, দক্ষিণ আফ্রিকাসহ উনিশটি দেশ ভোটদানে বিরত থাকে। প্রস্তাবে সেক্রেটারী-জেনারেলকে অমুয়োধ করা হয় যেন তিনি ৪৮ ঘণ্টার মধ্যে মিশরে যুদ্ধবিরতি প্রতিষ্ঠা এবং তদারকী করিবার উপযোগী একটি জরুরি রাষ্ট্রপুঞ্জবাহিনী গঠনের পরিকল্পনা পেশ করেন। ৫ই নবেম্বর এক বিবৃতিতে মিশর সরকার আন্তর্জাতিক পুলিশবাহিনী গ্রহণে সম্মতি জ্ঞাপন করেন। ঐ একই দিনে সোভিয়েট সরকার ফ্রান্স ও ব্রিটেনের নিকট একটি 'নোট' শক্তিদ্বয়কে সতর্ক করিয়া দিয়া বলেন যে, রাষ্ট্রপুঞ্জের অগ্গাঙ্গ সদস্যদের সহিত রাশিয়া "মধ্যপ্রাচ্যে আক্রমণ ব্যাহত ও পুনরায় শান্তিপ্রতিষ্ঠায় বন্ধপরিষ্কার।" ইস্রায়েলকেও অপূর্ণ এক পত্রে অমুরূপ ভাবে আক্রমণ বন্ধের আহ্বান জানানো হয়। মার্শাল বুলগানিন-প্রেরিত সতর্কবাণীতে ব্রিটেন ও ফ্রান্সের নিকট প্রশ্ন করা হয় যে, তাহারা যদি "সর্বপ্রকার আধুনিক মারণাস্ত্রে সুসজ্জিত অধিকতর শক্তিশালী কোন রাষ্ট্র কর্তৃক আক্রান্ত হয় তবে ব্রিটেন ও ফ্রান্সের কি অবস্থা হইবে।" মার্শাল বুলগানিন আরও বলেন, "এই সকল মারণাস্ত্র নৌ ও বিমানবহর কর্তৃক নিষ্কিপ্ত হয় না; বকেটের সাহায্যে উহা নিষ্কিপ্ত হইয়া থাকে।" নিরস্ত্র মিশরের উপর ইজ-ফরাসী আক্রমণ এবং ব্রিটেন ও ফ্রান্সের উপর বকেট আক্রমণের পার্থক্য কোথায়—বুলগানিন প্রশ্ন করেন। বুলগানিন বলেন, "মিশরের যুদ্ধ অল্প দেশেও ছড়াইয়া পড়িতে পারে এবং উহা তৃতীয় বিশ্বযুদ্ধে পরিণত হইতে পারে।"

মার্শাল বুলগানিন বলেন, "আমরা বলপ্রয়োগের দ্বারা মধ্য-প্রাচ্যে আক্রমণ ব্যাহত এবং পুনরায় শান্তিপ্রতিষ্ঠায় জ্ঞান সম্পূর্ণ বন্ধ-পরিষ্কার। আমরা আশা করি যে, এই সঙ্কটমুহুর্তে আপনারা (ইউডেন ও মোলেত) বধ্যাযোগ্য বুদ্ধি-বিবেচনার পরিচয় দিবেন এবং প্রয়োজনীয় সিদ্ধান্ত গ্রহণ করিবেন।"

মার্শাল বুলগানিন গ্রীনেহরুকে এক পত্রে এই সতর্কবাণী প্রেরণের কথা জানান।

৬ই নবেম্বর (অর্থাৎ পরদিন) সকালে ব্রিটিশ ও ফরাসী সরকার মিশরে যুদ্ধবিরতি ঘোষণা করে।

৬ই নবেম্বর রাষ্ট্রপুঞ্জবাহিনী গঠন সম্পর্কে মিঃ হ্যামারশিল্ড তাঁহার চূড়ান্ত রিপোর্ট সাধারণ পরিষদের নিকট উপস্থিত করেন। ৭ই নবেম্বর সাধারণ পরিষদ দুইটি প্রস্তাব গ্রহণ করে। একটিতে রাষ্ট্রপুঞ্জ পুলিশবাহিনী গঠনের সিদ্ধান্ত গ্রহণ করা হয় অপরাটিতে মিশর হইতে ফ্রান্স, ব্রিটেন ও ইস্রায়েলকে সকল সৈন্য সরাইয়া লইবার জ্ঞান নির্দেশ দেওয়া হয়। রাষ্ট্রপুঞ্জ সেনাবাহিনী নিয়োগের প্রস্তাবটি বিনা বাধায় ৬৪-০ ভোটে গৃহীত হয়। সোভিয়েট রাষ্ট্র-ভোট, মিশর, ইস্রায়েল এবং দক্ষিণ আফ্রিকা প্রভৃতি ১২টি রাষ্ট্র-ভোটদানে বিরত থাকে। মিশর হইতে ইজ-ফরাসী এবং ইস্রায়েল-বাহিনীকে অপসারণের নির্দেশ দিয়া যে প্রস্তাবটি গৃহীত হয় তাহার পক্ষে ৬৫টি ভোট এবং বিপক্ষে একটি (ইস্রায়েল) ভোট পড়ে।

ব্রিটেন, অস্ট্রেলিয়া, নিউজিল্যান্ড, বেলজিয়াম, ফ্রান্স, লাওস, লুক্সেমবুর্গ নেদারল্যান্ডস পর্তুগাল এবং দক্ষিণ আফ্রিকা প্রভৃতি ১০টি রাষ্ট্র ভোটদানে বিরত থাকে। ভারত ও কানাডাসহ তেরোটি রাষ্ট্র আন্তর্জাতিক বাহিনী গঠনে সহায়তা করিয়াছেন। ১৩ই নবেম্বর এই আন্তর্জাতিক বাহিনীর অগ্রগামী দল মিশরের মাটিতে পদার্পণ করে। গ্রী মেনন ৭ই নবেম্বর রাষ্ট্রসভ্যে বক্তৃতায় বলেন, আন্তর্জাতিক বাহিনী গঠনের অর্থ এই নহে যে, আক্রমণকারীদের সমর্থন করা হইবে।

এই প্রসঙ্গ লেখা শেষ হওয়ার সময় পর্যন্ত মিশর হইতে ব্রিটিশ, ফরাসী ও ইস্রায়েলী সৈন্য সরাইয়া লইবার জ্ঞান রাষ্ট্রপুঞ্জ যে প্রস্তাব গ্রহণ করিয়াছিলেন তদনুযায়ী কার্য করিবার কোন লক্ষণ ব্রিটেন বা ফ্রান্সের তরফ হইতে পরিলক্ষিত হয় না।

ইজ-ফরাসী সরকার "গণতন্ত্র ও আন্তর্জাতিক আইনের পুনঃ-প্রতিষ্ঠায়" জ্ঞান মিশরে "পুলিসবাহিনী" প্রেরণ করিয়াছিলেন (সরকারী মতে ব্রিটেন ও ফ্রান্স নাকি মিশরের সহিত যুদ্ধে লিপ্ত নহে—যদিও অবশ্য মিশর সরকার এবং অগ্গাঙ্গ অনেকেই মনে করেন যে একটি যুদ্ধই চলিতেছে)—যখন বিশ্বের সকল রাষ্ট্রই বলিল যে, ইজ-ফরাসী আচরণ নিলক্ষ আক্রমণ ব্যতীত আর কিছুই নহে তখন ব্রিটিশ সরকার বলিলেন "আমরা কিছুতেই ভুল স্বীকার করিব না।"—অর্থাৎ পরিষ্কার ভাষায় পশ্চিমী রাষ্ট্রসমূহের নিকট আন্তর্জাতিক আইন, গণতন্ত্র প্রভৃতির একটিমাত্র অর্থই আছে আর সেই অর্থ হইল বিশ্ব পশ্চিমী সাম্রাজ্যবাদী প্রভৃৎ এবং শোষণ বজায় রাখিবার জ্ঞান যাহা কিছু করা হইবে তাহাই জ্ঞান ও আইনসঙ্গত বলিয়া মানিয়া লইতে লইবে। তাহা না হইলেই তাহারা বলিবেন "রণং দেহি"।

মিশরের উপর ইজ-ফরাসী আক্রমণের সুদূরপ্রসারী আন্তর্জাতিক গুরুত্ব রহিয়াছে। এই সময় এশিয়া ও আফ্রিকার দেশগুলির মধ্যে যে ঐক্য থাকা প্রয়োজন ছিল—অতীব দুঃখের বিষয় তাহা নাই। বিশেষতঃ পাকিস্থান যে ভূমিকা গ্রহণ করিয়াছে তাহাতে একটি নূতন প্রয়োচনার বিপদ দেখা দিবার আশঙ্কা রহিয়াছে। আশ্চর্য্যাতী কলহেই এশিয়ার দেশগুলি স্বাধীনতা হারাইয়াছিল—দেশবিশেষের জাতীয় স্বাধীনতার উপর সাম্রাজ্যবাদী শক্তিসমূহের আক্রমণের এই চরম বিপদের দিনেও যদি অতীত ইতিহাসের শিক্ষা কাজে লাগাইতে এশিয়ার জাতিগুলি অপারগ হয় তবে ভবিষ্যৎ নিঃসন্দেহে অন্ধকার।

হাজেরীর ঘটনাবলী

হাজেরী ও পোল্যান্ডের ঘটনাবলী বিশ্বের দৃষ্টি পূর্ব-ইউরোপের উপর নিবন্ধ করিয়াছে। পূর্ব-ইউরোপের ঘটনাবলী যেরূপ দ্রুত-গতিতে পরিবর্তিত হইতেছে তাহার সহিত ভাল যথা কঠিন। উপরন্তু সংবাদগুলি এরূপ পরস্পরবিরোধী যে তাহা হইতে কোন পরিষ্কার ধারণা করা বিশেষ সহজ নহে। তবে কয়েকটি ব্যাপার

সম্পর্কে মোটামুটি ভাবে মন্তব্য করা চলিতে পারে। প্রথমতঃ কমুনিষ্ট শাসনে পূর্ব-ইউরোপের জনসাধারণের দুর্গতি এবং ব্যাপক বিক্ষোভ; দ্বিতীয়তঃ সোভিয়েট জবরদস্তি। ইহার সহিত অবশ্য পাশ্চাত্য শাস্ত্রবর্গের প্রয়োজনামূলক কার্যেরও উল্লেখ করা প্রয়োজন।

সংক্ষেপে পূর্ব-ইউরোপের সাম্প্রতিক ঘটনার ধারাবাহিক বিবরণ এইরূপ : ২০শে অক্টোবর সংবাদ প্রকাশিত হইল যে, পোল্যান্ডের কমিউনিষ্ট পার্টি পোল্যান্ডের জনসাধারণের দাবি আংশিক মানিয়া লইয়া রাষ্ট্রের আভ্যন্তরীণ গণতন্ত্র প্রসারের সিদ্ধান্ত গ্রহণ করিলে সোভিয়েট ইউনিয়ন নাকি তাহাতে অসম্মত হয়। বাহাতে পোলিশ কমুনিষ্ট নেতৃবৃন্দ “বিপক্ষে” না বান সেজন্ত সোভিয়েট ট্যাঙ্ক এবং সৈন্যবাহিনী ও রণপোত পোল্যান্ডের দিকে অগ্রসর হইতে থাকে। কিন্তু যে-কোন কারণেই হউক সোভিয়েট নেতৃবৃন্দ পোল্যান্ডের উপর হইতে তাহাদের সামরিক জমুক তুলিয়া লন এবং পোল্যান্ডের বিরুদ্ধে সমাজতন্ত্রবিরোধী কার্যকলাপের যে অভিযোগ সোভিয়েট কমুনিষ্ট পার্টির মুখপত্র, “প্রাভদা” প্রথমে করিয়াছিলেন সেই অভিযোগও প্রত্যাহার করিয়া লওয়া হয় (‘প্রাভদা’ পত্রিকার জীবনে সম্ভবতঃ এই সর্বপ্রথম এত শীঘ্র এইরূপ “ভুলের” “সংশোধন” হইল)। প্রকাশিত সংবাদে বলা হয় যে, সোভিয়েট এবং পোলিশ কমুনিষ্ট পার্টির নেতৃবৃন্দের মধ্যে মোটামুটিভাবে ঐকমত্য প্রতিষ্ঠিত হইয়াছে এবং অমীমাংসিত প্রশ্নগুলি মস্কোতে কয়েকদিন পর আলোচিত হইবে। পোল্যান্ডের কমুনিষ্ট পার্টির মধ্যে অনেক বদবদল হইবার ফলে পদচ্যুত প্রাক্তন সেক্রেটারী-জেনারেল গোগুলসকা পুনরায় নেতৃত্বপদে অধিষ্ঠিত হন। সোভিয়েট জেনারেল বকোসোভিচ্চ পোল্যান্ডের পার্টির পলিট ব্যুরো হইতে অপসৃত হন এবং পরে তিনি মস্কো যাইয়া পোল্যান্ডের প্রতিরক্ষা-মন্ত্রী এবং প্রধান সেনাপতির পদেও ইস্তফা দেন।

পোল্যান্ডের উত্তেজনা মিলাইতে না মিলাইতেই হাঙ্গেরীতে বিপ্লব দেখা দিল। ২৩শে অক্টোবর হাঙ্গেরীর ছাত্রগণ একটি শাস্ত্র-পূর্ণ শোভাযাত্রা করিয়া সরকার ও হাঙ্গেরীর কমুনিষ্ট পার্টির ভ্রান্ত নেতৃত্বের বিরুদ্ধে বিক্ষোভ প্রদর্শন করে। পঞ্চাশ হাজার লোকের এই শোভাযাত্রায় আটশত সামরিক অফিসারও ছিলেন। কমুনিষ্ট রাজত্বে জনসাধারণের কোনই অধিকার নাই; সুতরাং হাঙ্গেরীয় কমুনিষ্ট সরকার “বিস্তৃত কমুনিষ্ট” উপায়ে জনসাধারণকে স্তব্ব করিতে চাছিলেন—কিন্তু দেখা গেল দেশে কমুনিষ্ট পার্টির মুষ্টিমেয় নেতা (তাঁহারাও আবার সকলে নহেন) ব্যতীত সরকারী দলে আর কেহই নাই। এমনকি হাঙ্গেরীর সশস্ত্র বাহিনী পর্যন্ত জনসাধারণের উপর বন্দুক চালানিতে অসম্মত। জনসাধারণের এইরূপ “ধুঁটতা” সহ্য করা শ্রমিকদলদ্বারা এবং বিশ্বজনের গণতন্ত্র ও মুক্তিকামী কমুনিষ্টদের চিন্তাতেও অসহ—অতএব হাঙ্গেরীয় “সরকারের অল্পবোধে” সোভিয়েট ট্যাঙ্কবাহিনী নিঃস্তু জনসাধারণকে (“প্রতি-বিপ্লবী চক্রান্তকারীদেরকে”) শিকা দিবার জন্য ঝাঁপাইয়া পড়িল।

ইতিমধ্যে হাঙ্গেরীর আভ্যন্তরীণ রাজনৈতিক নেতৃত্বেরও পরিবর্তন ঘটিল। হাঙ্গেরীয় কমুনিষ্ট পার্টির প্রাক্তন নেতা—বিনি হাঙ্গেরীতে কমুনিষ্ট শাসন কায়েম করিবার ব্যাপারে বিশেষ গুরুত্বপূর্ণ ভূমিকা গ্রহণ করেন, কিন্তু সকল ব্যাপারে মস্কোর নিকট দাসখত লিগাইয়া দিতে অসম্মত হইবার অপরাধে প্রধানমন্ত্রীর পদ এবং কমুনিষ্ট পার্টির সদস্য-পদ হইতে অপসৃত হন—সেই ইমবে নাজ পুনরায় হাঙ্গেরীর প্রধানমন্ত্রী নিযুক্ত হন। খাঁটি কমুনিষ্টদের মত গদীতে আসীন হইয়াই তিনি ঘোষণা করিলেন, আর অন্দোলন করিবার কোন প্রয়োজন নাই। কিন্তু জনসাধারণ দাবি তুলিল, হাঙ্গেরীয় ভূমি হইতে সোভিয়েট সৈন্য অপসারণ না করা পর্যন্ত অন্দোলন থামিতে পারে না। ২৬শে অক্টোবর প্রধানমন্ত্রী নাজ জনসাধারণের এই দাবি মানিয়া লইয়া বলেন যে, ১৯৫৭ সনের ১লা জানুয়ারীর মধ্যেই হাঙ্গেরী হইতে সোভিয়েট সৈন্য অপসারণ সম্পূর্ণ করিতে হইবে। ২৫শে অক্টোবর (জুলাই মাসে নিযুক্ত) কমুনিষ্ট পার্টির সাধারণ সম্পাদক এরণো গেরোকে পদচ্যুত করিয়া তাঁহার স্থলে জানস্ কাডারকে পার্টির নূতন সেক্রেটারী নিযুক্ত করা হইল, কাডারকে পূর্বে “বিপথগামী” হিসাবে পদচ্যুত করা হইয়াছিল।

কিন্তু সোভিয়েট ট্যাঙ্ক প্রয়োগ অথবা নূতন প্রধানমন্ত্রী এবং নূতন সেক্রেটারী নিয়োগ করিয়াও জনসাধারণের বিক্ষোভ শাস্ত করা গেল না। ২৭শে অক্টোবর নাজ তাঁহার সরকার পুনর্গঠন করেন, নূতন মন্ত্রীসভা হইতে ১৫জন পুরাতন মন্ত্রীকে বাদ দেওয়া হইল। মন্ত্রীসভায় কৃষক পার্টির নেতা বেল কোভাঙ্ককে লওয়া হইল। পরদিন নূতন সরকার যুক্তবিবর্তি ঘোষণা করিলেন। ইমবে নাজ ঘোষণা করিলেন যে, জনসাধারণের ইচ্ছা অনুযায়ী অবিলম্বেই সোভিয়েট সৈন্য বাজধানী বুদাপেস্ট হইতে সরাইয়া লওয়া হইবে। ইতিমধ্যে ছয়দিনে সংঘর্ষে ২৫০ জন নিহত এবং ৩,৫০০-এরও অধিক লোক আহত হয়।

ঘোষণা অনুযায়ী সোভিয়েট সৈন্য সরাইয়া লওয়া হইতে থাকে। ৩০শে অক্টোবর হাঙ্গেরীয় সরকার ঘোষণা করেন যে, “গণতান্ত্রিক দলগুলিকে পুনরায় রাজনৈতিক কার্যকলাপের সুযোগ দেওয়া হইবে এবং শীঘ্রই পশ্চিমী প্রধান নির্বাচনের অনুষ্ঠান করা হইবে। হাঙ্গেরীয় কমুনিষ্ট পার্টির নেতা কাডার ঘোষণা করেন যে, যুক্ত নির্বাচনের সিদ্ধান্ত কমুনিষ্ট পার্টির কেন্দ্রীয় কমিটি “সর্বসম্মতভাবে” গ্রহণ করিয়াছেন। ঐ দিনের ঘোষণায় প্রধানমন্ত্রী ইমবে নাজ আরও বলেন যে, সোভিয়েট সৈন্যগণকে বিক্ষোভ দমনের জন্য তিনি আহ্বান করেন নাই; সেই সিদ্ধান্ত গ্রহণ করিয়াছিলেন তাঁহার পূর্ববর্তী প্রধানমন্ত্রী এনড্রাস হেজিডুস এবং এরণো গেরো। তিনি আরও বলেন যে, নূতন সরকার আসিয়াই সোভিয়েট সৈন্য সরাইয়া লইবার জন্য অল্পবোধ জানান। ইহা ব্যতীত সরকারী ওদামে শস্ত-বিক্রয়ের কড়াকড়ি হ্রাস করিয়া সরকারের একটি সিদ্ধান্তও ঘোষিত হয়। সরকারী ঘোষণায় সোভিয়েট ইউনিয়নের সাহিত শাস্তি এবং সহযোগিতার কথাও উল্লিখিত হয়।

৩১শে অক্টোবর প্রধানমন্ত্রী নাজ বুদাপেস্টে এক ঘোষণায় কমিউনিষ্ট রাষ্ট্রগুলির মধ্যে সম্পাদিত ওয়ারস চুক্তি বাতিলের দাবি জানান। সোভিয়েট সরকারও ৩০শে অক্টোবরের এক ঘোষণায় হাজেরী হইতে সোভিয়েট সৈন্য অপসারণের সিদ্ধান্ত জানান। তবে সোভিয়েট ঘোষণায় বলা হয় যে, অল্পাংশ কমিউনিষ্ট রাষ্ট্রগুলির সত্তিত পরামর্শ না করিয়া 'ওয়ারস' চুক্তি বাতিল করা সম্পর্কে তাঁহারা কোন সিদ্ধান্ত করিতে পারেন না। সোভিয়েট ঘোষণায় অতীত ভুলের কথা স্বীকার করিয়া বলা হয় যে, অল্পাংশ কমিউনিষ্ট দেশ-গুলিতে আর সোভিয়েট বৈজ্ঞানিক ইঞ্জিনিয়ার এবং বিশেষজ্ঞ থাকিবেন কিনা তাহা পুনর্নির্বেচনার সময় হইয়াছে।

১লা নবেম্বর রাষ্ট্রপুঞ্জের সেক্রেটারী-জেনারেল হামারশিল্ডের নিকট লিখিত এক পত্রে হাজেরীর প্রধানমন্ত্রী ইমরে নাজ জানান যে, হাজেরী 'ওয়ারস চুক্তি' অস্বীকার করিয়াছে। তিনি বৃহৎ চতুষ্কোণ (ব্রিটেন, ফ্রান্স, মার্কিন যুক্তরাষ্ট্র ও সোভিয়েট ইউনিয়ন) নিকট আবেদন জানান তাঁহারা যেন হাজেরীর নিরাপত্তা রক্ষা করিয়া চলেন। ২রা নবেম্বর রুশ সৈন্য হাজেরী আক্রমণ আরম্ভ করে এবং চতুর্দিক হইতে রাজধানী বুদাপেস্টের দিকে অগ্রসর হইতে থাকে।

৩রা নবেম্বর হাজেরীয় সরকার তৃতীয় বার পুনর্গঠিত হয় এবং ইমরে নাজের নেতৃত্বে একটি আভ্যন্তরীণ মন্ত্রীমণ্ডল গঠিত হয়। ৪ঠা নবেম্বর রুশবাহিনী বুদাপেস্ট আক্রমণ আরম্ভ করে। মস্কো বেডিও ঘোষণা করে যে, জানস কাডারের নেতৃত্বে হাজেরীতে একটি নূতন সরকার গঠন করা হইয়াছে এবং হাজেরীতে "প্রতিবিপ্লব" সম্পূর্ণরূপে পরাজিত হইয়াছে। মস্কো বেডিও হইতে ঘোষিত সংবাদে বলা হয় যে, রাষ্ট্রপুঞ্জ হাজেরীর সমস্ত সম্পর্কে আলোচনা করিবার জন্য মিঃ ইমরে নাজ যে আবেদন করিয়াছিলেন কাডার সরকার মিঃ হামারশিল্ডের নিকট লিখিত এক পত্রে সেই অসুযোগ প্রত্যাহার করিয়া লইয়াছেন। মস্কো বেডিওর বিবৃতি অসুযোগী নূতন প্রধানমন্ত্রী কাডার বলেন, "আমরা প্রতিবিপ্লব দমনে সাহায্য, শাস্তি এবং শৃঙ্খলা পুনঃপ্রতিষ্ঠার জন্য সোভিয়েট সৈন্যদিককে আমন্ত্রণ করিয়াছিলাম।"

১১ই নবেম্বর পর্যন্ত সোভিয়েট আক্রমণের বিরুদ্ধে হাজেরীয় প্রতিরোধ সক্রিয় থাকে। তাহার পরই প্রতিরোধ সম্পূর্ণরূপে বিধ্বস্ত হইয়া যায়। ১১ই নবেম্বর মস্কো বেডিও হইতে এক ঘোষণায় বলা হয় যে, ষতদিন উত্তর আটলান্টিক চুক্তিগোষ্ঠী থাকিবে ততদিন পর্যন্ত 'ওয়ারস চুক্তি'ও থাকিবে—অর্থাৎ রাশিয়া পূর্ব-ইউরোপের দেশগুলি হইতে তাহার প্রভূত হ্রাস পাইতে দিবে না (মাত্র ১১ দিন পূর্বেই রাশিয়া ওয়ারস চুক্তি বাতিল করিবার যৌক্তিকতা বিবেচনার প্রস্তাব দিয়াছিল)।

বুদাপেস্ট হইতে ১৩ই নবেম্বর প্রেরিত রয়টারের সংবাদে প্রকাশ যে, মস্কো-বর্ণিত "শ্রমিক" সরকার পুনঃপ্রতিষ্ঠিত হওয়া সম্বন্ধে শ্রমিকগণ কার্যে যোগদানে অনিচ্ছুক। শ্রমিকগণ পাঁচ বলা দাবি

জানাইয়াছে—সত্যনিষ্ঠ কমিউনিষ্ট বেতার তাহা প্রকাশ করে নাই, তবে হাজেরী হইতে সোভিয়েট সৈন্য অপসারণ, অবাধ নির্বাচন, সমাজতন্ত্রে বিশ্বাসী রাজনৈতিক দলগুলির নির্বাচনে অংশগ্রহণ ও হাজেরীতে মানবিক অধিকারের মর্যাদা রক্ষা—এইগুলিই শ্রমিকদের দাবি বলিয়া মনে হয়।

এই প্রসঙ্গ লেখা শেষ হওয়া পর্যন্ত হাজেরীয় আভ্যন্তরীণ শাস্তি পুনঃপ্রতিষ্ঠা সম্ভব হয় নাই।

হাজেরীতে কমিউনিষ্ট-মানবতা-প্রতিষ্ঠার চেষ্টায় কেবলমাত্র বুদাপেস্টেই কুড়ি হাজার লোক নিহত এবং আশী হাজার লোক আহত হইয়াছে শুনা যায়।

হাজেরীয় জনসাধারণের ব্যাপক অংশের জাতীয় স্বাধীনতার এই বীরত্বপূর্ণ আন্দোলনকে কমিউনিষ্টগণ খাটি কমিউনিষ্ট পদ্ধতিতে "সাম্রাজ্যবাদী চক্রান্ত" বলিয়া বর্ণনা করিয়াছেন—এইরূপ সচেতন ভাবে নিরুজ্জ্বল মিথ্যা প্রচারের দৃষ্টান্ত বর্তমানকালে বিরল। এখন সোভিয়েট ট্যাঙ্ক এবং সৈন্যবাহিনী সমগ্র হাজেরী দখল করিয়া বসিয়া আছে—কিন্তু এখনও পর্যন্ত একটি হাজেরীয় শ্রমিকও কার্যে যোগদান করে নাই। শ্রমিকগণ কারখানায় যায়, কিন্তু কাজ করে না। এইরূপ দৃঢ় এবং শাস্ত বীরত্বপূর্ণ প্রতিবোধের দৃষ্টান্ত সত্যিই বিরল। যদি কমিউনিষ্টদের কথাই সত্য হয় এবং যদি সাম্রাজ্যবাদী চক্রান্তই এইরূপ ভাবে হাজেরীর অধিকাংশ শ্রমিক, বুদ্ধিজীবী এবং সাধারণ জনগণের মধ্যে এইরূপ আত্মত্যাগের মহিমা সঞ্জীবিত করিয়া তুলিতে পারে তবে সাম্রাজ্যবাদ অত্যাচারী এবং পরব্রাহ্মণ্যবাদী বলিয়া এক দিন আমরা যে চিন্তা করিয়া আসিয়াছি তাহা বদলানো প্রয়োজন। প্রত্যক্ষ এবং পরোক্ষ অভিজ্ঞতার কিন্তু সাম্রাজ্যবাদের এই অভাবনীয় পরিবর্তন এবং জনমন জয়ের অপরিজ্ঞাত শক্তির কোনই প্রমাণ পাওয়া যায় নাই। সেই কারণেই বহিরাগত সাম্রাজ্যবাদী চরদের প্ররোচনার ব্যাপক ভাবে জনসাধারণের মনে এইরূপ দৃঢ় সংকল্প, বীরত্ব এবং আত্মত্যাগের প্রেরণা সৃষ্টি হইতে পারে বলিয়া কোন যুক্তিবাদী মন স্বীকার করিতে পারে না। সাম্রাজ্যবাদের সেই ক্ষমতা থাকিলে মিশরে ইজ-মার্কিন আক্রমণ ঘটত না বা সাইপ্রাসেও মত ক্ষুদ্র দ্বীপকে দখলে রাখিতে সমগ্র ব্রিটিশবাহিনীকে নিযুক্ত করিতে হইত না। মিশরে সাম্রাজ্যবাদী আক্রমণ ঘটায় মিশরীয় জনগণ আনন্দ প্রকাশ করেন নাই—সেখানে সাম্রাজ্যবাদ একটিও সমর্থক পায় নাই। কিন্তু হাজেরীতে কি দেখা গেল? হাজেরীয় সরকারের সমর্থক দেশে কেহ নাই—সামরিক-বাহিনীও সরকারের বিরোধী। সোভিয়েট বাহিনীর অবস্থা মিশরে ইজ-কবাসী বাহিনী অপেক্ষা বিন্দুমাত্রও অগ্ররূপ ছিল না—অন্ততঃ জনসাধারণের সহিত সম্পর্কের দিক হইতে। ইহা কে অস্বীকার করিবে?

মুঠ সত্য হইল হাজেরী এক দিন সোভিয়েট অর্থনৈতিক এবং রাজনৈতিক সাম্রাজ্যবাদী শোষণে নিম্নপতিত হইত। যে মুহূর্তে শাসকশ্রেণীর মধ্যে বিন্দুমাত্র দুর্বলতা দেখা গেল সেই মুহূর্তই

হাজেরীর বীর জনসাধারণ জাতীয় স্বাধীনতার পতাকা উত্তোলন করিলেন। সেই আন্দোলন ছিল সম্পূর্ণ শান্তিপূর্ণ এবং সর্বসমর্থন-পুষ্ট। হাজেরীর জনগণের দুর্ভাগ্য, একদিক হইতে ইহা বিশ্ব-মানবেরও দুর্ভাগ্য—তাহাদের সেই জীবনপন্থা প্রয়াস পশ্চিমী রাষ্ট্র-জোটের স্বার্থসন্ধানী প্রচার এবং সোভিয়েট ট্যাঙ্কের ঘর্ষনের তলায় এখনকার মত চাপা পড়িয়া গেল।

সম্মিলিত রাষ্ট্রপুঞ্জ মার্কিন যুক্তরাষ্ট্র, ফ্রান্স এবং ব্রিটেন হাজেরী সম্পর্কে যে প্রস্তাব গ্রহণ করে ভারত তাহার বিরোধিতা করিয়াছে—যে কারণে ভারত বিরোধিতা করিয়াছে তাহা সমুচিতই হইয়াছে। রাষ্ট্রপুঞ্জ বর্তমানে যে ভাবে গঠিত তাহাতে কোন দেশের আভ্যন্তরীণ ব্যাপারে উহার হস্তক্ষেপের নীতি স্বীকার করিয়া লইলে সকল দেশেই জাতীয় স্বাধীনতা রক্ষা করা বিশেষ বিপজ্জনক হইয়া উঠিবে। সেই দিক হইতে রাষ্ট্রপুঞ্জের খবরদারীতে হাজেরীতে নির্বাচনের অনুষ্ঠানের উদ্দেশ্যে আনীত পশ্চিমী রাষ্ট্রজোটের প্রস্তাবের বিরোধিতা করিয়া ভারত সরকার কোন নীতিবিগর্হিত কাজ করেন নাই।

রাষ্ট্রপুঞ্জের একাদশ বৎসর

২৪শে অক্টোবর সম্মিলিত রাষ্ট্রপুঞ্জের একাদশ বর্ষ পূর্ণ হইয়াছে। “উত্তরবংশীয়গণকে যুদ্ধের উৎপাত হইতে রক্ষা” এবং “সামাজিক প্রগতি ও বৃহত্তর স্বাধীনতায় সুন্দরতর জীবনযাত্রায় সাহায্য” করিবার উদ্দেশ্যেই দ্বিতীয় মহাযুদ্ধের অবসানকালে এই আন্তর্জাতিক সংস্থাটির সৃষ্টি হয়। সংস্থাটির কার্যাবস্তের সময়—১৯৪৫ সনের ২৪শে অক্টোবর। সদস্যসংখ্যা ছিল পঞ্চাশ, বর্তমানে উনত্রিশ।

রাষ্ট্রপুঞ্জের এগার বৎসরের ইতিহাস পর্যালোচনা করিলে দেখা যাইবে যে, বৃহৎ শক্তিবর্গের রাজনৈতিক স্বার্থের সহিত জড়িত নহে এইরূপ প্রশ্নের সমাধানে রাষ্ট্রপুঞ্জ বিশেষ কৃতিত্ব সহকারেই কর্তব্য-পালন করিয়াছে। এ ব্যাপারে রাষ্ট্রপুঞ্জের “বিশেষজ্ঞ প্রতিষ্ঠান-গুলি”র (specialised agencies) ভূমিকা সবিশেষ উল্লেখ-যোগ্য। বিশ্ব স্বাস্থ্যসংস্থা, ইউনেস্কো, আন্তর্জাতিক শ্রমসংস্থা প্রভৃতি বিশেষজ্ঞ প্রতিষ্ঠানগুলি বিশ্বের বিভিন্ন সামাজিক সমস্যার সমাধানে বিশিষ্ট অংশ গ্রহণ করিয়াছে।

কিন্তু শান্তিপ্রতিষ্ঠা এবং যুদ্ধ বন্ধ করিবার যে মৌলিক সমস্যা সমাধানের উদ্দেশ্যে রাষ্ট্রপুঞ্জের সৃষ্টি সেই প্রধান কর্তব্যে সংস্থাটির প্রচেষ্টা কোন ক্ষেত্রেই কার্যকরী হয় নাই। ইস্রায়েল, কাশ্মীর, কোরিয়া, গ্রীস, সাইপ্রাস, দক্ষিণ-আফ্রিকার জাতি-বৈষম্য নীতি এবং সর্বশেষে পশ্চিম এশিয়াতে নিলর্জ ইঙ্গ-ফরাসী আক্রমণ—রাষ্ট্রপুঞ্জ কোন সমস্যাই কার্যকরী সমাধান করিতে পারে নাই।

ইহার কারণ কি? সম্মিলিত রাষ্ট্রপুঞ্জ যখন গঠিত হয় তখন প্রতিষ্ঠানের সংগঠকদের মনে পাশ্চাত্য জগতের কথাই ছিল। যুদ্ধ-জয়ে এশিয়ার জনগণের সমর্থনলাভের উদ্দেশ্যে ঔপনিবেশিক জন-সাধারণের জাতীয় স্বাধীনতা সম্পর্কে দুই-একটি ভাল ভাল কথা বলা হয় বটে, কিন্তু লীগ অব নেশন্স কর্তৃক প্রেসিডেন্ট উইলসনের

জাতীয় আত্মনিয়ন্ত্রণাধিকার নীতি গ্রহণের মত—এক্ষেত্রেও কাহারও তাহা কার্যকরী করিবার কোন অভিপ্রায় ছিল না। বৃহৎ শক্তি-গুলির গত এগার বৎসরের কার্যকলাপ তাহা সুস্পষ্ট করিয়া দেয়। কয়েকটি সমস্যার উল্লেখ করিলেই তাহা স্পষ্ট হইবে। দ্বিতীয় মহা-যুদ্ধে ফরাসীরা ইউরোপে জার্মানী কর্তৃক পরাজিত হয়, ভিয়েৎনামে অবস্থিত ফরাসী সরকার কিন্তু জাপানীদের সহিত সহযোগিতা করিতে থাকে—অবশ্য জাপান শেষ পর্যন্ত ভিয়েৎনামকে সম্পূর্ণ-রূপেই কুক্ষিগত করে। দ্বিতীয় মহাযুদ্ধের পরে স্বভাবতঃই ভিয়েৎ-নামের জনসাধারণ স্বাধীনতার দাবি জানায় (যুদ্ধের সময়েও তাহারা জাপানীদের বিরোধিতা করিয়া তাহাদের স্বাধীনতা-সংগ্রাম অক্ষুণ্ণ রাখে)। জাতিপুঞ্জের সনদ অনুযায়ী ভিয়েৎনামবাসীদের স্বাধীনতা পাওয়ারই কথা। কিন্তু পাশ্চাত্য বৃহৎ শক্তিবর্গের পৃষ্ঠপোষকতায় ফরাসী সরকার নয় বৎসর ধাবৎ সেখানে রক্তক্ষয়ী সংগ্রাম চালাইয়া জনসাধারণের স্বাধীনতার দাবিকে স্তব্ধ করিয়া রাখিবার চেষ্টা করে, এবং পরে যখন সাম্রাজ্যবাদী ফ্রান্স সম্পূর্ণরূপেই হতবল হইয়া পড়ে তখন ১৯৫৪ সনে তাহারা কোনক্রমে সেখান হইতে সরিয়া পড়ে। ইন্দোনেশিয়ায় ওলন্দাজী সাম্রাজ্যবাদও প্রায় অনুরূপ আচরণই করে। প্রতিটি ক্ষেত্রেই পাশ্চাত্য বৃহৎ শক্তিগুলি ঔপনিবেশিক শক্তি-গুলিকেই সমর্থন করে। দক্ষিণ-আফ্রিকার জাতীয় বৈষম্যনীতি এবং দক্ষিণ-পশ্চিম আফ্রিকা সম্পর্কিত নীতির সম্পর্কেও পাশ্চাত্য শক্তিবর্গ (ব্রিটেন, ফ্রান্স, মার্কিন যুক্তরাষ্ট্র, কানাডা, অষ্ট্রেলিয়া, বেলজিয়ম প্রভৃতি) দক্ষিণ আফ্রিকা সরকারের বৈষম্যমূলক নীতিরই সমর্থন করে। কাশ্মীর-সমস্যা সম্পর্কেও ঠিক সেই কারণেই আজও পর্যন্ত কোন সমাধান সম্ভব হয় নাই।

সুতরাং দেখা যাইতেছে যে, রাষ্ট্রপুঞ্জ প্রধানতঃ পাশ্চাত্য শক্তি-বর্গের ক্ষমতার লড়াইয়ের একটি ক্ষেত্র হিসাবেই সৃষ্টি হইয়াছিল। সোভিয়েট ইউনিয়ন সেখানে পুরাপুরি আত্মরক্ষামূলক ব্যবস্থাতেই ব্যস্ত থাকে—সোভিয়েট ইউনিয়ন কর্তৃক প্রদত্ত ভিটোর সংখ্যা দেখিলেই তাহা প্রতীয়মান হয়। কিন্তু ক্ষমতার লড়াইয়ে প্রবৃত্ত পাশ্চাত্য শক্তিবর্গ যুদ্ধপরবর্তী যুগের ঘটনাবলী পুরাপুরি আঁচ করিতে পারে নাই। যুদ্ধের পরে আফ্রিকা ও এশিয়ার স্বাধীনতা-কামী জনসাধারণের যত্নপূর্ণ আন্দোলনের সম্মুখে ঔপনিবেশিক রাষ্ট্রগুলিকে পশ্চাতে হঠিতে হয়, ফলে নবজাগ্রত এশিয়া এবং আফ্রিকাও বিশ্ব-রাজনীতিতে প্রভাবশালী অংশ দাবি করে। কিন্তু পাশ্চাত্য শক্তিগোষ্ঠী এই দাবি এখনও সম্পূর্ণরূপে মানিয়া লইতে সম্মত নহে—তাহা কেবলমাত্র মার্কিন যুক্তরাষ্ট্রের খেয়ালীপনায় জন্ত পৃথিবীর জনসংখ্যার প্রায় এক-চতুর্থাংশ (চীনরাষ্ট্র) এখনও রাষ্ট্রপুঞ্জে প্রতিনিধিত্ব করিবার অধিকার হইতে বঞ্চিত রহিয়াছে।

এশিয়া-আফ্রিকার এই নূতন শক্তিকেসু গঠিত হওয়ার পাশ্চাত্য শক্তিকেসু ভারসাম্য রক্ষা করা কঠিন হইয়া পড়িয়াছে। সেই কারণেই আজ পশ্চিমী জোট মরীচা হইয়া উঠিয়া মিশরের উপর নিলর্জ আক্রমণ চালাইয়াছে।

মিশরে আক্রমণের প্রক্ষেপে মৌখিক সহানুভূতি ব্যতীত রাষ্ট্রপুঞ্জ কোন ফলপ্রসূ ব্যবস্থাই এ ব্যবৎ অবলম্বন করিতে পারে নাই। মিশরে বাহারা আক্রমণ চালাইয়াছে তাহাদের বিরুদ্ধে রাষ্ট্রপুঞ্জের সনদ অনুযায়ী যে সকল ব্যবস্থা অবলম্বন করা প্রয়োজন তাহা করা হয় নাই। মৌখিক মুদ্বিরতি ঘোষিত হইলেও এখনও ইঙ্গ-ফরাসী দখলকারী কোঁজ মিশরের মাটি অধিকার করিয়া রহিয়াছে।

এরূপ অবস্থায় থোলাখুলি ভাবে রাষ্ট্রপুঞ্জের বার্থতার কথা স্বীকার করিয়া লওয়াই ভাল। বাহারা এখনও জাতিপুঞ্জের মাধ্যমে শান্তিরক্ষার কথা চিন্তা করেন তাহাদের পুনর্বিবেচনার সময় আসিয়াছে। যদি বর্তমান প্রতিষ্ঠানটিকে ফলপ্রসূ করিতে হয় তবে তাহার নীতি এবং সংগঠনের আমূল পরিবর্তন প্রয়োজন। পৃথিবীর বিভিন্ন অংশে আজ যে সকল নূতন শক্তিকেন্দ্র সৃষ্টি হইয়াছে, জাতিপুঞ্জের সকল স্তরে আজ তাহাদের উপযুক্ত প্রতিনিধিত্ব দেওয়া প্রয়োজন। সর্বোপরে প্রয়োজন নিরাপত্তা-পরিষদকে ভাঙিয়া নূতন ভাবে উহার পুনর্গঠন করা। নিরাপত্তা-পরিষদে ফ্রান্সের স্থায়ী পদ পাওয়ার কোন যোগ্যতা রাষ্ট্রপুঞ্জ প্রতিষ্ঠার প্রারম্ভেও ছিল না—এখন ত নাই-ই। উপরন্তু নিরাপত্তা পরিষদের সদস্যপদে এশীয় ও আফ্রিকান প্রতিনিধিত্ব আরও বৃদ্ধি করা প্রয়োজন। উপরন্তু প্রয়োজন ভিত্তিটো ব্যবস্থার বিলোপসাধন করা।

রাষ্ট্রপুঞ্জ সনদের সংশোধনের কথা উঠিলেই এক ধরনের যুক্তি দেখানো হয় যে, বৃহৎ শক্তিগুলির ঐকমত্য ব্যতীত উহা কার্যকরী হইতে পারে না—সুতরাং ভিত্তিটো ব্যবস্থার পরিবর্তন বা সাধারণ ভাবে সনদেরও সংশোধনের কোন প্রয়োজন নাই। যদি বাস্তব অভিজ্ঞতা এবং ইতিহাসের কোন মূল্য থাকে, তবে দেখা যাইতেছে যে, “বৃহৎ” শক্তিগুলি কোন ক্ষেত্রেই একমত হইতে পারিতেছে না। সে ক্ষেত্রে এমন একটি সংগঠন দাঁড় করানো প্রয়োজন বাহা বিপজ্জনক ক্ষেত্রে বৃহৎ শক্তিগুলির উপর ঐকমত্য চাপাইয়া দিতে পারে। রাষ্ট্রপুঞ্জের বর্তমান সনদের আওতায় ভিত্তিটো প্রথার যে মূল্যই থাকুক না কেন, বর্ধিত এশীয় আফ্রিকান প্রতিনিধিত্বের ভিত্তিতে পুনর্গঠিত রাষ্ট্রপুঞ্জ ভিত্তিটো ব্যতিরেকেই তাহার কার্য সিদ্ধি করিতে পারিবে। যদি আন্তর্জাতিক প্রতিষ্ঠানের কোন প্রয়োজনীয়তা থাকে—এবং যে প্রয়োজনীয়তা সম্পর্কে কাহারও দ্বিমত প্রকাশ পায় নাই—তবে বিশ্বশান্তি রক্ষা করা নিশ্চয়ই সম্ভব। কিন্তু বর্তমান পর্যন্ত পাশ্চাত্য শক্তিবর্গ রাষ্ট্রপুঞ্জকে তাহাদের সর্বাঙ্গ ব্যক্তিগত ক্ষমতার স্বার্থে ব্যবহার করিবার সুযোগ পাইবে—ততদিন পর্যন্ত রাষ্ট্রপুঞ্জের মাধ্যমে কোন সমস্যারই সমাধানের আশা নাই—কার্যতঃ কোন সমস্যার সমাধান হয়ও নাই।

ইউনেস্কোর নবম সাধারণ সম্মেলন

গত ৫ই নভেম্বর হইতে দিল্লীর মননির্ধৃত বিজ্ঞান ভবনে রাষ্ট্রপুঞ্জ শিক্ষা, বিজ্ঞান এবং সংস্কৃতি সংস্থার নবম সাধারণ সম্মেলনের অধিবেশন চলিতেছে, এই সম্মেলন এক মাস কাল চলিবে।

১৯৪৬ সনের ৪ঠা নভেম্বর রাষ্ট্রপুঞ্জ শিক্ষা, বিজ্ঞান এবং সংস্কৃতি সংস্থার সৃষ্টি হয়—ঐ বৎসরেই ১৪ই ডিসেম্বর সংস্থাটিকে রাষ্ট্রপুঞ্জের একটি বিশেষজ্ঞ সংস্থারূপে গণ্য করিয়া উভয় প্রতিষ্ঠানের মধ্যে একটি চুক্তি স্বাক্ষরিত হয়। ইউনেস্কোর মূল লক্ষ্য বিভিন্ন দেশের সংস্কৃতির পারস্পরিক পরিচয়ের মধ্য দিয়া বিভিন্ন জাতির মধ্যে বোঝাপড়ার ভাব বৃদ্ধি করা। সংস্থাটির সংবিধানের মূখ্যবন্ধে বলা হইয়াছে, “যেহেতু মানুষের মনেই যুদ্ধের সূচনা হয়, সেহেতু মানুষের অন্তরেই শান্তির প্রতিরক্ষা গড়িয়া তুলিতে হইবে।”

ইউনেস্কো কোন রাজনৈতিক সমস্যার সমাধানে সচেষ্ট নহে। উহার কার্য সংস্কৃতির প্রচার ও বিনিময়ের মাধ্যমে বিশ্বশান্তি রক্ষা করা এবং আন্তর্জাতিক সৌহার্দ্য বৃদ্ধি করা। ১৯৪৫ সনের নবেম্বর হইতে এ পর্যন্ত সংস্থার সদস্যদের আটটি সাধারণ সম্মেলন অনুষ্ঠিত হইয়াছে—এই সকল সম্মেলন—হয় সংস্থাটির কেন্দ্রীয়আলয় প্যারিস অথবা সদস্য-রাষ্ট্রগুলির আমন্ত্রণে অত্র কোন স্থানে অনুষ্ঠিত হইয়াছে। প্রথমে প্রতি বৎসরই একটি করিয়া সাধারণ সম্মেলন অনুষ্ঠিত হইত, কিন্তু ১৯৫২ সনের প্যারিস সম্মেলনের সিদ্ধান্ত অনুযায়ী তাহার পর হইতে দুই বৎসর পর পর একটি করিয়া সাধারণ সম্মেলন অনুষ্ঠিত হইতেছে।

ইউনেস্কোর কার্যভার পরিচালনা করেন সদস্য-রাষ্ট্রগুলির মধ্য হইতে ভোট দ্বারা নির্বাচিত ২২ জন সদস্যবিশিষ্ট একটি কার্যকরী বোর্ড। ঐ বোর্ডের বর্তমান চেয়ারম্যান ভারতের ড. এ. লক্ষণ স্বামী মুদালিয়র। ইউনেস্কোর কর্মনীতি নির্বাচনের ভার এই বোর্ডেরই হাতে। সংস্থাটির কার্যপরিচালনা দেখাওনা করেন একটি সেক্রেটারিয়েট—বাহার শীর্ষে রহিয়াছেন ডিরেক্টর-জেনারেল। ডিরেক্টর-জেনারেল ছয় বৎসরের জন্ত নিয়োজিত হন। বর্তমান ডিরেক্টর-জেনারেল মার্কিন যুক্তরাষ্ট্রের কংগ্রেসের প্রাক্তন প্রোগ্রামিক ডঃ লুথার ইভাল ১৯৫২ সনে তাহার কার্যভার গ্রহণ করেন।

ইউনেস্কোর গত দশ বৎসরের কার্যাবলী হইতে সংস্থাটির বিশেষ কৃতিত্বেরই পরিচয় পাওয়া যায়। ইউনেস্কোর কার্যের প্রকৃতি এইরূপ যে, তাহার ফল প্রত্যক্ষ ভাবে অনুভব করা যায় না—অধিকাংশ কার্যই ফলপ্রসূ হইতে দীর্ঘ সময় লাগে। শিক্ষা ব্যাপারে ইউনেস্কো একটি প্রচেষ্টার উদ্যোগী হইয়াছে: মৌলিক শিক্ষা-কেন্দ্র স্থাপন। এই কেন্দ্র দুই প্রকার, জাতীয় ও আন্তর্জাতিক। মেক্সিকো এবং মিশরে দুইটি আন্তর্জাতিক কেন্দ্র আছে। বিভিন্ন দেশে বিজ্ঞান-প্রথা এবং তাহার উন্নতিসাধনেও ইউনেস্কো সচেষ্ট রহিয়াছে। প্রাকৃতিক বিজ্ঞানের ক্ষেত্রে বিভিন্ন দেশের—উন্নত এবং অপেক্ষাকৃত অন্নত দেশের, বৈজ্ঞানিকদের মধ্যে সহযোগিতাবৃদ্ধিতে ইউনেস্কো সাহায্য করে। এই উদ্দেশ্যে ইউনেস্কো, দক্ষিণ এশিয়া, দক্ষিণ-পূর্ব এশিয়া, মধ্যপ্রাচ্য এবং ল্যাটিন আমেরিকাতে বিজ্ঞান-সহযোগিতা দপ্তর প্রতিষ্ঠা করিয়াছে। আণবিক শক্তির শান্তিপূর্ণ ব্যবহার সম্পর্কে গবেষণা চালাইবার জন্ত ইউনেস্কোর প্রত্যক্ষ প্রচেষ্টায় সুইজারল্যান্ডে

একটি গবেষণা ভবন স্থাপিত হইয়াছে। আরও যে একটি বিষয়ে ইউনেস্কো বিশেষ সহায়তা করিয়াছে তাহা হইল শুধু অঞ্চলের উন্নয়নসাধন।

সামাজিক বিজ্ঞানের ক্ষেত্রেও ইউনেস্কোর অবদান বিশেষ উল্লেখযোগ্য। জাতি এবং জাতি সম্পর্ক বিষয়ে ইউনেস্কো কয়েকটি গবেষণামূলক গ্রন্থ প্রকাশ করিয়াছেন।

সাংস্কৃতিক ক্ষেত্রে ইউনেস্কোর সর্বাপেক্ষা উল্লেখযোগ্য কৃতিত্ব হইল বিশ্ব কপিরাইট কনভেনশন কার্যকরী করা। সশস্ত্র সংঘর্ষের সময় সাংস্কৃতিক সম্পদ রক্ষা সম্পর্কিত কনভেনশনটি কার্যকরী করা ইউনেস্কোর আর একটি উল্লেখযোগ্য কৃতিত্ব।

ইহা ভিন্ন কারিগরি সাহায্য এবং অজ্ঞান ব্যাপারেও ইউনেস্কো বিশেষ উল্লেখযোগ্য কাজ করিয়াছে।

নয়াদিল্লীতে ইউনেস্কোর নবম সাধারণ সম্মেলনের উদ্বোধন করেন ভারতের প্রধানমন্ত্রী পণ্ডিত জীর্জবাহরলাল নেহরু। সম্মেলনের ঠিক প্রাক্কালেই মিশরে ইঙ্গ-ফরাসী আক্রমণ এবং হাজ্জেরীতে সোভিয়েট আক্রমণ সংঘটিত হওয়ায় সম্মেলনের আবহাওয়া ভারী হইয়া উঠে। প্রধানমন্ত্রীর উদ্বোধনী ভাষণেও তাহারই প্রতিধ্বনি পাওয়া যায়। তিনি মিশর ও হাজ্জেরীর ঘটনাবলীতে বিশেষ উদ্বেগ প্রকাশ করিয়া বলেন, “এখন দেখা বাইতেছে যে, পৃথিবীর মহান আদর্শ কেবল কতকগুলি দেশের নিকট নিছক কথা কথার কথা। এই দেশগুলি সমস্ত সমাধানে তাহাদের অধিকতর বলপ্রয়োগের ক্ষমতাই খাটাইবার দাবি করে। অতীতের তিক্ত স্মৃতি এখনও আমাদের মনে রহিয়াছে। অতীতে এশিয়া ও আফ্রিকার দেশগুলির অগ্রগতি বোধ করা হইয়াছে এবং সেই তিক্ত অতীতের ঘটনাবলীর পুনরাবৃত্তি আমরা ঘটিতে দিতে পারি না।”

তিনি বলেন, “ইউরোপ ও আমেরিকার জনগণ কতকগুলি দিক হইতে ভাগ্যান, কারণ তাহাদের অবস্থা কতকটা ভাল হইয়াছে, কিন্তু আমরা—এশিয়া ও আফ্রিকার অধিবাসীরা জীবনযাত্রার অপরিহার্য দ্রব্যগুলি হইতে বঞ্চিত হইয়া রহিয়াছি। এই প্রয়োজন পূরণের জন্ত সর্বপ্রথম যুদ্ধ ও হিংসা আমাদের বর্জন করিতে হইবে। এই সংস্থার মত বিশ্ব-সংস্থায় যদি বিরাট মানব-সমষ্টি, বিশেষ করিয়া চীনের মত রাষ্ট্রের প্রতিনিধিত্বের ব্যবস্থা না থাকে তাহা হইলে এই সংস্থা বধ্যভূমি ভাবে সক্রিয় হইতে পারে না।”

শ্রীনেহরু আশা প্রকাশ করেন যে, সম্মেলনে উপস্থিত প্রতিনিধিবৃন্দ অনগ্রসর দেশগুলির প্রয়োজন সত্বেই বিশেষভাবে অবহিত হইবেন, “কারণ এই দেশগুলি কেবল খাদ্য, শিক্ষা ও স্বাস্থ্যেরই কাঙাল নয়—সর্বোপরি ইহাদের সকলেই স্বাধীনতাপ্রিয় এবং কোন কিছুই বিনিময়েই সেই স্বাধীনতা হইতে বঞ্চিত হইতে ইহারা রাজী নয়।”

সম্মেলনে ভারতের শিক্ষামন্ত্রী মৌলানা আবুল কালাম আজাদ সর্বসম্মতিক্রমে সাধারণ সভাপতি নির্বাচিত হন; ব্রাজিল, ইকুয়া-

ডর, ফ্রান্স, পশ্চিম জার্মানী, ইন্দোনেশিয়া, ইরান, লাইবেরিয়া, পাকিস্তান, সোভিয়েট ইউনিয়ন এবং মার্কিন যুক্তরাষ্ট্রের প্রতিনিধিদিগের মধ্য হইতে দশ জন সহ-সভাপতিও নির্বাচিত হন। সম্মেলনে ৭৭টি দেশ অংশগ্রহণ করিবার কথা—কিন্তু পশ্চিম এশিয়ার ইঙ্গ-ফরাসী আক্রমণে জটিল অবস্থার সৃষ্টি হওয়ায় প্রথম দিন যোলটি রাষ্ট্রের প্রতিনিধি উপস্থিত থাকিতে পারেন নাই।

সম্মেলনের দ্বিতীয় দিনে কুয়োমিটাং-শাসিত ফরমোজার প্রতিনিধির পরিবর্তে গণতন্ত্রী চীনের প্রতিনিধিকে ইউনেস্কোর সদস্যপদ দানের জন্ত ভারত, সোভিয়েট যুক্তরাষ্ট্র এবং অজ্ঞান কতিপয় দেশের প্রতিনিধিবৃন্দ যে প্রস্তাব আনয়ন করেন, মার্কিন যুক্তরাষ্ট্রের নেতৃত্বে পশ্চিমী রাষ্ট্রগোষ্ঠীর বিরোধিতায় সেট প্রচেষ্টা ব্যর্থ হয়। পরিবর্তে ৩১-১৬ ভোটে সম্মেলনে চীন রাষ্ট্রকে সদস্যপদ-দান সংক্রান্ত প্রস্তাবটি মূলত্বীয় রাবিবার জন্ত আনীত মার্কিন প্রস্তাব গৃহীত হয়। এগারটি রাষ্ট্র ভোটদানে বিরত থাকে এবং সতেরটি দেশের প্রতিনিধি অনুপস্থিত থাকেন।

সাইপ্রাসে ব্রিটিশ শিক্ষানীতির সমালোচনা করিয়া গ্রীস একটি প্রস্তাব উত্থাপন করিলে ২১-১৪ ভোটে তাহা বাতিল হইয়া যায়।

১৩ই নবেম্বর অধিবেশনে বাজেট লইয়া পাশ্চাত্য শক্তিবর্গের সহিত অনুন্নত দেশগুলির পুনরায় মতবিরোধ প্রকাশ পায়। রষ্ট্রপুঞ্জ সংস্থার ১৯৫৭-৫৮ সনের বাজেট দশ লক্ষ ডলার বৃদ্ধি করিবার জন্ত ভারত, ব্রাজিল, ফ্রান্স এবং স্পেন যে প্রস্তাব আনয়ন করে তাহা ২৭-২০ ভোটে পাস হয়; ১৯টি রাষ্ট্র অবশ্য ভোট দানে বিরত থাকে। ব্রিটেন এবং মার্কিন যুক্তরাষ্ট্র প্রস্তাবটির বিপক্ষে ভোট দেয়; সোভিয়েট ইউনিয়ন ভোটদানে বিরত থাকে। ১৩টি রাষ্ট্রের প্রতিনিধিগণ অনুপস্থিত থাকেন।

ব্রিটিশ প্রতিনিধিদলের নেতা সার বেন বাওয়েন টমাস ভোটের ফলাফলে খেঁচাচাত হইয়া বলেন যে, উক্ত প্রস্তাবটি পাস করিয়া সম্মেলন “ছেলেমানুষি” (adolescent) প্রকাশ করিয়াছে।

ব্রিটিশ প্রতিনিধির এই অশোভন উক্তির উত্তরে ভারতের প্রতিনিধি অধ্যাপক হুমায়ুন কবীর বলেন, “ব্রিটিশ প্রতিনিধির বক্তৃতায় আমি বিস্মিত ও মর্মান্বিত হইয়াছি। বিশ্বের আরও বেশী কারণ এই যে, তিনি যে দেশের প্রতিনিধি সেই দেশে পার্লামেন্টারী গণতন্ত্র সম্ভবতঃ পৃথিবীর অন্য সব দেশের অপেক্ষা অধিক দিন চালু আছে। সমস্ত গণতন্ত্রই মতভেদ হইতে বাধ্য, কিন্তু সংখ্যাগরিষ্ঠতা সর্বসময়েই সংখ্যাগরিষ্ঠতা এবং ২৭ ও ২০ ভোটের মধ্যে পার্থক্য খুব সামান্য নয়।”

১৩ই নবেম্বর ইউনেস্কোর কার্যকরী সমিতির শূন্য পদগুলিতে সদস্য নির্বাচিত হন। নির্বাচনের ফলাফলে দেখা যায় যে, কার্যকরী সমিতিতে এশীয়-আফ্রিকান প্রতিনিধির সংখ্যা নয় হইতে কমিয়া সাতে ঠাড়াইয়াছে। ডাঃ চন্দ্রশ্যামী মুদালিরের স্থলে ড. জাকীর হোসেন ভারতের প্রতিনিধি মনোনীত হন।

এশীয় সমাজতান্ত্রিক সম্মেলন

এশীয় সমাজতান্ত্রিক সম্মেলনের প্রথম পূর্ণাঙ্গ অধিবেশন অনুষ্ঠিত হয় ব্রহ্মদেশের রাজধানী রেঙ্গুন নগরীতে—১৯৫৩ সনের জানুয়ারী মাসে। প্রথম সম্মেলনে ব্রহ্ম, মিশর, ভারত, ইন্দোনেশিয়া, ইস্রায়েল, জাপান, লেবানন, নেপাল এবং পাকিস্থানের সমাজ-তান্ত্রিক দলগুলির প্রতিনিধিবৃন্দ উপস্থিত থাকেন। ইহা ভিন্ন আফ্রিকার জাতীয়তা আন্দোলনের প্রতিনিধিবৃন্দও প্রথম সম্মেলনে উপস্থিত থাকেন। ইউরোপ হইতে যুগোস্লাভিয়া এবং সমাজ-তান্ত্রিক আন্তর্জাতিক সংস্থাও প্রথম এশীয় সমাজতান্ত্রিক সম্মেলনে প্রতিনিধি প্রেরণ করেন। প্রথম সম্মেলনের অধিকাংশ সময়ই সাংগঠনিক ও আনুষ্ঠানিক বিধিব্যবস্থা নিরূপণেই ব্যয়িত হয়। এশীয় সম্মেলনের সদস্য-সংখ্যা এতদিন পর্যন্ত ছিল আট যথা : ভারত, ব্রহ্ম, ইন্দোনেশিয়া, ইস্রায়েল, জাপান, লেবানন, মালয় এবং পাকিস্থান। দ্বিতীয় সম্মেলনে নেপাল, সিংহল ও দক্ষিণ ভিয়েতনামের সমাজতান্ত্রিক দলগুলিকে সদস্যভুক্ত করিয়া লওয়ার বর্তমান সদস্যসংখ্যা দাঁড়াইয়াছে এগার।

প্রথম সম্মেলনে গৃহীত সম্মেলনের উদ্দেশ্য প্রধানতঃ (১) এশিয়ার বিভিন্ন সমাজতান্ত্রিক দলগুলির পারস্পরিক সম্পর্ক দৃঢ়তর করা ; (২) পারস্পরিক সম্মতির ভিত্তিতে দলগুলির রাজনৈতিক মনোভাবের সমন্বয়সাধন ; (৩) এশিয়ার বহির্ভূত সমাজতান্ত্রিক দলগুলির সহিত সংযোগস্থাপন ; (৪) সমাজতান্ত্রিক আন্তর্জাতিক সংস্থার সহিত সংযোগস্থাপন ; (৫) ঔপনিবেশিক ও নির্ধাতিত জনসাধারণের দাবির প্রতি সমর্থন জ্ঞাপন এবং গণতান্ত্রিক জাতীয় স্বাধীনতা প্রতিষ্ঠার উদ্দেশ্যে স্বাধীনতা আন্দোলনগুলিকে নেতৃত্বদান করা ; এবং (৬) বিশ্বশান্তি রক্ষার জন্ত সহযোগিতা করা।

১লা হইতে ১০ই নভেম্বর পর্যন্ত দশ দিন ধাবৎ বোম্বাই নগরীতে এশীয় সমাজতান্ত্রিক সম্মেলনের দ্বিতীয় সম্মেলন অনুষ্ঠিত হইয়া গেল। এশীয় সমাজতান্ত্রিক সম্মেলনের সংবিধান অনুযায়ী দুই বৎসর অন্তর সম্মেলনের একটি পূর্ণাঙ্গ অধিবেশন হইবার কথা। কার্যতঃ প্রায় চার বৎসর পর দ্বিতীয় সম্মেলন অনুষ্ঠিত হইল।

দ্বিতীয় এশীয় সমাজতান্ত্রিক সম্মেলনে সদস্য এগারটি দল ব্যতীত এশিয়া ও আফ্রিকার তেইশটি সমাজতান্ত্রিক দলের প্রতিনিধিগণ পর্যবেক্ষক হিসাবে উপস্থিত ছিলেন। তদ্ব্যতীত সমাজ-তান্ত্রিক আন্তর্জাতিক, সমাজতন্ত্রবাদী আন্তর্জাতিক যুব সংস্থা, যুগো-স্লাভিয়ার কমিউনিষ্ট লীগ এবং ঔপনিবেশিক স্বাধীনতা আন্দোলন সংস্থা হইতে প্রেরিত সৌভ্রাতৃত্বমূলক প্রতিনিধিবৃন্দও দ্বিতীয় সম্মেলনের অধিবেশনে উপস্থিত ছিলেন। মধ্যপ্রাচ্যে ইজ-করাসী চক্রের অপ্রত্যাশিত আক্রমণের ফলে কেবলমাত্র মিশরের প্রতিনিধি-বর্গ সম্মেলনে যোগদানে অসমর্থ হন। ব্রহ্মের প্রধানমন্ত্রী উ বা-সোয়ে দ্বিতীয় এশীয় সমাজতান্ত্রিক সম্মেলনের অধিবেশনে সভাপতিত্ব করেন।

দ্বিতীয় এশীয় সমাজতান্ত্রিক সম্মেলনের আলোচ্য সূচীতে ছিল (১) আন্তর্জাতিক পরিস্থিতি ; (২) পরমাণবিক অস্ত্র (৩) নিরস্ত্রীকরণ ; (৪) এশীয় শান্তি ঘোষণা ; (৫) এশিয়াতে অবস্থিত সামরিক ঘাঁটি ; (৬) রাষ্ট্রপুঞ্জ সনদের সংশোধন এবং (৭) ঔপনিবেশিক স্বাধীনতার জন্ত কর্মসূচী গ্রহণ। পাকিস্থানের প্রতিনিধি কাশ্মীর সমস্যাটিকে আলোচ্য সূচীতে একটি স্বতন্ত্র বিষয় রূপে অন্তর্ভুক্ত করিবার প্রয়াস পান, পরে অবশ্য তিনি সেই প্রয়াস পরিত্যাগ করেন। আর একটি বিষয় পরে আলোচনা-সূচীর অন্তর্ভুক্ত করা হয়—তাহা হইল “কমিউনিষ্ট বিশ্বের ঘটনাবলীর তাৎপর্য নিরূপণ”।

পশ্চিম এশিয়াতে শান্তি প্রতিষ্ঠার উদ্দেশ্যে প্রস্তাবিত ব্যবস্থা কার্যকরী করিবার জন্ত সম্মেলন রাষ্ট্রপুঞ্জের নিকট আবেদন জানান : হাঙ্গেরী হইতে সমস্ত সোভিয়েট সৈন্য অপসারণের দাবি জানাইয়াও একটি প্রস্তাব গৃহীত হয়। অপর একটি প্রস্তাবে মার্কিন যুক্তরাষ্ট্র, ব্রিটেন ও সোভিয়েট ইউনিয়নের নিকট সকল প্রকার পরীক্ষামূলক আণবিক বোমার বিস্ফোরণ এবং পরমাণবিক ও তদনুরূপ অস্ত্রাদির ব্যবহার নিষিদ্ধকরণের জন্ত আবেদন জানানো হয়।

ইস্রায়েলের প্রাক্তন প্রধানমন্ত্রী মোশে শারেট চীন, জাপান এবং অগ্ৰাণ্য রাষ্ট্রকে যুক্তরাষ্ট্রপুঞ্জের সদস্যপদ দানের দাবি জানাইয়া যে প্রস্তাব আনয়ন করেন, সম্মেলন তাহাও সর্বসম্মতিক্রমে অনু-মোদন করেন। উক্ত প্রস্তাবে নিরাপত্তা পরিষদের আসনটি চীনকে দিবার জন্তও দাবি জানানো হইয়াছে। হংকং হইতে আগত প্রতিনিধি এই প্রস্তাবটির বিরোধিতা করিলে তাহার উত্তরে শারেট বলেন যে, চীনকে রাষ্ট্রপুঞ্জের সদস্যপদ গ্রহণ করিতে দেওয়া হইলে বিশ্ব কোনক্রমেই ক্ষতিগ্রস্ত হইবে না, বরং তাহাতে সকলেরই উপকার হইবে। বাস্তব সত্যকে স্বীকার করিয়া লওয়া প্রয়োজন—যদি রাষ্ট্রপুঞ্জকে কলপ্রস্থ করিতে চাওয়া হয় তবে চীনকে গ্রহণ করিতেই হইবে।

দক্ষিণ-পূর্ব এশিয়া এবং দূরপ্রাচ্যের দেশগুলির মধ্যে বাণিজ্য-সম্প্রসারণের উপর জোর দিয়া সম্মেলনের অর্থনৈতিক কমিটির রিপোর্টে উক্ত অঞ্চলে উৎপাদনবৃদ্ধির উপর সর্বপ্রকার বিধিনিষেধ অপসারণের দাবি জানানো হয়। উক্ত রিপোর্টে ধাপে ধাপে জাতীয়-করণের একটি প্রস্তাবও করা হয়। সম্মেলন অর্থনৈতিক কমিটির রিপোর্টটিও গ্রহণ করেন।

পূর্ববঙ্গ হইতে আগত উদ্বাস্ত ও ভারত সরকার

পূর্ববঙ্গ হইতে আগত উদ্বাস্তদিগকে লইয়া বর্তমানে এক অদ্ভুত অবস্থার সৃষ্টি হইয়াছে। ভারত সরকারের এক সাম্প্রতিক বিবৃতিতে প্রকাশ যে, বহুসংখ্যক উদ্বাস্তই নাকি “জাল মাইগ্রেশন সার্টিফিকেট” লইয়া ভারতে প্রবেশ করিতেছে। “জাল মাই-গ্রেশন সার্টিফিকেটের” রহস্য বাহাই থাকুক না কেন, উদ্বাস্ত-সমস্যার আরও কয়েকটি বিশেষ দিক রহিয়াছে—বাহার সম্পর্কে সাধারণ সচেতনতা খুবই কম।

আসামের করিমগঞ্জ হইতে প্রকাশিত বাংলা সাপ্তাহিক “যুগ-শক্তি” পত্রিকার ২৩শে কার্তিক সংখ্যায় এক সম্পাদকীয় প্রবন্ধে উদ্বাস্ত আগমন-সমস্যা সম্পর্কিত কয়েকটি বিশেষ দিকের প্রতি আলোকপাত করা হইয়াছে।

যাহারা উদ্বাস্তরূপে ভারতে আগমন করেন তাঁহাদের দুর্গতি ত্রিবিধ—প্রথমতঃ পাকিস্থানে সরকারী, রাজনৈতিক এবং অর্থ-নৈতিক নিগ্রহ; দ্বিতীয়তঃ পাকিস্থানে অবস্থিত ভারতীয় হাই-কমিশনার আপিসে; এবং তৃতীয়তঃ ভারতে অবস্থিত পাকিস্থানী হাই-কমিশনার আপিসে।

পাকিস্থানে সরকারী এবং বেসরকারী নিগ্রহ সম্পর্কে নূতন করিয়া বলিবার কিছু নাই। স্মরণ্য শ্বেষোক্ত দুইটি দিক সম্পর্কেই বিশেষ আলোচনা প্রয়োজন। “যুগশক্তি” লিখিতেছেন যে, পাকিস্থানে অবস্থিত ভারতীয় হাই-কমিশনার আপিস মাইগ্রেশন সার্টিফিকেট দিতে বিশেষ কড়াকড়ি করায় ভারতে আগমনেচ্ছু হিন্দু-গণ অনেক সময়ই বলিতে বাধ্য হন যে, ভারতে গিয়া তাঁহারা কোন সরকারী সাহায্য প্রার্থনা করিবেন না। ফলে অধুনা সকল উদ্বাস্তদিগের সার্টিফিকেটের উপরই লেখা থাকিতেছে, “উদ্বাস্ত হিসাবে কোন সুবিধা দিবার প্রয়োজন নাই।” দ্বিতীয়তঃ, “আইনানুযায়ী পাসপোর্ট ও ভিসাসহ ভারতে প্রবেশ করিয়া পরে কোন ভারতীয় ম্যাজিস্ট্রেটের নিকটে ভারতে বসবাসের ইচ্ছাজ্ঞাপক এফিডেবিট করিয়া উহার নকলসহ ঐ পাসপোর্ট ভারতস্থিত পাকিস্থানী হাই-কমিশনারের আপিসে জমা দিলে ভারতীয় নাগরিক হওয়া যায় এবং তাহার রসিদ লইয়া উচ্চ উদ্বাস্ত বিভাগে জমা দিলে উদ্বাস্ত হিসাবে বাবতীয় সুবিধা পাওয়ার কথা। কিন্তু পাকিস্থান সরকার ইতঃপূর্বেই ঘোষণা করিয়া দিয়াছেন যে, তাহারা একপ-ভাবে জমা লইয়া রসিদ দিতে ‘বাধ্য’ নহেন। ফলে হিন্দুগণ সহজে রসিদ পান না; অথচ প্রকাশ যে, মুসলমানগণ অতি সহজেই তাহা পাইয়া থাকেন। আর এই রসিদ না পাইলে উদ্বাস্ত হিসাবে গণ্য হওয়া ত দূরের কথা, ভারতীয় নাগরিক হওয়াই বিশেষ বর্জসাধ্য ব্যাপার হইয়া দাঁড়ায়। ফলে দেখা যাইতেছে যে, আইনতঃ পাকিস্থান হইতে হিন্দুদের ভারতে আগমনের বহু পথ খোলা থাকিলেও কার্যতঃ এখন সকল পথই বন্ধ হইয়া যাইতেছে।”

পূর্ববঙ্গ হইতে আগত হিন্দুদিগকে এইরূপ নানাবিধ অসুবিধা সহ্য করিতে হইতেছে কিন্তু পাকিস্থান হইতে বেআইনীভাবে আগত মুসলমানগণকে এই সকল অসুবিধার কোনটিই সহ্য করিতে হয় না। দুই-এক দিন জেল খাটার পর তাহারা ভারতেই থাকিয়া যায়। ভারতীয় কর্তৃপক্ষ তাহাদিগকে পাকিস্থানের সীমান্ত পর্যন্ত লইয়া যাইতে পারেন, কিন্তু পাকিস্থানের কর্তৃপক্ষ তাহাদিগকে ফিরাইয়া লইতে বাধ্য নহেন—কারণ উহারা যে পাকিস্থানেরই নাগরিক সে সম্পর্কে কোন লিখিত প্রমাণ ভারতীয় কর্তৃপক্ষের হাতে থাকে না। “আর বেআইনী আগন্তুক মুসলমানদের কয়জনই বা ধরা পড়ে? শতকরা ৯০ ভাগই বোধ হয় ধরা পড়ে না। তার

পরে সংখ্যালঘুদের সুবিধা আদায়ও খুব কঠিন ব্যাপার নহে।” অপরদিকে পূর্ববঙ্গ হইতে আগত হিন্দুদিগের সহিত জালই হটক বা আসলই হটক ফটোযুক্ত মাইগ্রেশন সার্টিফিকেট থাকে—যে সার্টিফিকেটে পাকিস্থানী চেকপোস্টের সহি থাকে—সে অবস্থায় হিন্দুদিগকে ফিরাইয়া দেওয়া খুবই সহজ।

পরিকল্পনার গোলযোগ

পশ্চিমবঙ্গে আরও একটি বিশ্ববিদ্যালয় হইল। উত্তম কথা, কেননা বাঙালীর সর্ব্বত্র গিয়াছে বা যাইতে চলিয়াছে, এখন ভরসা একমাত্র শিক্ষা, অর্থাৎ উচ্চমানের সাধারণ শিক্ষা ও বিস্তৃত কার্যকরী শিক্ষা। কিন্তু অল্প অনেক সমস্যা বাহা আছে তাহার ব্যবস্থা দ্বিতীয় পঞ্চবার্ষিক পরিকল্পনায় কোথায়?

পশ্চিমবঙ্গের আশু সমস্যা উদ্বাস্তর পুনর্বাসতি, ইহার পর আছে চিকিৎসার প্রয়োজন ও প্রাথমিক শিক্ষার বিস্তৃতি। পশ্চিমবঙ্গে বৎসরে প্রায় পঞ্চাশ হাজার ব্যক্তি যক্ষ্মায় মারা যায়, ইহাদের মধ্যে হাসপাতালে মাত্র কয়েক হাজারের চিকিৎসা হয়। অধিকাংশ রোগীই গরীব এবং নিজেরা চিকিৎসার বন্দোবস্ত করিতে পারেন না বলিয়া বিনা চিকিৎসায় মারা যায়। ইহাদের জগৎ বাংলাদেশের প্রত্যেক শহরে একটি করিয়া যক্ষ্মা হাসপাতাল স্থাপন করা অতি অল্প প্রয়োজন।

বেকার-সমস্যা দিন দিন বৃদ্ধি পাইতেছে, পশ্চিমবঙ্গ সরকারের কঙবা শিল্প প্রতিষ্ঠা করিয়া চাকুরীর সংস্থান করা। ইঞ্জিনিয়ারিং শিল্প কিংবা জাহাজ-শিল্প পশ্চিমবঙ্গ সরকার প্রতিষ্ঠা করিতে পারেন, ভারতবর্ষের প্রায় ৪,০০০ মাইল সমুদ্রোপকূল; কিন্তু পৃথিবীর অগাছ দেশের তুলনায় ভারতবর্ষের জাহাজের পরিমাণ এক শতাংশও নয়। একদিন কলিকাতায় নির্মিত জাহাজ ইউরোপের যুদ্ধক্ষেত্রে ব্যবহৃত হইত? কিন্তু এই সব ব্যাপারে চিন্তা করিবার সময় কোথায়। ভারতের প্রধানমন্ত্রী দেশের সমস্তা চেয়ে চীনা, রাশিয়ার সমস্তা লইয়া অধিক চিন্তিত। আর পশ্চিমবঙ্গের মুখ্যমন্ত্রী সকল ব্যাপারে চিন্তা করিবার প্রয়াস পান বলিয়া কোন ব্যাপারেই চিন্তা করা হয় না। ভারতীয় সংবিধানে বলা হইয়াছে যে, রাষ্ট্র ১৪ বৎসর বয়স পর্যন্ত বিনামূল্যে বাধ্যতামূলক প্রাথমিক শিক্ষার ব্যবস্থা করিবে; কিন্তু ছয় বৎসরে এ বিষয়ে সরকার কতদূর অগ্রসর হইয়াছেন?

অর্থবিহীন উপদেশ

সম্প্রতি প্রবাসী বঙ্গ-সাহিত্য সম্মেলনে অধ্যাপক জমায়ুন কবীরের বক্তৃতা পাঠ করিয়া আমরা কিছু আশ্চর্য্য বোধ করিতেছি। অধ্যাপক কবীর বলিয়াছেন যে, বাঙালীর চিন্তা বর্তমানে সঙ্কীর্ণ হইয়াছে, কারণ তাহারা সর্বভারতীয় দৃষ্টিভঙ্গীতে চিন্তা করিতেছে না। কোন অবাঙালী এই কথা বলিলে আমরা তাহার প্রতিবাদ করিতাম না। বাঙালী কোন বিষয়ে অভারতীয় চিন্তা করিতেছে সে-কথা অধ্যাপক কবীর বলেন নাই। ষ্টিখাবিত্তক বাঙালী নিজের সমস্তা লইয়া এত বিব্রত যে, অল্প চিন্তা করিবার অবসর তাঁহার

এখন নাই। আর অধ্যাপক কবীর বোধ হয় ভুলিয়া গিয়াছেন যে, ভারতীয় সংস্কৃতির রেনেসাঁস বাঙালীর অবদান বলিলেও অতুক্তি হয় না।

দুইটি বিষয়ে বর্তমানে বাংলা দেশ কেন্দ্রীয় সরকারের বিরোধিতা করিতেছে—হিন্দীকে একমাত্র রাষ্ট্রভাষা করিবার বিরুদ্ধে বাংলা প্রতিবাদ করিয়াছে ও করিতেছে এবং মাধ্যমিক শিক্ষার পুনর্গঠন বিষয়েও বাঙালীর আপত্তি আছে। মাধ্যমিক শিক্ষার পুনর্গঠন ব্যবস্থার পরিকল্পনা অধ্যাপক কবীরের একটি অপকীর্তি; ইহাকে চালু করিবার বিরুদ্ধে সবচেয়ে আপত্তি করিয়াছে বাংলা দেশ, কারণ বাঙালীর চিন্তাশীলতাব পিছনে যুক্তি আছে। অধ্যাপক কবীরের উপদেশ এই দুইটি বিষয়কেই ইঙ্গিত করিয়াছে। হিন্দীকে রাষ্ট্রভাষা করিবার গোড়ামির বিরুদ্ধে শুধু বাংলা দেশ কেন, অজ্ঞাত অনেক প্রদেশ আপত্তি জানাইয়াছে। মাঝে মাঝে স্বয়ং প্রধানমন্ত্রী পর্যন্ত প্রকারান্তরে তাঁহার আপত্তি জানাইয়া দেন। আর যদি কোন প্রদেশ আপত্তি নাও কবে, তথাপি হিন্দীকে রাষ্ট্রভাষা করিবার অজ্ঞায় জ্বিদের বিরুদ্ধে বাংলা দেশ আপত্তি করিবে, কারণ বা অজ্ঞায় ও অর্ষোক্তিক তাহার বিরুদ্ধে বাঙালীর চিন্তা চিহ্নকালই আপত্তি জানাইয়া আসিয়াছে।

আর মাধ্যমিক শিক্ষার পুনর্গঠনের বিরুদ্ধে বাঙালীর আপত্তির কারণ এই যে, এই ব্যবস্থার পিছনে রাজনৈতিক চিন্তাধারাই অধিকতর বঙ্গবর্তী। শিক্ষার মান পরিবর্তনকল্পে প্রত্যেক বিদ্যালয়ের জ্ঞান প্রায় এক লক্ষ দশ হাজার করিয়া টাকা ব্যয় করিতে হইবে। অর্থাৎ ইহার জ্ঞান কয়েক কোটি টাকা খরচ হইবে। সব বিদ্যালয়ে অধ্যাপক রাখিতে হইবে এবং সকল বিদ্যালয়ের পক্ষে পুনর্গঠন ব্যবস্থা সম্ভবপর হইবে না। ইহার ফলে কতকগুলি বিদ্যালয়ের মান উন্নীত হইবে এবং কতকগুলির হইবে না। তিন বৎসবে বি-এ পরীক্ষার পাঠ্য নির্ধারিত হইলে শিক্ষার্থীদের সংখ্যা হ্রাস পাইতে বাধ্য, এবং সরকারও ইহা চান, কারণ উচ্চশিক্ষা বৃদ্ধি পায় ইহা তাঁহাদের কাম্য নয়। উচ্চশিক্ষার ফলে মানুষের জ্ঞান-বৃদ্ধি বৃদ্ধি পায় এবং সরকারী অকর্মণ্যতা ও অপকীর্তি জনসাধারণের মধ্যে ব্যাপকভাবে ধরা পড়ে। অধ্যাপক কবীর বোধ হয় ভুলিয়া গিয়াছেন যে, বাংলাদেশে বর্তমান অবস্থা বাঙালী আছে, ভারতের অজ্ঞাত কোন প্রদেশে তত বাঙালী নাই। ইহা কি বাঙালীর সক্ষমতার পরিচায়ক, না সর্বজনীনতার পরিচায়ক? আর বর্তমানে বাঙালী যদি কিছু পরিমাণে সর্বভারতীয় দৃষ্টিভঙ্গী হারাইয়া কেলিয়া থাকে, তবে তজ্জন্ম দায়ী বাঙালী নয়, দায়ী সারা ভারতবাসী বাহারা গণ্ডী টানিয়া নিজদিগকে তাহার মধ্যে আবদ্ধ করিয়া রাখিয়াছে। বাঙালীর বিরুদ্ধে হার আজ সর্বত্রই রুদ্ধ, সুতরাং বাঙালী আজ নিজের ঘরের মধ্যে, নিজের মনের মধ্যে যদি কিরিয়া আসিতে বাধ্য হইয়া থাকে, তাহার জ্ঞান অনুযোগ করিবার কিছুই নাই—প্রয়োজন সহায়ত্ব।

দিল্লী পাবলিক লাইব্রেরী

ভারতের পাঁচ লক্ষাধিক গ্রাম ও নগরে প্রায় বত্রিশ হাজার পাঠাগার রহিয়াছে। কিন্তু অধিকাংশ পাঠাগারই পাঠাগার রূপে অভিহিত হইবার উপযুক্ত নহে। জাতীয় এবং শিক্ষাজীবনে পাঠাগারের গুরুত্বপূর্ণ ভূমিকা সম্পর্কে সরকার এবং জনসাধারণের মনোযোগ আকর্ষণ হইয়াছে অল্পকাল মাত্র। ভারতে সাম্প্রতিককালে যে কয়েকটি গ্রন্থাগার স্থাপিত হইয়াছে তন্মধ্যে দিল্লী সাধারণ গ্রন্থাগার নিঃসন্দেহে সর্বাপেক্ষা উল্লেখযোগ্য। উহাকে এশিয়ার মধ্যে "সর্বাপেক্ষা কর্মব্যস্ত এবং সর্বাপেক্ষা আধুনিক গ্রন্থাগার" বলা হয়।

গ্রন্থাগারটি ভারত সরকার এবং রাষ্ট্রপুঞ্জের শিক্ষা, বিজ্ঞান ও সংস্কৃতি (ইউনেস্কো) সংস্থার যুক্ত প্রচেষ্টায় প্রতিষ্ঠিত হয়। ১৯৫১ সনের ২৭শে অক্টোবর প্রধানমন্ত্রী শ্রীনেহরু গ্রন্থাগারটির উদ্বোধন করেন।

পাঠাগারটি প্রত্যাহ বারো ঘণ্টা খোলা থাকে। কোন পাঠকের নিকট হইতেই কোন জমা বা চাঁদা লওয়া হয় না। পুস্তকের জন্ম কোন জমা না রাখা হইলেও গ্রন্থাগারের পুস্তক বিশেষ খোয়া যায় নাই—জনসাধারণ তাঁহাদের উপর যত বিশ্বাসের অবমাননা করেন নাই। গত পাঁচ বৎসরে গ্রন্থাগার হইতে যোল লক্ষ বই 'ইস্থ' করা হয়—তন্মধ্যে মাত্র ৭৫০টি ব্যতীত আর সকল বই-ই ফেরত পাওয়া গিয়াছে। পাশ্চাত্য দেশের গ্রন্থাগারের রেকর্ডের সহিত তুলনামূলক বিচারে দিল্লীর সাধারণ গ্রন্থাগারের রেকর্ড কোন অংশেই নূন নহে।

সাধারণ গ্রন্থাগারটির আরও অনেক বৈশিষ্ট্য রহিয়াছে। গ্রন্থাগারটি একটি সামাজিক কেন্দ্র হিসাবে জনসাধারণের সাংস্কৃতিক চাহিদা মিটার। ১৫ বৎসরের কম বয়স্ক ছেলেমেয়েদের জন্ম পাঠাগারে একটি পৃথক বিভাগও রহিয়াছে। গ্রন্থাগারের সামাজিক শিক্ষা বিভাগ সাংস্কৃতিক অনুষ্ঠানের আয়োজন করে। পাঠকগণ বাহাতে সুপরিষ্কৃত ভাবে তাহাদের অধ্যয়ন-কার্য চালাইতে পারেন তজ্জন্ম একটি পরামর্শ-দান ব্যবস্থা রহিয়াছে। গ্রন্থাগারের একটি স্বতন্ত্র বিভাগে সকল প্রকার বিষয়ে রেফারেন্স সংগ্রহে সাহায্যদানের ব্যবস্থা আছে।

গ্রন্থাগারের সাফল্য সম্পর্কে বিচার করিয়া দেখিবার জন্ম জাতি-পুঞ্জের শিক্ষা, বিজ্ঞান ও সাংস্কৃতিক সংস্থা ১৯৫৫ সনে ব্যাপক অনু-সন্ধান করিয়া এই সিদ্ধান্তেই উপনীত হইয়াছেন যে, গ্রন্থাগারটি অবিসংবাদিতরূপে জনপ্রিয় হইয়া উঠিয়াছে।

কলিকাতায় এইরূপ একটি সাধারণ গ্রন্থাগার প্রতিষ্ঠার প্রয়োজনীয়তা বহুদিন যাবৎই অনুভূত হইতেছে এবং সেই প্রয়োজনীয়তা সম্পর্কে পত্রপত্রিকা এবং আলোচনা-সভায় বহুবার উল্লেখও করা হইয়াছে। কলিকাতার মত নগরীতে একটি সাধারণ গ্রন্থাগার না থাকা নিতান্তই লজ্জা ও পরিতাপের বিষয়। বেলভিডিয়াবে অবস্থিত জাতীয় গ্রন্থাগারটি ঠিক সাধারণ গ্রন্থাগারের ভূমিকা গ্রহণ করিতে পারিতেছে না। ইহা ব্যতীত উল্লেখযোগ্য গ্রন্থাগার বিশ্ব-

বিদ্যালয়ের গ্রন্থাগার—উহা ছাত্রদেরই প্রয়োজন মিটাইতে পারিতেছে না। বঙ্গীয় সাহিত্য-পরিষদ প্রভৃতি অপর কয়েকটি বিশিষ্ট গ্রন্থাগার রহিয়াছে বটে, তবে তাহাদিগকেও ঠিক সাধারণ গ্রন্থাগারের পর্যায়ভুক্ত করা চলে না। কলিকাতার বিভিন্ন অঞ্চলে ছোট ছোট যে কয়েকটি গ্রন্থাগার রহিয়াছে তাহাদের সীমাবদ্ধ ক্ষমতায় তাহারা জনসাধারণের সাংস্কৃতিক চাহিদা মিটাইতেছে সন্দেহ নাই—কিন্তু তাহাদের শক্তি একরূপ সীমাবদ্ধ যে জনসাধারণের সাংস্কৃতিক চাহিদার বেশী ভাগই অপূর্ণ থাকিয়া যায়। পশ্চিমবঙ্গ সরকার কলিকাতায় একটি সাধারণ পাঠাগার স্থাপন করিবেন বলিয়া সংবাদ প্রকাশিত হইয়াছিল, কিন্তু তাহার পর সে সম্পর্কে আর কিছুই শোনা যায় নাই। আমরা আশা করি, কলিকাতায় একটি সাধারণ পাঠাগার স্থাপনে আর অমধ্য বিলম্ব করা হইবে না।

ভারতে খনিজ তৈল

ভারতের বহির্বাণিজ্যে ঘাটতি ক্রমশঃ বৃদ্ধির মুখে, ইহাতে কেন্দ্রীয় সরকার চিন্তিত হইয়া উঠিয়াছেন। কারণ বহির্বাণিজ্যে ঘাটতির ফলে দ্বিতীয় পঞ্চবার্ষিকী পরিকল্পনার খরচ সঙ্কলন হইয়া উঠিবে না। তাহারা আমদানী খরচ বাঁচাইবার জন্ত সচেষ্ট, কারণ মূলধনী যন্ত্রপাতি আমদানীর জন্ত বৈদেশিক মুদ্রার যথেষ্ট প্রয়োজন আছে। যন্ত্রপাতি বাতীত তৈল আমদানীতে ভারতের বহু বৈদেশিক মুদ্রা ব্যয়িত হয়। বর্তমানে ভারতবর্ষ বৎসরে ৭৫ কোটি টাকার খনিজ তৈল আমদানী করে। অল্প কয়েক বৎসরের মধ্যে ভারতে পেট্রোলিয়ামের প্রয়োজন দাঁড়াইবে ৭০ লক্ষ টনে এবং ইহার আমদানীর জন্ত ১২০ কোটি টাকার বৈদেশিক মুদ্রা খরচ হইবে। ভারতে তৈল অন্বেষণের জন্ত দ্বিতীয় পঞ্চবার্ষিকী পরিকল্পনায় ভারত সরকার অনুমোদনক্রমে ত্রিশ কোটি টাকা খরচ করিবেন। কেন্দ্রীয় প্রাকৃতিক সম্পদ ও বৈজ্ঞানিক অন্বেষণের ভারপ্রাপ্ত মন্ত্রী শ্রীকেশব মালবীয়া সম্প্রতি কানাডায় গিয়াছিলেন তৈল নিষ্কাশন ব্যাপারে ঐ দেশ হইতে সাহায্যপ্রাপ্তির আশায়। কানাডা ভারতের প্রতি সহানুভূতিশীল এবং খনিজ তৈল অন্বেষণ ব্যাপারে ভারত-বর্ষকে সাহায্য করিতে রাজী হইয়াছে, শীঘ্রই এই উদ্দেশ্যে তাহারা এ দেশে লোক পাঠাইবে। তৈল অন্বেষণ ব্যাপারে কানাডার বৈজ্ঞানিক জ্ঞান খুবই উন্নত।

আসাম তৈল কোম্পানীর ভূতত্ত্ববিদ মিঃ মেত্রে সম্প্রতি একটি বক্তৃতায় আশায় বাণী শুনাইয়াছেন। তাহার মতে আসামের নাহোরকাটিয়া এলাকায় তৈল উৎপাদন বৃদ্ধির প্রচুর সম্ভাবনা আছে। ইহাতে বৎসরে প্রায় ২৫ লক্ষ টন পেট্রোলিয়াম উৎপাদিত হইবে। ইহার সঙ্গে ৪.৫ কোটি টন কিউবিক ফুট গ্যাসও পাওয়া যাইবে, এবং এই পরিমাণ গ্যাস প্রায় ৬ লক্ষ টন পেট্রোলিয়ামের সামিল। আসামের শিল্পোন্নতিতে এই গ্যাস খুব প্রয়োজনে আসিবে। উগবয় তৈলখনির উৎপাদন ক্রমশঃসমান, ইহাতে বৎসরে গড়ে তিন লক্ষ টন তৈল উৎপাদিত হয়। ভারতবর্ষে

বর্তমানে প্রায় ৫০ লক্ষ টন অপরিষ্কৃত তৈলের প্রয়োজন হয়, এখন ইহার ৮ শতাংশ মাত্র এদেশে উৎপাদিত হয়, আগামী কয়েক বৎসরে এই উৎপাদনের পরিমাণ বৃদ্ধি পাইয়া ৫৬ শতাংশে দাঁড়াইবে বলিয়া আশা করা হইতেছে।

আসাম উপত্যকার অগ্নাঙ্ক স্থানেও তৈল আছে বলিয়া প্রাথমিক অন্বেষণে ধরা পড়িয়াছে। এখানকার মোরান এলাকায় তৈলের সন্ধান পাওয়া গিয়াছে। বর্তমানে ভারতবর্ষে মোট ৪৩ লক্ষ টন তৈল খরচ হয়। ১৯৬০-৬১ সন নাগাদ ইহার পরিমাণ হইবে ৭০ লক্ষ টন। শুধু আসামেই বাহাতে ৪০ লক্ষ টন তৈল উৎপাদিত হয় তাহার জন্ত ভারত সরকার সর্বতোপায় অবলম্বন করিতেছেন। পঞ্জাবের জাওলামুখা এলাকায় তৈলের সন্ধান পাওয়া গিয়াছে। পশ্চিম বাংলা, রাজস্থান ও সৌরাষ্ট্রেও তৈল আছে বলিয়া অনুমিত হইয়াছে। এ সম্বন্ধে দ্রুত অন্বেষণ হওয়া প্রয়োজন। গাজেশ উপত্যকার আরও অগ্নাঙ্ক স্থানে তৈলের অবস্থান স্বাভাবিক।

মুদ্রাস্ফীতি, না মন্দার বাজার ?

ভারতে টাকার বাজার বর্তমানে দুইটি বিপরীত গতির সম্মুখীন—একদিকে মুদ্রাস্ফীতি, অপরদিকে মন্দা। কয়েকদিন আগে ভারতের অর্থমন্ত্রী টাকার বাজারে মন্দা সম্বন্ধে উদ্বেগ প্রকাশ করেন। মে মাসে ও সেপ্টেম্বর মাসে রিজার্ভ ব্যাঙ্ক মূল্যবৃদ্ধির প্রতিরোধকল্পে ব্যাঙ্কগুলির উপর কিছু কিছু বাধানিষেধ আরোপ করে। খাতদ্রব্য ও বস্ত্রের মূল্য বৃদ্ধি পাওয়ার ফলে দেখা যায় যে, ব্যাঙ্ক দাননের সাহায্যে আড়তদাররা এই দ্রব্যগুলিকে ধরিয়া রাখিতেছে, সেই কারণে বাজারে ইহাদের সরবরাহ কম হওয়ার মূল্য বৃদ্ধি পায়। ব্যাঙ্কগুলি টাকার বাজার মন্দা বলিয়া ধূম তুলিল এবং অর্থমন্ত্রী শ্রীকৃষ্ণমাচারী তাহাদের সমর্থন করিলেন। ফলে ব্যাঙ্কগুলির উপর হইতে উক্ত বাধানিষেধগুলি রিজার্ভ ব্যাঙ্ক তুলিয়া লইতে বাধ্য হয়।

কিন্তু টাকার বাজার কি সত্যিই মন্দা? অবশ্যই নয়; ব্যাঙ্কগুলি অতিরিক্ত পরিমাণে টাকা খাটাইয়াছে, তাহাতেই টাকার বাজারে টান পড়িয়াছে। জানুয়ারী হইতে অক্টোবর মাস পর্যন্ত ব্যাঙ্কগুলিকে সময় ছুটির বিরুদ্ধে (usance bills) রিজার্ভ ব্যাঙ্ক ৩৩০ কোটি টাকা লগ্নী দিয়াছে। ভারতবর্ষে মে মাস হইতে অক্টোবর মাস পর্যন্ত টাকার বাজার মন্দা থাকে; কিন্তু সেই সময়েই এত অধিক পরিমাণ ঋণ ব্যাঙ্কগুলি রিজার্ভ ব্যাঙ্কের নিকট হইতে গ্রহণ করিয়াছে। অগ্নাঙ্ক বৎসরে এই সময়ে ব্যাঙ্কগুলি রিজার্ভ ব্যাঙ্কের নিকট হইতে টাকা ঋণ লয় নাই; ফসল উঠার সময় টাকার বাজার তেজী থাকে (নবেম্বর হইতে এপ্রিল মাস পর্যন্ত)। টাকার বাজার তেজী হওয়ার প্রারম্ভেই রিজার্ভ ব্যাঙ্ক ছুটির বিরুদ্ধে সুদের হার শতকরা সোয়া তিন হইতে শতকরা সাড়ে তিন টাকা হারে বৃদ্ধি করিয়া দিয়াছে। ব্যাঙ্কগুলি অত্যধিক পরিমাণে দানন দিয়াছে, ইহাতে ফাটকার বাজারে শ্রীবৃদ্ধি হইয়াছে

এবং মূল্যমান উপরের দিকে উঠিয়াছে। ব্যাঙ্কগুলি তাহাদের আমানতের ৭০ শতাংশ ইতিপূর্বেই লগ্নী দিয়া বসিয়াছে; টাকার বাজারে তেজী অবস্থা সবেমাত্র শুরু। আন্তর্জাতিক স্বল্পমেয়াদী ঋণের হার সোয়া তিন শতাংশে বৃদ্ধি পাইয়াছে। এই অবস্থায় ব্যাঙ্কগুলি রিজার্ভ ব্যাঙ্কের নিকট হইতে অধিক পরিমাণে ঋণ গ্রহণ করিতে বাধ্য হইবে। মূল্যমানকে নিয়ন্ত্রণ রাখিতে হইলে রিজার্ভ ব্যাঙ্কের উচিত ব্যাঙ্ক-রেট বৃদ্ধি করা ও লগ্নীর পরিমাণ নিয়ন্ত্রণ করা (credit rationing)।

প্রেসিডেন্ট আইসেনহাওয়ারের পুনর্নির্বাচন

জেনারেল ডুইট আইসেনহাওয়ার দ্বিতীয় বারের জগ্ন মার্কিন যুক্তরাষ্ট্রের প্রেসিডেন্ট নির্বাচিত হইয়াছেন। আইসেনহাওয়ারের এই জয় তাঁহার ব্যক্তিগত জয়। মার্কিন জনসাধারণ রিপাবলিকান দলের মনোনীত প্রার্থী আইসেনহাওয়ারকে প্রেসিডেন্টরূপে ভোট দিয়াছেন, কিন্তু রিপাবলিকান দল কংগ্রেসের নির্বাচনে ডেমোক্র্যাটিক দলের নিকট পরাজিত হইয়াছে। প্রেসিডেন্ট আইসেনহাওয়ারের জনপ্রিয়তা এইরূপ বৃদ্ধি পাইয়াছে যে, ১৯৫২ সনের নির্বাচনে তিনি যে-সংখ্যক ভোট পাইয়াছিলেন এবারে তিনি তদপেক্ষা অনেক বেশী ভোট পাইয়াছেন। আইসেনহাওয়ার ৪২টি রাষ্ট্রে তাঁহার প্রতিদ্বন্দ্বী এডলাই ষ্টীভেনসন অপেক্ষা বেশী ভোট পাইয়াছেন, মাত্র ছয়টি রাষ্ট্রে ষ্টীভেনসন আইসেনহাওয়ার অপেক্ষা অধিক ভোট পাইয়াছেন! ১৯৫২ সনে আইসেনহাওয়ার ৩৯টি রাষ্ট্রে এবং ষ্টীভেনসন নয়টি রাষ্ট্রে সংখ্যাগরিষ্ঠতা লাভ করেন। প্রায় ৫৬ বৎসর পর এই এক জন রিপাবলিকান প্রেসিডেন্ট পুনর্নির্বাচিত হইলেন। ১৯০০ সনে পুনর্নির্বাচনের অত্যন্তকাল পরেই রিপাবলিকান প্রেসিডেন্ট ম্যাককিনলে আততায়ী কর্তৃক নিহত হইবার পর আজ পর্যন্ত আর কোনও রিপাবলিকান প্রেসিডেন্টই পুনর্নির্বাচিত হইতে পারেন নাই। মি: রিচার্ড নিক্সন পুনরায় উপরাষ্ট্রপতি নির্বাচিত হইয়াছেন।

মার্কিন কংগ্রেসের উভয় ক্ষেত্রেই ডেমোক্র্যাটিক দল সংখ্যাগরিষ্ঠতা লাভ করিয়াছে। ১৮৪৮ সনের পর এই সর্বপ্রথম একজন প্রেসিডেন্ট বিরোধী কংগ্রেসের সম্মুখীন হইয়াছেন।

আইসেনহাওয়ারের নির্বাচনী প্রচারাে তিনি বলিয়াছিলেন যে, পুনর্নির্বাচিত হইলে মধ্যপ্রাচ্যের যুদ্ধে মার্কিন যুক্তরাষ্ট্র লিপ্ত হইবে না। এডলাই ষ্টীভেনসন আণবিক অস্ত্রের পরীক্ষা করিবার পক্ষপাতী ছিলেন, কিন্তু আইসেনহাওয়ার তাহার বিরোধী। আইসেনহাওয়ারের পুনর্নির্বাচনে মার্কিন বৈদেশিক নীতির বিশেষ পরিবর্তন ঘটিবার সম্ভাবনা নাই।

মি: আইসেনহাওয়ার মার্কিন যুক্তরাষ্ট্রের প্রেসিডেন্ট পদে পুনর্নির্বাচিত হওয়ার খবর নিম্নরূপে আসে।

“নিউইয়র্ক, ৭ই নবেম্বর—মি: ডুইট ডি. আইসেনহাওয়ার

(রিপাবলিকান পার্টি) পুনরায় চার বৎসরের জগ্ন মার্কিন যুক্তরাষ্ট্রের প্রেসিডেন্ট নির্বাচিত হইয়াছেন। তাঁহার প্রতিদ্বন্দ্বী প্রার্থী মি: এডলাই ষ্টীভেনসন (ডেমোক্র্যাট) বিপুল ভোটারে ব্যবধানে পরাজিত হইয়াছেন।

ডেমোক্র্যাটিক দলের প্রার্থী মি: ষ্টীভেনসন নির্বাচনে পরাজয় স্বীকার করার অল্প কিছুক্ষণ পরেই বিজয়ী প্রেসিডেন্ট তাঁহার হর্ষাংকুল সমর্থকগণকে বলেন—মঙ্গলময় ভগবান আমাকে যতটুকু ধীশক্তি দান করিয়াছেন এবং আমার ভিতরে যতটুকু শক্তি আছে তাহা লইয়া আমি এবং আমার সহকর্মীগণ একটিমাত্র কাজ করিব। সে কাজ হইল স্বদেশে ১৬ কোটি ৮০ লক্ষ আমেরিকাবাসীর মঙ্গলসাধন এবং জগতে শান্তি স্থাপন।

মি: আইসেনহাওয়ার রিপাবলিকান দলের প্রার্থী হিসাবে পুনরায় প্রেসিডেন্ট পদে নির্বাচিত হইয়াছেন বটে, কিন্তু কংগ্রেসের নির্বাচনে তাঁহার দল জয়ী হইতে পারে নাই। কংগ্রেসের উভয় পরিষদেই—সিনেটে এবং প্রতিনিধি পরিষদে ডেমোক্র্যাটিক দল প্রাধান্য লাভ করিয়াছে। কংগ্রেসে বিরোধী দলের সংখ্যাধিক্য সহ এই শতাব্দীতে ইতিপূর্বে আর কেহ আমেরিকার প্রেসিডেন্ট পদে নির্বাচিত হন নাই।

অন্য প্রেসিডেন্ট আইসেনহাওয়ারের নিকট প্রেরিত এক তার-বার্তায় মি: এডলাই ষ্টীভেনসন বলিয়াছেন, “আপনি কেবল নির্বাচনেই জয়লাভ করেন নাই, মার্কিন যুক্তরাষ্ট্রের জনসাধারণের গভীর আস্থা অর্জন করিয়াছেন।

অল্প রাতে আমরা রিপাবলিকান এবং ডেমোক্র্যাট নহি, আমরা আমেরিকান। আমি আপনাকে অভিনন্দন জ্ঞাপন করিতেছি।

দেশের শাসন-কর্তৃপক্ষকে যে সব গুরুতর সমস্যার সম্মুখীন হইতে হয়, আমরা তাহা উপলব্ধি করিতেছি। আমেরিকান হিসাবে আমরা আপনার শাসনকালের সর্বাঙ্গীণ সাফল্য কামনা করি।”

মৌলানা ভাসানী-মুন সংবাদ

মালিক ফিরোজখাঁ মুন কিছুদিন পূর্বে ভারত সম্পর্কে বিবোধকার করেন। উহা অবশ্য তাঁহার মস্তিষ্কের অবস্থার পরিচায়ক। সে সম্পর্কে মৌলানা ভাসানীর মন্তব্য নীচে দেওয়া হইল :

“ঢাকা, ২৬শে অক্টোবর—পূর্ববঙ্গে শাসনক্ষমতায় প্রতিষ্ঠিত পূর্ব-পাকিস্থান আওয়ামী লীগের সভাপতি মৌলানা আবদুল হামিদ খাঁ ভাসানী এখানে ঘোষণা করেন যে, কাশ্মীর সমস্যা ভারত-পাকিস্থান সম্পর্কে ক্ষতস্বরূপ হইয়া থাকে এবং পাকিস্থানী জনগণ ভারতকে তাহাদের শত্রু বলিয়া মনে করে না এবং করিতে পারে না।”

পাকিস্থানের পররাষ্ট্রমন্ত্রী মালিক ফিরোজ খাঁ মুন সম্প্রতি রাওয়ালপিণ্ডিতে ও অন্তর্ভুক্ত যে সমস্ত মন্তব্য প্রকাশ করিয়াছেন, মৌলানা ভাসানী তৎসমূহের সমালোচনা করিয়া এক বিবৃতি দিয়াছেন। আওয়ামী লীগের সদর দপ্তর হইতে গত রাত্রিতে এই বিবৃতি সংবাদপত্রে প্রকাশের জন্ত প্রচারিত হইয়াছে।

মৌলানা ভাসানী তাঁহার বিবৃতিতে বলেন যে, বিশ্বশক্তির পক্ষে বিপজ্জনক কাশ্মীর সমস্যা ও অগাধ কতকগুলি সমস্যার শান্তি-পূর্ণ উপায়ে মীমাংসা করিতে হইবে এবং তাহার জগৎ রাষ্ট্রপুঞ্জের সৃষ্টি হইয়াছে। তিনি বলেন, 'আমরা এখনও বিশ্বাস করি যে, পাকিস্তান ও ভারতের এবং সর্বোপরি কাশ্মীরের জনগণের সম্ভাষণ-জনকরূপে কাশ্মীর সমস্যার সমাধান পাকিস্তান ও ভারতের জনগণের উদ্ভাবনী শক্তির অতীত নহে।'

রাওয়ালপিণ্ডিতে এবং অন্তর পাকিস্তানের প্রতিরক্ষা ও বিদেশী রাষ্ট্রসমূহের সহিত অগাধ চুক্তি সম্পর্কে মালিক হুন যে সমস্ত মন্তব্য করিয়াছেন, তৎসমুদয় মৌলানা ভাসানীকে 'রুচভাবে বিশ্বাসহীন' করিয়াছে—ইহা ঘোষণা করিয়া তিনি বলেন যে, অসংলগ্ন কথা-বার্তা বলাই তাঁহার স্বভাবসিদ্ধ, কিন্তু পাকিস্তানের জনগণ আশা করে যে, পররাষ্ট্রমন্ত্রী রূপে তাঁহার বিচারবুদ্ধির পরিচয় দানে তাহা স্ত হওয়া উচিত। যাহারা কিছুকাল ধরিয়া মালিক হুনের প্রতি লক্ষ্য রাখিয়া আসিতেছেন, তাঁহারা ইহাতে বিচলিত হইবেন না। অতি সম্প্রতি তিনি বলিয়াছেন যে, পাকিস্তান পাশ্চাত্য রাষ্ট্রজোটের নিকট হইতে যথেষ্ট সমর্থন ও সাহায্য না পাইলে কশ্মীর রাষ্ট্রজোটের সহিত হাত মিলাইবে।

মৌলানা ভাসানী বলেন যে, আলোচনা, অনুমোদন বা অনুরূপ ব্যবস্থার জগৎ দেশ একবাক্যে যত্নবহুই সমস্ত বৈদেশিক চুক্তি পার্লামেন্টে পেশের দাবী জানাইয়া আসিতেছে। সম্ভবতঃ সেই দাবীর উত্তরেই সরকার সেদিন ঢাকার জাতীয় পরিষদের অধিবেশনে ঘোষণা করিয়াছেন যে, বৈদেশিক চুক্তিসমূহ সম্পর্কে শীঘ্রই এক শ্বেতপত্র প্রচারিত হইবে। কিন্তু মালিক ফিরোজ খান হুন অকস্মাৎ বলিয়া বসিলেন যে, সরকার বৈদেশিক চুক্তিসমূহ জাতীয় পরিষদে পেশ করিতে চাহেন না। কারণ সরকার রাষ্ট্রের কাৰ্য-নির্বাহক প্রধানরূপে যে-কোন বৈদেশিক রাষ্ট্রের সহিত যে-কোনরূপ চুক্তিতে আবদ্ধ হইতে পারেন এবং সেই সমস্ত চুক্তি তাঁহারা জাতীয় পরিষদে অনুমোদন করাইয়া লইতে বাধ্য নহেন। মালিক হুন আরও বলিয়াছেন যে, বৈদেশিক চুক্তিসমূহ গোপন ধারাসমূহ আছে বলিয়া সেই সমস্ত চুক্তি আলোচনার্থ জাতীয় পরিষদে পেশ করিয়া তৎসমুদয়ের বিষয়বস্তু ফাঁস করিয়া দেওয়া জনস্বার্থের অনুরূপ হইবে না।

মৌলানা ভাসানী বলেন যে, দেশের পররাষ্ট্রমন্ত্রীর এইরূপ উক্তি কেবল যে 'বিশ্বয়কর' এবং তাঁহার রাজনীতির প্রাথমিক জ্ঞানের অভাবের পরিচায়ক তাহাই নহে, অধিকন্তু মালিক হুন যে সমস্ত মন্তব্য করিয়াছেন বলিয়া প্রকাশ, তাহা দ্বারা পাকিস্তানের জনগণের দেশপ্রেমের উপরও সরাসরি আঘাত হানা হইয়াছে।

মৌলানা ভাসানী বলেন, 'পাকিস্তানের জনগণই পাকিস্তান সৃষ্টি করিয়াছে এবং তাহার সংহতি ও স্বাধীনতাও তাহারাই রক্ষা করিবে। যে সমস্ত মন্ত্রী পূর্বে ছিলেন এবং এখন যে সমস্ত মন্ত্রী শাসনক্ষমতায় অধিষ্ঠিত আছেন, তাঁহাদের অনেকেই পাকিস্তান

গঠনে কোনরূপ অবদান নাই। মন্ত্রীরা নিযুক্ত হইবেন এবং বিদায় গ্রহণ করিবেন, কিন্তু দেশের স্বাধীনতা রক্ষার্থ জনগণ চিরকালই থাকিবে।'

ভারত-তিব্বত যোগাযোগ

তিব্বত নিষিদ্ধ দেশ ছিল। বহু আয়াস-প্রয়াসের ফলে সেখানে বাহিরের লোক যাইত। শুধু পথেই বিপদ ও কষ্ট অতি ভয়ানক ছিল, কেননা পথ বলিতে পায়ে-চলা পাহাড়ী পথ এবং তাহাও ছিল অতি উচ্চ তুষারময় গিরিসঙ্কটের পরপারে। নীচের সংবাদে জানা যায় যে, বিমান পথে ঐ দুর্গম যাত্রাপথ স্বগম ও সবল করার চেষ্টা আরম্ভ হইয়াছে। যদিও অল্প বাধাবিঘ্ন এখনও আছে :

"নয়াদিল্লী, ২৪শে অক্টোবর—আজ ভারতীয় বিমানবাহিনীর একটি ইলুসিন পরিবহন বিমান হিমালয়ের উপর দিরা সাফল্যের সহিত উড়িয়া গিয়া ভারত ও তিব্বতের মধ্যে বিমান যোগাযোগ স্থাপন করিয়াছে।

ইতিপূর্বে ১৯৫৪ সনে প্রথম একটি ডাকোটা বিমান এইভাবে হিমালয় অতিক্রম করিয়া গান্ধীসিং নিকট কিছু ঔষধপত্র নিক্ষেপ করিয়াছিল।

ইলুসিন বিমানটির নাম দেওয়া হইয়াছে "মেঘদূত"। ইহা আজ ভারত ও তিব্বতের মধ্যে অনিষ্মিত আকাশপথ ধরিয়া পরীক্ষামূলকভাবে যাত্রা আরম্ভ করে। হিমালয়ের উপর দিয়া যাইবার সময় ইহা সমুদ্রপৃষ্ঠ হইতে ২৪,০০০ ফুটেরও উঁচু কয়েকটি শৃঙ্গ অতিক্রম করিয়া যায়। এই শৃঙ্গগুলিতে এখনও মানুষের পদার্পণ হয় নাই।

মেঘদূত আজ সকাল সাতটায় জোড়হাট হইতে যাত্রা করিয়া সকাল ৯টা ৪০ মিনিটে লামা ছাড়াইয়া টাংসুং (ডনসুন)-এ অবতরণ করে। বিমানের সহিত যোগাযোগ রক্ষার এবং উহাকে আবহাওয়ার সংবাদ জানাইবার জগৎ পূর্বেই জোড়হাট ঘাট ও টাংসুং (ডনসুন) বিমান ক্ষেত্রের মধ্যে বেতার-যোগাযোগ স্থাপন করা হইয়াছিল।

কাশ্মীর ও ভারত

নিয়ন্তৃ সংবাদটি পাকিস্তানের এক দলকে বিশেষ বিচলিত করিয়াছে। তাঁহারা দেখিতেছেন যে, ষত দিন যাইতেছে ততই কাশ্মীরের জনমত দানা বাঁধিতেছে এবং ততই ভারত ও কাশ্মীরের ঘনিষ্ঠ সম্বন্ধ দৃঢ়তর হইতেছে :

"শ্রীনগর, ২৯শে অক্টোবর—আজ কাশ্মীর গণপরিষদে এই মর্মে সিদ্ধান্ত গৃহীত হয় যে, কাশ্মীর ও জম্মু রাজ্য 'ভারতীয় ইউনিয়নের অবিচ্ছেদ্য অঙ্গ।' উপরোক্ত বিধি খসড়া সংবিধানের তিন নম্বর খণ্ডের অন্তর্ভুক্ত।

উহা দীর্ঘস্থায়ী উল্লাসধ্বনির মধ্যে সর্বসম্মতিক্রমে গৃহীত হইয়াছে।

পরিষদে রাজ্যের সীমানা নিম্নোক্তরূপ বর্ণিত হইয়াছে, যথা—
'১৯৪৭ সনের ১৫ই আগষ্ট যে সব অঞ্চল রাজ্যের অধিপতির সার্ব-
ভৌম অধিকার অথবা কর্তৃত্বে ছিল তাহা ;' ইহার অর্থ এই যে,
এক্ষণে পাকিস্থানের অধিকৃত গিলগিট ও চিত্রলসহ সমস্ত এলাকা
কাশ্মীরের অন্তর্ভুক্ত।

অপর একটি খণ্ডে রাজ্যের প্রশাসনিক ও আইনগত ক্ষমতা
বর্ণিত হইয়াছে। ভারতীয় সংবিধানের উল্লিখিত বিধানাবলী
অনুযায়ী 'যে সব বিষয়ে সংসদের আইন প্রণয়নের এক্তিয়ার আছে,
তাহা ছাড়া সকল বিষয়ে রাজ্যের প্রশাসনিক ও আইনগত অধিকার
ধারকিবে।'

শ্রীনেহরুর সমাজতন্ত্রবাদ

এলাহাবাদে পণ্ডিত নেহরু তাঁহার কল্পিত সমাজতন্ত্রের যে চিত্র
দিয়াছেন তাহার সংক্ষিপ্ত মর্ম নিম্নস্থ সংবাদে দেওয়া হইল।

মূলতঃ পণ্ডিত নেহরুর মতের সহিত আমাদের মিল আছে।
কিন্তু প্রভেদ আছে তাঁহার বাস্তব সম্বন্ধীয় জ্ঞান সম্পর্কে। তিনি
মনে করেন, রাশিয়া ও চীনের তুলনায় এ দেশে অনেক কম ঝড়ঝপা
সহ করিয়া আমরা প্রকৃত সমাজতন্ত্রের আদর্শে পৌঁছিব। যদি
শুধু স্বল্পপাতই একমাত্র দুঃখকষ্টের প্রতীক হয় তবে তাহা সত্য।
কিন্তু যদি বিনা স্বল্পপাতে একটি জাতি তথা ভারতীয় জনসাধারণের
একটি প্রগতিশীল স্তর খতাবে ও অবহেলার ফলে নিশ্চিহ্ন হইয়া যায়
তবে কি তাহা দুঃখকষ্ট বিনাই হইয়াছে ধরা যাইবে? বাঙালী জাতি
ও সমগ্র ভারতের মধ্যবিত্ত শিক্ষিত সমাজ আজ ধ্বংসের পথে,
এ কথা কি কেহই জানে না?

'এলাহাবাদ, ২৭শে অক্টোবর—প্রধানমন্ত্রী শ্রীনেহরু অণু বলেন,
ভারত যাহাতে সমাজতান্ত্রিক ধাঁচের সমবায়মূলক কমনওয়েলথরূপে
গড়িয়া উঠিতে পারে সেজন্য চেষ্টা করিতেছে। জাতিধর্মনির্বিশেষে
এখানে সকলে সমানাধিকার ভোগ করিবে।

অণু সন্ধ্যায় কে.পি.আই. কলেজ ময়দানে সমবেত ৬০ হাজার
ব্যক্তির সম্মুখে প্রধানমন্ত্রী বলেন, ভারতকে দৃঢ় ভিত্তির উপর
প্রতিষ্ঠিত করাই দ্বিতীয় পঞ্চবার্ষিকী পরিকল্পনার উদ্দেশ্য।

প্রধানমন্ত্রী বলেন, জনসাধারণ অনেক সময়ে সমাজতন্ত্রবাদের
কথা বলে, কিন্তু ইহার প্রকৃত অর্থ বুঝে না। প্রায় শতবর্ষ পূর্বে
সমাজতন্ত্রবাদ কথাটির জন্ম। মুখ্যতঃ, উৎপাদন বৃদ্ধি এবং সামঞ্জস্য-
পূর্ণ বণ্টনই ইহার কাজ। ধনীরা ধন ধনীরা নিকট হইতে আনিয়া
দরিদ্রের মধ্যে বণ্টন করাকেই যাহারা সমাজতন্ত্রবাদ মনে করেন,
তাঁহারা ভুল করেন।

প্রধানমন্ত্রী বলেন, ভারতে ভারী শিল্প জাতীয়করণের কাজ
আরম্ভ হইয়াছে। বীমা কোম্পানীসমূহ রাষ্ট্রীকরণ হইয়াছে।
ইম্পিরিয়াল ব্যাঙ্কের নাম এখন স্টেট ব্যাঙ্ক। কিন্তু বেপারোয়াভাবে

রাষ্ট্রীকরণের ফল ভাল হইবে বলিয়া আমি মনে করি না। ইহাতে
দেশের প্রগতির পথ রুদ্ধ হইবে এবং কল্যাণ ব্যাহত হইবে।

শ্রীনেহরু বলেন, বহু দুঃখকষ্ট সহ্য করিয়া রাশিয়ার সমাজতন্ত্র-
বাদ প্রতিষ্ঠিত হইয়াছে। চীনদেশেও ইহাই হইয়াছে। ভারতে
সমাজতন্ত্র প্রতিষ্ঠায়ও আরও ১০।১৫ বৎসর লাগিবে।

কৃষি সমবায় সৃষ্টি দ্বারা কৃষকের কষ্ট লাঘব করা যাইতে পারে ;
ইহা কৃষকদিগকে বুঝাইয়া দিতে হইবে। চাষীদের অবস্থার উন্নতি
না হইলে দেশের অগ্রগতি সম্ভব নয়।

প্রধানমন্ত্রী বলেন, দেশে কি পরিমাণ লৌহ ও বিদ্যুৎ উৎপন্ন
হয় উহা দ্বারাই দেশের প্রগতি নির্ধারিত হইয়া থাকে। মার্কিন
যুক্তরাষ্ট্র এবং সোভিয়েট রাশিয়ার সহিত তুলনায় ভারতে লৌহের
উৎপাদন খুবই সামান্য। অল্পত বায়ে বিদেশ হইতে লৌহ
আমদানী করিতে হয়। এইজন্য বিপুল ব্যয়ে এখানে ইম্পাত উৎ-
পাদনের যন্ত্রপাতি প্রতিষ্ঠিত করা হইতেছে।

'ধর্মীয় নেতা' এম্ব লইয়া বিভিন্ন রাজ্যে যে উত্তেজনা ও হাঙ্গামা
সৃষ্টি হইয়াছে প্রধানমন্ত্রী উহার নিন্দা করেন। তিনি বলেন, সাম্প্র-
দায়িকতা সমূলে উচ্ছেদ করিতে হইবে, তাহা না হইলে দেশ ধ্বংস
হইবে। যে দেশের জনসাধারণ গুণ্ডামি করে এবং একে অণ্ডের
মাথা ভাঙে সে দেশের উন্নতি সম্ভব নয়।

শ্রীনেহরু বলেন, প্রকৃতিকে মানবের সেবায় লাগাইতে হইবে।
ইহাই শিল্প-বিপ্লব। এই বিপ্লবের পরিণতির উপর সমাজতন্ত্র নির্ভর
করে।'

শিয়ালদহ স্টেশন সরান

আনন্দবাজার পত্রিকার ষ্টাফ রিপোর্টার সম্প্রতি মিলের সংবাদটি
দিয়াছেন। যদি উহা সত্য হয় তবে বলিতে হইবে এত দিনে
কেন্দ্রীয় সরকার কলিকাতার নানা সমস্যার একটি পূরণ করিতে
উদ্যত হইয়াছেন। অবশ্য আমাদের যেরূপ অবস্থা তাহাতে "না
আঁচাইলে বিশ্বাস নাই।"

যদি ঐ প্রস্তাব বথার্থই হইয়া থাকে তবে রেল সরাইলে যে
বিরাট ভূমিখণ্ড শহরের সাধারণের ব্যবহারে আসিবে, রাজ্যসরকার
তাহার কি ব্যবস্থা করিবেন সে কথা এখনই জানান উচিত।
নহিলে কোনও উদ্ভট ব্যবস্থা হইলে জনসাধারণের কষ্ট লাঘব কিছুই
হইবে না, সমস্যা যাহা রহিয়াছে তাহা বাড়িবে বৈ কমিবে না।

প্রথমতঃ পথ সরল ও প্রশস্ত করা প্রয়োজন। এখন শহরের
উত্তর ও দক্ষিণের যোগাযোগ যে সকল রাজপথে আছে তাহার মধ্যে
একমাত্র চিত্তরঞ্জন এভিনিউ সম্পূর্ণভাবে সুগম। চিৎপুর, কর্ণ-
ওয়ালিস ও কলেজ স্ট্রীট ইত্যাদি সঙ্কীর্ণ ও বিঘম যাত্রীবহুল। সার-
কুলার রোড স্থলে স্থলে এত সঙ্কীর্ণ যে মাঝে মাঝে মোটর গাড়ী-
যাত্রী এই সব ভিড়ের চাপে অচল হইয়া পড়ে। এইটি শ্যামবাজার
হইতে বরাবর সমানভাবে আরও ৩০.৪০ ফুট চওড়া হওয়া
প্রয়োজন। রাজাবাজার হইতে ধর্মতলার মোড় পর্যন্ত অন্ততঃ
আরও ৬০।৭০ ফুট চওড়া হওয়া দরকার।

দ্বিতীয়তঃ মধ্যবিত্ত লোকের বাসের জগৎ অস্তিতঃ ছোট বড় একই হাজার হইতে দুই হাজার ফুট ঐ অঞ্চলে হওয়া দরকার। কলিকাতা হইতে ব্যাঙালী রোড উদ্দেশ্য হইতে চলিল। তাহাদের বাসস্থান, ছেলেমেয়েদের বিদ্যালয় ইত্যাদি এই অঞ্চলে হইলে তাহারা বাঁচিবার ও নিঃশ্বাস ফেলিবার অবকাশ পায় :

“কেন্দ্রীয় সরকার কর্তৃক বর্তমান শিয়ালদহ রেল স্টেশনটিকে শিয়ালদহের পূর্ব প্রান্তে অনুমান অর্ধমাইল দূরে নারিকেলডাঙ্গা অঞ্চলে সরাইয়া লওয়ার প্রস্তাবে রাজ্য সরকার সম্মত হইয়াছেন বলিয়া জানা গিয়াছে। প্রকাশ, কেন্দ্রীয় রেল ও পরিবহন দপ্তর এই পরিকল্পনা সম্পর্কে রাজ্য সরকারের মতামত চাহিলে রাজ্য সরকার ঐ প্রস্তাব অনুমোদনের সিদ্ধান্ত করেন।

শিয়ালদহ স্টেশন এবং কলিকাতা নগরীর অস্বাভাবিক ভিড় হ্রাস করার ও ট্রেন চলাচলের সুষ্ঠু ব্যবস্থার জগৎ কেন্দ্রীয় রেল বিভাগ শিয়ালদহ স্টেশনটিকে শিয়ালদহের পূর্ব প্রান্তে অপসারণের সিদ্ধান্ত করেন। এই ব্যাপারে সংশ্লিষ্ট রাজ্যসরকারের মতামতেরও প্রয়োজন বলিয়া কেন্দ্রীয় সরকার এই সম্পর্কে পশ্চিমবঙ্গ সরকারের মত চাহিয়া পাঠান। বৃহস্পতিবার রাজ্য মন্ত্রিসভায় এই বিষয়টি লইয়া আলোচনা হয় এবং মন্ত্রিসভা কেন্দ্রীয় সরকারের প্রস্তাব অনুমোদনের সিদ্ধান্ত করেন বলিয়া প্রকাশ।

রেল স্টেশনটি অপসারিত হইলে বর্তমান স্টেশন এলাকার ভূমি-খণ্ড রাজ্য সরকারের অধীনে আসিবে। ঐ জমির মালিক এক্ষণে কেন্দ্রীয় সরকার। নূতন রেল স্টেশন নির্মাণের জগৎ রাজ্যসরকার কেন্দ্রীয় সরকারকে আবশ্যিক পরিমাণ জমি দিবেন এবং ঐ জমি কেন্দ্রীয় সরকারের অধীনে থাকিবে। জমির বিলি-ব্যবস্থার পর রাজ্য সরকার কেন্দ্রীয় সরকারের নিকট ভূমিমূল্য বাবদ আনুমানিক দুই কোটি টাকা পাইতে পারেন বলিয়া এক সংবাদে প্রকাশ। সম্ভবতঃ স্টেশন নির্মাণের জগৎ যে সব জমি দখল করিতে হইবে সেই সব জমির ক্ষতিপূরণ ঐ অর্থ হইতে মিটান হইবে।

এই পরিকল্পনা রূপায়ণ করিতে প্রথমেই শিয়ালদহ স্টেশনের পূর্বপ্রান্তস্থিত খালটিকে বুজাইতে হইবে। রাজ্যসরকারের সেচ বিভাগ উহা বুজাইয়া দিবেন।”

রেলের দুর্ঘটনা

রেলের বাঁহারা কাজ করেন, তাঁহাদের কর্তব্য কাজে অবহেলার নিদর্শন নিম্নস্থ সংবাদে পাওয়া যায়। এই ব্যাপারে মিত্রী ও ইন্সপেকশন অফিসার দুইয়েরই দোষ আছে :

“শিয়ালদহ প্র্যাটফর্মে গায়ে মঙ্গলবার অপরাহ্নে একখানি লোকাল ট্রেন ধাকা মারায় প্র্যাটফর্মে অবস্থিত একটি জলাধার সম্পূর্ণরূপে বিধ্বস্ত হইয়া যায়। এই দুর্ঘটনায় শিয়ালদহ স্টেশনের প্র্যাটফর্মে বসবাসকারী তিন জন উদ্বাস্তু আহত হয়। ইহারা ঐ সময় জলাধারটি হইতে পানীয় জল সংগ্রহ করিতেছিল বলিয়া প্রকাশ।

আহত ব্যক্তিদের দুই জনকে প্রাথমিক চিকিৎসার পর ছাড়িয়া দেওয়া হয়। এক জনের পা ভাঙিয়া যাওয়ার তাহাকে নীলগতন সরকার হাসপাতালে ভর্তি করা হয়।

যে ট্রেনখানি এই দুর্ঘটনার হেতু উহা বাণাঘাট লোকাল (এস ৩৫৬ ডাউন)। উহা বিকাল ২-১৫ মিনিটে শিয়ালদহের (নর্থ স্টেশনের) ৩নং প্র্যাটফর্মে পৌঁছায়। কিন্তু প্রকাশ, ইঞ্জিনের ভ্যাকুয়াম ব্রেকটি সাময়িকভাবে বিকল হইয়া পড়ায় গাড়ীর গতি বোধ হয় না এবং জোরের সঙ্গে প্র্যাটফর্ম সংলগ্ন বাফার দুইটির গায়ে এমনভাবে আসিয়া পড়ে যে, বাফার দুইটি প্র্যাটফর্মের ভিত্তির ভিতরে একেবারে ঢুকিয়া যায়। সঙ্গে সঙ্গে ইঞ্জিনের সম্মুখভাগের খানিকটা প্র্যাটফর্মের উপরে উঠিয়া পড়ে। উহারই ধাক্কায় সেই স্থানে অবস্থিত জলাধারটির ইটের গাঁথুনি ধসিয়া পড়ে। ব্যক্তিগণের পানীয় জল সরবরাহ করিবার জগৎ কয়েক বৎসর পূর্বে এই জলাধার ২নং ও ৩নং প্র্যাটফর্মের মাঝখানে লাইনের একেবারে ধার ঘেঁষিয়া নির্মাণ করা হইয়াছিল।”

পাটনায় শহীদ-স্মারক

পাঠকদিগের মনে থাকিতে পারে যে, পূর্বের এক সংখ্যায় প্রবাসীতে শ্রীদেবীপ্রসাদ রায়চৌধুরীর রূপায়িত এই স্মারকের চিত্র দেওয়া হইয়াছিল। নিম্নে তাহার প্রতিষ্ঠার বিবরণ আনন্দবাজার পত্রিকা হইতে উদ্ধৃত হইল :

“পাটনা, ২৪শে অক্টোবর—রাষ্ট্রপতি ড. রাজেন্দ্রপ্রসাদ অত্র এখানে বলেন যে, দেশের স্বাধীনতা অর্জনে বিসর্জিত-প্রাণ শহীদ-গণের স্মৃতি মনে জাগরুক রাখা এবং তাঁহাদের প্রতি শ্রদ্ধা নিবেদন করা দেশবাসীর কর্তব্য।

১৯৪২ সনের ১১ই আগষ্ট তারিখে পাটনা সেক্রেটারিয়েট ভবনশীর্ষে ত্রিবর্ণরঞ্জিত জাতীয় পতাকা উত্তোলনের চেষ্টা করিতে গিয়া যে সাত জন যুবক সেক্রেটারিয়েট ভবনের সম্মুখে পুলিশের গুলিতে নিহত হন, তাঁহাদের স্মরণার্থ উক্ত ভবনের সম্মুখে প্রতিষ্ঠিত শহীদ-স্মারকের আবেগ উন্মোচনকালে বক্তৃতা প্রসঙ্গে রাষ্ট্রপতি ড. রাজেন্দ্রপ্রসাদ উক্তরূপ মন্তব্য প্রকাশ করেন।

প্রসিদ্ধ ভারতীয় চিত্রকর ও ভাস্কর শ্রীদেবীপ্রসাদ রায়চৌধুরী ব্রোঞ্জনির্মিত এই শহীদ স্মারকের রূপদান করিয়াছেন। ঐ শহীদ-স্মারকে শিল্পী যে দৃশ্যটি রূপায়িত করিয়া তুলিয়াছেন, তাহা হইতেছে এই যে, পূর্ণাবয়ব সাত জন যুবক অবিচল সঙ্কল্প লইয়া ত্রিবর্ণরঞ্জিত জাতীয় পতাকা উত্তোলনের উদ্দেশ্যে সেক্রেটারিয়েট ভবনের দিকে অগ্রসর হইয়া চলিয়াছেন এবং এই দলের নেতা জাতীয় পতাকা উচ্চে তুলিয়া ধরিয়া আছেন। শহীদ-স্মারকে দেখান হইয়াছে যে, বুলেট-বিদ্ধ হইয়া এক জন যুবক পড়িয়া গিয়াছেন এবং অপর এক জন পতনোন্মুখ হইয়াছেন, কিন্তু যুবকদ্বয় তাঁহাদের সঙ্গীদের সহায়তার সম্মুখের দিকে অগ্রসর হইয়া চলিয়াছেন।

প্রায় তিন লক্ষ টাকা ব্যয়ে নির্মিত শহীদ-স্মারকের নির্মাণকার্য শেষ করিতে ২২ মাস সময় লাগিয়াছে। কয়েকটি মনুষ্যমূর্তির সমবায় গঠিত এই স্মারকটি এশিয়ার মধ্যে এবং সম্ভবতঃ পৃথিবীর মধ্যেও বৃহত্তম। সাতটি মূর্তির একত্রে ওজন ২০ টন এবং মূর্তি-গুলি ২০ ফুট উচ্চ বেদীর উপর স্থাপিত।”



দর্শনশাস্ত্রের পঠন-পাঠন

শ্রীকুমার সুর

ভারতবর্ষ দর্শনের দেশ। এখানে বেদ, বেদান্ত, উপনিষদ রচিত হয়েছে। সাংখ্য যোগ শ্রায় বৈশেষিক আপন আপন সূক্ষ্ম চিন্তার বিষয়কর বিস্তারে পৃথিবীর বিদ্বজ্জনের দৃষ্টি আকর্ষণ করেছে। কি তার বিশ্লেষণাত্মক সুনিপুণ চিন্তা-ধারা, কি তার যুক্তিনিষ্ঠ সিদ্ধান্ত! পূর্বপক্ষে বর্ণিত অপরাপর মত খণ্ডন এবং উত্তরপক্ষে আপন সিদ্ধান্তের অমুখাবন ও ব্যাখ্যা বিষয়কর। এই সূক্ষ্ম চিন্তা এমন এক তুরীয়মার্গে সঞ্চরমাণ যে পশ্চিম দেশের পণ্ডিতেরা ভারতীয় দর্শন-চিন্তাকে জীবন-বহির্ভূত বলে অভিহিত করেছেন। এ কথা অসংশয়ে বলা যায় যে, বিভিন্ন কালের পাশ্চাত্য মনীষীরা ভারতবর্ষের জ্ঞানবিজ্ঞান সম্বন্ধে যেসব অর্বাচীন উক্তি করেছেন, উপরোক্ত মত তাদেরই অন্ততম। আমরা জানি ভারতীয় নন্দনতত্ত্ব সম্বন্ধে মহামতি ম্যাক্সমুলাবের মত গ্রাহ্য নয়। ভারতীয় শিল্প সম্বন্ধে দার্শনিক হেগেলের উক্তির অর্থোক্তিকতা ও অসারতা আমাদের বিস্মিত করে। ভারতীয় দর্শনকে জীবনের সঙ্গে অসম্পৃক্ত বললে ভারতীয় জীবন ও দর্শন সম্বন্ধে গভীর অজ্ঞতাই প্রকাশ পায়। ভারতীয়ের জীবন-জিজ্ঞাসাই ত তার ষড়্দর্শন সৃষ্টি করেছে— এ কথা উল্লেখ করেছেন দার্শনিকপ্রবর ডক্টর রাখাক্ষয়ন।

ভারতীয় জীবনে দর্শনের প্রভাব সুপরিষ্কৃত; আমাদের দেশের আউল-বাউলের দল যে গান গায়, যেভাবে কথা বলে তা যেমন দর্শনচিন্তায় ভরপুর, ঠিক তেমনিই আমাদের দেশের চাষাভূষা গরীব গৃহস্থের জীবনে এই দর্শন-চিন্তা ওতপ্রোতভাবে জড়িয়ে রয়েছে। সম্যক্ চিন্তা এ দেশের মানুষের মজাগত। দার্শনিক-প্রবর স্পিনোজা যে দর্শন-ভঙ্গীকে 'Sub specie aeternitatis' আখ্যা দিয়েছেন তা আমাদের কাছে অলভ্য নয়। আমরা সমস্ত ছুঃখের মধ্যে, সকল দুঃখ্যাগের মধ্যেও বিধাতার কল্যাণ-স্পর্শকে খুঁজে পাই। ছুঃখের ছুঃখ, অনাচার লাঞ্ছনাকে ভগবানের দান বলে মেনে নিয়েছি। পরম ছুঃখের দিনেও আমরা অদৃশ্য ভগবানকে উদ্দেশ্য করে আকাশের দিকে চোখ তুলে বলেছি :

'তোমাবই ইচ্ছা কর হে পূর্ণ

আমার জীবন মাঝে।'

এই সুগভীর দর্শনচিন্তার প্রভাব শিথিল হয়ে আসছে ক্রমে ক্রমে। অর্ধনৈতিক এবং রাজনৈতিক কাঠামোর

পরিবর্তন হয়েছে। নূতন শিক্ষার মাধ্যমে নূতন দর্শন এসেছে। পশ্চিমী প্রত্যক্ষবাদ ধীরে ধীরে অমুসৃত হয়েছে এ দেশের মানুষের মনের গভীরে। মার্কস, এঙ্গেলস্ এবং তাঁদের চেলাচামুণ্ডারা কিন্তু কাজ করেছেন চুপিসাড়ে। আবার ইংলণ্ডের শিল্পবিপ্লবের টেউ এসে লেগেছিল নারিকেল-কুঞ্জ-বেষ্টিত ভারত মহাসাগরের উপকূলে। মানুষের দৃষ্টিভঙ্গী, তার জীবনদর্শন উচ্চতর জীবনমানকে আশ্রয় করল, তারা বুঝল ধনবৈষম্যের জন্ম ভগবান দায়ী নয়। মানুষের অসম বণ্টন-ব্যবস্থাই প্রধানতঃ এই অবিচার ঘটাবে। এই নূতন বোধ, এই অভিনব দৃষ্টিভঙ্গী ভারতীয় জীবনে বিপর্যয় ঘটাল। ছুঃখের নিষ্ক্রিয়তার মধ্যে প্রাণ সঞ্চারিত হ'ল, প্রতিবাদ উঠল সর্বত্র। ভারতবর্ষের মানুষ পুরানো জীবন-দর্শনকে পিছনে ফেলে এগিয়ে গেল আর এক নূতন জীবনের সন্ধানে, যেখানে পশ্চিমের কার্যকারণবাদ ও নব্য যুক্তিবাদ অব্যাহত প্রতিষ্ঠা পেয়েছে। ভারতীয় দর্শনশাস্ত্র আজ আর পঠিত হচ্ছে না। পশ্চিমী কেতাবী দর্শনের প্রতিও পড়ুয়াদের সমান অবহেলা। সমৃদ্ধিময় জীবনের সস্তাবনা যেখানে সেখানেই আজ মানুষের ভিড়। তাই ত দর্শনশাস্ত্রের পঠন-পাঠনের ক্ষেত্র ক্রমেই সঙ্কুচিত হয়ে পড়ছে।

আজকের দিনে ভারতীয় বিশ্ববিদ্যালয়গুলিতে দর্শন-শাস্ত্রের ক্লাসে ছেলেরা সংখ্যালঘু। দর্শনের প্রধান পড়ুয়ারা প্রায় সকলেই নারী। যাদের একদিন বেদপাঠে অধিকার-মাত্র ছিল না, তাঁরাই আজ বেদান্তের নূতন ভাষ্য রচনা করেছেন। প্রথম শ্রেণীর পড়ুয়াদের মধ্যে ছেলে নেই বললেই চলে। এ কথা জিজ্ঞাসার অবকাশ আছে যে এমনটা কেন হ'ল? ছাত্রীদের একাধিপত্য কেন ঘটল জ্ঞান-সাধনার তীর্থপথে? উত্তরটা নিহিত রয়েছে কোন অতিমানবীয় আদর্শবাদ বা আদর্শবোধের মধ্যে নয়। সাদাসিধে কুজি-রোজগার ও পেটের চিন্তাই এই বিপর্যয় ঘটিয়েছে। ভাল ছেলেরা দর্শন পড়ে না, তারা বিজ্ঞান পড়ে। মেয়েদের রোজগার করার প্রয়োজনটা ছেলের চেয়ে বহুলাংশে কম বলে তাঁরাই আজ এই অতি প্রয়োজনীয় জ্ঞানের পাদপীঠে প্রদীপ জালিয়ে রেখেছেন। মেয়েরা যে মহৎ কর্তব্য সম্পাদন করেছেন, আগামী যুগের ঐতিহাসিক শ্রদ্ধার সঙ্গে সে কথা স্মরণ করবেন। মেয়েরা আজ যে ভূমিকা গ্রহণ করেছেন তার পিছনে রয়েছে আতির ঐতিহাসিক, সামাজিক

ও অর্থনৈতিক শক্তির ক্রিয়াশীলতা। কুজিরোজগাবের প্রয়োজনের আপেক্ষিক ন্যূনতা ছাড়াও বোধ হয় নারীর স্বভাবসুলভ বিজ্ঞানবিমুখতা তাঁদের দর্শনশাস্ত্রে অনুরাগের অশ্রুতম কারণ। সেখানেও ধণ্ডসত্যের অনন্তিত্ব প্রমাণ করা চরুহ।

বিশ্ববিদ্যালয় কতৃপক্ষ সেই মাক্সাতার আমলে পাঠ্য-তালিকা রচনা করেছিলেন। তার আর পরিবর্তন বা পরিবর্ধন হয় নি। মাঝে মাঝে কতৃপক্ষের টনক নড়ে। এখানে ওখানে চূণকাম করা হয়, কিন্তু খোল নলচে বদলে এই পাঠ্যতালিকা যুগোপযোগী করার জন্ত আজ পর্যন্ত কোন কিছুই করা হয় নি। কিছুদিন পূর্বে ভারত সরকারের আহ্বানে এক বিশেষজ্ঞের দল বিভিন্ন বিশ্ববিদ্যালয়ের দর্শনের পাঠ্যতালিকা নিধারণ করার জন্ত দিল্লীতে সমবেত হন। সেই বিশেষজ্ঞদের বৈঠকে যে সব সুপারিশ করা হয়েছিল তা আজও কার্যকরী হ'ল না। প্রখ্যাত দার্শনিক ও শিক্ষাবিদ অধ্যাপক জামায়েন কবীর এই বিশেষজ্ঞ সভায় পৌরোহিত্য করেছিলেন। তবু জানি না কেন আজও দর্শনশাস্ত্রের পাঠ্য-তালিকার আমূল পরিবর্তন হ'ল না। এই পাঠ্যতালিকার প্রাচীনতা ও অক্ষুপযোগিতা দর্শনশাস্ত্রের প্রতি ছাত্র-ছাত্রীদের বীতরাগ করে রেখেছে। আমাদের দেশের ন্যায়শাস্ত্রের উৎকর্ষ ঐতিহ্যটসীয়া ঞায়শাস্ত্রের চেয়ে কোন অংশে নিকৃষ্ট না হওয়া সত্ত্বেও কেন পাঠ্যতালিকায় ওদেশের লজিক এত বড় জায়গা জুড়ে থাকবে? আমাদের বিশ্ব-বিদ্যালয়ের উচ্চতম পরীক্ষায় বেদান্ত, ঞায়, বৈশেষিক প্রভৃতি ভারতীয় দর্শনচিন্তা অধ্যয়নের জন্ত যদি দুই শত নম্বর ধরা থাকে ত পাশ্চাত্য দর্শনের উপর ছয় শত নম্বর দেওয়া হয়। ইংরেজ আমলে কতৃপক্ষ যেমন বিমাতৃসুলভ ব্যবহার করেছেন আমাদের দর্শনবিজ্ঞানের সঙ্গে, আজও ঠিক সেই ধারা অব্যাহত রয়েছে। জানি না সময় এবং সুযোগের অভাব অথবা বহুকালপোষিত হীনতাভাব এই বিষম অবস্থার জন্ত দায়ী কি না?

দর্শনশাস্ত্রের অর্থকরী শক্তির অভাব ও পাঠ্যতালিকার প্রাচীনতা দর্শনশাস্ত্রকে জনপ্রিয় হতে দিচ্ছে না। আরো সমস্যা আছে। শিক্ষাদপ্তরের কতৃপক্ষের আধিক কার্পণ্য অনেক ক্ষেত্রেই শিক্ষাদানকার্যকে ব্যাহত করেছে। বেসরকারী মফস্বল কলেজে অধ্যাপকদের বেতন নিয়মিত দেওয়া হয় না। তাই বছরের অধিকাংশ সময় সেখানে বিনা অধ্যাপকে কাজ চলে। এ কথা সরকারী এবং বেসরকারী উভয়বিধ কলেজ সম্বন্ধেই প্রযোজ্য। অধ্যাপকেরা নিক্রপায় হয়ে গ্রাসাচ্ছাদনের ব্যবস্থার জন্ত এই সব কলেজে যোগদান করেন। সুযোগ-সুবিধা পেলেই তাঁরা অশ্রুত চলে যান

ভাল কাজ নিয়ে। কতৃপক্ষ আবার অধ্যাপক খোঁজার কাজে লেগে যান, লোকও পাওয়া যায়। বাংলা দেশের দুর্ভাগ্য! তবে শিক্ষায়তনে অধ্যাপকদের নিরন্তর স্থানান্তরী-করণের ফলে শিক্ষাদানকার্য ব্যাহত হয়। ছাত্রেরা আবেদন নিবেদন করে কতৃপক্ষের কাছে তাড়াতাড়ি অধ্যাপক নিয়োগ করার জন্ত। যখন সে আবেদন-নিবেদন ব্যর্থ হয় তখন তারা ধর্মঘটের ব্রহ্মাঙ্গ ছাড়ে। সেদিন উত্তরবঙ্গের একটি রাষ্ট্রীয় মহাবিদ্যালয়ে ছাত্রেরা দীর্ঘদিন অধ্যাপক না থাকার জন্ত ধর্মঘট করে। রাষ্ট্রীয় মহা-বিদ্যালয়গুলির পরিচালন-ব্যবস্থায় এই শৈথিল্য পীড়াদায়ক। রাষ্ট্রের ত অর্থাভাব ঘটে নি। উচ্চতর বেতন দিয়ে অধ্যাপকদের নিযুক্ত করে দেশের শিক্ষা-ব্যবস্থাকে অব্যাহত রাখার সময় এসেছে। বেসরকারী কলেজগুলিতে আবার সময়মত মাহিনা দেওয়া হয় না। বহু জ্ঞানবৃদ্ধ অধ্যাপক যে কঠোর দারিদ্র্যের মধ্যে আজও জ্ঞান-সাধনায় রত তাঁদের কথা ভাবা দরকার। আজও যুতপ্রায় টোলগুলিতে ভারতীয় দর্শনশাস্ত্রে সুপণ্ডিত বহু মনীষী আত্মগোপন করে রয়েছেন। তাঁদের আধিক অনটন ভয়াবহ।

আবার অধ্যাপকেরা বিষয়ভেদে নানারকম হারে বেতন পান। ইংরেজী, অর্থশাস্ত্র, অঙ্কশাস্ত্র, পদার্থবিদ্যা, রসায়ন-বিদ্যা প্রভৃতি বিষয়ের অধ্যাপকেরা এক হারে মাহিনা পান, আবার দর্শনশাস্ত্র, সংস্কৃতশাস্ত্র, ইতিহাস প্রভৃতি বিষয়ের শিক্ষকেরা ভিন্ন হারে বেতন লাভ করেন। প্রয়োজনের তাগিদে, চাহিদার অক্ষুপাতে শিক্ষকদের কাঞ্চনমূল্য নির্ণীত হয়। আজ বৃষ্টি বেনিয়ারুক্তি বাংলা দেশের শিক্ষাক্ষেত্রেও আধিপত্য বিস্তার করেছে। তাই একজন স্নাতক ইঞ্জিনিয়ারকে সরকার বাহাতুর ২৫০০-৮৫০০ টাকা গ্রেডে বহাল করলেও একজন প্রথম শ্রেণীর স্নাতকোত্তর ডিগ্রীধারীকে ২০০০-৪৫০০ গ্রেডে বেতন দিতে তাদের বিবেকে বাধে না। এই স্বেচ্ছাকৃত বৈষম্য যতদিন চলবে ততদিন শিক্ষাব্যবস্থায় শৃঙ্খলা আসতে পারে না। সরকারী কলেজে অবশ্য নিয়মিত বেতন দেওয়া হয় এবং বেতন কিছু কিছু বাড়েও। বেসরকারী মহাবিদ্যালয়ে বেতন আবার কমে। কলকাতার কোন এক সুবৃহৎ কলেজের কথা জানি। সেখানের জর্নৈক অধ্যাপক আমাকে বলেছিলেন যে, দশ বছর কাজ করার পর অবস্থা-বিপর্যয়ে তাঁর চৌদ্দ টাকা মাহিনা কমেছিল। এই ধরনের অদৃষ্টের পরিহাস অনেক অধ্যাপককেই সহিতে হয়। নিক্রপায় তাঁরা। এই ধরনের সহানুভূতিহীন ব্যবহারের জন্ত বেসরকারী কলেজের দণ্ডমুণ্ডের কতৃপক্ষের হস্ত কমা করা যায়। তাঁদের মধ্যে অনেকেই কাপড়ের, পাটের অথবা

সিনেমার ব্যবসায়, অথবা কেউ কেউ চোরাকারবারে উদ্বৃত্ত করে কলেজের পরিচালকমণ্ডলীতে আসন গ্রহণ করবার যোগ্যতা লাভ করেন। শিক্ষাদীকার বালাই তাদের অনেকেরই নেই। কিন্তু যখন দেখি রাষ্ট্রীয় শিক্ষাবিভাগ বিজ্ঞাপন দিচ্ছেন যে, দর্শনশাস্ত্রের অধ্যাপক নেওয়া হবে নিখারিত হাবের ন্যূনতম বেতনে এবং পদার্থ বা রসায়নবিদ্যার অধ্যাপকদের নিখারিত হাবের মধ্যে উচ্চতর বেতনে নিয়োগ করা যেতে পারে তখন কর্তৃপক্ষের ভবিষ্যদ্বাণীর অস্বচ্ছতার কথা ভেবে উদ্বিগ্ন হয়ে পড়ি। এই বৈষম্যমূলক নীতির ফলে ক্রমেই দর্শনশাস্ত্র পঠনেচ্ছু ভাল ছেলেমেয়েরা অস্ত্রাস্ত্র বিদ্যার দিকে ঝুঁক পড়বে। কল্পনা-শক্তিহীন এই সব শিক্ষা-কর্তৃপক্ষ যে ক্ষতি করছেন দর্শনশাস্ত্র পঠন-পাঠনের, জানি না কবে কেমন করে সে ক্ষয়-ক্ষতি নিবারিত হবে।

এবার শিক্ষকদের সামাজিক মর্যাদার কথা বলি। এখানে বিষয়ভেদে অধ্যাপকদের মর্যাদা বা অমর্যাদার তারতম্য ঘটে না। বড় বড় কর্তারা বক্তৃতামঞ্চের পাদ-প্রদীপের সামনে দাঁড়িয়ে বলেন যে, শিক্ষককে সম্মান দিতে হবে। অথচ কার্যতঃ তাদের কোন কথাই মূল্য থাকে না। উদাহরণ দিই। ১৯৫১ সনের ১৫ই আগষ্ট থেকে সরকারী কলেজের লেকচারারদের গেজেটেড অফিসারের পদমর্যাদা দেওয়া হবে বলে মন্ত্রিপরিষদ সিদ্ধান্ত করেন। সে সিদ্ধান্ত কার্যকরী করা হ'ল ১৯৫৫ সনের নবেম্বর মাসে অনেক টালবাহানার পর। লালফিতার দোরাঙ্ক আড়ও সব সরকারী বিভাগেই অব্যাহত আছে। তার উপর আছে বিভাগীয় কর্তাদের অনুদার নিষ্ক্রিয়তা ও অপরিণীত ঔদাসীন্য। এ ত গেল শিক্ষাবিভাগের কর্তাদের কথা। অস্ত্র বিভাগীয় কর্তাদের কথা একটু বলি। নয়াদিল্লীতে ২৬শে নবেম্বরের উৎসব। সাধারণ করদাতাদের অর্থে যে মহোৎসব অনুষ্ঠিত হয় সেখানে অফিসার মহোদয়েরা থাকেন, ব্যবসায়ী সম্প্রদায় থাকেন; কাবা থাকেন না জানেন? যাঁরা আজীবন পুষ্টি পড়ে ডিগ্রীর বোঝা বাঁধান আর জ্ঞানের পরিধি বিস্তৃততর করেন আর এই সব অর্ধশালী দোকানদার এবং দোর্দণ্ড প্রতাপশালী অফিসারদের অপোগণ্ড ছেলেমেয়েগুলোকে মানুষ করেন সেই শিক্ষাত্রুতীর হল। এ ধরনের আরও হাজারো উদাহরণ আছে। দার্জিলিঙে সেবার নেহরু এসেছেন। রাজভবনের বিরাট প্রমোদ উদ্যানে প্রধানমন্ত্রীর সম্মানার্থে চা-পান সভার আয়োজন করেছেন বাংলা দেশের শাসকগোষ্ঠীর অধিকর্তা। সুদৃশ্য নিমন্ত্রণলিপি প্রেরিত হয়েছে চারিদিকে। স্থানীয় সরকারী কলেজের অধ্যাপকদের মধ্যে যাঁদের কপালে 'গেজেটেড' লেবেল আঁটা ছিল তাঁরা

পত্র পেলেন। আর সরকারী কলেজের অধিকাংশ অধ্যাপক এবং বেসরকারী কলেজঘরের প্রায় সব অধ্যাপকই বাদ পড়লেন। দূর থেকে তাঁরা এই রংচঙে উৎসবের আনন্দের মধুস্বাদ গ্রহণ করলেন আর পরের দিন বড় বড় মণিহারী দোকানে জিনিষপত্র কিনতে গিয়ে দোকানের মালিক বা ম্যানেজারের কাছ থেকে প্রধান-মন্ত্রীর চা-পান সভায় তাঁদের ব্যক্তিগত অভিজ্ঞতার কথা শুনে ধস্তাধর হলেন। সকলেই শিক্ষকদের জন্ত কুন্তীরাশ্র বিসর্জন করেন এবং তাঁদের জন্ত একটা কিছু করার প্রয়োজনীয়তা অনুভব করেন বক্তৃতামঞ্চের উপর দাঁড়িয়ে। তার পরেই কা কস্ত পরিদেবনা। পাদপ্রদীপ নিভলেই অন্ধকারের প্রশান্তির মধ্যে তাঁদের প্রতিশ্রুতিও সমাহিত হয়। বঞ্চনার দুর্ভাগ্য বিভিন্ন শাস্ত্রের অধ্যাপকদের মধ্যে ভাগ করে দেওয়া হয়েছে।

প্লেটো দার্শনিকদের হাতে দেশের শাসনভার তুলে দেবার সুপারিশ করেছিলেন। সে সুপারিশ আজ মূল্যহীন। শাসক ত দুবের কথা, সওদাগরী আপিসের নিম্নতম কেরানী হতে হলে আপনাকে দর্শনেতর বিষয়ে স্নাতক হতে হবে। দর্শনের স্থান আজ কোথাও নেই। দর্শন যে মানসিক নিয়মশৃঙ্খলার মধ্যে সমগ্র মানবীয় চিন্তাধারাকে বিধৃত করে দেয় তার মূল্য এ যুগের মানুষ প্রায় বিস্মৃত হয়েছে। জ্ঞানশাস্ত্রের পরিবর্তে অধিকাংশ ছেলে-মেয়েরাই বাণিজ্যিক ভূগোল অথবা বাণিজ্যগণিত পাঠ করে। এতে যুব-সমাজের মানসিকতার যথাযথ অনুশীলন হচ্ছে না। এরাই যখন আবার 'কর্তব্যক্তি' হয়ে বসে তখন শাসনব্যবস্থায় শৃঙ্খলা থাকে না। রাষ্ট্র-পরিচালনায় কল্পনা ও সৃষ্টি চিন্তার অভাব লক্ষিত হয়। জাতির কর্মে ও মননসাধনার ক্ষেত্রে নৈরাশ আসে। এ যুগের শিক্ষাবিদদের এদিকে দৃষ্টি দেবার সময় এসেছে। জ্ঞানশাস্ত্রকে অবশ্য-পাঠ্য বিষয় করতে হবে স্নাতকপূর্ব সকল পাঠ্যতালিকায়। উচ্চতর শিক্ষায় দর্শনশাস্ত্রকেও স্বীকৃতি দিতে হবে অবশ্য-পাঠ্য বিষয় হিসাবে। যে অপরিণামদর্শী ছাত্রছাত্রীরা জ্ঞান-শাস্ত্র এবং দর্শনশাস্ত্রকে সযত্নে পরিহার করে চলছে তাদের আমি দোষ দিই না। দোষ দিই তাদের অভিভাবকদের এবং শিক্ষাকর্তাদের। ডক্টর সুরেন্দ্রনাথ দাশগুপ্ত এ যুগের ছেলেমেয়েদের জ্ঞানশাস্ত্র ও দর্শনশাস্ত্রবিমুখতার কথা উল্লেখ করে হুঃখের সঙ্গে বলেছিলেন যে, এযুগের ছাত্রছাত্রীরা লজ্জাস খায়, সুপারি চিবানোর কষ্ট তাদের নয় না। জ্ঞান-শাস্ত্র বা দর্শনশাস্ত্র অধিগত করতে হলে মনের যে দার্ঢ্য এবং শক্তি দরকার তা এযুগে হ্রাস। আজ দেখছি তাঁর কথা অন্ধরে অন্ধরে সত্য বলে প্রতিপন্ন হচ্ছে। আজ অধিকাংশ মহাবিদ্যালয়েই জ্ঞানশাস্ত্র বা দর্শনশাস্ত্র পঠনেচ্ছু

ছাত্রছাত্রীর সংখ্যা নগণ্য। কলেজের পড়ুয়ার সংখ্যা প্রতি বৎসরই ক্ষীণ হইতেছে, কিন্তু দর্শনের ক্লাসের বেঞ্চগুলোতে ধুলোর গুরুভার ক্রমেই বর্ধিত হইতেছে। দর্শনশাস্ত্রের পঠন-পাঠনে যে সঙ্কট দেখা দিয়াছে তার আশু সমাধান না হলে সম্যক্ চিন্তার, বিরাট চিন্তার কথা অদূর ভবিষ্যতের বংশধরদের কাছে চিরকালই অসম্ভব থেকে যাবে।

এ যুগে দর্শনশাস্ত্রের উপযুক্ত অধ্যাপকেরও অভাব ঘটেছে। ভাল ছেলেরা নির্ভার সঙ্গে দর্শনশাস্ত্র না পড়লে ভাল অধ্যাপক কেমন করে তৈরী হবে? নূতন নূতন কলেজ খোলা হচ্ছে সরকারী এবং বেসরকারী প্রচেষ্টায়। যারা অধ্যাপক হয়ে যাচ্ছেন তাঁদের অনেকেরই না আছে অধ্যাপক হবার যোগ্যতা, না আছে মনননিষ্ঠা। তাই দর্শনশাস্ত্রে গবেষণা ও ক্রমেই পঙ্গু হয়ে পড়ছে। সরকারও এ সম্বন্ধে উদাসীন। প্রসঙ্গতঃ উল্লেখযোগ্য যে, কোন কোন বেসরকারী কলেজে গবেষণায় যে উৎসাহ দেওয়া হয় সেটুকু উৎসাহ ও সরকারী কলেজে দেওয়া হয় বলে মনে হয় না। প্রায় অধিকাংশ বেসরকারী কলেজে এবং বাংলা দেশের বাইরে সরকারী ও বেসরকারী সব কলেজেই কোন অধ্যাপক গবেষণা করে কোন ডিগ্রী লাভ করলে কাঙ্ক্ষনমূল্যে তার যথোচিত মর্যাদা দেন বিভাগীয় কর্তারা। আর্থিক স্বচ্ছন্দ্য গবেষণায় উৎসাহ দেয়। একথা অনস্বীকার্য যে, কতকটা আর্থিক স্বচ্ছন্দ্য না থাকলে গবেষণায় উৎকর্ষলাভ করা সহজসাধ্য হয় না। প্রাচুর্য্যের মধ্যেই সভ্যতার সর্বসুন্দর শতদলগুলি বিকশিত হয়, এমনিধারা কথা রবীন্দ্রনাথ বলেছিলেন। দর্শনশাস্ত্রীদের আর্থিক ভবিষ্যৎ উজ্জ্বলতার না হলে দর্শনশাস্ত্র পঠনেছু উপযুক্ত ছাত্র মেলা হুঙ্কর হবে এবং আগামীকালে উপযুক্ত শিক্ষকেরও একান্ত অভাব ঘটবে। বর্তমানে উপযুক্ত যারা তাঁরাও শিক্ষাবিভাগ ত্যাগ করে অগ্রত্রে চলে যাবার জন্তু আগ্রহশীল। সরকার তাঁদের অভাব-অভিযোগ দূর করে শিক্ষাবিভাগে স্থায়ীভাবে রাখার ব্যবস্থা না করে ছকুম জারী করলেন যে, শিক্ষাবিভাগ থেকে অতঃপর কোন অধ্যাপকের আবেদনপত্র অগ্রত্রে প্রেরণ করা হবে না। কাজেই এই অর্থকৃচ্ছতার জন্তু শিক্ষকদের নানান অশিক্ষকোচিত কর্মে আত্মনিয়োগ করতে হয়।

দর্শন এবং তর্কশাস্ত্র মাতৃভাষার মাধ্যমে শিক্ষা দেওয়া কর্তব্য। নীতি হিসাবে সেটা স্বীকৃত হয়েছে। কিন্তু এই নীতিকে কার্যকরী করার জন্তু বাংলায় দর্শনশাস্ত্রের যোগ্য পরিভাষার প্রয়োজন। আজও সে পরিভাষা রচিত হয় নি, কারণ কর্তৃপক্ষ সে ব্যাপারে উৎসাহ প্রকাশ করেন নি। তাই দেখি বাংলা ভাষায় লিখিত দর্শনশাস্ত্রের পুস্তকে লেখকের ভাষা ব্যবহারে অপটুতা। ফলে দর্শনশাস্ত্র

পঠন-পাঠন এবং আলোচনায় বিঘ্ন সৃষ্টি হচ্ছে। ইচ্ছামত শব্দ একই অর্থে ব্যবহার করা দোষাবহ। দার্শনিক কাণ্টকে উত্তরকালের সমালোচকেরা দোষ দিয়েছিলেন তাঁর 'Critique of Judgment' গ্রন্থে এই ধরনের শব্দ-প্রয়োগের জন্তু। আমাদের দেশের দর্শনের প্রায় অধিকাংশ লেখক সম্বন্ধেও একথা প্রযোজ্য। তা ছাড়া যে কয়খানি দর্শনের বই বাংলা ভাষায় লেখা হয়েছে তা যথেষ্ট নয়। অনেক কাজ বাকী আছে। স্নাতকোত্তর বিভাগেও দর্শন-শাস্ত্রের পঠন-পাঠন মাতৃ ভাষার মাধ্যমে করতে হবে এবং তার জন্তু প্রয়োজন সুলিখিত গ্রন্থাবলীর। বাংলা দেশের দর্শনশাস্ত্রীদের এ ব্যাপারে এগিয়ে আসতে হবে আর আসতে হবে দেশের জনশিক্ষার নায়কদের। এই নূতন গ্রন্থ-প্রণেতাদের এ কথা মনে রাখতে হবে যে, গ্রন্থ প্রণয়নে এমন ভাষা ব্যবহার করা দরকার যে ভাষা এ কালের মানুষের ভাষার সমধর্মী হবে। এ যুগের মানুষের বুদ্ধিগ্রাহ্য এবং রুচিগ্রাহ্য করে প্রাচীন ভারতীয় জ্ঞান ও দর্শনশাস্ত্রের ভাষার আধুনিকীকরণ প্রয়োজন।

আমরা অগ্রত্রে ভারতীয় দর্শন ও জ্ঞানকে বিশ্ববিদ্যালয়ের পাঠ্যতালিকায় অবশ্যপাঠ্য বিষয় হিসাবে গণ্য করার জন্তু মত প্রকাশ করেছি। সে পরিকল্পনা সার্থক হবে যদি আমরা ঐ প্রাচীন জ্ঞানের গভীর তত্ত্বগুলিকে আধুনিক যুগের গ্রহণযোগ্য ভাষায় পরিবেশন করতে পারি। তবেই দর্শন-শাস্ত্র পঠিত হবে, সমাদৃত হবে বিস্তৃততর পাঠকসমাজের কাছে। উন্নাসিক পণ্ডিত হইত বলবেন যে, ভারতীয় সাধনার গোড়ার কথা হ'ল অধিকারভেদ। দর্শনশাস্ত্র সকলের জন্তু নয়। তাই তাকে মনোজ্ঞ ভাষায় সর্বজনবোধ্য ও সর্বজনবেগ করার কোন প্রয়োজন নেই। আমরা বলব অধিকারভেদ সুবিধাবাদীর কথা। অর্জনের দ্বারা ত অধিকার সৃষ্টি হতে পারে। যে সাধনায় বিশ্বামিত্র ব্রহ্মতেজ লাভ করেন, যে সাধনায় দম্ভ্য রত্নাকর বায়ীকি যুতুঞ্জরী প্রতিভার অধিকারী হন, সে সাধনার ক্ষেত্রে ত অর্গলিত হয় নি। সাধারণ মানুষ পরিশ্রমের দ্বারা, মননের দ্বারা, একাগ্র সাধনার দ্বারা কেনই বা জ্ঞানের নিগূঢ়তম প্রদেশে স্বচ্ছন্দ বিচরণের অধিকারটুকু লাভ করবে না? সে অধিকার দিতে হলে অগ্রগামীদের যে বিরাট দায়িত্ব পালন করতে হবে সেটুকু তাঁরা নির্ভার সঙ্গে করলেই প্রাচীন ভারতীয় দর্শনের পুণ্যতোয়া জ্ঞানস্রোতস্বতী আপন কুল প্লাবিত করে ছড়িয়ে পড়বে দেশদেশান্তরে। দেশের আপামর সাধারণ সেই মহৎ জ্ঞানের আলোকে যে নূতন জীবনদর্শন রচনা করবে তার স্বাক্ষর থাকবে এ যুগের মানুষের জীবনবেদে।

পঞ্চবার্ষিক পরিকল্পনা

শ্রী প্রেমকুমার চক্রবর্তী

প্রথম পরিকল্পনা গৃহীত হইবার পর সরকারী ঘোষণার বলা হইয়াছে, দেশের প্রতিটি পুরুষ ও নারীর জীবন উন্নততর, সমৃদ্ধতর ও অধিকতর সুখী করিয়া গঠন করাই পঞ্চবার্ষিক পরিকল্পনার মূল উদ্দেশ্য। এ কথা সত্য যে, আমাদের সামর্থ্য ও সক্ষমতা সীমাবদ্ধ। তাহার উপর যুদ্ধ এবং দেশ-বিভাগের ফলে ভারতকে অর্থনৈতিক কঠিন বহন করিতে হইয়াছে। প্রথম পরিকল্পনা রচনার প্রাক্কালে যুদ্ধের সঙ্কটজনক অবস্থায় প্রবর্তিত কঠোর নিয়ন্ত্রণ-ব্যবস্থা বর্তমান ছিল। খাদ্যস্রাব, ভোগ্যবস্তু ও অগাধ শিল্পোৎপাদিত ভারী বস্তুর অপ্রাচুর্য্য এবং অনটন পদেপদেই উপলব্ধি হইতেছিল। সেইরূপ অবস্থায় প্রথম পরিকল্পনার চেষ্টা ছিল—দেশকে যুদ্ধপূর্ব অবস্থায় ফিরাইয়া আনা এবং দেশের সর্বাঙ্গীণ উন্নয়নের জগৎ প্রথম পদক্ষেপ হিসাবে লগ্নির হার কুঙ্গ করা ও পরিকল্পনার আয়তন অত্যন্ত বৃহৎ না করা। পরিকল্পনা কমিশনের সভাপতি শ্রী জবাহরলাল নেহরু বলিয়াছেন, "অর্থনৈতিক উন্নতির যুগকাঠে গণতান্ত্রিক কোনও প্রতিষ্ঠানকে বলি দেওয়া চলিবে না।" অর্থাৎ কোনও পরিকল্পনা ক্ষমতাবলে জনগণের ইচ্ছার বিরুদ্ধে চাপাইয়া দেওয়া হইবে না। সুতরাং দেশবাসীর পরিকল্পনা গ্রহণের মনস্তাত্ত্বিক অবস্থার উপর লক্ষ্য রাখিয়া এবং "সম্ভবপর সকল শ্রেণীর নাগরিকের মত গ্রহণ করিয়া" পরিকল্পনা প্রণয়ন করিতে হইয়াছে।

পরিকল্পনা রচনার প্রারম্ভে নেতৃবৃন্দ এই কথা উপলব্ধি করিয়াছেন যে, আমাদের দেশে কোনও উন্নয়ন পরিকল্পনা দ্রুত কার্যকরী করিতে হইলে সেই সঙ্গে সমাজ-উন্নয়নের ব্যবস্থাও না করিলে উহা প্রতি পদে ব্যাহত হইবে। দেশের সামগ্রিক দ্রুত উন্নতি অনেকখানি নির্ভর করে দেশের সামাজিক অবস্থা ও ব্যবস্থার উপর। সেইজন্য দেশের অর্থনৈতিক উন্নয়ন পরিকল্পনার সহিত সামাজিক উন্নয়নের কথাও তাঁহাদের স্মরণ রাখিতে হইয়াছে। সেই আদর্শের অংশ হিসাবে সামাজিক জ্ঞান বিচারের প্রতিষ্ঠা ও অসাম্য এবং অসামঞ্জস্যের বিলোপসাধন কর্তৃক স্থান পাইয়াছে। অর্থাৎ, ধনী ও দরিদ্র, নগরবাসী এবং পল্লীবাসীর মধ্যে অত্যধিক অসাম্য ও অসামঞ্জস্য দূর করিয়া অধিকতর সুষ্ঠু সম্পদ বন্টনের ব্যবস্থা করা। এই ব্যবস্থাও এমন ধীরভাবে করিতে হইবে যেন লক্ষ্য ও লগ্নির হার ব্যাহত না হয়। এই কারণে সরকারী ও বেসরকারী লগ্নির অংশ (State and Private Sector) পৃথকভাবে ধরা হইয়াছে এবং দুইটিকেই বজায় রাখিতে হইয়াছে। জমির বন্টন অধিকতর সুষ্ঠু ও জ্ঞান বিচারের উপর প্রতিষ্ঠার জগৎ জমি-বন্টন ব্যবস্থার পুনর্গঠনের চেষ্টা করা হইয়াছে। এই উদ্দেশ্যে অনেক রাজ্যে জমিদারী প্রথার বিলোপসাধন করা হইয়াছে। ব্যক্তিবিশেষ

সর্বাধিক কতখানি জমির মালিক হইতে পারিবে তাহারও একটি উচ্চতম সীমা নির্ধারিত হইয়াছে।

প্রথম পরিকল্পনার কথা বিচার করিলে এই কথা উপলব্ধি করা যায় যে, তাহার প্রধান উদ্দেশ্য ছিল দেশকে (১) যুদ্ধপূর্ব স্বাচ্ছন্দ্যপূর্ণ অবস্থায় ফিরাইয়া আনা ও (২) পরবর্তী পরিকল্পনার ভিত্তি প্রস্তুত করা। ইহাতেই বরাদ্দের পরিমাণ হইয়াছিল ২০৬৯ কোটি টাকা (পরবর্তী হিসাবে মোট ব্যয়ের পরিমাণ মোটামুটি ৩১০০ কোটি)। ব্যয় বরাদ্দের হিসাব আলোচনা করিলে দেখা যায় প্রথম পরিকল্পনার শিল্পায়ন ব্যবস্থা ছিল গৌণ—অর্থাৎ মোট বরাদ্দের ৮.৪ শতাংশ, অপরদিকে কৃষি প্রভৃতি ব্যবসায় বরাদ্দ ছিল ১৭.৪ শতাংশ। সেচ ও আনুষঙ্গিক বিদ্যুৎ উৎপাদন খাতে ২১.০ (৮.১+১২.৯)। পরিবহন ও যোগাযোগে ২৪.০ শতাংশ। সেচ-পরিকল্পনা কৃষি-পরিকল্পনার অংশ হিসাবে ধরিলে মোট ব্যয়ের ৩৮ শতাংশ কৃষি উন্নয়নে নিয়োজিত ধরা যাইতে পারে। প্রথম পঞ্চবার্ষিকে জাতীয় আয়ের প্রায় সাত শতাংশ নিয়োজিত করা হইয়াছে। পৃথিবীর অগাধ দেশের সহিত তুলনা করিলে এই পরিমাণ নিতান্তই সামান্য। ইংলণ্ডে জাতীয় আয়ের ১৫ শতাংশ উন্নয়নে লগ্নি করা হইয়াছে; যুক্তরাষ্ট্রে ১৩ শতাংশ হইতে ১৬ শতাংশ পর্যন্ত লগ্নি হইয়াছে। আমাদের দেশের তুলনায় এই সব দেশ যথেষ্ট উন্নত তথাপি উন্নয়ন-কল্পে তাহাদের লগ্নির পরিমাণ অনেক বেশী। অপরদিকে কৃষির প্রথম পরিকল্পনার সময় জাতীয় আয়ের ২৫ শতাংশ হইতে ৩৩ শতাংশ পর্যন্ত উন্নয়নকার্যে লগ্নি করা হইয়াছে। এখন দেখা যাইতেছে—অল্পমত দেশে দ্রুত উন্নয়নকল্পে লগ্নির পরিমাণ অধিক না হইলে তাড়াতাড়ি ফল পাওয়া সম্ভব নয়। কিন্তু আমাদের দেশের বিশেষ অবস্থায় তাহা সম্ভবপর হয় নাই। প্রথম পঞ্চবার্ষিক মাথাপিছু বরাদ্দ প্রায় ৫৭ টাকা মাত্র। কাজেই এই সামান্য ব্যয়ে ৩৬ কোটির অধিক অধিবাসীর ও ১২ লক্ষ ২৫ হাজার বর্গমাইল আয়তনের একটি দেশের সর্বাঙ্গীণ উন্নতির ব্যবস্থা করা অতি কঠিন ও কষ্টসাধ্য মনে হয় নাই। আমাদের ব্যক্তিগত ও রাষ্ট্রীয় সঞ্চয় অতি সামান্য। তাহা ছাড়া এত বৃহৎ একটি পরিকল্পনা দ্রুত কার্যে পরিণত করিতে হইলে দেশবাসীর বেরূপ সহযোগিতার প্রয়োজন, শিক্ষার অভাবে সম্ভবতঃ সেইরূপ পূর্ণ সহযোগিতা লাভ করা সর্বক্ষেত্রে সম্ভব হইবে না। ভারতবর্ষের বর্ষ-পঞ্চমাংশ অধিবাসী অজ্ঞাবধি নিবন্ধর। সুতরাং কৃষিশিল্প প্রভৃতির উন্নয়নের সহিত সমাজসেবার পরিকল্পনাও কার্যে পরিণত করার প্রয়োজনীয়তা অত্যন্ত অধিক। শিক্ষা, জনস্বাস্থ্য, গৃহ-নির্মাণ, শ্রমিক-কল্যাণ প্রভৃতির জগৎ বরাদ্দের ১৬.৪ শতাংশ নিয়োজিত হইয়াছে। দেশবিভাগের ফলে পুনর্কাসনের ব্যবস্থা

একটি বৃহৎ সমস্তা রূপে দেখা দিয়াছে। পুনর্কাসনকালে ৪'১ শতাংশ নিয়োগ করা হইয়াছে; ইহা ভিন্ন বিবিধ খাতে ২'৫ শতাংশ নিয়োজিত হইয়াছে। এখন স্পষ্ট উপলক্ষি হইবে যে, প্রয়োজনের তুলনায় পরিকল্পনার বরাদ্দ অতি সামান্য।

সুতরাং প্রথম পরিকল্পনার প্রাথমিক উদ্দেশ্য সিদ্ধ হইতে পারে নাই, অর্থাৎ, পঞ্চবর্ষে যুদ্ধপূর্ব অবস্থায় দেশকে ফিরাইয়া আনা সম্ভব হয় নাই। ইহা সত্য যে, পরিসংখ্যান অনুসারে উৎপাদন বৃদ্ধি পাইয়াছে, কিন্তু জনসংখ্যাও বাড়িয়াছে এবং অজ্ঞাত সমস্তারও উত্তর হইয়াছে। ভোগ্যদ্রব্যের উপর মোটামুটি নিয়ন্ত্রণ রহিত করা হইয়াছে, কিন্তু অভাব মিটিয়াছে অথবা যুদ্ধপূর্ব স্বচ্ছন্দ অবস্থা ফিরিয়া আসিয়াছে কিছুই বলা চলে না। ইহাও সত্য যে, জাতীয় আয় ১৫ শতাংশ বৃদ্ধি পাইয়াছে, তথাপি জীবনধারণের মানের উন্নয়ন হইয়াছে সেকথা কোনও প্রকারেই বলা চলে না। যে আয় বৃদ্ধি পাইয়াছে তাহা ব্যবহারিক অর্থের পরিমাণ বৃদ্ধি মাত্র, ক্রয়ের ক্ষমতা বৃদ্ধি নহে অথবা দ্রব্যমূল্যের অনুপাতেও বাড়তি নহে। তবে ১৯৪৮-৪৯ সনের তুলনায় অনেক সচ্ছন্দতা বাড়িয়াছে এবং মূল্যের অনেক সমতা ফিরিয়া আসিয়াছে। আরও একটি সুফল মনে হয় যে, বণ্টন-ব্যবস্থায় সামান্য উন্নতির জন্ম সম্ভবতঃ পূর্বাশ্রয় অধিকসংখ্যক অধিবাসী জাতীয় আয় বৃদ্ধির অংশ লাভে সমর্থ হইয়াছে। তথাপি যুদ্ধপূর্ব অবস্থা হইতে আমরা অভাববিধি বহু দূরে। দ্রব্যমূল্য যুদ্ধপূর্ব অবস্থা হইতে যে হারে বাড়তির পথে চলিয়াছে, আয় কিন্তু সেই হারে বৃদ্ধি পায় নাই, অথবা দ্রব্যমূল্য সেই হারে হ্রাসও পায় নাই। সুতরাং জীবনধারণের মান বৃদ্ধির প্রশ্ন আসিবার সময় এখনও হয় নাই। অর্থাৎ, প্রাণ রক্ষা হইলে বিলাস-দ্রব্য ব্যবহারের কথা ভাবিবার যথেষ্ট সময় পাওয়া যাইবে। তবে প্রথম পরিকল্পনার ফলে ভিত্তি অনেকখানি প্রস্তুত হইয়াছে বলা চলে এবং গঠনকার্য্য আরম্ভ করিবার কতকটা সুযোগ আসিয়াছে। এক কথায় প্রথম পরিকল্পনায় আমাদের কৃতকার্য্যতা ও অকৃতকার্য্যতা উভয়ের দ্বারা আমরা কিঞ্চিৎ অভিজ্ঞতা সঞ্চয় করিতে পারিয়াছি।

সেই হিসাবে দ্বিতীয় পরিকল্পনাকে (১৯৫৬-৬১) উন্নয়নের প্রথম সোপান বলিয়া অভিহিত করা হইয়াছে। দ্বিতীয় পরিকল্পনায় মোট ৬২০০ কোটি টাকা ব্যয়ের প্রস্তাব করা হইয়াছে। সরকারী প্রচেষ্টায় বিভিন্ন খাতে মোট বরাদ্দ হইয়াছে ৪,৮০০ কোটি টাকা; বেসরকারী প্রচেষ্টায় বিভিন্ন খাতে মোট ২,৪০০ কোটি টাকা বিনিয়োজিত হইতে পারে বলিয়া আশা করা যায়। হিসাব হইতে দেখা যায় প্রথম পরিকল্পনার (১৯৫১-৫৬) জাতীয় আয়ের সাত শতাংশ হইতে বৃদ্ধি পাইয়া দ্বিতীয় পরিকল্পনার আমলে (১৯৫৬-৬১) ১১ শতাংশ পর্য্যন্ত উন্নয়নকালে নিয়োজিত হইবে। ইহার অর্থ-নৈতিক দিক হইতে বিবেচনা করিয়া বলা হইয়াছে যে, কলে জাতীয় আয় ২৫ শতাংশ বৃদ্ধি পাইবে, অর্থাৎ প্রতি বৎসর ৫ শতাংশ বৃদ্ধি পাইয়া পঞ্চবর্ষান্তে ২৫ শতাংশ বাড়িবে। এই পরিকল্পনায় অর্থবিনিয়োগের পরিমাণ ৭৫ শতাংশ বৃদ্ধি করা হইয়াছে।

প্রথম পরিকল্পনার আরম্ভ উন্নয়নের দ্বারা দ্বিতীয় পরিকল্পনায় বজায় রাখা হইয়াছে। তবে আকার ও প্রকারে এবং অর্থবিনিয়োগের ব্যাপারে কিছু পার্থক্য আছে। দ্বিতীয় পরিকল্পনায় আকার বৃহত্তর এবং প্রকারেও ইহা বাপকতর। পরিকল্পনার মূল উদ্দেশ্য সম্বন্ধে বলা হইয়াছে যে—

(১) অর্থনৈতিক উন্নয়ন ও সমাজের উৎপাদিকা শক্তির দ্রুত প্রসারণের জন্ম "সমাজতান্ত্রিক ধাঁচে" সমাজের পুনর্গঠন করা এবং সামাজিক জায় বিচারের প্রতিষ্ঠা করা;

(২) অর্থনৈতিক স্বাধীনতার ভিত্তি দৃঢ় করার উদ্দেশ্যে মৌলিক শিল্পের সম্প্রসারণ ও উৎপাদক দ্রব্যের উৎপাদন দ্রুত বৃদ্ধি করা;

(৩) কুটির ও হস্তচালিত শিল্পের দ্বারা ভোগ্যদ্রব্যের উৎপাদন বৃদ্ধি করা এবং উহার ব্যবহার সম্প্রসারিত করার ব্যবস্থা করা;

(৪) ফ্যাক্টরিজাত ভোগ্যদ্রব্যের যতদূর সম্ভব উৎপাদন বৃদ্ধি করা; কিন্তু উহাকে কুটির ও হস্তচালিত শিল্পোৎপাদনে বিঘ্নকর না করা অর্থাৎ প্রতিযোগী না করা;

(৫) কৃষি উৎপাদনের হার বৃদ্ধি করা এবং জমির পুনর্গঠন ব্যবস্থার দ্বারা বণ্টন-ব্যবস্থা এইরূপ স্ফূর্তভাবে গড়িয়া তোলা যাহাতে গ্রামাঞ্চলের ক্রমক্ষমতা বৃদ্ধি পায়;

(৬) উৎকৃষ্টতর গৃহ, স্বাস্থ্য ও চিকিৎসার ব্যবস্থা এবং শিক্ষা-দানের অধিকতর সুযোগের ব্যবস্থা, বিশেষ ভাবে দরিদ্র জনগণের মধ্যে;

(৭) আগামী দশবৎসরের মধ্যে পূর্ণ কর্ম-নিয়োগ ব্যবস্থার দ্বারা বেকার-সমস্যার সমাধান করা;

(৮) পরিকল্পনাকালের মধ্যে জাতীয় আয় ২৫ শতাংশ বৃদ্ধি করা;

এই সকল উদ্দেশ্যে যে অর্থ বরাদ্দ করা হইয়াছে তাহা হইতে প্রতীয়মান হয় যে দ্বিতীয় পরিকল্পনায় বরাদ্দের প্রায় অর্ধাংশ শিল্প ও খনি এবং আনুষঙ্গিক পরিবহন এবং যোগাযোগ খাতে নিয়োজিত হইয়াছে। ইহা স্পষ্ট যে, শিল্পোন্নয়নের উপর, বিশেষতঃ মৌলিক শিল্পগুলির উপর বিশেষ গুরুত্ব আরোপ করা হইয়াছে। খনি ও শিল্প খাতে মোট বরাদ্দ (১৯ শতাংশ) ৮৯০ কোটি টাকার মধ্যে ৬৯০ কোটি টাকা বৃহদায়তন শিল্প ও খনি খাতে এবং ২০০ কোটি টাকা গ্রামীণ ও ক্ষুদ্রায়তন শিল্পখাতে নিয়োজিত। পরিবহন ও যোগাযোগ বরাদ্দ ১৩৮৫ কোটি টাকা (২৮'৯ শতাংশ); ইহার মধ্যে রেলওয়েসমূহের উন্নয়নের জন্ম ৯০০ কোটি টাকা এবং অজ্ঞাত পরিবহন ও যোগাযোগ ব্যবস্থায় ৪৮৫ কোটি টাকা নিয়োগ করা হইবে। সেচ ও বিদ্যুৎখাতে মোট বরাদ্দ ৯১৩ কোটি (১৯ শতাংশ); ইহার মধ্যে সেচ ও বজ্রা নিয়ন্ত্রণে ৪৮৬ কোটি এবং বিদ্যুৎ বাবদ ৪২৭ কোটি টাকা ব্যয়িত হইবে। সমাজসেবার ৯৪৫ কোটি টাকা (১৯'৭ শতাংশ)। অবশিষ্ট বিবিধ খাতে ৯৯ কোটি টাকা (২'১ শতাংশ) নিয়োজিত হইবে।

এখন দেখা বাইতেছে দ্বিতীয় পরিকল্পনার প্রথম পরিবর্তনের দিকগুলির অধিক বর্ননা করা হইয়াছে।

উন্নয়ন-কার্যে অল্পমত দেশসমূহে কতগুলি বিশেষ সমস্যা দেখা যায়। আমাদের দেশেও সেই সকল সমস্যার অনেকগুলি বিদ্যমান।

(১) অর্থনৈতিক সমস্যা ও সামাজিক অবস্থা অনেক ক্ষেত্রেই অস্বাভাবিক ভাবে জড়িত। একটির পরিবর্তন ভিন্ন অপনটির পরিবর্তন সম্ভবপর নয় ;

(২) উন্নত দেশের জায় অল্পমত দেশের সকল ব্যবসায় বাণিজ্য ও লেনদেন ইত্যাদি মুদ্রা অথবা মুদ্রামানের বিনিময়ে চলে না। উন্নত দেশে প্রচুর অর্থ বিনিয়োগ দ্বারা দ্রুত অর্থনৈতিক উন্নতিসাধন করা চলে। উপরন্তু যে সব দেশ সশস্ত্র বিপ্লব দ্বারা দেশের সকল সম্পদ করায়ত্ত করিয়া সমুদয় সম্পত্তি ও সম্পদ রাষ্ট্রায়ত্ত করিয়া ফেলিতে পারে, তাহারাও ক্ষমতাবলে সমগ্র জাতীয় সম্পত্তি এবং সম্পদ উন্নয়নকার্যে বিনিয়োগপূর্বক দ্রুত দেশের উন্নতি বিধান করিতে পারে। কিন্তু ভারতকে কেবলমাত্র রাজনৈতিক ক্ষেত্রে নহে অর্থনৈতিক ক্ষেত্রেও, মধ্যপথ বাছিয়া লইতে হইয়াছে এবং কেবলমাত্র “গণতান্ত্রিক পথেই” তাহাকে অগ্রসর হইতে হইবে ;

(৩) উন্নত দেশের বেকার-সমস্যা ও আমাদের দেশের বেকার-সমস্যার মধ্যে অনেক পার্থক্য আছে। উন্নত দেশে উচ্চ মূলধন ও জাতীয় সঞ্চয়ের পূর্ণ ব্যবহার ও নিয়োগের অর্থ ই বলিতে গেলে এক প্রকার বেকার-সমস্যার সমাধান। আমাদের জাতীয় সঞ্চয় ও সম্পত্তি এত সামান্য যে, তাহার পূর্ণতম সদ্ব্যবহার করিলেও আমাদের সমস্যার অতি সামান্য অংশের সমাধান হইতে পারে মাত্র ;

(৪) উন্নত পাশ্চাত্য দেশসমূহের ইতিহাসে দেখা যায় সেই সব দেশে প্রথমে ভোগ্যদ্রব্য উৎপাদনের শিল্প গড়িয়া উঠিয়াছে এবং ধীরে ধীরে লভ্যাংশের সঞ্চয় ও উচ্চ দ্বারা তাহাদের ভারী ও বৃহদায়তন শিল্পের প্রতিষ্ঠা হইয়াছে। কিন্তু বর্তমান যুগে তীব্র প্রতিযোগিতার মধ্যে দেশের দ্রুত উন্নয়নে ঐ ধীর পথ অচল। অর্থাৎ, বৃহদায়তন মৌলিক শিল্পের প্রতিষ্ঠা ভিন্ন দেশের দ্রুত উন্নয়ন সম্ভব নহে। অপর দিকে ভোগ্যদ্রব্যের উৎপাদন প্রয়োজনানুসারে বৃদ্ধি না হইলে দ্রব্যমূল্যের বৃদ্ধি অবশ্যস্বাভাবিক, যদি না সর্বাঙ্গিক নিয়ন্ত্রণের পথে আমরা বাই। প্রধানমন্ত্রী ও পরিকল্পনা কমিশন সর্বাঙ্গিক নিয়ন্ত্রণের পথ এড়াইয়া বাইতে চাহেন এবং দেশবাসীও নিয়ন্ত্রণ-ব্যবহার অসহিষ্ণু হইয়া উঠিয়াছে ;

(৫) আমাদের দেশের অশিক্ষা, অস্বাস্থ্য ও সামাজিক জীবন-যাত্রার নিম্নমান ও দৈনিক কেবলমাত্র শিল্পোন্নয়ন এবং উৎপাদন বৃদ্ধির দ্বারা ই দূরীভূত হইবে না। উপরন্তু শিক্ষা ও স্বাস্থ্য প্রভৃতির উন্নতির দ্বারা ই শিল্পোন্নয়ন এবং উৎপাদন বৃদ্ধি দ্বারী হইবে। আমাদের সামান্য সম্পত্তির মধ্যেই সামাজিক সকল বিষয়ের উন্নয়ন চিন্তা করিতে হইবে ;

(৬) প্রতি বৎসর জনসংখ্যা বৃদ্ধি পাইতেছে, উৎপাদন ইহা অপেক্ষা উচ্চহারে না বাড়াইলে শত পরিকল্পনা সত্ত্বেও সমস্যার সমাধান চিরদিন অপূর্ণ থাকিবে। এই সকল সমস্যার বিষয় চিন্তা করিলে পরিকল্পনা প্রণয়নের জটিলতা ও বিঘ্ন উপলব্ধি হইবে। দ্বিতীয় পরিকল্পনার সেইজন্ত জাতির দ্রুততর উন্নতির কথা প্রথমেই চিন্তা করা হইয়াছে। সেই উদ্দেশ্যেই দ্রুত শিল্পায়নের চেষ্টা করা হইয়াছে এবং সেই সঙ্গে পূর্ণতর কর্ম-নিয়োগের ব্যবস্থার কথাও চিন্তা করা হইয়াছে। এই সকল ব্যবস্থা দৃঢ় করার উদ্দেশ্যে সামাজিক জায় বিচারের প্রতিষ্ঠার প্রয়োজনীয়তাও উপলব্ধি করা গিয়াছে।

দ্বিতীয় পরিকল্পনার জগ্নির জন্ত অর্থবরাদ্দের পরিমাণ বেশী কি কম সেই তর্কের অবতারণা না করিয়াও বলা চলে যে, আমাদের সম্পত্তি বতখানি সেই অনুপাতে তাহা অসঙ্গত হয় নাই। সুতরাং যে পরিমাণ ঋণ এবং ঘাটতির দায়িত্ব ও ঋণ গ্রহণ করা হইয়াছে তাহা অমার্জনীয় ও অত্যধিক বলা চলে না। তাহা ভিন্ন আমাদের আদর্শ গণতান্ত্রিক পথে অগ্রসর হওয়া ও দেশবাসীর সাম্প্রতিক্রমে বরাদ্দ গ্রহণ করা প্রয়োজন। সুতরাং অত্যধিক বরাদ্দ করা সম্ভবপর নহে। এই পরিকল্পনার জাতীয় আয়ের ১১ শতাংশ পর্য্যন্ত জগ্নি হইবে। এই জগ্নির পরিমাণ পূর্ববর্তী পরিকল্পনাসমূহ ক্রমশঃ বৃদ্ধি করিয়া ১৬-১৭ শতাংশ পর্য্যন্ত করা বাইতে পারে বলিয়া ঘোষণা করা হইয়াছে। অনুমান করা হইয়াছে ১৯৬৭-৬৮ সনের মধ্যে জাতীয় আয় দ্বিগুণ হইবে এবং ১৯৭৩-৭৪ সনের মধ্যে জনপ্রতি আয়ও বাড়িয়া দ্বিগুণ হইবে।

বিগত অমৃতসর কংগ্রেস অধিবেশনে ঘোষণা করা হইয়াছে (ক) জীবনধারণের মান উন্নয়নের জন্ত জাতীয় আয় বিশেষভাবে বাড়ানো প্রয়োজন, ও (খ) সেই উদ্দেশ্যেই দ্রুত শিল্পায়ন, বিশেষভাবে মূল ও বৃহৎ শিল্পগুলির প্রতি গুরুত্ব দেওয়া আবশ্যিক এবং সেই সঙ্গে (গ) অধিকতর কর্মসংস্থানের ব্যবস্থা করাও দরকার ; ইহা ভিন্ন (ঘ) ধনবৈষম্য হ্রাস ও অধিকতর অর্থনৈতিক সামঞ্জস্য-বিধানের আদর্শের কথাও ব্যক্ত করা হইয়াছে।

প্রথম প্রশ্ন এই যে, জাতীয় ও ব্যক্তিগত আয় কি পরিমাণ বৃদ্ধি পাইলে জীবনধারণের মান উন্নয়নের প্রশ্ন আসিতে পারে? জাতীয় ও ব্যক্তিগত আয় যে পরিমাণ বাড়িয়াছে, যুদ্ধপূর্ব অবস্থা হইতে দ্রব্যমূল্য তাহার বহুগুণ অধিক বৃদ্ধি পাইয়াছে। সুতরাং জাতীয় ও ব্যক্তিগত পড় আয় দ্বিগুণ হইলেও জীবনধারণের মান-উন্নয়ন অধিক পরিমাণে সম্ভব হইবে কিনা সন্দেহ। জনগণের নিত্য-প্রয়োজনীয় ভোগ্যদ্রব্যের সম্পূর্ণ চাহিদা মিটিলে তাহারা উচ্চ আয় দ্বারা অধিক পরিমাণে ভোগ্যদ্রব্য ব্যবহার করিতে পারিবে। জনগণ অনেক সময় লোভবশতঃ প্রয়োজনীয় দ্রব্য ব্যবহার না করিয়াও অস্বাস্থ্য ভোগ্যদ্রব্য অধিক পরিমাণে ব্যবহার করে, এমনকি পুষ্টিকর খাদ্যদ্রব্য পরিহার করিয়া পর্য্যন্ত অস্বাস্থ্য ভোগ্যদ্রব্য গ্রহণ করে। ইহা অনেক সময় জাতির নৈতিক অবনতির কারণ হইয়া

উঠিতে পারে এবং অবশেষে রাষ্ট্রের পতনও ঘটাইতে পারে। সুতরাং জীবন ধারণের মান উন্নয়নকে আপেক্ষিক বলা চলে। বৈদেশিক দৃষ্টান্ত সর্বক্ষেত্রে আমাদের আদর্শ হইতে পারে না। দেশবাসীর সহযোগিতা ও ত্যাগ পরিকল্পনা রূপায়ণে সর্বপ্রকারেই কাম্য সন্দেহ নাই। কিন্তু ত্যাগের একটি সীমা আছে। বাহার সঙ্গতি আছে সেই দান করিতে পারে। কিন্তু যে ভিক্ষাজীবী, সহযোগিতা ভিন্ন তাহার কি দান করিবার থাকিতে পারে? এই দেশে বহু অধিবাসী আছে যাহারা ব্যয়সঙ্কোচের চরম সীমায় পৌঁছিয়াছে, তাহাদের পক্ষে অধিকতর ব্যয়সঙ্কোচের অর্থ অনাহার ও মৃত্যু। সুতরাং যাহাদের সঙ্গতি আছে তাহাদের অপচয় নিবারণই লক্ষ্য।

দ্বিতীয় প্রশ্ন দ্রুত শিল্পায়নের। বর্তমান জগতে নিজ নিজ দেশের অর্থনৈতিক উন্নয়নের জগৎ দ্রুত শিল্পায়নের প্রয়োজনীয়তা বিংশ শতাব্দীর মানুষ অস্বীকার করিতে পারে না। খ্রীসম্পদে পৃথিবীর অগ্ৰাণ উন্নত দেশের সমকক্ষ হইতে হইলে শিল্পোন্নয়ন ভিন্ন উপায় নাই। প্রথম অবস্থায় ইহা দ্বারা বহু দেশবাসীর কর্মসংস্থান হইবে, অধিকতর দেশের আর্থিক উন্নতিও হইবে। কিন্তু অপর দিকে যন্ত্রশিল্প প্রসারের সঙ্গে ভবিষ্যৎ কর্মসংস্থান সীমাবদ্ধ হইয়া, ক্রমশঃ সঙ্কুচিত হইয়া আসিবার আশঙ্কাও আছে কিনা দেখিতে হইবে। জনসংখ্যার অল্পপাতে উৎপাদনের হার বৃদ্ধির প্রয়োজনীয়তা আছে, কিন্তু ভবিষ্যতে কর্ম-নিয়োগের হার বজায় রাখাও প্রয়োজন। এই সম্পর্কে দুইটি মত উল্লেখযোগ্য একটি মতে কুটির ও হস্তচালিত শিল্পের প্রসার ও ভোগ্যদ্রব্য উৎপাদনে যন্ত্রশিল্পের উৎপাদন সীমাবদ্ধ করা; অপর মতে কুটির এবং হস্তচালিত শিল্পোৎপাদিত দ্রব্য নিকৃষ্ট ও উচ্চতর মূল্যের হইবে। সুতরাং জনসাধারণ তাহা গ্রহণ করিবে না—উৎকৃষ্ট ভোগ্যদ্রব্য উৎপাদনের একমাত্র উপায় যন্ত্রশিল্প প্রতিষ্ঠানসমূহের উৎপাদন-ক্ষমতার পূর্ণতম ব্যবহার। তবে এই দ্বিতীয় মতে কৃষি ও কুটির-শিল্পের উৎপাদন বৃদ্ধির কথা থাকিলেও সংরক্ষণের উপায় সন্ধ্যা কিছু বলা হয় নাই। প্রথম মত ব্যাপক কর্মসংস্থানের উপায় সন্ধ্যা সুদূরপ্রসারী অতি সুন্দর দৃষ্টের পরিচয় দেয়। কুটিরশিল্প প্রকৃতি সংরক্ষিত হইলে বিদ্যুৎ উৎপাদন বৃদ্ধির সঙ্গে যন্ত্রায়িত করিয়া আধুনিক ও প্রাচীন পন্থার সমন্বয়সাধন সম্ভব হইবে। বহু দেশে কোনও কোনও সর্বোৎকৃষ্ট জ্বা কুটিরশিল্পজাত। বৃহৎ ও মূল যন্ত্রায়িত শিল্প প্রসারণের প্রয়োজনীয়তা সন্ধ্যা মতানৈক্য নাই।

কৃষি, কুটির ও অগ্ৰাণ বিবিধ শিল্প (ক্ষুদ্র ও বৃহৎ) এবং বহুবিধ প্রতিষ্ঠান সমবেত ভাবে দেশবাসীর একটি বৃহৎ অংশের কর্ম-সংস্থান করিতে পারিবে বলিয়া আশা করা যায়। কিন্তু যে হারে জনসংখ্যা বাড়িতেছে, ভবিষ্যতে সেই হারে কর্ম-নিয়োগও বৃদ্ধি পাইবে কিনা তাহা বিবেচ্য বিষয়। ভারতবর্ষে কর্মক্ষম অধিবাসীর বর্তমান সংখ্যা আনুমানিক ২২ কোটির অধিক। তাহার মধ্যে প্রায় ১০ কোটি ৩৬ লক্ষ কৃষি ও অল্পরূপ কার্যে

নিয়োজিত এবং চার কোটির অধিক অধিবাসী ব্যবসায়-বাণিজ্য, শিল্পোৎপাদন, খনি, চাকুরী প্রকৃতিতে নিয়োজিত। বর্তমানে মোট নিয়োজিত জনসংখ্যা আনুমানিক ১৪ কোটি। দ্বিতীয় পরিকল্পনাকালে আনুমানিক ১ কোটি ২০ লক্ষ অতিরিক্ত অধিবাসীর কর্মসংস্থান হইতে পারে বলিয়া আশা করা যায়। পরিসংখ্যান অল্পপাতে প্রতি বৎসর প্রায় ৪০ লক্ষ জনসংখ্যা বৃদ্ধি পাইতে পারে। সুতরাং দেখা যাইতেছে একদিকে যেমন জনসংখ্যা বৃদ্ধি পাইতেছে অন্য দিকে তেমনই ভবিষ্যতে যন্ত্রশিল্পের প্রসার কর্মসংস্থান কিছু পরিমাণে সঙ্কুচিত করিয়া আনিতে পারে। যদিও বর্তমান পরিকল্পনার কর্মসংস্থানের উপর বিশেষ গুরুত্ব আরোপ করা হইয়াছে ও অগ্ৰাণ বহুবিধ বিষয় হইতে ইহাকেই প্রাধান্য দেওয়া হইয়াছে, তথাপি ভবিষ্যতে কর্মসংস্থান সঙ্কোচনের বিপদ হইতে রক্ষা পাইতে হইলে এখন হইতেই তাহার রক্ষাকবচ রচনা করিতে হইবে।

দ্বিতীয় পরিকল্পনাকালে ধনবৈষম্য হ্রাস ও অধিকতর অর্থ-নৈতিক সামঞ্জস্যবিধানের প্রচেষ্টা হইবে। ব্যক্তি অথবা শ্রেণী বা গোষ্ঠীর একাধিপত্য ও প্রতিযোগিতার অবসান দ্বারা সাধারণের কল্যাণের জগৎ সমষ্টির সকলের সমান অধিকার—ইহা মানিয়া লইয়া সমাজে অধিকতর স্ফূর্ত বন্টন-ব্যবস্থার দ্বারা “সমাজতান্ত্রিক ধাঁচে” সমাজ গঠন করার প্রস্তাব করা হইয়াছে। কিন্তু ইহাও ঘোষণা করা হইয়াছে যে, গণতান্ত্রিক উপায়েই ইহা সাধন করা হইবে। রাজনীতি ক্ষেত্রে প্রধানমন্ত্রী যেরূপ “মধ্যপথের” নীতির কথা ঘোষণা করিয়াছেন, ইহাকেও অর্থনৈতিক ক্ষেত্রে “মধ্যপথ” নীতি বলা চলে। এই সম্বন্ধে প্রচেষ্টা স্থায়ী হইবে অথবা সাময়িক তাহার বিচার করার সময় এখনও আসে নাই।

পরিকল্পনা রচনার ভিত্তি মূলতঃ এই পঞ্চ বিষয়বস্তুর উপরেই প্রতিষ্ঠিত—(১) কৃষি ও সমাজ উন্নয়ন, (২) সেচ ও বিদ্যুৎ, (৩) শিল্প ও খনি, (৪) পরিবহন ও যোগাযোগ এবং (৫) সমাজকল্যাণ। অর্থাৎ এই পঞ্চ ব্যবস্থার দ্বারাই আমাদের দেশের খ্রীসম্পদ দ্রুত বৃদ্ধি করা সম্ভব হইবে।

১। দ্বিতীয় পরিকল্পনার শিল্পোন্নয়নের উপর গুরুত্ব আরোপ করিলেও কৃষি উন্নয়নের ব্যাপক আয়োজন করা হইয়াছে। বর্তমানে লক্ষ্য হইবে বিবিধ কৃষি উৎপাদন, কৃষিক্ষেত্রের সর্বোত্তম ব্যবহার এবং জমির উৎপাদিকা শক্তি ও বিভিন্ন শস্যের উৎপাদন হার বৃদ্ধি। ভারতবর্ষের একপঞ্চমাংশেরও কম জমিতে সেচ-ব্যবস্থা বর্তমান ছিল। প্রথম পরিকল্পনাকালে এক কোটি সত্তর লক্ষ একর (প্রায় ছাষ্মিশ হাজার পঁচ শত বর্গমাইল) জমিতে সেচের ব্যবস্থা হইয়াছে। দ্বিতীয় পরিকল্পনার দুই কোটি দশ লক্ষ একর (প্রায় বত্রিশ হাজার আট শত বর্গমাইল) অতিরিক্ত জমিতে সেচের ব্যবস্থার আয়োজন করা হইয়াছে। দেশের অবশিষ্ট জমির কৃষিকার্য্য বৃষ্টি ও বর্ষার জলধারার উপর নির্ভরশীল। অনেক সময় অপর্ধ্যাপ্ত বর্ষা হ্রাসের কারণ হইয়া দাঁড়ায়। দ্বিতীয় পরিকল্পনাতে ভারতের বার লক্ষ পঁচিশ হাজার বর্গমাইলের মধ্যে তিন লক্ষ বর্গমাইলের সেচ-

ব্যবস্থা সম্পূর্ণ হইবে বলিয়া আশা করা যায়। জমির উৎপাদিকা শক্তি বৃদ্ধির জন্য এমোনিয়াম সালফেট এবং অজাঙ্ক সাবের উৎপাদন ও ব্যবহার বৃদ্ধি করা হইতেছে। কৃষি উন্নয়নের ভিত্তিস্বরূপ ভূমি সংস্কার ও ভূমি-বন্টন ব্যবস্থার পুনর্গঠন করা হইতেছে। কৃষি-ব্যবস্থার আর্থিক সংস্থানের জন্য পঞ্জী সমবায় সমিতিগুলির পুনর্গঠন ও প্রসারের ব্যবস্থা হইয়াছে। রিজার্ভ ব্যাঙ্কের উদ্যোগে সমবায় সমিতির সাহায্যার্থে একটি জাতীয় কৃষিক্ষণ (দীর্ঘ মেয়াদী) তহবিল ও একটি জাতীয় কৃষিক্ষণ (স্থায়িত্ববিধান) তহবিল গঠন করা হইয়াছে। কৃষি-পরিকল্পনা, ভূমিসংস্কার ও ভূমিব্যবস্থা পরিচালনায় পঞ্চায়েতের উপর গুরুত্বপূর্ণ দায়িত্ব অর্পণ করা হইয়াছে।

২। সেচ-ব্যবস্থার উন্নয়নে বহু নিয়ন্ত্রণ অনেকখানি সম্ভব হইবে। সেচ উন্নয়ন পরিকল্পনার সহায়তায় বিদ্যাত উৎপাদন বৃদ্ধিও ব্যবস্থা করা সম্ভব হইয়াছে।

দেশের সর্বত্র ক্রমশঃ বিদ্যাত উৎপাদন কেন্দ্র স্থাপনে বৃহৎ শিল্প ভিন্ন কুটার ও অজাঙ্ক ক্ষুদ্র শিল্পেরও প্রসার হইবে। নিকৃষ্ট কয়লার ব্যবহারও বৃদ্ধি পাইবে। জলপ্রবাহ উৎপাদিত বিদ্যাত ভিন্নও তাপোৎপাদিত বিদ্যাত উৎপাদনও বাড়ানো হইবে। বিদ্যাত উৎপাদন বৃদ্ধিতে জ্বালানি তেল প্রভৃতির বায়ও অনেক পরিমাণে সংকুচিত হইবে বলিয়া মনে হয়।

৩। বৃহৎ শিল্পের প্রতিষ্ঠা ও প্রসার ভোগাজব্য উৎপাদক শিল্পগুলির সহায়ক হইবে এবং জাতীয় সম্পদ অধিকতর দ্রুত হারে বৃদ্ধি করা সম্ভব হইবে। পূর্বে যন্ত্রপাতি প্রভৃতি ও মৌলিক দ্রব্যের জন্য বিদেশের মুখাপেক্ষী হইয়া থাকিতে হইত। শিল্পায়নের পরবর্তীকালে এই অবস্থার অবসান হইবে। ইহা ভিন্ন শিল্পায়নের দৌলতে উৎপাদন হারও বহু গুণে বৃদ্ধি পাইবে।

ভারতের খনিগুলি বৃহৎ শিল্পদ্রব্যের ভিত্তি। খনিজ দ্রব্যের মারফত বিদেশ হইতে শিল্পসম্প্রসারণের উপযোগী যন্ত্রপাতি সংগ্রহ করা বাইতে পারে। এই জন্য খনিসমূহের উৎপাদন হার বৃদ্ধি করার আয়োজন হইয়াছে। বর্তমানে বৎসরে ৩ কোটি ৮০ লক্ষ টন কয়লা উৎপাদিত হয়। দ্বিতীয় পরিকল্পনার উদ্যোগে ৬ কোটি টন পর্যন্ত বৃদ্ধি করিবার ব্যবস্থা হইয়াছে। লৌহ উৎপাদন ১৯৫৪ সনের ৪৩ লক্ষ টন হইতে এক কোটি পঁয়ত্রিশ লক্ষ টন পর্যন্ত বাড়ানোর প্রচেষ্টা হইবে। অজাঙ্ক খনিদ্রব্য, ম্যাঙ্গানিজ, বক্সাইট, সীসা প্রভৃতির উৎপাদনও বৃদ্ধি করা হইবে।

৪। পরিবহন ও যোগাযোগ ব্যবস্থার উন্নতিকল্পে রেলপথ, রাজপথ, জাহাজ নির্মাণ প্রভৃতি বহুলাংশে বৃদ্ধি করার ব্যবস্থা হইয়াছে। বৃহদায়তন শিল্পের প্রসার ও খনির উৎপাদন বৃদ্ধি অনেকখানি নির্ভর করে পরিবহন ব্যবস্থার উপর। বার লক্ষ পঁচিশ হাজার বর্গমাইলে ভারতে রেলপথের দৈর্ঘ্য মাত্র ৩৫ হাজার মাইল। যুদ্ধপূর্ব অবস্থার মোট ষাটগাভী গাড়ীর সংখ্যা (১৯৩৮-৩৯ সনে) ছিল ১৮,৭৬৩ এবং মোট ষাটগাভী গাড়ীর সংখ্যা ছিল ৫৩ কোটি। ১৯৫৪-৫৫ সনে ষাটগাভী গাড়ীর সংখ্যা দাঁড়াইয়াছে ১৬,২৩৬টি (অর্থাৎ ১৪ শতাংশ

কম) এবং ষাটগাভী গাড়ী হইয়াছে ১২৬ কোটি অর্থাৎ আড়াই গুণ অধিক। ভারত সরকারের প্রাকৃতিক সম্পদ ও বৈজ্ঞানিক গবেষণা বিভাগের যুগ্মসম্পাদক ডাঃ এম. এস. কৃষ্ণান সম্প্রতি এই অভিমত ব্যক্ত করিয়াছেন যে, রেল পরিবহন ব্যবস্থার বর্তমান অবস্থাই পরিকল্পনা রূপায়ণের পথে একটি প্রধান অস্ত্রায়। পরিকল্পনা-কালের মধ্যে চিত্তবঞ্জন কারখানায় বৎসরে ৩০০টি ইঞ্জিন নির্মাণ সম্ভব হইবে বলিয়া আশা করা বাইতেছে। পেরাম্বুয়ে ষাটগাভী নির্মাণ কারখানায় বৎসরে ৩৫০টি হাল্কা ইম্পাতের ষাটগাভী নির্মাণ সম্ভব হইবে বলিয়া ঘোষণা করা হইয়াছে। বেসরকারী কারখানাগুলির উপর মালবাহী যান (ওয়াগন) নির্মাণের ভার অর্পিত আছে। প্রথম পরিকল্পনায় প্রস্তাবিত ৩০ হাজার মালগাড়ীর স্থানে প্রায় ৪১ হাজার নির্মাণ সম্ভব হইয়াছে। এরূপ ব্যবস্থা সত্ত্বেও যান-বাহন-ব্যবস্থার অধিকতর উন্নতিবিধান প্রয়োজন। বহির্বাণিজ্যের উন্নতিকল্পে বন্দর-ব্যবস্থারও উন্নতি সাধিত হইবে। সাধারণ ও রাজপথ পরিবহন ব্যবস্থারও উন্নয়নের আয়োজন হইয়াছে।

প্রতিকূল অবস্থার মধ্যে সমাজসেবার গৃহনির্মাণ, পুনর্বাসন ব্যবস্থা প্রভৃতি অসম্পূর্ণ হইলেও বহুলাংশে বৃদ্ধি পাইবে বলিয়া মনে হয়। বর্তমান পরিকল্পনায় শিক্ষা-প্রসার-ব্যবস্থার উপর বেশী গুরুত্ব আরোপ করা হইয়াছে বলিয়া মনে হয় না। আশা করা যায়, ভবিষ্যৎ পরিকল্পনায় ইহার গুরুত্ব বৃদ্ধি পাইবে। শিক্ষার দ্রুত এবং ব্যাপক সম্প্রসারণের উপর পরিকল্পনার দ্রুত রূপায়ণ ও স্থায়িত্ব নির্ভর করিবে। স্বাস্থ্য-ব্যবস্থার বৃহৎ পরিকল্পনা থাকিলেও বর্তমানে খুব ব্যাপক নহে। সমাজ-সেবার পরিকল্পনা দেশের উন্নয়নে অনেকখানি সাহায্য করিবে বলিয়া মনে করা বাইতে পারে।

এখন যদি ধরিয়া লওয়া যায় ১৯৭৬-৭৭ সনে হটক বা না হটক, বিংশ শতাব্দীর অবসানে, অথবা তাহারও পরবর্তী কোনও এক সময় আমরা লক্ষ্যস্থলের সন্নিকটে পৌঁছিলাম, দেশের সম্পদ ও সঙ্গতি বহুগুণে বৃদ্ধি পাইল, যন্ত্রায়িত শিল্পের দ্বারা উৎপাদন বহুগুণে বৃদ্ধি প্রাপ্ত হইল, বৈজ্ঞানিক উপায়ে কৃষির উৎপাদনও বহুগুণে বৃদ্ধি পাইল, নিঃশব্দতার অবসান হইল এবং দেশের অধিকাংশ অধিবাসীর স্বাস্থ্যেরও উন্নতি হইল। কিন্তু তাহার পর ?

পাশ্চাত্য জগতে শিল্পবিপ্লবের ফলে যে সকল সমস্যা দেখা দিয়াছিল আমাদের দেশেও তাহা সম্প্রসারিত হইতে পারে কি ? অথবা পৃথিবীর অজাঙ্ক রাষ্ট্র অনুরূপ দৃষ্টান্ত অনুসরণ করিয়া প্রতি-যোগিতার নূতন পরিবেশ সৃষ্টি করিবে ?

আদি যুগের আত্মবক্ষা ও দৈহিক ক্ষুধার বিবাদ, মধ্যযুগের ধর্ম-যুদ্ধ ও পরবর্তী রাষ্ট্রীয় স্বাধীনতা এবং সাম্রাজ্যবাদী যুদ্ধ হইতে এখন আমরা অর্থনৈতিক আদর্শবাদের সর্ব্বত্র আবেগে আসিয়া পৌঁছিতে পারি কিনা ? সঙ্গতি ও সম্পদের চরম বৃদ্ধিতে এবং দৈহিক স্বাস্থ্যের পূর্ণ বিকাশে, অর্থনৈতিক সকল চাহিদার পূরণ সম্ভব হইল ও দৈহিক সকল সুখস্বাস্থ্য ভোগ করিতে পারিলাম। কিন্তু মানুষ পূর্ণ

তৃপ্তি ও শান্তিলাভ করিবে কিনা? ইহা দার্শনিক অথবা ধর্মতাত্ত্বিক প্রশ্ন নহে, ইহা মানবীয় বাস্তব ও মনস্তাত্ত্বিক প্রশ্ন।

এই প্রশ্ন হইতেই উদ্ভব হইয়াছে জবাহরলাল নেহরুর পঞ্চশীলের। সংঘাত ও সংঘর্ষ অতীতেও হইয়াছে, বর্তমানেও ঘটিতেছে এবং ভবিষ্যতেও ঘটিতে পারে। বিভিন্ন যুগে ভিন্ন ভিন্ন রাষ্ট্র ও গোষ্ঠীর বিভিন্ন আদর্শ এবং মতবাদ সংঘর্ষের সৃষ্টি করিয়াছে। আধুনিক অর্থনৈতিক যুগের অধিব্যাপ্তি মাতৃয়ের পক্ষে শান্তিপূর্ণ সহ-অবস্থিতি ভিন্ন মুক্তির উপায় নাই। বিভিন্ন মতবাদ হইতে উদ্ভূত ভবিষ্যতের যুদ্ধের পরিণতি হইবে ধ্বংস। আমাদের পঞ্চবার্ষিক পরিকল্পনা যতই অগ্রসর হইতে থাকিবে আমরা ততই নূতনতর সমস্যার সম্মুখীন হইতে পারি। সেইজন্য কোনও বিশেষ মতবাদনিরপেক্ষ গণ-তাত্ত্বিক নীতিই শ্রেষ্ঠ। যে-কোনও রাষ্ট্রের অথবা যে-কোনও মতবাদের শ্রেষ্ঠ কল্পনাক্রম গ্রহণে আমাদের আপত্তি থাকিতে পারে না। আমরা যাত্রার যাত্রা কিছু শ্রেষ্ঠ তাহাই গ্রহণ করিতে পারি, যদি সেই পদ্ধতি আমাদের পক্ষে কল্যাণকর বলিয়া বিবেচিত হয়।

পরিকল্পনার রূপায়ণে সেইজন্য সহ-অবস্থিতি নীতি আপেক্ষিক, অর্থাৎ বিশ্বরাষ্ট্রের সৌহার্দ্য মতবাদের ভিন্নতা দ্বারা ব্যাহত হইবে না।

পঞ্চশীলের মূল কথা :

- ১। পরস্পরের রাজ্যসীমানার ও সার্বভৌমত্বের মর্যাদা মانت করা।
- ২। অনাক্রমণ।
- ৩। পরস্পরের আভ্যন্তরীণ ব্যাপারে হস্তক্ষেপ হইতে বিরত থাকা।
- ৪। পরস্পরের সাম্য ও কল্যাণ।
- ৫। শান্তিপূর্ণ সহ-অবস্থিতি।

এই পঞ্চশীল পরিকল্পনার রূপায়ণ সার্থক ও স্থায়ী করিবে। অর্থাৎ পঞ্চশীল পঞ্চবার্ষিক পরিকল্পনার প্রাণস্বরূপ। যন্ত্র-সভ্যতার পরিণামে মানুষকে যন্ত্রে পরিণত করার হাত হইতে রক্ষা করিতে হইলে গণতান্ত্রিক মধ্য পথই শ্রেষ্ঠ পথ।

ভুবনেশ্বর

শ্রীবেণু গঙ্গোপাধ্যায়

বন্দী হয়ে গেল আঁধি পাষণ-মন্দিরে,
আকণ্ঠ কবিল পান বাণীময় ভাস্কর্যের রূপ ফিরে ফিরে।
পাষণের অঙ্গে অঙ্গে স্বপ্ন-সুখা মাখ,
আরক্তিম কামনারা আঁকা।
উচ্ছলিত যৌবনের সীমাপদ্ম হাতে
সুন্দরের শোভাযাত্রা চলিয়াছে রসতল বর্ণ-সুসমাতে।
সৌন্দর্যের লক্ষ দীপ জালি
হস্তে লয়ে প্রেম অর্ঘ্য-খালি
আনন্দ-মন্দিরে সবে চলিয়াছে করিতে আরতি,
পঞ্চশরে জানাইতে অকপটে নতি।
সার্কসপ্তশত বর্ষ আগে
ব্রাহ্মণ্যধর্মের অমুরাগে
যযাতি কেশরী আর ললাটেন্দু কেশরী নৃপতি,
সমবেত করি যত সার্থক স্থপতি,
রচেনি সপ্তশত দেবতা দেউল।
সাধারণে বুঝাইতে ধর্মে কুচ্ছ সাধনের ভুল।

রূপগন্ধময় ধরা
বক্ষ তার বসোচ্ছাসে ভরা
তবে কেন এ আত্মনিগ্রহ, রুদ্ধ করা হৈন্দ্ৰিয়-দুয়ার ?
বনচ্ছায়ে শিলা-শৈলে উপবাসে বাসনা সংহার।
বৌদ্ধ-জৈন মতবাদ ধণ্ডনের তরে
কুষ্ঠ ব্রাহ্মণের দল রাজবংশে ক্রীড়নক-করে।
মন্দিরের অরূপ স্থাপত্য-বৈভবে
লক্ষ লক্ষ লুক্ক আঁধি বন্দী হ'ল সবে।
ভ্রষ্ট হ'ল উদয়-গিরির যোগাসন।
জৈন-বৌদ্ধ যতি দল লভে নির্বাসন।
কলিজে ব্রাহ্মণ্যধর্ম তুলে উচ্ছে শির।
জ্যোতিষ্মান হয়ে উঠে সিজরাজ শিবের মন্দির।

একটি দুঃসাহসিক অভিযান

শ্রীরামপদ মুখোপাধ্যায়

দুঃসাহসিক মত প্রকাশ দেখা শেষ করে তবে ক্লাস্ত দেহটাকে চেয়ারের পিঠে এলিয়ে দিয়ে চোখ বুজেছি—জুতোর আওয়াজ তুলে কে যেন সামনে এসে দাঁড়াল।

চোখ না চেয়েই জিজ্ঞাসা করলাম, কে ?

আমি—রবীন মিত্র।

ওঃ, বসুন।

চেয়ার টানার শব্দে বুঝলাম রবীন মিত্র আসন গ্রহণ করলেন।

চোখ না চেয়েই গুঁর চেহারাটা আন্দাজ করে নিতে পারি।

লম্বা বোঁটা মত শ্যামবর্ণের এক বৃদ্ধ—হাঁ—বৃদ্ধই ত, যাঁট বছরের এক মাসও কম নয় গুঁর বয়স। মাথায় গুটিকয়েক কালো চুল শাদার সমুদ্রে দু'একটি কালো বয়োর মত ভাসছে, প্রায় সবক'টি দাঁত পড়ে গাল ভেঙ্গে গেছে, গলার মাংস হয়েছে পাতলা, নাকটাও কিছু বেঁকেছে আর চক্ষু দু'টি তন্দ্রাতুর; সারা মুখে অসচ্ছলতার বলি-চিহ্ন। অথচ ইনিই বিপ্লবী বাংলার এক কালের দুর্দান্ত যুবক রবীন মিত্র—চিবকুমার, চরিত্রবান। মাস কয়েক হ'ল গুঁর সঙ্গে পরিচয় হয়েছে। সেকালের অনেক গল্প শুনেছি গুঁর মুখে।

বেশ গল্প বলেন রবীন মিত্র। সনতারিখ-হায়া কতকগুলি লোমহর্ষক ঘটনাকে জুড়ে জুড়ে চিত্তাকর্ষক এক একটি কাহিনী বলে যান।

একদিন বলেছিলেন, যা যা বলছেন—শুছিয়ে লিখে ফেলুন ত। অবশ্য সন, তারিখ, লোকের নাম, জায়গার নাম এগুলি থাকবে। এ সব যদি ঠিক ঠিক হয় ত সে যুগের ইতিহাসের মূল্য-বান উপকরণ হবে।

মিত্র একটু হেসে উত্তর দিয়েছিলেন, আমরা ত ইতিহাস লিখব বলে জীবন পণ করে কাজে নামিনি। তখনকার দিনে এমনই নিরম ছিল—কেউ কোন বিষয়ে কোতূহল প্রকাশ করতে না। শুধু কাজ করতে হবে, শুধু মরতে হবে, কিম্বা মরতে হবে। নাম, গোত্র, পরিচয় জানব কেমন করে। এক একটা ছদ্ম নাম অবিশিষ্ট সকলের ছিল। তাতেই কাজ চলে যেত।

বলোছিলেন, তা হলে শুধু গল্প শুনে কি লাভ! বিপ্লবী বাংলার ইতিহাসে ওদের কাহিনীর ত স্থান নেই।

রবীনের বলিরেখা-আকীর্ণ মুখখানা অদ্ভুত হাসিতে ভরে উঠেছিল একথা শুনে। বলেছিলেন, না—লাভ কিছু নেই। নিজেদের বীরত্ব শুনিতে রাজ্য সরকারে একটা ভাল চাকরি পেয়ে বাব এ আশা ত করি না। লাভের আশা সেদিনও অবশ্য করি নি। ব্যক্তিগত লাভের কথা বলছি। তবে আভিগত লাভের লোভ ছিল ত। না হলে...

চোখ চেয়ে জিজ্ঞাসা করলাম, তার পর, কি মনে করে ?

পকেটে হাত পুরে একখানা মাঝারি সাইজের এক্সসারসাইজ বুক বার করে একটু কুঁচকিত হাশ্র করলেন রবীন মিত্র।

ব্যাপার কি ?

একটা লেখা। ততোধিক কুঁচকিত স্বরে বললেন।

লেখা ? কার ? সবিনয়ে প্রশ্ন করলাম।

আমারই। মুখখানি নামিয়ে বললেন।

আপনি—আপনি লিখতে পারেন ? বিশ্বয় বাড়ল আমার।

না, ভাল পারি না। এক সময়ে চেষ্টা করেছিলাম। তখন বয়স কম ছিল—সেটিমেণ্টাল ছিলাম—মনে কল্পনা ছিল। কবিতা লিখেছি দু'চারটি, আর এই গল্পটি লিখেছিলাম।

গল্প !

গল্পই ত। সন তারিখ নেই, কারুর নাম নেই, ঘটনার ছায়া ছায়া ধারণা নিয়ে লিখেছিলাম এটা। এটা ইতিহাস হয় নি, হয় ত গল্পও হয় নি—ছাপাও হয় নি কোন কাগজে। যদিও পাঠিয়ে দিয়েছিলাম দু'একখানা কাগজে।

খাতাটা হাতে নিয়ে দেখি—একটি কোণে নীল পেন্সিলে 'অ' অক্ষরটি লেখা। অর্থাৎ অমনোনীত।

দেখছি কেউ ছাপেন নি—

ছাপতে সাহস করেন নি।

মানে ?

তখনকার দিনে আইন ছিল কড়া—দেশ স্বাধীন ছিল না ত। তার পরও চেষ্টা করেছিলাম, কিন্তু সফল হই নি। দু'একজন সম্পাদক বলেছেন, এ চলবে না। এতে আছে শুধু ঘটনা, মনস্তত্ত্ব নেই।

তা হলে আমরাই বা কি করে—

ছাপতে বলছি না ত, শুধু পড়ে দেখবেন। সন, তারিখ, দেশ আর মানুষের নামগুলি যদি আন্দাজ করে নিতে পারেন—চাই কি ইতিহাসের মালমশলাও পেয়ে যেতে পারেন। যোজাই বলেন, সে যুগের কথাগুলি লিখে ফেলুন ত, কিন্তু লিখি কি করে। কল্পনার মূল-ধন যে খুঁইয়েছি—ভাবের বাষ্পবিন্দুও মনে নেই। লিখতে পারি না একছত্রও। অথচ এক সময়ে ছিল...একটি নিঃশ্বাস ফেলে বললেন, সেই সময়ের সামাজ্য পরিচয় এতে রয়েছে। অমনোনীত হলেও এটি বড় করে রেখে দিয়েছি—অতীতের স্মৃতি মূল্যবান বলে। বলে রান হাসলেন।

খাতাটি হাতে নিয়ে কোতূহলী দৃষ্টি বুলিয়ে যেতে লাগলাম—পাতাগুলি উন্টে। লেখাটা টানল মনকে। যেমন মা ঠাকুরমার

মুখে-শোনা পুরাতন দিনের গল্প টানে শিশুর মনকে। সামান্য পরিমার্জনা করে এটাকে ছাপিয়ে দেবার ব্যবস্থাই কবেছি শেষ পর্যন্ত। মনস্তাত্ত্বিকরা যাই বলুন—আমার মত কৌতূহলী শিশু-মন যাদের—তাদের এটা ভালই লাগবে আশা করি।

শহর থেকে বেশ একটু দূরে ফাঁকা মাঠে এসে জমল সবাই।

আকাশে অল্প অল্প মেঘ জমেছে, শব্দ কালের শেষ প্রহর—ঈশ্বর শীতের আমেজ হাওয়ায়। ঘরের মধ্যে পাতলা একটা কামিজ গায়ে দিয়ে বেশ আরাম পাওয়া যায়, কিন্তু মাঠে যারা জমায়েত হয়েছে—তারা আরাম প্রয়াসী নয় মোটেই। দেহ ও মনের সব রকম বিলাস দূরে ঠেলে দিয়ে এগিয়ে এসেছে—জনসংস্রব শূণ্য বিজন মাঠে। ওরা আরও এগিয়ে যেতে চায়। বুকে তুর্জ্বর সঙ্কল, রেখা-কঠিন মুখে প্রতিজ্ঞা পালনের দৃঢ়তা এবং চিত্ত ভয়লেশহীন। আঠার থেকে পঁচিশ বছরের জোয়ান ছেলে—এগিয়ে ওর' যাবেই। সংখ্যাতেও ওরা আঠারের বেশী হবে না। পৃথিবী ওদের কাছে অসীম সম্ভাবনায় ভরা, নেপোলিয়নের মত 'আল্লস'-এর বাধাকে ওরা বাধা বলেই গ্রাহ্য করে না। কেন এগিয়ে যাবে না ওরা?

মাঠের মাঝখানে হাঁটু গেড়ে বসল একজন পঁচিশ বছরের যুবক। আর সকলে তার তিন দিক ঘিরে দাঁড়াল। যুবক পিঠ-ঝুঁসি থেকে বার করল একটা পিস্তল। মাউজার পিস্তল। টোটো-ভরা খলিটা রাখল পাশে। তার পর দেখতে লাগল, কেমন করে পিস্তলের ট্রিগার টিপতে হয়, কেমন করে গুলি ভরতে ও গুলি ছুড়তে হয়, একটা গুলি ছুটে গেলে আর একটা কত দ্রুত চেঁষাবে আশ্রয় নেয় এবং শেষ টোটা কেমন করে বার করতে হয়। সমস্ত ফৌজল শেখাতে শেখাতে বসল, সাবধান, শেষ গুলিটা বার না হওয়া পর্যন্ত—নতুন করে গুলি ভরতে যেয়ো না যেন। বড় দূর পাল্লার অস্ত্র। দু'তিন মাইল রেঞ্জ, কাছে ছুটলে লোহার পাত ভেদ করে দেয় অনায়াসে। এই দেখ—

ওদের শেখাতে গিয়ে নিজেই কখন অসাবধান হয়েছে, শেষ গুলিটার হিসাব না রেখে—ট্রিগার টিপেছে এবং তার ফলে প্রমাণিত হয়েছে—ছুটন্ত গুলি উর্দদেশ ভেদ করে—পাশে রাখা লোহার পাতটা ফুটো করে আরও খানিকটা দূরে ছিটকে পড়তে পারে কি অদামাঞ্জ বেগ নিয়ে।

ভাগ্যিস শহর থেকে দূরে ছিল ফাঁকা মাঠ এবং সন্ধ্যায় এ পথে মানুষজন চলে না। শব্দটা দূর থেকে শোনা গেলেও—পটকা ফাটানোর বেশী বলে মনে হবে না।

দলের আঠার জনের মধ্যে এগার জন ছিল আনাড়ী। বন্ধুক ছোড়া ত দূরের কথা, ছোয়াপানা ভাল করে বাগিয়ে ধরতে পারে না। অধচ ওদেরও চাই। মাত্র সাত জন নিয়ে এত বড় একটা ত্রুঃসাহসিক অভিযান চালানো যায় না। অভিযান না চালিয়ে উপায় কি? টাকা চাই-ই। দু'দশ টাকা নয়, হাজার হাজার টাকা। স্ব-ইচ্ছায় হাতের মুঠো আলাগা করে কি মানুষ? তুর্ভিক্ষ বলে

টাকা চাইলেও নয়, হাসপাতাল কি জলাশয় প্রতিষ্ঠার দোহাই দিলেও নয়, কিম্বা বিদ্যার্জন করার ব্যবস্থা করব এই আশ্বাসেও নয়। বরং রং তামাসা দেখিয়ে কিছু আদায় করা যায় বটে, সে-ও ত হামেশা করা সম্ভব নয়। সে সুযোগই বা এরা পাবে কেমন করে। দেশের স্বাধীনতা আনা শুনলে ত ছাতকে উঠবে সবাই। রাজ্য বোষ কি সহজ কথা! অচেতন দেশকে সচেতন বলে প্রমাণ করা এবং তার প্রতি ভক্তি প্রীতি জাগানো এক রকম অসাধাই। দেশের শাসকেরা এদের পরিচেষ্টে কালি ছিটিয়েছে ঘন করে, দেশের সাধারণ মানুষ এদের উদ্দেশ্য স্পষ্ট বুঝতে পারে না। তাই আলোর সঙ্গে সম্পর্ক মাত্র না বেখে—নব চক্ষুর অস্ত্ররাগে—এদের ক্রিয়া-কর্ম চলে। সংগোপন বলেই সংশয়। হয়ত বা এই কারণেই সহায়ভূতর অভাব।

যাই হোক, আহতকে নিরাপদ জায়গায় গচ্ছিত রাখতে হবে। নতুবা সকলের নিরাপত্তা বিপন্ন হবে। ওর চিকিৎসা চাই। রক্ত ক্ষরণ বন্ধ করতে হবে সম্পূর্ণরূপে। কাপড়ে পটি বেঁধে—একটু আয়োজন টেলে নিশ্চিত হওয়ার কাজ নয়... আহতকে কাঁধে করে রাতের অন্ধকারে গা ঢেকে ওরা শহরে পৌঁছল।

আহত সূস্থ হয়ে উঠার অপেক্ষা করলে চলবে না—আগামী কালই পৌঁছাতে হবে নদীর অপর পারে মৌরপুরে। হোক অপরিচিত গ্রাম, অজানা পথ—পৌঁছতেই হবে। তারিখ, ক্ষণ, ঘণ্টা, মিনিট সমস্ত হিসাব করা। একটু এদিক-ওদিক হলেই—কার্য হানি—জীবন হানিও। আহত শুধু জানত—কোন পথ দিয়ে কত সহজে পৌঁছাতে পারা যায় গ্রামে এবং নিষ্ক্রমণের নিরাপদ পথই বা ক'টা আছে। ওদিকের ছেলে বলে—পথ ঘাট বন জঙ্গল ধানা ফাঁড়ি সব ছিল ওর নথদর্পণে। আর সবাই শুনেছে পথের কথা, গ্রামের নাম। ছোট কাগজে রেখা টেনে নির্দেশটা মোটা-মুটি বুঝে নিয়েছে। নক্ষত্রের নিশানায় দিক নির্ণয় করে—নদীর নিশানায় গ্রামে পৌঁছাবার কথা। তার পর গ্রামের সবচেয়ে সমৃদ্ধ মানুষের বাড়ীটা চিনে নেওয়া কঠিন নয়। কাজটা কিন্তু কঠিনই। যাওয়া এবং আসার অন্ততঃ বিশ মাইল পথ। কাগজের আঁকিবুকি দেখে ও কানে শুনে নিরাপদে কার্যোদ্ধার করা সহজ নয়। কিন্তু উপায় কি?

নদীর কূলে কূলে নৌকা চলল। অল্প অল্প মেঘ আকাশে, বাতাস বইছে কি বইছে না। গুমোট ভাব। থাকিব ইউনি-ফর্ম অস্থি লাগছে। নৌকা চালাতে ত রীতিমত গলদঘর্ম অবস্থা! ভাগ্যিস ওদিককার ছেলেরা ছিল দলে ভাবি। হাল ধরতে, দাঁড় টানতে এরা পাকা মাঝিরই সঙ্গোত্রী। গলা ছেড়ে গান গেয়ে যদি দাঁড় টানা যায় ঝপাঝপ করে—কষ্ট দেহেই পৌঁছন্ন না। কিন্তু এ ত স্মৃতি করে বাচ খেলা নয়। নিঃশব্দ প্রকৃতির মাঝে নিঃশব্দেই চলতে হবে। গলায় শব্দ ত হবেই না, দাঁড়ের

শব্দও যথাসম্ভব কম। যা কথাবার্তা আগেই শেষ হয়েছে, কার কি কর্তব্য—শাও ছকা। রাত দুপুরে কাজ শেষ করে ভোরের আলো ফুটার আগেই কিং আসা। জোয়ায়ে এগিয়ে—ভাটার ভাটার কিং আসা। ঘণ্টা মিনিটের হিসাবে নিভুল না হলে চলে ?

কাজটা প্রায় নিখুঁত ভাবেই হ'ল। দু'জনকে নৌকা পাহারায় রেখে পনের জন পাড় ভেঙ্গে গ্রামের মাঠে উঠল। একপানিই মাঠ—এক মাইল লম্বা। বন নেই, কাটা নেই, আলো আলো পথ। খেয়া ঘাট কাছেই। গ্রামে পৌঁছাবার রাস্তাটা হাত পঞ্চাশেক গেলেই পাওয়া যায়। আলোর পথ কিন্তু সুগম নয়, স্পষ্ট নয়। আশ্বিনের শেষে সতেজ আমন ধানের চাষায় ঢকা, তা ছাড়া সাপের ভয়। রাত্ৰিতে খেয়াঘাট নিস্তর। বাথারির পাটাতনে দু'খানা ডিক্সি নৌকা বাঁধা—একখানা খেয়া নৌকাও রয়েছে। জলের ছোট ছোট ঢেউ ভাঙছে ওদের গায়ে। ছলাং-ছলাং শব্দ হচ্ছে—কাঁপছে একটু বা। মাঝি মাল্লারা বাড়ী চলে গেছে। ঘুণি জাল পেতে জেলেরাও নিশ্চিন্তে গেছে ঘুমোতে। চারিদিক নিস্তর।

বাড়ী খুঁজে নিতে বেশী দেবী হ'ল না, কাজ হাঁসিল করতেও নয়। কিন্তু ঢাকাকড়ি শুঁড়িয়ে নিতে একটু শোরগোল হয়ে গেল। কারা লাঠি বাগিয়ে রুখতে এসেছিল—পিস্তলের গুলির আওয়াজ শুনে পিছিয়ে গেল। পিছিয়ে গেল, পালাল না। দূর থেকে শোর তুলল প্রচুর। উৎসাহী কয়েকজন ধানার দিকে ছুটল। মাঝি বাতে জেগে উঠল গ্রাম। ডাকাত—ডাকাত—চীংকার উঠল।

পুলিন চালনা করছিল দলটিকে। বলল, খবরদার, ফায়ার করবে না কেউ। আমরা মানুষ মারতে আসিনি, মানুষ মারব না শুধু শুধু। নিতান্ত আত্মরক্ষার জন্য যতটুকু প্রয়োজন—তাই করব। পাড় হটে এস, খেয়ার রাস্তা নয়, আল পথে চল।

ওরা নৌকায় পৌঁছল। কালবিলম্ব না করে নৌকা দিল ছেড়ে।

ততক্ষণে সারা গ্রাম জেগেছে, পুলিশ এসেছে। বড় বড় মশাল জ্বলে উঠেছে—নদীর দিকে সুর হুয়েছে মানুষের অভিযান। হৈ হুয়া এগিয়ে আসছে নদীর দিকে—মশালের আলো এসে পড়ল নদীর জলে।

পুলিন বলল, জোরে বইঠা বাও। স্রোতের উজানে নয়, স্রোতের সঙ্গে চল বেয়ে।

একজন বৈঠা বাইতে বাইতে বলল, তাহলে অজদিকে গিয়ে পড়ব যে।

হোক, শীগগির পালাতে হবে। ওরা নদীর ধারে পৌঁছবার আগে—নৌকা সরিয়ে কেঁলতে হবে।

এত আর মোটর নয় যে কুলস্পীড়ে যাবে। আর একজন বলল। পাড় দিয়ে ওরা দৌড়ছে, পারব কেন ওদের সঙ্গে পালা দিয়ে। তা ছাড়া, নদীও তেমন চওড়া নয়।

ও-পারে লাগাও তবে।

এ-পারের কোলাহল ও-পারেও পৌঁচছে, ও-পারেও গ্রাম

জাগছে। দু'একটা লুঠনের আলো দৌড়ছে মাঠে। এ-পারের চীংকার ও-পারেও প্রতিধ্বনি তুলছে, ডাকাত, ডাকাত।

তা হলে ?

মাঝি নদী দিয়ে নৌকা চালান হবে না, দু'দিক থেকে মার খেতে হবে। ও-পারে কম লোক, ও-পার ঘেঁষেই চলুক নৌকা।

এ দিকের পাড় দেড় তলা সমান উচু। সেই উচু পাড়ে একে দুয়ে মানুষ জমছে—হুষ্টি হচ্ছে জনতা। নদীতে যেমন জলের স্রোত, পাড়েও তেমন জনতা। নৌকার গতিমুখে গতিবেগ মিশিয়েছে। আকাশের পানে চাইল পুলিন। সপ্তর্ষি দিকপ্রান্তে অবশ্য হয়ে গেছে, সন্ধ্যা তারাটি পূর্বের আকাশে দপ দপ করে কাঁপছে। পিঙ্গল ছোপ ধরেছে আকাশে। সর্বনাশ, রাত্ৰি কি শেষ হয়ে এল !

জোরসে চালাও নৌকা, দু'খানা দাঁড়ে যত শক্তি আছে জল কেটে এগিয়ে চল। স্রোত-মধুর নদী, হোক, তবু ত অল্পকুল স্রোতে চলেছে নৌকা। হাওয়া থাকলে পাল তুলে দেওয়া যেত। কিন্তু আলো ফুটার আগেই জনতার নাগাল থেকে দূরে যেতেই হবে। সব শক্তি প্রয়োগ কর।

নদীর উচু পাড়ে ক্ষেতখামার আসছে, লতা-গুন্ডের ঝোপ মাথা তুলছে, শ্মশান ঘাট জাগছে, কুঁড়ে ঘরও পড়ছে। সবচেয়ে বেশী মাঠের প্রসার। বন্ধা মাঠ—এবং শস্য শ্যামল ক্ষেত। ভোরের মিষ্ট হাওয়া নদীর জল ছুয়ে শরীরে এসে লাগছে। কোন্ ঝোপে উঠছে নাম-না-জানা পাণীর কাকলি। এত জোরে দাঁড় টেনেও জনতাকে অতিক্রম করা গেল না ! জনতা ঘন হয়েছে ; উচু পাড় থেকে বড় বড় মাটির ঢেলা নৌকা লক্ষ্য করে ছোড়া হচ্ছে। ছোড়া হচ্ছে লাঠি, বল্লম। ধনরত্ন লুঠ করে ডাকাতের দল পালাচ্ছে নৌকা করে, ওদের যেন-তেন-প্রকায়ে ঘায়েল করা চাই। জীবিত অথবা মৃত যেমন করে হোক—ধরতেই হবে। মার শড়কি, বল্লম, মাটির ঢেলা, জখম কর—খুন কর।

পালান ও ধরার খেলা জমে উঠতেই অন্ধকার পাতলা হয়ে এল। আলো ফুটল।

পুলিন দেখল, পাড়ের উপরে রথ বাজার ভীড়। চাষী, মজুর থেকে সজ্জা জমিনার—সবাই অংশ নিয়েছে মিছিলে।

পুলিন পিস্তল উচিয়ে বলল, ধাম বলছি, না হলে গুলি করব।

দলের অগ্রাঙ্গ ছেলেরা উত্তেজিত হয়ে উঠেছে। বলছে পুলিনকে, হুকুম দাও, গুলি ছুড়ি। ওদের হটাতে না পারলে ধরা পড়ব আমরা।

না, অপেক্ষা কর। ওরা আমাদের ভাই, ওরা নিরক্ষা। জানে না, কি সর্বনাশ করছে ওরা। ওদের বুঝিয়ে দিতে হবে।

বোঝাতে সুরু করল পুলিন, ভাই সব, আমরা লুঠরা নই, ডাকাত নই। যে ডাকাত শুধু শুধু ঘরে আগুন দেয়, ধনরত্ন লুঠ করে, মানুষকে ঠেঙ্গিয়ে মারে—

ডাকাত—ডাকাত। মার ওদের। শতকণ্ঠে চীংকার উঠল।

এখনও বলছি নৌকা ধামাও, না হলে কাষায় করব। বলিষ্ঠ

অভিজাত বংশের এক যুবক বন্দুক নিশানা করে চীৎকার করে উঠলেন।

পুলিন-দা, হুকুম দাও। নৌকার আরোহীরা গর্জন করে উঠল।

ধাম ভাই। ওদের শাস্ত করি। পুলিনও পাড়ের পানে পিস্তল লক্ষ্য করল। শোন তোমরা, যদি বাঁচতে চাও, সবে পড়, নইলে—

সট করে একটা বর্শা নৌকার পাটাতনে বেঁধে গেল।

হুকুম দাও, গুলি চালাই। ঘোলটি কণ্ঠ গর্জন করে উঠল।

তার আগেই গুঁড়ম গুঁড়ম শব্দ হ'ল হ'বার। অভিজাত বংশের যুবকটি গুলি ছুঁড়ে।

পুলিন গুয়ে পড়ল পাটাতনের উপর। মাথার উপর দিয়ে গুলি দুটো বার হয়ে গেল।

না, তীরের লোকেরা মরীয়া হয়ে উঠেছে, কোন কথা শুনবে না ওরা।

রক্তস্রাব পাগল বাঘের মতই ওরা ভয়ঙ্কর। ওদের বিবেক কিম্বা বিচারবুদ্ধি মোহগ্রস্ত। অর্থলুপ্তনের সোজা অর্থটি স্পষ্ট হয়েছে ওদের কাছে। ওরা শত্রুপক্ষীয়।

আবার বন্দুক তুলেছে সপ্রাস্ত যুবকটি। বার বার কি লক্ষ্যভ্রষ্ট হবে?

ফায়ার। হুকুম দিল পুলিন।

হুম্—হুম্—হুম্। দশ বারটা পিস্তল গর্জন করে উঠল। সপ্রাস্ত যুবক ত জমি নিলই—আরও জন কয়েক আহত হ'ল। বাস, চোখের পলকে ফাকা হয়ে গেল নদীর তীর। কিন্তু দূরে দাঁড়িয়ে রইল ওরা। হাত নাড়তে লাগল। ওরা ভয় পেয়েছে, উত্তেজনা কমে নি।

পুলিন বলল, দিনের বেলায় নৌকা নিয়ে এগুনো যাবে না। পায়ে হাঁটতে হবে, ছুটতে হবে—তবে যদি বাঁচতে পারি। নৌকা ডুবিয়ে দাও। যা কিছু আছে ঝোলায় পুরে ডাঙ্গা পথ ধরি—চল।

লোহার একটা ভারি মুশল ছিল, তাই দিয়ে দমাদম ঘা মেবে মেবে ওরা নৌকার তলাটা ফাসিয়ে দিল। জল উঠতে লাগল কল কল শব্দে। পিঠে ঝোলা, হাতে পিস্তল—সবাই লাফিয়ে পড়ল ডাঙ্গায়।

ওদের দেখে জনতা আরও পিছিয়ে গেল।

পুলিন চীৎকার করে বলল, ভাই সব, তোমাদের সঙ্গে আমাদের কোন শত্রুতা নেই, তোমাদের গায়ে হাত তুলব না, তোমরা শুধু সরে যাও। আমাদের চলে যেতে দাও।

গ্রামব সীরা বহু দূর থেকে ওদের অহুসরণ করতে লাগল। ততক্ষণে পুলিশ এসে গেছে।

ঐ—ঐ—পালাচ্ছে ডাকাতরা, ধর।

ফায়ার।

পুলিনরা তখন আল বাঁধা জমির ও-পিঠে। একটা মরা খালের খাদ ওদের পিছনে।

পিছু হটো, গুয়ে পড়, গুলি চালাও।

গ্রামের দিক থেকে গুলির আওয়াজ ক্ষীণ হয়ে এল। আরও ক'টা লোক পড়েছে হয় ত। ওরা পালিয়েছে।

ওরা কিন্তু পালায় নি। আবার ছুটে আসছে। গুলি চালাচ্ছে—চীৎকার করছে—পাকডো—পাকডো।

কোন ক্রমে মরা খালের খাদ পেরিয়ে ওরা ঝোপ-জঙ্গলে ঢুকে পড়ল। বিজন অরণ্য নয়, সামান্য লতা-গুল্মের আড়াল—আধ মাইলটুকু জুড়ে একটা পড়ো ভূমিতে ঘন হয়েছে। তার পর ফাকা মাঠ, এক মাইল গেলে তবে নদী—ভাগীর্থী। নদী পার হতে পারলে ও-পারে বন জঙ্গল পাওয়া যাবে অনেকখানি! পূর্বস্থলীর জঙ্গল। ভাল মত পথ চেনে না কেউ। দূর থেকে দেখাচ্ছে ধোয়ার মত—জঙ্গলের আভাস। সন্ধ্যা এসে গেলে সেই জঙ্গলে নিরাপদ আশ্রয়।

কিন্তু এত লোক এক সঙ্গে গেলে বিপদ। ঝোপের মধ্যে এসে পুলিন বলল, আমরা সাত জন ঢাকাকাড়ি নিয়ে বাবাসাত যাব, বাকী দশ জন নদী পার হয়ে যাবে নবধীপ। পার হয়ে যত শীঘ্র পারবে—পোষাক বদল করে নেবে। তার পর কেউনগরে গিয়ে হুকুমের অপেক্ষা করবে।

ফাকা জমিতে পড়ে আবার দৌড়। এক মাইল মাঠ, তার পর নদী। সবাই পারিশ্রান্ত। হ'দিন ধরে চলেছে উত্তেজনা, ছুটোছুটি, ব্যক্তি জাগরণ, অধীহারও বটে। কিন্তু এ সকলের চেয়ে জীবন অনেক বড়, জীবনের চেয়ে বড় দেশ। যেমন করে হোক—বাঁচতেই হবে।

পিছন থেকে দুটো গুলি এসে মাটির ঢেলা ভাঙল। ওরা ফিরে দাঁড়িয়ে এক পশগা গুলি বৃষ্টি করল। পিছনের পাতলা ঝোপ তুলতে লাগল ঘন ঘন। অহুসরণকারীরা পালাচ্ছে। ফাকা জমিতে দাঁড়াবার সাহস নেই ওদের।

পথ শেষ হ'ল, শরীর অত্যন্ত শ্রান্ত। সূর্য্য কখন মাথার উপরে উঠেছে—কখন পশ্চিমে হেলেছে। হুপুয় গাড়িয়ে গেছে বিকেলের দিকে। ওরা নদীর ধারে এসে বসল। হাত মুখ ধুয়ে আঞ্জলা ভরে জল পান করল। পিছনে পাহারা রইল হ'জন।

নৌকার সন্ধান করতে লাগল সবাই। কোথায় নৌকা? ফাকা নদী। যদিও এটি পারঘাটা নয়, তবু দিন রাত মাল বোঝাই ভড় চলে, দেখা যায় হুই একখানা জেলে ডিক্রী, পাড়ে বাঁধা থাকে দুয়গামী যাত্রী-নৌকা, পাকশাক সেবে নেয় মাঝিরা।

অনেক খুঁজে বাঁকের মুখে পাওয়া গেল একখানা নৌকা। লগি পুতে বেঁধে রেখেছে কেউ। চেউয়ে ভাসছে, হুলছে—মাঝি-মাল্লা নাই।

হু'একবার ডাক দিয়েও সাজা পাওয়া গেল না।

কাছে এসে পুলিন দেখল, নৌকার গলুইয়ে ও ডি মেবে চুপচাপ

বসে আছে হুঁজন লোক। কাঁপছে ঠক্ ঠক্ করে। সম্ভবতঃ ডাকাতের কথা শুনেছে। ওদের কাছে ধনরত্ন নাই, শুধু নাম মাহাত্ম্যে কাঁপুনি খামছে না।

এই শোন, বেরিয়ে এস তোমরা। কোন ভয় নেই। আমরা ও-পায়ে যেতে চাই—পায় করে দাও। টাকা পাবে।

অভয় পেয়েও ওদের ভয়ত্বা বুচল না।

দোহাই বাবু, টাকা চাইনে। পায় করতে পারব না।

কেন ?

দারোগা সায়ের শাইসে (শাসিয়ে) গেল, খবরদার নৌকো রাখিবে নে ঘাটে। কাক্যেও পায় করবি নে। যদি পায় কর কাউকে—

হ। তাই বুঝি সবাই নৌকা নিয়ে পালিয়েছে ?

পাইলেছে ত। ওনারা বলল—জ্ঞানে বাঁচতে চাস ত—

আমাদেরও সেই কথা। জ্ঞান আমাদের বাঁচাতেই হবে। আঘাটার পায় করে দাও। না হলে তোমাদের জ্ঞানও—

দোহাই হুঁজুর, গোসা করে না। ওনারা যদি জানতে পারে—

কোন ভয় নেই, সে বাবস্থা আমরা করে যাব। তোমাদের হাত পা বেঁধে বেঁধে যাব নৌকায়। ওরা সন্দেহ করবে না। ধর এই দশটা টাকা—

না বাবু, টাকা লুভো না। আপনারা যে কি দরের ডাকাত—জ্ঞানলাম যদি...দোহাই বাবু—টাকা লুভো না।

টাকা ওরা নিলে না। পায় করে দেবার আগে প্রণাম করলে প্রত্যেককে। বলল, শালার পুলিশ দারোগাকে জব্দ করতে সাধ হয় না কি বাবু ? হয়। কিন্তু ক্ষমুন্দিয়া যে দলে ভারি—হাল হাতিয়ার মেলাই। ইঞ্জি পরিবার না থাকলে—কত ধানে কত চাল বুটজে দিতাম না ?

নির্বিষয়ে পায় হয়ে ওপায়ে পৌঁছল ওরা। হুঁদল চলল হুঁদিকে।

একবার মুখ ফিরিয়ে দেখলে আর পাবে। নদী এখানে বেশ খানিকটা চওড়া। দেখলে, ওপায়ে লাল পাপড়ীর দল ছুটোছুটি করছে পায় হবার জন্ত। কিন্তু নৌকা কোথায় ? ওদেরই হুকুমে গঙ্গাবন্ধ ভয়শীল হয়েছিল।

দশ জন গেল নদীরায় দিকে, খালি হাতে। হুঁজনকে নিয়ে পুলিশ চলল পূর্ব্বদিকের দিকে।

একটু নিশ্চিন্ত হতেই কুখার আগুন জ্বলে উঠল। সবাই পরস্পরের মুখ চাওয়াচাওয়ি করল। মুখে কেউ কিছু বলল না বটে—সবাই বুঝল সে চাহনির ভাষা। দেহধর্মের তাড়না উত্তেজনা দিয়ে কতক্ষণ ঠেকিয়ে রাখা যায়।

পথের পাশে ছোট্ট একটি গ্রাম। বনের পথ থেকে একটু দূরে যেতে হয়। তা হোক, খাত সঙ্কর করে হনো বল ফিরে গেলে—অবশিষ্ট পথ অনায়াসে পাড়ি দেওয়া সহজ হবে।

বা দিকের পথ মূল ওরা। ওদের খাঁকির পোবাক, উত্তেজনা চুল, পিঠের ঝোলা, হাতের লাঠি, কান্দিপড়া মুখ আর কোটের গভ

চোখ—বিভীষিকা আগাবার পক্ষে যথেষ্ট। তা ছাড়া ডাকাতের কথাটা মুখে মুখে বটে গিয়েছিল। দূর থেকে ওদের দেখে গ্রামের মানুষ যে যেদিকে পারল—ছুট দিল। এরা পৌঁছে দেখলে জনহীন গ্রাম, শুধু গরু ছাগল হাঁস মুরগীগুলি নিরুদ্দিগে চলাফেরা করছে, আর উন্ন থেকে ধোঁয়া উঠছে। একথানা চালাঘরের দাওয়ার পড়ে এক অধর্ষ বৃড়ী কাতরাচ্ছে।

দোহাই বাবা ডাকাত, মোর জ্ঞান নিসনে। দোহাই বাবা—

একটানা চীংকার—বাব বাব অভয় দিয়েও খামান গেল না।

তখন সবাই মিলে খুঁজতে লাগল—কোথায় কি খাবার আছে।

কাঁচা আনাজপাতি, শুকনো চাল কি কাজে লাগবে ! চাষার ঘরে মোণ্ডা মেঠাই ত থাকে না, একটা কলসীতে পাওয়া গেল শুকনো চিঁড়ে। পাওয়া গেল খানিকটা গুড়। তাই পথম লাভ ! সেই শুকনো চিঁড়ে ঢেলে নিলে পিঠ-ঝুলিতে। সামান্য গুড়ের সঙ্গে মিশিয়ে পুরলে মুখে। দাওয়ার বেঞ্চে গেল গোটা পাঁচেক টাকা, চিঁড়ে গুড়ের দাম। জলখাবার সময় নেই, পিছনে পুলিশ আসছে না ?

সন্ধ্যা হয় হয়—জঙ্গলে ঢুকল ওরা। আর একবার চেয়ে দেখল পিছনে। একদল লোক যেন এই দিকেই আসছে।

পুলিন বলল, এখনই অন্ধকার হবে, ভয় পেলে চলবে না। বনের মাঝ বরাবর গিয়ে আর একটা ফাইট দিতে হবে। মোটা গাছের গুড়ির আড়াল থেকে গুলি চালাব।

কথা মত তৈরী হয়ে দাঁড়াল গুড়ির আড়ালে। বনের মধ্যে ঘন অন্ধকার। ঝি ঝি পোকায় একটানা ডাক, খড়খড়—সবসময় কি সব চলে বেড়াচ্ছে। সাপ কি ? অনুসরণকারী মানুষের চেয়ে ওরা বেশী খল কি ? বেশী হিংস্র ?

একটু পরে ভারি ভারি বুটের আওয়াজ, শুকনো পাতা মাড়ানোর মচ মচ শব্দ। অন্ধকার ভাঙতে ভাঙতে এগিয়ে আসছে শব্দ। এক একবার টর্চের আলো জ্বলছে। মানুষের গলার চাপা ধনি। চাপা উত্তেজনা ছড়িয়ে পড়ল নির্বাক অরণ্যে।

কাষার।

হুম্—হুম্—হুম্। গুলির শব্দ, পাতাভাঙার শব্দ, জুতার শব্দ—কাতরানি গোঙানি সব মিলিয়ে অন্ধকার অরণ্যেরই বীভৎস আর্ন্তনাদ। সেই শব্দের সঙ্গে শাখাশরী কয়েকটা কাক পাখা ঝাপটে চীংকার শুরু করে দিলে—কা-কা-কা।

পাঁচ মিনিট পরে পূর্ব্বকার শব্দ নিস্তক অরণ্যে। গাছের আড়াল থেকে বায় হয়ে পরস্পরের হাত চেপে ধরল ওরা, পায়ে পায়ে এগিয়ে গেল খানিকটা। ক্ষীণ একটু আলোর বেধা পড়ল বনভূমিতে। টর্চটা জ্বলছে বটে, ব্যাটারীর আয়ু নিঃশেষিতপ্রায়। লালচে মৃদু আলোর হাতখানেক মাত্র পথ আকর্ষণ দেখা যায়। তাই যথেষ্ট। যতক্ষণ পায়ার বায় চলতে হবে, বনের অপর পারে পৌঁছতে হবে। জীবন মূল্যবান, তার চেয়েও মূল্যবান দেশ।

কড়া রোদ মুখে এসে পড়তেই পুলিনের ঘুম ভেঙে গেল। নরম বিছানার উপর শুয়ে কোন সংসারের স্বপ্ন দেখছে সে। স্বপ্নই ত। উপরে শবতের নীল আকাশ রৌদ্রে বলমলু করেছে, কয়েকটা চিল পাক খাচ্ছে তার তলায়। তারও নীচেই বট-অশ্বখ-আম-জামের ঘন সবুজ পাতা রোদে মাখামাখি হয়ে আলর দোলাচ্ছে। বর্ষায় অমৃত ধারা পান করে ওরা প্রচুর স্বাস্থ্য সঞ্চয় করেছে, মুক্ত আকাশের তলায় ওদের খুসীর সীমা-পরিসীমা নাই, ওরা স্বাধীন।

স্বাধীন! বিছাতের কথা দিয়ে কে যেন আঘাত করল পুলিনকে। স্বপ্ন ভগ্ন ফুরিয়ে গেল। চাইল পাশে, সঙ্গীরা অকাতরে ঘুমুচ্ছে। ওদের পিঠ-ঝুলিগুলি পাশে এলিয়ে পড়েছে, শিথিল হাতেও মুঠোয় ধরা রয়েছে পিস্তল। কিন্তু এ কোথায় এসেছে ওরা? চারিদিকে শুধু বিচালীর স্তূপ। একটা খামার বাড়ীই হবে হয়ত। মাঝখানে একটা বিচালী স্তূপে একরকম আত্মগোপন করেই রাত্রিতে পেতেছে শয্যা। এখানে কেমন করে এসেছে? বনের মাঝখানে পুলিনের সঙ্গে সংঘর্ষ মনে পড়ল। পুলিনরা পাছু হটে বন ছেড়ে গেল, ওরাও আয়ুকীর্ণ টর্চ জ্বালিয়ে বিপরীত দিকে বনসীমায় পৌঁছবার চেষ্টা করল। অনেক-ক্ষণ ধরে চলল ওরা। মাথার উপরে গাছের শাখাপত্রের জাল—আকাশ দেখা যাচ্ছিল না। কত রাত, কে জানে! সঙ্গে ঘড়ি ছিল না তো। বনের মধ্যে চূপ করে বসে থাকতে চলে না—চলতে চলতে যেখানে হোক পৌঁছতে হবে। না হয় সারারাতই চলবে। চলতে যে হবেই। থামা মানেই আত্মসমর্পণ, মৃত্যু। মৃত্যুর চেয়ে বেশী ব্রতচ্যুতি, কলঙ্ক, অপমণ। স্তবরাং পায়ে পায়ে এগিয়ে চলেছিল সবাই। চলতে চলতে এক সময়ে মাথার উপর তারা বলমলে আকাশ দেখা গেল, দেখা গেল সপ্তর্ষির নীচেই স্নানজ্যোতি প্রবতায়াকে। দিকের নিশানা মিলল। কিন্তু দিক নির্ণয় করেই বা কি হবে এই রাত্রিতে! একটু বিশ্রাম চাই।

বন শেষ হ'ল, মাঠ পড়ল। লোকালয় দূরে। ভালই হ'ল। একটু চলে পাওয়া গেল এই বাঁশের বেড়াঘেঁষা খামার-বাড়ীটা। আটশ ধান মাড়াই হয়ে এক ধারে সারি সারি মরাট্টয়ে জমা হচ্ছে। অল্প ধারে স্তূপীভূত হয়েছে বিচালী। চমৎকার আশ্রয়—রাজকীর শয্যা। এমন আবাম করে শোওয়া কতদিন যে ঘটে নি! বাস, শয়ন, নিদ্রা এবং সম্পূর্ণ বিশ্রুতি।

ধড়মড় করে উঠে বসল পুলিন—সঙ্গীদের ঠেলা দিয়ে জাগিয়ে দিল। বেশ খানিকটা বেলাই হয়েছে, পথে বাব হওয়া মুশকিল। বিশেষ করে এই বেশে—যা সরল গ্রামবাসীদেরও সন্দেহাকুল করে তুলবে। এ বেশ ত্যাগ করতে না পারলে নিস্তার নাই।

গ্রামের মধ্যে না চুক ঝোপের পাশে পাশে চলতে লাগল। সৌভাগ্যক্রমে সামনেই পড়ল এক ধোপা বাড়ী। কাপড়ের প্রকাণ্ড দুটো গাঁঠরি সবে গাধার পিঠে চাপিয়েছে রজক—ওরা এসে সামনে দাঁড়াল।

চমকে উঠল রজক, কে তোমরা?

কাপড় দাও, জামা দাও।

খবরদার, টু-শব্দ করেছ কি—পিস্তল উঁচিয়ে ধরল পুলিন।

কাঁপতে কাঁপতে বসে পড়ল রজক। রজক-পত্নীও বাঙনিম্পত্তি করল না। ছোট ছেলেমেয়েগুলো দাওয়ায় বসে পাথরের ধোরায় করে পাস্তাভাত খাচ্ছিল, ওরাও চূপ করে রইল।

যে যার গায়ের মাপে জামা বেছে নিল। বেছে নিল ধুতি। ফিন্ফিনে আদ্রির পাঞ্জাবী আর শান্তিপুরী জরি-পাড় এক শ' সূতোয় মিহি ধুতি। থাকির পোশাক পুরলে পিঠ-ঝুলিতে, ঝুলি হ'ল তুণ্ডিল তনু ক্রীবিনায়ক।

এক জন সত্যৎ দৃষ্টিতে পাস্তাভাত ভর্তি খোরাটার পানে চেয়ে দেখল। কিন্তু কচি ছেলের মুখের গ্রাস... এগিয়ে গেল ওরা— দশ টাকার দশখানা নোট কাপড়ের গাঁঠরির উপর বেধে।

পোশাক তো বদলানো হ'ল, এবার খাবার চেষ্টা দেখলে হয় না? এক জন বলল।

এ গ্রামে নয়, পাশের গ্রামে চল। ধোপা কি আর ভালো মানুষের মত চূপ করে থাকবে?

পাশের গ্রামে এক ময়রার দোকানের বেকিতে গিয়ে বসল সাত জনে। কি আছে মিষ্টি আন তো দোকানী ভাই।

ওদের মুখের পানে চেয়ে দোকানীর মুখ শুকিয়ে গেল। বলল, কাল এক খোলা বসগোলা তৈরি করেছি, বত ইচ্ছে খেয়ে নাও বাবু।

যত ইচ্ছে খাবই তো। দামটা—

দোহাই বাবু, ওইটি বলো না। দাম আমি নেব না।

কেন দোকানী ভাই? তোমার লোকসান—

লোকসান! আপনাদের বৃষি লোকসান হয় নি কিছু? আপনারা যে—

জান তুমি—আমরা কে?

দোকানীর মুখ উজ্জ্বল হয়ে উঠল, পরমুহুর্তে ফাকাশে মেরে গেল। বলল, না, না, কিছুই জানি না। খাবে তো তাড়া-তাড়ি কর। মুখ তোমাদের শুকিয়ে গেছে—

পুলিন চুপি চুপি বলল সঙ্গীদের, খেয়েই নেয়া যাক। পোশাক বদলেও পরিচয় বদলানো যাচ্ছে না। কথায় বলে—কাকের মুখে বার্তা রটে, এও তাই।

আহার-পর্ক মাঝ বরাবর পৌঁছেছে—সরকারী তকমাধারী লণ্ডপানি এক কালো মূর্তির আবির্ভাব।

শুনছেন বাবু, বড়বাবু এতেনা পেটিয়েছে, আন্তেজে হোক।

কে তোমার বড়বাবু?

খানার দায়োগা বাবু। চলেন।

কেন, আমরা কি তার হুকুমের চাকর? বা তোমার বড়বাবুকে আসতে বল এখানে।

লাঠি ঠুকে চৌকিদার বলল, তকমার কথা না বাবু, লক্ষী ছেলের মত আমার সঙ্গে এস। নাইলে—, বলে আর এক বাবু



পিকিঙে ভারতীয় পার্লামেন্টারি মিশনের সদস্যদের অর্থাৎ-১৯৩ চীনা প্রজাতন্ত্রের 'নেশনাল পিপলস কংগ্রেস স্ট্যাণ্ডিং কমিটি'র চেয়ারম্যান সিউ শাও-চি



নিউ দিল্লীতে প্ল্যানিং কমিশনের সদস্যদের সাথে ড. যোগ মাজা (ডানদিক হইতে তৃতীয়)



পুণা 'নেশা'ল কেমিক্যাল লেবরেট'তে ইথিওপিয়াৰ সমাট হাইলে সেলাসি



কাঠমাণ্ডুৰ সিং দৰ্বাৰে প্ৰে.সডেণ্ট ৰাজেন্দ্ৰপ্ৰসাদ কৰ্তৃক অভিনন্দনপত্ৰ গ্ৰহণ

মাটি ঠুকলে। যা—যা—ছুঁচোর গোলাম চামচিকে কোধাকার!

কি! কণ্ঠে দাঁড়াল চৌকিদার। কিন্তু পরমুহূর্তেই ল্যাজ-গুটানো কুকুরের মত ছুটে পালাল। পুলিশের হাতে কণা-উচু সাপের মত পিঙ্গলটা চক্চকু করছে।

ধানা কতদূর এখান থেকে?

দোকানী বলল, তা আঙে—কোশটাক হবে।

বেশ। তাড়াতাড়ি খাবার শেষ করে জল পান করল ওরা। একখানা নোট বাব করতেই দোকানী হাত জোড় করে কাঁদ-কাঁদ মুখে বলল, ছি-চরণে অপরাধী করবেন না বাবু, এমনিতে তো সাপের শেষ নেই।

আচ্ছা, জমা রইল এটা। যদি কোন দিন সুযোগ আসে—কথা শেষ না করে ওরা পথ ধরল।

চলতে লাগল গ্রাম বাঁচিয়ে, মাঠের আল ধবে, ঝোপঝাড়ের কোল ঘেঁষে—মানুষ-জনের সংস্রব এড়িয়ে। বেশ বুঝেছে—অপরিচিত মানুষ দলভারি হয়ে অজানা গাঁয়ে ঢুকলেই সন্দেহ আর কৌতূহল বাড়ায় মানুষের। সাত জন মানুষ—দলটা ভারীই তো।

দুপুরের বোদ ঝা ঝা করছে। একটা বিলের ধারে পৌঁছল ওরা। বিলে দু'চারখানা ভিজি-নৌকা বাঁধা রয়েছে, ছইওয়াল পাবাণি নৌকাও রয়েছে একখানা। বাঁশের লগি পুতে—তাতে নৌকো বেঁধে মাঝিরা গেছে ঘরে—এখনই ফিরে আসবে পাওয়া-দাওয়া সেরে। একটু দূরে হিস হিস শব্দ করে কাঠের পাটায় কাপড় আছড়াচ্ছে ধোপারা। মাথায় ওদের চাদরের ফেটি বাঁধা। ধোপানী ফার-সিন্ধু হাঁড়িটার কাপড় ঠেলে ঠেলে দিচ্ছে একটা বাথারি দিয়ে। ঢালু জমিতে চোবকাটার উপর মেলে দেওয়া রয়েছে রঙ-বেরঙের শাড়ী, ধুতি জামা, পা-জামা, লুঙ্গি। খালের ধারে একটা শাখাঘন অখণ্ড গাছকে ঘিরে খানিকটা ঝোপের সৃষ্টি হয়েছে—আসশাওড়া, কালকান্দুলা, ভাট, নোনা-আতার ঝোপ। তারই আড়ালে বসে ওরা চারদিক দেখছিল। ভয়া পেট, শীতল ছায়া, ঝিরঝিরে হাওয়া—কখন তন্দ্রার আবেশ এসেছে, কে জানে।

তন্দ্রা ভাঙলে দেখলে—ছায়া গাঢ় হয়েছে, সন্ধ্যা হয় হয়।

ওই ছইওয়া নৌকোখানা চাই। খাল নিশ্চয় গঙ্গায় গিয়ে পড়েছে। এদিকে গঙ্গা ছাড়া ত কোন নদী নেই। আমরা উত্তর দিকে পাড়ি দেব, বারাসাত পৌঁছব ঐ দিক ধরে গেলে। পুলিশ বলল।

নৌকোখানা চুরি করবেন? একটি ছেলে বলল।

উপায় কি? চোর বদনাম নতুন হবে না। দেশের লোকের কাছে—বিদেশী প্রভুদের কাছে আমরা খুনে, ডাকাত, লুঠেরা। নৌকোখানাও না হয় কর্জের খাতে জমা থাকবে।

বেশ, তবে দুর্গা দুর্গা বলে যাত্রা করা যাক।

না, নিশ্চয় হোক রাত—ঘুমিয়ে পড়ুক পৃথিবী। রাত-জাগা পাখীদের সঙ্গে আমরা পাল্লা দিয়ে ছুটব।

তাই হ'ল। সন্ধ্যায় একটানা ঝিরঝির ডাক ধামল, ছই প্রহরের শেষালরা ডেকে গেল, বিলের কাছে দূরে ছই একটি আলো চলাচল করছিল—তাও মিলিয়ে গেল ক্রমশঃ। অন্ধকার অবশ্য ততটা গাঢ় হয় নি, খোলামেলা মাঠে তারাতারা আকাশের নীচের খানিকটা তরল হয়েই থাকে ত।

ওরা উঠল। জলের কিনারায় এল। পায়ের তলায় চক্ চক্ করছে কালো জল—তার উপর তারার চুম্বকি-বসান ঝিকমিকে একখানি পাতলা ওড়না পেতে কোন নেপথ্যাচারিণী অভিসারিকা অপেক্ষা করছে—কে জানে। সে পথে না গিয়ে উপায় কি?

সকাল হ'ল। অজানা জায়গা। চওড়া নদী, গঙ্গাতে পড়েছে নৌকা। এক পাড়ে উচু অমি, অপর পারে ঢালু ক্ষেত। প্রাতঃ-স্নানার্থী কোমবজলে দাঁড়িয়ে স্তোত্র পাঠ করছে; লাঙ্গল কাঁধে হেঁট হেঁট শব্দে বলদ তাড়িয়ে মাঠে চলেছে চাষা; কোন চাষা-বউ মাটির কলসীতে জল ভরছে, কেউ বা কাঠের পাটায় কবে এনেছে ফাবে সিদ্ধ কাপড় কাঁথার বাশি; উলঙ্গ ছেলে-মেয়েরা চরভূমিতে ছুটছে—লাফাচ্ছে—খেলা করছে। সুস্থ সহজ জীবনের শ্রোত বয়ে চলেছে নদীর দু'পাশে। নদীতেও শাস্ত্র একটা প্রবাহ, মিষ্টি একটা সুর।

কিন্তু নৌকার জীবন এত স্বচ্ছন্দ নয়। দাঁড়ি আর মাঝি ছাড়া অল্প সকলে ছইয়ের মধ্যে আত্মগোপন করে রয়েছে। অন্তঃপুরের মর্যাদা সৃষ্টি করে ছইয়ের মুখে টাঙিয়ে দিয়েছে একখানি কাপড়।

এমনি করে একদিন কাটল নির্ঝিল্পে, কাটল আরও একটা রাত্রি। শুধু জল আর দু' এক মুঠো চিঁড়ে খেয়ে কাটল পুরা একটা দিন আর রাত্রি। গ্রামে ঢুকে আহাৰ্য্য সংগ্রহের চেষ্টা করলে না কেউ।

দ্বিতীয় দিনও হয় ত এমনি কাটত, কিন্তু অনেকখানি এগিয়ে আসা হয়েছে, আর নদীর এখানে গ্রামও বেশ খানিকটা দূরে। ততটা বিপদের ভয় নেই।

ওরা ঠিক করল—ঢাল ডাল যোগাড় করে নদীর ধারেই পাকা দি করবে। আরও দু' তিন দিন হয় ত কাটবে নৌকার—নদীর কিনারে পড়বে গ্রাম—পাকশাকের সুবিধা হবে না।

নৌকা কূলে ভিড়িয়ে একজন স্নানার্থীকে জিজ্ঞাসা করল, কোন গ্রাম এটা?

শান্তিপুর।

যাক—অনেকখানি পথ আসা গেছে তা হলে। কোথায় খেতে নদী ধরে অনেক এগিয়ে বেথুয়া ডাহারির কাছে মীরপুর গ্রামে ঘটনা ঘটল, আর কোথায় গঙ্গানদীর তীরে শান্তিপুর। অনেকখানি পথ—পাকশাক কবে—এ বেলাটি পুরো বিশ্বাস নেওয়া যাবে।

দু'জন মাইলখানেক মাঠ ভেঙে গ্রামে গেল—ঢাল ডাল হাঁড়ি আর আনাঙ্গপাতি আনবে—আর সবাই মিলে তৈরি করল উত্তুন, যোগাড় করল কাঠ, যথা সময়ে উত্তুন ধরিয়ে ডাল চাপিয়ে দিল। ডাল নামিয়ে চাপাল ভাত। ক্রমে টগবগ করে ভাত হুটতে লাগল

সোদা সোদা মিষ্টি গন্ধ বাব হতে লাগল, নাড়ীতে নাড়ীতে পাক দিয়ে ক্ষুধাকে করল তীব্র।

শীগগির একটা ডুব দিয়ে নেয়ে নিই চল।

ভাত বোধ হয় হয়ে গেছে, হাঁড়িটা নামাও।

আর একফুট হবে—এখনও মাঝ রয়েছে। কাঠি দিয়ে দু'চারটি ভাত তুলে টিপে দেখল একটি ছেলে।

মানে—আরও আধ ঘণ্টা ত ? অর্ধেক কঠোর স্বর।

না, না, বড়জোর দশ মিনিট।

ডালটা কিন্তু তোফা হয়েছে।

এই পেটুক—চাখছ ত ?

সত্যি বলছি—মাত্র একটুখানি—

হঠাৎ রূপ করে একটা শব্দ হ'ল। দু'জন লোক ছফফর দিয়ে লাফিয়ে পড়ল নৌকায়।

সবাই খাড়া হয়ে দাঁড়াল। কি ব্যাপার ? স্নানঘাট থেকে খানিকটা তফাতে একটা বাকের মুখে ছিল নৌকাখানা, সেইখানেই যেন গোলমাল। সবাই ছুঁল।

তার পর আর কেউ ফিরে এল না। হাঁড়িতে টগবগ করে ফুটতে লাগল ভাত, সরা ঢাকা ডাল তেমনি পড়ে রইল—কতকগুলো কাক এসে জমল সেখানে। নৌকা তখন কুল ছেড়ে মাঝ-গঙ্গায় ভেসে চলেছে।

আরও এগিয়ে গেল নৌকা। স্নানঘাট ছেড়ে অনেক দূরে—প্রায় লোকচক্ষুর অন্তরালে। একটা মর্মভেদী চীৎকার উঠল, ঝপাং করে জলে ভারী দ্রব্য পতনের শব্দ হ'ল। সে শব্দ কারও কানে পৌঁছল না। মাথার উপরে অপরাহ্ন আকাশে কতকগুলি চিল পাক খেয়ে খেয়ে উড়ছিল—তারাই যা গুনল—যা দেখল।

নৌকার উপর আর একজনের কাকুতি আর অশ্রু তখন উদ্দাম হয়ে উঠেছে।

দোহাই বাবু—আমাকে মারবেন না। আমি আপনাদের স্বজাত, বাঙালী। আমার ছেলেমেয়ে আছে, বউ আছে। সংসারে বিনোয় ব্যক্তি নেই উপার্জনের। কি করব, পুলিশের চাকরি—হেড কনেষ্টবলের ছকুম, তাই আপনাদের নৌকায় লাফিয়ে পড়েছিলাম।

কি করে জানলি যে আমরা ডাকাত ?

খানায় ঘবর পৌঁছেছিল পরশু। আপনারা হাঁড়ি কিনছিলেন, চাল-ডাল আনাজ কিনছিলেন—হেড কনেষ্টবল রাম ভরোসে বলল, দিনকাল খারাপ—লোক দুটোর ওপর নজর রাখতে হবে। মীরপুরে একটি জবর ডাকাত্তি হয়েছে, অনেক মানুষ খুন করে ডাকাতরা গায়েব হয়েছে—যদি ধরতে পারি তা হলে একটি প্রমোশন নির্ধাত পেয়ে যাব। চল, ওদের ফলো করি। তার আগে খানায় একটা খবর পাঠিয়ে দিই। খানায় খবর পাঠিয়ে ও বাবুদের পিছু পিছু এল।

হ, দেখলে ত হেড কনেষ্টবল প্রমোশন নিয়ে কোন উর্ক-লোকে গেল। তোমাকেও—

বক্তমাথা ছোরাখানা বোদে বলসে উঠল।

দোহাই বাবু, জানে মারবেন না। পা জড়িয়ে ধরল লোকটা।

খানিকক্ষণ নিস্তব্ধতা। অবশেষে পুলিশ বলল, তোমাকে বাঁচাতে পারি এক সর্তে।

যা বলবেন, তাই করব বাবু।

আমরা নদীর পথ চিনি না, কলকাতার দিকে যাব, পথ দেখিয়ে দিতে হবে।

দেখ বাবু। যা বলবেন—তাই করব, আমি আপনাদের গোলাম।

বাস, বাস, চূপ করে বস।

নৌকা তখন বরষা ছাড়িয়ে বেশ খানিকটা এগিয়েছে। আর খানিকটা গেলেই বলাগড়ের ষ্ট্রিমারঘাট।

কনেষ্টবল বলল, এদিক দিয়েও যাওয়া যায়, একটু ঘুর হবে, আর একটা পথ আছে সোজা—খানিকটা উজিয়ে যেতে হবে।

নৌকার মুখ ঘুরল।

তখন অন্ধকার হয়ে আসছে—জল স্থল অন্ধকারে মুছে যাচ্ছে। দিক সম্বন্ধে কারও কোন জ্ঞান ছিল না। উজান গঙ্গার স্রোত ঠেলে গেলে যে বাবাসতে পৌঁছানো যাবে না—সেটা কুড়ি-পঁচিশ বছরের ছেলেদের জানা ছিল না। বইয়ের মারফত রাত বঙ্গের সঙ্গে যদি বা কিকিং পরিচয় ওদের ছিল, নদীর গতি-প্রকৃতি ও গ্রাম শহরের দীর্ঘনীতি ও অবস্থিতি সম্বন্ধে ওরা ছিল নিতান্তই অনভিজ্ঞ।

অনেকক্ষণ চলায় পর হঠাৎ তীর-ভূমিতে অনেকগুলি আলো দেখা গেল। কোন্ গ্রাম এটা ? শহর কি ? এদিকে নদীর উপরেই তেমন শহরের কথা তো জানা ছিল না। বাঁশবেড়ে, ত্রিবেণী, হুগলীর যে সব জায়গায় ধাবে ধাবে কলকারখানা বা গঞ্জ বাজার রয়েছে, তারাই সক্ষম উজ্জ্বল আলোর মালা গলায় ঝুলিয়ে এমনি করে হেসে ওঠে। সেগুলি ত অনেক দূরে। এ কোথায় এলাম আমরা ?

কনেষ্টবল বলল, একটা গঞ্জ। এখান থেকে গাড়ী করেও কলকাতায় যেতে পারবেন।

কোন্ গঞ্জ, কি নাম ?

আজ্ঞে এই গিয়ে নামটা ঠিক মনে পড়ছে না।

ওকে আমতা আমতা করতে দেখে ওদের সন্দেহ হ'ল। পুলিশ বলল, এদিকে ত একটাই গঞ্জ আছে—কালনার গঞ্জ। সেটা গঙ্গার উপরেই, আসবার সময় দেখেছি। সেই দিকেই চলেছি কি ?

কালনার গঞ্জ ! শুকনো গলায় বিস্ময় ফুটল কনেষ্টবলের।

নাম শোন নি, নয় ? বিক্রমে শানিত হয়ে উঠল পুলিশের কণ্ঠ। আচ্ছা শোনাচ্ছি।

পুলিন শক্ত করে চেপে ধরল ওর হাত। বলল, নৌকা ফেরাও।

অপর পার ঘেঁষে চলল নৌকা। একটা চাপা চীংকার-ধ্বনি উঠতে-না-উঠতে মিলিয়ে গেল।

পুলিন বলল, টর্চ জ্বাল তো। এক টুকরো কাগজ নিয়ে লেখ বড় বড় হরপে, 'বিশ্বাসঘাতকের শাস্তি'। কি দিয়ে লিখবে? ছুরি দিয়ে হাত চিরে রক্ত ঝর করে কাঠি দিয়ে লেখ। কালনায় পৌঁছেলে সবটুকু রক্তই তো খরচ হয়ে যেত—পুলিশের বড় ঘাটি যে ওটা।

আরও খানিকটা উল্লিয়ে নৌকা এসে ঠেকল পাড়ে। তীরের গায়ে ঘন জঙ্গল। প্রথম রাতের মেটে জ্যোৎস্নায় বেটুকু দেখা গেল তাতে বিস্তৃত অবণোর রূপই ফুটে উঠল।

সবাই নেমে পড়ল। পিঠ-ঝুলি, লাঠি, মালপত্র আর কনেট-বলক নিয়ে। লোকটার মুখ বাঁধা, চীংকারের ক্ষমতা নাই।

নৌকো থাকবে এখানে? লগিতে বাঁধব কি?

না। এদিকে ফিরে আসব না আমরা। আর জলপথ নয়—ডাঙ্গা পথে যে কবে হোক পৌঁছবই। নৌকো থেকে বশিটা খুলে নাও।

বনশেষ হ'ল—রাত্রিও তখন শেষ হয়েছে। ওরা একটা

পাড়াগাঁয়ের কাছাকাছি এসেছে। একটা চত্বর-বাঁধানো ঝাকড়া বকুলতলার বসেছে। বকুলগাছটা গ্রামেবই প্রান্তে। ওরা শুয়ে পড়ল চত্বরে। এখনও ঘোর লেগে রয়েছে আকাশে, সামান্ত্রিকণ বিশ্রাম নেওয়া চলবে।

বেশীকণ বিশ্রাম নেয় নি ওরা—সকাল হতেই আবার চলতে শুরু করেছে। অনেককণ চলে চলে একটা চায়ের দোকান পেল। দোকানীর কাছে শুনলে, এটা নেহাত অজ পাড়াগাঁ নয়—মফস্বলের শহরের গোত্রে ফেলা যায় একে। শহরের অনেক সুখ-সুবিধা এখানে রয়েছে। ঘোড়ার গাড়ী পাওয়া যায়—অদূরে মফস্বল শহরে কোর্ট খোলা থাকলে মোটর বাসও বাতায়াত করে। তার পর জংশন-স্টেশনে রেলগাড়ী...কেমন করে বারাসাত পৌঁছেছিল ওরা সে কাহিনী কেউ জানে না, কেমন করে আন্দামানে পৌঁছেছিল সে খবর পৃথিবীময় রাষ্ট্র হয়ে গিয়েছিল।

আন্দামানে কেটেছিল বারো বছর।

তার পর? ভারতবর্ষ আজ স্বাধীন হয়েছে—ব্যক্তিগত লাভ-ক্ষতির প্রশ্নটা আজ তুচ্ছ হয়ে গেছে।*

* বাংলার বিপ্লবী-যুগের একটি সত্য ঘটনার চর্চা অবলম্বনে।

ভুলে গেছি তোমা ভগবান

শ্রীআশুতোষ সাংঘাল

ভুলে গেছি তোমা ভগবান!
চাতকচিহ্ন চাহিছে নিত্য অর্ধবিক্ত যশ-মান।
কাঞ্চন বলি' মাধে নিই তুলি'
ভুল করি' প্রভু, ছাই আর ধূলি,
সংসার-সুখ—যুগতৃষ্ণিকা—
তাই পেতে শুধু কাঁদে প্রাণ।

ধরণীর কলকোলাহল,—
তারি মাঝে হিয়া মরিছে ধুঁকিয়া দিবস রজনী অবিবল।
কোথায় শান্তি, স্নিগ্ধ নিভৃতি,
পরম তৃপ্তি, স্তব্ধ বিরতি?
জীবনমরণ সাথী তুমি কোথা
ধ্রুবতারাসম অচপল।

ভুলে আছি তোমা দর্শনময়।

হাসিছ কি তুমি জীবনযুদ্ধে হেবিয়া আমার পরাজয়?

গগনচূষী মোর অহমিকা

মেলি' দিব্যরাতি লেলিহান শিখা

ধার আদিবারে,—ওগো তুমি কই?

হাও প্রসন্ন বরাতয়!



দক্ষিণ দেশে

শ্রীখগেন্দ্রনাথ মিত্র

উত্তরের মানুষ আমরা দক্ষিণ দেশের গল্প যা শুনেছি, যা পড়েছি তার সঙ্গে সেখানে দেখেছি যা তার অধিকাংশই মেলে নি। তবে সেজগে মনে আপশোষ জাগে নি, আনন্দেরই উদয় হয়েছিল। কোন দেশের যে চিত্র চলার পথে পথিকের মানসপটে আঁকা হয়ে যায় তার সবটুকু ভাষায় রূপ দেওয়া যায় না। সেজগে দক্ষিণ দিকে যত এগিয়েছি ততই মনে হয়েছে, আসা সার্থক হ'ল। আমার দেশের কেবল উত্তরাঞ্চলই সৌন্দর্যমণ্ডিত নয় দক্ষিণের অরণ্যে ও শৈলে, প্রান্তরে ও ক্ষেত্রে, নদী ও সমুদ্রে অশেষ সৌন্দর্য টালা রয়েছে যার তুলনা উত্তরের কোথাও নেই। এ সকলকে ছাপিয়ে উঠেছে দক্ষিণের মানুষগুলির অতিথিবৎসলতা, সৌজন্য ও শৃঙ্খলা-বোধ। এদিকে না এলে উপলব্ধি করা যায় না, আমার দেশ কত মহান, কত বিচিত্র, কত গৌরবের।

তখন ভরা পৌষ। শীতের কনকনে হাওয়ায় উত্তরের মানুষ জড়সড়। আমরাও শীতবস্ত্র জড়িয়ে এক দিন সন্ধ্যায় রওনা হলাম দক্ষিণ দেশে, কেবল ভ্রমণোদ্দেশ্যে নয়। তা হলে তৃতীয় শ্রেণীর টিকিট কেটে প্রথম শ্রেণীর আরামে মাদ্রাজ অবধি যাওয়া সম্ভব হ'ত না। মাদ্রাজে নিখিল ভারত বঙ্গ-সাহিত্য সম্মেলনের আয়োজন হয়েছিল। তাই প্রথম গন্তব্যস্থল ছিল মাদ্রাজ। একে শীত, তার উপর অন্ধকার রাত্রি ও ইঞ্জিনের কয়লার গুড়ো, তাই কমিথ্যার জানালা সন্ধ্যায় সেই যে বন্ধ করা হ'ল তা সারা রাত্রির মধ্যে একবারও খোলা হ'ল না। কেবল সঙ্গীদের পরস্পরের প্রতি এই অসুবিধা বইল যে, চিহ্না হ্রদের তীর দিয়ে গাড়ি যখন যাবে তখন ঘুমিয়ে পড়লেও যেন ডেকে দেওয়া হয়। তৎক্ষণাৎ প্রত্যেকেই পরস্পরকে আশ্বাস দিলাম, "নিশ্চয়ই। নৈসর্গিক সৌন্দর্য্য ভোগের আনন্দে অংশীদার থাকলে তা আরও নিবিড় হয়ে ওঠে। অতএব দুশ্চিন্তার কারণ নেই। সকলে এক সঙ্গে চিহ্নার জ্যোৎস্না-মাথা সৌন্দর্য্য উপভোগ করা যাবে।" এত আশ্রয়ের কারণ, আমরা কেউই চিহ্না দেখি নি। এতদিন দৌড় ছিল খুবদারোডের পথ ধরে পুরী পর্যন্ত। তারপর গল্পে গল্পে দীর্ঘ পথ পার হয়ে যেতে লাগলাম। রাত্রিও বেশ গভীর হতে লাগল। সকলেই জেগে আছি চিহ্নার আশায় এবং একে একে সকলেই শুয়ে পড়তে লাগলাম নিজার উদ্দেশ্যে নয়, শরীরটাকে মাত্র একটুখানির জগে আরাম দিতে। তার পর ক্লান্তি দূর করে যথাসময়ে আবার উঠে বসে সারির মাঝ দিয়ে বাইরের দিকে তাকিয়ে দেখি রাত্রির অন্ধকার সরিয়ে দিনের আলো ফুটেছে! গোটা উড়িষ্যার সীমানা ছাড়িয়ে আমরা অনুপ্রের পথ ধরে হু হু করে চলেছি। চিহ্না পড়ে আছে পিছনে, অনেক

দূরে। বুঝলাম, সকলেই মায়ানিজায় আচ্ছন্ন হয়েছিলাম। না হলে চিহ্নার তীর দিয়ে যাবার কপলে কারও ঘুম ভাঙল না কেন?

কিন্তু সঙ্গীদের এক জন বললেন, "আমি চিহ্না দেখেছি।"

প্রতিক্রিয়া ভঙ্গি কিছুটা উত্তেজনার সঙ্গে প্রশ্ন হ'ল, "কথা ছিল কি? যা হোক সকালবেলা তর্কাতর্কির দরকার নেই। কি রকম দেখলে বল। কান দিয়েই দেখা যাক।"

"দেখতে ঠিক পাই নি। তবে শব্দ শুনেছি।"

"কি রকম?" সকলেই কৌতূহলী হয়ে উঠল।

"পার হবার সময় একটা বাম বাম শব্দ হ'ল। ঐটুকুই যা টের পেলাম। বাকি কিছুই তেমন চোখে পড়ল না। আচ্ছা চিহ্নার উপর ত ব্রিজ আছে, না?"

অতঃপর মনের খেদ ঘুচে গিয়ে আমাদের দিন আরম্ভ হ'ল হাশুরোলের মধ্য দিয়ে। দেখতে দেখতে পূবে শৈলশিরে তরল সোনা ছাড়িয়ে গেল। আর সেই আলোয় উত্তরের স্বপ্ন সহসা হ'ল অদৃশ্য, চোখের সামনে উদ্ভাসিত হ'ল এক নূতন দেশ। উত্তরের সেই গাছপালা, সেই গ্রাম, সেই ক্ষেত-প্রান্তর, সেই নদী-জলাশয় যতদূর চোখ যায় কোথাও নেই। সে শীতও সঙ্গে আসতে আসতে পথের কোথায় থমকে দাঁড়িয়েছে। সেই সঙ্গে শীতবস্ত্রের প্রয়োজনীয়তাও গেছে ফুরিয়ে। তার পর থেকে যত অগ্রসর হই ততই শীতবস্ত্রগুলি গা থেকে একে একে খুলতে খুলতে কেবল ধুতি ও লংকথের পাঞ্জাবীতে এসে ঠেকল। শেষে এক সময়ে চৈতন্য হ'ল যে, আমরা ত চলেছি পৃথিবীর নিরক্ষবৃত্তের দিকে যেখানে রবিকর প্রথর, উদ্ভিদজগৎও উত্তরের থেকে সম্পূর্ণ পৃথক। এখানে উত্তর-ভারতের মত জলভরা গভীর নদী নেই, নেই সেই গগনচুম্বী তুষার-কিরীটী পর্বতমালা, কোন অঞ্চল মরুময়ও নয়, প্রাণীজগতেও আছে পার্থক্য। মানুষগুলির সঙ্গেও পোশাকে, খাদ্যে, আচার-ব্যবহারে, ভাষা ও বর্ণমালায় আমাদের উত্তরের মানুষদের মিল নেই এবং থাকা সম্ভবও নয়।

না থাক ক্ষতি নেই বরং লাভই হয়েছে। মিল থাকলে কি দেখতে পেতাম আমাদের পথের দুটি পাশ জুড়ে এমন মনোরম বৈচিত্র্য ও সৌন্দর্য্য? দেখতে পেলাম, তাল-নারিকেলের গাঢ় সবুজ বন, বনের পর বন। তার ফাকে ফাকে ধানক্ষেতের জমাট হরিৎ রঙ টালা। সেই বনরাজি ও ক্ষেতের সীমান্তে দক্ষিণে ও বামে পূর্বঘাট শৈলমালায় বিচিত্রাকার অস্বহীন প্রাচীর। শৈলগুলি উত্তরের মত নিবিড় জঙ্গলময় নয়। কোন কোন শৈলশিরে কতকগুলি তালগাছ এমন ভাবে হেলে রয়েছে যেন হুগুপ্রাকাষের উপর দিয়ে ছুটেছে এক দল অস্বাহাণী।

আবার কোন কোন শৈলশিবে এক একটি তালবৃক্ষ প্রচুর মত খাড়া হয়ে যেন দূর দিগন্তে তাকিয়ে আছে। স্থানে স্থানে নিবিড় ঝাউবন। স্পষ্টতঃই বোঝা যেতে লাগল, সেগুলি পরিকল্পনামত রোপিত হয়েছে। ঐ সঙ্গে আমাদের চিরপরিচিত বাবলা ও বাবলা-জাতীয় একরকমের কাঁটাওয়ালা গাছও দেখা যেতে লাগল প্রচুর। দক্ষিণে কয়লায় খনি নেই। লোকে ঝাউ ও ঐ সকল গাছই জ্বালানিরূপে ব্যবহার করে। “বামেশ্বরম” অঞ্চলে এই কাঁটাগাছ-গুলোকে লোকে বলে “তার”। ঐ অঞ্চলে বালির রাজ্যে এই গাছের ঘন অরণ্য বিস্তৃত।

পথের দু'পাশে খুঁজতে লাগলাম ছায়াশীতল গ্রাম, বাঁশবন, পদ্ম বা শালুকভরা পুষ্করিণী ও দীঘি যেগুলি আমাদের বাংলাদেশে রেলপথের দু'পাশের নয়নভোলানো কোমল শোভা এবং উত্তর-দেশেও নিতান্ত বিরল নয়। কিন্তু তার চিহ্নও চোখে পড়ল না। নারিকেল বা তালপাতার ছাওয়া চূড়াকার চাল ও মাটির পুরু দেয়াল দেওয়া যে দু-একখানি কুঁড়ে চোখে পড়েই বেগে পিছনে সরে যেতে লাগল, সেগুলিকে মনে হ'ল পরিত্যক্ত। কোথাও মানুষজন দেখি না। দেখি কেবল ক্ষেত, ক্ষেতের পর ক্ষেত। সেগুলিকে কোথাও কোথাও বেঁটন করে রয়েছে তাল-নারিকেলের ঘনসন্নিবিষ্ট সারি। কোথাও তরঙ্গময় হ্রদসদৃশ সুবিশাল জলাশয়। তার কূলে জলচর পাখী। এই দৃশ্য হঠাৎ এক সময়ে প্রথমে যৌদ্ধে উজ্জ্বল হয়ে উঠল। প্রায় তার সঙ্গে সঙ্গেই মাঝে মাঝে দেখা পাওয়া যেতে লাগল কৃষাণ-কৃষাণী।

বেলা বাড়বার সঙ্গে সঙ্গে পৌষ মাসেই চলন্ত গাড়িতে উদয় হ'ল গ্রীষ্মের সঙ্গী ঘণ্টের, তবে ললাটে নয়। এবার থেকে বিশেষ করে মাঝারিগোছের রেল স্টেশনের কাছাকাছি দেখি কলকারখানা। তার একধারে তালপাতার ছাওয়া, সুপরিচিত, সুপরিচ্ছন্ন শ্রমিক-বস্ত্র, বড় বড় বিচালির পালা। কোথাও বা খানম ডাই হচ্ছে, রাজ্য-পথে চলেছে বড় বড় চাকা লাগানো কাঠের ছোট ছোট গোষান। গুরুগুলির শিঙের বড় বাহার—দক্ষিণে কণ্ঠাকুমারী পর্যন্ত প্রায় সর্বত্রই এই রকম দেখেছি। শিং কতকটা হরিণের শিঙের মত দীর্ঘ ও তীক্ষ্ণ। অগ্রভাগে পিতলের আঁটা বসানো। কয়েটিও অনেকটা হরিণের মত দীর্ঘাকার।

অবশেষে বেলা সাড়ে দশটার পর পৌঁছলাম দক্ষিণ-পূর্ব রেল-পথের শেষ স্টেশন সমুদ্রতীরের বিখ্যাত স্বাস্থ্যনিবাস, শৈলসঙ্কুল ওয়ালটেয়ারে। স্থানীয় মাহুবগুলির বর্ণ, পোশাক ও ভাষায় বোঝা যেতে লাগল আমরা দক্ষিণ দেশে পৌঁছেছি। রেলস্টেশন, তার উপর বড় রেলস্টেশন বলে স্থানীয় লোকেবা অর্থার্জনের প্রয়োজনে সামান্য হিন্দী ও ইংরেজী শিখে বেখেছে। আমাদের বাংলা ভাষা দক্ষিণে অধম না হলেও একেবারে অচল। আমরা হিন্দী ও ইংরেজীর মাধ্যমে কাজ চালাতে লাগলাম। সে কাজও পৈটিক ও আহাৰ্য্য সংক্রান্ত। উত্তরের আটা-ময়দা ও সরিষার তেল আমাদের চাল ও নারিকেল তেলের কৃপায় পরিত্যাগ করে অদৃশ্য। সে রকমারি

ভালও নেই। আছে কলাইয়ের প্রাধান্য। সন্দেশ-বসগোলা ও নিম্বকি-সিঙাড়াদি কোন রাজ্যে রয়ে গেছে। এখান থেকে শুরু হয়ে গেল, বড়ডা, ইডলি, ধোসা ও উপমার রাজত্ব। তার সঙ্গে দেখা দিল শাদম, সখরম ও রসম। আর এল পসারীর মাথায় ও ঠেলাগাড়িতে চড়ে সুপক কদলী, কাজুবাদাম, মুসুমু ও কমলালেবু আদি। পানীয় এল, কাফি ও 'চায়'। এত যখন এল তখন আমাদের অতিপরিচিত পাউরুটি, মাখন, টফি ও টোবাকুও পিছিয়ে বইল না। তারাও এসে আমাদের সমুখ দিয়ে যাওয়া-আসা করতে লাগল। অনেকে ছুটলেন স্নানঘরের দিকে দক্ষিণের বড় বড় স্টেশনে যার চমৎকার বন্দোবস্ত। সেই ব্যস্ততা, জনতা, কিঞ্চিৎ ঠেলাঠেলি ও খাচার প্রাচুর্যের মধ্যে ঘুরে বেড়াতে লাগল মানমুখ, জীর্ণমলিন-কটিবাস, শীর্ণদেহ, কৃষ্ণাঙ্গ শিশু, কিশোর ও প্রৌঢ়। তাদের কণ্ঠে ক্ষুধার কান্না, বিস্তৃত হাত দুটি আহাৰ্য্য-প্রার্থনায় প্রসারিত। পুলিশের ভয়ে প্লাটফর্মের বাইরে গাড়ির কোলে কোলে ঘুঙতে লাগল এক দল বড়ুকু। গাড়ির কামরাতেই আমাদের ক'জনের আহাৰ্য্য সরবরাহ করে গেল। অমনি বিপরীত দিকের জানালায় দেখা দিল কয়েকটি কিশোরের ক্লিষ্ট মুখ। চোখে তাদের কাতরতা। তারা বার বার বলতে লাগল, “শেঠ, উচ্ছিষ্ট অন্নম্।” কিসে যে তাদের ধারণা হ'ল আমরা শেঠগোষ্ঠী তা আজও বুঝে উঠতে পারি নি। কেবল সেখানেই নয়, দূর দক্ষিণেও সর্বত্রই আমাদের প্রতি ছিল ঐ সন্মানিত সোধন। স্বামরা “শেঠ” বনে গিয়েছিলাম।

যথাসময়ে গাড়ি আবার চলা শুরু করল, কিন্তু উন্টো দিকে অর্থাৎ বেদিক থেকে এসেছিলাম সেই দিকে। তাই নিয়ে আমাদের জল্পনা-কল্পনা চলতে লাগল। রেলপথের মানচিত্রখানি স্মরণ করে বুঝলাম এখানে প্রথম কয়েক মাইল এই রকমই হবে। তার পর থেকে রেলপথ গেছে ঘুরে সোজা দক্ষিণে। পথের দু'ধারে পুরুষ ও বিশেষ করে মেয়েদের পোশাকে পরিবর্তন চোখে পড়তে লাগল। ক্ষেতে, পথে, গ্রাম্য কুটীরদ্বারে মেয়েদের পরনে অন্ত্র ও মাদ্রাজের বৈশিষ্ট্য বড় আজলা-দেওয়া রঙিন শাড়ি। রঙের মধ্যে আধিক্য লাল, সবুজ ও নীলের। তারও মধ্যে লাল অধিক। দুটি নাকে নাক-ছাবি; মাথায় দোহুল বেণী। বেণীমূলে ফুল—চন্দ্রমল্লিকা। দক্ষিণের পুরুষদের পোশাকের বাহার ও প্রাচুর্য্য নেই কিন্তু পরিচ্ছন্নতা আছে। গাড়ি এক একটা বড় স্টেশনে থামে আর রঙিন চন্দ্রমল্লিকা ও রক্তগোলাপের লাল পসরা মাথায় পসারী এবং পসারিণী জানালার সমুখে ঘোরাফেরা করে। অন্ত্র ও মাদ্রাজ চন্দ্রমল্লিকা ও রক্তগোলাপের দেশ। ঐ ফুল দুটিই বোধ হয় সহজলভ্য। তাই কুমারিকা পর্যন্ত প্রতি মন্দিরেই দেখেছি “বিগ্রহের গলায় রক্ত-গোলাপের মালা, গোলাপেই বিগ্রহসজ্জা।

দক্ষিণ দিকে যত এগোই ততই পথের ধারে দেখি বিশাল হ্রদ-সদৃশ জলাশয়। হ্রদগুলি কৃত্রিম। কারণ, মাদ্রাজ সৃজলা নয়। হ্রদের কূলে গৃহপালিত হাঁসের মেলাও মাঠে পাল পাল মেঘ। তারা আকারে বেশ বড়, কিন্তু প্রায় লোমশূন্য। সেসঙ্গে কদাকার।

সূর্য যখন শৈলশিবে নেমেছে তখন পার হলাম সুবিস্তীর্ণ গোদা-
বরী, আমাদের প্রাচীন কাব্য-কাহিনীতে বা স্বপ্নলোক প্রবাহিণী।
:দক্ষিণের হিন্দু অধিবাসিগণের কাছে উত্তরের গঙ্গার মতই তা পুণ্য-
তোয়া। দেখলাম, তার যত বিস্তার তত জল নেই, রয়েছে বক্ষভরা
তুফ বালু। কিন্তু এই বিস্তৃত রূপই সব নয়, এক এক সময়ে নদীটি
ভয়ঙ্করী মূর্তি ধরে গ্রাম-গ্রামে প্রাবন আনে। তার পর সন্ধ্যার



মাদ্রাজের বিখ্যাত রাজাজী হলের সোপানে কয়েকজন প্রতিনিধি—
লেখক কর্তৃক গৃহীত আলোক-চিত্র।

তবল অন্ধকারে দেখলাম কৃষ্ণকে—পূর্ববাট শৈলমালার বাধা ভেদ
করে অপরূপ সৌন্দর্য্যে বয়ে চলেছে বঙ্গোপসাগরের দিকে। তার
ছুটি তীরে আলোকের মালা, শৈলোপরিও আলোকসজ্জা। কৃষ্ণার
নিকষকালো জলে ছুছে তার দাগ। তার সেতুটি পার হতে হতে
সকলেই মুগ্ধ চোখে প্রাচীন কাব্যের উপেক্ষিতা এই সুন্দরী নদীটির
দিকে তাকিয়ে স্তব্ধ হয়ে রইলাম।

কৃষ্ণার তীরে যে আলোকময়ী শৈলবেষ্টিত নগরীটি দেখা গেল
সেটি বেজওয়াড়া। এখানে আমাদের সুভাষচন্দ্রের একটি মস্তমূর্তি
স্থাপিত হয়েছে। নগরীটি একটি বড় বেল এবং শিল্পকেন্দ্রও। কিন্তু
কলকাতা থেকে এ পর্যন্ত এই দীর্ঘ পথের কোথাও স্থানীয় কারও
সঙ্গে আলাপের বা কোন একটি বিশেষ দৃশ্যের অথবা স্থানের
আলোকচিত্র তোলায় সুযোগ পেলাম না।

পরদিন একটু বেলা উঠতে পৌঁছলাম আমাদের প্রথম গন্তব্য-
স্থল মাদ্রাজে। যেমন আমাদের কলকাতার তেমনি মাদ্রাজেরও
দেখবার জায়গা অনেক। কিন্তু সাহিত্য-সম্মেলনের প্রতিনিধি
আমরা, থাকবার ব্যবস্থাও মাত্র তিন দিনের জগে। তাই সব
কিছু দেখার সুযোগ ঘটল না। সকাল, বিকেল ও সন্ধ্যার পরও

কয়েক ঘণ্টা সম্মেলনে যোগ দিয়ে নৃত্য-গীতবাঞ্চে কুমারী কমলার
অনুপম “ভরতনাট্যমে”র ও গোপীনাথের “কথাকলি” নৃত্য দেখে,
বিশিষ্টের সর্বোদ বাজনা এবং শুভলক্ষ্মীর গান শুনে কাটাতে হ’ল।
সম্মেলনের আয়োজন হয়েছিল বিখ্যাত “রাজাজী” হলে, নৃত্য-
গীতাদির ব্যবস্থা করা হয় বঙ্গোপসাগর-কূলে, প্রস্তুতগঠিত সুদৃশ্য
“সেনেট হাউসে।” আমাদের দেশে গ্রামাঞ্চলে, এমনকি এই
কলকাতা শহরের রাজপথেও ভিথারীদের শূণ্ণগর্ভ মাটির হাঁড়ি বাজিয়ে
গান গাইতে দেখেছি। টেবিল, বাঁধানো বইখাতা, এমনকি
পৃষ্ঠদেশ ও শূণ্ণ জঠরও কেউ কেউ গানের সঙ্গে বাজিয়ে সঙ্গত করে।
এসব যেমন কৌতুককর তেমনি হাঙ্গোজক করে থাকে। কিন্তু
যখন দেখলাম ভারত-বিখ্যাত গায়িকা শ্রীমতী শুভলক্ষ্মীর সঙ্গে
চন্দনচর্চিতলমাট, কৃষ্ণাঙ্গ চশমাধারী এক প্রৌঢ় একটি দশ সেরা
মাটির হাঁড়ি বাজিয়ে মৃদঙ্গবাদকের পাশে বসে সমানে সঙ্গত
করছেন তখন তাজব বনে গেলাম। উত্তরে বঙ্গদেশে বা নিকৃষ্ট ও
অবজ্ঞাত, দূর দক্ষিণে মাদ্রাজে তাই-ই উৎকৃষ্ট ও সম্মানিত! শূণ্ণগর্ভ
মাটির হাঁড়ি বাঁধা ও কমলা উভয়েরই কর্ণে প্রয়োজন? আবার
জলসা অস্ত্রে সেই প্রৌঢ়কে অগাছের সঙ্গে মালাভূষিত করবার কালে,
বিশেষ করে আমাদের উত্তরের শ্রোতাদের উল্লাসধ্বনি ও করতালি-
ধ্বনি সেই বিশাল কক্ষটিকে যখন ভরে তুলল তখন দেখলাম তিনি
অবিচলিত। ক্ষিপ্র হাতে এমন ভাবে মালাটি গলা থেকে খুলে
ফেললেন, যেন বলতে চান, “এর যোগ্য নই। এ আমার সাজে না।”
তার আঙুলের সেই স্পষ্ট বোলগুলি আজও আমার কানে বাজে!

সকাল থেকে প্রথম রাত্রি অবধি শহর দেখার অবসর ছিল না।
একদিন রাত্রে আহাষের পর রাত্রি তখন এগারটা হবে আমাদের
মধ্যে কয়েকজন সমুদ্রের ধারে বেড়াতে চললেন। আমরাও তাঁদের
অনুসরণের উদ্যোগ করতে লাগলাম। কিন্তু কিছুক্ষণ পরেই
অগ্রগামী দল ফিরে এসে বললেন, “পুলিশ যেতে দিল না। বললে,
সমুদ্রের ধারে বদমায়েশের আড্ডা। বিপদে পড়বে। একটু পরেই
শহরের আলো নিবিয়ে দেওয়া হবে।” মাদ্রাজ শহরে রাত্রি বারটার
পথের বিজলীবাতিগুলি নিবিয়ে দেওয়া হয়, সম্ভবতঃ বিদ্যুতের খরচ
বাঁচানোর উদ্দেশ্যে।

শুনে ক্ষুব্ধ হলাম। মাদ্রাজের বৈশিষ্ট্য সুন্দর সমুদ্রোপকূল।
তাও কক্ষিষ্ঠ শাস্ত্রবিদ্যাকেরা থাকতেও নিরাপদ নয়! যা হোক পর
দিন একটু অন্ধকার থাকতেই কয়েকজন মিলে চললাম সমুদ্রতীরে।
পথ জনহীন। আকাশ গাঢ় মেঘাচ্ছন্ন। মেঘের কূলে কূলে
ভোরের আলোর একটু স্পর্শ লেগেছে মাত্র। সমুদ্রকূলে পৌঁছে
দেখি, সমুদ্রের জল বিক্ষোভে ফুলে উঠছে, কূলে সশব্দে আছড়ে
পড়ছে। সমুদ্রের দিক থেকে আসছে ঝড়ের হাওয়া। ধীরেধীরে
অনেক আগেই ক্যাটামারন ও বড় বড় নৌকা নিয়ে মাছ ধরতে
গেছে; কয়েকখানি তখনও যাবার উদ্যোগ করছে। কিন্তু চেউয়ের
প্রবল আঘাতে কূলে এসে পড়ছে। এই সব ক্যাটামারনের ও
নৌকার মালিক কিন্তু তারা নয়। এগুলির মালিক মহাজন। তারা

এগুলি ধীরবদের ভাড়া দেয়। সমুদ্রোপকূলবাসী ধীরবগণ নিঃশ্ব। দুটি মাঝবয়সী ধীরব সমুদ্রে বিশাল জাল ফেলে তার এক প্রান্তের মোটা কাছি ধরে প্রাণপণে টানছিল। জালের অপর প্রান্ত ছিল সমুদ্রমধ্যস্থ একখানি বড় নৌকার আরোহীদের হাতে। কিন্তু জলের প্রবল টানে ডাঙার ধীরব দুটি জালখানি ধরে রাখতে পারছিল না। আমাদের দলের প্রায় সকলেই সোৎসাহে কাছি ধরে টানতে টানতে হাত ত্রিশেক জাল তুলে ক্লান্ত হয়ে পড়লেন। জালখানি তখনও অতলে তলিয়ে রইল। ধীরব দুটির মধ্যে প্রবীণ যেটি সে

তাতে ছ'জন মাত্র যাত্রী চড়তে পারে। কিন্তু বিদেশী দেখলে যেমন সকল শহরেরই বানচালক সরকারী নিয়ম পকেটে পুরে দাঁও মাঝবার চেষ্টা করে, তাদের দ্বারাও তেমনি আক্রান্ত হবার আশঙ্কায় সে আশা পরিত্যাগ করে প্রথম দিকে পদব্রজে চলতে লাগল। শুনেছিলাম, স্কুটারওয়ালাদের মত ট্যাক্সীওয়ালারও শিকারী। একই দৃষ্টির ভাড়া ছ'খানি ট্যাক্সীর মিটারে ছ'রকম ওঠে। আমাদের এখানেও যে তা না দেখা যায় তা নয়। উভয় দেশেই সে রকমের অভিজ্ঞতা লাভ করেছি।



পুরনো কাঞ্চীর বৃষমূর্তি—লেখক কর্তৃক গৃহীত ছবি।

কাতর ভাবে হাত বাড়িয়ে পরস্পর চাইলে। তাই দেখে একজন পরিহাস করে বললেন, “উপকারের মূল্য নাকি? এ দেশের লোকের উপকার করলে পরস্পর চায়?”

কিন্তু তার প্রার্থনার কারণটি আমরা সকলেই জানতাম। হুর্ভাগ্য যে, কারও কাছেই ধরবাৎ করবার মত খুচরা তখন ছিল না। তাই একজন তাকে কড়া তামাকের পাকান সিগারেট উপহার দিলেন। লোকটি তাই পেয়েই খুশী হ'ল।


সেদিনই কিছু বেলায় গেলাম শহরের দক্ষিণাংশে কাপালেখ্যের প্রাচীন মন্দির, প্রস্তরবেষ্টিত বিশাল সরোবরটি দেখতে মাইলাপুরমে। ছিলাম পরিচ্ছন্ন, সরকারী মহল্লার সুদৃশ্য ভবনে। চললাম সেটা ছাড়িয়ে স্থানীয় অধিবাসী-অধ্যুষিত অঞ্চল দিয়ে। স্থির করলাম, পথের এক জায়গা থেকে বাস ধরব। মোটর স্কুটারও পাওয়া যায়,



বিষ্ণুকাঞ্চীর গোপুরম—লেখক কর্তৃক গৃহীত ছবি

বা হোক, স্থানীয় সাধারণ অধিবাসী-অধ্যুষিত অঞ্চলকে আমরা দেয় উত্তর কলকাতার কতকগুলি অঞ্চলের চেয়ে একটুও পরিচ্ছন্ন দেখলাম না। পথের হ'পালেশ্বর গৃহগুলিতে সেট চিরপরিচিত দাবিজোয় চিহ্ন; পথেও ভিক্রুক। তবে একটা জিনিস দেখা গেল, যা আমাদের বাংলার নেই। দেখলাম, কোন কোন গৃহের সম্মুখে ছেচ থেকে শিকের ঝুলছে বেশ বড়সড় চালকুমড়া। কালি বা তুঘো দিয়ে কুমড়োর মাক-মুখ-চোখ-গোফ এমন করে আঁকা যেম একটি অতিকার মাহুঘের বা হাকসের মুখ। কোন কোন গৃহের সম্মুখে জাকড়া দিয়ে তৈরী মাহুঘের প্রমাণসই মূর্তি। কেমন একটা ধারণা হ'ল, গুলিকে রাখা হয়েছে গৃহ ও গৃহের অকল্যাণ দূর করতে—ভূত-প্রেত তাড়বার উদ্দেশ্যে। পথে আমাদের বাংলার

একটি মেয়ে যিনি বর্তমানে একজন নামকরা মাদ্রাজী ব্যাবিষ্টারের পত্নী তাঁর সঙ্গে আলাপে জানতে পারলাম আমার অনুমানই ঠিক। বললেন, “এখানকার লোকেরা নানা কুসংস্কারাচ্ছন্ন।” বললাম, “আমরাই বা কমটা কি? আর, জাতের বাড়াবাড়ি?” বললেন, “আগের চেয়ে অনেক কমেছে।” তার প্রশ্নও আরও দক্ষিণে অনেক পেয়েছি।



শিবকাশীর গোপুরম্, বিতান ও সরোবর—লেখক কর্তৃক গৃহীত ছবি

পথে এগোই আর স্থানীয় লোকদের জিজ্ঞেস করি, “মাইলাপুরে কাপালেশ্বরের মন্দিরে ষাবার বাস কোথায় পাওয়া যাবে?” প্রত্যেকেই উত্তর দিলেন, “আইসহাউসের সামনে থেকে। আইসহাউস এক ফাঙ্কলে দূরে।” মাদ্রাজ রাজ্যের সর্বত্রই সাধারণ লোকেও পথের দূরত্ব পরিমাপ করে থাকে ফাঙ্কলে। কিন্তু আমাদের দেশে গ্রামাঞ্চলে “ডালভাঙা” ক্রোশের মত মাদ্রাজের ফাঙ্কলেও যে “হাটভাঙা” হয় তা বুঝতে পারলাম, সেদিন আইসহাউসে পৌঁছতে গিয়ে।

খানিক দূর যাবার পর জনৈক মাদ্রাজী ভদ্রলোক হঠাৎ এসে জিজ্ঞেস করলেন, “মিঃ, আপনারা কে?”

বললাম, “নিখিল ভারত বঙ্গ-সাহিত্য-সম্মেলনের প্রতিনিধি।”

“বঙ্গ-সাহিত্য-সম্মেলন মাদ্রাজে কেন?”

“বাঙালী অনেক আছেন এখানে। তার পর, এই সম্মেলন ভারতের সকল প্রদেশের সাহিত্যের সঙ্গে যোগাযোগ ও সম্পর্ক রাখবার উদ্দেশ্যে এক এক বছর ভারতের এক এক জায়গায় করা হয়।”

“তোমাদের সম্মেলনের কথা খবরের কাগজে পড়েছি বটে। আচ্ছা, মিঃ পিয়ারসন তোমাদের সঙ্গে এসেছেন কি?”

“না। কিন্তু তিনি কে?”

“আসেন নি, তাই ত!” বলে ভদ্রলোক চিন্তিত ভাবে চলে গেলেন।

অতঃপর অপরিচিত মিঃ পিয়ারসনের কথা সকৌতুকে ভাবতে ভাবতে আমরা আইসহাউসের সম্মুখে পৌঁছে বাসে চড়ে চললাম মাইলাপুরম্।

মাদ্রাজের বাসগুলি সরকারী। কিন্তু বেশ পরিচ্ছন্ন, যাত্রী-সাধারণও শৃঙ্খলাপায়ণ। বাস ছাড়বার আগেই ভাড়া দিতে হয়। তবে আমরা বিদেশী বলে আমাদের বেলায় ব্যতিক্রম ছিল। মাদ্রাজের সুদূর গ্রামাঞ্চলেও দেখেছি বাসগুলি শহরের মতই পরিষ্কার পরিচ্ছন্ন এবং যাত্রীসাধারণ শৃঙ্খলাপায়ণ ও ভদ্র। কোথাও গুরুভার বা বৃহদাকার মালপত্র নিয়ে কাউকেই বাসে চড়তে দেখি নি।

কিছুক্ষণ পরেই কাপালেশ্বরের মন্দিরে পৌঁছলাম। বিশাল মন্দিরটি কত কালেয় তা জানবার সুযোগ হ'ল না। দেখলাম, সবই পাথরে তৈরী। সু-উন্নত গোপুরমের (ফটকের) গায়ে চূড়া পর্যন্ত গোটা রামায়ণের কাহিনী মূর্তির সাহায্যে রূপায়িত। কাপালেশ্বর আছেন মূল মন্দিরের ভিতর দিকে অন্ধকারে। গোপুরমের চূড়ায় উঠলে বহু ক্রোশ দূর পর্যন্ত দেখা যায়। দক্ষিণের সমস্ত মন্দিরই সুদৃঢ় দুর্গের মত, ভিতরে কুয়া ও সরোবর, চারধারে পাথরের সুদৃঢ়

উচ্চ প্রাচীর। হাজার কয়েক লোক সেখানে মাসকয়েক অবরুদ্ধ হয়েও নিরাপদে থাকতে পারে। মনে হ'ল মন্দিরটি যেন দুর্গের কাজ করত। বিষ্ণুকাশীতে প্রভুত্বের জনৈক মাদ্রাজী ছাত্ত্রের মুখেও আমার এই অনুমানের প্রতিধ্বনি পরে শুনেছিলাম। তবে এখানকার সরোবরটি রয়েছে সম্মুখে মন্দিরের বাইরে এবং ভিতরেও জল সরবরাহের তেমন ব্যবস্থা চোখে পড়ল না। পাণ্ডাদের অত্যাচার ও দর্শনপ্রার্থীর ঠেলাঠেলি নেই। কেবল এখানেই নয় মাদ্রাজের কোন মন্দিরেই তা দেখা যায় না। দর্শনার্থীরা যান, ইচ্ছামত দান করেন। না দান করলেও কেউ আদায়ের কোশল-জাল বিস্তার করে না। সেজগে সর্বত্রই বেশ স্বাচ্ছন্দ্য বোধ হয়, মন একটুও পীড়িত হয় না। ভিতরে-বাইরে কিছুক্ষণ ঘুরে আবার বাসে চড়ে ফিরলাম আমাদের আস্তানায়।

পরদিন দিনের আলো তখনও দেখা দেয় নি, চললাম কাশী-পুরম্।

সম্মেলনের অভ্যর্থনা সমিতি নির্ধারিত টাঙ্গা নিয়ে বাসে চড়িয়ে আমাদের নিয়ে চললেন, কাশীপুরম্, পক্ষীতীর্থম ও মহাবলীপুরম্ দেখাতে। এগুলি দেখে মাদ্রাজে যখন ফিরে এলাম তখন সন্ধ্যা সাতটা। বিষুবরেখার কাছাকাছি বলে আমাদের উত্তরের মত শীত-

কালেও সাড়ে পাঁচটার ওখানে সন্ধ্যা হয় না এবং রাত্রেও শীতে হাড় কাঁপে না। আমরা বাসবাত্রীরা এখন কিয়লায় তখন সকলেরই অঙ্গে এবং মস্তকে পথ ও তীর্থবেণু। তবে যারা সুদৃশ্য মোটর পাড়িতে চড়বার সৌভাগ্য লাভ করেছিলেন তাদের কথা জানি না। রামপ্রসাদ মাত্র একটি চরণে গয়া থেকে কাঞ্চী পর্যন্ত ঘুরেছেন, আমরাও এক ঘণ্টার তিন কাঞ্চী—পুরানো, শিব ও বিষ্ণুকাঞ্চী ঘুরেছিলাম। কাঞ্চীতে বাবার কালে পথের ছ'পাশে খুঁজেছিলাম আমবাগান ও তেঁতুলগাছ। শোনা ছিল মাদ্রাজে বার মাসই আম ফলে এবং তেঁতুলগোলা জল, যার নাম রসম্, ওদেশে প্রিয় বাজনের মত প্রধান খাতের সঙ্গী। তখনও রসমের স্বাদ লাভ করার সুযোগ হয় নি। কিন্তু সে পথে ও ছুটি গাছের একটিরও প্রাচুর্য দেখি নি, বড় বড় গ্রাম বা গঞ্জও চোখে পড়ে নি। ক্ষেত ছিল, উদ্ভিদও ছিল কিন্তু শ্যামলতার সমারোহে ও ঐশ্বর্যে তা কোথাও স্নিগ্ধ হয়ে নেই।

প্রথমে পৌঁছলাম পুরানো কাঞ্চীতে। পুরানো কাঞ্চী মাঝারি গোছের একখানি গ্রাম মাত্র। পাথরের মন্দিরটির সারা গায়ে বয়সের ছাপ। সম্মুখে ছয় শ' বছরের একটি পাথরের বুধ। সেটিও মন্দিরের মতই প্রাচীনত্বের ছাপ নিয়ে স্থির হয়ে রৌদ্র-বৃষ্টি সম্মুখে বসে কাল গুনছে। বুধটি একখানি পাথরে তৈরী। মন্দিরের একটি দুঃস্মর ইতিহাস আছে। এখন মন্দিরটি প্রায় পরিত্যক্ত। তবে সরকারী প্রত্নতত্ত্ব বিভাগ এই সুন্দর ভাস্কর্যমণ্ডিত স্থাপত্য শিল্পটিকে রক্ষা করছেন। ইচ্ছা সত্ত্বেও এখানে বেশীক্ষণ থাকা সম্ভব হ'ল না, দুখানি আলোকচিত্র তুলে নিয়ে বাসে চড়ে বসলাম।

এখান থেকে চললাম, শিবকাঞ্চী। কাঞ্চীপুরম্ ভারতের অজ্ঞাতম প্রাচীন জনপদ। এখানকার বেশমী বস্ত্রের খুব খ্যাতি। পথের দু'ধারে জনপদবাসীদের কাঁচা ঘর-বাড়ী। মাঝে মাঝে তন্তুবায়-গণের গৃহ-প্রাঙ্গণে বা গৃহপাশে উন্মুক্ত চত্বরে রঙিন সূতার ফেটি সার সার শুকানো হচ্ছে। প্রতি গৃহের সম্মুখে ও পথের মোড়ে মোড়ে কোঁতুহলী নারীপুরুষ ও বালক-বালিকার ছোটখাটো জনতা। অসুস্থানে বুঝলাম, তাদের কোঁতুহলের সামগ্রী আমরা। এক এক জায়গায় জনতা এত বড় ও এমন পথ জুড়ে দাঁড়িয়ে ছিল যে, মনে হতে লাগল, আমরা হাটের মধ্য দিয়ে চলেছি অথবা তারা আমাদের বাসগুলি আটকানোর উদ্দেশ্যেই জমায়েৎ হয়েছে। অনেক গৃহসম্মুখে পথের উপরেই চালের শুঁড়ো দিয়ে বড় বড় আলপনা দেওয়া। সেগুলির মাঝখানে চারটি গোময়-গুলি। প্রত্যেকটি গুলিতে একটি করে কুমড়োর ফুল বসানো। এই সজ্জার কারণ কি বুঝলাম না। পাশের এক জন জিজ্ঞেস করলেন, "আমাদের অভ্যর্থনার উদ্দেশ্যে এই মালিকের আয়োজন নাকি?"

বুঝলাম, "হলে আনন্দের কথা ছিল বটে, কিন্তু জনতার চোখে ত অভ্যর্থনার ভাষা কুটুবে না, কণ্ঠও নীরব। হয় ত ওটা ভূত-প্রেরিত ভাড়াবায় ব্যবস্থা।"

পথের বামবেশের গিরে এ সবকে বা জানতে পেয়েছিলাম, তা পরে কহি। অভ্যর্থনা শিবকাঞ্চীর গোপুরের মাঝখানে গিরে বাস-

গুলি থামল। সেখানে জুতো খুলে সকলে ছুটলাম ভিতরে মন্দিরের দিকে। সুবিশাল ভূমিখণ্ডকে সুদৃঢ় প্রস্তর-প্রাচীরে ঘিরে তার মধ্যে পাথরে গড়া সুদৃশ্য বিতান, মণ্ডপ, মন্দির, পিতলের সুদীর্ঘ দীপদান তৈরী ও সর্বোপর খনন করা হয়েছে। সেই পরিধির মধ্যে অন্ততঃ দশ হাজার লোক স্বচ্ছন্দে থাকতে পারে। শিবকাঞ্চী মন্দিরের একেবারে ভিতর দিকে অন্ধকারে রয়েছে কৈলাসনাথের বিগ্রহটি। বিতানের ছাদ এমন কোঁশলে তৈরী যে, তার ঠিক তলার কয়েকটি কোণের দিকে বসবের এক সময়ে সূর্যালোক প্রবেশ করে মন্দিরাভ্যন্তরের



মহাবলীপুরম্—দূবে সমুদ্র—লেখক কর্তৃক গৃহীত ছবি।

বিগ্রহটিকে আলোকিত করে। তখন এখানে উৎসব হয়। গোপুরম, স্তম্ভ, মন্দিরগাত্র—সকলই অসুপম শিল্পকাজে সুন্দর। তবে এক ভাঙ্গার ছাড়া আর সবেসই মন্দির-মণ্ডপ বহুদূর থেকে দেখা যায় না, দেখা যায় গোপুরম্।

এখান থেকে কিছু তফাতে বিষ্ণুকাঞ্চী। তার মন্দিরাভ্যন্তরে রয়েছে কষ্টিপাথরের সুন্দর বিষ্ণুমূর্তি। সকল জায়গাতেই শিব ও বিষ্ণুমূর্তি, পার্বতী ও কমলা। দক্ষিণের সকল মন্দিরাভ্যন্তরই অপরি-সর ও অন্ধকার। যুত-প্রদীপের আলোর ও কর্পূর আলিরে তার আলোকে দক্ষিণের জন্তে বিগ্রহ দেখানোর ব্যবস্থা। তবে বরকালের সেই দেখাই স্মৃতিপটে দীর্ঘকাল থাকে এবং হীরক ও স্বর্ণভরণের উজ্জলতা বহুদিন মনে বসল করে। দক্ষিণের বিখ্যাত মন্দির-গুলির ধন-সম্পদ বহুকাল থেকে সঞ্চিত হতে হতে বর্তমানে কোটি কোটি টাকার দাঁড়িয়েছে।

এই দুই স্থানেও আমাদের বেশীক্ষণ থাকার সুযোগ ও সময়

হ'ল না। দু'পানি আলোকচিত্র তুলে নিয়ে চললাম পক্ষীতীর্থম ও
সমুদ্র তটে মহাবলীপুরমের পথে

দাক্ষিণ্যের মন্দির-স্থাপত্য ও শিল্পের আরম্ভ প্রায় চৌদ্দ শ' বৎসর
পূর্বে পল্লব-রাজাদের রাজত্বকালে। তার পর থেকে এই শিল্প
অজ্ঞাত রাজবংশের রাজত্বকালে ক্রমে উৎকর্ষ লাভ করে। পল্লব-
গণের পর চোল রাজাদের রাজত্বকালে, বিশেষ করে তামিল দেশ
সাহিত্য-শিল্প, সামাজিক সংগঠন ও রাজনৈতিক শাসন প্রভৃতিতে

এমন সমৃদ্ধ হয়ে ওঠে যে, এই সমস্তটাকে বলা হয়, দক্ষিণ ভারতের
স্বর্ণযুগ। কিন্তু পল্লবরাজগণের ইতিহাস বিশেষভাবে জানা যায়
না। এদের রাজধানী ছিল কাকীপুরমে এবং বন্দর ছিল সেখান
থেকে চল্লিশ মাইল দূরে নাবিকেল ও তালিকুঞ্জ আচ্ছাদিত বঙ্গোপ-
সাগরতটে মহাবলীপুরমে। এই দুইয়ের মাঝে পাহাড়ের চূড়ায়
পক্ষীতীর্থম।

ক্রমশঃ

কান্তিক

শ্রীকালিদাস রায়

উমার কুমার তোমারে আমার নমস্কার
হরগৌরীর প্রণয়ের তুমি দেবাবতার।
শিবেরে এড়ায়ে দেবতারা করে স্বর্গভোগ,
ভোগীদের সাথে যোগীশ্বরের রচিলে যোগ।
রুদ্রের বোধ-অনলে মদন নিধন লভে,
পুনঃ অনঙ্গ নবীন অঙ্গ লভিল কবে ?
পুরাণের ছেসেভুলানো কাহিনী আমি না মানি,
লভিল সে স্মর নব কলেবর তোমাতে জানি।
ত্রিভুবনে জিনি ভুবনেশ্বরে বিজয় করি,
উমার কোলে সে জনমিল নবরূপটি ধরি।
ভবজিৎ ছাড়া দানবে জিনিবে কে আর ভাবি,
দেবসৈন্তের সেনানীর পদে কাহার দাবি ?
চির তাকুণ্য স্থির লাভণ্য হেরি তোমার,
চিনিতে নারিল তোমারে স্বন্দ পুরাণকার ?
জানিয়া তোমার ভুবনবিজয়ী পরাক্রম
অসীম শৌর্য্য, গেল না তাহার মতিভ্রম ?
স্বর্গে ছিল না গজতুরগের অভাব কভু,
ময়ূর তোমার কেন বা বাহন হইল তবু ?
উমার কুমার তোমারে আমার নমস্কার,
অনলদগ্ধ মদনেরই তুমি নবাবতার।

হেমন্তে

শ্রীকালিদাস রায়

উষা তোমার আনন কেন শিশির ছলছল ?
জাগরণের অরুণরাগে নয়ন জল জল।
মুখে তোমার নেইক ভাষা,
মিটে নি বোন কোন্ পিপাসা ?
আমি তোমার দরদী বোন আমায় বল' বল।
বাসক-শয়ন সাজায়ে কি কুঞ্জবনে জাগি
শিউলি ফুলের মাল্য গেঁথেছিলে বঁধুর লাগি ?
জালি চাঁদের সুধায় বাতি
যাপিলে কি দীর্ঘ রাত্তি
উচ্চকিত কর্ণে বহি হৃদয় টলমল ?
চপল বঁধু এলোনা ক' বিফল হ'ল নিশা,
ছিঁড়ল তরুর সকল ভূষা রইল বৃকের তুষা।
মধুপর্ক ফেললে ছুঁড়ে,
তাই কি অত মধুপ ঘুরে ?
দেই ব্যথা কি সায়ে নীলকমল ঢলঢল।
হাঁকিছে কাক, দিচ্ছে বুকি বঁধুরে ধিকার,
হিমেল বায়ু জানায় ব্যথা তোমার প্রতীকার।
নিরাশ নিরাভরণ রূপে
উদিলে আজ চুপে চুপে,
তোমার কোণের ভৈরবী কি নদীর কলকল।

মধুসূদন গুপ্ত

শ্রীযোগেশচন্দ্র বাগল



মধুসূদন গুপ্তের কৃতি আমাদের স্মরণীয়। একটি কৃতির কথা শিক্ষিত-জন কমবেশী জানেন। কিন্তু তাঁহার জীবন-কথা এখনও রহস্যাবৃত। কোথায় তাঁহার বাড়া, পিতৃকুল বা মাতৃকুলের কি পরিচয়—এসবের খোঁজখবরই হয়ত আমরা রাখি না। কলিকাতা মেডিক্যাল কলেজের পূর্বে দিকে খানিকটা ভিতরে গিয়া 'মধু গুপ্ত লেন' নামে একটি সড়ক গলি আছে। প্রতীতি হয়, মধুসূদন গুপ্তের নামে রাস্তাটির এই নামকরণ হইয়াছে। উনবিংশ শতাব্দী ভারতবর্ষের, শুধু ভারতবর্ষের কেন সমগ্র পৃথিবীর পক্ষে একটি গৌরবময় যুগ। তবে ভারতবর্ষের পক্ষে টগা বলা যায় বিশেষ করিয়া। কেননা পরাধীন অবস্থায়ও আমরা নূতনকে সাগ্রহে বরণ করিয়া লইতে খুব প্রয়াসী হই। শলাবিজ্ঞা ভারতের এক প্রাচীন বিজ্ঞা। যত নরদেহে অস্ত্রোপচার করিয়া সূক্ষ্ম সূক্ষ্ম অংশ পরীক্ষা না করিলে শলা বজা নিরর্থক। কিন্তু অজ্ঞান বিজ্ঞার মত শলাবিজ্ঞাও আমরা চর্চার অভাবে ভুলিতে বসি। শুধু ভুলিয়া গেলে ক্ষতি ছিল না, যত ক্ষতি যত নরদেহে অস্ত্রোপচারে 'পাপবোধ' জন্মানোর।

এই পাপবোধের মূলে কুঠারাঘাত, সে কি সামান্য কথা? আজ হয়ত একথা শুনিয়া আমরা হাসিব; কিন্তু সোয়া শ' বৎসর পূর্বে এমনটি ছিল না। তখন শবাবচ্ছেদের, অর্থাৎ, মৃত মানুষের দেহে অস্ত্রোপচার বা কাটাকুটি একটি ভীষণ পাপের ব্যাপার ছিল। ইহার বিরুদ্ধে দাঁড়াইয়াছিলেন এই মধুসূদন গুপ্ত। তিনি অগ্রণী হইয়া শবাবচ্ছেদ করিলেন; তখন আমাদের একটি বহুকালপোষিত কুসংস্কারে অত্যন্ত আঘাত লাগিয়াছিল। আর ইহার ফলে আমাদের সম্মুখে এক নূতন জগৎ খুলিয়া যাইবার পথ পাইল। পাশ্চাত্য জ্ঞান-বিজ্ঞানের উপযোগিতা এবং উপকারিতা প্রত্যক্ষ করিয়া দেশবাসী এক অভিনব পথে প্রবেশ করিল। মধুসূদনের এই যুগান্তকারী কৃতিকে সরকারী ভাবে স্বীকৃতি দান করা হয় ১৮৪৯ সনে, প্রথম শবাবচ্ছেদ-কার্যের ঠিক তের বৎসর পরে। শিক্ষা-সমাজের ("Council of Education") সভাপতি, বড়লাটের আইন-সচিব জন এলিয়ট ডিক্‌ওয়ার্টার বেধুন মেডিক্যাল কলেজ ধিরেটারে মধুসূদন গুপ্তের একখানি তৈলচিত্র প্রতিষ্ঠার সময়ে আবেগপূর্ণ স্বললিত ভাষায় এই কৃতির বিবরণ এইরূপ উল্লেখ করিয়াছেন :

"I have had the scene described to me. It had needed some time, some exercise of the persuasive art, before Modusuden could bend up his mind to the attempt; but having once taken the resolution, he never flinched or

swerved from it. At the appointed hour, scalpel in hand, he followed Dr. Goodeve into the godown where the body lay ready. The other students, deeply interested in what was going forward but strangely agitated with mingled feelings of curiosity and alarm,



মধুসূদন গুপ্ত

crowded after them, but durst not enter the building where this fearful deed was to be perpetrated; they clustered round the door; they peeped through the jilmils, resolved at least to have ocular proof of its accomplishment. And when Modusuden's knife, held with a strong and steady hand, made a long and deep incision in the breast, the lookers-on drew a long gasping breath, like men relieved from the weight of some intolerable suspense."

* *Review of Public Instruction in the Bengal Presidency, from 1835 to 1851.* By J. Kerr. Part II, 1853. Pp. 210, foot-note.

এই উদ্ভূতিতে বেধন মধুসূদন গুপ্তের সর্বপ্রথম শব্দেই অন্তোপচারের কথা বিবৃত করিয়াছেন। কিন্তু ছাত্রদের মধ্যেও এই সময় চারি জন শব্দব্যবহারে অগ্রসর হন। একথা একটু পরে আমরা জানিতে পারিব।

গত শতাব্দীর প্রথম পঁচিশ বৎসরের মধ্যে এদেশে উচ্চতর চিকিৎসাবিদ্যা শিক্ষার ব্যবস্থা আদৌ ছিল না বলিলেই হয়। কলিকাতার 'স্কুল ফর নেটিব ডক্টরস' নামে একটি স্কুল ছিল। সেখানে হিন্দুস্থানী ভাষায় পাশ্চাত্য চিকিৎসাশাস্ত্রের মূল তত্ত্ব কিছু কিছু শিক্ষা দেওয়া হইত। বিদ্যালয়ে উত্তীর্ণ ছাত্রদের 'এপথিকারী' বলা হইত, ইহারা এখনকার 'কম্পাউণ্ডার' সমগোত্রীয়। ভারতবর্ষের উত্তর-পশ্চিমাঞ্চলে সেনাবাহিনীর সঙ্গে যেসব ইংরেজ ডাক্তার ছিলেন, তাঁহাদের সঙ্গে থাকিয়া এই সকল এপথিকারী চিকিৎসাকার্যে সহায়তা করিত। অবশ্য তাহারা সকলেই সরকার কর্তৃক নিযুক্ত হইত। পরে, কলিকাতা মাদ্রাসার মেডিক্যাল ক্লাস এবং সংস্কৃত কলেজে বৈজ্ঞিক শ্রেণী খোলা হয় (ডিসেম্বর, ১৮২৬)। এখানে ইংরেজীতে লিখিত চিকিৎসাবিষয়ক পুস্তক যথাক্রমে আরবী ও সংস্কৃতে অনূদিত হইত এবং ছাত্রেরা এই সকল অনুবাদ-গ্রন্থের মাধ্যমে চিকিৎসাশাস্ত্রের সঙ্গে পরিচিত হইতেন। সংস্কৃত কলেজ-সম্বন্ধিত এক বাটীতে ছাত্রদের প্রত্যক্ষ ব্যবহারিক শিক্ষালাভার্থ একটি হাসপাতাল খোলা হয় ১৮৩২ খ্রীষ্টাব্দের প্রথমে। সংস্কৃত কলেজের বৈজ্ঞিক শ্রেণীর অধ্যাপক ছিলেন প্রথমাধি পণ্ডিত খুদিরাম বিশারদ। এখানকার মেডিক্যাল লেকচারার ছিলেন ডাঃ জন গ্রান্ট। উক্ত হাসপাতালে গিয়া ছাত্রেরা তাঁহার বক্তৃতা শুনিতেন।

মধুসূদন গুপ্ত সংস্কৃত কলেজের বৈজ্ঞিক শ্রেণীর একজন প্রখ্যাত ছাত্র। তিনি বৈজ্ঞিক বা চিকিৎসাশাস্ত্রে অনন্ততুল্য ব্যাপ্তি লাভ করেন। অধ্যাপক খুদিরাম বিশারদ ১৮২৯ সনের প্রায় মাঝামাঝি হইতে অসুস্থ হইয়া পড়েন। ছাত্রদের পড়ায় বাঘাত ঘটিতে থাকে। ইতিপূর্বেই বৈজ্ঞিক শ্রেণীর প্রধান ছাত্র মধুসূদন গুপ্তের পাঠোৎসর্ঘ কর্তৃপক্ষের দৃষ্টি আকর্ষণ করিয়াছিল। তাঁহার মধুসূদনকে ১৮৩০, মে মাস হইতে মাসিক ষাট টাকা বেতনে বৈজ্ঞিক শ্রেণীর অধ্যাপকপদে নিয়োজিত করিলেন। তাঁহার এই পদে নিয়োগ হেতু ছাত্রদের মধ্যে বিক্ষোভ দেখা দেয়। সংবাদপত্রের স্তম্ভেও এই বিক্ষোভ আত্মপ্রকাশ করে।* কিন্তু কিছুতেই কিছু হইল না, মধুসূদন স্বীয় পদে বহাল রহিলেন। তাঁহার নিয়োগে যে শিক্ষা-কর্তৃপক্ষ তুল কবেন নাই, মধুসূদনের পরবর্তী কার্যকলাপ দ্বারা তাহা সপ্রমাণ হইল।

মধুসূদন ১৮৩৫ সনের জানুয়ারী মাস পর্যন্ত এই পদে কার্য

করিয়াছিলেন। এই সময়ে সরকারী প্রতিষ্ঠানধর—কলিকাতা মাদ্রাসা ও গবর্ণমেন্ট সংস্কৃত কলেজে যথাক্রমে আরবী ও সংস্কৃতের মাধ্যমে পাশ্চাত্য বিজ্ঞানসমূহ শিক্ষা দেওয়া হইত। তখন ইংরেজী গ্রন্থাদি হইতে এই দুই ভাষায় অনুবাদের রেওয়াজ। অতি অল্প-সংখ্যক ছাত্রই এই অনূদিত গ্রন্থাদি ক্রয় করিয়া পাঠ করিত। সব বই-ই গুদামজাত হইয়া অকেজো অবস্থায় পড়িয়া থাকিত। ১৮৩৪ সনে চার্লস সি. ট্রেভেলিয়ান হিসাব করিয়া দেখান যে, সরকারের শিক্ষাখাতের কয়েক লক্ষ টাকা এইরূপে আটক পড়িয়া গিয়াছিল। কিন্তু এ অল্প কাহিনী। বৈদ্যক শ্রেণীতে পাশ্চাত্য চিকিৎসাশাস্ত্র অধ্যয়ন-সৌকর্যার্থে মধুসূদনকেও ইংরেজী বৈদ্যক-গ্রন্থ সংস্কৃত ভাষায় অনুবাদ করিতে। তিনি ছপারের "Anatomist Vademecum" সংস্কৃতে অনুবাদ করেন। এই পুস্তকখানি ১৮৩৫ সনের জানুয়ারী নাগাদ মুদ্রাঙ্কিত হইতেছিল। মধুসূদন এই পুস্তক লিখিয়া কর্তৃপক্ষের নিকট হইতে সহস্র টাকা পুরস্কার পান।*

৩

স্কুল ফর নেটিব ডক্টরস, কলিকাতা মাদ্রাসার মেডিক্যাল ক্লাস কিংবা সংস্কৃত কলেজের বৈদ্যক শ্রেণী—কোন স্থলেই উন্নততর চিকিৎসাশাস্ত্র শিক্ষাদানের সুযোগ ছিল না, অথচ তখন এদেশীয়দের পাশ্চাত্য চিকিৎসাবিদ্যা শিখাইবার আবশ্যিকতা সরকার নিজ প্রয়োজনেই বিশেষ ভাবে অনুভব করিতেছিলেন। বড়লাট উইলিয়ম বেটিক ১৮৩৩ খ্রীষ্টাব্দে ডাঃ জন গ্রান্ট, জে. সি. সি. সাদালগু, সি. সি. ট্রেভেলিয়ান, ডাঃ মণ্টফোর্ড জোসেফ ব্রামলি এবং দেওয়ান রামকমল সেন—এই পাঁচ জনকে লইয়া একটি কমিটি গঠন করেন; উদ্দেশ্য—তাৎকালিক চিকিৎসাবিদ্যা শিক্ষা-ব্যবস্থার অনুসন্ধান এবং উন্নততর শিক্ষা প্রবর্তনের উপায়-নির্ধারণ। কমিটি কিছুকাল অনুসন্ধানান্তর এই মর্মে রিপোর্ট দিলেন যে, চিকিৎসাশাস্ত্র শিক্ষাদানের নিমিত্ত ভিন্ন ভিন্ন ব্যবস্থা তুলিয়া দিয়া একটি কলেজ স্থাপনের দিকে যেন সরকার অবিলম্বে মনোযোগী হন। বড়লাট বেটিক এই সুপারিশ গ্রহণ করিয়া ১৮৩৫, ২৮শে জানুয়ারী কলিকাতা মেডিক্যাল কলেজ স্থাপনের সিদ্ধান্ত প্রকাশ্যে ঘোষণা করিলেন। পরবর্তী ১লা মার্চ হইতে অধ্যাপক নিয়োগ, ছাত্র-সংগ্রহ প্রভৃতি কার্য শুরু হইল। ডাঃ ব্রামলি অধ্যক্ষ, ডাঃ হেনরি হারি গুড্রি শারীরবিদ্যা (Anatomy) ও শল্যবিদ্যার (Surgery) অধ্যাপক নিযুক্ত হইলেন। মধুসূদন গুপ্ত ১৭ই মার্চ ১৮৩৫ হইতে এক শত টাকা মাসিক বেতনে উক্ত বিষয়বস্তুর 'ডিমন্স্ট্রেটর'-এর পদ লাভ করিলেন।

১৮৩৫, ১লা জুন ডাঃ ব্রামলি একটি প্রারম্ভিক বক্তৃতায় দ্বারা

* সংবাদপত্রে সেকালের কথা, ২য় খণ্ড—ব্রজেননাথ বন্দ্যোপাধ্যায়। ৩য় সং, পৃ. ৬-৭।

* কলিকাতা সংস্কৃত কলেজের ইতিহাস—ব্রজেননাথ বন্দ্যোপাধ্যায়। পৃ. ৩৬। ১৩৫৫ সাল।

কলেজের পাঠনা আরম্ভ করেন। ঐশ্বর্যকামেশ্বর পর পুনবার কলেজের অধ্যাপনা শুরু হয় পরবর্তী ২৮শে অক্টোবর। বিভিন্ন বিভাগেই পাঠন-পাঠন চলিতে লাগিল। শব্দব্যবচ্ছেদ শুরু হইতে আরও এক বৎসর অপেক্ষা করিতে হইল। পূর্বে মৃত পশু-দেহে অস্ত্রোপচার করিয়া ছেলোদের শারীরবিদ্যা বা এনাটমি শিক্ষা দেওয়া হইত। কিন্তু ইহাতে নরদেহের সমস্ত তথ্য জানা সম্ভবপর নয়। শব্দব্যবচ্ছেদের বিরুদ্ধে এদেশীয়দের মনে তখন ঘোরতর কুসংস্কার বিদ্যমান। কিরূপে এই কুসংস্কার বিদূরণে শারীরবিদ্যার সহ-অধ্যাপক অগ্রণী হইয়াছিলেন, বেথুন তাহার চমৎকার বিবরণ দিয়াছেন; এবং ইতিপূর্বেই তাহা উদ্ধৃত করা হইয়াছে। মেডিক্যাল কলেজের প্রথম অধ্যক্ষ ডাঃ ব্রামলিও ২৮শে অক্টোবর ১৮৩৬ তারিখের এই প্রথম শব্দব্যবচ্ছেদের একটি সুন্দর তথ্যপূর্ণ বিবরণ লিপিবদ্ধ করিয়া গিয়াছেন। তিনি মধুসূদন গুপ্তের নামোল্লেখ করেন নাই বটে, তবে তাহাতে তাহার প্রথম শব্দব্যবচ্ছেদের গৌরবের এতটুকুও অপহৃত হয় না। ডাঃ ব্রামলি-প্রদত্ত বিবরণের কিয়দংশ এখানে দিলাম :

“On that day (28th October, 1836), which may be regarded as an eventful era in the annals of the Medical College, four of the most intelligent and respectable pupils, at their own solicitation, undertook the dissection of the human subject, and in the presence of all the professors of the College and of fourteen of their brother-pupils, demonstrated with accuracy and nicety, several of the most interesting parts of the body, and thus was accomplished, through the admirable example of these four native youths, the greatest step in the progress towards true civilization which education has as yet effected. At the first attempt, all their companions present assisted, and it was delightful to witness the emulation amongst them, in displaying their willingness to recognise the importance of, and adopt a mode of study hitherto contemplated with such honour by their own countrymen . . .”*

ডাঃ ব্রামলির এই উক্তি সঙ্গ বেথুনের কথাগুলি এখানে কতকটা বাচাই করিয়া লওয়া অপ্রাসঙ্গিক হইবে না। বেথুন মধুসূদন গুপ্তকে প্রথম শব্দব্যবচ্ছেদের সম্মান দিয়াছেন। ডাঃ ব্রামলি উপরে উদ্ধৃতিতে মধুসূদনের নাম উল্লেখ করেন নাই সম্ভবতঃ এই কারণে যে, তিনি শিক্ষকমণ্ডলীর অন্যতম ছিলেন, এবং মধুসূদনের পক্ষে শব্দব্যবচ্ছেদ অত্যন্ত স্বাভাবিক কার্য বলিয়াই

* Report of the General Committee of Public Instruction of the Presidency of Fort William in Bengal for the year 1836. Pp. 54-5.

তাহার মনে হইয়াছিল। কিন্তু বেথুনের এই ব্রামলির বিবরণ-দুইটির মধ্যে কতকগুলি মৌলিক পার্থক্য বহিয়াছে। বেথুন বলেন, ডাঃ গুডিব-সমভিবাাহারে মধুসূদন গুপ্তে গিয়া শব্দব্যবচ্ছেদ করেন, ছাত্রগণ অবাক বিশ্বাসে দরজা-জানালায় কাঁক দিয়া তাহা প্রত্যক্ষ করে। কিন্তু ডাঃ ব্রামলি পরিষ্কার বলিতেছেন যে, কলেজের চারিজন উৎকৃষ্ট বুদ্ধিমান ছাত্র অল্প ছাত্রদের সহযোগিতায় অধ্যাপকগণের সম্মুখে সর্বপ্রথম অতি নিপুণতার সহিত শব্দ-ব্যবচ্ছেদ করে। এই কার্য সম্পাদিত হয় ১৮৩৬ সনের ২৮শে অক্টোবর। ইহার অল্পকাল পরে শিক্ষাবিষয়ক জেনারেল কমিটিকে কলেজ-সংক্রান্ত কার্যাবলীর বিবরণ দান প্রসঙ্গে ডাঃ ব্রামলি উক্ত চারি জন ছাত্রের কৃত কর্মের কথা বিশেষভাবে বলিয়াছেন। মধুসূদন বাদে বেথুনের অপেক্ষা ব্রামলির অল্প সব কথাই অধিকতর প্রামাণ্য বলিয়া মনে করি।

একটি কথা উঠিতে পারে, দুই তারিখে দুইটি কার্য সম্পন্ন হইয়াছে কিনা। কিন্তু এরূপ ধারণা করিবার কারণ দেখি না। দুই দিনে দুইটি কার্য সম্পাদিত হইলে—এবং ইহা যুগান্তকারী বলিয়া ব্রামলি ও বেথুন দুই জনেই উল্লেখ করিয়াছেন—ব্রামলি প্রদত্ত বিবরণে নিশ্চয়ই উহার উল্লেখ থাকিত। অধিকন্তু হিন্দু কলেজের অধ্যক্ষ জে. কার তাহার ইংরেজী পুস্তকের* ‘মেডিক্যাল কলেজ’ অধ্যায়ে উক্ত এক তারিখের কথাই বলিয়াছেন। তাহার পুস্তকখানি ১৮৫৩ সনে প্রকাশিত। তিনি উক্ত অধ্যায়ে ১৮৫০-৫১ সন পর্যন্ত মেডিক্যাল কলেজের ইতিহাস প্রদান করিয়াছেন। সে বাহা হউক, মধুসূদনের কৃতি সম্পর্কে ডাঃ ব্রামলি উল্লেখ না করিলেও আমরা এখানে বেথুনের কথাকেই মাত্র বলিয়া গ্রহণ করিতে পারি। কার-ও নিজ গ্রন্থে ডাঃ ব্রামলির উক্তিগুলি সংক্ষেপে উল্লেখ করিয়া বেথুনের কথাও পাদটীকায় দিয়াছেন; তিনি এ বিষয়ে কোন আলোচনা বা মন্তব্য করেন নাই। ডাঃ ব্রামলির বিবরণে উক্ত চারি জন ছাত্র বধাক্রমে—উমাচরণ শেঠ, রাক্তকৃষ্ণ দে, দ্বারকানাথ গুপ্ত এবং নবীনচন্দ্র মিত্র।†

8

মধুসূদন স্বপদে অধিষ্ঠিত থাকিয়া দক্ষতার সহিত কার্য করিয়া বাইতে লাগিলেন। মধুসূদনের উৎসাহ ও ধৈর্য ছিল অপবিসীম। কলেজে শিক্ষকতা কালে তিনি অল্প ছাত্রদের সঙ্গে পাশ্চাত্য চিকিৎসাশাস্ত্রের বিভিন্ন বিষয় রীতিমত অধ্যয়ন করেন। ১৮৪০, ১৮ই ডিসেম্বর কলেজের উচ্চতম শ্রেণীর যে শেষ পরীক্ষা হয় তাহাতে

* Review of Public Instruction in the Bengal Presidency, from 1835 to 1851.

† “Early Years of the Calcutta Medical College” —The Modern Review for September and October, 1947, ব্রহ্মবা। এই প্রবন্ধে বর্তমান লেখক কলিকাতা মেডিক্যাল কলেজের প্রথম দিক্কার ইতিহাস সমসাময়িক সরকারী নথিপত্র দৃষ্টে লিপিবদ্ধ করিয়াছেন।

মধুসূদন উপস্থিত হইয়া কৃতিত্বের সহিত উত্তীর্ণ হন। জেনারাল কমিটির রিপোর্ট হইতে মধুসূদনের বিষয় এখানে উদ্ধৃত করিয়া দিলাম :

Anatomy and Physiology

* * *

Modhusudun Gopto (Teacher) Qualified.

Theory and Practice of Surgery

Modhusudun Gopto (Having commenced English late in life had some difficulty in expressing himself, but his answers were correct. Qualified).

Theory and Practice of Physic

Modhusudun Gopto Qualified.

Medical Chemistry, Botany, Materia Medica and Pharmacy

Modhusudun Gopto Qualified.

Practical and Surgical Anatomy.

Demonstration with Dead Bodies

Modhusudun Gopto Qualified.*

১৮৪০-৪১ সন নাগাদ মেডিক্যাল কলেজে চিকিৎসাশাস্ত্র সম্পর্কে কি কি বিষয় অধ্যয়ন হইত। এই ক্রিয়াক্রান্ত হইতে তাহা জানা যাইতেছে। মধুসূদন গুপ্ত সকল বিষয়েই উত্তীর্ণ হইয়াছিলেন। পরীক্ষকগণের উপরে মন্তব্য হইতে জানা যায়, তিনি অধিক বয়সে ইংরেজী শিখিতে আরম্ভ করেন বলিয়া এ ভাষায় তেমন ব্যাপন্ন হইতে পারেন নাই, তথাপি উত্তরপত্র যথাযথ হওয়ায় তাহারা তাঁহাকে পরীক্ষায় উত্তীর্ণ বলিয়া ধরিয়া লন।

সে যুগের বিখ্যাত চিকিৎসকগণকে লইয়া কলেজের পরীক্ষক বোর্ড গঠিত হইত। পরীক্ষাস্ত্রে ছাত্রদের পরীক্ষার ফলাফলের কথা জানাইয়া বোর্ড জেনারাল কমিটিকে একটি বিবরণ পাঠাইতেন। কমিটি ইহার উপর নির্ভর করিয়া ছাত্রদের ডিপ্লোমা দিতেন, সরকারকেও অনুরোধ জানাইতেন পরীক্ষোত্তীর্ণ ছাত্রদের যথাযথ পুঙ্খনুত করিতে। এবারের রিপোর্টে (১৮৪০-৪১, পৃ. ৮২) জেনারাল কমিটি লিখিলেন :

“The General Committee of Public Instruction confirmed the Report of the Examiners and Assessors of the Medical College, and College Diplomas were given to the seven students named in the margin. Modhusudun Gopto and Nava Krishna Gopto and the five other youngmen retained their situations in the Medical College, were reported to the Medical Board, and to the Government, as being available for the public service as sub-assistant surgeons.”

জেনারাল কমিটি রিপোর্টে বলেন যে, উত্তীর্ণ ছাত্রদের মধ্যে

মধুসূদন গুপ্ত প্রমুখ সাত জন তখনও মেডিক্যাল কলেজের কর্মী লিখিত। তাহারা মেডিক্যাল বোর্ড এবং গবর্নমেন্টকে জানান যে, এই কর্মীদের তাহারা সাব-এসিষ্টেন্ট সার্জেন রূপে সব সময়েই পাইতে পারেন। মধুসূদন এই পদে উন্নীত হইলেও কখনও কর্ম-ব্যপদেশে অগ্রত্যাগ নাই; আমৃত্যু মেডিক্যাল কলেজের অন্ততম শিক্ষক-কর্মীই তিনি রহিয়া গেলেন।

৫

ইংরেজ অধিকার বিস্তৃতির সঙ্গে সঙ্গে এক দিকে যেমন ব্রিটিশ সৈন্যবাহিনীর সংখ্যা বাড়িতে হইল, অপরদিকে তেমন সাধারণ প্রভাব চিকিৎসাশাস্ত্রের ব্যবস্থা করা প্রয়োজন হইল। এই দুই কারণেই মেডিক্যাল কলেজের সঙ্গে ১৮৩৯ সনে একটি হিন্দুস্থানী ক্লাস বা শ্রেণী খোলা হইল যেখানে চিকিৎসা-বিজ্ঞানের বিষয় সমুদয় ছাত্রদের মোটামুটি শিখাইয়া দেওয়া হইত। বর্তমানকালে এই শ্রেণীর কয়েক উৎকর্ষবিধানে মনোযোগী হইয়া ১৮৪৩-৪৪ সনে ইহা পুনর্গঠিত করেন, এবং মধুসূদন গুপ্তের উপর তাহার তত্ত্বাবধানের ভার দেন। মধুসূদন মেডিক্যাল কলেজের ‘ডিসপেন্সারি’র অফ এনার্চিম এণ্ড সার্জারি’ পদে পূর্বেই বহাল রাখিলেন ইহার সঙ্গে তিনি এই বিভাগ পরিচালনার গুরু দায়িত্ব গ্রহণ করেন। তাহার এই নূতন পদের নাম হইল ‘সুপারিন্টেন্ডেন্ট অফ দি সেকেন্ডারী (বা, হিন্দুস্থানী) ক্লাস।’ মধুসূদনের সাফল্য তত্ত্বাবধানে অস্ত্রোপচার তথা শবব্যবচ্ছেদাদিও এই শ্রেণীর ছাত্রগণ এ সময় হইতে প্রথম আবিষ্কার করিল। মেডিক্যাল কলেজের সিনিয়র অধ্যাপক এলান ওয়েব এই শ্রেণীর ‘ভিজিটর’ বা পরিদর্শক নিযুক্ত হইলেন।*

মধুসূদন ‘লণ্ডন ফার্মাকোপিয়া’ গ্রন্থের বাংলা অনুবাদ করিয়াছিলেন। ১৮৪৪-৪৫ সনের শিক্ষা-সমাজের (‘জেনারেল কমিটি’ ইত্যাদির পরিবর্তে ১৮৪২ সন হইতে ইহা ‘Council of Education’ বা বাংলা ‘শিক্ষা-সমাজ’ এই নামেই পরিচিত হয়) বার্ষিক রিপোর্টে এই বিষয়টির এইরূপ উল্লেখ পাই :

“There are at present in the press . . . as well as the Bengalee translation of the London Pharmacopœa prepared by Pundit Modhusudun Gopto . . .”†

[এই গ্রন্থখানি ১৮৪৯ সনে প্রকাশিত হয়।]

মধুসূদনের প্রত্যক্ষ তত্ত্বাবধানে ও অধ্যাপনার এবং ‘পরিদর্শক’ ওয়েবের চেষ্টা-যত্নে হিন্দুস্থানী শ্রেণীর ছাত্রগণ অধীত বিষয়ে দ্রুত উন্নতি করিতে লাগিল। দুই বৎসরের মধ্যে ইহার বিশেষ পরিচয়ও পাওয়া গেল। শিক্ষা-সমাজ ১৮৪৫-৪৬ সনে এই শ্রেণীর পরি-

* Report of the General Committee of Public Instruction, etc., for 1843-44. Pp. 67.

† ঐ, পৃ. ২০

* Report of the General Committee of Public Instruction, etc., for 1840-41. Pp. 79.

চালনার অধ্যাপক ওয়েব এবং পণ্ডিত মধুসূদন গুপ্তের কৃতিত্ব কথা এইরূপ উল্লেখ করেন :

"The conduct, character, attendance, and attainments of the military class have been most satisfactory and much credit is due to Professor Webb and Pundit Modhusudun Goopto for the proficiency of the pupils in the important branch of study taught by them."

এই শ্রেণীর 'ভিক্টর' অধ্যাপক এলান ওয়েব ১৯শে জানুয়ারী ১৮৪৬ তারিখে ছাত্রদের পরীক্ষা গ্রহণান্তর উচ্চতন কর্তৃপক্ষকে যে রিপোর্ট পেশ করেন তাহাতে তিনি মধুসূদনের কৃতিত্বের কথা মুক্ত কণ্ঠে বক্তব্য করেন। এখানে ওয়েবের মন্তব্য হুবহু উদ্ধৃত হইল :

"They (the students) answered very satisfactorily upon the whole, and in a manner which reflects the highest credit upon their excellent teacher of Anatomy and Physiology, Baboo Modhusudun Goopto; indeed it gave me sincere pleasure to observe in my daily visit at this dissections, that the zeal and exertions of the Baboo are quite as successful here in this first attempt to carry out regular dissections by the military class, (chiefly Mahommedans) as amongst the Hindoo students of the English class."*

এই হিন্দুস্থানী ('মিলিটারী ক্লাস'ও বলা হইত) শ্রেণীর ছাত্রেরা ছিল অধিকাংশই মুসলমান। তাহাদের মধ্যেও শবব্যবচ্ছেদের বিরুদ্ধে কুসংস্কার বিদ্যমান ছিল। অধ্যাপক ওয়েব শুধু মধুসূদনের অধ্যাপনানৈপুণ্যেরই প্রশংসা করিয়া ক্ষান্ত হন নাই, হিন্দু ছাত্রদের মত মুসলমান ছাত্রদেরও যে তিনি শবব্যবচ্ছেদে উৎসাহ করিতে সক্ষম হইয়াছেন, এ কারণেও তিনি ওয়েবের নিকট হইতে সুখ্যাতি লাভ করিলেন। শিক্ষা-সমাজ পরবর্তী বার্ষিক রিপোর্টগুলির কলিকাতা মেডিক্যাল কলেজ অধ্যায়ে হিন্দুস্থানী শ্রেণীর ছাত্রদের কৃতিত্বের কথা বলিতে গিয়া প্রতি বারেই পণ্ডিত মধুসূদন গুপ্তের অধ্যাপনা, শবব্যবচ্ছেদ-পারিপাট্য এবং সূচু পরিচালনার প্রশংসা করিয়াছেন। ১৮৪৬-৪৭ সনের রিপোর্টে বলা হইয়াছে যে, প্রত্যেক ছাত্রই মধুসূদন গুপ্ত-প্রদত্ত উদ্ভূ নোটগুলির উপর নির্ভর করিয়া ব্যবচ্ছেদ-কার্য করিয়া বাইত।† মধুসূদনের অধ্যাপনা-গুণে তাহারা শারীরবিজ্ঞান বিষয়ে বিশেষ নৈপুণ্য প্রদর্শন করে।

৬

কর্তৃপক্ষ যে মধুসূদনের গুণপনার মুগ্ধ ছিলেন তাহা বলাই বাহুল্য। তাহারা তাঁহাকে ১৮৪৮ সন নাগাদ প্রথম শ্রেণীর সাব-এসিষ্ট্যান্ট সার্জন পদে উন্নীত করিলেন।‡ ইহার পর বৎসর, ১৮৪৯

* এ, ১৮৪৫-৪৬, পৃ. ১১৮।

† এ, ১৮৪৬-৪৭, পৃ. ১২

‡ এ, ১৮৪৮-৪৯, পৃ. ১১২

সনে মধুসূদন কর্তৃপক্ষ কর্তৃক যে বিশেষ সম্মানে সম্মানিত হইয়াছিলেন তাহার উল্লেখ এই প্রবন্ধের গোড়াতেই করিয়াছি। ঐ সময়ের বিখ্যাত শিল্পী মিসেস বেলনস মধুসূদনের একখানি তৈলচিত্র আঁকিয়া দেন। বেথুন সাহেব মেডিক্যাল কলেজ ধিয়েটারে ঐ বৎসরে এই তৈলচিত্রখানি উন্মোচন করেন, এই সময়ে তিনি মধুসূদনের উচ্ছসিত প্রশংসাও করিয়াছিলেন—এ সব কথা আমরা আগেই পাইয়াছি।

কলিকাতা মেডিক্যাল কলেজের অন্তর্ভুক্ত হিন্দুস্থানী ক্লাস বা শ্রেণীর মত একটি বাংলা শ্রেণী বা বিভাগ খোলার আবশ্যিকতাও ক্রমে বিশেষভাবে অনুভূত হইতে থাকে। এ বিষয়ে ১৮৪৩ সনেই দেওয়ান বামকমল সেনের সঙ্গে পরামর্শ করিয়া শিক্ষা-সমাজের সেক্রেটারী এবং মেডিক্যাল কলেজের অগ্রতম অধ্যাপক ডাঃ এফ. জে. মৌএট একটি পরিকল্পনা তৈরী করিয়াছিলেন। প্রায় দশ বৎসর পরে ১৮৫২ সনের প্রথমে কর্তৃপক্ষ এই পরিকল্পনানুযায়ী কার্য করিতে অগ্রসর হইলেন। তখন বাংলা দেশের বিভিন্ন সরকারী কেন্দ্রে, জেলা-শহরে, এমনকি অভ্যন্তর ভাগে গ্রামাঞ্চলেও চিকিৎসকদের প্রয়োজন নিতান্তই অনুভূত হইতেছিল। ১৮৫২ সনের ১৫ই ফেব্রুয়ারী মেডিক্যাল কলেজের অন্তর্ভুক্ত করিয়া একটি বাংলা শ্রেণী বা বিভাগ খোলা হইল। হিন্দুস্থানী বিভাগের স্তায় বাংলা বিভাগেরও সুপারিন্টেন্ডেন্ট বা তত্ত্বাবধায়ক নিযুক্ত হইলেন মধুসূদন গুপ্ত। মেট্রিয়ার মেডিকা বা ভৈষজ্য-সংহিতার অধ্যাপক হইলেন শিবচন্দ্র কর্মকার; মেডিসিন বা ভেষজতত্ত্ব অধ্যাপনার ভার পড়িল প্রসন্নকুমার মিত্রের উপর। মধুসূদন স্বয়ং শারীরবিজ্ঞান বা এনাটমি এবং শল্যবিজ্ঞান শিক্ষার ভার লইলেন। ১৮৫২ খ্রীষ্টাব্দ নাগাদ (বাং ১২৫০) মধুসূদনের 'এনাটমি বা শারীর বিজ্ঞান' শীর্ষক বাংলা পুস্তক বাহ্যিক হয়।

হিন্দুস্থানী বিভাগের মত বাংলা বিভাগেরও উত্তরোত্তর উন্নতি হইতে লাগিল। উদ্ভিদবিজ্ঞান, রসায়ন, পরার্থবিজ্ঞান, শারীরতত্ত্ব, ভেষজবিজ্ঞান, বাজীবিজ্ঞান প্রভৃতি বিষয়ে বাংলা অনুবাদ ও সংকলন-এই ক্রমশঃ প্রকাশিত হইল। কলিকাতা মেডিক্যাল কলেজ যেমন ঐ যুগে বিজ্ঞান-চর্চার এক উৎকৃষ্ট কেন্দ্র হইয়া উঠে, সেইরূপ কলেজের বাংলা বিভাগও বঙ্গভাষায় লিখিত সাধারণ বিজ্ঞান এবং চিকিৎসাশাস্ত্র বিষয়ক পুস্তক রচনার নানাভাবে অগ্রপ্রেরণা যোগায়। বাংলা বিভাগে উত্তীর্ণ ছাত্রেরা মকমল অঞ্চলে চিকিৎসক হইয়া বাইতেন; স্থানীয় অধিবাসীদের নিকট তাহারা 'মেট্রি ডাক্তার' বলিয়া পরিচিত ছিলেন। বাংলা বিভাগ পরিচালনার মধুসূদনের কৃতিত্বও আমরা বিশেষ আদর সঙ্গে স্মরণ করি।

৭

মধুসূদনের কর্মবহুল জীবনের অবসান ঘটে ১৫ই নবেম্বর ১৮৫৬ দিবসে। কবিবর ঈশ্বরচন্দ্র গুপ্তের 'সংবাদ প্রভাকর' (২০শে

নবেম্বর, ১৮৫৬) কলিকাতা মেডিক্যাল কলেজের অল্প সংবাদ প্রদান-কালে মধুসূদনের উদ্দেশ্যে একটি পংক্তিমাত্র লেখেন : "উক্ত কলেজের বাঙ্গালা ক্লাসের ব্যবচ্ছেদ বিভাগ বক্তৃতাকারক বাবু মধুসূদন গুপ্ত পঞ্চম পাইয়াছেন।" পরবর্তী ২২শে নবেম্বর ১৮৫৬ তারিখের 'সংবাদ ভাস্কর' মধুসূদন গুপ্ত সম্পর্কে সবিস্তারে নিম্নরূপ লিখিয়াছেন :

"উক্ত গুপ্ত বাবুর মৃত্যু হইয়াছে ইহাতে আমরা অতিশয় দুঃখিত হইলাম, মধুসূদনবাবু এতদেশীয় ব্যবচ্ছেদ বিভাগ ব্যবসায়ীগণের আদি-পুরুষ ছিলেন, এতদেশীয়েরা বিশেষত হিন্দু জাতির মৃতদেহ স্পর্শ করিবেন দূরে থাকুক পিতামাতাদি আত্মীয় লোকের মৃত্যু হইলে যে স্থানে শব রাখে গোময় জলে সেস্থান পর্য্যস্ত ধৌত করেন, শব লইয়া গেলে বহিষ্কার পর্য্যন্ত গোময় জলের ছিটা দেন, মৃত দেহের বিষয়ে অত্যাশিও যে জাতির ঘৃণা ও পাপবোধ রহিয়াছে মধুসূদন বাবু সেই জাতির মধ্যে এক উত্তম কুলে জন্মিয়াছিলেন তখাচ মেডিক্যাল কলেজে প্রবিষ্ট হইয়া হিন্দু জাতির মধ্যে সর্ব্বাশ্রেণে মৃতদেহ ব্যবচ্ছেদ কার্যে প্রবর্ত্ত হন, তাঁহার দৃষ্টান্তে অসংখ্য হিন্দুরা মৃতদেহ কাটুকুটি কার্যে সুপটু হইয়াছেন। ঐ বাবুই তাঁহাদিগকে শিক্ষাদান করিয়া-ছেন, মধুসূদন গুপ্ত স্বজাতীয় বৈজ্ঞানিক বিভাগ এবং ইংরেজী চিকিৎসা বিভাগ সুপ্রবিষ্ট হইয়াছিলেন তাহাতে দেশের বিস্তর উপকার করিয়াছেন তাঁহার মৃত্যু সমাচারে ইংরেজ বাঙ্গালী সাধারণ বহু লোক আক্ষেপ করিবেন।"

কলিকাতা মেডিক্যাল কলেজের সঙ্গে মধুসূদনের সংস্রব ইহার প্রতিষ্ঠা হইতে। দীর্ঘ বাইশ বৎসর পর্য্যন্ত সাতিশয় নির্ভর সঙ্গে নিজ জ্ঞানবুদ্ধি মত তিনি ছাত্রদের শিক্ষাদান করিয়াছিলেন। মেডিক্যাল কলেজের অস্থায়ী অধ্যক্ষ ডাঃ টি. ডব্লিউ. উইলসন

কলেজের ১৮৫৬-৫৭ সনের বার্ষিক বিবরণ দান প্রসঙ্গে মধুসূদনের মৃত্যু সম্পর্কেও তৎকালীন শিক্ষা-অধিকর্তাকে (Director of Public Instruction) লিখিলেন :

"Baboo Mudoosoodun Gooptu, Lecturer on Anatomy to the Bengali and Hindustani Students, after twenty-two years' service in the college died on the 15th November, 1856. To him a debt of gratitude is due by his countrymen. He was pioneer who cleared a space in the jungle of prejudice, into which others have successfully pressed, and it is hoped that his countrymen appreciating his example will erect some monument to perpetuate the memory of the victory gained by Mudoosoodun Gooptu over public prejudice, and from which so many of his countrymen now reap the advantage."*

মধুসূদনের মৃত্যুর পর ঠিক এক শতাব্দী অতীত হইল। আজকাল কত শতবর্ষ-জয়ন্তী ঘটা করিয়া উদ্‌যাপিত হইতেছে। 'সাধারণের মধ্যে অসাধারণ' এই মাহুষটির কথা কি আমরা একেবারে ভুলিয়া যাইব? অথবা, তিনি হয়ত আমাদের এতই আপন হইয়া গিয়াছেন যে, আলাদা করিয়া তাঁহার কথা স্মরণ-মননের আর আবশ্যক নাই।

১৫ই নবেম্বর ১৯৫৬

* Report of the Director of Public Instruction for the year 1956-57, p. 200.



আদর্শ মানুষ—দেবেন্দ্রনাথ বসু

শ্রীকালীচরণ ঘোষ

বাঙ্গলা দেশের নমস্বাস্ত্রিকদের তালিকায় শিক্ষকদের নাম এককালে খুব সম্মানের সহিত গৃহীত হইত এবং বাঙ্গলার অনেক মহাপুরুষ শিক্ষকগোষ্ঠীর অস্তিত্ব। এরূপ দেখা যায় ইহাদের অনেকেই কেবলমাত্র শিক্ষকতা করিয়া জীবনের কর্তব্য শেষ করেন নাই, বাঙ্গলার নানা ক্ষেত্রে তাঁহারা নিজেদের পটভূমি রাপিয়া গিয়াছেন।

ঈশ্বরচন্দ্র, বামতনু, নরেন্দ্রনাথ (বিবেকানন্দ), সুরেন্দ্রনাথ, জগদীশচন্দ্র, প্রফুল্লচন্দ্র, শিবনাথ, উমেশচন্দ্র, কৃষ্ণকমল, বামেন্দ্রচন্দ্র, জানকীনাথ অবিন্দ, হরপ্রসাদ, ব্রজেন্দ্রচন্দ্র, যোগেশচন্দ্র, গোবীন্দ্রনাথ, ষাদবচন্দ্র, ললিতমোহন, কালীকৃষ্ণ, সত্যেন্দ্রনাথ, মেঘনাদ এমনকি সত্যেন্দ্রনাথ বসু প্রভৃতি প্রাতঃস্মরণীয় মনীষীবৃন্দকে শিক্ষকরূপে দেখিতে পাওয়া গিয়াছে। বলা বাহুল্য, এ তালিকা একান্তই অসম্পূর্ণ।

ইহাদের অনেকেই শিক্ষকতার দ্বারা বা মানবজীবনের কল্যাণকর বৃহত্তর ক্ষেত্রে মহান কার্যদ্বারা চিরযশস্বী হইয়া গিয়াছেন। আবার অনেকে আছেন যাহারা নিজ ছাত্রমণ্ডলী এবং আপনার ক্ষুদ্র পরিবেশের মধ্যে চরিত্রবত্তা, জ্ঞানপিপাসা, সত্যানুরাগ ও হৃৎস্বের সেবাকার্য্য প্রভৃতি মহান আদর্শ স্থাপন করিয়াছেন এবং অপরকে অনুপ্রাণিত করিয়াছেন। এইরূপ শ্রেণীর মধ্যে আমরা দেবেন্দ্রনাথ বসুকে দেখিতে পাই

পিতৃমাতৃ পরিচয়

দেবেন্দ্রনাথের পিতৃপরিচয় দিতে গেলে বলিতে হয়, তাঁহার পিতা হরনাথ, জানকীনাথের পিতা, নেতাজী সত্যেন্দ্রনাথ ও স্বনামধন্য শরৎচন্দ্রের পিতামহ। দেবেন্দ্রনাথ, হরনাথের প্রথম স্ত্রী মনোমোহিনীর একমাত্র সন্তান।

দেবেন্দ্রনাথের জীবনে মাতা ও মাতৃস্নেহের প্রভাব অধিক মাত্রায় দেখিতে পাওয়া যায়। পারিবারিক অবস্থার সংঘাতে বাহা ঘটনা-ছিল তাহারই পরিচয় দিয়া দেবেন্দ্রনাথের সংক্ষিপ্ত জীবনী আলোচনা করা যাইতে পারে।

কলিকাতা ইটালীর প্রাচীন অধিবাসী গোবিন্দ ঘোষের দুই পুত্র গোপালচন্দ্র ও বহুনাথ এবং পাঁচ কন্যা ছিলেন। প্রথম ও দ্বিতীয় কন্যার সহিত ইটালীর লোকপ্রিয় জমিদার দেবনাথারণ দেব-এর সহিত বিবাহ হয়। তৃতীয় কন্যা বালবিধবা হইয়া পিতা ও ভ্রাতার সংসারে জীবনান্তিপাত করেন। কনিষ্ঠা কন্যা বিবাহ হইবার কয়েক বৎসর পরে একটি কন্যা-সন্তান রাপিয়া দেহত্যাগ করেন। তাহার কিছুদিন পরেই তাঁহার স্বামী তাঁহার

অনুগমন করিলে পিতৃমাতৃহীনা শিশু-কন্যা মাতামহ গোবিন্দ ঘোষের গৃহে লালিতপালিত হইতে লাগিল। এই শিশুর নাম মনোমোহিনী এবং ইনিই দেবেন্দ্রনাথের জননী।



দেবেন্দ্রনাথ বসু

দশ বৎসর বয়সে কোদালিয়া-নিবাসী হরনাথের সহিত মনোমোহিনীর বিবাহ হয়। বালিকা বধু স্বপ্নবালস্নেহে যাইবার সময় বড়ই কান্নাকাটি করিতেন। একবার হরনাথের পিতা প্রাণমোহন পুত্রবধুকে লইতে আসিয়া যথারীতি বালিকার রোদনের বিষয় শুনিলেন। কিন্তু সেবার তিনি পুত্রবধুকে লইয়া যাইবেন বলিয়া জিদ ধরিলেন। বালিকার পক্ষ হইতে কয়েক দিন বাদে তাহাকে পৌছাইয়া দিবার প্রস্তাব তিনি ক্রোধভাবে অগ্রাহ্য করিলেন। সেই দিনই গ্রামে কিরিয়া পুত্রের আবার বিবাহ দিবেন বলিয়া হিঁস করিলেন এবং এই ঘটনা হইতে সামান্ত কয়েক মাসের ব্যবধানে পাশের গ্রাম হরিনতিতে রাখাকৃষ্ণ দত্তের কন্যা সত্যভামা ওরফে কামিনীর সহিত পুত্রের বিবাহ সম্পন্ন করিলেন। কামিনী নেতাজীর পিতামহী।

মনোমোহিনী মাতৃস্নেহে দিনান্তিপাত করিতে লাগিলেন। কয়েক বৎসর পরে তাঁহাকে কোদালিয়ায় লইয়া যাওয়া হয়। হরনাথের অভাবের সংসার, সেখানে দুই সপত্নী কোনরূপে একত্রে সংসার করিতে থাকেন। ইত্যবসরে কামিনীর দুই পুত্র বহুনাথ ও

কেদারনাথ জন্মগ্রহণ করেন। মনোমোহিনীর দ্বাবিংশ বর্ষ বয়সে একমাত্র পুত্র দেবেন্দ্রনাথ ১৮৫৫ সনে মহালয়ার দিন ইটালীতে ভূমিষ্ঠ হন। মনোমোহিনী অধিকাংশ সময়ই মাতুলালয়ে থাকিতেন। দেবেন্দ্রনাথের জন্মের পর সামাজিক ক্রিয়াকর্ম বাদে কোদালিয়া শঙ্করালয়ে যাতায়াত প্রায়ই আর ঘটয়া উঠিত না। দেবেন্দ্রনাথ মাতামহের আলয়ে অত্যন্ত আদরে ছিলেন। সংসারে বিশেষ অস্বচ্ছলতা নাই, তাহার উপর গোবিন্দ ও তাঁহার জ্যেষ্ঠ উভয়ের মিলিয়া বৃহৎ পরিবারের মধ্যে আবালা প্রতিপালিত মনোমোহিনী দেবেন্দ্রনাথকে লইয়া সম্পূর্ণরূপে মিলিয়া গেলেন।

বাল্যকাল ও শিক্ষাব্যবস্থা

দেবেন্দ্রনাথ জন্মগ্রহণ করিবার পর মনোমোহিনীর মাতুলালয় বাসের আরও কারণ আছে। সওদাগরী আপিসে সামান্য উপাঙ্গন, তাহার উপর পুত্র কল্যাণ সপত্নী বর্ডমান। এদিকে দেবেন্দ্রনাথ ইটালীতে সযত্নে প্রতিপালিত হইতেছেন। তাঁহাকে উপযুক্ত শিক্ষাদানের প্রশ্নও আলোচিত হইতেছে। ইটালীতে মনোমোহিনীর মাতুলালয়ে বিদ্যালয়ের একটা আবহাওয়া রহিয়াছে। ভ্রাতা যতনাথ জুনিয়ার ও সিনিয়ার পরীক্ষায় উত্তীর্ণ হইয়াছেন। সাহিত্য সম্রাট বঙ্কিমচন্দ্র চট্টোপাধ্যায় “সিনিয়ার” পরীক্ষা পাস করিয়া পণ্ডিত বলিয়া খ্যাতিলাভ করেন; সেই সময় বিশ্ববিদ্যালয়ে বি-এ পরীক্ষার প্রবর্তন হওয়ার সঙ্গে সঙ্গে তিনি বি-এ পাস করেন। সে যুগে ইহা অত্যন্ত কষ্টসাধ্য ব্যাপার ছিল। সুতরাং যতনাথের নিকট থাকিয়া শিক্ষানাভের সুবিধা থাকায় দেবেন্দ্রনাথ ইটালীতে আরও করিয়া তথা হইতে শিক্ষা সমাপন করেন।

তদানীন্তন প্রথা অনুযায়ী দেবেন্দ্রনাথ প্রথমে এক পাঠশালায় ভর্তি হন এবং অচিরকালে সহপাঠীদের মধ্যে মেধাবী ও বুদ্ধিমান বলিয়া পরিচয় লাভ করেন। তথা হইতে অধুনালুপ্ত বহুবাজার ভার্ণাকুলার স্কুলে ভর্তি হইয়া পাঠ আরম্ভ করেন এবং মধ্য প্রাইমারী (Middle Vernacular Examination) পরীক্ষা দেন এবং বৃত্তিলাভ করেন। দেবেন্দ্রনাথের মাতাঠাকুরাণীর আর আনন্দের সীমা রহিল না। কিশোর দেবেন্দ্রনাথ নিজ “উপাঙ্গনে” শিক্ষার ব্যয় বহন করিবে ইহা ভাবিয়া তিনি নিশ্চিন্ত মনে ভগবানের নিকট পুত্রের দীর্ঘায়ু কামনা করিতে লাগিলেন।

ষথাকালে দেবেন্দ্রনাথ হিন্দুস্কুলে আসিয়া প্রবেশ করিলেন। হিন্দুস্কুল তখনকার দিনে উচ্চ শিক্ষাভিলাষী ছাত্রদের প্রায় একমাত্র বিদ্যালয়তন বলিলে অত্যুক্তি হয় না। তিনি পাঠে আগ্রহ, বিনয় ও সদালাপে অচিরে শিক্ষকগণের দৃষ্টি আকর্ষণ করিলেন। শিক্ষক-মণ্ডলীর যত্নে ও নিজ অধ্যবসায়ে তিনি সতীর্থদের মধ্যে যশস্বী হইয়া উঠিলেন এবং ১৮৭১ সালে এন্ট্রান্স পরীক্ষায় উত্তীর্ণ হইয়া ১৪ টাকা বৃত্তিলাভ করিলেন। মাতার আর আনন্দের সীমা নাই; পিতা হয়নাথ পুত্রগৌরবে গৌরবান্বিত। তাঁহার মধ্যম পুত্র কেদারনাথ ১৮৬৮ সালে হরিনাভি স্কুল হইতে দ্বিতীয় বিভাগে এন্ট্রান্স পরীক্ষায় উত্তীর্ণ হইয়াছে। তৃতীয় পুত্র দেবেন্দ্রনাথ

“জলপানি” পাইয়াছেন। সে দিনে এত অল্প সময়ের ব্যবধানে হই পুত্র এন্ট্রান্স পরীক্ষায় কৃতকার্য দেখিবার সৌভাগ্য খুব অল্প পিতার ভাগ্যে ঘটিতে দেখা যাইত।

উচ্চশিক্ষা

দেবেন্দ্রনাথ তখন প্রেসিডেন্সী কলেজে ভর্তি হইলেন। পাঠে শিথিলতা নাই; যৌবনসম্পন্ন ক্রীড়া-আমোদে রুচি নাই। সহ-পাঠীদের সংখ্যা মুষ্টিমেয় এবং পরস্পরের মধ্যে বিশেষ সম্প্রীতি থাকিলেও পরীক্ষার ক্ষেত্রে মনে মনে ভীষণ প্রতিদ্বন্দ্বিতা বর্তমান। দেবেন্দ্রনাথের মানসিক বৃত্তির যে অস্বাভাবিক হইতেছিল, তাহারই বিপরীত অল্পশ্রমে স্বাস্থ্যের দিকে অমনোযোগিতা আসিয়া দেখা দিতেছিল। সুতরাং তাঁহার স্বাস্থ্যের অবস্থা কতক পরিমাণে হীন হইয়া পড়ে। এই অবস্থায় ১৮৭৩ সালে এফ-এ বা ফার্স্ট আর্টস পরীক্ষা দিয়া তিনি প্রথম বিভাগে উত্তীর্ণ হন এবং মাসিক কুড়ি টাকা বৃত্তিলাভ করেন।

প্রেসিডেন্সী কলেজেই তিনি বি-এ পাঠ আরম্ভ করেন এবং ইংরেজী সাহিত্যে অনার্স লন। ইতাবসরে তাঁহার স্বাস্থ্যের আরও অবনতি হইয়াছে এবং বহু চেষ্টাতেও তাহার প্রতিবোধ করা সম্ভব হইতেছে না। পরীক্ষায় পূর্বে সুনাম রক্ষা করিতে হইবে, বৃত্তি না পাইলে শিক্ষালাভ বন্ধ করিতে হইবে, সুতরাং তিনি স্বাস্থ্য উপেক্ষা করিয়া পরীক্ষার জগৎ প্রস্তুত হইতে লাগিলেন। ইহার অভিশাপ তিনি সারা জীবনই বহন করিয়াছেন; তখন তাঁহার স্বাস্থ্যের এমন অবস্থা যে আর ঔষধের শিশি সঙ্গে না করিয়া তাঁহার পরীক্ষার কথা চিন্তা করা চলে না। বি-এ পরীক্ষার অব্যবহিত পূর্বে তাঁহার স্বাস্থ্য আরও হীন হইয়া পড়ে। তৎসঙ্গেও বি-এ পরীক্ষায় তিনি চতুর্থ স্থান অধিকার করেন ও রোপ্যপদক ও মাসিক ত্রিশ টাকা বৃত্তিলাভ করেন। ১৮৭৬ সালে তিনি ইংরেজী সাহিত্যে অনার্স পাশ করেন এবং ১৮৭৭ সালে এম-এ পরীক্ষায় প্রথম বিভাগে নীলকান্ত মজুমদার প্রথম ও দেবেন্দ্রনাথ দ্বিতীয় স্থান অধিকার করেন এবং যথারীতি পুংস্কার লাভ করেন। তখন তাঁহার বয়স একুশ বৎসর।

বিবাহ

ফার্স্ট আর্টস (এফ-এ) পরীক্ষা পাশ করিলে আর অল্পসংস্থানের অসুবিধা হয় না। সংসার ও পরিণীতা জীবনের ভার গ্রহণে উপযুক্ত বিবেচনা করা অভিভাবকদিগের মধ্যে একটা সাধারণ প্রচলিত ধারণা ছিল। সুতরাং যখন বি-এ পরীক্ষার পূর্বেই তাঁহার বিবাহের সম্বন্ধ আসে তখন তাহাতে আর কোনও আপত্তিই চলে না।

ফার্স্ট আর্টস পাঠকালে কলিকাতা সিমুলিয়ার ঘোষেদের বাড়ী তাঁহার বিবাহ হয়। চণ্ডীদাস ঘোষ তাঁহার সহপাঠী ও বিশেষ অন্তরঙ্গ বন্ধু ছিলেন। তিনি এ বন্ধুত্ব স্থায়ী করিবার জন্য দেবেন্দ্রনাথের সহিত তাঁহার সহোদরী সখদা মোহিনীর বিবাহের “ঘটকালি” করেন এবং উভয় পক্ষের অভিভাবকদের মতে পরীক্ষা দিবার পূর্বেই

উদ্বাহ কার্য সম্পন্ন হয়। চণ্ডীদাস উত্তরকালে শিয়ালদহ কোর্টের পুলিশ ম্যাজিষ্ট্রেট হইয়াছিলেন।

কার্যারম্ভ

এম-এ পরীক্ষার উত্তীর্ণ হইবার পরই তাঁহার অধ্যাপক টনি 'সাহেবের' সুপারিশে তিন মাসের জন্য কটক কলেজিয়েট স্কুলে প্রধান শিক্ষকের অস্থায়ী পদ প্রাপ্ত হন। কটক যাত্রা লইয়া তিনি বিশেষ চিন্তায় পড়িলেন। তাঁহার স্বাস্থ্যের অবস্থা জানিয়া আত্মীয়-স্বজনও চিন্তিত। তত্পরি বিমাতা কামিনীর মৃত্যুতে এখন তাঁহার অর্শোচ চলিতেছে। এরূপ অবস্থায় আত্মীয় পরিজনদের বাহিরে দূর দেশে যাওয়ার সাধারণভাবে আপত্তি হওয়াই স্বাভাবিক। অর্শোচের জন্য তাঁহাকে বিশেষ কষ্ট পাইতে হয় নাই। সমুদ্রযাত্রা করিতে হইবে এবং অল্প পরিবারে অল্প গ্রহণ করিতে হইবে বলিয়া ব্রাহ্মণ পণ্ডিতদের বিধানমতে তাঁহার জুতা ব্যবহারে এবং আমিষ ভোজনে কোনও আপত্তি হয় নাই। সে দিনের কটক যাত্রা এ দিনের মত সুগম ছিল না। হয়, গোধানের সাহায্যে বিপদসঙ্কুল স্থলপথে নানা ক্লেশ সহ করিতে হইত। পথ সরল নয়, তাহা ছাড়া অত্যন্ত অসমতল। হিংস্র পশু ছাড়া দুর্বৃত্তের উপদ্রবের অস্ত ছিল না। আর না হয়, জলপথে জাহাজে করিয়া চাঁদবালি পর্যন্ত পৌঁছিয়া থাকের মধ্যে নৌকা সাহায্যে কটক পৌঁছিতে হইত। তখন অবশ্য কটক সংযুক্ত বাংলা-বিহার-উড়িষ্যা "বঙ্গ প্রেসিডেন্সী"র অন্তর্গত ছিল এবং সেখানে বাঙালীর বিশেষ প্রতিপত্তি ছিল। কোনও কোনও বাঙালী তখনকার যুগে যথেষ্ট প্রতিষ্ঠা লাভ করিয়াছিলেন। তন্মধ্যে বাহাডুর হরিবল্লভ বসু অন্যতম। ইনিই পরে কটকে জানকীনাথের ব্যবহারজীব জীবনের ভিত্তি স্থাপন করিয়া গিয়াছেন।

নূতন পরিবেশ ও গিরীশচন্দ্র

নূতন স্থানের আবহাওয়া বৃক দেবেন্দ্রনাথের পক্ষে উপযোগী হইবে কিনা, তাহাও একটা চিন্তার কারণ ছিল। কটক স্কুলে নিয়োগপত্র পাইবার পূর্বেই তিনি সেখানে কোনও বাঙালীর সাহায্য লাভ করিতে পারেন কিনা তাহা অনুসন্ধান করিতেছিলেন। তিনি জানিতে পারিলেন উত্তরকালে বঙ্গবাসী কলেজের প্রতিষ্ঠাতা গিরীশচন্দ্র বসু মহাশয় সে সময় ব্যাভেন্স কলেজের অধ্যাপক। গিরীশচন্দ্র ১৮৭৬ সালে হুগলী কলেজ হইতে উদ্ভিদ বিজ্ঞান বিশেষ কৃতিত্বের সহিত উত্তীর্ণ হইয়া ঐ সালেই বিজ্ঞানের অধ্যাপক হইয়া ব্যাভেন্স কলেজে যোগদান করেন। যখন দেবেন্দ্রনাথের কটক যাওয়া স্থির হইয়া গেল তিনি গিরীশচন্দ্রের সহিত যোগাযোগ স্থাপন করিলেন। যাত্রাতে কটকে গিয়া অহেতুক কষ্ট ভোগ করিতে না হয় সে জন্য সাইদাস বাজারে নিজ বাসা-বাটীতে স্থান গ্রহণ করিবার জন্য গিরীশচন্দ্র অসুযোগ জানাইলেন। বলা বাহুল্য, সে অসুযোগ উপেক্ষা করা দেবেন্দ্রনাথের সাধ্যাতীত ছিল। তৎপূর্বেই গিরীশচন্দ্রের পাণ্ডিত্য ও সূক্ষ্ম ব্যবহার

সহকারী ও ছাত্রমহলে তাঁহাকে তখন জনপ্রিয় করিয়া তুলিয়াছে। সুতরাং দেবেন্দ্রনাথ যখন তাঁহার নিকট অবস্থান করিলেন, তখন নিজ চরিত্রমাধুর্যের সহিত গিরীশচন্দ্রের খ্যাতি ও জনপ্রিয়তা যুক্ত হইয়া দেবেন্দ্রনাথের পক্ষে কটকবাসের প্রথম অবস্থা বিশেষ সুখকর হইয়াছিল। তাহা ছাড়া তিনি ছাত্রদের সহিত ব্যবহার, ছাত্র ও শিক্ষকমণ্ডলীর বাহিরে বৃহত্তর জগতের সঙ্গে পরস্পরের প্রতি ব্যবহার সম্পর্কে যথেষ্ট জ্ঞান অর্জন করিবার সুযোগ লাভ করেন।

গুরু ও বন্ধু

গিরীশচন্দ্রের সহিত প্রথম জীবনে অস্তুর্জভাবে মিলিত হইবার সুযোগ দেবেন্দ্রনাথের পক্ষে অশেষ কল্যাণকর হইয়াছিল। বলা-বাহুল্য, গিরীশচন্দ্রের আদর্শ তাঁহার নিকট চির জাগরুক ছিল। অতিরিকালের মধ্যে তাঁহাদের অত্যন্ত ঘনিষ্ঠতা জন্মিল। দুই পণ্ডিত ও সঙ্কনের প্রেম অত্যন্ত গভীর, অত্যন্ত মধুর হইয়া উঠিল। আমরণ দুইজন পরস্পরে ভ্রাতার স্নায় আচরণ করিয়াছেন এবং দুই পরিবারের মধ্যে সকল ব্যবধান দূর হইয়া নিকটতম হইয়া উঠিয়াছে। গিরীশচন্দ্রের পুত্র-কন্যা দেবেন্দ্রনাথকে "কাকাবাবু" এবং তাঁহার পত্নীকে "সই মাসিমা" বলিয়া ডাকিয়াছেন। দেবেন্দ্রনাথ গিরীশচন্দ্রকে আপন জ্যেষ্ঠ সহোদরের স্থান দিয়াছিলেন এবং চিরকাল সমস্ত বিপদে আপদে গিরীশচন্দ্রকে স্মরণ করিয়াছেন ও তাঁহার আশ্রয় গ্রহণ করিয়া তৃপ্তিলাভ করিয়াছেন। কটকবাসের তিন মাস দেবেন্দ্রনাথ গিরীশচন্দ্রের নিকট যাপন করিয়াছিলেন। তিনি কোনও দিন মনে করিতে পারেন নাই যে, তিনি আত্মীয় পরিজন হইতে দূরে পড়িয়া আছেন।

দ্বিতীয়বার কটক যাত্রা

কটক স্কুলের প্রধান শিক্ষকতার তিন মাস গত হইলে দেবেন্দ্রনাথ চলিয়া আসেন এবং কলিকাতা সংস্কৃত কলেজে দ্বিতীয় শিক্ষক নিযুক্ত হন। ১৮৭৯ সনের জুলাই মাসে দেবেন্দ্রনাথ দ্বিতীয়বার কটক যাত্রা করেন। এখন তিনি ইংরেজী সাহিত্যের অধ্যাপকরূপে কটক কলেজে যোগদান করিলেন। গিরীশচন্দ্রের আবাস তাঁহার জন্য অব্যাহত। সঙ্গে পিতা, মাতা, স্ত্রী, কন্যা ইন্দুবালা ও ভ্রাতা জানকীনাথ। সংখ্যায় এতগুলি হওয়া সত্ত্বেও গিরীশচন্দ্র পরম সমাদরে তাঁহাদের গ্রহণ করিলেন। সেখানে সপ্তাহাধিককাল থাকিবার পর গিরীশচন্দ্র নিকটেই বাসা স্থির করিয়া দিলে দেবেন্দ্রনাথ সপরিবারে তথায় গমন করেন।

কৃষ্ণনগর কলেজ

কটকে দুই বৎসরাধিককাল অতিবাহিত হইলে তিনি ১৮৮২ সনের মার্চ মাসে কৃষ্ণনগর কলেজের অধ্যাপক হইয়া চলিয়া আসেন। ১৮৯২ সনে তিনি কলিকাতা প্রেসিডেন্সী কলেজে বদলি হইলে কৃষ্ণনগরবাসীর আর দুঃখের সীমা ছিল না। কলেজে সতীর্থ ও ছাত্রমহলে চুঃখের ছায়া পড়িয়া গেল। এ বিচ্ছেদ তাঁহাদের বেশী দিন ভোগ করিতে হয় নাই। মাত্র আট মাস পরে

তিনি পুনরায় কৃষ্ণনগর কলেজে যান এবং সকলেই মনে করিলেন যে “ঘরের ছেলে ঘরে ফিরিয়াছে।”

১৮৯৩ সনে তাঁহাকে ছগলী কলেজে ঘাইবার নির্দেশ আসে। সেখানে মাত্র মাস দুই অবস্থান করিবার পর তিনি গুরুতর ভাবে পীড়িত হন এবং তাঁহার জীবন সংশয় হইয়া উঠে। এইবার আবার পুরাতন বন্ধুত্বের গভীরতা ও প্রেমের নূতন করিয়া পরিচয় লাভ ঘটে। এক্ষণ পীড়িত অবস্থায় তিনি কলিকাতায় গিরীশচন্দ্রর ভবনে আশ্রয় গ্রহণ করেন। গিরীশচন্দ্রই পরমাত্মীয়, তিনি অল্প কোথাও উঠিবার কথা মনে করিতে পারেন নাই। সেবার অতি কষ্টে তিনি মৃত্যুর কবল হইতে রক্ষা পাইলেন এবং সুস্থ হইবার মধ্যেই তাঁহার কৃষ্ণনগর ঘাইবার অনুমতি আসিলে বোগাল্পুর কৃষ্ণনগর কলেজে ফিরিয়া যান। কৃষ্ণনগরের সহিত তথাকার ছাত্র ও বন্ধুত্বের সহিত বিচ্ছেদ তিনি যেন সহ্য করিতে পারেন নাই। তাঁহার প্রত্যাবর্তন সকলেই পশ্চিম আনন্দের কারণ স্বরূপ হয় এবং কৃষ্ণনগরে যেন উৎসবে মাতিয়া উঠে। তাঁহার কর্মময় জীবনের অবশিষ্টকাল অর্থাৎ কর্ম হইতে অবসর গ্রহণের পূর্বে পর্য্যন্ত ২৭২৮ বৎসর আর কোথাও ঘাইতে হয় নাই। গেলেও দীর্ঘ ২৭ বৎসর কাল কৃষ্ণনগর কলেজে সহিত সংশ্লিষ্ট থাকিয়া গিয়াছেন। ১৯০৯ সনে তিনি স্বাস্থ্যের জগ্ন কৃষ্ণনগর কলেজ হইতে অবসর গ্রহণ করেন। জীবনের অবশিষ্ট কালের অধিকাংশই তিনি দেওঘরে কাটাইতেন। তথায় বাসকালে তিনি প্রায় সকল মেবা ও শিক্ষা প্রতিষ্ঠানের সহিত যোগসূত্র রক্ষা করিয়াছেন; সাধুসমাজ বিদ্যাগুণী শ্রদ্ধার পাত্র হইয়া আনন্দে কালযাপন করিয়াছেন। ক্রমে তাঁহার দৃষ্টি ও শ্রবণশক্তি আরও ক্ষুণ্ণ হয় এবং শরীর দুর্বল হইতে থাকে। ১৯৩১ সনের ১৫ই জানুয়ারী (১লা মাঘ ১৩৩৭) তিনি আত্মীয়স্বজন বন্ধুবান্ধবকে পরিত্যাগ করিয়া মরণময় পরিত্যাগ করেন।

গুরু-শিষ্য

দেবেন্দ্রনাথ ও কৃষ্ণনগর কলেজ, দুইটি নাম যেন সংযুক্ত হইয়াছিল। শিক্ষকরূপেই তাঁহার প্রধান খ্যাতি। ছাত্রদের স্বাস্থ্য ও জ্ঞান লাভ করার সঙ্গে সঙ্গে নৈতিক চরিত্র বাহাতে বলিষ্ঠ হয়, তাহাই ছিল দেবেন্দ্রনাথের লক্ষ্য। কেবল শিক্ষায়তনে নয়, তিনি ছাত্রদের সহিত সকল সময় ঘনিষ্ঠ যোগাযোগ রক্ষা করিতেন। তিনি গাভীর্যের সহিত যে সরস হাস্যলাপ করিতে পারিতেন তাহাতেই তিনি ছাত্রদের নিকট আরও প্রিয় হইয়া উঠেন।

সাহিত্যিক দীনেন্দ্রকুমার বায় “দেকালের স্মৃতি” (বঙ্গুমতী, ১৩৪০ আবেণ, পৃঃ ৫৭৫) প্রবন্ধে যাহা লিখিয়াছেন তাহা হইতে ইহার যথেষ্ট পরিচয় পাওয়া যায়। তিনি বলেন, দেবেন্দ্রনাথ বঙ্গ আমাদিগকে গড়পাঠ শিক্ষা দিতেন; তিনি ইংরেজী সাহিত্যের অধ্যাপক ছিলেন; (অধ্যক্ষ) ছিল (এস সি) সাহেব ও দেবেন্দ্রবাবু চমৎকার পড়াইতেন এবং আমাদের সহিত বন্ধুত্ব

আচরণ করিতেন। দেবেন্দ্র বাবু প্রকৃতি গভীর ছিল, তিনি অত্যন্ত গভীর ভাবে এমন সরস বসিকতা করিতেন যে, আমরা সকলেই হাসির চোটে চক্ষু সজল করিতাম। আমাদের হাস্যোচ্ছ্বাসে কৌতুকশ্রিয় গভীর অধ্যাপকের কালো গোঁফের ফাঁকে ফাঁকে ঈষৎ উদ্ঘাটিত দস্তশ্রেণী দেখিতে পাইতাম। তিনি সময়ে সময়ে বাংলা সাহিত্যেরও আলোচনা করিতেন; তিনি হেমবাবুর ‘দশমহাবিছা’র অত্যন্ত প্রশংসা করিতেন এবং তাহার অধিকাংশগুলি মধুরকণ্ঠে আবৃত্তি করিয়া আমাদিগকে শুনাইতেন।

ছাত্রদের নিন্দা করিলে তিনি তাহা সহ্য করিতে পারিতেন না। একবার তাঁহার এক পুরাতন ছাত্র সাক্ষাৎ করিতে আসিয়া পদধূলি গ্রহণান্তর বসিয়া গল্প আরম্ভ হইলে পুরাতন দিনে গুরু-শিষ্য সম্পর্কেও আলোচনা উঠিয়া পড়ে; ছাত্রদের আচরণ নিন্দনীর হইয়া উঠিয়াছে, শিক্ষকদিগের প্রতি আর পুরাতন সম্মান প্রকাশ করেন না। দেবেন্দ্রনাথ স্মিতহাস্যে বলিলেন, দোষ এক পক্ষের নয়, আগে গুরু-শিষ্য যে সম্পর্কে বাধা ছিল তাহা নষ্ট হইয়া গিয়াছে; পূর্বে গুরু ছাত্রদের নিকট বিদ্যা শ্রেহ, সহায়ত্ব ও দৈনন্দিন আচরণ যে সকল শ্রদ্ধা আকর্ষণযোগ্য গুণে বিভূষিত ছিলেন, এখন তাহা নিতান্ত হ্রাস পাইয়াছে; সুতরাং একটা নূতন সম্পর্ক গড়িয়া উঠিবার কথা।

পারিবারিক জীবন

দেবেন্দ্রনাথের এক পুত্র ও এক কন্যা সন্তান জন্মগ্রহণ করেন। পুত্র অকালে প্রাণত্যাগ করেন; কন্যা তাঁহার মাতার সহচরী সঙ্গী হইয়া শিক্ষা লাভ করেন এবং বিবাহান্তে পতিগৃহে গমন করেন। কলেজের ছাত্রদের লইয়া দেবেন্দ্রনাথ পুত্রশোক বা পুত্রের অভাব বোধ করিতেন না। হৃৎস্ব, আর্ন্ত, বিপন্ন ছাত্রদের উপর তাঁহার মহাদয় দৃষ্টি নিবন্ধ থাকিত। অভাবগ্রস্ত হইয়া বাহাতে কাহারও বিদ্যালয়ে অসুবিধা না হয় তাহার জগ্ন তিনি সামর্থ্যের অধিক দান করিতেন। কাহারও গীড়ার সংবাদ পাইলে তিনি বোগীর বাড়ী গিয়া দেখিয়া আসিতেন এবং আত্মীয়স্বজনকে সাহস, সাহায্য ও সান্ত্বনাদানে যুক্ত করিতেন।

পিতার সংসার হইতে দূরে পালিত হইলেও দেবেন্দ্রনাথের সহিত তাঁহার ভ্রাতাদের সম্পর্ক অত্যন্ত মধুর ছিল। সাধারণতঃ “বৈমাত্র” শব্দের সহিত ভ্রাতাদের যে অর্থ জড়িত তাহার পূর্ণ ব্যতিক্রম দেবেন্দ্রনাথের ক্ষেত্রে দেখিতে পাওয়া যায়। জানকীনাথ তাঁহার তৃতীয় বৈমাত্র ভ্রাতা। গ্রামে তাঁহার পাঠের অসুবিধা হইতেছে জানিয়া তিনি তাঁহাকে ইটালীতে মাতামহের বাড়ীতে আনিয়া রাখিয়াছেন এবং নিজ তত্ত্বাবধানে পাঠের ব্যবস্থা করার জ্ঞানকীনাথ কৃতিত্বের সহিত এণ্ট্রান্স পরীক্ষার পাস করিতে সমর্থ হইয়াছেন।

কলেজে পাঠকালে জানকীনাথের কলিকাতায় অবস্থান ও পাঠের ব্যয় সম্বন্ধে অসুবিধা ঘটে। দেবেন্দ্রনাথ সংবাদ পাইয়াই জানকী-

নাথকে তাঁহার নিকট কটকে লইয়া গিয়াছেন এবং পাঠের সুব্যবস্থা করিয়াছেন এবং বৃত্তিলাভ করিয়া জানকীনাথ ব্যভেনস কলেজ হইতে এফ-এ পরীক্ষার উত্তীর্ণ হইয়াছেন। উক্তকালে জানকীনাথ কটকে সুপ্রতিষ্ঠিত হইয়া যশস্বী হইয়াছেন; তাহার মূলে দেবেন্দ্রনাথ ও পরে (বায়বাহাহর) হরিবল্লভ বসু। অশুস্থতা বা বার্ষিক-জনিত ক্লাস্তির জগু হরনাথ বহুদিন পরিত্যক্ত স্ত্রীর মাতুলালয়ে বাস করিয়াছেন, তাঁহার অপর দুই পুত্র বহুনাথ ও কেদারনাথ প্রয়োজনানুরোধে সেখানে অবস্থান করিয়াছেন এবং এই সহায়তা হইতে কোনও সময় বঞ্চিত হইতে না হয় বলিয়া কেদারনাথ ইটালীতে বাসা করিয়া অর্ধ শতাব্দীকাল বাস করিয়াছেন।

যখন দেবেন্দ্রনাথের বিবাহ হয় তখন নিতান্ত প্রেম করিবার মত স্ত্রীর বয়স নয়। তিনি তখন আপনার পাঠ লইয়া 'মশগুল' এবং বালিকাবধু সকলের নিকট বালিকার আদর লইয়া আনন্দে দিনাতিপাত করে। ক্রমে যখন সুখদাময়ীকে সহকর্মিনীরূপে পাইতে চান তখন দেখেন যে, তাঁহার বিচার একান্ত অভাব। সুতরাং তিনি কর্ণের অবসরে পত্নীকে শিক্ষা দিতে মনস্থ করেন। তখন স্ত্রীশিক্ষার প্রতি লোকের মনোযোগ নাই, "বোজগার করে স্বামীর সংসার খরচ চালাতে সাহায্য করবার" প্রয়োজন ছিল না। তাহা ছাড়া স্বামীর নিকট পড়াশুনা আরম্ভ করিলে সঙ্গিনী ও খণ্ডকালমধ্যে বর্ষীয়সীদের বিক্রপের সম্ভাবনা বৃদ্ধি পাইত। বালিকা কোনও উৎসাহ প্রকাশ করিলেন না। দেবেন্দ্রনাথ ইহাতে পরাজয় স্বীকার করিবার পাত্র নহেন। তিনি অনেক বুঝাইলেন, ফল হইল না। পরে এক শীতকালের গভীর রাত্রিতে দেবেন্দ্রনাথের মাতা ঘর হইতে বাহির হইয়া দেখিলেন যে, পুত্রবধু নীরবে ক্রন্দন করিতেছে। কারণ জানিয়া লইয়া পুত্রকে ঘর মুক্ত করিতে আদেশ করিলেন এবং যথেষ্ট ভৎসনা করিলেন। পর দিন হইতে তিনি বধুকে পড়ায় উৎসাহ দিতে লাগিলেন। উক্তকালে সেই পত্নী সর্ব্বরকমে পণ্ডিত স্বামীর উপযুক্তা হইয়াছেন, বাংলা, ইংরেজী ও সংস্কৃত সাহিত্যে বিশেষ ব্যুৎপত্তি লাভ করিয়া অধ্যাপকদিগের "পাস-করা" মহিলাদের নিকটও পণ্ডিত বলিয়া খ্যাতি লাভ করিয়াছেন।

দেশপ্রেম

সংসারী চাকুরি করিয়া মনেপ্রাণে স্বদেশিকতার ভাব বজায় রাখিয়া চলা সাধারণতঃ ঘটিয়া উঠে না। দেবেন্দ্রনাথ তাহার কিছু ব্যতিক্রম বলিলেও অত্যুক্তি হয় না। তাঁহার পোষাক-পরিচ্ছদ, আচার-ব্যবহার সম্পূর্ণ ভারতীয় ভাব প্রকাশ করিত। বাংলা ভাষার প্রতি তাঁহার গভীর অনুরাগ ছিল। ইংরেজীতে অত বড় পণ্ডিত, কিন্তু তাঁহার সামাজিক পারিবারিক পত্রের মধ্যে একটিও ইংরেজী শব্দ খুঁজিয়া পাওয়া বাইত না; বাংলার কথা বলিবার সময় একটিও ইংরেজী শব্দের নামগন্ধও ছিল না। জানকীনাথ প্রতিষ্ঠিত কোদালিয়া দাতব্য কামিনী উদ্যালয়ের বার্ষিক প্রতিষ্ঠা উৎসবের সময়, তাঁহার প্রেরণ উত্তরে ছোকরা সম্পাদক বলিয়াছিল যে, "average-এ প্রতিদিন ৪৫৫০ জন ঘোঁসী আসে।" তিনি

তৎক্ষণাৎ তাহাকে একান্তে লইয়া গিয়া রেহপূর্ণ বচনে বলেন, "বাবা, average-এর কি বাংলা নেই?"

যে সকল ক্ষেত্রে আলাপ আলোচনা মতামত প্রকাশ করিলে সত্যই সাধারণের মনে দেশপ্রেম উদ্ভূত হয়, সেখানে তিনি অমায়িক ব্যবহারের সহিত সরল ভাষায় মানুষের কর্তব্য সখকে নির্দেশ দিতেন। বিদেশীর চালচলন বেশভূষার অমুকরণ তিনি অস্বস্তি দিয়া ঘৃণা করিতেন; কিন্তু নিতান্ত প্রয়োজন না হইলে কাহারও মনে ব্যথা দিয়া আপনার মত ব্যক্ত করিতেন না।

দেশের কল্যাণে তিনি নিঃশঙ্কে লোকচক্রের অন্তরালে আপন মনে কাজ করিয়া যাইতেন। দেশের শিল্প বাণিজ্য গড়িয়া না উঠিলে আর্থিক উন্নতির সম্ভাবনা নাই বলিয়া তাঁহার দৃঢ় ধারণা ছিল। তখনকার দিনে স্বদেশী শিল্প-প্রতিষ্ঠানের উপর লোকের কোনও আস্থা ছিল না। সুতরাং তাহাতে মূলধন নিয়োগ করা ত্যাগের পর্যায়ে গিয়া পড়িত। সে সময়ে কোনও স্বদেশী শিল্প-প্রতিষ্ঠানের উত্থোক্তারা শেয়ার বিক্রয় দ্বারা অর্থ সাহায্যের আবেদন জানাইলে দেবেন্দ্রনাথ তাঁহার শক্তিমত সেই সকল শেয়ার ক্রয় করিতেন। বৎসরের পর বৎসর তিনি এই কাজ করিয়াছেন। দেশী কারবারের শেয়ার সকল সময় বাস্তবে জমা হইয়া থাকিত। কোম্পানী "ফেল" পড়িবার সংবাদ পাইবার পর তাহা ছিঁড়িয়া ফেলিয়া জঞ্জাল দূর করিতেন। তিনি জানিতেন এ অর্থের কোনও প্রতিদান নাই, তথাপি ইহাতে তাঁহার বিরাম ছিল না। তাঁহার এ কার্যের প্রতি সন্দেহ প্রকাশ করিতেছিলেন একমাত্র তাঁহার সহকর্মিনী; তাহা ছাড়া অপর কাহারও জানিবার সুযোগ হইত না। স্ত্রী যদি কখনও এ বিষয়ে প্রশ্ন করিতেন তিনি বলিতেন ঐরূপ অর্থনাশে কোনও দোষ নাই। লাভের লোভে নয়, এই ভাবে অর্থ সাহায্য না করিতে পারিলে বিশেষতঃ যাহাদের সঙ্গতি আছে তাহারাও যদি না করেন, তাহা হইলে দেশের বৃহত্তর আর্থিক কল্যাণের সম্ভাবনা নাই। তিনি পত্নীকে বলিতেন, "তোমাদের যেমন ইষ্টদেবতা, আমার তেমনই দেশ; এখানে মতামত চালাতে চেষ্টা না করাই শুভ।"

মাতৃভাষার উপর তাঁহার যে অকৃত্রিম প্রেম ছিল তাহা অনেকেই জানা নাই। তাহাতে অবশ্য কাহারও কোনও অপরাধ নাই, কারণ দেবেন্দ্রনাথের মনের কোণে বাহা সঞ্চিত হইত তাহা অন্তরঙ্গ ছাড়া অপর কাহারও নিকট প্রচার করিবার চেষ্টা করিতেন না।

সত্যের প্রতি অহুবাগ

তাঁহার কালে সত্যের প্রতি অহুবাগ একটা সংস্কারের মত ধাঁড়াইয়াছিল বলিয়া ধরিয়া লওয়া যায়। যাহারাই কোনও ক্ষেত্রে নেতৃত্বের স্থান গ্রহণ করিতেন তাঁহাদের নিকট হইতে অসত্য আশা করা বাইত না। (কালের গতিতে অবশ্য ইহার ঘোর পরিবর্তন হইয়াছে।) এ সকলের মধ্যে আবার দেবেন্দ্রনাথের স্থান একটু স্বতন্ত্র ছিল। এখন সে কথা উল্লেখ পাঠকবর্গের মধ্যে অনেকে

তাঁহাকে "পাগল" বলিবেন সন্দেহ নাই। তাঁহার আচরণ হইতে যদি কেহ মনে করেন যে, তিনি বঞ্চনার আশ্রয় লইয়াছেন, ইহাও এই সকল মহাপুরুষের নিকট অসহ্য ছিল। তাঁহার নিকট একটি অচল ছয়ানি আসিয়া জ্বোটে। তাহাকে স্বতন্ত্রে রাখিয়া দিবার পূর্বেই একবার খেয়া পার হইবার সময় পাটনীকে সন্ধ্যার অন্ধকারে ভুলক্রমে সেই ছয়ানিটি দিয়া আসেন। বাসায় আসিয়াই সে ভুল ধরা পড়িলে, অবিলম্বে খেয়াঘাটে উপস্থিত হইয়া পাটনীকে পান না। পর পর কয়দিন খোঁজ করিয়া জানিতে পাবেন যে এক সন্ধ্যায় এক ভদ্রলোক একটি ছ-য়ানি দিয়াছিলেন বটে, কিন্তু তাহা অচল নয়, কেহ লইতে আপত্তি করে নাই; করিলে তাহার নিশ্চয় মনে থাকিত। ইহা জানিয়া দেবেন্দ্রনাথ কয়দিন যে দারুণ অস্বস্তি বোধ করিয়াছেন তাহা হইতে মুক্তি পাইলেন।

আত্মসম্মান

দেবেন্দ্রনাথের আত্মসম্মান জ্ঞান অত্যন্ত প্রখর ছিল এবং যেখানে তাহা ক্ষুণ্ণ হওয়ার সম্ভাবনা সেখানে তিনি ফলাফলের প্রতি লক্ষ্য না রাখিয়া আপনার মতামত ব্যক্ত করিতেন। এ সকল ব্যাপারে তাঁহার চরিত্রের দৃঢ়তা লোককে বিস্ময়াভিত্ত করিত। কলকাতার কলেজের অধ্যক্ষ থাকাকালীন এক বিত্ত ও প্রতিপত্তিশালী শাস্ত্রী আসিয়া বলেন যে, তিনি পরম্পরায় গুনিয়াছেন, গবর্ণমেন্ট হয় কলেজ উঠাইয়া দিবেন আর না হয় তাহার মান খর্ব করিয়া ছাড়িবেন। সেই ভদ্রলোক বলেন যে, তিনি গবর্ণমেন্টকে জানাইবেন যে, কলেজে একজন ইংরেজ অধ্যক্ষ নিযুক্ত না করিলে কলেজের উন্নতির সম্ভাবনা নাই। ভদ্রলোক দেবেন্দ্রনাথের পোষাক-পরিচ্ছদ আচার-ব্যবহার হইতে দেবেন্দ্রনাথকে ভুল বুঝিয়াছিলেন। তাঁহার আর্থিক অবস্থা ও পদমর্যাদা হইতে মনে করিয়াছিলেন দেবেন্দ্রনাথ চাকুরির ভয়ে অভিজ্ঞ হইয়া পড়িবেন এবং তাঁহার তোষামোদ করিবেন। ফল বিপরীত হইল। দেবেন্দ্রনাথ ভদ্রলোককে জিজ্ঞাসা করিলেন, কলেজের উন্নতি সম্পর্কে তিনি বাহা বলিতেছেন তাহা তিনি মনেপ্রাণে বিশ্বাস করেন কিনা। যদি তাহা হয়, তাহা হইলে দেবেন্দ্রনাথের বলিবার কিছু নাই; কারণ সবল বিশ্বাসের সহিত তর্ক নাই। আর যদি তাহা না হয়, তাহা হইলেও তাঁহার এ উক্তি বিচার করিয়া দেখিবার তাঁহার প্রবৃত্তি নাই। দেবেন্দ্রনাথের ক্ষোভ ও রোষ সেই স্তরে পৌঁছিয়াছে। সঙ্গে সঙ্গেই বলিলেন, যদি তিনি সরকারী কর্তৃপক্ষ মহলকে তুষ্ট করিবার জন্ত এ সিদ্ধান্তে উপনীত হইয়া থাকেন, তাহা হইলে তাঁহার আচরণ নিতান্ত ঘৃণ্য, এত হয় যে ভাষায় তাহা প্রকাশ করা যায় না। দেবেন্দ্রনাথের এ মন্তব্যে আগন্তুক ভদ্রলোক অত্যন্ত স্তম্ভিত হইয়া পড়িলেন। সেদিন তিনি বুঝিলেন বাহিরের সেই সৌম্য মুক্তি, বিনয়বচন বাহার নিত্য-সহচর তাহা অগ্নিগর্ভ, কারণ ঘটিলে তাহা বজ্রনিঃসনে ফাটিয়া পড়িতে পারে।

"জলেতে যে অগ্নি থাকে মিথ্যা কতু নয়,
তোষায় দেখে অবিখ্যাসীর হয়েছ প্রত্যয়।"

কবির এই উক্তি দেবেন্দ্রনাথ সম্বন্ধে সম্পূর্ণরূপে প্রযোজ্য। যেখানে আত্মসম্মান ও দেশের মর্যাদা ক্ষুণ্ণ হইবার সম্ভাবনা সেখানে তিনি বজ্র কঠিন মূর্তি ধারণ করিতেন।

জায়নিষ্ঠা

সমাজে নানাবিধ কাজে জড়িত থাকিলে সকলের সুখ্যাতি অর্জন করা সম্ভব নয়; জগতে কখনও তাহা হয় নাই। কিন্তু বাহ্যিক নিজেদের বিবেকের কাছে দোষী নয়, অমূল্যোচনা বাহাকে বিব্রত করে না সেরূপ লোকের সংখ্যা বিরল। বিবেকের নির্দেশে চলিতে গিয়া অনেক সময় আত্মীয় বন্ধুবান্ধবদের বিবাগভাজনও হইতে হয়, কিন্তু জায়ের পথ যিনি অবলম্বন করিয়াছেন, তাঁহাকে ইহা উপেক্ষা করা ছাড়া উপায় নাই। একবার এক বৃত্তি পরীক্ষার ফলাফল প্রকাশের পূর্বে তিনি স্থানীয় কোনও অমূল্য শ্রেণীর ছাত্রের পরীক্ষায় বিশেষ সম্ভাষণ লাভ করেন। এক প্রতিষ্ঠাবান ব্রাহ্মণের পুত্র প্রায় এক গণ্ডায়ভুক্ত ছিল; মোট বিচারে প্রথমোক্ত ছাত্রটি প্রথম স্থান অধিকার এবং বৃত্তিলাভের উপযোগী বলিয়া দেবেন্দ্রনাথ মন করেন। ফলাফল প্রকাশের প্রাক্কালে তিনি উক্ত পরীক্ষার ফল, সহকর্মী ও স্থানীয় বন্ধুদের নিকট, প্রকাশ করেন। যখন ভদ্রনেই প্রায় সমান হইয়াছে তখন বহুলোকে ব্রাহ্মণ সম্ভানকে বৃত্তি দিবার জন্ত অনুরোধ করেন। দেবেন্দ্রনাথ ইহাতে কেবল বিস্মিত হন নাই, যথেষ্ট দুঃখিত হন এবং অন্তরঙ্গমহলে তাহা প্রকাশ করিতে কুণ্ঠিত হন নাই।

দৃঢ়তা

চরিত্রের নানা গুণের একত্র সমাবেশ হওয়ার এবং নিজের মধ্যে দুর্বলতার বিশেষ অভাব থাকায়, দেবেন্দ্রনাথের ব্যবহারে জায়ের প্রতি আসক্তি যে রূপ ধারণ করিয়াছিল তাহা সময় সময় কঠোর বা রুঢ় বলিয়া মনে হইত। কিন্তু তাহা সবেও তিনি অপরের জায়া যুক্তি গ্রহণ করিতে বিধা বোধ করিতেন না এবং ত্রুটি সংশোধন করিয়া নিজের ভুল স্বীকার করিতে কুণ্ঠিত হইতেন না। এ বিষয়ে তিনি সর্বদাই অপরের পরামর্শ গ্রহণে আগ্রহান্বিত ছিলেন।

কলেজের অধ্যক্ষ থাকাকালীন অনেক সময় তাঁহাকে শাস্তি-শৃঙ্খলা রক্ষার জন্ত অপরের কাজের বিচার করিতে হইয়াছে। এখানে তাঁহার মধ্যে উচ্চ-নীচ, ধনী-দরিদ্রের পার্থক্য ছিল না। ছাত্র, শিক্ষক, কাম্ভারী এমনকি কলেজের মালী পর্যন্ত পদমর্যাদাসম্পন্ন প্রতিপক্ষের বিরুদ্ধে জয়লাভ করিয়াছে। জায়নিষ্ঠায় তিনি অনেক কটাক্ষ সহ করিয়াছেন।

বালা ও বিধবাবিবাহ

সামাজিক মতবাদে তিনি অত্যন্ত প্রগতিশীল ছিলেন এবং বিধবাবিবাহ সমর্থন করিতেন। স্ত্রী-শিক্ষাকে তিনি সমাজকল্যাণে খুব উচ্চ স্থান দিতেন এবং তিনি আপন পরিবারের মধ্যেও ইহা অত্যন্ত নিষ্ঠার সহিত প্রয়োগ করিতেন। বালাবিবাহে তাঁহার ঘোর আপত্তি ছিল এবং নিজ কন্যার বিবাহ, গুরুজনদিগের বিশেষ

অনুরোধ বিহীন সবেও চৌদ্দ বৎসরের পূর্বে দিবেন না বলিয়া কৃতসঙ্কল্প ছিলেন।

মাতৃভক্তি

দেবেন্দ্রনাথের মাতৃভক্তির তুলনা খুবই বিরল। জ্ঞান হইবার সঙ্গে দেখিলেন পিতার সংসারে মাতার বিশেষ স্থান মাই; মাতুলালয়ে তিনি দিনযাপন করেন। দেবেন্দ্রনাথ আপনার স্নেহ দিয়া, আচরণ দিয়া, শিক্ষাক্ষেত্রে যশস্বী হইয়া মাতার বেদনা দূর করিতে চেষ্টা করিয়াছেন। শিক্ষিত, বিনয়ী, কর্তব্যপরায়ণ পুত্রে সাধারণতঃ বাহা কবে, দেবেন্দ্রনাথ তাহার উায় বাহা করিয়াছেন তাহা দেবীর আরাধনা বলিয়া উল্লেখ করা চলিতে পারে। বৃদ্ধকালে, আশী বৎসর বয়সে, মাতাঠাকুরাণী কঠিন রোগে আক্রান্ত হন। পরিবারের বৃদ্ধ-বৃদ্ধারা “হরিনাম আর গঙ্গাজল” ব্যবহার পরিবর্তে বহু ব্যয়ে ইংরাজ ডাক্তার প্রভৃতি আনা এবং চিকিৎসার বিফলতা প্রকাশ করেন। দেবেন্দ্রনাথ সে পরামর্শে কর্ণপাত করেন নাই। মাতার মৃত্যুতে তিনি বুধোৎসর্গ দানসাগর শ্রাদ্ধ করিবেন না তাহা নিশ্চিত, কিন্তু মা যতক্ষণ বাঁচিয়া আছেন ততক্ষণ তিনি “মা”, গেলে অভাব হইবেই তাহা ছাড়া শ্বাস যতক্ষণ আছে, ততক্ষণ চিকিৎসা ব্যবস্থা করাই মানুষের ধর্ম, তিনি তাহাই পালন করিতেন।

দরিদ্রনারায়ণ

বিত্তহীন, সহায়সম্বলহীনের প্রতি দেবেন্দ্রনাথের অগাধ প্রেম ছিল। সাধামত তিনি উহাদের সাহায্য করিয়াছেন। সময় ও শৃঙ্খলাস্বায়ী কাজ করা তাঁহার রীতি ছিল। বাঁহারা তাঁহার অর্থিক সাহায্য পাইতেন, তাঁহারা বাহাতে “পথ চাহিয়া” না থাকেন, সেই জগু তিনি কলেজের বেতন পাইলে, স্থানীয় সাহায্য প্রাপ্ত ব্যক্তিগণকে প্রায় সঙ্গে সঙ্গে দিয়া দিতেন; আর পরদিন সকালে সমস্ত মনিঅর্ডার নিজে লিখিয়া ডাক ঘরে প্রেরণ করিতেন। পোষ্ট আপিসে মনিঅর্ডার বিভাগের কন্সিগন এ ব্যবস্থার সহিত সুপরিচিত ছিলেন, আরও ছিলেন, বাঁহারা দেবেন্দ্রনাথকে চিনিতেন।

পূজা বা কোনও উৎসব উপলক্ষে তিনি অতিরিক্ত অর্থ ও

বস্ত্রাদি দান করিতেন। এগুলি তাঁহার বাঁধা নিয়মে চলিত। তাহা ছাড়া কেহ দায়গ্রহ হইলে গোয়ালী (কৃষ্ণনগর) উত্তরকালে ও দেওঘরের লোকে জ্ঞানিত দেবেন্দ্রনাথ কাহাকেও নিরাশ করিবেন না। তাঁহার নির্দেশে তাঁহার পত্নী বেতনের শতকরা একটা নির্দিষ্ট হারে টাকা স্বতন্ত্র করিয়া রাখিতেন; সে অর্থে দরিদ্র ও সাহায্যপ্রার্থী ছাড়া কাহারও অধিকার ছিল না।

কর্মপদ্ধতি

দেবেন্দ্রনাথের কর্মপদ্ধতি তখনকার দিনে আলোচ্য বিষয়বস্তুর অন্তর্গত ছিল। যে সময়ের যে কাজ তাহা তিনি এমন ভাবে নিত্য নিয়মিত পালন করিতেন যে, তাহা দৃষ্টে লোকে ঘড়ির সময় ঠিক করিতে পারিত। প্রাতঃকালে তাঁহার ভ্রমণে বহির্গমন ও প্রত্যাগমন দ্বারা বহুলোক বিনা ঘড়ির সাহায্যে আপনার কাঁধ্যসূচী নিয়ন্ত্রিত করিয়া লইত।

এককথা বলিলে যথেষ্ট হইবে, জানকীনাথ তাঁহার মহৎগুণের জগু যত লোকের নিকট ঋণী, তাঁহার মধ্যে দেবেন্দ্রনাথের স্থান প্রধান বলিলেও অতুক্তি হয় না।

জীবনদর্শন

কর্মবহুল জীবনে নিজ কর্তব্য পালনে দেবেন্দ্রনাথকে মাঝে মাঝে নানা প্রবল প্রতিপক্ষের বিপক্ষে দাঁড়াইতে হইয়াছে। গুরুদারিত্বের জগু অক্লান্ত পরিশ্রমে তিনি কুপ্ত হন নাই, কিন্তু এ সকলের পিছনে তাঁহার নিজস্ব ধর্ম, শাস্তিময় জীবনের কথা কখনও তুলিতেন না। প্রতিদিন কলেজের দায়িত্ব, সামাজিক কাজ প্রভৃতি চুকাইতে পারিলে তিনি মাতা, পত্নী, কণ্ঠা, পরিজন লইয়া আনন্দে সময় অতিবাহিত করিতে চেষ্টা করিতেন। কলিকাতার কোলাহল হইতে দূরে থাকিবার জগু দেওঘরে বাস করার সিদ্ধান্ত গ্রহণ করেন এবং সেখানে তাঁহার লক্ষ্য ছিল শান্তি ও শান্ত জীবন। কোনও দলদলি বিতণ্ডা, ঐহিক পারত্রিক যুক্তিতর্ক ত্যাগ করা ছিল তাঁহার লক্ষ্য। তাঁহার জীবনের নীতি ছিল, “Anything for quiet life” এবং তিনি তাহা অক্ষরে অক্ষরে পালন করিতে চেষ্টা করিয়াছেন।



প্রাচীন কাশ্মীরের অধিবাসী

শ্রীসুনীলচন্দ্র রায়

ভারতবর্ষের ভৌগোলিক সংস্থার ও সাংস্কৃতিক ইতিহাসে কাশ্মীর একটি অনন্ত স্থান অধিকার করে আছে। একান্তভাবে ভারতবর্ষের অংশ হলেও একদিকে তিব্বত, অল্পদিকে চীন, পশ্চিমে আফগানিস্থান আর তার উত্তরে বহুজাতি সমাগমে প্রাণচকল মধ্য-এশিয়া এই হিমালয় রমণীয় ভূখণ্ডটির উপর মানব ইতিহাসের প্রায় আদিপর্ব থেকেই এক বিচিত্র মিশ্র সংস্কৃতির প্রভাব বিস্তার করে এসেছে। আবার সে প্রভাবও বাধাবন্ধনহীন হয়ে সমস্ত উপত্যকার উপর ছড়িয়ে পড়তে পারে নি—পার্বত্য দুর্গমতার জগৎ, যা কাশ্মীরকে আংশিকভাবে বহির্বিষয় থেকে বিচ্ছিন্ন করে রেখেছে। বিভিন্ন সংস্কৃতির এই পরিমিত প্রভাব, ভৌগোলিক বিচ্ছিন্নতার জগৎ সেই প্রভাবেই একান্তভাবে বিবর্তিত হবার সুযোগ, হিমালয়ের শীত-জর্জর জলবায়ু আর তার আনুসঙ্গিক স্তূথ-সুবিধা প্রাচীন কাশ্মীরের অধিবাসিগণের জীবনযাত্রাকে একটি অভিনব রূপ দান করেছে। কালহরণের ইতিহাস-মস্কিত কাব্যে, ক্রেমেন্ডের বিদ্রূপ জর্জরিত পরিহাস লেখনীতে, বিদেশী পণ্ডিকের যোজনামচায় আর পুরাতত্ত্ব কীর্তির ধ্বংসাবশেষে—এই বিচিত্র জীবনধারার রূপ খুঁজে পাওয়া যায়। সে জীবনধারা নানা ঘাত-প্রতিঘাতের মধ্য দিয়ে একটি সমগ্রতার দিকে প্রবাহিত, উত্থান ও পতন, মাধুর্য ও তিক্ততা, মহত্ত্ব ও শঠতায় কখনও বা উজ্জ্বল, কখনও বা স্নান। কিন্তু তার চেয়েও বড় কথা—এ জীবন বিশেষ ভাবে কাশ্মীরেরই।

১। জনতত্ত্ব

রবীন্দ্রনাথ তাঁর একটি বিখ্যাত কবিতায় ভারতবর্ষকে তীর্থ বলেছেন—যেখানে বহু দেশ হতে বহু মানবের ধারা এসে মিশেছে। সমগ্র ভারতবর্ষ সৰ্ব্বক্ষেত্র কবির এই যে কল্পনা, ভারতের উত্তর সীমার কাশ্মীররাজ্য সৰ্ব্বক্ষেত্র তা সমভাবে প্রযুক্ত হতে পারে। স্বর্ণযুগীয় কাল হতে কত বিদেশী ধারা যে এখানের পার্বত্য ভূমিতে নেমে এসেছে তার ঠিক নেই। বস্তুতঃ আজ এই বিংশ শতাব্দীর মধ্য-স্থলে এসে সেই সব সূদূর অতীতের বহুবিচিত্র জাতির বহুতর নর-গোষ্ঠীর সমাবেশের পরিপূর্ণ হিসাব-নিকাশ নেওয়া একরকম অসম্ভব বললেই চলে। তবু এই আগমন আবির্ভাবের সমস্ত চিহ্ন আজকের দিনেও একেবারে ধুয়েমুছে যায় নি। ‘রূণধারা বাহি জয়গান গাহি উন্নাদ কলরবে’ যারা একদিন কাশ্মীরে প্রবেশ করেছিল তাদের স্মৃতি আজকের মনুষ্যের শোণিতে শোণিতে মিশে আছে। আর শুধু জীবনেই নয়, পবিত্র-নিরীক্ষা করলে দেশের ভাষায়, প্রতিদিনের কথাবার্তায়, বর্তমান দিনের সংস্কৃতি জীবনেও সেই ‘ভেদি মরুপথ গিরিপর্বত যারা এসেছিল’ তাদের অস্তিত্ব কতকটা অন্ততঃ অনুভব করা যায়।

লিখিত ইতিহাসের চৌহদ্দির মধ্যে যে সকল নরগোষ্ঠীর আগমন ঘটেছে তাদের পরিচয় পাওয়া ততটা শক্ত নয়। গ্রীক আর শকগণ অস্থায়ী ভাবে কাশ্মীরের অংশ বিশেষের উপর শাসনকার্য চালালেও জন-জীবনকে তেমন কিছু প্রভাবান্বিত করতে পেরেছিল বলে মনে হয় না। কিন্তু কুষাণদের সৰ্ব্বক্ষেত্র ঠিক একথা বলা চলে না। কলহরণ ত কাশ্মীরের উপর দীর্ঘস্থায়ী কুষাণ রাজত্বের কথা বলেই গেছেন। কুষাণগণ মধ্য এশিয়ার যুয়েচি জাতির অন্ততম শাখা। খ্রীনগরের অদূরবর্তী হারওয়ানে আনুমানিক তিন শত খ্রীষ্টাব্দের মাটির কারুকার্যখচিত টালি পাওয়া গেছে। এগুলিতে যে-সব মনুষ্যচিত্র উৎকীর্ণ হয়েছে, দৈহিক বৈশিষ্ট্যের দিক থেকে তাদের মধ্য এশিয়ার অধিবাসী বলেই মনে হয়।

খ্রীষ্টীয় পঞ্চম ও ষষ্ঠ শতাব্দীতে কাশ্মীর হুণ কবলিত হয়। হিউয়েন সাঙ আর কলহরণ—দুজনেই কাশ্মীরের হুণ রাজা মিহিরকুলের নিষ্ঠুর কার্যকলাপের কাহিনী বর্ণনা করে গেছেন। রাজতরঙ্গিনীতে অনেক হুণ নামও দেখতে পাওয়া যায়। হুণের পরে আসে গুর্জর, সম্ভবতঃ হুণ গোষ্ঠীরই এক শাখা। তিব্বত হতে প্রাচীনকাল থেকে যে কিছু কিছু লোক এসে কাশ্মীরে বসবাস করেছে, সে ধরনও কলহরণ দিয়েছেন।

ভারতবর্ষের সমতল ভূমি হতেও বহুলোক কাশ্মীরে প্রবেশ করেছে। অশোকের সময় কাশ্মীর মৌর্যসাম্রাজ্যের অন্তর্ভুক্ত ছিল। সে-সময় সাম্রাজ্যের বিভিন্ন জায়গা হতে কিছু কিছু লোক খুব সম্ভব সেখানে গিয়ে থাকবে। অশোকের পরবর্তীকালে কি পরিমাণ লোক যে ভারতবর্ষের নিম্নভূমি হতে কাশ্মীরে গিয়েছিল তার কোনও হিসাব না থাকলেও কাশ্মীরের সংস্কৃত সাহিত্য আর ভাষাতীয় সংস্কৃতির প্রভাব এ রাজ্যে ভারতবাসীর সমাগমের পরিচয় দেয়। বিখ্যাত পণ্ডিত অভিনবগুপ্ত ও কবি কলহরণের পূর্ব-পুরুষগণ উত্তর-প্রদেশ হতে কাশ্মীরে গিয়েছিলেন। অভিনবের পূর্ব-পুরুষগণ ছিলেন বাংলা দেশের অধিবাসী।


অশোকের সময় থেকে যে-সব বিচিত্র জাতির নরগোষ্ঠী কাশ্মীরে প্রবেশ করেছে তার মোটামুটি পরিচয় পাওয়া যাচ্ছে। কিন্তু তারও আগে যারা বাইরে থেকে কাশ্মীরে এসেছে, তাদের কথা লিখিত ইতিহাসে নেই। খ্রীনগরের অদূরবর্তী বুরজাহোমে মাটি খুঁড়ে নব্যপ্রস্তরযুগের কিছু অস্ত্রশস্ত্র পাওয়া গেলেও সে যুগের অধিবাসীদের পরিচয় তা থেকে পাওয়া যায় না।

এ পরিচয় লাভের জগৎ অল্প কোনও প্রত্যক্ষ সাক্ষ্য-প্রমাণের ভাবেই কাশ্মীরের ভাষাকে, সে ভাষার শাখাপ্রশাখাকে বিশ্লেষণ

করে দেখা যেতে পারে যে, ভাষার বৈচিত্র্যের মধ্যেই ভাষাভাষীদের জাতিগত রূপ লুকিয়ে আছে কিনা। কাশ্মীরী ভাষার অনেক সংস্কৃত কথা আছে বটে, কিন্তু কাশ্মীরী সংস্কৃতায়ুগ ভাষা নয়। ভারতবর্ষের সঙ্গে এ রাজ্যের দীর্ঘকালের সংযোগের ফলেই এসব কথা এখানকার ভাষায় এসে পড়েছে। কাশ্মীরী ভাষা দর্দিভাষার একটি শাখা। দর্দিভাষা সংস্কৃত না হলেও আর্ষাভাষারই অন্তর্ভুক্ত। সংস্কৃত সাহিত্যে এর নাম পৈশাচী। সংস্কৃত বৈয়াকরণগণ পৈশাচীকে অল্পতম প্রাকৃত ভাষা বলে ব্যাখ্যা করলেও আসলে এটি একটি খুবই প্রাচীন ভাষা, যে ভাষা পরবর্তীকালে ভারতবর্ষে সংস্কৃত নামে খ্যাতি লাভ করে, পৈশাচী সে ভাষার সহোদর—হুহিতা নয়। সাধারণতঃ হিন্দুকুশ ও ভারত সীমান্তের মধ্যবর্তী অঞ্চলে এ ভাষা কথিত হ'ত।

আচার্য্য ঐয়্যারসন দেখিয়েছেন যে, পৈশাচী ভাষা আর্ষাভাষা হতে উদ্ভূত হলেও একে ইন্দো-এরিয়ান বা ইরাণীয় কোনটিবই অন্তর্গত বলা চলে না। দর্দি তথা কাশ্মীরীভাষার কতকগুলি বিশেষত্ব আছে। ইন্দো-এরিয়ান ভাষার প্রভৃতির সঙ্গে যেমন তাদের কিছু মিল আছে, তেমনি ইরাণীয় ভাষার সঙ্গেও কতকটা সাদৃশ্য তাদের আছে। অথচ উপরোক্ত কোন ভাষাটিরই বৈশিষ্ট্যের সঙ্গে তার পূর্ণ সৌসাদৃশ্য নেই। এ থেকে বোঝা যায় যে, ভারতীয় আর্ষাভাষা যখন মূল আর্ষাভাষা হতে বিচ্ছিন্ন হয় তার পরে, কিন্তু আর্ষাভাষা ইরাণীয় ভাষায় পরিণত হবার কিছু পূর্বে দর্দিভাষা মূল আর্ষাভাষা হতে আলাদা হয়ে যায়। ঐয়্যারসনের একটি ভাষা-গ্রামের সাহায্যে বক্তব্য বিবরণটিকে স্পষ্টতর করা যেতে পারে।

আর্ষা.....ইরাণীয়



ইতিহাসের কোন্ পর্বের কোন্ অধ্যায়ে দর্দিভাষীরা মূল আর্ষাভাষীদের হতে নিজেদের সম্পূর্ণ বিচ্ছিন্ন করে নের, তা আমাদের অজ্ঞাত। তবে মনে হয় ইন্দো-এরিয়ানগণের ভারত প্রবেশের অল্পকাল পরেই এই দ্বিতীয় বিচ্ছেদ ঘটে। ইন্দো-এরিয়ানগণ কাবুল নদীর উপত্যকার প্রথমে প্রবেশ করে, তারপর সারা ভারতে ছড়িয়ে পড়ে। ইরাণীয়ভাষীদের পূর্ব-পুরুষগণ পশ্চিমে মাউ, পাম্বস্ত ও বেলুচিস্থানে প্রবেশ করে। আর্ষাগণের আর একটি শাখা পূর্বে পামীর উপত্যকার আশ্রয় নেয়। পামীর উপত্যকার ভাষা ঘলচা। দর্দিভাষার ইরাণীয় ভাষার যে সকল বৈশিষ্ট্য দেখা যায়, ঘলচা ভাষারও সেগুলি বর্তমান। আবার এই ইরাণীয় ঘলচা ভাষার এমন অনেকগুলি বিশেষত্ব আছে বেগুলির সঙ্গে ইরাণীয় ভাষাপ্রকৃতির কোনও মিল নেই, অথচ ইন্দো-এরিয়ান ভাষার বৈশিষ্ট্যের সঙ্গে সেগুলি মেলে। এ থেকে সঙ্গঠিত হয় যে, দর্দিভাষীদের পূর্ব-পুরুষগণ প্রথমে পামীর উপত্যকার বাস করলেও পরে পামীর ঠিক নীচেই তাদের বর্তমান বাসস্থান চিত্রল ও

গিলগিটে প্রবেশ করে। চিত্রল ও গিলগিটের অধিবাসীগণ পরে কাশ্মীরে প্রবেশ করেছে। দর্দিভাষাসমূহের অল্পতম, কাশ্মীরী, এদেরই ভাষা।

কিন্তু দর্দিভাষী জনগণই কি কাশ্মীরের আদিম অধিবাসী? না কি তার আগেও কাশ্মীরে কোনও জনগোষ্ঠী বসবাস করত? ভাষার বিশ্লেষণ করে এ প্রশ্নেরও উত্তর দেবার চেষ্টা করা যেতে পারে।

ভাষাতাত্ত্বিকগণ অনেক সময় দেখেছেন যে, একটি শক্তিশালী ভাষা কোনও স্থানে প্রচলিত থাকলেও জনসাধারণের অংশবিশেষ অল্প একটি দ্বিতীয় ও অপেক্ষাকৃত দুর্বল ভাষাকে আকড়ে পড়ে আছে। যদি দেখা যায় এই শক্তিশালী ভাষাটি পারিপার্শ্বিক অঞ্চলের প্রচলিত ভাষাগুলিকে সম্পূর্ণ গ্রাস করে নিজের স্থান প্রতিষ্ঠিত করেছে, তা হলে আর সন্দেহের অবকাশ থাকে না যে, স্বল্পসংখ্যক জনগোষ্ঠী ভাষিত দুর্বল ভাষাটিই ঐ স্থানের আদিম ভাষা এবং ঐ ভাষাই ওখানকার প্রাচীনতম অধিবাসীদের পরিচর্য বহন করছে। দর্দি তথা কাশ্মীরী ভাষা সযত্নে এই কথা সম্পূর্ণ খাটে। যে অঞ্চলে দর্দিভাষাসমূহ প্রচলিত তার উত্তর-পশ্চিম, পশ্চিম ও দক্ষিণে পুস্ত, ঘলচা প্রভৃতি ইরাণীয় ভাষা প্রচলিত, দক্ষিণ ও দক্ষিণ-পূর্বে বিভিন্ন ইন্দো-এরিয়ান ভাষা কথিত হয়ে থাকে, পূর্বে বিভিন্ন তিব্বতী ভাষাভাষী অঞ্চল অবস্থিত এবং উত্তর-পূর্বে যে ভাষার চল সেটি একটি অনাৰ্য্যভাষা, হনুজা নগরের বুরুবাছি। এই সব ভাষাগুলির মধ্যে বুরুবাছির প্রভাবই দর্দিভাষার বিশেষরূপে পরিলক্ষিত হয়, অল্পগুলির প্রভাব খুবই সামান্য। বস্তুতঃ পরীক্ষা করলে দেখা যায় যে, সমগ্র দর্দিস্থানের ভাষার নিয়ন্ত্রণে বুরুবাছি ভাষার অস্তিত্ব বিস্তারিত। কাশ্মীরী ভাষাতেও বহু বুরুবাছি বাক্য ও পদ অন্তর্গত। বর্তমানে যে অঞ্চলে বুরুবাছি কথিত ভাষা সে স্থান কাশ্মীর হতে বহু দূরে। স্বভাবতঃই অস্বাভাবিক করা যায় যে, দর্দিভাষী কাশ্মীরীদের পূর্বে হনুজানগরের অধিবাসীরাই কাশ্মীরে বসবাস করত।

দৈহিক বৈশিষ্ট্য ও প্রয়োজন হলে শারীরতত্ত্বের আপেক্ষিক পরীক্ষা না করা পর্যন্ত জাতিতত্ত্বের আলোচনা সম্পূর্ণ হতে পারে না। বস্তুতঃ সমাজের বিভিন্ন শ্রেণীর অধিবাসীর বিজ্ঞানায়ুগ দেহপরীক্ষার ফলে নির্ধারিত সংখ্যাতত্ত্ব দ্বারা কেবলমাত্র অস্বাভাবিক করা সম্ভব ইতিহাসের প্রথম দিন থেকে আজ পর্যন্ত কোন্ কোন্ নরগোষ্ঠীর কতদূর ও কি প্রকৃতির সংমিশ্রণ কাশ্মীরের পার্বত্যভূমিতে ঘটেছে। হুঃখের বিষয়, আজ পর্যন্ত এমন কোনও বৈজ্ঞানিক পরীক্ষা গ্রহণ করা হয় নি। অধিকাংশ কাশ্মীরীরাই গায়ের রং দেখা যায় পাতলা বাদামী, শরীরের গুড়ন মাঝারি থেকে লম্বা ধরণের। সাধারণতঃ তারা লম্বায়ুও। তাদের কপাল বেশ চওড়া, মুখ লম্বাটে, মুখেরী কুলম, নাক ছোট হলেও বেশ উন্নত ও পাতলা। এই সকল দৈহিক বৈশিষ্ট্যসম্পন্ন অধিবাসী আক-পামীরস্থান, চিত্রল, বাসটিস্থান ও উত্তর পর্কাবে যথেষ্ট দেখা যায়।

এই জাতীয় নরগোষ্ঠীর আসল বাসস্থান হিন্দুকুশ ও সুলেমান পর্বতের অন্তরভূমি স্থানে। সেখান থেকে তারা উত্তর ভারত ও অন্তর্গত স্থানে প্রবেশ করেছে। ভাষাতত্ত্বের আলোচনা হতেও আমরা ঠিক এই সিদ্ধান্তেই উপনীত হয়েছি। খ্যাতনামা নৃতাত্ত্বিক হ্যাভেল এই নরগোষ্ঠীকে ইন্দো-আফগান বলেছেন।

এই ইন্দো-আফগানগণ যারা এক সময় গিলগিট ও চিত্রল হতে কাশ্মীরে এসে প্রবেশ করে, তারাই দর্দি পৈশাচী ভাষীদের পূর্ব-পুরুষ। বর্তমান কাশ্মীরীদের অধিকাংশই এদের বংশধর। আফ-গানীস্থান হ'তে পঞ্জাব পর্য্যন্ত বিস্তীর্ণ ক্ষেত্রে এদের দৈহিক বৈশিষ্ট্য প্রায় একই রকমের। এই নরগোষ্ঠীর সঙ্গে বাইরের অল্প নরগোষ্ঠীর খুব বেশী রকম সংমিশ্রণ হয় নি।

ইতিহাস অবশ্য ইন্দো-আফগান ব্যতীত আরও বিভিন্ন নর-গোষ্ঠীর কাশ্মীর আগমনের সাক্ষ্য বহন করে। এদের মধ্যে কেউ কেউ কেবল রাজ্য আক্রমণ করেই ক্ষান্ত হয়েছে। সেখানে স্থায়ী বসতি স্থাপন করে নি। কিন্তু অনেকে বসবাস করেছে ও তৎকালীন অধিবাসীদের সঙ্গে তাদের সংমিশ্রণও ঘটেছে। এই সকল নর-গোষ্ঠীর প্রত্যেকেরই নিজস্ব দৈহিক বৈশিষ্ট্য আছে। শকজাতির মুণ্ড মাঝারি, কপাল নীচু, চোখ সরল, নাক লম্বা ও সুগঠিত, চিবুক বহিমুখী। শকজাতী শুরুতে স্তম্ভ অক্ষসবাসী প্রাক্‌নর্ডিক গোষ্ঠী-ভুক্ত হলেও কাশ্মীরে প্রবেশ করবার আগেই অগ্ণাশ্র জাতির সংমিশ্রণে আসে। যুরেচিগণ তুর্কি জাতিভুক্ত। দৈহিক বৈশিষ্ট্যের দিক হতে এরা ক্ষুদ্রমুণ্ড, এদের মুখ লম্বা ও ডিম্বের মত, চিবুক চওড়া, নাক লম্বা, চোখ মোজোলদের মত কালো, ঠোঁট পুরু, চুল কালো, গায়ে রং হলদে থেকে তামাটে বাদামী, দৈহিক গড়ন মাঝামাঝি রকমের। হুগগণ তুর্কি ও তুঙ্গাস গোষ্ঠীর মিশ্রণেভূত। তাদের শরীর অনেকটা যুরেচিদেরই মত। তিব্বতীদের মুণ্ড মধ্যমাকৃতি, গায়ে রং হলদে ও গড়ন মাঝারি। ভারতবর্ষ হতে যে-সব নরগোষ্ঠীর আগমন কাশ্মীরে ঘটেছে তাদের দৈহিক আকৃতি-প্রকৃতি সম্বন্ধে কোনও বথায়থ ধারণা করা সম্ভব নয়। কারণ ভারতবর্ষের সমতল ভূমিতেই নানা জাতির সঙ্গে তারা মিশে গেছে।

এই 'শত মানুষের ধারা'র সংমিশ্রণেই কাশ্মীরের 'মহামানব' বিবর্তিত হয়েছে। এই বিবর্তনের কতকটা গতি-প্রকৃতি লক্ষ্য করা গেলেও অনেকখানি ইতিহাসই অগোচর হয়ে গেছে! আর বর্তমান বৈজ্ঞানিক পদ্ধতিতে জনসাধারণের বিভিন্ন শ্রেণীর দৈহিক ও শারীর-তাত্ত্বিক পরীক্ষা গ্রহণ না করা হয়, ততদিন পর্য্যন্ত বর্তমান কাশ্মীরী জাতির উপর এই সকল বিচিত্র নরগোষ্ঠীর প্রভাব কতটা সুদূর-প্রসারী সে সম্বন্ধে কোনও সুনির্দিষ্ট সিদ্ধান্তও গ্রহণ করা সম্ভব নয়।

২। বর্ণভেদ ও বৃত্তি বিভাগ

ব্রাহ্মণ, ক্ষত্রিয়, বৈশ্য ও শূদ্র—শাস্ত্রসংগত অমুসারী প্রাচীন ভারতের জনসমাজ এই চারটি ভাগে বিভক্ত। কিন্তু ব্যবহারিক জীবনে কোনও কালে এই চারটি বর্ণভেদের মধ্যে জনসমাজ

সীমায়িত ছিল কিনা সন্দেহ। প্রাচীন ভারতের যে কোনও রাষ্ট্রের দিকে একটু অমুসারী দৃষ্টি নিয়ে তাকালেই দেখা যাবে যেখানে ব্রাহ্মণ থেকে চণ্ডাল পর্য্যন্ত কত না স্তরভেদ। এর মধ্যে আছে অসংখ্য বর্ণ, সমাজে উচ্চতর হতে নিম্নতর নানাবিধ স্থান এদের; এরা যেন সমাজ সোপানের সিঁড়ি, একে অন্ডের সঙ্গে যুক্ত হয়ে ধাপে ধাপে নেমে গেছে! প্রাচীন কাশ্মীরের বর্ণভেদ প্রথা কিন্তু সম্পূর্ণ ভিন্ন রকমের। এখানে একদিকে উচ্চবর্ণ ব্রাহ্মণ গর্কোদ্ধত মাথা তুলে দাঁড়িয়ে রয়েছে আর অল্প প্রান্তে একেবারে অস্ত্যজ করেকটি গোষ্ঠী। আর এই দুই সীমা মিলিয়ে দেবার মত মধ্যবর্তী বর্ণ কেউই নেই।

ব্রাহ্মণগণ যে প্রাচীন কাশ্মীরী সমাজে মহামাশ্র ছিলেন ও সেই হেতু আমুপাতিক সুখ সুবিধা ভোগ করতেন—দামোদরগুপ্ত, ক্ষেমেজ্ঞ আর কল্‌হণের নানা লেখার মধ্যে তা বেশ পরিস্ফুট। কাশ্মীরে এই বর্ণের উৎপত্তি ও ক্রমবিকাশের কোনও তথ্য না পাওয়া গেলেও এটুকু জানা যায় যে, অনেক ব্রাহ্মণ ভারতবর্ষের অন্তর্গত জায়গা হতে এখানে এসে বসবাস করেছে। ব্রাহ্মণদের উপার্জনের পথ ছিল বহু রকমের। রাজমন্ত্রী, সেনাপতি, রাজসরকারের বড় বড় চাকরী হতে আরম্ভ করে পূজা-পর্কের পৌরোহিত্যে, মন্দিরে পাণ্ডা-গিরি ও আরও নানা প্রকার বৃত্তি ব্যবসায়।

নিম্নবর্ণের মধ্যে কল্‌হণ নিবাদগণের উল্লেখ করেছেন। এরা ছিল কাশ্মীরের আদিবাসী। সাধারণতঃ সংস্কৃত সাহিত্যে জন্তু-জানোয়ার শিকার যারা বৃত্তিরূপে গ্রহণ করে তাদের নিবাদ বলা হয়। প্রাচীন কাশ্মীরে মাঝিমাল্লার কাজে এ বর্ণের লোককে নিযুক্ত থাকতে দেখা যায়। আর একটি নিম্নবর্ণ কিরাত—বনে-জঙ্গলে বাস করত এবং জন্তু জানোয়ার ধরে বা মেয়ে জীবিকা-নির্ভর করত। জনতত্ত্বের দিক হতে প্রাচীন সাহিত্যে কিরাত বলতে ব্রাহ্ম-তিব্বতীয় নরগোষ্ঠীকেই বোঝায়। রাজতরঙ্গিনীর অনেক জায়গায় ডোষ বলে আর একটি নিম্নবর্ণ উল্লিখিত হয়েছে। ডোষদের জীবিকা যে কি ছিল, তা ঠিক বোঝা যায় না। এদের মধ্যে কেউ কেউ ছিল শিকারী। আবার অনেকে নাচ গান করে জীবন-যাপন করত। অলবেক্রনী তাঁর ভারত বৃত্তান্তে উত্তর ভারতের তদানীন্তন বিভিন্ন বর্ণের অস্তিত্ব সম্বন্ধে বলতে গিয়ে বংশীবাদক ও গায়ক ডোমদের উল্লেখ করেছেন। অলবেক্রনীর ডোম কাশ্মীরের ডোষ হতে অভিন্ন কিনা বলা যায় না। রাজতরঙ্গিনীর পাতায় পাতায় সমাজে অস্ত্যজ ডোষদের প্রতি উচ্চবর্ণ ব্রাহ্মণদের ঘৃণা ও তাচ্ছিল্যের ভাব ফুটে উঠেছে।

আর একটি নিম্নবর্ণ চণ্ডাল। এরা ছিল বোদ্ধা, অনেকেই খুব ক্রুর প্রকৃতির। দেহবন্ধী বা পাহারাদার কিংবা জল্লাদের কাজ ছিল এদের প্রধান বৃত্তি। কাহিয়েনের ভারত বিবরণীতে আছে যে, চণ্ডাল সমাজে অস্পৃশ্য, শহরের বাইরে তাদের বাস। ঠিক এতটা স্না হলেও, প্রাচীন কাশ্মীরেও উচ্চবর্ণের অবিমিশ্র ঘৃণাই এদের জাগ্যে ফুটেছে।

এ ত গেল বর্ণভেদের কথা। এ ছাড়া আরও একটি শ্রেণী-বিভাগ ছিল অধিবাসীদের মধ্যে—সেটা জীবিকার বৃদ্ধি অনুসারে।

প্রাচীন কাশ্মীরে সম্পত্তির উপর ব্যক্তির অধিকার স্বীকার করে নিয়েই সমাজ-ব্যবস্থা গড়ে উঠেছিল। কিন্তু বারা সমাজের ধনোৎপাদন করত, তারাই যে কেবল উৎপন্ন ধনের ভোগাধিকারী ছিল এমন নয়। বণ্টন-ব্যবস্থার উপর নির্ভর করত—সমাজে কোন্ শ্রেণীর হাতে কতটা উৎপন্ন ধন গিয়ে পড়বে। ভূমিকর্ষণ, শিল্প ও বাণিজ্য—এই তিন পথেই প্রধানতঃ ধনোৎপাদন হ'ত। যদিও কৃষক ভূমিকর্ষণ করে ফসল ফলাত, রাজশক্তি ও সামন্ত শক্তি—জমির বারা ছিল মালিক, তাদের মর্জির উপর নির্ভর করত সে ফসল কে কতটা পাবে। তেমনি শিল্প ও বাণিজ্য ছিল ব্যবসায়ীদের হাতে। স্ব স্ব ক্ষেত্রে তারাও ছিল স্বাধীন। বণ্টন-ব্যবস্থায় রাষ্ট্রবিশেষ কোনও হস্তক্ষেপ করত না।

স্বভাবতঃই ধনোৎপাদনের এই তিনটি পথকে কেন্দ্র করে সমাজে নানা বৃত্তি ব্যবসায় গড়ে উঠেছিল। কিন্তু ধনোৎপাদন ও বণ্টনের সঙ্গে সাক্ষাৎ সম্পর্ক যুক্ত নয়, এমন অনেক বৃত্তিধারীও সমাজে ছিল—যেমন সৈনিক, রাজকর্মচারী, শিক্ষক, পুরোহিত বা চাকর-বাকর শ্রেণী। এই সব নানা বৃত্তিধারী বিভিন্ন শ্রেণী যে একই সঙ্গে উৎসর্জিত হয়েছিল এমন নয়। সমাজের পরিবর্তনের সঙ্গে সঙ্গে এই সব নানা বৃত্তি-ব্যবসায় তাদের শাখা-প্রশাখাসহ ধীরে ধীরে গড়ে উঠেছিল।

কাশ্মীরের প্রাচীন সাহিত্যে জমির মালিক ভূমিধিকারী ডামর-গণের উল্লেখ পাওয়া যায়। খ্রীষ্টীয় সপ্তম ও অষ্টম শতাব্দী এই শ্রেণীর উদ্ভবকাল। পবিত্রী সময়ে এরা একটি অত্যন্ত শক্তিশালী গোষ্ঠীতে পরিণত হয়।

কাশ্মীররাজ ললিতাদিত্য (৮ম শতাব্দী) তাঁর মৃত্যুর পূর্বে উত্তরাধিকারীদের উপদেশ দিয়েছেন যে, কোনও কৃষককে তার ভরণ-পোষণের জন্য যেটুকু প্রয়োজন তার বেশী জমি যেন না দেওয়া হয়। কারণ প্রয়োজনের অতিরিক্ত ভূমি যদি তার থাকে, তা হলে এক বৎসরও কাটতে না কাটতেই সে শক্তিশালী ডামর হয়ে উঠবে আর তখন সে কাশ্মীররাজের পরোয়া করবে না। খ্রীষ্টীয় দশম শতাব্দী নাগাদ ডামরগণ এমনই শক্তিশালী একটি সম্প্রদায়ে পরিণত হয়ে উঠে যে, রাজশক্তিকে শুধু উপেক্ষা করাই নয়, রাজার সিংহাসন পাওয়া-না-পাওয়াও নির্ভর করতে থাকে তাদেরই মর্জির উপর। কোনও কোনও শক্তিশালী ও কুটবুদ্ধি নৃপতি ডামরগণকে দমন করার জন্য বখাসাধ্য চেষ্টাও করেন, কিন্তু সে চেষ্টা কলপ্রস্থ হয় নি। দ্বাদশ শতাব্দীতে দেখা যায় ডামরগণ একটি অত্যন্ত শক্তিশালী সামন্ত গোষ্ঠীতে পরিণত, তাদের ধনসম্পত্তির সীমা নেই। বিশাল সৈন্যদল তাদের অধীনে। সারা কাশ্মীরে পরিব্যাপ্ত তাদের দুর্ভেদ্য হুর্গ। কাশ্মীরের রাজা তাদের ভয়ে সর্বদা কম্পমান। ডামরগণের বিভিন্ন সম্প্রদায় নিজস্বের পক্ষপন্থত ব্যক্তিকে রাজসিংহাসন দেবার জন্য বুদ্ধে লিপ্ত। কাশ্মীররাজ তাদের হাতে পুরুলম্বাক।

ধনলাভের সঙ্গে সঙ্গে ডামরগণের সামাজিক মানমর্যাদাও বৃদ্ধি পেতে থাকে। যদিও কলহণ তাদের 'কবন্ধ-ডাকাত' বা 'অস্ত্র হাতে চাষা' বলে বিক্রম করেছেন, তথাপি হিন্দুরাজত্বের শেষভাগে দেখতে পাই রাজ পরিবারের সঙ্গে তাদের বৈবাহিক আদান-প্রদান চলছে। ক্ষেমেন্দ্রের সময়মাতৃকা গ্রন্থে সমর সিংহ নামে একটি সম্রাট ও বিদগ্ধ ডামর চরিত্রের দেখা পাওয়া যায়।

একদিকে কাশ্মীররাজ অগ্রদিকে কৃষকগণের সঙ্গে ডামরগণের ভূমিসংক্রান্ত সখক যে কি রকম ছিল, তা জানা যায় না। প্রজাদের কাছ হতে পাওয়া থাকানা, অর্থমূল্যে বা শত্রুরূপে, বাই-ই হোক না কেন, ডামরগণের প্রধান আর ছিল। কোনও কোনও ডামর ব্যবসাবাণিজ্যও করত।

যে রাজনৈতিক ও সামাজিক অবস্থার ফলে ডামর সম্প্রদায়ের উদ্ভব ও শক্তিবৃদ্ধি ঘটে, সেটি একটু বিশ্লেষণ করে দেখা যেতে পারে। অনেক সময় বলা হয় কাশ্মীরের সিংহাসনলাভের জন্য রাজার মৃত্যুর পর তাঁর উত্তরাধিকারীগণের মধ্যে প্রায়শঃই যে মারামারি চলত, তারই ফলে ডামরগণের উদ্ধৃতিতন হয় ও রাজশক্তির দুর্বলতার সুযোগ নিয়ে তারা অসীম শক্তিশালী হয়ে উঠে। এ বিশ্লেষণ আংশিক ভাবে সত্য। কিন্তু সর্বথা সত্য নয়। অবস্খী-বন্দা ও বাণী দিদ্ধার মত শক্তিশালী শাসক ডামরগণ যথেষ্ট শক্তিসঞ্চার করার পূর্বেই তাদের সম্পূর্ণ ভাবে ধ্বংস করতে চেষ্টার কসুর করেন নি। আরও পরে, অনন্ত, কলস ও হর্ষের মত খ্যাতিমান রাজারাও প্রাণপণ চেষ্টা করেছিলেন এই সামন্ত গোষ্ঠীকে বিনষ্ট করতে। কিন্তু কেউই যে সকল হতে পারেন নি তার কারণ কতকগুলি সামাজিক ও অর্থনৈতিক ব্যবস্থা সমাজে ডামরগণের অবস্থিতির পক্ষে কাজ করে চলেছিল। কুষাণ রাজত্বকালে কাশ্মীর ছিল মধ্য এশিয়া ও ভারতের বাণিজ্য চলাচলের পথে একটি প্রধান বাঁটি। কিন্তু হুণ আক্রমণে মধ্য এশিয়ার পন্যবাহী পথঘাট বন্ধ হয়ে গেল, কাশ্মীরের বাণিজ্যিক চরিত্রও তখন বদলাল।

অতঃপর অর্থনৈতিক ক্ষেত্রে কাশ্মীর প্রধানতঃ কৃষির উপরই নির্ভর করতে বাধ্য হ'ল। কৃষির উপর একদিক থেকে জোর পড়তে লাগল, অগ্রদিকে প্রচলিত জমিদারী ব্যবস্থানুসারে কৃষক অর্থাৎ যে জমি স্বহস্তে চাষ করবে, সে ছিল ভূমিধিকারীর প্রজা। এই দুই অবস্থা স্বভাবতঃই একটি ভূমিনির্ভর সামন্তগোষ্ঠীর উদ্ভবে সাহায্য করল। তারপর হুণ আক্রমণের কিছুকাল পর হতে যে সামন্ত বাণিজ্যটুকুও পুনরায় চলছিল, মধ্য-এশিয়ার পথ দিয়ে, বন্ধ হয়ে গেল সম্পূর্ণভাবে, মুসলমান শক্তির আবির্ভাবের সঙ্গে সঙ্গে। ধনোৎপাদনের একমাত্র অবলম্বন হ'ল ভূমি। সমাজে বর্ধমান জনসংখ্যা কর্ষণযোগ্য ভূমির অভাব আর ব্যবসায়-বাণিজ্যে লোক নিয়োগের কোনও সম্ভাবনা না থাকা, পরিশ্বেবে দেশে যে পবিসিত কর্ষণযোগ্য ভূমি ছিল, তার উপরই সমগ্র দেশের উৎপন্নজনসমাজকে টেনে আনল। জমির রাজস্ব ক্রমেই বৃদ্ধি পেতে লাগল, আর সে

জমি যাদের হাতে এল, স্বভাবতঃই তারা ধনশালী হৃদ্বর্ষ এক সামন্ত সম্প্রদায়ে পরিণত হ'ল।

কৃষিকার্যই ছিল কাশ্মীরের বৃহত্তর জনসমাজের ভরণ-পোষণের একমাত্র পথ। কৃষকগণের সামাজিক ও অর্থনৈতিক অবস্থা সম্বন্ধে দুঃখের বিষয়, তেমন কিছু তথ্য পাওয়া যায় না। তাদের নিজস্ব জমি ছিল কিনা, না থাকলে তারা ভূম্যধিকারীর জমিতে চাষ করত কিনা, তার বদলে কি তারা পেত, ডামবগণের অধীনে যে-সব জমি ছিল না, যে-সব জমির রাজস্ব রাজকর্মচারী আদায় করে রাজসরকারে জমা দিত, সেই কর্মচারীদের সঙ্গে তাদের সম্পর্ক কি ছিল—এ সব প্রশ্নের সন্তুষ্ট দেওয়া শক্ত। তবে কৃষকগণ যে অতিকষ্টে জীবিকা নির্বাহ করত এ সম্বন্ধে সন্দেহের অবকাশ নেই। তাদের হাতেই প্রধানতঃ দেশের ধনোৎপাদন ঘটত, কিন্তু সে ধন সন্তোষে অধিকার তাদের ছিল না। এক দিকে ডামব অথ দিকে রাজকর্মচারী কায়স্থগণের শোষণ চলত অবিচ্ছিন্নভাবে তাদের উপর। ক্ষেমেস্ত্র বলছেন যে, শরৎকালে যখন পাকা ধানে মাঠ ভরে যেত, তখনই ছিল রাজাকে রাজস্ব দেবার সময় আর এই রাজস্ব আদায় উপলক্ষ্য করে কায়স্থগণ বেশ হুঁপয়সা করে নিত। কোনও কোনও রাজা আবার এমন অত্যাচারী ছিলেন যে, কৃষকদের জন্ত উৎসব কিছু না বেখেই মাঠভরা শস্য রাজভাণ্ডারে নিয়ে গিয়ে তুলতেন, বছরের উপর বছর। কলহণ বর্ণনা দিয়েছেন যে, যখন সুস্বাদু মাংস ও শীতল স্নগন্ধ মদ্যসহযোগে রাজপরিষদগণের ভোজন-পর্ব চলত, তখন গ্রামা কৃষকগণের ভাগ্যে জুটত আর্কাড়া চালের ভাত, গুকনো যবের রুটি আর তিতকুটে শাক। জমিদার ও রাজকর্মচারীগণের অত্যাচারের ফলে সামান্ত কৃষকের জীবন এতই দুঃসহ হয়ে উঠেছিল, যে, যখনই দেশে কোনও অস্তর্বিদ্রোহ ঘটত, চাষবাস ছেড়ে তলোয়ার হাতে তখনই সে ছুটত সেই বিদ্রোহে অংশ নিতে।

জনসাধারণের একটি অংশ নানাপ্রকার কারুশিল্প দ্বারা জীবিকা অর্জন করত। শিল্প-সংক্রান্ত যে-সব বস্তির সন্ধান পাওয়া যায় তার মধ্যে আছে—তাঁতি, স্যাকরা, কামার, পাথর-খোদাইওয়াল ভাস্কর, কুমোর, চামার ইত্যাদি।

সূক্ষ্ম বস্ত্রশিল্প বয়নের জন্ত কাশ্মীরের খ্যাতি আজকের নয়। ক্রীনগরের অদূরবর্তী হারওয়ানের ধ্বংসাবশেষে স্বচ্ছ আয়রণে সজ্জিত যে নারীমূর্তি দেখা যায়, তা থেকে বোঝা যায় যে, খ্রীষ্টীয় চতুর্থ-পঞ্চম শতাব্দীর কাশ্মীরে সূক্ষ্ম বস্ত্র বয়নকারীর অভাব ছিল না। শীতপ্রধান দেশ হওয়ার পশমী বস্ত্র বয়নের দিকেই নজর ছিল বেশী। ক্ষেমেস্ত্র ও কলহণের লেখায় সুল কব্বল, লোহিত কব্বল, কুখা, প্রাবার প্রভৃতি পশমী বস্ত্রের নাম দেখতে পাওয়া যায়। কামার ত সভ্য সমাজের একটি অপরিহার্য সম্প্রদায়। জমি চষবার যন্ত্রপাতি থেকে গৃহস্থ জীবনের নিত্য-প্রয়োজনীয় খণ্ডি সাঁড়ানী পর্যন্ত সব কিছুই কামারের গড়া। ছোরা, তলোয়ার, তীর, বর্শা প্রভৃতি যুদ্ধাস্ত্রও কামারেরই তৈরি। পাথরের যে-সব মূর্তি প্রাচীন পুরাকীর্তির মধ্যে পাওয়া গেছে, তা থেকে মনে হয় পাথর-খোদাই জনসমাজের একটি

অংশ বৃষ্টি হিসেবেই গ্রহণ করেছিল। রাজপরিবারের ও উচ্চকোটির জীবনযাত্রার যে বর্ণনা কাশ্মীরের প্রাচীন সাহিত্যে আছে, তা থেকে সমাজে স্বর্ণকার ও মণিকারগণের উপস্থিতি অনুমান করা যায়। অনেক প্রাচীন মূর্তিও বিশদ অলঙ্কৃত আর সে-সব অলঙ্কার যে বাস্তব জীবনেও ব্যবহার করা হ'ত, সে বিষয়ে সন্দেহের আর অবকাশ কি আছে! প্রাচীনকালের মাটির হাঁড়ি-কুঁড়ি পাওয়া গেছে কাশ্মীরের কয়েকটি জায়গায় পুরাতাত্ত্বিক খনন কাজের সময়। কলহণের কাব্যে কুমোরগীর নাম পাওয়া যায়। চামার, ছুতোর, খনির শ্রমিক প্রভৃতি আরও কয়েকটি শিল্প কেন্দ্রিক বস্তির প্রত্যক্ষ বা পরোক্ষ উল্লেখ রাজতবঙ্গীতে আছে।

বিদেশের সঙ্গে কাশ্মীরের বাণিজ্য কুবাণয়ুগে ত বটেই, হয়ত তার কিছু আগে থেকেই চলছিল। ব্যবসা বাণিজ্য চলার সঙ্গে সঙ্গে স্বাভাবিকভাবেই সমাজে বণিক শ্রেণীর উদ্ভব হয়। খ্রীষ্টীয় সপ্তম শতাব্দীর পূর্বেকার কাশ্মীরের বণিক-সমাজের অবস্থা সম্বন্ধে কোনও তথ্য পাওয়া যায় না। সপ্তম শতাব্দীর মধ্যভাগ থেকে, কলহণের বক্তব্য অনুসারে বণিকগণ কাশ্মীরী সমাজে সংখ্যায়ও যেমন বহুল, তেমনই সমৃদ্ধও। বণিকের অট্টালিকার ঐশ্বর্য্য কাছে রাজার প্রাসাদও ন্মান। দামোদরগুপ্তের কুটনীমত গ্রন্থেও (অষ্টম নবম শতাব্দী) বণিক ও শ্রেষ্ঠী সমাজের ধন-গৌরবের বিবরণ আছে। সপ্তম হতে নবম শতাব্দী—কাশ্মীরের ইতিহাসে একটি অত্যন্ত সমৃদ্ধির যুগ। কাশ্মীরের রাজগণ এই সময়ে পার্শ্ববর্তী পার্শ্বীয় অঞ্চলে, এমনকি উত্তর-ভারতের কোনও কোনও অংশে বিজয় অভিযান চালিয়ে একটি বৃহত্তর কাশ্মীর সাম্রাজ্য গঠনে প্রয়াস পান। বিজিত অঞ্চলসমূহে এবং সমসাময়িক অসাময়িক শক্তির সঙ্গে সংযোগ সাধিত হওয়ার সেই সব দেশে বাণিজ্য বিস্তারেরও সুযোগ ঘটে। বণিক-সমাজের সমসাময়িক সমৃদ্ধি তারই ফল।

দশম শতাব্দীর পর থেকে বাণিজ্যিক ব্যবস্থার অবনতির সঙ্গে সঙ্গে বণিকসম্প্রদায়েরও পতন ঘটে। সমাজে আর্থিক শ্রেষ্ঠত্ব হেতু বণিকের যে স্থান ছিল, সে স্থান ভূমি কেন্দ্রিক ডামবের অধিকারে আসে। বণিকগণ প্রধানতঃ টাকা লেন-দেন করে জীবিকা নির্বাহে তৎপর। বৈদেশিক বাণিজ্যের কথা আর বিশেষ শোনা যায় না। শুধু তাই নয়, কলহণের বিজ্ঞপাত্মক বাণী “ব্যবসায়ী সম্প্রদায় স্বভাবতঃই জোচ্ছোর”, “তহবিলতরুপকারী বণিক ধর্ম্মকথা গুনতে সদাই উৎসুক” ইত্যাদি থেকে অনুমান করা অসম্ভব হবে না যে, অসং-প্রবৃষ্টি বণিক-সম্প্রদায়ের মধ্যে এ সময়ে প্রকট হয়ে উঠেছে। বৈদেশিক বাণিজ্য বন্ধ হওয়ার ফলে এবং অস্তর্বাণিজ্যের বিশেষ কোনও সুযোগ না থাকায় টাকা লেন-দেনই এ যুগের বণিকগণের প্রধান উপজীব্য। আর টাকা লেনদেনের ক্ষুদ্র পরিধির মধ্যে সন্তুষ্ট অর্থ লাভের, বা বৈদেশিক বাণিজ্যের মাধ্যমে সহজেই ঘটতে পারত, সুযোগ কোথায়। তাই স্বাভাবিকভাবে লাভের লোভে লুক্ক দশম শতাব্দী-উত্তর বণিক-সমাজে এত অসত্য ও বকনার দেখা মিলেছে, এমন মনে করা অসম্ভব হবে না।

উৎপাদনের সঙ্গে প্রত্যক্ষভাবে যুক্ত নয় এমন সব জীবিকার মধ্যে উল্লেখ করা যায় শিক্ষক, গণক, চিকিৎসক, নাপিত, পুরোহিত, সেনাদলের সাধারণ সৈন্য প্রভৃতি। এই সকল বিভিন্ন শ্রেণীর মধ্যেও আবার অর্থ ও শিক্ষা-দীক্ষাকে কেন্দ্র করে বিভিন্ন স্তরভেদ ছিল।

উপরি-উক্ত বিভিন্ন শ্রেণী ব্যতীত আর একটি উল্লেখযোগ্য বৃত্তিধারী সম্প্রদায় ছিল জনসমাজের মধ্যে। রাজকার্যে নিযুক্ত কর্মচারী। রাজকর্মচারীদের মধ্যেও অসংখ্য স্তরভেদ ছিল। সর্বাধিকারী বা প্রধানমন্ত্রী, মন্ত্রী, কম্পনেশ বা সৈন্যধ্যক্ষ, মণ্ডলেশ বা প্রদেশপাল, সামন্ত নৃপতি, রাজসভার পণ্ডিত ও কবি, রাজ্যর আশ্রয়বর্গ এ সব নিয়ে একটি উচ্চতর রাজপুরুষ সম্প্রদায় ছিল। এদের নীচে ছিল আমলা সম্প্রদায়, যাকে কাশ্মীরের প্রাচীন সাহিত্যে কায়স্থ বলা হয়েছে। কায়স্থগণের মধ্যে গৃহকৃত্য-মহন্তম, পরিপালক, মার্গেশ, গজাধীপ, নগবাধীপ, শৌঙ্কিক, নিয়োগী, গ্রামদিবির, গজদিবির, নগরদিবির, অধিকরণ-লেখক প্রভৃতি নানা শ্রেণীর দেখা মেলে।

প্রাচীন কাশ্মীরে কায়স্থ অর্থে কোনও বর্ণভিত্তিক সম্প্রদায় বোঝায় না। সকল শ্রেণীর রাজকর্মচারীর প্রতি কথাটি সমভাবে প্রযোজ্য। কলহণ বলেছেন যে, একজন ব্রাহ্মণ ও কায়স্থ হতে পারে। কায়স্থগণের মধ্যে পদভেদে নানা শ্রেণী ছিল। একজন নিম্নপদাধিকারী কর্মচারী কালক্রমে উচ্চ পদ পেতে পারত। সবচেয়ে বড় পদ ছিল গৃহকৃত্য মহন্তমের।

কায়স্থগণের অসং প্রকৃতি সত্ত্বেও কাশ্মীরের প্রাচীন লেখকদের মধ্যে কোনও দ্বিমত নেই। ক্লেমেন্স খল, নীচ, কুটিল, শঠ প্রভৃতি নানা বিভূষণে তাদের ভূষিত করেছেন। বস্তুতঃ অসহপায়ে অর্থ-সঞ্চয়ে প্রাচীন কাশ্মীরের কায়স্থ সম্প্রদায়ের জোড়া নেই। রাজ-শক্তির স্থিতিস্থাপকতার অভাব, রাজ্যর পরিবর্তনের সঙ্গে সঙ্গে রাজকর্মচারীরও অদল-বদল, কারণে অকারণে নিম্নপদস্থ কর্মচারীর পদচ্যুতি—এক কথায় নিরাপত্তা সত্ত্বেও অনিশ্চয়তাই কায়স্থগণের অসং পঞ্চ গ্রহণ করার প্রধান কারণ বলে মনে হয়।

রাজতরঙ্গিনীর প্রথম তিনটি তরঙ্গে কায়স্থগণের কোনও উল্লেখ নেই। চতুর্থ তরঙ্গ হতে কায়স্থগণের উল্লেখ পাওয়া যায় এবং প্রতি তরঙ্গে নূতন নূতন বহুবিধ পদের উল্লেখ থেকে বাস্তবে কায়স্থগণের ক্রমবৃদ্ধি বেশ বোঝা যায়। খ্রীষ্টীয় একাদশ-দ্বাদশ শতাব্দীতে আমলাতন্ত্র অস্তিত্বের মত জড়িয়ে ধরেছে সমস্ত সমাজ-জীবনকে। ভূমিই এখন সমাজের ধন উৎপাদনের প্রধান কেন্দ্র হয়ে দাঁড়িয়েছে আর সেইহেতু রাজস্ব লাভের প্রধান স্থল, তখন ভূমি হতে আমলা-বর্গের সাহায্যে যতদূর সম্ভব রাজস্ব আদায় করা ছাড়া রাজশক্তির অর্থসংগ্রহের অন্য কোন উপায়ও ছিল না। এক কথায় ভূমি-কেন্দ্রিক অর্থনৈতিক জীবনই কায়স্থ সম্প্রদায়ের ক্রমবর্ধমানতার মূল কারণ।

নারীর অবস্থা

নারী-জীবনের শৈশবকাল পিতৃগৃহেই কাটত। মেয়েদের লেখা-পড়া শেখানো হ'ত। যুবক শতাব্দীর সাহিত্যিক-ব্যক্তিবর্গের

মেয়েদের অধীত বিদ্যাসমূহের মধ্যে তৎকালের নাট্যশাস্ত্র, বাৎস্যায়ন, বিটপুত্র, বস্তুক ও রাজপুত্রের কামশাস্ত্র, বিশাখিলের কলাশাস্ত্র, দণ্ডিল রচিত সঙ্গীতশাস্ত্র, বৃক্ষাশুর্কেরদ, অক্ষনবিজ্ঞা, সূচীশিল্প, কাষ্ঠশিল্প, ধাতু-শিল্প, রত্ন-প্রণালী, মুস্তিকা পুস্তক-নির্মাণ ও নৃত্যগীতের উল্লেখ করেছেন। দামোদরগুপ্ত অবশ্য গণিকা সম্প্রদায়ের শিক্ষাপ্রণালীর কথা আলোচনা করতে গিয়ে এই সব তথ্য প্রদান করেছেন, তবু সাধারণ গৃহস্থ জীবনেও যে মেয়েদের অক্ষরপ পঠন-পাঠনই চলত, এমন মনে করা অসঙ্গত হবে না। কলহণ কাশ্মীরী রমণীগণের গুণগান করতে গিয়ে বলেছেন যে, তাঁরা সংস্কৃত ও প্রাকৃত দুই ভাষাতেই ব্যুৎপন্ন ছিলেন। সম্ভবতঃ রাজপরিবারের মেয়েদের শাসনকার্য পরিচালনা সত্ত্বেও কিছু কিছু শিক্ষা দেওয়া হ'ত। রাণী সুরঙ্গা ও রাণী দ্বিদা যে রকম কৃতিত্বের সঙ্গে শাসনকার্য চালিয়ে ছিলেন, তা থেকে মনে হয় সিংহাসনে আসবার পূর্বেই এ বিষয়ে তাঁরা যথেষ্ট জ্ঞান ও অভিজ্ঞতা লাভ করেছিলেন।

মেয়েদের ঠিক কত বছর বয়সে সাধারণতঃ বিয়ে হ'ত, সে বিষয়ে নিশ্চিত করে কিছু বলা যায় না। তবে রাজতরঙ্গিনী পড়লে মনে হয় যে, ঋতুমতী হওয়ার পূর্বে মেয়েদের সম্ভবতঃ বিয়ে হ'ত না। ক্লেমেন্সের দেশোপদেশেও এমন দুই-একটি ঘটনার উল্লেখ আছে যা থেকে মেয়েদের একটু বেশী বয়সেই বিয়ে হ'ত বলে মনে হয়।

উচ্চাকাঙ্ক্ষী জীবনে পুরুষের বহু বিবাহের প্রচলন ছিল। মেয়েদের এক স্বামী বর্তমানে অন্য স্বামী গ্রহণের কোনও সংবাদ পাওয়া যায় না। সাধারণতঃ বিধবাগণ বিলাসবর্জিত কঠোর জীবনই বাপন করতেন।

সতীদাহ প্রথার বহুল প্রচলন ছিল কাশ্মীরে; একাদশ শতাব্দীতে রচিত কথাসরিৎসাগরে সতীদাহ ঘটনার অনেক উল্লেখ আছে। কলহণের রাজতরঙ্গিনীতে রাজা বা রাজপুরুষের মৃত্যুর পূর্বে পত্নীগণ তাঁদের মৃত স্বামীর সঙ্গে সহমরণে যাচ্ছেন এমন বহু কাহিনী বিবৃত হয়েছে, কিন্তু শুধু পত্নীই নয়, প্রিয়জন—মা, বোন, সহচর বা সহচরীও অনেক সময় মৃতব্যক্তির অঙ্গগমন করেছেন—এমন দৃষ্টান্তও কলহণ দিয়েছেন।

দেবদাসী প্রথা অতি প্রাচীনকাল হতেই কাশ্মীরে প্রচলিত ছিল। এই প্রথার মাধ্যমে, দেবতার কাছে নারীর আত্মসমর্পণের মুখোমুখি অস্ত্রবলে কামলীলার যে উচ্চমাত্রা প্রবাহ চলত, কাশ্মীরের প্রাচীন লেখকগণ তার বর্ণনা দিতে ভুলেন নি। দেবতার সেবার জন্ত নয়, মানুষের ভোগের জন্তই যে মন্দিরে দেবদাসী রাখা হ'ত, সে সত্ত্বেও কলহণ একটি চমৎকার গল্প বলেছেন। আনুমানিক সপ্তম শতাব্দী; ললিতাদিত্যের পিতা দ্বিতীয় প্রতাপাদিত্য তখন কাশ্মীরের রাজ-সিংহাসনে। তিনি করেকদিনের জন্ত এক ধনী বণিকের গৃহে নিমন্ত্রণ রক্ষা করতে গিয়েছিলেন। সেখানে বণিক পত্নী নরেন্দ্র-প্রভার অপকল্প রূপ লাভণ্যে তিনি মুগ্ধ হন। রাজপ্রাসাদে কিবে এসেও বণিক-পত্নীর ঘোহ আর তিনি কাটিয়ে উঠতে পারেন না। সুন্দরী পত্নীকে অকপারিত্রী কয়দার হুর্দাম বাসনার একদিকে তিনি

যেমন আকুল হয়ে উঠলেন, অল্পদিকে লোকনিন্দার ভয়ে জোড় করে তাকে নিজের কাছে নিয়ে আসতেও বিধা বোধ করতে লাগলেন। এমন সময়ে সেই বণিক রাজার মনোগত ইচ্ছা জানতে পেরে অমুরোধ জানালেন তাঁকে, নবেঙ্গপ্রভাকে রাজবাণী রূপে গ্রহণ করতে। আর তাতেও যদি রাজার কোনও আপত্তি থাকে তা হলে তিনি প্রস্তাব করলেন যে, স্বীয় পত্নীকে তিনি কোনও মন্দিরে দেবদাসীরূপে রেখে যাবেন। কারণ দেবদাসীকে রাজা সন্তোষ করতে পারেন নিঃসঙ্কোচে। কোনও লোকনিন্দার ভয় আর তখন থাকে না।

দামোদরগুপ্ত, ক্ষেমেন্দ্র, কলহণ প্রভৃতির বচনায় রাজপরিবার, রাজপুরুষ বা অভিজাতবর্গের জীবনযাত্রার যে কাহিনী বর্ণিত হয়েছে—তা থেকে দেখা যায় যে, অন্ততঃ উচ্চকোটি জীবনে নৈতিক মান মোটেই উঁচুদরের ছিল না। সমাজে পতিতাবৃত্তির বহুল প্রচলন ছিল।

মেয়েদের সম্পত্তিতে অধিকার স্বত্বকে বিশেষ কোনও তথ্য পাওয়া যায় না। তবে রাজতবঙ্গীতে উল্লিখিত দু-একটি ঘটনা থেকে অনুমিত হয় যে, মেয়েরা ভূসম্পত্তির অধিকারিণী হতে পারতেন। রাজসিংহাসনে নারীর অধিকার অবশ্যই স্বীকৃত হ'ত।

৪। দৈনন্দিন জীবন

একটি মহৎ সাহিত্য রচনা বা কয়েকটি ললিত শিল্প সৃষ্টির উপর ভিত্তি করে কোনও জাতির সংস্কৃতির পূর্ণ পরিমাপ করা যায় না। জাতির সংস্কৃতি ছড়িয়ে আছে তার প্রতিদিনের জীবনধারায়, অশনে-বসনে, আচার-ব্যবহারে, ক্রিয়া-কলাপে। কোনও জাতির মানস-সংস্কৃতি তার সমগ্র জীবনচর্চার মধ্যে বিধৃত।

প্রাচীন কাশ্মীরী প্রধান খাদ্য ছিল ডাল ও ভাত। প্রাচীন কাশ্মীরী সাহিত্যে শালি ধান ও মুদগ, কুলখ, চর্ণ ও মসুর ডালের উল্লেখ আছে। চাল থেকে যে-সব খাদ্যবস্তু তৈরি হ'ত, তার মধ্যে পিঠে, চিনি দিয়ে পাক করা ভাত, আখের রসে ফোটানো ভাত ও চালের গুঁড়ির খাবার দেখতে পাই। যবের রুটি ও যব থেকে তৈরী পিঠেও লোকে খেত। উৎসব অনুষ্ঠানে চাল ডাল মিশিয়ে গিচুড়ি রাখা হ'ত। কাশ্মীর ফলের জগৎ চিরকালই বিখ্যাত। হিউয়েন সাঙ এই পার্বত্য উপত্যকার উৎপন্ন ফলের মধ্যে নাসপাতি, পিচফল, এপ্রিকট ও আঙ্গুরের নাম করেছেন। কলহণ এখানকার সুমিষ্ট দ্রাক্ষার প্রশংসায় ত পঞ্চমুখ।

দুধ ছিল একটি প্রধান খাদ্য। গরুর দুধ ও মোষের দুধ—দুয়েরই চল ছিল। দুধ থেকে উৎপন্ন হ'ত বি, মাখন, ক্ষীর ও দই। মাফিক বা মধু ও শর্করা বা চিনি খাদ্যবস্তুতে মিষ্টানের যোগান দিত।

মুন সহজে মিলত না। ক্ষেমেন্দ্রের বচনা থেকে মনে হয় কেবল ধনী ব্যক্তিরাই যথেষ্ট লবণ ব্যবহার করতে পারতেন। তদকারী বংশলাব মধ্যে মবিচ, আদা ও হিং-এর নাম দেখতে পাওয়া

যায়। পেরোজ ও বসুন সহযোগে রান্না খাবার বিশেষ পুষ্টিকর বলে মনে করা হ'ত।

কাশ্মীরের অধিবাসী মাছ-মাংসের ভক্ত ছিল। মৎস্যধ্বংস বা মৎস্যস্বপ্ন দৈহিক শক্তি সঞ্চারের জগৎ বিশেষভাবে আদৃত হ'ত। নীলমত পুরাণে বিশেষ বিশেষ উৎসবের দিনে মাংস খাওয়ার বিধান আছে। নানারকমের পাখী, মুরগী ও ভেড়ার মাংসের উল্লেখ ত সাহিত্যের পাতায় মেলে। এ ছাড়া ছাগ-মাংসও সম্ভবতঃ খাওয়া হ'ত। কলহণের বিবরণ থেকে মনে হয় একাদশ শতাব্দীতে একশ্রেণীর লোকের মধ্যে শূকর মাংস খাওয়াটা একটা ফ্যাশন হয়ে উঠেছিল। ত্রয়োদশ শতাব্দীর পর্যটক মার্কোপোলো বলে গেছেন যে, কাশ্মীরের জনসাধারণ চাল ও অল্পাংশ খাদ্যশস্য মাংস সহযোগে গ্রহণ করত।

মত্তপান খুবই জনপ্রিয় ছিল। রাজতবঙ্গীতে মত্তাসক্ত অসংখ্য চরিত্রের দেখা মেলে। নীলমত পুরাণে বিশেষ বিশেষ পুণ্যাঙ্কে মত্তপান আনুষ্ঠানিক বলে বিধান দেওয়া আছে। দ্রাক্ষারস ও ইক্ষু-রস থেকে মদ তৈরী হ'ত।

প্রাচীন কাশ্মীরী বসনভূষণ স্বত্বকে সাহিত্যিক ও পুরাতাত্ত্বিক উভয় প্রকারেরই সাক্ষ্য পাওয়া যায়। পুরুষের বসন তিন ভাগে বিভক্ত ছিল—নিম্নাঙ্গে অধরাংশুক, তার উপরে অঙ্গরক্ষক এবং মাথায় শিরশাট। হিউয়েন সাঙ সপ্তম শতাব্দীতে যখন এখানে এসেছিলেন তখন অধিবাসীদের চামড়া ও লিনেনের জামাকাপড় পরতে দেখেছিলেন। শীতপ্রধান দেশে পশমী জামাকাপড় স্বভাবতঃই ব্যবহৃত হ'ত। কলহণ এক রকমের পশমী কাঁথা (কুথা) ও জামার (প্রাবার) উল্লেখ করেছেন। কিন্তু সেই সঙ্গে একথাও বলতে ভোলেন নি যে, ভাল যা-কিছু কাপড় জামা তা কেবল বড়লোকেরাই ব্যবহার করতে পেত। গরীবের ভাগ্যে জুটত জস্তর ছাল বা মোটা শক্ত কবল।

বিলাসী ব্যক্তিবর্গের মাথায় লম্বা চুল রাখার রীতি ছিল। অনেকে আবার তাতে চিরুণী গুঁজত। মাথায় পাগড়ী বাঁধার প্রচলন ছিল। ধনী ব্যক্তির বশমের নানারকম শিরোপা ব্যবহার করত। পুরুষগণ মেয়েদের মতই গহনা পরত। আংটি, হার, কুণ্ডল ও বলয় পুরুষের অলঙ্কারের মধ্যে দেখতে পাই। চর্ণ-পাত্কার চল ছিল। অনেক সময় জুতার বাইরে নানারকম পুষ্পালঙ্কারের কাজ থাকত। তলার থাকত লোহার পাত পেটা। ক্ষেমেন্দ্র ময়ূরোপানং নামক একপ্রকার মনোরঞ্জন পাত্কার কথা বলেছেন। কাষ্ঠ-পাত্কারও ব্যবহার ছিল।

মেয়েদের পোশাক প্রধানতঃ দু' ভাগে বিভক্ত ছিল—শাড়ী ও জামা। কাশ্মীররাজ হর্ষের রাজত্বকালে অভিজাত সম্প্রদায়ের মেয়েদের জামার হাতা কমুইয়ের তলার নামত না। নিম্নাঙ্গের বসন মাটি ঝেঁটিয়ে চলত। কখনও কখনও মেয়েরা মুখ ঢাকা দেবার জগৎ ভেল ব্যবহার করত। অলঙ্কারের মোহ থেকে কাশ্মীরী বমণী মুক্ত ছিল না। হার, কড়ন, কেঁদুর, পাঙ্কিহাৰ্য ও কুণ্ডল

ছিলই। এ ছাড়া রাজা হর্ষের সময়ে ফাশনপ্রিয় মহিলাগণ মাথার পয়বার জুতা স্বর্ণ-শেতকপত্রাক, কপালে তিলক ও বেণীর নীচে কোলাবার জুতা কেশাঙ্কবন্ধ হেমোপবীতকের আমদানী করেন। প্রসাধনের ক্ষেত্রে কপূর, চন্দন, জাকরণ, আলতা ও কাজলের ব্যবহার ছিল। মেয়েরা লম্বা বেণী অথবা খোঁপা বাঁধত ও কুল দিয়ে তা সাজাত।

শাড়ী ছাড়া পাজামারও প্রচলন ছিল, অঙ্গবাস হিসেবে মেয়েদের মধ্যে। হারওয়ানের মুমূর্ষু সৈ সাক্ষ্য বহন করছে। উলকুরে বে-সব মাটির মূর্তি পাওয়া গেছে তার গায়ে হার, বালা প্রভৃতি অলঙ্কার আছে। পাণ্ডুখান বা পুরাণাধিষ্ঠানে বোধিসত্ত্ব অবলোকিতেশ্বরের একটি মূর্তির মাথায় ত্রিকোণ মুকুট আছে। অমুরূপ মুকুটে বে কাশ্মীরের রাজগণও ব্যবহার করতেন, কলহণের লেখায় সে তথ্য পাই।

খেলাধুলার মধ্যে দাবা ও পাশা বেশ জনপ্রিয় ছিল। জুয়া-খেলাও খুব চলত। দামোদরগুপ্ত বন্দুক ক্রীড়ার কথা বলেছেন। শিকার ছিল অত্যন্ত প্রিয় বাসন, বিশেষ করে অভিজাত সম্প্রদায়ের মধ্যে। হারওয়ানের একটি মাটির টালিতে হরিণ-শিকারে উচ্চত অশ্বারোহীর মূর্তি খোদিত হয়েছে। কলহণ রাজা ও রাজপুরুষগণের শিকার কাহিনী বর্ণনা করতে গিয়ে বিশেষ করে শূগাল শিকারের কথা বলেছেন।

নৃত্যগীতের খুবই আদর ছিল প্রাচীন কাশ্মীরী সমাজে। আমু-মানিক চতুর্থ শতাব্দীর হারওয়ান টালিতে বাজরতা গায়িকা ও নৃত্যচকল পুরুষের মূর্তি দেখতে পাওয়া যায়। নীলমত পুরাণে উৎসবে পূজার নৃত্য, গীত ও বাজের অনুষ্ঠান অবশ্যকরণীয় বলে লিখিত হয়েছে। কলহণ তাঁর স্বদেশের রমণীর অভিনয় পটুতার প্রশংসা করেছেন। কলহণ বর্ণনা দিয়েছেন নিত্য নৃত্য-গীত অভিনয়-মুখরিত আলোকোজ্জ্বল রাজ-প্রমোদসভার। প্রাচীন কাশ্মীরে ভারতের নাট্যশাস্ত্র পাঠ্যবিধয়ের অন্তর্ভুক্ত ছিল। আর খুব শ্রদ্ধার সঙ্গে বইখানার উল্লেখ করেছেন সেখানকার প্রাচীন লেখকগণ।

দামোদরগুপ্তের সাক্ষ্য অনুসারে তাঁর দেশে আরামপ্রদ প্রেক্ষাগৃহের অভাব ছিল না। সে প্রেক্ষাগৃহের বসবার আসনগুলি ছিল চামড়ার গদী দিয়ে বাঁধান। দর্শকদের মধ্যে ধনবান শ্রেষ্ঠীপুত্রের নাম তিনি উল্লেখ করেছেন। তবে এই সুসমৃদ্ধ প্রেক্ষাগৃহগুলি কেবলমাত্র বড়লোকদের জুই ছিল, এমন মনে করলে অশ্রদ্ধ হবে না। কলহণের একটি বিবরণী থেকে জানা যায় যে, সাধারণ লোক খোলা আকাশের তলায় দাঁড়িয়ে অভিনয় দেখত। তার পর হঠাৎ যখন বৃষ্টি নামত তারা ছত্রভঙ্গ হয়ে নানাদিকে ছড়িয়ে পড়তে বাধ্য হ'ত। দারিজেব সত্যই অনেক দোষ।

রিক্তা বন্যা

শ্রীকুমুদরঞ্জন মল্লিক

আসে নি গ্রামের ইতিহাসে কত, এমন বৃহৎ বান
প্রণাম করিনু, করিনু তাহার প্রলয়-সলিলে স্নান।
সমভূমি করে দিয়ে গেছে গ্রাম সারা,
পল্লীবাসীরা সকলেই গৃহহারা,
বরুণের জয়যাত্রা করেছে বেশী কিছু হারবান।

২

ভাঙিয়া ভাসিয়া গেছে ঘর বাড়ী তাতে ছুখী না মন,
বিশ্বয়ে হেরি সুনীল জলের ভয়াল আফালন।
এ তো অজয়ের নহে বাঙা জল নহে,
তাহাতে দয়া ও দরদের কথা রহে,
এ যে বিজোহ রুদ্ধ জলের, জুড় এই প্লাবন।

৩

বিষাক্ত বায়ি পচায় ধপায়ে চলে গেল হুঁকার,
আকৃতি তাহার জানিতে হিলে না পরিধি সে হিংসার।
যেন নীল মেঘ সুপ্ত অশনি ভয়া—
কুর মানবের কৃষ্টিতে এ কি গড়া ?
উর্ধ্বতীর 'পলি' মাই এতে, লভিল না কিছু ধরা।

৪

অতি প্রবলের সংগ্রাম যেন—অর্থ পাইনে খুঁজে,
দপীর থাকে যুক্তি কি কতু ? দস্তে সে যায় যুঝে।
ক্ষীত শক্তির ব্যয়েই তাহার সুখ,
সে তো বুঝবে না, বুঝে না কাহারো দুখ,
টকানিনাদে বলি দেয়—আর মাৎসর্ষকে পূজে।

৫

হেয়িনু বিপুল অকুল পাথর, লয়ের নিদর্শন,
এঁকে দিয়ে গেল চক্রবালের চক্রে নীলাঙ্গন।
ভীম 'পগরার' উঠিল বাজা বাড়,—
ডুবিল সপ্তডিঙা সহ মধুকর,
অভাগ্যর কই 'কমলে কামিনী' হ'ল না তো দর্শন।

৬

কাঠুরিয়া সাথে কবিরাম বাস, ক্রিষ্ট চিন্তা সনে,
ভাগ্য হ'ল না সুরতি মাতার স্তম্ভ আশ্বাদনে।
যোর অমানিশি শবসাধনার গেল,
কোথা শিবানীর খণ্ড চন্দ্র আলো ?
অস্বস্তের কোনো খণ্ড নাহিকো এ সাগর মহসে।

দ্বিরাগমন

শ্রীবিশ্বনাথ চক্রবর্তী

জামাই এসেছে রায়বাড়ীতে।

রায়বাড়ীতে জামাই আসা এমন কিছু নতুন ঘটনা নয়। ছ' মেয়ের বিয়ে হয়েছে, কলকাতাতেই স্বশুরবাড়ী। স্বামী-পুত্রসহ প্রায়ই তারা আসে, ছ'চার দিন থাকেও। কিন্তু গোবিন্দর আসাটা অভাবনীয়। সত্য বলতে কি তার কথা ভুলেই গিয়েছিল সবাই। তাই ছ' বছর পরে যখন গোবিন্দ দ্বিতীয়বার রায়বাড়ীর দোরগোড়ায় এসে দাঁড়াল, রায়গিন্নীর মুখে তখন শুধু বিশ্বয়ই ফুটে উঠল না, গোবিন্দকে চিনে নিতে তাঁদের একটু বেগও পেতে হ'ল।

গোবিন্দ সেজন্তে প্রস্তুত ছিল। অবসরপ্রাপ্ত জজ রায়মশাই যে বিশেষ ধনী নন ঘটক সে কথা তাদের কাছে গোপন করে নি সঙ্কল্প করবার সময়। কিন্তু তিনি যে এতটা গরীব গোবিন্দ তা জানত না। বরবেশী গোবিন্দ প্রথম রায়বাড়ীতে এসে একটু বিস্মিতই হয়েছিল। রাস্তায় ছুটো চারটে গাড়ীর প্রত্যাশা অবশ্য সে করে নি, কিন্তু সদর দরজায় যে একটা বাতি পর্য্যন্ত নেই। আর বাড়ীর ভিতরে বাইরে কোথাও নেই এতটুকু কোলাহলও। বরকে নিয়ে রায়মশাইয়ের সাদা গাড়ীখানা দরজায় দাঁড়িয়ে রইল মিনিট পাঁচেক। অবশেষে শঙ্ক হাতে করে এগিয়ে এল গুটি তিন চারটি মেয়ে। তাদের চেহারা বা পোশাক কোনটাই রায়বাড়ীর উপযুক্ত নয়। গোবিন্দ পরে জেনেছিল তারা বিমলার বান্ধবী, থাকে ঐ টিনের বাড়ীটার।

তার পর গোবিন্দ একে একে আবিষ্কার করল অনেক কিছুই। দেখল আট দশজন বরযাত্রী আর বিমলার পাঁচ ছ' জন বান্ধবী ছাড়া নিমন্ত্রিত আর বিশেষ নেই। জানতে পারল দোতলার বারান্দা থেকে যে দুটি তরুণী অলস ভঙ্গিতে দাঁড়িয়ে বিয়ে দেখছে তারা হ'ল রায়বাড়ীর বড় দুই মেয়ে—সীতা আর গীতা—বিমলার বড়দি আর মেজদি, দু'জনেই এম, এ, পড়ে। আরও জানল চুরুটের ধোঁয়া ছাড়ার ফাঁকে ফাঁকে যে তরুণী গোবিন্দর মেলোর সঙ্গে কথা বলছে ঠোট বঁকিয়ে, সে হ'ল বাড়ীর বড় ছেলে অরুণ রায়—ডেপুটি ম্যাজিষ্ট্রেট। আর সোনার চশমা পরিহিতা বধুটি হ'ল তারই স্ত্রী—বেথুন কলেজের অধ্যাপিকা।

বরযাত্রীরাও বুঝতে পেরেছিল। বৈঠকখানা ঘরে তারা বসেছিল আড়ষ্ট ভাবে, অন্দরমহলে এসে তারা বেশ

জড়ীভূত হয়ে পড়ল। মালাবদলের সময় কেউ এতটুকু চপলতা প্রদর্শন করল না, কনের বান্ধবীদের নিয়ে সামান্য পরিহাসও করল না, এমনকি বরের উদ্দেশ্যে ছ'একটা হাক্কা ইঙ্গিতও ছুঁড়ে দিল না। রায়বাড়ীতে পা দেবার এক ঘণ্টার মধ্যে তাদের খাওয়া-দাওয়া হয়ে গেল, আরও এক ঘণ্টার মধ্যে তারা বিদায় নিয়ে চলে গেল। চলে গেল বরকর্তা—গোবিন্দর মেসোও। অরুণের উদ্দেশ্যে তার শেষ কথাটা গোবিন্দ শুনতে পেল—তা হলে সার, ছেলেটাকে পরশুদিনই পাঠাচ্ছি।

তিন ঘণ্টার মধ্যে বিয়ে শেষ হয়ে গেল। বিমলার বন্ধুরা বিদায় নিল একে একে। উপর থেকে সীতা গীতার দরজা বন্ধ করার আওয়াজ ভেসে এল। রায়মশাই আগেই শুয়ে পড়েছেন, গিন্নী একবার ছাঁদনাতলাটা দেখে তেতলায় উঠে গেলেন। দরওয়ান বারান্দার আর সিঁড়ির আলোগুলো নিভিয়ে দিল। সারা বাড়ী নিস্তরূ। বাসর জাগবে বলে কেউ আড়ি পাততে এল না; দরজা খোলাই রইল অনেকক্ষণ পর্য্যন্ত।

ঘড়িতে ঢং ঢং করে বারোটা বাজল। গোবিন্দ পালঙ্কের পাশে চেয়ারে বসে নিষ্পলক দৃষ্টিতে তাকিয়ে রয়েছিল বাইরের দিকে। এবার বিমলার দিকে ফিরে তাকাল। বিমলার ঘোমটা গলা পর্য্যন্ত নেমে এসেছে, মুখ দেখা বাজে না। হঠাৎ গোবিন্দর মনে হ'ল বিমলাও কি রায়বাড়ীর মেয়ে নয়? চকিতে নববধূর ঘোমটাটা তুলে ফেলল। ষোল বছরের কিশোরীর ডাগর চোখ দুটি কোন স্বপ্নে-দেখা রাজপুত্রের সন্ধান পেয়ে কি এক অনির্ক্বচনীয় আনন্দে টলমল করছে। বুক থেকে একটা প্রকাণ্ড বোকা নেমে গেল গোবিন্দর। না, বিমলা জজবাড়ীর মেয়ে নয়।

অবশ্য বিমলা যে রায়বাড়ীর কেউ নয় তাও ঘটক গোপন রাখে নি। বিমলার মা রায়গিন্নীর ঘুর সম্পর্কের বোন। স্বামী মারা যাওয়ার পর সে কোথাও আশ্রয় না পেয়ে রায়বাড়ীতে এসে উঠেছিল। আত্মীয়তার দাবি নিয়ে নয়, নিজেকে সে কোনদিন রাধুনীর পর্য্যায়ের উপরে উঠতে দেয় নি। নিজের মেয়ে বিমলাকেও সর্বদা আগলে রাখত যাতে সে দ্বিবিব ছেলেমেয়েদের সঙ্গে সমান ভাবে মিশতে না পারে। কয়েক বছর রায়বাড়ীতে থাকার পর তার সকল চিন্তার অবসান হ'ল। বিমলার তখন দশ বছর বয়স। সেই

বয়সেই বিমলা টুকিটাকি কাজে বেশ চতুর হয়ে উঠেছিল।

আর গোবিন্দ ? রাণীগঞ্জের এক কয়লাখনির আপিসে সে রেকর্ড সাপ্লায়ার, মাইনে ষাট। বাবার সামান্য মুদিখানার দোকান থেকে ভাল ভাবে তাদের পেট চলত না, স্থলের পড়া শেষ না করেই গোবিন্দ চাকরিতে ঢুকেছিল পিওন হিসাবে। পাঁচ বছর পর প্রমোশন পেয়ে গত ছ' বছর ধরে সে রেকর্ড সাপ্লায়ারের কাজ করছে। বরযাত্রী হয়ে যারা তার সঙ্গে এসেছে তাদের মধ্যে সবচেয়ে গণ্যমান্য হ'ল তার মেসো—আলিপুরের দেওয়ানি আদালতের কোন উকিলের যেন মুছরি। গোবিন্দর বন্ধুতা কেউ পুত্রি, কেউ রেকর্ড-সাপ্লায়ার কেউ বা পিওন।

সকালে শয্যা তুলবার জন্তে গোবিন্দর কাছ থেকে টাকার দাবি করল না কোন তরুণী বা বধু। ডেপুটি ছেলে আপিসে গেল, মেয়েরা আর পুত্রবধু কলেজে। বিকেলের দিকে গোবিন্দর মেসো আবার এল। সঙ্গে ঘোড়ার গাড়ী নিয়ে এসেছে। একটা ট্রাক একটা বিছানা আর একটি বালিকাকে নিয়ে গোবিন্দ মেসোর সঙ্গে যাত্রা করল ষ্টেশনের দিকে। বিদায় নেবার সময় বিমলা আকুল হয়ে কাঁদল। কাঁদল সবার জন্তেই। এত কাঁদতে দেখে রায়গিনী অগ্রসর মুখে বললেন, অত কাঁদিস নে বাছ', অমঙ্গল হবে। গোবিন্দরও খুব ভাল লাগল না। এত কান্না কিসের ? রায়বাড়ী থেকে বেরুতে পেরে বিমলার ভিতরটা কি আনন্দে ফেটে পড়ছে না ?

একটু ভুল বুঝেছিল গোবিন্দ। স্বপ্নরবাড়ী গিয়েই বিমলা দিন গুনতে আরম্ভ করল—কবে দশমঙ্গল আসবে। গোবিন্দ বিস্মিত—বিমলা কি জানে না তার মাসী দ্বিরাগমনের কথাটা বলে দিতে ভুলে গিয়েছিলেন ? মার পরামর্শে গোবিন্দ ব্যাপারটা বিমলাকে জানতে দিল না। আগের দিন আপিস থেকে ফিরে এসে জানাল ছুটি পাওয়া গেল না।

তারপর গোবিন্দ একদিন আবিষ্কার করল বিমলা চিঠি লিখে মাসীমাকে। দ্বিদিদের আর দাদা-বউদিকেও লিখতে দেখল মাঝে মাঝে। জবাব ? হ্যাঁ, তাও আসে বই কি বিজয়া-নববর্ষে।

বিমলার চেহারার পরিবর্তন এসেছে। ব্যবহারে একটা সঙ্গত নম্র ভাব। শান্ত্যের পায়ে হাত বুলিয়ে দিতে দিতে বলল, “ক’দিন ধরে মাসীর কথা মনে পড়ছে। কিন্তু এখন যাওয়া মানে ত ঠিকের ব্যস্ত করা, নইলে একবার যুঝে এলে হ’ত।”

শান্ত্যী নিঃশব্দ হইলেন। গোবিন্দকেও না জানিয়ে

একখানা চিঠি লিখলেন বেয়ানকে। সে চিঠির জবাব এল না।

বিমলার ছেলে হ'ল। সুন্দর ফুটফুটে ছেলে। ছেলের মাস ছয়েকের সময় একদিন বিমলা দীর্ঘশ্বাস ফেলে বলল, “খালি বন্ধন আর বন্ধন। আর একটু বড় না হলে কি করে বেরুই ?”

আর একদিন ছেলেকে কাজল পরাতে পরাতে বলল, “মাসী কিন্তু খুব খুশী হতেন খোকনকে দেখলে।”

কি কারণে গোবিন্দর মেজাজটা অগ্রসর ছিল। হঠাৎ সে চোঁচিয়ে উঠল, “তুমি কি কিছু বোঝ না ?”

বিমলা চমকে উঠল। তার পর স্নান হেসে বলল, “এককালে সত্যিই বুঝতাম না, এখন বুঝি অনেক কিছুই। কিন্তু কলকাতার কথাটা মন থেকে একেবারে মুছে ফেলতে পারি না কেন বল ত ?”

ক্রমতর কণ্ঠে গোবিন্দ জবাব দিল, “পারবে, যেদিন জজবাড়ী থেকে গলাধাক্কা খেয়ে ফিরে আসবে।” আরও অনেক কিছু বলে গেল গোবিন্দ। মনের সমস্ত উত্তাপ নিঃশেষে ঢেলে দিল।

বিমলা চুপ করে রইল।

রাত্রিবেলা গোবিন্দ ছাদে শুয়ে রয়েছে মাদুর পেতে। অকস্মৎ অতখানি উন্মাদ প্রদর্শন করে ফেলে স্বভাবতঃ ধৈর্যশীল গোবিন্দ নিজের কাছেই নিজে লজ্জিত। বিমলার সেটা চোখ এড়ায় নি। শিয়রের কাছে বসে বলল, “কথাটা যখন উঠেছে খুলে বলাই ভাল। আমার একবার কলকাতায় যাবার ভারি ইচ্ছে করে। সত্যিই কিন্তু মাসীরা লোক ধারাপ নন। আমাদের ত উপকার ছাড়া অপকার ঠুঁরা করেন নি। বিপদের সময় মাকে আশ্রয় দিয়েছিলেন, মা মারা যাবার পর যোগ্য পাত্রের হাতে আমাকে তুলে দিয়েছেন। মাসী যদি নাই বা বলেন যেতে, আমার কি একটা কর্তব্য নেই ? হয়ত ঠুঁরাও ভাবছেন বিয়ে হয়ে যাবার পর একবার খোঁজও নিলাম না। তা ছাড়া...” গলা ভারী হয়ে এল বিমলার।

“তা ছাড়া কি ?”

“জান হতেই আমি ও বাড়ীতে মাকুষ। ছেলেবেলায় জানতাম শুধু মাকে। মা মারা যাবার পর দেখলাম মাসীকে। মায়ের স্নেহ নয়, তবু সে বাড়ীতেই যে আমি বড় হয়ে উঠেছি। মাকে মাসীর ভিতর খুঁজে পাই নি সত্যি কিন্তু ঠুঁকে দেখলেই আমার মায়ের কথা মনে পড়ে যায়। সমস্ত বাড়ীতে ছড়ানো রয়েছে মায়ের স্মৃতি। বড় বড় ছোটো উল্লুনের কাছে বসে মা বঁাধতেন, মাসী ছ' একবার এসে কি বলে যেতেন। আমি বাইরে চৌকাতের কোণে বসে

থাকতাম একটা পিঁড়িতে। বিকেলে বারান্দায় বসে মাসীমার সঙ্গে গল্প করতে করতে মা আমার চুল বেঁধে দিতেন। রাত্তিরে খাওয়া দাওয়ার পর ছোট ঘরটায় শুয়ে পড়তাম, মা আসতেন কত দেরি করে। আমার ভয় করত—”

বিমলা চুপ করল। দু'ফোঁটা অশ্রু গড়িয়ে পড়ল তার চিবুক বেয়ে। মনটা ভিজে উঠল গোবিন্দরও। বিমলার হাতখানা ধরে কি বলতে যাচ্ছিল হঠাৎ চোখের সামনে ভেসে উঠল দোতলার বারান্দায় অলস ভাবে দাঁড়ানো সীতা-সীতা-মুক্তি, ডেপুটি ম্যাজিষ্ট্রেট অরুণ রায়ের ঠোঁট বঁকিয়ে কথা বলা। বিমলার হাতটা ছেড়ে দিয়ে বলল, “তুমি যেতে পার কিন্তু আমার যাওয়া অসম্ভব।”

বিয়ের অল্পদিন পরেই গোবিন্দ রেকর্ড-সাপ্লায়ারের কাজে ইস্তফা দিয়ে হাতিয়ার হয়েছিল সাধারণ মজুর হিসাবে। একাধিক নিষ্ঠার সঙ্গে সে লেগে রয়েছিল নিজের কাজে। পুরস্কারও পেয়েছিল। ধাপে ধাপে উপরে উঠে এখন সে এদিকটা ফোরম্যান। আরও আশা রাখে গোবিন্দ।

প্রোডাকশন ম্যানেজারের সঙ্গে গোবিন্দ কলকাতায় যাবে। কিছুদিন থাকতে হবে। বিমলা এসে দাঁড়াল। একটু ইতস্তত করে বলল, “প্রতিবারই ত তুমি বলে যাও ওঁদের সঙ্গে দেখা করে আসবে। একবার গিয়েই দেখ না হালচালটা।”

ক্রুদ্ধিত করে কি ভাবল গোবিন্দ। তার পর বলল, “বেশ তাই হবে। এবার শঙ্করদাড়ীতে গিয়েই উঠব।”

ধবর পেয়ে অরুণ নিচে নেমে এল। কে? বিমলার বর?

অধ্যাপিকা অনেকক্ষণ ধরে দোতলার বারান্দায় দাঁড়িয়ে রইল আশ্চর্য হয়ে। সেই বিমলার বর এসেছে?

আপিস না থাকলেও রায়মশাই আপিস টাইমে খেয়ে নেন। গোবিন্দও সকাল সকাল বেরুবে। খাওয়া আরম্ভ করে হঠাৎ রায়মশাইয়ের হুঁস হ'ল টেবিলে পুত্রবধু অঙ্গুপস্থিত। বললেন, “বউমা কোথায়?”

রায়গিন্নী পাশেই দাঁড়িয়ে রয়েছিলেন। বললেন, “একটু পরে ধাবে।”

“কেন? কলেজ নেই?”

“আছে। একটু পরেই ধাবে আজকে।”

“কেন?”

“এমনিই।”

কি জানি যেন গোবিন্দ একটু অস্বস্তি অনুভব করল।

অরুণ ভুলে গিয়েছিল গোবিন্দ কি করে। প্রশ্ন করল,

“আপিসের ধবর-টবর কি? আগের জায়গাতেই আছ ত? আপিসের যেন ছিল কার্মটা?”

“আজ্ঞে কোল মাইনের আপিস। সেখানেই আছি”, জবাব দিল গোবিন্দ।

“চাকরি বেশ ভাল লাগছে ত?”

একটু হাসল গোবিন্দ: “আমাদের আবার ভাল লাগা-লাগি কি? তবে আপিসের কাজ ছেড়ে এখন ফিল্ডওয়ার্ক ধরেছি। গায়ের খাটুনি।”

অরুণ একটু আশ্চর্য হয়ে তাকাল, “ফিল্ডওয়ার্ক? খনির ভিতরে নামতে হয়? খুব পরিশ্রমের কাজ তা হলে?”

“আমাদের মত সোকেদের পরিশ্রম না করে উপায় কি দাদা! এই দেখুন না শাবল চালিয়ে চালিয়ে হাতে কি রকম কড়া পড়ে গেছে।”

রায়গিন্নী কোঁতুহলী হয়ে এগিয়ে এলেন। বললেন, “নিজের হাতে কয়লা খুঁড়তে হয়?”

“তা হয় মাসীমা! আমরা কুলি-মজুর মানুষ, নইলে খাব কি?”

রায়গিন্নীর মুখ থেকে সহানুভূতিসূচক একটা শব্দ বেরুল।

কর্তা বললেন, “বাট আই লাইক ম্যানুয়েল লেবার। অন্ততঃ কেরাণীগিরির চেয়ে গভরের কাজ ভাল। কি বল গোবিন্দ?”

“আজ্ঞে যা বলেছেন। কেরাণীগিরিতে থাকলেও একটা কথা ছিল। করতাম ত রেকর্ড-সাপ্লায়ারের কাজ।” জবাব দিল গোবিন্দ।

রায়মশাই চুপ করে গেলেন। আর কোন কথা হ'ল না টেবিলে।

একতলার একখানা ঘর নিদ্দিষ্ট করে দেওয়া হয়েছে গোবিন্দর জন্যে। বিকেলে বাড়ী ফিরে গোবিন্দ জামাটা খুলে রেখে পত্রিকা নিয়ে বসেছে। বাইরে গাড়ীর শব্দ শুনে মুখ তুলে তাকাল। গাড়ী থেকে যে তরুণীটি নামল, বহুদিন পরে দেখেও গোবিন্দ তাকে চিনতে পারল—বড় মেয়ে সীতা। ঘরের পাশ দিয়ে যাবার সময় সীতা একবার ভিতরে তাকাল, গোবিন্দকে চিনতে পারল বলে মনে হ'ল না। এখনি হয়ত উপর থেকে গোবিন্দর ডাক আসবে বা যাবার সময় সীতা দেখা করে যাবে এই ভেবে গোবিন্দ জামাটা গায়ে চড়াল। ঘণ্টাখানেক পরে সীতা চলে গেল। এবার গোবিন্দর ঘরের দিকে তাকালও না।

ন'টার সময় ঠাকুর এসে জিজ্ঞেস করল। “এখন ভাত নিয়ে আসব বাবু?”

গোবিন্দ প্রথমটায় একটু বিমিত হ'ল। তবে কি

নিচেই টেবিল পাতা হয়েছে ? ভাল করে না বুঝেই বলল,
“আনতে পারেন।”

গোবিন্দর ধরেই চাকর আসন পেতে দিল। কথায়
কথায় গোবিন্দ জিজ্ঞাসা করল, “গিন্নীমা কি করছেন ?”

“আজ্ঞে মা রেডিও শুনছেন।” জবাব দিল পাচক।

পরদিন গোবিন্দকে আটটার সময় স্নানের ঘরে ঢুকতে
দেখে ভৃত্য পরমেশ্বর বলল, “আপনি কি তাড়াতাড়ি
বেরুবেন দাদাবাবু ?”

“হ্যাঁ—না, আপিস টাইমেই।”

পাচক ব্রাহ্মণ যথাসময়ে ভাত দিয়ে গেল গোবিন্দর
ঘরে। পরমেশ্বর দাঁড়িয়ে রইল কাছে।

আপিস-টাইমেই বেরিয়ে যায় গোবিন্দ। ফিরে কোনদিন
দুপুরে, কোনদিন বিকেলে, কোনদিন বা রাত্রে। ফিরে
এসে পত্রিকা পড়ে, নয় এক আধটা মাসিকের উপর চোখ
বুলোয়। রায়মশাই বাইরে বেরুবাব মুখে বা ফেরার সময়
দু'একটি কথা বলে যান। গিন্নী একতলায় বড় একটা
নামেন না, কাজেই দেখাও হয় না রোজ। অরুণের ফেরার
কোন ঠিক নেই, তার সঙ্গে আর দেখা হয় নি গোবিন্দর।

রায়বাড়ীতে গোবিন্দর পঞ্চম দিবস। সকালে ভাত
খাবার সময় গোবিন্দ ঠাকুরকে বলল, “আজ রাত্রে আমার
জন্মে ভাত নেবেন না, সন্স্কার গাড়ীতেই যাচ্ছি।”

দুপুরেই ফিরল গোবিন্দ। জিনিষপত্র গোছাচ্ছে এমন
সময় রায়গিন্নী এলেন। বললেন, আজই যেতে হবে ?

“আজ্ঞে হ্যাঁ মাসীমা।”

“ছুটি আর নেই বুঝি ?”

“ছুটি ত ঠিক নয়, কাজেই এসেছিলাম। শেষ হয়ে
গেল কাজ।”

বিছানাটা বাঁধতে অসুবিধা হচ্ছে দেখে গিন্নী ডাকলেন,
“পরমেশ্বর একটু এসে গোবিন্দকে সাহায্য কর না।”

পরমেশ্বর এল। বিছানাটা বেঁধে সূটকেসটা গুছিয়ে
দিল সুন্দর ভাবে। এবার ট্রাক। উপরের জামা কাপড়
দু'একটা নামাতেই গোবিন্দ চমকে উঠল, “এই যাঃ
একেবারে ভুলে গেছি !”

গিন্নী সপ্রশ্ন দৃষ্টিতে তাকালেন।

তাড়াতাড়ি করে উপরের জিনিষগুলো মাটিতে ফেলে
বিমর্ষভাবে গোবিন্দ বলল, “আপনার মেয়ে কয়েকটা জিনিষ
পাঠিয়েছিল, সেগুলো একেবারে ভুলে গেছলাম।”

ট্রাকের তলা থেকে কতগুলো প্যাকেট বের করে খুলতে
খুলতে বলল, “আপনার জন্মে একজোড়া বিষ্ণুপুরী গরদের
শাড়ি আর মেসোমশাইয়ের জন্মে সিন্ধের খান। বৌদিকে
এই মুর্শিদাবাদীটা দিতে বলেছে আর দাদাকে শান্তিপুরী।
দাদার ছেলেকে শার্ক স্কিনের এই খানটি দিয়ে স্মার্ট বানিয়ে
দেবেন। সাদা অর্গ্যাণ্ডিটা গুঁর মেয়েদের মানাবে ত ?
সীতাদি গীতাদির বিয়ের সময় ও আসতে পারে নি—এই
দু'গাছা নেকলেস পাঠিয়েছে, আর জামাইবাবুদের জন্মে
আংটি। এই ধুতিটা পরমেশ্বরের আর এটা শৈলর শাড়ি।
ড্রাইভারের কোর্টের কাপড়...দরওয়ানের জন্মে একজোড়া
পাগড়ির...”

দরওয়ান এসে সংবাদ দিল গাড়ী প্রস্তুত।

দ্রুত হস্তে গোবিন্দ নিজের জিনিষগুলো ভরে ফেলল
কোন মতে। পরমেশ্বরকে তাড়া দিয়ে বলল, একটু শীগ্গির
পরমেশদা।”

দরওয়ান আর চাকর ধরাধরি করে বিছানা বাক্স গাড়ীতে
তুলে দিল। রায়গিন্নী প্রস্তুতমূর্তির মত দাঁড়িয়ে। গোবিন্দ
তাঁর পায়ের ধুলো নিতে গেলে আশ্চর্য হলেন। বললেন,
“কিন্তু বাবা আর ক'টা দিন থেকে গেলে বড় খুশী হতাম।”

একটু হাসল গোবিন্দ, “উপায় নেই মাসীমা।”

“তা-তা বিমলাকে কবে নিয়ে আসছ ? কতদিন দেখি
নি মেয়েটাকে।”

“সেকথা আমারও মনে হয় মাসীমা। আর আপনার
মেয়ে ত সব সময়ই বলছে। কিন্তু কি করি বলুন ! আমি
বাঁধা রয়েছি পরের গোলামির শেকলে আর আপনার মেয়ে
বাঁধা পড়েছে নিজের বাঁধনে। বুড়ো শাশুড়ীকে ফেলে
একদিনের জন্মেও কোথাও নড়বে না আবার এদিকে
কাল্লাকাটি করবে আপনাদের জন্মে। একেবারে পাকা
গিন্নীটি।”

তার পর ষড়ির দিকে তাকিয়ে গোবিন্দ বলল, “ও,
চারটে বেজে গেছে। আর ত সময় নেই মাসীমা। মেসো-
মশাই আর দাদা—বৌদির সঙ্গে ত দেখা হ'ল না—আমার
প্রণাম জানাবেন গুঁদের।”

রায়গিন্নী আকুল স্বরে বললেন, “কিন্তু বিমলা—”

গোবিন্দ ততক্ষণে চৌকাঠের বাইরে চলে গেছে।



দক্ষিণ আফ্রিকায় ভারতীয়দের সত্যাগ্রহ

অধ্যাপক শ্রীসুধাংশুবিমল মুখোপাধ্যায়

প্রায় শত বর্ষ পূর্বে, উনবিংশ শতকের দ্বিতীয় ভাগে দক্ষিণ আফ্রিকার নাটাল প্রদেশে ভারতীয় শ্রমিক আমদানী শুরু হয়। ১৯১১ সন পর্যন্ত ভারতবর্ষ হইতে দক্ষিণ আফ্রিকায় ভারতীয় শ্রমিক পাঠানো হইত। ভারতীয় শ্রমিক আমদানীর পর ভারতীয় ব্যবসায়ীরাও নাটালে ব্যবসা-বাণিজ্য করিতে আরম্ভ করে। কালক্রমে ভারতীয়েরা ট্রান্সভালে যাইয়া ব্যবসা করিতে থাকে। ইহাদের মধ্যে কেহ কেহ অল্পদিনের মধ্যেই বেশ সফলতালাভ হইয়া উঠিল। ভারতীয়গণের এই শ্রীবুদ্ধিতে ট্রান্সভালের খেতাজ ব্যবসায়ীদের গাভ্রদাহ উপস্থিত হইল। নাটালের ভারতীয় ব্যবসায়ীদের শ্রীবুদ্ধিও নাটালের ইংরেজ শাসকগণ সুদৃষ্টিতে দেখেন নাই। ফলে উনবিংশ শতকেই দক্ষিণ আফ্রিকায় ভারতীয় বিদ্বেষের সূচনা হইয়াছিল।

দ্বিতীয় বৃহৎ যুদ্ধের (১৮৯৯-১৯০১) পর ট্রান্সভালে ইংরেজ অধিকার প্রতিষ্ঠিত হয়। ইংরেজ কর্তৃপক্ষ ট্রান্সভালে বৃহৎ সরকারের ভারতীয় বিদ্বেষ নীতি এবং কার্যকলাপকে বৃহৎ যুদ্ধের অগ্রতম কারণ বলিয়া ঘোষণা করিয়াছিলেন। ১৮৮৫ সনের ৩ আইনের (Law III, 1885) বলে ট্রান্সভাল প্রবাসী ভারতীয় সম্প্রদায়ের জমি কিনিবার অধিকার বিশেষভাবে সঙ্কচিত করা হয়। কোন রাজনৈতিক অধিকারও তাহাদের ছিল না। মোট কথা, ট্রান্সভালের বৃহৎ শাসকগণ ভারতীয়দিগকে অস্পৃশ্য, অপাংক্তেয় মনে করিতেন। তাহারা রেলের প্রথম এবং দ্বিতীয় শ্রেণীতে ভ্রমণ করিতে পারিত না। প্রত্যেক ভারতীয়কে ট্রান্সভালে বাস করিবার সরকারী পাস অর্থাৎ অনুমতিপত্র সঙ্গে রাখিতে হইত। পুলিশ দেখিতে চাহিলে এই পাস দেখাইতে হইত। রাত্রি নয়টার পর কোন ভারতীয় রাস্তায় বাহির হইতে পারিত না।

১৯০১ সনে ইংরেজ শাসন চালু হইবার পর ট্রান্সভাল প্রবাসী ভারতীয়গণের উপর নূতন নূতন বিধি-নিষেধ আরোপ করিবার আয়োজন চলিতে লাগিল। এই সময় মহাত্মা গান্ধী জোহানেসবার্গে আইন ব্যবসায় আরম্ভ করেন (১৯০৩ সন)।

যুদ্ধের সময় ট্রান্সভালের বৃহৎগণ নিজেদের ধর সামলাইতেই ব্যস্ত ছিল। ফলে ভারতীয় বিদ্বেষও সাময়িক ভাবে চাপা পড়িয়া গিয়াছিল। কিন্তু যুদ্ধের পরই ভারতীয় বিদ্বেষ আবার মাথা চাড়া দিয়া উঠিল। ১৯০৭ সনের

জানুয়ারী মাসে ট্রান্সভাল স্বায়ত্ত শাসন লাভ করে। নূতন ব্যবসায় বৃহৎগণই ট্রান্সভালের শাসন-কর্তৃত্ব লাভ করিল। মার্চ মাসে ট্রান্সভালের আইনসভা একটি আইন পাস করিয়া ঘোষণা করিল যে, ট্রান্সভাল প্রবাসী প্রত্যেক ভারতীয়কে সে দেশে থাকিবার জন্য নূতন অনুমতিপত্র বা পাস লইতে হইবে। ভারতীয়গণ সকলেই সরকারী অনুমতি লইয়া ট্রান্সভালে প্রবেশ করিয়াছিল। উল্লিখিত আইনে কেবল নূতন অনুমতিপত্র গ্রহণের কথাই বলা হইল না, প্রত্যেককে নিজ নিজ অনুমতিপত্রে হাতের দশ আঙ্গুলের ছাপ দিতে আদেশ করা হইল। এই আইন 'এশিয়াটিক স এমেন্ডমেন্ট এক্ট' বা ১৯০৭ সনের দুই আইন নামে পরিচিত। গান্ধীজী এই আইনকে 'খুনে আইন' নাম দিয়াছিলেন। তাহার নেতৃত্বে ভারতীয়েরা এই আইন অমান্য করিবার সঙ্কল্প করিল। এই আইনের বিরুদ্ধে প্রতিরোধ-সংগ্রাম পরিচালনার জন্ত 'সিভিল রেসিস্ট্যান্স এসোসিয়েশন' গঠিত হইল। এই 'খুনে আইন'র বিরুদ্ধে সংগ্রামের মধ্যেই সত্যাগ্রহের আদর্শের সূচনা এবং বিকাশ হয়। ইতিহাসের অন্তর্হীন ঘটনা-শ্রোতের মধ্যে লক্ষ্য করিলে অনেক ক্ষেত্রেই পারস্পর্য, কার্য-কারণ সম্পর্ক এবং আদান-প্রদানের সম্বন্ধ চোখে পড়ে। দক্ষিণ আফ্রিকার বিশিষ্ট মনীষী এবং রাজনৈতিক নেতা পরলোকগত জে. এন. হফমেয়ের একটি উক্তি এ প্রসঙ্গে বিশেষভাবেই উল্লেখযোগ্য :

"Often there is justice in the working of history. India, though not of its own volition, had given to South Africa one of its most difficult problems (the Indian problem). South Africa, in its turn, likewise not of its own volition, gave to India the idea of civil disobedience."—Mahatma Gandhi—Edited by Dr. S. Radhakrishnan, p. 121.

'খুনে আইন'র বিরুদ্ধে সংগ্রামের অঙ্গ হিসাবে ভারতীয় স্বেচ্ছাসেবকগণ সরকারী রেজিষ্ট্রী আপিলে পিকেটিং আরম্ভ করিল। ভারতীয়গণ প্রায় সকলেই আঙ্গুলের ছাপ দিয়া অনুমতিপত্র লইতে অস্বীকার করিল। যাহারা ইহার বিরোধী ছিল, প্রধানতঃ এই পিকেটিংয়ের জন্তই তাহারাও এই অনুমতিপত্র লইতে পারিল না। ভারতীয় সম্প্রদায়ের পক্ষ হইতে ট্রান্সভালের বৃহৎ প্রধানমন্ত্রী জেনারেল বোথাকে

জানানো হইল যে, আইনের জোরে আঙ্গুলের ছাপ লইয়া অনুমতিপত্র দেওয়ার ব্যবস্থা তুলিয়া দিলে ভারতীয়গণ স্বেচ্ছায় আঙ্গুলের ছাপ দিয়া সরকারী অনুমতিপত্র লইবে, কিন্তু তাহার পূর্বে 'খুনে আইন' বাতিল করিয়া দিতে হইবে। বোথা সরকার এই প্রস্তাব অগ্রাহ করিলেন।

এদিকে ১৯০৭ সনেই ট্রান্সভাল সরকার 'ইমিগ্রেশান রেট্রিক্শন এক্ট' বা '১৯০৭ সনের পনের আইন' নামে আর একটি আইন পাস করিলেন। ফলে যুদ্ধের সময় যে সমস্ত ভারতীয় ট্রান্সভাল হইতে চলিয়া গিয়াছিল, তাহাদের পক্ষে সেদেশে ফিরিয়া যাওয়া প্রায় অসম্ভব হইয়া দাঁড়াইল। যাহাদের বিরুদ্ধে এই আইন, তাহার' কিন্তু একটুও দমিল না।

সরকার দমননীতির পথ ধরিলেন। প্রথমতঃ অজ্ঞাত, অধ্যাত জনকয়েক প্রবাসী ভারতীয়কে নির্দিষ্ট তারিখের (৩১শে জুলাই) মধ্যে অনুমতিপত্র না লইবার অপরাধে 'নিষিদ্ধ আগন্তুক' (Prohibited Immigrant) বলিয়া ঘোষণা করা হইল। ইহাদিগকে ট্রান্সভাল ত্যাগ করিতে আদেশ দেওয়া হইল। ইহারা কিন্তু এই আদেশ অমান্য করিল। ফলে ইহাদের প্রত্যেকেই অল্পদিনের জন্ত সশ্রম কারাদণ্ডে দণ্ডিত হইল।

ইহার পর মহাত্মা গান্ধী এবং নেতৃস্থানীয় কয়েকজন ভারতীয়কে অনুমতিপত্র না লইবার অপরাধে আদালতে হাজির হইবার আদেশ দেওয়া হইল। হাকিম আদেশ করিলেন যে, আঙ্গুলের ছাপ দিয়া অনুমতিপত্র সংগ্রহ না করিলে তাঁহারা যেন ট্রান্সভাল হইতে চলিয়া যান। তাঁহারা কেহই অনুমতিপত্রও লইলেন না; ট্রান্সভাল ত্যাগও করিলেন না। ১৯০৮ সনের ১০ই জানুয়ারী ইহাদের বিচার হয়। সকলেই অপরাধ স্বীকার করিলেন। কেহই আত্মপক্ষ সমর্থন করিলেন না। গান্ধীজী দুই মাস অ-শ্রম কারাদণ্ডে দণ্ডিত হইলেন। অপরাধের নেতাদেরও কারাদণ্ডের আদেশ হইল। নেতৃবৃন্দের কারাদণ্ডেও জনসাধারণ ভয় পাইল না, তাহাদের উৎসাহও কমিল না। তাহারা আন্দোলন চালাইয়া যাইতে লাগিল। ১৯০৪ সনে গান্ধীজী প্রতিষ্ঠিত 'ইণ্ডিয়ান ওপিনিয়ন' সাপ্তাহিক এই সময় ভারতীয় জনমত গঠনে বিশেষ সহায়তা করিয়াছিল।

সরকার কিন্তু হাল ছাড়িলেন না। আইন অমান্যকারীদিগকে প্রথম প্রথম সশ্রম কারাদণ্ড দেওয়া হইত না; সকলকেই অ-শ্রম কারাদণ্ডে দণ্ডিত করা হইত। পরে প্রত্যেককেই সশ্রম কারাদণ্ড প্রদান করা হইতে লাগিল। নারী সত্যগ্রহীদিগকেও অব্যাহতি দেওয়া হইত না। কিন্তু কিছুতেই কিছু হইল না। ভারতীয়গণ ভয় পাইল না। এই সময়

ট্রান্সভালের ভারতীয় বাসিন্দার সংখ্যা প্রায় ১০,০০০। তাহার মধ্যে শতকরা ৫ জন অর্থাৎ ৫০০ জনও 'খুনে আইন' (১৯০৭ সনের দুই আইন) অনুসারে আঙ্গুলের ছাপ দিয়া ট্রান্সভালে থাকিবার অনুমতিপত্র লইয়াছিল কিনা সন্দেহ। প্রায় ১৫০ ভারতীয় (মৃত্যুস্বরে ১২০) আইন অমান্য করিয়া কারাবরণ করে। জেলকর্তৃপক্ষ ভারতীয় বন্দীদের সহিত অতিশয় দুর্ব্যবহার করিয়াছিলেন। তাহাদিগকে নিকৃষ্ট খাদ্য দেওয়া হইত। জেলে থাকিবার ব্যবস্থাও অতিশয় জঘন্য ছিল। নিগ্রো কয়েদীদের পোশাকই ভারতীয়দিগকেও পরিতে দেওয়া হইত। দক্ষিণ আফ্রিকার জেলে নিগ্রো কয়েদীদিগকে যে টুপি পরিতে দেওয়া হয় এবং যে টুপি দক্ষিণ আফ্রিকার জেলে গান্ধীজী নিজে পরিতেন, আজিকার সুপরিচিত গান্ধী টুপি তাহারই পরিবর্তিত রূপ।

আন্দোলনের তীব্রতা এবং প্রচার সরকারকে ভাবাইয়া তুলিল। বোথা সরকারের স্বরাষ্ট্রসচিব জেনারেল স্মার্টসের অনুমতি লইয়া 'ট্রান্সভাল টাইমস্' পত্রিকার সম্পাদক মিঃ আলবার্ট কার্টরাইট গান্ধীজীর সহিত জেলে দেখা করিলেন। গান্ধীজীর সহিত তাঁহার বন্ধুত্ব ছিল। যে সমস্ত নেতৃস্থানীয় ভারতীয় জেলের বাহিরে ছিলেন, মিঃ কার্টরাইট তাঁহাদের সঙ্গেও দেখা করিয়াছিলেন। তাঁহারা সকলেই জানাইয়াছিলেন যে, গান্ধীজীর সহিত পরামর্শ না করিয়া এবং তাঁহার অনুমতি ব্যতীত তাঁহারা কিছুই করিতে পারেন না। সেই জন্তই তিনি গান্ধীজীর সহিত দেখা করিতে চাহিলে জেনারেল স্মার্টস্ আপত্তি করেন নাই। কার্টরাইটের মধ্যস্থতায় সরকার এবং ভারতীয় সম্প্রদায়ের মধ্যে একটা বফা হইল। ভারতীয়গণ ট্রান্সভালে থাকিবার সরকারী অনুমতিপত্রে স্বেচ্ছায় হাতের আঙ্গুলের ছাপ দিলে সরকার ১৯০৭ সনের দুই আইন প্রত্যাহার করিবার প্রতিশ্রুতি দিলেন।

১৯০৮ সনের ৩০শে জানুয়ারী প্রিটোরিয়ায় গান্ধীজী এবং জেনারেল স্মার্টসের মধ্যে এক সাক্ষাৎকারের পর— এই ইহাদের প্রথম সাক্ষাৎকার—সেই দিনই গান্ধীজী এবং সমস্ত ভারতীয় সত্যগ্রহী কয়েদীকে মুক্তি দেওয়া হইল। ঐ দিনই রাত্রিতে জোহানেসবার্গ মসজিদের প্রাঙ্গণে ভারতীয়গণের এক সাধারণ সভায় গান্ধী-কার্টরাইট বফার সর্বশুলি অনুমোদিত হয়।

১০ই ফেব্রুয়ারী অনুমতিপত্র লইবার জন্ত বেজিষ্টি আপিলে যাওয়ার পথে মীর আলম নামে গান্ধীজীর এক পাঠান মকেলের নেতৃত্বে কয়েকজন পাঠান তাঁহাকে বেদম প্রহার করে। যেতান পঞ্চচারীরা বাধা না দিলে তাহারা হরত গান্ধীজীকে মাফিয়াই কেলিত। সকলে ধরাধরি করিয়া

তাঁহাকে কাছেই এক ইংরেজ বন্ধুর আপিসে লইয়া গেল। তিনি তখন অজ্ঞান হইয়া পড়িয়াছেন। জ্ঞানস্ফাভের পর তাঁহাকে ইংরেজ পাদ্রী রেভারেণ্ড জোসেফ জে. ডোকেবর গৃহে স্থানান্তরিত করা হইল। রেভারেণ্ড ডোকেবর বাড়ীতে সেই দিনই গান্ধীজীর ইচ্ছানুসারে রেজিষ্ট্রি বিভাগের বড়কর্তা তাঁহার নাম রেজিষ্ট্রি করিয়া তাঁহাকে সরকারী অনুমতিপত্র দিলেন। গান্ধীজী এই অনুমতিপত্রে নিজের দশ আঙ্গুলের ছাপ দিয়াছিলেন। গান্ধীজীর নিষেধসত্ত্বেও মীর আলম এবং পাঠান আততায়ীদিগকে মার-পিটের অপরাধে ছয় মাস করিয়া সশ্রম কারাদণ্ডে দণ্ডিত করা হয়।

ডোক সম্পূর্ণ নিপুণ সেবা-সুশ্রাব্য গান্ধীজী অল্পদিনের মধ্যেই আরোগ্য লাভ করিলেন। ইহার পর তিনি নাটালে যান। কয়েকজন পাঠান ডারবানের এক জনসভায় আবার তাঁহাকে প্রহার করিবার চেষ্টা করে। কয়েকজন বন্ধুর জন্ত সে যাত্রা তিনি বাঁচিয়া যান। গান্ধীজীর নাটালে অবস্থান-কালে ট্রান্সভাল-প্রবাসী ভারতীয়দিগের প্রায় সকলেই নিজ নিজ নাম রেজিষ্ট্রি করিয়া আঙ্গুলের ছাপ দিয়া সরকারী অনুমতিপত্র লইয়াছিল।

সকলেই আশা করিল যে, এইবার 'খুনে আইন' বাতিল করা হইবে। বোথা সরকার এ আইন রদ ত করিলেনই না বরং ইহারই সমধর্মী এবং পরিপোষক একটি নূতন আইন পাস করিলেন। এই শেষোক্ত আইনটি 'এসিয়াটিক রেজিষ্ট্রেশন এন্ড এমেন্ট এক্ট' বা ১৯০৮ সনের ৩৬শ আইন নামে পরিচিত। ট্রান্সভাল বিধান সভায় এই আইন সম্বন্ধে আলোচনা কালে ভারতীয় সম্প্রদায়ের পক্ষ হইতে সরকারকে পরিষ্কার জানাইয়া দেওয়া হইল যে, 'খুনে আইন' রদ না করিলে আবার সত্যগ্রহ সংগ্রাম আরম্ভ করা হইবে।

সরকার কিন্তু ইহাতে নিরস্ত হইলেন না। ১৯০৮ সনের ১০ই আগষ্ট জোহানেসবার্গে ভারতীয়গণের এক সাধারণ সভায় আবার সত্যগ্রহের সিদ্ধান্ত গৃহীত হয়। যে সমস্ত ভারতীয় স্বেচ্ছায় আঙ্গুলের ছাপ দিয়া অনুমতিপত্র লইয়াছিল, তাহাদের অনেকের অনুমতিপত্র সংগ্রহ করিয়া সভাস্থলে এক বিরাট বহু, সংসব করা হইল। সভায় উপস্থিত জনৈক সাংবাদিক এ ঘটনাকে ১৯০৩ সনের 'বোষ্টন টি পার্টি'র* সহিত তুলনা করিয়াছেন।*

* ১৭৬৭ সনে ইংরেজ সরকার আমেরিকার আমদানী চাষের উপর গুরু ধার্য্য করিলে আমেরিকার ইংরেজ উপনিবেশগুলি এই গুরু দিতে অসম্মত হয়। ১৭৭৩ সনে বোষ্টনের কয়েকজন নাগরিক রেড-ইণ্ডিয়ানের ছদ্মবেশে বোষ্টন বন্দরে নোঙ্গর করা চা-বোঝাই কয়খানা বিলাতী জাহাজ হইতে ৩৪২ পেটি চা জলে ফেলিয়া দেয়। 'বোষ্টন টি-পার্টি' নামে পরিচিত এই ঘটনাই আমেরিকার স্বাধীনতা-সংগ্রামের প্রত্যক্ষ কারণ।

এইবার সত্যগ্রহের দ্বিতীয় পর্যায় শুরু হইল। সংগ্রামের এই পর্বে আহমদ মোহাম্মদ কাছালিয়া ইহার নেতৃত্ব গ্রহণ করিলেন। দলে দলে ভারতীয় সত্যগ্রহীদের খরিয়া জেল পাঠানো হইতে লাগিল। প্রায় সকলকেই সশ্রম কারাদণ্ডে দণ্ডিত করা হইল। জেল কর্তৃপক্ষ সত্যগ্রহী কয়েদীদের প্রতি দুর্ভাবহারের ক্রটি করিলেন না। অবিচল পৈর্ষ্যের সহিত সমস্ত অত্যাচার তাহারা সহ্য করিল। সরকার তখন ভারতীয়দিগকে বন্দ করিবার জন্ত নূতন কৌশল অবলম্বন করিলেন। আইন অমান্যকারীদিগকে জাহাজবন্দী করিয়া ভারতবর্ষে পাঠাইয়া দেওয়া হইতে লাগিল। ট্রান্সভাল সুপ্রীম কোর্ট ইহাকে বেআইনী বলিয়া ঘোষণা করিলেন। কে শোনে সে কথা? ক্রমে সত্যগ্রহে ভারতীয় টান ধরিল। নেতৃত্বশূন্য শেষ পর্যায় সংগ্রাম চালাইয়া যাইবার সঙ্কল্পে অটল থাকিলেও কাম্বীদিগের দুর্ভা এবং মনোবল ধীরে ধীরে হ্রাস পাইতে লাগিল। অনেকেই আন্দোলন হইতে সরিয়া পড়িলেন। তাহারা সঙ্কল্প ত্যাগ করিলেন না—তাঁহাদের সংখ্যা খুব বেশী নহে—তাঁহারা ই বার বার আইন অমান্য করিয়া কারাবরণ করিতে লাগিলেন। ইহাদের নিজেদের এবং ইহাদের আশ্রিত পরিজনবর্গের বাস এবং ভরণ-পোষণের ব্যবস্থার জন্ত গান্ধীজী টলষ্টয় ফার্ম স্থাপন করেন। জোহানেসবার্গ হইতে একুশ মাইল দূরে গান্ধীজীর অমুরাগী বন্ধু জার্মান স্থপতি কালেন বার্কের প্রায় ১,১০০ বিঘার একটি জোত ছিল। তিনি এই জোত গান্ধীকে দান করিলেন।

১৯১১ সনে সত্যগ্রহ সংগ্রামের তীব্রতা খুবই হ্রাস পাইল। ১৯১২ সনে গান্ধীজীর অনুরোধে গা.পা.কুমঃ গোখলে দক্ষিণ আফ্রিকায় যান। ভারতীয় সম্প্রদায় রাজোচিত সম্মানে তাঁহাকে অভ্যর্থনা করিল। দক্ষিণ আফ্রিকার ইংরেজ ও বুয়র পত্রিকাগুলি কিন্তু তাঁহাকে 'কুলিরাজ' আখ্যায় অভিহিত করিল। সরকারের পক্ষ হইতে অবশ্য গোখলের সহিত খুবই ভদ্র ব্যবহার করা হয়। প্রধানমন্ত্রী জেনারেল বোথা, স্বরাষ্ট্রমন্ত্রি জেনারেল স্মিটস্ এবং দক্ষিণ আফ্রিকা ইউনিয়ন সরকারের অত্রান্ত মন্ত্রীর সহিত এক বৈঠকে তিনি প্রবাসী ভারতীয়গণের সমস্যা এবং অভাব অভিযোগ সম্বন্ধে আলোচনা করেন। প্রিটোরিয়ায় এই বৈঠক বসিয়াছিল। গান্ধীজী ইচ্ছা করিয়াই এই বৈঠকে যোগদান করেন নাই। আলাপ আলোচনা শেষ হইবার পর গোখলে গান্ধীজীকে জানাইলেন যে, সরকার ভারতীয়দিগের সমস্ত দাবিই মানিয়া লইতে রাজী হইয়াছেন, ১৯০৭ সনের দুই আইন বাতিল করা হইবে। নাটালের ভারতীয় শ্রমিক এবং তাহাদের পরিবারের প্রাপ্তবয়স্ক স্ত্রী ও পুরুষের নিকট হইতে মাথাপিছু

বার্ষিক তিন পাউণ্ড হিসাবে কর আদায়ের আইন রদ করা হইবে। দক্ষিণ আফ্রিকায় আগন্তুকদিগের প্রতি প্রযোজ্য বর্ণবৈষম্যমূলক আইন প্রত্যাহার করা হইবে। গান্ধীজী সরকারী প্রতিশ্রুতির সত্যতা এবং আন্তরিকতায় সন্দেহ প্রকাশ করিলে গোথলে তাঁহাকে আশঙ্ক করিলেন।

গান্ধীজীর আশঙ্কা যে অমূলক নহে কয়েকদিনের মধ্যেই তাহার প্রমাণ পাওয়া গেল। সরকার তিন পাউণ্ড করের আইন রদ করিতে রাজী হইলেন না। ফলে নাটালেও সত্যগ্রহ সংগ্রামের সূচনা হইল। এত দিন ট্রান্সভাল প্রবাসী পুরুষ ব্যতীত কাহাকেও সত্যগ্রহ করিবার অনুমতি দেওয়া হয় নাই। এই বার দক্ষিণ আফ্রিকা প্রবাসী কোন ভারতীয়েরই আন্দোলনে যোগ দিবার বাধা রহিল না।

১৯১৩ সনে ইউনিয়ন পার্লামেন্টের একটি আইনের বলে স্বরাষ্ট্রসচিব নিজের খুশিমত যে-কোন ভারতীয়কে দক্ষিণ আফ্রিকায় 'নিষিদ্ধ আগন্তুক' (prohibited immigrant) বলিয়া ঘোষণা করিবার অধিকার লাভ করিলেন। ভারতীয়দের দক্ষিণ আফ্রিকায় বিভিন্ন প্রদেশে অবাধে যাতায়াতের অধিকারও এই আইনে হরণ করা হইল। সুযোগ পাইয়া স্বরাষ্ট্রসচিব দক্ষিণ আফ্রিকায় সমস্ত ভারতীয়কেই 'নিষিদ্ধ আগন্তুক' বলিয়া ঘোষণা করিলেন। ফলে ভারতীয়গণ অতিশয় বিক্ষুব্ধ হইয়া উঠিল। দক্ষিণ আফ্রিকায় যেতাজ শ্রমিকগণ এই সময় সাধারণ ধর্মঘটের নোটিশ দিয়াছিল। গান্ধীজী কোন দিনই প্রতিপক্ষের বিপদের সুযোগে নিজের অভীষ্ট সিদ্ধ করিবার পক্ষপাতী ছিলেন না। বিরুদ্ধ পক্ষের বিপদের সুযোগ গ্রহণ করা সত্যগ্রহের নীতি এবং আদর্শের বিরোধী। সুতরাং সাময়িক ভাবে সত্যগ্রহ স্থগিত রাখা হইল।

ঠিক এই সময়েই দক্ষিণ আফ্রিকায় সুপ্রীম কোর্টের একটি রায়ে হিন্দু এবং মুসলমান ধর্ম্মানুসারে অনুষ্ঠিত সমস্ত বিবাহকে আইনতঃ অসিদ্ধ বলিয়া ঘোষণা করা হইল। এই রায়ে ফলে ভারতীয় নারী সম্প্রদায়ের মর্যাদায় আঘাত লাগিল। ভারতীয়গণের পারিবারিক এবং সামাজিক জীবনেও যোরতর বিপর্যয়ের আশঙ্কা দেখা দিল। গান্ধীজী এতদিন আইন অমান্ত আন্দোলনে নারীদের যোগদানের সমর্থন দূরের কথা, বরং তাহার বিরোধিতাই করিয়াছেন। এইবার তাঁহার মত বদলাইল, তিনি নারীদিগকে পুরুষের পাশে আসিয়া দাঁড়াইতে আহ্বান করিলেন। নারীসমাজও তাঁহার আহ্বানে সাড়া দিল। 'টেলট্রয় ফার্ম'বাসিনী বোল জন এবং ১৮৯৪ সনের শেষভাগে গান্ধীজী প্রতিষ্ঠিত ফিনিয় আশ্রমবাসিনী চার জন ভারতীয় নারী সংগ্রামে ঝাঁপাইয়া পড়িলেন। ফিনিয় আশ্রমবাসিনী সত্যগ্রহী নারীদিগের মধ্যে গান্ধী-সাহা কল্পরবাই গান্ধীর নাম সর্বাগ্রে উল্লেখযোগ্য।

'টেলট্রয় ফার্ম'বাসিনী সত্যগ্রহকারিণীদিগের কেহ কেহ সরকারের অনুমতি না লইয়া নাটাল সীমান্তে প্রবেশ করিলেন। পক্ষান্তরে ফিনিয় আশ্রমবাসিনীদিগের কেহ কেহ বিনা অনুমতিতে নাটাল সীমান্ত অতিক্রম করিয়া ট্রান্সভালে উপনীত হইলেন। সরকার ইহাদিগের কার্যে বাধা দিলেন না। তখন ইহাদের মধ্যে কেহ কেহ সরকারী লাইসেন্স না লইয়াই বাস্তায় বাস্তায় কিরি করিতে আরম্ভ করিলেন। পুলিশ তথাপি নিষ্ক্রিয় রহিল। নারী-সত্যগ্রহীরা তখন নাটালের কয়লার খনিগুলির কেন্দ্রে নিউক্যাসলের দিকে যাত্রা করিলেন। তাঁহারা খনির ভারতীয় মজুরদিগকে ধর্মঘট করিতে উৎসাহিত করিলেন। ফলে কয়লার খনিগুলিতে ধর্মঘট আরম্ভ হইল। জনপ্রতি বার্ষিক তিন পাউণ্ড করের প্রতিবাদেই শ্রমিকগণ ধর্মঘট করিয়াছিল। দেখিতে দেখিতে সমগ্র খনি অঞ্চলে ধর্মঘট ছড়াইয়া পড়িল। সরকারী পুলিশ সক্রিয় হইয়া উঠিল। নারী সত্যগ্রহীদিগকে গ্রেপ্তার করা হইল। বিচারে ইহাদের প্রত্যেকের তিন মাস করিয়া সশ্রম কারাদণ্ডের আদেশ হয় (সেপ্টেম্বর-অক্টোবর ১৯১৩)। এইবার ভাল রকমেই আন্দোলন জলিয়া উঠিল। গান্ধীজী নিজে আন্দোলন চালাইবার সমস্ত দায়িত্ব গ্রহণ করিলেন। নিউক্যাসল তাঁহার কর্ম্মক্ষেত্রে পরিণত হইল। হাজার হাজার ধর্মঘটকারী ভারতীয় মজুর নিউক্যাসলে জড়ো হইয়াছিল। ইহাদের অনেকেরই পরিবারবর্গও সঙ্গে ছিল। এত লোকের খাওয়া পানি এবং তাহাদের মধ্যে নিয়মশৃঙ্খলা রক্ষার ব্যবস্থা করা বড় সহজ কথা নহে। নিরুপদ্রব আইন অমান্ত আন্দোলনের প্রবর্তক এবং পরিচালক গান্ধীজীর উপর এই ব্যবস্থা করিবার দায়িত্ব আসিয়া পড়িল। সূচু ভাবেই তিনি তাঁহার কর্তব্য প্রতিপালন করিয়াছিলেন। ভারতীয় ব্যবসায়ীদের অরূপণ সাহায্যে তাঁহার কাজ অপেক্ষাকৃত সহজসাধ্য হইয়াছিল। গান্ধীজী ধর্মঘটকারী শ্রমিকদিগকে লইয়া ট্রান্সভালে প্রবেশ করিবার সিদ্ধান্ত করিলেন। পথে যদি ইহাদিগকে গ্রেপ্তার করা হয়—ভাল। না হইলে সকলে পায়ে হাঁটিয়া 'টেলট্রয় ফার্ম' যাইবে এবং সরকারের সহিত একটা মিটমাট না হওয়া পর্যন্ত সেখানেই থাকিবে। এদিকে খনির মালিকগণ ধর্মঘটের সাফল্য এবং প্রসারে ভয় পাইয়া গিয়াছিলেন। তাঁহারা গান্ধীজীকে ডাববানে তাঁহাদের সহিত দেখা করিতে আহ্বান করিলেন। গান্ধীজী তাঁহাদের সহিত দেখাও করিলেন। কিন্তু ইচ্ছাতে কোনও ফলই হইল না।

১৯১৩ সনের ২৮শে অক্টোবর ধর্মঘটকারীদের যাত্রা শুরু হইল। দুই দিন পর তাহারা পঁয়ত্রিশ মাইল দূরে চার্লস টাউনে উপস্থিত হইল। চার্লসটাউনের পথেই ট্রান্সভালের এলাকা আরম্ভ। ট্রান্সভাল এলাকার প্রবেশের পূর্বে গান্ধীজী

আবার সরকারের সহিত মিটমাটের চেষ্টা করিলেন। চার্লস্ টাউন হইতে তিনি স্বরাষ্ট্রসচিব জেনারেল স্মার্টসের প্রাইভেট সেক্রেটারীকে টেলিফোনে জানাইলেন যে, ধর্মঘটকারীরা ট্রান্সভালে প্রবেশের জন্ত প্রস্তুত, কিন্তু জেনারেল স্মার্টস বার্ষিক মাথাপিছু তিন পাউণ্ড কর তুলিয়া দিবার প্রতিশ্রুতি দিলে তিনি (গান্ধীজী) তাহাদিগকে নিরস্ত করিবেন। সঙ্গে সঙ্গেই এই মর্মে জবাব আসিল—“জেনারেল স্মার্টস আপনার সঙ্গে কোন সম্পর্ক রাখিতে চান না। আপনি যাহা খুশি করিতে পারেন।”

৬ই নবেম্বর (১৯১০) চার্লস্ টাউন হইতে সত্য ও অহিংসার “দুর্গম এবং সঙ্কীর্ণ পথে” (“Narrow and difficult path”) ধর্মঘটকারীদের অভিযান শুরু হইল। ইহাদের দলে মোট ২,০৩৭ জন পুরুষ, ১২৭ জন নারী এবং ৫৭ জন শিশু ছিল। ট্রান্সভালের এলাকায় পড়িবার পর দুই জায়গায় গান্ধীজীকে গ্রেপ্তার করা হয়। কিন্তু দুই বারই বিচারের সাপক্ষে তাঁহাকে ছাড়িয়া দেওয়া হয়। অবশেষে ধর্মঘটকারীরা যখন জোহানেসবার্গের কয়েক মাইল দূরে হেডেলবার্গে আসিয়া পৌঁছিল, তখন তাঁহাকে আবার গ্রেপ্তার করা হইল। আদালতের বিচারে তিনি নয় মাস সশ্রম কারাদণ্ডে দণ্ডিত হইলেন। তাঁহার বিরুদ্ধে কোন সাক্ষী পাওয়া যায় নাই, কেবলমাত্র তাঁহার সাক্ষ্য এবং স্বীকারোক্তির বলেই তিনি দোষী সাব্যস্ত হন। ইহার পর আর একটি মামলায় গান্ধীজীর তিন মাস সশ্রম কারাদণ্ডের আদেশ হয়। তাঁহার দুই জন স্বৈতাঙ্গ সহকর্মী এবং অনুরাগী বন্ধু মিঃ পোলক এবং মিঃ কালেনবাকও এই শেষোক্ত মামলার আসামী ছিলেন। ইহাদের প্রত্যেকেরই তিন মাস সশ্রম কারাদণ্ডের আদেশ হইয়াছিল। গান্ধীজীর কারাদণ্ডের পর বহু ভারতীয় নাটাল হইতে ট্রান্সভালে প্রবেশ করিল। ইহাদের সকলকে গ্রেপ্তার করিয়া বিচারের পর জেলে পাঠানো হইল। যে সমস্ত ধর্মঘটকারী গান্ধীজীর সহিত চার্লস্ টাউন হইতে ট্রান্সভাল অভিযান করিয়াছিল তাহাদের সকলকে হেডেলবার্গে গ্রেপ্তার করিয়া ডারবানে ফিরাইয়া আনা হয়। তাহাদের সকলকেই কারাদণ্ডে দণ্ডিত করা হইল। এইবার সরকার এক অভিনব পরিস্থিতির সম্মুখীন হইলেন। নাটালের জেলগুলিতে সত্যগ্রহীদিগের স্থান সঙ্কুলান হইল না। সরকার ধর্মঘটকারী কয়েদীদিগকে কয়লার খনিগুলিতে পাঠাইয়া দিলেন। তাহাদিগকে জোর করিয়া কাজে লাগাইবার চেষ্টা করা হইল। তাহারা কাজ করিতে রাজী হইল না। ফলে, তাহাদের উপর নির্মম নির্ধাতন এবং নৃশংস অত্যাচার করা হইল।

এই অত্যাচারের ফলে ধর্মঘট ভাঙ্গিয়া যাওয়া দূরের

কথা, নাটালের সমস্ত ভারতীয় শ্রমিক একযোগে ধর্মঘট করিল। নাটালের কয়লার খনি, আখের ক্ষেত এবং কল-কারখানা প্রভৃতিতে এই সময় প্রায় ষাট হাজার ভারতীয় শ্রমিক কাজ করিত। তাহারা প্রায় সকলেই কাজ ছাড়িয়া দিল। গান্ধীজীর কারাদণ্ড এবং সত্যগ্রহীদিগের উৎপীড়নের সংবাদে তাহারা ক্ষিপ্তপ্রায় হইয়া উঠিয়াছিল। নাটালের সামাজিক এবং অর্থনৈতিক ক্ষেত্রে ঘোরতর সঙ্কটের আশঙ্কা দেখা দিল। সরকার কঠোর হস্তে ধর্মঘট ভাঙ্গিয়া দিবার চেষ্টা করিতে লাগিলেন। ধর্মঘটকারীদিগকে জোর করিয়া নিজের নিজের কাজের জায়গায় পাঠাইয়া দেওয়ার চেষ্টা করা হইল। অনেকেই কাজে ফিরিয়া যাইতে অসম্মত হইল। প্রায় দু’হাজার ধর্মঘটকারীকে জোর করিয়া কাজে লাগাইয়া দেওয়া হইল। জায়গায় জায়গায় পুলিশ এবং ধর্মঘটকারী-দিগের মধ্যে সঙ্ঘর্ষ হইয়া গেল। পুলিশ দু’জায়গায় গুলি চালাইল। নয় জন ধর্মঘটকারী পুলিশের গুলিতে প্রাণ হারাইল। পঁচিশ জন জখম হইল। অত্যাচার ধর্মঘটকারী-দের মনোবল দৃঢ়তর করিল।

এই অত্যাচারের কাহিনী যথাকালে ভারতবর্ষ এবং ইংলণ্ডে পৌঁছিল। উভয় দেশের জনমতই দক্ষিণ আফ্রিকার ভারতীয় সমস্যা সম্বন্ধে সচেতন হইয়া উঠিল। বিলাতী ধবরের কাগজগুলি ভারতীয়দের প্রতি সহানুভূতি প্রকাশ করিয়া তাহাদের অকুণ্ঠ প্রশংসা করিল। লণ্ডনের ‘টাইমস্’ পত্রিকা মন্তব্য করিল যে, ভারতীয় শ্রমিকদিগের অভিযান নিষ্ক্রিয় প্রতিরোধের সর্বাধিক উল্লেখযোগ্য একটি দৃষ্টান্তরূপে ইতিহাসে অমর হইয়া থাকিবে।* ভারত সরকার ভারতীয়গণের অভিযোগ সম্বন্ধে তদন্তের জন্ত কমিশন নিয়োগের দাবি করিলেন। লর্ড হার্ডিঞ্জ এই সময় ভারতবর্ষের বড়লাট। তিনি প্রকাণ্ডভাবেই ভারতীয়দের প্রতি সহানুভূতি প্রকাশ করিয়াছিলেন।**

বোখা সরকার, বিশেষতঃ স্বরাষ্ট্রসচিব জেনারেল স্মার্টসের তখন উভয়সঙ্কট। গান্ধীজীর কথায় স্মার্টস সাহেবের তখন সাপের ইঁদুর গিলিবার অবস্থা। তিনি ইউরোপীয়দিগকে

* “. . . the march of the Indian labourers must live in memory as one of the most remarkable manifestations in history of the spirit of passive resistance.”

** “Your compatriots in South Africa have taken matters in their own hands by organising what is called passive resistance to laws which they consider invidious and unjust. They have the sympathy of India—deep and burning—and not only of India, but all those who like myself, without being Indians themselves, have feelings for the people of this country.”

আখ্যায়িকা ছিলেন যে, সরকার কিছুতেই তিন পাউণ্ড কব তুলিয়া দিবেন না বা ভারতীয় বিরোধী আইনের রদ-বদল করিবেন না। কিন্তু পরিকাৰ বোঝা গেল যে এই জিহ্বা ছাড়িতে হইবে।

বোধা সরকার শ্রুত উইলিয়াম সলোমনের নেতৃত্বে একটি তদন্ত কমিশন নিযুক্ত করিলেন। এই কমিশনের অপর দু'জন সদস্য কর্ণেল ওয়াইলি এবং মিঃ এসেলেন কুখ্যাত ভারতীয় বিদ্বয়ী। যে সমস্ত নেতৃস্থানীয় প্রবাসী ভারতীয় জেলেদের বাহিরে ছিলেন তাঁহারা জানাইলেন যে, সমস্ত সত্যগ্রহীকে অবিলম্বে কারামুক্ত না করিলে এবং তদন্ত কমিশনে ভারতীয় সদস্য গ্রহণ না করিলে ভারতীয় সম্প্রদায় কমিশনের সহিত কোনপ্রকার সহযোগিতা করিবে না। জেনারেল স্মাটস্ ভারতীয় নেতৃবৃন্দের কথায় কর্ণপাত করিলেন না।

এদিকে সলোমন কমিশন প্রথমেই গান্ধী, পোলক এবং কালেনবাককে বিনা সর্তে মুক্তি দিবার সুপারিশ করিলেন। ১৯১৩ সনের ১৪ই বা ১৮ই ডিসেম্বর ইহাদিগকে ছাড়িয়া দেওয়া হইল। ২১শে ডিসেম্বর তাঁহারা একযোগে জেনারেল স্মাটসের নিকট এক পত্র লেখেন। এই পত্রে জানানো হইল যে :

১। শ্রুত জন বোল্ড ইন্স এবং ডব্লু. পি. শ্রাইনার নামে নিরপেক্ষ, জ্ঞানপরায়ণ এবং জনসেবায় তৎপর দু'জন ইউরোপীয়কে সলোমন কমিশনের সদস্য নিযুক্ত করিতে হইবে ;

২। সমস্ত সত্যগ্রহী কয়েদীকে অবিলম্বে ছাড়িয়া দিতে হইবে

এবং

৩। কয়লার খনি, আখের ক্ষেত, কারখানা প্রভৃতি যে সমস্ত জায়গায় ভারতীয় শ্রমিক কাজ করে, ভারতীয় নেতৃবৃন্দকে সেই সমস্ত জায়গায় যাওয়ার অনুমতি না দিলে কোন ভারতীয় সলোমন কমিশনের নিকট সাক্ষ্য দিবে না।

পত্রের উপসংহারে বলা হইল যে, এই সমস্ত দাবি না মানিলে আবার সত্যগ্রহ আরম্ভ করা হইবে। ২৪শে ডিসেম্বর জেনারেল স্মাটসের উত্তর আসিল। তিনি সলোমন কমিশনে নূতন সদস্য গ্রহণ করিতে রাজী হইলেন না। ভারতীয়গণ ১৯১৪ সনের ১লা জানুয়ারী হইতে আবার সত্যগ্রহ আরম্ভ করিবার ঙ্গ প্রস্তুত হইতে লাগিল।

কিন্তু নূতন করিয়া সত্যগ্রহ আরম্ভ হইবার পূর্বেই সরকার এবং ভারতীয়গণের মধ্যে একটা বোঝাপড়া হইয়া

গেল। ভারত সরকারের প্রতিনিধি মিঃ রবার্টসন এবং গোথলে কর্তৃক দক্ষিণ আফ্রিকার প্রেরিত দীনবন্ধু এণ্ডরুজ ভারতীয়দিগের বক্তব্য জেনারেল স্মাটস্ এবং সলোমন কমিশনের নিকট পেশ করিলেন। গান্ধী ও তাঁহার সহ-কর্মীগণ ইহাদিগকে সাহায্য করিলেন। এইভাবে সাপও মরিল, অধচ লাঠিও ভাঙ্গিল না। অর্থাৎ, ভারতীয়গণ কমিশনের নিকট সাক্ষ্য দিল না, কিন্তু তাহাদের ঘাঘা বলিবার সমস্তই কমিশনকে জানানো হইল।

সলোমন কমিশন সত্যগ্রহীদিগের সমস্ত দাবি মানিয়া লইবার সুপারিশ করিলেন। ১৯১৪ সনের 'ইণ্ডিয়ান রিলিফ এক্ট' এই সুপারিশেরই ফল। এই আইনে হিন্দু এবং ইসলামী মতে অনুষ্ঠিত বিবাহের বৈধতা স্বীকার করা হইল। তিন পাউণ্ড কব তুলিয়া দেওয়া হইল। দক্ষিণ আফ্রিকা প্রবাসী হিন্দু এবং মুসলমানদিগের বিবাহানুষ্ঠান সম্পন্ন করিবার জন্ত বিশেষ কর্মচারী নিয়োগের ব্যবস্থা করা হইল।

এই আইন পাস হইবার পর মহাত্মা গান্ধী এবং জেনারেল স্মাটসের মধ্যে পত্রের আদান-প্রদান হয়। গান্ধীজীর পত্রের উত্তরে স্মাটসের সেক্রেটারী মিঃ গর্গেস স্মাটসের পক্ষ হইতে গান্ধীজীকে জানাইলেন যে, নূতন আইনে ভারতীয়দের যে সমস্ত অভিযোগের উল্লেখ করা হয় নাই, সেগুলিও যথাসম্ভব দূর করা হইবে। এই সমস্ত বিষয়ের মধ্যে শিক্ষিত ভারতবাসীদিগের দক্ষিণ আফ্রিকায় প্রবেশাধিকার, তাঁহাদের দক্ষিণ আফ্রিকার বিভিন্ন প্রদেশ হইতে কেপ প্রদেশে প্রবেশের অধিকার, দক্ষিণ আফ্রিকা প্রবাসী যে সমস্ত ভারতীয়ের একাধিক ধর্মপত্নী বিত্তমান, তাঁহাদের পত্নীদিগের স্বামীর সহিত মিলিত হইবার অধিকার উল্লেখযোগ্য। পত্রের উপসংহারে মিঃ গর্গেস জানাইলেন যে, দক্ষিণ আফ্রিকায় প্রচলিত আইনগুলি জ্ঞানসন্মত ভাবে এবং বিনিযুক্ত স্বার্থের প্রতি লক্ষ্য রাখিয়াই প্রয়োগ করা হইবে। মহাত্মা গান্ধী কর্তৃক জেনারেল স্মাটসের নিকট লিখিত পত্র এবং জেনারেল স্মাটসের তরফ হইতে তাঁহার সেক্রেটারীর জবাব 'স্মাটস্-গান্ধী চুক্তি' নামে পরিচিত। এই চুক্তির পর আইন অমান্য আন্দোলন প্রত্যাহার করা হইল। গান্ধীজী ১৯১৪ সনের 'ইণ্ডিয়ান রিলিফ এক্ট' এবং 'স্মাটস্-গান্ধী চুক্তিকে' দক্ষিণ আফ্রিকা প্রবাসী ভারতীয় সম্প্রদায়ের 'ম্যাগনা কার্টা' বা মহাসনদ আখ্যায় অভিহিত করিয়াছেন।

পশ্চিমবঙ্গ সুন্দরবন বন্দীপের জমির পুনরুদ্ধার

শ্রীকুমুদভূষণ রায়

অবিভক্ত বাঙ্গলায়, কলিকাতা ও বরিশাল শহরের দক্ষিণে, সুন্দরবন বন্দীপের আয়তন ৮০০০ বর্গমাইল (চিত্র নং ১)। পশ্চিমবঙ্গের অন্তর্গত সুন্দরবনের আয়তন ৩০০০ বর্গমাইল। কয়েক শতাব্দী পূর্বে এই অঞ্চলে ঘন বসতি ছিল এবং প্রচুর ফসল হইত। বহু প্রাচীন স্মৃতিচিহ্ন ইহার প্রমাণ-স্বরূপ পাওয়া যায়। সুন্দরবন দাসের (জন্ম নবদ্বীপ ১৫০৭ খ্রীষ্টাব্দ) চৈতন্য ভাগবত, কবিকঙ্কণ মুকুন্দরামের (১৫৭৭ খ্রীষ্টাব্দে) রচিত চণ্ডী এবং নিমতার কৃষ্ণরামের (জন্ম ১৬৬৬ খ্রীষ্টাব্দ) রায়মঙ্গল হইতে জানা যায় যে, ষোড়শ ও সপ্তদশ শতাব্দীতেও সুন্দরবন সমৃদ্ধ ছিল। অষ্টাদশ শতাব্দীর প্রথম ভাগে, মুসলমান শাসন হইতে ইংরাজ শাসন পরিবর্তনের সময় বিশৃঙ্খল অবস্থায়, পর্তুগীজ ও মগ জলদস্যুর অত্যাচারে সুন্দরবন জনশূন্য হইয়া পড়ে। সংরক্ষণ এবং সংস্কার অভাবে বাঁধ ভাঙিয়া লোণা জলে বহু অঞ্চল প্লাবিত হয়।

ইংরাজ শাসনের সময়, জমির পুনরুদ্ধার কাজ আবার আরম্ভ হয়। বর্তমানে ২২০১ মাইল লম্বা বাঁধের সাহায্যে ৭৫০০০০ একর বা ১১৭২ বর্গমাইল জমি আবাদে পরিণত হইয়াছে। সম্প্রতি জমিদারী-প্রথা লোপ হইবার আগে পর্য্যন্ত প্রত্যেক জমিদারের উপর নিজ নিজ এলাকার বাঁধের তত্ত্বাবধান করিবার দায়িত্ব ছিল। প্রায়ই বহু স্থানে বাঁধ ভাঙিত। রক্তপথে লোণা জল ঢুকিয়া, অত্যধিক জমি ও গ্রাম প্লাবিত করিত। গৃহস্থের মেটে ঘর ভাঙিয়া পড়িত। জমির ফসল ও ভাঙারে সঞ্চিত শস্য নষ্ট হইত। পশুখাদ্য ও ঘাসের অভাবে, গৃহস্থ গৃহপালিত পশু বিক্রয় করিত। কাজকর্মের অভাবে অধিবাসীরা প্লাবিত অঞ্চল ত্যাগ করিতে বাধ্য হইত। চাষের অভাবে কেহ মৎস্য ধরিয়া জীবিকা অর্জন করিত, কিন্তু তাহার সামান্য আয় হইতে গ্রাসাচ্ছাদন কুলাইত না। প্লাবিত অঞ্চলের অধিবাসীরা দারিদ্র্যগ্রস্ত হইয়া পড়িত।

অনেকের মতে, জমিদারী প্রথা লোপের পর, সুন্দরবনের অবস্থার বিশেষ পরিবর্তন হয় নাই। যদিও গত বৎসর ৩৮ লক্ষ ব্যয়িত এবং বর্তমান বৎসর ৩৭ লক্ষ টাকা বাঁধ মেয়ামত প্রভৃতি কাজের জন্য বরাদ্দ হইয়াছে, তবুও সরকারের জমিদার হিসাবে করণীয় কার্য সম্পাদনে উন্নতি লক্ষিত হয় নাই, এরূপ মত আরোপ করিতেছেন।

“Some of the landlord's duties, such as maintaining bunds, are alleged to have been little better served by the Government, though Rs. 38 lakhs were devoted to this purpose last year and Rs. 37 lakhs budgeted this year.”—*Statesman*, August 30, 1956.

ভূমি রাজস্ব বিভাগের মন্ত্রী, ক্যানিং অঞ্চলের ১২ মাইল বাঁধ গত আগষ্ট মাসে পরিদর্শন করেন। রাজকোষে অর্থাভাব, সুন্দরবনের উন্নতির অগ্রতম বাধা। এই অঞ্চলের বাৎসরিক রাজস্বের পরিমাণ ২৫ লক্ষ টাকা এবং বাঁধ সংরক্ষণের ব্যয় ১ কোটি টাকা (স্টেটসম্যান, আগষ্ট ২৫, ১৯৫৬)।

সুন্দরবনের ১৮২৮ বর্গমাইল বাঁধহীন প্লাবিত অঞ্চল


বাঁধ রক্ষিত সুন্দরবনের বর্তমান অধিবাসী প্রায় সকলেই দারিদ্র্যগ্রস্ত। সুতরাং সুন্দরবনে, পূর্ববঙ্গ আগত আশ্রয়-প্রার্থীর স্থান হইতে পারে না, এ বিশ্বাস স্বাভাবিক।

বহু স্থানে বাঁধ ভাঙিয়া যাওয়ায়, বাঁধ রক্ষিত ৭৫০০০০ একর জমির বিরাট অংশ লোণা জলে প্লাবিত। ভাঙা বাঁধগুলির মেয়ামত হইলে এবং বাঁধ সুচারুরূপে সংরক্ষিত হইলে, সম্পূর্ণ ৭৫০০০০ একর জমিতে আবাদ হইয়া বৎসরে ১৬ কোটি টাকা মূল্যের ফসল হইতে পারে। সুতরাং অধিবাসীদের উন্নতি সম্ভব।

সুন্দরবনের ৩০০০ বর্গমাইলের মধ্যে, ২২০১ মাইল লম্বা বাঁধ নির্মাণ করিয়া ৭৫০০০০ একর বা ১১৭২ বর্গমাইল জমি সংরক্ষিত হইয়াছে। সুতরাং এখনও ১৮২৮ বর্গমাইল অঞ্চল অরক্ষিত অবস্থায় আছে, যেখানে বাঁধ নির্মাণ দ্বারা প্লাবিত অঞ্চলের উদ্ধার করিয়া, আবাদ হইতে পারে। অরক্ষিত অঞ্চলে জমি পুনরুদ্ধার ব্যবস্থা স্থির করিবার পূর্বে সুন্দরবন বন্দীপ গঠন সম্পাদিত তথ্য মনোযোগের সহিত বিবেচনা করা প্রয়োজন।

সিদ্ধ প্রভৃতি নদীপথে শ্রাউপো জলপ্রবাহ

তিব্বত ও ভারতবর্ষে, নদীপথের বহু পরিবর্তন হইয়াছে। তিব্বতের মানচিত্রে দেখা যায়, শ্রাউপো নদীর অনেকগুলি শাখার (কী চু; যাহার তীরে লাসা নগর, নীয়াঙ চু, যাহার তীরে গীয়ানসে নগর, শ্রাউ চু, সাক্যট্র্যাম চু, প্রভৃতির) প্রবাহ মূলনদী প্রবাহের বিপরীতমুখী। এই অসাধারণ বিশেষত্বের জন্য একটি ধারণার উৎপত্তি হইয়াছে



যে, অনতিকাল পূর্বে স্রাণ্ডপো নদী পূর্বে হইতে পশ্চিম দিকে প্রবাহিত ছিল।

বার্ড ও হেডেন তাঁহাদের পুস্তকে—হিমালয় পর্বত এবং তিব্বতের ভূগোল ও ভূবিদ্যা—লিখিয়াছেন যে, স্রাণ্ডপোর জল কোন পথে হিমালয় অতিক্রম করিয়া প্রবাহিত ছিল, তাহা বলা সম্ভবপর নহে। তাঁহাদের বিবেচনায় স্রাণ্ডপোর জল, সিঙ্কু, শতদ্রু, গোত্রা বা গণ্ডক নদীপথে সমুদ্র পর্য্যন্ত প্রবাহিত ছিল।

ভারতবর্ষ বা তিব্বতে, আধুনিক পদ্ধতিতে লিখিত ইতিহাস নাই। বহু প্রাচীন পুস্তকে, নদী, পর্বত ইত্যাদির উল্লেখ আছে, যাহাতে তৎকালীন প্রথামুসারে পৌরাণিক কাহিনীও মিশিয়া গিয়াছে।

তিব্বতীয় পুস্তকে—“পাগ-সাম জোন-জাঙ্গ” (Pag-sam-jon-zang, edited by Sarat Chandra Das)—তিব্বতের কতক অংশ উল্লেখিত ছিল, এরূপ উল্লেখ আছে। মানি-কুম-বুম বা মহিমাযিত রাজার কাহিনীতে (Mani-Kum-Bum or the Grand King's Legend) উল্লেখ আছে যে, যেখানে লাসা শহর অবস্থিত, সেই অঞ্চল জলপ্লাবিত ছিল। কাজুর বা কাজুর গ্রায়ে উল্লিখিত হইয়াছে যে, পঞ্চমস্তব মহাপ্রভুর ধর্ম তিব্বতে প্রচলিত হইবার পূর্বে, ঐ অঞ্চল জলপ্লাবিত ছিল।

কামরূপের প্রাচীন সংস্কৃত পুস্তকে—কালিকা পুরাণ—উল্লেখ আছে যে, তিব্বতে সমুদ্রসদৃশ হ্রদ ছিল যাহার নাম শাস্ত্রপুত্র কুণ্ড বা ব্রহ্মপুত্র কুণ্ড।

অতএব, প্রাচীন তিব্বতীয় ও ভারতীয় পুস্তক হইতে স্পষ্টই দেখা যাইতেছে যে, তিব্বতের অংশ বিশেষে সমুদ্রসদৃশ হ্রদ ছিল। মনে হয়, পশ্চিমে মানস সরোবর ও রাক্ষস হ্রদ হইতে পূর্বে হিমালয়ের প্রান্ত পর্য্যন্ত এই হ্রদ বিস্তৃত এবং ইহার উত্তরে কৈলাশ ও নিয়নচিঙ্কাদলা পর্বতশ্রেণী এবং দক্ষিণে লডক পর্বতশ্রেণী ছিল।

নাঙ্গা পর্বত শৃঙ্খের উত্তরে বৃষ্টি শহরের নিকটে, সিঙ্কুদ ১৭০০০ ফুট গভীর গিরিখাতের মধ্য দিয়া প্রবাহিত। বার্ড ও হেডেনের অভিমত, যে মাত্র সিঙ্কুদেব পরিবাহ-ক্ষেত্র হইতে জলপ্রবাহ এরূপ গভীর গিরিখাত সৃষ্টি করিতে পারিত না। তাঁহাদের আরও অভিমত শতদ্রু, কর্ণালী ও কালা গণ্ডক নদীর হিমালয়ের অপর পারে যে পরিবাহ-ক্ষেত্র আছে, মাত্র তাহার জলপ্রবাহ দ্বারা হিমালয়ের মধ্যে বিরাট এই সব গিরিখাত সৃষ্টি সম্ভব হইত না।

সুতরাং ইহা অনুমান করা যাইতে পারে যে, বৈদিক যুগের প্রথমাবস্থায় স্রাণ্ডপো হ্রদের জল সিঙ্কুদ পথে প্রবাহিত হইয়া আরব সাগরে পড়িত। স্রাণ্ডপো হ্রদ ও সিঙ্কু পরিবাহ-

ক্ষেত্রের মিলিত জলপ্রবাহে সিঙ্কুদকে সমুদ্রবৎ দেখাইত, এজন্য বৈদিক কবিপ্রদত্ত সিঙ্কু বা সমুদ্র নাম সার্থক হইয়াছিল।

ঋগ্বেদের বর্ণনায় সরস্বতীকে বিরাট, সর্বশ্রেষ্ঠ, সীমাহীন জলপ্লাবক, পর্বতের মধ্য দিয়া সমুদ্র পর্য্যন্ত প্রবাহিত, এরূপ উল্লেখ আছে। সুতরাং খুবই সম্ভব, বৈদিক যুগের শেষভাগে স্রাণ্ডপোর জল সরস্বতী নদীপথে আরব উপসাগর পর্য্যন্ত প্রবাহিত ছিল।

পরবর্তী যুগে কর্ণালী-গোগরা নদী দিয়া স্রাণ্ডপোর জল গোগরা-গঙ্গা নদীপথে বঙ্গোপসাগরে প্রবাহিত হয়। পরে গণ্ডক-গঙ্গা নদীপথে স্রাণ্ডপোর জল বঙ্গোপসাগরে প্রবাহিত হয়। বর্তমান সময়ে, স্রাণ্ডপোর জল ব্রহ্মপুত্র-মেঘনা নদী দিয়া বঙ্গোপসাগরে প্রবাহিত আছে।

সুন্দরবন বদ্বীপ

বৈদিক যুগে স্রাণ্ডপোর জল আরব উপসাগরে প্রবাহিত ছিল। গঙ্গা ও ব্রহ্মপুত্র নদীপথে জল প্রবাহের পরিমাণ কম ছিল বলিয়া পলির পরিমাণও কম ছিল এবং সেজন্য গঙ্গা-মেঘনার মোহানায় বদ্বীপ গঠনও কম হইত। গঙ্গা নদীপথে স্রাণ্ডপোর জল প্রবাহিত হইবার পর, পলির পরিমাণ বৃদ্ধি পায় এবং ভাগীরথী ও তাহার শাখানদীর মোহানায় বঙ্গোপসাগরে বদ্বীপ গঠন বৃদ্ধি পায়। সুতরাং পশ্চিম সুন্দরবন অঞ্চল, বঙ্গোপসাগরে দক্ষিণ দিকে বহুদূর অগ্রসর হইতে থাকে। মনে হয়, সপ্তম শতাব্দী হইতে স্রাণ্ডপোর জল ব্রহ্মপুত্র দিয়া মেঘনা নদীপথে বঙ্গোপসাগরে পড়ায়, পশ্চিম সুন্দরবন বদ্বীপ গঠনের পরিমাণ কমিয়া গিয়াছে। বর্তমানে পূর্বে সুন্দরবন বদ্বীপ গঠন বৃদ্ধি পাইয়াছে।

বদ্বীপ স্থলভাগের ক্রমশঃ অধোগমন

ভূজীবনের তৃতীয়ক যুগে সৃষ্টি হইয়াছিল বলিয়া হিমালয় পর্বতশ্রেণীকে অপ্রাপ্তবয়স্ক বলা হয়। প্রাকৃতিক শক্তি পর্বতশ্রেণীকে চূর্ণ করে এবং ভয় পাষণ স্তূপ নদীর জলে পলিতে পরিণত হইয়া সমুদ্রে পড়ে। সুন্দরবনের বদ্বীপ এই প্রণালীতে গঠিত হইয়াছে ও হইতেছে। ইউরোপ মহাদেশে আলপস্ পর্বতশ্রেণীও ভূজীবনের তৃতীয়ক যুগে সৃষ্টি হইয়াছিল, সেজন্য অপ্রাপ্তবয়স্ক বলিয়া পরিগণিত হয়। আলপস্ পর্বতশ্রেণী হইতে ভয় পাষণ স্তূপ নদীর জলে পলিতে পরিণত হইয়া উত্তর সমুদ্রে নদীর মোহানায় পতিত হয়। এই পদ্ধতিতে হল্যান্ডের বদ্বীপের গঠন হইয়াছে ও হইতেছে।

পর্কত হইতে ভয় পায়গল্প নদীপথে অপসারিত হওয়ায়, পর্কত ও অধিত্যকার নীচের ভূত্বকের উপরে ওজন ক্রমশঃ কমিতে থাকে। নদীর মোহানায় পলি জমা হইতে থাকায়, সমুদ্রতলে ভূত্বকের উপর ওজন ক্রমশঃ বাড়িতে থাকে। “আইসোস্ট্যাসি”র মূল সূত্র অনুসারে, ভার সমতা বজায় রাখিবার জন্য, পর্কত ও অধিত্যকার উচ্চতা ক্রমশঃ বাড়িতেছে এবং বন্দীপ ক্রমশঃ অধোগমন করিতেছে।

“Under the principle of isostasy or compensation, there is a slow movement of elevation in the hills and uplands, together with a slow movement of subsidence in the deltas.”

হল্যান্ডে জলাজমি উদ্ধার

এস ডাডলি স্ট্যাম্পন প্রণীত ‘বিশ্বজগৎ’ পুস্তকের ৪৪০ পৃষ্ঠায় উল্লেখ আছে :

হল্যান্ডে উড়িয়া হইতেও ক্ষুদ্র দেশ। রাইন ও মিউজ নদীর বন্দীপ এবং উত্তরে সমুদ্রতীরবর্তী জলাজমি ইহার প্রধান অংশ।

“Holland is a tiny country, smaller even than Orissa. It consists entirely of the delta of the Rhine and Meuse, with low coastlands to the north.”

হল্যান্ডের ১২৮৫০ বর্গমাইল জমির এক-পঞ্চমাংশ সাগরতীর নীচে অবস্থিত। সমুদ্রতীরে বা নদীর পাড়ে বালিয়াড়ি কিংবা বাঁধ না থাকিলে, দেশের অর্ধাংশ বা ৬৬.৩৩ বর্গমাইল, ঝড়ঝঞ্ঝার সময়, বন্যাপ্লাবিত হইত। ত্রয়োদশ শতাব্দী হইতে হল্যান্ডে জলাজমি উদ্ধার ও জল নিকাশের কার্য আরম্ভ হইয়াছে। এ পর্যন্ত প্রায় ২২০০ বর্গমাইল জলাজমি উদ্ধার করা হইয়াছে। নিপুণভাবে উদ্ভাবিত পূর্ন-কার্য দ্বারা এবং চলচ্ছন্দ বিজ্ঞানের প্রতি সতর্ক দৃষ্টি রাখিয়া দেশের বিস্তৃত অঞ্চল আবাদ ও বাসোপযোগী হইয়াছে। ছয় শত বৎসর ধরিয়া বন্দীপের নীচু ও জলাজমি উদ্ধার সম্বন্ধে হল্যান্ডের স্বাস্থ্য ও সমৃদ্ধি হ্রাস পায় নাই। নদীগুলির অবস্থা ভালই আছে এবং সমুদ্রগামী জাহাজ বহু শত মাইল নদীপথে যাতায়াত করিতেছে।

বন্দীপ জলাজমি উদ্ধার-বিরুদ্ধ মনোভাব

বন্দীপ জলাজমি উদ্ধার-বিরুদ্ধ মনোভাব বাংলা দেশে এক সম্প্রদায়ের মধ্যে বর্তমান। কোন কোন ব্যক্তির বিশ্বাস গঙ্গা-বন্দীপ-বিশেষজ্ঞ একমত হইয়া উপদেশ দিয়াছেন যে, সুন্দরবন বন্দীপ জলাজমি উদ্ধারে বাধা বিঘ্ন আছে এবং ইহার ফলে সমস্ত দেশে ভবিষ্যতে গুরুত্বপূর্ণ প্রতিবিধি হইবার সম্ভাবনা।

“Specialists on the Ganga Delta have un-animously advised against reclamation of land in the Sundarbans on grounds of limitations and the serious repercussion it would have on the future of the country as a whole.”—*Statesman*, August 26, 1956.

সুতরাং স্বভাবতঃই এই প্রশ্ন উঠে যে, এই মনোভাবের জন্যই কি বাঁধ ভাঙিয়া বহু জমি ও গ্রাম জলমগ্ন হইলেও বাঁধ মেঝামেঝে কাজে উপেক্ষা প্রকাশ পায় এবং চূর্ণনা ও দারিদ্র্যগ্রস্ত অধিবাসীদের বহুকালব্যাপী কোলাহল এবং আন্দোলনের পর বাঁধ মেঝামেঝে করা হয়।

বাঁধ মেঝামেঝে বিরাট খরচ

বিরাট খরচ, বাঁধ মেঝামেঝে বিলম্বের অন্ততম কারণ। সুন্দরবন অঞ্চলের পূর্নকার্য বিভাগীয় কর্মচারী, বেটনীয় বাঁধ নির্মাণ, শাল বা বাঁধের খোঁটা মাটিতে পোঁতা, মাটি ভর্তি চটের বস্তা বা ইট ভর্তি লোঁহতারের জালের গোলক, ভাঙা বাঁধের নালায় ফেলা, এবং কখনও কখনও বোঝাই নৌকা ডোবানো, প্রভৃতি প্রচলিত যথাশাস্ত্র পদ্ধতি অবলম্বন করিয়া থাকেন।

উদাহরণস্বরূপ : ২৭শে আগষ্ট ১৯৫৩ তারিখে, হারোয়া নদীতে, কলিকাতার প্রায় ৩০ মাইল পূর্বে অবস্থিত কুল-গাছিতে, বাঁধ ভাঙিয়া ২০ মাইল জমি প্লাবিত হয়। চিত্র নং ৩)। পূর্নকার্যবিভাগ সেপ্টেম্বর মাসে কাজ শুরু করেন। শালের খোঁটা পোঁতা হয় এবং মাটি-ভর্তি চটের বস্তা ফেলা হয়। কোন ফল হয় না। তখন তিন মাইল লম্বা একটি বেটনীয় বাঁধ এবং ভাঙা বাঁধের কাছাকাছি আর একটি ছোট বেটনীয় বাঁধ করা হয়। মাটি-ভর্তি চটের বস্তা বোঝাই সাতটি বড় নৌকা, ভাঙা বাঁধের নালায় মধ্যে ডোবানো হয়। ভাঙা বাঁধের নালা বন্ধ হয়। কিন্তু কাজ শেষ করিবার পূর্বেই, উঁচু জোয়ারের জল আসায়, আবার বাঁধ ভাঙিয়া যায়। ইহাতে লক্ষ টাকার উপর খরচ হয়। ১৯৫৪ সন নবেম্বর মাসে পুনরায় ভাঙা মেঝামেঝে কাজ শুরু হয়। শাল ও বাঁধের খোঁটা আবার পোঁতা হয়, মাটি ভর্তি চটের বস্তা আবার ফেলা হয়, এবং বেটনীয় বাঁধ আবার তৈরি হয়। ২রা মার্চ, ১৯৫৫ তারিখে বাঁধ মেঝামেঝে শেষ হয়। আবার বাঁধ মেঝামেঝে খরচ হয় ৭ লক্ষ টাকা।

একটি মাত্র বাঁধ ভাঙা মেঝামেঝে ৭ লক্ষ টাকার বেশী খরচ হইলে, সুন্দরবন বাঁধ সংরক্ষণের খরচ ১ কোটি টাকা লাগিবে, ইহাতে আশ্চর্য হইবার কিছু নাই। এ অঞ্চলের রাজস্ব বাৎসরিক ২৫ লক্ষ টাকা। সুতরাং রাজকোষে অর্থাভাব স্বাভাবিক।

নদীর মহান শক্তির ব্যবহার

প্রশ্ন উঠিতে পারে, পূর্তকার্য্য বিভাগীয় কর্মচারী, খোঁটা পোতা, মাটি-ভর্তু চটের বস্তা ফেলা, বেষ্টনী বাঁধ তৈয়ার করা, ইত্যাদি প্রচলিত যথাশাস্ত্র পদ্ধতি, কেন বাঁধ ভাঙা মেরামতের জন্য ব্যবহার করেন? অথু কোন পদ্ধতি ব্যবহারে কি অন্তরায় আছে?

বিভিন্ন পূর্তকার্য্য বিভাগীয় কর্মচারীদের মধ্যে নিজ নিজ সংস্কারে আসক্তি, অথু কোন পদ্ধতি অবলম্বনের প্রধান প্রতিবন্ধক।

ভারতের বিভিন্ন ইঞ্জিনিয়ারিং কলেজে, সিভিল ইঞ্জিনিয়ারিং ছাত্র প্রায় একই রকমের শিক্ষা পাইয়া থাকেন। কিন্তু যে মুহূর্তে সেচ বিভাগ, রেল বিভাগ বা অথু কোন বিভাগে শিক্ষান্তে তিনি যোগ দেন, সেই মুহূর্তই তিনি নিজ নিজ বিভাগ অমুযায়ী যেন ভিন্ন ভিন্ন জাতিভুক্ত হইয়া পড়েন; যেমন উপনয়নের পর ব্রাহ্মণ দ্বিজাতিভুক্ত হইয়া থাকেন। দ্বিজাতিভুক্ত হইলেও, বেদ হয়ত তিনি কখনও পাঠ করেন নাই। তথাপিও তিনি নিজেকে শূদ্র হইতে শ্রেষ্ঠ জ্ঞান করেন। এই প্রসঙ্গে স্মরণ করা দরকার যে, সংস্কৃত হইতে বাংলার ঋগ্বেদ অমুবাদকারী রমেশচন্দ্র দত্ত মহাশয় ব্রাহ্মণ নহেন। সেচ বিভাগীয় পূর্তকর্মচারী হয়ত নদী নিয়ন্ত্রণের কোন কাজ করিবার সুযোগ কখনও পান নাই; তবুও, রেলের সেতুর নিকট নদী নিয়ন্ত্রণ বা রেল-শীমার যান পরিবর্তন ঘাট স্টেশনে নদী পর্য্যবেক্ষণে যাহার সমস্ত কর্মজীবন কাটিয়াছে, এরূপ রেল ইঞ্জিনিয়ার অপেক্ষা, সেচ ইঞ্জিনিয়ার নদী নিয়ন্ত্রণ সম্বন্ধে নিজেকে বিশেষজ্ঞ জ্ঞান করিয়া থাকেন। জল নিকাশ বা সেচ ও নদী নিয়ন্ত্রণ কি একই বিষয়বস্তু বা বিজ্ঞান?

জলস্রোতবেগ নদীকে মহান শক্তির অধিকারী করিয়াছে— ইহা রেল ইঞ্জিনিয়ারের অভিজ্ঞতা। জলস্রোতবেগের সামান্য বৃদ্ধিতে, নদীর পাড় ও নদীগর্ভের মাটি ক্রমশঃ ক্ষয়প্রাপ্ত হইয়া গভীর নালায় সৃষ্টি করে; আবার জলস্রোতবেগ সামান্য হ্রাস পাইলে, পলি পড়িয়া নদীর গভীর নালা মজিয়া যায়।

বাঁধাল

শীমার কোম্পানী, বাঁধাল দ্বারা নদীকে, তাহার মহান জলস্রোতবেগ শক্তিকে ব্যবহার করিতে সাহায্য করিয়া থাকেন। বাঁধালে মূলতঃ ধারাপরম্পরায়, জোড়ায় জোড়ায়, কেন্দ্রাভিসারী সরল রেখায়, খাড়া বাঁশ থাকে। (চিত্র নং ৪)

“Bandals consist essentially of a series of pairs of lines of vertical bamboos, each pair converging downstream.”

প্রত্যেকটি বাঁশ নদীগর্ভে তিন-চার ফুট পোতা হয়। জলস্রোতবেগ মৃদু হইলে, চাটাই প্রভৃতি খাড়া বাঁশের সঙ্গে বাধা হয়। প্রতি জোড়া বাঁধালের মধ্য দিয়া জলস্রোতবেগ সামান্য বৃদ্ধি পায়; বাঁধাল ও নদীর পাড়ের মধ্য দিয়া জলস্রোতবেগ সামান্য হ্রাস পায়। জলস্রোতবেগ হ্রাস পাওয়ায়, বাঁধাল ও পাড়ের মধ্যে পলি পড়িয়া নদীগর্ভ ক্রমশঃ উঁচু হইতে থাকে এবং এই অংশের জলপ্রবাহের পরিমাণ কমিতে থাকায়, প্রতি জোড়া বাঁধালের মধ্য দিয়া জলপ্রবাহের পরিমাণ বাড়িতে থাকে। ইহার ফলে জলস্রোতবেগ ক্রমশঃ বৃদ্ধি পাইতে থাকে এবং জোড়া জোড়া বাঁধালের মধ্যের নদীগর্ভ ক্ষয়প্রাপ্ত ও জল গভীর হয়। এই পদ্ধতিতে চওড়া ও অগভীর নদীতে, গভীর নালা বজায় থাকে এবং শীমার চলাচলে বাধা থাকে না।

অন্তঃপ্রবেশ চালুনি

নদীর জল বাড়িলে জলস্রোতবেগ বৃদ্ধি পায় এবং নদীগর্ভ ক্রমশঃ ক্ষয়প্রাপ্ত হইয়া খাড়া বাঁশের ভিত্তি অপসারিত করে, সুতরাং বাঁশগুলি পড়িয়া যায় এবং বাঁধাল ধ্বংসপ্রাপ্ত হয়। এজন্য বাঁধালের উন্নতিসাধনের প্রয়োজন হয়। অন্তঃপ্রবেশ চালুনি জাতীয় বাঁধালের সুবিধা এই যে, নদীর জল ও জলস্রোতবেগ বৃদ্ধি পাওয়া সত্ত্বেও, চালুনি নদীগর্ভে স্থায়ী হইয়া থাকে। অন্তঃপ্রবেশ চালুনি এক একটি দেখিতে কীলকা-কৃতি, ইহার ভিত্তিভূমি চওড়া সমকোণী চতুর্ভুজ, দুই প্রান্ত ত্রিভুজ সামনে ও পিছনে সমান্তরাল চতুর্ভুজ। (চিত্র নং ৫)

“Each unit of ‘Permeable Screen’ consists of a wedge shaped structure, with a wide rectangular parallelogram base, the ends being triangles, while the front and back are parallelograms.”

অন্তঃপ্রবেশ চালুনি বাঁধালের স্থায়ী নদীতে কাজ করে।

ভাঙা বাঁধের মেরামত

যেখানে বাঁধ ভাঙিয়াছে, সেখানে নদীর পাড়ের কিনারা দিয়া, অন্তঃপ্রবেশ চালুনির একটি সারি, নদীগর্ভে যথাযোগ্য বিশিষ্ট রেখায় (properly laid alignment with straights joined by transition curves) বসান হইলে চালুনির সারি ও পাড়ের মধ্যে জলস্রোতবেগ হ্রাস পাইতে থাকে। জলস্রোতবেগ হ্রাসের ফলে নদীগর্ভে পলি পড়িয়া নূতন নদীর পাড় সৃষ্টি হইয়া বাঁধের ভাঙা মুখ বন্ধ হইয়া যাইবে (চিত্র নং ৬)। ক্রমশঃ এই পলির উচ্চতা জলের উচ্চতার প্রায় সমান হইবে। এই নূতন পাড়ের উপরে মাটি ভরিয়া দিলে, ভাঙা বাঁধ মেরামত হইবে।

অন্তঃপ্রবেশ চালুনির সারি নদীগর্ভে বসান এবং এক বৎসর রক্ষণাবেক্ষণ ও ভাঙা বাঁধ মেরামতের খরচ, প্রচলিত যথাশাস্ত্র খোঁটা পোঁতা বেষ্টনী বাঁধ—প্রভৃতি পদ্ধতির প্রচলিত খরচের তুলনায় অতি সামান্য। উদাহরণস্বরূপ কুলগাছির ভাঙা বাঁধের জন্য ১৯৫৩-৫৫ সনের ৭ লক্ষ টাকা খরচের পরিবর্তে, অন্তঃপ্রবেশ চালুনিতে ১ লক্ষ টাকার বেশী খরচ হইত না।

অন্তঃপ্রবেশ চালুনির ব্যবহারে, নদীকে তাহার উল্লেখ্য-বেগের মহান শক্তি ব্যবহারে সাহায্য করিলে, বাঁধ ভাঙা মেরামত ও সংরক্ষণের খরচ, ১ কোটি টাকার পরিবর্তে ১৪ লক্ষ টাকার মধ্যেই কুলাইবে। সুতরাং সুন্দরবনের বাৎসরিক ২৫ লক্ষ টাকা রাজস্বই বাঁধসংরক্ষণ সম্ভব হইবে। রাজ-কোষে অর্থাভাব হইবে না।

জোয়ার-ভাটার উচ্চতা বৃদ্ধি

নদীর প্রণালী ক্রমশঃ চওড়া ও অগভীর হওয়ার জন্য, সুন্দরবনের নদীতে জোয়ার-ভাটা জলের উচ্চতা বৃদ্ধি পাইতেছে। ধাপার ৫ মাইল নিম্নে বামনঘাটায় বিদ্যায়তীর প্রণালী ১৮৩০ খ্রীষ্টাব্দে ১৫০-২৫০ ফুট চওড়া ছিল; ১৯০১ খ্রীষ্টাব্দে চওড়া ক্রমশঃ বৃদ্ধি পাইয়া ৪৫০ ফুট হয়। বামন-ঘাটার নিকট নদীর বাঁকে নদীগর্ভ সাগরাক্ষের ৫৯ ফুট নীচে ছিল। অথচ ১৯১২ খ্রীষ্টাব্দে পলি পড়িয়া নদীগর্ভ মজিয়া ৪৭ ফুট উঁচু হয় এবং সাগরাক্ষের মাত্র ১২ ফুট নীচে থাকে। ক্যানিং এর নিকট মাতলা নদীতে, ১৮৬৫ খ্রীষ্টাব্দে জোয়ার জলের উচ্চতা সাগরাক্ষের ৬'২৮ ফুট উপরে ছিল। ১৯১২ খ্রীষ্টাব্দে জোয়ার জলের উচ্চতা আরও ৬ ফুট বৃদ্ধি পায়।

সুন্দরবনের চওড়া ও অগভীর নদীতে ধারাপরম্পরায়, জোড়ায় জোড়ায় অন্তঃপ্রবেশ চালুনির ব্যবহারে সংকীর্ণ ও গভীর, খালের মত, স্থায়ী নালায় প্রতিষ্ঠা হইতে পারে।

নদীর গভীরতা বৃদ্ধি পাইলে জোয়ার-ভাটার জলের উচ্চতাও কমিবে এবং বহু জলাজমির উদ্ধার হইবে। গভীর নদীতে সারা বৎসর নৌকাযোগে যাতায়াত সম্ভব হওয়ায় সুন্দরবনের অধিবাসীরা তাঁহাদের উৎপন্ন জব্যাদি উপযুক্ত মূল্যে বিক্রীত হয় এরূপ বাজারে অল্প খরচে ও সহজে লইয়া যাইতে পারিবেন। উপযুক্ত লাভ থাকিলে খাদ্য ফসল ফলনের বৃদ্ধি হইবে।

পূর্ববঙ্গগত আশ্রয়প্রার্থীদের পুনর্বাসন

বর্তমানে পশ্চিমবঙ্গের অন্তর্গত ৩০০০ বর্গমাইল সুন্দরবনে মাত্র ৭৫০০০০ বা ১১৭২ বর্গমাইল জমি ২২.১ মাইল বাঁধের সাহায্যে সংরক্ষিত হইয়াছে। বহু স্থানে বাঁধ ভাঙিয়া যাওয়ায় এবং বাঁধের ক্রটিপূর্ণ সংরক্ষণের জন্য, ৭৫০০০০ একর জমির বহু অংশে প্লাবিত অবস্থার হেতু ফসল হয় না। সুষ্ঠু পূর্তকার্য্য এবং চলজ্বল বিজ্ঞানের প্রতি সতর্ক দৃষ্টি রাখিলে, সম্পূর্ণ ১১৭২ বর্গমাইল জমিতে বাৎসরিক ১৬ কোটি টাকার ফসলের ফলন হইয়া, সুন্দরবনের বর্তমান অধিবাসীদের অবস্থার প্রভূত উন্নতি হইবে।

সুন্দরবনের অবশিষ্ট ১৮২৮ বর্গমাইল জমি, যেখানে এখনও বাঁধ নির্মাণ বা জমির পুনরুদ্ধারকার্য্য হয় নাই, সেখানে অল্পায়াসেই অন্ততঃ ১০০০ বর্গমাইল বা ৬৪০০০০ একর জলাজমি উদ্ধার করিয়া চাষ-আবাদ হইতে পারে। প্রত্যেক পরিবারকে যদি ৫ একর জমি বণ্টন করা হয়, তবে পূর্ববঙ্গগত ১২৮০০০ পরিবার, বা ৫০০০০০ আশ্রয়-প্রার্থীর পুনর্বাসন বর্তমান অব্যবহার্য্য সুন্দরবনের বাঁধবিহীন লবণাক্ত জলাজমিতে সম্ভব। এই ৫০০০০০ আশ্রয় প্রার্থীদের পুনর্বাসন সত্ত্বেও বর্তমানে ১১৭২ বর্গমাইল বাঁধ-রক্ষিত সুন্দরবন অঞ্চলে যে অধিবাসীরা আছেন, তাঁহাদের কোন অসুবিধা হইবে না।



শ্ৰীপঞ্চমী

শ্ৰীঅজিতকুমার বসুমল্লিক

নিতাই মাৰি লেখাপড়া শিখে নাই বটে, কিন্তু সারা জেলায় তাহার নামডাক, জেলার বাহিৰেও সে সম্প্ৰতি দুই-চাৰি স্থান হইতে তাহার প্ৰতিভা স্বীকৃতি পাইয়াছে। মাৰি নিতাই, পটুয়ানিতাই হইয়াছিল, এখন মৃৎশিল্পী হইয়াছে। নিতাই শুধু ডোমপাড়ারই গৰ্ব্ব নহে, সারা মরাইতলা গ্রামের গৰ্ব্বস্থল হইয়া দাঁড়াইয়াছে।

গ্রামের নাম মরাইতলা। সারা গ্রাম নাকি এককালে ধানের মরাইয়ে ভক্তি থাকিত—সেই জুগই গ্রামের এই নাম। গ্রাম বড়, বহু পাড়ায় বিভক্ত, গ্রামবাসী সকলেই প্ৰায় অল্প-বিস্তৰ সঙ্গতিপন্ন। এখনও গ্রামে পাড়ায় পাড়ায়, বাড়ীতে বাড়ীতে সারবন্দী মরাই দেখা যায়। বিস্তীৰ্ণ মাঠের মধ্যস্থলে বছদিনের পুরাতন গ্রাম মরাইতলা। আগে বাহিৰের জগতের সহিত তাহার যোগাযোগ রক্ষা হইত কোশিকী নদীৰ দ্বাৰা। কোশিকীতে তখন জোয়ার-ভাটা খেলিত, পাল তুলিয়া বড় বড় নৌকা যাতায়াত করিত জাহানাবাদে; আৰ ত্ৰিবেণীতে। এখন নদী বুকিয়া খাল হইয়াছে, মরা সোঁতা বৰ্ষায় ভরিয়া উঠে, গ্ৰীষ্মে শুকাইয়া যায়। এখন বহিৰবিশ্বের সহিত যোগাযোগ রক্ষা করে জেলাবোর্ডের মাটির রাস্তা, শীত-গ্ৰীষ্মে পথ ধুলায় অন্ধকার, বৰ্ষায় আৰ শরতে হয় কৰ্দমাক্ত, পিচ্ছিল—অগম্য।

তবু গ্রামের উন্নতি হইয়াছে, সপ্তাহে দুই দিন হাট বসে, দোলে ও রক্ষাকালী পূজায় মেলা বসে, স্কুল হইয়াছে, পোষ্ট আপিস বদিয়াছে, ইউনিয়ন বোর্ডের কৰ্ত্তাৰা ছোটখাটো একটা হাসপাতাল খুলিবারও চেষ্টা করিতেছেন। এই গ্রামেরই দক্ষিণ উপাস্তবতী ডোমপাড়ার বাসিন্দা স্বভাব-শিল্পী নিতাই মাৰি। গ্রামের ছোট বড় সকলেই নিতাইকে ভালবাসে, তাহার প্ৰশংসাও করে, তাহার মৰ্যাদা সম্পৰ্কে এখন সকলেই সজাগ—বুঢ়েৰা সগৰ্বে বলেন, “আমাৰেৰ নিতাই কাৰিগৰ,” শিক্ত সম্প্ৰদায় বলে, “মৃৎশিল্পী নিতাই মাৰি”—মেয়েমহলে বলে, “নিতাই পোৰ্টো”। এমনকি বিশ্বনিদ্ৰুক হৰি আচাৰ্য্যও তাহার কোন কুৎসা করিতে না পাৰিয়া মনের চুংখে বলে, “আৰে দুৱ দুৱ, নিতাইটা কি মানুষ! হাসতে পৰ্য্যন্ত জানে না—খালি বসে বসে ভাবে আৰ কাদা চটকাৰ।”

কথাটা সত্য, নিতাই ভাবে আৰ কাদা চটকাৰ, আৰ সেই চটকানো কাদাৰ মধ্য হইতে বাহিৰ হইয়া আসে অপূৰ্ণ

মূৰ্ত্তিসমূহ, জীবজন্তু পাখী ফলফুল—আৰও কত কি, সাৰ্বক শিল্পসৃষ্টিৰ নিত্য নূতন পৰিচয়।

আগে পাইকাৰৰা আসিয়া নিতাইয়ের তৈরী খেলনা বড় বড় বোড়ায় সাজাইয়া লইয়া যাইত নামমাত্ৰ মূল্যে। এখন গদাই নাপিতকে দিয়া নিতাই গ্রামের ও আশপাশের মেলায় দোকান খোলায়—মাটির বদলে টাকা আসে, কিন্তু নিতাইয়ের মুখে হাসি আসে না।...

স্বদেশীবাবুৰা যেদিন নিতাইয়ের তৈরী কয়েকটি মূৰ্ত্তি ও খেলনা লইয়া যান সেদিন মরাইতলাৰ কেহ কল্পনাও করে নাই যে, নিতাইয়ের তৈরী ‘গৌৰনিতাই’ মূৰ্ত্তি জেলা শহরের প্ৰদৰ্শনীতে প্ৰথম স্থান অধিকাৰ কৰিবে, সোনাৰ মেডেল নিতাইয়ের গলায় স্বয়ং ম্যাজিষ্ট্ৰেট সাহেবই বুলাইয়া দিবেন, খবরের কাগজে নিতাই মাৰিৰ ফটো বাহিৰ হইবে। কিন্তু নিতাইয়ের মনে সুখ নাই। নিতাই মাৰিৰ সমস্ত সৃষ্টিৰ, তাহার সমস্ত কলানৈপুণ্যের উৎস অন্তৰের অন্তঃস্থলের এক সুগভীৰ বেদনাৰ মধ্যে নিহিত, তাই তাহার অৰ্দ্ধনিমৌলিত নয়ন কখনও আনন্দে উৎফুল্ল হইয়া উঠে না।

নিতাই মাৰি পুতুল গড়ে, খেলনা গড়ে, পট আঁকে, সুন্দর সুন্দর মূৰ্ত্তি প্ৰস্তুত করে, কিন্তু কখনও প্ৰতিমা তৈরি করে নাই। প্ৰতিমা তৈরিৰ প্ৰধান অন্তৰায় তাহার জাতি, ডোমের তৈরী প্ৰতিমা পূজা কৰিবে কে! নিতাই মাৰি তাহা জানে আৰ জানে বলিয়াই সে কখনও প্ৰতিমা তৈরিৰ স্পৰ্দ্ধা দেখায় নাই। সে রাধাকৃষ্ণ মূৰ্ত্তি গড়িয়াছে, কালীয়-দমন, নাভুগোপাল, গৌৰনিতাই—কত মূৰ্ত্তি তৈরি কৰিয়াছে এমনকি মহাদেব, দুৰ্গা, কালী, জগদ্ধাত্ৰী, হৰপাৰ্বতী, অন্নপূৰ্ণা, লক্ষ্মী প্ৰভৃতি বিভিন্ন দেবদেবীৰ সুন্দর সুন্দর মূৰ্ত্তি গড়িয়াছে, লোকে কিনিয়াছে, ঘৰ সাজাইয়াছে সেই মূৰ্ত্তি দিয়া, বহু বাড়ীতেই কাঁচের ঝকঝকে আলমারিতে নিতাইয়ের হাতে-গড়া ঝকঝকে প্ৰাণবন্ত মূৰ্ত্তিসমূহ শোভা পায়, কিন্তু তা বলিয়া ডোমের হাতের তৈরী প্ৰতিমা কিছুতেই ত পূজা করা যায় না। অথচ সৰস্বতী পূজাৰ কয়েকদিন আগে কথাটা রাষ্ট্ৰ হইয়া পড়িল।

গ্রামে টি টি পড়িয়া গেল যে নিতাই সৰস্বতী প্ৰতিমা প্ৰস্তুত কৰিয়াছে এবং হাইস্কুলে শ্ৰীপঞ্চমীৰ দিন ঐ প্ৰতিমাৰ পূজা হইবে। গ্রামের সকলেই শুনিল, কিন্তু কথাটা বিশ্বাস-যোগ্য নহে বলিয়া অনেকে মাথা ঝামাইল না। কিন্তু

সামান্য বিষয় লইয়াও যাহারা ঘোঁট পাকাইতে পারিলে আর কিছু চাহে না সেই অতি-উৎসাহীরা দল কিছুতেই চূপ করিয়া থাকিতে পারিল না। তাহারা প্রথমে ছাত্রমহল হইতে সংবাদ লইল, পরে গদাই নাপিতের নিকট হইতে পাকা খবর সংগ্রহ করিয়া একটা হৈ চৈ শুরু করিয়া দিল। গ্রামের প্রায় বারো আনা লোকই একমত হইল, ডোমের তৈরী প্রতিমা কিছুতেই পূজা হইতে পারে না; এ অনাচার বন্ধ করার জন্ত প্রধান শিক্ষক মহাশয়ের নিকট গ্রামের দুই চারি জন মুকুন্দি পর্য্যন্ত গিয়া উপস্থিত হইলেন।

প্রধান শিক্ষক মহাশয় ব্রাহ্মণ-সন্তান, ইংরেজিতে এম এ পাস করিলেও শিখা এবং উপবীত ধারণ করেন, ত্রিসঙ্খ্যা করেন, স্বপাক আহাৰ করেন, কাহারও দান গ্রহণ করেন না—এক কথায় ব্রাহ্মণের সমস্ত গুণই তাঁহাতে বর্তমান, সুতরাং তিনি যে এইরূপ একটা অনাচার কিছুতেই ঘটতে দিবেন না এ বিশ্বাস সকলের মনেই ছিল। মুকুন্দিদের বক্তব্য ধীর ভাবে শুনিয়া প্রধান শিক্ষক মহাশয় বলিলেন—প্রতিমা মাটির, মাটি কখনও অশুচি হয় না আর তাহা ছাড়া নিতাই প্রতিমা হিসাবে বিক্রয় করার জন্ত গড়ে নাই, শিল্পী আপন মনের খেয়ালে তাহার হৃদয়ের সমস্ত ভক্তি উজাড় করিয়া দিয়া, তাহার সকল কলাইনপুণ্যকে নিঃশেষে বিকশিত করিয়া চতুঃধিকলার অধিষ্ঠাত্রী দেবীর মূর্ত্তী গড়িয়াছে, শাস্ত্রোক্ত দেবীর ধানের সহিত প্রতিমার অপূৰ্ণ সামঞ্জস্য-বিধান করিয়াছে—এ প্রতিমা নিপুণ শিল্পীর তৈরী প্রতিমা মাত্র নহে, উহা ভক্ত সাধকের ধ্যানলব্ধ ধন।

গ্রামবাসীরা ছাত্রদের মুখে শুনিয়া প্রতিমাটি দেখিয়া প্রধান শিক্ষক মহাশয় নিজেই উহা নিতাইয়ের নিকট হইতে চাহিয়া লইয়া আসিয়াছেন, অর্থের বিনিময়ে নিতাই দিতে চাহে নাই, কিন্তু ভক্ত ও শিল্প-রসজ্ঞের আগ্রহ দেখিয়া সে তাঁহাকে বিমুখ করিতে পারে নাই। তখন তাহারা প্রায় সকলেই চূপ করিয়া গেল।

শ্রীপঞ্চমী। প্রধান শিক্ষক মহাশয় স্বয়ং পূজা করিয়াছেন। গ্রামের সমস্ত পল্লী হইতেই প্রায় সকল বাড়ীরই লোক আসিয়াছে। প্রসাদ বিতরণের সময় গেল নিতাই মাঝি আসে নাই। প্রতিমা লইয়া যে গোলযোগ হইয়াছিল তাহা সম্ভবতঃ তাহার কানে গিয়া থাকিবে। প্রধান শিক্ষক মহাশয় কাহাকেও কিছু না বলিয়া ফলমূলদি প্রসাদ লইয়া মিজেই নিতাইয়ের দোকানে চলিলেন। বেশীদূর যাইতে হইল না, দোকানের বাহিরে পথের পাশেই ঘোঁট পোহাইতে পোহাইতেই প্রোট নিতাই মাঝি একটা পুতুলে বৎ করিতেছিল। প্রধান শিক্ষক মহাশয়কে দেখিয়া আত্মমি

আনত প্রণাম করিয়া বলিল, “মাষ্টার মশাই, আপনি এ-দিকে?” পূজার দিনে ডোমপাড়ায় মাষ্টার মহাশয়কে দেখিয়া সে রীতিমত আশ্চর্য হইয়া গিয়াছে। ধীরে ধীরে মাটির সরাখানি নিতাইয়ের নিকট নামাইয়া দিয়া মাষ্টার মহাশয় বলিলেন, “তোমার জন্ত মায়ের প্রসাদ এনেছি নিতাই”। নিতাই হঠাৎ অজ্ঞমনস্ক হইয়া গেল, নিজের মনেই বার তিন-চার প্রসাদ কথাটা আওড়াইয়া লইল, তার পর অত্যন্ত কাতর স্বরে বলিল, “মায়ের প্রসাদ আর এ জন্মে পেজুম না মাষ্টার মশাই, দুটো কালির আঁচড়ও চিনতে পারজুম না”। নিরঙ্কর নিতাই মাঝির সমস্ত বুকখানা যেন তীব্র বেদনায় সঙ্কুচিত করিয়া দিয়া একটা গভীর দীর্ঘশ্বাস বাহির হইয়া গেল।

স্মিত হাস্যের সহিত মাষ্টার মহাশয় বলিলেন, “ভুল করো না নিতাই, কালির আঁচড়ের চেয়েও তুলির টান অনেক—অনেক বড়, মা অকুপণ হাতেই তাই তোমাকে দিয়েছেন, তুমি মায়ের বরপুত্র নিতাই।”—নিতাই মাথা নীচু করিয়া প্রসাদের সরাটা হাতে লইয়া মাথায় ঠেকাইল।...

নিতাই সারা দিন ঘরের মধ্যে বসিয়া বসিয়া ভাবিতেছে। “বরপুত্র” কথাটা তাহাকে বার বার বহু দিনের পুরাতন, অনেক কথাই আজ স্মরণ করাইয়া দিতেছে। আপনার মনেই নিতাই নিম্ন কণ্ঠে ‘বরপুত্র’ কথাটা ইতিমধ্যে কয়েকবার আৰ্জ্জি করিয়াছে।...

তখন তাহার বাবা-মা জীবিত ছিলেন। বুড়া বয়সের ছেলে বলিয়া নিতাইয়ের আদরের অস্ত ছিল না। অধচ নিতাইয়ের জন্তই তাঁহাদের কত না লাঞ্ছনা, ব্যঙ্গ, বিক্রম সহ্য করিতে হইয়াছে।

লাঞ্ছনার শুরু এমনই এক শীতের সকালে।...

“ঠাকুর মশাই”—ডাক দিয়া গোপাল মাঝি একটু ধামিল। দূরে রাস্তার উপর হইতে বাড়ীর ভিতরে সে ডাক পৌঁছিল কিনা সন্দেহ। আবার ডাকিল, “ঠাকুর মশাই, বাড়ী আছেন?” এবারেও সঙ্কোচে তাহার গলাটা কাণিয়া উঠিল। চৌদ্দ পনের বছরের ছেলে নিতাই ততক্ষণে চঞ্চল হইয়া উঠিয়াছে, বাবার হাতে হ্যাঁচকা টান দিয়া বলিল, “জোরে ডাকবি তো!” ছেলের মুখের দিকে তাকাইয়া গোপাল অবাক হইয়া গেল, তাহার সারা মুখ যেন খুশিতে উজ্জল হইয়া উঠিয়াছে, এ নিতাই যেন সে নিতাই নয়, আধখুমস্ত টানা টানা চোখ দুটি যেন এক অপূৰ্ণ দীপ্তিতে জ্বল জ্বল করিতেছে। গোপাল মাঝি এত বুঝিল কি না জানি মা, কিন্তু ছেলের চেহারার মধ্যে একটা অন্বাভাবিক দীপ্তি তাহার চোখ এড়াইল না। গোপাল কেমন যেন হত-

ভাষ হইয়া গেল ; তাহার সন্নিহিত ফিরিল নিতাইয়ের অধীর কণ্ঠস্বরে, “বলি ডাকবি না হাঁ করে দাঁড়িয়ে থাকবি !”

গোপাল বার দুই কাসিয়া গলাটা সাক করিয়া লয়, তাহার পর গলাটা একটু চড়াইয়াই ডাক দেয়, “ঠাকুর মশাই, অ ঠাকুর মশাই, বলি বাড়ী আছেন” । অপ্রত্যাশিত ভাবেই সাড়া মিলিল । ভট্টাচার্য্য মহাশয় একেবারে সশরীরে বাহির হইয়া আসিলেন, হাতে নারায়ণশিলা ।

রাস্তার উপরই লম্বা হইয়া শুইয়া পড়িয়া গোপাল সাষ্টাঙ্গ প্রণতি জানায়, বাবার দেখাদেখি ছেলেও সটান শুইয়া পড়ে । এই রকম একটা ব্যাপারের জন্ত ভট্টাচার্য্য মহাশয় একেবারেই প্রস্তুত ছিলেন না । গোপাল মাঝিকে গ্রামের সকলেই ভালবাসে, স্নেহ করে । ঐ রকম সচ্চরিত্র, পরিশ্রমী নয় ও সাধু প্রকৃতির লোক মাঝিপাড়ায় কেন সারা গ্রামে আছে কিনা সন্দেহ । খোদ জমিদার শান্তশিব চৌধুরী পর্য্যন্ত বলেন, “ও শাপভ্রষ্ট, নইলে কি ডোমের ঘরে অমন ছেলে জন্মায় !” গোপাল মাঝিকে সাধারণ ডোম হিসাবে কেহ দেখে না, প্রশয় সে অল্প-বিস্তর সকলের কাছেই পায়, কিন্তু তা বলিয়া সে বামুনপাড়ায় ঢুকিয়া একেবারে ভট্টাচার্য্য মহাশয়ের বাড়ীর সামনে আসিয়া দাঁড়াইতে সাহস করিবে এ শুধু ধারণার বাহিরে নয়, বিশ্বাসেরও বাহিরে । বাঁ হাতের উন্টা পঠ দিয়া ভট্টাচার্য্য মহাশয় চোখ দুইটা একটু রগড়াইলেন । ততক্ষণ বাপ-ব্যাটা দু’জনেই প্রণাম সারিয়া উঠিয়া দাঁড়াইয়াছে ।

ভট্টাচার্য্য মহাশয় যতদূর সম্ভব রাগটা চাপিয়া রাখিয়া স্বাভাবিক ভাবেই বলিলেন, “কি রে সকালবেলায় একেবারে বামুনপাড়ার মাঝখানে এসে হানা দিয়েছিস বাপ-ব্যাটায়, ব্যাপার কি ?” ভট্টাচার্য্য মহাশয়ের কণ্ঠস্বরের রুদ্ধতা কিন্তু গোপালের কানে ধরা পড়িল, নিতাই বুঝিল কিনা বুঝা গেল না । গোপাল একেবারে কেঁচো হইয়া গেল । কথাটা বলি বলি করিয়াও তাহার মুখ ফোটে না । নিতাই বাপকে ধাক্কা দিয়া বলিল, “বল না !” ভট্টাচার্য্য মহাশয় এবার নিতাইয়ের দিকে তাকাইলেন, জ্ঞান করিয়া একটু লালপেড়ে কোরা কাপড় পরিয়া আসিয়াছে, সদ্যভোজা চুলগুলি মাথার উপর কুণ্ডলী পাকাইয়া রহিয়াছে, বাম্য ও কৈশোরের সন্ধিস্থলে দাঁড়াইয়া গ্রামশ্রীতে উদ্ভাসিত এই ধাজুদেহ ছেলেটিকে কিছুতেই গোপালের ছেলে বলিয়া বিশ্বাস করিতে ইচ্ছা হয় না—যেন কয়েত-বামুনের ঘরের ছেলে !

গোপালের কথায় ভট্টাচার্য্য মহাশয়ের চস্তাধারায় ছেদ পড়িল । “নিতাই বলে নেকাপড়া শিকবে, বছরখানেক

ধরে খালি এক কথা, তাই সবাই বললে তবে যা ভট্টাচার্য্য মশাইকে—” গোপালের কথা অসমাপ্ত রহিয়া গেল, “কি লেখাপড়া শিখবে, এঁ্যা ।” যুগপৎ ক্রোধ ও বিস্ময়ে ভট্টাচার্য্য মহাশয় ফাটিয়া পড়িলেন । ভট্টাচার্য্য মহাশয়ের আকস্মিক চীৎকারে এবার শুধু গোপাল নহে নিতাইও ভড়কাইয়া গেল ।

“দুর্গা, দুর্গা—সকাল বেলায় উঠেই মুখ দেখতে হ’ল, না জানি কি আছে বরাতে,” এতক্ষণে ভট্টাচার্য্য মহাশয়ের প্রচ্ছন্ন উদ্ভা স্পষ্ট ভাবেই আত্মপ্রকাশ করিল ।

শীতের সকাল, তখনও রৌদ্র গ্রামের পথে সর্বত্র প্রবেশ করিতে পারে নাই, গাছের মাথায় মাথায়, পাতায় পাতায় সবে সোনালি সূর্য্যকিরণ কেবল বিকসিক করিতে শুরু করিয়াছে । পথে লোকজনও ছিল না, কিন্তু ভট্টাচার্য্য মহাশয়ের চীৎকারে দুই-চারিটি কোঁতুহলী মুখ দেখা গেল এবং ব্রাহ্মণপাড়ার মধ্যস্থলে ডোম দেখিয়া তাঁহারা একেবারে অগ্নিশর্মা হইয়া উঠিলেন ।

গোপাল আর লাজুনা না বাড়াইয়া নিতাইয়ের হাত ধরিয়া ধীরে ধীরে বামুনপাড়া হইতে বাহির হইয়া আসিয়া বাড়ীর পথ ধরিল । সারা পথ বাপ-ব্যাটা দু’জনের কেহই কথা বলে নাই । তাহার পর বহুদিন ধরিয়া গোপালকে ও গোপালের স্ত্রীকে ব্যঙ্গবিঙ্গপ শুনিতে হইয়াছে । কত রকমের কত কথা কত লোকেই না বলিয়াছে, সে সব নিতাই ভুলিয়া গিয়াছে, শুধু মনে আছে হাতে বুড়ি কিনিতে গিয়া নিতাইকে শুনাইয়া শুনাইয়া গোপালকে হাকু ঠাকুর বলিয়া ছিলেন, “এঁ্যা এই বুঝি তোম ছেলে, ডোমের ছেলে লেখা পড়া শিখবে, মা সরস্বতীর বরপুত্র হবে, বলি আচ্ছা মন্দ নয় !” তাহার পর কি নির্ঘাতনই না শুরু হইল, গোপালকে আর নিতাইকে দেখাইয়া সে কি হাসাহাসি । গোপাল সে হাতে আর বুড়ি চুবুড়ি বিক্রয় করিতে পারিল না । বাড়ী ফেরার পথে বহুদূর পর্য্যন্ত কয়েকটা ছেলে “বরপুত্র, বরপুত্র” বলিয়া তাহাদের পিছনে হাততালি দিয়া চীৎকার করিয়াছিল । আজ মাঠার মহাশয়ের মুখে ‘বরপুত্র’ শব্দ অতীতের সেই বিষাদমলিন দিনকে স্মরণ করাইয়া দিয়াছে ।

নিতাইয়ের সন্নিহিত ফিরিল কাসর-ঘণ্টার শব্দে গ্রামের ভিতর হইতে সন্ধ্যারতির বাগধ্বনি শুনা যাইতেছে । নিতাই দুই হাত কপালে ছোঁয়াইয়া ধীরে ধীরে ঘর হইতে বাহির হইয়া আসিল—আকাশে ত্রীপঞ্চমীর টাঙ্গ হাসিতেছে ।

কেদারনাথ হইতে বজ্রীনাথ

শ্রীপ্রভাসচন্দ্র সেন

এবার বজ্রীনাথ দর্শন এবং কেদার হইতে বজ্রীনাথের পথের কথা উল্লেখ করিব। হিমালয়ের এই কঠিন পার্বত্য পথে তীর্থদর্শন-মানসে যাহারা বাহির হয়, তাহারা প্রায় সকলেই কেদারনাথ দর্শনান্তে বজ্রীনাথ দর্শন করিয়া এই পরিক্রমা শেষ করে। অবশ্য যাহাদের আরও শারীরিক কষ্ট সহ করা এবং আরও অধিক সময় ব্যয় করা সম্ভব হয় এই সঙ্গে গঙ্গোত্রী ও যমুনোত্রী তীর্থদ্বয় দেখিয়া তাহারা উত্তরাঞ্চলের তীর্থপরিক্রমা সম্পূর্ণ করে। কেদার ও বজ্রীনাথ পরিক্রমার পথে দেবপ্রয়াগ, কুদ্রপ্রয়াগ, গুপ্তকাশী, ত্রিযুগীনারায়ণ, গৌরীকুণ্ড, উধীমঠ, তুঙ্গনাথ, গোপেশ্বর, গরুড়গঙ্গা, যোশীমঠ, বিষ্ণুপ্রয়াগ পাণ্ডুকেশ্বর প্রভৃতি হিমালয়ের ক্রোড়ে অবস্থিত তীর্থগুলিও এই সঙ্গে দেখা হয়।


কেদারনাথ পর্বতশিখর হইতে বজ্রীনাথের দূরত্ব সোজাসুজি খুব বেশী নয়; কেহ কেহ বলে মাত্র ছয় মাইল; আর পূর্বে একই পূজারী প্রত্যহ কেদারনাথ ও বজ্রীনাথের পূজা করিত, কিন্তু সেই সোজা পথ আর না থাকায় এখন একশ' এক মাইল পথ ঘুরিয়া কেদার হইতে বজ্রীনাথ যাইতে হয়।

কেদার হইতে পূর্বোক্ত পথে আমরা গৌরীকুণ্ডে ফিরিয়া আসিলাম। পথ একটানা নীচের দিকে নামিয়া আসিয়াছে। উৎরাই পথে সাত মাইল অতিক্রম করিতে মাত্র দুই ঘণ্টার মত সময় লাগিল। তবে নামিবার সময় অত্যন্ত সতর্কতা অবলম্বন করিবার প্রয়োজন হয়, কারণ গড়ানে পথ দিয়া

আন্তে হাঁটিয়া চলা সম্ভব হয় না, প্রায় দৌড়াইয়াই চলিতে হয়। চড়াই পথের তুলনায় উৎরাই পথে চলিবার ক্লাস্তি অবশ্য অনেকাংশে কম, কিন্তু নামিবার সময় শরীরে অস্বাভাবিক ঝাঁকুনি লাগে আর একটু অসতর্ক হইলে পায়ে আঘাত লাগিবারও যথেষ্ট সম্ভাবনা থাকে।

গৌরীকুণ্ড ও রামপুরচটার মাঝে মূল পথ ছাড়িয়া তিন মাইল দূরে একটা পাহাড়ের উপর ত্রিযুগীনারায়ণ মন্দির অবস্থিত। গৌরীকুণ্ড হইতে উৎরাই পথে মাত্র দুই মাইল পথ

অতিক্রম করিয়া ডান হাতের চড়াই পথ ধরিয়া আমরা ত্রিযুগীনারায়ণের দিকে চলিতে লাগিলাম। চড়াই পথে দুই মাইল চলিয়া শাকস্তুরী দেবীর মন্দির দর্শন হইল। কথিত আছে, দেবী এই স্থানে শুস্তনিশুস্ত বধ করিয়াছিলেন। শাকস্তুরী মন্দির হইতে আরও প্রায় এক মাইল পথ চলিয়া আমরা যখন ত্রিযুগীনারায়ণ মন্দির-প্রাঙ্গণে পৌঁছিলাম তখন বেলা দশটা বাজিয়া গিয়াছে। মন্দিরে ধাতুনির্মিত নারায়ণ-মূর্তি দর্শন করিলাম। মন্দিরদ্বারের সম্মুখে একটি ধুনি প্রজ্জ্বলিত রহিয়াছে দেখিলাম। প্রবাদ, এই ধুনি শিব-পার্বতীর বিবাহের ধুনি, ত্রিকাল ধরিয়া জ্বলিতেছে। যাত্রীরা ধুনি প্রদক্ষিণকালে এক এক খণ্ড কাষ্ঠ অগ্নিতে প্রদান করে। গঙ্গোত্রী যাইবার পথ এখানে আসিয়া মিলিত হইয়াছে।



ত্রিযুগীনারায়ণ

ত্রিযুগীনারায়ণ দর্শনান্তে আমরা আবার মূল পথে ফিরিয়া আসিলাম। পূর্বে উল্লেখ করিয়াছি যে, গুপ্তকাশীর পর এক মাইল পথ আসিয়া নালাচটী অতিক্রম করিয়া আমরা কেদারের দিকে অগ্রসর হইয়াছিলাম। কেদারনাথ দর্শনান্তে প্রত্যাবর্তন করিয়া নালাচটী পর্যন্ত একই পথে আসিলাম। নালাচটী পার হইয়া বাম দিকের উৎরাই পথে মন্দাকিনীর সেতু অতিক্রম করিয়া এবার আমরা বজ্রীনাথের দিকে অগ্রসর হইতে লাগিলাম। সেতু পার হইয়া চড়াই পথে

আরও প্রায় দুই মাইল চলিয়া সেদিন সন্ধ্যার কিছু পূর্বে আমরা যে স্থানে পৌঁছিলাম তাহার নাম উখীমঠ।

বাসুদেব-পৌত্র অনিরুদ্ধ কতৃক বাণাসুর রাজকন্যা উষা হরণের যে কাহিনী শ্রীমদ্ভাগবতে পাওয়া যায়, কথিত আছে, এই স্থানেই তাহা সংঘটিত হইয়াছিল। উষার নামানুসারে এই ক্ষেত্রের নাম হইয়াছে উষা বা উখীমঠ। শীতের ছয় মাস এখান হইতে কেদারনাথের পূজা নিবেদন করা হয়।

একরাত্রি উখীমঠে বাস করিয়া আমরা তুঙ্গনাথের দিকে অগ্রসর হইতে লাগিলাম। তুঙ্গনাথ এই স্থান হইতে বার মাইল দূরে অবস্থিত আর এই বার মাইল পথের ভিতর আট মাইলই প্রাণাস্তকর চড়াই। মাঝে কিকিদ্দমিক ছয়



তুঙ্গনাথ

মাইল পথ ঘন জঙ্গলে আবৃত। তিন বেলা হাঁটিয়া পরদিন বেলা আন্দাজ এগারটার আমরা তুঙ্গনাথ পৌঁছিলাম। এখানে তুঙ্গনাথ মহাদেবের শিবলিঙ্গমূর্তি বিরাজমান। পর্বতচূড়ায় অবস্থিত এই মন্দির; উচ্চতা ১২,০০০ ফুটের উপর। কেদার-বন্দী পরিক্রমায় তুঙ্গনাথই সর্বোচ্চ স্থান। স্থানটি অত্যন্ত ঠাণ্ডা তবে তুষারাবৃত নহে। মন্দির-প্রাঙ্গণের নীচে একটা স্নানের কুণ্ড আছে, নাম আকাশগঙ্গা; কুণ্ডের জল হিমশীতল। তুঙ্গনাথ মন্দির-প্রাঙ্গণ হইতে কেদারনাথ ও বন্দীনাথ পর্বতশ্রেণী একত্রে দৃষ্টিগোচর হয় আর এ নয়নাভিরাম দৃশ্য তুঙ্গনাথ ভিন্ন আর কোথাও দৃষ্ট হয় না।

তুঙ্গনাথ হইতে অবতরণ করিয়া সেদিন সন্ধ্যার পূর্বে

মণ্ডলচটী নামে একটি ছোট চটীতে রাত্রিবাসের জন্য আমরা আশ্রয় লইলাম। অবতরণকালে প্রায় সম্পূর্ণ পথই গভীর বনের ভিতর দিয়া অতিক্রম করিয়া আসিতে হইয়াছে। এইরূপ গভীর অরণ্য এই পরিক্রমায় আর আমরা পাই নাই।

মণ্ডলচটী ছাড়িয়া পাইলাম গোপেশ্বর। এখানে গোপেশ্বর মহাদেবের মন্দির অবস্থিত। আর মন্দির-প্রাঙ্গণে একটা বিরাট-আকার ত্রিশূল আছে, তাহাতে দ্বাদশ শতাব্দীর রাজা অনেকমলের বিজয়-গৌরব বার্তা খোদিত আছে।

গোপেশ্বর পার হইয়া বন্দীনাথ গমনের মূল পথের সংযোগস্থল চার্মোলি আসিয়া পৌঁছিলাম। শ্রীনগর হইতে রুদ্র-প্রয়াগ হইয়া পিপুলকুঠী পর্যন্ত যে বাস একটানা চলাচল করে তাহা এই পথ দিয়া যায়। পিপুলকুঠীর দূরত্ব এখান হইতে মাত্র এগার মাইল; আর এই পথটুকু বাসেই চলা সম্ভব হয়; অনাবশ্যক আর পায়ে চলিবার প্রয়োজন হয় না। বহু দিনের পথশ্রমের পর আজ আবার খানিকটা পথ বাসে চলা সম্ভব হইবে জানিতে পারিয়া যার পর নাই উৎফুল্ল হইয়া উঠিলাম, কিন্তু বাসের সংখ্যান্নতা ও স্থানাভাবের জন্য আমাদের ভাগ্যে আর বাসে চড়া সম্ভব হইল না; শেষ পর্যন্ত হাঁটা-পথেই অগ্রসর হইতে হইল।

কেদারনাথের পথে রুদ্রপ্রয়াগে আমরা অলকানন্দাকে ছাড়িয়া মন্ডাকিনীর অববাহিকা ধরিয়া অগ্রসর হইয়াছিলাম; চার্মোলি পৌঁছিয়া আবার আমরা অলকানন্দার সহিত মিলিত হইলাম; আর বন্দীনাথ পর্যন্ত অলকানন্দার অববাহিকা ধরিয়াই বরাবর চলিতে হইবে।

পিপুলকুঠীর পর আসিলাম গরুড়গঙ্গায়। বিষ্ণুর উদ্দেশে গরুড় এই স্থানে তপস্বী করেন, এখানে গরুড়েশ বিষ্ণুর মন্দির আছে। গরুড়গঙ্গায় অবগাহন স্নান করিবার প্রথা আছে; শোনা যায় গরুড়গঙ্গায় একডুবে যদি কেহ হুড়ি-পাথর তুলিয়া আনিয়া ধরে রাখিয়া দেয় তবে তাহার আর সর্পভয় থাকে না।

গরুড়গঙ্গার বার-তের মাইল পর আসিলাম যোশীমঠে। ভগবান শঙ্করাচার্য প্রতিষ্ঠিত জ্যোতির্মঠ এই স্থানে অবস্থিত। মঠ প্রাঙ্গণে জ্যোতির্লিঙ্গ মহাদেব আছেন। এই কারণে এই স্থানকেও জ্যোতির্মঠ বলা হয়।

শ্রীমৎ শঙ্করাচার্য ভারতবর্ষের চারিপ্রান্তে চারিটি মঠ বা বিদ্যা ও সাধন-কেন্দ্র স্থাপন করেন। পশ্চিমে দ্বারকায় সারদামঠ, পূর্বে পুরীধামে গোবধন মঠ, দক্ষিণে রামেশ্বর তীর্থে শৃঙ্গেরী মঠ আর উত্তরাঞ্চলে হিমালয়ের ক্রোড়ে এই জ্যোতির্মঠ। এই চারি মঠের সন্ন্যাসিগণকেও তিনি চারিটি

ভিন্ন সম্প্রদায়ে বিভক্ত করেন। শঙ্করাচার্যের এই বিধানানু-
সারে ভারতের দশনামী সন্ন্যাসী সম্প্রদায় চারি মঠের সহিত
সংযুক্ত হইল এবং মঠ অনুসারে তাঁহাদের উপাধিও ভিন্ন ভিন্ন
হইল। যথা সারদামঠের সন্ন্যাসীদের উপাধি হইল তীর্থ ও
আশ্রম, গোবর্ধন মঠের উপাধি বন ও অরণ্য, শৃঙ্গেরী মঠের
অধীন সরস্বতী, ভারতী ও পুরী সম্প্রদায় আর জ্যোতির্মঠের
অধীন গিরি, পর্বত ও সাগর সম্প্রদায়। ব্রহ্মচারীদের উপাধিও
ভিন্ন ভিন্ন মঠের বিভিন্ন হইল, যথা সারদামঠে স্বরূপ, গোবর্ধনমঠে
প্রকাশ, শৃঙ্গেরীমঠে চৈতন্য ও জ্যোতির্মঠে আনন্দ; আচার্যের
এই নামাকরণ অত্যাধি সন্ন্যাসী সম্প্রদায়ের ভিতর প্রচলিত
রহিয়াছে।

আচার্য আরও বিধান দিলেন যে, চারি বেদ এই চারি
মঠে এক এক অংশে প্রাধান্য লাভ করিবে—সারদামঠে সাম-
বেদ, গোবর্ধন মঠে ঋকবেদ, শৃঙ্গেরী মঠে যজুর্বেদ ও
জ্যোতির্মঠে অথর্ববেদ। সূত্ররাং “তত্তুমসি” “প্রজ্ঞানাং ব্রহ্ম”
“অহং ব্রহ্মাস্মি” এবং “অয়মাত্মা ব্রহ্ম” এই চারি মহাবাক্য
যথাক্রমে চারি মঠের অবলম্বন হইল।

ভারতে বৌদ্ধধর্মের অবসানে সনাতন
বেদান্ত ধর্ম প্রচারকালে শঙ্করাচার্য এই
জ্যোতির্মঠ প্রতিষ্ঠা করেন ও এই স্থানে
বহুদিন অবস্থান এবং তপস্বী করেন।
বস্তুতঃ উত্তরাখণ্ডের সমস্ত তীর্থক্ষেত্র
তিনি পুনরায় উদ্ধার করিয়াছিলেন।
তিনি ভারতে বেদান্ত-ধর্মের পুনঃপ্রতিষ্ঠা
করিয়াছিলেন, একথা নিঃসন্দেহে বলা
যায়। জ্যোতির্মঠ ছাড়া এখানে নৃসিংহ
মন্দির ও দুর্গার মন্দির আছে। শীতের
ছয় মাস এ স্থানেই বদ্রীনাথের পূজা
হয়।


ষোশীমঠের প্রাকৃতিক দৃশ্য অতি
মনোরম; দূরে চিরতুষারাবৃত পর্বতশ্রেণী
এখান হইতে স্পষ্ট দৃষ্ট হয়। আর

শীতের প্রথম স্পর্শ এ পথে এখানেই অনুভূত হয়। ষোশী-
মঠ অতিক্রম করিয়া প্রায় দুই মাইল উৎরাই পথে আসিয়া
পাইলাম বিষ্ণুপ্রয়াগ। অলকানন্দা ও ধবলীগঙ্গার সঙ্গম-
ক্ষেত্র। সঙ্গম ঘাটের উপর বিষ্ণুমন্দির অবস্থিত। জনপ্রবাদ
এই—বিষ্ণুর আরাধনা করিয়া নারদমুনি এইস্থানে সর্বজ্ঞ
হইবার বর লাভ করিয়াছিলেন।

বিষ্ণুপ্রয়াগে অপেক্ষা না করিয়া আমরা ষোশীমঠের পর
আসিলাম পাণ্ডুকেশবের। এখান হইতে বদ্রীনাথ আর এক
দিনের পথ।

মৃগরূপী শাপগ্রস্ত পাণ্ডুরাজা এই স্থানে তপস্বী করিয়া-
ছিলেন তাই এই ক্ষেত্রের নাম পাণ্ডুকেশব। এখানে যোগ-
বদরীর মন্দির আছে। শোনা যায়, স্বর্গারোহণকালে পঞ্চ-
পাণ্ডব এই স্থানে একটা পাহাড়ে বহুদিন অবস্থান করিয়া-
ছিলেন।

পাণ্ডুকেশবের এক রাত্রি যাপন করিয়া আমরা আমাদের
মুখ্য ও শেষ গন্তব্য স্থানের উদ্দেশে বাহির হইলাম। মধ্যাহ্নে
পথের শেষ আশ্রয়স্থল হনুমানচটী অতিক্রম করিয়া চড়াই
পথে বদরিকাশ্রমের দিকে অগ্রসর হইতে লাগিলাম। হনুমান-
চটী হইতে বদ্রীনাথের দূরত্ব যদিও মাত্র পাঁচ মাইল, কিন্তু এ
পথটুকু সম্পূর্ণই চড়াই। আজ আবার তুষাররাজ্যের দ্বারে
আসিয়া উপনীত হইলাম। পথও চলিয়াছে একটানা উপরের
দিকে। পাহাড়ের গা বাহিয়া বরফ আসিয়া স্থানে স্থানে
চলার পথ ঢাকিয়া ফেলিয়াছে। নীচে তুষারচ্ছন্ন অলকানন্দা।
স্থানে স্থানে নদীবক্ষ জমাট বাধিয়া রহিয়াছে আর তাহার
তলদেশ দিয়া প্রবল শ্রোত চলিয়াছে। আকাশ ধন
তমসাবৃত হইয়া রহিয়াছে, কনকনে হাওয়া বহিতেছে আর



পাণ্ডুকেশব মন্দির

মাঝে মাঝে ঝুপটি হইতেছে। প্রাকৃতিক দুর্ঘোণের ভিতর
দিয়া অভ্যস্ত সঙ্গর্পণে ও অস্বাভাবিক শারীরিক ক্লেশ সহ
করিয়া সঙ্ঘাত কিছু পূর্বে আমরা বহু আকাজ্কিত বদ্রীনাথ
পুরীতে প্রবেশ করিলাম। পুরীতে প্রবেশ করিতে যখন আর
মাত্র সামান্ত পথ বাকি তখন একটা পাহাড়ের বাঁক ঘুরিতেই
চোখের সামনে ভাসিয়া উঠিল বদরিকাশ্রমের ক্ষুদ্র শহর ও
মন্দিরচূড়া। বদ্রীনামাঙ্গণের পুণ্যপীঠ, ভূবৈকুণ্ঠ নগ্ননগোচর
হইতেই যাত্রীদল আনন্দে কোলাহল করিয়া উঠিল। আজ
তাঁহাদের সমস্ত কষ্টের অবসান হইল; যাত্রা সার্থক হইল,
মতাপুণ্য ফলে বদ্রীনামাঙ্গণের ত্রীচরণপ্রাপ্তে আজ উপনীত,

সকল যাত্রীর মনেই আজ এই ভাব। ক্রমে আমরা আরও নিকটে আসিয়া পড়িলাম; একটা কাঠের সেতু অতিক্রম করিয়া পুণ্যভূমি স্পর্শ করিলাম।



বদ্রীনাথধাম

পৌছিয়া আর কালবিলাস না করিয়া বদ্রীনাথ দর্শন-মানসে মন্দিরের উদ্দেশে চলিলাম। সোজা পথ চলিয়াছে মন্দিরদ্বার পর্যন্ত। পথের দুই ধারে সারি সারি নানা দ্রব্যের দোকান। শহরটি ছোট কিন্তু সুরক্ষিত; উচ্চ পর্বত চারিদিক বেষ্টিত করিয়া রহিয়াছে। প্রাকৃতিক সৌন্দর্যের পাশে আধুনিক সভ্যতার প্রথম নিদর্শন হিসাবে পথের দুই ধারে সারি সারি বৈদ্যুতিক আলো জ্বলিতেছে।


পথ হইতে মন্দির-প্রাঙ্গণ অনেকটা উচ্চভূমিতে অবস্থিত, অনেকগুলি সোপান উঠিয়া সিংহদ্বার অতিক্রম করিয়া মন্দির-প্রাঙ্গণে পৌছিলাম। কেদার-মন্দিরের ন্যায় এ মন্দিরও দুই ভাগে বিভক্ত, মুস মন্দির ও নাটমন্দির। মন্দির অভ্যন্তরে নারায়ণের ধ্যানমূর্তি; তাঁহার দুই পাশে অশ্বাশ্ব দেবতাগণ, যেন সভা করিয়া বিরাজমান।

মন্দির অভ্যন্তরে বৈদ্যুতিক আলো নাই; একটি ঘুতের প্রদীপ জ্বলিতেছে। শ্রীঅঙ্গ নানা বেশভূষায় আবৃত, শুধু মুখ-মণ্ডল দৃষ্টিগোচর হয়। মূর্তিটি কৃষ্ণবর্ণ ও বহু প্রাচীন। কথিত আছে, উত্তরাখণ্ডের তীর্থপর্যটনকালে শঙ্করাচার্য যখন বদ্রীনাথ মন্দিরে দেবদর্শন মানসে গুভাগমন করেন তখন তিনি দেখিলেন মন্দিরে বিগ্রহ নাই, তৎপরিবর্তে শালগ্রাম শিলা অর্চনা হইতেছে। স্থানীয় ব্রাহ্মণ-পণ্ডিতগণকে প্রশ্ন করিয়া তিনি জানিতে পারিলেন—চীন দেশ হইতে অভিযানের ভয়ে তাঁহাদের পূর্বপুরুষেরা অদূরে কোন এক কুণ্ড-মধ্যে বিগ্রহটি রক্ষা করিয়াছিলেন, কিন্তু পরে কেহ আর

তাহা উদ্ধার করিতে পারে নাই। এই কথা শ্রবণান্তে শঙ্করাচার্য স্বয়ং নারদকুণ্ডে অবতরণ করিয়া প্রস্তর-ফলকে পদ্মাসনবদ্ধ চতুর্ভাঙ্গ বিষ্ণুমূর্তি উদ্ধার করেন ও স্বয়ং স্বন্ধে

করিয়া মন্দির মধ্যে আনয়ন করণান্তর বদ্রীনাথজীর পূজা পুনঃপ্রতিষ্ঠা করেন। মন্দির-নিয়মই অলকানন্দা প্রবাহিত; ইহার পুণ্য তটে ব্রহ্মকপাল, যাত্রীরা এই স্থানে পিতৃপুরুষের উদ্দেশে পিণ্ড দান করে। অলকানন্দা ও মন্দির-প্রাঙ্গণের মাঝে একটি উষ্ণ প্রস্রবণ থাকায় এই হিমরাজ্যে যাত্রীদের স্নান করিবার বিশেষ সুবিধা হয়। বদরিকা-শ্রমের উচ্চতা ১০,৫০০ ফুট; ঠাণ্ডাও কেদার অপেক্ষা অনেক কম।

বহু সময় মন্দির-প্রাঙ্গণে অবস্থান করিয়া অধিক রাতে চটীতে ফিরিয়া আসিলাম। ক্লাস্ত যাত্রী দল সন্ধ্যা সমাগমেই চটীতে ফিরিয়া বিশ্রাম



বদ্রীনাথ মন্দির

করিতেছে। নৈশ ভোজনান্তে আমিও শয্যাগ্রহণ করিলাম; সুদীর্ঘ পথশ্রমে দেহমন আজ অবসন্ন। গভীর রাত্রিতে ঠাণ্ডাটা অধিক অনুভূত হওয়াতে নিদ্রা ভাঙিয়া গেল; একবার ঘরের বাহিরে আসিলাম। দেখিলাম—কি অপূর্ব দৃশ্য! চন্দ্রালোকে দিগন্ত উদ্ভাসিত,

চিরতুষারাবৃত পর্বতশিখর অপরূপ রূপলাবণ্যে মণ্ডিত। একটা বিরাট নিস্তরূত। দিগন্ত ব্যাপিয়া বিরাজ করিতেছে আর নিম্নে স্নিগ্ধ চন্দ্রকিরণে উদ্ভাসিতা ধাবমানা অলকানন্দার নিববচ্ছিন্ন গঙ্জন। সত্যই কি আজ কবিকল্পিত স্বপ্নপুরীতে আসিয়া উপনীত হইলাম।

কত যুগযুগান্তরের চিরপবিত্র এই তীর্থ, মহাভারতের যুগে পাণ্ডবেরা এই মহাতীর্থ অতিক্রম করিয়া মহাপ্রস্থানের

পথে চলিয়া গিয়াছেন। তাহার পর কত যুগ গত হইয়াছে, কে তাহার সঠিক পরিমাপ করিবে; কিন্তু এই ব্যবধান আজ সব মুছিয়া যাইতেছে। সেই পুণ্যভূমি, চিরনবীন। স্ব-মহিমায় আজিও মহিমাষিত এই বদরিকাশ্রম, কত ঋষি যোগী মহাত্মার পুত্র পাদস্পর্শে ইহার ধূলিকণা চিরপবিত্র। কি অপূর্ব আকর্ষণ সৃষ্টি করিতেছে যুগযুগান্তর ধরিয়া মানুষের অন্তরে এই তীর্থরাজ “বদরিকাশ্রম”।

ভূমি-বণ্টন ও জাতির উন্নতি

শ্রীঅজিতকুমার বসু



২

চাষীর হাতে জমি বিলি নীতি গৃহীত বা ঘোষিত হয়েছে বটে, কিন্তু সেই নীতিকে বাস্তবে রূপায়িত করে তোলায় উপযোগী কার্যক্রম গৃহীত হয় নি। শুধু কার্যক্রম স্থির হয় নি, তা-ই নয়, বহু অন্তরায়ও সৃষ্টি করা হচ্ছে।

প্রথমতঃ, আজকাল একটা বব উঠেছে। সকলেই বলতে আরম্ভ করেছেন, বাংলার জমি কৈ যে বিলি করা হবে? দেশকে গড়ে তোলার দায়িত্ব যাদের হাতে অর্পিত হয়েছে, তাঁরাই একথা তুলেছেন। সম্প্রতি বাংলার মুখ্যমন্ত্রী ও রাজস্বমন্ত্রী বলেছেন, পরিবারপ্রতি যে সর্বোচ্চ পরিমাণ জমি ধার্য করা হয়েছে, তা বাদে মাত্র চার লক্ষ একর, বা, সমস্ত জমির মাত্র তিন শতাংশ, বিলি করার জন্ম বাড়তি পাওয়া যাবে। অর্থাৎ, বাকী ৯৭ ভাগ, তাঁদের মতে প্রায় স্ববম ভাগে চাষীদের হাতেই বন্টিত হয়ে আছে—বাংলার মুষ্টিমেয় অকৃষকদের হাতে বহু জমি পুঞ্জীভূত হয়ে নেই।

কিন্তু ১৯৫১ সনের গণনার হিসাব তা বলে না। এই হিসাব অনুসারে ‘কৃষিজীবী’দের শতকরা ৭০’৭ ভাগ বা মোট ১২,৮২,৭৬৪টি ‘কৃষক’ ও ২,৬৫,৬২২টি ‘অকৃষক’ পরিবারের হাতে সমগ্র জমির শতকরা মাত্র ২৬’৮ ভাগ বা মোট ৩৪,৩০,০৮২ একর এবং পরিবারপ্রতি এক-আধ বিঘা থেকে ১৫ বিঘা বা পাঁচ একর পর্যন্ত জমি আছে। পাঁচ একরের বেশী ও দশ একরের মধ্যে এবং গড়ে মোট ৩৩,৫০,৭৬৭ একর শতকরা ২৬ ভাগ জমি আছে ২০’৩ শতাংশ কৃষিজীবী বা ১,১৬,১৬০টি ‘অকৃষক’ ও ৩,৩০,৬০৯টি ‘কৃষক’ পরিবারের হাতে। দশ একরের বেশী ও পনব একরের মধ্যে এবং গড়ে মোট ১০,৪৫,৩৮৭ একর শতকরা আট ভাগ কৃষিজীবী বা ২৫,২২৬টি ‘অকৃষক’ ও ৫৭,৭০৫টি ‘কৃষক’ পরিবারের হাতে। পনের একরের বেশী এবং কুড়ি একরের মধ্যে এবং গড়ে মোট ৮,৪৭,৩১৫ একর (প্রায় শতকরা সাত ভাগ) শতকরা ২’২ ভাগ

কৃষিজীবী বা মোট ১৭,৪৩১টি ‘অকৃষক’ ও ৩০,২৮৭টি ‘কৃষক’ পরিবারের হাতে আছে। শতকরা ১’২ ভাগের বা মোট ১০,৮২৮টি ‘অকৃষক’ ১৫,৫৮১টি ‘কৃষক’ পরিবারের হাতে আছে কুড়ি একরের বেশী ও পঁচিশ একরের মধ্যে এবং মোট গড়ে ৫,২৪,২০২ একর বা শতকরা ৪’৬ ভাগ জমি। শতকরা ১’৮ ভাগ বা মোট ২২,৭৭৮টি ‘অকৃষক’ ও ১৬,৮৩৬টি ‘কৃষক’ পরিবারের হাতে আছে পঁচিশ একরের বেশী এবং মোট শতকরা ২৮ ভাগ বা ৩৫,২২,২৪০ একর জমি। কাজেই মুষ্টিমেয় লোকের হাতে বহু জমি পুঞ্জীভূত হয়ে আছে।

দ্বিতীয় বাধা ‘কৃষক’, ‘কৃষিজীবী’, ‘কৃষিনির্ভর’ প্রকৃতির সংজ্ঞা। প্রস্তাবিত ভূমি-সংস্কার আইনের সংজ্ঞায় যারা ‘প্রকৃত কৃষক’ (Bonafide cultivator), তাদের জন্ম কোন সীমা নির্ধারণ করা হয় নি; বত খুশি জমি রাখার অধিকার তাদের দেওয়া হয়েছে। সরকারের মতে এদেরই হাতে বাকী উৎকৃষ্ট জমি আছে। ৩৩ একর সর্বোচ্চ ধরেও বার লক্ষ একর যদি শেযোক্ত এই অকৃষকদের হাতে থাকে, তা হলে, তাদের মোট আছে বড়জোর দশ কি এগার লক্ষ একর। তা হলে অন্ততঃ পঁচিশ লক্ষ একর আছে শেযোক্ত প্রকৃত কৃষকদের হাতে। অর্থাৎ, পরিবারপ্রতি ১৪৮ একর। একথা ঠিক কি না, সে বিষয়ে সন্দেহ আছে। বস্তুতঃ ‘প্রকৃত কৃষক’দের হাতে কম জমি আছে এবং ‘অকৃষক’দের হাতেই আছে বেশী জমি। আর, তা ঠিক হলেও, এত অধিক জমি এক হাতে রাখা ভারসম্ভব নয় বলেই স্বীকৃত হয়েছে।

চাষীর হাতে জমি দেওয়ার কথা যে পরিপ্রেক্ষিতে উঠেছে, সে ক্ষেত্রে চাষী বলতে নিজ হাতে লাঙ্গল কোদাল চালিয়ে এবং উৎপাদনের বিভিন্ন কাজে সরাসরি শারীর-প্রয় নিয়োগ করে যাওয়া কসল কলার তাদেরই বোঝায়। কেবলনা, এদের সংখ্যাও যেমন অনেক বেশী, আর্থিক অসহায়তাও তেমনই অতি নিদারুণ। এদেরই জীবিকার

মান উন্নত করার জগুই জমি বিলির অপরিহার্যতা স্বীকৃত হয়েছে। কিন্তু প্রস্তাবিত আইনের সংজ্ঞায় এই মূল উদ্দেশ্যটাই সম্পূর্ণ বার্থ হয়েছে। এ প্রস্তাবে যে বত বড় ধনী এবং প্রবল, সে-ই তত বড় চাষী, এমনকি রাজা, মহারাজারাও, বড় চাকরো বড় ব্যবসায়ীরাও। লাঙলে হাত দিলে যারা সমাজে পতিত হয়, তারাও সরকারী সংজ্ঞায় প্রকৃত কৃষক। এদেরই বত খুশি জমি রাখার অধিকার দেওয়া হয়েছে। নিজ হাতে চাষ যারা করে সেই সব চাষীরাও সরকারের মতে প্রকৃত কৃষক বটে। কিন্তু এদের মোট সংখ্যার শতকরা আশী ভাগই, বা সমস্ত “কৃষিনির্ভর” পরিবারের শতকরা ৬৮ ভাগ, হয় ভূমিহীন, নয় তা সামান্য জমির অধিকারী। সুতরাং, “প্রকৃত কৃষকে”র আখ্যায় এদের ভূষিত করা হলেও, কার্যতঃ আইনের সমস্ত সুযোগ পাবার অধিকারী হ’ল তারাই, যারা চাষী নয়, যারা কৃষির কাজে শ্রম-নিয়োগে বিমুখ ও অক্ষম।

শুধু তাই নয়। প্রস্তাবিত আইন বলবৎ হবার পরও শারীর-শ্রমে অক্ষম ও বিমুখ এই সব লোকদের মধ্যে যাদের একশত বিঘার কম আছে, বা থাকবে তারা একশত বিঘা পর্যন্ত জমি বাড়াতে পারবে। প্রকৃত চাষীদের সে অধিকার থাকলেও কার্যতঃ তারা তা পারবে না। কেননা, তাদের ৮০ ভাগ লোকই ত এমন অবস্থায় আছে বা থাকবে যে, তাদের জমি কেনা ত দূরের কথা, বিক্রিই করতে হবে, যেমন আবহমানকাল ধরে হয়ে আসছে। তা ছাড়া, প্রকৃত চাষীরা ততটুকু জমিই সাধারণতঃ রাখে বতটুকুতে নিজেরা গায়ে-গতয়ে খেটে ফসল ফসাতে পারে। আইন বলবৎ হবার পর হালচাষী ও কৃষি-শ্রমিক ছাড়া আর কেউই জমি কিনতে পারবে না, অন্ততঃ এইটুকু যদি বিধিবদ্ধ হ’ত, তা হলেও মন্দের ভাল হ’ত। তা হলে জমির দাম কম হ’ত এবং চাষীরা কিছু কিছু কিনতেও হয়ত বা পারত। আবার এই সব গরীব চাষীদের ভরণপোষণযোগ্য পাঁচ একর পুরিয়ে দিতে যেখানে দরকার ৩৬,৩৭,৫৬০ একর, (রাজস্বমন্ত্রী বলেছেন ৩০ লক্ষ একর) সেখানে বলা হচ্ছে—পাওয়া যাবে মাত্র চার লক্ষ একর। তাও পাওয়া যাবে কিনা সন্দেহ। কারণ, বর্তমান আইন মালিকদের সপক্ষে। বর্তমান জরীপে তারা সবাই নির্দিষ্ট নিজেদের “কৃষক” বলে লিপিবদ্ধ করছে। আর, উপরোক্ত পরিমাণ জমি পাওয়া গেলেও তা কি ভাবে এবং কাদের বিলি করা হবে, তার কোন ব্যবস্থাই হয়নি। হতভাগ্য ক্ষেত-মজুররা ত এ আইনের আওতাতেই পড়ে না—তাদের জগু কিছুই করা হবে না। সুতরাং, ধনীকে আরও ধনী, অচাষীকে চাষী এবং ভূম্যধিকারী এবং চাষী-মালিককে ভূমিহীন ও ভাগ-চাষী এবং গরীবকে আরও গরীব করার নীতি ও পদ্ধতি সমভাবেই বলবৎ থাকবে। এ ব্যবস্থায় আর যাই হোক এবং বত মহৎ উদ্দেশ্যই এতে নিহিত থাকুক, “সমাজতান্ত্রিক ধরনের” ব্যবস্থা যে এ নয়, একথা সকলেই স্বীকার করবেন। এ ত গেল কৃষকের সংজ্ঞা সম্পর্কিত ক্রটি। এ ক্রটি মূলগত। এই ক্রটির ফলেই বত গোলযোগ সৃষ্টি হয়েছে। কিন্তু এ ছাড়া আরও ক্রটি আছে অনেক।

বাংলার মন্ত্রীমণ্ডলী “সমাজতান্ত্রিক ধরনের” কৃষি-ব্যবস্থায় ইমারতের উপরতলার নক্সা নিয়ে সবার আগে পাকা ছাদ ঢালাইয়ের তোড়জোড় শেষ করে ফেলেছেন। তার ফলেই বনিয়াদ কিন্তু ফাঁকা রয়ে গেছে—চাষীর ভাগ্যে কিছুই জুটছে না। সমস্তা যখন গুরুতর এবং দেশ ও জাতির স্বার্থেই যখন তার সমাধানের প্রয়োজনীয়তা স্বীকৃত, তখন চাষী ও ভূমিহীনদের দরকারমতই সর্বোচ্চ পরিমাণ ধার্য করা দরকার। তা হলে কৃষকদের সংজ্ঞায় গোলযোগ থাকলেও সমস্তার সমাধান হুঃসাধ্য হ’ত না।

জমি নেই, একথা ঠিক নয়। আর তা ঠিক হলে বনিয়াদটাই ত আরও আগেই ঠিক করতে হবে। জমি বেশী থাকলে না হয় আপাততঃ উপরের পরিমাণ বেশী রাখলেও ক্ষতি ছিল না। আবার, যদি ভূমিহীন ও গরীব চাষীর সংখ্যা কম হ’ত এবং মালিকদের সংখ্যা বেশী হ’ত, তা হলেও না হয় অবস্থার খাতিরে আপাততঃ ভূমিবর্টনের কথা চেপে গেলেও সামগ্রিকভাবে কোন বিশেষ ক্ষতি হ’ত না। আর তা হলে চাষী ও ক্ষেত-মজুরদের অবস্থা এতে শোচনীয়ও হ’ত না; তাদের কদর থাকত। কিন্তু তাও যে নয়, সে হিসাব আগেই দেওয়া হয়েছে। এ ছাড়া, “ইকনমিক হোল্ডিং”-এর মধ্যেও দৃষ্টিভঙ্গীর গলদ আছে এবং “পরিবারপ্রতি” পরিমাণ ধার্য করার ফলে (মাথাপ্রতি ধরলে হিসাবে ফাঁকি দেওয়া সম্ভব নয়) হাঁড়ি ভাগ করে হিসাবে ফাঁকি দেওয়া যাবে বা থাকবে।

খেচ্ছামূলক শ্রম-দানের ধারাই যে এই গরীব দেশের উন্নয়ন-কার্যে ক্রততর ও সূর্য হতে পারে, একথা সকলেই স্বীকার করেছেন। গরীব চাষী আর ক্ষেত-মজুররাই সে শ্রম-দান করতে পারে, আর কেউ নয়। ভরণপোষণযোগ্য পরিমাণ আপাততঃ না হলেও তাদের চলবে। “ইকনমিক হোল্ডিং” তাদের কাছে বড় কথা নয়। বড় হ’ল তাদের আস্থা আর ভবিষ্যতের স্বপ্নসৌধ রচনার বাস্তব অবলম্বন। যে স্বপ্ন তাকে কর্তৃসমূদ্রে, গড়ার কাজে ঝাঁপ দেবার অপার সাহস দেবে। দেখা দরকার কত বেশী লোককে সন্তুষ্ট করা যায়। হিসাব করলেই বোঝা যাবে তা হুঃসাধ্য নয়। তাদের জগু আপাততঃ যাদের কিছু ক্ষতি স্বীকার করতে হবে, তাদের সংখ্যাও অতি নগণ্য।

সর্বোচ্চ পরিমাণ ২০ একর ধার্য করলে ২৮,৬৫,৯৮২ একর জমি পাওয়া যাবে। ৬ লক্ষ ভূমিহীনদের ২ একর করে এবং ২ একরের কম জমির মালিক গরীব ৬,৩৭,৮০০ চাষীদের ২ একর পুরিয়ে দিতে মোট লাগবে ১৮,১০,৯৯৪ একর। সুতরাং আরও ১০,৫৪,৯৮৮ একর জমি অবশিষ্ট গরীব চাষীদের (৬,৫১,৯৬৪টি পরিবার) পরিবারপ্রতি দেড় একরেরও বেশী দেওয়া যাবে।

আবার, যদি সর্বোচ্চ পরিমাণ ১৫ একর ধার্য করা হয়, তা হলে উচ্চত পাওয়া যাবে ৩৩,১৭,১৪২ একর। ভূমিহীনদের তিন একর ও তিন একরের কম জমির মালিক চাষীদের তিন একর পুরিয়ে দিতে লাগবে ৩১,৯০,২১৯ একর। এক্ষেত্রেও বাকী গরীব

চাষীদের প্রায় দেড় বিঘা করে দেওয়া যাবে। ১০ একর সর্বোচ্চ পরিমাণ ধার্যা করলে তো কথাই নেই।

উচ্চতম পরিমাণ কম করে ধার্যা করা কেন হবে না? প্রথমতঃ এতে তুষ্ট হবে প্রায় ১৯ লক্ষ পরিবার এবং এমন পরিবার যাদের শ্রম ও উৎসাহের উপরই দেশের ভবিষ্যৎ বহুলাংশে নির্ভর করছে। দ্বিতীয়তঃ সর্বনিম্ন পরিমাণের তিন গুণের বেশী জমি কাউকে রাখতে দেওয়া উচিত হবে না।

তা ছাড়া, উচ্চতম পরিমাণ ধার্যা করার সময় কেবল জমির পরিমাণ দেখলেই বা চলবে কেন? এক একটি পরিবারের সামগ্রিক আয় দেখতে হবে। অধিক জমির মালিকদের অধিকাংশেরই অল্প উপায়ে অর্থোপার্জনের বহু পথ আছে—চাকরি, দোকানদারী, ব্যবসা, ডাক্তারি, ওকালতী প্রভৃতি। অনেকে প্রচুর যোজনায়ও করে থাকেন ঐ সকল বৃত্তি এবং ব্যবসায়ের দ্বারা। এ ছাড়া যে দশ-বার লক্ষ বাগান, পুকুর বা জলাশয়াদি আছে, সেগুলির অধিকাংশেরই মালিক এই সব শ্রেণীর লোকেবাই। এসব থেকে আয়ও হয় প্রচুর। এগুলিই বা ধরা হবে না কেন?

এমন ব্যবস্থা করা উচিত যে, এক একটি পরিবারের সর্বসমেত আয় বাৎসরিক তিন হতে পাঁচ হাজার টাকা ধার্যা করে তার বেশী আয়ের লোকদের জমি রাখার অধিকার দেওয়া হবে না। যার আয় তার চেয়ে কম হবে, তার যদি জমি থাকে তা হলে তাকে সেটুকু জমিই রাখতে দেওয়া হবে যাতে তার সর্বসমেত আয় ঐ সর্বোচ্চ আয়ের বেশী না হয়। তা হলে জমি আরও অনেক বেশী পাওয়া যাবে। জমির বখন অভাব এবং অধিকসংখ্যক লোক, বিশেষ করে যারা ফসল ফলায় তারা বখন অর্থাভাবে ক্লিষ্ট তখন তো নিঃসঙ্কোচে অবিলম্বে এই নীতি অবলম্বন করা দরকার।

আসলে জমির অভাব নেই। অভাব আছে নীতির স্বচ্ছতার এবং কার্যক্রমের সবলতার। আশা করা যায় কর্তৃপক্ষ সে অভাব পূরণ করতে সক্ষম হবেন।

৩

চাষীর হাতে জমি বিলি করলে দেশের ও জাতির পক্ষে তা কত দূর সুফলদায়ক হবে?

কৃষির দরুন বাংলার (জাতীয় আয় কমিটির রিপোর্ট অনুসারে) আয় কিছু বেশী হবে বলেই মনে হয়। এখানে অর্ধকরী চাষ বেশী এবং সেচ-ব্যবস্থা ও দোকসলার চাষ অল্প কোন কোন প্রদেশের চেয়ে অধিক। তা ছাড়া, চাষ কতকটা সহজসাধ্যও বটে। এই হিসাবে বাংলার কৃষি-আয় আনুমানিক ২২৫ কোটি টাকা। যারা মজুর দিয়ে চাষ করার তাদের একরপ্রতি আয় আনুমানিক ১৩০ এবং প্রধানতঃ যারা নিজ হাতে চাষ করে তাদের আয় একরপ্রতি আনুমানিক ১৬০ টাকা। এই হিসাবে ৩৩ একরের অধিক জমির মালিক ১৯,৮০৭টি পরিবারের ভাগে এবং নিজ চাষে ৩০,১৭,৮৩৭ একর জমিতে আনুমানিক ৩০,৭৭,৫৩,২১০ টাকা আয় হয়। পরিবার-

প্রতি বাৎসরিক ৩০০০ হিসাবে সংসার চালানোর জল খরচ করেও এদের উৎস হই আনুমানিক ২৪,৮৩,৩২,২১০ টাকা। ২৫ থেকে ৩৩ একরের মালিক ১৯,৮০৭টি পরিবারের ৫,৭৪,৪০৩ একর জমিতে আয় ৫,৭৭,২৭,৬২০ এবং বাৎসরিক ২৫০০ টাকা সংসার-খরচ করে উৎস হই ৮২,১০,১২০ টাকা। এর পর, ২০-২৫, ১৫-২০ এবং ১০-১৫ একর, এই তিন স্তরের মালিকদের, যথাক্রমে ২০০০, ১৫০০ ও ১২০০ সংসার-খরচ করে, মোট উৎস হই আনুমানিক ৫,৩৮,৫৭,৯৭২। ৫-১০ একরের মালিকদের আয় গড়ে ৩৯,২০,৩৯,৭১০ এবং ব্যয় সমপরিমাণ। তবে এই শ্রেণীর মালিকদের চাষের ফলন বেশী এবং গড় আয়ও বেশী। কেননা, জমির প্রতি এদের যত্ন অধিকতর। এর পর আসে গরীব মালিক ও ক্ষেত্রমজুরদের কথা। এদের মোট আয়, মজুরিতে এবং ভাগ ও নিজ, চাষে ১৪৪ কোটির কিছু বেশী। অর্থাৎ, এদের পরিবারপ্রতি আয় ৬৬৮ টাকা। এদেরও মধ্যে গরীব চাষী-মালিক ও ক্ষেত্র-মজুর ১৮,৮২,৭৬৪টি পরিবারের নিজ জমির ভাগের এবং মজুরির মোট আয় আনুমানিক ১৩৯ কোটি টাকা এবং পরিবারপ্রতি ৭৩৫ মাত্র। ভূমিহীনদের আয় আরও কম—মোট আনুমানিক ৩৩ কোটি টাকা এবং পরিবারপ্রতি ৫৫০ মাত্র। সরকারী তথ্য অনুসারে এদের, গরীব চাষী ও মজুরদের আয় ৬২২ টাকা মাত্র।

পনর একর বা মাথাপ্রতি তিন একর সর্বোচ্চ পরিমাণ ধার্যা করে উৎস হই ৩৩,১৭,১৪২ একর জমি বিলি করলে ভূমিহীন ও গরীব চাষীদের আয় বাড়বে (এই জমির দরুন ভাগে ও মজুরিতে যে আয় হয়, তা বাদে) সাড়ে ২৪ কোটি টাকা। অর্থাৎ, এই বৃদ্ধি—বাংলার কৃষিজাত জাতীয় আয়ের প্রায় শতকরা দশ ভাগ এবং বেশী জমির মালিকদের উৎস আয়ের শতকরা ৭৯ ভাগ।

এ ছাড়া আরও বহু দিক দিয়েই আয় বাড়বে। গরীব বলে এদের অনেকেই ছেলেমেয়েরাও মজুর খাটে। পুরুষের পুরা শ্রম-ক্ষমতার অনুপাতে ছেলে মেয়ের নিয়োজিত শ্রম, সমগ্র নিয়োজিত শ্রমশক্তির শতকরা ৩৫ ভাগ। চাষীদের হাতে জমি দিলে এবং তাদের আয় বাড়লে ছেলে মেয়েরা মজুরি খাটা ছেড়ে দেবে। তার ফলে মজুরের চাহিদা ও মজুরি বাড়বে। এই কারণে চাষের খরচ বাড়বে বলেও বটে, উপরন্তু মালিকদের জমির পরিমাণ কম হওয়ার দরুনও বটে, মালিকেবা জমির ও চাষের উন্নতি ও দোকসলা চাষের বৃদ্ধি করে আয় বাড়ানোর চেষ্টা করবেই। সেজন্যও মজুরের চাহিদা ও মজুরি বাড়বে। এক হাতে জমি পুঞ্জীভূত এবং অ-চাষীদের হাতেও অনেক জমি থাকার ফলে বর্তমানে চাষের প্রতি অবহেলা চরমে উঠেছে। কৃষিকার্যা প্রয়োজনীয় মজুর পধ্যস্ত নিয়োগ করা হয় না, অজ্ঞান বিষয়ে যত্ন নেওয়া ত দুঃস্বপ্ন কথা। বর্তমানে একরপ্রতি মাত্র ২৬ জন মজুর বা বিঘা-প্রতি ৯ জন মজুর কাজে লাগানো হয়। চাষীদের আয় বাড়বে বলে তারাও চাষেও যেমন কিছু কিছু মজুর লাগাবে, তেমনই যত্নবাহী তৈরি করা প্রভৃতি অজ্ঞান কাজেও মজুর নিয়োগ

করবে। ফলে মজুতিতে আর্থ বাড়বে অস্তুতঃ শতকরা ২৫ ভাগ হিসাবে ১৫ কোটি টাকা।

কৃষি-মজুরি বৃদ্ধির এবং মজুরদের কাজের নিশ্চয়তার প্রয়োজনীয়তা সকলেই গভীরভাবে অনুভব করছেন। তার জগৎ প্রাথমিক আয়োজনও চলছে। কিন্তু আইন করে তা হবে না। খাটবার লোক বেশী হলে এবং চাষের উন্নতির চেষ্টা না হলে বা টিমে তালে চললে শ্রমিকেরা কম মজুরি নিতে বাধ্য হবে। অল্প চাষী মজুর ত দুবের কথা, কোন কোন শিক্ষিত মহলেই এ প্রথা বলবৎ আছে। তা ছাড়া, হু'-চার আনার জগৎ আদালতের শরণাপন্ন ত হওয়া যায় না, অল্প ও গরীবদের পক্ষে ত তা সম্ভবই নয়। মালিকদের দাপটে এবং পুলিশ ও মালিকদের ষড়যন্ত্রে এরা আইনমত ভাগের ফসলই নিতে পারছে না বা ভাগ-চাষী বলে জরীপে লেখাতেও পারছে না।

জমির ফলন ও গড় আয় বাড়বে অস্তুতঃ শতকরা দশ ভাগ— বাস্তব ক্ষেত্রে দেখা যায়, সামান্য বত্ন নিলেই ফলন বাড়ে শতকরা ৫৭.১০ ভাগ। জমির উন্নতি, তার তদারক এবং সার প্রয়োগ করলে গড় ফলনের দু' তিন গুণ ফলনবৃদ্ধি হয়ই। এও দেখা যায় যে, সাধারণতঃ কম জমির মালিক এবং বিশেষ করে কৃষির উপর একান্ত নির্ভরশীল মালিক ও চাষীদের জমিতে ফলনও বেশী, একাধিক ফসলের চাষও বেশী। সুতরাং ফলনবৃদ্ধি বাবদ আয় বাড়বে অস্তুতঃ ২৫ কোটি টাকা এবং ক্রমশঃ তা দাঁড়াবে অস্তুতঃ ৫০।৬০ কোটিতে। অচাষীদের মধ্যে যারা আয় বাড়তে পারবে না, তারা জমি ছেড়ে দিতে বাধ্য হবে অথবা তারাই চাষী হয়ে উঠবে। এর ফলেও মধ্যবিত্তদের বেকার-সমস্যা কমবে এবং চাষীরাও কিছু কিছু জমি বাড়ানোর সুযোগ পাবে, অবশ্য যদি চাষী ছাড়া আর কারও জমি কেনার অধিকার না থাকে।

কৃষিজাত দ্রব্যের দাম যে উদ্বেগজনক ভাবে নিয়গামী হয়েছে এবং বাজারের অবস্থা যে সম্পূর্ণ অনিশ্চিত, তারও মোড় ঘুরবে সুষ্ঠু ভূমিবণ্টন ব্যবস্থার দৌলতে। এই বিপুলসংখ্যক লোকের আয় বাড়ার ফলে ফসলের দাম বাড়বে এবং বাজারে নিশ্চয়তা ও স্থিতি আসবে। এ ছাড়া, চাষীদের ছেলেমেয়েরা শিক্ষার দিকে যাবে এবং বয়স্ক মেয়েরা অবসর ও সুযোগ-সুবিধামত নানা গৃহশিল্পে মন দেবে। এর ফলে, আয়বৃদ্ধি এবং কুটীরশিল্পের প্রসারের পথখুলবে।

অর্থাৎ, এক কাজেই কয়েকটা প্রধান, গুরুত্বপূর্ণ ও জরুরি কাজ হইবে—শ্রমিকদের মজুরি বৃদ্ধি, জমির ও চাষের এবং ফলনের উন্নতি, গ্রামের ও চাষীদের বেকার-সমস্যা হ্রাস, ফসলের মূল্যবৃদ্ধি, বাজারের নিশ্চয়তা, শিক্ষার বিস্তার, কুটীরশিল্পের প্রসার প্রভৃতি এবং চাষীদের আয়বৃদ্ধি তথা ক্রয়-ক্ষমতা বৃদ্ধি অস্তুতঃ ৫০ কোটি টাকা। সরকার শত শত কোটি টাকা খরচ করে এবং নানা দিক দিয়ে মাথা ঘামিয়েও যেখানে কুলকিনারা পাচ্ছেন না, সেখানে প্রায় বিনা খরচে এতগুলি জরুরি কাজ হয়ে যাবে এবং

দেশের প্রাণকেন্দ্র গ্রামগুলিতে জনসাধারণের কর্মোচ্ছোগ ও প্রচেষ্টা স্বতঃস্ফূর্ত হয়ে বহুমুখীভাবে ছড়িয়ে পড়বে। গ্রামে নব জীবনের সূত্রপাত হবে, গতিশীল অর্থনীতিক অবস্থার উদ্ভব হবে।

দেশ স্বাধীন হবার পর থেকে আজ পর্যন্ত বিদেশ থেকে খাত আমদানী করতে, "ফলন বৃদ্ধি" (গ্রো মোর ফুড) আন্দোলনে, ছোট বড় সেচের খাল কাটাতে, বাঁধ বাঁধতে, নিকাশী-নালা কাটাতে, সার দিতে, এবং কৃষির উন্নতিসংক্রান্ত আরও অগাধ কাজ করতে ক'হাজার কোটি টাকা খে খরচ করা হয়েছে (বড় বড় সেচ-পরিষ্কার বাদে), তার ইয়ত্তা নেই! তবুও শতকরা পাঁচ ভাগ উন্নতি হয়েছে কিনা সন্দেহ। গত দু'বছর খাতাবস্তার উন্নতি হয়েছে। কিন্তু তার অনেকটাই হয়েছে বৃষ্টি ভাল হয়েছে বলেই। একথা সরকারও স্বীকার করেছেন। ১৯৫৩-৫৪ সনে যে ১ কোটি ১৪ লক্ষ টন বা ৩০'৭৮ কোটি মণ খাত-শস্য বেশী ফলেছে বলা হচ্ছে, তার মধ্যে ৭০ লক্ষ টন বা ১৮'৯০ কোটি মণ ভাল বৃষ্টির দরুনই ফলেছে, একথা পরিষ্কার কর্তারাই বলেছেন। সুতরাং বৃষ্টির অবস্থা খারাপ হলে সব বানচাল হয়ে যাবে। তখন পরিষ্কার ফলে সাহায্যের ঝুলি নিয়ে সরকারকে ছোটাছুটি করতে হবে একদিকে এবং অপরিষ্কারে বাজারের মন্দার সরকারের আয়ও কমবে। তা না হলেও সমগ্র দেশের সমগ্রতার তুলনায় এ কতটুকুই বা! অথচ এইটুকুর জগ্গেই ক্ষমতার অতিরিক্ত ব্যয় করতে হয়েছে।

খরচের বরাদ্দ আরও বাড়ানো হবে বলা হচ্ছে। কিন্তু প্রথম পরিষ্কারের বরাদ্দমত টাকাই এখনও খরচ করা সম্ভব হয় নি। এরই জগৎ জনসাধারণকে যে প্রত্যক্ষ ও পরোক্ষ করের বোঝা বহন করতে হচ্ছে তা তাদের ক্ষমতার সীমা পায় হয়ে গেছে। কব বাড়িয়ে বাড়তি বরাদ্দের টাকা উত্তল হবে না। সুতরাং পরিষ্কার ও উন্নতি বতই হোক, সমগ্রতার তুলনায় তা নগণ্য। তা ছাড়া, গ্রামের রাস্তাঘাট, স্কুল, হাসপাতাল প্রভৃতি অতি জরুরি কাজ বা হয়েছে বা হবে, তা প্রয়োজনের তুলনায় আরও নগণ্য। অথচ দ্রুত উন্নতি না হলেও নানা দিক দিয়ে বিপদ। তাই স্বল্পমূলক শ্রম-দানের কথা সকলেই বলছেন। গ্রামে নবজীবনের সূত্রপাত হলে, জনসাধারণের মধ্যে কর্মোচ্ছোগ ও কর্মপ্রচেষ্টার প্রেরণা এলেই সেই শ্রমদানও আসবে। নিজের জমির উন্নতি, নিজের আয়বৃদ্ধির জগৎ খাল কাটাতে তারা অগ্রণী হবে। আয়বৃদ্ধির দরুন তারা যে সুখস্বচ্ছন্দ্যের স্বাদ পাবে এবং জমি প্রাপ্তির জগৎ তাদের মনে যে বিশ্বাস, আত্মনির্ভরতা ও ভবিষ্যতের প্রতি আস্থা আসবে, তার ফলেই জনসাধারণ রাস্তাঘাট তৈরি, স্কুল হাসপাতাল নির্মাণ প্রভৃতি নিজেদের উন্নতিবিধায়ক কাজেও শ্রম-দানে অগ্রণী হবে। সুতরাং আজ যে পাঁচ টাকার কাজ সরকারকে ২৫ টাকার করতে হচ্ছে, তার অধিকাংশই হবে বিনা খরচে। সুতরাং জমি বিলির প্রয়োজনীয়তা জরুরি এবং অপরিহার্য।

এক টুকরা জমি যে চাষীর কাছে, গ্রামবাসীর কাছে কি মহামূল্য

তা বর্ণনা করা যায় না! এই একটুকরা জমির জগৎ সে যুগ যুগ ধরে পুরুষালুক্ৰমে লালায়িত। এবই আশায় চাবী দুর্কহ জীবনের বোঝা বয়ে আসছে। এইটুকুর স্বপ্নেই তার মনে কত না ভাঙ্গাগড়ার তরঙ্গ! সেই জমি পেলে তার বিশ্বাসহীনতা, অবসাদ ও নিষ্ক্রিয়তার অবসান হয়ে আসবে ভবিষ্যতের প্রতি আস্থা আর সেই ভবিষ্যৎ গড়ার অনন্য প্রেরণা। আজ ভবিষ্যৎ বলতে তার কিছু

নেই। কোন রকমে দিন গুজরণই তার আঙ্গকের একমাত্র চেষ্টা। জনসাধারণের তথা শ্রমজীবীর হতাশা, অবিশ্বাস, অবসাদ ও নিষ্ক্রিয়তা এবং আত্মগ্লানিই দেশের চরম অভিশাপ। তা যদি দূর হয়ে যায় তা আর বাধা থাকবে কি! তা হলে দেশ গড়ে উঠবে হাতে-কোদালে। হ'লই বা দেশ গরীব। জনবল তা আছে অক্ষয়ন্ত। সবার আগে কাজে লাগাতে হবে এই জনশক্তিকে। জমি বিলিই তার প্রকৃষ্ট পন্থা।

শেষবর্ষণ

শ্রীব্রজমাধব ভট্টাচার্য্য

কামিখ্যে কবরাজকে সবাই পরোক্ষে 'বোকরাজ' বলে ডাকত—সেটা লোকদের বাড়াবাড়ি। আসলে কামিখ্যে কবরাজ হিসাবে দক্ষ। নৈলে অত বড় বাড়ী, গরু, গাড়ী আর শহরজোড়া বিষয়সম্পত্তি—এ সব হয় কি করে?

আমাদের কথা তাকে নিয়ে নয়। সে কবে মরে হেজে চুকে-বুকে গেছে। আছে তার ছেলের দক্ষায় দক্ষায় সাইনবোর্ড "আসল কামিখ্যে কবিরাজের ঔষধালয়"। কামাখ্যা কবিরাজ মারা গেছে একবার। ছেলেরা তাকে মেরে রেখেছে দক্ষায় দক্ষায়।

ওদেরই একজন শুধছিল সালকা-ডাগসের তাড়ার। আগে যোগী আসত। ওদের রামবাণ, যোগরাজ গুগুন্ডল, বসন্ত কুসুমাকর, আর পঞ্চামৃত রসের জন্ত মাড়োরাড়ীপাড়া থেকে যোগীর কামাই ছিল না। কিন্তু কি যে ছাই এল ট্রেপ-টোয়াইসিন, পেনিসিলিন—মাত্রকে বেন ডুতে পেল। যোগী থাকে না হাতে। কপ কপ খায়, প্যাট প্যাট কোটার, আর চটপট বুক চিতিয়ে বেড়ায়।

প্রথম প্রধান কামাখ্যা কবিরাজের ছেলে তারক কবিরাজ ঐ সালকা-ডাগস আর পেটেন্টগুলো গুঁড়ো করে, লেবেল বদলে "নব-বসন্তক", "হিমাস্তক", "স্বর্ণকর্পূর", ইত্যাদি নাম দিয়ে চালাত। পরে যোগীরাও চালাক হয়ে গেল। আর চলে না। অথচ তারকের জাঁক সে বাপের আমলের কুলোপানা চকরটুকু রাখবেই; তাতে বিবর্তিত ভাঙে, পরোয়া নেই।

বাড়ীতে তখনকার দিনে দোলে তুর্গোৎসবে, পূজা-পার্বণে অব্যাহত দ্বার ছিল। জিরেন বসন্ত বছরে হুঁকার। পাঠা থেকে লেডিকেনী চলত মেথর থেকে পণ্ডিতের পেটে সায় বেঁধে। মানা ছিল না। এখন পাঠা বাঁড়িয়েছে কচুতে, লেডিকেনী প্যাড়ায়, মেথর এবং পণ্ডিতের মল শুকিয়ে গিয়ে খিঁড়িয়েছে নেহাত চোখাচোখির

বিষজিহ্ন আত্মীয়দের উজনখানেকের কোঠায়। তবু তা কুলোপানা চকর, "আসল কামাখ্যা কবিরাজের আদিম ঔষধালয়"।

কেউ বললে বলে, "তোমরা পার। ইংরেজী পড়েছ। বুকের পাটা আছে। সংস্কার, সমাজ, রীতি, আচার-ব্যবহার তোমাদের বুড়ো আঙ্গুলের নাচের পাল্লার ভেতরে। আমাদের যোজ গঙ্গাঙ্গান করতে হয়, শালগ্রামে জল ঢালতে হয়। মস্ত করে টিকি রেখে ফুল জুঁজতে হয়। বাপের তর্পণ, বংশের নাম, পারিবারিক রীতি, প্রথা, ডাক, বশ—সব কিছুর পরোয়া করতে হয়। বড়ি টিপে খাই, গজের চাল, দাবার চাল আর দিতে পেলাম কৈ?"

তা বলেন কবিরাজ মশাই। একবার বলতে আরম্ভ করলে ধামতে চান না। আর কথায় এমন একটা চাপা দস্তের সঙ্গে মেশানো শাসালো আত্মপ্রত্যয়ের সুর থাকে, শুনেতে ধিয়েটারী হলেও বেশ লাগে।

লোকটি ঢাঙা, শক্ত হাড়ের কাঠামোতে চড়ান চর্কিহীন মাংসের উপর চকচকে চামড়ার বুলুনি। তীক্ষ্ণ নাসা, পাতলা ঠোঁট। নাকের পাশ দিয়ে গভীর খাঁজ হুঁপালের মধ্য দিয়ে চিবে চলে গেছে। পাতলা টিকি, চোখে চশমা, ভঙ্গু দৃষ্টি, ফর্সা বং। মটকা বা গরদের খুব লম্বা পাজ্জাবীর ওপর গরদের বা শালের চাদর। গায়ে গোলপ বা খশের আতর। মুখে পানের সঙ্গে কিয়াম। হাতে ছড়ি, পায়ে জুতা; গাড়ী চেপে যোগী দেখতে যান। ঠাটটা দিবি বজার রেখেছেন আসল কামাখ্যা কবিরাজের আদিম ছেলে।

আমি বহুদিন বাদে কিরেছি কাশী। বাস্তায় দেখে গাড়ী ধারিয়ে হাঁক পাড়লেন, "কবে এলেন মশায়; দিল্লীর লাড্ড পেয়ে যে ডুব মারলেন দেখছি। আসবেন না একবার গরীবের ওখানে।"

"বিলক্ষণ, বিলক্ষণ, এই তা সবে এসেছি। যাব বৈকি।" বলে লজ্জিত হবার অভিনয় করলাম।

এবার একটু নরম গলায় বললেন, “কিন্তু আসবেন ঠিক সন্ধ্যার সময়, চুপিসাড়ে। দিনেও নয়, রাতেও নয়।” কঠোর যেন ভীতি ও ত্রাস।

বললাম, “কেন? নৃসিংহ অবতার হতে হবে নাকি?”

গাড়ী হাঁকিয়ে দিয়ে বললেন—“নারসিংহী বিসর্জনের ব্যবস্থা।”

কিছুই বুঝি নি সে রসিকতার।

জিজ্ঞাসা করলাম—“নারসিংহীটা কি মশায়।”

কবিরাজ যেন ভয়ে হকচকিয়ে গেল।

“ভারি বাজে বকেন আপনি। নিন্ নিন্ তামাক খান। ওরে ননুকু ২ ষ্ট রস কে ক’ড়ব পা ছকোটা দিয়ে যা।”

ছদ্ম লাভ কর কুতর্ন্ব হয়ে বসে বইলাম। সন্ধ্যা লাগল। কবিরাজবাড়ীর শাখ বাজল। কবিরাজ ভক্তিতরে প্রণাম করল। আমিও হকার ডাটিটা কপালে ঠেকালাম, ওপরে কঙ্কের আগুন বাঁচিয়ে।

কবিরাজ উঠে গরদের জামায় আতর ঘষতে লাগল। আমার বললে, “আমুন। সরলাকে বলে রেখেছি আপনার কথা। ওপরে চলুন।”

“বাপারটা আগে বলুন—কি ব্যাপার।”

“যাবেন ত চলুন, নৈলে যান্ যে কাজে যাবার। আচ্ছা মশায়, যে কথা বলবার নয়, বলা যায় না, সে কথা বলি কি করে? চলুন।”

অগত্যা উঠি। বালক-বয়স থেকে এদের বাড়ীর ওপরে এসেছি।

এই কবিরাজ তারক আমার স্নানের সঙ্গী ছিল, আড্ডা দিতাম ছেলেবেলায়। ও বহাবর আপনি বলেছে; আমিও তাই। তবু ওদের বাড়ী ধিয়েটারের বিহার্সাল দিতে গেছি। উপরতলায় গেছি বহুবার। তা ছাড়া ঐ সরলা। সরলা আমাদের বাড়ীর পাশে থাকত খুব চিনি সরলায় বিয়ের পরই যেন বেশী করে খেল তারক কবিরাজ। আমি ওপরে যেতেই বলল, “বসে থাকুন এই চেঁচাখোঁনায়। সন্ধ্যার আরতি সেবে সরলা এসেই এইখানে আমার প্রণাম করে। আজ আপনি বসুন। দেখে অবাক হয়ে যাবে।”

আমি সন্তুষ্ট হয়ে বললাম, “আবে ছি ছি। এ কি রহস্যের জিনিস? সরলায় কতখানি প্রত্যয় ঐ প্রণামটিতে। ওকে নিয়ে রহস্য করতে নেই।”

“জানি নেই। হয়ে উঠেছে রহস্য—ফার্স! কথায় কথায় কলহ রাগ। আজ দু’দিন কথা কম নি আমার সঙ্গে।”

“তবে বললেন, প্রণাম!”

“নাঃ এটা করে যায়। বাস—তার পর কাঁচকলা।”

“কারণ?”

“কিছু নয়! তুচ্ছ! চেয়েছিল জরাকুসুম একশিশি। আমি অল্পমনস্ক হয়ে মার হাতে দিয়েছি। মাকে ত জানেনই। গদ্য তেলডেল দেখতে পাবেন না। জেয়ার পব জেয়া। আমি ত অপ্রস্তুত। ওরও বোধ হয় একটু বাক্যবল্লগা সহিতে হয়েছিল। কিন্তু করব কি! ভুল ইজ ভুল ফাষ্ট এ্যাণ্ড লাষ্ট ভুলই ত!”

“তা ত বটেই!”

“কিন্তু মানবে না। নো কম্প্রমাইজ—চলছে ত চলছেই। আর আমায় জানেন ত। আমি সব পারি কেবল ওর গোমড়া মুখ সহিতে পারি না।”

বলা বাহুল্য, সরলা অপরূপ সুন্দরী ছিল। অপরূপ। সাজাবার মত ওর রূপ। পেয়েও ছিল আদবে-ভরা স্বামী।

সরলা এসেই প্রথম আমার প্রণাম করল, তার পর তারক কবিরাজকে। নিশ্চিন্তে, নিঃসঙ্কোচে। জিজ্ঞাসা করল, “দাদা কবে এলেন?”

“পরশু। তোমরা ভাল আছ ত সরলা।”

সরলার বড় ছেলের তখন বিশ বছর বয়স। যৌবন পার হয়ে গেছে বহুকাল। তা ছাড়া আটটি সন্তান হয়েছে ওর। রূপ থাকার কথা নয়। তবু যেন পলিম টী রেখে যায় ওর দেহে প্রতি-বাহের জীবনের বহা, বয়স যেন রেখে যায় ঋতু-বিবর্তনের চিরন্তন নবীনতা। নিচোল স্বাস্থ্য, ঝকঝকে রং, সারা দেহে সুবলিত তরঙ্গের লীলা, রেখা নেই বটে, আবর্ত আছে। বেশমী শাড়ীতে, হাতভরা চূড়িতে, কপালের সিন্দুরে, চিবুকের নীচের মেদের ভাজে ওর মধ্যে যেন পূর্ণ মাতৃদেব ঐশ্বর্যময় রূপটি দেখতে পেলাম।

কবিরাজকে প্রণাম সেবে বলল, “ভাল বৈকি, খাচ্ছি, পরছি, উঠতে বসতে আদর আপ্যায়ন—গেরস্তর বৌ আর এর চেয়ে ভাল কি চায়।”

কবিরাজ বলল, “শুনলেন ত, কি কথায় কি উত্তর! বয়স হচ্ছে না মশায়; না খুঁকিটি আছেন এখনও। এখন এসব কথা—”

সরলা বললে, “মানায় না জানি। বলি, সেটা অভ্যেস। তাতে কার কি যায় আসে।”

আমি বললাম, “ছি সরলা, এত রাগ করতে নেই। তারকবাবু আমার একটু আগে বলেছিলেন যে তুমি ওঁকে ভুল বুঝেছ। ভুল করে যে ব্যক্তি লাজ্জিত, আর তোমার জন্মে লজ্জা, তাকে যদি তুমি না বোঝ, লোকটা দাঁড়ায় কোথায়?”

“ওঃ ওকালতি করতে এসেছেন। বসুন তবে। কী নিয়ে আসি।”

জলখাবার আনতে গেল সরলা।

কবিরাজ বললে, “বেড়ে বলেছেন ভাই। মিটে যাবে আজই—কি বলেন? কি বোধ হয় আপনার?”

আমি কৃত্রিম রাগ দেখিয়ে বললাম, “আচ্ছা মিনিমুখ পুরুষ ত আপনি। করেছে রাগ করেছে। যেন আপসে মরে যাচ্ছেন। এ কি নতুন বিয়ে?”

হু'চোখে জল এনে কবিরাজ বললে, "নতুনই ভাই, নতুনই।
ওকে যেন নতুন করে পাই যোজ যোজ। কি যে ও আমার—"
যাক ওদের মিতে গিয়েছিল সেদিন।

সে কথা হচ্ছে না।

কথা হচ্ছে সটান পাঁচ বছর পরে। এ কম বছরে কাশীর উপর
দিয়ে বেরিবেরিতে একটা খণ্ড প্রলয় হয়ে গেছে। পাড়াকে পাড়া
হয় মরে সাক হয়ে গেছে, নয় অক্ষ হয়ে মরার বাড়ি হয়ে
আছে। তাজা তাজা ছেলেমেয়ে বৌগুলো দৃষ্টি হারিয়ে বসে
আছে। গলিতে গলিতে দেখা যায় টলটলে চোখ, তাকিয়ে আছে
দৃষ্টি নেই। অমন করুণ দৃশ্য আর নেই।

শুনেছিলাম তারক কবিরাজের চোখ গেছে। একেবারে দৃষ্টি
নেই। ওর আশা দৃষ্টি কি হবে—একবার কি হবেই।

একদিন বলেছে আমার, "আর কিছু নয় ভাই। একটিবার
দেখতে চাই সরলাকে মরবার আগে।"

কিন্তু সে পরের কথা।

আগের কথা আগে সেরে নেওয়া যাক।

ছেলেগুলি অপোগণ্ড। বাপের বিষয় নিয়ে তাল ঠুকে বেড়ায়।
কাজকর্ম নেই। ছুটি মেয়ের বিয়ে বাকী। বড়টি চাকরি করে,
যুদ্ধের বাজারের চাকরি। কবিরাজের আর বন্ধ। অবস্থা চরম।
কবিরাজের মা মারা গেছেন। সরলা এখন পরিপূর্ণ গৃহিণী।
কিন্তু তার ভাগ্য তখন শূন্য।

মেজ ছেলে কবিরাজী করে। সবে আরম্ভ। কিছু হয় না।

আমি ভেবে চিন্তে সরলার কাছে গেলাম। কবিরাজ তখন
জ্ঞানে গেছে গঙ্গার ছেলের হাত ধরে।

সরলার রূপ ছিল ওর চোখে, প্রসন্নতার। ওর আর সব ঠিক
আছে; কেবল নেই চোখে সেই ছটা এবং মুখে সেই শান্তি।
প্রণাম করে বললে, "ভারি অশান্তিতে আছি দাদা।"

"সে তোমার মুখ দেখেই বুঝতে পারছি।" বলতে বলতেই
সরলার চোখ বেয়ে টপ টপ করে জল পড়তে লাগল। "মলিন
হয়ে গেছে। রোগা বত না হয়েছে তার চেয়ে রোগা দেখাচ্ছে।"

"না, বা ভাবছ সে অশান্তি নয়। গয়না পরি না, শাড়ী পরি
না, সাজি না। দেখবে কে দাদা? ইচ্ছে করে আর সাজতে?
গাঙ্গারী চোখে ঠুলি দিয়েছিলেন দাদা। বুঝি না কেন। ঠুলি
দিতে হয় না। সাদা মন ঠুলি পরে থাকে। ছেলেরা আর করে,
বাড়ীঘর জমাজমি বা আছে হুঃখ হওয়ার আমার কথা নয়। হুঃখ
তবু হয়। চোখ গেছে সেও আমার হুঃখ নয়, হুঃখ আরও গভীর,
আরও মর্মান্তিক।"

সকাল সকাল হুঃখের কথা শুনেতে আর কার ভাল লাগে।

তা নয়। হুঃখেরও সুর আছে, জ্যোতি আছে; হুঃখও সুরের
মত বৃক্কের স্রোতে প্রবাহ। তোলে, চাপা বেদনা আগার।

ভাতে সরলার হুঃখ। ওকে যেন সবতর রূপে দেখলাম।

চিরদিনের সুখী ও। চিরপূর্ণিমার আকাশে তৃতীয়ার ক্ষীণতা।
চমক লাগায় বৈ কি।

"কবিরাজের খবর ত শুনলাম। এখনই ত তোমার কাছ
থেকে সুর খাবার সময় ওয়। এককাল খাটি আসল বা দিয়েছে,
আজ ওর হৃদয়ে সেই খাটির সুরই ত উপজীব্য। এখন তোমার
চোখ, তোমার আনন্দে ওর চোখ ওর আনন্দ ভবে দাও।"

সরলা কিন্তু ঝর ঝর করে কাঁদছিল।

কাঁদতে দেখি নি সরলাকে।

এমন সময়ে ওর বড় ছেলে এল। বললে, "পূর্বের পাঁচিল
ভাঙতে সুরু করেছে দেখে এলাম। তবু কিছু বলতে পারব
না মা?"

সরলা বলল, "হ্যাঁরে আমার বৃক্কের পাঁচিলের চেয়েও কি জা
দামী?"

রেগে গিয়ে ছেলে বললে, "হ্যাঁ দামী। কান্নাকাটি নিয়ে বিবর
আশ্রয় চলে না।" বলে সে চলে গেল।

সরলা বললে, "দেখলে সুখ আমার? কর্তা ছেলেদের তিল
দিয়ে বিশ্বাস করবেন না। চোখ গিয়ে অবধি ভয় চুকেছে যে বৃক্ক
বরসে ঠুকে সবাই হেলাফেলা করবে। তাই অমন আমার স্বামী
আজ পদে পদে সন্তুষ্ট, পদে পদে সন্দেহ—কাউকে এতটুকু বিশ্বাস
করতে পারছেন না। এ কি আমার কম জালা?"

"হঠাৎ সব অন্ধকার হয়ে গেছে কি না। তাই অমনটা হয়ে
গেছেন। এই সময়ে একটু ধীর শান্ত হয়ে থাক, সব ঠিক হয়ে
বাবে।"

"আজ পনের দিন হ'ল বাড়ীতে থান না।"

"সে কি? কেন?"

"ঐ যে শুনে পাঁচিল। সম্পত্তিই আমার কাল। বাগানের
পূর্ব ধারের পাঁচিল। তার ওধারে ত বিশ্বাসদের একটা হাতা
আছে। সেখানে নাকি ওরা শিবমন্দির প্রতিষ্ঠা করবে।"

"করবে করুক, তাতে তোমাদের কি?"

"আমাদের কপাল। কোথায় তৈরী মন্দির পাওয়া গেছে।
সেই পাথরের গাড়ী ওদের হাতার নিয়ে বেতে হবে। এখন
ঘুরিয়ে গলি দিয়ে নিয়ে বেতে খুব খরচ। যদি গাড়ী করে
আমাদের বাগান দিয়ে নিয়ে যায়, তাড়াতাড়ি হয় আর ভাল ভাবে
নিরাপদে জিনিষটা পৌঁছয়।"

"তোমাদের পাঁচিল ভেঙে সেই গাড়ী বাবে? এই মতলব?"

"হ্যাঁ।"

চমকে বললাম, "সে কি! এমন কথা কে করে শুনেছে।
পাঁচিল ভাঙা মানেই ত মামলা। বিশ্বাসবা বা লোক! তাতে
ওঁর এখন এই অবস্থা।"

"এই কথাই ত ছেলেবা বলেছিল। ওরা নাকি কটোগ্রাফার
নিয়ে য়েখেছে। পাঁচিল ওরা ভাঙবে, ওরাই পড়ে দেবে বলে ওঁকে
বুঝিয়েছে। কিন্তু ছেলেবা বলছে যে, ওদের মতলব ভাল নয়।"

এই কথা নিয়ে তুমুল। এখন পনের দিন খাওয়া বন্ধ। আমি বতরুণ বাড়ী থাকব ততরুণ উনি বাড়ীতে থাকবেন না।”

“উনি কি বলেন?”

“ঔর খাষণা বিখাসরা ঠেকে ধোকা দেবে না। ছেলেরা গোলমাল করে ঔর শত্রুবৃদ্ধি করতে চায়।”

“বেশ তা নয় হ'ল। এতে তোমার কি অপরাধ?”

“গভীর। অমন সব ছেলে গর্ভে ধরা এবং ছেলেদের সঙ্গে জোট পাকিয়ে অন্ধ স্বামীকে বিষয় থেকে বঞ্চিত করার অপচেষ্টা।”

বলছিল আর কুপিয়ে কুপিয়ে কাঁদছিল।

সর্পাঘাত করলেও সরলার এত বাধতে পারে না, তারক কবিবাজের কাছে এই আক্ষিপ স্তনলে বত বাধে। আমি ত জানতাম ওদের ভিতরকার ব্যাপার।

ভাবলাম আজ এর নিস্পত্তি করব।

ঠিক সেই সময় সরলা বলল, “আজ তুমি থেকে ওকে খাইয়ে যাও না দাদা।”

“এমনি কোথায় খান?”

“বেশী দিন বাড়ীতে চিড়ে দই; নইলে পাশের বাড়ী গোপালের মার ওখানে টাকা দিয়ে।...আমিই রান্না করে ভাত বেড়ে গোপালের মার বাড়ী খালা নামিয়ে দিয়ে আসি। কিন্তু কথা কই না। গোপালের মাই কথা বলে খাওয়ার। গোপালের মাকে একটা করে টাকা দিয়ে আসেন। আমার গোপালের মা সেটি দিয়ে দেন।”

চুঃখেও হেসে বললাম, “তোমার তবে লাভ হচ্ছে বল।”

“হ্যাঁ, তা বলতে! খুব লাভ। ভাত বেচছি আর অপমান কিনছি। এখন তাও খান না।”

“কেন?”

“দিনতিনেক আগে চিংড়ি পেলাম। লাউ-চিংড়ি নারকোল দিয়ে রাধলাম। উনি লাউ-চিংড়িতে ধনেপাতা ভালবাসেন। গোপালদের বাড়ী বনেপাতা টোকে না, মনে হয় নি। স্বামীর কথা মনে করে বেধেছি, মন আমার তাতেই ছিল। অকপটে নিবেদন করেছি।...লাউ-চিংড়ি মুখে দিয়েই জিজ্ঞাসা করলেন, ‘গোপালের মা এ রান্না তোমার? বল তোমার?’ আমি ত তখনও বসে। সে যে কি গলা। আমিই তখন বললাম, ‘না আমার। কি অপরাধ আমি করেছি যে আমার সাজা দিচ্ছ?’ কোন কথা না বলে পাত ছেড়ে উঠে গেলেন। মেয়েছেলের সে যে কি মর্মান্তিক সাজা তোমরা বুঝবে না। সেই থেকে এই তিন দিন।”

আমি বললাম, “আচ্ছা আজ খাইয়ে বাব।”

এমন সময় কবিবাজ এসে হাজির।

অতান্ত খারাপ হয়ে গেছে চেহারা। যেন সে লোকই নয়।

আমি বললাম, “কেমন আছেন কবিবাজ মশাই?”

তারক বললে, “কে ম ষ্টারনা নাকি? কবে এলেন? বসুন বসুন অনেক কথা আছে। পূজা করতে বেশী সময় লাগবে না

আমার। ততরুণ এদের সঙ্গে বার্তালাপ করুন। তার পর অনেক কথা। অন্ধ বলে হেলা করবেন না কথাটা।”

বললাম, “সময় নেই। হুটোর গাড়ীতে এলাহাবাদ বাব।”

“বেশ ত, যান না। এখানেই খেয়ে বাবেন। সমীরকে দিয়ে খবর পাঠিয়ে দিন। আরে খেয়েছেন ত কোনদিন এ অভাগার ক্ষুদকুঁড়ো।”

আমি তাড়াতাড়ি রাজী হয়ে গেলাম।

তার পর খাবার সময় এল। সরলাকে শুনিয়া বললাম, “এ কি একটা ঠাই কেন? কবিবাজের জায়গা কৈ?”

হস্তদস্ত হয়ে কবিবাজ বলল, “আমার নয় ভাই, আমার নয়। আমি এখন খাব না। আমার দেবি আছে। গোপালের মার বাড়ী আমার নেমস্তন্ন।”

এর মধ্যে কবিবাজ আমার সব কথা বলেছিল, ছেলেমেয়েদের দুর্ভাবহার, সরলার পুত্রপ্রীতি ও অবহেলা সব। “জানেন মশায়, অন্ধ হয়ে গেছি বলে আর আমার গণ্য করে না। সৌখীন মানুষ কিছু জিদ করে সাজগোজ সব ছেড়েছে। একখানা গয়না গায়ে নেই। সব তুলছে। কবে মবে বাই, তাই সম্পত্তি গোছাচ্ছে।”

বত বাধা দিতে গিয়েছি কেবল আহত হয়ে ফিরেছি। কবিবাজের মনে যেন ভীমরুল কামড়েছে। দেখতে বিকৃত, স্পর্শে সবেদন।

আমি হার না মেনে বললাম, “বেশ ত। গোপালের মা ত আমার অজানা নয়। গিয়ে বলছি উনি খালা এখানেই এনে দেবেন।”

সরলার মুখে চোখে খুশি।

কবিবাজ বললেন, “না ভাই সে হবে না।”

আমি বললাম, “কেন?”

বলতে ইতস্ততঃ করছে কবিবাজ।

দুর্বল মুহূর্ত দেখে আমি বললাম, “সরলার ওপর রাগ করে থাকেন না, এই ত! কিন্তু কেন রাগ? ও ত কেঁদে কেঁদে গেল! অন্ধ কি ওকেও করতে চান?” এই সময়ে সরলা ডুকরে কেঁদে উঠল।

ঘরে তখন আমি, সরলা আর কবিবাজ। আন্তে আন্তে উঠে ঘরের দরজাটা বন্ধ করে দিলাম আরও নিভৃত্তে এই দুঃখ পরিচালনা করার আশায়।

সরলার কান্নার শব্দে কবিবাজ যেন চমকে উঠল। মুখখানা ওর এতটুকু হয়ে গেল। ওর প্রভাহীন চোখ হুটোর মধ্যেও যেন একটা বিহ্বল বলক দেখা দিল।

বলল, “এখন কাঁদছ সরলা, কিন্তু কি অপমান অবহেলাই করছ আমার দিনের পর দিন।”

“কি অবহেলা?”

“অবহেলা নয়? বাব বাব ছেলেরা বলে মধুরমত মাইতে খেতে—সব চুলোয় দিয়ে এ-বাড়ী ও-বাড়ী, এ-পাড়া ও-পাড়া

বেড়িয়ে বেড়াও ? ময়লা জামাকাপড়, ঘ্রানের সময় তেল নেই—
এই নিয়ে রোজ ছেলেদের কিচিমিচি, তোমার এক জবাব “আর
করব কি দিয়ে ? টাকা কৈ, আনবে কে।” কেন আমার টাকার
ত সব করতে। এখন ছেলেদের টাকার বেলাতেই তোমার টান ?
এমনি করে থাক। আমার অপলার্থতার মাথার লাধিকাটা মাঝা নয় ?
আমিই নব অন্ধ হয়েছি, তুমি ত হও নি। ক’দিন তোমার
বলেছি একটু কাছে এসো, বসো, সাঝা দিনে রাতে একবার কি
তোমার সময় হয় না ? অবহেলা নয় ?”

“না নয়। তুমি তোমার মনকে জিজ্ঞাসা কর। সবলা
তোমার অবহেলা করতে পারে না। কার জন্তে আমি সাজব
আজ ? কার জন্তে এ রূপ সাজাব ? সময়ে নাইব, খাব, সখ সাধ
করব, কে আমার দেখবে বলা ? বোঝ না ? মনে নেই গন্ধ-
তেল মাখতাম। মা রাগ করতেন বলে লুকিয়ে এনে হাতে দিতে ?
মনে নেই বিকেলের ডাকে বেরুবার আগে আমার না দেখে
বেরুতে না। মনে নেই রোগী দিয়েছে বলে রোজ মালা এনে
দিতে ? তখন আমার দিন ছিল। আজ তুমি আমার সব দিন
কেড়ে নিয়েছ। তুমি আমার সব সাধ নিবিয়ে দিয়েছ।”

আমি সরলার মাথায় এই প্রথম হাত রেখে বললাম—“ছিঃ
সবলা, ধেমো যাও। পাগল হয়ে যাবে যে।”

কবিরাজ মাথা নীচু করে বসে আছে।

“না দাদা না। আজ বলতে না পারলেই আমি পাগল হয়ে
যাব। বলতে দাও। দিনরাত আসি না। আমি জানি এলে
তুমি খুশী হও, শান্ত থাকো। কিন্তু শুধু দেহ নিয়ে বিলাস করা
যাদের জীবনে কোন দিন হ’ল না, আজ অজগরের মুখে হৃদয়ের
মত চুকতে কি তার সাধ যার না সাহস হয় ? যদি চোখে চোখে
মাখতে মানুষই থাকতে তুমি। এখন তুমি অন্ধ মানুষ। ভয়ে
আসি না, ভয়ে।”

কবিরাজ বললে, “ধাক, ধাক—খেয়ে নিচ্ছি আমি। খাবার
আন।”

আমিও বললাম, “আমুন খাবার।”

কবিরাজ দেখতে পেলো না। কবিরাজের ছেলের বৌ খাবারের
খালা নামিয়ে দিলে গেল। সরলা আর আসতে পারে নি।

আমি কথাটা ক’স না করে বসে যাচ্ছি। কিন্তু কবিরাজ টের
পেয়েছে। পাবে জানা কথা। সাপের কান নেই অথচ এমন
শোনে যে সাঝা-পাটাই কান। কবিরাজের চোখ নেই, তাই ওর
নিঃশ্বাসেও দৃষ্টি।

হঠাৎ বললে, “আর এল না বুঝি ?”

আমি বললাম, “পাবে আসতে ? যে কড়টা কইল। এত
দিনের আদরিনী আপনার ; কতটা অবহেলা পেয়েছিল। আজ
বলে করে খানিকটা স্বকরবে হয়েছে।”

খেতে লাগল কবিরাজ। বৌ এনে খাবার পর পর দিলে থাকে।

বুঝল যে বৌ কেয়িবে গেছে। তখন বলল, “কেই সেই ত

ঘরে।...অচ্ছ’ বলতে পারেন সত্যিই ওর ব্যবহার এমন তিরিক্কে
কেন হয়ে গেল ? আমার বেন মানতেই চায় না। ছেলে ছেলে
আর সম্প্রতি সম্প্রতি করেই মোল।”

আমি বললাম, “আপনি পণ্ডিত। আপনাকে কি বোঝাব
আমি ?—বদি ভীমার্জু নৌ কৃষ্ণ কৃপণৌ সন্ধি কামুকৌ।

পিতা মে যোঃশ্রুতে বৃদ্ধঃ সহ পুত্রৈঃ মহারথৈঃ।

পঞ্চ চৈব মহাবীরাঃ পুত্রা মে মধুসূদন।

অভিমুখ্যং পুরস্কৃত্য যোঃশ্রুস্তে কুরুভিঃ সহ।”

কবিরাজ বললে, “মনে পড়ছে না প্রস্তাবটা।”

মনে করিয়ে দিতে বলতে হ’ল—“জানেন ত কৃষ্ণ চললেন
প’শুরদের দূত হয়ে কৌবেদের কাছে। প্রস্তাব সাজ। বাবার
মুখে হঠাৎ কৃষ্ণাকে জিজ্ঞাসা করলেন তাঁর মত কি ? কৃষ্ণা বললেন,
‘ভয়ে ভয়ে মিল হয়ে যাবে ; কৃষ্ণার বেণী আর বন্ধন হবে না।
তাতে কার কি ?’ তখন অভিমুখ্য এসে মাকে জড়িয়ে বললে—
‘আমি বৃদ্ধ করব মা। রাজা চাই না আমার, স্বজন চাই না।
মা চাই। মারের অপমান সহ্য করব না।’ আজ আপনার
এই অবহার ছেলের ওপর ওর ভরসা। সেও ত আপনার ছেলে,
বলেই। এতদিন আপনি ওদের চালিয়েছেন, সংসার চালিয়েছেন,
এখন ওদের কত বড় দায়িত্ব আপনাকে নিশ্চিত করার। সেই
দায়িত্বকে আপনি স্বার্থ বলে সন্দেহ করে ওদের, বিশেষতঃ সরলাকে
বড়ই আঘাত করেছেন।”

বিহ্বল চোখ দুটো আলোর দিকে মেলে উল্লাস কণ্ঠে কবিরাজ
বললে, “কোথা দিয়ে এল এই সন্দেহ, এই অনাস্থা। বাবেই বা
কোথা দিয়ে। কিন্তু সরলাকে হারাতে ? সে যে চোখের চেয়েও
দামী দাদা।”

সরলা পানের ডিবে হাতে নিয়ে এসে বসেছে তখন।

কবিরাজ বলে চলল, “আমি একেবারে গেছি তাই। সরলাকে
বলে দিও, বুঝিয়ে বলা যে, আমার পাগলী, আমি ওকে ছাড়তে
পারি না। ছেলেদেরই ভয়। যদি ওকে হেনস্থা করে। সেই
ভয় থেকেই আমার বত সন্দেহ। নইলে—”

আমি বিব্রত হয়ে উঠেছি, এমন সময় সরলা ঘর ছেড়ে বেরিয়ে
গেল।

বাড়ী কেয়ার পথে সিঁড়ির মুখে সরলা আমার হেঁট হয়ে প্রণাম
করল।

আমি বললাম, “কি হ’ল ?”

সরলা বললে, “কসল কাটা হয়ে গেলে কেউয়ের আধ বাকি
থাকে কি দাদা ?”

আমি বেন স্বপ্নের মধ্যে বললাম, “থাকে সজাবনার পূর্ণ বিস্ত
মাটি, তার দৃষ্টি গোয়ালের বলক আর লাঙ্গলের দিকে, হুর্কলতম
চাষীর মুঠীর পানে, আর তার মন জুড়ে থাকে আঘাতের স্বপ্নকাজল,
স্বভীর বেদ।”

“তার পর ?” বলল সরলা ।

“তার পর—সে নতুন ঋতুকে ভার দিয়ে যায় নতুন কিশলয়কে জাগিয়ে তোলায় জগৎ । চাবী বুড়ো হয়, মাটির তেজ নিভে আসে । তবু আকাশের বাণী নিত্য নতুন জীবন আনে । বর্ষা নিয়মিত আকাশে দেখা দেয় ।”

“ভাল লাগে না তোমার হেঁয়ালী । বল দাদা স্বামী আমার কিরে পাব কি না ?”

“গেছে কবে ? স্বামী তোমার সীমন্ত জুড়ে জল জল করছে । কালকের তুমিও নেই, কালকের স্বামীও নেই । আগামী দিনের তোমাকে নিয়ে যাও স্বামীর কাছে । নইলে—”

“নইলে কি ?”

“নইলে কবিরাজ বিবাহে উদ্ভাদ হয়ে যাবে ।”

“কি করব ?”

না বলে পারলাম না । “আবার বৌ সাজো । হুলশবার নাগিকা । কবিরাজ চায় তোমায় আবার বিয়ে করে ।”

এর পর আর কিছু বলা চলে না ।

পরের বার কাশী ফিরে দেখি নতুন পালক হয়েছে কবিরাজের । সরলা কবিরাজের সামনে বললে, “কয়লায় পালকখানা, আগেরখানা বড় বড় বোধ হচ্ছিল । এখন ছোট একখানাতেই বেশ হয়ে যায় ।” কবিরাজ হাসতে হাসতে বললে, “দেখবার মত জিনিষ হয়েছে বটে । সরলা, বাই বল, সখটা পুরোপুরিই আছে ।”

আনন্দে আমার চোখ দুটো ছোট হয়ে এল ।

অপরিচিতাকে

শ্রীনরেন্দ্র দেব

তোমার রূপের দীপ্তি যখন আঁধির পলকে বালকি ওঠে,
আমার মনের পশুটা তখন পায়ের তলায় পড়িয়া সোটে ।
জেনো এ সত্য, মিছে নয় কিছু ; অন্তরে আমি মানুষ ভালো
শুধু বাহিরের মুখোশটা বদ ; ভিতরটা নয় মোটেই কালো ।

অপলক চোখে চেয়ে মুখপানে মনে হয় তুমি ভোবের তারা
তোমায় করেছি অপমান ভেবে অক্লুতাপে হই আশ্রহারা !
তোমাকে দেখেছি—তারই মুখ-স্মৃতি যদি পারিতাম
রাখিতে ধরে,
যদি এ কণিক বিবেক আমাকে একা ফেলে হায়
না যেত সরে—

আমার দেহের ভ্রমবেদিতে সুপ্ত আছেন দেবতা যিনি
হয়ত তোমার ইচ্ছিতে কবে উঠিতেন জেগে সহসা তিনি ।
তোমার রূপের অসামান্যতা নিয়ে যায় যেন অশীমে টেনে
নতজানু হয়ে সমুখে তোমার দিতে চাই পায়ের পৃথিবী এনে ।

জাগে মনে মোর স্বপ্নের মতো,— সুখের জীবন পারিত হোতে
যদি যৌবনে ভেসে না যেতাম অলৌক নেশায় সুরার স্রোতে,
কণিক সুখের প্রলোভন তাজি বিপুললো যদি থাকিত বশে
জীবন আমার ভরে যেত আজ সার্থকতার পুলক-বসে ।

যাত্রাপথের কোন বাঁকে কবে পথশ্রান্ত পথিক আমি,
তোমার চরণচিহ্ন হারিয়ে হয়েছি এমন বিপথগামী ;
আজ রজনীতে না জানি কখন তোমার রূপের দিব্য ভাতি
আমার আঁধার হৃদয়ে জ্বলেছে কামনা-বিহীন পূজার বাতি ;

জীবনের এই অবেলায় আজ তোমার উদয় অপরিচিতা,
এনে দিল একি অশুশোচনার তীব্র অনল—শুচিন্তিতা ?
আজ হতে আমি চলি যদি পুনঃ মহামানবের সাগরতীরে
নূতন আকাশ নূতন পৃথিবী জীবনে কি পুনঃ পাব না কিরে ?

আমার মানস-সরসীর তীরে তোমার রূপের বলাকাগুলি,
উদয়শিখরে আঘাত মেঘের অবগুণ্ঠন দেবে না ধূলি ?
যুক্ত হবে না আমার তরে কি তোমার ঘরের প্রবেশদ্বার
অপরিচিতা কি হবে না আমার চিরপরিচিতা মতা আপনায় ।

প্রবাসে শারদীয়া

শ্রীপরিমলচন্দ্র মুখোপাধ্যায়

বছরের একটা সময় আসে যখন মেঘেরা ধোপহস্ত হয়ে আকাশময় ঘুর বেড়ায় হাওয়ার ডানায় ভর করে। সীমাহীন নীলিমার কোন এক কোণ থেকে নীল পরীয়া ডাক দিয়েছে—তাই এই ছবস্ত অভিসার!

চাঁদের আলো সারা বর্ষার জলে ধুয়ে মুছে ঝকুঝকে রূপালী বং ধরেছে। রাতের হাওয়ার শিশিরের আমেজ।

কোণে-কোণে, এখানে-ওখানে, ছড়িয়ে পড়ে আছে অজস্র শিউলী ফুল—লাল বোটার উপর শুভ্র দেহলতা বিস্তার করে। তার গন্ধ লেটে হাওয়ার কোলে কোলে, দিকে দিগন্তে, মাঠের প্রায় নেমে-বাওয়া জলের বুকে দোলা দিয়ে, পাকা ধানের শীষে পুসক জা গয়ে।

বর্ষামুখর রাতের বিবহী হৃদয় আন্ত মিসনের আশায় পুলকিত হয়ে ওঠে। চ'রিদিকে সাজ সাজ রব। বাংলার আকাশ-বাত স শরতের মিতা সুরে মুগবিত। বঙালীর ঘরে ঘরে জননী লিপি পাঠি যচ্ছেন—মনে আর আনন্দ ধরে না। মাঘের আগমনী বার্তা বাংলার সীমানায় এসে থমকে যায় না। ছুটে চলে দেশে বিদেশে, যেখানে একটিও বঙালী আছে, যত দূরেই থাক না কেন, সেও ত মাঘের সন্ধান।

যাব কশ্মে সাময়িক অবসর জোটবার সস্তাবনা তার আর আনন্দের সীমা নেই। বাদের জুল না, বা পকেট বাদের ভরল

না, তারাও দমবার পাত্র নয়। বঙালীর কাছে প্রবাসী হলেও মা ত আর পর নয়, সবাই সবার মুখের দিকে তাকায়। শেষ পর্যন্ত একটা সভার আয়োজন হয়। পূজা হবে, এটা সবাই একবাক্যে মেনে নেয়। কিন্তু মেনে নেওয়াই শেষ কথা নয়, এর পেছনে চাই মোটা টাকার জোর, সকলের অকুণ্ঠ সহযোগিতা, আর একটা বিঘাট কশ্মী-গে টী! অনেক বাস্তুবাদ আর প্রস্তাব চলতে থাকে। শেষ পর্যন্ত একটা কার্য-নির্বাহক সমিতি গঠিত হয়।

পরিচালনার দায়িত্ব বাবের উপর পড়ল তারা ছাড়াও কর্তব্য-লোভী লোকের অভাব নেই। যেখানে বাঙালীর সংখ্যা বেশী আর প্রতিপক্ষের পকেটও মোটা মুটি ভারী সে ক্ষেত্রে তারা তাদের দায়িত্ব সত্যতা প্রমাণ করার জন্য আলাদা পূজার ব্যবস্থা করে। মুশকিলে

পরে তারা বারা কোন দলেই নেই, দুই পক্ষই চাঁদার খাতায় মোটা অঙ্ক লেখাবার চেষ্টায় থাকে। আলাদা পূজার বিকল্পে যুক্তি তুলতে গিয়ে চাঁদাদানকারী থেমে যায় শেষ পর্যন্ত। দুই পক্ষেরই যুক্তি একেবারে অকাটা। তাই, খাতায় বা হটক একটা অঙ্ক লিখে দিয়ে নিস্তার পায়।


কশ্মী নির্বাচন একটা প্রস্তাবনা মাত্র। সত্যিকারের উজোগ-



পূজামণ্ডপে প্রসাদ-প্রার্থীর দল

পর্ক শুরু হয় তারপর। একটা রবিবার কিংবা ছুটির দিন সকালবেলা আসন্ন বসে সভাপতির বাড়ী, সভার আয়োজনের সঙ্গে সঙ্গে চলতে থাকে গৃহস্থামিনীর নীরব আয়োজন-সভার পরিবেশকে এক সময় হাস্তমুখর করে তুলতে।

সব চাইতে যে প্রস্তুতি সকলের মনে বিশেষ করে দোলা দেয়, তা হচ্ছে প্রতিমা গড়া। স্থানীয় কুমোর যে পাওয়া যায় না তা নয়; কিন্তু ওদের উপর ভরসা করে কাজে হাত দিলে শেষ পর্যন্ত বেনীর পাশে বড় বড় ছবকে লিখে রাখতে হবে কিসের প্রতিমা। তবে এত কি চাঁদা উঠবে যার জোরে একেবারে বাংলা দেশ থেকে কারিগর এনে ঠাকুর গড়াতে পারবে! অনেক ক্ষেত্রেই আর তা হয়ে উঠে না, তবে কি ঘট পূজা করতে হবে নাকি? নৈব নৈব চ।



শুধু মেয়েদের দ্বারা অভিনীত শরৎ চন্দ্রের 'নিষ্কৃতি' নাটকের একটি দৃশ্য

ছই-চারজন গুণী লোক বেবিয়ে পড়ে যাদের হাতের কাজ মন্দ নয়। তারা জানায়, 'সবার সহায়তায় পেলে আর কিছুই পরোয়া করে না।' অল্প পক্ষেও ছই-চারজন গুণীর সন্ধান আছে, তাদের কাছেও অনুরোধ জানানো হয়, কিন্তু তাতে কোনও ফল হয় না।

কিন্তু কাজ যারা শুরু করেছে তাদেরও আর এত সহজে দমলে চলে না। উৎসাহ আর জেদ এ দুটিকে সম্বল করে শেষ পর্যন্ত তারা কাজে নেমে যায়। কাট-খড় পোড়াতে না হলেও, যোগাড় করতে বেগ পেতে হয় প্রচুর। দশভুজার একটি ছবি সামনে রেখে দুর্গা বলে কাজ শুরু হয়ে যায়। যারা মনে করেছিল তাদের সহায়তা ভিন্ন এ কাজ একান্ত অসম্ভব, তারা কাজের ছলে পাশ দিয়ে ঘুরে যায়, মনে মনে হাসে—'এবার যা হবে তা...'। কিন্তু কাজে যারা হাত দিয়েছে তারাও হাল ছাড়বার পাত্র নয়। সারাদিন হাড়ভাঙা খাটনি পেটেও বাড়ী ফিরে কোনও রকমে চায়ে চুমুক দিয়ে চলে যায় কালকের ফেলে-আসা কাজ আরও একটু এগিয়ে দিতে। এমনি করেই বেনা বাধা শেষ করে মাটি গায়ে লাগে। মাটির পর্কও একদিন শেষ হয়।

মাথাগুলি কিন্তু আসে সুদূর কলকাতা থেকেই। রং দেওয়ার পালা শুরু হলেই খোজ পড়ে যায় অতসী ফুলের—মায়ের রঙের সঠিক অনুমান করবার জগা। কোথাও কোন ব্যতিক্রম ঘটবার উপায় নেই—তা হলে আর রফা থাকবে না। যষ্ঠী পূজার শুভলগ্ন এসে য় য়। পুরোহিত ঠাকুর তার বরণডালা নিয়ে এসে বেদীর কাছে দাঁড়াল। শিল্পীরা তখনও বাস্তব, ঘন ঘন তুলির টান পড়ছে আর ঘাড় বাঁকায় দেখতে, সঙ্গ সঙ্গে উচ্চারণ করতে ভুলছে না আশ্বাস-বাণী—'এই ত হয়ে গেল বলে।'

আর থাকা চলে না। শিল্পীরা নেমে আসে বেদীর নীচে, শেষবারের মত একবার দেখে নেয় তেমন কোন মারাত্মক ত্রুটি থেকে গেল কিনা। তার পর তাকায় এর ওর মুখের দিকে, দর্শকদের

কাছ থেকে তাদের মতামত (অর্থাৎ তারিফ) শোনবার জগা। কেউ বলে চমৎকার, কেউ সাধুনা জানায়, 'আবে মশাই, এত হাজার মথো যা করে তুলেছেন এই টের।' ভাবখানা এই যে তেমন একটা কিছু হয় নি। কেউ বলে, 'ওবার বড় ভাল হয়েছিল।'

দ্বিতীয় প্রশ্ন চালা। সর্বসম্মতিক্রমে স্থির হয়, অগাধবাবের মত আমরা মোটেই জোর জুলুম করব না লোকের উপর, কিন্তু আদায় করব সকল বাবের চাইতে বেশী। চাদার হার নির্দিষ্ট করবার একটা চেষ্টা হয়, কিন্তু অসম্ভব বলে শেষ পর্যন্ত সে আশা পরিত্যাগ করতে হয় বাড়ী বাড়ী ঘুরে, নানান যুক্তি দোখয়ে, দশ রকমের কথা শুনে।

তার পর বিভিন্ন খাতে বাবের অঙ্ক নির্দেশের পালা। রূপসজ্জা আর আমোদ-প্রমোদের জগা নির্দিষ্ট থাকে একটা মোটা অঙ্ক। কেননা, ফেবল পূজোতে আছে ভক্তের আত্মপ্রসাদ, চিন্তের প্রশস্ততা, কিন্তু এমন অনেক আছে যারা চায় এ উপলক্ষে গত এক বছরের একঘেয়ে জীবনে বৈচিত্র্যের আশ্বাস লাভ করতে। যষ্ঠী থেকে নবমী পর্যন্ত বিভিন্ন অনুষ্ঠান একেবারে নিরবচ্ছিন্ন, তাই একদিকে যেমন চলতে থাকে পূজোমণ্ডপের আয়োজন সবার গোচরে তেমনি নাচ, গান, আর অভিনয়ের তোড়জোড় চলতে থাকে নেপথ্যে।

নাটক নির্বাচন একটা বড় পর্ক। কারুর মত ঐতিহাসিক ছাড়া আবার থিয়েটার কি! কেউ বলে, 'ও হচ্ছে গিয়ে সেকলে রুচি, আজকাল সামাজিকই চাপু।' কেউ কেউ এ দুয়ের একটিতেও সম্মতি দিতে পারে না। তাবা চায় হাসির খোরাক যোগাবার মত বই। শেষ পর্যন্ত দেখা যায় সবারই কথা বজায় থেকে যায়। কেননা, অভিনেতার অভাব নেই, বাছল্য বললেই হয়—তা ছাড়া তিন দিন ব্যাপী আয়োজন চাই। নাটকের বিষয় নির্বাচনই শেষ কথা নয়, বই নির্বাচন তার চেয়ে কম শক্ত নয়। পাত্রপাত্রী (অবশ্য পুরুষেরাই নারীর ভূমিকায় অবতীর্ণ হয়)—আজকাল মেয়েরা এ ব্যাপারে মাঝে মাঝে পুরুষের সমান তালে পা ফেলে বড় বড় বই মঞ্চস্থ করতে পিছপা হয় না। নির্বাচন ততোধিক গুরুতর ব্যাপার। সবারই চাই চটকদার ভূমিকা একান্তই যদি নায়ক কিংবা নায়িকা না হওয়া গেল। যা হউক প্রাথমিক একটা নির্বাচন হয় বৈ কি? অনেকেই মন এ নির্বাচনে সায় দেয় না। টের পাওয়া যায় রিহার্সাল শুরুর দিন, পাত্র-পাত্রীদের অনেকেই অস্থূলপস্থিত। পরিচালক (কোথাও স্বয়ংসিদ্ধ, কোথাও বা মেনে নেওয়া) মহোদয়ের প্রায় কঙ্গাদায়ের মত ব্যাপার। খোঁজ, খোঁজ, যারা উপস্থিত, তাদের মধ্যে যারা আসল ব্যাপার সম্পর্কে গুরাকিবহাল

তারা জানায় গলদ কোথায়। বলতে গিয়ে কৌশলে তারা নিজেদের অভিযোগ পেশ করতেও কস্বব করে না। পাত্র-পাত্রী নির্বাচন অনেক গুলট-পালট করতে হয়।

এমনি করেই ভাঙা-গড়ার পালা বেশ কিছুদিন চলতে থাকে। ভারপ্রাপ্ত বাস্তবতা উত্থাপ্ত হয়ে উঠেন। মনে মনে, কখন বা প্রকাশেও, প্রতিজ্ঞা করেন—‘যথেষ্ট হয়েছে মশাই, ঘেন্না ধরে গেছে অসুখে বছর থেকে কে এর মধ্যে থাকে।’ কিন্তু বছর যুগলেই আবার মনটা কেমন যেন চনচন হয়ে ওঠে।

অনেক রকম গুলটপালট কবেও কিন্তু শেষ পর্যন্ত সবাইকে খুশী করা যায় না। নিকপায় হয়ে প্রায় সবাই মেনে নেয়

এবারকার মত। তবে এখানেই এর শেষ নয়। যাদের সংগঠন-শক্তি আছে তেমনি তরুণের দল বিদ্রোহ জানায় অমুক নাট্য সমিতি, তমুক অভিনেতা-সভ্য গঠন করে। বয়স যাদের বিদ্রোহে যায় দেবার পরিপন্থী তারা সমালোচনা করেই তৃপ্ত হয়, কিংবা ওদের দলে মিশে যায়। বড়ব দল—অর্থাৎ যারা তারকা (পুং)—হাসে—‘সেদিনের ছোকরা ওরা আবার করবে প্লে!’ বড়বা বাই বলুন না কেন—বিদ্রোহীরাও দমবার পাত্র নয়। চটকদার অভিনয়ে বাস্তবতা করে আসর জমাবার সঙ্কল্প নানান সূত্রে কানাঘুষায় প্রচারিত হতে থাকে। বিচারসাল যদিও নিয়ম করে বোজাই হয় তবু একমাত্র ষ্টেজ বিচারসাল ভিন্ন অধিকাংশ দিনই অনেক পাত্র-পাত্রী অনুপস্থিত থাকেন। ষ্টেজে মেরে দেওয়ার দলে তারা।

প্রথম দিন কোন্ বই মঞ্চস্থ হবে তা স্থির করতে বেশ বেগ পেতে হয়। সে দিন ষ্টেজ বাঁধার কাজ শেষ হতে অনেক দেবী হয় বলে অভিনেতাদেরই হাত দিতে হয়। কাজেই কোন দলই প্রথম দিন অভিনয় করতে স্বীকার হতে চায় না সহজে। শেষ পর্যন্ত যে দলই প্রথম দিন অভিনয় করুক না কেন তারা দোষত্রুটি ঢেকে দেয়, মন্তব্য করে—‘আরে মশাই, ষ্টেজ বেঁধে পাট করা চাটি কথা নয়, বসে বসে বলতে সবাই পারে।’

সঙ্কো হতে না হতেই অভিনেতা বা জড় হতে থাকেন—ষ্টার প্রেমারবা অবশ্য একটু দেবীতেই এসে থাকেন। গ্রীপকমটি দেখবার বস্ত হলে দাঁড়ায়। সবাই নিজের মনের মত পোষাক আর মেক-আপের জন্ত পেণ্টার কিংবা একটা বড় আয়নার সামনে ভিত্ত করতে থাকে। ঘোষিত সময় উত্তীর্ণ হয়ে যায়, ঘন ঘন মাইকে বলতে হয়—‘অনিবার্য কারণে নির্দিষ্ট সময়সূচ্যাবলী অভিনয় শুরু করতে না পেয়ে আমরা অত্যন্ত দুঃখিত। আর মাত্র কয়েক মিনিট দেবী!’ শেষ পর্যন্ত অবশ্য কু-ব-ব-ব বাঁশী বাজে আর ড্রপসিন ওঠে।

দর্শক গ্যালারীতে—অর্থাৎ ড্রিপল কিংবা সতরক-বিহীন আসনে প্রথম পঙক্তিগুলি আলো করেন মহিলাকল, পেছনে বসে আর



স্বর্গ থেকে ভেসে আসা

দাঁড়ায় ছেলেবো। কয়েকখানা চেয়ার অবশ্য থাকে বহিরাগত সম্মানিত অতিথিদের জন্ত।

অভিনয় চলতে থাকে। বিশেষ একটা সিনে হয়ত কোন সবল-প্রাণ ব্যাকুল হয়ে ওঠে। মুগ্ধ দর্শক অভিনেতাকে পূর্বসূত করতে চায়। কিন্তু দেবার মত সঙ্গে নেই কিছু। শেষ পর্যন্ত মেডেল দেওয়ার প্রতিশ্রুতি জানিয়ে দেন কর্তৃপক্ষ দর্শকমশায়ের তরফ থেকে। বাস, তার পর আর দেখতে হয় না। একের পর এক প্রতিশ্রুতির বগা নেমে আসে। বন্ধু মহল যাব সর্কারী সে হতভাগ্য ভিন্ন আর সবারই নাম বানের জলে ভাসতে থাকে।

প্রেক্ষাগৃহে গিয়ে দর্শকরা থাকেন নীরব। কিন্তু এমনিভাবে আসরে সেটি ঘটবার উপায় নেই। এক বছর পর ওটা হয়ে দাঁড়ায় একটা মিলন-কেন্দ্র। সুখ দুঃখের দু'চারটা কথা তাই বিনিময় না হয়ে পারে না। অনেককেই আবার সঙ্গে করে নিয়ে আসতে হয় ছোট ছোট ছেলেমেয়ে—তারা মাঝে মাঝে রসভঙ্গ করে। চারদিক থেকে অসন্তোষের গুঞ্জন উঠতে থাকে। মায়েবা শাসন করেন ঐ শিশুদের—‘বছরে একটা দিন তাও যদি একটু...’

নাট্যাভিনয় ছাড়া বিচিত্রানুষ্ঠানের ব্যবস্থাও করতে হয়। কেননা যারা অভিনয় করতে পারে না অথচ প্রাণে সখ আছে প্রচুর তারা কি তবে কিছুই করবে না। কর্তৃপক্ষ বেশ কিছুদিন আগেই একটা নোটিশ বার করেন আর্টিষ্টদের নাম পেশ করবার জন্ত। কা কত পরিবেশনা! সখ যাদের বেশী শুধু তারাই এ নোটিশের জবাব দেয়। তার পর ভারপ্রাপ্ত কন্ঠী ঘোরাঘুরি আর ধরাধরি করে আরও কয়েকটা নাম যোগাড় করে একটা অনুষ্ঠান-সূচী খাড়া করেন। কিন্তু অনুষ্ঠান শুরু হওয়ার সঙ্গে সঙ্গে আরম্ভ হয় অহু-মোখের পালা। চকুলজ্জার খাতিরে অধিকাংশ ক্ষেত্রেই অহুরোধ মেনে নিতে হয়। অনেক সময় এমনি অহুরোধ সমরাতাবে কিংবা অনিবার্য অজ্ঞ কোন কারণে প্রত্যাখ্যান করতে হয়।



বিসর্জনের পথে

মাঝে মাঝে প্রদর্শনীর ব্যবস্থাও হয়। স্থানীয় অধিকাংশ লোকই স্ব স্ব প্রচেষ্টায় ঘর ভরে দ্রষ্টব্য ছড়িয়ে দেন। গুণাগুণের ক্রম নির্ণয়ের জগৎ বঁরা বিচারক নির্বাচিত হন তাঁরা বন্ধ ঘরে বসে স্থির করেন পুস্তকবোধ যোগ্য নামের তালিকা।

উৎকর্ষ প্রতীক্ষার অবসান করে জননী পদার্পণ করেন সন্তানের অঙ্গনে। শাখের বনলে মাইকে মাইকে ঘোষিত হয় তাঁর মঙ্গল-গান। দলে দলে আসতে থাকে পূজামণ্ডপে—বালক বালিকা, যুবক-যুবতী, প্রৌঢ়-প্রৌঢ়া, বৃদ্ধ বৃদ্ধা নানান বেশে নানান চণ্ডে।

গৃহিণীরা শুচিবাস পরিধান করে মাতৃভোগের আয়োজন পূর্ণ করে তুলতে থাকেন। ভাবী কাজগুলি থাকে ছেলের জন্ম। কলহাস-মুগ্ধিতে অঙ্গন, শুদ্ধাচারিত দেবীমন্ত্রের গভীর নিনাদ, মনকে নিয়ে যায় এক স্বপ্নলোকের দেশে—বছরের বাকী দিনগুলি যেখানে আসে না ভিড় করে হাসি-কান্নার পাড়ি জমাতে।

আস্তে আস্তে অঞ্জলির জন্ম ভিড় বাড়তে থাকে। দলে দলে গন্ধ পুষ্প হাতে লয়ে নিবেদন করে মায়েব চরণতলে স্ব স্ব কামনা—মাতা-পিতা সন্তানের মঙ্গল, স্বামী-স্ত্রী উভয়ের দীর্ঘ জীবন, ছাত্র-ছাত্রী আগতপ্রায় পরীক্ষায় আশানুরূপ ফল।

কাড়াকাড়ি পড়ে যায় প্রসাদের জন্ম। শেষ পর্যন্ত একটা লাইন করতে হয় সবাইকে। বহিরাগত অতিথিদের জন্ম থাকে আলাদা ব্যবস্থা। হাসিমুখ আর স্বাগত সন্তাষণে তাদের মন খুশীতে ভরে ওঠে।

সব্বটো দিন এমনি হৈ-ঠেয়েব মধ্যে কেটে যায়। সন্ধ্যায় বেজে ওঠে আরতির ঘণ্টা। বাংলার বাইরে ঢাক-ঢোলের জমক

বঁ ধান মুশকিল। বড়জোর মাঝারিগোছেই একটা ঢোলক স্থানীয় কোন আনাড়ীর হাতে পড়ে মুখরিত হয়ে ওঠে। তাল-বেতালের কথা কারুর খেয়ালই হয় না।

ধূপ ধূনার গন্ধে আমোদিত পূজার অঙ্গন এক দিকে যেমন শঙ্খ-ঘণ্টার আওয়াজে মুখরিত হতে থাকে, অগ্নি দিকে তেমনি সবার চোখের আড়ালে চলতে থাকে অভিনেতাদের প্রস্তুতির পালা। আরতি শেষ হতে না হতেই দলে দলে লোক চুটে চলে যাব দিকে পেটের তাগিদ মিটিয়ে অগ্নির কিংবা বিচিত্রাঙ্কণের দর্শক হতে। যাদের ঘরের টান নেই, কিংবা পেটের তাগিদ যাদের তেমন প্রবল নয় তারা আর কাঙ্গালি হ'ল না করে বসে যান প্রথম পঙ্কজ অধিকার করে। ক্রমেই ভিড় বেড়ে দাঁতে থাকে—বাঙালী-অবাঙালী হিন্দু-মুসলমান নিরীকশেষে। অনুষ্ঠানের মধ্য বেঝার ধায়

অনেকেই হয়ত নেই। তবুও এরা এসে ভীড় জমায় একটা পরিবর্তনের লোভে, নিতাকার বৈচিত্র্যহীনতায় ফিরিয়ে আনতে সহজ হয়। অনুষ্ঠান গভীর রাত পর্যন্ত চলতে থাকে। শিশুরা ঘুমিয়ে পড়ে মায়েব কোলে কিংবা বাপের কাঁধে। যবনিকাপাত হলে সবাই গা ঝাড়া দিয়ে ওঠেন। ভাললাগা না লাগার সমালোচনা করতে করতে ফিরে যান নিজ নিজ গৃহে। কর্তৃপক্ষের কাউকে কাউকে কিছু থেকে যেতে হয় মণ্ডপে। অনেক চেয়েচিৎস্ত-আনা কিংবা ভাড়-করা মূল্যবান সামগ্রী প্রহরা দিতে হয়।

এমান করেই আনন্দোচ্ছ্বাস আর বোমাঙ্ককর পেশার মধ্য দিয়ে তিনটি দিন কেটে যায়। দিনগুলি যেন বড় তাড়াতাড়ি শেষ হয়ে যায়। চতুর্থ দিনে বিসর্জনের বাজনা বিরহ-বধা জাগিয়ে তোলে। গৃহিণীরা বরণডালা নিয়ে মায়েব সিঁথিতে সিন্দুর পরিবেশ দিয়ে কামনা করেন যে, তাঁর নিজের সিন্দুর যেন অক্ষয় হয়।

বেদীমূল শূণ্য করে এক সময় প্রতিমা লবীবোঝ ই হয়ে যায়। শূণ্য বেদীর দিকে তাঁকিয়ে মনটা বাধায় টনটন করে ওঠে। শিশুরা ভিড় জমায় লবীর মধ্যে। অনেক সাধ্য সাধনা করে ওদেরকে নামিয়ে দিতে হয়—কলের চাক ঘুগতে ঘুগতে সবাইকে শেষ বায়েব মত মাতৃদর্শন করিয়ে ছুটে চলে যায় বিসর্জনের জায়গায়।

ফিরে এসে সবাই আবার জড় হয় মণ্ডপে শূণ্যবেদীমূল প্রান্তে। পূবোহিত মন্ত্র পড়ে শান্তিবারি ছিটিয়ে দেন সবার মাথার ওপরে, মুখে উচ্চারণ করেন—ওং শান্তি, ওং শান্তি। তার পর চলতে থাকে প্রাণভরা কোলাকুলি। বিভেদের শেষ দাগটুকুও মুছে যায় সন্ত মাতৃবিরহকাতর মানুষের মন থেকে।*

* প্রবন্ধের ফটোগুলি লেখক কর্তৃক গৃহীত

কালিদাস-সাহিত্যে অ-ভারতীয়দের কথা

শ্রীরবুনাথ মল্লিক

মহাকবির সাহিত্যের স্থানে স্থানে ভারতের বাহিরের কয়েকটি দেশের বিবরণ পাওয়া যায়, এবং ভারতের ভিতরেও অ-ভারতীয়দের কথাও কিছু কিছু পাওয়া যায়; এখানে সেগুলি দেখানে যাইতেছে।

প্রথম পারশ্ব দেশের কথা লইয়া আলোচনা করা যাক। 'বসুংগ' কাব্যে—বসুর দ্বিধিক্রয়ের বিস্তৃত বিবরণ দিতে গিয়া মহাকবি বলিতেছেন—

'পারসীকাস্ত্রোত্তোভেতুং প্রতস্থে স্থল বসুংগা ॥'-বসু—৪।৬০

অর্থাৎ, সেখান হইতে তিনি পারসীক দেশ জয় করার জন্য স্থলপথ ধরিয়া চলিলেন। তাঁহার টীপাকার মল্লিনাথ বলেন যে পারসীক দেশ জলপথেও যাওয়া চলিত, তবে 'সমুদ্রযাত্রা নিষিদ্ধ' থাকায় বসুকে স্থলপথ দিয়া চলিতে হইয়াছিল।

পারসীক দেশে যাইয়া বসু কি দেখিলেন? মহাকবি তাহার বিবরণ দিতেছেন—

'যবনীমুখপন্ন নাং মেহে মধুমদং ন সঃ।

বাল্যতপমিনাজানামকাল-জলদোদয়ঃ ॥'-বসু-৪।৬১

'অকালো' মেঘ (স্বর্ষার নয় শব্দে) যেমন পদ্মের অরুণ আভা সহ্য করিতে পারে না, বসুরও তেমনি যবন নারীদের পদ্মের মত (সুন্দর সুন্দর) মুখগুলির মন্থপানজনিত রক্তিম আভা সহ্য হইল না।

পারসীকেরা ভারতের লোক নহেন বলিয়া তাঁহাদিগকে বলা হইত যবন, ও তাঁহাদের জ্যৈলোকদিগকে বলা হইত যবনী—যাঁহারা দিনের বেলাতেই মন্থপানান্তে মুখগুলি লাল করিয়া দূর দাঁড়াইয়া বসুসৈন্তগণকে তাঁহাদের দেশে প্রবেশ করিতে দ্বিধিতেছিলেন।

তার পর কি হইল, মহাকবি তাহা জানাইয়া দিতেছেন :

'সংগ্রামস্তমুদ্রস্তমু পাশ্চাত্যৈরশ্বসাধনৈঃ।

শাস্ত্র কুঞ্জিত বিজ্ঞেয় প্রতিবোধ রহস্তভূৎ ॥'-বসু ৪।৬২

পাশ্চাত্য দেশীয়দিগের অশ্বসৈন্তগণের সহিত তাঁহার তুমুল যুদ্ধ বাধিল এবং রণক্ষেত্রে এমন ধূলি উড়িতে লাগিল যে, কেবলমাত্র ধনুকের টঙ্কারের শব্দে প্রতিপক্ষের যোদ্ধা-দিগকে চিনিতে পারা যাইতেছিল।

এখনকার দিনে পাশ্চাত্যদেশীয় বলিতে বুঝায় ইংলণ্ড, ফ্রান্স, জার্মানী প্রভৃতি ইউরোপীয়দিগকে, আর তখনকার দিনে পাশ্চাত্য শব্দে বুঝাইত পারসীকদিগকে।

সে তুমুল যুদ্ধের বর্ণনা দিতে গিয়া মহাকবি বলিতেছেন :

'ভল্লাপবর্ষিষ্টৈঃ স্তেযাং শিরোভিঃ শস্ত্রৈঃ সর্গীন্ম।

তস্তার সংঘাবাটৈশ্চঃ স ক্ষৌদ্রপ টৈসরিব ॥'-বসু ৪।৬৩

তিনি বর্ষা লইয়া যুদ্ধ করিতে করিতে তাহাদের (যবনদের) মধুমক্ষিকা-পরিব্যাপ্ত মৌচাকের মত দাড়িওয়ালা মুখগুলি কাটিয়া রণক্ষেত্রে ভরাইয়া দিলেন।

পারসীকদের যে তখনকার দিনেও মুখে প্রচুর গৌফ-দাড়ি থাকিত, সে কথা কালিদাসের বর্ণনা হইতে জানিতে পারা গেল।

সে যুদ্ধ জয়-পরাজয়ের কি হইল মহাকবি তাহা বলিতেছেন :

'অপনীত শিরস্মাণাঃ শেযাস্তং শরণং যযুঃ।

প্রাণপাত প্রতিকারঃ সংবস্তা হি মহাত্মনাম্ ॥'-বসু ৪।৬৪

অবশিষ্ট যবনগণ প্রাণে যাঁহারা বাঁচিয়া রহিলেন, মস্তক হইতে তাঁহারা শিরস্রাণ খুলিয়া রাখিয়া বসুর শরণাপন্ন হইলেন, মহৎ লোকের ক্রোধ প্রণতি পাইলে শান্ত হইয়া যায়।

মাথা খুলি করাটা যে এখনকার মত তখনকার দিনেও পাশ্চাত্য দেশীয়দের সম্মান নিবেদন করার প্রথা ছিল, এখানে তাহাই দেখা যাইতেছে।

যুদ্ধ শেষ হইয় গেল, পারসীকেরা পরাজয় স্বীকার করিয়া লইলেন, তার পর কি হইল? মহাকবি সে কথা বলিতেছেন :

'বিনয়স্তে স্ম তাদৃশাশনঃ মধুভিবিজহশ্রমন্ম।

অস্তৌর্ণাজিনবস্ত্রাসু দ্রাক্ষাবলয় ভূমিসু ॥'-বসু ৪।৬৫

বসুর স্বাক্ষরা যুদ্ধের ক্লাস্তি অপমানন করার জন্য সে দেশের দ্রাক্ষালতা পরিবেষ্টিত ক্ষেত্রে অতুৎকৃষ্ট চর্মাসন (কার্পেট) পাতিয়া তাহার উপর সকলে মন্থপান করিতে লাগিলেন।

পারশ্ব দেশে যে আড়ুর খুব বেশী পরিমাণে জন্মায়, আড়ুরের মদ যে সেখানকার এক লোভনীয় বস্তু, ও সেদেশে যে অতি মনোহর কার্পেট পাওয়া যায়, মহাকবি সে তথ্যগুলি ভালভাবে জানিতেন, নহিলে সে দেশের বিবরণ এমন সুন্দর ভাবে দিতে পারিতেন না।

'মালবিকাগ্নিমিত্র' নাটকের পঞ্চম অঙ্কেও 'যবন' ও তাহাদের অখারোহী সৈন্তদের উল্লেখ পাওয়া যায়। মহাকবি

সেখানে যে বিবরণ দিয়াছেন তাহা এই—বিদিশার রাজা পুষ্প-মিত্র পুত্র অগ্নিমিত্রের উপর রাজ্যরক্ষার ভার দিয়া অশ্বমেধ-যজ্ঞে ব্রতী হইয়া রাজধানীর বাহিরে গিয়াছিলেন। তাঁহার অশ্বমেধযজ্ঞের অশ্ব যখন সিঙ্কনদের দক্ষিণ তীরে বিচরণ করিতেছিল, সে সময় একদল অশ্বারোহী যবনসৈন্য তাহাকে ধরিয় লইয়া যায়, এবং এই যবন সৈন্যদলকে পরাজিত করিতে পুষ্পমিত্রের পৌত্র বসুমিত্রকে বীতিমত বেগ পাইতে হইয়াছিল। এই বিবরণ হইতে বুঝা যায় যে, যবনেরা সে সময় ভারতের সীমানার মধ্যে সিঙ্কনদের দক্ষিণ ভাগে আধিপত্য লাভের চেষ্টা করিতেছিল। এখানে মনে হয় যেন যবন বলিতে মহাকবি পারসীকদিগকে বুঝাইতেছেন।

‘বিক্রমোর্বশী’ নাটকে যবনী পরিচারিকার উল্লেখ পাওয়া যায়। রাজা পুরুবাবর প্রাসাদে যবনীরা কার্যে নিযুক্ত হইত। রাজা তাহাদের একজনকে ধনুর্বাণ আনিতে আদেশ করিতে-ছেন, নাটকে এরূপ নির্দেশ পাওয়া যায়। অবশ্য এই যবনীরা পারস্যদেশীয়া না গ্রীকজাতীয়া তাহা বুঝিবার কোনও উপায় নাই।

মহাকবির ‘নলোদয়’ কাব্যে আরবদেশের মরুভূমির উল্লেখ পাওয়া যায়। শ্লোকটি দেওয়া গেল :

‘ইতিকৃতসামারবতঃ সুরলোকান্তনুখেন সামারবতঃ।

ন রিরংসামারবতঃ স্থলাদিব নাঃসান্ধকমানসামাঃবনং।’

নল-১১৪১

এই শ্লোকটির ব্যাখ্যা করার পূর্বে কিছু পূর্বাংশ দেওয়া যুক্তিযুক্ত বলিয়া মনে করি। দময়ন্তীর স্বয়ংবর, দেবতারা তাঁহার অসামান্য রূপের কথা শুনিয়া তাঁহাকে বিবাহ করার বাসনায় সে সভায় আসিয়াছেন, কিন্তু সেখানে নলকে দেখিয়া তাঁহার মত অমন সুদর্শন তরুণ রাজাকে ছাড়িয়া দময়ন্তী যে তাঁহাদের কাহারও কণ্ঠে বরণমালা পরাইবেন এমন ভরসা দেবরাজ ইন্দের রহিল না, তিনি তাই নলকে ডাকিয়া তাঁহাকেই দূত করিয়া দময়ন্তীর কাছে গিয়া বলিতে বলিলেন যে, দেবতারা তাঁহাকে ভালবাসেন ও তিনি যেন তাঁহাদের মধ্যে একজনকে বরণ করেন। ব্যাখ্যাটি এই :

নলের মুখ দেবতাদের সাঙ্গনা-বাণী (প্রেমনিবেদন-বার্তা) শুনিয়াও হংস যেমন জলজ পদার্থে (পদ্ম ইত্যাদিতে) আসক্ত থাকিলে (জল ছাড়িয়া) আরবের মরুময়স্থলে যাইতে চাহে না, তেমনি দময়ন্তীরও মন নলের প্রতি আসক্ত থাকিতে দেবতাদের কাহাকেও বিবাহ করিবার ইচ্ছা তাঁহার আসিল না।

এখানে ‘আরবতঃ মারবতঃ স্থলাৎ’ অর্থে আরবের মরুময় ভূমি না করিয়া টীকাকারেণ কেবল ‘মারবতঃ স্থলাৎ’ অর্থে মরুময় ভূমি করিয়া আরবতঃ শব্দটিকে সুরলোকাৎ শব্দটির

বিশেষণ করেন, কিন্তু আরবতঃ কথাই অর্থ তাঁহারা শব্দায়মান (চৈচাইয়া) করেন বলিয়া, মনে হয়, দেবতারা যেখানে নলকে অতি গোপনে দময়ন্তীর কাছে পাঠাইতেছেন সেখানে তাঁহারা চৈচাইতে যাইবেন কেন? ইহা অতি বিসদৃশ ব্যাপার—সুতরাং ‘আরবতঃ’ শব্দটিকে ‘মারবতঃ স্থলাৎ’ শব্দগুলির সহিত যুক্ত করিলে সামঞ্জস্যপূর্ণ অর্থ পাওয়া যায়।

কেহ কেহ হয়ত বলিতে পারেন যে, অতশত বৎসর পূর্বে কালিদাসের মত ভারতের একজন ব্রাহ্মণ পণ্ডিত মানুষ আরবের মরুভূমির নাম শুনিলেন কিরূপে যে কাব্যে তাহার উপমা দিলেন? ইহার উত্তরে বলা যাইতে পারে, যিনি রঘুর দ্বিধিক্রয়-প্রসঙ্গে পারস্য দেশের বর্ণনা নিখুঁত ভাবে দিয়া গিয়াছেন, তিনি যে পারস্য দেশের পাশের দেশ আরব ও আরবের মরুভূমির নাম কখনও শুনে নাই, ইহা কি বিশ্বাসযোগ্য কথা হইতে পারে? তিনি যে আরব, পারস্য, চীন, কাশ্মীর প্রভৃতি বহির্ভারতের দেশগুলির নাম ভাল-রূপে জানিতেন, তাহাতে কোনও সন্দেহ থাকিতে পারে না।

‘অভিজ্ঞান শকুন্তল’ নাটকে চীনদেশের উল্লেখ পাওয়া যায়। প্রথম অঙ্কের শেষে মহাকবি লিখিতেছেন :

‘চীনাংশুকমিব কেতোঃ প্রতিবাতনয়মানশ্চঃ।’

কোনও পতাকাকে যদি প্রতিকূল বাতাসের দিকে লইয়া যাওয়া হয় তাহা হইলে তাহার (পতাকার দণ্ডের উপরিস্থিত) চীনদেশীয় রেশমবস্ত্রের খণ্ড যেমন পশ্চাৎ দিকে উড়িতে থাকে (দ্রুয়ন্তের মনও তেমনি পিছন দিকে শকুন্তলার কাছে পড়িয়া রহিল, তিনি যদিও সম্মুখ দিকে অগ্রসর হইতে লাগিলেন)।

টীকাকার মল্লিনাথ ‘চীনাংশুক’ শব্দের অর্থ করিয়াছেন : ‘চীনদেশোদ্ভূত বস্ত্র’ অর্থাৎ, যে বস্ত্র চীনদেশে প্রস্তুত হই-য়াছে। সুতরাং মল্লিনাথও যে চীনদেশের নাম জানিতেন, তাহা তাঁহার লেখা হইতে স্পষ্ট বুঝা যাইতেছে।

‘কুমারসম্ভবের’ সপ্তম সর্গেও চীনাংশুক শব্দটি পাওয়া যায়। সেখানে মহাকবি বলিতেছেন যে, পার্বতীর বিবাহ উপলক্ষে হিমালয়ের প্রাসাদ পুষ্প প্রভৃতির মত চীনদেশীয় বস্ত্রে সজ্জিত করা হইয়াছিল (কু ৭১৩)।

রঘুর দ্বিধিক্রয়-প্রসঙ্গে মহাকবি ছগদেশের উল্লেখ করিয়াছেন, তাঁহার বর্ণনা হইতে বুঝা যায় যে, ছগেরা সে সময় ভারতের উত্তর দিকে পার্বত্য প্রদেশে আধিপত্য বিস্তার করিয়া লইয়াছিল। রঘু সিঙ্কনদের তীর ধরিয় কুঙ্কম অর্থাৎ জাফরাণ-ক্ষেত্রের ভিতর দিয়া হিমালয়ের উত্তরে ছগদেশ আক্রমণ করেন। ছগেরা ভারতীয় ছিলেন না, তাঁহারা মধ্য

এশিয়ার এক জাতি। ছগদেশ জয়ের বৃত্তান্ত মহাকবি এই-
ভাবে দিয়াছেন :

‘তত্র ছগাবরোধানাং ভর্তৃসু ব্যক্ত বিক্রমম্।

কপোল পাটলাদেশে বভুব রঘুবেষ্টিতম্ ॥’-রঘু-৪।৬৮

অর্থাৎ, সেখানে রঘুর পরাক্রম ছগনারীদের স্বামীদের প্রতি
প্রদর্শিত হইয়াছিল, যাহার জন্ত নারীদের ক্রন্দনের সহিত
কপোলে করাঘাতের ফলে তাঁহাদের গণ্ডস্থল পাটলবর্ণ ধারণ
করাইয়াছিল।

ছগরমণীরা যে ক্রন্দনের সময় নিজ নিজ কপোলে
করাঘাত করিতেন, মহাকবি এ তথ্যটুকু জানিতেন বলিয়াই
একথা লিখিয়াছেন।

ছগদেশ পার হইয়া কাষোজে যাইতে হয়, স্মৃতরাং বুঝা
যাইতেছে যে, কাষোজীদের দেশ ছিল ভারতের সীমানা
হইতে বেশ খানিকটা দূরে। মহাকবি বলেন :

‘কাষোজাঃ সমরে সোচুং তস্য বীর্যমনীশ্বরাঃ।

গজানান পরিক্রিষ্ট রাক্ষোতৈঃ সার্কিমানতাৎ ॥’-রঘু-৪।৬৯

কাষোজীরা যুদ্ধে রঘুর বিক্রম সহ করিতে পারিলেন না,
এবং তাঁহার গজবন্ধনে আনত আখরোট বৃক্ষের মত
বিজেতার নিকট নত হইতে বাধ্য হইলেন।

কাষোজ দেশে যে প্রচুর আখরোট বৃক্ষ জন্মে কালিদাস
এ খবর রাখিয়াছিলেন।

‘বিক্রমোর্বশী’ নাটকে মহাকবি গন্ধর্বদেশের এক
অভিবাদন-প্রণালীর উল্লেখ করিয়াছেন। গন্ধর্বরাজ চিত্ররথ
যখন তাঁহার ভারতীয় বন্ধু পুরুরবার সহিত সাক্ষাৎ করি ত
আসিলেন, তখন প্রথমে উভয়ে উভয়ের হস্ত স্পর্শ করিয়া
অভিবাদন জ্ঞাপন করিলেন। এইরূপ করমর্দন করিয়া
অভিবাদন করার প্রথা যে সম্পূর্ণরূপে অ-ভারতীয় সে বিষয়ে
সন্দেহ নাই।

ভারত ও মহাভারত

শ্রীসুবোধ রায়

অধিরথ সূতপুত্র কর্ণ যেই ক্ষণে
দৌপদীর স্বয়ম্বরসভার অঙ্গনে
ঘোষিল অকুণ্ঠ কণ্ঠে এই মহাবাণী—
‘দৈবায়ত্ত মম জন্ম, কুল নাহি জানি।
জানি মোর অধিকার পৌরুষ পরম
জানি এই—মানুষের ধর্ম সে চরম।’

স্বয়ং-অতীত এই সেই যুগক্ষণ হ’তে,
এই মহাবাণী-সত্য মহাকালশ্রোতে
ভেসে এলো আমাদের জীবনের তীর্থে,
জিজ্ঞাসে সে—‘তোমাদের হৃদয়-মন্দিরে
কোন দেবতার তরে সাজায়েছ ডালি ?
কায় উপায়নে বচ তব অর্থাধালি ?
ভীকু বাবা, মিথ্যাচারী, সংঘর্ষবিহীন,
ক্লিন্ন জীবনের গ্লানি বাহি’ নিশ্চিন্দ


মানুষের নাম যারা করে কলঙ্কিত,
জাতিগর্বে তারা যদি হইয়া গব্বিত
সমাজের মাঝে আনে অসংখ্য বিভেদ,
তাদের জীবনযজ্ঞ—হীন নরমেধ।
‘দূব কর এই হীন মিথ্যা অনাচার,
উচ্চার অকুণ্ঠ কণ্ঠে শুভ সমাচার
মহাভারতের, সেই সনাতন বাণী—
জাতি কুল-বর্ণভেদ কিছু নাহি মানি।
জানি আমি এক জাতি—সে জাতি মানুষ,
জানি আমি এক ধর্ম—সে ধর্ম পৌরুষ ;—
যে-পৌরুষ সত্য স্নিগ্ধ, সাধনা ভাষ্যব,
যাহার আলোক-স্পর্শে মানব-অস্তর
হয় চিরদীপ্তিমান, জ্যোতির্লোকসম।
মর্ত্যভূমে মানুষ সে সূতাপায়কম
তখনি হইতে পারে—জীবন তাহার
হয় নিত্য আনন্দের অক্ষয় ভাণ্ডার।

ভারতে সম্মিলিত রাষ্ট্রপূঞ্জের একাদশ সাধারণ পরিষদের সভাপতি ডক্টর মাজা

শ্রীঅনাথবন্ধু দত্ত

সম্মিলিত রাষ্ট্রপূঞ্জের একাদশ সভাপতি ডক্টর যোস মাজা নয় দিনের জগৎ ভ্রমণ সফরে আসিয়া দুই দিন কলিকাতায় ছিলেন। ৭ই অক্টোবর তিনি ইণ্ডিয়ান ফরেন এফেয়ার্স এসোসিয়েশনের এক অভ্যর্থনা-সভায় বলেন যে, পৃথিবীর আদিকাল হইতে যুদ্ধ জিনিষটা মানব-সমাজে বহিয়াছে, বহু চেষ্টা করিয়াও ইহাকে একেবারে দূর করা যায় নাই। যদি কেহ মনে করেন সম্মিলিত রাষ্ট্রপূঞ্জ সকল জাতির মনকে একরূপ করিয়া পরিবর্তিত করিবে যে, কোন জাতিই

হইতেই যুদ্ধের ভয় হয়। যে পর্যন্ত না ল্যাটিন আমেরিকা ও অন্যান্য অনুরূপ দেশের আর্থিক উন্নতি হইতেছে ততদিন পৃথিবীতে স্থায়ী শান্তি সম্ভব নহে। ডক্টর যোস মাজা যখন কালীঘাট মন্দিরে নগ্নপদে প্রবেশ করিয়াছিলেন তখন পুরোহিত মন্ত্র পড়িয়া তাঁহার লজ্জাট চন্দনচর্চিত করিয়া বলিয়াছিলেন যে, 'চন্দন' শাস্ত্রের প্রতীক। ডক্টর যোস এসোসিয়েশনের সভাপতিত্বকে বলেন, চন্দন চিহ্ন যদি শাস্ত্রের প্রতীক হয় তবে তিনি চন্দন-তিলক ধারণ করিয়া পৃথিবীর দেশে দেশে ভ্রমণ করিবেন।



(বাম হইতে) শ্রীস্বরূপচন্দ্র দাস, শ্রীহরেন্দ্রনাথ মজুমদার, শ্রীশৈলেশচন্দ্র সেন সিং মিশ্র, মিসেস সেকেনা, ডক্টর শ্রীটপেশ্বনাথ ঘোষাল, শ্রীঅনিস চন্দ্র, ডক্টর যোস মাজা, শ্রীসতীনাথ রায় এবং শ্রীঅনাথবন্ধু দত্ত [ফ্রান্স-এর মৌজুগে

ঐ 'দনই এসিয়াটিক সোসাইটির' হলে, সোসাইটির এবং কলিকাতা সম্মিলিত রাষ্ট্রপূঞ্জ সমিতির সভাপতি বর্জুক তিনি অভিনন্দিত হন। সোসাইটির মূল্যবান গ্রন্থাগার এবং পুরাতন ঐতিহাসিক পুথি-পত্রাদি দেখিয়া তিনি আনন্দ প্রকাশ করেন। সোসাইটির সহকারী সভাপতি ডক্টর শ্রীটপেশ্বনাথ ঘোষাল এবং সমিতির সহকারী সভাপতি শ্রীসতীনাথ রায়ের অভ্যর্থনার উত্তরে ডক্টর মাজা বলেন যে, ভারতের প্রাচীন ইতিহাস ও সংস্কৃতির প্রতি তিনি অন্ধাশীল। পৃথিবীর লোকে ভারতের মহৎ বাণী এবং ধর্ম মতাদেশ পরমতসাহসুতার কথা জানে। ডক্টর মাজা স্পেনীয় ভাষায় বক্তৃতা করিয়াছিলেন এবং তাঁহার বক্তৃতা মিষ্ট বা মগুয়েল সেকেনা—চিলির চাক্স দ্য এফেয়ার—ইংরেজীতে শ্রোতাদের বুঝাইয়া দিয়াছিলেন।

আর যুদ্ধ চাহিবে না তাহা হইলে তিনি একটা অসম্ভব জিনিষ কামনা করিবেন মাত্র। যদি মানুষের আধ্যাত্মিক ও যান্ত্রিক উন্নতির মধ্যে সামঞ্জস্য বধান করা যায় তবে যুদ্ধ বন্ধ করা সম্ভব। দুঃখের বিষয় যান্ত্রিক উন্নতির দিকেই মানুষের ঝোক বেশী। আধ্যাত্মিক উন্নতির জগৎ আবার সকল দেশের সমান আর্থিক উন্নতি আবশ্যিক। এজন্য সকল অনুরূপ দেশের নিজেদের মধ্যে খুবই সহযোগিতা দরকার। ডক্টর মাজা এই প্রসঙ্গে সম্মিলিত রাষ্ট্রপূঞ্জ কি কবিতোছে তাহার উল্লেখ করিয়া বলেন, সহযোগী প্রতিষ্ঠানগুলির মাধ্যমে ইহা সাংস্কৃতিক, আর্থিক এবং সমাজ-উন্নয়ন সম্পর্কিত কার্যে বিশেষ সাফল্য অর্জন কবিতোছে। জাতিসমূহের মধ্যে পরস্পরের সংস্পর্কে জ্ঞানবৃদ্ধির উপরই বিশ্বশান্তি নির্ভর করে। এক দিনে বিশ্বশান্তি সম্ভব নহে। জ্ঞান জ্ঞানের এবং পরস্পর সম্পর্ক মিথ্যা ধারণা

চিলির ব্যবহারজীবী এবং রাজনৈতিক নেতা ডক্টর যোস মাজা ১৮৮৯ সনে জন্মগ্রহণ করেন। চিলি বিশ্ববিদ্যালয়ে তাঁহার শিক্ষা হয়। তিনি ১৯২৫ সনে চিলি পার্লামেন্টের সেনেটের নির্বাচিত হন। ১৯৩৫ সনে তিনি পার্লামেন্টের সভাপতি নির্বাচিত হইয়াছিলেন। ইহার পূর্বে তিনি স্বরাষ্ট্রমন্ত্রী শিক্ষা ও বিচার মন্ত্রী এবং প্রধান মন্ত্রীর পদও অলঙ্কৃত করিয়াছিলেন। চিলির নূতন রাষ্ট্রতন্ত্র তাঁহার রচিত। তিনি উরুগুয়ে, ব্রাজিল, ডোমিনিকান রিপাব্লিক, হেইটি, পানামা এবং পেরুদেশে রাষ্ট্রদূতের কার্য করিয়াছিলেন। সম্মিলিত রাষ্ট্রপূঞ্জ স্থাপিত হইবার উদ্দেশ্যে সানফ্রানসিস্কো সহরে যে বিশ্বসম্মেলন হয় তাহাতে তিনি চিলির প্রতিনিধি রূপে যোগ দিয়াছিলেন এবং বিশ্ব-সম্মেলন স্বাক্ষর করিয়াছিলেন।

সমাজকল্যাণের এদেশীয় কর্মনীতি

ডাঃ জাল ফিরোজ বুলসারা

এশিয়ার সরকারসমূহ এবং জনগণ যুদ্ধোত্তর কালে নিরতিশয় সমাজকল্যাণ-সচেতন হইয়া উঠিয়াছে। ইহা অনিবার্য কেননা, স্বাধীনতা লোকের দৃষ্টিকে নিবদ্ধ করায় তাহাদের অদৃষ্টের প্রতি এবং মানবের অদৃষ্টকে আলুগা ভাবে হইলেও যথাযথ রূপেই কল্যাণলাভরূপে ব্যাখ্যা করা হয়। কল্যাণ বলিতে বুঝায় সামগ্রিক ভাবে সমাজের শারীরিক, মানসিক, এবং নৈতিক কল্যাণ। এবং যে সকল উপাদানে সমাজ গঠিত—অর্থাৎ ব্যক্তি এবং পরিবারসমূহ— তাহাদের সামগ্রিক অর্থনৈতিক স্বয়ংসম্পূর্ণতা ব্যতিরেকে কোন শারীরিক, মানসিক এবং নৈতিক কল্যাণ সাধিত হইতে পারে না। সামাজিক ঘটনাবলীর পর্যবেক্ষকদের নিকট ইহা সুপরিষ্কৃত হইবে যে, আমাদের সামাজিক কলুষ এবং সমস্যাসমূহের অধিকসংখ্যকেরই উদ্ভব হয় অর্থনৈতিক অভাব হইতে। অন্তর্গত দেশসমূহের সমাজকল্যাণ বলিতে তাই মুখ্যতঃ বুঝাইবে উন্নয়নের অর্থনৈতিক ভিত্তির উপর জোর দেওয়া। ইহার অন্তর্ভুক্ত বলিয়া গণ্য হইবে মাথাপিছু উৎপাদনবৃদ্ধি, উচ্চতর পারিবারিক আয় এবং জাতীয় ধন-সম্পদের সমবর্ধন।

অন্তর্গত দেশসমূহে সামাজিক কলুষের

অর্থনৈতিক ভিত্তি

কাজেই যে ক্ষেত্রে অত্যন্ত উন্নত শিল্পায়িত দেশসমূহে সমাজকল্যাণ বলিতে অধিকতররূপে বুঝায় এখানে সেখানে উদ্ভূত বেকার-সমস্যার উপশম এবং তদানুযুক্ত সামাজিক কলুষের লাঘব, সেক্ষেত্রে অন্তর্গত দেশসমূহে সাহায্য এবং পুনর্কাসনকে ব্যাপকভাবে মিশ্রিত করিতে হইবে আর্থিক সাহায্যের সহিত। শিল্পায়িত পাশ্চাত্য দেশগুলি অতীত অনটনের সমস্তা অথবা জীবনধারণের মূলগত প্রয়োজনসমূহের অল্পবিস্তর সমাধান করিয়াছে এবং আরও অধিকদূর অগ্রসর হইয়া সার্বিক সামাজিক নিরাপত্তার সুষ্ঠু স্বরে পৌঁছিয়াছে। অধিকতর শিল্পায়িত পাশ্চাত্য সমাজসমূহের জনগণের শতকরা

৫০ হইতে ৮০ ভাগ নাগরিক সেক্ষেত্রে অন্তর্গত দেশগুলির জনগণের মধ্যে শতকরা ৮০ হইতে ৯০ জন কৃষি অর্থনীতির উপর নির্ভর করিয়া এবং অধিকতর গ্রাম্য অবস্থার মধ্যে জীবন যাপন করে।

সামাজিক সমস্যাসমূহের উপর বহুমুখী অভিযান

একান্ত আবশ্যিক

কাজেই সমাজকল্যাণের এ-দেশীয় কর্মনীতি স্বভাবতঃই শিল্পায়িত পাশ্চাত্য সমাজসমূহের উপযোগী কর্মপন্থা হইতে মূলতঃ কতকটা ভিন্ন ধরনের হইবে। প্রথমতঃ কৃষিনির্ভর সমাজে সমাজকল্যাণ-সমস্যা চের বেশী ব্যাপক এবং অধিকতর জটিল। কাজেই চড়াও করিতে হইবে বিভিন্ন মুখ হইতে। অর্থাৎ কৃষিকার্যে বিজ্ঞান এবং যন্ত্রের প্রয়োগ, যন্ত্র-বিদ্যা সম্পর্কিত কিসে কি হয় ক্রমে ক্রমে সেই জ্ঞানের প্রবর্তন, শিল্পায়নের বৃদ্ধি, জনগণের মনোভাব এবং আদিম ধরনের জীবনযাপন-পদ্ধতি পরিবর্তন—এসকল উদ্দেশ্যে মূল-গত এবং সামাজিক শিক্ষা এবং তাহাদের স্বাস্থ্যের ও জীবন-চর্যার অভ্যাসের উন্নয়ন ইত্যাদির ব্যবস্থা করিতে হইবে।

পরিকল্পিত সরকারী সাহায্যে স্বেচ্ছামূলক সামাজিক

প্রচেষ্টাসমূহের পৃষ্ঠপোষকতা

প্রতিকারমূলক এবং উন্নতিবিধায়ক ব্যবস্থাসমূহের প্রয়োগ এমন বিস্তৃত পটভূমিকার উপর করিতে হইবে যে, স্বেচ্ছামূলক প্রচেষ্টাগুলিকে পরিপূরণ করা হইবে আর্থিক এবং সামাজিক উন্নয়নমূলক একটি সুপরিকল্পিত সরকারী প্রোগ্রামের দ্বারা। সমাজ-উন্নয়ন পরিকল্পনার যে-যে উত্তাল তরঙ্গ এক বা অল্পরূপে আফ্রিকা-এশিয়া এবং ওসিগানিয়ার মহাদেশসমূহকে প্রাবিত করিতেছে তাহা কেবলমাত্র আকস্মিক ঘটনা নয়, দেশীয় কর্মসূচীসমূহও তাই কেবল পাশ্চাত্য পদ্ধতি কর্মকৌশল এবং রূপের অল্প অনুকরণমাত্র হইতে পারে না। মূলতঃ তাহার উদ্ভূত হইয়াছে একটি এদেশীয় প্রয়োজনে এবং দেশীয় পটভূমিকাতোই

তাহাদিগকে খাপ খাওয়াইয়া লইতে হইয়াছে। স্থানীয় মানবিক এবং আর্থিক সম্পদের সহায়ে তাহাদিগকে চালু রাখিতে হইবে এবং এগুলি স্বভাবতঃই সবচেয়ে বেশী ফলপ্রসূ হইবে যখন স্থানীয় সামাজিক ও অর্থনৈতিক অবস্থার কথা মনে রাখা যাইবে আর স্বেচ্ছিতভাবে জাতীয় উদ্দেশ্যসমূহের সংজ্ঞা নির্দেশ করা হইবে।

অত্যন্ত ক্ষুদ্র এবং অত্যন্ত বৃহৎ পরিবারসমূহ এবং

দৈহিক ক্রটিযুক্ত লোকদের সমস্যা।

অনুরূপ দেশসমূহে যে সমস্যাটি মাথা ধামানোর কারণ তাহা হইতেছে একদিকে জন্মহারের বিপুল বৃদ্ধি, অন্যদিকে দ্রুত হ্রাসমান যুত্বাহার এবং ক্রমবর্ধমান পুষ্টিহীনতা। শিল্পায়িত সমাজসমূহ অন্ধ, মুগ্ধ-বধির, মুগী এবং যক্ষ্মারোগী, নিঃসঙ্গ বৃদ্ধ প্রভৃতি তাহাদের সমাজের বিভিন্ন প্রকার দৈহিক অপটুতা-গ্রস্ত জনসমষ্টির পুনর্বাসনের জন্য বিভিন্ন প্রকার বিশেষ ধরনের এবং কতকটা ব্যয়সাধ্য ব্যবস্থা অবলম্বন করিতে পারে। অনুরূপ সমাজসমূহের শারীরিক, সামাজিক এবং মানসিক দিক দিয়া অপটুতাগ্রস্তদের সমস্যা কিন্তু এত ব্যাপক এবং শিক্ষিত কর্মী ও প্রাপ্তবয়স্ক আর্থিক সংস্থানের পরিমাণ এত কম যে, আপাততঃ তাহাদিগকে কেবলমাত্র ভাসা ভাসা প্রতিকারমূলক ব্যবস্থা লইয়াই সন্তুষ্ট থাকিতে হইবে। তাহাদিগকে ব্যাপক আকারের দীর্ঘমেয়াদী প্রতিকার্য এবং শিক্ষামূলক কাজের উপর নির্ভর করিয়া থাকিতে হইবে এই আশায় যে, এক বা দুই পুরুষের মধ্যে বিভিন্ন দিক দিয়া অপটুতাগ্রস্তদের সংখ্যা এমন ভাবে কমিয়া আসিবে যে, আগামী কালের সরকার অধিকতর সম্যক ভাবে এ সম্বন্ধে প্রয়োজনীয় ব্যবস্থা করিতে উৎসাহিত হইবেন।

স্বাস্থ্যায়ন কর্ম এবং স্বাস্থ্যবিষয়ক শিক্ষা।

অনুরূপ ভাবে যথোচিত স্বাস্থ্যায়নমূলক কর্মের ব্যবস্থাও করিতে হইবে পাশ্চাত্যের ঐতিহাসিক উন্নয়নমূলক ব্যবস্থার অনুকরণ করিয়া নয়। কেননা ওদেশে লোকসংখ্যার অনুপাতে রোগীর শয্যাটির যে ব্যবস্থা করা হইয়াছে তাহা দরিদ্র সমাজসমূহের ক্ষমতার বাহিরে। ওদেশে স্বাস্থ্য-সংক্রান্ত সমস্যার সমাধানে বিশেষ ভাবে জোর দিতে হইবে, বিদ্যালয়, ফ্যাক্টরি, বয়স্ক ক্লাব, সিনেমা, রেডিও এবং সংবাদপত্র, ভ্রাম্যমাণ প্রদর্শনী, বাজার এবং মেলায় প্রচারকার্য ইত্যাদির মাধ্যমে স্বাস্থ্যবিষয়ক শিক্ষার ব্যাপক প্রসারসাধনের উপর।

ব্যক্তিগত কর্ম এবং সমষ্টিগত কর্ম মূলতঃ পৃথক নয়

আমরা একথা বলিতেছি না যে, শিল্পায়িত সমাজগুলিতে যে সকল পদ্ধতি আর্থিক এবং কর্মনীতি পরীক্ষিত ও সাফল্যমণ্ডিত বলিয়া প্রমাণিত হইয়াছে, সেগুলি হইতে

অনুরূপ দেশসমূহের সমাজকর্মীদের কিছুই শিক্ষণীয় নাই। বস্তুতঃ তাহাদের প্রাথমিক শিক্ষণের অনেকখানিই প্রদান করিতে হইবে অনুরূপ পদ্ধতিতে আর পরীক্ষিত ও সাফল্যমণ্ডিত আর্থিকসমূহ এবং কর্মনীতির প্রণালী শিখিতে হইবে যদিও কার্যতঃ তাহাদের প্রয়োগকে স্থানীয় অবস্থার সঙ্গে খাপ খাওয়াইয়া লইবার প্রয়োজন হইতে পারে।

সামাজিক কর্মনীতির উপর জাতীয় সমাজদর্শনের প্রভাব

সমাজসমূহ তাহাদের অতীতের অভিজ্ঞতা, ভবিষ্যৎ আশা-আকাঙ্ক্ষা এবং তাহাদের দ্বারা গৃহীত সাধারণ জীবন-দর্শন দ্বারাও প্রভাবিত হয়। কাজেই আমাদের সমাজ-কল্যাণমূলক কর্মনীতি আমাদের গণতান্ত্রিক এবং সমাজ-তান্ত্রিক দৃষ্টিভঙ্গী দ্বারা নিয়ন্ত্রিত হইবে এবং আমাদের সংস্থা-সমূহেরও বিকেন্দ্রীকরণ করিতে হইবে। তাহাতে স্থানীয় জনসমাজকে স্বাধীনতার ভিত্তিতে তাহাদের দৈনন্দিন জীবন-গঠনের অধিকতর দায়িত্ব দেওয়া হইবে এবং কর্মপ্রচেষ্টা ও পরিকল্পনাসমূহের জন্য যাহাতে তাহারা রাজ্য অথবা কেন্দ্র হইতে আর্থিক কিংবা যান্ত্রিক সাহায্য পাইতে পারে সে ব্যবস্থা করিতে হইবে।

আমাদের লক্ষ্যবস্তু অনুরূপ

সমাজকল্যাণের চরম লক্ষ্য সম্বন্ধে এক সমাজের সঙ্গে অন্য সমাজের মূলগত কোন পার্থক্য নাই। কেননা, যেমন ক্ষুধা, জ্ঞান, সামাজিক মর্যাদা তেমনি বেদনা ব্যাধি এবং দুর্গতির প্রতি পরাভুত্বতাও মানব-পরিবারে সমরূপ এবং সার্বজনীন। এইদিক দিয়া মানুষের মন যখন বিচিত্ররূপী তখন তাহার অভিব্যক্তিও বহুমুখী হইতে বাধ্য। মানুষের মন যখন নিজের ছাড়া অপরের এই ভাবাদর্শ গ্রহণক্ষম এবং সংবেদনশীল তখন সামাজিক বলুনের প্রতিকারের এই আর্থিক এবং পদ্ধতিসমূহও এক সমাজ হইতে আর এক সমাজে বিচরণ করিতে এবং গৃহীত বা প্রত্যাখ্যাত হইতে বাধ্য। মানব-সত্যতার বিশেষত্ব এই—ইহা একটি বিশ্ব-জনীন উত্তরাধিকার এবং ইতিহাস ইহা প্রমাণ করিয়াছে যে, ভাব এবং আদর্শসমূহের পাখা আছে, তাহারা ঘুরিয়া বেড়ায় অথবা তাহাদিগকে ধার করা হয়। প্রতিকারমূলক উদ্দেশ্যে তাহাদের প্রয়োগ-পদ্ধতিতে কিন্তু সংস্কৃতির স্তর, সমসাময়িক পরিস্থিতি, মানবীয় এবং আর্থিক সম্পদ এবং মনোভাব অনুযায়ী এক সমাজের সঙ্গে অপর সমাজের পার্থক্য থাকিতে পারে। এই হইতেছে ঠিক ক্ষেত্র বেধানে শিক্ষিত এবং জ্ঞানী সমাজকর্মী অনুশীলন এবং তথ্যানুসন্ধান করেন এবং নিজেকে আর তাঁর পদ্ধতিসমূহকে জটিল স্থানীয় সামাজিক রীতিনীতির সঙ্গে খাপ খাওয়াইয়া লন।

বোম্বাইয়ে অন্ধদের নব শিল্পনিকেতন

বোম্বাইয়ে শীঘ্রই অন্ধদের জন্য একটি নূতন শিল্প-নিকেতন প্রতিষ্ঠা করা হইবে। এই হোমে গ্রামাঞ্চল হইতে আগত অন্ধদিগকে কৃষিবিষয়ক শিক্ষাও দেওয়া হইবে।

অন্ধদের জন্য শিল্প-নিকেতনের প্রয়োজনীয়তা

সমগ্র ভারতে অন্ধদের জন্য স্থাপিত সত্তরটি প্রতিষ্ঠানের মধ্যে ষাটটিই সাধারণ অন্ধ বিদ্যালয়—এগুলিতে আঠারো বৎসরের নিম্নবয়স্ক অন্ধদেরই মাত্র ভর্তি করা হয়। অন্ধদিগকে কৃষিবিষয়ক শিক্ষাদানের কোন সুযোগ সুবিধাই এগুলিতে বিদ্যমান নাই। বিপুলসংখ্যক বয়স্ক অন্ধদিগকে শিক্ষাদানের সুযোগ-সুবিধা নিতান্তই অযথেষ্ট। বয়স্ক অন্ধদের জন্য এই ধরনের একটি হোমের প্রয়োজনীয়তা, কাজেই অপরিহার্য।

বোম্বাই রাজ্যে সুযোগ-সুবিধা

এমনকি বোম্বাই রাজ্যেও—যেখানে অন্ধের সংখ্যা প্রায় ১,৫০,০০০—অন্ধদের জন্য আমাদের একটি মাত্র শিল্প-নিকেতন আছে। ওরসির এন. এস. ডি ইণ্ডাস্ট্রিয়াল হোম ফর দি ব্লাইণ্ড নামক প্রতিষ্ঠানটির আবাসিকদের অনুমোদিত সংখ্যা ইতিমধ্যেই সীমা অতিক্রম করিয়াছে এবং যেখানে ১২০ জন অন্ধের স্থান সঙ্কুলান হওয়ার কথা সেখানে ১৫১ জন অবস্থান করিতেছে। গত বৎসর এই হোমের আবাসিক-গণ বেতের কাজ, তাঁতবোনা এবং ঐকতান বাদন ইত্যাদি দ্বারা প্রায় ৪০,০০০ টাকা রোজগার করিয়াছে। সমগ্র ভারতে অন্ধদের যে-কোন প্রতিষ্ঠানের পক্ষে ইহা 'রেকর্ড' বলিয়া গণ্য হইতে পারে। এই অসাধারণ সাফল্যলাভ সম্ভবপর হইয়াছিল এইজন্য যে, বোম্বাই সরকার বোম্বাইয়ের স্বাভাবিক সরকারী আপিসগুলিকে এই নির্দেশ দিয়া আদেশ জারী করেন যে, যেমন চেয়ারগুলিতে নূতন করিয়া বেত লাগানো তেমনি ছোটখাটো কাঠের মেয়ামতি কাজও এই হোমকে দিতে হইবে। অনুরূপ ভাবে সরকার তাঁহাদের প্রয়োজনীয় ডাষ্টারগুলিও এই হোম হইতে ক্রয় করেন।

কমিটি

এই নব নিকেতনের কার্য পরিচালিত হইবে নেশনাল এসোসিয়েশন ফর দি ব্লাইণ্ড নামক সংস্থার উদ্যোগে। বোম্বাই সরকারের শ্রম ও স্বাস্থ্যমন্ত্রী অনারেবল শ্রীশান্তিলাল এইচ. শাহকে চেয়ারম্যান করিয়া একটি প্রত্যাশাপূর্ণ ম্যানেজিং

কমিটি গঠিত হইয়াছে। বোম্বাইয়ের জনপ্রিয় সমাজকর্মী শ্রীমতী মিথান জেসাম এই কমিটির ভাইস চেয়ারম্যান নিযুক্ত হইয়াছে লেঃ জে. এল. নার্দেকার এবং ক্যাপ্টেন এইচ জে. এম. দেশাই এঁরা দুজন এই নব নিকেতনের কর্মসচিব।

পঞ্চাশ জন অন্ধের স্থান সঙ্কুলানের ব্যবস্থা

হোমের কাজের সূচনা হইবে ১৯৫৬ সনের ১৬ই জুলাই হইতে। প্রথম বৎসরে পঞ্চাশ জন বয়স্ক অন্ধকে ভর্তি করিবার সঙ্কল্প করা হইয়াছে।

এই পরিকল্পনার রূপায়ণ সম্ভবপর হইয়াছে পরলোকগত শেঠ কাওয়াসজী মুঞ্চারজি বানাজী ট্রাষ্টীদের উদার আনুকূল্যের দরুন। অত্যন্ত ঔদার্যের সহিত তাঁহারা প্রায় আট হাজার বর্গগজ পরিমিত চতুষ্পার্শ্বস্থ জমি সম্বন্ধিত একটি প্রকাণ্ড বাংলো, বাৎসরিক নামমাত্র এক টাকা ভাড়ায় নেশনাল এসোসিয়েশন ফর দি ব্লাইণ্ড নামক সংস্থাটির কর্তৃত্বাধীনে অর্পণ করিয়াছেন—যে পর্য্যন্ত এসোসিয়েশন কর্তৃক অন্ধদের জন্য একটি শিল্পনিকেতন পরিচালনাকল্পে ঐ সম্পত্তি ব্যবহৃত হইবে ততদিন পর্য্যন্ত উহার কর্তৃত্বভার থাকিবে উক্ত এসোসিয়েশনেরই উপর।

কৃষি ও শিল্প

এই নব নিকেতনে তাঁতবোনা, বেতের কাজ, বাস্কেট এবং ব্রাশ তৈরি, সজীত এবং ব্রেইল পদ্ধতি ইত্যাদি শিক্ষাদানের সুযোগ-সুবিধার ব্যবস্থা করা হইবে। অগ্রাধিকার দেওয়া হইবে গ্রামাঞ্চল হইতে আগত অন্ধদিগকে।

পল্লী অঞ্চলে নিজেদের জোতে স্থায়ীভাবে বসবাসের উপযুক্ত করিয়া তুলিবার জন্য তাহাদিগকে কৃষি, হাঁস-মুরগী পালন এবং এগুলির সহিত সম্বন্ধযুক্ত বৃত্তিসমূহে চরম মাত্রায় শিক্ষাদান করা হইবে।

এই নূতন 'হোম' "দি মুঞ্চারজি, নোরোজী বানাজী ইণ্ডাস্ট্রিয়াল হোম ফর দি ব্লাইণ্ড" নামে অভিহিত হইবে। পরলোকগত শেঠ কাওয়াসজী মুঞ্চারজী বানাজী ট্রাষ্টীদের চেয়ারম্যানরূপে যিনি উক্ত অন্ধ শিল্প নিকেতনের ব্যবহারার্থে এই উৎকৃষ্ট সম্পত্তি প্রদান করিয়াছেন সেই কুমারী সেরেন-বাই. এম. বানাজী এমন একজন ভদ্রমহিলা যিনি বদান্ততারূপে পুণ্যকৃত্যে তাঁহার সমগ্র জীবন উৎসর্গ করিয়াছেন। তাঁর এই দানের জন্য নগরীর অন্ধেরা তাঁহার নিকট বিশেষ

ভাবে কৃতজ্ঞ থাকিবে। আশা করা যায় যে, তাঁহার আশীর্বাদে এবং আবাসিকদের কৃতজ্ঞতাবোধের কল্যাণে এই প্রতিষ্ঠানটি অন্ধদের পুনর্বাসনের স্থায়ী কেন্দ্র হইয়া দাঁড়াইবে।

দি নেশনাল এসোসিয়েশন কর দি ব্লাইণ্ড

১৯৫২ সনের ১৯শে জানুয়ারী তারিখে, বোম্বাইয়ে অনুষ্ঠিত প্রথম নিখিল ভারত অন্ধ সম্মেলনে প্রতিষ্ঠিত এই এসোসিয়েশন এরূপ স্বল্প সময়ের মধ্যেই ভাল কাজ করিতে পারিয়াছে। পঞ্চাশ জনের অধিক অন্ধকে বিনিয়োগ করা হইয়াছে খোলা শিল্পে। তাহারা দৃষ্টি শক্তিসম্পন্ন কর্মীদের দ্বারা একই ধরনের কাজ করিতেছে এবং সমপরিমাণ মজুরি পাইতেছে। এন. এ. বি. অন্তর্ভুক্ত যাবতীয় প্রতিষ্ঠানকে

অর্থসাহায্য দান করিয়াছে এবং কলেজে অধ্যয়নরত অন্ধ-দিগকে বৃত্তিও প্রদান করিয়াছে। ইহা ভারত সরকার এবং রাজ্য সরকারগুলির সহিত একযোগে যেমন অন্ধতা নিবারণ এবং আরোগ্যবিধান তেমনই অন্ধদের পুনর্বাসন, শিক্ষণ, কর্মে নিয়োগ এবং আরোগ্যোত্তর পরিচর্যা ইত্যাদি যাবতীয় দিক সংক্রান্ত কতকগুলি নীতিগত বিষয় নির্ধারণে হস্তক্ষেপ করিয়াছে।

এন. এ. বি.-র দৃষ্টান্তেই ইউনিয়ন গবর্নমেন্ট অন্ধ, মুক এবং দৃষ্টিহীনদের জন্য জাতীয় উপদেষ্টা পরিষদ গঠন করিয়াছেন।

এই ধরনের আরো বহু শিল্প নিকেতনের প্রয়োজনীয়তা যে কত বেশী তাহা সুস্পষ্ট।

সমাজে অন্ধদের প্রতিষ্ঠা

এ. এইচ. মর্টিমের

অন্ধেরা যাহাতে তাহাদের দৈহিক ক্রটি অতিক্রম করিয়া স্বাভাবিক মানুষরূপে সমাজে নিজেদের স্থান করিয়া লইতে পারে তাহাই হওয়া উচিত যাবতীয় অন্ধ-কল্যাণকর্মের চরম লক্ষ্য। এই নীতির উপরই দেহাঙ্গনস্থ বয়স্ক অন্ধদের শিক্ষণকেন্দ্রের সমগ্র কর্মপদ্ধতি প্রতিষ্ঠিত। সুস্থ ব্যক্তিরূপে সমাজে প্রতিষ্ঠা বলিতে, অন্ধদের বেলায় কেবলমাত্র নিজেদের রক্ষণাবেক্ষণের ক্ষমতা অর্জনই বুঝায় না, কিন্তু ইহার চেয়েও যে চের বেশী সূক্ষ্ম সমস্যা ইহার অঙ্গীভূত তাহা হইতেছে এই যে, তাহারা নিজেদের এমনভাবে পরিচালিত করিবে যাহাতে সমাজও সর্বতোভাবে তাহাদের দৈহিক ক্রটির কথা ভুলিয়া গিয়া তাহাদিগকে স্বাভাবিক মানুষ হিসাবে গ্রহণ করিবে। আপাতদৃষ্টিতে কার্যতঃ ইহা অসম্ভাব্য বলিয়া প্রতীয়মান হইতে পারে। তথাপি এমন সব অন্ধ ব্যক্তির সঙ্গে সাক্ষাতের অভিজ্ঞতা আমার হইয়াছে যাহাদের অন্ধত্ব তাহাদের স্বাভাবিক আচরণের এত স্বল্প পরিপন্থী যে, সময় সময় তাহাদের সামনে চিঠি এবং কাগজ-পত্র মেলিয়া ধরিয়া বলিয়াছি—“এটা পড় ত” এবং তাহাদের অন্ধত্বের কথা ভুলিয়া যাওয়ার দরুন বরং বোকাই বনিয়া গিয়াছি।

বিভিন্ন কারিগরী কাজে অন্ধদের যথাযথ শিক্ষণের বেলায়

কলাকৌশল সংক্রান্ত খুবই স্বল্প পরিমাণ অসুবিধার সন্মুখীন হইতে হইয়াছে। সরকারী সংস্থা বলিয়া টি. সি. এ. বি. বেসরকারী প্রচেষ্টার পরিচালনাধীন সংস্থাসমূহ হইতে অনেক দিক দিয়াই অপেক্ষাকৃত ভাল, কেননা শেষোক্তগুলির পরিকল্পনাসমূহকে, অর্থসাহায্যের আকারে সাধারণের সহানুভূতি তাহারা যতটুকু আকর্ষণ করিতে পারে সেই গণ্ডীর মধ্যে সীমাবদ্ধ রাখিতে হয়। টি. সি. এ. বি.কে সরকারী বাজেট হইতে যে ব্যয়বরাদ্দ নির্দিষ্ট করিয়া দেওয়া হইয়াছে তাহা বেশ অকুপণ এবং আমরা কেবল যে যাবতীয় প্রয়োজনীয় শাজসরঞ্জাম লাভেই সমর্থ হইয়াছি তাহা নয়, যথোচিত কর্মসংসদ নিয়োগ করিতেও পারিয়াছি। অন্ধদের প্রকৃত শিক্ষণের বেলায় প্রাথমিক প্রধান অসুবিধার সন্মুখীন হইতে হয় তাহাদের সম্ভাব্য শক্তি সম্বন্ধে উৎসাহ করিতে গিয়া। আমরা দেখিয়াছি যে, কর্মসংসদে বিশেষ ভাবে প্রকৃত শিক্ষণ বিভাগে—উপযুক্ত সংখ্যক যোগ্য অন্ধ ব্যক্তি থাকিলে তাহা বিশেষভাবে সুফলপ্রদ হয়। সে ক্ষেত্রে হাতে-কলমে প্রদর্শন দ্বারা অন্ধদের মনে এই বিশ্বাস বদ্ধমূল করাইতে আমরা সমর্থ হইয়াছি যে, আমরা তাহাদিগকে যে সকল কাজ করিতে বলি তাহা তাহাদের ক্ষমতার বহির্ভূত নহে। একবার এই অবস্থায় পৌঁছিলে পর অন্ধত্ব ছাড়া যদি

আর কোনও ক্রটি না থাকে তাহা হইলে শিক্ষার্থীরা দ্রুত উন্নতির পথে অগ্রসর হয়।

যে সকল প্রধান বৃত্তি শিক্ষা দেওয়া হয় সেগুলি গ্রামীণ কারিগরী কাজের ধরনের, যেমন— তাঁতবোনা, উলের জিনিষ বোনা, নেওয়ার তৈরি, মোমবাতি এবং ছাঁচে কেলিয়া প্রাষ্টিকের বিভিন্ন জিনিষ তৈরি করা ইত্যাদি। এগুলির সঙ্গে সঙ্গে আমাদের আছে ব্রেইল এবং টাইপ রাইটিংয়ের ক্লাস, আর আমাদের সেই পুরনো অবলম্বন সঙ্গীত ত আছেই। আমরা যে সকল গুরুত্বপূর্ণ বৃত্তি শিখাইয়া থাকি চেয়ারে বেত লাগানো তাহাদের অন্তর্গত। একদিকে যেমন আমরা এই আশা পোষণ করি যে, শিক্ষার্থীদের মধ্যে বেশ কিছুসংখ্যক লোক এখানে যে সকল বৃত্তি শিক্ষা করে সেগুলি অভ্যাস করিয়া জীবিকা অর্জন করিতে সক্ষম হইবে, অন্ডিকে আমরা খোলা শিল্পে (Open Industry) লাভজনক কর্মে যত বেশী সংখ্যায় সম্ভব অন্ধদিগকে কাজে লাগাইবার প্রয়োজনীয়তার উপরেও বিশেষভাবে জোর দিয়া থাকি। শিল্পে বিশেষতঃ যেগুলিতে পৌনঃপুনিকতার দরকার সেগুলিতে এমন বহু কাজ আছে যেগুলি অন্ধেরা তাহাদের দৃষ্টিশক্তি সম্পন্ন ভ্রাতাদের মতই সুষ্ঠুভাবে এবং কোনও কোনও ক্ষেত্রে তাহাদের চেয়েও উৎকৃষ্টতরূপে সম্পন্ন করিতে পারে। প্রশ্ন হইতে পারে যে, যে গ্রামীণ কারিগরী কাজ আমরা শিখাই তাহা কিরূপে ঐ সকল লোকের উপযোগী হইতে পারে। ইহার জবাব হইতেছে এই যে, এই সকল সাদাসিধা বৃত্তিশিক্ষার দরুন একবার যদি আত্ম-বিশ্বাস সৃষ্টি এবং হাতের কাজে দক্ষতা অর্জিত হয় তাহা হইলে অন্ধ লোকের পক্ষে এই ধরনের পৌনঃপুনিক কার্য আয়ত্ত করিতে খুব স্বল্পপরিমাণ আয়াস স্বীকার করিতে হয়। দৃষ্টান্তস্বরূপ বলা যায়—যে লোক হস্তচালিত তাঁতে হরেক রঙের নক্সা বুনিতে শিখিয়াছে, সে বাস্তবিকই একটি জটিল ধরনের কার্য আয়ত্ত করিয়াছে এবং অনেকগুলি শিল্পকর্ম সম্পাদনে প্রয়োজনীয়, সাধারণতঃ অপেক্ষাকৃত কম জটিল একটি বা দুটি হাত এবং আঙ্গুল চালানোর প্রণালীর সঙ্গে নিজেকে খাপ খাওয়াইয়া লইতে গিয়া তাহাকে কোন প্রকার অসুবিধায়ই পড়িতে হয় না। আবার যে শিক্ষার্থী মেশিনের অংশগুলি খুলিয়া আলাদা আলাদা করিয়া লওয়া এবং তাহা-দিগকে পুনরায় একত্রিত করা এই দুটি প্রণালী শিখিয়াছে তাহাকে যখন কোন শিল্প-সংক্রান্ত কাজে সাধারণ যন্ত্র চালাইবার ব্যবস্থা করিতে হয় তখন তাহার মনে থাকে পূর্ণ আত্মবিশ্বাস এবং আপন কাজে স্বল্পপাতি লইয়া নাড়াচাড়া করিতে হইবে এই চিন্তা তাহার মনে মোটেই ভীতির উল্লেখ করে না।

যে উদ্দেশ্যসিদ্ধির জন্ত কোন উদ্যোগের সূচনা হইয়াছিল তাহা সম্পন্ন করিতে উহা কতদূর কৃতকার্য হইয়াছে কেবল-মাত্র তাহা দ্বারাই উক্ত উদ্যোগের সাকল্যের পরিমাপ করা যাইতে পারে। এই প্রবন্ধের প্রারম্ভে যে নীতি সুস্পষ্টভাবে ব্যক্ত করা হইয়াছে তদনুযায়ী হইতে টি. সি. এ. বি কতটা কৃতকার্য হইয়াছে? একেবারে গোড়া হইতেই ইহা উপলব্ধ হইয়াছিল যে, কর্ম নিয়োগ-কার্যকে বাস্তবভাবে ফলপ্রদ করিতে হইলে উহাকে যুক্তিযুক্ত ভিত্তিতে সংগঠিত করিতে হইবে। ইহাও উপলব্ধি করা গিয়াছিল যে, ঐরূপ সংস্থা গড়িয়া তুলিতে কিছু সময় লাগিবে, উপরন্তু ইহাও বুঝিতে পারা যায় যে, একদিকে যেমন অন্ধদের বিনিয়োগ-কার্যকে দৃঢ় ভিত্তির উপর স্থাপিত করিবার উদ্দেশ্যে প্রাথমিক কার্যক্রম গৃহীত হইতেছে, অন্ডিকে তেমনি কতকগুলি বিশিষ্ট ধরনের কাজে একজন বা দুইজন যোগ্য অন্ধ ব্যক্তিকে নিয়োগ করিবার চেষ্টা অবশ্যই করিতে হইবে—কেবলমাত্র তাহাদের প্রকৃত ক্ষমতার মূল্য নির্ধারণের জন্তই নয়, কিন্তু ইহার চেয়েও যাহা অধিকতর গুরুত্বপূর্ণ তাহা হইতেছে যেমন নিয়োগকারীদের তেমনি তাহাদের দৃষ্টিশক্তিসম্পন্ন সহকর্মীদের মনে কি ধরনের প্রতিক্রিয়া হয় তাহা লক্ষ্য করা। অচিরেই দেখা গেল, অন্ধদিগকে যে তাঁহাদের সংস্থায় লাভজনক ভাবে কর্মে নিয়োগ করা যাইতে পারে অধিকাংশ মালিকই তাহা উপলব্ধি করিতে পারিলেন না, কিন্তু মুষ্টিমেয় যে করজন অন্ধদিগকে একটা সুযোগ দিতে তৈরী ছিলেন তাঁহারা কিন্তু তাঁহাদের নিয়োজিত অন্ধব্যক্তি-দের কৃত কর্মে পুরাপুরিই সন্তুষ্ট হইলেন। ইহাও দেখা গেল যে, অন্ধদের সঙ্গে পাশাপাশি কর্মরত, দৃষ্টিশক্তিসম্পন্ন লোকেরা মোটের উপর সহানুভূতিসম্পন্ন এবং সহযোগিতাপূর্ণ মনোভাববিশিষ্ট।

ইতিমধ্যে বোম্বাই এবং কলিকাতার দুই-একটি শিল্প-প্রতিষ্ঠানে কাজের নমুনা সম্বন্ধে তথ্যানুসন্ধান এবং কাজের বিশ্লেষণকল্পে কর্মপন্থা গৃহীত হইয়াছিল। এই সকল তথ্যানু-সন্ধানের ফলে যদিও কলিকাতায় কেবলমাত্র একজন ছাড়া আর কোন অন্ধব্যক্তিকে আশু কর্মে নিয়োগ করা সম্ভবপর হয় নাই, তথাপি এই সকলের দৌলতে আমরা এই আত্ম-প্রসাদ লাভ করিতে সমর্থ হই যে, খোলা শিল্পে অন্ধদের সম্ভাব্য বিনিয়োগের বিস্তীর্ণ ক্ষেত্র বিস্তৃত। পরে মাত্রাজ অঞ্চলে কর্মে বিনিয়োগের সম্ভাব্যতা সম্পর্কে ব্যাপকতর অনুসন্ধান-কার্য পরিচালিত হইয়াছিল। এই অনুসন্ধানের ফলে ছয় জন অন্ধ লোককে কাজে লাগানো হয়। এই তথ্যানুসন্ধানের প্রত্যক্ষ ফল-স্বরূপেই মাত্রাজের টি. সি. এ. বি. 'র শাখা হিসাবে একটি কর্মে বিনিয়োগ আশিষ প্রতিষ্ঠা করা

স্থিরীকৃত হয়। প্রথম ক্ষেত্রে এই আপিস প্রতিষ্ঠিত হয় খাঁটি পরীক্ষণমূলক স্বল্পমেয়াদী ভিত্তির উপর। এই ধরনের একটি নূতন উদ্যম সম্বন্ধে যেমনটি আশা করা যায়— কাজটি তেমনটি সহজসাধ্য হয় নাই এবং ফলসমূহও প্রদর্শন-যোগ্য হয় নাই। আমাদের দিক হইতে বিচার করিয়া দেখিলে এগুলি কিন্তু খুবই উৎসাহপ্রদ হইয়াছে, কেননা এতদ্বারা প্রমাণিত হইয়াছে যে, যখন যথাযথ ভাবে তাহাদের দ্বারস্থ হওয়া যায় শিল্পপতিরা তখন অন্ধদিগকে নিজেদের যোগ্যতা প্রমাণ করিবার ওষ্ঠ সুযোগ দিতে তৈরী থাকেন। তদুপরি, নিয়োগকারী এই উদ্যমকে সাফসামঞ্জিত করিবার জন্য নিজের বাঁধাধরা পথ ছাড়িয়া অগ্রসর হইতেও প্রস্তুত আছেন। মোটের উপর দৃষ্টিশক্তিসম্পন্ন সহকর্মীরাও অন্ধদের প্রতি কোন আনুকূল্য প্রদর্শনের বিরুদ্ধে উদ্বা প্রকাশ করেন নাই। এমনটি যে সকল সময়েই ঘটিয়াছে তাহা নয়, কিন্তু যেখানে অন্ধদের সহিত কর্মরত দৃষ্টিশক্তিসম্পন্ন লোকেরা সন্দ্বিহান হইয়া উঠিয়াছে এবং পরিপূর্ণ রূপে সহযোগিতা করে নাই, সেখানে পর্য্যাপ্ত দেখা গিয়াছে বোধগম্য ভাষায় তাহাদের সঙ্গে কথাবার্তা করিয়া এবং তাহাদের নিকট সমগ্র পরিস্থিতি ব্যাখ্যা করিয়া তাহাদের মনোভাব পরিবর্তনে প্রণোদিত করা সম্ভবপর।

কর্ম-নিয়োগের পরীক্ষণ আরম্ভ হইবার পর হইতে আমরা সবশুদ্ধ ৬৭ জন অন্ধকর্মীকে কাজে নিযুক্ত করিতে কৃতকার্য হইয়াছি। তাহাদিগকে অর্ডিন্যান্স ফ্যাক্টরি বা সামরিক দ্রব্য ও অস্ত্রশস্ত্রাদির কারখানায় ইনস্পেকশন ডিপার্টমেন্টে কাজে লাগানো হইয়াছে। তা ছাড়া তাহাদিগকে বহনশিল্পের কারখানায়, দেশলাইয়ের কারখানায়, ভারতীয় টেলিফোন-শিল্পে এবং কলিকাতা ইলেক্ট্রিক সাপ্লাই করপোরেশনে কর্মে নিযুক্ত করা হইয়াছিল। সকলকেই যে শিল্পে নিয়োগ করা হইয়াছে তেমন নহে। কয়েকজনকে পাঠানো হইয়াছে শিক্ষক রূপে অন্ধদের অন্যান্য বিদ্যালয়ে এবং অল্প কয়েকজনকে তাহাদের নির্ভস্থ তাঁতবোনা অথবা চেয়ারে বেত লাগানো ব্যবসায় প্রতিষ্ঠায় সাহায্য করা হইয়াছে। সরকার এমন একটি বিশেষ ফণ্ড চালু রাখিয়াছেন যাহা হইতে অন্ধদিগকে তাহাদের পুনঃপ্রতিষ্ঠার ব্যাপারে সাহায্য করিবার জন্য 'সংস্থাপন সাহায্য' দেওয়া হইয়া থাকে। এই পরিকল্পনার চরম সাফল্য এই বিষয়টি হইতে বিচার করা যাইতে পারে যে, আমরা এখন এমন সব ভাবী

শিক্ষার্থীদের নিকট হইতে অনেকগুলি আবেদনপত্র পাই যাহারা কি ভাবে আমরা অন্ধদের জন্য কর্মের সংস্থান করিয়া থাকি তাহা শুনিয়াছে। টি.সি.এ.বি-তে শিক্ষালাভের এবং তার পর আমাদের ক্ষুদ্র সংস্থাপন সংস্থার মাধ্যমে কর্মে নিযুক্ত হইতে তাহারা উৎসুক।

যাহারা এই ধরনের কাজের ভার গ্রহণ করিতে আগ্রহ-শীল তাহাদের প্রতি উপদেশমূলক কয়েকটি কথা বলিয়া এই প্রসঙ্গের উপসংহার করা অপ্ৰাসঙ্গিক হইবে না। প্রথমতঃ ইহা মনে রাখা একান্ত রূপে প্রয়োজনীয় যে, "দরিদ্র নিঃসহায় অন্ধের" জন্য সাহায্যপ্রার্থনা করিয়া নিয়োগকারীর দ্বারস্থ হওয়া সমীচীন হইবে না। তাঁহার নিকট উপস্থিত হইবার যথার্থ পন্থা হইতেছে তাহার মনে এই প্রতীতি জন্মানো যে, অন্ধকে কর্মে নিয়োগ করিয়া তিনি কেবল যে কর্মীকেই সাহায্য করিবেন তেমন নয়, ইহার দরুন তাঁহার নিজের ব্যবসায়েরও সহায়তা করা হইবে। কেননা তিনি এমন একজন ব্যক্তিকে কাজে লাগাইবেন যে তাঁহাকে দিবে উৎকৃষ্ট এবং সং কাজ। দ্বিতীয়তঃ ইহাও সম্পূর্ণ পরিষ্কার হওয়া উচিত যে, ইতিপূর্বেই কর্মে নিযুক্ত আছে এমন কোন দৃষ্টি-শক্তিসম্পন্ন ব্যক্তিকে বঞ্চিত করিয়া অন্ধকে কর্মে নিযুক্ত করা হইবে না। তৃতীয়তঃ, ইহা নিরতিশয় গুরুত্বপূর্ণ যে, কর্মে নিয়োগ মালিককে অন্ধ কর্মী গ্রহণের প্ররোচনাদানেই শুধু পর্য্যাপ্ত হইবে না, অন্ধ কর্মী যাহাতে নিজেকে পারি-পাশ্বিকের সহিত ধাপ খাওয়াইয়া লইতে পারে সেজন্য তাহাকে সাহায্য করা এবং তাহার কর্মে নিযুক্তির পরে যে-কোন সমস্যার উদ্ভব হইতে পারে তাহার সম্পর্কে তাহাকে সহায়তা করা এই উভয়বিধ কারণে ধৈর্যের সহিত কাজ করিয়া আরও আগাইয়া যাওয়া একান্ত আবশ্যিক। তা ছাড়া মালিকের মনে এই ধারণাও জন্মাইয়া দিতে হইবে যে, 'শিল্পের তদারক'র ভার তাঁর উপর ছাড়িয়া দেওয়া হইতেছে না। ইহা একটি বড় সমস্যা এবং অন্ধদের ভবিষ্যৎ সম্ভাবনা সম্বন্ধে সর্বসাধারণের এখনো প্রচুর শিক্ষার প্রয়োজন। আমরা কিন্তু এমন সময়ের জন্য সম্মুখপানে তাকাইয়া থাকিতে পারি যখন এই গুরুত্বপূর্ণ কার্যের দায়িত্ব গ্রহণ-কারী অনেকগুলি সংস্থার উদ্ভব হইবে এবং যখন লাভজনক ভাবে কর্মে নিযুক্ত অন্ধ ব্যক্তি হুপ্রাপ্য এবং আজব চীজ বলিয়া গণ্য হইবে না।

আরোগ্যোত্তর সেবাকর্মের স্বল্প-মেয়াদী শিক্ষণ প্রোগ্রামের সূচনা

নির্ধারিত তালিকা অনুযায়ী ১৯৫৬ সনের ১৮ই জুলাই অপরাহ্ন ছয়টার সময় আমরা গিয়ে উপস্থিত হলাম দিল্লী সমাজ-কর্ম বিদ্যালয়ে (Delhi School of Social Work)। মিঃ এবং মিসেস গোবে সেখানে ছিলেন অভ্যাগতদের স্বাগত করবার জন্তে। আমরা এগিয়ে গেলাম একটা খোলা জায়গার দিকে যেখানে একটি নূতন কিন্তু সাদাসিধা বাড়ী দ্রুত উপরের দিকে মাথা তুলছে—কেন্দ্রীয় সমাজকল্যাণ পর্ষদের আরোগ্যোত্তর পরিকল্পনা অনুযায়ী স্বল্প-মেয়াদী শিক্ষণ প্রোগ্রামের অন্তর্ভুক্ত অতিরিক্তসংখ্যক ছাত্রদের অবস্থানের ব্যবস্থা করবার নিমিত্ত।

সকল শিক্ষার্থীরা ত সেখানে উপস্থিত ছিলই, তা ছাড়া সমাজ-কল্যাণকর্মে বহু বিশেষজ্ঞ, সমাজ-কল্যাণ সংস্থাসমূহের ডিরেক্টরগণ, বিদ্যালয়ের অধ্যাপকবৃন্দ এবং অন্যান্য ছাত্রেরাও উপস্থিত ছিলেন। কেন্দ্রীয় সমাজ কল্যাণ পর্ষদের আপিস থেকে এই অনুষ্ঠানে যোগদান করেছিলেন—পর্ষদের সেক্রেটারী আর. এস. কৃষ্ণন, শ্রী পি. ডি কুলকণী, ও. এস. ডি-র শ্রী ভি. ভি. শাস্ত্রী এবং কর্মী-সংসদের আরও জন-কয়েক সভ্য ব্যবস্থাদি হয়েছিল সমাজকর্মের প্রকৃত আদর্শ-সম্মত। শ্রোতৃমণ্ডলীর জন্ত ব্যবস্থা করা হয়েছিল সাধারণ চেয়ারের আর পুরোভাগে ছিল উক্ত উৎসব-দিনের প্রখ্যাত অতিথি, স্বরাষ্ট্র দপ্তরের মন্ত্রী শ্রী বি. এন. দাতারের এবং দিল্লী সমাজ-কর্ম বিদ্যালয়ের অধ্যক্ষের চেয়ার। শ্রীগোরে এবং বিদ্যালয়ের প্রশাসক পর্ষদের (Governing Body) চেয়ারম্যান সমভিব্যাহারে যখন এসে পৌঁছিলেন তখন বেলা ছয়টা বেজে ত্রিশ মিনিট।

দিল্লী সমাজ-কর্ম বিদ্যালয়ের অধ্যক্ষ শ্রী এম. এম. গোবে শিক্ষণক্রমের পরিচয় দিতে গিয়ে বললেন, “আরোগ্যোত্তর সেবাকর্মের স্বল্প-মেয়াদী শিক্ষণ কর্মসূচী কেন্দ্রীয় সমাজ-কল্যাণ পর্ষদ কর্তৃক নিযুক্ত, আরোগ্যোত্তর সেবাকর্ম এবং সামাজিক ও নৈতিক স্বাস্থ্যবিধি সম্পর্কিত দুটি উপদেষ্টা সমিতির অনুমোদনসমূহের অনুসারী। এই সমস্ত কর্মীর শিক্ষণ হবে আংশিক ভাবে গৃহভ্যন্তরে (indoor) এবং অংশতঃ গৃহের বাইরে (outdoor) এবং আরোগ্যোত্তর সেবামূলক কর্মের আওতায় যে সকল লোকের স্থান হবে, তারা হচ্ছে কারাগারের নিঃস্ব-সদন, মানসিক চিকিৎসালয়, সংশোধনাগার প্রভৃতি থেকে খালাস-পাওয়া লোক। স্বভাবতঃই স্বরাষ্ট্র মন্ত্রণালয় এই সমস্তার সঙ্গে ঘনিষ্ঠভাবে

বিজড়িত এবং এটা খুবই উৎসাহ এবং আনন্দের বিষয় যে, স্বরাষ্ট্র মন্ত্রণালয় এ বিষয়ে সুযোগ-সুবিধার ব্যবস্থা এবং সহ-যোগিতা করে আসছেন। এই পরিকল্পনার রূপায়ণের জন্তে ব্যয়-বরাদ্দ নিঃস্বষ্ট করে রাখা হয়েছে সাড়ে দশ কোটি টাকা।

শ্রীগোরে বললেন, “শিক্ষিত কর্মীর প্রয়োজনীয়তা হচ্ছে সকলের চেয়ে বেশী। এই সম্পর্কে কেন্দ্রীয় সমাজকল্যাণ পর্ষদ, দিল্লী সমাজ-কর্ম বিদ্যালয়কে (Delhi School of Social Work) এই নূতন আরোগ্যোত্তর প্রোগ্রামের রূপায়ণকল্পে তত্ত্বাবধায়ক কর্মী সংসদকে (Supervising Staff) এই শিক্ষণ কর্মসূচী গ্রহণের জন্তে অনুরোধ করেন। বিদ্যালয় তৎপরতার সঙ্গে উক্ত প্রস্তাব গ্রহণ করেন।

এখানকার শিক্ষণক্রম হবে বক্তৃতামালা, ক্ষেত্রকর্ম (Field-work) এবং সমাজকর্ম বিষয়ে গবেষণার এক মিশ্র কর্মসূচী। শিক্ষণকালে শিক্ষার্থীরা সমাজকর্মের রীতি-পদ্ধতি সম্পর্কে জ্ঞানলাভ করবেন, তাদের জন্তে দেশব্যাপী ভ্রমণ এবং সমাজ-কল্যাণকর্মের ক্ষেত্রে গুরুত্বপূর্ণ প্রতিষ্ঠানসমূহ পরিদর্শনের ব্যবস্থাও করা হবে।

এই শিক্ষণ সমাপ্তির পর প্রায় এক মাসের জন্তে তাদের পাঠানো হবে বিভিন্ন প্রতিষ্ঠানে অবস্থান করে বাস্তব জ্ঞানলাভ এবং কাজের অনুবিধাসমূহ সম্পর্কে তথ্যানুসন্ধান করবার জন্তে—যাতে বাস্তব উপায়ে তারা তাদের অনুসন্ধানের ফলগুলোকে কাজে লাগাতে পারে। এর দরুন দেশের প্রয়োজন এবং অবস্থা অনুযায়ী এই শিক্ষণের নীতি নির্ধারিত হবে।

প্রারম্ভিক মন্তব্যসমূহ শেষ করে শ্রী এম. এম. গোবে বিদ্যালয়ের গবর্নর পর্ষদের চেয়ারম্যান শ্রীমর্তী ভাদওয়্যারকে, শ্রীদাতারকে বক্তৃতা দেবার জন্তে অনুরোধ করতে বললেন। শ্রীদাতার শুরু করলেন সরস ভঙ্গীতে :

“শ্রীগোরে বললেন, স্বরাষ্ট্র-মন্ত্রণালয় জেল, সংশোধনাগার ইত্যাদি থেকে খালাস-পাওয়া লোকদের পুনর্বাসনের বিষয়ে খুবই আগ্রহাধিত। বস্তুতঃ যখন অপর সকল মন্ত্রণালয় কোনও কিছু গ্রহণ করতে নারাজ হয়, তখন তা এসে হাজির হয় স্বরাষ্ট্র মন্ত্রণালয়ে এবং একদিক দিয়ে—আইনসঙ্গত শব্দ ব্যবহার করতে গেলে, একে বলা চলে অবশিষ্টাংশ সম্বন্ধীয় মন্ত্রণালয়।

“এটা আপনাদের বিবেচনা করতেই হবে যে, আপনাদের

কাজ হচ্ছে আত্মসমর্পণের কাজ—এ এমন একটি সর্বতোমুখী কৃত্য যা জাতির উদ্দেশ্যে আপনার শ্রেষ্ঠতম অন্তর-সত্তার, আপনার আত্মার মহত্তম প্রকাশ যে বিধাতা তাঁরই উদ্দেশ্যে উৎসর্গীকৃত। স্ত্রী, পুত্রকন্যা, মাতাপিতা নিয়েই শুধু আপনার পরিবার পর্য্যাবসিত হবে না। আপনাকে অবশ্যই বিবেচনা করতে হবে যে, আপনার পরিবার গঠিত ভারতের ছত্রিশ কোটি নর-নারীকে নিয়ে।”

আগামী পাঁচ বৎসরের জন্তে আমাদের সম্মুখে এমন এক বিরাট এবং গুরুত্বপূর্ণ কর্মসূচী রয়েছে যার বাস্তব রূপায়ণ অসম্ভাব্য বলে প্রতীয়মান হতে পারে, কিন্তু এই অসম্ভবকে আপনাদের সম্ভব করে তুলতে হবে। কর্ম-প্রচেষ্টার সঙ্কোচন আপনাদের কাজ নয়, আপনাদের কর্তব্য হচ্ছে প্রকৃত পথে এদের পরিচালন।

ভারতবর্ষ এক নূতন পরীক্ষণ চালাচ্ছে—গণতন্ত্রের পরীক্ষণ, জনগণকে সৈন্যদলে ভুক্তি (Regimentation) আমাদের কাজ নয়, কেননা জনগণের জীবনে আমরা ততদূর পর্য্যন্তই প্রবেশ করব, তাদের কল্যাণের জন্ত যতটুকু প্রয়োজন। তহপরি, সমাজতান্ত্রিক পদ্ধতির সমাজ-প্রতিষ্ঠার দায়িত্বভার আমরা নিজেদের হাতে তুলে নিয়েছি। কাজেই এটা আমাদের বুঝতে হবে যে, সমাজই হচ্ছে সর্বাধিক গুরুত্বসম্পন্ন এবং সম্পূর্ণভাবে ব্যষ্টিজীবন আমরা যাপন করতে পারি না। এটাও আমাদের উপলক্ষি করা উচিত যে, সমাজের সকল অংশকেই সমস্তরে আনতে হবে।

মহাত্মা গান্ধী নির্দীন নারায়ণকে ভগবানের তুল্য বলে প্রচার করেছিলেন। এই উক্তিটি কখনও বিস্মৃত হওয়া আমাদের পক্ষে সমীচীন হবে না যে, “সাধুসন্তদের অতীত আছে, কিন্তু পাপীদের আছে ভবিষ্যৎ।” আর আপনাদের সম্মুখে রয়েছে এই সকল তথাকথিত পাপীদের পুনর্কাসনের কর্তব্য, যারা হতে পারে আমাদের দেশের ভাবী সাধুসন্ত। এ হচ্ছে একটি মহান দায়িত্ব। অত্যাণ্ড অঞ্চল থেকে আগত শরণার্থীদের পুনর্কাসনের ব্যবস্থা আমাদের করতে হবে, কিন্তু নৈতিক শরণার্থীদের পুনর্কাসন হচ্ছে অধিকতর গুরুত্বপূর্ণ সমস্যা।

সরকারের সম্মুখে যে সমস্যা বিদ্যমান তা কেবলমাত্র

স্বাভাবিক নাগরিকদের সমস্যা নয়, কিন্তু যারা হতে পারে আগামীকালের সং নাগরিক তাদের তত্ত্বাবধানের দায়িত্বও তার রয়েছে—অত্যাণ্ড শেখোক্তরা সমাজের পক্ষে হয়ে উঠতে পারে বিপজ্জনক। এটা আমাদের মনে রাখতেই হবে যে, এখন বিশেষতঃ স্বাধীনতা অর্জনের পর থেকে সরকার কেবলমাত্র একটি প্রশাসক সংস্থাই নয়। দেশে গত পাঁচ বৎসর যাবৎ যে সকল কার্য সম্পন্ন হয়েছে সেগুলো থেকে এটা সুপরিষ্কৃত হয়, আমাদের রাষ্ট্র হচ্ছে কল্যাণব্রতী রাষ্ট্র—যার লক্ষ্য জন-গণের কল্যাণসাধন। এটা হয়ে দাঁড়িয়েছে সরকারের একটি প্রধান কর্তব্য। এমনিভাবে যে সকল লোকের প্রতি বিশেষ যত্ন নেওয়া প্রয়োজন তাদের জন্তে বিভিন্ন ধরনের কর্মপ্রচেষ্টা পরিচালনার্থে আমরা নানা প্রতিষ্ঠান গড়ে তুলেছি।

এটা লক্ষ্য করে আমরা সুখী হয়েছি যে, কেন্দ্রীয় সমাজ-কল্যাণ পর্ষদ এমন একটি দায়িত্ব গ্রহণ করেছেন যা ছিল অবিচ্ছেদ্যভাবে আমাদের নিজস্ব। বর্তমানে যে সকল পরিস্থিতি বিদ্যমান সেগুলো পৃথক ধরনের বলে আমাদের কর্মনীতি হওয়া উচিত বাহ্য অবস্থার অনুযায়ী। দুর্ভাগ্যক্রমে আমাদের সমাজে কতকগুলো লোক সামাজিক কলুষের কবলে পড়ে বিপন্ন হয়েছে। তাদের ফিরিয়ে আনতে হবে স্বাভাবিক সমাজ-জীবনে। সরকার এই কৃত্যে সহায়তা করার জন্তে উদ্যোগ। একটা বিশেষ ধরনের সাহায্য তাদের প্রয়োজন এবং সেজন্তে আবশ্যিক বিশেষভাবে শিক্ষা-প্রাপ্ত সমাজ কর্মীবৃন্দ। এ হচ্ছে একটি মহান কৃত্য এবং একটি পবিত্র দায়িত্ব। তরুণ-তরুণীগণ, আমার আকাঙ্ক্ষা যে, আপনারা ব্রতধারীর আদর্শে উদ্বুদ্ধ হয়ে এই কার্যে প্রবৃত্ত হোন। এ হচ্ছে সামাজিক পুনরুজ্জীবনের কর্ম। আমি আত্ম-প্রত্যয়ের সঙ্গে একথা বলতে পারি, যে স্বাধীনতা-সংগ্রামে আমরা অংশ গ্রহণ করেছিলাম তার চেয়েও ভারতের পুনর্গঠন এবং জনগণের সুখস্বচ্ছন্দ্য বিধানের বিরাট কর্তব্য মহত্তর। কেননা, আজকের দিনে ব্যাপকতর সামাজিক সমস্যাসমূহ বিদ্যমান এবং এমন সব সমস্যা রয়েছে যা দেশকে নিয়ে যেতে পারে ভ্রান্ত পথে। এই সমস্তেরই সম্মুখীন হতে হবে বাইরের কোনও সংস্থাকে নয়, কিন্তু আপনাদিগকে সরকারকে এবং জনগণকে।

পূজার পর

শ্রীদেবেন্দ্রনাথ মিত্র

গত মহাপূজার অল্প কয়েকদিন পূর্বে একজন বিশিষ্ট বন্ধুর সহিত বন্ধাবিধ্বস্ত অঞ্চলের জনসাধারণের দুঃখ-হৃদশার আলোচনা হইতেছিল। এই প্রসঙ্গে সর্বজনীন পূজার কথাও উঠিল। বন্ধু বলিলেন, কলিকাতায় প্রায় ২,০০০ সর্বজনীন পূজা অনুষ্ঠিত হয়, এবং প্রত্যেক পূজাতে গড়ে এক হাজার টাকা খরচ হয় এই হিসাবে ২০০০ পূজাতে কুড়ি লক্ষ টাকা খরচ হইবে। সর্বজনীন পূজাতে এইরূপ অনেক ব্যয় হয় যাহাকে অপচয় ব্যতীত আর কিছুই বলা যায় না। এই অপচয় নিবারণ করিয়া যে পরিমাণ অর্থ উদ্ধৃত থাকিবে তাহা বন্ধাবিধ্বস্ত অঞ্চলে ব্যয় করিলে মহামায়ার পূজা সার্থক হইবে। এই প্রসঙ্গে কোন কোন বন্ধু বলিলেন, প্রত্যেক পূজায় গড়ে ১৫০০ টাকা ব্যয় হয়—ইহা অনায়াসেই ধরিয়া লইতে পারা যায়। তাঁহাদের উক্তির সমর্থনের জন্ত তাঁহারা কয়েকটি পূজার মুদ্রিত হিসাব উদ্ধৃত করিলেন। এই হিসাবে সর্বজনীন পূজা উপলক্ষে মোট ত্রিশ লক্ষ টাকা ব্যয় হয়; এবং পূজার সংখ্যা না কমাইয়া প্রকৃত পূজা করিয়া ১৫ লক্ষ টাকা বাঁচানো যাইতে পারে।

ইহার পর ১৩/১০/৫৬ তারিখের “আনন্দবাজার” পত্রিকায় নিম্নলিখিত সংবাদটি প্রকাশিত হইয়াছিল:

“সর্বজনীন দুর্গাপূজার নিমন্ত্রণ পত্রের সহিত অনেক ক্ষেত্রে পূর্ববর্তী বৎসরের পূজার আয়ব্যয়ের হিসাব দেওয়া হইয়া থাকে। এই বৎসরও তাহার ব্যতিক্রম হয় নাই।

এবার দক্ষিণ কলিকাতার একটি সর্বজনীন দুর্গোৎসবের নিমন্ত্রণ পত্রের সহিত গত বৎসরের পূজার যে হিসাব দেওয়া হইয়াছে, উহার আয় ও ব্যয়ের কয়েকটি দফা এই স্থলে উদ্ধৃত করা হইল—

আয়ের দিকে দেখা যায়, টাঁদা বাবদ আদায় কিঞ্চিদধিক ৪,৩০০ টাকা, বিজ্ঞাপন বাবদ ৩,০৭৫ টাকা, প্রণামী বাবদ কিঞ্চিদধিক ২৫০ টাকা, জলসা—প্রায় ২,৬০০ টাকা।

এদিকে খরচের দিকে প্রধান প্রধান দফাগুলি এই:

জলসা—প্রায় ৪,৩৫০ টাকা, আলোকসজ্জা—কিঞ্চিদধিক ১,৮২০ টাকা, মণ্ডপসজ্জা—১,৭০০ টাকা, পূজা ও ভোগ—কিঞ্চিদধিক ৬৩০ টাকা, ছাপাই—৬০০ টাকা, বিসর্জন বাবদ ব্যয়—৫৫৬ টাকা, নাটক—প্রায় ৪৭৫ টাকা, প্রতিমা ও সাজসজ্জা—৩৫০ টাকা, মাইক—১৭৫ টাকা, ঢুলী—

কিঞ্চিদধিক ৯০ টাকা, লক্ষ্মীপূজা বাবদ ব্যয়—কিঞ্চিদধিক ১১০ টাকা।

লক্ষ্য করিবার বিষয় বিসর্জনের সময় ঢাকী নাকি আনা হইয়াছিল ১০১ জন। ঐ বাবদ ৪ শতের অধিক টাকা ব্যয় হইয়াছে। উপরের হিসাবে এই ৪ শত টাকা বিসর্জনের ব্যয়ের মধ্যে ধরা হইয়াছে। ব্যয়ের দিকে ঐতিভোজ অথবা দরিদ্রনারায়ণ সেবা কিংবা পল্লীর বাসকবালিকাগণ ও কন্যীদের খাওয়া বা জলযোগ বাবদ ব্যয়ের কোন উল্লেখ দেখা যায় না। তবে পূজা-কমিটি দুইটি সদ্ব্যয় করিয়াছেন। তন্মধ্যে একটি হইল কর্জ পরিশোধ—৫০০ টাকা। এটা বোধ হয় পূর্ব বৎসরের দেনা ছিল। সদ্ব্যয়ের আর একটি পরিচয়—যক্ষ্মা তহবিল ও দুঃস্থ ছাত্র ও পরিবারের সাহায্য বাবদ ৪৫০ টাকা। যক্ষ্মা তহবিল, দুঃস্থ ছাত্রদের সাহায্য ও পরিবারসমূহের সাহায্য—এই তিন দফার প্রত্যেক দফায় কত করিয়া ব্যয় হইয়াছে, হিসাবে তাহার উল্লেখ নাই। থাকিলে পূজা কমিটির কর্তাদের দক্ষিণ্যের হিসাবটা আয়ও স্পষ্ট হইত।

সর্বশেষ কথা: মোট ব্যয় হইয়াছে প্রায় ১২ হাজার টাকা। যাহা আদায় হইয়াছে, তাহার দ্বারা ব্যয় সম্বলান হয় নাই, প্রায় ১,৭০০ টাকা কর্জ হইয়াছে। দেখা যাইতেছে, ইহাদের প্রতি মা দুর্গা বাস্তবিকই প্রসন্না—ভাগের মায়েব ব্যাপারেও প্রায় দুই হাজার টাকা কর্জ পাওয়া গিয়াছে।”

উপরোক্ত হিসাব হইতে অপচয়ের পরিমাণ নির্ণয় করা কঠিন হইবে না এবং আয়-ব্যয় সম্বন্ধে কোনরূপ মন্তব্য করাও নিশ্চয়োজন। কেবল এইমাত্র বলিলেই যথেষ্ট হইবে যে, সত্য কথা বলিতে হইলে ইহাকে পূজা বলা যায় না, ইহাকে আমোদ-আহ্লাদ এবং “ছল্লোড়” ছাড়া আর কিছুই বলা যায় না, পূজা উপলক্ষ্য মাত্র।

আলোচনা করিবার শক্তি আমাদের আছে, কিন্তু আমাদের মত লোকের কথা কেই বা শোনে, সরকারী মহলের বা বেসরকারী মহলের কেহই শুনিবেন না, ঐর্ষ্য-সহকারে তাঁহাদের গুনিবারও সম্ভব নাই। আর সুবকগণের নিকট আমাদের বক্তব্য পেশ করিবার অধিকারও নাই। পংক্ত তাঁহারা টাঁদার জন্ত আসিলেই কোন তর্কবিতর্ক না করিয়া কোন প্রকার অপ্রীতিকর ঘটনার নিরস্তির জন্ত টাঁদা দিতেই

কাজ হচ্ছে আত্মোৎসর্গের কাজ—এ এমন একটি সর্বতোমুখী কৃত্য যা জাতির উদ্দেশ্যে আপনার শ্রেষ্ঠতম অন্তর-সত্তার, আপনার আত্মার মহত্তম প্রকাশ যে বিধাতা তাঁরই উদ্দেশ্যে উৎসর্গীকৃত। স্ত্রী, পুত্রকন্যা, মাতাপিতা নিয়েই শুধু আপনার পরিবার পর্য্যবসিত হবে না। আপনাকে অবশ্যই বিবেচনা করতে হবে যে, আপনার পরিবার গঠিত ভারতের ছত্রিশ কোটি নর-নারীকে নিয়ে।”

আগামী পাঁচ বৎসরের জন্তে আমাদের সম্মুখে এমন এক বিরাট এবং গুরুত্বপূর্ণ কর্মসূচী রয়েছে যার বাস্তব রূপায়ণ অসম্ভাব্য বলে প্রতীয়মান হতে পারে, কিন্তু এই অসম্ভবকে আপনাদের সম্ভব করে তুলতে হবে। কর্ম-প্রচেষ্টার সঙ্কোচন আপনাদের কাজ নয়, আপনাদের কর্তব্য হচ্ছে প্রকৃত পথে এদের পরিচালন।

ভারতবর্ষ এক নুতন পরীক্ষণ চালাচ্ছে—গণতন্ত্রের পরীক্ষণ, জনগণকে সৈন্যদলে ভুক্তি (Regimentation) আমাদের কাজ নয়, কেননা জনগণের জীবনে আমরা ততদূর পর্য্যন্তই প্রবেশ করব, তাদের কল্যাণের জন্ত যতটুকু প্রয়োজন। তদুপরি, সমাজতান্ত্রিক পদ্ধতির সমাজ-প্রতিষ্ঠার দায়িত্বভার আমরা নিজেদের হাতে তুলে নিয়েছি। কাজেই এটা আমাদের বুঝতে হবে যে, সমাজই হচ্ছে সর্বাধিক গুরুত্বসম্পন্ন এবং সম্পূর্ণভাবে ব্যক্তিগত জীবন আমরা যাপন করতে পারি না। এটাও আমাদের উপলক্ষি করা উচিত যে, সমাজের সকল অংশকেই সমস্তরে আনতে হবে।

মহাত্মা গান্ধী নির্দীন নারায়ণকে ভগবানের তুল্য বলে প্রচার করেছিলেন। এই উক্তিটি কখনও বিস্মৃত হওয়া আমাদের পক্ষে সমীচীন হবে না যে, “সাধুসন্তদের অতীত আছে, কিন্তু পাপীদের আছে ভবিষ্যৎ।” আর আপনাদের সম্মুখে রয়েছে এই সকল তথাকথিত পাপীদের পুনর্কাসনের কর্তব্য, যারা হতে পারে আমাদের দেশের ভাবী সাধুসন্ত। এ হচ্ছে একটি মহান দায়িত্ব। অত্যাগ্র অঞ্চল থেকে আগত শরণার্থীদের পুনর্কাসনের ব্যবস্থা আমাদের করতে হবে, কিন্তু নৈতিক শরণার্থীদের পুনর্কাসন হচ্ছে অধিকতর গুরুত্বপূর্ণ সমস্যা।

সরকারের সম্মুখে যে সমস্যা বিদ্যমান তা কেবলমাত্র

স্বাভাবিক নাগরিকদের সমস্যা নয়, কিন্তু যারা হতে পারে আগামীকালের সং নাগরিক তাদের তত্ত্বাবধানের দায়িত্বও তার রয়েছে—অত্যাগ্র শেষোক্তরা সমাজের পক্ষে হয়ে উঠতে পারে বিপজ্জনক। এটা আমাদের মনে রাখতেই হবে যে, এখন বিশেষতঃ স্বাধীনতা অর্জনের পর থেকে সরকার কেবলমাত্র একটি প্রশাসক সংস্থাই নয়। দেশে গত পাঁচ বৎসর যাবৎ যে সকল কার্য সম্পন্ন হয়েছে সেগুলো থেকে এটা সুপরিষ্কৃত হয়, আমাদের রাষ্ট্র হচ্ছে কল্যাণব্রতী রাষ্ট্র—যার লক্ষ্য জন-গণের কল্যাণসাধন। এটা হয়ে দাঁড়িয়েছে সরকারের একটি প্রধান কর্তব্য। এমনিভাবে যে সকল লোকের প্রতি বিশেষ যত্ন নেওয়া প্রয়োজন তাদের জন্তে বিভিন্ন ধরনের কর্মপ্রচেষ্টা পরিচালনার্থে আমরা নানা প্রতিষ্ঠান গড়ে তুলেছি।

এটা লক্ষ্য করে আমরা সুখী হয়েছি যে, কেন্দ্রীয় সমাজ-কল্যাণ পর্ষদ এমন একটি দায়িত্ব গ্রহণ করেছেন যা ছিল অবিচ্ছেদ্যভাবে আমাদের নিজস্ব। বর্তমানে যে সকল পরিস্থিতি বিদ্যমান সেগুলো পৃথক ধরনের বলে আমাদের কর্মনীতি হওয়া উচিত বাহ্য অবস্থার অনুযায়ী। দুর্ভাগ্যক্রমে আমাদের সমাজে কতকগুলো লোক সামাজিক কলুষের কবলে পড়ে বিপন্ন হয়েছে। তাদের ফিরিয়ে আনতে হবে স্বাভাবিক সমাজ-জীবনে। সরকার এই কৃত্যে সহায়তা করার জন্তে উদ্যোগ। একটা বিশেষ ধরনের সাহায্য তাদের প্রয়োজন এবং সেজন্তে আবশ্যিক বিশেষভাবে শিক্ষা-প্রাপ্ত সমাজ কর্মীবৃন্দ। এ হচ্ছে একটি মহান কৃত্য এবং একটি পবিত্র দায়িত্ব। তরুণ-তরুণীগণ, আমার আকাঙ্ক্ষা যে, আপনারা ব্রতধারীর আদর্শে উদ্বুদ্ধ হয়ে এই কার্যে প্রবৃত্ত হোন। এ হচ্ছে সামাজিক পুনরুজ্জীবনের কর্ম। আমি আত্ম-প্রত্যয়ের সঙ্গে একথা বলতে পারি, যে স্বাধীনতা-সংগ্রামে আমরা অংশ গ্রহণ করেছিলাম তার চেয়েও ভারতের পুনর্গঠন এবং জনগণের সুখস্বাচ্ছন্দ্য বিধানের বিরাট কর্তব্য মহত্তর। কেননা, আজকের দিনে ব্যাপকতর সামাজিক সমস্যাসমূহ বিদ্যমান এবং এমন সব সমস্যা রয়েছে যা দেশকে নিয়ে যেতে পারে ভ্রাস্ত পথে। এই সমস্যারই সম্মুখীন হতে হবে বাইরের কোনও সংস্থাকে নয়, কিন্তু আপনাদিগকে সরকারকে এবং জনগণকে।

পূজার পর

শ্রীদেবেন্দ্রনাথ মিত্র

গত মহাপূজার অল্প কয়েকদিন পূর্বে একজন বিশিষ্ট বন্ধুর সহিত বন্ধাবিধ্বস্ত অঞ্চলের জনসাধারণের দুঃখ-দুর্দশার আলোচনা হইতেছিল। এই প্রসঙ্গে সর্বজনীন পূজার কথাও উঠিল। বন্ধু বলিলেন, কলিকাতায় প্রায় ২,০০০ সর্বজনীন পূজা অনুষ্ঠিত হয়, এবং প্রত্যেক পূজাতে গড়ে এক হাজার টাকা খরচ হয় এই হিসাবে ২০০০ পূজাতে কুড়ি লক্ষ টাকা খরচ হইবে। সর্বজনীন পূজাতে এইরূপ অনেক ব্যয় হয় যাহাকে অপচয় ব্যতীত আর কিছুই বলা যায় না। এই অপচয় নিবারণ করিয়া যে পরিমাণ অর্থ উদ্ধৃত থাকিবে তাহা বন্ধাবিধ্বস্ত অঞ্চলে ব্যয় করিলে মহামায়ার পূজা সার্থক হইবে। এই প্রসঙ্গে কোন কোন বন্ধু বলিলেন, প্রত্যেক পূজায় গড়ে ১৫০০ টাকা ব্যয় হয়—ইহা অনায়াসেই ধরিয়া লইতে পারা যায়। তাঁহাদের উক্তির সমর্থনের জন্য তাঁহারা কয়েকটি পূজার মুদ্রিত হিসাব উদ্ধৃত করিলেন। এই হিসাবে সর্বজনীন পূজা উপলক্ষে মোট ত্রিশ লক্ষ টাকা ব্যয় হয়; এবং পূজার সংখ্যা না কমাইয়া প্রকৃত পূজা করিয়া ১৫ লক্ষ টাকা বাঁচানো যাইতে পারে।

ইহার পর ১৩/১০/৫৬ তারিখের “আনন্দবাজার” পত্রিকায় নিম্নলিখিত সংবাদটি প্রকাশিত হইয়াছিল :

“সর্বজনীন দুর্গাপূজার নিমন্ত্রণ পত্রের সহিত অনেক ক্ষেত্রে পূর্ববর্তী বৎসরের পূজার আয়ব্যয়ের হিসাব দেওয়া হইয়া থাকে। এই বৎসরও তাহার ব্যতিক্রম হয় নাই।

এবার দক্ষিণ কলিকাতার একটি সর্বজনীন দুর্গোৎসবের নিমন্ত্রণ পত্রের সহিত গত বৎসরের পূজার যে হিসাব দেওয়া হইয়াছে, উহার আয় ও ব্যয়ের কয়েকটি দফা এই স্থলে উদ্ধৃত করা হইল—

আয়ের দিকে দেখা যায়, টাঙ্গা বাবদ আদায় কিঞ্চিদধিক ৪,৩০০ টাকা, বিজ্ঞাপন বাবদ ৩,০৭৫ টাকা, প্রণামী বাবদ কিঞ্চিদধিক ২৫০ টাকা, জলসা—প্রায় ২,৬০০ টাকা।

এদিকে খরচের দিকে প্রধান প্রধান দফাগুলি এই :

জলসা—প্রায় ৪,৩৫০ টাকা, আলোকসজ্জা—কিঞ্চিদধিক ১,৮২০ টাকা, মণ্ডপসজ্জা—১,৭০০ টাকা, পূজা ও ভোগ—কিঞ্চিদধিক ৬৩০ টাকা, ছাপাই—৬০০ টাকা, বিসর্জন বাবদ ব্যয়—৫৫৬ টাকা, নাটক—প্রায় ৪৭৫ টাকা, প্রতিমা ও সাজসজ্জা—৩৫০ টাকা, মাইক—১৭৫ টাকা, চুলী—

কিঞ্চিদধিক ৯০ টাকা, লক্ষ্মীপূজা বাবদ ব্যয়—কিঞ্চিদধিক ১১০ টাকা।

লক্ষ্য করিবার বিষয় বিসর্জনের সময় ঢাকী নাকি আনা হইয়াছিল ১০১ জন। ঐ বাবদ ৪ শতের অধিক টাকা ব্যয় হইয়াছে। উপরের হিসাবে এই ৪ শত টাকা বিসর্জনের ব্যয়ের মধ্যে ধরা হইয়াছে। ব্যয়ের দিকে ত্রিভোজ অথবা দরিদ্রনারায়ণ সেবা কিংবা পল্লীর বালকবালিকাগণ ও কর্মীদের খাওয়া বা জলযোগ বাবদ ব্যয়ের কোন উল্লেখ দেখা যায় না। তবে পূজা-কমিটি দুইটি সদস্য করিয়াছেন। তন্মধ্যে একটি হইল কর্জ পরিশোধ—৫০০ টাকা। এটা বোধ হয় পূর্ব বৎসরের দেনা ছিল। সদস্যের আর একটি পরিচয়—যক্ষা। তহবিল ও দুঃস্থ ছাত্র ও পরিবারের সাহায্য বাবদ ৪৫০ টাকা। যক্ষা তহবিল, দুঃস্থ ছাত্রদের সাহায্য ও পরিবারসমূহের সাহায্য—এই তিন দফার প্রত্যেক দফায় কত করিয়া ব্যয় হইয়াছে, হিসাবে তাহার উল্লেখ নাই। থাকিলে পূজা কমিটির কর্তাদের দক্ষিণের হিসাবটা আয়ও সুস্পষ্ট হইত।

সর্বশেষ কথা : মোট ব্যয় হইয়াছে প্রায় ১২ হাজার টাকা। যাহা আদায় হইয়াছে, তাহার দ্বারা ব্যয় সম্বলান হয় নাই, প্রায় ১,৭০০ টাকা কর্জ হইয়াছে। দেখা যাইতেছে, ইহাদের প্রতিমা দুর্গা বাস্তবিকই প্রসন্ন—ভাগের মায়ের ব্যাপারেও প্রায় দুই হাজার টাকা কর্জ পাওয়া গিয়াছে।”

উপরোক্ত হিসাব হইতে অপচয়ের পরিমাণ নির্ণয় করা কঠিন হইবে না এবং আয়-ব্যয় সম্বন্ধে কোনরূপ মন্তব্য করাও নিম্প্রয়োজন। কেবল এইমাত্র বলিলেই যথেষ্ট হইবে যে, সত্য কথা বলিতে হইলে ইহাকে পূজা বলা যায় না, ইহাকে আমোদ-আহ্লাদ এবং “ছল্লোড়” ছাড়া আর কিছুই বলা যায় না, পূজা উপলক্ষ্য মাত্র।

আলোচনা করিবার শক্তি আমাদের আছে, কিন্তু আমাদের মত লোকের কথা কেই বা শোনে, সরকারী মহলের বা বেসরকারী মহলের কেহই শুনিবেন না, ধৈর্য্য-সহকারে তাঁহাদের শুনিবারও সময় নাই। আর যুবকগণের নিকট আমাদের বক্তব্য পেশ করিবার অধিকারও নাই। পরন্তু তাঁহারা টাঙ্গার জন্ত আনিলেই কোন তর্কবিতর্ক না করিয়া কোন প্রকার অশ্রীতিকর ঘটনার নিয়ন্ত্রিত জন্ত টাকা দিতেই

হয়। আমাদের জায় ব্যক্তিগণের এই ত অবস্থা। বলা বাহুল্য, আমাদের মত ব্যক্তিগণের সংখ্যা কম নহে। অনেক অপ্রীতি-কর ঘটনার উদাহরণ দিতে পারি।

এক বন্ধু বলিলেন, দেশে নেতৃত্বের অভাববশতঃই সকল দিকে এইরূপ অবাঞ্ছনীয় ঘটনা ঘটিতেছে। তিনি বলিলেন, আজ যদি আচার্য্য প্রফুল্লচন্দ্র রায় মহোদয় কিংবা ডঃ শ্যামা-প্রসাদ মুখোপাধ্যায় মহাশয়ের জায় নেতা জীবিত থাকিতেন তাহা হইলে তাঁহারা এই বিষয়ে নিশ্চয়ই হস্তক্ষেপ করিতেন এবং সম্পূর্ণ না হইলেও বহুল পরিমাণে কৃতকার্য হইতেন। তাঁহাদের আবেদন অগ্রাহ হইত না। আজ যদি কলিকাতা-বাসী সকল সম্প্রদায় দলবদ্ধ হইয়া সর্বজনীন পূজার সংখ্যা হ্রাস করিয়া এবং অপচয় নিবারণ করিয়া বঙ্গাবিক্ষস্ত অঞ্চলের জনসাধারণের সাহায্যের জন্ত একটা মোটা টাকা দিতে পারিতেন, তাহা হইলে তাঁহারা বর্তমান ও ভবিষ্যতের জন্ত একটা খুব বড় আদর্শ স্থাপন করিতে সক্ষম হইতেন। তাঁহাদের এই আদর্শ ও কার্যের দ্বারা বঙ্গাবিক্ষস্ত অঞ্চলের জনসাধারণ কেবল যে উপকৃত ও উৎফুল্ল হইত তাহা নহে— এইরূপ সমবেদনা ও সহায়ত্ব দ্বারা তাঁহাদের দুঃখ-দুর্দশা অনেকটা লাঘব হইত। কথায় আছে, দুঃখের অংশ গ্রহণ করিলে দুঃখের তীব্রতা প্রশমিত হয়।

একজন বন্ধু বলিলেন, বাস্তবিকই কি দেশে নেতার অভাব আছে? এই প্রশ্নের পর তিনি কয়েকজন সরকারী এবং বেসরকারী মহলের বিশিষ্ট ব্যক্তির নাম করিলেন। অপর এক বন্ধু বলিলেন, এই সকল ব্যক্তি নিশ্চয়ই নেতৃস্থানীয়, কিন্তু ইহারা সকলেই যে আগামী “ইলেকশনের” প্রার্থী এবং ইহাদের ভোটের প্রয়োজন—আর ভোট সংগ্রহ করিতে হইলে যুবক সম্প্রদায়ের উপরেই নির্ভর করিতে হইবে সুতরাং যুবক সম্প্রদায়ের মনোমত কার্যাবলী ইহাদিগকে সমর্থন করিতেই হইবে, এমনকি সর্বজনীন পূজার তহবিলে মোটা টাঁদা দিতেও হইবে। মোট কথা, যুবক সম্প্রদায়কে সম্বলিত রাখিতেই হইবে। অনেকেই এই উক্তির সমর্থন করিলেন, এবং দু’এক জন এই উক্তির সমর্থনে নিজের অভিজ্ঞতা হইতে এমন সব কথা বলিলেন যাহা লিপিবদ্ধ করিলে হয়ত মানহানির অপরাধে অপরাধী হইতে হইবে। সুতরাং সেই সব কথা আর লিখিলাম না। যাহা হউক, ইহা হইতেই দেশের বর্তমান পরিস্থিতির কতকটা আভাস পাওয়া যাইবে।

সংবাদপত্রে পড়িয়াছিলাম যে, এই বৎসর সর্বজনীন পূজা উপলক্ষে ব্যয় সঙ্কোচ করা হইবে, “হৈ হুল্লোড়” কম হইবে,

“লাউড স্পীকারের” ব্যবহার নিয়ন্ত্রিত হইবে, ইত্যাদি; কিন্তু প্রকৃতপক্ষে তাহা হইয়াছে কি? নিজের অভিজ্ঞতা হইতে বলিতে পারি যে, অস্ততঃ “লাউড স্পীকারের” ব্যবহার নিয়ন্ত্রিত হয় নাই; কলিকাতার বিভিন্ন অঞ্চলের লোকের মুখেও শুনিয়াছি যে, তাঁহাদেরও একই রকমের অভিজ্ঞতা।

যতদূর স্মরণ হইতেছে টেটসম্যান পত্রিকায় দেখিয়াছিলাম কলিকাতায় এবং হাওড়ায় ৪,০০০ পূজা অনুষ্ঠিত হইয়াছে। জানি না, এই ৪,০০০ পূজায় মোট কত টাকা ব্যয় হইয়াছে, এবং মোট কত টাকা বঙ্গাবিক্ষস্ত অঞ্চলের জন্ত প্রদত্ত হইয়াছে।

পল্লী-অঞ্চলেও সর্বজনীন পূজার টেউ প্রবেশ করিয়াছে; তবে কলিকাতার মত “হৈ হুল্লোড়” সেখানে হয় নাই, ইচ্ছা থাকিলেও সামর্থ্য নাই। পল্লী-অঞ্চলের বিভিন্ন স্থানের অভিভাবকগণের মুখে শুনিয়াছি যে, তাঁহাদের সম্মানগণ পূজার ছুটিতে গ্রামে যান নাই—কলিকাতার পূজার আনন্দ তাঁহাদিকে আচ্ছন্ন করিয়া রাখিয়াছিল। আবার কাহারও কাহারও মুখে শুনিয়াছি তাঁহাদের সম্মানগণ পূজার ছুটিতে পশ্চিমে গিয়াছিলেন।

যাহা হউক যতদূর সংবাদ পাইয়াছি, তাহাতে মনে হয়— কি শহর, কি পল্লীগ্রাম—কোন স্থানের পূজাতেই “কাঙালিনী মেয়ের” দিকে কেহই তেমন দৃষ্টি দেন নাই। দিবার হয় ত অবকাশও ছিল না।

পনের বৎসর পূর্বে “Durga Pujah and National Reconstruction” শীর্ষক প্রবন্ধে লিখিয়াছিলাম :

“A true and faithful worship of the goddess demands of a devotee, not earnest prayer only, but earnest action also, the earnest response to idealism, the earnest pursuit to follow the star, the gleam, and an earnest and arduous devotion to the cause. There can be no greater cause for every thinking man and woman in this country, as long as the appalling backwardness of our country remains, than the uplift of the masses, spiritual, economic and otherwise. And, to this sacred work, on the occasion of this most sacred Durga Pujah let every worshipper of the goddess consecrate himself.”

এখন মনে হইতেছে অরণ্যে রোদন করিয়াছিলাম; অবস্থার উন্নতি ত হয় নাই, বরং অবনতি হইয়াছে। এই প্রবন্ধও অরণ্যে রোদন করা ছাড়া কি আর কিছু?

মৃগতৃষ্ণিকা

শ্রীহেনা হালদার

স্বর্ণচন্দ্রপার বর্ণসম্ভারে
দঙ্ক চৈত্রেব সন্ধ্যাকাশ—
বস্ত্র কিংকণ জ্বালানো ঘোঁষন
নয়নে নেই মৃহ তন্দ্রাভাস ।
বাজি বুঝি আজ যাত্রী হ'ল কোন্
নিদ্রাহারা দেশে অকস্মাৎ—
তম্বী চাঁদ তাই বহি জ্বালিয়েছে
প্রেম-কটাক্ষের পক্ষপাত ।
হ' চোখে ঘুম নেই, কোথাও তুমি নেই
আমার আশা সে-ও অসম্ভব—
আলোর তৃষ্ণাতে কৃষ্ণা বজ্রনীৰ
কুচ্ছসাধনই যে অবাস্তব !
ক্ষুক এষণাব লুক প্রেষণাব
দেখায় মরীচিকা ভ্রান্ত প্রাণ—
জীর্ণ সৈঁতারের দীর্ণ এ তারেতে
জাগে কি জীবনের ক্লাস্ত গান ?
স্বপ্ন-মায়াময় বহুকামনার
নেইক' একতিল তৃপ্তি নেই—
অশেষ শংকার মিলিত ঝংকারে
কোথাও বাগিনীর দীপ্তি নেই !
হাওয়া হাতে হাতে, কঠিন কশাঘাতে
আভাসে কানে আসে আর্তি কার ?
আমার হৃদয়ের আকুল কান্না যে
বুঝেও বোঝ না সে প্রার্থী কার ?
যা' কিছু চাওয়া যায় : সবই কি পাওয়া যায় ?
তবু এ একগুঁয়ে অবুঝ মন—
সাহারা মরুদেশে, বৃথাই ধুঁকেছে সে
বর্ষাজলে ভেজা সবুজ-বন ।
সিক্ত উপাধানে কোথায় সাত্বনা ?
বরং বেড়ে যায় তিক্ততাই
আর্ন্ত হাহাকারে ব্যর্থ বেদনাতে
ফোটে যে হৃদয়ের বিকৃততাই ।
স্বর্ণচন্দ্রপার বর্ণসম্ভার
দঙ্ক করে দিলে বাজিদিন—
বস্ত্র কিংকণ জ্বালানো ঘোঁষন
মত্ত ভ্রমণ পাণ্ডিত্যবীন ।

শেষের কবিতা

শ্রীঅপূর্বকৃষ্ণ ভট্টাচার্য্য

মৃত্যু-হতাশ নয়নের কঁাকে সজল অক্ষর দোলে
মায়াব ভুবন ছিন্ন করিয়া যেতে হবে বহু দূর ।
চারি দিকে বেন শোনা যায় অতি করুণ-কোমল সুর,
শত দিবসের স্মৃতি-গুঞ্জন আকুল করিয়া তোলে ।
জীবনে জ্বালাতে হয়েছে অনেক স্নেহের প্রদীপশিখা—
চিকণ অধরে বাসনার বাজা চিহ্ন বেধায় একে'
রূপ গরবিনী হাতছানি দিয়ে ঘোঁষনে গেছে ডেকে ;
লীলা-চাপল্য দেখায় তুমিও কাছে এলে সাহসিকা !
আশা-নিরাশার আলোক ছায়ায় বরষ-পরিক্রমা,
কামনার ধূপ পুড়ে ছাই হোলো—জানো কি সুরঙ্গমা ?
রোগে শোকে শত অভাবের মাঝে রহিছ সবার নীচে,
এ জীবনে ঋণ হ'ল নাক' শোধ, সহিতে হয়েছে স্নেহ ;
বসন ভূষণ অশনের তবে পেতে হ'ল বহু ক্লেশ,
কর্মকঠোর প্রতি দিবসের শ্রমজলে ভিজে ভিজে ।
সুখের লাগিয়া স্মিহ বিফলে—সঙ্কোচ-সংশয়
পদে পদে ঘোরে করে প্রতিহত । পলকে পলকে বাধা,
প্রাণ খুলে আর হ'ল না কখন প্রণয়ের সুর সাধা,
দারিদ্র্য বেধা পেতেছে আসন, সেখা সবি বিবয়র ।
অস্তিত্বকালে অস্তর কেন অনুশোচনার জলে,
কুসুমপেলব কর-পল্লব যথ যোর করতলে ।
আমু-সবিতার নামে শেষ বেধা স্নাত পথের মাঝে,
চেনা অচেনার মোহনার বেন আশ্রয় অভিসার ।
কে বেন আমায়ে দেখার অদূরে শাস্তির পারাবার ।
নিরাশার তীরে এলো কি সন্ধ্যা ? কোথায় শখ বাজে ।
প্রাণের খেলায় শেষ কড়িটুকু দিয়ে গেছ তব করে,
শেষের কবিতা জুলিবে কি তুমি, যদি ঘোরে মনে পড়ে ?



দেশ-বিদেশের কথা



জয়কৃষ্ণ জন্মোৎসব

বরদাকান্ত বসু

গত ২৪শে কার্তিক সন্ধ্যা ছয় ঘটিকায় ৪৬২ রাজা রাজবল্লভ স্ট্রীটস্থ ভবনে রাজাবাও শ্রীধীরেন্দ্রনারায়ণ রায়ের সভাপতিত্বে সঙ্গীতশিল্পী শ্রীজয়কৃষ্ণ সাত্তালের জন্মোৎসব অনুষ্ঠিত হয়। অনুষ্ঠানের উদ্বোধন করিতে গিয়া প্রবাসী-সম্পাদক শ্রীকেশবনাথ চট্টোপাধ্যায় ভারতীয় সঙ্গীতের ঐতিহ্যের কথা বলেন। শ্রীধীরেন্দ্রনারায়ণ রায় তাঁহার ভাষণে বলেন, শিল্পী জয়কৃষ্ণ জীবনে অবিদ্যমান খ্যাতি অর্জন করুন

সাধারণ ব্রাহ্মসমাজের নেতা আচার্য্য বরদাকান্ত বসু গত ২১শে অক্টোবর কলিকাতায় পরলোকগমন করিয়াছেন।

যৌবনে ব্রাহ্মসমাজেব প্রতি আকৃষ্ট হইয়া তিনি ব্রাহ্মধর্ম গ্রহণ করেন। সমগ্র জীবন ধরিয়া তিনি ইহার উচ্চ আদর্শ অমুখ্যায়ী জীবনযাপন করিয়া দেশবাসীর সমক্ষে এক উজ্জ্বল দৃষ্টান্ত রাখিয়া গিয়াছেন।

শিক্ষকতাকে তিনি জীবনের ব্রত হিসাবে গ্রহণ করেন এবং



শ্রীকেশবনাথ চট্টোপাধ্যায়, শ্রীধীরেন্দ্রনারায়ণ রায়, শ্রীজয়কৃষ্ণ সাত্তাল

এই কামনা করি। শ্রীজয়কৃষ্ণ সাত্তাল শুধু রূপদ ও ধামারে নয়, মেয়াল, ঠুংবী, ভজন, রাগপ্রধান এবং শ্যামাসঙ্গীতেও সমান কৃতি। তিনি যখন যে বিষয়ে গান করেন, সেই বিষয়েই তাঁহার শ্রেষ্ঠত্বের প্রমাণ পাওয়া যায়। তিনি শুধু সঙ্গীত-শিল্পীই নন, সঙ্গীতের প্রচার এবং প্রসারেও তাঁর চেষ্টা প্রশংসার যোগ্য।

এই অনুষ্ঠানে বিশিষ্ট শিল্পীবৃন্দ সঙ্গীতে, নৃত্যে, মৃদঙ্গ, তবলা ও হারমোনিয়ম (সোলো) বাদনে অংশ গ্রহণ করিয়া কৃতিত্বের পরিচয় দেন।

মধুমনসিংহ সিটি স্কুল, ব্রাহ্ম-বালিকা বিদ্যালয়, সিটি স্কুল, কলিকাতা প্রভৃতি বিদ্যালয়ে দীর্ঘকাল শিক্ষকতাকার্যে নিযুক্ত থাকাকালে তিনি ছাত্র এবং সহকর্মী সকলেরই শ্রদ্ধাভাজন হন।

ভগবানের মঙ্গলময়ত্বের প্রতি বরদাকান্তের গভীর বিশ্বাস ছিল। মানুষের সেবাকেই তিনি শ্রেষ্ঠ ধর্ম বলিয়া মনে করিতেন। তিনি স্বৈচ্ছায় দাবিদ্র্যব্রত গ্রহণ করিয়াছিলেন, বহু অনাস্থীরকে তিনি প্রতিপালন করিতেন। তাঁহার মত ভগবতুক্ত, নিরহঙ্কার, অনাড়ম্বর, নিরাসক্ত এবং অজাতশত্রু লোক বর্তমান সমাজে বিরল।



অথন

রেফোনা

আগের চেয়ে অনেক বেশী সুগন্ধী!

রেফোনা প্রাইভেট লিমিটেড এর পক্ষে ভারতে প্রস্তুত

RP. 144-X52 BG



আলোচনা



“সর্পদংশন চিকিৎসা”

শ্রীরাজেন্দ্রনাথ রায়

প্ৰতি বৎসরও পশ্চিমবঙ্গে ১,৪০০ শত লোক সর্পদংশনে মারা
গিয়াছে। দূব ঔষমের লোক ডাক্তার বা “antivenom”-এর

সাহায্য পায় না। তাহাদের উপকার হইতে পারে এই ভাবিয়া
নিম্নলিখিত পরীক্ষিত উপায়গুলি লিপিলাম।

শ্রীঅবনীভূষণ ঘোষ মহাশয়ের ‘সর্পদংশন চিকিৎসা’ শীর্ষক একটি
প্রবন্ধ প্রবাসী পত্রিকার ১৩৬৩ সালের আশ্বিন সংখ্যায় প্রকাশিত
হইয়াছে। এই প্রবন্ধটি অনেক তথ্যপূর্ণ এবং ইহাতে বহু
জ্ঞাতব্য বিষয়ের উল্লেখ আছে। এই প্রবন্ধটি সকলেরই মনোযোগের

সহিত পড়া উচিত। প্রবন্ধটি পড়িয়া
আমি কোন কোন বিষয়ে জ্ঞানলাভ
করিয়াছি।

ঘোষ মহাশয়ের উল্লিখিত চিকিৎসা-
প্রণালী সম্বন্ধে কিছু বক্তব্য আছে। আমার
বক্তব্য নিম্নে লিপিত হইল।

১৯০২ খ্রীষ্টাব্দে সর্পদংশন চিকিৎসা
নামধেয় একখানি ক্ষুদ্র পুস্তিকা লিখি এবং
সে সময়ের Whiteaway Press-এ
ছাপাই। তাহার পর উহার আর দুই বার
পুনর্মুদ্রণ হইয়াছিল। এখন ঐ পুস্তিকা
হুম্মাপা। উহাতে চিকিৎসা সম্বন্ধে বিশদ
ভাবে বর্ণনা আছে। ঐ চিকিৎসা-প্রণালী
এখানে সংক্ষিপ্তভাবে উল্লেখ করিতেছি :

বিষাক্ত সাপ চিকিৎসার উদ্দেশ্যে দুই
শ্ৰেণীতে ভাগ করা যাইতে পারে। এক
শ্ৰেণী ফণী বা চক্রধর এবং অপর শ্ৰেণী
ফণাচীন বা চক্রহীন। চক্রধর সাপ মাথা
তুলিয়া ফণা বিস্তৃত করিয়া দংশন করে।
তাহার দংশনে দুইটি ঘামুখ(puncture)
হয়।

চক্রহীন সাপের ফণা নাই—অর্থাৎ তাহারা
মাথা বিস্তৃত করিতে পারে না এবং তাহারা
মাথা তুলিয়া ছোবল মাঝে না, তাহারা
চু-মারার আয় কামড়ায়। চক্রহীন সাপে
কামড়াইলে অনেকগুলি দাগ হয় অর্থাৎ
ঘামুখ দুইটির অপেক্ষা অনেক বেশী
হয় এবং তাহারা গোলাকারে থাকে।
চক্রধর সাপে কামড়াইলে সাধারণতঃ দুইটি
দাগ হয় এবং দাগ দুইটি সরলরেখাক্রমে
অবস্থিত হয়।

চক্রধর সাপে কামড়াইলে তাহার

গিনিগোস্ত জুয়েলারি প্রেশালিস্ট



মৌলিকতায়
নির্ভরতায়
আধুনিকতায়

এম.বি. সরকার এণ্ড সন্স

ফোন:- ৩৪-১৭৬১ *জুয়েলার্স* গ্রাম-ট্রিলিয়াক্টেস

১৬৭/সি ১৬৭/সি/১ বহুবাজার স্ট্রীট কলিকাতা ১২

ব্রাঞ্চ- বালি গল-২০০/২/সি রাসবিহারী এডিনিউ. কলিকাতা-২৭

স্বাক্ষরিত পুরাতন চিকিৎসা


১২৪, ১২৪/১, বহুবাজার স্ট্রীট, কলিকাতা ১২

কেবলমাত্র রবিবার খোলা থাকে

নতুন ব্রাঞ্চ শাকুরম - ডায়মেন্ডপুর. ফোন: ১৫৮

আসছে! এই **ডাল ডাল**
 দেওয়া **নতুন চিন**

ডালডাকে সম্মুর্ণ খাঁটি
ও তাড়ঘ রাখে



- **বিশুদ্ধ ও তাজা ডালডা** কেনবার সময় সম্পূর্ণ বিশুদ্ধ ও তাজা অবস্থায় পাচ্ছেন—কারণ টিনে বায়ুরোধক শীলকরা ঢাকনা ডালডাকে সুরক্ষিত রাখে।
- **বিশুদ্ধ ও তাজা ব্যবহারের সময়ও** ডালডা সম্পূর্ণ বিশুদ্ধ ও তাজা থাকে কারণ ভালভাবে এঁটে বসা বাইরের ঢাকনাটা ডালডাকে সর্বদাই খুলেবালি ও মাছি ইত্যাদির থেকে ঝিটিয়ে রাখে।
- **খুলতেও কি সুবিধে** খুলতে আর ব্যবহার করতে কি সুবিধে!
- **পুরোনো খালি টিন কত কাজে লাগে—ডাল চিনি** যশস্বপাতি রাখতে টিনগুলো সজিই খুব কাজে লাগে।

ডালডা ১/২ পাঃ, ১ পাঃ, ২ পাঃ, ৫ পাঃ এবং ১০ পাউন্ড টিনে পাওয়া যায়
 * এই টিনগুলিতে ডাল ঢাকনা আছে

ডাল ডা মার্কা বনস্বতি

HYL 222-K11 20

চিকিৎসা "বাধা এবং কাটা" চক্রহীন সাপে কামড়াইলে তাহার চিকিৎসা "বাধা ও কাটা" নহে। "বাধা ও কাটা"র কোন ফললাভের আশা নাই। তাহার চিকিৎসা বিশিষ্টপ্রকার উত্তাপ দেওয়া (application of radiated heat).

চক্রধর সর্পদংশন-চিকিৎসা

প্রথমেই বলা হইয়াছে, এই সকল সাপে কামড়াইলে দুইটি দাগ হয়। যদি দেখা যায় দুইটি দাগ হইয়াছে তখন প্রথম উঠিবে ঐ দুইটি দাগ চক্রধর সাপের দংশনজনিত কিনা। যদি সিদ্ধান্ত হয় যে, দাগ দুইটি চক্রধর সর্পদংশনজনিত তখন দ্বিতীয় প্রশ্ন উঠিবে দষ্ট ব্যক্তির রক্ত সর্পবিষে বিষাক্ত হইয়াছে কিনা। প্রথম প্রশ্নটি সমাধান করিতে হইলে দেখিতে হইবে—দাগ দুইটি ভাসাতাসা (superficial) কিংবা গভীর (deep)। যদি ভাসাতাসা হয় তবে চক্রধর সাপে কামড়ায় নাই। আরও দেখিতে হইবে দুইটি দাগের মধ্যবর্তী দূরত্ব (intervening space)। যদি ঐ দূরত্ব আধ ইঞ্চির কম বা এক ইঞ্চির বেশী হয় তাহা হইলে চক্রধর সাপে কামড়ায় নাই। যদি সিদ্ধান্ত হয় যে, চক্রধর সাপে কামড়াইয়াছে

তখন দেখিতে হইবে রক্ত বিষাক্ত হইয়াছে কিনা। এই প্রশ্নের সমাধানে দেখিতে হইবে যে, ঐ ঘামুখ দুইটি হইতে নীলাভ বুদ্ধ উঠিতেছে কিনা। যদি উঠিতে দেখা যায় তাহা হইলে চক্রধরে কামড়াইয়াছে। আর যদি বুদ্ধ উঠিতে দেখা না যায় তখন ঐ ঘামুখের কিছু উপর হইতে ছুঁয়া দিয়া চিরিলে যে রক্ত বাহির হইবে তাহাতে যদি মুন (common salt) লাগান যায় তাহা হইলে ঐ রক্তের রঙ হয় পরিবর্তিত হইয়া মেটে সিন্দুরের রঙ হইবে অথবা যেরূপ রঙ পূর্বে ছিল সেইরূপই থাকিবে। যদি রঙ পরিবর্তিত হয় তবে রক্ত বিষাক্ত হয় নাই এবং কোন চিকিৎসার প্রয়োজন নাই। আর যদি রঙ অপরিবর্তিত থাকে তাহা হইলে রক্ত বিষাক্ত হইয়াছে এবং চিকিৎসা করিতে হইবে।

চিকিৎসা : ঘোষ মহাশয় যেরূপ বাধন দিবার কথা লিখিয়াছেন সেইরূপ দুই বা ততোধিক বাধন দিতে হইবে।

চক্রধর সাপে কামড়াইলে ঘামুখে কিছুক্ষণ বিষ আবদ্ধ থাকে। যতক্ষণ বিষ ঘামুখে থাকে ততক্ষণ ঐ ঘামুখ হইতে নীলাভ বুদ্ধ উঠিতে থাকে। যদি দেখেন এরূপ বুদ্ধ উঠিতেছে তবে

উৎসর্গের দিনে

কে. হোড়ের

শুভাসিত

প্রসাধন সামগ্রী

কে. হোড় এণ্ড কোং

কলিকাতা-১৪

দেখুন!



অর্ধেকটি
সানলাইট
সাবানেই এ সব
কাজ হয়েছে!

সানলাইটের ফেনার অধিক্যই এর কারণ!

সানলাইট
সাবান

দিয়ে কাজলে কাশডুয়োগ সাবান ও উজ্জ্বল হয়।

S. 242-X12 BQ

ভারত প্রক.

তৎক্ষণাৎ ঐ ঘামুখের কিছু উপর হঠাতে সুরু করিয়া ঘামুখের উপর দিয়া তাহার নীচে পর্যন্ত খুব গভীর করিয়া চিরিয়া দিলে বিষ প্রতিবেগে দেহ হঠাতে বাহির হইয়া পড়িয়া যাইবে। দুই ঘামুখের ঐরূপ ব্যবস্থা করিতে হইবে। তাহার পর রোগীকে আর কোন বিপদ থাকিবে না এবং আর কাটিবারও দরকার হইবে না। আর যদি দেখেন রক্ত বিষ ক্র হইয়াছে তাহা হইলে নিম্নলিখিত রূপ ব্যবস্থা করিতে হইবে। ঘামুখে কিছুক্ষণ বিষ আধক থাকিবার সময় ঐ স্থলে বিষ একটি ডেলা (clot) প্রস্তুত করে। আর ঐ ডেলা দুই ঘামুখেই একটি করিয়া হয়। ঐ ডেলা ঘামুখের নিকটবর্তী শিরা (vein) দিয়া জোঁকের দ্বারা গতিতে উপরে উঠিত থাকে। ঐ ডেলা উঠিতে দেখা যাইবে। যেখানে ঐ ডেলা জোঁকের দ্বারা গতিতে উঠিতেছে অর্থাৎ ডেলাটি উঠিতেছে এবং একটু নীচে নামিতোছে দেখিবেন তৎক্ষণাৎ ঐ ডেলার কিছু উপর হঠাতে উহার মধ্য দিয়া কিছু নীচে অবধি গভীর করিয়া চিরিয়া দিবেন। দুইটি ডেলাই ঐরূপে চিরিতে হইবে। চিরিলে ক্ষিপ্ত-গতিতে ডেলা দুইটি বাহির হইয়া পড়িয়া যাইবে এবং রোগী বিষ-

মুক্ত হইবে আর চিরিবার বা কাটিবার দরকার হইবে না। যেখানে সেখানে কাটিলে কোন উপকার হইবে না, কেবল অনর্থক রক্ত মোক্ষণ করিয়া রোগীকে দুর্বল করা হইবে ও তাহাকে অস্বাভাবিক দেওয়া হইবে।

চক্রহীন সর্পদংশন চিকিৎসা

চক্রহীন সাপ নানা প্রকারের আছে, যথা—বোড়া, কানড়, কালাচ, রক্ত কানড়, সর্পরাজ (বা দোমুখো সাপ)। ভিন্ন ভিন্ন সাপের বিষের লক্ষণ বিভিন্ন প্রকার—যেমন বোড়ার কামড়াইলে যতদূর বিষ উঠিবে ততদূর দেহ ফুলিবে। কানড় সাপে কামড়াইলে শিবনেত্র হইবে। কালাচ সাপে কামড়াইলে যতদূর বিষ উঠিবে ততদূর এত স্পর্শকাতর হইবে যে, একটি মাঁচ বসিলেও ব্যথা হইবে হইবে। রক্ত কানড়ে কামড়াইলে যত দূর বিষ উঠিবে ততদূর লোমকূর্ণ দিয়া বিন্দু বিন্দু রক্ত বাহির হইবে। সর্পরাজে কামড়াইলে কিছুক্ষণ বাদে রক্তবমন হইবে। যে-কোন প্রকারের চক্রহীন সাপে কাটুক না কেন তাহার চিকিৎসা একই প্রকার।



সকল ষ্টেশনারী ও
ঔষধালয়ে পাওয়া যায়

কাবিতা রায় বলেন

নিয়মিত ব্যবহারে মুখ আরো
সুন্দর ও লাভণ্যময় হবে। রূপ
ও মলিনতা উঠে গিয়ে ত্বক
কমণীয় ও উজ্জ্বল করবে।

মন স্নাতাঙ্গো গন্ধে শুভপুত্র !

পরিবেশক:-
জি. দত্ত এণ্ড কোং
১০, বনফিল্ড লেন, কলিকাতা-১



উচ্চাঙ্গের কেসডী


তপতী ঘোষ

সর্বদা ব্যবহার করে থাকেন

লাক্স টয়লেট সাবান

“আমার মতে সূত্রতম, বিশুদ্ধতম সাবান”

আপনি এঁর কথা বিশ্বাস করতে পারেন; লাক্স টয়লেট সাবানের নিঃস্বলঙ্ক সূত্রতাই এর বিশুদ্ধতার পরিচায়ক এবং সেইজন্নেই এই সাবানটি আপনার ত্বক ভালভাবে রক্ষা করবে! আর লাক্সের ফেণা! সরের মত নরম ও সৌরভময় এই ফেণা ত্বককে পরিপূর্ণভাবে পরিষ্কার করে—এনে দেয় একটা তাজা ঝরঝরে ভাব। ধরচ সাশ্রয়ের জন্নে বড় সাইজের সাবান নিতে ডুলবেন না।



চিত্র - তারকা দে র
সৌন্দর্য
সাবান

কায়তে প্রস্তুত

চিকিৎসা—যদি কামড়াইবার সম্ভব পরেই উপস্থিত হইতে পারেন অর্থাৎ যদি বিষ বেশীদূর না উঠিয়া থাকে তবে ঐ স্থান কচি কলাপাতা দিয়া ঢাকিয়া সরাতে গুলের আশ্রয় করিয়া ঐ স্থানে কলাপাতার উপরে তাপ দিতে থাকিবেন। যখন তাপ দিতে দিতে প্রচুর ঘাম বাহির হইয়া যাইবে তখন আর বিপদ থাকিবে না।



ছোট ক্রিমিটোজের অব্যর্থ ঔষধ

“ভেরোনা হেলমিনথিয়া”

শৈশবে আমাদের দেশে শতকরা ৬০ জন শিশু নানা জাতীয় ক্রিমিটোজে, বিশেষতঃ ক্ষুদ্র ক্রিমিতে আক্রান্ত হয়ে ভগ্ন-বাহ্য প্রাপ্ত হয়, “ভেরোনা” জনসাধারণের এই বহুদিনের অস্ববিধা দূর করিয়াছে।

মূল্য—৪ আ: শিশি ভা: মা: সহ—২।০ আনা।

ওরিয়েন্টাল কেমিক্যাল ওয়ার্কস প্রাইভেট লি:

১১১ বি, পোবিন্দ আজলী রোড, কলিকাতা—২৭

ফোন: ৪৪—৪৪২৮

যখন চিকিৎসার সম্ভব উপস্থিত হইবেন তখন যদি বিষ অনেক দূর উঠিয়া দেহে ছড়াইয়া গিয়া থাকে ত নিম্নরূপ কবিত্তে হইবে।

রোগীকে শোয়াইয়া তাহার সমস্ত দেহে শুষ্ক ইন্ধুমাটি অর্থাৎ খুব (pulverised) শুষ্ক মাটি দিয়া মালিশ করিয়া তাহার লোম-কূপ সকল বন্ধ করিয়া দিয়া তাহার সমস্ত দেহ কখন বা লেপ দিয়া ঢাকিয়া দিবেন। কেবল কপাল খোলা থাকিবে। তাহার পর নূতন হাঁড়ি আশ্রয়ে খুব গরম করিয়া বেড়ী দিয়া রোগীর কপালের কিছু দূরে ধরিয়া ক্রমাগত তাপ দিতে থাকিবে। এই তাপ দিবার সময় রোগীর অসহ্য যন্ত্রণা হইবে ও পাল্লাইবার চেষ্টা করিবে। কিন্তু তাহাতে জরুপ না করিয়া তাপ দিতে থাকিবেন এবং দেখিবেন যে, তাহার সমস্ত শরীর হইতে প্রচুর ঘাম বাহির হইতেছে। ঐ ঘাম ঢাকা না খুলিয়া ক্রমাগত মুছাইয়া দিবেন। অনেকক্ষণ ধরিয়া এইরূপ তাপ দিলে ও প্রচুর পরিমাণ ঘাম নির্গত হইলে রোগীর বিষ বাহির হইয়া যাইবে এবং রোগী যদি চিকিৎসার পূর্বে অজ্ঞান হইয়া থাকে তাহার জ্ঞান হইবে, তাহার খোনা সুর স্বাভাবিক হইবে, চক্ষের দৃষ্টি স্বাভাবিক হইবে এবং সমস্ত বিপদ দূরীভূত হইয়া যাইবে।

সংক্ষেপে চিকিৎসা-প্রণালী লিখিত হইল।

এস্থলে আর একটি চিকিৎসা-প্রণালী সম্বন্ধে বলিবার আছে— এই প্রণালী মহেশচন্দ্র ভট্টাচার্য এণ্ড কোম্পানির “হোমিও-প্যাথক পারিবারিক চিকিৎসা” নামক পুস্তকের (পঞ্চদশ সংস্করণ) ৮০৭ পৃষ্ঠায় এইরূপ বর্ণিত হইয়াছে—“সাপে কামড়াইলে মূরগীর ছানার মলদ্বার বা তল্লিকটস্থ স্থান একটু চিবিয়া ঐ চেয়া অংশটি দষ্ট স্থানে লাগাইলে রোগীর শরীরস্থ বিষ ক্রমে ছানার মধ্যে প্রবেশ করিতে থাকিবে। এইরূপে একটির পর একটি কুকুট-শাবক বা মূরগীর ছানা বিধত হইয়া মৃত্যুমুখে পতিত হইতে থাকে। যতক্ষণ পর্যন্ত বিষ নিঃশেষ হইয়া না যায় ততক্ষণ ক্রমাগত মূরগীর ছানা লাগাইতে হইবে। বিষ নিঃশেষিত হইলে শেষের ছানাটি জীবিত থাকিবে।”

এই চিকিৎসা-প্রণালী ভ্রমাত্মক। ইহা দ্বারা সর্বদষ্ট রোগী বিষমুক্ত হইবে না এবং যদি তাহার রক্ত বিষত্ব হইয়া থাকে, তবে এইরূপে চিকিৎসা করিলে সে রোগী মরিবে। ঐরূপে মূরগীর ছানা ঘামুখে বসাইলে ছানাটি মরিবে নিশ্চয়ই, কেননা মানুষের রক্ত ও মূরগীর রক্ত ভিন্ন প্রকৃতির। ভিন্ন প্রকৃতির রক্তের সহিত মিলিত হইলে মূরগীর ছানা মরিয়া যায়। শেষের মূরগীর ছানাটি মরিবে না, তাহার কারণ দষ্ট স্থান হইতে রক্ত বাহির হওয়া বন্ধ হইয়া যায়—এ কারণে ভিন্ন প্রকৃতির রক্তের সহিত সংমিশ্রণ হইতে পারে না ছানাও মরে না।

দুই-তিন বৎসর পূর্বে এই প্রণালী সম্বন্ধে মহেশ-ভট্টাচার্য কোম্পানির ম্যানেজারকে আমি একাধিক



স্বাস্থ্যবান লোকেরা নিয়মিত
লাইফবয় সাবান দিয়ে
চান করে -

- এতে দৈনন্দিনের * ময়লা বীজাণু ধুয়ে সাফ করে দেয়!

* যে সব সাধারণ ময়লার সংস্পর্শে
আমরা প্রত্যহ আসি, তাতেও বীজাণু
থাকে আর তার থেকে রয়েছে আমাদের
প্রত্যেকেরই রোগের বিপদ। সেইজন্তে
স্বাস্থ্যবান লোক মাত্রেরই লাইফবয় সাবান
দিয়ে নিত্য ময়লা ও বীজাণু ধুয়ে নিজের
স্বাস্থ্য সুরক্ষিত রাখেন। লাইফবয় সাবান
সেই কারণে তাজা ভাব এনে দেয়।

বার পত্র লিখিত জানাই যে, প্রণালীটি স্ৰমস্বত্ব এবং তাহানিগকে
অস্বয়োধ করি যেন নূতন সংস্করণে উহার উল্লেখ না করা হয়।
এ সম্বন্ধে আমার চিঠির জবাব দেন।

“আচার্য যোগেশচন্দ্র”

শ্রীমঞ্জুলা সান্না

‘প্রবাসী’র গত ভাদ্র সংখ্যার আচার্য যোগেশচন্দ্র সম্পর্কে
শ্রীমঞ্জুলা সান্না সর্বকালের একটি সুলিখিত প্রবন্ধ প্রকাশিত হইয়াছে।
উক্ত প্রবন্ধ হইতে জানা যায় যে, যোগেশচন্দ্র প্রায় ছত্রিশ বৎসর
কটক রাভেনশ’ কলেজে অধ্যাপকের কাজ করেন। সুখময়বাবু
আবও লিখিয়াছেন—“কেমন করিয়া ষড়পড়া রাত্রে তিনি
(যোগেশচন্দ্র) ‘পঠানী সামন্ত’কে (চন্দ্রশেখর সিংহ সামন্ত) আবিষ্কার
করিলেন, সে কাহিনী বলিতে বলিতে তাহার নয়নধর উজ্জ্বল হইয়া
উঠিত।”—উড়িষ্যার বিদ্যানিধি মহাশয়ের বিপুল জনপ্রিয়তার কথা
শুনিয়াছি। ওড়িয়া সাহিত্যের দিকপাল স্বর্গীয় ককিরমোহন
সেনাপতি ত্রিশ বৎসরেরও পূর্বে যোগেশচন্দ্রকে এই বলিয়া আত্ম-
নিবেদন করিয়াছেন :

বনর মালতী পরি পঠানি সামন্তে
সে’তুখিলে যোগেশ তা চিহ্নিলে কেমনে ।
চি’ক্রম চিহ্নাই দিলে ভগৎ মধ্যর
জুহার যোগেশ ভাই জুহার জুহার ॥

অর্থাৎ, পণ্ডিতপ্রবর পঠানী সামন্ত বন-মালতী কুমুমসম
প্রসুটিত ছিলেন, হে যোগেশ তুমি তাহাকে চিনিলে কেমন করিয়া ?
নিজে তাহার রস আনন্দন করিলে এবং ভগৎকে সেই বিমল
পাণ্ডিত্যসমুখা পান করাইলে, হে ভাই যোগেশ, তোমাকে নমস্কার,
তোমাকে নমস্কার।

উড়িষ্যার যোগেশচন্দ্রের কর্মকীর্তির কথা আলোচিত না হইলে,
বাঙালী পাঠকের কাছে তাহার পরিচয় অসম্পূর্ণ থাকিবে।

— লভ্যই বাংলার গৌরব —

আ গ ড পা ড়া কু টী র শিল্প প্র তি ষ্ঠা নে র
গণ্ডার মার্কা

পেঞ্জী ও ইজের সুলভ অখচ সৌখীন ও টেকসই।

তাই বাংলা ও বাংলার বাহিরে যেখানেই বাঙালী
সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

ধাক—১০, আপার সার্কুলার রোড, দিল্লি, ক্রম নং ৩২,
কলিকাতা-২ এবং চাঁদমারী ঘাট, হাওড়া স্টেশনের সম্মুখে।

দি ব্যাঙ্ক অব বাঁকুড়া লিমিটেড

কোম : ২২—৩২৭২

গ্রাম : কৃষিসং

সেন্ট্রাল অফিস : ৩৬নং ষ্ট্র্যাণ্ড রোড, কলিকাতা

সকল প্রকার ব্যাঙ্কিং কার্য করা হয়
ফি: ডিপজিটে শতকরা ৪, ও সেভিংসে ২, সুদ বেগুনা হয়

আদায়ীকৃত মূলধন ও মজুত তহবিল ছয় লক্ষ টাকার উপর
চেয়ারম্যান : ডে: ম্যানেজার :

শ্রীজগন্নাথ কোলে এম,পি, শ্রীরবীন্দ্রনাথ কোলে
অফিস : (১) কলেজ স্কয়ার কাল: (২) বাঁকুড়া

ডোল প্রজেক্ট কোম্পানীর

স্বাদ ও ক্রমডের মলম

কিউটা-টোন স্বাদে বেদনা ও
চর্মা রোগের জন্য

নিম্ন মলম স্বাস পাচক ও
চর্ম রোগের জন্য

বরানগর
কলিকাতা ৩৫

শ্রীরামপুরের
এস.চক্রবর্তীর

স্বপ্নালা গোভিন
XX
নজর

ডোল প্রজেক্ট

লক্ষ্মী প্রজেক্ট

৪৩/১, ষ্ট্র্যাণ্ড রোড • কলিকাতা-৭

পুস্তক পরিচয়

সপ্তপর্ণ—কিরণশঙ্কর রায়। প্রকাশক—কে. এল. মুখোপাধ্যায়।
৮-১এ, বাম্পারাম অফিস লেন, কলিকাতা-১২। মূল্য ৩ টাকা।

রাজনীতিজ্ঞ কিরণশঙ্কর রায়কে অনেকে জানেন, সাহিত্যিক কিরণশঙ্কর এ যুগের পাঠকের কাছে একরকম অপরিচিত বলিলেই চলে। সপ্তপর্ণের পৃষ্ঠায় তাঁহার সাহিত্য-সাধনার সূত্রপাত এবং একমাত্র গল্পসংগ্রহের বই সপ্তপর্ণে সাহিত্য-কর্ণের স্বীকৃতি। নিদর্শন গল্পপরিমাণ হইলেও ইহারই মধ্যে লেখকের ভবিষ্যৎ প্রতিশ্রুতি ছিল, কিন্তু ওর্ডাগোর বিষয় রাজনীতির ঘূর্ণিবর্ধে সাহিত্যিক কিরণশঙ্কর অবলুপ্ত হইয়া গিয়াছেন। সপ্তপর্ণের সাতটি গল্পে তাঁহার রচনা-প্রতিভার পরিচয় পাওয়া যায়। ভাষার মাধুর্য, প্রকাশ-সংঘনে, প্রচ্ছন্ন ও নির্দোষ বাস্তবসম্মুখিত্যে কয়েকটি গল্প বৈশিষ্ট্যের দাবি করিত পারে। পরিবেশ ও চরিত্রসম্মুখিত্যে লেখকের নৈপুণ্য ত রহিয়াছেই, গল্প-পরিবেশন-ভঙ্গিটিও মার্জিত রচনার পরিচায়ক। রাজনীতিবিদ কিরণশঙ্করের ব্যক্তি-মানসের আর একটি পরিচ্ছন্ন দিকের প্রকাশ তাঁহার গল্প-সংগ্রহের একমাত্র বই সপ্তপর্ণ। ইহার সাহিত্যিক মূল্য স্বীকৃতিলাভ করিবে।

শ্রীরামপদ মুখোপাধ্যায়

যুক্তরাষ্ট্রের রাজনৈতিক পদ্ধতি—ডেভিড কামমান করেল। অনুবাদক—শ্রীগোতম গুপ্ত। পরিচয় পাবলিশার্স, ১৭৫-এ, পার্ক স্ট্রীট, কলিকাতা-১৭। মূল্য ২ টাকা, পৃষ্ঠা ১৮২।

পঞ্চদশ শতাব্দীর শেষ দশকে কলম্বাস (১৪৪৬-১৫০৬) আমেরিকা মহাদেশ আবিষ্কার করেন। স্পেনীয়গণ উত্তর আমেরিকার মেক্সিকো দেশে আক্রমণ ও দক্ষিণ আমেরিকার পেরুদেশে ইঙ্গ সভ্যতার সম্পর্কে আবিষ্কার ছিলেন। আজ আর এই সকল সভ্যতা বা জাতির চিহ্নমাত্র নাই বলিলেই চলে। ইহা ছাড়াও অল্প বহু জাতি এই বিরাট ভূখণ্ডে বাস করিত বাহাদুরগণকে সাধারণ ভাবে রেড ইন্ডিয়ান বলা হয়। কলম্বাসের এই ধারণাই ছিল যে, তিনি ইন্ডিয়া বা ভারত আবিষ্কার করিয়াছেন।

বর্তমান গ্রন্থে মার্কিন যুক্তরাষ্ট্রের রাজ্যীয় পদ্ধতি সম্বন্ধে বিস্তারিত বর্ণনা আছে। তিন শত বৎসরের এই নূতন দেশে উত্তর ইউরোপের বিভিন্ন জাতি বিশেষভাবে ইংরেজ ও ফ্রান্স প্রোটেষ্ট্যান্টগণ নানা কারণে পিতৃপিতামহের অমর্যমি তাপ করিয়া উপনিবেশ স্থাপন করিয়াছিল। প্রথমে ইংলণ্ডের উপনিবেশরূপে ইহার গঠন হইলেও, “স্বাধীনতা-যুদ্ধের” পর (১৭৭৬) বর্তমান যুক্তরাষ্ট্রে পরিণত হয়। বর্তমান যুক্তরাষ্ট্র পৃথিবীর শ্রেষ্ঠতম রাষ্ট্র। ইহার উন্নতি অল্পদিনে হইলেও এই প্রগতির ইতিহাস খুবই চিত্তাকর্ষক। ১৬০৭ হইতে ১৭৭৬ পর্যন্ত বাহা ছিল ব্রিটিশ উপনিবেশ আজ তাহা ৪৮টি রাষ্ট্রের সমন্বয়ে পৃথিবীর শ্রেষ্ঠতম গণতান্ত্রিক দেশ। যুক্তরাষ্ট্রের রাজনৈতিক গঠন কতকটা ইংলণ্ডের ছাচে হইলেও মূলতঃ ইহার প্রভেদ স্পষ্ট। একান্ত ইংলণ্ডের শাসন ‘পার্লামেন্টারি’ আর যুক্তরাষ্ট্রের ‘প্রেসিডেন্সিয়াল’। ইংলণ্ডের মন্ত্রীসভা পার্লামেন্টের নিকট দায়ী আর যুক্তরাষ্ট্রের মন্ত্রীগণ কংগ্রেসের নিকট দায়ী নহেন। তাঁহার রাষ্ট্রপতি কর্তৃক নির্বাচিত এবং তাঁহার নিকট দায়ী। ইংলণ্ডের রাষ্ট্রের প্রধান ক্ষমতাবাহী অধিকার রাজা বা রাণী, কিন্তু রাষ্ট্রীয় ক্ষমতা পার্লামেন্ট বা প্রধানমন্ত্রী তথা কেবিনেটের হাতে। কিন্তু যুক্তরাষ্ট্র রাষ্ট্রপতি জনসাধারণ কর্তৃক নির্বাচিত এবং জনসাধারণের নিকটই দায়ী এবং তিনি প্রকৃত ক্ষমতার অধিকারী। কংগ্রেস প্রতিনিধিসভা এবং সেনেট তাঁহার কার্য নিয়ন্ত্রণ করে সার। কোন কোন বিশেষ ক্ষেত্রে রাষ্ট্রপতির বিচার ও অপসারণের ব্যবস্থা অবশ্য আছে।

বর্তমান পুস্তকখানিতে ১৪টি অধ্যায়ে দলীয় রাজনীতি, দলীয় সংগঠন ও কার্যধারা, শাসনব্যবস্থা, কংগ্রেস, কংগ্রেসের কার্যপদ্ধতি, যুক্তরাষ্ট্রীয় আদালত, রাজ্য (States), স্থানীয় শাসনব্যবস্থা, সরকার ও ব্যবসায়ী, ব্যক্তির অধিকার, আমেরিকার দৃষ্টিভঙ্গীতে সরকার, বৈদেশিক সম্পর্ক এবং রাজনীতি ও গণতন্ত্র এই বিষয়গুলি বিশদভাবে আলোচিত হইয়াছে।

একজন আমেরিকান কর্তৃক লিখিত হইলেও পুস্তকখানিতে আলোচিত বিষয়গুলি খুব নিরপেক্ষভাবে বিচার করা হইয়াছে। নিজ দেশের ও জাতির দুর্বলতা সম্বন্ধে লেখক অন্ধ নহেন। আমেরিকার রাষ্ট্রীয় ব্যবস্থা এমনকি আদালতও সময়ের সঙ্গে সঙ্গে চলমান। ইহাকে মার্কিন জাতির বিশেষত্বও বলা যাইতে পারে। নিগ্রোর প্রতি ব্যবহার মার্কিন জাতির অন্তর্দারতার একটি নমুনা বলিয়া অনেকে উল্লেখ করিয়া থাকেন। কিন্তু নিগ্রোকে যে যেতজাতি দাসত্বের শৃঙ্খল পরাইয়াছিল, সেই যেতজাতিই তাহাকে শৃঙ্খল-মুক্ত করিয়াছে এবং তাহাকে সমমর্যাদা দিবার জন্য সে দেশের প্রতিনিধিসভা চেষ্টা করিতেছেন। যে-কোন জাতির পক্ষে সংস্কার ত্যাগ বা পায়বর্জন করা খুবই কঠিন। মার্কিন জাতির পক্ষেও ইহা সত্য।

ভারতের সংবিধান রচনার যুক্তরাষ্ট্রের গণতন্ত্র হইতে সাহায্য লওয়া হইয়াছে। আমাদের সরকারের দায়িত্ব পার্লামেন্টারি হইলেও আমাদের রাষ্ট্রীয় কাঠামো যুক্তরাষ্ট্রীয় ধাঁচের। অবশ্য ভারতের গঠনতন্ত্র পূর্ণাঙ্গ কাহারও অনুলকরণ নহে। প্রত্যেক সংবিধানেই কিছু না কিছু ত্রুটি দেখা যায়। জাতির প্রতিভা এই সকল ত্রুটিবিচুতি এড়াইয়া চলে। একথা সত্য মার্কিন দেশ রাজনীতির নামে বহু দুর্নীতি চলিতেছে। আমাদের দেশেও গণতন্ত্র প্রতিষ্ঠার পর হইতে এই সকলের তিক্ত অভিজ্ঞতা হইতেছে। মার্কিনের ইতিহাস হইতে আমাদের অনেক কিছু শিখিবার আছে। যুক্তরাষ্ট্র নূতন দেশ হইলেও গণতন্ত্রের পরীক্ষা এখানে শতাধিক বর্ষ ধরিয়া চলিয়াছে। যুক্তরাষ্ট্র ব্যক্তিগত এবং ধনতান্ত্রিক একথা স্বীকার করিলেও তাহার নিকট হইতে অনেক কিছু ভারতের শিখিবার আছে যদিও কংগ্রেসের আদর্শ ভারতে সমাজতন্ত্রের ভিত্তিতে দেশসংগঠন।

একটি সুন্দর অনুবাদ-গ্রন্থ দ্বারা বাংলা রাজনৈতিক সাহিত্য পরিপূর্ণ হইবে। আমরা এই পুস্তকের বহুল প্রচার কামনা করি।

শ্রীঅনাথবন্ধু দত্ত

শ্রী শ্রীনাদলীলামৃত—শ্রীশ্রীসীতারাম দাস ওকারনাথ।
প্রকাশক—শ্রীবিমলকৃষ্ণ বিহার্য, শ্রীরাম-আশ্রম, ডুমুরদহ, হুগলী।
মূল্য ৪ টাকা।

সৃষ্টির পূর্বে এক ব্রহ্মই ছিলেন। তাঁহার বখন সৃষ্টি করিতে ইচ্ছা হইল প্রথমে আকাশ সৃষ্টি হইল, আকাশ হইতে বায়ু, বায়ু হইতে তেজ, তেজ হইতে জল, জল হইতে ক্রিত। সৃষ্টির সময় মহাকাশে যে প্রথম স্পন্দন হইয়াছিল তাহাই প্রণব (ওঁকার) বা নাদ। ইহার অপসর নাম শব্দব্রহ্ম। নাদই ব্রহ্মের প্রথম অভিব্যক্তি। ইহা হইতে সমস্ত জগৎ সৃষ্টি হয়। একান্ত বলা হইয়াছে “নাদ্ এষ মহৎব্রহ্ম”। নাদ বা ওঁকার ব্রহ্মের একটি নাম।

উপনিষদ বলিয়াছেন,

সর্বে বেদা যৎপদনামনন্তি

তপাংসি সর্বাণি চ ক্ং বদন্তি

যদ্বিজ্ঞাতো একঃখ্যঃ চরতি

তদেপং সংগ্রহেণ ব্রহ্মীব্যোমিতোতং

কর্ত্বাপনিবন্ ১২।৫

"সমগ্র বেদে বাহ্যকে পাইবার উপায় বলা হইয়াছে, সমগ্র উপজ্ঞান বাহ্যিক উপদেষ্টে করা হয়, বাহ্যকে পাইবার ইচ্ছায় এককর্মে অনুষ্ঠান করা হয়, তোমাকে সংক্ষেপে তাহা বলিতেছি—ইহা হইতেছে ওম"। ঐক্যের তিন ভাগ—অ-উ-ম। বিধে সর্বদা ঐক্য-ধ্বনি হইতেছে, সাধনা করিলে সেই অসাহিত্য ধ্বনি শুনিতে পাওয়া যায়। এই সাধনার প্রেষ্ঠ মন্ত্র "সোহ" বা "হংসঃ"। মূলবর্ণ "হংস"। তাহা হইতে অকার হইতে ককার পর্যন্ত সকল বর্ণ উৎপন্ন হয়। "হংস" মন্ত্র জপ করিতে হইলে "স"কারের সহিত নিঃশ্বাস ত্যাগ করিতে হয়, "হং"কারের সহিত নিঃশ্বাস গ্রহণ করিতে হয়। এই মন্ত্র জপ করিয়া সমাধি লাভ করা যায়। সমাধি হইলে "আমি আছি" এ ভাবও থাকে না। বিষয়-আসক্তি ত্যাগ করিয়া, অল্প আহার অভ্যাস করিয়া নির্জনে অবস্থানপূর্বক সাধনা করিতে হয়। গুরুর উপদেশ লইয়া সাধনা না করিলে অনিষ্ট হইতে পারে। যখন বর্ণশিক্ষাতেও গুরুর প্রয়োজন, তখন যোগাভ্যাসে যে গুরু প্রয়োজন তাহাতে সন্দেহ কি? অর্ধ-রাত্রিকালে হস্তযারা কর্ণ আচ্ছাদন করিয়া নির্জন স্থানে বসিয়া থাকিলে প্রথমে বিবিধ ধ্বনি শোনা যায়, পরে প্রণবধ্বনি শোনা যায়। প্রত্যাহার, ধারণা, ধ্যান,— ইহার যোগের অঙ্গ। ইন্দ্রিয় দ্বারা বিষয় গ্রহণ না করাকে প্রত্যাহার বলা হয়। শুভ আশয়ে চিত্তস্থাপনের নাম ধারণা। অবিস্মিত প্রত্যয়ের প্রবাহকে ধ্যান বলে। পুস্তকখানিতে গুরু-শিষ্যের প্রয়োজনরক্ষা এই সকল বিষয় আলোচিত হইয়াছে। উপরন্তু কুণ্ডলিনী শক্তি কি, তাহাকে কিভাবে জাগ্রত করিতে হয়, জাগ্রত হইলে তাহার গতি কিরূপ,—এই সকল কথাও আলোচনা করা হইয়াছে। পুস্তকখানিতে উপনিষদ, পুরাণ সংহিতা এবং যোগ সংক্ষেপে বিবিধ গ্রন্থ হইতে বহু বাক্য এবং অনেক সাধু, মহাত্মা ও সাধকের বাণী উদ্ধৃত করা হইয়াছে। মহানহোপাধ্যায় শ্রীগোপীনাথ কবিরাজ এম্-এ ডি-লিট মহাশয় এই গ্রন্থের পাণ্ডিত্যপূর্ণ ভূমিকা লিখিয়া দিয়াছেন। বাহ্যিক যোগমার্গে সাধনা সংক্ষেপে তৎকথা জানিতে চাহেন তাহাদের পক্ষে এই গ্রন্থ বিশেষ মূল্যবান।

শ্রীবসন্তকুমার চট্টোপাধ্যায়

মিঠে কড়া—মৈনাক। দাশরূপ প্রকাশন ৩, রমানাথ মজুমদার ষ্ট্রীট, কলিকাতা-২। মূল্য ২৫০।

এই গল্পগ্রন্থে বারোটি গল্প স্থানলাভ করিয়াছে। গল্পগুলি মিয়া এবং কড়া দু'রকমেরই। সুতীক্ষ্ণ বাঙ্গা এবং পরিহাসের ছলে লেখক বর্তমান কালের সামাজিক জটিল-বিচ্যুতির পানে পাঠকের দৃষ্টি আকর্ষণ করিবার চেষ্টা করিয়াছেন এবং সে চেষ্টা কতকটা সফল হইয়াছে।

সোয়েদান—শ্রীবিনয়রঞ্জন সেনগুপ্ত। প্রকাশিকা—শ্রীমতী পূর্ণিমা সেনগুপ্ত। ২৩, বেলতলা রোড, কলিকাতা-২৬। মূল্য ২১০ টাকা।

নূতন আঙ্গিকে লেখা উপজ্ঞান। "সোয়েদান" লেখকের কল্পনা-সৃষ্টি ছোট একটি দীপ। পৃথিবীর মানচিত্রের কোথাও ইহার অস্তিত্ব নাই, কিন্তু লোক-চক্ষুর অভ্যুত্থানে এমনি একটি দীপের অবস্থিতি নিতান্ত অসম্ভব নয়। এই দীপকে কেন্দ্র করিয়া উপজ্ঞানের নারক সাংবাদিক চন্দ্রকমল এমন এক স্বপ্ন-রাজ্য গঠনের কল্পনা করে—যে রাজ্যে চোরা কারবারী থাকিবে না, পেশাদার রাজনৈতিকের ষড়যন্ত্র থাকিবে না। উপজ্ঞানের সূচনা কিন্তু কলিকাতা শহরে এবং সমাপ্তি "সোয়েদানের" উদ্দেশ্যে যাত্রা করায়। এই সময়ের মধ্যে চন্দ্রকমলের জীবনে দেখা দিল স্বতনমণি, নরেন ডাক্তার, মলি, প্রতিমা এবং আরও অনেকে। চন্দ্রকমল মলিকে ভালবাসিল কিন্তু পাইল না—নরেন ডাক্তারের বিধিমন্ত্রিত পান চন্দ্রকমলের পরিবর্তে হত্যা করিল মলিকে। প্রতিমা মনেপ্রাণে কামনা করিল চন্দ্রকমলকে, কিন্তু ঘটনা-বিপর্যয়ে তাহাকে উন্মাদ হইতে হইল। উপজ্ঞানে বিচ্ছিন্ন এবং বিক্ষিপ্ত ঘটনাগুলিকে একসঙ্গে

পাশাপাশি সাজাইয়া দেওয়া হইয়াছে। স্থানে স্থানে অসঙ্গতি আছে, আবার মাঝে মাঝে সহজ ভাবের পদ্যে বর্ণনা জীবন্ত হইয়াও উঠিয়াছে।

শ্রীবিভূতিভূষণ গুপ্ত

বুঁই—শ্রীকুমুদচন্দ্র চক্রবর্তী। প্রকাশক শ্রীমতীকন্যা গুপ্তাচার্য। জয়নগর মজিলপুর, ২০-পরগণা। দাম দু টাকা।

উপজ্ঞান। প্রধান চরিত্র বুঁই। তারই নামানুসারে গ্রন্থখানির নাম-করণ করা হইয়াছে। পটভূমি মাতলা নদীতীরস্থ হাটসর্ব্বথ বাসুন্দী গ্রাম। লেখক প্রধান চরিত্র ও তার পটভূমির বিকাশ পাশাপাশি দেখাবার চেষ্টা করেছেন, কিন্তু সফল হন নি। গ্রন্থখানি পড়তে পড়তে বার বার বৈধব্যচ্যুতি ঘটে, স্থানে স্থানে ঘটনা ও সংলাপ অসংলগ্ন এবং অর্থহীন। ভাষা আড়ষ্ট তার উপর ছাপার ভুল বিস্তর—তবে কাহিনীটির উপজীব্য ভাল এবং লেখকের দৃষ্টিভঙ্গীও উদার।

শ্রীখগেন্দ্রনাথ মিত্র

শান্তির বারতা—প্রথম খণ্ড, দ্বিতীয় খণ্ড, তৃতীয় খণ্ড—গ্রেহময় বক্ষসারী সংকলিত এবং বারাণসী স্বরূপানন্দ ষ্ট্রীটস্থ "অ্যাচক আশ্রম" হইতে প্রকাশিত। মূল্য প্রতি খণ্ড দেড় টাকা।

শ্রীমৎ শ্রীমতী স্বরূপানন্দ পরমহংস বিখ্যাত কর্মযোগী, তিনি তরুণ বয়স হইতে ত্যাগের পথ অবলম্বন করিয়াছেন এবং দেশ ও জাতির দুঃখ-দুর্দশা দূরীকরণার্থে দুর্ভিক্ষ, প্রাণে, মহামারীতে অকাত্ত পরিশ্রম করিয়া আসিতেছেন। তাহার অ্যাচক বৃত্তির আদর্শে উদ্বুদ্ধ বহু নরনারী তাহার অনুপ্রেরণা হইয়া ব্রতী হইয়াছেন। দেশের বহু স্থানে শ্রীমতীজীর প্রতিষ্ঠিত আশ্রম সর্বদা ধর্মের সেবার ও জনহিতকর কর্মে নিয়োজিত। দেশেয় পল্লীতে পল্লীতে ভ্রমণকালে যেখানে যেখানে সংসারী সভায় ও সমবেত উপাসনা-ক্ষেত্রে সংসার দাবদন্ধ নরনারীর প্রাণে শান্তিবর্ষণকারী ধর্মনীতি ও সমাজ-নীতি প্রভৃতি বিষয়ে এই মহান কর্মযোগী এবং তাহার শিক্ষাপ্রাপ্ত ভক্তদের মধ্যে কেহ কেহ মনন মূল্যবান ভাষণ দিয়াছেন, সেসবেরই অধিকাংশ সংগ্রহক্রমে প্রথম খণ্ডের ১৩৮ পৃষ্ঠায়, দ্বিতীয় খণ্ডের ১৫৬ পৃষ্ঠায় এবং তৃতীয় খণ্ডের ১০৭ পৃষ্ঠায় প্রায় চারি শত 'বারতা' পরিবেশিত হইয়াছে। পরমার্থ-সঙ্গীত, নামকীর্তন, স্তবাদি, কবিতা এবং কোন কোন স্থানের অভিনন্দনাদিও খণ্ডদ্বয়ে স্থান পাইয়াছে। দীক্ষা, নামের মহিমা, সমবেত উপাসনা, নারী-জাগরণ, দাম্পত্যজীবন, জীবনের কতকটা সমাজের পবিত্রতা রক্ষা, প্রণব উপাসনা, ইষ্টনিষ্ঠা, ধর্মই ভারতের প্রাণ, ভক্তিই পরমপুরুষার্থ, কুন্দের শক্তি ইত্যাদি বিষয়ক উপদেশাবলী অন্তর্ভাবনযোগ্য।

শ্রীউমেশচন্দ্র চক্রবর্তী

তপুর নিকৃতি—শ্রীনরেশচন্দ্র রায়। প্রকাশক—শ্রীনিত্যানন্দ নাহা। ২০২, কর্ণওয়ালিশ ষ্ট্রীট। পৃ. ৮২; মূল্য দেড় টাকা।

তপুর নিকৃতি ছোটদের একখানি উপজ্ঞান। তপনকুমার ওরফে তপু আশাম-প্রবাসী বাঙালী ডাক্তারের পুত্র, শৈশবে অতিমাত্রায় কোতূহলী, ঘোবনে জনকলাপে উৎসর্গীকৃত জীবন। মহৎ উদ্দেশ্যে সম্পন্ন গৃহস্থের কিছু কিছু জিনিস তাদের অগোচরে সংগ্রহ করা সে অথবা তার দলের কোন ছেলে অস্তায় বলে মনে করে না। চরিত্র-সাহায্যে এই জটিল মনে হয়। আদর্শবাদের মাধ্যমিক্যে কাহিনীর রস কুর হয়েছে।

শ্রীতারপদ রাহা



প্রবাসী প্রেস, কলিকাতা

তীর্থযাত্রী
শ্রীনীহাররঞ্জন সেনগুপ্ত




১৯৪৪ সালের ১১
 ১৩ জুলাই ১৯৪৪

ইন্ডোপীয়াৰ সত্ৰাট, হাইলে মেলাসী



শিল্পী—৩৮ক্ষিতীশচন্দ্ৰ বিখাস বাগচী
 প্রতিকৃতি



“সত্যম্ শিবম্ সুন্দরম্
নারসাম্বা বলহীনেন লভ্যঃ”

১৩শ ভাগ
২য় খণ্ড

পৌষ, ১৩৬৩

৩য় সংখ্যা

বিবিধ প্রসঙ্গ

পশ্চিমবঙ্গে নির্বাচন প্রসঙ্গ

সাধারণ নির্বাচনের দিন ত ঘন হওয়া আসিতেছে। সাধারণ লোকে এই ব্যাপারটার গুরুত্ব গতবারে আদৌ বুঝিতে পারে নাই। কেহ-বা পার্টি হিসাবে, কেহ-বা “সরকার জুড় হউক” এই ইচ্ছায়, আবার কেহ-বা নিজের অপরিণতবুদ্ধি সন্তান-সন্ততির উদ্ধার প্রয়োচনায় ভোট দিয়াছিলেন। আবার অতি বুদ্ধিমান যাঁহারা তাঁহারা কোন ভোটই দেন নাই সকল প্রার্থী কষ্ট বঞ্চিত করার জন্য, এবং তাহাতে নিজেদের যে কি ক্ষতি হইবে সে কথা ভাবিবার চেষ্টাও করেন নাই, দিবানিত্রা ও বিজয় মত চটল মতামত প্রকাশ করিয়া ছুটি উপভোগ করিয়াছিলেন। এই অতি-বুদ্ধিমানদের মূর্খতার ফলে ভোটদান ব্যাপারটা গ্রহসনে দাঁড়ায় অনেক স্থলে, যাচার ফল আমরা আজ ভুগিতেছি।

ইংরেজী প্রবাদ আছে যে “দেশের লোকের যোগ্যতা অনুযায়ীই সে দেশের শাসনসম্পন্ন গঠিত হয়।” ইহা অতি সত্য এবং ইহাও সত্য যে, শাসনসম্পন্ন সম্বন্ধে সাধারণের অধিকার প্রয়োগ ও ব্যবহারের সুযোগ আমরা পাঁচ বৎসরে একবারমাত্র ব্যাপক ভাবে পাই। অর্থাৎ, আজ যাঁহাদের আমরা নির্বাচিত করিব তাঁহারা আগামী পাঁচ বৎসর যদি জীবিত ও চলচ্ছিত্তযুক্ত থাকেন তবে তাঁহাদের সকল কার্যকলাপের ওভাওভ ফলাফল আমাদের পাঁচ বৎসর ধাবরা ভোগ করিতেই হইবে। তাঁহাদের দোষে যদি দেশের লোক দুঃখবস্থা প্রাপ্ত হয় তবে তাহার প্রতিকার অতি অটল পথে করিতে হইবে এবং অনেক ক্ষেত্রে দেখা গিয়াছে যে, প্রতিকার-চেষ্টায় আরও বিঘ্নের ফলই ফলিয়াছে।

সুতরাং আমাদের নির্বাচনের পূর্বেই ভাবিয়া দেখিতে হইবে যে, গত নির্বাচনের পর হইতে আমাদের সকলের, অর্থাৎ বাংলার জনসাধারণের—বিশেষে পশ্চিমবঙ্গভূমির সন্তানবর্গের—অবস্থা কোন পথে গিয়াছে এবং সে-পথে বাওয়ার কারণ কি?

দোষগুণ বিচারেও আমাদের বুদ্ধি প্রয়োগ করা উচিত, শুধু গাজলিয়া স্বেপান আওড়াইয়া অর্কাটীনের জায় “বত দোষ নন্দদোষ” হাঁকিলেই চলিবে না। সরকারের যদি দোষ থাকে তবে সেটা বিচার করিয়া, নির্ণয় করিয়া তাহার প্রতিকারের চেষ্টা করা অবশ্যপ্রয়োজন, কিন্তু পায়ের আলা মিটাইতে গিয়া আরও অযোগ্য লোককে নির্বাচিত হওয়ার সুযোগ দিলে-কতির পদবিদ্যাপ বাড়িয়াই যাইবে, প্রতিকার কিছুমান হইবে না, শুধু ঝাল

কাটির কুমীর আনাই হইবে। এবং এই কাজই আমরা কতকটা করিয়াছিলাম বিগত নির্বাচনে, অযোগ্য সরকারের বিরুদ্ধে অযোগ্য-তর প্রতিদ্বন্দ্বী নির্বাচিত করিয়া। ফলে, আজ যদি বলি সরকারী দলের শতকরা ৯৫ জন অযোগ্য, সেই দল বলিবে প্রতিপক্ষের শতকরা ১০০ জনই অযোগ্যতর।

সেই জগত সময় থাকিতে বিচার করা প্রয়োজন যে, নির্বাচনের “বাঘে মহিষের লড়াইয়ে” জনসাধারণরূপী উলুখড়ই ধ্বংসের পথে আরও অগ্রসর না হয়। শুধু টিকেট বা ছাপ দেগিয়াই ভোট দেওয়ার এই বিশদের আশঙ্কা খুবই আছে। সেই কারণে সাধারণের প্রথমেই জানা দরকার—কোন কোন দলে কি কি বকম লোক প্রার্থীরূপ পাঠানো হইতেছে। কংগ্রেসের ছাপ থাকিলেই সে লোক যে যতদূর গন্ধীর বা পণ্ডিত নেতৃত্বের পথের পথিক হইবে না একথা যেমন সত্য, কংগ্রেস-বিরোধী হইলেই সে যে দখীচতুল্য স্বার্থহীন আত্মত্যাগী হইবে সে কথাও সমান সত্য।

কংগ্রেস যে জাহা’রামে চলিয়াছে সে কথা সবাই জানে ও বলে, কিন্তু সেরূপ হওয়ার কারণ আমাদের নিজের ভুল-মত বৃত্ত অথবা অপোগণ্ড শিশুতুল্য “নিজের নাক কাটির পরের যাত্রাভঙ্গ” করার প্রবৃত্তি।

অনেক বিদগ্ধ চূড়ামণি আছেন যাঁহারা বলিবেন, “ঠগ বাড়িতে গাঁ উজাড়” করিয়া লাভ কি? দেশে যোগ্য লোক যদি না থাকে তবে কপালে যে দুঃখ আছে তাহা ঘটিবেই। তাঁহাদের নিকট আমাদের বিনীত প্রশ্ন এই যে, বুদ্ধিবৃত্তি গুণ-দোষ ইত্যাদিতে দেশের লোকের মধ্যে ইতরবিশেষ কি কিছুই নাই? অপেক্ষাকৃত ভাল ত আছে, যদি সর্বগুণযুক্ত সর্বদোষযুক্ত কেহই না থাকে। অন্ততঃপক্ষে দোষ-গুণ বিচার করিতে যদি আমরা অগ্রসর হই তবে দলগুলিতেও কিছু সাজা পড়িবে ত?

আমাদের বুঝা উচিত আমরা, অর্থাৎ বাঙালী, আজ কোথায় দাঁড়াইয়াছি। কন্নী ও শ্রমিকের ক্ষেত্রে সারা ভারতে বাঙালীর স্থান একমাত্র বোধ হয় আসামের উপর, অস্ত সকল প্রদেশের নীচে। বুদ্ধিজীবীর ক্ষেত্রেও আমাদের স্থান সপ্তম বা অষ্টম। ব্যবসায়গিজের কথা বলা বুঝা। আমাদের এই নিম্নাঙ্ক অবনতি হইয়াছে নানা কারণে, যাচার মধ্যে অন্যতম হইল অযোগ্য লোককে প্রতিনিধি ও বপাজরূপে নির্বাচন।

আগামী সাধারণ নির্বাচন

১৯৫৭ সনের ২৫শে কেব্রুয়ারী হইতে ১২ই মার্চ পর্যন্ত ভারতের দ্বিতীয় সাধারণ নির্বাচন অনুষ্ঠিত হইবে—১৩ই ডিসেম্বর নয়াদিল্লীতে অনুষ্ঠিত এক সাংবাদিক সম্মেলনে প্রধান নির্বাচন কমিশনার শ্রীশুকুমার সেন ঘোষণা করেন। বিভিন্ন রাজ্যের নির্বাচনের সঠিক তারিখ পরে জানানো হইবে। দিল্লীর গায় মুদ্র রাজ্যে একদিনেই নির্বাচন সম্পন্ন হইবে—অগাধ অপেক্ষাকৃত বৃহদাকার রাজ্যে তিন-চার দিন করিয়া লাগিবে। কেবলমাত্র হিমাচল প্রদেশে নির্বাচন-অনুষ্ঠানে বিলম্ব হইবে— কারণ মার্চ মাসের তুষারপাতেব সময় এখানে নির্বাচন-অনুষ্ঠান সম্ভব নাও হইতে পারে।

জানুয়ারী মাসের তৃতীয় সপ্তাহে মনোনয়নপত্র দাখলের জ্ঞান প্রাধান্যকে আহ্বান জানানো হইবে। ৩১শে মার্চের মধ্যেই নির্বাচনের সম্পূর্ণ ফলাফল প্রকাশ করা যাইবে বলিয়া শ্রীসেন অভিযুক্ত প্রকাশ করেন। কয়েকটি ক্ষেত্রে তাহার পূর্বেও ফলাফল ঘোষণা করা যাইতে পারে।

আগামী নির্বাচনের জ্ঞান আঠার কোটি সত্তর লক্ষ নাগরিক ভোটার তালিকাভুক্ত হইয়াছেন। প্রথম নির্বাচনে ভোটার তালিকাভুক্ত নাগরিকের সংখ্যা ছিল সত্তর কোটি পঞ্চাশ লক্ষ— তন্মধ্যে শতকরা এক-দুই জন কার্যতঃ ভোট দিয়াছিলেন। নির্বাচনে আটশ লক্ষ ব্যালট বাস্তব বাবস্থিত হইবে।

রাজ্য বিধানসভাগুলিতে নির্বাচনের জ্ঞান ২,৫১৮টি নির্বাচন-কেন্দ্র (৫৮৩টি দুই-আসন বিশিষ্ট কেন্দ্রসহ) হইতে ৩,১০২ জন সদস্য নিৰ্বাচিত হইবেন। এই আসনগুলির মধ্যে ৪৭০টি আসন তপশীলভুক্ত জাতিসমূহের জ্ঞান এবং ২২১টি আসন তপশীলভুক্ত উপজাতিদিগের জ্ঞান সংরক্ষিত থাকিবে। এইবার তিন-সদস্য বিশিষ্ট কোন নির্বাচন-কেন্দ্র থাকিবে না।

লোকসভার ৪৮১টি আসনে প্রতিদ্বন্দ্বিতা হইবে—তন্মধ্যে ৭৪টি আসন তপশীলভুক্ত জাতীয় এবং ২৯টি আসন তপশীলভুক্ত উপজাতীয় প্রতিনিধিদিগের জ্ঞান সংরক্ষিত থাকিবে।

আগামী নির্বাচনের পর পাল্লামেন্টে এবং রাজ্য বিধানসভাগুলিতে তপশীলভুক্ত জাতি ও উপজাতীয়দের প্রতিনিধিসংখ্যা বর্তমান হইতে বৃদ্ধি পাইবে।

ভারতীয় অর্থনীতির ধারা

সংযুক্ত বাণিজ্য সমিতির সম্প্রতি যে বাৎসরিক অধিবেশন হইয়া গেল তাহাতে বিদায়ী সভাপতি ভারতীয় অর্থনীতির বেসরকারী ক্ষেত্রের তরফ হইতে কয়েকটি বিশেষ মূল্যবান মন্তব্য করিয়াছেন ; ইহাদের মধ্যে তিনটি উল্লেখযোগ্য। মিঃ জেক্সনের প্রথম অভিযোগ এই যে, ভারতবর্ষে ব্যক্তিগত আয়করের হার অত্যধিক এবং ইহার ফলে উৎপাদনশীল মূলধন যথোচিত পরিমাণে সৃষ্ট হইতেছে না। ত্রিটলে আয়করের হার অত্যধিক হওয়ার দরুন মূলধন ও

ব্যক্তিগত প্রতিভা উভয়েই দেশ ছাড়িয়া বিদেশে চলিয়া বাইতেছে। তিনি বলেন যে, ভারতবর্ষেও আয়করের উচ্চ হার বর্তমান থাকিলে অল্পমত বিদেশে ভারতীয় মূলধন ও প্রতিভার বহির্মুখী গতি প্রাধান্য লাভ করিবে। ইহার উত্তরে কেন্দ্রীয় অর্থমন্ত্রী শ্রীকুমারচাট্টা অবশ্য বলিয়াছেন, ব্যক্তিগত সম্পত্তি কিংবা মূলধনের বিত্তমতা রক্ষা করিতেই হইবে এমন কোন নীতির সমর্থক তিনি নহেন। অর্থমন্ত্রীর এই উক্তি অবশ্যই অর্থহীন, কারণ ভারতবর্ষে এখন পূর্ণ সমাজতান্ত্রিক নীতি গৃহীত হয় নাই এবং মিশ্র অর্থনীতি স্বীকৃত হইয়াছে, তখন সেই অবস্থায় অর্থমন্ত্রীর এই উক্তি নিরর্থক। মূলধনের বিদেশ যাত্রা সম্বন্ধে মিঃ জেক্সন যে উক্তি দিয়াছেন তাহা অবশ্য বিদেশী মূলধন সম্বন্ধে প্রযোজ্য। দেশী মূলধনের পক্ষে বিদেশে যাওয়া সম্বন্ধে কিছু কিছু বাধা-নিষেধ আছে। কিন্তু দেশী মূলধনের পক্ষে বিদেশ যাওয়া সম্ভবপর না হইলেও তাহার সামর্থ্য ও প্রয়োগ হ্রাস পাইতে বাধ্য।

বিদেশী মূলধন যাহাতে এদেশে আসে তাহার জ্ঞান কেন্দ্রীয় সরকার বহুপ্রকারে আহ্বান জানাইয়া আসিতেছেন। কিন্তু বাস্তব-ক্ষেত্রে সরকারী বিধিনিষেধের বেড়াঙ্কাল এমন ভীতিপ্রদ ভাবে বিস্তারলাভ করিতেছে যে, বিদেশী মূলধন এই দেশ ছাড়বার জ্ঞান সচেষ্ট। নূতন বিদেশী মূলধনের এই দেশে আসাও সহজসাধ্য নহে, কারণ এই ব্যাপারেও বহুপ্রকার নিয়ন্ত্রণ-বাবস্থা আছে। কেন্দ্রীয় নূতন কর ধারা দ্বারা যেভাবে ঘোষণা কোম্পানীগুলির উৎস আমানতের উপর হস্তক্ষেপ করা হইবে তাহাতে বিদেশী মূলধন আতঙ্কগ্রস্ত হইতে বাধ্য। আর ব্যাক আইনের সংশোধনে দেশী মূলধনও শিল্পোন্নয়ন অপেক্ষা চোরাকারবারের দিকে অধিক মনোযোগী হইবে।

ভারত সরকার অবশ্য নিজ পক্ষ সমর্থনে বলিতে পারেন যে, সম্প্রতি কিছু পরিমাণ বিদেশী মূলধন ভারতবর্ষে আসিয়াছে। কিন্তু ইহার কারণ প্রকৃতপক্ষে অর্থনীতি নহে—রাজনীতি। ভারতের গণতান্ত্রিক শাসনের কাঠামো বজায় রাখার জ্ঞান পৃথিবীর অধিকাংশ দেশই আগ্রহান্বিত, সুতরাং তাহারা বেসরকারী শিল্প মূলধনকে ভারতে আসার জ্ঞান উৎসাহিত করে, বিদেশী বেসরকারী শিল্প-মূলধনের অভাবে বিদেশী রাষ্ট্রগুলিকে মূলধন সরবরাহ করিতে হয়—যেমন করিতে হইতেছে কলম্বো পরিকল্পনা কিংবা আমেরিকার কারিগরী অর্থসাহায্য-বাবস্থায়। সুতরাং বেসরকারী মূলধনের ভারতে আগমনের পিছনে তাহাদের সংশ্লিষ্ট রাষ্ট্রগুলির উৎসাহদানও নিহিত। এই অবস্থাকে ভারত সরকার অল্পভাবে গ্রহণ করিয়া যেন তাহার অপব্যবহার না করেন।

ভারত সরকার যদি মনে করেন যে, বিদেশী মূলধনের কোম প্রয়োজন নাই, তাহা হইলে ইহার আগমন বন্ধ করিয়া দিতে পারেন। কিন্তু দ্বিতীয় পঞ্চবার্ষিকী পরিকল্পনাত্তেও প্রায় আট শত কোটি হইতে বার শত কোটি টাকার মত বিদেশী অর্থ-সাহায্যের প্রত্যাশা করা হইয়াছে। ভারত সরকারের উচিত

বিদেশের দ্বারে দ্বারে না ঘুরিয়া নিজের অবস্থা অনুসারে পরিকল্পনা ব্যবস্থা গ্রহণ করা, তাহা হইলে আর বিদেশী মূলধনের প্রত্যাশার থাকিতে হয় না। কিন্তু ভারতের নিজের আর্থিক সম্পদের এত অভাব যে, বৈদেশিক সাহায্য ব্যতীত ভারতীয় অর্থনৈতিক পরিকল্পনা প্রায় অর্ধেকই বাতিল করিয়া দিতে হয়।

মিঃ জেকবের দ্বিতীয় অভিযোগ—ভারতীয় আমলাতান্ত্রিক ক্ষমতার বিস্তৃতির বিরুদ্ধে। সরকারী কর্মপ্রচেষ্টার বিস্তৃতির সঙ্গে সঙ্গে যে আমলাতান্ত্রিক ক্ষমতার বৃদ্ধি হইবে তাহা অবশ্যস্বাভাবী, যদিও ক্ষমতামালা ও অনিয়ন্ত্রিত আমলাতন্ত্র ধনিকতন্ত্রের সামিল। ত্রীকুমারচাঁদী অবশ্য আমলাতন্ত্রের ক্ষমতার বৃদ্ধিকে সমর্থন করিয়াছেন, কিন্তু দিন দিন ইহার মধ্যে যে পদদাচার ও অনাচার বৃদ্ধি পাউতেছে সে সম্বন্ধে যথোচিত পন্থা অবলম্বন করা প্রয়োজন। মিঃ জেকবের তৃতীয় অভিযোগ এই, বর্তমান ভারতবর্ষে সরকারী ও বেসরকারী অর্থনৈতিক কর্মক্ষেত্রে এমন বিধাবিভক্ত ভাবে দেখা হয় যে তাহাতে এই দুইটি ক্ষেত্রে পরস্পরের প্রতিদ্বন্দ্বী কিংবা প্রতিযোগী হিসাবে প্রতিদ্বন্দ্বী করা হয় এবং ইহার ফলে দুইটি ক্ষেত্রের উদ্দেশ্যের সমন্বয় সাধিত হয় না। কিন্তু আমাদের বক্তব্য এই যে, যদিও এই দুইটি ক্ষেত্র পরস্পরবিরোধী নহে, তথাপি ভারতের সমাজতান্ত্রিক আদর্শের পরিপ্রেক্ষিতে ইহাদের মধ্যে পার্থক্য থাকিতে বাধ্য।

নূতন করধার্য

কেন্দ্রীয় অর্থমন্ত্রী সম্প্রতি কয়েকটি নূতন বিষয়ে করধার্য ঘোষণা করিয়াছেন। ইহাদের মধ্যে মূলধন বৃদ্ধির উপর করস্থাপন ও অতিরিক্ত আয়করের হার বৃদ্ধি উল্লেখযোগ্য। এই নূতন করধার্য সম্বন্ধে ভারতীয় জনমত বিভক্ত এবং তাহা খুবই স্বাভাবিক। বিরোধীপক্ষের মতে বৎসরের মাঝখানে এইপ্রকার করধার্য অত্যন্ত অর্থোক্তিক ও অস্বাভাবিক, বিশেষতঃ এই করগুলি হইতে মোট আয় বৃদ্ধি হইবে মাত্র ১৬ কোটি টাকা। আর বাহারা সমর্থন করেন তাঁহারা বলেন যে, ১৬ কোটি টাকা আয়কর বৃদ্ধি নেহাত অল্প নহে এবং ইহা পূর্বেই হওয়া উচিত ছিল। যুদ্ধের সময়ে ও তাহার অব্যবহিত পর হইতেই জমি ও বাড়ী প্রভৃতির মূল্য অসম্ভব বৃদ্ধি পাইয়াছে এবং হস্তান্তর দ্বারা বহুলোক অগাধ সম্পত্তির মালিক হইয়াছে ও হইতেছে। সুতরাং ধনবৃদ্ধিকর বহু পূর্বেই ধার্য হওয়া প্রয়োজন ছিল। এই কর এত বিলম্বে ধার্য করা হইয়াছে যে, স্থাবর সম্পত্তির কেনাবেচার হিড়িক এখন কমতির দিকে। তাই এই কর সম্বন্ধে অভিযোগ ইহার নির্দায়নের জন্ত নহে, ইহা নির্দায়নে বিলম্বের জন্ত।

পৃথিবীর প্রায় সকল দেশেই ধনবৃদ্ধিকর ব্যবস্থা আছে, ছিল না ভারতবর্ষে। ধনবৃদ্ধিকর একটি নূতন প্রকার কর ব্যবস্থা নহে, ইহা আয়করের গোষ্ঠীভুক্ত। ধনবৃদ্ধিকে বাদ দিয়া আয়করের ধার্য্য নিরূপণ সম্ভব নহে।

নূতন কর স্থাপনের কৈকিয়ত হিসাবে বলা হইয়াছে যে, দ্বিতীয় পঞ্চবার্ষিকী পরিকল্পনার সরকারী ক্ষেত্রে মোট খরচ ৪,৮০০ কোটি টাকা হইতে আরও প্রায় ৫০০ শত কোটি টাকা অধিক হইবে। এই খরচ মঙ্গলানের জন্ত করবৃদ্ধি অবশ্যস্বাভাবী হইয়া উঠিয়াছে। ভারতে পরিকল্পিত অর্থনীতির প্রভাবে শিল্পায়ন হইয়াছে ও হইতেছে, সমাজে ধনিকশ্রেণীর আয়বৃদ্ধি পাইয়াছে এবং মুনাফার হার বৃদ্ধি হইতেছে, এই অবস্থায় শিল্পক্ষেত্রে ধনবৃদ্ধিকর আপত্তিজনক হইতে পারে না। জমি এবং বাড়ী সম্বন্ধে এই কথা প্রযোজ্য জনসাধারণের আয়বৃদ্ধির ফলে বৃদ্ধিত চাহিদার দরুন জমি ও বাড়ীর মূল্য অসম্ভব বৃদ্ধি পাইয়াছে। মূল্যবৃদ্ধির হার প্রায় সাত-আট গুণ, আবার কোন কোন স্থানে ইহারও অধিক। গ্রামাঞ্চলে বহুমুখী পরিকল্পনার (multipurpose projects) ফলে ও নদী-পরিকল্পনার প্রভাবে জমির মূল্য বৃদ্ধি পাইয়াছে। এই অবস্থায় "betterment levy" কিংবা উন্নয়নকর বর্ধার্থভাবেই নির্দায়নযোগ্য; উন্নয়নকর ও ধনবৃদ্ধিকরের মধ্যে নীতিগত পার্থক্য কিছু নাই বলিলেও চলে।

কলিকাতার টালিগঞ্জ, বিজেন্ট পার্ক, সাদার্ন এভিনিউ ও কঁকুলিয়া, ফার্ম রোড প্রভৃতি এলাকার আইনসম্মত ভাবেই বহু পূর্বে "betterment levy" ধার্য করা উচিত ছিল। মুদ্রাস্ফীতি ও ক্রমিক হারে জীবন-মান উন্নয়নের ফলে সমস্ত প্রকার সম্পদেরই মূল্য বৃদ্ধি পাইয়াছে ও পাইতেছে। বর্তমান অর্থনৈতিক পরিকল্পনা ব্যক্তিগত আয়বৃদ্ধি তথা ব্যক্তিগত সম্পত্তির মূল্যবৃদ্ধির জন্ত বহুলাংশে দায়ী, সুতরাং এই অবস্থায় রাষ্ট্র যদি বৃদ্ধিত সম্পদমূলের কিছু অংশ কর হিসাবে গ্রহণ করেন তাহাতে অর্থোক্তিক ও উন্নয়ন কিছু নাই।

১৯৫৬ সনের ১লা এপ্রিলের পর হইতে ধনবৃদ্ধির উপর আয়করের হারে কর স্থাপিত হইয়াছে। সম্পত্তি জাতীয়করণ কিংবা অন্ততাবে হস্তান্তরকরণে যে আয় হইবে, অংশীদারী ব্যবসা বিক্রয়ের ফলে কিংবা বসতবাড়ী অন্ততঃপক্ষে সাত বৎসর অধিকারে রাখার পর যদি বিক্রয় করা হয় তাহা হইলে এই সকল আয় ধনবৃদ্ধিকরের আওতার পড়িবে।

বর্তমান আইন অনুসারে ব্যক্তিগত আয়ের ক্ষেত্রে ১৫,০০০ টাকা পর্যন্ত সম্পত্তির মূল্য বিবর্ধন করসাপেক্ষ নহে। নূতন আইনে এই সীমা হ্রাস করিয়া দিয়া ৫,০০০ টাকা পর্যন্ত করা হইতেছে। অর্থাৎ ইহার অতিরিক্ত মূল্য বিবর্ধনের জন্ত কর দিতে হইবে। কিন্তু নিম্ন আয়কারী ব্যক্তিদের জন্ত আরও কিছু সুবিধা দেওয়া হইয়াছে। ইহাদের ক্ষেত্রে ধনবৃদ্ধিসম্মত বাৎসরিক মোট আয় যদি ১০,০০০ টাকার অধিক না হয় তাহা হইলে ইহাদের ধনবৃদ্ধিকর দিতে হইবে না। প্রস্তাবিত ধনবৃদ্ধিকর সম্বন্ধে শেষকালে কিছু সুবিধা দেওয়া হয়। বাড়ীর বিক্রয়মূল্য যদি ২৫,০০০ টাকার কম হয় তাহা হইলে বিক্রয়কালে কর দিতে হইবে না, অর্থাৎ যদি তাহার দুইটির অধিক বাড়ী না থাকে।

ঠেলিয়া রাখিবার একটি অলিখিত নিয়ম চালু করা হইয়াছে। সেই জন্তই রাজ্যের মধ্যেও অধিকাংশ শিল্প-প্রতিষ্ঠানে আজ আর বাঙালী যুবকের চাকুরি মিলে না।

পরিস্থিতি এইরূপ জটিল আকার ধারণ করিয়াছে যে, রাজ্য-সরকারকে এই সম্পর্কে একটি বিবৃতি পর্যাপ্ত প্রচার করিতে হইয়াছে। অজ্ঞাত রাজ্যে নিজ নিজ রাজ্যের অধিবাসীদিগকে বর্ষে নিয়োগ-ব্যাপারে অগ্রাধিকার দানের জন্ত বহু পূর্বে হইতেই সরকারী নির্দেশ প্রচলিত ছিল—পশ্চিমবঙ্গে তাহা ছিল না, এখনও নাই। তথাপি নিয়োগকারীদের সঙ্কীর্ণতা আজ সকল শিল্পেই একরূপ প্রকট হইয়াছে যে, পশ্চিমবঙ্গ সরকার তাহাতে বিচলিত হইয়াছেন।

ভারতবর্ষ ও আন্তর্জাতিক ব্যাঙ্ক

প্রায় দুই মাস পূর্বে বিশ্বব্যাঙ্কের প্রেসিডেন্ট মি ব্লাক যখন ভারতীয় অর্থমন্ত্রীর নিকট লিখিত চিঠিতে সরকারী অর্থনীতি বিষয়ে কিছু সমালোচনা করেন তখন এদেশে তাঁহার চিঠি সম্বন্ধে বহু বিরুদ্ধ মন্তব্য করা হয়। কিন্তু গত ১৫ই নবেম্বর মিঃ ব্লাক শ্রীকৃষ্ণমাচারীর নিকট যে চিঠি লিখিয়াছেন তাহাতে প্রতীয়মান হয় যে, বিশ্বব্যাঙ্ক ভারতবর্ষকে অর্থনৈতিক সাহায্য করিতে আগ্রহান্বিত। এই চিঠিতে বর্তমানে চারটি পরিকল্পনাকে সাহায্য করিবার জন্ত সিদ্ধান্ত জানানো হইয়াছে। এই চারটি পরিকল্পনার মধ্যে ভারতীয় ইম্পাত শিল্পকে (মাটিন বান) সম্প্রতি দুই কোটি ডলার ঋণ দেওয়া হইয়াছে। পূর্বে এই কোম্পানীকে সাড়ে তিন কোটি ডলার ঋণ দেওয়া হইয়াছে। দ্বিতীয় ঋণ দেওয়া হইবে রেলপথ উন্নয়নের জন্ত; এই কারণে আগামী জানুয়ারী মাসে বিশ্বব্যাঙ্ক একটি কমিশন ভারতীয় রেলপথ পরীক্ষার জন্ত আসিবে। তৃতীয়তঃ, অজ্ঞাত স্থলপথ যানবাহনের উন্নতিকল্পে বিশ্বব্যাঙ্ক ১৯৫৭ সনের এপ্রিল মাসে একটি অনুসন্ধান কমিশন প্রেরণ করিবে, এবং তাহাদের অনুসন্ধান অনুসারে ঋণ দেওয়া হইবে। চতুর্থ ঋণ দেওয়া হইবে নদী-পরিকল্পনাগুলির জন্ত। যথা : কখনা রিহাণ্ড, দামোদর ভ্যালির দুইটি নুতন পরিকল্পনা ও বোম্বাইয়ের ট্রেব জল-বিদ্যুৎ উৎপাদনের যন্ত্রপাতির জন্ত।

বিশ্বব্যাঙ্কের ইঞ্জিনিয়ারগণ বর্তমানে বেংকোয় কয়লা জল-বিদ্যুৎ পরিকল্পনা সম্বন্ধে তথ্যসূত্র জান করিতেছেন। ইহাদের রিপোর্ট প্রাপ্তির পর বিশ্বব্যাঙ্ক তাহার সিদ্ধান্ত ভারত সরকারকে জানাইবে। যে-সকল পরিকল্পনা বিশ্বব্যাঙ্ক যুক্তিযুক্ত বলিয়া মনে করিবে কেবলমাত্র তাহাদের জন্তই ঋণ দিবে। আজ পর্যাপ্ত বিশ্বব্যাঙ্ক ভারতবর্ষকে ২২৪৮ মিলিয়ন ডলার (অর্থাৎ, প্রায় ১১২ কোটি টাকা) ঋণ দিয়াছে কিংবা ঋণ দেওয়ার সিদ্ধান্ত গ্রহণ করিয়াছে। ঋণগুলি যথাক্রমে এইরূপ : রেল-ইঞ্জিন পরি-কল্পনা ৩২৮ কোটি ডলার; ট্রান্সমিট ও কুবিয়ল কর বাবদ ৭৫ লক্ষ ডলার; বোম্বাই জল-বিদ্যুৎ পরিকল্পনা ১৮৫ কোটি ডলার; ভারতীয় ইম্পাত শিল্প ৩১৫ কোটি ডলার; দামোদর পরিকল্পনা

১২৫ কোটি ডলার; টাটা ইম্পাত-শিল্প ৭৫ কোটি ডলার; ভারতীয় ইম্পাত-শিল্প ২ কোটি ডলার; ট্রেব জলবিদ্যুৎ পরিকল্পনা ১ কোটি ডলার ও ভারতীয় শিল্পদান সমিতিতে ১ কোটি টাকা। আন্তর্জাতিক ব্যাঙ্কের সুদের হার বৎসরে শতকরা চার টাকা, সাড়ে চার টাকা।

পণ্যদ্রব্য রপ্তানীর বিপদ

দেশে ভোগপণ্য প্রস্তুতির যে সকল প্রতিষ্ঠান বেসরকারী মালিকের হাতে আছে, তাহার কোনটাই দেশের লোকের সেবার জন্ত নহে। তাহা মালিক ও শ্রমিকের মধ্যে বণ্টনের ব্যবস্থা করিয়া দেশের জনসাধারণের বিস্তৃত পকেট আরও হালকা করার ব্যবস্থা মাত্র। সুতরাং শ্রীদেশাইয়ের নিয়ন্ত্রিত বিবৃতিতে কাহারও আশঙ্ক হওয়ার কারণ নাই।

“নয়াদিল্লী, ১৮ই নবেম্বর—ভারত সরকারের বাণিজ্য এবং ভোগ্যপণ্য শিল্পমন্ত্রী শ্রীমোহরাজী দেশাই অদ্য ব্যবসায়ীদিগকে বলেন যে, কোন পণ্যদ্রব্যের অভাব ঘটিতে পারে বলিয়া লোকের মনে যাহাতে ভয় না জন্মে তাঁহারা যেন তৎপ্রতি লক্ষ্য রাখেন। ব্যবসায়ীগণ যদি এই কাজ করেন তাহা হইলে দেশের ভিতরে জিনিষপত্রের মূল্যবৃদ্ধির প্রবণতা প্রতিরুদ্ধ হইবে।

শ্রীদেশাই রপ্তানি উপদেষ্টা পরিষদের বৈঠকে বলেন যে, “যদি এই কাজ করা যায় তাহা হইলে আমরা আমাদের রপ্তানি-বাণিজ্যের অবস্থারও উন্নতিসাধন করিতে পারি। গত নয় মাসের রপ্তানি-বাণিজ্যে আমাদের বিশেষ লাভ হয় নাই বলিয়া আমার মনে হয়।

শ্রীদেশাই তাঁহার সংক্ষিপ্ত বক্তৃতার মূখ্যবন্ধে বলেন, রপ্তানি-বাণিজ্যের সমস্যা সম্পর্কে এখন তিনি কিঞ্চিৎ আস্থা সহকারে তাঁহার বক্তব্য বলিতে পারেন; কারণ গতকল্য আমদানী উপদেষ্টা পরিষদের বৈঠকে সভাপতিত্ব করিবার পর তিনি এ বিষয়ে আরও কিছু জ্ঞান লাভ করিয়াছেন।

তিনি আরও বলেন, আমাদের দেশের জনসাধারণের কোন-প্রকার অসুবিধা না ঘটাইয়া, আমরা কি ভাবে আমাদের রপ্তানির অবস্থার সবচেয়ে বেশী উন্নতিসাধন করিয়া সর্বাপেক্ষা অধিক পরিমাণে বৈদেশিক মুদ্রা অর্জন করিতে পারি—ইহাই এখন আমাদের প্রধান সমস্যা। আমাদের রপ্তানির পরিমাণ বৃদ্ধি করা প্রয়োজন, কারণ আমাদের দ্বিতীয় পঞ্চবার্ষিক পরিকল্পনা কার্যে পরিণত করিতে হইলে ইহা না করিয়া উপায় নাই।

দেশীয় পণ্যের উপর দেশের লোকের চাহিদা বৃদ্ধি পাইলে আভ্যন্তরীণ দ্রব্যমূল্যের মানবৃদ্ধির যে ঝোঁক দেখা যায়, বাণিজ্য-মন্ত্রী শ্রী ডি. পি. কারমারকার রপ্তানি উপদেষ্টা পরিষদের বৈঠকে তাহা উল্লেখ করেন।

এই সম্পর্কে তিনি আরও বলেন, যদি এই চাপ বৃদ্ধি পাইতে থাকে এবং ইহার ফলে আভ্যন্তরীণ মূল্য বাহিরের মূল্যের সহিত তাল রাখিয়া চলিতে না পারে তাহা হইলে এইরূপ আশঙ্ক করা অসম্ভব নহে যে, রপ্তানি-বাণিজ্যের উন্নতিসাধনের জন্ম আমরা যে চেষ্টা করিতেছি আমাদের সেই চেষ্টা ব্যাহত হইবে

পারে। সুতরাং আমাদের বর্তমান অবস্থার ভিতরে যে সমস্ত অন্তর্নিহিত অসুবিধা আছে তাহা আমরা কিভাবে দূর করিয়া সর্বাধিক চেষ্টায় আত্মনিয়োগের উপযোগী অবস্থা সৃষ্টি করিতে পারি তাহা চিন্তা করিয়া দেখা প্রয়োজন।

অতঃপর জীকারমাত্কার বলেন, দ্বিতীয় পঞ্চবার্ষিক পরিকল্পনায় শিল্প-সম্প্রসারণের জগৎ বিদেশ হইতে প্রয়োজনীয় স্রব্বাদি আমদানী করিতে আমাদের যে পরিমাণ বৈদেশিক মুদ্রার প্রয়োজন হইবে, আমাদের বর্তমান আয়ের দ্বারা তাহার সঙ্কলন করা সম্ভবপর না হইলেও আমাদের সাধাৎসারে সর্কাপেক্ষা অধিক পরিমাণে বৈদেশিক মুদ্রা অর্জনের জগৎ চেষ্টা করা কর্তব্য।

এই বৎসরের প্রথম নয় মাসে আমাদের বস্ত্রানি-বাণিজ্যের অবস্থা বিশেষ আশাপ্রদ হয় নাই। বস্ত্রানি-বাণিজ্যের অঙ্কুর্ভুক্ত কয়েকটি পণ্যস্রব্বের বৈদেশিক মূল্যমান হ্রাস পাওয়াই ইহার জগৎ আংশিকভাবে দায়ী বলিয়া মনে হয়।

চৌ-এন-লাই-এর ভারত সফর

ভারত সরকারের আমন্ত্রণক্রমে চীনের প্রধানমন্ত্রী এবং পররাষ্ট্র-মন্ত্রী চৌ-এন-লাই এবং সহকারী প্রধানমন্ত্রী হো লুঙ ২৮শে নবেম্বর ভারতে আগমন করেন। ৮ট ডিসেম্বর পর্যন্ত দশ দিন এই দুই চীনদেশীয় রাষ্ট্রবিদ ভারতে অবস্থান করিয়া বিভিন্ন স্থান পরিদর্শন করেন।

২৮শে নবেম্বর নয়াদিল্লীর পালাম বিমানঘাঁটিতে অবতরণের পর বিমান ঘাঁটিতে সমবেত জনসম্মেলন উদ্দেশ্য করিয়া চীনের প্রধান-মন্ত্রী চৌ-এন-লাই বলেন যে চীন এবং ভারতের নেতৃবৃন্দের মধ্যে সংযোগস্থাপন করিয়া এশিয়া এবং সমগ্র বিশ্বে শান্তি প্রতিষ্ঠার জগৎ সম্মিলিত ভাবে অধিকতর চেষ্টা করাই তাঁহাদের ভারত আগমনের উদ্দেশ্য। তিনি আশা প্রকাশ করেন যে, তাঁহাদের ভারত আগমনের ফলে ভারত ও চীনের জনগণের মধ্যে সৌহার্দ বৃদ্ধি পাইবে।

২৯শে নবেম্বর ভারতীয় পার্লামেন্টের উভয় কক্ষের এক সম্মিলিত অধিবেশনে ভাষণদান প্রসঙ্গে চৌ-এন-লাই বলেন, ভারতের মত মহান রাষ্ট্রকে প্রতিবেশীরূপে পাইয়া চীনের অধিবাসীরা নিজেদের গৌরবান্বিত মনে করে। ফরমোসা সমস্যার সমাধানের এবং রাষ্ট্রসংজ্ঞা চীনের প্রবেশাধিকারের প্রাঞ্চে নিবন্ধিত ভাবে ভারত যে দৃঢ় সমর্থন জ্ঞাপন করিয়া আসিতেছে তাহার জগৎ ভারতের প্রতি চীনের সরকার ও জনসাধারণের কৃতজ্ঞতা জানাইয়া চৌ-এন-লাই বলেন যে, সার্কভৌমত্ব এবং আঞ্চলিক সংহতিরক্ষার সংগ্রামে ভারতকে চীন সরকার এবং চীনের জনসাধারণ সর্কাপ্রকার সাহায্য করিবে। ওয়াশিংটন মহলের অভিমতে কাশ্মীরকে ইজিত করিয়াই চৌ-এন-লাই উক্ত মন্তব্য করেন।

চৌ-এন-লাই বলেন, ভারত ও চীনের রাজনৈতিক এবং অর্থ-নৈতিক ব্যবস্থার মধ্যে পার্থক্য রহিয়াছে। ভারত ও চীনের পররাষ্ট্র-নীতিও সর্কাঙ্গীণরূপে এক নহে। কিন্তু এই সকল পার্থক্য দ্বারা উভয়

রাষ্ট্রের মধ্যে ক্রমবর্দ্ধমান সহযোগিতার পথে অন্তরায় সৃষ্টি হওয়া উচিত নয়। যুদ্ধের আশঙ্কা দূরীকরণের কাজে ভারত ও চীনের ঐক্যের বিশেষ প্রয়োজনীয়তার উপর জোর দিয়া চৌ-এন-লাই বলেন, বর্তমান আন্তর্জাতিক সম্পর্কের ক্ষেত্রে একটি রাষ্ট্রের উপর অপর রাষ্ট্রের ইচ্ছা চাপাইয়া দেওয়ার চেষ্টা শেষ পর্যন্ত যে কার্যকরী হইবে না, ইতিহাস তাহাই প্রমাণ করিবে।

পঞ্চশীল ও বান্দুঙ মনোভাবের প্রতি তাঁহার সমর্থন জ্ঞাপন করিয়া চীনা প্রধানমন্ত্রী বলেন যে, উহা দ্বারা কেবলমাত্র চীন ও ভারতের সমস্যাবলীর সমাধান এবং উভয় রাষ্ট্রের মধ্যে মৈত্রীবৃদ্ধিই নয়, এশিয়া এবং সমগ্র বিশ্বে শান্তিপ্রতিষ্ঠার ক্ষেত্রে অধিকতর প্রচেষ্টা সম্ভব হইবে। এইরূপে আমরা শান্তিপূর্ণ সহ-অবস্থান ও বন্ধুত্বপূর্ণ সহ-যোগিতার দৃষ্টান্ত প্রতিষ্ঠা করিতে এবং বিশ্বশান্তি আরও শক্তিশালী করিয়া তুলিতে পারি।

চৌ-এন-লাই আরও বলেন যে, মিশর হইতে সম্পূর্ণভাবে বিদেশী সৈন্য প্রত্যাহার কার্যকরী করা এবং মিশরের স্বাধীনতা ও সার্কভৌমত্ব পুনঃপ্রতিষ্ঠার ব্যাপারে চীন ভারতের সহিত সম্মিলিত ভাবে কাজ করিতে ইচ্ছুক। ইন্দোচীন এবং কোরিয়া যুদ্ধের শান্তিপূর্ণ মীমাংসা, শান্তিপূর্ণ সহ-অবস্থিতি সম্পর্কে পঞ্চশীল প্রণয়ন এবং এশিয়া-আফ্রিকা সম্মেলন আহ্বানের ক্ষেত্রে ভারতের অমূল্য-দানের প্রশংসা করিয়া চৌ-এন-লাই বলেন যে, ভারত-চীন চীনের নিকট অত্যন্ত মূল্যবান।

চৌ-এন-লাই বলেন, ঐক্যই বল, মিশরীয় সঙ্কট প্রমাণ করিয়াছে যে, শীঘ্র রাষ্ট্রগুলির মধ্যে অধিকতর ঐক্য প্রয়োজন।

৩০শে নবেম্বর দিল্লীর বামলীলা ময়দানে অনুষ্ঠিত এক নাগরিক সংবর্দ্ধনার উত্তরে চৌ-এন-লাই বলেন, যে সকল সাম্রাজ্যবাদী রাষ্ট্র এত দিন অগাধ দেশকে পদানত করিয়া রাখিয়াছিল, তাহাদের চূড়ান্ত অবলুপ্তির পূর্বে নাভিস্বাস উঠিয়াছে। অথচ মজার ব্যাপার এই যে, এ অবস্থায়ও তাহারা তাহাদের প্রভুত্ব বজায় রাখার প্রাঞ্-পণ চেষ্টা করিতেছে এবং মরণকামড় দিতে ছাড়িতেছে না। মিশরের ঘটনার তাহারই প্রমাণ পাওয়া বাইতেছে।

২ই ডিসেম্বর কলিকাতার ময়দানে এক নাগরিক সংবর্দ্ধনার উত্তরে চৌ এন-লাই বলেন, “বহু ক্ষেত্রেই ভারত যে চীন হইতে অনেক অগ্রসর—এই পরিচয় আমরা পাইয়াছি। চীনকে ভারতের নিকট হইতে গভীরভাবে শিক্ষা লইতে হইবে।” তিনি বলেন, “বৈজ্ঞানিক ক্ষেত্রে আপনারা আমাদের তুলনার অধিকতর সাফল্য অর্জন করিয়াছেন। শিল্পের ক্ষেত্রে আপনাদের অনেক আধুনিক যন্ত্রপাতি আছে। আপনাদের শিল্প-পরিচালনা ব্যবস্থা যথেষ্ট নিপুণ, জনসংরক্ষণ ব্যবস্থা, গৃহনির্মাণ শিল্প, চিকিৎসাবিজ্ঞান ও চিকিৎসার শিল্প আপনারা সাফল্য অর্জন করিয়াছেন। সংস্কৃতি ও শিল্পকলার ক্ষেত্রে আপনাদের কীর্তি অসামান্য।”

তাঁহার ভারত সফরের শেষ দিনে অনুষ্ঠিত উক্ত জনসভায় চৌ-এন-লাই বলেন, “আমি ও আমার সহকর্মীরা আপনাদের নিকট

হইতে যে মহান ও সাদর-সংবর্ধনা পাইয়াছি তাহার জ্ঞ প্রথমেই আন্তরিক ধন্যবাদ জানাইতে চাই। চীনের জনসাধারণের পক্ষ হইতে আপনাদের ভ্রাতৃত্বমূলক অভিনন্দন জানাইতেছি। গত ১২ দিনে আমরা বেখানেই গিয়াছি—দিল্লী, পুনা, বোম্বাই, বাদ্রালোর, মাদ্রাজ, চিত্তবঞ্জন বা সিন্ধি সর্বত্র আমরা ভারতের জনসাধারণের সাদর অভ্যর্থনা লাভ করিয়াছি। এখন ভারত হইতে বিদায়গ্রহণের পূর্বমুহূর্ত্তে আমরা পুনরায় এক বিশাল ও উদ্দীপনাময় সাদর অভ্যর্থনা লাভ করিলাম। আমাদের কৃতজ্ঞতা ভাষায় প্রকাশ করা কঠিন। যখনই দেখি যে, ভারত ও চীনের পতাকা উড়াইয়া ও 'হিন্দী চীনা ভাই ভাই' ধ্বনিত্তে রাজ-পথ যুগ্মিত করিয়া হাজার হাজার ভারতবাসী আমাদের পক্ষে অভিনন্দন জানায়, তখনই বুঝিতে পারি যে, ইহা কোনও মতেই কূটনৈতিক সৌজ্ঞ বা নিয়মামুগ ভঙ্গতা হইতে পারে না। ইহা এই দুই মহান জাতির হৃদয়ের গভীরে নিহিত দৃঢ় মৈত্রীবন্ধনের অভিব্যক্তি ছাড়া আর কিছুই নহে। সেই বন্ধুত্বই আমাদের বিরাট শক্তির উৎস।"

চৌ-এন বলেন, স্বরণাতীত কাল হইতে ভারত ও চীনের মধ্যে সৌহার্দ প্রতীতি হইয়াছে। সহস্র বৎসর আগে বিখ্যাত পরি-ব্রাজক ফা-হিয়েন ও হিউয়েন-সাঙ ভারতের নিকট জ্ঞান ও শিক্ষার অন্বেষণে আপনাদের এই সুন্দরী বঙ্গভূমিতে আসিয়াছিলেন। একই সময়ে বাংলাদেশের বিজ্ঞ মুগাণী বিশিষ্ট পণ্ডিতগণ চীনদেশে গমন করিয়াছিলেন। যদিও এই দুই দেশের ঘনিষ্ঠ সম্পর্ক ঔপনিবেশিক আঘাতে একদা বিচ্ছিন্ন হইয়াছিল তথাপি স্বাধীনতার জ্ঞ আমাদের সাধারণ সংগ্রামে আমাদের দুই দেশের জনসাধারণের মধ্যে পারস্পরিক সহায়তা ও সম্প্রীতিকে দৃঢ়তর করিয়াছে। ত্রিশ বৎসর পূর্বে বাংলার মহান দেশপ্রেমিক ও কবি রবীন্দ্রনাথ চীনদেশে এই সহায়-ত্ব ও সম্প্রীতির বাণী বহন করিয়া লইয়া গিয়াছিলেন।

"অবশেষে যখন আমরা উপনিবেশিক দাসত্ব হইতে মুক্ত হইয়া জাতীয় স্বাধীনতা অর্জন করিলাম, তখন যে সকল দেশ আমাদের সর্বপ্রথম স্বীকৃতি দিয়াছিলেন, ভারত তাহাদের অন্ততম।"

চৌ-এন ভারত ও চীনের মধ্যে পারস্পরিক জ্ঞানবিনিময়ের উপর বিশেষ জোর দেন, কারণ পারস্পরিক জ্ঞান ব্যতীত পারস্পরিক সম্প্রীতি তখনও দীর্ঘস্থায়ী হইতে পারে না।

মিশরে সাম্রাজ্যবাদী আক্রমণের নিন্দা করিয়া এবং মিশর হইতে অবিলম্বে সকল আক্রমণকারী সৈন্য অপসারণের দাবি তুলিয়া চৌ-এন বলেন, "মিশরের জনসাধারণের সংগ্রাম-ঔপনিবেশিকতাবাদের বিরুদ্ধে এশিয়া ও আফ্রিকার জনসাধারণের সংগ্রামের উচ্চতর তরঙ্গ। আমরা মিশরের জনসাধারণের যত্ন ও বীরত্বপূর্ণ সংগ্রামের দৃঢ় সমর্থন করি। মিশরের সার্বভৌমত্ব রক্ষার্থে ভারতের সরকার ও জনসাধারণ অবিচলিত যে নীতি গ্রহণ করিয়াছে, তাহার সহিত আমরা সম্পূর্ণ একমত। চীনের সরকার এবং জনসাধারণ এই সমস্ত পরিপূর্ণ সহায়তার জ্ঞ ভারতের সঙ্গে

হাত মিলাইতে এবং সমস্ত শান্তিকামী দেশগুলির ও জনগণের সহিত ঐক্যবন্ধ প্রচেষ্টা করিতে প্রস্তুত। ঔপনিবেশিকতাকে পরাভূত করিবার জ্ঞ এবং যুদ্ধের আশঙ্কাকে দূর করিবার জ্ঞ আন্তর্জাতিক সংগতি আরও দৃঢ় করা অত্যন্ত প্রয়োজন। ভারত ও চীন এই দুই জাতির মধ্যে যে মহান বন্ধুত্ব ও ঐক্য আমরা ভারতবর্ষে দেখিয়াছি তাহা এই বিষয়ে আশ্ববিধাস প্রবলভাবে বর্ধিত করিয়াছে।"

কলিকাতার নাগরিকগণের পক্ষ হইতে চৌ-এনকে সংবর্ধনা জ্ঞাপন করিয়া কলিকাতার মেয়র শ্রীমতীশচন্দ্র ঘোষ বলেন :

"আপনার গুণাগুণে পশ্চিমবঙ্গের রাজধানী সৌধকির্দীটনী মহানগরী কলিকাতা আজ ধন্য হইল। সমগ্র পশ্চিমবঙ্গের অধিবাসী ও কলিকাতার নাগরিকবৃন্দের পক্ষে আমার সশ্রদ্ধ ও সাদর সম্ভাষণ গ্রহণ করুন।"

"পৃথিবীর বৃহত্তম একজাতীয় মানবগোষ্ঠীর প্রতিনিধি আপনি, পৃথিবীর প্রাচীনতম সংস্কৃতি ও ঐতিহ্যের ধারকরূপে আমি আপনাকে অভিনন্দিত করিয়া কৃতার্থ হইতেছি।"

"সুপ্রাচীন কাল হইতে মহা-ভারত ও মহা-চীনের ধর্ম, সংস্কৃতি ও প্রেমের সম্পর্ক। আজ আপনাকে উপলক্ষ করিয়া পুনরায় স্বয়ং করি বিসহস্র বৎসরের ভারত-চীন মৈত্রীর কথা; খ্রীষ্টীয় পঞ্চম শতাব্দীর সুপ্রপাতেই পরিব্রাজক ফা হিয়েনের, সপ্তম শতকের প্রথমার্ধে হিউয়েন সাঙের এবং শেষার্ধে হিং-সিং-এর ভারত তীর্থ-গমনের কথা স্মরণ করি; স্মরণ করি মহাবঙ্গের নালন্দা বিশ্ববিদ্যালয় ও তাম্র লিপিপত্রের সঙ্গে তাহাদের ঘনিষ্ঠতার কথা এবং স্মরণ করি একাদশ শতকে প্রাচীন বঙ্গের সুদক্ষ মহাজ্ঞানী অতীশ বা দীপঙ্কর জ্ঞানের চীন অভিবানের কথা। ব্যবসায়ের পণ্য আদান-প্রদানের সূত্রে বা সামরিক শক্তির প্রদাবের দ্বারা নয়, একান্ত শান্তি ও কল্যাণের পথে, এই দুই মহাদেশের মধ্যে পরস্পর জ্ঞান ও ধর্মের যে বিনিময় ও সমন্বয় সংঘটিত হইয়াছিল তাহা আজও সমগ্র জগতের বিস্ময়ের উদ্রেক করে। বঙ্গের মহাকবি রবীন্দ্রনাথ ১৯২৪ খ্রীষ্টাব্দে চীনের আতিথা গ্রহণ করিয়া সেই প্রাচীন সম্পর্ক পুনঃ-সংস্থাপিত করেন। তাহার পর আপনার আমন্ত্রণে বিগত পাঁচ বৎসর স্বাধীন ভারতের, বিশেষ করিয়া পশ্চিমবঙ্গের, বহু বিদ্বজ্জন ও শিল্পী চীন-ভ্রমণের সুযোগ লাভ করিয়া সেই সম্পর্কে দৃঢ়তর করিয়াছেন। মৈত্রী ও প্রীতির অটুট বন্ধনে আজ উত্তর মহাদেশ যে বাধা পড়িয়াছে তজ্জ্ঞ, হে মহাভাগ, আপনাকে আমার অন্তরের কৃতজ্ঞতা নিবেদন করি।"

"নবচীনের পুনর্গঠনে আপনার কর্মনিষ্ঠা, এশিয়ার নবজাগরণে আপনার ব্যক্তি ও প্রতিভা সমগ্র প্রাচ্যবাসীকে স্ব স্ব দেশগঠনে অনুপ্রাণিত করিয়াছে। ১৯৫৪ সনে আপনি ভারতে আগমন করিয়া আমাদের প্রিয় নেতা ও প্রধানমন্ত্রী পণ্ডিত জব্বারলাল নেহরুর সহিত যে আন্তর্জাতিক চুক্তিপত্রে "পঞ্চশীল"-নীতি গ্রহণ করিয়াছিলেন, তাহাই সর্বপ্রথম পৃথিবীর আন্তর্জাতিক বিরোধ-মীমাংসার নূতন পথের ইঙ্গিত দিয়াছে। সেই চুক্তিপত্রের মাধ্যমে আপনাদের

আশা ছিল যে, পৃথিবীর অন্যান্য রাষ্ট্র এই নীতি ক্রমশঃ গ্রহণ করিবেন। সেই আশা আজ জগতের নানা মতবাদী বিভিন্ন রাষ্ট্রের সহযোগিতায় সফল হইতে চলিয়াছে। বিক্ষুব্ধ পৃথিবীর শান্তি-প্রতিষ্ঠার মহৎ কাজে অকুণ্ঠ সহযোগিতার জন্ত আপনি আমার সশ্রদ্ধ অভিনন্দন গ্রহণ করুন।”

“প্রায় দ্বিসহস্র বৎসর পূর্বে একদা ভারতের ধর্ম প্রাচীন মহাচীনের সজ্বশক্তিকে উদ্বুদ্ধ করিয়াছিল, আজ নবমহাচীনের অপূর্ণ সজ্বশক্তি পরাধীনতার জড়তা হইতে সত্ত্বজাত মহা-ভারতকে উদ্বুদ্ধ করুক।”

“আপনার অটুট স্বাস্থ্য ও দীর্ঘজীবন কামনা করিয়া আজ আমি চীন-ভারত-মৈত্রীর জয় ঘোষণা করি।”

পাকিস্তান ও ভারত

কাশ্মীর সম্পর্কে পাকিস্তান যে মিথ্যার গুলিজাল ফেলিয়াছে তাহাতে এমনকি আমাদের দেশের অনেকেও মনে বিভ্রান্তি আসিয়া পড়ে।

পণ্ডিত নেহরু অনেকদিন পরে সম্প্রতি ভাষায় সে বিষয়ে আলোচনা করিয়াছেন। তাহার বিবরণ আনন্দবাজার পত্রিকা হইতে নীচে উদ্ধৃত করা হইল :

“নয়া দিল্লী, ৩রা ডিসেম্বর—প্রধানমন্ত্রী নেহরু আজ রাজাসভায় পররাষ্ট্রনীতি সক্রান্ত বিতর্কের উদ্বোধন-প্রসঙ্গে বলেন, কাশ্মীর-সমস্যা আবার নিরাপত্তা পরিষদে উত্থাপিত হইতে পারে, এ সম্ভাবনার কথা চিন্তা করিয়া আমরা আন্দো উদ্ভিন্ন হই নাই। সমস্যাটি যদি তোলাই হয়, তবে উহার গোড়া ধরিয়া টান দেওয়া ছাড়া আমাদের গত্যন্তর নাই। সেক্ষেত্রে সর্বোপায় সমস্যার মূল কথাটি বিবেচনা করিয়া দোষবার জন্তই আমরা পরিষদকে অনুরোধ জানাইব। কাশ্মীর-সমস্যার সবচেয়ে বড় কথা এই যে, পাকিস্তানই সেখানে আক্রমণ আরম্ভ করিয়াছে এবং আক্রমণ চালাইয়া যাইতেছে।

ভারত পাকিস্তান আক্রমণ করিতে পারে বলিয়া পাকিস্তানের প্রধানমন্ত্রী জনাব সুয়াবদৌ যে আশঙ্কা প্রকাশ করিয়াছেন, তৎসম্পর্কে শ্রীনেহরু বলেন, পাকিস্তানী রাজনৈতিকদের বদ্ধমূল সংস্কার বা মনগড়া ধারণা হইতে এ ধরনের আশঙ্কা হয়ত দেখা দিয়াছে। এই বিরাট পৃথিবীতে এমন বাস্তববর্জিত আশঙ্কার কথা আমি কল্পনাও করিতে পারি না।

প্রধানমন্ত্রী বলেন, পশ্চিম এশিয়ার বিভ্রান্তিকর অবস্থার মধ্যে একটা স্তনিয সকলেরই চোখে পড়িবে যে, ইসরাইল ও ইজ-ফরাসী অভিযানের ফলে সেখানে অনৈক্য ও বিপর্যয় দেখা দিয়াছে। ইহা যোধ করিতে হইলে মিশরীয় ডুখণ্ড হইতে সমস্ত বিদেশী সৈন্তের অপসারণ সর্বোপায় প্রয়োজন।

প্রধানমন্ত্রী হাজেরী সাংস্রতিক ঘটনাবলীকে “ভীষণ মর্মান্তিক” বলিয়া বর্ণনা করেন। তিনি বলেন, হাজেরী গবর্নমেন্ট যে রাষ্ট্র-

পুঞ্জের সেক্রেটারী-জেনারেলকে সেখানে বাওয়ার অসুস্থতি ঘেন নাই, ইহা খুবই পরিতাপের কথা। ইহাতে লোকে যদি অনুমান করিয়া লয় যে, হাজেরী গবর্নমেন্টের বিরুদ্ধে নির্বাসনে পাঠাইবার যে অভিযোগ করা হইতেছে, তাহা সত্য বা আংশিকভাবে সত্য, তবে তাহা অস্বাভাবিক হইবে না।

প্রধানমন্ত্রী নেহরু বলেন, কাশ্মীর-সমস্যা নিরাপত্তা পরিষদে তুলিবার ব্যবস্থা হইতেছে বলিয়া ভারত মোটেই শঙ্কিত হয় নাই। সত্যই যদি উহা তোলা হয়, তবে আমরাদিগকেও বাধ্য হইয়া সমস্যার গোড়া ধরিয়া টান দিতে হইবে। সেক্ষেত্রে আমরা সবার আগে পরিষদকে এই কথাটি বিবেচনা করিয়া দেখিতে বলিব যে, পাকিস্তান প্রথমে কাশ্মীরের উপর হামলা শুরু করিয়াছে কিনা। কাশ্মীরসমস্যার সবচেয়ে বড় কথা হইল, পাকিস্তানই সেখানে আক্রমণকারী এবং এখনও সে আক্রমণাত্মক কার্যকলাপ চালাইয়া যাইতেছে। জম্মু ও কাশ্মীর রাজ্যের এক-তৃতীয়াংশ পাকিস্তান এখনও অধিকার করিয়া রহিয়াছে। নিরাপত্তা পরিষদ এই পরবর্ত্ত আক্রমণের প্রসঙ্গটি এবং উহার সহিত সংশ্লিষ্ট অন্যান্য সমস্যা গুলি পৃথক-পৃথকরূপে পর্যালোচনা করিয়া দেখুন। সমস্যার মাঝখানে ধরিয়া মীমাংসার চেষ্টা করিলে গোড়ায় গুলদ থাকিয়া যাইবে এবং তাহাতে মীমাংসাও কোনদিন হইবে না। মীমাংসার জন্ত আমরা সব সময়েই রাজী এবং এজন্ত কি করণীয় তাহা পূর্বে আমরা বহু বার বলিয়াছি।

শ্রীনেহরু সতঃপর বলেন, সম্প্রতি ভারতকে আক্রমণ করিয়া পাকিস্তানে বিস্তার বিবৃতি প্রচারিত হইয়াছে। কাশ্মীর গণপরিষদ একটি সংবিধান গ্রহণ করিয়াছেন, সম্ভবতঃ সেটিই কারণ। কাশ্মীর গণপরিষদ গত তিন-চার বৎসর যাবৎ এই সংবিধান রচনার কার্যে ব্যস্ত ছিলেন। এই কাজ ছাড়া গণপরিষদ, আইনসভা হিসাবে ভূমিস্বত্ব-সংস্কার প্রভৃতি গুরুত্বপূর্ণ কতকগুলি ব্যাপারে আইনপ্রণয়নও করিয়াছেন। সর্বশেষে তাহার সংবিধানের চূড়ান্ত রূপদান করিয়াছেন এবং সে অধিকার নিশ্চয়ই কাশ্মীরের আছে। ইহা বিচিত্র নয় যে, পাকিস্তানের লোকেরা ইহাতে একটা ধাক্কা খাইয়াছে, কেননা, ঘটনাপ্রবাহের সহিত তাল রাখিয়া তাহারা চলে না। এই বিরাট দুনিয়ায় কোথায় কি ঘটিতেছে, সে খবর তাহারা রাখে না, এতটা পিছনে তাহারা পড়িয়া আছে। তাহাদের জন্ত দুঃখপ্রকাশ ছাড়া আর কি করিবার আছে ?

তিনি বলেন, পাকিস্তানে এবং মাঝে মাঝে প্রভাবশালী দুই-চারিটি বিদেশী সংবাদপত্রে এই মর্মে অভিযোগ করা হইতেছে যে, কাশ্মীরের ব্যাপারে ভারত যে সকল কথা দিয়াছিল, তাহা সে খেলাপ করিতেছে। এই ধরনের আরও নানা অভিযোগ করা হইতেছে। গত নয় বৎসরের ইতিহাস পর্যালোচনা করিলে দেখা যাইবে যে, এই সব অভিযোগ সম্পূর্ণ ভিত্তিহীন। দারিদ্র্যবীণ কোন লোক বারংবার যে কি ভাবে এ ধরনের অভিযোগ করিতে পারে, তাহা ভাবিলে আমি আশ্চর্য হইয়া যাই।

পাকিস্তানের ব্যাপারে সর্বপ্রথম যে কথাটি ঘনো রাখা হয়কার,

তাহা ইহাই যে, পাকিস্তানই কাশ্মীর আক্রমণকারী (হর্ধ্বনি)। এই সত্য তাহারা অস্বীকার করিতে পারে? বিষয়টি আমাদের পরিষ্কার ভাবে বুঝিতে হইবে। সবচেয়ে বড় কথা হইল পাকিস্তানই সেখানে প্রথম আক্রমণ শুরু করিয়াছে এবং কাশ্মীরের একাংশে এখনও তাহারা আক্রমণাত্মক কার্যকলাপ চালাইয়া বাইতেছে। গণভোটের কথা যখন হয় তখন কাশ্মীরসংক্রান্ত রাষ্ট্রপুঞ্জ কমিশন তাহাদের প্রথম প্রস্তাবে খোলাখুলি ভাবে এই অভিমত ব্যক্ত করেন যে, জম্মু ও কাশ্মীর হইতে পাকিস্তানী বাহিনীকে সরাইয়া লইতে হইবে। ইহা আট বছর আগের কথা। কিন্তু সে নির্দেশ আজও পালিত হয় নাই। এক্ষেত্রে আন্তর্জাতিক বাধাবাধকতা পালনে কে অপারগ হইয়াছে? অগাধ বাধাবাধকতার কথা পরে বিচার্য।

পাকিস্তানের সংখ্যালঘু

সম্প্রতি কিছুদিন যাবৎ পাকিস্তানের বর্তমান কর্তাব্যবস্থার বিষয়াদি অতি তৎপর হইয়াছেন। কারণ অবশ্য অল্প কিছুই নয়, নিজেদের অযোগ্যতা চাপা দেওয়া এবং অজ্ঞের উন্নতিতে হিংসা। বিদেশে অল্প একদল নীচমনা হিংসাবাদী ইহাদের সুরে সুর মিলাইয়া এতদিন গাহিতেছিল। সঙ্গে ছিল অজ্ঞ মার্কিন যুক্তরাষ্ট্র।

এখন মার্কিনদলে কিছু পরিবর্তন দেখা যাইতেছে, সুতরাং হিংসাবাদীদের দল ওজনে বড়ই কমিয়াছে। কিন্তু আমাদের সরকার এখনও সত্যপ্রচারে সেই পূর্বের জায়ই দুর্বলতা দেখাইতেছেন।

নিম্নস্থ বিবৃতি পাকিস্তানের দুমুখো নীতির পরিচায়ক। যেমন কাশ্মীরের ব্যাপারে তেমনি সংখ্যালঘুদের ব্যাপারে পাকিস্তানের চালক বর্গ শুধু অপপ্রচারের জোরে এবং আমাদের প্রচারকার্যে অব্যবস্থার সুযোগে সমানে দিনকে রাত করিয়া চালাইতেছে। আমাদের কর্তৃপক্ষের হুঁস হইবে কবে?

“নয়া দিল্লী, ১৪ই ডিসেম্বর—উদ্বাস্ত সম্পত্তি আইন পরিচালনা ব্যবস্থা সংশোধনের জ্ঞান উত্থাপিত বিল সম্পর্কে বিতর্কের উদ্বোধন করিয়া পুনর্কাসনমন্ত্রী শ্রীমহেশ্বরচাঁদ খান্না রাজ্যসভায় এক বক্তৃতায় পূর্বপাকিস্তান হইতে বাস্তবতাগ করিয়া সংখ্যালঘু হিন্দুদের ভারতে আগমন এবং এই ব্যাপারে প্রদত্ত প্রতিশ্রুতিরক্ষায় পাকিস্তানের পুনঃপুনঃ বার্ষিকতার বিস্তৃত বিবরণ দেন। অবশেষে বিলটি রাজ্যসভায় গৃহীত হয়।

শ্রীখান্না বলেন, পাকিস্তানের প্রধানমন্ত্রী সম্প্রতি ভারতে সংখ্যালঘুদের প্রতি আচরণ সম্পর্কে এক পত্র দিয়াছেন। বিশেষ করিয়া সেই কারণেই তিনি পূর্বপাকিস্তানে সংখ্যালঘুদের হর্দ্বান বর্ণনা দিতেছেন।

তিনি বলেন, ভারতের সংখ্যালঘুদের সম্পর্কে বলা যায় যে, তাহাদের সম্পর্কে প্রদত্ত প্রতিটি প্রতিশ্রুতি কার্যে পরিণত করা হইয়াছে। ইহার প্রমাণ হইতেছে যে, তাহারা ভারতের সুধী নাগরিক হিসাবেই আছে এবং ভারতের কোন অংশের মুসল-

মানদেরই পাকিস্তান অথবা অপর কোন দেশে চলিয়া বাইবার কোন অভিপ্রায়ই নাই। কার্যতঃ নেহরু লিয়াকৎ চুক্তির পর লক্ষ লক্ষ মুসলমান পাকিস্তান হইতে ভারতে ফিরিয়া আসিয়া যে পুনরায় বসবাস করিতেছে তাহাই নহে, প্রকৃতপক্ষে তাহাদের প্রত্যেকের সম্পত্তি ফিরাইয়া দেওয়া হইয়াছে। অথচ পূর্বপাকিস্তানের হিন্দু সংখ্যালঘুদের অবস্থা হইতেই প্রকৃত তথ্য অবগত হওয়া যায়।

শ্রীখান্না বলেন, দেশবিভাগের সময় পূর্ব-পাকিস্তানে এক কোটি বিশ লক্ষ হিন্দু ছিল। ১৯৪৭-৪৮ সনে দেশবিভাগের পরে পূর্ব-পাকিস্তানের হিন্দুদের প্রথম বাস্তবতাগ আরম্ভ হয়। এই সময় প্রায় দশ লক্ষ হিন্দু ভারতে চলিয়া আসে। ১৯৪৯ সনে কিছু সময়ের জ্ঞান বাস্তবতাগ বন্ধ ছিল, কিন্তু ১৯৫০ সনে পুনরায় পূর্ণবেগে হিন্দুদের বাস্তবতাগ আরম্ভ হয়।

শ্রী খান্না বলেন, ১৯৫০ সালের বাস্তবতাগের ফলে অবস্থা এত সঙ্কটজনক হইয়া পড়ে যে, আমাদের প্রধানমন্ত্রী ও তৎকালীন পাক-প্রধানমন্ত্রী লিয়াকৎ আলী খানের মধ্যে বিষয়টি আলোচনার প্রয়োজন হয়। সেই আলোচনার ফলেই নেহরু-লিয়াকৎ চুক্তি সম্পন্ন হয়। উক্ত চুক্তিতে পাকিস্তান প্রতিশ্রুতি দেয় যে, অতঃপর হিন্দু বাহাতে নির্যাতন ও মর্ধ্যাদাসহ পূর্বপাকিস্তানে বসবাস করিতে পারে সরকার তৎসম্পর্কে ব্যবস্থা অবলম্বন করিবেন। প্রয়োজন না থাকিলেও ভারত সরকারও অল্পরূপে ব্যবস্থা অবলম্বনের প্রতিশ্রুতি দেন।

শ্রীখান্না বলেন, পাকিস্তান প্রতিশ্রুতি দেওয়া সত্ত্বেও সংখ্যালঘুদের মনে শাস্তি ফিরাইয়া আনার জ্ঞান কোন ব্যবস্থাই করা হয় নাই। ১৯৫১ ও ১৯৫২ সনে হিন্দুদের বাস্তবতাগেই উহার প্রমাণ পাওয়া যায় এবং ঐ সময়ের মধ্যে সাত লক্ষাধিক হিন্দু ভারতে চলিয়া আসে।

১৯৫৩ সনে পূর্ব-পাকিস্তান হইতে বাস্তবতাগের সংখ্যা অপেক্ষাকৃত কম হইলেও বাস্তবতাগের হার ছিল গড়ে মাসে ছয় সহস্রাধিক। খুব অল্পকাল এই অবস্থা ছিল এবং ১৯৫৪ সনে বাস্তবতাগের হার বৃদ্ধি পাইয়া মাসিক দশ হাজারে দাঁড়ায়। সেই সময় হইতেই বাস্তবতাগ বৃদ্ধি পাইয়া আসিতেছে এবং ১৯৫৫ সনে গড়ে মাসিক হার দাঁড়ায় ২০ হাজার এবং ১৯৫৬ সনের প্রথম ৮ মাসে উহা ৩৫ হাজার পর্যন্ত উঠে।

তিনি বলেন, দেশবিভাগের পর এযাবৎ ৪০ লক্ষ হিন্দু পূর্ব-পাকিস্তান হইতে ভারতে চলিয়া আসিয়াছে।

পুনর্কাসনমন্ত্রী অতঃপর পাকিস্তানে সংখ্যালঘুদের প্রতি আচরণ সম্পর্কে গত বৎসর এপ্রিল মাসে পাকিস্তানের প্রেসিডেন্ট জেনারেল ইক্বাল মির্জার সহিত তাঁহার আলোচনার কথা উল্লেখ করিয়া বলেন, পাকিস্তানের প্রেসিডেন্ট নানা প্রকার ব্যবস্থা সম্পর্কে আশ্বাস দেন। সেই সময় এই সিদ্ধান্তও গৃহীত হয় যে, পশ্চিম পাকিস্তান ও ভারতের মধ্যে সীমান্ত বন্ধ করিয়া দিবার উদ্দেশ্যে খোকরাপাড়ার একটি চেক পোস্ট স্থাপন করা হইবে।

শ্রীখান্না বলেন, আমরা চুক্তি অল্পব্যয়ী কাজ করিয়াছি এবং

চেক পোস্ট স্থাপন করিয়াছি এবং ভারত হইতে কোন মুসলমান পাকিস্থানে যায় নাই। কিন্তু পাকিস্থান সম্পর্কে বিপরীত অভিজ্ঞতা লাভ হইয়াছে। পূর্ব-পাকিস্থান হইতে সংখ্যালঘুদের আগমন ক্রমাগতই বৃদ্ধি পাইতে থাকে এবং গত ফেব্রুয়ারী ও মার্চ মাসে উহা ৫০ হাজার পর্য্যন্ত উঠে।

ক্রীথালা অতঃপর ঢাকায় অনুষ্ঠিত পাক-ভারত প্রতিনিধিদের সম্মেলনের কথা উল্লেখ করিয়া বলেন, পাকিস্থান হইতে বলা হইয়াছে যে, ভারত হইতে প্ররোচনা পাওয়ার প্রতিশ্রুত সমস্ত ব্যবস্থা অবলম্বন করা সত্ত্বেও হিন্দুরা ভারতে চলিয়া আসিতেছে। কিন্তু ইহা সত্য নয়। নয় বৎসরের অধিককাল পাকিস্থানের অধুগত নাগরিক হইবার চেষ্টা করিবার পর তাহারা পাকিস্থানে মধ্যাদা লইয়া বাস করা অসম্ভব বলিয়া মনে করিতেছে।

ক্রীথালা বলেন, অবস্থা এত দূর খারাপ হইয়া পড়িয়াছে যে, সম্প্রতি বাস্তব্যাগীরা বৈধ মাইগ্রেশন সার্টিফিকেট লইয়া অথবা জাল সার্টিফিকেট লইয়া ভারতে আসিতেছে তাহাও বিচার করিয়া দেখা হইতেছে।

অতঃপর হিন্দুরা বাহাতে তাহাদের পৈতৃক বাসভূমি পরিত্যাগ করিয়া আসিতে বাধ্য না হয় তাহার প্রতি দৃষ্টি দিবার জ্ঞা তিনি পাক প্রেসিডেন্টকে তাঁহার প্রতিশ্রুতির কথা স্মরণ করাইয়া দেন এবং ডাঃ খান সাহেবের নিকট আবেদন জানান।

ভারত ও কাশ্মীর

কাশ্মীরের ভারতভুক্তির সংবাদ যাহা ১৩ই নবেম্বর প্রকাশিত হইয়াছিল, তাহা নিম্নে উদ্ধৃত হইল :

“ক্রীনগর, ১৭ই নবেম্বর—অজ্ঞ ক’শ্মীর গণ-পরিষদে রাজ্যের সংবিধান গৃহীত হয়। উহাতে জম্মু ও কাশ্মীর রাজ্যকে ভারতের অবিচ্ছেদ্য অংশ বলিয়া ঘোষণা করা হয়।

আগামী ২৬শে জানুয়ারী ভারতের প্রজাতন্ত্র দিবসে এই সংবিধান কার্যকরী হইবে।

অজ্ঞা বিষয় ছাড়াও সংবিধানে দুইটি সভা সংবলিত আইন-সভা, স্বাধীন বিচার বিভাগ, নির্বাচন কমিশন, পাবলিক সার্ভিস কমিশন ও রাজ্যের জ্ঞা একটি সাংস্কৃতিক আকাদেমী গঠনের বিধান আছে। ইহাতে কাশ্মীরে সমাজতান্ত্রিক পদ্ধতিতে সমাজ গঠনেরও পরিকল্পনা আছে।

আগামী ২৬শে জানুয়ারী গণ-পরিষদ বাতিল করার জ্ঞা ৭সড়া প্রণয়ন কমিটির সেক্রেটারী সৈয়দ মীর কাসিম যে প্রস্তাব উত্থাপন করেন, গণ-পরিষদে তাহাও গৃহীত হয়।

প্রস্তাবে বলা হয় যে, রাজ্যের জ্ঞা সংবিধান প্রণয়নের ও উহা গ্রহণ করাইবার কাজ শেষ হইয়াছে এবং সেই জ্ঞাই গণ-পরিষদ বাতিল হওয়া উচিত।

অদ্যকার আলোচনার যে ছয় জন সদস্য অংশ গ্রহণ করেন তাহারা রাজ্যের ভারতভুক্তি-সংবলিত বিধানে আনন্দপ্রকাশ করেন।

মিশরে আন্তর্জাতিক বাহিনী

৪ঠা নবেম্বর এক জরুরী অধিবেশনে রাষ্ট্রসভ্য সাধারণ পরিষদ মিশরে যুদ্ধবিবর্তি তদারক করিবার জ্ঞা একটি আন্তর্জাতিক বাহিনী গঠনের প্রস্তাব গ্রহণ করেন। প্রস্তাবটি উত্থাপন করে] নরওয়ে, কানাডা এবং কলম্বিয়া। প্রস্তাবটি ৫৭-০ ভোটে গৃহীত হয়—আঠারটি রাষ্ট্র নিরপেক্ষ থাকে। নিরপেক্ষ রাষ্ট্রগুলির মধ্যে ছিল ব্রিটেন, ফ্রান্স, সোভিয়েট ইউনিয়ন, মিশর, এবং দক্ষিণ আফ্রিকা প্রভৃতি দেশ।

স্থির হয় যে, আন্তর্জাতিক বাহিনীটি রাষ্ট্রসভ্যের কর্তৃত্বাধীনে থাকিবে এবং বাহিনীর অধ্যক্ষ হইবেন কানাডার মেজর-জেনারেল ই. এল. এম. বার্নস। “বৃহৎ” পঞ্চশক্তি (নির্যাপত্তা পরিষদের স্থায়ী সদস্যগণ) যথা—ব্রিটেন, ফ্রান্স, মার্কিন যুক্তরাষ্ট্র, সোভিয়েট ইউনিয়ন এবং চীন (ফরমোসা) হইতে কোন সৈন্ত আন্তর্জাতিক বাহিনীতে থাকিবে না বলিয়া স্থির হয়।

৭ই নবেম্বর গৃহীত দ্বিতীয় একটি প্রস্তাবে বলা হয় যে, আন্তর্জাতিক বাহিনীটির কার্যকাল সাময়িক এবং উহা সুয়েজ অঞ্চল হইতে ১৯৪৯ সনে নির্ধারিত মিশর-ইসরায়েল যুদ্ধবিবর্তি সীমারেখা পর্যন্ত মিশরীয় অঞ্চলে যুদ্ধবিবর্তি টহল দিয়া বেড়াইবে। প্রস্তাবটি বিনা প্রতিবাদে ৬৪টি রাষ্ট্রের সমর্থনে গৃহীত হয় ; মিশর, ইসরায়েল, দক্ষিণ আফ্রিকা এবং সোভিয়েট গোষ্ঠীসহ বারটি রাষ্ট্র ভোটদানে বিরত থাকে।

রাষ্ট্রসভ্যের উক্ত প্রস্তাবগুলির অনুযায়ী যে আন্তর্জাতিক বাহিনী গঠিত হয় তাহার অগ্রগামী দল ১৩ই নবেম্বর মিশরে সর্বপ্রথম পদার্পণ করে। আন্তর্জাতিক বাহিনীতে তেইশটি দেশের সৈন্ত অংশগ্রহণ করিয়াছে। ডিসেম্বরের মাঝামাঝি সময় পর্য্যন্ত প্রায় চার হাজারের মত আন্তর্জাতিক বাহিনীর সৈন্ত মিশরে উপস্থিত হয়।

ভারত-সরকার আন্তর্জাতিক বাহিনীতে এক ব্যাটালিয়ন সৈন্ত পাঠাইয়াছেন এবং তাহা গৃহীত হইয়াছে। ভারতীয় বাহিনীর সৈন্তগণও ইতিমধ্যেই মিশরে গিয়া পৌঁছিয়াছে।

৭ই নবেম্বর একটি প্রস্তাবে রাষ্ট্রসভ্য সাধারণ পরিষদ ব্রিটেন, ফ্রান্স ও ইসরায়েলকে মিশর হইতে সৈন্ত অপসারণ করিবার জ্ঞা নির্দেশ দেন। প্রস্তাবটি ৬৫-১ ভোটে গৃহীত হয়—দশটি রাষ্ট্র ভোটদানে বিরত থাকে। ৮ই নবেম্বর ব্রিটিশ প্রতিরক্ষা মন্ত্রী বলেন যে, কোন তারিখে ব্রিটিশ সৈন্ত অপসারণ করা হইবে তিনি তাহা বলিতে পারেন না। ১৯শে নবেম্বর রাষ্ট্রসভ্যের সেক্রেটারী-জেনারেলের নিকট লিপিত একটি স্মারকপত্রে মিশর সরকার অভিযোগ করেন যে, ব্রিটেন, ফ্রান্স ও ইসরায়েল রাষ্ট্রসভ্যের নির্দেশ অমান্য করিয়া সৈন্ত অপসারণে অস্বাধা বিলম্ব করিতেছে। ২০শে নবেম্বর রাষ্ট্রসভ্য জেনারেল সেক্রেটারী মিঃ হ্যামারশীল্ড ব্রিটেন, ফ্রান্স ও ইসরায়েলের নিকট সৈন্ত অপসারণের বিলম্বের কারণ জানিতে চান। উত্তরে ব্রিটিশ সরকার “সদিচ্ছার নিদর্শনস্বরূপ” এক ব্যাটালিয়ান সৈন্ত অপসারণ করিতে স্বীকৃত হন। ২৪শে নবেম্বর

রাষ্ট্রসভ্য পুনরায় আর একটি প্রস্তাবে মিশর হইতে ব্রিটিশ, ফরাসী ও ইসরায়েলী বাহিনী অপসারণের দাবি জানায়। প্রস্তাবটি ৬৩-৫ ভোটে গৃহীত হয়; দশটি দেশ ভোটদানে বিরত থাকে; নিকারাগুয়া অনুপস্থিত ছিল। যে পাঁচটি রাষ্ট্রের প্রতিনিধি প্রস্তাবটির বিরোধিতা করে তাহারা হইল ব্রিটেন, ফ্রান্স, ইসরায়েল, অস্ট্রেলিয়া এবং নিউজিল্যান্ড। অপর একটি প্রস্তাবে সুরেজ খাল পরিষ্কার করিবার পরিবর্তন প্রস্তত করিবার জ্ঞাত সেক্রেটারী-জেনারেলকে নির্দেশ দেওয়া হয়।

৩রা ডিসেম্বর ব্রিটিশ পার্লামেন্টে এক বক্তৃতায় পররাষ্ট্রসচিব মিঃ সেলুইন লয়েড বলেন যে, মিশর হইতে ইজ-ফরাসী সৈন্যদল অবিলম্বে সরাইয়া লইতে ব্রিটেন ও ফ্রান্সের সরকার সম্মত হইয়াছেন। তিনি জানান যে, মিশরস্থিত বাহিনীর সর্বাধক্ষ জেনারেল স্তার চার্লস কেটলীকে নির্দেশ দেওয়া হইয়াছে—তিনি যেন মেজর-জেনারেল বার্গসের সহিত সৈন্য অপসারণের সময় সম্পর্কে যুক্ত আলোচনার ভিত্তিতে সিদ্ধান্ত গ্রহণ করেন।

মিঃ লয়েড আরও বলেন যে, ব্রিটিশ সরকারের অভিমতে গাজা অঞ্চল হইতেও ইসরায়েলী সৈন্য সরাইয়া ঐ স্থানে আন্তর্জাতিক বাহিনী মোতায়েন করা প্রয়োজন।

৬ই ডিসেম্বর প্রথম ব্রিটিশ সৈন্যদল মিশর ত্যাগ করিয়া গৃহ অভিমুখে রওনা হয়।

পণ্ডিত নেহরুর মার্কিন যাত্রা

জগতের এই চরম সঙ্কটের দিনে পণ্ডিত নেহরু চলিয়াছেন মার্কিন যুক্তরাষ্ট্রের প্রধানের সহিত বিচার ও আলোচনায় পরস্পরের মনের কথা জানিতে ও জানাইতে। তাঁহার কার্যসূচী নিম্নে দেওয়া গেল :

নয়াদিল্লী, ১২ই ডিসেম্বর—প্রধানমন্ত্রী শ্রীনেহরুর আট দিন-ব্যাপী মার্কিন যুক্তরাষ্ট্র ও কানাডা সফরের কার্যসূচী অত্র রাজ্যে এখানে ঘোষণা করা হইয়াছে।

এই কার্যসূচী অনুসারে প্রধানমন্ত্রী শ্রীনেহরু ১৪ই ডিসেম্বর শুক্রবার প্রাতঃকালে নয়াদিল্লী হইতে যাত্রা করিয়া শনিবার সন্ধ্যাকালে লণ্ডনে পৌঁছিবেন। লণ্ডনে করেক ঘণ্টা অবস্থানের পর তিনি মার্কিন যুক্তরাষ্ট্রে সফর আরম্ভের জ্ঞাত রবিবার মধ্যাহ্নে ওয়াশিংটনে পৌঁছিবেন। এই দিন প্রধানমন্ত্রী প্রেসিডেন্ট আইসেনহাওয়ারের দহিত মধ্যাহ্ন-ভোজন করিবেন।

পরদিন, ১৭ই ডিসেম্বর প্রধানমন্ত্রী শ্রীনেহরু ও প্রেসিডেন্ট আইসেনহাওয়ার প্রেসিডেন্টের অতিথি ভবন রোয়া হাউস হইতে মোটরযোগে গেটিসবার্গস্থিত প্রেসিডেন্টের খামারবাড়ী পরিদর্শনের জ্ঞাত গমন করিবেন। তথায় রাজিয়াপন করিয়া প্রধানমন্ত্রী ও প্রেসিডেন্ট ১৮ই ডিসেম্বর প্রাতঃকালে ওয়াশিংটনে প্রত্যাবর্তন করিবেন। এই দিন রাজ্যে প্রধানমন্ত্রী মার্কিন বেতায় ও টেলিভিশন স্ক্রোভানের উদ্দেশে তাঁহার বক্তৃতা প্রচার করিবেন। ১৯শে

ডিসেম্বর তিনি ক্যান্সাস প্রেস রাবে এক সাংবাদিক সম্মেলনে মিলিত হইবেন।

অতঃপর শ্রীনেহরু বিমানযোগে নিউইয়র্ক গমন করিয়া তথায় দুই দিনব্যাপী অবস্থানকালে রাষ্ট্রপুঞ্জের সাধারণ পরিষদের সেক্রেটারী-জেনারেল মিঃ দাগ হামারশেল্ড এবং রাষ্ট্রপুঞ্জের সাধারণ পরিষদের ১১শ অধিবেশনের সভাপতি প্রিন্স ওয়ানের সহিত রাষ্ট্রপুঞ্জ ভবনে সাক্ষাৎ করিবেন।

প্রধানমন্ত্রী শ্রীনেহরু ২২শে ডিসেম্বর অটোয়ায় প্রত্যাবর্তন করিবেন এবং ২৩শে ডিসেম্বর রাজ্যে প্রত্যাবর্তনের জ্ঞাত ২২শে ডিসেম্বর অটোয়া হইতে বিমানযোগে লণ্ডন যাত্রা করিবেন।

আরিয়ালুর রেল দুর্ঘটনা

২৩শে নবেম্বর মাদ্রাজ হইতে ১৭০ মাইল দূরবর্তী আরিয়ালুর নামক স্থানে একটি যাত্রীবাহী ট্রেনের ইঞ্জিন এবং সাতটি বগি সেতুর বাঁধ ভাঙিয়া মরুদেয়ার নদীতে পড়িয়া যাওয়ায় ১৫৫ জন নিহত ও আরও শতাধিক লোক আহত হয়। দুর্ঘটনার সংবাদ শুনিয়া রেলমন্ত্রী শ্রীলালবাহাদুর শাস্ত্রী তাঁহার পদত্যাগপত্র পেশ করেন—যথাসময়ে সেই পদত্যাগপত্র গৃহীত হয়।

২৬শে নবেম্বর পার্লামেন্টে এক বিবৃতিদান প্রসঙ্গে শ্রীশাস্ত্রী বলেন যে, দুর্ঘটনা সম্পর্কে বিভাগীয় তদন্ত বাতীত একটি বিচার-বিভাগীয় তদন্তও করা হইবে। কলিকাতা হাইকোর্টের বিচারপতি শ্রীহিমাংসুকুমার বসু এই তদন্ত পরিচালনা করিবেন।

অনুরূপ দুর্ঘটনা বন্ধের জ্ঞাত সরকার কি ব্যবস্থা অবলম্বন করিয়াছেন তাহার উল্লেখ করিয়া শ্রীশাস্ত্রী বলেন, রেলওয়ে বোর্ড ভারতীয় রেলপথসমূহের সকল সেতু, বাঁধ এবং সেতুর ভিতর দিয়া যে সকল প্লাবন চলিয়া গিয়াছে তাহা পরীক্ষা করার সিদ্ধান্ত গ্রহণ করিয়াছেন। বর্ষা ও প্লাবনের সময় রেলপথ পর্যবেক্ষণের যে ব্যবস্থা আছে তৎসম্পর্কে অনুসন্ধান করার ব্যবস্থাও অবলম্বন করা হইয়াছে। প্রাক্তন নিজাম রেলপথের সেতুগুলি পরীক্ষা করার জ্ঞাত তিন জন ইঞ্জিনিয়ার লইয়া যে কমিটি গঠিত হইয়াছে তাহাদিগকে সকল সেতুর গঠন-প্রকৃতি এবং সেতুর মধ্য দিয়া কিরূপ জল যায়—তাহার সন্ধান লইতে বলা হইয়াছে। সেতুর সংলগ্ন রেলের বাঁধের অবস্থাও পর্যবেক্ষণ করিতে বলা হইয়াছে।

শ্রীযুক্ত শাস্ত্রী আরও জানান যে, যাহারা দুর্ঘটনায় আহত হইয়াছেন তাঁহাদের চিকিৎসার সর্বপ্রকার ব্যবস্থা অবলম্বিত হইয়াছে এবং ত্রিচিনাপত্রীর জেলা ম্যাজিষ্ট্রেট দুর্ঘটনায় আহত ও নিহতদের পরিবারবর্গকে সাহায্যদানের জ্ঞাত তহবিল খুলিয়াছেন। মাদ্রাজের সিটি সিভিল কোর্টের বিচারক শ্রী ভি. বধনম মুদালিয়ার কতিপূর্ণের পরিমাণ নির্ধারণের জ্ঞাত নিবৃত্ত হইয়াছেন এবং শীঘ্রই তিনি তাঁহার কার্য শুরু করিবেন।

১৯৫২ সনের কেরকারী মাস হইতে পূর্ণা করিলে আরিয়ালুর দুর্ঘটনা জরোদশ বৃহৎ রেল দুর্ঘটনা। ইহাদের অনেকগুলির মধ্যেই বিশেষ সাধুস্ত থাকায় জনসাধারণের ভিতরে রেল বিভাগের

কার্যকলাপ সম্পর্কে যে উদ্বেগ দেখা দিবে তাহাতে আশ্চর্য্য কিছুই নাই। দুর্ঘটনা সম্পর্কে পার্লামেন্টে বিতর্কের সময় স্বভাবতঃই রেল বিভাগকে বিশেষ সমালোচনার সম্মুখীন হইতে হয়। কম্যানিষ্ট, প্রজাসোশ্যালিষ্ট এবং একজন কংগ্রেস সদস্য রেলবিভাগের, বিশেষতঃ রেলওয়ে বোর্ডের কার্যাবলী কড়া সমালোচনা করেন। মিঃ ফ্র্যাঙ্ক এণ্টনী কিন্তু রেল বিভাগের অকর্মণ্যতার জগ্ন নিম্নতম কর্মচারীদের উচ্ছ্বালতাকেই দায়ী বলিয়া অভিহিত করেন।

বিতর্কের উত্তরদান প্রসঙ্গে শ্রীলালবাহাদুর শাস্ত্রী রেল বিভাগের পক্ষ সমর্থন করিয়া বলেন যে, বর্তমান রেলওয়ে বোর্ড অপেক্ষা প্রকৃষ্টতর বোর্ড তিনি চিন্তাও করিতে পারেন না। শ্রীশাস্ত্রী বলেন যে, নিম্নস্তরের কর্মীদের একাংশের মধ্যে উচ্ছ্বালতা থাকিলেও তাহারা রেলবিভাগের উন্নতিবিধানের জগ্ন বিশেষ দায়িত্ব বহন করিয়াছে।

রেল বিভাগের সমর্থনে রেলমন্ত্রী যাহা বলেন তাহা স্বীকার করিয়া লওয়া কঠিন। রেল বিভাগের সকল বিভাগই যদি নির্দোষ তবে এইরূপ ঘন ঘন দুর্ঘটনা এবং প্রাণহানির জগ্ন কি কেহই দায়ী নহে? ইহা নিতান্তই পরিতাপের বিষয় যে, শ্রীশাস্ত্রী বর্তমান বোর্ড অপেক্ষা উৎকৃষ্ট বোর্ড কল্পনাও করিতে পারেন নাই। শেষ বিচারে রেল বিভাগের সকল কার্যের দায়িত্ব রেলওয়ে বোর্ড এবং রেলবিভাগীয় মন্ত্রী। মাত্র দুইমাস পূর্বে সেপ্টেম্বর মাসে হায়দরাবাদের মহাবনগরে ঠিক অমুরূপ একটি দুর্ঘটনা ঘটিয়াছিল। তাহার পরই সম্ভাব্য সকল প্রকার সতর্কতা অবলম্বন করা উচিত ছিল। মহাবনগর দুর্ঘটনার অব্যবহিত পরে সরকার হইতে জনসাধারণকে আশ্বাস দিয়া বলা হইয়াছিল যে, দক্ষিণ ভারতের সকল রেলসেতুগুলিই পরীক্ষা করিয়া দেখা হইবে। কিন্তু তাহা করা হইয়াছিল কি?

প্রকৃতপক্ষে কিছুই করা হয় নাই। সেতুগুলি পরীক্ষা করিয়া দেখিবার জগ্ন বিশেষজ্ঞদের নাম স্থির করিতেই দুই মাস কাটিয়া গেল। রেল বিভাগের উপমন্ত্রী শ্রীআলাগেসন বলিয়াছেন যে, এখন হইতে বর্ষার সময় সেতুগুলি পর্য্যবেক্ষণের জগ্ন স্থায়ী প্রহরার বন্দোবস্ত করা হইবে। তাহার কথা মনে হয় যে, এটি একটি নূতন ব্যবস্থা। কিন্তু প্রকৃতপক্ষে তাহা নহে। রেলবিভাগের নির্দেশনামাতেই এই ব্যবস্থার উল্লেখ রহিয়াছেন। যদি এতদিন পর্য্যন্ত এই নির্দেশ কার্যতঃ প্রতিপালিত না হইয়া থাকে তবে তাহার জগ্ন দায়িত্ব কাহার?

এই ডিসেম্বর লোকসভায় রেল বিভাগের উপমন্ত্রী শ্রীআলাগেসন ঘোষণা করেন যে, সেতুর জলনিষ্করণের পরিমাণ নিরূপণের জগ্ন শীঘ্রই রেলওয়ে ও সরকারী মন্ত্রণালয়সমূহের প্রতিনিধি লইয়া একটি উচ্চ ক্ষমতাবিশিষ্ট কমিটি নিয়োগ করা হইবে। ১৯৫৪ সনের সেপ্টেম্বর মাসে প্রাক্তন হায়দরাবাদ রাজ্যের জলগাঁওয়ের ট্রেন দুর্ঘটনা সম্পর্কে সরকারী রেলওয়ে ইনস্পেক্টর যে রিপোর্ট দিয়াছেন তাহার উপর এই ডিসেম্বর দুই ঘণ্টা স্থায়ী বিতর্কের অবসানে শ্রীআলাগেসন উক্ত ঘোষণা করেন।

প্রেস ষ্ট্রাইট অব ইণ্ডিয়া সংবাদে প্রকাশ, বিতর্কের সময় লোকসভায় রেলের কার্যপরিচালনার তীব্র সমালোচনা করা হয়। উপযুক্তরূপে রেলসেতুসমূহ রক্ষা না করার কথা উল্লেখ করিয়া এই অভিযোগ করা হয় যে, জলগাঁও দুর্ঘটনার পর রেলকর্তৃপক্ষ সচেতন হইলে মহাবনগর ও আরিয়ালুর দুর্ঘটনা নিবারণ করা সম্ভব হইত।

উত্তর প্রদেশের কংগ্রেসী সদস্য শ্রীফিরোজ গান্ধী বলেন, জলগাঁও দুর্ঘটনার প্রধান কারণ উচ্চপদস্থ কর্মচারীদের শৈথিল্য—রেলপথ ঠিকভাবে রক্ষা করা তাহাদের প্রধানতম কর্তব্য। তিনি বলেন যে, ইনস্পেক্টরের রিপোর্ট হইতে স্পষ্টই দেখা যায়, সেতুটি বিপজ্জনক অবস্থায় ছিল, তথাপি সেই সম্পর্কে কোন যত্ন বা সতর্কতা অবলম্বিত হয় নাই।

রেল দুর্ঘটনার উৎপাত

নীচের সংবাদটি আনন্দবাজারে প্রকাশিত হয়। দেশের শাস্তি-শৃঙ্খলার ব্যবস্থার কতদূর অবনতি হইলে এইরূপ ঘটনা সম্ভব হয় তাহা ভাবা প্রয়োজন। ইহার প্রতিকার কি করিয়া সম্ভব হইতে পারে সে কথা জনসাধারণের চিন্তার বিষয়।

শনিবার সন্ধ্যায় ক্যানিং লাইনের কলিকাতাগামী একটি লোক্যাল ট্রেনের একখানি তৃতীয় শ্রেণীর কামরায় একদল দুর্বৃত্ত মত্ত অবস্থায় প্রবেশ করিয়া একজন মহিলা যাত্রীর উপর অশোভন আচরণ করিতে থাকিলে উক্ত কামরায় ৪৫টি যুবক মহিলাকে দুর্বৃত্তদের হাত হইতে রক্ষা করিতে গিয়া ভীষণ ভাবে প্রহৃত হন। সন্ধ্যা অনুমান ৬ ঘটিকার সময় ঘূটিয়ারিশরীফ ষ্টেশনে এই ঘটনা হয়। দুর্বৃত্তদের ভয়ে ঐ কামরায় অপরাপর যাত্রীরা অগ্ন কামরায় আশ্রয় গ্রহণ করে।

ঘটনার বিবরণে প্রকাশ যে, তালদি ষ্টেশন হইতে ঐ দুর্বৃত্তদল মত্ত অবস্থায় লাঠি হাতে ঐ কামরায় উঠে। তাহারা একজন মহিলা-যাত্রীর গায়ের উপর গিয়া পড়ায় মহিলাটি প্রতিবাদ করিয়া উঠিলে দুর্বৃত্তগণ তাহাকে গালিগালাজ করিতে থাকে এবং তাহার সহিত অশোভন ব্যবহার করিতে আরম্ভ করে। ঐ কামরায় ভ্রমণ-রত গাড়িয়ার ৪৫টি চাউল বাবসায়ীর ছেলে দুর্বৃত্তদের এই দুর্ব্যবহারের প্রতিবাদ জানায় এবং মহিলাকে তাহাদের কবল হইতে রক্ষার চেষ্টা করে। দুর্বৃত্তগণ ঐ সময় তাহাদের ভীষণ ভাবে প্রহার করে। ভীতিবিহ্বল হইয়া কামরার যাত্রীরা ইতস্ততঃ পলায়ন করে। অভিযোগে প্রকাশ, ঐ ট্রেনে যে সমস্ত প্রহরী ছিল তাহারা নির্দীক দর্শকের ভূমিকা গ্রহণ করে। দুর্বৃত্তদের অত্যাচার হইতে মহিলাকে এবং যুবকদ্বয়কে রক্ষার কোন চেষ্টাই নাকি উহারা করে নাই।

প্রকাশ, পিয়ালী ষ্টেশনে দুর্বৃত্তদলের কয়েকজন নামিয়া সন্ধ্যার অন্ধকারে গা ঢাকা দেয়। চাম্পাহাটি ষ্টেশনে ট্রেনখানি থামিলে কয়েকজন দুর্বৃত্ত চাউল বাবসায়ীদের চাউলগুলি ট্রেন হইতে নামাইতে থাকে। কিন্তু ঐ সময় ইউনিফর্মধারী একজন পুলিশ ঐ স্থানে আসিয়া পড়ায় গুণ্ডারা পলায়ন করে।

এই ঘটনার দরুন ট্রেনখানির শিয়ালদহ ষ্টেশনে পৌঁছিতে প্রায় আধ ঘণ্টা বিলম্ব হয়।

ক্যানিং লাইনের ট্রেনে সফ্যার পর ভ্রমণ করা বিশঙ্কনক হইয়া পড়িয়াছে বলিয়া শনিবার একজন রেলযাত্রী রেলকর্তৃপক্ষ ও পুলিশকে ঐ লাইনে উপযুক্ত পাহারার ব্যবস্থা করার জন্য অনুরোধ জানাইয়া এক বিবৃতিতে বলেন যে, সফ্যার দিকে ইতঃপূর্বে তালদি, ঘুটিয়াবিশরীক ও পিয়ারী মধ্যবর্তী স্থানে চলন্ত ট্রেনে লুণ্ঠ-তরাজ ও রাহাজানির কয়েকটি ঘটনা ঘটিয়াছে। যাত্রীদের ধনপ্রাণ বিপন্ন হইয়া উঠিয়াছে।

কঠোর হস্তে দুর্বৃত্তদের এই দৌরাণ্ড্য বন্ধ করা একান্ত দরকার বলিয়া যাত্রীসাধারণ বিশেষ ভাবে মনে করেন।

ভারতে খাদ্যশস্য

“নয়া দিল্লী, ২১শে নবেম্বর—কেন্দ্রীয় খাদ্যমন্ত্রী শ্রী অজিত প্রসাদ জৈন আজ রাজ্যসভায় বলেন যে, খাদ্যশস্যের ব্যাপারে ভারত কবে ও কতখানি স্বয়ংসম্পূর্ণ হইয়া উঠিবে তাহা অনুমান করা খুবই শক্ত।

সদস্যবর্গের উপর্যুপরি প্রশ্নের জবাবে খাদ্যমন্ত্রী বলেন যে, এক-দিকে যেমন খাদ্যোৎপাদনের বৃদ্ধি ঘটিতেছে, সঙ্গে সঙ্গে তেমনি জন-সংখ্যাও বৃদ্ধিপ্রাপ্ত হইতেছে। সেই সঙ্গে পুষ্টির মানেরও উন্নতি ঘটিতেছে। মুখ্যতঃ ইহা চাহিদা ও সরবরাহের প্রশ্ন। দেশে আরও বেশী খাদ্য উৎপন্ন হইলেও ক্রমবর্ধমান চাহিদা মিটাইবার জন্য কিছু পরিমাণ খাদ্যশস্য আমদানী করিতেই হইবে।

খাদ্যমন্ত্রী জানান যে, ১৯৫৬ সনের সেপ্টেম্বরের শেষ পর্যন্ত কেন্দ্রীয় সরকারের সংরক্ষিত শস্যভাণ্ডারে ২,৩৭,৫৪৩ টন খাদ্যশস্য মজুত ছিল।”

আমাদের প্রশ্ন এই যে তবে প্রথম পাঁচমাসা নস্টার ফল হইল কি? নস্টার কি ভুল ছিল?

প্রেস কাউন্সিল বিল

প্রেস কমিশনের আর একটি প্রস্তাব আইনে পরিণত হইতে চলিয়াছে। নীচের সংবাদে তাহার বিবরণ দেওয়া হইল।

“১১ই ডিসেম্বর—দুই দিন বিতর্কের পর মঙ্গলবার রাজ্যসভায় প্রেস কাউন্সিল বিল গৃহীত হয়।

তথ্য এবং বেতারমন্ত্রী ডাঃ কেশকার প্রেস কাউন্সিলের চেয়ারম্যান নিয়োগ সম্পর্কে ড. এইচ. এন. কুঞ্জর একটি সংশোধন প্রস্তাব গ্রহণ করেন।

ঐ সংশোধন প্রস্তাব অনুযায়ী রাজ্যসভায় চেয়ারম্যান, লোক-সভায় অধ্যক্ষ এবং ভারতের প্রধান বিচারপতিকে লইয়া গঠিত এক কমিটি প্রেস কাউন্সিলের চেয়ারম্যান নিয়োগ করিবেন। মূল বিলে রাষ্ট্রপতির উপর দায়িত্ব অর্পিত হইয়াছিল। অল্প রাজ্যসভায় বিলটির আলোচনাকালে বিলটি সিলেক্ট কমিটিতে প্রেরণসংক্রান্ত তিনটি প্রস্তাব অগ্রাহ হইল। প্রস্তাবগুলির বিরোধিতা করিয়া ডাঃ কেশকার বলেন যে, প্রেস কমিশনের সুপারিশের ভিত্তিতে প্রেস

কাউন্সিল গঠনের প্রস্তাব করা হইয়াছে। ঐ ব্যবস্থার কোনরূপ মৌলিক পরিবর্তনে সরকার সম্মত হইবেন না।

প্রেস কাউন্সিল বাহাতে কোন সাংবাদিককে সংবাদের সূত্র-প্রকাশে বাধা করিতে না পারে, সেই উদ্দেশ্যে বিলে একটি ধারা সন্নিবিষ্ট করার জন্য কংগ্রেসী এবং বিরোধী দলের সদস্যগণ চেষ্টা করেন, কিন্তু তাঁহাদের চেষ্টা ব্যর্থ হয়।

ডাঃ কেশকার বলেন, তিনি ইহা চিন্তা করিতে পারেন না যে, প্রধানতঃ সাংবাদিকদের লইয়া গঠিত কোন সংস্থা কোন সাংবাদিককে সংবাদের সূত্র সম্পর্কে এমন প্রশ্ন করিতে পারেন, বাহাতে ঐ সাংবাদিক বিব্রত বোধ করিবেন। বিলে এই বিষয় সম্পর্কে কোন ধারা সন্নিবিষ্ট না হইলে সাংবাদিকদের অধিকার ক্ষুণ্ণ হইবার আশঙ্কা বহিয়াছে বলিয়া তিনি মনে করেন না।”

রাজ্য পুনর্গঠন

১লা নবেম্বর হইতে ভারতের মানচিত্রের বিপুল আভ্যন্তরীণ পরিবর্তন সূচিত হইয়াছে। স্বাধীনতাপ্রাপ্তির পর ভারতীয় নৃপতিবৃন্দের রাজ্যগুলি যখন ভারতের অন্তর্ভুক্ত হয় তখন ভারতের আভ্যন্তরীণ রাজনৈতিক মানচিত্রের প্রথম উল্লেখযোগ্য পরিবর্তন ঘটে। ১লা নবেম্বর হইতে নূতন রাজ্যগুলির সৃষ্টি হওয়ার ভারতের আভ্যন্তরীণ রাজনৈতিক মানচিত্রের দ্বিতীয় উল্লেখযোগ্য পরিবর্তন সূচিত হইল।

রাজ্য পুনর্গঠনের ফলে ভারতের প্রশাসনিক ইউনিট ২৯টি হইতে কমিয়া ২০টিতে দাঁড়াইয়াছে। নূতন কুড়িটি রাজ্যের মধ্যে ছয়টি কেন্দ্রশাসিত অঞ্চল। এই ছয়টি অঞ্চল ব্যতীত অপরাপর চৌদ্দটি রাজ্যের মধ্যে প্রশাসনিক কোন বৈষম্য থাকিবে না। নব-গঠিত রাজ্যগুলির মধ্যে আয়তনে বোম্বাই সর্বাপেক্ষা বড় এবং কেবলা সর্বাপেক্ষা ছোট।

পুনর্গঠনের পর ভারতের রাজ্যগুলির নাম নিম্নরূপ :

(ক)—রাজ্য

নাম	রাজধানী
১। মহীশূর	বাঙ্গালোর
২। রাজস্থান	জয়পুর
৩। কেবলা	ত্রিবাঙ্গম্
৪। অন্ধ্র	হায়দরাবাদ
৫। বোম্বাই	বোম্বাই
৬। মধ্যপ্রদেশ	ভূপাল
৭। পঞ্জাব	চণ্ডীগড়
৮। উড়িষ্যা	ভুবনেশ্বর
৯। আসাম	শিলং
১০। পশ্চিমবঙ্গ	কলিকাতা
১১। বিহার	পাটনা
১২। উত্তর প্রদেশ	লক্ষ্ণৌ
১৩। মাদ্রাজ	মাদ্রাজ
১৪। জম্মু ও কাশ্মীর	জীনপুর

(খ)—কেন্দ্রশাসিত অঞ্চল

১। দিল্লী	দিল্লী
২। হিমাচল প্রদেশ	সিমলা
৩। ত্রিপুরা	আগরতলা
৪। মণিপুর	ইম্ফল
৫। আন্দামান ও নিকোবর দ্বীপপুঞ্জ	পোর্ট ব্লেয়ার
৬। লাক্ষাদ্বীপপুঞ্জ, মিনিকয় এবং আমিন দ্বীপ।	

মাণিক বন্দ্যোপাধ্যায়

বাংলার প্রখ্যাত লেখক মাণিক বন্দ্যোপাধ্যায় গত ১৭ই অক্টোবর (৩রা ডিসেম্বর) কলিকাতা নীলবতন সরকার হাসপাতালে পরলোকগমন করিয়াছেন। মৃত্যুকালে তাঁহার বয়স হইয়াছিল মাত্র ৪৬ বৎসর।

মাণিক বন্দ্যোপাধ্যায়ের আসল নাম শ্রীপ্রবোধকুমার বন্দ্যোপাধ্যায়। ১৯১০ সনে তিনি ছয়মাস জন্মগ্রহণ করেন। মেদিনীপুর হইতে ম্যাট্রিক পাস করিয়া তিনি বাঁকুড়াতে আই-এসসি পড়েন। পরে যখন তিনি গণিত বিষয়ে অনাস-লইয়া কলিকাতা প্রেসিডেন্সী কলেজে ভর্তি হন তখন হইতেই সাহিত্যরচনার প্রতি তাঁহার চিন্তা আকৃষ্ট হয়। তিনি মাণিক বন্দ্যোপাধ্যায় এই ছদ্মনামে গল্প লিখিতে আরম্ভ করেন এবং অচিরেই বাংলার সাহিত্যজগতে বিশেষ প্রসিদ্ধি লাভ করেন। মৃত্যুকাল পর্যন্ত তাঁহার প্রায় ৫৭ খানি গ্রন্থ প্রকাশিত হয়। তন্মধ্যে পদ্মানদীর মাঝি, পুতুল নাচের ইতিকথা, ইতিকথার পরের কথা, সহরবাসের ইতিকথা, দিবারাত্রির কাব্য, সোনার চেয়ে দামী, ভেজাল, বৌ ইত্যাদি গ্রন্থ সবিশেষ পরিচিত।

মাণিক বন্দ্যোপাধ্যায় সাহিত্যের ক্ষেত্রে খুবই স্বাভাবিক ও সাহস দেখাইয়াছেন। সাহিত্যের প্রতি অমুরাগও তাঁহার অকৃত্রিম ছিল। বাংলা সাহিত্য-জগতের সেদিক হইতে ক্ষতি হইল সন্দেহ নাই।

কলিকাতার পথঘাট

কলিকাতার সর্ষী, ট্যাক্সীচালক ও কতকগুলি অতি দুঃখিত ও দুর্ভাগ্যবান যুবক মোটরচালকের উৎপাতে পথে চলা বিপজ্জনক হইয়া দাঁড়াইয়াছে। ইহাদের মধ্যে সর্ষীচালকদের অধিকাংশই সর্বাপেক্ষা দুর্ভাগ্যবান ও নিয়মশৃঙ্খলার অন্তরায়। ইহাদিগকে কঠোর ভাবে শাস্তি না দিলে নিয়মশৃঙ্খলার পুনরাবৃত্তি অনিবার্য।

“বৃহস্পতিবার অপরাহ্নে বেলিয়াঘাটা অঞ্চলে এক মর্মান্তিক বাস দুর্ঘটনার কালে শ্রীশরৎচন্দ্র দাস নামক জনৈক শিক্ষক গুরুতর আহত হন এবং নীলবতন সরকার হাসপাতালে ভর্তি হওয়ার পর তাঁহার মৃত্যু হয়। ঐ ঘটনার সংশ্লিষ্ট বাসের দুই জন কণ্ডাক্টর, এক জন দোকানদার এবং এক জন পথচারীও সামান্য আহত হন। বাস-চালককে পুলিশ পরে গ্রেপ্তার করিয়াছে।

ঘটনার বিবরণে প্রকাশ যে, ৩৬নং রুটের একখানি ফাঁকা বাস বেলা আড়াইটা নাগাদ রাজেন্দ্রলাল মিত্র রোডের বাঁক ঘুরিয়া বেলিয়াঘাটা মেন রোডে পড়িবার সময় অকস্মাৎ উহার ব্রেক বিকল

হইয়া যায় এবং বাসখানি টাল খাইয়া পার্শ্ববর্তী ডেঞ্চে পড়িয়া যায়। বাসের সম্মুখভাগ ডেঞ্চের উপর পার্শ্বের একটি পানের দোকানের সঙ্গে ধাক্কা খায়। ফলে দোকানী আহত হয় এবং দোকানঘরটির বিশেষ ক্ষতি হয়।

জঙ্গীপুর মহকুমা হাসপাতাল

সাপ্তাহিক “ভারতী” পত্রিকা ২৯শে কার্তিক এক সম্পাদকীয় প্রবন্ধে লিখিয়াছেন :

“জঙ্গীপুর মহকুমা হাসপাতালটি যযুনাথগঞ্জ শহরে প্রতিষ্ঠার কথা আমরা বহুদিন হইতেই শুনিতেছি। ইহার জন্ম প্রয়োজনীয় কমিটি গঠন, স্থান নির্বাচন, উচ্চপদস্থ সরকারী কর্মচারিগণের আলাপ-আলোচনা ও স্থান পরিদর্শন এবং শেষ পর্যন্ত কমিটি কর্তৃক সরকার নির্দিষ্ট টাকা জমা দেওয়া প্রভৃতি কার্য বহু পূর্বেই সম্পন্ন হইয়াছে। গত বৎসরের শেষে কিংবা এই বৎসরের প্রথমেই ইহার কার্য শুরু করা হইবে এরূপ শুভবও আমরা শুনিয়াছিলাম। কিন্তু দুঃখের বিষয় আজ পর্যন্ত এ সম্পর্কে কোন সাড়াশব্দ আমরা পাইতেছি না।”

“ভারতী” বলিয়াছেন, হাসপাতাল প্রতিষ্ঠার ব্যাপারে সরকারী দীর্ঘসূত্রিতা রহিয়াছে সন্দেহ নাই, কিন্তু জনসাধারণের প্রতিনিধিদের পক্ষ হইতেও যে, সকল চেষ্টা করা হইয়াছে এরূপ কথা বলা চলে না। মুষ্টিমেয় কয়েকজনের উপর অভিভাবকত্ব ছাড়িয়া দিয়া যদি জনসাধারণ নিশ্চেষ্ট হইয়া বসিয়া থাকে তাহা এই শ্রেণীর অভিভাবকদের কক্ষে শিথিলতা আসাই স্বাভাবিক—এই কথা স্থানীয় জনসাধারণকে স্মরণ করাইয়া দিয়া “ভারতী” লিখিতেছেন :

“যখনই আমরা কোন এক গোষ্ঠীর উপর কোন কার্যসাধনের ভার দিব তখনই তাঁহারা বাহাতে তাঁহাদের কর্তব্যে কোন ত্রুটি না করেন তৎপ্রতি আমাদের সর্বদা সজাগ দৃষ্টি রাখা প্রয়োজন—ইহাই চিন্তা করিয়া আজ কমিটির সভাগণকে, বিশেষ করিয়া ইহার কর্মকর্তৃগণকে, এই ব্যাপারে অধিকতর উৎসাহী হইবার জন্ম যদি আমরা চাপ দিতে না পারি ও সঙ্গে সঙ্গে নিজেরাও উৎসাহী হইয়া উঠিতে না পারি তবে হয়ত উক্ত হাসপাতাল প্রতিষ্ঠার ব্যাপার আরও দীর্ঘ দিন পিছাইয়া যাইতে পারে।”

জঙ্গীপুরে একটি হাসপাতাল প্রতিষ্ঠার আও প্রয়োজনীয়তা সম্পর্কে সকলেই একমত। স্থানীয় মহকুমা-শাসক হাসপাতাল কমিটির সভাপতি। তিনি সচেষ্ট হইলে সরকারী বিভাগ অধিকতর সক্রিয় হইতে পারে এবং হাসপাতাল প্রতিষ্ঠাও ত্বরান্বিত হইতে পারে।

পশ্চিমবঙ্গ বিচারবিভাগের পৃথক করণ

পশ্চিমবঙ্গ সরকার স্থির করিয়াছেন যে বিচারবিভাগকে শাসন-বিভাগ হইতে সম্পূর্ণরূপে পৃথক করা হইবে। এই সম্পর্কে ১৪ই অক্টোবর “যুগান্তর” পত্রিকায় যে সংবাদটি প্রকাশিত হইয়াছে তাহা নিম্নরূপ

“বিচারবিভাগকে সম্পূর্ণরূপে শাসনবিভাগ হইতে পৃথক করার উদ্দেশ্যে পশ্চিমবঙ্গ মন্ত্রিসভা বৃহস্পতিবার একটি গুরুত্বপূর্ণ সিদ্ধান্ত গ্রহণ করিয়াছেন।

এই সিদ্ধান্তের ফলে জেলাশাসক ও মহকুমাশাসকদের হাতে আর কোন বিচার-ক্ষমতা থাকিবে না এবং শাসনবিভাগের প্রভাব-মুক্ত হইয়া বিচারবিভাগ একটি স্বাধীন ও স্বতন্ত্র অস্তিত্ব লাভ করিবে। এই গুরুত্বপূর্ণ সংস্কারের জ্ঞা ত্রিটিশ আমল হইতেই জাতির নেতৃবৃন্দ আন্দোলন চালাইয়া আসিয়াছেন।

বৃহস্পতিবার মন্ত্রিসভার বৈঠকের পর বিচারবিভাগীয় মন্ত্রী শ্রীশঙ্করপ্রসাদ মিত্র সাংবাদিকদের নিকট এই সিদ্ধান্তের কথা ঘোষণা করিয়া বলেন যে, এই সংস্কারের ফলে জনসাধারণকে সম্পূর্ণ নিরপেক্ষ বিচারের সুযোগ দেওয়া হইতেছে এবং দীর্ঘকালের একটি আন্দোলন আজ সাফসামান্য করিতেছে। তিনি জানান যে, এই সিদ্ধান্তকে কার্যকরী করার উদ্দেশ্যে শীঘ্রই গবর্ণমেন্ট প্রয়োজনীয় আইন প্রণয়ন করিবেন।

শ্রীযুক্ত মিত্র বলেন, ভারতীয় সংবিধানের একটি ধারায় এই নীতি স্বীকার করা হইয়াছে যে, শাসনকর্তারূপে যিনি কোন মামলার সহিত কোনভাবে জড়িত রহিয়াছেন তাঁহার হাতে বিচারকর্তার ক্ষমতা রাখা জায়সঙ্গত নয়।

রাজ্যসরকার যে সিদ্ধান্ত করিয়াছেন তাহাতে কোর্জদারী দণ্ড-বিধির ১৪৪ ধারা সংক্রান্ত মামলাগুলিকে শাসনবিভাগের হাতে রাখা হইবে।

বিচার ও শাসন বিভাগকে স্বতন্ত্র করার এইরূপ সিদ্ধান্ত ইতি-পূর্বে উত্তরপ্রদেশ, মাদ্রাজ ও বোম্বাইয়ে কার্যকরী হইয়াছে। শাসন-তন্ত্র সম্পর্কে সুবিখ্যাত আইনবিদ্ মেরিডিথের কথায় উক্তিতে করিয়া বলা যায় যে, কোন বিচারক মামলার জয়-পরাজয় সম্পর্কে বিন্দুমাত্র জড়িত থাকিলে তাঁহার দ্বারা সত্যকার নিরপেক্ষ বিচার হওয়া কখনই সম্ভব নহে। জেলা-ম্যাজিষ্ট্রেট পুলিশবিভাগের উপর পূর্ণ কর্তৃত্ব করিয়া থাকেন ও শাসন-ব্যবস্থা অটুট রাখা সম্পর্কে তিনি প্রায়ই পুলিশবিভাগীয় কর্মচারীগণের সহিত গোপন সভায় মিলিত হইয়া থাকেন। কাজেই জেলা-ম্যাজিষ্ট্রেটকে সন্তুষ্ট করিতে পারিলে কোন বিচারকর্তার যদি পদোন্নতি ও অজ্ঞা সর্বপ্রকার উন্নতি ঘটে, তাহা হইলে সেই বিচারকর্তা ম্যাজিষ্ট্রেটের মুখ চাহিয়া বিচারের ব্যয় দিবেন, ইহা অসম্ভব নয়। বিচার ও শাসনবিভাগকে সম্পূর্ণভাবে পৃথক করিয়াই এই দুইটি ক্ষতকে সমাজ-জীবন হইতে অপসারণ করা সম্ভব।

আইনবিদ্ মেরিডিথের এই নীতি সর্বত্রই সমাদৃত হইয়াছে ও পশ্চিমবঙ্গে নূতন ব্যবস্থা চালু করিবার পর এই নীতির বাস্তবরূপ পশ্চিমবঙ্গবাসী প্রত্যক্ষ করিতে পারিবেন।

মন্ত্রিসভার অধিবেশনে অবশ্য স্থির হইয়াছে যে, দেশের আইন ও শৃঙ্খলা রক্ষা করার সহিত বিশেষভাবে বিজড়িত কোর্জদারীর ১৪৪ ধারার পূর্ণ দায়িত্ব শাসনবিভাগীয় দপ্তরের হাতে থাকিবে।

বিচারমন্ত্রী আরও জানান যে, নূতন ব্যবস্থা চালু হইবার পর পশ্চিমবঙ্গের সহিত সত্ত্ব অন্তর্ভুক্ত অঞ্চল বাতিরেকে অবশিষ্ট অংশের জ্ঞা আরও ৫৬ জন ছোট-বড় বিচারক প্রয়োজন হইবে। বর্তমানের মুক্ত শাসন ও বিচার বিভাগকে দুই ভাগে বিভক্ত করা হইয়াছে। বিচারবিভাগের উপর জেলা-জ্ঞা ও হাইকোর্টের পূর্ণ কর্তৃত্ব থাকিবে এবং ইহা একটি সম্পূর্ণভাবে পৃথক বিভাগে রূপান্তরিত হইবে। শাসনকর্তার উপর শাসন-ব্যবস্থা ও রাজস্ব বিভাগের দায়িত্ব থাকিবে। মহকুমাস্তরের বর্তমান শাসন-ব্যবস্থাকেও অনুরূপভাবে বিভক্ত করা হইবে।”

বাংলার আঞ্চলিক বাহিনী

নিম্নে আমরা রাজ্যপালের বক্তৃতার সারাংশ আনন্দবাজার পত্রিকা হইতে তুলিয়া দিলাম।

এই সম্পর্কে আমাদের বলা প্রয়োজন যে, বাংলার আঞ্চলিক বাহিনী বিষয়ে আজ পাঁচ বৎসর কোনও প্রচার বা সক্রিয় চেষ্টার কথা আমরা শুনি নাই। সুতরাং দেশের যুবকগণের দোষ কোথায় ?

—“১৭ই নবেম্বর শনিবার আঞ্চলিক বাহিনী দিবস উপলক্ষে পশ্চিমবঙ্গের রাজ্যপাল শ্রীমতী পদ্মজা নাইডু গুরুবার অপরাহ্নে অল ইণ্ডিয়া রেডিওর কলিকাতা কেন্দ্র হইতে প্রচারিত এক বাণীতে ভারতীয় আঞ্চলিক বাহিনীতে আরও অধিক সংখ্যায় যোগদানের আহ্বান জানাইয়া বলেন যে, দ্বিতীয় প্রতিরক্ষাবাহ এই আঞ্চলিক বাহিনী দেশের প্রতিরক্ষায় সুশৃঙ্খল প্রস্তুতির প্রতীকস্বরূপ। সুতরাং আঞ্চলিক বাহিনীকে যে শিক্ষা দেওয়া হয়, তাহা দেশের যুবকদের শিক্ষার একটি মূল্যবান অংশ।

শ্রীমতী নাইডু হুঃখ প্রকাশ করিয়া বলেন যে, দেশের যুবকগণ এই বাহিনীর গুরুত্ব সম্যক্ জ্ঞদয়ঙ্গম করিতে পারে নাই বলিয়া মনে হয়। তিনি গুরুত্ব দিয়া বলেন যে, দেশের প্রতিরক্ষা ব্যবস্থা দৃঢ়তর করিয়া তুলিতে নাগরিক কর্তব্য পালনের ব্যর্থতার ফলে কষ্টার্জিত স্বাধীনতার মূল ভিত্তি বিপন্ন হইয়া পড়িতে পারে।

১৭ই নবেম্বর আঞ্চলিক বাহিনী দিবস উপলক্ষে পশ্চিমবঙ্গের মুখ্যমন্ত্রী ডাঃ শ্রীবিধানচন্দ্র রায় নিম্নরূপ বাণী দিয়াছেন :

‘অত্ অপরাহ্নে আঞ্চলিক বাহিনীর অষ্টম প্রতিষ্ঠা দিবস উদ্‌যাপিত হইবে। অষ্টাশ্র বৎসরের জায় এই উপলক্ষে আমার এই স্বাস্থ্যের যুবকবৃন্দের আমি এই বাহিনীতে ক্রমবর্ধমান সংখ্যায় যোগ দিতে পুনরায় আহ্বান জানাইতেছি। ইহা নাগরিকদিগেরই বাহিনী; এই বাহিনীতে স্বেচ্ছাসেবকেরা আধুনিক যুদ্ধের বিভিন্ন দিক সম্বন্ধে জ্ঞানলাভ করেন, বাহাতে প্রয়োজন হইলে মাতৃভূমির রক্ষার তাঁহারাও স্থায়ী সেনাবাহিনীর স্রাত্ববৃন্দের পাশে দাঁড়াইতে পারেন। স্বাধীন দেশের প্রত্যেক নাগরিকের দেশরক্ষার দায়িত্ব ও কর্তব্য রহিয়াছে। জরুরী প্রয়োজন দেখা দিলে দ্রুত বিরাট বাহিনী গঠন ও শিকণের সময় পাওয়া যায় না। প্রতিরক্ষাসংক্রান্ত বিষয়গুলি আজ ক্রমশঃ এক জটিল ও ব্যয়বহুল হইয়া পড়িয়াছে যে, একটি

স্বামী বিরাট বাহিনী রাখিতে হইলে সকল দেশের আর্থিক অবস্থার উপরই খুব বেশী চাপ পড়ে। ভারতের ক্ষেত্রে একথা আরও অধিক প্রযোজ্য, কেননা এখানে প্রতিটি উদ্ভূত পাই উন্নয়ন-কাৰ্য্যসূচীর জ্ঞান প্রয়োজন। কিন্তু ইহা দুঃখের বিষয় যে, এই রাজ্যে আঞ্চলিক বাহিনীর ডাকে আশানুরূপ সাড়া পাওয়া যায় নাই, রাজ্যের জ্ঞান নির্দিষ্ট সংখ্যা এখনও অপূর্ণ রহিয়াছে। সুতরাং বাহাতে রাজ্যের নির্দিষ্ট সংখ্যা পূর্ণ হইয়া যায় এবং জেলায় জেলায় এই সংস্থা প্রসারিত করার পরিকল্পনাও সফল হয়, তত্বেদে দলে দলে আগাইয়া আসিবার জ্ঞান আমি আমার তরুণ বন্ধুদের প্রতি আবেদন জানাইতেছি। দেশের সেবার বাংলা কখনও পিছাইয়া থাকে নাই, এখনও থাকিবে না বলিয়াই আমার বিশ্বাস।

ড. আশ্বেদকর

এদেশের অল্পমত শ্রেণীর নেতা ও নির্ভীক চালকরূপে ডাঃ আশ্বেদকর দীর্ঘ দিন এই দেশে রাজনীতির ক্ষেত্রে ছিলেন। তাঁহার মতামতে অনেক সময় ভুল দেখা গিয়াছে, কিন্তু জ্ঞানতঃ অসত্যচরণ তিনি করিতেন না। তাঁহার মৃত্যুতে তপশীলী শ্রেণী বিষম ক্ষতি-গ্রস্ত হইল। নীচে তাঁহার মৃত্যুসংবাদের বিবৃতি দেওয়া হইল।

“নয়াদিগ্গী, ৬ই ডিসেম্বর—তপশীলী সম্প্রদায়ের নেতা এবং ভারতের ভূতপূর্ব আইনমন্ত্রী ড. ভীমরাও রামজী আশ্বেদকর আজ সকালে এখানে পরলোকগমন করিয়াছেন। মৃত্যুকালে তাঁহার ৬৩ বৎসর বয়স হইয়াছিল। বিগত কিছুকাল বাবং তাঁহার স্বাস্থ্য ভাল ছিল না। গত মঙ্গলবার দিন তিনি রাজ্যসভার অধিবেশনে যোগ দেন। গতকাল মধ্যরাতে যখন তিনি শয্যা গ্রহণ করেন তখনও তাঁহার স্বাস্থ্যের কোন অস্বাভাবিক লক্ষণ প্রকাশ পায় নাই। কিন্তু আজ সকালে যখন তাঁহার কক্ষে চা লইয়া যাওয়া হয় তখন তাঁহার জীবনদীপ নিভিয়া গিয়াছে।

তাঁহার মৃত্যু-সংবাদ অবগত হইবার অব্যবহিত পরই মন্ত্রিসভা এবং সংসদের সদস্যগণ তাঁহার প্রতি শেষ সম্মান প্রদর্শনের জ্ঞান তাঁহার আলীপুর বোডস্থ বাসভবনে গমন করেন। পূর্বোক্ত ব্যক্তিদের মধ্যে প্রধানমন্ত্রী শ্রীনেহরু, সংসদগণকামন্ত্রী শ্রীজগজীবন রাম এবং রাজ্যসভার ডেপুটি চেয়ারম্যান শ্রীকৃষ্ণমুর্তি রাও প্রমুখের নাম বিশেষ উল্লেখযোগ্য। মৃতের স্মৃতির প্রতি সম্মান নিবেদন-কল্পে আজ সংসদের উভয় সভার অধিবেশন প্রস্তোতবে পর স্থগিত রাখা হয়। আজ রাত্রি ৮টার বিমানযোগে তাঁহার মৃতদেহ বোম্বাইয়ে লইয়া যাওয়া হয়।

ভূতপূর্ব আইনমন্ত্রী ও ভারতের সংবিধানের রচয়িতা ড. আশ্বেদকরের মৃত্যু-সংবাদে সংসদের সদস্যগণ মর্মান্বিত হইয়া পড়েন।

গত পরশ্বও তিনি রাজ্যসভার অধিবেশনে যোগদান করিয়াছিলেন। সেই সময় তিনি স্বাভাবিক অবস্থায়ই ছিলেন এবং তাঁহাকে বন্ধু-বর্গের সহিত কথা বলিতে ও হস্তপরিহাস করিতে দেখা গিয়াছিল।

সম্প্রতি দুই লক্ষাধিক অমুগামীসহ তিনি বৌদ্ধধর্ম গ্রহণ করেন। মৃত্যুকালে তিনি পত্নী ও দুই পুত্র রাখিয়া গিয়াছেন।

রাজ্যসভায় ড. ভীমরাও রামজী আশ্বেদকরের প্রতি অকুণ্ঠ শ্রদ্ধা নিবেদন করিয়া প্রধানমন্ত্রী শ্রীনেহরু তাঁহাকে অস্পৃশ্যদের উপর সামাজিক অত্যাচারের বিরুদ্ধে বিদ্রোহী বলিয়া অভিহিত করেন।

মহেন্দ্রনাথ দত্ত

বিগত ১৫ই অক্টোবর, উননব্বই বৎসর বয়সে বহু শাস্ত্রবিৎ সুপণ্ডিত দার্শনিক মহেন্দ্রনাথ দত্ত কলিকাতা নগরীর সিমলা অঞ্চলস্থ তাঁহার পৈতৃক বাসভবনে দেহত্যাগ করেন। ঋষিকল্প মহেন্দ্রনাথ ছিলেন স্বামী বিবেকানন্দের মধ্যম ভ্রাতা। তিনি ১৮৬৯ খ্রীষ্টাব্দে জন্মগ্রহণ করেন। ব্যাবিষ্টারি পড়িবার জ্ঞান ১৮৯৬ সালে মহেন্দ্রনাথ ইংলণ্ড গমন করেন। অর্থের নিষেধে সে অভিপ্রায় ত্যাগ করিতে হইলেও তাঁহার বিলাতযাত্রা নিফল হয় নাই। লণ্ডনে অবস্থান-কালে ব্রিটিশ মিউজিয়ামে একাধিক বার অসংখ্য গ্রন্থ অধ্যয়ন করিয়া তিনি শিল্প ও স্থাপত্য, ধর্ম ও দর্শন প্রভৃতি বিষয়ে গভীর ব্যাপ্তি লাভ করেন। তার পর দীর্ঘ পাঁচ বৎসর পর্যটকরূপে মহেন্দ্রনাথ ইউরোপ, এশিয়া ও আফ্রিকার নানা স্থানে, বিশেষতঃ মধ্যপ্রাচ্যে কয়েকটি দেশে পরিভ্রমণ করিয়া ১৯০২ সালে ভারতবর্ষে প্রত্যাবর্তন করেন। পূর্ণাঙ্গ ভ্রমণকাহিনী তিনি লেখেন নাই। তাঁহার ‘শাশনাল ওয়েল্থ’ নামক পুস্তকে এই ভ্রমণের আভাস পাই। স্বদেশী আন্দোলনের যুগে কনিষ্ঠ ভ্রাতা উক্ত শ্রীভূপেন্দ্রনাথ দত্তের সহিত সংস্রবশতঃ পুলিশ-কর্তৃক বার বার বাড়ী খানাওলাসীর আশঙ্কায় তাঁহাকে তাঁহার অধিকাংশ লেখা এবং কাগজপত্র অগ্নি-শিখায় সমর্পণ করিতে হয়। তাঁহার ইংরেজী ও বাংলা পুস্তকাবলীর মধ্যে ‘স্টেটাস অফ টয়লাস’, ‘সেক্যাস অন এডুকেশন’, ‘শাশনাল ওয়েল্থ’, ‘নিউ এশিয়া’, ‘নেশন’, ‘গাচয়াল ‘রিলিজিয়ন’, ‘প্রিন্সিপলস অফ আর্কিটেকচার’, ‘ডিপার্টেসন অন পেন্টিং’, ‘মাইকেল যু-সুদন ও দীনবন্ধু মিত্র’, ‘লণ্ডনে স্বামী বিবেকানন্দ’ প্রভৃতি গ্রন্থ সুপরিচিত। উভয় ভ্রাতার মত মহেন্দ্রনাথ ছিলেন চিবকুমার। তিনি ছিলেন গৈরিক-বিরহিত সন্ন্যাসী। রামকৃষ্ণ মিশনের সহিত তাঁহার ঘনিষ্ঠ সম্পর্ক ছিল। তাঁহার জ্ঞান, ব্যক্তিত্ব এবং গভীর পাণ্ডিত্যে আকৃষ্ট হইয়া বহু খ্যাতনামা শিল্পী, সাহিত্যিক এবং চিন্তা-শীল ব্যক্তি তাঁহার ভবনে সমবেত হইতেন এবং তাঁহার আলোচনার প্রেরণা লাভ করিতেন।

ন্যায়-বৈশেষিক ও বৌদ্ধদর্শন

শ্রীগোপিকামোহন ভট্টাচার্য



ভারতীয় দার্শনিক প্রস্থানসমূহের মধ্যে গহনাতীগহন বিচারের সম্যক পরিষ্করণ প্রধানতঃ জায় ও বৌদ্ধদর্শনের গ্রন্থসমূহে দেখা যায়। সুদূর অতীত হইতে দশম শতক পর্যন্ত প্রায় দ্বিসহস্র বৎসর ব্যাপিয়া ভারতীয় দর্শনের যে ক্রমবিকাশ ঘটিয়াছে তাহাতে এই দার্শনিকদ্বয়ের স্থান কে'ন অংশেই ন্যূন নয়। জায়দর্শনের ক্রমবিবর্তনে বৌদ্ধদার্শনিকগণের স্বল্প বাধবিচার যেরূপ প্রভাবিত করিয়াছে, অপর পক্ষে বৌদ্ধ দার্শনিকগণও স্বীয় প্রস্থানের ক্রমবিকাশে নৈয়ায়িকগণের নিকট যে কিরূপ ঋণী তাহার ইতিহাস আজিকার দিনে বিস্মৃতপ্রায়। সাদৃশ্য সহস্র বৎসর ব্যাপিয়া উভয়পক্ষের এই বাধবিচার দর্শনের ইতিহাসে চিরস্মরণীয়; আর ইহার ফলে বৌদ্ধদর্শনে ব্যাৎপন্ন না হইলে জায়দর্শনের রহস্যজাল ভেদ করা প্রায় অসম্ভব বলিলেও অত্যাুক্তি হয় না।

জায়সূত্রকার গোতম তাঁহার গ্রন্থে প্রত্যক্ষতঃ কোন বৌদ্ধমতের উল্লেখ করেন নাই বটে কিন্তু ব্যাৎপন্নের ভাষ্য-পাঠে মনে হয়, যেন বহুস্থলে বৌদ্ধমতের খণ্ডন করিয়াছেন। ব্যাৎপন্নের সময় জায়দর্শনের শৈশবাবস্থা। উহার বিচার-শৈলীর স্বল্প দার্শনিকতা প্রকৃতপক্ষে বাতিককার উদ্যোতকর (ষষ্ঠ শতক) হইতে শুরু হয়। জায়বিচারের সুবর্ণময় যুগের শ্রেষ্ঠ নিদর্শন 'জায়বাতিক'। উদ্যোতকর তাঁহার উক্ত গ্রন্থ রচনার প্রেরণা লাভ করেন 'কুতাকিক'গণের নিকট হইতে।^১ কিন্তু কে এই 'কুতাকিক'? ভারতীয় দর্শনের, আন্তিক-নাস্তিক নিবিশেষে প্রায় সকল প্রস্থানের আচার্যগণ বিরোধী মতাবলম্বীদের এই ভাষায় নির্দেশ করিতেন। এই বিরোধী দর্শন-প্রস্থানের নির্দেশনায় উদ্যোতকরের নীরবতা সত্যই বিস্ময়-কর। তিনি পূর্বপক্ষীর মত-উপস্থাপনে সর্বত্রই 'অন্তো', 'অপরে', 'ইত্যাহুঃ' বলিয়া আপন কর্তব্য সমাধা করিয়াছেন। নবম শতকের প্রসিদ্ধ নৈয়ায়িক জয়ন্ত ভট্ট চার্বাকপন্থীকে প্রধানতঃ এই কুতাকিক পর্যায়ে ফেলিয়াছেন। কিন্তু সর্বত্র-স্বতন্ত্র বাচস্পতি মিশ্রের মতে দিগ্‌নাগ প্রভৃতি বৌদ্ধাচার্যগণ এই 'কুতাকিক'। বৌদ্ধ জায়-প্রবাহের উৎস এই দিগ্‌নাগের 'প্রমাণসমুচ্চয়' গ্রন্থ। ষষ্ঠ শতকের প্রারম্ভে দিগ্‌নাগ ব্যাৎপন্ন মতের খণ্ডন করিয়াছেন। উদ্যোতকরের গ্রন্থপাঠে

বৌদ্ধমত সম্বন্ধে তাঁহার নিষ্কাতবুদ্ধির যথেষ্ট পরিচয় মিলিলেও তিনি দিগ্‌নাগের গ্রন্থের সহিত নিবিড় ভাবে পরিচিত ছিলেন কিনা সন্দেহ। ফলে, বৌদ্ধমত খণ্ডনপূর্বক জায়মত সমর্ধনে তাঁহার সুবিস্তৃত প্রয়াস ব্যর্থতার পর্যবসিত হইয়াছে সন্দেহ নাই। এই কারণেই দার্শনিকধুরন্ধর বাচস্পতি মিশ্রকে বাধবিচারের কণ্টকময় পথে অবতীর্ণ হইতে হইয়াছে— একমাত্র উদ্দেশ্য তাঁহার উদ্যোতকরের সহযোগিতা। তিনি নিজেই গ্রন্থের প্রারম্ভে বলিতেছেন—

“ইচ্ছামি কিমপি পুণ্যং ত্বস্তরকুনিবন্ধপক্ষমগানাম্।

উদ্যোতকরগবীনামতিজরতীনাং সমুদ্বরণাং ॥”^২

অর্থাৎ, “উদ্যোতকররূপ বৃদ্ধ গভী পূর্বপক্ষীর সমালোচনা-জালরূপ ত্বস্তর পক্ষে মগ্ন হইয়াছে—তাঁহাকে ঐ গভীর পক্ষ হইতে উদ্ধার করাই আমার এই গ্রন্থরচনার একমাত্র উদ্দেশ্য, সেই পুণ্যসঞ্চয়ের আমি প্রয়াসী”। অন্তত তিনি বলিয়াছেন যে, শাস্ত্র রচনার ও পাঠের উদ্দেশ্য তত্ত্বনির্ণয়, কিন্তু দিগ্‌নাগ প্রভৃতি অর্বাচীন কুতাকিকগণের বাক্যজালে আচ্ছন্ন শাস্ত্রের দ্বারা তত্ত্বনির্ণয় সম্ভাবিত নহে—এইজন্যই উদ্যোতকরের স্বনিবন্ধ রচনার প্রচেষ্টা।^৩ তাৎপর্যটীকাকার বহু স্থলে দিগ্‌নাগের কারিকা উদ্ধারপূর্বক খণ্ডন করিয়াছেন। অসম্মান-বিচার প্রসঙ্গ প্রধানতঃ দিগ্‌নাগ মতেরই দূষণ। কিন্তু এই বিচারের জটিলতা ও ত্রুহতা শ্রেষ্ঠতম নিদর্শন আমরা পাই উদ্যোতকরোত্তর ন্যায়-গ্রন্থে ও দিগ্‌নাগোত্তর বৌদ্ধ-জায়গ্রন্থে। একদিকে বাচস্পতি, জয়ন্ত ভট্ট ও উদয়ন, অন্যদিকে শাস্ত্রবন্ধিত, কমসশীল প্রভৃতি—এই বৈরধ সংগ্রামের ইতিহাস ভারতীয় দর্শন সাহিত্যাকাশে চির উজ্জ্বল জ্যোতিষ্ক-রূপে শোভিত থাকিবে। বঙ্গকীর্তি (১৫০ খ্রীষ্টাব্দ) তাঁহার 'অপোহসিদ্ধি' গ্রন্থে বাচস্পতি মিশ্রের গুরু ত্রিলোচন, জায়-ভূষণকার, বাচস্পতি মিশ্র প্রভৃতির মত খণ্ডন করিয়াছেন। 'ক্ষণভঙ্গসিদ্ধি' গ্রন্থে লেখক জাগতিক বস্তুসমূহের ক্ষণিকত্ব-

২। বাচস্পতি মিশ্র—তাৎপর্য টীকা, স্লোক ৪

৩। দিগ্‌নাগপ্রভৃতি অর্বাচীনৈঃ কুহেতুসমুদ্রমুখাপনেনাচ্ছাদিতঃ শাস্ত্রং ন তত্ত্বনির্ণয়ায় পর্যাণ্তমিত্যুদ্যোতকরণে স্বনিবন্ধোদ্যোতেন তদপনীয়ত ইতি—ঐ, পৃ: ২

দিগ্‌নাগসূত্রিতানু কল্পানু অজ্ঞানশ্চ বিকল্পানু দিগ্‌নাগসমর্ধিতঃ চ কমুপকৃত্ত হুয়তি—ঐ, পৃ: ১৩৫

১। কুতাকিকজ্ঞাননিবৃত্তিহেতুঃ কবিষাতে তস্ত যয়া নিবন্ধাঃ— জায়বাতিক (মেট্রোপলিটন সং), পৃ: ১

প্রমাণ প্রসঙ্গেও পূর্বোক্ত নৈয়ায়িকগণের মত খণ্ডন করিয়াছেন। আগতিক বস্তুর স্থিরত্ব-প্রমাণ প্রসঙ্গে নৈয়ায়িকগণের অস্বতম প্রধান যুক্তি—প্রত্যভিজ্ঞা (Recognition)। বস্তু-কীৰ্তি সেই উদ্দেশ্যেই বিস্তৃত ভাবে প্রত্যভিজ্ঞা খণ্ডন করিয়াছেন। 'স্থিরসিদ্ধিদূষণ' শীর্ষক অপর একটি গ্রন্থও তাঁহার রচিত।^৪ নৈয়ায়িকমতের বর্ণনাপ্রসঙ্গে তিনি বাচস্পতি মিশ্রের গুরু ত্রিলোচনের মতেরই প্রাধান্য দিয়াছেন। ইহাতে মনে হয় ত্রিলোচনের গ্রন্থই সেকালে সুপ্রচলিত ছিল—বহুদিন যাবৎ উক্ত গ্রন্থকারের কোন গ্রন্থের নিদর্শন মিলে নাই।^৫ আচার্য উদয়ন প্রধানতঃ এই ক্ষণভঙ্গসিদ্ধি নিরাকরণের জন্তই "আত্মতত্ত্ববিবেক" গ্রন্থ রচনা করেন।

অবয়ব (parts) ও অবয়বী (whole) জ্ঞায়মতে সম্পূর্ণ পৃথক। অবয়বী অবয়বে সমবায় সম্বন্ধে থাকে। এই সমবায় সম্বন্ধ (Inference) জ্ঞায়মতে নিত্য। বৌদ্ধাচার্য পণ্ডিত অশোক (নবম শতক) অবয়বিনিরাকরণ প্রকরণে নিত্য সমবায় সম্বন্ধ যে সম্পূর্ণরূপে অর্থোক্তিক ইহা প্রমাণ করিয়াছেন। অবয়বের সমূহাবস্থাই অবয়বী—উহার কোন পৃথক অস্তিত্ব নাই—ইহাই বৌদ্ধমত। পূর্বপক্ষীর মত উপস্থাপনে তিনি নামতঃ কাহারও উল্লেখ করেন নাই, বলিয়াছেন 'কণাদশিষ্যাঃ'। আচার্য উদয়ন "আত্মতত্ত্ববিবেক" গ্রন্থে পণ্ডিত অশোকের মত খণ্ডনপূর্বক অবয়বীর পৃথক অস্তিত্ব প্রমাণ করিয়াছেন।

যুগপ্রসারী এই বাদবিচারের ফলে পূর্ববর্তী আচার্যগণের মত বহুস্থলে সংশোধন করিতে হইয়াছে। এই দার্শনিক চিন্তাধারার বিপ্লব ও প্রতিবিপ্লবের মধ্য দিয়া ভারতীয় মননের ক্ষেত্রে এক অমুসা সম্পদে পূর্ণ হইয়া রহিয়াছে। দিঙনাগ প্রত্যক্ষের লক্ষণ করিয়াছেন—'কল্পনাপোড়ম'। নৈয়ায়িক উদ্দেশ্যাতকর উহার নিরাস করিলেন। তিনি প্রত্যক্ষলক্ষণে 'অভ্রাস্তত্ব' নিবেশ করিয়াছেন। উদ্দেশ্যাতকরের অনুবর্তন করিয়া বৌদ্ধ নৈয়ায়িক ধর্মকীৰ্তি প্রত্যক্ষের লক্ষণ করিলেন—প্রত্যক্ষঃ কল্পনাপোড়ম্ নামজাত্যাগ্গসংযুতম্।^৬ বাতিককার উদ্দেশ্যাতকর বস্তুবস্তুর (৪২০-৫০০ খ্রীষ্টাব্দ)

৪। "Six Buddhist Nyaya Tracts". ক্ষণভঙ্গসিদ্ধি, পৃ: ৬৮

* আনন্দের বিষয় 'মিথিলা বিসার্চ ইনস্টিটিউট' হইতে ত্রিলোচনের একটি গ্রন্থ প্রকাশিত হইতেছে।

৫। প্রমাণসমূহের, পৃ: ১০১

যথা সমাগ জ্ঞানমধিকৃত্য প্রত্যক্ষাদিলক্ষণং কৃতং কীৰ্তির্না—
তাৎপৰ্যটীকা, পৃ: ১০১

সম্মত—অর্থাৎ বিজ্ঞানং প্রত্যক্ষম্—এই প্রত্যক্ষলক্ষণের নিরাস করিয়াছেন।^৭ বাচস্পতি মিশ্র তাৎপৰ্য টীকা গ্রন্থে ধর্ম-কীৰ্তির পূর্বোক্ত প্রত্যক্ষলক্ষণ খণ্ডন করিয়াছেন। মনে হয় ধর্মকীৰ্তি প্রভৃতির মত খণ্ডনে বাচস্পতি মিশ্র তাঁহার গুরু ত্রিলোচনের রীতিই অনুসরণ করিয়াছেন। জয়ন্ত ভট্ট ইহাকে 'বুদ্ধ নৈয়ায়িক' রূপে অভিহিত করিয়াছেন—এই ত্রিলোচনই হয় ত সেই নৈয়ায়িক। প্রত্যক্ষলক্ষণে 'ব্যবসায়াক' পদটির যৌক্তিকতা বিচার প্রসঙ্গে বাচস্পতি মিশ্র এই গুরু-খণ্ড অকুণ্ঠ চিন্তে স্বীকার করিয়াছেন।^৮ বাচস্পতি মিশ্র বৌদ্ধদর্শনে প্রত্যক্ষলক্ষণের ক্রমবিকাশটি একটি বাক্যে সুন্দররূপে প্রকাশ করিয়াছেন—“দিঙনাগৈশ্চ কল্পনাপোড়মাত্রং লক্ষণ-মপি তু তদেবাত্মাস্তদসহিতং প্রত্যক্ষলক্ষণং মন্ততে স কীৰ্তিঃ প্রত্যক্ষং কল্পনাপোড়মাত্রাস্তমিতি।”^৯ জয়ন্ত ভট্ট আরও বিস্তৃত রূপে ধর্মকীৰ্তিসম্মত প্রত্যক্ষলক্ষণ খণ্ডন করিয়াছেন।^{১০}

এই জয়ন্ত ভট্ট নৈয়ায়িককূলের এক অভিনব আবির্ভাব। প্রাচীন জ্ঞায় ও বৌদ্ধদার্শনিকগণের প্রতিটি মতের তিনি সূক্ষ্মাতিসূক্ষ্ম বিচারশৈলীর দ্বারা স্বার্থার্থ অস্বার্থার্থ প্রমাণ করিতে প্রয়াস হইয়াছেন। প্রাচীন নৈয়ায়িকের মত তিনি কোথাও বিনা যুক্তিতে গ্রহণ করেন নাই। বহুস্থলে চিরাগত রীতি হইতে নিষ্কেকে দূরে রাখিয়াছেন—নূতন মতের উপস্থাপন করিয়াছেন। কাশ্মীরের অন্ধকার পর্বতগুহার বন্দী অবস্থায় বৌদ্ধমত খণ্ডনে ও স্বমত স্থাপনে যে প্রবল ধীশক্তি, নিষ্ঠা ও সর্বোপরি অননুকরণীয় দার্শনিক প্রতিভার পরিচয় তিনি দিয়াছেন তাহা পৃথিবীর মনন-রাজ্যের এক অপূর্ব সম্পদ। বৌদ্ধের দুর্দমনীয় প্রতিদ্বন্দী জয়ন্ত ভট্ট ভারতীয় দর্শনের সকল শাখায় নিষ্ফাত। সুবিস্তৃত ভাবে পূর্বপক্ষীর মতোপস্থাপনের কৃতিত্ব একমাত্র তাঁহারই। একদিকে সূক্ষ্ম দার্শনিকতা অগ্ৰদিকে কবিত্ব—এ দুইয়ের অপূর্ব সমন্বয় তাঁহার গ্রন্থে প্রকট। চার্বাকপন্থীকে তিনি উপেক্ষণীয় (চার্বাকাস্ত বরাকাস্তঃ) বলিয়া খণ্ডন করিতেই প্রবৃত্ত হন নাই। কিন্তু বৌদ্ধকে কোথাও নির্বিচারে গ্রহণ করেন নাই। এই বিশ্বপ্রপঞ্চ মনঃকল্পিত নয়, ইহার বাস্তব সত্তা আছে—ইহার প্রমাণে ও বৌদ্ধ যোগাচার মত খণ্ডনে দুর্ভেদ্য যুক্তিজাল বিস্তার করিয়াছেন। বৌদ্ধগণকে 'যুক্তিতকেশ'রূপে সম্বোধন করিয়া ক্ষণভঙ্গবাদ নিরাস করিয়াছেন। ক্ষণিকবাদী রবি-

৬। জায়বাস্তিক (মেট্রাপলিটন সং) ২২৭ পৃষ্ঠার উক্তত

৭। ত্রিলোচনগুরুরীতমার্গাভূপমনোমুখৈঃ।

যথামানং যথাবস্ত বাধ্যাতমিদমীদৃশম্। তাৎপৰ্যটীকা, পৃ: ১১৪

৮। জায়বাস্তিক, পৃ: ১১২

৯। জায়বাস্তিক পৃ: ৮৬-৮৭

তবে মত মিরাস কবিরা উপহাসকালে কবি-দার্শনিক
করন্ত ভট্ট বলিতেছেন—“ওহে ভিক্ষু! ওঠ, কণভজবাদ
মিরাস করিয়াছি, তোমার মনোরথ পূর্ণ হইয়াছে।” (উক্তি
ভিক্ষু! ফলিতান্তবাসাঃসোহয়ং সমাপ্তঃ কণভজবাদঃ) ।

উদ্যোতকরের বহু পরে বাচস্পতি মিশ্রের আবির্ভাব।
ঐ সময়ে মীমাংসকগণের উপর বৌদ্ধমত খণ্ডনের ভার পড়িল।
কুমারিলভট্ট, মণ্ডন মিশ্র, প্রসিদ্ধ অষ্টমতবৈদান্তিক আচার্য-
শঙ্কর, সুরেশ্বরচার্য ও আনন্দজ্ঞান প্রভৃতি মধ্যযুগীয় দার্শনিক-
গণ দিগ্‌নাগ ও ধর্মকীর্তির মত খণ্ডন করিলেন। নবম শতকে
ধর্মোত্তর ধর্মকীর্তির সমর্থনে ত্রতী হইলেন। দশম শতকে
বাচস্পতি মিশ্র ধর্মোত্তরের মত খণ্ডন করিলেন। একাদশ
শতকে বৌদ্ধসম্প্রদায়ের শ্রেষ্ঠ প্রতিদ্বন্দ্বী উদয়নাচার্যের
আবির্ভাব। আত্মতত্ত্ববিবেক (বৌদ্ধধিকার) ও কুসুমঞ্জলি
গ্রন্থদ্বয়ের মাধ্যমে তিনি বৌদ্ধমতবাদের উপর চরম আঘাত
হানিলেন। একদিকে নিরীশ্বর ও নৈরাশ্রাবাদী বৌদ্ধ-
দর্শনের যুক্তিজাল খণ্ডন, অত্রদিকে প্রবলযুক্তির উপর ঈশ্বর
ও আত্মার অস্তিত্ব স্থাপনের যে প্রয়াস তিনি করিয়াছেন—
তাহাতে উদয়নের নাম দার্শনিক চিন্তার ইতিহাসে চির
অম্লান থাকিবে। প্রবাদ আছে—পূর্বীর জগন্নাথ মন্দিরের
প্রবেশপ্রার্থী উদয়ন, কিন্তু মন্দিরের প্রবেশদ্বার রুদ্ধ।
আত্মাবমাননার রোধদীপ্ত উদয়ন দেবমূর্তিকে সন্মোহন করিয়া
বলিলেন—

“ঐশ্বর্যমদমস্তোহসি মামবজ্জায় বতসৈ।

উপস্থিতেষু বৌদ্ধেষু মদধীনা তব স্থিতিঃ ॥”

অর্থাৎ, “ঐশ্বর্যগর্বে ক্ষীত ওহে দেবতা! আমাকে অবজ্ঞা
করিলে, কিন্তু মনে রেখ, বৌদ্ধদের দ্বারা প্রবল ভাবে আক্রান্ত
তোমার অস্তিত্বকে রক্ষা করিবার জন্ত আমিই ত্রতী
হইয়াছি।” উদয়নের এই উক্তি দস্তের পরিচয় হইলেও উহা
যথার্থ। কল্যাণ রক্ষিতের (৮২২ খ্রীষ্টাব্দ) “ঈশ্বরভজ কারিকা”র
খণ্ডন ‘কুসুমঞ্জলি’ গ্রন্থ। উদয়নের ঐ হৃৎকৃত যুক্তিপূর্ণ গ্রন্থ-
সমূহের প্রচারের ফলেই যে বৌদ্ধদর্শনের অপমৃত্যু ঘটিল—
তাহাতে কোন সন্দেহ নাই। বৌদ্ধদর্শনের অবলুপ্তির ইহাই
প্রধান কারণ। এই কারণেই ত্রয়োদশ শতক হইতে কোন
বৌদ্ধগ্রন্থের সন্ধান পাওয়া যায় না। ইহাও সত্য যে, পরবর্তী
কালের আন্তিক দর্শন গ্রন্থানের গ্রন্থসমূহের উৎস এই
কুসুমঞ্জলি গ্রন্থ।

পণ্ডিতগণ মনে করেন, নব্যজ্ঞানে যে ভাষার সংঘ ও
অর্থপ্রাচুর্য তাহা বৌদ্ধ ও জৈন দার্শনিকগণের নিকট হইতে
গৃহীত।^{১০} ইহা আপাতমনোরম হইলেও সত্য নহে। নব্য-
জ্ঞানের মধ্যে যে ভাষার বিচিত্রশৈলী ও দৃঢ়গ্রন্থন দৃষ্ট হয়
তাহা গজেশের আবির্ভাবের বহুপূর্বে একাদশ শতকে উদয়নের

গ্রন্থসমূহের মধ্যেই বিদ্যমান। নব্যজ্ঞানের সূত্রপাত প্রকৃত
পক্ষে উদয়নের সময় হইতে। কিন্তু ভাষার বিশিষ্ট রীতি
যাহা নব্যজ্ঞানের বৈশিষ্ট্য, তাহা অক্ষপাদ গোতমের সময়
হইতে সমগ্র জ্ঞানশাস্ত্রের মুখ্য গ্রন্থসমূহের মধ্যে পরিব্যাপ্ত
হইয়া আছে। বাচস্পতি মিশ্র গ্রন্থের প্রারম্ভে সূত্রকার
গোতমের উদ্দেশে প্রণাম করিতেছেন—“নমামি ধর্মবিজ্ঞান-
বৈরাগ্যশ্রমশালিনে। নিধয়ে বাগবিশুদ্ধীনা মক্ষপাদায়
তায়িনে” ॥^{১১} বাক্যবিশুদ্ধির শ্রেষ্ঠতম নিদর্শন গোতমের জ্ঞান
সূত্র।

মহামহোপাধ্যায় সতীশ বিদ্যাত্মষণ মহাশয় মনে করেন
যে, নব্যজ্ঞানের প্রবর্তক প্রকৃতপক্ষে দিগ্‌নাগ (ষষ্ঠ শতক),
গজেশ নন। গজেশের সময় হইতে জ্ঞানশাস্ত্রের ইতিহাসে
প্রথম কেবলমাত্র প্রমাণ লইয়া আলোচনার সূত্রপাত হইল।
প্রমের পদার্থের আলোচনা এখানে নিছক গোণ।^{১২} জ্ঞান-
সূত্রোক্ত ষোড়শ পদার্থের মধ্যে একটিমাত্র পদার্থের উপর
এই বিশেষ দৃষ্টির হেতু কি? বিদ্যাত্মষণ মহাশয়ের মতে
নব্যজ্ঞান যে প্রধানতঃ প্রমাণশাস্ত্র রূপে দার্শনিক জগতে
প্রসিদ্ধ লাভ করিল তাহাৎ প্রমাত্র কারণ বৌদ্ধদার্শনিকের
প্রভাব।^{১৩} নব্যজ্ঞানে প্রমাণের আলোচনা মুখ্য হইলেও
উহা সর্বতোভাবে প্রমাণশাস্ত্র কিনা সে বিষয়ে যথেষ্ট বিচারের
অবকাশ আছে। নব্যজ্ঞানের মধ্যেও প্রচুর প্রমের পদার্থের
আলোচনা আছে। রঘুনাথ শিরোমণির গ্রন্থে জ্ঞান প্রমের
পদার্থের সর্বোত্তম অভিব্যক্তি দেখা যায়। নব্যজ্ঞানের বিরুদ্ধে
এই মতবাদের অর্থোক্তিকতা প্রতিপাদনে অধুনা কোন
কোন পণ্ডিত প্রযত্ন হইয়াছেন।^{১৪} প্রাক-গজেশ জ্ঞানদর্শনের
গ্রন্থসমূহও মাত্র প্রমেরশাস্ত্র নহে। সূত্রকার প্রথম সূত্রের
প্রথমেই ‘প্রমাণ’ শব্দের ব্যবহার করিয়াছেন এবং প্রমেরাদি
অপেক্ষা প্রমাণকেই প্রাধান্য দিয়াছেন। প্রমাতা, প্রমাণ,
প্রমেরের মধ্যে প্রমাণেরই প্রাধান্য। ভাষ্যকার বাৎসর্যয়ন
বলিয়াছেন—“প্রমাণতোহর্ষপ্রতিপত্তিঃ প্রবৃত্তিসামর্থ্যাদর্থবৎ
প্রমাণম্”।^{১৫} বাতিককার উদ্যোতকর বলিলেন—“প্রমাণম্
প্রাধান্য-প্রদর্শনার্থক”।^{১৬} ও “সাধকতমং প্রমাণং ন তু প্রমাতৃ-

10 Th. Stecbatsky, “Buddhist Logic”. vol. 1, p.50.

১১ ভাৎপর্ব টীকা, পৃ: ১

12 “History of Indian Logic” p.492.

13 Journal of the Buddhist Text & Anthropological Society pt. 111. 1898. pp 4-5.

14 Cultural Heritage of India vol. 111. (2nd Edn) “Navyanyaya”.

১৫ জ্ঞানভাষ্য, পৃ: ১

১৬ জ্ঞানবাস্তিক, পৃ: ১২

প্রমেয়ে” ১৭ প্রমেয়াদি পদার্থের তত্ত্বজ্ঞান প্রমাণতত্ত্বজ্ঞানের অধীন ১৮ সমগ্র ত্রায়সূত্র-ভাষ্য-বাতিক গ্রন্থে চতুর্বিধ প্রমাণের আলোচনাই মুখ্য। গৌণরূপে প্রমেয় আলোচিত হইয়াছে। উহার আলোচনা বৈশেষিক প্রস্থানের বিষয়ীভূত। আস্ত্রা সঙ্কে ত্রায়দর্শনে যে বিস্তৃত আলোচনা আছে তাহা বিরুদ্ধবাদী চার্বাক ও বৌদ্ধমতের নিরাসের উদ্দেশ্যেই। চতুর্বিধ প্রমাণের স্থাপন ও পরীক্ষাতেই গ্রন্থের অধিকাংশ ব্যয়িত হইয়াছে। ইহাও লক্ষ্যণীয় যে, ভারতীয় দর্শনে বিচাররীতির প্রথম পরিচয় পাই ত্রায়সূত্র। এই বিচার-পদ্ধতির বিস্তৃত আলোচনায় মনে হয় সে সময়েই ত্রায়সূত্রমত পদার্থসমূহের প্রতিপাদন করিতে সূত্রকারকে বিশেষ তৎপর হইতে হইয়াছে। তিনি নিশ্চয়ই তৎকালীন বিরুদ্ধ দার্শনিক মতের সহিত বিশেষ ভাবে পরিচিত ছিলেন। এবং সেই বিরুদ্ধমতের খণ্ডন করিতে গিয়া প্রসঙ্গক্রমে তাঁহাকে প্রমেয় পদার্থসমূহের আলোচনা করিতে হইয়াছে। ত্রায়সূত্রের এই অলক্ষ্য প্রভাব নবান্যায় পড়িয়াছে। নব্যনৈয়ায়িকের বিশিষ্ট দৃষ্টিভঙ্গীর উৎস কোনক্রমেই বৌদ্ধদার্শনিকগণ হইতে পাবেন না। বিশেষতঃ বৌদ্ধ এবং জৈন ন্যায়ের আলোচনা বাংলা দেশে বিশেষ প্রচলিত ছিল না। এখানে মমাংসা, ন্যায় ও ব্যাকরণের আলোচনাই সমধিক। দিঙনাগের গ্রন্থ সর্বপ্রথম তর্কশাস্ত্র তত্ত্ববিদ্যা হইতে সম্পূর্ণ পৃথকরূপে আলোচিত হইয়াছে সত্য, কিন্তু প্রমাণসমূহচয়, ন্যায়বিন্দু,

প্রমাণবাতিক প্রভৃতি গ্রন্থকারগণের অনুসৃত রীতি যে নব্য নৈয়ায়িকগণ কর্তৃক সর্বতোভাবে গৃহীত হয় নাই ইহাও সুনিশ্চিত। বিদ্যাভূষণ মহাশয় বলিয়াছিলেন :

“From his (Gangesa) time downwards it became customary with the Hindu writers on Nyaya Philosophy to deal only with the topic of Pramana (evidence of knowledge) and nobody cared for the remaining fifteen categories.”¹

ইহার সমীচীনতা বিবেচনা। বৈশেষিক পদার্থসমূহকে সুদৃঢ় ভিত্তির উপর স্থাপন করিবার প্রয়াসেই গঙ্গেশ তত্ত্ব-চিন্তামণি গ্রন্থ রচনা করিয়াছিলেন। তিনি ঈশ্বর, সামান্য বা জাতি, অভাব প্রভৃতির তত্ত্বসমীক্ষায় যে পথ প্রদর্শন করিয়া গিয়াছেন স্বাধীন বিচাররীতির যে ধারা প্রবর্তন করিয়াছেন তাহাই পরবর্তী যুগে নৈয়ায়িকধুরন্ধর রঘুনাথ শিবোমণি, গদাধর ভট্টাচার্য, জগদীশ প্রমুখ নৈয়ায়িকগণ অনুসরণ করিয়াছেন। বস্তুতঃ রঘুনাথ সপ্ত পদার্থের উপরে আরও আটটি পদার্থ স্বীকার করিয়াছেন। অতএব প্রাচীন ন্যায়ের মতই পদার্থ স্থাপনের জন্যই প্রমাণচর্চার সূত্রপাত। এ রীতি ইহার নিষ্ফল। সহস্র বৎসর ব্যাপিয়া বাদবিচারের ইহাই সুপ্রসূ ফল। শাস্ত্র ও জ্ঞানধারার অবিচ্ছিন্নতা রক্ষার ইহা স্বাভাবিক পরিণতি।

১৭ ঐ পৃ: ১৮

১৮ তাৎপর্য টীকা, পৃ: ৩

1 'Journal of the Buddhist Text Society' pt 111, 1898. p. 6



আল-বীরুণীর ভারতীয় ভূগোল

ডক্টর শ্রীবিমলাচরণ লাহা

২

পর্বতমালা

আল-বীরুণী 'ইঞ্জিয়া' গ্রন্থে ভারতের নদী ও পর্বতের বিবরণ দিয়াছেন। আধুনিক অনুসন্ধানের উপর নির্ভর করিয়া ইহা আলোচিত হইলে ভূগোলবিদগণের বহু উপকারে আসিবে।

মৎস্যপুরাণ হইতে আল-বীরুণী প্রাচীন ভারতের কয়েকটি পর্বতের উল্লেখ করিয়াছেন। এই পুরাণের মতে মেরুপর্বতের সাতটি গ্রন্থি (গ্রন্থি=বৃহৎ পর্বত) আছে, যথা—মহেন্দ্র, মলয়, সহ্য শুক্রিমান, ঋক্ষ, বিক্ষা, পারিয়াত্র বা পারিপাত্র। মেরু পর্বতের চতুর্দিক সম্পর্কে পতঞ্জলি বলিয়াছেন যে, ইহার পূর্ব দিকে মালব পর্বত এবং মহাসাগর; উত্তরে নীল, সীত, শৃংগাত্রি এবং মহাসাগর; পশ্চিমে গন্ধমাদন ও মহাসাগর; আর দক্ষিণে নিষধ, হেমকূট ও হিমগিরি এবং মহাসাগর রহিয়াছে।

মেরু পর্বতের চতুর্দিকে নিম্নলিখিত বৃহৎ পর্বতগুলি বিদ্যমান—

- (১) হিমালয়—সর্বদা বরফের দ্বারা আচ্ছাদিত।
- (২) হেমকূট—ইহা একটি সুবর্ণ শিখর, এখানে গন্ধর্ব ও অঙ্গরাগণ বাস করিত।
- (৩) নিষধ—ইহা নাগদিগের বাসভূমি ছিল।
- (৪) নীল—এখানে সিদ্ধ ও ব্রহ্মসিগণ বাস করিতেন।
- (৫) শ্বেত—ইহা দৈত্য ও দানবদিগের বাসস্থান ছিল।
- (৬) শৃংগবন্ত—এখানে পরলোকগত পূর্বপুরুষগণ বাস করিতেন।

এই পর্বতসমূহের মধ্যস্থলে সর্বোচ্চ পর্বত ইলাবৃত বিদ্যমান। সমগ্র পর্বতটির নাম পুরুষ পর্বত। হিমবন্ত ও শৃংগবন্তের মধ্যবর্তী স্থানকে কৈলাস বলে। বিষ্ণুপুরাণের মতে ত্রীপর্বত, মলয়, মাল্যবন্ত, বিক্ষা, ত্রিকূট, ত্রিপুরাস্তিক এবং কৈলাস মধ্য পৃথিবীর পর্বত।

হিমালয় কেবলমাত্র বর্ষপর্বত। ইহা ভারতবর্ষের ভৌগোলিক সীমানার অবস্থিত। প্রাচীন ভূগোলবিদগণের মতে হিমবন্ত, হিমবৎ বা হিমাত্রি—সুলেমান হইতে পঞ্জাবের পশ্চিম দিক এবং ভারতের সমগ্র উত্তর সীমানা ধরিয়া পূর্বে আসাম এবং আরাবাকান পর্বতমালা পর্যন্ত বিস্তৃত সমগ্র পর্বত-

মালাকেই বুঝায়। মার্কণ্ডেয়পুরাণ হইতে জানা যায় যে, হিমবন্ত সমুদ্র হইতে সমুদ্র পর্যন্ত ধনুকের গুণের দ্বায় বিস্তৃত। হিমালয় পর্বত বা টলেমির ইমাঅস গঙ্গা, দিক্কু, কোয়া এবং সোয়াট নদীর উৎপত্তি স্থান। মহেন্দ্র, মালব, সহ্য, শুক্রিমৎ, ঋক্ষ, বিক্ষা এবং পারিপাত্র—এই সাতটি কুলাচল নামে খ্যাত, কারণ এই সকল পর্বতের প্রত্যেকটি কোন একটি দেশ বা জাতির সহিত সংশ্লিষ্ট। গঙ্গাসাগর সঙ্গম এবং সপ্ত গোদাবরীর মধ্যে মহেন্দ্র পর্বত অবস্থিত। গঞ্জামের নিকটে পূর্ব পার্বত্য পথের অংশকে এখনও মহেন্দ্র পর্বত বলা হয়। পারজিটার সাহেব বলেন যে, মহানদী, গোদাবরী ও ওয়েন গঙ্গার মধ্যবর্তী পর্বতমালাগুলি এই নামে বিদিত। গঞ্জাম হইতে বিস্তৃত দক্ষিণে পাণ্ডাদেশ এবং সমগ্র পূর্ব পার্বত্য পথ পর্যন্ত পর্বতমালাকে মহেন্দ্র পর্বত বলিত। উড়িষ্যা হইতে মাঠরা জেলা পর্যন্ত সমগ্র পর্বত মহেন্দ্র পর্বত নামে খ্যাত। ইহা মলয় পর্বতের সহিত যুক্ত ছিল।

পারজিটারের মতে নীলগিরি হইতে কন্ঠাকুমারী পর্যন্ত বিস্তৃত পশ্চিম পার্বত্য পথের অংশ এবং মলয়গিরি অভিন্ন। পশ্চিম পার্বত্যপথের উত্তরাংশ সহ্য পর্বত হইতে অভিন্ন। সহ্য পর্বত তাপ্তী নদী হইতে নীলগিরি পর্যন্ত বিস্তৃত। সহ্য গিরির সহিত কয়েকটি ক্ষুদ্র পর্বতের সংযোগ আছে। ত্রিকূট হইতে ত্রৈকূটকের নামকরণ হইয়াছে। শুক্রিমৎ পর্বত এবং সুলেমান পর্বত অভিন্ন। পারজিটার বলেন, গারো, ঋষি ও ত্রিপুরা পর্বত এবং শুক্রিমৎ পর্বতমালা একই। কেহ কেহ বলেন, এই পর্বতমালা হাজারিবাগ জেলার উত্তরে অবস্থিত। আবার কেহ কেহ পশ্চিম ভারতে ইহার স্থান নির্দেশ করিয়াছেন। ঋক্ষ এবং বিক্ষা—টলেমির মতে ওকসেনটন (Ouxenton) এবং ওইনডিয়ন (Ouindion) নামে খ্যাত। বর্তমানে বিক্ষাপর্বত বলিতে আমরা ঋক্ষ, বিক্ষা এবং পারিপাত্র পর্বতকে বুঝি। টলেমি বলেন যে, ঋক্ষ হইতে টাউনডিস, দোসারণ, আদামস ও ওইনডিয়নের উৎপত্তি হইয়াছে। দোসারণ এবং পুরাণে বর্ণিত দশার্ণ অভিন্ন। নামাদশ ও নামাগাওনা নর্মদা এবং তাপ্তী নামে বিদিত। টলেমি বলেন, নর্মদার উত্তরে বর্তমান বিক্ষাপর্বতের মধ্য অঞ্চলকে ঋক্ষ বলিত এবং বিক্ষাপর্বতের অংশকে ওইনডিয়ম বলিত। এই স্থানে নর্মদা ও তাপ্তীর উৎপত্তি দেখা যায়।

আরাবর্ডের দক্ষিণ সীমানা পারিপাত্র নামে পরিচিত। ইহা কুমারীখণ্ডের সর্বশেষ সীমানা। বর্তমান বিজ্ঞাপর্বতমালার অংশ এবং আরাবল্লী পর্বত পারিপাত্র হইতে অভিন্ন। পারিপাত্র বা পারিয়াত্রের সহিত আরও কয়েকটি ক্ষুদ্র পর্বত-মালার সম্বন্ধ আছে।

কৈলাস পর্বত ভূতেশগিরি নামে বিদিত। ইহা নন্দা নদী কর্তৃক বেষ্টিত। নন্দার অপর একটি নাম গঙ্গা। কুমায়ুন ও গাড়াওয়াল পর্বতমালা কৈলাস পর্বতমালার অন্তর্গত। মহাভারতের মতে ইহার অপর নাম হেমকুট। জৈনসাহিত্যে ইহা অষ্টাপদ পর্বত নামে পরিচিত। ইহাতে কয়েকটি উচ্চ শিখর আছে। বৈদ্যুত পর্বত হইতে ইহা অভিন্ন। তিব্বতীয়েরা ইহার নাম দিয়াছে কাংগ্রীন পোচে। মানস সরোবর হইতে পঁচিশ মাইল উত্তরে কৈলাস পর্বত অবস্থিত। এই পর্বতোপরি বদরিকাশ্রম বিদ্যমান।

গঙ্গমাধন পর্বত রুদ্র হিমালয়ের একটি অংশবিশেষ। রামায়ণ ও মহাভারতের মতে ইহা কৈলাস পর্বতের একটি অংশ। কথিত আছে, ইহা মন্দাকিনীর জলে বিধৌত হয়। বাণভট্ট তাঁহার কাদম্বরী গ্রন্থে ইহাকে হিমালয়ের একটি শিখর বলিয়া বর্ণনা করিয়াছেন। রাজা পুরুববা উর্বশীসহ এই পর্বতের পাদমূলে দশ বৎসর বাস করিয়াছিলেন। ভাগবতপুরাণের মতে এই পর্বতে ব্রহ্মা আগমন করেন। নন্দমূল নামে এই পর্বতের একটি গুহা ছিল। রাজা বেসসস্তর জ্রীপুত্রসহ এইখানে বাস করিতেন। বুদ্ধদেব এখানে আসেন। এই পর্বত হইতে অশোকের বৃক্ষটি আনিয়া ঠিক যেখানে বুদ্ধদেব ঋদ্ধি প্রদর্শন করেন, সেখানে রোপণ করা হয়। তিব্বতের পূর্বদিকে হিমালয়ের মধ্যে শ্বেতপর্বত অবস্থিত। আল-বীরুনীর মতে মেরু এবং নিষধ বা নিষদ হিমালয় পর্বত-মালার সহিত যুক্ত ছিল। এই সকল পর্বতমালাকে পুরাণে বর্ষপর্বত বলা হইয়াছে। নিষধ পর্বতের নিকটে বিষ্ণুপদ নামে একটি পুষ্করিণী ছিল। এখান হইতে সরস্বতী নদী উৎপিত হইয়াছে। কৈলাস পর্বতে মন্দ নামে পুষ্করিণী ছিল। ইহা হইতে মন্দাকিনী নদীর উৎপত্তি।

নদী

আল-বীরুনী বলেন, ভারতের নদীসকল উত্তরের নীতল পর্বত হইতে কিংবা পূর্বদিকের পর্বত হইতে উৎপিত হইয়াছে। বস্তুতঃ উভয়ই একই পর্বতমালাকে সৃষ্টি করে। আল-বীরুনী ভারতের কয়েকটি নদীর তালিকা দিয়াছেন। এই প্রবন্ধে সংক্ষেপে তাহাদের আলোচনা করা হইয়াছে।

সিন্ধু নদীর বিভিন্ন শাখাগুলি সিন্ধুদেশের মধ্য দিয়া নিম্ন

ভাগে প্রবাহিত। আল-বীরুনী বলেন, চিমা বা চন্দ্রভাগার সঙ্গমের উপরিভাগ (বরিন্দীস) সিন্ধু নামে পরিচিত ছিল। অরোর পর্বত নিম্নভাগে ইহা পঞ্চনাদ নামে বিদিত। অরোর হইতে যেখানে ইহা সমুদ্রে পতিত হইয়াছে তাহাকে মিবান বলিত। হেরায়সের বেহিস্কুন শিলালিপিতে হিন্দু নামে ইহার উল্লেখ আছে। জোরাষ্ট্রীয়দের ভেদনদ্বারা ইহা হেন্দু নামে পরিজ্ঞাত। ইন্দাস্ উত্তর-ভারতের সর্বশ্রেষ্ঠ নদী। ইহা হইতে ইন্দাস শ্রেণীর নামকরণ করা হইয়াছে। চীন-দিগের নিকট ইহা সিন্ধু নামে পরিচিত। ইন্দাস নদী আটক অতিক্রম করিয়া প্রায় দক্ষিণ সুলেমান পর্বতমালার দিকে প্রবাহিত। তৈত্তিরীয় সংহিতায় সৈন্ধবের উল্লেখ আছে। সিন্ধু বা ইন্দাস এবং সৈন্ধব একই নদী। পাণিনি এবং পতঞ্জলির নিকট এই নদীটি জ্ঞাত। অগ্নিমিত্রের পুত্র বসু-মিত্র এই নদীতীরে যবনদিগের সহিত যুদ্ধ করেন। সিন্ধুর আর দুইটি নাম ছিল সঙ্ঘেদ এবং সঙ্গম। প্লিনির মতে ইন্দাস এবং আরও উনিশটি নদী লইয়া সিন্ধুপুঞ্জ গঠিত হইয়াছে। হাইড্রোগ্রাফিস, একেসিনিস, হাইপেসিস, হাইদাসপিস, কোফেন, প'রনোস, সপারনোস এবং সাওনাস্—এইগুলি সিন্ধুর নদীর শাখা।

সরস্বতী ও দৃষতী উত্তর-ভারতের দুইটি ঐতিহাসিক নদী। ইহারা স্বতন্ত্র ভাবে প্রবাহিত। মনুর মতে এই দুইটি পবিত্র নদীর মধ্যে ব্রহ্মাবর্তদেশ বিদ্যমান। সরস্বতী একটি হিমালয়-নদী বলিয়া বর্ণিত আছে। সিমলা এবং শিরমুর দেশের মধ্য দিয়া ইহা দক্ষিণ দিকে প্রবাহিত। যে স্থানে সরস্বতী নদী অদৃশ্য হইয়াছে, মনুর মতে সেই স্থানটি বিনসন নামে পরিচিত। পদ্মপুরাণে গঙ্গোদভেদ তীর্থের উল্লেখ আছে। এইখানে সরস্বতী নদী গঙ্গার সহিত মিলিত হইয়াছে। এই পবিত্র নদীর তীরে বহু ষাগযজ্ঞ সম্পন্ন হইয়াছিল। এই নদী শতদ্রু এবং যমুনার মধ্য দিয়া প্রবাহিত। বৈদিক আর্যেরা এই নদীটিকে বিশাল নদী বলিয়া জানিতেন। নদীটি হিমালয় হইতে উৎপিত হইয়াছে। ইহা শিরমুর পর্বতমালা হইতে উৎপিত হইয়া আঞ্চালার অন্তর্গত আদবজীর সমতল ভূমিতে মিশিয়াছে। এই নদীর তীরে অধিকা বা অধিকাবন নামে একটি পবিত্র অরণ্য ছিল। দৃষতী নদী এবং বর্তমান চিত্রাং অভিন্ন। কেহ কেহ বলেন যে, যগর নদী এবং দৃষতী একই। দৃষতী এবং কোশিকীর সঙ্গমস্থান অতীব পবিত্র ছিল। বামন-পুরাণের মতে কোশিকী দৃষতীর একটি শাখা। গোমতী নদী ঋগ্বেদে উল্লিখিত গোমতী নদী হইতে অভিন্ন বলিয়া মনে হয়। সম্ভবতঃ গোমতী বর্তমান গোমল নামে পরিচিত। কেহ কেহ বলেন যে, ইহাই বর্তমান গুমতী। গুমতী নদী

লক্ষ্মীনের মধ্য দিয়া প্রবাহিত। ইহা সাজাহানপুর জেলা হইতে উৎপত্ত হইয়া গঙ্গার পতিত হইয়াছে।

ধুতপাপা নদী এবং গুমতীতীরস্থ ধোপাপ অভিন্ন।

দেবিকা নদী হিমালয় হইতে উৎপত্ত হইয়াছে। পার-জিটারের মতে দেবিকা নদী এবং রাবী নদীর শাখা দ্বিগ নদী একই। অগ্নিপুত্র মতে দেবিকা নদী সৌবির দেশের মধ্য দিয়া প্রবাহিত এবং সেওয়ালিক পর্বতমালায় অন্তর্গত মৈনাক পর্বত হইতে উৎপত্ত। সরস্ব নদীর দক্ষিণ ভাগে প্রবাহিত উত্তরাপথের দেবা বা দেবিকা নদী হইতে এই নদী অভিন্ন। কালিকাপুরাণের মতে দেবিকা নদী গোমতী এবং সরস্ব মধ্য দিয়া প্রবাহিত। ভাগবতপুরাণ হইতে জানা যায় যে, গণ্ডকী নদীর অপর নাম চক্রনদী। ইহা গঙ্গার একটি বৃহৎ শাখা। ইহা দক্ষিণ তিব্বতের পর্বতমালা হইতে উৎপত্ত হইয়াছে। নেপালের মধ্য দিয়া প্রবাহিত হইয়া এই নদী বামদিকে চারিটি এবং দক্ষিণে দুইটি শাখার সহিত মিলিত হইয়াছে। এই নদীর উত্তর শাখার নাম বর্তমান গণ্ডক এবং ইহার নিম্ন শাখার নাম রাণ্ডী। সারা জেলার অন্তর্গত শোনপুর এবং মজাফারপুর জেলার অন্তর্গত হাজিপুরের মধ্য দিয়া ইহার প্রধান স্রোত গঙ্গার পতিত হইয়াছে।

কুছ বা কুতা নদীর উৎসে ঋগ্বেদ পাওয়া যায়। সিঙ্ঘ নদীর পশ্চিম শাখার মধ্যে ইহা সর্বশ্রেষ্ঠ। ইহাই বর্তমান কাবুল নদী। আবিয়ানের কোফেস এবং প্লিনির কোফেন—পুরাণের কুছ এবং কুতা অভিন্ন। টলেমির মতে ইহার নাম কোয়া। সুলেমান পর্বতমালায় মধ্য দিয়া এই নদী একটি উপত্যকাকে বিভক্ত করিয়াছে। এটক বা হাটক-এর বংকিকিং উপরে প্রবাহিত হইয়া ইহা সিঙ্ঘ নদীতে পতিত হইয়াছে। প্রায়ে ইহা স্রাং (আবিয়ানের সোয়াসটস্, সংস্কৃত সুবাস্ত) এবং গোরি (আবিয়ানের গরোইয়া) নামে দুইটি শাখার সহিত মিলিত হইয়াছে।

মুলতানের পূর্বদিকে বিয়া নদী প্রবাহিত। আল-বীরুণীর মতে বিয়ন্ত বা জৈলাম বা বোলাম এবং চন্দ্রাহ নদীর সহিত ইহা পবে যুক্ত হইয়াছে।

কানিংহামের মতে পারা বা পরা নদী পার্বতী নামে পরিচিত। ইহা ভূপাল হইতে উৎপত্ত হইয়া চাঞ্চাল নদীতে পতিত হইয়াছে। বিদিশা নদীর সহিত বিদিশা দেশের সন্ধ আছে। বিদিশা দেশ মধ্যভারতের বর্তমান ভিলসা নামে পরিচিত।

কালিদাসের মেঘদূত শিপ্রা নদীকে একটি ঐতিহাসিক নদী বলা হইয়াছে। ইহার তীরে প্রাচীন উজ্জয়িনী নগর অবস্থিত। গোরালির স্রোতের ইহা একটি নদী।

সিতামনের বংকিকিং নিরে ইহা চাঞ্চাল নদীতে পতিত হইয়াছে।

শতঙ্গ নদী সাটলেজ নামেও পরিচিত। আল-বীরুণীর মতে ইহার নাম সাটলাদর; ইহা গঙ্গার একটি শাখা। ঋগ্বেদের মতে ইহা পঞ্জাবের পূর্বদিকের নদী। আবিয়ানের সময়ে এই নদী কচ্ছ উপসাগরে স্বতন্ত্র ভাবে পতিত হইয়াছে। টলেমি এই নদীর নাম দিয়াছেন বারাজস এবং প্লিনির মতে ইহা হেসিফ্রস নামে খ্যাত। মানস-সরোবরের পশ্চিম হ্রদের পশ্চিম প্রান্ত হইতে এই নদীর উৎপত্তি। মার্কণ্ডেয়পুরাণের মতে প্রাচীনকালে ইহা সিঙ্ঘ নদীতে স্বতন্ত্র ভাবে প্রবাহিত হইয়াছিল। শতঙ্গ ও বিপাশার যুক্তস্রোত যগ্গর নামে পরিচিত।

নিশিরা নদী নিবীরা, নিঃস্রতা, নিবারা ও নিচিত্তা নামে পরিচিত। সম্ভবতঃ কোশিকী নদীর সহিত ইহা যুক্ত ছিল। কেহ কেহ বলেন, এই নদী এবং লীলাযান অভিন্ন। লীলাযান নদী গঙ্গার নিকট মোহনার সহিত মিলিত হইয়াছে।

চর্মষতী বা বর্তমান চাঞ্চাল ইন্দোরের উত্তর-পশ্চিম দিকে আরাবল্লী পর্বতমালা হইতে উৎপত্ত হইয়াছে। ইহা পূর্ব রাজপুতানার মধ্য দিয়া উত্তর-পূর্ব দিকে প্রবাহিত হইয়া যমুনায় পতিত হইয়াছে। ইহা যমুনার একটি শাখা।

আল-বীরুণী চন্দ্রভাগার নাম দিয়াছেন চন্দ্রাহ। ইহা হিমালয় পর্বত হইতে উৎপত্ত হইয়াছে। ইহা বর্তমানে চিনাব নামে পরিচিত। জম্মু অতিক্রম করিয়া ইহা দক্ষিণ-পশ্চিম দিকে প্রবাহিত। ঋগ্বেদে উল্লিখিত অসিকনি, আবিয়ানের একেসিনিপ এবং টলেমির সন্দবাগা বা সন্দবাল একই নদী।

বায়ুপুরাণের মতে পর্ণাশা বর্ণাশা নামে পরিচিত। ইহাই বর্তমান বনাসী। ইহা পশ্চিম-ভারতের নদী।

জৈলাম বা ঝিলাম বিতস্তা বা বিতঙ্গা নামে পরিচিত। গ্রীকদিগের বিদাস্পিস বা হাইদাস্পিস এবং এই নদী অভিন্ন। ঋগ্বেদের সময়ে আর্ধগণের নিকট এই নদী বিতঙ্গা নামে বিদিত ছিল। বৌদ্ধেরাও এই নামে এই নদীকে জানিত। আল-বীরুণী বলেন, এই নদী হারামকট পর্বত হইতে উৎপত্ত হইয়াছে।

ইরাষতী বর্তমানে রাবী নামে পরিচিত। গ্রীকদিগের নিকট এই নদী হাইড্র্যাটিস বা অ্যাক্সিস বা রোনাডিস নামে পরিজ্ঞাত। কালিকাপুরাণের মতে ই নদীর উৎপত্তস্থান ইরা ব্রহ্ম। বাংগাহল পর্বত হইতে উৎপত্ত হইয়া পীরপঞ্জলের দক্ষিণ প্রান্তে কুমি এবং ধোলাঘরের উত্তর ঢালু কুমি বিধৌত করে। কান্দীনের অন্তর্গত চাঞ্চাল দক্ষিণ-পশ্চিম কোণে ইহা সর্বপ্রথমে পরিলক্ষিত হয়। চাঞ্চা হইতে প্রবাহিত হইয়া

লাহোর অতিক্রম করিয়া এই নদী চিনাবের সহিত মিলিত হইয়াছে। এই নদীকে পতঞ্জলি জানিতেন।

রংপুর জেলার অন্তর্গত ডোমারের উর্ধ্বদিকে করতোয়া নদীর উৎপত্তিস্থান। পাবনা জেলায় প্রবেশ করিয়া এই নদী দুইটি শ্রোতে বিভক্ত হইয়া যমুনার পতিত হইয়াছে। করতোয়া এবং আত্রাই (আত্রৈয়ী) সঙ্গমটি গঙ্গার সহিত যুক্ত হইয়াছে। করতোয়া নদী যমুনার একটি প্রধান শাখা। বাংলা এবং কামরূপ বা দ্বাদশের মধ্যে এই নদী এক সময়ে সীমানা নির্দেশ করিয়াছিল।

কৌশিকী নদী বর্তমানে কুশী নামে পরিচিত। বিহারের অন্তর্গত পূর্ণিয়া জেলার মধ্য দিয়া ইহা প্রবাহিত হইয়া গঙ্গায় পতিত হইয়াছে। রামায়ণের মতে এই নদী হিমালয় হইতে উৎখিত; ইহা একটি বৃহৎ নদী। পারজিটার সাহেব বলেন এই নদীর গতি সম্পূর্ণ ভাবে পরিবর্তিত হইয়াছে। সম্ভবতঃ ইহা আরিয়ানের কস-সোয়ানস নদী বলিয়া বিদিত। ইহার শ্রোত দ্রুত এবং তলদেশ অস্বাভাবিক ও বিপজ্জনক।

হিমালয় হইতে সরযু বা সরভূ নদী উৎখিত। এই নদীর তীরে রাজা দশরথ অশ্বমেধ যজ্ঞ করেন। সরযু এবং গঙ্গার সঙ্গমটি রাম ও লক্ষ্মণ দেখিয়াছিলেন। ঘাগরা বা গগরা নামে ইহা গঙ্গার একটি শাখা ছিল। ইহার তীরে প্রাচীন অযোধ্যা নগর অবস্থিত। ইহাই টলেমির সারাবস। বিহারের ছাপরা জেলায় ইহা গঙ্গার সহিত মিলিত হইয়াছে। বাঁরেক জেলার উত্তর-পশ্চিম কোণে উত্তর-পূর্ব হইতে প্রবাহিত একটি শাখার সহিত এই নদী মিলিত হইয়াছে। রামায়ণের মতে অযোধ্যা হইতে অর্ধ যোজন দূরে এই নদী অবস্থিত।

পারজিটার সাহেবের মতে বাহুদা নদী বর্তমানে রামগঙ্গা নামে বিদিত। কেহ কেহ বলেন, বাহুদা এবং ধবলা অভিন্ন। বর্তমানে ধবলা ধুমলা বা বুরহা রাণী নামে বিদিত। বৌদ্ধ-সাহিত্যের মতে বাহুকা ও বাহুদা একই নদী।

বিপাসা নদী বিয়াস নামে পরিচিত। বিপাসিস্ বা হাইপাসিস্ বা হাইফাসিস এবং বিয়াস অভিন্ন। ইহা সাটলেজ নদীর একটি শাখা। সম্ভবতঃ প্রাচীনকালে ইহা একটি স্বতন্ত্র নদী ছিল। বশিষ্ঠ মুনি পুত্রগণের মৃত্যুতে ভয়ঙ্কর হইয়া এইখানে আত্মহত্যা করিতে মনস্থ করেন।

সোহিত বা সৌহিত্য বা ব্রহ্মপুত্র সদিয়া হইতে দক্ষিণ-পশ্চিম দিকে প্রবাহিত হইয়া গঙ্গায় পতিত হইয়াছে। আসামের ইহা একটি প্রধান নদী। মানসসরোবরের পূর্ব-অঞ্চলে ইহার উৎপত্তি।

গঙ্গার অপর নাম অলকনন্দা, ছাধুনি বা ছানদী। এই নদী ভাগীরথী এবং জাহ্নবী নামে পরিচিত। লুডউইগ সাহেবের মতে অধ্ববেদে উল্লিখিত বরণাবতী এবং গঙ্গা

অভিন্ন। গঙ্গাকে ত্রিপথগামিনী বলিয়া বর্ণনা করা হইয়াছে। গঙ্গা এবং সিন্ধু নদীর সঙ্গম পবিত্র স্থান বলিয়া বিবেচিত হয়। বৌদ্ধসাহিত্যের মতে অনোতও হ্রদের দক্ষিণ দিক হইতে গঙ্গার উৎপত্তি হইয়াছে। গাড়োয়াল জেলার অন্তর্গত গঙ্গোত্রী হইতে ভাগীরথীগঙ্গা নির্গত হইয়াছে। হরিদ্বার হইতে বুলন্দ শহর পর্যন্ত গঙ্গা দক্ষিণ দিকে প্রবাহিত। হরিদ্বার হইতে প্রয়াগ পর্যন্ত গঙ্গা যমুনার সহিত অশুরূপ ভাবে প্রবাহিত। এলাহাবাদ হইতে রাজমহল পর্যন্ত এই নদী পূর্বদিকে প্রবাহিত। রাজমহলের নিম্নে বাংলা দেশে এই নদী প্রবেশ করে। গঙ্গা ও যমুনার যুক্ত শ্রোত গঙ্গা-সাগরের নিকটে মহাসাগরে পতিত হইয়াছে। সরস্বতী ও গঙ্গার মোহনার মধ্যে নর্মদা নদীর মোহনা বিদ্যমান।

যমুনা কাল্পিগিরি হইতে উৎখিত হইয়াছে বলিয়া ইহাকে কাল্পিককণ্ঠা বলা হয়। যমুনার তীরে ভরতেরা যুদ্ধে জয় লাভ করে। এই নদীর অপর একটি নাম কাশিকী। গঙ্গার প্রথম এবং বৃহৎ পশ্চিম শাখা যমুনা নামে বিদিত। যমুনা নদী মথুরা হইতে দক্ষিণ-পূর্ব দিকে প্রবাহিত হইয়া গঙ্গার সহিত মিলিত হইয়াছে। দেবানু জেলার পশ্চিম দিকে এই নদী দুইটি শাখার সহিত মিলিত হয়। আত্রা এবং এলাহাবাদের মধ্যে যমুনা বাম দিকে চারিটি শাখার সহিত মিলিত হইয়াছে। চর্মণবতী (চাম্বাল), কাল্পিসিদ্ধ, বেত্রবতী (বেটোয়া), কেন এবং পয়সী (পৈসুনী) যমুনার শাখা বলিয়া বিদিত। আল-বীরুণী বলেন, যমুনা (যোন) কনোজের নিম্নে গঙ্গার সহিত মিলিত হইয়াছে। যমুনার তীরে বহু তীর্থস্থান আছে। চীনদের নিকট ইয়েন মোক-ন নামে এই নদী জ্ঞাত। শূরসেন এবং কোশলের মধ্যে যমুনা নদী সীমানা নির্দেশ করিত। কাসৌলি হইতে আট মাইল দূরে যমুনোত্রী যমুনার উৎস বলিয়া বিবেচিত হয়। গ্রীকরা যমুনাকে ইরণ্যাবোয়াস (হিরণ্যবাহ বা হিরণ্যবাহু) বলিত। বালুবাহিনী নামে যমুনার একটি শাখার উল্লেখ স্কন্দপুরাণে পাওয়া যায়। গঙ্গা এবং বেলামের (জৈলাম) পশ্চাদ্ভাগে মহাচীন অবস্থিত।

ঘোরবন্দ নদী কাবুল (কায়বীশ) রাজ্যের সীমানায় অবস্থিত পর্বতসমূহ হইতে উৎখিত হইয়াছে। ইহার কতকগুলি শাখা আছে :

- (১) ঘুজক পার্বত্য পথের নদী।
- (২) পক্ষির গিরিছাের নদী।
- (৩) সর্বৎ এবং সাওয়া নদী ক্রতদ্বর্গে ঘোরবন্দ নদীর সহিত মিলিত হইয়াছে।
- (৪) নুর এবং কীরা নদীসমূহ।

পূর্বাঘর বা পেশোয়ার শহরের সম্মুখে সুরহং ঘোরবন্দ নদী শাখা দ্বারা যুক্ত হইয়া প্রবাহিত। আল্‌কান্দাহার (গন্ধার) রাজ্যের নিম্নে বীতুর দুর্গের নিকট ঘোরবন্দ নদী সিন্ধু নদীতে পতিত হইয়াছে। সীত নদী হিমালয় হইতে উৎপত্ত হইয়া, কতকগুলি দেশের মধ্য দিয়া প্রবাহিত হইয়া পশ্চিম মহাসাগরে পতিত হইয়াছে। চক্ষু নদী চীন, বর্বর এবং পছল প্রভৃতি দেশগুলিকে জল সরবরাহ করে।*

* এই প্রবন্ধের বিষয়বস্তু সম্বন্ধে বিশেষভাবে আলোচনা করিতে হইলে নিম্নলিখিত পুস্তকগুলি দ্রষ্টব্য :—

ঋক্বেদ, অথর্ববেদ, শতপথ-ব্রাহ্মণ, তৈত্তিরীয়সংহিতা, কাত্যায়নশ্রৌতসূত্র, লাটায়নশ্রৌত সূত্র, আবলায়নশ্রৌত সূত্র, রামায়ণ, মহাভারত, বিষ্ণু পুরাণ, মৎস্যপুরাণ, বায়ু পুরাণ, কুর্মপুরাণ, কালিকা পুরাণ, ভাগবত পুরাণ, স্বর্গপুরাণ, রঘুবংশ, কুমারসম্ভব, মালবিকাগ্নিমিত্র, রাজশেখরের কাবামীমাংসা, কহলনের রাজতরঙ্গিণী, অমরকোষ, অভিধান রত্নমালা, S, Konow-করপুর মঞ্জুরী, বানের কাদম্বরী, দিব্যাবদান, অবদান কল্পলতা।

S. K. Aiyangar, *Indian History and Culture*, I, 1941; E. C. Sachau, *Al-Biruni's India*; Pargiter, *Markandeyapurana*, Tr.; Cunningham, *Ancient Geography of India*, 1924, Ed.;

Aien-i-Akbari; N. L. Dey, *Geographical Dictionary*; Hultzsch, *South Indian Inscriptions*; S. R. Sende, *How, Whence and When Maharashtra Came into Being* (*Siddhabharati*, Pt. II); *J.B.B.R.A.S.*, Vol. I, Pt. II; Schoff, *The Periplus of the Erythraean Sea*; J. A. S. B. Extra No. 2, 1899; *Indian Antiquary*, 1897; Beal, *Buddhist Records of the Western World*; Legge, *FA-Hien*; Walters, *On Yuan Chwang*; V. A. Smith, *Early History of India*, 4th Ed. and *Asoka*; Mc Crindle, *Ancient India as Described by Ptolemy*; *Annual Report of the Archaeological Survey of India*, Vol. XX; Rice, *Mysore and Coorg from Inscriptions*; Fleet, *Dynasties of the Kanarese Districts*; *Cambridge History of India*, Vol. I; *Vedic Index*, Vol. I; *Imperial Gazetteers of India*, XIV; Wilson, *Vishnu Purana*; Rhys David, *Buddhist India*; *Archaeological Survey Reports*, VIII, XVII; Maxmuller, *Rigveda Samhita*; *Calcutta Geographical Review*, December, 1943; McCrindle, *Ancient India*; Law, *Historical Geography of Ancient India*; *Geography of Early Buddhism*; *Geographical Essays*; *Tribes in Ancient India*; *Indological Studies*, Pt. I; *Geographical Aspect of Kalidasa's Works*, *Al-Biruni's Knowledge of Indian Geography* (*Indo-Iranica*, Vol. VII, No. 4, 1955).

গাভীর ব্যথা

শ্রীকালিদাস রায়

গাভীর ব্যথা কবির প্রাণে গভীর ব্যথা হয়ে

ভাগছে রয়ে রয়ে

ছুই ধারে ক্ষেত নধর চিকণ ধানের শীষে তবে,

রাখালেরা ঘাস নিয়ে তার মুখটি বেঁধে ঝড়ে।

দূর ডহরে গেলে তাহার মুখের বাঁধন ঘুচে,

বাছুরটি রয় গোয়ালঘরে ঘাস না মুখে রুচে।

হাখা হবে ডাকে,

রাখাল কি আর দেখে ভাবি খুঁজছে গাভী কাকে?

কসলে মুখ দিলে গাভী পাঁচনবাড়ি ধায়।

কসল এবং ঘানের তফাৎ সে কি বোঝে হায়?

কিয়লে গোয়ালঘরে,

বাছুরটি তার ছুটে আসে, রাখাল চেপে ধরে।

দিনের শেষে তাহার বাছুর যে দুধ পাওয়ার কথা,

নেয় ছুয়ে তা মালিক এসে, হায়রে বৎসলতা!

ভরছে কেঁড়ে, ছুঁক তাহার ঝরছে অবিলম্ব,

দোহনধারার সঙ্গে গাভীর চক্ষে ঝরে জল।

ছুঁক দিতে না পেরে সে বাছুরটিরে তার,

স্নেহ বিলাস দেহটি তার চেটে বাসংবার।

হায়রে বাছুর হায়!

দোহন সেত পায়না মায়ের লেহন শুধু পায়।

অসুর মানুষ এমনি করে পশুর মারে গেবি'

বানাস ভাবে দেবী।

দেবীর ব্যথাই এই কবিরেও মানুষ করে তোলে,

সেও যে অসুর পশুর অধম কণেক ভয়ে তোলে।



অকাল বর্ষণ

শ্রীসন্তোষকুমার ঘোষ

স্বপ্ন দেখছিল গোকুল বিশ্বাস। আঃ, সুদীর্ঘ প্রতীক্ষার পর বড় আশার মেঘ এসে জড়ো হয়েছে সারা আকাশ জুড়ে। চেয়ে চেয়ে চোখ জুড়িয়ে গেল গোকুলের। দিগদিগন্ত ব্যাপে আসন্ন বর্ষণের ঘন সমারোহ। মেঘের গায়ে মাথায় বিসর্পিত রেখা একে চিড় ধরল একটা চকিতের জন্তু। চকিত বিজ্ঞানসুধের সঙ্গে সঙ্গে গুরু-গর্জনের ধ্বনি-প্রতিধ্বনি ছড়িয়ে পড়ল—মাঠে মাঠে, গ্রামে গ্রামে—দিকে দিগন্তরে। মেঘের ডাক 'মাঠে:' ধ্বনির মত শোনাতে যেন। বৃষ্টি নামল দেখতে দেখতে। ফোঁটায় ফোঁটায়, ধারায় ধারায় বৃষ্টি নামছে। গা, মাথা—গোকুলের সর্ব্বাঙ্গ বেয়ে তরল আনন্দ ঝরে পড়ছে যেন। ত্বাদীর্ণ মাঠের সে কি তৃপ্তমান! বৃষ্টি নয়—আশীর্ব্বাদের অজস্র ধারা নামছে। বিবর্ণ বিশীর্ণ ধান গাছ-গুলির গায়ে-মাথায় সঞ্জীবনী-সুখা ঝরে পড়ছে যেন।

—এই শুনছ—বলি, ওগো শুনছ—ডাকের সঙ্গে অল্প একটু নাড়া পেতেই ঘুম ভাঙল গোকুলের।

—ইস, ঘেমে নেমে উঠেছ যে একেবারে। দেখ দিকি, মাহুর বালিশ সব ভিজে সপ সপ করছে কি বকম। পাখাটা গেল কোথায় গো? সবে শোও দেখি একটু।

অঁচল দিখে পিঠ আর গলার কাছটা সম্বন্ধে মুছিয়ে দিয়ে জোরে জোরে হাতপাখা নাড়তে লাগল বউ। ভাদ্রশেষের রাত। ভোর হয়ে আসছে সবে। গাছপালার পাতা নড়ছে না কোথাও একটিও। শ্বাসপ্রশ্বাস খেমে গেছে যেন বিশ্বপ্রকৃতির। অসহ্য গুমোট গরমের চাপে দম বন্ধ হয়ে আসছে যেন ঘরের মধ্যে। পাশ ফিরে শোয় গোকুল। জল কোথায়! স্বপ্ন—নিতান্ত স্বপ্নই দেখছিল ও। ঘামে ভিজে প্যাচ প্যাচ করছে ওর সর্ব্বাঙ্গ। দেহ বেয়ে ফোঁটায় ফোঁটায়, ধারায় ধারায় ঝরে পড়ছিল—বৃষ্টি নয়—ঘাম।

গোটা ভাদ্র মাসটায় আকাশ বর্ষাল না এবার একটি দিনের জন্তুও। অভাবনীয় ব্যাপার বৈ কি! ক্ষেতে ক্ষেতে মাটির বৃকে অসংখ্য ফাটল ঝরতে শুরু হয়েছে এবার। শীর্ণ ধানচারাগুলি আতঙ্কে শীর্ণতর হয়ে উঠেছে দিন দিন। ধরিত্রীর বক্ষসঙ্কিত শেষ স্নেহবিন্দুটিও বাষ্প হয়ে উবে গেছে যেন। মমতাহীন হয়ে উঠেছে ক্রমশঃ মাটির মর্ম্মস্থল। পরমায়ু আগলে রাখবার জন্তু প্রাণপণ চেষ্টা শুরু হয়েছে শিশু-ধানগাছগুলির মধ্যে। লাঠিতে ভর দিয়ে খুড়িয়ে খুড়িয়ে কোন বকমে গিয়ে গোকুল ক্ষেতটা দেখে এসেছে কাল। নাবী আবাদ এবারের। তা হোক। এই ত সে-দিনও প্রাণ-প্রাচুর্য্যে টলমল করছিল ক্রমবর্দ্ধমান উদ্ভিদ-শিশুগুলি। সত্যি, কচি কচি ধানগাছগুলির দিকে তাকানো যায় না যেন আর।

সারা দুপুর ধরে ভাদ্রের তপ্ত বৌদ্ধ লকলকে জিভ বাব করে মাটির স্নেহরস লেহন করে এখন। নিঃশেষিত হয়ে আসছে সে স্নেহরস। নিঃস্রম ভাবে লেহন করতে শুরু করেছে এবার—কচি কচি প্রাণের শেষ আন্তিম্বটুকু। অগণিত উদ্ভিদ-শিশুর অসহায় অস্তিম হাহাকার শুনে এসেছে যেন ও কাল। বৃষ্টি চাই। চাই অজস্র বর্ষণের প্রাণ-স্পর্শ। আজই—এখনই।

তপ্ত নিশ্বাস ফেলে বললে গোকুল, উঃ, বৃষ্টির নামগন্ধ নেই—ধানগাছগুলি টেকে না বোধ হয় আর। ক্ষেত সব জলতে শুরু হয়েছে—দেখে এলাম কাল। এবারও অকাল হবে বউ—পঠ দেখতে পাচ্ছি।

কথা শুনে চমকে উঠল বউ। বউ মহামায়া নানা সম্ভাবনার স্বপ্ন দেখে এখন। কল্পনার ওর ইন্দ্রধনুর রঙ ধরে। গত মাসে পঞ্চামৃত মুখে দিয়েছে ও। শুধু অপ্রত্যাশিত নয়—নিতান্ত অভাবনীয় ব্যাপার বৈ কি! না হলে—এই সাইত্রিশ বছর বয়সে... ভাবতেও কেমন যেন লজ্জা লাগে ওর। খোকা, খুকী বা হোক একটা পেটে এসেছে ওর—এই প্রথম। বউ তাই অশুভ কিছু ভাবতে পারে না এখন। ভবিষ্যতের দিকে তাকিয়ে ও এখন অন্ধকারের মধ্যেও আলোর রেখা খোঁজে শুধু। আশ্বাস দিখে বউ বললে, না গো না। হুঁ এক দিনের ভেতরই জল নাববে ঠিক দেখ। ভেবো না অত। ঠাকুর মুখ তুলে চাইবেনই ঠিক। কুড়ুলে কোদালে মেঘ উঠেছিল সেদিন। চাঁদেরও সভা হচ্ছে ক'দিন ধরে। গিল্লীপুকুরের ধারে বেঙ ডেকেছে কাল সারারাত। আজই বৃষ্টি হবে ঠিক—দেখ তুমি।

কোন কথা বললে না আর গোকুল। আজ কাল করে ভাদ্র-মাসের ক'টা দিনই তো কেটে গেল। না—কোন আশাই আর করে না গোকুল। ক্ষেতের যা অবস্থা ও দেখে এসেছে কাল! আশায় আশায় বৃক বাঁধুক মেয়েছেলে। স্বপ্ন দেখুক সম্ভানসম্ভবা নারী। পুরুষ সে। কঠিন বাস্তবের সঙ্গে যুক্ত হতে হবে তাকে একা। না—ভরসা করে না সে আর কোন কিছুই।

সত্যি। বউ মহামায়া দেহে-মনে পালটে বাঞ্ছে যেন দিন-দিন। অবকাশের মুহূর্ত্তগুলি শুকে এখন স্বপ্ন দেখায় শুধু। স্বর্ণ-সম্ভাবনার ভরা কত কি স্বপ্ন সব। নীড়ের মারাও মনকে ওর আচ্ছন্ন করে এখন ক্ষণে ক্ষণে। ঘর, দোর, উঠান—সবকিছুই নতুন করে আবার নিবিড় সম্পর্ক পাতাতে চাইছে যেন। আধ-ভাঙা জীর্ণ ঘরখানা নতুন প্রাণের স্পর্শ চাইছে আবার। সংস্কার চাইছে জীর্ণ অঙ্গের। সত্যি—আড়ার বাঁশখানা না পালটালে

চলে না আর মোটেই। ওদের একটার দোলনা ঝুলবে থোকায়! হাত পা ছুড়ে—হাসতে হাসতে দোল খাবে যে তার থোকনমণি জোরে বর্ষালে ঘরের মেখে আর দাওয়ার শ্রোত বয় যেন। 'খল' থাকে না আর কোথাও। যা হয় একটা গতি করতেই হবে চাল-খানার। হাঁটি-হাঁটি পা-পা করে বেড়াবে কোথায় শুনি সোনা মণি ওর। ঘরের গা ঘে ঘেই মুখজ্যেদের জোবাটা। এবার আকাশে জল নেই তাই। না হলে এমন দিনে কানায় কানায় ভরে যায় ওটা। উঠানে ওর জল ওঠে। ওদিকটার বাঁশ-বাখারি দিয়ে বেড়া দেওয়া দরকার ভাল করে। দুটো কি কম ছটফটে হবে! উঠোন ছয়মুশ করে বেড়াবে নিশ্চয়ই সর্বক্ষণ। চোখ এড়িয়ে ডোবার দিকটার যেতে কতক্ষণ! গেল বছরে দক্ষিণপাড়ার কামার বউয়ের দামাল ছেলেটা! আহা, এমনি করে চোখ এড়িয়ে গিয়েই ত তলিয়ে গিয়েছিল। না—খারাপ কোন চিন্তাকে মনে ঠাই দিতে ভারি ভয় লাগে ওর আজকাল। ওধারে শাওড়ীর ঘরখানা পড়ে গেছে কবে। ওই চিপির ওপরেই ছোটখাটো একচালা ঘর একখানা তুলতেই হবে যেমন করে হোক। ছেলে কি আর ওর থোকাটি থাকবে চিরকাল! বড়সড় হলে সকাল সকাল বিয়ে দেবে ও ছেলের। এ ঘরদোর ছেড়ে দেবে ছেলে-বউকে। আহা—নতুন সাধ-আহ্লাদ শুরু হবে সবে তখন ওদের। নিজেদের জন্তে মাথা গুজবার মত যেমন তেমন ঠাই হলেই হ'ল একটু। গোয়ালের চালাটারও ব্যবস্থা করতে হবে বৈ কি। বৃষ্টি নামলে কালিন্দীটা ঠায় দাঁড়িয়ে দাঁড়িয়ে ভেজে। আহা বেচারী! মুগপুড়ী আবার ওরই সঙ্গে এক-মাস আড়াআড়ি বিয়োগে কিনা। ভালই হবে। হোক আকাশ-কুসুম। শুয়ে শুয়ে মহামায়া আকাশকুসুমেরই মালা গাঁথে এখন।

বৈকালে সেদিন উঠানে বসে টুকুরো টুকুরো করে কঞ্চি কাটছে গোকুল। জ্বালানির ব্যবস্থা করছে। উঠানের কোণ থেকে পড়ন্ত রোদটা হঠাৎ মিলিয়ে গেল। ঘাম মুছে আশায় উদ্দীপ্ত হয়ে দৃষ্টি মেলে দিলে গোকুল দূর আকাশের পানে। মেঘ একখানা মাথা উচু করে এগিয়ে আসছে বটে। হুলেপাড়ার ওদিকটার বাঁশবনের মাথা পর্যন্ত এগিয়ে এসে ধমকে দাঁড়িয়েছে যেন একটু। কিন্তু নামেই মেঘ ও। কাজলের মত ঘন কালো ছায়া নেমেছে কৈ? ও-মেঘের দিকে চেয়ে চেয়ে চোখ জুড়ায় না একটুও, তৃপ্তি হয় না হৃদয়-মনের। বিশেষ করে এমন দিনে। কেমন যেন পাণ্ডটে ধরনের সমতাহীন মেঘ। বুক-ভরা ওর করুণা-সম্পদ কৈ? আধ ঘণ্টার মধ্যেই দমকা হাওয়া এল খানিকটা। শীতল কোমল স্পর্শ লাগল একটু দেহে মনে। কিন্তু ঐ পর্যন্তই। ফিস ফিস করে মিনিট করে বর্ষণ করেই সে মেঘ উধাও হয়ে গেল দূরে—দিক-প্রান্তের আকাশে। আরও ত্বাৎত্ব হয়ে উঠল যেন মাটির মর্মস্থল। আশার অঙ্কুরও সব মুড়ড়ে গেল সঙ্গে সঙ্গে।

ঘর আর দাওয়ার মেঝে খাট দিয়ে খড়কুটোগুলি জড়ো করছিল মহামায়া। হাওয়া একটু ধোয়ে বইলেই চালের পচা খড়কুটো সব ঝরে ঝরে পড়ে মেঝের সর্বত্র। বিস্ক হয় না মহামায়া এজ্ঞে।

কোন অহুযোগও নেই ওর মুখে। ভাবে—এ তার অদৃষ্ট। না হলে—জোয়ান মানুষটার শরীর অমন করে ভাঙবেই বা কেন হঠাৎ। লোহার মত মজবুত গতির। দিবি খাটছিল খুটছিল। কোথা থেকে পোড়া উরুস্বস্ত হয়েই ত ভাল কাল। উঃ, হ'মাস ধবে একনাগাড়ে কি বিপত্তিই গেছে সে বছর। হাসপাতাল-ঘর, যমে-মানুষে টানাটানি। সেই সঙ্গে পরসার কবুট। পায়ে শোষ ধরে গিয়ে শেষটার সে কি কাণ্ড! পুরা পাটাই বাদ দিতে হ'ত। মা সিন্ধেশ্বরী—হাঁ মা সিন্ধেশ্বরীই বাঁচিয়েছেন সে যাত্রায়। স্ক হয়ে পা-টা অল্প ছোট হয়ে গেছে—তা হোক। জন্মের মত খোঁড়া হয়ে গেছে বটে—প্রাণটা ত রক্ষা পেয়েছে।

ভাবতে ভাবতে একটু যেন অশ্রুমনস্ক হয়ে পড়েছিল মহামায়া। স্বামীর দিকে নজর পড়তেই বড় আশা করে বলে কেমন কস করে, জাপ, আড়া ক'খানা পালটে যেমন করে হোক ঘরখানাকে ছাইয়ে নিতে হবে কিন্তু। একটু বর্ষালেই মেঝের কি দশা হয় দেখছ ত? অমনি পুরানো বাঁশ-বাখারি দিয়ে ডোবার ধায়ের ওদিকটার বেড়া দিয়ে দিও ভাল করে—ব্যবলে? রাজ্যের ছাগল-গরু চোকে ওদিক দিয়ে।

অপস্রিয়মাণ মেঘের দিকে চেয়ে চেয়ে গোকুলের অন্তরের আকুলতা বেড়েছে তখন অনেকখানি। দৃষ্টি ফেরালে ও। চোখে মুখে বিপুল উৎকর্ষ। স্ত্রীর কথাগুলো কানে ধেতেই মনমেজাজ বিগড়ে গেল হঠাৎ। খেঁকিয়ে বললে, গা জ্বলে ওঠে তার কথা শুনে। সাপের পাঁচ পা দেখিছিস নাকি! মাঠ জ্বলে বাচ্ছে। ঘরে কুটোটি উঠবে না এবার। আমার শরীরেও এই অবস্থা। রোজ ঘিন্ঘিনে জ্বর হচ্ছে। পেটে কি দিবি—তাই ভাব এখন বসে বসে। ঘর মেয়ামতির কথা ভাবিস তখন পরে।

এমন করে আজও আবার খেঁকিয়ে উঠবে যে গোকুল তা ভাবতে পারে নি মহামায়া। মাটির মানুষ বললেই হয় লোকটা। সাত বছর বয়স থেকে স্বামীর ঘর করছে ও। হাড়মজ্জা—মানুষটার চিন্তে আর বাকী নেই কিছু। গায়ে পড়ে ঝগড়া খুনসুটি করেছে ও কত নিজে। বড় হয়ে—হা-নয়-তাই বলেছেও ও কত কি। কিন্তু, কড়া কথা দূরে থাকুক—রা কাড়ে নি একটাও কোন-দিন গোকুল। সেই মানুষ যেন পালটে যাচ্ছে দিন দিন। আধ-পেটা খেয়ে, শুকিয়ে শুকিয়ে—ভেবে ভেবে, কেমন যেন হৃদয়হীন হয়ে উঠছে মানুষটা। না হলে, সেদিন রাতে অমন কথা মুখ থেকে বার করলে কি করে—ভাবে তাই মহামায়া!

কি আর এমন অজায় কথা বলেছিল ও শুনি। ভাল একটা কাঁসার ঝিহুক—আর মজবুত দেখে বেতের দোলনা একটা—সেই দরকার ত হবেই আর দুদিন বাদে। তাই বলেছিল—কার্তিক মাসে গোপীকান্তপুরে বাসের মেলা বসবে ত। দেখ না—মেলাতলার খোঁজ করে পাও যদি—ঝিহুক আর দোলনা। দরকারের সময়—হাটে আবার পাওয়া যাবে কিনা—ঠিক আছে কিছু?

কথা শুনে একবারে আলের কেউটের মত কোঁস করে উঠেছিল

মানুষটা। শুধু কিছুক দোলনা কেন—চূড়ামণি শ্রাকরাকে দিয়ে তোব ছেলের পায়ের মল আর কোমরের গোটও গড়িয়ে রাখব এবার।

শুধু বাগের কথা নয়—কথায় যেন বিষ মেশানো। চোখে ওর জল এসে গিয়েছিল সেদিন। সংসারের অবস্থার কথা ও যেন ভাবে না কিছু। সহায়সম্মল বলতে—ঐ ত বিঘেচারেক মাত্র জমি। তাও বাধা পড়েছে মুখুষো মশায়ের কাছে। গতব পাটালেও সংসার চলে। কিন্তু সেবার শরীরের ঐ বকম হাল হ'ল মানুষটার। তার উপরি-উপরি দুবছর বজা হয়ে অজ্ঞান হয়েছিল। জোতজমি বাধা না দিয়ে আর উপায় ছিল নাকি! স্ত্রী আসলে যা দাঁড়িয়েছে এখন—তা শুধতে গেলে জমি ত যাবেই, ভিটেরও টান পড়বে। মুখুষো মশাই খাসাচ্ছেন বোজ—পোষের আগে টাকা না শুধলে—ভিটের ঢোল পেটাবেন তিনি—নিজামে চড়াবেন সব। হাতে পায়ের ধরে কুঞ্জ কয়ালের কাছ থেকে কিছু হাওলাত নিয়ে পেট চলছে এখন কোন বকমে। তাও আসছে মাসের মধ্যে শুধতে না পারলে গাভিন গরুটাকে দিয়ে দিতে হবে কয়াল মশাইকে। একবকম বন্ধকেরই সামিল। চোখের সামনে দেখতে পাচ্ছে ও সবই। কিন্তু মেয়েছেলে সে। কি করতে পারে শুনি! দিনে রাতে চোখের জল ফেলে ফেলে কত ঠাকুর-দেবতাকে ত ডাকে সে। কত কি মানত করে। মনে মনে বলে—মুখ তুলে চাও ঠাকুর। বৃষ্টি দাও—ধান দাও—মানুষটার শরীরে বস দাও। আরও কত কি প্রার্থনা জানায়। এসব জেনে শুনেও ফস করে বললে কি না সেদিন—পেটের ছেলেটা তোব—অলক্ষুণে অপয়া।

কথায় কি ছিবি! মুখে বাধল না একটু কথাটা বলতে। চমকে উঠেছিল মহামায়া কথাটা শুনে। ছলছল চোখে বলেছিল ও—আকাল—অসময় এসব বুঝেই বুঝি শত বটা পেটে এসেছে আমার! ছেলে হলে—ছেলে যেন একা আমারই হবে। কার বংশরক্ষে হবে শুনি? আমার সাতপুরুষ জল পাবে বুঝি?

কিন্তু বর্ষণপ্রতীক্ষাব্যাকুল মানুষটা ভিতরে ভিতরে তপ্ত রুদ্ধ হয়ে উঠেছিল অনেকখানি। এক বসক অগ্নাদগারের মত উত্তর বেরিয়ে এসেছিল সেদিন গোকুলের মুখ দিয়ে—বংশরক্ষে হবে না ছাই হবে। বম আমার ও—খেতে এসেছে আমাকে।

শিউরে উঠেছিল মহামায়া। ঠাকুর, এর চেয়ে মাথায় বাজ পড়ল না কেন? কথায় বলে সন্তান। সাতরাজার ধন মাণিকও তুচ্ছ এর কাছে। পাঁচটা নয়—সাতটা নয়। কতদিনের স্বপ্ন-সাধ ওর। অকালে অপ্রত্যাশিত করুণা নেমে এসেছে স্বর্গ থেকে। চিরবাহিত করুণা এ। এক ফোঁটা অমৃতেরই সামিল।

কথা শুনে ক্ষেপে উঠেছিল যেন মহামায়া। বলেছিল—ছোটলোক কি না—তাই মুখে বলতে তোমার আটকার না কিছু।

ছোটলোক! হাঁ, ছোটলোকই বটে। স্ত্রী অস্তঃসম্বা—এ-কথা জানার দিন থেকেই গোকুলের মতিগতির অভাবনীয় পরিবর্তন শুরু হয়েছে যেন। কি এক ধরনের অস্বস্তিকর ভাবনা ভর করেছে

ওর দেহে মনে। এ ভাবনা ভবিষ্যতের ভাবনা। ছ'টিমাত্র প্রাণীর ছকে বাধা সীমায়িত ভবিষ্যৎ নয়। এ ভবিষ্যৎ তার বংশধরের—সেই সঙ্গে বংশধারার। গত সনে কসল হয় নি ভাল। এ বছরও বর্ষণ নেই এক ফোঁটা। সামনে আকাল। ভাঙা শরীর ওর। ঋণের বোঝাও বাড়ছে ক্রমশঃ। জমিজমা, ভিটে—সবকিছুই ঘুচে একে একে। দুর্ভিক্ষ একটা পরিস্থিতি চারদিক থেকে চেপে ধরে নিষ্পিষ্ট করতে চাইছে যেন ওকে। ছোটলোক! হাঁ, মন, মেজাজ, আচরণ—সবকিছুই গোকুলের ছোটলোকের মত হয়ে আসছে যেন। ঠিকই। চোর বদনামও হয়েছে ওর। ছোটলোক না হলে—সামান্য ছ' ডাল পুঁইশাক—এ আবার চুরি করতে যায় কেউ। ইদানীং হাংলামিও বেড়েছে যেন বউয়ের। মুখুষোদের মাচাভরা পুঁইশাক দেখে দেখে নোলায় জল আসত বোজ মহামায়ার। রাতে সেদিন চুপি চুপি শাক কাটতে গিয়ে ধরা পড়েছিল গোকুল। মার না খেলেও অপমানের চূড়ান্ত হয়েছে। বউয়ের জেঞ্জাই শুধু চোর বদনামও হয়েছে ওর। ছোটলোক! স্ত্রীর কথাটা কশাঘাতের মতই বেজেছিল সন্তবতঃ। ক্ষণিকের জেঞ্জ কাণ্ডজানহীন হয়েছিল নিশ্চয়ই। না হ'লে—অমন করে সজোরে চড় কষিয়ে দিলে কি করে মানুষটা মহামায়ার গালে! মাথা ঘুরে গিয়ে পড়েছিল মহামায়া মেঝের উপরে। শুধু কি তাই—দাঁতের গোড়া দিয়ে কম বস্তুটা বেবিয়েছে সেদিন!

এই স্বামীই কিন্তু ওর অমন ছিল না কোন কালেই। ছেলে-পুলে ভালবাসে লোকটা চিরকালই। পরের ছেলে মেয়ে নিয়ে কোলেপিঠে করে ঘোরা বাতিক ছিল মানুষটার। সত্যি—ছেলে-পুলে হ'ল না বলে কম কাণ্ড করে নি গোকুল। কত ওরুধপালা মাহুলি—এনে দিয়েছে ওকে দূরদূরান্তর থেকে। এই সেদিনও অশ্রু হবার আগে—ছেলের জেঞ্জ আবার একটা বিয়ে করবে বলে কত রাগিয়েছে ওকে। তা ছাড়া, ও পঞ্চামৃত মুখে দেয় যেদিন—সেদিনও রাতে—ছেলে হ'লে ঠিক কার মত দেখতে হবে তা নিয়ে কথা উঠতে কত রাগালে ওকে। সেই স্বামী ওর কি যেন হয়ে গেল এই ক'দিনের মধ্যেই। অনাবৃষ্টি। হাঁ, আকাশের কুপণতাই শুধু দায়ী এর জেঞ্জ। বর্ষণ চায় মানুষটা। অজস্র ধারাবর্ষণ। পর্যাপ্ত করুণাবর্ষণ সেই সঙ্গে। বর্ষণের অভাবেই বিবর্ণ বিশীর্ণ ধানগাছগুলোর মতই মানুষটি শুকিয়ে শুকিয়ে অস্থিচর্মসার হয়ে যাচ্ছে ক্রমশঃ। বং রূপ সব পালটে যাচ্ছে আন্তে আন্তে। নিশ্চিহ্ন হয়ে উবে যাচ্ছে সেই সঙ্গে হৃদয়-মনের সঞ্চিত সম্পদ। বিবেক-চৈতন্যও তাই বিকৃত হয়ে উঠছে লোকটার।

শেষ পৌষের একটি শীতজর্জর সন্ধ্যা। অভাবনীয় কিন্তু এ সন্ধ্যার রূপ। অকালে মেঘে মেঘে ভরে গিয়েছে সারা আকাশ। পূজামঘ ঘনতব হয়ে উঠছে ক্রমশঃ। আসন্ন দুর্ভোগের আভাস সব দিকে। ধম্ ধম্ করছে দিগদিগন্ত। ক'বাস ধরে কালাজরে ভূগে-ভূগে অস্থিচর্মসার হয়ে এসেছে গোকুল। ঘিন্ঘিনে জর

দেহটাকে অবশ্যস্তাবী একটা পরিণতির দিকে টেনে নিয়ে চলেছে নির্মমভাবে। বেশীদিন ও আর বাঁচবে না হয়ত। সেই ভাল। চিরনিশ্চিতের প্রতীক্ষায় একটি একটি করে দিন গোনেন এখন গোকুল। ইতিমধ্যে জমিজমা সব ঘুচেছে জন্মের মত। ভিটেও ছাড়তে হবে হু'এক মাসের মধ্যেই। নিলামে ডেকে নিয়েছেন সবকিছু মুখ্যমন্ত্রীর। এ জায়গাটার কলমের আমচারা বসাবেন উনি। সখের আমবাগান করবেন একথা বলে বেড়াচ্ছেন সকলকে। সংসারের মায়া-ঐচ্ছিক শিথিল হয়ে এসেছে অনেকটা। অস্বাভাবিক হয়ে উঠছে ওর মানসপ্রকৃতি। অবসান চায় ও। নিজের অস্তিত্বের অবসান—সেই সঙ্গে নিজের বংশধারারও। নানান ভাবনা ভর করেছে গোকুলের মাথায়। অবাঞ্ছিত চিন্তা এসব। হঠাৎ চিন্তায় ওর চিড় ধরল। কানে এল—আহু'রীর মার স্নেহার্জ কণ্ঠ।—কানা বেটা তোমার কি বললো—অ বোঁমা। এবেলায় আর বাধা-ট্যাধা উঠেছিল নাকি? ভরা দশমাস চলছে মহামায়ার। ভোর থেকেই আজ বাধা শুরু হয়েছে একটু। বাধা বাড়ছে, কমছে, মিশিয়ে যাচ্ছে আবার। কাজ সেবে আহু'রীর মা' বাড়ী কিংগে হয়ত। মুখ্যমন্ত্রীর কাছের কাজ করে সে। সকালে শুনেছিল হয়ত বাধা ওঠার কথা। উঠানে দাঁড়িয়ে খবরটা নিচ্ছে তাই। প্রায়াক্ষকার ঘরের মেঝে থেকে ম্যালেরিয়া-জীর্ণ কণ্ঠ আকুলভাবে চি চি করে করে উঠল একবার। মহামায়ার কণ্ঠ। ক্রীণ সুরে বললে কোন বকমে দম নিয়ে—আজ রাতেই কিছু হবে হয়ত খুড়ী। জ্বরটাও আজ বেড়েছে তেমনি।

বড় অল্পনয়ের সঙ্গে অসহায় কণ্ঠের আর্তিও কানে এল আবার।—পার ত, ভারী রাতে একবার খবর নিও খুড়ী। আমার আর ডাকবার জানাবার কে আছে বল? বাড়ীর মানুষের ত ওই অবস্থা!

জাতে ছলে আহু'রীর মা। খালাস টালাস করায় ভাল। নাড়ী কাটে। আশ্বাসভরা আহু'রীর মার গলা কানে এল গোকুলের। ছেড়া লেপটা মুড়ি দিয়ে পড়ে আছে গোকুল ভাঙা তক্তাপোশের উপর। মুখটা বিশ্বাস ঠেকছে আজ বেরাডারকম, গায়ের তাতও আজ বেড়েছে যেন দ্বিগুণ। চিন্তায় চিন্তায় স্নায়ু-গুলো নিষ্পিষ্ট হয়ে হয়ে অসাড় হয়ে গেছে পুরোপুরি। ভাবনা-হীন চেতনাহীন একটা শূন্যতার ভরে উঠছে ক্রমশঃ হ্রদয়-মন। আরও কুঁকড়ে জড়সড় হয়ে—আরও খানিকটা নিশ্চিন্ত হয়ে গোকুল পাশ কিয়ে গুল।

ওদিকে মেঝের পড়ে পড়ে—জবে ধুকতে ধুকতে অল্প ব্যথা খেতে খেতে—চিন্তার অন্তলে তলিয়ে যাচ্ছে ক্রমশঃ মহামায়া। সারা চিত্ত জুড়ে—সীমাহীন চিন্তাপারাবার। বিক্ষুব্ধ চঞ্চল হয়ে উঠছে অনন্ত চিন্তাবাশি। আকুল ভাবে একটা অবলম্বন খুজছে মহামায়া। মাথা তুলতে চাইছে মহামায়া—আলোর আশায়—ভীরের আশায়—নীড়ের আশায়। পা রেখে দাঁড়াবার মত ঠাই চাই একটা—হু' এক মাসের মধ্যেই। শব্দ—শব্দ রটা অকালে পেটে এল কেন

তার। অকালে কেন এ অপ্রত্যাশিত করুণাবর্ষণ! চোখ ফেটে জল গড়িয়ে পড়ল অনেকখানি। অবলম্বন একটা চাই-ই যে তার। একার জন্তে নয়—আর একটির জন্তে। হাঁ, পেটের ওই শব্দ রটার জন্তেই যত ভাবনা। রক্তের সম্পর্কের কেউ কোথাও বেঁচে নেই যে দুঃখ জানিয়ে উঠবে গিয়ে তাদের আশ্রয়ে। সব ঘুচে গেছে। এক কাকা আছে অবশ্য। আপন কাকা নয়—বাপের খুড়তুতো ভাই। রক্তের সাক্ষাৎ সম্পর্ক না থাক—আপনজন ত! কিন্তু হলে কি হবে। তার চেয়ে পর ভাল। না হলে, বিশ বছর হ'ল বিয়ে হয়েছে ওয়—এর মধ্যে একখানা চিঠি দিয়েও খোঁজখবর নিয়েছে কোনদিন। গুড়ের কারবার তার রায়গঞ্জের হাতে। বড় আড়তদার। লোকমুখে অনেক কথাই শোনে মহামায়া। অমন চশমখোর নাকি দুটি নেই দুনিয়ায়। তিনটি বউকে খেয়েছে। ছেলেপুলে হয় নি কারও। তিন কাল গিয়ে এককালে এসে ঠেকেছে। কিন্তু দানপুণ্য কি তীর্থধর্ম করা চুলোয় যাক দিনরাত শুধু লাভের কড়ি গোনেন আর সুরের হিসেব করে। প্রার্থী ভাষারী এলে—কুকুর-শিয়ালের মত তাড়ায় যেন—এমনি স্বভাব। আজ এই অসময়ে তার কাছে গিয়ে উঠলে আশ্রয় মিলবে নাকি। চোখের জলে ভিজিয়ে চিঠি একখানা লিখিয়েছিল ও সেদিন—সব অবস্থা জানিয়ে। কত আশা করেছিল। কিন্তু উত্তর একটা এল কৈ? মনে অনাবশ্যক অভিমান একটু হয় যেন। অশ্রুধারার নিঃশেষিত হয়ে ধুয়ে যায় আবার সে অভিমান। পেটের বাধাটা যেন কমে আসছে একটু। চিন্তাগুলো ক্রমশঃ ছন্নছাড়া হয়ে যাচ্ছে। তন্দ্রা আসছে বোধ হয়। কে জানে—জবে জবে আচ্ছন্ন হয়ে আসছে হয়ত স্নায়ুগুলো।

ঘুম আর তন্দ্রা—দুঃস্বপ্ন আর আতঙ্ক—এ সবেয় ভিতর দিয়ে রাত বেড়েছে কখন। প্রহরের পর প্রহর কেটেছে। প্রতি প্রহরে শিয়াল ডেকেছে। গোকুলের কানে কোন আওয়াজই যায় নি আজ। সন্ধ্যা ছিল না আজ আর তার। এমন হয় না বড় একটা। তীব্র নিখাদে ধনি উঠল কয়েকবার। আতঙ্ক-ইকিতম্বর ধনি যেন। উঠানের নজনে গাছটার বসে পঁচা ডাকল একটা। শেষপ্রহরের ডাক। কিন্তু কি বিজী, বীভৎস ডাক পঁচাটার! ঘুম ভাঙার সঙ্গে সঙ্গে চৈতন্তের সীমানার ধক করে আর একটা ধনির ধাক্কা লাগল যেন। অব্যক্ত ভাষাহীন একটা আবেদন-ধনি উঠছে থেকে থেকে মেঝের ওদিক থেকে। গোড়ানির মত শোনাল যেন। স্বজন-বেদনার দুঃসহ আলোড়ন সুরু হয়েছে। দ্বিধাবিভক্ত হতে চাইছে যেন মহামায়া। ছটকট করছে তাই আকুল ভাবে। ভাষাহীন অব্যক্ত আর্জধনি আবার ওর মর্মে ঘা দিলে। স্বপ্নের মধ্যে হঠাৎ সচলতার প্রবেশ এনে দিল যেন ওই শব্দটা। তক্তাপোশ থেকে তাড়াতাড়ি নেমে এল গোকুল। দেশলাইয়ের মধ্যে এখনও কাঠি আছে গোটা দুই। কিন্তু কেবোসিনের ডিবেটা কোথায়? তা ছাড়া তেল কৈ? যুদ্ধের বাজার। কণ্টোল সব, তার পাড়ারগাঁ। সন্ধ্যা আসে—বাজি

আসে। আলো জেলে প্রতিটি সন্ধ্যাকে আর অভিনন্দন জানাতে পারে না এ সংসার। বাইরে মেঘে মেঘে চকিত বিদ্যুৎ-স্ফূরণ শুরু হয়েছে মহা আড়ম্বরে। দরজাটা টেনে খুলে ফেললে গোকুল। আকাশে প্রকাণ্ড ফাটল ধরিয়ে বাজের আওয়াজ কেটে পড়ল বাঁশবনের ওদিকটায়। ছটফট করছে মহামায়া। আত্মীয়র মাকে ডাকতে হবে এখনি। এখনি একজন না ধরলে ওর অভাবনীয় কিছু ঘটবে হয়ত। দাঁড়িয়ে থাকা চলে না আর। লাঠিটা নিয়ে কোন রকমে খোঁড়াতে খোঁড়াতে বেরিয়ে পড়ল গোকুল। বিদ্যুৎস্ফূরণের সঙ্গে চোখ ধাধিয়ে বজ্রপিণ্ড নামল যেন মুখ্বোদের তালগাছটার মাথা ঘেষে। বৃষ্টি নামল সঙ্গে সঙ্গে—ফোটার ফোটার—ধারায় ধারায়। দেখতে দেখতে একেবারে মুষলধারায় আকাশ ভেঙে পড়ল যেন। অকালবর্ষণ। রোগ, চিন্তা, দুর্ভাগ্য—সবকিছু সরে গেছে তখন চৈতন্যের সীমা থেকে। একটা প্রেরণা ভর করেছে যেন—গোকুলের দেহমনের উপর। খুঁড়িয়ে খুঁড়িয়ে চলেছে না ঠিক। লাঠির ঠেলা দিয়ে দিয়ে—লাফিয়ে লাফিয়ে এগিয়ে চলেছে যেন গোকুল—দুর্গে-পাড়ার দিকে। বাঁশবাগানের পথটা পেরিয়ে এখনো যেতে হবে অনেকখানি। পায়ের তলা দিয়ে স্রোত বইতে শুরু হয়েছে। কপির ক্ষেত, আলুর ক্ষেত, মূলো কড়াইশুঁটির ক্ষেত। স্রোত নামতে শুরু হয়েছে সব ক্ষেতে ক্ষেতে। পৌষের শেষে অপ্রত্যাশিত এ বৃষ্টি। আকস্মিক এই বর্ষণের ফলে কত শিশু-উদ্ভিদ শ্বাসরুদ্ধ হয়ে মরবে হয়ত। ভাবতে ভাবতে এগিয়ে চলেছে গোকুল। বাঁচতে চায় ও। বাঁচতে চায় সে তার অনাগত আত্মজটিকে। নিশ্চিন্ত হতে চায় না গোকুল। অমর হয়ে থাকতে চায় গোকুল তার বংশধারার মধ্যে। আদিম-অকৃত্রিম প্রবৃত্তি আজ প্রাণপুষ্ট হয়ে উঠেছে ওর মধ্যে। চলার গতির মধ্যে সে প্রবৃত্তির আবেগস্পর্শ লেগেছে যেন।

আধ ঘণ্টার মধ্যেই হাঁপাতে হাঁপাতে ফিরে এল গোকুল। বাইরে দুর্ঘোষণার পরিবেশ। ভাঙা ঘরের মধ্যেও অভিনব দৃশ্যপট রচিত হয়েছে তখন। সকালের আলোয় সম্পূর্ণ হয়ে উঠেছে সে ছবি। প্লাবন শুরু হয়েছে ঘরের মধ্যে। স্থল নেই আর কোথাও। স্রোত বইছে যেন মেঝের উপর দিয়ে। এক কোণে সংজ্ঞাহীন হয়ে পড়ে আছে মহামায়া। ভাঙা চাল ফুঁড়ে অবিশ্রান্ত বর্ষণধারা নেমে দেহটাকে ভিজিয়ে ভিজিয়ে বিপর্যস্ত করে এনেছে অনেকখানি। পায়ের কাছে অসহায় ভাবে পড়ে আছে কাদাজলে-মাগা অপরিচ্ছন্ন একটি মানব-শিশু। নিষ্প্রাণ অনড় শিশুর কচি দেহটা ঘিরে স্রোতের আবর্ত রচিত হয়েছে যেন।

াপ নিয়ে লাঠিতে ভর দিয়ে দাঁড়াল গোকুল। জ্বরে জীর্ণ শরীরটা তার ধারান্নানে বিধ্বস্ত হয়ে এসেছে যেন। পা দুটো ভেঙে পড়তে চাইছে এখনই। ঠকঠক করে কাঁপছে সর্কাজ। বুকের

ভেতরের কাঁপন দুর্বীর হয়ে উঠেছে আরও। মাটিতে পড়ে এখনি শেষ নিশ্বাস ছাড়তে চাইছে যেন দেহটা। চেয়ে চেয়ে আজ হঠাৎ চোখ ফেটে জল বেরিয়ে আসবার মত অবস্থা হ'ল গোকুলের। ভাদ্রে এমনি বর্ষণের প্রতীক্ষায় একটি একটি করে দিন গুনেছিল গোকুল—আকুলভাবে। অকালে পৌষ-শেষে সেই প্রতীক্ষমাণ দিনের প্রার্থনা মঞ্জুর করবার জেগেই কি এই দুর্ঘোষণা নেমে এসেছে আজ!—কিস্তি কেন?

অনেক বেলায় দুর্ঘোষণা ধামল যখন—তখনো সংজ্ঞা ফেরে নি মহামায়ার। বাড়ী থেকে কাঠকুটো এনে আঙুন জ্বালিয়ে সেক তাপ দিচ্ছে আত্মীয়র মা। আপনজনও এমন করে না বোধ হয়। রোগজীর্ণ সামর্থ্যহীন দেহটার সব বিকোভ অগ্রাহ করে ওষুধ আনতে গিয়েছিল গোকুল। নীলমণি ডাক্তারের কাছ থেকে পুরিয়া পেয়েছে ক'টা। ভাবতে ভাবতে ফিরছে গোকুল। কাল চিঠি এসেছে একখানা। হঠাৎ মনে পড়ল কথাটা। পড়ে দেখবার মত আর সামর্থ্য ছিল না কাল। জ্বরের তাত বেড়েছে তখন। বাজিশের তলায় গুজে বেথে দিয়েছিল চিঠিটা। কার চিঠি কে জানে! আত্মীয়স্বজন কেউ কোথাও নেই তো কোন চুলোয়। কার চিঠি তবে! ভাবতে ভাবতে ফিরল গোকুল। পুরিয়া একটা জলে গুলে তাড়াতাড়ি খাইয়ে দিলে মহামায়াকে। নিশ্বাস ছেড়ে উঠল গোকুল। ভিজি বাজিশের তলা থেকে চিঠিখানা টেনে বার করলে তাড়াতাড়ি। টানাটানা অক্ষরে লেখা। অল্প ভিজি গিয়ে অক্ষরগুলো খেবড়ে গেছে জায়গায় জায়গায়। লিখেছে নীলাস্বর নিয়োগী। রায়গঞ্জের চিঠি। লিখেছে তা হলে মহামায়ার সেই চশমখোর কাকা। অক্ষর-গুলোযেন গিলতে লাগল গোকুল। অচিন্তনীয় কথা সব। কথা নয়—লেখা নয়। সঞ্জীবনী সুধায়-ভরা করুণাময় কোন মাহুষের বুকের ভাষা যেন। বৃন্দাবনবাসী হবে লোকটা। বিবয়-সম্পত্তির সবকিছু বোঝা মহামায়াদেবই দিয়ে যাবে ঠিক করেছে। নিতে আসবে মহামায়াকে দু'একদিনের মধ্যেই। অপ্রত্যাশিত করুণা!

চোখ মেলে এক বার চাইলে মহামায়া। কি যেন খুঁজছে চোখ দুটো। কাকে কাছে চাইছে যেন। চিঠিখানা হাতে নিয়ে এগিয়ে গেল গোকুল মহামায়ার খুব কাছটিতে।

আশাদীপ্ত মন নিয়ে, চিঠিখানা মেলে ধরে গোকুল বললে, “তোমার সেই রায়গঞ্জের কাকা চিঠি দিয়েছে, বউ। নিতে আসবে তোকে দু'এক দিনের মধ্যেই। যাবি নাকি সেখানে?”

এ কথাই কোনো জবাব দিলে না গোকুলের বউ, শুধু অসহায়, করুণ চোখ দুটি মেলে খোলা চিঠিখানার পানে তাকিয়ে বইল এক-দৃষ্টে—চেতনা যেন তার অসাড় হয়ে আসছে ধীরে ধীরে।

পণ্ডিত রামচন্দ্রজীর শ্রাব্দের কাহিনী

শ্রীজ্যোতির্ময়ী দেবী

বাঙালী স্বদেশেই থাকুন আর প্রবাসেই থাকুন তাঁর ঘরে নিজের দেশের আনুষ্ঠানিক পূজা-পার্বণ করা চাই-ই। বছরে চার বার—লক্ষ্মীপূজা, একবার মনসাপূজা, সম্বৎসরীপূজা একবার এ তো আছেই, তা ছাড়া নানাবিধ ব্রত-পার্বণ, ষষ্ঠীপূজা, জন্মতিথি উৎসব এসকলও তাঁরা করে থাকেন। সেকালের বৃহৎ একাঙ্গবর্তী পরিবারে বার-ব্রত আর ষষ্ঠীপূজা, জন্মতিথি, হাতেখড়ি ইত্যাদি অল্পাংশ লেগেই থাকত। এই সব পূজা ব্রত পার্বণ ব্রাহ্মণ ছাড়া কমানো যায় না; তা যে দেশেই হোক—মাদ্রাজ, পঞ্জাব, মধ্যপ্রদেশ, রাজস্থান, গুজরাট, যেখানেই হোক, প্রবাসী বাঙালীরা বাঙালী ব্রাহ্মণ সংগ্রহ করে নিতেন এবং পূজাও ষধারীতি হ'ত।

সুদূর রাজস্থানে তাঁরা একজন বাঙালী ব্রাহ্মণপণ্ডিত যোগাড় করে নিয়েছিলেন। নিত্য ও নৈমিত্তিক সব ক্রিয়াকর্মে তাঁর ডাক পড়ত সকল বাঙালীর ঘরেই।

প্রবাসের মুখুজ্যে, বাঁড়ুজ্যে, গাজুলী, ঘোষ, বোস, মিত্তির, সেন বার, গুপ্ত সকলের ঘরেই তাঁর ডাক পড়ত, আসা যাওয়া করতে হ'ত তাকে তাঁদের নৈমিত্তিক কাজে; এ ছাড়া ছেলেমেয়েদের বর্ণ-পরিচয় পড়ানোর পণ্ডিতমশাই বা মাষ্টারও তিনিই। প্রথম ভাগ থেকে বোধোদয় অবধি বাঙালীর শিশুপাল তাঁর হাতেই থাকত। বেতন, সিধা, টাকাটা-সিকিটা দক্ষিণাদি ভালই পেতেন।

পণ্ডিতমশাই বৃদ্ধ হয়েছিলেন, সহসা একদিন গুরুতররূপে অসুস্থ হলেন, তার পর তাঁর মৃত্যু হ'ল।

শোকে মুহূর্তমান যজ্ঞমানেরা খুব আক্ষেপ করলেন। অপুত্রক—তাঁর শেখকৃত্য এবং শ্রাদ্ধশাস্তিও জাতি কাকে দিয়ে করলেন যেন। তার পর কিন্তু বাড়ী-বাড়ী মহা ভাবনা। সমস্ত শহরের এতগুলি বাড়ীর পূজার হাল ধরে কে? ভাদ্রমাসেই লক্ষ্মীপূজা, তার পর মনসাপূজা, তার পর মাসে মাসে হ' একটি ষষ্ঠীপূজা সকল ঘরেই আছে, জন্মতিথি আছে; কারুর বা ব্রত আছে—দুর্বার্হমী অনন্ত চতুর্দশী—সেকালের সংস্কারযুক্ত মন গৃহিণীদের মাথায় আকাশ ভেঙে পড়ল। এই সব কাজের ব্রাহ্মণ কোথায় পাওয়া যায়।

ব্রাহ্মণের অভাব অবশ্য সেদেশে ছিল না। কিন্তু তাঁরা তো পুরুত বামুন নন, ব্রাহ্মণপণ্ডিতও নন, তাঁরা বড় বড় পদস্থ কর্মচারী—অথবা ডাক্তার কিংবা অধ্যাপক। ঘণ্টা নেড়ে পূজা করবেন বাড়ী-বাড়ী, তাঁরা কেমন করে? নিজের বাড়ীতেই পূজা করবেন কি না সন্দেহ। হয়ত সব ভুলেও গেছেন, কিংবা জানেনই না।

অথচ হিন্দুস্থানী ব্রাহ্মণের অভাব ছিল না, কিন্তু তাঁরা বাঙালী পরিবারের দেশাচারসম্মত লক্ষ্মী, ষষ্ঠী, মনসা পূজাদি জানেন কি? হিন্দুস্থানীদের বা দেশেশবাসীদের ঘরে পূজা পার্বণ ব্রত নিরম অল্প

রকম, সেগুলোও বাঙালী গৃহিণীরা কিছু কিছু গ্রহণ করেছেন,—যেমন 'সুমতি' (সোমতি) অমাবস্তা' সোমবারে অমাবস্তাব্রত। কিন্তু বাঙালীর ব্রত পূজা অল্পাংশের সমস্ত সমাধান তাতে হয় না।

এখন গৃহিণীরা ভেবে ভেবে আর কুলকিনারা পান না। অবশেষে এক বাড়ীর গৃহিণী ভৃত্যদের বললেন, 'একজন স্থানীয় ব্রাহ্মণই যোগাড় কর।' একটু দেখিয়ে শুনিয়ে বলে দেবেন গৃহিণীরা। পূজা ত ব্রাহ্মণের জাতির দ্বারা চলবে না। না হয় ওদেশীয় মতেই পূজাপাঠ হবে।

হ' এক জন ব্রাহ্মণ দেখা গেল যাদের জীবিকা যজন-যাজন পূজা-অর্চনা ও ভিক্ষা। খাটি সেকেলে প্রথমত সকলে নিয়মমত করে ক বাড়ী ভিক্ষা করতে যান, আটা, পয়সা যে যা দেয় এনে গৃহদেবতা শালগ্রাম রামচন্দ্রজী বা বাধাগোবিন্দজীর অর্চনা করেন এবং ভোগ দেন। দাতাকে আশীর্বাদ করে আসেন 'বোলবালা রহে' 'পুত্রপৌত্র বধাই' (বুদ্ধি) হোক ইত্যাদি।

শেষে লক্ষ্মীপূজা সমাগত, এক জন চাকর তাঁদেরই এক জনকে বাড়ীর গৃহিণীর কাছে এনে উপস্থিত করল।

মলিন, জীর্ণ হাতে বোনা 'রেজী'র (খন্দর) জামা বা মেয়জাই, তাঁতের মোটা ধুতি, মাথায়ও ময়লা জীর্ণ পাগড়ী, হাতে লাঠি, কাঁধে ভিক্ষার ঝুলি নিয়ে অতিবৃদ্ধ ব্রাহ্মণ লোকের দুয়ারে দুয়ারে দাঁড়িয়ে নানা স্তব পাঠ করে নাম শুনিয়ে যান। সেদিনও এ বাড়ীর দুয়ারে স্তবপাঠ করছিলেন :

আদ্যাশক্তি দশমহাবিত্তা একই রূপা মহাকালী।

...

বালা, কালী, ভৈরবী, কমলা, তারা চ দক্ষিণাকালী

ছিরা, ধূমা, ভবানী শক্তি (ভুবনেশ্বরী)

মাতঙ্গী মা, মাতোয়ালী।

তাঁকে জিজ্ঞাসাবাদ করে ভৃত্যটি ভিতরে নিয়ে এল, তিনি 'লক্ষ্মী মাই'র পূজা করতে জানেন কিনা। তা হলে পূজা করে দিতে হবে।

অতিবৃদ্ধ ব্রাহ্মণ, কানে একটু কম শোনেন। বা হোক হ'বার বলার পর শুনেতে পেয়ে বললেন—লক্ষ্মী সম্বৎসরী হুর্গাদি দেবীর নাম তিনি ভাল করেই জানেন, স্তবও জানেন। পূজা করা এমন আর কি শক্ত কথা। লক্ষ্মী মাইয়ের পূজা তিনি করে দেবেন। স্থান করে আসছেন।

এলেন পূজায় ঘরে। চারদিকে পূজার উপকরণ। কাঁচা মুগের ডাল ভিজানোর নৈবেদ্য, চিনির নৈবেদ্য, চালের নৈবেদ্য,

মাথায় ক্ষীরের সন্দেশ বা কলাকন্দ শোভিত (ওদেশে সন্দেশ নেই), গায়ে পানের খিলি, আশেপাশে ফল সাজানো । জলপানের খালায় ভিজানো ছোলা মটর ও ফলমূল ক্ষীরেব মিষ্টি । দেয়ালের গায়ে একটু জায়গায় গোময় ও মাটি লেপে আলপনা দেওয়া হয়েছে যথারীতি । ভাস্কর্যের পূজার প্রথমত সেখানে ধান, মান, পান, মরাই, শাঁখ, পেঁচা, গহনা আঁকা । লক্ষ্মী-নারায়ণ-কুবেরের সিন্দূরে-আঁকা ত্রিমূর্তি । আবার মরাইয়ের পাশে কুবের দ্বারীরূপে দণ্ড পাগড়ী ধারণ করে দাঁড়িয়ে আছেন । জলচৌকীর উপর মা লক্ষ্মী ধানভরা 'রেকের' (কুনকের) প্রতীকে রেশমের চেলী পরে কুনকেটি ঢেকে ঘোমটা দেওয়া ভাবে বসে আছেন, একটি সোনার নখ (নাকে)—ঘোমটার আটকানো ।

আশেপাশে কোশাকুশী শাখ ঘণ্টা ধূপ দীপ প্রদীপ পার্শ্বাঙ্ক বস্তু সাজানো । সেদিন মনসাপূজাও হবে, সংক্রান্তি অবস্কনও । গৃহিণী এবং বধূরা ভক্তিভাবে পটবস্ত্র পরে বসে আছেন ।

ব্রাহ্মণ এলেন, তাঁকে প্রণাম করে কত্রী আসনে বসালেন । পূজার উপকরণের প্রাচুর্য্যে প্রসন্নচিত্ত সঙ্কট পশুিতজী পূজা করতে বসলেন ।

কোশাকুশী নেড়ে, আচমন অঙ্গশুদ্ধি করে যথারীতি পূজা আরম্ভ করলেন । কিন্তু কোথায় লক্ষ্মীস্তব—“তৈলোক্যপূজিতে দেবি !” কোথায় প্রণামমন্ত্র ‘বিশ্বরূপশ্য ভাষ্যাসি’—গৃহিণীদের শুনে ও বলে মুখস্থ হয়ে আছে—পশুিতজী উঠে ঘণ্টা বাজিয়ে আরতি করতে আরম্ভ করলেন ।

গৃহিণীরা শব্দবাস্তে নিষেধ করতে লাগলেন, ‘ও পশুিতজী, লক্ষ্মী-পূজায় ঘণ্টা বাজাবেন না, বাজাতে নেই ।’

আর পশুিতজী ! বধির ব্রাহ্মণ তখন আরম্ভ করেছেন স্তব, তাঁর চিরকালের জানা স্তবমালা :

“আত্মশক্তি দশমহাবিদ্যা একই রূপা মহাকালী...”

ওমা ! গৃহিণীরা হতবুদ্ধি—পশুিতজী এ যে লক্ষ্মীপূজা, এ ত কালীপূজা, নয়, আত্মশক্তি নয়,—বলবার চেষ্টা করলেন ।

কিন্তু একে তো পূজার আরতির সময় আর বাধা দেওয়া চলল না, তাতে আবার ব্রাহ্মণ বধির ! কিন্তু পশুিতজী মা লক্ষ্মীকে ‘আত্মশক্তি দশমহাবিদ্যারূপিণী’ বলে খুব ভুল করেন নি বোধ হয় । আত্মশক্তি কি লক্ষ্মীমাতাও নন !

যাক, গৃহিণীরা বিচলিত ও বিমনা ভাবে পূজা দেখতে লাগলেন । তার পর পশুিতজী সরলভাবে তাঁর বাকি স্তব মনের ঝুলি থেকে বের করলেন, সীতাদেবীর স্তব :

জয় জয় সীতে ব্রহ্মাতীতে,

ভীমা বামা রঘু প্যারী ।

রঘুপতি ধান ধরে না তেরো,

তুমহি হো মঙ্গলকারী ।

এক কথায় তাঁর জানা নানা স্তবে তিনি লক্ষ্মী ও ‘নাগমাতাজীর’ পূজা সমাপ্ত করলেন ।

‘গৃহিণীদের একটু বিধা হলেও ব্রাহ্মণকে দিয়ে পূজা করিয়েছেন তো ! নিশ্চিন্ত হলেন ।

চালকলার নৈবেদ্যগুলি মিষ্টান্ন, জলপান, সব বেঁধে গুছিয়ে তাঁকে দেওয়া হ’ল । এখন ‘দক্ষিণা’ (দক্ষিণা) ?—জিজ্ঞাসা করলেন বৃদ্ধ । শুনতে পান না ভাল, দেশাচারমতে লক্ষ্মীপূজায় দক্ষিণা দেবার রীতি নেই জানেন না । নিরুপায় হয়ে বলা হ’ল—কাল পাঠিয়ে দেব ।

তার পর আশ্বিন মাসে বাড়ীতে একটি ষষ্ঠীপূজা করতে হবে ।

ষষ্ঠীমাতা ? আচ্ছা । চিরজীবী মার্কণ্ডেয় মূনির নাম তিনি জানেন । ষষ্ঠীপূজা ? তা করে দেবেন হু জনের নাম করে । যদিও ষষ্ঠী ঠাকুরাণী নামে কোন দেবী ওদেশে নেই । ষষ্ঠীপূজার বিধিমত বটের ডাল, একশটি খই চুবড়ি, একশটি ক্ষীরের পুতুল, কাজললতা দিয়ে খোঁড়া দুধ ভরানোর জগ একশটি গর্ত মাটির উপর, সব সাজিয়ে গুছিয়ে তাঁকে আসনে বসানো হ’ল । এবারে আবার সব নতুন ধরনের উপকরণ । পশুিতজীকে বলা হ’ল, মার্কণ্ডেয় মূনির মত চিরায়ু হয় যেন শিশু, ভাল করে পূজা করুন । নতুন উপকরণে, নতুন দেবতার পূজা, পশুিতজী উপকরণ-সম্ভারে খুশীমনে দৃষ্টিপাত করলেন । তার পর নিজের মত আচমন ও পূজা করে আরতি আরম্ভ করলেন, এবার শিবের স্তব । মার্কণ্ডেয়-পূজার জগ ।

আকু (আকন্দ) ধতুরা ভোজন করিহে,

নাগ ববন্ত শটাওয়ে হেঁ (নাগপাশ)

...ঘণ্টালেকর গাল বজায়

বম্ বম্ বম্ শিব বম্ ভোলা ।

সিদ্ধি ঋদ্ধি মে ভব ঝোলা ।

কঁহি শীষ (শীর্ষ) কঁহি চরণ কি পূজা,

কঁহি লিঙ্গপূজা বাওয়ে হেঁ (চলেছে)

... ..

ঘণ্টালেকর গাল বজায়,

বম বম বম শিব বম ভোলা ।

তার পর যথারীতি আত্মশক্তির স্তব বলে ষষ্ঠী ঠাকুরাণীর অর্চনা আরতি শেষ করলেন ।

ক্রমে গৃহিণীদের অভ্যাস হয়ে গেল । পূজা ত হচ্ছে । মন্ত্রহস্ত ? তা যে দেশে আছেন, ‘বশ্বিন দেশে বদাচার’ ! গুটিকতক সংস্কৃত বচন তাঁদের ত অজানা ছিল না ।

ব্রাহ্মণ সব নৈমিত্তিক ও আনুষ্ঠানিক ক্রিয়াকর্মই করে যান ।

সহসা একদিন বিকেলে বাঁধুনী বায়ুন চাকর সকলে বললে, ‘আজ আমরা সকাল সকাল কাজ করে যাব । রাতে ফিরতে দেরি হবে, আজ আমাদের নিমন্ত্রণ সকলের ।’

এখন বামোয়াভার নিমন্ত্রণ ঠিক আমাদের দেশের মত শুধু ভঙ্গলোকদেরই নয়, সেখানে যার বাড়ীতে যে-কোন ক্রিয়া হবে,

তাতে অগ্রাণ্ড বাড়ীর কর্তাদের সঙ্গে ভৃত্যদেরও পাঠাবার নিমন্ত্রণ-পত্র দেবার প্রথা আছে। ভৃত্যদের অগ্র সে পত্রটি পাতলা হালকা রঙীন কাগজ, তাতে লেখা থাকে "আসামী এক জিহা মে আও" ('একজন লোক নিমন্ত্রণে এস।') গৃহকর্তার ঠিকানা দেওয়া নীচে। এমন পাঁচ-দশ খানা নিমন্ত্রণপত্র সব বাড়ীতে আসত, গৃহকর্তার পদমর্যাদা অনুসারে সে সংখ্যা ঠিক হ'ত এবং চাকররা ভূরিভোজ খেয়ে আসত। তা বিবাহ উপনয়ন শ্রাদ্ধ সব-কিছুতেই। লাড্ড কচুরী, দইবড়া, জিলাপী, লুচী, তরকারী, হালুয়া, এই ধরনের খাওয়ার সমাবেশ তাতে থাকে। ঐ পত্রগুলিকে 'টিকিট' বলা হয়। বাড়ীর চাকরদের পালা করে এক এক দলকে পাঠানোর নিয়ম ছিল। এ নিমন্ত্রণ কখনও সব বর্ণনির্বিঃশেষে, কখনও শ্রাদ্ধাদি হলে শুধু ব্রাহ্মণদের অগ্র নির্ধারিত থাকত।

গৃহিণী কোঁতুহলী হয়ে জিজ্ঞাসা করলেন, 'কোথেকে টিকিট এল কোথায় যাবি? আমার কাছে ত কোন নিমন্ত্রণ টিকিট আসে নি? বাবুজী (কর্তা) দিলেন?'

তারা বললে, 'না, পশ্চিমবঙ্গী নৃক্ষা' (আদ্যশ্রাদ্ধ) আজ। বহু লোক খাওয়াচ্ছেন। ব্রাহ্মণ আর অগ্র হ' চার জাতও আছে। আমাদেরও বলেছেন।

গৃহিণী গালে হাত দিলেন, আহা! ব্রাহ্মণ মায়া গেলেন। এই ত সেদিন পূজা করে গেলেন পৌষ মাসের লক্ষ্মীপূজায়। আহা! কি হয়েছিল? বামুন এবং চাকররা হাসল, বললে, 'না, না, মাজী পশ্চিমবঙ্গী মরবেন কেন? ময়েন নি। নিজের শ্রাদ্ধ করে যাচ্ছেন। ঠর ত কেউ নেই—কে পরে শ্রাদ্ধ করবে, তাই বহুত খরচ করে নিজের নৃক্ষা করছেন। অনেক লোক নিমন্ত্রণ করেছেন।

গৃহিণীর গালের হাত নামল ত না-ই—আরও আশ্চর্য্য হয়ে গেলেন। বলতে লাগলেন কি কাণ্ড ওমা, কি আশ্চর্য্য...। আর হাসতে লাগলেন।

তারা যাত্রা ভূরিভোজ খেয়ে বাড়ী ফিরল। পশ্চিমবঙ্গী খুব খাইয়েছেন শ্রাদ্ধের পর। বহু ব্রাহ্মণ অত্রাহ্মণ সকলেই খুশী হয়েছে পুণ্যাত্মা পশ্চিমবঙ্গী এই 'আগাম শ্রাদ্ধের' ভোজ খেয়ে। তাদের মতে সত্যিকার বুদ্ধিমান আর পুণ্যবান লোক না হলে এমন করে শেষের দিনের কথা কে ভাবে! পরে ত টাকাকড়িগুলো জমিদার চৌকীদার আর চোরের হাতে পড়ত, বেঁচে থেকে এ একটা ভাল কাজ করলেন। মোটামুটি, তিলকাঞ্চন শ্রাদ্ধ হ'ল আর প্রায় পঞ্চাশ জন ব্রাহ্মণ এবং অনেক বহুব্রাহ্মণ ভোজ খেলেন। শ্রাদ্ধের শব্দ, বস্ত্র, অন্নভল 'স্থানী' সব তাঁর কোন বহু ব্রাহ্মণ পেলেন।

আসন্ন কাল অবশ্য পশ্চিমবঙ্গীর ঘনিরে আসে মি। সুতরাং মাঘ মাসের হাড়কাপানো পশ্চিমের শীত তুলোর জামা পরে আর বালাপোশ মুড়ি দিয়েই তাঁর কাটল। চৈত্র মাসের লক্ষ্মী-পূজাও এসে করে গেলেন। গৃহিণীরা খুব খুশী। নৈমিত্তিক পূজা, কীতলাঠনী, ('শিল আঠে') কারুর বাড়ী ছোটখাটো পূজা তাও

করলেন যথারীতি। চৈত্রসংক্রান্তির শক্ত দান, জলদান উৎসর্গ করালেন।

বৈশাখ মাস জলদান পর্বেও মন্দ পেলেন না পূজার দক্ষিণা।

আশ্বিন মাস এল। এই মাসে পশ্চিমবঙ্গী নানা পূজা করে গেছেন। বেশে তর্পণশ্রাদ্ধ এসে পড়েছে। ঘরে ঘরে তর্পণ চলছে। তর্পণের বার্ষিকী শ্রাদ্ধকে ওদেশে বলে 'কনাপং'। 'কনাপং' শ্রাদ্ধে খুব সমারোহ করে ব্রাহ্মণ-ভোজন ও লোক খাওয়ানোর প্রথা এখনও রাজস্থানে আছে।

যাত্রা শুয়ে গৃহিণীর মনে পড়ল, 'কনাপং' এসে পড়েছে, ঘরে ঘরে তর্পণ আরম্ভ হয়েছে, এ বাড়ীর কর্তাও তর্পণ করছেন। পশ্চিমবঙ্গীকে তিথিশ্রাদ্ধের অগ্র ডাকতে হবে।

সহসা মনে পড়ে গেল তাই ত। পশ্চিমবঙ্গী যে নিজের শ্রাদ্ধ করে বেখেছেন সেটা আত্মশ্রাদ্ধ। আর 'কনাপং'ও করবেন বোধ হয়। কি আশ্চর্য্য, ঠর মনে পড়ে নি এতদিন যে, এই সব দেবকার্য্য, শুভকাজ উনি কি করে পশ্চিমবঙ্গীকে দিয়ে করালেন! কেননা, শ্রাদ্ধ যখন হয়ে গেছে তখন লৌকিক হিসাবে উনি তো মৃত। পিণ্ডদান, শ্রাদ্ধ, ব্রাহ্মণ-ভোজন সবই ত যথারীতি হয়েছে, তখন জীবিত বলে ঠকে মনে করা ত তাঁর উচিত হয় নি। এক কথায় এখন পশ্চিমবঙ্গী ত মৃত বা প্রেতের সামিল। মাতুলিক কার্য্যে মৃত কিংবা অশুচি শরীরের কোনও কাজের অধিকার কি থাকে?

কি করা যায়। এখন মনে যখন হয়েছে—তখন ঠকে দিয়ে আর কোনও কাজই ত করানো যায় না। উচিত কি? নাঃ, খুব অগ্রাণ্ড ও ডুল হয়েছে তাঁর। এখন হতে তাঁকে দিয়ে পূজা চলবে না—বাড়ীর বলাগণ-অকল্যাণের কথা ভাবতে হবে। ভীষিত হলেও শ্রাদ্ধ যখন হয়ে গেছে তখন উনি মৃত বা মৃতবৎ। অশুচি তা হলে।

গৃহিণী বাড়ীর লোকদের—বামুনি ব্রাহ্মণ ও হ'একজন পুরাতন ভৃত্য এবং বাড়ীর পুরাতন কর্মচারীদের সঙ্গে কথা বললেন।

এমন সমস্তায় ত তারা কখনও কেউ পড়ে নি, কাজেই কে আর কি বলবে। তবে শ্রাদ্ধ যখন হয়ে গেছে, তখন পশ্চিমবঙ্গী যে আর বেঁচে নেই—মৃত, এ বিষয়ে সবাই একমত হ'ল এবং এটাও সাব্যস্ত হ'ল যে, দেবকার্য্য চলতে পারে না মৃত বা অশুচি লোকের দ্বারা।

দেখতে দেখতে ভ্রাতৃসংক্রান্তির লক্ষ্মীপূজা মনসাপূজা গেল। অপবপক বা পিতৃপকও চলছে—কর্তাদের পিতৃমাতৃ তর্পণ, শ্রাদ্ধের তিথিও এসে পড়ল, পশ্চিমবঙ্গীকে কিন্তু আর ডাকা হ'ল না।

বহু ব্রাহ্মণ ভৃত্যদের কাছে খবর নিলেন। কবে কি পূজা, পিণ্ড-গণের ক্রিয়াকর্ম কবে জিজ্ঞাসা করেন, কোমও স্পষ্ট জবাব কেউ দেয় না। পূজা কি হয়ে গেছে? কে করলে? অথবা হয় নি, হবে?—জবাব পান না।

অবশেষে বৃদ্ধের এক বন্ধু তাঁকে বলে দিলে, এ যা বলেছেন, শ্রদ্ধ করায় তোমার দেহ মৃত্যের সামিল, কাজেই অণুচি মনে করতে হবে। স্মৃতরাং অণুচি বা মৃত ব্যক্তির দ্বারা পূজা-পার্বণের কাজ কি করে চলতে পারে!

দেওয়ালীর লক্ষ্মীপূজায় খুব ধুম সেদেশে। পশ্চিমতী বিমনা-ভাবে গুনলেন অণু ব্রাহ্মণ পূজা করে যাচ্ছে। পূজার কাজ তাঁর অভাবে আটকে থাকে নি। দক্ষিণা, ভোজ্য সব উপকরণের কথাই তাঁর মনে পড়ল। নীরবে ভাবেন বসে বসে। কারুর পরামর্শ চানও না, নেনও না।

অগ্রহায়ণেই শীত এসে পড়ল। পশ্চিমতী পুরাতন বালাপোশ-খানি জড়িয়ে সারাদিন ঘোঁড়ে বসে থাকেন, সন্ধ্যায় ছ'একখানি ভকনো রুটি গেয়ে খাটিয়াতে শুয়ে পড়েন।

আর ভিক্ষা করতে লোকের বাড়ী যান না, স্তবপাঠ আশীর্বাদও

করেন না। যে যা ঠাকুরের সেবায় নিজে থেকে দেয় তাই কোন-ক্রমে রাগা করে নেন। আশীর্বাদ করবেন কি করে, ভাবেন...। লোকেরা কৃতশ্রদ্ধ মৃতের বা মৃতব্যং লোকের আশীর্বাদ কি নেবে?

সহসা শীতশেষের এক দিন সকালে তাঁর চাকররা বজমান-গৃহিনীকে বললে, পশ্চিমতীর কাল রাত্রে মৃত্যু হয়েছে।

এক বৎসর পূর্বের শ্রদ্ধভোজী বন্ধুবা সজল চোখে শুধু শবাস-গমন করল নীরবে আসল মৃতদেহের। এবার আর শ্রদ্ধশাস্ত্রের কোনও প্রয়োজন নেই। আগেই সব কাজ শেষ করা আছে।

গৃহিনী কুণ্ঠিত ভাবে জিজ্ঞাসা করলেন, “কি অসুখ করেছিল পশ্চিমতীর?”

তাঁরা বললে, কিছু না। তিনি বেঁচে থাকতে শ্রদ্ধ করার অণু তাঁকে মৃত মনে করায় যেন কেমন হয়ে গিয়েছিলেন। শুধু চূপ করে ভাবতেন।

সনাতনের সন্ন্যাস

শ্রীমুখীর গুপ্ত

১

“বৃন্দাবনের বিরহ-মথিত—ব্যথিত বাঁশরী ডাকে,
ব্রজের দুলাল তৃষিত নয়নে বারে বারে চেয়ে থাকে ;—
মনে ভেসে ওঠে গাগরী-ভরণ কালিন্দী-কালো জলে,
গোপনাভিসার কুঞ্জ কুঞ্জ—কদম্ব-বনতলে ;
আকুল নয়নে—উচাটন মনে বৃন্দাবনে যে চাই ;—”
কহে সনাতন হুসেন শাহেরে—“রাজ-কাজ ভুলে যাই ;
যে মন লইয়া মন্ত্রী তোমার আছিহু হেথায় হায়
সে মন আমার ব্রজের দুলাল কেড়ে নিয়ে চলে যায় ;
পরকীয়া রসে—রাধা-ভাবে জাগে রসাবেশ হিয়াতলে ;—
এ মানসে আর নাহি অধিকার—হারালো যমুনা-জলে।”

২

“ব্রজের রাজার ডাক আসিয়াছে, কি করে রহি গো রাজা ?
প্রেমের দারুণ দহনে পরাণ হয় শুধু ভাঙ্গা ভাঙ্গা।
রাধার হৃদয়—ঘর-করণা যে কি ভাবে ভাসিয়া যায়,
এতদিন আমি বুঝিয়াও তা যে বুঝিতে পারি নি হায়।

তনু মন-কাড়া বাঁশরী বাজিল , বিষয়-বাসনা ফেলি,
সুখের সোহাগে চলিয়াছে মন সুদূরে যে ডানা মেলি।
এত দিন ধরে তব কাজে রাজা, মাথায় ধরিল পাক ;
এ-পারের কাজ এবার ফুরালো, ও-পারের এসো ডাক।
সনাতন যাহা, পেলো সনাতন এত দিন পরে বুঝি ;
হয় তো মিটিবে জীবনের সাঁঝে জীবনের খোঁজাখুঁজি।”

৩

“বিষয়-নিগড়ে বাঁধিতে চেয়ো না ;—আকাশের পানে চাও,
নব-জলধর-কান্তি সেথায় হেরিতে কি নাহি পাও।
চারিদিকে যত গ্রাম-শোভা দেখো, তা'র মাঝে বারে বারে
ভুবন-ভুলানো সে রূপ-ভাতি কি তব মন নাহি কাড়ে ?
নয়ন থেকেও দেখি নি যে রাজা, শুনি নি শ্রবণ থেকে,
ব্রজের কিশোর কতবার বুঝি ব্যথা-ভরে গেছে ডেকে ;
কি দারুণ তৃষা করেছে তাঁহারে অধমেরও অমুরাগী !
এতো যে সহিলো, আমি সহিব না কিছু তাঁর প্রেম লাগি।
রাজ-অধিরাজ ওই ডাকে শোনো বৃন্দাবনের পানে।”
নয়নের জলে ভাসে সনাতন ;—হুসেন অবাধু মানে।

শাল-মহুয়ার বনে

শ্রীঅপর্ণা দত্ত

শরতের আলোর বন্যা অবাধ মুক্তির বাণী এনেছে বিশ্ব। প্রতিদিনকার কর্মব্যস্ততার হাত থেকে রেহাই পেতে চায় মানুষের মন, শহরের কৃত্রিম আবেষ্টন আর দিনযাপনের গ্লানির হাত থেকে চাই মুক্তি।



সাঁওতাল কুটীর

অজানার দুর্নিবার আকর্ষণে চঞ্চল হয়েছে মন। তুষার-মৌলি হিমালয়ের ধ্যানমগ্ন রূপ নিরন্তর টানছে যেন। বাল্য ও কৈশোরের দিনগুলি কেটেছে এক মনোরম পার্কৃত্য পরিবেশে—মণিপুর রাজ্যের সেই মধুর স্মৃতি সারা মন জুড়ে আছে। পার্কৃত্য অঞ্চলের প্রতি তাই একটা সহজ আকর্ষণ আছে আমার। কিন্তু সাধ অনেক থাকলেও সাধ্য ত নেই তত। ডালহৌসী দেবাহন বা আলমোড়া নৈনিতালের আশা ছেড়ে দিয়ে তাই পাড়ি জমাতে হয় দার্জিলিঙের উদ্দেশে।

দক্ষিণেখর স্টেশন থেকে গাড়ী ছাড়ল। দু'বের ঐ গাছ-পালাব আড়ালে ফুলে ফুলে সমাচ্ছন্ন হয়ে আছে আমার ছোট্ট 'প্রান্তিক'। শান্ত নির্জন সেই গৃহকোণটির মায়া কণিকের অস্ত্র আমাকে ব্যাধাতুর করে তুলল। কিন্তু অজানার আকর্ষণ বৃষ্টি আরও প্রবল। তাই সেই বেদনার বেশ কখন ক্রীণ হয়ে এল বুঝতে পারি নি।

রামপুরহাট স্টেশনে গাড়ী পৌঁছল নির্দিষ্ট সময়ের এক ঘণ্টা পরে। সন্ধ্যার গুঁঠার কথা এখান থেকে, কিন্তু স্টেশনে সন্ধান না পেয়ে চিন্তিত হলাম। প্ল্যাটফর্মের উল্টো দিকে নজর পড়ল হঠাৎ। মন্থর গতিতে অগ্রসর একটি মূর্তি— কবে সেই ভক্তসন্ধানটি মন, তাঁর বদলে উর্ধ্বারা আর্দ্রা—

দেখে বিস্মিত হলাম! যাত্রা অসমাপ্ত রেখে নেমে পড়তে হ'ল এখানেই। পশ্চিমবঙ্গের অকালপ্লাবন বিপর্যয় ঘটিয়েছে। শুনলাম সরকারী কর্মচারীরা কেউ নাকি নিজ এলাকার বাইরে যেতে পারবেন না। জনসেবার অনিবার্য প্রয়োজনে তাঁদের থাকতে হবে জেলার ভিতরে।

আশাভঙ্গের এই আকস্মিকতায় মনঃক্ষুণ্ণ হলাম! শেষ পর্যন্ত এই ভেবে মনকে সান্ত্বনা দিলাম—নাই বা যাওয়া হ'ল দার্জিলিং, এই অবকাশে বীরভূমকে কতকটা দেখে নিলেও ত মন্দ হয় না। এখানে আছে সমগ্র পৃথিবীর বিশ্বয় শাস্তি-নিকেতন। আছে নাগুর, কেন্দুবিষ, তারাপীঠ, বক্রেশ্বর। আধুনিক সভ্যতার জয়যাত্রা দেখতে হলে যেতে হয় মাসেনজোরে—কেউ-বা বলেন মশানজোড়—ময়ুরাক্ষীর বাঁধে।



কুঠ সেবাসম, সাঁওতাল পরগণা

বীরভূমের এখানে সেখানে কত বেড়ালাম, দেখলাম কত, মনের অপূর্ণতা কিন্তু ঘুচল না। সুদূরের আকাঙ্ক্ষা মনে জেগেই রইল।

কে জানত বীরভূমের অদূরবর্তী শালপলাশ আর মহুয়াবনের মনোহরণ রূপের আকর্ষণ হয়ে উঠবে এমনি দুর্নিবার। ভাবলাম বাংলার কোল ঘেঁষে সাঁওতাল পরগণার মনমাতামো রূপ দেখে আসা যাক এই সুযোগে। আবার যাত্রা শুরু হ'ল।

কোজাগরী পূর্ণিমার ভোর। সমস্ত পৃথিবী হাসছে আর হাসছে দূর আকাশের চাঁদ। পূর্বদিগন্তে জ্যোতির্ময়ের আবির্ভাবের সূচনা। চারিদিক স্তব্ধ, নিরুন্ম। মনে পড়ল গেল বছর ঠিক এই দিনে গিয়েছিলাম 'টাইগার হিলে' সূর্যোদয় দেখতে। বাস চলেছে 'সুরীচোয়া' এরোড্রোমের পাশ দিয়ে। সেদিন হাটবার। মাথায়, ঝাঁকে, গরুর গাড়ীতে কত জিনিষ নিয়ে হাটের পথে চলেছে লোক।



টিউবওয়েল হইতে জলসংগ্রহ

ছোট ছোট জলস্রোত, ক্রুদ্ধ প্রান্তুর আর বক্ষ্যা জমি ছাড়িয়ে মুক্ত গতিতে ছুটেছে গাড়ী। একটু সকাল হলে দেখলাম গ্রামের ভেতর এসে পড়েছি। গায়ে চাদর জড়িয়ে ঘুমভাঙা চোখে অসীম কোঁতুহল নিয়ে চেয়ে আছে ছোট ছেলে। পাতার আঙনকে ঘিরে বসেছে বুড়োবুড়ীর দল। উঠানের এক পাশে হাঁস মুরগীদের খাবার দিচ্ছে ঘোমটা টানা বৌ। আদরের ছাগলছানার গলায় দড়ি টানতে টানতে চলেছে ছোট মেয়ে, পিচঢালা পথের উপর শালিকের অশ্রান্ত কিচিরমিচির। পাশে জলার ধারে একঝাঁক সাদা বক কি যেন থাকে খুঁটে খুঁটে। জাল আর সাদা অজস্র শালুক ফুটে আলো করে আছে জলার বুক।

পিচঢালা পথ এগিয়ে চলেছে। দু'পাশে পড়ে রইল সাঁওতাল পরগণার খ্যাত অখ্যাত কত গ্রাম, শাকসজী আর অড়হরের ক্ষেত। ধেনোজমি খুব কম। মনে হ'ল জমি এখানে পাথুরে হলেও উর্বর। পরিপুষ্ট ফসলের প্রাচুর্য এবং ফুলের বর্ণাঢ্যতা বিশেষ ভাবে স্মরণ করিয়ে দেয় একথা।

হরিপুর, সারসডাঙা, মোহল পাহাড়ী, শিকারীপাড়া কত কি নাম। যাত্রী গুঠানামার পর আবার চলছে গাড়ী। পথের দু'পাশে আম, জাম, কাঠাল আর তেঁতুলগাছের সারি। মাইলের পর মাইল এমনি। শালবনের ভিতর দিয়ে পথ চলে গেছে সোজা। ছোট, বড়, মাঝারি অসংখ্য শাল-

গাছ। ভোরের বাতাসে কাঁপছে সতেজ সজীব পাতাগুলি। রূপালি বালুর বিছানায় শুয়ে সোনার স্বপ্ন দেখছে ময়ূরাকী। দূর বনের কাঁকে কাঁকে তার হাতছানি।



গ্রাম্য উৎসব

পাথর আর কাঁকরে ভরা এই বিস্তৃত অঞ্চল। মাঝে মাঝে পলাশ আর শাল মছয়ার বন। ছোট ছোট গ্রাম-গুলিতে বাস করে সাঁওতালরা। মিশকালো তাদের গায়ের রং। কিন্তু পলাশ আর মছয়ার উচ্ছলতা এদের শিরায় শিরায় প্রবাহিত। এরা পাথর ভাঙে, মাটি কাটে, কাঠ কাটে আবার পাথুরে জমির বুক সোনাও ফলায়। অবসর-মুহুর্তে উদ্দাম আনন্দে মেতে উঠে শিকার করে, নাচে, গায় আর আকণ্ঠ পান করে, মছয়ার চোলাই করা মদ। এদের মেয়েরা গৃহকর্ম করে, জল বয়ে আনে দূর জলাশয় থেকে, পাতা কুড়ায় শাল বনের মাঝে। ফুল গুঁজে দেয় কালো খোঁপায়।

পশ্চিম বাংলার বীরভূম, বাঁকুড়া প্রভৃতি অঞ্চলে, বিহারের পার্বত্য বনভূমিতে বাস এই সাঁওতালদের। নিজ নিজ গ্রামসমাজের অধীনে সহজ সরল জীবনযাত্রা এদের। সামাজিক বা রাষ্ট্রিক সব রকম কর্তৃত্বের ভার গ্রামপ্রধান বা মোড়লদের উপর। অল্প সবাই তার নির্দেশ মেনে চলে। সামাজিক অস্থাসনের একটু তারতম্য ঘটলে শাসনের কঠোর হস্ত এদের একঘরে করতে মুহুর্তের জঞ্জ দিখা করে না। পারিবারিক জীবন অনাড়ম্বর। ব্যক্তির চেয়ে সমাজ-জীবনের প্রাধান্য বেশী। সৃষ্টিকর্তার অস্তিত্বে বিশ্বাস করলেও এদের মধ্যে ভূতপ্রেত বা উপদেবতার পূজারই প্রাধান্য। বৎসরের বিভিন্ন উৎসব-অনুষ্ঠান উদযাপিত হয় উপদেবতার পূজাকে কেন্দ্র করে। গ্রামের বাইরে মছয়াবনের ছায়ায় জড়ো হয় সব মেয়ে-পুরুষ। জীববলি ও মদ উৎসর্গ করা হয়। নানারকম মন্ত্র উচ্চারণ করে দেবতার ভূটিসাধনের চেষ্টা চলে। তার পর সকলে আকণ্ঠ মত্ত পান করে—নৃত্যগীতে মেতে উঠে

সারা গ্রাম। 'বাদনা' বা 'সরাই' পর্ব এদের একটি বিশেষ পর্ব। তা ছাড়া মৃগয়া, বিবাহ, জাতকর্ম প্রভৃতিকে কেন্দ্র করে আছে আরও কত উৎসব-অনুষ্ঠান। বীরভূম, ঝাঁকুড়া প্রভৃতি অঞ্চলে, এমনকি সাঁওতাল পরগণার গভীর অরণ্যদেশে বাস করে যে সকল সাঁওতাল তাদের উপরেও বিজাতীয় প্রভাব পড়েছে বেশ কতকটা। ধর্মের দিক থেকে খ্রীষ্টান মিশনরীদের প্রভাব স্পষ্ট। হিন্দুদের ঘনিষ্ঠ সংস্পর্শে থাকার ফলে তাদের রীতিনীতি দ্বারাও এরা প্রভাবিত হয়েছে। সামাজিক আচারে, পোশাক-পরিচ্ছদে তার পরিচয় পাওয়া যায়। অনেক হিন্দু দেবদেবী ও আচার-অনুষ্ঠানকে এরা নিজের মত করে গ্রহণ করেছে। তা হলেও নিজস্ব মূল সংস্কৃতির ধারাকে এরা অব্যাহত

সংরক্ষিত। সত্য জগতের সঙ্গে এর যা কিছু যোগাযোগ মোটর-বাসের মাধ্যমে। কয়েকটি সাজানো বাড়ী। 'নিরালা' নামটি পড়েই অচেনা বাঙালী-মনের বসচেতনার পরিচয় পাওয়া যায়। ফুলের কেয়ারী আর শাল-মহয়ার নিবিড় ছায়াচ্ছন্ন বাড়ীটি।



মাদল বাজানো

রাখতে পেরেছে আজও। নৃত্যগীত, নানা শিল্পকলা, কৃষি, উৎসব-অনুষ্ঠান, মৃগয়া প্রভৃতির ভিতর একটা মৌলিক সংস্কৃতি ও ঐতিহ্যের পরিচয় পাওয়া যায়। এদের অনেকেই নিজস্ব জমি নেই, সম্পদ গৃহস্থের বাড়ীতে 'মুনিষ' বা 'ভাগচাষী' খাটা-ই বাংলার অধিকাংশ সাঁওতালের উপ-জীবিকা। অবগু বাঁশ, বেত, সতাপাতা, কাঠ প্রভৃতি দ্বারা নানা জিনিষ তৈরি করেও তারা অর্থোপার্জন করে। আজকাল অনেকেই আবার অর্থের লোভে দলে দলে শহরে বা বিদেশে চলে যায়, তখন জীবিকার প্রধান উপায় হয়ে দাঁড়ায় চা-বাগান, খনি বা কলকারখানায় মজুরি করা।

মহয়াবনের ভিতর দিয়ে চলেছে গাড়ী। শালমহয়ার নিবিড় জড়াজড়ি এখন। সাঁওতাল পরগণার প্রধান শহর হুমকার কাছাকাছি এসে পড়েছি। মোট ছ'টি মহকুমা নিয়ে এই জেলা। সদর, জামতাড়া, দেওঘর, পাকুড়, রাজমহল ও গোডডা। শহর থেকে শহরতলীর সৌন্দর্য বেশী। সেগুন আর শালবনের মাঝখানে ঘুমিয়ে আছে ছোট শহর। রেল-গাড়ীর চাকার ঘর্ঘর শব্দ বিদীর্ণ করতে পারে নি এর শান্ত



ধান বোনা

শহরের মুখেই পুলিশ হেড কোয়ার্টার আত্মগোপন করে আছে সেগুন বনের স্নিগ্ধ ছায়ায়। পোস্ট আপিস ও টেলিফোন এক্সচেঞ্জের বাড়ী দুটির আকৃতি এবং গঠনে আধুনিকতার ছাপ স্পষ্ট।

পিচতাল পথের ওপারে বিরাট সীমানা জুড়ে 'সারকিট হাউস', শাল আর সেগুন গাছের স্নেহচ্ছায় ঘেরা। স্কুল ও কলেজ বাড়ীটি সুন্দর। ঝাউ আর সেগুন গাছগুলি মাথা তুলে আছে সজাগ প্রহরীর মত।



নৃত্যানুষ্ঠান

শহর ছাড়িয়ে খ্রীষ্টান মিশন 'মোহবা'। মিশনরীদের কর্মকুশলতা সাঁওতাল পরগণার সর্বত্র লক্ষ্য করবার মত। গীর্জা, স্কুল প্রভৃতি রয়েছে বিরাট সীমানার ভিতর। গাড়ী এসে পৌঁছল ময়ূরাক্ষীর ভাবে। নতুন ব্রিজ তৈরি হচ্ছে,

মীচে উপলাহত জলশ্রোতের রুদ্ধ আক্রোশ ; সেই জলধারা ঠিক যেন ময়ূরের চোখের উপমাই মনে পড়িয়ে দেয়।

গাড়ী দাঁড়াল স্থানীয় এক তীর্থক্ষেত্রে। বাসুকিনাথের মন্দির, অগণিত যাত্রীর ভিড় এখানে। প্রাক্ষণের চারিপাশে অনেক মন্দির। কালী, তারা, বগলামুখী, দশমহাবিচার সকল দেবীই এখানে অধিষ্ঠিতা। মন্দিরের বাইরে মেলা বসেছে ;



যুগলমন্দির, দেওঘর

দেবদেবীর পট, পূজার উপকরণ, বাঁশবেতের শিল্পদ্রব্য, সৌধিন জিনিস, শাকসজী এমনকি টাটকা মাছ পর্যন্ত আছে।

পলাশবনের ভিতর দিয়ে পথ এবার। ছোট, বড়, মাঝারি পলাশগাছের অগণিত বিস্তার। বসন্তের আগুনরাঙা রক্তিমচ্ছটা নেই এখন, চৈত্রদিনের তপ্তবাসের সঙ্গে পলাশের অগ্নিদাহন সেও ত শেষ বসন্তে! বৈশাখের রিক্ততাও নেই তা বলে। তার বদলে আছে বর্ষাসিক্ত পলাশবনে শ্রামস্নিগ্ধ সরসতা।

জোরমুণ্ডী, জামোয়া সব ছাড়িয়ে গাড়ী ছুটেছে। দূর আকাশের গায়ে ত্রিকূট পাহাড়ের চূড়া স্পষ্ট হ'ল এবার। মেঘ জমে আছে পাহাড়ের গায়ে, মনে হ'ল খুব কাছে, কিন্তু জানা গেল অন্ততঃ ঘণ্টাদেড়েকের পথ হবে। আশ্রম আছে একটি এই পাহাড়ে ; আর এই পাহাড়ের বেলপাতায় নাকি তুষ্টি হন বৈষ্ণনাথ। তাই বেলপাতা চয়ন করতে নিত্য সমাগম হয় অগণিত ভক্তের ; তা ছাড়া দর্শনার্থীর ভিড় ত আছেই।

দেওঘরের কাছে এসে পড়েছি। মহয়াশাথার অকিডলতার দোলা মনকে চঞ্চল করে তোলে, দূরের দয়ানন্দ আশ্রমের গৈরিক আভা অকারণেই উদাস করে তোলে আবার।

গাড়ী ধামল বাজারের কাছে। ত্রিকূট পাহাড়ে বেলপাতা চয়ন করতে গিয়েছিলেন ভক্ত দু'জন, গুরু ও শিষ্য।

এঁদের পাল্লায় পড়লাম। বৈষ্ণনাথ-মন্দির দেখাতে নিজে চললেন এঁরা। মন্দির-প্রাক্ষণে বহুসংখ্যক পুণ্যকামীর ভিড়।



উদ্যানবেষ্টিত যুগলমন্দিরের আর একটি দৃশ্য

মূল মন্দিরের একটি মাত্র প্রবেশ-পথ। সেখানে ঢুকে নিজের হাত নিজেই দেখতে পাচ্ছিলাম না। প্রদীপের ক্ষীণ আলোয় শিবদর্শনই ঘটল না ভাল করে। মন্তোচ্চারণের সঙ্গে উৎসর্গ করা হ'ল পুষ্পাঞ্জলি। স্পর্শ করা হ'ল কুণ্ডের পুত বারি। পূজা শেষ হবার আগেই প্রবেশ করল এক উদ্দাম জনতা, দেহাতী বিহারী সব। ভিড়ের আকস্মিক ধাক্কায় ছিটকে পড়লাম একদিকে, একটি মাত্র প্রবেশ-পথ রুদ্ধ হয়ে গেল জনতার চাপে। সীমাহীন অন্ধকার, কেঁপে কেঁপে নিভে গেল প্রদীপশিখা ; হঠাৎ এক অপরিসীম শব্দ আমাকে অভিভূত করে ফেলল। শেষে একটা ক্ষীণ আলোর রেখা দেখা গেল। ভিড়ের আর একটা ধাক্কা আমাকে ঠেলে দিল সঙ্কীর্ণ দরজার বাইরে অর্ধ-উন্মুক্ত মন্দির-চত্বরে।

দেওঘরের দোকান-বাজার অত্যন্ত খিজি আর অপরিচ্ছন্ন, রাস্তাঘাট উঁচুনীচু, দু'ধারে আগাছায় ভরা। সব বাড়ীতে লোকের বাস নেই। পৌর-প্রতিষ্ঠান ও জনসাধারণ উভয়েরই সমান অবহেলার ভাব আছে এই শহরটির উপর।

শহরের একপ্রান্তে অবস্থিত যুগল মন্দিরে গিয়ে মনে হ'ল বুঝি এ কোন সৌন্দর্যের অমরাবতীতে এসে পড়েছি। উন্মুক্ত উদার প্রাক্ষণে রং-বেরঙের কুলের মেলা বসেছে।

অক্ষয়তলে নরম বাসের গালিচা বিছানো, একপাশে একটি প্রশস্ত পুকুর। তার স্বচ্ছ মুকুরে সারাদিন ধরে মুখ দেখে তাঁবের সারিবাঁধা চাঁপা, বকুল আর ইউক্যালিপটাসের গাছ। মন্দিরটির গঠননৈপুণ্য চমৎকার, মনোমুগ্ধকর তার উচ্চা-রচনার কৌশল। লাল সাদা স্থলপথের বর্ণবৈচিত্র্য, মরসুমী ফুলের বিপুল সমারোহ, রজনীগন্ধার সিত আভা আর গোলাপের অজস্র সস্তার—কাকে ফেলে কাকে দেখব, দিশাহারা হয়ে পড়তে হয়। পায়ের তলার তৃণদল থেকে সুউচ্চ মন্দিরের চূড়াটিতে পর্যন্ত একটি জাগ্রত সৌন্দর্য্যচেতনার সজাগ স্পর্শ রয়েছে। বেলা হয়ে যাওয়ায় এই মন্দিরের দ্বার রুদ্ধ হয়ে গিয়েছিল, তাই দেবদর্শন হটল না। বিশেষ কোন তথ্যও সংগ্রহ করতে পারলাম না, অপূর্ণ বাসনা নিয়েই ফিরতে হ'ল। মন্দিরের সংলগ্ন আশ্রম আছে আর একটি।

ছপুরের খাওয়া শেষ করে নিতে বেলা শেষ হয়ে এল। হোটেল ডোমিনিয়ন—ভুলব না কণিকের এই আশ্রয়টিকে।



“জলকে”

আবার পথচলা। বেলাশেষের রাক্তম আভা অস্তদিগন্তে আর আকাশে নীড়ে ফেরা শ্রান্ত পাখীর বাক। দূর জলাশয়ে ‘জলকে’ চলেছে সাঁওতালী মেয়ের দল। ছন্দোময় লীলায়িত গতি তাদের।

দূর আকাশে শরতের চাঁদ হাসছে, আর হাসছে সারা পৃথিবী। শালমহয়ার বনে আলোছায়ার লুকোচুরি, এ যেন কোন মায়াপুরী। সেই বনময় পথে স্তম্ভতার বুক চিবে ছুটেছে গাড়ী। পিছনে পড়ে রইল হাট থেকে ফেরা শ্রান্ত পথিকের দল, গরুর গাড়ীর সারি আর ছোট ছোট সাঁওতাল গ্রামগুলো।



মাদল-বাদক

মুখোমুখি দুটি মন্দির এখানেও। এ পাশের মন্দিরে ঘিয়ের প্রদীপ জলছে দেবীমূর্তির সামনে। তার শান্ত আভায় দীপ্ত হয়েছে দেবীর ললাট। পূজারীকে জিজ্ঞাসা করে জানলাম গায়ত্রী দেবী ইনি। আর ওপাশের মন্দিরে শান্ত সমাহিত মহেশ্বর। দুই মন্দিরের মাঝখানে যুঁই ও মাধবীলতার বিজ্ঞাসে রচিত হয়েছে একটি প্রশস্ত মণ্ডপ। অসংখ্য দর্শনাধীর নিঃশব্দ পদচারণা, সুবিন্যস্ত উদ্ভান, প্রাঙ্গণ, গাছপালা, কর্মব্যস্ত ব্রহ্মচারীদের ধীর শান্ত আনাগোনা—সর্বত্র একটা শ্রদ্ধার ভাব মাখানো। কি অপূর্ব সংহত রূপ! সেই শান্ত স্নিগ্ধ রূপ নিমেষে মনকে ভক্তিরসে সিক্ত করে তোলে। সহজ সরল জীবনযাত্রা, এখানে কর্মচাকল্য আছে, কিন্তু অকারণ ব্যস্ততা নেই; কি গভীর স্তম্ভতা বিরাজ করছে চারিদিকে। প্রাচীন ভারতের তপোবনের শান্ত মহিমা হয়ত এমনি করেই মাহুঘের মনকে আকৃষ্ট করত।



উৎসবে সমবেত গ্রামবাসীগণ

শারদ জ্যোৎস্নার মনমাতানো রূপ আনন্দের বস্তা এনেছে পৃথিবীতে, মাহুঘের মনেও ছোঁয়াচ লেগেছে তার। তাই বাসিতে নূর জাপিয়েছে সাঁওতাল ছেলে, মাদলে তুলেছে

বোল, নৃত্যের দোলা লেগেছে সাঁওতাল মেয়ের দেহে, নৃত্যের
তালে চলছে যেন শাল-মহুয়ার বন—

আরা উপেল বাহা জনম ইনা

হায় সিরিজল দা তালাবে

সিরিজল চিকাতে তিয়েগা।

অর্থাৎ, অলের মাঝে একটি লাল শালুকফুল ফুটেছে।

হায়, কি করে তুলে আনব!

বিশ্বের সৌন্দর্যলীলায় মানুষের আদিম প্রকৃতিগত

আকৃতি। তাই লাল শালুকফুলের রূপে মুক্ত মানবমন
সৃষ্টি করেছে ঐ সঙ্গীত। নৃত্যের মধ্যে তার অপূর্ণ
বিকাশ।

সেই রমণীয় সঙ্কায় মহুয়াবনের মনোরম পরিবেশে
সাঁওতালী নৃত্যের মায়া আমার মনকে বিভ্রান্ত করে তুলল।
বুঝতে পারলাম, অর্ধসমাপ্ত ভ্রমণের যে ক্ষোভ আর বেদনা
জমেছিল মনের অলক্ষ্য গভীরে তা কখন অজান্তে অপসাদিত
হয়ে গেছে।

স্মৃতির খেয়াল

শ্রীকুমুদরঞ্জন মল্লিক

বুঝিতে পারিনে, বিস্মিত হই,

স্মৃতির খেয়াল দেখে,

কত সমারোহ মুছে ঢেকে দেয়,

ছোটখাটো ছবি রেখে।

কোথা বর্ণের উজ্জ্বল ছটা ?

কেন বা এমন ঘটে ?

তুচ্ছ ও ক্ষীণ কণিকের ছবি

অটুট চিত্রপটে।

কারে কি যে দেয় দর

সুকাই সাগর, বড় নদ নদী

বহে যায় নিবার।

২

আষাঢ় গগনে নববনঘটা

দেখালো যে মোরে ডাকি,

স্মৃতি তাহার সে শোভার সাথে

স্মৃতি যে রেখেছে ঝাঁকি।

কতই আষাঢ় এসো গেল পুনঃ

করি নি তাহার খোঁজ,

বিচিত্র যেই চিত্রে দিয়েছে

নূতন রঙের পোঁচ।

ব্যাপার কি অদ্ভুত

দামী হ'ল মোর জীবন আষাঢ়ে

মেঘ চেয়ে মেঘদূত।

৩

মাঠের মাঝারে রেল স্টেশন

গাড়ীতে উঠায়ে দিতে

বন্ধু এসেন, ক্ষুদ্র ঘটনা—

অক্ষিত আছে চিতে।

তিনি নাহি আর, নমি গাড়ী হতে,

দ্রুত চলে যায় ট্রেন,

তীর্থ হয়েছে এখন আমার

সেই যে স্টেশনে।

স্মৃতি বেছে নিল কিরে ?

গোলাপগুচ্ছ, চম্পক ফেলি

ছোট আকন্দটিরে ?

৪

গভীর রাত্রে, চলেছে গোগাড়ী,

আঙুচ ফুটেছে কোথা ?

এখনো আমার বক্ষে তাহার

গন্ধের মধুরতা।

ভুলেছি জলসা, বাদ্যভাণ্ড,
নৃত্যগীতের জাঁক
সুদূর 'চুনারে' মনে পড়ে শোনা
সাঁঝে শিয়ালের ডাক।
বলেছিল ওগো দেখো—
উহাদের সাড়া বিনা আমাদের
সন্ধ্যা মানায় নাকো।

৫

বাঙালী বাবুটি 'সান্তা'রা কেনে
ফেরিওয়ালাকে ডাকি',
'অম্বালার' এক ভবন-দুয়ারে
সেটা স্মরণীয় না কি ?
কণের আলাপে 'লুণ্ডি কোটালে'
হাতে দিল মোর হাসি,
দুইটি, আপেল যুবক জনেক
'খাইবার পাস' বাসী।
কোথা বড় বড় দান—
স্বতি করিয়াছে সব চেয়ে দেখি
তাহাই মূল্যবান।

৬

মনে পড়ে দূরে ছাদ হতে সেই
কুমাল ওড়ানো কার,
কাঁধে ছোট নাতি মেলা হ'তে ঘরে
ফেরে শিখ-সর্দার,
জালজ্বরের সবিষার ক্ষেতে
জানি নে কেন যে স্মরি ?
দাঁড়াইয়া ছিল কুমক-বালিকা
চক্ৰিন ঘাঘরা পরি'।

টেকে আছে মন গোটা—

রামধনুকের সপ্ত রঙের
এই সব ছিঁটে কোঁটা।

৭

বাঁশী বাজাইয়া শীমার চলেছে,
শুনিলাম যেতে যেতে,
মণিপুরীদের নৃত্য হইবে,
গ্রামের মণ্ডপেতে।
হেরিছু সাজানো রঙ্গমঞ্চ,
জনগণ উৎসাহে—
আলোক লইয়া করে ছুটাছুটি,
অবিরাম পথ চাহে।
সাবাস স্বতির দাবি—
মণিপুরী দল এলো কি না সেখা
এখনো যে আমি ভাবি।

৮

স্বতির খেয়াই রঙিন ঝুলিতে
আহরি' রেখেছে মরি,
সুদীর্ঘ মোর জীবন পথের
এই সব মাধুকরী।
কোথাও সিঁহুর আবীরের দানা
প্রসাদের রেণুকণা,
তীর্থমহিমা মাঝানো মধুর
গন্ধের আনাগোনা।
উৎসব গেছে চলি'—
কানে ভেসে আসে আজও তাজা তাজা
ভজন গানের কলি।



উইলিয়ম ইয়েটস

(১৭৯২-১৮৪৫)

শ্রীযোগেশচন্দ্র বাগল

ভূমিকা

ভারতীয় ভাষা-সাহিত্যের, বিশেষতঃ গদ্য-সাহিত্যের উন্নতির মূলে খ্রীষ্টান মিশনরীদের কৃতিত্ব অসামান্য। এই প্রসঙ্গে শ্রীরামপুর ব্যাপটিষ্ট মিশনের অগ্ৰতম প্রতিষ্ঠাতা উইলিয়ম কেবীর নাম সর্বপ্রথমে স্মরণীয়। মিশনকে কেন্দ্র করিয়া কেবীর নেতৃত্বে আরও অনেকে এই কার্যে ত্রুতী হন। কেবীর পুত্র ফেলিক্স কেবী এবং 'সমাচার-দর্পণ' সম্পাদক জন ক্লার্ক মার্শম্যানের সাহিত্য-সাধনার কথাও অনেকে অল্প-বিস্তর অবগত আছেন। উইলিয়ম কেবীর কিঞ্চিৎ পরবর্তী অর্ধে এই সাহিত্যসেবীদের সমতুল আর একজন বিশিষ্ট পাত্রী বা মিশনরী ছিলেন ড. উইলিয়ম ইয়েটস। শ্রীরামপুর মিশনের ইতিহাস তথা কেবী-মার্শম্যান-ওয়ার্ডের জীবনীকার ইয়েটস সঙ্ক্ষে লিখিয়াছেন :

"Mr. Yates was an eminent linguist, applied with such diligence to the cultivation of Oriental literature, under the able tuition of Dr. Carey, as to become eventually second only to his master as a translator." *

অর্থাৎ, ইয়েটস ছিলেন একজন প্রসিদ্ধ ভাষাতত্ত্ববিদ, এবং প্রাচ্য ভাষাসমূহে খ্রীষ্টীয় ধর্মগ্রন্থাদির অনুবাদক হিসাবে তদীয় শিক্ষক ড. কেবীর পরেই তাঁহার স্থান।

জন্ম : শৈশব : শিক্ষা

ইংলণ্ডের লো বরা নামক স্থানে ইয়েটস ১৭৯২ খ্রীষ্টাব্দের ১৫ই ডিসেম্বর জন্মগ্রহণ করেন। অল্প বয়সেই ভাষাবিজ্ঞানের প্রতি তাঁহার ঝোক দৃষ্ট হইত। জনৈক মহিলা বলিয়াছেন, ইয়েটস তাঁহাদের বাড়ীতে প্রায়ই বাইতেন। ইয়েটস ইংরেজী ব্যাকরণ সঙ্ক্ষে অনবরত কথা বলিতে ভালবাসিতেন। তিনি ভাষার বিশেষ্য ও ক্রিয়াপদ সম্পর্কে এমন ভাবে আলাপ জুড়িয়া দিতেন যে, শ্রোতাদের স্বতঃই মনে হইত, ইয়েটস ধরিয়া লইয়াছেন; তাঁহারা ঐ সব আলোচনার সমান উৎসাহী!

চতুর্দশ বৎসর বয়ঃক্রমকালে ইয়েটস স্থানীয় ব্যাপটিষ্ট মিশন চার্চে দীক্ষা গ্রহণ করেন। ব্রিষ্টল ব্যাপটিষ্ট মিশনরীদের এইটি প্রধান শিক্ষাকেন্দ্র। দীক্ষা গ্রহণান্তর ইয়েটস এখানে আসিয়া খ্রীষ্টশাস্ত্র অধ্যয়ন করিতে আরম্ভ করিলেন। যাহারা ব্যাপটিষ্ট চার্চের অন্তর্ভুক্ত থাকিয়া খ্রীষ্টধর্ম প্রচারে রত হইতে ইচ্ছা জ্ঞাপন করিতেন, বিশেষ করিয়া তাঁহাদিগকে এখানে আসিয়া অধ্যয়ন করিতে হইত।

বাইশ বৎসর বয়স পূর্ণ হইবার পূর্বেই ইয়েটস ব্যাপটিষ্ট চার্চের ধর্মপ্রচার-রত আনুষ্ঠানিক ভাবে গ্রহণ করেন। এই অনুষ্ঠান সম্পন্ন হয় ১৮১৪ সনের ৩১শে আগষ্ট। ব্যাপটিষ্ট চার্চের তিন জন নেতৃস্থানীয় ব্যক্তি—ইয়েটসের অধ্যাপক ড. রাইল্যান্ড, রবার্ট হল এবং এডু ফুলারের উপস্থিতিতে এই অনুষ্ঠান সম্পন্ন হয়। ইহার কিছুকাল পরেই মিশন-কর্তৃপক্ষ ইয়েটসকে ভারতীয় শাখার সাহায্যার্থ এদেশে পাঠাইলেন। ১৮১৫ সনের এপ্রিল মাসে 'ময়রা' জাহাজে তিনি কলিকাতায় আগমন করেন।

শ্রীরামপুরে অবস্থিতি

শ্রীরামপুর তখন এ অঞ্চলে ব্যাপটিষ্ট মিশনের কেন্দ্রস্থল। ইয়েটস অবিলম্বে শ্রীরামপুরে পৌঁছিলেন। এখানে আসিয়া নিজেকে দ্রুপিত কর্মের জগৎ প্রস্তুত করিবার উদ্দেশ্যে কেবীর নেতৃত্বে শিক্ষানবিশী শুরু করিয়া দেন। বিদ্যাচর্চা, বিশেষ করিয়া প্রাচ্যবিদ্যায় অনুশীলন ছিল এ সময়ে তাঁহার প্রধান কার্য। ১৮১৬ সনের মার্চ মাসে ইয়েটস স্বীয় দৈনন্দিন কাগ্য সঙ্ক্ষে বিলাতে ডক্টর রাইল্যান্ডকে লেখেন :

"The way I spend my time is this : In a morning before breakfast I study Hebrew about an hour and a half. After worship I attend to Bengali, and all the Bengali proofs with Dr. Carey, having before compared them with the Greek. I have got through the Sanskrit roots once, have not yet got through the grammar, but am reading the Ramayan with my Pandit. My afternoons are chiefly taken up with reading or hearing Latin or Greek. I have read ten volumes of Greek since I left England, but not more than three of Latin. In the evening, after worship I generally read English, or look over English proofs." *

ইয়েটস প্রাতঃরাশের পূর্বে দেড় ঘণ্টাকাল হিব্রু পাঠ করিতেন, উপাসনান্তে বাংলা শিক্ষায় নিবিষ্ট হইতেন। মূল গ্রীকের সঙ্গে মিলাইয়া বাংলা প্রকৃ দেখায় কেবীকে তিনি সাহায্য করিতেন। এই সময়ে সংস্কৃত ধাতুগুলি একবার পড়িয়াছেন বটে, কিন্তু ব্যাকরণ পাঠ তখনও শেষ হয় নাই। ইয়েটস পণ্ডিতের সাহায্যে ব্যাকরণ পাঠও লিপ্ত ছিলেন। তিনি অপরাহ্নে পাঠ করিতেন গ্রীক ও ল্যাটিন পুস্তক। ইংলণ্ড পরিত্যাগের পর ঐ অল্পকালের মধ্যেই তিনি দশ খণ্ড গ্রীক সাহিত্য অধ্যয়ন করেন, কিন্তু ল্যাটিন সাহিত্য

* The Life and Times of Carey, Marshman and Ward, Vol. II, p. 88.

* The Calcutta Christian Observer, September 1845, p. 582.

পড়িতে সমর্থ হন মাত্র তিন খণ্ড। সাক্ষা প্রার্থনার পর ইয়েটস সাধারণতঃ ইংরেজী পাঠ করিতেন এবং ইংরেজী গ্রন্থ দেখিতেন। উক্ত পত্রে তিনি আরও লেখেন যে, প্রাত্যহিক কার্য ব্যতিরেকে প্রার্থনাদি ব্যাপারও তাঁহাকে পালানুক্রমে পরিচালনা করিতে হয়। সপ্তাহে একবার কি দুইবার দুই মাইল দূরে গঙ্গার ওপারে ব্যাবাক-পুরে তিনি উপাসনা করিতে যাইতেন। গঙ্গা দিয়া নৌকাযোগে মাসে অন্ততঃ একবার তাঁহাকে কলিকাতায় যাইতে হয় এই উদ্দেশ্যে।

ইয়েটস কিন্তু বেশী দিন জীবামপুরে রহিলেন না। জীবামপুর মিশন এবং বিলাতস্থ ব্যাপটিষ্ট সোসাইটির মধ্যে নানা কারণে মতানৈক্য উপস্থিত হয়। এই মতানৈক্য ১৮১৭ সনের সেপ্টেম্বর মাসে বিচ্ছেদে পরিণত হইল। উইলিয়াম ইয়েটস প্রথম নব্য মিশনবীর্ণ জীবামপুর ত্যাগ করিয়া ঐ বৎসরে কলিকাতায় আসেন এবং বিলাতস্থ ব্যাপটিষ্ট সোসাইটির কর্তৃক এখানে একটি স্বতন্ত্র ইউনিয়ন গঠন করেন। ইহার পর হইতেই কলিকাতা হইল ইয়েটসের কর্মক্ষেত্র।

কলিকাতা-বাস : প্রথম যুগ

উইলিয়াম ইয়েটসের কলিকাতা-বাস আমবা দুই ভাগে ভাগ করিতে পারি। প্রথম ভাগ—১৮১৭ হইতে ১৮২৬ খ্রীষ্টাব্দ পর্যন্ত। এই সময়কার কথা প্রথমে বলা হইবে। কলিকাতায় আগমনের পর ইয়েটস শিক্ষকতা-কার্যে ব্রতী হন। কেননা ব্যাপটিষ্ট মিশন হইতে তিনি যে মাসহারা পাইতেন তাহাতে তাঁহার ক্ষুদ্র পরিবারেরও ব্যবসঙ্গুলান কঠিন হইত। শিক্ষকতা এবং মিশনের কার্য, দুইটি বিষয়েই তাঁহাকে একই সময়ে মনঃ-সংযোগ করিতে হইল। এসব সঙ্কেও তাঁহার বিজ্ঞাচর্চা কিছু অব্যাহত ছিল। নিয়ত অধ্যয়ন এবং অমূল্যলনের ফলে ইয়েটস ক্রমে বাংলা, সংস্কৃত, আরবী, হিন্দী ও উর্দু—এ ক’টি ভাষায়ই ব্যুৎপত্তি লাভ করিলেন। কলিকাতা স্কুল-বুক সোসাইটির সঙ্গে তাঁহার ঘনিষ্ঠ যোগ এবং ইহার আমুকুল্যে বিভিন্ন বিষয়ে তদ্ব্যচিৎ পাঠ্য পুস্তক প্রকাশ ইত্যাদি বিষয় পরে বলিব। এখানে তাঁহার সংস্কৃত-চর্চা সব্বক্ষে একটু বলিতেছি।

সংস্কৃত ভাষা ইয়েটসের ভাষাতত্ত্ব আলোচনার বসদ যোগায় সবচেয়ে বেশী। ইয়েটস এই ভাষা এমন পুঙ্খানুপুঙ্খ রূপে অমূল্যলন করেন যে, ১৮২০ খ্রীষ্টাব্দে তিনি একখানি সংস্কৃত ব্যাকরণ রচনা করিতে সমর্থ হইলেন। সংস্কৃত একখানি শব্দকোষ (‘vocabulary’) সঙ্কলন করেন এই সময়ে। হিতোপদেশ, নলোদয় প্রভৃতির অভিনব বিবৃদ্ধ সংস্করণও তৎকর্তৃক সম্পাদিত এবং প্রকাশিত হয়। সংস্কৃত সাহিত্যে ইয়েটসের পাণ্ডিত্যের কথা বিদগ্ধ সমাজে শীঘ্র প্রচারিত হইল। এশিয়াটিক সোসাইটি কর্তৃক প্রকাশিত ‘Asiatic Researches’-এর বিংশতিতম খণ্ডে, ১ম ও ২য় ভাগে ইয়েটস দুইটি প্রবন্ধ লেখেন—একটি সংস্কৃত অলঙ্কার বিবরণ, অপরাট

কাশ্মীরের জীর্ঘ-রচিত নৈষধ-চরিতের আলোচনা।* শেষোক্ত প্রবন্ধটি ১৮৩৬ সনে সোসাইটি কর্তৃক পুস্তকাকারে প্রকাশিত হয়।

নিজ মাতৃভাষা ইংরেজীতেও ইয়েটস পুস্তক প্রবন্ধ লিখিতেন। তিনি যাত্রা রামমোহন বায়ের সঙ্গে ধর্ম সম্পর্কে যাদানুবাদে প্রবৃত্ত হন। তাঁহার এবিষয়ক রচনাগুলি ‘Essays in Reply to Rammohan Ray’ নামক পুস্তকে সন্নিবেশিত হইয়াছে। ‘Memoirs of Chamberlain’ ইয়েটসের আর একখানি ইংরেজী গ্রন্থ। এ ছাড়া খ্রীষ্টধর্মমূলক পুস্তকাদিও তিনি লিখিয়া-ছিলেন। ১৮২৫ সনে তিনি লোরার সারকুলার বোর্ড চার্চের কর্মকর্তৃপদে অধিষ্ঠিত হন। অতিরিক্ত পরিশ্রম হেতু ইয়েটসের স্বাস্থ্যভঙ্গ হইল। হ্রত স্বাস্থ্য পুনরুদ্ধারকল্পে তিনি আমেরিকা হইয়া বিলাত গমন করেন ১৮২৬ খ্রীষ্টাব্দে।

কলিকাতা-বাস : দ্বিতীয় যুগ

কলিকাতায় প্রত্যাবৃত্ত হইয়া ইয়েটস পুনরায় বিবিধ কার্যে লিপ্ত হইয়া পড়িলেন। এই সময় হইতে জীবনের শেষ চতুর্দশ বৎসর কাল তাঁহার কলিকাতা-বাসের দ্বিতীয় যুগ। তিনি লোরার সারকুলার বোর্ড চার্চের পাদ্রীর পদ পুনরায় গ্রহণ করিলেন। এই সময় অগ্ণ্য কার্যের মধ্যে ধর্মগ্রন্থ অনুবাদে তিনি বিশেষভাবে আশ্রয়নযোগ্য করেন। সমগ্র বাইবেল প্রমুখানি তিনি বাংলা ভাষায় অনুবাদ করেন। নিউ টেষ্টামেন্ট অনুবাদ করিলেন আরও তিনটি ভাষায়—উর্দু, হিন্দী এবং সংস্কৃত। শেষোক্ত ভাষায় ওল্ড টেষ্টামেন্টেরও অর্ধেকটা অনূদিত হইয়াছিল। ইহা বাতীত বানিয়ানের ‘Pilgrim’s Progress’ (প্রথম খণ্ড) এবং দুই-একখানি অপরা ধর্মমূলক পুস্তকও তিনি বাংলায় অনুবাদ করেন। ধর্মগ্রন্থ অনুবাদ কার্যে ইয়েটসের জীবিতকালে তাঁহার প্রধান সহকারী ছিলেন পাদ্রী জে. ওয়েলার। ওয়েলারও প্রাচ্যবিদ্যায় ব্যুৎপন্ন ছিলেন। পাদ্রী ওয়েলার ইয়েটসের এবিধ অনুবাদ-কার্য সব্বক্ষে বলিয়াছেন :

“The remarks which I have to offer on the subject of Dr. Yates’s character as a Translator of the Scriptures refer exclusively to his Bengali version of the Bible.

“Often have I admired the beautiful simplicity, transparent cleanness, or the rich brevity of his renderings

“He also aimed at a style uniformly free and dignified. He allowed of no vulgar expressions, and excluded with equal firmness of determination all high-flow Sanskrit terms

“If, however, a finely balanced mind, endowed with splendid talents and enriched by

* প্রবন্ধ দুইটির নাম :

1. “Essay on Sanskrit Alliteration.”
2. “Review of Naisadha Charita, or Adventures of Nala Rajah of Nisadha, a Sanskrit poem.”

solid and extensive erudition, rooted in an ardent love of truth, and chastened by humility unfeigned; if these qualities, accompanied by untiring industry, a tender conscience, fervent prayer, constitute a liberal translator, then such a translator was William Yates.”*

ইয়েটস কত উঁচুদরের অনুবাদক ছিলেন, ওয়েস্টার স্বল্প কথায় এখানে তাহা ব্যক্ত করিয়াছেন। ইয়েটস বিস্তৃত অথচ ভাবগভীর রচনার পক্ষপাতী ছিলেন। সহস্র সরল ভাষায় তিনি সর্বদা ভাবপ্রকাশ করিতে চেষ্টা করিতেন, আর ইহাতে তিনি বিশেষ সাফল্যও অর্জন করিয়াছিলেন। মূল এবং অনুবাদের ভাষা— দুইটিতেই তাঁহার প্রগাঢ় এবং ব্যাপক জ্ঞান ছিল। এই সময় খ্রীষ্টান পাদ্রীদের দ্বারা পরিচালিত ‘দি ক্যালকাটা ক্রিশ্চিয়ান অব-জার্ভার’ পত্রিকায়ও (১৮৩২, জুন হইতে প্রকাশিত) ভাষাতত্ত্ব-বিষয়ক প্রবন্ধাদি লিখিতে প্রবৃত্ত হন। কলিকাতা-বাসের প্রথম ও দ্বিতীয় যুগে কলিকাতা স্কুল-বুক সোসাইটির পক্ষে তিনি পাঠ্য পুস্তকাদি লিখিতে যে বিশেষ ভাবে প্রবৃত্ত হইয়াছিলেন, তাহা বলাই বাহুল্য।

এই সময়ে তিনি পাঠ্য পুস্তক বাদে বিরাট হিন্দুস্থানী-ইংরেজী ও সংস্কৃত-ইংরেজী অভিধান এবং পাঠ্য-সংগ্রহ সমেত একখানি বাংলা ব্যবহরণ সঙ্কলনে সর্বিশেষ তৎপর হইলেন। জীবিতকালে ইহার কোন কোনটির মুদ্রণ অনেকটা অগ্রসর হয়। তাঁহার মৃত্যুর পর দুই বৎসরের মধ্যেই এ সমুদয়ও প্রকাশিত হইল।

কলিকাতা স্কুল-বুক সোসাইটি

কলিকাতা স্কুল-বুক সোসাইটির সঙ্গে উইলিয়াম ইয়েটসের যোগা-যোগ ছিল খুবই ঘনিষ্ঠ। তিনি বহু বৎসর যাবৎ এই সোসাইটির ইউরোপীয় সেক্রেটারী বা সম্পাদক হিসাবে অতীব কৃতিত্বের সহিত কার্য করিয়াছিলেন। এই সোসাইটি সম্বন্ধে এখানে দু’চার কথা বলা অপ্ৰাসঙ্গিক হইবে না। এদেশে ইংরেজদের স্বাধীন ভাবে বসবাসে যে সকল বাধানিষেধ ছিল ১৮১৩ খ্রীষ্টাব্দের সনদের কালে তাহা দূরীভূত হয়। কাজেই এই সময়ের পর হইতেই বহু ইংরেজ পাদ্রীও এদেশে আসিতে থাকেন এবং নানা স্থানে স্কুল-পাঠশালা স্থাপন করিতে আরম্ভ করেন। এসব স্থলে বৈজ্ঞানিক উপায়ে পঠন-পাঠনের ব্যবস্থা হইল। কিন্তু এ কার্য সাধনের পক্ষে প্রধান অঙ্কুরায়—উপযুক্ত পাঠ্য পুস্তকের অভাব। এই অভাব দূরীকরণের নিমিত্ত ১৮১৭ খ্রীষ্টাব্দের জুলাই মাসে দেশী-বিদেশী প্রধানেরা মিলিয়া কলিকাতা স্কুল-বুক সোসাইটি স্থাপন করেন। এ সময় হইতে বহু বৎসর যাবৎ সোসাইটি ইংরেজ ও বাঙালী তথা ভারতীয় যোগ্য লেখকদের দ্বারা পাঠ্য পুস্তক লিখাইয়া লইয়া সে সমুদয় প্রকাশ ও প্রচার করিতে তৎপর হন। সংস্কৃত, আরবি ফারসি বাংলা, হিন্দী, হিন্দুস্থানী, ইংরেজী নানা ভাষায় পাঠ্য পুস্তক

রচিত হইত। পাদ্রী ইয়েটস বহুভাষাবিদ এবং এদেশীয়দের মধ্যে নব্যশিক্ষা বিস্তারে আগ্রহাশিত; স্বতঃই এই সোসাইটির কার্যে সহ-যোগিতা করিতে তিনি উৎসাহিত হইলেন। ১৮২৪-২৫ সনে ইয়েটস স্কুল-বুক সোসাইটির সেক্রেটারী বা সম্পাদক পদে বৃত্ত হন।

উইলিয়াম ইয়েটস এই প্রতিষ্ঠানের সঙ্গে দীর্ঘ কুড়ি বৎসর যাবৎ ঘনিষ্ঠ ভাবে যুক্ত ছিলেন। সোসাইটির কার্যে তিনি আত্মনিয়োগ করেন। বিভিন্ন ভাষায় পুস্তক রচনা, সঙ্কলন ও সম্পাদনে তিনি প্রথমাবধি অগ্রসর হন। সোসাইটির আনুকূল্যে তিনি এগুলি ক্রমশঃ বাহির করিতে থাকেন। মিশনরী জীবনের প্রাত্যহিক করণীয় চাফের কার্য এবং সোসাইটির বিবিধ প্রয়াস—প্রতিটির নিমিত্ত তিনি এতই পরিশ্রম করিতে লাগিলেন যে, শীঘ্রই তাঁহার স্বাস্থ্যভঙ্গ হইল এবং ১৮২৬ সন নাগাদ বিলাতযাত্রা করিতে বাধ্য হইলেন। এ বিষয়ে পূর্বেই বলিয়াছি। সোসাইটির সপ্তম রিপোর্টে (১৮২৬-১৮২৭) ইয়েটস সম্পর্কে উহার অস্থায়ী সম্পাদক এইরূপ উল্লেখ করেন :

“Your Committee beg to express their high sense of the varied services of their Secretary Mr. Yates, in this department; and their regret that protracted indisposition, in consequence of a sedentary life, and close attention to study, should have rendered his visiting Europe necessary to the recruiting of his constitution. They are happy, however, to report, that during his voyage to and from Europe, he will be engaged in preparing works in prosecution of the Society’s plans: and that thus on his return, which they expect will be at the end of the present year, they may anticipate great advantages from his labours.” (p. 12).

ইয়েটসের অমুপস্থিতি কালে সোসাইটির অস্থায়ী সম্পাদক হইলেন কলিকাতা স্কুল সোসাইটির ভূতপূর্ব ইউরোপীয় সম্পাদক ডবলিউ. এইচ. পীয়ার্স। ইয়েটসের কৃতিত্ব কথা রিপোর্টে মুক্ত কণ্ঠে স্বীকার করা হইয়াছে, এবং তাঁহার ইয়েটসের অমুপস্থিতিকালে তাঁহার নিকট হইতে যেসব কার্য আশা করিয়াছিলেন তাহাও অনেকাংশে পূর্ণ হয়। ইয়েটস ১৮২৮ সনের প্রথমে, মনে হয়, কলিকাতায় ফিরিয়া আসেন। ১৮২৮-২৯ সনের (অষ্টম) রিপোর্টে দেখা যায়, তিনি এদেশে আসিয়া পুনরায় সোসাইটির সেক্রেটারী রূপে অধিষ্ঠিত হইয়াছেন। তাঁহার দ্বারা দুইখানি পুস্তক— ‘জ্যোতির্বিদ্যা’ এবং ‘সত্য ইতিহাস সার’ সঙ্কলিত ও অনূদিত হইয়া মুদ্রণেরও ব্যবস্থা হইতেছিল। সেক্রেটারী রূপে তাঁহাকে অতিরিক্ত পরিশ্রম করিতে হইত। একারণ ১৮৩০-৩১ সন হইতে সোসাইটির কার্য পরিচালনের জগৎ একাধিক সেক্রেটারী নিযুক্ত হইতে থাকেন। এই বৎসরে তিনি ছিলেন “Recording Secretary”; ১৮৩২-৩৩ সন হইতে ১৮৪৪ সনে পদত্যাগ পর্যন্ত তাঁহার পদের নাম ছিল—‘Editorial and Minute Secretary’। সোসাইটির

* The Calcutta Christian Observer, Sept., 1845, pp. 594, 596-7.

দাদশ রিপোর্টে (১৮৩৬-১৮৩৯) উল্লিখিত হয় যে, ১৮৩৭ সনেই ইয়েটস অতিরিক্ত পরিশ্রম করিতে অসামর্থ্য জ্ঞাপন করিয়া উক্ত পদ ত্যাগ করিতে ইচ্ছুক হইয়াছিলেন, কিন্তু সোসাইটির কর্তৃ-পক্ষের নিরীক্ষাতিশয়ে, যোগ্য লোক না পাওয়া পর্য্যন্ত, তিনি এই পদে কার্য্য করিতে সম্মত হন। আরও প্রায় সাত বৎসর পর্য্যন্ত এই পদে অধিষ্ঠিত থাকিয়া, অবশেষে ১৮৪৪ সন নাগাদ তিনি পদত্যাগ করিতে বাধ্য হন। ইহার এক বৎসরের মধ্যেই তিনি মৃত্যুমুখে পতিত হইলেন। সোসাইটির অধ্যক্ষ সভা তাঁহার মৃত্যুতে (৩রা জুলাই ১৮৪৫) গভীর শোক প্রকাশ করিয়া যে প্রস্তাব গ্রহণ করেন তাহা এখানেই উল্লেখ করি :


“That the Committee having received the mournful intelligence of the death of the Rev. W. Yates, D.D., for many years Editorial Secretary to the Society, desire to express their sorrow for so great a loss, and to record their sense of his eminent talents, his solid and extensive learning, his unwearied diligence, and of the important services he has rendered both to the Society and to the cause of Education, throughout India.”—*The Thirteenth Report (1840-44)*, p. 28.

শিক্ষা-সমাজ : পাঠ্য পুস্তক রচনা

কলিকাতা স্কুল-বুক সোসাইটি বিভিন্ন ভাষায় পুস্তক রচনা ও প্রকাশের ব্যবস্থা করিয়া প্রায় পঁচিশ বৎসর যাবৎ এ অভাব মিটাইয়া আসিতেছিল। কিন্তু নব্যশিক্ষা এবং নূতন পরিবেশে পাঠ্য পুস্তক রচনার ধরন পরিবর্তন প্রয়োজন হইয়া পড়িল। হিন্দু কলেজের অধ্যক্ষ-সভা বাংলার মাধ্যমে শিক্ষার ব্যবস্থা করিবার জন্য বাংলা পাঠশালা স্থাপন করিলেন ১৮৪০ খ্রীষ্টাব্দে। ইহার আদর্শে দেবেন্দ্রনাথ ঠাকুরের নেতৃত্বে তত্ত্বাবোধিনী-সভার অধীন তত্ত্বাবোধিনী পাঠশালাও এই সনের মাঝামাঝি স্থাপিত হইল। উভয় প্রতিষ্ঠানের নিমিত্ত নূতন ধরনের পাঠ্য পুস্তক রচনার আয়োজনও হইল। সাহিত্য, ইতিহাস, ভূগোল, গণিত, পদার্থবিজ্ঞান, জ্যোতিষ নানা বিষয়ে প্রাথমিক স্তরের পাঠ্য পুস্তক রচিত হইতে লাগিল।

গবর্ণমেন্ট তথা শিক্ষা-সমাজ (“Council of Education”) দেখিলেন—বিভিন্ন প্রতিষ্ঠানের পক্ষে পৃথক পৃথক পাঠ্য পুস্তক রচনার শিক্ষার উদ্দেশ্য-সাম্য রক্ষিত হইতেছে না। বিশেষতঃ হিন্দু কলেজ বাংলা পাঠশালার ব্যয় নির্বাহের জন্য তাঁহাদিগকেই অর্থ যোগাইতে হয়, অথচ পাঠ্য পুস্তক রচনার তাঁহাদের কর্তৃত্ব রক্ষিত হইতেছে না। সরকার পূর্ববর্তী কয়েক বৎসর যাবৎই বাংলার মাধ্যমে শিক্ষাদানের উপযোগী পাঠ্য পুস্তক রচনার বিষয় ভাবিতেছিলেন। কলিকাতা স্কুল-বুক সোসাইটি এত দিন এ প্রয়োজন মিটাইলেও, নূতন পরিবেশে নূতন ধরনের পাঠ্যপুস্তকের অভাব তাঁহারাও অনুভব করেন। বাংলা পাঠশালার জন্য রচিত এবং হিন্দু কলেজ অধ্যক্ষ-সভার আয়কুল্যে প্রকাশিত পুস্তকসমূহ সবক্কে শিক্ষা-সমাজ বিশেষরূপে হিসাবে

উইলিয়ম ইয়েটসের অভিমত চাহিয়া পাঠাইলেন। তিনি অন্ততঃ ‘শিশু সেবধি’ সম্পর্কে বিক্রম মত দেন।* এই সব কারণে শিক্ষা-সমাজ “Section of the Council of Education for the preparation of Vernacular Books” নামে একটি সাব-কমিটি গঠন করিলেন। এই সাব-কমিটি বা ‘সেকশন’-কে পরবর্তী কালের সরকারী টেক্স-বুক কমিটির পূর্বজ বলা যাইতে



পারে। কি পরিস্থিতিতে পাঠ্য পুস্তক রচনা করা যাইবে, সে উদ্দেশ্যে শিক্ষা-সমাজের পক্ষে উক্ত সেকশন এবায়েও কলিকাতা স্কুল-বুক সোসাইটির সেক্রেটারী রূপে ইয়েটসের মতামত চাহিলেন। ২রা সেপ্টেম্বর ১৮৪২ তারিখে ইয়েটস এইরূপ মত দিলেন :

“I would submit that it is absolutely necessary to the object in view, that the Council of Education should first fix the series of their Class Books in English. As these are prepared they might hand them over to the Section for Vernacular Class Books to be translated into such languages as might be thought desirable, and with such alteration only as the idiom of the language and the usage of the people might require. In this case the object of the Section would be definite and tangible, and I doubt not they would make a steady progress towards its

1 General Report of the late General Committee of Public Instruction, for 1840-41 and 1841-42, App. No. VI, pp. xxxvi, xi.

accomplishment, but without this my opinion is, that all the consultations and efforts of the Section will be desultory and unsatisfactory; and the grand desideratum of a regular set of Class Books in the Vernacular languages will never be obtained. In preparing the Series in English the Council might avail themselves of the aid of men of the first talents in England as well as in this country—and that series being prepared, will serve for all the Presidencies and with some trifling varieties for all the languages of India.”*

বিভাগের পাঠ্য পুস্তক রচনা ব্যাপারে ইয়েটস দুইটি মৌলিক বিষয়ের অবতারণা করিলেন। প্রথমতঃ পাঠ্য পুস্তকগুলি বিলাতের এবং এখানকার সুযোগ্য গ্রন্থকারদের দ্বারা সর্বত্র ইংরেজী ভাষায় লিখাইতে হইবে। দ্বিতীয়তঃ এই ইংরেজী পুস্তকগুলিই বাংলা এবং অগ্রান্ত দেশভাষায়, ভাষার স্বকীয় প্রয়োগবীতি এবং স্থানীয় আচার-আচরণের প্রতি লক্ষ্য রাখিয়া, দয়করমত কিছু কিছু বাদ-সাধ দিয়া উপযুক্ত লেখকদের দ্বারা অনুবাদ করা হইতে হইবে। আর এই উপায়েই শিক্ষা-সমাজ বিভিন্ন ভাষার ও বিষয়ের পাঠ্য পুস্তক নিয়ন্ত্রণ করিতে পারিবেন। অথ যে-কোন উপায়ই অবলম্বন করা যাউক না কেন, তাহা হইবে খাপছাড়া ও অসন্তোষজনক। শিক্ষা-সমাজ ইয়েটসের পরামর্শ গ্রহণ করিয়া ‘সেকশন’কে নিয়ন্ত্রণ নির্দেশ দিলেন :

“Ordered. That on the arrival of the expected supply of Chambers’ Educational Course, Books be selected from that course for translation and adaptation, and that the Section concurring generally in Dr. Yate’s opinion will bear in mind his remarks whenever favourable opportunities occur.”

ইয়েটসের অভিমত পুরাপুরি গ্রহণ করিয়া ‘সেকশন’ শিক্ষা-সমাজের পক্ষে এই সিদ্ধান্ত করিলেন যে, বিলাত হইতে ‘চেম্বার্স এডুকেশনাল কোর্স’-এর অন্তর্গত পুস্তকাবলী এদেশে আসিয়া পৌঁছিলে উক্তরূপ অনুবাদের ব্যবস্থা করা যাইবে। কিন্তু এই ধরনের প্রথম পুস্তকের জন্ত, দেখা বাইতেছে, তাঁহারা কালবিলম্ব না করিয়া ডাঃ গ্রাণ্টের উপর একখানি ইংরেজীতে পাঠ্য পুস্তক রচনার ভার দিলেন। পুস্তকের পাণ্ডুলিপি তৈরী হইলে ইহা হইতে ইয়েটস বাংলায় অনুবাদ করিলেন; ইহার নাম দেওয়া হইল ‘সার-সংগ্রহ’। এখানির পরিচয় আমরা পবে পাইব। তবে সরকার-প্রবর্তিত এই পাঠ্য পুস্তক রচনা-পদ্ধতি যে তেমন সাফল্যমণ্ডিত হয় নাই, কলিকাতা স্কুল-বুক সোসাইটির ত্রয়োদশ রিপোর্টে (১৮৪০-১৮৪৪) সে বিষয় উল্লিখিত হইয়াছে।

সাহিত্য-সাধনা

শ্রীরামপুরে অবস্থান কালে ইয়েটসের সাহিত্য-চর্চা আরম্ভের কথা আমরা ইতিপূর্বে জানিতে পারিয়াছি। ১৮১৫-১৮৪৫, মৃত্যুর পূর্বে এদেশ পরিত্যাগ পর্যন্ত এই দীর্ঘ ত্রিশ বৎসর বাৎ তিনি সাহিত্য-সাধনা করিয়া গিয়াছেন, এ বিষয়ের আভাসও আমরা আগেই পাইয়াছি। ড. কেবী ও ড. মার্শম্যানকে বাদ দিলে, তিনি যে এ বিষয়ে মিশনরীদের মধ্যে অনগ্রতুল্য ছিলেন তাহা নিঃসন্দেহে বলা চলে। তাঁহার এই সাহিত্য-সাধনার ফল তিনটি দিকে প্রকটিত হয় : ১ বিভিন্ন ভাষার পাঠ্য পুস্তক রচনা, ২ অভিধান ও ব্যাকরণ সংকলন, এবং ৩ ধর্মগ্রন্থাদির অনুবাদ। ইহা ছাড়া তাঁহার কয়েকখানি ইংরেজী পুস্তকও আছে। তিনি ইংরেজী সাময়িকপত্রে ভাষাতত্ত্বমূলক কয়েকটি প্রবন্ধ লিখিয়াছিলেন। ‘এশিয়াটিক রিসার্চেসে’ প্রকাশিত প্রবন্ধের কথা পূর্বে বলিয়াছি। ‘দি ক্যালকাটা ক্রিস্টিয়ান অবজার্ভার’ পত্রিকায় এই দুইটি ভাষাতত্ত্ব-মূলক প্রবন্ধ প্রকাশিত হয় : ১ “Theory of the Hindusthani Particle ne ; এবং ২ Theory of the Hebrew verbs”।

সংস্কৃত সাহিত্যে ইয়েটস সাতিশয় ব্যাপন্ন হন। তৎসংকলিত সংস্কৃত-ইংরেজী অভিধান তাঁহার প্রগাঢ় পাণ্ডিত্যের পরিচায়ক। ডাঃ উইলসনের বিখ্যাত সংস্কৃত-ইংরেজী অভিধানের উপরও ইয়েটস বহু নতুন শব্দ যোজনা করিতে সক্ষম হন। তাঁহার মৃত্যুর পর ১৮৪৬ সনে ইহা প্রকাশিত হয়। অভিধানখানির নাম—“A Dictionary in Sanscrit and English, designed for the use of Private Students and of Indian Colleges and Schools”। ইহা ছাড়া হিতোপদেশের বিস্তৃত সংস্করণ এবং ‘নলোদয়’ও তিনি সম্পাদন করিয়া প্রকাশ করিলেন। তাঁহার সংস্কৃত ব্যাকরণের কথা আগে বলা হইয়াছে। বড়লাট লর্ড হেষ্টিংসের নামে তিনি এই বইখানি উৎসর্গ করেন। সংস্কৃত পাঠ্য পুস্তকসমূহের এইরূপ উল্লেখ পাই : “A Grammar ; A Vocabulary ; A Reader ; Elements of Natural Philosophy”।*

হিন্দুস্থানী বা উর্দু, হিন্দী এবং আরবি ভাষারও তাঁহার বিস্তৃত পুস্তক রহিয়াছে। সংস্কৃত-ইংরেজী অভিধানের মত হিন্দুস্থানী ইংরেজী অভিধানখানিও বেশ বড়। এখানি যে হিন্দুস্থানী ভাষার পাণ্ডিত্যের চোতক সে বিষয়ে সন্দেহমাত্র নাই। উদয়চিত হিন্দুস্থানী অগ্রান্ত পুস্তকের এইরূপ উল্লেখ পাওয়া যায় : “An Introduction to the Hindusthani Language ; Selections ; Spelling

* Report of the General Committee of Public Instruction for 1842-43, p. 26.

* The Calcutta Christian Advocate, 9th August 1845। ১৮৪৫, সেপ্টেম্বর সংখ্যা ‘দি ক্যালকাটা ক্রিস্টিয়ান অবজার্ভার’-এ উদ্ধৃত। পরবর্তী তালিকাও ইহা হইতে লওয়া হইয়াছে।

Book I & II ; Reader I, II and III ; Pleasing Tales ; Students' Assistant ।" তাঁহার হিন্দী বই : "Reader I, II and III ; Elements of History" : আরবি বই মাত্র একখানি : "A Reader" । ইহা ব্যতীত ইয়েটস হিন্দী ও হিন্দুস্থানী ভাষায় 'নিউ টেটামেন্ট' অনুবাদ করিয়াছিলেন ।

উইলিয়াম ইয়েটস বাংলা ভাষা ও সাহিত্যের চর্চা বিশেষভাবে করিয়াছিলেন । কতকগুলি বিষয়ের আলোচনার তাঁহাকে 'পাইওনিয়ার' বা অগ্রদূতের সম্মান দেওয়া চলে । কলিকাতা স্কুল-বুক সোসাইটির সম্পর্কে আসিয়া জ্ঞান-বিজ্ঞানমূলক বহু পুস্তক তিনি বাংলায় অনুবাদ, সংকলন ও সম্পাদন করেন । তিনি এই সকল পুস্তক রচনা, সংকলন ও প্রকাশ সম্পর্কে ঘনিষ্ঠভাবে যুক্ত থাকায় সমসময়ে এবং পরবর্তীকালে কোন কোন রচনার কৃতিত্ব তাঁহাতেই আরোপিত হইয়াছে । এ কারণে তাঁহার রচিত পুস্তক-সমূহ সম্পর্কে পুরাপুরি স্থিরনিশ্চয় হওয়া সম্ভব নয়, যখন সবগুলি এখনও আমরা দেখিতে পারি নাই । তথাপি যে ক'খানি বাংলা পুস্তক দেখিয়াছি, এবং যে সকল পুস্তক সৰ্ব্বত্র কতকটা স্থিরনিশ্চয় হওয়া গিয়াছে এখানে কিছু কিছু মন্তব্য সমেত সেগুলির উল্লেখ করা হইল :

১। পদার্থবিজ্ঞানসার । অর্থাৎ বালকদিগের পদার্থ শিক্ষার্থে কথোপকথন । ১৮২৫ ।

এ বইখানির ইংরেজী নাম—"Elements of Natural Philosophy and Natural History in a series of Familiar Dialogues ।" কলিকাতা স্কুল-বুক সোসাইটির ষষ্ঠ রিপোর্টে (৭ম বর্ষ ১৮২৪-২৫, পৃ. ৮) আছে : "One thousand in Bengali and five hundred in Bengali and English have just issued from the press" । ইহা হইতে জানা যাইতেছে, পুস্তকখানির দুইটি সংস্করণ প্রকাশিত হয়—একটি শুধু বাংলায় এবং দ্বিতীয়টি বাংলা ও ইংরেজীতে ।

২। জ্যোতির্বিদ্যা । ১৮৩০ ।

ইহার ১৮৩৩-এর সংস্করণ দেখিয়াছি । পুস্তকখানি জেমস ফাওর্সন, এক.আর.এস., রচিত এবং ডেভিড ব্রাউন কর্তৃক সংশোধিত "An Easy Introduction to Astronomy" নামক ইংরেজী গ্রন্থের অনুবাদ । কলিকাতা স্কুল-বুক সোসাইটির অষ্টম রিপোর্টে (একাদশ, দ্বাদশ বর্ষ, পৃ. ৬) এই মর্মে লিখিত হয় যে, ইয়েটস পুস্তকখানির অনুবাদকার্যে দুই জন পণ্ডিতের সাহায্য গ্রহণ করেন এবং বাধাকান্ড দেব পাণ্ডুলিপি সংশোধন করিয়া দেন ।

৩। সত্য ইতিহাস সার । ১৮৩০ ।

এই পুস্তকখানিতে গ্রন্থকারের নাম নাই । ইংরেজী "Celebrated Characters in Ancient History" পুস্তক হইতে অনূদিত । 'দি ক্যালকাটা ক্রিস্টিয়ান এডভোকেট' ৯ মে ১৮৪৫

সংখ্যার ইয়েটসের যে গ্রন্থ-তালিকা দিয়াছেন তাহাতে এই পুস্তকখানির উল্লেখ আছে ।

৪। প্রাচীন ইতিহাস সমুচ্চয় । ১৮৩০ ।

ইংরেজী নাম "An Epitome of Ancient History, containing a Concise Account of the Egyptians, Assyrians, Persians, Grecians, and Romans" । পুস্তকখানির ইংরেজী অংশ কলিকাতা স্কুল-বুক সোসাইটির সেক্রেটারী রূপে উইলিয়াম ইয়েটস সংকলন করিয়াছিলেন । ইহার প্রথম কুড়ি পৃষ্ঠা হিন্দু কলেজের ছাত্রগণ কর্তৃক অনূদিত । অবশিষ্টাংশ চুঁচুড়ার মিঃ গিয়ার্সন অনুবাদ করেন, ইহার বাম পৃষ্ঠায় ইংরেজী এবং দক্ষিণ পৃষ্ঠায় বাংলা দেওয়া হইয়াছে । এখানির পৃষ্ঠাসংখ্যা মোট ৬২৩ ।

৫। হিতোপদেশ । বিত্ত সংস্করণ । ১৮৪১ ।

পুস্তকখানির ইংরেজীতে এইরূপ উল্লেখ পাইয়াছি—"An Expurgated Edition of Hitopadesh" ।

৬। সারসংগ্রহ : । ১৮৪৪

এখানির ইংরেজী নাম—"Vernacular Class Book Reader for the Government Colleges and Schools" । ডাঃ গ্রান্ট কর্তৃক ইংরেজী পুস্তকের অনুবাদ ।

৭। পরবর্তী পুস্তক দুই খণ্ডে সমাপ্ত, এবং নাম পুরাপুরি ইংরেজীতে । ইহার আখ্যাপত্র এই—

"Introduction to the Bengali Language./ Vol. I./ By the Late W. Yates, D.D./ in two volumes./ Edited by J. Wenger./ Containing a Grammar, a Reader, and Explanatory Notes./ with an Index and Vocabulary./... Calcutta/ 1847./.../;—Vol. II, 1847."

এই ব্যাকরণখানি ইংরেজী ভাষায় মাধ্যমে রচিত, পূর্বে বলিয়াছি । ইয়েটস ভারতবর্ষ পরিত্যাগ কালে, ১৮৪৫ সনের জুন মাসে ইহা তাঁহার সহকারী পাত্রী জে. ওয়েলারের নিকট রাখিয়া যান । প্রথম খণ্ডের ব্যাকরণ বাদে অল্প অংশ অসম্পূর্ণ অবস্থায় থাকে । ইচ্ছা ছিল ভারতবর্ষে কিরিয়া ইহা সম্পূর্ণ করিবেন । কিন্তু তাহা হইল না । পাত্রী জে. ওয়েলার এই মূল্যবান পুস্তক সম্পাদনা ও প্রকাশের ভার লইলেন । পুস্তকের প্রথম খণ্ডে দুইটি ভূমিকা : "Author's Preface" এবং "Editor's Preface" । দ্বিতীয় খণ্ডে একটি "Prefatory Note" সন্নিবেশিত হইয়াছে । ইহারও সম্পাদক জে. ওয়েলারের । পুস্তকের কতটা ইয়েটস রচনা ও সংকলন করিয়া গিয়াছেন, এবং কতটাই বা ওয়েলারের কৃত, "Editor's Preface"-এর নিম্নাংশ হইতে তাহা বুঝা যাইবে :

"He (the Editor) found that the Grammar, the Preface, and the table or contents to the second volume were prepared and he also discovered some materials intended for the Reader, with a few hints respecting their arrangement. It may therefore be said that the author wrote the Grammar, and furnished the plan for the whole whilst the Editor must be responsible for nearly all the rest."

দ্বিতীয় খণ্ডের মূল অংশ ইয়েটস কর্তৃক সঙ্কলিত। এই অংশে শুধু দেশীয় লেখকদের রচনা সন্নিবেশিত হইয়াছে। পরিশিষ্ট অংশ ইয়েটস বেকরুপ ঠিক করিয়াছিলেন, সম্পাদক ওয়েল্ডার তাহা অল্পরূপ করিয়াছেন। ইয়েটস বাংলা প্রবাদ ও নীতিবচন সঙ্কলন করিয়া পরিশিষ্টে দিবেন এইরূপ সঙ্কলন করিয়াছিলেন, কিন্তু তিনি ইহা সঙ্কলন করিয়া বান নাই। সম্পাদক ইহার পরিবর্তে দেশীয় কবিদের কবিতা এবং সাময়িক সাহিত্যের অংশবিশেষ নমুনাশরূপ ইহাতে সংযোজিত করিয়াছেন।


ধর্মগ্রন্থের বাংলা অনুবাদ : ইয়েটস সমগ্র বাইবেল গ্রন্থ অনুবাদে উৎসাহী হন। তাহার এই অনুবাদকার্যে কলিকাতার অক্সফোর্ড ব্যাপটিষ্ট মিশনারীগণ সাহায্য করিয়াছিলেন সন্দেহ নাই। কেননা ১৮৫২ সনের প্লুরবর্তী সংস্করণে "Translated by Calcutta Baptist Missionaries" এইরূপ উল্লেখ আছে। তবে ইয়েটস যে মূলতঃ ইহার অনুবাদক সে বিষয়েও সংশয় নাই। ১৮৩৯ খ্রীষ্টাব্দে তিনি নিউ টেষ্টামেন্ট "ধর্মপুস্তকের অন্তর্ভাগ" এই নামে বাংলায় কিন্তু রোমান অক্ষরে অনুবাদ করিয়া প্রকাশিত করেন। তৎকৃত 'ওল্ড টেষ্টামেন্টের' অনুবাদ প্রকাশিত হয় ১৮৪৪ খ্রীষ্টাব্দে। এক বৎসর পরে, ১৮৪৫ সনে এই দুইখানি পুস্তক বাংলা অক্ষরে বাহির

হয়। ১৮৫২ সনে প্রকাশিত সংস্করণে পুস্তকের আখ্যাপত্রে নাম দেখিতেছি—“ধর্মপুস্তক অর্থাৎ পুরাতন ও নূতন ধর্মনিয়ম সম্বন্ধীয় গ্রন্থসমূহ”।

মৃত্যু

ইয়েটস ত্রিশ বৎসর কাল (মধ্যে প্রায় দুই বৎসর বাদে) এদেশে কাটান। ধর্মপ্রচার এবং জ্ঞান-অনুশীলন দুই-ই সমানে চলিয়াছিল। তিনি ১৮৪৫ সনের জুন মাসে স্বাস্থ্যলাভার্থ স্বদেশে রওনা হইলেন। কিন্তু জাহাজেই তিনি গুরুতররূপে অসুস্থ হইয়া পড়েন। এডেন বন্দর অতিক্রম করিয়া জাহাজ লোহিত সাগরে পড়িলে ১৮৪৫, ৩রা জুলাই তারিখে তিনি মৃত্যুমুখে পতিত হন। অতল সমুদ্রে তাঁহার শব নিক্ষিপ্ত হয়। এইরূপে একটি কর্মময় জীবনের অবসান ঘটিল। ভারতীয় ভাষা-সাহিত্য এবং ভারতবর্ষের শিক্ষার ইতিহাসে উইলিয়ম ইয়েটসের নাম চিরস্মরণীয় হইয়া থাকিবে।*

* আমি "উইলিয়ম ইয়েটস" শীর্ষক একটি প্রবন্ধ সংক্ষিপ্তাকারে প্রবাসী, চৈত্র ১৩৫৫-এ প্রকাশিত করিয়াছিলাম। এই প্রবন্ধটিতে বহু নূতন তথ্য সন্নিবেশিত হইয়াছে।—লেখক



শোক

শ্রীতরুণ গঙ্গোপাধ্যায়



সারা বাড়ীটায় ছড়িয়ে রয়েছে বিবাদের ছায়া। আজ মহালয়া। আজকের এই উৎসব-দিনটি একটি বিশেষ ঘটনা স্বরণ করিয়ে দিচ্ছে। গত বৎসরের বেদনাবিক্ষুব্ধ একটি স্মৃতি। এই দিনেই নস্তু মারা গিয়েছিল—এ বাড়ীর বছরছয়েকের ছেলে। সরমার আর পাঁচটি ছেলেপুলের মধ্যে নস্তু ছিল মেজ। সে মারা গিয়েছিল একেবারে হঠাৎ। কয়েক ঘণ্টার নোটিশে ডিপথিরিয়া রোগে।

স্ত্রীর বিষণ্ণ গম্ভীর মুখখানা সকাল থেকেই লক্ষ্য করছিল অরুণাংশু। আর দেখছিল ওর একটা এড়িয়ে এড়িয়ে থাকার চেষ্টা। নিজেরও যে নস্তুকে মনে পড়ে নি তা নয়। বুকটা বার বার মোচড় দিয়ে উঠেছিল। কিন্তু সরমাকে মনে পড়িয়ে দিতে চায় নি। তার কি আর মনে পড়ছে না যে, এই দিনটিতেই সকালে, এতক্ষণে লোকে লোকারণ্য হয়ে গেছে এই স্বপ্নপরিসর বাড়ীটা। এই একটি মাত্র শোয়ার ঘরে বন্ধুবান্ধব, পাড়া-পড়শীরা ভিড় করে দাঁড়িয়েছে। আর নস্তুর সেই বিকট কাতরানি—তার পর ডাক্তারের ঘন ঘন আসা-যাওয়া—প্রতি বারের ইনজেকশনের সিরিঞ্জ দেখে নস্তুর সেই আর্ন্ত চিৎকার। জোর করে প্রতি বার চেপে ধরে রাখতে হয়েছে নস্তুকে। সরমা কোনবারেই দাঁড়িয়ে থাকতে পারে নি সামনে। ঠিক ঐ সময়টায় টিনের শেড দেওয়া রান্নাঘরের এক কোণে কানে আঙুল দিয়ে দাঁড়িয়ে ছিল সে। তার-পর সন্ধ্যাবেলার সেই ঘনিয়ে আসা অস্তিম সময়টা। মৃত পাণ্ডুর একটি শিশুর মুখ—সরমার বুকফাটা আর্ন্তনাদ—আর সবার শেষে শক্ত কাঠের মত মন নিয়ে সরমার বুক থেকে নস্তুকে ছিনিয়ে নিয়ে অরুণাংশুর মস্তুর গতিতে বেরিয়ে যাওয়া। সবই স্পষ্ট মনে আছে, এতটুকু স্মান হয়ে যায় নি।

সেদিন আর আজ। দুর্গতিনাশিনীর আগমন-সূচনার সেদিনও ছিল দিগ্বিদিক মুখরিত এবং আজও তাই। কিন্তু এসব আনন্দের ছিটেকোঁটা এ বাড়ীকে স্পর্শ করে নি।

সকালবেলায়ই কখন উঠে গেছে সরমা। অন্য দিন অরুণাংশু ঘুমিয়েই থাকে। তবু যাবার সময় একবার সরমা ঠেলে জাগিয়ে দিয়ে যায় স্বামীকে। আজ কিন্তু আর তেমনটি হয় নি। ছুটির দিন, একটু বেলা করে উঠে, মুখ হাত-পা ধুয়ে খুঁটিনাটি কাজ সারতে বেলা প্রায় আটটা। স্মৃতিটা মনে মনে খোঁচা দিচ্ছিল। খোঁচাটা আরও

ভীক্ষু হ'ল কাগজ পড়তে পড়তে হঠাৎ যখন মনে হ'ল, সরমার সঙ্গে সামনাসামনি দেখা হয় নি সকাল থেকে। বারকয়েক বোধ হয় কাজ নিয়ে ঘরে এসেছে গেছে, কিন্তু কোন কথা বলে নি। চা পাঠিয়ে দিয়েছে বড় ছেলের হাত দিয়ে। এড়িয়ে এড়িয়ে রয়েছে সরমা। ছেলেদের নিয়ে সেই সকালে রান্নাঘরে ঢুকে কি করেছে কে জানে।

ঘর ছেড়ে বেরিয়ে এল অরুণাংশু। ছেলেদের কলরবটা ত আর রান্নাঘরে নেই—পাশের বাড়ীর রোয়াকে শোনা যাচ্ছে। রান্নাঘরেও কোন শব্দ নেই। কোথাও গেছে নাকি সরমা। ভাঙা উঠোন পার হয়ে, কাদা প্যাচপ্যাচে রান্নাঘরের দোর-গোড়ায় দাঁড়িয়ে উঁকি মারতে গিয়ে ধমকে দাঁড়াইল অরুণাংশু। সরমা একলা বসে কুটনো কুটছে হেঁট মুখে। পায়ের শব্দে মুখ তুলে তাকাতেই চোখাচোখি হ'ল—রক্তজবার মত অশ্রু-ভারাক্রান্ত দুটি চোখ। তুলেই আবার নামিয়ে নিল। ধীরে ধীরে বেরিয়ে এল অরুণাংশু।

এই জন্মেই সরমা এড়িয়ে এড়িয়ে রয়েছে সারা সকাল। দাঁওয়ার খুঁটি ধরে কেমন অশ্রমস্ব হয়ে গেল অরুণাংশু। আগের বছরের সেই বিবাদেরমাথা দিনটি। সেই ভিড়, সবাই ক্রান্ত, ব্যস্ত, মৃত পাণ্ডুর একটি শিশুর মুখ, আর শেষটা নস্তুকে বুক জড়িয়ে...

—বাজার যাবে না ?

কখন নিঃশব্দে এসে বাজারের খলিটা এগিয়ে ধরেছে সরমা। মুখ চোখ পরিষ্কার করে মোছা—আঁচলের ভিজে দাগগুলি তারই সাক্ষী। বেশ স্পষ্ট ভাবেই এবার তাকিয়েছে। মুখে একটা জোর করে ফুটিয়ে তোলা হাসি-হাসি ভাব। বললে—যাও, বাজারটা করে আন। কিছুক্ষণ চুপ করে থেকে আবার বললে—তুমি আবার মন ধারাপ করো না—যে গেছে সে কি আর...চোখ দুটি নত করে নিতে হ'ল, ক্রত চলে যেতে হ'ল সামনে থেকে।

শাস্ত্রনা দিতে এসেছিল স্বামীকে সরমা—শোকে শাস্ত্রনা। একটা দীর্ঘশ্বাস বুক চেপে বাজারে বেরিয়ে গেল অরুণাংশু।

হৃপুনের দিকে বাড়ীর খমখমে আবহাওয়াটা অনেকটা সহজ হয়ে এল। গতানুগতিক কাজের মধ্যে সকালবেলাকার বেদনাক্ষুব্ধ মনটা ক্রমশঃ স্বাভাবিক হয়ে

উঠল। অনেকটা ভুলে রইল সরমা। সেদিনের সেই শোকটা সহ হতে হতে তার তীব্রতা এমনিতেই অনেকখানি কমে এসেছে—চাপা পড়ে গেছে একটু একটু করে—ছেলেপুলে স্বামী সংসার নিয়ে অনেক কাজের মধ্যে ক্রমশঃ তলিয়ে গেছে। তবু আজকের এই বিশেষ দিনটিতে শোকটা আবার একবার নতুন করে মাথা বাড়া দিয়ে উঠেছিল। হয়ত প্রতি মহালয়ার দিনটিতে এমনি হবে—নস্তু একবার নিজেকে মনে পড়িয়ে দেবে আনন্দ-কলরবের মাঝে—আবার এ বাড়ীর অনেক কাজের ভিড়ে তলিয়ে থাকবে সারা বছর।

ছেলেদের হৈ চৈ, তাদের নাওয়ানো-খাওয়ানো ইত্যাদি সারতে সারতে বেলা প্রায় একটা। মেঝেয় মাদুর পেতে চারটি ছেলেকে নিয়ে গল্পে মেতে উঠল সরমা। বেশ সহজ মন নিয়ে ওদের আদর আবদারের কথা শুনল, জবাব দিয়ে গেল। বছরতিমেকের আর চারেকের ছেলে দুটিকে ছ'পাশ থেকে আগলে বেখেছে বৃকে। শাত বছরের আর পাঁচ বছরের অপর বড় ছ'জন ছোট ছটির ছ'পাশে আছে শুয়ে। অনর্গল সব বকে যাচ্ছে। মাঝে মাঝে সরমা সাবধান করে দিচ্ছে—এই আস্তে, বাবা শুয়ে আছে না খাটে ?

অরুণাংশু উপরে খাটে শুয়ে আছে। ঘুমিয়ে নেই, ঘুমোবার ভান করে পড়ে আছে। আড়াস থেকে মা আর ছেলেদের কথাবার্তা উপভোগ করছে। বেশ করবারে হয়ে গেছে সরমার মন। নস্তু এখন আর সব কাঁচি ছেলেদের মধ্যে তলিয়ে গেছে। একবার মনে হ'ল ওদের আপ্যে যোগ দেবে নাকি ? অমন একটা স্নেহস্নিগ্ধ পরিবেশের বাইরে সেই-বা পড়ে থাকবে কেন ?

কথাবার্তার মোড় ঘুরে গেল। আর ওদের সঙ্গে যোগ দেওয়া গেল না। বড় ছেলেটি জিজ্ঞেস করে বসেছে—এবার আমাদের পূজার জামাকাপড় হবে না মা ?

—হবে রে, হবে। মা সাজনা দিল। আর তিনটিও দাদার অঙ্করণে একেবারে উঠে বসে হৈ হৈ করে উঠল—আর কবে হবে মা ?

মা বললে—দাঁড়া দাঁড়া—অত ব্যস্ত হোস কেন, তোদের বাবা বোনাসের টাকাটা আগে পাক।

সরমা একবার খাটের উপর চোখ বুলিয়ে নিল। না, ঘুমোচ্ছেই। জেপে থাকলে জিজ্ঞেস করা যেত বোনাসের টাকাটা পেয়েছে কিনা। অন্যান্য বছর ত মহালয়ার আগেই পেয়ে যায়।

অরুণাংশু শুয়ে শুয়ে ভাবল টাকা পঞ্চাশটা কালই পাওয়া গেছে। কথাটা আর বলা হয়ে ওঠে নি সরমাকে। ভাবল এবার উঠে বসবে নাকি ! বোনাস প্রাপ্তির খবরটা এখনুনি

প্রকাশ করে দিয়ে এদের আরও খুশী করে তুলবে নাকি।

কিন্তু এবারেও ওঠা হ'ল না। বড়টি আবদার তুলেছে—ক্যাষিসের জুতো আর নেব না মা—বড় তাড়াতাড়ি ছিঁড়ে যায়। পাশের বাড়ীর ছেলেরা কেমন সুন্দর চামড়ার জুতো পরে। আর তিনটিও সুরে সুর মিলাল।

সরমা বিশেষ কিছু বলতে পারল না। আচ্ছা সে দেখা যাবে, বলে প্রসঙ্গটা চাপা দিল। ক্যাষিসের জুতোগুলি সত্যিই টেকে না। বড়জোর ছ'মাস। তারপর হেঁড়া জুতোয় তালিতুলি মেরে কোনগতিকে আর ছ'মাস, বাকি মাসকয়েক একরকম খালি পায়েই চালিয়ে নিতে হয়। কিন্তু ক্যাষিসের জুতো ছাড়া ত অন্য কিছু কিনে দেবার উপায় নেই। সরমার সব হিসেব নিজের হাতেই করা আছে। আগের ছ'বছর ঐ পঞ্চাশ টাকায় পাঁচটি ছেলের কোন রকমে কুলিয়েছিল। একটা শার্ট চার টাকা, প্যান্ট তিন টাকা, আর ক্যাষিসের জুতো আড়াই-তিনের মধ্যে—এই ভাবে পাঁচ জনের গড়পড়তা দশ টাকা ধরে, পঞ্চাশ টাকায় ছেলেদের পূজার বাজার হয়েছিল। গেল ছ'বছরে সরমার নিজের জন্যে কিছু হয়ে ওঠে নি। আগে যখন এরা ছোট ছিল, নিদেনপক্ষে একটা তাঁতের শাড়ি ওরই মধ্যে কুলিয়ে যেত। এখন হয় না। অরুণাংশু ছ'বারই বিষন্ন মুখে বলেছিল—‘তোমার কিছু হবে না ?’—‘ছেলেরা বড় হয়েছে, মায়ের আর সেজে কাজ নেই।’—এই জবাব দিয়ে পাশ কাট্টিয়ে সরে গেছে সরমা। অর্থাৎ, যখন কিছু হবার সামর্থ্য নেই, তখন হবে না—এতে দুঃখের কি আছে।...

অরুণাংশুর ঠাকুরদার আমলের দেয়াল-বাড়িটায় চারটা বাজল। সরমা এবার উঠে পড়ল। আঁচ দিতে হবে, চা করতে হবে—অনেক কাজ। এবার অরুণাংশুকেও উঠতে হ'ল। এদের কথায় যোগ দেব দেব করে দেওয়া হয়ে ওঠে নি। কথা শেষ হয়ে এল প্রায়—তাড়াতাড়ি উঠে বসল।

—কি এত বকর বকর করছিলি রে তোরা ?

চারিখ খোলোশুঙ্ক আঁচলটা পিঠের উপরে ফেলে দিয়ে সরমা বললে—বোনাসের টাকাটা পেয়েছ ?

—ও হ্যাঁ, কালই ত পেয়েছি।

—এদের নিয়ে আজ একটু ঘুরে এস না বাজারে।

—তা বেশ ত, যাব।

—এরা সব বলছে চামড়ার জুতো নেবে।

—দেখি, ওর মধ্যেই ত কুলোতে হবে।

—তা ছাড়া আর উপায় কি।

হাসিমুখে সরমা বেরিয়ে যেতে, ছেলেদের নিয়ে ঘিরে বসল অরুণাংশু—কি কি নিবি সব বলা। মনটা বেশ প্রফুল্ল

য়ে উঠেছে। মা ছেলের নিয়ে বেশ আমোদ করে গেল
—এবার বাপের পালা।...

জামা প্যাণ্ট কেনা হ'ল বাজার ঘুরে। এবার জুতোর
দোকান, সরমা দেখতে বসেছে চামড়ার জুতো। চারটি ছেলে
সারি সারি চেয়ারে বসেছে, তাদেরও ঐ আবদার। পকেটের
টাকাগুলো বেড়ে হিসেব করে নিল অরুণাংশু। আগের
বছরের হিসেবমত—জামা চার টাকা, প্যাণ্ট তিন টাকা,
গর আর তিনে সাত, চার জনের আটাশ টাকা হওয়া উচিত,
খরচ হয়েছে প্রায় ত্রিশ টাকা। বাকি পঞ্চাশের মধ্যে আছে
প্রায় কুড়ি টাকা। পাঁচ টাকা করে একজনের জুতো ধরলে
চার জনের কুড়ি টাকার মধ্যে হয়ে যাবে। বাঃ, এই ত বেশ
কুলিয়ে যাচ্ছে। খুশীমনে চামড়ার জুতো দেখাবার নির্দেশ
দিয়ে, আবার অন্যমনস্ক হয়ে গেল অরুণাংশু। আগের
বারে ত কুলোয় নি, এবার কি করে কুলোল। কয়েকটা
মুহূর্ত, বেশীক্ষণ লাগল না সূত্রটা ধরে ফেলতে—নস্টর
হিসেবটা মুছে গিয়ে এদের হিসেবে যুক্ত হয়ে গেছে। শুরু
হয়ে বসে রইল অরুণাংশু।...

ছেলেরা সব প্যাকেটগুলো বগলে নিয়ে হৈ হৈ করতে
করতে বাড়ী চুকল। রান্নাঘর থেকে ছুটে বেরিয়ে এল
সরমা। হাসি-হাসি মুখ। অরুণাংশু এক নিমেষ তার মুখের
দিকে চেয়ে ঘরে চলে এল। কেমন একটা সঙ্কোচ, একটা
আড়ষ্টতা—স্ত্রীর মুখোমুখি দাঁড়াতে পারবে না—ও ভুলে
আছে, ভুলে থাক - যতক্ষণ পারে ভুলে থাক।

ছেলের নিয়ে ঘরে চুকল সরমা। দেখি, দেখি,
তোদের কি সব হ'ল। মেবোয় বসল সব ক'টিকে নিয়ে।
খুব হৈ চৈ, আনন্দে মশগুল সব। অরুণাংশুর টেবিলের
উপর কি একটা খোঁজার খুব দরকার পড়ে গেল।

জামাগুলো সব দেখা হ'ল। চামড়ার জুতো দেখে ছেলের

মত মাও মহা খুশী। সরমা বললে—এই ত বেশ চামড়ার
জুতো হয়েছে তোদের।

—আমাকে পরিয়ে দাও, আমায় আগে। তাড়া দিচ্ছে
সবাই। এক এক করে পরিয়ে দিয়ে দেখছে সরমা।
অরুণাংশুর টেবিলে এখনও খোঁজা শেষ হয় নি।

সরমা তাড়া দিল—কি গো, কি হ'ল তোমার? দেখ না
কি রকম হ'ল সব!

পেছন না ফিরেই অরুণাংশু বললে—আমি ত দেখেই
কিনেছি। আমি আর কি দেখব—তুমি দেখ।

—বেশ হয়েছে সব, কিন্তু ওরই মধ্যে কুলিয়ে গেল ত?

—হ্যাঁ। উত্তরটা অস্পষ্ট স্বরে দিয়েই সিঁটিয়ে রইল
অরুণাংশু। প্রশ্নটা কোন রকমে কি এড়ানো যায় না?


—কি করে কুলোল?

আর জবাব দেওয়া গেল না। মিনিটকয়েক চুপচাপ
হ'লেনই। হিসেবটা মেলাতে অরুণাংশুর যতটুকু সময়
লেগেছিল, সরমারও তাই। তার পরেই একটা ছোট্ট অস্ফুট
স্বর—ওঃ।

হিসেব মিলে গেছে সরমার। হেঁট হয়ে ছেলের
জুতোর ফিতে পরাতে পরাতে চোখ দুটো জালা করে জলে
ভরে উঠল।

ছেলেরা তখন মাকে ধরে পড়েছে—কারটা ভাল হয়েছে
মা, কারটা?

সব ক'টি ছেলেকে হাত বাড়িয়ে বাড়িয়ে টেনে নিয়ে এল
কোলের কাছে সরমা। মুখে হাসি, চোখে জল নিয়ে বললে
সবাইকারটাই খুব সুন্দর হয়েছে। তার পর হঠাৎ কি মনে
পড়ে যেতে তাড়াতাড়ি আঁচল দিয়ে চোখ দুটি ভাল করে
মুছে নিল। এমন একটা সুন্দর মুহূর্তে চোখের জল ফেলতে
নেই মাকে—ছেলেরের অকল্যাণ হয়। কথাটা হঠাৎই মনে
পড়ে গেছে সরমার।





দুঃশীলের শীলগ্রহণ

মারের দীক্ষা

শ্রীমজিতকুমার মুখোপাধ্যায়

মথুরা নগরীর উপকণ্ঠে, এক অরণো সন্ন্যাসী উপগুপ্ত আশ্রয় নিয়েছেন। অপূর্বচরিত্র দ্বিতীয় বুদ্ধের ত্রায় এই মহাপুরুষকে দর্শন এবং তাঁর উপদেশ শ্রবণ করবার জন্ম প্রতিদিন বহু জনসমাগম হচ্ছে।

একদিন এক বিরাট সভায় উপগুপ্ত ধর্মব্যাখ্যা করছেন। জনতা নীরবে, গভীর মনোযোগের সঙ্গে তাঁর উপদেশ শ্রবণ করছে—এমন সময় সহসা আকাশ হতে মুক্তাবর্ষণ হ'ল। জনতা চঞ্চল হয়ে উঠলো। একাদিকবার ঐরূপ মুক্তাবর্ষণ হওয়ায়, উপগুপ্তের ধর্মোপদেশে আর কারও চিন্তাই আকৃষ্ট হ'ল না।

উপগুপ্ত বিস্মিত হলেন। হঠাৎ এরূপ মুক্তাবর্ষণ হ'ল কেন? এর কারণ কি? ধ্যানযোগে তিনি অবগত হলেন—ধর্মের বৈদ্য মারের এই কীতি।

পরদিন সভায় অধিকতর জনসমাগম হ'ল। কারণ চতুর্দিকে সংবাদ রটেছিল উপগুপ্ত যখন ধর্মপ্রচার করেন, তখন আকাশ হতে মুক্তাবর্ষণ হয়। সেদিনের সভায় উপগুপ্ত যখন বুদ্ধপ্রচারিত সত্য ব্যাখ্যা করছেন—তখন সহসা সুবর্ণ বর্ষণ শুরু হ'ল। বস্মা বাছল্যা, জনতা ধর্মের চেয়ে সুবর্ণের দিকে অধিকতর আকৃষ্ট হ'ল।

তৃতীয় দিনের সভায় অভূতপূর্ব জনসমাগম হ'ল। ধর্মোপদেশ আরম্ভ হওয়ার সঙ্গে সঙ্গে দেখা গেল—মার অনতিদূরে নাটক আরম্ভ করেছেন। দিব্যবাণ সহযোগে স্বর্গীয় সঙ্গীত এবং সেই ত্রৈক্যতানে পরমাসুন্দরী অঙ্গরাগন নৃত্য করছেন। এই দৃশ্য সমস্ত জনগণের মন হরণ করল। বীতরাগ সাধুগণের পযন্ত চিত্তচাক্ষুস্য উপস্থিত হ'ল। নিজের সাফল্যে উৎসাহিত মার উপহাসপূর্বক উপগুপ্তের কণ্ঠে মাল্যদান করলেন।

উপগুপ্ত চিন্তিত হলেন। ধর্মের এই পরমশত্রু মারকে তথাগত কেন দমন করলেন না—তাঁর মনে এই প্রশ্ন উদ্ভিত হ'ল। যাই হোক, মারকে তিনিই দমন করবেন—এইরূপ সঙ্কল্প করে তিনটি বিভিন্ন জাতীয় কঙ্কাল তিনি সংগ্রহ করলেন। একটি মস্তাশ্বর, একটি কুক্কুরের ও একটি সর্পের। ঋদ্ধিবলে এই কঙ্কাল তিনটিকে পুষ্পমাল্যে পরিণত করে তিনি মারের দিকে অগ্রসর হলেন। “উপগুপ্তও এই

প্রলোভনে আকৃষ্ট হয়েছেন।”—এই ভেবে মার অত্যন্ত আনন্দিত হলেন। উপগুপ্ত সেই মাল্য, মারের শীর্ষে ও কণ্ঠে অর্পণ করলেন। মারও নত হয়ে তা গ্রহণ করলেন। এই ভাবে কি ভয়ঙ্কর বিপদ তিনি শিরোধার্য করলেন, হায়! তা যদি তাঁর বোধগম্য হ'ত। উপগুপ্ত বললেন :

“সন্ন্যাসী ভিক্ষুর মাল্যধারণ
জান তুমি বেশ, আছে শাস্ত্রে বারণ!
তথাপি পরায়ে মাল্য কণ্ঠে আমার
স্বাধীন্য কর মোরে, গণিত মার!
রূপে তব যত প্রীতি
কংকালে তত ভীতি,
হোক তাই কণ্ঠের হার।
পরিয়া হাড়ের মাল্য
গর্ব তোমার,
কেমন, এবার হলো
ধর্ব ত মার?”

পুষ্পমাল্যের পরিবর্তে শীর্ষে ও কণ্ঠে, সেই ভয়ঙ্কর কুৎসিত কঙ্কাল দর্শন করে সন্ত্রস্ত মার সেই কঙ্কালগ্রহি ছিন্ন করতে উত্তত হলেন। কিন্তু কিছুতেই তিনি কৃতকার্য হলেন না। তখন তিনি আকাশে উখিত হয়ে উপগুপ্তকে বললেন :

“খুলিতে না পারি তবু
মনেতে ভেবো না কভু
খুলিবে না এ দৃঢ় বাঁধন।
দেবতা যতক আছে
ছুটিব সবার কাছে
অসাধ্য করিবে সাধন।”

উপগুপ্ত উত্তর দিলেন :

“ছাড়ি এই তপোভূমি
যেথা খুশি যাও তুমি
যারে খুশি কর আবেদন।
ছুটে যাও অমরায়
দেবতার নম পায়
ইন্দের লও গে শরণ।

কুবের বরুণ যম
হয় যদি অক্ষম
ব্রহ্মার ধর গে চরণ।”

স্বর্গে একে একে পবন, বরুণ, যম, কুবের, ইন্দ্র, উপেন্দ্র
প্রভৃতি দেবতার নিকট মার গমন করলেন। কিন্তু কেহই
তাঁর ঐ বন্ধন মোচন করতে সক্ষম হলেন না। তখন নিকুপায়
মার স্বয়ং ব্রহ্মার সমীপে উপস্থিত হলেন।

ব্রহ্মা বললেন :

“শক্তি আমার যদিও অনেক তবু
সীমা আছে তার, অসীম নহে সে কত।
অগ্নি যদিও কম নয় কিছু তেজে
সূর্যের কাছে দাঁড়াতে পারে না সে যে!”

তথাপি মার যখন তাঁকে সনির্বন্ধ অধুরোধ করতে
লাগলেন, তখন ব্রহ্মা বললেন :

“পদ্মের নামের সূত্রে বাধি
হিমালয়ে উখাড়িতে চাও ?
হয়ত পারিবে কেহ তাও !
বুদ্ধের সেবক-বন্ধ কংকালের হার
খুলে দেবে, সাধ্য আছে কার ?”

বিভীষিকাগ্রস্ত মার করযোড়ে জিজ্ঞেস করলেন—“তবে
আমি আর কার শরণ নেব ?” ব্রহ্মা উত্তর দিলেন :

“আছাড় খাইয়া, মাটিতে পড়ে যে-কেহ
মাটিরেই ধরি, তুলে সে নিজের দেহ।
হাড়ের এ মালা পরালেন যিনি গলে
খুলিবেন তিনি, পড় গিয়ে পদতলে।”

ব্রহ্মার উত্তর শুনে মার বিষ্ময়ে স্তম্ভিত হলেন :

বুদ্ধের সেবক এক, তাঁরও কাছে ব্রহ্মা মানে হার !
আশ্চর্য ঘটনা হেরি, বিষ্ময়ে স্তম্ভিত হ’ল মার।
“না জানি কত না শক্তি ধরিতেন বুদ্ধ তথাগত,
কত না লাঞ্ছনা হায়, তাঁরে আমি করেছি নিয়ত !
মুখের আহাৰ তাঁর নিয়েছি কাড়িয়া—আমি মূঢ়মতি !
কন নাই কোন কটু কথা। করেন নি কত কোন ক্ষতি।
শক্তিগর্বে গবিত বালক ! বুঝি নাই তাঁর শক্তিলেশ
অবহলে করিলে প্রয়োগ, দেহ মোর হ’ত ভস্মশেষ !
সয়েচেন শত অত্যাচার, হোক না সে যত ক্লেশকর,
জনকের মত বক্ষা মোরে, করেছেন করুণা-সাগর।”

পূর্ব-আচরিত পাপকর্মে নিতান্ত অহুতপ্ত মার উপশুপ্তের
চরণে নিপতিত হয়ে বললেন :

“ক্ষমা কর মোরে, হে বীর তুমি,
এই আমি তব চরণ চুমি।
ধর্মের আজি লইলু শরণ
যুক্ত কর হে কোপ-আভরণ।”

উপশুপ্ত বললেন, “বন্ধন মোচন করছি, কিন্তু আমার
একটি কাজ করতে হবে।”

মার উল্লসিত হয়ে বললেন—“প্রভু, আজ্ঞা করুন।”

উপশুপ্ত বললেন—“তথাগতের পরিনির্বাণের শতবর্ষ
পরে আমার জন্ম। তাঁর সেই পরম রূপবান দেহ দর্শন
করবার মৌভাগ্য আমার হয় নি। তুমি সর্বপ্রকার রূপ-
ধারণে সক্ষম। তথাগতের রূপ ধারণ করে’ তুমি তাঁর শূর
নামক ভক্তকে মোহিত করেছিলে। আমাকে তাঁর সেই
অপরূপ রূপ দর্শন করাও। আমি কৃতার্থ হই।”

মার বললেন—“তার পূর্বে আপনাকে এক প্রতিজ্ঞা
করতে হবে।”

উপশুপ্ত শুধালেন—“কি প্রতিজ্ঞা ?”

মার বললেন—“তথাগতের রূপ দেখে আত্মবিস্মৃত হয়ে
আপনি আমায় প্রণাম করবেন না :

“স্মরিয়া স্মৃগতে নাথ
কর যদি প্রণিপাত,
ভয় হবে এ তনু আমার।
সাধকের শ্রদ্ধাভক্তি
সহ করে হেন শক্তি
ধরে নাকো ক্ষুদ্রশক্তি মার।”

উপশুপ্ত বললেন—“প্রতিজ্ঞা করছি, তোমাকে প্রণাম
করব না।”

মার তখন গহন অরণ্যে প্রবেশ করলেন। অতঃপর
সুদক্ষ নটের শ্রায় তথাগতের রূপ পরিগ্রহণ করে, তিনি
উপশুপ্তের সন্মুখে উপস্থিত হলেন।

সেই অলৌকিক দৃশ্য দর্শন করে উপশুপ্তের সর্বশরীর
রোমাঞ্চিত হ’ল। বিষ্ময়বিমুক্ত কণ্ঠে তিনি বলে উঠলেন :

“দাঁড়াল সন্মুখে একি লভিয়া আকার
মম শত জনমের তপশ্রার ফল !
স্নিগ্ধ শাস্ত মুখধানি তনু-শোভা-সার
মানস-সরসজলে শুভ্র শতদল।
বিকচ নয়ন দুটি সমুজ্জ্বল মনি,
শোভিতেছে সুষমায় জিনি নীলোৎপল।
হেরি হৃৎখ ত্রিলোকের দিবসরজনী
করুণার সুধারসে স্নিগ্ধ সমুচ্ছল।
বিদ্য হিমাচল পরাজিত ধীরতায়।

তেজে তিরস্কৃত রবি, গান্ধীর্ষে সাগর।

গতিতে ধিক্কৃত সিংহ অরণ্যে লুকায়

তনুর চম্পকবর্ণে স্নান চামী কর।

“চক্ষু সূর্য হয়ে যায় স্নান

অপূর্ব এ রূপে মুচ্ছিত তাঁর।

কর্মবলে সৃষ্ট এই রূপ!

সৃষ্ট নহে খেয়ালী ধাতার।

“শত শত জনমের শুভকর্ম যত

প্রেম, সেবা, ক্ষমা, দয়া দানধ্যান আদি ;

তারি বলে হিংসা ঘেঁষ করিয়া সংযত

চিত্তের ঐশ্বর্য মাঝে লভিয়া সমাধি

সৃষ্টিলা নিজের রূপ নিজে তথাগত !”

বুদ্ধের স্বরূপ চিন্তায় বিভোর উপগুপ্ত স্থান, কাল, পাত্র, সমস্ত বিস্মৃত হয়ে মারের পদতলে দণ্ডবৎ লুপ্তিত হলেন। ভীত, সচকিত মার কাতর কণ্ঠে বলে উঠলেন—“অন্যায়! অন্যায়! প্রতিজ্ঞা ভঙ্গ করা অন্যায়!”

উপগুপ্ত জিজ্ঞাসা করলেন—“কি প্রতিজ্ঞা?”

মার বললেন—“প্রতিজ্ঞা করেছিলেন—আমাকে প্রণাম করবেন না। কিন্তু আপনি আমায় প্রণাম করলেন।”

উপগুপ্ত গদগদ কণ্ঠে উত্তর দিলেন :

“আমি কি জানিনা শতাব্দী আগে তথাগত ভগবান জন্মেতে আহত অনলের মত লভেছেন নিরবাণ! তথাপি যখন কুসুমকোমল অমলকাস্তি তাঁর হেরিলু সমুখে নমিলু চরণে, নমিনি তোমারে মার।”

মার আশ্চর্য হয়ে বললেন—“আমি স্বচক্ষে দেখলাম, আপনি আমায় প্রণাম করলেন। এখন বলছেন, ‘তোমাকে প্রণাম করি নি’। একি কথা!”

উপগুপ্ত বললেন—“শোন!

মাটির প্রতিমা গড়ি

যবে দেবতার

সমুখে নমিয়া পূজি,

পূজা করি কার?

সুগতের রূপধারী

সমুখে তোমার

প্রণমিলু যাবে, সে তো

তুমি নহ মার!”

অতঃপর মার উপগুপ্তকে সাষ্টাঙ্গে প্রাণপাত করে’ প্রস্থান করলেন।

পরদিন তিনি স্বয়ং মথুরায় বণ্টার দ্বারা ঘোষণা করলেন :

“হীনতা দীনতা যত

অনর্থের মূল

ধ্বংস করি লভিবে না

ঐশ্বর্য অতুল?

ওঠ, জাগো! তপস্শায়

লভ ইন্দ্রপদ,

অমরায়! লভ মুক্তি

পরমাসম্পদ!

দেখ নাই তথাগতে

দুঃখ তায় কিবা?

নব বুদ্ধ অবতীর্ণ

সমুজ্জল বিভা!

অনিবাণ দীপজ্যোতিঃ

সদা আছে জপি,

নাশি ঘোর তমোরাশি

ত্রিলোক উজলি।”*

* অশ্বঘোষের “সুত্রালঙ্কার” হইতে গৃহীত



পবন-দূত

অনুবাদক শ্রীরামপ্রসাদ ঠাকুর চক্রবর্তী

প্রস্তাবনা: সংস্কৃত সাহিত্যের আলঙ্কারিকগণের মতে কাব্য দুই ভাগে বিভক্ত, যথা, দৃশ্য এবং শ্রাব্য। তাহার মধ্যে দৃশ্য—অভিনয় নাটকাদি এবং শ্রাব্য—কাব্য, মহাকাব্য, খণ্ডকাব্য এবং কথাকাব্য প্রভৃতি। দূতকাব্যগুলি এই খণ্ডকাব্যেরই অন্তর্গত। সংস্কৃত সাহিত্যে ষতগুলি দূতকাব্য পরিদৃষ্ট হয়, তাহার মধ্যে মহাকবি কালিদাস প্রণীত মেঘদূতই প্রথম এবং প্রাচীনতম। সুতরাং এই মেঘদূতেরই অনুসরণ করিয়া বহু প্রাচীন কবি নানা ভাবে পবন-দূত হংস-দূত, উদ্ভব-দূত, পদাঙ্ক-দূত, এবং মনো-দূত প্রভৃতি দূতকাব্য রচনা করিয়া গিয়াছেন। কিন্তু মহাকবি কালিদাসের মেঘদূতের সহিত আর কোনও দূতকাব্যেরই তুলনা হয় না। তবে অগ্ৰাণু দূতকাব্য অপেক্ষা গুণ-গরিমায়, রচনা-ভঙ্গীতে, গাঙ্গীর্ষ্যে এবং প্রাচীনত্বে পবন-দূত যে মেঘদূতেরই পরে স্থাপনীয় তাহাতেও কোনই সন্দেহ নাই। কারণ পবন-দূতের উপজীব্য বস্তুও অতি সরস এবং কারুণ্যের প্রতীক।

মলয়-পর্বতবাসিনী গন্ধর্বকণ্ঠা কুবলয়বতী ইহার নায়িকা এবং গোড়াধিপতি মহারাজ চক্রবর্তী লক্ষ্মণসেন ইহার নায়ক। দাক্ষিণাত্য বিজয়ের প্রসঙ্গে মহারাজ লক্ষ্মণসেনের রূপলাবণ্যে বিমুগ্ধ এবং বিরহে অবসন্ন কুবলয়বতী, মলয়ানিলকে দূত নিযুক্ত করিয়া মহারাজ লক্ষ্মণসেনের নিকট পাঠাইয়াছিলেন। কবি মলয়-পর্বত হইতে হিমালয় পর্বত সমস্ত ভারতবর্ষ পরি-ক্রমার মধ্য দিয়া দূত মলয়ানিলকে গোড়বঙ্গে আনয়ন করিয়া, কুবলয়বতীর বিবহজনিত চরম অবস্থার কথা দূতমুখে মহারাজ লক্ষ্মণসেনের নিকট ব্যক্ত করিয়াছেন। তাই ইহার মাধুর্য্য অপরিমিত এবং অত্যন্ত হৃদয়গ্রাহী।

লক্ষ্মণসেনের রাজসভায়, আচার্য্য হলায়ুধ, আচার্য্য পশুপতি, ভক্তচূড়ামণি জয়দেব, নীতিবিৎ পুরুষোত্তম এবং কবিরাজ-চক্রবর্তী ধোয়ীক, পাণ্ডিত্যে, ভ্রাম্মণ্যে, ভক্তিমাগে, নীতিশাস্ত্রে এবং কবিত্বে তাৎকালিক গোড়বঙ্গ উজ্জ্বল করিয়া বর্তমান ছিলেন। মহাকবি ধোয়ীক তাঁহার পবন-দূতের উপসংহারে কবিপ্রশস্তির প্রথম শ্লোকের দ্বিতীয় চরণে “কবিক্যাত্তাং চক্রবর্তী” এই পরিচর প্রদান করিয়াছেন। ইহা ভিন্ন ভক্তচূড়ামণি জয়দেব গোষ্ঠামীও তাঁহার গীতগোবিন্দে প্রারম্ভে চতুর্থ শ্লোকের চতুর্থ চরণে লিখিয়াছেন— “ধোয়ী কবিঃক্যাত্তাং চক্রবর্তী।” সুতরাং নিঃসংশয়েই বলা যাইতে পারে, কবিরাজ-চক্রবর্তী ধোয়ীক পবন-দূত রচনা করিয়াই গোড়বঙ্গে তাৎকালিক কবিগণের মধ্যে শীর্ষস্থান অধিকার করিয়া-ছিলেন। এই মহাকবি খ্রীষ্টীয় ষাটশ শতাব্দীতে আবির্ভূত হইয়া

গোড়ের রাজসভা অলঙ্কৃত করেন। কিন্তু তিনি কোন্ দেশে জন্ম-গ্রহণ করিয়াছিলেন, তাহার কোনও পরিচর সংস্কৃত সাহিত্যের ইতিহাস প্রভৃতি গ্রন্থেও পাওয়া যায় না। পবন-দূত রচনা করিয়া তিনি যে কেবল কবিরাজ-চক্রবর্তী এই উপাধিটি লাভ করিয়া-ছিলেন তাহাই নহে; দণ্ডিবৃহ, বনকহার, সুবর্ণচামর এবং স্বর্ণদণ্ড ও রাজ-পারিতোষিক প্রাপ্ত হইয়াছিলেন।

“নিরাশ্রয়ান জীবন্তি, কবিতা, বনিতা লতা।”

প্রস্তাবক

১

নিখিল ভুবনে সুন্দর ছিল, চন্দন নামে গিবি ;
কনক-নগরী রমণীয় তার, —দেব-গায়নের বাস ।*
হেমময় লীলা-ভবন-শিখরে, অম্বর-তল ঘিরি,
সুন্দ-নগরের শাখা-গণনায়, ধরেছিল—যে বিলাস ।

২

কুবলয়বতী নামে তথা সেই, সূতা উপদেবতার ;
ভুবন-বিজয়ে লক্ষ্মণসেন, নামে সে ক্ষৌণীপালে ।
কুসুমের চেয়ে মুহুজয়শীল, ধনুকাম-দেবতার,
হেরিয়া সদ্যঃ পড়িল বালিকা, মদনের শব-জালে ।

৩

প্রথম বয়সে সখী-পুর-বাসে, কামেবে করিয়া ছেলা ;
পাণ্ডুরকাম কাতর তমুতে যাপিয়াছে নিশিদিন ।
মধুমাसे হার । দক্ষিণ বায়, বহিলে সন্ধ্যাবেলা ;
গাঢ় উদ্বেগে প্রণমি তাহার, বাতনায় থাকে লীন ।

৪

তুমি হে পবন ! জীবের জীবন, প্রকৃতিতে মহীয়ান ;
বেগময় তুমি মনের অভিন, নিখিলের প্রাণবলে ।
তাই তব পাশে প্রার্থনা আশে, আসিয়াছি কর দান ;
তোমা সম জানে হয় না বিফল, কখনো ভিক্ষাকলে ।

৫

বিবহ-বিধুর জীবামের দশা, নিরাশ সে হুমান ;
সাগরের পারে গিয়েছিল এবে, পশিতে লঙ্কাপুরে ।
আমারি লাগিয়া যাবে তুমি তার, জনকের গতিমান ;
গোড়ীর ভূমি মলয়গিরির, পাদ হতে কিছু দূরে ।

* দেব-গায়ন এবং উপদেবতা, গন্ধর্বজাতীয় দেবতার নাম ।

৬

নিশ্চিত তুমি মধুমাসে সেখা, হেরিবে সে নরপালে ;
গাঢ় উপবনে আবৃত গগন, জানিও গোড়দেশ ।
নূপতিলক কুছে কহিও আমার, যে দশা হেরিলে ভালে ;
করণায় তব পনের কারণ, ত্রিভুবনে বিনিবেশ ॥

৭

চন্দন-তরু হতে হরি লও, রমণীয় পরিমল ;
ক্রম চল যাই তাজিয়া কানন, মলয়ের সামুভবা ।
মৈথুন-কেলিরত মৎসর, এই যে ভূঙ্গগ-দল ;
গণপদ-পদ না করে যাবৎ, ভোগছলে তোমা ছরা ॥

৮

মলয়-গিরির তাজি পরিমর, ক্রোশ চুই সবে দূর ;
ধরণীর শোভা কি যেন আর এক, যাইবে পাণ্ডা-দেশ ।
ক্রমুক-তরুর বন্ধ যেথায়, ভজিও উরগ-পুর ;
তাম্রপর্ণী তটিনীর তীরে, প্রখ্যাত যে বিশেষ ॥

* *

১০

লীলা-গিরি যদি, ভূঙ্গগ-নগরী—রমণীয় মনোরম ;
শৃঙ্খলাদামে জল-বারণের, ললিত সেতু যেন ।
জানকীর স্নেহে আশ্বাস তবে, জীবনের প্রিয়তম ;
ধরণীর বাহু মনে হয় ওই, একটি লক্ষা যেন ॥

* *

১২

লীলা-নিকেতনে অমরাবতীর, গর্জ করিছে চূর ;
দক্ষিণা-পথে ভূষণ যে সেই, কাঞ্চী-নগরে যেও ।
নগরজনের প্রহরীর প্রাস, করিতে বিঘ্ন দূর ;
মদন যেথায় ধরি' ফুল-শর, জাগরে রাত্রি সেও ॥

১৩

কৌতুক-রসে, জল-কেলি-বশে, শিখিল উত্তরীয় ;
রমণী-হৃদয় হেরিবে তথায়, পাণ্ডুবর্ণে ঝাঙ্কা ।
সুবলা সজ্জা তালে সখীপ্রায়, বীচি-করে কেন খীম ;
মনে হয় যেন, মেঘে লীলায়িত, অঞ্চলে বুক ঢাকা ॥

* *

১৫

অবিনীত নারী সেবিত কুঞ্জ,—তাজিয়া কাঞ্চীপুরে ;
বিহগ-কুলের কলকল হবে, আকুল কাবেরী যেও ।
প্রিয়তমা হতে স্মৃথ-পরশন, চঞ্জিকা থাকে দূরে ;
এমন স্বচ্ছ অতি লঘু জল, ভিখারীর চেয়ে সে-ও ॥

* *

১৭

লীলা-নদী-সম কাবেরীর সেই, গতিবেগে কটি-মিতে ;
দক্ষিণা-পথে তরুণীরা যদি, লীলা-কেলি করে জলে ।
লহরী তুলিয়া হারে তাহাদের, স্তন-পরিসরে দিতে ;
কুন্দ-ধবল বিন্দুতে তার, স্বজিও মুক্তা-কলে ॥

১৮

অতিক্রম কত পাষণে রচিত, স্নিগ্ধ শ্যামল গিরি
বর্জিত যেন ধরা কেশ-জাল, হেরিও মালাবানে ।
নির্ঝর-জলে আজিও যেথায়, জর্জর দেহ ধরি ;
গম্ভীর-শোকে স্মৃতিছে রামের, বিগত অক্ষবাণে ॥

১৯

সবল-পাদপে ঘেরা উপাস্ত, রমণীয় সরোবর ;
মাণ্ডকর্ণি-নিশ্চিত সেই, ইন্দ্রের তাপহারী ।
আজিও যেথায় দেব-তরুণীর, সঙ্গীত মনোহর,
উপগতরাগ মৃগ-দলে করে, উৎকর্ষিত ভারি ॥

* *

২১

জনপদ-বধু-স্নানে বিহ্বল, গোদাবরী নদীতীরে ;
ছাড়িয়া অঙ্ক প্রবেশিবে তুমি, কলিঙ্গের রাজপুর ।
সন্তোষ-শেষে মুকুল-নয়না, বারনারী তরে ধীরে ;
কেলি-বাতায়নে পশিও তথায় করিবারে গানি দূর ॥

২২

বীচি-বিক্ষোভে রচিত অনেক, সোপানের শ্রেণীরেখা ;
ফল-ভারে নত পূগ-বনে ঘেরা, জলধির তীরে যাবে ।
গীতিকা-মুখর সিদ্ধনারীর, মিলিবে সেখানে মেখা ;
তাল অলুকারী রচিও শব্দ, স্মৃতি-স্মৃতে তারা গাবে ॥

* *

২৪

বিছোর সাহু-প্রণয়ে অধীর, উন্নত তরু-শিবে ;
বিহগ-কাকলি-মুগ্ধরিত বন, বিচর রম্য রসে ।
অভিমনে ভরা ভিল্ল-রমণী, নির্জনে যথা ধীরে ;
দয়িত-কণ্ঠে করে বাহুদান, বৃহৎ ভীতিবশে ॥

২৫

খেচ্ছা-লীলার রসিকা শবরী, কুঞ্জে করিছে স্নান ;
নবশুক-প্রায় শ্যাম-বেণু-বনে, যাইবে সে রেবাতটে ।
লৌকিক-ভূমে প্রোঢ়া নারীর, লীলায়িত অভিমান ;
মনে করে বুঝা বুঝি এই ভান, কেলির বিঘ্ন বটে ॥



দিল্লীর লালকেল্লায় শ্রী আর. এন. আগরওয়ালার নিকট হইতে ইউনেস্কো কনফারেন্সের
ভাইস প্রেসিডেন্ট ডাঃ হাইঞ্জ ফন ট্রয়েশলাবের মানপত্র গ্রহণ



সংবর্ধনা অর্হুঠানে সমাগত প্রতিনিধিবৃন্দের একাংশ



সখী-সংগাথ
[কোঠা—ত্ৰিমাণিকধৰ সিংহ



‘কানে কানে’
[কোঠা—ত্ৰিমাণিকধৰ সিংহ

২৬

কেবলী-নারী রতি-লীলা যদি, নয়নে হেরিতে চাও ;
পশিয়া স্বরায় যযাতির সেই, খ্যাতিময় রাজধানী ।
অল্পেষে ভবা, পূগতরু ঘেরা তাম্বলী-বনে যাও ;
শিখাইছে তারা বালিকায় যথা, প্রিয়-রস্তনখানি ॥

* *
* *

২৯

গমনে তোমার কৈলাস-পথে, হেরিবে সে হিমাচলে ;
চারু অভিরাম নগর সেখায়, মহেশের প্রিয় ধাম ।
ছলে যথাকৃত প্রিয় নগ-লেখা, অঙ্কিত কুচে গলে ;
দরিতের ভূষা শশিকলা ভূলে, বাবনারী যহে কাম ॥

৩০

নমিয়া চলিও ভাগীরথী-তীরে, বধুকুল গুরুদেবে ;
রমণীয় দেহে মিলিত অতুল, অঙ্কনাদৌশ্বর ।
রমণের প্রেমে জাত অভিমান, ভুলিয়া বাহারা সেবে ;
হেরিবে তথায় জগতা-শোভন, প্রৌঢ়ের সমাদর ॥

৩১

মন্দাকিনীর অস্তর-ভরা, রম্যা সে ভূমি-ধারে ;
শ্রীবল্লালের কীর্তি স্মরণ, সেবিবে বাধ সেতুর ।
স্বর্গনদীর স্নানে সমাকুল, অগণিত জন-ভারে ;
মনে হয় যেন অমর নগর, দুই ভাগে ভবপুর ॥

৩২

ফেনের গুচ্ছে রচিত মকর, বীচি করে বহি শিয়ে ;
পরিসর-শোভা মরালের দলে, কর্ণ-ভূষণ করি ।
উদ্ধত-বেশে ধরিবারে কেশ, প্রেম-লালসায় ধীরে ;
প্রিয়-জলধিতে ছুটিছে গঙ্গা, সেবিবে তারারে বরি ॥

৩৩

জল-কেলি-তয়ে স্কন্ধ-রমণী, সবসে পশিলে তায় ;
স্বন-মৃগ-মদ কালিত তাদের গঙ্গায় বীচি-ঘাতে ।
শ্যামলিমা পুনঃ ধরিয়া যমুনা, যে দেশে বহিয়া যায় ;
অগৎ-পাবন যাইবে সে দেশে, ভকতির নতি-পাতে ॥

৩৪

প্রকৃতি-কুটিল গমনে বক্র, প্রবাহে চিত্তরীতি ;
মন্দাকিনীর স্রষ্টারে জগ্ন, নিরবি যমুনা-জল ।
মুক্ত-খোলস কাল-ভ্রঙ্গীর, শঙ্কায় জাত ভীতি ;
ক্রম কাতর করিছে সকল, কিবা তোমাঞ্জনে বল ॥

৩৫

লীলাবতী নারী মিলিয়া স্তথায়, কেলি করে সদা জলে ;
লহরী তুলিয়া রচিবে তাদের, বৃকের বসনে চ্যুতি ।
মাঝে তাহাদের রতি-দরশনে, সদা ব্যাকুল দলে ;
লীলা-সুচিকণ হসিত আনিবে, প্রাবরণে অন্তর্ভূতি ॥

৩৬

বিজয়-নগর স্বধাবারের, উন্নত রাজধানী ;
ভুবন-বিজয়ী সে মহারাজার, দেখিয়া-চলিবে ধীরে ।
তোমা সম সেই চতুর কপট, গঙ্গায় বায়ু জানি ;
সন্তোগ-শেবে পুর-রমণীর, শাস্তি বিতরে তীরে ॥

৩৭

কেলি-কুতূহলে পঙ্কজসম, বল্লভ-কর-তটে ;
পরশে তাহারা পুলক-মুকুলা, সুন্দর জ্রুশোভায় ।
নির্জনে তার কোনরূপে করে, উন্নীত হৃদপটে ;
সৌধের চূড়া যথা লীন প্রায়, কাঠের পুতুলী গায় ॥

৩৮

পুরনারী যত, প্রাক্ষণে রোপে, ক্রমুক বৃক্ষকুলে,
স্নিগ্ধ-নিশির রমণ-মগিতে, বাধা তার আলবাল ।
অযতনে সেথা উপজাত জলে, সিন্ধু নিশীথে মূলে,
পুর-রমণীর সিকন-লোভে, যাপে না তাহারা কাল ॥

৩৯

ভাগীরথী-রাগে প্রকৃতি বিমল, নৃপকরে প্রপালিত
স্বরগ ধরায় উপজাত ভয়ে, যথা ভীত পুরজন ।
প্রণয়-কলহে রুচ কোপে ভরা, ক্রকুটিতে পরিচিত ;
ভীষণবদনা ললনা হইতে, সদা তারা ভীত মন ॥

৪০

কান হতে টানি নয়ন-কাজলে, আঁকিয়া মরমলেখা ;
তালীর পক্ষে মৃগাল-সুত্রে, বাঁধিয়া সে লিপিখানি ।
যেথা ললনার অধর-কান্তি, সিন্ধুরে রুচি-বেথা ;
তাপের শোধন করিলে প্রেরণ, প্রিয়তবে প্রেম মানি ॥

* *

৪২

কুঙ্কম-রাগে রক্ত অধর, কুচ-ভারে নত প্রায় ;
মদনের বাণে তপ্ত হৃদয়, ব্যাদনে আন্দোলিত ।
কেলি-সুসঙ্গিক সুন্দরী যত, নির্জল বাপিকার ;
মালতীর দামে জ্যোছনা নিশীথে সুবজনে তোষে কত ॥

৪৩

বল্লভ তরে ভ্রমণে ব্যাকুল, নিবিড় অন্ধকারে ;
পুরু-ললনার চরণ-গলিত, লাক্ষার রাগ-বেথা ।
রক্তাশোকের স্তবকে ললিত, তপনের দ্ব্যতি-ভারে ;
রজনী-বিগমে নাহি যায় যেথা, পুর-পথে কহু দেখা ॥

৪৪

মরকত-আর মুকুতা বতন, মিলিয়া ইন্দ্রনীলে,
প্রবালে শঙ্খ রচিত বলয়, যথা যুব-ললনার ।
বৃহন্নীর গভূষে প্রায়, নিঃশেষ সে সলিলে ;
রমণীয় রূপ করিয়াছে মান, স্তললিত শোভা যায় ॥

৪৫

মুখরতা-হীন মরকত দলে, রচিত কণ্ঠহারে ;
মৃগ-মদে কালো পিচ্ছিল কুচে, যেখানে রমণীদল ।
মদন-অনলে দীপ্ত করিয়া, চিত্ত স্নেহের ভারে ;
ঘন তমসায় চলিছে ছুটিয়া, প্রিয়তম-গৃহতল ॥

৪৬

আয়তলোচনা যতনে বহিয়া, অবিনয় লিপিকানি ;
বাহিরিল যেথা ফালন করিতে, সহসা হৃদয়-ভার ।
চরণে প্রণত দয়িতে হেরিয়া, মিলনে বাসনা মানি ;
কাজলে শ্যামল অক্ষবিন্দু, ত্যজিছে মানিনী তার ॥

* *

৪৮

ত্রিদশ-যুবতী-বিজয়ে চতুর, মদনের সেনা যথা ;
আহ্লাদ-ভরে বোম-কাস্তারে, শিথিয়া স্তম্ভপ্রায়ণ ।
মনসিজ-গুরু আগমনে তব, কত মৃগমুগী তথা ;
উজান-দোলা বিলাস চাতুরী, দেখায় মূর্তিমান ॥

* *

৫০

কেলি-বিলসিত প্রাসাদ-শিখরে, নিশীথে যুবতী যত ;
প্রণয়-কলহে বহে অভিমান, বুধা চারু প্রিয় ভাষা ।
শিরের ভূষণ কুবলয়-মালা, বোষে প্রহরণে রত ;
চাত মালিকায় ব্যাখিত ইন্দু, করে সদা দানে লাস ॥

* *

* *

৫৩

যাইবে চলিয়া তুমি তার পর, রমণীয় রাজ-বাসে ;
দেখিবে সেখায় সপ্ত কক্ষে, শোভিত সে রাজপুর ।
পুঞ্জিত-ধরা-সম ভবনের, শিখরে অদ্রিলাসে ;
শ্রান্ত জলদ বিতরে চপলা, পতাকায় ভরপুর ॥

৫৪

দেখিবে পশিয়া স্নিগ্ধ শ্যামল, জ্যাবিত ইন্দ্রনীলে ;
অবনী-নারীর যোমরাজি প্রায়, বিরচিত বাপীশোভে ।
তীরে লীলাগতি অতি যুবতীর, বিহরণে প্রীতি মিলে ;
মনে হয় যেন দীক্ষা তাদের, হংস প্রদানে লোভে ॥

৫৫

মদনের প্রায় রূপের বিভায়, রাজাসনে উপনীত ;
সেবিবে সে দেবে ব্যাখিত সময়, চামরের সহবাসে ।
হুর্কার গতি স্নিগ্ধ দীপ্ত, অসি যাব চমকিত ;
রণে বিপু বধু-লোচনে জনের, পরাভব আনে ত্রাসে ॥

* *

৫৭

সেন-পরিবারে এই সে নৃপতি, হেন ত্রাসে কুতূহলে ;
মৃগাল-লতিকাসম ভুজে রাগি, ফুল কমলানন ।
বঙ্কিম গীবা পূবনারী যত, নেত্র-কমল-দলে ;
অরি নগরীর অবরোধে যায়—দানিছে দৃষ্টি মন ॥

৫৮

ক্রীড়ানিকেতনে অতি পুরাতন, দয়িতের প্রতিকৃতি ;
ধারণ করিয়া চিত্তের প্রায়, বিহরণে কলনাদে ।
রুদ্ধবেদন অরাতি নগরী, অপনীত প্রায় প্রীতি ;
সৌধের গায় জাত ভূগুহলে, অলক বহিয়া কাঁদে ॥

৫৯

ক্রীড়া-রোষ-বশে শোভনা রমণী, হননীয় প্রিয় জনে ;
তাজিয়া পলায় পুলকে মজিয়া, বহিয়া ব্যাখিত মন ।
পাহাড়ের পথে ভ্রমিতেছ কেন ! ক্রুর কুশে ভরা বনে ;
অরি নগরীর সারিকারা প্রায়, হেন করে বিলপন ॥

৬০

হেন কালে যদি কখনো সে রাজা, বাসরের সীমামূলে ;
শক্তির চাপে অতিবাহ করে, স্মরণে অস্তরায় ।
প্রার্থনা মম তখনো পবন ! বলিবে না তারে ভুলে ;
কার্য-ব্যস্ত-হৃদয়ে বিলাস, বিয়াম নাহি গো চায় ॥

৬১

শুভ অবসর গনি তার পর, নির্জনে কাশীনাথে ;
বিনয়ে চতুর, নম্র শোভন ! কথা তব আরভিবে ।
অবকাশে চির প্রণয়ীজনের, কার্য অক্ল সাথে ;
সক্ষম যদি লভিতে সিদ্ধি, নাহি কথা পার্থিবে ॥

৬২

চন্দন-গিবি-শিখরে যে বাস, কোন উপদেবতার ;
কুবলয়বতী নামে তথা এক, আছে নারী মনোরম ।
মলয় পবন বলিয়া আমার, জানিও দূতটি তার ;
বিবহ-বিধুর কামী-যুগলের, মিলনে যে অল্পম ।

৬৩

অতি বেগে দেব ! দক্ষিণা-পথে জিনিয়া নৃপতিকুল ;
ফিরিলে হরিয়া চিত্ত তাহার, মলয়ের সাহুদেশে ।
দূরে গেলে শ্রিয় বৃথা পরিবেদ, হেন বাধা দৃঢ়মূল ;
বাষ্পীয়-গীড়া দরশন-পথ, রোধিল সহসা এসে ।

৬৪

কৌতুক-বশে আয়ত-নয়ন, উন্নত শ্রীবা তার ;
হরষে, আশায় ভূমে নিবোধিয়া, চরণের পুরোভাগ ।
মৌধ-শিখরে বসিয়া শোভনা, কি যেন হেরিতে চার ;
সমীপে তোমার গমনে ব্যগ্র, বোধিয়া অশ্রুমাগ ।

৬৫

কুবলয়বতী যুগ-নয়নার, নয়নের পথে যবে ;
পড়ে ছিলে তুমি নয়নানন্দ ! ললনার প্রিয়তম ।
জানি আমি সেই হতে সে রমণী, সস্তাপ-পরিভবে ;
রমণীয় রূপ করে না কখনো প্রত্যয়ে মনোরম ।

৬৬

মৃষ্টি পরিধি করি হ'ত বিধি, পড়িয়াছে কটি তার ;
মনে হয় বালা কুমুম-আয়ুধে, কাম্বুক তরে গড়া ।
শোন নররাজ ! কঠিন-বিবহে, বহিয়া সে কুশকায় ;
মৌক্ষীর প্রায় এখনি শোভনা, আহা ! কি কালিমা-ভরা ।

৬৭

বলহে স্তরলে ! হৃদয়ে তোমার, হেরিছ সত্তত যাবে ;
কেবা সে কাস্ত ? যতনে সগীরা, শুধাইছে হেন যত ।
নিঃস্বাসে ত্যজি চিত্তিত কামে, কোনরূপে তেরিবারে ;
বোধিয়া অশ্রুভিত্তি-ফলকে, দৃষ্টি হানিছে কত ।

৬৮

কর্ণে ভ্রষ্ট তালীর পক্ষে হেরি শ্রিয় ললনার ;
তোমাতে জড়িত প্রেমলিপি ভ্রম, ধরে সে বাঁলিকা মূল ।
বারতা তোমার ক্রীড়াশুকগণে, জিজ্ঞাসে অনিবার ;
গাঢ় অতিভূত অর্ঘ্য ভাব, কোথায় গনে বা কুল ।

৬৯

নয়নে হেবে না, কর্ণভূষণ, উৎপলে সदा বোধ ;
কাস্ত বলিয়া বাহু-লতিকায়, মালিকা নাহি সে পরে ।
তাপের দীপন বলিয়া কমলে, উদবেগে ভাবে দোষ ;
মীলিত নয়নে হৃদয়ে সখীর, পবশনে ভ্রম করে ।

৭০

সদস-কুমুম কল্পতরুর, প্রান্তে বামিনী যাপে ;
শুক পক্ষে শফরী-সীতার, করে ভয়ে বিনিগম ।
নয়ন-নলিনে নলিনীর প্রায়, বহে ধারা সदा তাপে ;
মনে হয় বালা কোন রূপে দিবা, করে পুনঃ অতিগম ।

৭১

হিমময় জলে শমনীয় নয়, অস্তরে হেন জলে ;
চন্দন-রেণু-প্রবাহে সে তাপ, সাধনীয় কহু নয় ।
তোমা হতে বালা লভিয়া এ জালা, নিন্দে মদনে চলে ;
স্বস্ত যদিও সমতা মুগ্ধ, বিবহে কে কবে সয় ।

৭২

লীলা-বনবাসে পোষে মনে ঘেষ, চন্দনে বাধা আনে ;
সংস-নলিনী-বৃন্ত-সমীবে, করে সदा অনাদর ।
বিবহে তোমার কোন রূপে তাতে, রাখিয়াছে বালা প্রাণে ;
মূর্ছা-বিগমে সখী অভিমত, বিধি-দশা হেন তার ।

৭৩

চন্দ্রমা হেরি করে সदा ঘেষ, কেশে নাহি ধরে করে ;
দূরে ফেলে হার, মলয়জ-রসে, নিন্দনে পরিতোষ ।
বলিতে তোমার দশাটি হে দেব ! কিছু বালা-প্ৰীতি-তরে ;
উদবেগ-ভবে বাসর কাটায়, স্মরিয়া কবিতা-কোষ ।

৭৪

প্রথমে তাহার বোধিয়া পল্ল, ছুটিল অশ্রুমাশি ;
নয়নের পথে উদিল স্বরায়, চুমিতে গণ্ডদেশ ।
ওষ্ঠ অধর পানিয়া কণ্ঠে, ঝরিল সহসা আসি ;
বিবহে তোমার কুচকোলে তার ; শয়নে কি নহে শেষ ।

৭৫

বিবহে তোমার মদন-বহি প্রথাসে প্রদীপিত ;
করে নাই আয়ো যুগ-নয়নার, ভয় সে মেহখানি ।
জানি আমি দেব ! ছোনি সম ত্যায়, নয়নে তা প্রভাবিত ;
অথবা সত্তত মনোগত তব শৈল্য-প্রভাবে মানি ।

৭৬

শাস্তির কোলে ষামিনী যখন, ঈষৎ মুদিয়া আঁখি ;—
গাঢ় অমুরাগে স্বপনে তোমায়, লভি বালা কোন রূপে ।
স্বীয় তনুখানি করে আশ্রয়, পবে জাগরণে থাকি ;
সখী-মুখপানে লজ্জা-চপল, মুখানি সে আনে চূপে ॥

৭৭

চাদিমা হইতে রমণীয় উপবন-ভূমে, বালা দ্বেষে ;
সখীসনে কভু করে না আলাপ, 'অধোমুখে সদা' বয় ।
মদনের বাণে রাখিতে জীবন, নিয়ত সে দীন বেশে ;
হৃদয়ে ধরিছে চিত্র-ফলক, তব প্রতি শোভাময় ॥

৭৮

হৃদি নে ভরা চাদিমার মত, নয়নে অশ্রু বহে ;
প্রস্থানে করে বকুলগন্ধ আশ্রয়ে, কত আশ ।
অলি-গুঞ্জে শবণে লোলুপ, মুর্ছার বাধা সহে ;
করণা-কাতর কেন হে তাহার, নিয়তি সে দশাবাস ॥

৭৯

চিত্তের ভাব করণায় ভরা, বিরহে সদা বিরাগ ;
কুসুম-বিশিখে রোযপবন, নিয়ত সে নিজে ঘুণে ।
এইরূপে স্বীয় বেশে রহি দেন, আশ্রয়ে ধরি রাগ ;
তোমাতে নিতৃত স্থির নিবেশিতভাবে আনে, দীনা ঋণে ॥

৮০

সখী-জনে ছিল প্রেম-রমণীয়, পুরাতন কথা যত ;
অতি দয়ালীন তোমা সনে দেব ! মিলনের আশা নাই ।
চিন্তা তাহার বিরহ-জনিত, ভূলাইয়া অবিরত ;
মুর্ছা কেবল জীবনের তরে, সত্তত হেরিতে পাই ॥

*

*

৮২

ক্লেশবশে তের চলে যায় স্ববা, হিমঝতু তব দূরে ;
সমাগত তায় মলয়-লহরী, করে না সে উপভোগ ।
কোকিলের কেলি-কল-চঞ্চল, মধু-স্নহু হেরি পুরে ;
বলহে শোভন ! কি আছে তাহার, জীবনে বক্ষাযোগ ॥

৮৩

তবু বারে বার প্রবেশিছে মন, নিদারুণ কামানলে ;
অশরীরী ঐ বিরহ-জালায়, জ্বলিছে হৃদয় তার ।
কমলের প্রায় নয়ন-যুগল, ভাসিছে অশ্রু-জলে ;
পাণ্ডুর-ক্ষাম কুপণ কপোল, বহিছে ভ্রম-ভার ॥

৮৪

ধরা বলয়ের বনিতায় লোভী, শোন শোন নবরাজ ;
তোমা হতে হোক চাকনয়নার, আশা-জাল প্রেম-জাল ।
কষ্টের চেয়ে কষ্ট তার এই, নয়নে দানিয়া লাজ ;
সঙ্কটে বহি স্বপনের দূত, নিদ্রা ষাপে না কাল ॥

*

*

৮৬

সমরিয়া তোমার বদন-কমল, কাতরে ভাসিয়া রসে ;
জ্যোছনা-পরশে চাদিমায় করে, ভৎসনা অনিবার ।
বিবুধ-বৈভোর করে কত দ্বেষ, স্তম্ভর ! রূপবশে ;
হেন প্রায় তব মনীষা কাতর, মরণ নিকটে যার ॥

৮৭

বিরাগিতা বশে অসিতনয়না, হেমতালী-দলে ত্যজি ;
স্বভাবে সুরূপ রমণীয় সেই, কর্ণের ভূষা পবে ।
শরীরে তাহার কি জানি সহসা, দুর্বল ভাবে মজি ;
কাম্যকে গুণ মদনের প্রায়, ভয়ে ভূষা পরিহরে ॥

*

*

৮৯

বতনে অশ্রু করি প্রতিবোধ, হেরে লীলা উপবন ;
চন্দনে কাষ করিয়া শীতল, জ্যোছনা মাগিতে ধায় ।
সমীবে সেবিত্তে ক্রীড়াবাপিকার, ব্যাকুলিত সদা মন ;
দম্বিত-বিরহে সাহসে রমণী, কিনা আচরিতে চায় ॥

*

*

৯১

ক্ষীণ তাপে প্রায় শরীর শীতল, নয়নে অশ্রু নাই ;
স্তিমিত তাহার অঙ্গের রাগ ক্রমে হেরি কৃশতায় ।
বিরহজনিত রোগরাশি যত, শাস্ত এহেন তাই ;
বন্ধিত স্বাস যুগনয়নার, সুখের অন্তরায় ॥

৯২

লীলা-নিকেতনে কোকিল-কাকলি, পঞ্চমে তারে পীড়ে ;
কেলি-বাতায়নে মলয়-পবনে, সহে দেহে কত ক্লেশ ।
মিলিত-চরণে কাতর-নয়না, চলিতে পারে না ধীরে,
পীড়িতের প্রীতি-তরে ত্রিভুবনে, নাই যে সতালেশ ॥

*

*

৯৪

মদন-অনলে দক্ষ দেহেব, স্তন-পরিসরে তার ;
সচ-লিপ্ত চন্দন-রস, দীপ্ত দহনে শোষে ।
বচনে কি কাজ ? হুলভ জনে, অমুগত চিত্ত যার ;
কুবলয়-প্রায় নয়নার সেই, জীবন তোমায়ে জোষে ॥

৯৫

হেন রূপে কথা, সমাপিলে প্রায়-মগ্ধ বসুধায় ;
গাঢ় আল্পেষে প্রণয়ে তোমায়, জানাইবে আবাহন ।
স্নিগ্ধ করণ বচনে ষথন, পাষণো গলিয়া যায় ;
প্রকৃতি-সরস চিত্ত যাঁহার, বাচ্য নহে সে জন ।

৯৬

বিনয়ে পবন ! অঞ্জলি কিছু, মস্তকে ধরি তবে ;
নির্জনে তুমি বচনে আমার, বলিবে সে নরবরে ।
তোমা হতে সেও অবহিত মনে, শুনিবে তা প্রিয় সবে ।
দয়িতার প্রিয় বচনে দয়িতে, সুধার লহরী বরে ॥

৯৭

পার্শ্বে অগ্রে পিছনেও দেব ! দেখাইয়া রূপ স্বীয় ;
তুলনীয় তুমি নারায়ণ সনে, জগতের কৃতিমান ।
ভকতি পূবিত চিত্ত আমার, নাহি কেন দয়া প্রিয় !
নারায়ণ ছাড়া কে পারে রচিত শরীরী মূর্তিমান ॥

*

৯৯

গিবিতনয়ার পরিণয়কালে, ত্রিপুর-বিজয়ী যবে ;
নব কামরূপে সৃষ্টিয়াছে তোমা, রমণীয় মনোরম ।
দূর হতে হোক প্রণয়ে মুখের প্রেমের ঐশ্ব তবে ;
কি যেন পুণ্য পরশে তোমার সেবায় হে প্রিয়তম ?

১০০

হৃদয়ে রেখেছে চিরজীবী কোন, বার্তাটি হেন মম ;
তোমাতে রচিত অঙ্গ-লালসে, পুনঃ কিবা প্রয়োজন ।
পরহিতে সদা প্রবণ-চিত্তে, মহাজন তোমা সম ;
পারে না সহিতে অশ্রুপূর্ণ, কাতরের নিবেদন ॥

১০১

স্বর্ণ-দস্ত হেমময়-হার, চামর দস্তী-দলে ;
ভারতীর মহামন্ত্র কাব্য রচিয়া যে প্রমোহন ।
গৌড়ের পতি করে লভিয়াছে, ত্রীধোয়ীক জ্ঞানবলে ;
মহা-কবিরাজ চক্রবর্তী, বরণীয় মহামন ॥

১০২

গঙ্গার শুচিতট-পরিসরে, স্বজনে মিলিত বাস ;
কুণ্ডীন-রীতি কবিগণ-মুখে, স্নিগ্ধ ভোগ্য-ভূতি ।
সজ্জনে স্নেহ, রাজ্য-সভায় কবিতার প্রবিকাশ ;
লভিয়া বিফুপদে হোক মম, পরকালে অল্পভূতি ॥

১০৩

যে অবধি শিব বহিবেন দেহে, অন্ধনারীখর ;
যে অবধি কাম ধরবেন করে, কুমুমের জয়ধর ।
কদমের তরু যে অবধি, বাধা-রমণের কেলিধর ;
ততকাল কবি বাজেরকাব্য, বিলাসে বহিবে তরু ॥

১০৪

লভিয়াছি তাই পরম কীৰ্ত্তি, কোবিদের পরিষদে ;
নৃপতি-প্রিয় অমৃত-বর্ষী, রচিয়া বাস্যজাল ।
মন্দাকিনীর তীরে কোথা কোন, শৈলের উপপদে ;
ব্রহ্ম-সাধনে সমাধি রচিয়া, বাপিতে চাহি একাল ॥



সুভাষিত সাহিত্যে সৃষ্টিমুক্তাবলী

শ্রীদুর্গামোহন ভট্টাচার্য

সৃষ্টি, সৃষ্টি আর সুভাষিত তিনটিই সমার্থক শব্দ। এর অর্থ উৎকৃষ্ট বচন। জলহণের 'সৃষ্টিমুক্তাবলী' সংস্কৃত ভাষার উৎকৃষ্ট বচনের সংগ্রহ গ্রন্থ। গ্রন্থের আরম্ভেই আছে—

“যদি কেউ অনায়াসে সাহিত্যবিচার সার আন্বাদন করতে চাও, তবে জলহণ-কৃত সৃষ্টিমুক্তাবলীর অনুশীলন কর। অসুরীয়ক, কেয়ুর, কণ্ঠহার বা কক্ষণ—কোন অলঙ্কারই বিদ্বান্ ব্যক্তির তেমন শোভা বাড়াতে পারে না, যেমন পারে কণ্ঠগতা সৃষ্টিমুক্তাবলী।

সাহিত্যবিজ্ঞানদয়ঃ জ্ঞাতুমিচ্ছসি তৎ সুখম্।

তৎ পশু জলহণকৃতাং সৃষ্টিমুক্তাবলীমিমাংসাম্।।

নাঙ্গুলীঠৈর্ন কেয়ুরৈর্ন গৈবেইয়ৈর্ন কক্ষণৈঃ।

তথা ভাতি যথা বিদ্বান্ কণ্ঠসঙ্গতয়ানয়া।।

সত্যই 'সৃষ্টিমুক্তাবলী' সুভাষিত কবিতার উপাদেয় সঙ্কলন।

দীর্ঘ রত্নহারের সবাঙ্গে উত্তমত বিচলিত হীরকখণ্ডের মত বিশাল সংস্কৃত সাহিত্যের নানা গ্রন্থে শত শত সুভাষিত ছড়িয়ে আছে। তা ছাড়া, বিচ্ছিন্ন অথচ স্বয়ংসম্পূর্ণ সুভাষিতের সংখ্যা সংস্কৃত ভাষায় অগণ্য। অনেক শক্তিমান কবি কোন স্মবন্ধ গ্রন্থ রচনা না করেও ভিন্ন ভিন্ন বস্তু, ভিন্ন ভিন্ন বিষয় অবলম্বনে নানা রসের, নানা ভাবের মনোহর শ্লোক লিখে গেছেন। এগুলি যুগ যুগ ধরে উপদেশপরম্পরায় কাব্যমোদী সহৃদয়গণের মুখে মুখে রক্ষিত হয়ে আসছিল।

সৃষ্টি-সৌন্দর্যমুগ্ধ কোন সাহিত্যরসিক মনীষী সর্বপ্রথম সুভাষিত সঙ্কলনে প্রবৃত্ত হলেন, তা আজ আর জানবার উপায় নেই। যে কথানি সুভাষিত গ্রন্থ আমাদের হাতে এসে পৌঁছেছে তার কোনখানিই খুব পুরাতন যুগের নয়। এর মধ্যে 'কবীন্দ্রবচনসমুচ্চয়' প্রাচীনতম সঙ্কলন বলে গণ্য হয়, কারণ খ্রীষ্টীয় দশম শতকের পরে রচিত কোন কবিতা এতে সংগৃহীত হয় নি। এর পর কাশ্মীর দেশে বল্লভদেবের 'সুভাষিতাবলী' রূপ পরিগ্রহ করে। কিন্তু কালে কালে এ গ্রন্থে পরবর্তী কবিদের রচনাও সংযোজিত হয়েছে। একাদশ শতকের প্রথম দিকে লক্ষণসেনের সময়ে বাঙালী শ্রীধরদাস 'সৃষ্টিকর্ণামৃত' নামে আর একখানি সুভাষিত গ্রন্থ সঙ্কলন করেন। জলহণের 'সৃষ্টিমুক্তাবলী' আরও পরে ১২৫৮ খ্রীষ্টাব্দে সঙ্কলিত হয়।

এ সকল গ্রন্থে আছে বড় বড় কবির রচিত কাব্যের ভাল ভাল শ্লোক, আর আছে অখ্যাত অজ্ঞাত কবিদের স্নিগ্ধমধুর সরস বচন। এ প্রকৃতির সুভাষিতের একনাম উদ্ভট কবিতা। উদ্ভট শব্দের রূপান্তর উদ্ভট, অর্থ উদ্ভূত। বিশ্বপ্রকৃতির সমৃদ্ধি বর্ণনে মনুষ্যচরিত্রের বৈচিত্র্য চিত্রণে জীবনযাত্রার সুখ-দুঃখ উপস্থাপনে এ সব কবিতার হৃদয়গ্রাহিতা অতুলনীয়। কোন কোন কবিতা বক্রোক্তির চাতুর্যে আর বাঞ্জনার মাপুর্যে বিদ্বৎসমাজে এতই খ্যাতিলাভ করেছিল যে, সংকাব্যের উদাহরণ-স্বরূপ একাধিক আনন্দকারিক আপন আপন গ্রন্থে একই কবিতা সমান আদরে উদ্ধৃত করেছেন।

দুর্দর্শী সঙ্কলিতারা এসব দুর্লভ কবিতা কালের কবল থেকে রক্ষা করে সংস্কৃত কাব্যের নিভৃত ভাণ্ডারের এক অসামান্য প্রাচুর্যের সন্ধান দিয়েছেন, আর সংস্কৃত সাহিত্যের অতীত ইতিহাসের ক্রোড়বিলীন নানা তথ্যের উদ্ঘাটন করেছেন। প্রাচীন কবিদের রচিত সমস্ত সুভাষিতই যে এঁরা সংগ্রহ করতে পেরেছেন, এমন সম্ভব নয়। হয়ত কত সূক্ষ্ম উদ্ভট কবিতা সঙ্কলন থেকে বাদ পড়েছে। যা সঙ্কলিত হয়েছে, তাতেও অনেক ক্ষেত্রে কবির নাম পাওয়া যায় নি, কোন ক্ষেত্রে বা একের স্থলে অপরের নাম আরোপিত হয়েছে। একই কবিতার রচয়িতা বিভিন্ন সঙ্কলন গ্রন্থে বিভিন্ন নামে উল্লিখিত হয়েছেন এমন দৃষ্টান্তও বিরল নয়। সৃষ্টিমুক্তাবলীকার জলহণও কোন কোন স্থলে বিভ্রান্তির হাত এড়াতে পারেন নি।

জলহণের সম্পূর্ণ নাম ভগদত্ত জলহণ। কাশ্মীরী কবি কলহণ, বিলহণ, শিলহণের সঙ্গে খানিকটা নামসাম্য থাকলেও জলহণ ছিলেন দাক্ষিণাত্যের অধিবাসী, মহারাষ্ট্র প্রদেশের দেবগিরি রাজ্যে যাদববংশীয় রাজা কৃষ্ণদেবের পদস্থ কর্মচারী। জলহণের পিতৃপিতামহ বংশপরম্পরায় রাজ্যের হস্তিবাহিনীপতির পদ অধিকার করে এসেছেন। পিতা লক্ষ্মদেব মঙ্গলায় আর নীতিকৌশলে বৃহস্পতির তুল্য ছিলেন। জলহণের উপরও হস্তিবাহিনীর ভার অর্পিত ছিল। তাঁর কর্মকালে রাজা কৃষ্ণদেব আর রাজদ্রাতা মহাদেবের আশ্রয়ে যাদবরাজসভা একটা মহনীয় সংস্কৃতির পরিবেশে উজ্জ্বল হয়ে উঠেছিল। বিখ্যাত নিবন্ধকার হেমাদ্রি, মহাপণ্ডিত

বোপদেব প্রভৃতি বিশিষ্ট বিদ্বজ্জনের সমাবেশে দেবগিরি তখন পরম সমৃদ্ধ।

জলহণ যে সৃষ্টিমুক্তাবলীর গ্রন্থকার সে কথা গ্রন্থের আরম্ভে আর অবসানে স্পষ্ট ভাষায়ই ঘোষিত আছে। তিনি একশত তেত্রিশটি প্রকরণে এই গ্রন্থ রচনা করেছেন—

হরীশয়োস্ত্রয়ান্ত্রংশংপদ্ধতৌনামিদং শতম্।

সৃষ্টিমুক্তাবলী সেয়ং জলহণেন ব্যরচ্যত ॥

কিন্তু পদ্মসঙ্কলনের কাজে ভানু নামে একজন কাব্য-নিপুণ বৈদ্য জলহণের সাহচর্য করেছিলেন বলে মনে হয়। সৃষ্টিমুক্তাবলীতে ভানুকবির প্রভাব সুস্পষ্ট। তাঁর রচিত অনেক কবিতা এ গ্রন্থে একটা বিশিষ্ট স্থান অধিকার করে আছে। এমনকি, গ্রন্থের মধ্যেই এমন কথাও স্থান পেয়েছে যে, কুম্ভরাজের শাসনকালে ১১৭৯ শকাব্দের চৈত্র মাসে বৈদ্যজীবী ভানুকবিই জলহণের জন্ম সৃষ্টিমুক্তাবলী সঙ্কলন সম্পূর্ণ করেন।

শাকেহক্ষ্যাদীশ্বরপারমিত্তে বৎসরে পিঙ্গলাখ্যে
চৈত্রে মাসে প্রতিপদি তিথৌ বাসরে সপ্তসপ্তেঃ।
পৃথীং শাসত্যতুল্যমহসা যাদবে কুম্ভরাজে
জলহণ্যার্থে ব্যরচি ভিষজা ভানুনা সেয়মিষ্টা ॥

খুব সম্ভব, কর্মাস্তুরতৎপর জলহণ শ্রমসাধ্য শ্লোকসংগ্রহের কাজে বৈদ্য ভানুর উপরই বেশির ভাগ নির্ভর করেছিলেন। সৃষ্টিমুক্তাবলীর প্রকৃত গ্রন্থকার যিনিই হন, গ্রন্থখানি জলহণের নামেই পরিচিত।

সৃষ্টিমুক্তাবলীর সৃষ্টিগুলি স্ততি-আশীর্বাদ, সুকবি-কুকবি, সুজন-দুর্জন, কাক-কোকিল, হস্তী-অশ্ব, বৃক্ষ-পর্বত, মরু-সমুদ্র, গ্রীষ্ম-শিশির, সন্ধ্যা-প্রভাত, কুলটা-কুলস্ত্রী, প্রণয়-বিরহ, ঋদ্ধি-দারিদ্র্য, ভোগ-বৈরাগ্য, দৈব-পুরুষকার—এ ধরনের একশ' তেত্রিশটি বিষয় অবলম্বনে এক এক পদ্ধতি বা বিভাগে বিভক্ত। জলহণ প্রত্যেক বিভাগে ভিন্ন ভিন্ন লেখকের ভিন্ন ভিন্ন রচনা বেছে নিয়েছেন। তাঁর সঙ্কলনে নানা কবির গ্রন্থ থেকে, নানা জনের কণ্ঠ থেকে দু'হাজার শাতশ' নব্বইটি কবিতা সংগৃহীত হয়েছে। কবিতার সঙ্গে প্রায় তিন শত কবির নাম উল্লিখিত আছে। তাঁদের মধ্যে সুপ্রসিদ্ধ ব্যাস-বাস্কীকি, কালিদাস-ভবভূতি, ভারবি-ভট্টহরি দণ্ডী-সুবন্ধু, মাঘ-মুরারিও আছেন, আবার একান্ত অপ্রসিদ্ধ বাকুট-বিশল্য, জীবর-শ্রীপাল, নাচিগজ-কুম্ভাপিঙ্গও আছেন। এ ছাড়া সৃষ্টিমুক্তাবলীতে রচয়িতার নামহীন রচনা আছে প্রচুর।

কোন কোন সুভাষিত গ্রন্থে কবিতার সংখ্যা আরও বেশী দেখা যায়। কিন্তু সৃষ্টিমুক্তাবলীর সৃষ্টির মধ্যে যে সকল বিশ্বতপ্রায় কবি আর কাব্যের পরিচয় রয়েছে, তাতে এ

গ্রন্থের মূল্য অধিক। জলহণই সর্বপ্রথম এসব সাহিত্যিক বিবরণের গুরুত্ব উপলব্ধি করেন। এজন্য সংস্কৃত সাহিত্যের ইতিহাসে তাঁর দান অসাধারণ।

সৃষ্টিমুক্তাবলীর একটি প্রকরণের নাম কবিকাব্য-প্রশংসা-পদ্ধতি। এই প্রকরণে সঙ্কলিত শতাধিক পদ্যে বিশেষ বিশেষ কবির নাম উল্লেখের সঙ্গে অল্পবিস্তর রসাত্মক আর তাঁদের রচনাশৈলীর বৈশিষ্ট্য বর্ণিত হয়েছে। এসব বর্ণনা স্বল্প হলেও স্পষ্ট।

ভাস যে অনেকগুলি নাটক লিখেছিলেন, আর তার মধ্যে 'স্বপ্নবাসবদন্ত' নামে একখানি নাটক আপন উৎকর্ষে অগ্নি-পরীক্ষায় উত্তীর্ণ হয়েছিল, এই বিশ্বত-সাহিত্যিক সংবাদ সৃষ্টিমুক্তাবলীতে সঙ্কলিত রাজশেখরের একটি পদ্য থেকে প্রথম উদ্ধার করা হয়।

ভাসনাটকচক্রেশপি ছেকৈঃ ক্ষিপ্তে সহস্রশঃ।

স্বপ্নবাসবদন্তস্ত দাহকোহভূন্ন পাবকঃ ॥

এই একটি পদ্যই আজ পণ্ডিতসমাজে ভাসনাটক সৌধের মূল ভিত্তি বলে গণ্য হয়।

এককালে এদেশের বিদূষী মহিলারা সংস্কৃত ভাষায় কাব্য রচনা করেছিলেন একথা অজ্ঞাত নয়। জলহণ তাঁর গ্রন্থে কয়েক জন মহিলা-কবির কবিতা সংগ্রহ করেছেন। তা ছাড়া বিজ্জাকা, বিজয়াক্ষা, সুভদ্রা, শীলা ভট্টারিকা, প্রভুদেবী, বিকটনিতম্বা সম্পর্কে রাজশেখরের রচনা থেকে তিনি বহুমূল্য বিবরণ তুলে দিয়েছেন।—

(১) শীলা ভট্টারিকা বাণভট্টের মত শব্দ আর অর্থের উপর সমান দৃষ্টি রেখে কাব্যরচনায় পাঞ্চালী রীতির অনুসরণ করতেন।

(২) বিজয়াক্ষা ছিলেন কালিদাসের মতই বৈদভী রীতির আবাসস্থল।

(৩) বিকটনিতম্বার বচন ছিল 'মৌল্যামধুর'।

(৪) এঁদের মধ্যে কেউ ছিলেন কর্ণাটী কেউ-বা লাটী।

(৫) বিজ্জাকা নাকি দেখতে কালো ছিলেন। মহাকবি দণ্ডী তাঁর কাব্যাদর্শে বিদ্যাদেবতা সরস্বতীকে সর্বশুক্রা বলে বর্ণনা করেছেন। সৃষ্টিমুক্তাবলীর কবি এই উক্তির উপর কটাক্ষ করে বলেছেন—মূর্ত সরস্বতী বিজ্জাকার কথা জানতেন না বলেই দণ্ডী তাঁর বর্ণনায় ভুল করেছেন। বিদূষী বিজ্জাকা ছিলেন নীলোৎপলমলের মত শ্রামা।

নীলোৎপলমলশ্রামাং বিজ্জাকাং ভামভানতা।

বৃথৈব দণ্ডিনা প্রোক্তং সর্বশুক্রা সরস্বতী ॥

সৃষ্টিমুক্তাবলীর আরও অনেক কবিতায় নানারূপ

সাহিত্যিক ও সামাজিক তত্ত্ব লিপিবদ্ধ আছে। ছটি পদ্যের মর্ম এই—

বিদ্যার পবিত্রস্বর্শে যঁরা ধন্য হয়েছেন, তাঁদের জাতিকুল বিচার্য হয় না। কুশলকারজাতীয় ঘোণ কবি কবিত্বগরিমায় ব্যাসদেবের সম্মান মর্যাদার অধিকারী হয়েছিলেন। চণ্ডাল দিবাকর বিজ্ঞানপ্রভাবে শ্রীহর্ষের রাজসভায় বাণ আর ময়ূর কবির সমান পদ লাভ করেছিলেন।

সরস্বতীপবিত্রাণং জাতিসুত্নং ন দেহিনাম্।

ব্যাসম্পর্ধী কুলালোহভূদ মদ্ ভ্রোগো ভারতে কবিঃ ॥

অহো প্রভাবো বাগ্ দেব্যা যচাণ্ডালো দিবাকরঃ।

শ্রীহর্ষশ্চাভবৎ সভ্যঃ সমো বাণময়ূরয়োঃ ॥

সৃষ্টিমুক্তাবলীর বহু সুভাষিতই পূর্বগামী সংগ্রহকারদের সঙ্কলনেও পাওয়া যায়। বিষয়বিজ্ঞানসেও 'সুভাষিতাবলী'র সঙ্গে সৃষ্টিমুক্তাবলীর বেশ মিল আছে। তবুও মুক্তাবলীর স্বাতন্ত্র্য অল্প নয়। অগ্নিতর্কিত কবিতার সংখ্যা এতে প্রচুর। এসব কবিতা তথ্যবাহুল্যেও যেমন অসামান্য, রচনাকৌশলেও তেমন অপূর্ব।

মুক্তাবলীর এক অজ্ঞাতনামা কবি একজন দীনদরিদ্রের মুখে তাঁর দৈন্তের বর্ণনা দিয়েছেন। দরিদ্রব্যক্তি আক্ষেপ করে বলছে—আমি সব রকমেই রামের দশা লাভ করেছি, কেবল কুশলব-সুতাকে পাই নি, কুশলব-সুতার এক অর্থ কুশ ও সব যঁর সুত সেই জানকী, আর এক অর্থ প্রচুর সম্পত্তি। কুশল অর্থ প্রচুর, বস্তু অর্থ ধন। সম্পূর্ণ শ্লোকটি এই—

জনস্থানে ভ্রান্তং কনকমুগতৃষ্ণাক্ষিতধিয়া

বচো বৈদেহীতি প্রতিপদমুদ্রা প্রলপিতম্।

কুশালকাত্তু বদনপরিপাটীষু রচনা

ময়াপ্তং রামতং কুশলবসুতা ন ভূষিগতা ॥

রাম কনকমুগের সোভে অঙ্কবুদ্ধিতে জনস্থান অরণ্যে বিভ্রান্ত হয়েছিলেন, আর দরিদ্র ব্যক্তি কনকরূপ মরীচিকার আশায় ভ্রষ্টবুদ্ধি হয়ে সোকের দরজায় দরজায় ঘুরে বেড়ায়। রাম প্রতিপদে বৈদেহি বৈদেহি বলে উদগতাক্ষ হয়ে বিলাপ

করেছিলেন, আর দরিদ্র প্রত্যেকের পায়ে লুণ্ঠিত হয়ে দেহি দেহি স্বরে সাশ্রনয়নে কাতরতা জানায়। রাম লঙ্কাধিপের বদন-পঙ্ক্তিতে বাণসন্ধান করেছিলেন, আর দরিদ্র ছুটে প্রভুর আনন পরিপাট্য সম্পর্কে প্রশস্তি রচনা করে থাকে। কাজেই দরিদ্র সব রকমেই রামের মত। কেবল কুশলব-সুতাই তার নেই।

এরূপ দ্ব্যর্থক সুভাষিতের মাধুর্য অসুভবগ্রাহ্য। সুধীজন একমাত্র স্বাস্থ্যভবেই এ মধু আশ্বাদ করতে পারেন।

সৃষ্টিমুক্তাবলীর এক কবি বথার্থই বলেছেন—কবিতার আসল সৌন্দর্য ব্যাধ্যা করে বোঝান যায় না, কেবল অন্তরেই তা পরিষ্কৃত হয়।

যদেতদ্ বাগর্ধব্যতিকরময়ং কিঞ্চিদমৃতং

প্রমোদপ্রশ্রুতৈঃ সহৃদয়মনাংসি স্পয়তি।

ইদং কাব্যং শ্রাব্যং স্ফুরতি চ যদত্রাণু পরমং

তদন্তুবুদ্ধীনাং স্ফুটমথ চ বাচামবিষয়ঃ ॥

বাক্যার্থের মিশ্রণের ফলে যে অমৃত রসায়নের উৎপত্তি হয়, তার আনন্দধারা ভাবুকহৃদয় প্লাবিত করে। এই ত কবিতার ধর্ম। আমাদের কানে আসে তার একটা শুল্ল রূপ। অতি-গহন নিগূঢ় ভাবটি অন্তর্দৃষ্টির কাছেই ধরা দেয়, বাক্য সেখানে পৌঁছতে পারে না।

সত্যই উৎকৃষ্ট সুভাষিতের মাধুর্য শ্রুতির গ্রাহ্য নয়, হৃদয়ের সংবেদ্য।

আজও সুভাষিত কবিতাবলীর উপযুক্ত বিশ্লেষণ হয় নি। অথচ এরই মধ্য দিয়ে শত শত কবি সেকালের সুখ-দুঃখ, আশা-আকাঙ্ক্ষা, সিদ্ধি-সংস্কৃতি রূপায়িত করে রেখেছেন। কোন একখানি বিখ্যাত কাব্যের মধ্যে থাকে একজন খ্যাতিমান কবির মনের কথা, আর সুভাষিত-সঙ্কলনের মধ্যে প্রতিফলিত হয় নানা কবির মন। সুভাষিতের সমধিক অক্ষুণ্ণ বাঞ্ছনীয়।*

* আকাশবাণীর কত পঙ্কের সৌজ্যে প্রকাশিত।



দক্ষিণ দেশে

শ্রীখগেন্দ্রনাথ মিত্র

(২)

কাঞ্চীপুরম্ থেকে পূর্বমুখে চললাম পক্ষীতীরের উদ্দেশ্যে সমুদ্রের দিকে। পথের দৃশ্য-বৈচিত্র্যে মন কিন্তু মুগ্ধ হ'ল না, কেবল বোধ হতে লাগল আমাদের উত্তরের দৃশ্য এরকমটি নয়। বেলা তখন দশটার বেশী। বাসগুলি দ্রুত ছুটছে। শোনা ছিল, প্রত্যহ বেলা এগারোটার পরে একই সময়ে দুটি পাখী একটি পাহাড়ের চূড়ায় এসে বসে। মাজাজের প্রত্নতত্ত্ববিভাগের যে বাঙালী প্রত্নতাত্ত্বিক মহাশয় আমাদের সঙ্গে ছিলেন, তিনি চালকগণকে দ্রুত গাড়ি হাঁকাতে নির্দেশ দিলেন, যাতে আমরা যথাসময়ে তীরে পৌঁছতে পারি। বললেন, “দেরি হলে পাখী উড়ে চলে যাবে। কথাগুলি তিনি বললেন অবিশ্বি ইংরেজীতেই। পাখী দুটিকে কেন্দ্র করে বহুকাল থেকে কয়েকটি কিম্বদন্তী গড়ে উঠেছে যা বহু লোকেই জানেন। তাদের প্রতি প্রগাঢ় ভক্তিবশতঃ বা কোঁতুলবশে দূর-দূরান্ত থেকে এখানে সারা বৎসরই যাত্রী যাতায়াত করে থাকেন। যাতায়াতে তাঁদের কিছু কষ্ট ভোগ করতে হয়। কারণ, কাছে রেলপথ নেই, আছে যানবাহনের মতো আমাদের সনাতন গোযান বা আধুনিক মোটর-বাস। মনে পড়ছে যেন খান দুই গোযান কার, ঘোড়ার গাড়িও দেখেছিলাম।

অনেক পাহাড় ও পথ ঘুরে, অনেক ধুলো উড়িয়ে আমাদের বাসকয়খানি একটি পাহাড়ের তলায় এক গ্রামে এসে থামল। আমাদের মধ্যে ভাগাবানেরা কয়েকখানি অমাতুলিক মোটরে আমাদের আগেই পৌঁছেছিলেন। তাঁদের মধ্যে একজন আমাদের বাসের দরজায় এসে বললেন, “যান, যান, দেখে আসুন। পাখী দুটি যুগ যুগ ধরে আসা-যাওয়া করছেন।”

একজন জিজ্ঞেস করলেন, “দাদা, আপনি যাবেন না?”

“আমি? আমি ঠন্দের দেখেছি। যান যান”—বলতে বলতে

তিনি তৎক্ষণাৎ সরে গেলেন।

আমরাও সকলে বাস থেকে নেমে সি ডি বেয়ে উঠতে লাগলাম। প্রায় সকলেই লম্ফ লম্ফে উঠে চললেন এবং মিনিটকয়েকের মধ্যেই আমাকে ছাড়িয়ে গেলেন। তাকিয়ে দেখলাম, আমরা তিনটি মাত্র মানুষ মর্ত থেকে উর্কলোকে উঠবার ব্যর্থ প্রয়াস করছি। আর, কয়েকটি স্থানীয় লোক খানদুই দোলা বা ঝোলা নিয়ে আমাদের তাতে উঠবার জন্যে সাদর আমন্ত্রণ জানাচ্ছে। তারা এক একজনকে নিয়ে উঠবে-নামবে। সেজন্তে বৎসামাত্র পারিশ্রমিক নেবে—মাত্র সাতটি করে টাকা। শেঠের কাছে হাতলটি নিতান্ত অল্প হলেও বললাম, “হুঁজুনকে যদি নিয়ে যাও তো রাজী।” দর-করাকবি করতে করতে পর্বতারোহীর দল তৎক্ষণে বৃষ্টির বাইয়ে



চলে গেলেন। পর্বতটির সাহু থেকে শিখর অর্থাৎ ‘সি ডি’ সি ডি। অর্ধপথে উঠেই দাঁড়িয়ে পড়লাম। ‘সহযাত্রী’ বললেন, “আর ওঠার দরকার নেই মশাই। এখানেই দাঁড়ানো যাক।” জীবনে অনেক বড় বড় পাহাড়ে উঠেছি। শেষে এটাতে উঠতে গিয়ে কি মরব? আর ওখানে দেখবারই বা কি আছে?”

বললাম, “যুগচারী দুটি পক্ষী-বাবা।”

“বিশ্বাস করেন যে যুগ যুগ ধরে দুটো পাখী আসা-যাওয়া করছে?”

“যুক্তি দিয়ে বিচার না করলেই বিশ্বাস করা যায়। রক্তমাংসের দেহ কতদিনই বা পৃথিবীতে টিকতে পারে? যা হোক, একটা ঘণ্টার শব্দ শোনা যাচ্ছে না? তাই তো।”

হুঁজনে রেলিডের ধারে দাঁড়ালাম। সি ডির হুপাশেই লোহার রেলিঙ, উপরে স্বল্প বনাচ্ছন্ন পর্বতশীর্ষ। পাশে ঘনবনময় পর্বতগাত্র, সামুদ্রেশ ও বনাচ্ছাদিত। বামে পথের ওপারে এক প্রাচীন পাষণ-মন্দির। সু-উন্নত তার গোপুরম। আমরা তারও অনেক উর্ক দাঁড়িয়ে। তারও ওপারে কয়েকটি পাহাড়। আমাদের আশে-পাশে কয়েকটি স্থানীয় লোক ও ভিখারী। হঠাৎ দেখলাম, নিচে বনের একাংশ থেকে চিলের আকার, বিচিত্র বর্ণের দুটি পাখী শ্বেত-পাখা মেলে চক্রাকারে পর্বতশীর্ষে দিকে উঠতে লাগল। কোন্ একখানি ঐশ্বে ছবি দেখেছিলাম, এই ধরনেরই দুটি পাখী এই পাহাড়টিরই চূড়ায় পুরোহিতের সম্মুখে বসে আছে। সন্দেহ জাগল, সহযাত্রীকে জিজ্ঞেস করলাম, “এরা দুটিই কি সেই যুগচারী?”

তিনি বললেন, “মনে হচ্ছে বটে। হাঁ—হাঁ—ঐ তো চূড়ায় দিকে উড়ে গেল।”

অতঃপর তাঁদের দুটিকে আর দেখা গেল না। শুনেছিলাম, পাখী দুটি প্রত্যহ সূর্য বারানসী বা লক্ষ্মীপের কোন এক অংশ থেকে এখানে ভোগ খেতে উড়ে আসেন। আহারাঙ্কে আবার পূর্ব স্থানে ফিরে যান। আমরা প্রতীক্ষায় বইলাম, সঙ্গীরা কখন নেমে আসবেন এবং পাখী দুটি সবক্বে কত কি আলোচনা করবেন। আমরা অবাক-বিস্ময়ে নিরর্কোথের মত তাকিয়ে শুনব আর মনে মনে নিজেদের ধিকার দেব। কিন্তু পাখীর আহায সামাগুই। অল্পক্ষণ পরেই আবার সেই ধরনের দুটি পাখীকে পর্বতশিখরের দিক থেকে তেমনি চক্রাকারে উড়তে উড়তে দুবে একটি বিশাল জলাশয়ের দিকে যেতে দেখলাম। সম্ভবতঃ তাঁরা বারানসী বা লক্ষ্মীপের পথ ধরে থাকবেন।

তার অল্পকাল পরেই সহবাতীরা দল স্রোতের মত নেমে আসতে লাগলেন। নিকটবর্তী হতেই দলে মিশে গেলাম। তাঁদের মধ্যে আলোচনা হচ্ছিল, পাখী দুটি এবং যারা অসুস্থ শরীরেও উপরে উঠেই শিলালুঠিত বা অট্টোত হলে পড়েছিলেন তাঁদের সম্বন্ধে। দলে আমার কয়েকজন বন্ধু বা স্নুদের সঙ্গী ছিলেন। তাঁরা পাখীর কথা বাদ দিয়ে যোগীদের কথাই আলোচনা করছিলেন। আমিও উপরে উঠেছিলাম কিনা সে কথা জানতে উৎসুক প্রকাশ করলেন না। কিন্তু একজন তরুণ প্রতিনিধি পাশে এসে বললেন, “দাদা, উপরে ওঠেন নি? আপনাকে তো দেখতে পেলাম না।”

সলজ্জ কণ্ঠে বললাম, “অসুস্থ শরীরে উঠতে সাহস হ’ল না, ভাই! প্রাণপাখী মাত্র একটি! উড়ে গেলে খাটাটিতে দ্বিতীয় বলতে আর কেউ থাকবে না।”

সে সহাস্ত্রে বললে, “না গিয়ে ভালই করেছেন। দেখবার কিছুই নেই। মন্দিরটাও বিশেষ কিছু নয়। স্রেফ ভাঙতা।”

তারই মত কয়েকজনের কণ্ঠে প্রতিধ্বনি উঠল, “আবে, ঐ ধরনেরই কয়েকটা পাখী মন্দিরের ফোকরে ছিল দেখলে না? পুরোহিত ওদিকে যেতে দিচ্ছিল না। সব বজ্রকৃষ্ণি!”

যে ধিকার মনে হলে উঠছিল অতঃপর তা বৃদ্ধদের মত লীন হয়ে গেল। সকলে বাসে উঠবার আগে শৈলমূলের জনপদটি যতটুকু পারলাম দেখে নিলাম। এই তীর্থের কারণেই এখানে ছোট জনপদ গড়ে উঠেছে, কিন্তু অধিবাসীর সংখ্যা অল্প, ব্যবসা-বাণিজ্যও তেমন কিছু হয় না। দোকানপাট এক রকম নেই-ই। বহুকাল থেকে এখানে যাত্রীর আনাগোনা। কিন্তু একটা বড় রেলস্টেশনে মুসাফিরখানার মতই জায়গাটি হয় ক্ষণে পূর্ণ, ক্ষণে শূণ্য।

অঞ্চলটি শৈলময়। তবে শৈলগুলি সর্বত্র পর্বতের সংলগ্ন নয়। মধ্যে মধ্যে সুবিশাল হ্রদসদৃশ জলাশয়। তার তট থেকে বহুদূর পর্য্যন্ত বিস্তৃত ধানক্ষেত। জলাশয়কূলে জলচর পাখী।

বাস আবার আমাদের নিয়ে ছোটল সমুদ্রতটে মহাবলীপুরমের দিকে। মধ্যে আহালাদির জন্মে কিছুক্ষণ থামবে রেলস্টেশন চিংলিপাটে এমনি ব্যবস্থা। বাসের জানলা দিয়ে তাকিয়ে বসে আছি। হঠাৎ চোখে পড়ল একটি জলাশয়ের কূলে তীর্থে দেখা দুটি পাখীর মত একজোড়া পাখী। কিন্তু সেদিকে কারও দৃষ্টি আকর্ষণের সাহস হ’ল না। কারণ তখন সকলেই প্রায় ধ্যানমগ্ন। পরে দূর দক্ষিণে ভারতমহাসাগর-তীরে ধলুফোটির সুদীর্ঘ নির্জন জলাশয় ও প্রথম-স্রোতা কাবেরী নদীর চরে দেখেছি ঐ ধরনের পাখী। সেদিকে আমার সঙ্গীদের দৃষ্টিও আকর্ষণের চেষ্টা করেছিলাম। কিন্তু তাঁদের দৃষ্টি অগ্ৰত নিবন্ধ থাকায় চেষ্টা বিফল হয়।

যা হোক, প্রায় বেলা একটার পৌঁছলাম চিংলিপাট স্টেশনে। বড় জংশন। স্টেশনের রেষ্টোরাঁয় আমাদের আহালাদের ব্যবস্থা হয়েছিল। পুরোদস্তুর নিরামিষ মাস্তাজী খাওয়া—রসম, শাদম, সধরম, কাউম আরও ‘কিম’ মনে পড়ছে না। সেই সঙ্গে পাত্র-কোণে কিঞ্চিৎ উপপু, গেলাসে তাম্বি; পাত্র, কদলীপত্র। কুখা

ধাকলে মুন দিয়েও যে খাওয়া যায় তা বোঝা গেল সকলেরই আহালা। আহালাস্তুে বিটল অর্থাৎ পান অনেকেই কিনলেন। কিন্তু পানে চূর্ণ-খয়ের ব্যবহারের বেওয়াজ আছে বলে তো মনে হ’ল না। সেলোফেনের ছোট মোড়কে কয়েক কুচি কুচো কাগজের মত সুপরি ও কয়েক বিন্দু কৃষ্ণবর্ণ পদার্থ এবং কয়েকটি পাকা পান—এই হ’ল বিটল। যারা পানাসক্ত ছিলেন তাঁরা তাতেই খুশী হয়ে চর্কণপর্ক শেষ করতে লাগলেন। আমার তখন মনে হতে লাগল, স্টেশনের বাইরে পথের ধারে বিশাল বৃক্ষগুলির ছায়ায় ঘাসের উপর খানিকটা গড়াতে পারলে হ’ত। কিন্তু ভাগ্যে সে সুখশয্যা আর লাভ হ’ল না, আবার বাসবন্দী হয়ে যাত্রা করতে হ’ল মহাবলীপুরমের দিকে।

চিংলিপাট থেকে কতক্ষণে মহাবলীপুরমে পৌঁছলাম মনে পড়ে না। তবে পথের দূরত্ব খুব বেশী নয়। আমাদের আগেই অনেক তীর্থযাত্রী নিয়ে কয়েকখানি সরকারী বাস সেখানে পৌঁছে গিয়েছিল।

বাস থেকে নেমে সকলে উৎসাহে, উল্লাসে উন্নত শিলাভূমিতে উঠতে লাগলাম। ক্রমোন্নত পথটির ধারে একখানি বৃহদাকার শিলা এমন ভাবে ভূমিসংলগ্ন হয়ে আছে যে, তার পাশ দিয়ে উঠতে উঠতে মনে হতে লাগল, সামান্য ধাক্কা বা কোন কারণে তৎক্ষণাত্ গড়াতে গড়াতে নিচে নেমে আসবে। সেটি ছাড়িয়েই দু’পাশে কঠিন শিলা ও গুহাগাত্রে অনুপম শিল্পকলা অক্ষয় সৌন্দর্য্যে সুদূর অতীত থেকে ছড়িয়ে রয়েছে। তার কোথাও শিল্পীর সামান্য পরিচয় নেই। আর তার বিশেষ প্রয়োজনই বা কি? শিল্পীর আসল পরিচয় তো তাঁর বচিত শিল্পে। তা দেখে যখন মুগ্ধ হই, তার রস উপলব্ধি করি তখনই তো তাঁর অজস্র প্রশংসা না করে, তাঁর প্রতি অস্তুরের শ্রদ্ধা না জানিয়ে থাকা যায় না। এখানে যারা শিল্প-সৃষ্টি করেছিলেন, তাঁরা ছিলেন প্রায় তেরশ’ বৎসর আগে। কিন্তু শিল্পগুলি একজনের বচনা নয়, কয়েকজনের। এক জায়গায় কবি ভারবির অমর কাব্য “কিরাতার্জ্জুনীয়ে”র শ্লোকের পব শ্লোক শিল্পীর হাতে অক্ষয় রূপে ফুটে উঠেছে। সেখানে সুকঠোর তপস্যানিরত অর্জুন ও অপরাপর মূর্তিগুলি মৌনতার যেন মুখর। মহাবলীপুরম পল্লবরাজগণের সময়কার (৬০০ খ্রীঃ অঃ—৮৫০ খ্রীঃ অঃ) কীর্তি। পল্লবরাজগণ ছিলেন শিবের ভক্ত। তাই এখানে শিব-পার্বতীর মূর্তি কিছু বেশী।

পথের শেষ দিকে ছিল মহিষমর্দিনী গুহা। শিল্পী এই গুহা-গাত্রে অনবগ্ন সুধমায় ফুটিয়ে তুলেছেন সিংহবাহিনী দুর্গার মহিষাসুর বধের কাহিনী। কিন্তু এই স্থানটির অগ্ৰত অংশে আরও যে সকল কাহিনী রূপায়িত হয়েছে তার বর্ণনা দেওয়ার মত স্থান আমাদের নেই। স্বল্প সময়ে গভীর আকুলতার যতটুকু দেখা সম্ভব সেখানে দেখলাম মাত্র ততটুকু। দেখলাম, আদি বরাহ মন্দির। এটিও গুহাগাত্রে খোদাই করে রচিত। তবে ঐ গুহাটির মত বিখ্যাত নয়। সঙ্গে স্থানীর এক পাণ্ডা জুটে গেল। সে হিন্দী ও ইংরেজী

মিশিয়ে উভয়ের দক্ষিণী উচ্চারণে এক নূতন ভাষাজাল রচনা করে আমাদের বুঝিয়ে দিলে যে, আমরা যেখানে দাঁড়িয়ে আছি সেটির পিছনেই দ্রোণদীর স্নানঘর। ছাদহীন ঘরটির অবস্থা, আকার ও সজ্জা দেখে ধারণা হ'ল, স্নানঘর না হোক সেখানে এক সময়ে যেন জলের বন্দোবস্ত ছিল। তবে দ্রোণদী ছিলেন, ভারতের মহাকাব্যের যুগে—পল্লব-রাজগণের বহু পূর্বে। এই মহাবলীপুরমেই আছে পাঁচটি শিলাপাণ্ড কেটে তৈরী পাঁচখানি রথ যেগুলিকে বলা হয়, পঞ্চ পাণ্ডবের রথ। রথগুলি আছে গ্রামের মধ্যে। স্নানঘরের বাইরে জনকয়েক প্রতিনিধিকে দাঁড় করিয়ে তাঁদের ও পিছনের শিলাশিল্পের একখানি ছবি তুলে নিলাম। সেখানে দাঁড়ালে নিবিড় নারিকেলকুঞ্জপারে সমুদ্র চোখে পড়ে—নীল উদ্বেল, শুভ্র ফেনময়। সেখান থেকে কিছুদূরে নবনির্মিত উন্নত বাতিঘর। উপকূলপথে যে সকল জাহাজ যাতায়াত করে সেগুলি যাতে মহাবলীপুরমের শৈলসঙ্কুল



মহিবমাদনী

সমুদ্রে রাত্রিকালে আহত না হয় সেজগৎ সেখান থেকে আলো দেখান হয়ে থাকে। অনেকে গিয়ে উঠলেন তার উপর।

মহাবলীপুরমের এই অঞ্চলটিকে ১৮ শতকে আবিষ্কার করেছিলেন মাহুচি নামে জনৈক ইটালীয় পর্যটক। ইউরোপীয়গণ গ্রামখানিকে বলতেন, সপ্ত প্যাগোডা। কেন তাঁরা এই নাম দিয়েছিলেন তা অসুমানসাপেক্ষ। সমুদ্রবেলায় তিনটি প্রাচীন মন্দির রয়েছে। সেগুলির দুটি ভগ্নপ্রায়। এখনও যেটি সমুদ্রের বালুকণা-ভরা লোনা হাওয়ায় এবং জলকণার অবিরাম আঘাত সহ্য করে টিকে আছে সেটিও বালুতলে লুপ্ত হয়ে যেতে বসেছিল। প্রত্নতত্ত্ব বিভাগ এটিকে বহু পরিশ্রমে বালুকবল মুক্ত করে একটি অর্ধচন্দ্রাকার পাষণ-বেষ্টনী দিয়ে রক্ষা করেছেন। দশ বৎসর আগেও সমুদ্রতরঙ্গ এসে মন্দিরগাত্রে আঘাত করত। স্থানীয় অধিবাসীদের বিশ্বাস, সমুদ্রতীরে আরও ছয়টি মন্দির ছিল। কিন্তু সমুদ্র সেগুলিকে গ্রাস করে সপ্ত মন্দিরটিকেও গ্রাসে উত্তত। তবে এ কথার কোন ভূতাত্ত্বিক প্রমাণ নেই। অবিশি কুল থেকে সমুদ্রমধ্যে কিছুদূরে একটি জায়গায় অবিশ্রান্ত বিকোভ দেখা যেতে লাগল। মনে হ'ল, সেখানে জলতলে কিছু আছে। স্থানটি এত মনোরম যে বসলে আর উঠে আসতে ইচ্ছা হয় না। এই মন্দির কয়টিই দক্ষিণে দ্রাবিড় স্থাপত্যের আদি।

গ্রামের প্রধান পথটির ধারেই গুহাগাত্রে অর্জুনের তপস্কা-কাহিনীটি খোদিত। এটি এখানকার শিল্প-ভাণ্ডারের শ্রেষ্ঠ রত্ন। এটিতে শিল্পীর ধ্যান-ধারণা ও মিপুণতা অনবত্ত মহিমার মুটে উঠে শিকিত-অশিকিত সকলের অন্তর স্পর্শ করেছে। তখন

গুহাটি দিনান্তের ঘনায়মান ছায়ায় ভরে উঠেছিল। তাই চেষ্টা কবেও ক্যামেরায় ছবিখানি তুলে আনতে পারলাম না। এত কাছে পেয়েও ধরা গেল না! এখানকার শিল্পগুলির প্রত্যেকটি মাত্র একটি করে শিলাথণ্ডে রচিত।

পল্লবরাজ প্রথম নরসিং বর্ষ্মণ (খ্রীঃ অঃ ৬৩০-৬৩৮) ছিলেন অসাধারণ সাহসী ও বীর—তাঁকে লোকে তাই বলত, মহামল্ল বা মামল্ল। তাই থেকে এই ছোট গ্রামখানির নাম হয়, মামল্লপুরম। তা আবার কালে কালে হয়ে দাঁড়ায়, মহাবলীপুরম। কিন্তু কেই বা সেই নরসিং বর্ষ্মণ আর কারাই বা পল্লবরাজ সাধারণ লোকের কে সে সবেম খোঁজ বাখে? তাঁদের বদলে লোকে পুরাণোক্ত বলী রাজা ও বিষ্ণু সেই কাহিনীটি দিব্যি চালিয়ে দিয়েছে। সাধারণের মধ্যে তাই-ই বেশ চলে যাচ্ছে।

মহাবলীপুরম দেখলাম বটে কিন্তু অন্তরে অতৃপ্তি নিয়ে ফিরতে হ'ল। মাদ্রাজের সম্মেলনের প্রধান কর্মকর্তা মুখ্যজ্যোমশাই প্রতি-নিধিগণের তৃষ্ণানিবারণোদ্দেশ্যে দশটি-বিশটি নয়, চয় শ' ডাবের ব্যবস্থা করেছিলেন। যিনি যতটা পারলেন জল পান করতে লাগলেন। এদিকে নারিকেলবনপারে দু'দিকগুণ্ডে শৈলশিরে সূর্য্য পাটে বসল। স্বেচ্ছাসেবক সর্দার বার বার বাঁশী বাজাতে লাগলেন, উদ্গাও প্রকাশ করলেন, কিন্তু প্রতিনিধিগণ তখন শিল্পবসে এমন জীর্ণপ্রায় যে আর যেন দানা বাঁধতে পারছেন না। অবশেষে হুজন-চারজন করে এসে বাসে উঠতে লাগলেন। বাসগুলি ভর্তি হ'ল এবং মাদ্রাজ শহরের পথ ধরল। ভাগ্যবানেরা কোন পথে কোন ঠাঁকে যে অদৃষ্ট হলেন বুঝতে পারলাম না।

তার পর সূর্য্যের উদয়ান্ত বে বৈচিত্র্যভরা চিত্রশ্রোত চোখের সম্মুখ দিয়ে বয়ে গেল সেগুলি মানসপটে আবার দেখতে দেখতে সন্ধ্যার পর ক্লাস্ত দেহে ফিরলাম আস্তানায়। সেদিনই আমাদের সেই রক্তমঞ্চে “শেষ রজনী”। পর দিনই বেলা দশটার পর সকলকে অগ্নত্র নিজ নিজ আহার ও অবস্থানের ব্যবস্থা করতে হবে, এমনই নির্দেশ পাওয়া গেল। কেউ কেউ সেই রাতেই দূর দক্ষিণে যাত্রা করলেন।

আমরাও সেজ্ঞে প্রস্তুত ছিলাম। তাই ভোর হতেই গাঁট-গাঁটরি বাঁধা-ছাদা করে, স্নানাদি সেবে ছয় জনে বেলা আটটার হুঁখানি ট্যাক্সিতে রওনা হলাম এগমোর মাদ্রাজ ষ্টেশনের দিকে ধনুঝোটির উদ্দেশে। বলা বাহুল্য, ষ্টেশনে পৌঁছে দেখা গেল, হুঁখানি ট্যাক্সির মিটারে একই দূরত্বের হুঁরকমের ভাড়া উঠেছে। আমাদের ভাগ্য মন্দ—তাই বেশীই দিতে হ’ল। সঙ্গীদের মধ্যে ছিলেন, শিল্পী শ্রীপূর্ণ চক্রবর্তী। বামুনে বরাত মন্দ—এমনি একটা কথা শোনা যায়, কিন্তু শিল্পী বন্ধুটির ভাগ্যে বরাবর বিপরীতটাই ঘটতে দেখছি—এখানেও তার ব্যতিক্রম দেখা গেল না। নিজ ট্যাক্সির ভাড়া চুকিয়ে দিতে দিতে বেশ শাস্ত কণ্ঠে তিনি বললেন, “আমরা তো আরও অনেকটা ঘুরে এলাম। তোমাদের এত বেশী উঠল কেন?”

বললাম, “বোধ হয় খুব জোরে এসেছে বলে।”

এগমোর থেকে প্রায় সারা দক্ষিণ ভারতের রেলপথ, মিটার গেজ। গাড়ির কামরাগুলি সকল বিষয়ে সঙ্গীর্ণ হলেও বেশ পরিষ্কার-পরিচ্ছন্ন—যাত্রিগণেরও দৃষ্টি পরিচ্ছন্নতা বজায় রাখবার দিকে।

স্থানীয় জনৈক বাঙালী ভদ্রলোকের কাছে শুনেছিলাম, ধনুঝোটি প্যাসেঞ্জারে বেশ ভিড় হয়, বিশেষ করে তৃতীয় শ্রেণীতে—কিন্তু কি কারণে জানি না, আমরা এক রকম খালি কামরা পেয়ে গেলাম—বলতে গেলে, প্রায় গোটা কামরাটা আমরাই দখল করে বসলাম। যে হুঁএকজন স্থানীয় লোক আগেই উঠেছিলেন তাঁদের মধ্যে একজন আমাদের সঙ্গে আলাপ জমিয়ে নিলেন। বললেন, “আমরা বেলা চারটের কাছাকাছি ভিনুপুরমে নেমে যাব। সেখান দিয়ে পুঁদিচেরী যেতে হয়।” তখন বেলা প্রায় দশটা। তাঁর পুরো নাম তিনি কিছুতেই বললেন না, কেবল বললেন, তাঁর উপাধি রেড্ডি। পরে সেখানে ও চলার পথে অগ্নাত্র ষ্টেশনে যাঁরা উঠলেন, তাঁরাও আমাদের জায়গা ছেড়ে দেবার জ্ঞে কোন অনুরোধ বা কিছুমাত্র আগ্রহ প্রকাশ করলেন না। তাঁদের মধ্যে হুঁএকটি মহিলাও ছিলেন। আমরা বসতে অনুরোধ করলে যত জনের স্থান সঙ্কলান হ’ল তত জনও বসলেন না। না বসতে দিলেও যে আমাদের বিরুদ্ধে তাঁদের কোন অভিযোগ ছিল এমন বোঝা গেল না। আমরা বিদেশী, তার উপর বাঙালী, চলেছি দূর দক্ষিণে তাঁদের দেশ দেখতে। সেজ্ঞে যেন তাঁরা কৃতজ্ঞ ও আনন্দিত। অথচ দক্ষিণের রেলপথে যাত্রীগামী গাড়িতে মধ্যে মধ্যে ডাকাতি হয়। তাই যাত্রীগামী গাড়িতে সশস্ত্র প্রহরী মোতায়েন থাকে। আমাদেরও ধনুঝোটি

পৌঁছতে পরদিন সকাল বেলা সাতটার কাছাকাছি হবে। পাশের কামরাটিতে উঠেছিলেন আরও চারজন সম্মেলন-প্রতিনিধি—তাঁদের মধ্যে একজন ছিলেন মহিলা। তাঁদেরও গন্তব্য স্থল রামেশ্বরম ও ধনুঝোটি। কাজেই বেশ নির্ভয়ে, আনন্দে যাত্রা শুরু হ’ল, তবে পৈটিক ব্যাপারটিতে কিছু ঘাটতি রয়ে গেল। কিন্তু রসনাপরিতৃপ্তি ও ঘাটতি পূরণের আশা গৃহে ফিরে যাওয়া অবধি মূলতুবি যথেষ্ট গাঢ় নিদ্রাকেও দিলাম বিদায়।

আসন্ন ইলেকট্রিক ট্রেনের খবরে আজকাল পশ্চিমবঙ্গ মুখরিত ও উত্তেজিত। কিন্তু মাদ্রাজে ও গাড়ী পুরনো। প্রায় প্রতি দশ মিনিট অন্তর আমাদের পাশ দিয়ে ইলেকট্রিক ট্রেন হুড় হুড় করে ছুটে যেতে লাগল। কিন্তু দৌড়ের প্রতিযোগিতার আমাদের কেউ হারাতে পারলেন না। ত্রিচিনপল্লীতে আবার দেখেছিলাম, রেলপথ দিয়ে যাত্রীবাহী মোটর বাসও ছুটেছে!

মিঃ রেড্ডি আমাদের শিক্ষক হয়ে বসলেন : বললেন, “আপনারা চায়ের বদলে খাবেন কফি। সব ষ্টেশনেই ভাল কফি পাওয়া যায়।” এবং আমাদের অন্ত, জল ও অগ্নাত্র প্রয়োজনীয় খাবের তামিল নাম শিখিয়ে দিতে লাগলেন। সঙ্গে এক ছাত্র-প্রতিনিধি ছিলেন। তিনিও অপর একজন সঙ্গী নামগুলি ডাইরিতে লিখে নিয়ে মুগ্ধ করতে লাগলেন। মুগ্ধ করলেও আমার কিছুই মনে থাকে না। তাই ও ঝগাটে গেলাম না। কেবল শুনে রাখলাম।

জানলার বাইরে ধর্মতীর বৃকে দক্ষিণের প্রথম রৌদটোলা ক্ষেত প্রান্তর অরণ্য জলা শুষ্ক নদীপথ ছায়াচিত্রের মত চোখের সম্মুখ দিয়ে অবিরাম ছুটে চলেছে। মধ্যে মধ্যে সে শ্রোত শহরে শৈলে ছিন্ন হয়। চলার পথে কত গ্রাম দেখি, কত ছোট বড় মন্দিরের গোপুরম চোখে পড়েই দৃষ্টির বাইরে চলে যায়। দক্ষিণে তামিল দেশের প্রতি বর্ধিষ্ণু গ্রামেই সাধারণতঃ দুটি করে মন্দির। একটি শিবের, অপরটি বিষ্ণুর। তাই একটি তামিল প্রবাদ আছে, “যে গ্রামে মন্দির নেই সে গ্রামে বাস করা উচিত নয়।” আবার আরও দক্ষিণে দেখেছি, বহু বড় বড় গ্রামে গির্জার ক্রুশাশ্র শাস্ত্র আকাশের দিকে যেন অঙ্গুলি তুলে রয়েছে। উত্তরের মত দক্ষিণে মসজিদ ইদগা দরগা চলার পথে বিশেষ চোখে পড়ে নি। তার কারণ, সকলেরই জানা আছে।

আমাদের কামরার নানা রকমের যাত্রী—ব্রাহ্মণ, অত্রাহ্মণ, শিক্ষিত, নিরক্ষর। চেহারায় তাঁদের অন্ততঃ আমার চোখে, আমাদের থেকে তেমন পৃথক মনে হ’ল না। শিল্পী বন্ধু হুঁজন খাতা-পেনসিল বাব করে তাঁদের কয়েকজনের প্রতিকৃতি আঁকতে লাগলেন। তাই দেখে কামরাসুদ্ধ সকলে চমৎকৃত।

মিঃ রেড্ডি শিক্ষক থেকে হয়ে দাঁড়ালেন—আমাদের কামরা-স্বামী। শিল্পী চক্রবর্তী পথে চলবার কালে পৈটিক বিষয়ে অতি সাবধানী। তাই গাড়িতে উঠবার আগে আমাদের খুব সাবধান করে দিয়েছিলেন, “পথে কিছু কিনে খেও না। আমি তো গাড়িতে বসকণ থাকি দাঁতে কিছুই কাটি না।” এবং তার প্রমাণ দিতে

লাগলেন বড় বড় ষ্টেশনে। পাতার মোড়া সাড়ে বত্রিশ ভাজা বড়ী, ইডলি, শেষে উপমায় তা সববে ঘোষিত হতে লাগল। মিঃ বেড্ডিও ফেরিওয়ালাদের আমাদের কামবায় জানালায় ধাবেন থেকে নিয়ে আসেন এবং আমাদের আত্মারে যেন তৃপ্ত হন।

শিল্পীবন্ধু এক সময়ে বললেন, “দেখছ, এদের খাবারে তুলসীপাতা দেওয়া।” এবং তার পরই তাঁর খাদ্যভক্তি যেন আরও গভীর হয়ে উঠল।

তাঁর কথায় ধারণা হ'ল, মাদ্রাজীয়া ভারি কৌশলী। এরা তুলসীপাতা পাইয়ে লোককে বৈষ্ণব করে। ধর্মাস্ত্রীকরণের এ এক অভিনব পন্থা বটে! তবু কয়েকটি পাতা নিয়ে পরীক্ষা করতে করতে দেখলাম, সেগুলি তুলসীও নয় চক্ষু নয়, তেজপাতার মত মন্থণ এক বকমের সুগন্ধি পাতা যার গাছের চাষ কেবল দক্ষিণেই নানা জায়গায় করা হয়। এদিকে সর্বত্র খাদ্যে—বিশেষ করে ডালের সঙ্গে এই পাতার ব্যবহার আছে।

একটি বড় ষ্টেশনে গাড়ি থামতেই দেখা গেল, বিপরীত দিকে কয়েকখানি মালগাড়িতে আথ বোঝাই করা হচ্ছে। মিঃ বেড্ডি অমনি নেমে গিয়ে বেশ বড় দেগে একখানি আথ সংগ্রহ করে এনে আমাদের দিলেন। তিনি তো দিলেন কিন্তু ইফুস কি সহজে পাওয়া যায়? আমাদের পাশে বসেছিলেন এক কুয়াণী। তিনি আমাদের অধিকাংশের অবস্থা দেখে দয়াপর্ববে একজনের হাত থেকে একটি খণ্ড টেনে নিয়ে তার একটি প্রাস্ত বেকিতে কয়েকবার ঠুকতেই খোলা আলগা হয়ে গেল। সেটি তখন তাঁর হাতে ফিরিয়ে দিয়ে খেতে ইঙ্গিত করলেন।

বন্ধুটি এই স্নেহস্পর্শে বিগলিত অন্তরে বললেন, “আমার মাতৃস্নেহের কথা মনে পড়ছে। ঠাণ্ড আচরণ মায়ের মত।”

মিঃ বেড্ডিকে বললাম, “মিঃ বেড্ডি! আমার বন্ধুটি বলছেন, এই মহিলাটির আচরণ মাতৃবৎ। ঠাণ্ড একথা বুঝিয়ে বলুন।”

মিঃ বেড্ডি আমার কথা কানেই তুললেন না। আমি আবার কথাগুলি বলতে তিনি কিছুটা বিরক্তিরে বললেন, “ও অজ্ঞ মূখী স্ত্রীলোক। এ কথায় কি বুঝবে?”

একই মানুষ, একই পরিবেশ, কিন্তু ব্যবহারে কি তারতম্য! নিজ দেশেও একশ্রেণী, আর একশ্রেণীর কাছে মর্যাদা পায় না। মিঃ বেড্ডির মস্তব্যে ব্যঞ্চিত হলাম। মনের স্রব কেটে গেল। তবুও মিঃ বেড্ডির অতিথিবৎসলতা প্রবাস-পথে একটি সুখস্মৃতির মত অন্তরে জেগে আছে। তিনি তিল্পুবসে বেলা চারটের নেমে গেলেন এবং যাবার সময়ে আমাদের একছড়া কলা উপহার দিয়ে বললেন, “আমার ভালবাসার দান।” কুয়াণী-মাতা তাঁর আগেই একটি ষ্টেশনে নেমে গিয়েছিলেন। দুটি কামবায় রইলাম কেবল আমরা দুটি দল।

কলকাতার জনৈক শিল্পী বন্ধু বৃদ্ধাচলম্ দেখবার অমুরোধ করেছিলেন। সন্ধ্যায় কিছু আগে দেখলামও তার চারটি উচ্চ গোপুবস, তবে রেলপাড়ির কামরা থেকে। মন্দিরটির স্থাপত্য ও শিল্পকাজ

দেখবার যোগ্য বলেই ধারণা হ'ল। কিন্তু আমরা তখন সচল হয়েও সেদিক পানে বৃদ্ধের মতই অচল। তার পর প্রথম রাত্রে



শৈলমন্দির—ত্রিচি

কাবেরীর সেতু পার হতে হতে চোখে পড়ল ত্রিচিনপল্লীর শৈলমন্দিরের বিজলী আলোকোজ্জ্বল স্বর্ণময় চূড়া আকাশভরা নক্ষত্রতলে স্থির হয়ে আছে। প্রথমে অবিশি কেউই সেটিকে ত্রিচির মন্দির বলে বুঝতে পারলাম না।

গাড়ি এসে বিশাল ত্রিচিনপল্লী ষ্টেশনে থামল। ষ্টেশনটি খুব বড় জংশন। এখানে নেমে অনেকেই কাবেরীপারে জীবনমেও যান যদিও “জীবনম” নামে একটি পৃথক ষ্টেশন আছে। সকলেরই ভাষে তখন ক্ষুধানলে জ্বলছে অথচ যোগ্য খাদ্য নেই। প্লাটফর্মে নেমে যা পাওয়া গেল তাই নিয়ে ব্যস্ত হয়ে পড়লাম। এমন সময়ে এল ঘোর কুসংগ, দীর্ঘকায়, বক্তৃৎ পশ্চিমা পোশাক-পরা মাথায় চাদর চাপানো একটি স্থানীয় লোক। তার সঙ্গীও কিন্তু খর্বকায়। সে এসেই আমায় ভাঙা হিন্দীতে রুক্ষ কণ্ঠে জিজ্ঞেস করলে, “কোথায় যাবে?”

বললাম, “তোমার সে কথায় কি দরকার?”

সে বললে, “জিজ্ঞেস করার কি দোষ?”

বললাম, “আমি তো তোমার জিজ্ঞেস করছি না কিছু।”

তার চোখ দুটি আরও আরক্ত হয়ে উঠল। বললে, “জিজ্ঞেস কবেছি তো হয়েছে কি?”

বললাম, “আমি পছন্দ করি না।”

আমাদের মাস কয়েক আগে আমার অমুজা এদিকে তীর্থ-দর্শনে এসে জীবনমে ডাকাতের হাতে পড়েন এবং ডাকাতদলের

মধ্যে যে নারীটি ছিল সে তাঁদের রক্ষা করে। এও ঐ শ্রীরঙ্গমের এ-পারের ষ্টেশন। তার উপর লোকটির চেহারা ও কথাবার্তা ঠিক শিষ্ট ও নয়। সে তবুও উচ্চ কণ্ঠে বলতে লাগল, “জিজ্ঞেস করেছি তো কি হয়েছে?”

আমার সঙ্গীরা ব্যাপারটি দেখলেও তখন খান্য নিয়ে খুব ব্যস্ত ছিলেন, তাই কেউই প্র্যাটফরমে নেমে এলেন না। আমি লোকটার কথার আর কোন উত্তর না দিয়ে নিজ মনে আহাবকার্য শেষ করতে লাগলাম। সেও সমানে চীৎকার করতে লাগল। ঠিক ছিল, ফিরবার পথে ত্রিচির ও শ্রীরঙ্গমের মন্দির মূর্তি দেখব। তাই সেখানে না নেমে সোজা চললাম, ধনুষ্কোটের উদ্দেশে।

একটি ছোট দ্বীপের দক্ষিণে ধনুষ্কোটি, উত্তরে বামেশ্বরম একথা সেখানে ষাবার আগে জানতাম না। ভারতভূমি ও দ্বীপটির মধ্যে পশ্চিমে প্রকাণ্ড সমুদ্রখাড়ি। প্রশস্ত গাড়িটির উপর সেতু। সেতুপথে রেলগাড়ি চলাচল করে। অঞ্চলটির নৈসর্গিক দৃশ্য অত্যন্ত চিত্তাকর্ষক ও অবিস্মরণীয়।

উচিঙ্গুলি ষ্টেশন থেকে বাত্রির ষবনিকাখানি ধীরে উঠে যেতে লাগল আর ভোবের আলোর সঙ্গে সঙ্গে একটু একটু করে চোখের সম্মুখে প্রকাশিত হতে লাগল সম্পূর্ণ নূতন এক দেশ। নিবিড় সন্নিবিষ্ট নারিকেল ও বেগুনবনের মধ্য দিয়ে গাড়ি কিছু মস্তর গতিতে চলতে লাগল। কারণ বালির উপর রেলপাতা। মাঝে মাঝে পরিচিত বাদাম, ঝাউ, বাবলা ও অপরিচিত কত রকমের গাছ। তার ঠাঁকে ঠাঁকে কাঁচা ও ছুঁচারখানি একতলা পাকা বাড়ী। মানুষজন বড় একটা দেখা যায় না। আকাশে উড়ছে সামুদ্রকুলচর পাখী। মানডাপাম ষ্টেশনে এসে গাড়ি থামল। তখন বেশ আলো ফুটেছে। ষ্টেশনটি সমুদ্রের ধারেই। ঘাটে দুখানি জাহাজ—অনেক যাত্রী এখানে নামলেন।

সম্ভবতঃ তাঁরা সিংহলযাত্রী। এখানে সিংহলযাত্রীদের যাত্রার আগে সরকারী আপিসে কিছু কর্তব্য পালন করতে হয় বলে শুনে-ছিলাম। সিংহলগামী জাহাজের ঘাট হচ্ছে ধনুষ্কোটি পাযার ও তালাইমানার পাযার।

গাড়ী আবার চলতে লাগল। পথের দৃশ্য সেই একই কিন্তু হঠাৎ দেখি, ছুঁ পাশে গাড়ির সঙ্গে সঙ্গে উড়ে চলেছে বৃহদাকার প্রজাপতির ঝাঁক। প্রজাপতিগুলির ডানার রঙ কালো, ডানার গায়ে কয়েকটি শাদা চক্র। তারা কোথা থেকে আসছে কোথায় চলেছে কে জানে। কিন্তু সামনে পিছনে কোথাও তাদের শেষ নেই! যেন পতঙ্গজীবনের একটি অস্তুহীন ধারা সমুদ্রের দিকে অবিরাম বয়ে চলেছে। তাদের মাঝ দিয়ে ছুটতে ছুটতে গাড়ি গিয়ে উঠল সমুদ্র-খাড়ির সেতুতে। তারাও পাশে পাশে চলল, গাড়িও ঝমঝম শব্দে সেতুপথে এগোতে লাগল। আমাদের নিচে শিলাসঙ্কুল চঞ্চল সমুদ্র, বামে বঙ্গোপসাগরের নীলাভ কালো সংকুল জলরাশি, দক্ষিণে ভারত মহাসাগর, পাণ্ডু, শান্তপ্রায়। ছুঁ পাশেই সাদা পাল উড়িয়ে

ধীবরদের নৌকা চলেছে; আর দক্ষিণে দূরে, বহুদূরে দিকচক্র-বেথায় আকাশপটে আকা চিত্রের মত একখানি দেশীয় পাল-তোলা জাহাজ স্থির হয়ে আছে। সেতুপারে পৌঁছে গাড়ি ছুঁ পাশে নিবিড় কেয়াবনের মাঝ দিয়ে ছুটতে লাগল। সমুদ্রের ভিজে বাতাসে কেয়াফুলের মৃহ গন্ধ। ছুঁ পাশে বালুময় ভূমি, সুবিশাল জলা। জলায় হাজার হাজার বড় বড় সামুদ্রিক পাখীর মেলা। দূর থেকে মনে হতে লাগল জনসভা বসেছে। জলাশেষে লতা-ছাওয়া ছোট-বড় বালিয়াড়ি, যেন সমুদ্রতীরে অসংখ্য কুটীর। লতাগুলি বেগুনি রঙের বড় বড় ফুলে ফুলময়। সেগুলির উপর দিয়ে সেই প্রজাপতির বিরামহীন স্রোত শত তরঙ্গ তুলে উড়ে চলেছে।

অবশেষে তখনকার মত আমাদের যাত্রা শেষ হ'ল—ধনুষ্কোটিতে পৌঁছলাম। কিন্তু প্রজাপতিগুলি উড়ে যেতে লাগল আরও দূরে সমুদ্র-মধ্যে যে দ্বীপবেথা দেখা যাচ্ছিল তার উদ্দেশে। এদিককার রেল-পথেরও এখানেই শেষ। ষ্টেশন থেকে প্রায় মাইল দেড়েক দূরে সমুদ্র। এখানে স্থায়ী অধিবাসী বিশেষ নেই। রেলের ও সরকারের প্রয়োজনে কতকগুলি গৃহ তৈরি করা হয়েছে। স্থানীয় লোকের কয়েকটি অপরিচ্ছন্ন মক্ষিকা-অধ্যুষিত হোটেল আছে বটে। সেখানে পুরোদস্তর মাদ্রাজী খানা ও তার উপর অসংখ্য মাছি পাওয়া যায়। উত্তরদেশবাসীরা প্রাণরক্ষার্থে সেই খাড়াই গলাধঃকরণ করেন। আমরাও তা বাদ দিই নি। ষ্টেশনে মালপত্র জমা দিয়ে রৌদ্রতপ্ত বালুপ্রান্তর ভেঙে চললাম সমুদ্রস্নানে। প্রান্তরশেষে সমুদ্রকূলে কয়েকখানি চালা। কিছু দূরে একখানি ঘরে এক বাঙালী সাধু একটি কালীমূর্তি স্থাপন করে সেখানেই বসবাসের ব্যবস্থা করেছেন। সন্ধ্যার পর নির্জন সমুদ্রতীরে, বালুপ্রান্তরে তিনি ছাড়া আর কোন মানুষ থাকে না। ষা হোক, সমুদ্রকূলে আমাদের মত আরও অনেক যাত্রীর সমাগম হয়েছিল। ক্লাস্ত দেহে, ঐশ্বর্যতাপে ছাপ্পড়ের সেই ছায়াটুকুতে বসে সমুদ্রের শীতল হাওয়ার স্পর্শে মনে হতে লাগল, পৃথিবীতে জুড়াবার ঠাই বোধ হয় একমাত্র এইখানেই। দূরে সমুদ্রগর্ভে নারিকেলবনরাজিনীল কয়েকটি দ্বীপ দেখা যাচ্ছিল। সিংহল থেকে যাত্রী নিয়ে শুভ্র রাজহংসের মত নীল জলে ভেসে এল একখানি জাহাজ। সেদিকে তাকিয়ে ছায়াময় বালুশায়া ছেড়ে উঠতে মন চাইছিল না।

এখানে সমুদ্রের একটি জায়গাকে মনে করা হয়, দুই সমুদ্রের মিলনস্থান। সেই সঙ্গমে স্নান করে পুণ্যকামীরা তর্পণ করেন। সঙ্গীদের মধ্যে চার জনে স্নান করে পারলৌকিক ক্রিয়ায় ব্যস্ত হয়ে পড়লেন। তারপর 'ইউলি' কিনে বালক ও নারী ভিখারীদের মধ্যে বিতরণ করে শিল্পীদ্বয় গেলেন সেই কালীবাড়ীর ছেচতলায় ছায়ায় বসে রঙ-তুলি নিয়ে ছবি াকতে। আর দু'জন গেলেন ছাপ্পড়সারির একেবারে শেষে। আর আমি স্নান সেরে সেই ছায়াতেই এসে বসলাম। কিন্তু ভিখারী ও সাধু নেই কোন্ তীরে? তারা এসে আমার ঘিরে ধরল। তাদের সকলকে এড়াতে পারলাম, পারলাম না কেবল একজন তিলকধারী সাধুবেশীকে। সে ডাঙা-হিন্দীতে বললে, “শেঠ,

এত পরমা খরচ করে, এত দূর থেকে এসেছি, সাধু খিলাবে না ? খিলাও।”

বললাম, “বাবা, বেশ কিছু খরচ করে, অনেক ধকল সয়ে, অনেক দূর থেকে এখানে এসেছি। তুমি আমার কিছু খিলাও।”

সে বললে, “দেখছি, তুমি যোগী, সাধু, পুণ্যাত্মা। আমার খিলিয়ে আরও পুণ্য কর।”

বললাম, “বাবাজী, আমাতে এতই যখন দেখলে, তখন খিলানোটা আর বাকি রাখছ কেন?”

সে বললে, “এ হে হে! তুমি করছ কি, শেঠ?”

বললাম, “এ হে হে! তুমিই বা কি করছ, বাবাজী?”

যে সঙ্গীটি এতক্ষণ আমার পাশে বসে সব শুনেছিলেন ও দেখছিলেন, তিনি আমার প্রতি নিদারুণ বিরক্তিতে উঠে গেলেন। একটু আগে তাঁরা এবং আরও কয়েকজন একে খিলিয়েছিলেন। পরিশেষে তার হাত থেকে পরিত্রাণ লাভ করে একাকী চললাম সেই বালুপ্রান্তর ভেঙে ষ্টেশনের দিকে। শিল্পীঘর তখনও বন্ধিচরোজ্জ্বল, উদ্দেশ্য নীলসমুদ্রের দিকে তাকিয়ে তাকিয়ে কাগজে বঙ চড়াচ্ছেন! আর অগোরা তাঁদের পাশে শুক হয়ে বসে অন্তরের ভাবসমুদ্রে পাড়ি জমিয়েছেন।

অতঃপর একসময়ে সকলে জমায়েৎ হয়ে রেলের উঠতে যাব এমন সময়ে দেখা গেল আমাদের ছাত্র-সঙ্গীটি নেই। সে যে কোথায় কেউ জানে না! ছেলেটি ভাবুক ও সাহিত্যিক। বুকলাম, সর্বনাশ হয়েছে! কোথায় তার ছোট্ট ডাইরিখানি খুলে মনের কথাগুলি টুক টুক রাখতে বসেছে কে বলবে? এদিকে গাড়ি যে ছাড়ে! এ যে প্রাণহীন নিঃশ্বাস বস্ত্রবাহন। শিল্পী, কবি, সাহিত্যিক—এসব কিছুই বোঝে না, কোন কালে বুঝবেও না। এদিক-ওদিক সম্ভব অসম্ভব আয়গায় খোঁজা হ’ল—সে নেই! কুলি বেচারীও আমাদের সেই অবস্থায় ব্যস্ত হয়ে পড়ল। একবার বললে, “পায়ার! পায়ার!” এবং ইঙ্গিতে বোঝালে সেদিকেও যেতে পারে। কাবণ সিংহলগামী জাহাজখানি তখনও পায়ারেই বাঁধা ছিল। পায়ার ধনুছোট্ট ষ্টেশন থেকে প্রায় মাইল দুই দূরে।

সঙ্গীদের বললাম, “তোমরা যাও। আমি থাকি। ওকে নিয়ে পরের গাড়িতে যাব।” কিন্তু তাঁরা কেউই আমার প্রস্তাবে সম্মত হলেন না অথচ কিসে যে মুশকিলের আসান হবে তাও কেউই বুঝতে পারলাম না। তার পরের গাড়িখানিতে গেলে রামেশ্বরমে পৌঁছতে সক্ষ্য। ততক্ষণ সেই বালুবাজ্যে ষ্টেশনের লোহা-লকড়ের মধ্যে উৎকট গন্ধ শুকতে শুকতে বৃথা বসে থাকার যাব না। অগত্যা তার মাল-পত্র তুলতেই গাড়ী ছেড়ে দিয়ে চলল “পায়ারে”। সকলে বেলপথের হু’পাশে নজর রাখতে রাখতে চললাম। কিন্তু সেই তপ্ত বালুবাজ্যে, নীলসমুদ্রকূলে কাউকেই চোখে পড়ল না। তখন সকলেরই অন্তর অন্তর আশঙ্কায় ভরে উঠল। “পায়ারে” পৌঁছেও তাকে দেখতে পেলাম না। বে মানুষটি কিছুক্ষণ আগেও ছিল, সে এমন রহস্যজনক ভাবে অদৃশ্য হয়ে গেল। পায়ারে কত

ষাত্রী উঠল। কিন্তু তাদের মধ্যেও সে নেই! হার, মানুষের কোঁতুহল ও ভাবুকতা। “পায়ার” থেকে আমার আর অগ্রসর হতে ইচ্ছা হ’ল না। সেখানে নেমে তাকে চারধারে খুঁজবার সংকল্প করলাম। এমন সময়ে গাড়ি ছাড়বার সিটি দিল আর সঙ্গীদের মধ্যে একজন জানলা দিয়ে দেখতে দেখতে আকুলভাবে বলে উঠলেন, “ঐ যে দীপেন! ঐ—ঐ—” ছেলেটির নাম দীপেন বন্দ্যোপাধ্যায়।

তৎক্ষণাৎ দরজা খুলে ফুটবোর্ডে বেরিয়ে দেখি ছোট্ট মানুষটি বালুর উপর দিয়ে ছুটতে ছুটতে আসছে। সকলে চীৎকার করে ডাকতে লাগলাম, এবং সে এসে গাড়িতে উঠেই বেকিতে একেবারে এলিয়ে পড়ল। তার অবস্থা তখন বেশ উদ্বেগজনক। সে অবস্থায় তার দরকার ঠাণ্ডা বাতাস ও জল। কিন্তু বাতাস তখন মন্দীভূত আর জল—তাও দূরে। একজন গাড়িতে ডাব বিক্রি করছিল। ডাব কিনে তার জলে তাকে পরিতৃপ্ত করবার চেষ্টা করলাম। কিন্তু আমাদের দুর্ভাগ্য যে তাতেও জল ছিল সামান্যই। এদিকে গাড়ি চলতে শুরু করল। কিছু পরে সে কিঞ্চিং সুস্থ হলে তার অন্তর্দ্বানের কাহিনীটি ব্যক্ত করল। বললে, গাড়ি ছাড়বার দেরি দেখে এসেছিল পায়ারে। পায়ার থেকে ধনুছোট্ট ষ্টেশনে ফিরে গিয়ে কুলিটির মুখে আমাদের বার্তা শুনেই গাড়ী ধরবার জগে প্রায় দু’ মাইল আবার গাড়ির পিছন পিছন ছুটে এসেছে। তরুণের প্রতি বহুস্বপ্ন চিরদিনই উপদেশ বর্ষণ করে থাকেন। আমবাও পাঁচ জনে সে সুযোগ ছাড়লাম না, যদিও সে উপদেশের কণিকামাত্র আমাবও প্রয়োজন ছিল। কারণ, গাড়ি ছাড়বার অনির্দিষ্ট সময়-সংবাদ আমিই তাকে দিয়েছিলাম।

মনে পড়ল প্রোট্ট কুলিটির কথা। সে শত শত বিদেশীকে দেখেছে। তাদের চরিত্র সম্বন্ধে যে অভিজ্ঞতা সঞ্চয় করেছে তারই সাহায্যে বলেছিল—‘পায়ার! পায়ার!’ সে জানতই না যে ছেলেটি এদিকে এসেছে।

ধনুছোট্ট থেকে রামেশ্বরমের দূরত্ব খুব বেশী না হলেও পামবানে গাড়ি বদল করতে হয়। সঙ্গে বেশী মালপত্র থাকলে কিছুটা অসুবিধার। কিন্তু দক্ষিণ দেশের ষাত্রীর শয্যা ও পোশাকের বোঝা সঙ্গে নেওয়ার প্রয়োজনই বা কি? যেটুকু আবশ্যিক তা নিজেই কাঁধে বা হাতে ঝুলিয়ে বওয়া চলে। একথা বলছি, আমাদেরই মত সামান্য লোকদের সম্বন্ধে।

যখন রামেশ্বরমে পৌঁছলাম তখন নিবিড় তাল-নারিকেল বন-শিরে সূর্য্য নেমেছে। ষ্টেশনের কাছেই একটি ষর্শালায় সিঁড়ি-পথে উঠতে উঠতে উঠানের ধার থেকে কানে এল কয়েকটি বাংলা শব্দ। তাতে মন হলে উঠল। ছ’টি বাঙালী সন্তান এক সঙ্গে পথ চলছি, বাংলা বলছি। তবুও বাংলার জন্মে অন্তরে ব্যাকুলতা। ষিতলের একখানি ঘরে আশ্রয় নিতে নিতে খবর পেলাম, নিচে এক ঘরে আছেন কয়েকজন বাঙালী। তাঁদের সঙ্গে পরিচয় করতে গিয়ে দেখি তাঁরা আমাদের সেই চারজন সহযাত্রী। তাঁরা ধনুছোট্টে না গিয়ে প্রথমে সেখানেই এসেছেন এবং সেখান থেকেই কলকাতার

ফিরবেন। কারণ, তাঁদের মধ্যে কলকাতা কর্পোরেশনের জনৈক পদস্থ কর্মচারী ছিলেন। আপিস তাঁকে টানছে, তিনি আর থাকতে পারেন না। সঙ্গেই মহিলাটি তাঁরই পত্নী। আসবার পথে মহিলাটিকে আমরা বলতে শুনেছিলাম, “সামনের বাব আর কাজের লোকের সঙ্গে আসব না, একজন বেকারের সঙ্গে আসব।” শেষে স্মরণ কলকাতা কর্পোরেশনের আপিসেরই জয় হ'ল।

বালুতে যে মায়া রচনা করেছে তা দেখে মুগ্ধ হলাম। হাওয়ার বালিয়াড়ি-শীর্ষের বালুকণাগুলি শীর্ষ থেকে মাত্র আধহাত-মত উপরে উড়ছে। তাতে মনে হতে লাগল, সূক্ষ্ম লুতাতত্ত্বজ্ঞান ছিন্ন-বিচ্ছিন্ন হয়ে সোনালি আলোয় ঝলমল করছে। এই দৃশ্য আবার সূর্যাস্তের সঙ্গে সঙ্গে পরিবর্তিত হয়। পরদিন সন্ধ্যার মধ্যে



রামেশ্বরম্—গোপুরম্

কিছুক্ষণ পরেই চললাম, মন্দিরে। খানিকটা গিয়ে রাজপথ ছেড়ে চললাম এক বিচিত্র পথ ধরে। সামনে শৈল বা সু-উচ্চ দুর্গপ্রাকারের মত রক্তাভ বালিয়াড়ি—তার পিছনে কোমল নীল আকাশ সমুদ্র বাতাসে সতত সঞ্চরণশীল দিকতার ঝংঝং রক্তিম। রামেশ্বরমের প্রাকৃতিক দৃশ্যে এই বালিয়াড়িগুলি ও তাদের সামুদ্রিক কৃষ্ণবর্ণ দীর্ঘাকার তালতরুশ্রেণী এমন একখানি চিত্রসৃষ্টি করে রেখেছে যা এক অনাস্বাদিত ভাব ও আনন্দ মনে আনে। পথটি বালুময়—একধায়ে নিবিড় তালীবন যেন একখানি জমাট কালো মেঘ মাটিতে নেমেছে। অপর ধায়ে ছায়াঘন সুবিস্তৃত নারিকেল ও বেগুন। তার ছায়ায় পল্লীকুটীরগুলি। রামেশ্বরম একখানি অর্ধসুপ্ত গণ্ডাম। তবে পথে, মন্দিরে, অবস্থাপন্ন লোকের ঘরে, দোকানে বিজলী আলো জ্বলে। পল্লীকুটীরে জ্বলে না। অবিশিষ্ট এদেরই সংখ্যা ভারতে বিপুল। শোনা ছিল, রামেশ্বরম ও কঙ্কাকুমারিকার সমুদ্রতট থেকে সমুদ্রে সূর্যের উদয় এবং সূর্যের অস্ত দেখা যায় বা ভারতের আর কোথাও দেখা যায় না। সূর্য তখন অস্ত যাচ্ছে। আমরা সূর্যাস্ত দেখবার আশায় তাড়াতাড়ি একটি বালিয়াড়ির উপর উঠতে লাগলাম। সূর্যাস্ত দেখতে পেলাম না সত্য কিন্তু বালিয়াড়ি শীর্ষে বাতাস ও



রামেশ্বরম্—গোপুরমের আর একটি দৃশ্য

তিন জন রামেশ্বরম গ্রাম থেকে মাইল দুই তফাতে জলবেষ্টিত একটি মন্দির থেকে সমুদ্রে সূর্যাস্ত দেখেন—সেখান থেকে উদয়ও দেখা যায়।

বালিয়াড়ি থেকে নেমে গ্রামের পাশ দিয়ে সমুদ্রকূলের দিকে যেতে যেতে দেখলাম, বালিতে খুব বড় কয়েকটি গর্ত—তুটি গর্তের কিনারে তুটি দ্বীলোক বসে অতি দীর্ঘ তুটি হাতায় গর্তের তলা থেকে জল ভুসে বিশাল ও বিচিত্রাকার তুটি পিতলের ঘড়ায় ভরছে। বৃষ্টির যে জল বালুবাণি শোষণ করে এ সেই জল এবং পানযোগ্য। এখানে কলের জলও সরবরাহ করা হয়। কিন্তু অধিকাংশ অধিবাসীই বাড়ীতে তা পায় না।

অর্ধচন্দ্রাকার উপকূল ঘিরে ধীর ও অজ্ঞাত শ্রেণীর অধিবাসীদের ঘর-বাড়ী। সেখান থেকে রামেশ্বরম মন্দিরের গোপুরম দেখা যায় --তাল-নারিকেলের মাথা ছাড়িয়ে আকাশপানে উঠেছে। এখান থেকে অনেক যাত্রী সমুদ্রপথে নৌকার ধমুকেটি গিয়ে থাকেন। তবে আমাদের মধ্যে কারও কারও হাতে সমুদ্রযাত্রার বেথা ঘরেছে। তাই কয়েক মাইল সমুদ্রে অতিক্রমণে তা মুছে যাবার ভয়ে আমরা ও পথ ধরি নি।

মন্দিরে গিয়ে বধন পৌঁছলাম তখন সন্ধ্যা শেষ হয়েছে। রামেশ্বরমের মন্দিরের সুদীর্ঘ অলিন্দ ভারতের স্থাপত্যশিল্পের এক পরম বিস্ময়। গোটা মন্দিরের নির্মাণকৌশল স্থপতিগণের, প্রস্তরশিল্পের মূর্তি ও শিল্পকাজ শিল্পীদের গভীর আলোচনার বিষয় সন্দেহ নেই। কিন্তু আমাদের মত সাধারণ লোকের অন্তর অলিন্দপথে চলতে চলতে এমন এক গাঙ্গীর্ষ্যে পূর্ণ হয়ে ওঠে যা আর কিছুতেই টলাতে পারে না। আমারও হ'ল সেই অবস্থা। মণিকোঠাস্থিত শিববিগ্রহের সম্মুখে মর্শ্বের বিশাল বৃষমূর্তি, পার্শ্বতীর মহা-সমারোহপূর্ণ আবর্তি, তাঁর স্বর্ণশিবিকা ও বিবিধ মণি-রত্নালঙ্কার, অলিন্দকোণে নটরাজের অমূল্য মূর্তি সে গাঙ্গীর্ষ্যে কোথায় নিমগ্ন হয়ে গেল।

সঙ্গীরা যিনি যে মানস ও মানত নিয়ে এসেছিলেন মূল্য দিয়ে তা সম্পন্ন করতে বসলেন। আমি তো অলিন্দে অলিন্দে ঘুরে সায়া। ছাত্রটিও অস্থির হয়ে আনমনে ঘুরে বেড়াতে লাগল। একটু রাত্রে একটি হোটেলে খাওয়ার আশায় বেতেই তামিল হোটেল-ওয়ালার বললে, "আমুন! বসুন। কি চাই?" মাত্রাজে সম্মেলনের শেষ দিনে বক্তৃতায় জীরাঙ্গগোপালাচারী বলেছিলেন, "বেঙ্গল নোজ নো বাউগারি!" হোটেলওয়ালার কথা শুনে আমি মনে মনে বললাম, "বেঙ্গলি নোজ নো বাউগারি।"

পরদিন সকালে চললাম, আবার মন্দিরের দিকে। শিল্পী হুজন গেলেন সেই বালিরাড়ির ধারে ছবি আঁকতে। মন্দিরের পথে দেখলাম, দুটি কিশোরী তাদের বাড়ীর সম্মুখে পথের খানিকটা ঝাট দিয়ে পরিষ্কার করে ও জল ছিটিয়ে সেখানে শুকনো চালের গুড়ো দিয়ে মস্ত ও বিচিত্র আলপনা দিচ্ছে। দেখলাম, প্রায় সব বাড়ীর সম্মুখেই পথে আলপনা। কিন্তু সে চিত্রগুলি আমাদের বাংলার আলপনার মত স্নিগ্ধ নয় এবং তার সঙ্গে মিলও নেই। কাঞ্চীপুরমের মতই দেখলাম, কোন কোন বাড়ীর সামনে আলপনার উপর চারটি পোময়ের গুলীতে চারটি কুম্ভার ফুল। স্থানীয় একজনকে জিজ্ঞাসা করলাম, "মিঃ, এয় মানে কি?"

তিনি আমাদের পরিচয় নিয়ে বললেন, "এ হ'ল মাদুলিক। দক্ষিণে মাত্রাজে হিন্দুদের বাড়ীর সামনে পৌষ ভোরই আলপনা দেওয়া ও বাড়ী ঘর পরিষ্কার-পরিচ্ছন্ন রাখা হবে থাকে।" তখন পৌষ মাস।

পথেই দেখা হ'ল সাহিত্য সম্মেলনের চার জন লক্ষ্যের প্রতি-নিধির সঙ্গে। তাঁরা লক্ষ্যেরে তাঁদের বাড়ীর পথ ধরেছিলেন।

জানি না কাজের তাড়নায় কিনা। তাঁদেরও সঙ্গে একটি মহিলা ছিলেন। তাঁরা উঠেছিলেন মন্দিরের ধারে বেষ্ট হাউসে।



দুটি কিশোরী তাদের বাড়ীর সামনে রাস্তার আলপনা দিচ্ছে।

রামেশ্বরম—প্রভাতকাল

রামেশ্বরমের খ্যাতি যেমন সুদূরবিস্তৃত তার তুলনায় বাজি-সমাগম সামান্তই। কাঞ্চীনা বা রেন্ডোরা ও হোটেল আছে অনেকগুলি। একটি দোকানে দেখলাম, রবীন্দ্রনাথ ও সুভাষচন্দ্রের প্রতিকৃতি। দক্ষিণে বাঙালীর মর্ষাদা বৃদ্ধি করেছেন স্বামী বিবেকানন্দ, রবীন্দ্রনাথ, জীঅরবিন্দ ও সুভাষচন্দ্র। এদেশে বাঙালী যে মর্ষাদা পায় তা মুখ্যতঃ এঁদেরই জন্তে। তবে আরও দক্ষিণে কঙ্কাকুয়ারিকার নয় মাইল উত্তরে মোটরবাসে এক মারাঠী ভদ্র-লোকের সঙ্গে আলাপের সময় কথায় কথায় তিনি বলেছিলেন, "বাংলা ভারতের সব চেয়ে অগ্রসর প্রদেশ।" হয় তো তাই-ই।

যা হোক, সেই দিনই গভীর রাত্রে রামেশ্বরম ছেড়ে সকলে রওনা হলাম মাদুরাইয়ে—তবে সর্বসম্মতিক্রমে নয়।



“ঘুম ভেঙে শুনতে পেলাম—”

শ্রীকুমারলাল দাশগুপ্ত

ঘুম ভেঙে শুনতে পেলাম বিষ্টি নেমেছে—রাত হুপুর।
তাড়াতাড়ি উঠে আসি,
জানালা খুলে বাইরের দিকে তাকাই,
অন্ধকারে দেখতে পাইনে কিছু ;
হাত বাড়িয়ে দি বাইরে
বড় বড় জলের কৌটা এসে পড়ে হাতে।
আনন্দে শিউরে ওঠে দেহ, এ যে অমৃতের স্পর্শ !
শুকনো প্রাণের আর শুকনো মাটির চাওয়া
বিষ্টি এল এত দ্বিনে।
হাত পেতে দি' ভিক্ষুকের মত, ধীরে ধীরে ভরে ওঠে অঞ্জলি
আকাশের দানে।

পাহাড়ের ঢালু গায়ে,
সাঁওতাল পল্লীর একধারে আমার ছোট মাটির ঘর।
পেছনে গভীর শালবন ধীরে ধীরে উঠে গেছে
পাহাড়ের মাথায়,
সামনে পাথর ছড়ান ঢালু পথ নেমে গেছে নদীতে।
রোজ রাতে শালবনের পথে যাদের পায়ের আওয়াজ
শুনতে পাই,
নদীর ধারে শুনতে পাই গলার আওয়াজ—
রাশভারী বাঘ আর রসিক ভালুক,
চঞ্চল হরিণ আর কদাকার হায়না,
মেঘের ডাক শুনে ফিরে গেছে তারা যে যার আস্তানায়
ভিজে মাটির গন্ধে আমার মত আকুল হয়ে উঠেছে
তাদেরও মন।

হু হু করে হাওয়া আসে
জানালা দিয়ে জলের ঝাপটা ধরে ঢোকে।
বন্ধও করিনে জানালা, সরেও বসিনে একপাশে,
অন্ধকারে মুখ রাখি জানালার উপর।
চোখে-মুখে স্পর্শ লাগে জলধারার
শুকনো চেনা আঙ্গুলের স্পর্শের মত।

রাত হয়ে আসে শেষ
আবছায়া অন্ধকারে দেখি হুলছে শাল আর পিয়াসের জল।
হুলছে যেন ভিজে আঁচল।
পাহাড়ের মাথা থেকে ভেসে আসে বনমোরগ আর
ময়ূরের ডাক।
দে ডাক আজ লাগে বড় মধুর।

মেঘের আড়ালে উঠেছে সূর্য,
আলো হারিয়ে গেছে শ্রামল অন্ধকারে।
ঘুম ভেঙেও যেন ঘুমিয়ে আছে পৃথিবী,
সিক্তশীতল আলিঙ্গন অনুভব করবে চোখ বুঁজে।
অরণ্যের অন্তর হতে ভিজে বাতাসে ভেসে আসছে একটা
মিঠেঃখোশবায়,
বনকরমচার সঙ্গে মেশান চেলিকুল্লের গন্ধ।
মেঘ ডাকছে গুড় গুড়, বিষ্টি পড়ছে অবিরাম।
চাকর আসে নি এখনো—চাইবার আগেই ছুটি দ্বিয়েছি তার
চা তৈরি হয় নি—নাইবা হ'ল, দরকার দেখিনে,
ছোটখাটো সাধারণ জিনিষের কথা মনেই পড়ছে না আজ।
আমার মধ্যে নেই যেন আমার মন,
সে মন আকাশে মেঘের বুকে ঝনিয়ে আছে,
বিষ্টির সঙ্গে ধরে পড়ছে, অরণ্যের সঙ্গে সঙ্গে কাঁপছে।

হঠাৎ আসে বিষ্টি,
এ যেন মুহূর্তের বিশ্রাম।
গাছের পাতা থেকে জল ঝরছে কৌটা কৌটা,
পাহাড়ের ঢালু গা বেয়ে নেমে চলেছে অসংখ্য জলধারা
পাহাড়তলীর ছোট নদীটির দিকে।
কুল ছাপিয়ে, পাথর ডিঙ্গিয়ে ছুটে চলেছে স্রোত
কল কল ছল ছল আওয়াজ শুনতে পাচ্ছি সকাল থেকে।
মহুয়া গাছের আগড়ালে ঝটপটিয়ে ডানা ঝাড়ে
একজোড়া চিল,
মাঠের উপর নেমে পড়েছে একঝাঁক শালিক।
সাঁওতাল-পল্লীতে উঠেছে সোরগোল,
হাঁকাহাঁকি ডাকাডাকি, হাসি আর গান।

মাথায় মাটির কলসী নিয়ে নদীর পথে যায়
 গুটিকয় সাঁওতালী মেয়ে ।
 খাটো আঁচল বুকের উপর দিয়ে ঘুরিয়ে মাজায় আঁট করে বাঁধা,
 গলায় লাল পুঁতির মালা, হাতে কাঁচের সবুজ চুড়ি,
 পায়ে তাদের পিতলের বাঁকা মল ।
 চলার ছন্দটা প্রায় নাচের মতই,
 কথার কাঁকে কাঁকে খিলখিল করে হেসে ওঠে ।

ছোকরা চাকরটা দরজায় এসে দাঁড়ায়
 তরুণ সাঁওতাল, একমাথা ভিজ্জ চুল নেড়ে হাসে ।
 খুশির নেশায় যেন টলমল করে দেহমন ।
 এটা ওটা কাজ করে, আর গুন্‌গুন করে গান গায়;
 ভাষাটা সাঁওতালী কিন্তু ভাবটা বিশ্বের—
 সে গায় “শালবনের সরু পথে ফুটলো কাঁটা কোমল পায়
 হায় রে, হায় হায়,
 সে কাঁটা ফুটলো আমার কলিজায়
 হায় রে, হায় হায় ।”

ঘড়িতে দেখি বেজেছে ন’টা
 টুপ্‌টাপ করে আবার নামে বিষ্টি,
 হরেক রকম আওয়াজ, যেন বাজছে অনেক যন্ত্র ।
 পলাশগাছের বড় বড় পাতায় আওয়াজ হচ্ছে তবলার,
 মাঠের ঘাসের উপর আওয়াজ হচ্ছে
 পায়ে চলার আওয়াজের মত চাপা,
 পথের কাঁকরের উপর আওয়াজ হচ্ছে
 অসংখ্য হাইহিলের খুট খুট খুট খুট ।
 কোথায় যেন পড়ে আছে একটা ভাঙা টিন,
 তার উপর বাজছে জলতরঙ্গ ।

হঠাৎ ঝম্‌ঝম্‌ করে চেপে আসে বিষ্টি,
 মুহূর্তে মিলিয়ে যায় টুংটাং যত স্বতন্ত্র আওয়াজ,
 বেজে উঠে একটা বিরাট গভীর অরকেষ্টা ।
 মলয়াতলায় ছুটে এসে দাঁড়ায় দুটি মেয়ে,
 আমি জানি ওদের নাম—সোনিয়া আর সুদন ।
 পাতার কাঁকে কাঁকে ওদের মুখে মাথায় এসে পড়ে জল ।
 গাছের গুঁড়িটায় ঠেস দিয়ে গলাগলি ধরে
 ওরা ফিস্‌ফিস্‌ করে কথা কয়,
 থেকে থেকে খিলখিল করে হেসে ওঠে ।
 গুড় গুড় করে ডেকে ওঠে মেঘ, হাওয়ায় দোলে মছারি ডাল
 হঠাৎ দেখি সোনিয়া আর সুদন ধরেছে নাচ,
 হাতে হাত ধরে ছলে ছলে এগিয়ে আসে হুজনে,
 তালে তালে পা ফেলে পিছিয়ে যায় আবার ।
 বাতাসে দোল খায় মছারি ডাল,
 দোল খায় শাল শিমের ডাল,
 অরণ্যের এই দোলা দেখলুম সাঁওতালী মেয়ের দেহে ।

ছপুঁর পার হয়ে গেছে অনেকক্ষণ,
 আকাশভরা কালো মেঘ, কাঁক নাই কোথাও,
 কালো চোখ মেলে চেয়ে আছে ধরণীর দিকে ।
 সেই নিবিড় দৃষ্টির মায়ায় মোহিত হয়েছে অরণ্যানী ।
 শাল আর শিমের মত আমিও অরণ্যের অংশ,
 আমিও হয়েছি মোহিত ।



হরিজন সেবায় অর্থসাহায্য

শ্রীপ্রিয়রঞ্জন সেন

যে সকল প্রতিষ্ঠানকে সমাজসেবার কার্য গ্রহণ করিতে হয় তাহাদের পক্ষে আজকাল কঠিন সমস্যা, অর্থ আসিবে কোথা হইতে। আজকাল কেন, বরাবরই এ সমস্যা আছে এবং থাকিবে উচিত, কারণ সমাজের সঙ্গে প্রতিষ্ঠানের যোগ আছে, ইহা দেখিবার অঙ্গতম উপায় হইল, জনসাধারণ অর্থ দিয়া প্রতিষ্ঠানকে সাহায্য করে কিনা। ইহাই তো পরীক্ষা, জনসংযোগ কি গণসংযোগ কতখানি হইয়াছে তাহার পরীক্ষা। এই যোগ না থাকিলে প্রতিষ্ঠানের প্রতিনিধিত্ব-মূলক কোনও রূপ থাকে না। যদি যথা ইচ্ছা এবং যত ইচ্ছা টাকা পাওয়া যাইত, যদি সে টাকা কি ভাবে ব্যয় হইবে তাহার বিচার করিবার উপায় বা ক্ষমতা সর্বসাধারণের না থাকিত, তাহা হইলে একদিকে অপব্যয় হইবার সম্ভাবনা বাড়িত, অঙ্গদিকে সেবা-প্রতিষ্ঠানের ভিত্তি সেবাভাবেরও লাঘব হইত। কথাটা ঠেকিয়া ঠেকিয়া শিথিতে হইতেছে। আজকালকার দিনে সেবাপ্রতিষ্ঠানের জন্ত দান চাহিতে গেলে শোনা যায়—কেন, আমাদের দেশ স্বাধীন হইয়াছে, welfare state, কল্যাণব্রতী রাষ্ট্র—রাষ্ট্র টাকা দিবে, আমাদের কাছে চাওয়া কেন? কিন্তু সরকারের টাকাটা ঠিক সময়ে আসিয়া পৌঁছায় না, পাওয়ার নানাবিধ ধাপ বা গণ্ডীও আছে; সে টাকা পাইলে প্রয়োজনের দাবি হয় তো মিটিতেও পারে, কিন্তু সাধারণের দান না থাকিলে প্রতিষ্ঠান যে জনসাধারণেরই সেবক বা প্রতিনিধি, সেরূপ দাবি করিবারও পথ থাকে না। সুতরাং জনসাধারণের কাজে আর্থিক সাহায্যের জন্ত জনসাধারণের নিকটেই প্রত্যাশা করিতে হয়। সেবামূলক প্রতিষ্ঠানের দায়িত্বও যে সাধারণের আছে! সরকারী দানের একটা সর্ভ হইল এই যে, সরকারী দান পাইতে হইলে সরকারের অধিকার থাকিবে আয়-ব্যয় পরীক্ষা করিবার। সেবাপ্রতিষ্ঠানের বিষয়ে বলিব যে, তাহার আয়-ব্যয় পরীক্ষার ভার রহিয়াছে সর্বসাধারণের উপর। তবে দেখিতে হইবে, তাহাতে প্রতিষ্ঠানের দৈনিক কার্যের ব্যাঘাত না ঘটে।

সে বাহা হউক, কোথা হইতে টাকা আসিবে, কর্মীর এ চিন্তা অবশ্যই আছে। সেইখানেই কর্মীর পরীক্ষা, সে হয় ত এমন করিয়া কর্মের গুরুত্ব সাধারণকে বুঝাইতে পারে নাই। দৃষ্টান্ত-রূপ বলিতে পারি, আমি কয়েক বৎসর হইল হরিজন সেবক-সঙ্ঘের বঙ্গীয় শাখার কর্মস্বাভাব্য জড়িত আছি। দেখা হইলে লোককে বলি, হিন্দুর জন্ম, অন্নায়ত্ত, বিবাহাদি সংস্কারে বর্ণহিন্দুকে সকল হিন্দুর কথা মনে রাখুন, অবর্ণ বা হরিজনদের জন্ত হরিজন-সেবক সঙ্ঘের ভাণ্ডারেও কিছু দিন। দশসংস্কারে ব্যয় তো কিছু

করিতেই হয়, হরিজনদের জন্তও সামান্য কিছু খরচ করুন না। এ কথায় বন্ধু-বান্ধব, আত্মীয়-স্বজন কেহ কিছু করেন, কেহ বা করেন না। কিন্তু চেষ্টা করি আমাদের কথা সকলকে বলিবার ও বুঝাইবার।

কয়েক বৎসর আগে বন্ধু জীবনময় রায় মহাশয় আসিয়া তিন হাজার টাকা আমার হাতে দিলেন, নিরঞ্জন বৈরাগীর স্মৃতিরক্ষার জন্ত লোকের হিতার্থে যেন ব্যয় হয়। প্রথমে তাঁহার ইচ্ছা ছিল, টাকাটা যেন কোথাও লাগাইয়া তাহার সুদ হইতে ব্যয় করা হয়। আমি অবশ্য পরামর্শ দিলাম, সুদের উপর নির্ভর না করিয়া আসলও ব্যয় করিতে। আমাদের প্রয়োজন এখনই; যন্ত্রা, অনশন, অর্দ্ধাশন, পড়ার খরচ—অর্থের আশু প্রয়োজন এখনই, সাধ্যমত সে প্রয়োজন মিটাইবার চেষ্টা না করিয়া, যথাসাধ্য এখনই ব্যয় না করিয়া যদি সুদেরই উপর নির্ভর করি, তাহা হইলে কতটুকু ব্যয় করিতে পারিব? আমার পরামর্শ গ্রহণ করিয়া তিনি আমাকে আমার ইচ্ছামত সেবার কর্ত্তে উক্ত টাকা ব্যয় করিতে নির্দেশ দিলেন। স্থির করিলাম, খেসের কাজের জন্ত কোনও নির্দিষ্ট তহবিল নাই, অথবা তহবিল হইতে অর্থ আনা সময়সাপেক্ষ, সেই সব কাজেই টাকাটা খরচ করিতে চেষ্টা করিব। হরিজনদের বই, ফি, বা অল্প সাধারণ খরচ ইহা হইতে করিব না, কারণ এগুলি তাহাদের তো স্বতন্ত্র তহবিল আছে। প্রাপ্ত অর্থ কি ভাবে খরচ করি তাহার নমুনা দিতেছি :

এই ভাণ্ডার হইতে আমি ১৯৫১ সালে সেরোজনলিনী মেমোরিয়াল এসোসিয়েশনের দুইটি ছাত্রীকে জন্ত ১০০ একশত টাকা, দুঃস্থ ছাত্রদের বইয়ের জন্য ১৭।০, একটি অর্ধাশনক্রিষ্ট ছাত্রের ঔষধ ও পথের জন্য ২১।০, একটি ম্যাট্রিক পরীক্ষার্থীর ফি দিবার সময় কম পড়িয়াছিল ৪।—মোট ১৪২।০ খরচ করি।

ঐরূপ ১৯৫২ সালে ২৩১।০ খরচ করি। পূর্ববৎসরের মত সেরোজনলিনী মেমোরিয়াল এসোসিয়েশনের দুইটি ছাত্রীকে জন্য ৫০ পঞ্চাশ টাকা হিসাবে ১০০ একশত টাকা, বেথুন কলেজে নিরঞ্জন বৈরাগীর নামে এক বৃত্তি দিই ৬০, দশম শ্রেণীর ছাত্রের স্কুল-বেতন ৫০, একটি মেয়ের ভর্তি হওয়ার সময় স্কুল-বেতন ৮।০ এবং বইয়ের জন্য ১৩—মোট ২৩১।০।

১৯৫৩ সনে বেথুন কলেজে প্রদত্ত নিরঞ্জন বৈরাগী বৃত্তি বাবদ ৩০০, একটি যন্ত্রাযোগীর ঔষধ ও চিকিৎসা বাবদ ১১৫।০, স্কুলের বেতন বাবদ ৫০, ছাত্রদের বই কেনা বাবদ ১৯৬।০, জর্নৈক দুঃস্থ ছাত্রকে এককালীন সাহায্য ২৫, একটি দরিদ্র ছাত্রকে সামান্য কিছু

হারে জলখাবার বাবদ ১৬, একটি ছাত্রকে এককালীন সাহায্য বাবদ ৪ এবং বিবিধ এককালীন সাহায্য ২০—মোট ৫৫০/০।

বর্তমান বৎসরে এ পর্যন্ত খরচ করিয়াছি যোগীয় পঞ্চা ও ঔষধ বাবদ ৯৩৫/০, ছাত্রটির জলখাবার বাবদ ১০, বই বাবদ ১২৫, পরীক্ষার ফি বাবদ ৪৫, এককালীন দান ইত্যাদি বাবদ ৪০০, বেধুন কলেজে নিরঞ্জন বৈরাগী বৃত্তি বাবদ ৬০—মোট ২৬২/৫।

১৯৫৫ সনে পাতিপুকুর বামিনীভূষণ আয়ুর্কেন্দ্র বন্দা হাসপাতালে নিরঞ্জন বৈরাগীর স্মৃতিরক্ষার্থ ১৫০০ টাকা দেওয়া হইয়াছে। ঐ টাকার উক্ত হাসপাতালের জ্ঞাত আধুনিক বন্দুপাতি কিনিবার নির্দেশ দেওয়া হইয়াছে।

জীবনে দুঃস্থ অভাবগ্রস্ত লোকের বন্দনা নিরঞ্জন বৈরাগীকে বিচলিত করিত। যোগগ্রন্থ অবহেলিত অন্নসংখ্যক জনের কাছে সর্কদা লাগিলেই তাঁহার স্মৃতিভাণ্ডারের মর্যাদা বক্ষিত হইবে। এই সন্ধে যে টাকার হিসাব দিলাম, তাহার একমাত্র কারণ এই যে, এই সব টাকা আমরা কি ভাবে ব্যয় করি তাহা জানিতে পারিলে অর্থসাহায্য করিতে সর্কসাধারণের আশ্রয় লইয়া এবং তাঁহারা বৃত্তিতে পারিবেন যে, চরিত্র-সেবার কত অল্প কাজ অর্থাভাবে অ-কৃত রহিয়াছে।

হরিজন সেবার বখাসাধ্য সাহায্য করুন।

পোর্ট সৈয়দ

শ্রীমধুসূদন চট্টোপাধ্যায়

জাহাজ দাঁড়ালো ভোর সান্তটার
ঝলমল করে রূপালি রোদ,
সামনে আমার পোর্ট সৈয়দ।
ছুটে ছুটে আসে মোটর-লঞ্চ—
আসে পুলিশ,
ইঞ্জিন-সিয়ান পতাকা উড়ছে
মাস্তুল থেকে অহর্নিশ।
অনেক দোকান—অনেক বেসানি—
কি গোলমাল;
লঞ্চগুলি জলে টাল-মাটাল।
চামড়ার ব্যাগ, আইভরি পট, কার্পেট আনে কেঁরিওলা—
প্ল্যাটিনাম চুড়ি, মুক্তারও আসে কত মালা—
সে সবে বিছানো স্বপ্নজাল।
স্বপ্নের মতো বাড়ীগুলি যেন
ছোঁয়া দিবে ব্যয় মনে মনে,
প্রতিটি জনের মনে-মনে।
গৃহগত প্রাণ—গৃহগত হৃদি বিবহী আখির—
কোণে-কোণে।

"উলওয়ার্থ"
বাড়ার হাত।
ঝিপ ঝিপ করে পড়িছে হাল।
নৌকা সাগরে টাল-মাটাল।
শক বয়স বাঁধা পড়ে আছে বহু জাহাজ।—
ইংলণ্ড আর আমেরিকার।
নানান দেশের পতাকা সেখানে বাতাসে তুলেছে
কুচকাওয়াজ।
পতাকা তো বড় আমেরিকার
উলারের হার কঠে তার।
ক্রেঞ্চ নাচঘরে এখন স্তম্ভ
বাতের কাকলি, সব আওয়াজ।
কারয়ো-সুয়েজ-মিশরগ্রন্থি পোর্ট সৈয়দ
আজব নগর পোর্ট সৈয়দ
ভায়ই পরে দেখি সকাল বেলায় নিবিরোধ
ঝিলঝিল করে রূপালি রোদ।

ভারতীয় সাহিত্য প্রদর্শনী

শ্রীশুভেন্দুশেখর মুখোপাধ্যায়

শান্তিপূর্ণ সহ-অবস্থান কথাটি আন্তর্জাতিক রাজনীতির অভিধানে নূতন আমদানী এবং বাস্তব ক্ষেত্রে এর প্রয়োগ-ব্যবস্থা আরও অর্কাচীন। কিন্তু যারা ভারতীয় সাহিত্যের ইতিহাস অনুধাবন করেছেন, তাঁরা জানেন একথাটির মর্ম এদেশে মোটেই নূতন নয়। ভারতবর্ষে রাজনৈতিক বিভাগ ও পতন-অভ্যুদয়কে উপেক্ষা করে ত্রিশতাব্দিক ভাষা ও সংস্কৃতি পাশাপাশি নির্বিবাদে সহ-অবস্থান করে আসছে দীর্ঘকাল ধরে। এতগুলি ভাষার একত্রে অবস্থান ভারতীয় সংস্কৃতির বৈশিষ্ট্য ও বৈচিত্র্যের মধ্যে একেবারে প্রকৃষ্ট উদাহরণ। এতগুলি ভাষার মধ্যে চতুর্দশটি ভাষা রাষ্ট্র-স্বীকৃতি পেয়েছে স্বাধীন ভারতের সংবিধানে—অসমীয়া, বাংলা, গুজরাটী, হিন্দী, কানাড়া, মলয়-মালয়, কাশ্মীরী, মরাঠী, ওড়িয়া, পাঞ্জাবী, তামিল, তেলুগু এই বায়টি আঞ্চলিক ভাষা এবং দুইটি সাহিত্যিক ভাষা সংস্কৃত ও উর্দু। সিন্ধি এর মধ্যে স্থান পায় নি, বোধ হয় ভাষাভাষীর সংখ্যা যথেষ্ট নয় বলে। সিন্ধি সহ এই পনরটি ভাষা নিয়েই ভারতীয় সাহিত্য এবং এর সঙ্গে আন্তর্জাতিক ভাষা ইংরেজী তো আছেই।

ভারতীয় ভাষা-সাহিত্যের সহ-অবস্থানের প্রকৃত রূপটি সম্প্রতি দিল্লীতে অনুষ্ঠিত এক প্রদর্শনীতে আরও স্পষ্ট ভাবে ধরা পড়েছে। প্রদর্শনীটির উদ্বোধনা, সাহিত্য আকাদেমি। উপলক্ষ্য, ইউনেস্কোর নবম সাধারণ অধিবেশন। স্থান—ইণ্ডিয়া ফেয়ারের পরিত্যক্ত ময়দান, দিল্লী। লক্ষ্য : "Indian literature is one though written in many languages"—"ভারতীয় সাহিত্য এক, যদিও বহু ভাষায় লিখিত"—এই উক্ত বাক্যটির সার্থকতা প্রতিপন্ন করা এবং সেই অবসরে ভারতীয় সাহিত্য বিভিন্ন ভাষায় জ্ঞানের বিভিন্ন ক্ষেত্রে কতদূর সমৃদ্ধ তার এক সুস্পষ্ট ছবি জনসমক্ষে তুলে ধরা। নিছক গ্রন্থপ্রদর্শনী নয়, সাহিত্যপ্রদর্শনী বলাই শোভন ও সঙ্গত। কেননা গ্রন্থবিশেষের প্রতি মনোযোগ দেওয়া হয় নি, বিভিন্ন সাহিত্যের মোটামুটি পরিচয়টি স্পষ্ট করে প্রদর্শন করার চেষ্টা করা হয়েছে। তাই কোন বিশেষ গ্রন্থ প্রদর্শনীতে স্থান পেয়েছে কি পাও নি, সেটা দ্রষ্টব্য নয়, সাহিত্যের বিভিন্ন ধারাগুলির প্রতিনিধি-মূলক সঙ্কলন ছিল কিনা সেটাই বিবেচ্য। এ বিবেচনায় প্রদর্শনীটি ভাল ভাবেই উৎসর্গে—তার প্রমাণ পাওয়া গেছে দর্শকের মস্তব্যের পাতায় পাতায় অজস্র প্রশংসাবাদে। অনেকে বিস্মিত হয়েছেন ভারতীয় সাহিত্যের বহুমুখিতায়, অনেকে খুশী হয়েছেন কোন কোন ভাষার বিষয়বিশেষে পূর্ণাঙ্গ কাজ দেখে। যেমন, প্রধান-মন্ত্রী জীনেহরু সন্তোষ প্রকাশ করেছেন বাংলা বিভাগের অষ্টাদশ এবং উনবিংশ শতকের অভিধান ও এনসাইক্লোপিডিয়ায় কাজ দেখে, মরাঠীর বিভিন্ন কোষগ্রন্থ ও তামিলের লোকগাথার সঙ্কলনে।

প্রদর্শনীতে সিন্ধি, উর্দু, সংস্কৃত ও ইংরেজী সহ বোলাটি ভাষা-কোটর ছিল। ('কোটর' শব্দটি আক্ষরিক অর্থেই ব্যবহৃত হ'ল)। এ ছাড়া ছিল তিনটি বিশেষ বিভাগ। ইউনিটি অব ইণ্ডিয়ান লিটারেচার, রবীন্দ্রনাথ ও শিশু বিভাগ। ইউনিটি অব ইণ্ডিয়ান লিটারেচার বিভাগের পরিকল্পনাটি অভিনব। রামায়ণ, মহাভারত ও কালিদাস ভারতীয় সাহিত্যে শাস্ত্র এবং সর্বগ্রাহী। কেবল ভারতীয় সাহিত্য নয়, বৈচিত্র্যময় ভারতীয় সংস্কৃতি বহুধা প্রকাশিত, কিন্তু এই নানা বর্ণের ফুলগুলি একটি বিনিমুতোয় মালায় গাঁথা—সেই অলঙ্কার সুতোটি হ'ল রামায়ণ-মহাভারত ও কালিদাস। এদের প্রভাবই ভারতীয় সংস্কৃতির বৈচিত্র্যের মধ্যে একেবারে সুরটিকে জাগিয়ে রেখেছে। প্রত্যেকটি ভাষায় এদের অনুবাদ, সারানুবাদ, ছায়ানুবাদ ও প্রভাবিত গ্রন্থ পাঠকের কাছে একেবারে সুরটি পৌঁছে দিয়েছে। আমরা ভারতের প্রতি প্রান্তের মানুষ নিজের নিজের সাহিত্য নিয়ে কেউ মরাঠী, কেউ গুজরাটী, কেউ বাঙালী—কিন্তু রামায়ণ মহাভারত হাতে নিয়ে আমরা সবাই ভারতীয়—তার ভাষা বাংলাই হোক আর উর্দুই হোক। ইউনিটি অব ইণ্ডিয়ান লিটারেচার বিভাগে বিভিন্ন ভাষায় রামায়ণ-মহাভারত ও কালিদাসের অনুবাদ সাজিয়ে রেখে উপরোক্ত তন্ত্রটির প্রতিই দৃষ্টি আকর্ষণ করা হয়েছে। রবীন্দ্র-বিভাগে ছিল রবীন্দ্রনাথের গ্রন্থসমূহ—তাঁর বালা বইয়ের হুঁধারে সাজানো ছিল ভারতীয় এবং বিদেশীয় অনুবাদ। ভারতীয় অনুবাদে একমাত্র কাশ্মীরী ভিন্ন ভারতের সকল মুখ্য ভাষাতেই রবীন্দ্রনাথের অনুবাদ সংগ্রহ করা হয়েছিল। বিদেশীয় অনুবাদেও ছিল অস্তুতঃপক্ষে বারোটি ভাষায় অনুবাদ। এ ভিন্ন বহু অনুবাদ সংগ্রহ করা সম্ভব হয় নি। বিদেশীয় অনুবাদেও মধ্য দৃষ্টি আকর্ষণ করেছে stray birds-এর সুদৃশ্য ক্ষুদ্র জাতিসংস্করণ, স্প্যানিশ ভাষায় রবীন্দ্র-সাহিত্য সঙ্কলনের রাজসংস্করণ ও সাম্প্রতিক কয়েকটি বাসিয়ান অনুবাদ। ভারতীয় অনুবাদেও প্রচ্ছদপট ও প্রকাশ-নৈপুণ্য হতাশ করেছে অধিকাংশ ক্ষেত্রে। রবীন্দ্র-বিভাগে কয়েকটি প্রথম যুগের ছাপ্রাপ্য সংস্করণ ও পাণ্ডুলিপি উল্লেখযোগ্য। এই বিভাগে জাতীয় প্রত্নশালায় সৌভাগ্যে প্রাপ্ত রবীন্দ্রনাথের 'নাইট' পদত্যাগের মূল পত্রটির বৃহদাকার আলোকচিত্র এবং কবির স্বহস্তলিখিত 'where the mind is without fear' কবিতাটির সুবৃহৎ প্রতিলিপি দর্শকের দৃষ্টি আকর্ষণ করেছে—বিশেষ ভাবে নাইট পদত্যাগপত্রের প্রতিলিপি। সজ্জা ও শোভনতার দিক দিয়ে সবচেয়ে চিত্তাকর্ষক ছিল শিশুবিভাগ। এ বিভাগে বিভিন্ন ভারতীয় ভাষার শিশু-সাহিত্য একত্রিত করা হয়েছে সুদৃশ্য আসবাবে। শৈলকগুলি নানা ধরনের জন্তু-জানোয়ারের

আকৃতিতে করা হয়েছিল—কোথাও পাখীর ডানার, খরগোশের কানে, কোথাও হাতীর পিঠে, উটের পেটে বই সাজিয়ে রাখা হয়েছিল। এই বিভাগের দেওয়ালের গায়ে পঞ্চতন্ত্রের কয়েকটি কাহিনী ও রবীন্দ্রনাথের তোতা কাহিনী চিত্রে বাণিত ছিল।

বিভিন্ন ভাষার গ্রন্থনির্বাচনের মানদণ্ডের থেকে ইংরেজী বিভাগের নির্বাচন-আদর্শ স্বভাবতঃই ভিন্ন ছিল। এখানে দেশী ও বিদেশী লোকের লেখা ভারতবিষয়ক বই স্থান পেয়েছে।

প্রত্যেক ভাষা-বিভাগে প্রদর্শিত পুস্তকের নির্বাচনের আদর্শ এক ধরনের ছিল, যার ফলে সকল ভাষার মধ্যে ভিন্ন ভিন্ন বিষয়ে প্রকাশিত গ্রন্থের একটা তুলনামূলক ছবিও ধরা পড়েছিল। বিস্ময় সাহিত্য অর্থাৎ গল্প, উপন্যাস, কাব্য, নাটক ছাড়া বিজ্ঞান, দর্শন, শিল্প, ইতিহাস প্রভৃতি বিষয়ের গ্রন্থও ছিল। প্রতি ভাষা-কোটে প্রায় ১ হাজার করে বই ছিল—অর্থাৎ একটি ৬৪ ফুট X ৫১ ফুট কক্ষে প্রায় বিশ হাজার বই প্রদর্শিত হয়েছিল। যার ফলে নিদারুণ স্থানাভাব এবং উপযুক্ত প্রদর্শনের অভাব বিশেষ ভাবে অনুভূত হয়েছে। বহুক্ষেত্রে দর্শককে বইয়ের নামগোত্রহীন 'পুট'টুকু দেখেই সন্তুষ্ট থাকতে হয়েছে। আর একটি বিশেষ ত্রুটি ছিল গাইডবুকের অবিভক্তমানতা। গ্রন্থপ্রদর্শনীতে গাইডবুকের অভাব অমার্জ্জনীয় ত্রুটি। এর ফলে প্রদর্শনীর মূল উদ্দেশ্য বহুলাংশে ক্ষুণ্ণ হয়েছে সন্দেহ নেই।

প্রতি ভাষা-কোটে আর একটি ত্রুটি বিষয় ছিল, সেই সাহিত্যের কৃতী সম্মানদের প্রতিকৃতি ও কোন একটি বিশেষ উক্তি। বাংলা বিভাগে ছয়টি প্রতিকৃতি ছিল—রামমোহন, বিজ্ঞানাগর, বঙ্কিমচন্দ্র, মধুসূদন, রবীন্দ্রনাথ ও শরৎচন্দ্রের। উক্তি ছিল চণ্ডী-দাসের 'সবার উপরে মানুষ সত্য তাহার উপরে নাই'। প্রতি ভাষার শ্রেষ্ঠ সাহিত্যিকদের প্রতিকৃতি ও একটি করে বিখ্যাত উক্তি প্রদর্শনীর পরিবেশটিকে সাহিত্য-তীর্থের মর্যাদা দিয়েছিল। ইংরেজী বিভাগে ভারত-বিদদের ছবির মধ্যে সরোজিনী নাইডুর ছবি কেন স্থান পেয়েছে, এবং উইলিয়াম জোন্সের ছবি কেন বাদ পড়ল বোঝা গেল না।

পুস্তক ছাড়া উচ্চোক্তারা বিস্তার পাণ্ডুলিপি ও প্রাচীন পুথি সংগ্রহ করেছিলেন ভারতের বিভিন্ন প্রান্তের গ্রন্থাগার, সংগ্রহশালা ও ব্যক্তি বিশেষের সংগ্রহ থেকে, তালপত্রের উপর কয়েকটি উড়িয়া সচিত্র পুথি, তেলুগু ভাষার ভাগবতের পুথি, সাবদা বর্ণমালার ভূর্জপত্র লেখা পুথি এবং বিজ্ঞানাগর, বঙ্কিমচন্দ্র ইত্যাদির পাণ্ডুলিপি ও পত্রের একস্থানে এমন সমাবেশস ত্যই হুল্লভ।

রাজধানীতে এক অত্যন্ত গুরুত্বপূর্ণ সময়ে—৬ই নভেম্বর থেকে ৫ই ডিসেম্বর পর্যন্ত এই প্রদর্শনী অনুষ্ঠিত হয়েছে। এই একমাস কাল দিল্লী শহর ইউনেস্কো ও বৌদ্ধ কনফারেন্সের কল্যাণে দেশের ও বিদেশের পণ্ডিতদের তীর্থক্ষেত্রে পরিণত হয়েছিল। সেই কারণে প্রদর্শনীর গুরুত্ব ছিল অসামান্য। ভারতীয় সাহিত্যের এমন বিরাট প্রদর্শনীর ব্যবস্থা অভিনব। এর মূল উদ্দেশ্য ছিল ভারতীয়

ভাষাগুলির ভিতরে সংযোগস্থাপন ও পরস্পরের মধ্যে ভাববিনিময়। এদিক দিয়ে এ প্রদর্শনী সার্থক হয়েছে। এমন আসরে বাংলা-সাহিত্যের প্রতিনিধিত্ব করবার দায়িত্ব নিয়েছিলেন বঙ্গীয় সাহিত্য পরিষদ। বিভিন্ন প্রকাশকের সহযোগিতায় সাহিত্য পরিষদ এই দায়িত্ব বিশেষ সাফল্যের সঙ্গে পালন করে বাঙালী-সমাজের কৃতজ্ঞতা-ভাজন হয়েছেন। বাংলা সাহিত্যের বিরাট ঐতিহ্য নিয়ে এই প্রদর্শনীতে যোগ দিতে গিয়েছিলাম সহযোগিতায় মনোভাব নিয়ে, প্রতিযোগিতায় মনোবৃত্তি নিয়ে নয়। গিয়েছিলাম অল্প সাহিত্যের ভাণ্ডার থেকে কিছু শিক্ষা গ্রহণ করবার আছে কিনা জানতে। সেই প্রসঙ্গেই আজ কয়েকটি কথা নিবেদন করব।

বাংলা বিভাগের গৌরবের কথা বাহুল্যবোধে উল্লেখ করতে চাই না। কিন্তু দর্শকসমাজের কাছে যে সব প্রশ্ন পেয়েছি, গত এক মাসে নিজের মনেও যে সব প্রশ্ন জেগেছে আজ তারই উল্লেখ করব। যে সব গ্রন্থ বাংলা সাহিত্যের একান্ত গৌরবের তার অনেকগুলিরই প্রকাশকাল আজ থেকে বিশ বছরেরও পূর্বে। তার ফলে প্রায় সবই অপ্রাপ্য অথবা অসংস্কৃত। অবাঙালীয় বাংলা শিক্ষার ভাল বই কোথায়—সুনীতিবাবুর মাল'বায়ো সিরিজের বই ভিন্ন? সে বইও তো নিঃশেষিতপ্রায়। বেণী-মাধব গান্ধীর হুপ্রাপ্য বাংলা-ইংরেজী অভিধান ভিন্ন এ ধরনের প্রামাণিক অভিধান কোথায়? অবাঙালী ছাত্রের হাতে আজ কোন অভিধান তুলে দেব। বাংলা-হিন্দী, বাংলা-উর্দু, বাংলা-করাচী, বাংলা-রুশ—এসব অভিধান কি আছে? প্রামাণিক বাংলা অভিধানই বা কোথায় বাজাবে? হরিচরণ বন্দ্যোপাধ্যায়ের 'বঙ্গীয় শব্দকোষ' হুল্লভ, জ্ঞানেন্দ্রমোহন দাসের অভিধান নিঃশেষিত-প্রায়। আর আছে রাজশেখর বাবু'র চলচ্চিত্রিকা। এর মধ্যে অক্ষফোর্ডের তুল্য অভিধান কোনটি? বাংলা ভাষায় বাংলা ব্যাকরণের কথা তুলি। যোগেশচন্দ্র রায় বিজ্ঞানিধির ব্যাকরণ পাওয়া যাবে না, সুনীতিবাবুর ভাষাপ্রকাশ ব্যাকরণটিও অপ্রাপ্য। প্রবেশিকা পরীক্ষার্থীর জ্ঞাত তার সংক্ষিপ্ত সংস্করণটিই কি প্রামাণ্য বাংলা ব্যাকরণ, না সুনীতিবাবুর 'Origin and Development of Bengali Language' বা এণ্ডারসনের 'গ্রামার'? কিন্তু দুটিই তো ইংরেজীতে ও অধুনা হুপ্রাপ্য। বাংলা সাহিত্যের প্রামাণ্য ইতিহাস কোনটি? ক্লাসিক সাহিত্যের নির্ভরযোগ্য বঙ্গানুবাদ কোথায়? বেদব্যাসের অনুবাদ কালীপ্রসন্ন সিংহের মহাভারত এখন আর পাওয়া যায় না। হেমচন্দ্র বিচারকের বাঙ্গালীকি রামায়ণের অনুবাদের খোঁজ ক'জন রাখেন? বেদ, উপনিষদ, গীতা—এদের সম্পূর্ণ বা অংশবিশেষের নির্ভরযোগ্য অনুবাদ খুব কমই চোখে পড়ে। তন্ত্রের দেশ বাংলা, কিন্তু তন্ত্রের প্রামাণ্য গ্রন্থ কোথায়?

এই তালিকা আরও দীর্ঘ করা যেতে পারে—কিন্তু এটা তার উপযুক্ত স্থান নয়। শুধু লক্ষ্য করা কর্তব্য যে, অনেক কাজ আজও বাংলার হর নি এবং অনেক গ্রন্থ ঘটনাচক্রে আজ অপ্রাপ্য। তাই

আধুনিক পাঠক বড় অসহায়—তার হাতে তুলে দেবার মত অনেককিছুই নেই বাংলার গ্রন্থ-ভাণ্ডারে—এই সত্যটাই বার বার অনুভব করেছি। তাই প্রস্নাকারে সেই সব আবেদন রেখে গেলাম বাংলার পণ্ডিতসমাজের কাছে।

ভারতীয় সাহিত্য-প্রদর্শনী নানা দিক দিয়ে ভারতীয় সাহিত্যের ইতিহাসে এক নতুন দিগ্‌দর্শন—বাংলা সাহিত্যের ক্ষেত্রেও এর

ভূমিকা অত্যন্ত গুরুত্বপূর্ণ। সেই কারণে উক্তোক্তা সাহিত্য আকাদেমি নানা দিক দিয়ে দেশবাসীর ধন্যবাদার্থ। তবে তাঁদের কর্তব্য এই সুরু, আরও অনেকদূর এগোতে হবে—সবে গ্রন্থিবন্ধন হয়েছে, এবার সহ-অবস্থান শুধু নয় সক্রিয় সহযোগিতা চাই, আর তার পৌরোহিত্য করতে হবে সাহিত্য আকাদেমিকে, তবেই সার্থক হবে সাহিত্য-প্রদর্শনী।

স্বপ্নের নিধনঃ শ্রেয়ঃ

শ্রীকালিদাস রায়

নগরে আমার কর্ণ পায় না বিশ্রাম
পথে ছুটে কত যান—ফায়ার ব্রিগেড, ট্রাক, ট্রাম।
শিঙা বাজাইয়া ধায় লরি, বাস, হাজার মোটর।
কোমলতা কোথা? লোহা ইট কাঠে, সকলি কঠোর।
সর্ব বর্ণ দেখি এক শ্রামলতা ছাড়া।
ছুটে লক্ষ লক্ষ লোক পেয়ে যেন রাক্ষসের তাড়া।
চিম্বিতে উঠিছে ধুম, পণ্যভরা দোকান হাজার
সমগ্র শহরে যেন বানায়েছে একটি বাজার।
রণক্ষেত্রে বলি হয় ভ্রম,
হেথা মানুষের দেখি দুর্গতি চরম।
কি লিখিব এই সব নিয়ে?
মোর কবিচিত্ত হেথা জাগে না উঠে না সাড়া দিয়ে।

এই পরিমণ্ডলের গণ্ডীপারে সেবি' মুক্ত বায়ু
শাস্ত হয় উদ্বেজিত স্নায়ু।
দেখি সেধা চাষী চষে, জেলে ফেলে জাল
উঁতী তার তাঁত বোনে, মাঝি ধরে হাল।
হাতে তারা কাজ করে সাথে তার মুখে গান গায়;
মাতে তারা পর্কদিনে, রাতে তারা বাতি না জ্বালায়।
মাঠে গোঠে গোকু চরে, ক্ষেতে ক্ষেতে সোনার ফসল,
মার কোলে শিশুসম শাখা হ'তে তুলে পাকা ফল।
কলসী খেজুরগাছে, তালগাছে বাবুয়ের বাসা;
তুনি সেধা মক্ষীদের পক্ষীদের কল কঠে ভাষা।

চাল ফুঁড়ে উঠে ধুম, কাল কারো নয় বড়িধরা;
নাই পথে হট্টগোল, নাই কোন ভরা।
শ্রমিকের মত যেন কারখানা হতে মুক্তি পেয়ে
এখানে আমার চিত্ত উঠে গান গেয়ে।
মনে হয় গদ্য থেকে যেন সে ফিরিল কবিতায়
গঞ্জ থেকে কুঞ্জে যেন, খাঁচা থেকে যেন নীলিমায়।
যেন সে বিদেশ থেকে ফিরিল ভারতে
কারাগার থেকে যেন মুক্ত হয়ে আসিল সে পথে।
বি'র কোল থেকে যেন মার কোলে বাড়াল সে হাত।
এইত স্বদেশ মোর, নগর-ত নকল বিলাত।
এরি পাঠশালে মোর বিদ্যা হ'ল সুরু
এরই গান গাহিবার দীক্ষা মোরে দিল কবিগুরু।
তাই আমি গেয়ে যাব, ঘুচিবে না আমার স্বভাব,
বিজ্ঞতির বৈতালিক চারণের হবে না অভাব।
সারা জগতের কবি তারা হ'তে চায়
বাঙলারই কবি হয়ে তাই রয়ে লইব বিদায়।
যে ভাষায় তারা গাবে সে ভাষা এ ভাষা কভু নয়
আমার ভাষার সাথে তাদের হবে না পরিচয়
হয়ত আমার ভাষা গণ্য হবে পালিভাষা সম
বিলুপ্ত ভাষার অন্ততম।
এ ভাষাই শিখালেন পিতা-পিতামহ।
স্বপ্নের নিধনঃ শ্রেয়ঃ পরস্বপ্নের জানি ভয়াবহ।

শেষ পাণ্ডুলিপি

শ্রীস্বীরচন্দ্র রাহা

সকালের টিউশনি ও দশটা হইতে বেলা চারটা পর্যন্ত আপিসে কলম পিষিয় আদিয়া আমি আর বড় একটা কথাও বাত্বি হই না। প্রায় সন্ধ্যার সময় বাশর ফিরিয়া ছাদ খোলা বাত্বাসে শুইয়া পড়ি। দীন জু সেনের ভিতর এমন সুন্দর ছাদওয়ালার বাস যে পাইব তাহা আমার কল্পনাশীত। মোকদ্দার দুখানি বর, একটি রান্নাবর, আর তাহারই সম্মুখে ছোট্ট ছাদখানি আমার বিশেষ আকর্ষণের বস্তু। গৃহিণী সেই ছাদে গুটিকয়েক ফুলের টবে বসাইয়াছেন। একটি টবে কুমসী গাছ আর কয়েকটি টবে ফুলগাছ। গৃহিণী নিজই গাছের গোড়া খুঁড়িয়া ফেল—গাছের ছন্দ ফেল। গাছে ফুল ফুটি লম্বসে আমার দেখাইয়া বলেন, ওগো দেখছ, কেমন সুন্দর ফুল ফুটিছে। ওমা—একটুকি সুন্দর প্রজাপতি আবার এসে জুটাইয়া—সত্যিই একটি সুন্দর প্রজাপতি তাহার নরম পাতল অপক্লপ দুখানি ডানা মেলিয়া সজ-প্রস্তুতিত গোসাপ ফুলটির উপর আসিয়া বসিয়াছে। আশ্চর্য্য হইয়া গেসাম। এই ইট কাঠ সাহা পাথর ঘেরা কলিকাতার এক নিভৃত ছাদে কি করিয়া রূপপিপাসু প্রজাপতি সন্ধান পাইল যে, এখানে ফুল ফুটিয়াছে। সিগারেটে মুহূ টান দিয়া বলিলাম কাকে সন্ধান দিতে হয় নি গো। রূপের আকর্ষণ ওর ছুটে আসে। এটা ওদের স্বাভাবিক প্রবৃত্তি বলতে পার। নতুন দীনজু সেনের অখাত দোতলা বাড়ীর ছাদে একটা টবে ফুল ফুটিছে এর সন্ধান ওকে কে দিয়েছিল। ফুলের সুগন্ধ কি লোকানো থাকে? হোক না এ কলিকাতা—ইট-পাথর আর সাহার তৈরী। তবুও দেখ, কোথাক এসে ঘুরতে ঘুরতে ঠিক জায়গাটির সন্ধান পেয়েছে। যেমন আমি তোমাকে পেয়েছিলাম—

আমার গৃহিণী চারটি সন্তানের জননী, বয়স প্রায় ত্রিশ। কিন্তু আমার কথায় তিনি যেন হঠাৎ নববধূর মত সজ্জায় রাঙ হইয়া উঠিলেন।

বলিলাম—কেন? বর্ধমানের অখাত বন-ভঙ্গলঘেরা চাঁপাডাঙ্গা গ্রাম কে জানত বল? কে জানত সেখানকার বন-ভঙ্গল আলোকের তুমি রয়েছ। ঠিক এই প্রজাপতির মতই আমি ত ঠিক সন্ধান করে তোমায় নিয়ে এলাম। গৃহিণীর ত্রিশ বৎসরের মেহে খুঁশির তরঙ্গ বহিয়া গেল। একটু চাপ গঙ্গায় বলিলেন—যাও। থাক—কি হয়েছে তোমার। হেলেরা ইঁ করে তাকিয়ে রয়েছে খেয়াল নেই বুঝি।—আমি

পুত্র দর দিকে চাহিয়া, ভালমানুষের মত সিগারেট টানিতে লাগিলাম।

সোমেন শনিবার। তাহার পূর্বেদিনে মাহিনা পাইয়াছি। তাই সকালবেলায় বাজার হইতে সেরানেক মাসি আনিয়াছি। রাত্রি—আরাম করিয়া মাংস ভাত খাইয়া ছাদে শুইয়া সিগারেট টানিতেছি। আকাশে সুন্দর জ্যোৎস্ন—চারিদিক ঠিক দিনের মত ধপ ধপ করিতেছে। টবের বক্রীগন্ধা ফুল ফুটিয়াছে—ঠাণ্ডা হাওয়ার সঙ্গে বক্রী-গন্ধার মিষ্ট গন্ধ নাকে আসিয়া লাগিতেছে। আমার দুই চোখ পলম আবার প্রায় মুদ্রিয়া আসিতেছিল। দেলেরা খাওয়া দাওয়ার সারিয় ঘুমাইয়া পড়িয়াছে, শুধু গৃহিণী তখনও রান্নাবর টুকটুকি কাজকর্ম করিতেছিলেন। হঠাৎ ঘুমের আমল ছুটিয়া গেল। কে যেন সদর দরজার কাছে দাঁড়াইয়া আমার নাম ধরিয়া ডাকিতেছে—সুরেশদা, ও সুরেশদা—

গৃহিণী বলিলেন, ওগো শুনেতে পাচ্ছ। তোমায় কে যেন ডাকছে—কড়া নাড়ছে। লুঙ্গিটা কোনমতে কোমরে জড়াইয়া বলিলাম—রাত দশটার সময় আবার কার কি দরকার পড়ল? ভাল আপদ—চটিছুতাটি পায়ে গলাইয়া সিঁড়ি দিয়া নামিয়া দরজা খুঁসিয়া বলিলাম, কে? কাকে চান?

লোকটি বলিল, কে সুরেশদা নাকি? আমি নীলকণ্ঠ—নীলকণ্ঠ? নীলু তুমি এত রাত্রে কোথেকে এলে হে? নীলু তখন তাহার ছোট বিছানার বাগুণ ও বৌচকাটি লইয়া ভিতরে আসিয়া দাঁড়াইয়াছে। সদর দরজা বন্ধ করিয়া, নীলকণ্ঠকে লইয়া উপরে উঠিয়া গেলাম। ছাদে আসিয়া বলিলাম, বস হে নীলু। তার পর এত রাত্রে কি ব্যাপার। দেশ থেকে এলে নাকি হে?

নীলকণ্ঠ আমদের গ্রামের সর্কেশ্বর ভট্টাচার্য্য মশায়ের ছেলে। এতদিন গ্রামেই ছিল জানিতাম। গাঁয়ে ষষ্ঠীপূজা, অন্নপ্রাশন, বিয়ের পৌরহিত্য করিত—আর দিনের বাকি সময়, যত সাহার দোকানে বিড়ি বাঁধত। জিজ্ঞাসা করিলাম—দেশ থেকেই আসছ ত—

নীলু বলিল, হাঁ। ট্রেনটা অনেক লেট ছিল—তাই হাওড়া পৌহতে ঘেরি হয়ে গেল। বাবা আপনাকে একখানা চিঠি দিয়েছেন—

বলিলাম, সে কাল দেখব। এখন হাতমুখ ধোও। দেখি

কিছু খাবার-দাবার ব্যবস্থা করা যায় কিনা। দোকানের খাবার খাইয়া নীলু বলিল, বাবা পাঠালেন। দেশে আর সুবিধে হচ্ছিল না। পূজোআর্চা কে করাবে বলুন। গাঁয়ে সোক কৈ, যাদের ক্ষমতা আছে তারা শহরে চলে গিয়েছে। তাই বাবা পাঠালেন যদি কিছু কাজকর্ম জুটিয়ে দেন এই আশায়।—আমার বেশ ঘুম আসিতেছিল। নীলকণ্ঠকে বলিলাম, আচ্ছা, কাল সব কথাবার্তা হবে। রাত হয়েছে এখন ঘুমিয়ে পড়—

সর্ব্বেশ্বর ভট্টাচার্য্য মহাশয় আমাদের কুলপুরোহিত। তিনি ভাবিয়াছেন, আমি বখন কলিকাতায় সরকারী আপিসে চাকরি করি, তবে নিশ্চয়ই আমি একটা কেউকেটা ব্যক্তি। কিন্তু ভট্টাচার্য্য মহাশয় জানেন না, আমার শক্তি কি সামান্য ও সীমাবদ্ধ। আমি সরকারের একজন নগণ্য চাকর্য্যে। আমি আমার দুই-একজন বন্ধুকে নীলুর মস্তক্কে বলিলাম, কিন্তু কেহই নিশ্চয় করিয়া কোন উত্তর দিতে পারিল না। নীলকণ্ঠ গ্রামের স্কুলে পড়িয়াছে এবং ভট্টাচার্য্য মহাশয়ের নিকট বাংলা ও সংস্কৃত শিক্ষা করিয়াছে। সে ম্যাট্রিক পাস নহে বা ই বেজী কিছু জানে না। তাহা নীলকণ্ঠের মুখেই জানিলাম।...

নীলকণ্ঠ আমার বাসাতেই আছে। দুই বেলা বাজার করে, দোকান হইতে এটা-ওটা কিনিয়া আনে। ইহারই মধ্যে সে গৃহিনীকে বেশ আপন করিয়া লইয়াছে। ছেলেমেয়েরা তাহার কাছে পড়াশুনা করে। নীলকণ্ঠ দেখি গৃহিনীকে একবেলা ছুটি দিয়া নিজেই হাতাবেড়ী লইয়া রান্না করিতে লাগিয়াছে।

বলিলাম—কি নীলু রান্না বিছোটাও জানা আছে নাকি ?

হাসিয়া নীলকণ্ঠ বলিল, সুরেশদা সবই কিছু কিছু জানি। ছোটবেলায় মা মারা গিয়েছিলেন তা জানেন ত। তার পর থেকে দুই বেলাতেই রান্নাবান্না, ঘরসংসারের কাজ সবই করতাম। ইচ্ছা ছিল ম্যাট্রিকটা পাস দেব, কিন্তু তা হয়ে উঠল না। এখন আপনি একটু চেষ্টা-চরিত্তির করে যেকোন একটা কাজকর্ম জুটিয়ে দিন দাদা। আমাদের অবস্থা জানেন ত সব—

আমি বলিলাম—তা ত জানি। তুমি ত বিয়েও করেছ। ছেলেপুলে ক'টি—

—একটি মাত্র ছেলে। গাঁয়ের স্কুলে দ্বিতীয় শ্রেণীতে পড়ে। বাবা বুড়োমানুষ আর পেরে ওঠেন না। গাঁয়ে ঘরে বারব্রত পূজোআর্চা সব কমে গেল। দু' দু'বার অজন্মা হ'ল। বিধেবয়সী জমি আছে তাতে হ'ল না কিছুই। দোকানে বিড়ি বাঁধতাম, কিন্তু তাতে কি সংসার চলে। তাই মনে করলাম, বাইরে গিয়ে ভাগ্যপরীক্ষা করা

যাক। তাই চলে এলাম আপনার কাছে। এখন আপনি ভরসা।—আমি নীলকণ্ঠকে বিশেষ ভরসা দিতে পারিলাম না। যে রকম দিনকাল পড়িয়াছে তাহাতে কাহারও চাকরি জোটানো সহজ কথা নয়। তবুও নীলকণ্ঠকে কিছু আশা দিলাম; কিন্তু আজ কাল করিয়া আরও এক মাস চলিয়া গেল। দেশ হইতে নীলকণ্ঠের নামে পত্র আসিয়াছে, একখানি পোস্টকার্ড—তাহাতে তাহার স্ত্রী লিখিয়াছে—“তুমি কোন কাজকর্ম যোগাড় করিতে পারিলে কি ? এখানে সংসার অচল। বাবা আর পারিয়া উঠিতেছেন না। শীঘ্র কিছু টাকা পাঠাও।” সেই পোস্টকার্ডের অপর দিকে তাহার পুত্র আঁকাবাকা অক্ষরে বাবাকে লিখিয়াছে—“বাবা, তুমি কবে আসবে। আমার খুব মন কেমন করছে। কলকাতা থেকে আমার জন্তে একটা বল এনো।” আমি নীলকণ্ঠের পত্রখানি পড়িয়া তাহার হাতে দিয়া বলিলাম, নীলু আজ তোমার বাবার নামে পাচটা টাকা পাঠিয়ে দাও। আমি মনি অর্ডারের ফর্ম লিখে দিচ্ছি। এই টাকা নাও। নীলু নিঃশব্দে টাকা লইয়া শূন্যপানে চাহিয়া রহিল।

দুপুরে নীলকণ্ঠ ঘরে থাকে না। উপরের সিঁড়ি দিয়া নামিয়া ফুটপাথে আসিয়া দাঁড়ায়। দেখে কলিকাতাকে—দেখে কলিকাতার বাস্তুতা, কলিকাতার সমস্ত আবহাওয়ায় জীবন-সংগ্রামের তীব্র প্রতিযোগিতা। নীলু তাকাইয়া তাকাইয়া দেখে, খালি গায়ে মাথায় গামছা ওড়াইয়া হিন্দুস্থানী রিক্সাওয়ালার সোয়ারী লইয়া ছুটিতেছে। মাথায় বিরাট মোট লইয়া মুটেরা হাঁটিতেছে। বড় বড় লরীতে স্তূপাকার মাল বোঝাই দিয়া, শিখ ড্রাইভার লরী চালাইতেছে। সমস্ত কলকাতা কর্মকোলাহলময়। পরিশ্রমের বিনিময়ে জীবিকানির্বাহের প্রবল প্রাতিযোগিতা। কয়লা ডকে কাজ দিবে বলিয়া মথুর সর্দার আজ নাকি তাহাকে দেখা করিতে বলিয়াছে। দেখিলাম, নীলকণ্ঠ এক পা এক পা করিয়া হাঁটিতে হাঁটিতে কলিকাতার কোলাহলময় ভিড়ে মিশিয়া গেল।

সমস্ত দিন বাহিরে থাকিবার পর রাত প্রায় দশটার সময় নীলু বাসায় ফিরিতেই ব্যস্ত হইয়া বলিলাম, আরে সমস্ত দিন কোথায় ছিলে বল ত ? আমরা ত ভেবে মার। শেষে গাড়ী ঘোড়া চাপা পড়লে নাকি—

নীলু হাসিয়া বলিল, না দাদা। চাপা পড়লে ত সবই শেষ। তবে আর দুঃখকষ্ট কে ভোগ করবে বলুন ? তা নয়—একটা চাকরি যোগাড় করে এলাম—

আমি অত্যন্ত বিস্ময়ের সঙ্গে বলিলাম, বল কি ? চাকরি যোগাড় করলে কোথায় হে ?

নীলু বলিল, সে চাকরির কথা শুনে হাসবেন। কয়লা

রম্যরচনার দ্বারা সাহিত্য-জগতে স্থায়ী কোন সৃষ্টি সম্ভব হবে, যেমন সম্ভব হয়েছিল মহাকাব্যের পক্ষে। সাধারণতঃ রম্যরচনায় এই শাস্ত্র সূত্র সৃষ্টি করা সম্ভব হয় না—হয় অতি আত্মকোম্পনকতা, আর না হয় সংবাদ-মানসিকতার জগৎ। উভয় ক্ষেত্রেই আলগা একটা রসের আয়েজ পাঠক-মনে সৃষ্টি করে স্রষ্টার কাজ শেষ হয়। গভীর ভাব ও বিষয় পরিবেশনে প্রয়োজন হয় গভীর ও স্থির অন্তর্দৃষ্টির আর না হয় দূর-প্রসারী মননশীলতার। কিন্তু রম্যরচিতার মন রম্যরচনা সৃষ্টিকালে থাকে স্নেহ ও এলমেলো—যা গভীর ভাবপ্রাহিতা ও দূর-প্রসারী মননশীলতার পরিপন্থী; ফলে চোখবলমানো ও ক্ষণদীপ্ত রচনাশৈলীজাত রম্যসৃষ্টি সম্ভব হয়। এর বেশী আশা করলে রম্যরচনা রচিতার মানসিক ভঙ্গীকে ভিন্ন রূপ নিতে হবে—তখন রম্যরচনা আর রম্যরচনা না থেকে হয়ে উঠবে অল্প কোন সাহিত্যকর্ম।

কবিতার মত রম্যরচনাকেও ব্যক্তিক (Subjective) এবং নৈর্ব্যক্তিক (Objective) রচনাতে ভাগ করা যায়। ব্যক্তিক রম্যরচনা অনেকটা গীতিকবিতার মত—এখানে লেখকের আত্মরতি বা আত্মবিকলন মুখ্য হয়ে ওঠে। লেখক হয়ে ওঠেন সম্পূর্ণ ভাবে আত্মকোম্পনক। এর প্রকৃষ্ট উদাহরণ মেলে বুদ্ধদেব বসুর “হঠাৎ আলোর ঝলকানি”তে। অতি সাধারণ দৃশ্য বা বস্তু কিংবা ঘটনা কিভাবে লেখকের মনে ভাবপ্রাবন ঘটায়, কিভাবে লেখক আবেগ-প্রবণ হয়ে ওঠেন তার পরিচিতি মেলে উল্লিখিত রচনাসঙ্কলনে। কেমন করে “ক্লাইভ স্ট্রীটে এক ফালি চাঁদ” লেখকের মনে ভাবধূর্ণি সৃষ্টি করে তারই সন্ধান পাওয়া যায় এই গীতিকবিতাধর্মী গদ্যে। লেখকের উক্ত সঙ্কলনের অনেক রচনারই এমনি গাঁথুনি বা বিগাস, এমনি ভাবধর্ম যে, পংক্তিগুলি যদি স্তরে স্তরে সুসম্বন্ধ ও কিছু অদল-বদল করে সাজানো যায় তা হলে ঐগুলি হয়ে উঠবে এক একটি গদ্য কবিতা। এই ধরনের রচনার এমনি প্রকৃতি যে, তা ছন্দে রূপ নিলে হয় গীতিকাব্য আর গদ্যে রূপ নিলে হয় রম্যরচনা—কেবল মাত্র কর্মের পার্থক্য। কবিতায় মিল ও ছন্দের হাত থেকে স্বাধীনতা পাওয়ার আকুলতা যেমন জন্ম দিয়েছে গদ্যকবিতার তেমনি গদ্যের ক্ষেত্রে কর্মের নিগড় থেকে লেখকের নিজেকে মুক্ত রাখার আকুলতা সৃষ্টি করেছে রম্যরচনা। এইখানে দুই প্রকারের সৃষ্টির মধ্যে রয়েছে একটি ভাবগত বা সৃষ্টিগত মূল ঐক্য। কর্মের বিরুদ্ধে জেহাদ ঘোষণার প্রয়াস থেকে এই উভয় প্রকৃতির রচনার জন্ম। কিন্তু এর দ্বারা প্রমাণ হয় না যে, উভয় প্রকৃতির রচনাই কর্মের কাঠামো থেকে সম্পূর্ণ মুক্ত। গদ্যকবিতার যেমন আছে সূক্ষ্ম ও প্রচ্ছন্ন ছন্দ তেমনি রম্যরচনার আছে নিজস্ব ছন্দ—একটি ধর্ম। যেখানে স্বাধীনতা বেশী সেখানে প্রয়োজন হয় স্বাধীনতাকে স্তম্ভভাবে বজায় রাখা। গদ্যকবিতায় বাহ্যিক ছন্দের ঝলমলানি অল্প বলে প্রয়োজন হয় পাকা কাব্যশিল্পীর দক্ষ হাতের কারুকাজের। রম্যরচনাতেও স্বাধীনতা অপরিমিত থাকায় রম্যরচনাকে সার্থক করে তোলার জগৎ দরকার হয় জাতশিল্পীর—যিনি আবেগ ও ভাবোন্মত্ততার দ্বারা টেনে ধরতে পারেন ঠিক সময়ে ঠিক ভাবে। জ্যেষ্ঠ শিল্পীর অস্বনিহিত

একটি প্রধান গুণ হবে সংযম, তাই রম্যরচনার ক্ষেত্রে আতিশয্য দেখাবার অবকাশ থাকলেও সংযমের স্বীকৃতি রম্যরচনাকে করে তোলে অধিকতর সার্থক। প্রসঙ্গতঃ যাবাবের ‘দৃষ্টিপাতে’র সঙ্গে রঞ্জনের ‘শীতে উপেক্ষিতা’র তুলনা করা যেতে পারে। যাবাবের ‘দৃষ্টিপাতে’র মধ্যে আছে বুদ্ধির দীপ্তি ও চমকের সঙ্গে সঙ্গে পরিমিত বোধের পরিচয়। কিন্তু ‘শীতে উপেক্ষিতা’র মধ্যে রচন শক্তির সম্প্রদায়শীলতা পরিমিতের কোঠা ছাড়িয়ে গেছে অনেক স্থানেই। তা ছাড়া নিকেকে বিশেষ একটি চণ্ডের সঙ্গে জাহির করার প্রয়াস মাঝে মাঝে অতিপ্রকট হয়ে রম্যসৃষ্টি বাঘাত ঘটিয়েছে। এখানে বলা প্রয়োজন যে, নৈর্ব্যক্তিক রম্যরচনায় রচিতার নিজেকে অতি প্রকাশেচ্ছা রম্যসৃষ্টির পক্ষে ক্ষতিকারক। উল্লিখিত উভয় রচনাই নৈর্ব্যক্তিক।

প্রসঙ্গক্রমে যখন আমরা নৈর্ব্যক্তিক রচনার কথায় পৌঁছলাম তখন সে সম্বন্ধে এখানে কিছু আলোচনা করা যেতে পারে। ব্যক্তিক রম্যরচনার যেমন ব্যক্তি হয়ে ওঠে প্রধান, নৈর্ব্যক্তিক রম্যরচনায় তেমনি সাংবাদিক মানসিকতার পরিবেশন হয়ে ওঠে মুখ্য। কিন্তু রচিতা মানুষ হিসাবে একটি বিশেষ স্থান অধিকার করে থাকেন। অর্থাৎ তাঁর চোখের মধ্য দিয়ে পাঠককে রচনার বিষয়বস্তুর রস আহরণ করতে হয়। লেখক নিজস্ব মনের মাধুরী মিশিয়ে সংবাদ পরিবেশন করেন। তাঁর মনের প্রতিক্রিয়ার বড় দেখা যায় বিষয়-বস্তুর উপর; অগুণা রচনাগুলি হয়ে উঠবে নিছক সংবাদ বা বখা—যেগুলিকে খবরের কাগজের রিপোর্টের মূল্য দেওয়া ছাড়া অল্প কোন মূল্য দেওয়া যাবে না। নৈর্ব্যক্তিক রম্যরচনাগুলির চরিত্র অনেকটা হয়ে উঠে বর্ণনাধর্মী উপন্যাসের মত। এই প্রকৃতির উপন্যাসে লেখক উত্তম পুরুষ হয়ে বর্ণনা করে যান উপন্যাসের আখ্যান, গতি ও ধারা।

ব্যক্তিক রম্যরচনাকে যদি তুলনা করা যায় গীতিকবিতার সঙ্গে তো নৈর্ব্যক্তিক রম্যরচনাকে তুলনা করা যাবে চিত্রধর্মী গল্প বা উপন্যাসের সঙ্গে। চিত্রধর্মী কথাসাহিত্যে যেমন চরিত্রবিশ্লেষণ এবং আখ্যানপরিবেশন অপেক্ষা বিভিন্ন বস্তুর চিত্রাঙ্কন করাই প্রধান হয়ে উঠে তেমনি ঐ জাতীয় নৈর্ব্যক্তিক রম্যরচনায় বাহ্য-জগতের বাস্তব রূপ খণ্ড খণ্ড ছবির মারফতে পরিবেশিত হয়। এই ধরনের বস্তুগত ঐক্য বা বিভিন্ন চিত্রের মধ্যে কোন ঐক্যের সন্ধান-প্রয়াস সব সময়ে করা হয় না। একমাত্র ঐক্য হ’ল লেখকের নিজস্ব মনের প্রতিক্রিয়া ও বিশেষ দৃষ্টিভঙ্গী। এই দৃষ্টিভঙ্গী কখনও পরিচ্ছন্ন, কখনও বা প্রচ্ছন্নভাবে প্রকাশমান হয় পাঠকের রস-সন্ধানী মনে।

নৈর্ব্যক্তিক রম্যরচনার বিশ্লেষণ করলে দেখা যাবে দু’টি মূল উপাদান—সাংবাদিক মানসিকতা বা রসাপ্ত মনের প্রতিক্রিয়া ও বিশেষ দৃষ্টিভঙ্গী। এই কয়েকটি উপাদানের জগুই আজকের দিনের চকল, গতিবাদী ও বাস্তবপন্থী অথচ চিরন্তন রসপিপাসু মন খুঁজে পায় একই সঙ্গে রসপিপাসা ও তথ্য-বৃত্ত্বা মেটাবার খোঁষাক। কিন্তু রম্যরচনার বিকার্যদীপ্তি জিজ্ঞাসু মনে ক্ষণস্থায়ী

ছোটর সৃষ্টি করে চকিতে মিলিয়ে যায় চক্ষুস্থ বস্প্যানেয় যাতীয় চোখে পাত। দুঃখমান বাস্তবের অপ্রিয়মান বস্তু গুণ মত : এর মূল কারণ হ'ল রম্যবচনায় সাধারণ তত্ত্ব অপেক্ষা তথ্যের উপরে গুরুত্ব দেওয়া—গভীরতা অপেক্ষা ত্রিলিঙ্গ বা ক্ষণস্থায়ী দীর্ঘির উপর অধিকতর আস্থা স্থাপন করা। নতুন কল্প সৃষ্টির মোহ স্বচনগণ শিল্পীর মনে যে প্রেরণা যোগায় তার থেকে কল্প নেতর নব রূপ। তাই আজকের অনেক জীবনীময়ী বা আত্মজীবনীময়ী রচনাও রম্যবচনার কোঠায় এসে পৌঁছেছে।

কালক্রমক্রমক্রমে বাংলা রম্যবচনার ঐতিহাস আঙ্গোচনী করতে হলে আমাদের যেতে হবে বাঙ্কমাজু-বাচক 'কমলাকাঙ্কর দপ্তর'-এর যুগে। তবে বাঙ্কমাজু উক্ত রচনার কিছু পুস্তক সম্বন্ধে চট্টোপাধ্যায়ের রম্যবচনাময়ী ভ্রমণকাহিনী 'পালোমী' তৎকালীন পাঠক-সমাজের মনোরঞ্জন করেছিল—একথা স্বীকার করতে হবে। বাঙ্কমাজু কমলাকাঙ্কর দপ্তর এক সময় কুমুদ জাকোডন সৃষ্টি করেছিল। কমলাকাঙ্কর নামক এক কাল্পনিক অতিফনগেবী ব্রাহ্মণের বল্লনাঙ্গলে করা নিঃস্রব তৎকালীন সমাজব্যবস্থার ক্রটি ও গুণের এমন এক রূপ যা বাঙ্কমাজু অপূর্ণ পাণ্ডিত্য দুঃশাসিতা ও পয়্যাবক্ষণ-শাস্ত্রের অকাজ্য প্রমাণ। সামাজ্যগাঙ্কক সমাজ-ব্যবস্থার অস্বাভাবিক গুণদোষসম্বন্ধে ব্যক্তিগত ছিলেন বিশেষ মতগ এবং তাঁর শিল্পশক্ত মানবতাবোধ চেয়েছিল এই ক্রটিগুলির অবসান। এই মানবতাবোধ সৃষ্টি হয় কমলাকাঙ্কর 'ছোট চোর' এবং বড় চোর'র উপর আঁকিত নিন্দা সত্য মজুত। কমলাকাঙ্কর দপ্তর রম্যবচনার কোঠায় এসেছে এর মধ্যে আছে এমন কংকণসম সাতিতাওণ ও তত্ত্ব যা স্থায়ী সাহিত্য হিসাবে আসল পাণ্ডুর দাবি রাখে। এ রচনাটির বৈশিষ্ট্য হ'ল এই যে, ভঙ্গী ও শৈলীর দিক থেকে এ রম্যবচনাজাতীয় হলেও বিষয়বস্তু এবং ভাবম্পন্দর দিক থেকে এ গুরুগভীর সাহিত্যের পর্যায়ের পড়ে। এখানে রয়েছে এই রচনাটির স্বাধীন দাবি করার কারণ। এ যুগের সাহিত্যবিশ্বের নজর পড়তে মেলে। অনেকেই এখানির সঙ্গে ইংরেজ লেখক ডি কুইপির "Confessions of an Opium-Hater"-এর তুলনা করেন। রচনায় বর্ণনাকারী পাত্রের মনে মায়া (Delusion) বা দিব্যপ্রমাণ মধ্যে যে সস্ত সত্য বা তত্ত্ব দেখা দেয় তা এক বিশিষ্ট ভঙ্গিতে পরিবেশন করা হ'ল এই যুগের রচনার বৈশিষ্ট্য। এই রচনাগুলির প্রকৃতিই হ'ল এই যে, এগুলির সাহায্যে লেখক নিজস্ব মতামত বা উপলব্ধিগত সত্য, অজ ব্যক্তি, সম্প্রদায় বা শ্রেণীক প্রাণক্রমে আঘাত না করে পাঠকসমাজের নিকট তুলে ধরতে পারেন। এই যুগের রচনা আজকের দিনের অনেক সংবাদ বা সাময়িকপত্রে অনুল্লিত হয়। তা ছাড়া অধুনা-প্রচলিত হওয়ায় অনেক ছোট গল্প ও নাটকীয় এই কল্প ব্যবহার করার বেড়াও চলছে। অনেক কলে জেটগল্প বলে এই রচনাগুলিকে চালিয়ে দেওয়া হলেও প্রকৃতির দিক থেকে এগুলি নিছক রম্যবচনা ছাড়া আর কিছু নয়।

বাঙ্কমাজুর পর আসে আসি ববীন্দ্রনাথের যুগে। ববীন্দ্রনাথের 'হিম্মত' যে রম্যবচনার পর্যায়ের পড়ে একথা আপেক্ষিক বলেছি। হিম্মতের রম্যবচনার সঙ্গে গভীরতা এবং এমন পরিমিশ্রণ ঘটেছে যে, এ রচনা সৃষ্টি সাহিত্যের পর্যায়ের এসে পড়ে। বর্তমান যুগ—হিম্মত-পত্র রচনা-রচনার অপূর্ণ বাস্তবতা। এর প্রধান কারণ, ববীন্দ্রনাথের মানসিক ভঙ্গী ছিল গভীরতা প্রাণ, তত্ত্ব দিকে ছিল হীনতা আশ্রিত এবং এই সত্ত্বাত আশ্রিত তার রচনাগুলিকে নিছক ত্রিলিঙ্গ বা ক্ষণস্থায়ী রচনায় পর্যায়িত না করে পাঠক মনকে মনে নিয়ে গেছে জীবনগত গভীরতার দিকে, তাই 'বিশ্রাম চিঠি' নিছক ভ্রমণ-কাহিনী না হয়ে হয়ে উঠেছে জীবন-কাহিনী।

ট্রানজিগন পরিভ্রমণ বা যুগসংক্রমণ মানসিক প্রশান্তি কাম্য হলেও আশা করা যায় না সব সময়ে। তাই এই সময়ের সৃষ্টি হওয়া পড়ে প্রশান্তির বদলে চাপস, অস্থিরতা, প্রজ্বলিত অস্থিরতা, ব্যবসায়ের পরিবর্তিত অস্থিরতা বা বাচালতা। আজকের সম্ভবময় হিন্দুস্বাধীন প্রজ্বলিত প্রায়জন হলেও, তার পরিপূর্ণতার অবকাশ কেবলমাত্র তাই জীবনের বদলার দিক নিয়েছে। আমরা তুঙ্গ গভীরতার প্রতি আশা থাকলেও পরিবেশ যে নিছক বদলারই অন্তকুল।

প্রথম মহাযুদ্ধের শেষ থেকে দ্বিতীয় মহাযুদ্ধের শেষ পর্যন্ত রম্যবচনার সংখ্যা নিতান্তই নগণ্য। এর কারণ পুস্তক প্রকাশনা কমেছে। দ্বিতীয় মহাযুদ্ধের পূর্বে উল্লেখযোগ্য রম্যবচনার বই অল্পদাঙ্কক বাস্তব 'পূর্ব প্রকাশ' যেমন দুই-তিনই নূনতম তেমন রচনাশৈলীর স্বীয়ভাষ্য বাস্তব ভ্রমণকাহিনীমূলক রচনা বাংলা সাহিত্যে অল্প নয়। কিন্তু ভ্রমণকাহিনী সাহিত্যের সাহিত্যের পর্যায়ের পড়ে এমন রচনার সংখ্যা নগণ্য। 'পূর্ব প্রকাশ' এই সাহিত্য-গুণসম্পন্ন কাজ কয়েকটি এই জাতীয় রচনার অন্তর্গত। পাশ্চাত্য সভ্যতার অস্বাভাবিক সত্ত্বকে, তার বৈশিষ্ট্যকে অপূর্ণ নিপুণতার সঙ্গে এই বইয়ে উদ্ঘাটন করা হয়েছে। ব্যক্তিক ও নৈর্ব্যক্তিক আঙ্গোচনার স্তর সংস্থ ঘনিয়ে রচনাটিতে। এ ছাড়া বুদ্ধি ও সন্দেহে যে সামঞ্জস্য দেখা যায় তাও অল্প সঙ্গীত নয়। লেখক ইউরোপীয় সভ্যতাকে বুদ্ধি দিয়ে বিচার করেছেন, কিন্তু সে বিচার ছিল স্বয়ং অস্বভাবের জারকসে জারিত। বিচারের সঙ্গে যদি সম্মতি ঘটে অস্বভাবের তা হলে সে বিচার হয় সত্যিকারের মানবিক, অস্বাভাবিক হয়ে ওঠে প্রাণগত বিজ্ঞানমাত্র—উল্লিখিত গুণাবলীর ভঙ্গ পক্ষে প্রবাসে বইখানিকে আবুনিষ্ঠম রম্যবচনার জাতে ফেলা যায় না।

আধুনিকতম রম্যবচনার সুরপাত দেপি বাষাবরের 'দৃষ্টিপাত'র আবির্ভাবের সময় থেকে (১৩৫০ বঙ্গাব্দ)। সত্যই এ আবির্ভাব রূপ, বাস, বর্ণবাহিনী মানসতাবিনী এ রচনা। ক্ষণস্থায়ী বিজ্ঞান-বুদ্ধি এর সঙ্গীত। যুগান্ত গুরুগভীর বিষয় বিমূর্ণ সাহিত্যবন্দ-পিলায় মানুষ এমনট এক চটকদার বহুগত বিস্ময়জনী সৃষ্টির আবাহনে আবুল হয়ে উঠেছিল। বাষাবরের 'দৃষ্টিপাত' নৈর্ব্যক্তিক

রম্যরচনার অতি সুন্দর উদাহরণ। লেখক সাংবাদিকের চঃঃ সূত্র
কয়েকদিনে লেখনী-চালনা—কিন্তু শেষ হ'ল চটকদার এক সাহিত্য-
কর্মে। দিল্লীর কোন সমাজ, কোন শ্রেণী তাঁর দৃষ্টি এড়িয়ে যায় নি।
একের পর এক দিল্লীর মানুষ, দিল্লীর সমাজ, পঞ্চঘাট ছবি হয়ে কুটে
উঠেছে লেখকের নিপুণ লেখনীর মুখে। তাই পাঠক স্বাদ নেয় এই
রচনার অন্তর্নিহিত সাহিত্যরসের, বাহবা দেয় দিল্লীর উন্নাসিক
সমাজের উপরে লেখকের নিছক ব্যঙ্গবসাত্মক কশাঘাতের। কিন্তু
লেখক কেবল সাংবাদিক চঃঃ দেখিয়েও ক্ষান্ত হলেন না—নিয়ে
এলেন, প্রক্ষেপ করলেন রোমাটিক এক এপিসোড বা আখ্যানভাগ
—আধারকারের প্রেমজীবনের ট্রাজেডির কথা—রচনার সাংবাদিকতা
ছিন্ন হ'ল এপিসোডের আঘাতে, ছোটগল্প চাপা দিল রম্যরচনাকে।
আখ্যানটিতে গল্পত্ব যতটা না থাক, সাংবাদিকতাকে চাপা দিয়ে
রোমাটিক ভাব পরিবেশন করার প্রয়াস আছে প্রচুর। সাধারণ
পাঠক মুগ্ধ হবে নিশ্চয়ই, জনপ্রিয়তার কারণ হয় ত এখানেই।
কিন্তু আখ্যানভাগের এই প্রক্ষেপ নৈর্ব্যক্তিক রম্যরচনার প্রকৃতিকে
দিয়েছে বিশেষ এক আঘাত।

দৃষ্টিপাত প্রকাশের পর থেকেই বিভিন্ন প্রকৃতির বিভিন্ন রূপের
রম্যরচনা পাঠকচিত্ত প্রাবিত করে চলল। দৃষ্টিপাত বইখানি
প্রকাশের কিছু পরেই বার হয় রঞ্জনের 'শীতে উপেক্ষিতা'। পাঠক-
সমাজ আর্থেই নিয়ে এই রম্যরচনার আত্মদর্শন করতে উৎসুক
হয়েছিল ঠিকই। কিন্তু এই রচনার 'দৃষ্টিপাতে'র চঃঃর অসুসরণ দেখা
গেলেও শেষ পর্যন্ত এটি হয়ে ওঠে নি সার্থক শিল্পকর্ম। নৈর্ব্যক্তিক
রচনা হিসাবে সংবাদ মানসিকতা পরিবেশনের চঃঃ নিয়ে শুরু হলেও
লেখকের ব্যক্তিমানস হয়ে উঠেছে অধিকতর প্রবল। তার পর
ব্যক্তির সঙ্গে বিভিন্ন আখ্যানভাগের সংযোজনা করে এটিকে পর্য-
বসিত করা হয়েছে উপস্থাসধর্মী রচনার। ফলে এটি না হয়েছে খাটি
রম্যরচনা, না হয়েছে কল্পনামূলক সার্থক রসরচনা।

এই দু'খানি আধুনিকতম রম্যরচনার কথা বলতে গিয়ে সৈয়দ
মুজতবা আলীর রম্যরচনাধর্মী ভ্রমণকাহিনী "দেশেবিদেশে" এবং
"পঞ্চতন্ত্র", "ময়ূরবধী" প্রভৃতির কথা মনে পড়ে। দেশেবিদেশে
ভ্রমণ-কাহিনীর পর্যায়ভুক্ত হলেও এখানি নৈর্ব্যক্তিক রম্যরচনারই
জাত। বিশেষ একটি দেশের কথা বলতে গিয়েও লেখক এমন এক
বিরাট মানসিক দিকচক্রবাল সৃষ্টি করেছেন যেখানে প্রতিফলিত
হয়েছে লেখকের পাণ্ডিত্যের সঙ্গে রসশিল্পীর সূক্ষ্মভূক্তি, রম্য পরি-
হাসের সঙ্গে আছে জীবনদর্শনের পরম গাভীর্ষ্য। রম্যরচনা হিসাবে
এখানিও একটি সুসমঞ্জস সৃষ্টি। আজিকাগত কোন কনভেনশন বা
প্রথাকে স্বীকার না করে, শব্দচয়নের সম্পূর্ণ মুক্ত মন নিয়ে রস ও
তথ্য পরিবেশন করেছেন একই সঙ্গে লেখক। হয়ত অনেক স্থানে
অনাবশ্যকভাবে উর্দু, ফার্সী ও ইংরেজী শব্দ লেখক ব্যবহার করেছেন,
কিন্তু তার সামগ্রিক প্রত্যাবের সার্থক দিক বিচার করলে শব্দ-
চয়নের এই অতি স্বাধীনতা নিশ্চয়ই কমান্বই বলে ক্বেচিত্ত হবে।
লেখকের রম্যরচনাগুলির বিষয়বস্তু অনেক ক্ষেত্রেই আন্তর্জাতিক।

একটি নৈতিক জাতীয়তাবাদী মন নিয়ে লেখক হুনিয়ার মানুষকে
দেখেছেন বা দেখতে চেয়েছেন—বিভিন্ন মানুষের সংস্পর্শে এসেছেন,
কিন্তু কোন স্থানে মানুষকে উর্দু জাতীয়তাবাদের মাপকাঠিতে বিচার
করতে বলেন নি। তাঁর বিচারবোধ মানবতাবাদের উপর প্রতিষ্ঠিত।
এই জঃঃই তাঁর রচনা চলল ও চটকদার হালকা ভঙ্গী নিয়েও মানুষের
মনের গভীরে স্পর্শ করে। মানুষের প্রতি গভীর দরদরবোধ রচনার
এই স্পর্শকাতরতার কারণ।

রম্যরচনার মধ্যে যেমন আছে আজিকাগত ম্লধ বিস্তার, সম্প্র-
সারণশীলতা, ও শিথিল গাঁথুনি, তেমনি এতে ধরা পড়ে অনেক
আধুনিক রচয়িতার অতীতমুখীনতা বা তার নিজস্ব ভবিষ্যৎ-দৃষ্টির
ও স্থির জীবনদর্শনের অভাব। অবচেতন মনে চলতি জীবনের প্রতি
বিক্ষোভ অর্থাৎ অগ্রগতির অসুপন্থী জীবনবেদকে মেনে না নেওয়ার
রচয়িতার দৃষ্টি পড়েছে অনেক স্থানেই অতীতের প্রতি। ফলে কেউ
কবেন আধ্যাত্মিক ভাবতের সন্ধান, কেউ দেখেন জীবনের কল-
কোলাহল থেকে পলায়নের স্বপ্ন, অন্ততঃ স্বল্পকণের জগৎ। যাবী
চন্দ্রের রম্যরচনাধর্মী "পূর্ণকুণ্ডের" মধ্যেও ধরা পড়ে এমনই এক
পলায়নী মন বা আধুনিক বুদ্ধিসম্মত আবরণ ভেদ করে স্বকীয় রূপ
প্রকাশ করে। তাই বিশেষ কোন ধর্মমতকে লেখিকা প্রসন্ন না
দিলেও ধর্মবিশ্বাসের মধ্য থেকে মানসিক ক্ষুধা মেটাবার খোঁজাক ও
মানসিক ভাবসাম্য আনবার উপায় তিনি খুঁজে বেড়ান। তাঁর লেখার
অধ্যাত্ম-ভারতের ছবি আমরা দেখি—যে ছবি দীপ্ত হয়ে উঠেছে,
সাবলীল বর্ণনা ও শৈলীর গুণে।

এই রচনাটি সখকে আলোচনাকালে কালকুটের "অমৃতকুণ্ডের
সন্ধানের" কথাও এসে পড়ে। প্রায় একই বিষয়বস্তুকে কেন্দ্র করে
হু'জনের কাহিনী এগিয়েছে। কিন্তু লেখিকার লেখনী যেখানে মাঝে
মাঝে ভাবপ্রবণতার সূর্ণি সৃষ্টি করে নিজেকে ও পাঠকসমাজকে ভাসি-
য়াছে, লেখক সেখানে বিশ্লষণের রাশ টেনে রচনার অন্তর্নিহিত
ভাবপ্রবণতার গুণিনিয়ন্ত্রণ করেছেন দক্ষতার সঙ্গে। তাই লেখকের
রচনা নৈর্ব্যক্তিক রচনা হিসাবে সার্থকতর। নৈর্ব্যক্তিক রচনার
লেখকের নিজস্ব মনের বাঙের আধিপত্য সার্থক শিল্পকর্মের পরিপন্থী।
কালকুটের জীবনের প্রতি দৃষ্টিভঙ্গীও পলায়নী নয়। ভিড়ের মেলায়
কুণ্ডের আড়ম্বর ও আতিশয্যের মাঝে তিনি মানুষকে খোঁজার প্রয়াস
করেছেন—মানব-বৈচিত্র্যকে আত্মদর্শন করার জন্ত মেলায় এক প্রান্ত
থেকে অস্ত্র প্রান্ত পর্যন্ত আকুল হয়ে যুয়েছেন। কিন্তু তিনিও
রচনাকে জনপ্রিয় করতে গিয়ে সস্তা কবিতালি পাওয়ার মোহ তুলতে
পারেন নি। কোন পশ্চিমদেশীয়া তরুণীর সঙ্গে নিজেকে যুক্ত করে
লেখক যে প্রেমোপাখ্যান রচনা করেছেন, তা কি সত্যিকারের
নৈর্ব্যক্তিক রচনার ক্ষেত্রে পরিহার্য নয়?

রম্যরচনার রসাত্মক চিত্ররচনাই প্রধান। যেখানে এই রসচিত্র
উজ্জ্বল, লেখকের রম্যরচনা সেখানে সার্থক। একমাত্র দৃষ্টিভঙ্গী ও
রচনাশৈলীগত ঐক্যই রম্যরচনার অপরিহার্য উপাদান। সেদিক
থেকে বিতুক্তিভূষণ মুখোপাধ্যায়ের "হুয়ার থেকে অসুয়ে" সার্থকতম

সৃষ্টি—জীবনের কলকোলাহল থেকে লেখকের কণিক পলায়নের আকৃতির প্রয়াস সখেও। এ রচনাটির মিষ্টতা ও সংবেদনশীলতা সত্যই অল্পম। রচনাশৈলীর মধ্যে সর্বত্র সাবলীলতার পরিচয় না থাকলেও, লেখকের আন্তরিকতা, প্রতিটি ক্ষুদ্র বস্তুকে সর্ব অস্তর দিয়ে স্পর্শ করার ইচ্ছা—তার অন্তর্নিহিত রূপটি পাঠকের সামনে তুলে ধরার প্রয়াস সত্যই অপূর্ণ। লেখক কলকাতার আশে-পাশে নিভৃত পল্লীসম্মীর সৌন্দর্যের সন্ধান করেছেন; ক্ষুদ্র ক্ষুদ্র বস্তু, অথ্যাত মানুষের পরিচয় লাভ করে অস্তুর মধ্যে অনন্তুর মহিমা উপলব্ধি করার ব্রতী হয়েছেন।

রম্যরচনার অনেক ক্ষেত্রেই থাকে রচয়িতার ক্ষুদ্রের মধ্যে বৃহৎকে দর্শনের প্রয়াস। ছোট ছোট বস্তুর পরিচয় কেমন করে লেখকমনে

নানা রঙের প্রতিক্রিয়া সৃষ্টি করে, কেমন করে মানসিক দিকচক্রবাল বিস্তৃত হয়, কেমন করে লেখকের স্বকীয় রূপ প্রকাশ করতে প্রেরণা দেয় তার সন্ধান পাওয়া যায় ব্যক্তিক রম্যরচনাগুলিতে আর ইঙ্গিত মেলে নৈর্ব্যক্তিক রম্যরচনায়। কিন্তু রম্যরচনার এই 'দর্শন' অধিকাংশ ক্ষেত্রেই কণিক আনন্দোপলব্ধির সন্ধান দিয়েই ক্ষান্ত হয়। তবু এর সার্থকতা আছে—যেমন থাকে ধানের শীষের ওপর শিশির-বিন্দুর অস্তিত্বের সার্থকতা। সামান্য আঘাতে শিশির ঝরে বাবে ঠিকই, বেলা গড়িয়ে যাওয়ার সঙ্গে সঙ্গে বাষ্পায়িত হবে বিন্দুগুলি সূর্যের উত্তাপে, কিন্তু কণিকের উত্তাপে যে সৌন্দর্য্য সেগুলি বিতরণ করে বাবে মাটির বুকে, পৃথিবীমনে এনে দেবে যে স্নিগ্ধতার আমেজ ও স্পর্শ তার কি কোন মূল্যই নেই?

বাউল গান—২

শ্রীকামিনীকুমার রায়

১

গুরু তোরে কি ধন দিল চিন্লে না মনা,
তোরে রাং দিল না সোনা দিল পরখ করে দেখলে না।
গুরুর বাক্য অক্ষয় করে নেও তারে যতন কবে,
করে নিশানা,
তোরে রাং দিল না সোনা দিল পরখ করে দেখলে না।
গুরু দিল কাঁচা সোনা রাং বলে তুই জ্ঞান করলে না
(ওরে দিনকানা) তোরে সাধনের ধন পরশমণি
অসাবধানে পাবি না।
চণ্ডীদাস রজকিনী তারা হ'ল পরশমণি
রাং বানায় সোনা
তারা এক মরলে হু'জন মরে এমন হয় কয় জনা ?

২

গুরু না ভজিয়া সংসারে কি লাভ বাঁচিয়া।
নিতি নিতি মরণ জীৱন ধূমেতে পড়িয়া,
এহি মত বাইবা তুমি ভাইবন্ধু ছাড়িয়া,
কি লাভ বাঁচিয়া জন্ম হয় ভজিয়া।

হিংসা নিন্দা কৈতব ছাড়, ছাড় ভবের মারা,
চান্দ* বদনে হরি বল তুই বাছ তুলিয়া,
কি লাভ বাঁচিয়া ?
ভেবে রাধারমণ বলে মনেতে ভাবিয়া
গনা দিন ফুয়াইয়া গেল কারবাঁ রইলা চাইয়া
গুরু না ভজিয়া কি লাভ বাঁচিয়া।

৩

লইলে নায়ে দেহের খবর
দিন গেল বিকলে ;
তোরে গুরুর হাতের ছাপা জিনিষ
পরের হাতে সঁপিয়া দিলে।
দেহের আঠায় কোঠা
কোঠায় কোঠায় ধন
হীৱামণ মাণিক্য সোনা
আছে অগণন।

* চাঁদ

+ জাহাঙ্গীর জিহাদ

দেহে অল্লেখ্যে বাতি দিবানিধি
সলতা ছাড়া বিনা তৈলে ;
ক্রীনাথ কালে মনের হুঃখে দ্বারেতে বসিয়া
তোব ঘরের জিনিষ ঘরে থইয়া,
ভূতের বেগার খেটে মলে ।

৪

তিন বেড়ের এক বাগান আছে,
সেইখানে এক আজব আছে,
চন্দ্র সূর্য্য ফুল ফুইটাছে,
বোটা ছাড়া ফুল ঝুলছে গাছে ।
বোটার মধ্যে আছে কাঁটা,
পাহারা দেয় ঐ ছয় বেটা,
সাড়ে চব্বিশ চন্দ্রে আঁটা,
গুরুব রূপে ঝলক দিছে ।
গুরু ব্রহ্মরূপে গির্টি করা,
প্রেমরসে আছে ভরা,
মরা মানুষ গাছে ঝুলে'
বাধাকৃষ্ণ বলতে আছে ।

৫

হল করা বিলাতি তাস পেলাও না মন,
দেশে আদর কম ।
অনেকী গোর আকিসে বাধাকৃষ্ণ ছাপা আছে,
খেল তাস মনের উল্লাসে ধর গুরুব জীচরণ ।
পঞ্চতন্ত্র পাঞ্জা যেরে, পাঁচ পাঁচা পঁচিশের ঘরে,
দীক্ষার গুণ কি শিক্ষার ধরে নয়নে হবে মিলন ।
ছকাতে ছয় গোসাই হবে, সাতাতে রত্ন উঠাবে,
আটাতে মাল বন্ধ হবে, নলাতে দরজা বন্ধ,
দশেতে দশ দেবতা আছে, চিন্তা ল তোব গুরুব কাছে,
মন টাকায় বা করাইতেছে, তাই করতেছে সর্বক্ষণ ।
নিত্যানন্দ সাহেব কর, মেম হবে গদাধর,
তিয়িতে ত্রিগুণ ধরে, ছকাতে বেদবিধি ছাড় ।
সাধন কর ইন্সকবিদ্ভি, একশ' হাজার ছয়শ' গতি ।
পণতিতে যার কমতি হবে সে পাবে মানুষ রতন ।

৬

হৃদয় পিজয়ার বসে, বাধাকৃষ্ণ বল না ।
সে নাম তুমি বল আমি শুনি,
আমি বলি কেহ শুনে না ।

যোল নাম বক্রিশ অক্ষয়ে,
আটাশ অক্ষয় দাও না ছেড়ে,
চার অক্ষয়ে বাধাকৃষ্ণ নাম,
সাধু জপে নাম জীবে জানে না ।
হরির নাম বলতে বলতে,
আনন্দ বাড়িবে চিত্তে,
কৈতবজ্জালা যাবে দুয়ে,
নিরানন্দ গন্ধ দেহে হবে না ।
ভেবে নিধিরাম বলে,
কেবা বলে, কেবা শুনে,
মনের হুঃখ রইল মনে,
মন মিলে, মনের মানুষ মিলে না ।
সে নাম বলরে মন নিষ্কপটে,
পত্ত আত্মা যাবে কেটে,
মানুষ আত্মা বসবে ঘটে,
স্বভাব যাবে তোব অভাব হবে না ।

৭

কি আশায় বসে রইলে মন,
গেল দিন অকারণ
ভক্ত জীগুরুব চরণ ।
তোব গনার দিন হইল আহেবি
বেজে উঠল কালের ঘড়ি
আর দেবি করবে না শমন ।
তোমার মুখে দিয়ে দণ্ডের বাড়ি,
করবে যে বন্ধন ।
যত মন করছ দর্প সকলি হইবে খর্ব,
কালসর্পে করতেছে গর্জন ।
কোনদিন জানি কালভুঞ্জকে অঙ্গে
করবে যে দংশন ।
মন বে কায়ে বল আমার আমার,
মন তুমি কার কেবা গো তোমার,
অক্ষকার মুদিলে নয়ন ।
জেনে শুনে মারাকঁসি
গলে লইলে কি কারণ ?

৮

মন লগা গুরুব উপদেশ, জানতে পায় সহজে ।
তোমায় হৃদয় মাঝে আছে মানুষ, বইসা বিরাজ করে ।

পাঁচ মহল্লার যোগ করে লাগাইল এক আঁটা প্যাচ,*
 ধরের মাকুল জোড়াতাড়া চামড়া ছানি কাগজের
 জানতে পার সহজে ।
 চন্দ্রশূর্য্য আদি অস্ত সকলি তাহার কাছে,
 যমুনার জল কইরে উত্তল পদ্মপত্রে বইসাজে ।
 কান্দাল দীনে বলে, বন্ধেতে মন ভুইলে বইলে,
 তোব মাঝার বন্ধন ছুইটে যাবে গুরুব চরণ পরশে,
 জানতে পার সহজে ।

৯

তোমার সব ভেলকিবাজি
 বুঝে উঠা ভার ।
 (তুমি) কখন মার কখন বাঁচাও,
 কাঠের পুতলা কলে নাচাও,
 কখন মার কখন বাঁচাও,
 আজগুপি তাজ্জব ব্যাপার ।
 ভোজবাজি আর ভারমতি,
 তারা ভেলকি খেলার দিবানিশি,
 মনমোহন কয় পরিপাটি
 ধাক্কাবাজি এ সংসার ।
 ভেলকি ভাঙা মস্ত আছে,
 আমি শিখলাম বাইয়া ওঝার কাছে,
 সব দেখেছি মিছামিছে,
 পাছে না আছে খেলোয়াড় ।
 থেমটা গাওয়া আরধা চোঁতাল,
 ঠেস কাওয়ালী তুমরী দামাল,
 তাল বাজাইয়া সামাল সামাল
 বাহাবাতে দেও চীৎকার ।
 তুমি কখন যোগী, কখন ওঝা,
 কখন বাঁকা কখন সোজা,
 যায় না তোমার স্বভাব বোঝা
 আশ্চর্য্যাম সরকার ।

১০

গুরু কল্পতরু জড়িয়ে ধর, কইগো আমার ভক্তিসতা ?
 সাধুব সঙ্গে প্রেমতরঙ্গে প্রেমতীর্থে মুড়াইয়া মাধা ।
 চৌদিকেতে সত্যের বেড়া, ঘুরে কত ছাগল ভেড়া
 জল ঢাল তার গোড়ায় গোড়ায়,
 ফুটেবে কলি মেলবে পাতা ।

* যে প্যাচ সহজে খোলা যায় না ।

† ছাউনি, আছাদন ।

বিখাসেরি আঁকড়া দিয়ে, ধর তাহে পাকড়িয়ে
 কুবাতাসের ঝাপটা লেগে ভাঙবে যে তার লতাপাতা ।
 রাধাপদ্ম ফুটলে পরে গুন গুন স্বরে শব্দ কবে,
 কালো ভ্রমর আসবে উড়ে কালো নয় সে উজ্জল সাদা ।
 মনমোহন কয়, নিজের মাটি হইল নায়ে পরিপাটি
 মিছামিছি কান্দাকাটি শুকনা মাটি হয় না কাদা ।

১১

আজুব কল তৈরি করেছে বাইকিশোবী,
 চাক দুমাহুম কলের মত,
 ঘুরছে কল মনের মত,
 শিইখাছে কল যাব আছে মন শিকারী !
 চৌদ্দ পোয়া দেহের মাঝে কতই কল,
 আসা কল, যাওয়া কল,
 চাক দুমাহুম দিহুম কল,
 উজানি ভাইটানি আছে দুইখানা কল ।
 আরো দুই কল আছে
 খোলা গুনতে লাগে বর্ণ তাল
 সেই কলেতে মানুষ ধরা কোঠরী ।
 কি কল কইরাছে বাইকিশোবী
 তোরা শিখলে না কেউ আশমানি কল,
 কলে উঠা আশমানি জল,
 রসিক যে জন দিচ্ছে কলের প্রহরী ।

১২

আজ আমার সাধের তরী
 আচম্বিতে পইড়ে গেল ঘোর তুফানে
 বাগিজোর বস্ত নিষে দিলাম পাড়ি
 ব্যাপার করব আশা মনে ।
 থাক আমার ব্যাপার করা
 মূলে হারা কীর্তিনাশার মধ্যখানে
 সে তরীর ন' দরজা আছে সোজা
 এক দরজা আটকা কেনে ?
 সেখানে বস্ত আছে কেউ না জানে
 জানে না এর মহাজনে
 ফিকির চান ফকির বলে, রূপচানবে,
 তুই বসে বসে ভাবছিস কেনে ?
 এ তুফান হবে কান্ত হও না শান্ত
 হরি বল চান বদনে

রবীন্দ্র-সকাশে

শ্রীগোপেশ্বর বন্দ্যোপাধ্যায়

কবিগুরু রবীন্দ্রনাথ ঠাকুরের সংস্পর্শে আমি বাল্যকালেই আসি। তাঁহার সান্নিধ্যে আসার পূর্বে আমি কি সূত্রে কলিকাতায় গিয়াছিলাম এবং কি ভাবে তাঁহার সান্নিধ্যলাভ করিয়াছিলাম তদ্বিষয়ে কিছু পূর্বাভাস সংক্ষেপে দিতে হয়। আমি পিতৃদেব সংগীতকেশরী অনন্তলাল বন্দ্যোপাধ্যায়ের নিকট পাঁচ বৎসর বয়সে সঙ্গীতশিক্ষা আরম্ভ করি। আমার যখন দশ বৎসর বয়স তখন প্রথম কলিকাতায় যাই।

তৎকালে বিষ্ণুপুরে রেলস্টেশন ছিল না। বিষ্ণুপুর হইতে পনর ক্রোশ দূরে অবস্থিত পানাগড়ে গিয়া ট্রেনে করিয়া হাওড়া যাইতে হইত। ঐ পনর ক্রোশ গরুর গাড়ীতে করিয়া যাইতে হইত। তখন বিষ্ণুপুরনিবাসী ঙ্গপদী কেশবলাল চক্রবর্তী কলিকাতায় থাকিতেন। কলিকাতায় দানবীর তারকনাথ প্রামাণিকের বাড়ীতে কেশবলাল অবস্থান করিতেন। তাঁর মধ্যম পুত্র রামসুন্দর কলিকাতায় বর্মার এক সাহেবের বাড়ীতে জহরীর কাজ করিতেন। বর্মার সাহেব মিনার্ভাতে বাড়ী ভাড়া লইয়া, হিন্দুস্থানী ও বর্মার গায়ক এবং বাঈজী আনাইয়া একটি চ্যারিটি শো করিবার জন্ত রামসুন্দর বাবুর সঙ্গে পরামর্শ করিয়া দিন ধার্য করেন। এই 'চ্যারিটি শো'তে আমাকে গান গাওয়াইবার প্রস্তাব রামসুন্দরবাবু বর্মার সাহেবের নিকট উত্থাপন করেন। সাহেব আগ্রহান্বিত হইয়া ইহাতে অনুমতি দিলেন। ঐ চ্যারিটি শোতে আমি গান করি। আমার গান শুনিয়া শ্রোতৃমণ্ডলী মুগ্ধ হয়। শ্রোতাদের মধ্যে রাজা চূর্গাচরণ লাহা ছিলেন। তিনি গান শুনিয়া খুবই সন্তুষ্ট হন এবং তাঁহার বাড়ীতে গিয়া গান শুনাইবার জন্ত আমন্ত্রণ করেন। আমি তাঁহার বাড়ীতে গিয়া গান শুনাই। তিনি আমাকে স্বর্ণপদক দেন; ইহাই আমার প্রথম পদকপ্রাপ্তি। তার পর তিনি আমাকে জিজ্ঞাসা করিলেন, "কোথায় গান শিখিয়াছ?" আমি তখন আমার পিতৃদেবের নাম করিলাম। এত অল্প বয়সে আমার ঐরূপ সঙ্গীতনৈপুণ্যে শিক্ষাগুরু পিতার তিনি খুব প্রশংসা করিলেন। প্রসিদ্ধ নট ও নাট্যকার শিবীশচন্দ্র ঘোষ তৎকালে কলিকাতায় ছিলেন। মিনার্ভাতে তিনি তখন অধ্যক্ষ ছিলেন। মিনার্ভাতে যেদিন গান হয় সেদিন তিনি আমাকে স্মার্ত্ববর্তী করি হইতে ডাকিয়া পাঠান। তিনিও

আমাকে আমার শিক্ষাগুরুর নাম জিজ্ঞাসা করায় আমি পিতার নাম করিলাম। তিনি আমার সুরালো কণ্ঠের এবং পিতার শিক্ষাদান প্রশংসারও ভূয়সী প্রশংসা করেন।

তার পর মহর্ষি দেবেন্দ্রনাথ ঠাকুরের কর্মচারী মতিলাল বাবু আমাকে মহর্ষির নিকট লইয়া যাইতে রামসুন্দর চক্রবর্তীকে বলিলেন। রামসুন্দর বাবু আমাকে লইয়া মহর্ষির নিকট যান। সন্ধ্যা ৭ ঘটিকায় গান আরম্ভ হয়। প্রসিদ্ধ গায়ক শ্রামসুন্দর মিত্র মহাশয় আমার সহিত পাথোয়ারাজ সঙ্গত করেন। প্রথম, আমি তানসেনের একটি গান গাহিয়াছিলাম। তার পর সদাবজ্রকৃত একটি খেলাল গাই।

তার পর মহর্ষি আমাকে শোরীর টপ্পা গাহিতে আদেশ করায় আমি তাহা গান করি। শুনিয়া তিনি খুবই মুগ্ধ হন অতঃপর বিষ্ণুপুরের রামশঙ্কর ভট্টাচার্য ও বর্দ্ধমানের রঘুনাথ দেওয়ান এবং পিতার রচিত গান গাহিতে আদেশ করায় আমি তাহাও গাই। আমার সমস্ত গান শুনিয়া মহর্ষি পরম প্রীতলাভ করেন এবং আমাকে একটি স্বর্ণপদক দেন।

মহারাজ যতীন্দ্রমোহন ঠাকুর সেই সময়ে আমার গান শুনিবার অভিপ্রায় প্রকাশ করেন। মহারাজের প্রাসাদে আমার গান হয়। তাঁহার দরবারে তের জন বাঁধা ওস্তাদ ছিলেন। সেখানে আমি ইমনের খেলাল গান করি। মহারাজের তবলাবাদক ষষ্ঠীবাবু তবলা সঙ্গত করেন। তার পর আরও কয়েকটি খেলাল ও টপ্পা গাহিয়াছিলাম। মহারাজ আমার গান শুনিয়া প্রীত হন এবং বিশেষ উৎসাহ প্রদান করেন।

আমি কলিকাতায় গিয়া একমাস কাল থাকি এবং বিভিন্ন স্থলে আমার গান হয় ও উপযুক্ত পুরস্কার পাই। সেখানে প্রসিদ্ধ যুদঙ্গী সত্য গুপ্ত, গোপাল মল্লিক ও তৎপুত্র বিপিন মল্লিক আমার গানে বিভিন্ন মঞ্জলিসে সঙ্গত করিতেন।

ঐ এক মাস কলিকাতায় থাকাকালীন আমি রবীন্দ্রনাথের সঙ্গে সাক্ষাৎ করিতে যাই। রবীন্দ্রনাথের সহিত দেখা করিবার আমার একটি উদ্দেশ্য ছিল। আদি ব্রাহ্মসমাজের সঙ্গীতাত্ম্যাপক বাধিকাপ্রসাদ গোস্বামী প্রমুখ্যে তিনি নবাবিকৃত প্রামোদ্যোন রেকর্ড দেখিবার

কৌতূহল আমার জন্মিরাছিল। ঐ রেকর্ড ও গ্রামোফোন প্রথম ঠাকুরবাড়ীতে আসে। রবীন্দ্রনাথের বাড়ীতে যাইয়া রেকর্ডে রাখি। গোস্বামীর গান ও তাঁহার জ্যেষ্ঠ সহোদর কীর্তিচাঁদ গোস্বামীর পাখোয়াজ-সঙ্গত শুনিয়া খুবই আশ্চর্যাবিত হইলাম। রেকর্ড মোমের তৈরি ছিল। কর্ণে অনেকগুলি নল লইয়া প্রায় সাত-আট জন একসঙ্গে গান শুনিত পাইত। একটি লম্বা গোলাকার পদার্থ রেকর্ডের সহিত সংযুক্ত ছিল; তাহা ঘুরাইলেই গান শুনিতে পাওয়া যাইত। তখন রবিবাবুর আদেশক্রমে আমি রেকর্ডে হুইথানি গান দিলাম। একটি শৌরীকৃত টপ্পা ও অণ্ডটি বাংলা গান; তখন তিনি আমাকে সঙ্গে সঙ্গে সেই গান রেকর্ডে শুনাইলেন। ইহাই কবির সহিত আমার আলাপের সূত্রপাত।

কলিকাতায় একমাস থাকার পর পুনরায় বিষ্ণুপুরে আসিলাম। পিতৃদেবের নিকট আরও পাঁচ বৎসর একাদিক্রমে সঙ্গীতশিক্ষা করিলাম। আমার যখন পনের বৎসর বয়স তখন পিতৃদেবের মৃত্যু হয়। ষোল বৎসর বয়সে আমি কলিকাতায় গিয়া চন্দ্রনগরনিবাসী বিখ্যাত জমিদার হরিপদ মিশ্রের আশ্রয়ে থাকি। তিনি আমার অগ্রজ রামপ্রসন্ন বন্দ্যোপাধ্যায়ের বিশেষ বন্ধু ছিলেন।

সেখানে থাকাকালীন আমি প্রসিদ্ধ খেয়ালী গুরুপ্রসাদ মিশ্রের নিকট কতকগুলি খেয়াল শিক্ষা করিয়াছিলাম। বিখ্যাত ধ্রুপদী খেয়াল ও টপ্পাগায়ক হুলোগোপালের নিকট কিছু শিক্ষা করি। সতর বৎসর বয়সে আমি বিষ্ণুপুরে আসিয়া বিবাহ করি। তার পর এক বৎসর ধরিয়া অর্ধোপার্জনকর জঙ্গ বিভিন্ন দেশ ভ্রমণ করি। বর্ধমানের মহারাজ বিজয়চাঁদ মহতাবের সভায় গায়কপদে নিযুক্ত হই। কলিকাতায় 'সঙ্গীত সঙ্ঘ' নামক সঙ্গীত-বিদ্যালয়ে শিক্ষক নিযুক্ত হই ১৯১৮ সনে। তথায় সপ্তাহে তিন দিন করিয়া সঙ্গীতশিক্ষা দিতে হইত। তখন মধ্যে মধ্যে জোড়াসাঁকো ঠাকুরবাড়ীতে যাইতাম ও রবীন্দ্রনাথের সহিত সাক্ষাৎ হইত। তাঁহাকে মধ্যে মধ্যে গানও শুনাইতাম। তিনি আমার হিন্দী গান শুনিয়া সেই গানগুলির অনুকরণে বহু বাংলা গান রচনা করেন। সঙ্গীতসঙ্ঘে পাঁচ-ছয় বৎসর সঙ্গীত-শিক্ষাদানের পর আমার ছাত্রছাত্রীদের গান শুনিয়া রবীন্দ্রনাথ আমার শিক্ষাদানপ্রণালীর খুবই প্রশংসা করেন। তিনি আমাকে বলেন যে, বালাবস্থা হইতে সঙ্গীতশিক্ষা না করিলে গলা বেশ খোলে না। আমি উত্তরে বলিলাম যে, কণ্ঠস্বরও মিষ্ট হওয়া দরকার। তিনি বলিলেন, সুশিক্ষা দানও সঙ্গীতশিক্ষার অঙ্গকূস। তিনি আমাকে বলিয়াছিলেন যে, তিনি বিস্তর বাংলা গান বিস্তর রাগরাগিনীর

হিন্দী গানের অনুকরণে রচনা করিয়াছিলেন; তবে স্ববচিত কতকগুলি গানে স্বীয় ইচ্ছানুসারে সুর দান করেন।

এ সময়ে কলিকাতা ইউনিভার্সিটি ইনষ্টিটিউটে এক সভায় আমার গান হয়। তাহাতে বহুলোকের সমাগম হয়। তথায় আমার গানের পর রবীন্দ্রনাথকে কিছু বক্তৃতা দিবার জন্য সকলে অনুরোধ করেন। তখন তিনি রসিকতার সঙ্গে বলিলেন, "গৌফেখরের হ'ল, এবার দাড়ীখরের হচ্ছে।" সভায় হাসির রোল পড়িয়া গেল।

পাশ্চাত্য দেশ হইতে প্রথমে রবীন্দ্রনাথ যখন ফিরিয়া আসেন, তখন কলিকাতার এলবার্ট হলে তাঁহার এক সংবর্ধনা-সভা হয়। এই সভায় জলধর সেন, পাঁচকড়ি বন্দ্যোপাধ্যায় প্রভৃতি বহু শ্রেষ্ঠ ব্যক্তির সমাগম হয়। রবীন্দ্রনাথ বক্তৃতাপ্রসঙ্গে বলেন যে, তিনি যখন হিন্দী গানের ভাড়া বাংলা গান প্রথম করেন, তখন হিতবাদী পত্রিকায় (সাপ্তাহিক) তাঁহার বিরুদ্ধে বহু সমালোচনা বাহির হয়। কালীপ্রসন্ন কাব্যবিশারদ তাহার প্রথম সমালোচনা করেন। দেখাদেখি অণ্ডাণ্ড অনেক পত্রিকা তাঁহার গানের তীব্র সমালোচনা করেন। তিনি বক্তৃতাপ্রসঙ্গে আরও বলেন যে, পশ্চিম হইতে প্রচুর সম্মানলাভ করিয়া দেশে ফিরিয়া আসায় "আমার গানের আদর বাড়ে"। তাঁহার বক্তৃতার পর সকলের অনুরোধে আমি খেয়াল ও শৌরীর টপ্পা গান করি।

কলিকাতা ইউনিভার্সিটি ইনষ্টিটিউটে আর একবার সঙ্গীত-সঙ্ঘে এক উৎসবে রবিবাবু যোগদান করেন। তথায় সরলা দেবী তাঁহার দক্ষিণ পার্শ্বে উপবিষ্টা ছিলেন। বহু রাজা জমিদারও সেই সভায় উপস্থিত ছিলেন। তথায় সঙ্গীতসঙ্ঘের ছাত্রীদের অনেকের খেয়াল, ঠুমরী ইত্যাদি গান হয়। তার পর আমার ধ্রুপদ, খেয়াল হয়। আমার সহিত প্রসিদ্ধ যুদী চূর্লভচন্দ্র ভট্টাচার্য মহোদয় সঙ্গত করেন। সেই সভায় হিন্দী গান সমাপ্ত করিয়া আমি বাহার রাগের হিন্দী গানের ভাঙ্গা রবিবাবুর একটি বাংলা গান গাই 'আজি মম মন'। রবীন্দ্রনাথ উক্ত গানটি শুনিয়া বিশেষ প্রশংসা করেন।

আর একবার কলিকাতার আলিপুর বিজয়-মঞ্জিলে রবীন্দ্রনাথের সংবর্ধনা-সভায় আমার গান হয়। বর্ধমানাধিপতি বিজয়চাঁদ মহতাব তথায় এই সভা আহ্বান করেন। কবি আমাকে সাহানা রাগের একটি গান গাহিতে বলায় আমি উক্ত রাগের একটি গান করি। আমার গানের সঙ্গে উপেন্দ্রনাথ চক্রবর্তী সঙ্গত করেন। গান শুনিয়া রবীন্দ্রনাথ খুবই সন্তুষ্ট হন।

শ্রীবিমলচন্দ্র সিংহ একবার রবিবাবুকে তাঁহার বাড়ীতে আমন্ত্রণ করেন। সেই দিনে আমার গান হয় এবং

দুর্লভচন্দ্র ভট্টাচার্য মহোদয় পাথোয়ায় সঙ্গত করেন। আমি রবীন্দ্রনাথ-রচিত 'শ্রী' রাগের একটি গান প্রথম করি। সেই বাংলা গানটি সঙ্গীতাচার্য ক্ষেত্রমোহন গোস্বামীর 'কণ্ঠ-কৌমুদী' পুস্তকে প্রকাশিত হিন্দী গানের ভাঙা। মূল গানটি 'তন মিলন হে পরবার।' কবি 'কার মিলন চাও বিরহী' এই বাংলা গান উহার অনুকরণে রচনা করেন। বহুদিন পূর্বে রচিত এই গানটির কথা তাঁহার স্মরণে ছিল না।

জ্যোতিরিন্দ্রনাথ ঠাকুর রাঁচি হইতে কিরিয়া আসিয়া কলিকাতার সঙ্গীত সঙ্ঘে কিছু শিক্ষাদান হইতেছে ইহা প্রতিভা দেবীকে জিজ্ঞাসা করেন। তিনি ছাত্রীদের গান শুনিতে ইচ্ছা প্রকাশ করায় রবীন্দ্রনাথের বাড়ীতে সঙ্গীতের এক আসর হয়। তাহাতে ছাত্রীদের মধ্যে যথাক্রমে মালতী বসু, মেধা ঠাকুর ও অমিয়া রায় গান করে। জ্যোতিরিন্দ্রনাথ তাহা শুনিয়া খুবই সন্তুষ্ট ও মুগ্ধ হন।

তার পর জ্যোতিরিন্দ্রনাথ প্রতিভা দেবীকে জিজ্ঞাসা করিলেন যে, বর্তমান সঙ্গীতসঙ্ঘ কে সঙ্গীত শিক্ষাদান করিতেছেন। প্রতিভা দেবী তৎক্ষণে বলেন, বিখনাথজী সঙ্গীতসঙ্ঘ হইতে অবসরগ্রহণ করায় বর্তমান মহারাজের সঙ্গীতগায়ক গোপেশ্বর বন্দ্যোপাধ্যায় মহোদয় সঙ্গীতসঙ্ঘে শিক্ষাদান করিতেছেন। ইহাতে তিনি বলেন যে, গোপেশ্বর বাবুর সঙ্গীতে খুবই অনুরাগ।

রবীন্দ্রনাথের যখন দশ বৎসর বয়স তখন বহুভট্ট মহর্ষি দেবেন্দ্রনাথের আলয়ে ছিলেন। তখন রবীন্দ্রনাথ তাঁহার নিকট গান শিক্ষা করেন। রবিবাবু শ্রীমসুন্দর মিশ্রের নিকটও কিছু গান সংগ্রহ করেন। একদিন ঠাকুর-বাড়ীতে গিয়া তাঁহার গান শুনিবার জন্ত তাঁহাকে অনুরোধ করায় তিনি নায়কী কানাড়ার "বলমা রে চুনরিয়া" এই খেয়ালটি আমাকে শোনান। গান গাওয়ার পর তিনি নিজেই বলিলেন, "সাধনার অভাবে আমার আজকাল গান গাওয়া বেশ সুবিধা হয় না।" তাঁহার সুমধুর কণ্ঠ ও ভাব আমার খুবই ভাল লাগিল। হিন্দী গানগুলির বাংলা রূপান্তরসাধন নিঃসন্দেহে তাঁহার অসাধারণ প্রতিভার পরিচায়ক।

বিজ্ঞাননাথের পৌত্র দীক্ষুবাবু প্রায়ই রবীন্দ্রনাথের নিকট থাকিতেন। একদিন জোড়াসাঁকো ঠাকুরবাড়ীতে আমি কবির সহিত সঙ্গীত সম্বন্ধে আলোচনা করিতেছিলাম। সেই সময় দীক্ষুবাবু তথায় আসিলেন এবং তাঁহার সহিত জগদ্বাদ-নিবাসী শশীভূষণ হালদার নামক এক ব্যক্তি কবির সহিত সাক্ষাৎ করিতে আসিলেন। দীক্ষুবাবু রবীন্দ্রনাথকে বলিলেন, "শশীবাবু বিদ্যাভূষণী ও সঙ্গীতানুরাগী ; ইহার কিছু

কবিত্বশক্তিও আছে ; আপনার কবিতাপাঠে ইনি মুগ্ধ।" শশীবাবু বলিলেন, "পুত্রের সঙ্গীতে খুবই আস্থা আছে। সেই জন্ত কলিকাতার বিখনাথ ধর্মারীর নিকট সে কিছুদিন সঙ্গীত শিক্ষা করে। বিখনাথজীর মৃত্যুর পর সে বর্তমান মহারাজের সঙ্গীতগায়ক গোপেশ্বর বন্দ্যোপাধ্যায়ের নিকটও গান শিক্ষা করে।" তখন দীক্ষুবাবু আমাকে দেখাইয়া বলিলেন, "ইনিই সেই গোপেশ্বর বাবু।" শশীভূষণবাবু তৎক্ষণে বলিলেন, "আজ আমার দিনটি খুবই শুভ, কারণ কবিশ্রেষ্ঠ ও গায়কশ্রেষ্ঠ উভয়ের সহিত একই ক্ষেত্রে সাক্ষাৎ হইল।" শশীবাবুর প্রশংসা-প্রসঙ্গে দীক্ষুবাবু বলিলেন যে, শশীবাবু বিবাহের পণদানে অসমর্থ ব্যক্তিদিগকে অর্থসাহায্য করিয়া রক্ষা করেন। ইহা শুনিয়া কবি শশীবাবুর খুবই প্রশংসা করিলেন এবং বিবাহে পণগ্রহণের বিরুদ্ধে স্বীয় মত প্রকাশ করিলেন।

রবীন্দ্রনাথের মৃত্যুর তিন মাস পূর্বে আমি কলিকাতায় ঠাকুরবাড়ীতে আর একবার তাঁহার সহিত সাক্ষাৎ করিতে যাই। তখন তিনি আমাকে "ধট"রাগের একটি গান শুনাইতে বলেন। প্রথম আমি উক্ত রাগের একটি ধ্রুপদ "ক্যায়সে যমুনা তট মেঁ জল ভরণ জাঁউ ম্যায়" গানটি গাহিয়াছিলাম। তখন কবি বলিলেন, "গানটি কাহার রচিত?" আমি বলিলাম, গানটি মদীর পিতৃদেবের রচিত। তিনি গানটি লিখিয়া লইলেন।

শান্তিনিকেতন প্রতিষ্ঠার জন্ত রবীন্দ্রনাথের প্রচেষ্টা ও দানের কথা বলিয়া বা লিখিয়া বুকানো যায় না। বর্তমান বৎসরের জানুয়ারী মাসে আমি শান্তিনিকেতনে সঙ্গীতাদ্যাপক হইয়া গিয়াছিলাম। তথায় রবীন্দ্রনাথের কীর্তিসমুদয় দেখিয়া মুগ্ধ হইয়া যাই এবং ভাধোচ্ছাসে তাঁহার সম্বন্ধে একটি গান রচনা করি।

গানটি নিম্নে প্রদত্ত হইল :

সিঁহু—ঝাপতাল

যন্ত বিশ্বকবি তুমি, হে রবীন্দ্র গুণাধার।
তোমার অপূর্ব কীর্তি তুলমা নাহিক তার।
শান্তিনিকেতন দেশে রচিতল জনকাদেশে।
সেখা কত শত লোকে শান্তি পায় অনিবার।
তুমি মহাজানী-গুণী বুকিয়াছে সর্বজন।
বহু ভাষাবিদগণে সুখে শান্তিনিকেতনে,
জীবন কাটান তাঁরা, কোন দুঃখ নাহি আর।
তুমি নবরূপী দেব, অমর হইয়া আছ।
মার্গসঙ্গীত তান্তি কত গীত রচিত্যাহ।
গোপেশ্বর ও পীঠস্থানে সুখে আছে তুঁপ্ত প্রাণে,
তব কীর্তি হেদি আদি হর্ষে ভাসে দিয়া তার ॥

পুষ্পপরী

শ্রীনির্মলকুমার চট্টোপাধ্যায়

পুষ্পপরী ! পুষ্পপরী ! স্বপ্নভরে উজ্জ্বলি'
ললিতা-লতা ছন্দোলীনা সুন্দরী !
ফুলবনেতে ফুলসনেতে কোন কণেতে উল্লসি'
মাথিলে তুমি গন্ধ গুই কুন্দ'রি ?

কুঞ্জোপরি ছন্দ ভরি' নৃত্য করি' তরঙ্গি'
হাসিলে তুমি লাস্যময়ী সুন্দরী !
চিত্ত হরি' হাস্যময়ী ছুটিলে তুমি কুন্দলী,
গুঞ্জরিয়া উঠিলে তুমি সুর ধরি !

লহর-বোলে লীলাব ছলে ভাসিলে তুমি হিল্লোলি',
কানন শুধু উঠিল ছলে সুন্দরী !
দোহল-দোলে ফুল-দোলেতে তুলিলে তুমি হিল্লোলি',
লাগিল দোলা কুঞ্জবনে গুঞ্জরি' !

সাগর-নীল নিচোল তব স্বপন-বাগে মূর্তিত,
নীলা-আখিতে চাও চকিতে সুন্দরী !
কপোল তব সুরভি-ভরা চন্দনেতে চর্চিত,
ষাপিলে তুমি লীলাতে মধু-শর্বরী !

পুষ্পপরী, পুষ্পভরা বসন্তেতে উজ্জ্বলি'
পুলক-ভরে উঠিলে ভরি' সুন্দরী !
মদির-হাসি-মাথা-অধর উঠিল তবে উজ্জ্বলি',
কুহক জাল সরিয়া গেল সঞ্চরি !

যৌবনেতে প্রথম লীলা ধরিল রূপ ছন্দিয়া,
মধুর হাসি ফুটল তব সুন্দরী !
কুমুমরাশি লুটায় পড়ে আজিকে তোমা' বন্দিয়া,
হিল্লোলিল নবীন-ফুলমঞ্জরী !

কল্লোলিল সাগর-টেউ, হিল্লোলিল ফুলদোলা,
জানায়ে দিল যৌবনেতে সুন্দরী !
প্রথম-ফোটা ফুলের মত স্ববাস বহে দিক্‌ভোলা :
গন্ধ তার ছড়ায় বুক কুঞ্জ'রি !


বর্ণাসম উজ্জ্বলিত শ্রোতের ধারা সুবাকা,
চপলা তুমি বিজলী সম সুন্দরী !
গরবিনী গো ! চটুল আখি, বিলোল তব কটাক্ষ,
সুঠাম তব যুগল বাহুবল্লরী !

পুষ্পসম বক্ষ তব উঠিছে শুধু স্পন্দিয়া :
যৌবনেরি লাগিছে আভা, সুন্দরী ! *
নিশাস মাঝে পুলক-ভরে উঠিছে তাহা ছন্দিয়া,
তুলনা দেয় গোলাপ-ফুলপুঞ্জ'রি !

যক্তিমাতে চরণ তব নাচিছে যেন সঙ্গীতে,
ফুল ফোটাতে চরণ-ঘায়ে সুন্দরী !
মুক্তাহারে কণ্ঠ দোলে নূতন-মধু-ভঙ্গিতে,
কুমুম-শাখা লজ্জালতা মুঞ্জরি' !

শিহরি' উঠে কানন আজি গহন তব নিঃশ্বাসে,
হাওয়ার ভরে নাচিলে তুমি সুন্দরী !
য়োমাকিল বক্ষ তব উতল কোন্ উচ্চাসে,
গভীর বৃকে শুভ্র তব উত্তরী !

হাসিছ তুমি মদিরা-ভরে কাজল-চোখে আনন্দে,
পুষ্পপরী ! তুমি গো সখী, সুন্দরী !
পুষ্পপরী ! পুষ্পপরী ! স্বপ্ন আনো কি ছন্দে ?
কাব্যমাঝে চলনাময়ী অপ্সরী !



ছোট্ট বীণার কাহিনী

ডাঃ শ্রীডি. আনন্দ

“বীণা”—বাবা তার ছোট্ট মেয়েকে ডাকছেন শুধু এই বিষয়ে নিশ্চিত হবার নিমিত্ত যে, স্কুলে বাবার জন্তে সে তৈরী হয়েছে কিনা? বীণার তরফ থেকে কিন্তু কোন জবাব এল না। তিনি উঠে দেখেন, তার তখন কাঁদকাঁদ অবস্থা।

“কি হয়েছে তোমার? তুমি কি স্কুলে যেতে চাও না?”

“হাঁ, বাবা আমি চাই, কিন্তু আমার ভাই বলছে আজ স্কুলে যেতে পারবে না তুমি।”

যখন তাকে এই প্রতিশ্রুতি দেওয়া হ’ল যে সে স্কুলে যাবে তখন বেশ খুশী হয়ে উঠল বীণা।

“বিদ্যালয়ে মেয়েটি কত দিন ধরে যাচ্ছে যে জায়গাটার উপর তার মনে এরূপ অনুরাগের সঞ্চার হয়েছে?”—বাড়ীতে সমাগত ব্যক্তিদের মধ্যে একজন জানতে চাইলেন।

“ওঃ, মাত্র এক মাস”—জবাব দিলেন বীণার বাবা।

দশ বছর আগে বিদ্যালয়ের প্রতি তিন বছর বয়সের একটি মেয়ের এরূপ অনুরাগের কথা কি কেউ ভাবতেও পারত!

গত দশ বৎসরের মধ্যে বিদ্যালয়ের শিক্ষাপদ্ধতির যে সকল পরিবর্তন শিশু, গৃহ এবং বিদ্যালয়কে প্রভাবিত করেছে তা পরিস্ফুট হয় শিশুমনের উপর এই প্রতিক্রিয়া থেকে। বীণা ভালবাসে তার বিদ্যালয়কে এবং বন্ধুবান্ধবদের। স্কুলে যে-সকল খেলাধুলো করবার সুযোগ-সুবিধা সে পায় সে-গুলোর প্রতিও আছে তার অনুরাগ। তার কোঁতুহলকে উদ্দীপ্ত রাখবার জন্তে সেখানে আছে, গড়ানে বোর্ড এবং সিমেন্ট-লেপা বুক। গাছের গোড়ায় জল দিতে তার ভাল লাগে। যখন ঘরের ভেতর বসে খাবার বণ্টা বাজে তখন

অল্প শিশুদের সঙ্গে মিলে সে কমলালেবু খায়। কমলালেবু খাওয়া শেষ হলে পর শিশুরা তাদের পাত্রগুলো টেবিলের উপর ফেলে যাখে না। সকল শিশুই নিজ নিজ পাত্র তুলে নেয়, খাবারের উষ্মতটুকু একটা বাটিতে জমা করে, তার পর সেগুলোকে ষষ্ঠাস্থানে রেখে দেয়। ঋনিকক্ষণ বিশ্রাম করে নিতে এরা বেশ মজা পায় এবং বীণা অচ্যন্তদের সঙ্গে মেঝের উপর শুয়ে হাত পা ছড়িয়ে দিয়ে আনন্দ উপভোগ করে।

বিদ্যালয়ের প্রতি বীণার যে অনুরাগ তার পিতামাতারাও তার অংশভাগী। তাঁরা উভয়েই নিযুক্ত আছেন সরকারী চাকরিতে এবং এটা তাঁরা অনুভব করেন যে, বিদ্যালয়ে বীণার সময়টা ভালই কাটে। এটা মনে করা কিন্তু ভুল হবে যে, যে-সকল পরিবারে পিতামাতা উভয়েই উপার্জন-শীল, নার্সারি বিদ্যালয়সমূহ কেবলমাত্র সেই সকল পরিবারের পক্ষেই অপরিহার্য। যে-কোন প্রগতিশীল সমাজ—যা তার শিশুদের বুদ্ধি এবং বুদ্ধিবৃত্তির বিকাশের ব্যবস্থা করতে চায়, তার পক্ষেই এ ধরনের বিদ্যালয়ের প্রয়োজনীয়তা রয়ে গেছে। এটা লক্ষ্য করতে দীর্ঘ সময় লাগে না যে, নার্সারি স্কুলে শিশুরা শিখা করে সমাজতাত্ত্বিক দৃষ্টিভঙ্গী—গণতান্ত্রিক জীবন-যাপনের পক্ষে যা অপরিহার্য।

শিক্ষার সবচেয়ে গুরুত্বপূর্ণ উদ্দেশ্য যা, অর্থাৎ আমোদ-প্রমোদের ভেতর দিয়ে নিজেকে বিকশিত করা, শিশুরা ব্যক্তিগত ভাবে সেই বিষয়ে নার্সারি স্কুল থেকে শিক্ষালাভ করে। এবং এসমস্তই করা হয় বই, স্টেট, অথবা পেন্সিলের ব্যবহার ছাড়া।

শিশুদের পকেট-খরচার দরকার আছে কি?

শ্রীশীলা রায়

পিতামাতার সংখ্যা বড় শিশুদের পকেট-খরচা সংক্রান্ত বিভিন্ন ধারণা ও আচরণের পরিমাণও প্রায় তারই অনুরূপ।

কেহ কেহ শিশুদিগকে তাহাদের নিজ নিজ ইচ্ছামত খরচ করিবার অল্প কখনও আর্ছো টাকা-পয়সা দেন না।

ইহা শিশুর (এখানে শিশু বলিতে বালক বালিকা উভয়কেই বুঝাইবে) অভিজ্ঞতা, অর্জনের এবং বদান্যতা প্রকাশের সুযোগ-সুবিধাকে সীমাবদ্ধ করিয়া রাখে। এই ধরনের কোন শিশু যদি এমন কিছু করিবার নিমিত্ত প্রণোদিত হয়, যাহার জন্য অর্থের প্রয়োজন তাহা হইলে সে তাহা উপার্জন করিবার জন্ত চেষ্টা করিতে পারে, তাহা সম্ভবপর হইলে চমৎকার সুফলপ্রদ হয়, কিন্তু সাধারণতঃ সে ঘরের এখানে-সেখানে যা কিছু পয়সাকড়ি পড়িয়া থাকে, চুরি করিয়া সেগুলি সংগ্রহ করে।

অপর শ্রেণীর পিতামাতা আকস্মিক উচ্চাসবশে শিশুদের কিছু অর্থ দিয়া থাকেন। এই সকলের উপলক্ষ হইতেছে—কোন কোন সময় দেওয়ালী অথবা জন্মদিন প্রভৃতি বিশেষ বিশেষ তিথিসমূহ। কিন্তু প্রায়শঃই শিশুরা এগুলি আদায় করে অন্য উপায়ে। কখনও হয় ত শিশু পিতামাতার মধ্যে একজনের চতুর্পার্শ্বে হট্টগোল জুড়িয়া দেয় অথবা ঐ রকম কোন উদ্দেশ্য সম্মুখে রাখিয়া তাহারা কোন রকমের হরতাল করে। শান্তির জন্ত পিতামাতা তাদের কোন পুরস্কার বা ঘুষ দিবে থাকেন। অতএব প্রায়ই যে শিশুর দাবি বেশী এবং যদিও সে অধিকতর সং ও বিচারবুদ্ধিসম্পন্ন হয় তথাপি তাহার পকেট থাকে খালি, আর যে শিশু দোষী তাহার উদ্দেশ্য সিদ্ধ হইয়া থাকে।

পঞ্চাশতের কোন কোন পিতা আবার সপ্তাহ অথবা মাসের কোন নির্দিষ্ট দিবসে নিয়মিত ভাবে পকেট-খরচা দিয়া থাকেন। পিতামাতার আর্থিক অবস্থা এবং শিশুর বয়ঃক্রম অনুসারে ইহার পরিমাণ নির্ধারিত হইয়া থাকে। ভারতের অধিকাংশ পিতামাতারই—যাঁহাদের মধ্যে বেশীর ভাগই এই প্রবন্ধ পড়িতে সমর্থ হইবে না—প্রত্যেক শিশুর জন্য প্রতি মাসে সামান্য চারি আনা দিবারও সামর্থ্য নাই। কিন্তু যাঁহারা এই প্রবন্ধ পড়িবেন তাঁহারা হয় ত ইহার বেশীও দিতে পারেন। যে বিষয়টি গুরুত্বপূর্ণ তাহা হইতেছে—সময়-মত বেতনপ্রাপ্তি সঙ্কে নিশ্চয়তার অভাব। যাঁহাদের মনে ঐবিষয়ে সংশয় আছে তাঁহারা প্রাথমিক বিদ্যালয় হইতে আরম্ভ করিয়া বিশ্ববিদ্যালয় পর্যন্ত হালের সকল স্তরের শিক্ষক-দের কথা আলোচনা করিয়া দেখিতে পারেন। তাঁহাদের মধ্যে খুব অল্প কয়েক জনই প্রত্যেক মাসে নিয়মিত ভাবে একটি নির্দিষ্ট দিবসে বেতন পাইয়া থাকেন, ইহার ফল দাঁড়ায় পুষ্টিসম্পর্কিত ক্রটি অথবা সঙ্কের অভাব। কিন্তু হায়, সংশ্লিষ্ট কর্তৃপক্ষ এই বিলম্বিত বেতন প্রদানের জন্য এমন কোন লভ্যাংশ বা ডিভিডেন্ডের ব্যবস্থা করেন না যা শিক্ষককে দিতে হয় 'বানিয়া'কে প্রয়োজনীয় দ্রব্যাদির ব্যবস্থা করিবার জন্য।

অনেকে হয় ত জিজ্ঞাসা করিতে পারেন যে, “কিসের জন্য শিশুর টাকাপয়সার দরকার হয়, তাহাকে পকেট-খরচা দিবার সার্থকতা কি?” বর্তমান লেখিকা সামগ্রিক ভাবে এই সকল প্রশ্নের জবাব দিবার চেষ্টা করিতেছেন না, কেননা পাঠক নিশ্চয়ই অন্যান্য বহু সুযুক্তির কথা চিন্তা করিবেন যাহা এখানে উল্লিখিত হয় নাই। এই প্রবন্ধের একমাত্র উদ্দেশ্য হইতেছে উক্ত বিষয়ের প্রতি পিতামাতার মনোযোগ আকৃষ্ট করা যেন তাঁরা এ সঙ্কে একটু চিন্তা করেন এবং তাঁহাদের নিজেদের অভিজ্ঞতার কথাও মনে মনে আলোচনা করেন।

বহু দেশের শিশুদিগকে এবং নিজের দেশের বহু পরিবারের শিশুদের লক্ষ্য করুন। তাহাদের মধ্যে কেহ কেহ যাহাই তাহাদের হাতে পড়ুক না কেন মিষ্টি খাইয়া খরচ করিয়া ফেলে। একটা সাধারণ নিয়ম হিসাবে ইহা দেখা যাইবে যে, এই সকল শিশু যদিও যথেষ্ট পরিমাণে খাবার খাইয়া থাকে তথাপি তাহাদের বৃদ্ধি এবং শক্তির জন্য প্রয়োজনীয় যথোচিত পরিমাণে উৎকৃষ্ট প্রোটিন তাহাদিগকে দেওয়া হয় না। এই সকল শিশুকে মটর অথবা গোল আলুর সঙ্গে সিদ্ধ করা কিছু পনীর দিবার চেষ্টা করুন। তাহাদের মধ্যে যদি এই বস্তু প্রচুর পরিমাণে খাইবার ক্ষমতা এবং আভ্যন্তরীণ তাগিদ দেখা যায় তাহা হইলে ঐ বিষয়ে নিশ্চিত হওয়া যাইতে পারে যে, তাহারা ঐ জাতীয় খাদ্য-বস্তুর অভাবে ভুগিতেছে। যদি তাহা না হয় তাহা হইলে তাহাদিগকে কিছু টাটকা ফল খাওয়াইয়া দেখুন। এমন হইতে পারে যে, ভাইটামিন গ-এর স্বল্পতাই ছিল এই তাগিদের কারণ—ভক্ষ্য মিষ্ট ফলের সহিত রহিয়াছে এই ভাইটামিনের সম্পর্ক। তাদের প্রয়োজন ছিল অধিকতর পুষ্টির, অধিকতর শক্তিসঞ্চয়ক খাদ্যের, কিন্তু তাদের পকেট-খরচা দ্বারা হইতে পারে শুধু মিষ্টির ব্যবস্থা।

কতকগুলি শিশু আবার তাহাদের পয়সা খরচ করে চুলের ফিতা, গলাবন্ধ, কেশতৈল ইত্যাদি ব্যক্তিগত অঙ্গ-সজ্জা এবং প্রসাধনের জন্ত। প্রকৃত শিক্ষার অভাবে তাদের নির্বাচন আর যাই হোক, দৌন্দর্য্যবোধের পরিচায়ক যে নয়, একথা সত্য। কিন্তু প্রায়ই কলাজ্ঞান অথবা দৌন্দর্য্য-বোধের অচরিতার্থতা হইতেই এই তাগিদ উদ্ভূত হইয়া থাকে। যাহারা অত্যধিক তীব্র গন্ধযুক্ত কেশতৈল পছন্দ করে—বিশ্ববিদ্যালয়ের পরীক্ষার সময়কার এই ধরনের ঘটনার কথা লেখিকার মনে পড়ে, তারা প্রায়শঃই সেই সকল চূড়ান্ত রকমের নোংরা পরিবারের ছেলেমেয়ে যেগুলিতে ফুলের গন্ধ এবং বোপখাড়ের অভাব। কেহ কেহ ঐ সকল দ্রব্য আহরণ করে আত্মপ্রীতিবশতঃ তাহাদের নিজেদের প্রতিই

মনোযোগ আকৃষ্ট হওয়ার জন্য। আপাতদৃষ্টিতে মনে হয় এর মূলে রহিয়াছে—নিছক বৃথা আত্মাভিমান, কিন্তু প্রায়শঃই এই আভ্যন্তরীণ তাগিদেব ভিত্তি হইতেছে পরিবারে শিশুর অধিকতর অকৃত্রিম স্নেহের প্রয়োজনীয়তা। তাহাদের সৌন্দর্য্যবোধ উৎকৃষ্টতর রূপে চরিতার্থ হইত যদি পিতামাতা গৃহের দ্রব্যাদি এবং কাপড়চোপড় পছন্দ করায় শিশুকেও তাহার নিজের মত প্রকাশ করিতে দিতেন। শিশুকে নিজের ক্রটিমাফিক ঐ সকল জিনিষ তৈরি করার শিক্ষাও দিতে হইবে। কাঁচা মালের দাম তৈরী জিনিষের মূল্যের অর্ধেক মাত্র, কাজেই একই পরিমাণ টাকায় উৎকৃষ্টতর জিনিষ পাওয়া যাইতে পারে যদি তাহা ব্যবহারকারী অথবা পরিধানকারী দ্বারা প্রস্তুত হয়।

আত্মাভিমानी শিশু বিশেষভাবে পিতামাতার দৃষ্টান্ত হইতে ইহা শিখিতে পারে যে, মহার্ঘ্য, জমকালো এবং যেগুলিকে ধোয়া এবং সারানো যায় না সে ধরনের পোশাক-পরিচ্ছদ এবং কাপড়-চোপড় অপেক্ষা, সুসমঞ্জস, পরিষ্কার-পরিচ্ছন্ন এবং সংস্কার-সাধ্য পোশাক লোকের স্বাভাবিক সৌন্দর্য্যের উৎকৃষ্টতর বিকল্প বলিয়া গণ্য হইতে পারে। পোশাক-পরিচ্ছদ প্রথমতঃ হইবে পরিধানকারীর ক্রটির উপযোগী এবং দ্বিতীয়তঃ ইহা হইবে ফ্যাশানের অনুযায়ী। কতকগুলি শিশু স্নেহ হইতে বঞ্চিত ইহা সত্য, কিন্তু ইহা সুস্পষ্টরূপে প্রতীয়মান নয়—হয়ত অন্যান্য অধিকতর গুরুত্ব-পূর্ণ বিষয়সমূহের নীচে ইহা চাপা পড়িয়া থাকে। অনেক শিশু খাওয়া-দাওয়া অথবা উত্তম বেশভূষা ও অলঙ্কারাদি আহরণের জন্য ভিতরে ভিতরে যে তাগিদ অনুভব করে, তাহার দরুনই তাহারা তাহাদের সমস্ত টাকা-পয়সা নিঃশেষিত করিয়া ফেলে। অতঃপর তাহারা পিতামাতাকে বিশেষ সাবান, ষ্টেশনারি জিনিষ এবং ষ্ট্যাম্প অথবা খেয়াল-খুশির দ্রব্যাদি অধিকতর পরিমাণে দিবার জন্য অনুরোধ করিয়া থাকে।

এমন শিশুও আছে যাহারা তাহাদের পকেট-খরচার টাকাপয়সা উপরোক্ত খেয়ালখুশির কিন্তু প্রয়োজনীয় দ্রব্যাদির জন্য ব্যবহার করিয়া থাকে। তাহারা কিন্তু বই, উপহারদ্রব্য এবং দাতব্য জিনিষ প্রভৃতি কিনিবার খরচও ইহা-হইতেই কুলাইয়া লয়। এই সকল শিশুর পকেট-খরচা দ্বারাই সকলের চেয়ে সেবা উদ্দেশ্য সিদ্ধ হইতেছে। প্রত্যেক শিশুকে যদি প্রথম পকেট-খরচা দেওয়ার সঙ্গে সঙ্গে একটি ছোট হিসাববহি এবং পেন্সিল দেওয়া যায় তাহা হইলে তদ্বারা টাকার কি পরিমাণ অংশ বিভিন্ন ধরনের দ্রব্যের জন্য ব্যয়িত হয়, দ্রব্যাদির মূল্য কত, এবং কিভাবে বাজেট, আয়-ব্যয়ের হিসাব নির্ধারণ ইত্যাদি করিতে হয় এ সকল বিষয়

বুঝিবার পক্ষে তাহার সাহায্য হইতে পারে। পিতামাতার কিন্তু এই বইয়ের গোপনতার উপর অনধিকারপ্রবেশ করা সমীচীন নয়। অবশ্য শিশু যদি পিতামাতাকে হিসাব-পরীক্ষা, মিতব্যয়িতার পছানির্দেশ অথবা উৎকর্ষসাধনের কথা বলে তো সে অন্য বিষয়।

যে শিশু তাহার পকেট-খরচার টাকাপয়সা নাড়াচাড়া করে, সে বিচক্ষণতার সহিত সওদা করিবার, যাহা ক্রয় করিবে বলিয়া ধাৰ্য্য করিয়াছিল তাহা কিনিবার এবং দ্রব্যাদির প্রকৃত গুণাগুণ, নমুনা এবং মূল্য নিরূপণ করিবার ক্ষমতা অর্জন করে। উপরন্তু চক্চকে অনাবশ্যক দ্রব্যাদির জন্য পয়সা খরচ করিবার আগ্রহ দমন করিবার ক্ষমতাও তাহার অর্জিত হয়। অনেক প্রাপ্তবয়স্ক ব্যক্তি শিশুদের জন্য পোশাক-পরিচ্ছদ কিনিতে গিয়া, শৈশবে গুরুতর অভিজ্ঞতার অভাববশতঃ ভিতরে ভিতরে একটি পকেট-বুক কিনিবার আগ্রহ অনুভব করেন—ওদিকে হয়ত তাহার ডয়রের মধ্যে ইতিমধ্যে পড়িয়া রহিয়াছে ছয়-ছয়খানা নোট-বুক।

পকেট-খরচা ব্যবহারকারী শিশুর কিন্তু হথার্থ বদানাতা প্রকাশের উপায়ও আছে—আজিকার দিনে ইহা একটি দুর্লভ গুণ বলিয়া গণ্য হইবে, তা ছাড়া কতকগুলি গঠন-মূলক খেলার সৃষ্টিও তাহার মধ্যে হইতে পারে। বর্তমান লেখিকা এমন একটি ছেলেকে জানিতেন, দৃশ্য-চিত্র অঙ্কনের জন্য যে ভিতরে ভিতরে একটা প্রেরণা অনুভব করিত। অবশ্য এই বিষয়ে সে কখনো চেষ্টা করে নাই। পাছে তাহার প্রথম প্রয়াস তাহাকে হাসির পাত্র করিয়া তুলে এই জন্য অঙ্কনের সাজসরঞ্জামের কথা সে তাহার পিতামাতাকে বলিতে চাহে নাই। নিয়মিত পকেট-খরচা পাইবার সৌভাগ্য যদি তাহার হইত তাহা হইলে অঙ্কনের সাজ-সরঞ্জাম কিনিবার পয়সা সে সংগ্রহ করিত, গোপনে চিত্র-বিচার চর্চা করিত এবং মৌলিক চিত্রকর্ম দ্বারা একদিন সে যে শৈশবেই তাহার হর্ষোৎফুল্ল আত্মীয়স্বজনের তাক লাগাইয়া দিতে পারিত তাহা প্রমাণিত হইয়াছিল উত্তর-জীবনে তাহার প্রয়াসের দ্বারাই—যখন অধিকতর লাভজনক বৃত্তি হইতে অবসর গ্রহণ করিয়া সে চিত্র-বিচার অনুশীলনে আত্মনিয়োগ করিল। অধিকতর সৌভাগ্যবতী একটি বালিকার কথা জানি, সাত বছর বয়সে দুই টাকা সম্বল করিয়া যাহার পকেট-খরচার সূচনা হয় এবং ষোল বৎসর বয়সে তাহা বাড়িয়া দাঁড়ায় দশ টাকায়—বালিকাটির বয়স যখন বার বৎসর তখন ঐ পকেট-খরচা হইতে জমানো টাকা দিয়া সে তাহার সেলাইয়ের কাজ এবং প্রসাধনের আনুষঙ্গিক দ্রব্যাদি ছাড়া “এনসাইক্লোপীডিয়া”, “ক্লাসিকস” প্রভৃতি কয়েক খণ্ড উৎকৃষ্ট

গ্রন্থ কিনিতে সমর্থ হইয়াছিল- মধ্যবয়সেও ঐ সকল বই ছিল তাঁহার নিকট বিশেষভাবে উপযোগী। বলা নিম্নোক্তজন যে, সে তাহার হাতের তৈরী অনেক জিনিষ দান করিয়াছে, হিসাব এবং বাজেট প্রস্তুতিতেও সে কতকটা পটুতা অর্জন করিয়াছে।

সুতরাং শিশুদিগকে পকেট-খরচা দেওয়া তাহার দেহ-মন ও আত্মার বিকাশসাধনে সহায়তা করার অন্যতম উপায়। বাস্তবিকই ইহা শিক্ষাসহায়ক। প্রায়শঃই ইহা স্বরণ করাইয়া দেওয়া প্রয়োজনীয় বলিয়া প্রতীয়মান হয় যে, গঠনের শিক্ষা (Instruction) বিকাশ-সাধনের শিক্ষার (Education) ক্ষুদ্র অংশ মাত্র। পুষ্প যেমন করিয়া বিকশিত হইয়া উঠে তেমনি ভাবে ব্যক্তিত্বের বিকাশ-সাধনও প্রকৃত শিক্ষার (Education) অঙ্গীভূত। একটি উপায় হইতেছে উপদেশাত্মক শিক্ষাদান, সূচিস্থিত পাঠাভ্যাস। খাদ্য দ্বারা যেমন দেহের পুষ্টি হয়, ইহাও তেমনি মনের পুষ্টিসাধন করিয়া থাকে। আর একটি উপায় শিশুকে অভিজ্ঞতার সুযোগ

দেওয়া। পকেট-খরচার অর্থ ব্যয় করিয়া যে অভিজ্ঞতা অর্জিত হয় তাহা এক বকমের অভিজ্ঞতা। আমাদিগকে এই পার্থক্যের কথা ক্রমাগত আরও বেশী করিয়া মনে রাখিতে হইবে এই জন্য যে, আমাদের অনেক বক্তা নিস্কিয়ারে “শিক্ষা” কথাটা ব্যবহার করেন, এবং অনেক সাকুল্যারেও অল্পরূপ ভাবে কথাটি ব্যবহৃত হইয়া থাকে। ইহা সকলের মনে প্রচুর বিভ্রান্তির সৃষ্টি করে এবং বস্তুতঃ কখনো কখনো মনে হয় যেন কোনো মস্তুর বিরোধিতা করিতেছেন তাঁহার সেক্রেটারী। ইহা হিতকর হইলেও কদাচিৎ উপভোগ্য হইয়া যাক।

মুখ্যতঃ, উপরোক্ত এই সকল কারণেই লেখিকা মনে করেন যে, যেমন প্রত্যেক শিশুর জন্য পিতামাতাকে যথোচিত পুষ্টিকর খাদ্য, পোশাক-পরিচ্ছদ এবং আশ্রয়ের ব্যবস্থা করিতে হয় তেমনি ব্যক্তিগত ভাবে যতটা সম্ভব প্রতিটি শিশুকে সম্পূর্ণরূপে নিয়মিত পরিমাণে পকেট-খরচা দেওয়াও তাঁহাদের একান্ত অপরিহার্য কর্তব্য।

শিশুদের প্রতি পিতামাতার যত্ন

মিথান জে. লাম

শিশু পরিবারে জন্মগ্রহণ করে এবং এ বিষয়ে ঘিমত নাই যে, ইহার জীবনে পিতামাতা এবং পরিবার এই দুইটিইই গুরুত্ব সংগে বৈশী। ইহাও স্বতঃসিদ্ধ যে, সুস্থ এবং সর্বাত্মক-সম্পূর্ণ জীবনযাপনের সহায়তাকল্পে আমরা যাহাই করি না কেন তাহা কেবল পরিবারের এবং ইহার শিশুদের স্বাস্থ্য ও সুখের উপরেই নয়, পরিণামে জাতির উপরেও প্রতিফলিত হয়।

পারিবারিক বন্ধন আত্মও পর্যাপ্ত ভারতে খুব দৃঢ় এবং পরিবারকে একটি জোরালো এককরূপে সংরক্ষণ ও বজায় রাখিবার জন্ত সর্বতোভাবে চেষ্টা করিতে হইবে। যদিও আমাদের বর্তমান ক্রমাগত পরিবর্তনশীল অবস্থায় স্বতঃই সকল সময়ে আমাদের পরিবারগুলি সেই পুরানো একানবস্ত্রী পরিবার হইতে পারে না যাহা অতীতে ইহার যাবতীয় ক্রটি-সত্ত্বেও পরিবারস্থ সকলকে সামাজিক অসুবিধা এবং সমস্যা-সমূহ উদ্ভীর্ণ হইতে প্রভূত পরিমাণে সহায়তা করিত। এমন-কি পাশ্চাত্য দেশসমূহ তাহাদের সামাজিক নিরাপত্তার পরিকল্পনাসমূহ এবং সামাজিকীকৃত সংস্থাসমূহের বিদ্যমানতা সত্ত্বেও এই দিক্কাণ্ডে পৌঁছিয়াছে যে, সাফল্যের সঙ্গে সমস্যা-সমূহের—বিশেষ ভাবে মনস্তাত্ত্বিক সমস্যাসমূহের, সমাধান

করিতে হইলে পারিবারিক বন্ধনকে দৃঢ়তর করিতে হইবে। শিশুদের প্রতি পিতামাতার ভালবাসা এবং ব্যক্তিগত স্বার্থ বিসর্জন দিয়া শিশুদের যত্ন-আত্তি করার জন্য তাঁহাদের যে উৎসাহ এতদুভয়েই যথোচিত মর্যাদা দান করিয়াও সুনিপুণ শিশু-পরিচর্যার ব্যাপারে তাঁহাদের প্রয়োজনীয় জ্ঞানের অভাব সম্পর্কে অনেক কথা বলিবার থাকে। শিশুর মানসিক এবং শারীরিক স্বাস্থ্য, তার ভাবাবেগ নিয়ন্ত্রণ, অভ্যাসগঠন, দলের মধ্যে নিজেকে ঠিকমত খাপ খাওয়াইয়া লওয়া ইত্যাদি সম্পর্কে চূড়ান্ত মাত্রায় সুযোগ গ্রহণ করিতে তাঁহারা অপারগ হন। কি স্কুলের পাঠ্যতালিকায়, কি কলেজের অধ্যয়ন বিষয়ে কোথাও পিতামাতৃকৃত্যের প্রস্তুতি-বিষয়ক জ্ঞান স্থানলাভ করিতে পারে নাই। কাজেই শিক্ষিত পিতামাতাও শিশু-পরিচর্যা সংক্রান্ত এই জটিলতম এবং দুর্লভ কার্যের জন্য প্রয়োজনীয় কোন-না-কোন প্রকারের শিক্ষণের আবশ্যিকতা গুরুতর রূপে উপলব্ধি করিয়া থাকেন। এই অবস্থাই শিশুদের প্রতি অজ্ঞাতে আচরিত অবহেলা-সম্মত বহু ঘটনার জন্য দায়ী যাহা পরিণামে শিশুদিগকে করিয়া তুলে বেমানান, অপরাধপ্রবণ এবং অসুস্থ অথবা ক্রটি-যুক্ত ব্যক্তিত্বসম্পন্ন। পিতামাতারা যাহাতে উৎকৃষ্টতর রূপে

শিশুদের যত্ন লইতে পারেন এবং আরও পরিপূর্ণ ভাবে তাহাদের বুঝিতে পারেন সেজন্য তাঁহাদিগকে শিক্ষাদান কল্পে কোন প্রকারের পছার উদ্ভাবন একান্ত অপরিহার্য।

যে জিনিষটার উপর আমি জোর দিতে চাই তাহা হইতেছে এই যে, শিশুর সঙ্গে এমন আচরণ করা সমীচীন নয়, যেন সে মহাশুণ্ডের অধিবাসী নিরালস্য ব্যষ্টিমাত্র, তাহাকে মনে করিতে হইবে পরিবারের এমন একটি অবিচ্ছেদ্য অঙ্গ যাহার রীতিনীতি, অভ্যাস এবং আচরণের গুরুতর প্রতি-ক্রিয়া হইয়া থাকে পরিবারের চেতনার উপর। সুতরাং সামগ্রিক ভাবে পারিবারিক চর্যাণ জন্য যতদূর সম্ভব সমস্ত কল্যাণকর্মের সংহতিসাধন এবং অধঃপাতাবিধান করিতে হইবে।

আমি যতদূর জানি, ভারতে কমবয়সীদের জন্য খুব স্বল্প-পরিমাণ যৌনশিক্ষার ব্যবস্থা আছে। কতকগুলি মাঝুলি “ইহা করিও, ইহা করিও না”—যাহা অধিকাংশ মাতা তাঁহাদের কন্যাদের বলিয়া থাকেন—ছাড়া কোন বালিকা ভবিষ্যৎ জীবনে যে সকল বিষয় তাঁহার পক্ষে অত্যাগ্ৰহণীয় তৎসম্বন্ধে খুব স্বল্পপরিমাণ বৈজ্ঞানিক জ্ঞানই লাভ করিয়া থাকে। ইহা আশ্চর্যের বিষয় যে, লোকে জীবনের অন্য প্রায় সকল স্তরেই শিক্ষণের প্রয়োজনীয়তা উপলব্ধি করিয়া থাকে, কিন্তু বালিকার জীবনের অন্যতম গুরুত্বপূর্ণ অধ্যায়—বিবাহ সম্বন্ধে তাহাকে শিক্ষাদান করা অত্যাগ্ৰহণীয় মনে করে না।

অতীতে স্বামীর পরিবারে বাস করিবার নিমিত্ত মেয়েদের যে শিক্ষা দেওয়া হইত তাহার মূলে নিহিত ছিল এক ধরনের দার্শনিকতা। সেখানে সে তাহার ব্যক্তিত্ব এবং ব্যক্তি-স্বাতন্ত্র্যকে বিসর্জন দিত তাহার স্বামী এবং খণ্ডর-শাশুড়ী প্রভৃতির ব্যক্তিত্বের নিকট। এখন আমরা ছেলের ন্যায় তরুণবয়স্কা মেয়েদেরও অল্পবিস্তর একই ধরনের শিক্ষাদানে আস্থাবান এই জন্য যেন জীবনের সকল ক্ষেত্রে পুরুষদের সঙ্গে প্রতিযোগিতা করা তাহাদের পক্ষে সম্ভবপর হইতে পারে। কিন্তু এখনও পর্যন্ত আমরা এমন কোন দার্শনিকতার সৃষ্টি করিতে পারি নাই যাহাতে পরিবর্তনশীল অবস্থাসমূহ ধর্তব্য বলিয়া গণ্য হয়।

শিশুর ব্যক্তি-স্বাতন্ত্র্যের উপর অধিকতর জোর দেওয়া হইলে—যাহা নিশ্চয়ই খুব ভাল জিনিস—পরবর্তীকালে বিবাহিত জীবনে প্রায়শঃই কোন-না-কোন রকম সংঘর্ষের সৃষ্টি হইতে পারে। সুতরাং বিবাহের পথনির্দেশক কোন কর্মপ্রচেষ্টার প্রয়োজন। এই নির্দেশের প্রয়োজন হইতে পারে বিয়ের আগে কিংবা পরে, কিন্তু ইহাকে আমাদের অবস্থা, পটভূমিকা এবং রীতিনীতিসমূহের উপযোগী হইতেই

হইবে। বিবাহের পথনির্দেশ অথবা পরামর্শদানের উদ্দেশ্য হইবে—যে দুইটি পৃথক ব্যষ্টি একত্রে একটি জীবনের পরি-কল্পনা করিতেছে সেই তরুণ দম্পতি কিভাবে বিবাহিত জীবনে পরস্পরের সঙ্গে মানাইয়া চলিতে পারে সে বিষয়ে তাহাদিগকে সাহায্য করা, তাহাদের অন্তর্নিহিত শক্তির বিকাশসাধন, যে সকল মন-কষাকষি সাধারণতঃ দেখা দেয় সেগুলি পোষাইয়া লওয়া, যে সকল সম্ভাব্য অথবা বাস্তব সমস্যা বিবাহের ভিত্তিমূলে নাড়া দেয় সেগুলিকে স্বীকার করা এবং ভাবী সমস্যানিচয়কে উদ্ভূত এবং দৃঢ়মূল হইতে না দেওয়া।

কেহ কেহ পরিবার-পরিকল্পনা-কর্মকে এমন কর্ম-তালিকার অন্তর্ভুক্ত করিতে নারাজ যাহা পিতৃমাতৃকৃত্যের ভিত্তিকে দৃঢ়তর করে। কিন্তু আমার মনে হয়, ইহা সর্বাপেক্ষা গুরুত্বপূর্ণ কল্যাণকর্মসমূহের অন্যতম। পরিবার পরিকল্পনা সমিতির সঙ্গে সংশ্লিষ্ট আমরা বিশ্বাস করি যে, প্রত্যেক পিতামাতা—শিশুর আগমন-প্রতীক্ষায় যাহারা তাহাদের আশাপথ চাহিয়া থাকেন—শিশুকে স্বাগত করিবেন আগ্রহভরে—পিতামাতার নিকট হইতে কেবল স্নেহপ্রীতি পাইলেই ত শিশুর চলিবে না, বাপমাকে তাহাদের খাদ্য, বস্ত্র, শিক্ষা এবং স্বাস্থ্যরও ব্যবস্থা করিতে হইবে। শিশুরা আদিবে আকস্মিক ভাবে নয়, কিন্তু এমন সময়ে যখন পিতামাতা সূষ্ঠভাবে তাহাদের তত্ত্বাবধান করিবার সামর্থ্য অর্জন করিবেন।

যে সকল মায়ের দল যথোপযুক্ত সুযোগ-সুবিধার অধি-কারিণী নহে তাহাদের মধ্যে বৃহত্তর সামাজিক জীবনের উন্নয়নকল্পে “মায়ের সজ্জ”র ধরনের সংস্থার প্রয়োজন রহিয়াছে। সকল শহরে এবং বড় গ্রামগুলিতে মাতৃমঙ্গল ও শিশুকল্যাণ-কেন্দ্র প্রতিষ্ঠার কতকগুলি পরিকল্পনা আছে, এবং শিশুকল্যাণের ভারতীয় পরিষদ ইহার রাজ্যপরিষদসমূহের মাধ্যমে অধিক হইতে অধিকতর সংখ্যায় শিশুদের ক্রীড়া-কেন্দ্র এবং শিশুবাগ প্রতিষ্ঠায় উৎসাহ দিতেছে। এই একই গৃহ এবং স্থানসমূহ মায়ের সজ্জের জন্য ব্যবহার করা যাইতে পারিত—সেখানে মাসে একবার কিংবা দুইবার অথবা পুনঃপুনঃ তাঁহারা পরস্পরের সঙ্গে মিলিত হইতে পারেন, চলচ্চিত্র দেখিতে কিংবা তাঁহাদের পক্ষে চিন্তাকর্ষক বিষয়সমূহ সম্বন্ধে বক্তৃতা শুনিতে পারেন।

পিতামাতার মনে এই ধারণা জন্মাইয়া দিতে হইবে, যে, রোগের চিকিৎসা অপেক্ষা রোগ প্রতিষেধই উৎকৃষ্টতর ব্যবস্থা। শিশুদের, এমনকি সবে হাঁটিতে শিখিয়াছে এমন বাচ্চাদিগকে, পর্যাপ্ত শিশুকল্যাণ-কেন্দ্রে লইয়া আদিবার জন্য মায়ের প্রণোদিত করিতে হইবে। ছোটখাটো অসুখ এবং ক্রটি-

সবুহ এই ভাবে লক্ষ্য করা যাইতে পারে এবং সময়ে সারানোও যাইতে পারে। যে সকল মিউনিসিপ্যালিটি কর্তৃক এই সকল মাতৃমঙ্গল ও শিশুকল্যাণ-কেন্দ্র পরিচালিত হয় তাহারা মায়েদের সজ্জ এবং শিশু-ক্লিনিক পরিচালনার স্বচ্ছন্দে এই সকল স্বচ্ছামূলক সংস্থার সাহায্য লইতে পারে।

পিতামাতা এবং শিক্ষকদের সমিতি

ইহা একটি স্বীকৃত তথ্য যে, শিশুদিগকে এবং তাহাদের ধরন-ধরন পরিপূর্ণ ভাবে বুঝিতে পারিলে পারিবারিক জীবন উৎকৃষ্টতর এবং সমৃদ্ধতর হয়। শিশু এবং পিতার উত্তম সম্পর্ক কেবল যে ব্যক্তিগত সুখ এবং গৃহে সৌসামঞ্জস্যেরই বিধান করিয়া থাকে তাহা নহে, এগুলিকে সং নাগরিকত্বের সোপানস্বরূপও বলা যাইতে পারে। আমরা সকলেই জানি যে, শিশুর সর্বতোমুখী বিকাশের উপর বিদ্যালয়ের প্রভাবই গভীরতম। বর্তমানে, বৃহৎ শহরে এবং বড় বড় নগরীসমূহে—যেখানকার বড় বড় বিদ্যালয়গুলিতে অতি ক্লাস্ত এবং স্বল্প বেতনভোগী শিক্ষকদিগকে বিস্তর শিশু লইয়া কাজ চালাইতে হয়—শিশুর জীবন বস্তুতঃ দুইটি স্বতন্ত্র ভাগে বিভক্ত হইয়াছে—গৃহ এবং বিদ্যালয়। শিশুর অন্য কর্মক্ষেত্রে কি ধরনের কাজ চলিতেছে তাহা পিতা কিংবা শিক্ষক কেহই জানেন না অথবা তাহা লইয়া মাথা ঘামান না। “দি. পি. টি. এ.” (The Parent Teachers Association) শিশুর এই দুইটি প্রধান কর্মক্ষেত্রের সংহতিবিধানের প্রয়াস পায়। “পি. টি. এ.”-র মুখ্য উদ্দেশ্য পিতামাতার মধ্যে আগ্রহ উদ্দীপ্ত করা, পিতামাতা এবং শিক্ষকদের মধ্যে পারস্পরিক বুঝাপড়ার ভাব সৃষ্টি করা। তা ছাড়া শিশুদের ব্যক্তিগত সমস্য়াসমূহের—যাহার সম্মুখীন হইতে হয় প্রত্যেক পিতামাতা এবং শিক্ষককে—আলোচনার মাধ্যমে শিশুশিক্ষার প্রবণতাসমূহ এবং মনস্তত্ত্ব অধ্যয়ন।

যখন কোনো শিশু অসদাচরণ করে তখন পিতামাতার মনে প্রথম যে প্রতিক্রিয়া দেখা যায় তাহা হইতেছে তাহাকে তিরস্কার করা, এবং যদি এই অসদাচরণ চলিতেই থাকে তাহা হইলে তাহাকে আচ্ছা করিয়া চড় কষাইয়া দেওয়া হইয়া থাকে। শিশুদের সাময়িক অসদাচরণ প্রত্যেক বয়সেই সম্পূর্ণ স্বাভাবিক জিনিস এবং ইহা প্রত্যাশাও করা হয়, কেননা উত্তেজনার চাপে অথবা কোন অসাধারণ পরিস্থিতিতে শিশুদের মধ্যে নিয়ম ভুলিয়া যাইবার প্রবণতা পরিলক্ষিত হয়। কিন্তু কোন স্বাভাবিক শিশু যখন পৌনঃপুনিকভাবে অসদাচরণ করিতে শুরু করে, বিবেচক পিতামাতার তখন উচিত, ক্রোধে জ্ঞানহারা হইয়া তাহাকে শাস্তি

দেওয়ার পরিবর্তে—কেন সে একরূপ করিতেছে তাহার হেতু বাহির করিবার চেষ্টা করা। কেননা এইরূপ অসদাচরণ অথবা অশাস্তি কিংবা অপ্রীতিকর অভ্যাসের সৃষ্টি ইহাই সূচিত করে যে, শিশু তাহার পারিপার্শ্বিক অবস্থার সঙ্গে নিজেকে খাপ খাওয়াইয়া লইতে পারিতেছে না—শাস্তি দ্বারা ইহাকে কেবলমাত্র দাবাইয়া রাখা যাইতে পারে, কিন্তু পরবর্তী জীবনে ইহা বিভিন্ন আকারের স্নায়ুরোগ রূপে আত্মপ্রকাশ করিতে পারে। “দি চাইল্ড গাইডেন্স” নামক সংস্থা শিশু-কল্যাণের ক্ষেত্রে সামান্য কাজ করিবার চেষ্টা করিয়াছে—পিতামাতার শিক্ষণের ব্যবস্থা করিয়া, শিশুদের অসদাচরণ নিবারণ এবং ব্যক্তিত্বের বিশৃঙ্খলা দূরীকরণের ব্যাপারে অশাস্তি সংস্থাসমূহের আগ্রহান্বিত করিয়া তুলবার প্রয়াস পাইয়া এবং অন্যবিধ কতিপয় ব্যবস্থা অবলম্বন করিয়া।

বহু জনাকীর্ণ নগরী এবং শহরগুলিতে—যেখানে বস্তি পরিবেশের প্রাবল্য—চূড়ান্ত রকমের সদিচ্ছাসত্ত্বেও পিতামাতা ঠিকমত শিশুদের দেখাশুনা করিতে পারেন না, তাহাদের আর্থিক অবস্থা খারাপ, বাসস্থানের অবস্থা ভয়াবহ, তাহাদের শিশুদের জন্য সেখানে আমোদ-প্রমোদের কোন সুযোগ-সুবিধা নাই, ফলে রাস্তায় শিশুরা খেলা করিয়া বেড়ায় উদ্দেশ্যহীনভাবে অথবা দল বাঁধে অপকর্মের জন্য এবং দুর্গতির মধ্যে গিয়া পড়ে। এমনিতির অবস্থায় তাহাদিগকে স্বাবলম্বী হইতে সাহায্য করা, যেখানে আগে ও-ধরনের কিছু ছিল না সেখানে ছেলে-বুড়া সকলের জন্য আমোদ-প্রমোদের ব্যবস্থা করা এইগুলি হইতেছে শিশুকে অপরাধপ্রবণতার পিচ্ছিল পথে গা ভাসাইয়া দেওয়ার হাত হইতে প্রতি-নিবৃত্ত করার চমৎকার পদ্ধতিসমূহের মধ্যে কয়েকটি। পরবর্তীকালে যখন তাহারা প্রতিষ্ঠানে আসে তখন শোধরাইবার চেষ্টা করা অপেক্ষা গোড়ার দিকেই ঐ ধরনের কাজ করা বহুলা পরিমাণে শ্রেয়ঃ। কেননা, শৈশবে দুর্ব্যবহারের ফলে মনে যে ক্ষতের সৃষ্টি হয় তাহা সারাজীবন থাকিয়া যায়, ওদিকে আবার অপরাধপ্রবণদের প্রতিষ্ঠানে থাকার অপবাদের দরুন পরবর্তীকালে তাহাদের পক্ষে কর্ম-প্রাপ্তি কঠিন হইয়া দাঁড়ায়। “জুভেনাইল সার্ভিস বুরোর” মত অধিকতরসংখ্যক সেবা-সংস্থানসমূহ একান্ত প্রয়োজনীয়, কেননা ভারতে অল্পবয়স্কদের অপরাধপ্রবণতা ক্রমশঃ বাড়তিব পথে। যে সকল বড় প্রতিষ্ঠানে বহুসংখ্যক শিশুকে স্থান দেওয়া হয় সেগুলিতে টাকা খরচ না করিয়া, শিশুকে তাহার নিজ গৃহ এবং পারিবারিক পরিবেশের মধ্যে শোধরাইবার চেষ্টা করাই শ্রেয়ঃ।

যেখানেই সম্ভব সেখানেই পরিবার-কল্যাণ সংস্থাসমূহ (Family welfare Agencies) প্রতিষ্ঠা করা সমীচীন—

এগুলি যাবতীয় কাজের ভার গ্রহণ করিবে এবং স্থানীয় বিভিন্ন কল্যাণ সংস্থাসমূহের কর্মপ্রচেষ্টার সংহতিবিধান করিবে।

যে সমস্ত অঞ্চল যথোচিত সুযোগ-সুবিধার অধিকারী নয় সেগুলিতে যদি “প্রতিবেশ সদন” (neighbourhood

house) প্রতিষ্ঠা করা হয় তাহা হইলে ইহা সকল রকমের সামাজিক এবং কল্যাণকর্ম পরিচালনায় বিশেষভাবে সহায়ক হইবে। এই ধরনের প্রতিবেশ সদনের হিতকর প্রভাব অচিরেই সমগ্র অঞ্চলে অনুভূত হইতে শুরু হইবে।

জামিয়া মিলিয়ায় তরুণদের গ্রামীণ শিক্ষা



গ্রামাঞ্চলের তরুণদের শক্তির ক্রমিক অপচয়ের দরুন যে দুঃস্থচক্রের সৃষ্টি হইয়াছিল, ভারতে উচ্চ শিক্ষার দশটি গ্রামীণ সংস্থা প্রতিষ্ঠার দ্বারা তাহা ভগ্ন করিবার চেষ্টা হইতেছে।

এই সকল সংস্থার মধ্যে একটি—দিল্লীতে প্রথম যেটি প্রতিষ্ঠিত হইয়াছে—উদ্বোধন হয় দিল্লীতে আগষ্ট মাসে এবং ৫৫ জন ছাত্রের প্রথম দলটি—পঞ্জাব, পেপসু, হিমাচল প্রদেশ এবং দিল্লীর ছেলে ও মেয়েরা তাহার অন্তর্ভুক্ত—কাজ আরম্ভ করিয়াছে।

উচ্চ শিক্ষার চালু অধিকাংশ সংস্থাই নগরাঞ্চলে কেন্দ্রীভূত। গ্রামাঞ্চলে সুযোগ-সুবিধাসমূহ সীমাবদ্ধ বলিয়া গ্রামবাসীদের মধ্যে যোগ্যতর লোকেরা শহরমুখী হইয়া সেখানে সরিয়া গেল। নেতৃস্থানীয় এবং যোগ্যতাসম্পন্ন লোকেরা গ্রাম হইতে চলিয়া যাওয়ায় গ্রামগুলির অবস্থার আরও অবনতি হইল এবং প্রয়োজনীয় সুযোগ-সুবিধার ব্যবস্থাদি হইয়া পড়িল অধিকতর দুঃস্থ।

কিন্তু ভারতের বিপুল জনসমষ্টি ৫৫০,০০০টিরও অধিক গ্রামে বাস করে বলিয়া আমাদের উন্নয়ন-পরিকল্পনা ও শিক্ষা-বিষয়ক প্রচেষ্টা গ্রামাঞ্চলে উচ্চ শিক্ষার সুযোগ-সুবিধার সম্প্রসারণ ব্যতিরেকে উন্নতির পথে অগ্রসর হইতে পারে না। অতি সাম্প্রতিক কালে কিন্তু এই সমস্যা কর্তৃপক্ষের স্বীকৃতিলাভ করিতে সমর্থ হইয়াছে। ১৯৪৯ খ্রীষ্টাব্দে ইহা বিশ্ববিদ্যালয় শিক্ষা কমিশনের (University Education Commission) অনুমোদনসমূহের অন্তর্ভুক্ত হয়। ১৯৫৩ খ্রীষ্টাব্দে মুদ্যালিয়ার কমিশন অস্বরূপ অনুমোদনসমূহ উপস্থাপিত করেন।

এই অনুমোদনসমূহের সঙ্গে গ্রামীণ শিক্ষা উন্নয়নে বিপুল-সংখ্যক সমাজকর্মী এবং গ্রামকল্যাণ সংস্থাসমূহ কর্তৃক প্রদর্শিত ক্রমবর্ধমান আগ্রহ সংযুক্ত হওয়াতে ১৯৫৪ খ্রীষ্টাব্দের অক্টোবর মাসে একটি গ্রামীণ উচ্চতর শিক্ষা কমিটি গঠিত হয়। কমিটি চালু প্রতিষ্ঠানসমূহ সম্পর্কে ব্যাপক তথ্যানুসন্ধান ও মূল্য নিরূপণ এবং গ্রামাঞ্চলে উচ্চ শিক্ষার পরীক্ষণে প্রবৃত্ত হন। উক্ত কমিটির মুখ্য অনুমোদন ছিল—দেশের বিভিন্ন অংশে উচ্চতর শিক্ষার ক্ষমতাসম্পন্ন গ্রামীণ সংস্থা (Rural Institutes) প্রতিষ্ঠা—কাজের সূচনা হইবে এই ধরনের দশটি সংস্থা স্থাপনের দ্বারা।

এই সকল অনুমোদন অনুসারে কাজ আরম্ভ হইল এবং বর্তমান বৎসরে গ্রামাঞ্চলসমূহে একটি উচ্চ শিক্ষার জাতীয় পরিষদের (National Council for Higher Education) উদ্ভব হইল। গ্রামীণ উচ্চ শিক্ষা সংক্রান্ত যাবতীয় বিষয়ে ভারত সরকারকে পরামর্শ দিবার নিমিত্ত ভারত যুক্তরাষ্ট্রের শিক্ষা উপমন্ত্রী হইলেন ইহার চেয়ারম্যান। ১৯৫৬ সালের আগষ্ট মাসের মাঝামাঝি নাগাদ দশটি পূর্ণাঙ্গ প্রতিষ্ঠান স্থাপিত হইয়াছে। শ্রীনিকেতন, উদয়পুর, মাজরাই, মুজাফরপুর, সামাসার, (সৌরাষ্ট্র), কইচাটুর, অমরাবতী, কোলহাপুর এবং জামিয়া মিলিয়া (দিল্লী) প্রভৃতি স্থানে অবস্থিত এই সকল প্রতিষ্ঠান দেশের একটি অতি বিস্তীর্ণ অংশ জুড়িয়া আছে।

পাঠক্রম

তিন বৎসরের পাঠক্রম হইতেছে এই :-

(১) গ্রামীণ কল্যাণকর্মে তিন বৎসরের ডিপ্লোমা,

(২) কৃষি-ইঞ্জিনিয়ারীং বিজ্ঞানসমূহে দ্বিবার্ষিক সার্টিফিকেট ;

(৩) সিভিল ও রুরাল ইঞ্জিনিয়ারিংয়ে ত্রৈবার্ষিক সার্টিফিকেট প্রস্তুত এবং অনুমোদিত হইয়াছে।

এতদ্ব্যতীত গরীব ছাত্রদের জন্য একটি বৃত্তির পরিকল্পনা ইতিমধ্যেই বিবেচনাধীন রহিয়াছে। অধিকাংশ প্রতিষ্ঠানেই একটি পাঠ্যক্রম লইয়া—কোন কোন ক্ষেত্রে দুইটি কোর্স সহ—কাজের সূচনা হইয়াছে।

দৃষ্টান্তস্বরূপ বলা যায় : জামিয়া মিলিয়ার গ্রামীণ কল্যাণ-কর্মের তিন বৎসরের ডিপ্লোমা কোর্সের সেসন শুরু হয় গত মাসে। উচ্চ শিক্ষার বর্তমান প্রতিষ্ঠানসমূহের সাধারণ শিক্ষণীয় পাঠ্যতালিকা ছাড়া যে সকল বিষয় ইহার পাঠ্য-তালিকার অন্তর্ভুক্ত তাহা হইতেছে : (১) সভ্যতার কাহিনী, (২) গ্রামীণ অর্থনৈতিক, সমাজতাত্ত্বিক, কৃষি-বিষয়ক, ইঞ্জিনিয়ারীং এবং স্বাস্থ্যবিধি সংক্রান্ত বিষয়সমূহের উপক্রমণিকা। সমবায়, সমাজকর্ম, সাধারণ প্রশাসন (Public administration), সামাজিক শিক্ষা, গার্হস্থ্য বিজ্ঞান, গ্রামীণ শিল্প, সুকুমার-কলা। অধিকাংশ কোর্সের মধ্যে মুখ্যতঃ জোর দেওয়া হয় ক্ষেত্রকর্মের (Field work) উপর। এই সকল প্রতিষ্ঠানে কৃষি-বিজ্ঞানবিষয়ে যে দ্বি-বার্ষিক সার্টিফিকেট কোর্স শিক্ষা দেওয়া হয়, নিম্নলিখিত বিষয়গুলি তাহার অন্তর্ভুক্ত :—

(১) গ্রামীণ শিল্প ; (২) উদ্ভান-রচনাবিদ্যা ; (৩) পশুদ্বারা কৃষিকর্ম, গোমহিষাদি রক্ষণ ইত্যাদি। আর একটি কোর্সের—সিভিল এবং রুরাল ইঞ্জিনিয়ারিংয়ের ত্রৈ-বার্ষিক সার্টিফিকেট কোর্সের—অঙ্গীভূত হইতেছে নিম্নলিখিত অধ্যাতব বিষয়সমূহ :—

(১) ফলিত বলবিদ্যা (Applied Mechanics) ;
(২) ওয়ার্কশপ বা কারখানা (সূত্রধরের কাজ, কামারশালা ফিটিং) এবং রাস্তা ও সেতু নির্মাণ, সাধারণ স্বাস্থ্যের উন্নয়ন, জলসেচের ব্যবস্থা ইত্যাদির মত গ্রাম সম্প্রসারণ কর্ম (Village Extension)।

ক্ষেত্রকর্মের উপর গুরুত্ব আরোপ

দুর্ভাগ্যক্রমে আমাদের দেশে সংস্কৃতি ও কর্ম, মানবতা ও ষাঙ্কিততা এবং বাস্তব ও আদর্শের মধ্যে যে ব্যবধান বিদ্যমান তাহা ঘূচাইবার জন্য এই সকল প্রতিষ্ঠান সাহায্য করিয়া

থাকে। গ্রামীণ জীবনের প্রকৃত সমস্যাসমূহের কি ভাবে সমাধান করিতে হয়, ছাত্রদিগকে তাহাও শিখিতে হয়।

ইহা কিন্তু কোন দিক দিয়াই সেই “মানস-জীবনের” মূল্যকে ক্ষুণ্ণ করে না—যাহা উচ্চ শিক্ষার অশ্রুতম মুখ্য উদ্দেশ্য রূপে বিদ্যমান থাকা উচিত। কিন্তু ইহা দ্বারা একথাও বুঝায় যে, মন তাহার সুস্থ বিকাশের জন্য পুষ্টিকর উপাদান গ্রহণ করিবে বহু বিভিন্ন ক্ষেত্রে হইতে—উৎপাদন-শীল কর্ম এবং উপলব্ধিকৃত সামাজিক অভিজ্ঞতাও ইহার অন্তর্ভুক্ত।


গ্রামীণ সংস্থা দ্বারা অত্যাধিক বহুবিধ কৃত্যও সম্পন্ন হয়। অত্যাধিক বিষয়ের সঙ্গে এগুলি উন্নয়ন পরিকল্পনা সম্পর্কে গবেষণা এবং পরীক্ষণের কাজেও প্রবৃত্ত হইবে এবং “পাইলট প্রোজেক্ট”গুলিকে উৎসাহিত ও পরিচালিত করিবে। লক্ষ্য হইতেছে—গ্রামীণ সংস্থাগুলিকে সমগ্র জনসমাজের উন্নয়ন পরিকল্পনার কেন্দ্রে পরিণত করা। এগুলি যে কেবল গ্রামাঞ্চলে উচ্চ শিক্ষার বিদ্যালয়রূপে কাজ করিবে তেমন নয়, সামগ্রিক ভাবে জনসমাজের সামাজিক এবং সাংস্কৃতিক জীবনে চেতনাসঞ্চার করিবার জন্যও কাজ চালাইয়া যাইবে এবং চতুষ্পার্শ্বস্থ গ্রাম্য জনসমষ্টির জীবনের বোঝা হালকা করিবার কাজে সহায়করূপে গণ্য হইবে।

এগুলি সেই সকল শিল্প প্রতিষ্ঠানেরও সহিত যনিষ্ঠভাবে মিলিত হইয়া কাজ করে যেগুলি এখন সংগঠিত এবং বিকাশ-প্রাপ্ত হইতেছে—উন্নয়ন পরিকল্পনা এবং জাতীয় সম্প্রসারণ কর্মের (National Extension Services) কর্মীদের শিক্ষণের জন্য। বস্তুতঃ, এই সকল প্রতিষ্ঠানের হওয়া উচিত—বিভিন্ন স্তরে ঐরূপ শিক্ষণের উপযুক্ত স্থান। এগুলিতে শিক্ষালাভ করিবে গ্রামীণ কর্মীগণ। যুব-নেতৃত্ব, সমাজের নেতৃত্ব, সোশ্যাল এডুকেশন অফিসার এবং কমিউনিটি প্রোজেক্ট অফিসারগণ। ব্লক ডেভেলপমেন্ট এবং কমিউনিটি প্রোজেক্টের কর্মীবৃন্দ অবশ্যই ইহা উপলব্ধি করিবেন যে, সমস্যাসমূহ সম্বন্ধে যখনই তাঁহাদের মনে সংশয় উপস্থিত হইবে তখন তাহার সমাধানের জন্য আছে ঐ প্রতিষ্ঠান—এবং উহা এমন একটি স্বাভাবিক কেন্দ্র যেখানে তাঁহারা নিজেরা যাইতে পাবেন অথবা গ্রামবাসীরা যাহাতে নিজেরাই সমস্ত সমাধানের উপায় আবিষ্কার করিতে এবং শিখিতে পারে সেজন্য তাহাদিগকেও পাঠাইতে পারেন।

আসছে! এই

দেওয়া নতুন টিন

ডালডাকে সম্পূর্ণ খাঁটি ও তাজা রাখে




- **বিশুদ্ধ ও তাজা** ডালডা কেনবাব সময় সম্পূর্ণ বিশুদ্ধ ও তাজা অবস্থায় পাচ্ছেন— কারণ টিনে বায়ুরোধক শীলকরা ঢাকনা ডালডাকে সুরক্ষিত রাখে।
- **বিশুদ্ধ ও তাজা** ব্যবহারের সময়ও ডালডা সম্পূর্ণ বিশুদ্ধ ও তাজা থাকে কারণ ভালভাবে এঁটে বসা বাইরের ঢাকনাটি ডালডাকে সর্বদাই ধুলোবালি ও মাছি ইত্যাদির থেকে বাঁচিয়ে রাখে।
- **খুলতেও কি সুবিধে** খুলতে আর ব্যবহার করতে কি সুবিধে!
- **পুরোনো খালি টিন** কত কাজে লাগে— ডাল টিনি মশলাপাতি রাখতে টিনগুলো সত্যিই খুব কাজে লাগে।

ডালডা ১/২ পাঃ, ১ পাঃ, ২ পাঃ, ৫ পাঃ এবং ১০ পাউণ্ড টিনে পাওয়া যায়
* এই টিনগুলিতে ডবল ঢাকনা আছে

ডালডা মার্কা বনস্বতী

HVM. 282-X52 BQ



ছন্দ

শ্রীনারায়ণ চক্রবর্তী

কাচের মত স্বচ্ছ সবুজ শাড়ির ভেতর দিয়ে জাক্জান বাঁড়র ব্লাউজ স্পষ্ট দেখা যায়। লাল রঙের বাটার চটিকোড়া পড়ে আছে এক পাশে, আর সাদা মসৃণ পা ছোটো লেকের জল ছুই ছুই করছে। নরম সবুজ ঘাসের গদীতে বসে আছে ওরা দু'জন—পাশাপাশি, একটু-বা ঘে ঘাঘেঁষিও।

একটা ঘাসের শীষ ছিঁড়ে তাই দিম দাঁত খুঁটতে খুঁটতে কমল বলল, "কেন রাজী তুমি না তুমি মলিনা, 'ক'সর বাধা তোমার?"

সাদা আঁড়ির পঞ্জাবীর একটা কোণ ফুৎফুৎ করে উঠছে অল্প হাওয়ায়। উড়ছে ওর প্রশস্ত ললাটের ওপর খসে-পড়া দু'তিন-গাছি চুল।

বিদায়-চুম্বনে আবির্ভাবটা পশ্চিম আকাশের মায়া কাটিয়ে অক্ষয় মিনাক্ষের সন্ধান ডুব দিয়েছেন সুখদেব। বিচ্ছেদের করুণ অঙ্ককার ঘনিষে আসছে চার পাশে।

কালো হয়ে আসা লেকের জলে দৃষ্টি নিবন্ধ করে চূপ করে বসে আছে মলিনা দোলায়মান চিত্তে। কমলের আবেগতপ্ত কণ্ঠস্বরে বেন বাঁড় আছে—ভুলিয়ে দেয় সমাজ সংসার, বিশ্বভুবন। অঙ্ককার স্বাক্ষ্রে বিহ্বল-বিদারণবেগের মতই আবার ওর সাবধানী মন হাতছানি দেয়। সব কিছু ভুলতে গিয়েও ভোলে না মলিনা। উষ্ণ কাম্পিত নিঃশ্বাস পড়ে একটা।

অসহিষ্ণু হয়ে ওঠে কমল। মলিনার আনত মুখের দিকে তাকায় একবার। বুঝি বা অনুভব করে ওর চিত্তের গভীর আলোড়ন। আশ্বে আশ্বে মলিনার বাঁ হাতখানা তুলে নেয় নিজের ডান হাতের মুঠোয়। বলে, "দূর কর তোমার এই বিধা মলিনা। চল আমরা ভেসে পড়ি নামহীন ঠিকানায়, অজানার উদ্দেশে।"

কমলের হাতে-ধরা মলিনার বাঁ হাতখানা ধব ধব করে কেঁপে ওঠে। চাপা, কাঁপা গলায় বলে, "আমাকে আর একটু সময় দাও কমল, ভাবতে দাও আমাকে খবর একটু..."

ওর গলায় স্বঃ বেন ননী জলে পড় সুঁ ধীর পলাতক আলো। ফির'ফির করে ঝরে-পড়া এক পসলা সৃষ্টির মত ভাঁজঘেঁষে দিল কমলের মন তবু নিঃকরে সংবত করে কমল বলল, "ভাবতে গেলে ভাবনার শেষ খুঁজে পাবে না মলিনা। ভাবনা হ'ল একটা অতলম্পর্শী ধান। যতই নাম তল খুঁজে পাবে না তার। শুধু তাই নয়, ভাবনাই মনকে করে তোলে ঢুকল। ভেবে ভেবে কেউ কোন দিন মনোহর করতে পারে নি। ভাবনা'চক্কা বিসর্জন দিয়ে ভেসে পড় জীবন-প্রোতে। দেখবে, ঠকবে না তাতে তুমি।"

আবার ছলে ওঠে মলিনার মন। আবেগের বিপুল বজ্রায়

ভেসে যাবে বুঝি সে। তবু আবার অনির্দিষ্ট অসুভূতির স্বরে আটকে যায় তার মন।

ওর মনের অঙ্কিতটা প্রথম প্রণয়ের আবেগ আবেশে বিহ্বল, কিন্তু বাকি অঙ্কিত জুড় রয়েছে বিধা আর সাবধানতা। বাস্তব-বুদ্ধির স্বচ্ছ আলোয় উজ্জল সৈদিক।

তাই চট করে সায় দিতে পারে না কমলের প্রস্তাবে।

সজা ডোবা সুঁ ধীর কথা ভাবে সে।

তারই মত যদি ডুব দেয় কমল তার সমস্ত ভবিষ্যৎ-জীবন অঙ্ককার করে?

তরল অঙ্ককারে হেসে ওঠে কমল। ঝকঝক দাঁতের অস্পষ্ট ফিলিক বেন দেখা দেয়। বাকি ও পড়ে ফেলেছে মলিনার চিন্তার লিপি। বলে, "চেষ্টা দেখ ঐ বাস্তব দিকে, এম'ন অসুখ আলোর শমনী হ'ব সর্বোচ্চ জড়িয়ে কলকাতা শহর ভুলিয়ে তার নিবসের সঙ্গীর বিচ্ছেদবাধা। চেষ্টা দেখ, উজ্জল যৌবনে কমল করছে মহানগরী। কিসের এত ভয় তোমার? কেন একটা পাশাপাশির মত জ্বল ওঠ না তুমি? নিঃশেষে পুড়ও যদি যাও, তোমার ক্ষণিক অমিন্দানীপ্তি তো পাবে শাস্ত্র মৌন্দ্যের অবিকার।"

ওর নরম উষ্ণ ঘামে ভেজা হাতে মুহূ চাপ দেয় কমল। একটা বিহ্বলপ্রবাহ বয়ে যায় মলিনার সমস্ত শরীরে। বাঁধ-ভাঙা বজ্রায় বেগে ভেসে যেতে চায় সমস্ত প্রতিবোধ।

চট করে উঠে দাঁড়ায় সে। ছুরিক ফলার মত ইম্প্যাক্তি দ্ব্যস্তি-ভরা চোখ ফিঁকিয়ে নেয় কমলের কেমন হয়ে যাওয়া মুখের উপর থেকে। স্থির হয়ে দাঁড়ায় থাকে একটা মুহূর্ত। তার পর ধীর পদে এগিয়ে যায় বাস্তব দিকে।

কমল আসে পিছু পিছু। উৎসাহহীন অবসাদে ভরে ওঠে ওর মন।

বাসে উঠতে উঠতে কমলের মুখের দিকে একবার তাকায় মলিনা। বাধার সক্রমণ তার চোখের চাওয়া। মুহূ কণ্ঠ বলে, "আগামী শনিবার..."

বা কুল আগ্রহ কমল কিছু বলবার আগেই চেড়ে দেয় বাঁস।

হতভম মনে নিজের গাড়ির দিকে এগিয়ে যায় কমল। দুঃসহ জ্বালায় পুড়তে থাকে তার বুকের ভেতরটা।

কালীঘাটের কাছাকাছি একটা সড় অঙ্ককার গলিতে ঢোকে মলিনা। অল্প এগিয়ে ডানচাতী একটা বাড়ীতে ঢুকল সে। স্যাঁতসেতে উঠানটুকু পেরিয়ে যে ঘরে ঢুকল, সে ঘরের বায়ুস্তরে

এখনা আটকে আছে চার ভাড়াটের বিকেলবেলায় উত্তন ধরাবার কয়লায় ধোয়া ।

চুপেই আলোর চাল বাছছিলেন মলিনার মা । মলিনাকে দেখেই খনখনে গলায় বলে উঠলেন, “দিন দিন তোর হচ্ছে কি বলত মলু, রাত আটটার বাণী ক্বা—”

“একটা কেস ছিল মা—” শ্রান্ত সুরে কথা কয়টি বলে দড়ির আলনা থেকে আটপৌরে শাড়ি সেমিজ নিয়ে পাশের ছোট্ট কুঠুরায় ঢুকল মলিনা ।

কেসের নামে চুপ করে গেলেন মলিনার মা । লোকান্তরিত স্বামী ক্বা মনে পড়ল তাঁর । ছোট্ট একটা নিঃশ্বাস ফেলে কুলোয় রাখা বড়-আবাজা চালের দিকে খনখনে চেয়ে বসলেন তিনি । চশমার কাচ দুটি বাস্পে অর্ধেক মেনে ক্বা হলে গেল ।

মা আর মেয়ের সংসার । তবু খেচ বড় কম নয় । বছর-দেড়েক আগে বাবা মারা যাওয়ার সময়ে আট-এ পড়ছিল মলিনা আন্তরিক হলেজে । অনেক স্বপ্ন অল্পন লেপেছিল তার চোখে— প্রথম যৌবনের আশা আর আকঙ্ক্ষা । কিন্তু বাস্তব তার প্রথম আঘাতেই ভেঙে গুড়িয়ে দিল সবকিছু । ওর বাবা ছিলেন কোন এক সবদাগী আপিসের কেবানী । অবসর সময়ে ইন্সপেক্টরের এককটি হিসেবে কাজ করতেন । শেষের দিকে এইটাই তাঁর মুখ্য উপার্জন হয়ে দাঁড়াল । কিন্তু অতিক্রম পরিশ্রমের ফলে দীর্ঘ বোগ-ভোগের পর মরণ তিনি মারা গেলেন তখন অর্ধের অন্টন মেথা দিয়েছে সংসারে । পড়া ছাড়তে হ’ল মলিনাকে । ধরাধরি করে সেই কেম্প নীরই হলেজ নিল সে । টুকটাক সে ছ’চারটা কেস পায়, তাই দিবে কোনমতে গড়িয়ে গড়িয়ে চলছে সংসারের চাকা ।

মোটামিলের শাড়ি আর মাফিনের সেমিজ-পরা মলিনাকে মলিনই দেখাচ্ছে এখন । বাবান্দায় গিয়ে চোখে মুখে ভুলেব আপটা দিবে মুছে ফেলেছে স্বপ্ন প্রসাদন । সারা দিনের ক্লান্তি হরণ করেছে তার চোখের দীপ্তি ।

স্বজনী-বিছানো তক্তপোশের এক প্রান্তে বসল সে পা ঝুলিয়ে ।

“বিজনবাবু এসেছিল আজ, অনেককণ বসে ছিল তোর অপেক্ষায়—” মলিনার মুখেব দিকে চশমা-পরা চোখ দুটি একবার ভুলে তেমনি মাথা নীচু করে চাল বাছতে বাছতে বললেন, মলিনার মা,—“হাঁ বা না পষ্টাপষ্ট জানতে চায় সে ।”

চুপ করেই বসল মলিনা । তার মনের সাবধানী অংশ হঠাৎ যেন উদ্ভীষ হয়ে উঠল ।

বিড় বিড় করে বলতে থাকেন মলিনার মা,—“সত্যিই তো । দেখি ক্বা তো আর চলেও না তার, ছেলেমেয়ে ক’টির দিকে আর তাকানো বায় না । অথচ অহেলায় এমনি হয়েছে তারা ।”

মলিনার প্রণয়ের আগুনে বাড়া মনের অর্ধাংশের উপরে তার সাবধানী মনের অর্ধেক যেন একটা কালো ছায়া বিস্তার করে চলেছে । তারগামীপু কয়লার মুখগান যেন মিলিয়ে বাজে, স্পষ্ট হয়ে মুটে উঠছে ছোট্ট বিজনবাবু বহু অভিজ্ঞতার চিহ্নভরা মুখ ।

নিকটেই দেশপ্রিয় পার্কর ঝাঁকাকাছি থাকে বিজন বোস । বড় ব্যাঙ্কে ভাল মাইনেতে কাজ করে । পর্যতাল্প চুয়ে কেসবে সে অনতিবিলাষে । সম্প্রতি বিপত্নীক হয়ে কিছুটা কাছাকাছা নিয়ে হিমসিম খাচ্ছে ভুললোক । মলিনার বাবার স্মরণে মলিনা সে । সেই স্মরণে জানাশোনা ছিল মলিনাদেবীর মুখে । যাকে এক দিন বাৎসলা-বসন্ত চক্ষে দেখে এসেছে, ভুলেই আবার নতুন করে আবিষ্কার করেছে প্রেমের দৃষ্টি দিয়ে । পরিণয় পর্যন্ত এগিয়ে বাবার ইচ্ছা য় মোরাঘূর্ণি করতে মলিনার মাথের কাছে । মাথেরও অমত নেই । নিকটগে গলা থেকে মেয়েটার নেমে বাবার সন্তাবনায় বেশ একটু খুশিই তিনি ।

এখন মলিনা রাজী হলেই—শেষ কিন্তু সবচেয়ে বড় বাখাটি অপসারিত হয় ।

“তা হলে কি বলিস ?” আবার প্রশ্ন করেন মলিনার মা,— “কি বলব তাকে ?”

চিন্তায় তলিয়ে থাকা মনটা চমকে ওঠে । অসচায় ভাবে চার-দিকের হলদে দাগ-ধরা দেয়ালের দিকে তাকায় মলিনা । দেয় ল-গুলি যেন ক্রমে ক্রমে এগিয়ে আসছে তার দিকে একেবারে পিষে ফেলবার ভঙ্গ ।

চাকিতে আবার ভেসে ওঠে কমলের শান্ত স্মরণ মুগ্ধবি । ওর মুখে যেন আছে এই খাসবোধকারী চার দেয়ালের দুঃখপ থেকে মুক্তির আশ্বাস—বাইয়ের অফুরন্ত আলো আর সমুদ্রের ঝড়ো বাতাসের সন্তাবনা ।

এম-এ ক্র সেব ছাত্র কমল ব্যানার্জী । ধনী পিতার সন্তান । একটা পলিসিব তীর দিবে তাকে গাধতে গিয়ে কি ভাবে যেন নিজেই গৌথে গেল মলিনা । গভীরতর হ’ল ওদের পরিচয় মনের একটা ভুলত অস্থিরতা, আবেগ-কল্পিত শরীরের অস্থ পলকামু-ভূতি একেবারেই নতুন মলিনার কাছে ! লক্ষ্যতারা ভাবেব শ্রোতে ভেসে বাচ্ছিল ওরা হ’লেনে । হঠাৎ কঠিন তীরভূমি থেকে বিজনবাবু গজমর প্রস্তাবটা এসে মাঝাক্ক আঘাত হানল ওদের দু’জনায় সম্পকের উপর ।

কমলের সঙ্গে মিলনে রয়েছে দুর্ভিতক্রম বাধা । মলিনা কায়স্থ আর কমল ব্রাহ্মণ । বর্ণের এই বাধার চেয়েও যেন বড় হয়ে দেখা দিল আর একটা কি বাধা — কিছুতেই যাকে অতিক্রম করা যায় না ।

রুচ বাস্তবের এই প্রচণ্ড ঝাঁকাতেই মলিনার মনে চিড় দেখা দিল । তার পর কি করে যেন অলঙ্কিত ভাবে ছ’ভাগ হয়ে গেল ওর মন । এক অংশে সাবধানতার উজ্জ্বল স্বজনী আর অল্প অংশে ভাব-বোমালের স্বজনী কল্পনা । এই দুই মনের অল্পকণ সংঘাত-সংঘর্ষে হাঁপরে ওঠে মলিনা ।

“চল আমরা পালিয়ে বাই এ কলকাতা ছেড়ে”—আবেগ কল্পিত সুর বলে কমল । মলিনার হাতখানা শক্ত ভাবে ধরে । “চল যাব বহু দূর, অজানা এক জনপদে । সেখানে আমরা বঁধব বাগা । দিনের উপার্জন নিয়ে সন্ধ্যায় কিবব ঘরে—সেখানে

দুই চোখের শান্ত প্রদীপ জ্বল বসে থাকবে তুমি আমার প্রতীক্ষায়। তোমার প্রতীক্ষা-বাকুল চোখেই স্নিগ্ধ চাপড়ায় আমার আশ্রিত হয়ে যাবে। নাট-বা পেলান সমাজের আশ্রয়। তোমার আমার সঙ্গ-সুখেই আনন্দে দূর হয়ে যাবে অজান মন অভাববোধ।

সর্বনাশা এ প্রস্তাবে বুক কাঁপে মলিনার। বিদ্রোহবহিঃ মত দীপ্ত আবেগে কেঁপে ওঠে ওর সমস্ত শরীর। তলে লেগে ওর মাহাত্ম্য মনের অর্জাশ। সত্য অসত্যের মীমাংসা যার মুখে। উচ্চৈশ্বর্য অক্ষয়্য অক্ষয়্য হয়ে আসে কমলের কোমল মুগ্ধানা।

তবু মত দিতে গিাও দিতে পারে না মলিনা। প্রাথমিকের শেষ মীমাংসা বস মন তার ছুটিতে থাকে বিপরীত দিকে। আকর্ষণের পরে আসে বিকর্ষণের পাল্লা।

বিভিন্ন সময়ের প্রস্তাবতার আকর্ষণ যেন দুনিবার। সেখানে আছে নিশ্চয়তার দৃঢ় ভিত্তি। কঠিন তার স্পর্শ। সমাজের স্বীকৃতি যেন সে প্রস্তাবের ওড়াপ্রোত হয়ে আছে।

কমলের প্রস্তাব যেন একটা মধুর সপ্ন। তাতে আছে অমৃত স্নেহের স্ফল। আলকা মেঘের তেলায় চেপে পরিণতহীন ঠিকানায় ভেসে যাব য় আনন্দ। তবু একটা বৃহৎ সংশয় যেন মুগ্ধালাপন করে আছে। সে সংশয় অনিশ্চয়তার।

এই ছিমুখ, সোয়াক ভাসছে মলিনা আজ এক মাস। সংসার-

বন্ধন ছিন্ন করে প্রেমাস্পদের সঙ্গে নিকরেশ্যত্রার যোমাঞ্চকর ভাব-বন্ধন মাঝে মাঝে ভেসে যায় সে। জাবার অলঙ্কিতে কোন মুহূর্ত্ত বা থেকে যায় বিভ্রমের প্রস্তাবের শক্তি মাটিতে। তখন আকাশচাপী কল্পনাকে মনে হয় নিভাসুই অবাস্তব।

আজ এসেছে সব সংশয় ছিন্ন করবার দিন। অণুনের চলনে আলো মাথের মুখে চোখে পড়েছে। শান্ত সংযত দাঁর মুখে ফুটে উঠেছে একটা নিবিড় কৃষ্ণি।

সমূহের বিবদ নেমাজে বাবার ছোট্ট বাধানো ফটোটার দিকে চোখ দেয় মলিনার। মাদপুলের শুকনো মালাটি এ কে-বৈকে আছে ক্রমের সঙ্গের।

একদিকে সমাজ-অনুশাসিত স্বাস্থ্য নীতির মুগ্ধকোণ। মনের তৃপ্ত না থাক সংস্রম সূচিন্তার বেলা। অন্যদিকে সমাজস্রোতের দীপ্ত শিখায় অমৃত স্নেহের আদায় পুণ্ড্র নয়া।

কোনটি? কোনটিকে বরণ করবে আজ মলিনা?...

প্রায় অক্ষয়্য কিম ফিসা সুরে মাথের কানে কানে মলিনা বলল, "অমৃত নেই। বলে দিও বিজন বাবুকে।"

অনেক, অনেক দিন পরে অশ্রুহীন নিবিড় অকল খুঁমের মাঝে হালিরে গেল মলিনা।

সময় নেই

শ্রীবাসন্তী সেনগুপ্তা

সময় নেই, নেই, সময় নেই,
চলিতে কো একা
যদি বা পথে দেক,
চুকিয়া বসি, তার সময় নেই—
সময় নেই।

হাওয়ায় হা হা স্বাসে জীবন বয়ে যায়,
প্রীত-উত্তাপ তৃষ্ণ রেখে যায়,
শান্তন যারি কোথা শান্ত জীবনের—
মনের শ্রী কই, তৃপ্ত জনযেব,
কেবল ছু ট চলা, কেবল বয়ে যাওয়া,
শুধুই পথচলা, দু রর পথ চাওয়া,
পথিক স্নেহের
পরশ হৃদয়ের
যদি-বা লাগে মনে, সময় নেই।

অন্য এক হ'ল মৃত্যু ঐ কাছে
সেতুর ছু প্রাণুই রয়েছে কাছে কাছে
হৃদয় হতে চলা অস্ত গৌবলিতে
প্রাণের ক্রম হ'ল এটুকু যেতে যেতে,
আঁবন এত ছোট, ক'টা বা গোনা দিন
স্বত্বিতে ভরে রাখি, হৃদয় তাও ক্ষীণ,
কেবল সারাবেলা
সময় নিয়ে খেলা,
সময় এত কই, সময় নেই,
কেবল বসে থাকি, অনেক কথা কই,
সময় এত কই—

সময় নেই।



অথন

রেসোনা

আগের চেয়ে অনেক বেশী সুগন্ধী!

রেসোনা সোসাইটি লিমিটেড এর পক্ষে ভারতে প্রস্তুত

BP. 144-X52 BQ

চাষী-মজুরের ক্রয়শক্তি ও শিল্প-সম্প্রসারণ

শ্রীঅজিতকুমার বসু

গ্রাম্য শিল্পসম্প্রসারণ সার্ভিস তথা অনুসারে গ্রাম্যবাসীরা বছরে সংস্কার-খরচ করে পরিবারপ্রতি ১২০০ আনা। এর মধ্যে আমদানী করা বস্ত্রাদি, তেল, চিনি, সাবান, জুতা, দড়ি, গৃহনিষ্কাশন-সামগ্রী, শুষ্ক, বই-কাগজাদি প্রভৃতি শিল্পখাত ও শোকায়েতে ক্রীত নিত্য-ব্যবহাৰ্য্য দ্রব্যাদি খরচ হয় আনুমানিক গড়ে শতকরা ৩০ ভাগ হিসাবে পরিবারপ্রতি ৩৬২ এবং সর্বসমেত ১২৫ কোটি টাকা। এর মধ্যে শিল্পখাত দ্রব্যাদি খরচ হয় আনুমানিক ৮০৯০ কোটি টাকা। তা ছাড়া, শিক্ষায় ও চিকিৎসায় শতকরা এক ভাগ, আমোদপ্রমাদ ও উৎসবানিতে শতকরা ৭৭৫ ভাগ, ধর্ম ও ঐশ্বর্য্যায় শতকরা ৫ ভাগ, খোপা নাপিত মুঁচ, দর্জি প্রভৃতির অল্প শতকরা ২ ভাগ গড়ে খরচ হয়ে থাকে।

বাংলার ২২শ্রী জনসংখ্যার শতকরা ৭৫ ভাগ গ্রাম্যবাসী। এদের মধ্যে গরীব চাষী ও ক্ষেত্রমজুরের সংখ্যাটী সর্বাধিক—গ্রাম্যবাসীদের শতকরা ৫৮ ভাগ এবং সমগ্র জনসংখ্যার শতকরা ৪৪ ভাগ। এরা আয়ের শতকরা ৮৫৪ ভাগটী পান্দ্র বা খরচ করতে বাধ্য হয়। তাতেও তাদের অল্পের অভাব মোট কিনা সন্দেহ। বাকী শতকরা ১৫ ভাগ খরচ করে আর সব বাবদ—গৃহ শিক্ষা, স্বপ্না, বস্ত্র, খোপা, নাপিত, দর্জি মুঁচ, ইত্যাদি। অর্থাৎ, পরিবারপ্রতি ১১০০ আনা এবং সর্বসমেত ২১ কোটি টাকা। সুতরাং শিল্পখাত ও দোকান-দানীর জিনিষ আয়ও অনেক কমই বাস হয়। এতেও এদের বছরে দেনা হয় কিছু কিছু। দেনা হয় তাদেরই, বাদে শোধ করবার ক্ষমতা আছে অর্থাৎ জমিকমা আছে।

সুতরাং চাষী ও মজুরদের এই যে বাড়তি ৫০ কোটি টাকা আয় হবে, তার সবই বাজারে আসবে। তারা শিল্পখাত ও অস্বাস্থ্য ভোগ্যবস্তু ক্রয়, গৃহনিষ্কাশন, শিক্ষা, চিকিৎসা প্রভৃতি বাবদ খরচ করবে। অর্থাৎ, আজ যেখানে সমস্ত গ্রাম্যবাসীরা—কৃষি-নিউর ও অস্বাস্থ্য মিলিয়ে, এই বাবদ খরচ করেছে ১২৫ কোটি, সেখানে, জমি বিলির পর, খরচ হবে ১৭৫ কোটি টাকা। অর্থাৎ, গ্রামের বাজারে ক্রয়শক্তি বাড়বে অস্বাস্থ্য শতকরা ৪০ ভাগ। শিল্প ও শোকায়েত-দানীর জিনিষ ধরলে তা বাড়াবে ৫৫ থেকে শতকরা ৬২ ভাগ। কৃষিতে যে অস্বাস্থ্য ২৫ কোটি টাকার, বা গ্রামের ক্রয়শক্তির শতকরা ২০ ভাগ, ফলন বাড়বে তাও বহুশাংশে বাজারে বিক্রী হবে। তাতেও বাজারের উন্নতি হবে।

দেশের বণিক সমিতির পক্ষ থেকে সরকারকে পরিকল্পনা সম্পর্কে যে প্রকল্পলিপি বা মঞ্জুরা দেওয়া হয়েছে, তাতে বলা হয়েছে—কলকারখানা বা শিল্পানিতে উৎপাদনে নিয়োজিত একজন লোকের

পিছনে ৭৮ জন লোক নিযুক্ত হয়ে আছে কাঁচা মাল যোগানো ও পণ্যদ্রব্য পরিবহণ এবং বিক্রীর কাজে। এ ছাড়া, বেল সরকারী দপ্তর প্রভৃতিতেও এই বাবদ কিছু লোক নিযুক্ত আছে। কিন্তু কখনো তারা উর্টা করে ধরেছেন। উপরতলাটাত তাঁরা তুলে ধরেছেন, বনেদটা নয়। বনেদটা হ'ল জনসাধারণের ক্রয়শক্তি বা ভোগশক্তি। তা না থাকলে উৎপাদন করেই বা কি হবে এবং এপনটী কি কাজ? অবশ্য এ বাপাবে তাঁরা অচেতন নন মোটেই, বরং খুঁট সচেতন। তাঁরা তাঁরা ভোগশক্তি বৃদ্ধির দাবিকেও প্রকাশ দিয়েছেন। তবে কি করে যে তা বাড়বে, সে-দিকে বিশেষ মাথা ঘামান নি। এ বাপাবেও সেই উপরতলায় বসেই বসেছেন। বসেছেন, আয়কর কমাতে চায়। কিন্তু আয়কর কমাতে ক'জন? ৭ কোটি ৩০ লক্ষ পরিবারের মধ্যে মাত্র ৮ লক্ষ লোক বা সংস্থা আয়কর দেবার যোগ্য। তার মধ্যে মাত্র ৫ হাজার লোকটী দেশ সমস্ত আয়করের শতকরা ৬৬ ভাগ। সুতরাং আয়কর কমালে ক্রয়শক্তি বাড়বে, এবং ঠিক নয়। আয়কর তুলে দিলেও বাড়বে না। আপাত লাভনাই ভাবতে শিল্পখাতের মজুত; খুব দূরবর্তী বধা তারা ভাবতে পারে না। মানেজিং এডভিসর নিয়মও এই মনোভাবের পোষক। একথা বিলাতের বক্ষণশীল ও পুঁজিবাদী "দি ইকনমিষ্ট" পত্রিকা ভারতের উন্নতি এবং পান্দ্রনা প্রসঙ্গ বলেছে। চাষীর হাতে জমি বিলির ছাড়াই সেই ভোগশক্তি বাড়বে, অল্প পথে নয়। চাষীর হাতে জমি বিলি সমাজতান্ত্রিক কাষ ক্রম নয়। এটা কবলেই যে সরকার বা অর্থনীতি সমাজতান্ত্রিক হয়ে পড়ল, তেমন নয়। পুঁজিপতিদের স্বার্থটী জমি বিলির দরকার। "দি ইকনমিষ্ট" পত্রিকাও সেই কথা জোর করেই বলেছে। তাতে বলা হয়েছে, কৃষকের আর্থিক উন্নতির উপরই ভারতের ভবিষ্যৎ নির্ভর করেছে। তা না হলে ভারতের উন্নতি সম্বন্ধে সন্দেহ আছে বলে পত্রিকাটি মন্তব্য করেছে।

গ্রামের সামগ্রিক ক্রয়ক্ষমতার অনুপাতে বর্তমানে কলকারখানা বাবদ-বাণিজ্য, যানবাহন, ব্যাঙ্ক, বীমা, বেল, সরকারী দপ্তরখানা প্রভৃতিতে এবং ডাকঘর, টিকিট, জেলে, কামার, কুমার তাঁতি, নাপিত, খোপা, মুঁচ, দর্জি, ডোম, স্ত্রীকরা, বিল্লি ছোটখাটো শিল্পকার, কলাবিদ, শিক্ষক, দোকানদার, প্রভৃতি বিভিন্ন স্তরে নিযুক্ত লোকদের সংখ্যা—গ্রামের ক্রয়ক্ষমতা শতকরা ৪০ বৃদ্ধি পেলে, (গরীবদেরই যারা এ সব বাবদ খরচ করতে পারে না) এ সকল ক্ষেত্রেই তা প্রভূত পরিমাণে বৃদ্ধি পাবে।

জাতীয় আয় কমিটির মতে সারা ভারতে এই সব বাবদ কর্তব্য

আছে প্রায় ৪ কোটি ৩০ লক্ষাধিক লোক। মৎস্য-চাষে ৫'৭৯ লক্ষ, খনিতে ৭'৮ লক্ষ, কলকারখানা ও শিল্প প্রতিষ্ঠানে ২০'৬৯ লক্ষ, ছোট শিল্পে ১১৫'২ লক্ষ, ডাক তার চৌলিকোনে ১'৯৫ লক্ষ, রেল ১১'৭৮ লক্ষ, বায়ু বীমা ১ ৪৭ লক্ষ, অস্ত্র বাবসা ও পরিবহনে ৯৫'৩৩ লক্ষ উল্লেখ্য, ওকালতী ও শিল্পচর্চা-নিত্যে ৬৪'২৫ লক্ষ, সরকারী দপ্তর ৩৮'৮৬ লক্ষ বাড়ীর বা গৃহস্থালির কাজে (চাকরাদি) ২০'৪৭ লক্ষ ইত্যাদি। এর মধ্যে কলকারখানা ও খনিতে নিযুক্ত আছে ৩৭'৪৯ লক্ষ এবং বণিক সমিতির মতে এদের সঙ্গে মাথাপ্রতি সাত-আট জন হিসাবে, আরও আড়াই-তিন কোটি লোক কাজ করছে, বাবসা-বাণিজ্য ও পরিবহনের বিভিন্ন ক্ষেত্রে। এর মধ্যে কত জন ভোগ্যবস্তু উৎপাদন ও সরাসরি প্রয়োজন মেটানোর কাজে নিযুক্ত আছে তার ঠিক হিসাব নেই। শতকরা ৬০।৭০ জন ধরে নিলে গ্রামের জল অসুস্থতঃ শতকরা ৩০ ৩৫ জন। অর্থাৎ, গ্রামের সমস্ত কেনাবেচা ও সরবরাহের সুস্থ ক্ষেত্রে কলকারখানার উৎপাদন পর্যাপ্ত কর্মরত আছে আনুমানিক ৮৯'৯৭ লক্ষ থেকে ১০৫ লক্ষ লোক।

বাংলার গ্রামবাসীর সংখ্যা সারা ভারতের গরীব গ্রামবাসীর শতকরা ৬'৫। বাংলার দক্ষিণ গ্রামবাসীর ক্রয়শক্তি সারা ভারতের গরীব গ্রামবাসীর ক্রয়শক্তির শতকরা ৩৮ শতাংশ। এই হিসাবে বাংলায় গ্রামবাসীর ক্রয়শক্তির অনুপাতে, এখানে কলকারখানার উৎপাদন থেকে বিভিন্ন ক্ষেত্রে কেনাবেচায় ও পরিবহনের কাজে নিযুক্ত—অসুস্থতঃ ৭'৯৮ লক্ষ থেকে ৯'৪১ লক্ষ লোক। শিল্পের উৎপাদন বর্ধমান ক্রয়শক্তির শতকরা ৫৫-৬২ ভাগ বৃদ্ধির সুযোগ যদি জমি বিলির দরুন সৃষ্টি হয়, তা হলে ৪'৩৫ লক্ষ থেকে ৫'৮৩ লক্ষ লোক বাড়তি নিয়োগের বাজার খুলে যাবে।

শুধু কাপড়ের হিসাব নিলেই একটা ধারণা হবে। সরকারী তথা অনুসারে কাপড়-চোপড় ও পোশাক-পরিচ্ছদের দরুন গড়ে ধরত হয়, সংসার-খরচের প্রায় শতকরা ১১ হিসাবে, পরিবারপ্রতি ১২৫ টাকা এবং উর্দ্ধপক্ষে সর্বসম্মত প্রায় ১৯ কোটি টাকা। বিস্তৃত কৃষি-শ্রমিক সম্পর্কিত তথা অনুসারে গরীব গ্রামবাসীর গড়ে ধরত করে তাদের সংসার-খরচের (সারা ভারতে) শতকরা ৬'৩ এবং বাংলায় শতকরা ৪'৭। অর্থাৎ, বাংলার মোট ৫'৭ কোটি টাকা। জমি বিলির ফলে পরিবারপ্রতি (বাংলার ১৯ লক্ষ) বর্তমান ৬৬৮ টাকার আয় বেড়ে হবে ১০২৬ টাকা। বস্ত্রের দরুন ধরত বেড়ে শতকরা ১০ হবে বলেই বিশ্বাস। তা হলে পরিবারপ্রতি ১০২ টাকা এবং সর্বসম্মত ১৯'৩৮ কোটি টাকার বজ্রাদি বিক্রী হবে। অর্থাৎ, বর্তমানের তুলনায় বজ্রাদির বাজারে কেনা বেচা বিস্তৃত হবে। বাজার পর্যট বস্ত্র। তার অবস্থাট এই। অস্ত্র নিতাপ্রয়োজনীয় জরুরি অবস্থা আরও শোচনীয় যে, সে বিষয়ে সন্দেহ নেই।

বাংলার গ্রামে ও শহরে (কলিকাতা সহিত) অচাষী মধ্যবিত্ত

বেকারের সংখ্যা লাগে ৪ লক্ষ। একমাত্র জমি বিলির দ্বারা এই বর্তমানের এই বেকারদের সমপরিমাণ লোকের কাজের সংস্থানের পথ খুলে যাবে। শুধু তাই নয়, কলকারখানা ও শিল্প প্রতিষ্ঠানে এবং পরিবহণ ও বাবসা-বাণিজ্যে এর দরুন যারা কাজ পাবে, তাদেরও ক্রয়শক্তি বৃদ্ধি পাবে বলে বাজার আরও হেজী হবে। তাও কম হবে না। শতকরা ২৫ জন যদি কলকারখানা, ইমারতাদিতে নিযুক্ত হয়, তা হলে শতকরা ৭৫ বা ৪৭'৫০ কোটি টাকা এদের হাতে আসবে বাড়তি। এই গরীবদের এই বাড়তি ৫০ কোটি টাকার যে আয় হবে, তার অধিকাংশই কয়েকটি হাতে পুঞ্জীভূত না হয়ে সাধারণ ক্রেতাদের হাতেই ঘেঁষাফেঁষা করবে। এর ফলে বাজারে ক্ষতির আশঙ্কা আছে। কিন্তু তাই বলে ত হাত গুটিয়ে বসে থাকে চলে না। জরুরি যা তা কংটেই হবে। তার ফলে পরিস্থিতি যেখানে ঝাপটাবে সেখানে সামাল দিতে হবে। কলকারখানার উৎপাদন-ক্ষমতা পরিপূর্ণ ভাবে কাজে লাগিয়ে অনেক খানিই সামাল দেওয়া যাবে। তা ছাড়া অধিকসংখ্যক লোক সংষ্ট হয়ে দেশ ও রাষ্ট্রের প্রতি দায়িত্ববোধ হলে সামাল দেবার অসুবিধা হবে না। এ ছাড়া রেল, সরকারী দপ্তর, প্রভৃতিতেও এই বাবদ বহু লোক নিযুক্ত হবে নানাভাবে এর দরুন সরকারী আয়ও-বাড়বে অসুস্থতঃ ৮'৯ কোটি টাকা। অর্থাৎ, বর্তমান অচল অবস্থার অবমান হয়ে সব দিকেই সচলতা আসবে এবং দেশ দ্রুত উন্নতির পথে অগ্রসর হবে।

বাংলায় বহু জমির মালিকদের হাতে উর্দ্ধত থাকে বৎসরে আনুমানিক ৩১ কোটি টাকা। এই টাকা তারা কোন শিল্পে লাগে নিয়োগ করে না। এরা ব্যাঙ্কেও টাকা রাখে না। বীমাতোও নিয়োগ করে না। সরকারী ঋণ যে টাকা দেবে, তাও করে না এবং উন্নয়নমূলক কাজেও এদের দারুণ ঔপাসিত। এদের প্রায় সমস্ত উর্দ্ধত টাকারই অকেজো হয়ে পড়ে থাকে। তারা অত্যন্ত জমির দাম বাড়ানো এবং চোরাবাজারকে পুষ্ট করছে। তা ছাড়া ছোট ছোট বাবসায় ভিড় করে অস্বাস্থ্যকর প্রতিযোগিতার সৃষ্টি-দ্বারা শক্ত ও সামর্থ্যের অপচয় করছে। এরা যদি এই উর্দ্ধত অর্থ-শিল্প ও উন্নয়ন তহবিলে নিয়োগ করত, বা সমবায় প্রতিষ্ঠানে নিয়োগ করে কেনা বেচা, কৃষি-ঋণ দান, কৃষি ও গ্রাম উন্নয়ন, গ্রাম ও কুটীর শিল্প, প্রভৃতিতে পুষ্ট করতে অগ্রণী হ'ত, তা হলেও না হয় কথা ছিল। তা ছাড়া এদের জীবিকার মান বা ভোগ-স্পৃহা আয়ের তুলনায় উন্নয়নগতভাবে কম। এই সব কারণে এদের হাতে দেশের স্বল্প সম্পদের একটা মোটা অংশ থাকতে দেওয়ার কোন যুক্তিসঙ্গত কারণ নেই। এতে অকল্যাণ বৈ কল্যাণ নেই। সুতরাং সবদিক দিয়েই জমি বিলির প্রয়োজনীয়তা অস্ব ও অপরিহার্য। চাষীর প্রতি করণের বা মালিকদের প্রতি বিবেকের বশবর্তী হয়ে যে জমি বিলির কথা উঠেছে তা নয়। মধ্যবিত্তের কল্যাণের উন্নয়ন, দেশের হিতের উর্দ্ধত জমি বিলির দরুন, চাষীর উন্নতি প্রয়োজন।

কিরণাবলী

শ্রীদীনেশচন্দ্র ভট্টাচার্য্য

নব্যশাস্ত্রের অন্ততম আকরগ্রন্থ, উদয়নাচার্য্য রচিত "কিরণাবলী" বঙ্গাঙ্করে বঙ্গাশুভাব ও বিজ্ঞান বিবৃতি সহ প্রথম খণ্ড প্রকাশিত হইয়াছে। মনোহর প্রচ্ছদপত্র দেখিয়া মগ্নমগ্নবয়ী দেহিণী প্রশ্ন করিল, "কোন দিনেমার বই? ছবি কৈ?" একজন প্রবীণ লেখক নব্যশাস্ত্র সম্বন্ধে মন্তব্য করিয়াছেন, ইহার "প্রভাবে বাঙ্গালী জাতির কোন উপকারই হয় নাই!... ইহার দ্বারা বাঙ্গালীর অনিশ্চিন্তাধনই হইয়াছে"। (সাময়িক কবি রামপ্রসাদ, পৃ. ১০৩) লঘু-সাহিত্যপ্রিয় সমাজের শিশু বৈ পক্ষ করিলে তাহার সহিত প্রবীণ লেখকের শিশুজ্ঞানোচিত মন্তব্যের বৈষম্য পার্থক্য নাই—উভয়ই উচ্ছ্বল অনপকারী প্রগতির অগ্রদূত। এই তথাকথিত জ্ঞানোত্তরবাদী স্বর্নগুণেও এলাদশ শতাব্দীতে রচিত অত্যন্ত দুর্বল একটি সংস্কৃত গ্রন্থ আজ যে কেবল বাঙ্গালী পাঠকের জন্যই সম্পাদিত হইল ইহার তাৎপর্য্য ও মূল্যবান সমালোচনা করা আবশ্যিক।

মননশাস্ত্রের আরম্ভ হইতেই মননশাস্ত্রের উৎকর্ষপন্থা নির্ণীত হয়। ভারতবর্ষে বৈদিক যুগ হইতেই মননশাস্ত্রের চর্চা অব্যাহত রহিয়াছে। তদ্বন্দে-
 জ্ঞানীক্ষিকী মর্কোচ্চ শিখরে অধিষ্ঠিত হইয়া পদ্মা-যমুনার স্নায়ু-বৃন্দাধারায় প্রবাহিত হয়—জ্ঞানদর্শন ও বৈশেষিকদর্শন। মধ্যযুগে উভয়ে সম্মিলিত হইয়া গৌড়-মিথিলাকে প্রাবল্য করিয়া সমগ্র ভারতখণ্ডকে অধিষ্ঠিত করিয়াছিল। মননশাস্ত্রের এই অনলসাধারণ উচ্ছ্বাসের নাম নব্যশাস্ত্র—তীক্ষণী দর্শনশাস্ত্র-ব্যবসায়ের উপায়ে প্রথমময় শিবরত্নমি এবং জড়বুদ্ধির পঞ্চমণ্ড। পৃথিবীর সারস্বত ইতিহাসে ইহার ভুলনা নাই। এই মহামহাক্ষের মূল মৈথিল্য-শাস্ত্রাচার্য্য উদয়নের অঙ্কসম্প্রদ। মধ্যযুগে পশ্চিমের মণিগ্রন্থ ও রত্নপরি-
 শিরোমণির দীপ্তি অবলম্বন করিয়া নব্যশাস্ত্রের যে চরম পরিণতি "অনুগম" প্রণালীতে পর্যাবসিত হইয়াছিল, তাহারে তৎকালে একমাত্র কুশলজ্ঞান-
 ব্যতীত উদয়নের সমগ্র গ্রন্থ হস্তদর ও লুপ্তপ্রায় হইয়া যায়। প্রায় আশী বৎসর পূর্বে উত্তরপাড়ার জয়কৃষ্ণ বাবুর জীবনকাল দুইজন সাতের উদয়ন-রচিত "বৌদ্ধাধিকার" গ্রন্থের আলোচনার জন্য উপস্থিত হন—তৎকালীন শ্রেষ্ঠ নৈয়ায়িক কোলগরের দীনবন্ধু ঠাকুরের স্বয়ং অপারিক হইয়া উত্তরপাড়ার জয়-
 শঙ্কর কর্কালঙ্কারের এক মাদ্রাজী ছাত্রের নিকট সাহেবদ্বয়কে পাঠ্যগ্রন্থ দিয়া-
 ছিলেন এবং সেখানে কৃতকার্য হইয়া বিহারী জয়কৃষ্ণবাবুকে কৃতজ্ঞতা-
 জানাইয়াছিলেন। বাঙ্গলার শ্রেষ্ঠ নৈয়ায়িকগণ তখন পাদাধরী দানাত-
 নিকরঞ্জির "চৌনচী"র মধ্যে মবুল্লু মল্লিকের জায় ভূমিকা থাকিতেন।
 নবনীপগৌরব গদাধর ভট্টাচার্য্যের আত্ম-স্মরণ দুই শত বৎসর মধ্যে ক্রমশঃ
 প্রাচীন গ্রন্থের পঠন-পাঠন গৌড়মিথিলায় এই ভাবে বিলুপ্ত হইয়া যায়—
 একটি হইল—প্রশস্তপাদভ্যে বৈশেষিকজ্ঞানের সর্বশ্রেষ্ঠ লক্ষ্য উদয়নাচার্য্যের
 সর্বশেষ অসমাপ্ত রচনা আলোচ্য কিরণাবলী গ্রন্থ।

প্রাক্তঃস্মরণীয় জয়নারায়ণ তর্কপঞ্চানন মহাশয় ১৮৬৬ খ্রীঃাব্দে, অর্থাৎ
 গদাধরের ২০০ বৎসর পরে, "বাৎস্তায়নভাষ্য" প্রথম মুদ্রিত করেন।
 বাঙ্গালীর মনীষা নব্যশাস্ত্রের চরম পরিণতি হইতে কথঞ্চিৎ মুক্তিলাভ করিয়া
 নূতন ভাবে প্রাচীন গ্রন্থের প্রতি আকৃষ্ট হইল—ইহা তাহারই সূত্রপাত।
 অনূন অর্ধশতাব্দী পরে সর্গত মহামহোপাধ্যায় ফণিভূষণ তর্কবাগীশ মহাশয়
 বার বৎসরে বৃহৎ পাঁচ খণ্ডে ঐ গ্রন্থের সমুচিত ব্যাখ্যা বাঙ্গলা ভাষায় সমাপ্ত
 করিলে বঙ্গভাষায় "এক অপূর্ব দান" বলিয়া ইহা অভিনন্দিত হইয়াছিল
 (প্রবাসী, ফাল্গুন, ১৩৩৮, পৃ. ৭২৬)।

উক্ত তর্কপঞ্চানন মহাশয় প্রশস্ত পাদভাষ্যের সম্পাদনেও প্রবৃত্ত হইয়া-
 ছিলেন, কিন্তু অল্প পরেই স্বর্গত হন। পরে কাশীর বিদ্যোৎসাহী প্রসাদ পণ্ডিত্রিশ
 বৎসরে (১৮৮৪-১৯০২ খ্রীঃ) কোন প্রকারে কিরণাবলী-সহ ঐ ভাষ্যগ্রন্থ

মুদ্রিত করিতে সমর্থ হইয়াছিলেন। সোমাইটা হইতে মুদ্রামাগ কিরণাবলী
 ৪৫ বৎসরেও সম্পূর্ণ হইল না—তদ্বন্দে বর্ধমানের প্রকাশ, তদুপরি রুচিদত্তের
 বিবৃতি ও মাদীনের কবাসীকা মুদ্রিত হইতেছে। কাশীতে রসসার, গুণ-
 প্রকাশ, জগদীবাতি ও পদ্মনাভরত কিরণাবলীভাষ্যের মুদ্রিত হইয়াছে।
 কিন্তু কিরণাবলীর উপর যে বিবর্তিত সাহিত্য গড়িয়া উঠিয়াছিল তাহার
 বঙ্গাংশ অত্যাধি অপকথিত ও অনবীত রহিয়াছে এবং প্রবাসীদ্বিতী প্রভৃতি
 বহু গ্রন্থে বিবৃত হইয়া গিয়াছে। আমরা দেখিয়া অত্যন্ত আনন্দিত হইলাম
 যে প্রায়শঃ প্রত্যেক অপকথিত তথাকিরণাবলীমাত্রার ব্যাখ্যাচর্চন বহু
 ফলে উদ্ধৃত করিয়াছেন। বর্তমান প্রথম খণ্ডে প্রথম খণ্ডের দশমাংশও
 প্রকাশিত হয় নাই—গ্রন্থটি প্রথম পাণ্ডিত্যপূর্ণ বিবৃতি সহ সম্পূর্ণ করিতে
 পারিলে অধ্যাপক উক্ত শাস্ত্রীয় কার্য কিরণাবলী হইয়া থাকিলে, ইহা
 আমরা মুক্ত কর্তে প্রচার করিতাম।

দ্বিতীয়তঃ, আমরা অত্যন্ত আনন্দিত হইলাম যে বাঙ্গলার শিক্ষিত-
 সমাজের আধুনিক মতি-পাতি অরম্ভের কার্যে শাস্ত্রী মহাশয় একটি সরল
 সমাজের দ্বারা বর্ণাধর্মের সেবা করিতে অগ্রসর হন নাই। তিনি
 উদয়নাচার্য্যের বস্তীর রচনার মধ্যস্থলে অকৃত রাখিয়া, প্রাচীন পদ্ধতিতে পাত্যক
 সাহিত্যের ও মননশাস্ত্রের সমগ্র গ্রন্থ পড়ন ও লানা গ্রন্থ হইতে আহরণ করিয়া
 বহু বিচারপূর্বক সিদ্ধান্ত নির্ণয় করিয়াছেন। এতদ্বারা গ্রন্থের কলেবর
 বহুত হইলেও মননশাস্ত্রের প্রত্যেক জিহ্বার প্রভূত উপকার সাধিত হইয়াছে।

এইরূপ বিস্তৃত বিবৃতি পাঠ করিয়াও পানে স্থানে স্থানান্তরে মনে
 হইয়াছে, আলোচনার কোন কোন অংশ পূর্ণাঙ্গ হয় নাই—আরও জিজ্ঞাস্য
 থাকিয়া গিয়াছে। একটি উদাহরণ দিতেছি। কিরণাবলী গ্রন্থের
 মন্দন্ত শাস্ত্রময়ন করিয়া অধ্যাপক-পত্রস্বরায় শত শত "কঙ্ককা" উদ্ধৃত
 ও আলোচিত হইত। আরও মঙ্গলজ্ঞোকে একটি কঙ্ককা হইল "রাত্রি-
 মঙ্গল"—তৎপার পঞ্চলভাচার্য্যাদি বহুতর মহানৈয়ায়িক রচিত নানা মন্দন্ত
 পাঠ্য যায়। আমরা আশা করি, পরবর্তী তমোবাদে শাস্ত্রী মহাশয়
 রাত্রিমঙ্গলের বিশদ আলোচনা করিবেন। দ্বিতীয়তঃ, মঙ্গলজ্ঞোকে নানা-
 প্রকার ব্যাখ্যা আছে—বাহ্য বর্ধমানের টিকার উদ্ধৃত হয় নাই। বর্ধমানের
 পৃথিবী তাহার অন্ততম উপজীব্য দিবাকরোপাধ্যায় "বিজ্ঞানকোদয়োদ্রেকাৎ"
 গ্রন্থের বিকল্প ব্যাখ্যা করিয়াছেন—"অথবা বিজ্ঞা আত্মনি শ্রবণমনন-ধান-
 রূপাঃ প্রতিপত্তয়ন্তা এব তিস্রঃ সক্ষ্যাঃ" ইত্যাদি। রুদ্র স্থায়বাচস্পতির
 ব্যাখ্যাগ্রন্থের "উদেকাদিত্য ল্যবলোপে পঞ্চমী, রজনীক্ষয়ে ইতি নিমিত্ত-
 সঞ্চমী" তবে ইহাও বক্তব্য—এই সকল ব্যাখ্যা প্রায়ই মুদ্রিত হয় নাই
 এবং পৃথিবী বাহির করাও প্রায় অসাধ্য।

৩৩ পৃষ্ঠায় উদয়নাচার্য্যের "প্রমাণ" প্রদর্শিত হইয়াছে। কিন্তু এ বিষয়ে
 আমাদের বক্তব্য হইল—ভাটমতের বহুতর গ্রন্থ অত্যাধি আবিষ্কৃত বা
 প্রকাশিত হয় নাই, বথা—স্বয়ং কুমারিলের "বৃহবৃষ্টি" এবং স্মৃতির মিশ্রের
 কাশিকা (সামান্য অংশ মাঃ মুদ্রিত হইয়াছে)। স্তত্রঃ স্মৃতে নিত্য-
 স্থাভিবক্তি কোন ভাট সম্প্রদায়ই ধীকার করিতেন না, অত্যাধি এইরূপ
 স্থিরনিশ্চয় করা চলে না। আর উদয়নাচার্য্য বাৎস্তায়নভাষ্য ভাল করিয়া
 দেখেন নাই এইরূপ কল্পনা করার হেতু নাই।

* কিরণাবলী : প্রথম খণ্ড—শ্রীগৌরীনাথ ভট্টাচার্য্য শাস্ত্রী-রচিত।
 পৃ. ২১০+২৭০। মূল্য দশ টাকা। প্রকাশক—অধ্যাপক শ্রীসরোজেন্দ্র-
 নাথভট্ট, ১০ বদনাথ চাট্টাঙ্গী ষ্ট্রিট, কলিকাতা-৬।


“এর শুভ্রতাই
এর বিশুদ্ধতার
পরিচায়ক”

বলেন অনুভা গুপ্ত

“সেইভাবেই
আমি সর্বদা
লাক্স টয়লেট
সাবান

ব্যবহার করে
থাকি”

ভারত প্রস্তুত



অনুভা গুপ্ত বলেন:

“আপনার ত্বক
মৃদু ও সুন্দর
রাখতে হলে
ভালভাবে মেখে
নিন...”



“লাক্স টয়লেট সাবানের
সরের মত
ফেনা—কি
সৌরভময়”।



“তারপর ধুয়ে মুছে
ফেলুন—
আপনি এত
তাজা অনুভব
করবেন।”



“সর্বদা সৌন্দর্যের
জন্মে বড় সাইজ
ব্যবহার করুন
—যা আমি
করি।”




চিত্র - তারকা দেবী বিশুদ্ধ শুভ্র সৌন্দর্য সাবান

LTS, 479-X52 BG

রাতের আকাশের রূপবৈচিত্র্য

শ্রীললিনীকুমার ভদ্র

কৃষ্ণপক্ষের রাতে আকাশের কালো মনমলী পটভূমিকায় গ্রহ, তারা, নক্ষত্রমণ্ডল, নক্ষত্রপুঞ্জ প্রভৃতি জ্যোতিষ্ক যে রূপবৈচিত্র্যের সৃষ্টি করে তা আমাদের দৃষ্টিকে বিমুগ্ধ এবং হৃদয়কে বিস্ময়ে অভিভূত করে। কিন্তু নক্ষত্রসমূহের অবস্থানের মধ্যে যে নিয়মশৃঙ্খলা ও সৃষ্টি পরিকল্পনা বিদ্যমান তা ধরা পড়ে আকাশ-পর্যবেক্ষকের সন্ধানী দৃষ্টিতে।



পেগাসাসে অনুজ্জ্বল নীহারিকা

অনেকেরই ধারণা যে, সবগুলি তারাই আকাশের গায়ে ইতস্ততঃ ছড়িয়ে আছে। কিন্তু যাঁর নক্ষত্র-পরিচয় কিছুমাত্র হয় নি তিনিও যদি হু' এক রাত ভালো করে আকাশ পর্যবেক্ষণ করেন তা হলে দেখবেন যে, স্থানে স্থানে কতকগুলি তারা মিলে এক একটি বিশিষ্ট আকৃতির সৃষ্টি করেছে। জ্যোতিষীরা এগুলোর নাম দিয়েছেন নক্ষত্র বা তারামণ্ডল (constellation)। এই সকল মণ্ডলের মধ্যে কোনটি মনুষ্যাকৃতি, কোনটি ত্রিকূর্ণ বা চতুর্ভুজ ক্ষেত্রের মত, কোনটি মালাব মত, কোনটি ক্রশ চিহ্নের মত, কোনটি বা মন্দিরের মত আকৃতিবিশিষ্ট। আমরা চন্দ্র-সূর্য্যেরই শুধু উদয় অস্ত দেখতে পাই। কিন্তু নক্ষত্রমণ্ডলসমূহের সঙ্গে পরিচিত হলে দেখা যাবে


যে, তাদের মধ্যেও অনেকগুলি যথানিয়মে পূর্বদিগন্তে উদিত হয়ে পশ্চিম দিগন্তে অস্ত যায়। সন্ধ্যার সময় যাকে দেখা গেল পূর্বদিগন্তে, মধ্যরাতে তাকে দেখা যাবে মাঝ আকাশে আর শেষ রাতে সেটি হবে পশ্চিম দিগন্তে অস্তমিত।

আকাশ-পর্যবেক্ষণের প্রকৃষ্ট সময় শীতকাল—বিশেষতঃ মাঘ মাস। অগ্রহায়ণ-পৌষ মাসও নক্ষত্র চেনার পক্ষে বিশেষ অনুকূল। অগ্রহায়ণ মাসে আকাশ থাকে নিশ্চেষ্ট, উজ্জ্বলতম তারাগুলি আর বিশিষ্ট নক্ষত্রমণ্ডলসমূহ এই সময় দেখা দেয় আকাশের পটে। বিশেষভাবে দৃষ্টি আকর্ষণ করে আকাশের এক প্রান্ত থেকে আর এক প্রান্ত পর্য্যন্ত প্রসারিত ছায়াপথ। এই মাসে রাত নয়টা সাড়ে নয়টার সময় মাথার উপরকার আকাশের কাছাকাছি এমন কয়টি বিশিষ্ট নক্ষত্রমণ্ডল দৃষ্টিগোচর হয় যাদের চিনে নেওয়া খুব সহজ। কাজেই নক্ষত্রপরিচয় লাভ করতে হলে প্রথম শিক্ষার্থীর পক্ষে অগ্রহায়ণ মাস থেকে আকাশ পর্যবেক্ষণ শুরু করা মন্দ নয়। এই মাসের রাতের আকাশে যে সকল নক্ষত্রমণ্ডল এবং বিশিষ্ট তারা দৃষ্টিগোচর হয় তাদের অনেকগুলিই স্পষ্টতর এবং উজ্জ্বলতররূপে দেখা যায় পৌষ-মাঘ মাসে—তবে তাদের উদয়-অস্তের সময়ের আর অবস্থানের পরিবর্তন হয় বটে। তবে একবার কোনো একটি নক্ষত্রমণ্ডল এবং তারকা চিনে রাখলে আর ভুল হবার সম্ভাবনা নেই। রাতে যে সময়ে যে দিকেই থাকুক না কেন তাকে খুঁজে বের করা কঠিন হয় না।

আধুনিক কালে জ্যোতিষীরা দূরবীক্ষণের সাহায্যে আকাশ পর্যবেক্ষণ করেন। সুদূর অতীত কালে আমাদের পূর্বপুরুষেরা কিন্তু খালি চোখেই তারা দেখতেন। কতকগুলি তারা মিলিয়ে তাঁরা এক একটা নক্ষত্রমণ্ডলের রূপকল্পনা করেছিলেন। যেমন ধরা যাক কালপুরুষ নক্ষত্রমণ্ডলের কথা—এর নাম অনেকেরই জানা আছে। ঋগ্বেদে এই কালপুরুষ নক্ষত্রের কথা আছে। এই কালপুরুষ হচ্ছেন ক্রতুর প্রতীক—এঁর পৌরাণিক যুগের নাম যুগনক্ষত্র। লোকমাণ্ড বালগঙ্গাধর তিলক, যোগেশচন্দ্র রায় বিজ্ঞানিধি প্রমুখ মনীষীরা ঋগ্বেদ বচনার কালনির্নয় করেছেন ছয় হাজার থেকে আট হাজার খ্রীষ্টপূর্বাব্দ। এর থেকে বুঝতে পারা যায়—আমাদের দেশে নক্ষত্র চেনবার চেষ্টা কত আগে আরম্ভ হয়েছিল। পাঁচ হাজার বছর আগে মিশরীয়, চীনা এবং ক্যাল-ডিয়ানরাও যখন নক্ষত্রমণ্ডল-শোভিত আকাশের রূপ সন্ধান আলোচনা শুরু করে তখন নক্ষত্রমণ্ডলগুলির যে-রকম অবস্থান ছিল আজও ঠাণ্ড তেমনি আছে এবং আজ থেকে পাঁচ হাজার বছর

পরেও এর বড় একটা অদল-বদল হবে না একথা নিঃসংশয়ে বলা যায়।

নক্ষত্র চেনার পালা প্রথম কোথায় শুরু হয়েছিল—ভারতবর্ষে, না মিশর প্রভৃতি দেশে সে তর্কের মধ্যে না গিয়ে একথা নিঃসন্দেহ-রূপেই বলা চলে যে, সুদূর অতীতে খালি চোখে রাতের আকাশ চেনার চেষ্টা শুরু হয়েছিল সেই সকল গ্রীষ্মপ্রধান দেশে, বৎসরের অধিকাংশ সময় যেখানকার আকাশ থাকে নির্বেদ—উজ্জ্বল ও পরিষ্কার।



এণ্ড্রোমিডা এম-৩১ মহা-নীহারিকা

আগেকার দিনে যেমন মানুষের ধারণা ছিল যে, সূর্য চক্ৰিণ ঘণ্টায় পৃথিবীর চারিদিক ঘুরে আসে, তেমনি নক্ষত্র-পর্ষাবেক্ষকেরাও ভুল করে মনে করতেন যে, নক্ষত্রমণ্ডলগুলিও আকাশপথে পৃথিবীকে প্রদক্ষিণ করে। কিন্তু জ্যোতির্বিজ্ঞানের গবেষণায় প্রমাণিত হয়েছে, এ ধারণা ভ্রান্ত। আসলে সূর্য, তারা এবং নক্ষত্র-মণ্ডলসমূহ স্থির। পৃথিবীই নিজের অক্ষদণ্ডের উপর চক্ৰিণ ঘণ্টায় পশ্চিম থেকে পূর্বদিকে ঘুরে আসছে। আমরা কিন্তু দেখছি সূর্য এবং নক্ষত্রসমূহ পূর্ব থেকে পশ্চিমে গতিশীল। হিসাব করে দেখা গেছে যে, ২৩ ঘণ্টা ৫৬ মিনিট ৪ সেকেন্ডে নক্ষত্রগুলি বৃত্ত ঘুরে আসে। কিন্তু এ হচ্ছে মাত্রা, চোখের ভুল দেখা—সূর্য এবং নক্ষত্রদের এ গতি হচ্ছে আপাত (apparent) গতি। যেমন চলন্ত ট্রেনে বসে জানালায় বাইরে থাকলে পরে মনে হয় যে,

ট্রেনটা নিশ্চল আর ঘরবাড়ী গাছপালা সব ছুটে চলছে উল্টোদিকে।*

কিন্তু রাতের আকাশে যে অসংখ্য আলোকবিন্দু আমরা দেখতে পাই তার সবগুলিই কি গতিহীন? মোটেই নয়। তারাগুলি দপ দপ মিট মিট করে জ্বলে, কিন্তু আকাশের গায়ে এমন কতকগুলি আলোকবিন্দু দেখতে পাওয়া যায় যারা স্থির নিশ্চল। এগুলি হচ্ছে গ্রহ। গ্রহ নয়টি: বৃহ, শুক্র, মঙ্গল, বৃহস্পতি, শনি, উরেনাস (প্রজাপতি), নেপচুন (বরুণ) আর প্লুটো (রুদ্র)। আমাদের পৃথিবীও একটি গ্রহ। কোনো কোনো গ্রহের তাপ থাকতে পারে, কিন্তু এদের নিজস্ব আলো নেই। এরা সূর্যের আলোর আলোকিত হয়। সূর্য যে পথে পৃথিবী পরিক্রমা করে বলে মনে হয়, তার নাম দেওয়া হয়েছে ক্রান্তিবৃত্ত বা রবিমার্গ। এই ক্রান্তিবৃত্তকে বারো ভাগে ভাগ করে নামকরণ করা হয়েছে রাশিচক্র। এই রাশিচক্রে আছে—মেঘ, বৃষ, মিথুন, কর্কট, সিংহ, কন্যা, তুলা, বৃশ্চিক, ধনু, মকর, কুম্ভ, মীন এই বারোটি রাশি—সোয়া দুইটি নক্ষত্র নিয়ে গঠিত এক একটি রাশি। গ্রহগুলি এই রাশিচক্রের ভিতর দিয়ে ভ্রমণ করে আর ক্রমাগত ঠিকানা বদলায়। মূল গ্রীক নাম থেকে ইংরেজীতে এদের বলা হয় Planet, যার মানে পর্যটক। জেমস জীনস বলেছেন, এরা হচ্ছে আকাশের বেদে।

আকাশে তারকা অগণিত। কিন্তু সারা বৎসরে সমগ্র পৃথিবী থেকে খালি চোখে প্রায় ছয় হাজার মাত্র তারা দেখা যায়। তবে এক সময়ে আমরা আকাশের আধখানা মাত্র দেখতে পাই বলে এক সময়ে এক স্থান থেকে খালি চোখে আড়াই থেকে


* অনেকের ধারণা যে, পৃথিবীর গতিশীলতা প্রভৃতি বৈজ্ঞানিক তথ্য প্রথম আবিষ্কৃত হয়েছে পাশ্চাত্য জ্যোতির্বিজ্ঞানের গবেষণায়। কিন্তু পাশ্চাত্য জ্যোতির্বিজ্ঞানের সূচনা প্রকৃতপক্ষে মাত্র ৩০০ বৎসর পূর্বে গ্যালিলিওর আবিষ্কারসমূহের সমকাল থেকে। এর বহু আগে যে ভারতীয়গণ জ্যোতির্বিজ্ঞানবিষয়ক এবং ভৌগোলিক নানা তথ্য পরিজ্ঞাত ছিলেন তার প্রমাণ আর্যভট্টের আর্যসিদ্ধান্ত; (পঞ্চম শতাব্দী) ভাস্করাচার্যের সিদ্ধান্ত-শিরোমণি গোলাধার; সূর্যসিদ্ধান্ত, বিষ্ণুপুরাণ, ব্রহ্মাণ্ডপুরাণ, প্রভৃতি গ্রন্থ। শেখোক্ত পুস্তক হৃৎধানিতে প্রসঙ্গক্রমে পৃথিবীর অভ্যন্তরভাগ, ভূপঞ্জরের স্তর ইত্যাদি সম্পর্কিত ভূবিজ্ঞানবিষয়ক নানা তথ্য সন্নিবিষ্ট আছে। পৃথিবী যে গতিশীল এবং নক্ষত্রসমূহ স্থির তা লিপিবদ্ধ আছে আর্যভট্টের আর্যসিদ্ধান্ত গ্রন্থের নিম্নলিখিত শ্লোকে:

“অমূল্যে গতির্নোহঃ পশ্চাত্যচলং বিলোমগং স্বদ্বং।

অচলানি ভানি তদ্বৎ সমপশ্চিমগানি লঙ্কারাম্।।”

অর্থাৎ, যেমন গতিশীল নৌকার আরোহী তীব্রবর্তী অচল গাছ-পালাকে উল্টোদিকে যেতে দেখে, তেমনি (পৃথিবীর গতির জন্তে) স্থির নক্ষত্রদিগকে সরবেগে যেতে দেখা যায় পশ্চিম দিকে।

তিন হাজারের বেশী তারা দেখা যায় না। জ্যোতিষীরা গোটা আকাশটিকে কতকগুলি বিভিন্ন শ্রেণীর তারা নিয়ে গঠিত মোটামুটি উননকইটি মণ্ডলে বিভক্ত করেছেন। বসন্ত-গ্রীষ্ম শরৎ-শীত প্রভৃতি বিভিন্ন ঋতুতে কতকগুলি বিশেষ বিশেষ মণ্ডল আকাশে দেখা দেয়। উননকইটি বা ততোধিক মণ্ডলে যে অসংখ্য তারা দৃষ্টিগোচর হয় তার মধ্যে বড় কুকুর (Canis Majoris) মণ্ডলের লুকক (Sirius), বীণা মণ্ডলের অভিজিৎ (Vega) প্রভৃতি ২০টি তারার উজ্জ্বলতা সব চেয়ে বেশী। এগুলিকে বলা হয় প্রথম-প্রভা (First-magnitude) তারা। উজ্জ্বলতার ক্রম অনুসারে তারাগুলিকে ছয়টি শ্রেণীতে বিভক্ত করা হয়। এই উদ্দেশ্যে জ্যোতিষীরা (১) আলফা, (২) বিটা, (৩) গামা, (৪) ডেলটা,



ওরাহেন বা কালপুরুষ নক্ষত্রমণ্ডলে 'অশ্ব-শির' (Horse's Head) নীহারিকা

(৫) এপিলসন ইত্যাদি গ্রীক বর্ণমালার অক্ষর ব্যবহার করে থাকেন। কাজেই কোন নক্ষত্রমণ্ডলের প্রধান তারাকে—সাধারণতঃ যেটি উজ্জ্বলতমও বটে—উক্ত মণ্ডলের আলফা বলে বর্ণনা করা হয়, এমনি ভাবে দ্বিতীয় উজ্জ্বলতম তারাটিকে বিটা, তৃতীয়টিকে গামা বলে নির্দেশ করা হয়। আমরা খালি চোখে যে ক্ষীণতম উজ্জ্বলবিশিষ্ট তারাটি দেখতে পাই তার তুলনায় প্রথম-প্রভা তারকাগুলির উজ্জ্বলতা অন্ততঃ ১০০ গুণ বেশী।

দূরবীক্ষণের সাহায্যে আকাশে দেখা যায় কোটি কোটি তারা। জেমস জীন্স হিসাব করে বলেছেন যে, যদিও তারাদের সংখ্যা নিভুল ভাবে বলা যায় না তথাপি তা যে দশ হাজার কোটির বেশী হবে এ বিষয়ে সন্দেহ নেই।

পৃথিবীর পরিধি পঁচিশ হাজার মাইল। সূর্যের আয়তন এত বিশাল যে, তার মধ্যে তের লক্ষ পৃথিবীর জায়গা হতে পারে। সূর্যের ব্যাস ৮ লক্ষ ৬৬ হাজার মাইল। “১১০টি পৃথিবী পাশাপাশি

এক সরল রেণায় রাখলে সূর্যের এক প্রান্ত থেকে অল্প প্রান্তে পৌঁছতে পারে।” এমন সব মহাকাশ নক্ষত্রও আছে যারা সূর্যের চেয়ে হাজার গুণ, লক্ষ গুণ বা কোটি—গুণ এমনকি দশ কোটি গুণ বড়। সূর্যের দূরত্ব পৃথিবী থেকে নয় কোটি ত্রিশ লক্ষ মাইলের কিছু কম। আর নক্ষত্রের দূরত্ব—সে ত ভাবাই যায় না। উত্তর গোলাকে যে তারাটি পৃথিবীর সবচেয়ে নিকটে এবং উজ্জ্বলতম দেখায় সেটি হ'ল লুকক বা সিরিয়াস। লুকক পৃথিবী থেকে ৫১ লক্ষ কোটি মাইল দূরে। এই নিকটতম তারাটির দূরত্ব থেকেই আমরা বুঝতে পারি যে, মাইল-ক্রোশে তারাদের দূরত্বের হিসাব করা যায় না, তাদের দূরত্বের পরিমাপ করতে হয় আলোর গতি দিয়ে। আলো ছুটে চলে সেকেন্ডে প্রায়

এক লক্ষ ছিয়াশী হাজার মাইল বেগে। সূর্য থেকে পৃথিবীতে আলো আসতে লাগে প্রায় আট মিনিট। আমাদের নিকটতম প্রতিবেশী যে নক্ষত্রটি কথা এই মাত্র বলা হ'ল তার থেকে পৃথিবীতে আলো আসতে লাগে চার বছরচার মাস। এক বছরে আলো যতটা পথ—প্রায় পাঁচ লক্ষ ত্রিশ হাজার কোটি মাইল—অতিক্রম করে আসে তাকে জ্যোতির্বিজ্ঞানীরা বলেন এক আলোক-বর্ষ বা 'লাইট-ইয়ার'। এই আলোকবর্ষ ধরেই নক্ষত্রগুলির দূরত্ব মাপা হয়।

বৃষ্ণপক্ষের অন্ধকার আকাশের এক শোভা নক্ষত্রমণ্ডল আর এক শোভা আকাশে এক প্রান্ত থেকে অপর প্রান্ত পর্যন্ত প্রসারিত আলোক-বলয়ের মত দৃশ্যমান ছায়াপথ বা Milky way.—স্বর্গাভীত কাল থেকে এই ছায়াপথ উদ্ভূত করেছে মানুষের কল্পনাকে। প্রাচীন মেক্সিকোর অধিবাসীরা

একে বলত সাতরঙা রামধনুর ছোট বোন। হিন্দুদের বিষ্ণুপুরাণে এই ছায়াপথকে বলা হয়েছে সবিংগঙ্গা। বায়ুপুরাণের নিম্নোক্ত শ্লোকটিতে ছায়াপথের উল্লেখ আছে :—

দিবি ছায়াপথো যন্ত অমুনক্ষত্রমণ্ডলম্।

দৃশ্যতে ভাস্বরো রাত্রৌ দেবী ত্রিপথগা তু সা।


অর্থাৎ, “রাত্রী নক্ষত্রমণ্ডলের কাছে স্বর্গে যে ছায়াপথ ভাস্বররূপে দৃশ্যমান হয়, তিনিই ত্রিপথগামিনী দেবী—অর্থাৎ আকাশ-গঙ্গা।” ছায়াপথ দক্ষিণাকাশ থেকে আরম্ভ করে উত্তরাকাশ পথে ক্রমতারা প্রায় ২৫°-২৬° ডিগ্রী দূর দিয়ে ঘুরে পুনরায় চলে গেছে দক্ষিণাভিমুখে। অনেক অনেক দূরে ঐ ছায়াপথে অসংখ্য ছোট ছোট তারা খুব কাছাকাছি জটলা করে আছে। তারাগুলি এত দূরে আছে যে, তাদের আমরা দেখতে পাচ্ছি না, সমষ্টিগত ভাবে তারা যে আলোক বিকিরণ করছে, তাই প্রতিভাত হচ্ছে আমাদের চোখে। ঐ ছায়া-



সুস্থ লোকেরা নিয়মিত লাইফবুয় সাবান দিয়ে চান করে

— এতে দৈনন্দিনের ময়লা বীজাণু ধুয়ে সাফ করে দেয়!

যে সব সাধারণ ময়লার সংস্পর্শে আমরা প্রত্যহ আসি,
তাতেও বীজাণু থাকে আর তার থেকে রয়েছে আমাদের
প্রত্যেকেরই রোগের বিপদ। সেইজন্যে স্বাস্থ্যবান লোকমাত্রেই
লাইফবুয় সাবান দিয়ে নিত্য ময়লা ও বীজাণু ধুয়ে নিজের স্বাস্থ্য সুরক্ষিত
রাখেন। লাইফবুয় সাবান সেই ঝরঝরে তাজা ভাব এনে দেয়।



পথের হুঁপাশেই তারাদের ভিড়, ছায়াপথ থেকে যতদূরে যাওয়া যায়, তারার সংখ্যা ততই কমে আসে।

বাতের আকাশে যে তিনটি নক্ষত্রমণ্ডল আকাশ-পর্যবেক্ষকদের নিকট সুপরিচিত রূপ নিয়ে ফুটে ওঠে আর বাদের খুঁজে বের করতে



সিগনাস বা হংসপুচ্ছ মণ্ডলের নীহারিকা

বেগ পেতে হয় না তারা হ'ল সপ্তর্ষিমণ্ডল, কালপুরুষ আর পেগাসাস সপ্তর্ষিমণ্ডল সাতটি তারা নিয়ে গঠিত, উত্তর আকাশের একটি প্রসিদ্ধ নক্ষত্রমণ্ডল। মরীচি, অত্রি, অঙ্গিরা, পুলস্তা, পুলহ, ক্রতু এবং বশিষ্ঠ এই সাতজন ঋষির নামে নামকরণ করা হয়েছে এই মণ্ডলের। বশিষ্ঠের কাছে আছে খুব ছোট একটি তারা—বশিষ্ঠের সাক্ষী স্ত্রী অরুন্ধতী। এই মণ্ডলটিকে চিনে রাখা খুবই দরকার। কেননা এর সাহায্যে অনায়াসে দ্রবতারাকে বের করা যায়। দ্রবতারার একদিকে সপ্তর্ষিমণ্ডল আর উল্টাডিকে ক্যাসিওপিয়া—(আমাদের জ্যোতিষে যাকে শতভিষগ বা শত-বৈদ্য এবং কাশপী নক্ষত্রও বলা হয়)। এই দুটি মণ্ডলকে একসঙ্গে আকাশে অবস্থান করতে দেখা যায় না। ভাদ্র থেকে অগ্রহায়ণ এই কয় মাস সফ্যার সময় সপ্তর্ষিমণ্ডল থাকে অদৃশ্য। পৌষের শেষে সফ্যার একে দেখতে পাওয়া যায় আকাশের উত্তর-পূর্ব কোণে।

অগ্রহায়ণ মাসে সফ্যার পরে উত্তর আকাশের দিকে তাকালে ক্যাসিওপিয়াকে দেখতে পাওয়া যায়, আর একে চিনে নেওয়াও কঠিন নয়—এর চেহারাটা হচ্ছে ইংরেজী ডব্লু অক্ষরের মত, আর উল্টা দিক থেকে দেখলে 'এম'-এর মত। উত্তর দিকের শীর্ষবিন্দুর তারাটি থেকে এই মণ্ডলটিকে দেখায় একটা চেয়ারের মত। কল্পনা করা হয় যেন রাণী ক্যাসিওপিয়া বসে আছেন চেয়ারের উপরে। ক্যাসিওপিয়া সিফিটস, এন্ড্রোমিডা, পার্সিউস, পেগাসাস পরস্পরের কাছাকাছি দৃশ্যমান এই কয়টি মণ্ডল আর দূরে পেগাসাসের দক্ষিণ-পূর্ব দিককার সিটাস নামক একটি মণ্ডলকে গ্রীক পুরাণের একটি কাহিনীর বিভিন্ন পাত্র-পাত্রীরূপে কল্পনা করা হয়েছে। কাহিনীটি পরে বলব, আপাততঃ এই মণ্ডলগুলির পরিচয় দিই।

পেগাসাস মণ্ডল অগ্রহায়ণের আকাশকে দেয় একটা বিশিষ্ট রূপ। সফ্যার সময় এই মণ্ডল থাকে ঠিক মাথার উপর, নয়টা সাদে নয়টা নাগাদ সরে আসে একটু পশ্চিম দিকে। ঐ সময় মাথার উপরকার মাঝ আকাশের দিকে তাকিয়ে দৃষ্টিকে একটু পশ্চিম দিকে প্রসারিত করলে দেখা যায়—চার কোণায় চারটি তারা একটা প্রকাণ্ড বর্গক্ষেত্রের মত রচনা করেছে। অবশ্য তারাপুঞ্জকে মনে মনে একটা কল্পিত রেখার দ্বারা পরস্পরের সঙ্গে সংযুক্ত করে নিতে হবে। এই বর্গক্ষেত্রটিই হচ্ছে পেগাসাস বা বীর পার্সিউসের সাদা ডানাওয়ালা পক্ষিরাজ ঘোড়া। যে সকল স্থানের আকাশ পরিষ্কার সেগুলিতে এই বর্গক্ষেত্রের মাঝখানের ফাঁকা জায়গায় ১০২টি তারা গুণতে পারা গেছে।

পেগাসাসের উত্তর-পূর্ব দিকের মাঝারি বকমের উজ্জ্বল তারার নাম উত্তর ভাদ্রপদ আর এর কোণাকোণি উল্টাডিকে যে তারটি দেখতে পাওয়া যায় তার নাম পূর্ব ভাদ্রপদ। উত্তর ভাদ্রপদ হচ্ছে এন্ড্রোমিডা নামক আর একটি মণ্ডলের তারা। এখন পেগাসাসকে মনে মনে কল্পনা করা যাক একটি ঘূড়িরূপে। উত্তর-ভাদ্রপদ থেকে শুরু হয়েছে এই ঘূড়ির লেজ। এই লেজটি একটু বাঁকা ভাবে চলে গেছে উত্তর-পূর্ব দিকে। ঘূড়ির লেজের দিকের তারটি আর দুটি তারা—একই বক্র রেখায় অবস্থিত এই তিনটি তারা নিয়ে এন্ড্রোমিডা মণ্ডল।

এন্ড্রোমিডা মণ্ডলের দ্বিতীয় তারার উত্তর-পশ্চিম দিকে একটি অল্পজ্বল তারা দেখা যায়। এই তারাটি থেকে পশ্চিম দিকে তাকালে পানিকটা জায়গায় 'সেপে দেওয়া আলো'র মত চোখে পড়ে—এটি হচ্ছে এন্ড্রোমিডা এম-৩১ নেবুলা (M 31 in Andromeda) বা মহা নীহারিকা। সংস্কৃতে নীহারিকাকে নভশ্রুও বলা হয়। 'একধা-গ্যালাকটিক নেবুলে' নামে যে শ্রেণীর অল্পভূজ নীহারিকাদের একটা সুনির্দিষ্ট আকার আছে এটি তাদের অন্ততম। এই দৃশ্যমান নীহারিকা থেকে যে আলোক বিকীর্ণ হয় তার প্রকৃতি অনুসারে একে বলা হয় যেত নীহারিকা (White Nebula)। আমাদের নক্ষত্র-জগতের মত এই এন্ড্রোমিডা নীহারিকা বহু কোটি

তারকাসম্বিত আলাদা একটি নক্ষত্র-জগৎ। খালি চোখে এই নীহারিকাটিকে ঝাপসা আলোর মত দেখতে পাওয়া যায়। জ্যোতির্বিদ মারিয়াস ১৬১২ খ্রীষ্টাব্দে দূরবীক্ষণের সাহায্যে পর্যবেক্ষণ করে বর্ণনা করেছিলেন এটিকে দেখায় “শিং-এর ভেতর দিয়ে দৃশ্যমান মোমবাতির আলোর মত”। এই নীহারিকা থেকে আমাদের পৃথিবীতে আলো আসতে লাগে ৮ লক্ষ বছর আর এটি এত বিরাটায়তন যে, এর এক প্রান্ত থেকে আর এক প্রান্তে আলো পৌঁছতে লাগে প্রায় পঞ্চাশ হাজার বছর।


পূর্বেই বলেছি যে, পেগাসাসকে যদি ঘূড়ি কল্পনা করা হয় তা হলে এন্ড্রোমিডা হ'ল ঐ ঘূড়ির লেজ। ঘূড়ির লেজটা যেখানে গিয়ে শেষ হয়েছে সেখানে যে উজ্জ্বল তারাটি দেখতে পাওয়া যায় সেটি হ'ল পার্সিউস মণ্ডলের তারা। একটু লক্ষ্য করলে দেখা যাবে, এখানে তিনটি তারা আড়াআড়ি ভাবে যেন এন্ড্রোমিডার সীমা নির্দেশ করে অবস্থিত। এটি পার্সিউস মণ্ডল—চেহারা অনেকটা ধনুকের তীরের মত—লক্ষ্য ক্যাসিওপিয়ার দিকে। এই হ'ল ক্যাসিওপিয়ার জামাতা দৈত্যহস্তা বীর পার্সিউস। হাতে তার মেড়ুসার কাটা মুণ্ড। পার্সিউস মণ্ডলের আলগল বা দৈত্যতারা খুব উজ্জ্বল একটি নক্ষত্র, কিন্তু দু'দিন একুশ ঘণ্টা অস্তর এর উজ্জ্বলতা অত্যন্ত কমে আসে। আমাদের জ্যোতিষে এই তারার নাম মায়াবতী।

গর্কিতা রাণী ক্যাসিওপিয়ার স্বামী সিফিউসকে দেখতে পাওয়া যাবে তাঁরই খুব কাছাকাছি উত্তর-পশ্চিম দিকে। পাঁচটি তারা মিলে মন্দির বা গীঞ্জার মত আকৃতিবিশিষ্ট একটি মণ্ডলের সৃষ্টি করেছে—এটিই সিফিউস মণ্ডল—এর সব কয়টি তারাই ক্ষীণপ্রভ। পেগাসাস মণ্ডলের পূর্ব দিকের বাহুটিকে দক্ষিণ দিকে বাড়িয়ে দিলে সেটি ইংরেজী V অক্ষরের মত মীন রাশির একটি বাহুকে অতিক্রম করে একটি মাঝারি বক্রের উজ্জ্বল তারার কাছ দিয়ে যাবে—এটি হ'ল সিটাস মণ্ডলের তারা। এই সিটাস মণ্ডল বৃহত্তম নক্ষত্রমণ্ডলসমূহের মধ্যে একটি। মাইরা সেটি নামক আশ্চর্য্য তারাটি এই মণ্ডলেই অবস্থিত। ক্রমাগত এর আলোর পরিবর্তন হয় আর এগার মাস পরে এটি অস্বাভাবিক বক্র উজ্জ্বল হয়ে উঠে।

সিফিউস, ক্যাসিওপিয়া, এন্ড্রোমিডা, পার্সিউস, পেগাসাস পরস্পরের কাছাকাছি অবস্থিত এই কয়টি আর সিটাস এই সাতটি নক্ষত্রমণ্ডল নিয়ে গ্রীক পুরাণের যে কাহিনীটি রচিত হয়েছে, আরাটাস অব সলি নামক খ্রীষ্টপূর্ব তৃতীয় শতকের জর্নৈক গ্রীক কবির বর্ণনা অনুযায়ী সেটি বলছি।

রাণী ক্যাসিওপিয়া ছিলেন অত্যন্ত গর্কিতা, মেয়ে এন্ড্রোমিডার রূপের জগৎ তাঁর দেবতার আর অস্ত ছিল না। এতে অসুরদের মনে ঈর্ষার সঞ্চার হ'ল। বক্রগদেবতার নিকট গিয়ে তারা তাঁর শাস্তির দাবি করলে। বক্রগের আদেশে সিফিউস স্বয়ং এন্ড্রোমিডাকে সমুদ্রতীরে নিয়ে গিয়ে শৃঙ্খলাবদ্ধ করে রাখলেন এক পাহাড়ের গারে। দূর থেকে ক্যাসিওপিয়া আর সিফিউস দেখলেন—সিটাস নামক সাগর-দৈত্য এগিয়ে আসছে এন্ড্রোমিডার

দিকে তাকে গিলে খাবার জেগে। কিন্তু তাঁরা নিরুপায়—কোন প্রতিকার করবার ক্ষমতা নেই তাঁদের। হঠাৎ শোনা যায়, আকাশ-পথে সাদা ডানাওয়ালা পক্ষিরা পেগাসাসের পক্ষ-বিধূনন শব্দ। তাতে সওয়ার হয়ে এসেছেন বীর পার্সিউস—এণ্ডোমিডার ত্রাণ-কর্তা। তড়িৎ-গতিতে পেগাসাস থেকে অবতরণ করে তিনি তাঁর করধৃত মেড়ুসার কাটা মুণ্ডটি দিলেন দৈত্য সিটাসকে। সঙ্গে সঙ্গেই সে রূপান্তরিত হয়ে গেল পাথরে, তার পর শৃঙ্খল মোচন করে এণ্ডোমিডাকে উদ্ধার করলেন বীর পার্সিউস।




বলয়সম্বিত শনিগ্রহ

(ইটালীয়ান চিত্রকর মেস্তোর ম্যাজ্জিনি কর্তৃক অঙ্কিত চিত্রের প্রতিলিপি)

অগ্রহারণ মাসে আর যে দুটি নক্ষত্রমণ্ডল বিশেষভাবে দৃষ্টি আকর্ষণ করে তারা হ'ল প্রজাপতি বা অরিগা (Aurigae) আর কালপুরুষ বা ওরায়েন (Orion)। অগ্রহারণের গোড়ার দিকে রাত নয়টা সাড়ে নয়টা নাগাদ প্রজাপতি উঠে আসে পূর্ব দিগন্তের বহু উর্দ্ধ পার্সিউসের কাছাকাছি একটু পূর্ব দিকে তাকালেই প্রজাপতিমণ্ডলকে দেখতে পাওয়া যাবে। ঠিক যেন একটি মহাকাশ প্রজাপতি আলোর পাখা মেলে উড়ে চলেছে পূর্ব থেকে পশ্চিম আকাশের পানে—যে কয়টি তারা মিলে অরিগাকে এই সুনির্দিষ্ট আকৃতি দিয়েছে তাদের মধ্যে ছয়টিকে খালি চোখে অনায়াসে দেখতে পাওয়া যায়। ঐবতারা থেকে একটি বেখা কল্পনা করলে এটি চলে যাবে সরাসরি প্রজাপতিমণ্ডলের উপর দিয়ে। এই মণ্ডলের উত্তরদিকে হলদে বঙের ব্রহ্মহৃদয় (Capella) বা (Alpha Aurigae)। তারাটি এরূপ স্বয়ংপ্রকাশ যে, এটিকে আর চিনিয়ে দিতে হয় না, শীতকালের রাতের আকাশকে এই তারাটি দেয় একটা বিশিষ্ট রূপ। আপন প্রভায়ই এটি নক্ষত্র-পর্যবেক্ষকের দৃষ্টিকে আকৃষ্ট ও বিমূগ্ধ করে। ক্যাপেলার নিকটে যে তিনটি উজ্জ্বল তারা ছোট অক্ষরের মত আকৃতির সৃষ্টি করে অবস্থান করছে তা দেখেও এই তারাটিকে চেনা যায়। ঐ নক্ষত্রত্রয়কে বলে Haedi, মানে ছাগলছানা, আর ‘ক্যাপেলা’ হচ্ছে অম্মা। আকাশের উত্তর গোলাকে ব্রহ্মহৃদয় আর বীণামণ্ডলের অভিজিৎ বা ‘ভেগা’ এ দুটিই হচ্ছে আর সকল তারার চেয়ে উজ্জ্বল—আর গোটা আকাশে ব্রহ্মহৃদয় হচ্ছে পঞ্চম উজ্জ্বলতম তারা—এর দূরত্ব ৫২ আলোকবর্ষ।

অগ্রহারণ-পৌষ মাসের আকাশের আর এক শোভা কৃত্তিকাপুঞ্জ

বা সাতভাই। অগ্রহায়ণ মাসের গোড়ার দিকে রাত ন'টা সাড়ে ন'টার সময় কৃত্তিকা আকাশের অনেকগানি উপরে উঠে আসে। ঐ সময় খম্বা বা সুবিন্দু (Zenith) দিকে তাকিয়ে দৃষ্টিকে সরাসরি একটু পূর্ব দিকে প্রসারিত করলে যে ছোট একটি আলোর মৌচাকের মত দেখতে পাওয়া যায় ঐ হ'ল কৃত্তিকা। গোটা আকাশে এত ছোট আলোর ফুটকি দিয়ে তৈরী নক্ষত্রপুঞ্জ বা তারাগুলি আর নেই, কৃত্তিকাকে দেখলেই চেনা যায়। কৃত্তিকা নক্ষত্রে খুব কাছাকাছি ছয়টি তারা গুণতে পারা যায়—যাদের দৃষ্টিশক্তি প্রথমে তাঁরা সাতটিও দেখতে পান। 'কৃত্তিকা' শব্দের অর্থ কর্তন করবার অস্ত্র, অর্থাৎ কাটারি। তারাগুলিকে কল্পিত রেখা দ্বারা যোগ করলে একটা ছেদনাস্ত্রের আকৃতি পাওয়া যেতে পারে। কৃত্তিকার গ্রীক নাম—প্লাইয়াডস (Pleiades)। Pleiones—বহু থেকে উৎপন্ন বলে



লাইরা বা বীণামণ্ডলের এম-৫৭ ধূম্রবলয় (Smoke-Ring) নীহারিকা

এই নাম। গ্রীক পুরাণে প্লাইয়াডস বা কৃত্তিকাগণ হায়েডস (Hyades) বা রোহিণীর ভগ্নী। এরা সাত জন হলেও—ছয় জন দৃষ্টিগোচর হতেন এবং এক জন থাকতেন অদৃশ্য। এরা সকলেই ফুমারী।

কৃত্তিকায় ছয়টি তারা সহজেই দেখা যায় বলে হিন্দুগণ একে বলেন ষষ্ঠীমাতা। কৃত্তিকাকে নিয়ে হিন্দুপুরাণেও একটি প্রসিদ্ধ কাহিনী আছে। সপ্তর্ষিমণ্ডলের বশিষ্ঠের পত্নী অরুন্ধতী যে তাঁর নিকটে অবস্থান করছেন সে কথা আগে বলেছি। ঐ মণ্ডলের অপর ছয় জন ঋষির পত্নীরা কিন্তু অরুন্ধতীর গায় পতিব্রতা ছিলেন না। অগ্নিদেব এই সাত জন ঋষিপত্নীকে দেখে তাঁদের রূপে মুগ্ধ হলেন। দক্ষকণ্ঠা স্বাহা জানতে পারলেন অগ্নির মনোভাব। তিনি সতী অরুন্ধতী ছাড়া ক্রমে ক্রমে আর ছয় ঋষিপত্নীর রূপ ধারণ করে অগ্নিদেবকে ভজন্য করেছিলেন। এতে প্রমাণ হ'ল যে, ঐ ছয় জন

ঋষিপত্নী ঋষীদের প্রতি নিষ্ঠাবতী নন। এই অপরাধে তাঁরা নিজ নিজ ঋষীর নিকট থেকে বিচ্ছিন্ন হয়ে অগ্নত্ৰ অবস্থান করছেন ছয় জন কৃত্তিকারূপে। এরাই হলেন ঋক্ষ বা কান্তিকের মাতা এবং ষষ্ঠীদেবীরূপে হিন্দুগণ এ দেবী পূজা করে থাকেন।

কৃত্তিকার পূর্ব দিকে রোহিণী। এতে পাঁচটি তারা ত্রিকোণ শকটাকারে সজ্জিত। রহ ধাতু অর্থাৎ আবোহণ করা থেকে রোহিণী শব্দটির সৃষ্টি হয়েছে—রোহিণী মানে যাতে আবোহণ করতে পারা যায়। একে প্রাচীনকালে রোহিণী শব্দট অথবা সংক্ষেপে শব্দটও বলা হ'ত। রোহিণী অতুলজ্জ্বল লাল রঙের তারা—এই হ'ল বৃষরাশি।

রোহিণীর পূর্ব দিকে মৃগশিরা—ছোট ছোট তিনটি তারা নিয়ে গঠিত মৃগশিরাকে কল্পনা করা হয় কালপুরুষের মস্তকরূপে। কালপুরুষ শ্রাবণ মাসের প্রথম সপ্তাহে ভোর চারটায়, আশ্বিন মাসের প্রথম সপ্তাহে রাত্রি বারোটায় এবং অগ্রহায়ণ মাসের প্রথম সপ্তাহে রাত্রি আটটায় পূর্বদিকে উদিত হয়—অগ্রহায়ণ মাসের প্রথম সপ্তাহে রাত নয়টা সাড়ে নয়টার সময় কালপুরুষ পূর্বদিগন্তের ৪৫° ডিগ্রীরও উপরে উঠে আসে। এই কালপুরুষ বা ওরায়েন (Orion) নক্ষত্র-মণ্ডলই তারাভরা আকাশের শ্রেষ্ঠ শোভা—গোটা আকাশে এই নক্ষত্রমণ্ডলের তুলনা মেলে না। মনে মনে কল্পিত রেখা দ্বারা এর ১৩টি তারা যোগ করলে একটা মনুষ্যমূর্তি পাওয়া যায়। এই কালপুরুষকে না চিনতে পারলে নক্ষত্রখচিত আকাশের শ্রেষ্ঠ রূপ দেখার আনন্দ থেকে বঞ্চিত থাকতে হবে। কালপুরুষকে চিনে নেওয়ার একটি সহজ উপায় আছে। অগ্রহায়ণ মাসের প্রথম সপ্তাহে রাত আটটার পরে পূর্ব আকাশের দিকে তাকালে দেখতে পাওয়া যায় পরস্পরের খুব কাছাকাছি তিনটি তারা তেবছা ভাবে আকাশের গায়ে শোভা পাচ্ছে। পাশ্চাত্য জ্যোতিষে একেই বলা হয় ওরায়েন অর্থাৎ শিকারীর কোমরবন্ধ। সমস্ত আকাশে একমাত্র একুইলা মণ্ডলের একই রেখায় অবস্থিত তিনটি তারা ছাড়া কাছাকাছি এই ধরনের অবস্থানে নক্ষত্রত্রয় আর দেখা যায় না। মাঝখানের তারাটি থেকে দু'দিকের দুটি তারার দূরত্ব প্রায় সমান। কোমরবন্ধটিকে চিনতে পারলে কালপুরুষের হাত পা ইত্যাদি বের করাও কঠিন হবে না। কোমরবন্ধ থেকে নীচের দিকে ঝোলানো তিনটি তারা ওরায়েনের তলোয়ার। কোমরবন্ধের মাঝের তারাটির সরাসরি নীচেকার তলোয়ারের হাতলে আছে ওরায়েনের মহা নীহারিকা—দূর্বীক্ষণের সাহায্যে মহাকাশে যে সকল সর্বাপেক্ষা চিত্তাকর্ষক জিনিস দেখতে পাওয়া যায় এটি তাদের অগ্রতম। নীহারিকাকে দুইটি বিশিষ্ট শ্রেণীতে বিভক্ত করা যায়—একশ্রেণীর নীহারিকার নির্দিষ্ট আকার আছে—এই শ্রেণীর অন্তর্গত মহা নীহারিকা এম—৩১ এন্ড্রোমিডার কথা পূর্বে বলেছি। দ্বিতীয় শ্রেণীর নীহারিকার কিন্তু কোনো একটা নির্দিষ্ট আকৃতি নেই। কোনো ঘরে আগুন লাগলে পরে ধোয়া যেমন করে শূণ্ডে ভেসে বেড়ায়, শেযোক্ত শ্রেণীর নীহারিকাকেও মহাকাশে তেমনি সঞ্চরমাণ সাদাকালো ধূম্রপুঞ্জের মত দেখায়। এগুলি হচ্ছে ছায়াপথের সীমানার মধ্যে এক তারা

থেকে অল্প তারার প্রসারিত জড়কণা বা ধুলোর মেঘ এবং জঙ্গল বাষ্পরাশি। সাধারণ অগ্নিকাণ্ডে ধূম এবং অগ্নিশিখার দরুন যেমন আকাশের গায়ে লেপে দেওয়া অন্ধকার ও আলোর সৃষ্টি হয়, তেমনি নীহারিকার এই সকল জঙ্গল বাষ্পাদিও আকাশের বুকে আলো-আধারির বিচিত্র মায়া সৃষ্টি করে। ওরায়েনের নীহারিকা এই দ্বিতীয় শ্রেণীর নীহারিকার সগোত্র। দূরবীক্ষণের সাহায্যে এর অন্ধকার অংশে একটি ছায়ামূর্তির মত দৃশ্যমান হয়—সেটি ঠিক যেন একটি অশ্বশিবে মত। এই নীহারিকাকে অশ্ব-শির (Horse-head) নীহারিকা বা কৃষ্ণোপসাগর (Dark Bay) নীহারিকাও বলা হয়। এতে যে Silhouette বা সাদার উপর কালো রঙের চিত্রের আদর দেখা যায় তার কারণ এই যে, মহাজাগতিক ধূলিকণার (Cosmic Dust) মেঘপুঞ্জ পটভূমিকার তারাসমূহের আলো-কে ঢেকে রাখে।

ত্রিকোণাকারে অবস্থিত ছোট ছোট তিনটি তারা নিয়ে গঠিত মৃগশিরা বা কালপুরুষের মস্তকের কথা আগেই বলা হয়েছে। কালপুরুষের ডান দিকের বাহুর উপরকার যে লাল তারাটি সহজেই দৃষ্টি আকর্ষণ করে তার নাম আর্জা বা বেটেলজিযুস (Betelgeuse)। এর ব্যাস ২০ কোটি মাইল, এর মধ্যে বহু কোটি সূর্যের স্থান হতে পারে। আর্জা কথাটার মানে সিন্ধু। এর পাশ

দিয়ে বয়ে গেছে স্বর্গের নদী ছায়াপথ, কাজেই এ সিন্ধু। কালপুরুষের বাম বাহুর উপরের তারাটির নাম কাল্তিকেষ (Bellatrix)। বাঁ পায়ে উপর যে নীলাভ সাদা তারাটি দেখতে পাওয়া যায়—বাকে একটি এড়ো রেখা দ্বারা আর্জার সঙ্গে যুক্ত করা চলে—ঐ হ'ল বাণরাজা বা রিগেল (Rigel)—উজ্জ্বলতার ক্রম-অনুসারে একে বলা হয় 'বিটা ওরায়েনিস' (Beta Orionis)—অর্থাৎ কালপুরুষ মণ্ডলের দ্বিতীয় উজ্জ্বলতম তারা। এই বাণরাজা একটি প্রথম শ্রেণীর উজ্জ্বল তারা। এর ক্যাণ্ডেল পাওয়ার সূর্যের চেয়ে পনের হাজার গুণ বেশী।

কালপুরুষের ডান পায়ে তারটির দক্ষিণ-পূর্ব দিকে তাকালে দেখতে পাওয়া যাবে, ঋক বা বড় কুকুর মণ্ডলের লুকককে—যার গ্রীক নাম আলফা ক্যানিস ম্যাজোরিস। সমগ্র আকাশে এই লুককই হচ্ছে উজ্জ্বলতম তারা। এর থেকে যে হবেক রঙের আলোক বিকীর্ণ হয় তা এই নক্ষত্রটিকে দিয়েছে এক অপূর্ব বৈশিষ্ট্য। আসলে এটি একটি সাদা তারা, কিন্তু আকাশের গায়ে এটি এরূপ ভাবে ঝিকমিক করে যে, মনে হয় এটি যেন অতি দ্রুত পর্যায়ক্রমে বিভিন্ন রঙের আলো বিকিরণ করছে। লুকক বা সিরিয়ামকে বলা হয় Monarch of the Skies অর্থাৎ আকাশ-সম্রাট। কয়েকটি অমুজ্জ্বল তারা নিয়ে গঠিত বড় কুকুর মণ্ডলের চারপাশে অনেকখানি



তৈরির দিনে

কেন হাড়ের

মুবাঙ্গিত

স্বাস্থ্যের সাহায্যী

কেন হাড় এণ্ড কোং

কলিকাতা-১৪

তারকাহীন ফাঁকা জায়গা। এই পরিবেশে স্বকীয় প্রদীপ্ত মহিমায় বিরাজিত এই আকাশ-সম্রাট স্বচ্ছন্দে বলতে পারেন :—

“I am the monarch of all I survey
My right there is none to dispute.”

লুক্কেবর বহু নিয়ে দেখা যায়, Argo Navis নামক বিরাট মণ্ডলকে। এই মণ্ডলটি আকারে এত বৃহৎ যে, এটিকে সাধারণতঃ কোরিগা, Puppis এবং vela এই তিনটি ক্ষুদ্রতর মণ্ডলে বিভক্ত করাই সুবিধাজনক বলে জ্যোতিষীরা মনে করেন। স্নিগ্ধ প্রভা-বিশিষ্ট অগস্তা বা canopus কেবিনা মণ্ডলের তারা। উজ্জ্বলোর দিক দিয়ে লুক্কেবর পবেই এর স্থান। এর দূরত্ব কল্পনাশীত বলেই এটিকে লুক্ক থেকে ঈষৎ অল্প দ্রুতিমান দেখায়। অগস্তোর পত্নী লোপামুদ্রা আছেন স্বামীর নিকট থেকে একটু-দূরে ছোট একটি ভারার আকারে।

কালপুরুষের পায়ের দিকে বাণরাজা থেকে আরম্ভ করে অনেকগুলি তারা আকা-বাকা পথে পশ্চিম দিকে এগিয়ে শেষে মোড় ঘুরে বরাবর দক্ষিণ দিকে চলে গেছে। এই মণ্ডল আকাশের একটা বিস্তীর্ণ অংশ জুড়ে আছে—এ হ'ল এরিডানাস বা স্বর্গনদী—দেগতে ঠিক সর্পিলা-গতি নদীর মত—এরিডানাসও আকাশের বৃহত্তম মণ্ডলগুলির অঙ্গতম। খালি চোখে এই মণ্ডলে দেখতে পাওয়া যায় প্রায় তিনশ'টি তারা—তন্মধ্যে কেবলমাত্র শেষেরটি ছাড়া কোনটিই তৃতীয় শ্রেণীর উজ্জ্বল তারার চেয়ে উজ্জ্বলতর নয়। ঐ তারানদীর শেষ-প্রান্তস্থিত এই নীল রঙের প্রথম শ্রেণীর উজ্জ্বল তারাটির নাম আথার্নার (Achernar)।

লাইরা বা বীণামণ্ডল এবং একুইলা (ঈগল) এই সময়ে পশ্চিম আকাশে দৃশ্যমান। বীণা মণ্ডলের পূর্বদিকে আর একই স্তরে দেখা যায় সিগনাস (Cygnus) বা হংসপুচ্ছকে। এটিকে উত্তর ক্রশও বলে, আমাদের জ্যোতিষে এর নাম হংসপুচ্ছ। বিরাট ক্রশচিহ্নের আকারের এই মণ্ডলটিকে চেনা সহজ। ক্রশের উত্তর প্রান্তের প্রথম-প্রভা নীল রঙের তারাটির নাম দেনেব (Alpha cygni)। হংসের পুচ্ছের উপর এটি শোভা পাচ্ছে। হংসের দীর্ঘ-প্রসারিত ঐষার অগ্র-ভাগে, চঞ্চুর উপর আছে একটি পরম রমণীয় দ্বিতীয়-প্রভা যুগল তারা—Albireo অথবা বিটা সিগনি। হংস এখন উত্তর থেকে দক্ষিণমুখী হয়ে ছায়াপথ বা আকাশগঙ্গার সাতার কাটতে কাটতে এগিয়ে চলেছে অস্তাচলের পথে। শেলি চিনতেন এই নক্ষত্র-মণ্ডলকে—এর গতিপথের কথাও জানা ছিল তাঁর—একে উড়নশীল মরালরূপে বর্ণনা করে তিনি বলেছেন—

“Yonder goes the cygnus-swan
flying southwards.”

দেনেবের পশ্চিম দিকে এর একই রেখায় জ্বলছে একটি প্রথম শ্রেণীর উজ্জ্বল নীল রঙের তারা—এটির নাম অভিজিৎ বা ভেগা (Vega)। লাইরা (Lyra) বা বীণামণ্ডলের তারা এটি—আকাশের উত্তর গোলার্ধে এটি হ'ল উজ্জ্বলতম নক্ষত্র। ব্রহ্মহৃদয় অপেক্ষা এর উজ্জ্বলতা বেশী। সূর্যের চেয়ে এটি পঞ্চাশ গুণ বেশী উজ্জ্বল—এর

দূরত্ব ২৬ আলোকবর্ষ। অভিজিৎ নক্ষত্র-শোভিত বীণামণ্ডলের দিব্য সঙ্গীত শ্রবণ করে Lowell বলেছেন :—

“The Lyra whose strings give music
Audible to holy ears.”

বীণামণ্ডলের অভিজিৎ এবং একুইলা বা ঈগলের প্রথম শ্রেণীর নীল রঙের তারা শ্রবণকে (Altair) নবেম্বর মাসে রাত সাড়ে নয়টার সময় দেখা যায় পশ্চিম দিগন্তের কাছে। শ্রবণা, অভিজিৎ এবং দেনেব এই তিনটি তারা মিলে যে ত্রিভুজের সৃষ্টি করেছে সেটি বিশেষ ভাবে দর্শনীয়। একুইলা মণ্ডলে একই রেখায় অবস্থিত যে তিনটি তারা দেখতে পাওয়া যায় তন্মধ্যে মাঝখানের প্রথম-প্রভা তারা শ্রবণাই সর্বাপেক্ষা দ্রুতিমান। একুইলার এই লক্ষণীয় নক্ষত্র-রেখাকে অনেকে সময় সময় ভুলক্রমে কালপুরুষের কটিবন্ধ বলে মনে করেন।

ছায়াপথ চলে গেছে একুইলা মণ্ডলের ভিতর দিয়ে। গ্রীক পুরাণের উপাখ্যানে আছে যে, দিব্য ঈগল উড়ে চলেছে Milky-way বা ছায়াপথ নামক সুরনদীর উপর দিয়ে।

পাশ্চাত্য মতে যে মণ্ডলের নাম একুইলা হিন্দু পুরাণমতে সেটি হ'ল বিষ্ণুর বাহন গরুড় পক্ষী। এই বাহনে সমাসীন শ্রবণা (Altair) তারার উত্তর দিকে উড়ে ও নিয়ে তৃতীয়-প্রভা পাশ্চাত্য Tazed (আমাদের লক্ষ্মীতারা রূপে) ও চতুর্থ-প্রভা Alshain (আমাদের সরস্বতীতারা রূপে) বিরাজিত। মাঘ মাসের ঐশ্বকমী ও মাকরী সপ্তমীতে উপেন্দ্র (Altair) আদিত্যের অচ্চনা হয়। এই সময় এই তারা উত্তর-পূর্বাংশে ভোর চারটার সময় প্রথম উদিত হয়। আশ্বিন পূর্ণমাস এই তারার উদয় হয় সাক্ষা আকাশে—তখন হিন্দুবা লক্ষ্মীপূজার অনুষ্ঠান করে থাকেন।

উত্তর ক্রশ আর একুইলার মাঝখানে দৃষ্টিপাত করলে দেখতে পাওয়া যায় ডেলফিনাসকে—মণ্ডলটি ছোট কিন্তু দর্শনীয়। ডেলফিনাসের পূর্বদিকে থে কশিয়াল (Vulpecula) মণ্ডল। শ্রবণা নক্ষত্রের প্রায় সরাসরি উত্তর দিকে আছে চারিটি অল্পজ্বল তারা নিয়ে গঠিত তীরের মত আকৃতিবিশিষ্ট সেজিটা নামক ছোট একটি মণ্ডল।

এবার ক্রান্তিবৃত্ত বা বহির্মার্গ (ecliptic) ধরে এগিয়ে যাওয়া যাক পশ্চিম থেকে পূর্ব দিকে। সিগনাসের দক্ষিণে—অনেক দূরে একুইলার দক্ষিণ-পূর্ব দিকে আকাশের গায়ে ছলানো যেন একখানি হীরের মালা। দেখলে মনে হয় চোখ দুটি বাস্তবিকই সার্থক হ'ল—ঐ হ'ল মকররাশি। মকর এখন এগিয়ে আসছে পশ্চিম দিগন্তের পানে।


মকরের পূর্ব দিকে কুম্ভরাশি—দেখতে একটি কলসীয় মত—আকাশের অনেকখানি জায়গা জুড়ে আছে এই কুম্ভরাশি। শত-ভিষা মণ্ডল হচ্ছে এই রাশির প্রসিদ্ধ তারামণ্ডল। কুম্ভের ঠিক দক্ষিণ দিকে ক্রান্তিবৃত্তের অনেক নীচে দক্ষিণ মীন (Piscis Australis)। দক্ষিণ মীন কতকগুলি তারা নিয়ে গঠিত একটি ক্ষুদ্র মণ্ডল। এই মণ্ডলে একটি মাত্র তারা দৃষ্টিকে আকৃষ্ট করে। সেটি

হ'ল একটা নীল রঙের প্রথম-প্রভা উজ্জল তারা—নাম ফোমালো (Fomalhaut)। ফোমালো থেকে এরিডানাস মণ্ডলের আধার্নার পর্যন্ত একটি রেখা কল্পনা করে সেটিকে যদি একই দিকে সমান দূরত্ব পর্যন্ত প্রসারিত করা যায় তা হলে গিয়ে পৌঁছানো যায় হ্রাস্তিমান তারকা অগস্ত্যা—লুককের পরে সমগ্র আকাশে এটিই যে উজ্জলতম নক্ষত্র সেকথা আগে বলা হয়েছে।

রবিমার্গ ছেড়ে অনেক দক্ষিণে নেমে আসা গেছে। আবার উত্তরমুখী হয়ে কুস্তে ফিরে গিয়ে পূব দিকে অগ্রসর হলে পৌঁছানো যাবে ইংরেজী V অক্ষরের মত আকৃতিবিশিষ্ট মীনরাশিতে। এর আকৃতির সঙ্গে ভারতবর্ষের দক্ষিণাত্যের কতকটা সাদৃশ্য আছে। মীনের পূব দিকে মেঘ রাশি—ক্রান্তিবৃত্তের প্রথম রাশি—বৈশাখ

মাসে সূর্য এই রাশিতেই গতিশীল বলে প্রতীয়মান হয়। মেঘের পূর্ব দিকে বুধ। বুধের উত্তর-পূর্ব দিকে মিতুনরাশি। মিতুনের শিরোভূষণরূপে জ্বল জ্বল করে কমলা রঙের উজ্জল নক্ষত্রদ্বয় ক্যাস্টর (Castor) ও পোলাক্স (Pollux)। আমরা এদের বলি, পুনর্কর্ষু। পুরাণকারেরা এ দুটিকে বম-বমী দুই ভ্রাতা-ভগ্নী বলেছেন, ভ্রাতৃ-দ্বিতীয়া উৎসব এই দুটি তারকাকে উপলক্ষ করে কল্পিত হয়েছে। উত্তর আকাশে ক্যাস্টরই সঙ্গতঃ সবচেয়ে সুন্দর যুগ্মতারা (binary star)। ছোট দূরবীক্ষণেও এটিকে পরম রমণীয় দেখায়। এই যুগ্মতারার দূরত্ব প্রায় ৪৩ আলোকবর্ষ। প্রত্যেক ৩০৬ বৎসরে এই যুগ্মতারার মধ্যে একটি অপবটির চতুর্পার্শ্ব ঘুরে আসে।

আমাদের ক্রান্তিবৃত্ত পরিক্রমা শেষ হ'ল। নক্ষত্রমণ্ডলসমূহ কিন্তু সারা রাত ধরে আকাশ প্রদক্ষিণ করে। অগ্রহাষণ মাসের প্রথম সপ্তাহে শেষ রাত্রে উঠে যদি আকাশের পানে তাকানো যায় তা হলে দেখা যাবে আকাশের রূপ বদলে গেছে। নক্ষত্রমণ্ডলগুলির মধ্যে কোন কোনটি অস্তমিত—অনেকেই স্থান পরিবর্তন করেছে—কালপুরুষ চলে এসেছে পূর্বাকাশ থেকে সরাসরি পশ্চিম আকাশে। ক্যাসিওপিয়া অদৃশ্য আর উত্তর-পূর্বাকাশে ফুটে উঠেছে বিরাট জিজ্ঞাসাচিহ্নের মত আকৃতিবিশিষ্ট সপ্তর্ষিমণ্ডল—প্রশান্ত মৌন মণ্ডল-কাশের বৃকে অগ্নি অক্ষরে প্রদীপ্ত হয়ে উঠেছে যেন সেই চিরন্তন প্রশ্ন—ততঃ কিম ?*



এই প্রবন্ধরচনার নিয়ন্ত্রিত পুস্তক এবং পত্রিকা থেকে অল্পবিস্তর সাহায্য পেয়েছি :

- (১) The Universe Around us—by Sir James Jeans,
- (২) The Stars in their Courses—by Sir James Jeans
- (৩) New Handbook of the Heavens—by H. J. Bernhard, D. A. Bennett, H. S. Rice.
- (৪) আমাদের জ্যোতিষ ও জ্যোতিষী—যোগেশ-চন্দ্র রায় বিজ্ঞানিধি,
- (৫) পৌরাণিক উপাখ্যান—যোগেশচন্দ্র রায় বিজ্ঞানিধি,
- (৬) বিশ্বপরিচয়—রবীন্দ্রনাথ ঠাকুর,
- (৭) সহজ নক্ষত্র চেনা—শ্রীকামিনীকুমার দে,
- (৮) ভারতে জ্যোতিষচর্চা ও কোষ্টি-বিচারের সূত্রাবলী—শ্রীনবেশনাথ বাগল জ্যোতিঃশাস্ত্রী,
- (৯) আকাশকাহিনী—শ্রীকৃষ্ণলাল সাধু এবং
- (১০) The Astrological Magazine.

দেশ-বিদেশের কথা

নিবেদিতা বক্তৃতা

১৯৫২ সনে অনুষ্ঠিত নিবেদিতা বিভাগের সুবর্ণ জয়ন্তী উৎসব উপলক্ষে ভগিনী নিবেদিতার অমুরাগী দেশবাসীর নিকট হইতে যে অর্থ সংগৃহীত হইয়াছিল, "নিবেদিতা সুবর্ণ জয়ন্তী পরিষদ" কর্তৃক তাহা হইতে ৫০০০ টাকার জি. পি. নোটস ফলিকাতা বিশ্ববিদ্যালয়ে "নিবেদিতা বক্তৃতা"র ব্যবস্থার জ্ঞান সিণ্ডিকেটের নিকট জমা করা হয়। বক্তৃতার বিষয় এবং বক্তা নির্বাচনের দায়িত্ব সিণ্ডিকেটের উপরই হস্ত করা হইয়াছে। এই বৎসর অর্থাৎ ১৯৫৬ সনে প্রথম বক্তৃতার ব্যবস্থা হইতেছে। আগামী ২৮, ২৯ ও ৩০শে নভেম্বর "ধারভাঙ্গা হলে" অপরাহ্ন ৩ টার সময় বক্তৃতা হইবে। বক্তা নির্বাচিত হইয়াছেন রামকৃষ্ণমিশন বিভাগ-মন্দিরের (বেলুড়) অধ্যক্ষ স্বামী তেজসানন্দ। বক্তৃতার বিষয়—ভগিনী নিবেদিতার জীবন ও কীর্তি।

গিনিগোস্ত ডুয়েলারি স্পেশালিস্ট



মৌলিকতায়
নির্ভরতায়
আধুনিকতায়

এম.বি. সরকার এও সঙ্গ

ফোন:- ৩৪-১৭৬১ *ডুয়েলারি* গ্রাম-ট্রিলিয়ান্স

১৬৭/সি ১৬৭/সি/১ বহুবাজার স্ট্রীট কলিকাতা ১২

গ্রাফ- বালি গজ-২০০/২/পি রাসবিহারী এড্‌ভিউ. কলিকাতা-২১

শোরুমের পুরাতন ঠিকানা
১২৪, ১২৪/১, বহুবাজার স্ট্রীট, কলিকাতা ১২

কেবলমাত্র রবিবার খোলা থাকে

নতুন ব্রান্ড শাকরুম - ডায়মেন্ড পুর ফোন: ৩৪-১৭৬১

দেখুন!

অর্ধেকটি
সানলাইট
সাবানেই এ সব
কাজ হয়েছে!

সানলাইটের ফেনার অধিক্যই এর কারণ!

সানলাইট
সাবান

দিয়ে কলমে কলডুগমা সাদা ও উজ্জ্বল হয়।

৯. ২১১-২১৪ ২৪

৩১৩৩ ২৪৩০

শুভক'রিচ

কল্পতরু-শ্রীমদ্ভগবদ্ গীতা—শ্রীমধীরচন্দ্র সেনগুপ্ত
মহেশ লাইব্রেরী, কলেজ স্কয়ার, কলিকাতা-১২। মূল্য পাঁচ টাকা।

হিন্দু জীবনে গীতার প্রভাব অসামান্য। নানা ধর্মগ্রন্থের মধ্যে গীতা শুধু 'স্বর্গে মণিগণা ইব' নহে, সাহিত্যেও ইহা প্রেরণা দেয়, ইতিহাসের ক্ষেত্রেও সমাদৃত। সাম্প্রতিককালে বহু মনোহী গীতাকে সর্বমানবের জীবন-বেদ বলিয়াছেন। এহেন অমূল্য গ্রন্থের বহুবিধ সংস্করণ আছে। অন্নয়, ভাষা, ব্যাখ্যা সমন্বিত সুরহং সংস্করণ হইতে শুধু মূল শ্লোক নিবন্ধ ক্ষুদ্রকায় সংস্করণ পণ্ডিত কিংবা সাধারণ মানুষ দুইয়ের উপযোগী গীতাই চোখে পড়ে। বাংলা পদ্যছন্দে গীতাও আছে—কিন্তু মূল সংস্কৃত শ্লোক তাহাতে নাই, পক্ষান্তরে শুধু সংস্কৃত শ্লোক আছে—বাংলা ব্যাখ্যা নাই। কিন্তু পাশাপাশি সংস্কৃত ও বাংলা পদ্যানুবাদ আলোচ্য কল্পতরু গীতাই দেখা গেল। শ্লোকগুলি মূলানুযায়ী—ব্যাখ্যা প্রাঞ্জল, কবিতাগুলিও ভাবমার্ঘ্যভরা; হুলভ মূল্যের এমন একখানি সুন্দর গীতা অবশ্যই সমাদর লাভ করিবে।

মামার দেশ—(একাঙ্ক কোঁতুক নাটক)। শ্রীঅমরকুমার দত্ত। বরেন্দ্র লাইব্রেরী, ২০৪ কর্ণওয়ালিস স্ট্রীট, কলিকাতা-৬। মূল্য বার আনা।

'প্রিন্টার্স ডেভিল' কথাটির সঙ্গে অনেকেরই অল্পবিস্তর পরিচয় আছে, কিন্তু তাহারই মাধ্যমে ছাপাখানায় প্রতিদিন যে কোঁতুকরসের সৃষ্টি হয়— তাহার আখ্যাদ পাঠকমহল কদাচিত্ পাওয়া থাকেন। সেই জাতীয় একটি ভুলকে কেন্দ্র করিয়া আলোচ্য নাটকখানিতে চমৎকার হাসির ভোজ্যপরিবেশন করিয়াছেন লেখক। বুনো ব্যবসায়ী এক প্রেস মানেজার, অল্প বেতনের কর্মচারী লইয়া তাহার কারবার। সেখানে তোংলা হেড কম্পোজিটার, তার ছ'জন সহকর্মীর মধ্যে প্রথমটি টারা ও ছিটগ্রন্থ, দ্বিতীয় জন নেশাখোর, একচক্ষু প্রফরীডার, উগ্র মেজাজের মেশিনম্যান—প্রভৃতির যোগাযোগে কোঁতুক-নাটিকাটি জমিয়াছে চমৎকার। এই ক্ষুদ্র নাটিকা অভিনয়ের একটা সুবিধাও আছে—সজ্জাবাহ্য বা অথব্যয়ের কোন প্রয়োজনই আসে না। ছোট বা বড় সমস্ত সম্মেলন মঞ্চের সাহায্য না লইয়াও অনায়াসে এটি অভিনয় করিতে পারেন। সম্প্রতি ইন্টার-কলেজ একাঙ্ক নাটক প্রতিযোগিতায় সেন্ট্রেলভিয়ার্স কলেজের ছাত্র-সংসদ অভিনীত এই নাটিকাটি প্রথম স্থান অধিকার করিয়াছে। নাটিকাটির গ্রন্থন যেমন সুন্দর—কোঁতুকরসের ধারাটিও তেমনি স্বচ্ছ এবং সাবলীল, কোথাও কষ্টকল্পনার লেশমাত্র নাই।

শ্রীরামপদ মুখোপাধ্যায়

রাজা গণেশের আমল—শ্রীমুখময় মুখোপাধ্যায়। শৈলশ্রী, ১১১১-এ বঙ্কিম চাটাজী স্ট্রীট, কলিকাতা-১২। মূল্য তিন টাকা।

পাঁচটি অধ্যায়ে বিভক্ত এই নাটক (পৃ. ১৪২ + ১১০) পুস্তক আমরা বিশেষ অভিনিবেশপূর্বক পাঠ করিয়া প্রচুর আনন্দ লাভ করিয়াছি। ইতিহাস ও জীবনের ক্ষেত্রে বিজ্ঞানবিরোধী কল্পনাবিলাস যে ভাবে ধরতর

গতিতে বাংলা সাহিত্যকে অভিভূত করিয়া কেলিতেছে তাহাতে বিজ্ঞানমত ঐতিহাসিক গবেষণা বাংলাদেশে লুপ্তপ্রায় হইয়া আনিতেছে। উদীয়মান গ্রন্থকার বাংলা ভাষায় এই গবেষণাগ্রন্থ লিখিয়া সংসাহসের পরিচয় দিয়াছেন যাহারা "বাঙ্গলার সামাজিক ইতিহাস" জাতীয় গ্রন্থ অবলম্বন করিয়া রাজা গণেশকে রূপকথার নায়ক সাজাইয়া তৃপ্তিবোধ করেন—বহু শিক্ষিত বাঙালী অত্যাচারিত করিতেছেন—তাঁহারা আলোচ্য গ্রন্থটি একবার পড়িয়া দেখুন। বর্তমানে বহু নূতন তথ্য আবিষ্কৃত হওয়াতে রাজা গণেশের রাজত্বের উপর প্রচুর আলোকপাত হইয়াছে এবং গ্রন্থকার যাবতীয় উপকরণ বিচারপূর্বক খণ্ডন-মণ্ডন করিয়া একটি পূর্ণাঙ্গ ঐতিহাসিক চিত্র অঙ্কিত করিয়াছেন। কোন কোন ঘটনার বৈচিত্র্য এতই চিত্তাকর্ষক যে, রূপকথাকেও পরাস্ত করিতে পারে। মিথিলার রাজা শিবসিংহের সহিত রাজা গণেশের প্রামাণিক সহযোগ-বৃত্তান্ত (পৃ. ২২), কুন্তিবাস ও চৈনিক প্রত্যক্ষদর্শী কর্তৃক তাহার "নয় মহল" প্রাসাদবর্ণনা (পৃ. ১২৯-৩০), রায়মুকুট বৃহস্পতি মিশ্রের অভ্যুদয় (পৃ. ৭২-৮৭) প্রভৃতি চিত্র প্রত্যেক বাঙালীর দর্শনীয়। গ্রন্থকার প্রামাণিক কুলপঞ্জীর বৃত্তান্ত সাদরে বিশ্লেষণ করিয়া বহু তথ্য সংগ্রহ করিয়াছেন, যাহা অশ্রুত অপ্রাপ্য। আমরা এই গ্রন্থের বহুল প্রচার কামনা করি।

শ্রীদীনেশচন্দ্র ভট্টাচার্য্য



শ্রীরামপুরের
এস.চক্রবর্তীর

XX
নন্দ্য

সোপ এজেন্ট

লাক্ষ্মী এজেন্সী
৪৩/১, ফ্র্যাঙ্ক রোড • কলিকাতা-৭

পাইয়া তাজা ও সবজ হইয়া উঠিয়াছে। ঘাসের সাদা ফুলগুলি প্রকৃতির বৃকে যেন চন্দনের এক একটি ফোঁটা।”

মোট কথা, চরিত্রসৃষ্টিতে, প্রকৃতিবর্ণনায়, নিরলঙ্কৃত ভাষার অনায়াস মাধুর্যে “চক্রবাক” যে পাঠককে মুগ্ধ করিবে একথা নিঃসংশয়ে বলা যায়। সম্প্রতি ইহার দ্বিতীয় সংস্করণ হইয়াছে।

শ্রীনলিনীকুমার ভদ্র

ভারতের দ্বিতীয় পঞ্চবার্ষিকী পরিকল্পনা—শ্রীশ্যাম-হন্দর বন্দ্যোপাধ্যায়। বি বৃক এন্ড চেঞ্জ, ২১৭ কর্ণওয়ালিশ স্ট্রিট, কলিকাতা—৬। মূল্য ২২, পৃষ্ঠা ১১৩।

প্রথম পঞ্চবার্ষিকী পরিকল্পনার কার্যকাল উত্তীর্ণ হইয়াছে। ইহাতে মোট ব্যয় হইয়াছে প্রায় ২০৫৬ কোটি টাকা—প্রায় বলা হইল এজন্য যে, ইহার পূর্ণ হিসাব এখনও বাহির হয় নাই। এই সময়ে ভারতের জাতীয় আয় শতকরা ১৮ ভাগ বৃদ্ধি পাইয়াছে, খাদ্যশস্যের উৎপাদন শতকরা ২০ ভাগ বাড়িয়াছে। তুলা, প্রধান প্রধান তৈলবীজ উৎপাদন, জলসেচের ব্যবস্থা, শিল্পোৎপাদন, সিমেন্ট উৎপাদন বিশেষ ভাবে বৃদ্ধি পাইয়াছে। কিন্তু কর্ণ-সংস্থানের দিক হইতে ইহা সাফল্যলাভ করে নাই বলিলেই চলে।

দ্বিতীয় পঞ্চবার্ষিকী পরিকল্পনার মোট ব্যয় ধরা হইয়াছে ৪,৮০০ কোটি টাকা—তন্মধ্যে ২,৫৫৯ কোটি টাকা কেন্দ্রীয় সরকারের এবং বাকী ২২৪১ কোটি টাকা রাজ্যসরকারসমূহের ব্যয়। কেন্দ্রীয় সরকার কৃষি ও সমাজ উন্নয়ন, সেচ ও বৈদ্যুতিক শক্তি, শিল্প ও খনি, পরিবহন ও যোগাযোগ, সমাজসেবা ও বিবিধ খাতে যথাক্রমে ৬৫, ১০৫, ৭৪৭, ১২০৩, ৩৯৬ এবং ৪৩ কোটি টাকা খরচ করিবেন এবং রাজ্যসরকারসমূহ ঐ সকল খাতে যথাক্রমে ৫০২, ৮০৮, ১৪৩, ১৮২, ৫৪৯ এবং ৫৬ কোটি টাকা খরচ করিবেন।

দ্বিতীয় পঞ্চবার্ষিকী পরিকল্পনার প্রধান উদ্দেশ্যসমূহ হইতেছে—জনসাধারণের জীবনধারার মান বাড়াইবার জন্ত জাতীয় আয়ের বৃদ্ধি, মৌলিক ও ভারী শিল্পগুলির দ্রুত উন্নয়ন, কর্ণসংস্থানের সুযোগবৃদ্ধি এবং আয়ের ও ধনসম্পদের অসমতা হ্রাস ও যতদূর সম্ভব আর্থিক সংস্থানের সমবর্তন। দ্বিতীয় পঞ্চবার্ষিকী পরিকল্পনায় মৌলিক শিল্পের উপর জোর দিলেও ভারতের আর্থিক জীবন গ্রাম ও কৃষিকেন্দ্রিক বলিয়া স্বীকৃত হইয়াছে। এই পরিকল্পনায় পশ্চিমবঙ্গের হিসাবে মোট ১৫০ কোটি ৬৭ লক্ষ টাকা বরাদ্দ হইয়াছে। সরকারী মোট ৪৮০০ কোটি বরাদ্দের মধ্যে ১২০০ কোটি টাকা

ঘাটতি ব্যয় এবং ৪০০ কোটি টাকা কোন সুত্রে পাওয়া যাইবে তাহা স্থির হয় নাই। দ্বিতীয় পরিকল্পনার প্রারম্ভেই দ্রব্যমূল্য বৃদ্ধি পাইতেছে। আগামী পাঁচ বৎসরে বেকারসমস্যা আরও বাড়িয়া যাওয়ার সম্ভাবনা। দ্রব্যমূল্য বৃদ্ধি পাইলে দ্বিতীয় পরিকল্পনার সাফল্যে বিঘ্ন হইবে সন্দেহ নাই। সমস্যা আন্দোলনের প্রসারের জন্ত ইতিমধ্যেই ইম্পীরিয়াল ব্যাঙ্কে স্টেট ব্যাঙ্কে পরিবর্তিত করা হইয়াছে, জীবনবীমা প্রতিষ্ঠানসমূহের জাতীয়করণ হইয়াছে। অবশ্য তৎসঙ্গেও প্ল্যানিং কমিশনের অন্ততম সদস্য শ্রীক্ষিতীশচন্দ্র নিয়োগী পঞ্চবার্ষিকী পরিকল্পনার সাফল্যে সন্দেহ প্রকাশ করিয়াছেন। লেখক নানা মত উদ্ধৃত করিয়া পরিকল্পনার বিভিন্ন দিকের উপর আলোকপাত করিয়াছেন এবং নিজেও আলোচনা-প্রসঙ্গে বিষয়টি অতি সুন্দর ভাবে ফুটাইয়া তুলিয়াছেন।

এইরূপ স্থলিখিত গ্রন্থের বহুল প্রচার হইবে বলিয়া আমরা বিশ্বাস করি।

শ্রীঅনাথবন্ধু দত্ত

চার্বাকের উক্তি—শ্রীঅরীন্দ্রজিৎ মুখোপাধ্যায়। প্রকাশক : শ্রীবিনয় বন্দ্যোপাধ্যায়। ৪০-সি, চক্রবেড়িয়া রোড নর্থ, কলিকাতা-২০। মূল্য দেড় টাকা।

গ্রন্থকার বহুদিনের লক্ষপ্রতিষ্ঠ কবি। কিন্তু দীর্ঘকাল তিনি একরূপ নীরব ছিলেন। তাঁর পরিণত জীবনের কাব্যসাধনার এই ফল রসলিপ্সুর সাধ মেটাবে। কতকগুলি কবিতার ভাবে ও ভাষায় আধুনিকতার স্পর্শ আছে; বোঝা যায়—কবি বয়সে প্রবীণ হলেও তাঁর মন এখনও সক্রিয়, গতিশীল। “যারা দিনের পর দিন খাটে, তারা বাঁধে, ইঁটের উপর ইঁট গাঁথে”—তাদের মর্ধ্যাদা “লুপ্তগতি মেদবহুল নরনারী”র চেয়ে তাঁর কাছে অনেক বেশী। কৃত্রিম সভ্যতার কারাগার থেকে মাঝে মাঝে মন উড়ে যেতে চায় আদিম যুগে :

“হে মহানগরী!

আজও গভীর রাস্তা

পাহাড়ের পাগলা হাওয়ায়

আমরা শুনতে পাই

অতীত অরণ্যের সেই অস্থির ক্রন্দন :

আর বেড়েই চলে তোমার ইতিহাস

পাতার পর পাতা জুড়ে।”

শেষ কবিতা ‘চার্বাকের উক্তি’—ঐ নামেই বইয়ের নাম। কবির মতে ‘চার্বাক ছিলেন বহুজন হিতবাদী’ এবং সেই জন্তই তিনি তাঁর প্রিয়। বৈরাগ্যবাদ বা পলায়নপর মনোভাবের প্রতি কবি প্রসন্ন নন। ‘কয়েকটি চীনা কবিতার ভাবানুবাদ’—সরস ও সাবলীল।

আনন্দ-প্রতিষ্ঠা—শ্রীচিত্তরঞ্জন। দেব এজেন্সি, ২০ আর্মীর আলি এভিনিউ, কলিকাতা-১৭। মূল্য আট আনা।

অধ্যায় আনন্দলাভের পথনির্দেশ। বিজয়কৃষ্ণ প্রভৃতি সাধকগণের শিক্ষা থেকে লেখক প্রেরণা পেয়েছেন। “বিজ্ঞা-অবিজ্ঞা, সজ্জতি-বিনাশ, সুখ-দুঃখ, জীবন-মরণ—এই দ্বন্দ্বমূর্ত্তিগুলি যে কেবল একমাত্র আনন্দময় ব্রহ্মের দ্বিবিধ বিকাশ, এই জ্ঞানে প্রতিষ্ঠিত হইলে মানুষ জন্ম-মৃত্যুর বাধা চিরতরে অতিক্রম করিয়া অমৃতত্ব লাভ করে।” রচনার ভাষা শাস্ত্র গভীর অসুভূতিপূর্ণ।

শ্রীধীরেন্দ্রনাথ মুখোপাধ্যায়

ছোট ক্রিমিরোগের অব্যর্থ ঔষধ

“ভেরোনা হেলমিন্‌থিয়া”

শৈশবে আমাদের দেশে শতকরা ৬০ জন শিশু নানা জাতীয় ক্রিমিরোগে, বিশেষতঃ ক্ষুদ্র ক্রিমিতে আক্রান্ত হয়ে ভয়-স্বাস্থ্য প্রাপ্ত হয়, “ভেরোনা” জনসাধারণের এই বহুদিনের অসুবিধা দূর করিয়াছে।

মূল্য—৪ আঃ শিশি ডাঃ মাঃ সহ—২।০ আনা।

ওরিয়েন্টাল কেমিক্যাল ওয়ার্কস প্রাইভেট লিঃ

১।১ বি, গোবিন্দ আড্ডী রোড, কলিকাতা—২৭

ফোন : ৪৫—৪৪২৮



প্রবাসী প্রেস, কলিকাতা

বীণাপাণি
শ্রীমতীশ্রীনাথ লাহা




‘মেঘের ভেলা’

[ফোটো : শ্রীকনক দত্ত]



জলপথে

ফোটো : শ্রীঅভিতকুমার শ্রীমানী



‘সত্যম্ শিবম্ সুন্দরম্’
‘সত্যম্ সত্যম্ সত্যম্’

১৩শ ভাগ
২য় খণ্ড

মাঘ, ১৩৬৩

৪র্থ সংখ্যা

বিবিধ প্রসঙ্গ

আসন্ন নির্বাচন

সম্প্রতি দৈনিক সংবাদপত্রে আচার্য্য কৃপালনীর এক বিবৃতি প্রকাশিত হইয়াছে। ইহাতে তিনি জানাইয়াছেন যে, তিনি ও জীৱপ্রকাশনারায়ণ কংগ্রেস দলে যোগদান করিবেন না, কারণ তিনি মনে করেন, গণতন্ত্রবাদের পরিচালনায় বিরোধীপক্ষের প্রয়োজনীয়তা খুবই বেশী।

ইহা ধ্রু সত্য। সবল ও বুদ্ধি-বিচারযুক্ত বিরোধীপক্ষ সর্বদাই শাসনতন্ত্রের অধিকারীদিগের ত্রুটি-বিচ্যুতি সম্পর্কে সজাগ থাকে ও সেরূপ কিছু ঘটিলে যুক্তিতর্কের সাহায্যে তাহার বিচার করিতে প্রবৃত্ত হয়, বাহার ফলে দেশের লোক সুখিতে পারে শাসন-তন্ত্র কি ভাবে চলিতেছে ও তাহার গতি কোন্ দিকে। কিন্তু বিরোধীপক্ষের যুক্তিতর্কের মাত্রা ঠিক উচিত এবং সকল ক্ষেত্রেই ইহা স্পষ্টভাবে প্রতীত হওয়া দরকার যে, বিপক্ষদল দলীয় স্বার্থের জন্য দেশের ও দেশের স্বার্থকে ক্ষুণ্ণ করিতে চেষ্টিত নহেন। তিলকে তাল করিয়া দেখাইয়া বা বিদেশ হইতে আমদানী মাংসাদির চালনার দেশের কাজ-কারবার ও শান্তি-নিরাপত্তা নষ্ট করিয়া, শাসন-তন্ত্রের অধিকার লাভের চেষ্টা যে বিপক্ষদল সময়ে অসময়ে, ক্রমাগত করিয়া চলে তাহার মূল্য গণতন্ত্রে কিছুমাত্র নাই বরঞ্চ সেরূপ বিপক্ষদল দেশের বিপদের হেতু। কারণ তাহাদের কার্যক্রম ধ্বংসাত্মক।

বাংলা দেশ হইতে কাজ-কারবার চলিয়া বাইতেছে, বৃত্তন ত কিছুই হইতেছেই না—সরকারী উদ্যোগ ছাড়া—বেতলি আছে সে সবও ক্রমেই অবনতির পথে চলিতেছে, ইহার কারণ কি তাহা সকলেই জানে এবং তাহাদের প্রয়োচনার উহা ঘটতেছে তাহাও সকলেই জানে। যে দল বা যে দলগোষ্ঠী ঐরূপ কার্যক্রম চালাইতেছে তাহারা যে কোনও দিন দেশের জীৱিত্যইতে পারিবে একথা বিশ্বাস করাও বাতুলতা। পূর্ব-ইউরোপের আধুনিক ইতিহাসে দেখা যায় যে, বাহারা ঐভাবে শাসনতন্ত্র অচল করিয়া পরে অধিকার করিল, উচ্চতম শক্তির কর্তৃপক্ষ প্রায়ই তাহাদের ‘দ্রবীভূত’ করিয়াছেন বা চিরদিনের মত অকেজো করিয়া

রাখিয়াছেন, কেননা ঐরূপ দল ধ্বংসের কাজে প্রবল সহায়তা করিতে পারে কিন্তু রক্ষার ব্যাপারে বা গঠনের ব্যাপারে তাহাদের কোনও মূল্য নাই।

বাস্তবিক পক্ষে কংগ্রেসে ও কংগ্রেস-চালিত সকল শাসনতন্ত্রে যে দুর্নীতি ও কলুষের বহু বহিতেছে তাহার একটি কারণ উপযুক্ত বিরোধীপক্ষের অভাব। বাহারা কথায় কথায় বলে, ‘নেহরুকে কাঁসী দাও’ ‘ইয়ে আজাদী খুটা ছার’ ইত্যাদি, বাহাদের কাজে বা কথায় মাত্রাজ্ঞানের কোনও চিহ্ন নাই, তাহাদের বিরোধিতায় ওজন ক্রমেই কমিয়া আসে। বিশেষে ব্যক্তিগত স্বার্থ ও দলগত স্বার্থ ভিন্ন বাহাদের অস্ত কোনও নীতির বালাই নাই তাহারা কংগ্রেসের দুর্নীতি দূর করার পথ দেখাইবে কিরূপে? সবিস্ময় স্তূতাবেশ হইলে ওঝা কি করিতে পারে। সেকথা আমরা আচার্য্য কৃপালনী ও জীৱপ্রকাশ নারায়ণকে নিবেদন করি। ইহারা দুই জনেই নিষ্কাম ও দেশসেবায় আত্মনিয়োজিত বলিয়া খ্যাতিমান। কিন্তু যে সকল দলগোষ্ঠী এখন নির্বাচনী যুদ্ধে নামিয়াছে তাহাদের সাধারণ প্রার্থী ও কংগ্রেস প্রার্থীর মধ্যে মানুষ হিসাবে বেটুকু প্রভেদ আছে তাহা অধিকাংশ ক্ষেত্রেই বামপন্থীদের অল্পকূল নহে। অন্ততঃপক্ষে পশ্চিমবঙ্গে।

নির্বাচনী ইস্তাহার সকলেই দিয়াছেন বা দিবেন। বলা বাহুল্য, উহার মূল্য কাণাকড়িও নহে। বুদ্ধিমান ব্যক্তি উহাতে প্রভাবিত না হইয়া প্রত্যেকটি প্রার্থীকে বাচাই করিয়া লইবেন। জোগান বা আশ্রয়ার্থীর চলনার ঠিকিলে পাঁচ বৎসরের মত নিরুপায় এ কথা বেন সকলের মনে থাকে। যদি প্রার্থী মনোমত না হয় তবে সময় থাকিতে উপযুক্ত প্রার্থীর ব্যবস্থা করা উচিত। আমাদের অভাগা দেশে অবশ্য সেটা বোধ হয় সম্ভব হইবে না। এখানে আমরা ভাবের উচ্চাসে কাজ করিয়া রুসি এক মুহূর্তে ও পরে কপাল চাপ-ডাইয়া কাটাই বৎসরের পর বৎসর।

ইংরেজী প্রবাদে বলে, ‘দেশের লোক যেমন, সেই মতই শাসন-যন্ত্র হয়।’ বিগত পাঁচ বৎসরে সেই প্রবাদের সত্যতা অকাট্যভাবে প্রমাণিত হইয়াছে।

আসামে কংগ্রেসী প্রার্থী মনোনয়ন

আগামী সাধারণ নির্বাচনে আসামের কংগ্রেস মনোনীত প্রার্থীদের নাম প্রকাশিত হইয়াছে। আসামে কংগ্রেস যে সকল প্রার্থীদিগকে মনোনয়ন করিয়াছে, তাহাতে চতুর্দিকে বিশেষ সমালোচনা উঠিয়াছে।

আসামে কংগ্রেসকর্তৃক প্রার্থী মনোনয়ন সম্পর্কে করিমগঞ্জ হইতে প্রকাশিত বাংলা সাপ্তাহিক “যুগশক্তি” পত্রিকার ৬ই পৌষ ও ১৩ই পৌষ সংখ্যায় যে সম্পাদকীয় আলোচনা করা হইয়াছে তাহাতে মনোনয়ন ব্যাপারে কংগ্রেসী নীতির প্রশংসা করা যায় না।

“যুগশক্তি” লিখিতেছেন, যে, সাধারণভাবে সকলেই আশা করিয়াছিলেন যে, প্রার্থী মনোনয়নকালে কংগ্রেসপ্রার্থীর অতীত ও বর্তমান কার্যকলাপ ও শিক্ষাদীক্ষা এবং অগ্ৰাণ্ড যোগ্যতা সম্পর্কে বিচারবিবেচনা করিয়া দেখিবেন, “কিন্তু কয়েক ক্ষেত্রে তাহার বিন্দুমাত্র পরিচয়ও যেন পাওয়া যাইতেছে না।”

করিমগঞ্জ মহকুমার রাতাবাড়ী পাথরকান্দি সংরক্ষিত আসন, দক্ষিণ করিমগঞ্জ সাধারণ আসন এবং বদরপুর আসনের জগু প্রতিদ্বন্দ্বিতা করিবার নিমিত্ত কংগ্রেসের মনোনয়ন লাভ করিয়াছেন যথাক্রমে শ্রীহরমোহন রায়, আবদুল হামিদ চৌধুরী এবং মোলানা আবদুল জলিল।

যুগশক্তি উপরোক্ত প্রার্থীদের সম্পর্কে মন্তব্য করিয়া লিখিতেছেন যে, শ্রীয়ারকে কখনও কংগ্রেসের সক্রিয় সদস্য হিসাবে দেখা যায় নাই, “বরং কম্যুনিষ্ট পার্টির শ্রীগোপেশ নমঃশূত্রের সমর্থক হিসাবেই অনেকে তাঁহাকে জানেন। যতদূর মনে পড়ে অল্পদিন পূর্বে ভলু-কালীনগর গ্রাম্য পঞ্চায়েতের সভাপতি নির্বাচনে তিনি কম্যুনিষ্ট সহায়তায় প্রতিদ্বন্দ্বিতা করিয়া কংগ্রেস মনোনীত প্রার্থীর কাছে ১৯-৩ ভোটে পরাজয় বরণ করেন।... আরও জানা গিয়াছে যে, তাহার বিরুদ্ধে ভেজাল ছুধ ও ঘি সংক্রান্ত অভিযোগে তিনটি ফৌজদারী মামলা ঝুলিতেছে।”

আবদুল হামিদ চৌধুরী সম্পর্কে মন্তব্য প্রসঙ্গে “যুগশক্তি” লিখিতেছেন, “কুপ্যাত রাইস সিণ্ডিকেটের মামলার সঙ্গে তাঁহার পরিবারের প্রত্যক্ষ যোগ ছিল—রেডক্লিফ-বাগে কমিশনের সময় ইহারা করিমগঞ্জকে পাকিস্থানের অন্তর্ভুক্ত করার জগু অর্থদান ও অগ্ৰাণ্ড উপায়ে যথেষ্ট সাহায্য করিয়া পাকিস্থান শ্রীতির পরিচয় দিয়াছিলেন বলিয়াও অভিযোগ রহিয়াছে।” উপরন্তু মোলানা আবদুল মুনিম এবং খান বাহাদুর মহম্মদ আলী প্রমুখ আজীবন জাতীয়তাবাদী নেতৃবৃন্দ উপেক্ষিত হওয়ার কংগ্রেসেবী মুসলমানগণও স্বভাবতঃই হতাশ হইবেন।

আবদুল জলিল বিগত সাধারণ নির্বাচনে পাকিস্থান হইতে আগত জাতীয়তাবাদী মুসলমান নেতারূপে কংগ্রেস প্রার্থী হিসাবে বিধান সভায় নির্বাচিত হন। কিন্তু নির্বাচনপূর্ব শেষ হওয়ার পর তাহার ব্যবহারের পরিবর্তন ঘটে। তিনি দুর্গাপুঞ্জার শোভাযাত্রার

বাধাদান এবং অগ্ৰাণ্ড প্রকার সাম্প্রদায়িক হাঙ্গামা সৃষ্টির প্রয়াস পান। “এহেন দার্শনিক ও সাম্প্রদায়িক মনোভাবগর ব্যক্তিকে মনোনয়ন দিয়া কংগ্রেস কর্তৃপক্ষ হয়ত তথাকথিত সংখ্যালঘু সম্প্রদায়ের আত্মপাতিক সদস্তহার রক্ষার চেষ্টা করিয়াছেন, কিন্তু সঙ্গে সঙ্গে সেই মনোনয়ন দ্বারা কংগ্রেস বিঘোষিত আদর্শের সম্পূর্ণ অমর্যাদা করা হইয়াছে বলিয়াই সর্বসাধারণের ধারণা।”

“আসামে কংগ্রেস নমিনেশন” শীর্ষক এক সম্পাদকীয় প্রবন্ধে সাপ্তাহিক ‘যুগবাণী’ ২১শে পৌষ লিখিতেছেন যে, আসামে নমিনেশন দান ব্যাপারে কংগ্রেস সাম্প্রদায়িকতা এবং প্রাদেশিক সর্কীর্ণতাকেই নীতি হিসাবে গ্রহণ করিয়াছে যদিও কংগ্রেসী দলের নির্বাচনী ইস্তাহারে সাম্প্রদায়িকতা ও প্রাদেশিকতাকে সমূলে উৎপাটিত করিবার সাধু ইচ্ছা প্রকাশ করা হইয়াছে।

আসামে সেন্সাস গ্রহণের সময় বাঙালীদের সংখ্যা কম করিয়া দেখাইবার জগু নানা প্রকার ভুলত্রুটি সাহায্য লওয়া হয়। আসাম ভাঙ্গার ছয়টি জেলা (কামরূপ, দবং, নগরী, লখীমপুর, শিবসাগর ও গোয়ালপাড়া)—১৯৩১ সনের সেন্সাসে বাঙালীর সংখ্যা ছিল ১০ লক্ষ ৮৬ হাজার, আর অসমীয়াদের ১৯ লক্ষ ৭৩ হাজার। ১৯৩১-১৯৫১ এই কুড়ি বৎসরে আসামের জনসংখ্যা বৃদ্ধি পাঁচ শতকরা ২১ হারে। জনসংখ্যা বৃদ্ধির উক্ত হারে ১৯৫১ সনের সেন্সাসে বাঙালীর সংখ্যা হওয়া উচিত ছিল মোটামুটি ষোল লক্ষ এবং অসমীয়ার ২৯ লক্ষ। উপরন্তু স্বাধীনতাপ্রাপ্তির পর বহু বাঙালী গিরা আসামে আশ্রয় লওয়ার বাঙালীর সংখ্যা আরও কয়েক লক্ষ বেশী হওয়া উচিত ছিল। তৎসঙ্গেও দেখা গেল যে, ১৯৫১ সনের সেন্সাসে বাঙালীর সংখ্যা বৃদ্ধি পাওয়া ত দুবেব কথা, কমিয়া আট লক্ষ চৌদ্দ হাজারে নামিয়াছে এবং অসমীয়ার সংখ্যা বেলুনের মত ফুলিয়া ৪৯ লক্ষ ১৩ হাজারে উঠিয়াছে। অমুরূপ ভাবে কাছাড় জেলায়ও বাঙালীদের সংখ্যা ১৯৫১ সনের সেন্সাসে কম করিয়া দেখান হয়। কিন্তু সেই চেষ্টা সেরূপ ফলবতী হইতে পারে নাই। “যুগবাণী” লিখিতেছেন যে, ১৯৫১ সনের সেন্সাস বখাষধরূপে গৃহীত হইলে আসামে বাঙালীর সংখ্যা হইত ৩২ লক্ষ (আসাম ভাঙ্গার ছয়টি জেলায় ষোল লক্ষ—কাছাড়ে এগার লক্ষ—উদ্বাস্ত পাঁচ লক্ষ)—অর্থাৎ, আসামের মোট জনসংখ্যার এক-তৃতীয়াংশের বেশী। এই হিসাবে আসামের বিধানসভায় অন্ততঃ ৩৬টি এবং লোকসভায় পাঁচটি ও রাজ্যসভায় দুইটি আসন বাঙালীদের জায্য প্রাপ্য হয়। কিন্তু কংগ্রেস নমিনেশনে বিধানসভায় বাঙালী পাইয়াছে ১১টি এবং লোকসভায় মাত্র ১টি, তাহাও সিডিউল সীট—যা না দিয়া উপায় নাই।”

‘যুগবাণী’ আরও দেখাইয়াছেন, এমনকি ১৯৫১ সনের সেন্সাসের “জলজ্যান্ত মিথ্যা হিসাব”কেও যদি মানিয়া লই তবে বাঙালীদের সংখ্যাত্মপাতে যে কয়টি আসন পাওয়া উচিত ছিল তাহাদিগকে তাহাও দেওয়া হয় নাই; ১৯৫১ সনের সেন্সাস অনুযায়ী আসামে বাঙালীর সংখ্যা ছিল ১৯ লক্ষ ২৯ হাজার। এই হিসাবে বাঙালীকে

বিধান সভায় ২৩টি এবং লোকসভায় ৩টি আসন দেওয়া উচিত ছিল। “বাঙালীর এই নূনতম দাবি স্বীকার করাও কংগ্রেস কর্তৃক মনে করে নাই। রাজ্যসভার কথা না তোলাই ভাল, গত ৫ বৎসরের মধ্যে কোন বাঙালীকে কংগ্রেস দেখানে পাঠায় নাই।”

যদিও ভাষা-সংখ্যালঘু বাঙালীদের ক্ষেত্রে কংগ্রেস এরূপ অসম আচরণ করিয়াছে, ধর্মীয় সংখ্যালঘুদের ক্ষেত্রে মুসলমানদিগকে জন-সংখ্যার অনুপাতে ১৭টি আসন দিতে কংগ্রেসের বাধে নাই। বাঙালীদের বেলা আটকাইয়াছে, কারণ সেখানে অস্তিত্বের প্রশ্ন, সুতরাং কংগ্রেসী কর্তাদের মতে লিঙ্গুইজম (Linguism)।

“যুগবাণী” লিখিতেছেন—

“সীমা কমিশনের রিপোর্টে এবং রাজ্য পুনর্গঠন আইন পাস করার সময় কংগ্রেসী কর্তারা সংখ্যালঘিষ্ঠ ভাষাগোষ্ঠীকে নিরাপত্তার যে সব প্রতিশ্রুতি দিয়াছেন তাহা কি ভাবে রক্ষা করা হইয়াছে এই হিসাব হইতে বুঝা যাইবে—

বাঙালীকে কংগ্রেস নমিনেশন দেওয়া হইয়াছে :—

জেলা	বাঙালীর সংখ্যা	লোকসভায়	বিধানসভায়
(১৯৫১ সেক্সেসে]			
কাছাড়	৮,৬০,৭৭২	১ জন সিডিউল	১০ জন
গোয়ালপাড়া	১,৯৩,৩৬৬	একজনও না	একজনও না
কামরূপ	২,২৫,২০৯
দরং	৬৩,৯৮৯	..	১ জন
নওগাঁ	২,০৭,২৫৪	..	একজনও না
লখীমপুর	৮৩,৫৮৫
শিবসাগর	৪১,৫৮১
		১ জন সিডিউল	১১ জন

“বিধান সভায় এই ১১ জনের মধ্যে ১০ জনই কাছাড়ের। আসাম ভাষাভাষী ১৬ লক্ষ বাঙালীর মধ্যে একজন মাত্র কংগ্রেস নমিনেশন পাইয়াছেন। খুবড়ীতেও কোন বাঙালী নমিনেশন পান নাই, পাইয়াছেন—কংগ্রেসের জেনারেল-সেক্রেটারী মাধবন নাথার ষাহাকে গোয়ালপাড়ার দালাবাজির প্রধান নাথক বলিয়াছিলেন সেই শরৎ সিংহ ও তাহার মুসলমান সাগরেদটি। ইহাকে প্রাদেশিকতার পুরস্কার ছাড়া আর কি বলা যায়? কাছাড়ের ১৩টি আসনেও অ-বাঙালী এবং পাকিস্থানী আন্দোলনের পাণ্ডাঘের আনিয়া ঢুকান হইয়াছে। কংগ্রেসের আদর্শ ও নীতি যাঁহারা নিষ্ঠার সহিত সমস্ত জীবন পালন করিয়াছেন তাঁহারা নমিনেশন পান নাই, পূর্বাচল আন্দোলনের সহিত সংশ্লিষ্ট ব্যক্তিমাত্রকেই অতি সতর্কতার সহিত বাদ দেওয়া হইয়াছে, শুধু ষাহারা আসাম কংগ্রেসের হুকুমদার রূপে তাঁবেদারী করিতে পারিবে সেই সব সুবিধাবাদী ও সুযোগ-সন্ধানীদের ভাগ্যেই কংগ্রেস নমিনেশন জুটিয়াছে।”

কাছাড় লোকসভার এক নমিনেশন দান ব্যাপারে কংগ্রেস বাঙালীদের প্রতি যে অজ্ঞান ও অবিচার করিয়াছে তাহার উল্লেখ

করিয়া “যুগবাণী” লিখিতেছেন, “সাত লক্ষ বাঙালী ভোটারের মধ্যে কংগ্রেস একজন বোয়া লোক পায় নাই, খু জিয়া খু জিয়া বাহির করিয়াছে মজুর-সর্দার অখ্যাতনামা এক তেওয়ারীকে। ইহা দুর্বৃত্ত-সন্ধিমূলক বলিলে কম বলা হয়, ইহার পশ্চাতে প্রাদেশিকতাহট আসাম কংগ্রেসের অতি-গভীর রাজনৈতিক চক্রান্ত রহিয়াছে। শিক্ষা দীক্ষার, জ্ঞানে-ঐতিহ্য এবং রাজনৈতিক চেতনার আসামের সর্ব-শ্রেষ্ঠ জেলার পক্ষে ইহার মত অবমাননাকর আর কিছু হইতে পারে না। কাছাড়ে প্রচণ্ড বিক্ষোভ সৃষ্টি হইয়াছে, সেপানকার কংগ্রেসীরাও ইহা মানিয়া নিতে পারিবে নাই। কাছাড়ের বাঙালীরা যদি সজবদ্ব ভাবে, রাজনৈতিক মতবাদ নির্বিশেষে, এই অপমানের সমুচিত উত্তর দিতে পাবেন তবেই দিল্লীর হাইকমান্ডের চৈতন্যোদয় হইবে।”

ডাকবিভাগের অবহেলা

মুর্শিদাবাদ জেলার রঘুনাথগঞ্জ হইতে প্রকাশিত সাপ্তাহিক “ভারতী” পত্রিকার এই পৌষ সংখ্যায় একটি সম্পাদকীয় মন্তব্যে ডাকবিভাগের ক্রটিবিচার উল্লেখ করিয়া বলা হইয়াছে—টেলিগ্রাম প্রেরণে, ভিপি, বেঙ্গেলী, মনিঅর্ডার প্রভৃতি প্রেরণে সহরবাসীদিগকে বিশেষ অসুবিধা ভোগ করিতে হয়। “বহুকাল হইতেই শহরবাসী এই অসুবিধা ভোগ করিয়া আসিতেছেন। ইতিপূর্বেও এ সম্বন্ধে কয়েক বার কর্তৃপক্ষের দৃষ্টি আকর্ষণ করা হইয়াছে। কিন্তু আন্তর্গত ইহার কোন প্রতিকার হয় নাই।”

ডাকবিভাগের ক্রটিবিচার সম্পর্কে মন্তব্য করিয়া “ভারতী” একটি কোমল স্থানে আঘাত করিয়াছেন। ডাকবিভাগের পেরালী-পনার ‘বসি’ হিসাবে আমাদিগকেও বহু সময় দুর্দশাগ্রস্ত হইতে হইয়াছে। ডাকবিভাগের যে সুনাম ছিল এখন তাহা প্রায় আর কিছুই নাই। বিভিন্ন সংবাদপত্রে ডাকবিভাগের ক্রটিবিচার সম্পর্কে যে সকল অভিযোগ প্রায়ই প্রকাশিত হয় তাহাই ইহার প্রমাণ।

অনেক ক্ষেত্রেই যে কর্তৃপক্ষের নিকট অভিযোগ করিয়াও ফল হয় না—একটি সাম্প্রতিক দৃষ্টান্ত হইতে তাহা প্রতীয়মান হয়। জনৈক বন্ধু চিঠিবিলি সংক্রান্ত গোলমাল সম্পর্কে তাঁহার আঞ্চলিক পোর্ট মাষ্টারকে জানাইলে, গতানুগতিক অহুস্কানের পর পোর্ট আপিস হইতে তাঁহাকে জানানো হয় যে, সংশ্লিষ্ট সকলকেই প্রয়োজনীয় নির্দেশ দেওয়া হইয়াছে এবং অহুরূপ অভিযোগের কারণ আর থাকিবে না। ইহা সবিশেষ উল্লেখযোগ্য যে, পত্রটিতে কর্তৃপক্ষ স্থানীয় কাহারও কোন স্বাক্ষর নাই এবং পত্রের উপরে লিখিত ঠিকানাটিও যথাযথ নহে। ইহাতেই ডাকবিভাগের কর্তৃপক্ষের একটি নমুনা পাওয়া যায়। এইরূপ চিঠির পর কেহই আশা করিতে পারেন না যে, অভিযোগের প্রতিকারের যথাযথ ব্যবস্থা হইতে পারে—কারণ যেখানে বাহিরের লোকের নিকট পত্রে সহি ভুল হইয়া গেলেও কাহারও নজরে পড়ে না সেখানে আত্মসমীচন কর্ণে

শৃঙ্খলা আনয়ন করতঃ সস্তব তাহা সহজেই অহুমের। কার্যতঃ তাহাই হইয়াছে। বন্ধুটির অভিযোগের কারণ পূর্ববর্তী রহিয়াছে। তিনি পুনরায় পোষ্টমাষ্টারের দৃষ্টি এ বিষয়ের প্রতি আকৃষ্ট করিয়াছেন—কিন্তু কোন উত্তর পান নাই। তিনি বলিতেছেন যে, তিনি এবার পোষ্টমাষ্টার-জেনারেলের নিকট লিখিবেন।

ডাকবিভাগের ক্রটিবিচ্যুতির নানা কারণ রহিয়াছে। স্থানে স্থানে কর্মীর অভাব থাকিতে পারে, কিন্তু সমগ্র বিভাগ সম্পর্কে সে-কথা খাটে না। কোন সরকারী বিভাগই কর্মীর অভাবের জ্ঞান বধাযথ কাজ করিয়া উঠিতে পারে না বলিয়া আমরা জানি না। সরকারী আপিসে কর্ম সম্পাদনে ক্রটিবিচ্যুতির প্রধান কারণ কর্মীদের মধ্যে কর্মবন্টন ব্যাপারে অসঙ্গতি। যথাযোগ্যভাবে কর্মবন্টন করা হইলে সরকারী আপিসের কর্মদক্ষতা বিগুণ বৃদ্ধি পাইতে পারে বলিয়া আমাদের দৃঢ় বিশ্বাস। কেন্দ্রীয় সরকারের বহু আপিসেই অফিসায়ণ কার্যতঃ দৈনিক দুই-একটি সহি ছাড়া আর কোন কাজই করেন না। তাঁহারা বিভিন্ন বিদেশী এবং দেশী চলচ্চিত্র পত্রিকা পড়িয়াই দৈনন্দিন কর্ম সম্পাদন হইল বলিয়া মনে করেন। ইহারা নিজেরা ত কোন কাজই করেন না, উপযুক্ত নিম্নতন কর্মীদের সহিত বিশেষ উৎসাহপূর্ণ আচরণ করায় ইহাদের নির্দেশগুলিও সহজে প্রতিপালিত হইতে চায় না। নিম্নতন কর্মীদের মধ্যেও অনেকে উপরওয়ালাদের দৃষ্টান্ত অনুসরণ করিতেছেন।

কর্মবন্টনে অসঙ্গতি ব্যতীত সরকারী বিভাগের অকর্মণ্যতার আর একটি প্রধান কারণ উর্দ্ধতন কর্তৃপক্ষের কল্পনাশক্তির অভাব। অনেক ক্ষেত্রেই তাঁহারা বুঝিতে পারেন যে, কোন সময়ে কোন বিশেষ বিভাগে কাজের চাপ বৃদ্ধি পাইবে। সেই হিসাবে বিভাগান্তর হইতে কর্মীদেরকে সাময়িক ভাবে কর্মবাস্ত বিভাগে নিযুক্ত করিলে সহজেই কাজটি সম্পন্ন হইতে পারে। কিন্তু অধিকাংশ ক্ষেত্রেই তাহা করা হয় না। রেডিও লাইসেন্স বন্টন, রেলের মাসিক টিকিট বিক্রয় ব্যাপারে এইরূপ কল্পনাশক্তির অভাবের জ্ঞান জনসাধারণকে সততই অসুবিধা ভোগ করিতে হইতেছে।

মুষ্টিমের কর্তব্যনিষ্ঠ অফিসার এবং প্রধানতঃ নিম্নতন কর্মীদের সততা এবং পরিশ্রমের উপর ভিত্তি করিয়াই সরকারী বিভাগগুলি বাঁচিয়া রহিয়াছে। কিন্তু উপরতলার গাফিলতি এখন নীচের তলারও আসিয়া পড়িয়াছে—তাই আজ সর্বত্রই বিশৃঙ্খলা।

পাটশিল্পের ভবিষ্যৎ

অর্থনৈতিক পরিকল্পনার প্রভাবে অগ্ৰাঞ্জ সকল শিল্প যখন বিস্তার লাভ করিতেছে ও উৎপাদন বৃদ্ধি পাইতেছে, সেই অবস্থায় ভারতীয় পাটশিল্পের উৎপাদন হ্রাস পাইতেছে; ১৯৫৬ সনে পাটশিল্পের পক্ষে হুঁদীন গিয়াছে। পূর্বে ভারতীয় রপ্তানী-বাণিজ্যে পাটজাত দ্রব্য প্রথম স্থান অধিকার করিয়াছিল, কিন্তু ১৯৫৬ সনে ইহা দ্বিতীয় স্থান অধিকার করে। পাটশিল্পের প্রধান সমস্যা হইতেছে—প্রতিযোগিতা ও মূল্যবৃদ্ধি। ১৯৫৫ সনে পাটশিল্পে উন্নতি হয়, ঐ বৎসর প্রায় ১০'৩০ লক্ষ টন পাটজাত দ্রব্য বিক্রয়

হয় এবং ১৯৫৪ সনে হয় ৯'৫৬ লক্ষ টন। ১৯৫৫ সনে উন্নতি কলে ১৯৫৬ সনে সপ্তাহে ৪৮ ঘণ্টা করিয়া কাজ শুরু করা হয়, পূর্বে হইত সপ্তাহে ৪২ ঘণ্টা। ১৯৫৫ সন পর্যন্ত কাঁচা পাটের অভাবে প্রত্যেক কারখানার ১২। শতাংশ তাঁত বন্ধ করিয়া রাখা হইয়াছিল। ১৯৫৫ সনে পাটজাত দ্রব্যের রপ্তানী অধিক হওয়ার ভারতীয় পাটকল সমিতি ১৯৫৬ সনে ৯ই জানুয়ারী হইতে পূর্কোক্ত নিষিদ্ধ তাঁতের ২। শতাংশকে পুনরায় কার্যকরী করার সিদ্ধান্ত করেন। ইহার ফলে মাসে ২,৫০০ হাজার টন উৎপাদন বৃদ্ধি পায়। কোরিয়া যুদ্ধের পর তিন বৎসর পর্যন্ত পাটদ্রব্যের রপ্তানী বৃদ্ধি পায় এবং গত বৎসর সোভিয়েট রাশিয়া ভারতীয় পাটদ্রব্য ক্রয় করিবে বলিয়া আশা করা হইয়াছিল। কিন্তু রাশিয়ার ক্রয় আশাহীন হইয়াছে এবং মার্কিন যুক্তরাষ্ট্রের চাহিদাও হ্রাস পায়। অধিকন্তু পাকিস্তানী প্রতিযোগিতা রপ্তানী-বাজারে ভারতের প্রতিদ্বন্দ্বিতা করে।

ভারতের পাটজাত দ্রব্যের মূল্য হ্রাস করার মানসে ১৯৫৫ সনের আগষ্ট মাসে পাটের খান ও খলির উপর হইতে রপ্তানী কর তুলিয়া লওয়া হয়; কারণ পাকিস্তানী মূল্য মূল্যহ্রাসের ফলে পাকিস্তানী পাটের মূল্য বৃদ্ধি পরিমাণে হ্রাস পায়। ইহার উপর পাকিস্তানী পাটজাত দ্রব্যের উৎপাদন বৃদ্ধি পাওয়াতে আন্তর্জাতিক বাজারে পাকিস্তান অধিক পরিমাণে রপ্তানী করিতে সমর্থ হয়। পাকিস্তানে বর্তমানে প্রায় ৭,০০০ হাজার তাঁত চালু আছে, কিন্তু এই তাঁতগুলিতে তিন দফার কাজ করা হয় এবং ইহার ফলে পাকিস্তান প্রায় ২১,০০০ হাজার তাঁতের সুবিধা পাইতেছে। ১৯৫৫ সনে পাকিস্তান ৮০,০০০ হাজার টন পাটজাত দ্রব্য রপ্তানী করে; কিন্তু ১৯৫৬ সনে ইহার উৎপাদন বৃদ্ধি পাইয়া ২'৫০ লক্ষ টনে দাঁড়ায় এবং ইহার মধ্যে সে রপ্তানী করে ২ লক্ষ টন; ফলে আন্তর্জাতিক বাজারে পাটজাত দ্রব্যের সরবরাহ ২০ শতাংশ বৃদ্ধি পায়। ভারতীয় কারখানায় অতিরিক্ত তাঁত চালু করার ফলেও সরবরাহ কতকাংশে বৃদ্ধি পায়।

সরবরাহ বৃদ্ধি পাওয়াতে আন্তর্জাতিক বাজারে পাটজাত দ্রব্যের মূল্য হ্রাস পায়। পাকিস্তান হইতে কাঁচা পাটের আমদানী অল্প হওয়াতে ভারতে কাঁচা পাটের অভাব হয় এবং এই কারণে ১৯৫৬ সনের ১৬ই জুলাই ভারতীয় কারখানাগুলির ২। শতাংশ তাঁত আবার বন্ধ করিয়া দিতে হয়। ইহাতেও কাঁচা পাটের অভাব দূরীভূত হয় না এবং সেই কারণে ১৯৫৬ সনের ১৭ই সেপ্টেম্বর আরও ৫ শতাংশ তাঁতকে বন্ধ করিয়া দিতে হয়। পাকিস্তানে ক্রমবর্ধমান পাটজাত দ্রব্যের উৎপাদন ভারতের পক্ষে আশঙ্ক্য কারণ হইয়া দাঁড়াইতেছে। ১৯৬০ সনে পাকিস্তানী পাটশিল্পে তাঁতের সংখ্যা দাঁড়াইবে ১৩,৫০০। বর্তমানে ভারতীয় তাঁতের সংখ্যা প্রায় ৭২ হাজার, তবে ইহার অধিকাংশই পুরানো ধরনের। ভারতে ২১টি পাটকলকে ১৫ কোটি টাকা ব্যয়ে আধুনিক ধরনের পাটকল সজ্জিত করা হইয়াছে এবং ইহার ফলে তাহার

উৎপাদন-ক্ষমতাও বৃদ্ধি পাইয়াছে, কিন্তু সেই অল্পশাভে কাঁচা পাট সরবরাহ পাওয়া বাইতেছে না। পাকিস্তানী তাঁতগুলি আধুনিক ধরনের হওয়ার ও তিন দফার কাজ করার উৎপাদন অতিরিক্ত হইতেছে; এই অবস্থার বর্তমানে ভারতীয় পাটশিল্পকে আত্মরক্ষার নিয়োজিত থাকিতে হইতেছে। ইউরোপে যে হারে পাটকল প্রতিষ্ঠিত হইতেছে তাহাতে অদূর-ভবিষ্যতে ভারতীয় পাটজাত দ্রব্যের রপ্তানী আরও হ্রাস পাইবে। মিশর, ইরান, ইরাক, বর্মা, থাইল্যান্ড, চীন, জাপান ও ফিলিপাইন দ্বীপপুঞ্জ প্রভৃতি দেশগুলি ছোট ছোট পাটকল প্রতিষ্ঠা করিতেছে এবং ইহাতে ভারতীয় পাটশিল্পের সমূহ ক্ষতি হইবে। সেই কারণে উচিত—কোনও আন্তর্জাতিক বিধি প্রণয়ন করা যাগাতে অত্র কোন নূতন দেশে পাটকল প্রতিষ্ঠিত না হয়। কয়েক বৎসর পূর্বে আন্তর্জাতিক অর্থভাণ্ডার এই ধরনের একটি প্রস্তাব করিয়াছিলেন।

ভারতীয় পাটশিল্পের প্রধান অসুবিধা কাঁচা পাটের অভাব। ১৯৫৬ সনে অসুস্থিত হইয়াছিল যে, পাকিস্তানে ঐ বৎসর ৭০ লক্ষ গাঁইট ও ভারতবর্ষে ৫০ লক্ষ গাঁইট কাঁচা পাট উৎপাদিত হইবে। কিন্তু বস্তার ফলে পাকিস্তানে ৫৬ লক্ষ গাঁইট ও ভারতবর্ষে ৪১ লক্ষ গাঁইট কাঁচা পাট উৎপন্ন হইয়াছে। ভারতের মিলগুলির প্রয়োজন প্রায় ৬০ লক্ষ গাঁইট কাঁচা পাট। দ্বিতীয় পরিকল্পনার কাঁচা পাটের উৎপাদন ৫৫ লক্ষ গাঁইট স্থিরীকৃত হইয়াছে; তবে ভারতে উৎপাদিত পাটের সবটাই মিলে ব্যবহারযোগ্য নহে। আর পাটজাত দ্রব্যের বৎসরে উৎপাদন ১২ লক্ষ টন নির্ধারিত হইয়াছে, ১৯৫৬ সনে ১১ লক্ষ টন পাটজাত দ্রব্য উৎপাদিত হইয়াছে। ইহার মধ্যে প্রায় ৯ লক্ষ টন রপ্তানী করা হয়।

ভারতবর্ষের পাটশিল্পের সবচেয়ে বড় অসুবিধা এই যে, কাঁচা পাটের অত্র তাহাকে পাকিস্তানের উপর নির্ভর করিয়া থাকিতে হয়। গত বৎসর পাকিস্তান হইতে ভারতবর্ষ ১৩ লক্ষ গাঁইট কাঁচা পাট আমদানী করিয়াছে এবং পাটশিল্পের বর্তমান দুর্দশার প্রধান কারণ কাঁচা পাট সরবরাহের ব্যাপারে পাকিস্তানের উপর নির্ভরশীলতা। ভারতকে কাঁচা পাট সরবরাহের ব্যাপারে পাকিস্তান প্রথম হইতেই বহু প্রকার হুমুসির আশ্রয় গ্রহণ করিয়া আসিতেছে এবং ভারতবর্ষ কাঁচা পাট উৎপাদনে স্বাবলম্বী হইতে না পারিলে পাটশিল্পের উন্নতি সম্ভবপর হইবে না। মার্কিন যুক্তরাষ্ট্র ও আর্জেন্টিনা ভারতের পাটের ধানের বড় খরিদার, কিন্তু ১৯৫৬ সনে এই দুইটি দেশই ভারতবর্ষ হইতে অত্র পরিমাণে পাটের ধান আমদানী করিয়াছে। এত দিন পর্যন্ত আর্জেন্টিনার সরকার সরাসরি ভারত হইতে পাটদ্রব্য আমদানী করিতেন, কিন্তু সম্প্রতি বেসরকারী ব্যবসাদারদের পাট আমদানীর অধিকার দেওয়া হইয়াছে এবং এই কারণে ভারত হইতে পাটজাত দ্রব্যের বৃহৎ পরিমাণে রপ্তানী প্রায় বন্ধ হইয়া গিয়াছে।

১৯৫২-৫৩ সনে ভারতে কাঁচা পাটের উৎপাদন-পরিমাণ ছিল ৩৬ লক্ষ গাঁইট, তাহার পর দুই বছর উৎপাদনের পরিমাণ হ্রাস

পাইয়া পড়াইয়াছে ৩০ লক্ষ গাঁইটে। ১৯৫৬-৫৭ সনে উৎপাদন কিছু পরিমাণ বৃদ্ধি পাইয়া ৪২ লক্ষ গাঁইটে উঠিয়াছে। গত বৎসরের তুলনায় বর্তমান বৎসরে একপ্রতি পাটের উৎপাদন হার হ্রাস পাইয়াছে। ১৯৫৫ সনে প্রতি একবে ২'৬২ গাঁইট করিয়া পাট উৎপন্ন হইয়াছে, কিন্তু ১৯৫৬-৫৭ সনে ইহার পরিমাণ ছিল ২'২৪ গাঁইট। ১৯৫১ এবং ১৯৫২ সনে দুই বৎসরেই ৪৬ লক্ষ গাঁইটের অধিক ছিল কাঁচা পাট উৎপাদনের পরিমাণ। ১৯৫১ সনে মোট ১৯'৫১ লক্ষ একর ও ১৯৫২ সনে ১৮'১৭ লক্ষ একর জমিতে পাট-চাষ হয়। ১৯৫৬ সনেও কর্ষিত জমির পরিমাণ ছিল ১৮'৮০ লক্ষ একর, কিন্তু এই বৎসর একপ্রতি ফসলের হার কম হইয়াছে। বিহার ও ত্রিপুরার পাট উৎপাদনের পরিমাণ বৃদ্ধি পাইলেও পশ্চিম বঙ্গ, আসাম ও উড়িষ্যায় উৎপাদন হ্রাস পাইয়াছে।

ভারতীয় ট্যালিং আমানত

ভারত সরকার ও ব্রিটিশ সরকার উভয়েই সম্মতি জ্ঞাপন করিয়াছেন যে, এই বৎসরে ৩০শে জুন ইঙ্গ-ভারতীয় ট্যালিং চুক্তির মেয়াদ শেষ হওয়ার পর আর নূতন কোন চুক্তি সম্পন্ন করা হইবে না। উভয় দেশই মনে করেন যে, নূতন চুক্তি করার আর প্রয়োজন কিছু নাই, কারণ যে উদ্দেশ্যে এই চুক্তি সম্পন্ন হইয়াছিল তাহা বর্তমান মেয়াদের মধ্যে সফল হইবে। নূতন চুক্তি না হইলেও ট্যালিং আমানত হইতে খরচ করিবার অধিকার ভারতের অক্ষুণ্ণ থাকিবে। ভারতে বেসরকারী যে সকল ট্যালিং মূলধন নিয়োজিত আছে, তাহারা তাহাদের উদ্ভূত ভারত হইতে ইংলণ্ডে পাঠাইতে পারিবে এবং ইচ্ছা করিলে মূলধনও উঠাইয়া লইয়া বাইতে পারিবে। বর্তমান চুক্তির ৭(৩) ধারাতে এই ব্যবস্থা করা হইয়াছে।

এই ব্যবস্থা ১৯৪৮ সনের শিল্পনীতি ও ১৯৪৯ সনে বিদেশী মূলধন সম্বন্ধে ভারতের প্রধানমন্ত্রী কর্তৃক বিধোচিত নীতির দ্বারা সমর্থিত। এই নীতি ভবিষ্যতে অমুসরণ করাও ভারত সরকারের ইচ্ছা আছে। বর্তমানের চালু ট্যালিং চুক্তি ১৯৫৩ সনের জুলাই মাসে গৃহীত হয় এবং ১৯৫১ সনের জুলাই মাস হইতে ইহার কার্যকারিতা আছে। গত যুদ্ধের সময়ে ভারতের যে ট্যালিং আমানত সৃষ্টি হয় ১৯৫৩ সনের চুক্তি দ্বারা তাহা খরচ করিবার নিয়ম নির্ধারিত হয়। ১৯৫৩ সনের চুক্তি অবশ্য নূতন চুক্তি নহে। ১৯৪৭ সনের ১৪ই আগষ্ট প্রথম ইঙ্গ-ভারত ট্যালিং চুক্তি হয় এবং ১৯৫২ সনে ইহা পুনরায় গৃহীত হয়।

১৯৪৭ সনের আগষ্ট মাসে প্রথম বৎসর ট্যালিং চুক্তি হয়, তখন ভারতের মোট ১১৬ কোটি পাউণ্ড ট্যালিং আমানত ছিল। ১৯৪৭ সনের চুক্তি দ্বারা ইহার পরিমাণ হ্রাস পায় ৮০ কোটি পাউণ্ড। ৩৬ কোটি পাউণ্ড খরচ করা হয় পাকিস্তানের অংশ বাবদ, ব্রিটিশ অফিসারদের পেন্সন বাবদ ও ভারতে অবস্থিত ব্রিটেনের সামরিক উপকরণ ক্রয় করা বাবদ। ১৯৫১ সনের ১লা জুলাই (অর্থাৎ বর্তমান চুক্তি সঞ্চার হইতে কার্যকরী হয়) ভারতের ট্যালিং

আমানতের পরিমাণ ছিল ৬৪'৩ কোটি পাউণ্ড। ১৯৫৩ সনের চুক্তির সর্ব অমুসায়ে ষ্টালিং আমানতকে দুই ভাগে ভাগ করা হয়— চলতি আমানত ও মেয়াদী আমানত। চলতি আমানতে ৩১'১০ কোটি পাউণ্ড রিজার্ভ ব্যাঙ্কের নোট ইস্যু বিক্রমে জমা রাখা হইবে এবং ব্রিটিশ সরকারের বিনা অমুমতিতে এই টাকা তোলা যাইবে না। এই চুক্তি অমুসায়ে ইহাও স্থিরীকৃত হয় যে, মেয়াদী আমানত হইতে প্রতি বৎসর আরও ৩'৫ কোটি পাউণ্ড চলতি আমানতে পরিবর্তিত হইবে। চলতি আমানতে কাগজী মুদ্রার জমা জমা ৩১'১০ কোটি পাউণ্ড বাতীত অতিরিক্ত ৩ কোটি পাউণ্ড অন্ততঃ পক্ষে জমা রাখা হইবে। এই টাকা প্রতি বৎসর ভারতের বহির্বাণিজ্যে উল্লব খরচের জমা উল্লাবে রূপান্তরিত করা যাইবে। এই ৩'৫ কোটি পাউণ্ডের মধ্যে যদি কোন উদ্ভূত থাকে, তাহা পনের বছরের খরচের জমা পাওয়া যাইবে। এই চুক্তির সর্ব অমুসায়ে ভারত সরকার বহির্বাণিজ্যের জমা প্রয়োজন হইলে আরও ৫ কোটি পাউণ্ড অতিরিক্ত খরচ করিতে পারিবেন এবং ইহার জমা ব্রিটিশ সরকারের অমুমতির প্রয়োজন নাই।

১৯৫৭ সনের ৩০শে জুনের পর মেয়াদী আমানতে যে মোট উদ্ভূত জমা থাকিবে তাহা চলতি আমানতে পরিবর্তিত হইয়া যাইবে, অর্থাৎ এই সময়ের পর সমস্ত ষ্টালিং জমা চলতি আমানত হিসাবে থাকিবে। এই চুক্তি অমুসায়ে গত পাঁচ বছরে ভারতবর্ষ (বছরে ৩'৫ কোটি পাউণ্ড হিসাবে) মোট ২১ কোটি পাউণ্ড খরচ করিতে পারিবে এবং ১৯৫৭ সনের জুন মাসের শেষে ৪৩'৩ কোটি পাউণ্ড মোট ষ্টালিং আমানত থাকিবে। গত পাঁচ বছরে ভারতের ষ্টালিং খরচ চুক্তি-নির্ধারিত খরচ হইতে অনেক কম পরিমাণে হইয়াছে। ১৯৫৩ সনের এবং তাহার পূর্বেকাল চুক্তি অমুসায়ে গত পাঁচ বছরে ভারতবর্ষ মোট ২৬'৫ কোটি পাউণ্ড খরচ করিতে পারিত। কিন্তু তাহার প্রকৃত খরচ হইয়াছে মোট ১৩'১৯ কোটি পাউণ্ড। প্রথম পঞ্চবার্ষিকী পরিকল্পনার হিসাব ধরা হইয়াছিল যে, গত পাঁচ বছরে মোট ২২ কোটি পাউণ্ড (২৯০ কোটি টাকা খরচ করা হইবে, কিন্তু প্রকৃতপক্ষে খরচ হইয়াছে ইহার অনেক কম, অর্থাৎ ১০'৫ কোটি পাউণ্ড (১৪০ কোটি টাকা)। এই কম খরচের প্রধান কারণ ভারতে কৃষি উৎপাদনের পরিমাণ বৃদ্ধি, বিশেষতঃ খাদ্যশস্যের পরিমাণ; এবং ইহার জমা কৃষিজস্যের আমদানী হ্রাস পায়। দ্বিতীয়তঃ, সরকারী কয়েকটি পরিকল্পনা কার্যকরী হইতে পারে নাই এবং সেই কারণে তাহাদের জমা কোন খরচও হয় নাই।

সম্প্রতি ষ্টালিং আমানতের পরিমাণ দ্রুত হ্রাস পাইতেছে, তাহার কারণ ভারতের রপ্তানী কম হইতেছে ও আমদানী বেশী হইতেছে। ১৯৫৬ সনের অক্টোবর মাসে ৪৪'৩ কোটি পাউণ্ড (৫৯১ কোটি টাকা) ভারতের ষ্টালিং আমানত ছিল। ইহার মধ্যে রিজার্ভ ব্যাঙ্কের সংশোধিত আইন অমুসায়ে ৪০০ কোটি টাকা নোট প্রচলনের জমা ষ্টালিং সিকিউরিটিতে জমা রাখিতে হইবে, অর্থাৎ ইহা বাবদ ভারতের প্রায় ২০০ কোটি টাকার মত ষ্টালিং আমানত

থাকিবে। ভারতে নোট প্রচলনের জমা বৈদেশিক সিকিউরিটিতে জমা রাখিবার প্রথা অনর্থক ও অত্যধিক ব্যয় সাপেক্ষ। পৃথিবীর অল্প কোন দেশে এই ব্যবস্থা নাই।

হীরাঙ্কুণ্ড বাঁধ

১৩ই জানুয়ারী প্রধানমন্ত্রী পণ্ডিত নেহরু হীরাঙ্কুণ্ড বাঁধের উদ্বোধন করেন। উড়িষ্যার অর্থনৈতিক পরিকল্পনার জমা এক শত কোটি টাকা ব্যয়ে যে সর্বস্বার্থসাধক পরিকল্পনা কার্যকরী করা হইতেছে, হীরাঙ্কুণ্ড বাঁধের উদ্বোধনে তাহার প্রথম পর্যায়ের কার্য সূচিত হইল।

মহানদীর উপর যোল মাইল দীর্ঘ হীরাঙ্কুণ্ড বাঁধটি বিশ্বের বৃহত্তম বাঁধ। ভাকুয়া হ্রদের চতুর্ভুজের বড় এবং ২৮৮ বর্গমাইল অঞ্চল-ব্যাপী হীরাঙ্কুণ্ড জলাধারটি এশিয়ার বৃহত্তম কৃত্রিম হ্রদ। হীরাঙ্কুণ্ডের বিদ্যুৎ-উৎপাদনকেন্দ্রে যে টারবাইন ও জেনারেটর বসান হইয়াছে এইরূপ বৃহৎ ধরনের টারবাইন ও জেনারেটর ভারতে ইতিপূর্বে বসান হয় নাই।

হীরাঙ্কুণ্ড বাঁধ পরিকল্পনার কাজ আরম্ভ হয় ১৯৪৮ সনে—কেন্দ্রীয় জলপথ, সেচ এবং নৌবহন কমিশন এবং উড়িষ্যা সরকার যুক্তভাবে এই পরিকল্পনা কার্যকরী করিবার ভার লন। এই পরিকল্পনার তিনটি প্রধান বৈশিষ্ট্য : (১) এই পরিকল্পনার ফলে কটক ও পুরী জেলার প্রায় ৮,০০০ বর্গমাইল পরিমিত স্থানে বঙ্গার প্রক্ষেপ বিশেষ ভাবে হ্রাস পাইবে; (২) অচিরেই ইহা হইতে ২৪ হাজার কিলোগ্রাম বিদ্যুৎশক্তি পাওয়া যাইবে, ১৯৫৮ সনে এই সববরাহের পরিমাণ বৃদ্ধি পাইয়া একলক্ষ ২৩ হাজার কিলোগ্রামে দাঁড়াইবে; এবং (৩) সম্বলপুর ও বোলাঙ্গির জেলার তিন লক্ষ একর জমি অবিলম্বেই সেচের জল পাইবে এবং পরিকল্পনার দ্বিতীয় পর্যায়ের ১৮ লক্ষ একর জমির সেচকার্য চলিবার মত জল পাওয়া যাইবে।

পরিকল্পনার প্রথম পর্যায়ের রূপায়ণে ইতিমধ্যেই প্রায় ৭০ লক্ষ ৭৮ হাজার টাকা ব্যয়িত হইয়াছে। দ্বিতীয় পর্যায়ের চিপলিমার বাঁধে ৭২,০০০ কিলোগ্রাম বিদ্যুৎসববরাহের ব্যবস্থা করা হইবে।

বাঁধটির উদ্বোধন করিয়া পণ্ডিত নেহরু বলেন যে, বাঁধটি নির্মাণের ফলে উড়িষ্যা রাজ্যের ভবিষ্যৎ উজ্জ্বল হইবে। তিনি বলেন, “মন্দিরের ভূমি এই উড়িষ্যা রাজ্য এখন একটি নূতন মন্দির লাভ করিল। এই মন্দিরে বহিয়াছেন সমগ্র দেশের ভগবান।” তিনি বলেন, “তিনি প্রত্যেকটি গ্রামে বিদ্যুৎ পৌছাইয়া দিতে চাহেন, ইহা তাহাদিগকে শুধু আলোই দান করিবে না, কর্মেরও সুযোগ দিবে।”

মুর্শিদাবাদ ও রেশম শিল্প

ডেপুটি ডিরেক্টর অব ইণ্ডাস্ট্রিজের (সেরিকালচার) আপিসটি গত ৪৮ বৎসর যাবৎ বহরমপুর শহরে অবস্থিত ছিল। ১৯০৮ সনে সর্বপ্রথম কীটপোষ বিভাগের আপিসটি বহরমপুর শহরে স্থাপিত

হয়। ১৯২০ সনে উক্ত আপিসের ভারপ্রাপ্ত কর্মীর পদোন্নতি ঘটে এবং তাঁহাকে ডেপুটি ডিরেক্টর অব ইণ্ডাস্ট্রিজ পদ দেওয়া হয়। সম্প্রতি উক্ত আপিসটি বহরমপুর হইতে কলিকাতায় স্থানান্তরিত করিবার যে প্রস্তাব করা হইয়াছে তাহার সমালোচনা করিয়া “মুর্শিদাবাদ সমাচার” ২৮শে পৌষ এক সম্পাদকীয় প্রবন্ধে লিখিয়াছেন, “আটচল্লিশ বৎসর পবে বহরমপুর হইতে কীটপোষের ডেপুটি ডিরেক্টরের আপিস কলিকাতায় সরাইবার কি কারণ ঘটিল, তাহা আমরা বলিতে পারিব না।”

কেন্দ্রীয় সরকার বহরমপুরে একটি রেশম শিল্প গবেষণামন্দির প্রতিষ্ঠা করিয়াছেন, অথচ রাজ্য সরকার তাহাদের আপিসটি কলিকাতায় সরাইয়া আনিতেছেন। এই পরিপ্রেক্ষিতে মন্তব্য করিয়া “মুর্শিদাবাদ সমাচার” লিখিতেছেন, “রেশম শিল্পের উন্নয়ন সরকারের কাম্য এবং তাহার জ্ঞাত কেন্দ্রীয় সরকার ও রাজ্য সরকার প্রচুর অর্থ প্রস্তুত করিতেছেন। কিন্তু কেন্দ্রীয় সরকারের প্রচেষ্টার সহিত রাজ্য সরকারের প্রচেষ্টার সহযোগিতা এক শত মাইলের বাবধানে কি ভাবে চলিবে, তাহা আমাদের বোধগম্য নয়। বিগত আটচল্লিশ বৎসর বহরমপুরে ডেপুটি ডিরেক্টর আপিস থাকায় রেশম শিল্পের উন্নতি যখন ব্যাহত হয় নাই, তখন উক্ত আপিস এখানে (বহরমপুরে) থাকিলে উন্নয়ন ব্যাহত হইত না বলিয়াই আমাদের ধারণা।”

সাম্প্রতিক বন্যা ও চাষের জমি

গত শব্দকালে বর্ধমান, বীরভূম, নদীয়া, মুর্শিদাবাদ প্রভৃতি জেলায় যে ব্যাপক বন্যা হয় তাহাতে প্রায় বিশ লক্ষ লোক নানা-ভাবে ক্ষতিগ্রস্ত হইয়াছে। কাহারও বাড়ী গিয়াছে; কাহারও শস্য গিয়াছে, কাহারও বা সর্বস্বই গিয়াছে। বন্যায় চাষীদের আরও একটি ক্ষতি হইয়াছে—বর্ধমানের অজয় নদের তীরে বহু জমি বালি-চাপা পড়িয়াছে। জমিগুলি বালিচাপা পড়িবার ফলে বর্তমান বৎসরের শস্য ত নষ্ট হইয়াছেই, বালি অপসৃত না হওয়া পর্য্যন্ত ঐ জমিগুলিতে ভবিষ্যতেও কোন শস্যোৎপাদন করা সম্ভব হইবে না।

বর্ধমান জেলার তেদিয়া, নূতনহাটা, পালিটা, নায়েজী অঞ্চলে যে সকল জমি অসুরূপ ভাবে বালিচাপা পড়িবার ফলে যে পরিস্থিতির উদ্ভব হইয়াছে, তাহার উল্লেখ করিয়া সাপ্তাহিক “বর্ধমান বাণী” ২৮শে অগ্রহায়ণ এক সম্পাদকীয় মন্তব্যে লিখিয়াছেন :

“সরকার হইতে বঙ্গার্জগণের সাহায্য করা হইতেছে, তাহা-দিগের পুনর্বাসনের চেষ্টা হইতেছে। বঙ্গাপীড়িতদের পুনর্বাসনের জ্ঞাত এই বালি চাপা জমিগুলির পুনরুদ্ধার আবশ্যিক এবং সেই সঙ্গে যে সব স্থানে অজয়ের বাধ ভাঙিয়াছে সেইগুলিরও সংস্কার প্রয়োজন, নতুবা ভবিষ্যতে এই সব অঞ্চলে পুনরায় বন্যা হইবার আশঙ্কা থাকিবে। আমরা এই দুইটি অর্থাৎ বালি-চাপা জমি উদ্ধার ও তাহা বাধগুলির সংস্কারের প্রতি সরকারের দৃষ্টি আকর্ষণ করিতেছি।”

মফস্বলে মোটর দুর্ঘটনা

২৫শে পৌষ সংখ্যা সাপ্তাহিক “বঙ্গবাণী” একটি সম্পাদকীয় প্রবন্ধে লিখিতেছেন যে, আসানসোলের বেতুনিয়া-বরাকর চৌরাস্তায় মোড়ে প্রায়ই মোটর দুর্ঘটনা ঘটে। পুলিশ কর্তৃপক্ষের দৃষ্টি এ বিষয়ের প্রতি একাধিকবার আকৃষ্ট করা হইলেও বিশেষ কোন ফল হয় নাই, “কেননা এখনও আমরা ঐ স্থান হইতে যথারীতি মোটর দুর্ঘটনার লোকের প্রাণহানির সংবাদ পাইতেছি এবং ঐ স্থানের পাহারারত মোতায়েন পুলিশ যথারীতি পানবিড়ি খাইয়া তাহার কর্তব্য পালন করিতেছে বলিয়া মনে হয়।”

অপর একটি স্থানেও এক সপ্তাহের মধ্যে মোটর দুর্ঘটনার একজন মহিলা ও একটি দশ বৎসরবয়স্ক বালকের জীবনহানি ঘটে।

এইরূপ পৌনঃপুনিক মোটর দুর্ঘটনার প্রতি স্থানীয় পুলিশ কর্তৃপক্ষের দৃষ্টি আকর্ষণ করিয়া উক্ত সম্পাদকীয় প্রবন্ধে বলা হইয়াছে, “একই স্থানে যখন বারবার মোটর দুর্ঘটনা ঘটিতেছে তখন নিশ্চয়ই সেই জায়গার অবস্থা, পরিস্থিতি এবং পারিপার্শ্বিকতার সহিত তাহার কোন যোগাযোগ আছে। একটু চেষ্টা করিলে স্থানীয় পুলিশ কর্তৃপক্ষ নিশ্চয়ই ইহার প্রতিকার করিতে পারেন। তবে স্বাধীন ভারতের জনসাধারণের জীবনের কোন মূল্য যদি না থাকে সে স্বতন্ত্র কথা। যদি বর্তমান ব্যবস্থার সামান্য কিছু অদলবদল করিলে সেখানে বহু লোকের প্রাণহানির আশঙ্কা থাকে না তাহা হইলে সেটুকু করারও কার্পণ্য কেন?”

বহরমপুরে কয়লাসঙ্কট

বহরমপুর শহরে এক অভূতপূর্ব কয়লাসঙ্কট দেখা দিয়াছে। কয়লার অভাবে শহরবাসীর চরম দুর্গতি হইয়াছে, কিন্তু কর্তৃপক্ষ কোন সুরাহাই করিতে পারেন নাই। তাঁহাদের বক্তব্য হইল—কয়লা নাই অতএব কয়লা সরবরাহ করা সম্ভব হইবে কিরূপে?

বহরমপুর কয়লাসঙ্কট সম্পর্কে ২৩শে পৌষ এক সম্পাদকীয় প্রবন্ধে “মুর্শিদাবাদ পত্রিকা” লিখিতেছেন যে, পশ্চিমবঙ্গে প্রচুর পরিমাণে কয়লা উত্তোলিত হয় অথচ রাজ্যের অন্ততম জেলা মুর্শিদাবাদের লোকেরা কয়লার অভাবে দুর্দশা ভোগ করিতেছে। রাজ্যের অন্যান্য জেলার কয়লা সরবরাহ সম্ভব হইলে মুর্শিদাবাদেই বা কেন কয়লা সরবরাহ করা সম্ভব হইতেছে না—সেই সম্পর্কে পত্রিকাটি প্রশ্ন তুলিয়াছেন।

“মুর্শিদাবাদ পত্রিকা” লিখিতেছেন, “কয়লা না পাইলে জনসাধারণকে কাঠ ব্যবহার করিতে হয়; কিন্তু কাঠের মূল্যাধিকাহেতু মধ্যবিত্ত ও দরিদ্র জনসাধারণের পক্ষে কাঠ ব্যবহার বিশেষ সহজসাধ্য নহে। উপরন্তু শহরের বাহির হইতে যে পরিমাণ কাঠ বহরমপুরে চালান হইতেছে তাহা শহরের জনসাধারণের প্রয়োজন মিটাইবার পক্ষে নিতান্তই অসুবিধা। এতদ্ব্যতীত কাঠ বিক্রয় করিবার লোভে

পল্লী-অঞ্চলের অনেকেই নির্বিচারে বড় বড় গাছ কাটরা ফেলিতেছে। ভবিষ্যতে ইহার বিশেষ কুফল দেখা দিতে পারে।

আসানসোল পৌরসভায় দুর্নীতি

বার্ণপুর হইতে প্রকাশিত সপ্তাহিক “জি. টি. রোড” পত্রিকা ১১ই পৌষ এক দীর্ঘ সম্পাদকীয় প্রবন্ধে আসানসোল পৌরসভায় দুর্নীতি সম্পর্কে আলোচনা করিয়া লিখিতেছেন, “পৌরসভায় কর্মচারীরা এখন পৌরসভায় সেবক অপেক্ষা দুর্নীতি চালাইবার যন্ত্রে পরিণত হইয়াছে।”

“জি. টি. রোড” লিখিতেছেন, “এই সকল কর্মচারীরা দীর্ঘদিন ধরিয়া এইরূপ করিয়া আসিতেছে এবং পূর্ব পূর্ব বারের বোড এই দুর্নীতির অবসানের কোন চেষ্টা ত করেনই নাই বরং তাঁহারা সর্বদা এই দুর্নীতি বন্ধ করিয়া আসিয়াছেন। দৃষ্টান্তরূপ বলা চলে—Death certificate এবং Birth certificate-এর টাকা লওয়া হয় কিন্তু জমা হয় না। একজন সামান্য কেবালী, পৌর-পতির সমর্থন না থাকিলে দীর্ঘদিন এই ধরনের দুর্নীতি চালাইতে পারে না। তেমনি জসকলের জন্ম জমা দেওয়ার টাকার হিসাব দেখিলে দেখা যাইবে—যত ব্যক্তির নিকট হইতে টাকা [জমা] লওয়া হইয়াছে তাহা অপেক্ষা অধিকসংখ্যক লোককে জলকল দেওয়া হইয়াছে—এই অধিকসংখ্যক লোকের জলকলের টাকা কোথায় গেল?...বিজ্ঞা ও অজ্ঞান যানের Licence-এর টাকা আদায় হয় কিন্তু পৌরসভায় জমা হয় না। মুল্লীবাজারের বাহিরে যে সকল স্থানে হেটোরা বাস করে তাহার কর আদায় হয় কিন্তু পৌরসভায় তহবিলে জমা হয় না। অথচ এই সব হেটোরা পৌরসভায় এলাকায় বসিয়াই জিনিষ বিক্রয় করিয়া থাকে।” পৌরসভা-সংক্রান্ত এইরূপ আরও নানাবিধ দুর্নীতির দৃষ্টান্ত “জি. টি. রোড” দিয়াছেন।

“জি. টি. রোড” লিখিতেছেন, “এই পৌরসভায় অচলায়তন দুর্নীতি সর্বদা স্থানীয় মহকুমা-শাসক, জেলা-শাসক, বর্তমান বিভাগের কমিশনার সকলেই অবহিত আছেন এবং তাঁহারা বাহাতে এই পৌরসভা সরকারের অধীনে আসে সেই জন্ম যথাসাধ্য চেষ্টা করিয়া আসিতেছেন—কিন্তু তাঁহারা সরকারের নিজা ভাঙ্গাইতে সক্ষম হন নাই। অবশ্য সরকার যদি সত্যিই নিজা বাইতেন তবে হয়ত সরকারের ঘুম ভাঙিত কিন্তু তাঁহারা জাগিয়া ঘুমাইতেছেন— কারণ একবার পশ্চিমবঙ্গের মুখ্যমন্ত্রী এই পৌরসভাকে বাতিল করিয়া সরকার বাহাতে স্বহস্তে গ্রহণ করেন তাহার নির্দেশ দিয়াছিলেন। কিন্তু জনাব সাতায় হইতে জীবোগেন বার পর্যন্ত প্রাণ-পণে এই ব্যবস্থাকে বাধা দিয়া আসিতেছেন। ডাঃ রায়কে বোঝান হইয়াছে—এই পৌরসভা যদি সরকার গ্রহণ করেন তবে আসানসোলের কংগ্রেস প্রতিষ্ঠান রসাতলে যাইবে ইহাই তাঁহাদের বক্তব্য।”

কালনা বাজার

কালনা মহকুমায় স্থানীয় সাপ্তাহিক “ভাগীরথী” পত্রিকা এক সম্পাদকীয় প্রবন্ধে কালনার বাজার সম্পর্কিত অব্যবহার আলোচনা করিয়া লিখিতেছেন যে, পূর্ববর্তী অজ্ঞান বৎসরে বাজারটির ডাক হইত এবং যিনি সর্বোচ্চ দর দিতেন এক বৎসরের জন্ম তিনিই বাজারের কর্তৃত্ব লাভ করিতেন; কিন্তু বর্তমান বৎসরে উক্ত ব্যবহার পরিবর্তন করিয়া বর্তমানের মহারাজাধিরাজ ডাক তুলিয়া দিয়া বাজারটি নিজ তত্ত্বাবধানে রাখিয়াছেন। ইহার ফলে জনসাধারণকে নানা দিক হইতে অসুবিধা ও ক্ষতিগ্রস্ত হইতে হইতেছে।

“ভাগীরথী” লিখিতেছেন, পূর্বে, যখন বাজার সর্বোচ্চ দরে ডাকিয়া লইবার প্রথা ছিল তখন একটি নিয়ম ছিল এই যে, বাহারা জিনিষপত্র কিনিয়া বিক্রয় করে তাহারা বেলা ৯টার পূর্বে কোন জিনিষ কিনিতে পারিবে না। ৯টার পূর্বে এই সকল ফেরিওয়ালারা জিনিষ কিনিলে তাহাদের শাস্তি হইত। ফলে সাধারণ ক্রেতা যুক্তিসঙ্গত মূল্যে তাঁহার দৈনিক বাজার করিতে পারিতেন, কিন্তু “বর্তমানে স্থানীয় বাজার মহারাজার পরিচালনাধীনে আসায় পূর্ব-প্রচলিত নিয়ম উঠিয়া গিয়াছে। তাহার ফলে বাজারে প্রয়োজনীয় দ্রব্যাদি আসিলেই ফড়িয়াদের তৎপরতা বৃদ্ধি পায় এবং ক্রেতা-সাধারণ চাষীর নিকট হইতে কোন জিনিষ ক্রয় করিবার কালেই তাহা ফড়িয়ার হস্তগত হয়—মূল্যও সেই পরিমাণে বৃদ্ধি হইয়া থাকে।”

উক্ত সম্পাদকীয় প্রবন্ধে আরও বলা হইয়াছে যে, ব্রিটিশ শাসন-কালে পূর্বোক্ত নিয়ম (অর্থাৎ নয়টার পূর্বে ফড়িয়ারা কোন জিনিষ কিনিতে পারিবে না) ভঙ্গ করিবার কোন উপায় ছিল না, কারণ তাহা হইলে বিশেষ শাস্তি হইত।

বাহাতে পুনরায় উক্ত নিয়ম চালু হয় এবং বেলা ৯টার পূর্বে বাজার হইতে বা পথ হইতে ফড়িয়ারা বাহাতে কোন দ্রব্য না কিনিতে পারে তদনুরূপ ব্যবস্থা অবলম্বনের জন্ম “ভাগীরথী” স্থানীয় মহকুমা-শাসক ও বর্তমানের মহারাজার দৃষ্টি আকর্ষণ করিয়াছেন।

“ভাগীরথী”র সম্পাদকীয় মন্তব্যে যে কয়টি তথ্য উপস্থাপিত হইয়াছে তাহা সত্য হইলে অবিলম্বেই মহকুমা-শাসকের এ বিষয়ে নজর দেওয়া প্রয়োজন বলিয়া আমরাও মনে করি।

নাগা পরিস্থিতি ও সরকারী প্রচার

নাগা পাহাড় অঞ্চলে প্রায় তিন বৎসর ব্যাপ্ত সংঘর্ষ চলিতেছে। বিজ্রোহী নাগারা ভারতীয় বাহিনীর বিরুদ্ধে গরিলা-সংগ্রাম চালাইতেছে। নাগা পাহাড় অঞ্চলের প্রকৃত পরিস্থিতি কি তাহা বলা বিশেষ কঠিন। তবে বিজ্রোহী নাগাদের দমন সম্পর্কে সরকারী প্রচারপত্রে যে সকল বিবরণ দেওয়া হয় তাহা যে অধিকাংশ ক্ষেত্রেই বাস্তবসম্পর্কশূন্য তাহা বেশ জোরের সঙ্গেই বলা যায়।

নাগা পরিস্থিতি সম্পর্কে সরকারী প্রচারের এই বিশেষ

দিকের প্রতি দৃষ্টি আকর্ষণ করিয়া সাপ্তাহিক “যুগশক্তি” ২৮শে অগ্রহায়ণ এক সম্পাদকীয় প্রবন্ধে লিখিয়াছেন যে, নাগা বিদ্রোহীদের বিরুদ্ধে বর্ষার পরবর্তী অভিযানের সম্পূর্ণ সাফল্য ঘোষণা করিয়া সাংবাদিক সম্মেলনে মেজর-জেনারেল কোচারের বিবৃতির অল্পদিনের মধ্যেই বিভিন্ন স্থানে নাগা বিদ্রোহীদের নূতন-তর প্রচেষ্টার সংবাদ আসিতে থাকে। বিভিন্ন স্থানে নাগারা নূতন উত্তমে আক্রমণ চালাইতে থাকে। “ইহাতে কি প্রতীয়মান হয়?” —“যুগশক্তি” প্রশ্ন করিয়াছেন।

“যুগশক্তি” লিখিতেছেন :—

“শিলঙের অল্প এক সংবাদে বলা হয় যে, নাগা গ্রামবাসীরা সরকারের সহিত সহযোগিতা করিতেছে এবং যাহাতে কোন অগায় কার্য সজ্জ্বিত না হয় সে বিষয়ে প্রতিশ্রুতি দিতেছে। কিন্তু এই ধরনের প্রতিশ্রুতির কোন মূল্য আছে কি? ইতিপূর্বে কয়েকবার আমাদের রাজ্যের মুখ্যমন্ত্রী, কেন্দ্রীয় স্বরাষ্ট্রমন্ত্রী ও অগাধ্য দারিদ্রশীল ব্যক্তি ঘোষণা করিয়াছেন যে, নাগা পাহাড়ের পরিস্থিতি আয়ত্তে আসিয়াছে, নাগারা শান্ত হইয়াছে। কিন্তু এই সমস্ত বক্তৃতাদানের কিছুদিন মধ্যেই আবার বিদ্রোহীরা নানা স্থানে সহিংস আক্রমণ চালাইয়া উপরি-উক্ত ঘোষণা যে অবাস্তব তাহা প্রতিপন্ন করে। ইহাতে জনসাধারণের মনে নাগা পাহাড়ের প্রকৃত অবস্থা সম্পর্কে সন্দেহ জাগা অস্বাভাবিক নহে।

“আমাদের মনে হয় নাগা পরিস্থিতি সম্পর্কে এই ভাবে বিবৃতি না দিয়া প্রকৃত অবস্থাই জনসাধারণকে জানাইবার এবং সমস্ত সমাধানের জন্ম সত্ত্বা সকল উপায় অবলম্বনের চেষ্টা করাই সমীচীন।”

ডাকমাণ্ডল ও নয়া পয়সা

নয়া পয়সা প্রচলিত হইলে দ্রব্যমূল্যমান যে বৃদ্ধি পাইবে “ডাক-মাণ্ডল ও নয়া পয়সা” শীর্ষক পাকিস্তানী “হিন্দুবাণী”র ১১ই পৌষ তারিখের মন্তব্য পাঠে তাহা সর্বিশেষ অমুদ্রাভবন করা যায়।

“হিন্দুবাণী” লিখিতেছেন :

“নয়া পয়সার মাধ্যমে খাম, পোর্টকার্ড প্রভৃতির মূল্য নির্ধারণ করিয়া লোকসভা ভারতীয় পোর্ট আপিস (সংশোধন) আইন, ১৯৫৬, নামে একটি আইন পাস করিয়াছেন। কেন্দ্রীয় সরকারের ইচ্ছামত দিনে উহা প্রযুক্ত হইবে এইরূপ নির্দেশ আছে। উক্ত সংশোধনে খামের মূল্য ১০ নয়া পয়সা ও পোর্টকার্ডের মূল্য ৫ নয়া পয়সা ধার্য হইয়াছে। সুতরাং ১ টাকায় ৮ খানির বদলে ৭ খানি খাম বা ২১ খানির বদলে ২০টি পোর্টকার্ড পাওয়া যাইবে। ফলে জনসাধারণের ডাকব্যয় বাড়িয়া যাইতেছে। সরকারী হিসাবে ৮০ আনার স্থলে ১২ নয়া পয়সা ধরা হইলেও খামের মূল্যের ক্ষেত্রে উহা ১ নয়া পয়সা বেশী ধরা হইয়াছে।”

ডাকমাণ্ডলসংক্রান্ত এই নূতন আইনটি চালু হইলে সর্বাপেক্ষা ক্ষতিগ্রস্ত হইবে সংবাদপত্রসমূহ। বিশেষ ভাবে সাময়িক পত্রিকা-

গুলির ডাকব্যয় বিশেষ বৃদ্ধি পাইবে। বর্তমানে বেজিষ্টার্ড পত্রিকা-গুলি ১০ তোলা পর্যন্ত এক পয়সায় পাঠাইতে পারে—অর্থাৎ এক টাকায় ৬৪খানি পত্রিকা পাঠানো চলে। সে স্থলে নয়া পয়সা চালু হইলে পাঠানো যাইবে মাত্র পঞ্চাশটি।

উপসংহাবে “হিন্দুবাণী” লিখিতেছেন, “ডাকমাণ্ডলের হার বৃদ্ধি না করিয়া কেবল নয়া পয়সার নামে সরকার মাণ্ডল বৃদ্ধির যে ব্যবস্থা করিতেছেন সে সর্বক্ষে জনসাধারণ ও পত্রিকাসমূহের সচেতন হওয়া আবশ্যিক। নচেৎ উহা চালু করিবার সময় গোলমাল করিয়া লাভ হইবে না।”

পাকিস্তানী জবরদখল

সম্প্রতি মুর্শিদাবাদ জেলার জঙ্গীপুর মহকুমার অন্তর্গত হুইটি চর পাকিস্তানীরা বঙ্গপূর্বক দখল করিয়াছে বলিয়া প্রকাশ। ভারত-সরকার ইহার বিরুদ্ধে প্রতিবাদ জ্ঞাপন করিয়াছেন এবং এই অঞ্চলে কিছু সৈন্যও মোতায়েন করা হইয়াছে।

সীমান্তবর্তী অঞ্চলগুলি এইরূপ জবরদখল করা পাকিস্তানী রাজনীতির একটি অবিচ্ছেদ্য অঙ্গ। এইরূপ জবরদখলের ফলে দখলীকৃত অঞ্চলগুলিতে ভারতীয় নাগরিকদিগের স্বার্থ বিশেষরূপে বাহত হয়। উভয় রাষ্ট্রের মধ্যে সীমান্ত বিরোধ নিষ্পত্তির জন্ম যে কমিশন নিযুক্ত হইয়াছিল, বহুদিন পূর্বেই তাহার বোয়েনাদ প্রকাশিত হয় এবং তদনুযায়ী সার্ভেইর কাজও সম্পন্ন হইয়াছে বলিয়া প্রকাশ। কিন্তু সীমারেখা চিহ্নিত করিবার কাজ এখনও পর্যন্ত সম্পন্ন না হইবার ফলেই এই সকল সীমান্ত বিরোধের সৃষ্টি হইতেছে। এ বিষয়ে ভারত সরকারও যে বিশেষ গুরুত্ব আরোপ করেন তাহা মনে হয় না।

ভারতীয় অঞ্চলে পাকিস্তানীদের এইরূপ বঙ্গপূর্বক অনুপ্রবেশ সম্পর্কে আলোচনা করিয়া এই পৌষ এক সম্পাদকীয় প্রবন্ধে “ভারতী” পত্রিকা লিখিয়াছেন :

“কিছুদিন হইতে রাজসাহী-মুর্শিদাবাদের সীমান্তে পদ্মার চর লইয়া পাকিস্তানীরা এই একই খেলা খেলিতেছে। গত দুই বৎসর পূর্বে এই মহকুমার দমারামপুর ইউনিয়নের হরিচন্দ্রপুর, বাথরাসি, নিবপুর, বাজিতপুর, পিরোজপুর প্রভৃতি মৌজাগুলির হাজার হাজার বিঘা জমি এই কৌশলেই পাকিস্তানীরা দখল করিয়া লইয়া নির্বিঘ্নে ভোগ করিয়া আসিতেছে। ভারত সরকার যে বিষয়টির উপর কার্যতঃ কোন গুরুত্ব আরোপ করিয়াছেন, তাহা মনে হয় না। কারণ এতদকালের ভূস্বামিগণ পুনঃ পুনঃ পাকিস্তানীদের এই অস্তায় আচরণের প্রতি তাঁহাদের দৃষ্টি আকর্ষণ করিয়া বার্থ-মনোবধ হইয়াছেন এবং উভয় সরকারের মধ্যে আলোচনা-আলোচনা করিয়াও আজ পর্যন্ত এই চরগুলি সম্পর্কে কোন চূড়ান্ত সিদ্ধান্ত গৃহীত হয় নাই। অপর পক্ষে এই চরগুলি পাকিস্তানী এলাকা বলিয়া ঘোষিত না হইয়াও পাকিস্তানীরা বেশ নির্বিঘ্নে ইহার উৎপন্ন ফসলাদি বৎসরের পর বৎসর আত্মসাৎ করিয়া চলিয়াছে। ভারত সরকারের

এই নির্বিকল্প ভূমিকায় উৎসাহিত হইয়া তাহারা হয়ত এ বৎসর আরও দুইটি চর দখল করিয়া লইল এবং ভবিষ্যতে যদি এইভাবে অগ্রসর হইয়া আরও কিছু কিছু ভূখণ্ড দখল করিয়া লয় তাহা হইলেও হয়ত বিক্ষিত হইবার কিছু থাকিবে না।”

পূর্ব পাকিস্থানে শিক্ষা কমিশন

পূর্ব পাকিস্থানের শিক্ষা-ব্যবস্থার সংস্কার ও পুনর্গঠন সম্পর্কে প্রাদেশিক সরকারকে পরামর্শ দিবার জ্ঞান পূর্ব পাকিস্থান সরকার একটি শিক্ষা কমিশন গঠন করিয়াছেন। পূর্ব পাকিস্থানের মুখ্যমন্ত্রী আতাউর রহমান কমিশনের চেয়ারম্যান। কমিশনের অষ্টাঙ্গ সদস্য হইতেছেন ড. মহম্মদ কুদ্দুস এ-খুদা, কুমিল্লা কলেজের অধ্যক্ষ আখতার হামিদ খান, মৌলবী বাজার কলেজের অধ্যক্ষ আবু লাইস এবং ঢাকা বিশ্ববিদ্যালয়ের দর্শনশাস্ত্রের অধ্যাপক ড. গোবিন্দচন্দ্র দেব। আগামী মার্চ মাসের মধ্যেই কমিশন সরকারের নিকট তাহাদের রিপোর্ট পেশ করিবেন বলিয়া প্রকাশ। কিন্তু কার্যতঃ তাহা সম্ভব হইবে কিনা সন্দেহ রহিয়াছে, কারণ এই অল্প সময়ের মধ্যে জনসাধারণের মতামত গ্রহণের জ্ঞান প্রস্তুত রচনা, প্রেরণ এবং প্রাপ্ত উত্তরগুলি বিচার-বিবেচনা করিয়া সেই সম্পর্কে কমিশনের মতামত দান এত অল্প সময়ের মধ্যে সারিয়া উঠা বিশেষ সহজসাধ্য নহে।

শিক্ষা কমিশন নিয়োগ উপলক্ষে ২৫শে পৌষ এক সম্পাদকীয় প্রবন্ধে ক্রীহট হইতে প্রকাশিত “জনশক্তি” পূর্ব পাকিস্থানের শিক্ষা পরিস্থিতির পর্যালোচনা করিয়া লিখিতেছেন যে, স্বাধীনতাপ্রাপ্তির পরবর্তী যুগে “পূর্ব পাকিস্থানের শিক্ষা-ব্যবস্থা সম্পূর্ণরূপেই ধ্বংস হইয়া পড়িয়াছে।” প্রাথমিক শিক্ষা বাধ্যতামূলক করা হইবে বলিয়া ১৯৫১ সনে একটি আইন পাস হয়। তাহার বলে প্রদেশের ৩৯টি থানার প্রতি থানায় দুইটি ইউনিয়নকে বাধ্যতামূলক শিক্ষার আওতায় আনা হইয়াছে বটে, কিন্তু বাধ্যতামূলক প্রাথমিক শিক্ষা সমগ্র প্রদেশে বিস্তারের কাজ বিশেষ অগ্রসর হয় নাই।

যে কয়টি স্কুল রহিয়াছে তাহাদেরও ঘরগুলির অবস্থা অত্যন্ত শোচনীয়। স্কুলঘরের অভাবে দুই বেলা করিয়া স্কুল বসিতেছে। প্রাইমারী বিদ্যালয়গুলিতে কর্মরত ৭২ হাজার শিক্ষকের মধ্যে মাত্র ১৫ হাজার ম্যাট্রিক পাস ও ট্রেনিংপ্রাপ্ত, ত্রিশ হাজার নন ম্যাট্রিক ট্রেনিংপ্রাপ্ত, বাকী সাতাশ হাজার শিক্ষাদান কার্যের সম্পূর্ণ অক্ষুণ্ণ।

“গড়পড়তা প্রতি স্কুলে এক জন ট্রেনিংপ্রাপ্ত শিক্ষকও নাই। ফলে শিক্ষার নামে অশিক্ষাই চলিয়াছে। প্রথম শ্রেণীতে ভর্তি হওয়া একশটি ছেলের মধ্যে ৪০ জনই দ্বিতীয় শ্রেণীতে উঠিবার পূর্বেই পাঠ শেষ করে।”—“জনশক্তি” লিখিতেছেন।

মাধ্যমিক বিদ্যালয়গুলিও সমান দুর্দশাগ্রস্ত। স্কুলগুলি সরকার হইতে যে সাহায্য পায় তাহা নান্নমাত্র। ফলে অর্থাভাবে উপযুক্ত বেতন দিতে সক্ষম না হওয়ায় অধিকাংশ বিদ্যালয়গুলিকেই অক্ষুণ্ণ শিক্ষক দ্বারা কার্য চালাইতে হইতেছে। পত্রিকাটির

ভাষায় “যাঁহারা অল্প কোন দিকে কোন সুবিধা করিতে পারেন না অধিকাংশ স্কুলের অধিকাংশ শিক্ষকই সেই শ্রেণী হইতেই গৃহীত হইতেছেন। ফলে, শিক্ষার মান সর্বনিম্নস্তরে নামিয়া আসিয়াছে।”

শিক্ষকদের দুর্গতি লইয়া কোন জাতির পক্ষেই উন্নতি করা সম্ভব নহে। শিক্ষা ব্যাপারে শিক্ষকের ভূমিকার গুরুত্ব এবং শিক্ষা-উন্নয়ন পরিবর্তনায় শিক্ষকদের অবস্থার উন্নতির ভূমিকার বিশেষ গুরুত্বের প্রতি নবগঠিত শিক্ষা কমিশনের দৃষ্টি আকৃষ্ট করিয়া “জনশক্তি” লিখিতেছেন, “দেশের শিক্ষা-ব্যবস্থাকে পুনর্গঠিত করিবার কোন পরিবর্তন গ্রহণ করিতে হইলে সর্বপ্রথমে দেশে পর্যাপ্তসংখ্যক উপযুক্ত শিক্ষক তৈরি করিতে হইবে। শিক্ষাদান কার্যকে যাঁহারা একটি ব্রত হিসাবে গ্রহণ করিবেন তাঁহাদের ভরণ-পোষণের উপযুক্ত ব্যবস্থা সমাজ তথা রাষ্ট্রকে গ্রহণ করিতেই হইবে। শিক্ষা কমিশন সর্বপ্রথমে এই শিক্ষক তৈরি সম্পর্কেই চিন্তা করিয়া পরিবর্তন গ্রহণ করিবেন ইহাই আমরা আশা করি। সমগ্র শিক্ষা-ব্যবস্থা এই কয় বৎসরে ধ্বংস হইয়া যাওয়ার মূলে উপযুক্ত শিক্ষকের অভাবই বড় কারণ—এই কথাটা আজও বুঝা দরকার।”

ইডেনের বিদায়গ্রহণ

শ্রম এন্টনী ইডেন প্রধানমন্ত্রীর পদে ইস্তফা দিয়াছেন। ৯ই জানুয়ারী রাণী দ্বিতীয় এলিজাবেথের সহিত বাকিংহাম প্রাসাদে দেখা করিয়া তিনি তাঁহার পদত্যাগপত্র পেশ করেন এবং সঙ্গে সঙ্গেই তাহা গৃহীত হয়। স্বাস্থ্যের অবনতি হওয়ার জগুই শ্রম এন্টনী পদত্যাগ করিয়াছেন বলিয়া ঘোষণা করা হয়।

রাণী এলিজাবেথ বিভিন্ন রাজনীতিবিদগণের সহিত পরামর্শ করিবার পর মিঃ হারল্ড ম্যাকমিলানকে ব্রিটেনের প্রধানমন্ত্রী হিসাবে নিযুক্ত করেন। ১৪ই জানুয়ারী মিঃ ম্যাকমিলান তাঁহার মন্ত্রীসভার সদস্যদের নাম ঘোষণা করেন। নূতন মন্ত্রীসভার প্রধান সদস্যদের নাম যথাক্রমে : প্রধানমন্ত্রী—মিঃ হারল্ড ম্যাকমিলান, অর্থ-মন্ত্রী—মিঃ পিটার থর্নক্রফট; পররাষ্ট্রমন্ত্রী—মিঃ সেলুইন লয়েড, কমনওয়েলথ সচিব—আর্ল অব হোম; উপনিবেশিক সচিব—মিঃ লেনক্স বয়েড; প্রতিরক্ষা মন্ত্রী—মিঃ ডানকান শ্যাণ্ডিস (চার্চিলের ভাণ্ডার); স্বরাষ্ট্রমন্ত্রী ও লর্ড প্রীতি সীল—মিঃ বিচার্ড বাটলার; প্রেসিডেন্ট অব দি বোর্ড অব ট্রেড—মিঃ ডেভিড একক্লেস; লর্ড প্রেসিডেন্ট অব দি প্রীতি কাউন্সিল—মাকুয়েস অব স্লসবারী। লর্ড চ্যান্সেলর (প্রধান বিচারপতি)—ভাইকাউন্ট কিলুমির।

মিঃ ম্যাকমিলানের মন্ত্রীসভায় মোট আঠার জন সদস্য আছেন—শ্রম এন্টনী ইডেনের সময় অপেক্ষা একজন সদস্য কম। শ্রম এন্টনী ইডেনের মন্ত্রীসভার সদস্যদের গড়পড়তা বয়স ছিল ৫৫ বৎসর; বর্তমান মন্ত্রীসভার ৫৩ বৎসর।

পুরাতন মন্ত্রীসভায় যে কয়েকজন সদস্যকে নূতন মন্ত্রীসভা হইতে বাদ দেওয়া হইয়াছে তাঁহাদের মধ্যে বিশেষ উল্লেখযোগ্য হইলেন—

প্রতিরক্ষা মন্ত্রী মিঃ এণ্টনী হেড (সুয়েজ সমস্যার সাময়িক দিক সম্পর্কে যাঁহার কার্যাবলীতে ব্রিটেনের সংবাদপত্র এবং রক্ষণশীল দলের একাংশের মধ্য হইতে বিশেষ সমালোচনা উঠিয়াছিল); শ্রম ওয়ার্ণার মনকুটন (যিনি সুয়েজ খাল লইয়া মিশরের বিরুদ্ধে মুদ্রাভিযানের বিরোধী ছিলেন); প্রাক্তন স্বরাষ্ট্রমন্ত্রী গুইলিম লয়েড জর্জ এবং প্রাক্তন পূর্তমন্ত্রী মিঃ প্যাট্রিক বুকান-হেপবার্ণ।

শ্রম ওয়ার্ণার মনকুটনকে রাণী ভাইকাউন্ট উপাধি দিয়াছেন। শ্রম এণ্টনী ইডেনকেও আল'উপাধি দেওয়া হইবে বলিয়া শুনা বাইতেছে।

শ্রম এণ্টনী ইডেনের পদত্যাগ কোন দিক হইতেই অপ্রত্যাশিত নহে। অক্টোবর মাসের শেষ দিকে যখন ইঙ্গ-ফরাসী দৈনিক মিশর আক্রমণ করে তখনই ইডেন সরকারের জঙ্গীবাদী নীতির বিরুদ্ধে ব্রিটেনের রাজনৈতিক মহলে বিশেষ বিক্ষোভের সঞ্চার হয়। এই বিক্ষোভ কেবলমাত্র বিরোধী শ্রমিক দলের মধেই সীমাবদ্ধ থাকে না; রক্ষণশীল দলের একাংশের মধেও ইডেন সরকারের নীতির বিশেষ সমালোচনা হইতে থাকে। সুয়েজ খাল লইয়া মিশর আক্রমণের নীতির বিরুদ্ধে প্রতিবাদস্বরূপ দু'একজন মন্ত্রী পদত্যাগও করেন। নভেম্বর মাসের মাঝামাঝি সময়ে শ্রম এণ্টনী ইডেন স্বাস্থ্যের অবনতির অজুহাতে জ্যামাইকা চলিয়া যান এবং মিঃ রিচার্ড বাটলার তাঁহার স্থলে কার্য চালাইতে থাকেন। সেই সময়ই অনেকে জল্পনা-কল্পনা করিতে থাকেন যে, শ্রম এণ্টনী হয়ত আর মন্ত্রিসভায় যোগদান করিবেন না। কার্যতঃ অবশ্য শ্রম এণ্টনী ইংলণ্ডে ফিরিয়া আসিয়া পুনরায় প্রধানমন্ত্রীর কর্তৃত্ব গ্রহণ করেন। কিন্তু তাঁহার অবসর গ্রহণের সময় যে আসন্ন সে সম্পর্কে কোনই সন্দেহ থাকে না।

শ্রম এণ্টনী ইডেনের পদত্যাগে কেহ বিস্মিত না হইলেও নূতন প্রধানমন্ত্রীর নাম দেখিয়া অনেকেই বিস্মিত হইয়াছেন। ওয়াকি-বহাল মহল সকলেই আশা করিয়াছিলেন যে, শ্রম এণ্টনীর পদত্যাগের পর মিঃ বাটলারই প্রধানমন্ত্রী হইবেন। কিন্তু বস্তুতঃ প্রধানমন্ত্রী হইলেন মিঃ হারল্ড ম্যাকমিলান—যিনি ম্যাকমিলান পুস্তক কোম্পানীর কর্ণধার এবং ইডেন মন্ত্রিসভায় প্রথমে পররাষ্ট্রমন্ত্রী ও পরে অর্থমন্ত্রীরূপে কার্য করেন। শ্রম উইনষ্টন চার্চিল এবং প্রধানতঃ মার্কুয়েস অব শ্রলসবারীর পরামর্শ অনুসারেই রাণী এলিজাবেথ মিঃ ম্যাকমিলানকে প্রধানমন্ত্রীরূপে নিযুক্ত করেন।

নূতন প্রধানমন্ত্রীর মনোনয়ন সম্পর্কে ব্রিটেনে এক রাজনৈতিক বিতর্ক চলিয়াছে। শ্রমিক দলের পক্ষ হইতে অভিযোগ করিয়া বলা হইয়াছে যে, রক্ষণশীল দলকর্তৃক কোন নেতা নির্বাচিত হওয়ার পূর্বেই রাণী প্রধানমন্ত্রীরূপে মিঃ ম্যাকমিলানকে নিযুক্ত করিয়া স্বয়ং দলীয় রাজনীতিতে জড়াইয়া পড়িয়াছেন। তাঁহাদের অভিমতে রাণী মিঃ ম্যাকমিলানকে প্রধানমন্ত্রী নিযুক্ত করার কলে রক্ষণশীল দলের পক্ষে মিঃ ম্যাকমিলানকে নেতা নির্বাচিত করা ব্যতীত গত্যন্তর থাকিবে না, কারণ যদি ম্যাকমিলানকে নেতা না

করা হয় তাহা হইলে রাণীকে অমন্ত্র করা হইবে। এইরূপ ভাবে একটি গুরুত্বপূর্ণ রাজনৈতিক সিদ্ধান্ত দেশের উপর চাপাইয়া দেওয়া রাণীর পক্ষে ঠিক হয় নাই বলিয়া তাঁহারা মন্তব্য করেন।

ইডেনের পদত্যাগের সঙ্গে সঙ্গেই শ্রমিক দল দেশে একটি সাধারণ নির্বাচনের দাবি জানান। নূতন প্রধানমন্ত্রী মিঃ ম্যাকমিলান বলিয়াছেন যে, এখন সাধারণ নির্বাচন হইবে না।

আন্তর্জাতিক রাজনৈতিক মহলে শ্রম এণ্টনী ইডেনের পদত্যাগ এক আলোড়ন সৃষ্টি করিয়াছিল। শ্রম এণ্টনীর পদত্যাগে ব্রিটেনে পররাষ্ট্রনীতির কি পরিবর্তন ঘটে তাহার জ্ঞান সকলেই সাগ্রহে প্রতীক্ষা করিতেছিলেন। যাঁহারা আশা করিয়াছিলেন যে, শ্রম এণ্টনীর পদত্যাগে ব্রিটেনের পররাষ্ট্রনীতির পরিবর্তন ঘটবে, তাঁহারা হতাশ হইয়াছেন। প্রথমতঃ, প্রধানমন্ত্রী পদে মিঃ ম্যাকমিলানের নিয়োগে এবং পরে পররাষ্ট্রসচিব পদে মিঃ লয়েডের পুনর্নিয়োগে তাঁহাদের সেই আশা ব্যর্থ হইয়াছে।

পাশ্চাত্য রাষ্ট্রমণ্ডলী, গণতন্ত্র ও স্বাধীনতা

পাশ্চাত্য রাষ্ট্রগুলি গণতন্ত্র ও স্বাধীনতার বুলি প্রায়ই আওড়াইয়া থাকে। হাজেরীতে রাশিয়ার আক্রমণে ইহারা যে পরিমাণ চোখের জল ফেলিয়াছে তাহা দেখিয়া কেহ কল্পনাও করিতে পারিবে না যে ইহারা নিজেরা কোন নিষ্ঠুর আচরণ করিতে পারে। কিন্তু কার্যক্ষেত্রে ব্যাপার সম্পূর্ণ অঙ্গরূপ। সোভিয়েট রাষ্ট্রের মতই ইহারাও অপরাপর রাষ্ট্রের আচরণকে যে মানদণ্ড দিয়া বিচার করে, নিজেদের আচরণের বিচারের সময় তাহারা সেই মানদণ্ড ব্যবহার করিতে সম্পূর্ণ অনিচ্ছুক।

হাজেরীতে সোভিয়েট আক্রমণ ও বর্ধিততা যে কঠোরভাবে নিন্দনীয় তাহা নিঃসন্দেহ। আমরা বিনা বিধায় তাহার নিন্দা করিয়াছি। পাশ্চাত্য শক্তিবর্গও সোভিয়েট আচরণের তীব্র নিন্দা করিয়াছে—তদপেক্ষা বেশী কিছুও করিয়াছে। কিন্তু অগ্ন্যস্ত জাতি ও রাষ্ট্রের ক্ষেত্রে এই শক্তিবর্গ নিজেরা কি আচরণ করিতেছে? ব্রিটেন ইয়েমেন আক্রমণ করিয়াছে; ফরাসী সাম্রাজ্যবাদ আল-জিবির স্বাধীনতা আন্দোলনকে বর্ধিতোচিত উপায়ে দমন করিতেছে, পতুগীজ আফ্রিকায় ও ভারতের গোয়াতে পতুগীজ সাম্রাজ্যবাদ নির্লজ্জ অত্যাচার ও শোষণ চালাইতেছে। হাজেরীতে যে অত্যাচার সংঘটিত হইয়াছে, এই সব দেশে সাম্রাজ্যবাদের অত্যাচার তদপেক্ষা কোন অংশেই নূন নহে। তত্পরি মধ্যপ্রাচ্যে আইসেন-হাওয়ার নীতির কলে নূতন করিয়া সংঘর্ষের বিপদ দেখা দিয়াছে।

পাশ্চাত্য—বিশেষতঃ মার্কিনী গণতন্ত্রের সর্বশেষ রূপ প্রকাশ পাইয়াছে ওকিনাওয়াতে। ওকিনাওয়া জাপানের অন্তর্গত বিউকিউ দ্বীপপুঞ্জের সর্ববৃহৎ দ্বীপ। ১৯৫১ সনে মার্কিন যুক্তরাষ্ট্র ও জাপানের মধ্যে যে শান্তিচুক্তি স্বাক্ষরিত হয় তদনুযায়ী বিউকিউ দ্বীপপুঞ্জের কর্তৃত্ব "অনির্দিষ্টকালের জন্য" মার্কিন যুক্তরাষ্ট্রের হাতে

জাপান ছাড়িয়া দিতে বাধ্য হয়। বিটকিউ দ্বীপপুঞ্জের অট লক্ষ অধিবাসী সকলেই জাপানী শিক্ষা-দীক্ষায় প্রভাবিত এবং তাহারা সকলেই জাপানের সহিত পুনর্মিলনের জগা উন্মুখ। কিন্তু মার্কিন সামরিক অধিকারের জগা বিটকিউ দ্বীপপুঞ্জের অধিবাসীদের স্বাধীনতা লাভের ও স্বজাতির সহিত পুনর্মিলনের আকাঙ্ক্ষা সফলতা লাভ করিতে পারিতেছে না।

সম্প্রতি ওকিনাওয়া দ্বীপের রাজধানী নাহা শহরের মেয়র নির্বাচনে মার্কিন-বিরোধী কামেজিরো সেনাগা বিপুল ভোটাধিক্যে তাঁহার প্রতিদ্বন্দ্বীকে পরাজিত করিয়া মেয়র নির্বাচিত হইয়াছেন। মার্কিন সামরিকমহল প্রকাশ্য ভাবেই সেনাগার নির্বাচনের বিরোধিতা করেন। কিন্তু এইরূপ সর্বাঙ্গিক বিরোধিতা সত্ত্বেও সেনাগা ১৬,০০০ ভোট পান। সেনাগা এক জন প্রাক্তন সাংবাদিক। ১৯৫৪ সনে অপরাধীকে আশ্রয়দানের অভিযোগে তাঁহাকে দুই বৎসরের জগা কারাদণ্ডে দণ্ডিত করা হয়। গত এপ্রিল মাসে দেড় বৎসর কারাদণ্ডভোগের পর তিনি মুক্তিলাভ করেন। তাহার বয়স বর্তমানে ৪৯ বৎসর।

যদিও ওকিনাওয়া বিপুলন পাটির নেতা মিঃ কামেজিরো সেনাগা বিপুল ভোটাধিক্যে জনপ্রিয় মেয়র হিসাবে নির্বাচিত হইয়াছেন তথাপি মার্কিনী গণতন্ত্রের এমনই অপার মহিমা যে, তাঁহাকে নাগরিক কার্যের জগা মিউনিসিপ্যালিটির কোন অর্থই ব্যবহার করিতে দেওয়া হইতেছে না।

আইসেনহাওয়ার-নীতি

প্রথম মহাযুদ্ধ পর্যন্ত মধ্যপ্রাচ্যে ইঙ্গ-ফরাসী প্রভুত্বই মার্কিনীম ছিল। প্রথম মহাযুদ্ধের ফলে বিশ্ব অর্থনীতিতে ব্রিটেন পশ্চাদ্বর্তী হইয়া পড়ায় রাজনৈতিক ক্ষেত্রেও ব্রিটেনকে ধীরে ধীরে পশ্চাদপসরণ করিতে হয়। ব্রিটেনের ক্ষমতা হ্রাসের সূচক হিসাবে মধ্যপ্রাচ্যে ব্রিটিশ প্রভুত্বও ফাটল দেখা দেয় এবং সেই অঞ্চলে মার্কিন অগ্রবেশ ঘটিতে থাকে। তথাপি দ্বিতীয় মহাযুদ্ধ এমনকি তাহার অব্যবহিত পরেও মধ্যপ্রাচ্যে ব্রিটেনেরই প্রভুত্ব সমধিক ছিল। আইসেনহাওয়ার-নীতি ঘোষণার পর এখন আর তাহার কিছুই অবশিষ্ট রহিল না বলা চলে।

মধ্যপ্রাচ্যে শূণ্যস্থান পূর্ণকরণের আইসেনহাওয়ার-নীতি মধ্যপ্রাচ্যে মার্কিন প্রভুত্ব বিস্তারেরই নীতি। যুক্তরাষ্ট্র স্পষ্টই বলিয়াছে, ফ্রান্স ও ব্রিটেনের সহিত মিলিয়া মধ্যপ্রাচ্যে কোন নীতি কার্যকরী করিতে মার্কিন সরকার বিশেষ আগ্রহান্বিত নহেন।

ইউরোপে মার্কিন প্রভুত্ব স্থাপনের নীতি ছিল ট্রুম্যান-নীতি। ট্রুম্যান-নীতিরও উদ্দেশ্য ছিল কমিউনিজম প্রতিহত করা। আইসেনহাওয়ার-নীতিরও একটি লক্ষ্য মধ্যপ্রাচ্যে কমিউনিজম প্রতিরোধ করা। ইউরোপে কমিউনিজম কতদূর প্রতিহত হইয়াছে তাহা বলিবার সময় এখনও আসে নাই তবে ইউরোপের রাষ্ট্র-গোষ্ঠীর উপর মার্কিন প্রভাব যে বিশেষ বৃদ্ধি পাইয়াছে তাহাতে সন্দেহ নাই। এই মার্কিন প্রভুত্ব বিস্তারে ইউরোপীয় রাষ্ট্রবিদ্-

দিগের একাংশের উদ্বেগের প্রতীকনি করিয়া লণ্ডনের "টাইমস" পত্রিকা সেইজগাই ১৯৫১ সনে লিখিয়াছিলেন, পৃথিবীর অর্ধাংশের বেশী অঞ্চলে মার্কিন সরকারের বিনা অনুমতিতে কোন রাষ্ট্রেরই আন্তর্জাতিক ক্ষেত্রে কোন রাজনৈতিক কাজ করিবার ক্ষমতা নাই।

ট্রুম্যান-নীতি ঘোষণার পর ইউরোপে 'ঠাণ্ডা লড়াই' দেখা দেয়। আইসেনহাওয়ার-নীতি ঘোষণার পর মধ্যপ্রাচ্যেও তদনুরূপ ঠাণ্ডা লড়াই সৃষ্টি হইবার উপক্রম হইয়াছে। সোভিয়েট সরকার ঘোষণা করিয়াছেন, মধ্যপ্রাচ্যে মার্কিন সৈন্য পাঠান হইলে তাঁহারা চূপ করিয়া বসিয়া থাকিবেন না। শূণ্যস্থান পূরণের নব মার্কিন নীতিতে মধ্য-এশিয়ার রাষ্ট্রগুলির মধ্যে বিশেষ উদ্বেগ দেখা দিয়াছে। সিরিয়া সরকার প্রকাশ্যেই তাঁহাদের উদ্বেগ ঘোষণা করিয়াছেন। স্বাভাবিক-ভাবে ভারতীয় রাজনৈতিকমহলও এই নূতন নীতির সম্ভাবনা সঙ্ক্ষে উদাসীন থাকিতে পারিতেছেন না।

নির্বাচনী-যুদ্ধ

নির্বাচনের মুখে প্রাক্তি দল ও উপদল বিপক্ষের 'গুণকীর্তনে' পক্ষমুগ হইয়া উঠেন। নিজের গলদে সাফাই গাওয়া ও অণ্ডের দোষ লইয়া পাঁচালী গাওয়া ইহাই পাঁচটি সিষ্টেমের অবদান। নীচে কিছু নমুনা দেওয়া গেল। বিচক্ষণ পাঠক ক্ষীর ও নীর সম্পর্কে সঙ্গায় থাকুন :

"লক্ষ্মীবাসিনগর, এই জাহ্নুয়ারী—আজ কংগ্রেসের প্রকাশ্য অধিবেশনে কংগ্রেসের নির্বাচনী ইস্তাহার সম্পর্কিত প্রস্তাবটি উত্থাপন করিয়া বক্তৃতা প্রসঙ্গে প্রধানমন্ত্রী জীজবাহরলাল নেহরু বলেন যে, ভারতকে তাহার নিঃস্ব সমাজতন্ত্রের লক্ষ্যে উপনীত হইতে হইবে। সে-পথ শান্তিপূর্ণ বিপ্লবের পথ। ভারত যদি শান্তি ও গণতন্ত্রের পথ পরিহার করে, তবে ভারতভূমি বিরোধ-বিন্যাসের লীলাক্ষেত্র হইয়া উঠিবে।

প্রধানমন্ত্রী বলেন যে, শক্তিপ্রয়োগের সাহায্যে জোরজবর-দস্তিতে বাহারা সমাজতন্ত্র প্রতিষ্ঠার কথা বলে তাহারা ভুলিয়া যায় যে, ভারতে ৩৭ কোটি লোককে সমাজতন্ত্রের পথে লইয়া বাইতে হইবে। এই বিঘাট জনসমষ্টির উপর জোর করিয়া সমাজতন্ত্র চাপাইয়া দেওয়ার পবিণাম যে ব্যর্থ হইবেই—তাহা দিনের আলোর মত স্পষ্ট।

ভারতীয় কমিউনিষ্টদের সরাসরি আক্রমণ করিয়া পণ্ডিত নেহরু বলেন যে, পৃথিবীতে ক্রমবেগে নানা পরিবর্তন ঘটিয়াছে ও ঘটিতেছে—কিন্তু ইহাদের দৃষ্টিভঙ্গী আজও অনড়-অটল। সেকলে দৃষ্টিভঙ্গীকে এখনও ইহারা আঁকড়াইয়া আছেন। হয়ত নূতন যুগের আলোর আসিয়া দাঁড়াইতে উহাদের আরও এক শত বৎসর লাগিয়া যাইবে।

পণ্ডিত নেহরু স্বীকার করেন যে, ভারতে শ্রেণী-বিরোধ আছে এবং বিভিন্ন শ্রেণীর মধ্যে নিজ নিজ স্বার্থরক্ষার তাগিদও বিজ্ঞমান। ইউরোপের কমিউনিষ্টরা শ্রেণী বিরোধের অবসানকল্পে উহাকে

উন্মাদিনী দিয়া তীব্রতর করিয়া তুলিতে চাহে। শ্রেণী-বিবোধকে তীব্রতর করিয়া শোধক শ্রেণীর পতন ঘটানো ও সর্বহারায় এক-নারক প্রতীষ্ঠাই তাহাদের কাম্য। কিন্তু ভারতের ক্ষেত্রে এই পথ অসুসরণের প্রশ্নই ওঠে না। কারণ এখানকার পরিস্থিতির মধ্যে গুরুতর রকমের নানা জটিলতা আছে এবং ভারতের গত চল্লিশ বৎসরের বিপ্লবী আন্দোলনের ঐতিহ্যও ইহার পরিপন্থী।

সমাজতন্ত্র সম্পর্কে একপেশে দৃষ্টিভঙ্গীর বিশদ সমালোচনা করিয়া পশ্চিম নেত্রক বলেন যে, এইরূপ দৃষ্টিভঙ্গীর অধিকারীরা মনে করেন যে, সমাজতন্ত্রের মত আদর্শবাদ জোরজবরদস্তিতে জনসাধারণের উপর চাপাইয়া দেওয়াই উচিত। সুতরাং এই দৃষ্টি-ভঙ্গীসম্পন্ন রাজনৈতিক দলকে স্থায় উদ্দেশ্যসিদ্ধির জন্ত নিজেদের সর্বশক্তি নিয়োগ করিতে হইবে। কিন্তু ইহার মধ্যে মারাত্মক একটি বিপদও রহিয়াছে। জনসাধারণের বৃহৎ অংশ যদি ইহাতে সাড়া না দেয়—তবে সংশ্লিষ্ট রাজনৈতিক দলেরও অস্তিত্ব ঘনাইয়া আসিবে।

এই সহজ সরল কারণটির জুগাই কংগ্রেসের মত প্রতিষ্ঠান কোন অবস্থাতেই এই পথ গ্রহণ করিতে পারে না।”

গত শনিবার অপরাহ্নে কলিকাতা ময়দানে সম্মিলিত পক্ষ বামপন্থী দলের কেন্দ্রীয় নির্বাচনী প্রচার সভার উদ্বোধনে সংশ্লিষ্ট প্রধান বামপন্থী দলগুলির মুখপাত্র স্থানীয় নেতৃবৃন্দ আগামী নির্বাচনের মধ্য দিয়া পশ্চিমবঙ্গে বর্তমান সরকারের পরিবর্তে বিকল্প সরকার গঠনের ধ্বনি তোলেন।

কমুনিষ্ট পার্টি, প্রজা-সোশ্যালিষ্ট, সারা ভারত ফরোয়ার্ড ব্লক, বিপ্লবী সমাজতন্ত্রী দল এবং মার্কসিষ্ট ফরোয়ার্ড ব্লক এই পাঁচটি দল লইয়া গঠিত সম্মিলিত বামপন্থী নির্বাচনী কমিটির উদ্যোগে অনুষ্ঠিত উক্ত জনসভায় প্রজা-সোশ্যালিষ্ট নেতা ড. প্রফুল্লচন্দ্র ঘোষ সভাপতিত্ব করেন। সভায় বিপুল জনসমাগম হয়। বিভিন্ন দলের পতাকা ও ফেষ্টন লইয়া অনেকগুলি শোভাযাত্রা সভায় আসিয়া মিলিত হয়।

এই সভায় উল্লিখিত বামপন্থী দলগুলির নেতৃবৃন্দ বক্তৃতা প্রসঙ্গে জানান যে, সর্বনিম্ন ও সর্বোচ্চ আয়ের বাবধান হ্রাস এবং উচ্চদের সীমা নির্ধারণ, নির্বাচনের পাঁচ বৎসরের মধ্যে বেকার ভাতা ব্যবস্থা প্রবর্তন, ১৪ বৎসর বয়স পর্যন্ত সকল বালকবালিকার বাধ্যতামূলক অবৈতনিক শিক্ষাদান এবং চিকিৎসা ও অন্নবস্ত্র সমস্যার সমাধান সম্পর্কে তাহাদের পাঁচটি দলের মধ্যে একটি নূনতম কর্মসূচী প্রণয়নে একমত হওয়া সম্ভব হইয়াছে। ড. ঘোষ পরে সাংবাদিকদিগকে জানান যে, উক্ত নূনতম কর্মসূচীতে আরও কয়েকটি বিষয় যোগ করিবার জন্ত আলোচনা চলিতেছে। ১৫ই জানুয়ারীর মধ্যে এই সম্পর্কে ঘোষণার সম্ভাবনা আছে।

ড. ঘোষ ঘোষণা করেন যে, পাঁচটি বামপন্থী দল আলোচনা কালে মোটামুটিভাবে নিম্নলিখিতরূপ নূনতম কর্মসূচী সম্পর্কে একমত হইতে পারিয়াছেন :

(১) বেকার ভাতা দেওয়ার ব্যবস্থা করিতে হইবে, (২) নিম্নতন আয় এবং উচ্চতন আয়ের সীমা নির্ধারণ করিতে হইবে, (৩) মুষ্টিমেয় লোকের হাতে টাকা কেন্দ্রীভূত হইতে দেওয়া হইবে না, (৪) ১৪ বৎসর পর্যন্ত বালকবালিকাদের বাধ্যতামূলক অবৈতনিক শিক্ষার ব্যবস্থা করিতে হইবে, (৫) পাঁচ বৎসরের মধ্যে বেকার-ভাতা, উচ্চ-নীচ আয়ের ভেদ না থাকি, শিক্ষা, চিকিৎসা, অন্ন ও বস্ত্র সমস্যা প্রভৃতির সমাধান করিতে হইবে। তাহার মতে যে কোন গবর্ণমেন্টই আশ্রক না কেন, উল্লিখিত ব্যবস্থাগুলি অবলম্বন না করিতে পারিলে সে গবর্ণমেন্টের পক্ষে ক্ষমতায় অধিষ্ঠিত থাকার কোন দাবি থাকিতে পারে না। ড. ঘোষ বামপন্থী দলের নির্বাচিত প্রার্থীদের জন্মুক্ত করিতে অস্বস্তি জানান।

শ্রীজ্যোতি বসু এম-এল-এ বলেন, বামপন্থীদের মধ্যে একাই বেশী, অনেক কম। আজ পাঁচটি বামপন্থী দল নিম্নতন কর্মসূচীর ভিত্তিতে ঐক্যবদ্ধ হইয়াছে। এই ঐক্য স্বাধিপন্থী ঐক্য নয় অথবা শুধু আসন ভাগাভাগির জন্ত এই ঐক্য নয়। ইহা সাধারণ মানুষের ঐক্য। সাধারণ মানুষ কৃশাসন ও দুর্নীতির অবসান চায়। তাহারা দুর্গতির অবসান চায়।

শ্রীবসু অভিযোগ করেন, বিভিন্ন ক্ষেত্রে বর্তমান সরকার “গণতন্ত্রবিবোধী” নীতি অনুসরণ করিয়াছেন। জনসাধারণের আন্দোলন দমনের জন্ত বেপরোয়া পুলিশী জুলুম চালান হইয়াছে। গত পাঁচ বৎসরের মধ্যেই ভারতের বিভিন্ন স্থানে পুলিশের গুলি চালানায় ৫০০ জনের মৃত্যু হইয়াছে। তিনি দামোদর উপত্যকা পরিকল্পনার উল্লেখ করিয়া বলেন, ইহা নিশ্চয়ই ভারতের গর্বের বস্তু। কিন্তু এই পরিকল্পনা সফল করিতে যে ২২ হাজার কর্মচারী প্রাণপাত পরিশ্রম করিয়াছেন, আজ ছাঁটাইয়ের খড়্গ তাহাদের মাথায় উপর ঝুলিতেছে।

ভারতের কমুনিষ্ট পার্টির সাধারণ সম্পাদক শ্রীঅজয় ঘোষ শনিবার অপরাহ্নে কলিকাতায় এক সাংবাদিক সম্মেলনে বলেন যে, আগামী সাধারণ নির্বাচনের শেষে পশ্চিমবঙ্গ ও কেরল—এই দুইটি রাজ্যে সম্মিলিত বামপন্থী শক্তির এক বিকল্প সরকার গঠনের সম্ভাবনা বিশেষ উজ্জ্বল বলিয়া তাহারা মনে করেন। অস্তিত্ব রাজ্যেও বামপন্থী দলগুলি এই নির্বাচনের মধ্য দিয়া বর্তমানের তুলনায় অনেক বেশী শক্তিশালী হইবে বলিয়াও তিনি দৃঢ় আশা ব্যক্ত করেন। নির্বাচনে তাহারা কংগ্রেসের সহিত যে সংগ্রামে অবতীর্ণ হইতেছেন তাহার উল্লেখে শ্রীঘোষ বলেন যে, যেখানেই সম্ভব সেখানেই বিকল্প সরকার গঠন এবং পার্লামেন্টে ও প্রত্যেক রাজ্য বিধানমণ্ডলীতে গণতান্ত্রিক বিরোধিতার শক্তি বৃদ্ধি করাই এই সংগ্রামের লক্ষ্য। এই সম্পর্কে তিনি আরও বলেন যে, পশ্চিমবঙ্গে প্রধান প্রধান বামপন্থী দলগুলির মধ্যে একটা মতৈক্য সাধিত হইয়াছে, ইহা বিশেষ গুরুত্বপূর্ণ। ইহার ফলে পশ্চিমবঙ্গে কংগ্রেসকে নির্বাচনে পরাজিত করিয়া একটা গণতান্ত্রিক সরকার গঠনের অবস্থা সৃষ্টি হইয়াছে। এই গণতান্ত্রিক গবর্ণমেন্ট

জনসাধারণের প্রয়োজন ও স্বার্থের প্রতি লক্ষ্য রাখিয়া কাজ করিবে এবং উহার ফলে সমগ্র দেশের সামনে একটা আদর্শ স্থাপন করা সম্ভব হইবে। তিনি দৃঢ় প্রত্যয়ের সঙ্গে বলেন যে, পশ্চিমবঙ্গের প্রধান বামপন্থী দলগুলি ঐক্যবদ্ধ হইবার মধ্য দিয়া যে নেতৃত্ব দিয়াছে তাহা সমস্ত রাজ্যের জনগণেরই অভিনন্দন লাভ করিবে।

জাতীয় কংগ্রেসের অধিবেশন

লক্ষ্মীবাড়ী নগরের অধিবেশনে সভাপতি ডেবর যে ভাষণ দিয়াছেন তাহার সারাংশ নীচে 'আনন্দবাজার পত্রিকা' হইতে উদ্ধৃত করা হইল। উহাতে নূতন তথ্য কিছুই ছিল না :

'ভারতীয় জাতীয় কংগ্রেসের ৬২তম অধিবেশনে সভাপতির ভাষণে কংগ্রেস সভাপতি শ্রী ইউ এন ডেবর সমবেত কংগ্রেসকর্মী-দিগকে সম্বোধন করিয়া বলেন, মানব ইতিহাসের এই সন্ধিক্ষণে আজ আমরা এক সঙ্কটপূর্ণ প্রশ্নের সম্মুখীন—বর্তমান বিশ্বের ভবিষ্যৎ কি? এই প্রশ্নই আজ আমাদের সকলকে বিশেষভাবে বিবেচনা করিতে হইবে।

কংগ্রেস সভাপতি বলেন, মানব ইতিহাসের এই যুগসন্ধিক্ষণে শান্তি ও শুভেচ্ছা লইয়া অগ্রসর হইলে একদিকে যেমন সর্বাত্মক প্রগতি ও অতুল বৈভব সুনিশ্চিত, তেমনি অন্যদিকে সংগ্রামের পথে মানবজাতির বহু-আয়াসস্বল্প এই সভ্যতার পরিপূর্ণ ধ্বংস অবধারিত। মানবজাতির সম্মুখে আর কখনও এরূপ সঙ্কট উপস্থিত হয় নাই। তার একদিকে সম্পদ ও ঐশ্বর্য্য এবং অন্যদিকে সর্বনাশ ও ধ্বংস। ক্ষুদ্র বৃহৎ সকল দেশে বিশ্বনেতৃত্বের এক পরীক্ষা চলিতেছে।

শ্রী ডেবর বলেন, বিশ্বের সর্বত্র আজ জাগিয়াছে এক উদম্ম স্বাধীনতার স্পৃহা, অর্থনৈতিক ও সামাজিক সাম্যের অকুণ্ঠ আকাঙ্ক্ষা এবং বিজ্ঞান ও কারিগরি জগতে প্রবেশের এক হৃদয়মনীয় আবেগ। বৃহত্তম শক্তির সর্বশ্রেষ্ঠ অস্ত্র আজ ইহা প্রতিরোধে অক্ষম।

আমরা দেখিয়াছি, ইংরেজ, ফরাসী ও ইস্রায়েলের অজ্ঞাগারের সম্মিলিত অস্ত্র মিশরবাসীকে সঙ্কলিত করিতে পারে নাই এবং সোভিয়েটের নিঃস্বপ্ন পেষণ অবাধ্য হাজেরীকে কম্যুনিজমের বন্ধন গ্রহণে বাধ্য করিতে পারে নাই।

কংগ্রেস সভাপতি বলেন, যে নীতিতে সমগ্র বিশ্ব চলিতেছে, ভারতও সেই নিয়মেই চলিতেছে। প্রকৃতির লীলা সর্বত্র সমান। গণতন্ত্রের অবিসংবাদিত সত্য আমাদের স্বীকার করিতেই হইবে। সামাজিক অসাম্য, অবিচার, রাজনৈতিক দাসত্ব, ব্যক্তি স্বাধীনতা-হীনতা যে ধ্বংসের পথ, ইহা আমাদের অস্বীকার করিলে চলিবে না।'

সামরিক চুক্তি ও বিশ্বযুদ্ধ

বিগত কংগ্রেস অধিবেশনে পণ্ডিত নেহরু সামরিক চুক্তি ও পাকিস্থান সম্পর্কে যে বক্তৃতা দিয়াছিলেন তাহা নিম্নে উদ্ধৃত হইল।

আমরা জানিতে চাই যে, ভারত সরকার পাকিস্থানের মতিগতি সম্পর্কে কতটা সজাগ ও ওয়াকিবহাল। মার্কিন সরকারের আশ্বাসের উপর নির্ভর করিয়া থাকিলে সমূহ বিপদের সম্ভাবনা আছে আশা করি এই সোজা কথা আমাদের কর্তৃপক্ষের মাধ্যমে জাগিয়াছে :

'লক্ষ্মীবাড়ী নগর, ৬ই জুলাই—প্রধানমন্ত্রী জবাহরলাল নেহরু অত্র কংগ্রেসের অধিবেশনে বক্তৃতা প্রসঙ্গে সামরিক চুক্তির নিন্দা করেন এবং বলেন, ইহার ফলে বিশ্বযুদ্ধর আশঙ্কা বৃদ্ধি পায়।

কংগ্রেসের প্রকাশ্য অধিবেশনে আন্তর্জাতিক বিষয় সম্পর্কিত প্রস্তাবটি গৃহীত হইবার পর শ্রীনেহরু বক্তৃতা প্রসঙ্গে ঐ অভিমত ব্যক্ত করেন।

শ্রীনেহরু বলেন, 'মিশর ও হাজেরীর ঘটনাবলীর দ্বারা সুস্পষ্ট রূপে প্রমাণিত হইয়াছে যে, ক্ষুদ্র দেশের বিরুদ্ধে ও উপনিবেশিক অথবা কম্যুনিষ্ট শক্তির আক্রমণ আরম্ভ করা হুকুম ব্যাপার। এই ধরনের কাজ এখন অত্যন্ত কঠিন। তবে উহা যে অসম্ভব একথা আমি বলিতে পারি না।'

প্রধানমন্ত্রী বলেন, তাঁহার মতে এই সকল ঘটনায় কতকগুলি বিষয় সুস্পষ্ট হইয়াছে এবং জগতেরও কিছু মঙ্গল হইয়াছে। তিনি বলেন, 'আমার মনে হয় ইহার ফলে লোকে নূতন দৃষ্টিভঙ্গী লইয়া বিশ্বসমস্যা লক্ষ্য করিতে সমর্থ হইবে এবং নূতন উপায়ে সমস্যা সমাধানে সচেষ্ট হইবে। তবে দুঃখের সহিত আমি বলিতেছি যে, কোন কোন দেশের কয়েক জন সম্মানিত ব্যক্তি এই সকল ঘটনা ঘটার পরও উহা হইতে বাঞ্ছিত শিক্ষালাভ করেন নাই অথবা করিতে চাহেন নাই। ঐ সকল ব্যক্তি বুঝিতে পারিতেছেন না যে, পুরাতন পথে তাঁহারা লক্ষ্যে পৌঁছিতে পারিবেন না।'

পণ্ডিত নেহরু বলেন, ইহা অত্যন্ত দুঃখের বিষয় যে, এখনও কেহ কেহ নূতন পথ অনুসরণ না করিয়া তরবারি আফালন করিতেছে। তবে একথাও সত্য যে, তরবারিকে ফেলিয়া দেওয়া যায় না। কোন দায়িত্বসম্পন্ন ব্যক্তিই একথা বলিবে না যে, তরবারি ফেলিয়া দেওয়া উচিত। তবে সকল সময় তরবারি আফালন না করিয়া উহা কোষবদ্ধ করিয়া রাখাই উচিত।

পাকিস্থানকে যে সামরিক সাহায্য দেওয়া হইতেছে তাহার উল্লেখ করিয়া প্রধানমন্ত্রী বলেন, মার্কিন যুক্তরাষ্ট্র ভারতকে আশ্বাস দিয়াছে যে, এই সকল অস্ত্র আক্রমণাত্মক কার্য্যে ব্যবহৃত হইবে না, কিন্তু একথা সত্য যে, অতি-আধুনিক ধরনের অস্ত্রাদি পাকিস্থানে মজুত করা হইতেছে। ভারত এই প্রকার সামরিক সাহায্যদান ব্যাপারে নীরব দর্শক হইয়া থাকিতে পারে না।

এই সকল অজ্ঞগণ্ড গ্রহণের নীতি সমর্থনের জন্ত পাকিস্থান হই প্রকার কথা বলিতেছে। একদিকে পাকিস্থান বলিতেছে, সোভিয়েট ইউনিয়ন হইতে আশ্রয়কার জন্ত সে এই সকল অস্ত্র গ্রহণ করিতেছে—আবার অপর দিকে সে সোভিয়েট ইউনিয়নকে বলিতেছে যে, ভারতের বিরুদ্ধে আশ্রয়কার জন্ত তাহার এই সকল অস্ত্র প্রয়োজন।

পণ্ডিত নেহরু বলেন, 'প্রতিবেশী রাষ্ট্রে যখন অল্পশক্তি মজুত করা হইতেছে তখন আমরা কিভাবে চোখ বুঁজিয়া থাকিতে পারি? এই সকল অল্প আধুনিক অস্ত্র। পাকিস্থানে কোন কোন লোক প্রকাশ্যেই বলিতেছে যে, এই সকল অস্ত্র ভারতের বিরুদ্ধে ব্যবহার করা হইবে।'

পণ্ডিত নেহরু বলেন, এই সকল অস্ত্রশস্ত্রের অপপ্রয়োগ হইবে না বলিয়া মার্কিন যুক্তরাষ্ট্র ভারতকে যে আশ্বাস দিয়াছে, তাহা যে সত্য এই বিষয়ে তাঁহার কোন সন্দেহ নাই। কিন্তু ভারতের সীমান্তে অত্যন্ত মূল্যবান নূতন ধরনের অস্ত্রাদির সমাবেশ করা হইতেছে। অস্ত্র মজুত করার প্রতিযোগিতায় যোগদান করিতে ভারতের ইচ্ছা নাই। ভারত পঞ্চবার্ষিক পরিকল্পনায় সকল অর্থ ব্যয় করিতে চাহে। কোন দেশ হইতে বিনামূল্যে অস্ত্র লইতেও আমরা অস্বীকার করিয়াছি। দান হিসাবে আমরা কোন অস্ত্র লইব না। আমরা হয়ত নিজে অস্ত্র তৈয়ার করিব অথবা অল্প দেশ হইতে তাহা ক্রয় করিব। প্রকৃত কথা হইতেছে, আমরা অস্ত্রক্রয়ের জগৎ অল্প অর্থ ব্যয় করি এবং অল্প কাজে বেশী অর্থ ব্যয় করি। কিন্তু মার্কিন যুক্তরাষ্ট্র হইতে পাকিস্থানে প্রচুর পরিমাণে যে অস্ত্রশস্ত্র আসিতেছে তাহা লক্ষ্য না করিয়া আমরা পারি না। এই অবস্থায় অবিচলিত থাকি আমাদের পক্ষে সম্ভব নহে এবং কি ঘটতে পারে তাহা আমাদের চিন্তা করিতে হইবে।

পণ্ডিত নেহরু বলেন, বৃদ্ধিমান লোক লইয়া গঠিত পাকিস্থানের কোন মস্তুমগলী ভারতের বিরুদ্ধে যুদ্ধ ঘোষণা করিবে বলিয়া তাঁহার মনে হয় না। কিন্তু কি ঘটবে তাহা কেহ বলিতে পারে নাই। সেইজন্য ভারতকেও বাধা হইয়া অস্ত্র রাখিতে হইয়াছে।

প্রধানমন্ত্রী বলেন, এই সকল কারণেই ভারত দৃঢ়ভাবে বাগদাদ এবং দক্ষিণ-পূর্ব এশিয়া চুক্তি-সংস্থার বিরোধিতা করিয়াছে। এই সকল সামরিক চুক্তি শাস্তির পথে এবং যে সকল দেশ শাস্তির পথ অনুসরণ করিতেছে তাহাদের পক্ষে বিপজ্জনক।

প্রসঙ্গক্রমে পণ্ডিত নেহরু বলেন, 'পাকিস্থানের পররাষ্ট্রমন্ত্রী বলিয়াছেন যে, পাকিস্থানের অগতম শত্রু হইল ভারত। পাকিস্থানের দায়িত্বসম্পন্ন ব্যক্তির যদি এইরূপ উক্তি করিয়া পরিস্থিতি বিষময় করিয়া তোলেন, তবে আমরা কি করিতে পারি। তবে অবস্থা অধিকতর খারাপ হইবার মত কোন কাজ আমরা করিব না, কারণ আমাদের বিশ্বাস, এইরূপ করিলে ভারত ও পাকিস্থানের মধ্যে যে সমস্যা আছে তাহার সমাধান হইবে না।'

ভারতীয় বিজ্ঞান কংগ্রেস

পৌষ সংক্রান্তির দিনে কলিকাতায় ভারতীয় বিজ্ঞান কংগ্রেসের উদ্বোধন হয়। নীচে পণ্ডিত নেহরু ও ডাক্তার বিধানচন্দ্র রায়ের ভাষণের সারাংশ দেওয়া হইল। উহা আনন্দবাজার হইতে গৃহীত :

'সোমবার কলিকাতায় ভারতীয় বিজ্ঞান কংগ্রেসের ৪৪তম অধিবেশনের উদ্বোধন করিতে উঠিয়া ভারতের প্রধানমন্ত্রী শ্রীমহাশয়-

লাল নেহরু গভীর ভাবসমৃদ্ধ এক ভাষণে পরিবর্তনশীল বিশ্বের পটভূমিকায় বিজ্ঞানের অপ্রতিহত সাধনার ক্ষেত্রে বৈজ্ঞানিকগণের কর্তব্য বিশ্লেষণ করেন। তিনি এই বলিয়া এক সতর্কবাণী উচ্চারণ করেন যে, বিজ্ঞান যদি ঘৃণা ও হিংসার ভাবধারার সহিত জড়াইয়া পড়ে তবে নিঃসন্দেহে উহা দ্রাস্ত পথে পদক্ষেপের দ্বারা বিশ্বের সমূহ বিপদ ডাকিয়া আনিবে। পণ্ডিত নেহরু তাই বৈজ্ঞানিকগণকে সর্কারিতা ও পরমত অসহিষ্ণুতার উর্দ্ধে উঠিয়া বিজ্ঞানের সাধনায় ব্রতী হইবার জগৎ আহ্বান জানান। কাবণ, তিনি বলেন, বর্তমান বিশ্বে বিজ্ঞানের অগ্রগতি এবং নূতন অস্ত্রের হুমকি বড় কথা নহে, বড় কথা হইতেছে 'মানুষের ভাবধারা আজ কোন পথে চলিয়াছে, মানুষ কি চিন্তা করিতেছে।'

শান্তিময় বিশ্ব গড়িয়া তোলার আহ্বান জানাইয়া পণ্ডিত নেহরু বলেন যে, ভারত এক্ষণে স্বীয় ভবিষ্যৎ রচনার ব্যাপৃত আছে। শুধু এই দেশেরই ভবিষ্যৎ গঠন নহে, শান্তি, সহিষ্ণুতা ও করুণার বিশ্ব গড়িয়া তুলিতেও বিজ্ঞানীদের সক্রিয় সহযোগিতা ও সহায়ত্বের প্রয়োজন।

ভারতীয় বিজ্ঞান কংগ্রেসের মূল সভাপতি ও পশ্চিমবঙ্গের মুখ্যমন্ত্রী ডাঃ বিধানচন্দ্র রায় অধিবেশনের সভাপতিরূপে তাঁহার অভিভাষণে বিজ্ঞানলব্ধ জ্ঞান মানুষের কল্যাণে নিয়োগ ও বিজ্ঞানের উন্নয়নকল্পে উপযুক্ত গবেষণার প্রয়োজনীয়তা বিবৃত করেন।

'মানুষের জীবনে এমন অনেক কিছু দেখা যায় যাহা আপাতদৃষ্টিতে অসম্ভব, কিন্তু প্রকৃতপক্ষে সত্য। নানা জটিলতার গ্রন্থি মানুষের জীবনে। মানুষ যতই অগ্রসর হইয়া যাইতে থাকে, ততই নূতন নূতন সমস্যা দেখা দেয়। কাজ যত অগ্রসর হইতে থাকে, জীবন-প্রণালী নূতন নূতন রূপে আত্মপ্রকাশ করিতে থাকে।

জীবনের অভিযান চলিয়াছে অব্যাহত গতিতে। আজ যাহা আমাদের আদর্শ, তাহার সাফল্য হয়ত আজ হইতে আরও এক শত বৎসর ধরে। তখন কার যাহা আদর্শ হইবে, তাহাও আবার শত বৎসর ধরে রহিয়াছে।

আমরা যতই অগ্রসর হই নির্ভরিত লক্ষ্য ধরে সরিয়া গিয়া বৃহত্তর ও উন্নততর লক্ষ্য রূপ পরিগ্রহ করে। সময়ের মেঘজাল হয়ত অসংখ্য সমস্যা, পরীক্ষা ও বিপদকে আমাদের দৃষ্টিপথের অস্ত্রাঙ্গল করিয়া রাখিয়াছে; আবার সময়েই হয়ত বহু অজ্ঞাত সমস্যার সমাধান করিয়া দিবে, অনেক রহস্য উদ্ঘাটন করিবে। এই সব সমাধান ও নবলব্ধ জ্ঞানকে মানুষের হিতার্থে কাজে লাগাইবার জগৎ বৈজ্ঞানিকগণকে প্রস্তুত থাকিতে হইবে।'

সোমবার কলিকাতায় ভারতীয় বিজ্ঞান কংগ্রেসের ৪৪তম অধিবেশনের সভাপতি ডাঃ বিধানচন্দ্র রায় তাঁহার বহু তথ্যসম্বলিত ও সারগর্ভ অভিভাষণে এই উক্তি করেন।

ডাঃ রায় তাঁহার ভাষণে বলেন, এদেশে আমরা গত প্রায় ৪০ বৎসর যাবৎ নানা বৈজ্ঞানিক বিষয়ে গবেষণা করিতেছি, কিন্তু নগ্না, যন্ত্রপাতির উদ্ভাবনা, নির্মাণ, সংস্থাপন, উহাদের রক্ষণাবেক্ষণ প্রকৃতি

ইঞ্জিনিয়ারিং ও যন্ত্রবিজ্ঞানের গবেষণায় বিশেষ অগ্রসর হইতে পারি নাই। ভারতের মত অল্পবয়স্ক দেশে আমাদের নিজেদেরই যে যন্ত্রপাতি ও কলকারখানা নির্মাণ করিতে পারা একান্ত উচিত তাহা নহে, আমাদের হাতে যে সরঞ্জাম ও উপকরণ আছে, তাহার সাহায্যেই কি ভাবে ঐ সব কাজ করা যাইতে পারে তাহাও জানা উচিত। ইঞ্জিনিয়ারিং গবেষণা বলিতে শুধু ইঞ্জিনিয়ারিং সমস্যার সমাধানে পদার্থবিজ্ঞানের জ্ঞান প্রয়োগই যেন না বুঝায়। ইঞ্জিনিয়ারিং ক্ষেত্রে নূতন নূতন বিষয়ের উদ্ভব হইয়াছে, সাধারণ মানুষের সমস্যার সহিত জড়িত বলিয়া সেগুলির বিশেষ সামাজিক মূল্য আছে, যেমন জীবতাত্ত্বিক, রাসায়নিক এবং জনস্বাস্থ্য সম্পর্কিত ইঞ্জিনিয়ারিং। এই সকল নূতন বিষয়েও আমাদের গবেষণা করিতে হইবে। অল্পবয়স্ক দেশে এ সকল বিষয়ে গবেষণা করিয়া অনেকখানি অগ্রসর হইয়া গিয়াছে। আমাদের দেশেও আমাদের যেটুকু সমর্থন আছে, তাহা লইয়াই ইঞ্জিনিয়ারিংয়ের এই ক্ষেত্রগুলিতে প্রগতির জগৎ অনতিবিলম্বে আমাদের কাছে আশ্রয় করিয়া দিতে হইবে। ইহার জগৎ আমাদের কিছু আর্থিক ঝুঁকি লইতে হইলেও তাহা লওয়া উচিত। মানুষের মন সাধারণতঃ অভ্যস্ত পথেই চলিতে চাহে, নূতন কোন কিছু সহজে গ্রহণ করিতে পারে না। বৈজ্ঞানিকেরা যদি নূতন নূতন গবেষণালব্ধ ফলের সহিত দ্রুত নিজেদের খাপ খাওয়াইয়া লওয়ার ও ঐ-গুলির সুযোগ গ্রহণের মূলা জনসাধারণকে বুঝাইয়া দিতে পারেন, তবে তাহারা সমাজের একটি মহৎ উপকার করিবেন।

দ্বিতীয় পঞ্চবার্ষিক পরিকল্পনার বহুসংখ্যক উন্নয়ন কার্য ও বিঘাট ব্যয়ের উল্লেখ করিয়া ডাঃ রায় বলেন যে, আমাদের ইঞ্জিনিয়ার ও যন্ত্রবিদগণ যদি অল্প ব্যয়ে অথচ নিখুঁতভাবে উন্নয়ন কার্যগুলি সমাধা করিবার কোন পদ্ধতি উদ্ভাবন না করিতে পারেন, তবে পরিকল্পনার মার্গিক রূপে আমাদের বেগ পাইতে হইতে পারে। অভিজ্ঞতার দেখা গিয়াছে যে, বৈজ্ঞানিক উপায়ে সস্তায় ও প্রচুর পরিমাণে কাঁচা মাল উৎপাদন করা সম্ভব। সুতরাং সস্তায় কাঁচা মাল পাইবার জগৎ আমাদের বৈজ্ঞানিকদের সাহায্য লইতে হইবে। এদেশে লোকবল অপব্যয়িত এবং তাহার সদ্ব্যবহার করিয়া সামাজিক ব্যয় যথেষ্ট সাবধ করা যাইতে পারে। কিন্তু এই লোকবল ব্যবহার করিতে হইলে নির্মাণকার্যের পরিকল্পনা ও পদ্ধতি একরূপ হওয়া চাই, যাহাতে বিশেষ দক্ষতাসহীন সাধারণ লোকেরাও তাহা বুঝিতে পারিয়া নির্মাণকার্যে পূর্ণ আশ্রয় গ্রহণ করিতে পারে।

কলিকাতায় শান্তি ও নিরাপত্তা

কলিকাতায় পশ্চিম ঘাটে তো লোক ও যানবাহন চলাচল ছন্দ হইয়া পড়িতেছে। এ বিষয়ে পুলিশ কিছু নজর দিয়াছে, তবে নজর দেওয়ার ফল কি দাঁড়ায় সেটা এখনও ভবিষ্যতের গর্ভে।

অল্পদিকে চুবি, মাজাজানি সমানেই চলিতেছে। চুবি হইলে

খবর দিয়া পুলিশ তদন্ত করান হুহু ব্যাপার। তদন্ত হইলেও কিনারা হয় অতি কম।

সম্প্রতি খুনখারাবি ও লুণ্ঠন বাড়িয়াই চলিতেছে। নীচে দুইটি উদাহরণ দেওয়া গেল :

“কলিকাতায় গত রবিবার রাতে উল্টাডাঙ্গা রোডে ইউনাইটেড ক্লাবের মিলসের অভ্যন্তরে নৃশংস হত্যাকাণ্ড সংঘটিত হয়। কে বা কাহারা ঐ মিলের হেড জমাদার এবং অপর একজন প্রহরারত দারোয়ানকে খুন করিয়া চম্পট দেয়। সোমবার ভোরে এই জোড়া খুনের ঘটনা প্রকাশ পাওয়ার পর ঐ অঞ্চলে বিশেষ চাকল্যের সৃষ্টি হয়।

রবিবার যথারীতি ঐ ময়দা কলটি বন্ধ ছিল। সোমবার ভোরে উহা খুলিবার প্রাক্কালে মিলের লোকজন আসিয়া হেড জমাদার ও দারোয়ানকে নিহত অবস্থায় পড়িয়া থাকিতে দেখে। হেড জমাদারের ঘরের সিন্দুকটি খোলা অবস্থায় ছিল। কিন্তু উহাতে খুব বেশী অর্থ ছিল বলিয়া মনে করা হইতেছে না। তাই এইরূপ নৃশংস হত্যাকাণ্ডের প্রকৃত অভিসন্ধি সম্বন্ধে মিল-কর্তৃপক্ষ অথবা পুলিশ কোন পক্ষই এখনও সঠিক কিছু খাঁচ করিতে পারিতেছেন না।

নিহত উভয়েই উত্তর প্রদেশের অধিবাসী। হেড জমাদারের নাম হরপ্রসাদ স্কুল (৪৫)। তাহার বাড়ী প্রতাপগড় জেলায়। সে বিবাহিত। প্রকাশ, তাহার কোন সম্মানসম্মতি নাই। আর নিহত দারোয়ানের নাম শিউনারায়ণ তেওয়ারী (২৮)। তাহার বাড়ী সুলতানপুর জেলায় পূর্বাভিখপাস্তে গ্রামে। প্রকাশ, সে মাত্র সাত-আট মাস পূর্বে দ্বিতীয়বার বিবাহ করিয়াছিল। তাহার প্রথম স্ত্রীর গর্ভজাত এক কন্যা আছে। বিবাহের পর নবপত্নীকে গৃহে রাখিয়া গত শ্রাবণ মাসে সে কলিকাতায় আসিয়াছিল চাকুরী করিতে। আশা ছিল, আর কয়েক মাসের মধ্যেই আবার সে গৃহে যাইবে। কিন্তু ‘একেবারেই চলিয়া গেল’, গভীর খেদে বলিয়া মিলের একজন দারোয়ান। স্কুল ও তেওয়ারী মামা ভায়ে সম্পর্ককর।”

“সোমবার সন্ধ্যায় মুন্সারামবাবু স্ট্রীটে কয়েকজন ছর্ব্বস্ত ছোরা দেখাইয়া জর্নৈক দারোয়ানের নিকট হইতে নগদ প্রায় সাড়ে চার হাজার টাকা ছিনাইয়া লয়। একটি খলির মধ্যে ঐ টাকা ছিল বলিয়া প্রকাশ।

ঘটনার বিবরণে প্রকাশ যে, কোন ব্যবসা-প্রতিষ্ঠানের কর্মচারী কামতাপ্রসাদ নামে উক্ত দারোয়ান ঐ দিনের আদায় সংগ্রহ করিয়া চিত্তবঞ্জন এভিনিউতে অবস্থিত আপিসে ফিরিতেছিল। মুন্সারামবাবু স্ট্রীট এবং সাহা লেনের মোড়ে সহসা পিছন হইতে একজন খলিটি ধরিয়া টানে। দারোয়ান ফিরিয়া চাহিলে তাহার চাবিপাশে ৩৪ জনকে দেখিতে পায়, তবু মুন্সারামবাবু চেষ্টা করে। কিন্তু ছর্ব্বস্তরা দারোয়ানের খলি ছিনাইয়া লইয়া তাহাকে ছুরিকাঘাত করে। অবশেষে তাহারা কয়েকটি পটকা ফাটাইয়া চম্পট দেয়। আহত অবস্থায় কামতাপ্রসাদকে হাসপাতালে ভর্তি করা হয়।”

বাঙ্গালা ভাষা ও সাহিত্য কত দিনের ?

ড. মুহম্মদ শহীদুল্লাহ

ভাষার জন্ম জীবের জন্মের জায় নয়। অমুক সন তারিখে অমুক ভাষার জন্ম হইয়াছে, এরূপ কথা আমরা বলিতে পারি না। ভাষা নদীপ্রবাহের জায়, বিভিন্ন স্থানে তাহার বিভিন্ন নাম। যখন একটি ভাষাপ্রবাহের মধ্যে কোনও সময়ের ভাষা তাহার পরবর্তী সময়ের ভাষাভাষীদিগের নিকট নূতন ভাষা বলিয়া বোধ হয়, তখন তাহার নূতন নামকরণ হইয়া থাকে। বাংলা ভাষার পূর্বে যে ভাষা ছিল, আমরা তাহাকে গোড় অপভ্রংশ বলিতে পারি। প্রাকৃত বৈয়াকরণ মার্কণ্ডেয় সাতাশটি অপভ্রংশের মধ্যে গোড় অপভ্রংশের নাম করিয়াছেন। কাহ্নের ও সরাহর দোহাকোষে এবং প্রাকৃত পিঙ্গলে গোড় অপভ্রংশের কিছু নিদর্শন পাওয়া যায়। গোড় অপভ্রংশের পূর্বে ছিল গোড়ী প্রাকৃত। দণ্ডী (আনুমানিক ৬০০ খ্রীষ্টাব্দ) গোড়ী প্রাকৃতের (কাব্যাদর্শ ১৩৫) নামোল্লেখ করিয়াছেন।

কেহ কেহ অপভ্রংশ যুগের আরম্ভ ৬০০ খ্রীষ্টাব্দ মনে করেন; কিন্তু প্রকৃত প্রস্তাবে ইহার আরম্ভ ৫০০ খ্রীষ্টাব্দেরও পূর্বে। দণ্ডী তাঁহার কাব্যাদর্শে (১৩২) এবং ভামহ (৭০০ খ্রীষ্টাব্দ) তাঁহার কাব্যলঙ্কার গ্রন্থে (১১৬) সংস্কৃত, প্রাকৃত ও অপভ্রংশকে সাহিত্যিক ভাষারূপে উল্লেখ করিয়াছেন। কালিদাসের বিক্রমোর্কশী নাটকে অপভ্রংশে রচিত কতকগুলি শ্লোক দেখা যায়। সর্বাপেক্ষা নিশ্চিত প্রমাণ এই যে, বলভীর রাজা গুহসেন খ্রীষ্টীয় ষষ্ঠ শতকের মধ্যভাগে (৫৫৯-৫৬৯ খ্রীষ্টাব্দ) এক অনুশাসনে সংস্কৃত, প্রাকৃত ও অপভ্রংশের উল্লেখ করিয়াছেন।

ভাষাতত্ত্বের প্রমাণে গোড় অপভ্রংশ হইতে সর্বপ্রথম বিহারী উৎপন্ন হইয়া পৃথক হইয়া যায়, তৎপরে উড়িয়া, তৎপরে বঙ্গ-কামরূপী ভাষা। এই বঙ্গ-কামরূপী ভাষা দ্বিধাবিভক্ত হইয়া বাঙ্গালা ও অসমীয়াতে পরিণত হইয়াছে। তুলনামূলক ভাষাতত্ত্বের সাহায্যে গোড় অপভ্রংশের কাল্পনিক রূপ নির্মাণ করিতে পারা যায়। যথাঃ অম্হেহি রোড়িআ খাই অকী (আমি কীট খাইব); রাহিআ, কহি গইলী (রাই কোথায় গেল), গচ্ছকের ফল গচ্ছ তলে পড়ই (গাছের ফল গাছ হইতে তলায় পড়ে)।

কখন গোড় অপভ্রংশ হইতে গোড়ীয় বা বাংলা ভাষার উৎপত্তি হইল তাহা নির্ণয় করা দুষ্কর। কারণ, একটি ভাষা জন্মিয়াই সাহিত্যে স্থান পায় না। এমনকি সাহিত্যে স্থান পাইলেও তাহার পূর্বস্বরের ভাষা, যাহা পূর্বেই সাহিত্যে গৃহীত হইয়াছিল, সাহিত্যে প্রচলিত থাকে। অপভ্রংশ

হইতে তাহার পরবর্তী স্তরের অর্থাৎ নব্য ভারতীয় আৰ্য্য ভাষার ধ্বনি ও ব্যাকরণগত পার্থক্য আছে। ধ্বনিতত্ত্বে যেখানে অপভ্রংশ স্তরের পদমধ্যে যুগ্ম ব্যঞ্জন, নব্য ভারতীয় আৰ্য্য ভাষায় সেখানে ব্যঞ্জনের একীকরণ ও পূর্ব স্বরের দীর্ঘত্ব দেখিতে পাওয়া যায়। দৃষ্টান্তস্বলে আমরা দেখি, প্রাচীন ভারতীয় আৰ্য্য ভাষায় সত্য, হস্ত, পক্ষী—মধ্য ভারতীয় আৰ্য্য ভাষায় অর্থাৎ পালি, প্রাকৃত ও অপভ্রংশে সচ্চ, ইচ্ছ, পক্ষী আর নব্য ভারতীয় আৰ্য্য ভাষায় সাত, হাথ, পাখী। ব্যাকরণে প্রধানতঃ দৃষ্টব্য এই যে, প্রাচীন ভারতীয় আৰ্য্য ভাষায় যেখানে কারক বিভক্তি থাকে, মধ্য ভারতীয় আৰ্য্য ভাষায় ক্রমশঃ ইহার বিশ্লেষণমূলক (Analytical) বিভক্তি রূপ দেখা যায়। নব্য ভারতীয় আৰ্য্য ভাষায় এই বিশ্লেষণ এত দূর অগ্রসর হয় যে, বিভক্তি চিহ্ন অতি অল্পই রক্ষিত থাকে। দৃষ্টান্তস্বলে প্রাচীন ভারতীয় আৰ্য্য ভাষার 'বুদ্ধশ্চ' কথা প্রাচীন ভারতীয় আৰ্য্য ভাষায় 'বুদ্ধ কার্য্য', প্রাকৃত ও অপভ্রংশে 'বুদ্ধকের', বাঙ্গালায় 'বুদ্ধের'।

এই সমস্ত লক্ষণদ্বারা আমরা মীননাথের একটি কবিতাকে — যাহা আশ্চর্য্য চর্য্যাচয়ের টীকায় উদ্ধৃত হইয়াছে, প্রাচীন বাঙ্গালা ভাষা বলিতে পারি। কবিতাটি এই,

কহন্তি গুরু পরমার্থের বাট।

কর্ম্মকুরঙ্গ সমাধিক পাট ॥

কমল বিকসিল কহিহন জমরা।

কমল মধু পিবিবি ধোকই (ধোকে) ন ভমরা ॥

ইহার অনুবাদ :

কহেন গুরু পরমার্থের বাট,

কর্ম্মের রঙ্গ, সমাধির পাট।

কমল বিকসিল কহিও না জোড়াকে

(শামুককে)।

কমল মধু পান করিতে ক্লাস্ত হয় না

(অথবা ভুল করে না) ভমরা ॥

এই পদে 'বাট' এবং 'পাট' শব্দ দুইটিতে মধ্য ভারতীয় আৰ্য্য ভাষা পালি, প্রাকৃত ও অপভ্রংশের 'বট্ট', 'পট্ট' স্থানে যুগ্ম ব্যঞ্জনের একীকরণ ও পূর্ব স্বরের দীর্ঘত্ব আমরা দেখিতেছি। 'পরমার্থের' এই পদে ষষ্ঠীর 'এর' বিভক্তি দেখা যাইতেছে। 'কর্ম্মকু' ও 'সমাধিক' এই দুই পদের 'কু' এবং 'ক' প্রাচীন বাঙ্গালা ভাষার ষষ্ঠী বিভক্তি। 'কমল বিকসিল' এখানে কর্তায় বিভক্তি লোপ এবং অতীতকালে 'ইল', ইহাও বাংলা ভাষার লক্ষণ। 'কহিহন', 'ধোকইন

এই দুই স্থলে ক্রিয়ার পরে নিষেধার্থক 'ন' বাঙ্গালার একটি বৈশিষ্ট্য। অবশ্য 'পিবিবি' এই পদে পূর্বস্তর অপভ্রংশের অসমাপিকা ক্রিয়ার বিভক্তি 'ইবি' রক্ষিত হইয়াছে।

কেহ যদি এই পদকে প্রাচীন কামরূপী বলেন তাহা অসঙ্গত হইবে না। বস্তুতঃ এই সময় বঙ্গ ও কামরূপী ভাষার মধ্যে কোন বিশেষ পার্থক্য ছিল না। কিন্তু আমরা জানি মীননাথ বা মৎশ্বেজনাথ দক্ষিণ বঙ্গের চন্দ্রদ্বীপের অধিবাসী ছিলেন। এইজন্য আমরা এই পদটিকে প্রাচীন বাংলা বলিয়াই গণ্য করিব।

সিলভ্যান লেভীর মতে (দ্রষ্টব্য "Le Nepal," vol I, p. 347) মৎশ্বেজনাথ ৬৫৭ খ্রীষ্টাব্দে রাজা নরেন্দ্রদেবের রাজত্বকালে নেপালে গমন করেন। ইহাতে আমরা আমাদের বর্তমান সাক্ষ্যপ্রমাণে ৬৫০ খ্রীষ্টাব্দকে বাংলা সাহিত্যের আরম্ভকাল বলিয়া ধরিতে পারি। সপ্তম শতকে যে বাঙ্গালা ভাষা ছিল তাহার একটি বাহ্য প্রমাণ আছে। এই সময়ে রচিত একখানি সংস্কৃত চৈনিক অভিধান "আগচ্ছ"-এর প্রতিশব্দ "আইশ" (অইশ) লেখা হইয়াছে। এই "আইশ" শব্দ বাংলা। ইহাতে আরও কয়েকটি প্রাচীন বাংলা শব্দ আছে, যথা লই (লইয়া), ফেড় (দূর করা) পহান (পরা), বৈস (বস), মোট (মোটা)। অষ্টম শতকের একখানি সংস্কৃত চৈনিক অভিধানে নিম্নলিখিত শব্দগুলি পাওয়া যায় : আট (আটা), চোল (চাউল), মুগ, খট (খাট), মস (মাছ), হট (হাট), এহ (এই), মইশ (বইশ, উপবেশন কর) ভতার (স্বামী), মোট (মোটা)। এই দুইখানি অভিধান ডক্টর প্রবোধচন্দ্র বাগচী সম্পাদনা করেন।

মীননাথ বা মৎশ্বেজনাথ যে নাথপন্থার আদিগুরু বা প্রবর্তক এবং বাঙ্গালা ভাষার প্রাচীনতম লেখক, তাহা অনেকেই স্বীকার করিয়াছেন ; কিন্তু তাঁহার সময় সম্বন্ধে ভিন্ন মত আছে। মীননাথের নামান্তর যে মৎশ্বেজনাথ তাহা বাঙ্গালা নাথ-সাহিত্যে পাওয়া যায়। তদ্বালোকের টীকাতেও এইরূপ আছে :

ভৈরব্যা ভৈরব্যাং প্রাপ্তং যোগং ব্যাপ্য ততঃ প্রিয়ে।

তৎসকাশ্যং তু সিদ্ধেন মীনাথ্যেন বরাননে

কামরূপে মহাপীঠে মচ্ছন্দেন মহাত্মনা (১১২৪)।

ড. শ্রীসুনীতিকুমার চট্টোপাধ্যায়ের মতে মীননাথের শিষ্য গোরক্ষনাথের সময় খ্রীষ্টীয় ১২শ শতকের শেষে ("The origin and development of the Bengali Language", vol 1, p. 122)। সুতরাং মীননাথ বা মৎশ্বেজনাথ দ্বাদশ শতকের লোক। সুনীতিবাবু এই সিদ্ধান্ত পণ্ডিতাচার্য্য শ্রীকল্পদ বিরচিত কায়স্থ গণ্যকর কর্তৃক গোবিন্দপালদেবের ৩৯ রাজ্য্যকে (= ১১৯৯ খ্রীঃ অঃ) লিখিত হিব্রু পঞ্জিকা যোগ রত্নমালায়

লিপিকাল হইতে গ্রহণ করিয়াছেন। তিনি মনে করেন, এই পাণ্ডুলিপি গ্রন্থকার কাঙ্ক্ষপাদেব সমসাময়িক হইতে পারে (ঐ পৃ. ১২০), কিন্তু এরূপ মনে করার কোনও হেতু নাই। অধিকন্তু কাঙ্ক্ষপাদ মৎশ্বেজনাথের শিষ্য জালঙ্কারী পাদেব শিষ্য। সুতরাং মৎশ্বেজনাথ কাঙ্ক্ষপাদেবের কিঞ্চিৎ পূর্ববর্তী। তিনি মরাঠা পুস্তক জ্ঞানেশ্বরীর (১২২০ খ্রীঃ অঃ) জ্ঞানদেবের গুরুপরম্পরা অবলম্বনে মৎশ্বেজনাথের শিষ্য গোরক্ষনাথ তথা কাঙ্ক্ষের সময় দ্বাদশ শতাব্দীর শেষভাগে স্থির করিয়াছেন। কিন্তু তিনি স্বয়ং স্বীকার করিয়াছেন যে, জ্ঞানেশ্বরীর ঐতিহ্য ক্রটিপূর্ণ (ঐ, পৃঃ ১২২)।

সুনীতিবাবু মহামহোপাধ্যায় হরপ্রসাদ শাস্ত্রীর মতামুসারে একটি চর্য্যাগীতির লেখক লুইপাদকে ১০ম শতাব্দীর দ্বিতীয়ার্ধে স্থাপন করিয়াছেন এবং তাঁহাকে চর্য্যাপদেব প্রাচীনতম লেখক অনুমান করিয়াছেন (ঐ পৃ. ১২০)। এই জন্য তিনি প্রাচীনতম বাংলা রচনার কাল ৯৫০ খ্রীষ্টাব্দ বলিয়া নির্দেশ করিয়াছেন। (ঐ পৃ. ১২৩)।

অধ্যাপক শ্রীনিবিনীনাথ দাশগুপ্তের মতে মৎশ্বেজনাথ দশম শতাব্দীর শেষে বিদ্যমান ছিলেন। বাংলার বৌদ্ধধর্ম, পৃ. ১০৮, ১২২)। তাঁহার যুক্তি এই যে, "মৎশ্বেজনাথের শিষ্য গোরক্ষনাথ একাদশ শতাব্দীর প্রথমার্ধে বঙ্গাল দেশের রাজা গোপীচন্দ্রের বা গোবিন্দচন্দ্রের সমসাময়িক ছিলেন।" (ঐ পৃ. ১০৮)।

ড. প্রবোধচন্দ্র বাগচী এবং ডঃ নীহাররঞ্জন রায় লুইপা ও মৎশ্বেজনাথকে অভিন্ন মনে করিয়াছেন। কিন্তু এই দুই ব্যক্তি যে ভিন্ন তাহা Cordier তাঁহার পুস্তক-তালিকায় তিক্ততী ইতিহাস অনুযায়ী লিখিয়া গিয়াছেন (Catalogue du fonds Tebetain de la Bibliotheque National Vol II. p. 33)।

এখানে আমি নাথগীতিকার গোপীচাঁদ এবং চর্য্যাপদেব লুইপার সময় আলোচনা করিয়া দেখাইব যে, মৎশ্বেজনাথের সময় ৭ম শতকের পরে হইতে পারে না। গোপীচাঁদকে রাজেন্দ্র চোলের তিরুমলে লিপিতে (১০২১ খ্রীঃ) উল্লিখিত বঙ্গাল দেশের রাজা গোবিন্দচন্দ্রের সহিত অভিন্ন মনে করিয়াই বোধ হয় সকলে ভ্রমে পতিত হইয়াছেন। তারনাথের মতে বঙ্গ, কামরূপ ও তীরভূক্তির রাজা বিমলচন্দ্র রাজা ভত্‌হরির ভগিনীকে বিবাহ করেন এবং গোবিন্দচন্দ্র তাঁহাদের পুত্র ("Schieffuer, Geschichte des Buddhismas in Iniden" page 195 ff.)। হিন্দী কবিতায় আছে যে, গোপীচাঁদ রাজা ভরথরীর (ভত্‌হরি) ভাগিনেয় ছিলেন (লক্ষণ দাশ, গোপীচাঁদ ভরথরী)। তারনাথের মতে সিদ্ধ জালঙ্কারী ভত্‌হরি ও গোবিন্দচন্দ্রকে দীক্ষা দান করেন।

(A Grunwedel Edelsteinmene pp 61, 62)। নাথ-গীতিকার জালঙ্ঘরী হাড়িপাকে গোপীচাঁদের দীক্ষাগুরু বলা হইয়াছে। ৩৬নং চর্যাগীতিতে কারু জালঙ্ঘরী পার নাম উল্লেখ করিয়াছেন। নাথগীতিকা মতে জালঙ্ঘরী কারুপার (কারুপাদের) গুরু। তারনাথের মতে গোবিচন্দ্রের পিতা বিমলচন্দ্র বৌদ্ধপণ্ডিত ধর্মকীর্তির সমসাময়িক ছিলেন। (ঐ, পৃ. ১৭২) তারনাথ আরও বলেন যে, ধর্মকীর্তির মৃত্যুর সময় বা কিছুকাল পরে গোবিচন্দ্র রাজত্ব করেন (A Grunwedel Edelsteinmene", pp 61, 62) I-tsing (৬৭৩ খ্রীঃ অঃ) ধর্মকীর্তিকে তাঁহার ভ্রমণ-সময়ের এক জন শ্রেষ্ঠ বৌদ্ধ পণ্ডিত বলিয়া উল্লেখ করিয়াছেন (Takakusa : "A Record of Buddhist Religion" p. xxxi)। তাঁহার মতে এক ভূত্বর্হরি ৬৫১ খ্রীষ্টাব্দে মৃত হন (ঐ p. vii)। আমরা এই ভূত্বর্হরিকে গোপীচাঁদের মাতুল মনে করিতে পারি। তারনাথ বলেন যে, গোবিচন্দ্রের পর তাঁহার ভ্রাতা ললিতচন্দ্র কিছুদিন রাজত্ব করেন। ললিতচন্দ্রের মৃত্যুর পর দেশে অরাজক হয়। তার পর পালবংশীয় গোপালদেব রাজা হন। আমি গোপালদেবের রাজত্বকাল ৭১৫ হইতে ৭৬০ খ্রীষ্টাব্দ স্থির করিয়াছি। ("Indian Historical quarterly", Vol vii, p 535)। ঢাকা বিশ্বাবদ্যালয় হইতে প্রকাশিত বাংলার ইতিহাসে গোপীচাঁদের রাজত্বকাল ৭ম শতকের শেষ পাদে হইতে পারে, বলা হইয়াছে ("History of Bengal" Vol. I, p. 186)।

লুইপার 'অভিসময় বিভঙ্গের' টীকা নবম শতাব্দীর শেষে নৈয়ায়িক রত্নকীর্তি রচনা করেন (শ্রীনলিনীনাথ দাশগুপ্ত বাংলায় বৌদ্ধধর্ম, পৃ. ১৯২)। সুতরাং তাঁহার কাল নবম শতাব্দীর পরে আনা যায় না। মহামহোপাধ্যায় হরপ্রসাদ শাস্ত্রী অভিসময় বিভঙ্গের সম্বন্ধে বলেন যে, দীপঙ্কর শ্রীজ্ঞান এই গ্রন্থরচনায় সাহায্য করেন। তিনি ১০৩৮ খ্রীষ্টাব্দে ৫৮ বৎসর বয়সে তিব্বত যাত্রা করেন। অতএব লুই আদি সিদ্ধাচার্য ও তাঁহার সময় ৯৫০ হইতে ১০৫০-এর মধ্যে (বৌদ্ধ গান ও দোহা পৃ. ১৫, ২৩)। প্রকৃত প্রস্তাবে দীপঙ্কর শ্রীজ্ঞান লুইপার এই পুস্তকের একটি টীকা করেন। সুতরাং তাঁহার সমসাময়িক হইতে পারেন না। Cordier-এর পুস্তক-তালিকায় দেখা যায় যে, কমলাধর লুইপাদের শ্রীচক্র সখর অভিসময়ের টীকা লেখেন (Cordier ঐ, p. 115)। তারনাথের মতে কমলা ইন্দ্রভূক্তি ও জালঙ্ঘরীর গুরু (Edelsteinmene pp, 49-58)। ৮নং চর্যাগীতিটি কমলাধরের রচিত। তারনাথের মতে লুইপার অন্ততম গুরু শবরী (Edelsteinmene, পৃ. ১২০)। বজ্রযোগিনী গুরুপদম্পরামতে ইন্দ্রভূতির গুরু কুঙ্করী পা, তন্ত্র গুরু লুইপা।

জার্মান পণ্ডিত Schlagentweit স্থির করিয়াছেন যে, ইন্দ্র-ভূতির পালিত পুত্র পদ্মসম্ভব ৭২১/৭২২ খ্রীষ্টাব্দে জন্মগ্রহণ করেন (Abhandlungender Philosophisch—Philologeschen classeder Koeniglicheh Bayarischen Akademieder wissenschaften, vol. XXII, p.521)। সুতরাং ইন্দ্রভূতির সময় ৭০০ খ্রীষ্টাব্দ বলিয়া ধরা যাইতে পারে। পদ্মসম্ভবের গুরু গোরক্ষনাথ, গোরক্ষনাথের গুরু মৎশ্বেন্দ্রনাথ। গোরক্ষনাথের সমকালীন জালঙ্ঘরী পার শিষ্য কারুপাদ (কারুপা)। এই সমস্ত আলোচনা করিয়া আমরা মৎশ্বেন্দ্রনাথ, গোরক্ষনাথ, গোপীচাঁদ, লুইপা কমলাধর শবরীপা, কুঙ্করীপা, জালঙ্ঘরী—সকলকে সপ্তম শতকের দ্বিতীয়ার্ধে স্থাপন করিতে পারি। ইহাদের মধ্যে লুই, কমলাধর, কুঙ্করী ও শবরী প্রাচীন বাঙ্গালা চর্যাগীতির রচয়িতা এবং শবরী প্রাচীনতম। মৎশ্বেন্দ্রনাথ সকলের আদি।

মৎশ্বেন্দ্রনাথ যে দশম বা দ্বাদশ শতাব্দীর পূর্ববর্তী, তাহার অল্প প্রমাণ আছে। মৎশ্বেন্দ্রনাথের উল্লেখ কোলজ্ঞান নির্ণয় পুস্তকে পাওয়া যায়। এই পুস্তকখানি মহামহোপাধ্যায় হরপ্রসাদ শাস্ত্রীর মতে নবম শতাব্দীর মধ্যে লেখা, যদিও ড. প্রবোধচন্দ্র বাগচী ইহার লিপিকাল ১০৫০ বলিয়া অনুমান করিয়াছেন। সুতরাং মৎশ্বেন্দ্রনাথ এই সময়ের পূর্ববর্তী। অভিনবগুপ্ত তাঁহার তন্ত্রালোকে (১২৫) মচ্ছন্দ বিভূ বলিয়া মৎশ্বেন্দ্রনাথের সম্বন্ধে উল্লেখ করিয়াছেন। অভিনব-গুপ্তের গুরুপদম্পরা এইরূপ—মচ্ছন্দ—সুমতিনাথ সোমদেব—সম্ভুনাথ—অভিনবগুপ্ত। অভিনবগুপ্তের জন্ম ৯৫০ হইতে ৯৬০ খ্রীষ্টাব্দের মধ্যে (Abhinavagupta A Historical and Philosophical Study by Dr. Kanti Chandra Pandey pp, 8,82) ইহাতে মৎশ্বেন্দ্রনাথ যে দশম শতকের বহু পূর্ববর্তী তাহা প্রমাণিত হয়।

এই সমস্ত বিবেচনা করিয়া আমরা মৎশ্বেন্দ্রনাথের সময় সপ্তম শতকের মধ্যভাগে স্থাপন করিতে পারি। ইহাই বাঙ্গালা সাহিত্যের উৎপত্তিকাল। বাংলা ভাষা ইহার অন্ততঃ এক শত বৎসর পূর্বের হইবে। বৌদ্ধগণের ভাষা (শাস্তি-পাদের রচনা ভিন্ন) প্রাচীন বাঙ্গালা। লেখকগণের মধ্যে প্রাচীনতম শবরী পাদ এবং আধুনিকতম সরহ পাদ ভূসুকু (১০৫০ খ্রীষ্টাব্দ)। অতএব আশ্চর্য্য চর্যাচরে আনুমানিক ৬৫০ হইতে ১০৫০ খ্রীষ্টাব্দের ভাষা লিপিবদ্ধ হইয়াছে। ডক্টর সুকুমার সেন আপত্তি করেন যে, ভাষা এতদিন কিরূপে অপরিবর্তিত রহিয়াছে। ইহার সহজ উত্তর এই যে, সাহিত্যিক ভাষার এইরূপ অবিকৃত থাকাই নিয়ম। সংস্কৃত, পালি, প্রাকৃত ও অপভ্রংশ তাহার দৃষ্টান্ত। প্রাচীন বাঙ্গালাও ইহার ব্যতিক্রম নহে।

বিয়োগান্ত

শ্রীসুবোধ বসু

নিতান্ত উৎসাহ সহকারেই প্রশান্ত মুখোপাধ্যায় আধুনিক নাটকের গতি ও প্রকৃতি সম্বন্ধে বক্তৃতা করিলেন। বিখ্যাত নাট্যকারের পক্ষেও সব সময় এ রকম সভায় বক্তৃতা দেওয়ার সুযোগ হয় না। শহর ও শহরতলীর বহু সভায় তাঁর নিমন্ত্রণ হয় সভা অঙ্গরঙ্গের জন্ত। সবগুলি যাইবার মত জায়গাও নয়, কিন্তু আপন প্রসিদ্ধি অক্ষুণ্ণ রাখিবার প্রয়োজনে অনিচ্ছাসত্ত্বেও সভাপতিত্ব গ্রহণ করিতে হয়, প্রধান অতিথি সাজিতে হয়। কিন্তু বর্তমান সভায় একক বক্তা হিসাবে যোগদান করিতে পারিয়া প্রশান্ত নিজেও গৌরবান্বিত বোধ করিতেছে।

রডন ষ্ট্রীটের এই বাড়ী বর্ষার বিখ্যাত ব্যারিষ্টার সুবিনয় চৌধুরীর। চৌধুরী রেঙ্গুনে প্র্যাকটিস করেন, আর তাঁর স্ত্রী থাকেন কলিকাতায় মেয়ে লতিকাকে লইয়া। লতিকা এ বছর ইংরেজিতে প্রথম শ্রেণীর অনার্স সহ বি-এ পাস করিয়াছে এবং বর্তমানে কলিকাতা ইউনিভার্সিটিতে এম-এ পড়িতেছে।

আজিকার সাহিত্য-সভা তার উদ্বোধনই ডাকা। অভিজাত-সমাজে তাহার প্রভাব প্রতিপত্তি কতটা, বর্তমান অধিবেশনটিই তার যথেষ্ট পরিচয়। বিখ্যাত পণ্ডিত হইতে সুরু করিয়া শহরের শ্রেষ্ঠ ধনী উপস্থিত হইয়াছেন তার আমন্ত্রণে। এতগুলি খ্যাতিমান লোককে একই সময় এক জায়গায় জড়ো করিতে পারা কম ক্ষমতার কথা নয়। লতিকার প্রতি ইহাদের একান্ত স্নেহ না থাকিলে ইহা কদাচ সম্ভব হইত না।

এতগুলি বিশেষ লোকের উপস্থিতিতে একমাত্র বক্তা হিসাবে বক্তৃতা করিতে পারিয়া প্রশান্ত আত্মতৃপ্তি বোধ করিবেন, ইহা খুবই স্বাভাবিক। এই পরিতৃপ্তিতে বাধা পড়িল সভার শেষে যখন অধিকাংশ গণ্যমান্ত অতিথিই বিদায় লইলেন। লতিকার ছেলে এবং মেয়েবন্ধুরা প্রশান্তকে ঘিরিয়া দেশ বিখ্যাত নাট্যকারের নিকট-সাহচর্য্য ভোগ করিতেছিল। ইতিমধ্যে প্রশান্ত গোটা পঞ্চাশেক অটো-গ্রাফ-খাতা সহি করিয়াছেন এবং নিজের পঁয়তাল্লিশ বছরের জীবন সম্বন্ধে প্রায় শ'খানেক প্রশ্নের জবাব দিয়া তরুণ ভক্তদের কৌতূহল মিটাইতে চেষ্টা করিয়াছেন। এমন সময় হোমরা-চোমরা অতিথিদের বিদায় দিয়া লতিকা নিজেও সেখানে হাজির হইল।

‘এবার আমি উঠতে পারি কি?’ লতিকার দিকে দৃষ্টিপাত করিয়া প্রশান্ত কহিলেন।

‘গাড়ি হরিয়াবাদের বোরাণীকে পৌঁছে দিতে গেছে। এলেই আপনাকে দিয়ে আসবে।’

‘ইতিমধ্যে’ লতিকার বন্ধু সুনন্দা কহিল, ‘আমরা এঁর নূতন নাটকটা সম্বন্ধে আরও ভেতরের কথা জেনে নিই। “কান্না” দেখেছিস? নাচঘরে চলছে।’

‘ওঁর নাটক আমি দেখি না।’ লতিকা সংক্ষেপে কহিল।

এবার প্রশান্ত নিজেও একবার আড়চোখে তার দিকে তাকাইলেন।

‘কেন?’ সবিস্ময়ে সুনন্দা কহিল।

‘ওঁর নাটক আমার ভাল লাগে না।’

এক মুহূর্ত্ত একটা মশক নীরবতা। উপস্থিত সকলেই যেন অপ্রতিভ বোধ করিতেছে। এই নীরবতা ভাঙিলেন প্রশান্ত নিজে। প্রশ্নের কণ্ঠে কহিলেন, ‘এর কারণ?’

‘কান্না।’ লতিকা নিজের আঙুলের দিকে চাহিয়া কহিল।

‘বইটা এতই খারাপ হয়েছে!’ একটা কৃত্রিম আতঙ্ক প্রশান্তের কথাবলার ভঙ্গিতে।

‘কান্না নামে বইটা নয়। সাধারণ ভাবে আপনার নাটকগুলির মূল পরিণতির কথাই বলছি। সব বিয়োগান্ত, সব কান্না, সব ব্যর্থতা! কি মবিড! প্রায় যেন রোগগ্রস্ত চোখে জগৎ এবং জীবনকে দেখা!’

সুবিখ্যাত নাট্যকার প্রশান্ত মুখোপাধ্যায়ের লেখার প্রতি এমন প্রত্যক্ষ আক্রমণ পেশাদার সমালোচকেরাও করিতে সাহস পায় না। লতিকার বন্ধুরা লজ্জায় ঘামিয়া উঠিল। নিজের বাড়ীতে ডাকিয়া মানী লোককে এ যেন ইচ্ছা করিয়া অপমান!

‘জীবনটা যদি মিলনের আনন্দে ভর্তি থাকত, রোগ-শোক-দারিদ্র্য না থাকত, হাসিহল্লায় মদের ফেনার মত পূর্ণ থাকত জীবনের পেয়লা, তবে মন্দ হ’ত না।’ প্রশান্ত উদাস-গভীর ভাবে অন্তমনস্কের মত কহিলেন, ‘কিন্তু বাস্তবে তা হয় না, এটাই ত দুঃখ! গ্রীক নাটকে দেখা যেত, পরিণামে পুণ্যের জয় এবং পাপের পরাজয়। এটা খুবই আশ্চর্য্য পরিণতি। কিন্তু অনুশোচনার কথা এই যে, জীবনের

গতি অত নিশ্চিত, অত মধুরান্ত নয়। এই রুঢ় উপলক্ষিই বর্তমানের নাটককে এমন বেগাড়া করে তুলেছে। কিছুতেই নাট্যকার আর মিলন ঘটাতে পারছেন না। নাটক বিয়োগান্ত হয়ে উঠছে। কিন্তু উপায় কি? এটাই যে বাস্তব, এটাই যে সত্য...'

'কোনটা সত্য?' লতিকারও জেদ চাপিয়া গেছে। 'আনন্দ না বেদনা? মিলন না বিচ্ছেদ? বেদনা-বিচ্ছেদ ক্রমিক সত্য, আনন্দ পূর্ণ সত্য।'

লতিকা ধনী জেদী মেয়ে। সাহিত্যে জ্ঞান আছে বলিয়া তার গর্বও কম নয়। খ্যাতিমানকে দেখিয়া ভীত বা শঙ্কায় গদগদ সে হয় না। বন্ধুরা তার মৃষ্টি দেখিয়া প্রমাদ গণিল।

'নাট্যক-নাট্যিকার মধ্যে শেষ পর্যন্ত মিলন ঘটাতে পারি নে বলেই আপত্তি কি?' প্রশান্ত কহিলেন।

'হবে নাই বা কেন?' লতিকাও না দমিয়া কহিল। 'সুন্দর সুস্থ প্রেমের সৃষ্টি করে আপনি অনাবশ্যক বিচ্ছেদ ঘটান বইয়ের পর বইয়ে। যেন ট্রাজিডিয়ান নামে পরিচিত হবার জন্তই আপনার আগ্রহ—বাগী ডাক্তারের মত রোগীর কষ্টে আপনার লক্ষ্যপই নেই। আমি পড়ি নে আর আপনার নাটক। জানি, শেষ পর্যন্ত নাট্যক-নাট্যিকার বিচ্ছেদ হবেই। একবার ভেবে দেখেছেন কি এর বেদনা?'

প্রশান্তের মুখ আবর্ত হইয়া উঠিয়াছিল অর্ধেক—অর্ধাচীন এক মেয়ের ধৃষ্টতার কড়া জবাব দিবার জন্ত তিনি প্রায় প্রস্তুত হইয়া উঠিয়াছিলেন। সহসা বুদ্ধিমানের মত আত্ম-সংবরণ করিলেন। কহিলেন, 'আফটার অল, আমার নাটকের আপনি একজন দরদী পাঠিকা দেখছি। সব চরিত্রেরই খোঁজ রাখেন। কিন্তু আজ আর সময় নেই। সুযোগ হলে অল্প একদিন ট্রাজেডির ডিগনিটি সম্বন্ধে আপনার সঙ্গে আলোচনা করব...'

ইহার পর এক সপ্তাহের উপর কাটিয়াছে। প্রশান্ত ভবানীপুর অঞ্চলে যাইবার বাসের জন্ত চৌরঙ্গী ও সুবেঙ্গনাথ বানার্জি রোডের মোড়ে অপেক্ষা করিতেছিলেন, কিন্তু ভিড়ের জন্ত একাধিক বাস ছাড়িয়া দিতে হইল। অগত্যা চুরুট ধরাইয়া ও ধোঁয়ার কুণ্ডলীর দিকে দার্শনিকের দৃষ্টিতে চাহিয়া কল্পনায় তিনি পরবর্তী নাটকের নাট্যক-নাট্যিকার সন্ধান সুরু করিলেন।

'প্রশান্তবাবু!'

বারংবার মোটরের হর্ণে কাজ করিতে পারে নাই, বারতিনেকের আঙ্কানেই সে কাজ হইল। প্রশান্ত চম-

কাইয়া সম্মুখে তাকাইলেন। দেখিলেন, সামনে প্রকাণ্ড এক মোটরগাড়ী এবং সেই গাড়ির ষ্টিয়ারিং ছইলের কাছে বসিয়া আছে এক তরুণী, যেন তার নাটকেরই কোন নাট্যিকা।

'দক্ষিণ দিকে যাচ্ছেন? উঠে আসুন, আমি পৌঁছে দিচ্ছি।' লতিকা গাড়ীর ভিতর হইতে কহিল।

চিনিতে পারিয়া প্রশান্ত স্মিত মুখে কাছে আগাইয়া গেলেন এবং কয়েক বার আপত্তি জানাইয়া অবশেষে লতিকার আমন্ত্রণ গ্রহণ করিলেন।

'সামনে আসুন।'

প্রশান্ত পেছনের দরজা খুলিতে উদ্যত হইয়াছিলেন, অগত্যা গাড়ীর ষ্টিয়ারিংয়ের কাছে লতিকার পাশে গিয়া বসিতে হইল। সামান্য একটু হুলিয়া বিরাট সরীসৃপের মত গাড়ী যাত্রা করিল।

'কোথাও একটু আইস-ক্রীম খেয়ে গেলে হয় না? আইস-ক্রীমে আমার বেজায় লোভ!'

'আমার তেমন লোভ নেই। তবে খুব একটা তাড়াও নেই।' প্রশান্ত প্রশ্নের সঙ্গে কহিলেন।

'তবে আসুন।' ফিরপোর রেস্টোরাঁর সামনে গাড়ী থামাইয়া লতিকা দরজা খুলিল।

প্রশান্ত অনেক নাট্যিকার কল্পনা করিয়াছেন, বহু নাট্যিকা সৃষ্টি করিয়াছেন। ইহাদের অধিকাংশের বয়সই লতিকার কাছাকাছি। কিন্তু ইহাদের কারুর সঙ্গেই প্রশান্তের বাস্তব পরিচয় ঘটে নাই। পেশাদারী রঙ্গক্ষেত্রে যারা এই ভূমিকায় অভিনয় করিয়াছে তাহারা কেহই তার কল্পনার সঙ্গে খাপ খায় নাই। সহসা তার এক ভাবী নাটকের এক সম্ভাব্য নাট্যিকা যেন একেবারে সশরীরে উপস্থিত হইয়াছে।

'উহু'। দামটাও আমিই দেব। আমিই আপনাকে নেমস্তন্ন করে এনেছি।' বিল দেখিবামাত্র প্রশান্তকে পকেটে হাত ঢুকাইতে দেখিয়া লতিকা প্রতিবাদ করিল এবং চকিতে নিজের হাণ্ডব্যাগ খুলিয়া একটা দশ টাকার নোট ওয়েটারের প্লেটে রাখিল।

'এটা কি ঠিক হ'ল?' প্রশান্ত কহিলেন। 'ভদ্রতার একটা রীতি আছে; অন্ততঃ সেটুকু আমাকে করতে দিলে হ'ত না?'

'আর একদিন বরঞ্চ ভাল করে খাইয়ে দেবেন।' লতিকা চেয়ার ঠেলিয়া উঠিয়া দাঁড়াইল। 'ফিরপোতে লাঞ্চ খেয়ে লাইট হাউসে সিনেমা দেখা, এও আমার আর এক মথ।'

'সেটা কবে হবে?'

'আসছে শনিবার ফ্রি আছেন কি?' একটু ভাবিয়া লতিকা কহিল।

'বেশ, তবে তাই ঠিক রইল। প্রশান্ত কহিলেন।

পর পর এমনি কতকগুলি লোক এবং টি হইয়া গেল। একটা অবিশ্বাস্য মোহে পাইয়া বসিয়াছে প্রশান্তকে। নিজে তিনি বহু রোমান্সের কথা সিথিয়াছেন, কিন্তু নিজে কখনও রোমান্স করেন নাই। সহসা অভিজাতঘরের এই মেয়েটি নিজে হইতে আসিয়া অন্তরঙ্গতা শুরু করিল। বয়সের তফাৎটা তার কাছে কোনও প্রশ্নই নয়।

প্রশান্ত বইয়ে পড়িয়াছেন, ভালোবাসা নাকি অন্ধ। সত্যিকার এই ভালোবাসাটা সেই অন্ধ ভালোবাসা অথবা প্রশান্তের খ্যাতির প্রতি সম্মানপ্রসূত, তাহা প্রশান্ত স্থির করিতে পারিতেছেন না, কিন্তু ভালোবাসার উত্তাপ তিনি সহজেই উপলব্ধি করিয়াছেন। রোমান্সের মাদকতায় জীবন পূর্ণ হইয়াছে।

ইডেন গার্ডেনের কাছাকাছি ট্যাক্সি ছাড়িয়া দিয়া প্রশান্ত ও সতিকা হাঁটিয়া চলিলেন। ষ্ট্রাও রোডে পড়িয়া, বাঁ দিকে মোড় লইয়া গঙ্গার বিপরীত ধার ধরিয়া হাঁটিতে লাগিলেন দু'জনে। সন্ধ্যা পার হইয়াছে; স্ট্রিমারের পোর্ট হোল হইতে আলোর শিখাগুলি আত্মপ্রকাশ করিয়াছে। বাঁ দিকে কেপ্লার ওয়ারলেসের পোস্টগুলি আকাশের দিকে আঙুল তুলিয়া নিঃশব্দ ভাষার আদানপ্রদান করিতেছে। বাস্তা জনবিরল; চলন্ত মোটর গাড়িগুলি তাহাদের দিকে ক্রক্ষেপ না করিয়া আগাইয়া যাইতেছে।

'লতা।'

'কি?'

'জীবনে এত আনন্দ এখনও বাকি আছে, আগে তা কল্পনাও করতে পারি নি। অথচ জন্মজন্মান্তরের যোগাযোগ না থাকলে তোমার সঙ্গে আমার এই অপূর্ণ মিলন কি সম্ভব হ'ত?'

'কিন্তু মিলন কি করে হবে বলুন? আপনার স্ত্রী আছে, ছেলেমেয়ে আছে...'

'তোমার চেয়ে তারা কেউ বড় নয়! তাদের সকলের ওপরে তোমার স্থান।'

'কিন্তু সমাজ কি তা স্বীকার করবে? আগে হিন্দুদের সুবিধে ছিল; দশটা স্ত্রী থাকলেও কিছু দোষের হ'ত না। আইন ত আজকাল সে পথও বন্ধ করে দিয়েছে।' সতিকা হাসকা এবং ঈষৎ গম্ভীর ভাবে কহিল।

'তুমি আমার সখী, আমার প্রিয়া, আমার মানসী।' প্রশান্ত কহিলেন। 'তোমার সঙ্গে আমার এই সম্পর্কে ক্লেশ নেই, মালিন্য নেই। যদি তোমার পাশে হেঁটে, তোমার হাত ছুঁতে নিজের মুঠোর মধ্যে নিয়ে স্বর্গ-সুখ পাই, তবে কার কি ক্ষতি?'

'আপনি কবিমানুষ', সতিকা সহাস্তে কহিল, 'এতে

আপনার পেট ভরতে পারে কিন্তু আমি যে পুরোপুরি গদ্য। এতে তো আমি সম্বল হতে পারিনে...'

'তুমি কি চাও?'

'যাকে ভালোবাসি, তাকে সম্পূর্ণভাবে নিজের করতে চাই। আমার জন্ম স্ত্রী-পুত্র ছাড়তে পারবেন? যদি পারেন বলুন। লোকনিন্দার বাইরে—বহু দূরের জায়গায় চলে যাব দু'জনে। কোনও নির্জন পাহাড়ে ছোট করে একটা ঘর বাঁধব, সমাজের কোন শাসনেরই তোয়াক্কা রাখব না...'

'তুমি একবার আদেশ কর।' বসিয়া প্রশান্ত আবেগ-ভরে সত্যিকার হাত চাপিয়া ধরিলেন।

আরও এক সপ্তাহ পরে। হাওড়া স্টেশনের শেডের তলায় দেবদেবী এক্সপ্রেস যাত্রা করিবার জন্ত ছটফট করিতেছে। গাড়ি ছাড়িতে মিনিটদশেক বাকি। প্ল্যাটফর্ম জনাকীর্ণ।

প্রশান্ত ব্যস্তসমস্ত ভাবে লোকের ভিড় ঠেলিয়া নিজের রিজার্ভ্-কুপেটার কাছে ছুটিয়া আসিলেন। উহাতে আর কোনও যাত্রী নাই তাহা বুঝিতে মুহূর্তও বিলম্ব হইবার কথা নয়, তবু জানাসা দিয়া মাথা গলাইয়া তিনি ভিতরটা ভালো করিয়া অনুসন্ধান করিলেন। তাঁর মুখে উদ্বেগ, বিষয় এবং আশঙ্কা ফুটিয়া উঠিল। পাগলের মত আবার তিনি ছুটিলেন প্ল্যাটফর্মের প্রবেশদ্বারের দিকে।

কয়েক জন হিন্দুস্থানী কুলি প্রশান্তের আচরণ পূর্বাপর লক্ষ্য করিয়াছে। তাহারা পরস্পরের দিকে চাহিয়া মন্তব্য করিল: 'বাবুজীকা ক্যা হুয়া?' কেহ যদি আধ ঘণ্টার মধ্যে বাবুজীকে ঠিক একই রকম ভাবে ছুটাছুটি করিতে থাকে, তবে বিশ্বয়ের উদ্ভেক হওয়াই স্বাভাবিক।

প্রশান্ত যখন বাহিরের দিক হইতে আবার নিজের কামরার কাছে ছুটিয়া আসিলেন, তখন তাঁর চোখে মুখে একটা বিপন্নভাব যেন প্রায় ঠেলিয়া বাহির হইয়া আসিয়াছে।

'বাবুজী!'

প্রশান্ত চমকাইয়া পিছনে তাকাইলেন।

'আপকে লিয়ে ইয়ে থত।'

'আমার! কে পাঠিয়েছে?'

'মিসিবাবা।'

ব্যগ্র আঙুলে প্রশান্ত থাম ছিঁড়িয়া ফেলিলেন। কণ-কাল চোখে অন্ধকার দেখিলেন, তার পর পড়িলেন: 'কমা করবেন আপনাকে একলাই মুসৌরী যেতে হবে। একদিন আপনার সঙ্গে তর্ক করেছিলাম, বলেছিলাম আপনার নাটকে নায়ক-নায়িকার বিচ্ছেদ বড় মর্মান্তিক। আপনিও তর্ক করে বলেছিলেন যে, বিচ্ছেদই বাস্তব, ট্রাজেডিই জীবন।

এর মর্মান্তিক বেদনার দিকটা আপনার হৃদয়কে কখনও স্পর্শ করে নাই। আশা করি, বাস্তবকে স্বীকার করে নিতে এবারও আপনার কষ্ট হবে না। আর যদি সত্যই ব্যথা পান, তবে ভবিষ্যতে হতভাগ্য নায়ক-নায়িকাদের এবং সহৃদয় পাঠক-পাঠিকাদের এ রকমের আঘাত করা থেকে বিরত থাকবেন। নমস্কারান্তে—সত্যিকা।’

ইহার পর কয়েক বছর প্রশান্ত মুখোপাধ্যায়ের কোনও নূতন নাটক প্রকাশিত হয় নাই। যখন নূতন নাটক সত্যই বাহির হইল তখন দেখা গেল, নাট্যকার তাঁর চিরাচরিত রীতি ত্যাগ করিয়া বিয়োগান্তের বদলে মিলনান্ত নাটক লিখিয়াছেন।

নিরাশ্রয়ঃ মাঃ জগদীশ বন্ধ

শ্রীকুমুদরঞ্জন মল্লিক



নীড়ভ্রষ্ট, নীর-আশ্রয়, নিরাশ্রয় আজ আমি,
গৃহে ত এমন অশুভূতি নিয়ে কখনো ডাকি নি স্বামী।
অন্তবিহীন নীলাকাশে নাই একটুও আশ্রয়,
তবুও চকোর যঁর উদ্দেশে উড়িয়া তুষ্ট হয়,
আশ্রয়হীন গ্রহ তারা সন্নিহিত যঁহার আকর্ষণ
নিরাশ্রয়ের আশ্রয় হয়ে ঘুরিছে অশুক্ষণ,
তাঁহারি যে টান তাঁহারি পরশ পেতেছি বুকের মাঝ,
দীনবন্ধুকে ডাকার লভেছি যোগ্যতা যেন আজ।

২

প্রতিমার মত গলে গেল আহা সজ্জিত গৃহসারি,
চারিদিকে জল তাতেই মিশিল ক’ ফোঁটা নয়নবারি।
নূতন দীক্ষা দিল মোরে আজ ভুবন মজ্জমান,
জীবন-প্লাবন আমাকে নূতন জীবন করিল দান।
আবার দেখিছু আদিম প্রান্তের প্রথম সূর্যোদয়
মুষ্টিমতী সে গায়ত্রী সনে আজ হ’ল পরিচয়।
বাক্তিতেছে শুধু জল কলরব গভীর অহর্নিশ
অভিভূত হয়ে কাতরে তোমারে ডাকিলাম জগদীশ।

৩

সব আশ্রয় ধুয়ে মুছে গেল—তুমি পরমাশ্রয়
দৃশ্যপটের পরিবর্তনে রহিলাম নির্ভয়।
ব্যাকুল হইয়া খুঁজিছু কোথায় কমলে কামিনী মা,
বটপত্রিতে ভাসেন কি হরি ? দেখিবার বাসনা।
পাঠ করিলাম প্রলয়পৃথিবী ক্ষুদ্র সংস্করণ
জলময়ী এক নূতন পৃথ্বী করিলাম দর্শন।
সহিলাম বহু বিড়ম্বনা ও সহিলাম বহু হুধ,
কখনো পাই নি কিছ এমনি তোমারে ডাকার সুধ।

৪

নিরাশ্রয় যে হওয়াতেও আছে পরমানন্দ এত,
ভাবিতে পারি নি—নিবেদনে হয় গরল অমৃতমত।
করে নীড়হারা বিহগ যেমন প্রতি তরুতেই বাস,
আমিও যেখানে থাকি—ভাবি গৃহ ফেলি দীর্ঘশ্বাস।
পর্ণ-আবাসও পরম কাম্য তুমি যদি কাছে থাকো,
মাটিকে কেবল উর্ধ্বে তুলিতে আর ভাল লাগে নাকো।
বন্যায় ভিজে গাছগুলি দেখি সতেজ হয়েছে ভারি,
তাদেরি মতন আমিও পেয়েছি তোমার করুণাবারি।

৫

আমার চেয়েও নিরাশ্রয়েরা আমারে ঘিরিয়া আছে
তোমার কাহিনী উল্লাসে আমি কহি তাহাদের কাছে।
সুরভী মায়ের স্তম্ভে আমার বন্ধ রয়েছে তাড়া,
কিছু নাই মোর, তবু যেন আমি কাঠুরিয়াদের রাজা।
তুমি কত বড় তাদিকে জানাই শুনাই রুপার কথা,
যা লয়েছ তার দশ গুণ দিতে নাহি তব রুপণতা।
তাহাদেরি সাথে ব্যাকুল কণ্ঠে পরমানন্দে ডাকি,
চারিদিকে জল তাহারি সঙ্গে জলে ভরে উঠে আঁধি।

৬

সব ভেসে গেছে, ভেঙ্গে চূরে গেছে অন্তর তবু স্রীত
এতদিন পরে প্রাণভরে পান করিছু নামামৃত।
মাটি গলে গিয়া, বাহির করিয়া দিল সে পরশমণি,
সব নিয়ে গেল তবু করে গেল অমূল্য ধনে ধনী।
চারিদিকে করে জল ধই ধই—অস্থির দেহমন
হঠাৎ তাহাতে আগিয়া উঠিল হরির পদ্মাসন।
ভয়ের মাঝারে কখনো হই নি এতখানি নির্ভয়,
কোথা জগদীশ বন্ধ আমারে—আমি যে নিরাশ্রয়।

জন ম্যাক

(১৭২৭-১৮৪৫)

শ্রীযোগেশচন্দ্র বাগল

উইলিয়ম ইয়েটসের মত জন ম্যাকও শ্রীরামপুর ব্যাপটিষ্ট মিশনের কর্মীরূপে ভারতবর্ষে আগমন করেন। ম্যাক কখনও এই মিশন হইতে আলাদা হইয়া যান নাই, আমৃত্যু শ্রীরামপুর ব্যাপটিষ্ট মিশনের অন্তর্ভুক্ত থাকিয়া নানা ভাবে মানব-সমাজের সেবা করিয়া গিয়াছেন। বাঙালী যুবকদের বিজ্ঞান-শিক্ষাদানে এবং বাংলা সাহিত্যের বিজ্ঞান-পুস্তক রচনায় তিনি যে কৃতিত্ব দেখাইয়াছেন তাহা কখনও ভুলিবার নয়।

জন ম্যাক ১৭২৭ খ্রীষ্টাব্দে স্কটলণ্ডে এডিনবরায় জন্মগ্রহণ করেন। তাঁহার পিতা ছিলেন সেখানকার একজন সলিসিটর। ম্যাক শৈশবেই প্রতিভার পরিচয় দেন। স্কুল ও কলেজে-বিদ্যাবস্তায় সতীর্থদের মধ্যে তাঁহার সমকক্ষ কেহই ছিলেন না। প্রথমে হাই স্কুলে এবং পরে এডিনবরা বিশ্ববিদ্যালয়ে তিনি তৎকালীন উচ্চশিক্ষা লাভ করেন। প্রতিটি স্থলেই তিনি শিক্ষক ও অধ্যাপকদের নিকট হইতে প্রশংসাপত্র প্রাপ্ত হইলেন। গ্রীক, ল্যাটিন ক্লাসিক সাহিত্যে তিনি ব্যুৎপন্ন হন। আবার বিজ্ঞানের বিভিন্ন বিভাগে, যেমন—অঙ্কশাস্ত্র, জ্যোতির্বিদ্যা, প্রাকৃতিক বিজ্ঞান এবং রসায়নশাস্ত্রে, তাঁহার বিশেষ দখল জন্মিল। রসায়নশাস্ত্রের প্রতি তাঁহার ছিল সবচেয়ে বেশী আকর্ষণ। এই বিষয়ে তিনি স্বতন্ত্র ভাবে বিশেষজ্ঞদের বক্তৃতাদি শুনিতেন। শল্যবিদ্যা (Surgery) বিষয়েও তিনি কতকগুলি বক্তৃতা শুনিয়াছিলেন। ম্যাকের কোঁতুহল এবং জ্ঞান-পিপাসা দেখিয়া শল্যবিদ্যার অধ্যাপক অত্যন্ত বিস্মিত হন।

পাদ্রীরূপে কর্মজীবন আরম্ভ করিতে জন ম্যাক মনস্থ করিলেন। স্থির হয় যে, তিনি চার্চ অফ স্কটলণ্ডের পাদ্রী হইবেন। কিন্তু এই চার্চের কতকগুলি বিধিব্যবস্থা তাঁহার মনঃপূত হইল না। তিনি ব্যাপটিষ্ট মিশনরী সোসাইটির দিকে যৌবনেই ঝুঁকিয়া পড়িলেন। তিনি মিশনের মূল কেন্দ্র ত্রিষ্টলে গমন করিলেন—ব্যাপটিষ্ট মিশন-প্রদত্ত বিশিষ্ট শিক্ষা-লাভ ও ধর্মচর্য্যার নিমিত্ত। ম্যাক ইতিপূর্বেই বিভিন্ন বিদ্যায় ব্যুৎপত্তিলাভ করিয়াছেন, এখানে আসিয়া খ্রীষ্টশাস্ত্র অক্ষুণ্ণনাস্তর তাহাতেও প্রগাঢ় পাণ্ডিত্য অর্জন করিলেন। শ্রীরামপুর ব্যাপটিষ্ট মিশনের অন্ততম প্রতিষ্ঠাতা উইলিয়ম পয়ার্ড বিলাতে গিয়া ম্যাকের বিষয় অবগত হন।

শ্রীরামপুর কলেজের জন্ম একজন বিজ্ঞানের অধ্যাপকের প্রয়োজন ছিল। তিনি জন ম্যাককে এই পদ গ্রহণে সম্মত করাইলেন। শ্রীরামপুর কলেজে বিজ্ঞানের অধ্যাপক-নিয়োগের কথা জানিয়া স্কটলণ্ডনিবাসী জেমস ডগলাস কলেজের বিজ্ঞান গবেষণাগার বা লেবরেটরী গঠনের জন্ম পাঁচ শত পাউণ্ড দান করিলেন; ইহা দ্বারা বৈজ্ঞানিক, বিশেষতঃ রাসায়নিক যন্ত্রপাতি ক্রয়ের সুবিধা হইল।

ওয়ার্ড ম্যাককে লইয়া ১৮২১ সনের মে মাসে ভারতবর্ষে রওনা হইলেন। তাঁহাদের সঙ্গে মিস কুকও আসিলেন, ইনি বিবাহের পরে মিসেস উইলসন নামে অধিকতর পরিচিত হন। এদেশে স্ত্রীশিক্ষা-বিস্তারে তাঁহার কৃতিত্ব অপরিমিত। এই বৎসর নবেম্বর মাসে ওয়ার্ড ও ম্যাক শ্রীরামপুরে পদার্পণ করেন। শ্রীরামপুর কলেজ পরিচালনায় ড. জসুয়া মার্শম্যান বিশেষ ভাবে লিপ্ত ছিলেন। জন ম্যাক আসিয়া তাঁহার সঙ্গে যুক্ত হন। তিনি কলেজে বিজ্ঞান অধ্যাপনা আরম্ভ করিলেন। ওয়ার্ড ধর্মশাস্ত্র অধ্যাপনার ভার লন। ম্যাক বাংলা ভাষা শিক্ষায়ও অবহিত হইলেন। বিভিন্ন বিষয় অধ্যাপনাকালে মানচিত্রের অভাব বড়ই অনুভূত হইত। ম্যাকের নেতৃত্বে মিশনরীগণ ভারতবর্ষের একটি মানচিত্র বাংলায় সংকলনে মন দেন। ভারতবর্ষের প্রায় এক হাজার শহর ও নদনদীর ইংরেজী ও বাংলা নামসম্বলিত ভারতবর্ষের মানচিত্রের একটি খসড়া তৈরি করিবার পর লণ্ডনে শিল্পী ওয়াকারের নিকট তাহা প্রেরিত হয়। খসড়ার ভিত্তিতে মানচিত্রটি অতি সুন্দরভাবে প্রস্তুত হইল। এখানি বড়লাট লর্ড হেষ্টিংসের নামে উৎসর্গ করা হয়। ভারতীয় ভাষায় মানচিত্র রচনা এইভাবেই শুরু হয়।

শ্রীরামপুর কলেজে লেবরেটরী বা গবেষণাগার প্রতিষ্ঠিত হইল। ম্যাক এখানে রসায়নশাস্ত্র সম্বন্ধে গবেষণা করিতে আরম্ভ করিলেন। রসায়নবিদ্যারূপে তাঁহার খ্যাতি ছড়াইয়া পড়িল। কলিকাতায় তখন যে স্বল্পসংখ্যক বিজ্ঞানী ছিলেন তাঁহারাও ম্যাককে উৎসাহ দিতে লাগিলেন। বড়লাট লর্ড হেষ্টিংসের সভাপতিত্বে অনুষ্ঠিত এশিয়াটিক সোসাইটির শেষ সভায়, তাঁহারই প্রস্তাবে সোসাইটি-ভবনে ম্যাকের দ্বারা রসায়নশাস্ত্রের উপরে বক্তৃতা প্রদানের ব্যবস্থা হয়। ম্যাক সোসাইটির হল-ঘরে রসায়ন সম্বন্ধে এক প্রস্তাব বক্তৃতা দিলেন।

জন ক্লার্ক মার্শম্যান বলেন, বক্তৃতার দিনগুলিতে আশী হইতে একশত জন পর্যন্ত সমঝদার শ্রোতা হাজির থাকিতেন। উপস্থিত ব্যক্তিদের মধ্যে জনদশেক ছিলেন ভারতীয়। বক্তৃতার দক্ষিণাঙ্ক ম্যাক সর্বসাকুল্যে এক শত পাঁচ পাউণ্ড প্রাপ্ত হন। তিনি সবটাই মিশন-ভাণ্ডারে দান করেন।*

ম্যাক শ্রীরামপুর মিশনে যোগদানের অল্পকাল পরে, ১৮২৩ খ্রীষ্টাব্দে ওয়ার্ড মারা গেলেন। মিশনের অল্প প্রতিষ্ঠাতৃদ্বয় উইলিয়াম কেবী ও জশুয়া মার্শম্যানের সঙ্গে তিনি সর্ববিষয়ে একযোগে কার্য্য করিতে লাগিলেন। মিশনের যাবতীয় বিপদ আপদে, সুখে-দুঃখে তিনি তাঁহাদের সঙ্গী হইলেন। ম্যাক তাঁহাদের উভয়েরই বয়ঃকনিষ্ঠ; এ কারণেও তিনি তাঁহাদের স্নেহপ্রীতি প্রাপ্ত হন। উপরন্তু ম্যাকের বিজ্ঞাবত্তা এবং কর্ম্মতৎপরতা তাঁহাদিগকে কম যুক্ত করে নাই। কেবীর আদর্শে অনুপ্রাণিত হইয়া তিনি বাংলা ভাষার চর্চায় প্রথম হইতেই অবহিত হইলেন। কলেজে তিনি ক্রমে ইংরেজী ও বাংলা উভয় ভাষায়ই ছাত্রদের রসায়নবিজ্ঞান অধ্যাপনা করিতেন। ড. জশুয়া মার্শম্যানের পুত্র 'সমাচার দর্পণ'-সম্পাদক জন ক্লার্ক মার্শম্যানের সঙ্গে একযোগে একটি বাংলা গ্রন্থমালা প্রকাশে তিনি মনস্থ করিয়াছিলেন। মার্শম্যান লইয়াছিলেন ইতিহাসমূলক পুস্তকাদির ভার, ম্যাক বিজ্ঞানের পুস্তক লিখিতে অগ্রসর হন। কলেজ এবং মিশনের কার্য্যে ক্রমে অধিকতর ব্যাপৃত হইয়া পড়ায় তিনি একখানির বেশী বই লিখিতে পারেন নাই। কিন্তু এই একখানি বই লিখিয়াই ম্যাক পাইওনিয়ার বা অগ্রদূতের মর্যাদা লাভ করিয়াছেন। এই পুস্তকখানির নাম—“কিমিয়া বিজ্ঞান সার”, অর্থাৎ রসায়নবিজ্ঞান মূল কথা। ইতিপূর্বে বিজ্ঞানবিষয়ক পুস্তক এবং পত্রিকা কিছু কিছু প্রকাশিত হইয়াছিল বটে, তবে রসায়নশাস্ত্র সম্বন্ধে লিখিত পুস্তকসমূহের মধ্যে এখানিই প্রথম। পুস্তকখানি সম্বন্ধে পরে বলিব।

ম্যাক আর একটি বিষয়েও জন ক্লার্ক মার্শম্যানের বিশেষ সহায় হন। মার্শম্যান লিখিয়াছেন, তিনি ১৮৩৫ খ্রীষ্টাব্দে যখন সাপ্তাহিক 'ফ্রেণ্ড অফ ইণ্ডিয়া' প্রথম বাহির করেন, সেই সময় এবং তাহার পরেও ম্যাক সম্পাদকীয় বিভাগের অন্তর্ভুক্ত থাকিয়া বহু রচনা দ্বারা উক্ত পত্রিকাখানির গুরুত্ব

ও শৌষ্ঠব বর্ধন করেন। তাঁহার রচনা ছিল একদিকে যেমন সহজ, স্বচ্ছ, অনাড়ম্বর, অল্পদিকে তেমনি নির্দোষ, তেজঃপূর্ণ ও বাঁঝালো; সংবাদপত্রের লেখা যেমন হওয়া উচিত ইহা ছিল ঠিক তেমনই। তাঁহার সংবাদপত্রের রচনা লিখিতে সম্বন্ধে সম্পাদক মার্শম্যান লিখিয়াছেন :



জন ম্যাক

“As a public writer, he had few equals among us. His compositions bore the exact impress of his mind, and were remarkable for their purity, clearness and vigour. He cultivated his style with no little assiduity, and was remarkably happy in clothing his thoughts in the strongest and most appropriate expressions. In all he wrote, however, his great object was to discover and exhibit the truth without any undue partiality, either for his own preconceived notions or for the authority of others. He wrote with much deliberation and seldom modified the structure of a sentence, or even change a word. Some of his ablest papers were sent to press without the alteration of more than a phrase or two. That correctness and elegance of diction

*The Life and Times of Carey, Marshman and Ward, etc. Vol. II. Pp. 260 61.

ম্যাকের জীবনকথা সংকলনে এই পুস্তকখানি এবং ১৮৪৫ সনের 'দি ক্যালকাটা ক্রিস্টিয়ান অবজার্ভার' ও 'দি ফ্রেণ্ড অফ ইণ্ডিয়া'র সাহায্য লওয়া হইয়াছে।

which some men attain only by the most painful and elaborate emendations, was exhibited in the first draft of his compositions.”

শ্রীরামপুর ছিল ম্যাকের কর্মস্থল। কেরীর মৃত্যু (১৮৩৪) এবং জঙ্গলা মার্শম্যানের ভগ্ন স্বাস্থ্য হেতু ম্যাককে প্রতিদিন পরিশ্রম করিতে হইত যথেষ্ট। ইহার উপর তিনি ১৮৩৬ খ্রীষ্টাব্দে বাংলার পূর্বাঞ্চল—খাসিয়া পাহাড়, আসাম প্রভৃতি ভ্রমণে গমন করেন। তাঁহার ভ্রমণের কথা শুনিয়া সরকারী কর্তৃপক্ষ ঐসব অঞ্চলের যথাযথ অবস্থা সম্বন্ধে বিবৃতিদানের নিমিত্ত তাঁহাকে অনুরোধ জানান। কারণ, ঐ সময়ের মাত্র দশ বৎসর পূর্বে এই অঞ্চল ব্রিটিশের অধিকারভুক্ত হয়। এখানে উল্লেখযোগ্য যে, ম্যাক-প্রদত্ত বিবরণ সরকারের দিগ্‌দর্শন-স্বরূপ হইয়াছিল। আসাম পর্যটনকালে ম্যাক কঠিন জরুরোগে আক্রান্ত হন। শ্রীরামপুরে প্রত্যাবর্তনের পরে তিনি এই ব্যাধিমুক্ত হইলেন বটে, কিন্তু স্বাস্থ্যলাভার্থে অবিলম্বে বিলাত যাত্রা করিলেন। স্বদেশে অবস্থানকালে তিনি স্বাস্থ্য ফিরিয়া পাইলেন। এবারে তাঁহার দায়িত্ব অত্যন্ত বাড়িয়া গেল। জঙ্গলা মার্শম্যানের অসুস্থতা, এবং অল্পকালের মধ্যে মৃত্যুতে (১৮৩৭) তাঁহাকে বিলাতের ব্যাপটিষ্ট মিশনের সঙ্গে এক নূতন বন্দোবস্ত করিতে বাধ্য হইতে হইল। ম্যাক শ্রীরামপুর ব্যতীত, অগ্ৰাণ্ড অঞ্চলের মিশন-পরিচালিত যাবতীয় প্রতিষ্ঠানগুলি উহার হস্তে ছাড়িয়া দিলেন।

এইরূপ ব্যবস্থা করিয়া জন ম্যাক ১৮৩৯ সনের প্রারম্ভে এদেশে ফিরিয়া আসিলেন। শ্রীরামপুর কলেজ, মিশনচার্চ, এবং মিশনের অগ্ৰাণ্ড কার্যসমূহের পরিচালনাভার তিনি নিজ হস্তে গ্রহণ করেন। তাঁহার কর্তৃত্বাধীনে শ্রীরামপুর কলেজ একটি প্রথম শ্রেণীর শিক্ষায়তনে পরিণত হইল। উৎকর্ষের দিক হইতে বেসরকারী কলেজসমূহের মধ্যে ইহা ছিল অদ্বিতীয়। চার্চে বাংলা ভাষায় তাঁহার প্রার্থনা ও উপদেশাবলী শ্রোতাদের বড়ই হৃদয়গ্রাহী হইত। ম্যাক তাঁহার বিজ্ঞান-বুদ্ধি কর্মশক্তি সকলই মিশনের উন্নতিকল্পে বিনিয়োগ করিয়াছিলেন। এজন্য তাঁহাকে অতিরিক্ত পরিশ্রম করিতে হইত নিঃসন্দেহ, কিন্তু তিনি কখনও ক্লান্তিপন্ন হইতেন না। মাত্র আটচল্লিশ বৎসর বয়সে এইরূপ কর্মময় জীবনের অবসান ঘটে। তিনি কলেরা রোগে আক্রান্ত হইয়া ১৮৪৫, ৩০শে এপ্রিল শেষ নিঃশ্বাস পরিত্যাগ করেন। তাঁহার মৃত্যুতে পাদ্রী ও খ্রীষ্টান-সাধারণ তো বটেই, এমনকি এদেশীয়েরাও বিশেষ দুঃখিত হন। ‘দি ক্যালকাটা ক্রিস্টিয়ান অবজার্ভার’ (মে ১৮৪৫)-এর শোকসূচক উক্তিঃ কিয়ৎকাল এখানে উদ্ধৃত করি :

“We have only time in our present issue to announce the death of one of our oldest and most valued missionary friends and fellow-labourers, the Revd. J. Mack, of Serampore. He was removed by the fatal scourge the Cholera, on Wednesday evening, the 30th April. . . .

“Mr. Mack had been a resident in India upwards of twenty-three years. His age was 48. He was a man of great natural and acquired habits. He was an original and deep thinker, a devoted labourer in the cause of truth, and one whose place will not be readily supplied. As a man of talent, a minister, a leader of youth, and adviser and friend, few equalled our good, honest, cheerful and devoted friend, John Mack of Serampore. He rests from his labours. The Lord enable us to meet him in the skies. . . .

“He possessed extensive natural abilities. He was conspicuous as a student and shone in the midst of such men as Carey, Marshman, Ward, Yeates and Pearce, which is not small praise. To have laboured with such men was an honour. To be in point of talent ranked with such men was to earn a worthy fame, as to be with them now is the most complete felicity.”

এখন, জন ম্যাকের “কিমিয়া বিজ্ঞান সার” সম্বন্ধে কিঞ্চিৎ আলোচনা করিব। গ্রন্থের আখ্যাপত্র এই : PRINCIPLES OF CHEMISTRY./By/JOHN MACK, of Serampore College./Vol. I./কিমিয়া বিজ্ঞান সার।/শ্রীযুত জন মাক সাহেব কর্তৃক/রচিত হইয়া/গৌড়ীয় ভাষায় অনূবাদিত হইল।/প্রথম খণ্ড/From the Serampore Press./1834.

পুস্তকখানির ইংরেজী ভূমিকায় ড. কেরীর সহায়তার কথা অতি শ্রদ্ধার সঙ্গে উল্লিখিত হইয়াছে। বদায়নের পরিভাষা সম্বন্ধে এই ভূমিকায় তিনি অতি সুন্দর আলোচনা করিয়াছেন। বাংলা তথা দেশভাষার মাধ্যমে উচ্চতর বিজ্ঞানশিক্ষার আয়োজন আজ হউক কাল হউক হইবেই।

এসময়ে এতৎসম্পর্কে জন ম্যাকের সূচিস্থিত অভিমত সকলেরই প্রণিধানযোগ্য। উচ্চতর বজ্ঞানবিষয়ক পুস্তকাদি রচনায় এই অভিমত আমাদের কাজে লাগিবে নিশ্চয়। ভূমিকা হইতে অতি প্রয়োজনীয় অংশটি এখানে উদ্ধৃত হইল। বলা বাহুল্য, 'কিমিয়া বিচার সার' রচনায়ও ম্যাক স্ব-প্রস্তাবিত নীতিই অনুসরণ করিয়াছেন :

"First, that our European terms have been taken from our ancient languages for the very purpose of preventing the confusion which must arise from as many different names being applied to the same thing as there are languages, in which it is spoken of;—and secondly, that, it is a mistake to suppose, that any good will be done by accurate translations of scientific names, since as many of them, as far as their derivative import is concerned, are totally misapplied, and the translation of them therefore would only be giving currency to error. Thus the word oxygen might have been very neatly rendered অম্লজান (*umlujan*, the producer of acidity); but the result would have been, that the exploded idea of oxygen being necessary to the production of acidity, would have been embodied in the new word."

এস্থানি ৩৩৭ পৃষ্ঠা পরিমিত। ইহাতে ইংরেজী-বাংলা দুইটি পাঠই দেওয়া হইয়াছে। প্রত্যেক পাতার বাম দিকে ইংরেজী এবং দক্ষিণ দিকে বাংলা। পুস্তকের বিষয়ব্যাঞ্জক অংশটি—যাহাকে আমরা সচরাচর 'প্রস্তাবনা' বা 'ভূমিকা'

বলি—ম্যাক "পরিভাষা" বলিয়া উল্লেখ করিয়াছেন। এই পরিভাষাটি এখানে উদ্ধৃত হইল :

॥১॥ কিমিয়া বিচারদ্বারা এই শিক্ষা হয় বিশেষতঃ নানাবিধ বস্তুজ্ঞান এবং সেই নানাবিধ বস্তু যেহেতু ব্যবস্থানুসারে পরস্পর সংযুক্ত ও লীন হইলে ঐ বস্তু হইতে নানাবিধ পদার্থ উৎপন্ন হয় তাহা।

॥২॥ অদ্য পর্য্যন্ত যত বস্তু তত্ব জানা গিয়াছে সে অল্প অর্থাৎ ৫১ একপঞ্চাশতের অধিক নহে। সে সকলের নাম মূলবস্তু যেহেতুক বোধ হয় যে ঐ প্রত্যেক বস্তুর মধ্যে কেবল এক পদার্থ আছে।


॥৩॥ অল্পাংশ বস্তুর নাম সঙ্কর বস্তু যেহেতুক সে সকলের মধ্যে দুই কিংবা অধিক পদার্থ আছে। তাহার সংখ্যার প্রায় সীমা নাই।


॥৪॥ যখন মূলবস্তুর পরস্পর লয়েতে সঙ্কর বস্তু উৎপন্ন হয় এবং সেই সঙ্কর বস্তুদ্বয়াদির পরস্পর লয়েতে অধিক সঙ্কর বস্তু উৎপন্ন হয় তখন সে কার্য নিশ্চিত ব্যবস্থানুসারেই হয়।

॥৫॥ ইহাতে বোধ হয় যে এ বিজ্ঞা দুই প্রকার অর্থাৎ বস্তু ও তাহার স্বাভাবিক গুণবিষয়ক এবং সেই বস্তুর পরস্পর লয়বিষয়ক।

॥৬॥ কিন্তু এই বিজ্ঞানার্থে দ্বিতীয় প্রকরণ প্রথম শিক্ষা করিতে হইবেক যেহেতুক বস্তুসকল যেহেতু ব্যবস্থানুসারে ও যেহেতু মতানুসারে সংলীন হয় তাহা না জানিলে মূলবস্তু কিঞ্চিৎ সঙ্কর বস্তুর গুণ জানা অসাধ্য অতএব সেই ব্যবস্থা প্রথম কথয়িতব্য। কএক নিশ্চিত প্রভাবদ্বারা বস্তুসকল লীন হয় সে প্রভাব নানা প্রকার অতএব এই পুস্তকের দুই ভাগ হইবে। প্রথমতঃ কিমিয়া প্রভাব দ্বিতীয়তঃ বস্তুবিষয়ক।"

পুস্তকখানির ভাষার প্রাঞ্জলতা এই উদ্ধৃতি হইতে লক্ষ্য করা যায়।






বালুরঘাট

শ্রীমনোরঞ্জন গুপ্ত

চৌত্রিশ বৎসর পূর্বে গ্রীষ্মের ছুটিতে একবার বালুরঘাটে যাই। হিলি-বালুরঘাট রোডের যে শোভা দেখিয়াছি এখনও তাহা আমার চিত্তে জাগরুক রহিয়াছে। দুই দিকে বিস্তীর্ণ শস্যক্ষেত্র, মধ্যে মধ্যে জনবহুল গ্রাম; দীর্ঘ পথে আম, তাল

পশ্চিমে খালের পুল অতিক্রম করিলেই বালুরঘাটের অপব্যক্তি আন্দ্রেয়ী নদীর তীর ঘেঁষিয়া ইহা অবস্থিত। সেখানে এই মহকুমা-শহরের আদালত ও ফৌজদারী কাছারি, ডাকঘর, ইংরেজী বিদ্যালয়, পাবলিক লাইব্রেরী, থিয়েটার হল, কাঙ্গীবাড়ী, থানা ও স্যানিটারী বোর্ড।

শহরের নেতৃস্থানীয়েরা তখন শহরটিকে অতি দ্রুত গড়িয়া তুলিতেছেন। শিক্ষায়, সংস্কৃতিতে, রাজনৈতিক আন্দোলনে বালুরঘাট তখন সমগ্র বঙ্গদেশের দৃষ্টি আকর্ষণ করিয়াছে। ছাত্রজীবনের সঙ্গীরা কেহ কেহ উত্তরকালে যশস্বী হইয়াছেন। অভিভাবকেরা ছাত্রদের আদর্শস্থানীয় ছিলেন। বালুরঘাটের গ্রন্থাগারটি ক্ষুদ্র হইলেও দেশ-



বালুরঘাট উচ্চ বিদ্যালয়ের একাংশ

ও কাঁঠালের ছায়াঘন বীথি; মাঝে মাঝে পথিপার্শ্বে বিরাট জলাশয়ে লাল পদ্মের বন।

শহরে প্রবেশ করিয়া দেখিলাম নাতিক্ষুদ্র বাজার, আরও অগ্রদর হইলে দক্ষিণ-পশ্চিমে সাহেব-সুবার বাড়ী। উত্তর-





জেলা জজ আদালতে জনসাধারণের বিশ্রামগৃহ

বিদেশের উৎকৃষ্ট গ্রন্থসম্ভারে সমৃদ্ধ ছিল। আমরা এই সব পড়িয়া লাভবান হই। গ্রন্থাগার-কর্তৃপক্ষ এগুলি সংগ্রহ করিয়া জীবনের অগ্রগতির সঙ্গে তাল রাখিতে তৎপর হইয়াছিলেন।


শিক্ষায়, সংস্কৃতিতে যৌথ কর্মে, সমাজ-সেবায় বালুরঘাট-বাসীদের তৎপরতা দেখিয়া কন্সীদের প্রতি আমাদের চিত্ত যে শ্রদ্ধায় ভরপুর হইয়াছিল আজিও তাহা অক্ষুণ্ণ রহিয়াছে। অবসর পাইলেই বালুরঘাটে যাইতাম, একটা উন্মুক্ত বলিষ্ঠ, উদার জীবনধারার আনন্দ পাইয়া নিজেকে উজ্জীবিত করিয়া লইবার জগৎ। রাজনৈতিক আন্দোলন, বিশেষ করিয়া মহাত্মা গান্ধী-প্রবর্তিত অহিংস অসহযোগ



বালুরঘাট ভবন : জেলা কংগ্রেস আপিস



লজিতমোহন আদর্শ উচ্চ বিদ্যালয়




বালুরঘাট : প্রাচ্যভাবতী ভবন




একটি মসজিদ



জেলা জজকোটের একাংশ




আশরাফ খানের মাজারের আগুনগৃহ



বালুরঘাট—নবনির্মিত শহরে পুলিশ সাহেবের বাসভা

প্রচেষ্টায় বালুরঘাট বাংলা তথা ভারতের দৃষ্টি আকর্ষণ করিল। ওদিকের বারদোলা, এদিকের বালুরঘাট।

শত শত বাস যাত্রী ও পণ্য সহীয়া জেলা এবং জেলার বাহিরেও যাতায়াত করিয়া সমগ্র প্রদেশের সঙ্গে যোগ রাখিয়া



সরকারী পরিকল্পনায় নবনির্মিত স্কুলগৃহের একাংশ

১৯৪২-এর আন্দোলনের শেষে বালুরঘাটের বার-চৌদ্দ জন রাজনৈতিক কর্মীকে নিরুদ্দেশযাত্রা করিতে হয়। তাঁহারা ফিরিয়া আসিলেন ১৯৪৭ সনের ১৫ই আগষ্টের পরে; তখন ভারত স্বাধীন হইয়াছে। তাঁহারা আসিয়া দেখিলেন তাঁহাদের বালুরঘাট খণ্ডিত দিনাজপুর জেলার পশ্চিমে অবস্থিত পশ্চিম দিনাজপুর জেলা-শহর রূপে নিক্বাচিত হইয়াছে। তখনকার দিনের থানা রাইগঞ্জ অগ্রতম মহকুমা-শহরে পরিণত।



নবনির্মিত জেলা লাইব্রেরী


স্বাধীনতাপ্রাপ্তির পর পশ্চিমবঙ্গ সরকার সমগ্র প্রদেশে বিস্তার রাস্তা নির্মাণ করাইয়াছেন। তন্মধ্যে পশ্চিম দিনাজপুরের এই রাস্তাগুলি দৈর্ঘ্যে, গঠননৈপুণ্যে ও সৌন্দর্য্যে বৃষ্টি-বা শীর্ষস্থান অধিকার করিয়াছে। এই সব রাস্তায় দ্রুতগামী



নবনির্মিত জেলা জজ আদালত

চলিয়াছে। বস্তুতঃ তিন-চার বৎসর আগে যখন মুর্শিদাবাদ জেলায় অন্নভাব দেখা দিয়াছিল তখন এই সব রাস্তা দিয়াই বালুরঘাট অঞ্চল হইতে বিপুল পরিমাণ ধান ও চাউল প্রেরিত হইয়া ঐ অঞ্চলবাসীর খাদ্যভাব দূর করিয়াছিল।

কেবল রাস্তা নির্মাণ নহে; বালুরঘাট যে জেলা-শহর হইয়াছে, ইহা ঘোষণা করিয়াই পশ্চিমবঙ্গ সরকার ইহার গঠনে গত দশ বৎসর ধরিয়া এক কোটি পঞ্চাশ লক্ষ টাকা ব্যয় করিয়াছেন। ইহার ফলে আমার সেই চৌত্রিশ বৎসর




নবনির্মিত শহরে জেলার সদর হাসপাতাল

আগেকার দেখা বালুরঘাট শহরের সঙ্গে বর্তমান বালুরঘাটের অনেক তফাৎ হইয়া গিয়াছে।

বিখ্যাত আত্রৈয়ী নদীর তীরে তীরে গড়িয়া উঠিয়াছে

প্রায় ছয় বর্গমাইলব্যাপী এক বিস্তীর্ণ শহর। এই বৃহত্তর শহরে জনসংখ্যা প্রায় এক লক্ষ। একটি সুন্দর সড়ক শহরের দুই প্রান্তকে যুক্ত করিয়াছে। তাহারই উত্তর-পূর্ব দিকের পুরাতন শহর ও বিমানঘাটের মধ্যস্থলে বিস্তীর্ণ নূতন শহর অবস্থিত। এই অংশের সমৃদ্ধি অতি সহজেই চোখে পড়ে। পশ্চিমবঙ্গ সরকার প্রায় চারি শত বিঘা জমির উপর বিরাট জেলা হাসপাতাল, ডাক্তার ও নার্সদের সিরামগৃহ, জেলা জরিপ আপিস, জেলা পুলিশ-স্থপার ও ইঞ্জিনিয়ারদের কোয়ার্টার এবং জেলা জজের কোয়ার্টার নির্মাণ করাইয়াছেন। আর ভারত গবর্নমেন্টের পঁচিশ লক্ষ টাকায় বিমানঘাট উন্নততর করা হইয়াছে, মাত্র কুড়ি টাকায় কলিকাতা-বালুরঘাটে যাত্রী যায়।

ওদিকে পুরাতন শহরে পশ্চিমবঙ্গ সরকারের অর্থানু-কূল্যে ও স্থানীয় লোকেদের অর্থসাহায্যে এবং চেষ্টায় গড়িয়া উঠিয়াছে একটি প্রথম শ্রেণীর কলেজ, সাতটি উচ্চ ইংরেজী বিদ্যালয়, বিস্তীর্ণ বাজার, জেলা গ্রন্থাগার, ছাত্রাবাস প্রভৃতি।



নবনির্মিত প্রথম শ্রেণীর কলেজ

বালুরঘাটের নেতাদের ও পশ্চিমবঙ্গ সরকারের ক্রত সংগঠন-শক্তি দেখিলে বড়ই আনন্দ হয়।


এইভাবে জেলা-শহর গড়িয়া উঠায় বালুরঘাটে জনবসতি বৃদ্ধি পাইয়াছে। নানা কারণে এখানে জীবিকা অর্জনের বিভিন্ন পথ উন্মুক্ত হইয়াছে। ইহারই দরুন বালুরঘাট শহরের চতুর্পার্শ্বে প্রায় এক লক্ষ উদ্বাস্ত বসতিস্থাপন করিয়া পুনরায় জীবিকা অর্জনে সক্ষম হইতেছে। সমগ্র পশ্চিমবঙ্গে উদ্বাস্তর সংখ্যা প্রায় চল্লিশ লক্ষ বলিয়া উক্ত হইয়াছে। পশ্চিমবঙ্গে পনেরটি জেলা। ইহার মধ্যে এক বালুরঘাট মহকুমাই এই জনসমষ্টির প্রায় দশ লক্ষের আশ্রয়স্থল হইয়াছে। বালুর-ঘাটের কৃতিসমূহের মধ্যে ইহাও একটি বিশেষ আনন্দদায়ক ও উল্লেখযোগ্য ঘটনা।

বালুরঘাট শহরতলীতে ছয়টি চাউলের কল বসিয়াছে, হিলিতে চৌদ্দটি রহিয়াছে; বাধানো পথ ও আত্রেয়ী নদী-



উচ্চ বালিকা বিদ্যালয়ের নবনির্মিত বাড়ীর একাংশ

যোগে এই পণ্য ও পাট, সরিষা প্রভৃতি সমগ্র পশ্চিমবঙ্গে ছড়াইয়া পড়িতেছে। আত্রেয়ী হইতে পুনর্ভবা, তাহা হইতে মহানন্দা এবং তাহা হইতে মালদহের দক্ষিণে গঙ্গায় পড়িয়া নৌকাবাহিত পণ্য সর্বত্র নীত হইতেছে। এবার কলিকাতায় নিখিল ভারত কংগ্রেস কমিটির অধিবেশনকালে ভারত সরকারের পক্ষে ঘোষণা করা হইয়াছে যে, বালুরঘাট ও হিলিকে যুক্ত করিয়া একটি রেল লাইনের আয়োজন বর্তমান পাঁচসালা উন্নয়নের মধ্যেই করা হইবে। চক্ষের উপর বালুরঘাটের এতাদৃশ ক্রমোন্নয়ন আমাদের চিত্তে এই আশার উদ্ভেক করি-



উদ্বাস্ত-পরিচালিত উচ্চ বিদ্যালয়

য়াছে যে, বালুরঘাট একদিন অপ্রত্যাশিত ক্রীড়ক্লাভ করিবে স্থানীয় লোকেদের চেষ্টায় ও সরকারের আনুকূল্যে।

সম্প্রতি কিশোরগঞ্জের কিয়দংশ পশ্চিম দিনাজপুর জেলার অন্তর্ভুক্ত হইয়াছে। ইহাতে পশ্চিম দিনাজপুর জেলার আয়তন আরও বর্ধিত হইল। ঐ অঞ্চলে চা উৎপন্ন হয় এবং অনেক অকর্মিত ভূমিও আছে। সুতরাং এই জেলার সমৃদ্ধিতে ইহা সহায়ক হইবে নিঃসন্দেহ। কাজেই এই সীমান্ত জেলা-শহর প্রতিষ্ঠায় ভারত সরকার অবশ্যই অবহিত

থাকিবেন, যেমন তাঁহারা অবহিত রহিয়াছেন পূর্ব পঞ্জাবের রাজধানী, সীমান্তবর্তী চণ্ডীগড় প্রতিরক্ষায়। এ কারণেও বালুরঘাটের গুরুত্ব বিশেষ বাড়িয়া গিয়াছে। মোট কথা, বালুরঘাটের উত্তরোত্তর উন্নতি দেখিয়া অন্তরে যে বিশেষ আনন্দের সঞ্চার হয় সেকথা বলাই বাহুল্য।

ফোটোগুলি শ্রীরাধামোহন মোহান্ত কর্তৃক গৃহীত

অব্যক্ত

শ্রীহেমেন্দ্র মল্লিক

কবিতায় মিল নাই
পাছকায় হিল নাই
এই সব আজকাল চলছে।
রাঙা খাম চিঠি নাই
টানা আঁখি দিঠি নাই
এসোমেলো কত কি যে বলছে!
যে হিয়াতে আশ নাই
আকাশে বাতাস নাই
বনফুলে কত রঙ ফলছে
নয়্যা ছুরি ধার নাই
ঢালা শাড়ী পাড় নাই
বিধি যেন মেকি হয়ে ছলছে।
কত সাধ সাধ্য নাই
নভে টাঁদ রাত্তি নাই
ক্যাপা কোন্ ফুলমালা দলছে,
কাঁটা আছে ফুল নাই
দুঃখস্রোতে কুল নাই
ব্যথা-ধূপ তিলে তিলে গলছে।
চোখে যার দেখা নাই
প্রাণে তার রোশনাই
নিশিদিন ধিকি ধিকি জলছে
জালা আছে ভাষ নাই
ব্যথার প্রকাশ নাই
চোখে জল টল টল টলছে।

চেয়ে থাকি

শ্রীভূদেব চট্টোপাধ্যায়

জীবনের পূর্ণ পাত্রে সঞ্চয় করিয়া শুধু জালা
ধূলিক্রম পৃথিবীর কণ্টকিত পথে যারা চলে,
নিত্য যারা করে পান ফেনায়িত বিহের পেয়ালা
ভগ্ন মেরু কাণ্ডহীন আমি যে গো তাহাদেবই দলে।
হৃদয়-শাশানে মোর ছড়ানো যে আশার কঙ্কাল
কামনার শূন্য কুন্ত ইতস্ততঃ যায় গড়াগড়ি
অনির্বাণ দাহে চিত্ত অনুক্ষণ হয়ে থাকে লাল
বেদনার সিংহদ্বারে আমি রহি বিনিত্ত প্রহরী।
গান মোর কণ্ঠে আসি ক্রন্দনের তোলে রোল শুধু
বঞ্চনার ধরতাপে সবুজের স্বপ্ন যায় টুটে
শূন্য গুরু রিক্ত প্রাণ বর্ণহীন নিঃশেষিত মধু
ললাটের লোল চক্ষু রেখাক্তিত যুত্যা ফুটে ওঠে।
শতাব্দীর অশ্রুজলে সঞ্জীবিত গাণ্ডীব-টঙ্কার
অধীর আগ্রহ লয়ে শব্দ তার কান পেতে শুনি
জ্বায়েব প্রতিষ্ঠা লাগি অবিচারে করিতে সংহার
ধরণীর মর্ম্ম তলে গর্জ্জায়িত রথচক্রধ্বনি!
কম্বু কণ্ঠে ডাক দিয়ে দৃপ্ততেজে পার্থ আসে নাকি ?
জলন্ত প্রতীক্ষা লয়ে পথ পানে তাই চেয়ে থাকি।

দুই রাত

শ্রীঅনুপম বন্দ্যোপাধ্যায়

কানাডিয়ান ইঞ্জিন বারতিনেক অদ্ভুত কর্কশ শব্দে শিসু দিল। ইঞ্জিনের কালো ধোঁয়ায় কয়লার শুড়োর ভিড়। প্ল্যাটফর্মের এতকণের স্তরুতায় যাত্রী আর অযাত্রীদের দুর্কার কলরোল। এদিকের টানা টানা সারি সারি সাইনে ছেঁড়া ছেঁড়া মালগাড়ীর বগী।

যাত্রী-অযাত্রীদের দুবস্ত কলরব শুধু সারাটা প্ল্যাটফর্মেই নয়, এই কামরার দুটো দরজার মুখেও। সেখানে কলরবই শুধু নয়, সেই সঙ্গে বচসা আর পরিণামে ঠেলাঠেলিরও সাড়া পাওয়া যাচ্ছে। দরজার কাছে এগিয়ে এসে সেখানকার অশোভন ব্যঙ্গারে নিজের উপস্থিতির সাড়া দেবার প্রয়োজন বোধ করল না সুপবিত্র। আধখোলা হোল্ড অলের ওপর আধ-শোয়া শরীরটাকে আরও শুটিয়ে রহস্য পত্রিকার পাতা মুড়ে রাখা পাতাটায় মন দিল আবার।

শেষ কামরার গার্ডের সবুজ আলো চোখে পড়বার কথা নয়। কিন্তু গার্ডের সিটি দেবার শব্দ অস্বতঃ কানে আসা উচিত ছিল। কানে না এলেও নিশ্চল গাড়ীর গতিবেগ নিঃসন্দেহে জানিয়ে দিল, এসব আনুষঙ্গিকগুলো আগেই হয়ে গেছে।

কিন্তু গাড়ী ষ্টেশনের পাথরের প্ল্যাটফর্ম ছাড়িয়ে আর ওঠানামায় ব্যস্ত যাত্রীদের কোলাহল হারিয়ে দু'পাশের অন্ধকার কাঁকা মাঠে বিয়বিরে হাওয়ায় কিছুটা নামতেই কানে এল—কানাডিয়ান ইঞ্জিনের কর্কশ ছইসিল নয়, পাশ কাটিয়ে হঠাৎ দুবস্ত গতিবেগে বেরিয়ে যাওয়া কোন ডাক-গাড়ীর আচমকা গর্জন নয়, কানে এল ভিলে গলার ছোট্ট একটু মিষ্টি ডাক।

চিনতে পারছেন ?

বেল গাড়ীর নানা জাতের অচেনা যাত্রীদের ভিড়ে চেনা কেউ নেই। চেনা কেউ এতকণ ছিলও না। কেউ কাছে এসে চিনিয়ে না দিলে, চেনা মুখ আর চেনা গলার স্মরণ-চিহ্ন মিলে কাছে এসে না দাঁড়ালে এই হস্তর অচেনার ভিড়ে চেনা কাউকে খুঁজে বার করা কঠিনই কাজ। তবু রহস্য-পত্রিকার পাতায় রহস্যের উদ্ভেজনার তন্ময় মন হঠাৎ তছনছ হয়ে গেল পরিচিত গলার মিষ্টি ডাকে।

কি, চিনতে পারছেন না ?

ঠিক নামের বেকেই মুখোমুখি। খানিকটা জায়গা

ওখানে খালি ছিল। ওই একটুখানিতেই জায়গা জুড়ে বসেছে অনেক-খুশির একজন। তাকাল সুপবিত্র—ভাল করেই যেন। রহস্য-পত্রিকার রহস্যের আকাশ থেকে মাটির পৃথিবীতে আরও রহস্যময় অবতরণ।

চিনতে পারল সুপবিত্র। চেনা নয়, এ যেন আবিষ্কার। একটুখানি অনেক-কাছে পাওয়া একটি রাতের হারিয়ে-যাওয়া চাঁদ। তারপর অনেক রাতের অস্বহীন অন্ধকারের পর হঠাৎ এই আবিষ্কার। চিনতে পারল বৈকি সুপবিত্র। খুশি আর বিশ্বয়ে আটকে রইল অনেককণ। তাই ত বোবা হয়ে গেল। তাই দেরি হ'ল সাড়া দিতে, একটু বেশীই।

হ্যাঁ। বইটা পাশে নামিয়ে রাখল সুপবিত্র।

মনে ত হচ্ছে না।

মনে না হওয়াটা স্বাভাবিকই। তবে বিশ্বাস করুন চিনতে ঠিকই পেয়েছি। তবে সেটা জানাতে দেরি হ'ল একটু, এই যা। সুপবিত্র সহজ থেকে সহজতর হ'ল।— এই যা দোষ।

দোষ আপনার অনেক। হাসি ঠোট চিরল চিত্রলেখার।

অনেক ? কি কি শুনি ?

নাই-বা শুনলেন। মেয়েদের মত অত কোঁতুহলী হওয়া ছেলেদের ভালো দেখায় না। আর দোষগুণ নিয়েই তো মানুষ। খালি গুণগুলো নিয়ে ভালো ছেলে হওয়ার চেয়ে একটু দোষ নিয়ে ছুটু ছেলে হওয়া ঢের ভালো—তা জানেন ?

কি জানি।

তা কেন জানবেন। শুধু ভালো কথা বলে মেয়েদের লোভ দেখাতেই জানেন আপনারা।

বাঃ বে, কাকে আবার কখন লোভ দেখালাম ? অবাকই হ'ল সুপবিত্র।

বাক্ গে, ও সব ভাববেন না কিছু, দোহাই। হাসি আরো একটু চিরে দিল নরম গোলাপী ঠোট দুটো। মেয়েরা ত আজো কত কিই বলে। ও সব শুনতে নেই।

বেশ। হাসি ছড়াল সুপবিত্রও।

এই ত কেমন লক্ষী ছেলে। কত সহজেই মেমে মিলেম। অস্ত্র কেউ হলে এক পাল্লা তর্ক করত।

শুনেছি ত যে তর্ক করতে মেয়েবাই ওস্তাদ।

মেয়েদের সম্বন্ধে অনেক কথাই হয় ত শুনেছেন, আবার অনেক কথাই হয় ত শোনেও নি। সব ছেলে মেয়েদের সব কথাই কি শুনতে পারে ? পারে না। কিন্তু ভারি আশ্চর্য্য, আবার ট্রেণে আমাদের এমনি করেই দেখা হওয়া।

এমনিই হয়।

হয় না, হাতি। বড় ত বিজ্ঞের মত মস্তব্য করে দিলেন। আপনি অবাক হন নি ?

হয়েছি বৈকি। হয় ত আপনার চেয়েও বেশী। তবে উচ্ছ্বাসের প্রকাশ ছেলেদের অনেক কম।

সবই কম ছেলেদের। তবে বেশীটা কি ?

যদি বলি দুইমি।

থাক, তাও জানা আছে। হাওয়ায় উড়ে-আসা চুল-শুলোকে মুখের উপর থেকে সরায় চিত্রলেখা।

কি করে জানলেন ? এর আগে অনেক আগের একটা ট্রেণের রাতের ত মাত্র আলাপ।

ছেলেদের জানতে মেয়েদের একটা রাতই যথেষ্ট। একটা রাতও অনেক। এক ঘণ্টাই ঠিক।

তবে ত কিছুই জানেন না।

বেশী জেনে দরকার নেই আমার।—শাড়ীটাকে বুকের উপর ঘুরিয়ে নিল চিত্রলেখা।—আমার শুধু আশ্চর্য্য লাগছে, আজকের এই আবার দেখাটাই তখন থেকে। আশ্চর্য্য শুধু দেখাটাই নয়, আবার রেলগাড়ীতেই আর রাত্তিরেই।

আশ্চর্য্য ত নিশ্চয়ই। হয় ত দুর্ঘটনাই।

যে-কোন ঘটনাকেই ত দুর্ঘটনায় নামানো যায়। হাসল চিত্রলেখা।

এর থেকে প্রমাণ হ'ল যে পৃথিবী গোলাকার। হাসল সুপবিত্রও।

প্রমাণ ত অনেককিছুই হয়। গোলাপী ঠোঁটের হাসি লুকোল না। আচ্ছা বলুন ত, কত দিন বাদে আবার এই দেখা ?

কি জানি ?

হিসেব করে রাখেন নি ?

না ত ?

বিশ্বাস হয় না।

হয় না কেন ? ওর কালো চোখের অস্থির তারা দুটোর দিকে ইচ্ছে করেই তাকিয়ে থাকে সুপবিত্র।

কারণ ট্রেণের সেই রাত, হঠাৎ পাওয়া একটাই রাত। সে রাতকে ভোলা যে বড়ই শক্ত।

ভোলাই ত ভাল।

ভাল ত পৃথিবীতে অনেককিছুই।—কালো দুটো অস্থির চোখের তারায় হঠাৎ যেন পড়ল মেঘের ছায়া।

ভোলা সত্যিই যায় মা। হঠাৎ-পাওয়া একটা রাত। অগোচর অসতর্ক বিরবিরে ভিজে হাওয়ায় রাতের ট্রেণের মিষ্টি সময় অনেকখানি। হয় ত জানত না কেউ। হয় ত চায়নিও দুজনের কেউ। কিন্তু পাবার পর বলতে কেউ পারে নি, বলতে কেউ চায় নি, চাই না।

সে রাতেও এমনিই মুখোমুখি চিত্রলেখা, এমনিই মুখোমুখি সুপবিত্রও। আজকের মত ডাকবার সাহস ওর হয় নি। সাহস সুপবিত্রেরও হয় নি। দুজনে তাকিয়েছিল শুধু অনেকটা রাস্তা। বোবা বাসির বাধ স্নিগ্ধ নীল জলের ঝরণায় মুখের হতে একটু সময় ত লাগবে।

অবশ্য তার আগে চিত্রলেখার সঙ্গীদের সঙ্গে ভাব হয়ে গেছে সুপবিত্রের। ওর বড় মামা কল্যাণবাবু, মা আর ছোট বোন মিসু। ভিড় ঠেলে ওদের জায়গা করে দিতে সাহায্য করেছে সুপবিত্র। আশ্চর্য্য, ভাব ওদের সঙ্গে শুধু তাড়াতাড়িই নয়, সহজেও হয়।

কল্যাণবাবু বললেন, খাবার বার কর বে চিত্রা, বেশ ক্লিষ্টেটা পাকিয়ে এসেছে।

চিত্রলেখা হাসল, তোমার বড়মামা খালি খাই খাই।

খাই খাই মানে ? সকলেরই ক্লিষ্টে পেয়েছে। আঙ্ক মিসু, কি রে পায় নি ?

খুব বড়মামা। মিসু ষাড় নাড়ল।

ওই শোন। এর পর আর দেবি নয়। তার পর কল্যাণবাবু তাকালেন সুপবিত্রের দিকে।—আপনার কি মশাই ? হোয়াট এভাউট ইউ ? সঙ্গে ত খাবার কিছুই দেখছি না।

আমি পরের স্টেশনে রেইলওয়ে ক্যাম্পে পড়ব।

সেখানে কি পাবেন ছাইপাশ মশাই।

আর আমাদের কাছে খাবার থাকতে ওখানে যাবেনই বা কেন ? আরও আপত্তি ভেসে এল।

রাইট। মাথা দোলালেন কল্যাণবাবু।

ইতিমধ্যে কাঁচের প্লেটে খাবার সাজিয়ে ফেলছে চিত্রলেখা। প্লেটটা সামনে এগিয়ে দিয়ে বলল, নিন।

আপনাদের খাবারে ভাগ বসানো ভাল হ'ল না কিন্তু।

নাই-বা হ'ল। যুহু হাসল চিত্রলেখা। ভাগ বসাতে ভাল লাগছে না বুঝি আপনার ?

তা নয়। তবে কি মনে করবেন আপনারা।

কি আবার ?

ভাববেন, কি হাংলা ছেলে-য়ে বাবা।

ভাবব কেন, ছেলেরা তা নয় বুঝি ? মিষ্টি গলাটাকে

আরও যেন নরম করল চিত্রলেখা। নিন, তাড়াতাড়ি খেয়ে ফেলুন ত।

কিন্তু এ যে অনেক দিয়েছেন।

অনেক আবার কোথায়? ভারি ত খাবার?

কম পড়বে না আপনাদের?

পড়ুক। না হয় সবাই কম করেই খাব। না হয় আমার ভাগ খাবই না। একটুও ক্ষিধে নেই আমার।

বাঃ রে, তা কি হয় নাকি?

খুব হয়। তাড়াতাড়ি খেয়ে ফেলুন দিকি। আপনার সঙ্গে আর বকতে পারি না। ছেলের যে এত সাধতে হয়, আগে জানতাম না।

আগে কি জানতেন?

জবাব শোনা গেল না চিত্রলেখার। হয় ত শুনতে পায় নি, বা জবাব দিতে চায় নি। ট্রেণ তখন মস্ত একটা নদী পার হচ্ছে।

ঠিক আজকের দিনই আমারও যাবার দিন পড়ল, আর বেছে বেছে ঠিক আপনার কামরাতেই উঠলাম—আশ্চর্য্য যোগাযোগ না?

আশ্চর্য্যই।

শুধু তাই নয়, আপনাকে খুঁজে বার করার ক্রেডিটও আমার।

এক শ'বার। তবে এ ক্রেডিট আমি নিতে পারলে আরও খুশী হতাম।

পারবেন কি করে? যে রকম বই পড়ায় মেতেছিলেন।

কি বই অত সব? নিশ্চয়ই ডিটেকটিভ?

হুঁ। ষাড় নাড়ল সুপবিভ্র।

ঠিক ধরেছি। সে রাতেও সঙ্গে দেখেছিলাম এক গাদা ডিটেকটিভ বই। আচ্ছা, কি আছে এতে?

কি নেই বলুন। প্রেম থেকে ধুন সব।

ভাল লাগে আপনার?

খুব। ভারি ইনটারেস্টিং। আপনি পড়েন না?

বই পড়তে আমার একটুও ভাল লাগে না।

তবে কি ভাল লাগে? রাতদিন শুধু বকবক করতে কি?

তাই। হাসল চিত্রলেখা। আচ্ছা ডিটেকটিভ বইয়ের হিরোরা কি করে? হিরোইনকে গুণ্ডা-খুনের হাত থেকে উদ্ধার করে কি?

তাই ত করে।

আর সত্যিকারের হিরোরাও কি তাই করে?

তাবাও।

কি জানি। আবার হাসল চিত্রলেখা। কেমন যেন বিবর্ণ মনে হ'ল এবারের হাসি।

খাবার দিতে গিয়ে দুটো কথা। দুটো কথাতেই দুটু মেয়ে চুড়ান্ত দুটু মি দেখাল। রাতের বেলগাড়ীতে মুখোমুখি চঞ্চল তারার স্নিগ্ধ আলোয় শান্ত নয়, প্রাণবন্ত এক ছরস্তু মেয়ে।

বেলের খোলা জানলায় প্রাণবন্ত মেয়ের প্রাণবন্তা উচ্ছল কৌতূহলে বারবার উছলে পড়ছিল।

শুনুন, জানলা দিয়ে অত ঝুঁকবেন না।

কেন, কি হবে ঝুঁকলে?

কি হবে জানি না। তবে একটা কিছু হবে।

কি একুসিডেন্ট?

তাই।

তবে ত ভালই হবে।

ভাল ষোড়ার ডিম। হাত-পা ভেঙে পড়ে থাকবেন। বিয়ে হবে না।

পৃথিবীতে এত কিছু জিনিস থাকতে হঠাৎ বিয়ের কথাটাই কেন আপনার মনে পড়ল শুনি?

কি জানি। হাসল সুপবিভ্র। বেশী মুখ বাড়াবেন না।

কয়লার গুঁড়ো পড়বে চোখে।

তখন কথা শুনল না। একটু পরেই মুখ ফেরালো চোখ রগড়াতে রগড়াতে।

কি হ'ল, কয়লা পড়েছে ত চোখে?

হুঁ। শাড়ীর আঁচলে চোখ ঘষতে ঘষতে মাথা নাড়ল চিত্রলেখা।

কলেজে পড়া মেয়েরা ভারি অবাধ্য হয়।

ক'টা মেয়ের সঙ্গে আপনার আলাপ হয়েছে শুনি মশাই। রগড়ানো লাল চোখ তুলে তাকাল চিত্রলেখা।

অনেক দিনের পরে দেখা। এবার খবর শোনান আপনার। সুপবিভ্র হেসে শুধাল।

ভালই।

ছোট্ট ঐটুকু জবাবে সব কথা শেষ করে দিলেন। ভারি চালাক ত।

জানি ভাল নেই বললে এখুনি একগাদা প্রশ্ন করবেন।

জানেন ত অনেককিছুই। কিন্তু এটা কি জানেন যারা অনেককিছুই জানে আসলে তারা কিছুই জানে না।

হবে হয় ত। কি জানি।

সঙ্গে কাউকে দেখছি না ত। একা এসেছেন নাকি?

একা আসতে হয় আমার একটুও নেই। কিন্তু যারা পাঠানো, তর একগাদা তাদেরই।

ভয়টা আত্মবিক ।

তাই সঙ্গে রয়েছে মণ্টু । আমার ছোট ভাই । এখানে জায়গা হ'ল না তাই পেছনের বেঞ্চে বসেছে ।

ট্রেন ধেমে গেল । কোন স্টেশন নয়, এক ঝাঁক কালো অন্ধকারের মধ্যে নিরাশা মাঠ । বারহুয়েক সিটি দিয়ে বিরাট ক্যানাডিয়ান ইঞ্জিনটা ধুকতে লাগল । সিগনালের সবুজ আলো জ্বলে নি বোধ হয় ।

সেই রাতের ট্রেনের আপনি আর আজকের রাতের ট্রেনের আপনি খুব বেশী বদলান নি । শুধু—

শুধু কি ? মুখটা কাছে আনল চিত্রলেখা ।

চুলের মধ্যে ওই লাল দাগটুকু ।

কত ছোট করে টেনেছি । তাও আপনার চোখ এড়াল না ।

তাই ত দেখছি । কিন্তু অত সুরু করে এঁকেছেন কেন । দেখাই ত যায় না ।

দেখাতেই হবে নাকি ? ফিরে হাসল চিত্রলেখা ।

হবে না ?

কি জানি ?

নতুন জীবনের লাল নিশানাটুকুতে অত রূপণতা কেন, তা ত বললেন না ?

এমনিই ।

লাল দাগ টানতে ভাল লাগে না, না ?

জানালায় বাইরে কালো অন্ধকার । সেদিকেই চেয়ে রইল চিত্রলেখা ।

কি, জবাব দিলেন না যে ?

বাইরের অন্ধকার থেকে চোখ ফেরাল না চিত্রলেখা । শুধু বলল, সব প্রশ্নেরই কি জবাব থাকে ।

গাড়ী থামল । মাঝ রাতের নির্জন বিস্তৃত স্টেশন । কে জানে, কি নাম । কেউ জানবার চেষ্টাও করল না । গাড়ী আবার এগোল ।

সত্যি তা হলে বিয়ে করলেন ।

করি নি, হয়ে গেল ।

ওই একই ।

মুখ ফিরিয়ে তাকাল চিত্রলেখা । সত্যিই এক কি ? প্রশ্ন করল, কিন্তু জবাব চাইল না ।

আবার বলল সুপবিত্র, বেশ ফাঁকি দিলেন আমায় । দিবি লুকিয়ে লুকিয়ে বিয়ে করে নিলেন ।

তাই । ট্রেনে ত কত বার কত লোকের সঙ্গে আলাপ হয় । সবাইকেই মনে রাখতে হবে নাকি ।

তবু আমার বেলায় অন্ততঃ তাই আশা করেছিলাম ।

অমন আশা করা ছাশা । একটা ডিটেকটিভ বই টেনে পাতা ওলটাতে থাকে চিত্রলেখা । তবু—

তবু কি ?

তবু মনে ত রেখেছিলাম ।

প্রমাণ পেলাম না ।

প্রমাণ করা শক্ত । কিন্তু ঠিকানা জানা সম্বন্ধে আপনিই বা ক'বার এসেছিলেন বা খোঁজখবর করেছিলেন শুনি ?

সত্যিই সময় পাই নি ।

অথচ বেশ লোক আপনি, দোষ দিচ্ছেন আমাকেই । মেয়েদের পায়ে পায়ে বাধানিষেধের কত শেকল, জানেনই ত ।

বিশ্বাস করুন, এ আমার অবহেলা নয়, অক্ষমতা ।

বিশ্বাস না করলেও ক্ষতি হবে না আপনার । ট্রেনের শুধু একটা রাতের চেনা, ওর কিই-বা দাম, কিই-বা দাবি ।

আগুন লেগেছে লাইনের পাশে বনের মধ্যে ।

কেমন হয়েছে বিয়েটা ?

ভালই ।

মনের মিল হয়েছে ত ভদ্রলোকের সঙ্গে ?

একটা রাতেই যদি আপনার সঙ্গে অত মিল হতে পারে — আর ওঁর সঙ্গে ত কতগুলো রাত কাটালাম ।

তার পর হঠাৎ বোবা হুজনেই । জানালায় শুধু এলো-মেলো হাওয়া চিত্রলেখার শাড়ীকে টানাটানি করছে । ক্রম্ব চুলের গোছাকে বারবার মুখের ওপর আছাড় দিচ্ছে । রেলের লাইনে লাইনে ইস্পাতের বেদনায় কর্কশ কান্নার শুধু একটানা শ্রু ।

কল্যাণবাবুর নাক ডাকছে । মাও শুয়ে পড়েছেন । মিনুকে নিজের জায়গাটুকু ছেড়ে দিয়েছে সুপবিত্র ।

আপনার কি হবে ? চিত্রলেখা শুধাল ।

হয়ে যাবে একটা কিছু ।

যুমোবেন না ?

আপাততঃ নয় । পরে দেখা যাবে ।

পরে আর কি দেখবেন ? নিজের শোবার জায়গাটুকু ত মিনুকে দিয়ে দিলেন ।

হাসল সুপবিত্র । দিখে দিই নি, নিয়ে নিল । ছটোর তফাৎ অনেক । কিন্তু আপনি কি করবেন ?

ট্রেনে আমার ঘুমই আসে না ।

সারারাত জেগে থাকবেন ?

তাই থাকব । বেশ লাগে সারাটা রাত ট্রেনে জেগে থাকতে—জানালা দিয়ে বাইরের অন্ধকারের দিকে

তাকিয়ে থাকতে। কোথাও গঙ্গাগোল নেই। শুধু বোবা আমি আর বোবা রাত। আপনার ভাল লাগে না ?

কি জানি।

কিছুই জানেন না। খালি গুচ্ছের ডিটেকটিভ বই পড়তে শিখেছেন ট্রেণে বসে। কত কি হচ্ছে, বাইরে কত কি চলে যাচ্ছে কিছুই কি দেখতে ইচ্ছে করে না। কিছুই কি ভাল লাগে না ?

না। কিন্তু ট্রেণে জানিতে এই প্রথম বই এত কম পড়লাম।

হঠাৎ ?

কারণ তোমায় দেখলাম। এর আগে ট্রেণে এমন আর কাউকে দেখি নি। তোমাকে ভাল লাগল। এর আগে এত ভাল ট্রেণে আর কাউকে লাগে নি।

সুরু হয়েছে।

কিসের সুরু ?

ছেলেদের ছুটুমির।

ঐ যা, তুমি বলে ফেললাম।

যাক, আর গুধরে দরকার নেই। জানালার দিকে মুখ ফেরাল চিত্রলেখা। বুকে পড়ল চাঁদ উঠেছে কিনা দেখতে।

অত মুখ বাড়িও না, আবার কয়লা পড়বে চোখে।

পড়ুক গে।

এই শোন, কাল ভোরেই কি তোমরা নেমে যাবে ?

হঁ।

তার পর ?

তার পর আর কি, হোম সুইট হোম।

আমাকে মনে রাখবে না ?

মনে ? ফিরে তাকাল চিত্রলেখা। চঞ্চল ছুটো কালো তারার খুশির বুধ ফোটার একটু। 'প্রভাতে কে আর মনে রাখে বল রজনী শেষের চাঁদে'। আচ্ছা মনে কর, ভোর আর যদি নাই হয়। বলে উঠল সুপবিত্র।

তার মানে ?

মনে কর যদি রাতের আর শেষ না হয়। অনন্ত কাল ধরে রাতের এই বেশ যদি চলতেই থাকে।

হাসল চিত্রলেখা। পাগল, তাই কি হয়।

হয় না, না ?

উঁহু।

আচ্ছা মনে কর, হঠাৎ এখুনি একসিডেন্ট হয়ে গেল এই গাড়ীর। সবাই প্রাণ হারাল, শুধু আমরা দুজন একসঙ্গে অনেক দূর ছিটকে পড়ে বেঁচে রইলাম।

কি সব আজবাজে বকছ তখন থেকে। মিষ্টি মেয়ের

নরম গোলাপী ঠোঁট পাপড়ির মত ফুলে ফুলে কেঁপে উঠল হাসিতে।

তবু বোবা হাওয়ার কান্নার ভিড় ওই মেয়েই ভাঙল কথাতে আবার।

যাই হোক, আজ হঠাৎ আবার এভাবে ট্রেণে আমার আপনার দেখা হয়ে গেল, ভালই হ'ল।

কি জানি।

সত্যিই। আমি বলছি। কারুর মন্দ করার সাধ্য আপনার নেই।

ধন্যবাদ।

দোহাই, ওটা নাই-বা দিলেন। বিশ্বাস করবেন কিনা জানি না, আজ শ্বশুরবাড়ী ফেরার পথে বার বার এই কথাই মনে হচ্ছিল, আবার যদি হঠাৎ ট্রেণে দেখা হয়ে যায় আপনার সঙ্গে।

অবিশ্বাসের কিছু নেই। আপনি ভাগ্যবতী।

কি জানি।

ভোর হতেই নেমে যাবেন ? শুধাল সুপবিত্র।

হঁ।

তার পর ?

তার পর আর কি, সোজা বাড়ী।

হোম সুইট হোম ত ?

ফিক করে হেসে ফেলল চিত্রলেখা। সেদিনের জবাব মনে আছে দেখছি।

ভোলা কি যায়। হেসে ফেলল সুপবিত্রও।

আচ্ছা এ কথা কি মনে আছে যে, আপনি বলেছিলেন, ভোর যদি আর কোন দিন না হয়, এ রাতের যদি শেষ না হয়, রাতের এ বেশ যদি অনন্ত কাল চলতে থাকে !

নিশ্চয় মনে আছে। আরও বলেছিলাম, হঠাৎ যদি একসিডেন্টে রেলগাড়ী ভেঙে চূরমার হয়ে যায়, সবাই মরে যায়, বেঁচে থাকি শুধু আমরা দু'জন।

হাঁ, তাও বলেছিলেন।

আর পাগলামি বলে আপনি হেসে উড়িয়ে দিয়েছিলেন। হাঁ।

ঠিকই করেছিলেন।

কি জানি। জানালার বাইরে অন্ধকারে তাকাল চিত্রলেখা। তার পর মুখ ফেরাল আবার। আচ্ছা, আপনার সে রাতের সেই প্রশ্নগুলো আজকের রাতে যদি আমি আপনাকে করি, আপনি কি খুবই অবাক হবেন ? সেই রাতে আমার মতই আপনি কি আজ পাগলামি বলেই হেসে উড়িয়ে দেবেন সেগুলোকে ?

অবাক বিষয়ে ফিরে তাকাল সুপবিত্র। জবাব

তখনই দিতে পারল না। সে রাতে পাগলামিই করেছিল।
তবু আজকের চিত্রলেখার মুখে সে রাতের ওর মুখের
আজগুবি কথাগুলো—তারা কি পাগলামি নয়? জানালার
দিকে মুখ ফিরিয়েছে চিত্রলেখা। অন্ধকারে কিছুই দেখা
যাচ্ছে না। চোখের জল লুকোবার জন্তেই অন্ধকারে মুখ
ঢাকল কি?

ওর দিকে হাত বাড়িয়ে কিছু বলতে যাবে সুপবিত্র,
হঠাৎ প্রচণ্ড বাঁকুনির সঙ্গে বিরাট একস্প্রেস ট্রেন ধমকে
থেমে গেল। স্টেশন নয়, কে একজন মেয়ে লাইনে কাটা
পড়েছে। কে জানে কে, তবু কেন কে জানে মনে হ'ল
সুপবিত্রের, আর কেউ নয়—ট্রেনে কাটা পড়েছে চিত্রলেখাই
যেন।

দেহাতী গানের দেশে

শ্রীচিন্তরঞ্জন দেব

সারেস্রী বেজে চলল বিষাদের সুর তুলে। বনস্পতি শাখা
আন্দোলিত করে সুর মেলাল সেই সুরে। উদাসী গায়ক তখনও
একমনে রচনা করে চলে বিচ্ছেদের আলপনা। এইবার মুখ
খোলে। অন্তগামী সূর্যের দিকে চেয়ে চেয়ে মনে পড়ে কত না
মধুমাখা দিনের কথা। সবই ত তার ছিল। কিন্তু আজ সে
ভিখারী। কিন্তু কেন?

এই কেনর উত্তর কে দেবে? অলক্ষ্যে যদি কোন দেবতা
থেকেই থাক তা হলে বল দেব, আমার এই হৃদয়-মন্দির লুঠ করে
তোমার কি লাভ হ'ল? আমার এই হৃদয়-কমলকে হরণ করে
নিয়োগ কি তোমার এতটুকু লজ্জা হচ্ছে না? এমন যে সম্রাট
সাজাহান-পত্নী মমতাজ তিনিও ত আজ মাত্র স্মৃতির গহবরে আশ্রয়
নিয়েছেন। তাঁর মুখ ত গেছে আজ হারিয়ে। আজ আর আমার
সংসার বলেই বা কি আছে? কার সঙ্গেই বা হাসি-খেলায় দিন
কাটাব বল। তোমাকে শোনাবার জন্ম লক্ষ লক্ষ কথা আজ আমার
বুকের মাঝে জড়ো হয়ে রয়েছে। কিন্তু তোমাকে ছাড়া আর কার
কাছেই বা আর সে সব কথা বলব বল?—

“মালিক তুঝে ক্যা মিলা
মেরি ছনিয়াকো লুট কর
ক্যা তুঝে কুছ ভি নেহি আতা হায় লাজ
মেরি খুশীকো ছিন কর
ভগবান নে দিল হায়

মেবা দিলকা তমন্না।

× × ×

এ ক্যায় কর দিয়া তুনে আবে
সংসারকে সিরতাজ

লাখে মুশীবাতে হায়
মেয়ে জানপর
আব ক্যায়সা বাতা হায় জিয়ে
বিন আপনে সংসাথ,
ভগবান মেয়ে দিল হায়
মেবা দিলকা তমন্না।”

পূর্ববঙ্গের উদাসী সম্প্রদায় কিংবা উত্তরবঙ্গের বাউদিয়া সম্প্র-
দায়ের সঙ্গে যাদের পরিচয় আছে তাঁরা অনায়াসে বলনা করে নিতে
পারেন বিহারের এই দরবেশ শ্রেণীর লোকদের এই ভাবসম্পদকে
কথা। দরবেশরা জাতিতে মুসলমান বটে, কিন্তু এদের ধর্মে কোন
গোড়ামি নেই। বাঙলার বাউলের মতই তাদের সাধনার ক্ষেত্রও
ব্যাপক। বাউলের ভাব-সাধনার সঙ্গে এদের গীতের তুলনা হয়
না একথা ঠিক। কিন্তু বিহারের এই দরবেশ, সুকী কি সুরদাস-
দের গান স্বকীয় বৈশিষ্ট্য সমূহল।

সুরদাসেরা জাতিতে অধিকাংশই হিন্দু। কিন্তু এদের গানেও
সেই উদার ভাবই লক্ষ্য করা যাবে। ভগবানের চরণে আত্মসমর্পণ
করাই হ'ল এ সম্প্রদায়ের শেষ কথা। কিন্তু সেই ভগবান কোন
মূর্তির ভিতর আবদ্ধ নন। তিনি প্রাণের প্রাণ, জীবনের জীবন।
তাঁর কাছে হিন্দু-মুসলমানের কোন পৃথক অস্তিত্ব নেই। তাই ত
সুরদাসকে গাইতে শোনা যায়, এই আলো বাতাস, এই সূর্য্য, চন্দ্র,
এই যে নীল আকাশ, সবই ত আছে, কিন্তু আমার হৃদয়ের হৃদয়,
প্রাণের প্রাণ, তাঁর ঘরই বা কোথায়, দেশই বা কোথায়? ধরার
বুকে এত সুখশান্তি বিবাজ করছে, কিন্তু আমার মনের শান্তি
কোথায়? নববসন্তে পৃথিবী হাসছে নতুন দিনের সাদা পেয়ে।

কিন্তু আমার হৃদয় কি শুধু শূন্যই থাকবে ? সে কি শুধু ব্যথার
মালাই গেঁথে যাবে ?—

“জমি ভি ওহি হায়, আশমান ভি ওহি হায়
মগর আব উ দিলকি হুনিয়া কাঁহা হায় ।
ধরতি ওহি হায়, দরতি ওহি হায়
মগর ও দিলকি খুলীয়া কাঁহা হায় ।
স্বরভতি ওহি হায়, চাদ ভি ওহি হায়
মগর মেরি দিলকি আর সব কাঁহা হায়

× × ×

খুলী আ গেই মেরি সারি হুনিয়া
বহে কি একেলা হাম চুড়ে এ সারি হুনিয়া ।”

ধীরে ধীরে সন্ধ্যা নেমে আসে । উদাসী তার সাদেশী খামিয়ে
গাছতলার বসে বিশ্রাম করে । দেশ থেকে দেশান্তরে খুঁজে বেড়ায়
তার জীবনধনকে । কিন্তু খুঁজে কি সত্যিই পায় না তার প্রাণের
প্রভুকে ।

ঘাতের আঁধার গাঢ় হয় । সীমাহীন আধারের মাঝে তারার
ভয়া আকাশের দিকে চেয়ে বিরহিণীর মনোমন্দিরে ফুটে ওঠে এক-
খানা অতি পরিচিত মুখের ছবি । ছবিখানা ক্রমে ক্রমে ব্যাপ্ত
হয়ে পড়ে সমস্ত আকাশ, জগৎসংসার জুড়ে । সে যেন আর ধরতে
পারে না তাঁকে তার সীমার মধ্যে । থেকে থেকে ফুপিয়ে ফুপিয়ে
কাদতে থাকে মূনিয়া, অঝোর ধারায় অপ্রবিসর্জন করে ; তাঁর
প্রিয়তমের উদ্দেশে—অতি সন্তর্পণে । যেন কেউ টের না পায়,
যেন কারও ঘুম না ভেঙ্গে যায়—দেবতার উদ্দেশে আত্মনিবেদন
করবার এই ত উপযুক্ত সময় । এই সময় ছাড়া আর কখন বলা
সম্ভব, তুমি ত চলে গেছ বন্ধু, কিন্তু আমার শরীর বে বিকল হয়ে
যাচ্ছে তোমার তরে, সে কি শুধু এই যাতনা সহ্য করবার জঞ্জাই ?
আমি তোমার সন্ধান কত জায়গায়ই ত ঘুরলাম । ঘুরে দেখলাম
পাহাড়-পর্বত, দেখলাম জগৎ-সংসার । কিন্তু তোমার ত কোথাও
পেলাম না । হুঁদিনের জঞ্জ আমার জীবনে কেনই বা আবির্ভূত
হলে, আর কেনই বা এত কথা বলে গেলে ? আমার এই ব্যথার
মালিকা কার গলায়ই বা পরিয়ে দেব ? কার কাছেই বা প্রকাশ
করব আমার মনের গোপন কথা ? বল বন্ধু, বল, আমার কি শুধু
কারাই সম্বল হ'ল ?—

“তু গেই মেবা দিল আলা
জল গিয়া শরীয়া
মায় হুনিয়া মে বহা গিয়া তেরা লাল ।
ও জানে আলে তু গেই কাঁহা
তেরি মূনিয়া যোগ বো বো নীর বহাবে
ও জানে আলে তু গেই কাঁহা ।
মায় ত তু ডহ পর্বত নালে
তু ডহ জগ সনসার,
ধরাত তু ডহ দর দর তু ডহ

কাঁহি ন পায় তেরি বিকাল
ও জানে আলে তু গেই কাঁহা ।”

তাই ত বলি ওগো আমার প্রাণবঁধু, তুমি আমার জীবন-
তরণীকে তুবিয়ে দিয়ে কি ফল পেলে বল । কত নির্যাতনই ত
সহ্য করলাম তোমার জন্তে ; হয় ত এই কষ্ট, এই দুঃখ পাওয়াটাই
ছিল আমার কপালের লিখন । তুমি আমার আনন্দকে হরণ করেছ,
সংসারের সকল সুখ কেড়ে নিয়েছ, আমার বলতে বা কিছু ছিল
সবই ত গেছে তোমার সঙ্গে সঙ্গে । তবে কেন এখনও এত যন্ত্রণা
দাও :—

“মেরি নৈয়াকো ডুবালে আলে
মেরি নৈয়াকো ডুবাকে তুঝেকো ক্যা মিলা ?
লখি উলফাতে হায় মেরি নৈয়াকো ডুবনে সে
জিন্দগী ভি বরবাদ হায়, মায় ভি বরবাদ হ
মেরি কিসমৎ ভি বরবাদ হায়
মেরি নৈয়াকো ডুবানেয়ালে ।”

তামসী রজনীর শেষ হয় । ধীরে ধীরে জগৎসংসারের বুক
থেকে মুছে যায় সেই একখানা অতি মধুর ছবি । সূর্য্যকম্পর্শে
মুদিত কমলিনীর মত বৃজে আসে তার আধি-পাতা । জেগে ওঠে
বিশ্বচোচর । বিরহিণীর কথা চাপা পড়ে যায় সেখানে । জগৎ-
সংসার চলে একই ভাবে, কোথাও এতটুকু ছেদ নেই, নেই তার
কোন ব্যতিক্রম । দেশের পর দেশ, যোজনের পর যোজন পায়
হয়ে যায় উদাসী । সাদেশীর সুরে সুর মিলিয়ে, নিঃশব্দ মনের
সবটুকু কথাকে উজাড় করে দিয়ে উদাসী গেয়ে চলে, তার চলার
পথে নজরে পড়ে সংসারের কত না বিচিত্র ঘটনা ।

সর্বত্রই ত সেই একই ঘটনার পুনরাবৃত্তি । গয়া জেলার এক
অতি নগণ্য পল্লীর ভিতরও দেখা যায়—ছোট বোঁটি স্বামীর ঘর
করতে এসেছে । পতি তার বিদেশে । পতির চিন্তায় হয় ত বা
বাহুজ্ঞানশূন্যই হয়ে যায় বেচারী । তন্ময় হয়ে দুঃ পথের উপর
চলমান গাড়ীর দিকে চেয়ে ভাবে, হয় ত ঐ বাঙা মাটির পথ ধরেই
এগিয়ে আসবে তার ‘প্রাণবঁধু’ । কিন্তু তার এ স্বপ্নসৌধও ধুলিসাৎ
হয়ে যায় যখনই শোনে স্বপ্নস্বাভাবী গঞ্জনা, সহ্য করতে হয় তাকে
দেওন-ননদের অত্যাচার । লাহীনা-গঞ্জনা-অত্যাচার-উৎপীড়ন সহ্য
করেও দুঃ-প্রবাসী স্বামীকে মনে মনে সন্তোষন করে বোঁটি বলছে,
হে আমার প্রাণবঁধু, তুমি আমার এ বিপদ থেকে উদ্ধার কর ।
কি যাতনার বে ভুগছি আমি, তা ত তুমি জান না । যখন পাকা
ইদারার কাছে জল আমতে বাই, তখন ননদী বাগের মাথায় আমার
কলসী ত কেলে দেয়ই, উপরন্তু ঠোকনাও যাবে । দেবও বড় কম
যায় না, বায়লায় যদি বা কখনও একটু গেছি অমনি সে আমার
বকাবকি সুরু করে । স্মরণ্য তুমিই বল, এখন আমার
উপায় কি ?—

“রাজাঙ্গী মেরি সেইয়াকো কর কেব হানা ।
বব সে আভনারে বাউ

দেওয়া মোরে করে ঝাকাঝোরি
 মনন মোহে মারে তামা
 রাজাজী মেরি গৈয়াকো কর ফের মানা ।
 পানীয়া ভরণে যাউ পাকাওয়া ইনারাওয়া পর
 তাহি সময় ফেরিলে গাগরিয়া
 ও রাজাজী মেরে সে ইয়াকো কর ফের মানা ॥”

হার অভাগিনী ! সে ত জানে না, সে যখন তার পতিদেবতার উদ্দেশে এই ভাবে আকুতি জানাচ্ছে, পতি তখন অনেক দূরে । তার কি আর মনে আছে ঘরের এই বালিকা-বধুর কথা । সে হয়-ত তখন অল্প কারও সঙ্গে রঙ্গবসে মত্ত ।

প্রাণবধুর উদ্দেশে দেশ হতে দেশান্তরে ঘুরে বেড়াচ্ছে যে বিবাগী, তার বেশ-বাস হয়েছে অপূর্ণ । মাথায় রেখেছে দীর্ঘ জটা, গায়ে নেই বাড়তি পোশাক কিছু, সে এসে বসেছে এক গাছতলায়—দেখে মনে হয় মস্ত এক সন্ন্যাসী । লোক-কবি এবার একটু রসিকতা না করে পারলেন না । বললেন, কি বন্ধু, কার ভয়ে তুমি জটা রাখতে গেছ ? কি কারণেই বা অনাবশ্যক ভাবে মুটিয়ে চলেছ, বিবাগী হয়ে ঘরসংসার ত্যাগ করে কাশীবাসীই বা হতে গেলে কেন ? তুমি ত জান, দশরথপুত্র শ্রীরামচন্দ্র কি বলেছেন—‘এ ছনিয়ায় কেউ বেকার থাকবে না । স্তবরাং বন্ধু হে, পার্থিব সূখে তুলে না থেকে ভগবান শ্রীরামচন্দ্রকে ভজনা কর, তা হলেই ত মনে শান্তি পাবে :

“ক্যা ভয় তোম জট রাখায়
 ক্যা ভয় তোম মোটেসে ।
 ক্যা ভয়ে কাশীকে বসবে
 ক্যা বেণী সে লোটে সে ।

ইস জগপয় আরকে গাফিন না রাইয়ে
 দশরথওয়ালে টোতে সে ।
 মানত মুকথ ভোলে যাত
 পাই মত রামকে সোটে সে ।”

উদাসী মুখে কিছু বলে না, উর্কে আকাশের দিকে আঙ্গুল দোথয়ে স্মিত হাশ্বে বলে, সবই ত উপরওয়ালার মর্জি । তিনিই ত সবাব মালিক । এ সংসারে যদি আমার বিনাশ ঘটাই তাঁর ইচ্ছা হয়ে থাকে ত তাই হোক, তাতে আমার কিছুমাত্র আপত্তি নেই । একদিন জীবনে যিনি সুখ দিয়েছেন, শাস্তি দিয়েছেন, বেদনাও তিনিই দিয়েছেন । হাসি, খুশি, সুখ, দুঃখ এ সব ত তাঁরই দান । স্তবরাং এ সবই যেন সমান ভাবেই গ্রহণ করতে পারি ।

“ও মালিক তেরে সনসার মে
 বরবাদ হু বরবাদ রহেনে দে ।

× × ×

একদিন দিয়া খুশী
 একদিন দিয়া হাসি
 একদিন বোনা হায় মেরি কিসমত যে
 বোনে দে ।

× × ×

হাসিখুশী, সুখী, দুঃখী
 হাসনা বোনা, তুহু বানায়
 তুহি বানায় এ সনসার
 ও মালিক তেরি সনসার মে
 বরবাদ হু, বরবাদ রহেনে দে....”

আশ্বাস


শ্রীআশুতোষ সাংঘাল

ঘুমারে পড়েছে ধরা । আমি একা জাগি’
 লিখি আর লিখি শুধু,—কেন ? কার লাগি’ ?
 কাঁচমূল্যে চায় যারা কিনিতে কাঞ্চন
 ফাঁকি দিয়া,—ওরে মূঢ় কবি অভাজন,—
 লিখিসু তাদেরি তরে ! হায়রে কপাল !—
 কে দিল আশ্বাস, “আছে নিরবধি কাল ।”
 হুর্কোথ্য হেঁয়ালি নয়,—প্রাণের এ কথা
 অতি সত্য, অতি সোজা—সূর্যালোক যথা
 স্পষ্ট প্রাঞ্জল ! শুধু বাতুল-প্রলাপ
 সত্য এ কথা—সত্যসত্য সত্যসত্য আশ্বাস

লাগিবে কি ভালো কারো ? বিখে কদাচন
 মিলিবে কি সমধর্ম্য অন্ততঃ ছ’জন ?
 এ মধুর মায়াবাসি,—তবু আমি জাগি’
 কথার মালিকা গাঁধি,—কেন ? কার লাগি’ ?
 অন্নহীন দুঃস্থ দেশ ;—কবিতা-কুজন—
 এ যেন উন্মাদসম অরণ্যে বোদিন !
 তবু ভাবি—কবিশিল্পী যত সে পাগল
 আছে বলি’ মক্ক নহে আলো ধরাতল !

বৈষ্ণব ভাবধারা ও রবীন্দ্রনাথ

শ্রীকালীকঙ্কর সেনগুপ্ত



মহাকবির স্বরূপ ও দান

মহাকবি রবীন্দ্রনাথ কবি শব্দের বাচ্য শুধু কাব্য-রচয়িতা হিসাবে নয়, তিনি প্রত্যক্ষদর্শী দরদী মানুষ, ঋষি চেতনায় উদ্ভাসিতদৃষ্টি কবি, ভাবতীর মালকের মালিক, মানসমুকুল ফুটিয়ে তোলায় বাউল, ভাগবত ভাবের বৈষ্ণব, প্রেমপন্থী মরমিয়া সাধক এবং তত্ত্বদর্শী আচার্য্য।

তিনি যুগের পুরুষ—জনগণমনের পথপ্রদর্শক নেতা, নিয়ন্তা এবং নায়ক।

গতানুগতিক বৈষ্ণবতাকে তার অচলায়তন প্রকোষ্ঠ-পরায়ণতা থেকে মুক্ত করে তিনি বিশ্ব-বৈষ্ণবতার উদার দৃষ্টি দান করে মানবতার মহাজাতির আদর্শে অনুপ্রাণিত করেছেন।

ভাব থেকে রূপে, রূপ থেকে অরূপে এবং অরূপ থেকে অপরূপের দিকে এগিয়ে চলেছেন। তাঁর জীবন-দর্শনের বিচিত্র বিশ্বকর উপলব্ধি সূক্ষ্মসূক্ষ্মভাবে অনুভব করে সন্ন্যাসের মত এই নিত্যকার হৃৎ-দৈহ-হিংসা-দেষ-পীড়িত বিশ্বের নরনারীকে দান করে গেছেন মুক্তি, শান্তি এবং প্রেম ও এই দানই তাঁর সর্বশ্রেষ্ঠ দান। বর্তমান প্রবন্ধে শুধু তাঁর বৈষ্ণব ভাবধারা সঙ্ক্ষে কিছু বলতে চেষ্টা করব।

বিষ্ণু ও বৈষ্ণব

'বিষ্ণু' শব্দ বৈদিক যুগ হতেই পাওয়া যায়। ঋগ্বেদের প্রথম মণ্ডলে বিষ্ণু আরাধনার যথেষ্ট আভাস পাওয়া যায়। যথা "ইদং বিষ্ণুর্বিচক্রমে জেধা নিদধে পদম্" ইত্যাদি বিভিন্ন সূক্তে এবং ঋগ্বেদে।

'বৈষ্ণব' শব্দের বাচ্যার্থ তিনি, যাঁর উপাস্তা দেবতা হলেন 'বিষ্ণু'।

'বিষ্ণু' শব্দের ব্যুৎপত্তি নানাবিধ। "বেবেষ্টি ব্যাপ্নোতি বিশ্বং যঃ"—অর্থাৎ বিশ্বব্যাপী হয়ে যিনি আছেন। যাকে ঋগ্বেদে বলেছেন "বিশ্বমূর্দ্ধা বিশ্বভূজঃ বিশ্বপাদাক্ষি নাসিকঃ"। অপর অর্থে "বেষতি (বিষ সেচনে—to sprinkle) সিকতি আপ্যায়তে বিশ্বম্" অর্থাৎ যিনি বিশ্বকে নিজের রসে রসায়িত আপ্যায়িত করেন। আর এক অর্থ "বিষ্ণতি ('বিষ' বিপ্রয়োগে বিষ্ণু বা পৃথক্বরণে) বিষণক্তি ভক্তানু মায়াপসারণেন সংসারাদিতি বা" অর্থাৎ মায়ার অপসারণ করে সংসার থেকে ভক্তকে যিনি সরিয়ে নেন।

সুতরাং মৌলিক অর্থ ধরলে 'বিষ্ণু' ও 'ব্রহ্ম' সেই এক এবং অধর তত্ত্বকেই বুঝায়, জীভাগবত যাকে উদ্দেশ করে বলেছেন :

"বলন্তি তৎ তদ্বিতস্তৎ ব্রহ্মজ্ঞানমধরম
ব্রহ্মেতি পরমাশ্বেতি ভগবানিতি শব্দ্যতে।"

দর্শনে ও সাহিত্যে রস

প্রশ্ন উঠবে এর সঙ্গে সাহিত্যের তথা কাব্যের সম্পর্ক কি? সম্পর্ক সনাতন এবং শাস্তিক।

কাব্যের বস্তুপাথর হ'ল 'রস', কারণ "বাক্যং রসাত্মকং কাব্যম্"। এই 'রস' অনির্করচনীয়। কটু তিক্ত অম্ল মধুরাদি যেমন ভাষায় প্রকাশ করা যায় না, মনবুদ্ধির প্রতীতির বিষয়, কাব্যরস ততোধিক সূক্ষ্ম এবং অনির্করচনীয়।

দেবর্ষি নারদ বলেছেন—"মুকাশ্বাদনবৎ"। এই সাহিত্য-কাব্য এবং সঙ্গীতের রস "ব্রহ্মাশ্বাদ সহোদরঃ"—ঋগ্বেদে বলেছেন—"যতো বাচো নিবর্তন্তে"—"মনো যত্রাপি কুর্ঠিতম" ইত্যাদি। মহাকবি বলেছেন—"দাঁড়িয়ে আছ তুমি আমার গানের ওপরে, আমার সুরগুলি ছোঁয় চরণ আমি পাইনে তোমারে"—কারণ এই গানের সুর, প্রাণের প্রেম এবং কাব্যের রস এই সকলেরই মূল উৎস সেই 'রস'স্বরূপ।

ঋগ্বেদে বলেছেন—"রসো বৈ সঃ" যে রস লাভ করলে "রসং হেবায়ং লক্ষা নন্দীভবতি স্তকীভবতামৃতী ভবতি"—জীব আনন্দিত হয় স্তক বা অভিভূত হয়, অমৃতত্ব লাভ করে। তিনিই মধুব্রহ্ম অমৃতব্রহ্ম আনন্দব্রহ্ম, তিনিই ভূমানন্দ বা অতিপ্ৰীমানন্দ (acme of joy), তিনি 'রসানাং রসতমঃ' (বৃহদারণ্যক) রসঘন আনন্দঘন। বৈষ্ণবের অভিধায় তিনি 'হরি'-'কৃষ্ণ'-'রাম'। 'হরি' অর্থাৎ, সকল মলিনতা হরণ করেন। 'কৃষ্ণ' কারণ তিনি সকল চিত্তাকর্ষক—'হরে সবার মন'। 'রাম' যেহেতু তাঁকে—মনো-ভিরামং বচোভিরামং...সদাভিরামং সততাভিরামম্' বলা হয়। তিনি আশ্চর্য্যাম।

প্রেমে 'তুমি' ও 'আমি'

ক্ৰীষ্টিান মিষ্টিকদের ভাষায় তিনি Dulce Amore বা Sweet Love—মুসলমান সূফীদের ভাষায় তিনি 'সুক' বা প্রেমাম্পদ, ভক্তকবি 'আসিক' বা প্রেমিক। তাঁর বাঁশী শুনে ব্রজ-গোপী বলেন—"জীগোপেন্দ্র-সুতঃ স কর্ষতি বলাৎপঞ্চোজ্জিয়াণ্যালি মে"। তাঁর আহ্বান শুনে ভক্তকবি বলেন—"ডেকেছেন প্রিয়তম কে বহিবে ঘরে? বিষমঙ্গলের পাগলিনী বলেন—"বাইগো ঐ বাজার বাঁশী প্রাণ কেমন করে।" মহাকবিও সেই বাঁশী শুনেই বলেন—"সখি ঐ বুঝি বাঁশী বাজে, বনমাঝে না মনমাঝে।" তিনি 'সর্বাত্মত চমৎকারী লীলা-কল্লোলবারিধিঃ'।

এই প্রেমের পরিণতি কোথায়? Browning বলেন, "All love assimilates the soul to what it loves."

ক্রীষ্টান মিষ্টিক বা বলেন Apotheosis বা Deification বা attainment of Divine Similitude বা Divine assimilation—গীতার ‘মম সাধনাম’ আগতি বা প্রাপ্তি।

এই প্রাপ্তিব ফলেই মহাকবি ঋষিপদবাচ্য হয়েছেন। তাঁর মধ্যে এবং কবির মধ্যে বেটুকু ব্যবধান সেটুকুর কথা কবির ভাষায় “আকুল করেছে মাঝখানে তার আনন্দ পূর্ণিমা।” বখন সে ব্যবধানটুকুও থাকে না তখন—

“তোমায় আমার মিলন হলে সকলি যায় খুলে
বিশ্বসাগর চেটে খেলায়ে উঠে তখন হলে”

এই ‘তুমি’, এই মহান ‘তুমি’, এই মহতো মহীরান ‘তুমি’, ইনি কবির ‘আমি’কে চান কেন? কবিই তার উত্তর দিয়েছেন :

“আমায় নইলে ত্রিভুবনেশ্বর তোমার প্রেম হ’ত যে মিছে,
.....তুমি তাই এসেছ নীচে।”

অবতরণ ও লীলা

এই ‘নীচে’-আসাই অবতরণ এবং অবতারবাদের মূল সূত্র। এই প্রেম শুধু দয়া নয়, বরণ বলব দয়াই নয়, কারণ দয়ার ধর্ম প্রেমের ধর্ম এক নয়, এই প্রেমই তাঁর লীলা—তাই বেদান্তসূত্রে পাই “লোকবত্ত্ব লীলা কৈবল্যম্” (২।১.৩৩) দয়ার ধর্ম ঐশ্বর্যপ্রধান, প্রেমের ধর্ম মাধুর্যময়। কবি তাই বলেছেন :

“তাই তো প্রভু হেথায় এলে নেমে
তোমারি প্রেম ভক্ত প্রাণের প্রেমে
মূর্ত্তি তোমার যুগল সন্মিলনে
সেখায় পূর্ণ প্রকাশিছে।”

চরিতামৃত বলেন :

‘ব্রহ্ম শব্দে মুখ্য অর্থে কহে ভগবান,
চিৎস্বয়ং পরিপূর্ণ অনূর্ক সমান।’
এবং ‘বৃহৎ বস্তু ব্রহ্মে কহি, শ্রীভগবান
ষড়বিধ ঐশ্বর্যপূর্ণ পরতত্ত্বধাম।’

শ্রীমদ্ভাগবত সনাতনকে বলছেন :

কৃষ্ণের স্বরূপ বিচার শুন সনাতন
অধম জ্ঞানতত্ত্ব ব্রজে ব্রজেন্দ্রনন্দন
সর্ব আদি সর্ব অংশী কিশোর শেখর
চিদানন্দ দেহ সর্বপ্রায় সর্বেশ্বর।

এই প্রেমে আগম আছে নিগম নাই। জীব আত্মনিবেদন করেও তবু লজ্জিত ভীত হয়ে পিছিয়ে আসে—“The self resists the pull.....flee from the touch of Eternity and the Eternal seeks it, tracks it ruthlessly down” (—Underhill).

তাই দেখি “অঞ্চল ধরইতে চঞ্চল কান
রাই করল পদ আধ পয়ান।”

‘দেবতাকে প্রেম করা’ এবং ‘প্রিয়কে দেবতা করা’র কাজে—রবীন্দ্র-

নাথ, বৈষ্ণব কবি, বাংলার বাউল কবি, ক্রীষ্টান মিষ্টিক বা মরমিয়া কবি এবং মুসলমান সূফী সাধকেরা সকলেই সগোত্র। ‘এক’ এবং ‘অদ্বৈত’ তিনি—“ওয়াহিদাহ্ লা শরিক্”—বলেন মুসলমান।

শ্রীভগবান উত্তম পুরুষ বা গীতায় বর্ণিত ‘পুরুষোত্তম’। কবি তাঁর প্রতীক্ষায়, পথিকবধুর মত, ‘ব্রজেন্দ্রনন্দন সখি ! নৃপুয়ধ্বনিঃ—নিশমযা সংভূত-গতীর-সঙ্গমা,—ঈক্ষণোত্তরলা’ হয়ে চেয়ে আছেন,

“আকাশ কাঁদে হতাশ সম
নাই যে ঘুম নয়নে মম
দয়ার খুলি হে প্রিয়তম !
চাই যে বারে বার
পরামর্শা বন্ধু হে আমার।”

কখনও প্রগাঢ় প্রত্যয় বক্ষে আঁকড়ে বসে আছেন, দেখতে না পেলেও—

“নয়ন তোমারে পায় না দেখিতে রয়েছ নয়নে নয়নে
হৃদয় তোমারে পায় না জানিতে হৃদয়ে রয়েছ গোপনে।”

‘মিষ্টিক’ রবীন্দ্রনাথ

তাই বখন এই প্রসঙ্গে উক্তির নীহারয়জন বায়কে তাঁর রবীন্দ্র-সাহিত্যের ভূমিকায় বলতে শুনি—“মিষ্টিকের সাধনা ও রবীন্দ্রনাথের সাধনা এ দুয়ের কোথাও মিল নাই”(১) তখন মনে না করে পারি না যে, তাঁর রবীন্দ্র-সাহিত্যের ‘ভূমিকা’ থেকে ভূমিই সরে বাচ্ছে যেন! চিন্তাশীল পাঠক-পাঠিকারা তার বিচার করবেন, কারণ আমরা কবিগুরুর অন্তরলোকের এই অপক্লপ দিকটাই দেখবার জন্ত এই প্রবন্ধের অবতারণা করেছি।

কোন আধুনিক সমালোচক গান্ধীজীর জীবন থেকে তাঁর আন্তিক্য বা ঈশ্বর সম্পর্ক বাদ দিয়ে যেমন গান্ধীজীর জীবন-বেদ দর্শন করতে চেষ্টা করেছেন, রবীন্দ্রনাথের রচনাবলী থেকে তাঁর মিষ্টিক দৃষ্টি, মরমিয়া সাধনা বা বৈষ্ণব ভাবধারা বাদ দিতে গেলেও ঠিক তেমনি হয়—‘বিচেষ্টিতং তেহর্ভক চেষ্টিতং বধা’।

কবির পত্র ও জীবনী

বৈষ্ণব কবিতার প্রতি তাঁর অহুবাগ স্বপ্নে কবি স্বয়ং একখানি পত্রে লিখেছেন, “আমার বয়স যখন তের-চৌদ্দ তখন থেকে আমি অত্যন্ত আনন্দ এবং আশ্রয়সঙ্গ বৈষ্ণব-পদাবলী পাঠ করেছি; তার ছন্দ রস ভাষা ভাব সমস্তই আমাকে মুগ্ধ করত। যদিও আমার বয়স অল্প ছিল তবু অল্পটুকু রকমেও বৈষ্ণব ধর্মতত্ত্বের মধ্যে আমি প্রবেশলাভ করেছিলাম।” (রবীন্দ্র-জীবনী প্রভাত মুখোঃ, ১ম খণ্ড, পৃঃ ৬১) “আগাগোড়া গীত-গোবিন্দখানি তিনি নকল করিয়া লইয়াছিলেন....সংস্কৃতের শব্দলালিত্য রূপকল্পনা ছন্দ-মাধুর্য্য বাল্যবয়স হইতেই তাঁহাকে এই সাহিত্যের প্রতি আকৃষ্ট করে।” (এ, পৃঃ ৭০)

তাঁর উড়িয়া ভ্রমণের প্রসঙ্গে পাই—“অল্পবার বরাবর আমার সঙ্গে বৈষ্ণব কবি এবং সংস্কৃত বই আনি, এবার আনি নি সে জন্ত ঐ ছোটোই প্রয়োজন বেশী অনুভব হচ্ছে।” (ঐ, পৃ: ২৭৮)

“রবীন্দ্রনাথের মতে যেখানে বুদ্ধি, প্রবৃত্তি এবং কৃতি সম্মিলিত ভাবে কাজ করে বা এক কথায় যেখানে আদত মানুষ আপনাকে প্রকাশ করে, সেখানেই সাহিত্যের জন্মলাভ হয়। পর্যবেক্ষণকারী মানুষ বিজ্ঞান রচনা করে, চিন্তাশীল মানুষ দর্শন রচনা করে আর সমগ্র মানুষটি সাহিত্য রচনা করে।” (ঐ পৃ: ২৫২)

‘সাধনা’ পত্রিকায় চন্দ্রনাথ বসুর ‘লয়তন্ময়’ প্রতিবাদে রবীন্দ্রনাথের যুক্তি-তর্ক বলিষ্ঠভাবে বৈজ্ঞানিক যুক্তি সহকারে বৈষ্ণব-দর্শনকেই প্রতিষ্ঠা করে। তিনি বলেন, “চন্দ্রনাথবাবু সগুণে নিগুণে এমন একটা খিচুড়ী পাকাইয়া তুলিয়াছেন যাহা অভূতপূর্ব। প্রথম কথা, ক্ষুদ্র অনুবাগ হইতে বৃহৎ অনুবাগ বৃদ্ধিতে পারি কিন্তু বৃহৎ অনুবাগ হইতে নিবনুবাগের ক্রমবাহী যোগ কোথায় বৃদ্ধিতে পারি না।’ দ্বিতীয় কথা, ‘সৃষ্টি-কৌশল’র মধ্যে ‘বিষ্ণুনাথের বিপুল বিচিত্র লীলা’ দেখিয়া লয়প্রার্থী কি করিয়া ব্রহ্মের নিগুণ স্বরূপ হৃদয়ঙ্গম করিতে সমর্থ হন তাহা আমরা বৃদ্ধিতে পাবিলাম না। ‘লীলা’ কি নিগুণতা প্রকাশ করে? লীলা কি ইচ্ছাময়ের ইচ্ছাশক্তির বিচিত্র প্রকাশ নহে? ‘সৃষ্টি-কৌশল’ জিনিসটা কি নিগুণ ব্রহ্মের সহিত কোনও যুক্তিসূত্রে যুক্ত হইতে পারে? সৌন্দর্যের একমাত্র কার্য... হৃদয়ের মধ্যে প্রেমের সঞ্চার করিয়া দেওয়া। যাঁহারা প্রেম-স্বরূপ সগুণ ঈশ্বরে বিশ্বাস করেন; সৃষ্টির সৌন্দর্য্য তাঁহাদিগকে ঈশ্বরের প্রেম স্মরণ করাইয়া দেয়। ঈশ্বর যে আমাদেরকে ভাল-বাসেন এই সৌন্দর্য্য বিকাশ করিয়াই যেন তাহার পরিচয় দিয়াছেন। তিনি যে কেবল আমাদেরকে অনেক নিয়মপাশে বাঁধিয়া, আমাদেরকে বলপূর্বক কাজ করাইয়া লইতে চাহেন তাহা নহে, আমাদের মনোহরণের প্রতিও তাঁহার প্রয়াস আছে। এই বিশেষ সৌন্দর্য্যে তিনি আমাদেরকে বংশীধরে আহ্বান করিতেছেন, তিনি জানাইতেছেন তিনিও আমাদের প্রীতি চান।

বৈষ্ণবদের রাধাকৃষ্ণের রূপক এই বিশ্বসৌন্দর্য্যে এই প্রেমের উপরেই প্রতিষ্ঠিত। সৌন্দর্য্য বিরাট লয়প্রার্থীকে যে কি করিয়া নিগুণ ব্রহ্মে ‘যজ্ঞাইতে’ পারে তাহা বৃদ্ধিতে পাবিলাম না।”...

“চন্দ্রনাথবাবু প্রমুখ শিক্ষিত সাহিত্যিকগণ ও ‘বঙ্গবাসী’র লেখক-গণ বাংলাদেশে স্বাধীন চিন্তা ও কর্মের প্রবর্তক না হইয়া তাহার বিরোধী হইয়া উঠিতেছিলেন... দেশের এই মনোভাবের বিরুদ্ধে তিনি (রবীন্দ্রনাথ) বুদ্ধি বোষণা করিয়াছিলেন, চন্দ্রনাথবাবু উপলক্ষ্য মাত্র।” তিনি (রবীন্দ্রনাথ) একটি প্রবন্ধে বলিলেন, “যে জাতি নূতন জীবন আরম্ভ করিতেছে, তাহার বিশ্বাসের বল পাকা চাই। বিশ্বাস বলিতে কতকগুলি অমূলক বিশ্বাস কিম্বা গোঁড়াধির কথা বলি না, কিন্তু কতকগুলি সত্য আছে, যাহা সকল জাতিরই জীবনের মূলধন, যাহা চিরদিনের পৈতৃক সম্পত্তি।”...সেই জন্ত তিনি যুক্তির উপর জোর দিয়াছেন গুরুবাদের উপর নহে।

‘আদিম সঞ্চল’ প্রবন্ধটিতে তিনি বলিলেন যে, মানুষের যুক্তির পথ রুদ্ধ করিয়া, তাহাকে কলের মত চালাইয়া নির্বিবোধে কাজ আদায় করা বাইতে পারে, কিন্তু মানুষের চরম সম্পদ মানুষকে সেখানে লুপ্ত হইয়াছে। ‘সেখানে চিন্তা, যুক্তি, আত্ম-কর্তৃত্ব এবং সেই সঙ্গে ভ্রম বিরোধ সংশয় প্রভৃতি মানবের ধর্ম লোপ পাইয়া বাইবে, কেবল কলের ধর্ম কাজ করা তাহাই চলিতে থাকিবে।’ (সাধনা ১২৯১, আষাঢ় পৃ: ১৮০) “কিন্তু নির্ভুল কল এবং ভ্রান্ত মানুষের মধ্যে যদি পছন্দ করিয়া লইতে হয় তবে মানুষকেই বাছিতে হয়। ভ্রম হইতে অনেক সময় সত্যের জন্ম হয়; কিন্তু কল হইতে কিছুতেই মানুষ বাহির হয় না।” (রবীন্দ্র-জীবনী, পৃ: ২৫৪-৫)

প্রেম ও প্রেমিক

দার্শনিক প্রসঙ্গের বিশদ আলোচনা এ প্রবন্ধের বিষয় নয়। আমাদের চোখে বৈষ্ণব কবিদের ভগবৎ প্রেম ক্রীশ্চান মিষ্টিকদের মরমিয়া প্রেম—মুসলমান সুফী প্রেমিকের প্রেম এবং মহাকবির ‘গীতাঞ্জলি’ প্রভৃতি কাব্যের এবং গীতি কবিতার অঞ্জলিতে গীতিভরা প্রেমের মধ্যে ‘অমিল’ অল্পই, মিল-ই বেশী। কারণ—

“শশীকো কুমুদন বহুং হ্রায়” কিন্তু “কুমুদনকো শশী এক”।

এই শশীকে বৈষ্ণব কবি বলেছেন মহাপ্রভুর মুখে—

“ব্রহ্মেন্দুকুলহৃৎসিন্ধু, কৃষ্ণ তাহে পূর্ণ ইন্দু,

জন্মি কৈল জগৎ উজোর”। (চরিতামৃত)

এই ‘কৃষ্ণ’ কে ‘কৃষ্ণ’ই বলুন ‘খৃষ্ট’ই বলুন আর বৈজ্ঞানিকের ভাষায় ‘X’-ই বলুন তাতে কিছুই আসে যায় না।

দেবর্ষি তাঁর ভক্তিসূত্রে এঁদের সম্বন্ধে বলেছেন:

“নাস্তি তেষু জাতি বিদ্যা রূপ কুল ধন ক্রিয়াদি ভেদঃ”।

প্রেমভক্তিই বৈষ্ণব কবির পাথের এবং পথ, উপায় এবং উপেষ সাধনা এবং সিদ্ধির কল। প্রেম স্বয়ংই ফলরূপ—

“স্বয়ং ফলরূপতেতি ব্রহ্মকুমারাঃ” (নারদ ভক্তিসূত্র)।

এই প্রেমই তাঁদের মোক্ষের পরেও পঞ্চম পুরুষার্থ।

“পঞ্চম পুরুষার্থ প্রেম আনন্দের সিদ্ধি,—মোক্ষাদির আনন্দ তাহা নহে এক বিন্দু”। তাই ভাগবতকার ‘প্রোঙ্খিত কৈতব’ বা সকল প্রকার কৈতব (কপটতা) বর্জিত এই প্রেমধর্মের বর্ণনায় প্রবৃত্ত হইয়েছেন। ‘প্রোঙ্খিত কৈতব’ শব্দের টীকায় শ্রীধরস্বামী বলেছেন, “প্রকর্ষণে উঙ্খিতং কৈতবং ফলাভিসন্ধি লক্ষণং কপটং বশ্মিন্ সং,— ‘প্র’-শব্দেন... মোক্ষাভিসন্ধিরপি নিবৃত্তঃ, কেবলমীথ্যবোধাদালক্ষণো ধর্মো নিরূপ্যত ইতি”।

রবীন্দ্রনাথ বলেছেন, “প্রেমে ‘কেন’ ‘কি হবে’ এ সব প্রশ্ন থাকতেই পারে না, প্রেম আপনাতেই আপনি জবাবদিহি, প্রেম আপনি আপনার লক্ষ্য”। অখিনীকুমার দত্ত ভক্তিবোধে উদ্ধৃত করেছেন সুপরিচিত গানের একটি কলি—“ভালবাসিবে বলে ভাল-বাসি নে... আমার স্বভাব এই তোমা বই আর জানি নে”।

অধ্যাপক মহেন্দ্রনাথ সরকার বলেছেন, “আনন্দহৃৎসুত জীবনে

বন্ধন কোথায় যে মুক্তির জগৎ হবে তার আত্মপূজা? প্রেম আনন্দ-স্বরূপ...বুদ্ধির সীমাকে অতিক্রম করে প্রেমের গতি। এই প্রেমের গতিতে দৈত রূপান্তরিত হয় অদৈতে, অদৈত রূপান্তরিত হয় দৈতে"। (‘রবীন্দ্র স্মৃতি’ পূর্বকাশী-পত্রিকা পৃঃ ২৫)

এই প্রেমকে পাবার জগৎ কোনও রহস্যাত্মক নিগ্রহপূর্ণ নৈস্তিক বিধি-বিধানপূর্ণ তপস্কার প্রয়োজন হয় না, ধ্যান ইহার সহজাত তপস্কা। ইহার মূল্য সহজ এবং সুসভ হয়েও দুর্লভ। তাই আচার্য্যেরা বলেন,

“কৃষ্ণভক্তিবসভাবিতা মতিঃ ক্রীয়তাং যদি কুতোহপি লভাতে

তত্র লৌলামপি মূল্যমেকলং কল্পকোটিস্তুকৃতৈ ন লভাতে।”

অর্থাৎ পাবার লালসা এবং চাইবার ঐকান্তিকতাই এর মূল্য। এই প্রেম বাতীত জীবনের একান্ত বার্থতা উপলব্ধি করে রবীন্দ্রনাথ তাই অনুযোগ করেছেন—

“যদি প্রেম দিলে না প্রাণে—

তবে কেন ভোবের হাওয়া ভরে দিলে গানে।”

আবার প্রাণে যখন প্রেমের স্পর্শ লাভ করলেন, তখন তিনি প্রেমিকার মত অনুযোগ করেছেন—

তবে, পরাণে ভালবাসা কেন বা দিলে রূপ না দিলে যদি বিধি হে
পূজার তরে হিয়া উঠে যে বাকুলিয়া পৃথিবী তারে গিয়া কি দিয়ে ?

* * যত গোপনে ভালবাসি পরাণভরি, পরাণভরি উঠে শোভাতে
যেমন কালো মেঘে অরুণ আলো লেগে মাধুরী উঠে জেগে প্রভাতে।

* * তাই আগিতে প্রকাশিত চাহিনে তারে নীরবে থাকে তাই

রসনা

মুখে সে চাহে যত নয়ন করি নত গোপনে মরে কত বাসনা।

‘সুপ্তপ্রেম’।

প্রেমাস্পদ

ভক্তিসূত্রে নারদ বলেছেন “সা কস্মৈচিং পরম-প্রেমরূপা” অর্থাৎ নর বা নরোত্তম নির্বিশেষে কাহারও প্রতি পরম প্রেমভাব। শাণ্ডিল্য বলেছেন, “সা পরামুরক্তিরীশ্বরে”। অর্থাৎ, “অনন্তমমতা বিষ্ণৌ মমতা প্রেমসঙ্গতা” (পঞ্চরাত্র)

রবীন্দ্রনাথ যেন নারদের সূত্রকে এনে শাণ্ডিল্যসূত্রের সঙ্গে মিলিয়ে দিয়েছেন; ‘প্রেম’কে এনে ‘শ্রেয়’কে সমর্পণ করেছেন যাতে “তুস্ত হবে এক প্রেমে জীবনের সর্ব প্রেমত্বঃ”। ‘কিম’ শব্দের এই অনির্দেশ্য উদ্দেশ্য রবীন্দ্রনাথও ব্যবহার করেছেন— বলেছেন :

“কে সে ? জানি না কে, চিনি নাই তারে—

শুধু এইটুকু জানি তাঁরি লাগি রাজি অন্ধকারে

চলেছে মানবষত্রী যুগ হতে যুগান্তর পানে

ঝড় ঝঞ্ঝা বজ্রপাতে জ্বালায়ে ধরিয়া সাবধানে

অস্তর প্রদীপখানি।”

রবীন্দ্রনাথ তাঁর নাম দিয়েছেন ‘অপরূপ’ এবং সারাজীবন এই ‘অপরূপকে দেখে’ গেছেন ‘হৃদি নয়ন ভরে’। এই অপরূপকে কেউ

বলেছেন ‘শ্যাম’ কেউ বা ‘শ্যামা’, এই সব ভিন্ন ভিন্ন অভিধা। সকল ভাষা মিলে গিয়েছে সেই এক সমুদ্রে—“সর্বৈ বেদাষৎ পদমামনস্তি”—(শ্রুতি) কারণ “পুরুষান্ন পরং কিঞ্চিং সা কাষ্ঠা সা পরা গতিঃ।” (শ্রুতি)

যদিও তিনি অনির্কচনীয়—‘ইদম’-‘এতদ্’-‘এতাবৎ’-পদের অবিষয়, তথাপি যিনি কবি তিনি তাঁকে উপলব্ধি করে থাকেন— “তদেতদিত্তি মগ্নস্তেহনির্দেশ্যং পরমং সুখম।” কোতূহলী লোকের প্রশ্নের উত্তরে কবি বলেছেন :

কতো জনে এসে মোবে ডেকে কয়

‘কে গো সে’—শুধায় তব পরিচয়

‘কে গো সে’ ?

তখন কী কই নাহি আসে বাণী

আমি শুধু বলি ‘কী জানি কী জানি’—

তুমি শুনে হাসো তারা ছুষে মোবে

কী দোষে।”

তবু ‘জানি না’ বললেও সত্য বলা হয় না—তাই আবার বলেন :

তাই—‘তোমায় ‘জানি না চিনি না’ একথা বলতো কেমনে বলি

খনে খনে তুমি উঁকি মাঝি চাও খনে খনে যাও ছলি।

কখনো—‘আগির পলকে পেয়েছি তোমায় লখিতে’

কখনো—‘বুকেছি হৃদয়ে ফেলেছো চরণ চকিতে’

তাই হাল ছেড়ে দিয়ে কবি বললেন,

কাজ নাই তুমি যা খুসি তা করো

ধরা নাই দাও মোর মন হরো

চিনি বা না চিনি প্রাণ উঠে যেন পুলকি।”

কাম ও প্রেম

কাম ভোগাত্মক, প্রেম ত্যাগাত্মক। ভোগাত্মক কামকে যে চিন্তা-মণির প্রভায় এবং প্রভাবে ত্যাগাত্মক বিষ্ণুপদী-প্রবাহে পরিণত করে তাকে “নৃণামেকো গম্যন্তুমসি পয়সামর্গব ইব” (মহিষ স্তোত্র) অথবা “যথা নতঃ স্তন্দমানাঃ সমুদ্রে” (মুণ্ডক) মিলিয়ে দেওয়া যায়—সেই চিন্তামণিই প্রেম।

নবনারীর অন্তর্দাহকারী ভোগতৃষ্ণা বা ‘তৃষ্ণা’কে “অকৈতব কৃষ্ণপ্রেম যেন জাহ্নুদ হেমে” পরিণত করা এই প্রেমের মহিমাময়ী শক্তি।

নারদ বলেছেন, “তদর্পিতাখিলাচাষঃ সন্ কামক্রোধান্তিমানা-দিকং তন্মিল্লব করণীয়ং তন্মিল্লব করণীয়ম্”, রবীন্দ্রনাথ এই প্রেম-সূত্রকে নূতন ভাষ্যে উদ্ভাসিত করেছেন তাঁর অপরূপ “বৈষ্ণব কবিতায়” :

“দেবতারে বাহা দিতে পারি, দিই তাই

প্রিয়জনে, প্রিয়জনে বাহা দিতে পাই

তাই দিই দেবতারে, আর পাব কোথা ?

দেবতারে প্রিয় কবি, প্রিয়েয়ে দেবতা।”

এই প্রেমের সুধাধারায় নয়নারী অমৃতত্ব লাভ করে।

এই প্রেম যুগপৎ রসায়নের উর্দ্ধপাতন (sublimation) এবং প্রাণিতত্ত্বের metamorphosis বা রূপপরিবর্তন। annihilation বা উচ্ছেদ নয়, transformation বা রূপান্তর—যেমন গুটিপোকা শূকমেহ থেকে প্রজাপতিমেহ লাভ করে। তাই রবীন্দ্রনাথ বলেছেন—“এই আবরণ ক্ষয় হবে গো ক্ষয় হবে—এই মেহগন ভূমানন্দময় হবে,—বাসনা তার ছড়িয়ে গিয়ে লয় হবে।”—‘লয়’ হওয়ার অর্থ ছড়িয়ে গিয়ে বিখে এবং বিশ্বাস্য লীন হওয়া। অস্তর তখন অস্তরের সুখ-দুঃখে অভিভূত না হয়ে বিশ্বের সুখ-দুঃখে অস্তরে অনুভব করে। নিপীড়িত মানবের বেদনায় তখন কবির অস্তরের সহস্র নাড়ী পাক দিয়ে ওঠে। এই অনুভূতিই আইনষ্টাইনের ‘Cosmic religious consciousness’।

দ্বৈতাদ্বৈতবাদ

মহাকবির ‘দুই পাখী’ যেন খেতামতর উপনিষদের “দ্বাপূর্ণা” সেখানে দেখি একটি পাখী স্বাদ্ পিঙ্গল ফলটি বা বাইবেলের নিষিদ্ধ ফল (forbidden fruit)-টি ভোজন করে আর অপরটি ‘অনশ্নন অভিচারশীতি’ না খেয়ে শুধু দেখেন সর্বক্ষেত্রের ক্ষেত্ররূপে চেতা এবং সাক্ষীরূপে।

এখানে দেখি মুক্তাত্মা বনের পাখী ডাকছে দেহের সোনার খাঁচাটিকে আবদ্ধ জীবাত্মাকে। ‘দৌহার ভাষা দুই মত’—খাঁচার পাখী বনের গান জানে না, তাই খাঁচার পাখী বলে “খাঁচাটি পরিপাটি কেমন ঢাকা চাবিধার,” বনের পাখী বলে “আকাশ ঘন-নীল কোথাও বাধা নাহি তার”।

“এমনি দুই পাখী দৌহারে ভালবাসে তবুও কাছে নাহি পায়
খাঁচার ফাঁকে ফাঁকে পরশে মুখে মুখে নীরবে চোখে চোখে চায়।”
মহাকবি একাধারে ঋষি এবং কবি, যেমন মহাত্মা গান্ধী একাধারে ঋষি এবং যোদ্ধা। উভয়েই কাব্যে এবং যুদ্ধে স্বাধীনতার নব জাগৃতির যুগলম্ব ধ্বনিত করেও, মানব অভীপ্সার শাস্ত লক্ষ্য সত্য, সুন্দর এবং কল্যাণের অনুসরণ মুহূর্তের জগৎ বিস্মৃত হন নি। উভয়েরই ‘জীবন’ এবং ‘বাণী’—‘লাইফ’ এবং ‘ম্যাসেজ’ কবিতায় মতই মিলেছে। ‘যা বলি তাই কর—যা কবি তা করো না’—এ কথা বলবার অবকাশ নেই উভয়েরই জীবনে।

কবি তাঁর আত্ম-পরিচয়ে বলেছেন—

“আমার রচনার মধ্যে যদি কোনও ধর্মতত্ত্ব থাকে তা সে হচ্ছে এই যে পরমাত্মার সঙ্গে জীবাত্মার সেই পরিপূর্ণ প্রেমের সম্বন্ধ উপলব্ধিই সেই ধর্মবোধ। যে প্রেমের একদিকে দ্বৈত আর একদিকে অদ্বৈত। একদিকে বিচ্ছেদ আর একদিকে মিলন। একদিকে বন্ধন আর একদিকে মুক্তি। যার মধ্যে শক্তি এবং সৌন্দর্য্য, রূপ এবং রস, সীমা এবং অসীম এক হয়ে গেছে। যা বিশ্বকে স্বীকার করেই বিশ্বকে সত্যভাবে অতিক্রম করে, এবং বিশ্বের

অতীতকে স্বীকার করেই বিশ্বকে সত্যভাবে গ্রহণ করে। যা যুদ্ধের মধ্যেও শান্তিকে মানে, মন্দের মধ্যেও কল্যাণকে মানে এবং বিচিত্রের মধ্যেও এককে পূজা করে।”

কবির উক্ত বাক্যে ভগবৎ প্রেমের এই যে যুগপৎ দ্বৈতাদ্বৈত উপলব্ধি এ যেন ভগবান শ্রীচৈতন্যের অচিন্ত্য ভেদাভেদবাদের আক্ষরিক অনুবাদ—“ভেদং চিন্তয়িতুমশক্যাত্ অভেদঃ—অভেদং চিন্তয়িতুমশক্যাত্ ভেদঃ”। এই তত্ত্ব অচিন্ত্য অনির্কচনীয়। আচার্য্য শঙ্করও স্বীকার করেছেন শ্রুতির উভয়মুখিতা, স্বীকার করেছেন—“অচিন্ত্যঃ প্লু যে ভাবা ন তাংস্তর্কেণ যোজয়েৎ”—তবু তাঁর কল্পনার ঘূড়ি এক কানাচে ঝোক থাকার জগৎ একদিকেই চলে পড়েছে। কিন্তু সে কথা এখানে বলবার স্থান নয়।

মহাপ্রভুর মুখে একদিকে পাই “বৃষ্ণ যদি কৃপা কবি, কহে মোরে প্রাণেশ্বরী, মোর হয় দাসী অভিমান।” আর অন্যদিকে শ্রীরাধানন্দের গানের সমর্থনে পাই—“না মো রমণ না হাম রমণী, দু দু মন মনোভব পেষল জানি।”

বাধাতত্ত্ব সম্বন্ধে পুরাণ বলেন, শ্রীকৃষ্ণের মুখে :

“মমাদ্বাংশ স্বরূপা ত্বং মূলপ্রকৃতিরীশ্বরী” (অর্দ্ধবৈ)

অথবা “আত্মাতু রাধিকা তস্য তরৈব রমণাদসৌ
আত্মারামতয়া প্রাজ্ঞঃ প্রোচ্যতে ব্রহ্মবাদিভিঃ”
শ্রুতি বলেন—

“স...একাকী ন রমতে, স দ্বিতীয়ম্ ঐচ্ছং, সোহকামময়ত
জাম্মা মে স্ম্যং” অতঃপর “স হ এতাবান্ আস যথা
স্ত্রী পুমানসৌ সম্পরিযুক্তৌ, স ইমম্ এব আত্মানং ধেধা
অপাতয়ং ততঃ পতিশ্চ পত্নীচ অভবতাম।” (বৃহ ১।৪:৩)

প্রভাতকুমার মুখোপাধ্যায়কে লিখিত পত্রে বৈষ্ণবধর্মের মূলতত্ত্বটি কবি সংক্ষেপে ব্যাখ্যা করেন (১৩০২ অগ্রহায়ণ—‘প্রবাসী’ বৈশাখ ১৩৪৯ দ্রষ্টব্য), এই পত্রে দ্বৈতাদ্বৈত মতকে বৈষ্ণব ধর্মমত বলিয়া প্রকাশ করেন। (রবীন্দ্র-জীবনী, ১ম ভাগ, পৃ: ২৮৮)

২

রবীন্দ্রকাব্যে ‘তত্ত্ব’ ও ‘রস’

রবীন্দ্র-রচনা একদিকে যেমন অঙ্গুষ্ঠ ভাবগন্তীর অঙ্গদিকে তেমনি বাক্যের এবং অর্থের সামঞ্জস্য সাধনে প্রতিভাবিত প্রকাশ-মুগ্ধ—বিশ্বতোমুখী।

‘হৃদয় বমুনায়’ কবি আহ্বান জানিয়েছেন—“নীলাশ্বরে কিবা কাজ, তীরে কেলে এসো আজ, ঢেকে দিব সব লাজ সুনীল জলে”—কিন্তু জীবনের আশা রেখে এস না—“যদি মরণ লভিতে চাও, এস তবে ঝাঁপ দাও সলিল মাঝে...মৃত্যুসম নীলনীর স্থির বিবাজে”, “যাও সব যাও তুলে, নিখিল বন্ধন খুলে, ফেলে দিবে এস কুলে সকল কাজে”—কারণ এখানে কাজ নেই, লাজ নেই, ফিরে পাবার কিছু নাই।

এখানে ‘look before you leap’ নেই—you leap

and be lost for ever, এক মরণে মরে চিরদিনের মত অমর হওয়ার বাণী।

‘বার্থ বোবন’ কবিতাটিতে বৃথা অভিসারে এ বসুনা পারে আমার বার্থতার নিঃস্বাস স্পষ্ট।

‘রবীন্দ্রজীবনী’কার বলেছেন, “রবীন্দ্রনাথের গীতিকবিতার মধ্যে বৈষ্ণব প্রেমতত্ত্বের বহু চিত্র ও পদাবলীর বহু শব্দ প্রায়শই দেখা যায়। বৈষ্ণব সাহিত্যের প্রতি তাঁহার আকর্ষণ বহুদিনকার। কিন্তু এ আকর্ষণ তত্ত্বমূলক না রসমূলক, তাহার স্মৃতিচার হওয়া প্রয়োজন।”

আমাদের বক্তব্য এই যে, যে রাস্তা গিয়ে এই তত্ত্বের কথা এবং ‘রসের’ কথা উঠেছে সেখানে তত্ত্বই রস এবং রসই তত্ত্ব। সেখানে ভাবের ঘরে সদর মক্ষ্মল নেই, bed-room drawing-room-এর প্রকোষ্ঠ ভাগ নেই; একটি কক্ষ, যবনিকার বালাই নেই, ধর্মের চিহ্ন বা রক্তের সম্পর্কে আত্মীয়তা হয় না, শুধু এক সম্পর্ক “যে জনা গোবিন্দ ভজে সেই আমার প্রাণ রে।” এ ভক্তনা রসের ভক্তনা, মরমিয়া ভক্তনা, ঋজুতা বা আর্জবম্ এর প্রাণ, কিন্তু বাক্য পথেই এর গতি, তাই রসিক বলেন, “অহেবিব গতিঃ প্রেমঃ স্বভাবকুটিলা ভবেৎ।”

ভালবাসিবে বলে’ ভালবাসি নে—

আমার স্বভাব এই তোমা বই আর জানি নে।

স্বতঃস্ফূর্ত এই প্রেম।

মহাকবির ভাষায় শুধু—

আমার পরাণ ষাহা চায় তুমি তাই তুমি তাই গো

তোমা ছাড়া আর এ জীবনে মোর কেহ নাই কিছু নাই গো।

তুমি সুখ যদি নাই পাও, যাও স্তম্ভের সঙ্কানে যাও

আমি তোমারে পেয়েছি হৃদয় মাঝে আর কিছু নাই চাই গো।

এ যেন মহাপ্রভুর উক্তির বঙ্গানুবাদ—

“পাদরতাং পিনষ্টু মাং” “মর্গহতাং করোতু বা”

“বধা তথা বা বিদধাতু”—কিন্তু আমার ‘তুমি ছাড়া

আর কেহ নাই—কিছু নাই—“স এব নাপরঃ”।

গীতায় আর্ন্ত, জিজ্ঞাসু, অর্থার্থী ও জ্ঞানী ভক্তের কথা বলা হয়েছে। জ্ঞানের সংজ্ঞা নির্ণয় করে বলেছেন—

“ময়ি চানুঘোগেন ভক্তিরব্যভিচারিণী”—অর্থাৎ এই পরা ভক্তিই জ্ঞানের লক্ষণ বা পরিচয়।

প্রেমবিহঙ্গের দুটি ডানা, একটি জ্ঞান অপরটি ভক্তি।

বায়রণ বলেছেন—

“To ‘know’ her is to ‘love’ her

And love but her for ever

For Nature made her what she is

And never made another.”

রক্ত-মাংসের পুঙ্খলিকার প্রতি এই আকর্ষণ, চিন্তামণির পায়ে

বিষমঙ্গলের এই আত্মসমর্পণ, ইহাই পরিণত হয় তাঁর কৃষ্ণকর্ণামৃতের প্রথম পংক্তিতে—

“চিন্তামণি জর্য়তি সোমগিরি গুর্ক মে।”

চিন্তামণির লৌকিক প্রেম, চিন্তামণির একটি রশ্মি পেয়ে, চিন্তামণির অলৌকিক প্রেমে পরিণত হয়,—তখন সে “নিকষিত হেম—কাম-গন্ধ নাহি তায়।” তখন অন্তরাত্মা আকুল হয়ে বলে—“বাই গো ঐ বাজায় বাঁশী প্রাণ কেমন করে।”

‘পরাক্ষি থানি বাতুগৎ স্বয়ম্ভুঃ’—কিন্তু ঐ বহিমুখ ইন্দ্রিয়গুলি ঐরূপ বাঁশীর ডাক শুনেই পরমাত্মা বা অন্তরাত্মার দিকে দৃকপাত করে—বাঁশী শুনে—বাক্য চোখে চায়—

“শ্রবণক পথ দুঁহু লোচন নেলা।”

রবীন্দ্র-রচনাতেও ঠিক তাই—

“সখি ঐ বুকি বাঁশী বাজে

বনমাঝে কি মনমাঝে।”

তাঁর বিবহিণী অন্তরাত্মা আক্লেপ করে বলে—

“সখি—এত ভালবাসা প্রাণের পিয়াসা কেমনে আছে সে পাসরি

সেখা কি হাসে না চাদিনী যামিনী সেখা কি বাজে না বাঁশরী ?

হেথা সমীরণ লুটে ফুলবন সেখা কি পবন বহে না—

সে যে তার কথা মোরে, কহে অমুখন,

মোর কথা তাতে কহে না।

আমারে যদি সে ভুলিবে সজনি ! আমারে ভুলালে কেন সে ?

সারাটি জীবন করিব যোদন এই ছিল তার মানসে ?”

দেবতা ও মামুষ

বৈষ্ণব-কবিতায় দেবতা ও মামুষ একান্ত সহজভাবে স্থানবিনিময় করেছে। ষশোদা তাঁকে বেঁধেছেন,—রাখালবা—“কৃষ্ণে সেবে কৃষ্ণে করায় আপনা সেবন।” শ্রুতি বলেছেন, প্রিয় বলেই আত্মাকে উপাসনা করবে, কারণ তিনি “প্রাণশু প্রাণঃ, চক্ষুষশ্চক্ষুঃ”। গীতায় তাঁকে গতি, ভর্তা, প্রভু, সাক্ষী, শরণ, সূত্রং প্রভৃতি সকল সম্পর্কে সম্পর্কিত করা হয়েছে। সকল ষর্গ ত্যাগ করে একমাত্র তাঁর শরণ নিতে বলা হয়েছে—ভক্ত নিত্যকায় স্বরণে নিত্যই তাঁকে সর্বশ্ব সমর্পণ করে থাকেন—“মাং মদীরং সকলং সমাক্ ত্রীকৃষ্ণায় সমর্পয়ামি স্বাহা।” তাঁর সাধনার প্রথম কথা তুণের চেয়ে সুনীচ এবং তরুর চেয়েও সহিষ্ণু হওয়া। এর সঙ্গে তুলনা করা যায় কবির আত্ম-নিবেদন—

তোমার আসন তলে মাটির পরে লুটিয়ে রব

তোমার চরণ ধূলায় ধূলায় ধূসর হব

সবার শেষে বাকী যা রয় তাহাই লব।

এই ‘বাকী’ গ্রহণ করাই বৈষ্ণবের প্রসাদ পাওয়া—ঈশোপনিষদের ‘ত্যক্তেন ভূঞ্জীথাঃ’।

গীতাঞ্জলির প্রথম কবিতাতেও পাই এই বৈষ্ণব ভাব, কিন্তু ভাষায় এবং প্রকাশভঙ্গীতে, প্রাক্তন বাংলা ও সংস্কৃত উভয়

পদাবলীকেই তা অতিক্রম করেছে। আমার মাথা তোমার চরণ-
ধুলার তলে নত কর; সকল অহঙ্কার চোখের জলে জোবাও—
নিজেকে মান দিতে গিয়ে আমি নিজেকে কেবলই অপমান করছি,
এবং নিজেকে কেন্দ্র করে নিজের চারিদিকেই ঘুরে মরছি। কথা
কয়টি সহজ এবং সরল, কিন্তু “সহজ কথা বাস না বলা সহজে।” এই
সহজ কথা কয়টি এমন ভাবে বোধ হয় একমাত্র মহাকবিই প্রকাশ
করতে পেরেছেন। তিনি ভাব হতে রূপে অবিয়াম যাওয়া-আসা
করেছেন, অব্যক্ত হতে ব্যক্তের পথে, তিনি অবলীলাক্রমে নিসর্গের
শুভ্র কথা প্রকাশ করে দিয়েছেন, তিনি রূপসাগরে ডুব দিয়ে অরূপ
রতন আহরণ করে তাঁর দয়িতের গলায় মুক্তার মালা পরিয়ে
দিয়েছেন। তাঁর আগমনীর জয়ধ্বনি করেছেন—

“ভেঙেছো দুয়ার এসেছো জ্যোতির্শয়, তোমারি হউক জয়—

তিমির-বিদার-উদার অভ্যাস তোমারি হউক জয়।”

তাঁর পায়ের ধ্বনি অবিখ্যাসী অশ্রমনক আমবা শুনি নি বলে
অনুযোগ করেছেন—

তোরা শুনিস নি কি শুনিস নি তার পায়ের ধ্বনি,

সে যে আসে আসে আসে

যুগে যুগে পলে পলে দিন রজনী সে যে আসে আসে আসে

গেয়েছি গান যখন যত আপন মনে ক্ষাপার মত

সকল সুরে বেজেছে তার আগমনী

যুগে যুগে পলে পলে দিন রজনী।

ক্রীশ্চান মিষ্টিক বলেন,

“Our Lord says to every living soul, I be-
come man for you. If you do not become God
for me, you do me wrong.”

তিনি শ্রোত্রের শ্রোত্র, মনের মন, প্রাণের প্রাণ, চোখের চোখ।

Closer is He than breathing, nearer than our
hands and feet.

বৈষ্ণব কবির—“হাতকি দরপণ, মাথকি ফুল আঁথ কি অশ্রন মুখকি
তাতুল। শীতের ওড়নি পিয়া, গিরিধির বা বরিষার ছত্র পিয়া
দরিয়ার না।”

ভক্ত তাঁর ‘আমি’র—শেষ লেশটুকু রাখতে চান তাঁর প্রেম
আত্মদানের জন্ত। তাই রামপ্রসাদ বলেছেন, ‘চিনি হওয়া ভাল
নয় মন চিনি থেতে ভালবাসি’। রামকৃষ্ণ একে বলেছেন ‘দাস’
আমি।

রবীন্দ্রনাথ বলেছেন—

“তোমার আমার প্রভু করে রাখি

আমার আমি সেইটুকু থাক বাকী।”

কবি কৃতার্থ হয়েছেন যখন ত্রিভুবনেশ্বর তাঁরই প্রেমের ভিকার হাত
পেতেছেন।

“তাই ত তুমি রাজার রাজা হয়ে, তবু আমার স্বপ্ন লাগি

কিরছো কত মনোহরণ বেশে, প্রভু নিত্য আছ লাগি

তাই ত প্রভু হেথায় এলে নেমে, তোমারি প্রেম ভক্ত প্রাণের প্রেমে
মূর্ত্তি তোমার যুগল সন্মিলনে সেথায় পূর্ণ প্রকাশিছে।”

দৈন্তে তিনি দীনের হতেও দীন হয়েছেন, তিনি জেনেছেন যে, তাঁর
ঠাকুর কাঙ্গালের ঠাকুর তাঁর পূজার পীঠস্থান সবহারাদের মাঝে—
“যেথায় থাকে সবার অধম দীনের হতে দীন, সেইখানে যে চরণ
তোমার রাজে, সঙ্গী হয়ে আছ সেথায় সঙ্গিহীনের ঘরে—

সবার পিছে সবায় নীচে সবহারাদের মাঝে।

কবি কামনা করেছেন ‘মুক্তিকে, যে মুক্তি পরমপুরুষের কাছে
আত্মনিবেদনে’—তিনি বিশ্বাস করেছেন ‘মানুষের সত্য মহামানবের
মধ্যে যিনি ‘সদাজনানাং স্বদয়ে সন্নিবিষ্টঃ’।

তিনি এসেছেন, “ধরণীর মহাতীর্থে এখানে সর্বদেশ সর্বজাতি ও
সর্বকালের ইতিহাসের মহাকেন্দ্রে আছেন নরদেবতা।”

চণ্ডিদাসের উপলব্ধিও অনুরূপ—‘তনহ মানুষ ভাই,

সবার উপরে মানুষ সত্য তাহার উপরে নাই।

তাই প্রত্যেক পুরাণে এবং মহাভারতে নারায়ণের বন্দনা নয় এবং
নরোত্তমের বন্দনার সঙ্গে অঙ্গাঙ্গিভাবে জড়িত। কারণ—

‘ন মানুষাং শ্রেষ্ঠতরং হি কিঞ্চিৎ’।

নয় এবং নরোত্তম বলিতে বৈজ্ঞানিক তাৎপর্যে সাধারণ মানুষ এবং
পুরুষোত্তম বা ‘Best Manকেই বোঝায়, এই উভয় সীমায় সীমিত
মানুষের নারায়ণ। এই সীমা অতিক্রম করেও তিনি আছেন—ক্রতি
যেন মানুষের বীশক্তিকে পরিহাসের ছলেই বলেছেন,

“যো লোকান্ সকলান্ ব্যাপ্য অত্যতিষ্ঠং দশাস্কলম্”

সকল লোক সকল সীমা—দেশকাল অতিক্রম করে তিনি দশ আঙুল
বেড়ে আছেন। এ যেন “বুঝ জন যে জান সন্ধানের” হেঁয়ালি।
‘অচিন্ত্যঃ খলু যে ভাবাঃ’—তাদের চিন্তার বিষয়ীভূত করতে
যাওয়ার বিড়ম্বনা।

কবির পরিচয়

কবি শুধু মানুষের কবি নন—সকলের কাছেই তাঁর এক পরিচয়

“মোর নাম এই বলে খ্যাত হোক, আমি তোমাদেরি লোক—
আর কিছু নয়—এই হোক শেষ পরিচয়।”

কিন্তু কবির পরিচয়ের ‘শেষ’ পাবার উপায় নেই—সুফ হয় নব নব
পরিচয়—

“যে আমি স্বপন যুরতি গোপনচারী

যে আমি আমারে বুঝিতে বোঝাতে নারি

আপন গানের কাছেতে আপনি হারি

সেই আমি কবি, কে পারে আমাকে ধরিতে ?

* * কবিরে পাবে না তাহার জীবন-চরিতে।”

তাঁর ভাষাতেই বলি ‘তিনি জলভারাক্রান্ত নিবিড় মেঘের গায়
আপনার প্রভূত প্রাচুর্যে আপনাকে নির্কিংশেবে সর্বলোকের উপরে
বর্ষণ’ করছেন। সে বর্ষণে অভিভূত হয়ে আমরা বলি—

“হার। গগন নহিলে তোমারে ধরিতে কেবা ?

ওগো তপন, তোমার স্বপন দেখি যে করিতে পারি নে সেবা।
বৈষ্ণবের মতই তিনি হরিনাম গান করেছেন—এবং করিয়েছেন—
'বাঁচান বাঁচি মারেন মরি বল ভাই ধনু হরি।'

আপনাকে কবি বস্তুমাত্র মনে করে সেই বস্তুর হাতে আত্মসমর্পণ
করেছেন—'আমারে কর তোমার বীণা লহ গো লহ তুলে—'
বলেছেন—'সেতারখানি নূতন বেঁধে তোলা—

এতদিন যে গেয়েছো গান, আজকে তারি হোক অবসান
এ বস্তুর যে তোমার যন্ত্র সেই কথাটাই ভোলো—
একটি একটি কোরে তোমার পুরাণ তার পোলো।'

এই নূতন তারে নূতন সুর বেঁধে তোলাই তাঁর রূপান্তর গ্রহণ—
মার্কণ্ডেয়ের নব জন্মলাভ—transformation, transmutation
বা metamorphosis—আধ্যাত্মিক খোলস ছাড়া বা spiritual
ecdysis.

নূতন বাঁধা সেতারে কবি গাইলেন শুধু 'তুমি' আর 'তুমি'—
কবীর ভাষায়—'তু-তু করতে তু ভয়া তুমি রহা সময়—'
গীতার উক্তি 'ততো মাং, তত্ততো জাত্বা বিশতে তদনন্তরম্।'
কবি গাইলেন—'তুমি আমার আপন তুমি আছ আমার কাছে

আমায় এই কথাটি বলতে দাওহে বলতে দাও—

তোমার মাঝে মোর জীবনের সব আনন্দ আছে—* *

* * আমার প্রিয়তম তুমি এই কথাটি বলতে দাও হে বলতে দাও।
হে প্রকাশ স্বরূপ! তুমি নিজের প্রেমে নিজের দক্ষিণে আপনাকে
প্রকাশিত কর—আবিভূত হও—'আবিবাৰ্ম এধি।'
কবির প্রার্থনাও তাই 'দাঁড়াও আমার আখির আগে—

যেন তোমার দৃষ্টি হৃদয়ে লাগে।'

সেই দৃষ্টি যখন চোখে লাগল তখন পরিপূর্ণ আনন্দে কবি গেরে
উঠলেন, 'আলোয় আলোয় করে হে এলে আলোর আলো—'

তখন সকল আধার মিলাল, আনন্দে হাসিতে ভরা জগতের—

'যে দিক পানে নয়ন মেলি ভালো সবই ভালো।'

অমৃতের পুত্র হয়ে লাভ করলেন মধুব্রহ্মের মধু।

প্লেটোর 'Beauty only and alone and separate
and eternal' এবং জন ষ্টুয়ার্ট মিলের 'Hedonism' বা
সুখাভিলাষ-বাদ মিলে যায় 'সত্যং শিবং সুন্দরম্'-এর অর্থধানে।

বৈষ্ণবের দৈর্ঘ্য, বিনয়, আকৃতি, অনন্তমনতা-রূপ প্রেম,—হরি-
নামের জয়ধ্বনি সবই মহাকবির কবিতায় নূতন ভাবে এবং নূতন
ভাষায় সমৃদ্ধ হয়ে আত্মপ্রকাশ করেছে।

সে ভাষায় তিনিই শ্রী, প্রবর্তক এবং প্রচারক। সাহিত্যের
নব যুগের নব জাতকের ভাষা। তাই বলা চলে যে, তিনি যেন
পুকুর কেটে তার পরে তাতে স্নান করেছেন। এই ভাষা তিনি
দান করেছেন আমাদের, এই ভাষাই—রেনেসাঁসের ভাষা। এই
ভাষায় রূপ পরিগ্রহ করল কবির কবিতায়—বৈষ্ণবের দিবা প্রেম।
'যার এক বিন্দু জগৎ ডুবায়'—যার এক বিন্দু ভাষান্তরিত হয়ে
পাশ্চাত্য বিদগ্ধমণ্ডলীকে মুগ্ধ করল—কবি লাভ করলেন—

'তরু কেশে বরমাল্য বস্মা অরোয়ার'—অর্জন করলেন নোবেল
পুরস্কার, স্থাপন করলেন বঙ্গভারতীয় সিংহাসন—বিশ্বভারতীয় উচ্চ-
তর মঞ্চে।

বিশ্ব-বৈষ্ণবতা

তিনি প্রচার করলেন উদার এবং ব্যাপকভাবে বৈষ্ণবতা। সব
ঠাই তাঁর ঘর আছে এবং ঘরে ঘরে তাঁর পরমাত্মীয় আছে। 'ধূলির
ধূলি আমি রয়েছে ধূলি পরে—জেনেছি ভাই বলে জগৎ চরাচরে।'
উদার সার্বভৌম প্রীতি এবং জগৎপিতা মহেশ্বরের প্রতীতি—যার
কলে অনুভূত হ'ল—'ভ্রাতরো মানবাঃ সর্বে—স্বদেশো ভূবনজয়ম্।'
গীতার 'সমঃ সর্বেষু ভূতেষু মন্তস্তিং লভতে পরাম্।' 'ধূলার আসনে
বসি ভূমারে দেখেছি ধ্যানচোখে আলোকের অতীত আলোকে—'
সেই আলোকেই দেখেছেন—'One world spiritually
aware and psychologically integrated.' শ্রীভাগবতও
ঠিক এই কথাই বলেছেন—উত্তম ভক্তের লক্ষণে—

সর্বভূতেষু যঃ পশ্যেৎ ভগবন্তাবমান্বনঃ

ভূতানি ভগবত্যাশ্রয়ে ভাগবতোত্তমঃ।

'আগুনের পরশমণি'

কাব্যে মিলনের চিত্র অপেক্ষা বিরহের চিত্র অধিকতর মর্মস্পর্শী।
বিরহ ধ্যানগম্ভীর এবং বেদনার অগ্নিসংস্কারে পবিত্র এবং উজ্জ্বল।
এই আশাবদ্ধ সমুৎকর্ষার ছবি বৈষ্ণবকবি বর্ণনা করেছেন এবং
বলেছেন এই অবস্থাকে "উত্তাপী পুটপাকতোহপি গরলগ্রামাদপি
ক্ষোভনঃ।" বিরহিনীর এই অবস্থায় "রূপ লাগি আখি বুয়ে গুণে
মন ভোর, প্রতি অঙ্গ লাগি কাঁদে প্রতি অঙ্গ মোর।"

শ্রীমদ্ভাগবত বলেছেন, "যুগায়িতং নিমেষেণ চক্ষুষা প্রাবৃষায়িতং
শূন্যং মনো জগৎ সর্বং গোবিন্দবিরহেণ মে।" কালিদাসের স্বপ্ন-
বধু "আশাবন্ধঃ কুন্তম সদৃশং" প্রাণটিকে কোনও রূপে দেহে সংলগ্ন
করে রেখেছে। জয়দেবের বর্ণনায়—"পততি পতন্তে বিচলতি পত্রে
...পশ্চতি তব পস্থানম্।"

রবীন্দ্রনাথের ছবি জয়দেবের অমুরূপ হলেও অপরূপ :—

"দিবস রজনী আমি যেন কার আশায় আশায় থাকি

তাই চমকিত মন চকিত শবণ ত্বষিত আকুল আখি।

চঞ্চল হস্তে ঘুরিয়ে বেড়াই, আশা হয় মনে যদি দেখা পাই

কে আসিছে বলে চমকিয়ে চাই কাননে ডাকিলে পাখী।"

কবি 'বৈরাগ্যসাধনের মুক্তি' বর্জন করে অহুরাগকেই বরণ করে
নিয়েছেন—

"মোহ মোর মুক্তিরূপে উঠিবে জলিয়া

প্রেম মোর ভক্তি রূপে রহিবে ফলিয়া"

কিন্তু এই অহুরাগই বিরহে পরম বৈরাগ্যের রূপ ধারণ করে, তখন,
'যা কিছু আনন্দ আছে দৃশ্যে গন্ধে গানে" সব নিমেষে অন্তর্হিত
হয়। তখন "অর্পণে তব মনাক কা ধেনবঃ কে কয়ম্

কিং গোষ্ঠং কি মতীর্গমিত্যচিরতঃ সর্বং বিপর্যয়তি।"




ওয়াশিংটনের ব্ল্যার হাউসে পণ্ডিত শ্রী জবাহরলাল নেহরু এবং প্রেসিডেন্ট আই. এ. ট্যাংহাওয়ার



ভারতে ব্রহ্মদেশের রাষ্ট্রদূত উ. খান আউং কর্তৃক রাজঘাটে মহাত্মা গান্ধীর সমাধির উপর পুষ্পমাল্য প্রদান



পশ্চিম বঙ্গের রাজ্যপাল শ্রীপদ্মজা নাইডুর সহিত চীনা প্রজাতন্ত্রের প্রধান মন্ত্রী চো-এন-লাই এবং
উপ-মুখ্যমন্ত্রী হো-লুঙ্



পুণা, ভাণ্ডারকর ওরিয়েন্টাল রিসার্চ ইনষ্টিটিউটে দলই লামা

ভানুসিংহের পদাবলীতে 'মরণ' কবিতায় বিরহিনী রাধা মৃত্যুকে বধন 'শ্রাম সমান' বলে বিরহিনীকে মৃত্যুরূপ অমৃত দান না করার জন্য তাকেও শ্রামের মত প্রিয় এবং শ্রামের মতই নিষ্ঠুর বলেছেন :—
তখন কবি তাঁকে বুঝিয়ে বলেছেন—

ভানুসিংহ কহে ছিয়ে ছিয়ে রাধা
চঞ্চল হৃদয় তোহারি
মাধব পছ মম পিয় সো মরণ সে
অব তু হু দেখে বিচারি ।

কবীর প্রেমের রাজ্যে বিরহকেই সুলতান বা সম্রাট বলেছেন ।

বিরহ বিনা তন শূন্য হায় বিরহ হায় সুলতান
যো ঘট বিরহ ন সফারে সো ঘট জহু মশান ।

মহাকবি এই পদম বিরহে প্রশস্তিপাঠ করেছেন অননুকারণীয় ভাষায়—

এই করেছে ভালো নিষ্ঠুর এই করেছে ভালো
এমনি করে হৃদয়ে মোর তীব্র দহন জ্বালো ।
আমার এ ধূপ না পোড়ালে গন্ধ কিছুই নাহি ঢালে
আমার এ দীপ না জ্বালালে দেয় না কিছুই আলো ।
অন্ধকারে মোহে লাজে চোখে তোমায় দেখি না যে
বজ্রে তোলো আগুন করে আমার যত কালো ।

আগুনে দগ্ন হলে যেমন অগ্নিতাপেই কিছু উপশম মেলে—তেমনি
আবার কবি তাঁকেই প্রার্থনা করেছেন—

তুমি এবার আমার লহ হেঁরাধ লহ—
এবার তুমি ফিরো না হে হৃদয় কেড়ে নিয়ে রহ ।

কত কলুষ কত ফাকি, এখনো যে আছে বাকী, মনের গোপনে
আমায়—তার লাগি আর ফিরায়ো না, তারে আগুন দিয়ে দহ ।—
বারংবার দগ্ন হয়েও কবি এই আগুনকেই আবার বরণ করেছেন—
বলেছেন—

“আগুনের পরশমণি ছোয়াও প্রাণে
এ জীবন ধস্ত কর এ জীবন পুণ্য কর পরশ দানে—
আমায় এই দেহখানি তুলে ধর, তোমার ঐ দেবালয়ের প্রদীপ কর
নিশিদিন দহনশিখা জলুক প্রাণে ।”

এই অগ্নিসংস্কারই প্রেমের Baptism of Fire.

চরিতামৃত্তে পাই—

“বাছে বিষজ্বালা হয় অন্তরে আনন্দময়
কৃষ্ণপ্রেমার অদ্বুত লক্ষণ”
“এই প্রেমার আশ্বাসন তপ্ত ইক্ষু চর্কণ
মুখ জলে না যায় তাজন ।”
“বিধামৃত্তে একত্র মিলন ।” ইত্যাদি ।

মীরা বলেন—

উপল বরাবি তরঙ্গত পরজি ডারত কুলিশ কঠোর
চিত্তক চাতক জলক তেজরি যাঙত আনকি ওর ?

মেঘ কুলিশ-করকা বর্ষণ করে, তাকে আহত কি নিহত করলেও
চিত্তচাতক সেই মেঘ ছাড়া কি আর কাউকে চায় ?

‘পুরুষোত্তম’ ও ‘পুরুষ’

ভানুসিংহের পদাবলী মহাকবির বৈষ্ণব-কবিতায় প্রথম হাতে-
খড়ি । তখন তাঁর (গীতার) পুরুষোত্তমের প্রতি বৈষ্ণব ভাবানু-
বাগের প্রথম সঞ্চার হয় । মনে মনে প্রশ্ন ওঠে—হে অপরিবর্তিতপূর্ণ
চিত্তচমৎকারকারী মূর্তিমন্ত মাধুর্যরূপ তুমি কে ? কবির মুখেই
শুনুন—

কো তু হু বোলবি মোয় ?

হৃদয় মাহ ময়ু জাগসি অনুখন আ খ উপর তু হু বচলহি আসন
অরুণ নয়ন তব ময়ম সঙ্গে মম নিমিধ না অন্তর হোয় ।
হৃদয়কমল তব চরণে টলমল, নয়নযুগল মম উছলে চল চল
প্রেমপূর্ণ তমু পুলকে চল চল চাহে মিলাইতে তোয় ।
বাঁশরী ধ্বনি তুহু অমিয় গবল বে, হৃদয় বিদায়সি হৃদয় হবল বে,
আকুল কাকলি ভবন ভবল বে উত্তল প্রাণ উত্তরোয় ।
গোপবধু জন বিকশিত ঘোবন, পুলকিত যমুনা মুকুলিত উপবন,
নীল নীর পর বীর সমীরণ পুলকে প্রাণ মন খোয়—

কো তু হু বোলবি মোয় ?

ইনি যেই হোন, যুগে যুগে পারঙ্গম ঋষিরা বলে গেছেন—‘ইখভূত’
—রূপগুণবিশিষ্ট পুরুষ একবার অন্তরে প্রবেশ করলে আর
অব্যাহতি নাই তার, আর মুক্তি (?) নাই তার সেই দস্যুর কবল
থেকে ।

মহাপ্রভু বলেছেন—

“কৃষ্ণের সে ডাকাতিয়া বন্ধ
ব্রজদেবী লক্ষ লক্ষ তা সবার মনোবন্ধ
হবিদাসী করিবারে দক্ষ ।”

অথবা—

“কৃষ্ণতনু যেন আত্র আঠা
নারীর মনে পশি যায় যত্নে নাহি বাহিরায়
তনু নহে সিরাকুলের কাঁটা ।”

কৈশোর বোবনের সন্ধিস্থলে “কো তুহু”, প্রশ্ন করার পরে এই
পুরুষকেই তিনি পরিপূর্ণ বোবনে ‘জীবন দেবতা’ রূপে দ্বিতীয় বার
প্রশ্ন করেন । তখন তাঁর সহজাত পৌরুষ ঐ পুরুষের সংস্পর্শে
এসে আপন সত্তার পরিবর্তন করছে, তাঁর sex sense ক্রমশঃ
mystical sense-এ পরিণত হতে চলেছে । F. W. New-
man বলেছেন—

“If thy soul is to go on to higher spiri-
tual blessedness, it must become woman,—yes
however manly you may be among men.”

একটাই নরোত্তমের প্রার্থনা ‘ছাড়িয়া পুরুষদেহ কবে বা প্রকৃতি
হব’ । এই কথাই মীরা বলে পাঠিয়েছিলেন স্ত্রীরূপ গোষ্ঠামীকে
বধন তিনি রমণী বলে তাঁর সঙ্গে সাক্ষাৎ করেন নি । মীরা বলেন,

“বৃন্দাবনে তো এক জনই পুরুষ আছে জানতাম—শ্রীরূপ কি আরও এক জন?” সেই এক পুরুষই পুরুষোত্তম। শ্রুতি তাঁকে বলেছেন, “ঈশ্বরানাং প রমং মহেশ্বরম্” “দেবতানাং পরমঞ্চ দৈবতম্” “পতিঃ পতীনাং পরমং পরস্তাৎ”—তাঁকে ঘিরে তাঁর রাসমণ্ডল ঘিরে— ‘পরাস্তা শক্তির্বিবিধৈব শ্রুয়তে স্বাভাবিকী জ্ঞানবলক্রিয়া চ।’ ইনি দশরথতনয় রাম বা বনুদেবনন্দন কৃষ্ণ কিনা এ প্রশ্ন, দর্শন ও মনো-বিজ্ঞানের দিক থেকে অনর্থক। এঁদের জন্ম-কর্ম দিবা হলেও এরা মাটির দেহ প্রত্যেকেই মাটিতেই যোগে গেছেন। সার্থক কথা এই এবং দিবা তত্ত্ব এই যে, রাম-কৃষ্ণ-বৃন্দ-শ্রীষ্ট-চৈতন্য না হলে এই পুরুষোত্তমের কোনও রূপ রস তত্ত্ব আমাদের বোধগম্য হ’ত না। তাই এ রাই আমাদের yard-stick বা unit ধ্যান-ধারণার জগৎ—সেই অসীম অনন্ত অনির্কচনীয় স্বরূপের। সকল রূপই তাঁর রূপ, সব কথাই তাঁর স্তোত্র, কারণ ‘কালী পঞ্চাশৎ বর্ণময়ী বর্ণে বর্ণে নাম ধরে।’

মুসলমান সূফী সাধকের দৃষ্টিতেও দোখ ভগবান ‘মাসুক’ বা beloved—ভক্ত ‘আসিক’ বা lover, এই মধুর রসই শৃঙ্গার বা উজ্জল রস। তাই ‘শৃঙ্গারঃ সাথ মূর্ত্তিমানিব মধৌ মুন্ধো হরিঃ ক্রীড়তি।’ পীতাস্বরধরঃ শ্রী সাক্ষাৎসাম্যমম্মথঃ।’ ক্রীশ্চান মিষ্টিক এই সম্পর্কে বলেছেন—

এই প্রেমের আদান-প্রদান between Finite and the Infinite—সমীমের সঙ্গে অসীমের, একেই তাঁরা বলেছেন Divine Osmosis.

বৈষ্ণব কবি বলেছেন—‘যদি হয় তার যোগ, না হয় কৈছে বিয়োগ’—নারদ বলেছেন, ‘প্রতিক্ষণ বদ্ধমানম্’ ‘অনির্কচনীয়ং প্রেম-স্বরূপম্’।

‘জীবনদেবতা’য় দেখি কবি পূর্বরাগ থেকে প্রিয়সঙ্গ লাভ করে অনুরাগের স্তরে উন্নীত হয়েছেন, সর্বস্ব সমর্পণের পর দয়িতকে প্রশ্ন করছেন,

ওহে অস্তরতম

মিটেছে কি তব সকল তিয়ায় আসি অস্তরে মম ?

হৃৎসুখের লক্ষ ধারায় পাত্র ভরিয়া দিয়েছি তোমায়

নিষ্টির পৌড়নে নিঙাড়ি বক্ষ দলিত দ্রাক্ষাসম।*

* কি দেখিছ বঁধু মরম মাঝারে রাখিয়া নয়ন দুটি
করেছ কি ক্ষমা যতেক আমার স্থলন পতন ক্রটি ?

তার পরে আবার নূতন করে আত্মনিবেদন করছেন,

‘নূতন করিয়া লহ আর বার চির পুরাতন মোরে

নূতন বিবাহে বাধিয়া আমায় নবীন জীবন ডোরে।’

ক্রীশ্চান মিষ্টিকগণ একেই বলেছেন, Betrothal,—এই বিবাহে আত্যন্তিক বিচ্ছেদ নেই, সাময়িক বিরহ আছে। তাই ভক্ত বলেন,

‘মাঝে মাঝে তব দেখা পাই চিরদিন কেন পাই না

কেন মেঘ আসে হৃদয়-আকাশে তোমারে দেখিতে দেয় না।’
শ্রীভাগবত বলেন,

‘বহুহং ভবতীনাং বৈ দূরে বর্ত্তে প্রিয়ো দৃশ্যাম্

মনসঃ সন্নিবর্ত্তার্থং মদনুধ্যানকাম্যয়া।’

অর্থাৎ, দেহের দূরত্ব বাড়লে মনের দূরত্ব কমবে, ধ্যান বাড়লে ভাব গাঢ় হবে বলে।

সুন্দরের সঙ্গ

বিরহের বেদনার পর প্রিয়সঙ্গ লাভ করে উৎফুল্ল হয়ে কবি বলেছেন,

‘এই লভিহু সঙ্গ তব সুন্দর হে সুন্দর।

ধন্য হ’ল অঙ্গ মম পূর্ণ হ’ল অস্তর।’

কবি অভিনন্দিত করেছেন তাঁকে,

‘আমার নয়ন ভুলানো এলে,

আমি কি হেরিলাম হৃদয় মেলে!’

‘শিউলি তলার পাশে পাশে

ঝরা ফুলের রাশে রাশে

শিশির ভেজা ঘাসে ঘাসে,—

তিনি তাঁর অরুণ-রাঙা চরণ ফেলে এসেছেন। আলোছায়ার সুধমায় সৌন্দর্যে তাঁর আবির্ভাব, বনদেবীর শঙ্খধ্বনিতে আকাশবীণার তাবে বাজে তাঁর আগমনী। তাঁর সোনার নূপুর বেজেছে, তবু কবির সন্দেহ সে বাজনা বুঝি wishful thinking—‘বুঝি আমার হিয়ার মাঝে’ কিন্তু যখন সন্দেহ দূর হয়েছে, প্রত্যয় দৃঢ় হয়েছে তখন বলেছেন, সাহস করে

‘তোমায় মোরা করব বরণ, মুখের ঢাকা কর হরণ,

ঐটুকু ঐ মেঘাবরণ হুহাত দিয়ে ফেল ঠেলে।

এই মিলন, এই সুন্দরের সঙ্গলাভ

‘মধুর হৈতে সুমধুর তাহা হৈতে সুমধুর তাহা হৈতে অতি সুমধুর’

‘মধুরং মধুরং মধুরং’ ‘মধুরং বা আনন্দং নন্দনাতীতম্।’

শ্রুতি বলেন,

‘তদ্ যথা প্রিয়য়া স্ত্রিয়া সম্প্রিঘস্তো ন বাহুং কিঞ্চন বেদ নাস্তরম্
এবময়ং পুরুষঃ প্রাজ্ঞেন আত্মনা সম্প্রিঘস্তো ন বাহুং কিঞ্চন

বেদ নাস্তরম্। (বৃহঃ ৪।৩।২০-২১)

বিরহে কবি আবেদন জানিয়েছেন, ‘বঁধু হে ফিরে এসো, আমার ক্ষুধিত তৃষিত তাপিত চিত্তে, হে নাথ ফিরে এসো, হে আমার নীতি-সুখ আমার চিরহৃৎ, হে আমার সব সুখ মন্থন ধন, আমার অস্তরে ফিরে এসো’ বলে। তাঁর ‘সকল হৃৎের প্রদীপ জ্বলে’ দিয়ে তাঁর বাথার পূজায় বারংবার অর্ঘ্যদান করেছেন।

বর্ষণমুখর শ্রাবণে তাঁর ‘কণিকের অতিথি’র ক্রাণক আবির্ভাবের পর গাইলেন,

‘আজি শ্রাবণ ঘন গহন মোহে, গোপন তব চরণ ফেলে

নিশার মত নীরব ওহে সবার দিঠি এড়ায়ে এলে।’

স্বপনের মত তাঁর আগমন, যেমন মিলিয়ে যাবার শঙ্কা জাগল, অমনি

‘হে একা সখা হে প্রিয়তম রয়েছে খোলা এ ঘর মম
সমুখ দিয়ে স্বপন-সম যেও না মোরে হেলায় ঠেলে।’
বলে মিনতি জানালেন। আশার চেয়ে আশঙ্কাই ত বেশী, কারণ
তিনি স্বৈরচারী বহুবল্লভ। ‘একশচরতি ক্ষেত্রেয়ু ‘স্বৈরচারী’ বধা
সুখম’। সময় অসময়ের হিসাব নাই, তাই শুনি

‘আজি ঝড়ের রাতে তোমার অভিসার
পর্যাপ-সখা বন্ধু হে আমার !

যখন সেই স্বৈরচারী বন্ধু আড়াল দিয়ে চলে যান, বৈষ্ণব কবির
ভাষায়

‘আমারি বঁধুয়া, আন বাড়ী যায় আমারি আঙিনা দিয়া’

তখন মিনতি করেন কবি,

‘অমন আড়াল দিয়ে লুকিয়ে গেলে চলবে না,
তুমি হৃদয়মাকে লুকিয়ে বোসো কেউ জানবে না,
কেউ বলবে না।

তবুও যখন তিনি চলে যান, তখন তাঁরই দুঃখে গভীর বেদনায়
কবি প্রশ্ন করেন,

‘তুমি কাহার সন্ধানে,

সকল স্মৃতে আঙুন জেলে বেড়াও কে জানে !

এমন ব্যাকুল করে কে তোমারে কাদায় ধারে ভালবাসো ?’

গিরীশচন্দ্রের গান মনে পড়ে এই প্রসঙ্গে,

‘কে বলে হরি রাজা, হরি প্রেমের ভিখারী
প্রেমের ভিক্ষা পায় না বলে চক্ষে বহে প্রেমের বারি।
ভিক্ষের ঝুলি ঝুলিয়ে কাঁধে, দাঁড়িয়ে ধারে হরি কাঁদে
হাসিমাথা বদনচাঁদে বিষাদরেখা সারি সারি।
প্রেম না পেলেও কাঁদে পেলেও কাঁদে
প্রেমেই পাগল প্রেমের হরি।’

মহাকবি প্রেমের অগ্নিদাহে গলিত কাঞ্চনের মত পবিত্র এবং
উজ্জ্বল হয়েছেন, প্রেমের অমৃত পান করে অমর হয়েছেন, আমাদের
যাত্রাপথে বিশ্বাসের পাথের দান করে গেছেন। বৈষ্ণব ভাবধারাকে
নূতন দৃষ্টিভঙ্গী নূতন রূপদান করে, তাতে নূতন রসসংকার করে তার
শুষ্কপ্রায় শীর্ণ কায়ায় প্রাণপ্রতিষ্ঠা করে গেছেন, তিনি ধৃগু হয়ে
আমাদেরও ধৃগু করে গেছেন :

‘এই জ্যোতিসমুদ্র মাঝে যে শতদল পদ্ম রাজে
তারি মধু পান করেছি ধৃগু আমি তাই,
যা দেখেছি যা পেয়েছি তুলনা তার নাই
যাবার দিনে এই কথাটি জানিয়ে যেন যাই।
বিশ্বরূপের খেলাঘরে কতই গেলাম খেলে
অপরূপকে দেখে গেলাম দুটি নয়ন মেলে
পরশ ধারে যায় না করা, সকল বেহে দিলেন ধরা
এইখানে শেষ করেন যদি শেষ করে দিন তাই,
যাবার বেলা এই কথাটি জানিয়ে যেন যাই।

ব্রহ্মজ্ঞান

শ্রীঅরবিন্দ

অনুবাদক—শ্রীনলিনীকান্ত সেন

“ব্রহ্মবিদ্যাপ্রোতি পরং । তদেষাভ্যুক্তা । সত্যং জ্ঞানমনন্তং
ব্রহ্ম । যো বেদ নিহিতং গুহায়াং পরমে ব্যোমন্ । সোহশ্নু তে
সর্বান্ কামান্ । সহ ব্রহ্মণা বিপশ্চিততেতি ।”

“ব্রহ্মবিৎ পরাংপরকে লাভ করেন। এ বিষয়ে বলা
হয়েছে, ব্রহ্ম সত্য, ব্রহ্ম জ্ঞান, ব্রহ্ম অনন্ত। যিনি হৃদয়গুহাতে
নিহিত ব্রহ্মকে জানেন, জীবের অন্তরে শ্রেষ্ঠ আকাশে তিনি
সমস্ত কাম্য বস্তু উপভোগ করেন, সর্বজ্ঞানের আধার ব্রহ্মের
সাহচর্যে।”

তৈত্তিরীয় উপনিষদের দ্বিতীয় খণ্ড, ব্রহ্মবল্লীর এই হ’ল
প্রথম বাণী, পরম সত্যের বিশদ বর্ণনার আরম্ভ।

কিন্তু ব্রহ্ম কি ?

অস্তিত্বের মধ্যে সঙ্কল্প যা আছে, যাকে অবলম্বন করে
আর সব বর্তমান থাকতে পারে—সেই ব্রহ্ম। সব অনিত্যের
পশ্চাতে যা নিত্য, বাহ্য দৃষ্টির দ্বারা আচ্ছাদিত হলেও সর্বত্র
স্থিত হয় যে স্থির সত্য, সব বিকারের আশ্রয় যে অব্যয়ের

কোন হ্রাসবৃদ্ধি বিলোপ হয় না, আছে এমন এক অজ্ঞাত বস্তু।
আর সেই জন্যই অস্তিত্ব হয় একটা সমস্তা, আমাদের আত্মা
হয় রহস্যাবৃত, বিশ্ব হয় একটা হেঁয়ালি। আমাদের স্বভাবী-
আত্মজ্ঞানে মনে হয় আমরা যা, আমরা যদি শুদ্ধমাত্র তাই
হতাম তা হলে কোন রহস্য থাকত না; ইন্দ্রিয়বোধের দ্বারা
এবং তার উপর নির্ভর করে বিচারবুদ্ধির কঠোর বিশ্লেষণের
ফলে যা জানা যায় বিশ্ব যদি শুধু তাই হ’ত, তা হলে কোন
হেঁয়ালি থাকত না; এখনকার মত জীবনযাপন করা এবং
আমাদের অভিজ্ঞতার কাছে যতটা প্রকাশিত হয়েছে তাকেই
বিশ্বের স্বরূপ বলে গ্রহণ করাই যদি হ’ত আমাদের জ্ঞান ও
কর্মের বিকাশের চরম সীমা, তা হলে কোন সমস্তা থাকত
না। আর থাকলেও, সে রহস্য গভীর হ’ত না, সে হেঁয়ালির
সমাধান সহজ হ’ত, সে সমস্তা হ’ত বাস্তবচিত। কিন্তু তার
চেয়ে বেশী কিছু আছে আর সেই হ’ল অনন্তের প্রচ্ছন্ন প্রজ্ঞা,
শাস্ত্রের গোপন হৃদয়। সে-ই পরাংপর এবং সেই পরাংপরই

সর্বময়, তাঁর উপরেও কেহ নাই, তা থেকে বিবিষ্টও কিছু নাই। তাঁকে জানাই হ'ল পরাৎপরকে জানা এবং সেই পরাৎপরের জ্ঞানে বিশ্বকে জানা। কারণ, সবেব আদি ও উদ্ভব সেই, আর সবই তার পরিণাম; সবেব আধার ও উপাদান সেই, সূত্রবাং তার রহস্যের জ্ঞানে অপর সব রহস্য উদ্ঘাটিত হয়; সবেব অন্ত ও সমষ্টি সেই, অতএব তাতেই এবং তার মধ্যে নিজেকে আছতি দিয়েই প্রত্যেক অস্তিত্ব নিজের সার্থকতা লাভ করে।

এই হ'ল ব্রহ্ম।

এই অজ্ঞাত যদি শুধু নিবিশেষ অনির্বচনীয়ই হতেন, তাকে যদি কখনই জানা না যেত, পর্দার বাইরে যদি তিনি কখনই পা না দিতেন, সে গোপন তত্ত্ব কখনই যদি আমাদের কাছে প্রকাশিত না হ'ত, তা হলে আমাদের রহস্য চিরকাল রহস্যই থাকত, আমাদের হেঁয়ালির উত্তর কখনই মিলত না, আমাদের সমস্ত গণনার মধ্যে আসত না। আমরা যা হই যা জানি ও যা করি সে সবই তাঁর দ্বারাই নির্ধারিত হয়, সত্য, তথাপি তাঁর অস্তিত্বে আমাদের ব্যবহারিক জীবনে কিছু এসে যেত না। কারণ, তা হলে তাঁর সঙ্গে আমাদের সম্বন্ধ হ'ত—অন্ধ অসহায় ভাবে তাঁর শাসন মেনে নেওয়া, আর সেই সম্বন্ধই অজ্ঞানের গভীর মধ্যে আমাদের আবদ্ধ করে রাখত এবং সেই অজ্ঞানের জনাই সে সম্বন্ধ স্থায়ী হতে পারত। অপর পক্ষে আবার, কোন উপায়ে তাঁকে জানা গেলেও সে জ্ঞানের একমাত্র ফল যদি হ'ত আমাদের সত্তার অবসান বা বিলয় তা হলে আমাদের সত্তায় তার কোন ক্রিয়া হতে পারত না; সে-জানার বাপারে ও পরিণতিতেই সাধিত হ'ত এখন আমরা যা তার বিলয় বা অবসান, পূর্ণতা বা সার্থকতা নয়। আমাদের রহস্য, হেঁয়ালি বা সমস্তার সমাধান করা হ'ত না, রচিত করা হ'ত; কারণ তার কোন উপাস্ত (data) থাকত না, বিচারের পূর্বপক্ষের লোপ হ'ত। ফলতঃ মানতে হ'ত যে, আমরা এখন যা তার সঙ্গে ব্রহ্মের বিরোধ মীমাংসা করা অসম্ভব—অর্থাৎ, পরম কারণ ও তার কার্যের মধ্যে, আদিমূল ও তা থেকে জাত সব পদার্থের মধ্যে কোন সামঞ্জস্য নাই। আর মনে করতে হ'ত যে, ব্রহ্ম যা কিছু সৃষ্টি করেছেন, যাদের আশ্রয় দিচ্ছেন এবং নিজের মধ্যে ফিরিয়ে নিচ্ছেন সে সবই তাঁর সত্তার একান্ত বিরোধী ও বিপরীত, এবং একমাত্র যার অস্তিত্ব আছে স্বরূপে তাঁর সম্পূর্ণ ব্যতিরেকী হয়েও, কোন-না-কোন রকমে সে সবেব একটা ভাবাত্মক অস্তিত্ব এসেছে। তা হলে চেতনাতে এ ছইয়ের একত্র অবস্থান সম্ভবপর হ'ত না, তিনি যদি তাঁকে জগৎকে জানতে দিতেন তা হলে জগতের অস্তিত্ব লুপ্ত হ'ত।

কিন্তু ব্রহ্মকে জানা যায়। সীমার দ্বারা তিনি নিজেকে নিরূপিত করেন যাতে আমরা তাঁকে ধারণায় গ্রহণ করতে পারি, যাতে মানুষ মানুষ থেকেই এই বিশ্বে এবং এই দেহেই ব্রহ্মজ্ঞ হতে পারে।

ব্রহ্মজ্ঞান ক্রিয়াহীন আলোকমাত্র নয় যে শুধু বুদ্ধির কাছেই তার সংবাদ আসবে, কিন্তু ব্যষ্টির আত্মা বা জীবন তার দ্বারা প্রভাবিত হবে না। সে জ্ঞানের স্বরূপ হ'ল শক্তি, ভগবানের একটা নির্বন্ধ, পরিবর্তিত হতে বাধ্য করা। তা থেকে মানবজীবনে এমন একটা কিছু লাভ হয় যা চেতনায় আগে ছিল না। কি সে লাভ? মানুষ এখন জানে কেবল-মাত্র তার সত্তার নিয়ন্ত্রণ স্বরূপ, কিন্তু জ্ঞানের দ্বারা সে পায় তার উচ্চতম সত্তাকে।

আর আমাদের সত্তার উচ্চতম রূপ আমরা এখন যা তার ব্যতিরেক, বৈপরীত্য বা বিলোপ নয়। সে হ'ল আমাদের বর্তমান জীবনের যা তাৎপর্য ও উদ্দেশ্য সে সকলের চরম সার্থকতা—তবে সে সবেব শ্রেষ্ঠ অভিপ্রায় অনুসারে এবং চিরন্তন শ্রেয়ের মানদণ্ডে।

আত্মসংবিতের বর্তমান অবস্থাতে আমরা অজ্ঞানের মধ্যে বাস করি, অজ্ঞানে কাজ করি। আমরা নিজেকে সঙ্ক্ষে, অজ্ঞান, কারণ এখন অবধি আমরা জানি শুধু আমাদের মধ্যে যা পরিবর্তনশীল, অবিরাম—ক্ষণে ক্ষণে, প্রহরে প্রহরে, বয়সের সঙ্গে সঙ্গে, জন্মজন্মান্তরে যার বদল হচ্ছে; আমাদের মধ্যে যা নিত্য তাকে আমরা জানি না। বিশ্ব সঙ্ক্ষে আমরা অজ্ঞান, কারণ ঈশ্বরকে আমরা জানি না, সন্ধান রাখি বাহু প্রপঞ্চের সব নিয়মের, প্রকৃত অস্তিত্বের ধর্ম বা সত্য সঙ্ক্ষে কিছুই জানি না।

আমাদের সবচেয়ে বিচক্ষণ বিবেচনায়, সবচেয়ে সূক্ষ্মদর্শী ও নিভুল বিজ্ঞানে, বিচার সবচেয়ে বেশী সমর্থ প্রয়োগে অজ্ঞানের আবরণ বড়জোর একটু পাতলা হয়, কিন্তু অজ্ঞানের সীমা অতিক্রম করা যাবে না—যতদিন আমরা মূল-তত্ত্বের জ্ঞানলাভ না করব এবং সে জ্ঞান যে-চেতনার প্রকৃতি-গত তাতে উপনীত হতে না পারব। বাকী যা তার উপযোগিতা আছে শুধু সাময়িক প্রয়োজনে; কিন্তু শেষ পর্যন্ত সে সবই নিষ্ফল, কারণ সে সমুদয়ের দ্বারা পরম শ্রেয়ঃ লাভ করা যায় না বা অস্তিত্বের সমস্তার কোন স্থায়ী সামধান হয় না।

যে অজ্ঞানের মধ্যে আমরা বাস করি তা একেবারেই ভিত্তিহীন বা সর্বাঙ্গীণ মিথ্যা নয়। নিয়ন্ত্রণ অবস্থায় সে হ'ল কোন না কোন সত্যের বিকৃতি আর উচ্চতম অবস্থায় হ'ল ক্ষুদ্রতর—এবং সেই পরিমাণে ভ্রান্তিজনক—পুরুষার্থের প্রয়োজনে রহস্যের সত্যকে ঋণিতরূপে প্রতিবিম্বিত করা বা

পরিবর্তিত করা। এই জ্ঞান শুধু বাহ্যস্তরেই সীমাবদ্ধ, অন্তর্নিহিত মূলতত্ত্বের সন্ধান সে দেয় না, অথচ বাহ্যস্তরের সব প্রয়াসের উৎস হ'ল অন্তরে। সে জ্ঞান শুধু সসীম আপাত-দৃষ্টই জানে, কিন্তু সসীম যাঁর প্রতীক, আপাত যাঁর আভাস তাঁর সংবাদ আনে না। সে শুধু অস্তিত্বের নিয়ন্ত্রণ আকারের জ্ঞান, কিন্তু এই নিয়ন্ত্রণ সত্তা ও জীবনের উপরে যিনি আছেন এবং নিজের মহত্তম সন্তাবনা বাস্তবে সাধন করতে যাঁর অভীপ্সা অন্তরে জাগিয়ে রাখতে হবে, তাঁকে তা পায় না। পরাৎপরের জ্ঞান অন্তরতমের জ্ঞান, অনন্তের জ্ঞানই প্রকৃত জ্ঞান। ব্রহ্মজ্ঞান নিয়ন্ত্রণ বিশ্বকে দেখেন সেই পরাৎপরের আলোকে, বাহ্য উপরিচর পদার্থকে দেখেন আন্তর স্বরূপ-সত্যের রূপায়ণ বলে, সসীমকে দেখেন অসীমের দৃষ্টিভঙ্গী নিয়ে। অস্তিত্বকে তিনি দেখতে ও জানতে শেখেন—যেভাবে মননক্রম প্রাণী দেখে ও জানে সে ভাব ছেড়ে, যেভাবে নিত্য-ব্রহ্ম দেখেন ও জানেন সেই ভাবে। সূত্রাং তাঁর সত্তা হয় প্রফুল্ল, সমৃদ্ধ ও সুখোজ্জ্বল, জীবনে তিনি হন আপ্তকাম।

জ্ঞানেই জ্ঞানের শেষ নয়, শুধু জানবার উদ্দেশ্যেই জ্ঞান অনুসন্ধান ও অর্জন করা হয় না। জ্ঞানের উপযোগিতা পূর্ণ হয় যখন সে শুধু জানার চেয়ে বেশী কোন লাভের দিশা দিতে পারে, সত্তার কোন সম্পদ অর্জনের প্রেরণা জাগায়। ব্রহ্মকে জেনেও যদি বর্তমান জীবনধারার স্বভাবগত দুঃখ-বিরোধ-ক্ষুদ্রতার মধ্যেই বাস করতে হয় তা হলে সে পশু নিঃস্ব জ্ঞানে লাভ কি ?

বৃহত্তর জ্ঞানে সত্তার বৃহত্তর সন্তাবনার দ্বার উন্মুক্ত হয় আর সে জ্ঞান প্রকৃতপক্ষে অধিগত হলে, সে সব সন্তাবনা বাস্তবে সিদ্ধ হয়। প্রথম ক্রিয়া হ'ল 'হওয়া', প্রথম ধাতু 'ভূ' ; তার মধ্যেই আর সব ক্রিয়া অন্তর্ভুক্ত—জ্ঞান-কর্ম-সৃষ্টি-উপভোগ সবই হওয়ার পরিপূর্ণতা বৈ নয়। আমাদের হওয়া সম্পূর্ণ হয় নাই, তাই পুষ্টি আমরা চাই। সব জ্ঞান-কর্ম-সৃষ্টি-উপভোগের মধ্যে আমাদের পক্ষে সবচেয়ে ভাল হ'ল—যা আমাদের সত্তার প্রসার ও পুষ্টিবৃদ্ধি করতে এবং আমাদের সত্তাকে অক্ষুণ্ণ করতে সবচেয়ে বেশী সাহায্য করে।

শুধু থাকাই সত্তার সবটা নয়। সত্তা নিজেকে জানে শক্তি-চেতনা-আনন্দরূপে। মহত্তর সত্তা অর্থে মহত্তর শক্তি-চেতনা-আনন্দ।

মহত্তর সত্তার কলে যদি আমরা শুধু আরও বেশী দুঃখ-কষ্টের ভাগী হতাম তা হলে সে লাভ নেবার মত হ'ত না। নেবার যোগ্য বললে তার অর্থ হয় যে, সত্তার প্রসার হলে আত্মসার্থকতার বোধ বৃদ্ধি পায় আর তা থেকেই স্বতঃই অস্তিত্বের শক্তির বেশী তৃপ্তি আসে বলে এই প্রসার-উচ্চতা-শক্তির উপচরবোধের বুল্য হিসাবে কিছু দুঃখের বৃদ্ধি বা

সুখের হানি অনুচিত মনে হয় না। তবে সত্তার পরিপূর্ণতার বা আত্মসার্থকতার পরাকাষ্ঠা এ হতেই পারে না, কারণ দুঃখই হ'ল নিয়ন্ত্রণ সংস্থিতির অব্যভিচারী লক্ষণ। অস্তিত্বে প্রসার ও শক্তিতে সমগ্র সংসিদ্ধি লাভ হলে উর্দ্ধতম চেতনার সার্থকতা আসে বটে, কিন্তু পরিপূর্ণতার জন্ম আনন্দের সমগ্র সংসিদ্ধি চাই।

ব্রহ্মজ্ঞান শুধু যে আলোর আনন্দেই তুষ্ট থাকেন তা নয়, সে জ্ঞানের ফলে তাঁর আর একটা বিরাট লাভ হয়। 'ব্রহ্মবিদ্যাপ্রাপ্তি'।

তিনি যা পান সে হ'ল সবার উপরে, সকলের চেয়ে শ্রেষ্ঠ লাভ—তিনি লাভ করেন উর্দ্ধতম সত্তা ও চেতনা, সত্তার প্রসারের ও শক্তির পরাকাষ্ঠা, চরম আনন্দ। 'ব্রহ্মবিদ্যাপ্রাপ্তি পরং।'

পরম সকল সম্বন্ধের অতীত নন বা নিজের মধ্যেই আবদ্ধ থাকেন না। তিনি শুদ্ধ অনির্বচনীয় নন বা নিজের নির্বিশেষ-কৈবল্যের দ্বারা এমন একান্ত ভাবে সীমাবদ্ধ নন যে, বিচিত্র-রূপে নিজেকে সংজ্ঞা দিতে, সৃষ্টি করতে বা জানতে অপারগ হবেন। আত্মলীন সুযুষ্টি বা সমাধিতেও তিনি চিরকাল নিমগ্ন থাকেন না। পরাৎপরই অনন্তপুরুষ, সর্বময় বিরাট সে আনন্দের অন্তর্ভুক্ত। পরাচেতনাতে যিনি উপনীত হন, তিনি সত্তাতে অনন্ত হন এবং নিজের মধ্যে সমগ্র বিশ্ব ধারণ করেন।

একথা পরিষ্কার বোঝাবার জন্ম—উপনিষদে ব্রহ্মের সংজ্ঞা দেওয়া হয়েছে সত্য-জ্ঞান-অনন্ত এবং তাঁকে জানবার উপদেশ দেওয়া হয়েছে অন্তরের গোপনকক্ষে, হৃদয়গুহাতে, আর সেই পরম ব্যোমে ব্রহ্মকে জানবার ফল বলা হয়েছে—ব্যাপ্তি জীবের উর্দ্ধতম সত্তার উপলব্ধির দ্বারা সকল কামনার পরিতৃপ্তি।

নিত্যতাতে ও আনন্ডে ব্রহ্মের সঙ্গে একাত্মতা লাভ করা আমাদের সত্তার উর্দ্ধতম অবস্থা ত বটেই, কিন্তু তা ছাড়াও আছে আত্মসংসিদ্ধির আনন্দে ব্রহ্মের সাহচর্য বা সায়ুজ্য। 'অশ্রুতে সহ ব্রহ্মণা'—এবং ব্রহ্মের যে তত্ত্ব অবলম্বন করে এ সায়ুজ্য সম্ভবপর হয় তা হ'ল তাঁর জ্ঞানের তত্ত্ব—যে প্রজ্ঞার দ্বারা তিনি সর্বলোকের সর্বভূতের মধ্যে নিজেকে সম্যক্রূপে জানেন। 'ব্রহ্মণা বিপশ্চিতা'।

বহুবিধ কামনার আকারে জীবনে আমরা যা এখন অনুসন্ধান করি সেই সকল অল্পতর পুরুষার্থের পূর্ণসংসিদ্ধির আধার হ'ল সত্তার আনন্দ। সে আনন্দের জন্ম কি প্রয়োজন তা জানবার এবং বিশুদ্ধ ও পরিপূর্ণরূপে সে আনন্দ নেবার অনন্ত সামর্থ্য একমাত্র শাশ্বত পরম প্রজ্ঞারই আছে।*

* তৈত্তিরীয় উপনিষদের একটি বাক্য সন্দেহে আলোচনা।

পল্লীগীতিতে নারীর ব্যথা

শ্রীঅমিতাকুমারী বসু

ভারতের প্রায় সর্বত্রই পল্লীগীতি প্রচলিত আছে। এসব পল্লীগীতি নানা বিষয় নিয়ে রচিত, তবে অধিকাংশ পল্লীগীতিতেই গ্রামের বধূদের দুঃখ ও মর্শ্ববেদনার কাহিনী পাওয়া যায়। পূজাপার্বণ, বিয়ে বা উৎসবে গ্রাম্য নারীরা নিজেদের রচিত এ সকল গীত গেয়ে উৎসবকে প্রাণবন্ত করে তোলে। এই সব পল্লীগীতি থেকে আমরা নানা দেশীয় সমাজচিত্র ও নারীদের প্রাণের নিবিড়তম অন্তর্ভূতির সঙ্গে পরিচিত হই। অধিকাংশ পল্লীগীতিতে বধূদের জীবনের আশা আকাঙ্ক্ষা ও সুখ-দুঃখভরা কোমল হৃদয়ের চিত্র ফুটে উঠে, গীতিগুলির ব্যথা-বেদনাপূর্ণ সরল বাক্যগুলি কোন কোন স্থলে বড়ই মর্শ্বস্পর্শী হয়।

শুধু বাংলা দেশে নয়, ভারতের সর্বত্রই বধুরা চিরকাল ধরে গঞ্জনা পেয়ে আসছে শাশুড়ী-ননদের কাছ থেকে। পুরাকালে পিতামাতারা অষ্টম বর্ষে কন্যাকে গৌরীদান করতে পারলে নিজেদের কৃতার্থ মনে করত। যে যার যথাসাধ্য বস্ত্রালঙ্কারে সুসজ্জিতা কন্যাকে পাত্রস্থ করে বিদায় দিত, শশুরবাড়ীতে—শাশুড়ী, ননদ, পাঁচ কুটুম বাচ্চভাগের ভিতর দিয়ে সমাদরে বধুবরণ করে নিত নিজগৃহে।

মধ্যপ্রদেশ, উত্তরপ্রদেশ, রাজপুতানা গুজরাট ইত্যাদি দেশের প্রথানুযায়ী সেই বাসিকা বধুরা পনের ষোল বছরে পদার্পণ না করা পর্যন্ত পিত্রালয়ে আনন্দে দিন কাটাত। “গৌনা” উৎসবের পর বধুরা তাদের শশুরগৃহে সংসার করতে আসত নব উৎসাহে, পেছনে ফেলে আসত তাদের চিন্তাভাবনাহীন নিরবচ্ছিন্ন আনন্দের দিন। পিতামাতা ভাইবোনের বুকভরা ভালবাসায় সুরু হ’ত তাদের কর্তব্যকঠিন দুঃখের জীবন। অবগুষ্ঠনের আড়ালে কঠোর তাড়নায় গঞ্জনায় অর্ধবিকশিত হৃদয়-কমল শুকিয়ে যেত, অভাগিনীদের সুখ দুঃখ মান-অভিমানের দিকে কেউ দৃকপাতও করত না। স্বামীর প্রেমে ব্যথাকাতর হৃদয় সঞ্জীবিত করে তুলতে চাইত, তাও সহ হ’ত না, ননদিনীর ঈর্ষাজর্জরিত হৃদয় সেখানে সৃষ্টি করত অনর্থ।

এ সব পল্লীগীতির একটা বৈশিষ্ট্য এই যে, শুধু সুরের মাধুর্যেই সরল পংক্তিগুলোতে মন দ্রব হয়ে উঠে না, শাশুড়ী-ননদের হস্তে লাঞ্ছিতা বধুরাও যেন সজীব হয়ে চোখের সামনে এসে দাঁড়ায়। গীত শুনতে শুনতে দেখতে পাই—একটা কাক উড়ে এসে বধুর খাবারের থালা থেকে এক টুকরা মোটা

বাজরার রুটি নিয়ে উড়ে চলে যাচ্ছে, তার পেছনে ছুটেছে রঙীন ঘাঘরা তুলিয়ে ফুলতোলা ওড়নার অবগুষ্ঠনে মুখ ঢেকে কিশোরী রাজপুত-বধু, তার কোমল মুখ শুকিয়ে উঠেছে ক্ষুধাতৃষ্ণায়।

আবার দেখি উত্তরদেশীয় বধু চলেছে গাংরি নিয়ে নদী থেকে জল আনতে, পায়ের তুপুর বাজছে রিগিবিগি। গয়না-ভরা কচি হাত দিয়ে ঘড়া জলে ডুবিয়ে জল ভরতে গিয়ে সাপ দেখে ভয়ে জাঁতকে উঠেছে, অবগুষ্ঠনের আড়ালে কিশোরী বধুর নয়নদুটি ভয়ান্ত হয়ে উঠেছে, তবু তাকে জল নিতেই হবে নইলে শাশুড়ী-ননদিনীর অত্যাচারের সীমা থাকবে না।

মধ্যপ্রদেশের বধু ঘাঘরা-ওড়নায় সুসজ্জিতা হয়ে, অবগুষ্ঠনে মুখ ঢেকে শাশুড়ীকে বিনয়নয়ন বচনে করুণ ভাবে মিনতি করছে, শাশুড়ী যেন আজ্ঞা দেন বধু দোলনায় তুলবে, কাজরী গাইবে, কিন্তু নিশ্চয় শাশুড়ীর গষ্ঠীর “না” শব্দটিতে বধু স্তব্ধ হয়ে রইল, পায়ের পায়ালের রুণুরুণু খেমে গেল, কাজলটানা আঁখি জলে ভরে উঠল।

অলঙ্করজিত পায়ে, শাড়ীর লাল পাড়ে কোমল মুখ-খানা ঢেকে, কিশোরী বাঙালী বধু চলেছে নদীতে জল আনতে, শাঁখাপরা কোমল হাত দু’খানি কাঁথের কলসীটিকে বেঁটন করে ধরেছে। ধানের ক্ষেতের গা ঘেঁষে নদী ছুটে চলেছে এঁকে বঁকে দূরে দূরে যেখানে বধুর বাপের গাঁ। পালতোলা নৌকা ছুটে চলেছে, বধু অবগুষ্ঠন ঈষৎ তুলে চেয়ে দেখছে। কালো আঁধি দুটি সজল হয়ে উঠেছে, ধীরে ধীরে অশ্রু ধরে পড়ছে, কত দিন বধু তাঁর বাপমাকে দেখতে পায় নি, শাশুড়ী-ননদের অত্যাচারে জর্জরিতা বধু নির্জনে ফুঁপিয়ে কাঁদতে লাগল নদীতীরে।

“ও কুটালির বৈরণ, ভাটি গাঙ্গে যাওরে বইঠ্যা বাইয়া, বড় ভাইরে কইও আমায় নাইহর নিতে আইয়া।”

নিরঙ্কর গ্রাম্য কবিরা কি নিপুণ ভাবে নিতান্ত ঘরোয়া কথায় ফুটিয়ে তুলেছে নারীদের এই মর্শ্ববেদনা যার তুলনা নেই। এসব পল্লীগীতি উপেক্ষার বস্তু নয়। রাজস্থানের একটি পল্লীগীতির কাহিনী এই :

বধুকে শাশুড়ী একমন গম এনে দিয়েছে পিষতে, বধু ত্যক্ত হয়ে সেই গমের খসেটা টেনে এনে জাঁতার উপর ফেলে দেয় যেন পিষবার কাঠটা ভেঙে যায়, তা দেখে

গোয়লা হাসতে থাকে। বধূর সখীরা সব খেলা করতে চলে যায় বধুরও মন চলে সখীদের সঙ্গে, কিন্তু শাশুড়ী বধুকে রুটি বানাবার জন্তু হুকুম দিয়েছে, শশুর শাশুড়ী ননদ দেবর সবার জন্তু হবে আটার রুটি আর বধুর জন্তু বাজরার রুটি। সব পরিজনদের জন্তু বরাদ্দ চার খানা করে আটার রুটি, আর বধূর জন্তু বাজরার একটা মোটা রুটি। সবার খালায় পরিবেশন করা হ'ল চিনি, বধূর খালায় নুন। ঘিয়ে চুবিয়ে রুটি পড়ল, সবার খালায় ঘিয়ের বাটি দেওয়া হ'ল; বধূর খালায় দেওয়া হ'ল তেল। কিন্তু বধূর এমনই ছুরদৃষ্ট এতখানি পরিশ্রমের পর যাও বা জুটল একখানা বাজরার রুটি, তাও একটা কাক উড়ে এসে নিয়ে গেল। ক্ষুধাতৃষ্ণায় কাতর কিশোরী বধু ঐ রুটির টুকরার জন্তু কাকের পেছনে ছুটে লাগল, বধূর পায়ে ফুটল ফরলের কাঁটা, তখন ক্ষুধায় ও দুঃখে জর্জরিতা বধু নিরাশ হয়ে কাককে বললে :

“আয়ো আয়ো, মা পীবরিয়ে, বো, এ কাগ,
সেজ্জ্যা সেজ্জ্যা মহারে পীবরিয়ে বারে কাগ
জায় দিধায় মহারি নে জো।”

“ওরে কাক, আয় আয়, তুই এসে আমার মুখের ঐ রুটির টুকরাটা নিয়ে আমার মাকে দেখা আমি কি দশায় আছি।”

এই সরল পাথাটি কত গম্ভীর, অসহায় বধূর তীব্র মর্শবেদনা ফুটিয়ে তুলেছে সুন্দর ভাবে, শ্রোতার হৃদয় লাঞ্ছিতা বধূর জন্তু সমবেদনায় ভরে উঠে।

আর একটি পঞ্জাবী লোকগীতিতে আছে— বধু লুচি ভাজবে, লুচিতে ময়ান দেবার জন্তু শাশুড়ী ঘি দিয়েছে সামান্য একটু। ঘি কম হয়েছে এই কথা বলাতে শাশুড়ী বধুকে তীব্রভাবে গালি দিতে লাগল—তখন নিরুপায় হয়ে বধু বলে, ওগো শাশুড়ী ঠাকরুণ আমাকে গালি দিও না, তোমার মহলের পাশে আমার মা দাঁড়িয়ে আছে, তোমার গালি শুনে আমার মার চোখের জলে বুক ভিজ়ে যাবে। মর্শপীড়িতা বধু তার মাকে বললে, “মাগো, তুই কাঁদিস নে, বধুজীবন যে বড় দুঃখের।”

“সস জো মৈহু অখিয়ঁ। ঘিয়ে বিচ মৈদা গো
ঘিয়ে বিচ মৈদা থোড়া পেয়া

সস মৈহু গালিয়ঁ দে।

ন দে সস গালিয়ঁ, এখে মেরা কোঁন সুন

মহলঁ। হেঠ মেরী মঁ। খড়ী।

সুন সুন নয়না ভরে

নরো অখড়ী মোরএং ধীরঁ দে দুঃখ বুবে।”

বধু-জীবন বড় দুঃখের, এ কথাটি ছাড়া মাকে সাঙ্গনা দিবার আর কি আছে অসহায় বধূর ?

পিতৃগৃহ হতে বহুদূরে শশুরবাড়ীতে অভাগিনী মাতৃহীনা কণ্ঠা, দুঃখে কষ্টে তার দিন কাটে। তার মনের ব্যথা বুঝবার কেউ নাই, মনের দুঃখকষ্ট কার নিকট ব্যক্ত করবে, তাই সে আকুল হয়ে কাককে ডাকছে, কারণ কাক দেশ-দেশান্তরে উড়ে বেড়ায়। আশা হ'ল, হয়ত কাক তার মনের ব্যথা সুদূরে পিতৃগৃহে উড়ে গিয়ে বলবে :

“উড় উড় কাঁওয়ঁ উয়ে তেরিয়ঁ। ছাঁওয়ঁ।

মরজান মতইয়ঁ, উয়ে জুগ জীবন মঁওয়ঁ।

মেবে বাবুল দিতিয়ো দূবে—

দূবে দূবে উয়ে সুন ধমী মীরা পরদেশিন বেঠী বুবে।”

কাক উড়ে যা, উড়ে যা—কণ্ঠাদের মা যেন বহুদিন বেঁচে থাকে। আজ আমার মা নেই, আমার বাবা আমাকে বিয়ে দিয়ে পাঠিয়েছে দূরে দূরে—বহুদূরে শশুরগৃহে। আমি পরদেশী হয়ে গেছি। ওরে কাক আয় তুই আয়, তুই উড়ে যা বেধানে আমার ভাই আছে। গাছের ডালে বসে আমার স্নেহের ভাইকে বল—তোমার বোন সুদূরে বসে তোমার জন্তু চোখের জল ফেলছে।

এটি একটি সাধারণ পল্লীগীতি—কত করুণ নিষ্ঠুর সত্য লুকিয়ে আছে এর মাঝে।

নারীর জীবন বড় দুঃখের, বড় কষ্টের। অধিকাংশ নারীর জীবন কাটে দুঃখ যাতনা অবহেলার ভিতর দিয়ে। পুত্রের জন্মে পরিজন আনন্দে উল্লসিত হয়ে উঠে, পুত্রের মাতার ভাগ্যে আদরযত্ন জোটে, আর কণ্ঠার জন্ম দিয়ে মাতা আরো নির্যাতিতা হয় শাশুড়ী-ননদ, এমনকি পতির তীব্র বাক্যবাণে।

সেকলে সমাজে বক্ষ্যা নারী ও বিধবা নারীদের মর্যাদা সধবা ও পুত্রবতী নারীদের চেয়ে বহু নিম্নে ছিল। সন্তান-হীনা নারীদের এমনিতেই সন্তানের অভাবে মনে দুঃখের অন্ত থাকত না, তার উপর শাশুড়ী-ননদের গঞ্জনা, স্বামীর অবহেলা অভাগিনীদের জীবন বিষময় করে তুলত। শাশুড়ী-ননদ পরিজনদের নিকট সমবেদনার বদলে তারা ব্যঙ্গোক্তি শুনত।

সাসু মোরী কইঈঁ বঁবিনিয়ঁ। ননদ

ব্রজবাসিনী হো।

রামা জেকরি মায়বরী বিয়াহী

ও ধরসে তে নিকারই হো।

—“শাশুড়ী আমাকে বাবা বলে, ননদ বলে ব্রজবাসিনী, যে আমাকে বিয়ে করে এনেছে সেও আমাকে ধর থেকে তাড়িয়ে দিচ্ছে।”

বধূর দুঃখকষ্টের কাহিনীমূলক পল্লীগীতিতে শাশুড়ী-ননদের বধুনির্যাতনের ভিন্ন ভিন্ন রূপ দেখতে পাই।

আগরে কী গৈল মেঁ দোরাজা ভৈয়া জাভে,
ঠাচে রহিয়ো রাজা ভৈয়া এক সন্দেশো দেভে,
সাস ননদ মোয় বড়ো দুঃখ দেস্তী,
সাঁপিন কী কুড়রিন মোপে পনিয়া ভরাউস্তী,
কা কবৈঁ মোরে রাজা ভৈয়া চাঁদকো লেঁ খাভে ।

অসহায় বালিকা-বধু শান্তুড়ী-ননদের নির্যাতন আর সহ্য করতে পারে না, কি করে মায়ের কাছে, ভাইয়ের কাছে খবর পাঠাবে বুঝতে পারে না, অবশেষে হতাশ হয়ে রাস্তা দিয়ে চলমান এক পথিককে দেখে ডেকে বলছে, “ও আমার রাজা ভাই, তুমি একটু দাঁড়াও, আমি তোমাকে একটি কথা বলছি, তুমি আমার হয়ে আমার ভাইয়ের কাছে মায়ের কাছে এক খবর দাও, আমার শান্তুড়ী-ননদ আমাকে বড় কষ্ট দিচ্ছে । যেখানে সাপের গর্ত আছে সেখান থেকে আমাকে জল আনতে পাঠায় ।”

আষাঢ়-শ্রাবণ মাসে উত্তরপ্রদেশের কাজরী গানের একটি বড় করুণ কাহিনী আছে—

শিবু কোই চাকরী কো জাতু হৈ
মেরী মায় তুম কহো হম দূর জায় ।

শিবু চাকরি করতে পরদেশে যাবে, মাকে বলছে—মা তুমি আজ্ঞা দাও আমি দূরদেশে যাই ।

মা বলে, “বাবা তুমি যদি চাকরি করতে বিদেশে চলে যাও তবে নিজের স্ত্রীকে কি বুদ্ধি দিয়ে যাবে ?

স্ত্রী সামনে এসে বলে “প্রিয়তম, তুমি চাকরি করতে বিদেশে গেলে আমি কি করে থাকব ?”

উচে সে করিয়ো বৈঠকা মেরী ধনা
মেরী ধনা নীচে নয়ন করি লেউ
পোনী তো করিয়ো সহেলরী
মেরী ধনা চরখা মীত করি লেউ ।

স্বামী উত্তর দিচ্ছে “প্রিয়ে ভাল ভাবে চলো, ভাল কাজ করো; নীচে দৃষ্টি রেখো, তুলো আনিয়ে সূতো কেটো—চরকাকে বন্ধ বানিয়ে নিয়ো ।”

তখন স্ত্রী বললে, “প্রিয় তুমি চলে গেলে আমি কার সঙ্গে হাসব, কার সঙ্গে কথা বলব ?

“দেয়ালের সঙ্গে কথা বলো, রাস্তা তোমার উত্তর দেবে ।”

“তুমি চাকরি করতে বিদেশে গেলে আমি কোথায় যাব ?”

“আমি পরদেশে গেলে ধনি, তুমি বাপের বাড়ী যেও ।”

একথায় স্ত্রীর হৃচোখ জলে ভরে উঠল, করুণ স্বরে বলল, “প্রিয়তম আমার মা নেই, বাপ নেই, তুমি চলে গেলে আমি কোথায় যাব ?”

তখন স্বামী সান্ত্বনা দিয়ে বলে—“প্রিয়ে, শান্তুড়ী-ননদকে

নিজের বাপ মা মনে করে নিও, দেওর জাকে নিজের ভাই বোনের মত দেখো ।”

উল্টী তো গজা ন বহে

বাজা পিয়া উল্টে চলন ন হৌ ।

—শান্তুড়ী-ননদ কষ্ট দেয়, তাই স্বামীর এ প্রবোধবাক্যে মাতৃপিতৃহীনা বধুর মন ভরে উঠল না, বললে, “প্রিয়, গজা ত উল্টো বয়ে চলে না, সংসারে এই উল্টো রীতি কি করে হবে ?”

এর পর স্ত্রীকে অনেক প্রবোধ দিয়ে স্বামী বিদেশে যাত্রা করল, কিন্তু যাত্রার সময় নানাবিধ বাধাবিঘ্ন পড়তে লাগল, হাঁচি দিল, সাপ রাস্তা কেটে চলে গেল, কাক ডেকে উঠল—স্বামীর মন একটা অমঙ্গল-আশঙ্কায় কেঁপে উঠল, কিন্তু স্ত্রী ভয় পাবে তাই মুখে কিছু প্রকাশ না করে স্বামী চলে গেল বিদেশে ।

দিন কেটে যাচ্ছে, ঝুলনপূর্ণিমা এসেছে, সব সখীরা দোলনায় ঢুলছে, বধুরও ইচ্ছে হ’ল দোলনায় ঢুলবে । বধু শান্তুড়ীকে এসে বললে :

ছোটো মো দেবরা লাড়িলো

মেরী সাসু বানে ডবাই পছডোর ।

—ওগো শান্তুড়ী ঠাকরুণ, আমার ছোট দেওর কোথায় আছে তাকে খুঁজে আনি ।

তখন বধুর অভিসন্ধি বুঝতে পেরে শান্তুড়ী বলল :

জো তুম মেরী বহু ঝুলন জাতি হো

মেরী বহু পীসনা পিসে ধরি জাউ

মেরী বহু রসোঈ তপে ধরি জাউ ।

“ওগো বধু, তুমি যদি ঝুলায় ঝুলতে চাও, তবে আটা পিষে রাখ, রান্না তৈরি করে রাখ, তবে দোলনায় ঢুলতে যেয়ো ।”

বধু উত্তর করলে :

পিসনা পীস চকী ধরা

রসোঈ বনাঈ চৌকা ধরী

নীর ভরি ঘিনোচী ধরি দীনা

মেরী সাসু তুম কহো অবউর জায়োঁ

“জাতায় আটা পিষে রেখেছি, রান্নাঘরে রান্না তৈরি করে রেখেছি, মটকা ভরে জল রেখেছি—ও আমার শান্তুড়ী-ঠাকরুণ, এবার তুমি আজ্ঞা কর আমি ঝুলায় ঝুলতে যাই ।”

বধুর কথায় শান্তুড়ী চিন্তা করতে লাগল এখন কি করা যায়, বধু ত সব গৃহকর্ম সম্পন্ন করে রেখেছে, তাই নিতান্ত অনিচ্ছাসত্ত্বে বললে, “যেতে হয় যাও, তবে ছোট ননদকে সঙ্গে নিয়ে যাও আর তোমার ছোট দেবর যদি জানতে

পারে যে, তুমি দোলনার ছলতে গিয়েছ তবে তোমাকে মেরে ফেলবে।”

বধুকে তখন আর কে পার, কিশোরী বধু আনন্দে উৎফুল্ল হয়ে বুলায় দোলবার জন্ত নন্দকে নিয়ে চলে গেল।

তার পর অসহায় বধুর কি শোচনীয় পরিণাম! বধু আর ধরে ফিরে এল না। শাশুড়ীর কাছে যুত বধুর আত্মা এসে দেখা দিয়ে বললে :

এক পোখী বুসী, দুজী পোখী বুসী
মেরী সাসু তীজী কো ডারী হমমারি
খোদি বরিয় তন গাড়িয়ো মেরী সাসু
মেরী সাসু উপর জমি গঈ দুব।

“এক বার বোলায় ছলেছি, দু’বার ছলেছি, তিন বার দোলবার সময়ও ওগো শাশুড়ী, দেবর এসে আমাকে মেরে ফেলেছে, বড় গাছের নীচে মাটি খুঁড়ে আমাকে পুতে ফেলেছে, সেই মাটির উপর এখন দুর্কীঘাস গজিয়েছে।”

বধুর আত্মা শাশুড়ীকে দেখা দিয়েই সন্তুষ্ট হ’ল না, তার প্রবাসী স্বামীকে মধ্যরাত্রে স্বপ্নে বললে, “ওগো, প্রিয় তুমি শহরের চাকরি ছেড়ে দাও, তোমার ঘরদুয়ার দেখ, তোমার এক টাকার জন্ত লাখ টাকার সম্পত্তি নষ্ট হয়ে যাচ্ছে।”

স্বপ্ন দেখে স্বামী সচকিত হয়ে জেগে উঠল, এক অমঙ্গল-আশঙ্কায় তার মন ভরে উঠল। ভোবের কিরণ চারদিকে ছড়িয়ে পড়েছে, স্বামী মনস্থির করে চাকরিতে ইচ্ছা দিয়ে নিজ দেশে ফিরে চলল। বাড়ী পৌছে মা ভাই বোন সবাইকে দেখতে পেল, দেখতে পেল না শুধু তার প্রিয়তমা স্ত্রীকে। বললে, “মা সবাইকে ত দেখতে পাচ্ছি, কিন্তু আমার স্ত্রীকে কেন দেখা যাচ্ছে না?”

মা মুখ ফিরিয়ে বললে, “তোমার বৌ বুলায় ছলতে গেছে এখনও ফিরে আসে নি।”

ছেলে বললে, “আমি গাছে বুলায়ও দেখে এসেছি, কৈ সে ত নেই মা সেখানে।”

তখন মা আর কি করে, বাধ্য হয়ে সত্য কথা বললে, “তোমার বউ দোলনার ছলতে গিয়েছিল, তোমার ছোট ভাই

তাকে মেরে গাছের নীচে পুতে ফেলেছে, সেখানে এখন দুর্কী গজিয়েছে।”


দুঃখে ক্রোড়ে অশ্রুতাপে ছেলের মন ভরে উঠল, মাকে বলল, “মা তুমি কেন আমাকে ছলনা করলে, প্রথমেই কেন একথা বললে না? আমার কাপড় এনে দাও, লোটা কঞ্চল এনে দাও, আমি যোগী হয়ে চলে যাব, আমার দুঃখিনী বাণী আমাকে ছেড়ে চলে গেছে, আমি আর কি নিয়ে সংসারে থাকব, আমার রক্তমহলের চাকরি এখানেই শেষ, আমি আর সংসারে থাকব না।”

ইতনে তো ছলবল তুম করে
মেরী মাই তব তেঁ দেতী বতায়।
ল্যাও হমারে কাপড়ে ভৈয়া
ল্যাও পাচো হখিয়ার
মেরী মৈয়া জোগী হৈ রমি জায়
রনিয়া দুখিয়া চল বসী
মৈয়া ছোড় হমারী সঙ্গ
হমউঁর ছোড়ি চলে ঘর বার
ধুঈনী হো লেহইঁ রমায়
রক্তমহল কী চাকরী।

এসব কাজরী গীত বহুপূর্বে রচিত, কিন্তু সেগুলি এখনও বছরের পর বছর নারীদের মুখে মুখে গীত হয়ে অবিশ্বরণীয় হয়ে রয়েছে। যুগ উন্টে গেছে, সমাজের হাওয়া বদলেছে। আজকাল একান্তবর্তী পরিবার বড় একটা দেখা যায় না, একেবারে বাসিকা-বয়সে কন্যাদের বিয়ে কম হয়, সেজন্ত বহু সামাজিক রীতিনীতি পরিবর্তিত হয়েছে। বর্তমান সমাজেও অনেক অশ্রায় অত্যাচার আছে, কিন্তু আজকাল কন্যার জন্মে গৃহে বিষাদের ছায়া নামে না, কন্যার জন্ম দিয়ে মাতা লাঞ্ছিতা হয় না, বন্ধ্যা নারী স্বামীপরিত্যক্তা হয় না।

শহরের, এমনকি গ্রামের জীবনধারাও বদলে গেছে। কিন্তু এসব পল্লীগীতি পুরনো হয় নি। এখনও বছরের পর বছর রাজপুতানা, গুজরাট উত্তর হিন্দুস্থান ও মধ্য-প্রদেশের নারীরা এসব করুণ পল্লীগীতি গেয়ে শ্রোতার হৃদয় ব্যথায় ভরে তোলে।





দক্ষিণ দেশে

শ্রীখগেন্দ্রনাথ মিত্র

যাত্রি শেষ হয়ে বেলা ষত বাড়ে কামরায় যাত্রীর ভিড়ও বাড়ে তত, কিন্তু ঠেলাঠেলি বা চট্টগোল নেই। আমরা কেউ কারও ভাষা বুঝি না, কিন্তু উভয় পক্ষেই পরস্পরকে জানবার কোঁতুহল। মনে হতে লাগল একটা সার্বজনীন ভাষা যদি থাকত! অনুমানে বুঝতে পারছি, তাদের মধ্যে অধিকাংশই শ্রমিক, চলেছে শিল্পপ্রধান শহর—মাদুরাইয়ে! মাদুরাই মাদ্রাজ-রাজ্যের দ্বিতীয় বৃহত্তম শহর। তারাও বুঝে, আমরা বিদেশী, কিন্তু কোন দেশবাসী আন্দাজ করতে পারছে না। পরিশেষে একজন, ভাঙা ভাঙা ইংরেজীতে আমাদের পরিচয় জিজ্ঞাসা করলে। ইংরেজ আমাদের দেশ ত্যাগ করেছে, কিন্তু মনের অধিকার এখনও ছাড়ে নি, আমরাও তা হতে দিচ্ছি না! মাদ্রাজ থেকে আসবার পথে অনেক ষ্টেশনের নাম-ফসকে হিন্দী নামের উপর হিন্দী-বিবোধী অভিযানের কলঙ্কচর্চা দেখেছিলাম। এ অঞ্চলে নগরে, বিশেষতঃ গ্রামে বহু খ্রীষ্টধর্মাবলম্বীর বাস। তার উপর এ হ'ল দক্ষিণাত্য—যার সঙ্গে অধ্যায়বর্তের অপ্রীতি অতি প্রাচীন, কাজেই উত্তরের একটি ভাষার পক্ষে এখানে সার্বজনীন আসন লাভ সহজ নয়। অতঃপর ইংরেজের ভাষার মাধ্যমেই আমাদের মাঝে মাঝে আলাপ চলতে লাগল। মানুষগুলিকে লাগলও বেশ। যেমন সাধারণ তাদের পোশাক, তেমনই সাদাসিধে তাদের আচরণ। অধিকাংশেরই পা খালি এবং শরীর বেশ মজবুত।

বাইরের দিকে তাকিয়ে বসে আছি। দূরে ছোট ছোট পাহাড় ও তার দু'একটির উপর সাদা রঙের বাড়ি-ঘর রৌদ্রে খুব উজ্জ্বল দেখাচ্ছে। যাত্রীদের একজন বললে, “এ পাহাড়ের ওধারে মাদুরাই শহর।”

মাসখানেক আগে দক্ষিণের এই সকল অঞ্চলের উপর দিয়ে প্রচণ্ড ঘূর্ণিঝড় বয়ে যায়। রেলপথের দু'পাশের দৃশ্য তাই করুণ। শস্যক্ষেত, কলাবাগান, তরুশ্রেণী বিস্তৃত ও ছিন্নবিচ্ছিন্ন। জায়গায় জায়গায় অহেতুক জলাশয়। তবে শীতকালে করমণ্ডল উপকূলে বৃষ্টি হয়ে থাকে। কিন্তু আমরা রৌদ্রে-গ্রীষ্মে ক্লিষ্ট হলেও সে অবধি কোথাও বর্ষণে বিব্রত হই নি।

অবশেষে আমাদের বহু-আকাঙ্ক্ষিত মাদুরাইয়ে গাড়ি পৌঁছাল—অনেক বড় ষ্টেশন, অনেকগুলি প্ল্যাটফর্ম, গাড়িও অবিচল যাতায়াত। কোথায় আশ্রয় নেব কিছুই ঠিক ছিল না। কুলিই বললে, “কাছেই মারোয়াড়ী ধর্মশালা।” সঙ্কল্প করেছিলাম, নিজের মোট নিজেই বইব। কারণ, শরীর ও কাজে তেমন পটু না হলেও অর্থ-সামর্থ্যে ছিলাম আরও দুর্বল। তার উপর, রেল ষ্টেশনের কুলি সর্বত্রই সমান। তাদের কবলে ঘাতে পড়তে না হয় সেজন্তে সতর্কতা

অবলম্বন দরকার। কিন্তু ষ্টেশনের বাইরে এসে সম্মুখীন হলাম একদল কিশোর ও প্রৌঢ়ের। তারা কুলিও নয়, ভিখারীও নয়। আমরা মোট ছোটোর দিকে হাত বাড়িয়ে হিন্দী, ইংরেজী ও তামিলে যা বলতে লাগল তার মোদা কথাটি এই বুঝলাম, “বোঝা আমায় দাও। আর দিও ‘টু আনা।’” ‘টু আনা’ স্বচ্ছন্দে বায়ের ক্ষমতা আমার মত ‘শেঠে’বও আছে এবং চলেছিলামও আর এক শেঠের লক্ষ টাকায় গড়া কুঠিতে। তাই বোঝা ছুটি এক জনকে দিয়ে হাঙ্গা হয়ে চললাম। মনে পড়ল, রামেশ্বরমের ষ্টেশনের বাইরেও একজন চেয়েছিল ‘টু আনা’। সেদিন রাত্রেও একজন ভারবহনের পারি-শ্রমিকস্বরূপ প্রার্থনা করে ‘টু আনা’। অতঃপর আরও দক্ষিণে টিনেভেলি ষ্টেশনের বাইরেও শুনি এ পরিমাণ মুদ্রার আবেদন। জানি না, এটাই এদিকে নূনতম পারিশ্রমিক অথবা একখানি ইডলি বা ধোমার ও সেই সঙ্গে একটু কলাইয়ের দাল কিংবা রসমের মূল্য বলে তারা ঐরূপ প্রার্থনা করেছিল কিনা।

পরিচ্ছন্ন রাজপথের ধারে পরিচ্ছন্ন ধর্মশালাটি। তার একটি লম্বা নামও আছে। কিন্তু স্থানীয় লোকে তা ভুলে গিয়ে কেবল বলে, ‘মারোয়াড়ী ধর্মশালা’। আমিও নামটি ভুলে গেছি। সেখানে আমরা ছ'জন মানুষের জঙ্গে মাত্র দু'জন থাকবার মত একখানি কুঠরি পাওয়া গেল। অগ্রসর মনে ক্লান্ত দেহ সকলে উঠে বারান্দা দিয়ে সেদিকে যেতে যেতে দেখি, কলকাতার এক কলেজের অধ্যাপক—সপরিবারে একখানি বেশ বড় ঘর জুড়ে আছেন তারা। আর, তাঁর পাশের ঘরেই রয়েছেন লক্ষ্মী বিদ্যাস্ত কলেজের বিদ্যাস্ত মহাশয়। তিনিও ছিলেন সপরিবারে। তাঁরাও মাদ্রাজের বঙ্গ-সাহিত্য-সম্মেলনের প্রতিনিধি। তবে কলকাতার অধ্যাপক মহাশয় ফিরছিলেন উত্তরে, আর তিনি যাচ্ছিলেন দক্ষিণে। আসা-যাওয়ার পথে এখানে তাঁদের দেখা। আবার, আমরাও গিয়ে জুটলাম। তবে গুলজারের আর অবসর হ'ল না। স্নান সেবেই চললাম মন্দিরের দিকে। সঙ্গে গাইড জুটল। লোকটি নির্ভয়ে ইংরেজী বলে। হিন্দীও বেশ শিখেছে। আর তামিল ত তার মাতৃভাষা। বললে, ‘মিঃ, খাবারের ভাবনা কি? পথের ধারে অনেক কফিখানা আর হোটেল পাবে।’ খাবারের ভাবনা আমাদের কোথাও ছিল না। এ বিষয়ে আমরা হয়ে গিয়েছিলাম, তামিলদেশীয়। জানতাম, যতক্ষণ ট্যাকে আছেন চিন্তামণি তত-ক্ষণ চিনি না হলেও গুড়ের যোগান পাওয়া যাবেই।

মিনিট আট-দশ হাঁটবার পয় মীনাঙ্গীর সুবিশাল মন্দিরের পশ্চিম গোপুর্মে পৌঁছলাম। মন্দিরটির চারদিকে চারটি গোপুর্বম আকাশের দিকে উঠে গেছে। সেগুলির গায়ে নানা রকমের মূর্তি।

মন্দিরটি ঘিরে পর পর দুটি সু-উচ্চ প্রাচীর। বাইরের ও ভিতরের প্রাচীরের মধ্যে সুপ্রশস্ত চাতাল। সবই পাথরের। প্রাচীরের শীতল ছায়ায় শুয়ে বা বসে ক্লাস্তি দূর করছে যাত্রী ও ভিখারীর দল। শোনা ছিল, উত্তর গোপুরমের গায়ে দুটি পাথরের স্তম্ভে আঘাত করলে



মাদুরাই—মীনাঙ্গী মন্দিরের পশ্চিম গোপুরম

ধধুর ধ্বনি ওঠে। স্তম্ভ দুটি দেখিয়ে গাইড একখানি ছোট পাথর দিয়ে স্তম্ভদুটির গায়ে যে নসাকাব, মক্ষণ, মোহিতাত শিখালাগুলি ছিল সেগুলিতে একে একে আঘাত করতে লাগল। আর এক একটি থেকে এক এক বকমের শ্রুতি-মধুর ধ্বনি উঠতে লাগল। শুনতে শুনতে মনে হ'ল স্তম্ভ দুটির ধারে দু'জনে দাঁড়িয়ে যদি ঘন ঘন আঘাত করা যায় তা হলে বোধ হয়, কোন সঙ্গীতের সুর ওঠা সম্ভব।

ভিতর প্রাচীরের মধ্যে রয়েছে শিল্পীর স্বপ্নলোক। স্থপতি ও ভাস্করগণ তাঁদের সারা মনের মাধুরী পাথরের গায়ে অনবদ্য রচনায় ছড়িয়ে দিয়ে গেছেন। প্রতি পদে মূর্তি বিশ্বয়। এক জায়গায় শিব-পার্কতীর পাষণমূর্তি, নৃত্যভঙ্গিমায় স্থির হয়ে আছে। মীনাঙ্গী, পার্কতীর মুখে যে নারীসুলভ সলজ্জ ভাব শিল্পী প্রস্তুতিত করেছেন তা অবর্ণনীয়। তার পর মন্দিরের সরোবরে স্বর্ণকমল, মূল মন্দিরের স্বর্ণমণ্ডিত চূড়া ও আরও কত শিল্পকাজ দেখে দৃষ্টি ক্লাস্ত হয়ে পড়ল। কিন্তু মীনাঙ্গীর ঐ অনির্কচনীয় মুপচ্ছবি শিল্পদলের মাঝে একটি পূর্ণ কমলের মত আমার মনে বইল ফুটে।

মাদুরাইয়ের তাঁতশিল্পের বড় খ্যাতি। তারই মোহে অনেকে বজ্রালয়ে যান সস্তায় সওদা করতে। দোকানীও বিদেশী পরিদ-দারের নামনে দোকান উজাড় করে নানা বকমের বস্ত্রের ছুপ সাজায়,

দামও সস্তা বোধ হয়। কিন্তু দৈর্ঘ্য-প্রস্থ বা লেখা থাকে তার সঙ্গে আসলের আর মিল খায় না। তবুও লোকে কেনে আর ওরাও বেচে এবং কারবারও চলে জোর।

দুপুরের দিকে আমাদের সঙ্গী শিল্পী দু'জন মন্দিরে গেলেন ছবি আঁকতে। আঙিনায় একটি জায়গা বেছে নিয়ে দু'জনে বড়-তুলি-কাগজ সাজিয়ে বসলেন। আর তাঁদের দু'জনকে তিন দিক থেকে ঘিরে দরল কোঁতুলী জনতা। তাদের বেশভূষা মলিন। তারা যাত্রী নয়, পাণ্ডা নয়, ব্যবসায়ীও নয়। অথচ তাদের অবসর। যখন বেলা-শেষের ছায়া নামল মন্দিরের আঙিনায় তখনও তারা গেল না। কিসে তাদের প্রাসাচ্ছাদন চলে, কোথায় বাত্রিযাপন করে তারাই জানে।

সন্ধ্যায় মন্দিরের ধারে ছিট-কাপড়ের একটি ছোট দোকানে সওদা করবার কালে স্থানীয় একটি কলেজের ছাত্রের সঙ্গে আমার সওদার সামগ্রীটি সম্বন্ধে তারই কোঁতুককর একটি মস্তব্যে আলাপের সুযোগ হ'ল। সে বললে, 'আপনি যদি ঐ রঙের জোকা (পাঞ্জাবী) পরেন তা হলে লোকে বলবে, আপনি কংগ্রেসী। ওরা ঐ রঙেরই জোকা পরে।'

বললাম, 'কিসের জোকা পরলে লোকে বলবে কমুনিষ্ট?'

সে সহাত্মে বললে, 'ওরা সব রঙেরই জামা পরে।'

'আর হিন্দু মহাসভার লোকেরা?'

সে এবার হাসিতে ফেটে পড়ল; বললে, 'তাদেরও কিছু ঠিক নেই।'

'আমি যখন ঐ তিনটির একটিও নই তখন যে রঙের কাপড় কিনছি তার জোকা পরতে ক্ষতি কি? কি বল?'

সে প্রচুর হাসতে লাগল।

জিজ্ঞেস করলাম, 'তুমি কি?'

'আমি রাষ্ট্রীয় স্বয়ং সেবক সঙ্ঘের সদস্য। আপনি এর নাম শুনেছেন?'

'হাঁ।'

'এখানে হিন্দু মহাসভা সংশ্লিষ্ট হলে, আপনি যাবেন? আমি আপনাকে নিয়ে যেতে পারি সেখানে। আমি তার একজন কর্মী।'

'তার প্রতি আমার কোন আকর্ষণ নেই। পারলে এই শহরটা ঘুরে দেখতাম। কিন্তু পথশ্রমে বড় ক্লাস্ত। এসেছিলাম মাদুরাই বঙ্গ সাহিত্য-সম্মেলনে—'


'হাঁ—হাঁ—থবরের কাগজে সে খবর পড়েছি। কিন্তু আপনা-দেবই এক বাঙালী সম্মেলনে আজ বক্তৃতা দেবেন।'

'বত খুশি দিন।'

সে নিজ পরিচয় দিল, জাতিতে সৌরাষ্ট্রীয় (গুজরাটী) ব্রাহ্মণ বলে। সেই শহরে শৈশব থেকে আছে, দেশে কখনও যায় নি। এখন তার দেশ মাদুরাই। তার কাছ থেকে জানতে পারলাম শহরে মিল আছে পাঁচটি, লোকসংখ্যা সাড়ে পাঁচ লক্ষ। তার মধ্যে মুসলমানের সংখ্যা পাঁচ হাজার; খ্রীষ্টানের সংখ্যাও তাই। গ্রামা-কলেই খ্রীষ্টানেরা অধিক সংখ্যায় বাস করে।

জিভেস কবলাম, 'এখানে কোন্ রাজনৈতিক দলের প্রতিপত্তি বেশী? কংগ্রেসী না কমুনিষ্ট?'

সে তাচ্ছিল্যের সঙ্গে বললে, 'ওরা কি করবে?' অর্থাৎ প্রাথমিক ভাবেরই। কিন্তু আসল ঘটনা অল্পকাল।



মীনাক্ষী মন্দিরের অভ্যন্তর—দ্বিতীয় প্রাচীর

বললাম, 'তোমরা কংগ্রেসে মিশে যাও না কেন?'

বললে, 'আমরা তা চাই। ওরা যে নেয় না।'

অতঃপর আলাপের আর অবসর হ'ল না। কারণ ক্ষুধা-তৃষ্ণা ও পথ-ক্লান্তিতে বড় পীড়া বোধ কবলাম। আসবার সময় বললাম, 'যদি কালও থাকি সন্ধ্যায় এখানেই দেবা হবে। বিদায়।'

সে সহাস্ত্রে বিদায় দিয়ে বললে, 'আচ্ছা।'

পরদিন আর থাকি হ'ল না, একটু বেলায় রওনা হলাম, কল্যাণ-কুমারিকার পথে, টিনেভেলির উদ্দেশ্যে। আসবার সময়ে প্রিয়দর্শন, হাসিখুশিভরা ছাত্রটির কথা মনে হতে লাগল। হয়ত সে আজ আমার জন্মে অপেক্ষা করবে। দোকানটি তারই বন্ধু। কিন্তু অবিরাম চলার পথে দীর্ঘ আলাপের সুযোগও মেলে না যে।

আরও দক্ষিণে অগ্রসর হবার সঙ্গে সঙ্গে রবিকর প্রথরতর হতে লাগল, বাইরের দৃশ্যও হয়ে উঠতে লাগল উজ্জলতর। রেলপথের সমান্তরালে সুদূর মাদ্রাজ থেকে একটি সুন্দর রাজপথ চলে গেছে টিনেভেলি—তার পর কল্যাণকুমারিকা পর্যন্ত। পথে মাঝে মাঝে স্বামীবোঝাই বাস ও নানা আকারের ঘরোয়া মোটর ছুটে চলেছে। পথের দুটি পাশে শস্তক্ষেত, কলার বাগান, তাল-নারিকেলের বন, পশ্চিমে দূরদিগন্তে অস্পষ্ট শৈলমালা, ছোট-

বড় ষ্টেশনের ধারে ছোট-বড় গ্রাম। কোথাও নদী নেই, সুবিশাল জলাশয়ও চোখে পড়ে না। কিন্তু বড় বড় ইনারা এবং তা থেকে জল তোলবার অভিনব যন্ত্র দেখা বেতে লাগল।

যে শৈলমালা প্রথম দিকে ছিল অস্পষ্ট ও মেঘবিলীনগায়, আমাদের চলার পথে তা ক্রমে স্পষ্ট, স্পষ্টতর হয়ে উঠে পশ্চিম দিগন্তে বিচিত্রাকার ধূমল প্রাচীরে আড়াল করে রাখল। এ হ'ল দক্ষিণের সুবিদিত কারডামাম শৈলমালা—ভারতের দক্ষিণতম প্রান্ত কল্যাণ-কুমারিকা পর্যন্ত প্রসারিত হয়ে ভারত মহাসাগরে নিমগ্ন।

এ অঞ্চলের প্রধান ফল চীনাবাদাম, নারিকেল ও কলা। অবশ্য প্রত্যেক ষ্টেশনে এগুলি সহজলভ্য বলে আমার ধারণা হ'ল সেই রকমই। আমাদের কামরায় কয়েকটি ছাত্র উঠেছিলেন। ফেরিওয়ালারা ষ্টেশনে সবুজ-রঙের কলা বিক্রয় করছিল। স্থানীয় কয়েকজন ছাত্র-স্বামী আমাদের সঙ্গে স্বচ্ছায় ও সাগ্রহে আলাপ করতে করতে বললেন, 'আপনারা সবুজ-রঙের কলা কিনবেন না, হলুদে রঙের কিনবেন। সবুজ-রঙের কলাতে পোকা থাকে, পেয়ে লোকে অসুস্থ হয়ে পড়ে। ওগুলো পাহাড়ে জন্মে।'

শুনেছি, ঘন ঘন ক্ষুধা পাওয়া রোগের লক্ষণ। আমরা সকলেই তার পর থেকে এই সাংঘাতিক ভারতীয় সাধারণ রোগে আক্রান্ত হওয়ায় বুললাম, সবুজ কলা খাওয়ার ফল ফলতে শুরু করেছে এবং রোগটির কিছুতেই উপশম ঘটতে পারা গেল না। অবশেষে বেলা বাবোটোর কাছাকাছি পৌঁচলাম টিনেভেলি দক্ষিণ রেলপথের অল্পতম প্রান্ত। এখান থেকে প্রায় পঞ্চাশ মাইল দীর্ঘ সর্পিলা মোটর-পথ চলে গেছে তিন-সমুদ্রের মিলন-তট—কল্যাণকুমারিকায়।

ভরা পৌষ, কিন্তু মাথার উপর মধ্যদিনের প্রচণ্ড মার্কণ্ড। বৌদ্ধে সব যেন তৃষিত। আমাদেরও ঝঠবে নিদারুণ হতাশন-জ্বালা, কঠে তৃষ্ণা। পথভরা ধুলো। চারদিকে শুষ্কতা, রক্ষতা। টিনেভেলিকে মনে হতে লাগল টেনে ফেলি। তখন একটু শীতল জল, একটু শীতল ছায়া, দূরদক্ষিণ বাতাসের একটু স্পর্শ আমাদের সকলেরই কাম্য হয়ে উঠল। অথচ স্থানীয় অধিবাসীরা স্বচ্ছন্দে, সহাস্ত্রে চলাফেরা করছে।

ষ্টেশন থেকে বাস-ষ্ট্যাণ্ডের দূরত্ব সামান্য নয়। তবুও নিজের বোঝা নিয়েই কাঁধে-পিঠে তুলে এগিয়ে চললাম সেদিকে এবং থানিকটা এগোতেই পিছন থেকে 'টু অ্যানার' কাতর আহ্বান কানে এল। ফিরে দেখি কৃষ্ণবর্ণ তুঙ্গ-নগ্ন এক কিশোর। সে ভাঙা হিন্দীতে বললে, 'শেঠ, বাস-ষ্ট্যাণ্ড দূর আছে। আমার বোঝা দাও।'

শেঠজী যে পরসে বাঁচাবার উদ্দেশ্যেই সেই বোঝা সবেও বোঝা কাঁধে স্থাবলক্ষী সেজেছে তা যদি সে জানত। কিন্তু বাঁচাতে চাইলেও পরসে বাঁচেনা, বাঁচতে পারে না, বাঁচানো যায় না। তার কাঁধে বোঝা চাপিয়ে হাঙ্গা হয়ে চলতে লাগলাম এবং কয়েক পা যেতে যেতেই দেখি, আমার দুজন সঙ্গী একখানি মোটরে আমার বিপরীত দিক থেকে আসছেন, এবং মোটরখানি ঘুরে

আমার বিশ্বয়ের ঘোর কাটতে কাটতেই তাঁরা সারা পথ ধুলোর অঙ্ককার করে ট্রেনের দিকে চলে গেলেন। মনে মনে ভাবলাম, বিধান সর্বত্র পূজ্যতে। বোধ হয় কোন তামিল ভদ্রলোক সাহিত্যিক ও শিল্পীদের গুণের পরিচয় পেয়ে মোটর চড়িয়ে তাঁদের সমাদর করছেন। এখন তাঁদের সঙ্গে থাকলে সঙ্গী বলে আমিও কি আর মোটর চড়তে পেতাম না? কিন্তু ভাগ্যে আছে পুলা ভাঙা, পায়ে হাঁটা। যা হোক ষ্ট্যাণ্ডে এসে বাসে উঠে মনোমত আসন বেছে নিয়ে বসলাম। কিশোরটিকে 'টু অ্যানা' দিতে যেতেই সে বললে, 'ফোর অ্যানা।' কারণ পথ অনেকটা, রোদও খুব। অবশেষে তারই দাবি মানতে হ'ল। আলাপ জুড়ে দিলাম তার সঙ্গে। জিজ্ঞেস করলাম, সে সেই শহরেরই অধিবাসী কিনা।

বললে, 'তারা গ্রামের লোক গ্রামখানি শহর থেকে আট মাইল তফাতে। তার বাবা নেই, দুটি ছোট ভাই আর মা আছে। মা লোকের বাড়ী দাসীর কাজ করে আর সে মোট বয়। এই আয়ে তাদের জীবন চলে। সে লেখাপড়া জানে না এবং ভাইয়েরাও স্কুলে যায় না। তাদেরও যা হোক একটা কাজে লাগাতে হবে।' এ কাহিনীর মধ্যে নূতনত্ব কোথায়? একে অস্বীকার করাও ত পুরাতন ঘটনা। তবুও তার ক্লিষ্ট মুখখানিতে শেষের কথাগুলির সঙ্গে যে বিজ্ঞানোচিত ভাব ফুটে উঠল তা মন্ব্যস্পর্শী। আসমুদ্র-হিমাচল সাধারণ মানুষের চিন্তা ও বেদনা এই।

এমন সময়ে সেই মোটরারুট হয়ে এলেন আমার সঙ্গীরা। তাঁদের মোট-ঘাট বাসে উঠানো হতে লাগল। তাঁদের সঙ্গে মোটর-স্বামী জনৈক মাদ্রাজী ভদ্রলোক। তিনি আমার একজন সঙ্গীকে বললেন, 'আপনারা একবার আমার বাড়ী যাবেন না? আমার স্ত্রী আপনাদের আহ্বারের আয়োজন করেছেন। আমরা আশা করে আছি আপনারা আমাদের দেশের লোক, অন্ততঃ একটা দিন আমার বাড়ীতে থাকবেন।'

তা হলে তিনি মাদ্রাজী নন, বাঙালী? যতক্ষণ বাংলা না বলছেন ততক্ষণ কেউই বুঝতে পারবে না যে, তিনি বাঙালী! ভদ্রলোক সুদীর্ঘকাল ধরে বাংলার বাইরে কর্মস্থলে আছেন। আর্থ্যবর্ষ ও দাক্ষিণাত্যের সঙ্গে তাঁর ঘনিষ্ঠ পরিচয়। হিন্দী, ওড়িয়া, গুরুমুখী, তামিল ভাষা তিনি লিখতে, পড়তে, বলতে পারেন। আর বিজ্ঞা-শিক্ষার সঙ্গে সঙ্গে ইংরেজী ভাষা ত আয়ত্তে এনেছেনই। জীবন প্রায় শেষ হয়ে এল বিদেশে, তবুও ভুলতে পারেন না সেই 'দুই বিঘা জমি'। তাঁর পত্নীও ঐ ভাষাগুলি জানেন, কিন্তু বাংলা হয়ে আছে তাঁদের মর্মেই ভাষা। তবে তাঁদের ছেলেমেয়েরা মাতৃভাষার অজ্ঞ।


বললাম, 'ভট্টাচার্য্য মহাশয়। আপনাকে এই দূরদেশে পেয়ে এমন আনন্দ বোধ করছি যে কথায় বলতে পারব না।'

তিনি বললেন, 'কিন্তু আপনারা ত আমার বাড়ী গেলেন না। আমরা অনেক আশা করেছিলাম। আপনাদের থাকবার কিছু কষ্ট হ'ল না। প্রকৃত্ত্ব বিভাগ এখানে সম্প্রতি যে আবিষ্কারগুলি করে-

ছেন তা আপনাদের মত লোকের দেখা দরকার। দক্ষিণে ভারতের ইতিহাসের নূতন কথা তা থেকে জানা গেছে।'

বললাম, 'আমরা যে আসব তা কি করে জানলেন?'

'কেন, কলকাতার চিঠি পেয়েছি।'



কলকাতার বাবীকা—আরব সাগরে সূর্যাস্ত

যিনি চিঠি দিয়েছিলেন তিনি কলকাতায় আমাদের প্রতিবেশী, ঠিক নিকট-আত্মীয়।

বললাম, 'কেনেছিলাম। আপনি তৃতিকোবিনে থাকেন।'

তিনি হাসলেন। জিজ্ঞেস করলাম, 'আচ্ছা, এ শহরে আর বাঙালী আছেন?'

'এ শহরে আমি ছাড়া আর কোন বাঙালী নেই। তবে আমার দু'জন বাঙালী প্রতিবেশী আছেন। সব চেয়ে কাছেই যিনি তিনি থাকেন বাইশ মাইল তফাতে, আর, দু'বের যিনি তিনি থাকেন বিয়াল্লিশ মাইল দূরে।'

জিজ্ঞেস করলাম, 'এখন এখানে কোন্ ঋতু?'

'শীতকাল।'

'গ্রীষ্মকালে কেমন অবস্থা হয়?'

'এখন দিনের সর্বোচ্চ তাপ ১০৮ ডিগ্রী হয়। গ্রীষ্মকালে কত হতে পারে আন্দাজ করুন।'

বললাম, 'সুখের কথা যে শীত থাকতে থাকতেই দেশে ফিরে যাব, গ্রীষ্মকালে থাকব না। ভট্টাচার্য্য মহাশয়, একটু জলের ব্যবস্থা করতে পারেন? শীতেই তৃষ্ণার গলা কাঠ।'

তিনি তৎক্ষণাৎ ছুটলেন জলের ব্যবস্থা করতে। এমন সময় যব উঠল বিজ্ঞান মহাশয়ের পরিচারিকটিকে পাওয়া যাচ্ছে না।

তাকে পথের ধারে গাছতলায় বসিয়ে রাখা হয়েছিল। সেখানে সে নেই।

সকলেই উদ্ভিগ্ন ও ব্যস্ত হয়ে পড়লাম। কিন্তু কোথায় তাকে খুঁজব? আমাদের মধ্যে একজন বললেন, 'সে হারাতে পারে না। কারণ, কথা বললেই লোকে বুঝবে, সে বাঙালী।'



বঙ্গ-বুমারীকা—ভারত মহাসাগর—বিবেকানন্দ শৈল

'যদি একটিও কথা না কয়ে চূপচাপ পথে পথে ঘুরে বেড়ায়? আর কথা বললেও সে যে বাঙালী তা এরা কি করে বুঝবে? চেহারা ত এদের সঙ্গে দিবা মিল? তবে কাপড় পরার ধরনটা—'

ইতিমধ্যে ভট্টাচার্য্য মহাশয় এক কাঁদি ডাব নিয়ে এলেন এবং ছুঃসংবাদটি শুনেই তিনি বিজ্ঞান মহাশয়কে গাড়িতে তুলে পরিচারিকাটিকে খুঁজতে বেরলেন। কিছুক্ষণের মধ্যে তাকে পাওয়া গেল।

তার পর বাস যখন ছাড়ে ছাড়ে ভট্টাচার্য্য মহাশয় তখন আবার বললেন, 'আপনারা অভুক্ত অবস্থায় চললেন। কথা দিয়ে যান ফিরবার পথে আমার বাড়িতে আসবেন?'

বললাম, 'ইচ্ছা রইল। আর খাবার কথা যা বলছেন, কিছু খাবার না হয় আমাদের সঙ্গে দিন।'

অতিথিবৎসল ভট্টাচার্য্য মহাশয় তৎক্ষণাৎ ছুটলেন মাদ্রাজী হালুইকারের দোকানে এবং মিনিটকয়েকের মধ্যেই আনলেন, দিস্টে-কতক পুণ্ডি ও অলুপিষাডের নিবামিষ তরকারী! বোধ হয় হালুইকার আমাদেরই জন্তু তৈরি করছিল। নইলে দুটোই গরম থাকে কি করে?

টিনেভেলি শহরের দক্ষিণ সীমায় তাম্রবর্ণী নদী। তার ছুটি তীর ও বক্ষের বালুকার রঙ তামাটে। তার মাঝ দিয়ে একে-বেঁকে বয়ে চলেছে শীর্ণকায়া নীলাভ জলধারা। নদীপারে পালা-মকোটা শহর—পরিষ্কার-পরিচ্ছন্ন। প্রায় সব বাড়ির রঙ সাদা। রোঁদ্রে শহরটিকে খুব উজ্জ্বল দেখাচ্ছিল। এই শহরেরই পূর্বাংশে ভট্টাচার্য্য মহাশয়ের সুন্দর বাড়িখানি, ফিরবার পথে দেখেছিলাম।

শহরটি ছাড়িয়েই উন্মুক্ত প্রান্তর। বামে পূর্বদিকে দিগন্তে প্রসারিত হরিৎবর্ণ ধানক্ষেত—দক্ষিণে পশ্চিমদিকে আলোছায়ায় বিচিত্র মেঘমৌলী কারডামাম শৈলমালা। তার সান্নিধ্য অক্ষুঃস্ত তালীবন-সমাচ্ছন্ন। আকাশে স্তূপাকার মেঘ। দূরে কোথায় যেন বৃষ্টি হয়ে গেল। ঠাণ্ডা বাতাসের স্নিগ্ধ স্পর্শে বড় আরাম বোধ হতে লাগল। পথ জন ও যান বিরল। কোথাও কৃষকের কুটার দেখি না, চোখে পড়ে কেবল তাদের অস্তিত্ব শ্রমের বিজয়কেতন প্রান্তরে ও বাগানে দক্ষিণ-বাতাসে লীলায়িত। পথের ধারে দু'একখানি ছায়াহীন ছোট গ্রাম; ঘরগুলির দেয়াল মাটির, চালে খড়, তাল-পাতা বা খোলার ছাউনি। আবহাওয়া উষ্ণ। তাই অধিবাসীদের পোশাকের বেশী প্রয়োজন নেই। রুক্ষ বিহার প্রদেশের গ্রামগুলির সঙ্গে এখানকার গ্রামগুলির কিছু সাদৃশ্য আছে। এক এক সময়ে মনে হতে লাগল আমরা বিহার প্রদেশের মধ্য দিয়ে চলেছি। কিন্তু প্রায় প্রত্যেক গ্রামেই একটি করে গৌরী, কোন ক্রীটান সাধু বা সন্ন্যাসিনীর নামে উৎসর্গকৃত। অবশেষে একখানি গুরুগ্রামে বাস পৌঁছল। পথের দুধারে কলা, ডাব, চীনাবাদাম, ছোলা-মটর ও অগাণ্ডা খাদ্যের দোকান-সারি। সেই প্রচণ্ড রোঁদ্রে মনে হতে লাগল—দোকানে সাজানো বাদাম ও ছোলা-মটর আপনিই ভাজা হয়ে গেছে। দশ-বারটি বাসক ও কিশোর বাসে উঠে পড়ল। তাদের হাতে ছোট ছোট থালায় তেল-কাগজে মোড়া দেশী বিস্কুট। উত্তর ভারতের পূর্ব-পশ্চিমের উদ্বাস্তগণ দক্ষিণে তত দূরে পৌঁছন নি যে বলব, সামাজিক ও আর্থিক বিপর্যয়ের ফলে তারা লেখাপড়া না শিখে ফেরিওয়ালাগিরি করতে বাধ্য হয়েছে। কিন্তু প্রত্যেকেই ছুটি-চারটি ইংরেজী শব্দ শিখেছে পৈটিক কারণে।

তাদের এক জনকে বললাম, 'ডাব আনতে পার?'

সে থালায় বিস্কুট দেখিয়ে বললে, 'কোকোনাট। ওয়ান অ্যানা টু।'

বললাম, 'কোকোনাট ওয়াটার।'

সে আবার বিস্কুটগুলি দেখিয়ে বললে, 'গুড কোকোনাট। ওয়ান অ্যানা টু।' বলেই হাসতে লাগল। আমাদের গাড়িতে কাউকেই তার 'গুড কোকোনাট' কিনতে দেখলাম না। সকলেই তখন বিস্কুটে রূপান্তরিত 'কোকোনাট ওয়াটারের' বদলে তরল 'ওয়াটারের' প্রয়োজন। তারা চলে গেল বিপরীতগামী বাসের দিকে।

কিছুক্ষণ পরেই আবার আমাদের বাস চলতে লাগল। প্রথম রোঁদ্রতাপে ব্যক্তির ক্রিষ্ট। বাতাসে আরাম পাওয়া যায় না।

পশ্চিমের পাহাড়গুলি দূরে সরে গেছে, হু'পাশে সমতল ক্ষেত। হঠাৎ অশ্বখবীধিকার শীতল ছায়ায় গাড়ি পৌঁছল। দেখি, পথের হু'পাশে অশ্বখের সারি, শাখায় শাখায় খিলান রচনা করে ছায়াজালে পথ আচ্ছন্ন করে রেখেছে। মনে পড়ল, সারনাথের পথের ধারের আশ্র-বীধি। কিন্তু এটি তার চেয়ে দীর্ঘতর, প্রায় ক্রোশব্যাপী। তার পর থেকে পথ হু'পাশের ধানক্ষেত, বেগুন, নারিকেল ও তালীকুঞ্জে এমন সংকীর্ণ হয়ে গেল যে, ছপানি গাড়ি পাশাপাশি চলতে পারে না, গাছগুলিও গাড়ি থেকেই ঘেন হাতে স্পর্শ করা যায়। পথের হুঁ লাল। মাঝে মাঝে হু'চাঁরখানি কাঁচা বাড়ি চোখে পড়ে। এদিকে সূর্য্যও পশ্চিম আকাশে টলে পড়ছে। হঠাৎ আমাদের সঙ্গীদের মধ্যে একজন বলে উঠলেন—'ঐ—ঐ—'

সামনে তাকিয়ে দেখি তরঙ্গময় সীমাহীন নীল পাথর—তার কুলে আমাদের যাত্রা সেদিনের মত শে' হ'ল।


ধর্মশালায় একটা ঘরে জিনিষপত্রগুলি বন্দী করে রেখে সকলে ছুটলাম আরব সাগরে সূর্যাস্ত দেখতে। আমাদের আগে আরও জন-কতক বাঙালী ও আর্থাবাসিন্দা এসেছিলেন। তাঁরাও যাচ্ছিলেন।

এখানে স্থলভাগ ক্রমে সংকীর্ণ ঢালু হয়ে সমুদ্রে নেমে গেছে। কুলে ও কুল থেকে তফাতে জলমধ্যে বৃহদাকার শিলাখণ্ড এবং অধুময় শৈল। সেগুলির গায়ে অবিহাম প্রচণ্ড বেগে ঘোর রবে তরঙ্গাঘাত হচ্ছে। জলের রঙে ও অস্থিরতায় বৈচিত্র্য স্পষ্ট। বঙ্গোপসাগরের জল নীলাভকৃষ্ণ ও অত্যন্ত বিক্ষুব্ধ, ভারত মহাসাগরের জল পাংশু ও কিছুটা শান্ত, আর আরব মহাসাগরের জল রক্তাভ ও ক্ষুদ্র তরঙ্গময়। বালুকার রঙও তিন সাগরকুলে তিন রকমের—নীলাভ-কৃষ্ণ, পাংশু ও রক্তাভ। কঙ্কাকুমারীর মন্দির এই তিনটি সমুদ্রের মিলনতটে। তার ফটকের এক পাশে একটি লোক অতিকায় শত্রু, বিক্ষুব্ধ ও ঐ তিন রঙের বালু ইত্যাদির বেসাতি সাজিয়ে বসে আছে। পরে তার সঙ্গে আলাপের সুযোগ হ'ল।

আরব সাগর-জলে একটি শিলাখণ্ডে বসে সূর্যাস্তের ছবি তুলে নিলাম। পূর্ণিমায় বঙ্গোপসাগরের নীলাভ-কৃষ্ণ জল থেকে চন্দ্রোদয় ও আরব সাগরের রক্তাভ বক্ষে সূর্যাস্ত একই সময়ে ঘটে। কিন্তু তখন কৃষ্ণপক্ষ চলছে। এই বিবল দৃশ্য দেখা আমাদের ভাগ্যে ঘটল না বটে, কিন্তু অক্ষরার রাত্রে দক্ষিণ আকাশে দেখলাম 'সাদারন ক্রশ' নামে নক্ষত্রপুঞ্জ যা দর্শন আমাদের উত্তরাঞ্চলবাসীদের কপালে ঘটে না। সূর্যাস্তের পরে সমুদ্রতীরে সারাদিনের ক্লাস্তি ও ক্লেশ দূর করে চললাম কঙ্কাকুমারীর বিগ্রহ দেখতে।

দেখলাম কঙ্কায় মন্দিরটি বিশালও নয়, শিল্পে স্থাপত্যে অপরূপও নয়। কিন্তু ভিতরে পাষণ-মণিকোঠায় রক্তগোলাপ ও খেতচন্দনে সজ্জিত মর্ম্মমূর্তিটি শিল্পীর অতুলনীয় সৃষ্টি। অবর্ণনীয় তার করুণা, হাসি ও জিজ্ঞাসাতর চোখ দুটির চাহনি। ঘূতপ্রদীপের স্তিমিত আলোকে তার কপালের হীরকখণ্ডটি সন্ধ্যাতারার মত জ্বলছে। এই হীরকখণ্ডটির একটি ইতিহাস আছে। সেটি এবং কঙ্কাকুমারী সম্বন্ধে যে লৌকিক ও অলৌকিক দুটি কাহিনী

আছে আপাততঃ তা এখানে দেওয়া সম্ভব হ'ল না। তবে লৌকিক কাহিনীটি বড় মর্ম্মস্পর্শী এইটুকু মাত্র বলতে পারি।



কঙ্কাকুমারীকার সাগরতটের একাংশ—বঙ্গোপসাগর

বিগ্রহদর্শনের একটি নিয়ম আছে। দর্শনার্থীকে যেতে হয় স্নানান্তে, গায়ে চাদর বা কাপড় জড়িয়ে বিগ্রহের সম্মুখে। অবশ্য আমাদের পুরুষদের তাই-ই করতে হয়েছিল। সেখান থেকে ছয় মাইল উত্তরে সূচিক্রামের শিববিগ্রহ দর্শনের বেলায়ও এই নিয়ম, তবে স্নান করতে হয় না।

অনুপম শিল্পদর্শনে মনে যে ভাবোদয় হয়, তারই গভীর আনন্দভরা অস্তরে বাইরে বেরিয়ে এলাম। মনে হতে লাগল, ভারতের এই দক্ষিণতম প্রান্তে এসে আজকের সন্ধ্যাটি স্মরণ ও সার্থক হ'ল। একটি পরম মুহূর্ত্ত জীবনে এসে দেখা দিয়ে গেল।

ফটকের ধারে যে শত্রুদির ব্যবসায়ীটি বসেছিল সে তার বেসাতির প্রতি হিন্দীতে আমাদের দৃষ্টি আকর্ষণ করল। আমরা উভয় পক্ষই হিন্দী ভাষায় সমপারদর্শী। কাজেই নির্ভয়ে আলাপ করতে লাগলাম এবং পরস্পরের কথা বুঝতে একটুও কষ্ট হ'ল না।


অতিকায় এবং বিচিত্রাকার শত্রু ও বিক্ষুব্ধগুলি দেখে লোকটি বললে, "এগুলো ভারত মহাসাগরের। এই কালো বালি বঙ্গোপসাগরের, সাদা বালি ভারত মহাসাগরের আর এই লাল বালি হিন্দু মহাসাগরের।"

জগতে সবই বদলাচ্ছে। তাই "আরব সাগর" "হিন্দু মহাসাগরে" নামান্তরিত হয়েছে, কিন্তু আগের মতই তার আর্ন্তর্যোল উঠছে।

সে জিজ্ঞেস করলে, "আপনারা কোন্ দেশী" ?

বললাম “বাঙালী”।

সে বললে, “বঙ্গসাগরের জল বড় জোরে ধা দেয়, ভারত-মহাসাগর তার চেয়ে কম জোরে দেয়, হিন্দুমহাসাগর তার চেয়ে কম জোরে।”



ত্রিচর পাহাড়ের বা শৈলমন্দির-শীর্ষ থেকে শহরের একাংশ ও কাবেরী নদী

মনে হ’ল যেন বাংলাদেশটা সম্বন্ধে তার ধারণা কিছু উঁচু। সেটা যাতে থাকে সেজ্ঞে দেশের কথা আর বললাম না যে, বাংলার মাটির মত সাগরের জলও দু’ভাগ হয়ে গেছে, হয় নি কেবল ভাষা। ভাষাও নাকি জাতীয় জীবনে তেমন গুরুতর কিছু নয় এমনি একটা সংশ্লিষ্ট দেবারও চেষ্টা কিছুদিন আগে হয়েছিল।

রাত্রে একটি হোটেলে আহারের সময়ে হোটেলওয়ালা বললে, “বাঙালী আসতি খাতা নেই।” সম্ভবতঃ লোকটি তেমন বাঙালীর পাঞ্জায় পড়ে নি, অথবা তার নারকেল তেল ও মশলাবিহীন নিয়ামিষ বাঙানই তাকে দীর্ঘ ত্রিশ বৎসর ধরে রক্ষা করে আসছে।

জিজ্ঞেস করলাম, “তুমি কোন্ দেশের লোক?”

“আমার বাড়ি মাদ্রাসাই। আমি ত্রিশ বছর এই হোটেল চালাচ্ছি। এখানে বাঙালীই বেশী আসে।” সম্ভবতঃ আর্ধ্যাবর্জ-বাসীদের মধ্যে বাঙালী যাত্রীর সংখ্যাই বেশী বলে সে ঐ কথা বলে থাকবে।

কুস থেকে কিছু তফাতে সমুদ্রমধ্যে যে শৈলগুলি সিদ্ধুর বিরাম-হীন আঘাত সয়ে ভূভাগকে রক্ষা করেছে সেগুলির মধ্যে বৃহদাকারটির

নাম, “বিবেকানন্দ শৈল।” স্বামীজী নাকি সেটির শীর্ষে বসে ভারতের কল্যাণ-চিন্তায় মগ্ন হয়েছিলেন। সেখানে পৌঁছতে গেলে কিছুটা জল ভাঙতে হয়। শৈলটিতে যাবার কালে স্বামীজী অক্টোপাসের আক্রমণে বিপদগ্রস্তও হন। ঐমতানির রাজপথের ধারে স্বামীজীর নামে একটি গ্রন্থাগার স্থাপিত হয়েছে। বাঙালী যাত্রীরা প্রত্যেকেই তাতে কিঞ্চিৎ অর্থসাহায্য করে যান।

ফিরবার পথে সকালে বাস-ষ্ট্যান্ডের ধারে বসে থাকতে থাকতে দেখি একদল বালক-বালিকা বই-পাতা-ব্লোট হাতে স্কুলে চলেছে। আমাদের দেশেও যেমন সেখানেও তেমনি তাদের খালি পা, গায়ে আধময়লা জামা ও প্যান্ট—শরীর অপুষ্ট। তবুও আনন্দে উল্লাসে কলরব করতে করতে চলেছে আমাদের জাতির ভবিষ্যৎ।

কুমারীকার ছ’মাইল উত্তরে সুচিন্দ্রাম গ্রাম। তার মন্দিরের অঙ্গনের একধারে ছিল প্রকাণ্ড বধ, কারুকার্যে সুন্দর। মন্দিরের মধ্যে এক জায়গায় রয়েছে কষ্টিপাথরের বিশাল হনুমানমূর্তি। সালঙ্কার মূর্তির মাত্র মুখখানি ও লেজটি তার জাতির পরিচায়ক, অঙ্গ-প্রত্যঙ্গ মানবীয়। শিল্পী তাকে ভক্তি ও অমিত শক্তির প্রতীকরূপে গঠন করেছেন। তার একখানি ছবি নিতে ইচ্ছা হ’ল। কিন্তু স্থানীয় একজন বললেন, “ওর ছবি তুলতে পারবেন না। কেউ এ পর্যন্ত পারেন নি। এমনকি”—বলে এক উচ্চপদস্থ সরকারী কর্মচারীর নামোল্লেখ করলেন—“তিনিও বারো বার চেষ্টা করেও পারেন নি।”

কর্মচারীটির ভারতজোড়া নাম। তাঁর ক্যামেরাও নিশ্চয়ই বহুমূল্য। তিনি যখন বারো বারের চেষ্টায় বারো দশায় পড়েছিলেন তখন একবারের চেষ্টায় আমি সফল হব কি করে? তবে কটো-গ্রাফার তফাতে দাঁড়াবার মত একটু জায়গা পেলে এই হনুমানটি যুক্ত কর করে এলবাম ও পত্রিকার পাতা আলো করে দাঁড়াতেন!

ফিরতি-পথে নগরকোয়েলে এক মাদ্রাজী ভদ্রলোকের সঙ্গে আলাপের সুযোগ হয়ে গেল। আমার সঙ্গীরা তখন আহায়ে গেছেন, আর আমি মালপত্র আগলাচ্ছি। ভদ্রলোকটি বললেন, “মিঃ, আপনি বাঙালী?”

“হাঁ।”

“আমি তিন বছর কলকাতায় ছিলাম।”

“বটে!”

“আমাদের রান্না আপনার কেমন লাগছে? খেতে কষ্ট হচ্ছে?”

“না। চালাচ্ছি এক রকম।”

তিনি কথাটি শুনে বড় খুশী হলেন, কিন্তু পরক্ষণেই মুখ বিকৃত করে বললেন, “কিন্তু আপনাদের রান্না আমি অতি কষ্টে খেতাম। তিন বছর খাওয়ার বড় কষ্ট ছিল। তখন থেকে আমার অন্ত্র হয়েছে।”

শুনে বড় কষ্ট হ’ল। তিনি আবার বললেন, “দেখুন, আমাদের রান্না আপনারা খেতে পারেন, কিন্তু আপনাদের রান্না—।”

ইচ্ছে হ’ল বলি, সবই তেলের গুণে। কিন্তু সঙ্গীরা তখনই

ডকে চাকরি নিলাম। ছুটাকা চার আনা রোজ। ওখানে দিন পনের ধরে ঘুরছি। আজ পাকা হয়ে গেল।

বলিলাম, কয়লা ডকে? সে যে ভীষণ পরিশ্রমের কাজ। সে কি পারবে?

নীলু বলিল, কি আর করি দাদা বলুন। যখন পাস-টাস করি নি, পিছনে কোন সুপারিশ নেই, তখন আপিসের চাকরি আমায় কে দিচ্ছে বলুন। কয়লা ডকের সর্দার বলছিল বটে, এ সব পারবে না। এসব হিম্মৎকা কাম—বিমারে পড়ে যাবে। কিন্তু দাদা, নাই বা পারব কেন? সুস্থ শরীর নিয়ে তো চুপ করে বসে থাকতে পারি নে। ছেলে, বউ, বাবা না খেয়ে মরবে আর আমি হুনকো বংশমর্যাদা আর পরিশ্রমের ভয়ে চুপ করে বসে থাকব, তা হয় না। বাবাকে একখানা চিঠি দিয়ে দেবেন—লিখবেন নীলু কাজ করছে, শীগগিরই টাকা পাঠাবে।

পরদিন নীলকণ্ঠ আমার নিকট হইতে বিদায় লইয়া চলিয়া গেল। তবে তাহার ধবর মাঝে মাঝে পাই বটে।

সন্ধ্যার সময় নীলকণ্ঠ যখন সমস্ত দিনের কাজ সারিয়া তাহার ভূকৈলাস রোডের বস্তিতে ফিরিয়া আসে তখন তাহাকে নাকি আর চেনা যায় না। কালো হাফ প্যাণ্ট আর ছেঁড়া কালিরুলি মাথা গেঞ্জি, সারা দেহে কয়লা মাথা। শুধু দেখা যায়, সাদা সাদা দাঁত, আর সাদা চোখ।

ডকের শ্রমিকেরা নাকি নীলকণ্ঠকে অনেক উপদেশ দেয়। বলে, আপিসকা কাম দেখো ভাইয়া। এসব কাম বাঙালী পারে নাকি? তুমি ত বায়ুনমাগুয়—তা এসব কেন? কিন্তু এই সব উপদেশ নীলু গ্রাহ্য করে না। সে আরেসী নয়, শক্ত হাতে কোদাল ধরিতে পারে, হাল ধরিতে পারে আর এই কয়লা টানিতে পারিবে না? নিজের শরীর আর দশটা শক্ত আঙুলের উপর বিশ্বাস রাখে সে।

ভূকৈলাস রোড হইতে মাঝে মাঝে আমার বাসায় আসে নীলু।

আমাকে সে কত কথা বলে। আর কিছুদিন পরেই নাকি দেশ হইতে বাবা, বউ, ছেলেকে লইয়া আসিবে। বস্তীর ভিতর ছুখানি ঘর লইয়া সে বাসা বাধিবে, খোকাকে স্কুলে ভর্তি করিয়া দিবে। শোভা আসিবে—শক্তসমর্থ গোলগাল চেহারাতে লালপাড় সাড়ী মানাইবে ভাল। কপালে থাকিবে সিঁহুর টিপ, সেবাপরায়ণ হাতে দুই দিনেই বস্তির দুইখানি ঘরের জঞ্জাল ঝাটাইয়া প্রতিষ্ঠা করিবে সন্ন্যাসী। কালি উঠানের এক পাশে থাকিবে তুলসীমঞ্চ। সন্ধ্যাবেলায় শোভা শাঁখ বাজাইবে, তুলসীমঞ্চ মাটির প্রদীপ জ্বলাইয়া দিয়া গড় হইয়া প্রণাম করিবে, স্বামীপুত্রের মঙ্গলকামনা করিবে।

সমস্ত দিনের পরিশ্রম শোভার হাসিতে সার্থক হইয়া উঠিবে, আর তাহার পাঁচ বছরের ছেলে বাবলু—সে বিশ্বয়বিস্ফারিত নয়নে কলিকাতা দেখিবে। এমনি কত স্বপ্ন সে দেখে।

মাকো মাকো ছেলেদের জন্ত প্লাষ্টিকের খেলনা, এই সব উপহার আনে। আমি অনুযোগ করি, এমনি করে পরস্পা নষ্ট করো না নীলু।

নীলু বলে, নষ্ট নয় দাদা। ওরা আনন্দ পাচ্ছে এ কি কম কথা।—নীলু গল্প করে, চা খায়, তাহার কাজের কথা বলে। নীলু বলে, বুঝলেন দাদা, আমাদের ডক ইয়ার্ড ইউনিয়নের সেক্রেটারী বাবুকে ধরেছি। শিশিরবাবু বলেছেন, শীগগির একটা ভাল কাজ জুটিয়ে দেবেন। আমার হাতের লেখা দেখে, বাংলা-সংস্কৃত জানি শুনে খুব খুশী হয়েছেন, তা ছাড়া আমাদের ইউনিয়ন থেকে একটা কাগজ বের হয়, তাতে আমার লেখা গল্প পড়ে আরও খুশী হয়েছেন।

আমি সবিস্ময়ে বলিলাম, তুমি গল্প-টল্প লেখ নাকি হে?

নীলু সসজ্জে বলিল, হাঁ দাদা লিখি। গাঁয়ে থাকতে অনেক গল্প কবিতা লিখেছি। সমস্ত একটা বাঁধানো খাতায় লেখা আছে।

বলিলাম, সমস্ত দিন ঐ হাড়ভাড়া খাটুনির পর আবার গল্পটল্প লেখ কখন?

—কেন রাতে। অনেক রাত ধরে লিখি, যখন সমস্ত শহর নিস্তন্ধ নিঃশব্দ, যখন সবাই ঘুমে অচেতন, তখন লিখি। আর সেই ত সময়—

বলিলাম, তোমার লেখা গল্পটা আমার পড়িও নীলু। বাঃ তোমার যে এ বিগ্ণে আছে তা ত জানি নে।

যুহু হাসিয়া নীলু বলিল, দাদা, আপনি আমার অনেক উপকার করেছেন। এখন আমি ত পড়ে থাকি সেই ডকে। আমার বহুকালের ইচ্ছে একখানা বই ছাপিয়ে বের করি। আপনি একটা ব্যবস্থা করে দিতে পারেন?

বলিলাম কৈ না। আমি দশটা পাঁচটা কলম পিষি। ওসব সাহিত্যের ধবর আর বাধবার সময় হয় না। কালে-ভদ্রে ছ'একটা বই-টই পড়ি ঐ পর্যন্ত, তবে চেষ্টা করব। আজকালকার মস্ত লিখিয়ে বুদ্ধাবন বাঁড়ুজ্যের নাম শুনেছ ত। যার বই দিনেমায় হচ্ছে, কত নাটক, কত উপন্যাস লিখেছেন। সেই বুদ্ধাবনবাবু আমাদের আপিসেই কাজ করেন, তাঁকে না হয় বলে দেখব'ধন।

নীলু অত্যন্ত আগ্রহভরে বলিল, দোহাই দাদা—মনে করে বলবেন। আমি না হয় আমার লেখা খাতাগুলো আপনাকে দিয়ে যাব। তিনি যদি সময় করে পড়ে দেখেন।

বলিলাম, আচ্ছা, আগে তাঁকে জিজ্ঞেস করে দেখি।

নীলু বংশবৃত্তের বলিল, বই আমি ছাপাবোই সুবেশদ। কেউ যদি না ছাপে তবে নিজের টাকায়ই ছাপাব।

—নিজের টাকায়? বল কি নীলু, বই ছাপাতে যে অনেক টাকা লাগে। এত টাকা কোথায় পাবে?

নীলু বলিল, এখন থেকে কিছু কিছু কমাচ্ছি যে—

—জমাচ্ছ? বল কি তুমি? সমস্ত দিন হাড়ভাঙ্গা পরিশ্রম করে, রাত জেগে লিখে তার পর ঐ গতির-জল-করা রোজগার থেকে টাকা জমানোর অর্থ কি বোঝ? এ যে আত্মগততার সাক্ষি। আমি বলি, যদি বাস্তব চাপ তবে ঐ কাজ ছেড়ে অন্য চেষ্টা কর। ঐ সামান্য পরসূ থেকে বই ছাপবার জন্য আর জমিয়ে না। শেষে মার পড়বে যে।

ইহার পর প্রায় দুই মাস আর নীলু আমার বাসায় আসে নাই—আমার সহিত তাহার দেখাও হয় নাই। সে যে কোথায়, কি তার ঠিকানা, বা এখন কি কাজ করিতেছে, তাহাও জানি না। একদিন দেশ হইতে সর্কেশ্বর ভট্টাচার্যের পত্র পাইলাম। লিখিয়াছেন—আমি নীলুর খসর আজ এক মাসের উপর পাই নাই। তাহাকে দুই-তিনখানি চিঠি দিয়াছিলাম, কিন্তু একখানারও উত্তর আসে নাই। বৌমা কাঁদিয়া ক'টিব পাগলের মত হইয়াছে, ছেলেটি বাবার জন্ম খুব অস্থির হইয়া উঠিয়াছে। প্রত্যহ ডাকঘরে গিয়া খোঁজ লয় যে, তাহার বাবার কোন পত্র আসিয়াছে কিনা। কিন্তু কোন খবর নাই। তাহার লেজ আমার বড়ই উৎকণ্ঠিত। ইহা ছাড়া এখানে হঠাৎ বসায় সমস্ত খান ফসল ডুবিয়া নিরাছে, আমার নিদারুণ কষ্টে আছি।

চিঠিখানি পড়িয়া স্থির থাকিতে পারিলাম না।

সেইদিনই আপিস হইতে নীলুর পুর ঠিকানা সেই ভূঁইকাম রোডে খোঁজ লইতে চলিলাম। বৈকাল হইয়া গিয়াছে—টাম বাস সমস্ত ভক্তি। বাস্তায়ও অসম্ভব ভিড়। বাস্তার দুই পাশে, অসংখ্য পানের দোকান, আর সমস্ত হাটের। চায়ের দোকান, রোস্টেরী সমস্তই বেজার নোংরা। সমস্ত বাস্তা পাচপেচে, কাদা জল আর পানের পিকে ঘেন নরক হইয়া উঠিয়াছে। বিভিন্ন নিগাণ্ডের টুকরো, খালি দশপাইয়ের বাস, ছেঁড়া কাগজ চতুর্দিক আরও নোংরা হইয়াছে। কসিকাতা শহরের এই আর এক রূপ দেখিয়া, চমকাইয়া উঠিলাম। ভাবিলাম, ইহার চেয়ে যে কোন এঁদো গ্রামও ভাল। সেখানে বাস্তাস আছে, আলো আছে। কিন্তু এ কি সর্কেশ্বর পরিবেশ—এ যেন কেহ গলায় দুই হাত দিয়া টিপিয়া দম বন্ধ করিয়া দিতোছে। আমি পকেট হইতে, নীলুর ঠিকানাটা বাতির করিয়া চোখ বুলাইয়া লইলাম। এ গলি—সে গলি করিয়, অবশেষে

বস্তির ভিতর একখানি খোলার ঘরের মনুখে আসিয়া ডাকিলাম—নীলুকণ্ঠ—ও নীলু বার আছ নাকি হে?

—কে? তেহরে অসুন। আমি কোনমতে মাথা হেঁট করিয়া, সেই জীর্ণ খোলার ঘরে ঢুকিয়া, আর কিছুই দেখিতে পাইলাম না।

—কে সুবেশদ!—অস্পষ্ট আলোয় তাকাইয়া এইবার দেখিলাম, একটা ভাঙ্গা পাটির উপর নীলু শুইয়া আছে।

তখন সজ্ঞা হয় নাই তবুও ঘর অন্ধকার। বাস্তাস আদিবার পথ নাই। একটা স্বল্প-পরিসর ক্ষুদ্র জ্বালান মাত্র। নীলু একট মোমগতি জ্বলাইল। মোমবাতির যুগ আলোয়, নীলু চেহারা দেখিয়া শিহরিয়া উঠিলাম। এ কি চেহারা হইয়াছে নীলুর! মাথায় বড় বড় চূস—সমস্ত মুণ খোঁচা খোঁচা পঁপদাড়িত আছন্ন। লোহার মত সেই শক্ত শরীর আর নাই, কে যেন ভাঙিয়া গুঁড়াইয়া দিয়াছে।

সবিস্ময়ে বলিলাম, এ কি চেহারা হয়েছে হে। কি অসুখ?

নীলু হাসিয়া বলিল, হঠাৎ একদিন মাথা ঘুরে পড়ে গিয়েছিলাম। সেই থেকে জর। আমি ভাল করিয়া চাহিয়া দেখলাম, গুর যুব শীর্ণ নীরক্ত বর্ণহীন। দুই চক্ষু কোটরপ্রবিষ্ট, মাথায় রুম্ম লম্ব চূস।

বলিলাম, ভট্টাচার্য্য নশায় চিঠি দিয়েছেন তোমার খোঁজ করতে।

—জানি। বাবার ছ'খান চিঠিই পেয়েছি। কিন্তু কি উত্তর দেব। সুবেশদা আমি তোর গেলাম। সত্যই হিন্দুতে কুলাল না, পাবলাম না বুকি, কঠিন মাটিতে টিকে থাকতে?

—তখন-ই ত বলেছিলাম নীলু। ওসব কাজ তোমার-আমার ঘাতে নয় না। কিন্তু না নীলু তুমি দেশ ফিরে যাও। তোমার যা শরীরের অবস্থা, তাতে এই আলো-বাস্তাসহীন নরকুণ্ড থাকলে থাকবে না। সেখানে একবেলা খেয়েও, মেথানকার আলো বাস্তাসে তবু থাকবে কিন্তু এখানে আর না। দেশে ফিরে যাও নীলু সেখানে তোমার বুড়া বাব বউ চেষ্টে পথ চেয়ে রয়েছে।

নীলু আস্ত আস্ত বিছানায় বসিয়া বলিল, আমার ছেলে আমার বাবলু সে চিঠি দিয়েছে এই দেখুন তার হাতের চিঠি। আমি তার জন্মে খেলনা কিনেছি, একটা বল কিনেছি। আমি ফিরেই যাব, ফিরেই যাব।

বলিলাম, শুনেছ বোধ হয় দেশে এবার হঠাৎ বান হয়ে সব ভাস গেছে।

—হঁ, তাও শু নছি। শুধু হাতে কি করে সেখানে পাড়াব, সুবেশদা। তাই দুদিন ঘেরি করছি। তিরিশটে

টাকা জমিয়েছি একজনের কাছে জমা আছে। সে আজ-কালের মধ্যেই দেবে, ত্রী টাকা পেলেই চলে যাব। হাঁ দাদা সেটার সঙ্গে খোঁজ নিয়েছিলেন? সেই বই ছাপানোর ব্যাপারট—আমায় মিথ্যা কথা বলিতে হইল। একজনকে বলেছি তিনি খুব আশা দিচ্ছেন। নীলু উৎসাহিত হইয়া বলিল, দাদা, আমি আমার প্রথম বইটার স্বপ্ন দাঁচি। বাটার আঙুল তার কোন আকার নেই, কিন্তু আমি দেখছি তার অবয়ব কি সুশী, অক্ষরগুলি কি সুন্দর, ছাপা কি বন্ধুকে আর পাতগুলো কি মন্থন। সেই বইরে আমার জীবনের এই বিশ বৎসরের প্রতি মুহূর্তের জালা, যন্ত্রণা অভাব, অনটন সবকিছু ফুটে উঠেছে। আমার নিজের দুঃখ আর অভিজ্ঞতা দিয়ে পৃথিবীর অগণিত দুঃখী মানুষের কথা ভাবতে ফুটিয়ছি। আমার ত্রী বই দুঃখী বঞ্চিত মানুষের বেদনার ইতিহাস, তাদের লোণা চোখের ক্রলের ইতিহাস। আমার প্রথম বই বাবলুকে উৎসর্গ করব—সেই মুহূর্তে আলোর তাবাইয়া দেখিলাম, নীলুর মুখে উদ্দীপ্ত, অঙ্গাট প্রসারিত আর তার তুচ্ছ অংগুস্তি মুষ্টিগত। রাত হইতেছিল তাই সেদিনের মত চাঁপিয়া আসিলাম।

ইতার পর কয় দিন নানান কাজে আর নীলুর খবর পাই নাই এবং সেও আসিয়া আমার সহিত সাক্ষাৎ করে নাই। দুই-তিনদিনের মধ্যেই তাহার দেশে যাবার কথা অথচ আজ্ঞাস করিয়া এক সপ্তাহ চলিয়া গেল, নীলুর কোন সঙ্কল্প পাইলাম না। তাহা সেদিন সন্ধ্যাবেলায় আবার দুইবেলায় বোঝে গিয়া তাহার বাস্তব ভিতর ঢুকিলাম। আজ আর খোঁজ করিবার প্রয়োজন হইল না, গতবার আসিয়া তাহার খর চিনিয়া গিয়াছি। নীলুর ঘরের দরজা খোলা আর ভিতরট অন্ধকার। ডাকিলাম, নীলু ও নীলকণ্ঠ কিন্তু কোন সাড়া-শব্দ নাই। কাহার নিকট খোঁজ করিব, তাহাই ভাবিতেছি। হঠাৎ অন্য ঘরের একজন বাসিন্দা তাহার দরজা হইতে নামিয়া আসিয়া বলিল কে—কাকে চান?

বলিলাম, নীলকণ্ঠ, যে এই ঘরে থাকত, তাকেই চাই।

সোকটি আমার আপাদমস্তক সন্ধ্যা করিয়া বলিল, ও নীলকণ্ঠ। তা আপনি কি কিছু জানেন না? তিনি ত নেই, মারা গিয়েছেন যে।

প্রায় চৌৎকার করিয়া উঠিলাম, মারা গিয়েছে? নীলু মারা গিয়েছে—কবে?

—এই দিন-দুই হ'ল মশায়। মশাই, সে কি রক্ত। বিদ্যান বাসিন্দা সব রক্ত একাকার। রাজবাড়ি হইয়েছিল মশাই, যাকে বলে কালবাড়ি। ও মরা কি মশাই, কেউ ছুঁতে চায়। শেষে আমরাই না ক'জন মিলে—

বলিলাম, তার জিনিষপত্র ছিল যে, সে সমস্ত কোথা?

সোকটি অত্যন্ত অশ্রদ্ধায় মুখে একটা শব্দ করিয়া বলিল, আঃ, জিনিষ তো ভারি, ফুটা ঘটি একটা, টিনের মগ আর এনামেলের থালা। কাগজে জড়ানো ত্রিশটি টাকা ছিল তাই রক্তে। সে সমস্ত খবেচ হয়ে গিয়েছে মশাই। সোক-জনকে দিতে হয়েছে দু-এক বোতলের দামও দিতে হয়েছে নইলে ও মড়া কে ছুঁবে মশাই। আপনি কে হন তার?

একটা আর্ন্ত চৌৎকার গলা দিয়া বাতির হইয়া আসিতেছিল। ভিতরের উচ্ছ্বসিত ক্রন্দনকে কোনমতে চাপিয়া বলিলাম, আচ্ছা কতকগুলো লোণা থাতা ছিল সে সব কৈ? সেই সব থাতাগুলো?

সোকটি বলিল, হাঁ, হাঁ, কতকগুলো থাতা ছিল। দোয়াত কলম লেখা থাতাপত্রের সব তার সঙ্গে চিত্তেয় দিয়াছি। কি হবে ওসব কাজ কাগজ কতকগুলো বেধে বলুন। আর ওতে যে মশাই রাজবাড়ির বীজ, তাই যার জিনিষ তার সাজাই দিয়া দিলাম।

রাগ সামলাইতে না পারিয়া বলিলাম, বেশ করেছ, খুব করেছ।

সোকটি হঠাৎ আমার রাগের কারণ বুঝিতে না পারিয়া অবাক হইয়া গেল। আমি আর তাহার দিকে না চাহিয়া রাস্তায় হাঁটিতে লাগিলাম। গঙ্গির মুখে দেখিলাম, এই বস্ত্রই একটি ছেলের হাতে একটা প্লাষ্টিকের বাশী আর একটি রবাবের বল। মনে হইল, এই ছটি খেলনা, বোধ হয় নীলু তাহার ছেলে বাবলুর জন্যই কিনিয়াছিল।



ফিরে এলেন এবং আমাকেও ছেদ টেনে খাওয়ার সন্ধানে যেতে লাগল। কাজেই কথা আর বাড়ল না। তবে ক্ষুধা বাড়ল।
আমার পছন্দমত খাদ্য কোথাও পেলাম না। ফিরে এসে মনে করলাম বলি, “মিঃ, তুমি ত তবু আমার দেশে থেয়েছিলে। আমার আমি যে না থেয়েই তোমার দেশ থেকে চললাম। তবে ডি ফিরে যাচ্ছি। পথের দুঃখ পথেই বেখে গেলাম।”

এখান থেকে বাসে ত্রিবেঙ্গাম যাওয়া যায়। ইচ্ছাসত্ত্বেও অধিক কারণে সে পথ ছেড়ে পূর্বপথেই আমরা ফিরে চললাম এবং এনেভেলিতে পালামকোটায় ভট্টাচার্য মহাশয়ের সুন্দর বাসভবনে মিনিট পনেরোর জন্তে আতিথ্যগ্রহণ করে আফশোষ নিয়ে দেশের পথ ধরলাম।

ভারতে ইংরেজ রাজত্বের গোড়ার দিকে ত্রিচিনপল্লী ও শ্রীরঙ্গমের বেদনাময় কাহিনীটি ভারতবাসীর বিশেষ করে দক্ষিণ দেশবাসীদের, আনা আছে। সেই ত্রিচিনপল্লীতে পৌঁছলাম সূর্যোদয়ের এককালে এবং আশ্রয় নিলাম সিন্ধীদের ধর্মশালায়। পশ্চিম দিকস্থান থেকে যেসব সিন্ধী ভারতে চলে এসেছেন, তাঁদের এক দেশ আশ্রয় নিয়েছেন এই শহরে। তাঁদেরই একটি বিদ্যালয় এই উত্তে স্থাপিত হয়েছে। ছেলেমেয়েরা ত এখানে লেখাপড়া পড়েই, অনেক বয়স্ক ব্যক্তি, বিশেষ করে মহিলারাও, শেখেন লসাইয়ের কাজ। ধর্মশালায় অধ্যক্ষ মহাশয় কেবল ধর্মশালাটির পরিচালক করেন না, উচু ও সাজানো বেদীতে বসে ধর্মশাস্ত্রও পাঠ করেন এবং ধর্মোপদেশও দিয়ে থাকেন। সেটা দেখলাম পরে, কিন্তু তার আগে তাঁর সুমধুর মেজাজের পরিচয় লাভ করে ক্লান্ত-ক্লিষ্ট মস্তিষ্ক আমরা পবন পুলকিত ও স্নিগ্ধ হলাম। সৌভাগ্য যে, যে ত চার-পাঁচ জায়গায় আমরা ছ’টি দীর্ঘাকার মানুষ বিহানা-পত্র নিয়ে আশ্রয় পেয়েছিলাম, সেখানে ছিলাম অল্পক্ষণই। বেশীর ভাগ এই কেটেছিল পথে, মন্দিরে ও কাবেরী নদীর তীরে।

ত্রিচিনপল্লীর শৈলমন্দিরে উঠতে গেলে সিঁড়ি ভাঙতে হয় অনেকগুলি। মন্দিরটি দুর্গবিশেষ, উত্তর দিকে খরস্রোতা কাবেরী, উপরে শ্রীরঙ্গম, মধ্যে ইংরেজের গড়া সেতু : সেতুপথে যানবাহন জনস্রোত চলেছে। এই শৈলসুর্গে ছিল টিপু বারুদাগার এবং এখানে এখনও বুদ্ধের চিহ্ন আছে। সঙ্গীরা দেখতে দেখতে উপরে উঠে স্বর্গলোকে অদৃশ্য হলেন। আমি অত তাড়াতাড়ি উঠতে পারলাম না, শীঘ্রে ধীরে সোপান অতিক্রম করতে করতে পিছনে ফিরে দেখি এক সাধু তাড়াতাড়ি উঠে আসছে। তার শীর্ণ ঋজু দেহে ভ্রম, পবনে কোঁপীন, মাথায় দীর্ঘ কেশ। সে একটি কোন দেশীয় বৃত্তে পারলাম না। সে আমার পাশ দিয়ে কয়েকটি সিঁড়ি উপরে উঠেই ফিরে আমার দিকে এমন ভাবে তাকালো যে, হ’ল না। যেন তারই মত করে উপরে উঠতে ইচ্ছিত আছে। অগত্যা সাধুদের পদাঙ্ক অনুসরণ করে অতি আয়াসে ক্রমশঃ মন্দিরটি উঠে গেলাম। শীর্ষদেশের খানিক নীচে একখানি সুবিশাল কক্ষে আছে কষ্টিপাথরের অনেকগুলি মূর্তি এবং

প্রত্যেকখানিকেই কাপড় পরিয়ে রাখা হয়েছে। শীর্ষে যে মন্দিরটি আছে তার মধ্যে কে বন্দী বা বন্দিনী হয়ে আছেন জানতে পারি নি। সেখান থেকে ত্রিচিনপল্লী নগর, কাবেরী নদী ও ওপারে নারিকেল-অরণ্যমাঝে শ্রীরঙ্গমের বিষ্ণুমন্দিরের সু-উন্নত গোপুরম অতি মনোবম দেখায়। দৃশ্যের একখানি ছবিও নিলাম।

অতঃপর নেমে এসে সকলে বাসে চড়ে চললাম শ্রীরঙ্গম। অপরাপর তীর্থস্থানের মতই এখানেও মন্দির ও বিগ্রহ মাহাত্ম্য প্রচারের উদ্দেশ্যে কয়েকটি কাল্পনিক কাহিনীর সৃষ্টি হয়েছে। সেগুলির মধ্যে একটি হচ্ছে—রামচন্দ্র সীতাকে উদ্ধার করে অযোধ্যায় ফিরে যাবার পথে এখানে ‘হলট’ করেছিলেন। যাই হোক, শ্রীরঙ্গমের বিষ্ণুমূর্তি যে শিল্পীর অনুপম সৃষ্টি এতে আর সন্দেহ নেই। শিল্পীর সুগভীর ধ্যানেরই তাঁর মানসলোকে এই অমিয়মাথা মুখখানি প্রস্ফুটিত হয়েছিল। কে জানে এই মুখখানি রচনা করেও তিনি তৃপ্ত হয়েছিলেন কিনা। হয় ত তাঁর অন্তরে বেদনা ছিল যে, যা রচনা করলেন তাঁর অন্তরলোকে সত্যকে তা ঈর্ষ্য স্পর্শও করতে পারল না!

মন্দির দর্শনাধীরা সকলেই কাবেরীতে স্নান করেন। কলকাতায় কলের জলের স্রোতই কলকাতাবাসীদের অধিকাংশেরই কাছে গঙ্গা-যমুনা-গোদাবরীর স্রোতোধারা। এই ধারা নিয়ে এক বাড়ির বহু ভাড়াটে ও বস্তিবাসীদের মধ্যে দাঙ্গাফাসাদ বাধে এবং জীবনকে হুর্বিধ্ব হ তিক্ত করে তোলে। কর্পোরেশন আবার ধারাটিতে মাঝে মাঝে উচ্চ চাপ, নিম্ন চাপ ও বন্ধ এই তিন বকমের খেলা দেখান। সেই কলকাতার লোক আমরা ইতিহাস-খ্যাত ও কাব্য-কাহিনীতে কথিত কাবেরীর জলে স্নানের স্নোভ সামলাতে পারলাম না। একালের বাংলার এক বিশিষ্ট কবির একখানি গানের দু’একটি কলিও মনে ছিল। কিন্তু গিয়ে দেখি, জলের স্রোত অতি প্রথর এবং নেমে দেখলাম স্থির হয়ে দাঁড়িয়ে থাকা দায়। প্রবল স্রোতে পায়ের তলা থেকে বালুরাশি সবে যাচ্ছে। এর কূলে বসে কোন বালিকা ‘আনমনে চম্পা-শেফালিকা’ ভাসাতে ভাসাতে জলে খলিত হয়ে ভেসে যাবার সমূহ সম্ভাবনা। তখন তার পিতৃ-পিতামহেরও সাধ্য নেই যে তাকে উদ্ধার করে। তার উপর নদীটিতে কুমীরও আছে। কূলে বসে থাকলে কুমীরাক্রান্ত হবারও বিপদ যথেষ্ট। তবে কবির কল্পলোকে সবই সম্ভব। তীরে অনেক বড় বড় অচেনা গাছ দেখলাম, কিন্তু “চম্পা-শেফালিকা”র দেখা পেলাম না। অবশ্য দক্ষিণের কোথাও তাদের দেখা পাই নি। হয় ত নদীটির উজানে বা ভাটিতে কোথাও ফুটে বা ফোটবার অবস্থায় থাকবে।

এপারের ঘাট থেকে ওপারের ত্রিচিন শৈলমন্দিরটি বড় সুন্দর দেখাচ্ছিল। সান্ন্যদেশে ঈর্ষ্য লোহিত কাবেরী স্রোত, শীর্ষে পুঞ্জ পুঞ্জ সঞ্চরণশীল মেঘ, পিছনে নীল আকাশপট, রবিকরে উজ্জল স্বর্ণচূড়া।

সেইদিনই সন্ধ্যায় আমার চার জন সঙ্গী চলে গেলেন তাল্লোর। ছাত্র-সঙ্গীটির সঙ্গে আমি প্রাটফরমে বসে রইলাম। রেলগাড়ি তাঁদের নিয়ে অন্ধকারে অদৃশ্য হয়ে গেল এবং আমরা দু’জনও তার

ঘণ্টা করেক পরে মাদ্রাজের পথ ধরলাম। তাঁদের আগেই আমাদের মাদ্রাজে পৌঁছবার কথা হলেও তাঁরাই পৌঁছে গিয়েছিলেন আমাদের আগে। বেলগাড়ির, বিশেষ করে জনতার কামরা আগে দখল করার সুবিধা কি তা তৃতীয় শ্রেণীর যাত্রীমাজেই অবগত এবং বিলম্বে পৌঁছনোর দুর্ভোগের কথাও বোধ করি কারও অবদিত নয়। সে কথা আর এখানে নাই বললাম।

বেঙ্গলোয়ার পৌঁছে হাত-পা ছড়াবার বেশ জায়গা পাওয়া গেল আর পাওয়া গেল ত্রিবেঙ্গামের এক ক্যানভাসারকে। লোকটি বাস্কে বিছানা পেতে তার পথের সঙ্গীটিকে বালিশের তলায় গুজে রাখল এবং সুমোবার আগে পর্যন্ত সেটিকে মাঝে মাঝে বার করে তার মধুপান করতে লাগল, কিন্তু মাতাল হ'ল না। সে ত্রিবেঙ্গাম

থেকে আরম্ভ করে দাক্ষিণাত্যের কথা পরম দাক্ষিণ্যে বলে গেল।

পরদিন দুপুরের দিকে দেখলাম অদেখা চিহ্নকে—সৌন্দর্য্যে ঝলমল করছে। তার নীল জল, বক্ষের বনাচ্ছন্ন বিচ্ছিন্ন শৈলগুলি, ধীরদের পালতোলা নৌকা, দিগন্তবিলীন একটি অংশ, সব মিলিয়ে যেন ধরণীর বুকে আঁকা একখানি নৈসর্গিক ছবি। এ ছবিতে রঙ লাগানো আজও শেষ হয় নি। কিন্তু আমার কাহিনীটির এখানেই শেষ হ'ল, এবং শেষ কথাটি এই যে, মনোরম দক্ষিণের দেখলাম সামান্যই, তার অধিবাসীদের সঙ্গে মেলামেশার সুযোগের অভাবে দেশটিকে জানসামও অল্পই।*

* ছবিগুলি লেখক কর্তৃক গৃহীত।

ওগো মোর ভীকু প্রিয়

শ্রীবীথিকা দেবী

ওগো মোর ভীকু প্রিয়—

সুগোপনতার আড়ালে আমাকে ফেলে
চলে যেয়ো নাক' বিশ্বত অতলভায়
শুধু চুপি চুপি কাছে এসে হেসে খেসে
চলে যেয়ো কের পানীর মতন বিশ্বল বনলতার।

সেদিন আমার জেনো—

ফোটা ফুল হবে যত ছিল মোর আধকোটা কুড়িগুলি
দিনের আলোর বিদায় বেলায়, মাঁকের অঙ্ককারে।
ক্ষতি নেই কিছু যদি তুমি নাও সব ফোটা ফুল তুলি
বিন্দু শাখাই ফোটাবে কুসুম আর বার অভিসারে।

ছুঁয়ে ছুঁয়ে যেয়ো মন—

নভ যদি হয় বিবহবিধুর সবুজ বনের পাতা
বিব বিব করে মুহু মুহু কাপে ধীরে ;
হাতে হাত রেখো, নয়নে নয়ন, তরুতলে রেখো মাথা,
প্রেমপান যত গেয়ে যেয়ো ফিরে ফিরে।

কথা যদি নাই বল—

চোখে চোখে রেখে শুধু বসে থেকো আমার বনানীতলে,
বিল্লির ডাক খামবে যখন নির্জন বন হতে
নীল আকাশের গলে পড়া নীল আমাদের পদতলে
নীল নদ হলে বয়ে যাবে ও যে অঙ্ককারের স্রোতে।

মুক হয়ে যদি থাকো—

কোন ক্ষতি নেই স্রোতে দু'জনেই ভেদে যাবো কোন দিকে,
মাস্তী বনের ফুলের কাপনে দখিনের সমীরণে
ওড়কঙ্গীর ধাপে ঠেকে হবে আকাশের রঙ ফিকে ;
ক্ষতি নেই কোন, শুধু তুমি আমি, এই কথা হবে মনে।

অসম্ভব

শ্রীবীরেন্দ্রকুমার রায়

এ কি রকম হ'ল! মরতে হয় তুই মর, না ওই কচি ছেলেটাকে নিয়ে টানাটানি কেন? আর তাও যদি করলি তবে বাচ্চাটাকে মেরে ফেলে নিজে আবার ফিরে এলি কোন্ লজ্জার মাথা পেয়ে? মরণ, মরণ, অমন মুখে আশুন।

সমস্ত গ্রামটারই এই মত, বিশেষ করে মেয়েদের এবং তার মধ্যেও আবার মায়েদের। ব্যাপারটা হ'ল, মুখুজ্যেদের ছোট বোঁটিকে কাল শেষ রাত্রির দিকে পাশের পুকুরে এক-গলা জলে দাঁড়িয়ে থাকা অবস্থায় ধরেছিল গাঁয়ের চৌকিদার। কোলে তার মরা শিশু একটি, সে নিশ্চল হয়ে দাঁড়িয়ে দাঁড়িয়ে কাঁদছিল। চৌকিদার ভেবেছিল বোঁটি মরা ছেলের শোকে পুকুরে আত্মহত্যা করতে এসেছিল, সে তাকে অনেক বুঝিয়ে বাড়ী ফিরিয়ে নিয়ে যায়।

ব্যাপারটা এইরকম হওয়াই স্বাভাবিক এবং হলেই ভাল ছিল কিন্তু শাণ্ডী তরঙ্গিনী গণ্ডগোল বাধালেন।

সকাল ভাল করে না হতেই পিল্ পিল্ করে মুখুজ্যে-বাড়ী লোকসমাগম হতে থাকে, গ্রামের বৈচিত্র্যহীন জীবনে এত বড় একটা সংবাদের সোভ সঞ্চরণ করা কঠিন। সান্ত্বনা—সেই বোঁটির নাম—ভিজে কাপড়ে উঠানের এক কোণে লুটিয়ে পড়ে আছে, ছেলেটি নেই, বোধ হয় একটু আগেই তাকে নিয়ে যাওয়া হয়েছে। তরঙ্গিনী বারান্দার উপরে একটা এলোমেলো ছেঁড়া মাদুরে বসে আছেন, চোখে-মুখে তাঁর নিদ্রার বিঘ্নজনিত বিরক্তির ছাপ পরিস্ফুট। মাঝে মাঝে আড়চোখে সান্ত্বনার দিকে চাইছেন, হয়ত কাল সন্ধ্যাবেলার ঝগড়ার কথাও চিন্তা করছেন।

কয়েকজন বর্ষীয়সী মহিলা প্রবেশ করেই সোজা তরঙ্গিনীর কাছে এসে জিজ্ঞেস করেন—বলি ব্যাপারখানা কি মঙ্গলের মা?

তরঙ্গিনী ক্ষিপ্ৰহস্তে ছেঁড়া মাদুরখানা যতদূর সম্ভব বিছিয়ে দিয়ে বললেন—এস, বস সব। আর বলো না, ব্যাপারটা কি আমিই ছাই বুঝছি না হাজারবার জিজ্ঞেস করলেও ও হতভাগী বলবে।

বর্ষীয়সীরা বিশ্বাস করলেন, তাকিয়েই রইলেন। তাঁরা বনে-জঙ্গলে বাস করেন না, তাঁদেরও ঘর-সংসার আছে। শাণ্ডী হয়ে বোঁয়ের খবর রাখে না, অন্ততঃ এমন একটি ব্যাপারে এ অসম্ভব।

অবশ্য তরঙ্গিনীর এটা শুধু জমি প্রস্তুত করে নেওয়া, তার পরই বীজ ফেলতে থাকেন।

—পাগল পাগল বুঝলে দিদি, একেবারে বন্ধ পাগল, নইলে এ কাজ ভালমানুষ করতে পারে। ভয় হয় ও কবে আমারই গলাটা টিপে দেবে।

বিচিত্র নয়। ছেলেকে যে নিজের হাতে মেরে ফেলতে পারে, সে পারে না সংসারে এমন কাজ নেই। এটা অস্তুতঃ কাউকে বোঝাতে হয় না।

একজন প্রাচীনা একটু তফাতে সিঁড়ির উপরে বসে পড়েছিলেন। তাঁর কানে তরঙ্গিনীর কথাগুলো যাচ্ছিল বটে, কিন্তু চোখদুটো ছিল সান্ত্বনার দিকে। অবশ্য দেখা যাচ্ছে কেবল ভিজে কাপড়খানা, কিন্তু তার নীচে আছে দেহ এবং তারও নীচে আছে মন, যেখান থেকে শোকের তরঙ্গ উঠে একেবারে শেষ সীমানায় এসে কাপড়ের তটে এলো-মেলো ভাবে আছড়ে ভেঙ্গে পড়েছে। তিনি অনেকক্ষণ ধরে সেই দিকে চেয়ে নিজের মনে একরকম যেন গুনতে গুনতেই বললেন—না, বো, ঠিক পাগলামি ত মনে হচ্ছে না।

তরঙ্গিনী সঙ্গে সঙ্গে কথাটা লুফে নিয়েই নিজের কপালে করাঘাত করে বললেন—তা হলে ত বাঁচতাম দিদি। কখন যে মাথাটা গোলমাল হয় কেউ বলতে পারে না, তা না হলে এমনিই। বলি, ও বো, কাপড়টা ছেড়ে এস যাও নইলে ভুগতে ত হবে শেষকালে এই আমাকেই। আমার যত হয়েছে ভুতের বোঝা আর কি!

সান্ত্বনা তেমনিই পড়ে রইল। কাপড় এমনিতেই গুঁকিয়ে উঠতে থাকে।

মঙ্গলময় শহরের এক ছোট মণিহারী লোকানের অন্ন মাইনের একজন বিক্রেতা। মুখুজ্যেরা আগে বেশ বড়িষু পরিবার ছিল, পরে নানাবিধ বিপর্যয়ের মধ্য দিয়ে বর্তমান এই পতনদশায় এসে দাঁড়িয়েছে। সংসারটাও আগে ভরাট অবস্থায় ছিল, বাপ কাকা জ্যেষ্ঠা নাতি-নাতনী সব নিয়ে সে এক জমজমাট ব্যাপার। কিন্তু সে ছিল জমি-জায়গার কল্যাণে। মাটির সে স্নেহশক্তি আর নেই, সব বিক্রি হয়ে গেছে, তাই এখন জীবিকার খোঁজে কে কোথায় ছিটকে পড়েছে খোঁজ রাখাই দায়। কেবল মঙ্গলময় এখনও গ্রামে

টিকে আছে, হয়ত ছিটেকোঁটা জমি এখনও আছে কিংবা বাইরে যাওয়ার সুযোগের অভাব, কিংবা হয়ত তরঙ্গিনীর ভিটেমাটির আকর্ষণ এবং সেই সঙ্গে মঙ্গলের মায়ের প্রতি আকর্ষণ। অর্থাৎ এ এমন এলোমেলো ব্যাপার যে সবই হতে পারে, আবার সঠিক কেউই বলতে পারে না।

সম্প্রতি মঙ্গলময় একটু যুশ্‌কিলে পড়েছে। কাল সে জেলার সদরে গিয়েছিল কতকগুলি মাল কিনতে। কলকাতায় যাবার কথা ছিল, কিন্তু কয়েকটি কারণে কিছু সুবিধা পাওয়াতে এই ব্যবস্থা। যাই হোক, আজ সকালে ফিরে এসে মালিকের কাছে মাল ও টাকার হিসাব মিলিয়ে দিতে গিয়ে কি রকম হঠাৎ গোলমাল বেধে গেল, দু'টাকা বারো আনার হিসাব কিছুতেই মিলল না।

মঙ্গলময় ভদ্রবংশের ছেলে, বিশ্বাসী কর্মচারী। মালিক সহসা কিছুই বললেন না বরং এমন ভাব দেখালেন যে, হারিয়েও ত যেতে পারে। কিন্তু মঙ্গলকে অত্যন্ত বিব্রত মনে হ'ল, কারণ তার যা অভাবের সংসার তাতে হারিয়ে যাওয়াটাই যে কি রকম দেখায়।

এই ভাবে উন্টেপাল্টে নানা ভাবে মিলিয়ে দেখিয়ে পরিশ্রান্ত হৃদয়ে মঙ্গল বাড়ী ফিরছিল। চোখে মুখে তার যন্ত্রণালিপ্তের মত নির্ঝিকার চাহনি, কিন্তু তবু যেন মনে হয় কি একটা হিসাব সে তখনও করেই চলেছে। বাড়ীর কাছাকাছি এসে হঠাৎ তার মুখের ভাবটা বদলে গেল, সে একটু এদিক-ওদিক তাকিয়ে ময়লা ছেঁড়া কোর্টটার পকেটে হাত ভরে অত্যন্ত ক্ষিপ্ত গতিতে একটা বড় কোর্টোমত জিনিস বার করে ফেলল। ভাল বিলিতী দুধগুড়োর কোর্টো। মঙ্গল অত্যন্ত আদরে সুদৃশ্য কোর্টোটির গায়ে হাত বুসায় আর হাঁটে। চারিদিক নিঃশব্দ, শুধু তার শতছিন্ন চটিটা যেন একরকম অদ্ভুত প্রতিবাদ করতে করতে বুসায় লুটিয়ে পড়তে চায়।

তার পরের দৃশ্য। মঙ্গল মায়ের অদূরে বারান্দায় বসেছে, সান্ত্বনা তেমনিই পড়ে আছে। সংসারের কাজকর্ম কিছুই হয় নি। তরঙ্গিনী বোধ হয় খামে হেলান দিয়ে বিমোহিতলেন। মঙ্গলের পদশব্দে সচকিত হয়ে উঠে বসে যা বঙ্গার সমস্ত শেষ করে সম্প্রতি আবার হেলান দিয়ে বসেছেন। মঙ্গল হাঁ-না কিছুই বলে নি, কারণ এসব বিষয়ে বঙ্গারই বা কি আছে।

অনেকক্ষণ পরে কিছু বলতেই হবে এমনভাবে সে আশ্বে আশ্বে বলে—কাল রাগারাগি হয়েছিল বুঝি ?

এবারে তরঙ্গিনী ভীষণ উত্তেজিত হয়ে পড়েন, কোলাহল করে বলে উঠেন—হ্যাঁ, আমি ত সংসারে সবাইকে মারধোর করবার জন্যই জন্মেছি। বলি, যাদের ভাত ছোটো না

তাদের আবার দুধের সখ কিসের ? ভাত খেয়ে কি বাঁচত না ? অত বড় ছেলেটা দিলি ত শেষকালে জল খাইয়ে মেয়ে—বলতে বলতে এবার তিনি সত্যিই কেঁদে ফেলে চোখে আঁচল চাপেন।

মঙ্গল হঠাৎ বিব্রত হয়ে পড়ল। কোন কিছু না পেয়ে মিছিমিছি হাত দু'খানা কোর্টের দুই পকেটে চালান করে দিয়ে ঘাড় সোজা করে উঁচু হয়ে বসল। সঙ্গে সঙ্গে হাতে ঠেকল তার দুধের কোর্টোটি আর মনে পড়ল তরঙ্গিনীর শেষ কথাটি। যোগাযোগ বটে! তাই ত, ভাত যে খেতে পারে না এবং দুধ যে পায় না, তার জল ছাড়া উপায় কি! সে হঠাৎ কি ভেবে চোখ তুলে তাকাল সান্ত্বনার দিকে, ভাবল, কিন্তু ও ফিরে এস কেন ? প্রাণের মায়ায় ? হঠাৎ এই খুনী বোটির জন্তু মঙ্গলের কি রকম যেন মমতা হয়, আর হাতটা কেবলই কোর্টোর ওপরে ধামতে থাকে। কলঙ্কের কথা বৈকি! কিন্তু খোকা তাকে অন্ততঃ একটা লজ্জার হাত হতে বাঁচিয়ে দিয়ে গেল। কালই সে দুধের কোর্টোর হিসেব মিলিয়ে দিয়ে আসবে।

তরঙ্গিনী কিছুটা সামলে নিয়ে চোখ মুছতে মুছতে বললেন—এ আমি নিশ্চয় বলতে পারি, বাছা আমার কিছুতেই মরত না, সে তোমরা যাই কর আর যাই বল।

এ কথায় মঙ্গলের কেমন গোলমাল বেধে যায়। সে অল্প-স্বল্প মাথা নাড়ে, কিন্তু কথা দুটো কিছুতেই মেলাতে পারে না—যদি নাই মরবে তবে মরল কেমন করে ?

মঙ্গলদা! ও মঙ্গলদা! বাড়ী ফিরেছ নাকি ? বাইরে কার ব্যগ্র কর্তৃস্বর শোনা যায়।

মঙ্গল চোর-ধরা-পড়ার মত হাতদুটো পকেট হতে বাইরে এনে একটু সামলে নিয়ে সহজ ভাবে বলে—কে, ও ?

কর্তৃস্বর ততক্ষণে একেবারে দোরগোড়ায়, বলে—আমি তিনু, একটু পুকুরের দিকে গেছলাম। প্রসন্নকাকা তোমায় পাঠিয়ে দিতে বললেন, ওখানে পুলিশ এসেছে নাকি। তুমি এগোও, আমি এই মাছ দুটো রেখে কাপড়টা বদলে এখুনি আসছি। যাও দেরি করো না—বলতে বলতে সে চলে গেল।

পুলিস! তরঙ্গিনী, মঙ্গল ও সান্ত্বনা একই সঙ্গে চমকে উঠে বসে পরস্পরের পানে চাইল। এবার আর দুধের গুড়ো আর চোখের জল নয়, সাক্ষাৎ পুলিশ!

সান্ত্বনার চোখদুটো কি লাল, মুখখানা কি বিকৃত এবং এই নতুন বিপদের সম্ভাবনায় তাকে কি পরিমাণ কাতর দেখাচ্ছে। মঙ্গল তাকে একবার ভাল করে দেখে নিয়েই উঠে পড়ে। চটিটা আলুগা হয়ে পড়েছিল, সে দুটোকে পায়ে

ভাল করে জড়িয়ে নিয়ে সমস্ত শরীরটাকে নাড়া দিয়ে যতটুকু পারে ধুলো বেড়ে ফেলে। সঙ্গে সঙ্গে দ্বিধা সঙ্কোচও।

তরঙ্গিনী তার ভাবটা বুঝে চকিতে দাওয়া ছেড়ে প্রায় একলাফে তার সামনে এসে ব্যাকুল ভাবে বলে—তুই যাস নে মঙ্গল, তুই যাস নে। ওখানে গেলে ওরা নিশ্চয়ই ধরে নিয়ে যাবে। বলতে বলতে হঠাৎ তাঁর গলার জোর বেড়ে যায়, প্রায় শাসনের ভঙ্গিতে উচ্চ কণ্ঠে ঘোষণা করে—আর কি এমন হয়েছে, এখানে আসুক না একবার, আমি বুঝিয়ে দিচ্ছি। ওঃ ভাত-কাপড়ের ভাতার নয়, কিল মারবার গৌসাই! ভারি বাহাদুর!

মঙ্গল একটু স্তান হেসে বলে—কিন্তু এখানে ত আসবে না মা। বলে সে দরজার দিকে আরও দু'পা এগোয়। কিন্তু মুশকিল হ'ল তার ছুধের কোঁটোটি নিয়ে। না পারে ওটাকে সঙ্গে নিয়ে যেতে, কারণ কোথায় যেন বাধ-বাধ ঠেকে, আর না পারে মা-বোঁয়ের সামনে বার করে রাখতে। সে কেবলি পকেটে হাত ভরতে থাকে আর এদিক-ওদিক তাকায়।

সাস্থনা কি বুঝল সেই জানে, কিন্তু সে আর থাকতে পারে না, একদৌড়ে এসে স্বামীর সামনে উপুড় হয়ে পড়ে কঁদে ফেলে বলে—ওগো আমায় সঙ্গে নিয়ে চল, আমি যাব।

মঙ্গল তার মনের ভাব বুঝতে পারে, সঙ্গে সঙ্গে অত্যন্ত বেদনায় দু'হাত বাড়িয়ে সাস্থনাকে উঠিয়ে আন্তে আন্তে বলে—পাগল! কোন ভয় নেই তোমার, আমি সব জানি। মা তুমি একে একটু ধর ত—বলতে বলতে সে ধুলো-কাদামাথা বিভ্রান্ত পত্নীকে মায়ের দিকে একটু এগিয়ে দেয় এবং এবারে সম্পূর্ণ অসঙ্কোচে ছুধের কোঁটোটা বার করে তরঙ্গিনীর হাতে দিয়ে বলে—আর এটাও একটু ধর।

কোঁটোটা দেখেই শাশুড়ী ও বৌ দু'জনেই চমকে উঠল, কারণ এর চেহারা অতি পরিচিত। মঙ্গল সেটা বুঝেও

সহজ ভাবেই বলল—ওটা সাবধানে রেখো, কাল দোকানে নিয়ে যেতে হবে।

প্রকাণ্ড বাড়ী। জমিদার প্রসন্ন গাঙ্গুলী কাছারিবাড়ীর বারান্দায় একটা ইজিচেয়ারে বসে গড়গড়ায় তামাক টান-ছিলেন, আশেপাশে কয়েক জন লোক বসে বা দাঁড়িয়ে ছিল। মঙ্গল পুলিশের দিকে নজর রাখতে রাখতে একেবারে তাঁর সামনে এসে পড়ল। প্রসন্নবাবু ওকে দেখে সোজা হয়ে উঠে বসলেন এবং ভারিক্কী সুরে বললেন—ই্যা বল ত মঙ্গল, ব্যাপারখানা কি। যা শুনছি তা ত ভাল মনে হচ্ছে না।

মঙ্গল ভাবছিল পুলিশের কথা, চুপি চুপি বলল—বলছি কাকা, কিন্তু পুলিশের লোক কোন দিকটায়?

পুলিস? পুলিশ আবার কোথায়। ওহো বুঝেছি। তাঁ বাপু যা ব্যাপার তাতে পুলিশ আসতেই বা কতক্ষণ? নে, বল দেখি খুলে এবার। বলে প্রসন্নবাবু আবার আরাম করে চেয়ারে গা ছড়িয়ে দিলেন।

মঙ্গল যেন হাঁপ ছেড়ে বাঁচে। একটু দম নিয়ে এবার সে সম্পূর্ণ স্পষ্ট কণ্ঠে বলে—ও কিছু নয় কাকা, ছেলেটা পরশু বিকেল হতেই কেমন করছিল। ও যে হবে সে একরকম জানাই ছিল।

তবে যে শুনছি অন্য রকম—বলে প্রসন্নবাবু একটু যেন সন্দ্বিদ্ধ তীক্ষ্ণ দৃষ্টিতে তার মুখের দিকে তাকান। আশ-পাশের লোকেরাও পরস্পর একটু অর্থপূর্ণ দৃষ্টিবিনিময় করে।

কিন্তু মঙ্গলের দৃষ্টি একটুও কাঁপে না, সে একরকম নিশ্চিত বিশ্বাসের সঙ্গেই জবাব দেয়—ওর আর রকম কি আছে কাকা, ওইটুকু ত জান।

তাই ত। প্রসন্নবাবু সহসা আর কিছু বলার খুঁজে পান না। একটু পরে বলেন—যাক না হলেই ভাল। আরে, আমি তখনই বলেছিলাম, এ হতেই পারে না। একি একটা কথা হ'ল, না মানুষে ঐ রকম কখনো করে—বলে তিনি বিজ্ঞের মত মাথা নাড়তে থাকেন।



পৃথিবী প্রসঙ্গ

শ্রীমণীন্দ্রনাথ দাস

আমাদের পৃথিবী সৌরপরিবার-ভুক্ত নবগ্রহের মধ্যে গণনীয়। এই মেদিনী মহাশূন্যে অবস্থান করিয়া সূর্যের চতুর্দিকে অবিরাম ঘুরিয়া বেড়াইতেছে। সূর্যের আকর্ষণ-শক্তিই পৃথিবীকে দীর্ঘবৃত্তাকার কক্ষপথে চলিতে বাধ্য করিয়াছে। সূর্য হইতে পৃথিবী গড়ে ৯,৩০,০০,০০০ মাইল দূরে অবস্থিত। সূর্যাকর্ষণ পৃথিবীতে পৌঁছিতে আট মিনিট সময় লাগে। সূর্যই মধ্যস্থলে স্থির রহিয়াছে আর পৃথিবী ও অন্যান্য গ্রহগণ উহার চারিদিকে বিচরণ করিতেছে—এই সত্য পাশ্চাত্যে সর্বপ্রথম পোপাণ্ডোর প্রসিদ্ধ জ্যোতির্বিদ নিকোলাস কোপার্নিকাস (১৪৭৩-১৫৪৩) স্পষ্ট ভাষায় প্রচার করেন।

এই পৃথিবী যে বিরাট বলের মত গোল তাহা প্রাচীন কালেই খ্রীষ্টপূর্ব চতুর্থ শতাব্দীতে সুবিখ্যাত গ্রীক দার্শনিক এরিস্টটল (খ্রীঃ পূঃ ৩৮৪-৩২২) বলিয়া গিয়াছিলেন। তিনি সিদ্ধান্ত করেন, সূর্য ও চন্দ্রের আকৃতি গোল এবং গ্রহণের সময় পৃথিবীর যে ছায়া চন্দ্রের উপর পতিত হয় তাহাও বৃত্তাকার—সুতরাং একান্ত স্বাভাবিকভাবেই পৃথিবী গোলাকার। ভারতবর্ষেও পঞ্চম শতাব্দীতে আর্যভট্ট, ষষ্ঠ শতাব্দীতে বরাহমিহির এবং দ্বাদশ শতাব্দীতে ভাস্করাচার্য্য স্পষ্ট ভাষায় ব্যক্ত করিয়া যান যে, ভূমণ্ডলের গঠন গোলকাকার। ইহা ছাড়া, পৃথিবীর আকার সম্পর্কে অসংখ্য অনেক আধুনিক প্রমাণ আছে। খ্রীঃ পূঃ তৃতীয় শতাব্দীতে ইজিপ্টে অবস্থিত আলেকজান্দ্রিয়া নগরের বিখ্যাত ভৌগোলিক ও গ্রন্থাগারিক ইরটিস্থিনিস (খ্রীঃ পূঃ ২৭৫-১৯৪) মাপিয়া দেখেন—পৃথিবীর পরিধি প্রায় ২৫,০০০ মাইল। ধর্মজীর উত্তর ও দক্ষিণ মেরু দ্বয় চাপা ও মধ্যস্থল কিঞ্চিৎ ক্ষীণ। প্রসিদ্ধ পতুগীজ নাবিক ফার্ডিনান্ড ম্যাগেলান (১৪৭০-১৫২১) ১৫১৯ সনে প্রথম জাহাজে করিয়া পৃথিবী প্রদক্ষিণ করেন।

বৈজ্ঞানিকদের হিসাবে বসুন্ধরার ওজন ছেষটির পরে কুড়িটি শূণ্য বসাইলে যত বড় সংখ্যা হয়, তত টন—এক টন ২৭ মণের সমান। এই ধরণী সর্বদা সমস্ত বস্তু নিজের কেন্দ্রের দিকে আকর্ষণ করিতেছে। ইহাকেই মাধ্যাকর্ষণ বলে। সর আইজাক নিউটন (১৬৪২-১৭২৭) মাধ্যাকর্ষণের নিয়ম আবিষ্কার করেন।

পৃথিবীর গতি প্রধানতঃ দুই প্রকার—দৈনিক ও বাৎসরিক। ২৩ ঘণ্টা ৫৬ মিনিট ৪ সেকেন্ডে বা এক দিনে পৃথিবী নিজের চারিদিকে একবার আবর্তিত হয়। ইহার ফলে অবনীত অর্ধেক ভাগ একবার করিয়া সূর্যের আলো পায় এবং অপর অর্ধেক ভাগ অন্ধকারে পড়িয়া যায়। যে অংশ যখন সূর্যের আলো পায় সে সময় সেখানে দিন এবং অংশ অন্ধকারে থাকার জন্য সেখানে

তখন রাত্রি। দৈনিক গতি ছাড়া পৃথিবীর বাৎসরিক বেগও রহিয়াছে। পৃথিবী ৩৬৫ দিন ৫ ঘণ্টা ৪৮ মিনিট ৪৬ সেকেন্ডে সূর্যকে একবার প্রদক্ষিণ করিয়া আসে। এই পরিভ্রমণকাল আমাদের এক বৎসর। এই সময় পৃথিবীর গতিবেগ সেকেন্ডে সাড়ে আঠার মাইল। সাধারণতঃ ৩৬৫ দিনে এক বৎসর ধরা হয়। চার বৎসর অন্তর অতিরিক্ত পৌনে ছয় ঘণ্টা যখন জড়ো হইয়া এক দিনে পরিণত হয়, তখন উহা ২৮ দিনের কেত্রাবারী মাসে যোগ দিয়া ২৯ দিন করা হয়। এই সব বৎসরকে 'লীপ ইয়ার' বলে।

পৃথিবী সূর্যাত্মকে উত্তম্ভ হয়। কিন্তু উত্তর ও দক্ষিণ মেরু-প্রদেশে সূর্যাকর্ষণ ত্রিভুজভাবে পতিত হয়। সেজন্য ধর্মজীর উত্তর ও দক্ষিণ প্রান্ত হিমশীতল ও চিরতুষারের রাজ্য। তথাপি অনেক বাধাবিপত্তি ও তীব্র শীত উপেক্ষা করিয়াও ১৯০৯ সনে কমাণ্ডার পিয়রী উত্তর মেরুতে গিয়া পৌঁছিয়াছিলেন আর ১৯১১ সনে এমাণুয়েল দক্ষিণ মেরু অভিযান করিয়াছিলেন। পৃথিবীর মধ্যবর্তী স্থানে বা বিদ্যুৎমণ্ডলে সূর্যরশ্মি অধিকাংশ সময় সোজাভাবে পড়ে, এজন্য এই প্রদেশ সর্বদা উষ্ণ থাকে। হিমমণ্ডল ও তাপমণ্ডলের অন্তর্বর্তী স্থানকে সমমণ্ডল বলা হয়।

পৃথিবীর অক্ষ সোজা না থাকিয়া সাড়ে তেইশ ডিগ্রী হেলিয়া আছে, ইহার জন্য সূর্য-পরিভ্রমণকালে ঋতু পরিবর্তন হয়। বৎসরের যে সময় উত্তর গোলার্ধে সূর্যের দিকে বেশী ঝুঁকিয়া গিয়া অতিরিক্ত আলোক ও উত্তাপ গ্রহণ করে তখন সেখানে গ্রীষ্মকাল আর দক্ষিণ গোলার্ধে সেই সময় শীতকাল। আবার অল্প সময় পৃথিবীর দক্ষিণ ভাগ সূর্যের দিকে বেশী হেলিয়া গেলে সেই অঞ্চলে গ্রীষ্মঋতু হয়, আর উত্তর অংশে সেই সময়ে খুব অল্প সৌরতাপালোক পড়ার জন্য শীতঋতু থাকে। আমাদের দেশে এই দুই ব্যাপারকে উত্তরায়ণ ও দক্ষিণায়ন বলা হয়। শীতকালে দিন ছোট ও রাত্রি বড় হয় আর গরমকালে দিন বড় ও রাত্রি ছোট হয়। শরৎ ও বসন্তকালে পৃথিবীর অবস্থান এ রকম থাকে যে, তখন উত্তর গোলার্ধে প্রায় সমভাবে সূর্যরশ্মি পতিত হয়। এই সময় দিনরাত্রি অনেকটা সমান থাকে এবং আবহাওয়া নাতিশীতোষ্ণ হয়।

পৃথিবীর একটি মাত্র উপগ্রহ, ইহার নাম চন্দ্র। চন্দ্র সাড়ে সাতাশ দিনে পৃথিবীর চারিদিকে এক বার ঘুরিয়া আসে। গগন-পর্যটনকালে কখনও কখনও চন্দ্র, পৃথিবী এবং সূর্য এক পংক্তিতে আসিয়া যায়, ইহার ফলে পৃথিবীর ছায়া চন্দ্রের উপর গিয়া পড়ে, তখন চন্দ্রগ্রহণ হয়। আবার চন্দ্র চলিতে চলিতে কোন সময় সূর্য ও পৃথিবীর ঠিক মধ্যে আসিয়া পড়ে, চন্দ্র যখন এইরূপে সূর্যকে ঢাকিয়া ফেলে তখন আমরা সূর্যগ্রহণ দেখি।

পৃথিবীর আপেক্ষিক গুরুত্ব সাড়ে পাঁচ অর্থাৎ সম-আয়তন একটি জলের গোলক অপেক্ষা পৃথিবী সাড়ে পাঁচ গুণ ভারী। অর্থাৎ পৃথিবীর উপরিভাগে যে সমস্ত শিলাশিলা পাওয়া যায় তাহাদের আপেক্ষিক গুরুত্ব গড়ে মাত্র ২.৭। সেজন্য অনেক বিজ্ঞানীর মত পৃথিবীর অভ্যন্তরে লৌহের মত কোন গুরুভার পদার্থ সঞ্চিত আছে, কারণ লৌহের আপেক্ষিক গুরুত্ব ৭.৫। পৃথিবীর ব্যবহার বিরাট চূষকের মত, সেজন্য চৌম্বক-শলাকা বা কম্পাস-কাঁটা সদাই উত্তর-দক্ষিণ দিকে অবস্থান করে।

পৃথিবীর উপরে উচ্চ পর্বত ও সমতল ভূমি রহিয়াছে আর নিম্ন-ভাগে জল জমিয়া বিশাল সাগরের সৃষ্টি হইয়াছে। সমস্ত পৃথিবীই বায়ুমণ্ডল দিয়া ঘেরা। পৃথিবীর উপরটা তিন ভাগ জল আর এক ভাগ স্থল। স্থলের পরিমাণ ৫,৭৫,১০,০০০ বর্গমাইল আর জলের ব্যাপ্তি ১৩,৯৪,৪০,০০০ বর্গমাইল। সাগর-জল হইতে স্থলভাগের উচ্চতা সাধারণতঃ তিন হাজার ফুট। সর্বোপেক্ষা উচ্চ পর্বতচূড়া মাউন্ট এভারেস্টের উচ্চতা ২৯,০০২ ফুট। প্রশান্ত মহাসাগরে এক স্থানে সমুদ্রের গভীরতা ৩৫,৪০০ ফুট নির্ণীত হইয়াছে। সর্বোচ্চ ও সর্বনিম্ন স্থানের ব্যবধান ১২ মাইল।

এখন পাতালের বিষয় আলোচনা করা যাক। পৃথিবীর কেন্দ্র হইতে উপরিভাগ ৪,০০০ মাইল হইবে। উপরকার ভূপৃষ্ঠ মাত্র ৪০ মাইল পুরু, এই স্তরে আবহাওয়া আক্রান্ত আগ্নেয় প্রস্তর বাসাল্ট ও গ্র্যানাইট আছে। ধরাপৃষ্ঠের শিলাসমূহ বিশ্লেষণ করিলে সাধারণতঃ এই সকল মৌলিক উপাদান পাওয়া যায়—অক্সিজেন শতকরা ৪৭ ভাগ, সিলিকন শতকরা ২৮ ভাগ, এলুমিনিয়াম শতকরা ৮ ভাগ, লৌহ শতকরা ৫ ভাগ, ক্যালসিয়াম শতকরা ৩.৫ ভাগ, ম্যাগ্নেসিয়াম শতকরা ২ ভাগ, সোডিয়াম শতকরা ২.৫ ভাগ, পোটাসিয়াম শতকরা ২.৫ ভাগ, অক্সার, ক্লোরিন ইত্যাদি শতকরা ১.৫ ভাগ। পৃথিবীর কেন্দ্রস্থল খুব সম্ভব লৌহ ও নিকেলের গঠিত তরল এক গোলক, উহার উপর লৌহ ও শিলাসংযুক্ত নমনীয় ও নিবেট এক আবরণ, তাহার উপর কঠিন প্রস্তরের খোলা। মাহু এ পর্যন্ত মাত্র পৌনে দুই মাইল গভীর গনি খুঁড়িতে সক্ষম হইয়াছে।

পৃথিবীর উপরিভাগ ঠাণ্ডা হইলেও ভিতরটা এখনও খুব গরম। আগ্নেয়গিরিনিঃসৃত উত্তপ্ত ও গলিত শিলাস্রোত এবং ভূগর্ভনির্গত উষ্ণ প্রস্রবণ পৃথিবীর অভ্যন্তরিক উত্তাপের পরিচয় দেয়। বীরভূম ও রাজগীর অঞ্চলে গরম জলের ঝরণা অনেকেই দেখিয়াছেন। আসলে এই সব জায়গায়—উপরকার জল এক দিক দিয়া মাটির খুব নীচে প্রবেশ করে আর সেখান হইতে গরম হইয়া অল্প পথ দিয়া আবার উপরে উঠিয়া আসে। মাটি খুঁড়িয়া নীচে নামিলে কিছুদূর পর্যন্ত প্রতি ৬০ ফুট অন্তর এক ডিগ্রী ফারেনহাইট তাপমাত্রা বাড়িয়া যায়। বৈজ্ঞানিকেরা বলেন, সূর্যের একাংশ কোনক্রমে বিচ্ছিন্ন হওয়ার ফলে পৃথিবীর উৎপত্তি হইয়াছে। সৃষ্টির আদিতে

পৃথিবী এক জলন্ত গ্যাসের ঘূর্ণমান পিণ্ড ছিল, ইহা ক্রমশঃ ঠাণ্ডা হইয়া প্রথমে তরল পরে কঠিন অবস্থা লাভ করিয়াছে।

সমস্ত পৃথিবী ঘিরিয়া বায়ুর যে আবরণ রহিয়াছে তাহা বিশ্লেষণ করিলে এই সব গ্যাসের অস্তিত্ব জানা যায়—অক্সিজেন শতকরা ২১ ভাগ, নাইট্রোজেন শতকরা ৭৮ ভাগ, আর্গন, কার্বন-ডাই-অক্সাইড, জলবাষ্প প্রভৃতি শতকরা ১ ভাগ। এই বায়ুশিলা সম্ভবতঃ ধরাপৃষ্ঠ হইতে কিঞ্চিদধিক দুই শত মাইল পর্যন্ত বিস্তৃত আছে। তাহার পর মহাশূন্য। দক্ষিণ আমেরিকার কণ্ডর নামক শকুনপক্ষী আকাশে চার মাইল উচ্চে উড়িতে পারে, আর কোন জীবই এত উর্ধ্বে যাইতে পারে না। এমোপ্লেনে করিয়া আকাশে উঠিলে কিংবা কোন পর্বতচূড়ায় আরোহণ করিলে বেশ শীত বোধ হয়। প্রতি হাজার ফুট উর্ধ্বে উঠিলে তিন ডিগ্রী ফারেনহাইট তাপমাত্রা কমিয়া যায়। এই নিয়ম কিন্তু দশ মাইল অবধি খাটে, তাহার পর কিছু দূর পর্যন্ত তাপমান স্থির থাকিয়া আবার কোন অজ্ঞাত কারণে বাড়িতে আরম্ভ করে।

সূর্যতাপে ভূমিসংলগ্ন বায়ুশিলা উত্তপ্ত হইয়া উপরে উঠে আর অল্প স্থান হইতে শীতল বাতাস আসিয়া শূন্য স্থান পূরণ করে, এই-রূপে বায়ুপ্রবাহের সৃষ্টি হয়। সাধারণ অবস্থায় বাতাসের গতি ঘণ্টায় পাঁচ মাইল, ঝড়ের সময় বায়ুর বেগ ঘণ্টায় ষাট-সত্তর মাইল পর্যন্ত হইতে পারে। দুই শত মাইল উচ্চ বায়ুর স্তর সমতল স্থানের প্রতি বর্গ-ইঞ্চিতে সাড়ে সাত সের ওজনের চাপ দিতেছে। ব্যারোমিটার নামক যন্ত্রের দ্বারা বায়ুর চাপ মাপা যায়। সাগর-তলে ব্যারোমিটারে পারদের দৈর্ঘ্য ত্রিশ ইঞ্চি থাকে। যত উপরে উঠা যায়, বায়ুর চাপ তত কমিয়া যায়। উর্ধ্বে প্রতি হাজার ফুট অন্তর ব্যারোমিটারের পারা এক ইঞ্চি করিয়া নামিয়া আসে। পৃথিবীপৃষ্ঠে বায়ুস্রোত সর্বদা উচ্চচাপ হইতে নিম্নচাপের দিকে ধাবিত হয়, এজন্য প্রবল ঝড়ের আগে বাতাসের চাপ হঠাৎ কমিয়া যায়।

মেঘ-বৃষ্টির কারণও সূর্যের উত্তাপ। প্রথমে সূর্যতাপে সমুদ্রের জলবাষ্প হইয়া আকাশে গিয়া মেঘে পরিণত হয় এবং তাহাই আবার বৃষ্টিরূপে পৃথিবীতে পড়িয়া নদ-নদী দিয়া পুনরায় সাগরে প্রত্যাবর্তন করে। বৃষ্টিজলের কিয়দংশ ছিদ্রময় মৃত্তিকামধ্যে প্রবেশ করিয়া আরও নীচেকার নিশ্চিদ্র শিলাশ্রেণীর উপর স্তরে স্তরে সঞ্চিত থাকে, সেজন্য মাটি খুঁড়িলেই জল পাওয়া যায়। আকাশে যে স্তর-মেঘ দেখা যায় তাহার উচ্চতা আশ মাইল কিন্তু স্তর-মেঘ এক মাইল উপরে অবস্থান করে, আর অলক-মেঘের অবস্থিতি প্রায় সাত মাইল উর্ধ্বে। ইহার উপরে যে বায়ুস্তর আছে তাহা ঝড়বৃষ্টি-শূন্য ও প্রশান্ত।

প্রায় কুড়ি মাইল উচ্চে উষ্ণ ওজন (Ozone) গ্যাসের যে স্তর আছে, তাহা শকতবহু প্রতিহত করে। আবার ৬০ মাইল উচ্চে হেভি-সাইড-কেনেলী স্তর নামক এক বিদ্যাকণাপূর্ণ স্থান আছে, উহার পরে ১৭০ মাইল উর্ধ্বে দ্বিতীয় আর এক বৈদ্যুতিক

স্তর বাহ্যে, ইহাকে এপটন স্তর বলা হয়। উভয় বৈজ্ঞানিক স্তরই অস্বাভাবিক রেডিওতরঙ্গ প্রতিফলিত করে। খুব উচ্চ পর্বত-চূড়ায় আবহাওয়া করিলে কিংবা উর্দ্ধাকাশে উঠিলে প্রথমে তীব্র শীত-বোধ হয় আর বাতাসের চাপ হ্রাস হওয়ায় ও অক্সিজেনের অংশ কমিয়া যাওয়ায় নিঃশ্বাসের বড় কষ্ট হইতে থাকে। তথাপি ১৯৩৫ সনে কাপ্টেন ষ্টিভেন্স ও এণ্ডার্সন নামক দুই জন অসমসাহসী আমেরিকান বৈমানিক বেগুনে করিয়া প্রায় চৌদ্দ মাইল উপরে উঠিয়াছিলেন।

সমুদ্রে যে বিশাল জলভাণ্ডার আছে তাহার মৌলিক উপাদান হাইড্রোজেন ও অক্সিজেন গ্যাস। সাগরজলে শতকরা প্রায় সাড়ে তিন ভাগ বিভিন্ন লবণজাতীয় পদার্থ দ্রব অবস্থায় আছে। বায়ুর সহিত সংঘর্ষের ফলে সমুদ্রের জলে অনবরত চেউ হয়। প্রচণ্ড ঝটিকার সময় চল্লিশ-পঞ্চাশ ফুট উচ্চ এবং প্রায় পাঁচ শত ফুট দীর্ঘ তরঙ্গ উৎপন্ন হইয়া থাকে। সাগর-তরঙ্গ বেলাভূমির উপর আছড়াইয়া পড়ে আর শিথিল শিলাসমূহ অপসারিত করে। সমুদ্রের গভীরতা গড়ে বার হাজার ফুট। ১৯৫৪ সনে দুই জন ফরাসী নৌ-বিভাগীয় অফিসার—জর্জ ও পিয়েরী উইলিয়াম, ইম্পাত-নির্মিত গোলকে বসিয়া আটলান্টিক মহাসাগরে আড়াই মাইল নীচে নামিয়া-ছিলেন। সমুদ্রের বত নীচে নামা যায়, জলের চাপ তত বাড়িতে থাকে। দড়ি, কাঠ কিংবা বর্ক গভীর সাগরে নিমজ্জিত করিলে প্রবল চাপের ফলে পিষ্ট ও সঙ্কুচিত হইয়া যায়। সাধারণতঃ উপর হইতে নীচে দশ গজ অন্তর জলের চাপ প্রতি বর্গইঞ্চিতে সাড়ে সাত সের করিয়া বাড়িতে থাকে। এক মাইল নিম্নে প্রতি বর্গইঞ্চিতে সাতাশ মণ ওজনের জলের চাপ পড়ে। জলমধ্যস্থ মৎস্যাদি প্রাণী এই বিপুল চাপ কিছুমাত্র অনুভব করিতে পারে না, কারণ ইহাদের শরীরের ভিতরকার চাপ বাহিরের জলচাপকে সমানভাবে প্রতিরোধ করে। সমুদ্রের তলায়ও বহুবকম জীব বাস করে।

ঠাণ্ডা জল ঘন হইয়া নীচে নামিয়া যায় আর গরম জল স্ফীত হইয়া উপরে উঠিয়া আসে, তাপের তারতম্যের জগুই সাগর-স্রোতের সৃষ্টি হয়। সমুদ্রের তলার জল প্রায় তুবান-নীতল, উপর-কার জলের তাপমাত্রা ৪০°—৮০° ফারেনহাইট থাকে। সূর্যের আলোক সাগরের নীচে বেশী দূর যাইতে পারে না। জলের ভিতর সাদা আলোকের গতি সচরাচর এক শত গজের মধ্যেই সীমাবদ্ধ, তাহার পর অত্যন্ত অন্ধকার আরম্ভ হয়। এই জগু অনেক সামুদ্রিক জীবের শরীরে জোনাফির মত স্বাভাবিক আলো জলিবার ব্যবস্থা আছে।

চন্দ্র-সূর্যের আকর্ষণের জগু সাগরজল দিনে দুই বার স্ফীত হইয়া উঠে, ইহাকেই জোয়ার আসা বলে। এক জায়গায় যখন জলোচ্ছাস হয় তখন অল্প স্থানের জল কমিয়া ভাটার সৃষ্টি হয়। এইরূপে জোয়ার ও ভাটা প্রায় ছয় ঘণ্টা অন্তর হইতে থাকে। অমাবস্তা ও পূর্ণিমার সময় চন্দ্র-সূর্য ও পৃথিবী অনেকটা এক পংক্তিতে থাকে

সেই জগু তখন উভয়ের সম্মিলিত আকর্ষণের ফলে জোয়ারের জোয়ার বেশী হয়। অপর সময় সপ্তমী বা অষ্টমী তিথিতে চন্দ্র ও সূর্য সমকোণে থাকিয়া পৃথিবীর জলরাশিকে ভিন্ন ভিন্ন দিকে আকর্ষণ করে, সেজগু সে সময় জলক্ষীতি কম হয়।

পৃথিবীর উপরকার আদিম আগ্নেয় শিলা ঝড়-বৃষ্টি এবং শীত ও সূর্যাতাপের প্রভাবে ক্রমশঃ চূর্ণবিচূর্ণ হইয়া শেষে মাটিতে পরিণত হয়। মাটির প্রধান উপাদান জলযুক্ত এলুমিনিয়াম সিলিকেট। জল, বায়ু ও শীতাতাপের প্রভাবে পৃথিবীর উপরিভাগ ক্রমাগত ক্ষয়প্রাপ্ত হয় এবং চূর্ণীকৃত শিলারাশি হয় সেখানেই থাকিয়া যায়, নয় ত জলস্রোতের সহিত এক স্থান হইতে অল্প স্থানে নীত হয়। ইহা ছাড়া ধূলি ও বালুকণা বায়ু-বাহিত হইয়া স্থানান্তরে গমন করে। এক জায়গায় ক্ষয়িত শিলা—জল বা বায়ুর দ্বারা পরিবাহিত হইয়া অল্পস্থানে অনবরত সঞ্চিত হইতেছে। পর্বতগত নদীর জল ঢালু জায়গা দিয়া গড়াইয়া গিয়া সাগর-সমীপবর্তী মোহনায় অবিরাম প্রস্তরচূর্ণ ও মৃত্তিকাকণা নিষ্ক্ষেপ করিতেছে। প্রকৃতপক্ষে ধ্বংস ও গঠনের কার্য যুগপৎ চলিতেছে। হিমালয়ের শিলা ক্ষয় হইয়া গাঙ্গেয় সমভূমি ও বঙ্গদেশ উৎপন্ন হইয়াছে।

এই সব স্তরে স্তরে সঞ্চিত শিলাচূর্ণকে পাললিক প্রস্তর বলে। আর উত্তপ্ত গলিত অবস্থা হইতে যে শিলা ঠাণ্ডা হইয়া জমিয়া গিয়াছে তাহার নাম আগ্নেয় অশ্ম। চাপ ও তাপের প্রভাবে পাললিক শিলা কখনও কখনও পরিবর্তিত হইয়া যায়। তখন ইহাকে রূপান্তরিত শিলা বলা হয়। যেমন শেল নামক কাদা পাথর পরিবর্তিত হইয়া শ্লেটে পরিণত হয়। মর্শ্বর-প্রস্তর রূপান্তরিত চূর্ণাপাথর ছাড়া আর কিছুই নয়।

প্রায় দেড় হাজার বৎসরে পৃথিবীর সমস্ত ভূভাগ এক ফুট আন্দাজ ক্ষয়প্রাপ্ত হয়। যেমন সমগ্র ভূমিভাগ ক্ষয় হইয়া যাইতেছে, তেমনই সমুদ্রের উপকূলে উহার অর্ধেক স্থান জুড়িয়া নদ-নদী হইতে অনবরত পলি পড়িয়া সাড়ে সাত শত বৎসর অন্তর এক ফুট করিয়া নূতন ভূভাগ গঠিত হইতেছে। জলস্রোত, বায়ুপ্রবাহ, শীত, সূর্যাতাপ, ভূকম্পন, অগ্ন্যুৎপাত এবং ভূমিসঙ্কোচের ফলে সারা পৃথিবীময় বিরাট পরিবর্তন সজ্জ্বটিত হইয়া থাকে। কখন কখন কোথাও কোন ভূভাগ পাথরচাপের ফলে উপরে উঠিয়া যায়, যেমন হিমালয় পর্বত পাঁচ কোটি বৎসর পূর্বে টেথিস নামক সাগরতল হইতে উত্থিত হইয়াছে। ইহার প্রমাণস্বরূপ হিমালয়-শীর্ষে অনেক-বকম সামুদ্রিক জীবের ছাপ, কঙ্কাল ও প্রস্তরীভূত দেহাবশেষ পাওয়া গিয়াছে। আবার কোন কোন সময় হয়ত বিস্তীর্ণ ভূমিভাগ বেশ খানিকটা নীচে বসিয়া গেল। সুইডেনের দক্ষিণ উপকূলবর্তী সাগরজলে প্রাচীন যুগের ঘরবাড়ী ও বাস্তাঘাট নিমজ্জিত অবস্থায় দেখা যায়। ১৮১৯ সনে ভূমিকম্পের পর কচ্ছ উপসাগরের বেলাভূমি সমুদ্রজলে অনেকখানি নামিয়া যায়।

ভূকম্পন বিভিন্ন কারণে সজ্জ্বটিত হয়। পঞ্জিনীত জমাটের ফলে

বিকিরণের ফলে শীতল ও সঞ্চিত হইলে সেই সঙ্গে উপরকার শিলা-স্তব ও বাকিয়া হুমড়াইয়া যায়, ইহার জল ভূতল কল্পিত হইতে থাকে। আগ্নেয়গিরি সক্রিয় হইবার সময় আভ্যন্তরিক উষ্ণ বাষ্প-চাপের জল বসুন্ধরার উপরিভাগ কাঁপিয়া উঠে। ইহা ছাড়া ভূমিপাত ও স্তবচ্যুতির জলও ভূমি আন্দোলিত হইতে পারে। ভূকম্পনের সময় মাটি কাঁপিয়া গরম জল বাহির হয় এবং জলপূর্ণ কূপ অকস্মাৎ শুষ্ক ও বালুকাপূর্ণ হইয়া যায়। বাস্তা ও নদীর গতি বাকিয়া যায়। কোন স্থান উত্তোলিত ও অল্প স্থান অবনমিত হয়। এক কথায় ব্যাপক বিপর্যয় ঘটে।

বসুমতীর বয়স আনুমানিক দুই শত কোটি বৎসর হইবে। প্রায় এক শত কোটি বৎসর আগে পৃথিবীতে প্রাণের আবির্ভাব ঘটে, সর্ষ-প্রথম সাগরজলে বীজাণু, এক-কোষ প্রাণী ও শৈবালের উৎপত্তি হয়। ইহার পঞ্চাশ কোটি বৎসর পরে বিবিধ খোলসধারী জীব, চিংড়ি, কঁকড়া, বিছা, শামুক এবং জলজ কীট ও উদ্ভিদের জন্ম হয়। প্রায় চল্লিশ কোটি বৎসর পূর্বে মেরুদণ্ডযুক্ত জলচর মৎস্য ও স্থলজ উদ্ভিদের সৃষ্টি হয়। ত্রিশ কোটি বৎসর আগে কীটপতঙ্গ ও উভচর ভেদে আবির্ভূত হয়, এবং ফর্ম শৈবাল প্রভৃতি সমস্ত অপুষ্পক গাছ-বৃদ্ধিপ্রাপ্ত হইয়া, ঘটনাক্রমে মাটির নীচে চাপা পড়িয়া তাপের প্রভাবে এখনকার কয়লার পরিণত হয়। পনের কোটি বৎসর পূর্বে পৃথিবীর এক শ' কুট দীর্ঘ টিকটিকি গিরগিটিজাতীয় বিয়াটকার সব সর্বস্বপ বিচরণ করিত। মাত্র দশ কোটি বৎসরের মধ্যে বিভিন্ন স্তম্ভপায়ী চতুষ্পদ জন্তু ও বিবিধ প্রকার বায়ু-বিহারী পক্ষী এবং সপুষ্পক বৃক্ষসমূহ আবির্ভূত হইয়াছে। গত দশ লক্ষ বৎসরের মধ্যে ধরাধামে মানুষ আসিয়াছে এবং মাত্র দশ হাজার বৎসরের ভিতর আশ্চর্য্যকর সভ্যতার বিকাশ এবং শেষে আধুনিক বৈজ্ঞানিক যুগের সৃষ্টি হইয়াছে। সেই আদিম জলচর এককোষ জীবের ক্রম-বিকাশের ফলেই শ্রেষ্ঠ জীব মানুষের আবির্ভাব ঘটিয়াছে। প্রাথমিক হইতে আধুনিক, সকলপ্রকার জীবের স্বাভাবিক বা শিলীভূত দেহা-বশেষ ভূপৃষ্ঠে স্তরে স্তরে সঞ্চিত থাকিতে দেখা যায়। এই স্তব-বিজ্ঞানের বিষয় উইলিয়াম শ্মিথ (১৭৬৯-১৮৩৯) আবিষ্কার করেন আর প্রাণীজগতের ক্রমবিকাশের কথা ১৮৫৯ সনে ডার্বইন (১৮০৯-১৮৮২) প্রকাশ করেন।

পৃথিবীতে এ পর্যন্ত প্রায় সাত লক্ষ প্রকার প্রাণী এবং তিন লক্ষ রকম গাছপালায় বিষয় ভালভাবে জানা গিয়াছে। জগতে পাঁচ লক্ষ প্রকার পতঙ্গ, কুড়ি হাজার রকম মাছ, তিন হাজার বেঙজাতীয় উভচর, পাঁচ হাজার সর্বস্বপ, তের হাজার চতুষ্পদ জন্তু এবং আটশ হাজার রকম পাখী রহিয়াছে। ইহা ছাড়া অতি ক্ষুদ্র আণুবীক্ষণিক জীবাণুর সংখ্যাও অগণিত। মানুষের সংখ্যা প্রায় দুই শত পঞ্চাশ কোটি হইবে।

কিছুদিন পূর্বেকার হিসাবমতে প্রতি মিনিটে এক শ' কুড়ি জন লোক জন্মগ্রহণ করে আর এক শ' জন ইহলোক ত্যাগ করিয়া যায়। সুতরাং মিনিটে কুড়ি জন করিয়া লোক বাড়ে। সাধারণতঃ জন-

সংখ্যা প্রতি বৎসর শতকরা এক ভাগ বৃদ্ধিত হয়। কিন্তু সপ্তদশ শতাব্দী পর্যন্ত পৃথিবীর লোকসংখ্যা প্রায় স্থির ছিল এবং জন্ম-মৃত্যুর হার প্রায় সমান ছিল। আর জীবজগতেও শত্রু এবং সংক্রামক ব্যাধি ও খাতের সীমা সর্বদা বৃদ্ধি নিয়ন্ত্রণ করে। সেই জল ইতরপ্রাণীর কখনও অথবা সংখ্যাবৃদ্ধি হয় না, জন্ম ও মৃত্যু সাধারণতঃ সাম্যা-বস্থায় থাকে। প্রকৃতির রাজ্যে ক্ষুদ্র প্রাণী সংখ্যায় বেশী থাকে আর বৃহৎ জীব সংখ্যায় কম।

সাধারণ সবরকম গাছ মাটি, জল ও বাতাস হইতে খাদ্য আহরণ করিয়া দেহ গঠন করে। গাছের সবুজ পাতা দিনের বেলায় সূর্য্য-লোকের সাহায্যে বায়ুমধ্যস্থ কার্বন-ডাই-অক্সাইড গ্যাস হইতে কার্বন বা অক্সিজেন আশ্রয় করিয়া বাকি অক্সিজেন পরিভাগ করে এবং মাটি হইতে শিকড়ের দ্বারা শোষিত জল ও খনিজ লবণ সহযোগে শরীর গঠন করে। নিরামিষাণী জীবজন্তু উদ্ভিদ পদার্থ ভোজন করিয়া জীবনধারণ করে আর আমিষভোজী প্রাণী তাহাদের মাংস ভক্ষণ করিয়া ক্ষুধানিবৃত্তি করে। মানুষ ও আর সব জীবজন্তু নিখাসের সহিত অক্সিজেন, লইয়া উহার সাহায্যে দেহমধ্যস্থ খাদ্যবস্তু দহন করিয়া জীবনীশক্তি লাভ করে, আর প্রশ্বাসের সহিত কার্বন-ডাই-অক্সাইড গ্যাস ও জলবাষ্প বাহির করিয়া দেয়। এইরূপে কার্বন বা অক্সিজেন উদ্ভিদ হইতে প্রাণীদেহে এবং প্রাণী হইতে উদ্ভিদ-শরীরে পুনঃ পুনঃ সঞ্চারিত হইতে থাকে। জীবিত জীবজন্তুর নাইট্রোজেনবহুল মূত্র ও পুষ্টি মাটিতে পড়িলে সার হইয়া ভূমির উর্বরতা বৃদ্ধি করে আর কোন জীব মরিয়া গেলে তাহার শরীর বিকৃত ও বিগলিত হইয়া পুনর্কায় বায়ু এবং মৃত্তিকার সহিত মিশিয়া যায়। সুতরাং উদ্ভিদজাতি পুনরায় শরীরগঠনের সকল উপাদান মাটি ও বাতাস হইতে সহজেই সংগ্রহ করিতে পারে। প্রকৃতির রাজ্যে কোন বস্তু কণামাত্র বিনষ্ট হয় না, রাসায়নিক চক্র অবিরাম আবর্তিত হইতে থাকে।

সবশেষে ভৌগোলিক তথ্যের সমাবেশ করা যাইতেছে। পৃথিবীর মধ্যে দীর্ঘতম নদী আমেরিকায় মিসিসিপি-মিসৌরির দৈর্ঘ্য প্রায় ৪,০০০ মাইল। বৃহত্তম হ্রদ ক্যান্সিয়ান সাগরের বিস্তার ১,৬৫,৫২০ বর্গমাইল। সর্বাপেক্ষা বড় দ্বীপ গ্রীনল্যান্ড ৮,৪৬,৭৪০ বর্গ-মাইল বিস্তৃত। সর্বাপেক্ষা বিস্তীর্ণ মরুভূমি আফ্রিকার সাহারা ৩৫,০০,০০০ বর্গমাইল। এখানে বৎসরে দশ ইঞ্চিরও কম বৃষ্টি-পাত হয়। সাহারার উত্তর-পশ্চিম অংশে অবস্থিত লিবিয়াতে আজিজিয়া বলিয়া এক জায়গায় এত গরম যে, সেখানে তাপমাত্রা ১৩৬° ফারেনহাইট পর্যন্ত উঠিয়াছে। আবার অল্প দিকে ভার-কোয়ালফ নামক সাইবিরিয়ার এক গ্রামে শীতকালে এত দারুণ ঠাণ্ডা হয় যে, তাপমাত্রা শূন্য হইতে আরও ৯০° ফারেনহাইট নীচে নামিয়া যায়। আসামের চেরাপুঞ্জীতে বৎসরে প্রায় পাঁচ শত ইঞ্চি বারিপাত হয়। পৃথিবীর বৃহত্তম আগ্নেয়গিরি মোনালোয়া হাউই দ্বীপে অবস্থিত, ইহার উচ্চতা ১৩,৭৬০ ফুট, গহ্বরের ব্যাস ১২,৪০০ ফুট। তিব্বতের অন্তর্গত কারি শহর ১৪,৩০০ ফুট উচ্চে

অবস্থিত। ভেনিজুয়েলার অস্ত্রবর্তী এঞ্জেল জলপ্রপাত ৩,২১২ ফুট উচ্চ। পৃথিবীর বৃহত্তম জীব আমেরিকার সিকুইয়া গাছ ৩০০ ফুট উচ্চ, ৩০ ফুট প্রস্থ, ২,০০০ টন ভারী। পৃথিবীর ক্ষুদ্রতম দৃশ্যমান আণুবীক্ষণিক জীবাণুর বিস্তার এক ইঞ্চির এক লক্ষ

ভাগের এক ভাগ আর ওজন এক গ্রেনের সাত লক্ষ কোটি ভাগ মাত্র।*

* এই প্রবন্ধরচনার শ্রীকণিক দাস ও শ্রীদীপালি দাস আমাকে বিশেষ সাহায্য করিয়াছেন।

ব্যবধান

শ্রীকলিদাস রায়

রামধন তাঁতী গামছা বুনিয়া ফেরি করে দ্বার দ্বার
গামছার আছে আকছার দরকার।
হরিধন ভড় বোনে মিহি শাড়ী দেয় তার জরিপাড়
শহরের সাথে চলে তার কারবার।
হরি ভড় যত বড় কারিগর হোক
পাড়ার লোকের নয় আপনার লোক।
মদন কুমোর হাঁড় সরা গড়ে হাতে করে বিক্রয়
জন্মে তাহার সঙ্গে সবার ঘনিষ্ঠ পরিচয়।
নরহরি পাল দেবীর প্রতিমা গড়ে,
তারে দরকার দু-চার জনার যবে।
প্রতিমা দেখিতে সারা গ্রামখানি জোটে
কে গড়িল তার খোঁজও সায়নাক' মোটে।

কেনারাম মুচি বাজায় ঢোলক ঢাক,
প্রতি পার্বণ পরবেই পড়ে ডাক।
বাবুরাম দাস গড়েছে একটা রসানচৌকি দল
অধিগত তার সানাইবানীতে সব সুরকৌশল।
সভ্য সমাজে তার সমাদর হয়
গাঁয়ের লোকের কাছে বাবুরাম মুচি ছাড়া কিছু নয়।

ক'রে থাকে বেচু লাউ বিড়ে কচু আলু বেগুনের চাষ
গাঁয়ের লোকের সব তরকারী দরকারী বারোমাস।
মধু মোড়লের বাগানে জন্মে আনারস তরমুজ
দাড়িষ খরবুজ।
গাঁয়ের হাতে ত বিকায় না তার মাল,
গঞ্জেরই সাথে চলে তার কারবার।
গাঁয়ে তার বাড়ীঘর
গাঁয়ের কাছে সে তবু চিরদিন পর।

জাতীয় জীবনে সর্বত্রই এই ধারাটিই চলে
এ ভেদবুদ্ধি রুদ্ধ হবে না কভু আইনের বলে।
চটে কার্পেটে, বিড় সিগারেটে, কাস্তে ও তরোয়ালে,
মোড়ায় সোফায়, ডুলি চৌদলে, কাঁথা কাশ্মীরী শালে।
রঙ ও রসানে, পানি ও পানায় তফাৎ রয়েছে ভারি,
ইংরাজী ভাষা ভাগ করে খাসা 'নেসেসারি লাকুমারি।'
চারুশিল্পীর, কারুশিল্পীর মত নয় নাম যশ
একের আদর করিবে হাজার অস্ত্রের জনদশ।
সুধী জ্ঞানী গুণী শিল্পী করে না ক্ষোভ
বস্ত্রাপচা সে সস্তা লাভের প্রতি নাই তার লোভ।
বীণা ছেড়ে গুণী বাজাবে না ঢাক ঢোল
ধ্রুপদ খেয়াল ছেড়ে সে দেবে না কভু গোলে হরিবোল।

সেই নিশীথে

শ্রীঅরবিন্দ পালিত

পাত্রপাত্রী

শশাঙ্ক মিত্র—অবসরপ্রাপ্ত সরকারী কর্মচারী

প্রমীলা দেবী—ঐ স্ত্রী

বিশ্বজিৎ মিত্র—ঐ পুত্র, তরুণ যুবক, ইলেক্ট্রিক্যাল ইঞ্জিনিয়ার

ক্যাপ্টেন মুখার্জী—শশাঙ্কর বন্ধু, যুদ্ধ-ক্ষেত্র ক্যাপ্টেন।

শনি চৌধুরী—বিশ্বজিতের সহকর্মী

[মঞ্চদৃশ্য—মহানগরীর উপকণ্ঠস্থিত একখানি ছোট বাড়ীর একটি ঘর। মঞ্চ কোণাকুনি ভাবে সাজানো। বাঁ দিকে বাড়ীর ভিতরে বাবার দরজা। তার পাশেই একটা রাক। তার উপরটা টেবিলের মত ব্যবহৃত হয়। উপরে রয়েছে একটা ফুলদানি, তাতে কিছু রজনীগন্ধার ঝাড়; একটা টাইমপীস; আরও কয়েকটি টুকি-টাকি জিনিষপত্র। ডান দিকে একটা আধুনিক ধরনের জানালা। তাতে গরাদ নেই, পর্দা লাগানো। তার পাশেই বাইরে বাবার দরজা। ঘরের মাঝখানে বড় টেবিল। তার তিন দিকে তিন খানি চেয়ার, একটা টুল। দেয়ালে একটা এসবাজ টাঙানো।]

প্রথম দৃশ্য

[যবনিকা উঠলে দেখা গেল—প্রমীলা দেবী ডান দিকের টুলে বসে কি একটা বুনছেন। পশমের গোলাটা টেবিলের উপর পড়ে রয়েছে। টেবিলের উল্টোদিকে বিশ্বজিৎ আর শশাঙ্কবাবু গভীর মনোনিবেশ সহকারে দাবা খেলছেন। প্রমীলা দেবী মাঝে মাঝে কৌতুকপূর্ণ দৃষ্টিতে ওদের দিকে তাকাচ্ছেন। টেবিলের উপর একটা ঘেবোটোপ দেওয়া আলো। দেখেই বোঝা যায় শশাঙ্কবাবু হারছেন; বাঁ হাতটা অনবরত মাথা ঘালিয়ে চালিয়ে চুলগুলো বিপর্যস্ত, এলোমেলো; চোখমুখ কুঁচকে রয়েছে; চশমাটা কপালের উপর তোলা। বিশ্বজিৎ খুব তৃপ্তির দৃষ্টিতে তার সত-দেওয়া চালটার দিকে তাকিয়ে আছে। তার মাথাটা মুহু মুহু হুলছে। শশাঙ্কবাবু একবার বড়োটা টিপছেন, কখনও বা গজটা নিয়ে নাড়ছেন। কিন্তু ভাল চাল একটাও দিয়ে উঠতে পারছেন না। বাইরে বাবার দরজাটা ভাল ভাবে বন্ধ করা। বাইরে ঝড়বৃষ্টির গর্জন শোনা যাচ্ছে; বিহ্যৎ চমকাচ্ছে; জানালার পর্দাটা দমকা হাওয়ার কঁপে কঁপে উঠছে।]

প্রমীলা। [হাতের উল-কাঁটা টেবিলের উপর রেখে] উঃ! কি দুর্ঘ্যাণের রাত। [উঠে গিয়ে জানালার কাছে দাঁড়িয়ে] রাত্তার জল বা জমেছে, তাতে এবার নোকো চালাতে হবে। [জানালা বন্ধ করে দিলেন।]

শশাঙ্ক। [বোর্ডের দিকে তাকিয়ে] নোকো তলিয়ে গেছে গিন্নী। এবার গজ ছাড়া আর উপায় নেই।

প্রমীলা। [ফিরে এসে নিজের জায়গায় বসতে বসতে] হুঁ! তুমি আবার খেলবে বিত্তর সঙ্গে। তা হলেই হয়েছে।

শশাঙ্ক। [অবশেষে একটা চাল দিয়ে বিজয়ীর মত মুখভঙ্গী করে] এই! এইবার তোমাকে পেয়েছি! দাও ত বিত্ত, এবার একটা চাল। দেখি তোমার দাবা এবার বাঁচে কি করে।

বিশ্বজিৎ। [কৌতুক করে] ওহো! সত্যি বাবা, আপনি কি অদ্ভুত খেলেন! তাই নয় মা?

প্রমীলা। সে কি? শেষকালে তুমি হেরে গেলি ওনার কাছে।

বিশ্বজিৎ। হায় ভগবান! বাবা এত বড় বড় চালের কথা ভাবছেন যে, এই ছোট্ট ভুলটা ঠিক নজরে পড়ে নি। [বিশ্বজিৎ একটা চাল দিল।]

শশাঙ্ক। [উত্তেজিত হয়ে] না, না, আমি ওটা দেখেছি। ওকি, ওকি! ও চালটা আমাকে কিরিয়ে দাও।

বিশ্বজিৎ। বা রে! তা কি করে হয়? খেলার নিয়ম যে তা নয়।

শশাঙ্ক। [বিরক্ত হয়ে] আরে দূর ছাই! বেখে দাও তোমার ঐ সব নিখুঁত নিয়ম-কানুন। আর তুমি যে রকম হালকা ভাবে খেলছ, তাতে কি আর ভেবে চিন্তে কোন চাল দেওয়া যায়। যত সব—

প্রমীলা। বটেই ত! এখন তুমি হারছ কিনা, তাই দোষটা হ'ল ওর। বক বক করাটা ধামিয়ে চাল দাও। দেখি, ওকে কি রকম আটকাতে পার।

বিশ্বজিৎ। [হেসে উঠে] বাবা আমাকে আটকাবেন? তা হলেই হয়েছে। কৈ, কি চাল দিলেন?

শশাঙ্ক। [বিশ্বজিৎকে একটু অস্তমনক করবার চেষ্টা করে] ওঃ! বাইবে কি ঝড়ের আওয়াজ!

[এই সময় আবার ঝড়ের গর্জন শোনা গেল; স্বাইলাইট দিয়ে বিহ্যৎ-চমকানির আলো এসে পড়ল।]

বিশ্বজিৎ। [গভীর মনোযোগে বোর্ডের দিকে তাকিয়ে।] এ্যা! হ্যা! বা বলেছেন। সত্যিই তো—এই নিন্—কিন্—

শশাঙ্ক। [তখনও অস্তমনক করবার চেষ্টা করে] আমার মনে হয় ক্যাপ্টেন মুখার্জী আজ রাতে আর আসতে পারবেন না। কি বিত্ত, তুমি কি বল?

[শশাঙ্ক একটা চাঁদ দিলেন ।]

বিশ্বজিৎ । আছে হ্যা, আমি যা বলি তা হ'ল এই—এই—
এই মাং—

[উঠে গিয়ে জানালার ধারে দাঁড়ালেন ।]

শশাঙ্ক । [বিরক্তিতে কেটে পড়ে ঘুটিগুলি সব এলোমেলো করে দিয়ে] শহরের বাইরে থাকার এই হচ্ছে সবচেয়ে খারাপ কল । এত দূরে কোন বন্ধু-বান্ধব আসতে পারে না । আর তোমার মত ইয়ং ম্যান শুধু বাড়ীতে বসে বসে, এই সমস্ত অলস খেলা নিয়ে মেতে থাকবে ।

বিশ্বজিৎ । [শশাঙ্ককে ঠাণ্ডা করবার চেষ্টা করে] কিন্তু আমার মনে হচ্ছে বাবা, ক্যাপ্টেন মুখার্জী আজ নিশ্চয় আসবেন ! কথা যখন দিয়েছেন—

শশাঙ্ক । [বাধা দিয়ে] আরে বেখে দাও তোমার কথা । এই নোংরা রাস্তা, পথে ঘাটে কাদা, একটু বৃষ্টি পড়লেই একইটু জল, পাণ্ডববার্জীত জায়গা ; এখানে কোন ভক্তলোক আসতে পারে ! নাম আবার মনোমোহন এভিনিউ । (হঠাৎ স্ত্রীর দিকে ফিরে রাগত স্বরে) বলতে পার, এখানকার কাউন্সিলারবা ভেবেছে কি ? জায়গাটার বাসিন্দা অল্প হ'চার জন লোক বলে কি তারা এ দিকে একবার ফিরেও তাকাবেন না ? আমি এক বার জানতে চাই তাদের ব্যাপারখানা ।

প্রমীলা । [একটু হেসে] তুমি অত চটে উঠছ কেন ? আজ হেরে গেছ বলে কি কালও হারবে ? কাল ত জিততেও পার । তবে—

শশাঙ্ক । কি বললে ! কাল জিততে পারি ! কাল ! তার মানে তুমি কি বলতে চাও । ওঃ হো (উচ্চৈঃস্বরে হেসে উঠলেন) ঠিক ! তুমি ঠিক ধরেছ গিন্নী, তুমি ঠিক ধরেছ । মনের ভেতরে কি হচ্ছে, তুমি ঠিক ধরেছ দেখছি ।

প্রমীলা । তুমি বল কি গো । আজ তিরিশ বছর ধরে তোমার সঙ্গে ঘর-সংসার করলাম, আর তোমার মনের কথা বুঝতে পারব না । এই যে আজকের ঠাণ্ডা রাতটায় তোমার একটু চা পেতে ইচ্ছে করছে, একি তুমি বলতে তবে বুঝব । [বলতে বলতে তিনি উঠে ব্যাকের কাছে গেলেন এবং ট্রের ওপর চায়ের সরঞ্জাম গোছাতে লাগলেন ।]

বিশ্বজিৎ । [জানলার ধার থেকে সরে এসে] বাই বলুন বাবা । জায়গাটা খুব খারাপ নয় । আর বাড়ীটাও পাওয়া গেছে বেশ ছোট, সাজানো । আপনার ঐ শহরের মাঝখানে, চারিদিক চাপা, আলো-হাওয়া বন্ধ বাড়ীর চেয়ে আমার তো এ-বাড়ীটা খুব ভাল লাগে । কি বল মা । আর আপনার নিশ্চয় ভাল লাগে বাবা ; তা না হলে আর পরস্য খরচ করে এ বাড়ী কিনেছিলেন ।

শশাঙ্ক । [গজঘাতে গজঘাতে] হ্যা, তবে আর কি । খুব ভাল কাজ করেছি । এই অল্প আয়গার বাড়ী কিনতে পাঁচ হাজার

টাকা খরচ করেছি । মিজের গালে নিজেরই চড় ঘাবতে ইচ্ছে করছে ।

বিশ্বজিৎ । [চেয়ারের পেছনে ভর দিয়ে দাঁড়িয়ে] টাকাটার জন্ত আপনি একটুও ভাববেন না বাবা । যে প্রমোশনটা কোম্পানী আমাকে দেবে বলেছে, সেটা যদি পেয়ে বাই তা হলে বছর-তিনেকের মধ্যে সব দেনা আমি শুধে দেব ।

শশাঙ্ক । তোমাকে আর দেনা শোধ করতে হবে না । তোমার মা যেরকম তোমার বিয়ের জন্ত উঠে পড়ে লেগেছেন, তাতে তোমাকে বিয়ে করিয়ে ঘর সংসার গুছিয়ে দিতে পারলে হয় ।

বিশ্বজিৎ । আপনারা সেই আশাতেই থাকুন, আমার সেবকম ছেলে পেয়েছেন কিনা ?

প্রমীলা । তার মানে ! তুই বিয়ে করবি না নাকি ? বড় হয়েছিস, ভাল চাকরি করছিস, এখন যদি তাকে বিয়ে না করাই, লোকে বলবে কি ? (বলতে বলতে ট্রে হাতে নিয়ে টেবিলে এসে রাখলেন ।)

বিশ্বজিৎ । তুমি কিছু ভেব না মা । বিয়ের জন্ত সারা জীবনটাই তো পড়ে রইল । এখন আমার বিয়ে করবার সময় কোথায় ? পাওয়ার হাউসের ডায়নামোগুলো যা হিংসুটে মা, ওয়া আমাকে এক মিনিটের জন্ত ছেড়ে দিতে চায় না ।

শশাঙ্ক । [অল্প একটু হেসে] সত্যি । মাঝে মাঝে যখন বাতে ঘুম আসে না, তখন শুয়ে শুয়ে ভাবি—বিশ্ব যদি এখন একটু ঘুমিয়ে পড়ে আর তোমাদের—ঐ কি বলে যে—ঐ ডায়নামোগুলো যদি বন্ধ হয়ে যায় তো বাস—সারা কলোনীটা একেবারে অন্ধকার । বেশ মজা না ! [বলতে বলতে উঠে দাঁড়ালেন ।]

বিশ্বজিৎ । মজা ! আপনি বলছেন কি বাবা । আমি ঘুমিয়ে পড়ব ! গোটা কলোনীটার আলো যে আমার হাতে ।

[বাইবে দরজায় করাঘাত]

প্রমীলা । ওগো গুনছ, কে যেন কড়া নাড়ছে ।

[আরও জোরে করাঘাত]

শশাঙ্ক । [দরজার দিকে তাকিয়ে] মুখুঞ্জই এল বোধ হয় । মিলিটারীর লোক, কথা যখন দিয়েছে—দেখত বিশ্ব [বলতে বলতে দাবা ঘুটি ইত্যাদি গোছাতে লাগলেন ।]

বিশ্বজিৎ । [দরজা খুলতে খুলতে] দেখ, আজ আবার উনি গুঁর গল্পের বুলি ভরে আমাদের জন্ত কি এনেছেন ।

[শশাঙ্ক দাবার ব্যস্ত ব্যাকের ওপর রাখল]

প্রমীলা । [ব্যস্ত হয়ে কাপ-ডিশগুলো গোছাতে লাগলেন ।] দেখিস, দরজা সবটা খুলিস না ; বৃষ্টির ঝাপটায় সব ভিজে যাবে ।

[বিশ্ব একটা পাল্লা চেপে ধরে দরজাটা একটু খুলল ; হাওয়ার ঝাপটা এসে লাগল তার গায়ে । ক্যাপ্টেন মুখার্জী প্রবেশ করলেন—পরনে সামরিক পোশাক । তার উপর রেন-কোট, টুপি, তা থেকে জল ঝরছে । বাঁ হাতটা নেই ।]

বিশ্বজিৎ । আহুন, আহুন ক্যাপ্টেন মুখার্জী ।

শশাক। এস, এস, চট করে চুকে পড়। যা জলের স্নানটা—
মুখার্জী। কি হুঁয়োগ! কি হুঁয়োগ! (বলতে বলতে বিস্ময়
সাহায্যে কোট টুপি ইত্যাদি খুলে দরজার পাশে ছোট ব্যাকে সুলিয়ে
দিলেন।) কোথায় তোমাদের বাড়ী, বাবাঃ! শ্মশানের ধার
থেকে প্রায় মাইলখানেক। আর কি রাস্তা! একহাটু জল-
কাদা—তার ওপর ঝড়-বৃষ্টি। মনে হচ্ছিল চূসগুলো পটাপট ছিড়ে
যাবে।

বিশ্বজিৎ। [চেয়ারটা মুখার্জীর দিকে এগিয়ে দিতে দিতে]
এই রে। নিয়েই তো গেছে দেখছি। (বলে তাঁর চকচকে
টাকের দিকে তাকাল।)

মুখার্জী। [কপট ক্রোধের ভঙ্গীতে] বটে! আমার সঙ্গে
ঠাট্টা! জানিস তোর বাপের চেয়ে আমি ছ'মাসের বড়।

প্রমীলা। আঃ বিস্ময়, কি হচ্ছে। মিঃ মুখার্জী, দাঁড়িয়ে বইলেন
কেন, বসুন। এই হুঁয়োগে যে আপনি আসবেন তা ভাবি নি।

[মিঃ মুখার্জী চেয়ারে বসলেন। প্রমীলা ভেতরে গেলেন।]

শশাক। তোর মার ছড়িটা এবার হাতছাড়া কর দেখি।
(ছড়িটা নিয়ে 'ছোট ব্যাকে'র পাশে বেগে দিলেন। প্রমীলা ভেতর
থেকে গরম জলের কেটলী আনলেন।)

প্রমীলা। নিশ্চয়, এখন এক কাপ গরম গরম চায়ে আপত্তি
হবে না।

মুখার্জী। এমন হুঁয়োগের মাঝেও আপনি আতিথ্য ভোলেন
নি দেখছি। সত্যি কথা বলতে কি, ঐ লোভেই তো এলাম এত
ঝড়-বৃষ্টি মাথায় করে।

প্রমীলা। [চা তৈরি করতে করতে] সত্যি, এই ঝড়-বৃষ্টিতে
এলেন কি করে?

[চায়ের পেয়ালার এগিয়ে দিলেন]

মুখার্জী। [চায়ের পেয়ালায় চুমুক দিয়ে] আঃ! এ আর
কি? কোহিমার জঙ্গলে কোমর পর্যন্ত কাদা-ভরতি ট্রেকে, মশা,
মাছি, পোকা-মাকড়, ঝড়-বৃষ্টি, তার ওপর আছে শরুপক্ষের বুলেট।
তার তুলনায়—হু—

[পেয়ালায় চুমুক দিলেন]

প্রমীলা। [শশাককে চায়ের কাপ এগিয়ে দিয়ে] কেন?
আপনাদের সঙ্গে ছাতা ছিল না?

মুখার্জী। ছাতা (উচ্চস্বরে হেসে উঠলেন) যা বলেছেন!
শশাক, শুনছ, ছাতা: বেনকোট, গলোশ, হট-ওয়াটার বটল—এ্যা
বলেছেন বটে। ভাগিয়াস আপনি সৈন্ত-জীবনের একটুও আচ
পান নি।

বিশ্বজিৎ। [একটু আহত হয়ে] মা অবশ্য সে হিসেবে
বলেন নি। আপনাদের কষ্টের কথা শুনে—

মুখার্জী। হ্যাঁ যে বাপু হ্যাঁ, তা জানি। বুঝলেন মিসেস
মিত্র, কঠোরতা—একমাত্র কঠোরতাই সৈনিক জীবনের সঙ্গে
জড়ানো। অসাহায্য, অস্বাভাব, অসুখ-বিসুখ, বিনা চিকিৎসা, তার

পর একদিন গুলি খেয়ে টপ করে মারা যাওয়া। এই হ'ল
আমাদের ভাগ্য। আর আমার নিজের বরাতেও অনেকটা সেই
রকম হয়েছিল।

প্রমীলা। অবশ্য আপনাকে বাইরে থেকে দেখে মনে হয় না
যে আপনি খুব কষ্ট সহ্য করেছেন। শুধু এই হাতটাই যা—

[কাটা হাতটা ইঙ্গিতে দেখিয়ে দিলেন]

মুখার্জী। [কোটের বাঁ দিকটা খুলে একটা পদক দেখিয়ে]
ঐ জঞ্জাই তো এটা পেলাম। [বিশ্বজিৎের দিকে তাকিয়ে—
(সে চা খাচ্ছিল না)] কি হে, তুমি চা খাচ্ছ না যে। তুমি কি
চা ছাড়লে, না সামাজিকতা ছাড়লে।

বিশ্বজিৎ। [মুহূ হেসে, চেয়ারে বসে] কোনটাই না। তবে
এখন চা খেলে রাতে আর ভাল খিদে হয় না। সাবায়াত কেমন
একটা অস্বস্তি লাগে। আর কাজ করতে করতে একটু অগ্নমনস্ক
হলেই ব্যস—একেবারে ডায়নামোর ভেতর।

প্রমীলা। [উদ্ভিগ্ন ভাবে] না, না বিস্ময়, তোকে এখন আর
চা পেতে হবে না।

বিশ্বজিৎ। [একটু হেসে] না, মা, না। তোমাকে অত
ভয় পেতে হবে না।

মুখার্জী। সত্যি! তোমরা—ইলেকট্রিসিয়ানরা—আশ্চর্য্য।
সাহসবের মত তোমাদের ক্ষমতা। তোমরা বললে, আলো—অমনি
চারিদিক আলোর ভরে গেল। তোমরা বললে, শক্তি—অমনি
ঘরঘর করে ট্রাম, বাস, ট্রেন চলতে শুরু করল। তোমরা বললে,
জ্ঞান—অমনি পৃথিবীর এক প্রান্ত থেকে আর এক প্রান্ত পর্যন্ত
জ্ঞানের আলো ছড়িয়ে পড়ল। আমি স্বীকার করি, হিমালয় আর
আসামের জঙ্গলে সাধুসন্ন্যাসীদের যেসব অদ্ভুত অদ্ভুত কাণ্ডকারখানা
আমি দেখেছি, তার তুলনায় তোমাদের এই সব ম্যাজিক খুব কম-
দরের নয়।

বিশ্বজিৎ। বলেন কি! সেই সব ভণ্ড সাধুসন্ন্যাসীদের
চালাকির সঙ্গে আমাদের বিজ্ঞানের তুলনা করছেন।

মুখার্জী। [উত্তেজিত ভাবে] ভণ্ড সন্ন্যাসীদের চালাকি।
বটে! আমি নিজের চোখে দেখেছি, তা জান হে ছোকরা!

বিশ্বজিৎ। [শশাকের দিকে তাকিয়ে মুচকি হেসে] বেশ
বলুন ত, কি আপনি দেখেছেন।

মুখার্জী। [সমান উত্তেজিত ভাবে] মণিপুরে একটা ছোট
পাহাড়ের তলার আমি একবার একজন লোককে দেখেছিলাম—
লোকটা প্রায় উলঙ্গ—তার হাতে একটা খালি বুড়ি ছিল—
(প্রমীলার দিকে ফিরে) কি রকম খালি বুঝেছেন—এই—এই
যে চায়ের কাপটা দেখেছেন ঠিক এই রকম খালি—(চায়ের
পেয়ালটা তুলে দেখালেন)

শশাক। ওগো, কাপটা ভরে নাও।

প্রমীলা। [একটু হেসে] কৈ দিন। (কাপটা নিয়ে ভয়ে
দিলেন)।

মুখার্জী। আরে না, না, আমি ভয়ে দিতে বলি নি। মানে উদাহরণ দিয়ে বোঝাতে চেয়েছিলাম—মানে—

বিশ্বজিৎ। হ্যাঁ মানে আপনার সেই সাধুব বুড়িও এমনি ভাবে নানারকম জিনিষ দিয়ে ভয়ে যেত—এই ত! ও ম্যাজিক কি করে দেখাতে হয় তা আমি পড়েছি। শুধু একটু প্র্যাক্টিস দরকার—আর ভাল হাত-সাফাই, তা হলে আমিও করতে পারি। এর চেয়েও বেশ একটা কড়া ধরনের ছাড়ুন দেখি।

মুখার্জী। আরও কড়া! বটে! টিড্ডিম থেকে প্যালেস যাবার পথে একবার এক ফকিরকে দেখেছিলাম। সে একটা দড়ি নিয়ে শূণ্ণে ছুঁড়ে দিত। বুললে শূণ্ণে ছুঁড়ে দিত—আর দড়িটা খাড়া দাঁড়িয়ে থাকত। যেন হুক দিয়ে উপরে বাঁধা—আর তার পর সেই দড়ি ধরে ফকির উপরে উঠত, (হাত নেড়ে নেড়ে দেখাতে লাগলেন) উপরে উঠতে উঠতে সে কোথায় মিলিয়ে যেত; আর তাকে দেখা যেত না।

[সবাই অবাক হয়ে ক্যাপ্টেন মুখার্জীর দিকে তাকিয়ে রইল; বিশ্বজিৎও। একটু পর বিশ্বজিৎ টেবিলের দিকে ফিরে এক টুকরো কেব্ প্রেটে নিয়ে মুখার্জীর দিকে এগিয়ে দিল, অত্যন্ত বিনীত ভাবে।]

মুখার্জী। [ডিশটার দিকে তাকিয়ে] এটা কি হবে?

বিশ্বজিৎ। [বিনীত ভাবে] আপনি যে অপূর্ব গল্পটা ছাড়লেন, তার জন্ম কিঞ্চিৎ—

[শশাঙ্ক ও প্রমীলা হাসতে লাগল]

মুখার্জী। তার মানে তুমি বলতে চাও আমার কথা তুমি বিশ্বাস করছ না।

প্রমীলা। না, না, তা নয়। কিন্তু আপনাকে একটু বাগাতে চাইছে। কিন্তু কি হচ্ছে তোমার।

শশাঙ্ক। আরে তুমি চটছ কেন? আজকালকার ছেলে-ছোকরা, ওরা জানেই বা কি আর দেখেছেই বা কতটুকু। ওদের কথাবার্তাই ঐ রকম।

[বিশ্বজিৎ কেঁকের প্রেটটা নামিয়ে রাখল; তার পর চেয়ারটা সরিয়ে প্রমীলার কাছে আনল।]

মুখার্জী। ঘটনাটা পুরোপুরিই সত্যি। এ ধরনের অদ্ভুত অদ্ভুত ঘটনা আমি আরও দেখেছি—কিন্তু না, তোমাদের আর সে সমস্ত শোনাব না।

শশাঙ্ক। মাথা ধরাপ, মুখার্জী। তোমার মাথা ধরাপ। (চায়ের কাপ টেবিলে নামিয়ে রেখে) ছেলেমানুষদের কথায় কান দিতে আছে। [চেয়ারটা মুখার্জীর কাছে সরিয়ে এনে] আচ্ছা, সেই যে একদিন বলেছিলে, কি এক আশ্চর্য্য বাদরের খাবা—না কিসের গল্প—সেই যে (বিশ্বজিৎকে ইসারা করল)।

বিশ্বজিৎ। প্রীজ ক্যাপ্টেন মুখার্জী—গল্পটা বলুন। সত্যি বলছি—আর বাই হোক আপনার গল্পগুলো খুব ইন্টারেস্টিং।

মুখার্জী। [গভীর ভাবে] না, না, সে কিছু না। সে বাছে গল্প, শোনবার মত নয়।

প্রমীলা। [আশ্চর্য্য হয়ে] বাদরের খাবা সে আবার কি—নিশ্চয় খুব আশ্চর্য্যের ব্যাপার, ক্যাপ্টেন মুখার্জী।

শশাঙ্ক। আরে হ্যাঁ, হ্যাঁ, সেই যে সেদিন, হরিচরণের বাড়ীতে তুমি বলেছিলে—

মুখার্জী। [একটু বিরক্ত হয়ে] না, না, ও গল্পটা থাক। (তাড়াতাড়ি চায়ের কাপটা মুখের কাছে তুলে ধরলেন। তারপর কাপটা দেখলেন।) আরে! খালি হয়ে গেছে। যখনই আমার ঐ খাবাটার কথা মনে পড়ে যায়, তখনই আমার সবকিছু কেমন যেন ভুল হয়ে যায়।

শশাঙ্ক। [মুখার্জীর কাপটা টেনে নিয়ে চা ভরতি করতে করতে] তুমি যে বল, সেটা তুমি সব সময়ে সঙ্গে নিয়ে বেড়াও।

মুখার্জী। তা করি বটে, পাছে একটা অঘটন ঘটে যায়। (কি যেন ভাবতে লাগলেন) পাছে—পাছে—

শশাঙ্ক। [চায়ের কাপটা এগিয়ে দিয়ে] এই নাও।

প্রমীলা। কিন্তু, বাদরের খাবা দিয়ে কি হয়?

মুখার্জী। ব্যাপারটা যদি আপনাদের কাছে বলি তবে আপনারা নিশ্চয় বিশ্বাস করতে পারবেন না।

বিশ্বজিৎ। না, না, আমি প্রত্যেকটি কথা বিশ্বাস করব। সত্যি বলছি।

মুখার্জী। কিন্তু এ প্রায় ম্যাজিকের মতই আশ্চর্য্য, হেসে উড়িয়ে দেবার মত ব্যাপার নয়।

বিশ্বজিৎ। না, না, হাসব না। সত্যি সত্যিই আপনার কাছে আছে নাকি বাদরের খাবাটা—

মুখার্জী। [গভীর ভাবে] আছে বৈ কি।

বিশ্বজিৎ। [বাগ্ৰ ভাবে] কৈ কোথায় আছে? দেখান না জিনিষটা। (মুখার্জী এক হাতে চায়ের কাপ নিয়ে পকেটের দিকে তাকাতে লাগলেন। প্রমীলা এগিয়ে এসে তাঁর হাত থেকে কাপটা নিয়ে টের ওপর গুছিয়ে রাখলেন। তিন জনেই উৎসুক দৃষ্টি নিয়ে মুখার্জীর দিকে তাকিয়ে রইলেন; প্রমীলা দাঁড়িয়ে।)

মুখার্জী। অবশ্য এটার মধ্যে দেখবার বিশেষ কিছু নেই। (পকেট হাতড়াতে লাগলেন) এমনি একটা সাধারণ বাদরের খাবা—ছোট্ট—চামড়াটা গুঁকিয়ে চিমড়ে পাকানো হয়ে গেছে—

[পকেট থেকে বার করে প্রমীলার দিকে বাড়িয়ে ধরলেন]—এই যে।

প্রমীলা। [দাঁড়িয়ে টেবিলের ওপর বুলে পড়ে দেখছিলেন। মুহূ আতর্জনাদ করে পিছিয়ে গেলেন] ইস-স, কি বিজ্ঞী!

বিশ্বজিৎ। কৈ দেখি, দেখি। (মুখার্জী শশাঙ্ককে দিলেন। শশাঙ্ক দেখে বিশ্বজিৎকে দিলেন) আরে! এ যে সত্যিই সব গুঁকিয়ে গেছে।

মুখার্জী। আমি ত তাই বলছিলাম। (বাইরে প্রচণ্ড হাওয়ার গর্জন।)

প্রমীলা। [কেমন ঘেন শিউরে উঠে] তনহ, বাইরে কি ঝড়!

[আস্তে আস্তে টুলের ওপরে বসে পড়লেন]

শশাঙ্ক। [বিশ্বজিতের কাছ থেকে খাবাটা নিয়ে] কিন্তু এর মধ্যে আশ্চর্যের কি আছে?

মুখার্জী। [দৃঢ় ভাবে] আছে। এই খাবাটার একটা অদ্ভুত অলৌকিক শক্তি আছে।

শশাঙ্ক। [চমকে উঠে] এ্যা। কি বললে! [চমকে খাবাটা তাড়াতাড়ি মুখার্জীর হাতে দিয়ে দিলেন।]

মুখার্জী। [গভীর ভাবে, ধেমে ধেম] হ্যাঁ। এক বৃড়ো ফকির এই খাবাটার সেই আশ্চর্য ক্ষমতা দিয়েছেন। শুনেছি, খুব পুণ্যাত্মা তিনি। একই জামগায় বসে বসে তিনি পনর বছর সাধনা করেছেন। কত যে তাঁর বয়স কেউ জানত না। বয়সের ভাবে বেকে ধুমড়ে গিয়েছিলেন। তিনি দেবোত্তে চেয়েছিলেন—মানুষ যত চেষ্টাই করুক না কেন, ভাগ্যই মানুষকে পরিচালিত করে। জন্ম থেকেই মানুষের ভাগ্য ঠিক হয়ে থাকে; কেউ তার বাইরে যেতে পারে না। আর কেউ যদি যাবার চেষ্টা করে তাকে তিস্ত অভিজ্ঞতাই লাভ করতে হবে। [ধেম, একটু ভেবে] তাই তিনি এই জিনিষটার ওপর একটি ঐশ্বরিক ক্ষমতা অর্পণ করেন। অবশ্য তার জন্ত এই বাদরের খাবাটারই যে দরকার ছিল তা নয়; তবে হাতের কাছে যা পেলেন, সেইটাই নিলেন। হ্যাঁ—বা বলছিলাম—এই খাবাটার এমনই গুণ যে তিন জন লোক (তিন জনের দিকে এক বার তাকালেন)

মুখার্জী। প্রত্যেকে এর কাছ থেকে তিনটি মনের ইচ্ছা পূর্ণ করতে পারে। (শশাঙ্ক, বিশ্বজিৎ হো হো করে হেসে উঠল, প্রমীলা ভীত ভাবে একটু হাসলেন)

প্রমীলা। এই। এই। চূপ—আঃ, আস্তে!

মুখার্জী। (আরও গভীর ভাবে) কিন্তু—(শশাঙ্ক, বিশ্বজিৎ তাকাল) কিন্তু, মনে রেখ যদিও তাদের তিনটে ইচ্ছে পূরণ হবে, তবুও পরে তাদের এই ভেবে অনুতাপ করতে হবে যে, ইচ্ছাগুলো পূর্ণ না হলেই ভাল হ'ত।

শশাঙ্ক। কিন্তু ইচ্ছাগুলো পূর্ণ হবে কি ভাবে?

মুখার্জী। তা অবশ্য ফকির বলেন নি। তবে সেগুলো খুবই স্বাভাবিক উপায়ে হবে। মনে কর, আজ তুমি একখানা বাড়ী চাইলে। কাল তুমি খবর পেলে যে, তোমার কোন এক আত্মীয় মারা যাবার সময়ে তোমাকে একখানা বাড়ী দিয়ে গেছে। এমন-কি এও মনে হতে পারে যে, এর সঙ্গে খাবাটার কোন বোগ নেই।

বিশ্বজিৎ। তা ক্যাপ্টেন মুখার্জী, আপনি নিজে এক বার চেষ্টা করে দেখেন নি কেন?

মুখার্জী। [গভীর ভাবে, একটু ধেম] আমি দেখেছি।

বিশ্বজিৎ। [আশ্চর্যিত হয়ে] আপনি তিনটে প্রার্থনাই জানিয়েছিলেন।

মুখার্জী। [একই রকম গভীর ভাবে] হ্যাঁ, জানিয়েছিলাম।

প্রমীলা। আপনার ইচ্ছাগুলো পূর্ণ হয়েছিল?

মুখার্জী। [কিছুক্ষণ ল্যাম্পটার দিকে তাকিয়ে রইলেন] তাও হয়েছিল। (চূপ করে ঐ দিকে তাকিয়ে রইলেন)

শশাঙ্ক। [উষ্ণ ভাবে] আর কেউ ইচ্ছে করেছিল?

মুখার্জী। হ্যাঁ, করেছিল। প্রথম যার কাছে এটা ছিল, সেও তিনবারই ইচ্ছে করেছিল। (একটু ভেবে) আর তার তিনটা ইচ্ছেই পূর্ণ হয়েছিল। তার প্রথম দুটো ইচ্ছের কথা আমার জানা নেই। কিন্তু (একটু দৃঢ় ভাবে) তার শেষ প্রার্থনা ছিল, যত্ন—[সবাই চমকে উঠল] হ্যাঁ, যত্ন। এর পর খাবাটা আমার হাতে আসে। [আবার গভীর হয়ে পড়লেন]

শশাঙ্ক। [জিজ্ঞাসু ভাবে] আচ্ছা মুখার্জী তোমার যদি তিনটে ইচ্ছে পূর্ণই হয়ে গিয়ে থাকে, তা হলে এটাতে ত তোমার আর প্রয়োজন নেই। তবে তুমি এটাকে আর যেখে দিয়েছ কেন?

মুখার্জী। [হাতে-ধরা খাবাটার দিকে তাকিয়ে] এটা আমার একটা খেয়াল। মাঝে মাঝে ভাবি যে, এটা বেচে দেব, তারপর ভাবি সেটা কি ঠিক হবে? হাজার হোক, জিনিষটা অভিশপ্ত ত। তা ছাড়া আমার মনে হয় কেউ ওটা কিনবে না। কারণ, কেউ ভাবে এ একটা গাঁজাখুরি গল্প। আর কেউ কেউ ভাবে, আগে পরখ করেই দেখা যাক না, তারপর না হয় দাম দেওয়া যাবে।

প্রমীলা। [একটু ভীত ভাবে হেসে উঠলেন] আচ্ছা, আপনার যদি আরও তিনটে ইচ্ছে থাকত, আপনি চাইতেন?

মুখার্জী। [আস্তে আস্তে হাতের তেলোর ওপর বাদরের খাবাটার ওজন বুঝতে বুঝতে, ওটার দিকে তাকিয়ে] এ্যা—আমি—আমি না—বোধ হয়—বোধ হয়—কি জানি, ঠিক বলতে পারি না। (হঠাৎ ভীষণ উত্তেজিত হয়ে উঠে দাঁড়িয়ে) ছি, ছি, আমার মত লোভীর যত্নই ভাল। [দৌড়ে জানালায় কাছে গিয়ে দাঁড়ালেন। সবাই চঞ্চল হয়ে উঠে দাঁড়াল।]

শশাঙ্ক। [ব্যস্ত ভাবে] আরে আরে তুমি করছ কি?

মুখার্জী। [উত্তেজিত ভাবে] না, না, মানুষের সমাজে এই অভিশপ্ত জিনিষটার কোন প্রয়োজন নেই। একে আমি এখন কেলে দেব। [জানালা খুলতে চেষ্টা করলেন]

শশাঙ্ক। [দৌড়ে এসে ওয় হাত ধরে] না, না, তুমি এটা কেলে দেবে কেন?

প্রমীলা। [শশাঙ্কর পেছনে এসে দাঁড়িয়ে] আহা! উনি যখন কেলেই দিচ্ছেন, দিন না। তনহ, ওটা কেলেই দাও।

শশাঙ্ক। [মুখার্জীর হাত থেকে খাবাটা কেড়ে নিয়ে কিরে আসতে আসতে] না। তোমার যদি দরকার না থাকে, বেশ ত আমাদের দিনে দাও। (চোরাবে এসে বসলেন)

মুখার্জী। [উত্তেজিত ভাবে] না, না, তুমি ওটা নিয়ে কি করবে। ফিরিয়ে দাও আমাকে। [বলতে বলতে হাতটা এগিয়ে দিলেন]

প্রমীলা। [কাতর ভাবে] আঃ! কি করছ। ফিরিয়ে দাও না ওটা।

শশাঙ্ক। [শাস্ত্র ভাবে] তোমার যখন দরকারই নেই এটা, আর বিক্রীও যখন করবে না, তখন আমার কাছে রাখতে দোষ কি ?

মুখার্জী। [নিজেই চেঁচাবের কাছে ফিরে, বসতে বসতে] বেশ! আমার কিন্তু আর দায়িত্ব বইল না। ভবিষ্যতে যদি কিছু অঘটন ঘটে, আমাকে দোষী করো না।

[হঠাৎ কাতর ভাবে] শশাঙ্ক ভাই, কেন এ নিয়ে জেদাজেদি করছ। ফেলেই দাও না। ওটা কি হবে তোমার ?

শশাঙ্ক। [দৃঢ় ভাবে] না, এটা আমি রাখব। তুই কি বলিস বিত্ত ?

বিশ্বজিৎ। [তাচ্ছিল্যের হাসি হেসে] বেখে দিন, আপনার যদি ইচ্ছে হয়—যত সব বাজে ব্যাপার। আপনিও যেমন—

শশাঙ্ক। [ধাবাটার দিকে তাকিয়ে চিন্তিত ভাবে] বাজে ব্যাপার। হুঁ! আশ্চর্য্য—(হাস্ত ভাবে) আচ্ছা, আমি ইচ্ছে করি (ঘরের চারিদিকে তাকিয়ে ভাবতে লাগলেন, কি ইচ্ছে করা যায়]

মুখার্জী। [বাস্তব হয়ে] আবে, আরে, থাম। মনে রেখ, তুমি কি করতে যাচ্ছ।—কিন্তু—হ্যাঁ—ওরকম ভাবে চাইলে হবে না।

শশাঙ্ক। তা হলে কি রকম ভাবে চাইতে হবে ?

প্রমীলা। [একটা গামলার মধ্যে জল ছিল, সেই জলে কাপ-গুলি ধুতে ধুতে] আচ্ছা, তোমার ঐ নোংরা জিনিষটা নিয়ে ঐসব করবার কি দরকার বল ত ?

মুখার্জী। দেখুন, দেখুন, মিসেস মিস্ত্রি! আমি বার বার সাবধান করে দিয়ে যাচ্ছি, শশাঙ্ক—ঐ অভিশপ্ত জিনিষটা নিয়ে নাড়াচাড়া করা আর আগুন নিয়ে খেলা করার মধ্যে কোন পার্থক্যই নেই।

শশাঙ্ক। তা হোক, তুমি বল।

মুখার্জী। বেশ। নিয়ম হচ্ছে, ডান হাতে ওটা ধরতে হবে, তার পর জোরে জোরে তোমার ইচ্ছেটা বলতে হবে। কিন্তু সাবধান, সাবধান শশাঙ্ক!

প্রমীলা। ঠিক যেন আরব্য উপাস্যের গল্পের মত। আচ্ছা, আমার আর একলোড়া হাত করে দিন না। দুটো হাতে ত এত কাজ আর পেরে উঠি না।

শশাঙ্ক। [হেসে উঠে] ঠিক বলেছ গিন্নী, ঠিক বলেছ। আচ্ছা—আমি ইচ্ছে করি—

মুখার্জী। [বাস্তব ভাবে তার হাতটা ধরে ধামিরে দিয়ে] আঃ! থাম! চাইতেই যদি হয়, তবে বাস্তব কিছু চাও।

আজ্ঞে বাজে জিনিষ কিছু চেঁচো না। যাক—আমি ভাই আর এখানে থাকতে পারছি না। আমার বড্ড বিল্লী লাগছে। আমি চললাম। আমার কোটটা কোথায় রাখলে? [বলতে বলতে বাইরে যাবার দরজার পাশে 'হাট ব্যাকে'র কাছে এসে দাঁড়ালেন।]

বিশ্বজিৎ। [কোটটা ক্যাপ্টেনকে দিয়ে] চলুন, আমিও আপনার সঙ্গে যাব। এক মিনিট অপেক্ষা করবেন? আমি ওপর থেকে দৌড়ে বেনকোটটা নিয়ে আসি। (বলতে বলতে ভেতরে যাবার দরজার দিকে এগিয়ে গেল।)

ক্যাপ্টেন। [কোটটা পরবার চেষ্টা করতে করতে] না, না, আমি আর এক মুহূর্তও এখানে থাকতে পারছি না। বাইরে বেরুতে পারলে বাঁচি। তার পর তোমরা যত খুশি বরপ্রার্থনা কর। দোহাই তোমাদের—আমাকে চলে যেতে দাও। কিন্তু মনে রেখ, আমি তোমাদের সাবধান করে দিয়েছিলাম।

শশাঙ্ক। [তাড়াতাড়ি উঠে ব্যাকের ওপর ধাবাটা রেখে ক্যাপ্টেনকে কোট পরতে সাহায্য করতে লাগলেন।] ঠিক আছে। ঠিক আছে মুখার্জী। আমাদের জন্ত একটুও ঘাবড়িও না। (পকেট থেকে একটা নোট বার করে) এটা রাখ।

ক্যাপ্টেন। [প্রত্যাখ্যান করে] না, না, ও আমি নিতে পারব না।

শশাঙ্ক। [জোর করে পকেটে গুজে দিয়ে] হ্যাঁ, হ্যাঁ নিতে হবে। [দরজাটা খুলে ধরলেন]

ক্যাপ্টেন। [বাইরের দিকে তাকিয়ে] আচ্ছা চলি (শশাঙ্ককে) ওটা উলুনে ফেলে দাও গিয়ে।

সকলে। আচ্ছা, আবার আসবেন।

[ক্যাপ্টেন চলে গেলেন। শশাঙ্ক দরজা বন্ধ করলেন। ভেতরে এসে ব্যাকের কাছে দাঁড়িয়ে ধাবাটা দেখতে লাগলেন। বিত্ত চট করে ভেতরে গিয়ে বেনকোট নিয়ে এল। প্রমীলা বাসনপত্র ট্রের উপরে শুছিয়ে রাখলেন।]

বিশ্বজিৎ। [শশাঙ্কর পাশে দাঁড়িয়ে ধাবাটা দেখতে দেখতে] ক্যাপ্টেন মুখার্জী আজ একটা কড়া ধরনের ছেড়ে গেছেন। আগের গল্পগুলির চেয়ে এটা বেশ কড়া। আমার মনে হয় জিনিষটা একদম বাজে।

প্রমীলা। [বাসনপত্র 'ট্রে'টা ব্যাকের ওপর রাখতে রাখতে] হ্যাঁ গো, তুমি কিছু দিলে নাকি ঠকে।

শশাঙ্ক। সামান্য কিছু। ও নিচ্ছিল না। আমিই জোর করে দিলাম।

প্রমীলা। বাজে বাজে জিনিষের ওপর তুমি বড় টাকা খরচ কর।

শশাঙ্ক। [ধাবাটা হাতে করে নিয়ে] সত্যি—আশ্চর্য্য।

বিশ্বজিৎ। কেন? আশ্চর্য্য আবার কি?

শশাঙ্ক। কি আবার থাকতে পারে এটার মধ্যে! দূর, এটা আগুনে ফেলে দিলেই হয়।

বিশ্বজিৎ। [জোরে হেসে উঠে] যা বলেছেন। তা এক কাজ করুন না কেন বাবা—আমরা রাতারাতি যাতে বিরাট একটা বড়লোক কিংবা বিখ্যাত হয়ে উঠতে পারি—এমন কিছু চেয়ে নিন না।

প্রমীলা। [শশাঙ্কর দিকে চেয়ে] আগুনে ফেলে দেবে? তাই যদি দেবে ত পরসী নষ্ট করলে কেন? তখনই বারণ করেছিলাম, নিও না। তুমি চিবটাকাল এ বকম বাজে খরচ করে এলে। আর আমি সব দিক সামলে কি করে চালাই তা আমিই জানি—

বিশ্বজিৎ। বাবা, আপনি এক কাজ করুন। সম্রাট হবার বর প্রার্থনা করুন। তা হলে মা আর আপনার ওপর হুকুম চালাতেও পারবে না আর দুটো-চারটে টাকা খরচ করলে মায়ের ধমকও খেতে হবে না।

প্রমীলা। তবে রে নুংপোড়া! [হাতের ঝাড়ন নিয়ে বিশ্বজিৎকে তাড়া করলেন] তোর বড্ড কথা হয়েছে না। [ঝাড়ন দিয়েই মাবতে লাগলেন। বিশ্ব হাসতে হাসতে হাত দিয়ে আত্ম-রক্ষা করতে লাগল।]

শশাঙ্ক। [টেবিলের ধারে এগিয়ে এসে, ওদের দিকে তাকিয়ে মুহু মুহু হাসতে হাসতে] সত্যি—কি যে চাই—কিছুই ত ভেবে পাচ্ছি না—মনে হচ্ছে যেন—সবই ত আছে, কি আর চাইব।

বিশ্বজিৎ। [শশাঙ্কর সামনে এসে] আরে! একটা জিনিস ত রয়েছে। আপনি পাঁচ হাজার টাকা চান না! তা হলেই ত আপনার দেনাটা শোধ হয়ে যায়। বাস, তখন আর আমাদের পায় কে।

শশাঙ্ক। হ্যাঁ, হ্যাঁ, এ কথাটা ত মন্দ নয়। কি বল, গিন্নী, তাই না হয় চাওয়া যাক।

প্রমীলা। না, না, দরকার নেই। ওটাকে নিয়ে কিছু করতে হবে না।

বিশ্বজিৎ। হ্যাঁ, তুমি খাম ত মা। নিন—বাবা—আপনি বর প্রার্থনা করুন।

শশাঙ্ক। [একটু লজ্জিত ভাবে, মঞ্চের মধ্যস্থলে এসে, ডান হাতটা বাড়িয়ে] আমি ইচ্ছে করি—আমি যেন পাঁচ হাজার টাকা পাই।

অন্বন করে একটা আওয়াজ উঠল। আর সঙ্গে সঙ্গেই শশাঙ্ক চীৎকার করে উৎলেন। খাবাটা হাত থেকে পড়ে গেল।

প্রমীলা ও বিও। কি হ'ল?

শশাঙ্ক। [অত্যন্ত ভীত ভাবে খাবাটার দিকে তাকিয়ে] ওটা নড়ে উঠল। বেই আমি বলেছি, আমরা আমার হাতের মধ্যে ও ঠিক সাপের মত কিলবিল করে নড়ে উঠল।

বিশ্বজিৎ। [এগিয়ে এসে খাবাটা কুড়িয়ে নিয়ে] এক যে

বলেন। কৈ একেবারে হাড়ের মত শক্ত। [ঘাবের উপর বেধে দিল]

প্রমীলা। ও তোমার মনের ভুল নিশ্চয়।

বিশ্বজিৎ। [হাসতে হাসতে] কৈ [ঘরের চারিদিকে চোখ বুজিয়ে] কোথায় টাকা। হুঃ! এ টাকা আপনি পেয়েছেন।

শশাঙ্ক। [একটু নিশ্চিত ভাবে] যাক! ভগবানকে ধন্যবাদ খারাপ কিছু ঘটে নি। আমি কিন্তু সত্যিই ভয় পেয়েছিলাম।

বিশ্বজিৎ। [ঘড়ির দিকে তাকিয়ে] ওঃ! অনেক রাত হয়ে গেছে। এবার আমি বেরিয়ে পড়ি।

[বেনকোটটা পরতে লাগল]

প্রমীলা। সকালে ফিরতে দেরি করিস না।

বিশ্বজিৎ। যেমন ফিরি, তেমনিই ফিরব। এই ন'টা নাগাদ। তবে আমার জন্ম অপেক্ষা করো না।

প্রমীলা। তোর বাবা সকালে উঠে চা না খেয়ে অপেক্ষা করবে! তুইও যেমন [শশাঙ্ককে] ওগো এসো, তাড়াতাড়ি খেয়ে নাও।

[ট্রেটা নিয়ে ভিতরে চলে গেলেন]

বিশ্বজিৎ। [শশাঙ্ককে চিন্তিত দেখে] কি বাবা, আপনি এখনও ভাবছেন। ভাববেন না।

শশাঙ্ক। [বিশ্বজিৎের দিকে তাকিয়ে, দাঁড়িয়ে উঠে] সত্যি বিশ্ব, ওটা নড়ে উঠেছিল।

বিশ্বজিৎ। [দরজার দিকে যেতে যেতে] হ্যাঁ। আর একটা বাদর লাজে ভর দিয়ে খাটের উপর ঝুলছিল, আর দেখছিল, আপনি টাকা গুনছেন।

[শশাঙ্ক রান হেসে বিশ্বর পেছনে চললেন]

বিশ্বজিৎ। [দরজা খুলে] উঃ কি ঝড়বে বাবা! দরজাটা ভাল ভাবে বন্ধ করে দিন (বেরিয়ে গেল)

[শশাঙ্ক মাথা নাড়তে নাড়তে দরজা বন্ধ করলেন। দরজার কড়ায় তালা লাগালেন। তলায় ছিটকিনি আটকালেন। তার পর উপরের ছিটকিনিটা লাগাতে গিয়ে একটু ধস্তাধস্তি করতে হ'ল, তার পর লাগালেন।

শশাঙ্ক। ছিটকিনিটা বড্ড শক্ত হয়ে গেছে। কাল সকালে বিশ্বকে বলতে হবে।

[ভিতরে এসে চেয়ারে বসলেন। ল্যাম্পটা কমাতে গিয়ে আলোর শিখার দিকে তাকিয়ে রইলেন। মুখের ভাব ক্রমশঃ বদলাতে লাগল; কি একটা দেখতে দেখতে যেন তিনি ভীষণ ভয় পেয়েছেন।]

শশাঙ্ক। [ভীতকণ্ঠে] প্রমীলা! প্রমীলা!

প্রমীলা। (হাতা হাতে নিয়ে দৌড়ে এসে) কি হয়েছে?

শশাঙ্ক। (নিজেকে সংযত করে) এঁ্যা! ওঃ! না—কিছু না। আমি যেন এই শিখাটার মধ্যে বাদরের মুখ দেখতে পাচ্ছিলাম, ক্রুর চোখে আমার দিকে তাকিয়ে হাসছে।

প্রমীলা । (হাতটা ধরে) চল, চল খাবে চল । (হাত ধরে টেনে নিয়ে চলে গেলেন । শশাঙ্ক এক বার পেছন ফিরে ভীত ভাবে আলোটার দিকে তাকালেন ।)

দ্বিতীয় দৃশ্য

মঞ্চদৃশ্য—প্রথম দৃশ্যের অনুরূপ । উজ্জ্বল সূর্যালোক এসে পড়েছে জানালা দিয়ে । টেবিলের উপর কাপ, ডিশ, কেটলি প্রভৃতি সাজানো রয়েছে । শশাঙ্কবাবু জানালার ধারে দাঁড়িয়ে বাইরের দিকে তাকিয়ে আছেন । প্রমীলা দেবী একটি পাত্র নিয়ে ভেতরের দরজা দিয়ে ঢুকলেন ।]

শশাঙ্ক । আকাশ একদম পরিষ্কার হয়ে গেছে ।

প্রমীলা । টঃ ! কাল যা ঝড়ুটি গেল । সকালেই যে আকাশটা পরিষ্কার হয়ে যাবে একদম ভাবি নি । বাজ পড়ার আওয়াজে আমার ত সারারাত ঘুমই হয় নি ।

শশাঙ্ক । যাবলেছ । (একটু খেমে) নদীর ধারে শ্মশানের পাশের রাস্তাটা যা খারাপ । কালকের ঝড়ুজে যদি রাস্তায় জল দাঁড়ায় তবে বিস্তর ফিরতে দেরি হবে ।

প্রমীলা । (টেবিলের ওপর পাত্রটা নামিয়ে) তাও ত বটে । বাজল ক'টা ? ওর কি ফেরবার সময় হয় নি ? (ঘড়ির দিকে তাকিয়ে) পৌনে আটটা । ওর ছুটি হয়েছে ত সকাল সাড়ে সাতটার । (চেয়ারগুলো টেনে বার করতে লাগলেন ।)

শশাঙ্ক । ওখানে ধরো জামাকাপড় ছাড়তে, হাতমুগ ধুতে আধ ঘণ্টা । তা হলে এতক্ষণে ও শ্মশানের ধারে পৌঁছে গেছে ।

প্রমীলা । তা হলে ত মিনিটদশেকের মধ্যে এসে পড়বে ।

শশাঙ্ক । হ্যাঁ, হ্যাঁ, এখনই এসে পড়বে । (টেবিলের ধারে এগিয়ে এসে) আজ কি তৈরি করলে ?

প্রমীলা । (ব্যাকের উপরটা পরিষ্কার করতে করতে) মোহন-ভোগ । বিস্ত ক'দিন ধরে বলছিল । (বাদরের খাবাটা দেখে) আঃ । এই নোংরা জিনিষটা আবার এর ওপর ।

(হাতে নিয়ে একবার দেখে আবার নাকমুগ কুঁচকে বেগে দিল ।) বাজে জিনিস । এই নিয়ে কাল রাতে আমরা এত গৈটে করেছি যে ভাবলে হাসি পায় ।

শশাঙ্ক । (জানালার ধারে যেতে যেতে) হ্যাঁ ! যেমন ক্যাপ্টেন আর তেমনি তার গল্প—শ্রেফ গাঁজা । আমার মনে হয় সুদক্ষের ত লোকগুলোই এ রকম ।

প্রমীলা । (টেবিলের ধারে এসে) এস । চা হয়ে গেছে । বিস্তর জঞ্জ অপেক্ষা করে থাকলে ও আবার রাগ করে । (হুঁজনে খেতে আরম্ভ করল)

প্রমীলা । (গেতে গেতে) আচ্ছা, আজকালকার দিনে কখনও এ রকম ভাবে ইচ্ছে পূর্ণ হয় ?

শশাঙ্ক । তুমি বোধ হয় সারারাত ধরে এই সব ভেবেছ ?

প্রমীলা । আহা, নিজে যেন কত ভাবেন নি । সারারাত শুধু এপাশ-ওপাশ করেছ ।

শশাঙ্ক । (একটু হেসে) তা যা বলেছ । সত্যিই কাল ভাল ঘুম হয় নি । হয়ত ঝড়ের জঞ্জই—

প্রমীলা । (ঝঙ্কার দিয়ে) হ্যাঁ, ঝড়ের জঞ্জ না ছাই ।

শশাঙ্ক । কি জানি ! সারারাত শুধু আধো-ঘুমে, আধো-তন্দ্রায় অস্বস্তিতে কাটিয়েছি ।

প্রমীলা । আর সারারাত ধরে বোধ হয় ভেবেছ যে, যদি প্রার্থনা পূর্ণই হয়, তা হলে অমঙ্গলটাই বা হয় কি করে ! আচ্ছা, সত্যিই যদি পাঁচ হাজার টাকা পাওয়া যেত, তা হলে তার খারাপ ফলটা কিই-বা হ'ত ?

শশাঙ্ক । (একটু উদাসীন ভাবে) কে জানে । বোধ হয় টাকার খলিতা ঝপ করে মাথায় পড়ে, মাথাটা ফাটিয়ে দিত । আর ত কিছু মাথায় আসছে না— (প্রমীলা হাসলেন) তবে হ্যাঁ— মুখুঞ্জ বলে গেছে কিন্তু—টাকাটা এমন স্বাভাবিক ভাবে পাব যেন মনে হতে পারে, এর সঙ্গে খাবাটার কোন যোগ নেই ।

প্রমীলা । যাকগে । টাকা ত পাওয়া যায় নি । আর আমার বিশ্বাস, যাবেও না । মিছিমিছি এসব বাজে ভাবনা ।

(বাইরের দরজাটা একটু খুলে, 'চিঠি' বলে ডাক দিয়ে পিয়ন ঘরের মেঝেয় একখানা চিঠি ফেলে দিয়ে গেল ।)

প্রমীলা । (চমকে উঠে) কে এল ?

শশাঙ্ক । ডাকপিয়ন । একটা চিঠি দিয়ে গেল দেখছি ।

প্রমীলা । (একটু উত্তেজিত ভাবে চিঠিটার দিকে তাকিয়ে) হ্যাঁ, তাই ত চিঠিই ত দিয়ে গেল ।

শশাঙ্ক । (হালকা সুরে) কি বিপদ ! ডাকপিয়ন চিঠি দিয়ে যাবে না ত কি কয়লা দিয়ে যাবে, না, দুধ দিয়ে যাবে ?

প্রমীলা । (অসহিষ্ণু ভাবে) না, না, তা বলছি না । আমি বলছিলাম কি, মনে কর—(ইতস্ততঃ করতে লাগলেন)

শশাঙ্ক । (বিস্মিত হয়ে) কি ? কি মনে করব ?

প্রমীলা । ধর, একটা পাঁচ হাজার টাকার চেক—কিংবা ঐ রকম কিছু—

শশাঙ্ক । (উত্তেজনা দমন করে) হ্যাঁ তোমার যত সব—কৈ আন না চিঠিটা ।

প্রমীলা । (চিঠিটা কুড়িয়ে নিয়ে) বেশ মোটা ত । (হাত দিয়ে অনুভব করে) শঙ্ক মতন কি যেন রয়েছে (শশাঙ্ককে দিলেন)

শশাঙ্ক । (চোখমুগ কুঁচকে পড়বার চেষ্টা করে) কার নামে চিঠিটা ?

প্রমীলা । তোমার নামে ।

শশাঙ্ক । (চিঠিটা উলটে পালটে দেখতে লাগলেন ; উত্তেজনা গোপন করবার চেষ্টা করেও পারছেন না) যত সব আজগুবি ধারণা, কোথাও কিছু নেই পাঁচ হাজার টাকা—ইয়ে, আমার চশমাটা কোথায় গেল ?

প্রমীলা । (দ্রুত কণ্ঠে) আমাকে দাও না । আমিই খুলছি ।
 শশাঙ্ক । (ব্যস্ত হয়ে) না, না হাত দিও না । কি মুশকিল
 আমার চশমাটা কোথায় ? (এদিক-ওদিক তাকাতে লাগলেন)
 প্রমীলা । কেন আমি খুললে—
 শশাঙ্ক । (অধীর ভাবে) আঃ ! আমার চশমাটা দেবে ?
 প্রমীলা । (ব্যাক থেকে চশমাটা নিয়ে দিল) এই ত চশমা ।
 (শশাঙ্ক চশমা পরে চিঠিটা ছিড়তে লাগলেন) দেখ, সাবধান,
 যেন ছিড়ে না যায় ।
 শশাঙ্ক । ছিড়বে ?
 প্রমীলা । (একটু অপ্রতিভ হয়ে) না ধর ব্যাকনোট কিংবা
 চেকটা ।
 শশাঙ্ক । (খামটা ছিড়ে একটা অফিসিয়াল ডকুমেন্ট বার
 করলেন, তার সঙ্গে একটা ছোট্ট শ্লিপ ।) তোমার ভীমরতি ধরেছে
 মানুষকে এমন নার্ভাস করে দাও । (চিঠিটা পড়লেন) “মহাশয়
 বাড়ী বন্ধনী খাতে পাঁচ হাজার টাকা হাওলাত বাবদে আপনার
 প্রদত্ত সুদ পাইয়াছি । ইতি—“দুব”—।
 (দু’জনে পরস্পরের দিকে তাকালেন । শশাঙ্ক বসে পড়ে আহার
 শেষ করতে লাগলেন । প্রমীলা জানালার ধারে গিয়ে দাঁড়ালেন)
 প্রমীলা । (উদ্ভাভয়ে) এ তোমার ঐ গাঁজাখোর বন্ধুর কথা
 শোনাব ফল ।
 শশাঙ্ক । (নিরুৎসুক ভাবে) কেন ? কি হয়েছে ?
 প্রমীলা । এই যে তুমি ভেবেছিলে, এর মধ্যে পাঁচ হাজার
 টাকার ড্রাফট আছে ।
 শশাঙ্ক । (রাগান্বিত ভাবে) আমি বলেছিলাম । আমি
 বরাবর বলে আসছি—
 প্রমীলা । বলে আসছ বৈ কি ! দাঁড়াও না বিত্ত গুনলে
 যা করবে ।
 শশাঙ্ক । (একটু রুদ্ধভাবে) আচ্ছা থাক । এসব কথা আর
 বিত্তর কানে তুলতে হবে না ।
 প্রমীলা । না, বলবে না । আমি নিশ্চয় বলব ! তার পর
 সে যা মজা করবে তোমাকে নিয়ে । (জানালা দিয়ে একটু ব্লুকে
 পড়ে বাইরে কি যেন দেখে মুগ্ধ ফিরিয়ে নিয়ে) কাল রাতে তুমি
 যখন বলছিলে খাবাটা নড়ছে, তখন তোমায় বা ঠাট্টা করেছিল ।
 শশাঙ্ক । ঠাট্টা করলেই হ’ল । নড়েছিলই ত সেটা । আমি
 শপথ করে বলতে পারি ।
 প্রমীলা । (বাইরে কিছু একটা দেখতে দেখতে) ও তোমার
 মনের ভুল ।
 শশাঙ্ক । আমি বলছি, নড়েছিল । মনের ভুল হতেই পারে
 না । আমি কি রকম চমকে উঠেছিলাম, দেখেছিলে ? (প্রমীলা
 উত্তর দিলেন না ।) কি দেখ নি ? কি হ’ল, ওখানে কি এত
 দেখছ ?

প্রমীলা । (ঘবের দিকে ফিরে) না, কিছু না । ও একটা
 লোক, আমাদের বাড়ীর সামনে দাঁড়িয়ে ।
 শশাঙ্ক । বিত্তকে খুজছে না ত ? ওর ত আসবার সময়
 হয়ে গেছে ।
 প্রমীলা । (জানালা দিয়ে দেখে) না, লোকটা চলে যাচ্ছে ।
 শশাঙ্ক । যাক । হ্যাঁ যা বলছিলাম ।
 প্রমীলা । না গো । লোকটা ফিরে আমাদের বাড়ীর
 দিকেই তাকাচ্ছে ।
 শশাঙ্ক । তা হলে বোধ হয় নব্বয় খুজে পাচ্ছে না ।
 প্রমীলা । (অল্প উত্তেজিত ভাবে) হ্যাঁ—তা লোকটা ফুল-
 প্যান্ট পরে আছে আর কালো কোট—আমাদের গেটের ছিটকিনিটা
 খুলছে ।
 শশাঙ্ক । এই জানলার ধারে দাঁড়িয়ে অমন চোঁচিও না, লোকটা
 তা হ’লে আমাদের বাড়ীতেই আসছে ?
 প্রমীলা । না বোধ হয়, দরজাটা ভেজিয়ে চলে যাচ্ছে ।
 (হঠাৎ দ্রুত কণ্ঠে) না, না, লোকটা সোজা বাড়ীর ভেতরে আসছে ।
 (টেবিলের কাছে ছুটে এসে) দেখ, লোকটাকে ঠিক উকিলের
 মত দেখতে ।
 শশাঙ্ক । তাতে কি হয়েছে ?
 প্রমীলা । মানে—বললেই ত তুমি হাসবে—মানে মনে কর
 সেই পাঁচ হাজার টাকার ব্যাপারে লোকটা হয় ত আসছে ।
 শশাঙ্ক । আচ্ছা, থামো দেখি, তুমি একটি আস্ত নিরীক ।
 দেখি আবার কে এল ।
 (বাইরের দরজায় ধাক্কা)
 (শশাঙ্ক দরজার দিকে এগিয়ে গেলেন । প্রমীলা ইতিমধ্যে
 টেবিলটা অল্প একটু গোছাবার চেষ্টা করলেন । শাড়ীটা একটু
 ঠিক করে নিলেন । শশাঙ্ক দরজা খুললেন । টাউজার আর
 কালো কোট-পরা একটা লোককে দরজায় দেখা গেল ।)
 আগন্তুক । (বাইরে থেকে) এটাই বোধ হয় শশাঙ্কবাবুর
 বাড়ী ?
 শশাঙ্ক । হ্যাঁ । আপনি ভিতরে আসুন ।
 (লোকটি ভিতরে এলেন)
 আগন্তুক । নমস্কার । আপনিই বোধ হয় শশাঙ্কবাবু ?
 শশাঙ্ক । হ্যাঁ । আপনি বসুন । (একটা চেয়ার এগিয়ে
 দিলেন)
 আগন্তুক । (হঠাৎ ব্যস্ত হয়ে উঠে) না, না, ঠিক আছে—ঠিক
 ধন্যবাদ—আমি মানে—আমি আসছি—(ধেম্বে পড়ল)
 শশাঙ্ক । আপনাকে ত ঠিক চিনতে পারলাম না ।
 আগন্তুক । হ্যাঁ হ্যাঁ, মানে আমার নাম শনি চৌধুরী, আমি
 আসছি—
 (এদিক-ওদিক ইতস্ততঃ দৃষ্টিপাত করতে লাগল)
 শশাঙ্ক । আপনি বোধ হয় বিশ্বজিৎকে খুজছেন ?

প্রমীলা । বিত্ত এখনই এসে পড়বে । গুণ আসবার সময় হয়ে গেছে ।

শনি । (প্রমীলাকে বাধা দিয়ে) না, না, (একটু ধেমের) আমি পাওয়ার-হাউস থেকে আসছি । (শশাঙ্ককে গভীর ভাবে) আপনার সঙ্গে একটু দরকার আছে ।

প্রমীলা । (উদ্ভিন্ন ভাবে) সে কি । তা হলে তো আপনার বিত্তের সঙ্গেই আসা উচিত ছিল ।

শশাঙ্ক । (একটু অবাক হয়ে) পাওয়ার-হাউস থেকে আসছেন । কি দরকার, বলুন ।

শনি । (প্রমীলাকে দেখিয়ে) ওকে একটু ভেতরে যেতে বলুন । (শশাঙ্ক বিস্মিত দৃষ্টিতে শনির দিকে তাকালেন । তার পর দ্বিধে প্রমীলার দিকে তাকালেন । প্রমীলা তাঁর মুখের দিকে ভীতিবিহ্বল দৃষ্টিতে তাকিয়ে ভেতরের দরজার পাশে গিয়ে দাঁড়িয়ে রইলেন ।)

শশাঙ্ক । (উত্তেজনা দমন করে) কি ব্যাপার বলুন তা ?

শনি । পাওয়ার-হাউসের বস্তুপক্ষ আমাকে এখানে পাঠিয়েছেন । আমি অত্যন্ত দুঃখিত যে আমাকেই—

শশাঙ্ক । (বাধা দিয়ে অধীর ভাবে) কি হয়েছে বলুন না । আশা করি, আপনি কোন খরচ খবর আনেন নি ?

শনি । আমাকে এই খবরটা দিতে পাঠানো হয়েছে যে—

শশাঙ্ক । (উত্তেজিত ভাবে) কি খবর ? বিত্তের খবর ? তার কি কিছু হয়েছে ? কোন কিছু আঘাত— (ধেমের পড়লেন) (শনি মাথা নীচু করে দাঁড়িয়ে রইল)

শশাঙ্ক । বলুন, বলুন ।

শনি । হঠাৎ এবং দুর্ঘটনায় বিশ্বজিবাবু— (ধেমের গেলেন)

শশাঙ্ক । (চীৎকার করে) বিত্ত, আহত হয়েছে ?

(শনি চূপ করে রইল । ভিতরে আর্ন্ত কণ্ঠে চাপা চীৎকার ।)

শনি । সাংঘাতিক আহত !

শশাঙ্ক । (ব্যাকুল কণ্ঠে) গুণ কি জ্ঞান আছে ? খুব কি বস্তু পাচ্ছে ?

শনি । (মুখ তুলে, ধীরে ধীরে) না, আর তার কোন বস্তুই নেই ।

শশাঙ্ক । (বুঝতে না পেরে, দ্রুত কণ্ঠে) কোন বস্তুই নেই । (বুঝতে পেরে, স্থলিত কণ্ঠে) এ্যা, তার মানে ! সে কি আর— সে কি আর— (ভেতর থেকে আলুথালু বেশে প্রমীলা বেরিয়ে এসেন ।)

প্রমীলা । (আর্ন্তস্বরে) বিত্ত—বিত্ত—বিত্তেরে— (শশাঙ্ক প্রমীলাকে এক হাত দিয়ে ধরে ফেললেন । আর এক হাতে শনির হাতে ব্যাকুনি দিয়ে জড়িত সুরে বললেন)

শশাঙ্ক । বলুন, বলুন । দোহাই আপনার, চূপ করে থাকবেন না ।

শনি । বিশ্বজিৎ কাল রাতে আমাদের একটা গল্প বলছিল ;

কি একটা বাদরের খাবা নিয়ে । বোধ হয় কাল রাতে গল্পটা এখানে শুনেছিল । খুব হাসতে হাসতে গল্পটা বলছিল । ফলে একটু অমনোযোগী হয়ে পড়েছিল । এমন সময় (একটু ধেমের) হঠাৎ একটা মেশিনের মধ্যে হাতটা কিরকম করে ঘেন—মানে তার পর—(প্রমীলা অক্ষুট আর্ন্তনাদ করে উঠলেন । তার পর কাঁপতে কাঁপতে চেয়ারে বসে পড়লেন । তাঁর মুখে যুগপৎ আতঙ্ক ও শোকের চিহ্ন ।)

শশাঙ্ক । (শূন্য দৃষ্টিতে, প্রমীলার কাঁধে হাত রেখে) মেশিনের মধ্যে পড়ে গেল—এ্যা, আমাদের একমাত্র সম্ভান বিত্ত, তাকে নিয়ে গেল—এ্যা ! ওঃ !

শনি । (বিনীত ভাবে) কোম্পানী আন্তরিক সহানুভূতি জানাচ্ছে, আপনাদের এই অপূরণীয় ক্ষতিতে—

শশাঙ্ক । (শূন্য দৃষ্টিতে, ধেমের ধেমের) আপনাদের অপূরণীয় ক্ষতি—

শনি । আমাকে আরও বলতে বলা হয়েছে যে—মাপ করবেন—আমি কোম্পানীর ভৃত্তা মাত্র—

শশাঙ্ক । (বিস্ময় করে) আমাদের—আমাদের—অপূরণীয় ক্ষতি—

শনি । (টেবিলের ওপর একটা খাম রেখে, এবং দরজার দিকে একটু পিছিয়ে গিয়ে) আমাকে বলতে বলা হয়েছে—কোম্পানী এই দুর্ঘটনার সব দায়িত্ব অস্বীকার করেছে—তবে আপনার ছেলের কর্মকৌশলতার কথা স্মরণ করে তারা সামান্য কিছু টাকা ক্ষতিপূরণ-স্বরূপ দিয়েছেন । (দরজার সামনে গিয়ে দাঁড়াল ।)

শশাঙ্ক । (জড়ানো সুরে) দায়িত্ব !—ক্ষতি !—ক্ষতিপূরণ !— (সহসা আতঙ্কিত ভাবে) কত ?—কত টাকা ?

শনি । (দরজা দিয়ে বেরিয়ে যেতে যেতে) পাঁচ হাজার টাকা । (বেরিয়ে গেল ।) (প্রমীলা আর্ন্ত কণ্ঠে চীৎকার করে হাত দিয়ে মুখ ঢেকে টেবিলের ওপর অজ্ঞান হয়ে পড়ল । শশাঙ্ক তাঁর দিকে তাকিয়ে ক্ষীণভাবে একটু হাসলেন ; অন্ধের মত হাত দুটো বাড়িয়ে দিলেন । তার পর সেই অবস্থায় শূন্য দৃষ্টিতে তাকিয়ে চূপ করে দাঁড়িয়ে রইলেন ।)

তৃতীয় দৃশ্য

মধ্যদৃশ্য—প্রথম দৃশ্যের অন্তরূপ ।

[বাত্রি । টেবিলের ওপর একটা অর্ধদগ্ধ মোমবাতি । ঘরের জিনিসপত্র অগোছালো । শশাঙ্ক টেবিলে মাথা দিয়ে বসে আছেন । প্রমীলা জানালার পরদাটা একটু ফাঁক করে বাইরে তাকিয়ে আছেন । *শশাঙ্ক হঠাৎ মাথা তুললেন । চারিদিকে তাকালেন ।]

শশাঙ্ক । (ভগ্ন স্বরে) ওগো কোথায় গেলে !

প্রমীলা । (জানালা থেকে) এই যে । জানলায় ।

শশাঙ্ক। (খাত্তাবিক স্বরে) ওখানে কি করছ ?

প্রমীলা। (উদাসীন ভাবে) দেখছি রাতটা।

শশাঙ্ক। (পেছনে হেলে পড়ে) কি লাভ প্রমীলা! কি লাভ ওতে!

প্রমীলা। (একই ভাবে) আচ্ছা, ঐ ধারটার ঋশান, না!

শশাঙ্ক। হ্যাঁ! হ্যাঁ! এক হুঁটা হয়ে গেল। মাত্র এক সপ্তাহ আগেও—এখন ক'টা বেজেছে?

প্রমীলা। (বিস্ময় স্বরে) জানি না।

শশাঙ্ক। (স্নান হেসে) জান না? কেন, সময়ের হিসেব কি আর রাখবে না?

প্রমীলা। সময়ের হিসেব! কি হবে গো তা যেনে! সে কি বাড়ী আসবে? কোন দিন—কোন দিনই ত সে আর বাড়ী আসবে না।

শশাঙ্ক। ওত উতলা হয়ো না প্রমীলা! (একটু খেমে) জানলা থেকে সরে এস, ঠাণ্ডা লাগবে।

প্রমীলা। ঠাণ্ডা লাগবে! আমার! সে যে চিরকালের জ্ঞান ঠাণ্ডা হয়ে গেল!

শশাঙ্ক। হ্যাঁ, প্রমীলা। চিরকালের মতই চলে গেল।

প্রমীলা। আর আমাদের সব আশাও চলে গেল।

শশাঙ্ক। আর আমাদের সব আকাঙ্ক্ষাও—

প্রমীলা। আর আমাদের—এ্যা—আকাঙ্ক্ষা—

(হঠাৎ চীৎকার করে দৌড়ে এলেন। শশাঙ্ক উঠে দাঁড়ালেন)

শশাঙ্ক। প্রমীলা! প্রমীলা! দোহাই তোমার! বল কি হয়েছে?

প্রমীলা। (মুখ চোখে ভয়ানক উদ্বেগ ফুটিয়ে) হ্যাঁ! হ্যাঁ!

আকাঙ্ক্ষা! ধাবা! সেই বাদরের ধাবা?

শশাঙ্ক। (বিস্ময় ভাবে) কেন? কেন? কি হবে সেটার?

প্রমীলা। (তীব্র স্বরে) চাই! চাই! আমার চাই ওটা!

কোথায় রেখেছ সেটাকে?

শশাঙ্ক। কি জানি। আমি ত আর দেখি নি সেটাকে। কিন্তু কেন?

প্রমীলা। আমার চাই। বার কর। খুঁজে বার কর সেটাকে।

শশাঙ্ক। (ব্যাকের ওপর হাতড়াত্তে হাতড়াত্তে) এই যে। এখানে। কি করবে এটা নিয়ে। (ব্যাকের ওপর রেখে দিলেন)

প্রমীলা। এতক্ষণ আমার মনে পড়ে নি! আশ্চর্য! তোমারও কি মনে পড়ে নি।

শশাঙ্ক। কি মনে পড়বে?

প্রমীলা। আরও দুটো ইচ্ছে!

শশাঙ্ক। (আতঙ্কিত ভাবে) কি?

প্রমীলা। হ্যাঁ। আমরা ত একটা মাত্র চেয়েছি। আরও দুটো আছে—আরও দুটো আছে!

শশাঙ্ক। (স্মিট ভাবে) না, না, ও আর নয়। একটাই কি যথেষ্ট হয় নি?

প্রমীলা। না গো না। আমরা আরও একটা চাইব। (শশাঙ্ক মধ্যস্থলে এগিয়ে এলেন। প্রমীলা ধাবাটা নিয়ে পিছু পিছু এলেন) নাও। নাও এটা। আর চাও—

শশাঙ্ক। (ধাবাটা না নিয়ে) চাইব কি?

প্রমীলা। ওগো, বিত্ত বিত্ত। তুমি চাও আমাদের বিত্ত আবার ফিরে আসুক!

শশাঙ্ক। (আঁৎকে উঠে) আঃ! তুমি কি পাগল হলে!

প্রমীলা। না, না—নাও বলছি। নাও (প্রচণ্ড শোকার্ট হয়ে) ওরে বিত্ত, বিত্তে—

শশাঙ্ক। চল, শোবে চল। তোমার মাথার ঠিক নেই—কি বলছ বুঝতে পারছ না।

প্রমীলা। (অবুঝ ভাবে) আমাদের প্রথম ইচ্ছে যখন পূর্ণ হয়েছে, কেন—কেন—আমাদের দ্বিতীয় ইচ্ছে পূর্ণ হবে না।

শশাঙ্ক। ওগো, তুমি বুঝছ না। সাত দিন আগে সে মায়া গেছে। আর—আর তুমি ভেবে দেখ—আমি তাকে তার কাপড়-চোপড় দেখে চিনতে পেরেছিলাম—তোমাকে তখন দেখতেই দেওয়া হয় নি—এখন তুমি তাকে দেখে সন্তুষ্ট করবে কি করে।

প্রমীলা। (আকুল স্বরে) না, না, না। আমি পারব। তাকে ফিরিয়ে আন।

শশাঙ্ক। (ধাবাটা নিতে গিয়ে, হাতটা সরিয়ে নিয়ে) না, ওটা ছুঁতে আমার সাহস হয় না।

প্রমীলা। (জোর করে শশাঙ্কর হাতে গুঁজে দিয়ে) নিশ্চয় পারবে। নাও, এবার চাও—যেমন ভাবে আমার ছেলেকে চিতায় শুইয়ে দিয়ে এসেছ, ঠিক তেমনি ভাবে যেন সে ফিরে আসে।

শশাঙ্ক। (কম্পিত কণ্ঠে) প্রমীলা!

প্রমীলা। (ভীষণ ভাবে) চাও, চাও বলছি—

(হিংস্রভাবে ক্রমাগত বলতে লাগল—চাও, চাও!)

শশাঙ্ক। (হাত এবং কণ্ঠস্বর কম্পিত) আমি—আমি—ইচ্ছে করি—আমার ছেলে—আমার ছেলে ফিরে আসুক।

(আতঙ্কিত চীৎকার করে টলে চেপে বসে পড়লেন। ধাবাটা মেঝের পড়ে গেল। হাত লেগে বাতিটা উল্টে গিয়ে নিভে গেল। প্রমীলা দৌড়ে জানালার ধারে গিয়ে পর্দাটা সরিয়ে দিলেন। চাদের আলো এসে পড়ল তাঁর গায়ে। কয়েকটা নিস্তরক মুহূর্ত)

প্রমীলা। (হতাশ ভাবে) কিছু নেই।

শশাঙ্ক। আঃ! ভগবান যা করেন মঙ্গলের জন্তই।

প্রমীলা। কেউ নেই। এত বড় রাস্তাটার একজনও জীবিত

প্রাণী নেই। (পরদাটা বন্ধ করে দিয়ে) নেই, নেই, ওগো কেউ নেই; আমাদের জীবনে একটু আলো দিতে একজনও রইল না।

শশাঙ্ক। শুধু, আমরা দু'জনে আর বিশ্বর স্মৃতি।

প্রমীলা। (জানালায় কাছ থেকে সরে এসে শশাঙ্কর কাছে দাঁড়ালেন) এই বৃদ্ধা বয়সে যে নতুন করে আর কিছুই করা যায় না; আমরা যে তার মধ্যেই বেঁচেছিলাম। তাকে ঘিরেই আমাদের সব আশা-আকাঙ্ক্ষা, তার চোখেই আমাদের সব স্বপ্ন—বাস্তি নিভে গেছে—চারিদিক শূণ্য—এই ভয়াবহ শূণ্যতা আর অন্ধকারের মাঝেই আমাদের বাকি দিনক'টা কাটাতে হবে। (চেয়ারে বসে পড়লেন।)

শশাঙ্ক। খুব বেশী দিন নয় প্রমীলা। আর এই বাকি দিন ক'টা—

প্রমীলা। প্রতিটি মুহূর্তই যে অনন্ত বলে মনে হচ্ছে।

শশাঙ্ক। (সোজা হয়ে বসে) নাঃ। এ অন্ধকারটা সহ্য হচ্ছে না।

প্রমীলা। উপায় নেই—উপায় নেই—চারিদিক অন্ধকার—

শশাঙ্ক। বাস্তিটা কোথায়? (টেবিল হাতড়ে হাতড়ে বাস্তিটা পেলে) দেশলাইটা? দেশলাইটা কোথায়? (উঠে ব্যাক খুঁজে দেশলাইটা আনলেন। দেশলাই দিয়ে বাস্তিটা জ্বালিয়ে টেবিলে বসালেন। জ্বলন্ত কাঠিটা ফেলতে গিয়ে প্রমীলার সামনে ধরলেন; দেখলেন প্রমীলা চেয়ারের পিঠে মুখ গুজে ফুলে ফুলে কাঁদছে) ছিঃ। প্রমীলা! এ কি হচ্ছে। চল শোবে চল।

প্রমীলা। (ক্রন্দন-ভাঙিত কণ্ঠে) ওগো, ঘুমিয়ে পড়লেও কি ভুলতে পারব। ভুলতে কি পারব—আমায় আর মা বলে কেউ ডাকবে না। আমি—(দরজায় মূহু করাঘাত।)

প্রমীলা। (চমকে উঠে) ও কি!

শশাঙ্ক। (উত্তেজনা দমন করে) না, কিছু নয়; বোধ হয় ইঁদুর-টিঁদুর হবে। বাড়ীতে যা ইঁদুর।

(আবার জোরে করাঘাত। প্রমীলা তড়াকু করে উঠে পড়ল। শশাঙ্ক তার হাতটা ধরে ফেলল।)

শশাঙ্ক। থাম! কোথায় যাচ্ছ তুমি!

প্রমীলা। (প্রচণ্ড আবেগে) ওগো! এসেছে! এসেছে! আমার মনে ছিল না—শ্মশান যে এখান থেকে অনেকটা পথ—ছাড় আমাকে—দরজাটা খুলে দিতে হবে—বিশ্ব, দাঁড়া—

(দরজায় মাঝে মাঝে ধাক্কা)

শশাঙ্ক। (দৃঢ় ভাবে প্রমীলাকে ধরে) প্রমীলা, প্রমীলা—

প্রমীলা। (ধ্বস্তাধ্বস্তি করতে করতে) আমাকে যেতে দাও।

শশাঙ্ক। দোহাই তোমার, দরজা খুলো না। (হাত ধরে ভেতরের দরজার দিকে টেনে নিয়ে যেতে লাগল।)

প্রমীলা। ওগো, তোমার পায়ে পড়ি, আমাকে যেতে দাও।

শশাঙ্ক। ভাবতে পার, তুমি কি দেখবে!

প্রমীলা। (হিংস্রভাবে হাত ছাড়াতে চেষ্টা করে) তুমি কি ভাব আমার পেটের ছেলেকে আমি ভয় করব। যেতে দাও।

(সহসা হাত ছাড়িয়ে নিল এবং দ্রুত দরজার দিকে যেতে যেতে) বিশ্ব, বিশ্ব! আমি আসছি, দাঁড়া।

শশাঙ্ক। (ভয় পেয়ে ভেতরের দরজার দিকে সরে এসে) ওগো, খুলো না! খুলো না!

(প্রমীলা দরজা খুলতে লাগলেন; দরজার ধাক্কা চলছে; তসার ছিটকিনিটা খুলে ফেললেন। চাবি লাগিয়ে তালা খুলতে লাগলেন।)

শশাঙ্ক। (হঠাৎ) ধাবা! কোথায় সেটা। কোথায় সেই বাদরের ধাবা?

(হাঁটু মুড়ে বসে পড়ে হাতড়ে হাতড়ে খুঁজতে লাগলেন।)

প্রমীলা। (তালা খুলে ফেলে, ওপরের ছিটকিনিটা খুলবার চেষ্টা করে) ওগো, ওপরের ছিটকিনিটা বড় এটে গেছে। আমি পারছি না। এসো না, খুলে দিয়ে যাও না।

শশাঙ্ক। (উত্তেজিত ভাবে) কোথায়? কোথায় সেটা? এখনও একটা ইচ্ছে বাকি আছে। (দরজায় প্রচণ্ড করাঘাত)

প্রমীলা। শুনতে পাচ্ছ না তুমি? তোমার ছেলে যে দরজা খুলতে বলছে!

শশাঙ্ক। (আতঙ্কিত ভাবে) কোথায়? কোথায় পড়ল সেটা?

প্রমীলা। (প্রাণপণে ছিটকিনিটা ধরে টানতে টানতে) ওগো, খুলে দাও, তোমার ছেলেকে কি বাড়ীতে ঢুকতে দেবে না?

শশাঙ্ক। পাচ্ছি না। আমি খুঁজে পাচ্ছি না, কে নিল—কে নিল—

(দরজায় ধাক্কা এমন হ'ল যে, মনে হ'ল ছিটকিনি খুলে যাবে)

প্রমীলা। বিশ্ব! বিশ্ব! দাঁড়া, তোমার মা দরজা খুলে দিচ্ছে। আঃ, ছিটকিনিটা ভেঙে যাচ্ছে।

শশাঙ্ক। ভগবান! (খাবাটা পেয়ে) এই তো—পেয়েছি—পেয়েছি—

প্রমীলা। (ছিটকিনি টানাটানি করতে করতে) এই তো খুলে গেছে—বিশ্ব—

শশাঙ্ক। (প্রায় সেই মুহূর্তেই টলতে টলতে দাঁড়িয়ে উঠে খাবাটা হাতে নিয়ে) সে মরে থাক। (সঙ্গে সঙ্গে আওয়াজ থামল) সে শাস্তিতে চিরনিদ্রায় গুয়ে থাক।

প্রমীলা। (প্রায় সঙ্গে সঙ্গেই দরজা খুলে দিল) বিশ্ব—(চাঁদের আলো ঘরের ভিতর এসে পড়ল। সব নিস্তব্ধ।

শশাঙ্ক চেয়ারের পিঠটা ধরে দাঁড়িয়ে রইলেন। দরজার কপাটে ভয় দিয়ে প্রমীলা বাইরের দিকে তাকিয়ে দাঁড়িয়ে রইল।)•

স্বনিকা

আর এক দিকের কথা

শ্রীদেবেন্দ্রনাথ মিত্র

সম্প্রতি গ্রামে (আটপুর, জাকীপাড়া থানা, জেলা হুগলী) গিয়া-
ছিলাম। দেশের অবস্থার কথা, উন্নয়নের কথা, বহুমুখী উন্নতি-
মূলক প্রচেষ্টার কথা সংবাদপত্রে পড়িয়া এবং বন্ধুবান্ধবদের নিকট
হইতে শুনিয়া মন উৎফুল্ল হইয়া উঠে, হৃদয়ে আশার সঞ্চার হয় ;
২।১ দিন পূর্বেও বিলাত হইতে এক বন্ধু লিখিয়াছেন :

"I hope that you won't lose hope and faith
in India. It seems to me to be the country with
the greatest possibilities in the Far East", অর্থাৎ
'আমি আশা করি তুমি ভারতের উপর আশা ও বিশ্বাস হারাইবে
না, আমার মনে হয় দূর প্রাচ্যে ভারতের বিরাট সম্ভাবনা আছে।'
বন্ধুটি পূর্বে ভারতীয় সিভিল সার্কার্সে এক জন নামজাদা কর্মচারী
ছিলেন।

কিন্তু গ্রামে যাইয়া যাহা দেখি, এবারেও যাহা দেখিলাম
তাহাতে মন হতাশায় পূর্ণ হইয়া যায়। কোন দিকেই
উন্নতির লক্ষণ দেখিতে পাওয়া যায় না। বরং পূর্বে
তুলনায় অবনতিই দেখিতে পাই। একটুও অতিরঞ্জিত কবিয়া
বলিতেছি না। ২।১টি উদাহরণ দিলে আমার মনোভাব স্পষ্ট
হইতে পারে।

১৮৮৬ খ্রীষ্টাব্দে ২৪শে ডিসেম্বর স্বামী বিবেকানন্দ (তখন
নরেন্দ্রনাথ দত্ত) আটপুরে ঘোষ-বাটীতে স্বামী প্রেমানন্দের (তখন
বাবুরাম ঘোষের) গৃহের প্রাক্ষণে আট জন সঙ্গীসহ সন্ধ্যার সময়
ধুনি জ্বালাইয়া সন্ন্যাসধর্ম অবলম্বনের সঙ্কল্প গ্রহণ করেন। রোমা
রোমা প্রণীত "The Life of Ramkrishna" পুস্তকের ১১৪শ
পৃষ্ঠায় Epilogue শীর্ষক অধ্যায়ে ইহার বিস্তৃত বিবরণ লিপিবদ্ধ
রহিয়াছে। এই পুণ্য দিনটি স্মরণে রাখিবার জন্ত গত ছয় বৎসর
হইতে প্রত্যেক বৎসর ২৪শে ডিসেম্বর আটপুরে স্বামী প্রেমানন্দের
গৃহের প্রাক্ষণে জনসাধারণের চেষ্টায় একটি পবিত্র ও পুণ্য অনুষ্ঠানের
আয়োজন করা হইতেছে। স্বামী প্রেমানন্দের কনিষ্ঠ ভ্রাতা শাস্তি-
রাম ঘোষ এখনও জীবিত আছেন, বয়স ৯২, বাক্ক্য ও জয়াশ্রু—
শয্যাশায়ী ; তিনি বাগবাজারে "বলরাম মন্দিরে" অবস্থান করেন।
গ্রামের প্রতি, পৈতৃক বাটীর প্রতি, পৈতৃক ক্রিয়াকলাপ, পূজা-
অর্চনা, বিশেষতঃ এই অনুষ্ঠানের প্রতি তাঁহার শ্রদ্ধা ও অনুরাগ
এখনও অটুট আছে। এই বৎসরেও ২৪শে ডিসেম্বর উক্ত পবিত্র
অনুষ্ঠানের আয়োজন করা হইয়াছিল ; দেওঘর রামকৃষ্ণ মিশন
বিদ্যালয়ের সম্পাদক স্বামী হিরণ্যরাম উক্ত অনুষ্ঠানে পৌরোহিত্য
করেন। পশ্চিমবঙ্গের খাজমন্ত্রী শ্রী প্রকৃষ্ণচন্দ্র সেন এই অনুষ্ঠানে যোগ-
দান করিবার জন্ত জনসাধারণকে সাগর আহ্বান জানান। কলিকাতা
হইতে বহু বিশিষ্ট ব্যক্তি ও ভক্ত এই অনুষ্ঠানে যোগদান করিবার

জন্ত উক্ত দিবসে আটপুর গমন করিয়াছিলেন, হুগলী জেলাবোর্ডের
ভাইস-চেয়ারম্যান শ্রীকানাইলাল দে, হুগলী জেলা কংগ্রেস কমিটির
সম্পাদক শ্রীশরৎচন্দ্র ভট্টাচার্য্য প্রমুখ বিশিষ্ট ব্যক্তিগণ এই অনুষ্ঠানে
উপস্থিত ছিলেন। স্বামী প্রেমানন্দের দুই জন ভ্রাতৃপুত্র শ্রীহরেশ্বরাম
ঘোষ ও শ্রীগোবিন্দগোপাল ঘোষ অতিথিগণের প্রতি অতিশয়
মনোযোগী ছিলেন। পরদিন আটপুর বাজারে প্রধানতঃ স্থানীয়
নেতৃবৃন্দ ও যুবক সম্প্রদায়ের আগ্রহে ও উৎসাহে ভিক্ষালব্ধ চাউলের
দ্বারা এবং আর্থিক সাহায্যে প্রায় দুই হাজার নরনারায়ণের সেবা
করা হয়।

স্বামী হিরণ্যরামন্দের ভাষণ খুবই ভাবগম্ভীর, শিক্ষাপ্রদ ও হৃদয়-
গ্রাহী হইয়াছিল। কিন্তু দুঃখের বিষয়, প্রধানতঃ বাঁহাদের চরিত্র ও
আদর্শ গঠনের জন্ত এই অনুষ্ঠানের মূল্য অতি অধিক তাঁহারা—
অর্থাৎ ছাত্র ও যুবক সম্প্রদায় অনেকে এই অনুষ্ঠান হইতে নিজেদের
দূরে রাখিয়াছিলেন বলিলে অত্যাঙ্কিত করা হইবে না। অথচ
এই অনুষ্ঠানে সমবেত ভাবে যোগদানের জন্ত এবং এই অনুষ্ঠানটিকে
সাফল্যমণ্ডিত করিবার জন্ত আটপুর উচ্চ বিদ্যালয়ের সম্পাদক
হিসাবে আমি বিদ্যালয়ের শিক্ষকমণ্ডলী ও ছাত্রবৃন্দকে বিশেষভাবে
অনুরোধ করিয়াছিলাম। অনুষ্ঠানে ছাত্রগণের উপস্থিতি ছিল না
বলিলেই হয়, শিক্ষকমণ্ডলীর মধ্যেও অনেকেই অনুপস্থিত ছিলেন।
ইহার মধ্যে কোন প্রকারের রাজনীতি ছিল কিনা জানি না। কিন্তু
রাজনীতিসম্বন্ধে সার্কজনীন পূজায় এবং এইরূপ কোন অনুষ্ঠানে
যুবক ও ছাত্র সম্প্রদায়ের উপস্থিতি, উদ্যম-উৎসাহ, কঠিন পরিশ্রম
প্রচুর ভাবেই দেখা যায়। এই অনুষ্ঠানে দেখা গেল না কেন ?
কোন কোন বন্ধু বলিলেন এই অনুষ্ঠানে "লাউড স্পীকারের"
সাহায্যে নানা বকম সঙ্গীতের ব্যবস্থা ছিল না, অল্প কোন হালকা
আমোদ-প্রমোদের আয়োজন ছিল না—ছাত্র ও যুবক সম্প্রদায়ের
কোন কর্তৃত্ব ছিল না ইত্যাদি কারণ এবং আরও ২।১টি কারণ-
বশতঃ যুবক ও ছাত্র সম্প্রদায়ের সহযোগিতা ও সহানুভূতি লাভ করা
সম্ভব হয় নাই। মোট কথা, সকলের অভিমত বিবেচনা করিলে
ইহাই স্পষ্টভাবে বুঝা যাইবে যে, এই অনুষ্ঠানে বাহ্যিক কোন
আড়ম্বর ছিল না, ইহার মধ্যে কোন প্রকার "হৈ ছল্লোড়" করিবার
সুযোগ ছিল না বলিয়াই ইহা যুবক ও ছাত্র সম্প্রদায়ের মনো-
যোগ আকর্ষণ করিতে পারে নাই। কেহ কেহ বলিয়াছিলেন,
এই অনুষ্ঠানে পৌরোহিত্য করিবার জন্ত একজন মন্ত্রী বা এইরূপ
হোমরাচোমরা কোন ব্যক্তি যদি আসিতেন তাহা হইলে সভা
লোকে পরিপূর্ণ হইয়া যাইত। এইরূপ বিবেচনা যদি ঠিক হয়
তাহা হইলে দেশের অবস্থা কোন দিকে যাইতেছে তাহা বুঝিতে
কঠিন হইবে না। অথচ যুবক ও ছাত্র সম্প্রদায়ই ভবিষ্যতের নেতা।

ক্ষুদ্র গ্রামে দলাদলি, রেঘাবেষি ক্রমশঃই বাড়িতেছে, দেশ যে স্বাধীন হইয়াছে, স্বাধীন দেশের প্রত্যেক নাগরিকের যে দেশের প্রতি একটা মহান কর্তব্য আছে এবং সেই কর্তব্য সম্পাদন করিতে হইলে যে দলাদলি, রেঘাবেষি ভুলিতে হইবে, ব্যক্তিগত স্বার্থ একটু-আধটু ত্যাগ করিতে হইবে—এ মনোভাব প্রায় কাহারও নাই! বহু দিনের পরিশ্রমে, বহু জনের স্বার্থত্যাগে গ্রামের যে প্রয়োজনীয় প্রতিষ্ঠান গড়িয়া উঠিয়াছে, তাহাকেও ভাঙিতে হইবে—এক সম্প্রদায়ের মধ্যে এই মনোভাবও প্রকাশ পাইয়াছে। স্বীকার করি, সেই প্রতিষ্ঠানের মধ্যে অনেক বকমের ত্রুটি দেখা গিয়াছে; কিন্তু সেই সকল ত্রুটি দূর করিয়া প্রতিষ্ঠানটিকে দৃঢ়তর ভিত্তিতে স্থাপন করিয়া অধিকতর উন্নতির পথে লইয়া যাইবার জগু চেষ্টা করা ভাল, না ব্যক্তিগত কারণে প্রতিষ্ঠানটিকে ক্ষতিগ্রস্ত করা ভাল? ইহার মূলে ব্যক্তিগত দলাদলি, স্বার্থ, রেঘাবেষি যথেষ্ট রহিয়াছে এবং সকলেই নেতার আসনে বসিতে চান—যুবক ও ছাত্র সম্প্রদায়কে উত্তেজিত করিয়া সকলেই কাজ হাসিল করিতে চান। এইরূপ মনোভাব দূর করিতে না পারিলে গ্রামাঞ্চলের উন্নতি সুদূরপরাহত।

গ্রামের অর্থ নৈতিক অবস্থা অতিশয় শোচনীয়—বেকারের সংখ্যা ক্রমশঃই বাড়িতেছে। ব্যবসা, বাণিজ্যের অবস্থা খুবই মন্দা; ভদ্রশ্রেণীর কয়েকজন যুবক সামান্য মুসদন লইয়া সামান্য ভাবে ব্যবসা-বাণিজ্য করিতেছিল, তাহাদের ক্ষতির পরিমাণ বাড়িতেছে।

বর্তমানে ধান-কাটা চলিতেছে—শ্রমিকের পারিশ্রমিক জল-থাবার সমেত দৈনিক ১।০ আনা। দৈনন্দিন প্রয়োজনীয় জিনিস-পত্রের মূল্য এইরূপ :

১।	চাল (নূতন) এক মণ—	১৭।৯—২০
২।	মুগুর ডাল	/১ ১৬/০
৩।	মুগ ডাল	/১ ১৬/০
৪।	অড়হর ডাল	/১ ১০
৫।	ছোলার ডাল	/১ ১০
৬।	সরিষার তৈল	/১ ২১/
৭।	হলুদ	/১ ১৬/০-১৬/০
৮।	সরিষা	/১ ৬০
৯।	ধনে	/১ ৬০
১০।	লক্ষা	/১ ৩
	কাচা লক্ষা	/১ ১
১১।	আটা	/১ ১০
১২।	ময়দা	/১ ১৬/০
১৩।	চিনি	/১ ৬৬/০-৬৬/০
১৪।	গুড়	/১ ১৬/১০
	ঐ আকের	/১ ১০

	ঐ খেজুরে	/১ ৬০
১৫।	মাছ	/১ ২-২।০
	চুনো	/১ ৬০-১।০
১৬।	হাঁসের ডিম	/১ ৫
	মুরগীর ডিম	/৫
১৭।	দুধ	/১ ১০
১৮।	আলু	/১ ১৬/০
১৯।	বেগুন	/১ ১/০
২০।	পেঁয়াজ	/১ ১৬/০
২১।	শাক	/১ ৬/০
২২।	মূলা	/১ ৬/০
২৩।	বাঙালু	/১ ৬/০

উপরোক্ত হিসাব হইতে অনায়াসেই বুঝা যাইবে—একজন শ্রমিক দৈনিক ১।০ উপার্জন করিয়া পরিবারের গ্রামাচ্ছাদনের উপযুক্ত ব্যবস্থা কি করিয়া করিতে পারে? কয়েক জনের দৈনন্দিন জীবনযাত্রার বিবরণ সংগ্রহ করিয়াছিলাম; কিন্তু ইহা এতই মর্মান্তক যে, লিপিবদ্ধ করিতে ইচ্ছা করে না। একজন শ্রমিক বলিল—ভাত ও কাঁকড়া (পুকুরের ছোট ছোট) পোড়া খাইয়াছি; তাঁহাকে জিজ্ঞাসা করিলাম—একটু তেল ও লক্ষা দিয়া কাঁকড়া রান্না করিলে না কেন? সে উত্তর দিল, 'তেলের পরসা কোথা হইতে আসিবে?' আর একজন বলিল, 'ভাত ও লাউশাক সিদ্ধ খাইয়াছি।' এই ধরনের উত্তরই অধিকাংশ ক্ষেত্রে পাইয়াছি।

গ্রামে সবদিকেই অভাব। একজন ব্রাহ্মণ বিধবা বলিলেন, 'দেশ হইতে বাঁশ উধাও হইয়া যাইতেছে—মরিলে পোড়াইবার মত বাঁশও পাওয়া যাইবে না। কথাটা খুবই সত্য; মৃতদেহ পোড়াইবার জগু কাঠের অভাব খুবই দেখা দিয়াছে। মোট কথা, অধিকাংশ ক্ষেত্রেই সুখ, শান্তি, স্বাচ্ছন্দ্যের অভাব, অধিকাংশ ক্ষেত্রেই শাসকবর্গের প্রতি অসন্তোষ ও বিদ্বেষ। 'ইলেকশন' আমল, দস্যুর বিদ্বেষ, নিন্দা-কুৎসা প্রভৃতি রাস্তা-ঘাটে প্রচারিত হইতেছে। কিন্তু কোন দলেরই কোন গঠনমূলক কাজের আভাস পাওয়া যাইতেছে না।

গ্রামের রাস্তাঘাট-পুকুরের কোন সংস্কার নাই, পানীয়জলের অভাব যথেষ্ট আছে, 'টিউব-ওয়েল' অচল হইলে মিত্তীয় অভাবে উহা মেরামত হয় না। চুরি, ডাকাতি প্রভৃতির হ্রাস হয় নাই! ছাড়া-গরু, ছাগলের অত্যাচারে কসলের বিশেষ ক্ষতি হইতেছে। এই বিষয়ে কাহাকেও কিছু বলিলেই উহা বলহে পরিণত হয়। গ্রামে থাকিতে হইলে এইরূপ অনেক প্রকারের অত্যাচার সহ্য করিয়া থাকিতে হইবে। গ্রামাঞ্চলে নেতার বিশেষ অভাব!

রাবণ ও মন্দোদরী

শ্রীকৃষ্ণধন দে

[রাত্রি শেষ হইতে আর বিলম্ব নাই। চন্দ্র অস্তমিতপ্রায়। পূর্ব গগনে শুকতারা উজ্জ্বল হইয়া দেখা দিয়াছে। লঙ্কায় রাজপ্রাসাদের একপ্রান্তে রাবণ চিন্তিত মনে একাকী বসিয়া আছেন। দূরে রাম-নির্ম্মিত পাষণ-সেতু রেখার মত অস্পষ্ট। বাতাসের ছু ছু শব্দ ও সমুদ্রের গর্জন আর্দ্রনাদের মত শোনা যাইতেছে। মন্দোদরী একাকিনী রাবণ-পাশে আসিয়া দাঁড়াইলেন]

মন্দোদরী

মহারাজ !

রাবণ

মহারাজি, এলে হেথা কি সংবাদ দিতে ? একান্তে বসিয়া আছি এ অলিন্দে চিন্তাকুল চিতে, বিনিদ্র নয়নে জাগি'। জানি, তুমি হয়েছ আকুল অতীত শোকের ভারে। জানি, যত করিয়াছি ভুল,— তুমি মোর রাজেন্দ্রাণী, ক্ষমিয়াছ সে-সব আমার। চিরদিন মোর পাশে রহি', সহি' তীব্র হাহাকার বিকৃত মাতৃভ্রমাবো, দিয়াছ উৎসাহ অশ্রুক্ষণ। আজি যবে চাহি আমি রামসনে সর্বশেষ রণ আসন্ন প্রত্যাষে, তুমি নিদ্রাগীনা অশ্রুভরা-চোখে কি সাস্তুনা মোর পাশে পাবে বলো অনন্ত এ শোকে ?

মন্দোদরী

মহারাজ, কোথা পাব সাস্তুনা আমার ? তুমানেলে নিত্য দহিতেছে চিত্ত। ভাদি' তাই তপ্ত অশ্রুজলে তোমারে মিনতি করি, ক্ষান্ত হও এ কালসমরে।

রাবণ

রাত্রিশেষে হবে আজি এ রণের শেষ চিরতরে। রাবণ অথবা রাম হবে জয়ী। বৃথা তুমি সহ মনস্তাপ, স্বর্গজয়ী রাবণের জান তুমি দুর্বীর প্রতাপ। সাগরবলয়া লঙ্কা কোনদিন অগৌরব মাঝে বরিবে না পরাজয়। কোনদিন নতশিরে লাজে রহিবে না রক্তকুল। রাবণের বিশ্বজয়ী নাম অশ্রান্ত তরঙ্গভঙ্গে মহাসিন্ধু গাবে অবিরাম। যাও রাণি শয্যাগৃহে, কেটে যার তৃতীয় প্রহর, দূর কর চিন্তাজাল, জয়লাভ করিব সত্বর।

মন্দোদরী

জানি স্বর্গজয়ী তুমি, তবু মনে হয় বারবার তুচ্ছ এক নারী জাগি' কেন এনে দিনে হাহাকার এ শাস্ত লঙ্কার বৃকে ? কেন তুমি মজি' অগৌরবে আপন আশ্রয়গণে দিলে বলি নির্ম্মম আতবে ? এ প্রসন্ন স্রষ্টা তুমি।

রাবণ

মহারাজি, সে ত আমি নহি।

মন্দোদরী

তুমি নহ, মহারাজ ? তব নিন্দাশ্রোত বৃকে বহি' গর্জে শৃঙ্খলিত সিন্ধু। এ দুর্ভাগ্য তোমারি সৃজন। ক্ষম মোরে লঙ্কেশ্বর, তুমি লঙ্কা-ধ্বংসের কারণ।

রাবণ

বৃথা দাঁও অপযশ। এ যাতনা বুঝাব কাহারে ! সত্য কহি মন্দোদরি দাঁড়াইয়া আজি মৃত্যুধারে,—নহি আমি স্রষ্টা এর। জানে শুধু আমার অন্তর সেই সুগোপন কথা। যাও রাণি, নিশান্ত প্রহর দেখা দেয় পূর্বাচলে শুকতারা-গ্লানবশিপথে, এখনি সাজিতে হবে রণবেশে মোর স্বর্গরথে।

মন্দোদরী

সংশয় জাগাও কেন ? ভ্রান্ত কর প্রলাপবচনে ? পরনারী হরি' তুমি, রাখ নি কি অশোককাননে বন্দিনী করিয়া তারে ? এ যে কত বড় ব্যথা মোর কেমনে বোঝাব আমি। পতিপ্রেমে হইয়া বিভোর তুলেছিনু স্বর্গ গড়ি'। তুমি তুচ্ছ ক্ষণিকের ভুলে ভাজিলে সে-স্বর্গ মোর। জীবনের শাস্ত নদীকূলে আনিলে প্রলয়-বাক্স। বহি' বৃকে নির্ঝাক সে-জালা তোমারি চরণপ্রান্তে সাঙায়েছি প্রেম-অর্ঘ্য ডালা। এই অকল্যাণ নাথ, জানি সৃষ্টি তব।

রাবণ

মহারাজি,
আমি নহি অপরাধী।

মন্দোদরী

কেন কহ সাস্তুনার বাণী।

রাবণ

সাম্রাজ্যের বাণী নহে, আজি আমি আসি' মৃত্যুদ্বারে
জীবনের শেষ বর্ণে, সত্যবাণী কহি যে তোমারে ।

মন্দোদরী

তোমারে বলেছি কত রূঢ় কথা, ক্ষমিও আমার ।
জীবনের শত সাধ একে একে ভেঙ্গে গেছে হায়,
অভিশপ্ত এ সমরে । পুত্রহারা পুত্রবধূহারা,
আত্মীয়স্বজনহারা,— ক্রুধি' তবু তপ্ত অশ্রুধারা
তোমারে করেছি দোষী । জানি আমি এ ধ্বংসের মুলে
শুধু জাগে দস্ত তব কলঙ্কের মসৌধজা তুলে' ।

রাবণ

সত্য কহি দোষী নহি আমি প্রিয়ে । আজি ত্রিভুবন
ধিকার দিতেছে মোরে,—আমি লঙ্কাধ্বংসের কারণ ।
কেহ বুকিল না আজো কোন্ বহি বৃকে বহি' হায়,
ছোলিলাম চিত্তানল, আনিলাম প্রলয় লঙ্কায় ।
ফিরে যাও মহারাণি, কিবা হবে ত্বনি' সেই কথা,
রাত্রি হয়ে এল শেষ, স্তব্ধ হোক গোপন-বারতা ।

মন্দোদরী

তুমি রাজ-রাজেশ্বর, তবু মোরে বল একবার,
ধ্বংসের এ আর্তনাদ লঙ্কাবৃকে সৃজন কাহার ?
কে হয়েছে অপরাধী ? কা'রে দোষী কর তুমি নাথ,
কে দিয়াছে তব হানে অকরণ নির্মম আঘাত ?

রাবণ

কাস্ত হও প্রিয়ে তব ! শয্যাগৃহে যাও তুমি ফিরে ।
আমার এ প্রণীততা যাও ভুলি' । শেষ রাত্রিটিকে
দাও ভালবাসিবারে । রজনীর অন্ধকারে থাকি'
অতীত স্মৃতির পাথ দাও মোরে ফিরিতে একাকী ।

মন্দোদরী

সংশয় রেখো না আর । সত্য বল, এ মহা আহবে
কেবা দোষী ? কার নাম জেগে রবে চির অর্গোরবে ?

রাবণ

নিতান্ত শুনিতো চাও ? শোন তবে বলি চুপে চুপে
—তুমিই নিমিত্ত এর ।

মন্দোদরী

আমি ? কেন নিষ্ঠুর বিক্রমে

দৃষ্টি কর এ দাসীয়ে ? কেন মোরে কর প্রবঞ্চনা
দুঃসহ প্রলাপবাক্যে ? সত্য বল এ মহা ষাতনা
কেন দাও বন্ধে মোর ? এ ছন'ম কেন মোর ভাল
অঁকিলে নির্মম করে ? কোন্ রাজনীতি-তর্কজালে
আমারে করিলে দোষী ? অস্তুরে আছি চিরদিন,
কেন মোর ভাগ্যাকাশ করে' দিলে কলঙ্কমলিন ?

রাবণ

রাজনীতি নহে রাজি, প্রাণনীতি বঞ্চিত স্বামীর ।
সে কথা এখন থাক্ । মেঘ চেয়ে দূরে উষসীর
রক্তাক্ত অধরে ফোটে ধীরে ধীরে ক্রুর হাস্যবেধা,
আমারি জীবনগ্রন্থে সমাপ্তির রূঢ় চিহ্নলেখা ।
এ সময়ে কিবা হবে পূর্বকথা করায়ৈ স্মরণ ?
অমৃতসাগরে কেন পেতে চাও গরল-প্লাবন
শেষ বিদায়ের ক্ষণে ? তুমি রও চিরমহীয়সী
ভুলোক-বরণ্যা ধন । বীরমাতা রাবণ-প্রেয়সী ।

মন্দোদরী

তবু শুনিতো চাই কেন দোষী করিয়াছ মোরে
লঙ্কার বিনাশ তরে ? কেন বাধি' কলঙ্কের ডোরে
বেধে দিলে চিরদিন ? বস, আজি কোন্ ভ্রান্তিবশে
ভ্রান্তিলে প্রেমের স্বপ্ন দুর্বাক্যের নির্মম পরশে ?

রাবণ

মনে পড়ে বিভীষণে ?

মন্দোদরী

সেই মহাপাতকীর কথা

আর শুনায়ো না কানে । সুবর্ণলঙ্কার স্বাধীনতা
দিতে চায় বৈরী করে কুসপাংগু বিশ্বাসঘাতক,
তার নাম উচ্চারিয়া বাড়ায়ো না আর এ পাতক ।

রাবণ

মনে পড়ে তার প্রতি রাজি, তব প্রণয় আভাস ?
কত সু-গোপন কথা, কত মধু হাস্য-পরিহাস
প্রেম-অনুরাগধরে ? নিদালয় কাটাতে প্রহর
নির্জন উদ্যান মাঝে সাথে তার বহি' নিরন্তর
স্নেহ-অভিনয়ছলে । আমি বসি' রাজসভা মাঝে
উত্তম মতিঙ্ক লয়ে রহিতাম লিপ্ত শত কাজে ।

যত প্রেম অমুরাগ ডালি দিতে বিভীষণ-করে ;
শুধু সত্রাজীর বেশে দেখা দিতে নিশীথ প্রহরে
নিজাঙ্গু নয়নে প্রিয়ে । মুহূর্তস্যে ভক্তিনত শিবে
আমারে করিতে পূজা । রূপোজ্জ্বল যে যৌবন শিবে
অসিত আরতিদীপ, সেখা আমি নিমেষের ভুলে
প্রেমের দেবতা হয়ে' রহি নাই প্রাণ-বেদীমূলে ।
যে আবেগ উচ্ছলতা, যে যৌবন-মাধুরী-প্লাবন
ছিল বিভীষণ তরে, তুমি তাতে রাখিয়া গোপন
শুধু প্রেম জানাতে আমায় । শুধু দেহ-উপচারে
সাজাতে কর্তব্য-ডালি । কিন্তু কভু স্নিগ্ধ প্রেমধারে
সিক্ত কর নাই চিত্ত । নিজাত্মকে কত অর্করাতে
দেপিতাম তুমি বাতায়নে, চাহি' প্রেম-দৃষ্টিপাতে
বিভীষণ-কক্ষপানে । মোর ভ্রাতৃধু সর্বমারে
“অতি বড় ভাগ্যবর্তী” বলি প্রশংসিতে বারে বারে ।
কিন্তু তুমি লক্ষ্মণরী, অসামান্য, ক্ষণিকের তরে
বলি নাই কোন কথা । শুধু রহি' বিষাক্ত অন্তরে
দিয়েছি তোমার শ্রদ্ধা : প্রেমহীন, আকুসতাহীন
পেয়েছি যৌবনস্পর্শ । অভিশপ্ত চিত্তে প্রতিদিন
সহেছি সে তুষানল । বদন ভূষণ অলঙ্কারে
করিয়েছি রাজেন্দ্রাণী । জীবনের গরল পাথারে
ফুটায়ছি রাজ-পদ সশ্রু জনের দৃষ্টিপথে,
দাম্পত্যের প্রেমবন্যা আনিয়াছি নিশ্চাপ সৈকতে ।

মন্দোদরী

এত বড় অপবাদ কেন বল দিলে মোরে আজ,
কসঙ্কেব ডালি দিতে হ'লে তুমি এতই নিলাজ ?

রাবণ

জানি বিভীষণ ভ্রাতা । একই রক্ত দেহে বহে তার ।
যবের কলঙ্ক লয়ে প্রকাশে কি করিব বিচার ?
বন্দী করি' তাতে যদি রাখি আমি দূরে কারাগারে,
কি বুঝাব প্রজাগণে ? কি বলিব বধু সর্বমারে ?
ভ্রাতৃবধ ? ভ্রাতা শুধু একা অপরাধী মোর কাছে ?
ইন্দ্রন বাতীত কভু অনঙ্গের অস্তিত্ব কি আছে ?
একদিন সভাতলে রামস্তুতি শুনি' মুখে তার,
ভাবিলাম সে স্নেহে তাতে আমি করি বহিষ্কার
মোর রাজ্যসীমা হ'তে । সজ্ঞে দিয়া বধু সর্বমারে
লক্ষা হ'তে নির্বাসনে পাঠালাম দূরে সিদ্ধপারে ।
হায়, কেহ জানিল না, কোন্ ব্যথা রহি' মোর বুকে
দিলু ভ্রাতৃ-নির্বাসন । দেখিলাম সে কী ম্লান মুখে

নিঃশব্দে রহিলে তুমি । রাজ্য জুড়ি' বণ-কোলাহলে
দৈর্ঘ্য সে তীব্র জ্বালা ডুবে গেল কোন্-সে অতলে ।

মন্দোদরী

আমারে করেছ দোষী, এ কলঙ্ক মুছিব কেমনে,
তবু কেন হরেছিলে জানকীরে পঞ্চবটী বনে ?

রাবণ

হায় রাজি, সীতা তরে কোনদিন ছিল না কামনা,
চিরপুণ্যবতী সীতা, নিশিদিন চেয়েছি মার্জনা
আমার অন্তরতলে । রাখি' তা'রে অশোককাননে
বন্দিনী করেছি শুধু, দেবীজ্ঞানে পূজেছি গোপনে ।
তবু দেখেছিলু চোখে পঞ্চবটী বনে একদিন
সাক্ষীর সে আকুলতা, অশ্রুজলে নয়ন মলিন
দুরাস্ত স্বামীর লাগি' । সেই বনপথে চেয়ে থাকা,
অনাহার-ক্লিষ্ট মুখে সেই বেদনার ছবি আঁকা,
আজো ভুলি নাই আমি । সেই ফুল রক্তিম অধরে
বেদনার কি কম্পন, কি স্পন্দন নিশ্বাসের ভরে
বিচ্ছেদকাতর বুকে ! উদ্বেগব্যাকুল কণ্ঠে তা'র—
“সও ভিক্ষা যোগীবর”—শুনি মোর চিত্ত বার বার
সতীপদে জানাল প্রণতি । যদি তুমি মন্দোদরী
মোর তরে কোনদিন রহিতে এমনি রূপ ধরি
হোত না এ মহারণ । অভিশপ্ত আমার জীবনে
যে চিত্র দেখি নি কভু, দেখিলাম পঞ্চবটী বনে ।
তারপর সাধ হ'ল নিত্য হেরি সতীরূপধানি
বঞ্চিত জীবনে মোর । রাখিলাম তা'রে হেথা আনি
অশোক-কাননতলে । রাজদণ্ড জাগিল অন্তরে,
এ ঐশ্বর্য এ জগতে রাখিব না আর কারো তরে ।
আমার আদেশে যবে চেড়ীদল বিরিয়া সীতারে
করিত ডাড়া, আমি অন্তরালে রহি' একধারে
শ্রদ্ধানত চিত্তে শুধু হেরিতাম সতীর আনন
স্বামীর চিন্তায় মগ্ন । মনে হ'ত যদি মন্দোদরী
মোর লাগি কোনদিন একবিন্দু অশ্রু যেত ঝরি'
তোমার আয়ত চোখে, তৃপ্ত হ'ত দাবদল প্রাণ,
ধন্য হ'ত সিংহাসন । অন্তরের ক্ষুর অভিমান
যাতনার পক্ষ মেসি' উড়ে চলে বিহঙ্গের মত
দূর হতে দুরাস্তরে । শুধু রয় নিশ্চল জাগ্রত
একটি ব্যাকুল তৃষ্ণা নিশিদিন মনের ছয়াবে ।
আসন্ন প্রভৃত্যে হবে শেষ বণ, তবু বায়ে বায়ে
তব পাশে ক্ষমা চাই, ক্লত বাণী শুনালাম কত ।
এ নির্জনে কেহ নাই, সবে আছে দূরে নিজাগত

এ স্বর্ণপ্রাসাদ মাঝে । শুকতারা ডুবে যায় ধীরে,
আমার জীবনাকাশে আর কভু আসিবে না ফিরে ।

মন্দোদরী

কেন হও হতাশাস ? কেন আন অমঙ্গলে ডাকি ?
অমিতবিক্রম তুমি, রণজয় করিবে একাকী ।
সুবর্ণলঙ্কার মান তুমি ছাড়া কে রাখিবে আর ?
অচিরে আসিবে ফিরে পরি' গলে মহিমার হার
বিজয়তোরণে তব । শুধু মোরে আর কোন দিন
দেখিতে পাবে না তুমি । বিদায়ের পথে ছায়াহীন
নীর্বে যাইব চলি । ফিরে এস তুমি মহারাজ
হয়ে রণজয়ী, তব শৌর্য্য হেরি শত্রু পাক লাজ ।

রাবণ

কিবা হবে ফিরে আর ? জীবনের দাবদফ পথে
নবশূর্য্য হেরিব না আর কভু উদয়পর্যন্তে ।
তবু করি আশীর্বাদ, অদৃষ্টের রূঢ় অভিশাপ
যুছে যাক ভালে তব, মোর তরে কোরে না বিলাপ ।
জীবনের শত ভ্রাস্তি লুপ্ত হোক, শুধু অনির্বাণ
তোমার গৌরবশিখা যুগে যুগে বহুক্ অমান ।

মন্দোদরী

এ ত নহে আশীর্বাদ । চিরদিন যুগাব এ ডালা
কেমনে রহিব আমি ? কণ্ঠে পরি' কলঙ্কের মালা
কেমনে লুকায়ে রব ? দিবানিশি অন্তরের তলে
সকল কামনা মোর দফ হবে স্মৃতির অনলে ।

রাবণ

সব মিথ্যা প্রিয়তমে । রহস্ত্য করেছি শুধু আমি,
মিথ্যারে করেছি বড়, মন মোর জানে অন্তর্যামী ।
নিশিদিন “যুদ্ধ, যুদ্ধ” হুঃসহ এ সমর বারতা
সহিতে না পারি কানে, তাই দুটো রহস্ত্যের কথা
তোমাতে বলেছি আজ । ক্ষমা কর মোরে মন্দোদরী ।

ওই দেখ নভপ্রান্তে শেষ হয়ে আসিছে শর্করী ।
নীলাভ আঁধারে শুধু জেগে আছে ম্লান শুকতারা
আমার বিদায়পথে । জীবনের সুখস্বপ্নহারা
আজি দাঁড়ায়েছি আমি বজ্রহত বনস্পতিসম
দাবদফ বনমাবে । সাগরকুলুলা লঙ্কা মম
সমাচ্ছন্ন চিতাধূমে । দীর্ঘশ্বাসে ছরন্তু বাহ্যায়
ফেরে তার অভিশাপ । রুদ্ধগতি তীব্র যাতনায়
শৃঙ্খলিত উর্শ্বিদল দিবানিশি উন্মাদ কল্লোলে
ভাঙ্গিবারে চায় সেতু । যুহুয়ু'ছ অশান্ত হিন্দোলে
কৈপে ওঠে বসুন্ধরা । পিতৃগণ রহি শৃগুপথে
ধিকার দিতেছে মোরে । প্রতিদিন সপ্তাশ্বের রথে
ব্যক্ত-হাসি হাসিছে অরুণ । অভিশপ্ত কোথা পাবে ত্রাণ,
আপনার বধাভূমে গুনি কানে মরণ-বিমাণ ।

মন্দোদরী

বিদায় দেবে না মোরে ?

রাবণ

বিদায়ের কোথা প্রয়োজন ?

তুমি মোর রাজেন্দ্রাণী, কত মোর আকাজ্জ্বার ধন ।
তব দেহ, তব মন, তব স্বপ্ন আজো আছে ভরি'
আমার জীবনসত্তা । প্রতিদিন কি সাধনা করি'
তোমাতে দিয়েছি অর্ঘ্য কামনার স্বর্ণ-শতদলে ।
তব সঙ্গ জীবনের মোহময় প্রতি পলে পলে
আমারে রেখেছে স্বর্গে । সুখে দুঃখে রহি একসাথে
কাটায়েছি দীর্ঘকাল । আজি শুধু নিঃস্বম অ ঘাতে
ভাঙ্গিব প্রেমের চূড়া ? জীবনের শেষলগ্নে আজি
তোমাতে বিদায় দিব ? যে মালায় গাঁথি পুষ্পরাজি
প্রতি শূহুর্তের স্বপ্নে, সে মালা কি আজি ছিন্ন করি'
হেলায় ছড়াব ফুল ছায়াহীন তপ্ত মরু ভরি' ?
জাগে অনুতাপ মোর ব্যথাভুর হেরি তব মুখ,
আমারে করিও ক্ষমা, কোতুক যে শুধুই কোতুক ।
তবু এ কোতুক প্রিয়ে, জানিবে না কেহ কোন দিন,
ধরণীর ধুলিতলে সব স্মৃতি হইবে বিলীন ।



নীলদর্পণের ইংরেজী অনুবাদক কে ?

শ্রীমশুথনাথ ঘোষ

“নীলদর্পণের ইংরেজী অনুবাদক কে ?—এ প্রশ্ন জিজ্ঞাসা করিলে আজিকালি অনেকেই বলিবেন—“কেন ?—মাইকেল মধুসূদন দত্ত ।” কারণ, প্রমাণ না থাকিলেও অনেক সময়ে কিংবদন্তী বা অমূলক কাহিনী বহু বার শ্রুত হইলে উহা সত্য বলিয়া প্রতীত হয় ।

নীলদর্পণের ইংরেজী অনুবাদে অনুবাদকের নাম ছিল না, কেবল লিখিত ছিল “By a Native”. বেভারেণ্ড জেমস লুড উহার ভূমিকায় লিখিয়াছিলেন “Both the original and translation are *bona fide* Native productions” অর্থাৎ মূল এবং অনুবাদ উভয়ই খাটি এতদেশবাসীর প্রণীত । বেভারেণ্ড লন্ডনের বিরুদ্ধে বগন ১৮৬১ খ্রীষ্টাব্দে জুলাই মাসে সুপ্রীম কোর্টে মানহানির মোকদ্দমা আনীত হয়, তখন লুড সমস্ত দায়িত্ব নিজ স্বক্ষে লইয়াছিলেন এবং অনুবাদকের নাম প্রকাশ করিতে অস্বীকৃত হন । মোকদ্দমার সময় লেখক ও অনুবাদকের নাম অজ্ঞাতই ছিল ।

মধুসূদনের জীবিতকালে কেহই তাঁহাকে নীলদর্পণের অনুবাদক বলিয়া উল্লেখ করেন নাই । তাঁহার স্বর্গারোহণের পর সংবাদ-পত্রাদিতে তাঁহার মৃত্যুবিষয়ক যে সকল প্রবন্ধাদি প্রকাশিত হইয়াছিল, তাহাতেও ঐরূপ উল্লেখ নাই ।

মাইকেল মধুসূদনের সর্বাপেক্ষা প্রামাণিক ও সর্বাপেক্ষা সুন্দর জীবন-চরিতে যে গীন্দ্রনাথ বসু মহাশয় মধুসূদনের এই সাহিত্য-কীর্তি সম্বন্ধে কিছুই বলেন নাই । তাঁহার জীবনচরিতের উৎকরণ সংগ্রহ করিয়া দিয়াছিলেন ও তত্ত্বাবধান করিয়াছিলেন তাঁহার অষ্টবঙ্গ বন্ধুগণ—গৌরদাস বসাক, রাজনারায়ণ বসু, ভূদেব মুখোপাধ্যায়, মহারাজ শ্রী যতীন্দ্রমোহন ঠাকুর, ভোলানাথ চন্দ্র প্রভৃতি ।

দেখা যায়, মধুসূদন যাহা কিছু করিয়াছেন, তাঁহার সামাজ্য-তম সাহিত্য-কীর্তিও বন্ধুগণকে জানাইয়াছেন । কিন্তু কোন পত্রে ‘নীলদর্পণ’ অনুবাদের উল্লেখ নাই । বন্ধুগণের যে বিস্তৃত স্মৃতিকথার উপর যোগীন্দ্রনাথ বসুর প্রামাণিক গ্রন্থের ভিত্তি স্থাপিত সেই স্মৃতিকথাসমূহে কোথাও মধুসূদনের এই সাহিত্য-কীর্তির উল্লেখ নাই ।

মধুসূদনের পরম অহরহ ভক্ত, বর্তমান লেখকের শ্রদ্ধের বন্ধু নগেন্দ্রনাথ সোম মহাশয় যখন ‘ভারতবর্ষে’ ধারাবাহিক ভাবে ‘মধুস্মৃতি’ প্রকাশিত করেন, তখন তিনি প্রায়ই তাঁহার নিকটে যাইতেন, মধুসূদন সম্বন্ধে আলোচনা করিতেন এবং তাঁহাকে যথাসাধ্য উপকরণ সংগ্রহ করিয়া দিয়াছিলেন, ‘মধুস্মৃতি’র ভূমিকায় বন্ধুগণ এই সাহায্য স্বীকার করিয়াছেন ।

একদিন তিনি বলেন যে, তারকনাথ ঘোষের বাড়ী হইতে তিনি শুনিয়াছেন যে, একদা উক্ত বাড়ীতে বসিয়া মধুসূদন এক রাত্রির মধ্যে ‘নীলদর্পণ’ অনুবাদ করিয়াছিলেন । তিনি ‘মধুস্মৃতি’ গ্রন্থে (১৩২৭ ও ১৩৬১) পরে এ বিষয়টি সন্নিবেশিত করিয়াছেন ।

মধুসূদন যে নীলদর্পণ অনুবাদ করেন তাহার সর্বপ্রথম উল্লেখ আমরা দেখি তাঁহার মৃত্যুর কয়েক বৎসর পরে দীনবন্ধু মিত্রের গ্রন্থাবলীর সহিত সংযুক্ত বঙ্কিমচন্দ্র-রচিত দীনবন্ধু জীবনীতে । উহার একস্থানে আছে :

‘এই গ্রন্থ (নীলদর্পণ) রচনা করিতে করিতে দীনবন্ধু মেঘনার নৌকাডুবি হইয়া জলমগ্ন হইতে হইতে বাঁচিয়া গিয়াছেন—লুড সাহেব কারারুদ্ধ হইয়াছিলেন । ইহার ইংরেজী অনুবাদ করিয়া মাইকেল মধুসূদন দত্ত গোপনে তিরস্কৃত হইয়াছিলেন ।’

যে মধুসূদনের নাম নীলদর্পণ মোকদ্দমার সময় ঘূণাকরেও উঠে নাই, তাঁহাকে গোপনে তিরস্কৃত করিলেন কে ? বঙ্কিমের অনুজ পূর্ণচন্দ্র স্পষ্টতর ভাবে লিখিয়াছেন, ‘অনুবাদক মাইকেল মধুসূদন দত্ত সুপ্রীম কোর্ট হইতে লাঞ্চিত হইলেন ।’

মোকদ্দমার সময় তাঁহার নাম প্রকাশ পাইল না, সুপ্রীম কোর্ট কি গোয়েন্দা লাগাইয়া তাঁহাকে খুঁজিয়া বাহির করিলেন এবং বাহির করিয়া প্রকাশ্যে নহে, গোপনে, তিরস্কার করিলেন ? বঙ্কিম-চন্দ্রের শ্রীমদ্রাজকর্মচারীর পক্ষে এরূপ লেখা সম্ভব বলিয়া মনে হয় না । আমরা দীনবন্ধুর পুত্র ললিতচন্দ্র মিত্র মহাশয়ের নিকট এ বিষয়ে সন্দেহ প্রকাশ করিলে তিনি বলেন, বঙ্কিমচন্দ্রের লেখায় নিম্নবর্ণিত অংশটি ছিল না, পরে কোন অজ্ঞাত হস্তে উহা সন্নিবেশিত হইয়াছিল । তাঁহার নিকট পংক্তিলিপি ছিল ; কিন্তু পরে সন্ধান করিলে বর্তমান লেখক উহা দেখিতে পান নাই । তাঁহার অনুমান উহা বঙ্কিমচন্দ্রের সঙ্গীবচন্দ্রের দ্বারা সন্নিবেশিত । নগেন্দ্রনাথ সোম মহাশয় লিখিয়াছেন :

‘সঙ্গীবচন্দ্র স্বহস্তে মধুসূদনের কথা উক্ত গ্রন্থে (দীনবন্ধু-জীবনীতে) লিখিয়া দিয়াছিলেন ।’

বঙ্কিমচন্দ্রের দীনবন্ধু-জীবনী প্রকাশের পর অনেকে মাইকেলকে নীলদর্পণের অনুবাদক বলিয়া উল্লেখ করিয়াছেন ।

কিন্তু উক্ত সন্নিবেশিত অংশটি একান্তই অবিখ্যাত বলিয়া বোধ হয় । দীনবন্ধু-জীবনী প্রকাশের বহু বৎসর পরে যোগীন্দ্রনাথ বসু মহাশয়ের দ্বারা মধুসূদনের প্রামাণিক জীবনচরিত প্রকাশিত হয় । ১৩০০ বঙ্গাব্দে উহার প্রথম সংস্করণ, ১৩০১ সনে দ্বিতীয়, ১৩১২ সনে তৃতীয় ও ১৩১৪ সনে চতুর্থ সংস্করণ এবং স্কুল-পাঠ্য সংস্করণাদিও প্রকাশিত হয় । মধুসূদনের নীলদর্পণ অনুবাদে বৃদ্ধান্ত প্রমাণসহ নহে বলিয়াই হয়ত যোগীন্দ্রনাথ কুড়াপি উহা উল্লেখ করেন নাই । বঙ্কিমচন্দ্রের রচনা রাজনারায়ণ বসু, ভূদেব মুখোপাধ্যায়, গৌরদাস বসাক প্রভৃতির নিশ্চয়ই দৃষ্টিগোচর হইয়াছিল, তথাপি তাঁহারা তাঁহাদের স্মৃতিকথায় মধুসূদনের এত বড়

সাহিত্য-কীর্তির উল্লেখ করেন নাই সম্ভবতঃ এই কারণেই। পূর্বে বিশ্বিত হইলেও বঙ্কিমচন্দ্রের দীনবন্ধু জীবনী পাঠের পর নিশ্চয়ই এই ঘটনার কথা তাঁহাদের মনে পড়িত। মধুসূদনের জীবিতকালে যদি প্রকাশ পাইত যে, তিনি নীলদর্পণের অনুবাদকর্তা তাহা হইলে যদি-বা তাঁহার কোন ক্ষতি হইত, তাঁহার মৃত্যুর প্রায় কুড়ি বৎসর পরে প্রকাশিত জীবনচরিতে উহা প্রকাশ করিতে কোন বাধা ছিল না। কোন বিশ্বাসযোগ্য প্রমাণ না থাকাতেই যোগীন্দ্রনাথ এবং মধুসূদনের ঘনিষ্ঠ ও অন্তরঙ্গ বন্ধুগণ উহা সত্য বলিয়া গ্রহণ করিতে অসমর্থ হইয়াছিলেন বলিয়া মনে করি।

নগেন্দ্রনাথ যে লিখিয়াছেন, 'নীলদর্পণ'র ইংরেজী অনুবাদ সম্বন্ধে কোন কথা তাঁহার 'মধুসূতি' প্রকাশের (ভারতবর্ষ ১৩২১-২৪, প্রথম সংস্করণ, ১৩২৭) পূর্বে মধুসূদনের কোন জীবনচরিতে লিখিত হয় নাই, ইহাই তাহার কারণ। উহা hypothesis মাত্র, উহাকে এখন পর্যন্ত সত্যের আসনে প্রতিষ্ঠিত করা হয় নাই।

মধুসূদন সম্বন্ধে যাহারা গবেষণা করিতেছেন তাঁহারা, আশা করি, অদূর ভবিষ্যতে এ বিষয়ে আরও বিশ্বাসযোগ্য প্রমাণাদি সংগ্রহ করিতে সমর্থ হইবেন।

মহিলা সংবাদ

দক্ষিণ-পূর্ব বেঙ্গলের চীফ ইঞ্জিনিয়ার শ্রীপ্রভাতচন্দ্র নিধোগীর কন্যা শ্রীমতী স্মিতা নিধোগী এই বৎসর লক্ষ্মী বিশ্ব-বিদ্যালয়ের বসায়নশাস্ত্রে এম্-এস্‌সি পরীক্ষায় প্রথম শ্রেণীতে প্রথম স্থান এবং এম্-এ, এম্-এস্‌সি, এম্-কম্ প্রভৃতি সমস্ত বিভাগের ছাত্রছাত্রীদের মধ্যে শীর্ষস্থান অধিকার করিয়া তিনটি স্বর্ণপদক লাভ করেন। তিনি বি-এস্‌সি অনার্স পরীক্ষাতেও ঐ বিশ্ববিদ্যালয়ের বিজ্ঞান, কলা, বাণিজ্য, আইন, চিকিৎসা প্রভৃতি সমস্ত বিভাগের ছাত্রীদের মধ্যে সর্বোচ্চ স্থান লাভ করিয়াছিলেন। উত্তর প্রদেশ ইন্টার বোর্ডে ও আই-এ, আই-স্‌সি পরীক্ষায় ছাত্রীদের মধ্যেও তিনি প্রথম হন।



“মধুসূদন গুপ্ত”

(সংযোজন)

শ্রীযোগেশচন্দ্র বাগল

মধুসূদন গুপ্ত হুগল জেলার অন্তর্গত বৈষ্ণবাটীর অধিবাসী। পিতার নাম বলরাম গুপ্ত। মধুসূদনের আর এক ভ্রাতা ছিলেন কাশীনাথ গুপ্ত। মধুসূদন ১৮০০ সনের কাছাকাছি জন্মগ্রহণ করেন। শৈশবে পাঠে মনোযোগ তাঁহার একেবারেই ছিল না। এজন্য একদিন তাঁহার পিতা তাঁহাকে ভৎসনা করেন। তাহাতে তিনি মনের দুঃখে বাড়ী হইতে চলিয়া যান এবং কলিকাতা আসিয়া গবর্নমেন্ট সংস্কৃত কলেজে ভর্তি হন। বাটী হইতে চলিয়া আসিবার সময় তিনি বলিয়াছিলেন, মানুষ না হইয়া পুনরায় বাড়ীতে ফিরিবেন না। সংস্কৃত কলেজে অধ্যয়ন করিয়া তিনি সংস্কৃত সাহিত্যে ব্যুৎপত্তি লাভ করেন। ১৮২৬ খ্রীষ্টাব্দে সংস্কৃত কলেজে বৈদ্যক শ্রেণী খোলা হইলে তিনি চিকিৎসাবিদ্যা অধ্যয়নে মনোনিবেশ করেন। এই বিদ্যায় তাঁহার কৃতিত্বের কথা মুঙ্গ প্রবন্ধে (প্রবাসী, অগ্রহায়ণ ১৩৬৩) বিশদভাবে বলিয়াছি। মধুসূদন বর্ধমান জেলায় হারোয়া গ্রাম-নিবাসী জমিদার-কন্যা পদ্মাবতী দেবীর পাণিগ্রহণ করেন। তাঁহার তিন পুত্র—গোপালচন্দ্র গুপ্ত, জয়গোপাল গুপ্ত ও দ্বারকানাথ গুপ্ত।

*

কলিকাতা মেডিক্যাল কলেজের শেষ পরীক্ষায় (১৮৪০) উত্তীর্ণ হইয়া অন্যান্য ছাত্রদের মত মধুসূদনও সার্টিফিকেট প্রাপ্ত হন। সার্টিফিকেটখানি ইংরেজী, আরবি এবং বাংলা এই তিনটি ভাষায় পাশাপাশি লেখা। এসেসর, পরীক্ষক এবং কলেজের অধ্যাপক মোট সাতাশ জনের স্বাক্ষর রহিয়াছে এই সার্টিফিকেটখানিতে। বাংলা অংশ এখানে দিলাম :

“আমরা মনোযোগ পূর্বক সম্যক প্রকারে ইং ১৮৪০ নবেম্বর মাসের ২৬ দিনে বৈষ্ণবাটী নিবাসী মধুসূদন গুপ্তের পরীক্ষা লইয়া তাঁহাকে প্রশংসাপত্র দিতেছি। ইনি শরীর-বিদ্যা, জীব্যতত্ত্বজ্ঞান, জ্যোতিষ ও কিমিয়া বিদ্যা এই সকল বিষয়েতে বিশেষ নিপুণ এবং ঔষধ প্রস্তুত করণে ও তদ্ব্যবহারে আর অস্ত্রবিদ্যা ও তাজিকিৎসাকর্মে প্রকৃত উপযুক্ত হইয়াছেন ইহাতে ইনি রাজকীয় চিকিৎসক সাধারণের পদপ্রাপ্ত হইতে পারেন এবং সহকার ব্যক্তিরেকে স্বয়ং তৎকর্ম নির্বাহ করিতে পারেন।

উক্ত ব্যক্তির বাংলাদেশীয় চিকিৎসা বিদ্যালয়ে অধ্যয়নাবস্রাবধি একাল পর্যন্ত সুশীলতার ও পরিশ্রমেতে আমরা সন্তুষ্ট হইয়াছি।”

*

মধুসূদনের দ্বিতীয় পুস্তকখানি সম্প্রতি পাইয়াছি।

ইহার দুইটি আখ্যাপত্র—ইংরেজী ও বাংলায়। বাংলা আখ্যাপত্রটি এই :

“এনাটোমী। /অর্থাৎ/ শরীরবিদ্যা। /তৎ প্রথম ভাগ/ মেডিকেল কলেজের হিন্দুস্থানী ও বাঙ্গালি ছাত্রদিগের / শরীরবিদ্যার উপদেশক / শ্রীমধুসূদন গুপ্ত প্রণীত। /কলিকাতা/ ১২৫২ শাল ইং মার্চ ১৮৫৩।” পুস্তকের বিষয়বস্তু নির্দেশক পূর্বাভাষ অংশটি এখানে দেওয়া হইল। জটিল বৈজ্ঞানিক বিষয় বাংলা ভাষায় প্রকাশ তখনই কতটা সম্ভব হইয়াছিল; এই অংশ হইতে তাহা বুঝা যাইবে।

“এনাটোমীর প্রকৃত অর্থ ছেদবিদ্যা বস্তুতঃ চিকিৎসার্ক শরীরবিদ্যা। “শরীরজ্ঞেরা মানব শরীরবিদ্যাকে শাখাভেদে বিভক্ত করিয়াছেন প্রথম জেনরেল এনাটোমী অর্থাৎ সামান্য শরীরবিদ্যা এবং দ্বিতীয় ডিস্ক্রিপটিব এনাটোমী অর্থাৎ নির্দেশক শরীরবিদ্যা।

শরীরের নির্মাণক সম্বন্ধি জব্য সকলের স্বভাব ও সামান্য গুণ সমূহের বিবরণের নাম সামান্য শরীরবিদ্যা।

দেহের নানা ইন্দ্রিয় ও প্রত্যেক অঙ্গ প্রত্যঙ্গ এবং প্রদেশ সকল এবং পৃথক পৃথক অংশের বাহ্য আকৃতি ও আভ্যন্তর নিম্নিত্তি এবং তাহাদিগের যথাক্রম পরস্পর অবস্থিতি এবং যোগ এবং ঐ সমস্ত অংশের উৎপত্তির পর যে রূপ উদ্ভবোদ্ভবাবস্থা ইত্যাদির বিবরণের নাম নির্দেশক শরীরবিদ্যা।

এই গ্রন্থে কেবল নির্দেশক শরীরবিদ্যার বিষয় লিখিত হইবেক যাহা সাধারণ চিকিৎসকগণের পাঠ্য।

শরীরবিদ্যার অঙ্গ যাহাকে ফিজিয়লজী অর্থাৎ প্রকৃতি-বিদ্যা কহে তাহার দ্বারা সুস্থ শরীরের যে যে অবস্থা ও কর্মসকল এবং জীবনের ক্রিয়াবিধি সমুদয়ের জ্ঞান হয়।

শরীর ঘন এবং জববস্তু দ্বারা নির্মিত। শরীরজ্ঞেরা কেবল ঘন অংশ সকলকেই শরীরের সম্বন্ধি করিয়া গণ্য করিয়াছেন। রক্ত রস এবং লসীকা এই তিন ভাবেতে কার্পসল বা ঘনকণা সকল মিলিত থাকতে উক্ত তিন জবধাতুকেও ঘন বস্তুর সহিত নিরূপণ করিয়াছেন। শরীরের ঘন বস্তু লিখিত সকলের নাম নিয়ে প্রদত্ত হইল।...অস্থি সকল শরীরের প্রধান আধারস্থান এই হেতুক অস্থির বিবরণ প্রথমতঃ কর্তব্য।”

* মধুসূদন গুপ্ত বিষয়ক তথ্যাদি এবং ‘এনাটোমী’ পুস্তকখানি মধুসূদনের বংশধর ডাক্তার শ্রীযুক্ত সুপ্রকাশ গুপ্তের নৌজনে পাইয়াছি। লেখক।

নিরালা প্রহর

শ্রীউমা দেবী

মনের অতলতলে মাঝে মাঝে ডুবে যাই

মাঝে মাঝে অতলে ঘুমাই !

একান্ত আমারি জন্মে

সুপ্তির গহনারণ্যে রাত্রি সহচর

একাকী অপেক্ষা করে নিটোল নিবিড় এক নিরালা প্রহর ।

সেখানে জলের তলে

যুক্তা ও প্রণাল দলে—বিশীর্ণ করুণ

বাসনা মুহূর্তে হয় সহাস অরুণ

—নিরালা প্রহর এক নিরালা প্রহর,

আমি খুঁজি সেই অবসর ।

হিম জলতলে ডুবে ধুয়ে যায়—ধুয়ে যায় সব পরিতাপ,

সহসা পৃথিবী লাগে নির্মল নিষ্পাপ ।

সব প্রেম শুচি হয়—গ্লানিযুক্ত সমস্ত কামনা,

প্রীত নরনারী চিত্ত, পুণ্য হয় সর্ব আরাধনা

—নিরালা প্রহর এক নিরালা প্রহর

মাঝে মাঝে খুঁজে পাই সেই অবসর ।

এখন এসো না প্রেম ! অশ্রুর কলঙ্ক বয়ে নিয়ে

এখন এসো না স্মৃতি বিষাক্ত চেতনা ঢেলে দিয়ে

ফুটে ফুটে বাবে যাও—সঙ্কামাস্তীর ফুল বড়ী তুষায়—

নিভে যাও সব তারা মোহাবেশ-শিথিল নিশায় ।

এখন গহন এই অতলের নিরালা প্রহরে

আপন আত্মার সঙ্গে মুখোমুখি করুণ অবসরে ।

সেখানে অনেক কথা অশ্রুর সমুদ্রে বয়ে এসে

গান হয়ে যায় অবশেষে !

অনেক স্মৃতির চিহ্ন মুছে গিয়ে নীলাকাশপটে

জ্যোৎস্নার শরীর নিয়ে ভেসে ওঠে প্রাণের নিকটে !

আর—প্রেম হৃৎধারাহত নিরস্তর

ভরস্তু দীঘির মত কাঁপে ধরতর !

সেখানে আমারি জন্মে

অপার গহনারণ্যে—রাত্রি সহচর

একান্ত অপেক্ষা করে নিটোল নিবিড় এক নিরালা প্রহর

—তুলনাবিহীন অবসর !

সে অতলে ডুবে যাই—

মাঝে মাঝে অতলে ঘুমাই,

অতনু স্বপ্নকে ফের তনুর বাঁধনে ফিরে পাই !

আমাকে ডেকো না কেউ—আমাকে ঘুমাতে শুধু দাও

সেই নীল অতলের সোনালি আবেশ ঢালা সবুজে উধাও !

সেখানে অনেক গান অনেক বড়ী আশা !

অনেক—অনেক রাঙা আশা ।

অনেক অচেনা সুখ—চেনা মুখ—অনেক গভীর ভালবাসা !

আপন আত্মার সঙ্গে মুখোমুখি সেখানে আলাপ

সেখানে পৌঁছলে পর প্রেম হয়ে শাস্ত হয় সব হৃৎধতাপ ।

—নিরালা প্রহর এক নিরালা প্রহর,

খুঁজে ফিরি সেই অবসর !

পুষ্পবেন এবং চারি ধর্মযাত্রা

ফেডা বেদী

সংসারে দুই শ্রেণীর লোক আছে—এক শ্রেণীর লোক বেঁচে থাকে আর এক শ্রেণীর লোক বেঁচে থাকার পথ দেখায়। পুষ্পবেন মেহতা হচ্ছেন শেষোক্ত শ্রেণীর অন্তর্ভুক্ত। কিছুকাল আগেও যিনি সৌরাষ্ট্রের রাজ্য সমাজকল্যাণ উপদেষ্টা পর্ষদের চেয়ারম্যান ছিলেন সেই পুষ্পবেনকে—সমগ্র গুজরাটীভাষী অঞ্চলে সকলে আদরের সঙ্গে তাঁকে এই নামেই ডাকে—সত্যিই কেবল জটনক শ্রেষ্ঠ সমাজকর্মীই নন, একজন মহীয়সী মহিলাও তাঁকে বলা যেতে পারে।

গত বৎসর দিল্লী পরিদর্শন করতে যাবার পথে রাস্তায় এক দুর্ঘটনায় তাঁর একটি পা ভেঙে যায় এবং এর দরুন ব্যাহত হয় তাঁর চারপাশে ছুটাছুটি করবার অসীম ক্ষমতা। সাময়িক ক্রাচ বা বগলে লাগিয়ে চলবার মাঠি কিন্তু স্তিমিত করতে পারেনি তাঁর আত্মার উজ্জ্বল দীপ্তিকে—যদিও নিজের কোন কোন কাজ তাঁকে হস্তান্তরিত করতে হয়েছে। দৃষ্টান্ত-স্বরূপ বলা যায় যে, গিরনারের জঙ্গলে তিনি আর তেমন অনায়াসে ছুটে গিয়ে দেখতে পাবেন না তাঁর আরণ্য অঞ্চলের অধিবাসীদের এবং সেই সকল গোরক্ষক এবং তাদের স্ত্রী ও শিশুসন্তানের যাদের গৃহে এবং গোলাবাড়ীতে স্থিত করবার জন্তে তিনি প্রয়াস পাচ্ছেন। অবশ্য আগেকারই মত কিন্তু তিনি নারী এবং শিশুদের জন্তে তাঁর মুখ্য কাজ চালিয়ে যাচ্ছেন।

গৃহের পরিবেশে

সৌরাষ্ট্র এবং কচ্ছ পরিভ্রমণকালে যখন তাঁর সঙ্গে আমি দেখা করি তখন তিনি আমার জন্ত প্রতীক্ষা করছিলেন জুনাগড় শহরে “শিশুমঙ্গল”র সহিত সংশ্লিষ্ট জীর্ণশাপ্রাপ্ত বাসগৃহ বনামআপিসে। এই “শিশুমঙ্গল” হচ্ছে যাকে বলা যেতে পারে একটি ‘আদর্শ পুষ্পবেন প্রতিষ্ঠান’—সকল

শ্রেণীর নিঃস্ব এবং ভাগ্যবিড়ম্বিত অসুখী এবং স্বজনপরিত্যক্ত নারা এবং শিশুদের আস্তানা ও আশ্রয়স্থল এটি। এদের মধ্যে আছে সেই সকল কুমারী মায়েদের শিশু যারা এই প্রতিষ্ঠানে আসে আশ্রয়লাভের নিমিত্ত এবং শেষ পর্যন্ত সেখানে বেখে যায় তাদের শিশুদের।

পুষ্পবেন বসেছিলেন তাঁর দিওয়ানের উপর, পরনে ছিল তার সাদাসিধে কালো ধদের শাড়ী এবং একটি সাদা ব্লাউজ। এই মাঝবয়সী মহিলাটি সুন্দরী এবং গ্রামাঞ্চলের গুজরাটী মেয়েদের মত লম্বা এবং বলিষ্ঠ তাঁর দেহের গড়ন। তাঁর কক্ষের ভিতরে এবং বাইরে ছুটাছুটি করছিল কয়েকটি শিশু, বাগান থেকে বয়ে নিয়ে যাচ্ছিল তারা তাদের ক্ষুদ্র সম্পত্তি—হয়তো একটি খেলনা; তাঁর কানে কানে বলছিল তারা কোন গোপন কথা অথবা সমস্যার কথা। তাদের মধ্যে ছিল ছেলে এবং মেয়ে দুই-ই—তিন বছর বয়সের হাঁটি-হাঁটি পা-পা করে চলতে-শেখা ছোট বাচ্চা থেকে আরম্ভ করে বয়স্থা বালিকা এবং তরুণী বধূরা পর্যন্ত। সেখানে ছিল পুরোপুরি ঘরোয়া পরিবেশ। শিশুরা এখানে অনুভব করে স্ব গৃহের স্বচ্ছন্দ্য এবং তারা যে নিজেদের বাড়ীতেই আছে এটা সুপরিষ্কৃত হয়ে উঠল।

বর্তমান মান অনুযায়ী আমি অবশ্য শিশুমঙ্গলকে একটি তৎপর প্রতিষ্ঠান বলব না। এখানকার কর্মী-সংসদের শিক্ষা-লাভ হয়েছিল গৃহে, কয়েকজন হচ্ছেন পুরানো “আবাসিক” কর্মী—প্রতিষ্ঠান স্বয়ং তাদের শিক্ষাদান করে। সাধারণতঃ মৌলিক সাজসরঞ্জামের জন্ত—বিশেষতঃ নার্সারি বা শিশুদের খেলাঘর বিভাগের জন্ত যথেষ্ট অর্থ ছিল না—যদিও সৌরাষ্ট্রেই এত সস্তায় এবং সুষ্ঠুভাবে যে চমৎকার মন্তেসরি সাজ-সরঞ্জাম প্রস্তুত হয় তদ্বারা কিণ্ডারগার্টেন ক্লাস ভালভাবেই খোলা

হয়। উপযুক্ত মানের পরিকল্পনা অনুযায়ী প্রস্তুত একপ্রস্তু চিত্রিত কাঠের ব্লক এবং “শিক্ষামূলক” খেলনার মূল্য প্রায় ষাট টাকা। কিন্তু দিনকতক ঐ গৃহে অবস্থান করে আমি দেখতে পেলাম, জীবনের স্রোতে সে সকল অনাথ নিরাশ্রয় বাসকবালিকা ভেসে এসেছে তাঁর আরামপ্রদ আবদ্ধ জলে তাদের জন্তে কি-এক বিশ্বয়কর কাজ করছেন পুষ্পবেন। প্রত্যেক শিশুই তাঁর নিকট ঘনিষ্ঠভাবে পরিচিত। কতক-গুলি হচ্ছে এই প্রতিষ্ঠানেই প্রতিপালিত সাধারণ স্বাভাবিক শিশু। অন্তরা যারা এসেছিল পিতৃমাতৃবিয়োগ, অথবা কোন অসুখের দরুন প্রায় অনশন অথবা পিতামাতার বেকার অবস্থা ইত্যাদির দ্বারা প্রচণ্ড আঘাত পাওয়ার পরে তাদের বিষয় ছিল নিশ্চিতভাবেই মনস্তাত্ত্বিক। তাদের অনেকেই ছিল বিপদগ্রস্ত এবং তাদের অধিকাংশের সঙ্গেই মানিয়ে চলা ছিল কঠিন।

পুষ্পবেনের পরিবার

তারা সকলেই ছিল তার পরিবার—গর্ভভের প্রজনন-কার্য সম্পন্ন করানো যাদের বৃষ্টি তাদের পরিবার থেকে যে সকল বালিকা এসেছিল তাদের থেকে আরম্ভ করে আকস্মিক পিতৃমাতৃবিয়োগের পর ভিক্ষা করে কাটিয়েছিল যারা কয়েকটি ভয়াবহ মস্তাহ—তাদের সকলেরই ছিল একই অবস্থা। মুহূ হেসে পুষ্পবেন বললেন, “এদের স্বাভাবিক অবস্থায় ফিরিয়ে আনতে লাগে প্রায় দুই থেকে তিন বৎসর এবং পরবর্তী কালে তাদের চরিত্রের বিকাশ হয় সুষ্ঠুভাবে। ঐ অবস্থায় পৌঁছলে পর তাদের বিকাশ-গৃহ-গুলির মধ্যে একটি অথবা অপরটিতে পাঠানো হয়—ওগুপিও তাঁরই। কিন্তু এ সম্বন্ধে আরও কথা আমরা পরে বলব। শিশুদের সম্বন্ধে তাঁর যে কস্মিনীতি তা হচ্ছে যথার্থ নীতি। তিনি বললেন, তিনি এটা অধিকতর শ্রেয়ঃ মনে করেন যে, শিশুদের এই অবস্থায় পরাতে হবে সাধারণ গ্রাম্য পোশাক। বড় ছেলেদের জন্ত একটি মাট এবং একটি কাছি আর বয়স্কা মেয়েদের জন্ত হয় ঘাঘরা এবং চোলী অথবা সাদাসিধে শাড়ী। তিনি এটা চান না যে, তারা জীবনযাপনের সেই সকল মানে অভ্যস্ত হয় যা পরবর্তী জীবনে উপার্জনক্ষম অথবা বিবাহিত হলে পর তারা বজায় রাখতে সমর্থ হবে না। ঐ কারণেও তিনি, শিশুরা বেড়ে উঠার দরুন তাদের গায়ে লাগে না বলে স্ত্রীলোকেরা যে সকল পুরনো পোশাক পরিচ্ছদ দিতে চায় সেগুলো অথবা নূতন কাপড়-চোপড়—মাত্র কয়েকটি প্রদত্ত হলেও, গ্রহণ করেন না। যদি কোন শিশু বিশেষভাবে চালাক-চতুর এবং চটপটে বলে প্রতিপন্ন হয় তা হলে যথোচিত শিক্ষালাভের জন্ত তিনি তাকে প্রেরণ

করেন ওরাধাওয়ানের বিকাশ-বিদ্যালয়ে অথবা রাজকোটস্থিত কাস্তুরী বিকাশ-ঘরে।

চারি ধর্মযাত্রা

তখন আমি উপলব্ধি করতে পারলাম যে, যে-কয়টি কক্ষ বারান্দা এবং বাগান নিয়ে এর প্রাকৃতিক সীমা নির্ধারিত তার চেয়ে এই প্রতিষ্ঠানটি কত ব্যাপকতর। হাসতে হাসতে তিনি আমাকে বললেন তাঁর “চারি ধর্মযাত্রা”র কথা :—“আমাদের একটি নয়, কিন্তু চারটি প্রতিষ্ঠান। নারী এবং শিশুদের উদ্ধারের জন্ত ১৯৩৪ খ্রীষ্টাব্দে আহমেদাবাদে প্রতিষ্ঠিত জ্যোতি সঙ্ঘে ছিল আমাদের কাজের মূল। এটি একটি উৎকৃষ্ট সংস্থা এবং এখনো এটি উন্নতির পথে অগ্রসর হচ্ছে। মুহূসা সারাভাই—১৯৪৭ খ্রীষ্টাব্দ থেকেই ছিন্নমূল এবং ধমিতা নারীদের মধ্যে বিশ্বয়কর কল্যাণকর্মের জন্ত যিনি সুপরিচিতা ছিলেন—তাঁর একনিষ্ঠ সহকর্মিণী। এই অসমসাহসিকতাপূর্ণ কাজ চালিয়ে যাওয়ার জন্ত তাঁদের প্রয়োজন ছিল কেবল নিষ্ঠার নয়, উপরন্তু শারীরিক মানসিক এবং আধ্যাত্মিক সাহসের। তাঁরা হয়ে দাঁড়ালেন সেই সকল কায়েমি স্বার্থসম্পন্ন ব্যক্তিদের কঠোর সমালোচনা—এমনকি অত্যাচারের পাত্রী, অনাশ্রিত অবস্থায় পথে ফেলে দেওয়া স্ত্রীলোকদের পাশে এসে দাঁড়াত যারা লাভের আশায়। বাজারে গুণ্ডাদের সম্মুখীন হওয়া এবং নৈতিক দিক দিয়ে বিপন্ন অন্নবয়স্ক মেয়েদের উদ্ধার করা বড় সহজ ব্যাপার ছিল না—অত্যাচারের নিয়মিতভাবে বিক্রি করা হ’ত পতিতালয়ে এবং অন্নবয়স্ক শিশুদের রেখে দেওয়া হ’ত পতিতালয়ের জুগুপ্সিত জীবনের তুষ্কারজনক পরিবেশে।

জুজুরাতে আত্মহত্যার হিড়িক

এর উপর আর একটি সমস্যাও ছিল। বর্তমানে যে অঞ্চলটি নৌরাষ্ট্র রাজ্যের অন্তর্ভুক্ত যদিও তা বহু দিক দিয়ে একটি সাংস্কৃতিক অঞ্চল এবং ওখানেই জাত গান্ধীজীর দীর্ঘ-কালীন সংস্পর্শ এবং জাতীয় আন্দোলন দ্বারা পবিত্রীকৃত, তথাপি সমগ্র ভারতে এখানেই নারীদের আত্মহত্যার হার শোচনীয়রূপে সর্বাধিক বলে এখানকার অবাঞ্ছনীয় খ্যাতি(?) আছে। সম্প্রতি হিসেব করে দেখা গেছে যে, এই হার হচ্ছে প্রতিদিন একটি করে (বৎসরে ৩৬৫)। এই শোচনীয় অবস্থা সম্বন্ধে রিপোর্ট দেবার জন্যে সরকার স্বয়ং সম্প্রতি একটি উচ্চস্তরের কমিটি নিয়োগ করেন এবং যদিও চূড়ান্ত রিপোর্ট প্রকাশিত হয় নি, তথাপি এটা প্রতীয়মান হয় যে, এর মূলগত কারণ হচ্ছে খাঁটি সামাজিক, অর্থনৈতিক নয়।

এক্ষেত্রেও এসে মাথা গলানেন পুষ্পবেন। ১৯৩৭ খ্রীষ্টাব্দে প্রতিষ্ঠিত হ'ল আহমেদাবাদের বিখ্যাত বিকাশগৃহ—যাবতীয় দুর্গত নারীদের আশ্রয় দেবার জন্যে। মমতাশূণ্য গার্হস্থ্য পরিবেশ এবং স্বামী ও শাশুড়ীর অত্যাচারের হাত থেকে যাঁদের উদ্ধার করা হয় অথবা স্বজনপরিত্যক্তা হওয়ার দরুন যে সকল নারীকে সকল প্রকার প্রলোভনের সম্মুখীন হতে হয় তাদেরও এই প্রতিষ্ঠানে স্থান দেওয়ার ব্যবস্থা করা হ'ল। একটি 'হোম' বা সদন কিন্তু যথেষ্ট বলে মনে হ'ল না। ১৯৪৫ সালে অপর দুটি প্রতিষ্ঠার উপযোগী অর্থ পাওয়া গেল—ওয়াধাওয়ান নগরীর বিকাশ-বিদ্যালয় এবং জালাওয়ার জেলার হালওয়াডের 'প্রাগতি গৃহ'। সর্বশেষে খোলা হ'ল রাজকোটের শ্রীকান্ত বিকাশ-গৃহ—এটি হ'ল চতুর্থ 'সদন'। সবগুলো 'হোম'ই ছিল প্রকাণ্ড কক্ষসম্বিত, পাকাবাড়ী—অনাড়স্বরভাবে এগুলির কার্য পরিচালিত হয়, কিন্তু এগুলির পরিচালনার মধ্যে আছে পরিচ্ছন্নতা এবং মাদুর্য্য। ভারতের ঐ অঞ্চলের নারী এবং শিশুদের কল্যাণকল্পে অনুষ্ঠিত কাজের সহিত আমি সংশ্লিষ্ট হয়েছি। সবগুলিতে ছিল সেই একই ছাপ—ব্যক্তিগত সংস্পর্শের ছাপ। পুষ্পবেনের স্ব-নির্বাচিতা নারী সমাজকর্মীরা সেই প্রতিষ্ঠানেই অবস্থান ও কাজ করছেন আর প্রতিষ্ঠানকেই করে নিয়েছেন তাঁদের গৃহ। এই জন্যেই রাজকোটে হীরাবেন, হালওয়াডে মায়াবেন, ওয়াধাওয়ানে পুষ্পবেনের তরুণী ভাইঝি অরুণাবেনের মত আশ্চর্য্য ক্ষমতাসম্পন্ন, শাস্ত্র এবং সমবদার কর্মীদের সৃষ্টি সম্ভবপর হয়েছে—তাঁরা যে কাজ আরম্ভ করেছিলেন আজও তা চালিয়ে যাচ্ছেন। এঁদের মধ্যে কনিষ্ঠতম অরুণাবেনের—একটি চমৎকার প্রতিষ্ঠান গঠনের কৃতিত্বের অধিকারিণী যিনি—বয়স এখনো ত্রিশ বৎসর অতিক্রান্ত হয় নি। এই বয়সেই তিনি কর্মের সম্পূর্ণ দায়িত্ব নিয়ে এগারো বৎসর এমন ভাবে কাজ করেছেন, যা সম্পন্ন করতে একজন বয়স্ক নারীকে অনন্ত ধৈর্য্য এবং কূটনীতির চরম পরীক্ষা দিতে হ'ত। পুষ্পবেনের একমাত্র কন্যা উষাবেন—এখন যিনি মাতৃনীতিকার্য্যে বিশেষ জ্ঞানসম্পন্ন, পরিপূর্ণরূপে শিক্ষিতা একজন চিকিৎসক—আমেদাবাদের বিকাশ-গৃহের মূল কর্মীদের একজন—এই গৃহের কাজকর্মে সরলাদেবী সারা-ভাইয়েরও সক্রিয় অনুরাগ আছে।

কারাগারী নয়

এই সমস্ত প্রতিষ্ঠান—আশ্রয়স্থল নামটিই আমার অধিকতর পছন্দসই—নূতন নূতন পরিবেশের সঙ্গে নিজেদের একান্ত-ভাবে খাপ খাওয়াইয়া একটি ইউনিটের মত কাজ করে।

“অনেক ক্ষেত্রে এরূপ হয়” পুষ্পবেন বললেন, “যখন কোন-একটি হোমে উত্তমরূপে যে প্রতিপালিত হচ্ছে এমন কোন বালিকা চায় পরিবর্তন। সে মাগুষ তো। কখনো কখনো সে চায় ছুটি। আমি তাকে পাঠিয়ে দিই হীরাবেনের কাছে অথবা অন্যান্যদের মধ্যে কোন একজনের নিকটে। তার পর সে ফিরে আসে চাঙ্গা হয়ে। কোন কোন সময় কোন মেয়ে অসদাচরণ করে এবং ধারাপ মেজাজ দেখায়, এবং তার এখানকার বান্ধবীদের চোখে বোকা বলে প্রতীয়মান হয়। আমি তাকে একটু ঠাণ্ডা করবার প্রয়াস পাই, তার পর পাঠিয়ে দিই তাকে একটি নূতন হোমে—যাতে করে নূতন ভাবে শুরু হয় আবার তার এগিয়ে চলা এবং অন্যান্য মেয়েদের কাছ থেকে সে পায় সম্মান।

ওয়াধাওয়ানের বিকাশ-বিদ্যালয়ে—এটিও একটি চমৎকার স্কুল, শান্তিনিকেতনের এক তরুণ শিল্পীর আঁকা ছবি দ্বারা এর প্রাচীরগুলি সমুজ্জ্বল (হায়, এখন সে লোকান্তরিত)—আমি শুনেতে পাই সেই একই কাহিনী। এর পরিবেশ ছিল ভারতে যাকে বলা হয় “একটি উত্তম কন্ভেন্ট স্কুল” তার অল্পরূপ, পার্থক্য শুধু এইটুকু যে, ধরনধারণ এবং রীতি-পদ্ধতিতে এটি ছিল অধিকতর ভারতীয়। সেই একই তৎপরতা, একই যোগ্যতা, সকল শ্রেণীতে ছোট শিশু থেকে শুরু করে প্রায় কলেজে অধ্যয়নের বয়সী মেয়েদের সেই একই ধরনের সুখী যুগগুলি। বহু ক্ষেত্রে শহুরে পরিবার থেকে আগত মেয়েদের এবং অনাথ বালিকাদের মধ্যে পার্থক্য করা কঠিন হয়ে দাঁড়িয়েছিল। একথা বললে সত্যের অপলাপ হবে না, প্রায়শঃই এটা দেখে আমি বিস্মিত হতাম যে, অনেক ক্ষেত্রে “হোমের বালিকাদিগকে” তাঁদের কোন কোন শহুরে সহপাঠিনীগণ অ:পক্ষ—কড়া কড়ির বাঁধন যেখানে শিথিল এবং যা প্রীতিকর এমন পরিবারের কন্যা বলে অধিকতররূপে প্রতীয়মান হ'ত। অরুণাবেন সেই কাহিনীরই পুনরাবৃত্তি করলেন, “যখন ছুটির দিন আসে তখন এই সকল বালিকারাও যদি অন্যান্য মেয়েদের মত আত্মীয়-স্বজনদের দেখতে যেতে অথবা নূতন স্থান পরিদর্শন করতে না পারে তা হলে মনে দুঃখ অনুভব করে। কাজেই অল্প-কালের জন্যে আমি তাদের পাঠিয়ে দিই পুষ্পবেন অথবা হীরাবেনের নিকটে। তারা ফিরে আসে সজীব হয়ে। মোটের উপর ছুটি উপভোগ করা খুবই মজার, কিন্তু ঘরে ফিরে আসা যে আরও মজার।

আবার গৃহে

এই বুঝাপড়ার দরুন বালিকারা যে কি অপরিমেয় ভাবে

উপকৃত হয় তা আমি উপলব্ধি করতে পারলাম। তাদের আছে একটি প্রকৃত গৃহ—যেটি হচ্ছে সেই প্রতিষ্ঠান যাতে তারা প্রথম ভক্তি হয়। সেখানে আছেন তাদের “মাতা”। তার পর তাদের আছে খুড়ী জেঠী—অন্য চারটি প্রতিষ্ঠানে গিয়ে যাদের সঙ্গে তারা দেখা করতে পারে। কখনও কখনও তাঁদের নিকট বিরক্তি সহকারে বকবক করেও তারা বেশ মজা পায়। সকলেই এটাকে বেশ প্রসন্নভাবেই গ্রহণ করেন। কখনও কখনও অপর কারুর নিকট ‘এটা অথবা ওটা পাই নি’ এই বলে, অথবা কোন বাস্তব কিংবা কল্পিত কষ্টের জন্য অনুযোগের প্রয়োজনীয়তা তাঁরা উপলব্ধি করতে পারেন। সুতরাং এসব শোনা হয় ধৈর্য সহকারে; প্রতিকার করা হয়, আবার ভুলেও যাওয়া হয়। এর দ্বারা চরিতার্থ হয় আত্মপ্রকাশের আভ্যন্তরীণ প্রয়োজন।

এই চারটি তীর্থধামেরও প্রত্যেকটির আবার বিশেষ পরিবেশ আছে। একটির বিশেষজ্ঞতা আছে খুব কঠিন ‘কেস’সমূহে, একটির কলেজের কাজ এবং ট্রেনিং ক্লাসসমূহের শিক্ষাদান ব্যাপারে; একটির বৈশিষ্ট্য রুস্তিমুলক শিক্ষাদানে, আর একটির বয়স্ক নারী এবং তাদের পরিবারসমূহের তত্ত্বাবধানে। হালওয়াডস্থিত সকলের শেষেরটি হচ্ছে মূলতঃ চলচ্চিত্র জগতের প্রভাবপ্রতিপত্তিশালী ডালমুখ পাখুলী কর্তৃক তাঁর নেতৃস্থানীয় ভাতার স্মৃতিরক্ষার্থে দান। এখানে রাখা হয়েছে দশ অথবা বারোটি পরিবারকে এবং সেখানকার “মাতা”কে দেওয়া হয়েছে তাঁর নিজস্ব রান্নাঘর ও শিশুদের পুরোপুরি তত্ত্বাবধানের ভার। শিক্ষালাভের জন্য রাজকোটস্থিত “স্কুল” প্রতিষ্ঠানে যাবার মত বয়স যে পর্য্যন্ত না তাদের হয় সে পর্য্যন্ত তাঁকেই তাদের দেখাশুনা করতে হয়। চিকিৎসার দিক দিয়ে দেখলে আমেদাবাদ হোমটিকেই বলতে হয় সকলের সেবা। এই হোম হচ্ছে সেই স্থান যেখানে পঠানো হয় মেয়েদের যখন একটি উত্তম গৃহ দিতে সমর্থ এবং শীলতাম্পন্ন তরুণের সঙ্গে তাদের বিয়ের সময় সমাগত হয়। এটি হচ্ছে পুষ্পবেনের পুনর্কাসনকার্যের আর একটি দিক এবং এ বিষয় বিশদভাবে বলবার জন্যে প্রয়োজন আর একটি স্বতন্ত্র স্বয়ংসম্পূর্ণ প্রবন্ধের। পুষ্পবেন অথবা তাঁহার সহকর্মীগণ অপেক্ষা অধিকতর প্রযত্নের সঙ্গে চিরা-চরিত ভারতীয় প্রথায় কোন জননীই তাঁর কন্যার জন্ত বর-নির্বাচন করতে পারতেন না।

বিয়ের পরও মেয়েরা যে-কোন স্বাভাবিক ভারতীয় মেয়ের মত ‘হোমে’ বা ঘরে ফিরে আসে। তার শিশুদের নিয়ে সে আসতে পারে এক মাস অথবা এক বছরের জন্যে। অথবা সে আসতে পারে তার সম্মানজন্মের সময়। এটা

তাকে কখনও বুঝতে দেওয়া হয় না যে, সে যখন তার নিজের সংসার পাতবার জন্যে এই গৃহ ছেড়ে চলে যায় তখন এটি আর তার গৃহ থাকে না। “বিয়ের মধ্যে কতগুলি সফল ও সার্থক হয়?” আমি জিজ্ঞেস করলাম। “প্রায় শত-করা একশ’টি”—এই উৎসাহপ্রদ জবাব শোনা গেল। এই স্বতঃস্ফূর্ত আরোগ্যোত্তর কর্ম্মই, বালিকা যে নিরাপত্তা বোধ করে তার অপর একটি কারণ।

বর্তমান যুগে যখন প্রায়শঃই সমাজকর্ম্মকে প্রচারের প্রবল ইচ্ছার সঙ্গে মিশিয়ে ফেলা হয়, তখন হীরাবেনের আত্মবিলোপ এবং রাজ্যের বাইরে এই কৃত্যকে পরিজ্ঞাত করবার সম্পূর্ণ নিশ্চেষ্টতা থেকে অনেককিছু শিখিবার আছে। এই পঞ্চ কন্যীগোষ্ঠী এবং তাঁদের চেয়ে যিনি কম যান না সেই বিক্রমভাই—ইনিই হচ্ছেন একমাত্র অক্ষয় বা খুড়ো এবং মহান ক্রিয়ানীল ইউনিটের অবিচ্ছেদ্য অংশ—এতেই সন্দেহ আছেন যে তাঁদের কর্ম্মধারা প্রবাহিত হচ্ছে আপন গতিপথে এবং ছড়িয়ে দিচ্ছে এর স্বকীয় শান্ত আশিস। কিন্তু সম্পাদক এবং কন্যী উভয়রূপেই কর্তব্য হতে আমি বিচ্যুত হব যদি আমার ভারত ভ্রমণকালে যে উৎকৃষ্টতম সংহত সমাজকর্ম্মের রূপ দেখেছি তার প্রতি শ্রদ্ধা প্রদানে আমি বিরত হই।

“এহ বাহ”

কিন্তু “এহ বাহ”—এ পর্য্যন্ত যা বলা হ’ল তাই পুষ্পবেনের সমুদয় কাহিনী নয়। কিংবা সৌরাষ্ট্রে অকুষ্ঠিত উৎকৃষ্ট সমাজ-কর্ম্মের সমগ্র কাহিনী এর মধ্যেই পর্য্যবসিত নয়—এ সম্বন্ধে পরে আলোচনা করা হবে আরও বিশদভাবে। কৃষ্ণ-বসনাচ্ছাদিতা এই নৃষ্টিটির পিছনে আছে স্বাধীনতার দীর্ঘ পথে বাপুজীর পাশাপাশি জনসেবার এক সমৃদ্ধ পটভূমিকা। ওয়াধাওয়ানে মহাআজীর স্বকীয় বৈশিষ্ট্যপূর্ণ জাঁকাঁকা অক্ষরে লেখা পত্রখানি কি এটাই প্রমাণ করে না যে, পুষ্প-বেন এবং মুল্লাবেন তাঁদের প্রাথমিক সংগ্রামকালে লাভ করেছিলেন তাঁর নৈতিক সমর্থন। মনে পড়ে ১৯৪৭-এর সেই দিনগুলোর কথা যখন জুনাগড়ে প্রতিষ্ঠিত হয়েছিল আরজি হুকুমত এবং তিনি হয়েছিলেন সাময়িক প্রশাসক পরিষদের (Administrative Council) স্বাস্থ্য, শিক্ষা এবং শরণার্থী মন্ত্রী। সৌরাষ্ট্রের অঙ্গীভূত হওয়ার পর উক্ত অঞ্চলের আড়াই লক্ষ সিন্ধী শরণার্থীর সমস্তা সম্পর্কে তিনি প্রবল আগ্রহ দেখিয়েছেন। : তাঁরই চেষ্টায় ৪০৭০ জন মাল-দারী রাখালকে ওখানকার জমিতে স্থিত করা হচ্ছে—অবশ্য

একাজ তিনি তুলনারহিত বিক্রমভাইয়ের সহায়তা লাভ করতে সমর্থ হয়েছিলেন।

শিখবার অনেককিছু

উপসংহারে এই কথাটিই বলতে চাই যে, আমাদের অনেকেই অনেককিছু শিখবার আছে এই অঞ্চলটি থেকে— সংক্ষেপে যাকে বলা হয়েছে “ভারতের অনগ্রসর অঞ্চল-

সমূহে”র একটি। এই সমস্ত দ্বারা এটাই প্রমাণিত হয় যে, এরূপ একটি অঞ্চলের শ্রেণীনির্দেশ করা বড়ই কঠিন এবং এবিষয়েও সন্দেহ নেই যে, মহিলামণ্ডলসমূহের এবং সৌরাষ্ট্রের সাধারণ নারীদের ও শিশুদের নিমিত্ত অনুষ্ঠিত কার্যাবলীও আদর্শস্বরূপ বলে গণ্য হতে পারে। এ হচ্ছে এমন কৃত্য যা এক বিশেষ ধরনের সম্পূর্ণতা এবং পরিচ্ছন্নতা দ্বারা চিহ্নিত এবং প্রীতিকর পরিবেশটি পুরোপুরি এর নিজস্ব।

আমাদের অন্ধ কবি সুরদাস

সুরদাস ছিলেন অন্ধ—তঁাকে বলা যেতে পারে ভারতের মিস্টন। তিনি ছিলেন ষোড়শ শতাব্দীতে হিন্দী সাহিত্যে ব্রহ্মভাষার ভক্তিয়ুগের শীর্ষস্থানীয় কবি।

তিনি কেমন করে অন্ধ হন সে সম্বন্ধে নানা জনের নানা মত। একটি প্রচলিত ধারণা এই যে, চিন্তামণির সঙ্গে ভোগসালসাপূর্ণ জীবনযাপনের পালা সাক্ষ করে তিনি সন্ন্যাসী হয়ে যান। একদা ভিক্ষার জন্তু বেরিয়ে তিনি এক বাড়ীতে গিয়ে উপস্থিত হয়ে দেখলেন, যে স্ত্রীলোকটি তঁাকে ভিক্ষা দিতে এসেছেন তিনি পরমাসুন্দরী। তিনি বিপুল তাড়না অনুভব করলেন। কোমল এবং শান্ত ভাবে তিনি সেই স্ত্রীলোকটিকে দুটো টেকো নিয়ে আসতে অনুরোধ করলেন। তিনি তঁার হাত থেকে টেকো দুটো নিলেন এবং এই কথা বলে চোখ দুটো টেনে তুলে ফেললেন—“যে চক্ষুদয় এমন পাপাসক্ত যা আমাকে প্রলুদ্ধ করে পার্থিব বিষয়ের প্রতি এবং আমাকে করে তোলে ইন্দ্রিয়ের দাস তাদের আমি আর রাখব না।” এমনি ভাবে অধ্যাত্ম চেতনায় আলোকিত হয়ে, কবি-প্রতিভার চক্ষুতে অপরকে একটা নূতন আলোকরশ্মি দান করবার জন্তে তিনি নিজের দৃষ্টিশক্তিকে বিসর্জন দিলেন। বিখ্যাত গায়ক তানসেন একবার সুরদাস সম্বন্ধে বলেছিলেন—পাপ, প্রলোভন ও আসক্তির যে মেঘভঙ্গল এই সমগ্র বিশ্বকে আবৃত করে রেখেছে তা অপসারিত হয়েছিল সুরদাসের দ্বারা—যিনি ভগবানের প্রশস্তিমূলক সুলভিত সঙ্গীতের মাধ্যমে তাঁর সম্বন্ধে জ্ঞান বিতরণ করেছিলেন। তাঁর নিকট থেকে অনসৃত হয়েছিল ভগবদ্ভক্তির অমৃতবাণী।

যে চোখ তিনি দেখতে পেতেন না তার সৌন্দর্য্য সম্বন্ধেও

সুকুমার সঙ্গীত রচনা করতে পারতেন তিনি। তাঁর একটি বিখ্যাত কবিতায় শ্রীকৃষ্ণের প্রতি অনুরক্ত এক গোপিনী তার সখীকে বিশ্রান্তলাপচ্ছলে বলেছে—

প্রভুর খঞ্জন পাখীর মত চোখ দুটির সৌন্দর্য্য এবং

মাধুর্য্য দ্বারা বিমূদ্ধ হয়েছে আমার এ দু'চোখ—

সুখে পরিপূর্ণ, সুন্দর এবং স্বচ্ছ এই নৃত্যপর চক্ষু দুটি মনে হয় যেন খাঁচায় থাকতে নারাজ

তারা বলে

‘এখানে কেন আমরা ?

ওগো সখি, সেই প্রিয়তমের কাছে যাব আমরা

যিনি আমাদের জীবনের জীবন।’

অন্য দিকে নিজের অন্ধত্বের কথাও তার মনে থাকত। পরম দেবতার মহিমা এবং সর্বশক্তিমত্তার বর্ণনা করতে গিয়ে তিনি গেয়েছেন—

তোমার চরণ দুটি আমার চরণ আশ্রয়

তাদের উপর আছে আমার গভীর আস্থা—

লক্ষ্মীপতি বল্লভস্বামী নখচন্দ্রের কিরণ বিনা

সারা জগৎ যে অন্ধকার আমার কাছে।

এই কলিযুগে, এই অন্ধকারের যুগে

এমন আর কোন পথ নেই যা বাঁচাতে

পারে এই গায়ককে।

কি আর বলতে পারে সুরদাস,

সে যে উভয় দিকেই অন্ধ

আমি যে তার বিনা মাহিনার চাকর।

দ্বিতীয় ওয়েলফেয়ার ম্যাচ ফ্যাক্টরি :

হায়দরাবাদ পরিকল্পনা

কেন্দ্রীয় সমাজ-কল্যাণ পর্ষদ কর্তৃক প্রবর্তিত নাগরিক কল্যাণ পরিকল্পনা (Urban Family Welfare Scheme) অনুসারে ১৯৫৫ সালের আগষ্ট মাসে হায়দরাবাদের নিকটবর্তী আশিফ নগরে একটি দেশলাইয়ের কারখানার প্রতিষ্ঠাকে এই পরিকল্পনার প্রগতির পথে দ্বিতীয় মাইলনির্দেশক স্তম্ভ বলা যাইতে পারে। নয়া দিল্লীর নাজফগড়ে প্রতিষ্ঠিত দেশলাইয়ের কারখানাটি হইতেছে উক্ত পরিকল্পনার প্রথম রূপায়ণ। তার পর হইতে অন্য দুইটি দেশলাই কারখানা প্রোজেক্টের উদ্বোধন হইয়াছে—একটি অন্ধের বিজয়ওয়াড়ায় এবং অপরটি বোম্বাই রাজ্যের ‘পুণা’ শহরে।

সমবায়ের ভিত্তিতে শিল্প এবং বাণিজ্য মন্ত্রণালয়ের উন্নয়ন-মূলক পরিকল্পনার একটি অবিচ্ছেদ্য অংশ এই সব প্রোজেক্ট। শিল্পায়িত নাগরিক অঞ্চলে নিম্নমধ্যবিত্ত পরিবারসমূহের স্ত্রীলোকদের অবস্থার উন্নয়নকল্পে প্রবর্তিত এই সকল পরিকল্পনার সুযোগ গ্রহণ করিতেছেন কেন্দ্রীয় সমাজ-কল্যাণ পর্ষদ।

বেকার অবস্থা অথবা এমন কর্মে নিয়োগ যা জীবিকা-নির্বাহের পক্ষে যথেষ্ট নহে এবং জীবনযাপনের ব্যয়ের ক্রমিক বৃদ্ধি প্রভৃতি দৈবদুর্ভাগ্য এই শ্রেণীর লোকদের ঘায়েল করিয়াছে শোচনীয়ভাবে। যেগুলি বিশেষ ভাবে ঘায়েল হইয়াছে সেগুলি হইতেছে সেই সকল পরিবার যাহাদের মাসিক আয় পঞ্চাশ টাকা হইতে দেড়শ’ টাকার মধ্যে। ঐ ধরনের পরিবারের নারীদিগকে লাভজনক কর্মে নিয়োগের সুযোগ-সুবিধার ব্যবস্থা করার বিষয় কেন্দ্রীয় সমাজ-কল্যাণ পর্ষদ কর্তৃক বিবেচিত হয়। নারী-কল্যাণ প্রচেষ্টার উন্নয়ন এবং শিল্পবিষয়ক সমবায়মূলক পরিকল্পনাসমূহের প্রোগ্রামের একটি অত্যাবশ্যক দিক লইয়া কাজ আরম্ভ হয়। এতদনুসারে এই বিশেষ শ্রেণীর অন্তর্ভুক্ত স্ত্রীলোকদের উপযুক্ত শিল্পে কর্মলাভের সুযোগ দেওয়া হয়, এমনিভাবে তাহাদের দ্বারা পারিবারিক আয়ের পরিপূরণ হয়। একটি গুরুত্বপূর্ণ অতিরিক্ত সুবিধা এই যে, নিজেদের অভিকৃতি অনুযায়ী তাহারা কারখানায় অথবা স্ব স্ব গৃহে কাজ চালাইয়া যাইতে পারে।

তিনটি একক (unit)

আশিফ নগরের দেশলাইয়ের কারখানা এরূপ প্রয়োজনীয় ব্যবস্থাদিসম্বিত যে, তাহা পঁচ শত স্ত্রীলোককে কর্মে

নিযুক্ত করিতে পারে, তন্মধ্যে প্রায় অর্ধেকের কাজের ব্যবস্থা হইতে পারে কারখানায় এবং বাকী অর্ধেকের তাহাদের গৃহে। এই ব্যবস্থার দরুন মূল কারখানায় কাজে লাগানো হইয়াছে প্রায় ৩০০ জন স্ত্রীলোককে, তন্মধ্যে প্রায় ১৮০ জন কাজ করে ফ্যাক্টরিতে। আশিফ নগরস্থ মূল ফ্যাক্টরি ছাড়া শিল্প সমবায় সমিতির (Industrial Co-operative Society) দুইটি শাখা একক প্রতিষ্ঠিত হইয়াছে চঞ্চলগুড়া এবং গোল-কুণ্ডায়—প্রথমোক্তটি ১৯৫৬ সনের মে মাসে এবং শেষোক্তটি ঐ বৎসরেরই জুলাই মাসে। ইহা আশা করা যায় যে, তিনটি ইউনিট একত্রে ১৫০০ স্ত্রীলোকের নিয়মিত কর্ম-নিয়োগের ব্যবস্থা করিতে সক্ষম হইবে এবং দৈনিক ১৫০০ গ্রোস দেশলাইয়ের বাক্স তৈরী হইবে।

১৯৫৫ সনের আগষ্ট মাসে রেজিষ্ট্রীকৃত আশিফ নগর-স্থিত “ম্যাচ ইণ্ডাস্ট্রিয়াল কো-অপারেটিভ সোসাইটির উদ্বোধন হয় কেন্দ্রীয় সরকারের স্বরাষ্ট্রসচিব শ্রীগোবিন্দবল্লভ পল্ল কর্তৃক। এই পরিকল্পনাধীনে আসিতে প্রস্তুত পরিবারসমূহ সম্পর্কে প্রাথমিক তথ্যানুসন্ধান এবং অন্যান্য তদন্তকার্য পরিচালিত হয়, হায়দরাবাদ রাজ্য সমাজ-কল্যাণ উপদেষ্টা পর্ষদ কর্তৃক এই উদ্দেশ্যে গঠিত একটি ‘এড্ হক’ কমিটির দ্বারা। যে চারি শত পঞ্চাশ জন স্ত্রীলোক সমিতির সদস্য-শ্রেণীভুক্ত হইয়াছে তাহাদের মধ্যে আছে প্রাক্তন সরকারী কর্মচারীদের উপর নির্ভরপরায়ণা নারী, যাহাদের মজবদারী লোপ পাইয়া গিয়াছে সেই সকল মজবদারদের পরিবারের স্ত্রীলোক এবং কেরাণী, শিক্ষক ও অনুরূপ অন্যান্য সরকারী চাকুরিয়াদের মত নিম্নতর আয়কারী কর্মচারীগোষ্ঠীসমূহের অন্তর্ভুক্ত স্ত্রীলোকগণ। দেশলাই নির্মাণের বিভিন্ন প্রণালী সম্পর্কে প্রায় তিনমাস কাল প্রাথমিক শিক্ষাদানের পর স্ত্রীলোকদের লাগাইয়া দেওয়া হয় দেশলাই উৎপাদন-কার্যে।

উৎপাদন বাড়তির পথে

মূল ফ্যাক্টরি দেশলাইয়ের বাক্সের বাণিজ্যিক উৎপাদন শুরু করে ১৯৫৫ সনের ১৮ই ডিসেম্বর। সেই সময় হইতেই উৎপাদন ক্রমশঃ বাড়িয়া চলিয়াছে। বর্তমান উৎপাদনের হার হইতেছে—দৈনিক প্রায় দুই শত গ্রোস দেশলাইয়ের বাক্স। দেশলাইয়ের বাক্স বিক্রয়ের ভার অর্পিত হইয়াছে একটি প্রভাবশালী সেলিং এজেন্ট বা বিক্রয়কারী সংস্থার উপর এবং বিক্রয় ক্রমশঃ বাড়তির পথে। যে দিবস হইতে ফ্যাক্টরি

উৎপাদন-কার্যে ব্রতী হয় সেই দিন হইতে ১৯৫৬ সনের মে মাসের শেষ পর্যন্ত মজুরি রূপে কর্ম্মীদিগকে ৮,৮৬২ টাকা এবং শিক্ষার্থীদিগকে বৃত্তি হিসাবে ১৪,০০০ টাকা দেওয়া হইয়াছে। দেশলাই প্রস্তুতির বিভিন্ন প্রণালীর জ্ঞান ভিন্ন ভিন্ন মজুরির হার নিরূপিত আছে। এক গ্রোস দেশলাইয়ের বাক্সের লেবেল লাগানোর জন্য কর্ম্মীরা দৈনিক তিন পয়সা করিয়া পায়—অন্যবিধ কর্ম্মের জন্য প্রত্যহ দেড় টাকা পর্যন্ত উপার্জিত হইয়া থাকে।

কেন্দ্রীয় সমাজ-কল্যাণ পর্ষদের নাগরিক কল্যাণ পরিকল্পনা অনুযায়ী এ পর্যন্ত প্রতিষ্ঠিত চারিটি দেশলাইয়ের কারখানা

—সেই সকল অনুরূপ প্রোজেক্টসমূহের অগ্রণী, পর্ষদের প্রতিভূত্রে যেগুলি প্রতিষ্ঠিত হইবে অন্যান্য রাজ্যে। এগুলি শিল্প-বাণিজ্য মন্ত্রণালয়ের সাহায্যপ্রাপ্ত শিল্পসংক্রান্ত সমবায় প্রতিষ্ঠান। ইহার অধীনে হয় দেশলাই নতুন মন্ত্রণালয় কর্তৃক অনুমোদিত একটি তালিকা হইতে নির্বাচিত অন্যান্য কোন কোন দ্রব্য উৎপাদক ক্ষুদ্রায়তন শিল্পের প্রতিষ্ঠা হইবে। এই সকল প্রোজেক্টের প্রস্তাব বিভিন্ন রাজ্য সমাজ-কল্যাণ উপদেষ্টা পর্ষদের সক্রিয় বিবেচনাধীন আছে।

ভারতে নারীজীবনের নূতন গুরুত্ব

শ্রীদুর্গাবাদি দেশমুখ

ধরের জ্ঞান প্রবাসীর মনে যে ধরনের অনুভূতি জাগে, শৈশবের কথা স্মরণ করিলে হয়ত সর্বদাই সে ধরনের অনুভূতিই জাগ্রত হয়। এ এমন একটি অনুভূতি যাহা আমাদেরই একটা কিছু অথচ যেন আমাদের নয়। একটা পৃথক ধরনের সত্তা অথচ যে অনিবার্যভাবে ইহার অনুসরণ করিয়াছে তাহার সহিত বিচ্ছিন্ন। কিন্তু আমার কাছে এবং আমার সমসাময়িক কালে বর্তমান শতকের প্রথম দশকে যাহারা জন্মিয়াছে তাহাদের নিকট ইহা প্রতীয়মান হয় যে, যে শৈশবকে আমরা জানিতাম তাহা যেন এই জীবিতকালের নহে, অথচ কোন জীবনের এবং এই স্বল্পপরিমিত কালের মধ্যে আমরা একটি নয়, কিন্তু অনেক-গুলি জীবন যাপন করিয়াছি।

ভারতে আমাদের জাতীয় জীবনের এই বিকাশের কালে একটি মধ্যবিত্ত পরিবারে জন্মগ্রহণ করা ছিল এমন একটি নিরাপদ ক্ষুদ্র সংসারে জন্মানো যেখানে নারীর স্থান ছিল চিরাচরিত প্রথা দ্বারা নির্দিষ্ট এবং ধর্ম্মীয় সংস্কার দ্বারা পবিত্রীকৃত। যে শিশু মেয়ে হইয়া জন্মাইত, বর্তমান জীবন-ধারার গুরু চাপ কদাচিৎ তাহাকে স্পর্শ করিত; কাজেই, কপাল ভাল হইলে তাহাকে লেখাপড়া শিখানো হইত। এতদ্ব্যতীত তাহাকে পরিবারস্থ পুরুষদের—পিতা এবং ভ্রাতাদের পরিচর্যা করিতে হইত, সহায়তা করিতে হইত ধর-গৃহস্থালির কাজে এবং সেই অতি দ্রুত আগমনশীল দিনটির জ্ঞান নিজেই তৈরি করিতে হইত যখন পিতামাতার

স্নেহনীড় পরিত্যাগ করিয়া তাহাকে যাত্রা করিতে হইত দীর্ঘ ব্যবধানে অবস্থিত পতিগৃহে। ঐরূপ সমাজে অত্যন্ত প্রগতিশীল এবং আধুনিক ভাবাপন্ন পরিবারে জাত মেয়েই শুধু বিশ্ববিদ্যালয়ের শিক্ষালাভের আশা করিতে পারিত—এ ধরনের মেয়ে ছিল আরও বিরল যারা নিজ নিজ পছন্দসই কোন রাত্ত অবলম্বনপূর্ব্বক জীবিকা অর্জনের অনুমতিলাভের প্রত্যাশা করিতে পারিত। কোন অনুঢ়া কণ্ঠার উপার্জিত অর্থ লওয়া পাপ বলিয়া বিবেচিত হইত; কোন তরুণী পত্নী উপার্জন করিতেছে এই ধারণা স্বামীর উপার্জন-ক্ষমতার অথবা তাহার উভয়েই যে যৌথ পরিবারের অন্তর্ভুক্ত তাহার আর্থিক সম্ভলতার উপর কলঙ্কস্বরূপ বলিয়া বিবেচিত হইত।

ইহা হইতেছে অবশ্য একটি সাধারণ চিত্র। উনবিংশ শতাব্দীতেই পণ্ডিতা রমাবাদ্যের মত অগ্রণী সমাজকর্ম্মী, তরু দস্তের মত শ্রেষ্ঠ সৃজন-শিল্পী (creative artist) এবং পরবর্ত্তীকালে আমাদের অবিস্মরণীয় সর্বোচ্চিনী নাইডুর মত মহীয়সী মহিলারা আবিভূত হইলেন—বহিরাবরণের ঠিক নিয়ন্ত্রণেই যে শক্তি নিহিত ছিল তা প্রদর্শন করিবার জ্ঞান। কিন্তু যে সাধারণ পরিবারে আমার এবং আমার মত অগণিত মেয়ের জন্ম হইয়াছিল সেগুলিতে এই সকল ছিল সুহৃৎ ও সুদূরের জিনিষ।

কিন্তু যেমন যেমন বৎসর গড়াইয়া চলিল এবং বালিকারা পরিণত হইল তরুণী বধূতে তেমনি নূতন ভাবাদর্শের

সংঘাতে প্রকল্পিত হইয়া উঠিল আমাদের মাতৃভূমির সনাতন ভিত্তিভূমি। ভারতের স্বাধীনতা-সংগ্রাম—ছেলে এবং মেয়ে যাহারাই ইহার কথা শুনি তাহাদের সকলকেই করিয়া তুলিল অল্পপ্রাণিত। নারী এবং মেয়েদের মধ্যে আসিয়া পড়িল মহাত্মা গান্ধীর আলোক-বিকিরণকারী প্রভাব। পৃথিবীতে এমন লোক খুব কমই আছে যাহারা বাপের অথবা 'পিতা'র—তাঁহাকে যাহা বলিয় আমরা ডাকিতাম—কথা শুনে নাই—অথবা ভারতের সঙ্গে জড়িত করে না তাঁহার নামকে। কিন্তু রাজনৈতিক ক্ষেত্রে নয়, কিংবা আধ্যাত্মিক ক্ষেত্রেও নয়, সামাজিক ক্ষেত্রে তাঁর উক্তিসমূহের নির্গলিতার্থ কি কয় জন তাহা জানেন, কয় জন একথা অবগত আছেন যে, তাঁহার কৃত ন্যূনতম কাজ এবং সামান্যতম উক্তিও প্রতি-ক্ষণিত হইত ভারতের চতুর্দিকে এবং তার প্রতিক্রিয়া পরি-লক্ষিত হইত আমাদের প্রাত্যহিক জীবনে। ভারতের নারীদের প্রতি ছিল তাঁহার মনোভী ও অবিদ্যমানী শ্রদ্ধা এবং আমাদের যাবতীয় সমস্যা উপলক্ষি করিতেন। জীবনের সকল ক্ষেত্রে আমাদের জ্ঞান সমান অধিকার ছিল তাঁহার কাম্য—ইহার চেয়ে ন্যূনতর কিছু তিনি চান নাই। তাঁহার নিকট যাহারা আসিত তাহাদের সকলেরই সহিত তাঁহার স্নেহপূর্ণ অকপট আচরণে যে সরলতা প্রদর্শিত হইত তাহাতে অবিচার অথবা ছলচাতুরীর স্থান ছিল না। সর্বোপরি তিনি ছিলেন সত্যের সেবক। তাঁর সর্বাধিক পরিচিত পুস্তকের নাম—“My Experiments with Truth” বা সত্যের সহিত আমার পরীক্ষা। তাঁহার কৃত উক্তি এবং বাক্যাংশ আমার মনে উদ্ভিত হয়—“এমন ভারতের জন্ম আমি কাজ করিতেছি সেখানে দরিদ্রতম ব্যক্তিরও অল্পভব করিবে যে, ইহা তাহাদেরই দেশ, যাহার গঠনে তাহাদের কথাও হইবে কার্যকরী...নারীরা যেখানে ভোগ করিবে পুরুষদেরই মত সমান অধিকার—ইহাই আমার স্বপ্নের ভারত।”

ভারতের নারীজাতির উপর কেবলমাত্র মুষ্টিমেয় বে কয় জন নারী সেই সময়ের মধ্যে শিক্ষিকা অথবা চিকিৎসক হইয়াছিলেন তাঁহাদের উপর নয়, কিন্তু গ্রাম্য নারীদের এবং মধ্যবিত্ত শ্রেণীর মেয়ে ও গৃহিনীদের উপর গান্ধীজীর এই আস্থা ছিল বলিয়া নারীসমাজ রক্ষণশীল পরিবারের সক্ষীর্ণ মানসিক গণ্ডী ছাড়িয়া বাহিরের প্রশস্ততর জগতে পৌঁছিতে উৎসাহিত হইয়াছিল। এই সুযোগ আসিয়াছিল রাজনৈতিক আন্দোলনের সময় যখন নারীদিগকে সভা এবং সম্মেলনের ব্যবস্থা করিতে হইত, পরিবারের উপার্জনশীল লোক জেলে গেলে পর প্রায়শঃই যখন তাহাদিগকে পারিবারিক কাজকর্ম চালাইয়া যাইতে হইত এবং নিজেদের ভবিষ্যতের

প্রতি অনপনের আস্থাসঞ্জাত সাহসবশতঃ মাঝে মাঝে যখন তাহাদিগকে কারাগারে পর্যন্ত পুরুষজাতির অনুগামিনী হইতে হইত।

যদিও কিছুসংখ্যক এমন স্ত্রীলোকও ছিল—আমার মত সৌভাগ্যের অধিকারিণী যাহাদের বলা চলে না, রক্ষণশীল সামাজিক অনুশাসনে তাহাদের বাহিরে আসা ছিল বারণ, এমনকি তাহাদের রাখা হইত পর্দার আড়ালে। তৎসত্ত্বেও অন্যান্য স্ত্রীলোকেরা যে বাহিরে আসার একটি পথ খুঁজিয়া পাইয়াছিল এই বিষয়টি তাহাদের মনোবলের উপর বৈদ্যুতিক প্রভাব বিস্তার করিয়াছিল।

কর্মে নিযুক্ত নারীদের অবস্থা

আমরা কিন্তু যখন আজকের দিনে দেশে নারীদের কর্মে নিয়োগের সামগ্রিক অবস্থা সংক্ষেপে চিন্তা করি তখন ব্যথিতে পারি স্বাধীনতাপ্রাপ্তির পর হইতে কি বিপুল দীর্ঘ পদ-ক্ষেপে আমরা অগ্রসর হইয়াছি। ১৯৪৭ খ্রীষ্টাব্দে কেন্দ্রীয় সরকারের কাজে নারীদের সংখ্যা ছিল মাত্র কয়েক শ'র বেশী নয়, এখন হিসাব করিয়া দেখা গিয়াছে যে, একমাত্র কেন্দ্রীয় সরকার কর্তৃকই কুড়ি হাজারের অধিক স্ত্রীলোক কর্মে নিযুক্ত হইয়াছে। ১৯৫১ সনের গত আদমশুমারি হইতে প্রকটিত হইয়াছে যে, ভারতের পঞ্চাশ লক্ষ স্ত্রীলোক স্বাবলম্বিনী, তন্মধ্যে উৎপাদন-শিল্পে নিযুক্ত আছে আট লক্ষ এবং বাণিজ্য বিভাগে পাঁচ লক্ষ।


সরকারী কর্মে নিয়োগের সংখ্যা বিশ্লেষণ করিয়া দেখা গিয়াছে যে, রেলওয়ে মন্ত্রণালয়ে কর্মে নিযুক্ত আছে ৮,৮০০ স্ত্রীলোক, প্রতিরক্ষা মন্ত্রণালয় অধিকার করিয়াছে দ্বিতীয় স্থান—ইহাতে নারীকর্মীর সংখ্যা ৩০০০, উৎপাদন মন্ত্রণালয় তৃতীয় স্থানের অধিকারী—ইহাতে নারীকর্মীর সংখ্যা ১০৭২। বহির্বিষয়ক মন্ত্রণালয় (The External Affairs Ministry) স্থান দিয়াছে ৭০১ জন স্ত্রীলোককে। প্রায় ত্রিশ জন স্ত্রীলোক সেক্রেটারিয়েটে উচ্চতম বেতনের পদে বহাল আছেন—প্ল্যানিং কমিশনে গবেষক কর্মীরূপে এবং অল ইণ্ডিয়া রেডিও সার্ভিসে ও ভারতীয় প্রশাসক সার্ভিসেও (Indian Administrative Service) নারীরা কাজ করিতেছেন।

এই পটভূমিকায়ই আমাদের কাছে ভারতীয় শিল্পসজ্জাত এবং সকল শ্রেণীর নারীদের জীবনচর্যায় ইহার তাৎপর্য কি তাহা উপলক্ষি করিতে হইবে।

(আগামী বারে সমাপ্য)

দেখুন! মাত্র অর্ধেক

সানলাইট সাবাইনই



এত সব জামাকাপড়

কাটা যায়!




সানলাইটের ফেণার আধিক্যই এর কারন !

ফেণার আধিক্যের দরুনই সানলাইট সাবাইন এত ক্রিয়ালীল। আপনি দেখে অবাক হয়ে যাবেন যে মাত্র অর্ধেকটী সানলাইটে কতগুলি জামাকাপড় কাটা যায়!

সানলাইটের এই অতিরিক্ত ফেণার দরুনই প্রতিটি ময়লার কণা ছর হয়ে যায়—জামাকাপড় হয়ে ওঠে আশ্চর্যকরম সাদা এবং উজ্জ্বল!

সানলাইটের ফেণার আধিক্যের দরুনই জামাকাপড় বিনা আছাড়ে পরিষ্কার হয়। তার মানে আপনার জামাকাপড় টেকে আরও অনেক বেশী দিন।



ভারতে প্রস্তুত

সানলাইট জামাকাপড়কে সাদা ও উজ্জ্বল করে

শ্রীকৃষ্ণ ও গীতা

শ্রীশৈলেন্দ্রনাথ সিংহ

সম্প্রতি প্রবাসীতে (ভংঙ্গ, ১৩৬৩) শ্রীমদ্ভগবদগীতার একটি পাঠাস্তর আলোচিত হইয়াছে।

প্রাচীন গ্রন্থের, বিশেষ করিয়া সংস্কৃত গ্রন্থের, পাঠাস্তর আছে এবং মূল গ্রন্থের সহিত সংযোজনও আছে। থাকিবাই কথা। যেকালে গ্রন্থ মুখে মুখে চলিত, সে কালে পরিবর্তন ও সংযোজন বেশী হইত। ক্রমে লিপি আসিল। রচনা লিপিবদ্ধ হইলেও পরিবর্তন চলিতে থাকিল। একখানি হাতে-লেখা পুথি হইতে আর একখানি পুথি লিখিয়া লইবার সময় কিছু অজ্ঞাতসারে, কিছু লেখকের ইচ্ছায় পরিবর্তন ঘটে। সংস্কৃত ভাষা সম্বন্ধে আরও মনে রাখিতে হইবে, এই ভাষার কোন নিজস্ব লিপি নাই। বাংলা, উড়িয়া, হিন্দী, মরাঠা, তামিল, তেলুগু প্রভৃতি ভাষার গ্রন্থ উহাদের নিজ নিজ লিপিতে লিখিত হইত, এজন্য হয়। সংস্কৃতের বেলায় উহা বাংলা দেশে বাংলা অক্ষরে, উড়িয়ায় উড়িয়া অক্ষরে, গুজরাটে গুজরাটী অক্ষরে লিখিত হইত। এ কারণ এক লিপির পুথি হইতে আর এক লিপির পুথি প্রথম-কালে মূল গ্রন্থের কিছু কিছু ইতরবিশেষ হইত। এখনও দেখা যায়, প্রাচীন পুথির পাঠোদ্ধার-কালে যথেষ্ট সতর্কতা অবলম্বন করিয়াও স্থানে স্থানে সন্দেহ থাকিয়া যায়। কারণ—একই ভাষার লিপির পূর্বে যে রূপ ছিল এখন তাহার পরিবর্তন ঘটিয়াছে। বর্তমানে প্রায়শঃ সংস্কৃত গ্রন্থ দেবনাগরী অক্ষরে ছাপা হয়—উহা অত্যন্ত আধুনিক রীতি। ভারতবর্ষের বিভিন্ন প্রদেশে প্রাপ্ত বিভিন্ন লিপিতে লিখিত গীতার প্রাচীন পুথি মিলাইয়া দেখিতে পারিলে হয় ত আলোচ্য শ্লোকের আদি শব্দটির সন্ধান পাওয়া যাইতে পারিত। গীতার যে সকল ভাষা পাওয়া যায় তাহার মধ্যে শঙ্করাচার্য্যের ভাষাই প্রাচীনতম। ইহাতে 'তদাত্মানং' পাঠই গৃহীত হইয়াছে। শঙ্করের পূর্বেও গীতার উপর ভাষা রচিত হইয়াছিল, তাহার উল্লেখ পাওয়া যায়, কিন্তু ঐ ভাষা আর এখন পাওয়া যায় না।

গীতার শ্রীকৃষ্ণ নিজেকে অংশাবতার অথবা পূর্ণ অবতার ঘোষণা করিয়াছেন, ইহা কোনও শ্লোকের একটি শব্দের পাঠাস্তর হইতে নির্ণয় করা যায় না। সমগ্র গীতার আলোচনা করিয়াই তবে উহা বলা যাইতে পারে। তাহাও সমস্তাসঙ্কল। কেননা পরবর্তী কালে হয় ত ঐ ধারা রক্ষা করিবার জন্ত আরও শ্লোক উহাতে যুক্ত হইয়াছে।

গীতার আধুনিক কলেবর আর কিছু না হইলেও পাণিনীর পূর্কের। কেননা ইহাতে অপাণিনীর (আর্ষ) শব্দের প্রয়োগ প্রচুর পরিমাণে রহিয়াছে। পাণিনীর সময় খ্রীষ্ট-পূর্ব পঞ্চম শতাব্দী

ধরা হয়। এত প্রাচীন গ্রন্থের মূল রূপ কি ছিল তাহা নিশ্চয় করিয়া জানা সম্ভব নহে। ইহা অতি সাধারণ যুক্তির কথা। একমাত্র ঋগ্বেদ এই যুক্তির ব্যতিক্রম—যাহার মূল রূপের কোনও পরিবর্তন হয় নাই।

শাস্ত্রমতে গীতা মহাভারতের অন্তর্গত। মহাভারতে পাইতেছি, গীতার শ্রীকৃষ্ণ ৬২০টি শ্লোক বলিয়াছেন, অর্জুন বলিয়াছেন ৫৭টি, সমগ্র ৬৭ এবং ধৃতরাষ্ট্র ১। মোট—৭৪৫।

যটশতানি সবিংশানি শ্লোকানাং প্রাহ কেশবঃ।

অর্জুনঃ সপ্তপঞ্চাশং সপ্তষষ্টিং চ সমগ্রয়ঃ।

ধৃতরাষ্ট্রঃ শ্লোকমেকং গীতায়ঃ মানমুচ্যতে। (ভীষ্মপর্ব)

প্রচলিত গীতার শ্লোকসংখ্যা ৭০০। ইহার মধ্যে শ্রীকৃষ্ণের উক্তি ৫৭৫, অর্জুনের ৮৪, সমগ্রের ৪০ এবং ধৃতরাষ্ট্রের ১। শঙ্করাচার্য্য হইতে সকল ভাষাকার, টীকাকার, ব্যাখ্যাকারগণ ৭০০ শ্লোকের উপরেই তাঁহাদের ভাষা, টীকা ও ব্যাখ্যা রচনা করিয়াছেন।

এককালে গীতার শ্লোকসংখ্যা যে সাত শতের অধিক ছিল তাহার ঐতিহাসিক সমর্থনও পাইতেছি। আলবেরুনি নিজে সংস্কৃতবিদ ছিলেন। তিনি তাঁহার গ্রন্থে বলিয়াছেন, গীতার শ্লোকসংখ্যা সাত শতের অধিক। যে সকল শ্লোক তিনি তাঁহার পুস্তকে উদ্ধৃত করিয়াছেন তাহা প্রচলিত গীতার নাই। আবুল ফজল ও তাঁহার ভ্রাতা ফৈজী-কৃত গীতার দুইটি ফার্সী অনুবাদ আছে। এই দুই গীতার একটিতে আছে—“সত্রাতের আদেশে গীতার ৭৪০ শ্লোকের ফার্সী অনুবাদ সমাপ্ত হইল।”

অভিনবগুপ্তের টীকা-সম্বলিত গীতা, গীতার কাশ্মীরী সংস্করণ। উহার শ্লোকসংখ্যা ৭৪৫। ৭৪৫ শ্লোকের গীতা ভারতবর্ষের অগ্রাগ্র প্রদেশেও প্রচলিত। দক্ষিণ ভারতে ঐ গীতার প্রচলন নাই।

গীতা যে মহাভারতের অন্তর্গত, সেই মহাভারতই অনেক পরিবর্তিত হইয়া আমাদের নিকট পৌঁছিয়াছে। ব্যাস মহাভারত রচনা করিয়া পুত্র শুকদেবকে উহা অধ্যয়ন করান। পরে উহা তাঁহার শিষ্যদিগের মধ্যে বিতরিত হয়। ইহার বহুদিন পরে মহারাজা জয়সিংহের সর্পসঙ্গে ব্যাসশিষ্য বৈশম্পায়ন উহা কীর্তন করেন—লোমহর্ষণপুত্র উগ্রশ্রবাঃ যজ্ঞস্থলে উপস্থিত ছিলেন। তিনি যাহা শুনিলেন তাহা আবার বহুদিন পরে শৌনক ঋষির দ্বাদশ বার্ষিকী যজ্ঞে, যজ্ঞকর্মের বিরামকালে উপস্থিত ঋষিগণলীকে শুনাইতেন। এই সময় হইতে লোকসাধারণের মধ্যে মহাভারত প্রচারিত হইল।

গীতা মহাভারতের অন্তর্গত হইয়াও বহুদিন হইতে ইহা স্বতন্ত্র

এধরূপে চলিতেছে। ইহা ব্যাসের রচনা, অথবা কুরু-পাণ্ডবের যুদ্ধ আরম্ভ হইবার পূর্বকালে অর্জুন ও শ্রীকৃষ্ণের মধ্যে যে কথোপকথন হইয়াছিল তাহাই যথাযথ ঐতিহ্য হইয়াছে? প্রাচীন উক্তি আছে—

পার্থায় প্রতিবোধিতাং ভগবতা নারায়ণেন স্বয়ম্ ।

ব্যাসেন ঐতিহ্যং পুরাণ মুনিনা মধো মহাভারতম্ ।

অর্থাৎ, গীতা স্বয়ং ভগবান নারায়ণের দ্বারা (অর্জুনকে) উপদিষ্ট ও প্রাচীন মুনি ব্যাস কর্তৃক মহাভারত মধ্যে ঐতিহ্য (বা রচিত)।

বর্ণক্ষেত্রে শ্রীকৃষ্ণ ও অর্জুনের মধ্যে যে কথোপকথন হইয়াছিল তাহা শুনিয়াছিলেন ব্যাস, তাঁহার দিব্যদৃষ্টি (ও দিব্যশ্রুতি)-বলে, আর শুনিয়াছিলেন সঞ্জয় ব্যাসের কৃপায় দিব্যদৃষ্টি লাভ করিয়া।

সঞ্জয়ের নিকট হইতে শুনিয়াছিলেন অন্ধ মহারাজ ধৃতরাষ্ট্র। জনসাধারণ পাইতেছে উগ্রশব্দঃর মুখ হইতে মহাভারত কীর্তনকালে।

গীতার, তথা মহাভারতের শ্রীকৃষ্ণ স্বয়ং ভগবান, অংশ-ভগবান অথবা একজন মহামানব? দেখা যাইতেছে শ্রীকৃষ্ণের অস্তরঙ্গ সখা অর্জুনও বিশ্বরূপ দর্শনের পূর্বে পর্য্যন্ত তাঁহাকে ভগবান বলিয়া জানিতেন না। বিশ্বরূপ দর্শনের পরে জানিতে পারিয়া বলিলেন :

সখেতি মত্বা প্রসভং যদুস্তং

হে কৃষ্ণ হে যাদব হে সখেতি ।

অজানতা মহিমানং তবেদং

ময়া প্রমাদাৎ প্রণয়েন বাপি ।

যচ্চাবহাসার্থমসংকুতোহসি

বিহারশব্যাসনভোজনেষু ।

একোহধব্যাপ্যচ্যুত তৎসমক্ষং

তৎ কাময়ে তামহমপ্রমেয়ম্ ॥ ১১।৪১-৪২

সখা ভাবিয়া প্রমাদ বা প্রণয়বশতঃ অবিনয়ে কখনও কৃষ্ণ, কখনও যাদব, কখনও সখা বলিয়া যে সম্বোধন করিয়াছি তাহা তোমার মহিমা জানিতাম না বলিয়াই।

হে অচ্যুত, একসঙ্গে ভ্রমণ, শয়ন, উপবেশন ও ভোজনাদি কালে পরোক্ষে বা প্রত্যক্ষে পরিহাসচ্ছলে তোমার যে মৰ্যাদা লঙ্ঘন করিয়াছি তাহার জ্ঞান হে অপ্রমেয়, তোমার নিকট ক্ষমা চাহিতেছি।

মানুষ মনে করিয়া ভুল করিয়াছেন বলিয়াই ক্ষমা চাহিতেছেন। মতেঃ স্বয়ং ভগবান বলিয়া জানিতে পারিলে তাঁহার সহিত অর্জুন ঐরূপ ব্যবহার করিতেন না।

অর্জুন শ্রীকৃষ্ণকে মনুষ্যরূপেই দেখিতেন। তথাপি পাইতেছি, তিনি বিশ্বরূপ দেখিয়া আনন্দিত হইয়াছেন, ভয়ও পাইয়াছেন (১১।৪৫)। বলিতেছেন, “তদেব মে দর্শয় দেবরূপম্”—আমাকে সেই পূর্বরূপ দেখাও। সেই পূর্বরূপ অর্থাৎ—

কিরীটিনং গদিনং চক্রহস্ত

মিচ্ছামি স্বাং ব্রষ্ট মহং তর্ধৈব ।

তেনৈব রূপেণ চতুর্ভুজেন

সহস্রবাহো ভব বিশ্বমূর্ত্তে ॥ ১১।৪৬

তোমার সেই কিরীটা—গদা ও চক্রধারী রূপ দেখিতে ইচ্ছা করি। হে সহস্রবাহো, হে বিশ্বমূর্ত্তে, তুমি তোমার সেই চতুর্ভুজ রূপ ধারণ কর।

পরবর্তী ৫১ শ্লোকেও অর্জুন বলিতেছেন—

দৃষ্টেদং মানুস্যং রূপং তব সৌম্যং জনার্দন ।

ইদানীমস্মি সংবৃত্ত সচেতনঃ প্রকৃতিং গতঃ ।

হে জনার্দন, তোমার সেই সৌম্য মনুষ্যরূপ দেখিয়া এক্ষণে আমি চেতনা ফিরিয়া পাইলাম ও প্রকৃতির হস্তীসাম।

মনুষ্যরূপ অথচ কিরীটা-গদা-চক্রধারী চতুর্ভুজ ইহার অর্থসম্পাত হয় না। শ্রীধর স্বামী ও মধুসূদন সরস্বতী বলেন, অর্জুন শ্রীকৃষ্ণকে সর্বদা চতুর্ভুজরূপে দেখিতেন। মনুষ্যরূপে বশুদেবপুত্র শ্রীকৃষ্ণ দ্বিভুজ—চতুর্ভুজ কোথাও পাওয়া যায় না।

শ্রীকৃষ্ণের উক্তি হইতে তাঁহার যে পরিচয় পাওয়া যায় তাহাতে তিনি পূর্ণাবতারও নহেন, অংশাবতারও নহেন—স্বয়ং ভগবান (নরদেহে অবতীর্ণ)। শাস্ত্রোক্ত তাঁহার জ্যেষ্ঠ ভ্রাতা বলরাম অষ্টম অবতার—শ্রীকৃষ্ণ অবতার নহেন।

যদা যদা হি ধর্মশ্চ গ্রানির্ভবতি ভারত ।

অভ্যুত্থানমধর্মশ্চ তদাত্মানং সৃজামাহম্ ।

পরিভ্রাণায় সাধুনাং বিনাশায় চ দুষ্কৃতাম্ ।

ধর্মসংস্থানার্থায় সন্ত্বামি যুগে যুগে ॥

ইহার অর্থ যদি এই হয় যে, যুগে যুগে যখনই ধর্মের গ্রানি উপস্থিত হয় তখনই ভগবান জন্মগ্রহণ করিয়া সাধুদিগের পরিভ্রাণের জ্ঞান যাঁহারা দুষ্কৃতকারী তাহাদিগকে বধ করেন—যাহাতে ধর্মরাজ্যের প্রতিষ্ঠা হয়, তাহা হইলে ঐ অর্থ নিতান্তই আক্ষরিক অর্থ হইবে। সমাজে, রাষ্ট্রে ও ধর্মে যুগে যুগে বিশৃঙ্খলা দেখা দিয়াছে এবং যুগপ্রবর্তকেরা তাহার বিরুদ্ধে সংগ্রাম করিয়াছেন—ইহা ত ঐতিহাসিক সত্য। এই সকল যুগপ্রবর্তকদিগকে ঐশ্বরিক সত্তা স্বীকার করিতে আপত্তি কি? গীতারও আছে—

যদ্ যদ্ বিভূতিমৎ শ্রীমদূর্জিতমেব বা ।

তৎ তদেবাবগচ্ছ স্বং মম তেজোহংশসম্ভবম্ ॥ ১০।৪১

যাহা কিছু ঐশ্বর্যযুক্ত, শ্রীমান, প্রভাবান্ বলবান্, তাহা আমারই তেজের অংশ হইতে উৎপন্ন বলিয়া জানিবে।

তদ্ব্যয়ং দিক দিয়া ‘আত্মাংশঃ’ ও ‘আত্মানং’-এর মধ্যে কোনও পার্থক্য নাই—

“পূর্ণস্ত পূর্ণমাদায় পূর্ণমেবাবশিষ্যতে” (বৃহদারণ্যক)

পূর্ণ হইতে পূর্ণ গ্রহণ করিলে পূর্ণই অবশিষ্ট থাকে—ভগবানের অংশও ভগবান। গীতার উপসংহারে সঞ্জয়ের উক্তি পাইতেছি—

ব্যাসপ্রসাদাচ্ছ তবানেতদ্

জ্ঞানমহং পরম্ ।

যোগং যোগেশ্বর্যাৎ কৃষ্ণাৎ

সাক্ষাৎ কথয়তঃ স্বয়ম্ ।

ব্যাসের প্রসাদে (দিব্যচক্ষু লাভ করিয়াছিলেন বলিয়া) এই পরম গুহ্য যোগ যোগেশ্বর স্বয়ং কৃষ্ণের মুখে হইতে প্রত্যক্ষভাবে শুনিলাম ।

পরবর্তী শ্লোকেও আছে “যত্র যোগেশ্বরঃ কৃষ্ণো যত্র পার্থো ধনুধরঃ...” যেখানে যোগেশ্বর কৃষ্ণ রহিয়াছেন এবং ধনুধর পার্থ রহিয়াছেন সেই পক্ষেই যি, বিজয় হইবে । শ্রীকৃষ্ণ ও অর্জুনের কথোপকথন শুনি এবং কৃষ্ণের বিশ্বরূপ দর্শন করিয়াও সঞ্জয় তাঁহাকে ঈশ্বর না বলিয়া যোগেশ্বর বলিতেছেন । এই ‘যোগ’ কি ? গীতার প্রথম এক অধ্যায়ই ‘যোগ’ নামে অভিহিত । বিদ্যায়োগ, সাংখ্যযোগ, কর্মেযোগ ইত্যাদি । এবং ‘যোগ’ কথাটি গীতায় বহু স্থানে প্রযুক্ত হইয়াছে—কোথাও মুখ্য অর্থে, কোথাও গৌণ অর্থে । ‘যোগেশ্বর’ অর্থ পরম যোগী বা যোগসমূহের প্রভু ধরিলে মনে হয় অর্জুনের দ্বারা সঞ্জয়ও কৃষ্ণকে মানুষ মনে করিতেন ।

ভারত-দর্শন-সার গীতা এমনই একখানি গ্রন্থ যে, উহার বক্তা শ্রীকৃষ্ণ পূর্ণাবতার, অংশাবতার অথবা মহামানব হউন তাহাতে গীতার তত্ত্বগত মূল্যের হ্রাস-বৃদ্ধি হয় না । তবে কেহ হয়ত বলিতে পারেন ইহা যদি ভগবানের নিজের মুখের কথাই না হইল তবে সে গীতার মূল্য কি ? ইহা ভক্তের কথা হইতে পারে, যুক্তির কথা নহে ।

গীতার ভক্তি-ধর্ম অতীব উদার ।

“যে যথা মাং প্রপত্তস্তে তাস্তুধৈব ভজাম্যহম্”—যে যে-ভাবে আমাকে উপাসনা করে, আমি সেই ভাবেই তাহাকে অনুগৃহীত করি । “যেংপাত্তদেবতা ভক্তা যজন্তে শ্রদ্ধয়াহম্বিতাঃ । তেহপি মামেব কোশ্চেষু যজন্তুবিধির্পূর্বকম্ । (৯।২৩)—যাঁহারা শ্রদ্ধার সহিত ও ভক্তিভাবে অণু দেবতার পূজা করেন তাঁহারাও আমাকেই পূজা করেন ।

ঈশ্বরের ঈশ্বরত্ব বলিতে কি বুঝায়, শ্রীকৃষ্ণ তাঁহার আত্মপরিচয়ে অর্জুনের নিকট তাহাই ব্যক্ত করিয়াছেন । যাঁহারা আত্মার অবিনশ্বরত্বে ও আত্মার সহিত ভগবানের একত্বে বিশ্বাস করেন তাঁহাদের নিকট তিনি আত্মার স্বরূপ বর্ণনা করিয়াছেন উপনিষদের ব্রহ্মতত্ত্ব ও আত্মতত্ত্ব মতে ।

গীতায় ভক্তি, জ্ঞান ও কর্মের রহস্য সমস্তই বিবৃত হইয়াছে । ইহা কোনও সম্প্রদায়বিশেষের ধর্মগ্রন্থ নহে—একাধারে সকল সম্প্রদায়ের এমনকি সকল চিন্তাধর্মী মানুষের পার্থিব ও পারমার্থিক মঙ্গলের পথনির্দেশক । লৌকিক ও অলৌকিক উভয় উপদেশই অত্যন্ত যুক্তি সহকারে কথিত হইয়াছে এবং এই উভয়ের সমন্বয় করা হইয়াছে—ইহার সাহিত্যিক সৌন্দর্যের কথা না হয় নাই ধরিলাম । কেননা মূল সংস্কৃতে না পড়িলে তাহা সম্পূর্ণরূপে উপভোগ করা যায় না । এ কারণ সম্প্রদায়বিশেষের পুস্তক মনে করিয়া পাঠ করিলে গীতার এক অংশই বোঝা যাইবে । এ পর্য্যন্ত গীতার কোন লৌকিক ব্যাখ্যা স্বতন্ত্রভাবে প্রস্তুত হয় নাই । ইহাতে লৌকিক যুক্তি দিয়া দিয়া লৌকিক বিষয়েরও যথেষ্ট উপদেশ করা

হইয়াছে । হিন্দুরা পার্থিবকে অবহেলা করিয়া পরমার্থেরই সন্ধান করিয়াছেন এরূপ মনে করা ভ্রমাত্মক । “কুর্ষ্মেন্বেহ কর্মানি জিজীবিষেচ্ছতং সমা”—কর্ম করিতে করিতেই ইহলোকে শত বৎসর জীবিত থাকিতে ইচ্ছা করিবে । কর্ম না করিয়া দীর্ঘজীবন লাভ করিবার কোন প্রয়োজন নাই । তবে “ত্যক্তেন ভূঞ্জীথাঃ”, ত্যাগ-বুদ্ধিদ্বারা ভোগ করিবে । কর্মযোগের প্রসঙ্গে অনাসক্ত হইয়া কর্ম করিবার যে উপদেশ আছে তাহা যুক্তির উপরই প্রতিষ্ঠিত । কেবল ‘ইহা করিবে’ এবং ‘উহা করিবে না’ বলিয়া আদেশ প্রদত্ত হয় নাই ।

সর্বনিয়ন্তা সর্বব্যাপী পরম ঈশ্বরের অস্তিত্বে ও অবিনাশী আত্মার অস্তিত্বে সন্দিগ্ধ লোক চিরকালই ছিল, এখনও আছে । কিন্তু তাঁহাদিগকেও নিজ নিজ অস্তিত্ব বজায় রাখিতে কর্ম করিতে হইবে । এই কর্ম-দর্শনের কথা তাঁহাদিগকে গীতায় কর্মযোগের উপদেশ হইতেই সংগ্রহ করিতে হইবে ।

যুক্তি-বিচারের দিক দিয়া গীতার উৎপত্তি সম্বন্ধে বলা চলে যে, বহুকাল হইতে বেদের উক্তি, উপনিষদের আত্মতত্ত্ব ও ব্রহ্মতত্ত্ব, সাংখ্য-পাতঞ্জল বেদান্ত-দর্শন সম্বন্ধে প্রাচীন মনীষিগণের মধ্যে যে চিন্তাধারা চলিতেছিল, ব্যাস তাহারই সমন্বয় করিয়া মহাভারত-মধ্যে গীতা আকারে সন্নিবিষ্ট করিয়াছেন—কুরুপাণ্ডবের যুদ্ধকে পটভূমি করিয়া । ইহা সম্পূর্ণ ব্যাসের রচনা অথবা বহু-প্রচলিত প্রাচীন উক্তির অংশতঃ সংকলন, অংশতঃ সংযোজন, তাহা পণ্ডিতগণের গবেষণার বিষয়—সাধারণের পক্ষে গীতা বুঝিবার সহায়ক বা প্রতিবন্ধক নহে ।

মহাভারতের সহিত গীতার ভাষা ও রচনাশৈলীর সাদৃশ্য দেখিয়া অনেকে মনে করেন উহা ব্যাসের রচনা । শ্রীকৃষ্ণ, অর্জুন, সঞ্জয় প্রভৃতির বাক্য ব্যাস স্বকর্ণে যেমন শুনিয়াছেন ঠিক তেমনই লিপিবদ্ধ করিয়াছেন ইহা কিরূপে সম্ভব হইতে পারে, সাধারণ বুদ্ধিতে তাহা বুঝা যায় না ।

উপনিষদের সময়ে তত্ত্বজ্ঞান ও ব্রহ্ম-জিজ্ঞাসাই প্রধান ছিল । এই জ্ঞান-ধর্মের পরে পুরাণের সময় ভক্তি-ধর্মের প্রাবল্য দেখা দিল নিজ নিজ সম্প্রদায়ের উপাশ্রকে উপলক্ষ করিয়া । কালে ভক্তি-ধর্মের বাহিরের রূপের বিশেষ পরিবর্তন না হইলেও অন্তরের সত্তা ক্ষীণ হইতে থাকে । গীতার ভক্তিবাদেরও এইরূপ পরিণতি ঘটিয়াছে । হিন্দুসাধারণের এক অংশ গীতাকে ফুল-চন্দন-মস্তক সহযোগে পূজা করেন, গীতা নামক গ্রন্থখানিকে ঈশ্বরদেবতা বা বিগ্রহ মনে করেন । গীতার উপদেশকে ধর্মজীবনে সাধনার বিষয় মনে করেন না । গীতার একদিকে যেমন আছে :

অপি চেৎ সূহৃদাচারো ভক্ততে মামনন্ততাক্ ।

সাধুবেব স মন্তব্যঃ সম্যথাবসিতো হি সঃ ।

অথবা


কৌশ্লেয় প্রতিজ্ঞানীহি ন মে ভক্তঃ প্রণশ্চতি ।



**সুস্থ লোকেরা নিয়মিত
লাইফবয় সাবান দিয়ে চান করে**

— প্রত্যেক দৈনন্দিনের ঘয়লা বীজাণু ধুয়ে সাক্ষ করে দেয়!

যে সব সাধারণ ময়লার সংস্পর্শে আমরা প্রত্যহ আসি,
তাতেও বীজাণু থাকে আর তার থেকে রয়েছে আমাদের
প্রত্যেকেরই রোগের বিপদ। সেইজন্মে স্বাস্থ্যবান লোকমাত্রেরই
লাইফবয় সাবান দিয়ে নিত্য ময়লা ও বীজাণু ধুয়ে নিজের স্বাস্থ্য সুরক্ষিত
রাখেন। লাইফবয় সাবান সেই স্বরথরে তাজা ভাব এনে দেয়।



অল্প দিকে ভক্তের সংজ্ঞা ভক্তিব্যোগ (১২৭) অধ্যায়ে কথিত হইয়াছে :

“কাহারও প্রতি যাঁহার বিদ্বেষ নাই, যিনি সকল প্রাণীতে মৈত্রীভাবাপন্ন, করুণাপরায়ণ, মমত্ববুদ্ধিহীন, নিরহঙ্কার, সুখে-দুঃখে যাঁহার সমভাব, যিনি ক্ষমাশীল, সদাসমুদ্র তিহাই আমার প্রিয় ভক্ত ।”

কাজেই প্রকৃত ভক্ত হওয়া হৃদয় সাধনসাপেক্ষ । মাত্র করজোড়ে প্রণাম করিয়া অথবা গীতা নামক পুস্তকখানির উপর পুষ্প-চন্দন প্রদান করিয়া ভক্তিবন্দন লাভ করা যায় না । জ্ঞানের ধর্মই হউক আর ভক্তির ধর্মই হউক সাধনা না থাকিলে উহার প্রাণপ্রতিষ্ঠা হয় না ইহা সহজ কথা ।

সর্বসাধারণের মধ্যে গীতা মূখ্যতঃ হিন্দুদিগের ধর্মগ্রন্থ নামেই পরিচিত । তাহার কারণ ইহাতে অবতারবাদ ও জন্মান্তরবাদের কথা আছে, যাহা মাত্র হিন্দুধর্মেরই বিশেষত্ব । ঐটুকু বাদ দিলেই ইহা সকল ধর্মের, সকল জাতির, এক কথায় সকল চিন্তাধর্মী মানুষেরই কর্ম-জ্ঞান-ভক্তি-দর্শনের গ্রন্থ এবং সাহিত্যের দিক দিয়া সুললিত কাব্য । প্রাচীনোবা সত্যই বলিয়াছেন, “গীতা” সুগীতা কর্তব্য কিমন্যোঃ শাস্ত্রবিস্তারৈঃ” গীতা ভাস করিয়া পাঠ করা কর্তব্য, বিস্তার শাস্ত্রপাঠের প্রয়োজন কি ?

দুঃখের বিষয় বর্তমান সময়ে বহু শিক্ষিত লোকে বলিয়া থাকেন এখনকার জ্ঞান-বিজ্ঞানের যুগে ধর্ম ধর্ম করিবার প্রয়োজন নাই । ঈশ্বর বলিয়া কিছু আছেন কি না, মরিবার পর আত্মা বলিয়া কিছু থাকে কি না তাহাই ত সন্দেহের বিষয় । কিন্তু মানুষকে বাঁচিয়া থাকিবার জন্ত কাজ করিতে হইবে :

“শরীরষাত্রাপি চ তে ন প্রসিধ্যোদকর্মণঃ” (৩.৮)

(হে অর্জুন) কর্ম না করিলে তোমায় শরীরষাত্রাই নির্বাহ হইবে না ।

ন হি কশ্চিৎ ক্রণমপি জাতু তিষ্ঠত্যকর্মকৃতং ।

কার্যতে হাবশঃ কর্ম সর্বঃ প্রকৃতিজৈগু নৈঃ ॥ ৩.৫

কর্ম না করিয়া কেহ ক্রণমাত্রও থাকিতে পারে না । প্রকৃতি-জাত (সত্ত্ব, রজঃ ও তমঃ এই তিন প্রকার) গুণের প্রয়োজন চালিত হইয়া সকলেই কর্ম করিতে বাধ্য হয় । আর এই কর্ম করিতে হইলে কর্ম করিবার কৌশল এবং রহস্যও জানিতে হইবে । এই কর্মদর্শন একমাত্র গীতাতেই সুসংবদ্ধ যুক্তি-সহকারে কথিত হইয়াছে ।

গীতা কেবলমাত্র পণ্ডিত ব্যক্তিদিগের অধ্যয়নের জন্ত রচিত হয় নাই । মহাভারত যেমন সর্বসাধারণের গ্রন্থ, মহাভারতের অন্তর্গত ক্রীমঙ্গবদ্গীতাও তেমনি সর্বসাধারণের জ্ঞান এবং কর্মকে পরম মঙ্গলের পথে চালিত করিবার সুললিত বংশীধ্বনি ।

শুধু ভারতবর্ষের নহে, পৃথিবীর সকল প্রধান প্রধান ভাষায়ই গীতার অনুবাদ হইয়াছে । ভারতীয় চিন্তাধারার সহিত পরিচিত হইবার জন্ত সকলেই এই মাত্র সাত-শত শ্লোকের গীতাখানি

কৌতুহলের বশবর্তী হইয়াও পড়িয়া দেখার প্রয়োজন আছে । জ্ঞানার্জনের জন্ত অধ্যয়ন করিতে পারিলে ত ভালই হয়—“ন হি জ্ঞানেন সদৃশ পবিত্রমিহ বিদ্বতে (৪।৩৮)—জ্ঞানের জ্ঞান পবিত্র এই পৃথিবীতে আর কিছু নাই ।

হিন্দুধর্মে কয়েকটি ‘বাদ’ আছে যাহা প্রত্যক্ষ প্রমাণের অভাবে বাদানুবাদের বিষয় ।

প্রথম—ভগবানের অস্তিত্ব স্বীকার । সকল ধর্মমতেই ঈশ্বর আছেন । তবুও অনেকে আছেন যাঁহারা ঈশ্বর মানেন না । ঋগ্বেদে বহু দেবতার উল্লেখ থাকিলেও ঋষিরা বহুর মধ্যে একের কথাও বলিয়াছেন । উপনিষদ এবং গীতায় এই এক ও অদ্বিতীয় পরমেশ্বরের স্বরূপ বিস্তৃতভাবে কথিত হইয়াছে ।

দ্বিতীয়—আত্মার অস্তিত্ব ও তাহার অবিদ্বন্দ্ব । মৃত্যুর পর মানুষের দেহাতিরিক্ত কিছু থাকে কিনা এ সন্দেহ চিরকালই আছে । গীতায় ও উপনিষদে এই আত্মার সহিত ভগবানের একত্বের কথা উক্ত হইয়াছে । উপনিষদের ‘তত্ত্বমসি’, ‘সর্বং পশ্চিদং ব্রহ্ম’ বীজ, গীতার জ্ঞান-কর্ম-ভক্তির ভূমি গ্রহণ করিয়া পত্র-পুষ্প-ফুলসম্বিত বেদান্তদর্শনের উৎপত্তি হইয়াছে, যাহা ভারতীয় তত্ত্বচিন্তার চরম পরিণতি ।

তৃতীয়—মৃত্যুর পর আত্মার অস্তিত্ব স্বীকৃত হইলে সেই আত্মার অবস্থা মরণান্তর কি হয় ? ঋগ্বেদে আছে পুণ্যকর্মাগণের আত্মা অগ্নির প্রসাদে দিব্যদেহ ধারণ করিয়া পিতৃলোকে গমন করেন । তাঁহারা তখন দেবতাই হইয়া যান । যাঁহারা দুষ্কৃতকারী তাঁহাদের আত্মা কোন গতিপ্রাপ্ত হন তাহার কোন উল্লেখ নাই । কাজেই জন্মান্তরবাদ বেদের কালে সৃষ্ট হয় নাই । উপনিষদে দেখা যায়—মৃত্যুর পর মানবাত্মার গমনমার্গ তিন প্রকার । কৃত কর্মের ভাল-মন্দ অনুসারে আত্মা উন্নত অথবা নিকৃষ্ট জীবের শরীর ধারণ করিয়া পৃথিবীতে জন্মগ্রহণ করেন । অপর কেহ স্বর্গে গিয়া, নানাবিধ স্বর্গীয় সুখ উপভোগ করিয়া পুণ্য ক্ষয় হইলে নিদ্রা কালান্তে, পৃথিবীতে কোনও সং বংশে জন্মগ্রহণ করেন—ইহাই পিতৃসান-মার্গ । আর যাঁহারা ইহলোকে তপস্যা ব্রহ্মচর্য্য শ্রদ্ধা ও জ্ঞান দ্বারা আত্মার অন্বেষণ করেন, তাঁহারা অমৃত, অভয় ও পরমপদ লাভ করেন । তাঁহারা আর পৃথিবীতে কিরিয়া আসেন না—ইহা দেবসান-মার্গ । উপনিষদে পুনর্জন্মবাদ সম্বন্ধে ষতটুকু আছে, গীতার তাহা অপেক্ষা আরও বিস্তৃত ভাবে আছে ।


চতুর্থ—ঈশ্বরের মনুষ্যাদিরূপে অবতার গ্রহণ । বেদে বা উপনিষদে অবতারের কথা নাই । গীতাকে সকল উপনিষদের সার-সংগ্রহ ও ‘অদ্বৈতামৃতবর্ষিণী’ বলা হয় । কাজেই গীতার অবতার-বাদ বেদ ও উপনিষদতিরিক্ত । অবতারবাদ পুরাণের কথা । পুরাণ-সমূহের রচনা মহাভারত রচনার পরবর্তীকালে হইয়াছে ধরিলে, স্বীকার করিতে হয় যে, মহাভারতের অন্তর্গত মূল গীতার সহিত অবতারের কথা উহাতে পরবর্তীকালে ক্রমে ক্রমে সংযোজিত হইয়া

হার অস্বীকৃত হইয়াছে, এবং এই কারণেই গীতার মধ্যে স্থানে স্থানে অসঙ্গতি পাওয়া যায়।

আদি রামায়ণ, আদি মহাভারত, আদি গীতা পাইবার কোনও পায় নাই। পাইলেও তাহা গবেষকের উপজীব্য, আমাদের নিকট পভোগ্য হইবে কিনা সন্দেহ।

ভগবান, আত্মা, জন্মান্তর ও অবতारे বিশ্বাসী হউন আর নাই উন—রামায়ণ, মহাভারত ও গীতা এই তিনখানি অপূর্ব গ্রন্থ যিনি

পাঠ না করিবেন তাঁহার শিক্ষা অসম্পূর্ণ থাকিয়া যাইবে এবং ভারত-বাসী হইয়াও তিনি ভারতের প্রাণস্পন্দনের সহিত অপরিচিত রহিবেন। মূল সংস্কৃতে না পড়িতে পারিলে অনুবাদ পড়িবার বাধা নাই। অবতারবাদ ও ভক্তিধর্মের উদ্ভবে বহুকাল হইতে রামায়ণ ও মহাভারত ধর্মগ্রন্থে পরিণত হইয়াছে—বদিও মুখ্যতঃ এই দুখানি সংস্কৃত-সাহিত্যের দুই অভ্ভেদী মহাকাব্য যাহা পরবর্তীকালে ভারতীয় সাহিত্যরথীদিগকে কাব্য ও নাট্য-রচনার প্রেরণা দিয়াছে ও উপকরণ যোগাইয়াছে।



উৎসবের দিনে

কে. হোডের

মুবাদিত

প্রসাধন সামগ্রী

কে. হোড এণ্ড কোং

কলিকাতা-১৪

আগ্রায় সাহিত্য সম্মেলন

শ্রীরবীন্দ্রনাথ রায়

মধ্যপ্রাচ্যে যুদ্ধের দামামা বাজছে। আগ্রায় মাথায় অমরাত্রির ঘনাককার। ট্রেনের উপর উৎকর্ষ জনতা নিশ্চুপ বসে ভীকু চোখে চেয়ে আছে যমুনার ওপারে তাজমহলের দৃশ্যটি বুকে চেপে। ইতিহাস বুকি আবার আসছে তার নতুন ভাষা নিয়ে।

৩১ অক্টোবর। রজনীর শেষযামে পার হয়ে গেল যমুনা-ত্রীজ। সম্মেলনের প্রতিনিধিরা এগিয়ে চলেছেন ফোর্ট ষ্টেশনের দিকে। নূতন আলোর ইঞ্জিত ভোয়ের আকাশে। মানুষ তার ধ্বলক্ষ্মে আজও অটল। আজও তাই ইউনেস্কোর অধিবেশন বসছে ভারতে। বঙ্গ-ভারতীয় সুর গিয়ে পৌঁছেছে বিশ্ব-ভারতীয় মর্ম্মবীণায়। বহু-বিশ্রুত আগ্রা নগরীতে এবার নিখিল-ভারত-বঙ্গসাহিত্য সম্মেলনের ষাট্টিংশ অধিবেশন বসছে নভেম্বরের প্রথম তিন দিনে।

সবাই যে নিছক সাহিত্যিক অভিযানেই চলেছেন এমন মনে করবার হেতু নেই। অনেকের ঘর-সংসার চলেছে সঙ্গে। আগ্রা দেখার সুযোগ অনেকেরই মেলে না সহজে। আর তা ছাড়া, অনেক দেশেই এমন সাহিত্য-মেলায় বেওয়াজ আছে। দূরের মানুষ কাছে আসবে, এক প্রান্ত গিয়ে দাঁড়াবে অগ্র প্রান্তের গৃহপ্রাঙ্গণে—এমনি করেই জীবন তার মূল বিস্তার করে—একাত্মতার ক্রমে পৃথিবী সার্বভৌম মানবিকতার আশ্রয়স্থল হয়ে ওঠে।

দিনের আলো ফুটে তখনও কিছু বাকি। ঝিরঝিরে ঠাণ্ডা বাতাসে সামান্য কাঁপন লাগছে। ট্রেন থামতে দেখা গেল, কয়েক-জন স্বেচ্ছাসেবক আগে থেকেই অপেক্ষা করছেন সেখানে। গাড়ী তৈরী—ভাড়া ঠিক করা আছে, গিয়ে বসলেই হ'ল। প্রায় মাইল-দেড়েক দূরে হার্টলি হোস্টেলে প্রতিনিধি-শিবির। উচু পাদভূমে দাঁড়িয়ে আছে হোস্টেলবাড়ী—বিশ্রুত প্রাঙ্গণের আশেপাশে বেশ কিছু তাঁবু খাটানো। গাড়ী এসে দাঁড়াল গেট পার হয়ে। দক্ষিণে ভারত-স্বেচ্ছাসেবকদের শিবির। মাথার ওপর নিশান উড়ছে। সূচক ব্যবস্থা। এত তাঁবু, এত চেয়ার-টেবিল-খাটের আয়োজন কি করে করলেন অভ্যর্থনা-সমিতির অধিকারীবর্গ, বিশ্বয়ের ব্যাপার। অনেক নূতন মুখ দেখা গেল—অনেক পরিচিত মুখ চোখে পড়ল না। আগের আগের বছরের বহু সঙ্গী আবার মিলিত হ'ল বৎসরান্তে।

প্রথম দিনের অনুষ্ঠানের সময় ছিল অপরাহ্নে। সেই সুযোগে প্রাতরাশ সমাপ্ত করেই অনেকে আবার বেরিয়ে পড়লেন। কেউ কেল্লার দিকে, কেউ বা তাজ কিংবা ইন্সদদৌল্লার পথ লক্ষ্য করে।

টাঙ্কার বসে বেশ অমুভূত হ'ল এখানকার প্রাণকেন্দ্রে সাড়া জেগেছে। অনেক আপিসের বাবু গাড়ী ধামিয়ে চেয়ে বইলেন

আমাদের দিকে। এতগুলি বাঙালী নবনারীর একত্র সমাবেশ বোধ হয় আর কখনও হয় নি। কিন্তু তার চেয়ে বেশী খুশী হয়েছে এখানকার গাড়ীওয়ালার দল। ভাড়া ইতিমধ্যে দ্বিগুণে পৌঁছেছে। তখনও সমানে সুসমাচার পাচার হচ্ছে বাস্তার এক মোড় থেকে অগ্র মোড়ে।

আবার একবার এলাম মমতাজমহল তাজসৌধে। তাজমহল অনেকে অনেক চোখে দেখে গেছেন, অনেক ভাবে বোঝাতে চেষ্টা করেছেন। আমার দৃষ্টিভঙ্গীও সম্পূর্ণ ব্যক্তিগত। আমি সচরাচর শেষ রাত্রের ক্ষীণ জ্যোৎস্নায় তাজ দেখতে অভ্যস্ত। আমার মনে হয়েছে সেই সময়েই যেন মহৎ প্রেমের আত্মা মূর্তি গ্রহণ করে। আবার শ্রাবণের অশ্রাস্ত ধারার ভিতর দিয়ে যে ছায়ামূর্তি অনেকে দেখেছেন, তাঁদেরও বিশিষ্ট দৃষ্টিকে আমি ভালবাসি। কিন্তু এবারে সে বকম কোন সুযোগই পাই নি। হু'একটি ছবি নেওয়া হ'ল বটে—তবে গতানুগতিক।

অনেকটা ছুটাছুটি করে ইন্সদদৌল্লার সমাধিপ্রান্তে এসে একটু বিশ্রাম পাওয়া গেল। ভিড়ও অপেক্ষাকৃত কম। যমুনার তখনও তেমন জলের অভাব ঘটে নি। কিন্তু যমুনা দেখলেই কেমন যেন বৈষ্ণব ভাবটি প্রবল হয়ে ওঠে। সময় বুঝে সঙ্গের বন্ধুটি কবি গোবিন্দচন্দ্র রায়েব একছত্র গুনিয়ে দিলেন, 'নির্ম্মল সলিলে বহিছ সদা, তটশালিনী স্তন্দরী যমুনে ও—'

কিন্তু না, সৌধটির ভিতরে-বাহিরে মোজেক এবং মর্ম্মরের কারু-কার্য দেখে কিছুক্ষণ বিস্ময়ে চেয়ে থাকতেই হ'ল। তবু এই সঙ্গে প্রাকার-প্রাচীরের ছায়ায় লালিত হু'একটি ফুলগাছের প্রছন্ন সৌন্দর্যের উল্লেখ না করে পারছি না। সহসা দেখলাম মাথবী-লতার আকারে একটি ছোট গুল্ম, ঘনসবুজ ভীকুপ্রান্ত পাতার উর্ধ্বে ছোট ছোট অতদীর্ঘের ফুল। প্রতিটি পুষ্পস্তবকের নীচে উজ্জ্বল বাদামীরঙের গোলপাতার একটি করে যেকাষি সমস্ত দৃষ্টিকে অভি-ভূত করে দেয়। বর্ণাঢ্যতার সমস্ত অহঙ্কার যেন কেবল ঐ একটি মাত্র গোলপাতার বেধায় কেন্দ্রীভূত।

তার পাশের ফুলগুলি দেখলেই, নব-বধুর চন্দনলিপ্ত চাকু ললাটে-খানি মনে পড়বে। হান্সাহানার চেয়েও ছোট ফুলের সুসবুজ সাদা স্তবক, প্রতি ফুলে চারটি করে সুন্দর ত্রিকোণ পাপড়ি। চন্দনে ডুবিয়ে ললাটে একে দিলেই হ'ল। বালিকা-বধূ যতই যেন পাতার আঁচলে লুকিয়ে আছে ভীকু কুসুমগুলি।

তৃতীয় গুল্মের জবারঙের পুষ্পগুলি রুক্ষ রোদের আভার

বিমল বাবু "পরিবার" চিত্রের ভাবকা



সবিতা

চ্যাটার্জী লাক্স টয়লেট সাবান দিয়ে তাঁর ত্বকের লাভণ্য রক্ষা করেন "এই সাবানটি এত আশ্চর্য্যরকম শুভ্র এবং বিশুদ্ধ!"

আপনার প্রিয় অক্ষাণ্ড চিত্রতারকাদের মতই সবিতা চ্যাটার্জী নির্ভর করেন লাক্স টয়লেট সাবানের ওপর। লাক্সের সরের মত ফেণার রাশি তাঁর ত্বকে দেয় লাভণ্যময় মৃদুতা, এর ফুলের মত সৌরভ একে দীর্ঘকাল সুগন্ধিউচ্ছল রাখে। এই সৌন্দর্য সাবানটির আশ্চর্য্য শুভ্রতাই এর বিশুদ্ধতার পরিচায়ক—আর সেইজন্মেই এই সাবানটি অনেক সুন্দরী মহিলাদের মধ্যে এত প্রিয়। আপনিও এঁদের অনুসরণ করুন—লাক্স টয়লেট সাবানের সাহায্যে আপনার ত্বকে মৃদু ও লাভণ্যময় করে তুলুন।

লাক্স টয়লেট সাবান



চিত্রতারকাদের সৌন্দর্য সাবান

LTS. 495-X52 BQ

ধীরে ধীরে কেমন করে গৈরিক বর্ণ ধারণ করছে, দেখলাম চোখের উপর। এ কোন্ বিরহ-সাধনা ভেবে পেলাম না।

‘বন্দেমাতরম্’ সঙ্গীত দিয়ে শুরু হ’ল প্রথম দিনের সাহিত্য অধিবেশন। স্থান—আগ্রা কলেজের ৩গঙ্গানাথ শাস্ত্রী হল, কাল—অপরাহ্ন আড়াইটা। মঞ্চের উপর দেখতে পাচ্ছি বসে আছেন সাহিত্যিক শ্রীপ্রবোধ সাহা, সন্মেলনের স্থায়ী সভাপতি শ্রীদেবেশ দাশ, মাঝে মূল সভাপতি শ্রীহুমায়ূন কবীর। ওপাশে আছেন অভ্যর্থনা-সমিতির সভাপতি ড. শ্রীহরপ্রসাদ বাগচী, সম্পাদক ড. শ্রীতারিণীচরণ বসু চৌধুরী প্রভৃতি। মঞ্চপৃষ্ঠ নানা বর্ণের জ্যামিতিক কারুচিত্রে সুসজ্জিত। প্রেক্ষাগৃহে আমীন নূনাধিক তিন শত নর-নারী।

ড. বাগচী তাঁর সবল, প্রাণস্পর্শী ভাষায় অভিভাষণ পাঠ করতে উঠেই প্রথমে সন্মেলনের প্রতিনিধি ও আমন্ত্রিত অতিথিবৃন্দকে সাদর স্বাগত জানানেন। অতঃপর অগ্রবনের স্থানীয় ইতিহাস, কবি-সমৃদ্ধি এবং হিন্দী-সাহিত্যের উল্লেখ করে বলেন, “ভারতবর্ষ যে সত্যি অঙ্গ-বঙ্গ-কলিঙ্গ-মাদ্রাজ-গুজরাট-মারাঠা প্রভৃতির মিলন-ক্ষেত্র এবং হিন্দীকে জাতীয় ভাষায় পরিণত করিবার প্রচেষ্টার মধ্যে যে অল্প প্রাদেশিক ভাষাকে বিপর্যস্ত করিবার কোন দুরভিসন্ধি নাই তাহার প্রকৃষ্ট দৃষ্টান্তরূপ, এখানকার নব-প্রতিষ্ঠিত ‘অখিল-ভারতীয় মহাবিদ্যালয়। বর্তমানে এখানে প্রায় ৬০ জন ছাত্র আসাম, মণিপুর, উড়িষ্যা, কেরল, তামিলনাদ, গুজরাট, মহারাষ্ট্র প্রভৃতি অঞ্চল হইতে আসিয়া শিক্ষালাভ করিতেছে।’

এই তালিকায় বাংলার নাম না থাকায় বাগচী মহাশয় গুণ কিনা জানি না। তবে প্রবাসী বাঙালী হিসাবে তিনি অন্ততঃ জানেন হিন্দীপ্রচারে বাঙালীর কোন নীতিগত বিবোধ নেই। বাঙালীর আশঙ্কা তারা হ্রত প্রবাসে আর নিজেদের মাতৃভাষাকে বাঁচিয়ে রাখতে পারবে না।

ভাষণের একাংশে বাগচী মহাশয় আর একটি সমস্যা মূলক প্রশ্ন উত্থাপন করেছেন। তিনি যদিও মোটামুটি ভাবে আশ্বস্ত যে, ‘রবীন্দ্রনাথ ও শরৎচন্দ্রের তিরোধানের পর বাংলা সাহিত্য একেবারে অন্ধকারে গিয়া পড়িবে বলিয়া আশঙ্কা করা গিয়াছিল, তাহা সৌভাগ্যক্রমে অমূলক প্রতিপন্ন হইয়াছে।’...তবে, ‘অনেক ভাল ভাল মৌলিক ও অনুবাদগ্রন্থ প্রকাশিত হইতেছে বলিয়া যে বহু বাজে বই ছাপা হইতেছে না তাহা নহে।...কিন্তু আজিকার কশ্মবাস্তু জীবনে ভাল বই বাছিয়া বাছির করিবার অবসর কই?’

স্বতরাং বক্তা ‘টাইমস লিটারারি সাপ্লিমেন্ট’-এর আদর্শে এক-খানি নিরপেক্ষ সমালোচনাপত্রের জন্ম আবেদন জানান। জিজ্ঞাস্তা ঐ পত্রিকাখানি কি একান্তই নিরপেক্ষ, না অনুরূপ, একটি পত্রিকা হলেই পাঠকের সকল সমস্যার সমাধান হবে? সাহিত্যের মূল্যায়ন—তাও শেষ পর্যন্ত পাঠকের নিজস্ব বিচারবোধ, পাঠকৃতি এবং আগ্রহের উপরই নির্ভরশীল থাকবে। ভাল এবং মন্দ গ্রন্থের বাজার পাঠকই চিরদিন নিয়ন্ত্রণ করে থাকেন—আসল কথা হ’ল, পড়বার

অবসর করে নেওয়া। কিন্তু বক্তা যদি এই বলে আক্ষেপ করেন, “আমরা প্রবাসী বাঙালীরা বাংলা বুঝিও না (সাংঘাতিক কথা!) বাংলা ভাষার জ্ঞানও আমাদের সামান্য”—তা হলে যে সমস্ত আয়োজনই বৃথা! তাঁর কাছে অন্ততঃ এটুকু সংবাদ আশা করতে পারি যে, সমগ্র বঙ্গ-সাহিত্যে প্রবাসী বাঙালীর দান কম নয়। অতুল-প্রসাদ, গোবিন্দচন্দ্র, কেদারনাথ, শরৎচন্দ্র, শ্রীবলাইচাঁদ মুখোপাধ্যায়, শ্রীঅনুরূপা দেবী, শ্রীবিভূতিভূষণ মুখোপাধ্যায়, শ্রীসতীনাথ ভাট্টা প্রভৃতি বহু সার্থকনামা কথাসাহিত্যিক আজীবন প্রায় প্রবাসে বসেই সাহিত্য-সাধনা করেছেন এবং আজও যারা করছেন, তাঁদের সংখ্যাও অকিঞ্চিৎকর নয়। প্রবাসী তরুণ সমাজ শত বাধা-বিপত্তি উপেক্ষা করে আজও যেভাবে প্রত্যক্ষ বা পরোক্ষ ভাবে বঙ্গভারতীয় সেবা করে যাচ্ছেন, সেইটাই সবার বড় বিশ্বাস, সবচেয়ে আশার কথা।

এ অল্পস্থানের উল্লেখযোগ্য অভিভাষণ হ’ল শ্রীহুমায়ূন কবীরের। তিনি এক দিকে যেমন সাহিত্যচর্চার নিঃসঙ্গ একক সাধনার প্রয়োজনের কথা বলেছেন, আবার অন্যদিকে তেমনি বৃহত্তর জগতের সঙ্গে সংযোগরক্ষার উপকারিতা দেখিয়েছেন। তাঁর মতে, “নব নব শক্তি ও ভাবধারার অভিঘাত সহ করে সাহিত্য ও জীবন গড়ে তুলতে পারলে মানুষের জীবনে ও সাহিত্যে যে সার্থকতা লাভ করা যায়, প্রাচীন যুগ থেকে বাংলা সাহিত্যের ইতিহাসে তার প্রমাণ পাওয়া যায়। উদার হৃদয় নিয়ে ও চিন্তাশীলতার সঙ্গে বিচিত্র ও সমৃদ্ধ ভারতীয় সংস্কৃতি ও সভ্যতাকে মনে প্রাণে গ্রহণ করলে যে পরিবেশ সৃষ্টি হবে, তার ভিতর দিয়েই বাংলা সাহিত্যের নব যুগের সূচনা হবে এবং তার উন্নতি ঘটবে।”

সত্য কথা। গত কয়েক বৎসর থেকেই লক্ষ্য করছি সন্মেলন ক্রমেই যেন শিবহীন যজ্ঞের মত হয়ে পড়ছে। বাংলার প্রখ্যাত সাহিত্যিকগণ যোগ দিচ্ছেন না। যে দু’একজন আসেন তাঁরাও যেন ‘নিজ অন্ন পবে, কর পণ্যে দিলে, পরিবর্ত্ত ধনে দুরভিক্ষ নিলে’ মনোভাব নিয়ে প্রাণ খুলে নিজ নিজ বক্তব্য প্রকাশ করতে পারছেন না। এর কারণ, সাহিত্যিকগণের ব্যক্তিগত অভিমান ছাড়াও সন্মেলনে বঙ্গ-সাহিত্যের অনুরূপ পরিবেশ সৃষ্টি হচ্ছে না। সমস্ত আয়োজনের পিছনে কোথায় যেন পরানুগ্রহলাভের একটি প্রচ্ছন্ন মনোবৃত্তি কাজ করছে বলে সন্দেহ জাগে।

অতঃপর উপরাষ্ট্রপতি ড. শ্রীরাধাকৃষ্ণন ও অজ্ঞাত বিশিষ্ট নাগরিক-দের কাছ থেকে পাওয়া শুভেচ্ছা-বাণীর কিয়দংশ ড. বসু চৌধুরী পাঠ করে শোনার পরে সন্মেলনের বার্ষিক বিবরণী পাঠ করলেন, সাধারণ সম্পাদক শ্রীযশীকুমার মুখোপাধ্যায়।

এলাহাবাদের অধ্যাপক শ্রীকিরণচন্দ্র সিংহ বাংলা প্রবেশিকা পরীক্ষা বোর্ডের সম্পাদকরূপে এ বৎসরের উত্তীর্ণ ১৯ জনের মধ্যে উপস্থিত ছাত্রছাত্রীদের পরিচয় করিয়ে দেন। তাদের সনদ উপহার দেন অধ্যাপক শ্রীহুমায়ূন কবীর। এ বৎসর প্রথম স্থান অধিকার করেছেন এলাহাবাদের কুমারী স্বর্গা চট্টোপাধ্যায়। ঐ য কমিষ্ঠা

অপর্যাপ্ত উত্তীর্ণ হয়েছে দ্বিতীয় বিভাগে। কিরণবাবুর ব্যক্তিগত উৎসাহে প্রবাসী ছাত্রছাত্রীকে মাতৃভাষার প্রতি আকৃষ্ট করবার এ মহৎ প্রয়াসের সকলেই প্রশংসা করবে।

বেলা চারটে নাগাদ 'জনগনমন' জাতীয় সঙ্গীতের ভিতর দিয়ে প্রথম অধিবেশন শেষ হ'ল। সম্মেলনের দিক থেকে ধর্মবাদ জ্ঞাপন করলেন অভ্যর্থনা-সমিতির উপ-সভাপতি ড. শ্রীমৎসেন্দ্রনাথ ঘটক।

সম্মেলন উপলক্ষে হিন্দী ও বাংলা গ্রন্থাবলী এবং উত্তর প্রদেশ ও বাংলার কুটীর-শিল্পেরও একটি করে প্রদর্শনীর ব্যবস্থা হয়েছিল। এই প্রদর্শনীর উদ্বোধন করেন আগ্রা বিশ্ববিদ্যালয়ের উপাচার্যী শ্রীক. পি. ভাটনগর। দুর্ভাগ্যবশতঃ সিগনেট প্রেস, শাস্তি লাইব্রেরী এবং বিশ্বভারতীর কিছুসংখ্যক গ্রন্থ ছাড়া অন্যান্য প্রকাশনার অনুপস্থিতি চোখে ঠেকল। অথচ হিন্দী শাখায় যে পরিমাণ গ্রন্থ ও আয়োজন ছিল তা শ্লাঘনীয়।

এক কক্ষে শ্রীপ্রবোধকুমার সাঙ্গালের সঙ্গে দুটো কথা হ'ল। শ্রীবিজয় ভট্টাচার্যকে দেখবার সুযোগ হ'ল এখানেই। চিত্রশিল্পী শ্রীপূর্ণ চক্রবর্তীকে দেখিয়ে দিলেন এক সতীর্থ। আর এক বন্ধু ভিড়ের মধ্যে সাহিত্যিক শ্রীসন্তোষকুমার ঘোষকে খুঁজে বেড়াতে লাগলেন। পরে যদিও খবর পেলাম তিনি এসেছেন, কিন্তু আমি আর মীরাটের বন্ধুটিকে আবিষ্কার করতে পারি নি। আমার আশা আগামী অধিবেশনে বাংলার তরুণ সাহিত্যিক-গোষ্ঠী দলে দলে যোগ দিয়ে তাঁদের ব্যক্তিগত পরিচয়ের সুযোগ দেবেন প্রতিনিধিদের। এতে করে তাঁদেরও দৃষ্টি নিঃসন্দেহে প্রসারলাভ করবে।

ঘুরতে ঘুরতে সহসা এবার লক্ষ্মীয়েব শ্রীবিজয় সাঙ্গালের সামনে এসে পড়লাম। সেই কোতুকোচ্ছল হাসি, বতুল শ্রাম আননের মধ্যভাগে একজোড়া গুফ। রসশিল্পী হাশ্বরসিক বিজুবাবুর সাহচর্য্য যে না পেল, মেলায় আনন্দে তার অনেকখানি ফাঁক পড়বে। কিছু অভিমান ছিল তাঁর উপর। কেননা তিনি তাঁর নিজের ঘর লক্ষ্মী অধিবেশনে অতুলপ্রসাদের গানে বঞ্চিত করেছিলেন। কিন্তু লোভ বাড়িয়ে দিয়েছিলেন জয়পুরে। কিন্তু এবার তাঁকে দেখে বুঝলাম তাঁর দোষ নেই। জরা ছায়া ফেলেছে তাঁর কোতুকপ্রিয়তার উৎসমুখে। সম্মেলনের দ্বিতীয় দিনে সঙ্গীত শাখায় আবার তাঁর কণ্ঠে গুনলাম 'ভারতভাষ্য কোথা লুকাল'। নানাভাবে হাশ্বরস পরিবেশনের চেষ্টাও করলেন, কিন্তু আনন্দের আর সে স্বতঃস্ফূর্তি নেই, বরং 'পার্থ-সাবধি' মঞ্চাভিনয়ে মনে হয়েছিল 'সব্যাসাচী' সত্যিই এবার বুদ্ধ হয়েছেন।

কিন্তু ঐ দিনই বৈকালিক অহুষ্ঠানের পৌরোহিত্যকালে তাঁর একটি মন্তব্য বড় মনের মত লাগল। সেদিন শিল্পী শ্রীসুধীন্দ্র রঞ্জন খাঙ্গরীর সভায় উপস্থিত হতে পারেন নি। তাঁর অভিভাষণ পাঠ করে শোনানো হ'ল। আলোচনা করতে উঠেই বিজুবাবু বললেন, 'এ রকম সুযোগ ত বড় একটা হয় না। দাদা আসেন নি তাই না বেড়ালের ভাণ্ডো শিকে ছিঁড়ল। তা লাগছে কিন্তু বেশ,—

উপর থেকে দাঁড়িয়ে আপনাদের স্পষ্ট দেখতে পাচ্ছি নিচের দিকে।' এই হৃদয় স্পর্ষের মধ্যে অনেকখানি সত্য কথন লুকিয়ে ছিল (অবশ্য ব্যক্তি-নিরপেক্ষ ভাবে)।

সে যাই হোক, প্রথম দিনের শেষ অধিবেশন বসল সন্ধ্যা সাড়ে ছ'টায়, হিন্দী সাহিত্য ও কবি-সম্মেলন দিয়ে। কবি বালকৃষ্ণ শর্মা, 'নবীন' মহাশয়ের সভাপতিত্ব করবার কথা। কিন্তু অনিবার্য কারণে তিনি উপস্থিত হতে না পারায়, তাঁর আসন গ্রহণ করলেন প্রবীণ সাহিত্যিক শ্রীশুলাব রায়। দু'জনের অভিভাষণই গুনলাম। দু'জনেই বাংলার সম্পর্ক ও ভারতীয় সাহিত্যে বঙ্গ-ভাষার অবদানের কথা শঙ্কর সঙ্গে স্বীকার করেছেন। কিন্তু 'নবীনের' মত অত স্বচ্ছ চিত্তে পারেন নি শ্রীশুলাব রায়। বরং তাঁর একটি দুটি ইঙ্গিত এখনও কানে বেহুরো লাগছে।—“হিন্দী-ভাষী ক্ষেত্র বঙ্গালকা ঋণী হয়। ঋণ হম্ কৃতজ্ঞতা সে স্বীকার করতে হয়, কিন্তু হম্ ক্ষমা গর্বকে সাধ কহ সতে হম্ কি হম্ উন কুশল বাপারীয়ে। মে সে হয় ভিন্‌ছোনে ঋণ লেকর ধন কো বরবাদ (অপচয়) নহি কিয়া, বরন মূল কো কষ্ট গুণা বঢ়ায় হয়।”

এই ইঙ্গিতটি গ্রহণ করেছিলেন কবীর সাহেব তাঁর মস্তবোয় সময়। তিনি বলেন, “ভাববিনিময় ব্যতিরেকে কোন সাহিত্যই বাঁচে না, সেইটাই জীবনের লক্ষণ। পৃথিবীর অনুবাদ-সাহিত্যই তার প্রকৃষ্ট প্রমাণ। এমনকি এত যে প্রাণবন্ত ইংরেজী ভাষা তারও শ্রেষ্ঠ অভিধান 'অক্সফোর্ড ডিক্সনারী'তে প্রতি বছর অন্ততঃ পাঁচশ' নতুন শব্দ সংযোজনের তালিকা প্রকাশ হয়।”

অনুবাদের মাধ্যমে প্রেরণার সুযোগ না থাকলে, রামায়ণ মহাভারতেরও এত প্রচার হ'ত না, এ মূল সত্যটুকু আশা করি বঙ্গা অস্বীকার করবেন না। বেদ পুরাণ-জাতক প্রভৃতির প্রথম বাংলা অনুবাদ না হলে, অন্যান্য আঞ্চলিক সাহিত্যকে আরও কতকাল অপেক্ষা করে থাকতে হ'ত সেটিও ভাববার বিষয়। শেষের দিকে এক বক্তা বললেন যে, হিন্দী ভাষার প্রথম অভিধান রচয়িতা বাঙালী নগেন্দ্রনাথ বসু এবং আজও এর সমকক্ষ হিন্দী অভিধান রচিত হয়েছে কিনা সন্দেহ। সুতরাং, বঙ্গ-সাহিত্য ঋণধারা নিজেকে অপচিত করে নি, অল্পকোণে সমৃদ্ধ করেছে।

রাষ্ট্রভাষার সপক্ষে ইংরেজী ভাষা বিতাড়নের যুক্তিটি আরও দুর্বল। 'হিন্দী কোনও প্রান্তীয় ভাষাকে তার স্নেহ ও আদরের উচ্চ আসন থেকে স্থানচ্যুত করতে চায় না।... যদি কাউকে পদচ্যুত করতে চায় ত সে ইংরেজী—যে ভাষা দেশের জনগণের কাছে নিতান্ত বিদেশী, হ্রস্ব আয় প্রাক্তন দাসদের চিহ্নরূপ।' এমন মন্তব্য অসাহিত্যিক বলেই আমি মনে করি।

কিন্তু 'নবীনের' বঙ্গপ্রীতির ভিতর ছলনা নেই। শুধু এটুকু উল্লেখ করে দিলেই যথেষ্ট হবে : 'বঙ্গদেশে সাহিত্যিক ও সাংস্কৃতিক উন্নয়নের যে তবঙ্গ উঠিয়াছে তাহাতে স্থান কবিরা সমগ্র ভারত সন্দেহভর হইয়াছে। আমার ইহাই বিশ্বাস যে, বঙ্গ-সাহিত্যের

প্রভাব সমস্ত ভারতীয় ভাষা ও সাহিত্যের উপর বিস্তার লাভ করিয়াছে এবং গুরুদেব রবীন্দ্রনাথ, বঙ্কিমচন্দ্র ও শরৎচন্দ্রের নাম প্রত্যেক শিক্ষিত পরিবারেই অনুপ্রবেশ করিয়াছে। বঙ্কিমচন্দ্রের 'বন্দে মাতরম' এবং রবীন্দ্রনাথের 'জনগণমন' আমাদের রাষ্ট্রীয় চেতনার প্রতীক হইয়াছে।

অতঃপর হিন্দী ভাষা প্রসঙ্গে তিনি বলেন : 'আমরা হিন্দী-ভাষীরা ত গুরুদেবের ভাষায় 'নূপুরের মত বেছেছি চরণে চরণে', আমরা হিন্দী ভাষাকে বঙ্গভাষা এবং অণু ভাষার নূপুরফলি মনে করিয়াছি কৃতার্থ হইয়াছি। তবে সময়ে সময়ে আপনাদের ভাষায় নূপুরফলিও ছ'একটি শুর সংযোজনার স্বাধীনতা প্রার্থনা করি। ইহার অতিরিক্ত অণু আকাঙ্ক্ষা নাই।'

শেষের দিকে দেবনাগরী লিপিকে সাংস্কৃতিক লিপিরূপে গ্রহণ করার বিষয়ে একটি মনে জ্ঞ আশেচনা চলে। কবি বালকৃষ্ণ শর্মার অভিভাষণে ভারতীয় সার্বভাষিক মতটির শতকোশে একপ একটি আবেদন ছিল। অনেকের মতে বিষ্ণু উত্তর-ভারতীয় ভাষা-মুগ্ধ দেবনাগরীকে লিপিবদ্ধ করে পাশ্চাত্যিক ভাষা-বিনিময়ের কোন বাধা থাকবে না। বিরুদ্ধপন্থ চোর মের লিপির ক্রমবিকাশ এবং ধানির মৌলিক প্রয়োজনের উপর। প্রকৃতপক্ষে, 'দেবনাগরী' কিংবা রবীন্দ্রনাথের 'সংস্কৃত' লিপিবিরোধনের ফলে যদি হিন্দী-অনুবাদের রূপ (টীকা মনো গোলায়না করে'ছিল) পরিষ্কার করে, তাহলে তবে 'কামা' ও 'কথা'র কোনই প্রকাশ পাবে।

প্রথম দিকের শেষ অনুষ্ঠান সমাপ্ত হইল বসন্ত আয়োজিত কবিতা-সম্মেলনের উত্তর দিয়ে। কাহ্নকরম স্থায়ীত ভাষায় হিন্দী কবি শরণীত বহিষ্কার হইয়াছিল। কবিগণের মধ্যে নিজেদের ভাষা পুঁই করে আনন্দ দান করতেন। কিন্তু হিন্দী কবিগণের যে স্বাভাবিক কণ্ঠ আনন্দিত করিতে চান না তাহলে পুঁই করে।

এই প্রকার মনপ্রাণ স্বরূপী অনুষ্ঠান ছিল। হিন্দীতে দিনে—সাহিত্যের সমস্ত সমাপ্তি এবং বঙ্গ-সংস্কৃত অধিবেশন। সবার উদ্বোধন করণ কথা ছিল। বহিষ্কার হইয়াছে। বিচারপতি নিয়মাপ্রদান করেপাঠ্যের। হস্তাপ্রদর্শনঃ হিন্দীও অনুপস্থিত থাকায় প্রত্যেকাঙ্গীণ কক্ষস্থলী আরও তল শাখা-সমাপ্তি লীপবোধ-কুমার মান্নারের অভিভাষণ পাঠ দিয়ে। কেউ কেউ বলেন, এমন সাংস্কৃতিক ভাষায় কষ্টক অধিবেশনের পর আশ শোনা যায় নি। কি বিদ্য-গাঙ্গীণী, কি ভাষা-সম্পদে—বাব এ অভিনায়কীর মারমণী বঙ্গালী-অবজ্ঞালী নির্দিশেয়ে বাহিত্যকর্মী মাতেরই প্রাণধান-যোগ্য।

স্বয়ং প্রথম স্বাভাষাল একপ : "প্রায় চৌত্রিশ বছর আগে বিশকৃত নগরী বাগদাদীদামে প্রথম প্রবাসী বঙ্গ-সাহিত্য সম্মেলনের উদ্বোধন করেন ভারতের সর্বপ্রধান ভাবনাগর মন্ত্রাবি রবীন্দ্রনাথ।...সেদিন এই সম্মেলন সৃষ্টির দ্বারা যারা বাংলা-সাহিত্য ও সংস্কৃতিকে বৃহত্তর ভারতের সামনে তুলে ধরেছিলেন, তাঁদের

অনেকেই আজ জীবিত নেই—অনেকেই অনুপস্থিত—তাঁদের সকলের উদ্দেশে শ্রদ্ধা নিবেদন করি।"

সম্মেলনের শুভকামনা করে তিনি বলেন : "আধুনিক বঙ্গ-সাহিত্যের অন্তঃপুর্বিদ্যা এবার বৃহত্তর ভারতের প্রসারিত ক্ষেত্রে স্বচ্ছন্দে পদচারণা করুক। সেটি তার স্বাস্থ্যাজ্জলতারই পরিচায়ক হবে। ভারতীয় অণু সাহিত্যের সঙ্গে এবার বাংলা সাহিত্যের জ্বলিত্ব সাংযোগ ঘটুক।"

সম্মেলন-কর্তৃকৃত আধুনিক বাংলা-সাহিত্যের রূপরেখা বিচার নিয়ে অনেক শেখ নেই। এ বিষয়েও লীসাগাল তাঁর বলিষ্ঠ জীবনবাদ এবং দার্শনিক তত্ত্বচিন্তাপূর্ত আশাস দিয়ে বলেন : "১৯৪০ সালের উত্তরের দ্বারা বাংলায় বসে মনে হয়েছিল এই অক্ষকার মুক্তপুর্বীর বাইরে আলোক বাতুময় বিশ্বপৃথিবীর অস্তিত্বও বোধ হয় নেই—আশা, আনন্দ ভবিষ্যৎ সবই লোপ পেয়েছে। কিন্তু সেটি মনোদর্শন নয়—প্রভাতের প্রথম আলোকের আবির্ভাবের পূর্বে সেটি ছিল অদীর্ঘ রজনীশেষের গাঢ়তম অক্ষকার। এই অক্ষকার উত্তিরোধের উত্তর থেকেই আবার উঠে এসেছে নবীন জীবন—যে-জীবন পাদপাদে আনে উত্তির, কথায় কথায় বাধায় বিপ্লব, নিজেয় নিজেয় করে যায় নতুন সৃষ্টি ও সংগঠন।...বাংলা-সাহিত্যে আজ আবার নতুন কোয়ার এসেছে। লেখক-সমাজের মনের উপর দ্বিতীয় বিশ্বযুদ্ধ রেখে গেছে অনেক কলঙ্কের দাগ। অরাজকতা, উত্তির, মহামারী, দাঙ্গা—এই উত্তিরাদ রয়েছে তাদের মনে। তাদেরই উত্তিরাদ নিশ্বাস নিয়ে তারা কলম ধবেছে। জীবনের সর্বকর্মী অণুচয়ের কাল থেকে তারা পেয়েছে নতুন একটি চেমনা। তার মনে অত মনো-কষ্টের কাকলী শুনছি। শুনছি অক্ষকার অভিভাষণে বারবার পুনরনি। তারা আসছে যুগসন্ধিক্ষণে... তারা উত্তিরাদ থেকে আলোকের দিকে যাবে কবেছে।..."

বিষ্ণু চোর উপস্থান জবা-সাহিত্যের উদ্বোধন ঘটবে, এটি বলা কঠিন। বারো দাবিদা, উত্তিরাদ, সামাজিক ও অর্থ নৈতিক অসমতা, উত্তিরাদে কক্ষ বৈশী দিন আর কাদবার জায়গা সাহিত্যে পায় না।"

স্বয়ং প্রথম স্বাভাষালের অভিমত : "চৌত্রিশ ভাষার মধ্যে উত্তিরাদে মনপ্রাণ করাই চলে আজ ভারতের রাষ্ট্রসাধনা। রাষ্ট্র-ভাষা হিন্দীতে উত্তির দিয়ে আমরা ভারতকে আরও করতে চেয়েছি, কিন্তু উত্তিরাদে বিদ্য, দক্ষিণ ও উত্তর-পূর্ন ভারতের কম-বেশী পনর কোটি লোক হিন্দী বলতে প্রস্তুত হতে পারছে না।...দেড়শ' বছর পরে উত্তিরাদে ভারত-শাসন চলে এসেছে। কিন্তু আজ মনপ্রাণ বিনিময়ের জ্ঞ যদি তাদেরকে বাতারাতি হিন্দীভাষাভাষী করে তুলতে চাই, তবে তারা কেবলমাত্র আন্তরিক ভালবাসার দায়ে এই আবেদন জানাতে পারে : 'কম-সে-কম বছর পঞ্চাশেক সময় অন্ততঃ দাও, না হলে দেড়শ' বছরের অভ্যাস দেড় দশকে কেমন করে বদলাই ? চলুক না ইংরেজী ততদিন ?'"

পরিশেষে এই বলে তিনি তাঁর বক্তব্য শেষ করেন : "প্রতিভা



অম্মন

রেসোনা

আগের চেয়ে অনেক বেশী সুগন্ধী!

রেসোনা কোম্পানী লিমিটেড এর পক্ষে ভারত প্রথম

RP. 144-X52 BG

মৌলিকতা প্রতি যুগেই একটি আশ্চর্য্য অভিনব লাভ করে নিজেই সে প্রকাশ করতে থাকে নিজের অনন্ততা, নিজের সুদীর্ঘ পরমাণু নিজের ভিতর থেকেই সে খুঁজে পায়। ভারতীয় সংস্কৃতির যে ধারাবাহিকতা, সে আপন বৈশিষ্ট্য রক্ষা করে চলেছে কলে ও কল্লাস্তে।...প্রকাশভঙ্গী এবং আঙ্গিকের পরীক্ষা বাংলা-সাহিত্যে নিরন্তর চললেও সাহিত্য কেবলমাত্র পাণ্ডিত্য, বুদ্ধি ও বাকচাতুর্যের খেলা নয়, হৃদয় ও প্রাণের জীলাই হ'ল সাহিত্যের অন্তঃসার।... একালের কবি ও সাহিত্যসেবীর বিদগ্ধ মনের মৃত্তিকায় যদি পাশ্চাত্য সাহিত্যরথিগণের উড়ে চিস্তার বীজ এসে পড়ে, তার থেকে সুমধুর কাব্য ও কাহিনী অঙ্কুরিত হতে পারে স্বীকার করি। কিন্তু সেই সকল রচনার যাঁরা স্রষ্টা, তাঁদের ভারতীয় মনের ছাঁচটি যদি সেই রচনা থেকে হারায়, তবে তাঁদের এদেশে-ওদেশে কোথাও ঠাই হবে না।...বিশ্ব-সাহিত্যের আসরে রবীন্দ্রনাথের শ্রেষ্ঠাসন এ জগৎ নয় যে, তিনি বানার্দ্‌শ' অথবা ওয়েলস প্রভৃতির প্রতিদ্বন্দী ছিলেন। তাঁকে ঘিরে ভারতীয় ভাবনার যে বৈশিষ্ট্য প্রকাশ পেয়েছে, তাতে সভ্যতার ইতিহাসের একটি সম্পূর্ণ শতাব্দী গৌরব লাভ করেছে।"

এর পরে আর কোন আলোচনা সম্ভব ছিল না বলেই সকলে অনুভব করেছিলেন, এমন সময় অধ্যাপক শ্রীকুমার বন্দ্যোপাধ্যায়কে সাহিত্য-প্রসঙ্গে তাঁর অভিমত ব্যক্ত করার জগৎ অনুরোধ জানানো হয়। শ্রীকুমারবাবু প্রবীণ শিক্ষাব্রতী—বঙ্গ-সাহিত্যের শিক্ষক এবং আলোচক হিসেবে তাঁর মতামত উপেক্ষার নয়। তবু মনে হ'ল, প্রবীণ-মনের সংস্কার তাঁর দৃষ্টির স্বচ্ছতা রক্ষা করতে পারে নি। আদর্শের একটি অলৌকিক ধারণা সর্বদাই এদের ভাবিয়ে রাখে নবসাহিত্যের পরিণাম নিয়ে। এ আশঙ্কা বন্ধ করার মনেও ছায়া ফেলেছে, বুঝতে অসুবিধে হ'ল না। তা ছাড়া, স্পষ্ট মতামত ব্যক্ত করার পথে বাধার সৃষ্টি করেছিলেন শ্রীপ্রবোধ সান্যাল, আধুনিক সাহিত্যকে তাঁর সম্বন্ধে স্বাগত জানিয়ে।

এই প্রসঙ্গে প্রথম চৌধুরীর একটি ভবিষ্যদ্বাণী নতুন করে মনে জাগে। প্রায় ৪৩ বছর আগে 'সবুজপত্র' তিনি লিখেছিলেন, 'বঙ্গ-সাহিত্যে একটি নতুন যুগের সূত্রপাত হয়েছে।...প্রথমেই চোখে পড়ে যে, এই নব্য-সাহিত্য রাজধর্ম ত্যাগ করে গণধর্ম অবলম্বন করেছে। বহু শক্তিশালী স্বল্পসংখ্যক লেখকের দিন চলে গিয়ে স্বল্প-শক্তিশালী বহুসংখ্যক লেখকের দিন আসছে।' এই বোধ হয় বর্তমান শতাব্দীর কথা, বিশ্ব-সাহিত্যের পরিচয়। সুতরাং ব্যাপকতায় সাহিত্য তার সু-উচ্চ বাস্তব হারিয়েছে এমন কথা জোর করে কে বলবে আরও অন্ধ শতাব্দী না গেলে?

শ্রীকুমারবাবুর আলোচনার পরেই প্রাতঃকালীন সাহিত্য-শাখার অধিবেশন সমাপ্ত হ'ল।

'সমাজ ও সংস্কৃতি' শাখার সময় নির্দিষ্ট ছিল বেলা দুটোর। এ শাখার সভাপতি ছিলেন ড. শ্রীকালিদাস নাগ। তিনিও উপস্থিত হতে পারেন নি। তাঁর অভিভাষণটি পাঠ করলেন

অল্প এক জন প্রতিনিধি। ড. নাগ বহু গবেষণামূলক ঐতিহাসিক তথ্য উদ্ধৃত করে তাঁর অভিভাষণে বাংলার সমসাময়ী প্রতিভার কথা উল্লেখ করে বলেন : 'কেবল ভারতবর্ষে নয়, পূর্ব ও পশ্চিম এশিয়ার সঙ্গেও বাংলার তথ্য বৃহত্তর বঙ্গের শিল্প, সাহিত্য ও সংস্কৃতির সংযোগ ছিল। মধ্যযুগের বাংলা তাই সুদূর প্রাচ্য ও মধ্যপ্রাচ্যের সঙ্গে যোগ রেখে এসেছে।...বাঙালী জ্ঞাবিজ্ঞ সভ্যতার ও অনুপ্রবেশ করেছিল। আমি স্বকর্ণে শুনে এসেছি সেন রাজাদের সভাকবি জয়দেব গোস্বামীর 'গীত-গোবিন্দ' দক্ষিণ ভারতের বহু মন্দিরে গীত হয়েছে এবং মঙ্গলময়ী ভাষায় তার অনুবাদ কেবল প্রদেশে আদৃত। বল্লাল ও লক্ষ্মণ সেনের পূর্ব-পুরুষ কার্ণাটবংশীয় হয়েও কেমন করে বাঙালী হয়েছিলেন?

অভিভাষণ পাঠ চলছিল এমন সময় শ্রীজগনপ্রসাদ রাওরাত (উত্তরপ্রদেশের উপমন্ত্রী) এলেন। তাঁরই এ শাখা উদ্বোধনের কথা। ঠিক একই সময়ে কিন্তু ইংলণ্ডের ভূতপূর্ব প্রধানমন্ত্রী মিঃ এটলি দিল্লী থেকে 'ভাঙ্গ' পরিদর্শনে এসে পড়ায় তাঁকেও উপস্থিত থাকতে হয়েছিল সেখানে। তিন বিলম্বে আসার দরুন মার্জনা চেয়ে একটি নাতিদীর্ঘ ভাষণে সম্মেলন ও প্রতিনিধিবৃন্দকে স্বাগত জানিয়ে বঙ্গভাষার গুণের সঙ্গে সঙ্গে রাষ্ট্রভাষার সপক্ষেও কিছু বলেন। অতঃপর এই অনুষ্ঠানের জগৎ চিহ্নিত তিনটি শ্রবণ, 'ভক্তকবি সুরদাস' 'প্রবাসে বাঙালীর সমস্যা' এবং 'বৈদিক যুগে নারীর স্থান (?)' পাঠ করে শোনা-লেন যথাক্রমে এক জন লেখক ও দুই জন লেখিকা। বাচন-ভঙ্গীর দোষে প্রথমটি তেমন বোঝা গেল না। তবে দ্বিতীয়টি খুবই সমন্বয়পযোগী এবং চিত্তাকর্ষক হয়েছিল। লেখিকা স্বয়ং প্রবাসী মনে হয়। সুতরাং তিনি যা অনুভব করেছিলেন, প্রত্যেক পরিণামদর্শী বাঙালীই তা সমর্থন করবেন। প্রবাসে আজ কোথাও বাঙালীর সম্ভান মাতৃভাষা শিক্ষার সুযোগ পাচ্ছে না। তারা কি শেষ পর্যন্ত বড় হয়ে কেবল একটি বাংলা ভাষার ডিপ্লোমা নিয়েই খুশী থাকবে? দুঃখের বিষয় বিচারপতি শ্রী পি. কে. সরকার শব্দকালে এ বিষয়ে তাঁর অভিমত প্রকাশ করতে উঠে যদিও অনেক বিষয়ে আশ্বাস দেবার চেষ্টা করলেন, কিন্তু মাতৃভাষার মৌলিক অধিকারের প্রশ্নটি তিনি বিস্মৃত হয়েছিলেন।

সন্ধ্যায় 'কলা ও সঙ্গীত' শাখার সভাপাত শ্রীসুধীরবল্লভ গাঙ্গুলীর উপস্থিত হতে পারেন নি আগেই বলেছি। সুতরাং বিকল্পে শ্রীদ্বিজেন সান্যাল তাঁর স্থলাভিষিক্ত হয়েছিলেন। তিনি একাই দু'টি বিভিন্ন কলার রস-সম্বন্ধের চেষ্টা করেছিলেন, কিন্তু আর কোন কলাবিদ উপস্থিত না থাকায় তিনি নিজেও বৃষ্টি মুহূর্ত্ত হতে পড়েছিলেন।

শ্রীখালসগীরের ভাষণের মর্ম ছিল একরূপ—বাংলা দেশের বাইরে প্রায় সমস্ত শিল্পকলা প্রতিষ্ঠানের শিক্ষক বাংলা দেশ থেকে আগত শিল্পী। এর কারণ নির্ধারণ করা শক্ত নয়। প্রায় পঞ্চাশ-ষাট বৎসর পূর্বে বাংলা দেশেই ভারতীয় শিল্পের পুনরুদ্ধার আশঙ্ক

হয়েছিল।...স্বর্গত আচার্য্য অবনীন্দ্রনাথ ঠাকুর, কবিগুরু রবীন্দ্রনাথের উৎসাহে ও হাভেল সাহেবের সাহায্যে ভারতীয় চিত্রকলায় পুনরুত্থান ঘটতেও সমর্থ হন।

রবীন্দ্র-সঙ্গীতের বার্থ অল্পকরণে দুঃখপ্রকাশ করে শ্রীসাগল বলেন যে, 'রবীন্দ্রনাথের জীবিতাবস্থায় তাঁর কাছে বসে গান শুনবার ও শিখবার সুযোগ আমরা পেয়েছিলাম, সেই জন্তই ভাবহীন প্রাণহীন টিমে তালে যখন তাঁর গান আধুনিক গায়কদের মুখে শুনি, তখন অত্যন্ত বেদনা বোধ করি।'

এ দিনের শেষ অনুষ্ঠান সমাপ্ত হ'ল রাত্রে দ্বিজুবাবুর দল কর্তৃক 'পার্থসারথি' মঞ্চাভিনয়ের দ্বারা।

তৃতীয় ও শেষ দিনের প্রাতঃকালীন আস্তঃরাজ্য সাহিত্য-শাখার অধিবেশনে দৈবযোগে বাদ পড়ে গিয়েছিলাম। কিন্তু অপরাহ্নে আন্তর্জাতিক পরিপ্রেক্ষিতে বাংলাকে পাশাপাশি বসতে দেখে সত্য সত্যই গৌরব ও বোম্বাঙ্ক অনুভব করেছিলেন সবাই। এমন অভিজ্ঞতা এ দেশে এই প্রথম। সেজন্তে শ্রীদেবেশ দাশ এবং তৎসংশ্লিষ্ট সকল ব্যক্তিই ধন্যবাদার্থ। তাঁদেরই চেষ্টায় রাষ্ট্র-সজ্জের শিক্ষা ও সংস্কৃতি সংস্থার প্রতিনিধিগণকে বিশেষ বিমানযোগে দিল্লী থেকে সম্মেলনে আহ্বান করা সম্ভব হয়েছিল। উপস্থিত প্রতিনিধিগণের মধ্যে সুইডেনের মহিলা রাষ্ট্রদূত আলভা মারভাল নিজের ভাষণে ইউরোপীয় সাহিত্যে আদর্শের যে উত্থান-পতন চলেছে তারই রূপরেখা দান করে সন্তোষ প্রকাশ করে বলেন যে, সাহিত্য আবার যেন সর্বব্যাপী কলাগণের পথ খুঁজে পেয়েছে—বহু অভিজ্ঞতার শেষে আবার তাই বুকেছে শাস্ত্র আদর্শের দিকে।

এ ছাড়া, যুক্তরাষ্ট্র, ফ্রান্স, পশ্চিম জার্মানী, ইরান, মিশর, ব্রহ্ম, ইন্দোনেশিয়া, সিংহল ও রুশিয়ার প্রতিনিধিগণ সকলেই ভারতীয় আদর্শ ও সাহিত্যের প্রতি শ্রদ্ধা নিবেদন করে বঙ্গ-সাহিত্যের ক্রমোন্নতির শুভ-কামনা করলেন। শুনে আনন্দ হ'ল যে, প্রতিনিধিদের সকলেই রবীন্দ্র-রচনার সঙ্গে পরিচিত। এঁদের মধ্যে ফ্রান্সের প্রতিনিধি বৈজ্ঞানিক মিঃ লেগুই নিজের মাতৃভাষায় বক্তৃতা দিয়ে জানান যে, কবিগুরুর সঙ্গে তাঁর পরিচয় হয়, কবির নোবেল পুরস্কারপ্রাপ্তির পর তাঁর ফ্রান্সে অ্যগমন থেকে। তিনি সেইদিন থেকে আজীবন রবীন্দ্রভক্ত। ইরানী প্রতিনিধিও ইরানী ভাষায় অভিভাষণ আরম্ভ করে ইংরেজীতে উপসংহার করেন। কিন্তু সকলের বড় বিষয় ছিল রুশিয়ার দুই জন প্রতিনিধির মুখে হিন্দী ও বাংলা অভিভাষণ, রুশিয়ার প্রাচ্যবিজ্ঞা একাডেমির ডিরেক্টর মিঃ শিলিকফ হিন্দীতে এবং মস্কো বিশ্ববিদ্যালয়ের বাংলার

অধ্যাপক মিঃ স্ত্রাণক গ্যাসিলচাক বাঙালীর বাচনভঙ্গীতে পরিচয় বাংলা ভাষায় অভিভাষণ দিলেন। হিন্দী উচ্চারণে বরং অস্পষ্টতা ছিল, কিন্তু বাংলা শব্দ-প্রয়োগে ধরার উপায় ছিল না—কোন বিদেশাগতের মুখে লিখিত ভাষণ শুনছি। ইনি মস্কোর রবীন্দ্র-সাহিত্য প্রচার কমিটির একজন প্রখ্যাত সদস্য এবং স্বয়ং বঙ্কিমচন্দ্রের একখানি উপগ্রাস মাতৃভাষায় অনুবাদ করেছেন। এর কাছে সংবাদ পাওয়া গেল যে, গীতাঞ্জলির প্রথম যে রূপ-সংস্করণ তাঁরা ছাপছেন, ইতিমধ্যে তার লক্ষাধিক কপির অগ্রিম আবেদন তাঁরা পেয়েছেন। এদের পরবর্তী কাজ হ'ল রবীন্দ্ররচনাবলী দশ খণ্ডে মুদ্রণ করা; তবে প্রথম চার খণ্ডে যে-যে রচনা সন্নিবেশিত হয়েছে তারও একটি তালিকা পড়ে শুনালেন। এ ছাড়াও, হিন্দী ও বাংলার আধুনিক সাহিত্যিকগণের রচনাও অনুবাদ করতে তাঁরা মনস্থ করেছেন বলে জানালেন।


এই অধিবেশনের জন্ত বিশেষ ভাবে রচিত একটি জ্ঞানসমৃদ্ধ ইংরেজী নিবন্ধে বাংলা সাহিত্যের একটি ধারাবাহিক পরিচয় দান করেন অধ্যাপক শ্রীশ্রীকুমার বন্দ্যোপাধ্যায়।

স্থায়ী সভাপতি শ্রীদেবেশ দাশ তাঁর মুদ্রিত অভিভাষণে বলেন যে, 'রাজনীতির খেলায় বাংলা দেশের সীমা অনেকবার বদলে গেছে। কিন্তু বর্তমানের মত এত সঙ্কচিত বোধ হয় কখনও হয় নি। আমাদের নদীতে ভরা দেশে নদী যখন দুই কুসই ভেঙে দিয়ে যায়, তখন বজ্রার বুকেই আমরা বাসা বাঁধি। এই হচ্ছে শতাব্দীর পর শতাব্দীর জীবনমন্ডন করা বিবে নীলকণ্ঠ বাঙালীর অমৃতসাধনা।'

জাতীয় সঙ্গীতের শেষে তিনদিনব্যাপী বঙ্গ-সাহিত্য সম্মেলনের কার্যসূচী শেষ হ'ল। বাকি ছিল দুটি কাজ। আন্তর্জাতিক প্রতিনিধিদের সম্মানার্থে আয়োজিত প্রতিনিধি-শিবিরে একটি প্রীতি-সম্মেলন ও রাত্রে কলকাতার সাংস্কৃতিকী কর্তৃক অনুষ্ঠিত রবীন্দ্রনাথের গীতিনাট্য—চিত্রাঙ্গদা। গীতাংশ চমৎকার, কিন্তু নৃত্যছন্দ মাঝে মাঝে ক্লাস্তিকর হয়ে উঠেছিল।

রাষ্ট্রপুঞ্জের প্রতিনিধিরা কয়েকটি দৃশ্যমাত্র দেখতে সক্ষম হয়ে-ছিলেন, কেননা তাঁদের আর অপেক্ষা করার অবসর ছিল না—তখনই দিল্লীতে ফিরতে হবে।

এর মাঝেই ধন্যবাদ দিতে উঠে শ্রীদেবেশ দাশ জানালেন, আগামী অধিবেশনের নিয়ন্ত্রণ পাওয়া গেছে স্বদূর আমেনাবাদ থেকে।



কল্যাণপ্রতী রাত্রে জনসাধারণকে যদি বাস্তবে রূপায়িত করতে হয় তা হলে সরকারী খরচ বৃদ্ধি করা ছাড়া গত্যস্তব নেই।

শ্রী আদিত্য প্রসাদ সেনগুপ্ত

কল্যাণপ্রতী রাত্রে জনসাধারণকে যদি বাস্তবে রূপায়িত করতে হয় তা হলে সরকারী খরচ বৃদ্ধি করা ছাড়া গত্যস্তব নেই। রাত্রে প্রয়োজন দিনের পর দিন ক্রমশঃ বেড়েই চলেছে। কাজেই রাষ্ট্রীয় প্রয়োজন অনুযায়ী জনসাধারণের কাছ থেকে কর আদায় না করলে সরকারের পক্ষে খরচের পরিমাণ বৃদ্ধি করা সম্ভবপর নয়। অবশ্য কর বৃদ্ধিকে মানুষ সাধারণতঃ প্রীতির চক্ষে দেখে না। কিন্তু রাষ্ট্রীয় প্রয়োজনে অগাধ উন্নত দেশের জনসাধারণ যে ভাবে করভার বহন করছেন সে ভাবে করভার বহন করার জগৎ ভারতের জনসাধারণ যাতে ক্রমশঃ প্রস্তুত হতে পারেন তার পরিবেশ সৃষ্টি করা দরকার।

একথা অস্বীকার করার উপায় নেই যে, পৃথিবীর বিভিন্ন উন্নত দেশে খুব উচ্চ হারে কর আদায় করা হয়ে থাকে। তবে এর পিছনে সমর্থনযোগ্য কারণ বিদ্যমান রয়েছে। জানা গিয়েছে, উন্নত দেশগুলিতে যারা পশু হয়ে পড়েছেন কিংবা যাদের কর্ম-সংস্থানের কোন ব্যবস্থা হয় নি কিংবা যারা বান্ধিকের জগৎ কাজ করতে অক্ষম তাদের জগৎ সরকার নিজেই কর্তে সামাজিক বৃত্তির ব্যবস্থা করেছেন। তা ছাড়া কোন কোন দেশে সরকার কর্তৃক এমন ব্যবস্থা অবলম্বিত হয়েছে যার ফলে চিকিৎসার জগৎ জনসাধারণকে পশুসা খরচ করতে হয় না। এমনকি বালক-বালিকাদের বিনা বায়ে মাটি কলেশন শ্রেণী পর্যাস্ত পড়বার সুযোগও দেওয়া হয়েছে। এই ধরনের সমস্ত জনহিতকর কাজের বাস্তবায়ন সরকারই বহন করে থাকেন। সফল করবার বিষয় হচ্ছে, ধনীদিগের নিবিশেষে সকলের মঙ্গলের জগৎ দেশের সরকার যে টাকা খরচ করেন সে টাকার একটা অংশ সরকার দেশবাসীর কাছ থেকে করে মাধ্যমে সংগ্রহ করেন। প্রশ্ন হতে পারে, জনসাধারণের পক্ষ থেকে এর বিরুদ্ধে কোন প্রতিবাদ জানান হয় না কেন। জনসাধারণ বুঝতে পারেন, যে সব ব্যবস্থার জগৎ সরকার বাস্তবায়ন করেন সে সব ব্যবস্থা একদিকে যেবকম জনহিতকর সেবকম অগাধিকে প্রচুর ব্যয়সাপেক্ষ। কাজেই প্রতিবাদের প্রশ্ন উঠে না।

পৃথিবীর উন্নত দেশগুলির বর্তমান অবস্থা এবং আমাদের দেশের বর্তমান অবস্থার মধ্যে বিরাট পার্থক্য আছে। আমরা আগেই বলেছি, সে সব দেশের সরকার কল্যাণপ্রতী রাত্রে প্রয়োজন অনুসারে জনসাধারণের কাছ থেকে কর আদায় করেন। তবে জনসাধারণের মধ্যে যেবকম শ্রেণী এবং পর্যায়ের পার্থক্য রয়েছে—সে বকম অর্থসামর্থ্যের তারতম্যও বিদ্যমান। ফলে সরকার যে কর আদায় করেন সে করের পার্থক্য অবশ্যস্বাভাবিক হয়ে পড়ে। ভারতের অবস্থা কিন্তু অল্প ধরনের। এখানে ব্যক্তিগত আয়ের উপর ক্রমশঃ উচ্চতর হারে কর আদায়ের ব্যবস্থা রয়েছে। তবে যেহেতু ব্যক্তি-

গত মালিকানা পরিচালিত কারবারের উপর ব্যক্তিগত খরচের একটি বিরাট অংশ চাপিয়ে দেবার সুযোগ আছে—সে হেতু যাদের কাছ থেকে আদায় করা হয় তাদের অনেকেই অনায়াসে ব্যক্তিগত আয়ের একটি অংশ থেকে বেহাই পেয়ে সাশ্রয় করতে সমর্থ হন।

সোভিয়েট রাশিয়ায় প্রচলিত করপ্রথা সফলকমে যাদের ধারণা আছে তারা হস্ত একটা বৈশিষ্ট্য বিশেষ ভাবে লক্ষ্য করেছেন। সেখানে আলোচনা ভাবে সরকার আদায়ের ব্যবস্থা অবলম্বিত হয় না। যে সব জিনিস আমদানী করা হয় সে সব জিনিসের উপরও সরকার আলোচনা ভাবে কর আদায় করেন না। অথচ দেশের ভিতরে এবং বাইরে যে সকল পণ্য বিক্রী করা হয় সে সব পণ্যের উপর সোভিয়েট সরকারকে খুব উচ্চ হারে কর দায়ী করতে দেখা যায়। একথা বলা নিত্যাযোজন যে, সরকার এই ভাবে প্রচুর টাকা আদায় করেন। অবশ্য এই ধরনের করপ্রথা কলে পণ্যের মূল্য বেড়ে যায়। উদাহরণস্বরূপ বিলাসদ্রব্যের কথা বলা যেতে পারে। রাশিয়ায় বিলাসদ্রব্যের দাম খুব চড়া। এর চেয়ে অ-কমুনিষ্ট দেশগুলিতে বিলাসদ্রব্যের দাম অনেক কম। তবে এই সব দেশেও বিলাসদ্রব্যের উপর কর দায়ী করে সরকার প্রচুর অর্থ সংগ্রহ করে থাকেন। আমাদের দেশেও দেবেছি, কতকগুলি বিলাসদ্রব্যের উপর খুব উচ্চ হারে আমদানী কর দায়ী করা হয়েছে। তবে অগাধ দেশের তুলনায় ভারতে আমদানী করজনিত বোঝা তেমন তরফ হয় নি।


কিছুকাল পূর্বে অর্থকমিশনের সভাপতি এবং সভাবৃন্দ কলকাতায় এসেছিলেন। চারদিন ধরে এদের বৈঠক চলছিল। শ্রী কে. শাস্ত্রনাম হসেন অর্থকমিশনের সভাপতি। কলকাতা ছেড়ে যাবার আগে তিনি একটি সাংবাদিক বৈঠকে ভারতের অর্থনীতি সফলকমে আলোচনা পদক্ষেপে এই মর্মে অভিমত প্রকাশ করেন যে, ভবিষ্যতে করভার আরও বর্ধিত করা ছাড়া উপায় নেই। কেন করবৃদ্ধি অনিবার্য হয়ে পড়বে বলে তিনি মনে করছেন, সে সফলকমে তিনি কতকগুলি সম্ভাব্য কারণের উল্লেখ করেছেন। এসকল কারণের মধ্যে বৈশ্বয়িক পরিকল্পনার সার্থক রূপায়ণের প্রয়োজনীয়তার উপর বিশেষ জোর দেওয়া হয়েছে। আমাদের মনে হচ্ছে, করবৃদ্ধির আগে লোভী ব্যবসায়ীরা যে অতি-মুনাফার জগৎ সচেষ্ট হন সে মুনাফার বোঝা যাতে জনসাধারণকে বহন করতে না হয় তার জগৎ সরকারের পক্ষে ব্যবস্থা অবলম্বন করা দরকার। সরকারী ব্যবস্থা যদি সাফল্যমণ্ডিত হয় তা হলে জনসাধারণের অর্থের সাশ্রয় হবে এবং সরকারও এর কিছু অংশ রাজকোষে আদায় করতে পারবেন। যতদিন পর্যাস্ত সরকার অতি-মুনাফার বোঝা থেকে জনসাধারণকে

এসে গেছে! এই **ডালডা**

দেওয়া **নতুন টিন**

ডালডাকে সম্পূর্ণ খাঁটা

ও তাজা রাখে



- **বিশুদ্ধ ও তাজা** ডালডা কেনবার সময় সম্পূর্ণ বিশুদ্ধ ও তাজা অবস্থায় পাচ্ছেন—কারণ টিনে বায়ুরোধক শীলকরা ঢাকনা ডালডাকে সুরক্ষিত রাখে।
- **বিশুদ্ধ ও তাজা** ব্যবহারের সময়ও ডালডা সম্পূর্ণ বিশুদ্ধ ও তাজা থাকে কারণ ভালভাবে এঁটে বসা বাইরের ঢাকনাটি ডালডাকে সর্বদাই ধুলোবালি ও মাছি ইত্যাদির থেকে বাঁচিয়ে রাখে।
- **খুলতেও কি সুবিধে** খুলতে আর ব্যবহার করতে কি সুবিধে!
- **পুরোনো খালি টিন** কত কাজে লাগে—ডাল টিনি মশলাপাতি রাখতে টিনগুলো সত্যিই খুব কাজে লাগে।

ডালডা ১/২ পাঃ, ১ পাঃ, ২ পাঃ*, ৫ পাঃ* এবং ১০ পাউণ্ড* টিনে পাওয়া যায়
* এই টিনগুলিতে ডবল ঢাকনা আছে

ডালডা মারকা **বনস্বতি**



ডালডা আমার
পক্ষে ডালো!

HVM. 287-X52 B

নিষ্কৃতি দিতে পারবেন না ততদিন পর্য্যন্ত সবকারের করভার বৃদ্ধি করবার কোন নৈতিক অধিকার আছে বলে আমরা মনে করি না।

কি নীতি অনুযায়ী এবং কতটা পরিমাণ রাজস্ব কেন্দ্রীয় ও রাজ্যসরকারগুলির মধ্যে পাঁচ বছরের জন্য আইনসম্মত ভাবে বণ্টন করা দরকার এবং বাঞ্ছনীয় সে সম্বন্ধে প্রয়োজনীয় সুপারিশ করা হ'ল অর্থকমিশনের একমাত্র কর্তব্য। অবশ্য এই রাজস্ব কোন একটা বিশেষ দফার মধ্যে সীমাবদ্ধ নয়। বিভিন্ন দফার রাজস্ব বণ্টনের ব্যাপারে অর্থকমিশনের গুরুত্বপূর্ণ ভূমিকা রয়েছে। তবে বর্তমানে প্রচলিত করপ্রথা পরিবর্তন সম্বন্ধীয় কোন সুপারিশ করার আইনসম্মত অধিকার কমিশনের নেই। এমনকি, নূতন কর ধার্মা করা সম্বন্ধেও কমিশন আইনসম্মতভাবে কোন সুপারিশ কথতে পারেন না। মোট কথা হ'ল এই যে, করপ্রথা সম্বন্ধীয় গোটা ব্যাপারটি অর্থকমিশনের এজেন্ডারের বহির্ভূত।

ভবিষ্যতে অনিবার্যভাবে করভার বেড়ে যাবে বলে শ্রী কে.

শাস্তনম্ যে মন্তব্য করেছেন সে মন্তব্যটিকে অর্থকমিশনের হাতে জ্ঞাত দায়িত্বের পরিপ্রেক্ষিতে বিচার করলে যদিও অপ্রাসঙ্গিক বলে প্রতিভাত হবে তথাপি একথা অস্বীকার করবার উপায় নেই যে, তাঁর মন্তব্যটি খুব সময়োপযোগী হয়েছে। যারা ভারতের অর্থ-নৈতিক অবস্থার সঙ্গে পরিচিত তাঁরা ভবিষ্যৎ করবৃদ্ধির সম্ভাবনায় চিন্তিত না হয়ে পারবেন না। অবশ্য কোন দেশের জনসাধারণের কাছে করবৃদ্ধির সম্ভাবনা বাঞ্ছনীয় বলে মনে হবে না। তবে সময় থাকলে যদি এই সম্ভাবনা সম্পর্কে সতর্ক করে দেওয়া হয় তা হলে জনসাধারণ হয়ত বৃদ্ধিত করভার বহন করার জন্য প্রস্তুত হতে পারবেন। এই দিক থেকে বিবেচনা করলে মনে হয়, ভবিষ্যৎ করবৃদ্ধি সম্পর্কে ইঙ্গিত দিয়ে শ্রী কে. শাস্তনম্ মনে হয় অগ্রায় কিছুই করেন নি, যদিও অর্থকমিশনের সভাপতি হিসাবে প্রচলিত করভারের পরিবর্তন সম্বন্ধে কোন সুপারিশ করার আইনসম্মত অধিকার তাঁর নেই।

ভ্রম-সংশোধন

গত পৌষ মাসের 'প্রবাসী'তে "রাতের আকাশের রূপবৈচিত্র্য" নামক প্রবন্ধে কিছু ভুল হইয়াছে। ৩৭৭ পৃষ্ঠায় বলা হইয়াছে "...ঋক্ষ বা বড় কুকুর মণ্ডলের লুক্ককে"। কিন্তু ঋক্ষ বলিতে বড় কুকুর মণ্ডল বঝায় না। ঋক্ষ শব্দের মানে ভল্লুক ও নক্ষত্র। ঋক্ষ শব্দ হইতে গ্রীক Arktos ও পরে লাতিন Ursa হইয়াছে। আমাদের সম্ভ্রম মণ্ডলকে পাশ্চাত্য জ্যোতিষে Ursa Major বা Great Bear বলা হয়। 'বৈদিক ঋষিরা ঋক্ষগণ বলিতে হয়ত সম্ভ্রমকে বুঝিতেন'। স্তত্রায় ঋক্ষমণ্ডল কথাটি সম্ভ্রমমণ্ডলের পরিবর্তে ব্যবহার করা যাইতে পারে, 'বড় কুকুর মণ্ডল' বা Canis Majoris-এর বদলে নয়।

৩৭০ পৃষ্ঠায় বলা হইয়াছে—"এই কালপুরুষ হচ্ছেন রুদ্রের প্রতীক—এ'র পৌরাণিক যুগের নাম যুগ নক্ষত্র।" বেদ এবং পুরাণের রচনাকালের মধ্যে দীর্ঘ ব্যবধান। কিন্তু বেদের অব্যবহিত পরবর্তী ব্রাহ্মণের যুগেও যে কালপুরুষের নাম ছিল যুগ বা যুগব্যাধ, ঋগ্বেদের অন্তর্গত ঐতরেয় ব্রাহ্মণের একটি উপাখ্যান হইতে তাহা জানা যায়। কৃত্তিকা সম্বন্ধে (পৃ. ৩৭৬) বলা হইয়াছে—"ইতার গ্রীক নাম Pleiades। Pleiones--বহু থেকে উৎপন্ন বলে এই নাম।" এই উক্তিও কিছু ভুল আছে। প্রাইয়াড্‌স কৃত্তিকার গ্রীক নাম নয়—"ইংরেজীতে কৃত্তিকার চলিত নাম প্রাইয়াড্‌স। গ্রীক

Pleiones==বহুলা হইতে উৎপন্ন।" আমাদের জ্যোতিষেও "কৃত্তিকার একটি প্রাচীন নাম বহুলা।" (যোগেশচন্দ্র রায় প্রণীত "আমাদের জ্যোতিষী ও জ্যোতিষ", পৃ. ৪২৮)

ক্যাসিওপিয়া নক্ষত্রকে (পৃ. ৩৭৪) আমাদের জ্যোতিষশাস্ত্রে শতভিষগ বা শতবৈদ্য বলা হয় না; কুন্তরাশিতে দৃষ্ট অনেকগুলি তারাকে মণ্ডলাকারে কল্পনা করিয়া আমাদের জ্যোতিষীরা শতভিষক শতভিষা বা শততারকা নামকরণ করিয়াছিলেন। "শতভিষার অর্থ যাহাতে শতভিষক বা বৈজ্ঞ আছে বা আবশ্যক হয়। শতভিষা নক্ষত্রে চন্দ্র থাকিবার সময় রোগ হইলে নাকি শত বৈজ্ঞেও তাহার উপশম করিতে পারে না। শত অর্থে বহুসংখ্যক। এই নক্ষত্রে বহুসংখ্যক তারকা আছে বলিয়া নাম শততারকা হইয়াছে।" (ঐ)

হিন্দু জ্যোতিষে ক্যাসিওপিয়া নাম শুধু কাশ্বপী-ই, আর পাসিউস হইতেছে 'পুরুষ'। পাসিউস মণ্ডলের আলগল বা দৈত্যাতারা আমাদের পুরাণের শতরূপা বলিয়া আচার্য্য যোগেশচন্দ্র অনুমান করেন। তাঁর মতে পাশ্চাত্য জ্যোতিষে যে মণ্ডলের নাম একুইলা বা ঈগল পক্ষী, তাকে বিকুর বাহন গরুড়পক্ষী বলিয়া মনে করা যাইতে পারে।



দেশ-বিদেশের কথা



ভারত সেবাশ্রম সঙ্ঘ

সাধারণ সমিতির বার্ষিক অধিবেশন

গত ২৩শে ডিসেম্বর ভারত সেবাশ্রম সঙ্ঘের সাধারণ সমিতির বার্ষিক অধিবেশন সঙ্ঘের প্রধান কার্যালয়ে অনুষ্ঠিত হইয়াছে। সঙ্ঘ-সভাপতি শ্রীমৎ স্বামী সচ্চিদানন্দজী মহারাজ সভাপতির আসন গ্রহণ করেন। সাধারণ সম্পাদক স্বামী বেদানন্দজী যে বার্ষিক কার্যবিবরণী আলোচনা করেন, তাহা হইতে জানা যায়, আলোচ্যবর্ষে সাতটি প্রচারক-বাহিনী পশ্চিমবঙ্গ, বিহার, উড়িষ্যা, উত্তর প্রদেশ, মধ্যপ্রদেশ, আসাম, অন্ধ্র, সৌরাষ্ট্র প্রভৃতি রাজ্যে, পরিভ্রমণপূর্বক, জাতিগঠন-মূলক প্রচারকার্য করেন। গয়া, কাশী, প্রয়াগ, পুণ্ড্রী, বৃন্দাবন, কুরুক্ষেত্রস্থিত সঙ্ঘের তীর্থসংস্কার কেন্দ্রগুলিতে ৫৬,৭২৭ জন তীর্থযাত্রীকে নিরাপদে আশ্রয় ও আহাৰ্য্য দান করা হইয়াছে।

ঐ বৎসর উত্তরবঙ্গ, বিহার, উড়িষ্যা, আসামের প্রবল বঙ্গায় হুগত নরনারীদের ভিতর ব্যাপক সেবাকার্য্য করা হয়। এতদ্ব্যতীত গয়ায় পিতৃপক্ষ মেলা, কাশীতে অন্নকুট মেলা, গঙ্গাসাগর মেলা, প্রয়াগে মাঘ মেলা, কুরুক্ষেত্রে সূর্য্যগ্রহণ মেলায়ও সেবাকার্য্য পরিচালিত হয়।

আলোচ্যবর্ষে সঙ্ঘের শিক্ষা-প্রসার কার্য্যও সাকল্যেব সঙ্গে অনুষ্ঠিত হইয়াছে। ১২টি আবাসিক ছাত্রাবাসে ছই শত ছাত্রকে বিশ্ববিদ্যালয়ের শিক্ষার সঙ্গে সঙ্গে তাহাদের নৈতিক জীবন গঠনের শিক্ষাদান করা হয়। দক্ষিণ আমেরিকায় ব্রিটিশ গায়েনায় এক শত ছাত্রের বাসোপযোগী একটি দ্বিতল ছাত্রাবাস নির্মাণের কার্য্য আরম্ভ হয়। ৩২টি প্রাথমিক বিদ্যালয়, একটি জুনিয়র হাই স্কুল, আটটি নৈশ বিদ্যালয় সঙ্ঘের তত্ত্বাবধানে পরিচালিত

হয়। সঙ্ঘকর্তৃক গঠিত হিন্দু ধর্মশাস্ত্র পরীক্ষা বোর্ডের মাধ্যমে সহস্রাধিক ছাত্রছাত্রী গীতা, রামায়ণ, মহাভারত অধ্যয়ন করে এবং তিনটি পরীক্ষা-কেন্দ্র হইতে পরীক্ষাদান করে।

সঙ্ঘের তিনটি শিল্পশিক্ষা-কেন্দ্র হইতে বেকার গ্রামবাসিগণের কর্মসংস্থানের জগু বেত, বাঁশ, তাঁত ও পাপোশ নির্মাণ প্রভৃতি কুটীরশিল্প শিক্ষা দেওয়া হয়।

গিনিগোশ জুয়েলারি প্রেশালিস্ট



মৌলিকতায়
নির্ভরতায়
আধুনিকতায়

এম.বি. সরকার এণ্ড সন্স

ফোন-৩৪-১৭৬১ *জুয়েলার্স* গ্রাম-ট্রিনিয়াক্স

১৬৭/সি ১৬৭/সি/১ চত্বরজার স্ট্রীট কলিকতা ১২

গ্রাফ- বালি গল-২০০/২/সি রাসবিহারী এডিনিউ. কলিকতা-২১

স্বাক্ষরময় পুরাতন চিত্রালা
৩২৪, ১২৪/১, মহরাজার স্ট্রীট, কলিকতা ১২

কেবলমাত্র রবিবার খোলা থাকে

নতুন ব্রান্ড শাকুম - ডায়মেন্ট পুত্র ফোন: ৩৪-১৭৬১

ডয়াপেপসিন

পাকি পুণ্ডাবে
খাদ্য
হজম
করিতে
সাহায্য
করে

ইউনিয়ন ড্রাগ
কলিকাতা

সঙ্ঘের সমাজ-সংস্কার এবং অমুন্নত ও আদিবাসী উন্নয়ন প্রচেষ্টাও এবার বিশেষ সাফল্যমণ্ডিত হইয়াছে। তিনশত হিন্দুমিলন-মন্দির (গ্রাম সংগঠন-কেন্দ্র) হইতে গ্রামবাসিগণের শিক্ষা, স্বাস্থ্য, সমাজ-কল্যাণকর বিবিধ গঠনমূলক কার্যাদি পরিচালিত হয়।

১২টি কেন্দ্র হইতে আদিবাসী ও অমুন্নত শ্রেণীর কল্যাণের জন্ত বিবিধ গঠনমূলক কার্য করা হয়। তাহাদের মধ্যে নৈশ বিদ্যালয়, ব্যায়ামাগার প্রতিষ্ঠা, পাঠাগার স্থাপন, এবং বিবিধ ধর্মীয় ও সামাজিক অনুষ্ঠানাদির প্রবর্তন করা হয়। সঙ্ঘ-পরিচালিত ভারতীয় সংস্কৃতি মিশনের অগ্রতম সদস্য স্বামী পূর্ণানন্দজীর প্রচেষ্টায় দক্ষিণ আমেরিকার ব্রিটিশ গায়েনা ও ত্রিনিদাদে বাইশটি কেন্দ্রের মাধ্যমে ভারতীয় সংস্কৃতি ও হিন্দুধর্মের মহান আদর্শ প্রচার করা হয়। এই স্থানে মিশনের স্থায়ী কেন্দ্র প্রতিষ্ঠার জন্ত ২০ একর জমি এবং ৫০ হাজার টাকা সংগৃহীত হইয়াছে। বাষিক কার্য-বিবরণী সংক্রান্ত আলোচনার পর সঙ্ঘের যুগ্ম-সম্পাদক স্বামী যোগানন্দজী ১৩৬১ সালে সঙ্ঘের আয়ব্যয়ের যে পরীক্ষিত হিসাব উপস্থাপিত করেন তাহা এই—আয় সাধারণ খাতে ৩,৩৯,৯৭৭/১৫, ব্যয় ২,৪৮,৭৮০.৫ এবং সাহায্য খাতে আয়—৯৩,৭৭৪/০, ব্যয় ৪৫,১৯৯ টাকা।

হাওড়া জেলা পাঠাগার-সঙ্ঘ

গত ৩০শে ডিসেম্বর, মাজু পাবলিক লাইব্রেরীর প্রাঙ্গণে হাওড়া জেলা পাঠাগার-সঙ্ঘের উদ্বোধনে হাওড়া জেলা পাঠাগার সম্মেলনের চতুর্থ বাষিক অধিবেশন অনুষ্ঠিত হয়। এই সম্মেলনে হাওড়া জেলার বিভিন্ন গ্রন্থাগারের প্রায় দুই শত কর্মী এবং বহু বিশিষ্ট শিক্ষাবিদ সমাজসেবী ও গ্রন্থাগার-প্রতিনিধিগণ যোগদান করেন।

সম্মেলনে সভাপতিত্ব করেন কলিকাতা বিশ্ববিদ্যালয়ের বাগেশ্বরী অধ্যাপক ড. শ্রীনিহাররঞ্জন রায়। অভ্যর্থনা-সমিতির সভাপতি শ্রীমদীধন সরকার উপস্থিত ব্যক্তিবর্গকে স্বাগত সম্বাষণ জানাইয়া শিক্ষা ও সংস্কৃতি ক্ষেত্রে মাজু গ্রামের দানের কথা উল্লেখ করেন। সঙ্ঘ-সম্পাদক শ্রীগোষ্ঠবিহারী চট্টোপাধ্যায় মহাশয় সঙ্ঘের ১৯৫৫-৫৬ সনের বাষিক বিবরণী পাঠ করেন। সভাপতি ড. রায় দেশের গ্রন্থাগার ব্যবস্থার পরিকল্পনা রূপায়ণে সরকার ও জনসাধারণের মধ্যে ঘনিষ্ঠতর সহযোগিতার উপর বিশেষ জোর দেন। সভায় সঙ্ঘ-সভাপতি শ্রীরতনমণি চট্টোপাধ্যায় বঙ্গীয় গ্রন্থাগার পরিষদের সম্পাদক শ্রীফণীভূষণ রায় প্রমুখ ব্যক্তিগণ বক্তৃতা করেন।

শ্রীরামপুরের
এস.চক্রবর্তীর

স্পেন্সাল গোল্ডেন
XX
নগর

জোল এজেন্ট

লক্ষ্মী এজেন্সী
৪৩/১, ফ্র্যাঙ্ক রোড • কলিকাতা-৭

পুস্তক পরিচয়

তত্ত্বজিজ্ঞাসা—অধ্যাপক শ্রীসতীশচন্দ্র চট্টোপাধ্যায়, এম-এ.
পি-এচ-ডি। দাশগুপ্ত এণ্ড কোং লিঃ কলিকাতা। মূল্য দুই টাকা।

আলোচ্য গ্রন্থখানি খ্যাতনামা প্রবীণ অধ্যাপকের গভীর পাণ্ডিত্যের স্বাক্ষর বহন করিতেছে। গ্রন্থখানিতে বারোটি সুচিন্তিত প্রবন্ধ স্থান লাভ করিয়াছে। বাংলা ভাষায় দর্শনের দুরূহতম সমস্যার কত অনায়াস সচ্ছন্দ আলোচনা হইতে পারে তাহার নিদর্শন আলোচ্য গ্রন্থখানিতে মিলিবে। গ্রন্থকার প্রাচ্য ও পাশ্চাত্যের বিভিন্ন মনীষীর মতবাদের তুলনামূলক আলোচনার অবতারণা করিয়াছেন বিভিন্ন অধ্যায়ে। 'দর্শনের স্বরূপ' প্রবন্ধে জড়বাদ ও দুইবাদকে ডাঃ চট্টোপাধ্যায় দর্শন বলিয়া স্বীকার করেন নাই। এই প্রসঙ্গে তিনি ভারতীয় এবং পাশ্চাত্য দেশের বিভিন্ন মনীষীর মতবাদের উল্লেখ ও সমালোচনা করিয়া যে যুক্তিপূর্ণ সিদ্ধান্তে উপনীত হইয়াছেন তাহা প্রণিধানযোগ্য। তাহার কথা উদ্ধৃত করিয়া দিইঃ "দর্শন শ্রায়সম্পত্ত যুক্তির দ্বারা সমর্থিত জ্ঞান বটে, কিন্তু যে কোন যুক্তিযুক্ত জ্ঞানকে দর্শন বলা যায় না। যুক্তি দ্বারা সমর্থিত পারমার্থিক তত্ত্বজ্ঞানই প্রকৃত দর্শন।" আমরা দর্শনের এই সংজ্ঞা গ্রহণ না করিলেও গ্রন্থকারের যুক্তির বলিষ্ঠতা ও মতের সচ্ছতা স্বীকার করিতেছি। 'শ্রীঅরবিন্দ ও মানবজীবনের চিরন্তন সমস্যা' শীর্ষক প্রবন্ধটি চিত্তাকর্ষক ও সুলিখিত। ঋষি অরবিন্দ সম্পর্কে এ যুগে আগ্রহের অভাব নাই। গ্রন্থকার শ্রীঅরবিন্দের মূল দার্শনিক মতবাদ অতি সুন্দর ভাবে ব্যাখ্যা করিয়াছেন। শ্রীঅরবিন্দ দর্শনে চৈতন্য ও জড়ের পারস্পরিক সম্বন্ধ, তাহার দিব্যজীবনের ধারণা, বিশ্বচেতনার কথা, কর্ম ও যুক্তির ধারণা, এই সকল দুরূহ তথ্য আলোচ্য গ্রন্থখানিতে স্থান পাইয়াছে। 'মানুষের জীবনে যে একটি চিরন্তন সমস্যা দেখা যায় তাহার

সমাধানে শ্রীঅরবিন্দ কি আলোকপাত করিয়াছেন" ড. চট্টোপাধ্যায় তাহার পূর্ণাঙ্গ ও সার্থক আলোচনা করিয়াছেন উল্লিখিত প্রবন্ধে। এতদ্ব্যতীত ধর্ম ও দর্শন, দার্শনিক প্রমাণ পদ্ধতি, শ্রায় বৈশেষিক দর্শনে যুক্তির স্বরূপ ও উপায়, হিন্দুধর্মের স্বরূপ, কর্ম ও কর্মফল ও ভারতীয় সংস্কৃতিতে দর্শনের স্থান শীর্ষক প্রবন্ধগুলিতে গ্রন্থকারের সুগভীর মননশীলতার নিদর্শন রহিয়াছে। 'শ্রীশ্রীরামকৃষ্ণদেব' শীর্ষক প্রবন্ধটিও সুলিখিত ও সুখপাঠ্য। ঠাকুর ছিলেন দেব-মানব ও অবতার। তাহার আবির্ভাবের তাৎপর্য, তাহার মূল শিক্ষার প্রাঞ্জল ব্যাখ্যা করিয়া গ্রন্থকার বাঙ্গলাভাষাভাষী পাঠক-পাঠিকাদের কৃতজ্ঞতা-ভাজন হইয়াছেন। আলোচ্য গ্রন্থখানিতে সন্নিবিষ্ট সর্বশেষ প্রবন্ধটি হইল 'আচার্য্য কৃষ্ণচন্দ্র ভট্টাচার্য্যের দার্শনিক মতবাদ'। এই প্রবন্ধটি গ্রন্থখানির মূল্য বহুলাংশে বৃদ্ধি করিয়াছে। আচার্য্য কৃষ্ণচন্দ্র এ যুগে আবির্ভূত হইলেও তিনি প্রাচীন মননশীল চিন্তানায়কদের সমগোষ্ঠীয়। তাহার জীবনবাদ এ যুগের মনীষীদের জীবনবেদ। আপন নিভৃত নিলয়ে একাগ্র চিত্তে জ্ঞান-তপস্যায় নিরত এই মনীষীর জীবন-কথা ও দার্শনিক মতবাদের ব্যাপক আলোচনার সময় অসিয়াছে। আচার্য্য কৃষ্ণচন্দ্র বিংশ শতকের দার্শনিকদের মধ্যে বিশ্লেষণী চিন্তার অগ্রনায়ক। তাহার দার্শনিক মতবাদ প্রত্যেক দর্শন-অনুরাগীর প্রণিধানের বস্তু। "তাহার দার্শনিক চিন্তার গভীরতা, সুস্বয়ং বিশ্লেষণ ও বিচারবুদ্ধি এবং দার্শনিক সমস্যা সমাধানের নূতন ও মৌলিক পদ্ধতি দৃষ্টে মনে হয় যে তাহার সমতুল্য দার্শনিক এদেশে বা বিদেশে বিরল।" এই জ্ঞানতপস্বীর দার্শনিক মতবাদের ব্যাখ্যা ও আলোচনা করিয়া ড. চট্টোপাধ্যায় আমাদের ধন্যবাদার্থী হইয়াছেন। দর্শনশাস্ত্রানুরাগী বঙ্গভাষাভিজ্ঞ সকলের এই পুস্তকখানি পাঠ করা উচিত।

শ্রীসুধীরকুমার নন্দী

ছোট ক্রিমিরোগের অব্যর্থ ঔষধ "ভেরোনা হেলমিন্‌থিয়া"

শৈশবে আমাদের দেশে শতকরা ৬০ জন শিশু নানা জাতীয় ক্রিমিরোগে, বিশেষতঃ কৃষ্ণ ক্রিমিতে আক্রান্ত হয়ে ভয়-ভাঙ্ক প্রাপ্ত হয়, "ভেরোনা" জনসাধারণের এই বহুদিনের অসুবিধা দূর করিয়াছে।

মূল্য—৪ আঃ শিশি ডাঃ মাঃ সহ—২১০ আনা।

ওরিয়েন্টাল কেমিক্যাল ওয়ার্কস প্রাইভেট লিঃ

১১ বি, গোবিন্দ আজী রোড, কলিকাতা—২৭

ফোনঃ ৪৫—৪৪২৮



সুলভে কাশ্মীরী শাল

আপনি খুব সস্তায় ২৬ X ৫৬ সাইজের একটি কাশ্মীরী শাল পাইতে পারেন। মূল্য ছ' টাকা আট আনা মাত্র। পছন্দ না হইলে মূল্য ফেরৎ।

KASHMIRI SHAWL HOUSE
Durgiana (P.C) AMRITSAR.

একলব্য—শ্রীমতিলাল দাশ। প্রকাশিকা: শ্রীশ্রীতিরানী দাশ। ব্লক কে, প্লট ৪৬৭, নিউ আলিপুর, কলিকাতা-৩৩। মূল্য এক টাকা।

ছোটদের একাঙ্ক নাটক। ইহাতে মহাভারতের একলব্য চরিত্রটি নাটকীয় সংঘাতের মধ্য দিয়া হৃন্দর ভাবে ফুটাইয়া তোলা হইয়াছে। পুস্তকখানি ছেলেদের শুধু যে আনন্দবিধান করিবে তাহা নয়, তাহাদের চরিত্র-গঠনেরও সহায়ক হইবে।

রাজ্যবর্ধন—শ্রীমতিলাল দাশ। শিব সাহিত্য কুটীর। ব্লক কে, প্লট ৪৬৭, নিউ আলিপুর, কলিকাতা-৩৩। মূল্য দুই টাকা।

পঞ্চাঙ্ক নাটক। অস্পৃগুতার বিরুদ্ধে রাজ্যবর্ধনের অভিযান, দেশকে শত্রুর কবলমুক্ত করিতে প্রাণপণ সংগ্রাম, শত্রুকে আপন চরিত্রমাধুর্য্যে মুগ্ধ করিয়া জাতৃত্বে বরণ, তাঁর পিতৃভক্তি, ভ্রাতৃপ্রেম প্রভৃতি নাটকখানির সংলাপ এবং ঘটনার মাধ্যমে সৃষ্ট ভাবে ফুটিয়া উঠিয়াছে। রাজপুরোহিত, সেনাপতি এবং তাঁর কন্যার চরিত্রও হৃন্দর এবং স্বাভাবিক রূপেই ফুটাইয়া তোলা হইয়াছে। নাটক হিসাবে রাজ্যবর্ধন লেখকের সার্থক সৃষ্টি।

স্মৃতির রেখা—মহাদেবী বর্মা। অনুবাদ: শ্রীমলিনা রায়। প্রদীপিকা। কলিকাতা। মূল্য আড়াই টাকা।

গল্পসঙ্কলন। পুস্তকখানিতে সাতটি গল্প স্থানলাভ করিয়াছে; সাধারণ এবং তথাকথিত নিম্নশ্রেণীর মানুষ গল্পের পাত্রপাত্রী। মহাদেবী বর্মা হিন্দী সাহিত্যে সুপরিচিতা। যাদের তিনি দেখিয়াছেন তাদেরই হৃদয় আঁকিয়াছেন। ভক্তিন, চিনা ফিরিওয়াল, ছুটি পাহাড়ী ছেলে, মন্নর মা, বিবিয়া, ঠাকুরী বাবা ও গুদিয়া এই সাতটি গল্পের ভিতর দিয়া তিনি যে মানুষগুলিকে আমাদের চোখের সম্মুখে তুলিয়া ধরিয়াছেন, তাদের চরিত্র-মাধুর্য্য মনকে আবিষ্ট করিয়া রাখে।

শ্রীবিভূতিভূষণ গুপ্ত


বিক্রমোর্বশী—শ্রী“কুড়রাম” ভট্টাচার্য্য। ৬১১, বঙ্কিম চাটাজী ষ্ট্রীট, কলিকাতা-১২। মূল্য তিন টাকা।

অনুবাদের মাধ্যমে সংস্কৃত কাব্যনাটকাদির সহনয় হৃদয়বেগ রস পরিবেশন করিয়া যাহারা সংস্কৃতানভিজ্ঞ বাঙালী পাঠকদের ধন্যবাদভাজন

হইয়াছেন, কবি শ্রী“কুড়রাম” ভট্টাচার্য্য তাঁহাদের অন্যতম। তাঁহার পূর্ব-প্রকাশিত শকুন্তলার কাব্যানুবাদ শুধু যে পাঠকসমাজের মনোরঞ্জন করিয়াছে তাহা নয়, তাঁহার কবিখ্যাতিতেও দৃঢ় ভিত্তির উপর প্রতিষ্ঠিত করিয়াছে। নানা বিচিত্র ছন্দে রূপায়িত বিক্রমোর্বশীর এই কাব্যানুবাদ তাঁহার পূর্ব-প্রতিষ্ঠাকে সমধিক বর্ধিত করিবে।

বিক্রমোর্বশী কালিদাসের শ্রেষ্ঠ সৃষ্টিসমূহের অন্যতম। স্বর্গের অপ্সরা উর্বশী এবং রাজর্ষি পুরুষের পূর্বরাগ, মিলন-বিরহ মান-অভিমান ইহার উপজীব্য। কুবেরের আলায়ে নৃত্যগীতান্তে নন্দনকাননে প্রত্যাভর্জনকালে দেববৈরী কেশীর কবল হইতে উর্বশীকে উদ্ধার করিলেন রাজা পুরুষোত্তম—তার পর ইহাদের পরস্পরের মধ্যে অনুরাগের সঞ্চার হইল। কিন্তু এই নবানুরাগের মুহূর্ত্তে দেবরথ আনিয়া উর্বশীকে লইয়া গেল স্বর্গলোকে। কিন্তু রাজার প্রেমের দুনিবার আকর্ষণে তিরস্করণী বিদ্যাধারা আত্মগোপন করিয়া স্বর্গ হইতে উর্বশী আবার নামিয়া আনিলেন মর্ত্যলোকে, ভূর্জপত্রে লেখা লিপিতে অভিব্যক্ত হইল রাজার প্রতি তাহার সুগভীর প্রেম। দৈবক্রমে সে পত্র রাজমহিষী উশীনরীর হস্তগত হইয়া তাহার হৃদয়কে বিস্কৃত ও নিদারুণ বেদনায় পরিপূর্ণ করিয়া তুলিল। শেষ পর্য্যন্ত কাশীরাজ-কন্যা উশীনরী স্থির করিলেন, রাজার মনস্কামনা যাহাতে পূর্ণ হয় সেজন্ম তিনি নিজের সকল কামনা-বাসনা বিসর্জন দিবেন, উর্বশীকে তিনি সমাদরে গ্রহণ করিবেন সপত্নীরূপে। ওদিকে শাপভ্রষ্টা হইয়া উর্বশীকে আবার আসিতে হইল মর্ত্যভূমিতে। উর্বশী ও পুরুষোত্তমের পরিপূর্ণ মিলনের মাঝখানে অকস্মাৎ রচিত হইল বিরহের দুস্তর ব্যবধান—অভিমানিনী উর্বশী মায়াকাননে লভায় পরিণত হইলেন। শেষ পর্য্যন্ত গৌরীচরণরাগসম্বৃত ‘সঙ্গম’মণি-স্পর্শে আবার নিজের অনুপম রূপলাবণ্যময় দেহ ফিরিয়া পাইলেন উর্বশী। স্বর্গের অপ্সরা আর রাজার মিলনের ফলে জাত শিশু ‘আয়ু’ পুরুষোত্তম অজান্তে প্রতিপালিত হইল ঋষির আশ্রমে। রাজা যেদিন প্রথম পুত্রমুখ দর্শন করিলেন সেই পরম আনন্দের দিনেই তাঁহাকে অদৃষ্টের নিষ্ঠ রতম পরিহাসের সম্মুখীন হইতে হইল, উর্বশী স্মরণ করাইয়া দিল যে, দেবরাজের আদেশ—পিতাপুত্রের মিলনের পর তাহাকে চিরতরে চলিয়া যাইতে হইবে স্বর্গলোকে। এই বেদনাময় মুহূর্ত্তে আশাতীত আনন্দের বার্তা লইয়া আনিলেন দেবযি নারদ—দেবরাজ তাঁহার আদেশ প্রত্যাহার করিয়াছেন। উর্বশীকে আর স্বর্গে যাইতে হইবে

নাম মাত্র ৬ মূল্যে রিষ্টওয়াচ



পনর জুয়েলসম্বন্ধ রিষ্টওয়াচ (চেইনসহ)—পাঁচ বৎসরের গ্যারান্টি। অতিরিক্ত ডাকমাণ্ডল লাগিবে। পছন্দ না হইলে মূল্য ফেরৎ।

JAI HIND WATCH CO
P. B. 97 (P.156) AMRITSAR.



লোমনামক
সাবান, পাউডার
বা সোপ
—মোট ভাল লাগে।
চর্মসহজ করে ব্যবহারে জ্বালা নাই



স্টকিষ্ট: সুরেশ চৌরাস
১৭৪নং হারিসন রোড, কলিকাতা-৭

প্রিন্সিপাল মহাজন এও কোং, বোম্বে-২

না—তখন প্রণয়ীযুগল বৃষ্টিতে পারিলেন, তাহাদের সকল দুঃখকষ্টের অবসান হইয়াছে, ভাগ্যাকাশ হইয়া উঠিয়াছে সুপ্রসন্ন।

এই রোমাণ্টিক কাহিনীকে কালিদাস যে অনূপম রসশ্রীতে মণ্ডিত করিয়া তুলিয়াছেন, জগতের সাহিত্যে তাহা অতুলনীয়। বাংলা কাব্যে ইহাকে রূপায়িত করিতে গিয়া গ্রন্থকার যে ছন্দোন্নৈপুণ্য, ভাষার প্রসাদগুণ এবং কবিত্বশক্তির পরিচয় দিয়াছেন তাহা বিশ্বয়কর। কাব্যগ্রন্থখানি পড়িতে পড়িতে ইহাই মনে হয় যে, তিনি কালিদাসের রসসৃষ্টির একেবারে মর্মমূলে প্রবেশ করিয়া ইহার প্রাণসত্তার সহিত পরিচয় হইয়াছেন এবং সেজন্মই তাহার নিপুণ তুলিকায় বিক্রমোর্কশীর রোমাণ্টিক কাহিনীটি এমন অনির্কণ্টনীয় মাধুর্যে মণ্ডিত হইয়া উঠিয়াছে। উর্কশী মায়ালাভায় রূপান্তরিত হইবার পর পুরুষবা যখন তাহার সম্মানে বনে প্রবেশ করিলেন তখনকার বর্ণনাটি কবিত্ব-মাধুর্যে এবং ভাষার উদার গাভীর্যে মনকে বিচিৎরভাবে আন্দোলিত করে :

উদিল মজল নবমেঘনল
গগনকোণে
খর বারিধারে হানি' শরজাল
বেদনাবিধুর বিরহিননে।
বিজলী জলদে গরজে মাদল
নৃপতি হৃদয়ে জলে রোমানল,
বিরহোন্মাদ যেন কবিরাজ
বন প্রদেশে—
বীর পুরুষবা পশিলা কামনে
লতাকিশলয়জড়িত বেশে।"

সার্থক রসানুভূতি সৃষ্টির অঙ্গুল ভাষার এই উদাত্ত গভীর সুরটি বই-খানির আগাগোড়া অনুরক্ত। মাঝে মাঝে চট্টল ছন্দে শোনা যায় যেন

নৃত্যপরা উর্কশীর চরণের মঞ্জারশিঞ্জন। ভূমিকায় কবিশেখর শ্রীকালিদাস রায় সত্যই বলিয়াছেন, "প্রসাদগুণই তাহার রচনার সমাদর লাভের অত্যন্ত কারণ।


এই কাব্যগ্রন্থখানির প্রচ্ছদপট এবং রূপসজ্জাও অনিন্দ্য। বস্তুতঃ ভাব-সম্পদে ও ভাষার প্রসাধনে যেমন বিক্রমোর্কশী পাঠক চতুকে নন্দিত করিবে তেমনি ইহার অঙ্গসৌষ্ঠবও তাহার নয়নের পরিতৃপ্তিসাধন করিবে।


শ্রীনলিনীকুমার ভদ্র

পাথরের ফুল—শ্রীখগেন্দ্রনাথ মিত্র। সাহিত্যায়ন, ৮, শ্যামাচরণ দে প্লীট, কলিকাতা-১২। মূল্য এক টাকা চার আনা। দ্বিতীয় সংস্করণ।

প্রায় ত্রিশ বৎসর যাবৎ গ্রন্থকার কিশোর-কিশোরীদের উপযোগী বিভিন্ন বিষয়ে পুস্তক লিখিয়া বিশেষ খ্যাতি অর্জন করিয়াছেন। আলোচ্য গ্রন্থখানি যে তাহার খ্যাতি অশূন্য রাখিয়াছে—শুধু তাহাই নয়, ইহা কিশোর-সাহিত্যে একটি অভিনব দান বলিয়া তাহার খ্যাতি অনেকটা বাড়াইয়া দিয়াছে। একটি নিচক গল্পের মাধ্যমে শিল্পী-জীবনের দুঃখ-বিপদ, ব্যথা-বেদনা, নিষ্ঠা-ত্যাগ অনবগত ভাষায় বিবৃত হইয়াছে। জনৈক ধনী-গৃহিনীর খেয়ালে নিরন্ন শিল্পী অনবরত খাটিয়া যাইতেছেন একটি সুন্দর দ্রব্য তৈরীর নিমিত্ত। শিল্পী তাহার পুরকেও এই কার্যে লাগাইয়াছেন। একটি নারী আদিয়া পুরের জীবনকে মাধুর্যমণ্ডিত করিয়াছে—কর্মনিষ্ঠ নায়ক শিল্পীর ত্যাগবীর্যকেও মধুর করিয়া তুলিয়াছে। কাহিনীটির বিষয়বস্তু একরূপ রসোত্তীর্ণ হইয়াছে যে, উচ্চতম সাহিত্যের মর্যাদা লাভ করিয়াছে। এখানির বহুল প্রচার কামনা করি।


শ্রীখগেন্দ্রনাথ বাগল







প্রবাসী প্রেস, কলিকাতা

ধৃতরাষ্ট্রের অরণ্যযাত্রা
শ্রীবীবেশচন্দ্র গঙ্গোপাধ্যায়




জেলেনী

[ক্রেটো : ছায়ামকিব্বর সিংহ



মন্দির

[শিল্পী : ত্রিজ্যোতিষচন্দ্র বিশ্বাস বাগচী



“সত্যম্ শিবম্ সুন্দরম্
নায়মাশ্বা বলহীনেন লভ্যঃ”



১৬শ ভাগ
২য় খণ্ড

ফাল্গুন, ১৩৬৩

১ম সংখ্যা

বিবিধ প্রসঙ্গ

আগামী নির্বাচন

বিগত ২০শে জানুয়ারী পণ্ডিত নেহরু বোম্বাইয়ে নির্বাচনী-বক্তৃতায় কম্যুনিষ্ট পার্টির সম্পর্কে বলিয়াছিলেন, “কম্যুনিষ্টদের মেহনতি জনগণের একাধিপত্যের কথা অর্থহীন ও বাগাড়ম্বর মাত্র।”

ইহা খুবই সত্য। সম্প্রতি দেশে কম্মা ও শ্রমিক যোগদান তাঁহারা একদল অতি অপকৃষ্ট ও নিষ্ফল শ্রমিক নেতার উত্থানিতে ভুলিতে বসিয়াছেন যে, তাঁহারাও এদেশের জনসাধারণের অংশ। এদেশের জনসাধারণ বলিতে তাঁহাদিগেরই মা, বোন, বাপ-খুড়া, ভাইদেরই বুঝায়। তাঁহারা ক্রমেই স্বার্থ-সর্বস্ব হইয়া অগ্রপশ্চাত্ত বিবেচনাহীন হইয়া পড়িতেছেন, বাহার ফলে দেশের চতুর্দিকে কাল-কারবারের মধ্যে মাঝে মাঝে বিশৃঙ্খলা দেখা যাইতেছে এবং কাগ্যতঃ দেশের মুসামান ও দ্রব্য উৎপাদন হইতেই অবনতি দেখা দিতেছে। দেশের কল-কারখানার ও কুটায়জাত দ্রব্যাদির দাম চড়িতেছে এবং তাহা ক্রমেই নীচ ও বাজে হইয়া দাঁড়াইতেছে। বাংলা দেশে তাইহা চংমে গিয়াছে, বাহার ফলে এখানকার কল-কারখানা ও শিল্প-প্রতিষ্ঠানের অধোগতি হইতেছে এবং নূতন উদ্যোগ যাহারা করিতেছেন তাঁহারা পশ্চিম বাংলাকে প্লেগ-আক্রান্ত অঞ্চলের স্থায় দূরে রাখিয়া চলিতেছেন। ইহার অবশ্যস্বাবী ফল বেকার-সমস্যা ও দারিদ্র্য, বাহার ফল সকলকেই ভুগিতে হইবে—কি শ্রমিক, কি নিরীহ জনসাধারণ। এই ধ্বংসকাণ্ডে বিশেষ উৎসাহ দেখাইয়াছেন কম্যুনিষ্ট পার্টি ও তাঁহাদের হাতে-ধরা ছোট বড় ইউনিয়নগুলি এবং সেই সঙ্গে দেখাইয়াছেন ঐ জাতীয় উৎসাহ আরও কয়েকটি টুকরা দল। ইহারা গঠনমূলক কার্য করিতে জানেন না, ও চাহেন না, চাহেন শুধু ব্যক্তিগত এবং দলগত স্বার্থসিদ্ধি। জানেন শুধু বাধি-গতের শেখানো বুলি ও জানেন কংগ্রেসের নিন্দায় পক্ষমুখ হইতে। সেই কারণে নির্বাচনে ইহাদের জয়লাভ খুব ভরসায় বা আশার কথা বলা যায় না।

কিন্তু অল্প দিকেও কথা আছে। কংগ্রেসের মধ্যে ক্রমেই বলুৎ বাড়িতেছে। এবং সেই কারণে সমস্ত শাসনতন্ত্র দুর্নীতি ও অন্যাচার-

পূর্ণ হইয়া পড়িতেছে। অবশ্য এখনও কংগ্রেস সম্পূর্ণরূপে বাত্বস্ত হইয়া নাই, কিন্তু যে ভাবে তাহার উচ্চতম অধিকারীবর্গ, চাটুকার ও স্বার্থাশ্রয়ী অমুচরগণের প্রয়োচনায়, যথেষ্টাচারী ও সমালোচনাবিমুখ হইয়া উঠিতেছেন তাহাতে ভবিষ্যৎ বিশেষ আশাপূর্ণ নহে। আমলাতন্ত্র তা এখনই “হাতে মাথা কাটা” চালাইতেছেন, তাহাদের অত্যাচার বাড়িয়াই চলিতেছে, জনসাধারণের প্রতিকারের উপায় প্রায় কিছুই নাই। কেননা যদি কোনও লোক অত্যাচারের বিরুদ্ধে উচ্চ-অধিকারীর কাছে অভিযোগ জানায়, তাহা হইলে তিনি কর্ণপাত করিবেন না কিংবা হয়ত উ-টা তাহাকেই বিপদে ফেলিবেন। আদালতে যাইলে সরকারের সমস্ত শক্তি তাহার বিরুদ্ধে দাঁড়াইবে। অবশ্য হয়ত হাইকোর্টে বা সুপ্রীমকোর্টে প্রতিকার হইবে, কিন্তু ততদিনে অভিযোগকারী ধনে প্রাণে শেষ হইবে। এইরূপ অত্যাচার চতুর্দিকে যেরূপ চলিতেছে, তাহার পূর্বা কিরিস্তি একটি পূর্ণ সংখ্যায় দেওয়া যায় কিনা সন্দেহ। ক্ষমতার অপব্যবহার এখন আমলাতন্ত্রের বিশেষত্ব দাঁড়াইয়াছে।

কংগ্রেস বর্তমান নির্বাচনে যাহাদের ছাড়পত্র দিয়াছেন তাঁহাদের সকলের গুণাবলীর সহিত আমরা পরিচিত নহি। কিন্তু আপাত-দৃষ্টিতে যাহা দেখি তাহাতে মনে হয়—নিকৃষ্ট অপাংক্তেয় ভাগ্যাশ্রয়ী সংখ্যা বাড়িয়াছে, সাধারণ চাটুকার অমুচরবর্গ তাই হইয়াই আছে। বলা যায় যে, এবারকার দল পূর্বাপেক্ষা নিকৃষ্টই, উন্নতির কোনও চিহ্ন তা দেখা যায় না।

তবে দেশের আশা-ভরসা কি? আগে ছিলেন গান্ধীজী। বর্তমানে গান্ধীবাদী “নৈকব্যাকুলীন” যাহারা, তাঁহারাও তা প্রায় শতকরা ৯৫ জন অর্থলোলুপ বা ক্ষমতালোলুপ হইয়া নীতিবাদ ও অদর্শবাদকে জলাঞ্জলি দিতেছেন।

একমাত্র উপায় ছিল এই নির্বাচনে সবল ও সক্রিয় বিরোধীপক্ষ গঠিত হইলে। কিন্তু দলগত স্বার্থের খেলায় তাহা সূদূরপর্যন্ত। দেশের সংবাদপত্রও তা প্রায় স্তব্ধপ্রাপ্ত বা বিবেচনাহীন হইয়া পড়িয়াছে। ভোটারগণ সজাগ না হইলে দেশের উদ্ধার নাই।

কাশ্মীর

সম্প্রতি পাকিস্তান কাশ্মীর ব্যাপার লইয়া যে রকম তোড়জোড় কবিতোছে তাহার কারণ প্রধানতঃ পাকিস্তানের আভ্যন্তরিক গোলযোগের সমাধান করা। গত কয়েক বৎসর ধরিয়৷ পাকিস্তানের রাজনৈতিক গগন হইতে মুসলিম লীগ অস্তগমনোন্মুখ বলিলেও অত্যাঙ্কি হয় না; অল্প কোন রাজনৈতিক দল পাকিস্তানে স্পৃহিতভাবে প্রতিষ্ঠিত হইতে পারে নাই। রাজনৈতিক অব্যবস্থার মধ্যে আওয়ামী দলের সহযোগিতায় সুরাবন্দী সাহেব গদীতে আসীন হইলেন এবং তিনি এক চালেই পাকিস্তানের দ্বিধাবিভক্ত শাসকশ্রেণী তথা জনসাধারণকে একসূত্রে গ্রথিত করিয়া ফেলিয়াছেন। কাশ্মীর ব্যাপারে আজ সমগ্র পাকিস্তান ভারতের বিরুদ্ধে। ১৯৪৬ সনের কলিকাতার হাজামার অভিজ্ঞতা সুরাবন্দী সাহেবের আছে এবং তিনি জানেন কেমন করিয়া বিরুদ্ধবাদী জনমতকে স্বপক্ষে আনয়ন করিতে হয়।

আর ভারতবর্ষ? কাশ্মীর ব্যাপারে নিরাপত্তা পরিষদে ভারতবর্ষের পরাজয় সূচিত হয়; এই পরাজয় ভারতবর্ষের বৈদেশিক নীতিরও পরাজয় সূচনা করে। ভারতবর্ষের দিকে আইন আছে অবশ্য এবং সেই আশাতেই ১৯৪৮ সনে রাষ্ট্রসভ্যকে কাশ্মীরে ডাকিয়া আনিয়া বসানো হইয়াছে, যাহাকে বলে খাল কাটিয়া কুমীর আনা। সেই প্রাথমিক ভুলের জেরের নিস্পত্তি আজও হয় নাই। রাষ্ট্রসভ্য ও স্বস্তিপরিষদে কাশ্মীর বিষয় পরিচালনা ব্যাপারে ভারতবর্ষ প্রথম হইতেই স্পৃহিত পন্থা অনুসরণ করে নাই। সার গোপালস্বামী আয়েঙ্গার এবং সার বি. এন, রাও উভয়েই এই বিষয়ে সঠিক ও পরিষ্কার করিয়া কিছু বলিতে পারেন নাই। দুইটি জিনিষ পরিষ্কার করিয়া বলা উচিত—প্রথমতঃ, ভারতের সহিত কাশ্মীরের সংযুক্তি আইনসঙ্গত এবং দ্বিতীয়তঃ, কাশ্মীরের উপর পাকিস্তানের আইনসঙ্গত কোন দাবি নাই, সে কাশ্মীর আক্রমণকারী মাত্র এবং জোর করিয়া ভারতের অংশকে দখল করিয়া রাখিয়াছে।

কাশ্মীর কমিশনের সংখ্যালঘিষ্ঠ দল অবশ্য স্বীকার করিয়াছেন যে, পাকিস্তান অগ্গায় করিয়া বলপূর্বক ভারতীয় দেশ দখল করিয়াছে। সুতরাং এই কথা যদি নিরাপত্তা পরিষদ স্বীকার না করে তাহা হইলে রাষ্ট্রসভ্যে কাশ্মীর ব্যাপারে ভারতবর্ষ কোন অংশ গ্রহণ করিবে না, কিন্তু সে কথা সেদিন স্পষ্ট করিয়া ভারতীয় প্রতিনিধিরা দাবি করেন নাই। রাষ্ট্রসভ্যকে ডাকা হইয়াছিল, পাকিস্তানী আক্রমণ প্রতিরোধ করিবার জন্ত, এবং তাহাকে আক্রমণকারী বলিয়া ঘোষণা করিবার জন্ত। কিন্তু এই ব্যাপারের কোন সমাধান না করিয়া রাষ্ট্রসভ্য পাকিস্তানের পক্ষসমর্থন করিল এবং কাশ্মীরে গণভোটের দাবি করিয়া বসিল। আশ্চর্যের বিষয় ভারতবর্ষ এই প্রস্তাব মানিয়া লইয়াছিল এবং গণভোটের জন্ত এডমিরাল নিম্বিন্সকে নিয়োগের কথাও স্বীকার করিয়াছিল। এত বড় বেচাল ভারতীয় প্রতিনিধিরা কেমন করিয়া করিলেন তাহা ভাবিবার বিষয়। অবশ্য পণ্ডিত নেহরু তখনও ভারতের পররাষ্ট্রমন্ত্রী ছিলেন,

এবং কাশ্মীর চাল-বেচালের জন্ত তাঁহার দায়িত্বও কম ছিল না। তবে কাশ্মীর ব্যাপারে ভাবিবার তখন তাঁহার সময় ছিল না, কারণ তাঁহার চিন্তার সবটুকু ত চীন, রাশিয়া প্রভৃতি দেশগুলি দখল করিয়া বসিয়াছে, কাশ্মীর-সমস্যা কিংবা দেশের অগ্গায় সমস্যা সম্বন্ধে ভাবিবার তাঁহার সময় ছিল কোথায়? তাই সেদিন রাষ্ট্রসভ্যে ভারতীয় প্রতিনিধিদের ভুলেই তিনি সায় দিয়াছিলেন।

ইহার পর দেখা যায় যে, গ্রেহাম মিশন ও ডিক্সন কমিশনের নিকট অবাস্তব ব্যাপার লইয়া ভারতবর্ষ মাথা ঘামাইয়াছে। গ্রেহাম দাবি করিয়াছিলেন যে, কাশ্মীর বিরোধের নিস্পত্তি হইবে সালিশী দ্বারা, তখন কিন্তু ভারতবর্ষ সালিশীর প্রস্তাবকে এড়াইয়া গেল—প্রস্তাবিত গণভোটের পুনরায় সমর্থন দ্বারা। ভারতবর্ষের তখন বলা উচিত ছিল যে, আক্রমণকারীর সহিত কোন সালিশী হইতে পারে না। পাকিস্তানের সহিত ভারতবর্ষের কাশ্মীর ব্যাপারে কোন প্রকার আলোচনা করাই উচিত হয় নাই, কিন্তু সেই সময় ডাঃ গ্রেহামের মাধ্যমে ভারতবর্ষ পাকিস্তানের সহিত কাশ্মীর বিষয় লইয়া বার বার আলোচনা করিয়াছে। ইহার দ্বারা বিশ্বদরবারে প্রতীয়মান হয় যে, কাশ্মীর ব্যাপারে ভারতবর্ষ ও পাকিস্তান উভয়েই সমমর্যাদা-ভুক্ত, অগ্গায়পূর্বক আক্রমণকারীকে যেন জাতে তোলা হইল। ডিক্সন কমিশনের নিকট ভারতবর্ষ তাহার ভুলের পুনরাবৃত্তি করিল। ডিক্সন কমিশনের নিকট ভারতবর্ষ প্রকারান্তরে গণভোটের কথা স্বীকার করিয়াছিল, এবং আপত্তি উঠিল কাশ্মীরে ভারত ও পাকিস্তানের কি পরিমাণ সৈন্য থাকিবে। ভারতবর্ষ দাবি করিয়াছিল যে, পাকিস্তানের সৈন্যসংখ্যা কম থাকিবে, কিন্তু পাকিস্তান জিদ ধরিয়া বসিল, তাহার সৈন্যসংখ্যা আজাদ-কাশ্মীর এলাকায় অস্ততঃ পনের হাজার থাকিবে। আশ্চর্যের বিষয় এই যে, যেহেতু পাকিস্তান কাশ্মীর আক্রমণকারী, সেই হেতু একটি সৈন্য রাখার অধিকারও পাকিস্তানের নাই, সেই কথা ভারতবর্ষ একবারও দাবি করে নাই। তাই দেখা যায় যে, ১৯৪৮ সন হইতে ১৯৫৪ সন পর্যন্ত ভারতবর্ষের কাশ্মীর-নীতি বলিষ্ঠ ও স্পৃহিত ছিল না।

ভারতবর্ষ তাহার কাশ্মীর-নীতি বর্তমানে সংশোধন করিয়াছে, কিন্তু দুঃখের বিষয় যে, তাহা অতীব বিলম্ব। বর্তমানে ভারতবর্ষ দুইটি জিনিষ দাবি করিতেছে—প্রথমতঃ, ১৯৪৭ সনে ভারতের সহিত কাশ্মীরের সংযুক্তি আইনসঙ্গত ভাবে স্বীকৃত ঘটনা; এবং দ্বিতীয়তঃ, গণভোটের ব্যবস্থার পূর্বে আজাদ-কাশ্মীর হইতে সমস্ত পাকিস্তানী সৈন্য অপসারণ করিতে হইবে। এই দুইটি কথা যদি সর্বপ্রধান ও গুরুত্বপূর্ণ সর্ভ হিসাবে ১৯৪৮ সনে বলা হইত তাহা হইলে কাশ্মীর পরিস্থিতি অল্প রূপ পরিগ্রহ করিত। স্বস্তি-পরিষদে কাশ্মীর ব্যাপারে ভারতের পরাজয় শুধু ভারতের বৈদেশিক নীতির ব্যর্থতা সূচিত করে না, ইহাতে ভারতীয় প্রতিনিধিদের ব্যর্থতা (কিংবা অযোগ্যতা) সূচিত হয়।

শ্রী ভি. কে. কৃষ্ণমেননের কার্যপন্থা বিগত কয়েক বৎসরে

ভারতের মিত্রের চেয়ে শত্রুর সংখ্যা বৃদ্ধি করিয়াছে। ভারতের পক্ষশীল ও নিরপেক্ষতা ভারতবর্ষকে যেন আন্তর্জাতিক রাজনীতির ক্ষেত্রে একঘরে করিয়া দিয়াছে। দেশের ব্যাপারে মাথা না ঘামাইয়া পবের ব্যাপারে অতিরিক্ত মাথা ঘামানোর ফল এই। স্বস্তি-পরিষদে ভারতের কাশ্মীর-নীতির পরাজয়ের প্রধান কারণ ব্রিটেন ও ফ্রান্সের বিরুদ্ধতা। ইহা যেন সুরেন্দ্র খাল ঘটনার প্রতিশোধ। পৃথিবীর বহু দেশই মিশরের উপর ইঙ্গ-ফরাসী আক্রমণের বিরোধিতা করিয়াছে, সোভিয়েট রাশিয়া বিরোধিতা করিয়াছে, তবে মাত্রা বাণিয়া। কিন্তু পণ্ডিত নেহরুর গঙ্গাবাজি ও শ্রীকৃষ্ণ মেননের উক্তি দুই-ই যেন মাত্রা ছাড়াইয়া গিয়াছিল এবং তাহাতে মিশরের লাভ হইলেও ভারতের লাভ কিছু হয় নাই। ভারতীয় বৈদেশিক নীতির আর একটি প্রধান দোষ এই যে, অনর্থক সে অল্প দেশের ব্যাপারে নিজের মাথা গলায়, সে কোরিয়া হটক বা টিউনিসিয়া হটক কিংবা ভিয়েনাম হটক। পরবর্ত্তি ব্যাপারে ভারতবর্ষ অনর্থক অত্যধিক মাথা গলায়।

নিরাপত্তা পরিষদে কাশ্মীর ব্যাপারে ব্রিটেন ফ্রান্সের সহ-যোগিতায় যে রকম নিলঞ্জ ভাবে ভারতের বিরোধিতা করিয়াছে, তাহার পর ভারতের পক্ষে কমনওয়েলথে থাকায় লাভ আছে মনে হয় না। পাকিস্তান ও ভারতবর্ষ উভয়েই কমনওয়েলথের সভ্য-রাষ্ট্র, সে অবস্থায় ব্রিটেনের পক্ষে পাকিস্তানপক্ষ সমর্থন করিয়া ভারতের বিরোধিতা করা অত্যন্ত অজ্ঞায় ও অযৌক্তিক কাণ্ড হইয়াছে, বিশেষতঃ আইন যখন ভারতবর্ষের দিকে। কয়েক মাস পূর্বে ভারতীয় লোকসভায় পণ্ডিত নেহরু কমনওয়েলথের জয়গান গাহিয়াছিলেন। তিনি বলিয়াছিলেন যে, ভারতবর্ষ সকল দেশের সহিত মিত্রতা বজায় রাখিতে চায়, সেই কারণে সে কমনওয়েলথে আছে। কিন্তু জিজ্ঞাস্য এই যে, কমনওয়েলথের সভ্য না হইলে কি ঐ দেশগুলির সহিত মিত্রতা বজায় থাকে না? কমনওয়েলথের সকল দেশগুলির সহিত কি ভারতের সদ্ভাব আছে? দক্ষিণ-আফ্রিকা ও পাকিস্তানের (যাহারা কমনওয়েলথের সভ্য) সহিত ভারতের যে মিত্রতা নাই তাহা সর্বদেশবিদিত। কমনওয়েলথের বাহিরে পৃথিবীর অগণিত দেশ, তাহাদের সহিত কি ভারতের মিত্রতা বজায় নাই? কমনওয়েলথ একটি বিশিষ্ট রাজনৈতিক গোষ্ঠীর অন্তর্ভুক্ত ইঙ্গ-মার্কিন দলের সমর্থক। এহেন অবস্থায় ভারতবর্ষ তাহার নিরপেক্ষতা নীতির সহিত কমনওয়েলথের সভ্যপদের কি করিয়া সমন্বয় ও সমর্থন করে। সুতরাং কমনওয়েলথে অবস্থান করিবার জগৎ বে যুক্তি পণ্ডিত নেহরু দেখাইয়াছেন তাহার সবটাই গৌজামিলে ভরা। নিরপেক্ষ ভারতবর্ষের কোনও রাজনৈতিক গোষ্ঠীর অন্তর্ভুক্ত থাকা দুঃস্থ।

পরিকল্পনার পরিস্থিতি

দেশের অর্থনৈতিক সমস্যার সমাধানের জগৎ অর্থনৈতিক পরিকল্পনা যেন মনে হয় সহজ উত্তর, কিন্তু বাস্তবক্ষেত্রে পরিকল্পনাকে কার্যকরী করিবার জগৎ সময় ও অর্থনৈতিক স্থিতিশীলতার মধ্যে

সমন্বয় স্থাপন করা অতি দুঃস্থ ব্যাপার। ভারতে দ্বিতীয় পরিকল্পনার গোড়াপত্তন স্তূর্ভু ভাবে হয় নাই। শুরু হইতেই দেখা যায় বে, মুদ্রাফাতি, মূল্যমান বৃদ্ধি, বেকার-সমস্যা বৃদ্ধি, খাজদ্রবোর ঘাটতি, বহির্বাণিজ্যে ঘাটতি ইত্যাদি। দ্বিতীয় পরিকল্পনার জগৎ পরিকল্পিত অর্থের পরিমাণ যোগাড় করা আরও একটি প্রধান সমস্যা। অর্থমন্ত্রী এ বিষয়ে যতই আশ্বাস দেন না কেন, বহির্বাণিজ্যে যে পরিমাণ ঘাটতি দিন দিন বৃদ্ধি পাইতেছে, তাহাতে যন্ত্রপাতি আমদানী ব্যাহত হইতে বাধ্য। আভ্যন্তরিক অর্থদঃগ্রহও সহজসাধ্য হইবে না, অন্ততঃ দিল্লীর সরকারী মহলে এই ধারণা।

দ্বিতীয় পরিকল্পনা শুরু হওয়ার পর হইতে প্রায় ১২৬ কোটি টাকার মত ঘাটতি খরচ হইয়াছে এবং ব্যাঙ্কের দাননমুদ্রার পরিমাণও প্রায় ২০০ কোটি টাকার মত বৃদ্ধি পাইয়াছে। এই সমবেত মুদ্রাস্ফীতির ফলে এবং খাজদ্রব্য ঘাটতির ফলে মূল্যমান ক্রমবদ্ধমান। অর্থনৈতিক সমস্যা ব্যতীত কেন্দ্রীয় সরকারের অগ্রতম প্রধান সমস্যা শিক্ষিত কারিগরের অভাব। প্রয়োজনীয় কারিগরী-বিদ্যার অভাবে সরকারী ও বেসরকারী শিল্পপ্রতিষ্ঠানসমূহ বিস্তুতি-লাভ করিতে পারিতেছে না। বর্ধিত চাহিদার তুলনায় শিক্ষিত কারিগর পাওয়া যাইতেছে না। সম্প্রতি কয়েকটি শিল্পপ্রতিষ্ঠানের জগৎ উৎপাদন-ম্যানেজার, কারিগর, সুপারিন্টেন্ডেন্ট প্রভৃতি চাহিয়া দৈনিক পত্রিকায় বিজ্ঞাপন দেওয়া হইয়াছিল, কিন্তু আশাক্রম প্রার্থী পাওয়া যায় নাই। উত্তর-ভারতে একটি কাগজের কলের জগৎ বহু চেষ্টা করিয়াও কয়েক মাস ধরিয়া কোনও উপযুক্ত উৎপাদন-ম্যানেজার পাওয়া যায় নাই। শুধু নূতন শিল্পপ্রতিষ্ঠানগুলিই যে এই অসুবিধা ভোগ করিতেছে তাহা নহে, বর্তমান শিল্প-প্রতিষ্ঠান যথা : শর্করাশিল্প ও বস্ত্রশিল্পগুলিও শিক্ষিত কারিগরের অভাব বোধ করিতেছে। এই শিল্পগুলির বিস্তুতি উপযুক্ত কারিগরের অভাবে ব্যাহত হইতেছে। এমনকি উপযুক্ত একাউন্টেন্ট, কম্পসিটর, স্টেনোগ্রাফার প্রভৃতিরও অভাব হইতেছে। এই সকল অসুবিধার প্রধান কারণ স্বাধীন ভারতে ইংরেজী শিক্ষার অবহেলা। শিক্ষাব্যবস্থায় যে সকল রাজনৈতিক খেলা চলিতেছে তাহার ফলে এক দিকে যেমন উপযুক্ত কর্মচারীর অভাবে শিল্পপ্রসার ব্যাহত হইতেছে, অল্প দিকে তেমনি যুবজনের মধ্যে উপযুক্ত শিক্ষার অভাবে বেকার-সমস্যা বৃদ্ধি পাইতেছে। এই সকল কারণে দ্বিতীয় পঞ্চবার্ষিকী পরিকল্পনা সম্পন্ন হইতে পাঁচ বৎসরের অধিক সময় লাগিবে বলিয়া অহুমিত হইতেছে।

চাউল উৎপাদন ও দ্রব্য মূল্যমান

লগুন হইতে প্রকাশিত কমনওয়েলথ ইকনমিক কমিটির "রাইস বুলেটিন" পত্রে বলা হইয়াছে যে, পূর্ববর্তী বৎসরের তুলনায় ১৯৫৬-৫৭ সনে বিধে চাউল উৎপাদন বৃদ্ধি পাইতে পারে। কারণ অধিকাংশ দেশেই ব্যাপকতর ক্ষেত্রে ধান চাষ করা হইয়াছে এবং আবহাওয়াও মোটামুটি উন্নততর ছিল। পূর্ববর্তী বৎসরের তুলনায় ভারতে চাউল

উৎপাদন শতকরা ৪৮ ভাগ বৃদ্ধি হইতে পারে বলা হইয়াছে। সিংহল ও পাকিস্থানেও চাউল উৎপাদন বৃদ্ধি পাইবে বলা হইয়াছে।

ব্রহ্মদেশে প্রায় এক কোটি একর ক্ষেত্রে ধান চাষ করা হইয়াছে। বুদ্ধ-পর্বতীকালে আর কোনও সময় এরূপ বিস্তৃতক্ষেত্রে ব্রহ্মদেশে ধানের চাষ হয় নাই। চীন, ফিলিপাইন, ফরমোজা, মধ্যপ্রাচ্যের ইরান ইরাক প্রভৃতি সকল দেশেই চাউল উৎপাদন ভাল হইয়াছে বলিয়া সংবাদ আসিয়াছে।

চাউল উৎপাদনের কথা আলোচনায় স্বভাবতঃই কলিকাতার চাউলের বাজারের কথা স্মরণে আসে। বৎসরখানেক পূর্বেও কলিকাতার বাজারে ১৮-১৯ টাকা মণে ভাল চাউল কিনিতে পারা যাইত। কিন্তু যদিও এখন শস্য উঠিবার পর চাউলের দর বিশেষ সস্তা হইবার কথা তথাপি কলিকাতায় মণপ্রতি ২৪-২৫ টাকার কম চাউল পাওয়া যায় না বলিলেই চলে। মধ্যে চাউলের দুপ্রাপ্যতার দরুন সরকার যে কমটি "গায়া মূল্য" দোকান খোলেন তাহার সংখ্যা নিতান্তই নগণ্য এবং সরবরাহের চাউলও অতি নিকৃষ্ট শ্রেণীর। কলিকাতার বাজারে চাউলের দুশুঁসাতা—সঙ্গে সঙ্গে আটাও দুলাভ। অনুরূপ ভাবে সরিষার তৈল প্রভৃতি অগাধ নিত্যপ্রয়োজনীয় দ্রব্যেরও মূল্য বৃদ্ধি পাইতেছে। সরকার মূল্যমান বৃদ্ধি স্বীকার করিয়া রাজ্যের সরকারী কাম্‌চারীদেরকে মাসিক দুই টাকা মার্গগি ভাতা বৃদ্ধি করিয়া দিয়াছেন। ইহাতে কেহই সন্তুষ্ট হইতে পারে নাই—হইবার কথাও নহে। যেখানে দ্রব্য-মূল্যমান সততই বৃদ্ধি পাইতেছে তথায় মার্গগি ভাতা এক টাকা দুই টাকা বৃদ্ধি করিয়া সমস্যার সমাধান হইতে পারে না। উপরন্তু, সরকার কেবলমাত্র সরকারী কাম্‌চারীদেরই ভাতা বৃদ্ধি করিতেছেন। সরকারী কাম্‌চারীরা জনসাধারণের ক্ষুদ্র অংশ। (কেন্দ্রীয় সরকার কোন ভাতা বৃদ্ধি করেন নাই।) সুতরাং ভাতা বৃদ্ধিতে সরকারী কাম্‌চারীদের কিছু সুবিধা হইলেও দেশের অধিকাংশ জনসাধারণের দুর্দশার তাহাতে কোনই লাভ হইবে না।

সমাজতান্ত্রিক পরিবর্তনায় এইভাবে দেশের জনসাধারণের দুর্গতি বৃদ্ধি পাইতেছে অথচ ইহা প্রতিরোধ করিবার জগৎ কোন দায়িত্বশীল প্রচেষ্টা দেখা যাইতেছে না। দ্বিতীয় পরিবর্তনের উদ্দেশ্য ছিল সর্বোচ্চ ও সর্বনিম্ন আয়ের ব্যবধান কমানো। কিন্তু আজ সকলেই জানেন যে, উহার বিপরীতই ঘটিতেছে। চাউলের উৎপাদন বৃদ্ধি পাইতেছে অথচ চাউলের মূল্য কমিতেছে না—জীবন-যাত্রার মূল্যমান ক্রমশঃই বৃদ্ধি পাইতেছে—ইহা কি মুদ্রাস্ফীতিরই লক্ষণ নহে? ঘটতি বাজেট-নীতি অনুসরণের অবশ্যস্বাবী ফল মুদ্রাস্ফীতি—উহার বিপদ সম্পর্কে সরকার অনেক সাবধানবাণী পাঠিয়াছেন, কিন্তু উহার কুকল প্রতিরোধ সম্পর্কে তাঁহারা বিশেষ কোন চিন্তা করিতেছেন বলিয়া মনে হয় না।

অগাধ দেশে পরিবর্তনের অভিজ্ঞতা এবং ভারতেও প্রথম পঞ্চ-বার্ষিকী পরিবর্তনের অভিজ্ঞতা হইতে বুঝা গিয়াছে যে, মূল্য নিয়ন্ত্রণ

এবং প্রয়োজনবোধে নিত্য-ব্যবহার্য দ্রব্যের রেশনিং ব্যতীত পরি-কল্পনা সাফল্যমণ্ডিত করা যায় না। আমাদের দেশেরও বিখ্যাত অর্থনীতিবিদগণ সরকারকে মুদ্রানিয়ন্ত্রণ এবং রেশনিং চালু করার পরামর্শ দিয়াছেন। এ বিষয়ে প্রধান বাধা অবশ্য উপযুক্ত প্রশাসনিক ব্যবস্থা এবং যোগ্যতার অভাব। কিন্তু সময় থাকিতে সরকার যদি এই বিষয়ে চিন্তা না করেন তবে বিপদ যখন সম্পূর্ণ-রূপে ঘাড়ের উপর চাপিয়া বসিবে তখন আর কোন উপায়ই থাকিবে না।

চিনি রপ্তানী

গত কয়েক বৎসর ধরিয়া ভারতের আভ্যন্তরিক চিনির উৎপাদন দেশের প্রয়োজনের তুলনায় অত্যন্ত হইতেছিল এবং ইহার ফলে ভারতবর্ষকে বিদেশ হইতে চিনি আমদানী করিতে হইয়াছে। তিন বৎসর পূর্বে যখন ভারতের চিনির উৎপাদন ১২ হইতে ১৪ লক্ষ টন হইতেছিল তখন আভ্যন্তরিক চাহিদার তুলনায় ইহার ঘাটতি হইতেছিল। কারণ সরকারী হিসাবমতে দেশের চিনির চাহিদা ১৮ হইতে ২০ লক্ষ টনে নিষ্কারিত। গত বৎসর অর্থাৎ ১৯৫৬ সনে ভারতবর্ষে চিনি উৎপাদনের পরিমাণ দাঁড়াইয়াছে ১৮.৫৯ লক্ষ টনে; অর্থাৎ এই উৎপাদনের পরিমাণ দেশের প্রয়োজন কোনও রকমে মিটাইতে পারে এবং বিদেশ হইতে আমদানী করিবার প্রয়োজন হইবে না।

কিন্তু সরকারী সিদ্ধান্তের মত বুঝা ভারত সরকার ইতিমধ্যেই চিনি রপ্তানির জগৎ অনুমতি দিয়াছেন এবং ১০,০০০ মেট্রিক টন চিনি মধ্যপ্রাচ্যের দেশগুলিতে রপ্তানি করা হইয়াছে এবং শীঘ্রই আরও চিনি রপ্তানি করা হইবে। পাকিস্থান, ব্রহ্ম, সিংহল এবং আফ্রিকান দেশসমূহ ভারতীয় চিনি সরবরাহের জগৎ আদেশ দিতেছে। পাকিস্থানে বর্তমানে চিনির মূল্য প্রতি সের ১৫.০ হইতে ১৫.৫০ আনা। এত উচ্চ মূল্যের প্রধান কারণ পাকিস্থানের আমদানী-কর। ভারতীয় চিনির মূল্য কিউবা ও জাভার চিনির মূল্য হইতে অধিক, তাহা না হইলে ভারতীয় চিনির চাহিদা আরও বৃদ্ধি পাইত। সুয়েজ খাল বন্ধ থাকার জগৎ মধ্য-প্রাচ্যে ও পাকিস্থানে ভারতীয় চিনির চাহিদা বৃদ্ধি পায়, সুয়েজ খাল খোলা হইলে ভারতীয় চিনি রপ্তানি এই সকল দেশগুলিতে হ্রাস পাইবে। গত বৎসরের উৎপাদন হইতে ৫০,০০০ টন চিনি রপ্তানি করা হইবে বলিয়া স্থিরীকৃত হইয়াছে। কিন্তু এই পরিমাণ চিনি রপ্তানির পূর্বে কর্তৃপক্ষের বিবেচনা করা উচিত যে, ইহাতে ভারতের আভ্যন্তরিক প্রয়োজনের পক্ষে ঘাটতি পড়িবে কিনা। গত বৎসর ৮০,০০০ টন চাউল রপ্তানি করিয়া ভারতে চাউলের অভাব হইয়াছিল। চিনির বেলায় যেন সরকারী অবিসম্বন্ধিতার পুনরাবৃত্তি না হয়।

সভারকরের সম্পত্তি

ব্রিটিশের বিরুদ্ধে স্বাধীনতা-সংগ্রামে অংশগ্রহণের জগৎ ব্রিটিশ সরকার বিনায়ক দামোদর সভারকরের সম্পত্তি বাজেয়াপ্ত করিয়া লন। স্বাধীনতালাভের পর কয়েকটি ক্ষেত্রে স্বাধীনতা-সংগ্রামে অংশগ্রহণের অপরাধে (?) বাজেয়াপ্ত সম্পত্তি ও অর্থ ফেরত দেওয়া হইয়াছে। সম্পত্তি হিন্দু মহাসভার নেতা স্বরাজমন্ত্রী শ্রীগোবিন্দবল্লভ পন্থকে অনুরোধ করেন যেন ভারত সরকার সভারকরের সম্পত্তি প্রত্যর্পণ করেন বা সম্পত্তির মূল্যের সমপরিমাণ অর্থ তাঁহাকে প্রদান করেন। স্বরাজমন্ত্রী সেই অনুরোধ প্রত্যাখ্যান করিয়া বলিয়াছেন যে, উক্ত সম্পত্তি ইতিমধ্যে হস্তান্তরিত হইয়া গিয়াছে, সুতরাং তাহা ফিরাইয়া দেওয়ার কথা উঠিতে পারে না।

ভারত সরকারের এই সিদ্ধান্তে ক্ষোভ প্রকাশ করিয়া পাক্ষিক “হিন্দুবাণী” লিখিয়াছেন, “বিভিন্ন ক্ষেত্রে ব্রিটিশ আমলের বাজেয়াপ্ত সম্পত্তি বা অর্থ স্বাধীনতার পর ফেরত দেওয়া হইয়াছে। বীর সভারকরের সম্পত্তিও অনুরূপ ভাবে ফেরত দেওয়া হইবে আশা করা গিয়াছিল। কিন্তু বর্তমান সরকার যে দলের হাতে, তাঁহাদের দলীয় মনোবৃত্তি এত প্রবল যে সঙ্কীর্ণ দলগত রাজনীতির উৎকৃষ্ট থাকিয়া সভারকরের জায় একজন দেশপ্রেমিকের কথা বিবেচনা করিতে পারেন নাই।” “হিন্দুবাণী” লিখিতেছেন যে, বীর সভারকর কংগ্রেসী না হইয়া হিন্দু মহাসভার নেতা বলিয়াই “তাহার উপর কংগ্রেস সরকারের এই হীন আচরণ।”

ভারত সরকার কি কারণে সভারকরের সম্পত্তি প্রত্যর্পণ করিতে অস্বীকার করিয়াছেন, প্রকাশিত সংবাদ হইতে তাহা সঠিক বুঝিতে পারা যায় না। তবে সম্পত্তি হস্তান্তরিত হইয়া যাওয়াই যদি একমাত্র বাধা হইয়া থাকে তবে সরকারের সিদ্ধান্তের যৌক্তিকতা মোটেই স্বীকার করিয়া লওয়া যায় না। সরকার সম্পত্তির মূল্যের সমপরিমাণ অর্থ দিতে পারিতেন। এই বিষয়ে একটি সুস্পষ্ট সরকারী নীতিগ্রহণ বিশেষ প্রয়োজন, কোন কোন ক্ষেত্রে সম্পত্তি প্রত্যর্পিত হইবে, আর কোন কোন ক্ষেত্রে তাহা হইবে না—যদি ইহাই সরকারী নীতি হয় তবে তাহাতে অসন্তোষ বৃদ্ধি পাইতে বাধ্য। স্বাধীনতা-সংগ্রামে অংশগ্রহণের জগৎ বাজেয়াপ্ত সম্পত্তি প্রত্যর্পণের নজীর অজ্ঞাত দেশেও রহিয়াছে। আমাদের দেশে সেই নীতি কেন কার্যকরী করা যায় না, স্বভাবতই জনসাধারণ তাহা জানিতে চাহিবেন।

কম্যুনিষ্টদের নূতন বিশ্বসংস্থা

গত বৎসরের এপ্রিল মাসে কমিন্ফর্ম ভাঙিয়া দেওয়া হয়। কমিন্ফর্ম কম্যুনিষ্টদের বিশ্বসংস্থা ছিল না। প্রতিষ্ঠাকালে উহার সদস্য ছিল নয়টি কম্যুনিষ্ট পার্টি—সোভিয়েট, যুগোস্লাভিয়া, বুলগেরিয়া, হাঙ্গেরী, পোল্যান্ড, চেকোস্লাভাকিয়া, রুম্যানিয়া, ইটালী এবং ফ্রান্সের পার্টিগুলি। ১৯৪৮ সনে যুগোস্লাভ পার্টির বহিষ্কারের পর সদস্য-সংখ্যা দাঁড়ায় আট; তাহা আর বৃদ্ধি পায় নাই।

কমিন্ফর্মের প্রকাশ্য উদ্দেশ্য ছিল—বিভিন্ন দেশের পার্টির কার্যকলাপ সম্পর্কে পারস্পরিক জ্ঞান অর্জন। সেই উদ্দেশ্যে একটি কেন্দ্রীয় মুদ্রণ প্রকাশ করা হয়। কার্যতঃ অবশ্য কমিন্ফর্ম ষ্ট্যালিনবাদী সোভিয়েট প্রভুত্ব-বিস্তারের একটি হাতিয়ারে পরিণত হয়। কমিন্ফর্মকে সোভিয়েট মিথ্যাপ্রচারের একটি প্রধান মাধ্যমরূপে ব্যবহার করা হইতে থাকে। একটি দৃষ্টান্ত হইতেই তাহা পরিষ্কার হইবে। কমিন্ফর্মের সংগঠন অনুযায়ী উহার মুদ্রণ সাপ্তাহিক পত্রিকাটির সম্পাদকমণ্ডলীতে সদস্য নয়টি পার্টির একজন করিয়া প্রতিনিধি থাকিবার কথা ছিল; কিন্তু কার্যতঃ সোভিয়েট পার্টির মনোনীত সদস্য ইউডিনই সর্বসর্কা ছিলেন—ঠিক বলিতে গেলে ষ্ট্যালিনই সর্বসর্কা ছিলেন। ষ্ট্যালিনই চক্র বিক্রম ভাবে একটি আন্তর্জাতিক প্রতিষ্ঠানকে নিজেদের স্বার্থদক্ষানী স্বরূপে ব্যবহার করিত তাহা আলোচনা করিলে বিশ্বের হতবাক হইতে হয়। প্রতিষ্ঠানটির কেন্দ্রীয় কার্যালয় প্রথমে ছিল যুগোস্লাভিয়ার রাজধানী বেলগ্রেডে, পরে রুম্যানিয়ার রাজধানী বুখারেস্টে স্থানান্তরিত করা হয়। স্বাভাবিকভাবে বেলগ্রেডে অবস্থিত বিভিন্ন পার্টির সদস্য-সম্বলিত সম্পাদকমণ্ডলীরই পত্রিকা পরিচালনা করার কথা। কিন্তু সোভিয়েট কম্যুনিষ্ট পার্টি এবং বিশেষভাবে ষ্ট্যালিন নিজেদের প্রভুত্ব হ্রাস সম্পর্কে একরূপ শঙ্কিত ছিলেন যে, তাহারা সে ব্যবস্থা স্বীকার করিয়া লইতে পারিলেন না। সোভিয়েট পার্টির চাপে অজ্ঞাত পার্টিকে মানিয়া লইতে হইল যে, সকল প্রবন্ধ প্রভুত্বের প্রকৃষ্ট উদাহরণ মস্তো পাঠান হইবে সোভিয়েট পার্টির অনুমোদনের জগৎ, সেই অনুমোদনলাভ হইলে পরই কেবলমাত্র প্রবন্ধগুলি ছাপা হইবে। বলা বাহুল্য, এই ক্ষমতার সুযোগ লইয়া সোভিয়েট পার্টির কর্ণধারবৃন্দ এবং বিশেষভাবে ষ্ট্যালিন নিজেই খেয়ালখুশিমত বিভিন্ন দলের নেতৃবৃন্দ কর্তৃক লিখিত প্রবন্ধগুলির যথেষ্ট পরিবর্তন পরিবর্তন আদায় করিয়া দিলেন। অজ্ঞাত দলের নেতৃবৃন্দের নির্বাক থাকা ব্যতীত গতাস্তর রহিল না। কমিন্ফর্ম ষত দিন মুদ্রিত হইয়াছে, এই ভাবেই হইয়াছে। একবার ষ্ট্যালিন প্রবন্ধগুলি অনুমোদন করিয়া পাঠানোর পর যখন প্রায় ছয়টি ভাষার পত্রিকাটির মুদ্রণকার্য সম্পন্ন হইয়াছে তখন সহসা তিনি পুনরায় গেলিগুলি চাহিয়া পাঠাইলেন। পত্রিকা প্রকাশ স্থগিত রাখিয়া সেগুলি পুনরায় ষ্ট্যালিনের নিকট বিমানযোগে প্রেরিত হইল। ষ্ট্যালিন সেগুলি পুনরায় একরূপ ভাবে পরিবর্তন করিলেন যে, মুদ্রিত সকল সংখ্যা পোড়াইয়া ফেলিয়া সম্পূর্ণ নূতন করিয়া আবার পত্রিকাটি মুদ্রণ করিতে হইল।

এই ভাবে রূপ প্রভুত্ব বিস্তারের প্রচেষ্টাতেও কোন কম্যুনিষ্ট বিক্রোহ করে নাই—আদর্শগত দিকে তাহারা এতই মোহ-গ্রস্ত ছিল। তবে স্বাধীনচেতা যুগোস্লাভ নেতৃবৃন্দের নিকট এই সোভিয়েট নীতি প্রথম হইতেই বিরোধিতা পাইতে থাকে। কোন রূপ বিরোধিতাই কম্যুনিষ্টদের অসহ; সুতরাং সাম্রাজ্যবাদী দালাল বলিয়া যুগোস্লাভ পার্টি ও নেতৃবৃন্দকে কমিন্ফর্ম হইতে বহিষ্কৃত করা হয়।

যদিও অবশ্য কমিন্ফর্ম আনুষ্ঠানিক ভাবে কমুনিষ্টদের বিশ্ব-সংস্থা ছিল না তথাপি উহাকে সকল দেশের কমুনিষ্টগণই কমুনিষ্ট আন্দোলনের নেতৃস্থানীয় সংস্থারূপে দেখিত এবং উহার নির্দেশাবলী মানিয়া চলিত। কমিন্ফর্মের সাপ্তাহিক মুখপত্রে লিখিত সম্পাদকীয় প্রবন্ধের উপর ভিত্তি করিয়া ভারতীয় কমুনিষ্ট পার্টির নীতি পরিবর্তন ঘোষিত হয়। অনুরূপভাবে উক্ত পত্রিকায় প্রকাশিত একটি চিঠির ভিত্তিতে জাপানী কমুনিষ্ট পার্টির নেতৃত্ব ও নীতি পরিবর্তিত হয়।

কমিন্ফর্মের ইতিহাস রুশ কমুনিষ্ট সাম্রাজ্যবাদের প্রভূত্ব-বিস্তারের ইতিহাস। অনুরূপ ভাবে কমিন্ফর্মের পূর্ববর্তী কমুনিষ্ট বিশ্ব-প্রতিষ্ঠান “কমিনটার্ণও (Communist International)” ষ্ট্যালিনী স্বৈচ্ছাচারের একটি যন্ত্র ছিল। ষ্ট্যালিনের নির্দেশে এবং কমিনটার্ণের সমর্থনে ১৯৩৮ সনে পোল্যান্ডের কমুনিষ্ট পার্টির নেতৃবৃন্দকে সম্পূর্ণ অস্বাভাবিক ভাবে মস্কোতে গুলী করিয়া হত্যা করা হয়। বলা হইয়াছিল তাঁহারা সাম্রাজ্যবাদের চর হিসাবে কাজ করিতেছিলেন। আঠার বৎসর পর সোভিয়েট কমুনিষ্ট পার্টির বিংশতিতম কংগ্রেসে প্রমাণ হয় যে, তাঁহাদিগকে সম্পূর্ণ অস্বাভাবিক ভাবে হত্যা করা হইয়াছিল। এইরূপ ভাবে রাশিয়া এবং অস্বাভাবিক দেশের কত কমুনিষ্টকে যে কমুনিজমের বলি হইতে হইয়াছে তাহার ইয়ত্তা নাই।

সম্প্রতি একটি বিশ্ব কমুনিষ্ট সংস্থা প্রতিষ্ঠার আলোচনা চলিতেছে বলিয়া প্রকাশ। কমিন্ফর্ম ভাঙিয়া দিবার সময়ও ইঙ্গিত করা হয় যে, কমুনিষ্টদের অল্প একটি আন্তর্জাতিক সংস্থা গঠিত হইতে পারে। ডিসেম্বর মাসে অনুষ্ঠিত ইটালীয় কমুনিষ্ট পার্টির অষ্টম কংগ্রেসে বক্তৃতা-প্রদান-কালে পামিরো ভোগলিয়াস্তিও অনুরূপ ইঙ্গিত করেন। সম্প্রতি ব্রিটিশ শ্রমিকদের বামপন্থী সদস্য কনিজলিয়াকাস প্রকাশ করিয়াছেন যে, ক্রুশ্চভ নাকি তাঁহাকে বলিয়াছিলেন শীঘ্রই একটি আন্তর্জাতিক কমুনিষ্ট সংস্থা স্থাপিত হইবে।

সাধারণ ভাবে কমুনিষ্টদের একটি আন্তর্জাতিক প্রতিষ্ঠান গঠনে কাহারও আপত্তি থাকিতে পারে না। অপর পক্ষে এইরূপ একটি প্রতিষ্ঠানের উপকারিতাও থাকিতে পারে। কমুনিষ্ট দেশ-গুলি হইতে সংবাদ সংগ্রহ নিতাস্তই কষ্টসাধ্য। একটি কেন্দ্রীয় মুখ-পত্রে যদি কমুনিষ্ট ছনিয়া সংক্রান্ত সরকারী তথ্যাবলীও প্রকাশিত হয় তাহাতেও উপকার হইতে পারে। কিন্তু অতীতে আন্তর্জাতিক কমুনিষ্ট প্রতিষ্ঠানগুলি যেরূপ ভাবে একটি বিশেষ রাষ্ট্রের জাতীয় প্রভুত্বসম্প্রসারণের যন্ত্ররূপে ব্যবহৃত হইয়াছে এবং তদপেক্ষা আরও গুরুতর ব্যাপার—অস্বাভাবিক দেশের খ্যাতিসম্পন্ন কমুনিষ্ট নেতৃবৃন্দ সজ্ঞানে তাহাতে যেরূপ নীরব দর্শকের ভূমিকায় অভিনয় করিয়াছেন তাহার কথা স্মরণ করিলে এই নূতন প্রস্তাবে আশঙ্কার কারণ থাকে বৈকি। তবে ইহাও স্বীকার্য যে, কমুনিষ্ট ছনিয়াতেও অনেক পরি-বর্তন ঘটিয়াছে। যদি পোল্যান্ড, মার্কিন যুক্তরাষ্ট্র, যুগোস্লাভিয়া,

চীন, ইন্দোনেশিয়া, ইটালী এবং ইন্দোনেশিয়ার কমুনিষ্ট পার্টিগুলি নূতন সংস্থার নেতৃত্বের অঙ্গীকার থাকে তবে তাহার ক্ষতি করিবার সম্ভাবনা প্রায় সম্পূর্ণরূপেই লোপ পাইবে। অস্বাভাবিক নূতন বিশ্ব-সংস্থাটি সোভিয়েট ইউনিয়নের আদর্শগত এবং রাজনৈতিক প্রভূত্ব-বিস্তারের আর একটি নূতন অঙ্গ হইবে।

মধ্যপ্রাচ্যের অবস্থা ও ব্রিটেনের অর্থনীতি

মধ্যপ্রাচ্যের বর্তমান অনিশ্চিত অবস্থা ব্রিটেনের অর্থনীতির উপর বিরূপ প্রভাব বিস্তার করিয়াছে তাহার সম্পূর্ণ চিত্র এখনও পাওয়া যায় নাই। নিম্নোক্ত বিবরণী হইতে তাহার আংশিক রূপ উদ্ঘাটিত হইবে।

মধ্যপ্রাচ্যে গোলমালের ফলে এবং সূয়েজ খাল বন্ধ হইয়া যাওয়ার ব্রিটেন মধ্যপ্রাচ্য হইতে তৈল সরবরাহ পাইতেছে না—ইহাতে বিশেষ অর্থনৈতিক সঙ্কটের উদ্ভব হইয়াছে। তবে সরকারী ভাবে বলা হইয়াছে যে, এই সঙ্কট সাময়িক এবং শীঘ্রই তাহা কাটিয়া যাইবে। এই বিশ্বাসের মূলে দুইটি কারণ রহিয়াছে। বলা হইয়াছে : প্রথমতঃ সূয়েজ খাল এবং তৈলবাহী পাইপ লাইনগুলি শীঘ্রই পুনরায় কার্যকরী হইবার আশা রহিয়াছে ; দ্বিতীয়তঃ, মধ্যবর্তী সময়ে যে অসুবিধা হইবে তাহা কাটাইয়া উঠিতে ব্রিটেনের বাণিজ্যিক শক্তি অনেকাংশে সাহায্য করিবে। তবে চলতি ঘাটতি মিটাইবার জন্য ব্রিটেনকে সঙ্কট উল্লেখ ও স্বর্ণ ব্যয় করিতে হইতেছে।

ব্রিটেনের উৎপাদন মোটামুটি ভাবে পূর্ববর্তী বৎসরের স্তরেই রহিয়াছে, তবে ভোগ্যদ্রব্য উৎপাদন অপেক্ষা উৎপাদনদ্রব্য উৎপাদনের অধিকতর ঝোক দেখা গিয়াছে। প্রকাশ্য বাণিজ্যের ক্ষেত্রে ঘাটতির পরিমাণও ১৯৫৫ সন হইতে অপেক্ষাকৃত কম।

ষ্ট্যালিনের উপর বিশেষ চাপ পড়িয়াছে। সরকারী ভাবে উহার ব্যাখ্যায় বলা হইয়াছে যে, বাণিজ্যিক ঘাটতির জন্য এই চাপ পড়ে নাই—উহার মূলে মানসিক কারণ বিদ্যমান। বিদেশী রাষ্ট্রগুলি মনে করিতেছে যে, শীঘ্রই পাউণ্ড ষ্ট্যালিনের মূল্যমান হ্রাস করা হইবে, সেজন্য সকলেই ষ্ট্যালিনের প্রাপ্য মিটাইতে বিলম্ব করিতেছে এবং ষ্ট্যালিন দ্বারা তাহারা অপরাপর মুদ্রা ক্রয় করিতেছে। ইহাতে স্বভাবতঃই ষ্ট্যালিনের হারের অবনতি ঘটিয়াছে এবং এইভাবে ষ্ট্যালিন খরচ করিয়া ফেলার কয়েকটি রাষ্ট্রের সঙ্কট ষ্ট্যালিন ভাঙায়ে সঙ্কট হইয়াছে। কিন্তু বাণিজ্যিক প্রয়োজনে ঐ সকল দেশকে শীঘ্রই পুনরায় ষ্ট্যালিন কিনিতে হইবে এবং ষ্ট্যালিনের বর্তমান অবনতি আর থাকিবে না। ব্রিটিশ সরকার সর্বপ্রকার উপায়ে পাউণ্ডের বর্তমান হার বজায় রাখিতে দৃঢ় সঙ্কল্প প্রকাশ করিয়াছেন।

তৈল-সঙ্কট কেবল ব্রিটেনকে প্রভাবিত করিয়াছে তাহা নহে, সমগ্র ইউরোপই এই সঙ্কটের সন্মুখীন হইয়াছে। সূয়েজ-বন্ধের পূর্বে ইউরোপের প্রয়োজনীয় তৈলের প্রায় শতকরা আশী ভাগই আসিত সূয়েজ খাল এবং পাইপ লাইনগুলির মধ্য দিয়া। সূয়েজ খাল ও পাইপ লাইনগুলি হঠাৎ বন্ধ হইয়া যাওয়ার স্বভাবতঃই সর্বত্র

তৈলসঙ্কট দেখা দিয়াছে। পশ্চিম গোলার্ধ (অর্থাৎ আমেরিকা) হইতে তৈল আমদানী করিয়া এই সঙ্কট হইতে পরিষ্কার পাওয়া যাইবে কিনা সে সম্পর্কে যথেষ্ট সন্দেহ রহিয়াছে। যদি পশ্চিম গোলার্ধ হইতে যথেষ্ট তৈল আমদানী করা সম্ভব হয় তাহাতেও ইউরোপের প্রয়োজনের শতকরা ৬০।৭০ ভাগের বেশী তৈল পাওয়া যাইবে না। পশ্চিম ইউরোপের প্রায় সকল দেশই সেজ্ঞ তাহাদের তৈল ব্যবহার শতকরা প্রায় কুড়ি ভাগ হ্রাস করিয়াছে। বর্তমান বৎসরের প্রথম ভাগে ব্যবহার আরও শতকরা পাঁচ ভাগ হ্রাস করা হইয়াছে। কিন্তু শীঘ্রই যদি আমেরিকা হইতে তৈল সরবরাহ না করা যায় তবে ইউরোপের দেশগুলিতে তৈল-সরবরাহ-ব্যবস্থা ভাঙিয়া পড়িবার আশঙ্কা রহিয়াছে। বিভিন্ন শিল্পে তৈল সরবরাহ কমাইয়া দিবার ফলে উৎপাদনও হ্রাস পাইয়াছে।

মালয়ের স্বাধীনতা

গত বৎসর ব্রিটিশ সরকার ঘোষণা করিয়াছিলেন যে, ১৯৫৭ সনের আগষ্ট মাসে মালয়কে স্বাধীনতা দেওয়া হইবে। আসন্ন ক্ষমতা হস্তান্তর সংক্রান্ত খুঁটিনাটি আলোচনার জন্ত জাম্ময়াদী মাসে লণ্ডনে মালয়ের প্রধানমন্ত্রী টেংকু আবদুল রহমান এবং ব্রিটিশ সরকারের মধ্যে এক আলোচনা হয়। এই সম্মেলনে দুইটি বিশেষ গুরুত্বপূর্ণ সিদ্ধান্ত গৃহীত হয়। স্থির হয় যে, স্বাধীনতালাভের পরও মালয়ে ব্রিটিশ সৈন্যবাহিনী মোতামেন থাকিবে। অপর পক্ষে ব্রিটিশ সরকার মালয়ী সেনাবাহিনীকে গড়িয়া তুলিতে ও ট্রেনিং দিতে সাহায্য করিবেন বলিয়া প্রতিশ্রুতি দিয়াছেন।

মালয়ের ভবিষ্যৎ অর্থনীতি সম্পর্কে আলোচনাকালে উভয় দেশের প্রতিনিধিদের মধ্যে গভীর মতানৈক্য দেখা দেয়। প্রতিরক্ষা খাতে প্রভূত ব্যয় মিটাইবার জন্ত মালয়ের প্রতিনিধিগণ ব্রিটেনের নিকট হইতে ঋণ হিসাবে আর্থিক সাহায্য প্রার্থনা করেন, কিন্তু ব্রিটিশ সরকার এই প্রস্তাব সম্পূর্ণ মানিয়া লইতে অক্ষমতা জ্ঞাপন করিয়াছেন। তবে স্থির হইয়াছে যে, ঋণ এবং দান সাহায্য বাবদ ব্রিটেন মালয় সরকারকে মোট ৪ কোটি পাউণ্ডের মত দিবে। ইহার কিয়দংশ সুদহীন বা অল্প সুদে ঋণ বাবদ দেওয়া হইবে—অধিকাংশই দেওয়া হইবে সাহায্য হিসাবে।

মালয় স্বাধীনতালাভ করিতেছে তাহা সকল দিক হইতেই সুখবর। আশা করা যায়, স্বাধীনতালাভের পর মালয়ের গৃহযুদ্ধের অবসান হইবে। এই গৃহযুদ্ধে ১৯৪৮ সন হইতে প্রতি বৎসর ১৩ কোটি মালয়ী ডলার ব্যয়িত হইয়াছে। এই ব্যয়ের ভায়ে মালয়ের অর্থনীতি বিশেষ ক্ষতিগ্রস্ত হইয়াছে—ইহারই আংশিক পূরণ হিসাবে মালয় ব্রিটেনের নিকট অর্থসাহায্য প্রার্থনা করিয়াছিল।

১৯৪৮ সন এবং ১৯৫৭ সনের মধ্যে কতই না প্রভেদ, ১৯৪৯ সনের এপ্রিল মাসে ব্রিটিশ পার্লামেন্টে বক্তৃতাদানকালে ব্রিটেনের তৎকালীন প্রধানমন্ত্রী এটলী বলিয়াছিলেন যে, মালয় ত্যাগ করা

বা মালয়কে স্বাধীনতা দেওয়ার অভিপ্রায় ব্রিটেনের নাই, মালয়ে কোন দায়িত্বশীল সরকার গঠনেরও কোন পরিকল্পনা তাহাদের নাই। সাত বৎসর অতিবাহিত হইবার পূর্বেই তাহাদিগকে মালয় পরিত্যাগ করিতে হইতেছে—অদৃষ্টের কি নিদারুণ পরিহাস! ১৯৪৮ সনে মালয়কে স্বায়ত্ত-শাসন দিলে ব্রিটেনের প্রতি মালয়-বাসীদের যে সম্প্রীতি থাকিত এখন ব্রিটেন তাহা আশা করিতে পারে কি?

স্বাধীনতার পরও সাময়িক ঘাঁটি রাখিতে মালয়কে বাধ্য করিয়া ব্রিটেন কতদূর রাজনৈতিক দূর্বলতার পরিচয় দিতেছে, ভবিষ্যৎই তাহা প্রমাণ করিবে। উপনিবেশ ত্যাগ করিয়া যাইতে সর্বত্রই তাহাদের এইরূপ অনিচ্ছা—কিন্তু পরাধীন জাতিগুলির স্বাধীনতার এইরূপ আংশিক স্বীকৃতি দ্বারা ব্রিটেন বিশেষ লাভবান হইতেছে না। সাময়িক বলে পৃথিবীশাসনের যুগ চলিয়া গিয়াছে—সুয়েজ যুদ্ধে যদি ব্রিটেন সে কথা বুঝিয়া না থাকে তবে সেই ভুলের জন্ত ব্রিটেনকে আরও বহুগুণ বেশী মূল্য দিতে হইবে।

তবে ফ্রান্স, পত্ন গাল প্রভৃতি অজ্ঞাত ঔপনিবেশিক শক্তি অপেক্ষা অধীন দেশগুলি সম্পর্কে ব্রিটেন যে অধিকতর দূর্বল নীতি গ্রহণ করিয়াছে সে সম্পর্কে বিশেষ সন্দেহ নাই (অবশ্য কেনিয়ায় ক্ষেত্রে ব্রিটেনের এই দূর্বলতার প্রমাণ এখনও পাওয়া যায় নাই)। এই মার্চ মাসেই গোল্ড কোস্ট “ঘনা” নূতন নামে নূতন রাষ্ট্রে পরিণত হইবে। আফ্রিকার পশ্চিম উপকূলের আর একটি রাজ্য নাইজিরিয়াও শীঘ্রই স্বাধীনতা লাভ করিবে।

যুগোশ্লাভিয়ার কৃষকদের স্বাস্থ্যবীমা

যুগোশ্লাভিয়ার সমাজতন্ত্র প্রতিষ্ঠার একটি নূতন প্রচেষ্টা চলিতেছে। কিন্তু সেই সম্পর্কে আমাদের দেশে বিশেষ কোন আলোচনাই হয় নাই। সমাজতন্ত্রের তথাকথিত সমর্থক কমুনিষ্টরা যুগোশ্লাভিয়ার অভিজ্ঞতাকে সম্পূর্ণ বর্জন করিয়াছে। দ্বিতীয় মহাযুদ্ধের অব্যবহিত পরে অল্পকালের জন্ত ভারতীয় কমুনিষ্টগণ যুগোশ্লাভিয়া লইয়া খুবই হৈ চৈ করে, কিন্তু যখনই যুগোশ্লাভ নেতৃত্ব ষ্ট্যালিনবাদী রুশ শৈবচাচারের প্রকাশ্য বিরোধিতা করে তখন হইতেই ভারতীয় কমুনিষ্টদের দৃষ্টিতে যুগোশ্লাভ কমুনিষ্টরা ‘পতিত’ হইয়া রহিয়াছে। ১৯৫৫ সনে ক্রুশ্চভ যুগোশ্লাভিয়ার প্রতি পূর্নকৃত অজ্ঞায় আচরণের জন্ত ক্ষমাপ্রার্থনা করার পর হইতে অবশ্য কমুনিষ্টরা প্রকাশ্যভাবে যুগোশ্লাভিয়ার নিন্দা করে না, তথাপি যুগোশ্লাভিয়া সম্পর্কে অদ্ভুত নীরবতা অবলম্বন করিয়া রহিয়াছে, অথচ যুদ্ধোত্তর যুগে পূর্ক-ইউরোপের দেশগুলির মধ্যে কেবলমাত্র যুগোশ্লাভিয়াতেই সমাজতান্ত্রিক রূপান্তর অপেক্ষাকৃত শান্তিপূর্ণভাবে ঘটিতে পারিয়াছে। কমুনিষ্ট এবং পাশ্চাত্য রাষ্ট্র-গোষ্ঠীর বিরোধিতাসত্ত্বেও যুগোশ্লাভিয়া অর্থনৈতিক এবং রাজনৈতিক ক্ষেত্রে স্বাভাবিক বজায় রাখিয়া যে সাকল্য অর্জন করিয়াছে তাহা বিশেষ উল্লেখযোগ্য।

যুগোশ্লাভিয়া কৃষিপ্রধান দেশ, মোট জনসংখ্যা ১৬,৯২৭,০০০-এর মধ্যে ১১,৩৩৪,০০০ জনই কৃষিজীবী। সুতরাং যুগোশ্লাভিয়ার সমাজতান্ত্রিক রূপান্তর সম্পর্কে আলোচনা করা কৃষিপ্রধান ভারতের পক্ষে অপ্রাসঙ্গিক হইবে না। আশা করা যায়—আমাদের দেশের অর্থনীতিবিদগণ যুগোশ্লাভ অভিজ্ঞতার সমস্তা ও সাফল্য সম্পর্কে অধিকতর আলোচনা করিবেন।

যুগোশ্লাভিয়ায় কৃষকদের জগৎ স্বাস্থ্যবীমা ব্যবস্থার প্রচলন করা হইয়াছে। ১৯৫৬ সনের শেষ দিক পর্যন্ত প্রায় ১৫,৮১,৭৬৫ জন এই স্বাস্থ্যবীমা করিয়াছেন। কৃষকদের মোট সংখ্যার তুলনায় এই জনসংখ্যা নিতান্তই নগণ্য—কেবলমাত্র কৃষকগণের কর্মসমবায় এবং রাষ্ট্রীয় কৃষিভূমির শ্রমিক ও কাম্ভচারিগণই শুধু স্বাস্থ্যবীমা পরিকল্পনার আওতায় পড়িয়াছেন। তবে কর্তৃপক্ষ এই পরিকল্পনাকে ব্যাপকতর জনসাধারণের মধ্যে বিস্তৃত করিবার পরিকল্পনা করিয়াছেন। অবশ্য প্রত্যেক কৃষককে এই পরিকল্পনার আওতায় আনিতে এখনও অনেক দিন লাগিবে।

প্রস্তাব করা হইয়াছে যে, সমস্ত কৃষি-উৎপাদক এবং গ্রামাঞ্চলের স্বাধীন কর্মরত ব্যক্তিগণের জগৎ সাধারণ ও বাধাতামূলক স্বাস্থ্যবীমা প্রবর্তন করা হইবে। ইহাদের সংখ্যা প্রায় ৩০ লক্ষ হইবে। স্বাস্থ্যবীমা প্রবর্তনের জগৎ প্রথম প্রয়োজন উপযুক্তসংখ্যক চিকিৎসক। স্বাস্থ্যকেন্দ্র এবং বেসরকারী চিকিৎসকগণ প্রতি বৎসর গড়ে ৪ কোটি রোগী পরীক্ষা করেন। স্বাস্থ্যবীমা প্রসারিত হইলে ইহাদের উপর চাপ আরও বিশেষ বৃদ্ধি পাইবে। বিশেষতঃ গ্রামাঞ্চলে বিশেষ অসুবিধার সৃষ্টি হইবে।

যুগোশ্লাভ স্বাস্থ্যবীমা আইন অনুযায়ী কৃষি-উৎপাদকগণের স্বাস্থ্যবীমার অর্ধেক ব্যয় বহন করেন সামাজিক বীমা-সংস্থা এবং বাকী অর্ধেক বহন করেন বীমাকারী নিজে।

“যুগোশ্লাভ সংবাদ” লিখিতেছেন :

“বীমার ব্যয়সহ, কৃষকগণ ১৯৫৩ সনে চিকিৎসার জগৎ ৭৫,৪২,৪৫০ দিনার ব্যয় করেন। এই ব্যয়ের পরিমাণ ২,৪৭২ মিলিয়ন দিনার বেড়ে যাবে। কাজের সময় দুর্ঘটনা, শিশুহত্য, সংক্রামক রোগ ইত্যাদির ক্ষেত্রে স্বাস্থ্যবীমাই যদিও চিকিৎসার সমস্ত ব্যয় বহন করবেন তবুও প্রস্তাব করা হয়েছে, বীমাকারীও কিছু ব্যয় বহন করা উচিত। স্বাস্থ্যবীমা প্রবর্তনের ফলে, সামাজিক বীমা-সংস্থার ব্যয় ৬,২৮৩ মিলিয়ন দিনার ও কৃষকগণের ব্যয় ৩,৭৩১ মিলিয়ন দিনারে দাঁড়াবে বলে অনুমান করা হচ্ছে।

“কৃষিকর্মীবিগণের মোট আয় ধরা হয়েছে প্রায় ২০০ বিলিয়ন দিনার আর ১৯৫৪ সনে আয়করের মোট পরিমাণ ছিল প্রায় ৩২ বিলিয়ন। কাজেই কৃষকগণকে মোট ৪২,০১৪ মিলিয়ন দিনার অর্থাৎ তাঁদের মোট আয়ের শতকরা ২১ ভাগ দিতে হবে। তবে এখন কৃষকগণকে যে কর দিতে হয় তা যদি ২,৫৯২ মিলিয়ন দিনার কমিয়ে দেওয়া হয় তা হলে তাঁদের দেয় অর্থের পরিমাণ দাঁড়ায় ৩৯,৪২২ মিলিয়ন দিনার, অর্থাৎ তাঁদের মোট আয়ের

শতকরা ১৯.৭৯ ভাগ। আয়কর বাবদ অর্থ আদায় করে তা থেকেই স্বাস্থ্যব্যয় কর্মসূচীগুলি চালু রাখা হয়।”

পাকিস্থানের রাজনীতি

পাকিস্থানের আভ্যন্তরীণ রাজনৈতিক ক্ষেত্রে বিশেষ পরিবর্তনের সূচনা দেখা দিয়াছে। এই রাজনৈতিক ঘূর্ণাবর্তে পূর্ব এবং পশ্চিম পাকিস্থান উভয় অংশই জড়াইয়া পড়িয়াছে। পশ্চিম পাকিস্থানে বিপাবলিকান দলে ভাঙন দেখা দিয়াছে এবং ডাঃ খান সাহেবকে অপসারণের চেষ্টা হইতেছে। পূর্ব পাকিস্থানের গণতান্ত্রিক দাবিকে প্রতিষ্ঠিত করিয়া পাকিস্থানের পার্লামেন্টে উভয় অংশের সমান প্রতিনিধিত্ব ব্যবস্থা চালু করিবার উদ্দেশ্যই প্রধানতঃ পশ্চিম পাকিস্থানের বিভিন্ন প্রদেশগুলিকে সম্মিলিত করিয়া একটি ইউনিটে পরিণত করা হয়। পশ্চিম পাকিস্থানের একটি প্রভাবশালী অংশ সকল সময়েই এই এক ইউনিট পরিকল্পনার বিরোধিতা করিয়া আসিয়াছেন। এবং সকলেই ইহা জানেন যে, নানাক্রম কুচক্রাল বিস্তার করিয়া পশ্চিম পাকিস্থানের লীগ নেতৃবৃন্দ সিদ্ধ, উত্তর-পশ্চিম সীমান্ত প্রদেশের সকল ওজর-আপত্তি উপেক্ষা করিয়াই এক ইউনিট পরিকল্পনা তাহাদের উপর চাপাইয়া দেন। এই কার্যে তাঁহারা ডাঃ খান সাহেবের সমর্থন লাভ করেন। কিন্তু বর্তমানে “এক ইউনিট” নেতৃবৃন্দ পুনরায় চিন্তা করিতেছেন বলিয়া প্রকাশ। প্রদেশগুলির বিলুপ্তিসাধনে ‘ক্ষমতা’র আসন-সংখ্যা হ্রাস পাওয়ার স্বার্থসন্ধানী রাজনীতিবিদদের অসন্তোষে আশ্চর্য হইবার কিছুই নাই, কারণ এক ইউনিট গঠনের পিছনেও একচ্ছত্র ক্ষমতাস্বার্থের উদ্দেশ্যই প্রবল ছিল।

সিদ্ধ এবং উত্তর-পশ্চিম সীমান্ত প্রদেশের দায়িত্বশীল রাজনৈতিক নেতৃবৃন্দ প্রথম হইতেই এক ইউনিট পরিকল্পনার বিরোধী ছিলেন। সিদ্ধুর জি. এম. সৈয়দ এবং উত্তর-পশ্চিম সীমান্ত প্রদেশের খান আবহুল গফফর খান এই বিরোধীদের নেতা ছিলেন। তত্পরি পশ্চিম পাকিস্থান আওয়ামী লীগ এবং পশ্চিম পঞ্জাবেও স্বল্পসংখ্যক নেতা এক ইউনিট পরিকল্পনার বিরোধী ছিলেন। সম্প্রতি বিপাবলিকান দলের কয়েকজন নেতা মিঃ সৈয়দ ও খান আবহুল গফফর খানের সহিত আলোচনার চেষ্টা করিতেছেন বলিয়া সংবাদে প্রকাশ।

এদিকে-পূর্ব পাকিস্থানে কাগমারীতে আওয়ামী লীগ সম্মেলন লইয়া এক উত্তেজনাপূর্ণ বিতর্কের সৃষ্টি হইয়াছে। পররাষ্ট্রনীতিতে পাকিস্থানের প্রধানমন্ত্রী মিঃ সুরাবন্দী এবং আওয়ামী লীগের নেতা মৌলানা ভাসানীর মধ্যে যে বিরোধিতা এত দিন ধুমায়িত হইয়া উঠিতেছিল কাগমারী সম্মেলনের পর সেই বিরোধিতা বিশেষ তীব্র আকার ধারণ করিয়াছে। সকল প্রকার সাময়িক চুক্তি বর্জনের নীতি সমর্থন করিয়া আওয়ামী লীগ যে পররাষ্ট্রনীতি ঘোষণা করেন, মিঃ সুরাবন্দীর পররাষ্ট্রনীতি কার্যতঃ তাহার বিরুদ্ধাচরণই করিয়াছে। কোশলে মৌলানা ভাসানীকে দিয়া তাঁহার পররাষ্ট্রনীতি অনুমোদন

করাইয়া লইবার বে চেষ্টা মিঃ সুরাবর্দী করেন, স্পষ্টতঃই তাহা বাধ হইয়াছে। দলের নিকট এরূপভাবে পরাজিত হইলে অজ্ঞান দেশের প্রধানমন্ত্রীরা পদত্যাগ করিতেন। কিন্তু ব্যক্তিগত ক্ষমতা-লাভই তাঁহার জীবনের চরম লক্ষ্য সেই সুরাবর্দী সাহেবের নিকট সেরূপ সৌজ্ঞ আশা করা বৃথা।

কাগমারী সম্মেলনে মূলতঃ মৌলানা ভাসানীর নেতৃত্ব ও নীতির প্রতি দলের পুনরায় আশুগত্য জানানো হয়। আন্তর্জাতিক ক্ষেত্রে নিরপেক্ষতা অবলম্বনসংক্রান্ত দলের নীতি-ভঙ্গকারী যে-কোন সদস্যকে দল হইতে বহিষ্কারের চরম ক্ষমতা মৌলানা ভাসানীর হাতে দেওয়া হয়। সম্মেলনে পূর্ব পাকিস্তানের জ্ঞান স্বায়ত্তশাসন দাবী করিয়াও একটি প্রস্তাব গৃহীত হয়।

কাগমারী সম্মেলন সুরাবর্দী-ভাসানী বিরোধিতা উপলক্ষে একশ্রেণীর পাকিস্তানী রাজনৈতিক নেতা এবং সংবাদপত্র পুনরায় ভারতবিরোধী প্রচারে নামিয়াছে। পাকিস্তানের শাসকশ্রেণী পাকিস্তানের জনগণের স্বার্থের পরিপন্থী হওয়ার তাহারা ক্রমশঃই জনসাধারণের অপ্রীতিভাজন হইতেছেন। পাকিস্তানের প্রকৃত স্বার্থের পরিপন্থী আভ্যন্তরীণ এবং পররাষ্ট্রনীতি গৃহীত হওয়ার পাকিস্তান বহু দিক হইতেই ক্ষতিগ্রস্ত হইয়াছে। ইহা ভিন্ন সকল শিল্প ও উচ্চতর সরকারী পদগুলি পশ্চিম পাকিস্তানবাসীদের হাতে থাকায় পূর্ব পাকিস্তানের জনগণের উপর শোষণের মাত্রা আরও বৃদ্ধি পাইয়াছে। এই অবস্থায় জনসাধারণের দাবিকে সমর্থন করিয়া মৌলানা ভাসানী যে নীতি ঘোষণা করিয়াছেন, সহজেই পাকিস্তানের জনসাধারণের মনে তাহাতে সাড়া জাগিয়াছে। ঠিক সেই কারণেই মৌলানা ভাসানীর উপর প্রতিক্রিয়াশীল পাকিস্তানী রাজনীতির বিশেষতঃ, পশ্চিম পাকিস্তানের রাজনীতিবিদদের বিশেষ উদ্বেগ জাগিয়াছে।

সাম্প্রদায়িক এবং পাকিস্তানের স্বার্থের সম্পূর্ণ পরিপন্থী ভারত-বিরোধী নীতি পরিত্যাগ করিয়া বাস্তব এবং বন্ধুত্বপূর্ণ নীতি গ্রহণের জ্ঞান মৌলানা ভাসানী প্রস্তাব করিয়াছেন বলিয়া তাঁহাকে ভারতের চম আখ্যা দেওয়া হইয়াছে। “ডন” পত্রিকা তাঁহাকে “লালমোহা” আখ্যা দিয়াছে। পশ্চিম পাকিস্তানের পত্রিকাগুলিতে বলা হইয়াছে যে, হয় মৌলানা ভাসানীকে পরিত্যাগ করা হউক, না হয় তাঁহাকে “খতম” করা হউক।

পাক পার্লামেন্টের রিপাবলিকান সদস্য খান আলাউদ্দীন খান বলিয়াছেন যে, পাকিস্তানের বর্তমান প্রেসিডেন্ট (ইফ্ফাকার মির্জা) স্বরাষ্ট্রমন্ত্রী থাকাকালে ভাসানীকে পাকিস্তানের পরলা নম্বর শত্রু বলিয়া অভিহিত করিয়াছিলেন; সেই ভবিষ্যদ্বাণী এখন সত্যে পরিণত হইয়াছে। কারণ তাহা না হইলে ভাসানী কি আর কাগমারী সম্মেলনে গান্ধী আর সুভাষ বন্দুর নামে ভোষণ নির্মাণ করিতে সাহস করিতেন।

এদিকে আওয়ামী লীগেরও এক অংশ মৌলানা ভাসানীর বিরুদ্ধে লাগিয়াছেন। পূর্ব পাকিস্তানের মুখ্যমন্ত্রী আতাউর

রহমান খাঁ এবং দলের সম্পাদক মুজিবুর রহমান খাঁ (যিনি পাকিস্তানের বাণিজ্যমন্ত্রী নিযুক্ত হইবার পূর্ব পর্যন্ত ভাসানী-অন্ত প্রাণ ছিলেন) বলেন যে, কাগমারী সম্মেলনে পাকিস্তান সরকারের পররাষ্ট্রনীতির কোনরূপ বিরোধিতাই করা হয় নাই—এ সকল ভারতীয় সংবাদপত্রগুলির কারসাজি ও মিথ্যা প্রচারকার্য। কিন্তু “ষ্টেটসম্যান” পত্রিকার ঢাকাস্থিত সংবাদদাতা স্পষ্টই বলিয়াছেন যে, সাংবাদিকদিগকে প্রদত্ত মৌলানা ভাসানীর স্বহস্ত-লিখিত বিবৃতি অমুখ্যায়ীই তাঁহার সংবাদ পরিবেশন করিয়াছেন এবং ঢাকা হইতে প্রকাশিত বাংলা ও ইংরেজী দৈনিক কাগজেও ভাসানীর বিবৃতি অমুখ্যায়ী আকারে প্রকাশিত হইয়াছে—অর্থাৎ স্পষ্টতঃই ভারত-বিরোধী কুৎসারটনা দ্বারা পাকিস্তানী রাষ্ট্রপুরুষগণ নিজেদের আভ্যন্তরীণ সঙ্কটকে পাকিস্তানের জনসাধারণের নিকট হইতে লুকাইয়া রাখিতে চাহেন।

দৃঢ়চেতা, নির্ভীক এবং নীতিবাদী ভাসানী অবশ্য এ সকল কুৎসার সমুচিত প্রত্যুত্তর দিয়াছেন। ১১ই ফেব্রুয়ারী কাগমারীতে এক বিরাট জনসভায় বক্তৃতাদানকালে মৌলানা ভাসানী বলেন যে, পাকিস্তানের লক্ষ লক্ষ নরনারীর দুর্গতিমোচনের কল্পনাকে বাস্তবরূপ দানের জ্ঞান তিনি তাঁহার জীবনের শেষ দিন পর্যন্ত সংগ্রাম করিয়া বাইবেন।

মৌলানা ভাসানী বলেন, “দুর্গত জনগণের স্বায়ত্তত্ব অধিকার রক্ষার জ্ঞান সংগ্রামকে যদি গবর্ণমেন্টের বিরুদ্ধে বড়বন্দ বালিয়া অভিহিত করা হয়—তাহা হইলে আমি এরূপ বড়বন্দের জ্ঞান যে-কোন অবস্থায় সম্মুখীন হইতে রাজী আছি।”

তাঁহার বিরুদ্ধে যে সকল অভিযোগ করা হইয়াছে তাহার উল্লেখ করিয়া মৌলানা ভাসানী বলেন, “জনগণের দাবি সকলের সম্মুখে তুলিয়া ধরাকেই কি বড়বন্দ বলা হয়? গত সপ্তাহে প্রধানমন্ত্রী মিঃ সুরাবর্দী এবং অজ্ঞান রাজনীতিকবৃন্দের উপস্থিতিতেই আওয়ামী লীগ কাউন্সিলের অধিবেশন হয়। গবর্ণমেন্ট কিংবা দেশের বিরুদ্ধে বড়বন্দ করা হইয়াছে বলিয়া কি তখন তাঁহার বুদ্ধিতে পারিয়াছিলেন? জনগণ সম্মিলিত ভাবে তাহাদের স্বায়ত্ত-স্বত্ব দাবি তুলিয়া ধরতেই প্রতিক্রিয়াশীল দল শঙ্কিত হইয়া পড়িয়াছেন। আমাদের দাবি আদায়ের জ্ঞান আমরা শেষ পর্যন্ত সংগ্রাম করিয়া বাইব এবং একজ্ঞ আমি সত্যবরণ করিতেও প্রস্তুত আছি।”

পাকিস্তানে অধ্যক্ষের অপকীর্তি

বরিশাল হইতে প্রকাশিত “বরিশাল হিতৈষী” পত্রিকার ১১ই পৌষ সংখ্যায় একটি কোঁতুহলোদাপক সংবাদ প্রকাশিত হইয়াছে। সংবাদে বলা হইয়াছে :

“বরিশাল জেলার চাখার গ্রামে আমাদের বর্তমান রাজ্যপাল মৌঃ কজলুল হক সাহেব কর্তৃক প্রতিষ্ঠিত চাখার কলেজের অধ্যক্ষ মিঃ এ. এইচ. এম. মদীউদ্দীন এম-এ (আল আজহার), এম-লিট

(কারবো), এম. ইউ. লেকচারার কারবো ইউনিভারসিটি, ঢাকা ইউনিভারসিটি, ক্যালকাটা ইউনিভারসিটি, প্রফেসর প্রেসিডেন্সী কলেজ, কলিকাতা, এক্স-প্রফেসর রকফেলার ইনষ্টিটিউট অব ইসলামিক ষ্টাডিজ, অফিসিয়েটিং প্রফেসর, ইডেন কলেজ, ঢাকা, এম. সি. গিল ইউনিভারসিটি প্রভৃতি আরও বহু অলঙ্কারে ভূষিত হইয়া দুই বংসর পূর্বে সুদূর নোয়াখালি জেলা হইতে বরিশালের চাখার গ্রামে যেদিন আসিলেন সেদিন চাখার তথা বরিশালবাসী তাহাকে এক অভূতপূর্ব অভিনন্দন জ্ঞাপন করিয়াছিল। তার পর দুই বংসর অতীত হইয়া গিয়াছে, ইহার ভিতর তাঁহার সম্বন্ধে বহু অভিযোগ আমাদের নিকট আসিয়াছে কিন্তু তাঁহার পাণ্ডিত্যের কথা স্মরণ করিয়া আমরা সে সব অভিযোগ উপেক্ষা করিয়াছি।”

সম্প্রতি ম্যাজিষ্ট্রেট কর্তৃক এক অনুসন্ধানের পর প্রকাশ পাইয়াছে যে, ঐ “অধ্যক্ষ” নাকি মাটিক সার্টিফিকেটও নাই।

চন্দ্রলোকে ভ্রমণ

পৃথিবী হইতে চন্দ্রলোকে গমন করা সম্পর্কে বিভিন্ন দেশেই জল্পনাকল্পনা চলিতেছে। সোভিয়েট ইউনিয়নেও চন্দ্র গমনের সম্ভাবনা সম্পর্কে বৈজ্ঞানিক আলোচনা চলিতেছে। মহাশূণ্ডে ভ্রমণের উপযোগী বিমানের বা রকেটের জ্বালানি সমস্যা হইয়া দাঁড়াইয়াছে। বৈজ্ঞানিকদের ধারণা চন্দ্রলোকে একটি বাহকহীন রকেট পাঠাইতেও শত শত টন জ্বালানি লাগিবে। সোভিয়েট অধ্যাপক ডেড. চেবোতারিয়েফ অবশ্য হিসাব করিয়াছেন যে, মাত্র ষোল টন জ্বালানি লাগিবে। চেবোতারিয়েফের হিসাব অনুযায়ী কেবলমাত্র ভূপৃষ্ঠ হইতে রকেটটিকে শূণ্ডে ছাড়িবার প্রাথমিক অবস্থাতেই মাত্র জ্বালানি লাগিবে, পৃথিবীর আবহমণ্ডলের সীমা অতিক্রম করিয়া যাইবার পর, রকেটটি পৃথিবীর ও চন্দ্রের মাধ্যাকর্ষণে শক্তির ক্রিয়া-প্রতিক্রিয়ায় উড়িয়া চলিবে।

ডক্টর চেবোতারিয়েফ বলিতেছেন, “রকেটটি এমন একটি কক্ষপথ ধরিয়া চলিবে যাহার দুই প্রান্ত একই বিন্দুতে আসিয়া মিলিত হইয়াছে—কক্ষপথটি দেখিতে হইবে অনেকটা একটি চ্যাপটা উপরন্তের স্থায়। পৃথিবী হইতে চন্দ্রে যাত্রা ও প্রত্যাবর্তনের দূরত্বটি ২৩৬ ঘণ্টায়, অথবা প্রায় দশ দিনে, অতিক্রান্ত করা হইবে, এই সময়ের মধ্যে রকেটটি প্রায় দশ লক্ষ কিলোমিটার (১ কিলোমিটার = ৫/৮ মাইল) পথ অতিক্রম করিবে। ইহার চেয়ে কম গতিবেগে চলিলে রকেটটি পৃথিবীর মাধ্যাকর্ষণ শক্তিকে কাটাইয়া উঠিতে পারিবে না। চাঁদের কাছাকাছি আসিতে থাকার সঙ্গে সঙ্গে এই গতিবেগ শূণ্ডে দাঁড়াইবে।”

রকেটটিকে মহাশূণ্ডে নিক্ষেপ করা হইলে উহা চন্দ্রের নিকট হইতে পুনরায় পৃথিবীতে প্রত্যাবর্তন করিবে। ভূপৃষ্ঠে অবতরণের কালে বাহাতে রকেটটির কোন ক্ষতি না হয় সেজন্য উহার সহিত একটি বিশেষ ধরনের পারাসুট ব্যবস্থা থাকিবে। রকেটটির ওজন হইবে ৫০ হইতে ১০০ কিলোগ্রাম।

উক্ত সোভিয়েট বিজ্ঞানীর অভিমতে, “এই রকেটের অভিযানের দ্বারা আমরা মহাশূণ্ডের প্রকৃতি ও বিশেষত্বগুলি সম্পর্কে অতিরিক্ত তথ্যাদি লাভ করিতে পারিব, উল্কাগুলির গতিপ্রকৃতি ও মহাজাগতিক রশ্মির ক্রিয়া সম্পর্কে আমাদের লব্ধ তথ্যাদির বাধার্থ্য পরীক্ষা করিয়া দেখিবার এক নূতন সুযোগ পাইব, আবহ তথ্যাদি সম্পর্কে আরও জ্ঞান লাভ করিতে সক্ষম হইব।”

রকেটটি চন্দ্র হইতে ৩০ হাজার কিলোমিটার দূরে থাকিয়া চন্দ্রের চারিদিকে উড়িবে। কলে রকেটে বন্ধিত সিনেমা ও ফোটো-ক্যামেরায় তোলা বহুসংখ্যক ছবির সাহায্যে এই সর্বপ্রথম পৃথিবী-বাসী চন্দ্রের অপরাপর দিক সম্পর্কেও জ্ঞানলাভ করিতে পারিবে—(কারণ পৃথিবী হইতে চন্দ্রের মাত্র একটি দিকই দৃশ্যমান হয়)। চন্দ্রের চারিদিকে আকর্ষণশক্তি নাই বলিয়া পৃথিবীর আবহাওয়ার বিশেষত্বের দরুন আলোকচিত্র গ্রহণে যে সকল বাধা অসুবিধা থাকে, সেখানে সেইরূপ বাধাতন্ত্রটির কোন সম্ভাবনা থাকিবে না। উপরন্তু অপরিমিত দূরত্ব হইতে গৃহীত পৃথিবীর আলোকচিত্রগুলি হইতে বৈজ্ঞানিকগণ পৃথিবী সম্পর্কেও জ্ঞানের প্রসার বৃদ্ধি করিতে পারিবেন।

এখনও পর্যন্ত বৈজ্ঞানিকদিগের জল্পনাকল্পনা চন্দ্রলোকে সম্বন্ধেই সীমাবদ্ধ রহিয়াছে। মঙ্গল গ্রহ সম্পর্কে বৈজ্ঞানিকগণ এখনও কোন স্থির সিদ্ধান্ত করিতে পারেন নাই, কারণ মঙ্গলগ্রহে পৌঁছিবার অভিযানে সূর্যের প্রভাব, এবং খুব সম্ভব শুক্র ও বুধ গ্রহেরও প্রভাবের প্রশ্ন আসিয়া দাঁড়াইবে।

চন্দ্রলোকে রকেট প্রেরণ করিতে আর কতকাল লাগিবে সেই সম্পর্কে এক প্রস্তাব উত্তরে অধ্যাপক চেবোতারিয়েফ বলেন যে, রকেট প্রস্তুত হইলেই উহা সম্ভব হইবে, তবে রকেট প্রস্তুত করিতে কতদিন লাগিবে তাহা কেবলমাত্র ইঞ্জিনীয়ারগণই বলিতে পারেন। তবে আধুনিক যন্ত্রবিদ্যার উন্নতির কথা স্মরণ রাখিলে কয়েক বংসরের মধ্যেই যে ঐরূপ রকেট নির্মাণ সম্ভব হইবে সে সম্পর্কে প্রায় নিশ্চয়রূপেই বলা যাইতে পারে।

আমানসোলে নেতাজী শোভাযাত্রার উপর হামলা

১৬ই মাঘ সংখ্যা সাপ্তাহিক “জি. টি. রোড” পত্রিকা এক সম্পাদকীয় প্রবন্ধে লিখিতেছেন :

“গত ২৩শে জানুয়ারী সেন-র্যালি ক্যান্টনমেন্ট ইউনিয়নের শ্রমিকরা, কল্যাণের শাস্তি কমিটি বখন নেতাজীর ছবি লইয়া শোভাযাত্রা করিতেছিলেন, তখন সহসা লাঠি-সোঁটা লইয়া শোভাযাত্রার উপর ঝাপাইয়া পড়ে। শ্রীশঙ্কর তেওয়ারী এবং তাহার ভ্রাতৃপুত্র শ্রীঅরবিন্দ তেওয়ারী বধাক্রমে পতাকা এবং নেতাজীর ছবি বহন করিতেছিলেন। ইউনিয়ন কর্মীদের বত কিছু যোগ তাঁহাদের উপর এবং পতাকা ও নেতাজীর ছবির উপর পড়ে। তাহারা উভয় ব্যক্তিকেই আঘাত করে, পতাকা ও নেতাজীর ছবি ছিন্নভিন্ন করিয়া পদদলিত করে এবং শ্রীমুখী মিশ্র প্রভৃতি কয়েক জনকে আঘাত করিয়া আহত করে।...”

পত্রিকাটি লিখিতেছেন যে, পূর্বপন্থিকল্পিত পদ্ধতিতেই সেন-
য়ালের কম্যান্ডেট ইউনিয়ন নেতাজী শোভাযাত্রার উপর হামলা
চালায় এবং পরে ঐ অপকর্মের জন্য অজ্ঞানদের প্রতি দোষারোপ
করিয়া প্রচারকার্য চালাইতে থাকে।

উক্ত একই তারিখের “বঙ্গবানী” পত্রিকার সম্পাদকীয়
আলোচনা হইতে দেখা যায় যে, কল্লাপুরের উল্লিখিত ঘটনা সম্পর্কে
পরস্পরবিবোধী সংবাদ প্রকাশিত হইয়াছে। নডিহা, কল্লাপুর ও
গাঁড়ই পল্লী-উন্নয়ন সমিতি বলিয়া কথিত একটি প্রতিষ্ঠানের পক্ষ
হইতে প্রচারিত হাণ্ডবিলে কংগ্রেসকে এই দুর্ঘটনার জন্য দায়ী করা
হইয়াছে। অপরপক্ষে কল্লাপুর অঞ্চলের শান্তি কমিটির বিবৃতিতে
বলা হইয়াছে যে, লালবাগা হাতে লইয়া কতকগুলি লোক আসিয়া
এই মারপিট করিয়াছে। এই সম্পর্কে দুইটি মামলাও নাকি রুজু
হইয়াছে। এই ঘটনা উপলক্ষে মস্তব্য প্রসঙ্গে “বঙ্গবানী” লিখিয়াছেন :

“হামলা কে করিয়াছে তাহা না জানিলেও একটা ঘটনা যে
হইয়াছে এ কথা সত্য এবং তাহাতে কয়েকজন লোক আহত
হইয়াছে এ কথাও সত্য। সর্বাপেক্ষা দুঃখের বিষয় যে, নেতাজী
জন্মদিবসে এই ঘটনা ঘটিয়াছে। বাহাদুরের উপর বাহাদুরই রাগ
থাকুক না কেন, নেতাজী জন্মদিবস ছাড়াও অল্প দিনে সে বা
তাহারা ত এই রাগ মিটাইতে পারিত।”

ঘটনাটি সম্পর্কে দায়িত্ব কাহার তাহা আদালত ঠিক করিবেন।
সুতরাং সে বিষয়ে আমরাও কোন মস্তব্য হইতে বিরত থাকিলাম।
তবে সভা শোভাযাত্রার উপর এই ধরনের হামলা আমাদের দেশে
বিদ্যমান নহে। ইহাও সত্য যে, এই ধরনের হামলা দলমত-
নির্কিশেষে স্বয়ংগ পাইলে সকলেই করিয়া থাকে। গণতন্ত্রকে
সাক্ষ্যমণ্ডিত করিতে হইলে পরমতসহিষ্ণুতা যে অপরিহার্য,
আমাদের দেশের রাজনৈতিক নেতৃবৃন্দ তাহা এখনও বুঝিতে
পারেন নাই। সেজন্যই আমরা প্রায়ই দেখিতে পাই যে, বিবোধী-
পক্ষের বক্তব্যকে যুক্তি দ্বারা খণ্ডন করিবার চেষ্টা না করিয়া
অধিকাংশ ক্ষেত্রে ঈষ্টকবর্ষণেই কর্তব্য নিষ্পন্ন হইয়াছে বলিয়া মনে
করা হয়। ইহাতে কোন রাজনৈতিক দলের নেতৃবৃন্দই অজ্ঞান
হইয়াছে বলিয়া মনে করেন না। সঙ্গে সঙ্গে অবশ্য ইহাও স্বীকার
করিতে হইবে যে, সকল দলেই সুস্থ মনোভাবসম্পন্ন সদস্য রহিয়াছেন
যাঁহারা এই ধরনের গুণামি সমর্থন করেন না; কিন্তু সর্বত্রই
তাঁহারা সংখ্যালঘু। দলের নেতৃবৃন্দ যাঁহাদের উপর থাকে, অধিকাংশ
ক্ষেত্রেই দলগত স্বার্থসাধনের জন্য তাঁহারা কোন কাজকেই গর্হিত
বলিয়া মনে করেন না। কম্যান্ডেট প্রকাশ্যভাবে এই সুবিধাবাদী
নীতিকে একটি দার্শনিক তত্ত্ব হিসাবে খাড়া করিয়াছে—আন্তর্জাতিক
এবং জাতীয় কোন ঘটনা বিচারেই তাহারা যুক্তিতর্কের ধার ধারেন
না। তাহাদের মস্তের সহিত অমিল হইলে যে-কোন লোককেই
“দালাল”, “চর” প্রভৃতি সম্বোধনে অভিহিত করিতে তাহাদের
তিলমাত্র বিলম্ব হয় না। একইভাবে সরকারী দলেও সকলপ্রকার
বিবোধিতাকেই “বিভেদকারী”, “নাশকতামূলক” প্রভৃতি অপবাদ

প্রায়ই দেওয়া হয়। এইরূপ ডিক্টেটরী মনোভাব লইয়া চলিলে
দেশে গণতন্ত্র প্রতিষ্ঠা সুদূরপরাহত হইবে। জনসাধারণকে সেজন্য
এই বিষয়ে অবহিত হইতে হইবে।

রঘুনাথগঞ্জ বিদ্যুৎ-সরবরাহ

“ভারতী” ৩রা মাঘ এক সম্পাদকীয় প্রবন্ধে লিখিতেছেন :

“রঘুনাথগঞ্জ শহরে বিদ্যুৎ-সরবরাহের ব্যাপারটা ক্রমেই বেশ
ঘোরালো হইয়া উঠিতেছে। বৎসরখানেক পূর্বে শহরে বখন তার
খাটানো শুরু হয় তখন লোকে মনে করিয়াছিল—দুই-তিন মাসের
মধ্যেই শহর আলোকোন্ডাসিত হইয়া উঠিবে। খুব দেরি হইলেও
অন্ততঃ শারদীয়া উৎসব বিজয়ীবারতির সাহায্যে অধিকতর সমুজ্জ্বল
হইবে। কিন্তু বিস্ময়ের বিষয় মিউনিসিপ্যাল এলাকার এক অংশ
জঙ্গীপুরের পারে প্রায় এক বৎসর পূর্বে বিদ্যুৎ-সরবরাহ করা সম্ভব
হইলেও মিউনিসিপ্যালিটির অপর অংশ রঘুনাথগঞ্জে তাহা আজ
পর্যন্ত সম্ভব হয় নাই, যদিও শহরে তার খাটানোর কাজ বহুপূর্বেই
সম্পন্ন হইয়াছে।”

আগু বিদ্যুৎ-সরবরাহ প্রাপ্তির আশায় জনসাধারণ এবং বিভিন্ন
ব্যবসায়-প্রতিষ্ঠান তার প্রভৃতি খাটাইতে অনেক টাকা লগ্নী করি-
য়াছে। কিন্তু সরবরাহে বিলম্বের জন্য তাহাদের লগ্নীকৃত অর্থ নিষ্ক্রিয়
হইয়া পড়িয়া রহিয়াছে এবং তাহাতে তাহাদের আর্থিক ক্ষতি
হইতেছে। এ ব্যাপারে সরকারের কোন প্রত্যক্ষ দায়িত্ব না
থাকিলেও জনসাধারণের অসুবিধা ও ক্ষতির পরোক্ষ দায়িত্ব যে
তাহাদেরই সে বিষয়ে সন্দেহ নাই।

“কয়েক মাস পূর্বে বখন গুজব রটিল ‘কেবল’টি ছোট হইয়াছে
ও ইহাকে পরিবর্তন না করিলে আর উপায় নাই তখন মানুষ
অনেকটা নিরাশ হইয়া পড়িয়াছিল, কিন্তু পরে সরকারী ঘোষণার
ফলে বখন জানা গেল যে, ~~এই~~ ~~কেন্দ্র~~ ~~অসুবিধা~~ ~~সিদ্ধিহীন~~ এবং ১লা নবেম্বর
এখানে বিদ্যুৎ-সরবরাহ করার ~~সুচী~~ ~~খাটাইলেও~~ ~~নৈসর্গিক~~ ~~কারণে~~
তাহা সম্ভব হয় নাই তখন শহরের মানুষ ভাবিল খুব দেরি
হইলেও ডিসেম্বর মাসের মধ্যে নিশ্চয়ই তাহাদের আশা পূর্ণ
হইবে। এই সময় আরও কিছু লোক তাঁহাদের বাড়ীতে তার
খাটানোর কাজ শেষ করিলেন। অবশেষে ডিসেম্বরের শেষে বহু-
প্রত্যাশিত কেবলটি নদীগর্ভে ফেলা হইল ও বিশ্বস্তস্বত্রে ধরন
পাওয়া গেল যে, জানুয়ারী মাসের প্রথম বা দ্বিতীয় সপ্তাহে নিশ্চয়ই
আলো জালা হইবে। স্থানীয় মানুষ আর একবার নূতনভাবে
আশাবিহিত হইয়া উঠিল ও কর্মচাঞ্চল্য শুরু হইল। কিন্তু কয়েক-
দিন কাজকর্ম চলার পর পুনরায় সরকারী কার্যকলাপ স্তিমিত হইয়া
আসিল ও পুনরায় একটা অনিশ্চিত অবস্থার সৃষ্টি হইল। এখন
আবার গুজবের রাজত্ব শুরু হইয়াছে।”

শহরের একাংশে বিদ্যুৎ-সরবরাহ সম্ভব হইয়াছে অথচ সকল
আয়োজন সমাপ্ত হওয়া সত্ত্বেও মিউনিসিপ্যালিটির অপর অংশে এক
বৎসর পবেও বিদ্যুৎ-সরবরাহ করা কেন সম্ভব হইতেছে না সে
সম্পর্কে একটি সরকারী বিবৃতির প্রয়োজনীয়তা আছে বলিয়া

“ভারতী” যে মন্তব্য করিয়াছেন আমরাও তাহা যুক্তিযুক্ত বলিয়া মনে করি।

বিশ্বশিল্প প্রদর্শনী

মানুষের শ্রম এবং শ্রমসংশ্লিষ্ট বস্তুপাতিসমূহ বিশ্বের বিভিন্ন দেশের শিল্পীদের নিকট কিরূপভাবে প্রতিভাত হইয়াছে বর্তমান বৎসরের জুন মাসে জেনেভা নগরীতে অনুষ্ঠিত আন্তর্জাতিক শিল্প-প্রদর্শনীতে তাহা পরিষ্কৃত হইবে। আন্তর্জাতিক শ্রমসংস্থার প্রথম ডিরেক্টর আলবার্ট টমাসের মৃত্যুর পঞ্চবিংশতিতম বার্ষিকী উপলক্ষে “শিল্প ও শ্রম” সম্পর্কীয় এই পরিকল্পিত আন্তর্জাতিক প্রদর্শনীটির উদ্বোধন হইলেন আন্তর্জাতিক শ্রমসংস্থা। ভারতসহ ৭৭টি দেশকে এই প্রতিযোগিতায় যোগদানের জ্ঞান আমন্ত্রণ জানান হইয়াছে বলিয়া প্রকাশ।

প্রদর্শনীর পাঁচটি বিভাগ থাকিবে। বিভাগগুলিতে যে যে বিষয়ের উপর শিল্পকার্য প্রদর্শিত হইবে সেগুলি হইল : (১) কৃষি ; (২) অগ্নিসংশ্লিষ্ট শিল্প অর্থাৎ ধাতুশিল্প, কাচশিল্প ইত্যাদি ; (৩) মানসিক শ্রম ; (৪) নিষ্কাশনশিল্প (Building) এবং (৫) শ্রমিক সংগঠন ও ট্রেড ইউনিয়ন প্রতিষ্ঠা।

প্রদর্শনীতে মোট পাঁচ শত হইতে ছয় শতখানি শিল্পকার্য দেখান হইবে।

আসামে ডাক বিভাগে ধর্মঘট

১১ই ফেব্রুয়ারী হইতে আসামের ডাক বিভাগীয় কর্মীগণ ধর্মঘট করিয়াছেন। আসাম, মণিপুর, ত্রিপুরা এবং নেফা (NEFA) অঞ্চলের প্রায় ছয় হাজার কর্মী এই ধর্মঘটে যোগদান করিয়াছেন। “ষ্টেটসম্যান” পত্রিকার শিল্পস্থিত সংবাদদাতা লিখিতেছেন যে, কার্যতঃ কয়েকজন নূতন কর্মী ব্যতিরেকে সকল কর্মীই ধর্মঘটে যোগদান করিয়াছেন এবং ধর্মঘটের ব্যাপকতার ফলে আসামের ডাক বিভাগের কাজ সম্পূর্ণরূপে পর্য্যুদস্ত হইয়া পড়িয়াছে। ১৪ই ফেব্রুয়ারী হইতে উত্তর-পূর্ব রেলওয়ের কর্মীদের ধর্মঘট করিবার কথা ছিল কিন্তু ১১ই ফেব্রুয়ারী তারিখে রেলওয়ে শ্রমিকসংঘ প্রস্তাবিত ধর্মঘট পিছাইয়া দিবার সিদ্ধান্ত করেন।

ডাকবিভাগীয় কর্মীদের ধর্মঘটের অব্যবহিত পূর্বে ১৮ই মাঘ এক সম্পাদকীয় প্রবন্ধ করিমগঞ্জ হইতে প্রকাশিত সাপ্তাহিক “যুগশক্তি” লিখিয়াছিলেন :

“ডাক ও তার এবং রেল ধর্মঘট প্রায় এক সঙ্গে সত্যই যদি অনুষ্ঠিত হয় তাহা হইলে জনসাধারণের যে অবর্ণনীয় অসুবিধা এবং বাবসায়াদির বিপর্যয় সংঘটিত হইবে তাহা ভাবিয়া সকলেই শঙ্কিত হইয়াছেন। কিন্তু নিম্নবেতনভোগী সরকারী কর্মচারীদের দ্রববস্থার কথা বিবেচনা করিয়া কর্তৃপক্ষ তাহাদের শ্রাস্তসঙ্গত অভিযোগাদির যথাবিহিত প্রতিকার করিতে কেন পশ্চাৎপদ হইতেছেন তাহা আমাদের বুদ্ধির অগম্য। বহুবিঘোষিত সমাজতান্ত্রিক ধাঁচের সমাজ গঠনই যদি বাস্তবিক কংগ্রেস-নেতাদের কাম্য হয়, তাহা হইলে

সরকারী কর্মচারীদের পারিশ্রমিকের আকাশপাতাল বৈষম্য সর্বোপায়ে দূরীভূত করাই সম্ভব নহে কি ?”

কলিকাতা বিশ্ববিদ্যালয়ে দেশমুখ

গত মাসে কলিকাতা বিশ্ববিদ্যালয়ের সমাবর্তন উৎসবে শ্রীদেশমুখ যে ভাষণ দিয়াছিলেন তাহা স্মৃতিস্তম্ভিত ও প্রণিধানযোগ্য। আমরা আনন্দবাজার পত্রিকা হইতে তাহা উদ্ধৃত করিলাম :

“কলিকাতা বিশ্ববিদ্যালয়ের সমাবর্তন উৎসবে বিশ্ববিদ্যালয় সাহায্য কমিশনের সভাপতি সি ডি. দেশমুখ তাঁহার বক্তৃতায় বলেন, বিশ্ববিদ্যালয়ের শিক্ষা আসোকপ্রাপ্ত নাগরিকদের জ্ঞান প্রস্তুতি মাত্র, এই নাগরিকত্ব সারাজীবনের ব্যাপার।

তিনি আরও বলেন যে, নূতন গ্র্যাজুয়েটগণ এক গতিশীল সমাজে জীবন সংগ্রাম আরম্ভ করিবেন। এই সমাজের উপযুক্ত বিজ্ঞানী, টেকনোলজিষ্ট এবং সর্বপ্রকার বৃত্তির লোক আবশ্যিক, ইহাতে সন্দেহ নাই ; কিন্তু এতদপেক্ষা অধিকতর প্রয়োজন একরূপ বিচারবুদ্ধিসম্পন্ন, অকপট, সাধু ও পরিশ্রমী লোকের যাহারা আধুনিক গণতন্ত্রে তাঁহাদের কাজ দক্ষতার সহিত সম্পন্ন করিতে পারেন।

শ্রীদেশমুখ তাঁহার বক্তৃতায় প্রথমে শিক্ষা বিস্তারে রাজা রামমোহন রায়, ঈশ্বরচন্দ্র বিদ্যাসাগর, শ্রীর আশুতোষ মুখোপাধ্যায় এবং কলিকাতা বিশ্ববিদ্যালয়ের ছাত্র ও শিক্ষকদের মধ্যে বঙ্কিমচন্দ্র চট্টোপাধ্যায়, সুরেন্দ্রনাথ বন্দ্যোপাধ্যায়, স্বামী বিবেকানন্দ, পণ্ডিত মালবীয়া, দেশবন্ধু চিত্তরঞ্জন দাশ, শ্রীর তেজবাহাদুর সঙ্গ, শ্রীর আবহর রহিম, ড. বাসবিহারী ঘোষ, আচার্য জগদীশচন্দ্র বসু, আচার্য প্রফুল্লচন্দ্র রায়, ড. শ্যামাপ্রসাদ মুখোপাধ্যায়, ড. মেঘনাদ সাহা, নেতাজী সুভাষচন্দ্র বসু, রাষ্ট্রপতি ড. রাজেন্দ্রপ্রসাদ, ড. এস. রাধাকৃষ্ণণ, ড. বহুনাথ সরকার, ড. সি, ভি, রামন ও ড. এস, এন, বসুর নাম উল্লেখ করেন।

শ্রীদেশমুখ ভারতে বিশ্ববিদ্যালয়সমূহ, বিশেষতঃ কলিকাতা বিশ্ববিদ্যালয় প্রতিষ্ঠার ইতিহাস বিবৃত করিবার পর বলেন যে, ছাত্রসংখ্যার প্রভূত চাপে ভারতের বিশ্ববিদ্যালয়সমূহ শিক্ষকদের যোগ্যতা ও সংখ্যা, স্থান সঙ্কুলান। বিশেষতঃ পরীক্ষাগারে স্থান, সাজসজ্জা, গ্রন্থাগার, ছাত্রাবাস প্রভৃতি সম্পর্কে পৃথিবীর অন্যান্য বিশ্ববিদ্যালয়সমূহের পিছনে পড়িতেছে। এক সময়ে ভারতের পুরাতন বিশ্ববিদ্যালয়গুলি উহাদের দায়িত্বের সঙ্কচিত সীমার মধ্যে পৃথিবীর যে কোন স্থানের বিশ্ববিদ্যালয়ের ছাত্রদের সমান উচ্চ মানবিশিষ্ট ছাত্র সৃষ্টি করিত। সংখ্যাবৃদ্ধি দ্বারা সম্ভবতঃ পৃথিবীর সমুদ্রতর দেশগুলিতেও মান ক্ষুণ্ণ হইয়াছে। ব্রিটেনের ‘ইউনিভারসিটি কোয়ার্টারলি’ নামক ত্রৈমাসিক পত্রে সম্পাদকীয় মন্তব্যে বলা হইয়াছে : “বিশ্ববিদ্যালয়ের লোকদের মধ্যে মতানৈক্য থাকিলেও তাঁহাদের অধিকাংশই এই মত পোষণ করেন যে, সর্বোৎকৃষ্ট ছাত্রগণ পূর্বে যে রূপ ভাল ছিল সেইরূপ ভাল আছে, সর্বোপেক্ষা ধারণা ছাত্রগণ পূর্বোপেক্ষা ধারণা নহে ; কিন্তু নিম্নতর স্তরে সংখ্যা-বৃদ্ধির জ্ঞান গড়পড়তা গুণ হ্রাস পাইয়াছে। বর্তমান ভারতীয়

বিশ্ববিদ্যালয়সমূহের মান সম্বন্ধে এইরূপ এবং সম্ভবতঃ ইহা অপেক্ষা কঠোরতর মন্তব্য প্রযোজ্য। অমুসকান করিলে ইহার তিনটি প্রধান কারণ পাওয়া যাইবে, যথা—বিশ্ববিদ্যালয়ের শিক্ষাধাতে অপৰ্যাপ্ত ব্যয়, শিক্ষার মাধ্যম সম্পর্কে গোলযোগ এবং বার্ষিক পরীক্ষা গ্রহণ প্রথার উপর অস্বাভাবিক আঘাত।

দেশমুখ কলিকাতা বিশ্ববিদ্যালয়ের ছাত্রসংখ্যা সম্বন্ধে বলেন, “বর্তমান সময়ে কলিকাতা বিশ্ববিদ্যালয়কে প্রায় ৯০ হাজার ছাত্রের উচ্চ শিক্ষার তত্ত্বাবধান করিতে হয়, এই সংখ্যা ব্রিটেনের সাতটি বিশ্ববিদ্যালয়ের মোট ছাত্রসংখ্যা অপেক্ষাও অধিক। এক সিটি কলেজেই ছাত্রসংখ্যা প্রায় ১৩ হাজারের উপর, অপর পাঁচটি কলেজের প্রত্যেকটিতে গড়ে ৬ হাজার ছাত্র আছে। হুগলী নদীর অপর পারে হাওড়ার কলেজ কয়টিতে ১৮ হাজার ছাত্র আছে, সুতরাং বাংলার মেট্রোপলিটান এলাকায় মোট প্রায় ৬০ হাজার ছাত্র আছে।

আজ যাঁহারা ডিগ্রী, ডিপ্লোমা ও সার্টিফিকেট পাইতেছেন, তাঁহাদের সংখ্যা ৮৮২২। তাঁহাদের অধিকাংশই নাগরিক জীবন ও উহার সমস্যাসমূহের সম্মুখীন হইবার জন্ত বিশ্ববিদ্যালয় ত্যাগ করিবেন। যাঁহারা আরও অধ্যয়ন করিবেন, তাঁহাদের প্রতি আমার অধিক কিছু বলা অনাবশ্যক। আমি তাঁহাদিগকে তাঁহাদের সৌভাগ্যের জন্ত অভিনন্দিত করিতেছি। আমি তাঁহাদিগকে এই আশ্বাস দিতে পারি যে, বিশ্ববিদ্যালয়ের সাহায্য কমিশনের হস্তে যে অর্থ রহিয়াছে তাহা হইতে স্নাতকোত্তর শিক্ষার উন্নতির জন্ত অনেক-কিছু করা হইতেছে। তাঁহারা তাঁহাদের মনোনীত কোর্স শেষ করিলে কর্মের কিংবা উপযুক্ত বৃত্তির অভাব তাঁহাদের পক্ষে গুরুতর হইয়া দাঁড়াইবে, এ বিষয়ে আমার সন্দেহ আছে। তাঁহারা সম্ভবতঃ দেখিবেন যে, তাঁহাদের উপার্জন অস্তুতঃ দীর্ঘকাল নৈরাশ্রজনক ভাবে অন্ন থাকিবে; কিন্তু ঐ অবস্থা এখনও দেশের অর্থনৈতিক দিক হইতে অনগ্রসর অবস্থার পরিচায়ক।

যাঁহারা বৃত্তি বিষয়ক কিংবা পোস্ট গ্রাজুয়েট ডিগ্রী বা ডিপ্লোমা পাইতেছেন, আমি আশা করি তাঁহাদের অবস্থা কতকটা ভাল হইবে। কিন্তু গ্রাজুয়েটদের অধিকাংশের পক্ষে, বিশেষ করিয়া দেশের এই অংশে কর্মসংস্থানের সুযোগ আশাহুরূপ হইবে না।

অল্পাঙ্গ স্বপ্ন অপেক্ষা বাংলায় মধ্যবিত্ত শ্রেণী সমাজের অধিকতর প্রয়োজনীয় অঙ্গ। কলিকাতা ও উহার উপকণ্ঠ শিল্প ও ব্যবসায়-সংক্রান্ত কর্মমুখর হইলেও পল্লী অঞ্চলে আধুনিক অর্থে কোন বড় শহর নাই। ইহার ফলে যুবকগণ কর্মসংস্থানের ও উচ্চ শিক্ষা-লাভের আশায় কলিকাতায় আকৃষ্ট হয়। কলিকাতায় বৃহৎ শিল্প এবং ব্যবসায়ের ভিড়ে ক্ষুদ্র শিল্পেও আত্মনিয়োগ অল্পদিন পূর্বে পর্যাপ্ত উপেক্ষিত হইয়াছে। ইহার ফলে উচ্চ শিক্ষা লাভরত ব্যক্তিগণকে পেশামূলক কাজ, কেরানীর কাজ কিংবা শাসনসংক্রান্ত চাকুরির উপর অত্যধিক নির্ভর করিতে হয়। মধ্য শিক্ষা কমিশনের সুপারিশ অনুযায়ী যে মধ্য শিক্ষা-পদ্ধতির সংস্কারের চেষ্টা হইতেছে উহাতে স্কুল ফাইনাল পরীক্ষার উত্তীর্ণ বালকদের পক্ষে উচ্চতর শিক্ষালাভের

জন্ত কলেজে ভর্তি হওয়া ব্যতীত অপর কোন পথ নাই; কারণ অনেক প্রকার কাজের জন্ত শিক্ষাগত ন্যূনতম যোগ্যতা নির্ধারিত রহিয়াছে—ইন্টারমিডিয়েট পরীক্ষোত্তীর্ণ হওয়া কিংবা ডিগ্রী থাকা। মফস্বলের বহু কলেজে অনার্স কিংবা বিজ্ঞান পড়ার পুরাপুরি সুব্যবস্থা নাই বলিয়া যুবকগণ কলিকাতায় চলিয়া আসে। বাংলা বিভক্ত হওয়ার পর পূর্বে পাকিস্তান হইতে অবিরাম উদ্বাস্তদের আগমনের ফলে কলিকাতা ও হাওড়ার কলেজগুলিতে ছাত্রসংখ্যা এইরূপ অস্বাভাবিক বৃদ্ধি পাইয়াছে।

পশ্চিমবঙ্গ সরকার, বিশ্ববিদ্যালয় কর্তৃপক্ষ এবং কলেজ পরিচালক সমিতিসমূহ এই সমস্যায় হস্তক্ষেপ করিয়াছেন। তাঁহাদের চেষ্টায় ও বিশ্ববিদ্যালয় সাহায্য কমিশনের উপদেশ এবং সহায়তায় কলিকাতার কলেজগুলিতে ছাত্রদের ভিড় ক্রমশঃ হ্রাস করিবার জন্ত কিছু করা সম্ভবপর হইবে।

আমার মনে হয়, পশ্চিমবঙ্গ সরকারকে দ্বিতীয় পঞ্চবার্ষিক পরিকল্পনা সম্বন্ধে পরিকল্পনা কমিশন কর্তৃক তাঁহাদের রিপোর্টে শিক্ষিত বেকারদের সমস্যা বিষয়ে নির্দেশিত পন্থায় যুবকদিগকে পথ প্রদর্শন ও সাহায্য করিতে হইবে। কমিশন পরীক্ষামূলক ভাবে যে সমস্ত অগ্রবর্তী পরিকল্পনা সুপারিশ করিয়াছেন, তৎসমুদয়ের অনেকগুলি বাঙলায় প্রবর্তিত হইবে। উপযুক্ত সাড়া পাওয়া গেলে তাঁহারা ঐ সমুদয়ের জন্ত অধিকতর পরিমাণ অর্থ বরাদ্দ করিবেন।

কর্মসংস্থানের আর একটি দিক কর্মপ্রার্থীদের পক্ষে কিছু সাহায্যের বিষয়। দ্বিতীয় পঞ্চবার্ষিক পরিকল্পনা রূপায়ণের জন্ত দেশে উপযুক্ত শিক্ষিত লোকের দারুণ অভাব রহিয়াছে। দেশে কাজের অবস্থার দ্রুত উন্নতি ঘটতেছে। সুতরাং সহরের শিক্ষিত যুবকদের মনোভাবের পরিবর্তন আবশ্যিক। আমি বর্তমান ভারতের যুবকদিগকে শ্রমে মর্যাদা সম্বন্ধে কিছু বলা অনাবশ্যক মনে করি। তবে স্বরণ রাখিতে হইবে, বিশ্ববিদ্যালয়ের শিক্ষা আলোকপ্রাপ্ত নাগরিকদের জন্ত প্রস্তুতি মাত্র; এইরূপ নাগরিকত্ব একটা সারা জীবনের ব্যাপার ও চ্যালেঞ্জ।”

পণ্ডিত নেহরু ও কাশ্মীরপ্রসঙ্গ

সম্মিলিত জাতিসঙ্ঘের নিরাপত্তা পরিষদে পাকিস্তানের অভিযোগ ও পাশ্চাত্য জগতে তাহার প্রতিক্রিয়া সম্পর্কে পণ্ডিতজীব অভিমত নীচের সংবাদে পাওয়া যায় :

“এলাহাবাদ, ৬ই ফেব্রুয়ারী—প্রধানমন্ত্রী পণ্ডিত নেহরু অল্প পুনর্বার এই কথা বলেন যে, কাশ্মীর সম্পর্কে ভারতবর্ষ কোন আন্তর্জাতিক প্রতিশ্রুতি পালনে পশ্চাদপদ হয় নাই, কিংবা ঐরূপ কোন প্রতিশ্রুতি উপেক্ষা করে নাই।

অল্প অপর্যাহে এই স্থানে এক বিরাট নির্বাচনী সত্তার বক্তৃতা-প্রসঙ্গে পণ্ডিত নেহরু বলেন, কোন কোন মহলে আমাদের বিরুদ্ধে এইরূপ অভিযোগ করা হইয়াছে যে, আমরা কাশ্মীরে গণভোট গ্রহণের প্রতিশ্রুতি পালনে অসম্মত হইয়াছিলাম। গণভোট গ্রহণের

পূর্বে যে সর্ভ পূরণ করা একান্ত আবশ্যিক, আমাদের বিরুদ্ধে বাহারা এই অভিযোগ করেন আমি সেই সর্ভের প্রতি তাঁহাদের দৃষ্টি আবর্ষণ করিতে চাই। সেই সর্ভটি হইল এই যে, পাকিস্থান কাশ্মীরের যে অংশ দখল করিয়া আছে, গণভোট গ্রহণের পূর্বে পাকিস্থানকে সেই অংশ হইতে সরিয়া বাইতে হইবে। পাকিস্থান কি এই সর্ভ পালন করিয়াছে ?

অতঃপর পণ্ডিত নেহরু বলেন যে, কাশ্মীর সম্পর্কে ভারতবর্ষের প্রতি গুরুতর অবিচার করা হইয়াছে। পাকিস্থান যে কাশ্মীরে আক্রমণ চালাইয়াছিল—এই মূল সত্যটি সম্পূর্ণরূপে উপেক্ষিত হইয়াছে।

কতকগুলি নির্দিষ্ট সর্ভ এবং কতকগুলি নির্দিষ্ট ঘটনার পরিপ্রেক্ষিতে ভারতবর্ষ গণভোট গ্রহণে সম্মত হইয়াছিল; ইহার মধ্যে সর্বপ্রথম সর্ভ এই ছিল যে, পাকিস্থানী সৈন্যগণকে কাশ্মীর হইতে পশ্চাদপসরণ করিতে হইবে। নয় বৎসর অতিক্রান্ত হইয়াছে, কিন্তু পাকিস্থান এই সমস্ত সর্ভের একটিও পালন করে নাই। দীর্ঘকাল অতিবাহিত হইয়াছে এবং এই প্রশ্নটি অনির্দিষ্ট কালের জন্য বলবৎ থাকিতে পারে না। গত চারি বৎসর ধরিয়া কাশ্মীরের সংবিধান প্রণয়ন করা হইতেছিল এবং শেষ পর্যন্ত গণপরিষদে এই সংবিধান গৃহীত হইয়াছে। কেহই গণপরিষদকে এই সংবিধান গ্রহণ করিতে বাধা দিতে পারে নাই।

অতঃপর পণ্ডিত নেহরু বলেন যে, গত নয় বৎসরে কাশ্মীরের বিপুল অগ্রগতি সাধিত হইয়াছে এবং এখন এমন কোন ব্যবস্থা অবলম্বন করা উচিত নহে যাহাতে ঐ রাজ্যের শাস্তি বিঘ্নিত হইতে পারে।”

পাক-অধিকৃত কাশ্মীর

সম্প্রতি নিয়ে প্রদত্ত সংবাদটি প্রকাশিত হইয়াছে।

“জম্মু, ১১ই ফেব্রুয়ারী—কাশ্মীরের প্রধানমন্ত্রী গোলাম মহম্মদ ইউনাইটেড প্রেসের প্রতিনিধির নিকট বলেন, ১৯৪৯ সালে মুক্ত-বিবর্তির পর প্রায় চারি লক্ষ কাশ্মীরী মুসলমান পাক-অধিকৃত জম্মু ও কাশ্মীর এলাকা হইতে পলায়ন করিয়া মুক্তবিবর্তি সীমারেখার এই দিকে চলিয়া আসে। সেই সকল মুসলমানের পুনর্বসতির ব্যবস্থা করা হইয়াছে।

কাশ্মীরের প্রধানমন্ত্রী বলেন, এখানে আগত মুসলমানদের নিকট হইতেই জানা যায় যে, পাক-অধিকৃত এলাকায় রাজনীতিক কারণে উৎপীড়ন, অত্যাচার, অরাজকতা এবং শোচনীয় অর্থনৈতিক ছরবছার জঞ্জলি তাহারা পলাইয়া আসিয়াছে।

বঙ্গী গোলাম মহম্মদ বলেন, কয়েকদিন পূর্বে তিনি তথাকথিত “আজাদ কাশ্মীর” এলাকার লোকদের নিকট হইতে অনেকগুলি পত্র পাইয়াছেন। সেই সকল পত্রে পাক-অধিকৃত এলাকার লোকদের মুক্তবিবর্তি সীমারেখার এই দিকে আশ্রয়গ্রহণের প্রবল ইচ্ছা প্রকাশ করা হইয়াছে। পাছে তাহাদের উপর উৎপীড়ন হয়, এই কারণে তিনি তাহাদের নাম প্রকাশ করিতে চাহেন না।

এক প্রশ্নের উত্তরে বঙ্গী গোলাম মহম্মদ বলেন, কোন কোন লোক ঐ সময় পাক-অধিকৃত এলাকায় চলিয়া গিয়াছিল, কিন্তু ভাষ্টি দূর হওয়ার পর তাহাদের অনেকেই এদিকে ফিরিয়া আসিয়াছে। তাহাদের মধ্যে বাহারা সরকারী চাকুরিতে ছিল, এখানে ফিরিয়া আসিবার পর তাহাদের পুনরায় কর্মে নিয়োগ করা হইয়াছে।”

পাকিস্থানের সামরিক খাতে ব্যয়

পাকিস্থান শুধু যে মার্কিন দেশ হইতে বিরাট মুক্ত-সস্তার লইতেছে তাহা নয়, অল্পদিকেও তাহার প্রস্তুতি চলিতেছে। উদ্দেশ্য কি তাহা বলা বাহুল্য। নিয়ে প্রদত্ত সংবাদে তাহা বুঝা যাইবে।

“করাচী, ৯ই ফেব্রুয়ারী—পাকিস্থান আগামী বৎসর দেশরক্ষা খাতে ১,১১,৬০,০০,০০০ টাকা ব্যয় করিবার প্রস্তাব করিয়াছে। অল্প অপরাহ্নে পাকিস্থানের অর্থমন্ত্রী মিঃ আমজাদ আলী জাতীয় পরিষদে ১৯৫৭-৫৮ সনের বাজেট পেশ করেন।

সংশোধিত ব্যয়বরাদ্দ অনুসারে বর্তমান বৎসরে দেশরক্ষা খাতে ৯৪,৬০,০০,০০০ ব্যয় করা হইবে বলিয়া স্থির হইয়াছে।

১৯৫৭-৫৮ সনের বাজেটে ৭,৮০,০০,০০০ টাকা ঘাটতি হইবে। নানারূপ নূতন কর ধার্য্য করিয়া এই ঘাটতি পূরণ করিবার ব্যবস্থা করা হইয়াছে। নূতন কর ধার্য্য করিয়া যে টাকা পাওয়া যাইবে তাহার ফলে ৩০,০০,০০০ টাকা উদ্ধৃত হইবে বলিয়া আশা করা যায়।”

পূর্ব পাকিস্থানে হিন্দু

আনন্দবাজার পত্রিকা নিম্নলিখিত বিবৃতি বিগত ৮ই মাঘ দিয়া-ছিলেন। আমরা বলি “ফলেন পরিচীয়েতে।”

“পূর্ব পাকিস্থানের মুখ্যমন্ত্রী জনাব আতাউর রহমান সোমবার কলিকাতায় বলেন যে, পূর্ব-পাকিস্থানের হিন্দুদের মনে আস্থা ফিরিয়া আসিয়াছে। এই দিন রাইটাস বিল্ডিং-এ পশ্চিমবঙ্গের মুখ্যমন্ত্রী ডাঃ ক্রীবিধানচন্দ্র রায়ের সহিত ৪০ মিনিটকাল আলোচনার পর সাংবাদিকদের নিকট তিনি আরও বলেন যে, পূর্ব পাকিস্থানের হিন্দুরা সরকারী নির্দেশে তাহাদের স্থাবর সম্পত্তি বিক্রী করিতে পারিবে না বলিয়া সম্প্রতি যে অভিযোগ উঠিয়াছে তাহা সম্পূর্ণ মিথ্যা।

জনাব আতাউর রহমান খান সাংবাদিকদের জানান যে, পূর্ব-বঙ্গের সংখ্যালঘু হিন্দুদের মনে আস্থা ফিরাইয়া আনিতে এবং তাহাদের স্বার্থরক্ষা করিতে তাহারা সরকার সর্বদাই সচেষ্ট আছেন এবং হিন্দুদের অভাব-অভিযোগের সম্বন্ধে তৎপর হওয়ার জন্য সরকারী কর্মচারীদের কড়া নির্দেশ দেওয়া হইয়াছে।

এই সময় আওয়ামী লীগের সাধারণ সম্পাদক ও প্রাদেশিক মন্ত্রী জনাব মুজিবুর রহমান বলেন যে, যেহেতু সমস্ত নাগরিকের সমান অধিকারদানকে নীতি হিসাবে গ্রহণ করা হইয়াছে, সেই জন্য সরকারকে ইহা সর্বতোভাবে মানিয়া চলিতে হইবে।

আওয়ামী লীগ মন্ত্রিসভার প্রতি হিন্দুদের যে আস্থা আছে তাহার সপক্ষে তিনি আরও বলেন যে, সম্প্রতি হিন্দুরা হাজারে হাজারে আওয়ামী লীগে যোগদান করিতেছে।

পূর্ব পাকিস্থানের মুখ্যমন্ত্রী জানান যে, পূর্ব পাকিস্থান হইতে হিন্দুদের বাস্তুত্যাগ সম্প্রতি অনেক কমিয়াছে। অবশ্য তিনি ইহাও উল্লেখ করেন যে, সম্প্রতি ভারত সরকার কর্তৃক অনুসৃত নীতিও ইহার জন্ত কতকটা দায়ী এবং বাস্তুত্যাগ কমিলেও পূর্ব পাকিস্থান সরকারের নিকট বাস্তুত্যাগের আবেদনের সংখ্যা তেমন কম নাই।

পূর্ব পাকিস্থানের মুখ্যমন্ত্রী আরও বলেন যে, চার মাস পূর্বে যখন তাঁহারা শাসনভার গ্রহণ করেন তখন দেশে খাদ্যসম্প্রদায় ভীষণ আকার ধারণ করে এবং এই খাদ্যাভাবের জন্তই বাস্তুত্যাগীদের প্রায় তিন-চতুর্থাংশ ভারতের পক্ষে পা বাড়ায়। জনাব মুজিবুর রহমান এই প্রসঙ্গে বলেন যে, ‘পূর্ববর্তী মন্ত্রিসভার কার্যকলাপের জন্ত আমাদের দায়ী করা চলে না।’

খাদ্যসম্প্রদায় সঙ্কে মুখ্যমন্ত্রী বলেন যে, বর্তমানে উহা সম্পূর্ণ দূর না হইলেও এই সমস্যা সমাধানের চেষ্টা চলিতেছে।

স্বাগতম্

আনন্দবাজার পত্রিকা নীচের বিবৃতি দিয়াছেন :

“পুন্ডলিয়ার লোকসেবক সঙ্ঘের প্রবীণ নেতা শ্রীশ্রীশচন্দ্র বন্দ্যোপাধ্যায় গত দশ বৎসর ধরিয়৷ বিহার বিধানসভার সদস্য থাকাকালে বিহারের বাংলা ভাষাভাষী এলাকাগুলি পশ্চিমবঙ্গে অন্তর্ভুক্তির জন্ত এবং বিহারে বাঙালীদের জন্ত বাংলা ভাষার শিক্ষা ব্যবস্থা করার নিমিত্ত ক্রমাগত দাবি জানাইয়া আসিয়াছেন। এই দাবি উত্থাপন এবং এতৎসম্পর্কে আন্দোলন করার জন্ত বন্দ্যোপাধ্যায় মহাশয় অত্যাচার ও দুঃখবরণ করিয়াছেন।

পুন্ডলিয়া পশ্চিমবঙ্গে স্থানান্তরিত হওয়ার পুন্ডলিয়ার অংশ হইতে নির্বাচিত বিহার বিধানসভার সদস্যগণ এক্ষণে পশ্চিমবঙ্গ বিধানসভার সদস্যরূপে পরিগণিত হইয়াছেন। পুন্ডলিয়ার মোট আট জন সদস্য পশ্চিমবঙ্গ বিধানসভার সদস্য বলিয়া গণ্য হন এবং সোমবার তাঁহাদের মধ্যে সাত জন পশ্চিমবঙ্গ বিধান সভার অধিবেশনে উপস্থিত ছিলেন। ইহা ছাড়া পূর্ণিয়ার কিষণগঞ্জের দুই জন সদস্য ঐদিন বিধানসভায় অনুপস্থিত ছিলেন।

পশ্চিমবঙ্গ বিধানসভার অধিবেশনে যোগ দিবার পর আনন্দবাজার পত্রিকার প্রতিনিধি বিধানসভার লোকসেবক সঙ্ঘের দলনেতা শ্রীশ্রীশচন্দ্র বন্দ্যোপাধ্যায়কে তাঁহার মনের প্রতিক্রিয়া সঙ্কে জিজ্ঞাসা করিলে বন্দ্যোপাধ্যায় মহাশয় আবেগজড়িত কণ্ঠে বলেন, “৪৪ বৎসর পর মায়ের কোলে ফিরে এসেছি। যে ঐতিহ্যের উত্তরাধিকারী আমি হয়েছি, মায়ের একজন অধম সন্তানরূপে তা বক্ষার জন্ত আমি প্রাণপণ চেষ্টা করব।”

নেতাজীর নামে শিশুমুখ যজ্ঞ

নেতাজীর নামে বাহারা নির্বাচন বাবিধি উত্তীর্ণ হইতে চাহেন

তাঁহাদের কার্যক্রম কিরূপ তাহার পরিচয় নীচের সংবাদে পাওয়া যাইবে। উহা আনন্দবাজার পত্রিকা হইতে উদ্ধৃত :

“বৃহবার রাত্রে নেতাজী জন্মোৎসব উপলক্ষে মশাল-শোভাযাত্রা পরিচালনাকালে মহাজাতি সদনের সম্মুখে শোচনীয় দুর্ঘটনার আহতদের মধ্যে একটি বালক বৃহস্পতিবার সকালে মেডিক্যাল কলেজ হাসপাতালে প্রাণত্যাগ করে। তাহার নাম শঙ্কর কুণ্ড, বয়স আট বৎসর, নিবাস ১৪.৫, জেলিয়াটোলা ষ্ট্রীট। প্রকাশ, শঙ্কর ঐ দুর্ঘটনায় পদতলে পিষ্ট হইয়া আহত হয়। আহতদের মধ্যে আরও ৫.৬ জনের অবস্থা এখনও আশঙ্কাজনক বলিয়া প্রকাশ। উহাদের মধ্যে কয়েকজন দক্ষ হইয়া আহত হয়।

ইতিমধ্যে জানা গিয়াছে যে, বালক-বালিকাদের লইয়া ঐ মশাল-শোভাযাত্রা বাহির করিতে বাহারা প্রকৃত দায়ী এবং ঐ দুর্ঘটনাকালে বাহারা ধাক্কাধাক্কি শুরু করিয়াছিল বলিয়া সন্দেহ হয়, পুলিশ তাহাদের অনুসন্ধান করিতেছে। পুলিশ কর্তৃপক্ষ মনে করেন যে, বিনা অনুমতিতে এরূপ মশাল-শোভাযাত্রা বাহির করা, বিশেষতঃ বালক-বালিকাদের লইয়া—শোচনীয় দায়িত্বজ্ঞানহীনতার পরিচায়ক। নির্ভরযোগ্য সূত্রে জানা যায় যে, এবার নেতাজী জন্মোৎসব সম্পর্কে পুলিশ কোন মশাল-শোভাযাত্রা বাহির করার অনুমতি দেয় নাই।

বৃহস্পতিবার সকালে সংবাদপত্রে ঐ মর্মান্তিক ঘটনার বিবরণ প্রকাশিত হইবার পর কলিকাতার বিশেষ চাকল্যের সৃষ্টি হয়। বিশেষ করিয়া জোড়াসাঁকো থানার সন্নিকটে ঐ ধরনের শোচনীয় দুর্ঘটনা ঘটায় রাইটার্স বিল্ডিংস ও লালবাজারের কর্তৃপক্ষমহলে আলোড়নের সৃষ্টি হইয়াছে। অধিকন্তু বৃহস্পতিবার আহতদের মধ্যে একটি বালকের মৃত্যু হওয়ার ব্যাপারটা আরও ঘোরালো হইয়া উঠিয়াছে। প্রকাশ, কর্তৃপক্ষমহল ঐ দুর্ঘটনার আতঙ্ক সঙ্কে জোর তদন্ত করিয়া ভবিষ্যতে বাহাতে অমুরূপ ঘটনা আর না হয় তজ্জন্ত কঠোর ব্যবস্থা অবলম্বিত হওয়া উচিত বলিয়া মনে করেন।”

নেহরু ও কম্যুনিষ্ট পার্টি

“বোম্বাই, ২০শে জানুয়ারী—প্রধানমন্ত্রী শ্রীনেহরু অন্য চৌপাতিতে এক জনসভায় বোম্বাইয়ের কংগ্রেসী নির্বাচনী প্রচারকার্যের উদ্বোধন করিয়া ভারতের কম্যুনিষ্ট পার্টিকে আক্রমণ করিয়া বলেন, বর্তমানে উক্ত দল ‘চিন্তার ক্ষেত্রে দেউলিয়া’ হইয়া গিয়াছে এবং ‘দেশে ঘৃণা, অর্ধেকতা ও বিশৃঙ্খলা’ সৃষ্টিই উহার প্রধান কাজ হইয়া দাঁড়াইয়াছে। কম্যুনিষ্টদের মেহনতী জনগণের একাধিপত্যের কথা অর্থহীন ও বাগাড়ম্বর মাত্র।

তিনি বলেন, আমি কম্যুনিষ্টদের চ্যালেঞ্জ করিতেছি যে, তাহারা মেহনতী জনতার উপর একাধিপত্য প্রতিষ্ঠা করিতে পারিবে না। বর্তমান অবস্থায় কোথাও তাহা সম্ভব নয়।

তিনি বলেন, ভারতে কম্যুনিষ্টদের অসুগামী খুবই কম এবং তাহারা যদি ক্ষমতা পায় তবে গৃহযুদ্ধ ও জনগণের মধ্যে বিভেদ দেখা দিবে এবং তাহার ফলে দেশ ধ্বংস হইয়া যাইবে।

পাঁচ লক্ষাধিক লোকের সভায় একশত দশ মিনিট বক্তৃতায়

ক্রীনেহর বলেন, এই দেশে কমুনিষ্টরা গোলযোগ ও বিভেদই চায়। যে-কোন উপায়ে তাহারা ক্ষমতা হস্তগত করিতে চায়।

নয়া পয়সা

নিম্নে প্রদত্ত বিজ্ঞপ্তি সকলেরই জানা প্রয়োজন।

“নয়াদিঙ্গী, ৯ই ফেব্রুয়ারী—আগামী ১লা এপ্রিল (১৯৫৭) ভারতের সকল ট্রেজারি, সাব-ট্রেজারি, রিজার্ভ ব্যাঙ্ক অব ইণ্ডিয়ায় সকল আপিস ষ্টেট ব্যাঙ্ক অব ইণ্ডিয়ায় সকল শাখা, ষ্টেট ব্যাঙ্ক অব হায়দরাবাদ ও ব্যাঙ্ক অব মহীশূরে প্রচলিত পয়সার পরিবর্তে দশমিক মুদ্রা দেওয়ার ব্যবস্থা করা হইবে।

বর্তমানে এক পয়সা, দুই পয়সা, এক আনা ও দুই আনার যে মুদ্রাগুলি বাজারে চালু আছে সেইগুলি আগামী তিন বৎসর পর্যন্ত চালু থাকিবে। প্রচলিত মুদ্রাগুলি পরিবর্তন করিয়া লইবার জগু ট্রেজারিতে বেশী ভিড় করার প্রয়োজন কিংবা কোনও ট্রেজারিতে বা ব্যাঙ্কে দশমিক মুদ্রার অভাব দেখিলে হতাশ হওয়ার কোন কারণ নাই।

টাকার মূল্য বর্তমানের অমুরূপ থাকিবে, কিন্তু এক টাকার ৬৪ পয়সা বা ১৯২ পাই না হইয়া ১০০ নয়া পয়সা হইবে। আধূলি ও সিকি অর্ধ টাকা ও সিকি বলিয়া চলিতে থাকিবে এবং সেইগুলির পরিবর্তে যথাক্রমে ৫০ ও ২৫টি নয়া পয়সা পাওয়া যাইবে।

কবি ঈশ্বরচন্দ্র গুপ্ত জয়ন্তী

কবির ঈশ্বরচন্দ্র গুপ্তের নাম জানেন না, বাংলা দেশে এরূপ লোক বিরল। গত শতাব্দীর প্রথম পাদে তিনি আবির্ভূত হন। বাংলা সাহিত্যের চর্চা তখন সবেমাত্র নূতন ভাবে শুরু হইয়াছে। ঈশ্বরচন্দ্র ইহার সেবায় সেই যুগেই আত্মনিয়োগ করিয়া বিশেষ গৌরব অর্জন করেন। বঙ্কিমচন্দ্র চট্টোপাধ্যায়ের প্রথম জীবনের সাহিত্য-সাধনায় ঈশ্বরচন্দ্র তাঁহার গুরুস্থানীয় ছিলেন। দ্বারকানাথ অধিকারী, দীনবন্ধু মিত্র এবং বঙ্কিমচন্দ্র সাহিত্য-চর্চায় ঈশ্বর গুপ্ত দ্বারা যে কতখানি অনুপ্রাণিত ও উপকৃত হইয়াছিলেন তাহা বলিয়া শেষ করা যায় না। বঙ্কিমচন্দ্র ‘ঈশ্বরচন্দ্র গুপ্ত জীবনী ও কবিত্ব’ প্রবন্ধে এই ধরনের কথা মুক্ত কণ্ঠে স্বীকার করিয়া গিয়াছেন। ঈশ্বরচন্দ্র সুবিখ্যাত কুমারহট্টের (বর্তমান হালিশহর) উত্তরাংশে কাঞ্চন-পল্লীতে জন্মগ্রহণ করেন। ইংরেজী শিক্ষালাভার্থে তিনি কলিকাতায় আসেন, কিন্তু এ শিক্ষা তাঁহার বেশীদূর অগ্রসর হয় নাই। তিনি আজীবন বাংলাবিস ছিলেন, এবং বাংলা সাহিত্যের সেবা করিয়াই জীবনপাত করিয়াছেন। ঊনবিংশ শতাব্দীর প্রথ্যাত সংবাদপত্র ‘সংবাদ প্রভাকর’র তিনি প্রতিষ্ঠাতা-সম্পাদক। এই সংবাদপত্র-খানির মাধ্যমে তিনি বঙ্কিমচন্দ্র-দীনবন্ধু ব্যতীত আরও বহু নব্য-শিক্ষিতকেও সাহিত্যসেবায় উদ্বুদ্ধ করিয়াছিলেন।

ঈশ্বরচন্দ্র বাংলা দেশের শেষ খাঁটি বাঙালী কবি—বঙ্কিমচন্দ্র এই বিষয়টি অতি সুন্দর ভাবে তাঁহার উপনি-উক্ত প্রবন্ধে আলোচনা করিয়াছেন। বাংলা এবং বাঙালীর বাহা কিছু উৎকৃষ্ট, ঈশ্বরচন্দ্র গুপ্ত তাহা গুণ-পণ্ডে অত্যন্ত শ্রদ্ধার সঙ্গে বর্ণনা করিয়াছেন। স্বাদেশিকতা

ও স্বাধীনতাবোধে তাঁহার রচনা ভরপুর ছিল। তিনি আজীবন সংবাদ-পত্রের সেবা করিয়া গিয়াছেন। সংবাদ প্রভাকর বাদে আরও কয়েক-খানি লঘু-ছন্দের পত্রিকা তিনি সম্পাদনা করেন। ‘হিত প্রভাকর’, ‘প্রবোধ প্রভাকর’, ‘বোধেব্দুবিকাশ’ প্রভৃতি গ্রন্থেরও তিনি রচয়িতা। বাংলা সাহিত্যে গবেষণায় সূত্রও তিনি প্রথম দর্শান। তিনি রাম-প্রসাদ, ভারতচন্দ্র, রামনিধি গুপ্ত, রাম বসু, হরু ঠাকুর ও অশ্রাণ কবি এবং কবিওয়ালী সম্পর্কে বহু অমূল্যমান করিয়া বিস্তর তথ্য উদ্ঘাটন করেন। নিজ ‘সংবাদ প্রভাকরে’ এই সকল প্রবন্ধ প্রকাশিত হয়। বাংলা দেশের বিভিন্ন স্থলে গমন করিয়া তিনি তথাকার শিক্ষা, সংস্কৃতি, সমাজ, অর্থনৈতিক অবস্থা ইত্যাদি বিষয়ে প্রত্যক্ষ অভিজ্ঞতা অর্জন করেন। এসমুদয়ও ক্রমে প্রভাকরে বাহির হয়। সংবাদপত্রের সেবা মারফত তিনি উচ্চ সাংবাদিক আদর্শও স্থাপন করিয়া যান। জন্মভূমি কাঞ্চনপল্লীতে কবিরয়ের জয়ন্তী উৎসবের আয়োজন হইতেছে। এই আয়োজন সর্বপ্রকারে সমীচীন। আমরা এই উৎসবের সাফল্য কামনা করি।

পরলোকে রাজমোহন সেন

গণিতশাস্ত্র বিশেষজ্ঞ বিখ্যাত মনীষী রাজমোহন সেন ৯৮ বৎসর বয়সে গড়িয়াহাট রোডে অবস্থিত নিজ বাসভবনে সম্প্রতি পরলোক-গমন করেন।


মৃত্যুকালে তিনি ৮৮ বৎসরবয়স্কা পত্নী শ্রীযুক্তা নিশিতারা দেবী, পুত্র অধ্যক্ষ শ্রী বি. এম. সেন আই-ই-এস (অবসরপ্রাপ্ত), পৌত্র শ্রী এম. এম. সেন আই. সি. এস. ও এক কন্যা রাখিয়া গিয়াছেন। এইদিন কেওড়াতলা শ্মশানঘাটে তাঁহার শেষকৃত্য সম্পন্ন হয়।

রাজমোহন সেন জন্মগ্রহণ করেন ১৮৫৯ সনে জুন মাসে ঢাকা-নারায়ণগঞ্জের আমোদিয়া গ্রামে। সেই গ্রামেই তাঁহার বাল্যশিক্ষার সূচনা হয়। তিনি ১৮৬৮ সনে ১৫ টাকা বৃত্তি পাইয়া ঢাকা কলেজিয়েট স্কুল হইতে এন্ট্রান্স পরীক্ষায় উত্তীর্ণ হন।

রাজমোহন ১৮৭৯ সনে কলিকাতার প্রেসিডেন্সী কলেজ হইতে এফ-এ এবং ১৮৮১ সনে ঐ কলেজ হইতেই ৪০ টাকা বৃত্তিসহ বি-এ পাস করেন। ১৮৮২ সনে কলিকাতা বিশ্ববিদ্যালয় হইতে গণিতশাস্ত্রে এম-এ পরীক্ষায় প্রথম স্থান অধিকার করেন। প্রসঙ্গতঃ উল্লেখযোগ্য যে, ঐ বৎসর একই পরীক্ষায় দ্বিতীয় ও তৃতীয় স্থান অধিকার করেন যথাক্রমে কে. পি. বসু ও বাদবচন্দ্র চক্রবর্তী। এই দুই জনও বিখ্যাত গণিতজ্ঞ।

এম-এ পরীক্ষায় ঐ বৎসরেই রাজমোহন ঢাকা কলেজে গণিতের অধ্যাপকরূপে যোগদান করেন। পরবর্তী বৎসর তিনি বহরমপুর কৃষ্ণনাথ কলেজে বদলী হন। ঐ বৎসরেই তিনি রাজসাহী কলেজের গণিতের প্রধান অধ্যাপকরূপে যোগদান করেন। একাদিক্রমে দীর্ঘ ৩৬ বৎসর অধ্যাপনার পর ১৯১৯ সনে তিনি অবসর গ্রহণ করেন।

রাজমোহন একজন বিখ্যাত সঙ্গীতজ্ঞও ছিলেন। মুন্সিরাবাদ নবাব দরবারের ওস্তাদ মীর্জার নিকট হইতে তিনি নিয়মিত সেতার-বাদন শিক্ষালাভ করেন।



কালিদাস সাহিত্যে 'লতা'

শ্রীরঘুনাথ মল্লিক

মহাকবি কালিদাস তাঁহার কাব্যনাটকগুলির স্থানে স্থানে 'লতা'কে উপমান করিয়া রূপসী নারীদের বর্ণনা দিয়াছেন, এখানে তাহাদের মধ্যে কয়েকটি দেখানো গেল।

'কুমারসম্ভবে'র একটি বর্ণনা—গৌরী আসিয়াছেন শিব-পূজা করিতে, শিবের তপোবন সহসা সেদিন পুষ্পে পুষ্পে ভরিয়া উঠিয়াছিল দেখিয়া তাঁহার সখীরা তাঁহাকে নানারকম পুষ্পের আভরণে সাজাইয়া দিয়াছিলেন। নানা বর্ণের পুষ্পে সজ্জিত হইয়া ও নবোদিত রবির বর্ণের মত লাল রঙের বস্ত্র পরিয়া গৌরী যখন বন্ধুর ভাবে কিঞ্চিৎ আনতা হইয়া চলিতেছিলেন, তখন মহাকবি তাঁহার রূপের বর্ণনা করিয়া বলিতেছেন :

'পর্যাপ্তপুষ্পস্তবকানননা

সঞ্চারিণী পল্লবিনী লতেব ॥' (কু-৩:৫৭)

যেন পুষ্পে পুষ্পে ভরা লালরঙের পল্লবশোভিতা, পুষ্প-স্তবকের ভাবে কিঞ্চিৎ আনতা একটি লতা চলিয়া বেড়াই-তেছে।

লতার সহিত রূপসী নারীদের উপমা 'অভিজ্ঞানশুক্লঃল' ও পাওয়া যায়। মহর্ষি কণ্ঠের তপোবনে বন্ধুসপরিহিতা শকুন্তলা ও তাঁহার দুই সখী অনুসূয়া ও প্রিয়ংবদার অসামান্য রূপলাবণ্য দেখিয়া বিস্মিত হইয়া রাজা দুঃস্বপ্ন মনে মনে বলিতেছেন, "দুরীকৃতা ধলু গুণৈরুদ্যানসতা বনলতাভিঃ" (শকু-১ম অঙ্ক), এহেন রূপ যাহা রাজাদের অন্তঃপুরেও দুর্লভ, তাহা যদি আশ্রমবাসীদের মধ্যে দেখিতে পাওয়া যায়, তবে বলিতেই হইবে যে, বনের লতাদের গুণের কাছে উদ্যানলতারাও পরাজিত হইল।

বনের লতাদের যেমন কেহ যত্ন করিতে যায় না, তেমনি শকুন্তলা ও তাঁহার সখীরা মুনির আশ্রমে সালিতাপালিতা হইয়াছিলেন বলিয়া আদর যত্ন পাওয়া তাঁহাদের ভাগ্যে ঘটিয়া উঠে নাই, কৃত্রিম সাজসজ্জা কি বস্ত্র তাহাও তাঁহারা জানিতেন না, তবু তাঁহাদের সে স্বাভাবিক রূপলাবণ্যের যেন তুলনা ছিল না। দুঃস্বপ্নের মত রাজাকেও স্বীকার করিতে হইল যে, রাজাস্তঃপুরেও এ অপরূপ রূপ নয়নগোচর হয় না, রাজাস্তঃপুরের নারীরা—যাঁহারা সৌধীন পুরুষের সঞ্চয় বাগানের সযত্নে পালিতা লতাদের মত অতি সমাদরে জীবনযাপন করেন, নানা রকমের বিলাসের ও প্রসাধনের সামগ্রী ব্যবহার

করিতে পান, তাঁহাদের রূপও এ স্বাভাবিক রূপের কাছে কিছুই নয় বলিয়া মনে হয়।

মহাকবি কেবল বনলতার সহিত শকুন্তলার দেহসৌন্দর্যের উপমা দিয়াই ক্ষান্ত হন নাই, পুষ্পিতা লতার সহিত তাঁহার অঙ্গপ্রত্যঙ্গেরও তুলনা অতি সুন্দর ভাবে দিয়াছেন। নিম্ন-লিখিত শ্লোকে তিনি বলিতেছেন :

অধরকিশলয়রাগঃ কোমলবিটপাস্থকারিণী বাহু।

কুসুমমিব লোভনীয়ং যৌবনমঙ্গেষু সন্নদ্ধম্ ॥ (শকু-১ম অ)

অধরটিতে নবপল্লবের অক্লনিমা, বাহু দুইটি কোমল-শাখার অনুরণন করিয়া রহিয়াছে। আর সারা অঙ্গে যেন পুষ্পের মত লোভনীয় যৌবন লেপিয়া গিয়াছে।

শকুন্তলার অধরোষ্ঠ ছিল নবপল্লবের মত লাল, বাহু দুইটি লতার কোমল শাখার মত কোমল ও সুন্দর, আর পুষ্পে পুষ্পে ভরিয়া আসিলে লতাকে যেমন অতি মনোহর দেখায়, সারা অঙ্গ নবযৌবনের সুধমায় মগ্নিত হওয়ার তাঁহাকেও সেইরূপ মনোহারিণী দেখাইতেছিল।

মহাকবি যেমন 'সঞ্চারিণী পল্লবিনী লতা'র সহিত গৌরীর ও 'বনলতা'র সহিত শকুন্তলার উপমা দিয়াছেন, তেমনি 'মালবিকাগ্নিমিত্র' নাটকে উৎকণ্ঠিত-হৃদয়া ও ঈষৎ পাণ্ডুবর্ণা নায়িকা মালবিকার উপমা দিয়াছেন 'কুম্ভলতা'র সহিত। কুম্ভলতার যেটুকু বিবরণ দিয়াছেন মহাকবি, তাহা হইতে বুঝা যায় যে, কুম্ভলতার পুষ্প পাণ্ডুবর্ণের ও তাহাতে পুষ্প ফোটে বসন্তের আবির্ভাবের কিছু পূর্বে, বসন্তের উন্মেষের পর কুম্ভলতার পত্রগুলি পরিণতপত্র হইয়া যায় এবং পুষ্পও মাত্র কয়েকটিতে পর্যবসিত হয়।

মালবিকা যাঁহাকে মনে মনে দেহমনপ্রাণ সমর্পণ করিয়া-ছিলেন, তাঁহার সহিত মিলনের আশা অতি ক্লীণ বৃত্তিতে পারিয়া দুর্ভাবনায় পাণ্ডুবর্ণা হইয়া যাইতেছিলেন, বেশভূষার পারিপাট্য বা অলঙ্কারধারণের সাধ তাঁহার ছিল না বলিলেই হয়, এ অবস্থায় মহাকবি বলিতেছেন—“কপোলদেশ পাণ্ডুবর্ণ, দেহে আভরণ ধারণ করিয়া আছেন অতি সামান্তই, দেখিলে মনে হয় যেন, বসন্তকালের পরিণতপত্রবিশিষ্টা, মাত্র কয়েকটি পুষ্পাবশিষ্টা কুম্ভলতা।”

নববসন্তের আগমনেও কুম্ভলতা পাণ্ডুবর্ণা, পুষ্পশোভাও অতি ক্লীণ, স্মৃতরাং নবযৌবনেই পাণ্ডুবর্ণা ও অতি সামান্ত

অলঙ্কারধারিণী মালবিকার উপমা কুম্ভলতার সহিত দেওয়া অত্যন্ত সমীচীন হইয়াছে বলিতেই হইবে।

কুম্ভলতা ছাড়া আরও একটি লতা ‘অতিযুক্তা লতা’র সহিত মালবিকার উপমা পাওয়া যায়। মহাকবির টীকাকার মল্লিনাথ অতিযুক্তা লতাকে বলিয়াছেন ‘মাধবীলতা’। মালবিকার্নিমিত্র নাটকের চতুর্থ অঙ্কে অগ্নিমিত্র তাঁহার আকাঙ্ক্ষিতা ও প্রেয়সী মালবিকাকে তাঁহাদের ‘সমুদ্রগৃহে’র একটি নির্জন কক্ষে লইয়া গিয়া তাঁহাকে বলিতেছেন, “আমি আত্মবৃক্ষের মত হইয়াছি, তুমি এবার মাধবীলতার মত আচরণ করিতে থাক।”

এখানে লক্ষণীয় বিষয় এই, মালবিকা যখন দুর্ভাবনায় পাণ্ডুবর্ণা হইয়া গিয়াছিলেন, কালিদাস তাঁহার সে সময়কার রূপবর্ণনায় কুম্ভলতার সহিত উপমা দিয়াছিলেন, তারপর যখন তিনি বিপদ হইতে মুক্ত হইয়া তাঁহার প্রিয়ের ভালবাসা লাভ করিবার সুযোগ পাইলেন, তখন নিশ্চয়ই তাঁহার বর্ণ আর পাণ্ডুর ছিল না, সৌভাগ্যের পুলকে তাঁহার বর্ণ উজ্জ্বল হইয়াছিল, তাই মহাকবি এবার কুম্ভলতার সহিত তাঁহার উপমা দিলেন না, দিলেন মাধবীলতার সহিত।

‘রঘুবংশে’ কালিদাস ‘অশোকলতা’র সহিত রাজভগিনী ইন্দুমতীর উপমা দিয়াছেন। অশোকলতার পুষ্পগুলি রক্তাভ আর ইন্দুমতীর ছিল দুধ-আলতায় ধোওয়া রং, সুতরাং উভয়ের সাদৃশ্য দেখানো যুক্তিগত হইয়াছে সন্দেহ নাই। মহাকবি বলিতেছেন—

‘হস্তেন হস্তং পরিগৃহ্য বধ্বাঃ

স রাজসুত্বঃ সুতরাং চকাশে।

অনন্তরশোকলতা প্রবাসং

প্রাপ্যেব চ্যুতঃ প্রতিপল্লবেন ॥’ (রঘু-৭,২:)

রাজকুমার (অজ) যখন বধুর হাতখানি নিজের হাত দিয়া ধরিয়া রহিলেন, আমগাছ তাহার পল্লবদ্বারা নিকটস্থ অশোকলতার পল্লব গ্রহণ করিয়া থাকিলে তাহাদের যেরূপ শোভা হয়, তাঁহাকেও সেইরূপ রমণীয় দেখাইতে লাগিল।

মহাকবি যেমন পাণ্ডুবর্ণা তরুণীর কুম্ভলতার সহিত, মনোমুগ্ধকর রূপসীর মাধবীলতার সহিত, রক্তাভবর্ণা যুবতীর অশোকলতার সহিত উপমা দিয়াছেন, তেমনি যে নারী শ্রামাদিনী—গৌরবর্ণা বা গোলাপী আভায়ুক্তা নহেন, তাঁহার উপমা দিয়াছেন ‘শ্রামা’ বা ‘প্রিয়ঙ্গুলতা’র সহিত। ‘মেঘদূতে’র বিরহী যক্ষের প্রিয়া যে শ্রামাদিনী ছিলেন, তাহা তাঁহার স্বামী নিজের মুখে বলিয়াছেন, ‘তব্বী শ্রামা শিখরী-দশনা’ ইত্যাদি বাক্যে। সুতরাং ‘উত্তরমেঘে’র ৪৩শ শ্লোকে তিনি যখন বলিলেন, ‘শ্রামাস্বঙ্গং’ অর্থাৎ ‘শ্রামা’ লতার তোমার অঙ্গের সাদৃশ্য দেখিয়া থাকি, তখন বুঝিতে হইবে

‘শ্রামা’ বা ‘প্রিয়ঙ্গুলতা’র বর্ণ কালো বলিয়া যক্ষপত্নীর দেহটি শ্যামবর্ণা ও লতার মতই সুকোমল ছিল। প্রিয়ঙ্গুলতা যে শ্যামবর্ণা তাহা জানিতে পারা যায় ‘নবগ্রহের স্তোত্র হইতেও, বৃধগ্রহের বর্ণনা দেওয়া আছে ‘প্রিয়ঙ্গুকলিকা শ্যামং’—প্রিয়ঙ্গুলতার মত ময়লা রংবিশিষ্ট।

‘বিক্রমোর্বশী’ নাটকেও মহাকবি লতার সহিত রূপসী নারীদের উপমা দিয়াছেন, দৈত্যদের হাত হইতে অপ্সরা উর্বশীকে উদ্ধার করিয়া পুরুষবা যখন তাঁহাকে নিজের রথে বসাইয়া তাঁহাকে তাঁহার সখীদের নিকট সমর্পণ করিয়া দেওয়ার জন্ত লইয়া যাইতেছিলেন, তখন সারথিকে বলিতেছেন ‘সখীভির্ঘাতি সম্পর্কং লতাভিত্তীরিবার্তবী’ (বিক্রম-১ম অঙ্ক), অর্থাৎ ‘বসন্তলক্ষ্মী যেভাবে লতাদের সহিত মিলিতা হন, ইনিও তেমনি সখীদের সহিত মিলিতা হইবেন’। এখানে বসন্তলক্ষ্মীর সহিত উপমা দেওয়া হইয়াছে উর্বশীর আর বসন্তকালের পুষ্পিতা লতাদের সহিত উর্বশীর বান্ধবীদের। তাঁহারাও যে সকলে পুষ্পিতালতার মত কমলীয়া ও সৌন্দর্যশালিনী ছিলেন ইহাই মহাকবি বুঝাইতে চাহিয়াছেন। উর্বশীর তুলনা স্বয়ং বসন্তলক্ষ্মীর সহিত দেওয়াতে তিনি যে তাঁহার সখীদের অপেক্ষা অতুলনীয় রূপে রূপসী ছিলেন, ইহাই বুঝা যাইতেছে।

উমার বিবাহের দিন, যখন তাঁহাকে ক’নে সাজানো হইল, উমার সে অনুপম বধূবেশের বর্ণনা করিতে গিয়া মহাকবি পুষ্পিতা লতার উপমা ব্যবহার করিয়াছেন, উমাকে তখন কিরূপ দেখাইতেছিল? মহাকবি বলিতেছেন, যেমন দেখায় লতাকে যখন সে পুষ্পে পুষ্পে ভরিয়া থাকে (‘সাস্তবদ্ভিঃ কুসুমৈর্লতেব’), তারপর আবার বলিতেছেন, যেমন দেখায় উজ্জ্বল নক্ষত্রে ভূষিতা রাত্রিকে (জ্যোতিভিরু-চ্ছাভিরিব ত্রিযামা), কিন্তু ইহা বলিয়াও যেন তিনি ভুট্ট হইতে পারিলেন না, তাই আবার বলিলেন, যেমনটি দেখায় নদীকে, যখন তাহার বক্ষে পাখীরা ভাসিয়া থাকে (‘সরিষ্বহঙ্গৈরিব সীলমানৈঃ’)।

মহাকবি বধূবেশিনী উমার রূপ তিনটি উপমা দিয়া বর্ণনা করিয়াছেন, কিন্তু মল্লিনাথের ব্যাখ্যা পড়িলে মনে হয়, তাঁহার মতে পুষ্পিতা লতার উপমা মুখ্য উপমা, অপর দুইটি তাহারই পরিপূরক। ‘উজ্জ্বলনক্ষত্রভূষিতা রাত্রি’ বলাতে বুঝিতে হইবে অলঙ্কারের মধ্যে নক্ষত্রের মত উজ্জ্বল মুক্তাবলী, আর পক্ষিযুক্ত স্রোতস্বিনীর পক্ষী অর্থে সোনালী রংবিশিষ্ট চক্রবাক পাখী, সুতরাং তাঁহার মতে এখানে পক্ষিযুক্ত স্রোতস্বিনীর অর্থ বুঝিতে হইবে উমার দেহের স্বর্ণনির্মিত অলঙ্কারগুলি।

পুষ্পিতা লতার শোভার সহিত মহাকবি যেমন রূপসী নারীদের উপমা দিয়াছেন, তেমনি আবার ঝড়ে উৎপাটিতা

শ্রীহীন লতাকে উপমান করিয়া দুর্দশাগ্রস্তা নারীদেরও বর্ণনা করিয়াছেন।

লক্ষ্মণ যখন রামের আদেশে সীতাকে মহষি বান্ধীকির আশ্রমের সন্নিকটে লইয়া গিয়া রাম যে তাঁহাকে ত্যাগ করিয়াছেন, এই কথাগুলি কোনও গতিকে শুনাইয়া দিলেন, তখন রামের সে মর্মবাতী আদেশ শুনিয়া সীতার কি অবস্থা হইল জানাইবার জন্ত মহাকবি বলিতেছেন :

‘স্বমূর্তিলাভ প্রকৃতিং ধরিত্রীং

লতেব সীতা সহসা জগাম ॥’ (রঘু-১৪।৫৪)

এই অপমানরূপ ঝটিকায় অভিহতা হইয়া সীতা সহসা (ঝড়ে উৎপাটিতা) লতার মত তাঁহার জননী বসুন্ধরার বক্ষে লুটাইয়া পড়িলেন, তাঁহার দেহের অলঙ্কারগুলি পুষ্পের মত ছড়াইয়া পড়িল।

এখানে মহাকবি কেবল যে ঝড়ে উৎপাটিতা লতার সহিত অপমানের নিদারুণ বেদনায় মর্মান্বিতা সীতার ভূমির উপর সংজ্ঞাহারা হইয়া পড়িয়া যাওয়ার উপমা দিয়াছেন তাহা নহে, তাঁহার দেহ হইতে ভ্রষ্ট অলঙ্কারগুলিকেও চারিদিকে ছড়াইয়া পড়া পুষ্পের সহিত উপমা দিয়া ‘উপমা কালিদাসস্ত’ বাক্যটির সার্থকতা রক্ষা করিয়াছেন।

অনেকটা এই ধরনের একটি উপমা ‘রঘুবংশে’র চতুর্দশ সর্গেই পাওয়া যায়। চতুর্দশ বৎসর পরে রাম ও লক্ষ্মণ যখন বনবাস হইতে ফিরিয়া আসিয়া তাঁহাদের জননী কৌশল্যা এবং সুমিত্রার সঙ্গে সাক্ষাৎ করিতে গেলেন, তখন জননীদেব যে শোচনীয় অবস্থা তাঁহারা দেখিলেন, তাহার বর্ণনা করিতে গিয়া মহাকবি বলিতেছেন, ‘ছেদাদিবোপন্ন তবো ব্রততো’ (রঘু-১৪।১), বৃক্ষকে কাটিয়া ফেলিয়া দিলে তাহার আশ্রিতা লতার যে দশা হয়, স্বামী দশরথের শোচনীয় মৃত্যুতে তাঁহাদেরও সেইরূপ দশা হইয়াছিল।

দশা তাঁহাদের কিরূপ হইয়াছিল, মহাকবি তাহা স্পষ্ট ভাবে কিছুই বলিলেন না, কিন্তু যে উপমাটি এখানে ব্যবহার করিলেন তাহা দ্বারা জননীদেব অবস্থার সবকিছুই বলা হইয়া গেল।

‘বিক্রমোর্বশী’ নাটকে লতার রূপান্তরিতা উর্বশীর একটি অতি হৃদয়গ্রাহী বর্ণনা পাওয়া যায়। তখন বর্ষাকাল উর্বশীর প্রিয়তম পুরুষবা লতার নিকটে গিয়া ভূমির উপর বসিয়া লতাটির দিকে চাহিয়া থাকিয়া আপন মনে বলিতেছেন :

মেঘের জল পড়ায় শীর্ণা লতাটির পল্লব ভিজিয়া গিয়াছে,

দেখিয়া মনে হইতেছে যেন লতারূপী প্রিয়ার অধর অভিমানের অশ্রুজলে সিক্ত হইয়া রহিয়াছে ; পুষ্প উদ্যমের কাল আর নাই, লতা তাই পুষ্পহীনা, দেখাইতেছে যেন প্রিয়া তাঁহার দেহের সমস্ত অলঙ্কার খুলিয়া ফেলিয়া দিয়াছে ; পুষ্প নাই, সুতবাং মধুকরও নাই, তাহাদের গুঞ্জনধ্বনি শুনা যায় না, মনে হয় প্রিয়া বুঝি চিন্তায় মৌন অবলম্বন করিয়া রহিয়াছে, কথা কহিতেছে না ; ‘চরণতলে আমি যে পড়িয়া রহিয়াছি বোধভবে প্রিয়া যেন দেখিয়াও দেখিতেছে না।’

(বিক্রম—৪র্থ অঙ্ক)

পুরুষবার মানসচক্ষে উর্বশীর অভিমানিনী রূপটি ভাসিয়া উঠিতেছিল বলিয়া, যে লতায় তিনি পরিণতা হইয়া গিয়াছিলেন তাহার দিকে চাহিয়া সেই ভাবটি তিনি ব্যক্ত করিতেছেন।

মহাকবি লতাকে যে সকল স্থানে উপমান করিয়াছেন তাহা নহে, স্থানে স্থানে উপমেয়ও করিয়াছেন। ‘রঘুবংশে’র নবম সর্গে নর্তকীদের হাত নাড়িয়া নৃত্যকে উপমান করিয়া তিনি লতাদের বায়ুভবে কিশলয়কম্পনের একটি অতি সুন্দর বর্ণনা দিয়াছেন, বসন্ত বর্ণনা করিতে করিতে তিনি বলিতেছেন :

‘উপবনান্তলতাঃ পবনাহতৈঃ

কিশলয়ৈঃ সলয়ৈরিব পাণিভিঃ ॥’ (রঘু-১।৩৫)

উপবনের সীমানায় লতাগুলির কিশলয় বায়ুর প্রভাবে নড়িতেছে, দেখাইতেছে যেন নর্তকীরা বুঝি লয়ের ছন্দে হাত দোলাইয়া নৃত্য করিতেছে।

আর একটি বর্ণনায় মহাকবি বলিতেছেন :

‘অবাক্ষিয়ন্ বাসলতাঃ প্রসূনৈ

রাচার সাতৈজরিব পৌরকন্তাঃ ॥’ রঘু-২।১০

বাতাস লাগিয়া ছোট ছোট লতাগুলির পুষ্প উড়িয়া গিয়া দিলীপ রাজার দেহের উপর পড়িতেছিল, দেখাইতেছিল যেন শহরের মেয়েরা রাজাকে যাইতে দেখিয়া তাঁহার উপর খই নিক্ষেপ করিয়া দেশাচার পালন করিতেছে।

‘রঘুবংশে’র ষষ্ঠ সর্গে মহাকবি মলয় পর্বতের বর্ণনা-প্রসঙ্গে ‘পাণলতা’ ও ‘এলাচলতা’র উল্লেখ করিয়াছেন, তিনি বলিতেছেন :

‘তাম্বুলবল্লীপরিগঙ্গপুগা

শ্বেলালতালিজিত চন্দনাসু ।’ (রঘু-৬।৬৪)

সেখানে পাণলতারা সুপারি বৃক্ষগুলিকে ছড়াইয়া থাকে, আর এলাচলতারাও চন্দনতরুকে আলিঙ্গন করিয়া থাকে।



শিশুশিক্ষার নব রূপায়ণ

শ্রীচাঁকশীলা বোলার

শিশু-মনস্তত্ত্ব নিয়ে আমার কারবার চাকরি ব্যাপদেশে। কি শিশু-শিক্ষণের ক্ষেত্রে, কি শিক্ষক-শিক্ষণের ক্ষেত্রে আমাকে অনেক সময় এমন অনেক সমস্যার কথা ভাবতে হয়েছে যার সমাধান শুধু বই পড়ে করা যায় না। বাঁদের কাছে থেকে আমরা আমাদের বর্তমান শিক্ষাপদ্ধতি গ্রহণ করেছি তাঁরা বাস্তবিক কেমন করে সেই সব সমস্যার সমাধান করবার চেষ্টা করছেন এবং তাঁদের দেশের সমস্যার সঙ্গে আমাদের এই নূতন স্বাধীনতা-পাওয়া দেশের সন্তানদের সমস্যার তফাৎ কোথায় সেই সব নিজের চোখে দেখে আসবার ইচ্ছা বহু-কাল মনে ছিল। তাই গিয়েছিলাম গ্রেট ব্রিটেনের শিশু-প্রতিষ্ঠানগুলি দেখতে। তবু লণ্ডন ইউনিভার্সিটির ইনষ্টিটিউট অব এডুকেশনে ভর্তি হয়েছিলাম তাঁদের সাহায্যে আমার উদ্দেশ্য সফল করা সহজ হবে এই মনে করে। সে সাহায্য তাঁদের কাছ থেকে আমি বহুসং পরিমাণেই পেয়েছি এবং তা কৃতজ্ঞ চিত্তে স্বীকার করছি। তাই আজ আমাদের দেশের সন্তানদের পিতামাতার কাছে ঐ দেশের শিশুদের লাসন ও শিক্ষার মধ্য দিয়ে দেশের ভবিষ্যৎ নান্দ্রমকে গড়ে তোলার আন্তরিক চেষ্টার একটা নক্সা দেবার চেষ্টা করব।

গ্রেট ব্রিটেনে প্রথম নাসাঁরী স্কুল স্থাপনের উদ্দেশ্য ছিল দেশের সামাজিক এবং অর্থনৈতিক অবস্থার উন্নতিসাধন; আর আমেরিকায় প্রথম নাসাঁরী স্কুল স্থাপিত হয় মনস্তত্ত্ব গবেষণার পরিকল্পনায়। আমেরিকায় মধ্যবিত্ত ঘরের শিশুদের ওপর দিয়ে এই কাজের সুরু হয়। বর্তমানে আমেরিকায় দরিদ্র পরিবারের শিশুদের জন্মেও নাসাঁরী স্কুলের ব্যবস্থা করা হয়েছে, আবার এদিকে ইংলণ্ডে উচ্চ-মধ্যবিত্ত ঘরের শিশুদেরও নাসাঁরী স্কুলে শিক্ষা দেওয়া হয়।

গত কুড়ি বৎসর যাবৎ সমস্ত পৃথিবীতে শিশুশিক্ষা-রূপায়ণের একটা বিরাট আন্দোলন চলছে—বিশেষ করে পাশ্চাত্য দেশগুলিতে। দেশের নারীরা যখন কলকারখানার কাজে ভর্তি হ'ল তখন তাদের শিশুদের শিক্ষার প্রয়োজন-বোধে বহু 'ক্রেস', নাসাঁরী স্কুল এবং শিশুবিদ্যালয় ইত্যাদি খোলা হয়। এই সব বিদ্যালয়ে একটি সুস্থতর পরিবেশে শিশুদের কেবল শিক্ষা নয়—দেহমনের স্বাস্থ্যের জন্মেও যত্ন নেওয়া হয়। তা না হলে মজুর পিতামাতার অনুপস্থিতিতে

শিশুগুলিকে—অর্থাৎ দেশের ভবিষ্যৎশ্রীমদের সব দিক দিয়ে বঞ্চিত হয়ে থাকতে হ'ত।

১৯১৮ সনের 'ফর্শার বিল'-এ ২—৫ বৎসরের শিশুদের শিক্ষার ব্যবস্থা সম্পর্কে একটি সুপারিকল্পিত সুপারিশপত্র পেশ করা হয়। পরামর্শ সমিতি সেগুলির মীমাংসা এই ভাবে করেনঃ “পাঁচ বৎসর পর্যন্ত বয়সের শিশুদের দায়িত্ব সরকারের নিজে গ্রহণ করা উচিত এবং যথোচিত ব্যবস্থা যথাশীঘ্র করা প্রয়োজন। এর জন্ম নাসাঁরী স্কুল স্থাপন বিশেষ আবশ্যিক এবং পরিচালনার জন্ম শিক্ষাপ্রাপ্ত শিক্ষিকার প্রয়োজন। কেবল শিশুদের স্বাস্থ্যের প্রতি নয়—কিন্তু মানসিক ও অশুভুতিঘটিত বিকাশের জন্মেও বিশেষ যত্নের দরকার। সুতরাং নাসাঁরী স্কুলের উপযুক্ত বাড়ী, বাগান, সবজাম, উপকরণ ও স্বাস্থ্যগঠনের উপযুক্ত নীতির আবশ্যিক। আরও চাই শিশুর গৃহের সঙ্গে স্কুলের ঘনিষ্ঠ সহযোগিতা। কিন্তু এই বয়সের শিশুদের জন্মে শিক্ষার ব্যবস্থা বাধ্যতামূলক করা ঠিক হবে না।”

এই গুরুত্বপূর্ণ সুপারিশপত্র ইংলণ্ডের 'জাতীয় শিক্ষা পদ্ধতি'র অত্যাবশ্যিক ভিত্তিস্থাপনের পথ নির্দেশ করে এবং জাতীয় জীবনের একতাকে দৃঢ় করে। নানা কারণে সুপারিশপত্রটি দশ বৎসরেও সম্পূর্ণ কার্যকরী করা সম্ভব হয় নি। কিন্তু চিকিৎসকের পরীক্ষায় দেখা গেল—বিদ্যালয়ে ভর্তির সময় এক-তৃতীয়াংশ শিশু কমবেশী অসুস্থ, যেটা প্রতিরোধ করা সম্ভবপর। আরও দেখা গেল যে, জনসাধারণের অর্থভাণ্ডার (Public Fund) থেকে কিছু টাকা দিবা-মাতৃকাপীঠের (Day Nursery) এবং অগ্রাণ্ড শিশুদের (যাদের মায়েরা শারাদিন বাইরে কাজে থাকে) জন্মে পৃথক্ রাখা প্রয়োজন। প্রথম মহাযুদ্ধে সৈন্য ভর্তি করার সময় পরীক্ষা করে দেখা যায় যে, শৈশব অবস্থায় যথোচিত লালন-পালনের অভাবে তারা উপযুক্ত রকমে কষ্টসহিষ্ণু, দৃঢ় ও শক্তিশালী হয়ে উঠতে পারে নি। এ ছাড়া বহু শিক্ষাবিদ ও মনোবিদের গবেষণার ফলে এই বয়সের শিশুদের উপযুক্ত শিক্ষারও প্রয়োজনীয়তাবোধ অনেকের মনে জাগে। এ বিষয়ে রেচেল ও মার্গারেট ম্যাকমিলানের দান শিশু-শিক্ষা-ক্ষেত্রে অতুলনীয়। এই দুই বোনের অক্লান্ত পরিশ্রমে

সফলতা আজ শিক্ষাক্ষেত্রে রূপ গ্রহণ করেছে। প্রথম মুক্তবায়ু মাতৃকাপীঠ (Open-air Nursery School) এঁরা স্থাপন করেন। এক্ষেত্রে আমাদের দেশে বরীক্রনাথের চেষ্টাও স্মরণীয়।

সামাজিক ও অর্থনৈতিক অবস্থার ওঠানামার সঙ্গে সঙ্গে ব্যাপকভাবে নাসারী স্কুল স্থাপনের প্রয়োজনীয়তা সর্বসাধারণের মনে সাড়া দেয়। ১৯২৯ সনে কিছু উৎসাহও পাওয়া যায়। ভাড়াগড়ার ভিতর দিয়ে চলতে থাকে এই বয়সের শিশুদের উপযুক্ত শিক্ষার ব্যবস্থা। অবশেষে ১৯৪৪ সনের শিক্ষা আইনের একটি দফায় স্থানীয় অভিভাবকদের উপর নাসারী স্কুলের ব্যবস্থার দায়িত্ব দেওয়া হয়।

১৯৩৮ সনে যে সব নাসারী স্কুল খোলা হয়, ১৯৩৯ সনে যুদ্ধ শুরু হওয়াতে সেগুলি বন্ধ হয়ে যায় এবং অগাধ ব্যবস্থাগুলিও কার্যকরী হয়ে ওঠা সম্ভবপর হয় নি। যুদ্ধান্তে শিশুদের ভিতর নানারকম সমস্যা দেখা যায়, যার ফলে কেবল সাধারণ নাসারী স্কুল নয়, কিন্তু শিশুদের প্রয়োজন অনুযায়ী বিভিন্ন ধরনের নাসারী স্কুল খোলা হয় এবং শিশুর সর্বাঙ্গীণ বিকাশের জগ্রে কেবল শিক্ষার ব্যবস্থা নয়, ডাক্তার, মনোবিদ প্রভৃতির ওপরেও গুরুদায়িত্ব গুস্ত করা হয়।

ইংলণ্ডে ২—৫ বৎসরের শিশুদের শিক্ষাব্যবস্থা মনে হয় বহু দেশ অপেক্ষা অগ্রসর। বর্তমানে গ্রেট ব্রিটেন ও উক্তর আয়ারল্যান্ডে সরকারী অবৈতনিক মাতৃকাপীঠের সংখ্যা ৪৮৪, যেখানে ২৩,৪৬৯ শিশুর শিক্ষার সুব্যবস্থা আছে। আরও ২০টি স্কুল সরকার থেকে সরাসরি অর্থসাহায্য পায়, যেখানে ৮১৮টি শিশুর জগ্রে ব্যবস্থা রয়েছে। এর মধ্যে আটটি স্কুলকে দক্ষ (efficient) এবং স্বাধীন (independent) বলে স্বীকার করা হয়েছে। সেখানে ২৬৭টি শিশুর ব্যবস্থা আছে। এ ছাড়াও ১,৯৬৫টি নাসারী শ্রেণীর ব্যবস্থা আছে যেখানে ৫৫,৬২৭ জন শিশুকে স্থান দেওয়া ও তত্ত্বাবধান করা হয়। এই সংখ্যা পরিবর্তনশীল।

শিশুকে যদি জাতীয় সম্পদ রূপে গণ্য করা হয় তবে জাতিগঠনের প্রয়োজনেই শিশুকে শক্তিশালী বুদ্ধিসম্পন্ন নাগরিক করে তোলা দরকার। এ সত্য প্রমাণ করেছে বৈজ্ঞানিক গবেষণা। ইংলণ্ডে ২—৫ বৎসরের শিশুর প্রয়োজন অনুযায়ী বিভিন্ন ধরনের মাতৃকাপীঠের ব্যবস্থা আছে। রাজ্যসরকার-পরিচালিত স্কুলগুলি খুব উন্নততর। বেসরকারী মাত্র কয়েকটি স্কুল আছে যেখানে বেশী হারে বেতন নেওয়া হয়। কেবল অবস্থাপন্ন পিতামাতার পক্ষেই এই ধরনের স্কুলগুলিতে ছেলেমেয়েদের পাঠানো সম্ভব।

সরকারী স্কুলগুলির বেশীর ভাগই শহরতলীতে অবস্থিত।

বাড়ীগুলি উপযুক্ত প্লানে তৈরী। শিশুসংখ্যা অনুযায়ী ঘরের ব্যবস্থা এবং খেলাধুলার জগ্রে প্রশস্ত স্থান আছে। এই স্কুলগুলিতে শিশুসংখ্যা ১৬৫টির বেশী নয়, এবং ৪০টির কম নয়। ১৬৫, ২০ ও ৬০ সংখ্যার স্কুলকে 'ডাবল ইউনিট স্কুল' এবং ৪০টি শিশুর উপযুক্ত স্কুলকে 'সিঙ্গেল ইউনিট স্কুল' বলা হয়। প্রত্যেক স্কুলে শিশুদের জন্যে খেলার ঘর, জানের ঘর, কাপড় ছাড়ার ঘর এবং কর্মচারীদের জন্যে প্রয়োজনীয় ঘরের ব্যবস্থা আছে। উপযুক্ত আসবাবপত্র, উপকরণ ও খেলাধুলার সরঞ্জাম দ্বারা ঘরগুলি সুসজ্জিত।

শিশুদের জন্যে খাদ্য ও বিশ্রামের উপযুক্ত ব্যবস্থা আছে। সরকারের পরিচালিত রান্নাঘর এবং সেখানে সরকার নিযুক্ত পণ্যবিষয়ে শিক্ষাপ্রাপ্ত রান্নার লোকের ব্যবস্থা আছে। প্রত্যেক শিশু দুই-তৃতীয়াংশ পাইন্ট দুধ, বোতলে কমলা-লেবুর রস এবং কডলিভার অয়েল বিনামূল্যে সরকার থেকে পেয়ে থাকে। কেবল মধ্যাহ্নভোজন বাবদ প্রত্যেক শিশুকে দৈনিক ছয় পেনি করে দিতে হয়। গার্হস্থ্যবিজ্ঞান পাস করা পণ্যবিশারদ রাঁধুনী আছেন তিনিই সাপ্তাহিক খাদ্য তালিকা রচনা করেন।

শিশুদের স্বাস্থ্যের প্রতি বিশেষ লক্ষ্য রাখা হয়। ভতির সময়ে শিশুকে পুঙ্খানুপুঙ্খরূপে পরীক্ষা করা হয়। এ ছাড়াও বছরে তিনবার প্রয়োজনমত শিশুকে পরীক্ষা করে দেখা হয় এবং চিকিৎসার সুব্যবস্থা করা হয়। নিয়মিত ভাবে সপ্তাহে একদিন করে একজন নাসারী আসেন এবং প্রয়োজন হলে যে-কোনও দিন তাঁকে আসতে হয়। সামান্য অসুস্থতার ভার তাঁর উপর।

ধনী-দরিদ্র সকল সম্প্রদায়ের শিশুর জন্যে শিক্ষাব্যবস্থা একই। বিশেষ শিক্ষাপ্রাপ্ত শিক্ষিকাদের উপর এই বয়সের শিশুদের শিক্ষার ভার দেওয়া হয়। প্রতি ১২টি শিশুর জন্যে একজন শিক্ষয়িত্রী। প্রতি দিনের কাজের একটি পরিকল্পনা মোটামুটি এঁরা তৈরী করে রাখেন, এবং যতদূর সম্ভব সেই ভাবে শৃঙ্খলার সঙ্গে তা পরিচালনা করেন।

আগেই বলা হয়েছে, সরকারী অবৈতনিক স্কুলগুলির প্রকারভেদ আছে। ফুল টাইম নাসারী, যেখানে শিশুদের ছয়-সাত ঘণ্টা রাখা হয়, সাধারণতঃ সকাল ন'টা থেকে বিকাল সাড়ে তিনটা-চারটা পর্যন্ত। ২—৫ বৎসরের শিশুরা এখানে আসে। সব এলাকাতেই সরকার স্কুলের উপযুক্ত প্লানে বাড়ী তৈরি করতে পারেন নি। তবুও যতদূর সম্ভব শিক্ষার বাধা সৃষ্টি যাতে না হয় সেই ভাবে বাড়ীগুলিকে স্কুলের উপযোগী করা হয়েছে। বস্তিপিড়ায় (Slum Area) স্থানাভাব, স্মৃতরাং স্বল্পপরিমিত জায়গায় সিঙ্গেল ইউনিট স্কুল স্থাপন করা হয়েছে এবং সম্ভবমত সব বকমের ব্যবস্থা আছে।

যে সব এলাকায় মধ্যবিত্ত লোকেরা ফ্ল্যাটে বাস করে, স্কুলবাড়ী তৈরি করবার স্থান নেই সেখানে নীচের তলার কয়েকটি ফ্ল্যাট এক সঙ্গে করে স্কুলের উপযোগী করে নেওয়া হয়েছে। আবার এমন পাড়াও আছে যেখানে অবস্থাপন্ন পরিবারের বাসের জন্তে এক-একটি বাড়ী তৈরি করা হয়েছে, স্কুলবাড়ী তৈরি করবার আর স্থান নেই, সেখানে হয় ত ঐ রকম একটি বসতবাড়ীকেই স্কুলের প্রয়োজনে সাজিয়ে নেওয়া হয়েছে। যেগুলিকে লার্জ নাসারী স্কুল বলা হয় সেগুলি অনেকখানি জায়গা নিয়ে ঠিক নাসারী স্কুলের পরিকল্পনা অনুযায়ী তৈরি।

ইংলণ্ডে শহর থেকে অনেক দূরের গ্রামে নাসারী স্কুলের ব্যবস্থা নেই, কারণ সেখানে বেশীর ভাগ মায়েরাই বাড়ীতে থাকেন। বাড়ীগুলি দূরে দূরে অবস্থিত, সুতরাং নাসারী স্কুল খোলার সার্থকতা সেখানে নেই। ইনফ্যান্ট স্কুলেই নাসারী ক্লাসে চার বৎসরের শিশুদের ভর্তি করা হয়। বর্তমানে সরকার গ্রামীণ পরিবেশে আদর্শ নাসারী স্কুল স্থাপনের চেষ্টা করছেন। উদ্দেশ্য—সহজ উপায়ে, কম খরচে অথচ শিশুর প্রয়োজনীয় সবকিছু বজায় রেখে বাড়ীটি তৈরি হবে। বার্কশায়ারে কুক্‌হাম গ্রাম এই আদর্শ নাসারী স্কুল স্থাপনে সাফল্য লাভ করেছে বলে মনে হ'ল।

পার্ট টাইম নাসারী : ইংলণ্ডের সামাজিক ও অর্থনৈতিক অবস্থা এখন অনেক উন্নত। খাওয়া-পরাচা চিন্তা পূর্বের মত আর প্রবল নয়। বেকার-সমস্যাও সামান্য। নারীর চাকরি করার প্রয়োজন তেমন ব্যাপক নয়। সুতরাং বর্তমানে ডাক্তারেরা মনে করেন ২—৫ বৎসরের শিশুর যতটা বেশী সম্ভব মায়ের কাছেই থাকা বাঞ্ছনীয়। মাতৃকাপীঠে এত দীর্ঘ সময় কাটালে শিশুকে বহু দিক দিয়ে ক্ষতিগ্রস্ত হতে হয়। পুষ্টিকর খাদ্য, নিয়মিত বিশ্রাম, প্রয়োজনীয় পরিচ্ছন্ন পোশাক এবং উপযুক্ত খেলনা যদি পিতামাতা দিতে পারেন, তবে শুধু বাকী থাকে সমবয়সী খেলার সঙ্গী—যা শিশুর জীবনে নিতান্ত প্রয়োজন। শেষোক্ত প্রয়োজন মেটাবার জন্তে আজ তিন বৎসর সরকার লগুনে তিনটি এবং ব্রিস্টলে দুইটি পার্ট টাইম নাসারী স্কুল স্থাপন করেছেন পরীক্ষামূলক ভাবে। সেখানে দুই 'শিফটে' কাজ চালানো হয়। সকালে ন'টায় এক দল ছেলেমেয়ে স্কুলে আসে এবং বারোটায় চলে যায়। দুধ এবং কমলালের রস বিনামূল্যে সরকার থেকেই দেওয়া হয়। বাড়ী গিয়ে তাদের মধ্যাহ্ন-ভোজন ও বিশ্রাম হয়। বেলা দেড়টায় অন্য দল আসে—খাওয়া এবং বিশ্রামের পর। দুধ ও কমলালের রস স্কুলেই খায়। সাড়ে চারটায় বাড়ী ফিরে যায়। এই তিন ঘণ্টা সমবয়সী শিশুদের সঙ্গে দলবদ্ধ ভাবে তাদের খেলার সুযোগ দেওয়া হয়।

ডে নাসারী : যুদ্ধের সময়ের 'এমার্জেন্সি ডে নাসারী'-গুলি যুদ্ধান্তে ক্রম ক্রমে 'ফুল টাইম নাসারী'তে পরিণত করা হয়। তবুও বেশ কিছুসংখ্যক ডে নাসারী এখনও আছে। এখানে মাত্র কয়েক মাস বয়স থেকে পাঁচ বৎসর বয়স পর্যন্ত শিশুদের রাখা হয়। এই স্কুলগুলি স্বাস্থ্যবিভাগ (Ministry of Health) দ্বারা পরিচালিত। প্রধানা শিক্ষয়িত্রীকে মেট্রন বলা হয় এবং সহকারী শিক্ষয়িত্রীকে সিস্টার বলা হয়। হাসপাতাল ও শিক্ষা-বিভাগের বিশেষ ট্রেনিং এঁদের নিতে হয়। বলা বাহুল্য যে, অন্যান্য শিক্ষয়িত্রীরাও সকলে শিক্ষাবিভাগে বিশেষ শিক্ষাপ্রাপ্ত। সাধারণতঃ ডে নাসারীগুলিতে পরিষ্কার-পরিচ্ছন্নতার দিকেই বেশী নজর দেওয়া হয়—শিশুর খেলা-ধুলার প্রতি বিশেষ যত্ন নেওয়া হয় না। এই স্কুলগুলিতে অভিভাবকের আয় অনুযায়ী শিশুদের বেতনের ব্যবস্থা আছে। কতকগুলি বিনা ব্যয়ের স্থানও আছে। যে সব মায়েরা দীর্ঘ সময়ের জন্য বাইরে কাজ করে তাদেরই ছেলে-মেয়েরা এখানে ভর্তি হয়। সুতরাং প্রায় আট-নয় ঘণ্টা শিশুদের স্কুলে রাখতে হয়। জারজ সন্তান, বিধবার সন্তান, বিবাহ-বিচ্ছেদ হয়েছে এমন পিতামাতার সন্তান, অথবা যে সব শিশু অল্পপরিসর স্থানে বা অস্বাস্থ্যকর গৃহে বাস করে এই রকম সব শিশুদের অগ্রাধিকার দেওয়া হয় ভর্তির জন্য।

আবাসিক মাতৃকাপীঠ (Residential Nursery)—বহু ছেলেমেয়ে আছে যাদের লালনপালন করার কেউ নেই। এদের জন্যই এই আবাসিক মাতৃকাপীঠ। এই স্কুলগুলিও স্বাস্থ্যবিভাগের দ্বারা পরিচালিত। এখানেও প্রধানা শিক্ষয়িত্রীকে মেট্রন এবং সহকারী শিক্ষয়িত্রীকে সিস্টার বলা হয়। কারণ হাসপাতালের শিক্ষাও এঁদের গ্রহণ করতে হয়। এ ছাড়াও শিক্ষাবিভাগে বিশেষ শিক্ষাপ্রাপ্তা শিক্ষয়িত্রীও আছেন। কয়েক মাস বয়স থেকে পাঁচ বৎসর বয়স পর্যন্ত শিশুদের এখানে রাখা হয়। এদের এক-তৃতীয়াংশ শিশু অস্থায়ী ও দুই-তৃতীয়াংশ স্থায়ী। হয়ত মা অসুস্থতার কারণে হাসপাতালে ভর্তি হয়েছে; অথবা ছেলেমেয়েকে বাপের কাছে দিয়ে কোন মা চিরদিনের জন্যে চলে গিয়েছে; কিংবা শিশুর শৈশব অবস্থাতেই মায়ের মৃত্যু ঘটেছে; অথবা হয় ত বাপ পক্ষ—মাকে সারাদিন চাকরি করতে হয়; কিংবা মা বিধবা আয় কম—প্রতিপালন করার ক্ষমতা নেই;—এই সব পর্যায়ের শিশুদের সাময়িক ভাবে লওয়া হয় অর্থাৎ পাঁচ বৎসর বয়সের মধ্যেই যে-কোনও সময় অভিভাবক ইচ্ছা করলেই তাদের এসে নিয়ে যেতে পারেন। জারজ ও পিতৃ-মাতৃহীন শিশুদের স্থায়ী আবাসিক করে রাখা হয় এবং এই স্কুলের মেয়াদ শেষ হলে এবং শিশুর পাঁচ বৎসর পূর্ণ হলে স্কুল-

কর্তৃপক্ষের দায়িত্ব হ'ল তাদের অন্য আবাসিক শিশু বিদ্যা-পীঠে পাঠানো।

শিশুদের সর্বপ্রযত্নে রক্ষা ও পালন করা হয়—সেখানে কোন ক্রটি যেন না হয় সে দিকে লক্ষ্য রাখা হয়। এই স্কুলগুলি কখনও বন্ধ হয় না। সমস্ত কর্মচারীকে বোর্ডিঙেই থাকতে হয়। অন্যান্য নার্সারী স্কুলের মত এখানেও শিশুদের সবরকম খেলাধুলার ব্যবস্থা আছে এবং যতদূর সম্ভব একটি আপন গৃহের আবহাওয়া ও পরিবেশ সৃষ্টি করার চেষ্টা করা হয়। স্থায়ী আবাসিক শিশুরা পিতামাতার স্নেহ-ভালবাসা থেকে বঞ্চিত—এই জন্য 'uncle' ও 'aunt'-এর ব্যবস্থার একটা রেওয়াজ আছে। উদারচেতা, স্নেহপ্রবণ দেশের মঙ্গলাকাজী বহু লোক আছেন যারা এক-একটি শিশুর দায়িত্ব গ্রহণ করেন,—নিজেদের বাড়ী নিয়ে যান, কখনও বা বাইরে বেড়াতে নিয়ে যান, এবং প্রয়োজনমত জিনিসপত্রও দিয়ে থাকেন। নিঃসন্তান পিতামাতাও কখনও কখনও কর্তৃপক্ষের কাছ থেকে পছন্দমত কোনও শিশুকে লেখাপড়া করে নিয়ে নেন এবং আপন সন্তানের মত প্রতি-পালন করেন। কর্তৃপক্ষ এখানেও নিশ্চিত থাকেন না। সরকারের শিশুরক্ষা বিভাগ থেকে কল্যাণকর্মীদের এই সব গৃহে মাঝে মাঝে পাঠানো হয় এটা পরিদর্শনের জন্যে যে, শিশুদের ওপর পালক-পিতামাতারা কোনও রকম অত্যাচার করেন কিনা।

কেবল সুস্থ সবল শিশুদের জন্যে ব্যবস্থা নয়, যে সব শিশুরা দীর্ঘকাল পর্যন্ত হাসপাতালে থাকে তাদের শিক্ষার জন্যেও সুন্দর ব্যবস্থা আছে। যে সকল শিশুর হৃদযন্ত্র ধারাপ অথবা যাদের উপর অস্ত্রোপচার করা হয়েছে, অথবা দুর্ঘটনায় যারা জখম হয়েছে; ডাক্তারের চিকিৎসার পর যখন তাদের উঠে বসে কিছু করার ক্ষমতা হয় তখন বয়সোপযোগী তাদের শিক্ষা শুরু হয়। ২—৫ বৎসরের শিশুদের জন্যে উপযুক্ত সব রকম খেলনার ব্যবস্থা আছে। শিক্ষাবিভাগের বিশেষ শিক্ষাপ্রাপ্তা শিক্ষয়িত্রীও নিয়োজিত আছেন, তাঁরাই এ কাজ পরিচালনা করেন। নিয়মমত খাওয়া, বিশ্রাম, চিকিৎসা এ সবের নিধারিত সময় ছাড়া বাকী সময়টা শিশুরা খেলাধুলায় ব্যস্ত থাকে। স্কুল থেকে অল্পস্থিতির কারণে যে দীর্ঘ সময়টা শিশুরা ক্ষতিগ্রস্ত হয় তা এই ভাবে পূরণ করে দেওয়া হয়।

যে সব শিশুর শারীরিক বিকলতা আছে—যেমন মুক, বধির ও অন্ধ, তাদেরও উপযুক্ত শিক্ষার ব্যবস্থা আছে এবং

সাধারণ নার্সারী স্কুলের অল্পরূপই সে সব ব্যবস্থা বিদ্যমান। তা ছাড়া বিকলাঙ্গ শিশুদের চিকিৎসা বিশেষজ্ঞ দিয়ে সঙ্গে সঙ্গেই চলতে থাকে।

নানা স্কুলের শিশুদের কর্মসূচী বিবৃত করে তাদের প্রতি-দিনের কর্মের ছবিটা দেখানোই এই প্রবন্ধের উদ্দেশ্য। তা ছাড়া আর যে সকল বিষয় বিশেষভাবে এর মধ্যে লক্ষ্য করার রয়েছে সেইগুলি এখানে উল্লেখ করলাম :

১। প্রত্যেক শিশুর পিতামাতার সঙ্গে শিক্ষয়িত্রীদের ঘনিষ্ঠ সহযোগিতা সম্পূর্ণভাবে বজায় থাকে। (ক) পিতামাতার সঙ্গে শিশুরা স্কুলে আসে, বেশীর ভাগ আসে মায়ের সঙ্গে। (খ) মায়েরা প্রতিদিন স্কুলের কাজ দেখার সুযোগ পান এবং (গ) শিক্ষয়িত্রীদের সঙ্গে কথাবার্তা বলেন। (ঘ) প্রয়োজনমত প্রধানা শিক্ষয়িত্রী শিশুর সম্বন্ধে পিতামাতার সঙ্গে আলোচনা করেন এবং পরামর্শও দিয়ে থাকেন। (ঙ) ডাক্তারের পরীক্ষার ফলাফল তাদের জানানো হয়। (চ) প্রতিদিনের খাওয়া-পানি নোটিশ-বোর্ডে দেওয়া থাকে মায়ের জানানোর জন্যে। (ছ) স্কুলের প্রত্যেকটি উৎসবে পিতামাতার সাহায্য থাকে।

২। অনেক সময়ে ভাড়া খেলনা সারানো অথবা খেলার বর তৈরি করে দেওয়ার দায়িত্ব কোনও কোনও পিতা নিয়ে থাকেন।


৩। কখনও কখনও বাপ-মায়ের নিয়ে শিশুদের সারা দিনের জন্যে বাইরে বেড়াতে যাওয়ার ব্যবস্থা প্রধানা শিক্ষয়িত্রী করে থাকেন।

৪। চলচ্চিত্র, বক্তৃতা, আমোদ-প্রমোদের ব্যবস্থা—এগুলির ভিতর দিয়েও পিতামাতার সঙ্গে যোগাযোগের ব্যবস্থা রয়েছে।

৫। নার্স প্রয়োজনমত শিশুদের গৃহ পরিদর্শনও করে থাকেন। এই ভাবে স্কুলের এবং শিশুগৃহের ঘনিষ্ঠ সম্পর্ক বজায় রাখা হয়।

ইংলণ্ডের শিশুশিক্ষার এই সুনিপুণ ব্যবস্থা দেখে মনে হয় সত্যিই শিশুকে এঁরা “জাতির সম্পদ” ভাবেন। পাঁচ বৎসর বয়সে স্কুলের শিক্ষারস্তুর পূর্বে শিশুর যে কতখানি প্রকৃতির দরকার তা এঁরা পূর্ণমাত্রায় উপলব্ধি করেছেন এবং বৈজ্ঞানিক উপায়ে শিক্ষার ব্যবস্থা চলছে।

আমাদের দেশের পিতামাতারা এবং শিক্ষাবিদগণ পরস্পরের সঙ্গে একযোগে শিশুর শিক্ষা তথা ভবিষ্যৎ ভারত সংগঠনে ঐকান্তিকতা নিয়ে শিক্ষাক্ষেত্রে নেমে আসুন।



হাঁসুলি

শ্রীবিশ্বপ্রাণ গুপ্ত

ঘরে পড়ে থেকে রূপোর চকচকে হাঁসুলিটা কালচে হয়ে গিয়েছিল হরিমতীর। তাই ওটাকে ঘষে মেজে উজ্জ্বল করে দিতে দিহু কস্মকারকে দিয়েছিল হরিমতী। কিন্তু ফেরত আনতে গিয়ে দিহুর কথা শুনে হরিমতী যেন আকাশ থেকে পড়ল, নিয়ে গেল? বলি নিয়ে গেল কি রকম শুনি?

দিহু মাথা নেড়ে নেড়ে বললে, মাধব জোর করে ছিনিয়ে নিয়ে গেল, কি করি বলুন!

জোর করে হাঁসুলি নিয়ে গেল? মাধবের শরীরে এতই তেল! হরিমতীর চোখ জ্বলতে লাগল, চোয়াল দৃঢ় হ'ল—রাগে যেন জ্ঞান হারিয়ে কাঁপতে লাগল হরিমতী।

বৃদ্ধ বয়সের ঝিমিয়ে-পড়া রক্তও যেন আজ আগুন হয়ে উঠেছে হরিমতীর। তার গোলগাল ভারী চেহারায় খুঁদে খুঁদে একজোড়া চোখ—সে চোখ যেন বন্ধ হয়ে উঠল এখন—আর চাপটা নাকটা ফুলতে থাকল উত্তেজনায়। মাথার ঘোমটা যে খসে পড়ল সে-দিকে আর খেয়াল বইল না হরিমতীর। ঘোমটার আড়ালে চিব-কালের পর্দানশীন গ্রামের বিধবা—আজ যেন দিশেহারা হয়ে উঠেছে কি এক প্রচণ্ড ক্রোধে, নিদারুণ এক আক্রোশে।

দিহু কস্মকারের দোকান থেকে নেমে আসবার পথে মাত্র একটি কথাই বললে হরিমতী, ঐ বদমায়েস ছুঁচোটাকে তুমি ছেড়ে দিলে দিহু? জান, তুমি জান ও কি? নিজের বউকে ধরে মারে, মদ খায়, বেলেজাপনা করে—পরের ঘরে বউ-ঝি নিয়ে। আর আমার গাইগুরুগুলো নিয়েছে, এবার হাঁসুলি নিলে। এবার কস্মকারের দিকে ঘুরে দাঁড়াল হরিমতী। বললে, আমি জানি না কস্মকার—যেখান থেকে পার হাঁসুলি এনে আমাকে দাও।

জোর করেই ছিনিয়ে নিল, তা আমি কি করি বলুন। দিহু কস্মকার ওর মুখের দিকে তাকিয়ে শাস্ত জবাব দিলে। একটু শয়তানী ভঙ্গী ওর হাসিতে ছিল, কিন্তু উত্তেজিত হরিমতী তা টের পেলেনা। দোকান থেকে নেমে আসবার পথে হরিমতী চলতে চলতে বললে, হাঁসুলি আমি ফেরত চাই—হ্যাঁ। যেখান থেকে হোক, যেমন করে হোক, ও-জিনিস আমি চাই।

বালুরঘাট শহরের উত্তর-পশ্চিমে ফুলবাড়ী গ্রাম। গ্রামের দক্ষিণ প্রান্তে মজে-আসা পুকুর, একদার তাল-খেজুরের দীর্ঘ ঋজু-বেথায় উদ্ভত ভঙ্গিমা—আর তারই ছাওয়ায় মাধব বর্ষার দোচালা খড়ের ঘর। তারই পাশে কত কালের এই মজে-বাওয়া পুকুর কে জানে। লাল মাটির এই পুকুরে এখন স্বচ্ছ ফটিকের মত জলের ঢেউ জাগে না, শুধু পান-মরিচ আর বলকলমীর বুনোপাতাপাতার জঙ্গলে ফড়িঙের পাখা কাঁপে, প্রজাপতি ওড়ে।

আজও তাই উড়ছিল। চারিদিকে পড়ন্ত বিকালের স্বল্পায় রোদের আক্ষেপ যেন কি এক বিষন্নতায় ভরিয়ে দিয়েছিল সারা গ্রাম, সারা মাঠ আর দিগন্ত। আর পুকুর পাড়ে ঢালু জমিতে শেষ রোদ সারা শরীরে মেখে খুঁটে খুঁটে ঘাস খাচ্ছিল দুটি ছাই-রঙা গরু আর সাদা সাদা চঞ্চল দুটি বাছুর।

হরিমতী এসে দুটো গরুকেই চিনতে পারল। এ তারই গরু। বয়স হয়েছে বলে গরু দুটোকে আধি দিয়েছিল এক সাওতালকে। হরিমতী আর নিজে ওদের পালতে পারে নি। আর মাধব সেই গরু দুটিকে জোর করে ছিনিয়ে নিয়েছে দিনসাতেক হ'ল। হরিমতী থমকে দাঁড়িয়ে ফুলতে লাগল।

উঠানে বসে কুড়ালের ডাট লাগাচ্ছিল মাধব বর্ষা। হরিমতীকে হঠাৎ এই সময়ে দেখে কাজ বন্ধ করে ওর দিকে তাকাল। দৃষ্টি-বিনিময়ের সঙ্গে সঙ্গেই হরিমতীর সর্ব্বাঙ্গ জ্বলে উঠল ক্রোধে, বললে, হাঁসুলি ফেরত দাও—শরতান, ছুঁচো!

মুখ সামাল করে কথা বল, হ্যাঁ—মাধবের আত্মসম্মানে আঘাত লাগল যেন।

হরিমতী কিন্তু নিজেকে আর সামলাতে পারল না, চীংকার করে উঠল, বদমাশ, বউকে মারে, গরু চুরি করে, হাঁসুলি চুরি করে—পুকুরপাড়ের একতাল কাদা দলা পাকিয়ে দে মার মাধবকে।

চোখের পলকে বসে পড়ল মাধব, তার পর উঠে দাঁড়িয়ে কুড়ালটা বাগিয়ে ধরল। ভয় পেয়ে পিছিয়ে আসতে হরিমতীরও সময় লাগল না এক মুহূর্ত। সরে এসেই ভয়ে চীংকার করে কেঁদে উঠল, ওবে কে কোথায় আছিস বে, আমাকে মেরে ফেলল—আমাকে মাধব কুড়াল দিয়ে মেরে ফেলল।

গ্রামের লোক দুটে এসে দু'জনকে দেখে স্তম্ভিত হয়ে গেল—হরিমতীর মেয়ের জামাই মাধব। আর সেই হরিমতীর মাথার ওপর মাধবের উজ্জ্বল কুড়াল। গ্রামের লোক মারামারি ধামাল। হরিমতী চূপ করে গেল বটে, কিন্তু এবার তার চোখ দিয়ে জল গড়াল। আর মাধব দ্রুত আক্রোশে সবাইকে সরিয়ে আফালন করে চলল, শালায় বুড়ীকে আজ শেষ করব।

ক্রোধে, অপমানে, দুঃখে হরিমতীর চোখে জল এল। এ কান্না ধামবার নয় হরিমতীর। সারা জীবনের দুঃখের কান্না—অপমানিত প্রাণের কান্না, দুঃখী জীবনের কান্না। সব কান্নাধারাই আজ যেন এই মুহূর্তে মুক্ত হয়ে গিয়েছে।

গ্রামের মাতব্বর জিতেন দাস। হরিমতীর দুঃসম্পর্কের কাকা—

বললে, কান্দছে কেন হরি ভাস্কি—এখানে বস, ঠাণ্ডা হও, ব্যবস্থা একটা করে দেবই।—জিতেন দাস সব ঘটনা জানে। জানে যে, মাধব তার স্ত্রী সুধনীর ওপর অত্যাচার করত। হরিমতীর মেয়ে সুধনী—মাধবের স্ত্রী। বিধবা হরিমতীর তাই দুঃখের শেষ নাই। সুধনী তখন অসুস্থ। হাতে-পায়ে দড়ি বেঁধে মাধব একদিন নিষ্ঠুরভাবে মেয়েছিল। আর সেই রাতেই দাঁত দিয়ে দড়ির বাঁধন কেটে সুধনী পালিয়ে এসেছিল মায়েব কাছে। আর কেবে নি। এখানেই পনের দিন দারুণ জ্বর এসেছিল—সেই জ্বরেই চিরকালের মত চোখ বুজল সুধনী। মৃত্যুর আগে স্বামীকে একবার দেখতে চেয়েছিল সুধনী, কিন্তু মাধব আসে নি। জিতেন দাস নিজে গিয়ে মাধবকে আসতে বলেছিল। কিন্তু মাতলরকে আশ্বাস দিয়ে মাধব চলে গিয়েছিল শহরে—বালুবঘাটে। মদ খেয়ে বে-পাড়ায় পড়েছিল কোন মটর ডাইভারের সঙ্গে। মাধব নিজেও মটর ডাইভারি করত। গ্রামের ঘর-গৃহস্থালি, জমি-জমা, হাল-গরু কোন কালে ভাল লাগত না মাধবের। চিরকাল সে শহর ভালবাসত—আর ভালবাসত শহর-জীবনের ঐসব কলঙ্কিত রূপোপজীবিনীদের খোপগুলি। সেদিনও মাধবকে ফিরিয়ে এনেছিল জিতেন দাস। এই মাধবের চরিত্র। সে যে হরিমতীকে আঘাত হানতে কুড়ুল তুলবে, তাতে আর আশ্চর্য্য কি—অস্তুত: জিতেন দাস আশ্চর্য্য হয় নি।

হরিমতীকে অনেক সান্ত্বনা দিলে জিতেন দাস। কিন্তু হরিমতীর কান্নার শেষ নেই। নিষ্ঠুরতম আঘাতের পর এ সান্ত্বনা যেন আজ তার সমস্ত কান্নাধারাকে আরও জোরে বইয়ে নিয়ে এল। কঁদে কঁদেই হরিমতী বললে, আমার মেয়ের জীবনটাকে নষ্ট করেছে ঐ শয়তান, এবার আমার ওপরও ওয় হামলা।—হরিমতীর কান্না ধামল না।

জিতেন দাস আবার বললে, কথা দিচ্ছি এর একটা বিহিত আমি করব—যেমন করে হোক করব।

হরিমতী চোখ মুছে বললে, আর কবে করবে গো জিতেন কাকা, কবে করবে? সুধনী মরেছে ওর হাতে, আমিও মরব—তার পর তোমরা বিচার করো, পক্ষায়েৎ ডেকো, বিধি-ব্যবস্থা করো। দেবির যে কোন মানে নেই জিতেন কাকা!

পরদিন গ্রামের পক্ষায়েৎ-সভায় হরিমতী সব কথা বললে। শেষে বললে, জোর-জবরদস্তি করে গরু বাছুর নেওয়ার কথা। হাঁসুলি নেওয়ার কথা, আর সুধনীর ওপর অজস্র অত্যাচারের কাহিনী। শেষে আঁচলে চোখ মুছল হরিমতী, তার পর কান্দল। পক্ষায়েতের পাশে বসে কান্দল।

তুধু পক্ষায়েতের পাশেই নয়, শহরে উকিল বাবুর বাসাতেও হরিমতীর চোখের জল পড়ল। হরিমতীকে মামলার পরামর্শ দিয়েছে গ্রামের মাতলর জিতেন দাস, বলেছে, ও ভাকাতকে এক 'গরমেন্ট' পারে শাস্তি করতে—আমরা কি করব?

আসল কথা হরিমতী জানে না। জিতেনের সঙ্গে মাধবের বন্ধুত্ব। মাধব শহরের উকিল-ডাক্তার-মোক্তার-অফিসারদের সঙ্গে কীতেনের খাতির করিয়ে দিয়েছে। এতে কীতেন এটা-ওটার

লাইসেন্স, বেশনের দোকান, কিংবা ডি-পি এজেন্সির-দালালী, আর রিলিফ আপিসের তদ্বিরকারক হয়ে ওঠে দুটো পয়সা রোজগার করতে পারছে। এ মন্দ রোজগার নয়। এই স্বার্থ—এই স্বার্থেই জিতেন দাস মাধবের কোন শাস্তির ব্যবস্থা পক্ষায়েৎ মারফত করলে না, নিজেই হাতে। হরিমতীকে মামলার পরামর্শ দিলে। আত্মীয়তার চেয়ে, মাতলরকে কর্তব্যের চেয়ে, স্বার্থ বেশী মনে হ'ল জিতেনের।

পক্ষাশ বছরের হরিমতী এ যুগের স্বার্থের বেড়াঙ্কালের অটলতা বুঝলে না, বুঝতে পারলে না। মামলা করতেই রাজী হ'ল সে। ঘটি-বাটি বন্ধক রেখেও মামলা করবে হরিমতী। সংসারের সন্তান যা পারলে না হরিমতী, আইনের ঘোর-প্যাঁচ চক্রে তারই পরীক্ষা করবে সে। মাধবকে দেখে নেবে। আর ঐ হাঁসুলি আর গরু বাছুরগুলি তার চাই-ই। উকিলবাবুর হাতে ধবেছে হরিমতী, যা চান সব দেব বাবু, কিন্তু মামলার আমাকে জিতিয়ে দেন। আঁচল থেকে পুরানো নেতিয়ে-পড়া নোংরা পাঁচ টাকার এক একখানা নোট উকিলবাবুর হাতে গুঁজে দিয়েছে হরিমতী। প্রবীণ উকিলবাবু মাথা হুলিয়ে বলেছেন, বাস্তব হয়ো না, দেখি কি করতে পারি। আর মনে মনে দীর্ঘ-মেয়াদী মামলা দাঁড় করিয়ে বেগী পয়সার স্বপ্ন দেখেছেন উকিলবাবু।

এমনি করেই মামলা চলেছে। শুনানি চলেছে—জেরা উন্টো জেরা হয়েছে। মামলার জানা গেল অল্প কথা। এ কথা হরিমতী কখনও কল্পনা করে নি। কিন্তু আদালতে দাঁড়িয়ে, আর উকিল বাবুর মুখ থেকে যা শুনেতে পেয়েছে, তা অবিখাস করার কোন কারণ দেখলে না হরিমতী। হরিমতী শুনেছে, কর্তব্যের একশত টাকা নিয়ে মাধবকে হাঁসুলি দিয়েছে, মাধবের বা জোর-জবর-দস্তি করে হাঁসুলি নেয় নি মাধব। সে যাই হোক, হাঁসুলি এখন মাধবের দখলে, কিকির-কন্দি করেই হোক আর ঘূষ-ঘাষ দিয়েই হোক—হাঁসুলি এখন মাধবের হাতে। এ হাঁসুলি হাতছাড়া করতে পারবে না হরিমতী, কখনও কোন কালে।

হাঁসুলি তার চাই-ই। আর চাই মাধবের শাস্তি—কঠিন শাস্তি। তা হলে খুশী হবে হরিমতী। অমন শয়তান মাধব! তাকে শাস্তি না দিলেই নয়। উকিলবাবুর সেবেস্তায় বসে ক্রোধে আর আক্রোশে অস্থির হয়ে ওঠে হরিমতী।

শেষ পর্যন্ত মামলার রায় বের হ'ল। হরিমতী মামলার জিতেছে। ডিক্রী হয়েছে মামলার। মাধব সব করত দেবে। গরু-বাছুর, আর হাঁসুলিও।

গরু-বাছুর আর হাঁসুলি কেবল পেলে হরিমতী সাত দিন পরে। গরু-বাছুরগুলি অনেক দিন পর তার বাড়ীতে ফিরে এসেছে। কোথায় যে ওদের রাখবে তাই ঠিক করতে পারছিল না হরিমতী। গোয়ালের ঘরটা ভেঙে গিয়েছে, ওখানে রাখা চলবে না। বাগানঘরের বারান্দায় রাখা চলবে না—বারান্দায় 'চাল' জীর্ণ হয়ে গিয়েছে—বুড়ি পড়ে। গাছতলাতেও না! শেষ পর্যন্ত শৌবার ঘরের বারান্দায় ওদের এনে তুলল হরিমতী।

সখ্যা হয়ে গিয়েছে। হরিমতী ওদের প্রবীণ দেখাল, খুশ

ধূমুচি ঘুগাল—গা-মাথা-গলা আর সারা শরীরে হাত বুজিয়ে দিলে পরম যত্নে—মায়ের মত। হাড়গোড়-পাঁজরাগুলি কেমন ঠেলে এসেছে প্রকট হয়ে। আহা-হা! হরিমতী ওদের আদর করলে। তার পর কানা গরুটার কাছে গিয়ে কাঁদল। এই গরুটা ছিল সুধনীর। বাচুর হওয়ার কালে সুধনী ঢেলা মেরেছিল চোখে—সেই থেকে ডান চোখটা কানা হয়ে গিয়েছে। তখন থেকে গরুটাকে সবাই ডাকে 'কানীগাই'। ওদের জন্ম নতুন ভাত বসাল হরিমতী। জল-ভাত-ফ্যান দিলে গামলায় ঢেলে। খাইয়ে দিয়ে পিঠের ওপর চট জড়িয়ে দিলে। এখন বর্ষাকাল। চারিদিকে মশার উৎপাত। এতদিন পর গরুগুলি ঘবে এসেছে। ওদের যত্ন না নিয়ে হরিমতী যেন খুশী হতে পারছিল না।

এইবার দরজা ঠেলে ঘরে ঢুকল হরিমতী। প্রদীপের অশুভ আলোয় বহুশ্রমাখা ঘর। বাইরে রাত্রির প্রথম প্রহর—প্রায় গড়িয়ে গেল। বিছানায় বসে বালিশের নীচে রাখা পুঁটলিটা টেনে নিলে হরিমতী। খোলা জানালা দিয়ে আকাশ দেখা যায়। চূপচাপ বোবা গাছগুলির মাথায় জলে-বরং কালো কালো মেঘ—বর্ষাব্যাকুল, অস্থির। তঠাৎ এক অদ্ভুত বিদ্যুতের ঝলকানি। আলোময় ঘর। আর তখনই হাঁসুলির গায়ে লেখা কতগুলি বড় হরফ ওর চোখে পড়ল। চকচকে হাঁসুলিতে স্বামী নাম লেখা একদিকে, অপবদিকে হরিমতীর। হরিমতী হরফগুলির ওপর হাত বুজাল। এ হাঁসুলি তার স্বামীই তাকে গড়িয়ে দিয়েছিল। সেই একবার—তাদের যৌবনকালে বিধে প্রতি তিন মন বেশী ফসল হয়েছিল। সেইবার—সেইবারই এ হাঁসুলি গড়িয়ে দিয়েছিল স্বামী। সুধনী তখন পেটে বোধ হয়! হ্যা—তাই। হরিমতীর চোপজোড়া ভিক্তে উঠল।

সেই বছরটা এমনি করেই ঘুরে গেল। এমনি করেই হাসি-কান্নায় অতীত স্মৃতিকে বৃকে নিয়ে দিন কাটিয়ে দিলে হরিমতী। তারপর বর্ষা গেল। শরৎ এল—আকাশে সাদা সাদা আশ্রু-ভোলা নিকরদেশ মেঘের দল নিয়ে। হরিমতীর বয়স আরও বাড়ল। হাঁপানি আরও বৃদ্ধি পেলে। ঘড় ঘড় কাশি, হাঁপানির টান। সে যে কি কষ্ট! হরিমতী কেমন করে তা বোঝাবে।

গ্রাহের মেয়েরা শরৎকালে পূজার সময় গ্রামে এল—শুভরঘর করে। চারিদিকে ঢাকের বাজনা। মা আসছেন। নতুন কাপড়ের ঝক—নতুন সুগন্ধি তেলের গন্ধ। মেয়েদের কপালে উগড়গে লাল গিন্দুর। এই এক একটা জীবনে কি সুখী সুখী—কি আনন্দ মুগ্ধিত। মানুষ চিরকাল তাই চায়—সুখ শান্তি আর দিকে দিকে জীবনের সমৃদ্ধি। ঝগড়াবিবাদ চায় না মানুষ—কোন দিন, কোন কালে। ঘরে শুয়ে জানালায় তাকিয়ে কথাটা বার বার ভাবল হরিমতী। চোখ জোড়া হল হল করে উঠল। সুধনীর কপালে এ সুখ হয় নি। স্বামীর লাঞ্ছনা-গল্পনা পেয়েছে সুধনী—ভালবাসা পাষ নি।

হরিমতীর চোখে তাই জলের শেষ নেই। সম্পূর্ণ শরৎকালটাই

সে অমন করে কেঁদে কাটাল—পাড়ার অল্প বাড়ীর মেয়ে বউদের দেখে আর মাধবকে অভিসম্পাত করলে। শুধু অভিসম্পাত করেই নিবৃত্ত হ'ল না হরিমতী, মাতব্বরকে ডেকে বললে, জিতেন কাকা, মাধবকে গ্রাম থেকে তাড়িয়ে দাও—

তার পর একটু থেমে বললে, আমার বয়স হয়েছে, গতর গেছে, না ত ওকে আমি কোঁচ দিয়ে মারতাম—মনে নেই তোমার—সেই যে একবার ডাকাত মেরেছিলাম খোঁচ বিধিয়ে।

হ্যা—খুব মনে আছে। জিতেন দাস হরিমতীর পাশে বসে মাথা নাড়ে।

আরও দিন কেটে গেল, কিন্তু হাঁপানির টান কমল না, বরং আরও বাড়ল। শীতকালের প্রায় মাঝামাঝি আর একটা নতুন ব্যাধি এসে জুটল সেই সঙ্গে—চোখে কম দেখা। হরিমতীর দুই চোখেই ছানি পড়েছে। চোখে ঝাপসা দেখে।

আজকাল আর সেই পুরানো বিবাদের ইতিবৃত্তটা খুব বেশী মনে পড়ে না হরিমতীর। মনে পড়ে না তা নয়, তবে আজকাল নিজের কথাই বেশী ভাবে হরিমতী—নিজের সুখ-দুঃখ। তার নিজের হাঁপানির টান—চোখে না দেখার কষ্ট। এই দুই-ই ওকে বেশী করে ভাবিয়ে তুলেছে যেন।

আবারও বর্ষাকাল এল। আকাশে আকাশে আঘাতের ধন কালো মেঘ আর ঝর ঝর আকুল বৃষ্টি। আঘাতের শেষ দিকে হরিমতীর জ্বর এল। ঘোর জ্বর আর ভুল বকা। সেই জ্বরই হরিমতী শয্যা নিলে। পূর্ণ এক মাসেও সে জ্বর ভাল হ'ল না হরিমতীর। মাতব্বর জিতেন দাস রোজই আসে এখন, একবার করে দেখে যায় হরিমতীকে।

এমনি এক জল-ঝড়-বৃষ্টির সন্ধ্যায় জিতেন দাস এল হরিমতীকে দেখতে। হরিমতী বললে, বস জিতেন কাকা—

একটা ছোট জলচৌকীতে বসল জিতেন দাস।

হরিমতী বললে, একটু লল খাব জিতেন কাকা—ঐ মাটির কলসীতে জল আছে। একটু দাও—বুকটা শুকিয়ে অ'ছে।

ঘরের এক কোণায় মাটির কলসীতে জল ঢাকা। জিতেন বললে, গ্লাস কোথায় হরি ভাঙ্গি?

গ্লাস নেই জিতেন কাকা—একটাও নাই। সব গেছে—কম্বকারের দোকানে বন্ধক রাখা আছে। টাকা—টাকা—জিতেন কাকা! মামলার খরচ যোগালাম ঐ টাকায়।

জিতেন দাসের বুকটা কেমন নরম হয়ে উঠল, বললে, মাধবের কোন খবর রাখ?

কি খবর?

ও ত আবার বিয়ে করেছে। তনি এই স্ত্রীকে নাকি মার-ধোর করে না—ভালবাসে।

জানি জিতেন কাকা—সব জানি। মাধব আমাকে যেতে বলেছিল। আমি যাই নি ঐ শয়তানের ঘরে। হরিমতীর চোখের দৃষ্টিতে আবার ঘৃণা ছড়াল।

মাহুষ চিরকাল শয়তান থাকে না হরিভক্তি ! সে ভাল হয়, সুন্দরও হয় একদিন। জিতেন দাস দেয়ালের দিকে তাকিয়ে উদাস ভঙ্গিতে বললে—

ভাল হয় ? সুন্দরও হয় ? হরিমতীর বৃক্কে ভেতর কি এক বোবা বাধা যেন মোচড় দিয়ে উঠল। আহা-হা! সুধনীর কপালে তা জুটল না কোন দিন, কোন কালে। হরিমতীর চোখে আবার জল গড়াল।

বাইরে সারা রাত আষাঢ়ের অবিশ্রাম বর্ষণ। জিতেন দাস ফিরে যেতে পারলে না সে রাত্রে—বসে রইল সারা রাত হরিমতীর পাশে। শুধু সেই দিনই নয়, তারপর আরও অনেক দিন, অনেক রাত্রি। এমনি করেই বর্ষণ-ব্যাকুল আষাঢ়-শ্রাবণ, লঘু-মেঘ-বিহারী উচ্ছলতায় বড়ী ভাদ্র-আশ্বিন, সব দূরে চলে গেল পৃথিবীর ঋতু-পরিক্রমায়।

এখন কাঠিক মাস। শিশির-ভেজা সকালের সিবসিবে হাওয়ায় আসন্ন শীতের কানাকানি। হরিমতীর শেষ অবস্থা। আর একটা রাত্রি কি তারও কম। জিতেন দাস এসেছে হরিমতীকে দেখতে। গত চ'র মাস প্রায় রোজই একবার এসেছে।

হরিমতী কাদল জিতেন দাসকে দেখে, আমি আর বাঁচব না জিতেন কাকা!

জিতেন দাস কোন জবাব দিলে না। তার চোখজোড়াও ছল ছল করে উঠল। হরিমতীর কাছে আরও সরে বসে বললে, জোত-জমি আর গাই-গরুগুলির একটা ব্যবস্থা করে দাও।

হরিমতী কোন জবাব দিলে না, কাদলে আবার, বললে, আমার যুগে আগুন দেওয়ার কেউ নইল না জিতেন কাকা—বংশে বাতি দেবারও কেউ রইল না।

কেন মাধব ত রইল? ওকেই সব কিছু লিখে পড়ে দাও। এখন শেষকালে আর যগড়া-বিবাদ করে কি লাভ?

লাভ-ক্ষতি জানি না জিতেন কাকা—আমার ভিটের ঘুঘু চরবে, গাই-গরুগুলি মরে পড়ে থাকবে, তবুও মাধবকে দেব না কিছু। হরিমতীর দুর্বল কণ্ঠে যেন উত্তেজিত হয়ে উঠল আবার।

হঠাৎ পায়ের শব্দে চমকে উঠল জিতেন দাস—হরিমতীও তারপর জিতেন দাস যেন মনে মনে বললে, মাধব।

মাধব? চোখ কঁচকালো হরিমতী। জিতেন দাস জানত, মাধব আসবে। সেই-ই মাধবকে সস্ত্রীক উপস্থিত হতে বলেছিল। জমি-জমা গরু-বাছুরগুলিরও লোভ দেখিয়ে মাধবকে বলেছিল, সময়-মত উপস্থিত থাকিস, কপালে মিলে যেতে পারে কিছু।

মাধব কোন কথা বললে না, মাথা নীচু করে দাঁড়িয়ে রইল।

মা! কে যেন ডাকলে।

হরিমতী চমকে উঠল, মা! মা কে ডাকে জিতেন কাকা!

দেখতে এলাম মা—আপনার অন্তরের ধবরে—

আবারও মা! এ যেন সুধনীর কথা, তার কণ্ঠস্বর, উচ্চারণ-ভঙ্গী—হরিমতীর বুকটা তোলাপাড় করে উঠল। উত্তেজনায় উঠে

বসল হরিমতী। চোখ দুটো মিট মিট করে উঠল। কিছু দেখতে পায় না চোখে, দৃষ্টিতে সব ঝাপসা, সব অন্ধকার। হরিমতী কাদলে, সুধনীয়ে—ওরে—মা আমার—

আমি ত আপনার মেয়ের মতই মা। মাধবের স্ত্রী এইবার হরিমতীর পাশে বসে গায়ে মাথায় হাত বুলিয়ে দিলে। হরিমতীও হাত বুলাল মাধবের স্ত্রীর মাথায়। ঘন কালো এক রাশ চুলে হাত বুলাল। মুখখানা অসুভব করলে হাতড়ে হাতড়ে। কিছু দেখলে না হরিমতী, দেখতে পারলে না। তবুও অসুভব আলোময়, আনন্দে দিশাহারা। যেন সুধনী এসে তার পাশে বসেছে কতকাল পরে। মা বলে ডেকে বুক জুড়িয়েছে।

সুধনী—সুধনীয়ে—হরিমতী কান্নায় ভেঙ্গে পড়ল।

এইবার হরিমতী বালিশের নীচেটা হাতড়ে বেব করলে—সেই হাঁসুলিটা। রূপোর চক্কেই হাঁসুলিটা। হাতড়ে ওব গলায় পরিষে দিলে, আর কাদল। তারপর ডাকল, জিতেন কাকা!

বল। জিতেন দাস নড়ে বসল।

আমার সুধনী আমাকে দেখতে এসেছে। আমি দেখতে পাই না, তুমি দেখ। তুমি দেখ সুখী হও জিতেন কাকা। জোত-জমি গরু-বাছুর সব ওকে দিলাম।

জিতেন দাস কোন জবাব দিলে না। হরিমতী বললে, একটা গীতা এান আমার মাথায় রাখ জিতেন কাকা—আর একটা তুলসীর চারা।

জিতেন দাস তাই করলে। এমন সজ্ঞান যত্ন আর কখনও দেখে নি সে। তারপর জিতেন দাস বারান্দায় এসে দাঁড়াল। দেখলে মাধব হুই হাঁটুর মাঝে মাথা রেখে যেন কি ভাবছে গভীর ভাবে। তার স্ত্রী গিয়েছে বাইরে কুয়োয়—একঘটি জল আনতে।

একটা বিড়ি ধরিয়ে জিতেন দাস বললে, কি মাধব, আসতে বলে ভাল করি নি? জোত-জমিগুলি লাভ হ'ল ত?

হরিমতীর রোগশয্যায় সস্ত্রীক উপস্থিত থাকবার পরামর্শ মাধবকে জিতেন দাসই দিয়েছিল—তা সত্য হলেও খুশী হতে পারছিল না মাধব। বৃক্কে ভেতর একটা কথাই কেবল ঘুরে ঘুরে বাজছিল তার। একটা হাঁসুলি কিংবা একখোড়া গরু-বাছুরের স্বার্থের বাইরেও মাহুষের জীবন আছে। আর সে স্বার্থ ত্যাগ করেও চিরকাল সুখী হতে পারে মাহুষ—চিরকাল সুখী হয়েছে। অথচ একথা আর কখনও ভাবে নি মাধব। ছি—ছি—ছি! নিজের একটা জীবনে চল্লিশ বছর বয়স পর্যন্ত কি করল সে? চল্লিশ বছরের দীর্ঘ জীবনে মদ, ব্যভিচার, আর বীভৎস পাপের পঙ্কুণ্ডে ডুবে থাকা ছাড়া আর কি করল সে?

চারিদিকে অন্ধকার বোবা রাত। সন্মুখে কুয়াশায় ভরা মাঠ। তারপর শতবর্ষের পুরানো বট গাছের নীচে বুদ্ধি-ডিহির খালের জল—তার পাশে ঝাশান। ঐখানেই সুধনীর চিত্তা সাজানো হয়েছিল।

সেই সুধনী—অনান্যাদিত জীবনের বহু নীরব কামনায় পাণ্ডুর মুগ্ধী—মাধব যেন সক্রমণ ব্যাখ্যায় স্তব্ধ হয়ে বসেই হল—বাবান্দায়। তারপর কি মনে পড়ল মাধবের। প্রায় দৌড়ে ঘরে ঢুকে হরিমতীর জট-ধরা কক্ষ চলে ভরা মাথাটা কোলের উপর তুলে নিলে পরম যত্নে নিবিড় করে।

জিতেন দাস বাস্তব হয়ে উঠল, আরে কি কর? কি করছ?

জিতেন দাসকে কি বলবে মাধব? কি বুঝবে সে? এ যুগের গ্রামের মাতঙ্গর জিতেন দাস। অহুভূতিশূণ্য, হৃদয়হীন—কতটুকু বুঝবে? তাকে কি বলবে মাধব? সে এসেছিল, হরিমতীর কানে কানে বলতে চেয়েছিল, ক্ষমা কর, সব ভুলে যেয়ো।

হরিমতী শুনল না মাধবের কোন কথা। অনেক আগেই সকলের অগোচরে মুক্ত হয়ে গিয়েছে সে।

স্মৃতির মিছিল

শ্রীকালিদাস রায়

মিছিল বাধিয়া চলিয়াছে স্মৃতিগুলি
তুচ্ছ ঘটনা মনে পড়ে শুধু, বড়গুলি যাই ভুলি।
বড়গুলি যেন দাদা মহাশয়, হারায় মেলায় ভিড়ে,
ছোটগুলি নাতি ঘাড়ে তাহাদের বাঁশী বাজাইয়া ফিরে।
মনে পড়ে মোর ভাইদ্বিতীয় বি-এর হাতের ফোঁটা,
কুলীর কন্যা কঁাদে কুয়াপাড়ে কুয়ায় হারায় মোটা।

আজি মোর পড়ে মনে
ছুঁড়িয়া দিলাম দুইটি পয়সা কাটোয়া ইন্টেশনে
ভিখারী বাসকে। ট্রেন ছেড়ে দিল পড়ল চাকার নীচে,
ট্রেন চলে গেল, সে কি খুঁজে পেল? সে দান হ'ল
কি মিছে?

একটি বালিকা বলেছিল, 'বাবু পেয়েছে বড়ই খিদে।'
খেয়াপারঘাটে, কাঁটা হয়ে মোরে বিঁধে—
টাকা সিকি ছিল দুয়ানিও ছিল, আনিও ছিল না বলে
ভিক্ষা দিই নি, স্নানমুখে আহা কেঁদে গিয়েছিল চলে।
মাঠ পার হয়ে বৃদ্ধ ঋণ ভারী বোঝা নিয়ে ঘাড়ে
থেমে থেমে ঘেমে চলেছিল হাতে, মনে পড়ে আজ তারে।
বহুদিন পরে গাঁয়ে ফিরে গিয়ে কাছারি-বাবেন্দায়,
প্রণাম করিহু শূদ্রজাতির গুরুমশায়ের পায়।


অবাক হইয়া লোকে,
বন্ধে চাপিয়া ধরিলেন তিনি অশ্রুতে ভরা চোখে।
বালক তখন, তুলে দিয়ে কাকা আমারে ইষ্টিমারে,
কাঁদিতেন দাঁড়িয়ে নদীর ধারে;
বহুদূর হতে কাপসাই দেখা যায়,
দেখিলাম কাকা চাহিয়া আছেন ঘাটে দাঁড়াইয়া ঠায়।

পড়া হয় নাই, বেত্রহস্তে ছাত্রে করিহু তাড়া
ছাত্র বলিল, পরশু রাত্রে ছোট ভাই গেছে মারা।
ছল ছল চোখ স্নান মুখখানি তার
দিল মোরে ধিকার

একটি ছেলের ছিল বড় মনে সাধ
জন্মতিথিতে লিখে দিই তাবে পড়ে আশীর্বাদ,
বিদায় করিহু বিরক্ত হয়ে একটা লাইন লিখে
বিদায় নিল সে ছল ছল চোখে চাহিয়া আমার দিকে।
একমাস পরে শুনিহু সে নেই আর;
সেই কথা আজ মনে পড়ে বার বার।

পাঁচ বছরের ছোট ছেলে মোর কঠিন দারুণ যোগে
একদা যখন চল্লিশ দিন ভোগে,
'ভাত খাব' বলে কেঁদেছিল কোলে মা'র,
মিথ্যা প্রবোধ দিয়েছিহু তাবে—ভাত চড়ে গেছে বলে।
দশ দিন পরে সেই ভাত হ'ল রাঁধা,
কানে বাজে মোর আজ তার সেই কাতর কণ্ঠে কাঁদা।
এমনি কতই ছোট ছোট স্মৃতিগুলি
বক্তনিশান তুলি',

মিছিল বাধিয়া আসে মোর মনে আজ,
কেহ দেয় ব্যথা, কেহ দেয় মোরে লাজ।
সুপ্ত হইয়া ছিল এরা মোর মনে
কোথায় কুহর-বন্ধুকোটর কোণে
দল বেঁধে আজ করে তারা অভিযান
চূর্ণ করিতে আমার রক্ততা ক্রুরতার অভিমান।



ফয়জল সেতু

ইরাকে

ডক্টর শ্রীমতিলাল দাশ

হাকুণ-অল-বসিদের যোমাক ও কলনার নগর বাগদাদ—শেষ রাত্রির
তিমির ছায়ায় স্তম্ভ—তবে বিমান পোতাশ্রয় আলোকিত, আমাদের
বিমান এসে নামল। আধ ঘুম, আধ তন্দ্রা থেকে জেগে উঠলাম।
নূতন স্থান—নূতন পরিবেশ—অজানা নগরে কোথায় উঠব—তারই
ভাবনা মনকে ব্যাকুল করে তুলল।

১৯৫৫ সনের ১৫ই জানুয়ারী ৪-৩০ মিনিট। এখানে পাস-
পোর্ট ও শুদ্ধ পরীক্ষকেরা খুবই ভয় ব্যবহার করল। আরব জাতির
আতিথেয়তার ঐতিহ্য স্বরণে জাগে। এসেছিলাম কে. এল. এম
কোম্পানীর বিমানে—ওদের বাস নিয়ে চলল ঘুমন্ত শহরের মাঝে।

এখানে ওয়াই-এম-সি-এ'র হোস্টেলে উঠবার ব্যবস্থা ছিল—
তাদের লোহ-কবাট রুদ্ধ—বাসের লোকদের ডাকে দারোয়ান দরজা
খুলল, কিন্তু আমার বসবার বা থাকবার কোনই ব্যবস্থা করল না—
আমি ওদের বড় বারান্দায় একটা বড় বেঞ্চে শুয়ে পড়লাম। আড়াই
ঘণ্টা এই ভাবে কাটল।

এরা সবাই ভোরের দিকেই উঠে—তাদের চলাকোরা সুরু হ'ল
—কিন্তু কেউ আমার বিরক্ত করল না—সাতটার এলেন এখানকার
কর্মী শ্রীশান্তিরাম শর্মা। বেশ ভয়—আলাপও সৌজন্যপূর্ণ। আমাকে
৪১ নম্বর ঘর দিলেন—ঘরটি এক কোণে। প্রাতরাশ শেষ করে
টাইগ্রিস নদীর তীরভূমি দিয়ে চললাম কে. এল. এমের এজেন্ট
ইরাক টুরস আপিসে। বাড়ীর চিঠিপত্র বছদিন পাই নি—তাই
অপবিসীম ব্যাকুলতার চিঠির সন্ধান করলাম।

না, বাড়ীর চিঠি আসে নি—অন্ত চিঠি একখানি মাত্র পেলাম।
কাবও কোনও সাজা নেই কেন বুঝি না—আমামাণ পথিকের চলায়
সঙ্গে ভাল যেখে চিঠি হস্তে চলতে পারে নি—কিন্তু তাতে দুশ্চিন্তা
শেষ হয় না। তার পর মেলাম ভারতীর দূতাবাসে।

প্রেস অফিসার বরকত আহম্মদ বাগদাদের তিন জনের সঙ্গে
মেথা করবার ব্যবস্থা করে দিলেন। তার পর দূত খুব সিংহ



বর্তমান রাজা দ্বিতীয় ফয়জল



ফলভারাবনত খজুর-বৃক্ষ

মহাশয়ের সঙ্গে আলাপ হ'ল। ইনি আই-সি-এস ছিলেন—নিজ দক্ষতায় দূতের পদ পেয়েছেন।

আমায় তিনি বললেন, “ভারতবর্ষের গৌরব অপরিমেয়, তাই জগৎ বিশ্বয়ে ভারতের দিকে চেয়ে আছে।”

তিনি বলেই চললেন—৫০৬টি দেশীয় রাজ্যকে ভারতবর্ষ এক করে ফেলেছে—কৃষি ও শিল্পে খুবই উন্নতি করেছে। ভারতবর্ষ কারও মুখাপেক্ষী নয়—ঘীবে ঘীবে সে নিজ শক্তিতে ইণ্ডাস্ট্রিয়াল রিভল্যুশন করুক, তা হলেই সে বড় হবে।”

আমি বললাম, “কিন্তু এই অভ্যুদয়ের কাহিনী যে পুরোপুরি সত্য নয়—”

ভদ্রলোক অসন্তুষ্ট হলেন। আমি যখন বললাম, ভারতবর্ষ বাইরের সহায়তায় আরও তাড়াতাড়ি আরও ভাল ভাবে অগ্রসর হতে পারে।

তিনি বললেন, “না, সবাই ভারতবর্ষকে ঘেঁষ করছে—ভারতকে নিজের পায়ের উপর দাঁড়াতে হবে।”

কথাগুলি ভাববার মত—শ্রীযুক্ত সিংহ চমৎকার দরদ দিয়ে কথা বললেন। তার পর এদের এটর্নি-জেনারেলের ওখানে গেলাম। ভদ্রলোক কফি খাওয়ালেন—ভারতীয় আইন সম্বন্ধে কিছু কথাবার্তা হ'ল। বাসায় ফিরে মধ্যাহ্ন-ভোজন শেষে ঘরে বসে খানিক পড়াশোনা করলাম।

এখানে একটি হিন্দুভা আছে—আর্যাসমাজের পণ্ডিত শর্মা তার

পরিচালক। তাঁর সন্ধানে চললাম। একটি ভারতীয় দোকানে গিয়ে তাঁর সন্ধান নিলাম, অপরিচিতকে শুধু ঠিকানা হই বলেছিলেন। তাদের নির্দেশমত অনেক কষ্টে খুঁজে বার করলাম।

পণ্ডিতশ্রী খাঁটি মানুষ—নিরংকার অথচ কাজের লোক। আমাকে অনেক স্থানে ঘুরিয়ে নিয়ে বেড়ালেন। আমার বক্তৃতায় আয়োজন করলেন। সান্ধ্যভোজন শেষে ওয়াই-এম-সি-এ'র পর্যাবেক্ষকের সঙ্গে দেখা করলাম। তিনি ভারতে ছিলেন—বললেন তিনি ভারতের বিশেষ বন্ধু। ভারতীয় নানা সমস্যা নিয়ে তাঁর সঙ্গে আলোচনা হ'ল।

১৪ই জানুয়ারী, শুক্রবার। সকালে আনি দিল বিছানায় চা এবং সামান্য খাবার, এমে তার আগেই উঠে হাত মুখ ধুয়ে নিয়েছিলাম—কাজেই খেলাম, কিন্তু একেবারে অখাদ্য। বেড়াতে বার হলাম—গাজি স্ট্রীট ধরে গেলাম আবদুল কাদির আল গৈলালি মসজিদে—সেখান থেকে বাসে করে পৌঁছি

নর্থ গেটে তার পর চিঠির সন্ধান করে গেলাম দুটি বাহুঘরে ‘আরব এন্টিকুইটিজ’ এবং ‘ইরাক মিউজিয়াম’ এদের নাম। শেষেরটি চমৎকার।

ইরাক নূতন রাজা—১৯২১ সনে মাত্র এর জন্ম। গলিফা-বংশজাত ফয়জল] এর প্রথম রাজা। কিন্তু এর পিছনে রয়েছে অতীতের অনেক ইতিহাস। জগতের সংস্কৃতির ইতিহাসে ইরাকের দান অসামান্য। টাইগ্রিস ও ইউফ্রেটিস নদীর কূলে কূলে অনেক সভ্যতা এবং সংস্কৃতির উত্থান ও পতন হয়েছে। অসুর সভ্যতা, বাবিলনের কৃষ্টি, পার্শিয়ান, সামানিয়ান প্রভৃতি কত জাতি কত সংঘর্ষে মধ্য দিয়ে এখানে লীলাখেলা করেছে।

বাহুঘরে সেই সব অতীতের খণ্ডিত অবশেষ দেখতে দেখতে ইতিহাসের ভাঙ্গা-গড়ার কথা মনে জাগল। এখানে যেসব জিনিষ চোখে বিশেষ আকর্ষণযোগ্য ছিল তাদের মধ্যে এক নখর ঘরে সিংহশিকারের ছবি—কালো ‘ব্যানার্ট’ পাথরের উপরে আঁকা—এটা লেখা আছে ছ' হাজার বৎসরের পুরানো। ২নং ঘরে—প্রাচীনতম আইনের একটি সংগ্রহ—হামুরাবির ৬'শ বৎসর আগে বিলানামা নামে রাজা এশুহুয়্যার দ্বারা এই আইন প্রচলিত করান। ৩নং ঘরে ওদেশের বিখ্যাত রাজা কেসকালামহুজার আংটি রয়েছে। তা ছাড়া রাণী সুবাদের অলঙ্কারসমূহও আছে। ৪নং ঘরে প্রাচীন ইরাকীয় ব্যবহারবিদ গুডিয়র আরবীয় মস্তকাবরণ দেখতে চমৎকার। ৬নং ঘরে রাজার চাব অখ-

বাহিত রথের ছবিটি খুবই সুন্দর। এ ছাড়া উর বংশীয়দের যেসব স্বর্ণালঙ্কার উর নগরীর ধ্বংসাবশেষ থেকে সংগৃহীত হয়েছে সেগুলিও মনে বিশেষ ছাপ রাখে। একটি সোনার বীণা আছে—সেটাও অতীতের শিল্পসমৃদ্ধির পরিচায়ক। তার পর হায়দর মসজিদ দেখে হোটেল ফিরলাম।

থেকে-দেয়ে সিনেমায় বাব বলে রওনা হলাম, কিন্তু বেলা সাড়ে চারটায় আরম্ভ হবে জেনে পণ্ডিতজীর ওখানে যাওয়া গেল। সেখানে "Independence and After" বইখানি পড়লাম—খুব ভাল লাগল। স্বাধীনতা পেলেও আমাদের জাতীয় জীবন আশাহীনরূপে চরিত্রবলদীপ্ত ও কর্মতৎপর হয়ে উঠছে না, এটা খুবই দুঃখের।


ওখান থেকে চিঠির সন্ধান করে বাসায় ফিরলাম। সন্ধ্যা ছ'টায় ভোজনপর্ব শেষ করে পণ্ডিতজীর সঙ্গে বাহাইদের ওখানে গেলাম। বাহাইরা তাঁদের কিছু কিছু বই দিলেন। আমার বক্তৃতায় তাঁরা খুব খুশী দেখলাম—পণ্ডিতজীর মুখ হাসিতে ভরে উঠল। অজ্ঞাত-পরিচয় বন্ধুর জগত তার লজ্জা পেতে হ'ল না বরং সকলের সাধুবাদ পেলেন।

বাহাইদের ধর্মমতের উদারতা তাঁদের সুগীল করে তোলে। তাই এই অমায়িক বন্ধুদের সঙ্গে সময়টা বেশ কাটল। রাত দশটায় বাসায় ফিরলাম।

শনিবার বেলা নয়টা পর্যন্ত হোটেলের খাতি। তার পর আমি কলেজে গেলাম। একটি আরব তরুণীপথ দেখিয়ে নিয়ে চলল। মেয়েটি কৃষ্ণা কিন্তু সুন্দরী। এদের 'ডীন' এবং সহকারী ডীনের সঙ্গে আলাপ হ'ল। তাঁরা বললেন—ওখানে বিজ্ঞানের অধ্যাপকের বড়ই অভাব—ভারতবর্ষ থেকে লোক নেওয়ার চেষ্টা করেছিলেন, কিন্তু পান নি। যবিবার চারটায় এদের 'ইংলিশ সোসাইটি' নামক সভায় বক্তৃতা দেব স্থির হ'ল।

ওখান থেকে ডক্টর মহম্মদ ইয়াসিনের সঙ্গে দেখা করলাম। ভাল লোক, আলাপ-কুশল। তিনি ওখানকার প্রচার-অধিকর্তার ("Director of Propaganda") সঙ্গে দেখা করতে বললেন। তিনি বাস্তব খাকায় তাঁর সহকারীর সঙ্গে আলাপ হ'ল। ইনি রেডিও প্রোগ্রামের তদারক করে। তার কাছে "India and the World" নামে আমার একটি রচনা বেখে এলাম।

এখান থেকে মেয়েদের কলেজে গেলাম। স্বামী আলিয়ার নামে কলেজটি সুপরিচালিত—এখানে একটি পার্শী মহিলা অধ্যাপিকা আছেন, তার নাম মিস কামা। ওখান থেকে ফিরলে পণ্ডিতজী এলেন।




উর সমাধিতে প্রাপ্ত স্বর্ণভরণ

এখানে আর্ধ্যসমাজের গৃহরচনার জগ একথণ্ড ভূমি কিনেছিলেন—তার উপর সমাজগৃহ করবেন এই তাঁর বাসনা। এই জগ তিনি আর্ধ্যসমাজের ভারতীয় কর্তৃপক্ষের নিকট দরবার করতে বললেন। তাঁর সেই অসুযোগে দিল্লীতে আর্ধ্যসমাজের দু'চার জনকে জানিয়েছিলাম, কিন্তু কোনও ফল হয়েছে বলে মনে হয় না। ঐ দিনে "The Flame of Calcutta" নামে একটা ছায়াচিত্র দেখলাম। এটি একেবারে বাজে—যারা ছবি তুলেছে তাদের কলিকাতা সঙ্ক্ষে আর্দো জ্ঞান নেই। ভারতীয় পরিবেশ আর্দো সৃষ্টি হয় নি—একটা জগাখিচুড়ি করে রেখেছে। এই ধরনের ছবি ভারতবর্ষের বিকৃত পরিচয় দিয়ে বিস্তার ক্ষতি করে। রাত্রি ফিরে Lampard-এর সঙ্গে আলাপ হ'ল। তার কথাবার্তা গৌড়ামিতে ভরা। এযুগেও তাঁর ধারণা—পৃথিবীর একমাত্র সেবা বই—'বাইবেল'। মাহুকের বতকিছু সমস্তা, বতকিছু ভাবনা—তার সমাধান রয়েছে বাইবেলের ভিতর।

ববিবাব—পাকিস্তান Chancery-তেগেলাম করাচীর একথানা মানচিত্রের জন্ত—অনেক খোঁজাখুঁজির পর আপিসে পৌঁছলাম, কিন্তু পেলাম না মানচিত্র। চৌধুরী বলে একজন বাঙালী আছেন এদের আপিসে। সেখান থেকে এদের Charge-de-affairs" নাজিম হোসেনের বাসায় গেলাম। ভঙ্গগোক বেশ আলাপী।

পাকিস্তানের আপিসে একটা চমৎকার বই পড়লাম—ভাল কাজের জন্ত টানা সংগ্রহের কৌশল। বইখানি চমৎকার ভাষায় অর্থসংগ্রহের পন্থা নির্দেশ করেছে।

চাবটার সময় ইশ্টিয়ান এসোসিয়েশনে যাওয়ার জন্ত বার হলাম। এটি নদীর অপর পারে। টাইগ্রিস নদীর উপর কয়েকটি সুন্দর সুন্দর সেতু আছে, তাদের একটি দিয়ে ওপারে গেলাম।



স্বর্ণ-বীণা

সন্ধ্যা সাতটার বক্তৃতা আরম্ভ হ'ল। বাগদাদ-প্রবাসী ভারতীয়দের অনেকেই এসেছিলেন। আমি ঘণ্টাদেড়েক বললাম—ওরা খুব খুশী হলেন। বাগদাদে এলাম, কিন্তু খেজুর খাওয়া হ'ল না। এটা সত্যই বড় একটা ভুল হয়ে গেল। কারণ পৃথিবীর অধিকাংশ খেজুরই ইরাক থেকে রপ্তানি হয়। আর এই খেজুরের চাষ ইরাকের প্রাচীনতম শিল্প। এখান থেকে বর্তমানে নূতন পদ্ধতিতে খেজুরকে পরিষ্কৃত করে বিদেশে পাঠানো হয়।

যাত্রা আহাব করে জিনিষপত্র অনেকটা গুছিয়ে নিলাম—আগামীকাল বওনা হতে হবে। সোমবার সকালেই মনের সাথে

স্মান করে নিলাম সকলের আগে—একটু একটু শীত করছিল, কিন্তু তাকে আমলই দিলাম না। প্রাতঃরাশ সেয়ে শর্মাঙ্গীর কাছে গেলাম দক্ষিণা দিতে।

শর্মাঙ্গী বললেন—পণ্ডিতজ্ঞ ফোন করেছেন, কে. এল. এমের বাসের জন্ত অপেক্ষা না করে আমি যেন ট্যাক্সি করে বিমান-পোতাশ্রমে চলে যাই, পণ্ডিতজী আর হংসরাজ সেখানে গেছেন। যথারীতি বিদায়-সম্ভাষণ জানিয়ে ট্যাক্সিতেই গেলাম—পাঁচ শিলিং খরচ হ'ল—পণ্ডিতজী সেটা দিয়ে দিলেন। প্লেন ছাড়বার দেরি ছিল। পণ্ডিতজী, হংসরাজ, গিল ও আমি তৃণাচ্ছাদিত মাঠে চেয়ার পেতে গল্প জুড়লাম।



বাগদাদ বিমান-পোতাশ্রম

'ইরণ টাইমস' পত্রিকায় আমার বিষয় কিছু বার হয়েছিল—সম্পাদকের সহিত আমরা আলাপে আমি বলেছিলাম—আজ পৃথিবীতে ঐক্যের দিন এসেছে—এই ঐক্যের পথ মানুষে মানুষে, দেশজাতিনির্কির্শেষে একটি আন্তর্জাতিক ভাষার অমূল্যলনে সম্ভব। প্রত্যেক জাতি যদি নিজ নিজ মাতৃভাষার সঙ্গে একটি আন্তর্জাতিক ভাষা শেখে—তা হলে খুব ভাল হয়। সম্পাদক মহাশয়কে বলেছিলাম—ইংরেজীর এই আন্তর্জাতিক ভাষা হওয়ার শক্তি আছে।

বিমান ছাড়ল—পণ্ডিতজী আকুল নয়নে আমার দিকে চেয়ে রইলেন। কবে, ইংরেজ আমলে এসেছিলেন ভারত ছেড়ে, সেই থেকে রয়ে গেছেন আজও। বিমান থেকে বাগদাদ শহর চোখে পড়ল।

টাইগ্রিস নদীর দুই কুলে নূতনের জয়ধ্বনি বাজছে। ইরাকীরা নব নব পরিকল্পনার ব্যাপ্ত—নূতন আশায় এরা যেতেছে।

দাগ

শ্রীদীপক চৌধুরী



—'And their blood is the seed of the
future harvests.'

মহীতোষের বিবৃতি

আজ শুধু স্মৃতপা রায়েব কথাই মনে পড়ছে। বার বার করে মনে পড়ছে। কলকাতার এই বিরাট জনসমুদ্রের মধ্যে স্মৃতপা রায়েব অস্তিত্বটা বিন্দুব চেয়ে বড় ছিল না বটে, কিন্তু তবু তাকে ভোলা গেল না—দৃষ্টির বাইরে তাকে সরিয়ে দেওয়াও গেল না।

ভুলে যাওয়াই বোধ হয় স্বাভাবিক ছিল। মানুষের স্মৃতি-শক্তির ওপর এত বেশী অত্যাচার এ যুগের মত অল্প কোন যুগেই আর হয় নি। অসংখ্য নামের সঙ্গে সঙ্গে অসংখ্য ঘটনাও মনে করে রাখতে হচ্ছে। একালের মত এত বেশী প্রাতিঃ-স্মরণীয় ভদ্রলোক এবং ভদ্রমহিলার সংখ্যা অল্প কোন কালেই ছিল না। খবরের কাগজগুলির বৃক্কে যুগপুরুষদের কি বিরাট মিছিল চলেছে দিনরাত। স্মৃতপা রায়েব মত সাধারণ একটি মেয়ের বৃক্কের ওপর দিয়ে মিছিলটা পার হয়ে গেল, খেৎলে গেল স্মৃতপার গোটা অস্তিত্বটা। অথচ কাগজের গায়ে এক ইঞ্চিও দাগ লাগল না। এক ইঞ্চি কাগজের দাম না কি ষোল টাকারও বেশী।

হয়ত ষোল টাকার চেয়ে অনেক বেশীই হবে। তাই আজকের কাগজে স্মৃতপার কোন খবর বেরোয় নি। এস-প্লানেডে ঘুরে ঘুরে সবগুলি দৈনিক আমি কিনে ফেললাম। আপিসে বসে পড়েও ফেললাম সব। কোথাও স্মৃতপার নামটা আমি খুঁজে পেলাম না।

গতকালের ঘটনাটা কি দেশের লোকের জানা উচিত ছিল না? আপিসে বসে ঘটনাটা লিখলাম আমি। সবসুজ্জ আট লাইন হ'ল। খবরের কাগজের বিজ্ঞাপন বিভাগে এসে জিজ্ঞাসা করলাম, "দেখুন ত, এই আট লাইনের খবরটা ছাপাতে কত টাকা লাগবে?"

টেবিলের ওপর উঁচু হয়ে বসে যুবকটি বিজ্ঞাপন পড়-ছিলেন। একটু বাধে যুবকটি হাসতে লাগলেন। হাসির ভঙ্গিতে তাঁর বহুস্তর ডেউ।

জিজ্ঞাসা করলাম, "হাসছেন কেমন?"

"না—এমনিই। স্মৃতপা রায় আপনাব কে হন?"

বললাম, "আমার কেউ নয়। এক আপিসে কাজ করি।"

"কোন্ আপিসে?" পুনরায় প্রশ্ন করলেন তিনি।

বললাম, "বনিক আপিসে। উনি হচ্ছেন গিয়ে লাহিড়ী সাহেবের স্টেনো।"

"ওঃ—" যুবকটি লাইন শুনতে শুনতে জিজ্ঞাসা কর-করলেন, "মিস রায় বৃক্কি কাল ময়দানে গিয়েছিলেন বক্তৃতা শুনতে?"

"আজ্ঞে হ্যাঁ। তাঁর নাম হচ্ছে মিসেস স্মৃতপা রায়।"

"তবে আপনি পরমা খরচ করে খবরটা ছাপাচ্ছেন কেন?" যুবকের সুরে ভেসে উঠল হতাশা ও অভ্যস্ততার ধ্বনি।

পুনরায় সবিনয়ে বললাম, "দেখুন ত, আট লাইনের খবরটা ছাপাতে কত টাকা লাগবে।"

হিসেব করে এবার তিনি বললেন, "ষোল টাকা।"

মাসের প্রথম সপ্তাহ, তাই ষোল টাকা দিতে পারলাম আমি।

আমাদের আপিসে কাজ করে স্মৃতপা রায়। যুখ চেনা ছিল। হয় ত দু'চার দিন দু'একটা কথাও হয়ে থাকবে। কি কথা হয়েছে প্রশ্ন করলে জবাব দিতে পারব না। দরকারী কথা কিছু নয়। লিফটে করে চার তলায় ওঠবার সময় হঠাৎ মাঝে মাঝে দেখা হয়ে যেত। জড়সড় ভাবে ছোঁয়াছুঁয়ি বাঁচিয়ে দাঁড়িয়ে থাকত লিফটের কোণায়। বাঁচিয়ে রাখবার মত শরীরের সম্পদ তেমন তার কিছু নেই। তবুও সে সতর্ক থাকত। পাশের জায়গাটা দখল করতে গেলে অল্প পাশে সরে দাঁড়াত স্মৃতপা। 'কেমন আছেন', জিজ্ঞাসা করলে, জবাব দিত চার তলায় উঠে। আমি বুঝতে পেরেছিলাম, স্মৃতপা খরচ করতে চায় না। এমন কি ছটোর বেশী তিনটে কথা পর্যন্ত না। আমি ভাবতাম, আর ঠিকই ভাবতাম যে, সঞ্চয় ওর কিছু নেই বলেই খরচের প্রতি ওকে তীক্ষ্ণ দৃষ্টি রাখতে হয়েছে। ছোঁয়াছুঁয়ি বাঁচিয়ে পথ চলবার সময় হঠাৎ কোন কোন দিন আমার চোখে পড়েছে ওর দ্বিতীয় অস্তিত্ব। একটা অশরীরী ছায়া স্মৃতপার দেহ থেকে নিকশিত হয়ে চলতে থাকে ওরই গিল্প গিল্প। দ্বিতীয়

সুতপা তাতে সন্দেহ নেই। কিন্তু কোনটা আসল আর কোনটা যে নকল তা অবশ্য আমি বুঝতে পারি নি। বুঝবার জন্তে চেষ্টাও করি নি। গতকালের ঘটনাটা আমার চোখে না পড়লে ওর সঙ্গে আমার সত্যিকারের পরিচয় হ'ত না। হলেও ওর গায়ে আমি হাত দিতে পারতাম না। কাল আমি সুতপার গায়ে হাত দিয়েছি।

দিতে বাধ্য হয়েছিলাম। ওর নাকের তস্যয় আমি হাত রেখেছিলাম প্রথম। তার পর আঙুল দিয়ে ঠোঁট দুটো ওর চেপে ধরেছিলাম।

মনে আছে আঙুলগুলি আমার কাঁপছিল। পরে বুঝেছিলাম, শুধু আঙুল নয়, সমস্ত শরীরটাই আমার কাঁপছিল। দু'তিন বার চেনা করেও ওকে কোলে তুলতে পারি নি। যখন পারলাম, তখন আমার হাসি পেল। বোধ হয় পঁচিশ কি ত্রিশ সের ওজন হবে। সুতপার ওজন যে এত কম বাইরে থেকে দেখে আমি বুঝতে পারি নি। আমি কেন, আপিসের কেউ কি বুঝতে পেরেছিল? কাল আমি নিঃসন্দেহ হয়েছি যে, সুতপা রায় দু'জন। একজন লাহিড়ী সাহেবের স্ত্রী, অন্য জন কাল আমার কোলে চেপে ময়দানটা পার হয়েছে বিনা প্রতিবাদে। একজনকে চোখে দেখলে চেনা যায়, অন্য জনকে বুকের ওপর চেপে অসুভব করতে হয়।

খবরের কাগজের আপিস থেকে বেরিয়ে এসেছি প্রায় আধ ঘণ্টা আগে, যেসব এগারোটায়। লাহিড়ীসাহেব কেন, আপিসের সবাই একতরফে বুঝতে পেরেছেন, সুতপা রায় আজ কাজে আসবে না। সুতপা ছাড়া আরও একজন স্ত্রী আছে। মাদ্রাজী। তাকে দিয়ে লাহিড়ীসাহেব তাঁর কাজ চালিয়ে নেবেন। সুতপার অসুস্থিতি কারও চোখেও পড়বে না। চোখে পড়বার মত সুন্দর সুতপা নয়।

সিফটে চেপে চারতলার উঠে এসাম। বণিক আপিসের মস্তবড় হল ঘরটার বিন্দুমাত্র চঞ্চলতা নেই। মেশিনের নিয়ম-সুবর্তিতা পাখার হাওয়ায় উড়ে বেড়াচ্ছে ঘরটার চতুর্দিকে। ইশারা করে বড়বাবু ডাকলেন আমায়। জিজ্ঞাসা করলেন, “বাইরে এতক্ষণ কি করছিলেন?” বড়বাবু জানতেন সত্য কথা আমি বলব না। কোন্ মামুঘটা সত্য কথা বলে? বড়বাবু পৃথিবীটা দেখেছেন অর্ধ শতাব্দীর ওপর। তিনি কি জানেন না যে, স্বার্থের সঙ্গে সংশ্লিষ্ট না থাকলে এখানে কেউ সত্য কথা বলতে চায় না?

আমি পাল্টা প্রশ্ন করলাম, “লাহিড়ীসাহেব আমায় ডাকছিলেন নাকি?”

“না। তিনি এখনও আপিসে আসেন নি।”

বড়বাবুর বখা শুনে খুবই আশ্চর্য বোধ করলাম। কোন-

দিনই ত তাঁকে সেট হতে দেখি নি। সকাল সাড়ে ন'টায় তিনি আসেন। দশটা পর্যন্ত কোম্পানীর ডিরেক্টর হেঙার-সন সাহেবের কামরায় মিটিং নিয়ে ব্যস্ত থাকেন তিনি। দশটার একটু পরে ডেকে পাঠান ‘মসেস সুতপা রায়কে। আজ দেখলাম, নিয়মের ব্যতিক্রম হয়েছে।

বড়বাবু বললেন, “বিলেত থেকে আজ আমাদের একজন নতুন সাহেব আসছেন, মিষ্টার হেওয়ার্ড।”

“তাই নাকি?”

“হ্যাঁ। হেঙারসন সাহেব দেশে চললেন। বোধ হয় আর ফিরবেন না।” একটু থেমে বড়বাবুই আবার বললেন, “শুনলাম, ছোকরা সাহেব। বড়কর্তাদের আত্মীয়... জানেন, মিসেস রায় অসুস্থ?”

“অসুস্থ নয়, আহত। আপনি খবর পেলেন কি করে? খবরের কাগজে নিউজ বেরিয়েছে নাকি?”

“কি যে বলেন! একটু আগে একটা চিঠি পেলাম। গড়িয়া থেকে কে একজন এসে দারোগার হাতে চিঠিখানা দিয়ে গেছে।...কিন্তু লাহিড়ী সাহেবের আবার কি হ'ল?”

“আর যাই হোক, তিনি নিশ্চয়ই আহত হন নি। মাত্র বিয়াল্লিশ বছর বয়সে যঁারা দু'হাজার টাকা মাইনে পান.. আচ্ছা, আমি এবার চলি বড়বাবু। হাতের কাজ সব শেষ করে দিচ্ছি। এক ঘণ্টা আগে আজ ছুটি চাই।”

“কেন?”

“গড়িয়া যাব।”

হাতের কাজ শেষ করতে পারি নি। কিন্তু আপিস থেকে বেরিয়ে পড়লাম চারটের আগেই। সুতপা কাল আমায় অনুরোধ করেছিল, যদি সময় পাই তা হলে ওকে যেন একবার দেখে আসি। পাঁচ বছর একই আপিসে একসঙ্গে কাজ করছি। রবিবার এবং ছুটির দিনগুলি বাদ দিলে ওকে ত প্রত্যেক দিনই দেখেছি। দেখেছি এবং ভুলেও গেছি তখন লাহিড়ীর স্ত্রী সুতপা রায়কে। আজ যাকে দেখতে যাচ্ছি তার পরিচয় নতুন—হয় ত সারা জীবনেও তাকে ভোলা যাবে না। দ্বিতীয় সুতপার নিঃশ্বাস আমার গায়ে লেগেছে।

ময়দানের জনসভায় কাল আমিও গিয়েছিলাম বক্তৃতা শুনতে। বিরাট জনসভা। আইনের চাবুক মেয়ে সমাজ-দেহের গলিত মাংস সব মেলে দিচ্ছিলেন ভারতবর্ষের নেতৃ-বৃন্দ। বিবাহ-বিচ্ছেদ আইন পাস হবে। সামাজিক বিপ্লবের জয়পতাকা আমিও দেখতে চেয়েছিলাম। ময়দানের সভায় কাল আমিও তাই উপস্থিত ছিলাম।

সভাশেষে উত্তেজিত জনতা বক্তার জলের মত ছুটে

চলেছে ময়দানের চতুর্দিকে। আমি দাঁড়িয়েছিলাম এক পাশে। পেছন থেকে গোড়ানির আওয়াজ শুনতে পেলাম। একটু দূরেই দেখলাম সূতপা মুখ খুবড়ে পড়ে আছে ময়দানের বৃকের ওপর। ওর কাছে গিয়ে পৌঁছতে সময় লাগল আমার। উন্নত জনতা তখন বক্তৃতামঞ্চের দিকে ছুটছে। এরা কেউ বক্তৃতা শুনতে আসে নি। ভারতবর্ষের যারা নেতা তাঁদের মুখ দেখবার জন্তেই এখানে আজ এত ভিড়।

সূতপার কাছে গিয়ে পৌঁছতে বোধ হয় মিনিটপাঁচেক লেগেছিল। কেউ সেখানে আর তখন ছিল না। বিকেলের সূর্য হলে পড়েছে গঙ্গার পশ্চিম পারে। বিবিধেরে হাওয়ার দীর্ঘ পূর্বের উত্তাপ সব এরই মধ্যে ঠাণ্ডা হয়ে গেছে—ময়দানের বৃকে নরম অনুভূতি। কচি কচি সবুজ ঘাসের মাথাগুলি জনতার পায়ের চাপে সুরে পড়েছে। তারই ওপর ভেঙে পড়েছে আমাদের আপিসের সূতপা রায়।

নাকের তলায় হাত রাখলাম। নিঃশ্বাসের ভাঙ দেখলাম এখনও নিঃশেষ হয় নি। কশ বেয়ে রক্ত পড়ছে। রক্তের রং লাল নয়। তামাটে রঙের বিন্দু দেখলাম ওর ভাঁড়া চোয়ালের মধ্যে এসে আটকে রয়েছে। সূতপার নষ্ট স্বাস্থ্যের পঁক আমার হাতে ঠেকল। রুমাল দিয়ে মুখ মুছিয়ে দিতে গিয়ে অনুভব করলাম রক্তের ফোঁটাগুলি ঠাণ্ডা।—বুঝলাম উষ্ণতার পুঞ্জি ওর কত কম!

দু'একজন সংবাদদাতা দূরে দাঁড়িয়ে ছিলেন, একটু বাদেই কাছে এগিয়ে এলেন তাঁরা। সূতপার নাম এবং পরিচয় দিয়ে অনুরোধ করেছিলাম, আগামী কল্যের সংবাদ পত্রে যেন ঘটনাটার উল্লেখ থাকে।

মুহূর্ত পূর্বও ভাবতে পারি নি যে, সূতপা রায়ের গোটা অস্তিত্বটা বহন করবার শক্তি রাখি আমি। নিজের সম্বন্ধে উঁচু ধারণা আমার কোন দিনই ছিল না। কিন্তু আলাগা করে ওকে যখন আমি তুলে ফেললাম, তখন আমার হাসি পেল। আধ মাইল লম্বা ময়দানটা পার হয়ে গেলাম হাসতে হাসতে।

চৌরঙ্গীর রাস্তায় এসে ট্যাক্সি নিলাম। হাসপাতালে যাওয়ার উদ্দেশ্যই আমার ছিল। হঠাৎ দেখি সূতপা সোজা হয়ে উঠে বসেছে। উঠে বসবার সঙ্গে সঙ্গে শাড়ীর আঁচল দিয়ে দেহটাকে ঢেকে ফেলবার চেষ্টা করছে। দেহ? বোধ হয় অন্য কিছু হবে। ঢাকবার মত দেহের আকৃতিতে ওর আদিম ঐশ্বর্য নেই। থাকলে, বণিক আপিসের তপন সাহিড়ীকেও আজ আমি এখানে দেখতে পেতাম।

তবুও দেহটাকে ভাল করে ঢাকবার জন্তে সূতপার সে কি চেষ্টা। ট্যাক্সির কোণার দিকে সরে বসলাম আমি।

সূতপা জিজ্ঞাসা করল, "আমি অজ্ঞান হয়ে মাটিতে পড়ে গিয়েছিলাম, না?"

"বোধ হয় মাটিতে পড়ে যাবার পর অজ্ঞান হয়ে গিয়েছিলেন। এখন কেমন আছেন আপনি?"

"অনেকটা সুস্থ বোধ করছি।"

"তা হলে কি হাসপাতালে যাবেন না?"

"হাসপাতাল?" চৌরঙ্গীর দিকে চেয়ে সূতপা রায় বলল, "না, কিছু দরকার নেই। মাসীমার ওখানেই যাব। গাড়ী ঘুরিয়ে নিতে বলুন।"

মেট্রো সিনেমার কাছ থেকে গাড়ীটা ঘুরল। ঘুরল উল্টো দিকে। জিজ্ঞাসা করলাম, "কোথায় যেতে হবে?"

"গড়িয়া।"

সামনের দিকে মুখ করে ট্যাক্সি-ডাইভার বলল, "করপোরেশন এলাকার বাইরে যেতে পারব না।"

সূতপা রায় সঙ্কচিত ভাবে বলল, "গড়িয়াহাটের মোড়ে গিয়ে আমরা বাস ধরব। আপনি যখন সঙ্গে আছেন, তখন আর ওকে গড়িয়া পর্যন্ত টেনে নিয়ে গিয়ে লাভ নেই।"

বললাম, "আপনি ভাববেন না। বাড়তি পরিশ্রম পেলে ট্যাক্সিওয়ালা ভূ-প্রদক্ষিণ করতেও রাজী হবে।...আপনার কি খুব লেগেছে?"

চুপ করে বইল সূতপা রায়। দ্বিতীয় বার প্রশ্ন করলাম আমি। এবার সে ধীরে ধীরে বলল, "না তেমন কিছু নয়। শরীরটা ভাল ছিল না। হঠাৎ কেমন দুর্বল বোধ করতে লাগলাম। কখন যে মাটিতে পড়ে গিয়েছিলাম মনে নেই। পড়ে যাওয়ার পরে মনে আছে ওরা সব আমার গায়ের উপর পড়লে এদিক-ওদিকে ছুটতে লাগল।"

"ওরা? ওরা কারা মিসেস রায়?"

"পুরুষমানুষেরা।"

শেষের কথাটা সূতপার মুখ থেকে গড়িয়ে পড়ল অত্যন্ত ধীরে ধীরে। মনে হ'ল বিদ্রোহের কাদায় প্রতিটি অক্ষর ভারী হয়ে উঠেছে। অক্ষরগুলো আজই হঠাৎ কর্দমাক্ত হয়ে উঠে নি। ওর মনের উপর পায়ের দাগ পড়েছে অনেক দিন আগে।

আমি বললাম, "আপনার নাক এবং মুখ দিয়ে রক্ত বেরিয়েছিল।" মুহূর্তের জন্তেও অবাক হ'ল না সূতপা রায়। কোন কিছু জানতেও চাইল না সে। অতএব আমাকেই আবার বলতে হ'ল, "একবার ভাল করে দেখুন ত বৃকে পিঠে কোথাও আঘাত লেগেছে কি না।"

এবার সে ওপাশ থেকে মুখটা তার ঘুরিয়ে নিয়ে এল। চোখজুটো তুলে ধরল আমার দিকে। চোখের ভঙ্গিতে ওর আঘাতের গভীরতা দেখতে পেলাম আমি। দু'দশ জন

পুরুষমানুষের পায়ে চাপে এত বেশী আঘাত কেউ পায় না। আমি তাই আবার জিজ্ঞাসা করলাম, “খুব বেশী লেগেছে, না?”

তখন লাহিড়ীর ঠোনো সূতপা রায় আমার প্রথের জবাব দিল না। মুখ নীচু করে চোখের জল ফেলতে লাগল সে।

লোয়ার সারকুলার রোড পার হয়ে এলাম। গুরুসদয় দস্ত রোড পর্যন্ত কোন কথা হ’ল না। এরই মধ্যে বার-কয়েক আমি এসপ্লানেডের আপিসটা ঘুরে এসেছি। পাঁচ বছর আগে যেদিন সূতপা প্রথম এসে আমাদের আপিসে কাজে যোগ দিল সেদিনটাও চোখের উপর ভেসে উঠল আমার। আমরা সবাই সেদিন ভাল জামাকাপড় পরে এসেছিলাম। আমাদের আপিসে মেমসাহেবের সংখ্যা বড় কম নয়। কিন্তু বাঙালী মেয়ে কেউ ছিল না। সূতপা এল প্রথম। এতদিন যেন আমরা ইংরেজ বণিক আপিসে ডাঙার মাছের মত নিঃশ্বাসও নিতে পারছিলাম না। স্বাধীন ভারতবর্ষেও গোলামির মানসিকতা থেকে মুক্তি পাই নি আমরা। সূতপা যেন আমাদের জন্মে প্রথম এই মুক্তির জল নিয়ে এল। বুক ভরে নিঃশ্বাস নেওয়ার জন্মে বড়বাবুও সেদিন গলা-বন্ধ কোটের ইঞ্জি বাঁচিয়ে আপিসে এসেছিলেন। বাগবাজার থেকে ট্যাক্সি ধরেছিলেন তিনি।

তার পর সূতপা যখন লিফটে করে চারতলায় উঠে এল তখন দেখলাম বড়বাবুই প্রথম তাঁর গলাবন্ধ কোটের ইঞ্জির ভাঁজ সব নষ্ট করে ফেললেন। গা থেকে কোটটা খুলে রেখে দিলেন চেয়ারের হাতলের উপর। সূতপার ভাঙা চোয়ালের রুগ্নতা বণিক আপিসের ধুলোর সঙ্গে মিশে রইল। কেউ আর ওর দিকে আগ্রহ নিয়ে চোখও তুলল না। আমিই কেবল সূতপা রায়ের দ্বিতীয় অস্তিত্ব দেখতে পেয়েছিলাম। ধুলো থেকে তুলে আনবার লোভ আমি তাই কোনদিনই গোপন করতে পারি নি। এখন ত আমি ওর পাশেই বসে আছি। গুরুসদয় দস্ত রোড পার হয়েও এলাম।

গড়িয়াহাটের মোড়ে এসে বললাম, “একজন ডাক্তার আমার চেনা আছে। তিনি এই অঞ্চলেই থাকেন, চলুন না, একবার তাঁকে দেখিয়ে আসবেন?”

“কি দেখাব?”

“ব্যথা—মানে যে জায়গাটার আঘাত লেগেছে।”

“মাসীমার কাছে গিয়ে পৌঁছতে পারলে ব্যথা-বেদনা আর কিছু থাকবে না।”

যোধপুর ক্লাব ডানদিকে রেখে ট্যাক্সিটা যাদবপুরের রাস্তা ধরেছে। কয়েক বছর আগে এদিকটায় একবার এসেছিলাম। আজ আমার চোখে গোটা এলাকাটা নতুন নতুন ঠেকতে লাগল। ছ’দিকের ফাঁকা মাঠে বড় বড় বাড়ী

উঠেছে। ডোবাগুলো দেখলাম মেই। মাটি দিয়ে তবুটি করে তার উপরও বাড়ী তোলা হয়েছে। এ অঞ্চলের নির্জনতা লুপ্ত। ইতস্ততঃবিক্ৰিপ্ত টিন এবং টালির ঘরগুলো দেখে মনে হ’ল, রিফিউজীদের কলোনী তৈরি হয়েছে রাস্তার ছ’ধারে। ডানদিকের সাইনবোর্ডটা চোখে পড়ল আমার— বাঘা যতীন কলোনী। যাদবপুরের পুরনো মাটিতে নতুন ঘাসের সমারোহ।

ট্যাক্সির মিটারের দিকে চেয়ে বললাম, “দূর ত কম নয়। প্রত্যেক দিন সময়মত আপিসে পৌঁছোন কি করে?”

“একটু আগে বেরুতে হয়। গড়িয়ার মোড় থেকে পাঁচ নম্বর ধরি। ফেরবার মুখেও আবার সেই পাঁচ নম্বরই ধরতে হয়।” এই বলে আঁচল দিয়ে মুখ মুছে সূতপা রায়ই আবার বলল, “প্রায় বারো মাইল যেতে, বারো মাইল আসতে।”

“আপিসের কাছাকাছি কোন একটা জায়গায় থাকলেই বোধ হয় ভাল হ’ত। আপনার স্বাস্থ্যের উপর প্রত্যেকদিন চক্কিশ মাইলের চাবুক পড়ছে। হয়ত শেষ পর্যন্ত ভেঙে পড়বেন।”

“মাসীমাকে ছেড়ে আসবার ক্ষমতা আমার নেই। তা ছাড়া মেসোমশাইও সেখানে আছেন। তাঁরা আমার আত্মীয় নন। সেই জন্মেই ছাড়তে পারি না।”

জ্ঞান বাড়ছে আমার। বণিক আপিসের সর্বগ্রাসী আধিপত্যের দূষিত আবহাওয়া থেকে ক্রমে ক্রমে মুক্তি পাচ্ছি আমি। সূতপা রায়কে তখন লাহিড়ীর ঠোনো বলে মনে হচ্ছে না আর। ওর ভাঙা চোয়ালে মাংস গজাচ্ছে। শহর কলকাতার বর্বরতা বাঘা যতীন কলোনীর সীমানা পার হতে পারে নি। প্রাক্-সঙ্কার স্নিগ্ধ আলোয় দেখলাম বৈষ্ণবঘাটার মাঠে সবুজের ঢেউ উঠেছে। কচি কচি ধান গাছের শীর্ষদেশে সত্যতার বিজ্ঞাপন। লোভের কান্ডে খেয়ে এরা এখনও ক্ষতবিক্ষত হয় নি।

জিজ্ঞাসা করলাম, “মেসোমশাই কি করেন?”

“কি একটা কাজ করতেন। এখন তিনি বুড়ো হয়ে গেছেন। শুনেছি এক সময়ে তাঁর প্রচুর বিষয়-সম্পত্তি ছিল। এখন আর কিছু নেই। সরকার-কুঠি নামে পৈতৃক বাড়ীটা শুধু আছে। সরকার-কুঠি পাকা বাড়ী। মাসীমা পেইং-গেট রাধেন।”

জিজ্ঞাসা করলাম, “পাড়াগাঁয়ের মধ্যে তিনি হোটেল খুলেছেন বুঝি?”

“না। হোটেল কিংবা মেসবাড়ী এটা নয়। অবশ্যই থাকা এবং খাওয়ার জন্মে পয়সা দিতে হয়। বাইরে থেকে সরকার-কুঠির বৈশিষ্ট্য কেউ বুঝতে পারে না। এখানে প্রথমে থাকতেই আসে। তার পর সবাই এখানে আশ্রয়

পায়। সরকার-কুঠি হোটেল নয়, এটা হচ্ছে মাসীয়ায় পরিবার, সংসারও বলতে পারেন।” এই বলে স্নতপা বাইরের দিকে আঙুল তুলে পুনরায় বলতে লাগল, “ওইটা হচ্ছে গড়িয়ার খাল। আমরা এবার বাঁদিকে ঘুরব। ডানদিকের দাস্তাটাকে বন্ধিতের মোড় বলে। একটু এগিয়ে গেলেই পঞ্চানন ঠাকুরের মন্দির দেখতে পাবেন। আমার আজ সেখানে পূজা দেবার তারিখ ছিল।”

“আপনি পূজা দেন বুঝি?” বিস্মিত হলাম আমি।

“হ্যাঁ। আজ দিতে পারি নি। বোধ হয় সেই জন্তুই শাস্তি পেলাম। পঞ্চানন ঠাকুরের ছোটো পা-কে উপেক্ষা করতে গিয়ে, আপনি নিজেই ত দেখলেন, হাজার লোকের পায়ের দাগ নিয়ে আজ আমি বাড়ী ফিরছি।” স্নতপা চোখ বুজল। ভাল করে হেলান দিয়ে বসল ট্যাঙ্কির পেছনে। আমি ওর দিকে চেয়েছিলাম। হাজার মানুষের পায়ের দাগ দেখবার জন্তু মন আমার একবারও উদগ্রীব হয় নি। আমি দেখবার চেষ্টা করছিলাম শুধু একটা দাগ, যে দাগ কেবল একটা মানুষের পা থেকে উৎসারিত হয়েছে। আমি বুঝতে পেরেছি, শুধু সেই দাগটিই ওর মনের আকাশটাকে কালো করে রেখেছে। হাজার মানুষের নিষ্ঠুরতা হয় ত বা সে এরই মধ্যে দেহ থেকে যুছে ফেলেছে। ডাস্তারের দরজায় গিয়ে দাঁড়বার প্রয়োজন বোধ হয় ওর সত্যিই নেই।

জিজ্ঞাসা করলাম, “ময়দানে গিয়েছিলেন কেন? পঞ্চানন ঠাকুর আপনাকে যা দিতে পারেন, ছুনিয়ার অগণিত নেতার ত তা দেবার সাধ্য নেই।”

“মানুষের ত ভাল হবেই মহীতোষবাবু। পঞ্চানন ঠাকুর বক্তৃতা দিতে পারেন না বলেই সম্ভবত আমি বক্তৃতা শুনতে ময়দানে গিয়ে উপস্থিত হয়েছিলাম। জ্ঞান ফিরে আসবার পথে প্রথমেই আমার কি মনে হয়েছিল জানেন?”

“আপনি বলুন, আমি শুনি।”

স্নতপা বলতে লাগল, “ভাগ্যিস মন্দিরের তেত্রিশ কোটি দেবতার মধ্যে একটি দেবতাও বক্তৃতা দেবার ভাষা পান নি।”

আমার সন্দেহ হ’ল, মহিলাটি আমার প্রথম প্রশ্নটার জবাব দিতে রাজী নয়। ময়দানে যাওয়ার উদ্দেশ্যটা সে স্পষ্টভাবে ব্যক্ত করতে চাইছে না।

ট্যাঙ্কি থেকে নামতে হ’ল। সরকার-কুঠি পর্যন্ত গাড়ী যায় না। তা ছাড়া খানিকটা নীচে নামতে হবে, গড়িয়ার খাল পর্যন্ত। ছ’পা হাঁটবার পরে স্নতপা বলল, “কষ্ট হচ্ছে।”

“কোথায়?” আমার প্রশ্নের প্রত্যক্ষতার স্নতপা একটু

বিচলিত বোধ করল। জবাব দিতে দেবি করতে লাগল সে। আঁচলটা আলগা না করে সে আরও বেশী সতর্ক ভাবে আঁচলটাকে গুছোতে লাগল। গুছোতে গুছোতে সে বলল, “ডান পায়ের হাঁটুটা বোধ হয় জখম হয়েছে। হাঁটুতে কষ্টই হচ্ছে খুব।”

“হাঁটুটার কি দরকার? ময়দান থেকে চৌরঙ্গীর রাস্তা পর্যন্ত ত হেঁটে আসেন নি।”

“এতটা কাছে কি করে যে এসে গেলেন তাই ভাবছি। আমি যে তপন সাহিড়ীর ছেনো তা বোধ হয় আপনি জানেন মহীতোষবাবু?”

“জীবনের ময়দানটা এত বড় যে, তপন সাহিড়ী তাঁর দৃষ্টি দিয়ে সবটা দেখতে পাচ্ছেন না। মানুষের দৃষ্টি যে সীমাবদ্ধ তা বোধ হয় আপনি আমার চেয়ে বেশী জানেন।”

“জানি। আর এও জানি যে, পঞ্চানন ঠাকুর মানুষকে এই ভায়গায় পরাস্ত করেছেন। তিনি বক্তৃতা দিতে পারেন না বটে, দেখতে পান সবই।”

“তা হলে বিপদ সব কাটল। এবার আসুন, আমার হাতের উপর ভর দিয়ে পথটুকু পার হবেন।”

স্নতপা রায় পথ চলতে লাগল আমাকে অবলম্বন করে। ঢালু রাস্তা দিয়ে নীচের দিকে নামতে লাগলাম আমরা। গড়িয়ার খালটা এবার স্পষ্ট দেখা যাচ্ছে। মরা খাল। জল যতটা আছে তার চেয়ে কাদার পরিমাণ বেশী। গড়িয়ার এটা ব্যাকওয়াটার। স্নতপার জীবনটাও যেন ঠিক এরই মত বলে মনে হ’ল আমার।

সমতল রাস্তায় নেমে জিজ্ঞাসা করলাম, “মিষ্টার রায়, মানে আপনার স্বামীও কি এখানে থাকেন?”

“না।”

“আমারও ঠিক এই রকমই ধারণা হয়েছিল।”

“একথা কেন বলছেন?”

“বলছি আপনি ময়দানে গিয়েছিলেন বলে। বিবাহ-বিচ্ছেদ আইন সম্বন্ধে আপনার এত আগ্রহ কেন?”

“কিন্তু আমি ত বিচ্ছেদ চাই না। তবুও ময়দানে আমি গিয়েছিলাম। মহীতোষবাবু, আমি ভেবেছিলাম, দিল্লীর বড় নেতা আজ ময়দানে বিপ্লবের আশুন জালাবেন। আশুনের তাপ লাগাতে গিয়েছিলাম। নইলে—নইলে আমি যে ঠাণ্ডা হয়ে যাচ্ছি।”

পাঁচ বছর ধরে যাকে দেখছি তার পক্ষে ঠাণ্ডা হয়ে যাওয়াই স্বাভাবিক। কিন্তু যাকে দেখি নি তার উত্তাপ আমি অনুভব করছি। হাতের আঙ্গুল আমার গুটনোই ছিল। স্নতপা আমার ডান হাতের উপর ভর দিয়ে পথ চলছে। ওর দ্বিতীয় অস্তিত্বটা আমার উপর অবলম্বনশীল

নয়। পঞ্চানন ঠাকুরকে যে মেয়েটি পুঙ্খোপদিতে ধায়, সে আজ ময়দানের সম্ভায় বিপ্লবের আশ্বিন গায়ের লাগাতে যায় নি। সুতপাকে বুঝতে সময় লাগবে। আমি জানি, বিপ্লবের নতুন বিগ্রহ খুঁজে বেড়াচ্ছে সে।

সরকার-কুঠিতে প্রবেশ করবার রাস্তাটা খুব সরু। পল্লীগ্রামের পরিবেশ এখান থেকে আর ঠেকিয়ে রাখা যাচ্ছে না। মোটর, বাস কিংবা লরী চলার আওয়াজ উঁচু রাস্তাটা থেকেও শুনতে পেয়েছি। এখানে শুধু নির্জনতার স্থায়ী আয়োজন। রাস্তার দু'ধারে নারকেল আর সুপারী গাছের সারি। কিরকির হাওয়ায় উঁচু মাথাগুলো নড়ছে বটে, কিন্তু নীচের নির্জনতাকে আঘাত করতে পারছে না। গড়িয়ার খালটা বাঁ দিক থেকে বাঁক নিয়েছে। আমরা ডান দিকের ফটক দিয়ে ভেতরে প্রবেশ করলাম।

মাসীমাকে দেখলাম। মেসোমশাই ত কাছেই দাঁড়িয়ে ছিলেন। একতলার বড় ঘরটাতে ভিড় জমেছে। এটাই বোধ হয় সরকার-কুঠির বসবার ঘর। প্রথম দৃষ্টিতে মাসীমার সংসারের আধিক দৈন্ত আমার চোখে পড়ল। ক'খানা ভাঙা চেয়ার আর বেঞ্চি পাতা রয়েছে। সবগুলো চেয়ারের হাতল ভাঙা। ঘরের এক কোণায় একটা চৌকি ছিল দেখলাম। সুতপাকে ধরে মাসীমা এই চৌকির উপর গুইয়ে দিলেন। দিয়ে বললেন, 'ষষ্ঠী, যাও তো বাবা একটা বালিশ নিয়ে এস।'

ষষ্ঠী বালিশ আনতে গেল। সোফাটি একটু মোটা ধরণের মানুষ। বয়স মনে হ'ল চল্লিশ কি পঁয়তাল্লিশ। দিন বারো দাড়ি কামায় নি। কাঁচা-পাকা দাড়িগুলো সজাকুর কাঁটার মত ছুঁচলো হয়ে উঠেছে।

আমার দিকে চেয়ে মাসীমা বললেন, 'বোস বাবা বোস। বলরাম গেল কোথায়? একটা চেয়ার এগিয়ে দে ত বাবা।'

তেরে-চৌদ্দ বছর বয়সের একটি ছেলে হাতল-ভাঙা চেয়ারটা আমার কাছে এনে বলল, 'আপনি বসুন, আমি ধরে থাকছি।' মাটিতে বসে বলরাম চেয়ারের তলায় নিজের ঘাড় ঠেকিয়ে রাখল। চেয়ারের একটা পানেই।

বলরামের ঘাড় চেপে বসবার মত দেহের ওজন আমার হাক ছিল না। ওর দিকে চেয়ে আমি বললাম, 'মেঝে থেকে উঠে এস ভাই।'

বালিশ নিয়ে ষষ্ঠীবাবু ফিরে এসেছে। সে বলল, 'আপনি ভয় পাবেন না, বসুন। বলরামের ঘাড়েরদানে অনেক তাকত।'

মাসীমা মুখ ঘুরিয়ে বললেন, 'ওয়ে, ঐ বেঞ্চিটা একটু

এগিয়ে নিয়ে আয় না। চেয়ারগুলি বাবা অনেক দিন থেকে ভেঙে পড়ে আছে। এবার সব মেরামত করতে হবে।'

বুঝলাম, আমার জামাকাপড়ের পরিচ্ছন্নতা লক্ষ্য করে এঁর সবাই বিব্রত বোধ করছেন। মেসোমশাই ইত্যবসরে একটা বেঞ্চি ঠেলতে ঠেলতে আমার সামনে নিয়ে এসেছেন। ত্রিশ বছর হেসিয়ানের মত মোটা সুতোয় বোনা কাপড়ের প্যাণ্ট পরেছেন তিনি। প্রথম তাঁর দিকে চেয়ে সত্যিই আমার মনে হয়েছিল যে, প্যাণ্টের কাপড়টা সাহেব কোম্পানীর চটকলে তৈরী। তাও নতুন নয়। সেকেণ্ড-হাণ্ড বস্তার ফাঁকে ফাঁকে যেন গড়িয়া খালের কাদা জমেছে। মেসোমশাই পকেট থেকে রুমাল বার করে বেঞ্চিটা মুছতে মুছতে বললেন, 'কাল বোধ হয় বলরাম বেঞ্চির ওপর গুয়ে রাত কাটিয়েছে। ও ত ঠিক আইনমত পেইং গেট্ট নয়। ফিল্ম কোম্পানীর ষ্টুডিওর সামনে থেকে ষষ্ঠী ওকে তুলে নিয়ে এসেছে।'

প্রতিবাদ করল ষষ্ঠীবাবু, 'সামনে থেকে নয়। চায়ের দোকান থেকে। ষ্টুডিওর পশ্চিম দিকটাতে একটা চায়ের দোকান আছে। সেখানে সব ফিল্মের 'একট্টা' পাওয়া যায়। তাগড়া তাগড়া ছেলেগুলো মশাই দিনরাত ধুকছে। মরা সৈনিকের পাট ত সব সময়ে জোটে না। মাসীমা, তোমার ত ভূতোর কথা মনে আছে? ছোঁড়াটা পাঁচ বছর আগে যখন এসেছিল তখন ওর বয়স ছিল পনের। এখন দেখলে মনে হবে, একশ' পনের।'

'ত বাবা, তোমার কথা ত মিথো হতে পারে না। তুমি হচ্ছ গিয়ে ও লাইনের পুরনো লোক।' মন্তব্য করলেন মাসীমা মেসোমশাই বাকী পরিচয়টুকু শেষ করলেন, 'ষষ্ঠী হচ্ছে গিয়ে ফিল্ম কোম্পানীর মেক-আপ ম্যান। কিন্তু ষষ্ঠীর মুখে আজ এত কথা ফুটছে কি করে? গত দশ বছরের মধ্যে ষষ্ঠী বোধ হয় দশটার বেশী কথা বলে নি।'

'বলরামই বোধ হয় ওকে বকাচ্ছে। হ্যাঁ বাবা, তুমি কি বসবে না?' জিজ্ঞাসা করলেন মাসীমা।

মেসোমশাই সহসা রুমাল দিয়ে পুনরায় বেঞ্চিটা মুছতে লাগলেন। বেঞ্চিটা তাতে আরও বেশী ময়লা হ'ল। নোংরা জমে জমে রুমালটা থাকী রঙের মত তামাটে হয়ে উঠেছে। মেসোমশাই আমার দিকে চেয়ে হেসে ফেললেন। বললেন তিনি, 'একটু নশি নেওয়ার অভ্যাস আছে মশাই।'

তাঁর সঙ্গে সঙ্গে আমিও একটু হাসতে বাধ্য হলাম।

বলরাম মেঝে থেকে উঠে পড়েছে। চেয়ারটা দেয়ালের গায়ে ঠেকিয়ে রেখে সে হসে সামনে দাঁড়াল। মাসীমা ওর দিকে চেয়ে বললেন, 'যা ত বাবা গরম জলের ব্যাগটা নিয়ে

আয়। উনোনে জলের কেটলী চাপানোই আছে। সেটাও নিয়ে আসিস।”

বলরাম চলেই যাচ্ছিল, এমন সময় মাসীমা বললেন, “না বাপু, থাক। তুই পারবি নে। হাত-পা পুড়িয়ে ফেলবি। আমি নিজেই যাচ্ছি।” মাসীমা উঠলেন। বলরামকে সঙ্গে নিয়ে তিনি বেরিয়ে গেলেন বাইরে।

অনেকক্ষণ থেকে আমি বলরামকে দেখছিলাম। গায়ে ছোটো শাট পরেছে। পরনেও দেখলাম ছুঁখানা ধুতি। ব্যাপারটা কিছুই বুঝতে পারছিলাম না। ষষ্ঠীবাবুই আমায় বুঝিয়ে দিয়ে বললেন, ‘বলরাম হচ্ছে গয়ে রিফিউজীর বাচ্চা। মা বাপ কেউ নেই। গত দশ বছর থেকে ভেসে বেড়াচ্ছে। বাচ্চা পেটরা নেই, অথচ একটা শাট আর একটা ধুতি ওর বেশী আছে। কোথায় রাখবে ও ছোটো? গায়ে লাগিয়ে ঘুরে বেড়ায়। চায়ের দোকান থেকে সেদিন তুলে নিয়ে এলাম।’

ষাবাবু বিদায় নিল। পেছন দিকে চেয়ে দেখি, মেসো-মশাইও সেখানে নেই।

সুতপাকে বললাম, “এবার তা হলে আমি যাই। মাসীমার সংসারটা দেখে গেলাম।”

“কিছুই দেখেন নি। সবটা দেখতে সময় লাগবে। কাল একবার আসবেন।”

“আসব। মিষ্টার সাহিড়ীকে কিছু বলতে হবে কি?”

“না।”

এই সময়ে মাসীমা গরম জলের ব্যাগ নিয়ে ঘরে ঢুকলেন। সুতপাকে বললেন তিনি, “চল, তোমার ঘরে গিয়ে শুবি। মাঠে-ময়দানে খাওয়ার কি দরকার ছিল তোমার? থাক, থাক, আমাকে আর বিপ্লবের গল্প শোনাস নে। কাঁকা মাঠে যারা চেষ্টায় তাদের মুরোদ আমি জানি। বিপ্লব আনবেন পঞ্চানন ঠাকুর, বিপ্লব আসবে মনে। আর কোনদিন ঠাকুরকে কাঁকি দিয়ে ময়দানে ঘাস নি তপা। হ্যাঁবে, এই ব্যাগটিকে চা খেতে বললি নে?”

“না, না—এমন অসময়ে আমি আর চা খাব না মাসীমা, মুখ তুলে আমার দিকে চাইতে গিয়ে সহসা তিনি তাঁর মুখটা নীচু করে ফেললেন। ধীরে ধীরে বললেন তিনি, “লালু বেঁচে থাকলে আজ তার তোমার মতই বয়স হ’ত। তোমার মত জোয়ান ছিল সে। বিয়াল্লিশের আন্দোলনের সময় এক দিন ভোরবাত্রে এক হাজার পুলিশ এই বাড়ীটাকে ঘেরাও

করে। কি করে যেন ওরা সন্ধান পেয়েছিল, লালু সেই বাত্রে বাড়ী ফিরবে। লালুকে ওরা অনেক দিন থেকে খুঁজছিল। দুমদাম করে সরকার-কুঠির দরজাগুলি ওরা ভেঙে ফেলল। পুলিশসাহেব বিপিন চাটুজ্জের নাম শুনেছ ত? কোন কিছুই বুঝতে না পেয়ে আমি দোতলার সিঁড়ি দিয়ে নীচে নামছিলাম। ওমা, সামনে দোখ পিস্তল হাতে নিয়ে বিপিন দাঁড়িয়ে আছে। আমাকে এক পাশে ধাক্কা মেবে ফেলে দিয়ে সে লাফিয়ে লাফিয়ে উঠে গেল দোতলার ছাদে। একটু বাদেই গুলি, গুলির আওয়াজ হচ্ছে। চারদিক থেকে আওয়াজ আসছে। দোতলার ছাদ থেকে লালু লাফিয়ে পড়েছিল। বোধ হয় ভেবেছিল পেছন দিকের খালটা সহজেই পার হয়ে যেতে পারবে। মরা খাল। বিপিনের গুলি খেয়ে সে গড়িয়ে গড়িয়ে খালের কিনারা পর্যন্ত গিয়েছিল বটে, কিন্তু পার হতে সে পারে নি। লালু শেষ হয়ে যাওয়ার সঙ্গে সঙ্গে ভোর হ’ল। গুলির আওয়াজ শুনে চতুই পাখীগুলি সেদিন কি ভীষণ ভাবে কিচির মিচির করছিল। বিপিনের মত পুলিশ সাহেবকে ওরাও বোধ হয় চিনতে পেরেছিল। পেছন দিকে আমিও ছুটে গিয়েছিলাম। কিন্তু তার আগে বিপিন সেখানে পৌঁছে গেল। দোতলার সিঁড়ি দিয়ে সে গুলি ছুঁড়তে ছুঁড়তে নীচে নামছিল। এই ঘটটার দেওয়ালের পলস্তারাই খসে পড়ল ছুঁচার জায়গায়। সেই থেকে উনি আর ঘর মেরামত করান না। আজ দেখছ, গোটা বাড়ীটার পলস্তারাই খসে পড়েছে। কিন্তু বিপিন কি কাণ্ড করল জান? ক্ষতবিক্ষত লালু বোধ হয় শেষ নিঃশ্বাস ফেলবার আগের মুহুর্তে একটু জল খেতে চেয়েছিল। গড়াতে গড়াতে খালের কিনারায় গিয়ে মুখ নীচু করে যেমন জল খেতে যাবে, বিপিন এসে অমনি আবার ওর ঘাড়ের উপর গুলি ছুঁড়ল। ‘মাগো’ বলে লালু টুপ করে গড়িয়ে পড়ল জলে। গড়িয়ার খালে স্রোত নেই। বিদ্রোহী লালু সরকারের উত্তপ্ত নিঃশ্বাস এখনও বোধ হয় ঠাণ্ডা হয় নি।... হ্যাঁবে তপা, শুনলাম স্বাধীন ভারতবর্ষে বিপিন চাটুজ্জ নাকি আরও বড় চাকরি পেয়েছে?”

গরম জলের ব্যাগটা ছুঁহাতে চেপে ধরে মাসীমা চেয়ে রইলেন পূর্বদিকের দেয়ালে।

পলস্তারাই নেই, ছোটো বড় বড় গর্ত চোখে পড়ল আমার। মাসীমার বুকের সঙ্গে দেয়ালটার কি অদ্ভুত সাদৃশ্য রয়েছে।

ক্রমশঃ

দরদী কথাশিল্পী

শ্রীগোবিন্দ মুখোপাধ্যায়

মহান্ কথাশিল্পী বলে নয়,
গভীর তার প্রাণের পরিচয় ।
নিবিড়তম প্রিয়ের মত ধারে
পেয়েছিলাম আত্মসহচর,
বাসর-শেষে যায় সে চলে ধর ;
দেশের মাটি ডাক দিয়েছে তারে ।
গাঁয়ের ডাক, মায়ের ডাক বলেই মনে হয় ;
নেই যে তার প্রয়োজনের সময় অসময় ।
শিল্পীমন যদিও গান
গেয়েছে, তারই করেছে ধ্যান,
দূরের থেকে দিয়েছে মান,
চেয়েছে তারই হাতের বরাভয় ।
নিবিড় করে পেয়েছি তার প্রাণের পরিচয় ।
বড় বলেই দূরেই সে তো নয় ;
গাঢ় আকাশ দূরেই মনে হয় ।
মনের নীড়ে আছে যে তার বিপুল পরিসর ;
প্রাণের রসে সজীব ব্যবহারে
টানে সে মন, সকলে ছেড়ে সে যায় চলে ধর,
দেশের মাটি ডাক দিয়েছে তারে ।
গাঁয়ের ডাক, মায়ের ডাক সমান মনে হয় ;
সেখানে তার গুঢ় গভীর প্রাণের পরিচয় ।
জীবন ধরে তুংখের বান
ডেকেছে, তবু গেয়েছে গান
শিল্পীমন, পেতেছে কান
সেখানে তার রয়েছে শেষ জয় ।
বড় বলেই গাঢ় আকাশ, দূরেই সে তো নয় ।
আমরা যারা তাকে আপন ভাবি,
শূন্য মনে ভাবছি তার অভাবই—
সহজ মেলামেশার ফলে কত
এসেছি কাছে, তবু সে যেন নদী
পাই নি যার উৎস খুঁজে, তবু সে নিরবধি
মেটালো স্নানপানের স্মৃষ্ণ যত ;
দিনে দিনেই বেড়েছে তবু অধুনা শত দাবি ;
হয়তো তার অনর্গল মনের মায়াচাবি
পেয়েছি, আর মূঢ় খেলায়
কাটিয়ে দিন অবহেলায়
পড়েছে মনে শেষ বেলায়
হারাই তার বাক্য মধুস্রাবী,
আমরা যারা নিবিড় করে তাকে আপন ভাবি ।

বিচ্ছেদের করুণ মেঘস্তর
আড়াল যাকে করলো অতঃপর,
আলো যে তার রইলো কাছে কাছে,
বুকে নিবিড় উষ্ণতার মাপে,
ছন্দর রেখে দূরের সংলাপে ;
পাহাড়-পারে উৎস যেন আছে ।
এখনো মনে ফেলবে খাস অনেক ক্যাপা ঝড়.
অকূল জলে তুলবে ডিঙি, খুঁজবে বাতিধর ;
দুর্খোগের হবেই শেষ,
ধাকবে মনে অনির্দেশ
শ্বতির ইতিবৃত্ত-স্বর—
শহর-জোড়া গ্রহর-গোণা-লেশ—
আড়াল করে বিচ্ছেদের করুণ মেঘস্তর ।
অটল মাঠ, বাবলা-বাশবন
কাজলদীঘি করে আমন্ত্রণ ।
খেতের রবিশস্ত্র ধান ধব,
স্বর্ণশোভা হেমস্তের কাল,
গাছের জাম খেজুর আম কাঁঠাল,
কতই পাখী-শিক্তর কলরব
বৃদ্ধ যুবা গ্রামীণ জন আনে নিমন্ত্রণ ;
মায়ের মত গাঁয়ের ডাক উতল করে মন
ফেরাবো তাকে, সাহস নাই,
ছাড়তে গিয়ে বেদনা পাই,
দেশের ডাকে বাজে সানাই,
সেবায় হবে সবই সমর্পণ ;
অটল মাঠ, কাজল দীঘি করে আমন্ত্রণ ।
তোমাকে সখা, বিদায় দেব নাকো,
জাগবে মনে যতই দূরে থাকো ।
তুমিও ভুলে থাকবে না, তা জানি,
আঁকবে ছবি 'আজ্ঞার বড়'
উঠানে রোদ, লতার কম্পন,
গাছে পাতায় হাওয়ায় সিরসিরানি ।
সারা জীবন স্বর্ণকণা কুড়িয়ে জমা রাখো,
তা দিয়ে বসে গড়বে ধরে ভাবী কালের সঁাকো ।
রাঙা বিকেল হলেই—সারা
আকাশ ভরে উঠলে তারা,
পড়বে মনে তোমার যারা
মমের সাথী, যাদের ভুলে থাকো ।
দিলেম প্রিয়, প্রণাম, প্রেম, বিদায় চেয়ো নাকো ।*

* কথাশিল্পী শ্রীযুক্ত বামপদ মুখোপাধ্যায়ের উদ্দেশে ।

উষোচন

শ্রীজ্যোতিপ্রসাদ চক্রবর্তী

অঞ্জনপুর গার্লস হাই স্কুলের সহকারী শিক্ষয়িত্রী পদে অভিযুক্ত হয়ে এল কুমারী বেলা মল্লিক, বি-এ, বি-টি।

এমন কিছু বড় গ্রাম নয় অঞ্জনপুর। কয়েক শ' পরিবারের বাস। তবু এখানে একটি গার্লস হাই স্কুল চলে এবং ভালভাবেই চলে। সব মিলিয়ে প্রায় তিন শ' ছাত্রী। স্কুলটি শুধু অঞ্জনপুরের অধিবাসীদের উপরেই নির্ভরশীল নয়, আশেপাশের কয়েকখানা গ্রাম থেকেও অনেক ছাত্রী এখানে আসে পড়তে।

ছেলেদের স্কুলও আছে একটি। তার ছাত্রসংখ্যাও চার শ' কম নয়। উভয় স্কুলেই শিক্ষক এবং শিক্ষিকার এক জুগ পৃথক হোস্টেল আছে। তাতে আহারাদির ব্যবস্থা নিজেদের করে নিতে হয়।

গ্রামটি বর্ধিষ্ণু। বহু সম্পন্ন এবং শিক্ষিত লোকের বাস বলে শিক্ষার উৎসাহও প্রচুর। গ্রামেই ষ্টেশন, বাজার-হাট, খানা, পোষ্ট আপিস—স্বয়ংসম্পূর্ণ। কলকাতাও এমন কিছু দূরে নয়। এখান থেকে 'ডেইলী প্যাসেঞ্জারী' করেন কলকাতায়, এমন লোকের সংখ্যাও প্রচুর।

মোটামুটি তাই ভালই লাগল বেলা মল্লিকের। শশুশ্রামল গ্রাম, কিন্তু শহরের চাহিদাও মেটে। পাকা রাস্তাঘাট, বাড়ীগুলিও বেশীর ভাগ একতলা দোতলা। গ্রামের দুই প্রান্তে দুইটি স্কুল। স্কুল ছাড়িয়ে ধু ধু মাঠ—দিগন্তবিস্তৃত। হোস্টেলের নির্দিষ্ট ঘরে বসে খোলা জানালা দিয়ে ফাঁকা মাঠের দিকে তাকিয়ে বেলা মল্লিক একটি হৃদয়নিঃস্বাস ফেলল। মনে হতে লাগল, এমনটিই যেন এতদিন ধরে চাইছিল শুধু।

ফুর ফুর করে হাওয়া চুকছে জানালাটা দিয়ে। অস্বস্তি চলে লাগছে দেলা। আঁচলটা কাঁপছে থর থর করে। বেশ লাগছে। ঘরটি ছোট, একটি মাত্র 'সীট'। একক জীবনটা স্বচ্ছন্দ। পঁচিশ বছরের অনেক অভিজ্ঞতার সঙ্গে আবার এক নতুন সংযোজন। মন্দ কি? কত দিক থেকেই তো দেখা গেল জীবনটাকে। কত রূপে, কত ছন্দে। কত আনন্দ আর উচ্চাস, কত অশ্রু আর বেদনা। মানুষকে, তার চরিত্রকে জানছে বেলা মল্লিক। নতুন নতুন জীবনে, নব নব পরিবেশে।

দূরের দিকচক্রবালে রঙের সমারোহ। মেঘে মেঘে বিচিত্র বর্ণোচ্ছাস। পাশের কাজল-দীঘির জলেও ছোঁয়াচ লেগেছে সে রঙের। অস্ত বাচ্ছেন সূর্য্যদেব। এইবার অন্ধকার নামবে ধীরে ধীরে—সারা আকাশ কালো করে, সারা গ্রাম আচ্ছন্ন করে। গাছের পাতায় পাতায়, মাঠের ঝোপে ঝোপে ঘনীভূত অন্ধকারে ঝিক্‌ঝিক্‌ জলবে জোনাকি। হোস্টেলের সামনের পথে লোক-চলাচল কমে আসবে। গ্রামের ঘরে ঘরে টিম্ টিম্ লঠনের শব্দ আসে জলতে থাকবে। শাঁখ বাজবে, তুলসী তলায় প্রদীপ জলবে,

কুলবধূর হলুদনি ধ্বনিত প্রতিধ্বনিত হতে থাকবে গ্রামের আকাশ-বাতাসে। আর এই নিরবস্বপ্ন হোস্টেলের ঘরে, অন্ধকার মাঠের দিকে তাকিয়ে হয় তো চুপ করে বসে থাকবে বেলা মল্লিক। প্রশ্নধন হবে কি হবে না, ঘবে আলো জলবে কি জলবে না, যাত্রির জগ শব্দা প্রশ্নাবৃত হবে কি হবে না, সে ভাবনা নয়। অতীতের স্মৃতি হাতড়ে হয় তো দীর্ঘশ্বাস ফেলবে বেলা মল্লিক। বর্তমানকে অভিসম্পাত দেবে। ভবিষ্যৎ জীবনের সম্ভাবনাময় দিনগুলির কথা ভেবে বিরূপ দৃষ্টিটা কিরিয়ে নেবে। হিসাব কয়বে, কি পেল জীবনে, আর কি পাবার ছিল।

কিন্তু অন্ধকার ঘনিয়ে আসতেই উঠে পড়ল বেলা মল্লিক। চোখ থেকে গগল-পটা খুলে মুছে নিল। তার পর নাকের উপর সেটাকে আবার ভালভাবে বসিয়ে এগিয়ে গেল বন্ধ দরজার দিকে। আলোটা জ্বলতে হবে, কাপড়-জামা বার করতে হবে বাস্ত থেকে। হোল্ড-হলুটা খুলে বিছানাও পেতে নিতে হবে। কত কাজ। ঘর-খানাকে বাসযোগ্য করে তুলতে হবে তো। জীবনের অভাব পূরণ হোক আর নাই হোক, স্বাচ্ছন্দ্য তো চাই।

সব শেষ করতে রাত নটা বাজল। এক কোণে দাঁড়িয়ে সমালোচকের তীক্ষ্ণ দৃষ্টি দিয়ে অনেকক্ষণ ধরে ঘরখানাকে পর্যবেক্ষণ করল বেলা মল্লিক। এগিয়ে গিয়ে আবার টান করে দিল বেড-কভারটা। চেয়ারটাকে আবার কাছাকাছি করে দিল টেবিলের। অমুজ্জল হারিকেনের আলোয় খুঁটিয়ে খুঁটিয়ে দেখল সব।

রাত শেষ হতেই স্কুল। নতুন চাকরিতে রিপোর্ট করতে হবে। শুয়ে শুয়ে ভাবতে লাগল বেলা মল্লিক। কোন বাঁধাধরা চিন্তা নয়, এসোমেলো চিন্তায় জাল যেন জট পাকতে লাগল মাথায়। অর্থহীন প্রলাপের মত। কোথা থেকে কোথায় ছিটকে এল অবশেষে।

ওপাশের জানালাটা খোলা। সেখানে চোখে পড়ছে আকাশময় ঝিক্‌ঝিক্‌ তারা। একফালি বাঁকা টাদ জাগছে ক্লান্ত আলো ছড়িয়ে। কাজল-দীঘির পারে পারে নারকেলগাছের পাতায় পাতায় শব্দ শব্দ তুলছে হাওয়া।

খাওয়ার পাট চুকছে হোস্টেলের। অগাধ আবাসিকদের ঘরের আলো নিভছে একে একে। সারাদিন ছাত্রী পড়িয়ে পড়িয়ে, ছন্দ-গান্ধীর্ষ্য বজায় রেখে বেখে মেয়েবা ক্লান্ত। ওবা শিক্ষয়িত্রী, ভাবী-কালের নারী-জাতিকে গড়ে তুলবার ভার ওদের উপর। ওদের আদর্শই নাকি আজকের মেয়েবা গড়ে উঠবে। হানি পায় বেলা মল্লিকের। আদর্শ! কিসের আদর্শ? পেটের চিন্তায় ওরা পাস করতে না করতেই বেরিয়েছে ঘর ছেড়ে, মানুষ তৈরীর আদর্শ নিয়ে নয়। ওদের চিন্তা টাকা, ভাবনা চাকরি। সেখানে ভাবী-

কালের স্থান কোথায় ? ওদের দিয়ে সমাজ মানুষ তৈরী স্বপ্ন দেখে । কিন্তু ব্যক্তিগত জীবনে কি পেল এই সব মেয়েরা—যারা প্রাণের দায়ে শিক্ষকতাকেই বৃত্তি বলে বেছে নিতে বাধ্য হয়েছে ? ওদের স্বপ্ন আর কল্পনার দিকে কেউ কখনও তাকিয়েছে সহানুভূতির দৃষ্টি নিয়ে ? কি পাওয়া উচিত ওদের, কতখানি পেলে তার কিছু অন্ততঃ দান করতে পারে, তা কি ভেবেছে কেউ কখনও ?

ক্লাস্ত মস্তিষ্কটা কিম্ব কিম্ব করে । নতুন পরিবেশটা বাপ বাইরে নিতে হবে জীবনের সঙ্গে । পেছুটান নেই কোন, সামনেও নেই কোন আলোর নির্দেশ । একটা প্রকাণ্ড শূন্যতা যেন চারদিক থেকে ঘিরে রেখেছে বেলা মল্লিককে । শুধু বাইরেই নয়, মনের মধ্যেও । সেখানে নেই কোন সান্ত্বনা, নেই কোন আশ্রয় । একটা অতৃপ্তি শুধু খচ খচ করছে নিবস্তর । একটা অবোধা জ্বালা । সে অতৃপ্তি আর জ্বালা ছড়িয়ে পড়ছে সামান্য পারিপার্শ্বিক । মনটা উঠছে বিমুখ হয়ে । বাইরে থেকে নিজেকে গুটিয়ে নিতে চেয়েছে, কিন্তু শাস্তি নেই অন্তরেও । শুধু শূন্যতা, শুধু বিস্মৃতি ।

অতন্দ্র চোখ দুটো বার বার মুছে নিল বেলা মল্লিক । এপাশ ওপাশ করল বার বার । ঘুম আসছে না । টেবিলের উপর ছোট টাইমপিসট টিক্ টিক্ করে বেজে চলেছে অবিদ্যম । সারা হোস্টেল নিস্তর ।

এমনি কত রাত কেটেছে । এমনি করে মনের মাঝে তিস্ত বিক্ষোভ সঞ্চারিত হয়েছে কত বিনীত রাত্রিতে । বঞ্চিত হৃদয়টা গুমবে মরেছে নিবস্তর । শুধু ছটকট করে মরেছে বিস্কন্ধ অন্তরে ।

কত ছিন্ন স্মৃতি মনে পড়ে বার এমনি নিবুম রাত্রির অন্ধকারে । ঘুম নামে না চোখে । জ্ব লাময় চোখের সামনে দিয়ে অতীত ভেসে চলে তার সব বিস্মৃতা আর শূন্যতা নিয়ে । উত্তপ্ত নিঃশ্বাস শুধু হাহাকার করে ফেবে নিঃসঙ্গ ঘরের কোণে ।

এমনি নিদ্রাহীন রাত্রে, প্রথমমে প্রকৃতির আশ্চর্য্য নিস্তরতার মধ্যে প্রতুল লাহিড়ীকে মনে পড়ে বেলা মল্লিকের । ওর মনটা হুলতে থাকে এক অপূর্ণ আনন্দের সঙ্গে তীব্র বেদনাবোধের মাঝে ।

সেই প্রতুল লাহিড়ী । বিছানা ছেড়ে উঠে আসে বেলা মল্লিক । গগলসটা আবার তুলে নেয় চোখে । হারিকেনের শিখা উজ্জ্বলতর করে দিয়ে এসে দাঁড়ায় দেয়াল-আয়নাটার সামনে । নিস্তরক দৃষ্টিতে নিজের দিকে তাকিয়ে তাকিয়ে মনে হয়, রূপ যৌবন কিছুই তো ক্ষয় হয় নি তার । দেহলাবণ্যের বাহ্যিক ঘাটতি তো নেই আজও । শুধু...

মনটা টন টন করে অব্যক্ত যন্ত্রণায় । একটি মাত্র অভাব ওর জীবনটাকে শূন্য করে দিল তিরদিনের জন্ত । এ অভাব কি মনে নিতে পারত প্রতুল লাহিড়ী ? দেহ-মনের ঐটুকু খুঁতাক অগ্রহ করে বেলা মল্লিককে টেনে নিতে পারত নিজের জীবনে ? কে জানে ! সে পরীক্ষা দেবার সাহস সক্ষম করে উঠতে পারে নি বেলা মল্লিক । যদি প্রত্যাখ্যান করে প্রতুল ? যদি মুখ ফিরিয়ে নেয় ঘৃণায় ? তখন কি নিয়ে বাঁচবে বেলা মল্লিক, কি আশায় মন

বাঁধবে ? কোন সান্ত্বনা দেবে নিজের মনকে ? তার চেয়ে এই ভাল । শুধু স্মৃতিটুকু নিয়ে বেঁচে থাকা । কি পেল না, তার হিসাব নয় ; কি পেতে পারত, তার চিন্তায় বিভোর হয়ে থাকা ।

তবু মনে হয়, মানুষের মন কি এতই ভঙ্গুর ? প্রেম কি এতই স্বার্থপর—স্বার্থহীন, সহানুভূতিহীন । বেলা মল্লিক ভাবে, সে তো বিচ্যুত হয় নি তার একনিষ্ঠতা থেকে । তবু শুধু ভয় আর বিধায় তাকে সরে আসতে হয়েছে প্রতুল লাহিড়ীর জীবন থেকে । দেশে যখন ফিরত প্রতুল, কেমন করে গ্রহণ করত তাকে ? দেহ-মন সিঁধ সিঁধ করে । আঘাতটা ওর মনে কেমন করে বাজত, কে বলবে ? কে বলবে—ওর চোখে সহানুভূতির দৃষ্টি উঠত সজল হয়ে, না ঘৃণাই উগচে পড়ত শুষ্ক ? কে জানে ! নেকথা জেনে নেবার মত মনের জোর হারিয়েছে বেলা মল্লিক ।

আয়নার দিকে তাকিয়ে রইল একাধে দৃষ্টিতে । তীক্ষ্ণ দৃষ্টি মাছড়ে পড়তে লাগল সর্কাদে । হারিকেনের আলো মার্কারী-গগলসের উপর প্রতিফলিত হতে থাকল বিক্মিক করে ।...

প্রতুল বলত—“তুমি যতক্ষণ দূরে থাক, মনটা শুধু আকুল-বিকুলি করে মরে । মনে হয় ছুটে এসে আসি তোমার কাছে । অথচ কাছে এলেই সব শাস্ত । মনের মধ্যেকার অন্ধ ছটকটানিটা যে কোথায় লুকোয়, খুঁজেই পাই না । তুমি কি বাহু জান বেলা ?”

শুনে হাসত বেলা মল্লিক । কন্দশুভ্র দাঁতে নীচের ঠোঁটটি আলতো করে কানড়ে ধরত হাসতে হাসতেই । বলত—“দূরে থাকলে ঠাঁকুর্পাঁকু, আর কাছে এলেই পালাই পালাই ? তার মানেটা কি, কল্পনা করতে পার প্রতুল ? ভবিষ্যৎটা যে অন্ধকার মনে হচ্ছে—”

—“আমার না তোমার ?” প্রতুলও হাসত, “আমার ভবিষ্যৎ মানে ত তুমি । শুধুই আলো । কিন্তু তোমার ভবিষ্যৎ যদি আমি হই, তবে সেটা যে অন্ধকার, সন্দেহ নেই—”

গম্ভীর হয়ে যেত বেলা । একাধে দৃষ্টিবিনিময় হ’ত হৃৎজনের, বেলা বলত—“আমাদের ভবিষ্যৎ ত হৃৎকমের নয় প্রতুল ! হতে পারে না যে । হয় দুটোই আলো, না হয় দুটোই অন্ধকার । পুথু যে একই—”

একই ছিল হয় ত । থেকেও যেতে পারত একই রকম । বেলা মল্লিক ভাবল, কাকাবাবুকে শেষ পর্যন্ত হয় ত আঘাত দিতে হ’তই । আশাহত করতে হ’ত মানসকে । উপায় ছিল না কোন । প্রতুলকে পাবার জগৎ বে-কোন ক্ষতি স্বীকার করতেই ত প্রস্তুত হয়েছিল । কিন্তু...কিন্তু...কিছুই করতে হ’ল না ওকে । ফুটনে মুগ্ধ জীবনটা নিঃশেষে গুঁড়িয়ে গেল, ঝরে গেল পথের ধূলোয় ।

জীবনে কিছুই ত পায় নি বেলা মল্লিক । আশৈশব বঞ্চিত জীবনে হাহাকার সক্ষম করে করে বড় হয়ে উঠেছে । আপন বলতে ত ছিল না কেউ । আবছা শুধু মনে পড়ে বাবাকে ।

টুকরো টুকরো ছিন্ন স্মৃতির মাঝে গাঁথা এক বিশাল পুরুষ। তার পথ শুধু চিনেছে কাকাবাবুকে। বাবার সবচেয়ে অস্তবঙ্গ বন্ধু। গুঁরু কাছের মানুষ। গুঁরুই পরিবারে আত্মীয়তার আর ঐকান্তিকতার শিকড় ছড়িয়ে ছড়িয়ে বেলা মল্লিকের জীবনটা লতায়িত হয়ে উঠেছে ঘোঁরনের খব-মাধুর্যে। স্নেহ, মায়া, মমতা, ভালবাসা...সব পেয়েছে। সব অভাববোধ মেটাবার চেষ্টা করেছেন অধরবাবু। কিন্তু ও পারে নি তেমন করে মিশে যেতে, তেমন। করে গ্রহণ করতে।

মেয়ে। ছল না অধরবাবু। বন্ধুর মৃত্যুর পর তাঁর মেয়েকেই কোলে তুলে নিয়েছিলেন অপতান্নেহ। মনের নিভূতে হয়ত সঞ্চারিত হয়েছিল একটি গোপন বাসনা—লালিত হয়েছিল দিনের পর দিন। এ মেয়েকে আর পরের হাতে তুলে দেবেন না অধরবাবু। ছেলে মানস। মেয়ের মতই বেলা। একসঙ্গে মানুষ হয়েছে একই জীবনধারার স্বাদ পেয়ে পেয়ে। ওদের দু'জনকে এক জীবনে গোঁথে দিয়ে যাবেন।

সব মনে পড়েছে আজ। এমনি অতন্দ্র রাত্রির একক মুহূর্তে সব মনে পড়ে বেলা মল্লিকের। মনে পড়ে কাকাবাবুকে। মানসকেও মনে পড়ে। বেচারী! স্বাভাবিক নিয়মেই ওকে ভালবেসেছিল মানস। মানসের জীবনের মাঝে কখন যে সংগোপনে প্রেম উঁকি দিয়েছিল, বলতে পারবে না বেলা। যখন জানল, তখন বেদনার মনটা সঙ্কুচিত হয়ে গেছে বাবংবাব। প্রাণভরেই হয়ত বেলাকে চেয়েছিল মানস, কিন্তু বেলা পারে নি সে ভালবাসা গ্রহণ করতে।

অধরবাবুর সঙ্কল্প অজানা ছিল না কারো। বেলাও নয়, মানসেরও নয়। মনে মনে অবিচ্ছিন্ন স্বপ্ন-জাল বুনেছে মানস, আর অবোধা ভয়ে আর উৎকর্ষায় ছটকট করেছে বেলা। ওর জীবনে তখন মানস নয়, উজ্জ্বল হয়ে জলছে প্রতুল লাহিড়ী।

মানসের এম-এ পরীক্ষার ফল বেরবার সঙ্গে সঙ্গেই প্রস্তাবটা তোলেন অধরবাবু। সরাসরি বেলা মল্লিকের কাছেই।

দারুণ আতঙ্কে সেদিন ভাষা খুঁজে পায় নি বেলা। কোনক্রমে বলতে পেয়েছে, "আর দু'টো বছর অন্ততঃ যেতে দিন কাকাবাবু, বি-এটা পাস করে নিই—"

মুখের উপর অস্বীকার করবার মত মনের জোর পায় নি। পারে নি সর্কশক্তি সঞ্চয় করেও পিতাপুত্রকে এতখানি আঘাত হানতে। শুধু সময় চেয়ে নিয়েছে। চাপা দেবার চেষ্টা করেছে প্রস্তাবটাকে।

শুনে প্রতুল বলেছিল, "দু' বছরই যথেষ্ট। বিলেতের ডিগ্রীটা জুটিয়ে নিতে পারব ততদিনে। বাবা যখন আমাকে ব্যাধিষ্টার না করে ছাড়বেন না—"

উৎকর্ষিত চিন্তে বেলা বলেছিল, "অপেক্ষা আমি করব প্রতুল। দিন গুনব তোমার আশায়। কিন্তু দু'টো বছর যে অনেকখানি সময়। সে সময় পার হয়ে এসে আমাকে মনে থাকবে ত তোমার? আমার স্বপ্ন সকল হবে ত?"

উত্তরে হো হো করে হেসে উঠছিল প্রতুল। বেলা মল্লিকের দ্বিধা আর উৎকর্ষ! টুকরো টুকরো হয়ে ভেঙে পড়েছিল সে হাসিতে।

চোখে চোখে তাকিয়ে প্রতুল বলেছিল, "প্রতুল লাহিড়ী কখনো কখনো খেলাপ করে নি বেলা, তুমি বিশ্বাস রাখতে পার—"

বিশ্বাসে ত ফাটল ধরে নি বেলা মল্লিকের। সে বিশ্বাস অক্ষুণ্ণ আছে আজও। কিন্তু উপায় নেই কোন। প্রতুল হয় ত ফিরে এসেছে ব্যাধিষ্টার হয়ে। হয় ত সন্ধানও করেছে ওর। কে জানে। তবু প্রতুল লাহিড়ীর পাশে গিয়ে দাঁড়াবার পথ রুদ্ধ হয়ে গেছে ওর।

এম-এতে হাই সেকেণ্ড ক্লাস পেল মানস। তীর্থপতি ইনস্টিটিউশনে এমিষ্ট্যান্ট হেড মাষ্টারের চাকরিও পেয়ে গেল প্রায় সঙ্গে সঙ্গে। বেলা প্রস্তুত হতে লাগল বি-এ পরীক্ষার জন্তে।

দিন গুনতে লাগল মানস। ওর চোখের সামনে রঙীন স্বপ্ন। দু'বছর পরে বেলাকে পাবে সে। পরীক্ষার প্রস্তুতিতে বেলাকে সাহায্য করতে করতে ওর চোখে বিকৃতিকৃত করত আনন্দোচ্ছ্বাস। আর বেলায় মনটা সারাক্ষণ শুধু মৌন হয়ে থাকত অপরাধীর মত।

ঘীরে ঘীরে দিন গেল এগিয়ে। মানসের প্রেম উন্মুখ হয়ে উঠল। কাকাবাবু সঙ্কল্প হ'ল দৃঢ়তর। একটিমাত্র ছেলে গুঁরু, তাকে প্রতিষ্ঠা দিয়ে যাবেন সংসারে। সুখী, সঙ্কল পন্ডিয়ারটিতে কল্যাণস্পর্শ লাগবে আবার। বন্ধুর মেয়ে হয়ে আশ্রিতা থাকবে না বেলা, পুরুষধর্ম দাবি নিয়ে নিজের আসন স্থায়ী করে নেবে।

বি-এ পরীক্ষা হয়ে গেল। এল তার চেয়েও বড় পরীক্ষা বেলায় জীবনে। এতদিনের সেই স্নেহ-মমতা-ভালবাসার দাবিকে অস্বীকার করার প্রশ্ন। জীবনে স্বাদিকারকে প্রতিষ্ঠিত করার প্রশ্ন।

মাঝে মাঝে চিঠি লিখত প্রতুল। উত্তর যেত। ওদিক থেকে আশাপথ চেয়ে দিন গুনত প্রতুল। তার মনের আনন্দে ছোয়া এসে লাগত এপায়ে। আর এদিকের আবেগ আর উচ্ছ্বাসের চেউ এয়ার মেলের চিঠি হয়ে গিয়ে পৌঁছত সাত সাগরের পারে।

কিন্তু সকলের উর্দে, সবচেয়ে বড় প্রশ্ন, বড় সমস্যা, প্রচণ্ডতম আঘাত অপেক্ষা করেছিল বেলা মল্লিকের জীবনে—যা তার জীবনকে ছিন্নভিন্ন করে দিল চিরদিনের জন্তে।

কলকাতায় তখন বসন্তের প্রকোপ চলছে। একদিন সমস্ত শরীরে অসহ্য ব্যথার সঙ্গে সঙ্গে প্রবল জ্বর এল বেলা মল্লিকের। ডাক্তার এল, নার্স এল। অভাব ছিল না অধরবাবুর সংসারে। যতখানি করা সম্ভব ছিল, তিনি তা করলেন। যমে-মাঝুবে টানা-টানি চলল কয়েকটা দিন।

কারও অনিবেদন শোনে নি মানস। দিন-রাত্রি বসে থেকেছে মাথার কাছে। ব্যাকুল চোখে তাকিয়ে রয়েছে প্রলাপিত বেলা মল্লিকের রোগপাগুর মুখের দিকে। সাহায্য করেছে নার্সকে সেবার, শুশ্রূষার—দিনের পর দিন, রাতের পর রাত—অবিশ্রান্ত।

শেষ পর্যন্ত মেয়ে উঠল বেলা মল্লিক। না উঠলেই হয়ত

ভাল ছিল। যা হারান সারা জীবনের বিনিময়েও সে জিনিষকে ফিরে পাওয়া যাবে না। একটি চোখের দৃষ্টি হারান বেলা। শুধু দৃষ্টি নয়, বীভৎসভাবে ঠেলে বেরিয়ে এল চোখের মণিটা। একটা মাংসপিণ্ডের মাঝে ঘোলাটে চোখের তারটা উৎকটভাবে ভেঙ্গে উঠল।

আয়নার সেদিকে তাকিয়ে চীংকার করে উঠেছিল বেলা মল্লিক। বালিশে মুখ গুজে ভেঙ্গে পড়েছিল কান্নায়।

চোখের জল ধরে রাখতে পারেন নি অধরবাবু। তাঁর সব স্বপ্ন, সব সফল লুটিয়ে পড়েছিল ধুলোয়। বেলায় সারা মুখখানা জোড়া সেই বীভৎসদর্শন মাংসপিণ্ডটার দিকে তাকাতে পারতেন না অধরবাবু—মানসও নয়। শুধু বেলাই দৃষ্টি হারান নি, মানসের সব বল্লনাকে গুড়িয়ে দিয়ে গেছে যেন এ দুর্ঘটনা। বেলাকে এড়িয়ে চলত মানস, মুখোমুখি পড়ে গেলে মুখ ফিরিয়ে নিত। তাকাতে পারত না এ বিকৃত মুখের দিকে। ও মুখ যে দিনের পর দিন গভীরভাবে ঝাঁকা হয়ে গেছে মনের গভীরে। নিশ্চিত আশায় স্থায়ী আসন পেতে বেখেছে অস্ত্রের অস্ত্রস্থলে। এমন বিকৃতি কেমন করে সহাবে মানস? বেলায় সেই টানা টানা দুটি সজল চোখের কথা ত ভুলবার নয়? ওর সারা হৃদয়টা যেন চৌঁচির হয়ে যেতে লাগল অসহ্য যন্ত্রণায়।

আঘাতটা কাটিয়ে উঠতে সময় লাগল বেলায়। ধীরে ধীরে ও বুঝতে পারল, যে আশায় দিন গুনছিল পিতা-পুত্র, তা আর সফল হবার নয়। ছুঃখের মধ্যেও স্বস্তির নিঃশ্বাস ফেলল বেলা মল্লিক। আর, প্রায় সঙ্গে সঙ্গেই শিউরে উঠল প্রতুলের কথাটা মনে করে। যে দৈনিক কৃতি আশিশব সম্পর্ক ছিল করে দিন, এতদিনের তিলে তিলে গড়ে ওঠা স্নেহ, মমতা, প্রেমকে টুকরো টুকরো করে ফেলল ভেঙ্গে, এতদিনের স্নেহপ্রীতিকে টেনে আনল অস্বীকারের অস্বার্থকায়, সে কৃতি কি সহ্য করতে পারবে প্রতুল লাহিড়ী? ওর প্রেম কি দেখেই এ অপূরণীয় কৃতিকে অস্বীকার করে গ্রহণ করতে পারবে হৃদয়ভরা প্রেমকে?

বেজার্ট বেরল বি-এ পরীক্ষার। ইংরেজীতে অনাস নিয়ে সেকেও রাস। আর কয়েক দিনের মধ্যেই চিঠি এল প্রতুলের কাছ থেকে, অবিলম্বেই দেশে ফিরছে ও।

অদ্ভুত এক উৎকণ্ঠায় দিন কাটিতে লাগল বেলা মল্লিকের। অস্ত্রবন্দে কৃতবিক্ষত হয়ে গেল মনটা। আশা-নিরাশার সংঘাতে তিক্ত হতে তিক্ততর হতে লাগল ক্রমশঃ। যদি প্রত্যাখ্যান করে প্রতুল? যদি মুখ ফিরিয়ে নেয় ঘৃণায়? সে আঘাত সহ্য করতে পারবে না বেলা মল্লিক। ভগবানের দেওয়া আঘাত সারা জীবন ধরে ও সহ্য করে যাবে, কিন্তু মানুষের আঘাত সহ্যবার ক্ষমতা নেই আর। মানুষের স্নেহ-মমতা প্রেম ভালবাসাকে চিনতে পারছে বেলা। স্বার্থপর মানুষের চাহিদাকে চিনতে পারছে। মানুষের কাছে আর কিছু পাবার নেই—কিছুই নয়।

চোখটাকে লোকচক্ষু হাড়াল করবার জেগে একটি মার্কাদী

গগলস কিনল বেলা। সাইড-শেড-ফ্রেমে ঢাকল তার জীবনের চরম কৃতি ও ক্ষতকে। এতদিনে আবার আয়নার নিজের প্রতিবিম্বের দিকে তাকাল মুগ্ধ দৃষ্টিতে। সবই আছে। সারা শরীরে টলমল যৌবন, গগলস-ঢাকা মুখে পেলব দৌলখ্যা। আড়ালেই থাক বীভৎস মাংসপিণ্ডটা। মানুষের চোখকে সে আর আহত করতে চায় না। কিন্তু...কিন্তু প্রতুল? মনকে বাঁধল বেলা মল্লিক। না, প্রতুল ফিরবার আগেই তাকে চলে যেতে হবে এখান থেকে—অজ্ঞানার মাঝে। নিজেকে নির্কাসন দিতে হবে পরিচিত পৃথিবী থেকে। স্থায়ী হোক প্রতুল। তার জীবনে অভিশাপ হরে বাঁচতে চায় না বেলা। যা পেয়েছে, সেটুকু নিয়েই জীবন চলে যাবে। ঐ স্মৃতির মস্তকটুকু হারাতে রাজী নয় বেলা মল্লিক।

মেদিনীপুরে: এক স্থলে চাকরি পেয়ে গেল একটা। তার পর থেকেই চলছে অজ্ঞানবাস। নি টি. পাস করেছে চাকরি করতে করতেই। কোন মানুষের সঙ্গে মেশে নি অস্ত্রবঙ্গ হয়ে। ব্যেছে, যেখানে যত সমর্পিতা, সেখানে তত বড় আঘাত। ভুলেও চোখ থেকে পোলে নি গগলস, একক জীবনের হৃৎস্পন্দ নিয়ে শেষ পর্যন্ত নতুন চাকরিতে এসেছে অজ্ঞানপুর। আরও চারটে বছর পার করে। কুড়ি বছরের স্বপ্ন দ্বন্দ্ব পঁচিশে এনেও দিকি দিকি জলছে মনে মনে। সে দাঁত অস্ত্রব করে তোলে বেলা মল্লিককে। এমনি অস্ত্রব রাত্রির মিস্ত্রক পরিবেশে অতীত এসে অবিশ্রান্ত আঘাত হানে হৃদয়ের বন্ধ বপাটে। ভোলা যায় না, ভুলতে পারে না বেলা মল্লিক।

ডানাল্য দিয়ে ভোরের আলো ঢুকেছে। অবিশ্রান্ত পায়চারি করতে করতে কেটে গেল রাতটা। এমনি বেটেছে কেরাত। আবার এসে দাঁড়াল আয়নার সামনে। অবিশ্রান্ত চুলগুলি চিরকী দিয়ে আচড়ে সমান করে মিল। রাত্রিজাগরণের ছাপটা মুছে নিল নিঃশেষে। এখনও উঠে নি কেটে, দরজা খুলে বেরিয়ে এল বেলা মল্লিক। মুখ হাত ধুয়ে প্রস্তুত হয়ে নিতে হবে। অতীতকে ভুলবার সাধনা ওর, নতুন জীবনে ভুলে থাকবার প্রাণপণ প্রয়াস। অজ্ঞানপুরে সঙ্গে নিজেকে মিশিয়ে নিতে হবে যেমন করে হোক। বাকী জীবনটা কাটাতে এইখানেই।

কাটতে লাগল দিন।

হোষ্টেলের মেয়েরা কেউ কেউ আসত মাঝে মাঝে। লতিকা সেন নতুন এসেছে। চপল মেয়ে, বছর কুড়ি বয়স হবে। ছুটো-ছুটি করে বেড়ায়, করে বেড়ায় এঘর ওঘর। সবাইকে এড়িয়ে থাকতে পারে বেলা মল্লিক কিন্তু লতিকার কাছে ওর সব গাঙীর্ষা খান খান হয়ে যায়।

ছড়মুড় করে ঘরে ঢুক একেবারে গুয়ে পড়ে বিছানায়। বলে "আচ্ছা বেলাদি, রাতদিন আপনি এমন গভীর হয়ে থাকেন কেন বলুন ত? কারও সঙ্গে মেশেন না, যান না কারও ঘরে। ভাল লাগে এমন নিরিবিলা থাকতে?"

ঠোটেব কোণে বিষয় হাসি খেলে যায় বেলায়। মন্থণ গাল দুটোয় টোল পড়ে। বলে, “কোথায় আর যাব, বল? ঘরে বসেই পড়াশুনো করি একটু—”

“বাত্রেও গগলস চোখে রাখেন?” অবাক হয় লতিকা—
“আলো লাগে বুঝি চোখে?”

হাসিটি মুছে যায় চোপ থেকে। দীর্ঘশ্বাস ফেলে বেলা মল্লিক, লতিকা জানে না, ওই গগলসের তলায় কি বীভৎস দৃশ্য লুকানো আছে। বাধা হয়েই মিথো করে বলতে হয়—“আলো সহ্য হয় না আমার। দিনে-রাতে সব সময় তাই চোখে রাখতে হয় এটা। ডাক্তারের নির্দেশ।”

চুপ করে থাকতে পারে না লতিকা। প্রশ্নের পর প্রশ্ন করে চলে। বলে, “আচ্ছা বেলাদি, ছুটিতে ত কোথাও যান না আপনি! বাড়ী বুঝি অনেক দূর?”

মুখপাতা আড়াল করে বলে বেলা, “হ্যাঁ লতিকা।”

স্কুল আর হোস্টেল। হোস্টেল আর স্কুল। একঘেয়ে জীবন। বেলা ভেবেছে, এবারে এম-এ পরীক্ষাটাও দিয়ে দেবে। পড়াশুনে রত্নু ভুলে থাকে যায় বৈচিত্র্যহীন জীবনের অবসাদকে। মাইনের যে অংশটা থাকে খরচ-খরচা বাঁচিয়ে, তার কিছু রাখে ব্যাঙ্কে, আর কিছুতে কেনে নানা রকম বই। সারাদিন ডুবে থাকে তাতে।

যখন পড়তেও ভাল লাগে না, তখন হোস্টেল ছেড়ে বেরিয়ে পড়ে বেলা মল্লিক। মাঠের আলপথে পথে, অজ্ঞান বিজয়ের ধারে ধারে ঘুরে বেড়ায় একাই। লোকজন বড় একটা আসে না এদিকটায়। বিলের জলে সজস্র পদ্ম ফুটেছে। ঝাকে ঝাকে বেলেহাঁস নামে বিলের জল। সাদা বক উড়ে চলে মার বেঁধে। দুবের মেঠো পথে গরুর পাল নিয়ে ঘরে ফেরে রাখালছেলে। আর ঝোপ-ঝাড় এড়িয়ে, পায়ে চলা সরু পথে ঘরে ফেরে বেলা মল্লিক।

মাঝে মাঝে লতিকা সঙ্গ নেয়। কলকাতায় কাটিয়েছে আজন্ম, পাড়ারগা দেখে নি এর আগে। উচ্ছ্বসিত হয়ে ওঠে। বলে, ‘আপনি বুঝি এদিকে প্রায়ই আসেন বেলাদি? ডাকেন না কেন আমাকে? কি সুন্দর জায়গা।’

কি হবে ডেকে—বেলা ভাবে, ও যে মানুষের সংসর্গ এড়াতেই চায় শুধু। মনটা যখন হাঁপিয়ে উঠে ঘরের কোণে, তখন শাস্তি খুঁজে ফেরে অজ্ঞানপুরের পথেপ্রান্তরে।

তবু বলে, “তুমি ত থাক না সব সময়, একাই আসি তাই। তা ইচ্ছে হলে এস না আমার সঙ্গে।”

লতিকা জিজ্ঞাসা করে, “জানেন বেলাদি, মাঝে মাঝে বড় খারাপ লাগে এখানে পড়ে থাকতে। মনে হয় পালাই এ ছাই চাকরি-বাকরি ছেড়ে দিয়ে। সারাজীবন শুধু মাষ্টারনী হয়েই কাটাও না কি?”

সারাজীবন? বেলা ভাবে, এই ত সবে জীবনের শুরু গুর। মনে এখনও কত স্বপ্ন কত সাধ, আশা আর আকাঙ্ক্ষা। হয়ত

একটি সুখী আর শান্ত গৃহকোণের স্বপ্ন দেখে ও। কল্যাণী গৃহিণী হবার ভরসা রাখে মনে মনে। কিন্তু বেলা মল্লিকের সারা জীবনটাই যে উষর-সফলতার সম্ভাবনাহীন। এমনি করে তাকে কাটিয়ে দিতে হবে জীবনের বাকী দিনগুলি। মনকে বেঁধে রাখতে হবে কঠিন হাতে।

বলে, “তোমার আর কে আছেন লতিকা?”

উৎসাহ পেয়ে মুখর হয়ে উঠে লতিকা, বলে, “বাবা মারা গেছেন বছরখানেক আগে, বড় ভাই নেই কেউ। বাবা হয়েই চাকরি নিতে হয়েছে আমাকে। বিয়ে ঠিক হয়ে আছে অনেকদিন আগে থেকে। কিন্তু বিয়ে হয়ে আমি চলে গেলে মা আর ভাই বোন দুটো অর্থে জলে পড়বে, তাই জরুরি বাজী হয়েছে অপেক্ষা করতে। প্রায়ই কলকাতায় যাই, দেখা করি জয়শ্চের সঙ্গে। উৎসাহ দেয় জয়শ্চ। বলে, ‘বিয়ে ত আমাদের হয়েই গেছে, কথা ত তা নয় লতু। স্বামীর ঘরের চেয়েও বড় কর্তব্য তোমার সামনে। ওদের পথ তৈরি করে দাও, আমি অপেক্ষা করব তত দিন।’”

লতিকার চোখ দুটো জল জল করে ভবিষ্যৎ জীবনের কল্পনায়। ভাইটা আই-এ পরীক্ষা দেবে এবার। আর দুটি মাত্র বছর। অস্তুতঃ গ্রাজুয়েট হটুক ও। তার পর পারবে নিজের পায়ে দাঁড়াতে। তখন ছুটি লতিকার। ঘর বাঁধবার কথা তখন। এ দুটো বছর অস্তুতঃ চাকরিটা বজায় রাখতেই হবে।

আর বেলা মল্লিকের চোখের সামনে ভেসে ওঠে পুরনো দিনগুলি। এমনি করে প্রতীক্ষা ত সেও করেছে। কিন্তু সে প্রতীক্ষা কি দিয়েছে তাকে। তার স্বপ্ন ফলপ্রসূ হ’ল না এ জীবনে। সুখী হোক লতিকা, জীবনের এ কঠোর পরীক্ষা পার হয়ে ও সার্থক হয়ে উঠুক।

প্রশ্ন করে, “জয়শ্চ কি করে লতিকা?”

—“কেন, চাকরি?” সঙ্গে সঙ্গে জবাব দেয় লতিকা, “অবস্থা ত ওদেরও ভাল নয় তেমন। এম-এ পাশ করতে পারে নি টাকার অভাবে, চাকরিতে ঢুকেছে—ওর বাবার আপিসে। এক সপ্তদাগরী আপিসের বড়বাবু ছিলেন ওর বাবা, রিটারায় করেছেন কয়েক বছর হ’ল। ছোট তিনটে বোন, হ’জনের বিয়ে হয়ে গেছে, একটি পড়ছে ফার্স্ট ক্লাসে। মোটামুটি চলে যায় দিন—”

টাকার সমস্যা ছিল না বেলায় জীবনে। অভাব সে বোধ করে নি কোন দিন। বিখ্যাত আইনজীবীর ছেলে প্রভুল, সেখানেও কোন হেতু ছিল না অর্থচিন্তার। যে সমস্যা ওর জীবনে প্রধান হয়ে উঠেছিল, তাকে আয়ত্তে আনা যেতই। কিন্তু বিধাতাই যে বাদ সাধলেন অবশেষে।

পড়ন্ত সূর্যের আলো বিকমিক করে বেলা মল্লিকের মার্কারী। গগলসে। পরিপূর্ণ স্বাস্থ্য আর অপরূপ দেহলাবণ্যে অপূর্ব দেখার ওকে। মুগ্ধ দৃষ্টিতে ওর দিকে তাকিয়ে ঘনিষ্ঠ হয়ে আসে লতিকা।

বলে, “আচ্ছা বেলাদি, আপনার ত তেমন কোন অভাব নেই

বলেই মনে হয়। তবে কেন চাকরি করছেন মিছিমিছি? আমার মতন অবস্থা কি আপনারও...”

—“না না,” এভাবে হাসতে হয় বেলাকে—“সে সব কিছু নয়। ওকথা ভাবি নি এখনও। কারও জগে প্রতীক্ষাও নেই। এমনি করেই, স্বাধীনভাবে জীবনটাকে যদি কাটিয়ে দেওয়া যায়, তবে সাধ করে কে আর নিজেকে জড়তে চায় বল।”

“একে আপনি স্বাধীনতা বলেন?” রীতিমত বেগে যায় লতিকা, “এমনি করে চোপ্টলের ঠাকুরের বাগ্না গিলে স্কুলের মেয়ে ঠেঙিয়ে, নীরস, একঘেয়ে জীবন কাটানোকে আপনি শাস্তির বলে মনে করেন? আপনার বিচারবোধকে কিন্তু প্রশংসা করতে পারলাম না বেলাদি।”

উদগত দীর্ঘশ্বাস চেপে বেলা বলে, ‘আদর্শও ত থাকে মানুষের। এতগুলি মেয়ের ভবিষ্যৎ গড়ে উঠছে আমাদের হাত দিয়ে—তারা মানুষ হয়ে উঠবে—’

“মানুষ নয় বেলাদি”—লতিকা বলে ঠোট বঁকিয়ে, ‘শিক্ষয়িত্রী হবে। কিসের আদর্শ বেলাদি—কিসের আশা যে আপনাকে এমন করে চিন্তা করতে শিগিয়েছে জানি না। কিন্তু বিশ্বাস করুন, শুধু আমি নই, আমার মত আরও যারা আছে এখানে, এ ধরনের জীবনযাপনে সবাই অতিষ্ঠ। কোনক্রমে দিনগত পাপক্ষয় করছে সবাই—’

সেই কি করতে না? বেল মল্লিক ভাবে, এই জীবন কি সাধ করে বরণ করে নিয়েছে সে? কিন্তু উপায় কি? নিজের দৈন্য জানিয়ে কি লাভ? ওর সামনে ধু ধু মরুভূমি, নিরানন্দ জীবন। মনকে চোপঠারা ছাড়া গতি নেই। আদর্শ বলে মেনে নিলে তবু যদি একঘেয়েমিটা কমে।

দিনের পর দিন, মাসের পর মাস কেটে গেল। ঘুরে এল বছরের পর বছর।

এম-এ পরীক্ষার জগে এক মাসের ছুটি নিল বেলা মল্লিক। উঠল এসে কলকাতার এক পরিচ্ছন্ন হোটেলে—একটি ঘর নিয়ে।

পরীক্ষার শেষ দিনে ঘটল ঘটনাটা। ইউনিভার্সিটি থেকে সবে বেরিয়েছে। ইচ্ছা—ক্লাস্ত শরীর আর মনটাকে চাঙ্গা করে নেবে কলেজ স্কয়ারের উন্মুক্ত হাওয়ায়। পথটা পার হচ্ছে এমন সময়—

কর্কশ একটা শব্দ করে দাঁড়িয়ে গেল ‘ব্রহ্ম’ গাড়ীখানা ঠিক ওর পাশেই। একটি অতি পরিচিত কণ্ঠস্বর বাজল এসে কানে—‘বেলা’—

বিদ্যায়-গতিতে ফিরে দাঁড়াল বেলা মল্লিক। মার্কারী-গগল্‌সে পিছলে পড়তে থাকল দীপ্ত সূর্যের আলো। অক্ষুট আর্জুনাদ করে উঠল—‘প্র-ভূ-ল!’

কয়েকটি মুহূর্ত। অবাধ বিষ্ময়ে আর প্রচণ্ড পুলকে স্থায়ের মত দাঁড়িয়ে গেল বেলা মল্লিক। আর ষ্টীয়ারিংয়ে হাত রেখে নিষ্পন্দ হয়ে রইল প্রভুল লাহিড়ী। কয়েকটি অসহ্য মুহূর্ত। তার পর

উদ্বল আনন্দে একটানে দরজাটা খুলে বেরিয়ে এল প্রভুল। পাশে এসে দাঁড়াল। সারা জগৎ তখন মুছে গেছে চোপের সামনে থেকে—প্রণব সূর্যের আলো, লোকজন, যানবাহন, সবকিছু। ওরা পরস্পর চেয়ে রইল চোখে চোখে—জীবনের চরম পরীক্ষার শেষে, ব্যাকুল প্রতীক্ষার অবসানে।

কাটল কিছুক্ষণ।

এক সময় প্রভুল বলল, ‘এখানে নয় আর। উঠে এস বেলা, চল—’

মহুমুগ্ধের মত গাড়ীতে এসে উঠল বেলা মল্লিক। বসল প্রভুলের পাশে। কত দিন পর ওরা আবার কাচাকাছি এল। হৃৎপিণ্ডটা যেন যুগপৎ আনন্দে আর বেদনায় দাপাদপি শুরু করে দিয়েছে বেলার। ভাগ্য আজ ওকে চরম পরীক্ষার মুণোমুখি দাঁড় করিয়ে দিয়েছে। এক শেষে হয় পরম আনন্দ, না হয় দুঃসহ বেদনা। হয় আলোঝলমল জীবন, না হয় চির অন্ধকারাবৃত মৃত্যু। পথ নেই আর।

গাড়ী ছুটছে, তীব্র বেগে। ওয়েলিংটন স্ট্রীট আর ধর্মতলা হয়ে চৌবঙ্গী। গড়ের মাঠ পার হয়ে ষ্ট্র্যাণ্ড রোড। সামনে বিস্তৃত-বক্ষ গঙ্গা। ওরা থামল।

প্রভুল তাকাল চোখে চোখে, এতক্ষণে। আবেগপ্লুত কণ্ঠে বলল, ‘জীবনে আবার দেখা পাব তোমার একথা ভাবি নি বেলা। এমনি করে, এতদিন পরে ভগবানের কৃপাতেই এ সম্ভব হ’ল। কিন্তু কেন তুমি এমন করলে বেলা—’

রক্তে রক্তে তাণ্ডব চলছে। শিরা-উপশিরা বেয়ে কি একটা তীব্র জ্বালা উঠছে মাথার দিকে। হাতটা আপনা থেকে গিয়ে ঠেকল চোপের উপর মার্কারী গগলসটার।

বেলার একখানি হাত নিজেব হাতে তুলে নিল প্রভুল লাহিড়ী। বলল, ‘দেশে ফিরে প্রথমেই গিয়েছিলাম তোমার কাছে। অভিনন্দন কুড়োতে। কিন্তু কি যে আঘাত পেলাম! তোমার কাকা-বাবু শুধু জানাজেন, তুমি ছেড়ে চলে গেছ তাদের। কি কারণে, বললেন না। দিনের পর দিন, মাসের পর মাস শুধু খুঁজে বেড়িয়েছি তোমাকে। সে কি অসহ্য জ্বালা, তুমি কি বোঝ নি বেলা? কিন্তু পেলাম না তোমাকে। জীবনের উপরেই যেন বিতৃষ্ণা এসে গেল আমার। অথচ কি আশ্চর্য্য, চেষ্টা না করেও প্রায়কটিস ঠিকই জমে গেল। শত কাজের মধ্যেও তোমাকে ত ভুলতে পারি নি বেলা। আর ভুলতে পারি নি আমার প্রতিশ্রুতিকে।’

মার্কারী গগল্‌সের তলায় চোপ ছোটো আসছে ঝাপসা হয়ে। প্রভুল লাহিড়ীর হাতের মুঠোয় সাতাশ বছরের ধর-বোঁবন ধর ধর কাঁপছে। তীব্র কান্নার বেগ কণ্ঠ বেয়ে উঠছে প্রবল গতিতে। প্রাণপণে নিজেকে সংযত করবার চেষ্টা করতে লাগল বেলা মল্লিক।

বলল রুদ্ধ কণ্ঠে, ‘আমি জানতাম প্রভুল, আমি জানতাম। সবই জানতাম আমি। কিন্তু তবু আমাকে আত্মগোপন করতে হয়েছে—বাধ্য হয়ে। কেন, সে প্রশ্ন আজ বোধ হয় অবাস্তব। কোন

লাভ নেই সে প্রশ্নের জবাব দিয়ে। তুমি শুধু জেনে যাও, সেদিন
যা সম্ভব ছিল, আজ আর তা হবার নয়। কোন ভাবেই নয়—’

পথম বিষয়ে প্রতুল স্তব্ধ হয়ে বইল কিছুক্ষণ। ভাষা যোগাল
না কণ্ঠে। তার পর শক্তি সঞ্চয় করে বলল, ‘কেন হবার নয়
বেলা? কেন তুমি ভেঙে দিতে চাও আমার এত দিনের স্বপ্নকে?
কেন আমার প্রেমকে অস্বীকার করতে চাও তুমি?’

আর নয়, আর নয়। আর পারবে না বেলা মল্লিক। এমন
করে হুঃসহ দাহনে দগ্ধ হতে পারবে না আর। তার চেয়ে সেই
ভাল। জেনে নিক প্রতুল, দেপে নিক। উন্মোচিত হয়ে যাক ওর
জীবনের সর্বনাশা আঘাত। সব সংশয় চুকে যাক আজ।

একটি মুহূর্ত্ত ওর হাতখানা গিয়ে স্থির হয়ে বইল মাকারী
গগল্‌সর সাইড-শেড-ফ্রেমে। একটা প্রাণ-সংশয় দ্বিধা, কিন্তু
ঐ মুহূর্ত্তকালই। একটানে চোখ থেকে তুলে নিল মাকারী
গগল্‌সটা। মণিটা ধর ধর করে কাঁপতে কাঁপতে স্থিরনিবন্ধ হয়ে
গেল প্রতুল লাহিড়ীর চোখে চোখে।

আর একটা তীব্র আর্তনাদ করে পিছিয়ে গেল প্রতুল লাহিড়ী।
আতঙ্কে আর হতাশায় ওর দুটো হাতে চেপে ধরল নিজের দুটো
চোখ, ভয়কণ্ঠে চীৎকার করে উঠল, ‘এ—কি?’


ঐ একটি মুহূর্ত্তই। মাকারী গগল্‌সটা নাকের উপর বসিয়ে
হ্যাঁচকা টানে গাড়ীর দরজাটা খুলে ফেলল বেলা মল্লিক। অশ্রুর
বজা নেমেছে হুঁচোথের কোলে। পরাজিত জীবনটা যেন হাতাকার
করে উঠল ওর অশ্রু-ভেজা কণ্ঠে—‘এই জগ্গেই চাই প্রতুল, এই
জগ্গে সরে যেতে চাই তোমার জীবন থেকে। দেহকে কেন্দ্র করে
গড়ে উঠেছে যে প্রেম, সে ত সহিতে পারবে না তার ঈর্ষিত দেহের
এই প্রচণ্ড ক্ষতি। তার বিকৃতিতে মন শিউবে উঠবে আতঙ্কে আর
ঘৃণায়। তুমি মহৎ, হয় ত সমবেদনা দেখাতে পার তুমি, অমুকম্পায়
ভিজ্জে উঠতে পারে তোমার মন। কিন্তু কুপা নিয়ে কি প্রেম বাঁচে
প্রতুল? আমি সে জীবন মহৎ করতে পারতাম না প্রতুল, আজও
পারব না। তার চেয়ে...তার চেয়ে এই ভাল। এই-ই ভাল।
পথ নেই, পথ নেই—’

পথ ছেড়ে দ্রুত পায়ে মাঠের মধ্যে নেমে পড়ল বেলা মল্লিক।
পা দুটো ভেঙে পড়ছে, তবু ধামলে চলবে না। ধামা যায় না—
আর গাড়ীর মাঝে হুঁহাতে মুখ ঢেকে বিবর্ণ পাণ্ডুর মুখে স্তব্ধ
হয়ে বইল প্রতুল লাহিড়ী—তীব্র অবসাদ বৃকে নিয়ে।

সারা আকাশে আবীর ছড়িয়ে তখন গজার অপরা পাবে অস্ত
যাচ্ছেন সূর্য্যদেব। দিনান্ত হ’ল।

জীবনের দাম

শ্রীঅচ্যুত চট্টোপাধ্যায়



জীবনের কতটুকু দাম।
ডাকে-আসা ছাপমারা
মুখছেঁড়া খাম—
কতটুকু কাজে লাগে?
বড়জোর রাস্তিরে—
ঘুমোবার আগে—
পিদ্দিমে জেলে নিয়
করা চলে শেষ ধূমপান।
অথবা—
অফিসে যেতে
গোটাকতো পান—
মুড়ে নিয়ে যাওয়া চলে;
তারপর—

মুখ ধুয়ে রাস্তার কলে
ফেলে দাঁও পথের ওপরে,
কুচি কুচি ক’রে।
অথবা—
উল্টে নিয়ে—
শাদ্দা পিঠে তার—
লেখা চলে মূর্খীর ভাউচার।
অথবা—
টুকুবো ক’রে বইয়ের পাতায়—
বুকমার্ক ক’রে রাখা যায়।
প্রয়োজন শেষ হ’লে—
সকলেরই এই পরিণাম।
জীবনের কতটুকু দাম?

পল্লীর দেবদেবী

শ্রীযতীন্দ্রমোহন দত্ত

বাংলা দেশের সভ্যতা গ্রামীণ সভ্যতা। বহু বৎসর, বহু যুগ ধরিয়া ইহা চলিয়া আসিতেছে। ইহার সৃষ্টি, পুষ্টি ও উন্নতির যুগ শেষ হইয়াছে বলিয়া মনে হইতেছে। এক্ষণে ইহার ক্ষয় হইতেছে। এই ক্ষয় ভাল কি মন্দ তাহা আমরা জানি না। আমাদের মনে হয় এই সভ্যতা যুগে যুগে কিরূপ ছিল ও কি ভাবে পরিবর্তিত হইয়াছে সে বিষয়ে আলোচনার সময় আসিয়াছে।

গ্রামীণ সভ্যতার একটি অঙ্গ হইতেছে গ্রামবাসীদের ধর্মভাব ও ধর্ম-চর্চার স্বযোগ-সুবিধা। পূর্বের নূতন গ্রাম পত্তন হইলে বা গ্রামের লোকসংখ্যা বাড়িলে গ্রামের জমিদার কিংবা বহিষ্কৃত ব্যক্তির মন্দির, মসজিদ প্রভৃতি করিতেন। এ বিষয়ে হিন্দুরা মন্দির ও মসজিদে প্রভেদ করিতেন না। লেখকের পূর্বপুরুষেরা বলিকাতার পুরাতন বাসিন্দা হইলেও, খাথরগঞ্জ জেলায় (বহুনা খুসনা জেলায়) বলেশ্বর নদের তীরে তাঁহাদের জমিদারীতে একটি নূতন গ্রামের পত্তন করিলে বহু মুসলমান প্রজা চাষবাস করিতে আসে। এই সব প্রজার সুবিধার জগা ইংরেজী ১৮২০-২২ খ্রীষ্টাব্দে তাঁহারা গ্রামে একটি মসজিদ করিয়া দেন ও মগারদের জগা ৩০ বিঘা জমি দেন। ইহা বাংলার রেভিনিউ বোর্ডের কাগজপত্রে উল্লিখিত আছে। মুসলমান জমিদারেরা তাঁহাদের মধ্যে বাধে বলিয়া হিন্দু প্রজাকে মন্দির করিয়া দিতেন না বটে, তবে দেবস্থান প্রভৃতির গাঞ্জনাই হইতেন না। মুর্শিদাবাদের নবাববাড়ী হইতে এখনও মুর্শিদাবাদ জেলার বাঘজাঙ্গার দেবাস্থানে নিত্য সিন্ধা আসে।

এইরূপ বহু মন্দির, দেবস্থান বা মসজিদ বাংলার বিভিন্ন গ্রামে আছে যাহাদের প্রতিষ্ঠাতার নাম আমরা ভুলিয়া গিয়াছি। অনেক মন্দির বা দেবস্থান অথবা দেবদেবী অন্যদিকাল হইতে আছে বলিয়া লোকের দৃঢ় বিশ্বাস; কিরূপে ইহা পরিবর্তিত হয় তাহার একটি উদাহরণ দিব। চব্বিশ পরগণার খানা বরাহনগরের অন্তর্গত এঁড়েন্দ্র গ্রাম। শ্মশানঘাটের নিকট ভাগীরথীতীরে পাকা পোস্তার উপর একটি মন্দিরে 'বুড়োশিব' আছেন; কেহ কেহ বলেন ইহার নাম দক্ষিণেশ্বর—লিঙ্গাচ্চম তলে নাকি ইহার উল্লেখ আছে; এবং ইহারই নাম অনুসারে এককালে ইহার দেবোত্তরভুক্ত দক্ষিণেশ্বর গ্রামের উৎপত্তি। এঁড়েন্দ্র গ্রামের উল্লেখ কবিকঙ্কণ মুকুন্দরাম করিয়াছেন—কিন্তু মৌজা হিসাবে এঁড়েন্দ্র এখন কামারহাটির সহিত মিলিত এবং দক্ষিণেশ্বর ছিল একটি আলাহিন্দা মৌজা। 'বাণ'রাজা 'বুড়োশিবের' পোস্তা বঁধাইয়া দেন। এই বাণরাজার বাড়ীও লোকে দেখিয়া থাকে। বাণরাজার বাড়ীর ভিতরে ইষ্টকনির্মিত বৃহৎ পাকা ইদারা আছে। ইদারার ইট ছোট ছোট এবং তাহার দৈর্ঘ্য, প্রস্থ

ও বেধের পরিমাণ এইরূপ যে বাবুরাম মিস্ত্রি বলে—এই বকম ইট নবাবী আমলের আগেকার ইট।

বুড়োশিব নামই সমধিক প্রচলিত। ইনি এবং ইহার নিকট-বর্তী মুক্তকেশী কালীই গ্রাম-দেবতা বলিয়া বহুলোকে জানে। মুক্তকেশী কালী কিন্তু বৈশীদিনের নহে। ভারতের জাতীয় কংগ্রেসের প্রথম সভাপতি ডব্লিউ. সি. বনার্জীর পিতামহ এক মোকদ্দমা জিতিয়া এই কালী প্রতিষ্ঠা করেন। ইহা সোয়া শত বৎসরের কথা। তাহার বহু পূর্বে হইতেই 'বুড়োশিব' আছেন।


বাংলার বহু গ্রামে গ্রাম-দেবতা বা গ্রামা-দেবী আছেন। কোন কোন গ্রামে গ্রামা দেবদেবী ছাড়া যষ্ঠীতলা, পঞ্চাননতলা প্রভৃতি ও "বাবা ঠাকুরের" স্থান দেখা যায়। বেলঘরিয়া গ্রামে (এঁড়েন্দ্র হইতে ২ মাইল পূর্বে) "বাবা ঠাকুরের" স্থান আছে। শিশুর মাথায় যখন প্রথম ক্ষুর দেওয়া হয় তখন বাবা ঠাকুরের তলায় পূজা দিয়া চুল দিতে হয়। ধান খড়ের অন্তর্গত সুখচর গ্রামে "সাকুরির" তলা আছে—"সাকুরির" তলায় বাতাসা মানত করিয়া ইহার মাটি খাইলে বক্ষা-নাশীর ছেলে হয় বলিয়া লোকের বিশ্বাস। নিকটবর্তী পানিহাটি গ্রামে এইরূপ একটি "মনসাগা" ছিল। মনসাগাছে ফালি দিয়া চিজ বাঁধিয়া দিলে প্রথম সন্তানবতী সহজেই সন্তান-প্রসব করিতে পারিবে বলিয়া লোকের বিশ্বাস। বড় মনসাগাছ পড়িয়া গেলে, নূতন মনসাগাছের কোন মাহাত্ম্য নাই বলিয়া এই প্রথা উঠিয়া গিয়াছে।

এই সকল গ্রামা-দেবদেবী ও যষ্ঠীতলা, পঞ্চাননতলা প্রভৃতি সম্বন্ধে গ্রামে গ্রামে অনুসন্ধান, ইহাদের ইতিহাস, সংস্থান প্রভৃতি সম্বন্ধে ব্যাপক অনুসন্ধান আবশ্যিক হইয়াছে। তথ্যসমূহ সংগৃহীত হইলে তাহা হইতে গ্রামীণ-সভ্যতার কিছু স্বরূপ বুঝা যাইবে। এ বিষয়ে বিশেষ কোন অনুসন্ধান হইয়াছে বলিয়া লেখকের জানা নাই।


গ্রামা-দেবদেবীর সম্বন্ধে আলোচনার পূর্বে গ্রাম কাহাকে বলে তাহার সম্বন্ধে মোটামুটি একটা ধারণা থাকা উচিত। আমরা "ভদ্রলোক" বলিলে একটা মোটামুটি ধারণা করিতে পারি যে, ভদ্রলোকের এই এই গুণ আছে বা ইনি এই এই কাজ করিবেন না, কিন্তু "ভদ্রলোকের" সংজ্ঞা দেওয়া সহজ নহে। সংজ্ঞা দিবার একটু চেষ্টা করিলেই বুঝিতে পারা যায় যে, ভদ্রলোকের সংজ্ঞা কিরূপ হুহু। এইরূপ "মধ্যবিত্ত" বলিলে আমরা একটা ধারণা




পালাম বিমানঘাটতে ব্রহ্মের প্রাক্তন প্রধানমন্ত্রী উ লু, শ্রীজবাহরলাল নেহরু, ডক্টর এম. বাধাকৃষ্ণন
দলই লামা এবং শ্রীআপ্পা পত্ত



নয়া দিল্লীতে অল ইণ্ডিয়া ফাইন আর্টস এণ্ড ক্রাফটস সোসাইটির চিত্রপ্রদর্শনীতে দলই লামা ও পঙ্কেন লামা



ইলোবার কৈলাস মন্দিরে নেপালের প্রধানমন্ত্রী ত্রিটকপ্রসাদ আচার্য্য



এগরজন ভারতীয় গ্রহাগারিকের একডেমিগেশনের মাকিন যুক্তরাষ্ট্র যাত্রা

করিতে পারি; কিন্তু কত টাকা আর হইলে আমরা ব্যক্তিবিশেষকে মধ্যবিত্ত বলিয়া ধরিব বা কত টাকা আর বেশী হইলে আমরা তাঁহাকে ধনী-শ্রেণীভুক্ত করিব বলা আদৌ সহজ নহে।

“গ্রাম” বলিলে আমরা একটা মোটামুটি ধারণা করিতে পারি, গ্রামের মধ্যে ‘ঘোষ-পাড়া’, ‘দাস-পাড়া’, ‘বাগ্দী-পাড়া’ ‘মুসলমান-পাড়া’ও বৃথিতে পারি, কিন্তু গ্রামের সংজ্ঞা দেওয়া দুক্ল।

সময়ে সময়ে গ্রামের সীমানা নির্দেশ বা গ্রাম কতদূর বিস্তৃত বলা সুকঠিন। সুখচর ও খড়দহের মধ্যে “কুলীনপাড়া।” মৌজা হিসাবে কুলীনপাড়া সুখচরের অন্তর্গত, মিউনিসিপ্যালিটি হিসাবে খড়দহের অন্তর্গত। কুলীনপাড়ার ব্রাহ্মণগণের সামাজিক সম্বন্ধ খড়দহের সহিত; নবশাখ প্রকৃতির সম্বন্ধ সুখচরের সহিত।

বাংলার সরকারী কাগজপত্রে যে village বা গ্রামের উল্লেখ দেখিতে পাওয়া যায় তাহা হইতেছে রাজস্ব বিভাগীয় মৌজা। মৌজা হয়ত এককালে ‘সামাজিক’ গ্রাম ছিল—কিন্তু এখন জরিপ জমাবন্দীর কাগজে এক চৌহদ্দিভুক্ত স্থানের নাম মৌজা। কোন কোন স্থানে মৌজা গ্রামের equivalent বা সমপর্যায়বাচক হইলেও বহু স্থানে নহে। আবার আমাদের “শহর” মহকুমার সদর হইলেই শহর, মিউনিসিপ্যালিটি হইলেই শহর অনেক ক্ষেত্রে কতকগুলি গ্রামের বা মৌজার সমষ্টি মাত্র। সাইমন কমিশন ভারতবর্ষে আসিলে বাংলা সরকার তাঁহাদের সম্মুখে যে স্মারকলিপি পেশ করেন তাহাতে বলেন যে, বাংলার শহর বেশীর ভাগই হইতেছে “overgrown villages”—বাংলা সরকার অবশ্য village কথাটি social villages বা সামাজিক গ্রাম এই হিসাবে ব্যবহার করিয়াছিলেন, মৌজার প্রতিশব্দ হিসাবে ব্যবহার করেন নাই। আবার ভাগীরথীর উত্তরতীরস্থ গ্রামসমূহে এত ঘন বসতি, এত শিক্ষিত-সজ্জনের বাস, এত ব্যবসায়-বাণিজ্যের কেন্দ্র যে, তাহাদিগকে শহর বলিয়া ভ্রম হয় এবং তাহাদিগকে শহর বলিয়া ধরিলে খুব অজ্ঞান হয় না। কলিকাতা তিনখানি গ্রামের সমষ্টি।

পশ্চিম বাংলার ৩৯,১৫১টি মৌজা বা গ্রাম আছে, ইহার মধ্যে ৩,৫৬৯টি মৌজার কোন লোকবসতি নাই। দেখা যায় সংখ্যা হিসাবে শতকরা ৯টি মৌজার লোকবসতি নাই। আর বসতিপূর্ণ মৌজার সংখ্যা প্রতি দশকেই কিছু না কিছু কমিতেছে। ইহার বহু রাজনৈতিক, অর্থনৈতিক ও সামাজিক কারণ থাকিলেও একটি বিশেষ কারণ হইতেছে—লোকের গ্রাম ছাড়িয়া শহরের দিকে, পাড়া ছাড়িয়া গণগ্রামে আসিবার ঝোক বা আগ্রহ। আচার্য্য প্রফুল্লচন্দ্র রায় গ্রাম ৪০ বৎসর আগে “গ্রামে কিরিয়া যাও” ধ্বনি তুলিয়াছিলেন ও বহু যুক্তি দিয়াছিলেন, কিন্তু জনগণের গ্রামে যাইবার মতি হয় নাই। একটু লেখাপড়া শিখিলেই কর্ণের সন্ধানে জনগণ শহরমুখে হয়। জমিদারী প্রথা লোপ পাইবার ফলে এই শহরমুখে ভাব বিশেষ প্রবল হইয়াছে। জমিদার, তালুকদার শ্রেণীর গ্রামে থাকিবার যে অর্থনৈতিক, সামাজিক প্রয়োজন ছিল, তাহা এক্ষণে নাই। এজন্য তাঁহারা গ্রাম ছাড়িয়া টাকার যোগাড়ের জন্ত শহরে আসিতেছেন। গ্রামের পূজাপার্বণাদিতে তাঁটা

পড়িয়াছে; অনেকে পৈতৃক পূজা-অর্চনা তুলিয়া দিতে বাধ্য হইয়াছেন। সন ১৩৬১ সালে যেখানে ১০০ দুর্গাপূজা হইত; ১৩৬২ সালে তাহার ৭৮টি উঠিয়া গিয়াছে বা বন্ধ হইয়াছে; ১৩৬৩ সালে ২০.২২টি বন্ধ হইয়াছে। পরেও আরও হইবে বলিয়া আশঙ্কা হয়।

ইহার একটি ফল হইতেছে—গ্রামীণ সভ্যতার বা কৃষ্টির অঙ্গহানি বা স্থানবিশেষে সম্পূর্ণ লুপ্ত হওয়ার সম্ভাবনা। যদি কোন গ্রামের—মৌজার নহে, সমস্ত লোক সেই গ্রাম পরিত্যাগ করিয়া নূরে অস্ত্র চলিয়া যায়, তাহা হইলে সেই গ্রামের গ্রাম্য-দেবদেবীর নিত্য পূজা ত বন্ধ হইবেই, কালক্রমে সেই সব দেবদেবীর মন্দিরাদি ধ্বংসস্তপে পরিণত হইবে ও “আস্তান” অবধি লুপ্ত হইবে। পূর্ববঙ্গ হইতে বহু হিন্দু পশ্চিমবঙ্গে বা ভারতের অস্ত্রান্ত স্থানে চলিয়া আসার ফলে বহু গ্রাম্য-দেবদেবীর নিত্যপূজা ত বন্ধ হইয়াছেই, পাল-পার্বণে যে পূজা হইত, ধুমধাম হইত, মেলা বসিত তাহাও বন্ধ হইয়াছে। বহু স্থানে মুসলমানেরা দেবদেবীর মূর্তি ও মন্দির ভাঙিয়া দিয়াছে ও “আস্তান” অপবিত্র করিয়াছে। নবাবী আমলেও এইরূপ বহু অত্যাচার হইয়াছিল, তাহার ফলে বহু গ্রাম্য-দেবদেবীর ও “আস্তানে”র বিলুপ্তি হইয়াছে। মন্দিরের ইট লইয়া মসজিদ তৈয়ারি করা নিত্যনৈমিত্তিক ব্যাপার ছিল।

সামাজিক গ্রামের (Social villages) সহিত বর্তমানের মৌজার পার্থক্য কিরূপ তাহা ১৯১১ সনের বাংলা, বিহার ও উড়িষ্যার আদাম-শুমাখির সুপারিন্টেন্ডেন্ট ওয়ালী সাহেব এইরূপভাবে তথ্য দিয়া দেখাইয়াছেন :—

বিভাগ	বসতিপূর্ণ—	
	মৌজা	গ্রাম
বর্তমান	২৪,১৩২	২৯,৪৫১
প্রেসিডেন্সী	১৩,৩৮৯	২১,২৩৩
পাটনা	১৩,২৩১	২৩,৫৬৬
ত্রিহৃত	১৪,৩৫২	২৯,৬৫৬
ভাগলপুর	১৯,৭১৪	৩২,৩০১
উড়িষ্যা	১৫,৬৭৫	২৩,৩৯১

দেখা যায় সর্বত্রই মৌজা অপেক্ষা সামাজিক গ্রামের সংখ্যাই বেশী। পশ্চিম বাংলার প্রথমোক্ত দুই বিভাগের কালি দিয়া হিসাব করিলে বসতিপূর্ণ গ্রামের গড় কালি এইরূপ পাওয়া যায় :—

বর্তমান বিভাগ—০.৪৭ বর্গমাইল
প্রেসিডেন্সী ,, —০.৮০ ,, ,,

আমরা যদি স্থলরবন এলাকার কালি বাদ দিয়া হিসাব করি তাহা হইলে প্রেসিডেন্সী বিভাগের গ্রামের ক্ষেত্রফল বর্তমান বিভাগের গ্রামের ক্ষেত্রফলের কাছাকাছি যাইবে। গড়ে সাধারণ গ্রামের ক্ষেত্রফল ০.৫ বর্গমাইল ধরিলে গ্রামগুলি যে ছোট ছোট তাহা বুঝা যায়। কোনও গ্রামই গড়ে দৈর্ঘ্য বা প্রস্থে ০.৭ মাইলের বেশী নহে। গ্রামের মধ্যস্থল হইতে গ্রামের প্রান্ত ০.৪ মাইলের

বেশী নহে। বড় গ্রাম যে নাই তাহা নহে, গড়ে গ্রামগুলি ছোট ছোট।

পশ্চিমবঙ্গে বিশেষ করিয়া চব্বিশ পরগণা, হাওড়া ও হুগলী জেলার অনেক গ্রামে দেখা যায় যে, গ্রাম-দেবতা শক্তিমূর্তি। যেখানে কালীমূর্তি নাই সেখানে অল্প কোন শক্তিমূর্তি, তৎপরেই শিবলিঙ্গের প্রাচুর্য। অনেক গ্রামে আবার শক্তিমূর্তি ও শিব দুই-ই আছেন। “উনপঞ্চাশীর” উপেন্দ্রনাথ বন্দ্যোপাধ্যায় মহাশয় বলিতেন যে, বিখ্যাত বিখ্যাত শিবলিঙ্গের অবস্থান একদিনের হাঁটা-পথের ব্যবধানে। যেমন কালিঘাটে নকুলেশ্বর, বালীতে কল্যাণেশ্বর, চুঁচুড়ায় ষণ্ডেশ্বর, তারকেশ্বরে তারকেশ্বর ইত্যাদি। পূর্বে হয়ত এই সব স্থানে শৈব মঠ ছিল; শৈব সন্ন্যাসী একজ্ঞান হইতে বাজ্রা করিয়া অপর স্থানে আশ্রয় পাইত। কথাটি সমগ্র বাংলার পক্ষে কতদূর সত্য তাহা জানি না, তবে সমীচীন বলিয়া মনে হয়।

গ্রাম-দেবতা হিসাবে কালীমূর্তির জায় বিষ্ণুমূর্তির তাদৃশ সংখ্যাধিক্য দেখা যায় না। বর্তমানে যেখানে বাধাকৃষ্ণ যুগলমূর্তি প্রায় গাঁওয়ের ঠাকুরের পর্যায়ে উঠিয়াছেন বলিয়া মনে হয়, তাহার অধিকাংশ স্থলে অনুসন্ধান করিলে জানা যায় যে, ইহারা গ্রাম-দেবতা নহেন। কোনও ব্যক্তি বিশেষ প্রতিষ্ঠা করিয়াছিলেন, পরে সর্বসাধারণের দেবতায় পরিণত হইয়াছেন। পঞ্চানন্দ, পঞ্চানন-তলা বা বগী ভলাকে গ্রামা-দেবতার পদবীতে উন্নীত করা যায় না— এক এক গ্রামে দুই বা ততোধিক পঞ্চানন্দ বা মা বগী আছেন। বহু জায়গায় শীতলামন্দির আছে।

দুই এক স্থানে “অবাসুর” ও “বনদেবতা” দেখিয়াছি। বন-দেবতা দেখিতে বন্ধকাটা মানুষের জায়—প্রকাশু মুগমগুল পেটের উপর—এং আকাশনীল। শীতকালে ধানকাটার সময় পূজা হয়— অল্প সময়ে হয় না। অনেক গ্রামে আবার নিতাই-গোঁড়ের মূর্তি আছে ও নিত্য পূজা হয়। শুধু যে বৈষ্ণবের “আখড়ায়” হয় তাহা নহে রীতিমত মন্দিরে পূজা হয়। কোন কোন স্থানে কেবল ‘মহাপ্রভু’র (শ্রীগোবিন্দদেবের) পূজা হয়। পশ্চিমবঙ্গের অনেক স্থলে জগন্নাথ, বলরাম ও সুভদ্রার বিগ্রহ আছে।

এককালে সারা বাংলায় বিশেষ করিয়া বাঢ় অঞ্চলে তন্ত্রের প্রাধান্য ছিল এবং এখনও বহু স্থানে আছে। এজ্ঞ শক্তিমূর্তি গ্রামা-দেবী হিসাবে পূজিত হওয়া আশ্চর্যের বিষয় নহে। শিব-শক্তির ৫১টি পীঠস্থানের মধ্যে প্রায় ২০টি বাংলার নানা স্থানে অবস্থিত। কেহ কেহ বলেন তন্ত্র-শাস্ত্রের উৎপত্তি বাংলায় হইয়াছিল। এ বিষয়ে একটি প্রাচীন বচনও শুনা যায় যে :

‘গোঁড়ে প্রকাশিতা বিজ্ঞা মৈথিলে প্রকটীকৃত।

কচিং কচিয়াগারাষ্ট্রে গুর্জরে প্রলয়ং গতা।’

ভারতে তিনটি তান্ত্রিক সম্প্রদায় আছে। যথা :

‘সম্প্রদায় নাথ বায় গোড় কাশ্মীর কেবলাম।’

ইহা হইতে বাংলায় তন্ত্র-প্রাধান্য ও তাহার প্রাচীনত্ব অনুমান করা যায়।

আচার্য্য শঙ্কর তান্ত্রিক পদ্ধতিতেই জীবিত্য (ত্রিপুরাসুন্দরীর) উপাসনা করিতেন। সকল শঙ্কর মঠে জীবিত্য স্থাপিত আছেন। মহাপ্রভু শ্রীকৃষ্ণচৈতন্যও শঙ্কর-সম্প্রদায়ের ঈশ্বরপূরী হইতে দীক্ষা গ্রহণ করেন। তিনিও তান্ত্রিক মতে দীক্ষিত। অধৈতাচার্য্য, নিত্যানন্দ প্রমুখ চৈতন্য-পরিকর আচার্য্যগণ তান্ত্রিক উপাসনার সিদ্ধি-লাভ করিয়াছিলেন বলিয়া জানা যায়। খড়দহের শ্রামসুন্দর মন্দিরে জীবিত্যের মূর্তি আছেন। এখনও তাঁহাদের বংশধরগণ তন্ত্র-মতে দীক্ষা গ্রহণ করেন।

১৯৩১ সনের আদমশুমারির সময় বাংলার হিন্দুদের মধ্যে কতজন শাক্ত, কতজন বৈষ্ণব, কতজন শৈব প্রভৃতি সম্প্রদায়ভুক্ত তাহার সম্বন্ধে একটি তদন্ত হয়। তদন্তের ফলাফল আদমশুমারির রিপোর্টে আছে। আমরা তাহা হইতে পাঠকগণের সুবিধায় জ্ঞাত তথ্যগুলিকে শতকরা হিসাবে রূপান্তরিত করিয়া নিম্নে দিলাম। যথা :

বাংলার হিন্দুদের মধ্যে শতকরা—

স্থান	শৈব	শাক্ত	বৈষ্ণব	যাঁহারা কোন সম্প্রদায় ভুক্ত বলেন নাই
সমগ্র বাংলা	০'১৩	১৪'৮	১৬'০	৬৯'০
বর্ধমান বিভাগ	*	৯'২	৭'১	৮৩'০
প্রেসিডেন্সী ,,	*	৫'৩	৬'৪	৮৬'০
রাজসাহী ,,	*	১২'৪	২০'৬	৬৭'৪
ঢাকা ,,	*	১৭'৫	৩২'৩	৪৮'৮
চট্টগ্রাম ,,	*	৬০'০	৩৯'৯	০'০
(কলিকাতা)	*	০'৭৫	০৪'৮	৯৭'৭

প্রথম দৃষ্টিতে মনে হইতে পারে যে, বর্তমানের ধর্মহীন পাশ্চাত্য শিক্ষার প্রভাবে অনেক হিন্দুর ধর্মভাব শিথিল হইয়াছে। এজ্ঞ নিজেকে শাক্ত বা বৈষ্ণব বলিয়া পরিচয় দিতে কুণ্ঠিত বা অপারগ। যাঁহারা কিঞ্চিৎ গোড়া, কেবল তাঁহারা ই স্ব স্ব সম্প্রদায়ের পরিচয় দিয়াছেন। কলিকাতা শহরের তথ্যগুলি বিচার করিলে এই যুক্তির সহায়ক... কিন্তু “গোড়ামি” সম্বন্ধে শাক্ত ও বৈষ্ণবের মধ্যে প্রভেদ আছে। কোনও বৈষ্ণবের নিজেকে বৈষ্ণব বলিয়া পরিচয় দিতে ধর্মগত বা সম্প্রদায়গত বাধা কিংবা নিষেধ নাই; অনেকেই নিজেকে দীনহীন বৈষ্ণব দাসামুনাস বলিয়া পরিচয় দিয়া থাকেন। পঞ্চাস্তরে শাক্তদের নিজ সম্প্রদায় বলিতে নিষেধ আছে। শাক্তদের সম্বন্ধে এই বিষয়ে একটি উপদেশ বা নিষেধ আছে। যথা :

অন্তঃ কোলো বহিঃ শৈবো জনমধ্যে তু বৈষ্ণবঃ।

কোলো স্ত্ৰগোপয়েদেবি নাবিকেল ফলাস্তুবং।

(কুমারীর তন্ত্র)

* অর্থাৎ অতি নগণ্য। কলিকাতার অল্প প্রেসিডেন্সী বিভাগের মধ্যে ধরা হইয়াছে।

গোঁড়া শাক্তরা নিজের সম্প্রদায় ত বলেনই না, বরং নিজেকে বৈষ্ণব বলিয়া পরিচয় দিবার উপদেশ আছে। এমতে যাঁহাদের পরিচয় বৈষ্ণব বলিয়া আদমশুমারির তথ্যে লিপিবদ্ধ হইয়াছে তাঁহাদের মধ্যেও কিছুসংখ্যক শাক্ত আছেন এবং যাঁহারা নিজেদের কোনও সম্প্রদায়ভুক্ত বলেন নাই তাঁহাদের মধ্যে অনেকেই শাক্ত।

যাঁহারা নিজেদের কোনও সম্প্রদায় বলেন নাই, এইরূপ লোকের মধ্যে আমরা যদি অর্ধেক শাক্ত ধরিয়া লই ত খুব অসঙ্গত হইবে না। বাকী অর্ধেক পাশ্চাত্য শিক্ষার প্রভাবে সম্প্রদায় বলেন নাই—ইহাদের মধ্যে কিছু শাক্ত, কিছু বৈষ্ণব আছেন।

এমতে সমগ্র বাংলায় শতকরা ৫০ জন শাক্ত ও ১৬ জন বৈষ্ণব। বাকী ৩৪ জনের মধ্যে যদি শাক্ত ও বৈষ্ণবের অনুপাত ধরি তাহা হইলে শাক্ত ও বৈষ্ণবের অনুপাত এইরূপ দাঁড়াইবে :

শাক্ত : বৈষ্ণব = ৬৭ : ৩৩ বা মোটামুটি ২ : ১।

আমাদের উপরোক্ত হিসাবে যতই ভুল থাকুক না কেন শাক্তরা যে বৈষ্ণবদের অপেক্ষা সংখ্যাগরিষ্ঠ সে সন্দেহ থাকিতে পারে না। শাক্তরা বৈষ্ণবদের অপেক্ষা ২ গুণ বেশী না ধরিয়া যদি আমরা তাঁহাদের ১। গুণ বেশী ধরি তাহা হইলে তাঁহাদের অনুপাত এইরূপ দাঁড়ায় :

শাক্ত : বৈষ্ণব = ৩ : ২

শাক্তের উপাস্ত্র হইতেছেন শক্তি। শক্তির সাধারণরূপ দশ-মহাবিদ্যা—কালী, তারা, বোড়শী, ভুবনেশ্বরী, ভৈরবী, ছিন্নমস্তা, ধূমাবতী, বগলা, মাতঙ্গী ও কমলা। চিন্তাহরণ চক্রবর্তী মহাশয় লিখিয়াছেন যে, বঙ্গীয় সাহিত্য-পরিষদের পুথিশালায় রক্ষিত তন্ত্র-কৌমুদীর পুথিতে ২৭টি মহাবিদ্যার নামোল্লেখ করা হইয়াছে। হরিদ্বার-কনথলের অভিমুগোত্রী কাম্বীকী ব্রাহ্মণ গোঁতম ঋষির সহিত লেখকের এই বিষয়ে কিছু আলাপ হইয়াছিল। তিনি বলেন যে, কোন কোন তন্ত্রমতে ত্রয়োদশ মহাবিদ্যা; আবার অপরাপর কোন কোন তন্ত্রমতে ষোড়শ মহাবিদ্যা। এই সব মহাবিদ্যার নামও তিনি কবিয়াছিলেন। যথা :

(১) উপরোক্ত দশমহাবিদ্যা + চণ্ডেশ্বরী, লঘুশ্যামা ও ত্রিপুরা ;

(২) ঐ দশমহাবিদ্যা + বনহর্গা, শূলীনী, অখারুটা, ত্রৈলোক্য-বিজয়া, বাবাহী ও অন্নপূর্ণা।

এইরূপে আমরা ১৯টি বিভিন্ন মহাবিদ্যার নাম পাইতেছি। চিন্তাহরণ চক্রবর্তী মহাশয় উক্ত পুথি হইতে আরও কয়েকটি মহাবিদ্যার নাম কবিয়াছেন। যথা : দুর্গা, মহিষমর্দিনী, গোঁরী, প্রত্যঙ্গিরা, চামুণ্ডা ও কাত্যায়নী। নিরুত্তর তন্ত্রে শ্রীকুল ও কালী-কুলের কয়েকটি মহাবিদ্যার নাম উল্লিখিত আছে। যথা :

কালীতারা ছিন্নমস্তা, ভুবনা মহিষমর্দিনী।

ত্রিপুরা স্বরিতা দুর্গা বিদ্যা প্রত্যঙ্গিরা তথা।

কালীকুলং সমাখ্যাতং শ্রীকুলঞ্চ ততঃ পবম্।

ধূমাবতী চ মাতঙ্গী বিদ্যা স্বপ্নাবতী প্রিয়ে।

মধুমতী মহাবিদ্যা শ্রীকুলং পরিভাষিতম্।

দশমহাবিদ্যার তৃতীয়া মহাবিদ্যা ষোড়শীর বিভিন্ন নাম পাওয়া যায়। যথা : ত্রিপুরাসুন্দরী, ত্রিপুরেশ্বরী, শ্রীবিদ্যা, রাজরাজেশ্বরী ইত্যাদি। তারার তিনটি নাম পাওয়া যায়—উগ্রতারা, ভ্রামরী তারা ও মহানীল সরস্বতী বা একজটা। সকল মহাবিদ্যার সকল নাম আমাদের জানা নাই।

পূর্বোক্ত গোঁতম ঋষির পিতা যজ্ঞপুরুষানন্দ (যাঁহার কাছে স্ত্রয় জন উড রক্ষ তন্ত্র-অভ্যাস কবিয়াছিলেন) একবার আলোচনা-প্রসঙ্গে বলিয়াছিলেন যে, কালীর ৮১টি রূপ বা নাম আছে।

চণ্ডীর দেবী-কবচে আমরা নিম্নলিখিত নবদুর্গার নাম পাই।

প্রথমঃ শৈলপুত্রীতি দ্বিতীয়ঃ ব্রহ্মচারিণী।

তৃতীয়ঃ চন্দ্রঘণ্টেতি কুয়াণ্ডেতি চতুর্থকম্ ॥

পঞ্চমঃ ঋন্দমাত্তেতি ষষ্ঠঃ কাত্যায়নী তথা।

সপ্তমঃ কালবাত্রীতি মহাগৌরীতি চাষ্টমম্ ॥

নবমঃ সিদ্ধিদাত্রী চ নবদুর্গাঃ প্রকীর্তিতাঃ।

শুধু নাম হইলেই হইবে না ধ্যানও জানা চাই। ধ্যানের সঙ্গে মিলাইলে তবে মূর্তির প্রকৃত পরিচয় পাওয়া যাইবে। ডানকুনি বেল টেশনের নিকট একটি প্রস্তরনির্মিত চামুণ্ডামূর্তি দেখি। দেবীর নাম জিজ্ঞাসা করায় স্থানীয় অনেকে বলিল ইহা চণ্ডীর মূর্তি, পরে একজন ব্রাহ্মণ-পণ্ডিত ধ্যান উদ্ধৃত কবিয়া বলিলেন যে, ইহা চামুণ্ডামূর্তি।

ধূমাবতী বিধবা, ইনি ভৈরবকে (শিবকে) খাইয়া ফেলেন। এজন্য গৃহী কাম্যকলাভিলাষ লোকে ইহার পূজা করেন না। লেখক ১৯৩৯ সনে কামাখ্যা পাহাড়ে গিয়াছিলেন—ঐ পাহাড়ে তারাপীঠ বাতীত নয়টি মহাবিদ্যার পীঠ আছে। তিনি যখন ধূমাবতীর পীঠ স্পর্শ করিতে উদ্ভত তখন স্থানীয় লোকেরা বাধণ করেন, বলেন যে, গৃহী লোককে ধূমাবতীর পীঠ স্পর্শ করিতে নাই। এইরূপ ছিন্নমস্তার পূজাও নাকি গৃহীলোককে করিতে নাই। একমাত্র হাজারিবাগ জেলার রাজবোধ্যায় ছিন্নমস্তার মন্দির আছে, তথ্যাতীত অল্প কোন স্থানে ছিন্নমস্তার মন্দির আছে বলিয়া লেখক অবগত নহেন।

দশমহাবিদ্যার একত্রে পূজা অস্তুতঃপক্ষে দুইটি স্থানে হয়। ইহাদেরও সেই সঙ্গে নিত্যপূজা হয়। এই দুইটি স্থান হইতেছে যশোহরে চাঁচড়ার রাজবাটী ও বরাহনগরে কালীপুর রতনবাবুর শ্রাণানঘাটের নিকট। অল্প কোথাও হয় কিনা জানা নাই।

ত্রিপুরাসুন্দরীর পূজা রাজনারায়ণ বঙ্গুর জন্মস্থান জেলা চকিশ পরগণার বোড়াল গ্রামে ও ছত্রভোগে হয়। অল্প হয় বলিয়া শুনি নাই। খড়দহের শ্যামসুন্দরের মন্দিরে ইহার যে যন্ত্র আছে তাহাতেও নিত্যপূজা হয়।

ভুবনেশ্বরীর পূজা চারটি জায়গায় হয় বলিয়া জানা আছে। যশোহরের সেখহাট গ্রামে প্রস্তরময়ী ভুবনেশ্বরীমূর্তি দেশবিভাগের পূর্ব পর্দাস্ত নিত্য ষোড়শোপচারে পূজিত হইত। এখন কি হয় জানা নাই। ধানা খড়দহের অন্তর্গত রহড়া গ্রামে, বর্ধমান জেলার মিঠাপুর গ্রামে ও ঐ জেলার কুলীনগ্রামে ভুবনেশ্বরীর পূজা

বয়স্ক শিখরভূমের অন্তর্গত। এই মূর্তি সম্বন্ধে একটি প্রবাদ আছে যে—

“ধলেতে বন্ধিনী তুমি শিখরে কল্যাণী”

সিংভূম জেলা

৪। ধলভূম—

মূর্তি

অজ্ঞাত স্থানে বন্ধিনী দেবীর মূর্তি বা ‘অবস্থান’ সম্বন্ধে আমাদের সঠিক জ্ঞান নাই। যতদূর জানা যায় তাহাতে বলা চলে পশ্চিম-বঙ্গের সীমান্তের কাছাকাছি স্থানেই এই দেবীর আবির্ভাব।

বাংলার গ্রামে মহাবিচার প্রকারভেদে দেবীমূর্তি বা দেবীর ঘট বা ‘আস্থান’ ছাড়া, অজ্ঞাত বহু প্রকারের শক্তিমূর্তি আছে। ইহাদের মধ্যে কতকগুলি পৌরাণিক, আবার কতকগুলি লৌকিক। লৌকিক দেব-দেবীর মধ্যে কতকগুলি বহুস্থানে বিস্তৃত; কতকগুলি একটি বা দুইটি গ্রামে সীমাবদ্ধ। আবার ইহাদের স্থানীয় নাম এরূপ যে, প্রকৃতপক্ষে ইহারা লৌকিক দেবী বা পৌরাণিক দেবী সে সম্বন্ধে সন্দেহের যথেষ্ট অবকাশ আছে। উদাহরণ স্বরূপ মেদিনীপুর জেলার পটেশপুর ধানার অন্তর্গত পানিয়া গ্রামের পানেশ্বরী দেবীর কথা বলা যাইতে পারে। পৌরসংক্রান্তিতে তথায় একটি বড় মেলা বসে। পানেশ্বরী দেবীর সম্বন্ধে নিম্নোক্ত প্রবাদ প্রচলিত।—

‘পানিয়া গ্রামেতে বন্দ মাতা পানেশ্বরী

যাঁর পেট চিরি নাগা মানিক কৈল চুরি।’

এই পানেশ্বরী লৌকিক কি পৌরাণিক দেবী তৎসম্বন্ধে যথেষ্ট মতভেদের অবকাশ আছে।


দ্রুত পরিবর্তনশীল গ্রামীণ সভ্যতার স্বরূপ জানিবার জন্ত আমরা দেব দরকার তথ্য সংগ্রহ করা। এই তথ্য যত বিস্তৃত হয় ততই সমাজতাত্ত্বিকগণের কাজে আসিবে এবং তাঁহারা কি কি বিষয়ে আরও তথ্য সংগ্রহ করিতে হইবে তাহার নির্দেশ দিবেন। আমাদের মনে হয় এ বিষয়ে বঙ্গীয় সাহিত্য-পরিষদ বা কলিকাতা বিশ্ব-বিদ্যালয়ের নৃতত্ত্বশাখা অগ্রণী হইলে ভাল হয়। আমি একটি গ্রামের কয়েকটি শিবমন্দির, কয়েকটি পঞ্চাননতলা, শীতলামন্দির, কালিমন্দির, মহাপ্রভুর মন্দির, বাধাকৃষ্ণের মন্দির সম্বন্ধে তথ্য

সংগ্রহ করিলাম। মন্দির কবে আশ্রয় প্রতিষ্ঠিত হইয়াছিল তাহাও বাহির করিলাম। অনুসন্ধান করিয়া জানিলাম যে, পূর্বে পূর্বে গ্রামে ১২টি দুর্গাপূজা, ৫টি কালীপূজা ও ৭টি জগদ্ধাত্রীপূজা হইত। পরে ক্রমে ক্রমে কমিয়া গিয়াছে; সার্বজনীন পূজা ও সম্বতীপূজা আশ্রয় হইয়াছে। প্রকৃত হইতেছে কাহাকে জানাইব। শুধু আমার সংগৃহীত তথ্য হইতে গ্রামীণ সভ্যতার স্বরূপ বুঝা যাইবে না, বহু তথ্য হইতে একটা খসড়ার আভাস পাওয়া যাইতে পারে। নির্মূল বাবুকে দেখাইলাম, তিনি বলিলেন যে, পূজার তথ্যগুলি যদি পাবেন ত সময় হিসাবে সাজাইয়া দিন। আরও চেষ্টা করিয়া এইরূপ দাঁড়াইল :—

পারিবারিক—

বৎসর	দুর্গা পূজা	কালী পূজা	জগদ্ধাত্রী পূজা	কার্তিক পূজা	সম্বতী পূজা	সার্বজনীন পূজা
১৩১০	১২	৫	৭	—	—	—
১৩২০	১০	৮	৩	১	—	—
১৩৩০	৮	৭	৩	—	১	—
১৩৪০	৫	৫	১	—	২	১
১৩৫০	২	২	—	—	৫	২
১৩৬০	১	১	—	—	১০	৫
১৩৬৩	—	১	—	—	১১	৩

তথ্যসংগ্রহ সম্বন্ধে যদি বিশ্ববিদ্যালয় বা সাহিত্য-পরিষদ নির্দেশ দেয়—কি কি তথ্য সংগ্রহ করিতে হইবে, কি ভাবে করিতে হইবে এবং সংগৃহীত হইলে কাহাকে পাঠাইতে হইবে তাহা হইলে বড় ভাল হয়। পরে তথ্যসংগ্রহ সম্বন্ধে সচিত্র প্রস্তাবলী তৈয়ারি করিয়া আরও সবিশেষ detailed তথ্যসংগ্রহের নির্দেশ দেওয়া যাইতে পারে। যেমন—এইরূপ মন্দিরকে দো-চালা মন্দির বলে; এইরূপ পাদপীঠকে সর্বতোভঙ্গ পাদপীঠ বলে ইত্যাদি; শিবলিঙ্গের তিন-ভাগ : ক্রমভাগ, বিষ্ণুভাগ ও ব্রহ্মভাগ। এইসব ভাগের অনুপাত ২ : ৩ : ৪ বা ৩ : ৪ : ৫ বা ৪ : ৫ : ৬ আছে। যে শিবের সম্বন্ধে তথ্য সংগৃহীত হইতেছে তাঁহার ক্রমভাগ প্রভৃতির অনুপাত কিরূপ ইত্যাদি ইত্যাদি।



তিব্বতে বৌদ্ধধর্মের পুনরভ্যুদয়

শ্রীনরেন্দ্রনাথ রায়

ভারত ও তিব্বত পরস্পর আত্মিক ও বৈষয়িক উভয় প্রকার সম্বন্ধেই আবদ্ধ। ভারতীয় হিন্দুর কৈলাস, মানসসরোবর ইত্যাদি তিব্বতে। ভারতের শিবশক্তি-সাধনা মূর্তি রহিয়াছে তিব্বতেই। সমগ্র তিব্বত আত্মিক বিশাল ভারত। তেমনই ভারতকে না হইলেও তিব্বতের চন্দ্র না। বুদ্ধ-দেবের জন্ম-মৃত্যু-সাধনস্থান এই ভারত, পদ্মসমুদ্রের আদি-স্থান এই ভারত—যে ভারতের ধর্ম ও জ্ঞানবিজ্ঞানের প্রভাবে তিব্বত একসময়ে প্রাণচঞ্চল হইয়া উঠিয়াছিল আজও তিব্বতের নিকট সেই ভারতের প্রয়োজন রহিয়াছে।

বৌদ্ধধর্ম প্রচারের পূর্বেও অতি প্রাচীনকাল হইতেই ভারতের সহিত তিব্বতের এই সম্পর্ক চলিয়া আসিতেছে। ভারতে যখন কুরুক্ষেত্র যুদ্ধ চলিতেছিল তখন কুরুপক্ষীয় এক রাজা যুদ্ধক্ষেত্র হইতে পলায়ন করিয়া সামরিক সহচর-সহ তিব্বতে যাইয়া বাস করেন। তাঁহার নাম ছিল কপতি। দশবাসীর চিত্ত জয় করিয়া তিনি তিব্বতের একাংশের রাজা হন। তখন তিব্বত ছিল বহু খণ্ডে বিভক্ত রাজ্য।

আচার্য প্রজ্ঞাবর্মণ (সেসু-রব্গো-ছ) বলেন, কপতির বংশধরগণ বহু বৎসর তিব্বতে রাজত্ব করেন। কিন্তু তাঁহাদের সম্বন্ধে এখন কিছুই জানিবার উপায় নাই।

ইহার পর তিব্বতের ইতিহাসে যে নৃপতির পরিচয় পাওয়া যায় তাঁহার নাম ছিল নহ-ধি-ৎসন-পো। তিনি নাকি কোশলের রাজা প্রমেনজিতের পঞ্চম পুত্র। তাঁহার বংশধরগণও প্রায় আট দশ পুরুষ তিব্বতে রাজত্ব করেন। তখন তিব্বতে যে ধর্ম প্রচলিত ছিল তাহাকে বলিত পোন ধর্ম। এই সময়ে ভারতে কিন্তু বৌদ্ধধর্মের প্রচলন হইয়াছিল। উপরোক্ত বংশের এক রাজার নাম ছিল হু-খো-খোরিন-নন-সন। তিনি ৪৬২ খ্রীষ্টাব্দে সিংহাসন লাভ করেন। তাঁহার রাজত্বকালে তিব্বতে বৌদ্ধগ্রন্থ 'সুত্রান্তপিটক' পাওয়া যায়। ঐ গ্রন্থ কি উপায়ে তিব্বতে প্রবেশ করিল সে খবর এখন আর জানিবার উপায় নাই। কিন্তু উহার তত্ত্ব হৃদয়ঙ্গম করিতে কাটিয়া গেল প্রায় তিন চার পুরুষ। ইহাই ছিল তিব্বতে বৌদ্ধধর্মের বীজ। এই বীজ অঙ্কুরিত হইয়া উঠিয়াছিল রাজা শ্রোং-ৎসন-গ্যাম্পোর আমলে। তিনি নিজে বৌদ্ধধর্মে দীক্ষিত হইয়া দেশবাসীর নিকট ঐ ধর্ম

প্রচার করিতে আরম্ভ করিলেন। তাঁহার সময়েই তিব্বতীয় বর্ণমালার সৃষ্টি হয়। দেশবাসী লিখিতে ও পড়িতে শিক্ষা করে। সেই সময়ে ভারতীয় বৌদ্ধধর্মের অনেক গ্রন্থ তিব্বতীয় ভাষায় হইয়াছিল। বহু বৌদ্ধ মঠ প্রতিষ্ঠিত হইয়াছিল। তিব্বতে বৌদ্ধধর্ম, শিক্ষা ও সভ্যতার আসো ছড়াইয়া পড়িতেছিল। তিব্বতের ধর্ম, শিক্ষা ও সংস্কৃতির উপর ভারতের প্রভাব প্রথম হইতেই লক্ষ্য করা যায়। চীন এবং নেপালের প্রভাবও ছিল।

রাজা থি-শ্রোন-দে-ৎসন-এর (৭৩০-৮৬৬ খ্রীষ্টাব্দ) আমলে ভারত হইতে বহু পণ্ডিত ও সাধক তিব্বতে যাইয়া বৌদ্ধধর্ম প্রচার করেন এবং বৌদ্ধগ্রন্থাদি তিব্বতী ভাষায় রচনা করেন। এই সকল সাধকদিগের মধ্যে পদ্মসমুদ্রই ছিলেন সর্বপ্রধান। তাঁহার চেষ্টায় তিব্বতের সর্বত্র বৌদ্ধধর্ম সুপ্রতিষ্ঠিত হইয়াছিল এবং মন্দির নির্মিত হইয়াছিল। পরবর্তী রাজগণও বৌদ্ধধর্ম প্রচারে যথাসাধ্য সাহায্য করিয়াছিলেন। ফলে দেশময় বৌদ্ধধর্ম ছড়াইয়া পড়িয়াছিল। তিব্বতে বৌদ্ধধর্মের তখন জয়জয়কার।

এদিকে বৌদ্ধবিরোধী দল সংখ্যায় লঘু হইলেও নিষ্ক্রিয় ছিলেন না। ক্রমশঃ তাঁহারা প্রবল হইয়া উঠিতে লাগিলেন। সিংহাসন হইতে বঞ্চিত রাজভ্রাতা ল্যানদর্ম ছিলেন এই দলের পশ্চাতে। তিনি বৌদ্ধবিরোধীদিগের এই মনোভাব নিজের স্বার্থসিদ্ধির জন্ত কাজে লাগাইলেন। ৯০৮-৯১৪ খ্রীষ্টাব্দের মধ্যে কোনও একসময়ে বৌদ্ধবিরোধী দলের সাহায্য লইয়া রাজাকে হত্যা করাইয়া ল্যানদর্ম নিজে রাজা হইয়াছিলেন। তিনি রাজা হইয়াই বৌদ্ধদিগের উপর অত্যাচার আরম্ভ করিলেন এবং বহু বৌদ্ধমন্দির ও বৌদ্ধ গ্রন্থ ধ্বংস করিলেন। তিব্বত হইতে বৌদ্ধধর্ম সমূলে বিনাশ করিবার জন্ত তিনি উঠিয়া পড়িয়া লাগিলেন। অত্যাচার চরমে উঠিল। বৌদ্ধ-সাধক ও পণ্ডিতগণ যে যেখানে পারিলেন, দেশ ছাড়িয়া পলাইয়া গেলেন।

অত্যাচার যখন অসহ্য হইয়া উঠিয়াছিল তখন একজন ছদ্মবেশে আসিয়া রাজা ল্যানদর্মকে হত্যা করিল।

ল্যানদর্মের মৃত্যুর পর যে সকল মন্ত্রী রাজ্যশাসনের কাজ চালাইতে লাগিলেন তাঁহারা ছিলেন বৌদ্ধধর্মে বিশ্বাসী। বৌদ্ধধর্মের পুনঃপ্রতিষ্ঠার জন্ত তাঁহারা যথাসাধ্য চেষ্টা করিয়া-

ছিলেন। কিন্তু ল্যানদর্মেব যুত্বার প্রায় মস্তব বৎসবের মধ্যে বৌদ্ধধর্মের পূর্বাবস্থা আর ফিরিয়া আসিল না।

ল্যানদর্মেব রাজত্বে বৌদ্ধধর্মের ধ্বংসের পর বহু বৎসর ভারতীয় পণ্ডিতগণ ত্বকতে মান নাই। অত্যাচারের ফলে যে সকল বৌদ্ধ পণ্ডিত ও সাধক পলায়ন করিয়া পূর্ব ত্বকতে আশ্রয় লইয়াছিলেন তাঁহারা ই পুনরায় ত্বকতে ফিরিয়া আসিয়া বৌদ্ধধর্ম প্রচার করিতে লাগিলেন। এই সময় মগধ হইতে ত্বকতে আসিয়াছিলেন পণ্ডিত ধর্মপাল এবং তাঁহার তিন জন শিষ্য, সিদ্ধপাল, গুণপাল ও প্রজ্ঞাপাল। ত্বকতের তদানীন্তন রাজা তাঁহাদের সাহায্যে ত্বকতে ধর্ম, কলা ও বিনয়শিক্ষার ব্যবস্থা করিয়াছিলেন।

ইহার পর লুহনে নামক একজন রাজা ভারত হইতে পণ্ডিত স্তুভূতি ত্রীগান্তিকে আহ্বান করিয়া আনিয়াছিলেন। এই পণ্ডিত সমগ্র সের্চিন্ (প্রজ্ঞাপারমিতা) গ্রন্থখানি ত্বকতী ভাষায় অনুবাদ করেন।

ত্বকতে বৌদ্ধধর্মের পুনরুত্থান হয় ১০১৩ খ্রীষ্টাব্দে। একাদশ শতাব্দীর প্রসিদ্ধ ত্বকতী মন্ত্রী চ্যাঙ্-ছব্ ওদ ছিলেন বিদ্বান্ ও বিদ্যাংসাহী। তিনি ত্বকতে বৌদ্ধধর্মের পুনঃপ্রতিষ্ঠার উদ্দেশ্যে আর্ধ্যবর্তের বিক্রমশীলা বিহারের আচার্য অতীশকে ত্বকতে লইয়া আসিবার জন্ত ত্বকতের কয়েকজন প্রসিদ্ধ ব্যক্তিকে ভারতে পাঠাইয়াছিলেন। তাঁহারা অতীশের শিষ্যত্ব গ্রহণ করিলেন এবং কিছুকাল তাঁহার সেবা করিয়া অনুরোধ করিলেন যে, তাঁহার মত ধর্মগুরু ও পণ্ডিত ত্বকতে না গেলে তথায় বৌদ্ধধর্ম পুনরায় সুপ্রতিষ্ঠিত হইবার আশা নাই। আচার্যের পক্ষে বিহার ছাড়িয়া যাইবার অনেক বাধা ছিল। কিন্তু সকল

বাধাবিপত্তি অগ্রাহ্য করিয়া ১০৪২ খ্রীষ্টাব্দে ৫৯ বৎসর বয়সে তিনি ত্বকত যাত্রা করিলেন। কেহ কেহ বলেন ১০৪০ খ্রীষ্টাব্দে ৫৭ বৎসর বয়সে প্রতীশ ত্বকতযাত্রা করিয়াছিলেন। তিনি চৌদ্দ বৎসর ত্বকতের সর্বত্র ভ্রমণ করিয়া সেখানে বৌদ্ধধর্ম পুনরায় সুপ্রতিষ্ঠিত করিয়াছিলেন।

১০৫৫ খ্রীষ্টাব্দের কার্তিক-অগ্রহায়ণ মাসের তৃতীয়া-চতুর্থী তিথিতে য়ে-থঙ্ বিহারের তারামন্দিরে ৭৩ বৎসর বয়সে অতীশ দহরক্ষা করেন। অতীশের ভিক্ষাপাত্র, কমণ্ডলু, ধ্যের কার্থোজ যষ্টি, ঐ মন্দিরে সুরক্ষিত আছে। তাঁহার প্রণীত ধর্ম ও দর্শনগ্রন্থ পঁয়ত্রিশ খানি, এবং ত্বকতের বই সম্ভবতানিয়ও অধিক। এই সব যুল গ্রন্থের অভাব হইলেও উহাদের অনুবাদ ও সারমর্ম ত্বকতী ভাষায় এখনও পাওয়া যায়।

১২০৫ খ্রীষ্টাব্দে শনকর্ লোছভ্, রিত্ লোছভ্, নন্ লোছভ্, লোদন্ সেরব্ প্রভৃতির মত বিদ্বান্ ত্বকতী অনুবাদকগণ বহু সংস্কৃত গ্রন্থ অনুবাদ করেন। এই সময়েই সাধু মরম, মিল গোনম্ প্রভৃতি বহু পণ্ডিত ত্বকতে বৌদ্ধধর্ম প্রচারে সাহায্য করিয়াছিলেন। ত্রয়োদশ শতাব্দীর প্রথমে বিক্রমশীলা বিহার ধ্বংসের পর তদানীন্তন ভারতের বিখ্যাত পণ্ডিত শাক্যত্রীও ত্বকতে আসিয়াছিলেন। সেই সময়ে বিক্রমশীলার অনেক ভিক্ষুও ত্বকতে যাইয়া বাস করেন।

দ্বাদশ শতাব্দীর মধ্যেই ত্বকতে বৌদ্ধধর্মের পুনরুত্থান সম্পূর্ণ হইয়াছিল। এমনকি ত্বকতীয় লামাগণের সাহায্যেই সুদূর মোঙ্গোলিয়ায়ও মহাযান বৌদ্ধধর্ম সুপ্রতিষ্ঠিত হইয়াছিল।



ভারতীয় দর্শন কংগ্রেস

ডক্টর শ্রীসুধীরকুমার নন্দী

আম্মামালাই অধিবেশন

সুদূর চিদাম্বরম্। এবার দর্শন কংগ্রেসের অধিবেশন হ'ল ওখানে। প্রাচীন সভ্যতার স্পর্শধরা চিদাম্বরম্ জনপদ। এখানকার নটরাজের সুপ্রাচীন মন্দিরে প্রতি বৎসরই অগণিত ভক্তের সমাগম হয়। দক্ষিণের মাহুয়া ও শ্রীরঙ্গমের দেবালয়ের পরেই চিদাম্বরমের এই নটরাজ-দেউল। সু-উচ্চ গম্বুজ, সুবিস্তীর্ণ প্রাঙ্গণ, মন্দিরগাজে অজস্র চিত্তাকর্ষক কারুকার্য এবং খোদিত ভাস্কর্য ভক্ত ও কলারসিকের চিত্তে যুগপৎ ভক্তি ও বিশ্বাসের উদ্রেক করে। মন্দিরাভ্যন্তরে নটরাজের মূর্তি। সেদিন প্রত্নতাত্ত্বিক-পাদ-বিলাসী আলোর কার্পণ্যে আলোছায়া মায়া বিস্তার করেছিল মন্দিরের প্রকোষ্ঠে প্রকোষ্ঠে। সেই ত্র্যম্বকমূর্ত্তে দেখেছিলাম নটরাজের ভূবন-ভোলানো রূপ। স্মরণের কষ্টপাথরে সোনার লিখনে সে ছবি আঁকা বইল। যুগে যুগে অগণিত নবনারী মুক্তিকামনায় এই নটরাজের মহাতীর্থের ধূলিরেণু সর্বত্র ধারণ করে সর্বত্যাগী হয়েছে। আমরা এলাম সেই মহাতীর্থে।

মাদ্রাজের ১৫১ মাইল দক্ষিণে চিদাম্বরম্—দক্ষিণ-বেলপথের অল্পতম স্টেশন। চিদাম্বরমের উত্তরে ভেলোর, পূর্বে বঙ্গোপসাগরের বিক্ষুব্ধ বীচিমালা, দক্ষিণে কোলকটন এবং পশ্চিমে বীষণম্ হ্রদের প্রশান্ত জলোচ্ছাস। এই চিদাম্বরম্ শহরেই আম্মামালাই বিশ্ববিদ্যালয়। বিশ্ববিদ্যালয় এলাকা একটি উপনগরী। পরিচ্ছন্ন বাস্তাঘাট, সুদৃশ্য হাটবাজার, বাগান, পাক ও খেলাধুলার জঙ্গ খোলা-মাঠ সবই আছে উপনগরীর নিশ্চল অবকাশে। বিশ্ববিদ্যালয়ের শাস্ত্র পরিবেশ জ্ঞানসাধনার অমুকুস। শিল্পকলা, সঙ্গীত, বিজ্ঞান ও যন্ত্রবিচার চর্চার জঙ্গ খ্যাত এই শিক্ষাকেন্দ্রটি আজ দেশের জ্ঞানী-গুণীদের দৃষ্টি আকর্ষণ করেছে। এই বিশ্ববিদ্যালয় প্রতিষ্ঠার প্রেরণা যুগিয়েছিল চেট্টিনাদের রাজা শ্রীর আম্মামালাই চেট্টিনাদের রাজসুলভ বদাঙ্গতা। লাখে লাখে টাকা দিয়ে তিনি এই বিদ্যায়তনের বনিয়াদকে সুদৃঢ় করে দিয়ে গেছেন। তাঁর কথা শ্রদ্ধার সঙ্গে স্মরণ করে এ দেশের আপামর জনসাধারণ।

গত বছরের ১৯শে ডিসেম্বর এখানে কংগ্রেসের অধিবেশন আরম্ভ হ'ল। বিভিন্ন দেশের দর্শনানুসারীগণ এসেছেন দলে দলে। নানান্ বকম ভাষা, ভূষা ও কৃষ্টির প্রতিনিধি এই সব মানুষ এসেছিলেন দর্শন-চিন্তার আদান-প্রদানের জঙ্গ। পাকিস্তান, সিংহল তাঁদের প্রতিনিধি পাঠিয়েছিলেন। সুদূর আমেরিকা, রাশিয়া, জার্মানী, ইতালী থেকে খ্যাতনামা অধ্যাপকেরা যোগ দিয়েছিলেন আম্মামালাই অধিবেশনে। বিশ্ববিদ্যালয়ের কর্তৃপক্ষ বে নিখুঁত আয়োজন করেছিলেন তার প্রশংসা না করে পাড়া যায় না।

এই মনোজ্ঞ, সহজ স্বচ্ছন্দ পরিবেশে চার দিন ধরে পণ্ডিতজনেবা নানান্ প্রশংসার আলাপ করলেন। সে সব আলাপ যেমন পাণ্ডিত্যপূর্ণ তেমনি চিত্তাকর্ষক। কংগ্রেসের প্রকাশ্য অধিবেশনে সম্মেলনের প্রতিনিধিদের স্বাগত জানালেন আম্মামালাই বিশ্ববিদ্যালয়ের উপাচার্য লেঃ কর্ণেল টি. এন্. নারায়ণস্বামী। কংগ্রেসের সাধারণ সম্পাদক মহীশূরের অধ্যাপক নিকম্ পড়ে শোনালেন দূরস্থিত দার্শনিক, অধ্যাপক ও রাষ্ট্রশাসকদের শুভেচ্ছাবাণী। তার পর প্রখ্যাত শিক্ষাবিদ অধ্যাপক ছমায়ুন কবীর তাঁর উদ্বোধনী-অভিভাষণ পাঠ করলেন। অনুপম তাঁর বলবার ভঙ্গী। দর্শনশাস্ত্র পঠন-পাঠনের ক্ষেত্রে আজ যে সঙ্কট দেখা দিয়েছে তিনি তার বিশ্লেষণ করলেন। কিছুদিন আগেও দর্শনশাস্ত্র আলোচনায় দেশের সেবা ছেলেমেয়েরা এগিয়ে আসতেন। আজ তার বাতিক্রম কেন হ'ল? এই সমস্যা আজ দেশের শিক্ষাবিদ তথা সাধারণ মানুষের চোখে বড় হয়ে দেখা দিয়েছে। অধ্যাপক কবীর তাঁর ভাষণ বললেন : “ভারতীয় বিশ্ববিদ্যালয়গুলিতে দর্শন-শাস্ত্র-পঠন বিমুগ্ধতা কেন ঘটল সে কথা ভাববার সময় এসেছে। আমাদের মতে সাধারণ মানুষের জীবনে যে দুর্বিষহ অর্থ নৈতিক চাপ এসে পড়েছে, মূলতঃ তার ফলেই এই অঘটন ঘটেছে। মানুষ বাঁচবার তাগিদে, জীবনধারণের প্রয়োজনে তার সবটুকু শক্তি ও সময় নিয়োগ করে ফেলেছে। তাই দর্শন-চিন্তা বা তত্ত্ব-বিজ্ঞানের পুণিগত সূক্ষ্ম আলোচনায় কালাতিপাত করা তাদের পক্ষে সম্ভব হচ্ছে না। আজকের দিনে বেঁচে থাকবার প্রয়াসটা এমন সর্বগ্রাসী হয়ে পড়েছে যে, ব্যক্তি এবং সমষ্টির জীবনে উচ্চ চিন্তার আর কোন অবকাশ নেই। এরিষ্টটলের কথায় বলা যায় যে, এ যুগের মানুষ শুধু জীবনধারণের উপায়ানু-সন্ধানের জঙ্গ এমনই ব্যাকুল যে, সে উপায়ের উৎকর্ষসাধন চিন্তায় তাদের কালক্ষেপ করার সময় নেই।” সঙ্কটের কথা তিনি বললেন, তার কারণ বিশ্লেষণ করলেনও নিপুণভাবে। এই সঙ্কটমোচনের পথনির্দেশও তিনি করেছিলেন। অধ্যাপক কবীরের ভাষা দার্শনিক জনোচিত। বিস্তৃত উচ্চারণভঙ্গীতে তিনি তাঁর সুদীর্ঘ ভাষণের উপসংহারে বললেন : “মানুষের জ্ঞানের অভাবিত বিস্তার এ যুগের অধ্যাত্ম সঙ্কটকে দূরীভূত করতে পারে নি। পরামূল্যের প্রতি আশ্রয়ের অভাব এই সঙ্কট সৃষ্টি করেছে। অভিজ্ঞতার বিভিন্ন ক্ষেত্রের মধ্যে যে ঐক্য বিরাজ করছে তাকে আমরা আমাদের মননে ও কর্মে অস্বীকার করেছি। বাঁচবার তাগিদকে আমরা এত বড় করে দেখেছি যে, আমাদের মূল্যবোধ ক্রমেই ক্ষীণ হয়ে পড়ছে। অথচ মানুষের এই মূল্যবোধই তার সর্বকর্ম প্রেরণার উৎস। এই নৈরাশ্রজনক পরিস্থিতিতে ভারত

বর্ষের ও তার বাইরের দর্শনশাস্ত্রীদের সত্যের স্বরূপ নির্ধারণের এবং তার মূল্যবিচারের মহান দায়িত্ব গ্রহণ করতে হবে। সত্যকে বিচার করতে হবে তার সমগ্রতায়। খণ্ড সত্যের বিচারে অস্তিত্বের স্বার্থ মূল্যায়ণ হয় না। মূল্যের বহুস্তলোকে দ্বাবোধঘাটন ঘটবে যদি আমরা সত্যের সমগ্র রূপটুকুর স্বার্থবধ বিচার করি।

অধ্যাপক কবীরের ভাষণের পরে সম্মেলনের মূল সভাপতি উক্তর রাসবিহারী দাস তাঁর লিখিত ভাষণ পাঠ করলেন। গভীর মনননিষ্ঠা, স্মৃতিষ্ক বিশ্লেষণ তাঁর ভাষণের ছত্রে ছত্রে প্রমূর্ত্ত হয়ে উঠল। তিনি দর্শনের ব্যাখ্যা করলেন যোগ পৃষ্ঠাব্যাপী এক সুদীর্ঘ ভাষণে। উক্তর দাস কলকাতা বিশ্ববিদ্যালয়ের কৃতী অধ্যাপক। অমলনীলের গবেষণা-কেন্দ্রে বহুদিন তিনি কাটিয়েছেন দর্শনের উচ্চতম গবেষণায়। তাঁর ভাষণে আমাদের প্রত্যাশা পূর্ণ হয়েছিল এ কথা অসংশয়ে বলা যায়। তার পরে বিভিন্ন দিনের অধিবেশনে বিভাগীয় সভাপতিরা তাঁদের অভিভাষণ প্রদান করলেন। নীতি-দর্শন ও সমাজদর্শন বিভাগের নিকর্ষাচিত সভাপতি অধ্যাপক এস. জি. হুগ্যালকার পুণা বিশ্ববিদ্যালয়ের দর্শন বিভাগের অধ্যাপক। তিনি তাঁর 'নীতিদর্শন ও বিজ্ঞান' শীর্ষক ভাষণে বিজ্ঞানের অগ্রগতি, তার সাংসারশক্তি, মানুষের নীতিশক্তির ক্রিয়াশীলতা এবং এই উভয় শক্তির তুঙ্গনামূলক আলোচনার অবতারণা করেন। দর্শনেতিহাস বিভাগের সভাপতি উক্তর এ. কে. সরকার এসেছিলেন সিংহল বিশ্ববিদ্যালয় থেকে। তাঁর স্মৃতিস্তিত ভাষণে তিনি অস্তিত্ববাদের ঐতিহাসিক বিবর্তনের ধারাবাহিক আলোচনা করেন। মনো-বিজ্ঞান বিভাগের সভাপতি উক্তর বি. কুপ্পুস্বামী মহীশূর বিশ্ব-বিদ্যালয়ের দর্শনশাস্ত্রের অধ্যাপক। তিনি তাঁর 'বাস্তিত্ব ও সমাজ' শীর্ষক ভাষণে বাস্তিত্বের গঠন ও ক্রমবর্ধমানতার কথা আলোচনা করেন। সামাজিক শক্তির প্রভাব কেমন করে বাস্তিত্বের বনিয়াদকে স্পৃষ্ট করে, বাস্তির বাস্তিত্ব কোন্ পথে সমাজের কল্যাণ এবং অকল্যাণ-প্রচেষ্টাকে গতি দেয়, সে গূঢ় ভূত্বের অবতারণা করেন অধ্যাপক কুপ্পু স্বামী। তর্কশাস্ত্র ও পরাবিজ্ঞা বিভাগের সভাপতি অধ্যাপক সি. টি. কে. চারী মাদ্রাজ ক্রিস্চান মহাবিদ্যালয়ের দর্শনশাস্ত্রের অধ্যাপক। তিনি দর্শনের গঠন সম্বন্ধীয় কতিপয় পূর্ব-সিদ্ধান্ত ও অতীন্দ্র দর্শনের উপর বক্তৃতা করেন। অধ্যাপক চারীর বক্তৃতা বিশেষজ্ঞের গভীর সমীক্ষার দ্বারা চিহ্নিত। তিনি স্মৃতিজনের প্রশংসা অর্জন করেছিলেন।

পূর্ব দেশের আচার্য শঙ্কর থেকে পশ্চিম দেশের দার্শনিক মূর পর্যন্ত শতাধিক দার্শনিক এবং তাঁদের দর্শন মতবাদের উপর দর্শন কংগ্রেসে যে সব মূল্যবান প্রবন্ধ পাঠিত হ'ল তা চিন্তার মৌলিকতায় ও বিশ্লেষণের সূক্ষ্মতার সমাগত স্মৃতিজনের আনন্দ বর্ধন করেছে। এবারকার কংগ্রেসে বাঙালী প্রতিনিধিদের সংখ্যাধিক্য ছিল, এ কথা বললে সত্যের অপলাপ হবে না। কলকাতা বিশ্ববিদ্যালয়ের দর্শনের প্রধান অধ্যাপক উক্তর সতীশচন্দ্র চট্টোপাধ্যায়, উক্তর কল্যাণী মল্লিক, উক্তর প্রবাসজীবন চৌধুরী, উক্তর গৌরীনাথ শাস্ত্রী, অধ্যাপক অমির

মজুমদার প্রমুখ খ্যাতনামা অধ্যাপকেরা বাংলা দেশের প্রতিনিধিত্ব করেছেন। বিশ্বভারতী থেকে উক্তর সন্তোষ সেনগুপ্ত, দিল্লী থেকে অধ্যাপক উক্তর রায়, উক্তর এ. সি. সেন প্রমুখ পণ্ডিতেরা এসেছিলেন। উৎকল বিশ্ববিদ্যালয় থেকে এসেছিলেন অধ্যাপক শ্যামা-কুমার চট্টোপাধ্যায়। অধ্যাপক চট্টোপাধ্যায় কলকাতা বিশ্ববিদ্যালয়ের প্রাক্তন অধ্যাপক। তাঁর এবং তাঁর সহকর্মী উক্তর মিশ্রের প্রবন্ধ গুণীজনের দৃষ্টি আকর্ষণ করেছিল। দক্ষিণ দেশ থেকে যারা এসেছিলেন তাঁদের মধ্যে অধ্যাপক মহাদেবন, অধ্যাপক ডামলে ও অধ্যাপক সি. ডি. শ্রীনিবাস মুর্ত্তি তাঁদের মৌলিক চিন্তার জগৎ খ্যাতিলাভ করেছেন। এবারকার কংগ্রেসে দুটি আলোচনা সভার বন্দোবস্ত হয়েছিল; তাদের আলোচ্য বিষয়বস্তু যে যুগোপযোগী একথা নিঃসংশয়ে বলা যায়। প্রথম আলোচনা হ'ল: ভারতীয় দর্শনের পুনর্গঠনের কোন প্রয়োজন আছে কি না? অমলনীলের অধ্যাপক মালকানি, বোম্বাইয়ের অধ্যাপক চার, তিরুপতির অধ্যাপক কে. সি. বন্দ্যোপাধ্যায় ও বাঙলা দেশের খ্যাতনামা পণ্ডিত উক্তর গৌরীনাথ শাস্ত্রীর যুক্তিপূর্ণ ভাষণের কথা শ্রোতাদের বহুদিন স্মরণে থাকবে। সভাপতি উক্তর দাসের কালোচিত নির্দেশনা উপভোগ্য হয়েছিল। যখন আলোচনা জমে উঠেছে, উভয়পক্ষই আপন আপন যুক্তিজাল বিস্তার করে চলেছেন ভারতীয় দর্শনের পুনর্গঠনের মপক্ষে অথবা বিপক্ষে, তর্ক-বিতর্কের সেই তুঙ্গ কোলাহলে সভাপতি উক্তর দাস উঠে দাঁড়ালেন। তিনি বললেন যে, ভারতীয় দর্শন কেবলমাত্র মায়াবাদী শঙ্করের দর্শন নয়, অথবা জড়বাদী চার্বাক পন্থীদের দর্শনও নয়। কাজে কাজেই ভারতীয় দর্শনকে কোন একটি প্রাস্তিক দার্শনিক মতবাদের সমার্থক হিসেবে গ্রহণ করে তার পুনর্গঠন দাবী করা যুক্তিযুক্ত নয়। উপরন্তু 'পুনর্গঠন' কথাটিও অত্যন্ত বিক্ষিপ্ত। তার স্মসংহত অর্থ নেই। কাজে কাজেই পুনর্গঠনের ধরণধারণটাও সুপরিষ্কৃত হওয়া দরকার।

দ্বিতীয় আলোচনা সভাটিতে সভাপতিত্ব করলেন অধ্যাপক কবীর। আলোচ্য বিষয় ছিল: 'সামাজিক বিপ্লবের দর্শন-পটভূমি।' মূল আলোচক খ্যাতনামা পণ্ডিত ও মনীষী উক্তর ডি. এম. দত্ত তাঁর আলোচনায় যে পাণ্ডিত্য ও মনীষার পরিচয় দিলেন তা এযুগে বড় একটা চোখে পড়ে না। তাঁর আলোচনার ভাষা বেমন প্রাজ্ঞস, তাঁর বাচনভঙ্গীও তেমনি শাস্ত্র ও নিরাসক্ত। অধ্যাপক কুপালনী ছিলেন এই সভায় অল্পতম বক্তা। তাঁর লিখিত ভাষণ ও স্বচ্ছতার প্রশাদগুণে সমুজ্জ্বল। বৃহস্পতিবার, ২০শে ডিসেম্বর অপরাহ্ন ৬-৩০ মিনিটে ইটালীর প্রখ্যাত অধ্যাপক ফ্রাঙ্কো লম্বার্ডি বক্তৃতা করলেন। তাঁর বক্তৃতার বিষয়বস্তু ছিল: 'হেগেলোত্তর সমাজদর্শন ও দর্শন-চিন্তা।' যে প্রত্যাশা নিয়ে অধ্যাপকপ্রবন্ধের বক্তৃতা শোনার ভ্রম গিয়েছিলাম, তা পূর্ণ হ'ল না। জনৈক বঙ্গদেশীয় প্রতিনিধি অধ্যাপক লম্বার্ডিকে মার্ক্সীয় জড়বাদী দর্শনের ক্ষেত্রে হেগেলীয় আপেক্ষিক বন্দবাদের অবতারণার যুক্তিযুক্ততা সম্বন্ধে প্রশ্ন করেন। লম্বার্ডি এই প্রশ্নের উত্তরে যা বলেন তা একান্তই শিক্ষানবীশের

কথা। বিশেষজ্ঞের মননশীলতার উৎকর্ষের স্বাক্ষর সেখানে ছিল না। তবে এ-কথা অবশ্য স্ব-কাষ্য যে, তাঁর ইংরাজী ভাষায় অধিকার প্রশংসার যোগ্য। এই আলোচনার সূত্রে আলাপ হ'ল নয়াদিল্লীস্থিত জার্মান দূতাবাসের কৃষ্টি বিভাগীয় প্রধান সচিব ডক্টর ফাউটারের সঙ্গে। তাঁর জ্ঞান ও পাণ্ডিত্য আমাদের মুগ্ধ করেছিল। আলোচনা সভার বাইরে সবুজ ঘাসে ঢাকা বিশ্ববিদ্যালয় প্রাঙ্গণে বসে এই বিদেশীটির মুখ থেকে যে সূনিপুণ সূক্ষ্ম আলোচনা শুনেছিলাম হেগেলীয় মার্ক্সীয় দ্বন্দ্ববাদের ওপর তা সহজে ভোলবার নয়। ডাঃ ফাউটার ছাড়াও রাশিয়াগত পণ্ডিতদের সঙ্গে আলাপ হ'ল। আমেরিকান প্রতিনিধিটিও আমাদের আকৃষ্ট করেছিলেন। এঁরা সব এসেছিলেন দেশ-বিদেশ থেকে ভারতীয় দর্শন চিন্তার সঙ্গে সাক্ষাৎ পরিচয় লাভ করার জগ। ভারতীয় দার্শনিকেরা কি বলেন, তাঁদের চিন্তাধারা কোন পথে বহমান, এ বহু জ্ঞানবান জগ পৃথিবীর অগাধ দেশেও আজ যে আশ্চর্য দেখা দিয়েছে, এটা খুবই আশার কথা। আদান-প্রদানের মধ্য দিয়েই জাতির প্রাণশক্তির পরীক্ষা হয়। ভারতের চিন্তানায়কদের আজ দেবার সময় এসেছে। গত দু'শত বছর ধরে আমরা কেবল 'আদান' কার্যটি গুপ্তরূপে সমাধা করেছি। আজ 'প্রদানের' সময় এসেছে। মনে রাখতে হবে বাঙালী সন্ন্যাসী স্বামী বিবেকানন্দের সেই ভবিষ্যৎবাণী : এখনও আমাদের কিছু দেবার আছে। সে দেওয়া চিন্তার ক্ষেত্রে, জ্ঞানের ক্ষেত্রে, সাধনার ক্ষেত্রে সত্য হোক। নতুন ভারতবর্ষের সেই সাধনা, সেই প্রচেষ্টার প্রস্তুতি বুঝি দেখে এগাম সাধরোশ্রমবিদ্যেও নারিকেল কুঞ্জ বেষ্টিত দক্ষিণ দেশের এক মিষ্টি উপনগরীতে।

অধিবেশনের শেষ দিন, ২২শে ডিসেম্বর বিশ্ববিদ্যালয়ের কর্তৃপক্ষ প্রতিনিধিদের জগ প্রমোদভ্রমণের বন্দোবস্ত করেছিলেন। এত প্রমোদভ্রমণ হ'ল না, এ হ'ল তীর্থযাত্রা। এ যুগের মহাসাপক শ্রীধরবিন্দের পুণ্য সাধনক্ষেত্র পণ্ডিচেরী আশ্রমে তীর্থযাত্রা। আশ্রমের ডক্টর ইন্দ্র সেন কংগ্রেসের অগ্রতম অধিনেতা। তিনি হলেন আমাদের যাত্রাপথের কাণ্ডারী। বেলা একটার সময় মধ্যাহ্ন ভোজনান্তে যাত্রা করার কথা। বিশ্ববিদ্যালয়ের গদিমোড়া স্রুদৃশ মোটর বাস এসে দাঁড়াল বাণী অছিদেবী ছাত্রাবাসের সামনে। দেশী

বিদেশী প্রতিনিধিরা একে একে উঠে বসলেন। যাত্রা শুরু হ'ল। আসা-যাওয়ার পথের ধারে দু'চোখ ভরে দেখে নিলাম দক্ষিণ দেশের গ্রামীণ সৌন্দর্য। দূবে দূবে বহু দূরে বালুময় মাটির আস্তরণকে ঢেকে দিয়ে দাঁড়িয়ে আছে সারি সারি কাজু বাদামের গাছ; চিকন পাতা তার মেলে দিয়েছে তপ্ত মধ্যাহ্নের আলম্বে। বায়ুহিল্লোলে উপচে পড়া খুশির আমেজ। দূরে কাছে কোথাও বা সবুজ ধানের বাহার। চাষী কোথাও তন্ময় হয়ে তাকিয়ে আছে তার ভবিষ্যৎ দিনের স্বর্ণসস্তারের দিকে। কোথাও বা দেখলাম 'কলসী মাথায় ধরা' গ্রামের মেয়েকে। নিকষকৃষ্ণ কালো চোখে জিজ্ঞাসার বিদ্যুৎ চমকে উঠল। আমাদের দিকে তাকিয়ে ছিল সে অবাক বিশ্বয়ে। গাড়ীর ভিতরে গানে, গল্পে, হাস্যপরিহাসে মনোরম পরিবেশ রচিত হয়েছিল। তরুণ দার্শনিক ডঃ প্রবাসজীবন চৌধুরী সেদিন রবীন্দ্র-সঙ্গীত গেয়ে সকলের প্রশংসা পেলেন। সিংহলের ড. সরকারের স্ত্রী ত্রিযুক্তা সরকার ও দিল্লী বিশ্ববিদ্যালয়ের ড. বায়ের কন্যা কুমারী বায়ও রবীন্দ্রসঙ্গীত পরিবেশন করেছিলেন। তাঁদের কাছেও আমরা সকলে ঋণী। অধ্যাপক লস্কারি গাওয়া ইটালীয়ান সঙ্গীত খুবই উপভোগ্য হয়েছিল। এমনি করে আমরা এসে পৌঁছলাম প্রধান আশ্রমে, যেখানে মহাপুরুষ অরবিন্দ মহানিদ্রায় শায়িত। আশ্রমের শ্রীচাক্রপদ ভট্টাচার্য একান্ত আশ্রিতের সঙ্গে আমাদের আশ্রমের বিভিন্ন বিভাগ দেখালেন—ড. ইন্দ্র সেনের সৌজগ ও চাকবাবুর হৃদয়তা ভোলবার নয়। তাঁদের আনুকুল্যে যে দুর্লভ সুযোগ পেয়েছিলাম তার জগ আন্তরিক কৃতজ্ঞতা জানাচ্ছি। ড. ইন্দ্র সেন আমাদের নিয়ে গেলেন শ্রীধরবিন্দের নশ্বর দেহের সমাধি বেদীমূলে। আমরা সকলে নত-মস্তকে এই মহামানবের উদ্দেশে শ্রদ্ধা নিবেদন করলাম। মন অপার্থিব আনন্দে পরিপূর্ণ হয়ে উঠল। একটি নমস্কারে সম্পূর্ণরূপে আপনাকে উজাড় করে দিয়ে মনে মনে বলেছিলাম সেদিন :

'হে মহাজীবন, হে মহামরণ

লইলু শরণ, লইলু শরণ।'

শরণার্থী এ যুগের মানুষ যুগাচার্যকে এই প্রার্থনা বার বার জানিয়েছে। সে প্রার্থনা সেদিন আর একবার উচ্চারিত হ'ল পূর্ব দেশের আর একটি মাদ্রাসের সমগ্র চেতনায়।



হৃদযন্ত্রের সুচীক্রিয়া

আর্নল্ড ওয়েস

অনুবাদক—শ্রীরবীন্দ্রনাথ রায়

[Pocket Book of German Stories and Tales, Pocket Book Inc, N. Y. হইতে সংগৃহীত।

লেখকের জন্ম ১৮৯৬ খ্রীষ্টাব্দে, মোরভিয়ায়। তিনি চিকিৎসক হিসাবে প্রথমে শেট-বিভাগে, পরে বার্লিন এবং ১৯৩৩-এর পর প্রাগে গিয়া বাবসা করেন। শেষ পর্যন্ত তাঁহাকে প্যারিসে পলাইতে হয়। তিনি ইহুদী। ১৯৪০-এর মে মাসে যেদিন জার্মান সৈন্য প্যারিসে প্রবেশ করে, ইনি নিজের স্নান-টবে ডুবিয়া আত্মহত্যা করেন।]

ফ্রায়েডরিক ফন বি—ডাক্তারি পড়ছে। মাথায় বাদামী চুল, গড়নটি ছিপছিপে। উঁচুদরের সার্জারির দিকেই যৌক বেশী। তাই বলে আর কোন দিকে অনুরাগ থাকবে না এমন কথা নেই। হিল্ডেগার্ডের এক তরুণী বেশ খানিবটা আরগা জুড়ে ছিল এতদিন, যদিও সম্পর্কটা আপাততঃ ঠিক আগের মত নেই।

ডিসেম্বরের গোড়ায় ফ্রায়েডরিক গেহাইরাট ও-র সার্জিক্যাল বিভাগে অবৈতনিক সহকারীর কাজ পেল। সার্জেনটির ভারিকি চেহারা আর মিলিটারী চালচলন দেখে ছাত্রেরা তাঁর নাম দিয়েছিল জেনারেল, ফ্রায়েডরিকের বাপ আর এই অধ্যাপকটি একই ধর্মসম্প্রদায়ের বলেই বোধ হয় তার পক্ষে এই পদ পাওয়া সম্ভব হয়েছিল।

বিশ্ববিদ্যালয়ে ভর্তি হবার পরে গোড়ার দিকে পিতৃবন্ধু তার দিকে তেমন নজর দিতেন না। তবু সামান্য হলেও সে অনেক অপরিহার্য ও গুরুত্বপূর্ণ কাজ করে দিয়েছে। যেমন সংজ্ঞাহীন করা, ঘা খোয়া, কিংবা ছোটখাটো অস্ত্রোপচার। কাজ না থাকলেও সে দাঁড়িয়ে থেকেছে আদেশের অপেক্ষায়। আবার লোকচারের সময়—সোয়া ন'টা থেকে এগারোটার মধ্যে বিষয় অনুসারে 'কেস' এনে হাজির করেছে নামনে।

এমনি একদিন, - সেদিন ১৭ই জানুয়ারী—অধ্যাপক দুই অবুঁদ মধ্য ক্লাসে লোকচার, দিচ্ছিলেন। প্রসঙ্গতঃ তিন বা পাঁচ বছর আগে যেগুলির ওপর অস্ত্রোপচার করেছিলেন এবং আঙ্গু যেগুলি তাঁর কৃতিত্বের স্থায়ী পরিচয় বহন করছে, সেগুলোর সর্গর্বে উল্লেখ করলেন। এমনকি অন্যান্য সাড়ে সাত বছর আগে—অর্থাৎ কলেজের শিক্ষকতা গ্রহণ এবং শহরে সার্জেন হিসাবে ব্যবসা আরম্ভ করার আগে—যে

রোগীকে তিনি নিরাময় করেছিলেন তার কথাও উত্থাপন করে তিনি বললেন, সে আজও অস্ত্রোপচারের মত সুস্থ এবং এ পর্যন্ত আর কোন নতুন উপসর্গও দেখা যায় নি। সব ক'টি অস্ত্রোপচারই গুরুতর রকমের ছিল। তবে তাঁর মতে স্থায়ী উপকার সম্ভব হয়েছে শলাচিকিৎসার নিপুণতায় আর রোগ নির্মূলীকরণের দ্রুত ব্যবস্থায়।

পুরনো রোগীদের চিঠি লিখে ক্লিনিকে ডাকা হয়েছিল। মফস্বলে রোগীদের রাহাখরচও পাঠানো হয়েছে। তারা এখন ওদিকের ওয়ার্ড আর এপাশের লোকচার-রুমের মাঝের গলিপথে একটি বেঞ্চির ওপর বসে। পাঁচ জন পুরুষ, তিন জন নারী। চার জন এই শহরের লোক, বাদবাকি এসেছে বাইরে থেকে। প্রধান সহকারী সাবধান করে গিয়েছিলেন, তারা যেন পরস্পরের মধ্যে রোগের আলোচনা না করে। কিন্তু ঘণ্টাখানেক থেকে তারা এ ছাড়া আর কোন আলোচনের বিষয় খুঁজে পায় নি। কয়েকজন ইতিমধ্যে জামা তুলে নিজের নিজের অস্ত্রচিহ্ন দেখিয়েছে, অন্তরা জামার ওপর থেকেই ইঙ্গিতে সামান্য অতিরঞ্জন করে, কতচিহ্নের দৈর্ঘ্য দেখিয়ে দিলে। অতঃপর তাড়াতাড়ি পরিচ্ছদ সম্বৃত করে এবার তারা গর্বভরে ছাত্রটির সঙ্গে এসে দাঁড়াল অডিটোরিয়ামে। একটু মহিষা তাড়াতাড়িতে দস্তানার ভিতর হাত ঢুকাতে পারেন নি বলে ঘেমে উঠলেন।

জেনারেল শলাচিকিৎসার উজ্জ্বল ভবিষ্যৎ বিষয়ে উচ্ছ্বসিত হয়ে উঠলেন। তিনি এই রোগীদের সঙ্গে তাদের তুলনা করলেন যারা এই রোগে বছরদিন আগে শীতল মৃত্তিকায় আশ্রয় নিয়েছে। সঙ্গে সঙ্গে এক ভয়দেহ প্রৌঢ়ার দুই কাঁধে নিজের বিশাল দুটি হাত রেখে পুতুলের মত তাকে ডাইনে-বামে ঘোরাতে লাগলেন। সহসা তাকে ছেড়ে দিয়ে জেনারেল এবার ব্ল্যাকবোর্ডের ওপর অস্ত্রোপচারের ছবি এঁকে দেখালেন ছাত্রদের। ডান হাতে খড়িমাটির ডেলা, বাঁ হাতে সহকারীর দেওয়া প্রয়োজনীয় তথ্যের বিবরণী। অতঃপর নিখুঁত ভাষায় অস্ত্রোপচার রীতির উন্নততর বিভিন্ন কলাকৌশল মধ্যস্থ বক্তৃতা দিতে দিতে সমালোচনা করে প্রত্যেকটি রীতির গুণাগুণ এবং নির্ভুল পরিসংখ্যানের সাহায্যে বিশেষ বিশেষ রীতির আরোগ্য-ক্ষমতারও একটা হিসাব দিলেন। কিন্তু যে আট জনকে নিয়ে আলোচনার

সূত্রপাত তারা যে তখনও অডিটোরিয়ামে—প্রয়োজনবোধে অপারেটিং-রুম হিসাবেও ব্যবহৃত হয় এটি—দাঁড়িয়ে, তাদের কথা একেবারেই ভুলে গেলেন অধ্যাপক। তিনি সম্পূর্ণ আত্মবিস্মৃত হয়ে শলা-চিকিৎসার আলোচনা করে যাচ্ছেন এমন সময়ে এক সহকারী অধ্যাপকই ভিতরে ছুটে এসে তাঁর কানে কানে কিছু বলে গেলেন। প্রায় সঙ্গে সঙ্গে সার্জনের মুখ উত্তেজনার সিঁড়ির মত লাল হয়ে উঠল। কৈশোরের কতকগুলো ক্ষতচিহ্ন ছিল মুখে, সেগুলো আরও স্পষ্ট হয়ে ‘চিরি’র মত লাল হয়ে উঠেছে। গভীর উদ্বেগে ললাট কুঞ্চিত। এক অবসরে সহকারী আট জন রোগীকেই মুরগী ভাড়ানের মত করে হালের বাইরে খেদিয়ে নিয়ে গেলেন।

অধ্যাপক প্রায় সেই মুহূর্তে নিজের ব্যবহার্য জমাগারের দিকে এগিয়ে, সেলফের ওপরকার সমস্ত নির্দেশক আওয়ার-গ্লাসটিকে উল্টে দিলেন। দশ মিনিট পরে বাদামী বালুকণা করবে। সেই সময়টুকুই তাঁর হাত ঘোরা এবং নিজের নিব্বীজীকরণের কল্মে নিদ্রিত। ছাত্রটি এসে জেনারেলকে অস্ত্রোপচারের পোশাক পরিয়ে দিতে সাগঙ্গ। জেনারেল পর্যায়ক্রম হাত ধুচ্ছেন আর কথা বলে যাচ্ছেন। সেই কঁাকে প্রকাণ্ড একটি বাদামী-বস্তুর জলনিরোধক এপ্রন পিতলের শিকল দিয়ে তাঁর চওড়া ষাড়ের ওপর ঠেঙে দেওয়া হ’ল। ষাড়ের রংও লাল। মুখ না তুলেই তিনি কাসো রবারের গাম-বুটের ভিতর পা ঠেসে দিলেন। মুহূর্তের ব্যবধানে কলেজের অধ্যাপক যেন আর এক মানুষ হয়ে গেছেন। তাঁর কণ্ঠস্বর, তাঁর ভাবভঙ্গী, এমনকি তাঁর দৃষ্টি পর্যন্ত বদলে গেছে। কড়া বুরুশ দিয়ে নখ, হাতের ছুঁপিঠ আর কনুই পর্যন্ত দুই বাহু রগড়ে ধুচ্ছেন। সক্রিয় সাবান-আধারে পায়ে চাপ দিতেই দুই বাহু তরল সাবানের ফেনায় ভরে উঠল। ফেনা ধুয়ে ফেলতে একবার করে হাতের চামড়ার লাল রং ফুটে বেরুচ্ছে। আবার প্রায় সঙ্গে সঙ্গে তা ফেনার ভিতর অদৃশ্য হয়ে যাচ্ছে। তাঁর দেখাদেখি সহকারীও তাই করতে লাগল।

জেনারেল এবার মুখ ঘুরিয়ে ছাত্রদের উদ্দেশ্যে বললেন, “ভালই হ’ল। খুব সুখের না হলেও এ এক অভূতপূর্ব যোগাযোগ। হাসপাতালের কাছেই আত্মহত্যার চেষ্টা। এক কুমারী যুবতী, হাটের ভেতর কলমের নিব্ব বসিয়ে দিয়েছে। হাট সেসাই করতে হবে বলেই অনুমান করছি। অস্ত্রোপচারের কৌশলটি আধুনিক, কিন্তু আঘাতের অস্ত্রটি একেবারে সেকেলে—একটি পুরনো-চাপের কলমে সাধারণ একটি লোহার নিব্ব। আপিসে কাজ করে মেয়েটি। একটু আশার কথা, নিব্বটা নাকি এখনও আটকে আছে, তাই

আর রক্তপাতে মারা যায় নি। কিন্তু এমন একটি আদিম-কালের যন্ত্র দিয়ে হাট ফোঁড়ায় বাহাজুরি আছে বটে। তবে যে কৌশলটি এখন আপনাদের—ওপরের সারিতে যাঁরা আছেন তাঁরাও শুধুন, আপনাদের প্রত্যেককেই স্থির হয়ে বসতে অনুরোধ করছি, এ সব ক্ষেত্রে ধুলো বড় সাংঘাতিক, অথবা বিপদ ডেকে আনে। হ্যাঁ, যা বলছিলাম, যে রীতিটা আপনাদের দেখাতে নাই সেটি একেবারে নতুন এবং ফ্রাঙ্ক-ফাটের স্বর্গত অধ্যাপক ‘বেগ’-এর বহু অসমসাহসিক কীর্তির একটি।”

“ডাঃ ই—, আপনিই যথারীতি প্রথম সহকারী হবেন, ডাঃ গ্লাইকার দ্বিতীয়, আর তৃতীয় পদ নেবেন ডাঃ শিলার-লিং। এনিসথেসিয়া দেবেন এই দুব্বকটি—আপনাদেরই সহকারী—ভালই দিতে দেখেছি একে। এসব ক্ষেত্রে ‘অবেদন’ পদার্থটিও ভাল হওয়া চাই। মনে রাখবেন, ‘হাইপার-প্রেসার এনিসথেসিয়া’, কেননা ব্যাপারটা বটেছে বুকের ভেতর।”

“আগেই বলেছি আজ ক’বছর থেকে হাটের এ ধরনের আঘাতে আমরা আর অসহায় বলে মনে করি না। বেগ-পদ্ধতিতে এখন ফোঁড়-খাওয়া হাট, উপায় থাকলে এমনকি গুলি বেঁধা হাটও আক্রমণ করতে সক্ষম আমরা। সত্যি বলতে কি, জীবিত অবস্থায় আমাদের টেবিলের ওপর এসে ও ধরনের যে-কোন জখমই সামলাতে পারি। সময়ে অস্ত্রোপচার করতে পারলে পাঁচ জনের ভেতর তিন জনই বেঁচে যাবে। ভাবছি, আজ যদি অষ্ট্রিয়ার যুবরাজ সারাজেভায় হাটে জখম পেয়ে—যাক গে, সে করুণ ইতিহাস না তুললেই ভাল।...হেড নার্স, সোডিয়াম ক্লোরাইড সল্যুশন গরম করে নাও, এডরেগালিন তৈরি রাখ, ১:১০০০ ভাগ, হ্যাঁ। আমি বলতে চাইছিলাম সব রকমের আঘাতেরই প্রতিকার আছে আমাদের হাতে, কেবল ঘাতকের বিরুদ্ধেই কোন ব্যবস্থা সম্ভব হয় নি। আমরা জখম জুড়ে দিই, কিন্তু মর্মাঘাতটুকু মুহূর্তে পারি কি? এনিসথেসিস্ট নাড়ী দেখবেন। রিব—ডায়ালেটার আনতে তুলবেন না—প্রকৃতপক্ষে হাড়ের সব অস্থিগুলোই চাই।”

“এসব ক্ষেত্রে নিদান নিয়ে হাজ্জামা নেই। রোগী পাবার সঙ্গে সঙ্গে অস্ত্রোপচার করতে হবে। সবকিছুই নির্ভর করে ক্ষিপ্ততার ওপর। আর এক মুহূর্তও নষ্ট করা নয়—কৈ, আমাদের রোগীটি কোথায়? সোজা ভেতরে নিয়ে আসুন, আদব-আয়দা কিংবা ‘লাস-ফিণ্টে’র হাজ্জামা নিশ্চয়োজন রোগীর মত না নিয়েও অপারেশন করি আমি, রোগীর জ্ঞান থাকে নাকি এ অবস্থায়? আর তার আত্মীয়স্বজন—তারা হি বা কতটুকু বোঝে ভাল-মন্দে? ও সব প্রশ্নই ওঠে না এ

ক্ষেত্রে। হাতে পেয়েই বাঁপিয়ে পড়ুন। তাই বলে নিবীজী-করণের কোন গাফিলতি চলবে না, কাউকে জিজ্ঞেস করবার নেই, এর যা বাধা নিয়ম, তা অবশ্যই পালন করা চাই। অরণ রাখতে হবে আমরা দেহের কোমলতম অংশে অঙ্গোপচার করছি। বক্ষগহ্বর আর হৃদযন্ত্রক বিপ্লি, এতে সহজেই পূঁজ এসে যার।—এই যে, মেয়েটি এসে গেছে! চলে এস, সাবধানে—আসে।”

সেই চ্যাণ্ডা ছাত্রটি, মাথায় বাদামী চুল, কিছুটা কবিশ্বভাব—ফ্রায়েডরিক ফন বি—আবার সেই হিল্ডেগার্ডির তরুণীটিকে দেখলে। একদিন যে তার হৃদয়ের এতখানি অধিকার করেছিল, সেই আত্ম আত্মঘাতিনী হয়েছে!

কয়েকটি বিজ্ঞপ্তি-চুম্বীতে যন্ত্রপাতি শোষণ চলছে। কতকগুলি ছোট কেবল থেকে ঘন বাষ্পের মেঘ অপারেশন থিয়েটারের ভেতরে বেড়াচ্ছে। দুপুরবেলাতেও ঘরখানি জ্বাধার বলে মনে হচ্ছে।

জেনারেল হাঁক দিলেন—আসে।

অগ্নি ছাদের নীচে সারিবদ্ধ বাতিগুলো ফস্ফস্ফ করে জ্বল উঠল। ছায়াশূন্য স্বচ্ছ শ্বেত আলোয় উদ্ভাসিত হয়ে উঠল অপারেশন টেবিল, অপ্যাপক আর তার সহকারীগণ। অডিটোরিয়ামের শেষ সারি পর্যন্ত আলোকিত হয়ে গেছে। দেয়াল-বড়ির অস্পষ্ট কাচের ভিতর দিয়ে দেখা গেল এগারোটা বেজে মাত্র দু’ মিনিট! জেনারেল নির্বাক। কোথাও কোন শব্দ নেই। কেবল ফুটন্ত জলের সোঁ সোঁ, গরম জলের ভিতর ঘূর্ণমান যন্ত্রপাতির ধাতব টুং-টাং আর উপস্থিত ছাত্রদের শ্বাসপ্রশ্বাসের চাপা শব্দ কানে আসছে।

মেয়েটি চাপা গলায় কাৎরে উঠল একবার, কিন্তু চেষ্টা না। মনে হয় বুকের সামান্যতম আন্দোলনেও আঘাত পাচ্ছে সে, তাই শ্বাস চেপে রাখবার চেষ্টা করছে। তাদের সামনে নীচের দিকে ছাত্রেরা ছাদের আলোয় উদ্ভাসিত মেয়েটির মুখ দেখতে পেল। মাথার গাঢ় বাদামী চুলগুলি ভিজে, ইতস্ততঃ বিক্ষিপ্ত। সিন্ধু অধরের অনেকখানি ওষ্ঠে ঢাকা; গোথের পাণ্ডুর পল্লব দুটি চেপে বন্ধ করে রেখেছে। অনেক কষ্টে একবার চোখ তুলবার চেষ্টা করতে পাতা দুটি কেঁপে উঠল, মণি দুটো অস্থির ভাবে নড়ে উঠল এক প্রান্ত থেকে অন্য প্রান্ত পর্যন্ত। দেহের উর্ধ্বাংশের পরিচ্ছদ আগেই কেটে ফেলে সূতির পাতলা জালের পর্দায় ঢেকে দেওয়া হয়েছিল। পর্দার একাংশ একটি তীক্ষ্ণ বিন্দুর ওপর উঁচু হয়ে আছে, শ্বাসপ্রশ্বাসের সঙ্গে সঙ্গে সেই বিন্দুটিও ওঠানামা করছে।

চারিদিক ধমধম করছে। জেনারেল আর তার সহকারীরা ব্রাশ দিয়ে হাত ধুয়ে নীরবে মেয়েটির দিকে চেয়ে

আছেন। প্রায় মধ্যরাত্রির শুরু নীরবতা। ফুটন্ত জলের শব্দ, শোধক-পাত্রের বগবগানি, বাতিগুলোর একটানা কান্না আর প্রতি শ্বাস চলাচলে তরুণীর চাপা গোঙানি, এ ছাড়া আর কিছুই কানে আসে না।

জেনারেল হেড নার্সকে সঙ্কেত করলেন। মহিলা অতি সন্তর্পণে—যাতে মেয়েটির সামান্যতম আঘাত না লাগে এমন ভাবে, শোধিত করসেপস দিয়ে জালের পর্দাটি সরিয়ে দিলেন। তরুণীর বাম বক্ষের নীচে সেই কলমটি দেখা গেল। প্রতি স্পন্দনের সঙ্গে সঙ্গে সাক্ষিয়ে উঠছে সেটি। আপনিই একবার করে দেবে যাচ্ছে ভিতরে; আবার বেরিয়ে আসছে ওপরে, এত সূক্ষ্ম তার কম্পন, বুঝি সামান্য একটু চুলের আঘাতও মাপা যায় তার ডগায়।

“সবচেয়ে বড় কথা”—জেনারেল ভাজা চিংড়ির মত লাল বাছ দুটো আর একবার আরও জোরে ব্রাশ দিয়ে বগড়ে বললেন, “সবচেয়ে আশার কথা মেয়েটি এখনও জ্ঞান হারায় নি। কেবল ‘শক’ ছাড়, খুবই স্বাভাবিক এক্ষেত্রে। আর, —না রক্তক্ষরণও নেই, বাইরের রক্তক্ষরণ বন্ধ হয়ে গেছে। ...সামান্য থাকাই সম্ভব।”

জেনারেল তাঁর পেশীবহুল পালিশ-লোহার মত চকচকে হাত তুলে ফ্রায়েডরিক ফন বিকে রোগিনীর কাছে আসতে ইশারা করলেন।

‘ঠিক আছে। এনিসথেসিয়া চালিয়ে যাও।’

ছাত্রটি ইতস্ততঃ করতে লাগল। আতঙ্কে তার মাথা দেহ কাঁপছে। প্রতিটি স্নায়ুর সঙ্গে যুক্ত করে সে কোনমতে নিজেকে সামলাবার চেষ্টা করছে। হাইপার-প্রেসার এনিসথেসিয়ার জন্তে বিশেষ একটি যন্ত্রের প্রয়োজন, সেটি আগেই সেখানে উপস্থিত রাখা উচিত ছিল। সামান্য মেরামতের জন্তে সেটিকে আর এক ঘরে নিয়ে যাওয়া হয়। কিন্তু সবাই যখন মুহূর্ত গুনছে ঠিক সেই সময়েই যন্ত্রটিকে আর খুঁজে পাওয়া যাচ্ছে না। কারু সাহস হচ্ছে না জেনারেলকে জানায় সে কথা।

নার্সেরা তাড়াতাড়ি নিকেল-প্লেটকরা বড় বড় ড্রামের ভিতর থেকে কোট, টুপী, তোয়ালে, রবারের দস্তানা আর ড্রেসিং টেনে বার করল। দু’জনে ধরে সাদা চোঁকোণ এক খণ্ড চাদর বিছিয়ে দিলে তরুণীর পিঠের তলায়। হেড নার্স অতি সন্তর্পণে মেয়েটিকে তুলে ধরলে। কোমরের নীচের অংশে আর একখানি চাদর ঢেকে দেওয়া হ’ল, কেবল দেহের উত্তমাংশ খোলা থাকবে। রোগিনীর মুখ প্রতি মুহূর্তে ক্রমে ফ্যাকাশে হয়ে আসছে। হাত দুটি নীচের দিকে বাধা, জাহুর ওপর দিয়ে চওড়া ফিতে টানা।

আওয়াক-গ্রাসে ন’ মিনিট শেষ হয়ে গেছে। ফুটন্ত জল

থেকে যন্ত্রগুলো নামিয়ে আনা হ'ল। মেঘপ্রমাণ বাষ্প উঠছে। হেড নার্স চাকাওয়ালা ছোট টেবিলের ওপর নিপুণ হাতে হিসেবমত যন্ত্রপাতি সাজিয়ে দিলে। একই প্রকারের যন্ত্র কাছাকাছি রইল। বড়গুলো ডাইনে, ছোটগুলো বাঁয়ে। কাঁচি, সোজা-বাঁকা চার আংটার ছক, বোন ফরসেপস, ক্ল্যাম্প ছোট চিমটে, সূচাধার, সোজা বা কাশ্চের আকারের সূচের কোঁটা, নানা প্রকারের লাটিমে জড়ানো রেশম বা ক্যাট-গাটের তন্তু। ওপরের গ্লাস থেকে সব বাসি বাবে গেল। ফ্রায়েডরিক অসহায় ভাবে ঘরের চারিদিকে চাইল, এনিস-থেসিয়া যন্ত্রটি তখনও এসে পৌঁছয় নি। সহসা জলের শব্দ বন্ধ হয়ে গেল।

“আইয়োডিন”—সার্জেন আবার হাঁকলেন।

প্রায় শেষ মুহূর্ত যন্ত্রটি গড়িয়ে এসে ভিতরে। জটিল যন্ত্র একটি। লাল নল-লাগানো আধারে অক্সিজেন—নীল নলওয়ালা আধারে আছে কার্বন-ডাই-অক্সাইড। অবদক-গ্যাসটি এসে মিশছে সবুজ নলে। শ্বাসক্রিয়া নিরোধের জন্তু আছে চকচকে একটি প্রেসার গেজ আর তরল পদার্থে ভর স্বচ্ছ কাচের সিলিণ্ডার।

সার্জেনকে যখন তাঁর সাদা কোট, টুপি এবং মুখোশ পরান হচ্ছিল, ছাত্রটি তখন লাগতে রবারের মুখোশটি অল্পে অল্পে মেয়েটির মুখের ওপর চেপে ধরেছে। বাতাসে মিশে অচেতনকারী জ্বের মুক্তার মত বড় বড় বুদ্ধদ স্বচ্ছ একটি কাচের নলের ভিতর দিয়ে নেমে যেতে লাগল। ছাত্রটি প্রায় শব্দহীন কণ্ঠে বললে, “জ্বেরে দম নাও, জ্বেরে—”

মেয়েটি নীরবে মাথা নাড়ালে, কিন্তু দৃঢ় ভাবে। ক্ষীণ চেষ্ঠায় যতটা পারলে মুখের কাছ থেকে মাস্কটিকে ঠেলে দিলে। মাস্কটি তাও মুখের সঙ্গেই লেগে রইল। মেয়েটির পাংশুটে মুখ এবার যেন বিকৃত হয়ে উঠল। সে মুখ ছাড়িয়ে নেবার চেষ্টা করলে। মুখও খুলেছিল, বোধ হয় টেঁচাত, কিংবা গালমন্দ করত। কিন্তু তবু রক্তহীন সেই ফ্যাকাশে ঠোঁটের ফাঁক দিয়ে আর কোন শব্দ বার হ'ল না।

রবারের দস্তানা পরতে পরতে জেনারেল পুনরায় ছুঁকার দিয়ে উঠলেন, “আইয়োডিন!”

পুরু চওড়া একখণ্ড গজের সাহায্যে অস্ত্রোপচারের সমস্ত জায়গায়, দুই স্তনে গলা পর্যন্ত ওপরে, আর নাভি পর্যন্ত নীচে, তামাটে রঙের ছোপ পড়ল। ছোপ দেওয়া চামড়ার ঠিক মাঝখানে তখনও সেই কলমটা বোঁকে বোঁকে উঠছে। তবে এখন অনেক ক্লান্ত, দ্রুত নিশ্চল। হৃদযন্ত্রটি অসহায় ভাবে কাঁপছে খর খর করে, শক্তি নিঃশেষিতপ্রায়। শ্বাস-প্রশ্বাস এতক্ষণ স্পষ্ট ছিল, কিন্তু এবার যেন গভীর হয়ে

আসছে। বিস্ফারিত দুই চোখ স্পষ্ট অথচ নিরাশ দৃষ্টি নিয়ে শূন্য ঘুরে বেড়াচ্ছে।

জেনারেলের মুখে অদ্ভুত এক নিরুদ্বেগ চিন্তভূষ্টির ভাব। মনে হয় ইতিমধ্যে তিনি অস্ত্রোপচারের শেষ খুঁটিনাটি পর্যন্ত, এমনকি সম্ভাব্য জটিলতার প্রশ্নগুলোও বিচার করে ফেলেছেন, বাকি শুধু আরম্ভ করা। কিন্তু মেয়েটি জেগে কেন এখনও? দেখা যাচ্ছে মেয়েটির মুখ যেন আগের চেয়েও সুন্দর হয়ে উঠেছে। অনেকক্ষণ থেকেই কি খুঁজছিল সে, এবার বুঝি সে তার পূর্ব-দায়িত্বের চোখ দুটি খুঁজে পেয়েছে।

ছাত্রটি ভাবলে আর এক মুহূর্তও নষ্ট করলে চলবে না। অচেতন তাকে হতেই হবে, এখনই। কিন্তু কি বলবে, কেমন করে বোঝাবে, কি দিয়ে তার সদ্‌বুদ্ধি আসবে? এমন কি আছে যা তাকে স্বরণ করাতে পারে?

কার দোষ—মৃত্যুর দু'মিনিট আগে কে করবে তার প্রায়শ্চিত্ত? এগারোটা বেজে বারো মিনিট।

জেনারেল নাড়ীর অবস্থা জানতে চাইলেন। ফ্রায়েডরিক তরুণীর সুন্দর কোমল কণ্ঠে হাত দিয়ে খুঁজতে লাগল। কণ্ঠের প্রতিটি রেখা তার অনেক দিনের পরিচিত। অতি সন্তর্পণে, তজনী আর মধ্যমার সাহায্যে সে তার সিন্ধু-উষ্ণ গাত্রত্বক স্পর্শ করলে।

—“ক্যারোটিডে কোন স্পন্দন নেই, কিছুই খুঁজে পাচ্ছি না।”

মেয়েটি তার হাতের স্পর্শ অনুভব করেছে। সে কি আজও ভালবাসে তাকে? আবার কি বাঁচতে চায় সে? অনুশোচনা জেগেছে? সে কি এখনও মাত্র ক'মিনিট আগের সেই মানুষ আছে? সহসা তার চোখের পল্লব বন্ধ হ'ল, পল্লবের দীর্ঘ রোমগুলির পরস্পরসম্মিলিত গাঢ় বাদামী রেখাটি উজ্জল দীপালোকে পীতবর্ণ বলে ভ্রম হয়। অপরোষ্ঠ উন্মুক্ত হয়ে াল আস্তে আস্তে। ছাত্রটি এক নিমেষের জন্তু মাস্ক তুলে দেখলে হালকা প্রবাল-রঙের মাড়ির ওপর জেগে আছে দুষ্কণ্ড দাঁতের পাটি।

দ্রুত গভীর টানে ইথারের বায়ু আকর্ষণ করে মেয়েটি তার দিকেই শ্বাস ছাড়ছে। এগারোটা বেজে তেরো মিনিট।

“ঠিক আছে? এখুনি আরম্ভ করতে হবে আমাদের। ঘুমিয়েছে? এখনও না? তা হোক। জীবন আগে, এনিসথেসিয়া পরে। যুদ্ধ! যুদ্ধ! চালাও হাতিয়ার!... মাথা নীচু, মস্তিষ্কের রক্তশূন্যতা না আসে। বিশেষ করে শ্বাসকেন্দ্র, মেডুলা ওবলংগেটায় রক্ত থাকা চাই। জখম থেকে রক্ত বাবে জমে এসে পেরিকাডিয়ামে। হৃদপিণ্ডের

ওপর চাপ পড়ে বাইরে থেকে। আমাদের প্রতিভাবান আর্নস্ট বার্গম্যান একেই বলেছেন, 'হার্ট ট্যাম্পসেড', অর্থাৎ শ্রবণ-রোধক ঙ্গিজি। আর একটু নীচে, ... আরও, ঠিক হয়েছে। সক্রিয় বিশেষ যন্ত্রের সাহায্যে নিঃশব্দে টেবিল নীচু করে দেওয়া হ'ল। ছাত্রটি অমুভব করলে মেয়েটির কোমল ভিজে চুলসুন্ধ মাথাটি তার হাঁটুর ওপর এসে পড়েছে। এখনও বেঁচে আছে কি? জাগ্রত, না মৃত?

“বেড়ি!”

প্রথম সহকারী টলটলে এককোহল ভরা একটি কাচের পাত্র থেকে মাছের ডানার আকারে নিকেলের একটি বাঁকা স্ক্যালপেল ছুরি তুললে, ওপর দিকে চকচকে নীল ইম্পাতের ফলা।

চিত্রকর যেভাবে তুলি ধরে জেনারেলও তেমনি করে ছুরির আগাটা চেপে ধরলেন। তার পর ডিজাইন আঁকার ভঙ্গীতে একটি বাঁকা চির দিয়ে দুই স্তনের মাঝ দিয়ে বাম স্তনের নীচের দিক ঘুরিয়ে টেনে আনলেন ছুরি। একটি হাল্কা রেখা পড়ল মাত্র, যেন কেউ বাতাস দিয়ে ত্বকের ওপর রেখাটি টেনে দিয়ে গেল। এক ফোঁটাও রক্ত নেই। সহকারীরা ত্বকের দু'প্রান্ত চিম্টির সাহায্যে ওপর-নীচ দু'ধার থেকে অনেক দূর পর্যন্ত খুঁসে ধরলে। মেয়েটি একবার মাত্র কাৎরে উঠে নীরব হয়ে গেল। ছাত্রটি আবার ইথার প্রয়োগ করছে। ইতিমধ্যে সার্জনের হাত থেকে ছুরিখানি কখন অদৃশ্য হয়ে গেছে কেউ লক্ষ্য করে নি। এখন তাঁর ডান হাতে পর্যায়ক্রমে বড়-ছোট, তীক্ষ্ণ-সুন্দ, কাটবার, সমান করবার কিংবা ছাঁটবার নানা যন্ত্র নৃত্য করছে। সার্জেন ও তাঁর সহকারীদের হাতে অতি সূক্ষ্ম দস্তানা, নখের প্রান্ত-গুলিও দেখা যায় তার ভিতর থেকে। অস্ত্রোপচারের জায়গায় কেবল জেনারেলের লম্বা আঙুলসম্মত বিশাল এক-খানি হাত ছাড়া আর কিছু দেখা যাচ্ছে না। হাতের নড়ন-চড়নে মনে হবে বুকি টিল, ভাসা-ভাসা কাজ করে যাচ্ছেন, কিন্তু প্রকৃতপক্ষে হিসাবে তাঁর এতটুকু ভুল হচ্ছে না। অল্প হাতগুলি দিয়ে কেউ-বা ত্বকের প্রান্ত ধরে আছে, কেউ-বা প্রয়োজনমত স্পঞ্জ অথবা যন্ত্রপাতি এগিয়ে দিচ্ছে। অগ্নাঙ্ক কাজে জেনারেলকে সাহায্যও করছে কেউ কেউ। জেনারেল বেশীর ভাগ কেবল চোখের ইশারা দিয়ে যাচ্ছেন। বিশেষ প্রয়োজন না হলে কথা বলছেন না। যেটুকু বলছেন, তাও কেবল ছাত্রদের প্রশ্নলীতি বুঝিয়ে দেবার জন্যে।

“আপনারা বোধ হয় লক্ষ্য করছেন তেমন রক্তক্ষরণ নেই। ভাল লক্ষণ নয়। রক্তের চাপ অতি সামান্য। এনিসথেসিয়া সাবধান, গোড়াতে দাঁড়, জেগে না পড়ে তার

জন্যে যতটুকু দরকার, তার বেশী নয়। 'শক' এখনও কাজ করছে, সুতরাং ব্যথা পাবে না।”

“চামড়ার নীচে সামান্য বজবজে শব্দ শোনা যাচ্ছে। ছিন্ন অংশ দিয়ে বাতাস বেরুচ্ছে। ঠিক এখন থেকে আমাদের একটু একটু করে হাড় বার করতে হবে, এখানে এসে পাঁজরাগুলো হুমড়ে দিতে হবে, অর্থাৎ হার্টে পৌঁছানোর একটা রাস্তা চাই। তার মানে দরকারমত দুই, তিন কিংবা চারখানি হাড় সরাতে হবে। তবে অস্থি-আবরক বিল্লীর কোন ক্ষতি না হয়, কেননা পরে তাদের আবার এক সঙ্গে জুড়ে যাওয়া চাই। জুড়তে দেবি লাগে না। হাত টানুন, কোন জীবাণু ভেতরে না যায়। এনিসথেসিয়া জোর করুন, নামমাত্র ইথার, প্রচুর আক্সিজেন। এইবার হবে শত্রুর সঙ্গে আমাদের শক্তি পরীক্ষা। বাইরে থেকে ফরসেপ দিয়ে চেপে রাখুন কলমটাকে, হ্যাঁ, অমনি করে। দেখুন, পিছু নিচ্ছি এবার, এই পথেই গিয়েছিল নিবটা। কালির দাগ দেখতে পাচ্ছেন? এবার ঘোরাতে হবে,—একটু বাইরের দিকে হুমড়ে দিন—ঠিক। টানুন... এবার, হাল্কা—জোরে, আরও জোরে,—হয়েছে! বেরিয়ে এসেছে! যান, ওটাকে এবার সংগ্রহালয়ে রেখে আসুন। হয় ত ভাবছেন বেকুবি!—মাল্লু মরিয়া হলে হাতের কাছে যা পায় তাই ব্যবহার করে। এবার পাঁজরার ব্যবস্থা। চেয়ে দেখুন। পাঁজরার কাঁচি, হ্যাঁ, রাখুন ওখানে—সাবধানে। প্রথমে নীচে একটি আঙুল দ্বিন, আমি চাপ দিচ্ছি। পরেরটায় এবার। আঙুল নীচে, হাড়সুন্ধ চামড়ার পর্দাটা সবসুন্ধ তুলে ধরুন। খুব আন্তে, একেবারে চাপ না লাগে। এক, দুই—আর একটি। এক, দুই, ভাঁজ করে যান, চালান, চালান—সাবধান, পিছলে না যায়। পর্দাটা স্থির করে ধরুন, না হচ্ছে না। আন্তে, আরও আ—স্—তে,—বেশ!”

ছাত্র ফন. বি. মেয়েটির মুখের ওপর হাত রাখলে, শ্বাস পড়ছে কিনা বুঝতে পারা গেল না।

“মাস্ক উঠিও না। হাইপার প্রেসার ঠিক রাখা চাই। ঠিক শ্বাস নিচ্ছে, চিস্তার কারণ নেই। আমরা এখন থেকে দেখতে পাচ্ছি, ফুদফুস বাতাস টানছে। এনিসথেসিয়া বন্ধ কর এবার, দরকার হলে দেখা যাবে। এবার ভাল করে দেখুন। এইটে হ'ল হৃদাবরক বিল্লী, - পেরিকাডিয়াম! ... ঠিক... সামনে। ধারালো ক্লাম্প! ক্লাম্প! বড় একটা, ছোটও। মাঝারি নাও তুমি, ছাঁশয়ার হয়ে বাইরের দিকে ঘোরাও একটু। আর একটা—আরও একটা, চালিয়ে যাও কথা না বলে। পেরিকাডিয়ামের ওপর প্রথমটা এই যে—ধারগুলো ছেঁড়া ছেঁড়া, করাতের দাঁতের মত আঁকাবাঁকা। অমনি করেই কাটতে কাটতে গেছে ভেতরে। দাঁপ সোজা

হবে কি করে ? প্রতিটি হৃৎস্পন্দনের সঙ্গে পেরিকাডিয়াম কুঁচকে সরে যাচ্ছে, চোট খাবার সময়েও তাই হয়েছিল। নালিকাটা প্রোব দাও একটা, ভেতরে যাবে, বেশ খানিকটা নীচে চালাতে হবে।”

নিকেল করা ষ্টীলের আঙুলের মত একটি যন্ত্র, প্রোব। ধারগুলি লম্বা, বসাবার সঙ্গে সঙ্গে ক্ষতস্থানের রক্তাক্ত গভীর কন্দরে পিছলে ঢুকে গেল।

“ঠিক আছে। প্রোবটিকে এবার সাবধানে চেপে রাখুন। ওটির মাথার ওপর কাঁচি ধরুন, সোজা কাঁচিই সবচেয়ে ভাল। হ্যাঁ, কিন্তু নীচের দিকে ঠেকিয়ে,—প্রোবটি যেন ঠিক কাঁচির নীচে থাকে। একটি জায়গায় কাটুন—ঠিক হয়েছে। ভাল করে একবার দেখে নেওয়া যাক। রক্তের ডেসায় ভরে আছে। ওগুলো সরাতে হবে। মুছে ফেলুন, আশ্বে—পেরিকাডিয়ামে ঘষা না লাগে, ক্ষতি হতে পারে। স্পষ্ট দেখা যাচ্ছে এবার, কিন্তু থাকছে না বেশীক্ষণ। তাড়াতাড়ি জখমটার ব্যবস্থা করতে হবে। রক্ত আসছে কোথেকে ? বড্ড লাল যে ওখানে ?—স্পঞ্জ করে নিন, মাথা তুলে, শুধু আমায় দেখতে দিন, জায়গা ছাড়ুন। স্পঞ্জ করুন—হাত দিয়ে নয়, ফরসেপ দিয়ে স্পঞ্জ করুন। হালকা হাতে, চটপট—হালকা করে বললুম যে ! আলতো হাতে তাড়াতাড়ি সারতে হয়, রগড়ানো চলবে না। এবার দেখে যান শুধু, চালান। শীঘ্র অঙ্ককার কেটে দিনের আলো দেখা যাবে। নাড়ী কেমন ? মণিবন্ধে আছে কিছু ? নেই ? সোডিয়াম ক্লোরাইড সল্যুশন দিন। যতটা যায়। রক্ত পেসেই ভাল হ’ত, ব্লাড ট্রান্সফিউশন ! কিন্তু বড় সময় নেবে। প্রথমেই ব্লাড-গ্রুপ বাছতে হবে, বড্ড সময় লাগে ! তার চেয়ে কনুইয়ের কাছে ক্যাবিটাল শিরায় ফিজিওসজিক্যাল সোডিয়াম ক্লোরাইড সল্যুশন দিন। যতটা নিতে পারে। রক্তের বিকল্প ব্যবস্থা। ল্যাবরেটরিতে এখানে এক ভদ্রলোক ব্লাড-গ্রুপ ঠিক করে দেন। রক্ত দেবার আছে কেউ ? ডাঃ বি, আপনি একবার রক্ত দিয়েছিলেন আমাদের, আপনার ব্লাড-গ্রুপ কি ? দেখতে থাকুন। ঠিক একশ’ মেকেণ্ড ! শাস্ত !—হাট সামনের দিকে টেনে ধরুন। অমন করে লাফাতে থাকলে কিছুই সম্ভব হবে না। স্থির রাখতেই হবে ওটাকে, কোর্টরের বাইরে আনতে হবে। বাইরে বসছি, ভীতু কোথাকার ! সেলাই করতে হাত পৌঁছানো চাই ত ? স্থির করে ধরে রাখতেও হবে। এবার, বাঁধবার আগে ঘায়ের ধারগুলো টেনে তুলতে হবে। হ্যাঁ, ঐ সূতোতেই হবে, মিহি রেশম ঝাকা সূচ,—এই সাইজের। আমায় দিন। হ্যাঁ করে দাঁড়িয়ে কেন সবাই ? সূতো খুব ছোট না হয়। সূচ ধরবারটা আমায় দিন। তুমি পেরিকাডিয়া

তুলে ধর, আপনি সূতোর গোড়াটা, ঝুলে না থাকে। দেখে যান, আমি পেরি—আর এপিকাডিয়ামের বিল্লী ফুঁড়ছি—ঝায়ের ভেনট্রিকল, এপেক্‌স ভেতরে গেল। বাইরে আনছি এবার। একটা কাঁস দিলুম—আপনি ধরুন ত এটা। আর একটা এমনি করে। দেখছেন ? সূচ দিয়ে এবার হার্টের পেশী ধরেছি, এবার ফোঁড়,—ভেতরে—বাইরে। সূচ সরিয়ে দিন, সূতোর প্রান্ত দুটো এক করুন, ব্যস হয়ে গেছে। সূতো কুড়িয়ে নিন। হার্টটাকে টেনে বার করুন,—সাবধানে—কোর্টরের বাইরে। রক্ত বারছে, বারুক, বারই থাকে। তুলে ধর, তাড়াতাড়ি—আরও ওপরে, আশ্বে ! আর একটু হলে বোধ হয় ভাল হ’ত ! ভয় পেও না ! পাশের দিকে—এমনি করে। হার্টের এ পাশটায় কিছু নেই। এদিকেও না। বেশ, এবার উলটো দিকটা। ডান দিকে একটু তুলে ধরুন ত। ধরুন—স্পঞ্জ করে ফেলুন, চাপ না লাগে। থামুন—থামুন।”

“এই যে, পাওয়া গেছে জখমটা। আঙুল দিন—আপনাকে বলছি—আঙুল দিন। ক্ষতের প্রান্ত দুটো এক করুন—খুব সস্তর্পণে। হার্টের স্পন্দনের সঙ্গে সঙ্গে টিল দেবেন একটু। এমনি করে—ঠিক হয়েছে। দেখতেও দিন আমাদের, বেশী চেপে নয়। হয়েছে, আচ্ছা—আচ্ছা, হয়েছে এবার। এবার হার্টের সেলাই ! আগের সূতো। প্রথম ফোঁড় আড়াআড়ি, বা প্রান্ত, ডান প্রান্ত—এবার ভেতর দিয়ে টেনে গাঁট দিতে হবে সূতোর। তার পর ক্রাম্প চেপে সূতোটা দূরে ঠেলে দিন। সাজিয়ে রাখুন—এমনি করে। ওপরের পর্দা ধরেছি। ডাক্তার, সূতোটা ধরে হার্টটা আমার দিকে টেনে ধরো ত ! হ’ল না—একটু ডাইনে। আর হার্টের স্পন্দনের সঙ্গে হার্টে টিল দিতে তুলো না।—বেশ। আর একটা ফোঁড় দিতে হবে। আর একটু ভিতর দিয়ে। সাবধানের মাত্র নেই। ভেতরে—বাইরে, গাঁট দিয়ে আশ্বে টান দাও। দু’দিক থেকে সমান টান দেবে, তার পর ঝুপিয়ে দাও সূতোর প্রান্ত দুটো। রক্তক্ষরণ বন্ধ হয়ে আসছে, কিন্তু তাই যথেষ্ট নয়। নাড়ী পাচ্ছেন হাতে, এখনও না ?

“শ্বাস কেমন—খারাপ ? চিন্তা নেই। হাত সরিয়ে নিন আপনার। এবার তৃতীয় সেলাই। হ’ল ? রক্ত বন্ধ হয়ে গেছে। হার্টের ক্ষত জুড়ে গেছে।

কাঁচি, তিনটে সেলাইয়ের সূতোগুলিই কেটে দিন। খুব ছোট হবে না, আবার লেজ বেরিয়েও না থাকে দেখবেন। হয় নি—বেশ।”

“আর একটা সেলাই ? না ওতেই হবে। ছেড়ে দিন সবার। সেলাই খুব মজবুত হয়েছে। ব্লাড-প্রেসার বাড়লে

কিংবা রক্তনালী স্বাভাবিক ভাবে ভরে উঠলেও ছেঁড়ার আশঙ্কা নেই। নাড়ী?—আসে নি?—আসবে, এখনই পাবেন। হার্ট বেঁচেছে যখন, মাথুশও বাঁচবে। দেখতে পাচ্ছেন, এর মধ্যেই হার্টের পেশীগুলো কেমন জোর নিয়েছে? স্পন্দন ক্রমে স্পষ্ট হচ্ছে। বিস্তার আর আকৃশন, দুই-ই স্বাভাবিক হয়ে আসছে। আগের সে কাঁপুনি কিংবা ধড়ফড়ানি আর নেই। বলতেও পাবেন, চরম অবস্থায় এসে পৌঁছেছিল। সে যাক, সোডিয়াম ক্লোরাইড দিয়ে যান হাতের উপশিরায়। কিন্তু দয়া করে ঐ নোংরা জিনিসটা আর আমাদের কাছে আনবেন না। হার্টের সূতোগুলি তিন দিন এবার। সূতোগুলি বাইরের দিকে সাজিয়ে দিন সমান করে। দেখুন, দেখুন! তিন জোড়া বলগায় নতুন ষোড়ার মত কেমন হেঁচকা টান দিচ্ছে, দেখছেন! কেমন জোর বাঁধছে চোখের ওপরই দেখতে পাচ্ছেন! চমৎকার! নাড়ীর খবর কি? তেমন বোঝা যাচ্ছে না? সেও ঠিক সামলে নেব। এবার এডরেট্রাপিন এগিয়ে দিন ত— একেবারে হার্টের মধ্যে ফুঁড়ে দেবে ইনজেকশান।—চমৎকার! দিয়েছেন?—এবার? নাড়ী এসেছে মনে হচ্ছে? আমারও তাই মনে হয়। স্বাসপ্রশ্বাস?”

ছাত্রটি দেখতে পেল এনিসথেসিয়া যন্ত্রের একটি কাঁচের নলের ভিতর দিয়ে স্বাসবায়ুর চকচকে রূপালি ধারা দ্রুততর বেগে ফুলে উঠছে।

“ঠিক চলেছে।”— ছাত্রটি বসলো।

“এবার পেরিকাডিয়াম বন্ধ করতে হবে। তার জন্তে ক্যাটগাট চাই। হার্টে দিতে সাহস পাই নি। তার জন্তে রেশম বেশী নিরাপদ। তা ছাড়া হৃদ্যবরকের ওপর ত তেমন চাপও পড়ে না। এতেই বেশ হবে। এবার আমরা

পাঁজরার হাড়গুলি বসিয়ে দেব আবার, ওপরের ঝিল্লী দু’ চারটে ফোঁড় দিলেই বসে যাবে। চামড়ার নীচে কাঁচের নল দাও—এখানে, একেবারে নীচে। পেশী,—ঘায়ের ওপর ঝিল্লীর পর্দা দিয়ে বোঁজানো, যাকে বলে—‘স্কিন সূচার’। মিহি রেশমের সূতো দিয়ে একটি দুটি ফোঁড়, ব্যস। এনিসথেসিয়ার কি করছেন?”

“কিছুক্ষণ থেকে বন্ধ রাখা হয়েছে।”

“বেশ করেছেন। এবার শুধু অক্সিজেন। ক্রমে ক্রমে সাড়ে তিন বা চার লিটার। আর সতর্কতার জন্তে কর্পূর। মাথা নীচু রাখবেন। ওয়ার্ডেও ঐ অবস্থায় থাকবে। দরকার বুঝলে ব্লাড টানসফাশন তখন দিলেই চলবে। ‘না’র চেয়ে ‘হ্যাঁ’ বললেই ভাল।... ব্লাড গুপ কি—‘এ’? আর মিঃ ফন. বি, তোমার?”

“আমিও ‘এ’ স্তর।”

“চমৎকার! দু’জনেই মেয়েটির কাছে থাকুন। আমরা কখন আরম্ভ করেছিলাম যেন?”

“এগারোটা বেজে বারোয়—”

“তা হলে অপারেশনের সময় লাগল সাড়ে সাত মিনিট। একশ’ বছর আগে নেপোলিয়নের নিজের সাজেন একটি পা কাটতে ঐ সময় নিতেন, ব্লাড স্ট্রিকিং প্রভৃতি সবসময়ে। তবে তাঁরা ছিলেন আর এক ধরনের গুণী। সে যাক পেসেন্টকে সাবধানে উঠিয়ে বিছানায় শোয়ান এবার, না হয়, আমি শুইয়ে দিই? হ্যাঁ, অমনি করে।

গরম ভলের বোতল তৈরি? ঢেকে দিন এবার,... ঢাকুন। সব ঠিক? বাকিটুকু ভাগোর ওপর ছেড়ে দিন, আচ্ছা, এবার চললুম আমি। গুডমনিং জেন্টলমেন, গুড মনিং—।





রাজবল্লাভী দেবীর মন্দির-সংলগ্ন তিনটি শিব মন্দির

রাজবলহাট

শ্রীস্বধীরকুমার মিত্র

রাজবলহাট হুগলী জেলার অন্তর্গত শ্রীরামপুর মহকুমার অধীন একটি বর্ধিষ্ণু গ্রাম। হাওড়া ময়দান হইতে মার্টিন কোম্পানীর হাওড়া-আমতা লাইট রেলওয়ের আটপুর স্টেশন হইতে প্রায় চার মাইল পশ্চিমে এই প্রাচীন স্থানটি অবস্থিত। রাজবলহাটের দৃবহু কলিকাতা হইতে ছাফিশ মাইল।

রাজবলহাটের নামকরণ এই স্থানের অধিষ্ঠাত্রী দেবী শ্রীম্মরাজবল্লাভীর নামানুসারে হইয়াছে। এই দেবী জাগ্রতা বলিয়া বিশেষ প্রসিদ্ধি। দেশদেশান্তর হইতে পূণার্থী নবনারী বাঁহাদের মনস্কামনা সিদ্ধির জন্ম প্রতি বৎসর দুর্গাপূজার নবমীর দিন দেবীর নিকট পূজা দিবার জন্ম এই স্থানে সমবেত হন।

রাজবলহাটের প্রাকৃতিক সৌন্দর্য্য অতি মনোরম; ইহার একদিকে দামোদর নদ ও অগ্নিদিকে রণ নদ গ্রামটিকে বলয়াকারে বেষ্টিত করিয়া আছে। প্রাচীনকালে এই স্থান ভূরিশ্রেষ্ঠ রাজ্যের অন্যতম নগরী ছিল। এ অঞ্চলের যাবতীয় ব্যবসা-বাণিজ্য তৎকালে নদীপথে স্বসম্পন্ন হইত। ভূরিশ্রেষ্ঠ শব্দের অর্থ 'বহু বণিকের বসতি'; ভূরি অর্থাৎ বহু, শ্রেষ্ঠী মানে বণিক (ভূরি+শ্রেষ্ঠী), অর্থাৎ যে স্থানে বহু বণিক বসবাস করেন। মুসলমান রাজত্বকালে ভূরিশ্রেষ্ঠ বা ভূরগুট একটি প্রখ্যাত পরগণা ছিল।

ত্রয়োদশ শতাব্দীতে ভূরিশ্রেষ্ঠ রাজ্যের অধিপতি সদানন্দ রায়

বাণিজ্যের সুবিধার জন্ম দামোদর ও রণ নদের মধ্যবর্তী জঙ্গলাকীর্ণ বিস্তীর্ণ অঞ্চল পরিষ্কার করাইয়া একটি নগর প্রতিষ্ঠা করেন এবং তথায় একটি বৃহৎ হাট বসান। রাজা দ্বারা প্রতিষ্ঠিত নগর বলিয়া এই স্থান 'রাজপুর' বলিয়া প্রখ্যাত হয়। প্রাচীনকালে হাওড়া ও হুগলী জেলার অন্তর্গত একটি প্রকাণ্ড অঞ্চল জুড়িয়া এই ভূরিশ্রেষ্ঠ রাজ্য ও পরগণা অবস্থিত ছিল। 'আইন-ই-আববরী' হইতে জানা যায় যে, সরকার সোলেমানাবাদের অন্তর্গত একত্রিশটি মহালের মধ্যে এক বসন্ধরী পরগণা ব্যতীত, ভূরগুট পরগণার রাজস্ব ছিল সর্কাপেক্ষা বেশী—প্রায় বিশ লক্ষ 'দাম'।

ভূরগুট রাজবাংশের বসন্তপুর শাখার সম্পত্তির বিবরণে দেখা যায় যে, রাজবলহাটে সাত বিঘা ভূমির উপর রাজার গড়বাটি ছিল এবং দেবী রাজবল্লাভী ঠাকুরাণীর নামে দেবোত্তর সম্পত্তি ছিল পাঁচ শত বিঘা। দেবীর প্রভূত ভূসম্পত্তি অধিকাংশই প্রায় বেদখল হইয়া ছিল। অগাধভাবে বাঁহারা দেবোত্তর সম্পত্তি ভোগদখল করিতেছিলেন, তাহা উদ্ধার করিবার জন্ম ২৬শে বৈশাখ ১৩৪৪ সালে রাজবল্লাভী ষ্টেটের জিন্দাদার তুলসীচন্দ্র গোস্বামীর সভাপতিত্বে মাতার সেবক ও ভক্তগণের সহযোগে 'রাজবল্লাভী সেবা সমিতি' গঠিত হয়। বিশ বৎসরের চেষ্টায় সেবা সমিতি দেবোত্তর ষ্টেটের ও সেবা পূজার প্রভূত উন্নতিসাধন করিয়াছেন। কেবল বেদখল সম্পত্তি

উদ্ধার নয়, ধ্বংসোন্মুখ জঙ্গলাবৃত্ত মন্দিরগুলিকে পুনর্গঠিত করিয়া সেবা সমিতি সকলের ধন্যবাদার্থ হইয়াছেন।

রাজবল্লাহী দেবীর আবির্ভাব সৰ্ব্বক্ষে প্রচলিত বিশ্বদৃষ্টি যাহা আছে তন্মধ্যে দুইটি উল্লেখযোগ্য। প্রথমটি দেবী রাজবল্লাহী ব্রাহ্মণ কণ্ঠার বেশে কোন পরিবারে পরিচারিকার কার্য করিতেন। সেই সময় নদীপথে বাণিজ্যতরী যাতায়াত করিত। একদিন এই রূপবতী ব্রাহ্মণকণ্ঠাকে দেখিয়া এক বণিক তাঁহাকে বলপূর্বক নিজ বজরায় লইয়া আসার সঙ্কল্প করেন। সেই বণিক সপ্তডিঙা লইয়া বাণিজ্য করিতে যাইতেছিলেন। ব্রাহ্মণ কণ্ঠাকে হরণ করিয়া যখন তাঁহাকে একটির পর একটি ডিঙা অতিক্রম করিয়া লইয়া যাইতেছিল, তখন তাঁহার পদস্পর্শে এক একটি করিয়া ছয়খানি বজরা নদীগর্ভে ডুবিয়া যায়।

যখন সপ্তম ডিঙার, অর্থাৎ বণিকের নিজস্ব ডিঙায় ব্রাহ্মণকণ্ঠাকে তোলা হইবে, সেই সময় এক দৈববাণী শুনিয়া বণিক তাঁহাকে দেবী বলিয়া জানিতে পাবেন এবং তাহার কৃত কন্দের জগৎ অন্ততপ্ত হইয়া দেবীর নিকট ক্ষমা প্রার্থনা করেন। দেবী তুষ্ট হইয়া তাঁহার নিমজ্জিত তরীগুলি উঠাইয়া দেন এবং সেই স্থানে রাজবল্লাহী দেবীর মন্দির প্রতিষ্ঠা করিয়া তাঁহার পূজার বন্দোবস্ত করিয়া দিবার জগৎ তিনি নির্দেশ দেন।

দ্বিতীয় কিম্বদন্তী এই যে, ভূরগুণ্ডের রাজা "কমলদীঘি" নামক এক পুষ্করিণী খনন করান; তাহার তীরে অবস্থিত ফুলবাগানে মালিনী রাণীর আরাধ্যা গোবী দেবীর জগৎ প্রতাহ ফুল তুলিত। একদিন ফুল তুলিবার সময় এক ব্রাহ্মণ কণ্ঠা আসিয়া তাহার নিকট হইতে ফুল চায়। কিন্তু মালিনী গোবী দেবীর পূজার ফুল দিলে রাণী অসন্তুষ্ট হইবেন বলায়, ব্রাহ্মণ কণ্ঠা বলিলেন যে, তিনি গোবীর বড় দিদি রাজবল্লাহী, তাঁহাকে ফুল দিলে যদি রাণী রাগ করেন তাহা হইলে গোবীকে সরাইয়া তিনি তাহার স্থানে অধিষ্ঠান করিবেন।

বালিকার কথা শুনিয়া মালিনী ভীত হইয়া চক্ষু বুজিলেন। চক্ষু খুলিয়া দেখেন যে, রাজবল্লাহী দেবী সেই স্থানে দাঁড়াইয়া আছেন। দেবীর বর্ণ শরৎকালীন জ্যোৎস্নার স্নায়, তাঁহার দক্ষিণ হস্তে একখানি ছুরিকা, এবং বামহস্তে কুধির পাত্র।

এদিকে রাজাও সেই দিন রাতে এক স্বপ্ন দেখিলেন যে, দেবী

রাজবল্লাহী তাহাকে বলিতেছেন—তিনি রাজপুত্র যাইতেছেন; সেখানে যেন তাঁহাকে ভালভাবে প্রতিষ্ঠা করিয়া তাহার নগরের নাম রাজবল্লাহীহাট রাখা হয়।

“নিশী পোহাইলে নাম রাখ নগরীর
দেবী রাজবল্লাহী আর মহা হাট
এই যুগ্ননাম রাখ রাজবল্লাহী হাট।”



শ্রীশ্রী রাজবল্লাহী মাতা

রাজা রুদ্রনারায়ণ রায় পরবর্তী কালে ষোড়শ শতাব্দীতে রাজবল্লাহী মন্দির নিৰ্মাণ করাইয়া তথায় দেবীকে পুনঃ প্রতিষ্ঠা করেন। এইরূপ বৃহৎ মূর্তি সচরাচর বড় একটা দেখা যায় না। বিগ্রহের উচ্চতা প্রায় ছয় ফুট; দেবীর বাম হস্তে কুধির পাত্র ও দক্ষিণ হস্তে ছুরিকা। তাঁহার দক্ষিণ পদ মহাকাল ভৈরবের বন্ধে এবং বাম পদ বিরূপাক্ষ মহাদেবের মস্তকে রক্ষিত আছে। এইরূপ মূর্তি বঙ্গদেশে আর কোথাও আছে বলিয়া জানি না।

এক বার দেবীর মূর্তি পুনর্গঠন করিতে হইয়াছিল, তখন কালী-ঘাট হইতে আদিগঙ্গার মাটি, গঙ্গাজল এবং কুশ; কাপড় ও তার দিয়া উহা তৈয়ারী করা হইয়াছিল। মন্দিরের মধ্যে একখানি প্রস্তরে নিম্নোক্ত কথাগুলি উৎকীর্ণ আছে :


“শ্রীশ্রী রাজবল্লভী মাতার পুনঃপ্রতিষ্ঠা*

সন ১৩৪০, ১৬ আষাঢ়

স্বর্গীয় গোবিন্দমোহন দত্তের পুত্র

শ্রীশৈলেন্দ্রমোহন দত্ত, সাং রাজবলহাট

(জেলা হুগলী)”



রাজবল্লভীর মন্দির

মন্দির-গায়ে আর একখানি প্রস্তর ফলকে দেবীর বেদী খেত-প্রস্তর দ্বারা “শ্রীষঙ্কর মুখোপাধ্যায়, শ্রীশশীভূষণ মুখোপাধ্যায়—গোপিনাথপুর নিবাসী, ১২৭৫ সালে বাধাইয়া দিয়াছেন” বলিয়া লেখা আছে। এই কার্যের “উদ্যোগী সাহায্যকারক ছিলেন শ্রীরাম-কুমার বন্দ্যোপাধ্যায়”।

* শ্রীশৈলেন্দ্রমোহন দত্ত ১৩৪০ সালে “রাজবল্লভী মাতার পুনঃপ্রতিষ্ঠা” বলিয়া যাহা প্রস্তরে লিখিয়া রাখিয়াছেন, তাহা ভ্রমাত্মক। বিগ্রহ স্থানস্থানে আছে; সুতরাং “পুনঃপ্রতিষ্ঠা” বলিতে কি বুঝায় তাহা জানিতে পারা যায় না।—লেখক

১৩৪০ সালের ১১ই আষাঢ় শ্রীফকিরচন্দ্র, মন্মথনাথ ও জহরলাল ভড় মন্দির ভগ্ন হইয়া যাইলে বহু অর্থ বায়ে উহার আমূল সংস্কার করিয়া দেন। ১৩৪৬ সালে তাহার পুনরায় মন্দিরের সম্মুখের বিরাট নাটমন্দিরটি নিষ্কাণ এবং নহবতখানা, গড়, মায়েব পুকুরের ঘাট, মন্দির-সংক্রমণ চারিটি শিবমন্দির ও রুকনশালা সংস্কার করিয়া দেন। নাটমন্দির ১৬ই আষাঢ় ১৩৪৭ সালে ডাঃ শ্যামাপ্রসাদ মুখোপাধ্যায় উদ্বোধন করেন।

দেবী রাজবল্লভী চণ্ডীই রূপান্তর বলিয়া মনে হয়। ‘পীঠনির্ঘণ্ট’ গ্রন্থে রাজবলহাটকে শাক্তপীঠ বলিয়া উল্লেখ করা হইয়াছে এবং পীঠের অধিষ্ঠাত্রী দেবীর নাম ‘চণ্ডী’ বলিয়া উক্ত হইয়াছে। চণ্ডী প্রাচীনকালে অনাধা দেবী ছিলেন; পরে আধা ও অনাধার দীর্ঘ সংঘাতের ফলে তিনি লোকসমাজে পূজা হইয়াছেন।

মন্দিরের মধ্যে একটি বাসুদেব নারায়ণের প্রস্তরের মূর্তি রক্ষিত আছে; ইহার পার্শ্বে বাম ও বামে সন্ন্যস্তী। সন্ন্যস্তঃ অল্প কোন স্থান হইতে এই মূর্তিটি সংগ্রহ করিয়া এই স্থানে সংরক্ষণ করা হইয়াছে। প্রতি বৎসর অষ্টমী পূজার পূর্বে সাতটি ছোট ছোট ডিঙ্গা তৈয়ার করিয়া মায়েব দীঘিতে ছয়টি ডুবাইয়া দেওয়া হয়, পরে পূজা আরম্ভ হয়। স্তব্রাং পূর্বোক্ত কিংবদন্তীটি অজাপি পূজার অঙ্গ হইয়া রহিয়াছে দেখিতে পাওয়া যায়।

মহানবমীর দিন মহিষ বলিদান হয় এবং দেবীর বামদিকের দীপশিখা সেই দিন পূজার পর সোজা হইয়া যায়।

‘রাজবল্লভী মাহাত্ম্য’ নামক পুস্তকে দেবীর যে বর্ণনা আছে তাহা এইরূপ :

“মন্দিরে শোভিছে মাতা শ্রীরাজবল্লভী
শরৎ ছোয়ায়া প্রভা বিশালা ভৈরবী।
বিহ্বমাল্য গলে, ছুরি রত ডান হাতে
প্রসারিত বাম হস্ত পাত্র শোভে তাতে।
রণবঙ্গিণীর মূর্তি—ভীমা সুনয়না
বরাভয় প্রদায়িনী, প্রসন্ন আননা।
উজ্জল মুকুট শিরে ত্রিলোক জননী।
শিববক্ষে শব শিরে চরণ ধারিণী।”

রাজবলহাট পূর্বে যে বাণিজ্যপ্রধান নগর ছিল আজও ইহার কক্ষমুখরতা দেখিলে তাহা বেশ বুঝিতে পারা যায়। হুগলী জেলার সহস্রাধিক গ্রাম পরিভ্রমণ করিয়াছি, কিন্তু এইরূপ কক্ষমুখর গ্রাম দুইটি আমার দৃষ্টিগোচর হয় নাই। এই স্থান বহু প্রাচীনকাল হইতে তাঁত শিল্পের জন্ম প্রসিদ্ধ। এই সম্বন্ধে “Hand book of Hoogly District” নামক গ্রন্থে লিপিত আছে :

“Rajbalhat—A considerable village famous for handloom cloth on the left bank of the Damoder in thana Jangipara of the Serampur subdivision.”

রাজবলহাটের মধ্যে এমন কোন গ্রাম্য পথ নাই, যেখানে তাঁত বুনিবার শব্দ শোনা যায় না। এখনও আদমসুমারির ১৯৫১

সনের তালিকা অনুযায়ী মোট জনসংখ্যা ৫২২৫ জনের মধ্যে প্রায় বার শত তাঁতে চার হাজার লোক তাঁতের কাপড় বুনিয়া কালতিপাত করে। এক কথায় রাজবলহাটকে কুটীর-শিল্পের কেন্দ্রস্থান বলা যায়। কেহ কেহ ইহাকে 'দ্বিতীয় ম্যাঞ্চেষ্টার বঙ্গিয়া' অভিহিত করিয়াছিলেন। এই স্থানের তাঁতীসম্প্রদায়ই যে কেবল তাঁত বুনবার কার্য করে তাহা নয়, ব্রাহ্মণ কায়স্থ প্রভৃতি উচ্চ শ্রেণীর হিন্দুগণও এই স্থানে তাঁতের কাজকে পেশা হিসাবে গ্রহণ করিয়াছেন। তাঁতবোনা শিক্ষার্থী গ্রামের অধিষ্ঠাত্রী দেবী রাজবলহাটী নিকট তাঁতবোনা শিক্ষার জগু কাপড় মানত করে; তাই দেবী কাপড় উপহার পান সর্বাপেক্ষা বেশী।



মায়েব দীঘি

পূর্বে কয়েক, তখন তাঁহারা তাঁহাদের কাজের সুবিধার জগু একজন বড় দালাল রাখিতেন; তাহার তলায় আবার অনেকগুলি ছোট ছোট দালাল থাকিত। এই দালালটি ইংরেজের হইয়া এদেশে বিলাতী মাল কাটাইত এবং এই দেশ হইতে স্থানীয় দ্রব্য-সামগ্রী বিদেশে পাঠাইবার জগু সংগ্রহ করিয়া দিত। প্রাচীন কাল হইতে অসংখ্য তাঁতী রাজবলহাটে বাস করিত। তাহাদের প্রস্তুত সুন্দর সুন্দর কাপড় বৃথবার ও বিবিধের হাতে কেনাবেচা হইত, অনেক কাপড় দেশান্তরে গমনাগমন করিত।

১৭৫২ খ্রীষ্টাব্দে দালালদের অত্যাচারের জগু কোম্পানীর ডিরেক্টরগণ দালালের সহায়তা না লইয়া তাহার স্থলে নিজেদের বেতনভোগী গোমস্তা রাখেন। এই সময় মহম্মদ বেজা খাঁ ইংরেজদের নায়েব দেওয়ান হইয়া রাজা শাসন করিতেন। তাঁহার অত্যাচারের মাত্রা অত্যধিক বাড়িয়া গেল। কুশাসনের ফলে ছিয়ান্তরের মধ্যস্থত্রে বাংলা দেশের এক-তৃতীয়াংশ লোক ইহুদাম পরিত্যাগ করিল। কোম্পানী বেজা খাঁকে তখন বরখাস্ত করিয়া হেষ্টিংসকে বাংলার গভর্নর করিয়া পাঠান।

হেষ্টিংস আসিয়া ব্যবসা-বাণিজ্যের দিকে বিশেষ মনোযোগ দেন। তিনি কোম্পানীর ব্যবসা চালু রাখিবার জগু স্থানে স্থানে 'কমার্শিয়াল রেসিডেন্সী' খুলিয়া দিলেন। সেই রেসিডেন্সীতে প্রধান হইয়া বসিতেন একজন ইংরেজ রেসিডেন্ট।


১৭৮৬ খ্রীষ্টাব্দে রাজবলহাটে একটি কমার্শিয়াল রেসিডেন্সী খোলা হয়। এখানে কাঁচামাল সংগ্রহান্তর নিজেদের কারখানায় চালানী বস্ত্র তৈয়ারী করিয়া কলিকাতায় পাঠানো হইত। এই স্থানে বহু তাঁতী ছিল বলিয়া ইংরেজ কোম্পানীর রাজবলহাটে আড়ং বা ক্যান্টরী ছিল। পূর্বে নীলের চাষের জগুও এই স্থানটি বিশেষ



নহবৎখানা ও গড়

১৮ই ইংরেজ কোম্পানী প্রথমে যখন বাংলা দেশে ব্যবসা করিতে

খ্যাতিলাভ করে। অতীর্ষি রাজবল্লভীর মন্দিরের নিকট নীলকুঠির ভগ্নাবশেষ দেখিতে পাওয়া যায়। রেসিডেন্সী খুলিবার পর হইতে ইংরেজ রেসিডেন্টই রাজবলহাটের সর্বসর্কা হইয়া উঠেন; তিনি এই স্থান হইতে কন্নী ও কারিগর সংগ্রহ করিয়া কাজ চালাইতেন। কিন্তু তাঁহার অত্যাচারের মাত্রা ক্রমশঃ বাড়িয়া যাওয়ায় গ্রামবাসীরা কোম্পানীর কলিকাতাস্থ কর্তৃপক্ষের নিকট অভিযোগ করেন এবং ১৭৯০ খ্রীষ্টাব্দে তৎকাল রাজবলহাট হইতে রেসিডেন্সী হরিপালে উঠিয়া যায়—



শ্রীধর দামোদরের মন্দির—রাজবলহাট

“In the early British period it was a place of importance, being selected in 1786 for the seat of a Commercial Residency. The Residency was transferred to Haripal about 1790. Rajbhalhat appears in Rennell's Atlas as a police station and the Junction of several roads.” (District Handbook, Hooghly—by A. Mitra, I. C. S. p—34.

রাজবলহাটের সুবিমল পথ ঘাট, সুরমা ভবন, সুন্দর পুকুরিণী ও অসংখ্য দেবালয়ের মধ্যে গ্রামের সমৃদ্ধির পরিচয় পাওয়া যায়। এই গ্রাম সম্বন্ধে একটি প্রবাদ প্রচলিত আছে:

“চার চক্, চৌদ্দ পাড়া, তিন ঘাট,
এই নিয়ে হয় রাজবলহাট।”

চার চক্ হইতেছে—দক্ষর চক্, সুখর চক্, বৃন্দাবন চক্ আর বহর চক্; চৌদ্দ পাড়া—নন্দী পাড়া, দে পাড়া, মনসাতলা, শীলবাটী, ভড়পাড়া, উত্তর পাড়া, দীঘির ঘাট, কুমোর পাড়া, বাড়ুয়ে পাড়া, দাস পাড়া, কুঁড় পাড়া, নস্বর ডাঙ্গা, সানা পাড়া ও পান পাড়া; তিন ঘাট : দীঘির ঘাট, মায়ের ঘাট ও বাবুর ঘাট।

রাজবলহাটের মধ্যে শীল পাড়ায় শীলদেব প্রতিষ্ঠিত শ্রীধর দামোদর মন্দির ও রাধাকান্তজীউর মন্দির ভাস্কর্যশিল্পের অপূর্ব নিদর্শন। ইটের পোড়া মাটির কারুকাৰ্য্যচিত্ত অসংখ্য দেবদেবীর চিত্র মন্দিরগাত্রে শোভা পাইতেছে। “শ্রীধর দামোদর মন্দির

১৬৪৬ শকাব্দে প্রতিষ্ঠিত” বলিয়া একটি ফলকে উৎকীর্ণ আছে। এই মন্দির লম্বোদর শীল প্রতিষ্ঠা করেন।

শ্রীধর দামোদর মন্দিরের মধ্যে শ্রীধর ও দামোদরের শালগ্রাম শিলা আছে। এইগুলি সুন্দর একটি সিংহাসনের মধ্যে বস্কিত।

সিংহাসনের তলায় লিখিত আছে :

“গোবিন্দ শীল ঐ কল্পা
ক্ষিরোদমোহিনী দাসী”

রাধাকান্তজীউর মন্দির ১৬৬৬ শকাব্দে নিশ্চিত বলিয়া একটি প্রস্তরে লিখিত আছে। ইটের পোড়া মাটির কারুকালা মন্দিরগাত্রে সর্বত্র শোভা পাইতেছে। বাংলাদেশে দেবালয় স্থাপত্যের এই সকল চিত্রকলা এক অপূর্ব শিল্প-নিদর্শন। সম্প্রতি এই মন্দিরটিও ফকিরচন্দ্র ভড় ও জহরলাল ভড় কর্তৃক সংস্কার করা হইয়াছে হুংখের বিষয় স্থানে স্থানে চূর্ণকাম করিবার সময় অনেক কারুকাৰ্য্য নষ্ট হইয়া গিয়াছে। ইহাতে মন্দিরের নিজস্ব বৈশিষ্ট্য অনেকটা ক্ষুণ্ণ হইয়াছে। রাধাকান্তজীউর মন্দির-প্রাঙ্গণে আরও অনেকগুলি দেবদেউল ছিল, কিন্তু বর্তমানে তাহা ভগ্ন পে পরিণত হইয়াছে। রাধাকান্তদেবের রথ এই অঞ্চলে বিশেষভাবে প্রসিদ্ধ। মাহেশ, গুপ্তিপাড়ার পথেই এই রথের স্থান। পূর্বে কাঠের রথ ছিল, বর্তমানে গ্রামবাসীদের চেষ্টায় বহু অর্থব্যয়ে একটি সুন্দর লোহার রথ নিশ্চিত হইয়াছে।

রাজবলহাটে দাতব্য চিকিৎসালয়, উচ্চ ইংরেজী বিদ্যালয় ও ছাত্রাবাস আছে। দাতব্য চিকিৎসালয় ভবন গোষ্ঠীবিহারী দাস কর্তৃক নিশ্চিত হইয়াছে। পূর্বে এই স্থানে খানা ছিল বলিয়া বেনেলের মানচিত্রে উল্লেখ আছে। এই গ্রামে দৈনিক বাজার বসে এবং তাহাতে ক্রয়-বিক্রয়ের জগৎ বহু লোকের সমাগম হয়; এইরূপ বৃহৎ বাজার এতদঞ্চলে খুব অল্প দেখা যায়।

রাজবলহাট কবি হেমচন্দ্র বন্দ্যোপাধ্যায়ের জন্মভূমি। তাঁহার জন্মস্থানে স্মৃতিসংকথে “হেমচন্দ্র স্মৃতি পাঠাগার” ১৩৩১ সালে প্রতিষ্ঠিত হয়। রাজবলহাটের সংলগ্ন গুলিটা গ্রামে মাতুলালয়ে তিনি ৬ই বৈশাখ ১২৪৫ সালে জন্মগ্রহণ করেন। তাঁহার মাতামহের নাম রাজচন্দ্র চক্রবর্তী। রাজচন্দ্রের একমাত্র কন্যা আনন্দময়ীর সহিত উত্তরপাড়ার কৈলাসচন্দ্র বন্দ্যোপাধ্যায়ের বিবাহ হয়। রাজচন্দ্রের অবস্থা ভাল ছিল, সুতরাং তিনি জামাতা কৈলাসচন্দ্রকে স্বগৃহে রাখিয়া পুত্রের আদরে প্রতিপালন করিয়াছিলেন।

কৈলাসচন্দ্রের চারি পুত্র, হেমচন্দ্র, পূর্ণচন্দ্র, যোগেশচন্দ্র ও ঈশানচন্দ্র এবং দুই কন্যা বসন্তকালী ও নৃত্যকালী। হেমচন্দ্র সর্ব-জ্যেষ্ঠ ছিলেন। হেমচন্দ্র ও ঈশানচন্দ্র বঙ্গসাহিত্যে সুপরিচিত। হেমচন্দ্রের শৈশব রাজবলহাটে অতিবাহিত হইয়াছিল; এই স্থানে পাঠশালায় নয় বৎসর পর্য্যন্ত পড়িয়া তিনি দাদামহাশয়ের খিদির-পুত্রের বাড়ীতে চলিয়া আসেন এবং সেখানে শিক্ষালাভ করেন। কর্তৃজীবনে তিনি মুন্সেফী ও হাইকোর্টে ওকালতি করিয়া যথেষ্ট অর্থ উপার্জন করেন। হেমচন্দ্র বহু কবিতা-গ্রন্থ রচনা করেন, তন্মধ্যে

চিন্তাতরঙ্গিনী, বীরবাহু কাব্য, পদ্মের মৃগাল, বৃক্ষসংহাৰ, কবিতাবলী প্রভৃতি উল্লেখযোগ্য। বাংলা সাহিত্যে জাতীয় ভাবোদ্দীপক কবিতা তিনি বিশ্বব্যবস্থা করেন। হেমচন্দ্র ১০ই জ্যৈষ্ঠ ১৩১০ সালে দেহবন্ধন করেন।

হেমচন্দ্রের কনিষ্ঠ ভ্রাতা ঈশানচন্দ্র ১৫ই মার্চ ১৮৫৬ খ্রীষ্টাব্দে জন্মগ্রহণ করেন। তাঁহার চিত্তমুকুট, বাসন্তী, যোগেশ কাব্য ও চিন্তা নামক কয়েকখানি কাব্যগ্রন্থ আছে। ঈশানচন্দ্র প্রথমে হুগলী কলেজবৃত্তিতে ও পরে কলিকাতা হাইকোর্টে কৰ্ম্ম করিতেন। তাঁহার উদ্যোগে ও উৎসাহে বাশবেড়িয়া হইতে ১৩০০ সালের বৈশাখ মাস হইতে 'পূর্ণিমা' নামে একখানি উচ্চাঙ্গের মাসিক পত্র প্রকাশিত হয়। রাজবলহাটের এই কৃতী সন্তানের উপযুক্ত স্মৃতিরক্ষার ব্যবস্থা হইলে তাহা খুব আনন্দের বিষয় হইবে।

রাজবলহাটের 'অমূল্য প্রত্নশালা' ১৩৪৮ সালে পণ্ডিত অমূল্যচরণ বিদ্যাভূষণের স্মৃতিরক্ষার্থে প্রতিষ্ঠিত হয়। এই প্রত্নশালা দক্ষিণ



হেমচন্দ্র স্মৃতি পাঠাগার ও অমূল্য প্রত্নশালা ভবন—রাজবলহাট রাস্তার ঐতিহাসিক প্রাচীন স্রব্যাদি সংরক্ষণের একটি অমূল্য প্রতিষ্ঠান। শ্রীধীরেন্দ্রনাথ মজুমদার এই প্রত্নশালায় সম্পাদক। ১৩৫৩ সালে শ্রীফকিরচন্দ্র ভড় ও শ্রীজহরলাল ভড় কর্তৃক নির্মিত নিজস্ব ভবনে অমূল্য প্রত্নশালা স্থানান্তরিত হয়। বিচারপতি মধ্যনাথ মুখোপাধ্যায়ের সভাপতিত্বে এই ভবনের স্বারোদ্ঘাটন হয়। এই ভবনে হেমচন্দ্র স্মৃতি পাঠাগারও প্রতিষ্ঠিত হইয়াছে। একখানি প্রস্তরফলকে নিম্নোক্ত কথাগুলি উৎকীর্ণ আছে :

“হেমচন্দ্র স্মৃতি পাঠাগার
ও
অমূল্য প্রত্নশালায় জন্ম



শিবমন্দির ও নাটমন্দির

স্বর্গীয় ভূষণচন্দ্র ভড়
ও তদীয় পত্নী বাহুবিন্দু দাসীর
স্মৃতিকল্পে তদীয় পুত্রগণ
শ্রীফকিরচন্দ্র ভড়
শ্রীজহরলাল ভড়

কর্তৃক এই ভবন নির্মিত হইল

২১শে ফাল্গুন বৃধবার সন ১৩৫৩ সাল

বিদ্যাভূষণ মহাশয় রাজবলহাটের সন্তান না হইলেও এই স্থানে হেমচন্দ্রের স্মৃতিরক্ষার জন্ত তিনি যে সহযোগিতা করেন তাহা স্মরণ করিয়া গ্রামবাসিগণ তাঁহার স্মৃতিরক্ষার ব্যবস্থা করিয়াছেন।

রাজবলহাটে সর্বত্র দিবারাত্রি তাঁতবোনার শব্দ শুনিতে পাওয়া যায়। গ্রামে প্রবেশ করিলে মনে হয় যেন এক বিরাট কাপড়ের কলের মধ্যে প্রবেশ করিয়াছি। এখানকার তাঁতশিল্পই তাহাদের সকলের সচ্ছল অবস্থা আনিয়া দিয়াছে। প্রতি মাসে গড়ে চার লক্ষ টাকার তাঁতের কাপড় এই ছোট গ্রামখানি হইতে কলিকাতা ও হাওড়ায় রপ্তানি হয়।

রাজবলহাটের প্রাণ হইতেছেন শ্রীজহরলাল ভড়; যেমন সিকুরের ছিলেন সুরেন্দ্রনাথ মল্লিক। ইনি সামান্ত অবস্থা হইতে ব্যবসা করিয়া যেমন প্রচুর অর্থ উপার্জন করিয়াছেন, তেমনই গ্রামের কল্যাণের জন্ত তাঁহার সদাসর্বদা চিন্তা; পথ-ঘাট নিষ্কাশ, পুকুরখানি খনন, পুরাতন মন্দির সংস্কার, বিজালয়, পোস্ট-আফিস, দাতব্য চিকিৎসালয়, গ্রন্থাগার, প্রত্নশালা প্রভৃতি প্রতিষ্ঠায় লক্ষাধিক টাকার উপর তিনি ব্যয় করিয়াছেন। জহরলাল কলকাতার বহু সম্পত্তি থাকি সত্ত্বেও কেন দেশে থাকেন ভিজাসিত হইলে তিনি কেবল একটি উত্তর দেন, “রাজবলহাটীয় মায়ার কলিকাতায় থাকিতে পারি না।” শিক্ষিত বাঙালী গ্রামকে এইরূপ দয়দ দিয়া কবে ভালবাসিতে শিখিবেন ?

২৬শে জানুয়ারী

শ্রীরতনমণি চট্টোপাধ্যায়

২৬শে জানুয়ারী। বিশাল ভারতবর্ষের কোটি কোটি নরনারীর আজ বড় শুভ দিন। ভারত জুড়ে মহাৎসবের দিন। রবীন্দ্রনাথের কথায় বলি :

“পাঞ্জাব সিন্ধু গুজরাট মরাঠা দ্রাবিড় উৎকল বঙ্গ,
বিহা হিমাচল যমুনা-গঙ্গা উচ্ছল জলধি তরঙ্গ,
তব শুভ নামে জাগে, তব শুভ আশীষ মাগে,
গাহে তব জয় গাথা—

জনগণমন-অধিনায়ক, ভারতভাগ্য-বিধাতা, তোমার জয় হোক—তোমার জয়েই ভারতবর্ষের জয়। আজ বিধাতার আশীর্বাদ শ্রাবণের ধারার মত ভারতের জনগণের শিরে বর্ষিত হোক। স্বাধীন ভারত আজ সাধারণতন্ত্র দিবস পালন করছে। হে জনগণ-মঙ্গলদায়ক, জনগণ-ঐক্যবিধায়ক, জনগণ-পথপরিচায়ক-দুঃখত্রাতা, তোমার জয় হোক—আজ আসমুদ্র হিমাচলে তোমার জয় বিধোষিত হোক—তোমার করুণাকরুণরাগরঞ্জিত হয়ে ভারত আজ জাগ্রত—শুভ ২৬শে জানুয়ারী ভারতবর্ষের জয়যাত্রা সূচিত করছে। জয়যাত্রা ঐক্যের পথে, কর্মের পথে, বিশ্বমানবের সমাজে শান্তির নীড় রচনার পথে। জাগ্রত ভগবান—আজ আমাদের কোটি মৌন-কণ্ঠপূর্ণ বাণী কর দান—ভারতবর্ষের বাণী আজ যেন সত্যের পথে সার্থক হবার শক্তি পায়। হে সঙ্কটদুঃখত্রাতা, আজ ভারতবর্ষের সকল সঙ্কট দূর করে তার পথযাত্রা সার্থক কর।

২৬শে জানুয়ারী বহু বৎসর ধরে কংগ্রেসের নির্দেশে স্বাধীনতা-দিবস বলে পালিত হয়েছে। স্বাধীনতা তখন অর্জিত হয় নি। মহাত্মা গান্ধীর সার্থক নেতৃত্বে তখন ভারত জুড়ে স্বাধীনতা-অর্জনের বিপুল প্রয়াস জেগে উঠেছে। সেই প্রয়াসকে সংযত ও সংহত করবার জন্তে, এক লক্ষ্যাভিমুখী করে জাতির দেহে নিয়ত বলসঞ্চার করবার জন্তে, জাতির মধ্যে সর্বপ্রকার ভেদবিভেদ ঘুচিয়ে, শহর ও গ্রামের বিপুল ব্যবধান ভেঙে দিয়ে, অস্পৃশ্যতা দূর করে, সাম্প্রদায়িক কলহের নিরসন করে, পল্লীশিল্পের পুনরুজ্জীবনের দ্বারা সাত লক্ষ পল্লীর দারিদ্র্য মোচন করে, ধারা উপেক্ষিত, অস্বপ্নিত ও অত্যাচারিত তাদের কোলে টেনে নিয়ে গ্লানি মোচন করে, সত্য ও অহিংসার নূতন পথে স্বাধীনতা অর্জন করবার জন্তে এই ২৬শে জানুয়ারীর শুভ দিনে ভারতের

গ্রামে নগরে লক্ষ লক্ষ কেন্দ্রে স্বাধীনতার সঙ্কল্লবাক্য পঠিত ও স্বীকৃত হ'ত। আজ স্বাধীনতা অর্জিত হবার পর আট বৎসর অতিক্রান্ত হয়ে গেছে। স্বাধীনতা-দিবস, আজ প্রজাতন্ত্র-দিবসের অপূর্ব নবরূপ পেয়ে সার্থক হয়েছে। ২৬শে জানুয়ারী ভারতবর্ষ নবীন হবার তপস্যা গ্রহণ করেছে। পরাধীনতার জীর্ণ জরা আজ সূর্য্যোদয়ে কুয়াশার মত বিলীন হয়ে গেছে। আজও আবার নূতন করে সঙ্কল্ল গ্রহণের দিন। কিসের সঙ্কল্ল? সেই নবীন হবার সঙ্কল্ল। এত দিন সঙ্কল্ল ছিল স্বাধীনতা অর্জনের—আজ স্বাধীন ভারতে সেই সঙ্কল্ল হবে স্বরাজ গঠনের। প্রজাতন্ত্র দিবসে আজ শ্রদ্ধানত হৃদয়ে স্মরণ করি সেই সব স্বদেশিকদের যারা স্বাধীনতা অর্জনের জন্তে আপন তনুমনধন, সকল শক্তি নিয়োগ করে সর্বধন্য হয়ে গেছেন। আজ স্মরণ করি ঋষি বৃক্ষমকে যিনি দেশ-মাতৃকার পূজার মন্ত্র দিয়েছেন—বন্দে মাতরম্। আমমুদ্র হিমাচল এই মন্ত্র গ্রহণ করে ঋত হয়েছিল। আজ স্মরণ করি বীর সন্ন্যাসী বিপ্লবী বিবেকানন্দকে। আজ স্মরণ করি অরবিন্দ-রবীন্দ্রনাথকে—স্বদেশ-আত্মার বাণীমূর্তি তাঁরা—মনাতন ভারতবর্ষ তাঁদের ধ্যানে ও তাঁদের কণ্ঠে আমাদের কাছে ধরা দিয়েছে। আজ স্মরণ করি ক্ষুদিরাম-কানাই-লালকে যারা বাঙালীর বলিদানের পালা শুরু করে ভারতের ইতিহাসে নূতন অধ্যায় রচনার পথ খুলে গেছেন—

“হৃৎপিণ্ড করিয়া ছিন্ন রক্তপদ্ম অর্ঘ্য উপহারে
ভক্তিভরে শেষ পূজা পূজিয়াছ তাঁরে
মরণে কৃতার্থ করি প্রাণ!”

আজ স্মরণ করি সেই অগ্নিযুগের বীরগোষ্ঠীকে যারা জীবন দিয়ে দেশকে জাগিয়ে গেছেন। আজ স্মরণ করি দাদাভাই নোরজী ও গোপালকৃষ্ণ গোখলকে, বঙ্কট সুরেন্দ্রনাথকে, লোকমাণ্য তিলককে, লালা লাজপৎ রায় ও দেশবন্ধু চিত্তরঞ্জনকে যাদের নেতৃত্বে নিষ্ফল নিবীৰ্য্য বহুধা বিভক্ত এই দেশ শক্তি ও ঐক্যের পথ খুঁজে পেয়েছে। আজ স্মরণ করি আমাদের বাংলার চির আদরের নেতাজী সুভাষচন্দ্রকে। সর্বোপরি স্মরণ করি জাতির জনক মহামানব মহাত্মা গান্ধীকে, আর স্মরণ করি সেই সব শত শত সহস্র সহস্র দেশকর্মীদের যারা নীরবে আপন কর্ম সমাপন করে জীবনব্রত উদ্ব্যপন করে গেছেন। ২৬শে জানুয়ারী জাতির

অভ্যুদয়ের দিন। এই দিনে সব স্বর্গতদের স্মরণ করাই হ'ল নব যুগের নব আভ্যুদয়িক।

ভারতবর্ষ স্বাধীন হ'ল ১৯৪৭ সনের ১৫ই আগষ্ট। তাই নব্যভারতে স্বাধীনতা দিবস আজ ১৫ই আগষ্ট। তার পর ১৯৫০ সনে ২৬শে জানুয়ারী স্বাধীন ভারত রাষ্ট্র সাধারণতন্ত্র বা প্রজাতন্ত্র বলে ঘোষিত হ'ল। তাই আগেকার স্বাধীনতা-দিবস ২৬শে জানুয়ারী আজ সাধারণতন্ত্র-দিবসের নবগোঁরবে মণ্ডিত। স্বাধীনতালাভের পর নবরাষ্ট্র পরিচালনার জ্ঞান সংবিধান রচনার পালা। উত্তর, দক্ষিণ, পূর্ব, পশ্চিম এবং মধ্য ভারতের প্রায় ৪০০ প্রতিনিধি ৩২ মাস অর্থাৎ আড়াই বৎসরের অধিককাল ধরে, বৈঠকে দিনের পর দিন সম্যক আলোচনা করে, এই সংবিধান বা গঠনতন্ত্র রচনা করেন। এঁদের মধ্যে বড় বড় পণ্ডিত ছিলেন, বহু ত্যাগী দেশসেবক ও দেশনায়ক ছিলেন; পৃথিবীর বিভিন্ন দেশের সংবিধান সম্বন্ধে খুব ভাল করে জেনে বুঝে, তার যে সকল ভাল ভাল সিদ্ধান্ত আমাদের দেশের পক্ষে ভাল করে খাটে, সেই সকল গ্রহণ করে, তাদের একত্র গ্রথিত করে, স্বাধীন ভারতের সংবিধান রচিত হ'ল। সংবিধানে জাতিধর্মবর্ণনির্বিশেষে প্রত্যেক ভারতবাসীর কর্তব্য ও অধিকার কি তা অতি সুস্পষ্ট ভাবে লিখিত আছে। ভারত সরকারের কর্তব্য ও ক্ষমতা কি, বিভিন্ন প্রদেশ সরকারের কর্তব্য ও ক্ষমতা কি, ভারত সরকারের সহিত ও পরস্পরের সহিত তাদের সম্পর্ক কি, রাষ্ট্রপতি, প্রধানমন্ত্রী এবং অপর প্রধানদের কর্তব্য কি— এই সকল ব্যাপার সংবিধানের নির্দেশ অনুযায়ী স্থির করা হয়। ভারতবাসীর মৌলিক অধিকারের কয়েকটা কথা আজিকার শুভ দিনে স্মরণ করা ভাল। সংবিধান অনুযায়ী রাষ্ট্র নিম্ন-লিখিত মত কার্য করতে অঙ্গীকারবদ্ধ—

“ভারতের প্রত্যেক অধিবাসী যাতে সামাজিক, অর্থ-নৈতিক ও রাজনৈতিক ব্যাপারে অস্বাভাবিক ব্যবহার পায়, চিন্তা, কথা, বিশ্বাস, ধর্মমত ও উপাসনার ব্যাপারে প্রত্যেকের যাতে স্বাধীনতা থাকে, প্রত্যেকে যাতে তুল্য সামাজিক মর্যাদা ও সুযোগ-সুবিধা পায় তার ব্যবস্থা করা।”

“ব্যক্তির মানমর্যাদা ও জাতির ঐক্য সম্বন্ধে সুনিশ্চিত ব্যবস্থা করে অধিবাসিগণের সকলের মধ্যে ভ্রাতৃত্বাবিকাশে সহায় হওয়া।”

ভারতবর্ষে ছয় কোটি লোক সমাজে অস্পৃশ্য পর্যায়ভুক্ত ছিল। সংবিধানে অস্পৃশ্যতার সম্পূর্ণ বিলোপ সাধন করা হয়েছে। যুগ যুগ ধরে যারা সমাজে উপেক্ষিত, অবজ্ঞাত ও অবহেলিত ছিল, তারা আজ সংবিধান অনুযায়ী উচ্চবর্ণের যে-কোন নরনারীর সমান মর্যাদা লাভ করেছে। এই সকল

অধিকার হতে হরিজনদের কেহ বঞ্চিত করলে আজ আইন অনুযায়ী তাকে দণ্ডনীয় হতে হবে। আজ আইনের চোখে স্বাধীন ভারতে সকলেই সমান। হরিজন, আদিবাসী বলে কেহ ব্রাহ্মণ বা উচ্চশিক্ষিতের অপেক্ষা নীচে নয়। আজ বর্ণ, ধর্ম, জাতি, নির্বিশেষে ভারতবাসী সকলেই সংবিধান অনুযায়ী সম-অধিকারসম্পন্ন। কথা বলবার, আলোচনা করবার, লিখে মত প্রকাশ করবার, দেশে বিভিন্ন স্থানে ইচ্ছামত বাস করবার, ব্যবসাবাগিজ্য করবার অধিকার সকলের সমান—কেবল রাষ্ট্রের নিরাপত্তা রক্ষা করবার জন্য এই অধিকার আইন অনুযায়ী কখনও কিছু ধর্ম করা যেতে পারে। দেশে যে সম্প্রদায় সংখ্যালঘু, সংবিধান অনুযায়ী তারা আপন ধর্ম পালন, ভাষা ও কৃষ্টি রক্ষা করবার পূর্ণ অধিকার পেয়েছে। এখন এই সকল অধিকার অনুযায়ী মানুষ যদি আপন আপন কর্তব্য পালন করে চলে, তবেই রাষ্ট্রের বিকাশ ক্রমেই বলিষ্ঠ ও সুন্দর হয়ে উঠবে।

আজ সংবিধান অনুযায়ী জনপ্রতিনিধিগণ জনসাধারণের দ্বারা নির্বাচিত হন। যে লোক ভাল এবং যোগ্য, যে লোক জনগণের প্রকৃত হিতসাধন করতে পারবে, তাকে নির্বাচন করার হাত এখন সম্পূর্ণ জনগণের। তাই জনগণকে আজ বুঝতে হবে তাদের প্রকৃত হিত কি? তা হলে তাদের কেউ বিভ্রান্ত করতে পারবে না।

স্বাধীনতালাভ করে স্বরাজ গঠনের পথ এইরূপে দেশে খুলে গেছে। স্বরাজ গঠন তখনই সম্পূর্ণ হবে যখন দেশের প্রত্যেক লোকের খেয়ে-পরে সুস্থ শরীরে বেঁচে থাকবার, লেখাপড়া শেখবার, রোগে চিকিৎসা ও আর্থিক সচ্ছলতার সুব্যবস্থা হবে। দেশে তাই একটা পঞ্চবার্ষিকী পরিকল্পনার পর আর একটা পঞ্চবার্ষিকী পরিকল্পনা গৃহীত হয়েছে। রাস্তাঘাট নির্মাণ, নদীনালা উদ্ধার, সেচের ব্যবস্থা, কৃষির উন্নতি, প্রাথমিক ও উচ্চশিক্ষার ব্যবস্থা, হাসপাতাল নির্মাণ, সর্বত্র এই সব কাজের সাড়া পড়ে গেছে এবং কোটি কোটি টাকা ব্যয় হচ্ছে। ভূমিস্বার আইন বিধিবদ্ধ হয়েছে। সাধু বিনোবাজী আজ ভূদান ও সর্কোদয়ের বাণী নিয়ে ভারত পরিক্রমা করছেন। সকলের অভ্যুদয়ই আজ আমাদের মূল-মন্ত্র।

আজ ২৬শে জানুয়ারীর শুভ দিনে এই সকল কথা স্মরণ করে আমরা প্রত্যেকে যেন আমাদের দেশ ও সমাজের প্রতি কর্তব্য সাধনের সঙ্কল্প গ্রহণ করি।*

* ২৬-১-৫৬ তারিখে অল-ইণ্ডিয়া রেডিও কলিকাতা কেন্দ্রে কথিত এবং রেডিও-কর্তৃপক্ষের সৌজন্যে প্রকাশিত।



মেয়েরা কাঠের ব্লকের সাহায্যে কাপড়ে ছাপার কাজ করিতেছেন

বিহারীলাল কলেজ

শ্রীদেবেন্দ্রনাথ মিত্র

এক এক কারুকাৰ বিশ্ববিদ্যালয়ের শতবার্ষিকী উৎসবের নিমন্ত্রণ পত্র-গুলি আসিতে লাগিল। কোনটি লাল, কোনটি কালো আবার কোনটি বা সবুজ কালিতে ছাপা, ছোট বড় নানা আকারের কাৰ্ডের উপরে হরেক রকমের ছাপার অঙ্কগুলি যেন ঝলমল করিয়া উঠিল। প্রতিদিনই বিশ্ববিদ্যালয়ের দুই-তিনটি উৎসবের দুই-তিনখানি কাৰ্ড আসিয়া হাজির হইতেছে, কখনও বা সেই ছুজুকে একই উৎসবের যে দুই-তিনখানি করিয়া কাৰ্ড না আসিতেছে এমন নহে। সকলের শেষে আসিল বিহারীলাল কলেজের ঘারোদঘাটন উৎসবের কাৰ্ড-খানি। স্থির করিয়া ফেলিলাম, ২২শে তারিখের এই উৎসবটিতেই আমি যোগদান করিব।

নির্দিষ্ট দিনে যথাসময়ে আলিপুর অঞ্চলে গিয়া হাজির হইলাম। তখনও হাতে যথেষ্ট সময় ছিল। প্রবেশপথে উপনীত হইতে প্রথমেই চোখে পড়িল মিস্ত্রীদের সিঁড়ি লাগাইয়া তখনও কলেজের ছাত্রীরা প্রায় ১০ ফুট উঁচুতে প্রবেশপথের তোরণটিকে মণ্ডিত করিতেছেন। লাল কাগজের উপর আলপনা অঙ্কিত করিয়া উহা ধারাই তাঁহারা প্রবেশপথটিকে স্ত্রীমণ্ডিত করিয়া তুলিতেছিলেন। যথাযথ ভাবে যোগদান না করিলেও শতবার্ষিকী উৎসব উপলক্ষে বিশ্ববিদ্যালয়ের অঙ্গাঙ্গ মণ্ডপ ও প্রবেশপথগুলির সজ্জা যে চোখে পড়ে নাই তাহা নহে। কিন্তু কোনখানেই কোনও রকম বৈচিত্র্য বা

কিচির বৈশিষ্ট্য আমার দৃষ্টিকে আকর্ষণ করিতে পারে নাই বরঞ্চ সজ্জার গতানুগতিকতায় ও পেশাদারী ছাপে মন বায় বায় ব্যথিত হইয়াই ফিরিয়া আসিয়াছে। কলেজের কাজে, কলেজের গৃহসজ্জায় মেয়েদের এতখানি তন্ময়তা ও একাগ্রতা দেখিয়া বিস্মিত হইলাম।

উহাদের কাজে ব্যাঘাত সৃষ্টি না করিয়া আমি এক পাশ দিয়াই আগাইয়া চলিলাম। লাল সুরকী ঢালা প্রায় ২০০ শত ফুট দীর্ঘ একটি পথ। সেই পথের দু'ধারে প্রায় কলেজের প্রাঙ্গণ পর্যন্ত সার করিয়া মেয়েরা হলুদ রঙের নিশানা উড়াইয়া দিয়াছেন। উহারই মধ্য দিয়া আমি মণ্ডপের দিকে চলিলাম। সেখানেও দেখিলাম বেদীর উপরে প্রায় আঠার ফুট উঁচুতে চারি শত বর্গফুটের চাঁদোয়াখানিও মেয়েদের কল্যাণহস্তের স্পর্শে স্ত্রীমণ্ডিত হইয়া উঠিয়াছে। কেবল মাত্র তাহাই নহে, উভয় পার্শ্বের কুড়ি ফুট দীর্ঘ দেওয়াল দুইখানিও আলিঙ্গন সজ্জায় সজ্জিত হইয়াছে। ভাবিতে লাগিলাম যে সকল মেয়ে এতখানি পরিশ্রমে লিপ্ত হইতে পারে তাহাদের পক্ষে হয়ত পুরা একটি মণ্ডপ তৈয়ারী করিয়া ফেলাও তেমন কিছু অসম্ভব নয়। নিজের অজান্তেই ধীরে ধীরে মেয়েদের সখকে ধারণাগুলি বদলাইতে লাগিল। আমি ও আমার একটি বালাবন্ধু মণ্ডপের দক্ষিণ পার্শ্বের দুইখানি আসন দখল করিয়া বসিলাম। অস্থগ্ৰন আরম্ভ হইবার আর বিশেষ বিলম্ব ছিল না—হঠাৎ পশ্চাৎ হইতে একটি মেয়েবাঁকি

তিনতে পাইলাম—পাশেই এক ভক্তলোক যেন কাহাকে উদ্দেশ্য করিয়া বলিতেছেন, 'এই কলেজে মেয়েরা বাহির হইতে পান কিনিয়া আনিয়া কি ভাবে কাগজে মুড়িয়া দিতে হইবে উহাই শিক্ষালাভ করিবে আর কিছুই শিখিবে না।' কিছু জবাব দিবার উদ্দেশ্যে পিছন দিকে ফিরিয়া কিন্তু তখনই কানে ভাসিয়া আসিল মেয়েদের স্বরচিত গানের দুটি কথা 'বিহারীলাল তোমার স্বরণ করি।' সুন্দর পরিচ্ছন্ন সংক্ষিপ্ত প্রোগ্রাম। ড. জে. সি. ঘোষ বাংলার শিশুদের কথা, বাংলার দৈনন্দিন জীবনযাত্রার কথা উল্লেখ করিয়া বলিলেন, 'পশ্চিম বাংলার ঠিক এই রকম একটি প্রতিষ্ঠানেরই প্রয়োজন ছিল। এই প্রতিষ্ঠান হইতে মেয়েরা বধাযথ শিক্ষালাভ করিয়া সমাজ উন্নয়নের কাজেও সহযোগিতা করিতে পারিবে। মেয়েদের শিক্ষার একটি বিশিষ্ট দিক বহুদিন হইতেই অবহেলিত হইয়া আসিতেছিল—সেই অভাব, নূতন ধারার শিক্ষার প্রবর্তন করিয়া এই প্রতিষ্ঠান পূরণ করিবে।'

সভাশেষে বিহারীলাল কলেজের নূতন বাড়ীটির মধ্যে সকলেই প্রবেশ করিলাম। চুকিতে প্রথমেই চোখে পড়িল, স্বর্গত রায়-বাহাদুর বিহারীলাল মিত্রের একখানি বৃহৎ প্রতিকৃতিতে ফুল, মালা ও চন্দন অর্পণ করিয়া মেয়েরা, তাঁহাদের একান্ত কল্যাণকামীর মৃত-আত্মার প্রতি শ্রদ্ধা নিবেদন করিয়াছেন। উহারই সামনে একখণ্ড কালো পাথরের গায়ে শাদা আলিঙ্গনের ছবি যেন পবিত্রতার মূর্তি প্রতীক হইয়া দেখা দিয়াছে। ঘরের দেওয়ালগুলি সমস্ত শিক্ষামূলক বিভিন্ন বিষয়ের নক্সায় ও তারি ফাঁকে ফাঁকে গাছের ডালপালা ও লতাপাতার সজ্জিত হইয়াছে। দেওয়ালের শাদার উপর প্রকৃতির সবুজ ও তারই মাঝে মাঝে নানান ছবিযুক্ত কালো লেখার নক্সা—সমস্ত মিলিয়া একটি মনোরম আবহাওয়ার সৃষ্টি করিয়াছিল। প্রায় প্রতি ঘরেই মেয়েরা প্রীতি-মিলনের ছোটখাট আয়োজন করিয়া রাখিয়াছিলেন, সেখানেও তাঁহাদের সহজ আদান-প্রদান, দেওয়া-নেওয়ার সুনিয়ন্ত্রিত সুন্দর ব্যবস্থার মধ্য দিয়া একটি গভীর আন্তরিকতার ছাপ পরিস্ফুট হইয়া উঠিতেছিল, এবং সেই সঙ্গে ফুটিয়া উঠিতেছিল, কলেজ গঠনের এই বিরাট পরিকল্পনার কাজে, জনসাধারণের নিকট সহানুভূতিসূচক সহযোগিতার জন্ত তাঁহাদের বিনীত আহ্বান।

ঘুরিয়া ফিরিয়া আবার বিহারীলালের প্রতিকৃতির নিকট আসিয়া উপস্থিত হইলাম। ভাবিতে লাগিলাম—সত্যই ত, এই মহান দাতার কথা বাংলাদেশের মেয়েরা চিরদিনই সঙ্গ্রহ কৃতজ্ঞতার স্বরণ করিবে। ১৯৩৩ সনে ৭ই ফেব্রুয়ারী তারিখে, এমনই একটি দিনে অস্ট্রিম-শব্যায় শরন করিয়াও যিনি বাংলাদেশের মেয়েদের শিক্ষা ও উন্নতির কথা ভাবিয়া বাবে বাবে ব্যাকুল হইয়া উঠিতেছিলেন, আজ সেই বাংলাদেশের মেয়েদেরই শিক্ষাবিস্তারের উদ্দেশ্যে এই বিশেষ ধরনের কলেজটি সেই মহান প্রাণ ও নামের উদ্দেশ্যেই প্রতিষ্ঠিত হইল। মেয়েদের এই কলেজ পরিকল্পনাটি এই মহান দাতার প্রতি বিশ্ববিদ্যালয়ের অপরিশোধ্য ধন ও কৃতজ্ঞতার অঙ্গান স্মারক হইয়া রহিল।

১৯৩৩ সনে যোগ-শব্যায় গুইয়া গুইয়াই রায়বাহাদুর দানপত্রে স্বাক্ষর করিলেন, প্রতি বৎসর বিশ্ববিদ্যালয় তাঁহার জমিদারীর স্বত্ব হইতে ৪৮০০০ টাকা করিয়া পাইবে এবং এই অর্থ বাংলার মেয়ে-দের শিক্ষার বিস্তার বা উন্নতিকল্পে ব্যয়িত হইবে। বিশ্ববিদ্যালয়ের



বিহারীলাল মিত্র

জন্ম : ১৬ই এপ্রিল ১৮৫২, মৃত্যু : ৭ই ফেব্রুয়ারী ১৯৩৩

কর্তৃপক্ষের নিকট হইতে অমুরূপ প্রতিশ্রুতিতে আশ্রয় হইয়া রায়-বাহাদুর অস্ট্রিম নিঃশ্বাস ত্যাগ করিলেন। ১৯৩৭ সনে এই দানের তহবিল হইতেই বিশ্ববিদ্যালয় ত্রীযুক্তা স্নোতিপ্রভা দাশগুপ্তাকে ভারতবর্ষের বিভিন্ন প্রদেশে মেয়েদের মাধ্যমিক শিক্ষার বিবরণ পর্যালোচনা করিবার জন্ত প্রথম বিহারীলাল মিত্র কেলে নিযুক্ত করিলেন। তখন ভারত অবিভক্ত এবং উক্তর স্মায়াপ্রসাদ মুখোপাধ্যায় বিশ্ববিদ্যালয়ের নেতৃত্বে আসীন। ১৯৩৮ সনেই বিশ্ব-বিদ্যালয় মেয়েদের মাধ্যমিক শিক্ষাবিবরণ প্রায় ৩০০ শত পৃষ্ঠা সম্বলিত বিহারীলাল কেলেব রিপোর্টখানি প্রকাশিত করিলেন। গার্হস্থ্য-বিজ্ঞানে বাংলাদেশে মেয়েদের একটি শিক্ষক-শিক্ষণ কেন্দ্রের প্রয়োজনীয়তার বিষয় ঐ রিপোর্টে প্রথম উল্লিখিত হয়। ১৯৪৪ সনে উপাচার্য স্মায়াপ্রসাদ মুখোপাধ্যায়ের প্রচেষ্টায় বিহারীলালের দানের তহবিল হইতেই বর্তমানে স্থাপিত যোডে অবস্থিত বিশ্ব-বিদ্যালয়ের বিহারীলাল মিত্র ইন্সটিটিউট, অর্থাৎ গার্হস্থ্য-বিজ্ঞানে



বিহারীলাল কলেজের নবনির্মিত ভবনের দ্বারপ্রান্তে কলিকাতা বিশ্ববিদ্যালয়ের উপাচার্য শ্রীনির্মলকুমার সিদ্ধান্ত সহ প্রাক্তন উপাচার্য ড. শ্রীজ্ঞানচন্দ্র ঘোষ

মেয়েদের এই শিক্ষক-শিক্ষণ কেন্দ্রটি প্রতিষ্ঠিত হয়। সেই সময় হইতেই আজ পর্যন্ত প্রায় ১২ বৎসর যাবৎ এই বিভাগটি লোকচক্ষুর অন্তরালে থাকিয়া বহু প্রতিকূল অবস্থার মধ্য দিয়াও শিক্ষক-শিক্ষণের কাজে নীরবে অগ্রসর হইয়া চলিয়াছে। এই বিভাগেই শিক্ষাপ্রাপ্তা প্রায় ৩০০ শতেরও অধিক শিক্ষিকা আজ বাংলাদেশে ও বাংলাদেশের বাহিরে বিভিন্ন প্রতিষ্ঠানে শিক্ষকতা ও অগাধ সমাজ উন্নয়নমূলক কার্যে লিপ্ত রহিয়াছেন। এই বিভাগে শিশুর মনস্তত্ত্ব, স্কুল গঠন ও পরিচালন হইতে আরম্ভ করিয়া স্বাস্থ্যতত্ত্ব, শিশুর পুষ্টি ও খাদ্যতত্ত্ব, বিভিন্ন গৃহ-শিল্প ও সজ্জা, গৃহ-শুশ্রূষা প্রভৃতি প্রায় সমস্ত বিষয়বস্তু-গুলিই পাঠ্যসূচীর অন্তর্গত।

নূতন স্থাপিত বিহারীলাল কলেজটিকে এই বিভাগেরই সম্প্রসারণ বলা যাইতে পারে। গার্হস্থ্য-বিজ্ঞানের শিক্ষা এতদিন পর্যন্ত কেবলমাত্র প্রবেশিকা পরীক্ষাতেই সীমাবদ্ধ ছিল। উচ্চ শিক্ষার ক্ষেত্রে বা কলেজে গৃহ-বিজ্ঞান বা তৎসংশ্লিষ্ট অগাধ বিষয়-গুলির কোনও স্থান ছিল না। অথচ দেখা যায়, শতকরা প্রায় ৯৮ জন ছেলেমেয়েবাই উহাদের নিজস্ব গৃহ বা সংসার রচনা করিয়া থাকে, কিন্তু আশ্চর্যের বিষয় এই যে, দুটি বিপরীত প্রকৃতির মানুষের একত্র হইয়া নীড় রচনা করা ও সেই নীড়ে ভবিষ্যৎ সমাজের উপযোগী করিয়া ভবিষ্যৎ মানুষ গড়িয়া তোলা—জীবনের এই দুইটি গুরুত্বপূর্ণ কাজের জ্ঞানও এইদিক হইতে কিছুমাত্র শিক্ষার প্রয়োজনীয়তা আছে, এ কথা আমাদের দেশে কদাচিৎ অনুভূত হয় মাত্র। যে দেশে মৃত্যুর হার সর্বাপেক্ষা অধিক, অজ্ঞতা অশিক্ষা ও

কুসংস্কারে যে দেশ অগাধ সবল দেশকে ছাড়াইয়া গিয়াছে, যে দেশের মানুষ পুষ্টির অপরিপূর্ণতায় বা স্বাস্থ্যের অভাবে ক্রমেই স্নান নিপ্পত্র ও মৃতের সামিল হইয়া উঠিতেছে—সে দেশের মানুষেরাই খাদ্যতত্ত্ব, স্বাস্থ্যতত্ত্ব কিংবা সূক্ষ্ম গৃহ-রচনার শিক্ষা সম্বন্ধে সর্বাপেক্ষা অধিক সন্দিহান! তাঁহাদের নিকট গৃহ-বিজ্ঞানের জ্ঞান 'কলাই ডালের বড়ি তৈয়ারি করা কিংবা মাছের গুস্তানি রন্ধন করার' তথা ছাড়া আর কিছুই নয়। পৃথিবীর অগাধ দেশে গৃহ-বিজ্ঞান শিশুর শিক্ষা ও পালন, মাতৃভেদ জ্ঞান, খাদ্যতত্ত্ব ও পুষ্টি প্রভৃতি বিষয়গুলি লইয়া আজ গবেষণার অস্ত্র নাই। বাহাতে জাতি ব্যক্তিগত স্বাস্থ্য ও গৃহ-সম্পদে আরও সুন্দর ও উন্নততর হইয়া উঠিতে পারে, সেই উদ্দেশ্যে বিশ্ববিদ্যালয়ের উচ্চ শিক্ষার ক্ষেত্রেও ছেলেমেয়ে উভয়েই এই বিষয়গুলি লইয়া গভীর চর্চা করিতেছেন। কিন্তু আমাদের দেশে আজও লোকে প্রশ্ন করে এই বিষয়গুলির আদৌ প্রয়োজনীয়তা আছে কিনা!


বিগত কয়েক বৎসরের প্রচেষ্টার পর, ১৯৫৪ সনে গৃহ-বিজ্ঞান ও গৃহ-শিল্প, সমাজ-বিজ্ঞান, শিশুর শিক্ষা ও পালন প্রভৃতি বিষয়-গুলি মেয়েদের জ্ঞান কলেজের পাঠ্য-তালিকায় সন্নিবেশিত হইল। শ্যামাপ্রসাদ মুখোপাধ্যায়ই প্রবেশিকা পরীক্ষায় গৃহ-বিজ্ঞানের প্রথম প্রবর্তন করেন। গৃহ-বিজ্ঞানে শিক্ষক-শিক্ষণ বিভাগটি তাঁহারই আমলে প্রতিষ্ঠিত হয়। ১৯৫৪ সনে ড. জে. সি. ঘোষ গৃহ-বিজ্ঞান ও তৎসংশ্লিষ্ট বিষয়গুলিকে কলেজের দ্বারা পৌছাইয়া দিলেন ও উহার চর্চার জ্ঞান বিহারীলাল কলেজের পরিবর্তনটিকে গ্রহণ করিলেন। ১৯৫৫ সনের ১লা আগষ্ট শ্রীযুক্ত নির্মলকুমার সিদ্ধান্ত বিশ্ববিদ্যালয়ের কার্যভার গ্রহণ করিলেন—সেই দিনই বাংলার প্রধানমন্ত্রী ডাঃ বিধানচন্দ্র রায় বিহারীলাল কলেজের ভিত্তি প্রস্তর স্থাপন করিলেন। শ্রীযুক্ত সিদ্ধান্ত অসম্পূর্ণ বিহারীলাল কলেজকে পূর্ণতর রূপদানের উদ্দেশ্যে অগ্রসর হইলেন।

ইহাই হইল বিহারীলাল কলেজের সংক্ষিপ্ত ইতিহাস। বসিয়া বসিয়া উহাই চিন্তা করিতেছিলাম—কলেজ ভবনটির নির্মাণকার্য হ্রস্বত সমাপ্ত হইল, কিন্তু কলেজ গঠনের কাজ আরম্ভ হইল মাত্র, চূর্ণ শুরুরকি ঢালিয়া ইটের উপরে ইট সাজাইয়া গৃহ নির্মাণ করা হ্রস্বত সহজ, কিন্তু যথাযথ মাল মশলা যোগাইয়া নূতন সমাজের উপযোগী মন ও মানুষ তৈরী করা একান্ত কঠিন।

আপাতদৃষ্টিতে দেখিতে গেলে বিহারীলাল কলেজের প্রথম উদ্দেশ্য, যথাযথ শিক্ষার ব্যবস্থা করিয়া মাধ্যমিক বিদ্যালয়গুলির জ্ঞান উপযুক্ত শিক্ষিকা তৈয়ারী করা। শিক্ষক বা শিক্ষয়িত্রী যদি উপযুক্ত হন তাহা হইলে শিক্ষার মান আপনা হইতেই উন্নততর ও প্রশস্ততর হইয়া উঠবে। বর্তমানে প্রতিনিয়তই সামাজিক ও অর্থনৈতিক পরিবর্তন পরিলক্ষিত হইতেছে। বিহারীলাল কলেজের উদ্দেশ্য, মেয়েদের জ্ঞান সেইরূপ শিক্ষা ব্যবস্থার প্রবর্তন করা বাহাতে মেয়েরা এই সামাজিক বিবর্তনের সহিত সামঞ্জস্য রাখিয়া, প্রতিনিয়তই উহার নূতন নূতন চাহিদা মিটাইয়া চলিতে পারেন। ছোট ছোট ঘর

লইয়াই সমাজ, এই ঘরগুলিকে গড়িয়া তুলিবার, এবং জাতির সম্পদ, আমাদের শিশুদের ভবিষ্যতের মাহুয করিয়া তৈয়ারী করার গুরুদায়িত্ব আমাদের মেয়েদের উপরেই হুস্ত। সুতরাং নূতন পৃথিবীর নূতন চাহিদার উপযোগী করিয়া আমাদের মেয়েদের তৈয়ারী করিতে হইলে উহাদের মানসিক ও প্রকৃতি-গত বৈশিষ্ট্য, সৌন্দর্যের প্রতি উহাদের স্পষ্ট অমুভূতি এবং এই দুইটি গুরুদায়িত্বের বিষয় সর্ব্বাঙ্গে চিন্তা করিতে হয়।

বস্তুতঃ এই দিক হইতে চিন্তা করিয়াই কর্তৃপক্ষ আজ সমস্ত মাধ্যমিক ও প্রাথমিক শিক্ষার স্তরে ব্যাপকভাবে গৃহ-বিজ্ঞান শিক্ষার প্রবর্তন করিয়াছেন। কিন্তু সেই সঙ্গে যথেষ্ট উপযুক্ত শিক্ষকার ভাবও একান্ত ভাবে অমুভূত হইতেছে। ১৯৩৩ সনের মাধ্যমিক শিক্ষা কমিশন বলিয়াছেন, “পারিবারিক ও সামাজিক জীবনের সহিত শিক্ষার যদি আরও গভীরতর যোগ সাধন করিতে চাও, শিক্ষা ও সমাজের মধ্যে আজ যে দুর্লভ্য বাবধানের সৃষ্টি হইয়াছে উহা যদি দূর করিতে চাও, মেয়েদের দিয়া যদি উহাদের পারিবারিক ও সমাজ-জীবনের গুরুদায়িত্বগুলি সৃষ্ট ভাবে পালন করাইতে চাও—তাহা হইলে আরও ব্যাপক ও উন্নততর উপায়ে গৃহ-বিজ্ঞানে শিক্ষার ব্যবস্থা কর।” কলেজী শিক্ষায় গৃহ-বিজ্ঞান ও সমাজ-বিজ্ঞানের নূতন সন্নিবেশিত বিষয়বস্তুগুলি ও সেই সঙ্গে বিহারীলাল কলেজের পৰিকল্পনাটি দেখিয়া মনে হয়, শিক্ষা কমিশন মাধ্যমিক শিক্ষার যে যে



কলেজের ধারোদঘাটন উৎসবে মেয়েদের দ্বারা সুসজ্জিত প্রবেশ-পথ

ক্রটিগুলির প্রতি ইঙ্গিত করিয়াছেন, যথায় যথায় ভাবে চালু হইলে এই কলেজ সেই ক্রটিগুলি দূর করিবার কাজে অনেকখানি সহায়তা করিবে।

বিহারীলাল কলেজের পাঠ্যকাল আপাততঃ সর্ব্বসমেত পাঁচ বৎসর। প্রথম চার বৎসর মেয়েরা যথারীতি ইন্টারমিডিয়েট ও ডিগ্রী পরীক্ষার জগ প্রস্তুত হইবে। কেবলমাত্র তফাৎ এই, এই কলেজে পড়িতে হইলে ইন্টারমিডিয়েট ও ডিগ্রীর জগ বিশ্ববিদ্যালয়ের অনুমোদিত আবশ্যিক বিষয়গুলি ঠিক রাখিয়া উহাদের পাঠের অগাধ বিশেষ বিষয়গুলি বিশ্ববিদ্যালয়ের নূতন প্রবর্তিত গৃহ-বিজ্ঞান ও সমাজ-বিজ্ঞানের অগাধ বিষয়বস্তু হইতে নির্বাচিত করিতে হইবে। ডিগ্রী কোর্স সমাপ্ত করিবার পর যাহারা গৃহ-বিজ্ঞান বা সমাজ-বিজ্ঞান প্রভৃতি বিষয়ে শিক্ষকতার কাজ গ্রহণ করিতে ইচ্ছুক হইবেন পঞ্চম বা শেষের বৎসরটি তাহারা বিহারীলাল কলেজের শিক্ষক-শিক্ষণ বিভাগে অতিবাহিত করিবেন। বিহারীলাল কলেজের এই বিভাগটিতে স্নাতকোত্তর টিচার্স ডিপ্লোমা দিবার ব্যবস্থা হইয়াছে। বলা বাহুল্য, বহু আলোচিত তিন বৎসরের ডিগ্রী কোর্স যদি বিশ্ব-বিদ্যালয়ের অনুমোদিত হয় তাহা হইলে বিহারীলাল কলেজের চার বৎসরের ডিগ্রী কোর্সও যথাক্রমে তিন বৎসরে রূপান্তরিত হইবে।

গৃহ, গৃহ-কর্ম, গৃহের অধিবাসীদিগের প্রতি পারম্পরিক সম্বন্ধ, পরিবারের প্রতিদিনের জীবন ও জীবনধারায় সাহায্যে সুন্দরুটি ও সৌন্দর্য্যামুভূতি পরিষ্কৃত হইয়া উঠে সেই দিকে লক্ষ্য রাখিয়াই বিহারীলাল কলেজে গৃহকলা বা শিল্পশিক্ষা দিবার ব্যবস্থা হইয়াছে। শিশুর শারীরিক ও মানসিক স্বাস্থ্য ও শিশুর সামগ্রিক বিকাশ ও পরিচালনার প্রতি যথায় যথায় দৃষ্টি দিবার উদ্দেশ্যেই শিশুর শিক্ষা বিষয়টি পাঠ্যতালিকার স্থানলাভ করিয়াছে। ব্যক্তিগত ও পারি-



হকের পিছন দিককার দেয়ালের নক্সাটি মেয়েরা যথায় যথায় হস্ত করিয়া জুড়িয়া দিতেছেন।



রচিত নকশাটি মঞ্চের চাদোয়ার কাপড়ের সহিত মেয়েরা সেলাই করিয়া দিতেছেন

বার্ষিক স্বাস্থ্য ও সুস্থতা এবং জাতির শক্তি ও সমৃদ্ধির প্রতি লক্ষ্য রাখিয়াই ধান্যপ্রস্তুতি ও পুষ্টি প্রভৃতি গৃহ-বিজ্ঞানের বিভিন্ন বিষয়গুলি পাঠ্য-সূচীতে সন্নিবেশিত হইয়াছে। দেশ ও জাতিকে গড়িবার উদ্দেশ্যেই সেই একই দৃষ্টিভঙ্গিতে সমাজ-বিজ্ঞানেও, সমাজ সেবা, সমাজের সুস্থতা ও গ্রামোন্নয়ন প্রভৃতি বিভিন্ন বিষয়গুলি ডিগ্রী কোর্সে নূতন প্রবর্তিত হইয়াছে।

উপরোক্ত বিষয়গুলিতে শিক্ষাব্যবস্থা করিয়া নূতন প্রতিষ্ঠিত বিহারীলাল কলেজ যে, কেবলমাত্র গৃহ-বিজ্ঞানে অধিক সংখ্যক ও উপযুক্ত শিক্ষা তৈয়ারী করিয়া মাধ্যমিক বিদ্যালয়গুলির চাহিদা মিটাইবে তাহা নহে। বরং যাঁহারা শিক্ষকতার কাজ গ্রহণ করিবেন না তাঁহারাও চার বৎসর ধরিয়া উপরের বিষয়গুলি অধ্যয়ন করিয়া পারিবারিক ও সামাজিক জীবনে নাগরিক হিসাবে তাঁহাদের গুরু দায়িত্বগুলি অধিকতর দক্ষতার সহিত পালন করিতে সমর্থ হইবেন। পশ্চিম-বাংলার প্রধানমন্ত্রী ডাঃ বিধানচন্দ্র রায় সেই দিন বলিয়াছেন, “আমাদের দেশে কি সামাজিক, কি কৃষ্টিগত, কি অর্থ-নৈতিক জীবনে আমাদের অগ্রসর হইবার পথে প্রধান অস্ত্ররায় হইতেছে, আমাদের ঘরগুলি আজ সত্যিকারের শিশু-শিক্ষার কেন্দ্র হইতে গিয়াছে। গৃহ-বিজ্ঞান ও তৎসংক্রান্ত বিষয়গুলিতে যথার্থ শিক্ষা গ্রহণ করিয়া পিতামাতা উভয়েই সুন্দর, সুস্থ, গৃহ-জীবন রচনার একান্ত মনোযোগী হওয়া আবশ্যিক। সুপরিচালিত সুস্থ গৃহ ব্যবস্থায় মানুষ নিজেকে উপলব্ধি করে, উহাদের আত্মবিশ্বাস বাড়ে। ভবিষ্যতের বাংলার স্বল্প আত্মবিশ্বাসে বন্দীমান আত্মশক্তিতে দৃঢ় এইরূপ মন ও মানুষেরই একান্ত প্রয়োজন।”

বস্তুতঃ নূতন গৃহ-রচনার মাধ্যমে নূতন মন ও মানুষ সৃষ্টি করিবার উদ্দেশ্য লইয়াই আজ বিহারীলাল কলেজ স্থাপিত হইল। ঘুরিতে ঘুরিতে এক জায়গায় দেখিলাম, বিহারীলাল কলেজের আর্থিক প্রয়োজনের দিকটাও ছাত্রীরা চাটের মাধ্যমেই জনসাধারণের সম্মুখে তুলিয়া ধরিয়াছেন। এই কলেজটি যে বাবে পরিকল্পিত হইয়াছে, উহাতে রূপ দিতে হইলে জমির দাম ব্যতীত এককালীন ৮,৫০,০০০ টাকার প্রয়োজন। তন্মধ্যে বাড়ী তৈয়ারী বাবদে ভারত সরকার ৩,৮৮,৬০০ টাকা মঞ্জুর করিয়াছেন। কাজেই আরও ৪,৬৪,০০০ টাকার মত ঘাটতি থাকে। জমির দাম বাবদে তিন লক্ষ টাকা বিশ্ববিদ্যালয়, বিহারীলালের দানের তহবিল হইতে দিয়াছেন। গৃহ ও সমাজ-বিজ্ঞানে এই ধরনের কলেজ কেবলমাত্র পশ্চিম বাংলায়ই যে এই প্রথম তাহা নহে। বিহার, উড়িষ্যা ও আসাম অঞ্চলেও এই ধরনের কলেজ এখনও স্থাপিত হয় নাই।

সুতরাং আশা করা যাইতেছে, মেয়েদের এই একান্ত প্রয়োজনীয়, এই অঞ্চলে এই এই ধরনের প্রথম কলেজটির প্রতি বাংলা সরকার বিশেষ ভাবে সহায়ত্বসম্পন্ন হইবেন।

এই কলেজ পরিকল্পনার বিষয় অনুধাবন করিতে গিয়া আরও একটি বিষয় আমার বিশেষ ভাবে দৃষ্টি আকর্ষণ করিল। যাঁহারা এই কলেজের পরিকল্পনা করিয়াছেন তাঁহারা যে কেবল শহরের মুষ্টিমেয় মেয়েদের জগুই আই-এ, বি-এ, ডিগ্রীর ব্যবস্থা করিয়াছেন, তাহা নহে। আমাদের শতকরা প্রায় ৭৫ জন লোক গ্রামাঞ্চলবাসী তাহাদের কথাও ইহারা বিস্মৃত হন নাই। বস্তুতঃ গৃহ-বিজ্ঞানে জ্ঞানের প্রয়োজন গ্রামাঞ্চলে আরও অনেক বেশী অনুভূত হয়। গৃহ-বিজ্ঞানের জ্ঞান বাহাতে শহরের স্বল্প লোকের মধ্যে সীমাবদ্ধ না থাকিয়া গ্রামাঞ্চলে ব্যাপক ভাবে ছড়াইয়া পড়িতে পারে বিহারীলাল কলেজ পরিকল্পনার উদ্যোগ বাবস্থা হইয়াছে। যে সকল মেয়েরা ঘটনাচক্রে উচ্চ মাধ্যমিক শিক্ষা বা কলেজী শিক্ষা হইতে বঞ্চিত হইয়াছে, অথচ বাহারা গ্রামাঞ্চলে গিয়া গ্রামোন্নয়ন বা সমাজ-সেবা প্রভৃতি কার্যে লিপ্ত হইয়া কোনও বকমে জীবিকা অর্জন করিতে পারে তাহাদের জন্য ‘পল্লী-স্বাস্থ্য ও শিক্ষা’, ‘পল্লী-গৃহ সংস্কার ও উন্নয়ন’, ‘শিক্ষা ও কুটীর-শিল্প’ প্রভৃতি বিষয়গুলিতে স্বল্প-মেয়াদী ছোটখাট কার্যাকরী শিক্ষাব্যবস্থার প্রবর্তন করা হইবে। সঙ্গে সঙ্গে তদনুরূপ গ্রামাঞ্চলেও বিভিন্ন সেবা বা শিক্ষাকেন্দ্র স্থাপিত হইবে এবং সেই সকল কেন্দ্রের শিক্ষাধারা আঞ্চলিক প্রয়োজনের প্রতি দৃষ্টি রাখিয়াই রচিত হইবে। যাঁহারা গ্রামোন্নয়ন বা পল্লীসংস্কার প্রভৃতি কাজগুলিতে আত্মনিয়োগ করিবেন না তাঁহারাও বাহাতে বিভিন্ন

ধরনের কুটীর-শিল্পগুলিতে তিন-চার মাসের স্বল্পমেয়াদী শিক্ষা গ্রহণ করিয়া সংসারের আর্থিক স্বচ্ছন্দ্য কিছু পরিমাণে বাড়াইতে পারেন তাহারও ব্যবস্থা হইয়াছে। মোটের উপর বিহারীলাল কলেজকে কেন্দ্র করিয়াই বিহারীলাল কলেজের বিভিন্ন বিভাগ হিসাবেই বাংলা দেশের মেয়েদের জন্ম বিভিন্ন দিকে এই সকল ছোটখাট বিভিন্ন শিক্ষাধারা-গুলি ধীরে ধীরে গড়িয়া উঠিবে। এই সকল শিক্ষা ব্যবস্থাগুলিতে রূপ দিবার উদ্দেশ্যেই, দেগিলাম, বিহারীলাল কলেজের পূর্বদিকের জমিটুকুতে কলেজ কর্তৃপক্ষের একটি উৎপাদন-কেন্দ্র (production centre) স্থাপন করিবার পরিকল্পনা রহিয়াছে।

কিন্তু যে-কোনও রকম পরিকল্পনাই হটক না কেন, উহাকে কাজে রূপায়িত করিতে হইলে অর্থের প্রয়োজন হয়। সুতরাং গ্রামোন্নয়ন ও সমাজসেবা সংক্রান্ত বিভিন্ন বিভাগগুলি খুলিতে হইলে বিহারীলাল কলেজেরও আরও অর্থের প্রয়োজন হইবে, নিঃসন্দেহ। কিন্তু এই অর্থ আসিবে কোথা হইতে? ভাবিতে হইল না—সামনের দেয়ালে চোখ পড়িতেই সূচাক নক্সার মধ্যে লিখিত পশ্চিম-বাংলার প্রধানমন্ত্রীর উক্তিটিই আবার চোখে পড়িল—‘দেশ ও সমাজের পক্ষে যে কাজ একান্ত কল্যাণকর, কর্ম্মীরাও যেখানে সকল বিষয়েই একান্ত আন্তরিক—সে কাজ কখনও অর্থের অভাবে বন্ধ থাকিতে পারে না।’

দেশ গঠনের পথে নূতন স্থাপিত বিহারীলাল কলেজ গুরুদায়িত্ব গ্রহণ করিয়াছে। দ্বিতীয় পঞ্চবার্ষিকী পরিকল্পনায়, গ্রামোন্নয়ন ও সমাজসেবার প্রতি ভারত সরকার ও পশ্চিমবঙ্গ সরকার বখেট গুরুত্ব আরোপ করিয়াছেন। বিহারীলাল কলেজের মেয়েরা, গ্রামোন্নয়ন প্রভৃতি কার্যগুলি গ্রহণ করিয়া, উহাদের ক্ষুদ্র শক্তিতে বতখানি সহ্য দ্বিতীয় পঞ্চবার্ষিকী পরিকল্পনায় সহায়তা করিবে। গ্রামোন্নয়নের প্রথম এবং প্রধান উদ্দেশ্য গ্রামবাসীদের প্রতিদিনকার জীবন ও জীবনধারার পরিবর্তন লইয়া আসা, বৈচিত্র্যহীন নিম্নেবিত্ত প্রাণে জীবনের আনন্দ ফুটাইয়া তোলা। জীবনের মান ও জীবনের কাজ সম্বন্ধে গ্রামবাসীদের মধ্যে নূতন দৃষ্টিভঙ্গী লইয়া আসাই গ্রামোন্নয়নের মূল কথা। যথাযথ ভাবে শিক্ষাপ্রাপ্ত হইয়া বিহারীলাল কলেজের মেয়েরা এই গুরু দায়িত্বভার গ্রহণ করিবেন। গ্রাম-কলের উন্নতিবিধান করা আমবা এত দিন পর্যন্ত ছেলেদের কাজ বলিয়াই মনে করিয়া আসিয়াছি, কারণ গ্রামোন্নয়ন বলিতে আমবা এতদিন পর্যন্ত রাস্তা তৈয়ারী ও কুপ খনন করা প্রভৃতি কাজগুলিকেই বুঝাইয়াছি। বস্তুতঃ, গ্রামোন্নয়নের একমাত্র



বিশ্ববিদ্যালয়ের বর্তমান গৃহ-বিজ্ঞান বিভাগে বিজ্ঞান ক্লাসের একটি অংশ

উপায় ও পথ গ্রামের গৃহ-জীবনগুলিকে সুস্থ ও সুন্দর করিয়া রচনা করা, এ দায়িত্ব প্রধানতঃ মেয়েদের এবং ইহা ধনী ও নিধন উভয়েরই আওতার মধ্যে। ইহার জন্ম কেবলমাত্র নূতন দৃষ্টিভঙ্গী প্রয়োজন। বিহারীলাল কলেজ গ্রামের জীবন ও জীবনধারার সহিত মেয়েদের পরিচিতি ঘটাইয়া শিক্ষা-ব্যবস্থার দীর্ঘ দিনের অমুভূত অভাব অনেকাংশে পরিপূরণ করিবে নিঃসন্দেহ। শিক্ষা-ব্যবস্থার যে কোনও গঠনমূলক পরিকল্পনাই রচিত হউক না কেন, উহা যদি গ্রামের জীবন ও জীবনধারাকে উন্নত করিবার প্রচেষ্টার উপর ভিত্তি করিয়া রচিত না হয় তাহা হইলে উহা বার্থতার পর্যাবসিত হইতে বাধ্য।

বহুদিন ধরিয়া বাংলার গৃহ ও গৃহ-জীবনের উপর দিগা বিপর্যয় সুরু হইয়াছে, মানুষের জীবন হইতে শ্রী ও সৌন্দর্য লুপ্ত হইতে চলিয়াছে। বিহারীলাল কলেজের পরিকল্পনা ও শিক্ষা-ব্যবস্থা দেখিয়া মনে হইল, এই কলেজের মেয়েরাই হয়ত এক দিন সেই লুপ্ত শ্রী ও সৌন্দর্যকে জীবনে পুনঃপ্রতিষ্ঠিত করিবে। নূতন শিক্ষা-ধারার দীক্ষিত হইয়া ইহারাই হয়ত একদিন মানুষের জীবনে নূতন ভাবে বাঁচিবার ও ঘর বাঁধিবার ইসারা আনিয়া দিবেন।

ড. জ্ঞানচন্দ্র ঘোষ মহোদয় তাঁহার ভাষণের মধ্যে একটি অতি

প্রয়োজনীয় এবং গুরুত্বপূর্ণ কথা বলিয়াছিলেন। তিনি বলেন, এই কলেজ পরিচালনায় কলিকাতা বিশ্ববিদ্যালয়ের সেনেট, সিণ্ডিকেট, ফ্যাকাল্টি, একাডেমিক কাউন্সিলের প্রভৃতির কর্তৃত্ব এবং হস্তক্ষেপ যত কম থাকে ততই ভাল। তিনি মনে করেন যে, এই কলেজ পরিচালনার জন্য একটি স্বাভাবিক-প্রাপ্ত পরিষদ থাকাই বাঞ্ছনীয়, এবং এই পরিষদে গার্হস্থ্য-বিজ্ঞানে অভিজ্ঞ নারীর সংখ্যাই অধিক থাকা উচিত। আশা করি প্রাক্তন উপাচার্য ড. ঘোষের এই উক্তিটি কলিকাতা বিশ্ববিদ্যালয় হাক্কী ভাবে গ্রহণ করিবেন না।




গৃহ-বিজ্ঞান বিভাগের রান্নার ক্লাসের একটি অংশ

বহু বাধা-বিঘ্ন সত্ত্বেও যাহার আশ্রয় চেষ্টায় এবং পরিশ্রমে আজ এই বিহারীলাল কলেজটি গড়িয়া উঠিল তাঁহার স্মৃতিতে এই প্রসঙ্গে কিছু বলা প্রয়োজন। ১৯৪৪ সনে সেনেটের সদস্য শ্রীমতী জ্যোতিঃপ্রভা দাশগুপ্তার বিরাট পরিবর্তনের ক্ষুদ্রতম অংশ হিসাবে

গার্হস্থ্য-বিজ্ঞানের শিক্ষক-শিক্ষণ বিভাগটি কলিকাতা বিশ্ববিদ্যালয় কর্তৃক অনুমোদিত হইলে উহাকে গড়িয়া তোলাব দায়িত্ব শ্রীমতী দাশগুপ্তার উপরেই হস্ত হয়। তখন হইতেই তিনি উক্ত বিভাগে অধ্যক্ষরূপে কাজ করিয়া আসিতেছেন। তাঁহারই অসাধারণ সহিষ্ণুতা ও অধাবসায় উক্ত বিভাগের সম্প্রসারণ পরিবর্তনটি আজ বিহারীলাল কলেজে রূপ পাইল। শ্রীমতী দাশগুপ্তা এক দিকে যেমন অবিভক্ত ভারতে প্রতি প্রদেশে মাধ্যমিক স্তরে মেয়েদের শিক্ষা ব্যবস্থা পরিদর্শন করিয়াছেন, তেমনি আবার ইংলণ্ড, আমেরিকা ও জাপান প্রভৃতি দেশের শিক্ষা ব্যবস্থা সম্বন্ধেও যথেষ্ট প্রত্যক্ষ অভিজ্ঞতা সঞ্চয় করিয়াছেন। আমেরিকায় থাকাকালীন সাউদার্ন ক্যালিফোর্নিয়া হইতে তিনি ফাই বিটা ফেলোসিপ প্রাপ্ত হন, এবং উহারই সাহায্যে তিনি আমেরিকার বিভিন্ন ধারার শিক্ষা ব্যবস্থায় প্রভূত অভিজ্ঞতা অর্জন করেন। বিহারীলাল কলেজের পরিবর্তনের মাধ্যমে তাঁহার চিন্তাশীল অভিজ্ঞ মনেরই পরিচয় পাওয়া যায়। যে দেশের যাহা কিছু ভাল উহারই সমাবেশে যেন তিনি বিহারীলাল কলেজটিকে গড়িয়া তুলিতে চাহিয়াছেন। উদ্বোধনী ভাষণে ড. জ্ঞানেন্দ্র ঘোষ এবং সমাপ্তি ভাষণে অধ্যাপক প্রমথনাথ বন্দোপাধ্যায় বিহারীলাল কলেজ গঠনের কাজে শ্রীমতী দাশগুপ্তা ও তাঁহার সহকর্মীদের পরিশ্রম ও একনিষ্ঠতার কথা অকুণ্ঠিতচিত্তে স্বীকার করিয়াছেন।

ড. শ্যামপ্রসাদ মুখোপাধ্যায় প্রবেশিকা পরীক্ষার পাঠ্যতালিকায় গার্হস্থ্য-বিজ্ঞান অন্তর্ভুক্ত করিয়া মেয়েদের শিক্ষাকে পূর্ণতর রূপ দিতে প্রয়াসী হইয়াছিলেন; তাঁহারই রোপিত বীজ আজ বৃক্ষে পরিণত হইতে চলিয়াছে; কিন্তু গভীর বেদনায় অনুভব করিতেছি যত্নের অমোঘ বিধানে সেই মানুষটিই আজ স্বীয় প্রচেষ্টার বাস্তব-রূপ দেখিতে পাইলেন না! স্বর্গীয় বিহারীলাল মিত্রের দান এবং বদাগতা সার্থক হইক এবং বিশ্ববিদ্যালয়ের প্রাক্তন ও বর্তমান কর্তৃপক্ষগণের উদ্দেশ্য ও অভীক্ষা সাফল্য অর্জন করুক ইহাই প্রার্থনা করি। শ্রীমতী জ্যোতিঃপ্রভা দাশগুপ্তার সাধনা ও পরিশ্রম সার্থকতামণ্ডিত হইয়া ঘরে ঘরে বাংলার মেয়েদের নূতন করিয়া সৃজন করুক ও নূতন কর্মধারায় উহার দীক্ষিত হইয়া উঠুক—ইহাই একান্ত কামনা করি।



পর্বত ও শিলা

শ্রীরেণুকা দেবী

সুপ্রভা দেহি মাথলেন। সন্ধ্যা সাতটা বেজে ন' মিনিটের সময়। সুপ্রভা কলিকাতার প্রাচীন ধনী মিত্র-পরিবারের বধু। ব্যারিষ্টার স্বর্গত নবেন্দু মিত্রের স্ত্রী। সেইদিনই সকালে, নিত্যকার অভ্যাসমত উষান্নান সেবে, প্রণাম জানিয়েছেন প্রত্যহের দেবতাকে। তার পর নিজের ঘরে এসে মাথা লুটিয়ে দিয়েছেন জলচৌকির উপর সাজিয়ে-রাখা "নবেন্দু মিত্রের" প্রকাণ্ড ছবিটার সামনে। পূজার ঘরে এসেও প্রতিদিনের মত ঘুরে ঘুরে জোড় করে মাথা নত করেছেন, চারিদিকে টাঙ্গানো দেবদেবীর নানা চিত্রপটের দিকে। দিনের আলোর ঘর ভরে না যাওয়া পর্যন্ত গুরুমন্ত্র জপ করেছেন আসনে বসে। এসব কাজ তাঁর সারা হয়ে যায় বাড়ীর প্রত্যেকটি লোক উঠবার আগে। তার পর গীতাপাঠ, পুৰাণপাঠ, ভাগবতপাঠ আছে নিয়মিত কয়েক ছত্র করে। শেষে আছে শ্রামসুন্দরের পূজা। দাসী বকুল এসে সাজ, নৈবেদ্য করে দেয় তখন। গৃহদেবতা লক্ষ্মীজনার্দন আছেন, সে পূজা হয় পালামতে। শ্রামসুন্দর তাঁর নিজস্ব। শাস্তি পাওয়ার জন্ত আশ্রয় নিয়েছিলেন, তাই শাস্ত দেহমন প্রথমেই লুটিয়ে পড়েছিল শ্রাম-সুন্দরের পাশের তলে।

কুড়ি বছরের ছেলেকে বিলেতে পাঠাবার আগে তেয়ো বছরের সুপ্রভাকে ঘরে এনেছিলেন, হাইকোর্টের বিখ্যাত উকিল রামজীবন মিত্র মহাশয়। নবেন্দু যখন ফিরে এলেন, সুপ্রভা তখন পূর্ণ-বিকশিত। এক বছরের মধ্যেই নিজে পিতা হলেন, কিন্তু নিজের পিতাকে হারালেন। তার জন্ত দুঃখ নেই, অধিক বয়সের সন্তান, মাতৃহীন পুত্রের জন্তই যেন অপেক্ষা করেছিলেন। পাঁচ ছেলের মধ্যে বিষয়সম্পত্তি ভাগ করে, পুত্রহীনা বিধবা কন্যা মহামায়ার হাতে ছোট ছেলের সাংসারিক ভার দিয়ে কর্তব্য শেষ করেই তিনি গিয়েছেন।

নূতন সংসার, সুন্দরী স্ত্রী, প্রথম পুত্র, প্রাণে আনন্দের বগা বইছে নবেন্দুর। অর্থাভাব নেই, তবু অর্থ পাচ্ছেন। পুরানো "অষ্টিন" বদলে "ভক্সল" কিনলেন নতুন। ছুটি পেলেই ছোট্টার নেশায় পেয়ে বসল তাঁকে। এই নেশাই হ'ল কাল। গ্রাণ্ড ট্রাঙ্ক রোডের মোটর দুর্ঘটনার অকালে প্রাণ হারালেন, শিশু শুভেন্দুর তখনও তিন বছরও পূর্ণ হয় নি। আকস্মিক এই আঘাতে বিমূঢ় হয়ে গেলেন সুপ্রভা। সমস্ত অশুভের মূল ভাবলেন শুভেন্দুকে। একান্ত ভাবে আকড়ে ধরলেন নির্জন নিঃসঙ্গ জীবনকে। নানা দেবদেবীর মুক মূর্তিচিত্রই হ'ল তার একমাত্র সঙ্গী। সমস্ত আপন-জনকে সরিয়ে দিলেন, এমনকি শিশু শুভেন্দুকেও। দাসী নন্দর মা, আর মহামায়া এরাই বড় করে তুললেন তিন বছরের অবাধ শিশুকে।

বালক শুভেন্দুর সবচেয়ে বড় আকর্ষণ ছিল, তিনতলার ঘরের পূজা-আর্চায় দিনযাপন করা মহিলাটির প্রতি। জানে তিনি ওর মা। বিশ্বয় আর আশ্রয় নিয়ে বায়ে বায়ে গিয়ে দাঁড়িয়েছে মার ঘরের দরজায়, অতি পরের মত প্রশ্ন শুনেছে—'খাওয়া হয়েছে? পড়া-শোনা করছ?' কখনও বা নীরবে ইঙ্গিত করেছেন চলে যাওয়ার জন্ত। ক্ষুধা অভিমান গুমরে উঠেছে বালক-মনে। কখনও অবাধ্য হয়ে দাঁড়িয়ে রয়েছে তবু, কখনও দ্রুত নেমে এসেছে। বার বার না যাওয়ার প্রতিজ্ঞা করেছে মনে মনে। জগতের সবচেয়ে আপন-জনকে মনে করেছে সব চাইতে পর। পনেরো-ষোল বছর বয়ঃক্রম কালে, এর রূপ হ'ল অজ্ঞ। মায়ের নিষ্ঠুরতার প্রতি তার বিপরীত নিষ্ঠুরতা। মা, কিসের মা উনি? মায়ের জন্ত কোন আশ্রয়, কোন কোঁতুহল নেই তার। নিজের খুশীর বেগে চলা, সমস্ত কিছু নিজের মতে করা, মহামায়ার অবাধ্য হওয়া, সবই যেন মাকে কষ্ট দেওয়ার এক সাস্তুনার পূর্ণ। দোতলার শুভেন্দু, আর মায়ের তেতলার ওঠে নি। মহামায়ার আদরের শুভেন্দুর মধ্যে তাই গোপনে ছিল, মাতৃ-স্নেহ-বঞ্চিত এক কঠিন শুভেন্দু।

যখন বি-এ পড়তে গেল শুভেন্দু, তখন আর এক রূপ প্রকাশ পেল তার মধ্যে। তখন অষ্টাদশ বৎসরের প্রথম বোঁবন, তথাপি মেয়েদের সঙ্গের তার কোঁতুহল হ'ল অত্যধিক। মেয়েদের সঙ্গে মেশবার আশ্রয় তার অতি প্রবল। কলকাতার আদি কায়স্থ তারা, সারা শহর জুড়ে ছড়িয়ে আছে কত আত্মীয়স্বজন। আর শুভেন্দুর মত ছেলে—তাই মেশবার সুযোগও হয়েছিল খুব। অর্থের খ্যাতি ছাড়া চেহারাটাও কম আকর্ষণযোগ্য ছিল না। আঠারো বছর বয়সেই দীর্ঘ, বলিষ্ঠ, সুদর্শন চেহারার শুভেন্দু, বহু মেয়ের মনেই ভবিষ্যতের কল্পনার সৃষ্টি করাত। কিন্তু সবচেয়ে আশ্চর্য হচ্ছে যে, কোন মেয়েকেই তার ভাল লাগত না। আবার এই না ভাল লাগাটাই তাকে ঘুরিয়ে নিয়ে বেড়াত মেয়েদের কাছে কাছে।

বি-এ পড়ার সময়েই আলাপ হয় পরাগের সঙ্গে। বর্তমান কলেজ থেকে এসেছে ছেলোট। দেখেই ভাল লাগে শুভেন্দুর। কি বুদ্ধিদীপ্ত মুখ, উজ্জল শ্যাম বর্ণের একহারা চেহারা। কিন্তু বোঝা যায় যে, ধামালো আর কঠিন স্বচ্ছ দৃষ্টি দিয়ে সবকিছু সে শুধু দেখেই না, সবকিছু জেনেও নেয়। অল্প কথা বলে, কিন্তু লাজুক নয়। বহু ছেলের মধ্যে থেকেও ওর পৃথক পরিচয়, আলাদা করে বলে দিতে হয় না যেন। শুভেন্দুর পবিহাসসূচক কথা বলার ভঙ্গী, পরিষ্কার মতামত পরাগকেও মুগ্ধ করে। আলাপ আরও ঘনিষ্ঠ হ'ল এম-এ পড়তে এসে। এখানোও বিষয় হ'ল জনের আলাদা, শুভেন্দু

পড়ে ফিলোসফি, পরাগ পড়ে ইঁকনমিক্স। তাতে বন্ধু বা আড্ডা দেওয়ার কোন বাধা হয় নি।

কলেজেও মেয়েদের সঙ্গে শুভেন্দু এই ব্যবহার লক্ষ্য করেছে পরাগ। কি চমৎকার ভাবে আলাপ জমায় শুভেন্দু, কথার পিঠে কথা বলার কি অপূর্ণ ক্ষমতা। প্রায় প্রত্যেক মেয়েকেই মনে করাত্তে পারে যে, শুভেন্দু তার প্রতিই আকৃষ্ট বেশী। কলেজের বাইরে ও পরিচিত মহলের মধ্যে এই বিষয়ে কিছু কিছু শুনেছে। অবস্থাপন্ন ঘরের একমাত্র ছেলে, ওদের সমাজে হয়ত এসব চল, তাই এই নিয়ে প্রথমে কিছু বলে নি পরাগ। কিন্তু শুভেন্দুকে ভাল করে চেনবার পর তার মনে হয়েছে, আসল মানুষটির সঙ্গে চপলচিত্ত মানুষটির কোথায় যেন যোগসূত্র ছিন্ন আছে। দুটিই যেন পৃথক সত্তা। তার তীক্ষ্ণ দৃষ্টিতে এইটুকুই শুধু ধরা পড়েছে, বোধগম্য হয় নি সবটা।

পরাগকে একজন প্রোফেসার কিছু বই দেবেন বলেছেন। তীক্ষ্ণবুদ্ধি পরাগকে সকলেই উৎসাহ দেন। পরাগ থাকে বউবাজারে, প্রোফেসারের বাড়ী টালীগঞ্জের চারু এভিনিউতে। কথা ছিল শুভেন্দু গাড়ীতে পরাগকে সেখানে নিয়ে যাবে।

—আসছিল তো দুটো থেকে আড়াইটার মধ্যে ?

—বানার্জীর বাড়ী যেতে, না ভাই আজ হবে না, কাল আসব। উনি তো যে-কোন দিন বলেছেন, আজ বিশেষ জরুরি কাজ আছে।

—এক দিনে আমার অবস্থা কোন ক্ষতি হবে না, কিন্তু কি তোমার জরুরি কাজ শুনি ?

শুভেন্দু বুঝতে পারে, পরাগ কিছু অনুমান করেই বলেছে, তাই তার সহজ পরিহাসের ভঙ্গীতে মাথা হেলিয়ে বলে—আজ্ঞে, আপনার অনুমান ঠিক। সেজ জ্যেষ্ঠীর ভগ্নী-কন্যা শ্রীমতী শোভা, তিনি কলকাতা দর্শন শেষ করে কালই পিতৃগৃহে চলে যাচ্ছেন। আজ তাঁর সঙ্গে দেখা করা আমার অজ্ঞানীয় কর্তব্য। মেয়েটি ভাল, আর তিনি যে এত শীঘ্র চলে যাচ্ছেন সেটা আরও ভাল।

—শুভেন্দু—

—পুরোনো নাম আর উচ্চারণের স্বর শুনে অবাক হয়ে যায় শুভেন্দু, বলে—

—বল।

—মেয়েদের প্রতি তোমার এরকম অশ্রদ্ধা কেন ? অনেক মেয়ের সঙ্গেই তুমি এমন অভিনয় কর।

—অভিনয়, মোটেই না, আমার ভাল লাগে।

—না, ভাল লাগলে এমন অভিনয় করতে পারতে না। তুমি একই সঙ্গে যেমন রমলা মৈত্রকে খুশির সঙ্গে, গাড়ীতে ডেকে তুলে বাড়ী পৌঁছে দাও, শীলা সরকারকে হেল্লুবুক যোগাড় করে দিয়ে কুতারা হও, তেমনি মিনতি হালদারকে নিয়ে কলেজ স্কোয়ারে এখানে-সেখানে বেড়াও খুশিতে গদগদ হয়ে।...

—আর বাইরে তো শোভা, স্বপ্না, সত্যিকার দল আছেই এটাও বল।

—‘কিন্তু এ কি ভাল, এই ভাবে মেয়েদের অপমান করা হয়।’ পরাগের বক্তৃতা শেষ। ‘দ্বীজাতি কত শ্রদ্ধার পাত্রী। আমাদের শাস্ত্রে কত উচ্চ আসন দেওয়া হয়েছে মেয়েদের। ইয়ং গেহে লক্ষ্মী তারা ইত্যাদি—

জ্বরে হেসে শুভেন্দু বলে—ধামুন, আচার্য্য মশায়, আপনার উপদেশ শিরোধার্য্য করা যাবে।

—না—তুই আমার কথাটা ঠিক বুঝি না, মেশাটা অম্মায়, সেকথা আমি বলি নি, মেশা বা, ভাল লাগা...কিন্তু তোমার ভাবটা...

—দেখ পরাগ, তোদের মত ওই মেপে মেপে মেশা, ভাব, আমার খাতে সহিবে না। এর সঙ্গে সাধারণ, ওর সঙ্গে অসাধারণ, ভাব আমার নেই। সত্যি কথা বলতে কি, যদি বল কোন রোমান্স, বা তাদের ভাল লাগা, তা বাপু আমি কিছুই পাই নে, কিংবা বুঝি নে, তাই তোমার ভাষায় অভিনয়, ইঁা অভিনয়ই করে যাই, ওদের হৃদয় মন জানতে আমার শুধু কোঁতুহল হয়, নিছক কোঁতুহল।

—তোমার এই নিছক কোঁতুহলের জগু কত মেয়ে, আহত হয়, দুঃখ পায় হয় ত তার খবর রাখিস ?—এই ত, তুই কদিন যাস নি, শীলা সরকার আমাকে বলছিল...

—বলছিল—আমার অদর্শনে সে কত দুঃখিত। দুঃখিত—মেয়েরা আবার দুঃখিত হয় কারো জগু ? উচ্চ হাশ্বে ভেঙে পড়ে শুভেন্দু।

—এম-এ দিয়ে শুভেন্দু বিলেত যাওয়া স্থির করল। ওদের পরিবারে এখন প্রায় সকলেই বিলাতক্ষেত্রত। ‘ল লাইনে’ বাবার কোন বাসনা নেই, শুভেন্দুর মাষ্টারি লাইনেই কোঁক বেশী, বাইরের পড়াশোনায় আশ্রয় তার ছোটবেলা থেকে। বাবার আগেও সেই পরিহাস—বিলেত গিয়ে বাঁচব, তুই ত সঙ্গে যাচ্ছিস না, বিদেশিনী-দের সঙ্গে অভিনয়টা কেমন জমাতে পারি, দেখি গে চেষ্টা করে।

—তোকে একটা কথা দিতে হবে কিন্তু।

—বলতে পারিস, সম্ভব হলে রাখা যাবে।

—কোন বিদেশিনীকে বিয়ে করবি নে।

—অপরাধ ?

—অপরাধ নয়, অম্মায়। আমায় মনে হয় বিবাহ যদি কর, তবে একজন বাঙালী মহিলাকে করবে, অন্ততঃ একজন ভারতীয়কে, দেশে মেয়ের অভাব নেই।

—বাক গে—একটা কাগজ দে।

—কাগজ ?

—ইঁা যদিও তোমার সঙ্গে একমত হতে পারলাম না, তবু বিবাহের বাসনাই এখন নেই তখন তিন বার লিখে, নামটা সহি করে দিই।

শুভেন্দু চলে যাওয়ার পর, ছোটবেলার ছবি আঁকার অভ্যাসটা পরাগকে পেয়ে বসল। একটা স্কুলমাষ্টারি যোগাড় করে, সে শিল্প-সাধনার মন দিল। ছুটির সময়ে দেখে বেড়াতে লাগল, ভারতীয় নানা চিত্রকলার পাদপীঠ। বন্ধনহীন একা মানুষ, অল্প কিছুকালের একাধী সাধনায়, নামও হ'ল সামাগ্র। এক প্রদর্শনীতে অতি প্রশংসা লাভ করল, “বন্দান” নামে একটি ছবি। বাস্তবিকের বর দিচ্ছেন “দেবী ভারতী”। সামাগ্র সঙ্কিত অর্থের সঙ্গে ধারণ করে, শিল্পপিপাসু পরাগ ছুটে গেল গ্রীস, রোম, প্যারিসে।

—ইতিমধ্যে তিন বছর বিলেতে কাটিয়ে, শুভেন্দু যখন ফিরে এল, পরাগ তখন বাইরে। দেশে ফিরে এসেছে, সেই একই পরি-হাসপ্রিয় শুভেন্দু, কিন্তু অল্প দিকটা একেবারে উদাসীন ও নিস্পৃহ। তার পক্ষে এটা বিশেষ পরিবর্তন। দেশে আসার পর আরও বদলে গেল সে। যেদিন দেশ ছেড়ে দূর বিদেশে যাত্রা করে, সেদিনও স্থিরভাবে ছেলেকে বিদায় দিয়েছিলেন সুপ্রভা, দেবদেবীর নাম উচ্চারণ করতে করতে ফোটা ফোটা চোখের জল ফেলেছেন, আর মুছেছেন মহামায়া। শুভেন্দুর চিঠি এলে প্রতি ছত্র, ছ'বার করে পড়েছেন মহামায়া, ছেলের কুশলটুকু ছাড়া আর কিছুই শুনতে চান নি সুপ্রভা। কিন্তু প্রবাস থেকে ফিরে যেদিন কাছে এল, প্রণাম করে মাথা তুলবার আগেই ছেলেকে বুকের মধ্যে জড়িয়ে ধরলেন সুপ্রভা, মাথাটা গভীর ভাবে চেপে, পিঠের উপর হাত রাখলেন। এই প্রথম, শুভেন্দুর সজ্ঞানে মায়ের বুকে মাথা রাখা, মায়ের আদর পাওয়া। এক মনোবিচারের ফলে, শিশুকালে যাকে দূরে রেখেছিলেন, নিজের যৌবনকালে, জপতপের কঠোরতার ষাকে কাছে টেনে নেন নি, বয়ঃপ্রাপ্তির পর সেই ছেলে যখন চোখের সামনে থেকে চলে গেল, তখন সুপ্রভার সমস্ত মাতৃহৃদয় কি বেদনায় হাহাকার করত? মনে পড়ত বারে বারে কাছে আসা সেই বালক-পুত্রকে, নইলে এত সহজে এত দিন পরে কেমন করে কাছে টেনে নিতে পারলেন। মায়ের জীবনধারণের বিশেষ পরি-বর্তন দেখা না গেলেও ছেলের মথোকার পরিবর্তন সহজেই ধরা গেল।

এসেই একটা প্রোফেসারি পেয়েছে শুভেন্দু। লাইব্রেরী সাজিয়ে নিয়ে পড়াশোনায় ব্যাপৃত রইল সে। মহামায়া ব্যস্ত হয়ে উঠলেন বিষে দেবার জগ্ন। তাঁর বয়স হয়েছে। মায়ের যা মতিগতি, তাতে তিনি যদি একে সংসারী না করে যান ত এ সংসার ভেসে যাবে। কত সঙ্ক এল, ফটো এল, শুভেন্দু নির্ধিকার। মহামায়া বকে যান শুভেন্দু বই নাড়ে, পড়ে আর হাসে। কেমন শান্ত আর উদাস। সে ছবস্ত, আবেগপ্রবণ শুভেন্দুকে আর খুঁজে পান না মহামায়া। বরং তাকে, সকালে বিকালে, সময় পেলেই দেখা যার ছুঁ ছেলের মত উকি দিচ্ছে মায়ের ঘরে, ওর দিকে চেয়ে একটু হাসবেন, কিংবা কাছে এগিয়ে বলবেন, কি যে কলেজ যাবি না, খুশী হয়ে চলে আসবে ছোট ছেলের মত। মহামায়া কিন্তু স্পষ্ট কথা শুনতে চান।

—তুই বিয়ে করবি কি না বল?

—বারে মেয়ে পছন্দ না হলে কি করব।

—দস্তবাড়ীর মেয়ের কটোটা দেখেছিস, তোব ছোট পিসীর ভাসুরঝি অমুভা ত খাসা দেখতে।

—ওই আহ্লাদী পুতুল, ওকে ত শো-কেসে রাখাই ভাল।

মা ত আগেই সন্ন্যাসিনী হয়েছেন, তুমিও সন্ন্যাসী হও, আমার ভায়ের বংশটা লোপ পাক, এত বড় বড়ীঘর, যাও আর চারটি চেলাচামুণ্ডা যোগাড় করে থাক তোমরা। আমি কিন্তু এবার তোব মেজ জ্যেষ্ঠার কাছে এলাহাবাদ চলে যাব, বলে রাখছি থোকা।

মহামায়াকে তুষ্ট করতে, ওদের বড়ীর বীতি অমুযায়ী, নিজেই হ'একটি মেয়েও দেখল, কিন্তু কোন মেয়েকেই পছন্দ হ'ল না তার, সেটা মেয়েদের রূপ গুণ ইত্যাদির জগ্ন নয়, ভালই লাগল না তার। মনে হচ্ছিল, পরাগ থাকলে এই সময়ে উপকার হ'ত। যে শুভেন্দু একদা মেয়েদের একটু সঙ্গলাভের জগ্ন নানা কাণ্ড করে বেড়িয়েছে, আজ যৌবনকালে নিস্পৃহ হয়ে গেছে সে। বালক-বয়স উত্তীর্ণ হওয়ার কালে মেয়েদের সঙ্গে পরিচিত হওয়ার প্রাথমিক চকলতা—সেটা তার বঞ্চিত বালকচিত্তের অল্প প্রকাশ মাত্র। অপবিসীম পিপাসা নিয়ে ছুটে গিয়ে কেবলি অতৃপ্ত হয়ে ফিরেছে, অথচ সে মনের খবর ছিল তার নিজের অজ্ঞাত। মায়ের স্নেহের এতটুকু স্পর্শই পূর্ণ হয়ে গিয়েছে সেই মন। শিশুর মতই হামাগুড়ি দিয়ে ফিরে ফিরে আসছে মায়ের কাছে, তাই যৌবন যেন ঘুমিয়ে গেছে তার।

আজকাল তেতলার সুপ্রভা নেমে আসেন প্রায়ই দোতলার শুভেন্দুর কাছে। এখানেও চারিদিকে বই মাসিক পত্র ইত্যাদি, তার মধ্যে শুভেন্দুকে দেখে বিস্মিত হন। এত সব বই পড়ে নাকি সে, নিজের ঘরে বন্দী থেকে বাইরের অনেককিছুই অজানা তাঁর কাছে। ছোট মেয়ের মত তাই প্রশ্ন করেন—এই বইটা তোব পড়া। ওটা কি বিষয় নিয়ে লেখা। বিষয়ের নাম শুনে অবাক বনে যান। কোনদিন ছেলে বলে—

—একটা কবিতা পড়ব, শুনবে মা।

—ইংরিজী?

—তা হোক, শোন, পরে তোমায় বুঝিয়ে দেব।

শুভেন্দু পড়ে যার খানিকটা, তার পরে মার মুখের দিকে চেয়ে হেসে পড়া বন্ধ করে, অবাক বিষ্ময়ে বড় বড় হয়ে উঠেছে মায়ের চোখ, এমনি জলের মত ইংরিজী পড়তে পারে থোকা।

—ভাল লাগছে?

ছেলেমানুষের মত মাথা হেলিয়ে ‘হ’ বললেন সুপ্রভা।

এদিকে অভিভাবক-অভিভাবিকাদের যাতায়াত শুরু হয়েছে বাড়ীতে। অস্থির হয়ে উঠেছেন মহামায়া। এই নিয়ে কথা হত সুপ্রভার সঙ্গে—তোব ছেলেকে বিয়ে করতে বল ছোটবোঁ।

—আমি? আপনার কথাই রাখছে না সে।

বিয়স্ত হয়ে উঠেন মহামায়া—মাথাকে মা সে, বলেই খালাস। ভগবান তোকে মা করেছিলেন কেন? ও না বলেছে তবে আর কি—বলি সবাই মিলে বললে তবে ত ওর মনটা ভিজবে। সুর নরম করে বলেন, যতই হোক তুই মা, তোমার কথা কি ফেলতে পারবে, আমার কথা না হয় হেসে উড়িয়ে দেয়, তোমার কি মায়া হয় না ছেলের জন্তে, শুধুই স্বামীর জন্তে শোক, পুত্র কি কেউ নয়।

এত কথাই মধো, একটি কথাই সুপ্রভার মনে দাগ কেটেছিল, 'যতই হোক তুই মা'। কলেজ থেকে ফিরে ইজি চেয়ারে বসে বই দেখছিল, সুপ্রভা এসে দাঁড়ালেন ছেলের কাছে। বইটা রেখে, গা এলিয়ে দিল শুভেন্দু। ছাব্বিশ বছরের পরিপূর্ণ যৌবন পুত্রের দিকে অবাক হয়ে দেখলেন সুপ্রভা। কৈ এমন করে ত কোন দিন দেখেন নি তিনি। কাছে এগিয়ে এসে তার ঘন চুলে ভরা মাথায় হাত রাখলেন। বড় হয়ে গেছে ছেলে তাঁর, এই আনন্দের মধোও একটা দুঃখের অনুভূতি হচ্ছিল তাঁর মনে। ছেলের কাছ থেকে সরে গিয়ে, ঘরটার মধো এলোমেলো একটু ঘুবে, আবার সামনে এসে দাঁড়ালেন।

'বস না মা', পাশের চেয়ারটা হাত বাড়িয়ে টেনে দেয় ছেলে।

না বসে, আবার ছেলের মাথায় কাছে আসেন, এবার ঘন চুলের মধো আঙুল নেড়ে নেড়ে আদর করার ছলে আশ্বে আশ্বে বলেন, "তোকে আর একা মানায় না খোকা।"

'খোকা'—একটি ডাক, শিউরে ওঠে শুভেন্দু, হাত বাড়িয়ে নিজের মাথার উপর মায়ের হাতটি চেপে ধরে। একটু ধেম্বে বলে, 'আচ্ছা মা, তোমার কথা রাখব।'

চলে আসছিলেন সুপ্রভা, ছাব্বিশ বছরের ছেলে, ছ'বছরের মত আবদার ধরে—একটু বস না মা। সামনে-বসা মায়ের দিকে তাকিয়ে মাকে ছেলের নতুন মনে হয়। নিরাভরণা শুভবেশা—অকাল বৈধব্যের আড়ালে এক চিরবিষাদের প্রতিমূর্তি। মা যেন একটি ছোট বালিকা, শুভেন্দুর চেয়ে অনেক ছোট। বড় মায়া হয়, সেই বালিকাটির জন্তে, মায় জন্তে। মা চলে যাওয়ার পরও, অনেক-ক্ষণ পর্যন্ত শুয়ে শুয়ে ভাবছিল মায় কথা। অপূর্ব মমতা বোধ হচ্ছিল মায় জন্তে, কি করলে আনন্দ দেওয়া যায় তাঁকে, এই ভেবে মনে মনে অস্থিরতা বোধ করছিল সে।

এই ঘটনার পর দুটি দিন মাত্র পার হয়েছে। একদিন শুভেন্দু জোর করে মাকে দক্ষিণেশ্বরের মন্দিরে নিয়ে গিয়েছিল। আর এক দিন সুপ্রভা অনেক গল্প করেছেন ছেলের সঙ্গে। নন্দদের অকুণ্ঠ প্রশংসা করেছেন। মাকে গল্প করতে দেখাও আশ্চর্য, পিসীমায় প্রশংসা করা ত ততোধিক, কারণ পিসীমা ত, মাকে গালাগালি না দিয়ে জসগ্রহণ করেন না প্রায়। এই দুটি দিন কেমন কেটে ছিল সুপ্রভার? ছেলের মুখের দিকে ভালভাবে তাকাতে পারেন নি। নিজের নিষ্ঠুরতার কথা যত মনে হয়েছে ততই এক অব্যক্ত যন্ত্রণা বোধ হয়েছে, বারে বারেই তাঁর আশেপাশে এসে দেখা দিয়েছে বালক শুভেন্দুর মুখ। স্পষ্ট ধারণা হয় না, তবু যেন বোঝা যায়।

যুবক ছেলের মুখ দেখে মনে হয়েছে, শুভেন্দু নয় ও যেন নবেন্দু, আবার নবেন্দুর কটোর সামনে দাঁড়িয়ে লক্ষ্য করতে করতে দেখেন, শুভেন্দুর ছায়া ছবির সারা মুখে।

তিন দিনের দিন, সকাল সাড়ে আটটা ন'টা হবে, শুভেন্দু দ্বিতীয় বারের চা খেয়ে কাগজ দেখছে, মায়ের দাসী বকুল হাঁপাতে হাঁপাতে আসে—শীগগির আশ্রয় দাদাবাবু, মা যেন কেমন করছেন আসন ছেড়ে উঠতি যাচ্ছেন, পারছেন না, চোখ দেখে ভয় লাগতিছে—আপনি যান, আমি পিসীমাকে নীচ থেকে ডাকি।

শুভেন্দু ছুটে উপরে যায়—শ্যামসুন্দরের সামনে আসনে বসে, ফুল সাজাতে সাজাতে মাথা টলে ওঠে, একটু বেকে সামনে গেলেও, সেই অবস্থা থেকে উঠতে পারছেন না, চোখ দুটা কপালে ওঠা নামা করছে, অতি গৌর বর্ণ নীলাভ হয়ে এসেছে, শুভেন্দু যেতে যেতেই আরও বেকে পড়েছেন, মুখ দিয়ে অল্প অল্প ফেনা বার হচ্ছে। দুহাত দিয়ে মাকে তুলে ধরে কোলে করে পাশেই শোয়ার ঘরে পালকে শুইয়ে দিল। মহামায়া এসেছেন, তেত্রিশ বছরের পুরনো চাকর গিবিধারী ডাক্তার আনতে চলে'গেল। শুভেন্দু ভেবেছিল, বোধ হয় ফিট হয়েছে, কিন্তু মহামায়া বুঝেছিলেন, তাঁর ডাক এসেছে, আরও ঘণ্টাদশেক বৈচে ছিলেন, কিন্তু একটি কথাও উচ্চারণ করতে পারেন নি সুপ্রভা, বড় বড় হয়ে ওঠা অস্থির চোখকে হ'একবার স্থির করতে চেষ্টা করেছেন শুভেন্দুর দিকে। ওইটুকু আদেশ বা অনুরোধ, পিসীমায় কথা রেখ। মায়ের মৃতদেহের উপর থেকে অস্থির শুভেন্দুকে জোর করে তুলে নিতে হয়েছিল। মহামায়া ভাবছিলেন মাকে এত ভালো ও কবে থেকে বাসল যে আজ তিনিও শাস্ত করতে পারছেন না।

মায়ের শেষ কাজ সারা হ'ল, শুভেন্দুর জীবনেও নতুন অধ্যায় শুরু হ'ল। সমস্ত বাড়ীটা খাঁ খাঁ করে। তেতলায় একটি ঘরে থেকে কি করে সারা বাড়ীটাকে ভরে বেখেছিলেন সুপ্রভা। অসহ্য হয়ে উঠল মহামায়ার—যে সুপ্রভার সৃষ্টিছাড়া শোকের জন্তে, জপ-তপের ঠেলায় 'ভগবান নামলেন বলে' ইত্যাদি কটু মন্তব্য করা তাঁর নিত্যকার কাজ ছিল, সেই সুপ্রভাকে কি তিনি এত ভাল-বাসতেন! এই বাড়ী, এই সংসার বা তাঁর বৃক্কের যন্ত্রের চেয়েও প্রিয়, সে সংসারে অনাসক্তি এসে গেল সুপ্রভার অবর্তমানে। তবে সুপ্রভার জন্তে দুটি কাজ তিনি করেছিলেন, বার-ব্রত, গীতা-ভাগবত পাঠে বাধা দেন নি কখনও, আর পূজা-আর্চনায় যতই বেলা হোক তাঁকে সঙ্গে না নিয়ে নিজে খান নি। সুপ্রভার উপর যাগ করে তাঁর পূজার ঘর মাড়াতেন না প্রায়, আজ তার ফেলে-যাওয়া ঠাকুর-দেবতার পূজার ব্যবস্থা করতে করতে কেবলই ঝাটল দিয়ে চোখ মোছেন।

'আমি আর টিকতে পারছি না খোকা, এই কালাশৌচ গেলেই, তুই বিয়ে কর'। টিকতে পারছে না যেন কেউ। বাদেব সঙ্গে

সুপ্রভাত কোন যোগ ছিল না, তারাও ; চাকর গিবিধারী দাহোয়ার ডুখালী, ঠাকুর ভৈরব, সরকার মজুমদার মশায়, ড্রাইডার হুর্গাবাবু, দাসী নন্দর মা, বকুল সকলেই যেন এক নীরব শূন্যতা বোধ করে। শুভেন্দু অনেক সময় মাঘের খালি ঘরে গিয়ে একদৃষ্টে তাকিয়ে থাকে বাবার ছবিটার দিকে। বৃক্কের মধ্যে টনটন করে ওঠে, মার জীবিতকালেও বৃক্কি এমন করে ভালোবাসতে পারে নি তাঁকে, এর মধ্যে কেবল মনে হয়েছে পরাগ থাকলে ভালো হ'ত। অস্তুরে একাকিত্ববোধ তাকে চঞ্চল করে তুলত, মাঝে মাঝে মাঝে ইচ্ছা হ'ত কোথাও চলে যায়, কিন্তু মহামায়া ত আছেন। এমন সময়ে এল পরাগ। পরাগের মনে এখন শিল্পসাধনার পিপাসা— তিন-চার মাসের মধ্যেই একটি স্বলারশিপ যোগাড় করে আমেরিকা পাড়ি দিল। যাওয়ার আগে শুভেন্দুকে বিবাহ করবার জ্ঞা বিশেষ অনুরোধ করে গেল। তার অল্প কয়েকদিনের সঙ্গ শুভেন্দুকে অনেকটা শান্ত করেছিল।

সপিণ্ডীকরণ সারা হ'ল। মহামায়া আর দেখি করলেন না, শুভেন্দুর বড় মামা একটি সন্ধক পাঠিয়েছেন, মেদিনীপুরের এক সম্ভ্রান্ত জমিদারঘরের মেয়ে, মেয়েটি রূপে গুণে লক্ষ্মী। উনি ওখানে ডেপুটি থাকা কালে অনেকবার গেছেন তাদের বাড়ী, কুটুখ ভালই হবে মহামায়ার। বন্ধু বিমানকে সঙ্গে করে মেয়ে দেখতে গেল শুভেন্দু। রূপার ডিবে হাতে করে আসা মেয়েটিকে দেখে মুগ্ধ হয়ে গেল বিমান। অল্প গৌর আর স্বল্প শ্রামলতায় মেশানো রং, কিন্তু এমন দেহ-সৌষ্ঠবের কাছে রঙের প্রয়োজন হয় না। নিখুঁত ভাবে গড়ে তোলা স্মিত মুখশ্রী। সেই মুহূর্তেই বিমানের মনে হ'ল, এ মেয়েকে যেন শুভেন্দুর পাশেই মানায় কেবল। শুভেন্দু কিছুই দেখেনি, না রং না গঠন। সবটা মিলিয়ে সে দেখেছিল, নন্দিতার ছবি একটি। ফেরার পথে চূপ করে শুনেছে, বিমানের মুখে বিশেষণ যোগ-কর; প্রশংসাগুলি, হেসেছে মাত্র। বাড়ী আসতেই অসংখ্য প্রশ্ন করেন মহামায়া—কেমন রং, তোমার মত হবে ?

উত্তর দেয় না শুভেন্দু। বিমান বলে ওঠে, না—না—রং শুভোর চেয়েও চাপা তবে কালো নয়, একেবারে অজস্কার ছবি পিসীমা। ও আপনি মত পাঠিয়ে দিন, শুভোর খুব পছন্দ হয়েছে—নিজের সাক্ষ মত প্রকাশ করে বিমান। সব কথাগুলি নিয়ে এলোমেলো চিন্তা করে শুভেন্দু। না রং সে ইকম নয়, তবু যেন ভাবের সমতা আছে তেমনিধারা, হাঁ বেশ প্রশান্তি আছে, সব চেয়ে ভাল, সাদাসিধে ভাব। অল্প কোথাও নয়, ঐ মেয়েটিকেই বিয়ে করবে সে। মত পাঠাবার পর থেকেই যতই মনে পড়েছে, শান্ত ছবিটিকে, ততই ভালো লেগেছে মনে মনে।

আবার ভরে উঠেছে বাড়ীটা, একটি মানুষের আগমনে, লোয়ার সাকুলার রোডের এত বড় বাড়ীটার প্রতিটি কোণে আনন্দের স্রোত বয়ে চলেছে। বৌয়ের নাম 'অক্ষয়হাসি' সংক্ষেপে হাসি। পরিহাস-প্রিয় শুভেন্দু তাকে বলে, হাসিকান্না, আবার মাঝে মাঝে, একটু বদলে নিয়ে বলে—'হীরে-পান্না'। তবে সেটা তার বিশেষ আদরের

ডাক। একটি মানুষ হাসিখুশিতে সবাইকে ভরে দিয়েছে। বকুলই হাসির কাজ করে, হাসির ঠাসা চুলের গোছা ধরে যখন বিছুনি করে দেয় বকুল পাশে বসে, টেটতোলা চুলে-ঘেরা মুখখানিকে দেখেন মহামায়া। তাঁর সযত্নে মাখানো কাঁচা হলুদ, বাদামবাটা, সর ময়দা দিয়ে মাজা রং দিনে দিনে ঝকঝকে হয়ে উঠেছে। সমস্ত একাকিত্ব বুটে গেছে শুভেন্দুর। ধীরে ধীরে ম্লান হয়ে গেছেন সুপ্রভা। মিলিয়ে গেছেন হাসির মধ্যে, যাওয়ার আগে উদাসীনকে ভালবাসতে, দূরত্বকে শাস্ত হতে শিখিয়ে গেছেন সুপ্রভা। তাই শুভেন্দুর ভালবাসা, ধীর গভীর।

আবার ছ'বছর পার হয়ে গেল, এর মধ্যে মহামায়ার সঙ্গে এবাড়ী ওবাড়ী বেড়াতে গিয়ে হাসি শুনেছে শুভেন্দুর বিষয়ে অনেক কথা। কোন মিলির জন্তে সে পাগল হয়েছিল, কোন শোভার সঙ্গে যোজ দেখা করত। কোন কোন হিতৈষিনী হাসিকে সাবধান হওয়ার উপদেশও দিয়েছেন। হাসি চূপচাপ, একটি কথাও বলে নি শুভেন্দুকে। হাসি সেই জ্বালের মেয়ে, যারা নিজেরাই ভালবেসে জয় করে নেয় সব।

সেদিন শুভেন্দু খুব খুশী—পরাগ আসছে, হাসি।

হাসির হাসি পেয়ে গেল—আচ্ছা নাম বাপু তোমার বন্ধুর, আমরা ছোটবেলায় পড়েছি, ফুলের মধ্যে থাকে পরাগকেশর।

—ঠিক বলেছ...কেশর নয়—কুশারী, আমার প্রিয় বন্ধু পরাগ কুশারী তিনি। ছ'এক দিনের মধ্যেই আসছেন।

পরাগের বাড়ীর কাছেই বিমানের বাড়ী তাই তার সঙ্গে আগে দেখা হয়—'জানিস শুভো একেবারে বদলে গেছে। আর ওর বউ—চমৎকার চেহারা, ঠিক যেন অজস্কার ছবি, মানুষটা আরও ভাল।' খুব খুশী হয় পরাগ। বিকেলে হুজনেই আসে শুভেন্দুর বাড়ী। হৈ হৈ করে উঠল শুভেন্দু, সকলকে টেনে নিয়ে এল দোতলায়। হাসিকে দেখে অবাক বিমুগ্ধ হয়ে গেল পরাগ, শুভেন্দুকে আবার একনজর দেখে নিয়ে বলল, সত্যি বিমানের উপমা মিথো নয়, শুভোর পাশে আপনাকে অজস্কার ছবিই বলা যায়। শিল্পীর সপ্রশংস দৃষ্টি থেকে লজ্জিত হয়ে সরে যায় হাসি।

শুভেন্দুর বাড়ী বিমান আর পরাগের অব্যাহত স্বাধ, বিমান উকিল মানুষ, ছটি ছেলের বাবা, ঘোর সংসারী প্রয়োজন ভিন্ন আসে না। পরাগ এখন বেকার, কি যে করবে তাই ঠিক করে নি এখনও। ছাত্রজীবনেরই মত সকাল বিকাল শুভোর কাছে আসা তার নিয়মিত কাজ হ'ল। এবারকার আকর্ষণ কিন্তু শুভেন্দু ছাড়াও আর একজন। পরাগের প্রশস্তি-উজ্জ্বল চোখের মধ্যে মাঝে মাঝে ঝলকে উঠে, অল্প আর একটা দৃষ্টি। হাসির ভাল লাগে না। শুভের গল্পকথার আসরে অনেক পরে উপস্থিত হয়ে বোধ করেছে এক জনের মন তার উপস্থিতির আশায় উদগ্রীব হয়ে ছিল। ভারি বিজ্ঞী লাগে হাসির। মাঝে মাঝে নিজে না গিয়ে চাকর দিয়ে চা জলখাবার দেওয়াতে লাগল। কিন্তু প্রতিদিনই পরাগ যাওয়ার

আগে শুভেন্দু ডেকে পাঠাবে। এমনি কয়েক দিন কাটার পর, পরাগ চলে যেতেই, শুভেন্দু বলে উঠে—বেচারী পরাগ, তোমাকে দেখে মোহিত হয়ে গেছে, আর শুধু রূপে নয়, গুণেও। রাগ কর কেন ভারি প্রশংসা করে তোমার; আমার মত মানুষকে শাস্ত করে কেলেছ এইটাই ওকে বেশী স্পর্শ করেছে। অকরণ হয়ো না দেবী, শিল্পীমানুষ দেখলই বা অজস্র ছবি।

হাসি অবাক হয়ে যায়, তাহলে শুভেন্দুও বুঝেছে, আরও বেগে উঠে সে। ‘ওঃ! আমি একটা দেখবার জিনিস হলাম। কাল থেকে আমি কিন্তু তার সামনে যাব না—বলে দিলাম।’

কে শোনে—শুভেন্দু ঠিক ডেকে পাঠায়, আবার পরাগের সামনেই বলে, ‘বুঝি পরাগ “হীরেপান্না” তোর ছবির বেজায় ভক্ত, আমার ভয় হচ্ছে যে, কবে তোর ভক্ত হয়ে পড়বে’। এমন মানুষকে নিয়ে কি করবে হাসি। তার চেয়ে চা জলখাবার দিয়ে দুটো কথা বলে আসা অনেক ভাল।

শ্রীম্ম-বর্ষা শরৎ-হেমন্ত শীত-বসন্ত আবার ঘুরে গেল। পরাগ কোন কাজই যোগাড় করে নি, ছবি আঁকে, কিছু বাজে কাজ, ডিজাইন নক্সা ইত্যাদি করেই চালাচ্ছে চলছে তার নিত্য যাওয়া, আসা। এই নিয়ে আজকাল হাসি শুভেন্দু দু’জনের মধ্যে কোঁতুকও চলে, সহজ হয়ে গেছে হাসির মন। ‘আচ্ছা তোমার বন্ধুর জেঞ্জি একটা বাজা টুকটুক বোঁ যোগাড় করে দাও না, কেমন বন্ধু তুমি।

—সখি, কথাটা কি মনের থেকে বলা হচ্ছে?

—মানে?

—মানে স্ত্রীলোক হয়ে এ বকম ভক্ত হাবানো।

—কাল কিন্তু আমি ঠুকে মুখের উপর বলে দেব।

—আহা রাগ কর কেন, ওই না হয় তোমার ভক্ত হয়েছে, তুমি ত আর এ অধমকে ত্যাগ কর নি।

—তোমার রাগ হয় না।

—একটুও না। বরং ভাল লাগে, আমার মত ভাল যদি বাসতে, তা হলে বুঝতে ভালবাসার লোককে যে ভালবাসে, তাকেও কত আপন মনে হয়।

—বৈষ্ণবের অবতার তুমি। ঝাঝিয়ে উঠে হাসি।

—তোমার কি করুণাও হয় না।

—না—না—না।

মুখে না বললেও করুণা কথাটাই ভাবে হাসি। আজকাল তাই অনেক সময় শুভেন্দুর অনুপস্থিতিতে যদি এসে পড়ে, গিয়ে দুটো-একটা বলে হাসি। তার ছবির প্রশংসা করে। ধুগ হয়ে যায় পরাগ, পরাগের গভীর দৃষ্টির সামনে থেকে শাস্ত ভাবে সরে যায় হাসি। দিনের পর দিনের নীরব নিবেদন, এত দিনে একটু করুণা আকর্ষণ করে। শুভেন্দুর সঙ্গে এই নিয়ে ঠাট্টা করতে গিয়ে, এত দিনে খেঁচ খেঁচ করে যেন একটু বাজে হাসির। আজ চার-পাঁচ দিন পরাগ আসে নি—হাসিই বলল, হ’ল কি ভুললোকের?

—মন কেমন করছে নাকি।

—করছেই তো, সন্ধান কর ভক্তপ্রবরের।

—বেশ অতাই যাইবে দাস।

হাসি না বললেও শুভেন্দু আজ যেত। জেনে এল বিশেষ কাজে হঠাৎ বোম্বাই গেছে পরাগ, কয়েক দিন পরে কলেজ থেকে ফিরে দেখে, নীচেকার ঘরের টেবিলের পরাগের চিঠি। “ভেবে-ছিলাম, অপেক্ষা করব, পাবলাম না। বেশ জ্বর বোধ করছি, দেখা করিস।”

উপরে এসে জিজ্ঞাসা করল—পরাগ কখন এসেছিল?

—ওমা জানি না ত, এসেছিলেন বুঝি, খবর দেন নি তো। চিঠিটা দেখাল শুভেন্দু। তাই বোধ হয় দাঁড়ায় নি, লিখে রেখে চলে গেছে।

শুভেন্দু দেখে এল পরাগকে। বেশ জ্বর, ক’দিনের যাতায়াতে অসুস্থ হয়েছে বেশী, পেটে একটা ব্যথা। দু’দিন দেখে এসে বলল, অসুখটা ভোগাবে পরাগকে। তুমি ওর খবরের জ্ঞান বাস্তব থাক বলায় খুব খুশী। অসুখটা মতিই জটিল। জ্বরও ছাড়ছে না, ব্যথাও কমছে না। সেদিন শুভেন্দু বলল, পরাগকে দেখতে যাবে। চল না, ভারি খুশী হবে তুমি গেলে।

—আমি?

—দোষ কি, আজই বিকেলে, কেমন।

হাসিকে দেখে, অসুস্থ অবস্থার মধ্যেও উচ্ছসিত হয়ে উঠল পরাগ। দিদির বাড়ীতে থাকে সে। দিদিকে ডেকে চা খাবার দিতে বলে বাস্তব হয়ে উঠল। শুভেন্দু মাঝে মাঝে বিমানকে ডেকে আনে, মানে গাড়ী নিয়ে গিয়ে ধরে আনে। সেদিনও হাসিকে বেথে বিমানকে নিয়ে এল। কয়েক ঘণ্টা বেশ কাটল গল্প করে। হাসি দেখল, বেশ রোগা হয়ে গিয়েছে পরাগ, কিন্তু তার উজ্জ্বল বড় বড় চোখ যেন দপদপ করছে তবু। এর পর, পর পর দু’দিন গিয়েছে হাসি। তিন দিনের দিন, মহামায়ার সঙ্গে কোথায় যেতে হবে অজুহাতে গেল না আর।

কেমন যেন লাগে তার। পরাগ তাকে কিছু বলে না, তবু লাল হয়ে যায় তার মুখ। হাসির দিকে চাইতে যাওয়া চোখ, জোর করে ফেরায় শুভেন্দুর দিকে। শুভেন্দু সব বোঝে, তবু—হাসির সব রাগ গিয়ে পড়ে তার উপর। ওর জেঞ্জি তো সাহস পায় পরাগ, “অসভ্য”—ভাবতে গিয়েই নিজের অজ্ঞায় বুঝতে পারে। ছিঃ ছিঃ এ কি ভাবছে সে! কি ভক্ত, কি সংসৃত, তাও তো হাসির অজানা নয়! হাসি ঠিক করল, আর যাবে না সে, দুবে থাকাই ভাল। ভুল ভেঙে যাবে ভুললোকের। ছেলের কথা, নানা ছুতো করেই হাসি গেল না আর। একটু ভাল আছে পরাগ। প্রতি-দিন জিজ্ঞাসা করে, হাসি এল না কেন। ছেলের কথা ছুতো, মহামায়াই আছেন—মাণিক, সোনা, কনক, কনকেন্দুকে নিয়ে। সেদিন জোর করেই হাসিকে নিয়ে গেল শুভেন্দু। তার পর ওকে বেথে গেল বিমানকে আনতে। হাসি ভেতরে ঝাঙ্কিল, পরাগ

বলল, আপনি এখানেই বসুন, আমি দ্বিধিক ডেকে পাঠাচ্ছি। আজকাল পরাগ ভাল আছে একটু। দ্বিধি তখন পরাগের জন্ত পধ্য তৈরি করছিলেন। আসতে একটু দেরি হবে, বলে পাঠালেন।

হাসিই কথা তোলে—আপনি এখন বেশ ভাল আছেন ?
—হ্যাঁ, ব্যাথাটা প্রায় নেই, তবে শেষ রাতে অবটা আসে।
—জর এখন আছে নাকি ?
—না এখন নেই।

—আপনি বেশ যোগা হয়ে গেছেন।
—তা হোক, তবু এ রোগের আমার প্রয়োজন ছিল।
হাসি ভেতরে যাওয়ার জন্ত চেয়ার ছেড়ে ওঠে।

—একটু বসুন।
—অত্যন্ত মিনতি-জড়ানো চোখ, হাসিকে বসতেই হ'ল।

প্রয়োজন ছিল বলেছি বলে কিছু মনে করবেন না। আমার দিক থেকে এইটুকুই বইল যে, “আপনি এসেছিলেন আমার দেখতে” আর কিছুই বলার নেই। আপনি এসেছিলেন, এই যথেষ্ট।

—পরাগবাবু, আপনি অসুস্থ।
—সেটা দেহে, মনে সম্পূর্ণ সুস্থ। এইবার সেরে উঠেই আমি চলে যাচ্ছি এখান থেকে। এখানে থাকা আমার পক্ষে সম্ভব নয়।

—কেন ? প্রশ্ন করে হাসি।
—তা আমি বলতে পারব না।
—আপনি না বললেও আমি জানি। বেশ উদ্বৃত্তভাবে বলে, আরও কড়া কথা বলতে গিয়ে থেমে যায়—এ রকম কঠোর, হাসি জীবনে শোনে নি, মুখ বন্ধ হয়ে যায় তার আপনা থেকে।

—আপনি শুভেন্দুর স্ত্রী, প্রত্যেক দিন নিজের কাছে ছোট হয়ে যাওয়ার যে গ্লানি তার জ্বালা অদৃশ্য হয়ে উঠেছে আমার কাছে। তবু আজ মনে হচ্ছে, আপনি যদি একটু এগিয়ে এসে কান পেতে শুনতেন ত অশ্রুভব করতে পারতেন—কার নাম, ওঠা-নামা করছে—রক্তের সঙ্গে বুকের মধ্যে। আমি শুভেন্দুর মত সবল নই। আমি জানি, কত দুর্বল আমি। এক সপ্তাহের মধ্যেই চলে যাব আমি। বোম্বাইয়ে একটা চাকরি পেয়েছি।

মুখের সমস্ত কঠোর কথাগুলো কোথায় হারিয়ে গেল। হাসিও কি দুর্বল হয়ে গেল ? উজ্জ্বল চোখ নামিয়ে আনল, পরাগের শান্ত চোখের উপর আরও শান্তভাবে। হাসির আলগা ভাবে ঝোলানো হাত দুটির দিকে একবার হাত বাড়াল পরাগ, একটি বারের জন্ত নিজের হাতে নিতে। পরক্ষণেই নিজেকে শক্ত করে ফিরিয়ে নিল নিজের হাতকেই। হাসি সামনের জানালার দিকে সরে গেল।

হাসি আর কিছুতেই যায় নি। পরাগের খবরও জিজ্ঞাসা করে নি। শুভেন্দু বুঝতে পেরেছে, খবর ও জানতে চায়। কিন্তু কেন এই সন্ধান, হাসিকে না জিজ্ঞাসা করে মনে মনে প্রশ্ন করেছে নিজেকে।

হাসি কি নিজেকে জানে না, হাসি কি শুভেন্দুকে বোঝে না।

না জাহুক সে, নিজেকে জানে শুভেন্দু, হাসিকে বোঝে। এর মধ্যে তিন দিন পার হয়ে গেল।

ব্যক্তিতে কথা হচ্ছে তরে তরে—পরাগ পরণ চলে যাচ্ছে।
—তাই বুঝি। আস্তে বলে হাসি।

—কেন, ও তোমার বলে নি।
টোক গিলে, কোনমতে বলে হাসি—না—না তো, বলেন নি তো।

একটু চুপ হ'লেনই।
—ও তোমার ভালবাসে, এটা সত্যি।

হাসি চুপ, স্থির। না রাগ না কোঁড়ক।
একটু মৌন হয়ে যায় শুভেন্দুও—“হীরেপান্না”।
শুভেন্দুর এ ডাকেও নির্বাক হাসি।
—কি ভাবছ।

—কিছু না। কোনমতে বলে হাসি।
—বাই ভাব, আমি জানি, এখন যদি কান পেতে শুনি তা হলে উপকার টেউরে যে শব্দই বাজুক না কেন, বুকের অতলে শুনতে পাব আমারই শুভ-ইন্দু নাম।

রোমাঞ্চিত হ'ল হাসি। সজোরে আঁকড়ে ধরল শুভেন্দুর বলিষ্ঠ বাঁহ, কিন্তু তাকে টেনে আনতে পারল না নাম শোনার জন্তে।

শুভেন্দুই টেনে নিল হাসিকে—চল হাসি, বেচারি পরণ চলে যাবে, কাল দেখা করে আসি।

—না।
—দোষ কি হাসি।
—দোষ নয়, আমি বাব না।

—না, তা নয়, ভাবছ যেতে পারবে না। আরও কাছে টেনে নিয়ে বলে, তোমার সবাই বলে অজ্ঞতার ছবি। সে ছবি আছে পাহাড়ের বুকের মধ্যে। তাকে দেখে লোকে মুগ্ধ হবে এ ত পাহাড়ের আনন্দ। একটা সত্যের জন্তে যদি তোমার মনে বেদনা জেগে থাকে, সে তো তোমার মহত্ব। বা তোমার মনে এসেছে, তা ক্ষণিকের আলোড়ন মাত্র। মিথ্যার সন্দেহ। আমি পাশে থাকতে ভয় কি হাসি।

আবার কি হ'ল হাসির ? কিসের সন্ধান, কিসের বিধা, শুভেন্দু থাকতে। অজ্ঞতার ছবি লুটিয়ে গেল পাহাড়ের গায়ে। নিজের সজ্ঞার মুখ লুকাল পরমাত্মীর বুকে।

সহজ, মুক্ত হাসি দেখতে গেল পরাগকে।
—সত্যি চলে যাচ্ছেন আপনি ? থাকুন না এখানে।
—তা হয় না।

—কেন হয় না, আমাদের মত বন্ধু কেলে যাবেন আপনি। পরাগের মনে হচ্ছিল—ঠিক শুভেন্দুর মত করে কথা কি ভাবে বলছে হাসি।

—ও চাকরি ছেড়ে দে, কোথায় বাবি, ছবি আঁক এখানে বসে।

আবার নিজের পরিহাসসূচক ভঙ্গিমায় শুভেন্দু বলে ওঠে—পরাগ, শিল্পীমন্দের আবেগ অজস্র হৃদিকে ক্ষয় করে না, অক্ষয়তাই দান করে।

নিমেষে যেন পরাগের সব অক্ষয় হুয়ে গেল। পরি-

হাসের আড়ালে কঠিন শুভেন্দুকে সে চেনে, কিন্তু তার এরূপ আলোর মত উদার, এ শুভেন্দু...

—শুভেন্দুর উচ্চ হাসির মধ্যে মিলিয়ে গেল পরাগের নির্মূল হাসি। হাসি এসে দাঁড়াল শুভেন্দুর পাশে।

সাধক কবিরঞ্জন রামপ্রসাদ

শ্রীপূর্ণেন্দু চট্টোপাধ্যায়

কলিকাতা হইতে মাত্র ছাষিশ মাইল দূরে ভাগীরথীতীরে হালিশহর নামক অতি প্রাচীন গ্রামটি অবস্থিত। হাবেলীশহর (যাহা হইতে হালিশহর নামের উৎপত্তি) একটি পরগণার নাম। পূর্বে ইহা নদীয়ার রাজবংশের অন্তর্গত ছিল। এই পরগণার কেন্দ্রস্থল ছিল কুমারহট্ট। কুমারহট্ট কালক্রমে পরগণার নামে হালিশহর বলিয়া পরিচিত হয়। এই গ্রামের শিবের গলি নামক পল্লীতে কবিরঞ্জন রামপ্রসাদ জন্মগ্রহণ করেন আনুমানিক ১৭২৩ খ্রীষ্টাব্দে। তাঁহার পিতার নাম রামরাম সেন। তাঁহার দুই বিবাহ, তন্মধ্যে প্রথমার গর্ভে নিধিরাম নামে এক পুত্র এবং দ্বিতীয়া পত্নী সিন্ধেশ্বরী দেবীর গর্ভে প্রসাদের সর্বাধিকার ভগ্নী অধিকা ও তাঁহার জ্যেষ্ঠা ভবানী দেবীর জন্ম হয়। তৎপর রামপ্রসাদ এবং তদমুজ্জ বিশনাথ জন্মগ্রহণ করেন। রামপ্রসাদের আদিপুরুষ রাজা শ্রীহর্ষ সেন চতুর্দশ শতাব্দীর একজন খ্যাতনামা চিকিৎসক ছিলেন। তদানীন্তন নবাব ফকিরুদ্দিন শাহের বেগমের হৃদরোগ্য মৃতবৎসা রোগ নিরাময় করিয়া তিনি সেনভূম প্রদেশের জমিদারী ও রাজা উপাধি প্রাপ্ত হইয়াছিলেন। ইনি ধনস্তরী গোত্রের কুলীন বৈজ্ঞ ছিলেন। রামপ্রসাদ পর্য্যন্ত তাঁহার বংশাবলী এইরূপ—শ্রীহর্ষ সেন—বিমল—বিনায়ক—ঘোষ—নারায়ণ—সাত্ত—সরণি—কুন্ডিলাস—বজ্রাকর—নিত্যানন্দ—জগন্নাথ—যত্নন্দন—রঞ্জন—রাজীবলোচন—জয়কৃষ্ণ—রামেশ্বর—রাম-রাম—রামপ্রসাদ।

রাজা শ্রীহর্ষ সেন হইতে রামপ্রসাদের প্রপিতামহ জয়কৃষ্ণের সময় পর্য্যন্ত সুদীর্ঘ তিন শতাব্দিক বংশের মধ্যে এই বংশ ক্রমশঃ বেশ দুর্দশাশ্রয় হইয়া পড়ে। জয়কৃষ্ণ তাঁহার জ্যেষ্ঠা কন্যাকে হালিশহরের জগদীশ দাসের সহিত বিবাহ দেন। সম্ভবতঃ জগদীশ পরলোকগত হওয়ার পর শ্যালক রামেশ্বরের অর্থকৃষ্ণ তার জ্ঞান তিনি তাঁহাকে হালিশহরে আনাইয়া বসবাস করান। তিনি এখানে আসার পর চিকিৎসাশাস্ত্র অধ্যয়ন করেন। রামপ্রসাদের পিতা 'মহাকবি গুণধাম' রামরাম বিষয়ক কিছু করিতেন না। পণ্ডিত-অধুষিত গ্রাম হালিশহরে বহু টোল ও চতুষ্পাঠী ছিল যেখানে সংস্কৃত ভাষার রীতি-মত চর্চা হইত।

শুক্লমহাশয়ের পাঠশালার শিক্ষা শেষ হইলে রামপ্রসাদ স্থানীয় এক চতুষ্পাঠীতে ব্যাকরণ, কাব্য, দর্শনশাস্ত্র অধ্যয়ন করিয়াছিলেন। তাঁহার পিতা পুত্রের জাতীয় ব্যবসায় কবিরাজী করিবার ইচ্ছা নাই জানিতে পারিয়া তৎকালীন অর্থকরী বিজ্ঞা পারশু ভাষা শিখিবার জ্ঞান এক মৌলবীর নিকট পাঠান। অসাধারণ প্রতিভা ও মেধাশক্তি থাকায় অল্প দিনের মধ্যেই তিনি ফার্সী, হিন্দী ও উর্দু ভাষা আয়ত্ত করিয়া ফেলেন। পিতার মৃত্যুর পর রামপ্রসাদকে চাকুরির চেষ্টায় কলিকাতায় আসিতে হয় এবং অল্পদিনের মধ্যেই এক জমিদারের অধীনে একটি মুহুরীর পদ লাভ করেন। এই জমিদারটি কে সে সম্বন্ধে মতভেদ আছে। কেহ বলেন ভূকৈলাসের রাজবাড়ীতে, কেহ বা বলেন গবানহাটার দুর্গাচরণ মিত্রের বাড়ীতে, আবার কেহ-বা বলেন বাগবাজারে দেওয়ান গোকুল মিত্রের নিকট রামপ্রসাদ কাজ করিতেন।

মুহুরীর জমাখরচের হিসাব রাখা কাজ তাঁহার ভাল লাগিত না। প্রতিদিন কার্যশেষে খাতার খালি স্থানগুলিতে দেবতাদের নাম ও স্বরচিত সঙ্গীত লিখিয়া রাখিতেন। মনিবের কার্য্যধক্ষ এই সব দেখিয়া বিরক্ত হইয়া কর্তার নিকট গিয়া তাঁহাকে কার্য্যচ্যুত করিবার জ্ঞান সুপাবিশ করেন। ধর্মপ্রবণ ভাবুক গৃহস্থামী—

আমায় দে মা তবিলদারী

আমি নেমকহারাম নই মা শকরী

এই গানটি খাতায় লিখিত দেখিয়া মোহিত হইলেন এবং রামপ্রসাদ যে সামান্য ব্যক্তি নহেন এবং তুচ্ছ মুহুরীগিরি যে তাঁহার উপযুক্ত কার্য্য নহে তাহা বুঝিলেন। প্রসাদকে ডাকাইয়া এই মুহুরীগিরি কাজে জীবন নষ্ট না করিয়া ব্রহ্মময়ীর চিন্তায় অবশিষ্ট জীবন অতি-বাহিত করিতে বলিলেন এবং আজীবন মাসিক ৩০ টাকা বৃত্তির ব্যবস্থা করিয়া দিলেন। কিন্তু পোষাবর্গ অধিক হওয়ার ঐ স্বল্প বৃত্তির দ্বারা কোন রকমেই স্বচ্ছন্দে সংসারযাত্রা নির্বাহ হইত না। সেজন্য শ্রী-পুত্র-পরিজনেরা সর্বদাই উপার্জনের নিমিত্ত তাগিদ দিত, কিন্তু তিনি সে বিষয়ে ক্রোধেরূপ করিতেন না, শুধু শক্তিতক্তি সার করিয়া ভক্তিপূর্ণ সঙ্গীতের দ্বারা মাকে স্মরণ করিয়া বলিতেন—

যখন ধন উপার্জন করেছিলাম দেশ বিদেশে,
তখন ভাই বন্ধু দারা স্মৃত, সবাই ছিল আমার বশে।
এখন ধন উপার্জন নাই, আমায় দেখে সবাই যাবে।

সেকালের সামাজিক রীতি অনুসারে অতি অল্পবয়সেই তাঁহার বিবাহ হইয়াছিল। তাঁহার ১৭.১৮ বৎসর বয়সের সময় ভাজনঘাট-বাসী লোকনাথ দাশগুপ্তের কন্যা যশোদা (মতান্তরে সর্বাণী) দেবীর সহিত তাঁহার বিবাহ হইয়াছিল। মা জগদম্বা একদিন পুণ্য-বতী সতীসাক্ষীকে স্বপ্ন বলিলেন—‘তোমার স্বামীকে রামকৃষ্ণ মণ্ডপের সিদ্ধপীঠে সাধন করিতে বল, তাহা হইলে আমি দেথা দিব।’ পত্নীর প্রতি মায়েয় এই প্রত্যাদেশে প্রসাদের যেমন আনন্দ হইয়াছিল তেমনি আবার অভিমানও হইয়াছিল। তাহার পরিচয় আমরা এই গানটিতে পাই—

ধন্য দারা স্বপ্নে তারা প্রত্যাদেশ তাবে।

আমি কি অধম এত বিমুখ আমারে। ইত্যাদি

হালিশহরের সার্বর্ণ চৌধুরী-বংশের রামকৃষ্ণ দ্বন্দ্ব সন্ন্যাসীভাবাপন্ন কঠোর তপসসাধক ছিলেন এবং তিনিই এই সাধনপীঠ প্রতিষ্ঠা করিয়া ছিলেন। এই সাধনপীঠ প্রতিষ্ঠা অতি দুর্লভ কর্ম। পঞ্চমুণ্ডীর আসন স্থাপন করিয়া সেই স্থানে লক্ষ বলি, কোটিবার হোম ও কোটি-বার মহাবিজার নাম জপ হইলে সেই স্থান সিদ্ধপীঠে পরিণত হয়। রামকৃষ্ণ বায় উপরোক্তরূপে সিদ্ধপীঠ স্থাপন করিয়া ঐ স্থানে সাধন করিতেন। পরে রামকৃষ্ণ বায়ের কোন উত্তরাধিকারী রামপ্রসাদকে উক্ত সাধনপীঠ সহিত ৮/০ বিঘা জমিও দান করিয়াছিলেন। প্রবাদ, এই সিদ্ধপীঠেই সাধন করিয়া রামপ্রসাদ সিদ্ধিলাভ করিয়া-ছিলেন।

যাঁহার বাক্যে ও কার্যে সামঞ্জস্য আছে সেই ব্যক্তিই প্রকৃত শ্রদ্ধাব পাত্র। রামপ্রসাদের তাহাই ছিল। স্ত্রী-পুত্র-কন্যাসহ গৃহীর জীবনযাপন করিয়াও বিরূপ নিলিখ্ত ভাবে সংসার করা উচিত তাহা প্রসাদ দেখাইয়া গিয়াছেন। পোষাদের প্রতিপালন-জন্ত তাঁহাকে বিষয়কর্মে প্রবৃত্ত হইতে হইয়াছিল বটে, কিন্তু তাহার মধ্যে কখনও ব্রহ্মমূর্খীকে ভোগেন নাই। মনিবের খাতায় টাকা জমার সঙ্গে সঙ্গে ধর্মধনসঞ্চয়ের কথাও তাঁহার মনে জাগরুক ছিল। আমরা যখন বিষয়কর্মে ব্যাপ্ত থাকি তখন কেবল পার্থক্য প্রভুর মনস্তপ্তির দিকেই লক্ষ্য রাখি, ভুলিয়াও একবার ঈশ্বরকে স্মরণ করি না। এখানেই আমাদের হীনতা বিশেষরূপে উপলব্ধ হয়।

রামপ্রসাদের গানের এমনই মোহিনী শক্তি ছিল যে, লোকের মুখে মুখে বঙ্গের প্রায় পল্লী, নগরে, সুদূর পূর্ববঙ্গে, ব্রহ্মটে এবং আসাম অঞ্চলেও তাহা প্রচারিত হইয়াছিল। এইভাবে মহারাজ কৃষ্ণচন্দ্রও লোকমুখে তাঁহার গান শুনিয়া মুগ্ধ হইয়াছিলেন। হালিশহরে জমিদারী কার্যাদির ওস্বাধানেব জন্ত তাঁহার একটি কাছারি-বাড়ী ছিল, আর ছিল তাঁহার প্রতিষ্ঠিত সুন্দর কারুকাব্যচিত্র দেবালয় এবং সুসজ্জিত রাজপ্রাসাদ। তিনি সময় সময় রামপ্রসাদকে আনাইয়া তাঁহার নিজস্বের সঙ্গীত শুনিতে ভালবাসিতেন। গুণ-

গ্রাহী কৃষ্ণচন্দ্র তাঁহাকে ১৭৫৮ খ্রীষ্টাব্দে এক শত বিঘা নিম্বর ভূমি দান করেন এবং “কবিরঞ্জন” উপাধিতে ভূষিত করেন।

রামপ্রসাদ অত্যন্ত অতিথিবৎসল ছিলেন। কোন দিন কোন অতিথি তাঁহার গৃহ হইতে বিমুখ হইয়া ফিরিত না। নিজের ভ্রাতা-স্ত্রী-পুত্রের আহার হোক বা না হোক সেদিকে তাঁহার দৃষ্টি ছিল না, যে ভাবে হোক অতিথিসেবা করা গৃহস্থের শ্রেষ্ঠ ধর্ম মনে করিয়া তিনি তাহাদের সাধামত সংকার করিতেন। একজ্ঞ তিনি জগন্নাথার নিকট প্রার্থনা জানাইতেন—

গৃহধর্ম বড় ধর্ম যদি হুঁজন অতিথি আসে,

হুঁজনের উপর তিন জন এলে হয় না যেন মুগ লুকাইতে।

রামপ্রসাদ কোন কোন গানে নিজকে “ভ্রঞ্জ প্রসাদ” বলিয়া পরিচয় দিয়াছেন। উপবীতধারী বলিয়া এই পরিচয় তিনি দিতেই পাবেন, কিন্তু রামপ্রসাদ চক্রবর্তী ও রামপ্রসাদ ব্রহ্মচারী নামে আরও দুই জন ছিলেন যাঁহারা কবিরঞ্জনের অনুকরণে গান রচনা করিতেন এবং ষিঙ্গ রামপ্রসাদ বলিয়াই পরিচিত ছিলেন। কিন্তু আমাদের এই প্রবন্ধের আলোচ্য বিষয় হালিশহরের সাধক-কাব কবিরঞ্জন রামপ্রসাদ।

রামপ্রসাদের রামহুলাল নামে এক পুত্র এবং পরমেশ্বরী ও জগদীশ্বরী নামে দুই কন্যা ছিল। তাঁহার রামমোহন নামেও একটি পুত্র হইয়াছিল। এই রামমোহনের বংশ অতাপি বিচলমান থাকিয়া রামপ্রসাদের বংশের নাম রক্ষা করিতেছেন। রামপ্রসাদ তাঁহার লেখার মধ্যে যে আত্মপরিচয় দিয়াছেন তাহাতে তাঁহার কনিষ্ঠ পুত্রের নামের উল্লেখ কোথাও দেখা যায় না। ইহার কারণ বোধ হয় “কবিরঞ্জন বিজ্ঞানসুন্দর” রচিত হওয়ার পরে রামমোহন জন্মগ্রহণ করিয়াছিলেন।

বৃদ্ধ বয়সে কবিরঞ্জন-জায়া অসুস্থ হইলে পল্লী-কবি আত্ম গোসাই বলিয়াছিলেন—

“তুমি ইচ্ছা সূখে ফেলে পাশা কাঁচায়েছ পাকা বৃটি।”

কনিষ্ঠ পুত্র রামমোহনের জন্মের পর রামপ্রসাদের—“এ সংসার ঘোঁকার টাটি” এই সঙ্গীতটি রচিত হইয়াছিল বলিয়া মনে হয়।

রামপ্রসাদের সাধনা ছিল ভক্তিমূলক। তাঁহার মন্ত্র ছিল গান। তাই তিনি গাহতেন—“সকলের মূল ভক্তি, মুক্তি হয় মন তার দাসী।” সংসারচিন্তা আবার যখন তাঁহাকে আস্থার কারণ তুলিত, ইষ্টচিন্তা ভুলাইয়া দিত তিনি মনকে প্রবোধ দিয়া বলিতেন—

চাকি কেবল ফাকি মাত্র

শ্রামা মা মোয় হেমের ঘড়া।

অল্পবয়সে রামপ্রসাদ কুলগুরু মাধবাচার্যের নিকট দীক্ষা লইয়াছিলেন, কিন্তু তাঁহার প্রকৃত শিক্ষা ও দীক্ষাদাতা ছিলেন তখনকার বিখ্যাত প্রগাঢ় পণ্ডিত ও তাত্ত্বিক কৃষ্ণানন্দ আগমবাগীশ।

রামপ্রসাদ ছিলেন মায়ের স্নেহের হুলাল। সেজন্ত মায়ের উপর তাঁহার বত জোর ছিল এত জোর আর কাহারও উপর ছিল না।

মাকে কখন আদর, কখনও আবদার, কখনও বা অভিমান, কখনও
আবার তীব্র স্নেহ করিয়া বলিতেন—

মা হওয়া কি মুখের কথা

এখন ক্ষুধার বেলা শুধালে না—

এল পুত্র গেল কোথা ।

অভিमानে বলিতেন—

মা মা বলে আর ডাকব না

ওমা দিয়েছ দিতেছ কতই যত্ননা ।

ছিলাম গৃহবাসী, করিলি সন্ন্যাসী,

আর কি ক্ষমতা ধর এলোকেশী,

(না হয়) ঘরে ঘরে যাব, ভিক্ষা মেগে খাবো,

মা বলে আর কোলে যাব না ।

আবার কখন তীব্র ভাষায় গাঙ্গি দিয়া গাণিতেন—

বড়াই করো কিসে মাগো ।

জানি তোমার আদিমূল বড়াই করো কিসে ॥

* * *

মাগী মিলে ঝগড়া করে রইতে নায়ে বাসে ।

মাগো তোমার ভাতার ভিক্ষা করে ফিরে দেশে দেশে ॥

তেমনি আবার মাব উপর অগাধ বিশ্বাস ও নির্ভরতার পরিচয়ও
পাই এই গানে :

তিসেক দাঁড়া ওবে, শমন, বদন ভরে মাকে ডাকি,

আমার বিপদকালে ব্রহ্মময়ী, আসেন কিনা আসেন দেখি ।

রামপ্রসাদ জগ্নাস্তরবাদ ও কক্ষফলে বিশ্বাসী ছিলেন এবং
বলিতেন—“কক্ষসূত্রে যা আছে মন, কোথা পাবে তার বাড়ি”—
কিন্তু তিনি অস্ত্রের সহিত বিশ্বাস করিতেন যে, ‘কুপুত্র অনেক হয়
মা, কুমাতা নয় কখনও ত’—অতএব মা দয়া করিবেনই এবং কক্ষ-
বন্ধনও কাটিবেন । তিনি অস্ত্রে, বাহিরে, বিশ্বব্রহ্মাণ্ডের অণুতে
পরমাণুতে পর্যাস্ত মাকে দেখিতেন এবং সেজ্ঞা গাহিয়াছিলেন :

মন তোমার কি ভ্রম গেল না ।

ওয়ে ত্রিভুবন যে মাঘের মূর্তি

জেনেও কি তা জান না ।

রামপ্রসাদ তাঁহার নিজের গানের জগ্নে অমর হইয়া থাকিলেও
তাঁহার স্মরণবাসীরা পর্যাস্ত বছরদিন যাবৎ বৃদ্ধিতে পারেন নাই যে,
তাঁহার স্মৃতিস্মার জগ্ন কিছু করা প্রয়োজন । দুঃখের বিষয় রাম-
প্রসাদের বংশধরেরাও যে তাঁহার মাহাত্ম্য উপলব্ধি করিতে পারিয়া-
ছিলেন বা এখনও করেন তা মনে হয় না । রামপ্রসাদ ধনবান
ছিলেন না, তাঁহার পুত্রদ্বয় রামহুলাল ও রামমোহনের আর্থিক
অবস্থা হয় ত ভাল ছিল না । কিন্তু তাঁহাদের বংশধরেরা পবে
অর্থবান হইয়াছিলেন । প্রথম পুত্র রামহুলাল তিনপুরুষ পবে
বংশহীন হন । কনিষ্ঠ রামমোহনের দুই বিবাহ । উভয় স্ত্রী-জাত
বংশধরেরাই বিচরমান ও বিত্তবান । প্রথম স্ত্রীর গর্ভজাত পৌত্র
গোপালকৃষ্ণ বেঙ্গল ব্যাঙ্কে চাকুরি পান এবং হালিশহর ত্যাগ করিয়া

কলিকাতা পটলডাঙ্গা স্ট্রীটে বাস করিতে থাকেন । ১৮৯৫ সনের
২০শে এপ্রিল তিনি পরলোকগমন করেন । তাঁহার পুত্র কালীপদ
সেন ছিলেন সেকালের বিখ্যাত ইঞ্জিনিয়ার । ১৯১৩ সনের ২৯শে
ডিসেম্বর তিনি মানবলীলা সংবরণ করেন । কালীপদ সেনের প্রথম
পুত্র চিত্তরঞ্জন কলিকাতায় ওকালতী করিতেন । দ্বিতীয় পুত্র
মানসরঞ্জন বিহার ও উড়িষ্যা প্রদেশে ডেপুটি ম্যাজিস্ট্রেট ছিলেন
এবং অবসরগ্রহণের পর কলিকাতায় সত্যেন দত্ত রোডে স্থায়ীভাবে
বাস করিতে থাকেন । ১৯৫২ সনে তাঁহার মৃত্যু হয় । কালীপদ-
বাবুর তৃতীয় পুত্র হৃদয়রঞ্জন মরিশাসে বি-আই-এস-এন কোম্পানীর
ডাক্তার ছিলেন । কনিষ্ঠ পুত্র আশারঞ্জন সরকারী আপিসে
ষ্টেনোগ্রাফারের কার্যা করিতেন । এখন অবসরগ্রহণ করিয়া
কলিকাতায় বাস করিতেছেন । মানসরঞ্জনের পুত্রেরাও সকলেই
অবস্থাপন্ন ও কলিকাতাবাসী । অপর পক্ষে রামমোহনের দ্বিতীয়
পত্নীর গর্ভজাত সন্তান দুর্গাদাস সেনের বংশধরেরাও কলিকাতার
অধিবাসী । যে কারণে মানব-শিশু পিতামাতাকে নিতান্ত আপন
বলিয়া ভাবে সেই কারণেই মানুষ জন্মস্থান ও বাস্তুভিটাকে পঞ্জরাস্থি
বলিয়া মনে করে এবং তেল, লুন ও লকড়ির হিসাবে লোকমান সহ
করিয়াও পিতামাতা ও জন্মভূমি তথা বাস্তুভিটার বন্ধন রক্ষা করিতে
চায় । কিন্তু বিশেষ পরিতাপের বিষয় যে, বাংলাদেশ যাহার
গৌরবে গৌরবাবিহীন, তাঁহার বংশধরের মধ্যে কেহ রামপ্রসাদের
বংশধর বলিয়া গৌরব অনুভব করেন এইরূপ নিদর্শন পাওয়া যায়
নাই । গোপালকৃষ্ণ সেনের জীবদ্দশায় মধ্যে ১৮৮৫ সন হইতে
রামপ্রসাদের স্মৃতিতে তাঁহার ভিটায় প্রতি বৎসর সাধারণের চেষ্টায়
যে কালীপূজা হয় তাহাতে এক আশারঞ্জন তিন্ন স্মরণকালের মধ্যে
আর কাহাকেও যোগদান করিতে দেখা যায় নাই । পক্ষান্তরে
গোপালকৃষ্ণ হালিশহর ত্যাগের পর প্রসাদের ভদ্রাসন ও পক্ষযুগ্মী
আসনসংলগ্ন সমগ্র ভূভাগ তাঁহার তিরোধানের পক্ষায় বৎসরের মধ্যে
জঙ্গলাকীর্ণ ও শৃগাল-সর্পের আবাসভূমিতে পরিণত হয়, প্রসাদের
জীবনবৃত্তান্ত কেবল গান ও কিংবদন্তীর মধ্যে কেন্দ্রীভূত হইয়া
পড়ে । পরে সেই ভদ্রাসন হালিশহরের “হিতৈষী সভা” উদ্ধার
করিয়া রামপ্রসাদের স্মৃতিস্মার চেষ্টা করেন । গোপালকৃষ্ণ তাঁহার
এই বাস্তুভিটা এই “হিতৈষী সভা”কে দান করিয়া কর্তব্য শেষ
করেন ।


রামপ্রসাদ সম্পর্কে অনেক অলৌকিক ঘটনার কথা শোনা যায়
যেমন, গাব গাছে পদ্মকুল ফোটা, কক্ষাক্রমে ব্রহ্মময়ীর রামপ্রসাদের
বেড়া বাঁধা, রামপ্রসাদের বাড়ীতে কালীর অল্পপূর্ণার আগমন ও
তাঁহার দেয়ালে নাম লিখন, হালিশহর হইতে নৌকাযোগে
কলিকাতায় আসার সময় চিংপুরের চিত্তেশ্বরীর মূর্তির তাঁহার গান
শুনিয়া মন্দির-সহিত দক্ষিণ মুখ হইতে পশ্চিম মুখে ঘুরিয়া যাওয়া
অনেকেই জানেন—বাহুল্য ভয়ে সেগুলি আর বিস্তৃতভাবে উল্লেখ
করিলাম না ।

ষাট বৎসর বয়সের কিছু পবেই (কোন পৌত্রের মতে শতাধিক

বর্ষ) প্রসাদ ইহধাম ত্যাগ করিয়া নিত্যধামে গমন করেন। তিনি শ্রামাপ্রতিমা বিসর্জনের সময় আত্মীয়স্বজন ও পল্লীবাসীদের বলেন, “আজই মায়ের বিসর্জনের সহিত আমার বিসর্জন হইবে, স্মৃতবাং তোমরা সকলে প্রতিমা লইয়া আমার সঙ্গে এস। আমি পদব্রজে চলিলাম।” এই বলিয়া তিনি গান করিতে করিতে জাহবীতীবে আসেন এবং গঙ্গাজলে দণ্ডায়মান হইয়া গান করিবার সময় তাঁহার জ্যোতির্ময় আত্মা ব্রহ্মরূপে ভেদ করিয়া তনু আকাশে বিলীন হইয়া যায়। যে কয়টি গান তিনি গাহিয়াছিলেন তাহার শেষ গানটির

শেষ লাইন—“মা গো ও মা, আমার দক্ষা, হ'ল বক্ষা, দক্ষিণা হয়েছে।” “দক্ষিণা হয়েছে” এই বাক্য উচ্চারণমাত্রই প্রাণের দক্ষিণা হইল এবং তিনি মহামায়ের কোড়ে চিব-আশ্রয় লইলেন। প্রসাদের মৃত্যুসংবাদে হালিশহরের ঘাটে লোকে লোকারণ্য হইয়া গেল। সকলে হাস্য হাস্য করিতে লাগিল। তাঁহার তিরোধানের মর্ত্যের একটি অতাজ্জল রত্ন অপসারিত হইল।

তাঁহার সাধী পত্নী রামপ্রসাদের বৃদ্ধ বয়সে অন্তর্দ্বানের পূর্বেই পরলোকগমন করিয়াছিলেন।



প্রাণের উন্মেষ

শ্রীমিহিরকুমার মুখোপাধ্যায়

প্রাণের উৎপত্তি ও বিকাশ বিশ্বের অগ্ৰতম প্রহেলিকা। প্রাণের উৎপত্তি সম্বন্ধে এই সেদিন পর্য্যন্ত আমাদের সুস্পষ্ট ধারণা ছিল না। লুই পাস্তুর শূণ্য বোতল জলপূর্ণ করে তার মুখ এ টে দিয়ে দেখাঙ্গেন যে, প্রাণ বাতীত প্রাণের উৎপত্তি অসম্ভব। তা হলে পৃথিবীতে প্রাণের আবির্ভাব হ'ল কি করে?

কেউ কেউ বলেন, অপ্রাণ থেকে প্রাণের বিকাশ হয় নি, অজৈব রাজ্য অপরিবর্তনশীল; জীবজগতে বৃদ্ধি ও পরিবর্তন সম্ভাবনাময়। প্রাণের মূল নিদান অজ্ঞাত। ধরণীতে প্রাণকোষ এসেছে শুধু তারকা বা গ্রহ থেকে কিংবা বিশ্বজগতের অপর কোন স্থান থেকে। ধারণা করা মুশকিল, প্রাণ-কণিকা পৃথিবীর বাহির হতে এসে পৌঁছল কোন পথে; নিকটতম তারার দূরত্বও যে ৪'৩ আলোকবর্ষ। আলোকের গতি সেকেন্ডে প্রায় ১,৮৬,০০০ মাইল, এক বর্ষে এই সংখ্যার আকার বিপুল। আকস্মিক, লুই কেলভিন, হেলমহোলজ প্রমুখ বিজ্ঞানীদের মত এই যে, প্রাণকোষ উদ্ভাপিত বাহনে আরোহণ করে উপস্থিত হয়েছিল আদিম পৃথিবীতে। কিন্তু এ অসম্ভব, উদ্ভাপিতের প্রচণ্ড উত্তাপ, গতিপথের নির্যাসন শূণ্যতা এসব প্রাণ-দৌত্যের সহায়ক নয় বিন্দুমাত্র। তা ছাড়া প্রাণ বাইবের আমদানী বললেই সমস্যার সমাধান হয় না—সেখানে প্রাণ এল কোথা থেকে? কেউ কেউ বলেন যে, জীবজড়ের সমকালীন অর্থাৎ পৃথিবীর উপরটা এখন জলন্ত অগ্নিকুণ্ড ছিল, প্রাণের অস্তিত্ব তখন থেকেই। এর সপক্ষে প্রমাণের একান্ত অভাব। পশ্চিমতমহলে এ বিষয় নিয়ে মতাস্তব রয়েছে বিস্তর, কোন মীমাংসা হয় নি। উইল-সন প্রণীত কোষতত্ত্ববিদ। সারাজীবন কোষ সম্বন্ধে গবেষণা করে তিনি জীব ও জড়বাজ্যের ভিতর কোন সেতুর সন্ধান পান নি। তবে এ জগতেই যে প্রাণের উন্মেষ হয়েছে তা মনে নেওয়া ব্যতীত গতাস্তব নেই। জীব ও জড়জগতে ব্যবধান অধিক বটে, কিন্তু প্রাণ

বাইবের আমদানী একথা বলা হয়ত অর্থোক্তিক। প্রাণের উন্মেষ এক দিনে হয় নি, লক্ষ কোটি বৎসর ধরে তার জন্ম প্রয়াস চলে। শেষে এক শুভ মুহূর্তে এই প্রয়াস সফল হয়েছে।

চাঁদকে আপন শরীর থেকে বিচ্ছিন্ন করে দিয়ে বসুন্ধর্য স্থির শীতল জমাট হয়ে আসতে লাগল। হাঙ্কা বসুন্ধর্য সব পড়ে ওপরেই থেকে গেল, অস্তম্বলে চলে গেল ভারী ভারী পনিজগুলি। আর্দ্র ও উষ্ণ বাষ্পভাগ তখন আদিম পৃথিবীর নভোমণ্ডল ঘিরে, সেই ঘনকণ্ঠ মেঘসমূহকে ভেদ করে সূর্যবশি এখানে এসে পৌঁছত কিনা সন্দেহ। বৃষ্টি আরম্ভ হ'ল অবিরলধারায়। আজকের সাগর মহাসাগর সেই আদিম বৃষ্টির জলরাশি।

স্থলভাগ তখনও দেখা দেয় নি, সূর্যের অতি-বেগুণী রশ্মিজাল দিনের পর দিন অকৃপণভাবে জড় পরমাণুর ওপর আপন আসো টেলে দিয়ে প্রাণ-সঞ্চারের প্রয়াস করছিল, এই ভাবে প্রাণের অভ্যুদয় হ'ল। জীব জড়েরই শিশু—তার থেকে জাত। জড় তার সমস্ত সত্তার নির্ঘাস দিয়ে পরমাণুকে প্রাণময় কোষে পরিণত করেছিল। কিন্তু সে মাহেস্ত্রক্ষণ আর কিরল না। সূর্যের কিরণ আজও পড়ে উষ্ণমণ্ডলের কাদামাটি ঘোলাজলে, প্রাণের উন্মেষ হয় না।

আদি প্রাণ

আদি প্রাণের সাক্ষাৎ বংশধর আজও বেঁচে আছে—ভাইরাস। ব্যাকটেরিয়ার চেয়ে ক্ষুদ্র এই প্রাণীর অস্তিত্ব সাধারণ অণুবীক্ষণযন্ত্রে ধরা পড়ে না, ব্যাকটেরিয়ার জায় খাওয়ার চারিদিকে এসে জমাও হয় না। গবেষণাগারে এদের উৎপাদন বা বৃদ্ধি করতে পারা যায় নি। শক্তিশালী বৈজ্ঞানিক অণুবীক্ষণযন্ত্রে গৃহীত চবিত্তে জানা যায় এদের অস্তিত্ব, শুধু রোগ-লক্ষণ মিলিয়ে স্বরূপ উপলব্ধি হয়; হাস-বসন্ত, স'দ-কাশি, হাঁপি, মহামারী, ইনফ্লুয়েঞ্জা, বিকেট

ইত্যাদির মূল অদৃশ্য ভাটবাসের কর্মচাকলা। আদিম প্রাণ-কণা যে এইরূপ সূক্ষ্ম দেহধারী জীব তাতে কোন সন্দেহ নেই। হয়ত তারা আধুনিক ব্যাকটিরিয়ার মত সবুজহীন ছিল (অর্থাৎ ক্লোরফিলশূণ্য)। বাতাস ও লবণাক্ত জলে প্রাণধারণ করত কিংবা প্রথম থেকেই জীবিতাংশ প্রোটোপ্লাজমযুক্ত দেহ অথবা প্রোটোপ্লাজমকণিকার জীব কিছু বাঁচত, কিছু মরে আহারের সংস্থান করে দিত জীবিতদের।

আদি প্রাণ দেহপৃষ্টির জন্তু নাইট্রোজেন ও কার্বন গ্রহণ করতে লাগল আর ফিরিয়ে দিতে লাগল অক্সিজেন, গতিশীল জীবনের পাথেয়। আকাশ পরিষ্কার হয়ে এল, বাতাস নিখুঁত অক্সিজেনে ভরে উঠল, খুলে গেল অগ্রগতির রুদ্ধদ্বার—জীবজীবনের উপযুক্ত আহার পেয়ে প্রবাহিত হ'ল সাবলীল প্রাণধারা—হয়ত ভাইরাস অপেক্ষা ক্ষুদ্র জীবকোষে—যার কোন চিহ্নই আজ পাওয়া সম্ভব নয়। (ভাইরাস ও ব্যাকটিরিয়া এদের পরিণত অবস্থা—সে যুগের প্রাণ-লীলার পরিচয় বহন করে এনেছে। অসু্মিত হয় যে, প্রথম প্রাণী-দেহে নিউক্লিয়াস আর কোষের পৃথক আস্তিত্ব ছিল না, আলোক-তরঙ্গকণিকার চেয়ে ছোট এই প্রাণ পৃথিবীর আদি প্রাণের প্রকাশ। একাধিক কোষের সমন্বয় জীবের উদ্ভবের পরিচায়ক। তার পর এল সংঘবদ্ধতা। শ্রম বিভাগ করে দিয়ে সুরবিধা হয়েছিল নিশ্চয়ই, নচেৎ জীবজীবন দ্রুতগতিতে ক্রমোন্নতির পথে অগ্রসর হ'ত না। এককোষ-প্রাণী এবং এই সকল জীবের মধ্যবর্তী স্তরের বংশধরেরা আজও বিদ্যমান। এদের নাম ভলভাক্স, জুথেমনিয়াম, মের্কুউয়াম।

দ্বিধাবিভক্তি

প্রাণবিকাশের উষাকালে জীব ও উদ্ভিদে কোন পার্থক্য ছিল না। কোন স্মরণাতীত যুগে প্রাণীজগৎ উদ্ভিদ-জগৎ হতে বিচ্ছিন্ন হয়ে ভিন্ন পথে যাত্রা করেছিল জানি না, তবে তাতে উভয় পক্ষেরই উন্নতির সোপান প্রশস্ত হয়েছে। পরস্পরের মধ্যে সম্বন্ধ ক্রমশঃ নিবিড় হয়ে পৃথিবীর রূপ সম্পূর্ণভাবে বদলে দিয়েছে। এ সম্বন্ধ উদ্ভবোত্তর একান্তভাবে ঘনিষ্ঠ হয়ে উঠেছে। কি কি গুণ গাছপালায় আছে অথচ প্রাণীদের নেই অথবা গাছপালায় এমন কোন বিষয়ের অভাব যা জীবজগতে কোন-না-কোন রূপে বর্তমান, তার হৃদিস মেলা ভার। গতিশীল জীবজগতেও মোটেই একচেটে গুণ নয়। উদ্ভিদজগতের সামুদ্রিক এনিমন দুই-এক ইঞ্চি করে আস্তে আস্তে বেশ চলতে পারে, স্পঞ্জ পাহাড়-পর্বতের গায় আটকে না যাওয়া অবধি বিশ্রাম নেয় না। তার পর আদিম ভোজন। কীটভুক লতারে নিষ্কিচাবে কী-পতঙ্গ শিকার করে—ভেনাস-ফ্লাই-ট্রাপ, সানডিউ ইত্যাদিকে মাংসানী বলা চলে। পিস্কুন্সিলা, ডায়োনা, ডস অগ্নান-বদনে পাতা-ফোড়া দিয়ে ক্ষুদ্র ক্ষুদ্র পতঙ্গ চেপে ধবে তাদের নাইট্রোজেন নিষ্কাশন নিঃশেষে গ্রাস করে নেয়। অপরপক্ষে চলৎশক্তি-হীন প্রাণী আছে অনেক; গভীর সমুদ্রের নিভৃত তলদেশের প্রাণীরা প্রায় নিথর নিস্পন্দ।

জীববিচার ক্ষেত্রে উদ্ভিদ ও প্রাণীজগতের পৃথক সংজ্ঞানির্দেশে

অসুবিধা হলেও নিশ্চিত প্রভেদ অনেক, আদি প্রাণ হতে ক্রমশঃ দূর্যাপসরণশীল এরা। প্রসারণ-প্রবণতা প্রাণধর্মের অগতম বৈশিষ্ট্য সে প্রভাবে জীবজগৎ দুই স্বতন্ত্র সত্তায় পরিণত হয়েছে। পথের পার্থক্য দেহের সম্বন্ধকে সহজে বিসর্জন দিতে পারে নি, তাই ঘনিষ্ঠতা এদের আজও অটুট; উদ্ভিদ বাতাস হতে আহরণ করে কার্বন ও অক্সিজেন, মুক্তিকা যোগায় জীবনধারণোপযোগী খনিজ, উদ্ভিদ-মূল তলৌকৃত খনিজ ধীরে ধীরে দেহসংলগ্ন করে। সবুজ পাতার নীচে সূর্যালোকে চলতে থাকে অজৈব-জৈব রূপান্তর, ক্লোরোফিল। এই আলোসংশ্লেষণের রাসায়নিক প্রক্রিয়ায় চর্বি ও শর্করার জায় অপরিহার্য জৈববস্তু উদ্ভব হয়। প্রাণীরা ক্লোরোফিল-বিহীন, অজৈব খনিজ হতে দেহধারণোপযোগী জৈবদ্রব্য প্রস্তুত করার ক্ষমতা তাদের নেই, যেমন নেই উদ্ভিদজাতীয় ব্যাকটিরিয়া ও ফুঞ্জির দেহে।

সরাসরি প্রকৃতি থেকে আহাৰ্য্য আহরণ করতে না-পারার অক্ষমতা প্রাণীকুলকে পথচারী করেছে, খাতের সন্ধানে তাদের ঘুরে বেড়াতে হয় অহরহ, নিশ্চিন্তে ঘরে বসে থাকা চলে না। ভূমি-তলে বায়ুমণ্ডলে কার্বন ও নাইট্রোজেন যথেষ্ট, বৃক্ষলতার ছুঁচুটির প্রয়োজন নেই, নিষ্ক্রিয় স্থির হয়ে বসে থাকলেও নির্ভাবনায় ভরণ-পোষণ চলে। ওদিকে ক্ষুদ্রাতিক্ষুদ্র এক-কোষের এমিবাটিও তার শুড় বিস্তারে সদাই জৈবসামগ্রীর সন্ধানে তৎপর, উদরপৃষ্টির নিমিত্ত যদি কিছু পাওয়া যায়। প্রথম যুগ থেকেই এর সূত্রপাত। প্রাণী-বীজের চারিপাশ ঢাকা অতি সূক্ষ্ম ঝিল্লি দিয়ে, কিন্তু উদ্ভিদবীজের অঙ্গে কঠিন আবরণ; ক্ষুদ্র প্রাণী-প্রোটোপ্লাজমকে রক্ষা করে পাতলা ত্বক অথচ উদ্ভিদ-প্রোটোপ্লাজমের চতুর্দিকে কৈশিক ঝিল্লি। মনে হয় খাতদ্রব্য সহজলভ্য হয়ে যাওয়ায় সর্বদ্বীণ নিশ্চেষ্টতার দূর্বৃতক্রম্য পরিবেশ পরিব্যাপ্ত হয়েছিল, ফলে সমস্ত উদ্ভিদজগৎ নিশ্চেষ্টতায় সমাচ্ছন্ন। শ্রমবিমুগ জড়ত্ব আচ্ছন্ন করে বেথেছে এদের স্মরণাতীত কাল থেকে, তাই জৈব অভিব্যক্তি-ধারা বিশেষ অগ্রসর হতে পারে নি, প্রাণীজগতের তুলনায় এরা অনগ্রসর, বিভিন্ন ক্ষেত্রে অভিব্যক্তি-সজ্জাত নব নব রূপ বিকশিত হয়ে ওঠে নি উদ্ভিদ-জগতে। উদ্যোগ ও সক্রিয়তার সঙ্গে সংবিত্তর (চৈতন্য) ঘনিষ্ঠ সম্বন্ধ, একটির অভাব ঘটলে অপরটি অধিকক্ষণ বর্তমান থাকতে পারে না। উদ্ভিদ-জগতে তাই ঘটেছে লক্ষ লক্ষ শতাব্দীব্যাপী অবিচ্ছিন্ন নিস্পৃহতার সমস্ত উদ্যোগ। পরগাছা পরজীবীদের নার্সতন্ত্র কয়েক 'ভর্সি' (বংশ) পরে অদৃশ্য হয়। প্রশ্ন টঠবে যে প্রথম অবস্থাতেই উদ্ভিদ-জগৎ ও প্রাণীজগৎ পৃথক পৃথক আবির্ভূত হয়েছিল কিনা। এরা জন্মকালে অর্থাৎ জীবজীবনের আদিযুগে যে মূলতঃ এক ও অভিন্ন ছিল তার সপক্ষে প্রমাণ যথেষ্ট। প্রথমেই বলা হয়েছে, এদের মধ্যে সাদৃশ্য এত অধিক যে বায়োলজির দিক থেকে পৃথক করা বেশ অয়াসসাধ্য। অনেক ছোট ছোট জীবের ত শ্রেণী-বভাগ করাই কঠিন। প্রাণীদের অনেক বৃত্তি উদ্ভিদের মত, আবার উদ্ভিদেরও প্রাণ বৃত্তির প্রতি ঝোক দেখা যায়। যেমন জননবৃত্তি; বৃক্ষদের দেহে উভয় লিঙ্গ

বর্তমান, এদের যৌনমিলন নিশ্চয়োক্তনের বিলাস, যৌন ও অযৌন উভয় প্রণালীতে জন্ম দিতে পারে এরা। নীচের স্তরের প্রাণীরা ভ্রম দেয় অযৌন উপায়ে, ঝিঙ্ক এবং আরও অনেকে উভয়লিঙ্গ, যৌন ও অযৌন দুই প্রণালীই ব্যবহৃত হয়। অনেক প্রাণী সারা শীত ঘুমিয়ে নিশ্চিন্দভাবে কাটায়। মনে হয় এও উদ্ভিদবৃত্তি। সাধারণতঃ উদ্ভিদ-জগতের স্থায়িত্ব অনপদরণীয় হলেও ক্রম সত্য নয়। জগদীশ-চন্দ্রের আবিষ্কারের পর উদ্ভিদকে বোধশক্তিহীন বলা চলেবে না।

সৌরতেজ প্রভাষিত আদি জীব যখন ধরাতে প্রথম আবির্ভূত হয়েছিল, সৌরশক্তি তখন তার অন্তরে লুকানো। খাদ্য গ্রহণ উপস্থলে তথা অল্পবিধ কারণে নড়াচড়া করতে হবে, তাতে বায়ু হয়ে গেল সমস্ত সঞ্চিত তেজ। সূর্যশক্তিশূন্য ভাণ্ডার চলে কত দিন? সে কারণে আদি তেজ সৌরশক্তি সঞ্চিত রাখবার জন্ত উদ্ভিদ-জগতের অভ্যুদয়। কাচের জলমাটি, আকাশবাতাস দ্বিবা-লোক থেকে স্বল্পভে সংগৃহীত খাদ্য, কার্যকরী শক্তি সঞ্চিত করে রাখতে এরা বেশ পটু, ক্লোরোফিলের মাধ্যমে সৌরতেজ সংরক্ষণের আধার হয়ে উঠল এরা, উন্নততর জীবজীবনের শরীররক্ষার্থে প্রয়োজনানুরূপ শক্তির সরবরাহ এখান থেকে। এ শ্রমবিভাগ—বৃক্ষ-লতার অণু-পরমাণুর জীবজগতের ব্যবহারার্থে সর্বদা প্রস্তুত রাসায়নিক শক্তি ইত্যন্তঃ সঞ্চয় বদ্ধ হওয়ায় এ-শক্তি সম্পূর্ণ দেহজাত হয়ে বন্দী এবং বিবর্তন সীমাবদ্ধ। প্রথমাবধি উদ্ভিদ ও প্রাণী একে অপরের পরিপূরক, উদ্ভিদ অক্সিজেন যোগায় এবং প্রাণী যোগায় প্রকৃত সজাত কার্বন ও দেহের নাইট্রোজেন; প্রাণীর একান্ত অপরিহার্য সৌরতেজ পুঞ্জীকৃত উদ্ভিদের দেহভাস্তুরসঞ্চিত ক্লোরোফিলে লতা পল্লবতৃণভোজীরা প্রত্যক্ষভাবেই আহরণ করে, সৌরতেজ মানুষ ও মাংসাদি পশু সংগ্রহ করে ছাগ, মেঘ, গাভী, উষ্ট্র, বলদ ইত্যাদির মাংস হতে। প্রাণীর বিষ্ঠা ও দেহাবশেষ নাইট্রোজেন-সমৃদ্ধ, উদ্ভিদ-জীবন অপর্ধ্যাপ্তরূপে তা সংগ্রহ করে মুক্তিকা হতে। প্রাণের এই দুই অংশ নিবিড় বন্ধনে আবদ্ধ, যেখানে উদ্ভিদ-জীবন বর্ধিষ্ণু সেখানে উদ্ভিদভোজীও প্রচুর আবার মাংসাদিদের আন্তানো এইখানে—তবে সংখ্যায় হয়ে আসে এরা ক্রমশঃ, অল্পসংখ্যক প্রাণীর উদয়পূর্বের জন্ত অধিক গাছপালা দরকার। মাংসাদিরা আরও কম—যে-কোনও স্থানে শশক, কাঠবিড়াল, মূষিক, হংস-কুক্কটের চেয়ে পেচক, চিল, শূগাল, নকুল নিশ্চয়ই অল্প। তৃণ ও উদ্ভিদ সর্বাপেক্ষা সহজলভ্য। পৃথিবীর সর্বাধিক প্রাণী ঘাস, পাতা শস্যবীজ খেয়ে জীবনধারণ করে, এক দৃষ্টান্ত উদয় মরুভূমি ও হিম-শীতল মেরু ছাড়া সর্বত্র এই নিয়ম। পায়রা, হুট, হাঁস, টিয়া থেকে আরম্ভ করে গৃহপালিত পশু ছুঁচো, বেজী, বীবর, হরিণ, বৃক্ষদার, হস্তী, উষ্ট্র, বানর প্রত্যেকে কলমূল শাখাপ্রশাখাভোজী। এদিকে কেঁচো, কেমনা, শুঁরাপোকা, কড়ি, ভ্রমর, পিপড়ে উদ্ভিদ-রাজ্যের উপর নির্ভরশীল। জলের উদ্ভিদ স্থল অপেক্ষা কম, এখানকার অধিবাসীবৃন্দর অনেকের শৈবাল ইত্যাদি খেতে আপত্তি নেই। সমুদ্রজলে ও নদীতে জলজ গুল্ম ও উদ্ভিদ যথেষ্ট বলে এরা

আমাদের খাতের কলপ্রদ উৎস, ক্ষুদ্র ক্ষুদ্র ভাসমান গুল্মসত্তা না থাকলে সম্ভবতঃ বিশাল পাবারার বিঘাট মরুতে পরিণত হ'ত। যে-সব মংশ আমাদের প্রধান খাদ্য তারা জীবনধারণ করে ছোট ছোট পোকা ও কুচোমাছ খেয়ে—যারা শুধু আণুবীক্ষণিক জলজ-পত্রপুষ্পের উপর নির্ভরশীল।

উদ্ভিদজীবনের সঙ্গে জীবজীবনের যোগ কেবল খাতের ভিতর দিয়ে নয়, বিভিন্ন ক্ষেত্রে পরস্পরের সাহায্য সৃষ্ট জীবনযাত্রায় একান্ত অপরিহার্য। গাছপালা সব সময় বাষ্পরূপে জল নিঃসৃত করছে, বৃক্ষসম্বিত এক একর বনভূমি প্রত্যহ যোগ সহস্র গ্যালন জলীয় বাষ্প ত্যাগ করে। বনভূমির অব্যবহিত উপরের বায়ুস্তর কিরূপ আর্দ্রশীতল তা সহজেই অনুমেয়, মেঘ উপর দিয়ে যাবার কালে বাবিধারা বর্ষণ না করে পারে না। সেজন্ত বনভূমি এলোমেলো ভাবে ধ্বংস করে ফেললে মরুময় উদয় ভূমির প্রসারের সম্ভাবনা থাকে, আধি (ধূলিঝড়) প্রতিরোধ অসম্ভাব্য হয়ে ওঠে এবং জমিক্রয় নিবারণ করা যায় না, যার অবশ্যস্তাবী ফল বৃষ্টি। উদ্ভিদ সমুদ্রতরঙ্গ ভূভাগ ক্ষয় করিতে বিশেষ সফলকাম হয় না, তার কারণ মারামি ঘাস উপকূলবর্তী বালুশাস্ত পকে বেঁধে রাখে কঠিন বন্ধনে। অনেক উদ্ভিদ বায়ুমণ্ডল হতে নাইট্রোজেন তৈরি করে মুক্তিকা উর্ধ্ব কবে, ভূমির উর্ধ্বতা বৃদ্ধি নাইট্রোজেনের দান। উদ্ভিদ আর একটি প্রধান কাজ করে, তা হচ্ছে উদ্ভাপ সরবরাহ করা। কার্বন ডাইঅক্সাইড গ্রহণ করে তাকে ভাঙবার সময় যে ক্ষুটন-ক্রিয়া চলে, এ উদ্ভাপ তার। সেজন্ত বনভূমিসম্বিত দেশে শীত প্রবেশ করে সবার শেষে।

প্রাচীনকালে দক্ষিণ আমেরিকায় অজেটক সভ্যতা সমৃদ্ধ হয়ে উঠেছিল অখচ স্থায়ী হয় নি। পশুপালনের অজ্ঞতা এর অঙ্গতম কারণ বলা হয়। পশু-বিষ্ঠার নাইট্রোজেন-ক্রিয়া ভূমিকে উর্ধ্ব করে তোলে, তার অভাবে ফসল জন্মাবে কেমন করে?

গতি ও স্থিতি

প্রাণ গতিপ্রবণ, তার ধর্ম অনুসারে সে সৃষ্টির পর সৃষ্টি করে চলে, জীবসৃষ্টির উদ্ভাদনা তার বিভিন্নমুখী ধারায়। গতিধর্মের যে প্রচণ্ডতা অন্তরে নিয়ে প্রাণকণিকা বিকাশলাভ করেছিল তার অফুরন্ত উত্তম সমৃদ্ধির পথে জীবজগৎকে এগিয়ে নিয়ে চলবার প্রয়াস করেছে নিরন্তর—মুহূর্তের জন্ত বিশ্রাম দেয় নি জীবন-প্রবাহ স্তব্ধ থাকে নি এতটুকু, ব্যক্তি-জীবনের মত পলে পলে তিলে তিলে সাবলীল প্রাণধারার অনবদ্য রূপ পত্রপুষ্প সূশ ভিত হয়ে সৌন্দর্যে সুসমায় ভয়ে উঠেছে। নিখর নিশ্চিন্দ থাকবার প্রলোভন এসেছে বার বার—প্রত্যয়:গর লিংগে তার সাক্ষা, এক জাতের কুমি-কীটের কোন পরিবর্তন হয় নি লক্ষ লক্ষ বৎসর ধরে, ছত্রাক বহু সহস্র বৎসর ধরে প্রচুর পরিমাণে জন্মগ্রহণ করছে, এদের বিবর্তন হয় নি কিছুই। বলা হয় যে, এরা নিকট প্রতিবেশে আপনাদের ধাপ ধাইয়ে নিয়েছে সূচাররূপে, তা হলেও জীবনধারার অপর্ধ্যাপ্ত উচ্ছাসে অবিচলিত থাকা কৃতিত্বের নয়, হীনতার কথা; মাঝে মাঝে প্রতিবেশের সমস্তটাই বদল হয়ে আমূল পরিবর্তন সাধিত

হয়েছে—জলবায়ুতে গাছপালায় আহাৰ্য্য দ্রব্যে। ভূমিকম্প জলোচ্ছাস ঝঞ্ঝাপাত ইত্যাদি প্রায়ই হ'ত সে সময়। নিত্য নূতন উদ্ভাবন-ক্ষমতার অধিকারী না হলে কোন কালে নিশ্চিহ্ন হয়ে যেত আদিম-যুগের প্রাণ-কণিকা। কত দিকে কত রূপে বিস্তৃত হয়ে রয়েছে প্রাণ, বিশালতায় ব্যাপকতায় গভীরতায় তার তুলনা নেই। কবে কোন সূদূর অতীতে পরম গতিশীল প্রাণের বিকাশ আরম্ভ হয়েছিল, আদিম গতিরূপের সেই নিরবচ্ছিন্ন প্রাণধারা আজও প্রবহমান, উচ্ছলবেগে তরঙ্গাবর্ত সৃষ্টি করে সে সম্মুখপানে এগিয়ে চলেছে।

সূর্য্যরশ্মিমালা কোন এক সূদূর অজ্ঞাত যুগের প্রথম দিকে সোনারকাঠি ছুটয়ে ঘুমন্ত পৃথিবীতে সাড়া পেয়েছিল, সেই আদিম প্রাণ কি করে দেহধারণ করল, কেমন করে এই ক্ষুদ্রাতিক্ষুদ্র জলজ কীট ও অক্ষমশীলতার মত প্রাণী কয়েক লক্ষ বৎসরে বড় বড় সামুদ্রিক কর্কট ও চ-৯ ফুট দৃশ্য মৎস্যাকৃতি প্রাণীতে পরিণত হয়েছিল আজ তা কল্পনা করা কঠিন। অবশ্য অগভীর ও জোয়ারের জলে ভেসে-আসা প্রাণীরা মৎস্য-বংশের কেউ নয়, মেরুদণ্ডীর আবির্ভাব এর বহু পবে। জেলির মত ক্ষুদ্র ক্ষুদ্র প্রাণ-কণিকা আকার পরিবর্তন করে বৃদ্ধিপ্রাপ্ত হয়েছিল নিজস্ব দৈহিক প্রয়োজনের তাগিদে। এই দৈহিক প্রয়োজন কি? তার রূপ কিরূপ?

এখানে প্রাণতত্ত্বকে অতিক্রম করে আরও গভীরে প্রবেশ করতে হবে, যেখানে মন ও প্রাণ এই দুই শক্তি মিলে-মিলে একাকার, স্বতন্ত্র সত্তা কিছু নেই, সেখানে সৃষ্টির সেই প্রাস্তদেশে আমরা দেখতে পাই জীবের আদিম প্রবৃত্তি দুটি, আত্মরক্ষা ও বংশ-রক্ষা। জীব উন্মালেই বেঁচে থাকবার উচ্চ প্রাণপূর্ণ চেষ্টা করবে এবং পরিণত অবস্থায় সে বংশরক্ষার উপায় বুজবে। জৈবিক প্রবৃত্তি বলা যেতে পারে এদের—জন্ম হতে মজ্জায় মজ্জায় মৌরসী-পাঠা গেড়ে মগল করে থাকে জীবকে। সেজগ মনোবিদ্যা বলেন যে, বংশকামনারূপে (অর্থাৎ কামপ্রবৃত্তি) জীবের শরীর-মন সম্পূর্ণ অধিকার করে থাকে; এখন এ তত্ত্বটি স্বীকার করে নিলে আমাদের বক্তব্য আরও সরল হয়ে যায়। জীব উন্মালে আহাৰ্য্য চাই। তখনকার পৃথিবীতে আহাৰ্য্য এত সহজপ্রাপ্য ছিল না। প্রথম দুই-এক দল যারা ধরণীতে চেতনার সংবাদ বহন করে এনেছিল তাদের মধ্যে উদ্ভিদের ভাগই অধিক—কারণ মৃত্তিকার অস্তিত্ব না থাকায় খাদ্যের উপকরণ আহরণ করতে হ'ত সূর্যালোক হতে। এ কাজে উদ্ভিদের অধিকার একচেটে। এই প্রকার একটা গোলমালে অবস্থার ভিতর দিয়ে অগ্রসর হয়েছিল প্রথম জীবদল। হঠাত তারা আদি বাসস্থান অগভীর বালিগোলা জলে ভেসে ভেসে বেড়াত—ঝড়ঝঞ্ঝা-সাইক্লোন-তুফান প্রবল জসস্রোতের সঙ্গে যুদ্ধ করে; আত্মরক্ষার জগ্গে আঁকড়ে জড়িয়ে ধরতে শেখাই তাদের প্রথম পাঠ। পরে খাদ্যসংগ্রহের জগ্গ ছুটাছুটি আরম্ভ হ'ল সেই থেকে দেহাকৃতি গঠনের সূত্রপাত। খাদ্যোপকরণ সন্ধানার্থে চলাফেরা অতি প্রয়োজনীয়, প্রাণকোষ সচল অবস্থা প্রাপ্ত হ'ল কেবল এই কারণে। ভিন্ন ভিন্ন প্রতিবেশে পরি-চিত হয়ে উঠতে বিশেষ বিলম্ব হয় না, ধীরে ধীরে নানারূপ

অবস্থায় যোগসূত্র স্থাপন এবং সেই সঙ্গে সাড়া দেবার শক্তির উন্মেষ হতে থাকে।

অনুভূতিপ্রবণতা

আধুনিক পৃথিবীতে এমিবা (এক-কোষ জীব) স্বয়ংসম্পূর্ণ আণুবীক্ষণিক প্রাণী, এর অনুভূতি, শ্বাসগ্রহণ-ক্ষমতা, চলশক্তি, পরি-পাক ও নিঃসরণশক্তি জৈবত্ব দান করেছে একে। এর আভাস্তরীণ গঠনে জটিলত্ব যথেষ্ট। কোটি কোটি বৎসরের পুরাতন এরা, মৃত্যুহীন দেহ জৈব অমৃত্যু দিয়েছে, তবু পৃথিবীর প্রথম প্রাণী এদের বলা অনুচিত, এর বিবর্তনের ইতিহাস দীর্ঘ। জীব ও উদ্ভিদজীবনের সন্ধিস্থলে অবস্থিত হাইড্রা, উদ্ভিদজাতীয় আলজের বিষংপরিমাণ অংশ আছে এর দেহে, বেশ কয়েকটি অংশে বিভক্ত করলে প্রতি অংশ পরিণত হয় এক একটি স্বতন্ত্র জীব। সারাজীবন প্রায় স্থানুর মত বাধা কাটিয়ে দেয় সেই নিশ্চল-ভক্ষকদের দলভুক্ত এরা। নিম্নলি জলাশয়ের মধ্যে থেকে শিকার ধরবার সময় শরীরকে পূর্ণ-বিস্তারিত করে রাখে, শুণ্ডগুলির আকার বহু গুণ বেড়ে যায় দেহ থেকে, তার পর দংশনের জগ্গ প্রস্তুত। অচলিষ্ণু স্বভাবের প্রাণী কোরাল এবং সামুদ্রিক এনিমনও। খাদ্যসংগ্রহের জগ্গ চলাফেরা করবে না কিছুতে, নিকটে যা এসে পড়বে শুণ্ড বাড়িয়ে কববে গলাধঃকরণ, তবে প্রবাল শৈশবাবস্থায় কিছুদিন চঞ্চল, চলাফেরা করে—পবে সমাধিস্থ; এক শ্রেণীর প্রবাল কলোনি তৈরি করে, বুদ্ধেরা এক স্থানে গিয়ে ভিড় করে, নবাগতেরা তাদের স্বক্ষে আরোহণ করে শ্বাসবোধ করে মাঝে—প্রবাল কলোনিতে জনতার ভিড় অত্যধিক। সামুদ্রিক এনিমনের মুখ আছে শুণ্ড—বুক, পিঠ, মাথা, দক্ষিণ, বাম, উপর, নীচ আর কিছু না থাকলেও শিক্ষায় পরাস্থ্য নয়—ক্ষীণ, অতি সামান্য স্মরণশক্তির অধিকারী—ইট, কাঠ, কাগজ খাইয়ে কিছুক্ষণ ধাওয়া দেওয়া চলে, পবে যা-তা জিনিষ গ্রহণ করতে চায় না। সস্তরণরত জেলী-মাছ দেখতে চমৎকার, ইন্দ্রিয়স্থানের প্রথম উত্ত্ব হয়েছে এদেরই দেহে, কারণ এরা অক্ষকার ও আলো চেনবার এবং বাসায়নিক দ্রব্য নিরূপণ ক্ষমতার অধিকারী। স্পর্শের প্রভাব এদের দেহে যথেষ্ট, একটু ছু হোই লম্বা লম্বা শুঁয়ার মত শুণ্ডগুলি থেকে সহস্র সহস্র ক্ষুদ্র ক্ষুদ্র বিষাক্ত ছস বিদীর্ণ হয়ে বাহির হয়ে আসবে একযোগে, শত্রু দুর্বল হলে তৎক্ষণাত্ দফা নিকেশ। স্পঞ্জ জল-তলের অধিবাসী একথা সকলেই জানেন। অথচ এই স্পঞ্জই জৈব বিবর্তনের অগ্গতম প্রধান সাক্ষী। গত শতাব্দীর গোড়ার দিকে একে উদ্ভিদদলে ফেলা যায়, না, প্রাণীদের দলে টেনে নেওয়া যায় তা নিয়ে সম্মত উপস্থিত হয়েছিল। এর অচলিষ্ণু স্বভাব গাছপালা-গোত্রের, তবে শৈশবে ভ্রমণ করে খানিকটা—দেহ উদ্ভিদকোষের নয় প্রাণীকোষের, আর খায় কঠিন জিনিষ। দেহভাগ ঝাঝরা, ক্রমাগত জল গিলছে উগরাচ্ছে, জলস্থিত আণুবীক্ষণিক প্রাণীদের দ্বারা উদরপূর্তি করে। এদের কোন অঙ্গপ্রত্যঙ্গ নেই, নার্ভ নেই, টিপ্রু অর্থাৎ মাংসতন্ত্র আরম্ভ এইখান থেকে; অজ্ঞাত নিয়ন্ত্রণের

প্রাণীর মত প্রায় প্রতি ছিন্ন অংশ স্বয়ংসম্পূর্ণ প্রাণী হবার ক্ষমতা রাখে।

অনেক দিন থেকে জীবনের পরিস্ফুটন নূতনরূপে অভিযুক্ত হবার চেষ্টা করছিল, আদিম অবয়ব (এমিবা—প্রোটোজোয়া স্তর) পরি-
ত্যাগ করে আসতে সক্ষম হয়েছিল শুধু মেটোজোয়া—স্পঞ্জ ;
পরবর্তীকালে উন্নতি হয়েছে কেবল পল্লি-এবং দিক থেকে, স্পঞ্জ
প্রকৃতির একটি অঙ্গ গলি থেকে গেছে। মুগমগুসবিহীন—সর্বদেহ
দিয়ে আহাৰ্য্য শোষণ করে খায় যারা তাদের অঙ্গসঞ্চালনের
প্রয়োজন কম। তাই সমুদ্রের নানা স্থানে বিভিন্ন ভাবে গড়ে
উঠলেও সামান্য নার্ড-এস্থিও নেই এদের দেহে। অপর দিকে
বদনসম্বন্ধিত প্রাণীদের খাবার খুঁজবার জল নড়াচড়া করতে হয়
অনেক—টিসু ও নার্ড ধীরে ধীরে দেখা দেয়। জীবনের ইতিবৃত্তে
নার্ডের অভ্যুত্থান অতি-প্রয়োজনীয় ঘটনা, বহিঃপ্রতিবেশের সঙ্গে
আদান-প্রদানের পথ প্রশস্ত হয়, বারংবার ঘাত-প্রতিঘাতে জন্ম হয়
অনুভূতি-কেন্দ্রগুলি ; স্বাবরত্ন ঝেড়ে ফেলে প্রাণী-জীবন হয়ে ওঠে
গতিশীল। অঙ্গসংস্থানের ক্ষেত্রে অনুভূতির বিকাশ অপূর্ণ ঘটনা,
এই সময় হতেই মস্তিষ্কের সূচনা। এই দলে তারামাছ, সামুদ্রিক
শজারু, সামুদ্রিক-শত্রুদের রাখা হয়, ত্বক দেখা দিয়েছে এদের দেহে,
সেজল পূর্বেপল্লিগিত প্রাণীদের অপেক্ষা এরা উন্নত। খাড়া শৈল ও
অনুরূপ বাধা অনায়াসে পার হয়ে যায়, অতি ক্ষুদ্র ক্ষুদ্র শিরদাঁড়া,
মাড়ানী, উত্তোলনযন্ত্র এদের পঞ্চভূজাকৃতি দেহকে অক্ষুণ্ণ পরিষ্কার
রাখতে ও পাওয়াতে বাস্তু।

ইতস্ততঃ যাতায়াত প্রাণী-বিবর্তনের প্রবর্তন করে। সঞ্চরণ
প্রথম আরম্ভ হয় খাদ্য অন্বেষণে, ভ্রমণের পাল্লা বিকস্পিত ও প্রসারিত
হতে লাগল যত, স্নায়ুতন্ত্র তত সুসংগঠিত হয়ে উঠল এবং দেহে তার
সংস্থান প্রতিষ্ঠিত হ'ল দৃঢ়রূপে। প্রোটোপ্লাজমের যুগ থেকে স্পঞ্জ-
হাইড্রায়ুগ অবধি আলাদা কোন নার্ড দেখা দেয় নি, বিবর্তন হয়েছে
ক্রমশঃ সময়ের অগ্রগতির সঙ্গে। গমনাগমনের যথাযথ উপযোগিতা
ঠিক করা ও পথনির্বাচন এই দুইয়ের আনুকূল্যে গড়ে উঠেছে
দেহের অন্তঃস্থিত স্নায়ুতন্ত্র ও অপরাপর অঙ্গ-প্রত্যঙ্গ, ধরণীপৃষ্ঠে নব
নব জীব-জীবনের অভ্যুদয়।

প্রাণরূপের সার্বজনীন পরিবার থেকে সর্বপ্রথম দ্বিধাবিভক্ত
হয়ে পড়ে গাছপালা ও জীবজন্তু। অতিমাত্রায় কোমল ও নমনীয়
সে যুগের প্রাণীদের কয়েকটি ধারা আজও অব্যাহত, তারা কণ্টকচর্ম্মী
শামুক, কীট ও মেরুদণ্ডী। এককোষ প্রোটোজোয়া থেকে এনিমনের
অভ্যুদয় অল্পসময়ের ভিতর হয়নি, কয়েক লক্ষ বৎসর পার হয়ে গিয়ে
ছিল। এমিবা-প্রোটোজোয়া আজও আছে ; জলা-পুষ্করিণী, খাল,
বিলে আকৃতিবিহীন উদয়সর্বস্ব এরা ঘুরে বেড়ায়, মাপে ১/১০০।
স্পঞ্জ ও হাইড্রা, এনিমন, সামুদ্রিক ফার কোরাল জেলিমাছ প্রভৃতির
দুটি দল ধরণীপৃষ্ঠে আবিভূত হ'ল বটে, কিন্তু বিশেষ কেউ উন্নতি
করতে পারল না, স্পঞ্জ ত স্বাবরত্ন গ্রহণ করে বেঁচে বইল, অজ্ঞানেরাও
কেউ হ'ল অচল, আবার কেউ দেহে চূর্ণ-অঙ্গারের আবরণ

তৈরি করে সমুদ্রস্থ শৈলশ্রেণী নির্মাণের কাজে লেগে গেল।
৭০।৮০ কোটি বর্ষ পূর্বেই জেলিমাছের শিলীভূত বিচরণ-চিহ্ন-
নিদর্শন পাওয়া গেছে। লক্ষ লক্ষ বৎসর ধরে সমুদ্রতল জনাকীর্ণ
ছিল, নানা আকারের তারামাছ জেলিমাছ লিলি স্কুট এনিমন
গোষ্ঠীর প্রাণীরা যথেষ্ট বিচরণ করত, কেউ কেউ আবার আকৃতিতে
১৫ ফুট দীর্ঘ। জীববিবর্তন যদি উত্তোরস্তর উন্নতির পথে আর
না অগ্রসর হ'ত তা হলে হুনিয়ার একাধিপত্য হ'ত এদেরই।
কিন্তু এদের পাশাপাশি আরও দুটি দল ক্রমশঃ শক্তিশালী হয়ে উঠ-
ছিল, এক দলের স্পষ্ট দুই পাশ ছিল, অপর দলের ছিল বিভিন্ন
দেহাংশ। এক দল দেখা দিল শামুকরূপে, অপর দল অধুনালুপ্ত
ত্রিবলী।

ত্রিবলী অপেক্ষাকৃত প্রাচীন প্রাণী, এক সময় জলতল ছেয়ে
গিয়েছিল এদের অবাধ ভ্রমণে—আজ আর একটিও নেই, শুধু শিলী-
ভূত দেহাবশেষ একসঙ্গে পাওয়া যায় অনেক, পরস্পর পরস্পরের
দেহের কোমল অংশগুলি ঢেকে তালগোল পাকিয়ে থাকত শত্রুর
কবল হতে রক্ষাভার্থে, শেষে আত্মরক্ষার্থে দেহে কাঁটার উদ্ভব হয়।
এদেরই গোত্র হতে উদ্ভূত সামুদ্রিক বৃশ্চিক, রাজা ককট ও ঝিঙ্কুর
গোষ্ঠী শত্রু হয়ে দাঁড়াল এবং নিকংশ হয়ে গেল ত্রিবলী। নিকংশ
অনেকেই হয়েছে, কণ্টকচর্ম্মীরা প্রাচীন কালে শত শত জাতের ছিল,
এখন মাত্র ১০-১১-এর অধিক দেখা যায় না, আদিম অমেরুদণ্ডীরা
সহস্র সহস্র মাইল বোপে সমুদ্রতলে উপনিবেশ স্থাপন করেছিল।
এক সময়ে ইংলণ্ডের নিকটস্থ উত্তর-পশ্চিম আটলান্টিকের তলে যে
তবল কর্দম তা ওদের জীবাশ্ম।


সেকালের সমুদ্র যে উত্তাল তরঙ্গসঙ্কুল ও সর্বদা অশান্ত থাকত
তা বোধ করি না বললেও চলে। আর একটি ভয় উপস্থিত হয়েছিল,
গমনাগমনের ক্ষমতা আয়ত্তে আনায় একে অগ্ৰকে সব সময়েই
আক্রমণ করে আত্মসাৎ করবার চেষ্টা করত। গতি যতই অবাধ
হতে লাগল ততই পেটুক আর বাফস হয়ে উঠল ; বিশেষতঃ একটু
কর্ম্মঠ শক্তিশালীরা অপেক্ষাকৃত দুর্বল-শাস্ত্রদের দিয়ে ক্ষুন্নিবৃত্তির
উপায় খুঁজত। সেজল একটি অভিনব উপায় অবলম্বন করতে
হয়েছিল—নবম দেহের চারিদিক কঠিন বেষ্টনী দিয়ে ঘিরে ফেলল
এরা, চারিদিকের সমুদ্রজল থেকে খনিজ আহরণে উপাদান সংগৃহীত
হ'ল কঠিন নিষ্মোকেব—আত্মরক্ষা তথা অল্পস্বল্প সংঘর্ষে কাব্য না হয়ে
পড়বার প্রকৃষ্ট পন্থা। কণ্টকচর্ম্মীর কঠিন ত্বক, শামুক-ঝিঙ্কুর
খোলস, আদিম মংশের বুকলেট, কাঁকড়া-চিংড়ির চর্ম্ম নিছক আত্ম-
রক্ষার তগিদে উদ্ভূত। আত্মরক্ষা হ'ল বটে, কিন্তু উৎকৃষ্ট উপায়
উদ্ভাবিত হয় নি। উত্তম-অনুত্তম এ কথাগুলি আপেক্ষিক, আজ
যারা শ্রেষ্ঠ কাল তারা নিকৃষ্ট হয়ে পড়তে পারে, কালের গতিতে ভাল
জিনিষে ঘূণ ধরা সম্ভব। সুকঠিন বর্ম্মের অন্তরালে আশ্রয় গ্রহণই
এক সময় গতিরোধ করে দাঁড়াল সমস্ত সম্ভাব্য উন্নতির উপায়ের—
ডাইনসুরদের আমলে এ ব্যাপারের পুনরাবৃত্তি হয়েছিল। শব্দ,
শামুক, ঝিঙ্কুর, কড়ি, গুগলি, ককট, চিংড়ি প্রায় স্মৃঢ় হর্গে বাস

করে কোন উন্নতি করতে পারে নি লক্ষ লক্ষ বৎসরে। আত্মরক্ষার উপায় ঠিক হয়ে গেলে যুক্তি নিতে মন সরে না, দুঃসাহসিক কার্য ভীতিপূর্ণ হয়ে উঠে। পৃথিবীতে “শামুক যুগও” একবার এসেছিল, কড়ি, গের্ডি, গুগলি থেকে আরম্ভ করে শম্ম, ফিনুক, গুজ্জি, বিরাট বিশাল অষ্টপদ অক্টোপাস দশপদী স্কুইড নটিলস ছাড়া প্রাচীন মহা-সাগর-গর্ভে অল্প কিছু মেলা হৃদয় ছিল। অমেরুদণ্ডীবর্গে অক্টোপাস ক্যাটল মাছ বঃপষ্ট উন্নত দেহযন্ত্রসম্বিত। অক্টোপাসের নিবাস সমুদ্র-গর্ভস্থ গুহা অথবা জলশৈলের নির্জর্জন ফাটলে, প্রস্তর ইত্যাদি যোগাড় করে বাসাবাড়ী তৈরি করে আর অতিক্রমে লম্বা শুড় দিয়ে জড়িয়ে ফেলে অক্সমনা পথচারীকে। এদের (এমোনাইট, অক্টোপাস স্কুইড ক্যাটল মাছ) ভ্রমণও উন্নত ধরনের। নিশ্বাস গ্রহণকালে সাইফন পাল্পের দ্বারা জল টেনে নেয়, জল ছাড়বার বেগ ঠেলে দেয় উণ্টো দিকে। অক্টোপাসের একপ গতি ঘণ্টায় ৪ মাইল।

ক্যাটল মাছ চক্ষু ধূলি নিক্ষেপ করে পলায়নে ওস্তাদ, বহুরূপীও চেয়ে অধিক বর্ণপরিবর্তন করতে পারে, তাতে ফল না হলে উণ্টো দিকে কৃষ্ণ রঙের সিপিয়া নিক্ষেপ করে—যাতে পশ্চাদ্ধাবনকারী ঐ সিপিয়াকেই অনুসরণ করে চলে, যখন শত্রু নিজের ভ্রম বুঝতে পারে ক্যাটল মাছ ততক্ষণে উধাও। পরীক্ষা করে দেখা গেছে এদের অমুভূতি বহু প্রকার ও তীব্র। অক্টোপাস-মাতার মনে মাতৃস্নেহের ক্ষীণ অভূদয়, ডিমগুলি জড়িয়ে রাখে বাচ্চা বার না হওয়া পর্যন্ত। পলপি গোত্রের প্রাণিকুল এদের অব্যবহিত পূর্ক্স আবিভূত হয়েছিল, কিন্তু বৃদ্ধির দিক থেকে যে অনেক পশ্চাৎপদ তা স্পষ্টই প্রতীয়মান। এরাও বেশী দিন প্রভূত্ব করতে সক্ষম হয় নি, কারণ সময়ের পরিবর্তনের সঙ্গে এদের আশায়ুরূপ উন্নতিসাধন হয় নি। বিবর্তনধারায় যে দল এদের কিছু পবে আবিভূত হয়েছিল তারা, ককট কিছু কীট-পতঙ্গ—শেষে মৎস্যকুল। মেরুদণ্ডীর মধ্যে মাছ ও অমেরুদণ্ডী কীট বাতীত অপব সকলে যা ছিল তাই রয়ে গেছে, অনেকে একেবারে বিলুপ্ত। কীটের অভিব্যক্তি ও মাছের উন্নতি জীবন-ইতিবৃত্তে প্রয়ে জনীয় অধ্যায়, আমাদের নিজেদের পুনো ইতিহাস লুকানো এর ভিতর, আমরা মাছেদের অবন্তন বংশধর।

মেরুদণ্ডী-বিবর্তনের প্রথম অধ্যায়ে মাছেদের আগমন, সে বিবর্তন আজও চলেছে অব্যাহত ভাবে, মানুষ তার আধুনিক বংশধর। অভিব্যক্তির যে ধারা জন্ম দিয়েছিল কীটদের তার চরম প্রকাশ-মৌমাছি, উইপোকা, পিপড়ে। দার্শনিকপ্রবর আদি বার্গস বলেছেন যে, মানুষকে যদি ধরাপৃষ্ঠের অধিপতি বলে মেনে নেওয়া যায়, পিপোলিকা তা হলে অস্তভূমির একচ্ছত্র সম্রাট। বাস্তবিক, এদের জীবনযাত্রা-প্রণালী ভ্রমুধাবন করলে বুদ্ধিবৃত্তিতে মানুষের চেয়ে এরা হীন বলে বোধ হয় না। এদের সামাজিক সংগঠন, রীতনীতি, পরিশ্রমসিদ্ধ সুউন্নত বসতি, রাস্তাঘাট, দাসদাসী, এমন-কি পশুপালন মানসিক উৎকর্ষের পরিচায়ক। মানসিক বিবর্তনের অকৃতম প্রধান শাখায় উদ্ভূত এই ক্ষুদ্র ক্ষুদ্র জীবের সংহতি শৃঙ্খলার অপূর্ব পরিচয়।

বিশাল মতীকহ যেমন ছোট বড় অগণিত শাখা-প্রশাখার ভিতর দিয়ে প্রবহমান প্রাণসত্তাকে প্রকাশ করে, অনাদিকাল হতে অভিব্যক্তির অসংখ্য ধারা ঠিক সেই মত ভিন্ন ভিন্ন পরিবেশে প্রকাশিত। তবে সাফল্যলাভ করেছে শুধু (১) সন্ধিপদ গোষ্ঠীর কঁকড়া, চিংড়ি, বিছে, মাকড়সা, মধুপ পিপোলিকা, উই; (২) শামুকগোষ্ঠী এবং (৩) মেরুদণ্ডী। যারা সর্বাংশে কৃতকার্য হয় নি অথচ একেবারে বিলুপ্ত হয়েও যায় নি তাদের সম্বন্ধে কিছু জানা দরকার। কুমি এক প্রধান সম্প্রদায়। কেঁচো কেঁচো জোক ও নানাবিধ পরজীবী-রূপে এদের আধিষ্ঠান। পৃথিবীর শৈশবকাল হতে কেঁচো কেঁচো ভূমির উর্করতাবৃদ্ধির জল যা করেছে তার তুলনা নেই। এদের বাস অস্তভূমিতে! সুউন্নত তৈরীর সময় মৃত্তিকা গিলে ফেলে সেজের শেষের দিক দিয়ে নিঃসৃত করে দেয়, কেবল মৃত্তিকামধ্যস্থ খাদ্যভাগ (যেমন পদার্থ) গ্রহণ করে। পরিপাকঘরের পেষণে এবং পরিপাকরসের মিশ্রণে চূর্ণ-বিচূর্ণ আর্দ্র মৃত্তিকা ধরণীর উর্করতা বৃদ্ধি করে চলেছে বহুকাল যাবৎ। ডারউইনের হিসাবমত দেখা গেছে যে, তিন হাঁক পুরু মাটি বদলে দিতে এদের প্রায় ১৫ বৎসর সময় লাগে। নিজেদের উন্নতি হোক বা না হোক পৃথিবীর রূপ-পরিবর্তনে এদের দান স্মরণীয়।



ভারতে নারীজীবনের নূতন গুরুত্ব

শ্রীদুর্গাবাই দেশমুখ

শিল্পবিপ্লব এবং ভারতবর্ষ

পাশ্চাত্যের দ্বারা ভারতেও শিল্পের বিকাশ মানেই কুটীর-শিল্পের ধ্বংস। ভারতে দেশী হস্তশিল্পিত তাঁত-শিল্পের ধ্বংসের সূচনা হয় গত শতকের তৃতীয় দশকের মাঝামাঝি হইতে। ১৮৫৫ সনে ভারতে প্রথম প্রতিষ্ঠিত হইল পাটকল। প্রায় এই সময়েই প্রতিষ্ঠা হইল প্রথম কটন মিল বা কাপড়ের কলের। এই সকল প্রাথমিক সূচনা হইতে ক্রমোন্নতির পথে অগ্রসর হইয়া বর্তমানে আমরা যে অবস্থায় পৌঁছিয়াছি তাহা হইতেছে এই যে, এখন আমাদের পাটকল আছে ১১২টি—তন্মধ্যে দশটি ছাড়া আর সবগুলিই পশ্চিমবঙ্গে অবস্থিত, আর আছে প্রধানতঃ মাদ্রাজ, আহমেদাবাদ এবং বোম্বাইয়ের চতুর্দিকে অবস্থিত ৩৫০টি বড় কাপড়ের কল।

ক্রমে ক্রমে গ্রামের ক্ষুদ্র গার্হস্থ্য জগতে আসিয়া পৌঁছিল শহরের কাহিনী এবং কর্মীদিগকে ওখানে যে মজুরি দেওয়া হয় তাহার কথা। ফলে অনেকেই গ্রাম ছাড়িয়া শহরে চলিয়া গেল—প্রথম হিড়িকে অনেকেই স্ত্রীপুত্রকে গ্রামে রাখিয়া গিয়াছিল—তাহারা বসবাস করিবার জন্ম শহরেই রহিয়া গেল। ইহার দরুন যেমন একদিকে গ্রামীণ জীবনের যৌথ পরিবারের উপর কুফল দেখা দিল, অল্পদিকে তেমনই শহরের নামগোত্রবিহীনতার মধ্যে নোংরা ও জনাকীর্ণ বস্তিগুলিতে সামাজিক সংরক্ষণ-নিরপেক্ষ এক নূতন একাত্মক যৌথ পরিবার গড়িয়া উঠিল—স্ত্রীলোকের শিথিল নাগরিক জীবনের দ্রুততর চলমান গতির সহিত নিজেদের খাপ খাওয়াইয়া লইতে এবং কেবলমাত্র তাহাদের শিশুদের প্রতিপালন করিতে।

অনিবার্যরূপেই যেমন নাগরিক পারিপার্শ্বিকে অর্থের প্রয়োজনীয়তা বাড়িয়া উঠিল, তেমনই নারীরাও খাটিয়া খাইবার কথা বিবেচনা করিতে লাগিল এবং অচিরেই নারী-

শ্রমিকদিগকে কলকারখানার কর্মে নিয়োগ করার সিদ্ধান্ত গৃহীত হইল।

শিল্পে স্ত্রীলোকদের নিয়োগের প্রগতির ব্যাপারে কিন্তু এমন কতকগুলি বিষয় আছে যাহা পরস্পরবিরোধী বলিয়া প্রতীয়মান হইতে পারে। আপনাদের মনে এই পদ্ধতি সম্পর্কে স্পষ্টতর ধারণা জন্মাইবার উদ্দেশ্যে আমি দুইটি বৃহৎ শিল্প হইতে সংখ্যা উদ্ধৃত করিয়া দেখাইতেছি—ইহাদের প্রবণতা প্রদর্শনের নিমিত্ত—

(ক) পাট—ভারতের সমগ্র নারী-শ্রমিক-সমাজের শতকরা ৫৩ ভাগ কাজ করে পাটকলে। ২,৬০,০০০ হাজার কর্মীর মধ্যে (১৯৫৫ সনের সংখ্যা) প্রায় ২৫,০০০ হইতেছে স্ত্রীলোক। ইহার মানে সাকুল্য শ্রমশক্তির মোটামুটি শতকরা ৯.৭ ভাগ। কয়েক বৎসর আগে নারী-শ্রমিকদের শতকরা হার ছিল ১৪ জন।

(খ) বস্ত্র—১৯৫০ সনে বস্ত্রশিল্পে নিয়োজিত কর্মীদের সংখ্যা ছিল ৬২২,৫৩৯, জন তন্মধ্যে ৫২,৬২৮ জন ছিল স্ত্রীলোক—সমগ্র শ্রমশক্তির শতকরা ৮.৫ ভাগ। ১৯২৭ সনে শ্রমশিল্পে নারীদের শতকরা হার ছিল ১৯.৪ এবং কর্মে নিযুক্ত নারীর সংখ্যা ছিল ৬৬,৫৬২ জন—যদিও সমগ্র শ্রমশক্তির সংখ্যা ছিল মাত্র ৩,৪২,৯৪১। সুতরাং দেখা যাইতেছে যে, কর্মে নিযুক্ত পুরুষদের সংখ্যা বাড়িয়াছে এবং নারীদের সংখ্যা হ্রাস পাইয়াছে প্রভূত পরিমাণে। নারী-কর্মীদের সংখ্যার এই ন্যূনতা সব রাজ্যেই ঘটিয়াছে। বোম্বাই রাজ্যে ১৯৫৯ সনে এই সংখ্যা ছিল শতকরা ১৩.৭ আর ১৯৫০ সালে তাহা হ্রাস পাইয়া হইয়াছে শতকরা ৭.৭।

(Social welfare, vol 1, No 4, পশ্চিমী পেনশনগুপ্তা)

এই সকল সংখ্যা হইতে, অল্পাংশ দেশগুলির প্রবণতার নিরিখে বিচার করিলে হয়ত আমাদের দেশে এই দুইটি

শিল্পেই কর্মরত নারীদের সংখ্যা যে হ্রাসপ্রাপ্ত হইতেছে সেই তথ্যই উদ্ঘাটিত হয়।

শ্রম-শিল্পে কর্মে নিয়োগের সংখ্যাহ্রাসের কারণাবলী

যে দুইটি শিল্প নারীদের সংখ্যাহ্রাসের বিষয় উদ্ধৃত করা হইয়াছে তাহার মূলগত উৎস হয়ত নিহিত রহিয়াছে হিতকর শ্রম আইনের সাময়িক কার্যকারিতার মধ্যে। স্ত্রীলোকদিগকে এখন আর 'সস্ত্র' শ্রমিক' হিসাবে গণ্য করা যাইতে পারে না, অতিরিক্ত পরিশ্রম এখন হইয়া দাঁড়াইয়াছে অতীতের ব্যাপার। ১৯৪৮ সনের ফ্যাক্টরিজ এক্ট অনুসারে সন্ধ্যা ছয় ঘটিকার পর স্ত্রীলোকদিগকে কাজে লাগানো যাইতে পারে না এবং রাত্রির 'শিফটে' পুরুষ শ্রমিকদিগকে সেই সকল কাজের ভার পর্যন্ত লইতে হয়, যাহা নারীদের ঠিক কাজ (Women's Jobs) বলিয়া পরিচিত। উৎপাদন-বৃদ্ধির জন্য কাজ চাপিতেছে বহুসংখ্যক 'শিফটে'।

মজুরির সমানীকরণ, ন্যূনতম মজুরি এবং স্ত্রীলোকেরা যে মাগগি ভাতা পাইয়া থাকে এ সকলেরই তাৎপর্য এই যে নারীদের শ্রমের সঙ্গে পুরুষদের শ্রমের তুলনা করিতে হইবে অর্থনৈতিক মানদণ্ডে। নারী-শ্রমিকদিগকে যে এখন 'মেটানিটি বেনিফিট' দিতে হয় এবং তাহাদের জন্য যে শিশু-রক্ষণাগারের ব্যবস্থা করিতে হয় তাহার দরুন কারখানার বায় বাড়িয়া গিয়াছে। ইহা অবশ্য একটি তথ্য যে, শিল্প-প্রতিষ্ঠানসমূহে কর্মরত স্ত্রীলোকদের মধ্যে অনেকেই স্বামীপরিভ্রাতা স্ত্রী এবং বিধবা যাহাদের—পুরুষদের অপেক্ষা অধিক না হইলেও অন্ততঃ তাহারা যা রোজগার করে সেই পরিমাণ রোজগারের প্রয়োজন—এবং প্রায়শঃই তাহারা নিজেদের উপার্জন দ্বারা বৃদ্ধিশীল পরিবারসমূহ প্রতিপালন করিতেছে।

শিল্প-ক্ষেত্রে কর্মনিয়োগ

শিল্পে নারীদের বর্তমান অবস্থা দেখাইবার উপযোগী সংখ্যাসমূহ একত্রিত করা দুর্লভ ব্যাপার। এ বিষয়ে সন্দেহ নাই যে, নারীদের কর্মে নিয়োগের সুযোগ-সুবিধার সংখ্যা প্রভূতপরিমাণে বৃদ্ধি পাইতেছে। এমপ্লয়মেন্ট এক্সচেঞ্জের সংখ্যা হইতে কিন্তু দেখা যায় যে, কর্মে নিয়োগের দাবি প্রাপ্তব্য অবস্থাকে ছাড়াইয়া যাইতেছে। যখন আমরা এ বিষয়টা উপলক্ষ্য করিবার চেষ্টা করি যে, ১৯৫৩ সনে সারা ভারতে ৫৫,০০০-এরও অধিকসংখ্যক স্ত্রীলোক প্রবেশিকোত্তর (Post Matriculation) অধ্যয়নে প্রবৃত্ত হইয়াছিল, তখন ইহা আমাদের চোখের সামনে পরিষ্কৃত হইয়া উঠে যে, আগামী বৎসরগুলিতে শ্রমশিল্পের ক্ষেত্রে এমন এক বিপুল সম্ভাবনাপূর্ণ শ্রমশক্তির প্লাবনে ভাসিয়া যাইবে যাহাকে

তাহার শিক্ষাগত পটভূমিকার দরুন চিকিৎসাবিষয়ক বর্গের (Medical categories) (নার্স, ধাত্রী হেলথ ভিজিটার প্রভৃতি) অন্তর্ভুক্ত করিতে পারা যাইবে না—যদিও দ্বিতীয় পঞ্চবার্ষিক পরিকল্পনায় সামাজিক লক্ষ্যবস্তুতে পৌঁছানোর জন্য ইহাদের প্রয়োজন হইবে বিপুল সংখ্যায়।

স্ত্রীলোকদের শিল্পবিষয়ক নূতন সুযোগ-সুবিধা

আমরা যে সকল বৃহৎ শিল্পের কথা পূর্বে উল্লেখ করিয়াছি সেগুলিতে নারীদের কর্মে নিয়োগের সাময়িক বিপর্যয় সত্ত্বেও দেশে নূতন নূতন শিল্পে নারীদের শ্রমশক্তি বিনিয়োগের দাবি ক্রমবর্ধমান। খাচ উৎপাদন সম্পর্কে কর্মরত কতকগুলি কার্ম এবং রেডিয়ো যন্ত্র প্রস্তুতি লইয়া যাহারা কাজকারবার করে এমন কয়েকটি ফার্শের কর্তৃপক্ষ বৃত্তিতে পারিতেছেন যে, যে বিশেষ ধরনের কাজ তাঁহারা দিয়া থাকেন তাহার পক্ষে নারীদের শ্রম অত্যাৎকৃষ্ট এবং তদপেক্ষাও অধিকতর-রূপে ইহা তাঁহাদের নিকট পরিষ্কৃত হইয়াছে যে, মধ্যবিত্ত শ্রেণীর যে সকল মেয়ে আগে শ্রমশিল্পের ক্ষেত্রে আসিত না, অপেক্ষাকৃত উচ্চতর যে মজুরি দেওয়া হয় তাহা বিবেচনা করিয়া তাহারা উক্ত ক্ষেত্রে কর্মে নিযুক্ত হওয়ার জন্য ক্রম-বর্ধমানরূপে আগ্রহ প্রকাশ করিতেছে। দক্ষিণের টেলিফোন ফ্যাক্টরিসমূহ এবং উত্তরের উদ্বাস্তু বেতার কারখানাসমূহ— (Refugee radio factories) নারীরা অভিনব দক্ষতা অর্জনে যে সহোপযুক্ত কর্মকৌশল প্রয়োগ করিতেছে তাহা বিবেচনা করিয়া ক্রমবর্ধমান উৎসাহ সহকারে নারীদের কর্মে নিয়োগ করিয়াছে। আইনের অধীনে প্রদত্ত কতক-গুলি বিশেষ সুযোগ-সুবিধা—যেমন মেটানিটি বেনিফিট, 'ক্রেশ' (creches) প্রভৃতি নারীদের কর্মে নিয়োগের পরিমাণকে (volume) যে প্রভাবিত করিয়াছে তাহাতে সন্দেহ নাই। কর্মে নিয়োগে হ্রাস কিন্তু হইয়াছে সামগ্রিকতার চেয়ে বরং আপেক্ষিক এবং নারী কর্মীদের ব্যাপক আকারের ছাঁটাইয়ের কোনো প্রমাণ বিদ্যমান নাই। কারখানাসমূহে কর্মে নিযুক্ত নারীদের সংখ্যা এবং সামগ্রিক কর্মনিয়োগের শতকরা হার এই সম্পর্কে কোঁতুহলের উদ্রেক করিবে।

বৎসর	কারখানাসমূহে কর্মে নিযুক্ত নারীদের সংখ্যা	সামগ্রিক কর্ম-নিয়োগের শতকরা হার
১৯২৭	২,৪২,৬৫৬	১৬.৯৫
১৯৩২	২,১৫,৩৮১	১৬.২০
১৯৩৭	২,৩৭,৯৩৩	১৪.২০
১৯৪২	২,৬৫,৫০২	১১.৬২

১৯৪৭	২,৬৩,৯২৩	১১.৬০
১৯৫২	২,৭৩,৮১৪	১১.২০
১৯৫৪	২,৮০,০৬৯	১১.৩৬

ইহা দেখা যাইবে যে, সাম্প্রতিক বৎসরগুলিতে কারখানায় কর্মে নিযুক্ত নারীদের সামগ্রিক সংখ্যায় কোনও হ্রাসপ্রাপ্তি ঘটে নাই। পঞ্চাশতাব্দে তাহা ঈষৎ বৃদ্ধিপ্রাপ্ত হইয়াছে।

সামগ্রিক চিত্রটি সম্পূর্ণ করিবার জন্ত ইহা উল্লেখ করা অপ্রাসঙ্গিক হইবে না যে, তুঙ্গভদ্রা বীধে ১২,০০০ এর উপর স্ত্রীলোক নিযুক্ত হইয়াছে প্রত্যক্ষ এবং চুক্তিবদ্ধ (Direct and contract) শ্রমিকরূপে, হীরাকুঁড় বীধ পরিকল্পনায় ৫,০০০ এর উপর এবং অন্নাণ্ড জলসেচ পরিকল্পনাসমূহে ১০,০০০ এর উপর স্ত্রীলোককে কাজে লাগানো হইয়াছে।

নারীদের উপর শিল্পায়নের সংঘাত

শিল্পায়ন ভারত তাহার শ্রমশক্তির সরবরাহ আহরণ করে গ্রামসমূহ হইতে এবং এই সম্পর্কে লুইসা হাওয়ার্ড তাহার 'সেবার ইন' গ্রন্থসমূহের এণ্ড ইন্টারনেশনাল ষ্টাডি' নামক পুস্তকে যে সকল মন্তব্য করিয়াছেন তাহা আমাদের স্মরণীয়।

শহর এবং শিল্পের চৌম্বক আকর্ষণ কেন গ্রামাঞ্চলসমূহ হইতে পুরুষ এবং নারীদিগকে টানিয়া লইয়া যাইতেছে তাহা মূর্ত হইয়া উঠিয়াছে ডাঃ বি. রামমূর্তি কৃত Agricultural labour—how they work and live—কৃষি-শ্রমিক—তাহারা কিভাবে কাজ করে এবং থাকে—এতৎসম্পর্কিত সাম্প্রতিক রিপোর্টে। কৃষি-শ্রমিক এবং শিল্প-শ্রমিকের জীবনধারার মধ্যে যে বৈষম্য বিদ্যমান এই রিপোর্ট হইতে তাহা উদ্ঘাটিত হয়। ইহাতে ভারতের বিভিন্ন রাজ্যে ১৯৫০-৫১ সনে একটি কৃষি-শ্রমিক পরিবারের মাথাপিছু গড়পড়তা আয়ের সঙ্গে শ্রমশিল্পে নিয়োজিত পরিবারের (১৯৫০) আয়ের তুলনা করা হইয়াছে। দুইটি দৃষ্টান্তের উল্লেখ করা যাইতে পারে : ইহা দেখা গিয়াছে যে, যেখানে পশ্চিমবঙ্গের গ্রামীণ পরিবার মাথাপিছু ১৬০ টাকা উপার্জন করিয়াছে সেখানে শহরের পরিবারগুলির আয় হইয়াছে ২৬৮ টাকা। অনুরূপ ভাবে উড়িষ্যা—যাহা একটি অত্যন্ত দরিদ্র এবং অনগ্রসর রাজ্য, তুলনীয় সংখ্যা হইতেছে যথাক্রমে ৭৯ এবং ১৪৫।

নারীদের উপর এবং পরিবারের উপর সংঘাতকে মোটামুটি দুইটি মুখ্য পর্যায়ে বিভক্ত করা যাইতে পারে। এক শ্রেণীর গৃহিনীরা শিশুসন্তান এবং বৃদ্ধ পুরুষ ও বর্ষীয়সী স্ত্রীলোকগণসহ বাড়ীতে থাকিয়া যায় এবং উপার্জনশীল ব্যক্তির নিকট হইতে মাসিক ভাতা পাইয়া থাকে। দ্বিতীয় শ্রেণীর স্ত্রীলোকেরা চলিয়া আসে শহরের ভাড়াটে বাড়ী বা বস্তিতে বাস করিবার জন্ত, অথবা ইহাদের মধ্যে যাহারা অধিকতর ভাগ্যবান তাহাদেরই শুধু আশ্রয় জুটিয়া থাকে কারখানার

মালিক কর্তৃক ব্যবহৃত বাসগৃহে। দ্বিতীয় পর্যায়ভুক্তদের মধ্যে কতকগুলি স্ত্রীলোক শিল্পমূলক বৃত্তি অবলম্বন করিয়া থাকে। হিসাব করিয়া দেখা গিয়াছে যে, ভারতের বিভিন্ন শিল্পে নারী-শ্রমিকদের সংখ্যা প্রায় পাঁচ লক্ষ।

এই সকল নারী-শ্রমিকদের অবস্থার মধ্যে ভারতম্য আছে, কিন্তু রাজ্য এখন অত্যন্ত প্রযত্নের সহিত তাহাদের কল্যাণের দিকে লক্ষ্য রাখিতেছে। 'এম্প্লয়িজ ষ্টেট ইন্স্যুরেন্স এক্ট'র অথবা 'দি মেটানিটি বেনিফিট এক্ট'র রক্ষণাধীনে সন্তানসন্তানবিতা নারী-শ্রমিক অর্ধ বেতনে বার মাসের ছুটি পাইবার এবং কর্মক্ষেত্রে প্রত্যাবর্তনের পর বৃহত্তর কারখানাগুলিতে (যাহাতে পঞ্চাশ জনের অধিক স্ত্রীলোক কর্মে নিযুক্ত আছে) ক্রেশে বা শিশুর জন্ম শিশু-রক্ষণাগারের সুযোগ-সুবিধা লাভের আশা করিতে পারে। সকল ছয়টা হইতে সন্ধ্যা ছয়টা এই সময়টুকু ছাড়া তাহাকে কাজ করিবার অনুমতি দেওয়া হয় না। ভারী জিনিষ তোলা তাহার পক্ষে বারণ এবং তাহার পৃথক প্রদান ও বিশ্রামের ব্যবস্থা আছে। এখন একজন (নারী) পাট-শ্রমিকের মোট ন্যূনতম আয় হইতেছে ৬৩। আনা—যুদ্ধ-কালীন মাসিক ২০ টাকার স্তর এবং ১৯৩৮ এর মাসিক ১৩ টাকার স্তরের তুলনায় ইহাকে যথেষ্ট উন্নত স্তরেরই বলিতে হইবে। কেন্দ্রীয় সমাজ কল্যাণ পর্ষদের সদস্য পদ্মিনী সেনগুপ্তার কথায়—“আজিকার দিনের বেতনের হার, কাজেই নারী-শ্রমিকদের মধ্যে কিয়ৎপরিমাণ আত্ম-সম্মানবোধ আনিয়া দিয়াছে। কারণ যদিও জীবিকানির্বাহের ব্যয় অত্যধিক, তথাপি সে যে বেতন পায় তাহা একজন সম্মানিতা স্ত্রীলোকের বেতন এবং তাহার প্রেঙ্কিজ, কাজেই, স্বভাবতঃই বৃদ্ধি পাইয়াছে।

যদিও স্ত্রীলোকেরা অধিকাংশই নিরক্ষর—[কারখানা-মালিক সমিতির (Millowners' Association) মতে ১৯৫১ সালে বোম্বাইয়ে সাক্ষরতার হার ছিল শতকরা ২.৭৫ এবং এই একই বৎসরে মাদ্রাজে এই হার ছিল ঈষৎ উচ্চতর], তৎসত্ত্বেও তাহারা তাহাদের শ্রেণীর অন্যান্য স্ত্রীলোকের তুলনায় সুখী, প্রফুল্ল এবং সময় সময় তাহাদের জন্ম উত্তম বাসগৃহের ব্যবস্থা হইয়াছিল। নারী-শ্রমিকদের স্বাস্থ্যের দিকেও ক্রমবর্ধমানরূপে যত্ন লওয়া হইতেছে এবং অনেকগুলি কারখানায় বিশেষতঃ বোম্বাই এবং দক্ষিণ ভারতে সমাজ শিক্ষা ক্লাসসমূহও (Social Education classes) খোলা হইতেছে। স্ত্রীলোকদের এখন আলাদা বিশ্রামকক্ষ আছে, সময় সময় তাহারা চলচ্চিত্র দেখিয়া থাকে, বেতার শোনে, বুনিতে এবং উদ্ভিন্নরূপে শিশুদের দেখাওনা করিতে

শেখ। এ বিষয়ে সন্দেহ নাই যে, কল্যাণব্রতী নাগরিক হওয়ার মানে কি স্ত্রীলোকেরা তাহা উপলব্ধি করিতে সুরু করিয়াছে।

পরিবারের উপর সংঘাত

ভারতে কারখানাসমূহে স্ত্রীলোকদের নিয়োগসম্পর্কিত গোড়াকার দিকের যে সকল কাহিনী প্রচলিত আছে তাহা হইতে দেখা যায় যে, কাজের সময় শিশুদিগকে শাস্ত রাখিবার জন্ত অনেকে আফিং ব্যবহার করিত এবং তাহাদের সংখ্যাও কম ছিল না যাহারা কারখানার দীর্ঘদময়ব্যাপী দৈনন্দিন কার্যকালে চাঙ্গা থাকিবার জন্ত টোটকা ঔষধ সেবন করিত। সৌভাগ্যক্রমে আজিকার দিনে এই সকল কাহিনী অতীতের কাহিনীতেই পর্যাবসিত হইয়াছে—যদিও একথা সত্য যে, স্ত্রীলোকেরা যে সকল 'লাইনে' বাস করে এবং যে সকল কারখানায় তাহারা কাজ করে এতদুভয় স্থানেরই হাড়ভাড়া খাটুনি প্রায়শঃই তাহাদের স্বাস্থ্যের উপর ক্রিয়া করে।

এ বিষয়ে সন্দেহ নাই যে, স্বাধীন ভারতকে উত্তম মাতৃ-নীতি সংক্রান্ত ব্যবস্থাকল্পে এখনও বিস্তর জমি তৈরি করিতে হইবে। একদিকে অনেকগুলি পাটকল এবং কাপড়ের কল অধুনা এ বিষয়ে স্ত্রীলোকদিগকে সাহায্য করিয়া থাকে, পক্ষান্তরে নিরক্ষরতার জন্ত এবং প্রায়শঃই প্রাপ্তবয়স্ক স্ত্রীলোকসমূহ সঙ্কটে ওয়াকিবহাল না থাকার দরুন অগ্রাহ্যদের আজও পর্যাপ্ত নির্ভর করিতে হয় স্থানীয় দাইদের উপর, ইহার ফল দাঁড়ায় শিশু এবং মাতৃমৃত্যুর উচ্চ হার। এখন সব-কিছুই নির্ভর করিতেছে নারী-শ্রমিকদের মধ্যে অক্ষর জ্ঞান প্রসারের এবং সেই সকল নারীকল্যাণকর্মীদের ঠিকমত কাজে লাগানোর উপর যাহারা ফ্রি হাসপাতাল এবং যে সকল স্বচ্ছামূলক সমাজ-কল্যাণ সংস্থার সাহায্যপ্রাপ্তি দ্রুত সহজলভ্য হইয়া উঠিতেছে তৎসমুদয়ের সহিত নারী শ্রমিক-দের যোগাযোগ স্থাপন করিতে পারে।

ভারতের দ্বিতীয় পঞ্চবাধিক পরিকল্পনার একটি লক্ষ্যবস্তু হইবে—বাসগৃহের বিশেষতঃ বস্তি অঞ্চলের উন্নতিবিধান। একথা বিশ্বাস করিবার কিছু কারণ রহিয়াছে যে, শহর অঞ্চলে তরুণদের অপরাধপ্রবণতার একটা মোটা অংশের উদ্ভব হয় বস্তি এলাকায়—বিশেষতঃ মাকে যেখানে অগ্রত্রে কাজ করিতে হয়। এমনকি সুরুচিসম্পন্ন শ্রমোপভোগিনী মায়েরাও, তরুণ বালকেরা শহরের রাস্তা হইতে যে সকল অবাঞ্ছিত সঙ্গী যোগাড় করিয়া লয় তাহাদের হাত হইতে নিজেদের শিশুদের রক্ষা করিতে পারে না। কিন্তু যথোচিত পরিকল্পনায় নির্মিত, কম্যুনিটি কেন্দ্র এবং অবসরবিনোদনের সুযোগ-সুবিধাসম্বিত বাসগৃহ 'এটেটে'র দ্বারা এই অবস্থার

প্রভূত উন্নতি সাধিত হইতে পারিত। পরিচ্ছন্ন এবং বধোপ-যুক্ত থাকিবার আশ্তানাকে বলা যাইতে পারে প্রত্যেক গৃহিণীর জন্মগত অধিকার। এই অধিকার সেই স্ত্রীলোকের আরও কত বেশী যে তাহার স্বামীর মৃত্যু, অসুস্থতা, অথবা কর্ণে নিয়োগের অসন্তোষাতার মত দুর্ভাগ্যজনক পরিস্থিতিবশতঃ তার শিশুদের জন্ত রোজগার করিতে, তাহাদের অন্নবস্ত্রের সংস্থান করিতে বাধ্য হয়।

যুগসন্ধিক্ষণে নারীমন

স্বাধীনতার পর হইতে ভারতের শিক্ষিতা নারীরা যে ভূমিকা গ্রহণ করিয়াছেন তাহা সকল স্তরের ভারতীয় নারীদের মনের উপরেই স্থায়ী প্রভাব বিস্তার করিয়াছিল। এই সুফল সর্বাধিক লক্ষণীয় হইয়াছে সাক্ষর নিয়মমধ্যবিত্ত-শ্রেণীর মধ্যে। পর পর পৃথিবীর তিনটি বৃহত্তম শক্তির রাষ্ট্রদূতরূপে শ্রীমতী বিজয়লক্ষ্মী পণ্ডিতের এবং স্বাস্থ্যমন্ত্রীরূপে গান্ধীজীর সহকর্মিণী রাজকুমারী অমৃত কাউরের নিয়োগ, আর কেন্দ্রে ও রাজ্যসমূহে উপমন্ত্রী এবং সেক্রেটারীরূপে ক্রম-বর্ধমান সহযোগ—তাহাদের নিকট গর্ব এবং প্রেরণার উৎস হইয়া দাঁড়াইয়াছে। একমাত্র নয়া দিল্লীতেই আছেন চল্লিশ জন নারী এম-পি। ১৯৩০ সন হইতে চল্লিশ এবং ১৯৪০ সন হইতে ১৯৫০ সনে যেখানে নারীদের মধ্যে ছিলেন শুধু শিক্ষিকা, নার্স এবং 'লেডি' ডাক্তার আজ সেখানে তাহাদের দলপুষ্টি করিয়াছেন, রেডিও অফিসিয়াল, সমাজ-শিক্ষাকর্মী, (Social Education workers) আইনজীবী, ম্যাজিষ্ট্রেট, পেশাদার সমাজ-কল্যাণকর্মী (Professional Social Welfare Workers) টেলিফোন অপারেটর, সাংবাদিক প্রভৃতি। একজন নারী বৈমানিক লাভ করিয়াছেন আন্তর্জাতিক পুরস্কার।

স্ত্রীলোকেরা যেরূপ সাক্ষ্যের সহিত নিখিল ভারত হ্যাণ্ডলুম বোর্ড, নিখিল ভারত হ্যাণ্ড ক্র্যাফটস বোর্ড এবং নিখিল ভারত কুটীর্বাশিল এম্পারিয়ামগুলির জন্ত কাজ করিয়াছে তাহাও লক্ষ্য করিলে কৌতূহল উদ্ভুক্ত হয়। কুলগত এবং ব্যবসাগত উভয় দিক দিয়াই স্ত্রীলোকেরা প্রমাণ করিয়াছে যে, নারীরা পুরুষদের কাজের উৎকর্ষসাধন যদি নাশ করিতে পারে, তবে অন্ততঃ তাহাদের সমকক্ষতা করিতে তাহারা অপারগ নহে।

দুইটি বিশেষ পরীক্ষণ

স্বচ্ছাপ্রবৃত্ত সমাজকর্মীরূপে এবং সম্প্রতি কেন্দ্রীয় সমাজকল্যাণ পর্ষদের সেক্রেটারীরূপে আমি দুইটি বিশিষ্ট ধরনের কাজের সহিত সংশ্লিষ্ট আছি। বহু বৎসর পূর্বে

অঙ্কের এক দল সমাজকর্মী-গোষ্ঠী অল্প মহিলা সভা গঠন করেন। ইহা এখন একটি বড় স্বেচ্ছামূলক নারী কল্যাণ এককে (Voluntary women's welfare unit) পরিণত হইয়াছে—একটি টেকনিক্যাল স্কুল বা কারিগরি বিদ্যালয়, মাতৃনীতি হাসপাতাল, গ্রন্থাগার এবং মুদ্রায়ন্ত্র ইহার অঙ্গীভূত। বহু বালিকা এবং স্ত্রীলোক যাহাতে সমাজের উপার্জনশীল ব্যক্তি হইবার সামর্থ্য অর্জন করিতে পারে সেই উদ্দেশ্যে পাঠ গ্রহণ করিবার নিমিত্ত এই প্রতিষ্ঠানে ভর্তি হইয়াছে এবং এমন ভাবে তৈয়ারি করিয়া এরূপ বহু বালিকাকে আমরা বাহিরে পাঠাইয়াছি যাহারা নিজেদের অল্পসংস্থান এবং তাহাদের পরিবারকে সাহায্য করিবার মত যথেষ্ট অর্থ বোজগার করিতে পারে। এই কর্ম এখন সরকার কর্তৃক সাহায্যাকৃত হইতেছে এবং কেন্দ্রীয় সমাজ-কল্যাণ পর্ষদের অর্থসাহায্যও লাভ করিতেছে—এই প্রতিষ্ঠানে প্রদত্ত শিক্ষালাভাধিনী মধ্যবিত্ত শ্রেণীর বালিকাদের সংখ্যাও ক্রমবর্ধমান। শিল্পায়নের দিক হইতে হয়ত অধিকতর গুরুত্বপূর্ণ হইতেছে—নাগরিক পরিবারসমূহের কল্যাণকল্পে কেন্দ্রীয় সমাজ-কল্যাণ পর্ষদ কর্তৃক পরিচালিত “দি পাইলট সোশিও ইকোনমিক প্রোজেক্ট” নামক সামাজিক অর্থনীতিমূলক পরিকল্পনা। নয়া দিল্লীর নিকটবর্তী নাজফগড়ে প্রতিষ্ঠিত দেশলাই কারখানার লক্ষ্য হইতেছে—স্ত্রীলোকেরা যাহাতে নিজেদের বাড়ীতে ও কারখানায় উভয়ত্রই দেশলাই প্রস্তুতি এবং বাস্তবন্দী করার সহিত সংশ্লিষ্ট বিভিন্ন পদ্ধতিতে অংশ গ্রহণ করিতে পারে তাহাদিগকে তদুপযোগী শিক্ষা প্রদান করা। “দি ফ্যামিলি ওয়েলফেয়ার ইণ্ডাস্ট্রিয়াল কো-অপারেটিভ সোসাইটি লিমিটেডে”র কার্যনির্বাহক সমিতিতে বসেন কেন্দ্রীয় সমাজ-কল্যাণ-পর্ষদ, শিল্প-বাণিজ্য মন্ত্রণালয়, অর্থ-মন্ত্রণালয়ের প্রতিনিধি এবং নয়া দিল্লী সমবায় সমিতি-

সমূহের রেজিষ্টার। কারিগরি শিক্ষণ এবং অর্থের ব্যবস্থা করেন শিল্পবাণিজ্য মন্ত্রণালয়। উক্ত অঞ্চলের ১,৩০০ পরিবারের মধ্যে তথ্যানুসন্ধান কার্য করেন সেই সকল স্বেচ্ছা-প্রণোদিত কর্মী যাহারা নারী সংগঠনের ভার গ্রহণ করিয়াছেন এবং তাহাদের জ্ঞান সেবামূলক কল্যাণ-কর্মের ব্যবস্থা করিতেছেন। প্রত্যহ ৫০০ গ্রোস দেশলাইয়ের বাক্স উৎপাদিত হইতেছে এবং প্রথম বৎসরে কমে নয়জন নারীদের সংখ্যা ৫০০ শত। যে উদ্বাস্ত অঞ্চলে ইহা অবস্থিত তাহার পক্ষে ইহাকে বিরাট সাহায্য বলা যাইতে পারে। কর্মীর কুশলতা অনুযায়ী উপার্জনের তারতম্য হয় এবং তাহা দৈনিক এক টাকা হইতে দুই টাকা পর্যন্ত যাহা কিছু হইতে পারে। আমরা আশা করি যে, দ্বিতীয় পঞ্চবার্ষিকী পরিকল্পনা শেষ হওয়ার আগে ভারতের অধিকাংশ রাজ্যে স্বেচ্ছা-প্রণোদিত কর্মীদের তথ্যানুসন্ধানের উপর প্রতিষ্ঠিত, সরকার কর্তৃক অর্থসাহায্যাকৃত এবং নারী সমবায় সমিতিসমূহ কর্তৃক পরিচালিত এই ধরনের শিল্পসমূহ চালু হইবে। তিনটি সমান্তরাল প্রোজেক্টের কাজ যথারীতি আদৃত হইয়া গিয়াছে।

উপসংহার

উপসংহারে আমি বলিতে চাই যে, আজ যখন শিল্প নারীদের ভূমিকা বিশ্বব্যাপী ভিত্তিতে স্বীকৃতিলাভ করিবার স্তরে আসিয়া পৌঁছিয়াছে, তখন ভারতে এই ক্ষেত্রে নারীদের কম সম্পর্কে আমার মতবাদ উপস্থাপিত করিতে সমর্থ হইয়া আমি পদম পরিতোষ লাভ করিতেছি এবং আমার এই আশা প্রকাশ করিতেছি যে, ভারতীয় নারীদের প্রগতি, অনেকগুলি প্রতিবেশী দেশে এবং সাধারণ ভাবে এশীয় অঞ্চলে এই সমস্ত সমস্যার সমাধানের পন্থার উপর শক্তিশালী প্রভাব বিস্তার করিবে।

শ্রমোপজীবনী স্ত্রীলোকদের জন্য হোস্টেল

ডি. পি. সি

রোগবিস্তারের প্রতিরোধ না করিয়া কেবলমাত্র হাসপাতালসমূহ খুলিলেই কোন উদ্দেশ্য সিদ্ধ হইবে না।

* * *

“যে সকল হেতু সামাজিক কলুষের উদ্ভবের মূলে সেগুলি দূর করিতে হইবে। আমি একথা স্বীকার করি যে, সকল হেতুই এখনই দূরীভূত করা যাইতে পারে না। এই সকল নির্মূল করিতে সময় লাগিবে।”

১৯৫৫ সনের নবেম্বর মাসে অনুষ্ঠিত চেয়ারম্যানদের দ্বিতীয় কনফারেন্সে, তাহাদের প্রতি প্রদত্ত ভাষণে এই কথাগুলি বলিয়াছিলেন প্রধানমন্ত্রী পণ্ডিত শ্রীজবাহরলাল নেহরু। নিম্নতর আয়কারী গোষ্ঠীর অন্তর্ভুক্ত শ্রমোপজীবনী স্ত্রীলোকদের হোস্টেলসমূহকে সাহায্য করিবার জ্ঞান কেন্দ্রীয় সমাজ-কল্যাণ পর্ষদের এই সিদ্ধান্তের ভিত্তি হইতেছে প্রধানমন্ত্রী কর্তৃক ব্যাখ্যাত এই দার্শনিক উপপত্তি। পর্ষদ

কর্তৃক নিযুক্ত সামাজিক এবং নৈতিক স্বাস্থ্য সম্পর্কিত কমিটির অনুসন্ধানের ফলে তরুণী স্ত্রীলোকদের শোষণিত হওয়ার জন্ত নিম্নলিখিত বিষয়টিও যে আংশিক ভাবে দায়ী সেই তথ্য উদ্‌ঘাটিত হইল। সেই বিষয়টি হইতেছে—নিজেদের শহর ব্যতীত অন্তর্জ যাহারা কর্মে নিযুক্ত হয় সেই সকল শ্রমোপজীবিনী স্ত্রীলোকদের বাসোপযোগী স্থানের অবিচ্ছিন্নতা। পতিতা স্ত্রীলোকদের সমস্যার সমাধান করা ছাড়াও আমরাদিগকে সেই সকল কারণও বিদূরিত করিতে হইবে যাহা এই অধঃপতনের পথে তাহাদিগকে লইয়া যায়। এই ধরনের উপযোগী হোটেলের অনস্তিত্ব, শ্রমোপজীবিনী স্ত্রীলোকদিগকে অধিক হইতে অধিকতর পরিমাণে কাজ দিতে উৎসাহিত করিবার ব্যাপারেও একটি প্রবল প্রতিবন্ধ। ঐ দৃষ্টিকোণ হইতে শ্রমোপজীবিনী স্ত্রীলোকদের সমস্যার সমাধানকল্পে এবং শ্রমিক-বালিকাদের উপর যেকোনপ্রকার শোষণ নিবারণার্থে কেন্দ্রীয় সমাজ-কল্যাণ পর্ষদ কেন্দ্রীয় পর্ষদের বেসরকারী সদস্যগণ লইয়া একটি বিশেষ কমিটি নিয়োগ করেন। এই সকল সদস্য দেশের শ্রমোপজীবিনী স্ত্রীলোকদের হোটেলসমূহ পরিদর্শনান্তে পর্ষদের নিকট যে রিপোর্ট দাখিল করেন, কমিটি সেই ভিত্তির অনুমোদন করেন যাহাতে—হয় চালু হোটেলগুলিকে অর্থসাহায্য দেওয়া যাইতে পারে অধিকতরসংখ্যক শ্রমোপজীবিনী নারীদের প্রতি সুযোগ-সুবিধা সম্প্রদারণার্থে, অথবা নূতন হোটেল খুলিবার জন্ত। সাব-কমিটি বৃষ্টিতে পারিলেন যে, যেহেতু নিম্নতর আয়কারী গোষ্ঠীর শ্রমোপজীবিনী স্ত্রীলোকদের এই সকল হোটেল স্বয়ংসম্পূর্ণ হইতে পারে না, সেইজন্ত প্রাথমিক সর্বাপেক্ষা উল্লেখযোগ্য ব্যয়ের ওজ তাহাদের অর্থসাহায্যের প্রয়োজন।

অর্থসাহায্যের সর্তাবলী

কেন্দ্রীয় সমাজ-কল্যাণ পর্ষদ, কাজেই, ১৯৫৬ সনের ১২ই ফেব্রুয়ারী তারিখে অনুষ্ঠিত এক সভায়, ৫০—২০০ টাকা পর্যন্ত যাহাদের আয় সেই সকল শ্রমোপজীবিনী মেয়েদের হোটেলের অর্থসাহায্যের আবেদনপত্র সম্বন্ধে বিবেচনা করা হইবে বলিয়া সাব্যস্ত করিলেন—সর্ব রহিল এই দানের সর্বোচ্চ পরিমাণ হইবে ১৫,০০০ টাকা। যাহারা এই শ্রেণীর অন্তর্ভুক্ত তাহাদের অধিকাংশই হইতেছে শিক্ষিকা, কেবাণী, নার্স, ধাত্রী, টেলিফোন অপারেটর প্রভৃতি রূপে কর্মে নিযুক্ত স্ত্রীলোক। ছাত্রদের হোটেলের অথবা যে সকল হোটেলের আবাসিকদের বিনা খরচায় অবস্থানের ব্যবস্থা আছে সেগুলিতে অর্থসাহায্য দেওয়া হয় না। সাহায্যপ্রাপ্ত হোটেলের আবাসিকদের সংখ্যা তারতম্য অনুসারে হইবে ১৫ হইতে ১০০ পর্যন্ত। নূতন

গৃহ নির্মাণ, মেরামতি, চালু গৃহসমূহের সংস্কার এবং পরিবর্তন, ভাড়া, সাজসরঞ্জাম এবং আবাসিকদের সামাজিক ও সাংস্কৃতিক কর্মপ্রচেষ্টা প্রভৃতির জন্ত অর্থসাহায্য প্রাপ্তব্য।

কোন হোটেলের আবাসিকদের খাণ্ডবস্ত্র সংস্থানের জন্ত কোন প্রকার অর্থসাহায্য প্রদত্ত হয় না।

এই সকল সাহায্য কতকগুলি বিশেষ সর্তাবলী, যথা : কোন অর্থসাহায্যপ্রাপ্ত প্রতিষ্ঠানকে আবাসিকদের জন্ত কতকগুলি নিদিষ্ট নূনতম সুযোগ-সুবিধার ব্যবস্থা করিতে হইবে। আবাসিকদিগের নিকট হইতে যে ভাড়া আদায় করা হয় তাহা কেন্দ্রীয় সমাজ কল্যাণ পর্ষদ কর্তৃক বিশেষ ভাবে নিষ্কারিত একটি অঙ্কে ছাড়াইয়া যাইবে না এবং নিম্নতম আয়কারী গোষ্ঠী যাহাতে এই সকল সুযোগ-সুবিধা হইতে বঞ্চিত না হয় সে বিষয়ে বিশেষ মনোযোগ দেওয়া হইবে।

কোনো ক্ষেত্রে কেন্দ্রীয় সমাজ-কল্যাণ পর্ষদ যদি দেখেন যে, আবাসিকদের দেয় যে ভাড়া নিষ্কারিত হইয়াছে তাহা হয় খুব বেশী অথবা খুব কম, তাহা হইলে পর্ষদ ভাড়ার হার নিদিষ্ট করিয়া দিতে পারেন।

যদি ইতিমধ্যে প্রতিষ্ঠান কর্তৃক শ্রমোপজীবিনী স্ত্রীলোকদের জন্ত একটি হোটেল পরিচালিত হইয়া থাকে তাহা হইলে ইহাকে এই কর্মপ্রচেষ্টা বর্তমান স্তরে চালু রাখিতে এবং যোগ্যতার স্বাভাবিক মানও বজায় রাখিতে হইবে। আর যদি হোটেলটি কেবলমাত্র এখনই খুলিতে হয় তাহা হইলে প্রতিষ্ঠানকে যাবতীয় অবশিষ্ট ব্যয় নির্বাহার্থে যথেষ্ট অর্থের সংস্থান করিতে হইবে।

শ্রমোপজীবিনী মেয়েদের হোটেলের জন্ত সাহায্যপ্রার্থী প্রত্যেকটি প্রতিষ্ঠানকে নিদিষ্ট ফরমে চালু হোটেল এবং (অথবা) যে সকল হোটেল খোলা হইবে সেগুলি সম্বন্ধে তথ্য সরবরাহ করিতে হইবে এবং অনুলিপি সহ উক্ত ফরম রাজ্যের সমাজ কল্যাণ উপদেষ্টা পর্ষদের নিকট দাখিল করিতে হইবে। রাজ্য পর্ষদসমূহ একটি বিশেষ আবেদনপত্র অনুমোদনকালে কোনও নিদিষ্ট এলাকায় একটি হোটেল খুলিবার প্রয়োজনীয়তা সুনিশ্চিত রূপে প্রমাণ করিবেন এবং সাহায্যের জন্য আবেদনকারী সংস্থার বিশ্বস্ততা সম্বন্ধে প্রশংসাপত্র প্রদান করিবেন।

কেন্দ্রীয় সমাজ-কল্যাণ পর্ষদের গত সভায় অন্ধ, মধ্য-প্রদেশ, পশ্চিমবঙ্গ এবং ত্রিবাঙ্গুর কোচিনের শ্রমোপজীবিনী মেয়েদের ১১টি হোটেলকে যে অর্থসাহায্য অনুমোদন করা হইয়াছে তাহার পরিমাণ ১,০৪,০০০ টাকা পর্যন্ত। দেশের বিভিন্ন অংশ হইতে আরও প্রায় ২০টি দরখাস্ত পাওয়া

গিয়াছে এবং কেন্দ্রীয় সমাজ-কল্যাণ পর্ষদের পরবর্তী সভায় এগুলি সম্বন্ধেও বিবেচনা করা হইবে।

কাজেই ইহা আশা করা যায় যে, এই সকল অর্থসাহায্য কেবল যে শ্রমোপজীবিনী মেয়েদের নিজেদের শহর হইতে

অন্যত্র কর্মের সন্ধানে উৎসাহলাভের সহায়ক হইবে তাহা নহে, ইহা তাহাদিগকে নৈতিক বিপদের আশঙ্কা হইতে মুক্ত হইয়া ন্যূনতম ভাড়ায় থাকিবার আরামপ্রদ স্থানপ্রাপ্তি বিষয়েও সহায়তা করিবে।

সামাজিক চিকিৎসাবিদ্যা

ডা. ডি. এম. বাসা

এদেশে সমাজতান্ত্রিক পদ্ধতির সমাজগঠনের যে প্রস্তাব করা হইয়াছে তৎসম্পর্কে সম্প্রতি প্রভূত আলোচনা-আলোচনা হইয়া গিয়াছে। কাজেই ইহা দেখাইয়া দেওয়া সমীচীন যে, যে-কোনও রাজনৈতিক আবহাওয়াতেই সামাজিক চিকিৎসাবিজ্ঞান উন্নতিবিধান হইতে পারে, যদিও ইহার চরম উৎকর্ষ সাধিত হয় সমাজতান্ত্রিক গণতন্ত্রে।

কেননা সামাজিক চিকিৎসাবিজ্ঞান হইতেছে মূলতঃ কোনও একটি সংস্কার অবস্থা হইতে অধিকতর রূপে মনের অবস্থা। জনগণের তরফ হইতে এবং অধিকতররূপে চিকিৎসাবিজ্ঞানের তরফ হইতে ইহা একটি নির্দিষ্ট মনোভাব এবং দৃষ্টিভঙ্গীর কথা আগেই স্বীকার করিয়া লয়। ইহা এই বিষয়টির যথার্থ উপলব্ধি করিতে পারে যে, চিকিৎসাবিজ্ঞানের প্রাথমিক লক্ষ্য হইতেছে স্বাস্থ্য—সমাজের সামগ্রিক স্বাস্থ্য—ব্যক্তিগত স্বাস্থ্য নয়, অথবা সামাজিক স্তরে ব্যাধিও নয়। অল্প কথায় সুস্থ সমাজ—রুগ্ন সমাজ অথবা ব্যাধি অপেক্ষা অধিকতর না হইলেও অন্ততঃ সমান গুরুত্বপূর্ণ ত বটেই। স্বাস্থ্যসংরক্ষণের ব্যবস্থাসমূহ যতটা ব্যক্তিগত স্তরে ততটা সামাজিক স্তরেও অবশ্যপ্রয়োজ্য হইবে।

সাধারণতঃ আমাদের মিউনিসিপ্যালিটিসমূহ কর্তৃক ডি. ডি. টি তরঙ্গবিন্দু নিক্ষেপ (spraying) প্রভৃতি যে সকল রোগ-প্রতিষেধক ব্যবস্থা অবলম্বিত হয় সেগুলির সহিত আমরা সকলেই পরিচিত আছি। কিন্তু চিকিৎসাবিজ্ঞানের আর একটি অধিকতর নিশ্চয়াত্মক (positive) দিক আছে। বারংবার উপদেশদানের ফলে মনে উৎকৃষ্ট জীবনচর্যার বহুমূল সংস্কার জন্মানো ইত্যাদি উপায় অবলম্বন-পূর্বক স্বাস্থ্যের উন্নয়ন ইহার অঙ্গীভূত। ইহার লক্ষ্য হইতেছে, ব্যাধির মনে এই ধারণা দৃঢ়মূল করিয়া দেওয়া যে, সে নিজে তাহার প্রতিবেশীদের সহিত একত্রে তাহার নিজের এবং তাদের স্বাস্থ্যরক্ষার জন্য দায়ী। “স্বাস্থ্য, কাজেই একটি ক্রয়যোগ্য পণ্যদ্রব্য এবং ইহার মূল্য হইতেছে—যেমন ব্যাধির তেমনি সমষ্টির পক্ষেও উৎকৃষ্ট জীবনচর্যার অভ্যাস বজায়

রাখা। স্বাস্থ্য এমন কিছু নয় যাহা চিকিৎসাবিজ্ঞান আমাদিগকে দান করিতে পারে; বটিকা, ইঞ্জেকশন অথবা টোটকা ঔষধ ইত্যাদি দ্বারা নিশ্চিতই ইহা লাভ করা যাইতে পারে না।

ইহা একটি সাধারণ পর্যবেক্ষণের বিষয় যে, যে সকল রোগী প্রাইভেট ডাক্তারদের নিকট আসে তাহাদের অন্ততঃ অধিক সেই সকল রোগে ভোগে যাহা সৃষ্টির মুখ্য কারণ হইতেছে মনস্তাত্ত্বিক অসামঞ্জস্য। সাধারণ হাসপাতাল-সমূহের সংখ্যা হইতেছে প্রায় এক-তৃতীয়াংশ। ইহার মানে কি? ইহার মানে এই যে, এই সকল রোগী সেই সব রোগে ভুগিতেছে যাহার মূল কারণ—অন্যান্য লোকের সঙ্গে তাহাদের ক্রটিপূর্ণ অথবা অসন্তোষজনক সম্পর্ক। ইহা দ্বারা বুঝায় সেই সকল পিতামাতা, শিশু, আত্মীয়স্বজন, প্রতিবেশী এবং অন্যান্য লোক যাহাদের সহিত তাহারা বাস করে অথবা যাহাদের সংস্পর্শে তাহারা আসে।

ইহা সত্য যে, আপাতদৃষ্টিতে তাহাদের অধিকাংশ অসুখই শারীরিক—যদিও তাহাদের কারণসমূহ নিহিত রহিয়াছে মনোজগতের গহন গভীরে। তাই বলিয়া কিন্তু একথা আমরা বলিতেছি না যে, তাহাদের অসুখগুলি কাল্পনিক—বস্তুতঃ তাহারা ক্যান্সার, নিমোনিয়া, করোনারী থ্রম্বোসিস প্রভৃতি খাঁটি শারীরিক ব্যাধিসমূহের ন্যায়ই সমান গুরুতর, যন্ত্রণাদায়ক এবং রোগীকে অশক্ত করিয়া ফেলিতে পারে। যে ছোট শিশুর উদরাময় অথবা বমির অসুখ আছে সে মায়ের নিকট তাহার বিরক্তি প্রকাশ করিতে পারে। আর একটু বেশী ভালোবাসা, আর একটু বেশী তাহাকে বুঝিবার চেষ্টা—এইটুকু মাত্র প্রয়োজন—তাহা হইলেই দেখা যাইবে যে, শিশুটি আবার সুস্থ হইয়াছে। যে পরিমাণ সালফা ড্রাগ অথবা ইঞ্জেকশনই দেওয়া যাক না কেন তাহাতে কিছু ফায়দা হইবে না। কাজেই রোগের বিরুদ্ধে প্রথম প্রতিরক্ষার গোড়াপত্তন করিতে হইবে শৈশবে। আমি এখন শৈশবকালে উপদেশপ্রদান দ্বারা সহজ্যাস এবং নিয়মানুবর্তিতা সম্বন্ধে

শিশুদের মনে বন্ধমূল সংস্কার জন্মাইয়া দিবার কথা ভাবিতেছি না। যদিও এসব খুবই গুরুত্বপূর্ণ—অধিকাংশ রোগ বিশেষতঃ পরবর্তী জীবনের পুরাতন ব্যাধিসমূহ হইতেছে মুখ্যতঃ পিতা-মাতা এবং শিশুর ক্রটিযুক্ত সম্পর্ক হইতে উদ্ভূত মনস্তাত্ত্বিক অসামঞ্জস্যের ফল। কাজেই সামাজিক চিকিৎসাবিচার একটি প্রধান স্তম্ভ হইবে, ভালবাসা ও স্বাধীনতায় পূর্ণ এবং সুস্থ অভিজ্ঞতায় সমৃদ্ধ শৈশব। মানসিক স্বাস্থ্যের মোটামুটি মূলনীতিসমূহ এবং তৎসহ শিশুপালন সম্পর্কে পিতামাতার এবং ভাবী পিতামাতাদের প্রতি পথনির্দেশ ঐ ধরনের সুখী শৈশবের সুনিশ্চিত ব্যবস্থা করার পক্ষে বহুল পরিমাণে সহায়ক হইবে।

অপর একটি স্তম্ভ হইতেছে, স্বাস্থ্যাগ্নয়নমূলক ব্যবস্থা-সমূহ—যেমন বুদ্ধি-বিবেচনার সহিত অবসর সময়ের যথোচিত ব্যবহার, পরিবারের লোকদের এবং অজ্ঞাতদের সঙ্গে সন্তোষজনক এবং সন্তোষ-উৎপাদক আচরণ, স্বাস্থ্যপ্রদ খাদ্য, উত্তম হাওয়া এবং বাসগৃহ। সামাজিক চিকিৎসাবিচার একটি প্রোগ্রাম অনুসারে ইনডোর এবং আউটডোর উভয়বিধ গ্রুপ গেম বা ক্রীড়া-কৌতুক সংগঠন এবং তৎসহ ক্লিনিক ও হাসপাতালসমূহের ব্যবস্থার গুরুত্বও সমানই হইত।

স্বাস্থ্যাগ্নয়নের আর একটি দিক হইতেছে নিয়মিত ভাবে সুস্থ ব্যক্তিদের বার্ষিক পরীক্ষার দ্বারা জনসাধারণের শিক্ষা। এই উপায়ে প্রয়োজন হইলে জীবনধারণের এবং চিন্তার ক্রটিপূর্ণ অভ্যাসসমূহই যে কেবল শুধরাইতে পারে তাহা নহে, উপরন্তু চিকিৎসক অত্যন্ত প্রাথমিক অবস্থায় রোগ ধরিতে পারিয়া এমন সব অবস্থার আঁচ করিতে পারেন, পরবর্তীকালে যাহার অনিবার্য পরিণাম হইতে পারে—ব্যক্তি এবং সমাজ উভয়ের পক্ষেই প্রভূত যন্ত্রণা এবং অর্থব্যয়। কর্ম হইতে ক্রমাগত এবং দীর্ঘ অনুপস্থিতি এবং তৎসহ তাহার আনু-ষঙ্গিক অর্থনৈতিক অপচয় ও সামাজিক অসামঞ্জস্যের বিরুদ্ধে নিশ্চিত ব্যবস্থা করা ছাড়াও, হাসপাতালের উপরকার বোঝা প্রভূতপরিমাণে লাঘব করা যাইতে পারে। স্বাস্থ্য-শিক্ষা এবং উন্নয়নের ব্যাপারে মূল ব্যক্তি হইতেছেন সমাজ-কর্মী অথবা স্বাস্থ্যশিক্ষক (Health Educator)। নিয়মিত ভাবে তিনি রোগী ও স্বাস্থ্যবানদের পরিদর্শন করিয়া থাকেন এবং ব্যক্তিগত আলাপ-আলোচনা ও যুক্তিতর্ক আর উপদেশাদির মাধ্যমে পরিবারগুলিকে সাহায্য করিবার চেষ্টা করেন, ব্যক্তিগত শারীরিক ও মানসিক স্বাস্থ্যনীতিকে তিনি করিয়া তোলেন এক জীবন্ত বাস্তবতা—তাহাদের দৈনন্দিন জীবনের একটি অংশ। স্বাস্থ্যের যেকোন সামান্য বিচ্যুতি সম্পর্কেও চিকিৎসকের নিকট রিপোর্ট করা হয়। ফলে,

ব্যাধিকে অল্পের বিনষ্ট করিবার ব্যবস্থাসমূহই যে শুধু অবলম্বিত হইতে পারে তাহা নহে, এই পটভূমিকার জ্ঞানবলে বসীধান হইয়া চিকিৎসক তাহার রোগীদিগকে দ্রুত তাহাদের পূর্ব স্বাস্থ্যে পুনঃপ্রতিষ্ঠিত করিতে উৎকৃষ্টতরূপে সমর্থ হইতে পারেন।

সামাজিক এবং জীববিজ্ঞানবিষয়ক বিজ্ঞানসমূহের যে প্রভূত উন্নতি হইয়াছে, চিকিৎসাবিচারও যে তাহার প্রতিক্রিয়া হয় নাই তেমন নহে, যদিও ইহা স্বীকার করিতেই হইবে যে, সামাজিক চিকিৎসাবিচার তার অসংখ্য কারণ এবং সম্পর্ক সম্বন্ধে ধারণাবশে, কেবলমাত্র একটি বিষয় (যেমন বীজাণু অথবা খাদ্যে পুষ্টিকর উপাদানের অভাবের কথা দৃষ্টান্তস্বরূপ বলা যায়) রোগের জন্ম দায়ী—এই যে আধুনিক কালের অনমনীয় ধারণা তাহা নির্মূল করিবার জন্ম চেষ্টা করিতেছে। ইহা দেখানো যায় যে, এক কক্ষওয়াল যে সকল ফ্লাট অথবা ভাড়াবাড়ীতে শিশুরা পিতামাতার সঙ্গে শোয় সেগুলি উত্তম মানসিক স্বাস্থ্যের পরিপন্থী। বস্তুতঃ এগুলিতে বাস করার দরুন পিতামাতার সঙ্গে শিশুদের অবনিবনাও হয় এবং পরবর্তী জীবনে তাহাদের বহুবিধ স্নায়ুরোগ ও অসুস্থতার সৃষ্টি হইয়া থাকে।

চিকিৎসাবিচারকে তাহার গজদস্তপ্রাসাদ হইতে নির্গত হইয়া যদি জীবনের মূল ধারার সহিত মিশিয়া যাইতে হয় তাহা হইলে চিকিৎসকদিগকে গোপ্তীগত ভাবে এই সকল তথ্য এমন কার্যকরী ভাবে ব্যবহার করিতে হইবে যাহাতে স্থপতি এবং প্রশাসকগণ একথা উপসন্ধি করিতে পারেন যে, বাসগৃহের বেলায়, অর্থনীতি, সৌন্দর্য্যবোধ এবং আরামই একমাত্র গুরুত্বপূর্ণ বিবেচ্য বিষয় নহে।

সংক্ষেপে, সামাজিক চিকিৎসাবিচার মানুষের সহিত কারবার করে একটি সত্তা রূপে। সমগ্র ব্যষ্টিকে ইহা সামগ্রিক পটভূমিকায় দেখে এবং বিচার করে। ইহা তাহার শারীরিক ব্যথা এবং যন্ত্রণার সহিত যতটা—মানসিক দুঃখ ও হতাশার সহিত ততটাই সংশ্লিষ্ট। ইহার কর্মনীতির মূল-গত ভিত্তি হইতেছে এই জ্ঞান যে, যেমন বীজাণু, দূষিত জল এবং ধারাপ স্বাস্থ্যবিধির দরুন তীব্র ব্যাধির সৃষ্টি হয় তেমনি অসুখী এবং অসন্তোষজনক ব্যক্তিগত সম্পর্কসমূহ মানুষের মনের উপর তাহাদের সজ্জ্বতের দ্বারা স্থায়ী এবং পুরাতন (chronic) রোগের সৃষ্টি করিয়া থাকে। যে সকল বীজাণু মানুষের ভালোবাসারও বুঝাপড়ার উৎসকে বিষাক্ত করে সে-গুলি, যে সকল জীবাণু আমাদের দেহতন্ত্রকে (system) বিষাক্ত করিয়া থাকে তৎসমূহেরই মত জয়াবহ।




অহান

রেফোনা

আগের চেয়ে অনেক বেশী সুগন্ধী!

রেফোনা প্রাইভেট লিমিটেড এর পক্ষে ভারতে প্রস্তুত

RP. 144-X52 BG



বিজ্ঞান-ভবন নয় দিল্লী

এশীয় লেখক সম্মেলন

শ্রীগণেন্দ্রনাথ মিত্র

“পূর্বব পশ্চিম আসে তব সিংহাসন পাশে
প্রেমহার হয় গাঁথা—”

কবির এই আশ্বাসবাণী যেন মূর্ত হয়ে উঠেছিল ১৯৫৬ সনের ২৩শে ডিসেম্বর দিল্লীর আশ্চর্য “বিজ্ঞান-ভবনে” এশীয় লেখক সম্মেলনে। আমাদের হাদীনতা লাভের পর মাত্র দশটি বৎসর চলে গেছে, ভারতের মহান রবিও অস্তমিত। তবুও এই ভারতেই এত বড়, এমন সম্ভাবনাপূর্ণ, এমন অভূতপূর্ব একটি ঘটনা ঘটল যার উদাহরণ পৃথিবীর আর কোন মহাদেশের বা উপমহাদেশের ইতিহাসে নেই! মানবজাতির ইতিহাসের এই সঙ্কীর্ণ ভাষ্যে ভারতেরই কতকগুলি লেখক প্রায় দেড় বৎসর পূর্বে এশীয় লেখকবর্গকে একটি সম্মেলনে আহ্বানে উদ্যোগী হন। তাঁদের আশা ছিল, জাতিতে জাতিতে এই গণ্ডেও মিলন হোক, সম্প্রীতি বাড়ুক, পদস্পর্শকে বোঝার সুযোগ ঘটুক, সংস্কৃতির ক্ষেত্র আরও প্রশস্ত হোক। অত্যাচার মহাদেশের বিরোধিতার উদ্দেশ্যে তাঁদের ছিল বসে আমার জানা নেই। সংস্কৃতির ক্ষেত্রে বিরোধিতাই বা কি থাকতে পারে? সকল লেখকের জীবন-দর্শন এক নয়, কিন্তু কোন লেখকই মত্যা ও শিবকে অস্বীকার করতে পারেন না। জাপান ছাড়া

এশিয়ার সকল দেশই দীর্ঘকাল কোন-না-কোন ভাবে ইউরোপের দলে-কটি জাতের অধীন ছিল। মহাচীনের অংশ বিশেষে ছিল মার্কিন-ইংরেজ-জাপানী-জার্মান প্রভৃত্ব। বর্তমানে এশিয়ার প্রায় সকল দেশই এই ক্রোদমুক্ত, স্বাধীন। এখনও কিছুকিছু বাধা আছে তারও মুক্তির ক্ষণ আসন্ন। এইরূপ সময়ে এমন সম্মেলন যেমন উপযোগী তেমনি গভীর সম্ভাবনাপূর্ণ।

চৌদ্দটি ভারতীয় ভাষা সরকারী স্বীকৃতি লাভ করেছে। এই চৌদ্দটি ভাষায় যে সাহিত্য সুদীর্ঘকাল ধরে রচিত হয়ে আসছে সেগুলির প্রতিনিধিবর্গ ত লেখক-সম্মেলনে যোগ দিয়েছিলেনই রাজস্থানী ভাষা স্বীকৃতি লাভ না করলেও এই সাহিত্যের প্রতিনিধিবর্গকেও সম্মেলনে স্বীকৃতি দান করা হয়। কারণ রাজস্থানী ছ’ কোটিরও বেশী ভারতীয়ের মুখের বৃন্দ। উপরন্তু মীরাবাদী, দাডু ও পৃথ্বীরাজের মত অমর কবিগণ এই ভাষায় সুমধুর দৌহা রচনা করে গেছেন। সম্মেলনের প্রথম দিনে ছিল পনেরটি ভারতীয় ভাষার প্রতিনিধি-লেখকবর্গের সম্মেলন। এই দিনে সভার গোড়ার দিকে কিঞ্চিৎ অপ্রীতিকর কতকগুলি প্রশ্নের অবতারণা হয় এবং সেগুলি বাংলার লেখক-প্রতিনিধিবর্গের তরফ থেকেই মূল সভা-

পতিকে করা হয়েছিল। আমাদের মতে প্রশ্নগুলি করার বিশেষ প্রয়োজন ছিল। যা হোক, শেষ অবধি সম্মেলনে প্রধানতঃ শাস্ত্র আবহাওয়ার মধ্যে সম্পন্ন হয়। তবে কি ভারতীয়, কি অভ্যন্তরীণ সকল ভাষাকে সমর্থ্যাদা দান করা হলেও পূর্ণ সম্মেলনে বাংলা ও হিন্দী লেখকবর্গের তিন জন করে লেখককে তাঁদের সাহিত্য সম্বন্ধে বক্তব্য বলার সুযোগ দেওয়ায় কয়েকটি ভারতীয় ভাষার লেখক প্রতিনিধি নিয়মিত ভাবেই আপত্তি প্রকাশ করেন।

পূর্ণ অধিবেশনে সুবিশাল ও শীতাতপ নিয়ন্ত্রিত, স্নিগ্ধ বিজলী আলোকোদ্ভাসিত কক্ষে এক অবিস্মরণীয় দৃশ্য সৃষ্টি হয়।

সম্মেলনে এসেছিলেন মহাশীনের, মধ্য এশিয়ার সোভিয়েট রাষ্ট্রগুলির, মঙ্গোলিয়ার, উত্তর কোরিয়ার, উত্তর ও দক্ষিণ ভিয়েতনামের ও জাপানের লেখক-প্রতিনিধি। এসেছিলেন বঙ্গদেশের, ইরানের, সিরিয়ার, সিংহলের পূর্ব ও পশ্চিম পাকিস্তানের প্রতিনিধি। আর, আমাদের ভারতের পনেরটি ভাষার লেখক-প্রতিনিধিগণ ত উপস্থিত ছিলেনই। এঁরা ছাড়াও ছিলেন মিশর, অষ্ট্রেলিয়া, কলাম্বিয়া, আমেরিকা, ব্রিটেন ও পশ্চিম জার্মানী প্রভৃতির একাধিক লেখক-দর্শক। মূল সভাপতির সঙ্গে বিশাল মঞ্চাপরি দীর্ঘ টেবিলের ধারে বসে-ছিলেন প্রত্যেক ভাষার প্রতিনিধিবর্গের এক একজন মুখ-পাত্র। আর, প্রতিনিধিগণ বসেছিলেন থাকে থাকে সাজান তাঁদের জন্ত নির্দিষ্ট আসনে। প্রত্যেক আসনের সামনে টেবিলে একটি করে মাইক্রোফোন, পাশে হেডফোন ও নিয়ামক যন্ত্র। আসনগুলি আরামদায়ক, সমগ্র কক্ষ ও মঞ্চের মেঝে পুরু কার্পেটে মোড়া। চলাফেরায় সামান্যতম শব্দও উত্থিত হয় না। সম্মেলনে প্রতিনিধিবর্গের মধ্যে বসে, সকলের দিকে তাকিয়ে কবির কথাগুলি ঘুরে ফিরে মনে আসছিল, “পূর্ব পশ্চিম আসে তব সিংহাসন পাশে।” নানা ভাষা, নানা মুখ, নানা পরিচয়, কিন্তু এমন ‘বিবিধের মাঝে’ মহামিলন এ ভারতেই সম্ভব!

সম্মেলনে ভারতের পক্ষে মূল সভাপতি ছিলেন শ্রীহুমায়ূন কবীর। কিন্তু উদ্বোধনকালে তিনি উপস্থিত না থাকায় তাঁর আসনে অস্থায়ী ভাবে মনোনীত হন শ্রীঅন্নদাশঙ্কর রায়। তাঁর ভাষণের পর শ্রীহুমায়ূন কবির উপস্থিত হন। তার পরেই প্রশ্নাদি আরম্ভ হয়। তবে তিনি ২২শে থেকে ২৯শে ডিসেম্বর পর্যন্ত সব কয়টি অধিবেশনেও উপস্থিত থাকেন নি। ২৫শে থেকে পরবর্তী অধিবেশনগুলির মূল সভাপতি ছিলেন শ্রীতারশঙ্কর বন্দ্যোপাধ্যায়। এরা তিন জনেই বাংলার লোক। এতেই বোঝা যায় বাংলা সাহিত্য এই মহা-সম্মেলনে কতখানি মর্যাদা লাভ করে। সম্মেলনের সাধারণ

সম্পাদক ছিলেন শ্রীমূলকরাজ আনন্দ। বাংলা থেকে আমরা ছিলাম আঠারো জন প্রতিনিধি। দশ টাকা টাঁদা দিলেই কারো প্রতিনিধি হতে বাধা ছিল না। সমগ্র অনুষ্ঠানটি ছিল বেশরকারি। সেজন্য অর্থকৃচ্ছ তার দুশ্চিন্তা ছিল কতৃপক্ষের যথেষ্ট। এমন একটি সম্মেলনে যে প্রচুর অর্থের প্রয়োজন তা বলাই বাহুল্য। বিদেশী সাহিত্যের প্রতিনিধিগণ তাঁদের নিজ নিজ সরকারের অর্থানুকূল্য লাভ করেছিলেন, সম্মেলন কতৃপক্ষও তাঁদের আহার-বাসস্থান ও যানবাহন খরচের সুরাহা করেছিলেন, কিন্তু ভারতীয় প্রতিনিধিগণ কেবল লাভ করেছিলেন এক পিঠের ভাড়ায় বেলে যাতায়াতের সুবিধাটুকু। সাধারণতঃ ভারতীয় লেখকগণ দরিদ্র। তবুও সেজন্য কেউই অনুযোগ করেন নি। সম্মেলনকে সাফল্য-মণ্ডিত করার মহৎ কামনা ছিল সকলেরই অন্তরে। এই উদ্দেশ্যে বাংলা ও তামিল ভাষার লেখকগণ তাঁদের মধ্যকার দলাদলি পরিহার করে একমত্যের উদাহরণ দেখিয়ে যথেষ্ট প্রশংসা ও মর্যাদা লাভ করেন। অবিশিষ্ট এই সম্মেলন সরকারী হলে এর কাঠামো ও মূর্তি হ’ত অন্তরূপ এবং তা যে সমালোচনার উদ্দেশ্য হ’ত তাই বা বলি কি করে?

বিদেশে বিশেষতঃ সোভিয়েট মধ্য এশিয়ার বিভিন্ন ভাষায় কতকগুলি বাংলা, তামিল ও হিন্দী ইত্যাদি গ্রন্থের যে অনুবাদ প্রকাশিত হয়েছে সোভিয়েট লেখকগণ সেগুলির এক এক খণ্ড কতৃপক্ষকে সম্মেলনের অধিবেশন চলা কালেই উপহার দেন। সংখ্যায় সেগুলি হবে অনেক।

সম্মেলনের কার্য-কর্ম, বক্তৃতা, আলোচনা, প্রস্তাবাদি সবই হয় ইংরেজী ভাষার মাধ্যমে। তা ছাড়া আর উপায়ই বা কি ছিল? এমন সার্বজনীন রূপ পৃথিবীর আর কোন ভাষার? তবে বিদেশী প্রতিনিধিগণ তাঁদের বক্তব্য স্ব স্ব ভাষাতেই বলেন এবং তা শ্রোতৃবর্গের সুবিধার্থে সঙ্গে সঙ্গে ইংরেজীতে তর্জমা করেন দোভাষী। সম্মেলনে বিবিধ বিষয় আলোচিত ও কতকগুলি প্রস্তাব গ্রহণ করা হয়। বক্তা-গণের বক্তৃতা থেকে এশিয়া ও অন্যান্য মহাদেশের সাহিত্যের বর্তমান গতি-প্রকৃতির একটি ধারণা শ্রোতৃবর্গের করা সম্ভব হয়েছিল। ফলে লাভই হয়েছে। কিন্তু তা প্রচারের প্রয়োজন যা অন্ততঃ আমাদের বাংলাদেশে করা হয়েছে বলে আমার জানা নেই। সে সকল রিপোর্টের নকল আমাদের মধ্যে কেউ কেউ মূল্য দিয়ে সংগ্রহ করেছেন।

সম্মেলনে অতি মনোজ্ঞ ভাষণ দিয়েছিলেন ভারতের কয়েকজন বিশিষ্ট ব্যক্তিবর্গ যেমন শ্রীরাজাগোপাল আচারী। শ্রীরাজাগোপাল আচারী তাঁর অল্পম বক্তৃতায় প্রচুর হান্তরস বিতরণ করেছিলেন। সাহিত্য ও রাজনীতি এই দুটিকে তিনি পৃথক রাখতে পরামর্শ দেন এবং অনুবাদের চেয়ে নিজস্ব পথে

মৌলিক সাহিত্য সৃষ্টিতেই উৎসাহ দিয়েছিলেন যথেষ্ট। এশীয় লেখক সম্মেলনটি বিশ্ব লেখক সম্মেলন হলে তিনি আরও খুশি হতেন। শেষ দিনে লেখকবর্গের গোল টেবিল সম্মেলনে তাঁর নিজস্ব ভঙ্গীতে বক্তৃতা দিয়েছিলেন শ্রীজবাহরলাল নেহরু। তিনি নিজে শক্তিশালী ইংরেজী লেখক। কাজেই রচনার যে গুণ প্রয়োজন লেখকবর্গকে সে স্বেচ্ছা সচেতন করেন। আর, আমাদের মাননীয় রাষ্ট্রপতি ত তাঁর বিশাল ও সুদৃঢ় ভবনে প্রতিনিধিগণকে নিমন্ত্রণে আপ্যায়িত ও সম্মানিত করেছিলেন। কিন্তু তাঁর বক্তৃতায় উপস্থিত সকলেই যে যথোচিত মনোযোগী ছিলেন এ কথা বলতে পারলে আনন্দিত হতাম। তিনি অনেকগুলি মুস্যবান কথা বলেছিলেন, বিশেষ করে বিশ্ব-শান্তি সঙ্ক্ষে।

এই প্রসঙ্গে অত্যান্ত অভ্যর্থনার মধ্যে উত্তর ভিয়েতনামের এমবাসিতে ও দিল্লীর পঞ্জাবী কলাকেন্দ্রে প্রতিনিধিগণকে যে অভ্যর্থনা করা হয় সে দুটির উল্লেখ করা বিশেষ প্রয়োজন মনে করি। কারণ, ভিয়েতনাম এমবাসি তাঁদের দেশের মুক্তি-সংগ্রামের যে ছায়াচিত্রগুলি দেখিয়েছিলেন তা ছায়া-চিত্রের দিক থেকে নিঃসন্দেহে চিত্তাকর্ষক ও বিশ্বাকর্ষক, কিন্তু সুদীর্ঘকালের পরাধীনতা ও অপরাপর শ্রানি থেকে মুক্তির জন্য একটি জাতি যে কি ভাবে ত্যাগ স্বীকার করতে পারে, সতিষ্ক হতে পারে, প্রতিজ্ঞায় অটল ও একতাবদ্ধ থাকতে পারে সে অমর কাহিনী বিচিত্র চিত্র আঁতে মুখর হয়ে উঠেছিল। সেই ঘটনা-প্রবাহে দেখা গিয়েছিল ডাঃ হো চি মিনকে। সুরল, অনাড়ম্বর তাঁর জীবনযাত্রা, লোক-সাধারণ থেকে নিজেকে উচ্চস্তরে রাখবার ঈর্ষ প্রয়াসও তাঁর মধ্যে নেই। অতি সাধারণ পোশাকে, সামান্য একজন সঙ্গী নিয়ে শ্রদ্ধাস্পদ ও অক্লান্ত কর্মী এই বৃদ্ধ গ্রাম থেকে গ্রামে হেঁটে চলেছেন নবজীবনের আশীর্বাদ নিয়ে। আর, পঞ্জাবী কলাকেন্দ্রে দেখা গেল পঞ্জাবের লোকনৃত্য, শোনা গেল

লোকসঙ্গীত। সে সঙ্গীতের ভাষাসকলের বোধগম্য না হলেও তার সুর মর্মস্পর্শ করেছিল। সকল সংস্কৃতিরই মূল লোক-সাধারণের মধ্যে নিহিত।

প্রতিনিধিগণের মধ্যে ছিলেন অনেক নারী ও পুরুষ-কবি। তাঁদের নিয়ে এক সন্ধ্যায় বসেছিল মুশায়েবার আসর। তাঁদের কবিতার বিবিধ ভাষা, বিবিধ ছন্দ, বিবিধ ভাব। বলা নিস্প্রয়োজন যে, সেই বহু ভাষাভাষী শ্রোতৃবর্গের অধিকাংশই ভাষার বেষ্টনী ভেদ করে সে সকল কবিতার মর্মলোকে প্রবেশ করতে পারেন নি। তবুও তারা প্রতি কবিতার শেষে যথারীতি করতালি দিয়ে সকলে কবিকে সখর্ধনা জানিয়েছিলেন।

এই মহাসম্মেলন কতকটা বিশেষ সামাজিক মেলামেশার রূপও ধারণ করেছিল। এই মহাসম্মেলনে বাংলার যোগ্য প্রতিনিধিত্ব খটেছিল কিনা এ প্রশ্নের আলোচনা করতে চাই না। কিন্তু যারা গিয়েছিলেন ও বাংলার পক্ষে কথা বলে-ছিলেন তাঁরা বাংলার মর্যাদা হানি করেন নি বরং বৃদ্ধিই করেছেন এ কথা নিঃসন্দেহে বলা যায়।

সমগ্র পৃথিবীর লেখক-সমাজ, রাজনীতিকেরাও ভারতে এই মহাসম্মেলনের দিকে তাকিয়েছিলেন। সম্মেলনের উদ্বোধনগণকে বহু বাধা ও অসুবিধার মধ্যে কাজ করতে হয়েছে। এমন একটি বেসরকারী মহাসম্মেলন ক্রটিহীন হতে পারে না। তবুও উদ্বোধনগণের অক্লান্ত ও আন্তরিক প্রচেষ্টা যে সাফল্যমণ্ডিত হয়েছে এতে আর সন্দেহ নেই। এটি আমাদের ভারতেরও পদম গৌরবের বিষয়। আগামী-বারে মহাচীনে বা ব্রহ্মদেশে, এশিয়ার যে কোন অংশেই আরও সুষ্ঠুভাবে লেখক-সম্মেলন হোক, কিন্তু আমাদের ভারতই এই মহৎ কর্মে অগ্রপথিকের সম্মানের অধিকারী হয়ে রইল। হয়ত অদূর ভবিষ্যতে, ভারতে বিশ্ব-লেখক সম্মেলনও হতে পারে। সে শুভদিন আসুক।




এসে গেছে! এই **ডালডা**

দেওয়া **নতুন চিনি**

ডালডাকে সম্পূর্ণ খাঁটা

ও তাড়ঘ রাখে



- **বিশুদ্ধ ও তাজা** ডালডা কেনবার সময় সম্পূর্ণ বিশুদ্ধ ও তাজা অবস্থায় পাচ্ছেন— কারণ টিনে বায়ুরোধক শীলকরা ঢাকনা ডালডাকে সুরক্ষিত রাখে।
- **বিশুদ্ধ ও তাজা** ব্যবহারের সময়ও ডালডা সম্পূর্ণ বিশুদ্ধ ও তাজা থাকে কারণ ভালভাবে এঁটে বসা বাইরের ঢাকনাটি ডালডাকে সবদাই ধূলাবালি ও মাছি ইত্যাদির থেকে বাঁচিয়ে রাখে।
- **খুলতেও কি সুবিধে** খুলতে আর ব্যবহার করতে কি সুবিধে!
- **পুরোনো খালি টিন কত কাজে লাগে**—ডাল চিনি মশলাপাতি রাখতে টিনগুলো সত্যিই খুব কাজে লাগে।

ডালডা ১/২ পাঃ, ১ পাঃ, ২ পাঃ*, ৫ পাঃ* এবং ১০ পাউণ্ড* টিনে পাওয়া যায়
* এই টিনগুলিতে ডবল ঢাকনা আছে

ডালডা মার্কা **বনস্বতি**

কৃষি ও শিল্প-কথা

শ্রীশরৎচন্দ্র সেন

ধান, গম, কড়াই, সরিষা, আলু, চিনাবাদাম, ইক্ষু, চা ও পাট ইত্যাদি প্রচুর পরিমাণে উৎপন্ন হইলে দেশবাসী ও কর্মীরা সমৃদ্ধিশীল করেন এবং সেবাধর্ম পালন করিতে পারেন। এজন্য প্রয়োজন হয় জমিতে উন্নত ধরনের সার দ্বারা কৃষি-কার্য সম্পাদন এবং গ্রামীণ স্বাস্থ্য ও শিল্প উন্নয়নের জন্য রক্ষ-রোপণ।

কৃষি-সার

কৃষি-জমির উর্বরাশক্তি হ্রাস হইলে জমিতে কয়েক প্রকার দূষিত বীজাণু ও নানারূপ আগাছা ইত্যাদি জন্মিয়া ধাতু ও অপরাপর শস্যের বিশেষ ক্ষতি করে, ফলে ফসল প্রচুর পরিমাণে জন্মে না। এ কারণে কৃষি-জমিতে চাষের কিছু পূর্বে স্বল্প বায়ে ও পরিশ্রমে সহজলভ্য “বাবলারক্ষের” কাঁচা পাকা পতা বা শুকনা পাতা ও ফুল, প্রতি বিঘা জমিতে ন্যূনপক্ষে দশ সের ও শুকনা “গোবর জুঁড়া” দশ সের এবং “ফদফরাপশুক্ত ক্যালসিয়াম সার” দশ সের (যাহা স্বল্প বায়ে আধুনিক প্রথায় কেবমাত্র বাংলা দেশেই প্রস্তুত হইতেছে) একত্রে মিশাইয়া জমিতে ছড়াইয়া দিয়া হাল দিয়া রাখিতে হয়। পরে সময়মত চাষ করিলে জমির উর্বরাশক্তি বৃদ্ধি হয় এবং অনিষ্টকারী জীবাণু বা আগাছা ইত্যাদি জন্মাইতে পারে না। ধাতু ও শস্যগাছগুলি সবল, সুস্থ ও পূর্ণ ফল প্রসূ হয় এবং শস্যগুলি পরিপুষ্ট হইয়া সুস্বাদু ও স্বাস্থ্যপ্রদ হয়। অবশ্য ফসল উপযুক্ত বীজের উপর নির্ভর করে। লেখক বহু পরীক্ষার পর ধাতু ও শস্যচাষের জমিতে উক্ত সার ব্যবহার করিয়া আশাতীত সুফল লাভ করিয়াছেন।

বাবলারক্ষ

কৃষি ও শিল্প উন্নয়নের জন্য কৃষি-জমির সীমানার ধারে অথবা সুবিধামত স্থানে বাবলারক্ষ রোপণ করা প্রয়োজন। ইহার দ্বারা ভবিষ্যতে প্রতি বৎসরে জমির সার হিসাবে পাতা ও ফুল পাওয়া যায়, গাছের ছাল ও কাঁটা বহু কার্যে প্রয়োজন হয় এবং গাছের কচি পাতা দুর্বল গবাদির খাদ্য হিসাবে ব্যবহৃত হয়। বাবলাগাছের সরু ডালের দাঁতন (ত্রাশের পরিবর্তে) প্রত্যহ ব্যবহার করিলে দাঁতের গোড়া শক্ত হয় ও মুখের দুর্গন্ধ নষ্ট হয়। ইহার নিয়মিত ব্যবহারে পাইওরিয়া রোগে সুফল পাওয়া যায়। বাবলারক্ষের পাতা, ফুল ফল এবং ছাল একত্রে পরিমাণমত জলে নিয়মিত ভাবে

সিদ্ধ করিলে একরূপ কালো ‘কষ’ বাহির হয়, এই কষ হইতে বৈজ্ঞানিক প্রক্রিয়ায় ও সংমিশ্রণে উত্তম স্থায়ী লিথিবার কালি ও ফাউণ্টেন পেনের কালি প্রস্তুত হয়। এই কষ বেল লাইনের কাঠের শ্লিপার ও অন্যান্য কার্যে, নৌকার পাল এবং দাঁড়, পাটাতন, কাছি ইত্যাদিতে এবং মৎস্য পরিবার জাল, ঘুনী, আটোল, পোলো ইত্যাদিতে ব্যবহার করিলে বহুদিন স্থায়ী হয়। সোনা জলে, রৌদ্রে, রুষ্টিতে শীঘ্র পচিয়া যায় না এবং উই বা অল্প কোন পোকের দ্বারা নষ্ট হয় না। বাবলারক্ষের পরিপক কাঠ পরিমাণমত ভারী শক্ত, মজবুত ও মসৃণ হয় এবং ইহা উই বা অল্প কোন পোকের দ্বারা আক্রান্ত হয় না। এ কারণে এই কাঠে লাক্স, গাড়ীর চাকা, চরকা, তাঁত ও সবজাম, ববিন, ইত্যাদি এবং কোদাল, কুড়ুল, দা, হাতুড়ি, বাটালি, গাঁইতি ও শোভেল ইত্যাদির বাঁট বা হাতল এমন কি বন্দুকের কুঁদা ইত্যাদি কার্যে ব্যবহার করা যায়। এই সহজপ্রাপ্য কাঠ হইতে কল-কারখানা ও সাধারণের প্রয়োজনীয় নানাপ্রকার হাতল বাঁট, মুণ্ডর ইত্যাদি তৈয়ারি করিলে বহু বেকার সোকের কার্মসংস্থান হয়।

বাবলারক্ষের প্রবল আকর্ষণ ও বিকর্ষণ শক্তি থাকায় প্রকৃতির নিয়মে নিকটস্থ জমিতে প্রয়োজনমত বৃষ্টিপাত হয়। এ কারণে এই রক্ষ ধাতু ও শস্য-চাষের জমির পক্ষে বিশেষ হিতকারী ও সুফলপ্রদ। জমির নিকটস্থ এই বহু কাঁটাবুক্ত ও বীজাণুনাশক গাছের সাহায্যে ফসল নষ্টকারী পোকা, মাকড় ইত্যাদি, এমনকি পঙ্কপালের উপদ্রব হইতে রক্ষা পাওয়া যায়। এই গাছের পাতার রসের সাহায্যে পুকুর, খানা, ডোবা ইত্যাদির বহু বীজাণুপূর্ণ দূষিত জল পরিষ্কৃত হয় এবং গাছের নীচস্থ জমির বিষাক্ত জীবাণু নষ্ট হইয়া জমির উর্বরাশক্তি বৃদ্ধি পায়।

নদী, খাল, বিল, জলাশয় ও জলধারার বাঁধের ধারে ধারে বাবলারক্ষ রোপণ করিলে উহার পাতা ফুল ও ফল নীচে পড়িয়া পচিয়া যায়। ইহা হইতে যে রস বাহির হয় সেই রসের সাহায্যে বালি বা কাঁকর মিশ্রিত আলগা মাটির বাঁধ বা পাড় দৃঢ় ও স্থায়ী হয়, রক্ষের শক্ত শিকড়গুলি বহুদূরপ্রসারিত হইয়া চারি ধারের মাটি আঁকড়াইয়া ধরিয়া থাকে। এ কারণে প্রবল বর্ষায় বা বন্যায় বাঁধ, পাড় কিংবা গ্রাম্য সরু অথবা বড়

রাস্তা সহজে বিধ্বস্ত হয় না। বৃক্ষগুলি বেশী উচ্চ হয় না, একারণ ভীষণ ঝড়ে বা বজ্রপাতে গাছের কোন ক্ষতি হয় না। এছাড়া হঠাৎ মাঠের মধ্যে প্রয়োজন হইলে পথচারী বা কৰ্ম্মরত সেবকবৃক্ষ সাময়িক আশ্রয়-স্থল রূপে ব্যবহার করিতে পারেন। এ বৎসর প্রবল বর্ষায় ও বন্যায় স্কন্দবন এলাকায় এবং অন্যান্য স্থানে মাটির বাধ বিধ্বস্ত হইয়াছিল। এই সকল বাধের দুই পার্শ্বে যনভাবে বাবলাবৃক্ষ রোপণ করিয়া পরীক্ষা করা প্রয়োজন। এছাড়া ব্যয় হয় অতি সামান্য এবং সহজে নষ্ট হইবার আশঙ্কা থাকে না। ভবিষ্যতে গাছ পরিপক হইলে বহু বিশেষ বিশেষ কার্যে ব্যবহৃত হইতে পারে।

ভারতের যে সকল স্থান ক্রমান্বয়ে মরুভূমিতে পরিণত হইয়া আসিতেছে সেই সকল স্থানে বাবলাবৃক্ষ রোপণ করিয়া পরীক্ষা করা বিশেষ প্রয়োজন। ইহার পাতা, ফল ও ফুলের সাহায্যে মরুভূমির এবং সাগর ও নদীর তীরস্থ বালি ক্রমান্বয়ে

মিশ্রিত মাটিতে পরিণত হইয়া কৃষি-উপযোগী হয়। এরূপ বৃক্ষ এই সকল স্থানে মধ্যে মধ্যে জন্মাইতে দেখা যায়। অদূর ভবিষ্যতে বাবলাবৃক্ষ ভারতীয় মূল্যবান বনজ সম্পদরূপে পরিগণিত হইবে।

দেশবাসীর অবগতির জন্ম নিবেদন এই যে, দ্বিতীয় পঞ্চবার্ষিকী পরিকল্পনায় বাংলা দেশের হিতৈষী ব্যক্তিগণের যৌথ মূসধনে বাবলা ইণ্ডাস্ট্রিজ নামীয় প্রতিষ্ঠান—আধুনিক প্রথায় বৈজ্ঞানিক পদ্ধতিতে বৃহৎ বৈদ্যুতিক ও বাষ্পমন্ত্র চালিত কারখানার প্রস্তুতি চলিতেছে। শীঘ্রই গণসেবার জন্ম উৎপাদন ও পরিবেশন হইবে বাবলা-নির্যাস, বাবলা (মিশ্রিত) তরল রং ও বাবলা (মিশ্রিত) সার, ফসফরাস-যুক্ত ক্যালসিয়াম সার এবং বাবলা কাঠনির্মিত লাম্বল, চরকা, তাঁত, মাকু, বরিন, ঢাকা হইল, পুণী, মুগুর হাতল, বাঁট ইত্যাদি দ্বারা বহু লোকের কর্ম্মস্থান হইবে।

উৎসর্ঘের দিনে

ক. হোড়ের

খুবাসিত
প্রসাদ্ধন মাঘস্গা

ক. হোড় এণ্ড কোং
কলিকাতা-১৪

কেমন আছি

শ্রীকুমুদরঞ্জন মল্লিক

কাটছে দারুণ শীতের রাত্তি, কটে ছিটে-বেড়ার ঘরে,
'ঋষিকেশর' 'কারি'তে সব সাধুর বসত মনে পড়ে।
সাধুর মত মন পেলে তো ? এ পর্ণবাস কাম্য বড়—
মন রে আমার হিমের রাতে 'অমরনাথের' দেউল গাড়ে।
শীত তো শুধু ভোগায় নাকো, আনে কতই ত্যাগের কথা,
'সুরভি আশ্রমের' সুধা, 'ধবাজোণের' পবিত্রতা।
নিশির শেষে ধোঁয়ায় অক্ষয়, সিঁদুর মেখে ওঠেন রবি—
আমি যে এই পল্লীবাসে, কল্পবাসের তৃপ্তি লভি।

২

শুনেছিলাম ভূমণ্ডলের স্থল বেশী নয়, তিন ভাগই জল,
দেখতে পেলাম ন ভাগ সলিল, কোন্‌ স্থানেতে দাঁড়াই
মা বস ?
বহু নিলে অনেক কিছু-নিত আরও অধিক পেলে,
কিন্তু প্রচুর গান দিয়েছে বিহগগণের কণ্ঠে তেলে।
ভোর থেকে জোর জমায় আসর কাঁসর বাজায় লোচন পাটে
যোগ দিয়েছে কোকিল এবং টাকসোনাও সে কনসাটে।
মাধবীতে ফুলের স্তবক—অজস্রতা চক্ষে পড়ে—
দৈন্ত এবং দরিদ্রতা যা দেখি তা নরের ঘরে !

৩

শীত পড়েছে শীত বেড়েছে, তবু দেখি সরিয়ে শীতে—
দিচ্ছে উঁকি শ্রামল শাখায় আমার কনক মঞ্জরীতে।
বাল্যে ডাকা সে চাঁদ সাঁঝে মোর ললাটে পরায় টিকা,
বিবাক্ত করেন কুটীর ঘিরে বিশাল কেদার বদরিকা।
কুবের শুধান 'বহুবাহি এলাম দিতে নেবেন কি গো ?'
আমি বলি 'যান ফিরে যান ও সব রাখার ঠাই নাহি কো।
পেয়েছি যা তাহাই বেশী—আমি পাবার যোগ্য যাহা,
যুঁয়ের বুকে ডাঁসের মধু কেমন করে ধরবে আহা।

৪

রাজপ্রাসাদে দিন কেটেছে, কেটেছে রাত তরুর তলে,
কোথায় বেশী ভাল ছিলাম ? শেষেই ভাল মন যে বলে।
দেয় না ব্যথা, গ্রীষ্ম আতপ অতি দারুণ বর্ষা শীতে—
ভুলায় মোরে, ভোলে নি যে পাখীর গায়ে পালক দিতে।
দুঃখ আমার প্রচুর দিলে যন্ত্রণা ও বিড়ম্বনা,
শান্তি এবং সান্ত্বনাও দিয়েছে সেই মহামনা।
অভাব বহু নীরব রহি—চাইতে আমার লজ্জা করে,
মহামায়ার গুণধারা লেগে আছে এই অধরে।

৫



কথাতে আর গরল নাহি—কথার ভয়ে হইলে ভীত,
সকল কথাই আমার কাছে হয়েছে আজ কথামৃত।
নিন্দা যাঁরা করেন আমার—করেন না তা বন্ধু বিনে,
ধুলায় ধূসর যে জন তারে ধুলা দেওয়া স্নেহের চিনে।
যাঁরা করেন সুখ্যাতি মোর—লই না—কারণ বিফল নেওয়া,
শ্রাংটা নাগা-সন্ন্যাসীকে পরিধানের বসন দেওয়া।
গৌরব আমি রাখবো কোথা ? ক্ষুদ্র কণায় আছি টিকে,
যে ভাই ময়ূরপুচ্ছ দিতে এসো না এ টুনটুনিকে।

৬

কাঁপে আমার পর্ণপ্রাসাদ, রুষ্টি পড়ে, বাড়ও বহে—
ডাকি কোথায় হে জগদীশ, নিরাশ্রয়ের আশ্রয় হে।
সে ডাক তাঁহার কর্ণে পশে সন্দেহ মোর নাইক কোনো
পাই গুরুড়ের পাখার হাওয়া—ঘোরে যেন সুদর্শনও।
দর্শনীর দর্শনেতে আনন্দে হই আত্মহারা,
কুশল শুধান যেন এসে যুগের যুগের মহাত্মারা।
পঞ্চজের এ পঞ্চগৃহে, রাত্রে মরি দিনে বাঁচি
আমার মা আনন্দময়ী—হৃৎখেই পরম সুখে আছি।



স্বাস্থ্যবান লোকেরা নিয়মিত
লাইফবয় স্নান দিয়ে
চান করে -



- এতে দৈনন্দিনের * ময়লা বীজাণু ধুয়ে সাফ করে দেয়!

* যে সব সাধারণ ময়লার সংস্পর্শে আমরা প্রত্যহ আসি, তাতেও বীজাণু থাকে আর তার থেকে রয়েছে আমাদের প্রত্যেকেরই রোগের বিপদ। সেইজন্তে স্বাস্থ্যবান লোক মাত্রেরই লাইফবয় স্নান দিয়ে নিত্য ময়লা ও বীজাণু ধুয়ে নিজের স্বাস্থ্য সুরক্ষিত রাখেন। লাইফবয় স্নান সেই ঝরঝরে তাজা ভাব এনে দেয়।

সুভাষিতাবলী

ডক্টর শ্রীযতীন্দ্রবিমল চৌধুরী

সংস্কৃত সাহিত্যের সুভাষিত গ্রন্থের আদিকাল নির্ণয় করা সহজসাধ্য নয়। তবে এই শ্রেণীর এই পর্যন্ত যত গ্রন্থ পাওয়া গেছে, তন্মধ্যে প্রাচীনতম গ্রন্থ হচ্ছে কবীন্দ্র-বচন-সমুচ্চয়। এই গ্রন্থের লেখক বা সংগ্রাহকের নাম পাওয়া যায় নি। তার পর এই শ্রেণীর বিশিষ্ট গ্রন্থের মধ্যে জহলণের সূক্তি-মুক্তাবলী, শার্ঙ্গধরের শার্ঙ্গধর পদ্ধতি, শ্রীধরদাসের সূক্তি-কর্ণামৃত প্রভৃতি গ্রন্থের নাম উল্লেখযোগ্য। বল্লভদেবের সুভাষিতাবলী গ্রন্থ অতি উপাদেয়। এ সব গ্রন্থের পরবর্তী যুগের গ্রন্থ হচ্ছে পঞ্চবেণী, পদ্মানুত-তরঙ্গিনী, সূক্তি-সুন্দর প্রভৃতি গ্রন্থ। এ শেষোক্ত গ্রন্থগুলি মুসলমান রাজত্ব-সময়ে রচিত হয়েছে এবং এই সব গ্রন্থে মুসলমান রাজগণের বিষয়ে বিশেষ উল্লেখাদি দৃষ্ট হয়। কবীন্দ্র-বচন-সমুচ্চয়ের রচনা-সময় খ্রীষ্টীয় দশম শতাব্দী। খ্রীষ্টীয় অষ্টাদশ শতাব্দী পর্যন্ত সুভাষিত গ্রন্থ সংকলিত হয়েছে। তার পরবর্তী রচনাসমূহ বেশীর ভাগ উক্ত গ্রন্থসমূহের কবিতার চয়ন মাত্র—সংগ্রাহকদের কয়েকটি কবিতা ব্যতীত তাতে নবীনতা বিশেষ কিছুই নাই—যেমন পূর্ণচন্দ্র দেব উদ্ভটসাগর। অতীত দিকে—সুভাষিত-সার-সংগ্রহ, সুভাষিত রত্নভাণ্ডাগার, সুভাষিত-সুখা-ভাণ্ডাগার প্রভৃতি অত্যাধুনিক গ্রন্থসমূহ একেবারে নিছক সংকলন মাত্র—এতে নূতনত্ব বা সরসতা কিছুই নেই—যদিও পঞ্চসংগ্রহরূপে এই সকল গ্রন্থ সুখপাঠ্য এবং বিশেষ সংরক্ষণযোগ্য।

বল্লভদেবের সুভাষিতাবলী গ্রন্থ ৩৫৭টি শ্লোকে সম্পূর্ণ। প্রারম্ভিক শ্লোকদ্বয়ের মধ্যে কবি প্রথমটিতে দেবী ভবানীকে জানিয়েছেন স্ততি—

তাং ভবানী ভবানীত-ক্লেশনাশ-বিশারদাম্।

শারদাং শারদাঃহৃদসিতসিঃহাসনাং হুঃ ॥

এবং দ্বিতীয়টিতে চিন্তাশক্তির উৎকর্ষের জন্তু তিনি আকৃতি নিবেদন করেছেন—

অনপেক্ষিতগুরুবচনা সর্বান্ গ্রহীন্ বিভেদয়তি সম্যক্।

প্রকটয়তি পরবহুশ্চ বিমর্ষণক্তি-নিজা জয়তি ॥

তার পর যথাক্রমে নমস্কার, আশীর্বচন ও বক্রোক্তি—পদ্ধতি। অতঃপর কবি-কাব্য প্রশংসা। এই পদ্ধতিতে ভট্টনারায়ণের একটি শ্লোকে খলজনের কাব্যদৃষ্টি সঘন্থে উক্ত চাষাচ—

ক দোষোহত্র ময়া লভা ইতি সংচিন্ত্য চেতসা ॥

খলঃ কাব্যোষু সাধুনাং শ্রবণায় প্রবর্ততে ॥ ৪১

শ্লেষমুখে বাক্যসুতির সঙ্গে মনোভিরামা গৃহিণীর তুলনা করেছেন ভট্ট ত্রিবিক্রম—

প্রসন্নঃ কান্তিহারিণ্যো নানাশ্লেষ-বিচক্ষণাঃ।

ভবান্ত কশ্চিৎ পুণ্যে মুখে বাচো গৃহে স্ত্রিয়ঃ ॥

দুটি অতি মনোরম শ্লোকে কাশ্মীরক কবি বিহ্লগ কোনও রাজাকে সংবোধন করে বলছেন যে সম্মান অতি নিরহঙ্কার ভাবে জ্ঞাপন করা উচিত রাজাদের কবিগণকে—কারণ, তাঁরাই রাজাদের অমর করে রাখেন যশোগাথার মাধ্যমে—

স্বচ্ছাভঙ্গুর-ভাগ্য-মেঘতাড়িতঃ শক্যা ন বোদ্ধুঃ শ্রিয়ঃ

প্রাণানাং সততঃ প্রয়াণ-পটহ-শ্রদ্ধা ন বিশ্রাম্যতি।

ত্রাণং যেহত্র যশোময়ে বপুষি বঃ কুবন্তি কাব্যামৃতৈ-

স্তানারাম্যপদে বিধন্ত সূকবীন্ নির্গবমুবীষরাঃ ॥ ১৬৬

আরও অগ্রসর হয়ে এই অমর কবি রাজাকে সাবধান করে দিয়ে বলছেন—কবিরাই ত রামকে রাম সাজিয়েছেন, দশানন রাবণকে করে তুলেছেন হাশ্মাস্পদ। কাজেই রাজারা কবিদের রুপ্ত করলে তাঁদের সমূহ বিপদ অবশ্যস্বাভাবী—

হে রাজানস্ত্যজত সূকবিপ্রেমবন্ধে বিরোধং

শুদ্ধা কীর্তিঃ স্মরতি ভবতাং নুনমেতৎপ্রসাদাৎ।

ভুট্টৈর্বৎ তদঙ্গযু রঘুস্বামিনঃ সচ্চরিত্রং

রুট্টৈর্নীতদ্বিভূবনজী হাশ্মমার্গং দশাস্ত্রং ॥

এতৌ ভট্টশ্রীবিহ্লগশ্চ ॥ ১৬৭

সুজন ও দুর্জন পদ্ধতিতে কবি অনেক মণিরত্ন সংগ্রহিত করেছেন। দুটি শ্লোকে দুর্জনের স্বভাব অতি সুন্দরভাবে উদ্দিষ্ট হয়েছে। একটিতে কবি বলছেন—দুর্জনের স্বভাব ও শ্লেষার স্বভাব এক প্রকারের—মধুরেতে এরা কুপিত হয় এবং কটুতে এদের উপশম ঘটে—

অহো প্রকৃতিসাদৃশং শ্লেষণো দুর্জনশ্চ চ।

মধুরৈঃ কোপমায়তি কটুতৈরুপশাম্যতি ॥

অন্যটিতে কবি বলছেন—গজেন্দ্র ছায়াশাভের জন্তু বৃক্ষের নীচে আশ্রয় গ্রহণ করে এবং বিশ্রাম গ্রহণের পর গাছটিকে ভেঙে দিয়ে যায়। নীচ জনের স্বভাবই এই—

যথা গজপতিঃ শ্রান্তশ্ছায়াধী বৃক্ষমাশ্রিতঃ।

বিশ্রম্য তৎ ক্রমং হস্তি তথা নীচঃ স্বমাশ্রয় ॥ ৩৫৪

পুনরায় ভট্ট পৃথ্বীধর ছুটি শ্লোকে খল লোকের কি অপূর্ব
চিত্রই না কুটিয়ে তুলেছেন—

কা খলো সহ স্পর্ধা সজ্জনশ্ৰীভিমানিনঃ ।
ভাষণং ভীষণং সাধুদুষণং যশ্চ ভূষণম্ ॥
নির্মায় খলজিহ্বাগ্রং সর্বপ্রাণহরং নৃণাম্ ।
চকার কিং বৃথা শত্রুবিমবহ্নীন্ প্রজাপতিঃ ॥৩৭৬
কদম্বপদ্ধতির একটি শ্লোকে কোনও কবি বলছেন—
তে মূর্খতরা লোকে যেমাং ধনমস্তি নাস্তি চ ত্যাগঃ ।
কেবল-মর্জন-রক্ষণবিয়োগদুঃখান্নহুভবন্তি ॥৪৮৩

অর্থাৎ কৃপণেরা সত্যি কতই না দুঃখী, যারা অর্থ থাকতেও
তা ব্যয় করতে জানে না—তাদের অর্জন, রক্ষণ ও ব্যয়ের
কষ্টই মাত্র সমস্যা ।

অন্যাদেশ-পদ্ধতিসমূহে কোনও কোনও পদ্য, পক্ষী
প্রভৃতিকে নিয়ে উপদেশবাক্য সংগৃহীত হয়েছে । ধর্মদেব
তার একটি শ্লোকে পদ্যকে সংবোধন করে বলছেন—

পদ্মাদয়ে বহুগুণা অপি যন্নিশাসু
নাশং ন যাস্তি বিরহেণ দিবাকরশ্চ ।
তৎপক্ষ-সঙ্গঃ-জলাশয়-জন্ম জাড্য-
জ্যারো বিজ্জ্বলিতমিদং ত্রিজগৎপ্রতীতম্ ॥২২৫

অর্থাৎ, ত্রিজগৎ জানে কেন বহুগুণযুক্ত হয়েও পদ্মাদি রাতে
সূর্যের বিরহে বিনষ্ট হয় না । কবি বলছেন—এর কারণ—
পদ্মাদির জন্মস্থান কদম্বপরিপূর্ণ পুকুর এবং তজ্জন্ম এদের জন্ম
থেকেই অনেকটা জড়তা এদের আশ্রয় করে থাকে ।

শৃঙ্গার পদ্ধতিতে নারীকবি মোরিকা কোনও একটি
অল্পসংস্কা প্রিয়ার বিষয়ে প্রিয়কে উদ্দেশ্য করে বলছেন যে,
তার প্রিয়া ত প্রিয়গৃহে আসতে না আসতেই—“প্রাপ্নোতি
নিষ্ঠাং পরাম্” । মোরিকার চিত্রণে আর একজন প্রিয়কে
দেহতে পাই—যিনি অত্যন্ত দুঃখ করছেন যে, বারবার অশ্রু-
বিসর্জনকারিণী প্রিয়াকে ছেড়ে অর্থ অর্জনের জন্ত প্রিয়কে
যেতে হয় বিদেশে—এর থেকে মর্মস্থদ আর কিছুই হতে
পারে না । প্রাণসমা প্রিয়ার কাছে যে কথা মুখ ফুটে বলা
যায় না, সেটি কাজে করতে হয়—প্রিয়াকে ছেড়ে বিদেশে
যেতেই হয়—এর চেয়ে চরমতম দুঃখ মানুষের আর কি হতে
পারে ?—

যামীত্যধ্যবসায় এব হৃদয়ে বধ্যাতু নামাস্পদং
বক্তুং প্রাণসমাসমক্ষমঘুণেনেথং কথং পার্শ্বতে ।
উক্তং নাম তথাপি নির্ভরগলদ্বাঙ্গং প্রিয়ায়া মুখং
দৃষ্টাহপি প্রবসন্ত্যহো ধনলবপ্রাপ্তিস্পৃহা মাদৃশাম্ ॥১০৫০

প্রিয়ার বিরহিনী অবস্থা বর্ণন করে পুনরায় মোরিকা বলছেন—

লিখতি ন গণয়তি বেথাং নিরব্বাঙ্গানুর্ধোত-গণ্ডতটা ।
অবধিদিবসাবসানং মা ভূদিত্তি শক্তিা বালা ॥১০৭২

বিরহিনী প্রিয়া ভূমিতে বেথা অঙ্কিত করে রেখেছে ; কিন্তু
কত দিন গেল, তা আর গুনে দেখছে না—পাছে কিরে
আসবার দিন আরও দূরে সরে যায় ।

বিরহিনী প্রমাপপদ্ধতিতে একটি কবিতায় নারীকবি-
কুলশিরোমণি বিজ্জা বা বিজ্জকা বা বিদ্যা বলছেন—

গতে প্রেমাবন্ধে হৃদয়বাহুমানেশপি গলিতে
নিবৃন্তে সস্তাবে জন ইব জনে গচ্ছতি পুরঃ ।
তথা চৈবোৎপ্রেক্ষ্য প্রিয়সখি গতাংস্তাংশ্চ দিবসান্
ন জানে কো হেতুর্দলতি শতধা যন্ন হৃদয়ন্ ॥১১৪১

প্রেমবন্ধন নষ্ট হয়ে গেল ; হৃদয়ের প্রচণ্ড মান গলে ধুয়ে
যুছে গেল ; সস্তাবের হ'ল নিবৃতি । প্রেমাস্পদ সাধারণ
লোকের মত সান্নে দিয়ে যায় চলে । তথাপি—কি জানি
যেন সেই পুরনো দিনের কথা মনে পড়ে যায় ; প্রিয় সখি !
কত কথা যে ভাবি । না জানি কেন হৃদয় শত শত টুকরা
হয়ে ভেঙ্গে পড়ে যায় ।

এই মহীয়সী নারী কবিই একদিন বলেছিলেন—
নীলোৎপলদলশ্চামাং বিজ্জকাং মামজানতা ।
রথৈব দণ্ডিনা প্রোক্তং সর্বশুক্লা সরস্বতী ॥

আমি নীলোৎপলদলের মত শ্যামবর্ণা সরস্বতী ; আমাকে না
জেনেই দণ্ডী কবি বৃথা বলেছেন—সরস্বতী সর্বশুক্লা ।

দুতি ত্বং তরুণী যুবা স চপলঃ শ্যামাস্তমোভিদিশঃ
সংদেশঃ সরহশ্চ এব বিপিনে সংকেতাবাসকঃ ।
ভূয়ো ভূয় ইমে বসন্ত-মরুতশ্চেতো হরন্ত্যনুতো
গচ্ছ ক্ষেমসমাগমমায় নিপুণে রক্ষন্ত তে দেবতাঃ ॥

এই কবিতাটি শীলাভট্টারিকার রচিত এবং বল্লভদেব
উদ্ধৃত করেছেন দূতীপ্রেষণ অধ্যায় । এখানে নায়িকার
মনের সন্দেহ—এমনকি স্বীয় দূতীর প্রতিও নারী-চিত্তের
সন্দিক আকুলতা—কবি শীলাভট্টারিকার অঙ্কনে বিশেষ করে
ফুটে উঠেছে ।

নারীকবি মারুসার একটি সুন্দর শ্লোকে বিরহীর চিত্র
সুন্দর অঙ্কিত হয়েছে । প্রিয় প্রিয়াকে বলছেন—তুমি কুণা
হয়ে গেছ কেন ? প্রিয়ার উত্তর—কুশতা আমার শরীরের
ধর্ম । তুমি মলপরিবৃত্তা কেন ? গুরুজনের গৃহে পাচকতা
করছি বলে । আমাকে কখনও মনে পড়ে কি ? না, না,
না—এই কথা বলতে বলতে কম্পমানা প্রিয়া আমার বক্ষে
পড়ে কাঁদতে লাগল ।

“কুশা কেনাসি ত্বং প্রকৃতিরিয়মজশ্চ ননু মে
মলাধূম্মা কস্মাদ্ গুরুজনগৃহে পাচকতয়া ।
অস্যাশ্চ্যৎ কচ্চিন্নহি নহি নহীত্যেবমগম-
ৎসরোৎকম্পং বালা মম হৃদি নিপত্য প্রকৃতিয়া ॥”

সূর্যাস্ত বর্ণন করতে গিয়ে নারীকবি ইন্দুলেখা বলছেন—

একে বারিনিধৌ প্রবেশমপরে লোকাস্তরালোকনং
কেচিং পাবকযোগিতাং নিজগদ্বঃ ক্লীণেহক্ষি চণ্ডাচিষঃ ।
মিথ্যা চৈতদসাক্ষিকং প্রিয়সধি প্রত্যক্ষতীব্রাতপং
মনোহং পুনরধ্বনী নরমণীচেতোহধিশেতে রবিঃ ॥১২০২

অর্থাৎ, কেউ কেউ বলেন, সূর্য অস্ত গমনের পর সমুদ্রগর্ভে নিমজ্জিত হন ; কেউ বা বলেন তিনি পৃথিবীর অপর পৃষ্ঠে যান ; আবার কেউ বা বলেন—সূর্যদেব দিন শেষ হয়ে গেলে সঙ্ক্যাবতির আশ্বনের সঙ্গে মিশে যান । কিন্তু হে প্রিয় সধি ! এই সমস্ত কথা মিথ্যা । সত্য হচ্ছে এই—সূর্যদেব

অস্তগমনের পরে যত বিবহিণীগণের উত্তপ্ত হৃদয়ে অধিষ্ঠান করেন ।

এই ভাবে পত্রে পত্রে ছত্রে ছত্রে সুভাষিতাবলীতে জ্ঞানের উদ্দীপ্ত প্রকাশ, কবিত্বের অপূর্ব স্ফূরণ, ভাবের উল্লাস—অনবদ্য মাধুর্য দৃষ্ট হয় । কবি সত্যই বলেছিলেন—

সংসারবিষবৃক্ষস্য হে এব রসবৎফলে ।

কাব্যামৃতরসাস্বাদঃ সঙ্গমঃ সৃজনৈঃ সহ ॥

সংসার-বিষবৃক্ষের অতীতম রসবৎফল এই যে কাব্যামৃত রসাস্বাদ, তার প্রকৃষ্ট উপকরণ যিনি আমাদের জন্য সংরক্ষণ করে গেছেন, সেই বল্লভদেবকে আমরা বিংশ শতাব্দীর ভক্ত-পূজারী দল কোটা কোটা প্রণাত জ্ঞাপন করি ।

প্রেমের নব ধারাপাত

শ্রীকৃতাস্তনাথ বাগচী

কে জানে কোন্ তমালতলে মুখর হ'ল কেঁকা
কোথায় রামগিরি !
এসেছে দূত গ্লামল ছায়ে, কাজল নীল লেখা
তাই ত একা ফিরি ।
এইখানে এই বেঞ্চি ভিজে, কুম্ভচূড়ার শাখা ।
বলাকা-বেলা মেলেছে, বুলু, সুরেসা স্মৃতি-পাখা ।
হঠাৎ আমার মনের বনে এলো কুঁড়ির কাল
মুখর বোবা ডাল,
চমকে উঠে স্বপ্নে-দেখা সোনার হরিণপাল
গন্ধে বেসামাল ।
ঘরের মানা কেই বা শোনে, রয় কে কাজের ভিড়ে !
তোমার হাতে ধরা দিতে এলেম লেকের তীরে ।
আপন মনে কেয়ার কোণে মরছে ওরা বকি'
ফুরায় না সে কথা ;
হু'এক ফোঁটা ফুলকি বারায় চোখের চকমকি
তাই নিদারুণ ব্যথা
তারুণ্যেবে করলে না যে উর্গনাভের বোনা ;
ওরা প্রেমের পাঠশালাতে করছে আনাগোনা ।

কোন্ আশ্বনের বার্তা জানায় বিদ্যুৎ বুক চিরে
বনের মনোহর !
চেউয়ের পরে চেউ শুধালো ইতিহাসের তীরে
প্রশ্ন নিরুস্তর ।
পারের ছায়ার অন্ধকারে বিগ্লী-কলরোসে
অলক্ষ্য কোন্ যক্ষবধূর বক্ষ-দ্রুয়র খোলে ।
পরশ-পাওয়ার তরাস লাগে মোর কিশলয় আশায়
বইছে কেমন হাওয়া,
এমন সহজ ভেবেছিলেম তোমার চিঠির ভাষায়
তাই ত এ তাপ পাওয়া ।
শুনি পারের ধ্বনি বাজে কানায় কানায় হৃথে
সৌরভে ফুস উঠছে কেঁদে, বাধন টুটে বৃকে ।
এইখানে এই বেঞ্চি ভিজে, কুম্ভচূড়ার শাখা
করছে হাহতাশ ।
শুন্‌শুনিয়ে গানের কলি হাতে হৃদয়-রাখা
তুষার ব্যর্থ আশ ।
অতল কালো চোখের চিঠির নীল আলোকের লেখায়
সেই অপরূপ ব্যথা, বুলু, রূপকথা তার শেখায় ।

দেখুন! মাত্র অর্ধেক সানলাইট সাবানেই

এত সব জামাকাপড়
কাচা যায়!




সানলাইটের ফেণার আধিক্যই এর কারণ!

ফেণার আধিক্যের দরুণই সানলাইট সাবান এত
ক্রিয়াশীল। আপনি দেখে অবাক হয়ে যাবেন যে মাত্র
অর্ধেকটী সানলাইটে কতগুলি জামাকাপড়
কাচা যায়!

সানলাইটের এই অতিরিক্ত ফেণার দরুণই প্রতিটি
ময়লার কণা দূর হয়ে যায়—জামাকাপড় হয়ে ওঠে
আশ্চর্যকরকম সাদা এবং উজ্জ্বল!

সানলাইটের ফেণার আধিক্যের দরুণই জামাকাপড়
বিনা আছাড়ে পরিষ্কার হয়। তার মানে আপনার
জামাকাপড় টেকে আরও অনেক বেশী দিন।



ভারতে প্রস্তুত

সানলাইট জামাকাপড়কে সাদা ও উজ্জ্বল করে



আলোচনা



“নীলদর্পণের ইংরেজী অনুবাদক কে?”

শ্রীগোপালচন্দ্র রায়

গত মাঘ মাসের ‘প্রবাসী’তে শ্রীমশ্বনাথ ঘোষ “নীলদর্পণের ইংরেজী অনুবাদক কে?” নিবন্ধ লিখেছেন, বঙ্কিমচন্দ্রই সর্বপ্রথম তাঁর দীনবন্ধু জীবনীতে মাইকেল মধুসূদনকে নীলদর্পণের ইংরেজী অনুবাদক বলেন, অথচ মধুসূদনের অন্তরঙ্গ বন্ধুগণ গোবিন্দাস বসাক, ভূদেব মুখোপাধ্যায়, রাজনারায়ণ বসু প্রভৃতি কেউই কোথাও একথা উল্লেখ করেন নি। পুত্র ললিতচন্দ্র মিত্র নাকি মশ্বনাব্যবহাৰে বলেন, মূল পাণ্ডুলিপিতে ‘মধুসূদন নীলদর্পণের অনুবাদক’ একথা ছিল না। পরে খুব সম্ভব বঙ্কিমচন্দ্রের অগ্রন্থ সঞ্জীবচন্দ্র এই অংশটি বসিয়ে দেন।

বঙ্কিমচন্দ্রের পাণ্ডুলিপিতে মধুসূদনের অনুবাদের কথাটি যে সঞ্জীবচন্দ্রের লেখা, এর সমর্থনে মশ্বনাব্যবহাৰ নগেননাথ সোমের ‘মধুসূতি’ গ্রন্থ থেকে একটি পংক্তি উদ্ধৃত করেছেন। নগেনবাবু লিখেছেন, “সঞ্জীবচন্দ্র স্বহস্তে মধুসূদনের অনুবাদের কথা উক্ত গ্রন্থে লিপিয়া দিয়াছিলেন।” এখন এ সম্পর্কে বক্তব্য এই— ললিতবাবু মশ্বনাব্যবহাৰ কাছ মুখে যাই বলুন না কেন, তিনি তাঁর “History of Indigo Disturbances in Bengal” নামক গ্রন্থে নিজেই লিখেছেন—“The Reverend James Long took upon himself the task of having the drama translated in English, to open the eyes of the Government and the English community. The actual translation was made by the immortal poet of the ‘Meghnadbadh’—Michael Madhusudan Dutt. The translation was hurried through a night. . . . In spite of all, the translation did not fail to present a glimpse of the original to English readers.”

এখানে দেখা যাচ্ছে, মধুসূদনই যে নীলদর্পণের ইংরেজী অনুবাদক একথা ললিতবাবুও স্বীকার করেছেন। আর শুধু তাই নয়, মধুসূদন কি ভাবে একবাক্যের মধ্যে অনুবাদ করেছিলেন, ললিতবাবু তারও উল্লেখ করেছেন।

নগেননাথ সোম তাঁর ‘মধু-সূতি’ গ্রন্থে লিখেছেন, “ডেপুটি

ম্যাজিষ্ট্রেট তারকনাথ ঘোষের ঝামাপুকুর বাসভবনে ১৮৬১ খ্রীষ্টাব্দে মধুসূদন একবাক্যের মধ্যে ‘নীলদর্পণ’ের অনুবাদকার্য সমাধান করেন। একজন নীলদর্পণ পাঠ করিয়া যাইতেছেন, আর মধুসূদন চেয়ারে বসিয়া টেবিলের উপর অবিরত লেখনী সঞ্চালনে ইংরেজীতে উহা ভাষান্তরিত করিয়া যাইতেছেন।”


মধুসূদন যে তারকনাথ ঘোষের বাড়ীতে বসে নীলদর্পণের অনুবাদ করেছিলেন, একথা নগেনবাবু তারকনাথ ঘোষের বাড়ীতেই শুনেছিলেন। অতএব নগেনবাবুর লেখা থেকেও দেখা যাচ্ছে যে, মধুসূদনই নীলদর্পণের ইংরেজী অনুবাদক।

এবার বঙ্কিমচন্দ্রের পাণ্ডুলিপিতে সঞ্জীবচন্দ্রের লিখে দেওয়ার কথা। এ সম্পর্কে মনে হয়, বঙ্কিমচন্দ্রের লেখার উপর সঞ্জীবচন্দ্র লিখতে যাবেনই বা কেন? দীনবন্ধু বঙ্কিমচন্দ্রের ‘প্রাণতুলা’ বন্ধু ছিলেন, মধুসূদনের সঙ্গেও বঙ্কিমচন্দ্রের বিশেষ ঘনিষ্ঠতা ছিল, বঙ্কিমচন্দ্র এঁদের কারও কাছ থেকে জেনে নিজেও ত লিখতে পারেন! আর সঞ্জীবচন্দ্র যদিও বা লিখে দিচ্ছেই থাকেন, তা হলেও কথাটা সত্য না হলে বঙ্কিমচন্দ্র কখনই তা স্বীকার করে নিতেন না। দীনবন্ধু জীবনী প্রকাশের পর বঙ্কিমচন্দ্র প্রায় সতর বৎসর বেঁচেছিলেন। এর মধ্যেও যদি তিনি মাইকেলের অনুবাদের কথা সত্য নয় বলে জানতে পারতেন, তা হলে নিশ্চয়ই তা সংশোধন করে দিতেন।


মশ্বনাব্যবহাৰ বলেছেন, বঙ্কিমচন্দ্রের দীনবন্ধু-জীবনী প্রকাশিত হলে গোবিন্দাস বসাক, ভূদেব মুখোপাধ্যায়, রাজনারায়ণ বসু প্রভৃতি নিশ্চয়ই তা পড়েছিলেন, এবং মধুসূদনের অনুবাদের কথাটা সত্য নয় বলেই, তাঁরা তাঁদের স্মৃতিকথায় এ সম্বন্ধে কোন উল্লেখ করেন নি।

কিন্তু এ বিষয়ে আমার বক্তব্য হচ্ছে—মধুসূদনের বন্ধুবা দীনবন্ধু-জীবনী পড়ে যখন দেখলেন যে, বঙ্কিমচন্দ্র মধুসূদন সম্বন্ধে এত বড় একটা অসত্য কথা লিখেছেন, তখন তাঁরা বঙ্কিমচন্দ্রকে এ সম্পর্কে কিছুই বললেন না! আর এ কথাও অন্ততঃ বিশ্বাস করা যেতে পারে যে, গোবিন্দাস বসাক প্রভৃতি যদি বঙ্কিমচন্দ্রকে মধুসূদনের অনুবাদের কথা সত্য নয় বলে জানাতেন তা হলে বঙ্কিমচন্দ্র নিশ্চয়ই তাঁর লেখায় ও কথায় সংশোধন করে দিতেন।

দীনবন্ধু-জীবনী প্রকাশের কয়েক বৎসর পরে বঙ্কিমচন্দ্র ও গোবিন্দাস বসাক উভয়ে একই সময়ে হাওড়ার ডেপুটি ম্যাজিষ্ট্রেট



প্রগতি ঘোষ লাক্স টয়লেট
সাবান পছন্দ করেন তিনি বলেন
“এর শুভ্রতাই এর বিশুদ্ধতা
প্রমাণ করে!”



প্রগতি ঘোষ গুণী শিল্পি এবং সুন্দরী। কিন্তু তিনি জানেন যে, জনসাধারণের তাঁকে
ভাল লাগার জন্মে তাঁর ত্বকের লাভণ্যও অনেকখানি দায়ী। সেইজন্মে তিনি সব-
চেয়ে মোলায়েম ও নিরাপদভাবে প্রতিদিন শুভ্র বিশুদ্ধ লাক্স টয়লেট সাবানের
সাহায্যে তাঁর ত্বকের যত্ন নিয়ে থাকেন।

আপনারও সেই একইভাবে ত্বকের যত্ন নেওয়া উচিত। লাক্স টয়লেট সাবানের সুগন্ধ
স্বরের মত ফেগার রাশি আপনার সৌন্দর্যকে বিকশিত করে তুলুক।

লা ক্স ট য লে ট সা বা ন

চি ত্র - তা র কা দে র সৌ ন্দ র্য সা বা ন

ছিলেন। উভয়ের মধ্যে বধেট বন্ধু ছিল এবং টিফিনের সময় কোর্টে বসে তাঁরা ইংরেজের শোষণ-ব্যবস্থা, দেশের জনসাধারণের ছরবস্থা প্রভৃতি নিয়ে আলোচনাও করতেন। মধুসূদনের অগ্রতম বন্ধু ভূদেব মুখোপাধ্যায়ের পুত্র মুকুন্দদেব মুখোপাধ্যায় তাঁর “আমার দেখা লোক” গ্রন্থে এ সঙ্কে বিস্তৃত ভাবে বলেছেন। মুকুন্দদেব বাবুও তখন হাওড়ায় ডেপুটি ম্যাজিষ্ট্রেট ছিলেন।

বঙ্কিমচন্দ্রের দীনবন্ধু-জীবনী প্রকাশের পরে বঙ্কিমচন্দ্র ও গৌরদাস বসাক একই সঙ্গে কাজ করতেন এবং দেশে ইংরেজের শোষণ-ব্যবস্থা নিয়েও আলোচনা করতেন। এ অবস্থায় গৌরদাস

বসাকের পক্ষে ইংরেজ নীলকরদের অত্যাচারের কথাও মনে হওয়া এবং মধুসূদন নীলদর্পণের ইংরেজী অনুবাদক না হলে বঙ্কিমচন্দ্রকে সেকথা স্মরণ করিয়ে দেওয়া খুবই স্বাভাবিক। বঙ্কিমচন্দ্রের রচনায় মধুসূদন সঙ্কে কোন ভুল কথা থাকলে, গৌরদাস বসাক, ভূদেব মুখোপাধ্যায়, রাজনারায়ণ বসু প্রভৃতি মধুসূদনের বন্ধুবা নিশ্চয়ই বঙ্কিমচন্দ্রের কাছে প্রতিবাদ জানাতেন। মধুসূদন সঙ্কে কোন মিথ্যা প্রচার দেখে তাঁরা চূপ করে থাকতেন না। বঙ্কিমচন্দ্রের রচনা পড়েও যখন তাঁরা বিপরীত কিছু বলেন নি, তখন একথা বলা যেতে পারে যে, বঙ্কিমচন্দ্র ঠিকই লিখেছেন।

বিশ্ব-প্রিয়া

শ্রীসুধীর গুপ্ত

মহাবিশ্ব-রঙ্গমঞ্চ মাঝে
যে রূপসী আমাবে ভুলালো,
শুনিলাম ‘সক্রেটিস’ও তাবে
প্রাণ দিয়ে বেসেছিলো ভালো।
‘যাজ্ঞবল্ক্য’ ‘জনক’-স ভায়
তাঁরে ধরি’ সর্ব-সত্য সার
ব্রহ্ম-তত্ত্ব করেছিল নাকি
আজীবন ব্রহ্মাণ্ডে প্রচার !
তাঁরই লাগি, সংসার ছাড়িয়া
‘তথাগত’ ধরেছে কাষায় ;
তাঁরই তবে ‘চৈতন্যের’ প্রাণ
সিদ্ধ-বুকে প্রেমেতে লুটায়।

২

সে প্রেমিকা চির-মায়াবিনী,
যুদ্ধ করে সকলেরই হিয়া ;
আমি যারে প্রাণ ম’পিয়াছি,
কি আশ্চর্য্য সেই বিশ্ব-প্রিয়া !
অজস্তার গুহা-চিত্র-পটে
শিল্পী তাঁরে চেয়েছে ধরিতে ;

তাঁরই চিত্র মহাচিত্রকর
ফুটিয়াছে ‘দা ভিক্সর’ও চিত্তে,
‘দান্তে’ তাঁর সঙ্গীতে বিভোর ;
‘কুম্বী’ তাঁরে করে আরাধনা ;
‘গ্যেটে’ তাঁরই কবিতা রচিয়া
চাহে মাত্র প্রেম এক কণা।

৩

হে প্রেমসী—হে শ্রেয়সী মোর—
ওগো মোর মর্শ্ব সহচরী,
তব রূপে—তব প্রেমাসোকে
দাও চিত্ত উদ্ভাসিত করি।
মহাবিশ্ব রঙ্গমঞ্চ ভরি’
হে সুন্দরি, আবিভূত হও ;
ভাগ্যহত তোমার কবিরে
একবার বন্ধে তুলে লও।
তব প্রেম-সুধা পান করি’
ধন্য হব এই নিবেদন ;
ভুলি নাই ক্রুশে তব তরে
‘যীত’ দিল নৈবেদ্য জীবন।

পুস্তক পরিচয়

ফুলডোরে—ত্রিবিভূতিভূষণ গুপ্ত। অটো প্রিন্ট এণ্ড পাবলিসিটি হাউস, ৪৩ বলদিয়াপাড়া রোড, কলিকাতা-৬। মূল্য দুই টাকা চার আনা।

ঔপন্যাসিক এবং গল্পলেখক হিসাবে ত্রিবিভূতিভূষণ গুপ্ত খ্যাতি অর্জন করিয়াছেন। তাঁহার উপন্যাসগুলি পাঠকমহলে সমাদৃত হইয়াছে। বর্তমান পুস্তকখানি বিভিন্ন সময়ে নানা সাময়িক পত্রিকায় প্রকাশিত তাঁহার কতকগুলি উৎকৃষ্ট গল্পের সংকলন। প্রায় কুড়ি বৎসর পূর্বে 'প্রবাসী'তে প্রকাশিত তাঁহার প্রথম গল্পটিতে যে শক্তির পরিচয় পাওয়া গিয়াছিল, বর্তমান পুস্তকে তাহার ক্রমবিকশিত রূপ পাঠকবৃন্দকে বিস্মিত এবং তাঁহার ভবিষ্যৎ সম্বন্ধে আশাবিত্ত করিয়া তুলিবে। অন্তর্ভুক্তি, অবলম্বন, অসাধারণ, অস্তুরালে, কলঙ্কিনী, দাগ, গঙ্গার ইলিশ, ইমারত, বিপরীত, সংঘাত, সামঞ্জস্য, অনুসরণ এই বারোটি গল্প সমালোচ্য পুস্তকে সন্নিবেশিত হইয়াছে। প্রত্যেকটি গল্পই উপভোগ্য, কিন্তু ইহাদের মধ্যে বিশেষ করিয়া উল্লেখ করিতে হয়—অন্তর্ভুক্তি, অস্তুরালে, অসাধারণ, গঙ্গার ইলিশ, ইমারত এই গল্পপঞ্চকের কথা। গল্প-রচনায় লেখকের স্বকীয়তা এই গল্পকয়টির মধ্যে মূর্ত হইয়া উঠিয়াছে।

গল্পগুলির মধ্যে যে জিনিষটি প্রথমেই দৃষ্টি আকর্ষণ করে তাহা হইতেছে লেখকের আন্তরিকতা ও দরদ। এই দরদ শুধু মানুষের প্রতি নহে, ইতর-প্রাণীর প্রতিও যে সমভাবে পরিব্যাপ্ত তাহার পরিচয় পাওয়া যায় 'অবলম্বন' নামক প্রথম গল্পটিতেই। সুবিমলের গুলিতে নিহত বানরীর সঙ্গীটির চাপা গোড়ানির সঙ্গে তপতীর বেদনা মিশ্রিত হইয়া এমন একটা নিবিড় করুণ-রসের সৃষ্টি করিয়াছে যে, গল্প শেষ হইলেও পাঠকের মনে বেদনার রেশ সঞ্চিত হইতে থাকে। দ্বিতীয় গল্প 'অবলম্বনের'ও উপজীব্য ইতরপ্রাণীর প্রতি আত্মীয়স্বজনের সংসর্গবিক্ষিত সুকুমারের সুগভীর ভালবাসা—যা জন্ম ও

মৃত্যুর মধ্যে রচনা করিয়া তোলে এক অচ্ছেদ্য যোগসূত্র। সেই শ্রীতির ডোর এমনি হৃদয় যে, সুকুমারের মৃত্যুর পরও বশুপত্নী তাহার আরণ্য কুটারের আশেপাশে ঘুরিয়া বেড়ায় "তার ভালবাসার স্মৃতিস্মরণের সন্ধানে।"

বিভূতিবাবুর আর একটি লক্ষণীয় বৈশিষ্ট্য—গল্পগুলির ঘরোয়া পরিবেশ। তাঁহার গল্পের পটভূমিকা বহুদূরবিস্তৃত নহে, আমাদের গার্হস্থ্য জীবনের সঙ্কীর্ণ গভীর মধ্যেই তিনি গল্পের উপকরণের সন্ধান করেন এবং শিল্পীজন-মূলভ গভীর অন্তর্দৃষ্টির বলে প্রাত্যহিক জীবনের অতি সাধারণ ঘটনার মধ্যে মানুষের মনোজগতের অতলস্পর্শ রহস্য উপলব্ধি করিয়া তাহাকে এক অতুপম রসশ্রীতে মণ্ডিত করিয়া তোলেন। প্রাত্যহিক তুচ্ছতার মধ্যে মহৎকে, সাধারণ ঘটনার মধ্যে অসাধারণকে আবিষ্কার কবিবার ক্ষমতা যে তাঁর কতখানি তাঁর পরিচয় পাওয়া যায় 'অসাধারণ' গল্পটিতে। 'গঙ্গার ইলিশ' গল্পটিও তুচ্ছ বিষয়বস্তু অবলম্বনে লিখিত, কিন্তু দরিদ্র বাঙালী পরিবারের ছবিটি ইহার মধ্যে একেবারে মূর্ত হইয়া উঠিয়াছে, ভাগ্যবিড়ম্বিত বঞ্চিত জীবনের বেদনার সন্ধানের সূত্র ইহার মধ্যে আগাগোড়া অনুসৃত— উপসংহারটি এত মর্মস্পর্শী যে, ইহা পাঠকচিত্তে স্থায়ী ছাপ রাখিয়া যায়। আর মনকে গভীরভাবে অভিভূত করে 'ইমারত' গল্পের বহুর জীবনের শোচনীয় পরিণতি। বঞ্চিত শোষিত সকল মানুষের বেদনা যেন এই গল্পটির মধ্যে পুঞ্জীভূত হইয়া উঠিয়াছে। লেখকের ভাষায়—"বহুর চোখের সম্মুখে যেন এই মহানগরীর অট্টালিকাগুলি সহসা নৃত্য জুড়ে দিল। কি বীভৎস তার রূপ, কি কদর্য তার আত্মপ্রকাশ। অকৃতজ্ঞ, অভুক্তের অভিশাপ-জর্জরিত এক একটি স্মৃতিসৌধ। যার প্রতিখানি ইঁটের গাঁথুনি, বালির পলস্তারা, চূনের পোঁচ, মেঝের টকটকে লাল রং তাদের দেহের হাড়, মাংস মজ্জা এবং রক্তে মাথামাথি হয়ে আছে।" মেঝের রক্তের সঙ্গে মিশিয়া-

ছোট ক্রিমিরোগের অব্যর্থ ঔষধ

"ভেরোনা হেলমিনথিয়া"

শৈশবে আমাদের দেশে শতকরা ৬০ জন শিশু নানা জাতীয় ক্রিমিরোগে, বিশেষতঃ ক্ষুদ্র ক্রিমিতে আক্রান্ত হয়ে ভয়-স্বাস্থ্য প্রাপ্ত হয়, "ভেরোনা" জনসাধারণের এই বহুদিনের অস্ববিধা দূর করিয়াছে।

মূল্য—৪ আঃ শিশি ডাঃ মাঃ সহ—২।০ আনা।

ওরিয়েন্টাল কেমিক্যাল ওয়ার্কস প্রাইভেট লিঃ

১১ বি, গোবিন্দ আড্ডী রোড, কলিকাতা—২৭

ফোন: ৪৫—৪৪২৮

— লভ্যই বাংলার গৌরব —

আ গ ড় পা ড়া কু টী র শিল্প প্র তি ষ্ঠা নে র
গণ্ডার মার্ক

গেঞ্জী ও ইজের সুলভ অথচ সৌখীন ও টেকসই।

তাই বাংলা ও বাংলার বাহিরে যেখানেই বাঙালী

সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

ধাক—১০, আপার সার্কুলার রোড, দ্বিতলে, ক্রম নং ৩২,

কলিকাতা-৩ এবং চান্দমারী বাট, হাওড়া টেশনের সম্মুখে।

যাওয়া বন্ধুর বৃক্কের “এক ঝলক তাম্রা টকটকে লাল রক্ত”—পাঠকের মনে একটা অনপনয় রক্ত-লিখন আঁকি দেয়।

খুটিয়া খুটিয়া সবগুলি গল্পের পরিচয় দেওয়া সম্ভব নয়। তবে বইয়ের প্রত্যেকটি গল্পই যে গল্পসিকের মনোরঞ্জন করিবে তাহা নিঃসন্দেহে বলা যায়। ততপরি অপূর্ব হইয়াছে বইয়ের প্রচ্ছদপট—ভিতরে বাহিরে সুন্দর এমন একখানি গল্পসঙ্কলন-গ্রন্থ প্রকাশ করিয়া বিভূতিবাবু পাঠকবৃন্দকে অপরিশোধ্য কৃতজ্ঞতা-স্বপ্নে আবদ্ধ করিয়াছেন।

টোপার—শ্রীহরিশঙ্কর বন্দ্যোপাধ্যায়। প্রভাত কলামন্দির।

২৪, করিশ চাট লেন। কলিকাতা-৯। মূল্য দুই টাকা।

সাময়িক পত্রিকায় প্রকাশিত লেখকের কয়েকটি গল্প পাঠকদের দৃষ্টি আকর্ষণ করিয়াছে। ‘টোপার’ তাহার প্রথম গল্পসঙ্কলন-গ্রন্থ। ইহাতে টোপার, গদাধর, ঠাই নাই, মায়ের দয়া ও অর্থ পভূতি মতেরোটি গল্প স্থান পাইয়াছে। সবগুলি গল্পই পল্লয়তন। ঠাই নাই, মায়ের দয়া প্রভৃতি কোন কোন গল্পে খানিকটা পাকা হাতের ছাপ পাওয়া যায়। বেশীর ভাগ গল্পই ছোট ও হইয়াছে এবং গল্পও হইয়াছে। লেখকের যেমন আছে নিজস্ব র নাশৈলী তেমন আছে তাহার একীভূত দৃষ্টিভঙ্গী। এই দুইটি গুণের সহিত বন্ধিত, নিপীড়িত দুর্গত মানুষের প্রতি অগভীর দরদ কতকগুলি গল্পকে রসযুক্ত হিসাবে সার্থক করিয়া উলিয়াছে। ভূমিকায় প্রথমে কথাশিল্পী শ্রীবিভূতিভূষণ মুখোপাধ্যায় মতাই বলিয়াছেন—“আর একটি জিনিস চোখে পড়ল যা হরিশঙ্করের সাহিত্যিক উদ্যোগ সম্বন্ধে আশাশ্রিত করে তোলে, শিল্প-চেতনার সঙ্গে ওর ব্যাপক মহানুভূতি। ওর দৃষ্টির মধ্যে কোতূহলের সঙ্গে আছে দরদ, আছে মহানুভূতি।” এই দরদ এবং সিম্প্যাথি মনুষ্যের আশ্রিত প্রতি ও যে কত গভীর তাহা সুপরিষ্কৃত হইয়া উঠিয়াছে ‘ঠাই নাই’ গল্পে। কারণখানা ঘরে বাসা-বাঁধা চিল দম্পতির বাচ্চাটির অপমৃত্যুর বাহ্যস্বাক্ষিত বর্ণনা মনকে গভীর ভাবে স্পর্শ করে। “মানুষ এখানে বাসা পায় না, তা কাঁকপক্ষী”—এই কথা কয়টি যেন সকল আশ্রয়হীন মানুষ আর ইতরপ্রাণীর বেদনাকে চোখের সামনে মুহূর্তমুহূর্ত করিয়া তোলে। মোট কথা, গল্পসঙ্কলনখানি পড়িয়া ইহাই মনে হয় যে, নিষ্ঠুর সহিত বিনয় রত থাকিলে বর্তমান পুস্তকে যে সামান্য ছোটগাটো ক্রটি আছে, অদূর ভবিষ্যতে তাহা বিদূরিত হইবে এবং বাংলা গল্প সাহিত্যের আসরে লেখক নিজের স্থান করিয়া লইতে সক্ষম হইবেন।

শ্রীনলিনীকুমার ভদ্র

দি ব্যাঙ্ক অব বাঁকুড়া লিমিটেড

ফোন : ২২—৩২৭২

গ্রাম : কৃষিস্থা

সেন্ট্রাল অফিস : ৩৬নং ষ্ট্রাণ্ড রোড, কলিকাতা

সকল প্রকার ব্যাঙ্কিং কার্য করা হয়

ফি: ডিপজিটে শতকরা ৪, ও সেভিংসে ২, সুদ দেওয়া হয়

আদায়ীকৃত মূলধন ও মজুত তহবিল ছয় লক্ষ টাকার উপর

চেয়ারম্যান :

ডে: ম্যানেজার :

শ্রীজগন্নাথ কোলে এম,পি, শ্রীরবীন্দ্রনাথ কোলে

অস্থায়ী অফিস : (১) কলেজ স্কোয়ার কলি: (২) বাঁকুড়া

ইরাণের শিল্প ও সংস্কৃতি—শ্রীগুরুদাস সরকার। রত্নমাগর গ্রন্থমালা। শ্রীদেবকুমার বহু কর্তৃক প্রকাশিত। মূল্য ৩০ টাকা।

গ্রন্থকার আলোচ্য গ্রন্থে একিমিনিয় যুগ হইতে আরম্ভ করিয়া ‘আর্দে-শীরের পিতা সামান-পূর্ব (করাস) ঐতিহাসিক রেণোর মতে) যুগ পর্যন্ত ইরাণে যে শিল্পকলা ও সংস্কৃতি উৎকর্ষলাভ করিয়াছিল তাহার ব্যাপক ঐতিহাসিক আলোচনা করিয়াছেন। পারস্তের নিজস্ব সভ্যতার প্রতিষ্ঠা হয় ৫৫০ খ্রীষ্টপূর্বাব্দে। মহানুভব দ্বিতীয় কুরুখ একিমিনিয় সাম্রাজ্যের পত্তন করেন এবং এই সাম্রাজ্যের অবসান ঘটে যুনানী বীরশ্রেষ্ঠ আলেকজান্ডারের হস্তে। ইহার প্রামাণিক কাল হইল ৩৩০ খ্রীষ্টপূর্বাব্দ। একিমিনিয় সাম্রাজ্যের পতনোত্তর যুগ ইরাণের ইতিহাসে ‘অন্ধকারাচ্ছন্ন যুগ’ বলিয়া অভিহিত। এই অন্ধ-যুগের আবার অবসান ঘটে সামানীয় যুগের অভ্যুদয়ে। দ্বিতীয় কুরুখ হইতে আরম্ভ করিয়া সামানীয় আর্দে-শীর পাপাকান পর্যন্ত ইরাণের শিল্প ও সংস্কৃতির ইতিহাস আলোচ্য গ্রন্থখানিতে সন্নিবিষ্ট হইয়াছে। ইতিহাসবিশ্রুত দ্বিতীয় কুরুখ বা সাইরাস দি গ্রেট কেমন করিয়া এই বিস্তৃত সাম্রাজ্যের গোড়াপত্তন করিয়াছিলেন সেকথা লেখক দ্বিতীয় পরিচ্ছেদে সবিস্তারে আলোচনা করিয়াছেন। এই ঐতিহাসিক পটভূমিতে ইরাণীয় শিল্পের পরিমিত ও বিস্তারের কথা আলোচিত হইয়াছে। এই যুগের শিল্পীদের শিল্পধারণা কতদূর উন্নত ছিল তাহা আমরা পসার গড়াইয়ে সম্রাট সাইরাসের যে পক্ষবিশিষ্ট মূর্তি প্রস্তরে উৎকীর্ণ আছে তাহা হইতে জানিতে পারি। তাহার মস্তকে মিশরীয় রাজগণের স্থায় বেহারা মুকুট আর পক্ষযুগ আসিরীয় প্রথামতে দেহের সহিত সঞ্চারিত। সম্রাটের দৃশ্য দেহ যেন শিল্পীর কল্পনায় এই মূর্তিতে প্রাণ পাইয়াছে; ইহা প্রকাশের প্রসাদগুণে সমৃদ্ধ। একথা পীকার্য যে, একিমিনিয় যুগের বলিষ্ঠ শিল্পে মিশরীয় চর্চের বাঁধা ছাড়ের ছোয়াচ লাগিয়াছিল। মেসোপটেমিয়ার শিল্পশৈলী ও ইরাণীয় শিল্পপদ্ধতিকে অঙ্গবিস্তার প্রভাবান্বিত করিয়াছিল। সে যুগে ইরাণীয় শিল্পীদের মধ্যে যুনানী শিল্পের মৌলিক ধারণাগুলিও অপরিজ্ঞাত ছিল না। পরবর্তী কালের একিমিনিয় শিল্পে আমরা এই সব শিল্প-প্রভাবের লক্ষণ দেখিতে পাই। সম্রাট সাইরাসের পক্ষবিশিষ্ট যে মূর্তির কথা আমরা বলিয়াছি তাহার সৌন্দর্য ও সামানীয় যুগের প্রবর্তক আর্দে-শীর পাপাকান ও তাহার প্রণয়নী ওলনারের প্রথম প্রণয়-চিত্রের অপূর্ব সৌন্দর্য-সম্ভারে বিধম হই লক্ষ্যায়। এই প্রণয়-চিত্রের বর্ণ-স্বয়মা ও অঙ্কন-রীতি পারস্তের মধ্যযুগের বর্ণসম্পাত-কৌশলের অপূর্ব নিদর্শন।

গ্রন্থকার ঐতিহাসিক পটভূমিকায় ইরাণীয় শিল্পের ক্রম-উদ্ভব লক্ষ্য করিয়াছেন। কিন্তু তাহার গ্রন্থে এই শিল্পের নন্দনতাত্ত্বিক মূল্যায়ন এবং ইহার প্রকৃতিবিচারের কোন প্রয়াস নাই। পুস্তকখানির এই অপূর্ণতাকু দূর করিলে ইহার মর্যাদা বহুলাংশে বৃদ্ধি পাইত। আজ ভারত-ইরাণ মৈত্রীর বন্ধনকে হৃদয় করিবার জন্ত চেষ্টা চলিয়াছে। নব্য পারস্তকে বুঝিতে হইলে প্রাচীন ইরাণের ইতিহাস, শিল্প ও সংস্কৃতিকে বুঝিতে হইবে। শ্রীযুক্ত সরকার লিখিত কিঞ্চিদধিক দুই শত বৎসরের ইরাণীয় শিল্প-সংস্কৃতির ইতি-কথা মধ্যযুগীয় পারস্তকে বুঝিবার পক্ষে যথেষ্ট সহায়তা করিবে। ভারত-ইরাণ মৈত্রী প্রচেষ্টার সাফল্য এই ধরনের পুস্তক রচনা ও প্রকাশনার উপরে বহুলাংশে নির্ভরশীল।

শ্রীসুধীরকুমার নন্দী

রবীন্দ্র-সাহিত্য পরিচয়—ডক্টর শ্রীতমোনাশচন্দ্র দাশগুপ্ত।

মডার্ন এজেন্সি, ১০ কলেজ স্কোয়ার, কলিকাতা-১২। মূল্য দেড় টাকা।

রবীন্দ্রনাথের জীবন ও সাহিত্য সম্বন্ধে প্রধান তথ্যগুলির সংগ্রহ। ভূমিকায় লেখক বলেছেন: “রবীন্দ্র-সাহিত্যের সাহিত্যিক রস ও গুণ-

বিচারে কি ভাবে নৃতন পথে অগ্রসর হওয়া সম্ভব, সেই সম্বন্ধে অহুশীলন ও বিশ্লেষণের কাজের দিকে এই দেশবাসীর দৃষ্টি আকর্ষণ করিবার জন্তই বর্তমান নিবন্ধের অরতারণা।" কি ভাবে তিনি 'নূতন পথে' অগ্রসর হতে চেয়েছেন জানি না, তবে অহুশীলন ও বিশ্লেষণের পথ দেখিয়েছেন বলে মনে হ'ল না; 'রস ও গুণবিচারের' চেষ্টা না করে বোধ হয় ভালই করেছেন। কবির 'যৌবনকালে'র রচনাবলীর পরিচয় দিতে গিয়ে তিনি লিখেছেন: "সাধনা' মাসিকপত্রে এই সময়ে কতকগুলি ছোটগল্প প্রকাশিত হয়, যথা: 'ঘাটের কথা', 'শুভা', 'নটনীড়', 'ধোপার পাট' ইত্যাদি। 'ধোপার পাট' গল্পটি সহিত ডাঃ দীনেশচন্দ্র সেন সংগৃহীত 'মৈমনসিংহ' গীতিকার অন্তর্গত 'ধোপার পাট' গল্পের সাদৃশ্য রহিয়াছে।" (পৃ. ১২-১৩) এ তথ্য তিনি কোথায় পেলেন কে জানে? এ যে অভূতপূর্ব আবিষ্কার! আবার 'প্রৌঢ় কালের' রচনা-প্রসঙ্গে তাঁর একটি উক্তি: "রক্তকরবী—বিখ্যাত একটি জার্মান উপন্যাসের ছায়া-অবলম্বনে সঙ্কেতনাট্য।" এ-ও বোধ হয় তাঁর 'নূতন পথে' চলার দৃষ্টান্ত। ভাবের সামান্য সাদৃশ্য আছে—যখনই শুনেছেন, তখনই গ্রন্থকার সে তথ্য পরিবেশনে উৎসাহ প্রকাশ করেছেন। 'পিতাঞ্জলি' প্রসঙ্গে জেক্ কবিগণের এবং 'সিদ্ধান্তরঞ্জ' ডন জুয়ানের 'স্পট্র ছাপ'-এর উল্লেখ তাঁর উদাহরণ। ত্রৈলোক্য মুখোপাধ্যায়ের মত 'বাসুদেব-রস-সমুদ্র' গল্প নাকি রবীন্দ্রনাথ বেশী লিখতে পারেন নি! (পৃ. ৫৭) অভূত মস্তব্য!

তথ্যসংবলিত সংক্ষিপ্ত গ্রন্থের উপযোগিতা আছে সন্দেহ নাই, কিন্তু বিশ্ববিদ্যালয়ের ৬-বীণ অধ্যাপকের কাছ থেকে আমরা যথোচিত যত্ন, সতর্কতা এবং অভিনিবেশ আশা করেছিলাম

রবীন্দ্রনাথ—শ্রীমলিনীরঞ্জন চৌধুরী। বালুরঘাট, পশ্চিম-দিনাজপুর। মূল্য দেড় টাকা।

'রবীন্দ্রনাথ', 'ভক্তকবি রবীন্দ্রনাথ', 'মুময় পৃথিবীর লি', 'শেষের কবিতা', 'রবীন্দ্রকবীর শেষযুগ' 'রবীন্দ্রনাথ ও সমস্রীত' এবং 'কবিপ্রশস্তি'—সাতটি প্রবন্ধে লেখক রবীন্দ্রপ্রতিভার বিভিন্ন দিক দেখাবার চেষ্টা করেছেন। প্রচলিত অধিকাংশ সমালোচনাই অনুকথন মাত্র; এখানিও তাই। তবু বিবরণে মনকে আকৃষ্ট করে, পূর্বাঘাদিত রস নতুন করে আধাদন করি।

শ্রীধীরেন্দ্রনাথ মুখোপাধ্যায়

দীপায়ন—রবীন্দ্রনাথের পাল। ১২, হলওয়েল লেন, কলিকাতা। মূল্য এক টাকা বার আনা।

এখানি কবিতার বই। পুস্তকে পঞ্চাশটি গীতিকবিতা আছে। গ্রন্থকার বইখানিকে দুই ভাগে ভাগ করিয়াছেন। প্রথম ভাগ—স্বদেশ, দ্বিতীয় ভাগ—অন্তর্লোক। অধিকাংশ কবিতাই 'স্বদেশ'ের অন্তর্গত। 'উৎসর্গে' তিনি বলিতেছেন:

নিজের বৃকের অস্থি দিয়া ছাললো যারা বজ্রানল,
কালের বৃকে আঁকল চরণরেখা;
দীপায়নের অগ্নিশিখায়—মরণঞ্জয়ী প্যাঁপার দল
তাদের স্মৃতি রইল যে গো লেপা।

ইহাই পুস্তকের পরিচয় এবং এই স্মরণ প্রায় সব কবিতায় বাজিয়াছে। প্রথম কবিতায় আছে:

কোথা দধীচির বীর সন্তান প্রাণের মুক্তিবহু,
বন্ধের তাজা রুধির অর্ঘ্য লহ।

'মহাকবি নবীনচন্দ্রে' পাই:

ভুলি নাই পলাশীরে, ভুলি নাই তোমাকেও কবি,
প্রতি বিন্দু রক্ত মাঝে রাখিয়াছি আঁকি তব ছবি।

'কবি সত্যেন্দ্রনাথে' পাই:

মাতৃভাষা মঞ্জুষায় রত অভিনব,
তোমারে করেছে কবি চির মহীয়ান।

পল্লীর বাথায় কবির হৃদয় কাঁদিয়াছে,

পল্লীর ঘাটে পল্লীর মাঠে পল্লীর বৃকে মাহুষ নাই।

'তরুণ'কে সম্বোধন করিয়া বলিতেছেন:

ভয় ভাবনা মিছাই ওরে ভাঙ্গি বাধার নিষেধ ডোর,
চল্ ছুটে চল্ মুক্তিখ্যাপার দল।

একটি কবিতায় বলিতেছেন:

আঁধারের কালো ছায়া বালুকার বৃকে এল নামি,
এপারে বাজাও বাঁশী—এপারে যে আমি।

'খেলাঘরে' বলিতেছেন:

আমরা শিশু ভুলের দেশে আছি সকল ভুলে
জীবন ভরি ঝিক নিয়ে খেলি।

লেখক স্বদেশপ্রেমিক। তাঁহার আবেগ আছে। ছন্দের উপর আধিপত্য আছে। অনেকগুলি কবিতা মনের উপর রেখাপাত করে। "দীপায়ন" কাব্যামোদীর ভাল লাগিবে।

শ্রীশৈলেন্দ্রকৃষ্ণ লাহা

প্রেমের ঠাকুর প্রভু জগদদ্বন্দ্বনন্দর—ঈশ্বরচন্দ্র মার সরকার। মহানাম সম্প্রদায় কর্তৃক ৫৯, মাণিকতলা মেন রোড, কলিকাতা-১১, হইতে প্রকাশিত। পৃষ্ঠা ৬০ + ১২। মূল্য এক টাকা।

প্রভু জগদদ্বন্দ্বর লীলা সম্বন্ধে ভক্তের নিবেদন। ইহা 'জীবন-চরিত' নহে। চৈতন্যদেব প্রভু জগদদ্বন্দ্বরূপে পুনর্জন্মগ্রহণ করিয়াছেন ইহাই ভক্তগণের বিশ্বাস।



ইউনিয়ন ড্রাগ
কলিকাতা

তাহার আবির্ভাব বৈশাখ ১২৭৮ বঙ্গাব্দ এবং তিরোধান ভাদ্র ১৩২৮। হুতরাং ইহজগতে তিনি মাত্র ৫১ বৎসর ছিলেন। ভগবৎপ্রেমিক এই মহাপুরুষ ফরিদপুরের কুলো অস্পৃগদের কোল দিয়াছেন এবং কলিকাতার রামবাগানের ডোমদিগের মধ্যে হরিসভা স্থাপন করিয়া তাহাদিগকে সদাচারে উন্নীত করিয়াছিলেন। চৈতন্যের মতই তিনি হরিনাম ও প্রেম বিলাইয়া গিয়াছেন।

ডক্টর শ্রীকুমার বন্দ্যোপাধ্যায় এই পুস্তকের ভূমিকা লিখিয়া দিয়াছেন। প্রভু জগদ্বন্ধুর ভক্তগণের মধ্যে এই পুস্তক সমাদৃত হইবে সন্দেহ নাই।

শিক্ষা-বিজ্ঞান—শ্রীব্রহ্মমোহন চৌধুরী, বি-এ, বি-টি। প্রেসিডেন্সী লাইব্রেরী। কলিকাতা-১২। পৃ. ২০৭। মূল্য সাড়ে তিন টাকা।

তরুণের শিক্ষা সকল দেশেই একটি গুরুত্বপূর্ণ বিষয়। এই বিষয় লইয়া সকল দেশেই মনীষিগণের মধ্যে গভীরভাবে আলোচনা, অনুসন্ধান এবং গবেষণা চলিতেছে। আমাদের দেশেও স্বাধীনতালভের পর হইতে শিক্ষা-সমস্যা সমাধানের জন্ত বিরাট আয়োজন চলিতেছে। এই বিষয়ে আধুনিক যুগের দৃষ্টিভঙ্গী অবশ্য পুরাতন শিক্ষাবিদগণের দৃষ্টিভঙ্গী হইতে পৃথক। শিক্ষা এখন আর বাহির হইতে চাপাইবার জিনিষ নহে, জিতরের গুণাবলীকে ফুটাইয়া তুলিবার চেষ্টা। এই জগুই শিক্ষককে মনোবিজ্ঞান বিশেষভাবে জানিতে হয়। দেশে শিক্ষার অভাব খুবই। কিন্তু দেশকে শিক্ষিত করিয়া তুলিতে হইলে যে শিক্ষণ-শিক্ষা দরকার তাহার অভাবও যথেষ্ট। শিক্ষণ-শিক্ষা বিষয়ে পাশ্চাত্যে যেরূপ আলোচনা, গবেষণা ও পুস্তক প্রণয়ন হইয়াছে তাহার তুলনায় আমাদের দেশ খুবই অনগ্রসর। মৌলিক পুস্তকের সংখ্যা নগণ্য ভাবেই, পাশ্চাত্যের বহু প্রামাণ্য গ্রন্থগুলির অনুবাদও এখন পর্য্যন্ত হয় নাই। বর্তমান গ্রন্থে লেখক শিক্ষণ-শিক্ষা বিষয়ে বহু তথ্য পরিবেশন করিয়াছেন—শিক্ষাবৃত্তী মাতেই ইহা পাঠে উপকৃত হইবেন।

আলোচ্য বিষয় পনরটি অধ্যায়ে ভাগ করা হইয়াছে। যথাঃ মনো-বিজ্ঞান ও জীবজগৎ, মনের উপাদান, সংস্কার ও বুদ্ধিমত্তা, বংশবিত্তান ও বিবর্তন, ব্যবহারবিধি ও ক্রীড়াগতি, মনের বিকাশ, চেতন ও অচেতন, দেহযত্ন, বুদ্ধির পরিমাপ, মনঃসংযোগ, স্মৃতি ও বিস্মৃতি, শিক্ষাগ্রহণ ও অবসাদ, চিন্তন ও বিচার, চরিত্রগঠন এবং মনোবিজ্ঞান ও শিক্ষক।

গ্রন্থকার স্থানে স্থানে পুরাতন শাস্ত্রীয় মত উদ্ধৃত করিয়া আধুনিক মতের সহিত উহার নামঞ্জর দেখাইতে চেষ্টা করিয়াছেন। ইহাতে একদিকে যেমন তাহার শাস্ত্রজ্ঞান, অগতিকোত্তমনি প্রাণীনের প্রতি শ্রদ্ধা প্রকাশ পাইয়াছে। শিক্ষক কেবল শিক্ষাবিজ্ঞানী হইলেই চলিবে না তাহাকে চরিত্রবান হইতে হইবে। তাহাকে 'দেখিয়া' শিক্ষার্থীরা শিখিবে, কেবল তাহার উপদেশ শুনিয়া তাহাদের শিক্ষালাভ বা চরিত্রগঠন হইবে না।

শিক্ষণ-শিক্ষালয়ে, বুনিয়াদি বিদ্যালয়ে এবং অছাশ্রম শিক্ষাবৃত্তী মহলে এই হুলিখিত পুস্তকের বহুল প্রচার বাঞ্ছনীয়।

শ্রীঅনাথবন্ধু দত্ত

ঐতিহাসিক শ্যালক—শ্রীশীতাম্ভু মৈত্র। প্রকাশকঃ শ্রীপ্রতুলকুমার দত্ত, ১৫৪ কর্ণওয়ালিস স্ট্রীট, কলিকাতা-৬। মূল্য পাঁচ টাকা।

খুটি, দণ্ডমুণ্ড এবং ঐতিহাসিক শ্যালক এই তিনটি বাঙ্গা নাটিকা পুস্তক-খানিতে সন্নিবেশিত হইয়াছে। তীর গ্লেয়ের মধ্য দিয়া লেখক এক শ্রেণীর "সামাজিক" জীবনের উপর যে প্রচণ্ড কশাঘাত করিয়াছেন তাহা সার্থক হইতে পারিত যদি লেখায় আর একটু সংযম প্রকাশিত হইত।

ইঙ্গিত—শ্রীশীতাম্ভু মৈত্র। ডি. এম. লাইব্রেরী, ৪২ কর্ণওয়ালিস স্ট্রীট, কলিকাতা-৬। মূল্য দেড় টাকা।

দারিদ্র্যপীড়িত মধ্যবিত্ত বাঙালী সামাজিক জীবনের মধ্যে পড়িয়া কি-ভাবে তলাইয়া যাইতেছে এবং ইহাদেরই দারিদ্র্যজনিত দুর্ভাগ্যের সুযোগ লইয়া আসন্ন এক শ্রেণী কিভাবে নিজেদের কার্ধ্যসিদ্ধ করিয়া লইতেছে, কতকগুলি রাজনীতিক এবং সামাজিক পরিবেশের সাহায্যে লেখক তাহা দেখাইবার প্রয়াস পাইয়াছেন।

ধনী শিবনাথ এবং তার ছেলে স্বেচ্ছাচারী লম্পট অবনী, মধ্যবিত্ত অভাবগ্রস্ত মহীতোষ ও তাঁর তরুণী সমাজসেবিকা শিক্ষিতা কন্যা রেবার চরিত্র সৃষ্টভাবে বিভিন্ন নাটকীয় সংঘাতের মধ্যে ফুটিয়া উঠিয়াছে—বিশেষ করিয়া পরিসমাপ্তির দৃশ্যটি অপূর্ণ।

মনোমুকুর—শ্রীহরিদাস মুখোপাধ্যায়। বিধনাথ পাবলিশিং হাউস, ৮ শ্যামাচরণ দে স্ট্রীট, কলিকাতা। মূল্য দুই টাকা।

দশটি ছোট গল্পের সংকলন। জীবনের অত্যন্ত সাধারণ এমন কতকগুলি ঘটনা গল্পগুলির উপজীব্য। যাহা আমাদের আশেপাশে হামেশাই ঘটিয়া থাকে। একান্ত ভাবে ঘরোয়া হইলেও এই অতি সাধারণ ঘটনাগুলিও লেখার গুণে কত স্নিগ্ধ এবং সুন্দর হইয়া উঠিতে পারে তাহার প্রমাণ জয়ন্তীর খোকা, বনলতার বাপের বাড়ী যাওয়া, নিত্যকালের উপেক্ষিতা প্রভৃতি গল্পে পাওয়া যায়। স্থানে স্থানে একটু-আধটু ত্রুটি পরিলক্ষিত হইলেও চরিত্র-চিত্রণে লেখকের কৃশলতার পরিচয় পাওয়া যায়।

শ্রীবিভূতিভূষণ গুপ্ত

সুবকুমারমাঞ্জলি (দ্বিতীয় প্রবাহ)—শ্রীসদানন্দ চক্রবর্তী সম্পাদিত এবং জেলা জগলী, পোঃ ডুমুরদহ, শ্রীরাম আশ্রম হইতে শ্রীমুকুল দে কর্তৃক প্রকাশিত। (১২ + ৩ + ২৬ পৃঃ)। মূল্য চার টাকা।

আলোচ্য গ্রন্থের প্রথম প্রবাহের আলোচনা ইতিপূর্বে করা হইয়াছে। এই দ্বিতীয় প্রবাহও বহু পণ্ডিত ব্যক্তির সংস্কৃত গল্পগল্প রচনায়, অধ্যাপক, কবি, এবং বিভিন্ন লেখক-লেখিকার নিবন্ধে ও কবিতায়, আটটি ইংরেজী প্রবন্ধে বাণত শ্রীমৎ সীতারাম ওঙ্কারনাথের প্রশস্তিতে, তাহার লিখিত পর্য্যবেশটি পবে সম্পূর্ণ এবং বিভিন্ন সময়কার নানাধরণের নয়টি চিত্রে সুশোভিত। গ্রন্থমধ্যে ভাবের উচ্ছ্বাস ও আতিশয্যপূর্ণ অলৌকিক বিভূতির বর্ণনা কম। কিন্তু ইহাতে ভাগবত সত্তায় নিত্য বিভোর নামগানে মাতোয়ার এই মহাপুরুষের জীবনলীলার বিভিন্ন আলোচ্য বেশ সূনিপুণ ভাবে রূপায়িত হওয়ায় এখানি পাঠক-পাঠিকার পক্ষে যুগপৎ বিশেষ শ্রীতিকর এবং হিতকর হইয়াছে। সম্পাদকের ভূমিকা এবং নিবন্ধাবলীর অধিকাংশই ভক্তি ও ভাবরাজ্যের খোরাক সম্বলিত বেশ মনোজ্ঞ রচনা। বাহার এই মহাপুরুষের সাক্ষাৎ সংস্পর্শে আসেন নাই তাহারও গ্রন্থপাঠে ইহার স্বরূপানুভূতির পরিচয়লাভে উপকৃত হইবেন।

শ্রীউমেশচন্দ্র চক্রবর্তী

বাদশাহী
(বেজি)

লোমনামক
সারান, পাউডার
বা লোসন
— মোট ভাল লাগে।
চর্ম সূক্ষ্ম করে ব্যবহারে জ্বালা নাই

সি.সি. মহাজন এণ্ড কোং. বেঙ্গল ২

স্টকিষ্ট : সুরেশ চৌরস
১ং৪নং ছারিসন রোড, কলিকাতা ৭

নিঃসঙ্গ—শ্রীসতীশচন্দ্র দে। প্রকাশক—শ্রীসলিলকুমার দে, ২৩ডি ফর্ডাইস লেন, কলিকাতা-১৪। পৃ. ২৫৪। মূল্য তিন টাকা।

ঐশ্বর্যকারের আত্মজীবনী। তিনি ছিলেন স্কুল-কলেজে উৎকৃষ্ট ছাত্র, আচার্য্য প্রফুল্লচন্দ্রের বিশেষ স্নেহপ্রাপ্ত। কৈশোরে তিনি 'বিপিনদাস'র 'আত্মোন্নতি' দলে ভর্তি হন। এই দলটিও বিপ্লব-কর্মে লিপ্ত হইয়া পড়ে। লেখক তেজী, সাহসী এবং স্বাধীনচেতা; প্রেসিডেন্সী কলেজের 'ওটেন' ব্যাপারে লিপ্ত সন্দেহে তাঁহাকে 'বাসটিকেটেড' করা হয়। লেখক বিজ্ঞানের ছাত্র ছিলেন; বিপ্লব-কর্মে, টোটা প্রস্তুত বিষয়ে তিনি অগ্রণী ছিলেন। প্রথম মহাসমরকালে তাঁহাকে ভারতবর্ষে আটাইনে কারাবদ্ধ করা হয়। তিনি চট্টগ্রামে কৃত্তবন্দিয়া দ্বীপে প্রথমে অন্তরিত হন। পরে বাঁকুড়া, দার্জিলিং, চাঙ্গাতিবাগ, পুনরায় দার্জিলিং এইরূপ বিভিন্ন স্থানে বন্দীজীবন যাপন করিয়া ১৯২০ সনে মুক্তিলাভ করেন। নিজের জীবনকথা-বাপদেশে অর্দ্ধশতাব্দীকালের বাঙালীর স্বাধীনতা-প্রয়াসের একটি বিশিষ্ট দিকের উপর লেখক আলোকপাত করিয়াছেন। ঐশ্বর্য্যকে কয়েকজন বাঙালী মনীষী, সাহিত্যিক ও বিপ্লবীর পুস্তক-সম্পর্কিত প্রশস্তি প্রদত্ত হইয়াছে। ইহা অভিনব বটে, কিন্তু পাঠকের পুস্তক সংক্ষেপে স্বাধীন মতামত গঠনে বাঘাত জন্মায়। এখানে এসব সন্নিবেশিত না করাই বাঞ্ছনীয়। পুস্তকে বর্ণাশুদ্ধিও লক্ষিত হইল।

বাংলার ইতিহাস সাঃ না—শ্রীপ্রবোধচন্দ্র সেন।

সেনাবেঙ্গ প্রিন্ট সঃ য়াং পাবলিশাস লিমিটেড, ১১৯ ধর্ম্মতলা স্ট্রীট, কলিকাতা-১৪। পৃষ্ঠা ২১৪। মূল্য তিন টাকা।

"বাঙালী আত্মবিশ্মৃত জাতি"—এইরূপ মন্তব্য কোন কোন মনীষী করিয়াছেন। গত শতাব্দীতে, বাঙালীর ইতিহাস নাই বলিয়া বঙ্কিমচন্দ্রও আক্ষেপ করিয়া গিয়াছেন। ইংরেজীতে বাংলার প্রথম ইতিহাস ষ্টার্ট-কৃত "History of Bengal"। বাঙালী জাতির ইতিহাসের উপকরণ এশিয়াটিক সোসাইটির 'এশিয়াটিক রিসার্চেস'-এ ১৭৮৮ খ্রীষ্টাব্দে প্রথম প্রকাশিত হয় উইলকিন্স কর্তৃক। কোলকাতায় কিছু কিছু প্রকাশিত করেন। বাঙালীদের মধ্যে পুরাতত্ত্ব আলোচনা আরম্ভ করেন উক্তের রাজেন্দ্রলাল মিত্র ইংরেজী ভাষার মাধ্যমে। বাঙালী জাতির ইতিহাস বাংলা ভাষায় স্মৃষ্টভাবে আলোচনা শুরু করেন বঙ্কিমচন্দ্র চট্টোপাধ্যায়। বঙ্গ-দর্শনে তাঁহার প্রবন্ধাবলী বাংলার ইতিহাসচর্চার পথিকৃৎ। রবীন্দ্রনাথ এই ইতিহাসচর্চার আবশ্যকতা অনবচ্ছিন্ন ভাষায় গত শতাব্দীর শেষ দশকেই ব্যক্ত করিয়াছিলেন। গত অর্দ্ধশতাব্দীকালের মধ্যে বাংলার ইতিহাসচর্চা অনেকটা অগ্রসর হইয়াছে। বাঙালীর ভাষা-সাহিত্য, শিক্ষা-সংস্কৃতি, জাতিগঠন, রাজনৈতিক উত্থানপতন প্রভৃতি বাঙালীর জাতীয় জীবনের নানা বিভাগেরই ঐতিহাসিক উপকরণ সংগৃহীত, আলোচিত এবং পুস্তকাকারে লিপিবদ্ধ হইয়া আসিতেছে। কিন্তু এই নবাবিদ্ধত উপকরণ—মূর্ত্তি, মুদ্রা, খোদিত

লিপি, সমসাময়িক মুদ্রিত-অমুদ্রিত বই-পুথি, পত্র-পত্রিকা ইত্যাদির ভিত্তিতে বাঙালী জাতির পূর্ণাঙ্গ ইতিহাস লিপিবদ্ধ হওয়ার প্রয়োজনীয়তা এখনও সুধীসমাজে বিশেষভাবে অনুভূত হইতেছে।

আলোচ্য পুস্তকখানিতে ঐশ্বর্য্যকার বাঙালীর ইতিহাস সাধনা প্রসঙ্গে আধুনিক যুগে যে সকল ইতিহাস-পুস্তক রচিত হইয়াছে তাহার এক আনুপূর্ব্বিক বিবরণ দিয়াছেন। 'বিবরণ দিয়াছেন' বলিলে অবশ্য সবটা বলা হয় না। তিনি প্রতিটি পুস্তক ধরিয়া তাহার বিষয়ে আলোচনা করিয়াছেন এবং বাঙালী জীবনের কোন কোন দিক এতদ্বারা উদ্ঘাটিত হইয়াছে তাহাও দেখাইয়া দিয়াছেন। 'ইতিহাস' বলিতে তিনি শুধু রাষ্ট্রীয় ইতিহাসের কথা বলেন নাই—আমাদের সাহিত্য সংস্কৃতির ইতিহাস-পুস্তকাদিও আলোচনা করিয়াছেন। বাঙালীর উচ্চ ও নিম্ন শিক্ষা, স্ত্রীশিক্ষা, লোকশিক্ষা, সমাজ-জীবন প্রভৃতি সম্পর্কেও তথ্যানির্ভর আলোচনা করা হইয়াছে গত কয়েক বৎসরে বিভিন্ন গ্রন্থে। বাঙালীর জাতীয় তথা স্বাধীনতা আন্দোলন সংক্রান্ত 'রাজনৈতিক' ক্ষেত্রেই নিবদ্ধ ছিল না; মানবজীবনের বাধাবন্ধন সামগ্রিক উন্নতির দিকে এই প্রচেষ্টা প্রধাবিত হইয়াছিল। বিভিন্ন ইতিহাস-পুস্তকে এ সকল কথাও আলোচিত হইয়াছে। বাঙালী নবজাগরণ বা রেনেসাঁশ এই সর্ব্বাঙ্গীণ উন্নতিরই ত্রোতক। ঐশ্বর্য্যকার একস্থলে বাঙালীর ইতিহাস-সাধনার আনুপূর্ব্বিক বিবরণ দানে ইতিহাস-আলোচনার ক্ষেত্র সূগম করিয়া দিয়াছেন। বাংলার ইতিহাস-সম্পর্কিত প্রবন্ধ ও পুস্তকসমূহের একটি কালানুক্রমিক তালিকা প্রদানে পুস্তকখানির প্রয়োজনীয়তা বাড়িয়া গিয়াছে। ইহার বহুল প্রচার কামনা করি।

কলিকাতা বিশ্ববিদ্যালয়—শ্রীবিমলেন্দু কয়াল। কয়াল পুস্তক-প্রকাশক, ৯/১ এম্ ডাঃ সুরেশ সরকার রোড, কলিকাতা-১৪। পৃ. ১০৪+৪০। মূল্য তিন টাকা। বহুচিত্র সম্বলিত।

কলিকাতা বিশ্ববিদ্যালয়ের শতবর্ষপূর্ত্তি উৎসব সবেমাত্র উদ্ঘাপিত হইয়াছে। এই সময় বিশ্ববিদ্যালয়ের কার্য্যকলাপ সংক্ষেপে নানা আলোচনা হওয়া স্বাভাবিক এবং হইয়াছেও। সুনিয়াছি বিশ্ববিদ্যালয়-কর্তৃপক্ষ ইংরেজীতে একখানি বৃহদাকার 'মূল্যবান' পুস্তক প্রকাশিত করিয়াছেন। আলোচ্য পুস্তকখানি বাংলা ভাষায় সহজ এবং সাধারণবোধ্য করিয়া লিখিত। একারণ আমরা ঐশ্বর্য্যকারকে সাধুবাদ করি। তিনি বিশ্ববিদ্যালয়ের ইতিহাস বাপদেশে এদেশের আধুনিক শিক্ষার ইতিহাসও সন্নিবেশিত করিয়াছেন। বিশ্ববিদ্যালয়ের পরিবর্তন ও প্রতিষ্ঠা হইতে যাবতীয় কৃতির একটি ধারাবাহিক কাহিনী পুস্তকখানিতে আছে। সাধারণ পাঠকপাঠিকা ইহা হইতে বহু অজ্ঞাত, স্বল্পজ্ঞাত এবং নূতন কথা জানিতে পারিবেন। পুস্তকে দুই-একটি তথ্যগত ভুল নজরে পড়িল। প্রথম] প্রেমচাঁদ বায়চাঁদ স্মার (১৮৬৮)। 'সব আশুতোষ মুখোপাধ্যায়' নহেন, ইনি শুধু 'আশুতোষ মুখোপাধ্যায়'। সংশোধন বাঞ্ছনীয়।

শ্রীযোগেশচন্দ্র বাগল

কয়েন। পরিষদের যুগ্ম সম্পাদক শ্রীহরিশঙ্কর বন্দ্যোপাধ্যায় কর্তৃক সমাগত ভক্তমহোদয়, সভাপতি ও যামপদ-বাবুকে ধন্যবাদ দেওয়ার পর সভার কার্য শেষ হয়। পরিষদের পক্ষ হইতে যামপদবাবুকে কয়েক খণ্ড 'শরৎ সাহিত্য সংগ্রহ' উপহার দেওয়া হয়। সাহিত্যিক শ্রীরমেশচন্দ্র সেন তাঁহার সত্ত্বপ্রকাশিত 'পূর্ব থেকে পশ্চিমে' বইটি যামপদবাবুকে উপহার দেন।


সেবায়তনে বার্ষিক উৎসব

গত ৯ই পৌষ ঝাড়গ্রাম সেবায়তনের ত্রয়োদশ বার্ষিক প্রতিষ্ঠা-দিবস মহাসমারোহে উদযাপিত হইয়াছে। এই দিন ব্রাহ্মমূর্ত্তে বৈতালিকগণের ভজনগীত হইলে আশ্রমাচার্য্য স্বামী সত্যানন্দ গিরি মহারাজের পৌরোহিত্যে প্রত্যুষে মঙ্গলঘট তথা আশ্রম-পতাকা স্থাপন, শাস্ত্রপাঠ ও সদালোচনাদি সহ উৎসবের উদ্বোধন হয়। অপরাহ্নে জেলা বোর্ডের প্রধান শ্রীমহেন্দ্রনাথ মাহাত মহাশয় জাতীয় পতাকা উত্তোলন করিবার পর অধ্যাপক শ্রীজনার্দন চন্দ্রবর্ত্তী মহাশয়ের সভাপতিত্বে সেবায়তন যোগমন্দির-প্রাক্ষণে, সহস্রাধিক নবনারীর সমাবেশে বার্ষিক মহা অধিবেশন অমুষ্ঠিত হয়। সন্ধ্যায় সঙ্গীতসুধাকর শ্রীসত্যেশ্বর মুখোপাধ্যায় ভজন ও সঙ্গীত দ্বারা সকলকে মুগ্ধ করেন। পরদিন সংস্কৃত-ভবনে বিভিন্ন স্থান হইতে আগত তিন শতাধিক ক্রিয়াবান্ ভক্ত-সম্মেলনে যোগীবাঈ শ্রীশ্রীশ্যামাচরণ লাহিড়ী মহাশয়ের আধ্যাত্মিক ভাব ও সাধনার ধারা সঙ্ক্ষে আলোচনা হইবার পর স্থানীয় কীর্ত্তনীয়া শ্রীঅবনীমোহন

মধুর কীর্ত্তনগানে শ্রোতৃবৃন্দকে প্রায় তিন ঘণ্টা মোহিত করিয়া রাখেন। সন্ধ্যায় সেবায়তন বিদ্যালয়ের প্রাক্তন ছাত্রগণের পুনর্মিলন সভার অধিবেশনের পর উৎসবানুষ্ঠানের পরিসমাপ্তি হয়।

সুরেন্দ্রনাথ ভট্টাচার্য্য

বিগত ২৪শে জানুয়ারী রাত্রি দুই ঘটিকায় কলিকাতা গবর্ণমেন্ট সংস্কৃত কলেজের অবসরপ্রাপ্ত প্রধান সংস্কৃতাদ্যাপক পণ্ডিত সুরেন্দ্রনাথ ভট্টাচার্য্য বিদ্যাবত্ত, এম-এ, এম-আব-এ-এস (লণ্ডন), মহাশয় ছিয়াশী বৎসর বয়সে তাঁহার কলিকাতা হাতিবাগানস্থ ভবনে সজ্ঞানে পরলোকগমন করিয়াছেন। ইনি দাক্ষিণাত্য বৈদিক ব্রাহ্মণ-সমাজের মধ্যে প্রবীণতম ব্যক্তি ছিলেন। ইহার আদি



শ্রীনলিনী মজুমদার (মাঝখানে উপবিষ্ট) সহ ঝাড়গ্রাম সেবায়তন বিদ্যালয়ের প্রাক্তন ছাত্রবৃন্দ

শ্রীরামপুরের
এস.চন্দ্রবর্ত্তীর

সুপার
XX
নয়

গোল্ডেন

সোল এজেন্ট

লক্ষ্মী এজেন্সী

৪৩/১. স্ট্র্যাণ্ড রোড • কলিকাতা-৭

নিবাস চক্ৰিণ পরগণাস্থ হরিনাভি গ্রাম। ইনি সংস্কৃত কলেজে মহামহোপাধ্যায় মহেশ ভ্রামবত্ত, মহামহোপাধ্যায় চন্দ্রকান্ত তর্কালঙ্কার, মহামহোপাধ্যায় কামাখ্যা তর্কবাগীশ প্রভৃতি অধ্যাপকগণের নিকট শিক্ষালাভ করিয়া সরকারী কলেজে অধ্যাপনা আরম্ভ করেন। ঢাকা জগন্নাথ কলেজ, চট্টগ্রাম কলেজ, কটক ব্যাভেনশ' কলেজ ও হুগলী কলেজে অধ্যাপনার পর ইনি কলিকাতা সংস্কৃত কলেজে আসেন। এখানে সুদীর্ঘকাল দক্ষতার সহিত অধ্যাপনার বৃত্ত থাকিয়া ১৯৩০ সনে অবসরগ্রহণ করেন। বিদ্যাবত্ত মহাশয়ের ছাত্রগণের মধ্যে নেতাজী সুভাষচন্দ্রের অগ্রজ শরৎচন্দ্র বসু, অগ্নিযুগের উদ্বাসকর দত্ত, অধ্যক্ষ ড. সুরেন্দ্রনাথ দাশগুপ্ত, অধ্যাপক পণ্ডপতিনাথ শাস্ত্রী, অধ্যক্ষ অনন্ত ব্যানার্জী শাস্ত্রী, ড. সাতকড়ি মুখোপাধ্যায়, ড. আণ্ডতোষ শাস্ত্রী, ড. অমরেশ্বর ঠাকুর, ড. ক্ষিতীশচন্দ্র চট্টোপাধ্যায়, ড. দক্ষিণারঞ্জন শাস্ত্রী, ড. সুকুমার সেন, অধ্যাপক সত্যেন্দ্রনাথ



সুরেন্দ্রনাথ ভট্টাচার্য্য

সেন, শ্রীশ্রীজীব ঠাকুরতীর্থ, অধ্যক্ষ ড. প্রবোধচন্দ্র লাহিড়ী, অধ্যাপক শিবপ্রসাদ ভট্টাচার্য্য প্রভৃতির নাম উল্লেখযোগ্য। বিচারক মহাশয় স্বদেশনিরত, জ্ঞানতপস্বী ও আচারনিষ্ঠ ব্যক্তি ছিলেন। অধ্যয়ন ও অধ্যাপনাই তাঁহার জীবনের ব্রত ছিল। তিনি ছায়া, চিত্রা, পরিণাম, উপায়ন প্রভৃতি বহু প্রস্থ লিখিয়া গিয়াছেন। তাঁহার শেষ রচনা 'হিন্দু ও হিন্দু' গ্রন্থখানি বিদ্বজ্জনসমাজে বিশেষ প্রশংসালাভ করিয়াছে। তিনি পরহুঃস্বকাতর ও পরোপকারী ছিলেন। সবল এবং অনাড়ম্বর জীবনযাপন তাঁহার চরিত্রের বৈশিষ্ট্য ছিল। নিরহঙ্কার ও অকসঙ্ক চরিত্রের গুণে তিনি সকলের প্রিয়পাত্র ছিলেন। আত্মপ্রচার ও আত্মশ্লাঘা তিনি বিষয়ং পরিত্যাগ করিতেন।

পরলোকে নৃপেন্দ্রমোহন মজুমদার

গত ২৬শে জানুয়ারী বিশিষ্ট শিক্ষাব্রতী নৃপেন্দ্রমোহন মজুমদার ঊনষাট বৎসর বয়সে তাঁহার ৫০নং বগুলা রোডস্থ বভনে পরলোক গমন করেন। প্রায় চল্লিশ বৎসর যাবৎ তিনি মুক-বধিরদিগের শিক্ষাদান ও উন্নয়নকার্য্যে একনিষ্ঠভাবে ব্রতী ছিলেন। ১৯২২ সনে

তৎপ্রতিষ্ঠিত 'অল বেঙ্গল এসোসিয়েশন ফর দি ওয়ার্কাস অব দি ডেফ' নামক সংস্থার ভিত্তিতে পরবর্তী কালে ভারতীয় মুক-বধির শিক্ষকদের কনভেনশন সংগঠিত হয়। কলিকাতা মুক-বধির



নৃপেন্দ্রমোহন মজুমদার

বিদ্যালয়ের অন্ততম প্রতিষ্ঠাতা মোহিনীমোন মজুমদার ছিলেন নৃপেন্দ্রমোহনের পিতা। পিতা এবং জ্যেষ্ঠ সহোদর আচার্য্য স্বামী সত্যানন্দ গিরিজীব শিক্ষা ও আদর্শ নৃপেন্দ্রমোহনকে জনকল্যাণকার্য্যে প্রবৃত্ত করিয়াছিল। সেবা ও সামাজিক কার্য্যাবলীর জগু তিনি সর্বজনপ্রিয় ছিলেন। তাঁহারই প্রবৃত্তে বগুলা রোড ও ব্রড স্ট্রীট "বেট পেয়ার্স এসোসিয়েশন" গঠিত হয়। বালিগঞ্জ সংসদ, বালিগঞ্জ বালিকা বিদ্যালয়, দুর্গাবাড়ী প্রভৃতি বিভিন্ন প্রতিষ্ঠানের তিনি বিশিষ্ট সংগঠনকারী সদস্য ও কন্মী ছিলেন।




বাদী প্রেম, কলিকাতা

রাজপুতচিত্র
(যোধপুর পদ্ধতি)



ফুল ও পাতা

[ফোটা—শ্রীবিনয়ভূষণ]



“পালের নাও”


[ফোটা—শ্রীবিনয়ভূষণ দাস]

অভিযান

“সত্যম্ শিবম্ সুন্দরম্
नायमाशा बलहीनेन लताः”

১৬শ ভাগ
২য় খণ্ড

চৈত্র, ১৩৩৩



বিবিধ প্রসঙ্গ

অথ, নির্বাচনী পর্ব

এই বারের নির্বাচনীতে সর্বত্রই এক নূতন ধারা দেখা গিয়াছে। সেটা ভোটারের পক্ষ হইতে ব্যক্তিগত আক্রোশ ও বিদ্বেষকে সমষ্টিগত ভাবে পরিচালনা করিয়া দলীয় স্বার্থসিদ্ধি করার চেষ্টা। কেহ-বা বলিয়াছেন, বামপথে চল, সকল দুঃখকষ্টের অবসান হইবে। কেহ-বা বলিয়াছেন, পাকিস্থান জিন্দাবাদ—আমায় জয়যুক্ত কর আমি পাকিস্থান এনে দিচ্ছি। আশ্চর্যের বিষয় এই যে, বাংলায়—বিশেষতঃ কলিকাতায়—সকল বিরোধী দলের বামপন্থী এই পাকিস্থান জিন্দাবাদে যোগ দিয়াছেন এবং ততোধিক আশ্চর্য্য এই যে উদ্বাস্তর দলও সেই দলে ছিল। শোনা যায়, আসামে ও মালদহে এইরূপ প্রচ্ছন্ন পাকিস্থানী কংগ্রেসেরও সমর্থনলাভ করিয়াছে। অবশ্য কমুনিষ্ট পার্টির পক্ষে একরূপ দেশভ্রোহীতা নূতন নহে। ভারত বিভাগে তাঁহাদের কীর্তি ইতিহাসে চিরদিন থাকিবে।

ভোটের পালা তো শেষ হইতে চলিল, “বিকল্প সরকার” তো বাংলায় হইল না, কেন্দ্রেও হইল না, এক হইলেও হইতে পারে সুদূর করলে, ভারতের ক্ষুদ্রতম রাজ্যে। কিন্তু লোকের ভাব-গতিকে মনে হয়, দেশের লোক অধিকাংশ ক্ষেত্রেই মন্দের ভাল বলিয়া কংগ্রেসকে ভোট দিয়াছে। যদি তাই হয় তবে এই আগামী পাঁচ বৎসরই কংগ্রেস-রাজের মেয়াদ, তাহার পর দেশে অরাজক।

বস্তুতঃ এবারের কংগ্রেসের জয় অনেক ক্ষেত্রেই বিপক্ষে অতি নিকুট লোক দাঁড় করাইবার দরুন। কংগ্রেসের ভাল লোক পরাজিত হইয়াছেন অল্পই এবং তাহাও অধিকাংশ ক্ষেত্রেই অতি অল্প ভোটে। দুই দিকেই অতি নিকুট স্বার্থাশ্রয়ী লোকই বেশী নির্বাচিত হইয়াছে, সুতরাং সেদিক দিয়া বলিবার অধিক কিছু নাই। তবে এইভাবে কত দিন চলিবে?

যে দেশের শতকরা ৮৮ জন নিরক্ষর সেখানে এইরূপ নির্বাচন জুয়াখেলার সামিল। তত্পরি হইয়াছে সংবাদপত্রের ক্রীড়প্রাপ্তি, সুতরাং ভালমন্দ বুঝাইবেই বা কে এবং বুঝিবেই বা কে? এদেশে—বিশেষতঃ আমাদের বৃদ্ধিমান বাঙালীর দেশে—“গ্রেসামস ল”

(Gresham's Law) পূর্ণ মাত্রায় চলিতেছে। চালে কাঁকড়, আটার খড়িমাটি, চিনিতে কাদাজল আমরা নিতাই গিলিতেছি। কাজেই রাজনীতির কালোবাজারে মার্কামারা মেকিতে আপত্তি করার উপায় কোথায়?

দলগত স্বার্থ ও ব্যক্তিগত স্বার্থ ত গান্ধীজীর কংগ্রেসকে বসাইলে লইয়া চলিতেছে, কে কোথাও ত তাহার সংরক্ষণ বা সংশোধনের কথাও কেহ বলে না। শেষে কি সারা দেশ কেবল বা কলিকাতার মত কাণ্ডজ্ঞান হারাইবে?

কংগ্রেসী সরকারের শিক্ষার প্রয়োজন, একথা খাঁটি সত্য। দেশে যে দুর্নীতি ছুরাচারের বলা চলিতেছে, তাহার দায়িত্ব তাঁহাদেরই, এবং দেশকে বৃদ্ধিহীন ক্রীড়ের পথে যদি কেহ টানিয়া লইতে পারে তবে তাহাও কংগ্রেসের অকর্ণগ্যতা, আত্মসন্ত্রিহ ও স্বগোষ্ঠী পোষণে তৎপরতার কারণে। দেশের দুর্দশা বড় কথায় বা ফেরো-কংক্রীটের বাঁধে যায় না। একথা আমাদের কংগ্রেসী বিদগ্ধচূড়ামণিগণ বুঝিবেন কবে?

'৫২ সনের নির্বাচনে যাঁহাদের কংগ্রেসী প্রার্থীরূপে পাঠানো হইয়াছিল, তাঁহাদের শতকরা ৭৫ জন ছিলেন মেকি। এবার কিছু বদবদল করিয়া শতকরা ৮৫জন মেকিকে পাঠানো হইয়াছে। দুঃখের বিষয়, সাজা যাঁহারা ছিলেন তাঁহাদের মধ্যে কয়েকজন পার হইতে পারেন নাই। অবশ্য হুঁচার জন ভাল লোকও আদিয়া পড়িয়াছেন, সেটাই আমাদের সৌভাগ্য।

পশ্চিম-বাংলায় নির্বাচন এখনও শেষ হয় নাই, সুতরাং বেশী কিছু বলা যায় না। কিন্তু কংগ্রেসের কার্যকলাপ সূত্ৰ হয় নাই, তাহার প্রমাণ কলিকাতায় বসিয়াই দেখা বাইতেছে। ভাগ্যবলেও গান্ধীজীর পুণ্যের জোরে মফস্বলে বামপন্থীদের উত্থানে কাজ হয় নাই, নহিলে কি হইত বলা যায় না।

এখানে কংগ্রেসী ধুরন্ধরবর্গ ইতিমধ্যেই নানাপ্রকার যুক্তি-তর্কের অবতারণা করিতেছেন। কিন্তু আসল কথা কোনও উল্লেখ নাই। মেকি দিয়া চলে কত দিন? যত দিন অল্প পক্ষে সাজাদ অভাব সমান বা অধিক থাকে—যেমন এইবার।

ভারতের দ্বিতীয় সাধারণ নির্বাচন

স্বাধীন ভারতের দ্বিতীয় সাধারণ নির্বাচন সমাপ্ত হইয়াছে। নির্বাচনের আংশিক ফলাফল প্রকাশিত হইয়াছে, কিন্তু সম্পূর্ণ ফল প্রকাশিত হইবার এখনও বিলম্ব রহিয়াছে। ইতিমধ্যেই কিন্তু নির্বাচনের ফলাফল সম্পর্কে মোটামুটি বলা চলে যে, কেন্দ্র এবং প্রায় সকল রাজ্যেই কংগ্রেস পুনরায় ক্ষমতায় অধিষ্ঠিত হইবে। ১২ মার্চ পর্যন্ত ঘোষিত ফলাফলে দেখা যায় যে, রাজ্য বিধানসভাগুলির নির্বাচনে কংগ্রেস অপেক্ষা বিরোধী দলগুলি ত্রিশ লক্ষাধিক ভোট বেশী পাইয়াছে। কিন্তু বিরোধী দলগুলির মধ্যে মিলন না থাকায় বিরোধী পক্ষের ভোটগুলি পরস্পরের মধ্যে ভাগ হইয়াছে—কম দাঁড়াইয়াছে এই যে, অকংগ্রেসীগণ অপেক্ষা ত্রিশ লক্ষ ভোট কম পাইয়াও কংগ্রেস বিরোধীদলগুলির প্রায় দ্বিগুণ আসন লাভ করিয়াছে। ১২ই মার্চ পর্যন্ত ঘোষিত ফলাফলে বিভিন্ন দলগুলির মোট ভোট ও প্রাপ্ত আসনের সংখ্যা এইরূপ : কংগ্রেস—২,১৮,৭০,৪৯৮ ভোট (৮৮২টি আসন); প্রজা-সমাজতন্ত্রী দল—৪৪,৫৪,৫৪০ ভোট (৯২টি আসন); কম্যুনিষ্ট পার্টি—৩৪,৩৬,০৭৫ ভোট (৬২টি আসন); জনসঙ্ঘ—২১,৩১,৫০১ ভোট (২৬টি আসন); অজ্ঞান দল—২৪,০৬,৩৮০টি ভোট (৫৪টি আসন) এবং স্বতন্ত্র—১,২৫,৯৩,৭১১টি ভোট (১৮১টি আসন)।

দেশের সর্বত্রই নির্বাচন শূণ্ধ্যল এবং শাস্তিপূর্ণ ভাবে অনুষ্ঠিত হইয়াছে, ইহা বিশেষ সুখের কথা। কিন্তু নির্বাচনে বিভিন্ন রাজনৈতিক দল এবং ব্যক্তিবিশেষ যে ধরনের সাম্প্রদায়িক প্রচার চালাইয়াছেন তাহার ভবিষ্যৎ চিন্তা করিলে শঙ্কিত না হইয়া থাকার যায় না। বোম্বাই, পশ্চিমবঙ্গ, কেবল প্রভৃতি দুই-একটি রাজ্যে কথা বাদ দিলে উত্তর এবং দক্ষিণ-ভারতের সর্বত্রই নির্বাচনের প্রধান খুঁটি ছিল ধর্মীয় ও সাম্প্রদায়িক ম্লোগান।

আসামের অঙ্গুষ্ঠিত কবিমগঞ্জ মহকুমার নির্বাচন সম্পর্কে আলোচনা করিয়া স্থানীয় সাপ্তাহিক “যুগশক্তি” ২৪শে ফেব্রুয়ারি এক সম্পাদনীয় প্রবন্ধে লিখিতেছেন যে, ঐ অঞ্চলে বহু স্থানে নির্বাচনী প্রচারে এইবার রাজনৈতিক আদর্শ ও নীতি জলাঞ্জলি দিয়া সাম্প্রদায়িক প্রচার এবং শ্রেণী বিশেষের লাগাম ছাড়িয়া দেওয়া হইয়াছিল। “বিশেষভাবে দক্ষিণ ও উত্তর কবিমগঞ্জ এবং বদরপুর নির্বাচনক্ষেত্রে কংগ্রেসের পক্ষে ভোট দেওয়ার জন্য মুসলমান ভোটারদের মধ্যে উৎকট সাম্প্রদায়িক মনোভাব জাগাইয়া তোলা হইয়াছিল। প্রকাশ যে, গ্রামে গ্রামে মুসলমানদের অসংখ্য ‘ওয়াজ’ মাৎসর্যে নির্বাচনী প্রচার উপলক্ষে সাম্প্রদায়িক বিষ ছড়াইয়া দেওয়া হয়। এই সমস্ত ‘ওয়াজে’ শুধু মুসলমানদেরই বাইবার অধিকার ছিল। অনেক স্থানে নাকি এই সমস্ত জমায়েতে গো-কোবানী করিয়া সিন্দীও বিতরণ করা হইয়াছে এবং যে সমস্ত বক্তৃতা করা হইয়াছে বলিয়া জানা গিয়াছে, একমাত্র মুসলিম লীগের আমলের বা সাম্প্রদায়িক দাজ্জাকালীন ভেহাদী জিগীয়েব সঙ্গেই তাহার তুলনা করা চলে। আশ্চর্যের বিষয় স্থানীয় কংগ্রেস নেতৃবৃন্দ

ভোট লাভ করিবার জন্য এই সমস্ত ব্যাপার প্রত্যক্ষ বা পরোক্ষভাবে সমর্থন করিয়াছেন।—কংগ্রেসকে ভোট না দিলে সংখ্যালঘুদের এদেশে বাস করা মুশকিল হইবে, বামপন্থীদের ভোট দিলে মুসলমানরা কবর দিতে পারিবে না—মৃত ব্যক্তিকে দাহ করিতে হইবে, আরও উদ্ভাস্ত আসিয়া মুসলমানদের তাড়াইয়া দিবে—এইরূপ অপপ্রচার মুসলমান গ্রামবাসীদের মধ্যে ক্রমাগত ভাবে করা হইয়াছে। কংগ্রেস-মহলও ইহা প্রকাশেই স্বীকার করেন যে, তাহারা এখানে মুসলমানদের (এবং চা-বাগান এলাকার মজহুরদের) ভোটের উপরই নির্ভরশীল ছিলেন।”

কংগ্রেসের তরফ হইতে এই প্রকারের সাম্প্রদায়িক প্রচার সত্যই বিস্ময়কর এবং অভাবনীয়! কিন্তু দেখা যাইতেছে যে, এই সাম্প্রদায়িক প্রচারে কেবল যে ভারতীয়গণই অংশ গ্রহণ করিয়াছিল তাহা নহে, বহু পাকিস্তানী নাগরিকও প্রকাশভাবে নির্বাচনী প্রচারে সাম্প্রদায়িকতা ছড়াইতে থাকে। এই সকল প্রচারের ফলে স্থানীয় জাতীয়তাবাদী মুসলিম নেতৃবৃন্দও প্রমাদ গণিতেছেন।

“যুগশক্তি” লিখিতেছেন :

“স্থানীয় উগ্র সাম্প্রদায়িকতাবাদী মোল্লা, মৌলবী ছাড়াও বহু পাকিস্তানী ধর্ম্মাঙ্ক মোল্লা এবং পাকিস্তানী সরকারী কর্তৃক পৃষ্ঠপোষিত আসিয়াও বিভিন্ন “ওয়াজে” সাম্প্রদায়িক প্রচারকার্য চালাইয়াছেন বলিয়া জানা গিয়াছে। দক্ষিণ কবিমগঞ্জ নির্বাচনক্ষেত্রে কংগ্রেস-প্রার্থী মৌলবী আবদুল হামিদ চৌধুরীর ভ্রাতা পাকিস্তানী নাগরিক মৌলবী আবদুল আজিজ চৌধুরী নিজে তাহার পাকিস্তানী গাড়ী ও মাগয়েদগণ লইয়া নির্বাচনী প্রচারে বাস্তব আছেন—ইহা অনেকেই দৃষ্টি আকর্ষণ করিয়াছেন।

“পাকিস্তানের সহিত ভারতের আজ যে সম্পর্ক দাঁড়াইয়াছে তাহাতে এই সব ব্যাপার অত্যন্ত বিসদৃশ ঠেকিয়াছে। এই অঞ্চলের প্রকৃত জাতীয়তাবাদী এবং ধর্ম্মভীরু সং মুসলমান ব্যক্তিরাও অবস্থা দেখিয়া প্রমাদ গণিতেছেন এবং অনেকে আসিয়া বিশিষ্ট হিন্দু নেতৃবৃন্দের সহিত প্রতিকারের উপায় সম্পর্কে আলোচনা করিতেছেন। সরকারী কর্তৃপক্ষ এ বিষয়ে কি বলিতে বা করিতে চাহেন তাহা জনসাধারণ জানিতে পারে কি?”

নির্বাচনে দলীয় স্বার্থসাধনে সাম্প্রদায়িক প্রচারেরও অর্থ বুঝা যায়, কিন্তু আভ্যন্তরীণ রাজনৈতিক কার্যকলাপে বিদেশীয় নাগরিকদিগের হস্তক্ষেপ কোন দিক হইতেই সমর্থন করা যায় না। অজ্ঞান রাষ্ট্রে যদি কোন বিদেশীয় নাগরিক এইরূপ রাষ্ট্রের আভ্যন্তরীণ ব্যাপারে অংশ গ্রহণ করিত তবে সেই বিদেশীয়কে তৎক্ষণাত্ সেই রাষ্ট্র হইতে বহিস্কৃত করা হইত। কিন্তু ভারতে আজ শাস্তি ও শূণ্ধ্যল রক্ষার ভার বাহাদুরের হাতে তাহারাই বিশৃঙ্খলা সৃষ্টি করিতেছেন। রক্ষকই এখন ভক্ষক হইয়া দাঁড়ায় তখনই রাষ্ট্রের চরম দুর্দিন আসিতেছে বলিয়া বুঝিতে হইবে। কংগ্রেস দলপত্ন প্রভৃৎ রক্ষার জন্য আজ যে বিষবৃক্ষ রোপণ করিতেছে, অচিরেই তাহাকে, উহার ফলভোগ করিতে হইবে। কিন্তু এই সাম্প্রদায়িক

উদ্বাসিত কলে জাতীয় জীবনে যে বিপর্যয় দেখা দিবে তাহার কল ব্যাপকতর জনসাধারণকেও স্পর্শ করিবে, সুতরাং এখন হইতেই সাবধান হইবার সময় আসিয়াছে।

পশ্চিমবঙ্গের নির্বাচন

পশ্চিমবঙ্গের নির্বাচন মোটামুটিভাবে রাজনৈতিক সমস্তাগুলির ভিত্তিতে হইলেও এই রাজ্যেও নির্বাচনে সাম্প্রদায়িক প্রচার স্থান-বিশেষে বিশেষ গুরুত্বপূর্ণ ভূমিকা গ্রহণ করিয়াছে।

মুশিদাবাদের নির্বাচনে সম্পর্কে ২৭শে ফাল্গুন “মুশিদাবাদ সমাচার” পত্রিকায় প্রকাশিত এক বিশেষ প্রবন্ধে বলা হইয়াছে :

“আমাদের মুশিদাবাদে ভোটের ফাইট কমুজ্জাল লাইনে চলেছে। বেশীর ভাগ প্রার্থী স্বতন্ত্র। দল বলতে হোলটা কংগ্রেসী, চারটে পি-এস-পি, তিনটে আর-এস-পি এবং একটা সি-পি, এক-বি আর মহাসভা। এইবার হিসাব করে দেখুন দল ক’জন, দল-ছাড়া ক’জন। সুতরাং এখানে ভোট চলেছে নিজের বাতাসে যেমন চলত লীগের আমলে। তবে সুবিধা হচ্ছে মুসলিম প্রার্থী আট জন যারা কংগ্রেসের ভোড়া বন্দ চালাচ্ছেন, তাঁদের দুনো জোর হয়েছে। মুসলমান হিসাবেও ভোট পাচ্ছেন, কংগ্রেসী হিসাবেও পাচ্ছেন। সুতরাং তাঁদের সিওর সাকসেস। কেবল যেখানে ভাই-ভাই-এ ভোটের লড়াই সেখানকার খবর আলাদা।”

শ্রীনেহরুর ক্ষমাপ্রার্থনা

নিম্নলিখিত ভারত কংগ্রেস কমিটির অর্থনৈতিক গবেষণা বিভাগের মুখপত্র পাক্ষিক “এ-আই-সি-সি ইকনমিক রিভিউ” পত্রিকায় ১লা মার্চ সংখ্যায় উক্ত পত্রিকার সম্পাদক শ্রীশ্রীশ্রী মালবীক লিখিত একটি প্রবন্ধে ইংলণ্ডের রাণী দ্বিতীয় এলিজাবেথ সম্পর্কে কোন মন্তব্যে ব্রিটিশ পত্র-পত্রিকা ও ব্রিটিশ সরকার ফোভ প্রকাশ করার শ্রীনেহরু রাণীর নিকট ক্ষমাপ্রার্থনা করিয়াছেন। লণ্ডনস্থিত ভারতীয় হাই কমিশনার শ্রীমতী বিজয়লক্ষ্মী পণ্ডিতও রাণীর নিকট এক পত্রে ঐ প্রবন্ধের জন্ত ভারত সরকারের তরফে দুঃখ জানাইয়া ক্ষমাপ্রার্থনা করিয়াছেন। ভারতস্থিত ডেপুটি ব্রিটিশ হাই-কমিশনারের নিকট এক পত্রে কংগ্রেস-সভাপতি উচ্ছ্বসনস্বায় নওশঙ্কর দেবরও অমূরুপ দুঃখ প্রকাশ করিয়া ক্ষমাপ্রার্থনা করিয়াছেন।

একটি সামান্য ব্যাপারে ভারতীয় নেতৃবৃন্দের এবং বিধ ব্যবহারে জনসাধারণ সত্যই বিস্মিত হইয়াছেন। প্রথমতঃ সকলেই ইহা স্বীকার করিয়াছেন যে “এ-আই-সি-সি ইকনমিক রিভিউ”র মন্তব্য তীক্ষ্ণ বিচারে আংশিকভাবে সুরুচিয় অমুগামী না হইলেও মোটামুটি ভাবে তাহাতে সত্য কথাই বলা হইয়াছে। গোরাতে পতুর্গীজ অত্যাচার এবং সাইপ্রাসে ব্রিটিশ সাম্রাজ্যবাদের অত্যাচারের বিরুদ্ধে বলার জন্ত কোন ভারতবাসীই লাজ্জিত হইতে পারেন না। প্রবন্ধটিতে একটি সামান্য ত্রুটি ছিল এই যে, পতুর্গালের প্রেসিডেন্টের একটি

বাণী ব্রিটিশ রাণীর বলিয়া উল্লেখ করা হইয়াছে। অবশ্য তাহা সংবত ছিল না।

এই প্রবন্ধটি লইয়া ব্রিটিশ পত্রিকামহলে হৈ-টৈ পড়িয়া যায় এবং যে সকল ব্রিটিশ পত্রিকা কাম্বিনকালেও রাজনীতি চর্চা করে না তাহারাও চীৎকার আরম্ভ করে যে, ব্রিটেনের মান-ইজ্জত সব গেল। পত্রিকাটি ভারত সরকারের মুখপত্র নহে এবং মন্তব্যটিও কোন সরকারী কর্মচারী করেন নাই। সে ক্ষেত্রে এ বিষয়ে ভারত সরকারের ক্ষমাপ্রার্থনা করিবার কোন কথাই উঠে না। কিন্তু তথাপি শ্রীনেহরু তাঁহার স্বভাবসিদ্ধ উদারতার সহিত দুঃপ্রকাশ ও ক্ষমাপ্রার্থনা করেন। ব্যাপারটির সেখানেই সমাপ্তি ঘটা উচিত ছিল; কিন্তু এই ঘটনা অবলম্বন করিয়া কংগ্রেসী নেতৃবর্গ বিশেষ হৈ-টৈ আরম্ভ করিয়াছেন। কংগ্রেস-সভাপতি শ্রীদেবর ক্ষমাপ্রার্থনা তো করিয়াছেনই, উপরন্তু শ্রীমালবীককে আনিয়া ধমকাইয়াছেন। “ইকনমিক রিভিউ”র প্রধান সম্পাদক প্রবন্ধটি সম্পর্কে প্রকাশনা ব সকল দায়িত্ব অস্বীকার করিয়া যে সাংবাদিক অসৌজ্জনের পাত্রে দিয়াছেন তাহাতে দিল্লীর সাংবাদিকসমাজ বিশেষ ফোভ প্রকাশ করিয়াছেন। উপরন্তু কংগ্রেস-কর্তৃপক্ষ পত্রিকাটির পরিচালনা ব্যাপারেও অধিকতর নিঃসঙ্গ চালু করিবার ব্যবস্থা গ্রহণ করিতেছেন।

সত্যই ইহা বিস্ময়কর! ব্রিটিশ পত্র-পত্রিকায় ভারত এবং ভারতের প্রধানমন্ত্রী সম্পর্কে কত কি লেখা হয়—কৈ সেই বিষয়ে ভারত সরকারের পক্ষ হইতে কোন প্রতিবাদ তো শোনা যায় না। “ষ্টেটসম্যান” পত্রিকায় সংবাদে প্রকাশ, ভারত সরকারের বৈদেশিক মন্ত্রণাবিভাগও নাকি এই প্রবন্ধ প্রকাশে বিরক্ত হইয়াছেন। ভারতের অবমাননাকর প্রবন্ধ প্রকাশে ইহাদের বিরক্তির প্রমাণ পাইতে এখনও আমাদের অপেক্ষা করিতে হইবে। অপরাধকে যে সকল ব্রিটিশ পত্র-পত্রিকা রাণীর গৌরবহানি হইতে চণিল বলিয়া চীৎকার তুলিয়াছে, মার্কিন পত্র-পত্রিকায় রাণীর ব্যক্তিগত জীবন সম্পর্কে বিরূপ মন্তব্য প্রকাশে তাহাদের কলম একটুও তুলতে তাহারা সাহস পায় নাই।

দিল্লীর “হিন্দুস্থান টাইমস” পত্রিকায় রাজনৈতিক ভাষাকার “ইনসাক” লিখিতেছেন, ভারতীয় নেতাদের একথা বুঝিবার সময় আসিয়াছে যে, সর্বদা পশ্চিমী রাষ্ট্রগোষ্ঠীর নিকট নতিস্বীকার করিয়া ভারত বিশেষ লাভবান হইতে পারিবে না। “বস্তুতঃ সকলেই একথা মনে করেন যে, ব্রিটিশ রাণীর পতুর্গাল ভ্রমণ-সম্পর্কিত প্রবন্ধের জন্ত ‘এ-আই-সি-সি ইকনমিক রিভিউ’ পত্রিকায় সম্পাদকের নিন্দা মাত্রা ছাড়াইয়া গিয়াছে। ক্ষমাপ্রার্থনার স্রোতে কেন্দ্রীয় মন্ত্রীসভার সকল মন্ত্রীই বিশেষ স্তম্ভী হইয়াছেন—সেকথা বলা চলে না।” “ইনসাক” ওয়াকিবহাল ব্যক্তি, তিনি ভারত সরকারের আভ্যন্তরীণ ব্যাপারের অনেক খবর রাখেন। সেই দিক হইতে তাঁহার এই মন্তব্যের বিশেষ মূল্য আছে।

একটি সামান্য মন্তব্যের জন্ত ভারতীয় নেতৃবৃন্দের আচরণকে

“চায়ের পেয়ালার তুফান” আখ্যা দিয়া “যুগান্তর” পত্রিকা ২৫শে ফাল্গুন এক সম্পাদকীয় প্রবন্ধে লিখিয়াছেন, “প্রধানমন্ত্রী স্বয়ং ক্ষমা-প্রার্থনা করিয়াছেন, বিষয়টির উচিত্যানোচিত্য লইয়া তাই আমরা কোন কথাই লিখি নাই। কিন্তু কংগ্রেস সভাপতির ...নিয়ন্ত্রণের পর স্বভাবতঃই কয়েকটি প্রাসঙ্গিক প্রশ্ন উঠিবে। ক্ষুদ্র প্রবন্ধটি আমরাও পড়িয়াছি—তাহাতে রাণীর ব্যক্তিগত মর্যাদার উপর সত্যই কি কোন আঘাত করা হইয়াছে? শাসনতন্ত্রের অধিনেত্রীরূপে ইংলণ্ডেশ্বরীর ব্যক্তিগত সম্ভ্রম ব্রিটিশ-জাতির কাছে যত বড়ই হউক, পৃথিবীর অগাধ দেশে তিনি ব্রিটিশ শাসনের প্রতিভূ ছাড়া অস্ত্র কিছু নন। কাজেই ব্রিটিশ সাম্রাজ্যিক ও উপনিবেশিক নীতির সমালোচনা-প্রসঙ্গে যদি রাণীর কথা আসিয়াই পড়ে, তাহা রাণী সম্পর্কে ব্যক্তিগত আলোচনা বলিয়া গণ্য হইতে পারে না। মার্কিন ও অগাধ দেশের পত্রিকায় এই শ্রেণীর বা ইহার চেয়েও কঠোর আলোচনা হামেশাই হইয়া থাকে। কৈ; সে সময় ত ক্ষমাপ্রার্থনার দাবি উঠে না? আসলে ব্রিটিশ রক্ষণশীল মহলে ভারতের বিরুদ্ধে একটি মনোভাব সৃষ্টির আয়োজন চলিতেছে। তাহারই লাগসই একটা ছুতা হিসাবে রাণীর প্রসঙ্গটি খুঁচাইয়া তোলা হইয়াছে। এ কথা মনে করিবার আরও একটি কারণ, পত্রিকাটি প্রকাশিত হইবার দুইদিন পূর্বে মন্তব্যটি ব্রিটেনে পৌঁছিল কি করিয়া?”

“যুগান্তর” লিখিতেছেন, “ইকনমিক রিভিউ”র মন্তব্যে রাণীর ব্যক্তিগত অথবা পারিবারিক জীবন সম্পর্কে কোন কথাই নাই। ব্রিটিশ ও পূর্বাঞ্চল সাম্রাজ্যবাদীর অত্যাচার সম্পর্কে যাহা বলা হইয়াছে তাহা সবই সত্য। “কমনওয়েলথী সৌহার্দ্যের খাতিরে এই সত্য গোপন করিতে হইলে আমাদের স্বাধীনতা কি খুব মূল্যবান মনে করিতে হইবে?” পত্রিকাটির মতামত নিয়ন্ত্রণের যে ব্যবস্থা কংগ্রেস কর্তৃপক্ষ করিয়াছেন “যুগান্তর” সর্ব্বৈবরূপে তাহার নিন্দা করিয়াছেন।

সিমেন্টের চোরাকারবার

সিমেন্টের বাজারে চোরাকারবার দিন দিন ব্যাপকতর হইয়া উঠিতেছে, এবং বাংলা দেশে ইহা সর্ব্বজনবিদিত যে, নিয়মসঙ্গত ভাবে নিয়ন্ত্রিত সিমেন্ট পাওয়া যায় না, চোরাবাজার হইতে অত্যধিক মূল্যে ইহা ক্রয় করিতে হয়। ভারতবর্ষে সিমেন্টের বর্তমানের এত অভাব যে, খোলাবাজারে ইহা পাওয়া যায় না, সিমেন্ট ক্রয় করিতে হইলে সরকারী “পারমিট” বা অনুমতির প্রয়োজন। কিন্তু মজার ব্যাপার এই যে, সরকারী অনুমতি স্বাভাবিক নিয়মে পাওয়া যায় না; যাহারা লাইসেন্স প্রাপ্ত সিমেন্টের ব্যবসাদার তাহাদের মারফতে দরখাস্ত পেশ করিতে হয়, যদিও ইহা বে-আইনী, কিন্তু কার্যতঃ ইহা আইনসঙ্গত। কারণ সরাসরি সরকারী বিভাগের নিকট দরখাস্ত করিলে সিমেন্ট প্রাপ্তির অনুমতি

পাওয়া যায় না। ব্যবসাদারদের মারফতে দরখাস্ত করিবার সময় বাহ প্রয়োজন তাহার দ্বিগুণ কিংবা তিন গুণের জল আবেদন করিতে হয়, এই অতিরিক্ত পরিমাণ সিমেন্টে ব্যবসাদাররা কালোবাজারে চড়া দামে বিক্রয় করে; তাহাদের বক্তব্য এই যে, সরকারী সংশ্লিষ্ট বিভাগকে বহু পরিমাণে ঘুষ দিয়া পারমিট বাহির করিতে হয়, এবং সে খরচা ভুলিতে হইলে কালোবাজারে চড়া দামে বিক্রয় প্রয়োজন। আর এই মেহনতের জল অবশ্য কিছু পারিশ্রমিক প্রয়োজন এবং তাহার নিমিত্ত এই অতিরিক্ত পরিমাণ সিমেন্টে কালোবাজারে বিক্রয় করিতে হয়।

দ্বিতীয় মহাযুদ্ধের সময়ে ভারতবর্ষে দ্রব্যনিয়ন্ত্রণ প্রথাধারা অহেতুক ভাবে কৃত্রিম অভাবের সৃষ্টি করা হইয়াছিল, এই কৃত্রিম অভাবের ফলে কালোবাজারের প্রসার সম্ভবপর হয় এবং সমাজের মুষ্টিমেয় ব্যক্তি ইহাতে লাভবান হয়। সিমেন্ট নিয়ন্ত্রণের প্রহসন অনতিবিলম্বে অপসারণ করা প্রয়োজন, ইহাতে যথাযথ বিতরণ সম্ভবপর না হইয়া কৃত্রিম অভাব সৃষ্টির দ্বারা কালোবাজার বজায় রাখিতে সাহায্য করা হইতেছে। বর্তমানে ভারতবর্ষে ২৮টি সিমেন্ট-কারখানা আছে, ইহাদের বাৎসরিক উৎপাদন-ক্ষমতা ৬০ লক্ষ টন। ২৮টি কারখানার মধ্যে একটির মালিক উত্তরপ্রদেশ সরকার ও অল্প একটির মালিক মহীশূর সরকার। বাকি ২৬টি কারখানার মালিকানা বেসরকারী। ইহাদের মধ্যে ৭টি আছে বিহারে, ৪টি বোম্বাইয়ে, ৩টি মাদ্রাজে, ২টি মহীশূরে, ২টি অন্ধ্রপ্রদেশে, ২টি মধ্যপ্রদেশে, ২টি রাজস্থানে, ২টি পঞ্জাবে, ১টি উড়িষ্যায় এবং ১টি কেরলে। সিমেন্ট-শিল্পের বর্তমান মূলধন ৪০ কোটি টাকা এবং ইহাতে ৩০ হাজার শ্রমিক কার্য করে।

দ্বিতীয় পঞ্চবার্ষিকী পরিকল্পনাকালে সিমেন্ট উৎপাদন আরও ১ কোটি টন বৃদ্ধি পাইবে, অর্থাৎ ১৯৬০-৬১ সনে মোট উৎপাদনের পরিমাণ দাঁড়াইবে ১ কোটি ৬০ লক্ষ টনে; আরও অতিরিক্ত ৫০.৬০ কোটি টাকা মূলধন নিয়োগ করিয়া ৩১টি নূতন সিমেন্ট-কারখানা স্থাপন করা হইবে। নূতন কারখানা প্রতিষ্ঠা ব্যাপারে কেন্দ্রীয় সরকারের দেখা উচিত যেন আঞ্চলিক স্থানীয়-করণের সাম্য রক্ষিত হয়; দ্বিতীয়তঃ, কারখানাগুলি তাহাদের উৎপাদনশক্তির সমস্তটাই যেন কার্যকরী করে। বর্তমানে বাৎসরিক উৎপাদনশক্তির পরিমাণ যদিও বৎসরে ৬০ লক্ষ টন, তথাপি বাস্তব ক্ষেত্রে ৫০ লক্ষ টনের অধিক উৎপন্ন হয় না।

নূতন কারখানাগুলির মধ্যে ৭টি স্থাপিত হইবে অনুপ্রদেশে, ৭টি, বোম্বাই প্রদেশে, ৩টি রাজস্থানে, ৩টি মধ্যপ্রদেশে, ২টি আসামে, ২টি পশ্চিমবঙ্গে, ২টি মাদ্রাজে এবং উত্তর প্রদেশ, বিহার, উড়িষ্যা, পশ্চিমবঙ্গ ও মহীশূরে ১টি করিয়া কারখানা স্থাপিত হইবে। কিন্তু বর্তমানে সিমেন্টের চোরাকারবার বন্ধ করা প্রয়োজন এবং তাহার জল সিমেন্টের আমদানী অবাধ করিয়া দিয়া আভ্যন্তরিক নিয়ন্ত্রণ রহিত করিয়া দেওয়া প্রয়োজন। চিনির বণন নিয়ন্ত্রণ ছিল তখন ইহার সববাহে ঘাটতি হইত, কিন্তু নিয়ন্ত্রণ ব্যবস্থা রহিত করিয়া

দেওয়ানও বিদেশ হইতে আমদানি শুরু করিতে চিনির আন্তর্জাতিক উৎপাদন বৃদ্ধি পাইল এবং প্রয়োজনের তুলনায় ইহার উৎপাদন অতিরিক্ত হইতেছে। সেইরূপ সিমেন্টের উপর হইতে নিয়ন্ত্রণ রহিত করিয়া দিলে ও সরকারী প্রয়োজনের জন্য সমস্ত সিমেন্ট বাহির হইতে আমদানি করিলে ইহার চোরাকারবার বন্ধ হইয়া যাইবে। চোরাবাজারের অধিকাংশ সিমেন্ট আসে সরকারী পরিকল্পনাগুলির নিকট হইতে, অর্থাৎ অধিক পরিমাণে হিসাব দেখাইয়া চোরাবাজারে সংব্রাহ দেওয়া হয়।

কৃষিক্ষেত্র পরিষ্কার

কেন্দ্রীয় কৃষি ও পাণ্ডমন্ত্রী বিভাগের অর্থনৈতিক উপদেষ্টার তথ্য অনুসারে দেখা যায় যে, বহুপ্রকার আইন প্রণয়ন সত্ত্বেও বেসরকারী কৃষিক্ষেত্র অল্পকূল সর্ভেও সহজলভ্য হইতেছে না। গত ১৮৭২ সন হইতে রাষ্ট্র বিভিন্ন প্রকার আইন প্রণয়ন করিয়া আসিতেছেন যাহাতে বেসরকারী কৃষিক্ষেত্রের সর্ভগুলিকে নিয়ন্ত্রণ করা যায়। কিন্তু আইনগুলি সেরূপভাবে কার্যকরী হয় নাই। বেসরকারী কৃষিক্ষেত্র নিয়ন্ত্রণ করিবার জন্য প্রাদেশিক সরকারসমূহ যথোপযুক্ত ব্যবস্থা অবলম্বন করেন নাই; দ্বিতীয়তঃ, বেসরকারী ঋণদাতা ব্যতীত অন্য কোন প্রকার ঋণদানের বন্দোবস্ত নাই, এবং তৃতীয়তঃ চাষীদের ঋণগ্রহণের অবশ্যপ্রয়োজনীয়তা। এই সকল কারণগুলির জন্য গ্রাম্য মহাজন তাহার পুরাতন প্রথাতেই চালু করিয়া আসিতেছে। তবে নূতন নূতন আইনের দ্বারা মহাজনের ঋণদানের ক্ষমতাকে সঙ্কীর্ণ করা হইয়াছে এবং উৎপাদনের প্রয়োজন ব্যতীত সাংসারিক প্রয়োজনে ঋণগ্রহণকে নিরুৎসাহ করা হয়।

সংস্কারিত ব্যাঙ্কিং ব্যবস্থার বিস্তৃতি এবং সমবায় প্রথার উন্নতি সত্ত্বেও দেখা যায় যে, এখনও পর্যন্ত অধিকাংশ কৃষিক্ষেত্র আসে গ্রাম্য মহাজনদের নিকট হইতে। ব্যবসায়ী ও কৃষিক্ষেত্রের মহাজনরা যুক্তভাবে মোট প্রয়োজনীয় কৃষিক্ষেত্রের প্রায় ৬৯.৭ শতাংশ সংব্রাহ করে। জমিদার ও অগ্নাঙ্গ ব্যবসায়ীর দাদনের পরিমাণ ধরিলে বেসরকারী কৃষিক্ষেত্রের পরিমাণ দাঁড়ায় মোট কৃষিক্ষেত্রের ৭৭ শতাংশে। ভারতবর্ষে কৃষিক্ষেত্রের বাৎসরিক পরিমাণ ১,০০০ কোটি টাকা। এই প্রয়োজনীয় অর্থের কেবলমাত্র ৭.৩ শতাংশ আসে সরকারী প্রতিষ্ঠান, সমবায় সমিতি ও কমার্শিয়াল ব্যাঙ্কের নিকট হইতে। সমবায় সমিতির দাদনের পরিমাণ ইহার মধ্যে কেবলমাত্র ৩ শতাংশ।

ভারতীয় গ্রামীণ অর্থনৈতিক কাঠামোতে বেসরকারী গ্রাম্য মহাজনের অস্তিত্ব যদিও অবশ্যস্বাভাবী, তথাপি ইহার কুলই অধিক হইয়াছে। সর্বভারতীয় কৃষিক্ষেত্র অনুসন্ধান সমিতি সেই কারণে সমবায় সমিতির বিস্তৃতির জন্য সুপারিশ করেন; এবং ইহার ফলে রিজার্ভ ব্যাঙ্ক আইনের কোনও কোনও ধারার পরিবর্তনসাধন করা হয়। নূতন ব্যবস্থা অনুসারে সমবায় সমিতির মূলধন প্রদানে রাষ্ট্র অংশগ্রহণ করিবেন; রাষ্ট্র-সহযোগিতা বর্তমান সমবায় ব্যবস্থার

নূতন নীতি; কিন্তু ইহাতে সমস্তার সমাধান হয় না। ষ্টেট ব্যাঙ্কের প্রধান দায়িত্ব ৪০০ নূতন শাখা খোলায়—যাহাতে কৃষিক্ষেত্রের বিবর্তন সম্ভবপর হয়। কিন্তু গত তিন বৎসরে মাত্র ৬৬টি শাখা খোলা হইয়াছে। ৪০০ শাখা খোলা এখনও দশ বৎসরের ব্যাপার; এ সম্বন্ধে সরকারী গতিবিধি অত্যন্ত মন্থর।

পৃথিবীর অগ্নাঙ্গ সব দেশেই একটি করিয়া কেন্দ্রীয় কৃষি ব্যাঙ্ক আছে ও তাহার শাখা সর্বত্রই বিস্তৃত। ভারতবর্ষের ক্ষেত্রে কংগ্রেসী সরকার এ বিষয়ে প্রথম হইতেই গৌজামিল দিয়া আসিতেছেন। রিজার্ভ ব্যাঙ্কের উপর কৃষিক্ষেত্রের কেন্দ্রীয় দায়িত্ব দেওয়া হইয়াছে; কিন্তু শীর্ষ ব্যাঙ্ক হিসাবে রিজার্ভ ব্যাঙ্কের এত-প্রকার দায়িত্ব আছে যে, কৃষিক্ষেত্রের ব্যবস্থা তাহাকে জোড়াতালি দিয়াই সম্পন্ন করিতে হইবে। কৃষিক্ষেত্র দুইপ্রকার—দীর্ঘমেয়াদী ও স্বল্পমেয়াদী। রিজার্ভ ব্যাঙ্ক দীর্ঘমেয়াদী ঋণের বন্দোবস্ত করিয়াছে; কিন্তু ইহার প্রয়োজন স্বল্পমেয়াদী ঋণের তুলনায় অত্যন্ত। স্বল্প-মেয়াদী ঋণের প্রয়োজন অধিক এবং ইহা গ্রাম্য মহাজনদের নিকট হইতে সহজলভ্য, যদিও এই ঋণের সর্ভগুলি পীড়নদায়ক। সহজ-লভ্যতা কৃষিক্ষেত্রের প্রধান বৈশিষ্ট্য এবং মহাজনদের কঠিন সর্ভ সত্ত্বেও চাষীরা মহাজনদের নিকট হইতে ঋণ লইতে বাধ্য হয়, কারণ ইহা সহজলভ্য। সরকার কিংবা সমবায় সমিতির নিকট হইতে ঋণ লইতে হইলে বহুপ্রকার নিয়মকানুন মানিতে হয়—যাহা নিবন্ধর চাষীর পক্ষে সকল ক্ষেত্রে সম্ভবপর হয় না।

কৃষিক্ষেত্রের ব্যাপারে বাংলা একটি অনগ্রসর প্রদেশ। এই বিষয়ে মাদ্রাজ, বোম্বাই, উত্তরপ্রদেশ ও পঞ্জাব খুব অগ্রণী। বাংলা দেশে প্রায় কুড়িটি কেন্দ্রীয় সমবায় ব্যাঙ্ক আছে, কিন্তু ইহাদের মধ্যে অধিকাংশেরই খুব দুর্বস্থা। অগ্নাঙ্গ শাখা-ব্যবসা আছে বলিয়া এই সমিতিগুলি কোনও প্রকারে টিকিয়া আছে। আর প্রাথমিক সমিতিগুলির অবস্থা আরও শোচনীয়; এই সমিতিগুলির পুরাতন অপরিশোধিত ঋণের পরিমাণ এত অধিক যে, ইহাদের অনেকগুলি ইচ্ছাকৃত লিকুইডেশনে বাইতে বাধ্য হইয়াছে। আর বাকীগুলির কাগজে-কলমে অস্তিত্ব থাকিলেও কাথাতঃ ইহারা নিঃশেষ হইয়া গিয়াছে। সমবায় সমিতিগুলির সুদের হার অত্যধিক এবং এই ব্যাপারে ইহারা গ্রাম্য মহাজনের চেয়ে বেশী ভাল কিছু নয়। পশ্চিমবঙ্গীয় প্রাদেশিক সমবায় ব্যাঙ্কের সুদের হার বাৎসরিক শতকরা ৬ হইতে ৭ শতাংশ; এবং বিভিন্ন কেন্দ্রীয় ব্যাঙ্কের সুদের হার বাৎসরিক শতকরা সাড়ে বারো শতাংশ পর্যন্ত। অগ্নাঙ্গ সমবায় সমিতির বাৎসরিক সুদের হার ১০ হইতে ১৫ শতাংশ পর্যন্ত। ইহাতে দেখা যায় যে, সুদের ব্যাপারে সমবায় সমিতিগুলি অনেক মহাজনের চেয়ে কম যায় না। অবশ্য একথাও সত্য যে, ঋণশোধ প্রায়ই হয় না এবং সুদও সমন্বিত আসে না।

পশ্চিমবঙ্গের গ্রামগুলি আজ অর্থনৈতিক দুর্বস্থার চরম সীমার উপস্থিত হইয়াছে। বিশেষতঃ হুগলী, বর্ধমান, মেদিনীপুর ও বাঁকুড়া জেলা। এই জেলাগুলির অভ্যন্তর ভাগ পরিদর্শন করিলেই এই

উক্তির বাখ্যার্থ্য প্রমাণিত হইবে। ইহাদের ঘরে ঘরে বেকার, কার্যরূপে ও অর্দ্ধাংশে দিন বাপন করিতে বাধ্য হইতেছে। উন্নয়ন পরিবর্তন ও জাতীয় সম্প্রসারণ কার্যাবলী শুধু পরিবর্তনের মধ্যে রহিয়া যাইতেছে। যতদিন না কৃষককে পরিশ্রম করিয়া ফসলাভ করিতে শেখানো হয় ও তাহার আয়াস-প্রয়াসের বাধা সরানো হয় ততদিন ঋণ দেওয়াও বৃথা এবং কৃষকের দুঃখ দারিদ্র্য দূর করার চেষ্টাও বৃথা।

রাণীগঞ্জের কয়লা-সম্পদ

ভারতবর্ষে অজ্ঞাত কয়লাখনির মধ্যে ঝরিয়া ও রাণীগঞ্জের কয়লা-খনিগুলি হইতে উচ্চশ্রেণীর কয়লা পাওয়া যায়। ঝরিয়া বিহারে ও রাণীগঞ্জ পশ্চিমবঙ্গের অন্তর্গত; এবং ইহারাই ভারতবর্ষের অধিকাংশ কয়লা উৎপাদন করে। রাণীগঞ্জের কয়লাখনিগুলি ১৮২১ সনে খোলা হয় ও ঝরিয়া খোলা হয় ১৮২৩ সনে। ১৯০৬ সন পর্যন্ত ঝরিয়ার চেয়ে রাণীগঞ্জ অধিক পরিমাণে কয়লা উৎপাদন করিত। কিন্তু তাহার পর হইতে ঝরিয়ার কয়লা উৎপাদন বর্তমানে রাণীগঞ্জ হইতে অধিকতর হইতেছে। ১৯৩২ সনে ডঃ সিবিল কল্ল দরভারতীয় কয়লা সম্পদের হিসাব করেন। তাঁহার হিসাবমতে ভারতের মোট কয়লা সম্পদের পরিমাণ ৬,০০০ কোটি টন। ইহার মধ্যে কেবলমাত্র ২,০০০ কোটি টনের উৎপাদন কার্যকরী ভাবে সম্ভবপর। আবার এই ২,০০০ টনের মধ্যে কেবলমাত্র ৫০০ কোটি টন উচ্চশ্রেণীর কয়লা। এই ৫০০ কোটি টনের মধ্যে রাণীগঞ্জে আছে ১৮০ কোটি টন ও ঝরিয়াতে আছে ১২৫ কোটি টন।

সম্প্রতি ভারতীয় ভূতত্ত্ব বিভাগ যে অনুসন্ধান করেন তাহাতে দেখা যায় যে, রাণীগঞ্জের কয়লাখনিগুলিতে মোট ১৩০০ কোটি টন কয়লা-সম্পদ আছে। বর্তমান হারে খরচ হইলে ইহা কয়েক শত বৎসর পর্যন্ত চলিবে। ১৯৪৬ সনে যে হিসাব হয় তাহাতে দেখা যায় যে, উচ্চশ্রেণীর গণেশানা কয়লার পরিমাণ ঝরিয়া ও রাণীগঞ্জে আছে ৪৫২ কোটি টন। ভারতের কয়লা-সম্পদের পরিমাণ যাহাই হউক না কেন, ইহা যে সীমাবদ্ধ এবং ব্রিটেন ও আমেরিকার তুলনায় অত্যন্ত, সে বিষয়ে কোনও সন্দেহ নাই। বর্তমানে ভারতের রেল ইঞ্জিনসমূহে উচ্চশ্রেণীর কয়লার যথেষ্ট অপচয় হইতেছে, তাহা বন্ধ করা প্রয়োজন।

ষ্টেট ব্যাঙ্ক অব ইণ্ডিয়ার অগ্রগতি

৩রা মার্চ এক সম্পাদকীয় প্রবন্ধে ষ্টেট ব্যাঙ্ক অব ইণ্ডিয়ার অগ্রগতি সম্পর্কে আলোচনা করিয়া মাস্ত্রাজের ইংরেজী দৈনিক “হিন্দু” পত্রিকা লিখিতেছেন যে, ষ্টেট ব্যাঙ্ক প্রতিশ্রুত কর্তব্যগুলি যথাযথভাবে সম্পন্ন করিতে সক্ষম হইয়াছে কিনা সে, বিষয়ে চূড়ান্ত অভিমত দিবার সময় এখনও আসে নাই। তবে ভারতের বৃহত্তম বাণিজ্যিক ব্যাঙ্ক জাতীয়করণে আমলাতান্ত্রিক প্রভুত্ববৃদ্ধির কথা

চিন্তা করিয়া যাহারা শঙ্কিত হইয়াছিলেন তাহাদের সেই আশঙ্কা দূর হইয়াছে। জাতীয়করণের ফলে পরিচালন-ব্যবস্থার ক্ষমতা কমে নাই বা আমানতকারীর সংখ্যাও কমে নাই। জাতীয়করণের পর উক্তের জন মাধাইয়ের নেতৃত্বে গঠিত প্রথম বোর্ড অব ডাইরেক্টর-দের সুযোগ্য পরিচালনায় পরিবর্তনকালীন ব্যবস্থাগুলি বিশেষ সুষ্ঠুরূপেই সম্পন্ন করা সম্ভব হইয়াছে।

জাতীয়করণের অব্যবহিত পরেই ব্যাঙ্কের আমানত কতকাংশ হ্রাস পায়। কিন্তু তল্পকালের মধ্যেই এই হ্রাস বন্ধ হয় এবং ব্যাঙ্কের আমানত বৃদ্ধি পাইতে থাকে। গত বৎসর অস্তান্ত সিডিউল্ড ব্যাঙ্ক (যাহারা উচ্চতর হারে সুদ দেয়) অপেক্ষাও দ্রুততর হারে ষ্টেট ব্যাঙ্কের আমানত বৃদ্ধি পায়। দাদন সম্পর্কে ব্যাঙ্ক সরকারী প্রতিষ্ঠানগুলির প্রতি কোনরূপ পক্ষপাতিত্ব প্রদর্শন করে নাই। জাতীয়করণের পূর্বাভাষ অনুসরণ করিয়া বেসরকারী বাণিজ্যিক এবং শিল্প প্রতিষ্ঠানগুলিকেও ব্যাঙ্ক পূর্বের জায়গা সাহায্য করিতে থাকে।

কিন্তু গ্রামাঞ্চলে ঋণ বিতরণ এবং বিভিন্ন অঞ্চলে ব্যাঙ্কের শাখা স্থাপন সম্পর্কিত ব্যাপারে ব্যাঙ্ক প্রতিশ্রুতি রক্ষা করিতে পারে নাই। ব্যাঙ্ক জাতীয়করণের সময় বলা হইয়াছিল যে, ষ্টেট ব্যাঙ্ক কৃষিক্ষেত্রের সুবিধার জন্য মধ্যস্থল অঞ্চলে ৫০০টি শাখা স্থাপন করিবে। কিন্তু ১৯৫৬ সনের ডিসেম্বর পর্যন্ত আঠার মাস সময়ে কার্যতঃ মাত্র ৩৬টি শাখা খোলা হইয়াছে। ডিসেম্বর বোর্ডের রিপোর্টে বলা হইয়াছে যে, মধ্যস্থল অঞ্চলে শাখা স্থাপনের প্রধান অন্তরায় উপযুক্ত স্থানাভাব।

“হিন্দু” লিখিতেছেন, যদি অজ্ঞাত ব্যবস্থা ঠিক থাকে তবে স্থানাভাবের অজুহাত না দিয়া ষ্টেট ব্যাঙ্ক গ্রামাঞ্চলে অস্থায়ীভাবে যে-কোন বাড়ীতেই শাখা স্থাপন করিতে পারে। পরে ব্যাঙ্কের নিজস্ব বাড়ী তৈয়ার হইলে স্বচ্ছন্দে সেখানে শাখাটিকে সরাইয়া লওয়া চলিবে।

ষ্টেট ব্যাঙ্কের ডিরেক্টরবর্গ স্থির করিয়াছেন যে, সমবায় প্রতিষ্ঠান-গুলিকে অপেক্ষাকৃত নিয়ন্ত্রণে ধার দেওয়া হইবে। কিন্তু ব্যাঙ্কের এই সাহায্য সমবায় প্রতিষ্ঠানগুলি কতদূর পাইয়াছেন তাহা বোঝা যায় না। ব্যাঙ্কের বর্তমান কার্যকলাপ বজায় রাখিয়া গ্রামাঞ্চলে ঋণদান সংক্রান্ত কর্মধারাটি কতদূর সাফল্যমণ্ডিত হইবে তাহাও প্রমাণসাপেক্ষ। বোধ হয় ঋণশোধ সম্পর্কে সম্পূর্ণ সন্তোষজনক ব্যবস্থা পরিকল্পিত না হওয়া পর্যন্ত তাহা হইবে না।

যাহাই হউক, ইতিমধ্যে ক্ষুদ্র শিল্পের সাহায্যের জন্য ব্যাঙ্ক যে পরিকল্পনা গ্রহণ করিয়াছেন তাহা অভিনন্দনযোগ্য। যদি ষোণ্য লোকের তত্ত্বাবধানে কার্যক্রম চলে তবে ইহাতে সুফল হইবে। এইখানে বলা প্রয়োজন যে, কেন্দ্রীয় সরকারের খন্দর ও কুটীর-শিল্পের নীতি যদি নমনী হিসাবে গ্রহণ করা হয় তবে সুফলের আশা সুদূরপরাহত।

আসানসোলে অপরাধবৃদ্ধি

আসানসোল মহকুমায় অপরাধ-অচ্যুতানের সংখ্যাবৃদ্ধিতে বিচলিত হইয়া স্থানীয় সাপ্তাহিক “বাঙালী” লিখিতেছেন, “ভাবগতিক দেখিয়া মনে হয় মহকুমা হইতে শান্তিশৃঙ্খলা বিদায় লইয়াছে। খুন, ডাকাতি, চুরি, বাহাজানি, জুয়াখেলা, বিনা লাইসেন্সে মদ বিক্রয়, মহিলাদের প্রতি অসৌজন্য প্রদর্শন যেন নিত্যনৈমিত্তিক ঘটনার পরিণত হইয়াছে।”

“বঙ্গবাণী” লিখিতেছেন :

“সম্প্রতি রাণীগঞ্জে সিনেমা হইতে ফিরিবার কালে দুই জন মহিলায় উপর আক্রমণ—বাহার কলে একজন মহিলা ও তাহার শিশুপুত্র হত ও একজন মহিলা সাংঘাতিক আহত হইয়াছেন এবং অণ্ডালে একজন সহকারী লাবোগার নিখোজ হওয়া প্রভৃতি ঘটনা বিশেষ তাৎপর্যপূর্ণ। সম্প্রতি আসানসোল কোর্ট এলাকার সন্নিকটে বিভিন্ন দিনে ও অবস্থায় দুইটি যুবতীর মৃতদেহ পাওয়া গিয়াছে। তাহাদিগকে নৃশংসভাবে হত্যা করা হইয়াছে।

“এই সকল ঘটনা জনসাধারণের সাধারণ নিরাপত্তার মূলে আঘাত হানিতেছে। জনসাধারণ আর নিজেদের নিরাপদ মনে করিতেছে না।”

আসানসোলে অপরাধবৃদ্ধির কারণ সম্পর্কে আলোচনা করিয়া পত্রিকাটি লিখিতেছেন, “প্রথমতঃ অপরাধ ধরা পড়িতেছে কম, তাহার উপর নানা যোগাযোগে, আইনের ফাঁকে অপরাধীর সাজা হইতেছে আরও কম।” পুলিশের সংখ্যা পূর্বাপেক্ষা অনেক বৃদ্ধি হওয়া সত্ত্বেও কিন্তু অপরাধের সংখ্যা কমিতেছে না। অবশ্য সকল অপরাধের সংখ্যাবৃদ্ধির জন্য পুলিশকে দায়ী করা ঠিক হইবে না, কারণ স্থানীয় অশান্ত সামাজিক ও রাজনৈতিক কারণও এই সকল অপরাধ বৃদ্ধির হেতুরূপে কাজ করিতেছে। কিন্তু অপরাধ নিবারণে পুলিশের দায়িত্বই যে সর্বাধিক তাহাও তুলিতে পারা যায় না।

মহকুমার এই শোচনীয় পরিস্থিতির অবসানের জন্য “বঙ্গবাণী” স্থানীয় মিউনিসিপ্যালিটির চেয়ারম্যানকে অনুরোধ জানাইয়াছেন, তিনি যেন স্থানীয় প্রভাবশালী ব্যক্তিবৃন্দকে লইয়া, এক গণ-প্রতিনিধি দল গঠন করিয়া মুখ্যমন্ত্রী ডাঃ রায়েব নিকট সমগ্র পরিস্থিতি ব্যাখ্যা করেন এবং এই অবস্থা অবসানের জন্য সাহায্য-প্রার্থনা করেন।

“বঙ্গবাণী”র এই প্রস্তাব বিশেষ যুক্তিযুক্ত বলিয়াই আমরা মনে করি।

স্বাধীন রাষ্ট্র ঘনা

আফ্রিকার পশ্চিম উপকূলে অবস্থিত গোল্ড কোস্ট নামক ব্রিটিশ-শাসিত অঞ্চলটি গত ৬ই মার্চ স্বাধীনতালাভ করিয়াছে। স্বাধীনতা-লাভের পর রাষ্ট্রটির নূতন নামকরণ হইয়াছে ঘনা। স্বাধীনতা ঘোষণার সঙ্গে সঙ্গেই পৃথিবীর প্রায় সকল বৃহৎ রাষ্ট্রই ঘনাকে

স্বীকার করিয়া লইয়াছেন এবং নূতন রাষ্ট্রটিকে রাষ্ট্রসভ্যের ৮১তম সদস্যরূপে গ্রহণ করা হইয়াছে।

ঘনা কমনওয়েলথের অন্তর্গত রাষ্ট্র হিসাবেই স্বাধীনতালাভ করিয়াছে। ঘনাই কমনওয়েলথের প্রথম প্রকৃত আফ্রিকান সদস্য। দক্ষিণ আফ্রিকা যদিও পূর্বে হইতেই কমনওয়েলথের সদস্য ছিল তথাপি দক্ষিণ আফ্রিকা সরকারকে আফ্রিকানদের জাতীয় সরকার বলা চলে না। নবীন ঘনা আফ্রিকার নবজাগরণের প্রতীক। ঘনার স্বাধীনতা দিবসে এক বক্তৃতায় ভারতের প্রধানমন্ত্রী শ্রীজবাহরলাল নেহরু বলেন : “আফ্রিকার অনেক ‘কৃষ্ণহারা’ আছে, স্মৃত্যায় ঘন অন্ধকারের মধ্যে এই আলো বিচ্ছুরণ আনন্দের কথা। আমি আশা করি এই আলো অশান্ত স্থানেও বিস্তৃতিলাভ করিবে। যাহাদের ঐকান্তিক প্রচেষ্টায় ইহা সম্ভব হইয়াছে তাহারা আমাদের ধন্যবাদার্থ।”

ঘনার আয়তন ২২,৮৪৩ বর্গমাইল, প্রায় ব্রিটিশ দ্বীপপুঞ্জের সমান। মোট ৪৬,২০,০০০ জনসংখ্যার মধ্যে মাত্র ১৩,০০০ জন ব্যতীত আর সকলেই আফ্রিকান। দেশটি তিনটি অংশ বিভক্ত : কলোনী, আশান্তি এবং উত্তরাঞ্চল। উহা ব্যতীত টোগোল্যান্ডের অংশবিশেষও নূতন রাষ্ট্রটির অংশরূপে পরিণত হইয়াছে।

ঘনা প্রধানতঃ কৃষিপ্রধান দেশ। রাষ্ট্রের প্রধান উৎপন্ন জ্রব্য হইল কোকো। কোকো উৎপাদনে প্রায় ১,৮৫,০০০ শ্রমিক নিযুক্ত রহিয়াছে। ঘনাই পৃথিবীর বৃহত্তম কোকো উৎপাদক। কোকো ব্যতীত নারিকেল তৈল, কফি এবং অশান্তি শস্যাদি ঘনার প্রধান উৎপন্ন জ্রব্য। রপ্তানী-বাণিজ্যে কোকোর পইই কাষ্ঠ ও কাষ্ঠজাত জ্রব্যের স্থান।

রাষ্ট্রটি ধনিজ সম্পদে বিশেষ সমৃদ্ধ। প্রধান প্রধান ধনিজ-উৎপাদনের মধ্যে স্বর্ণ, হীরা, ম্যাঙ্গানিজ এবং বক্সাইট প্রভৃতি সমধিক উল্লেখযোগ্য। কিন্তু ধনিজ সম্পদে সমৃদ্ধ হইলেও ঘনা শিল্পক্ষেত্রে বিশেষ পশ্চাদ্গত।

আয়ালগুের নির্বাচন

সম্প্রতি আয়ালগুেও সাধারণ নির্বাচন অনুষ্ঠিত হইয়া গেল। নির্বাচনে আয়ালগুের সর্বজনমান্ত নেতা ইমন ডি. ভ্যালেরাই জয় হইয়াছে। আয়ালগুের ৩৬ বৎসরের স্বাধীনতার ইতিহাসে কুড়ি বৎসরই ডি. ভ্যালেরা রাষ্ট্রের কর্ণধাররূপে ছিলেন।

আয়ালগুের ডেল অর্থাৎ পার্লামেন্টে মোট ১৪৭টি আসনের মধ্যে ডি. ভ্যালেরার কিয়ানা কেস দল ৭৮টি আসন লাভ করিয়া নিরঙ্কুশ সংখ্যাগরিষ্ঠতা লাভ করিয়াছে। এইবারকার নির্বাচনেই সর্বপ্রথম সিনকিন দল নির্বাচনে অংশগ্রহণ করে। ইহাতে অনেকেই মনে করিয়াছিলেন যে, কিয়ানা কেসের ভোট ভাগ হইয়া যাইবে, কিন্তু কার্যতঃ এই সকল রাজনৈতিক ভাষাকার ভ্রান্ত প্রমাণিত হইয়াছেন, সিনকিন উনিশটি আসনের জন্য প্রতিদ্বন্দ্বিতা করিয়াছিল—পাইয়াছে মাত্র চারটি আসন, সিনকিন ঘোষণা করিয়াছে যে, বহু দিন পর্যন্ত

পার্লামেন্টে তাহারা সংখ্যালঘু থাকিবে তত দিন তাহারা পার্লামেন্টারী কার্যকলাপে অংশগ্রহণ করিবে না। ফলে নূতন পার্লামেন্টে ডি. ভ্যালেরার দলের সংখ্যাগরিষ্ঠতা কার্যতঃ আরও বৃদ্ধি পাইবে। প্রাক-নির্বাচন যুগের মন্ত্রীসভার অগ্ৰতম প্রধান দল ফাইন গেল তেমন বিশেষ স্মৃতি রাখিতে পারে নাই। সঙ্গে সঙ্গে অবশ্য বলা ভাল যে, কিয়না ফেল এবং ফাইন গেলের মধ্যে পূর্বে যত পার্থক্যই থাকুক না কেন, বর্তমানে তাহাদের রাজনৈতিক পার্থক্য নিতান্তই সামান্য।

স্বাধীনতার পর ৩৬ বৎসর অতীত হইয়া গেলেও আয়ারল্যান্ড-বাসী তাহাদের দেশবিভাগকে মানিয়া লইতে পারেন নাই। দেশ-বিভাগের প্রশ্নে এখনও তাহাদের অনুরূপিত বিশেষ প্রখর। কিছুদিন পূর্বেও গুপ্ত “আইরিশ রিপাবলিকান বাহিনী”র সদস্যগণ গিয়া উত্তর আয়ারল্যান্ডের অঞ্চলবিশেষে হানা দেয়। যদিও সিনফিন ব্যতীত দক্ষিণ আয়ারল্যান্ডের অপর সকল রাজনৈতিক দলই এই সকল সম্মতবাদী কার্যকলাপের নিন্দা করিয়াছেন তথাপি একথা বলিলে বোধ হয় ভুল হইবে না যে, দক্ষিণ আয়ারল্যান্ডে এমন একজন নাগরিকও নাই যিনি এই গুপ্ত বাহিনীর আদেশের প্রতি সহানুভূতিসম্পন্ন নহেন। আয়ারল্যান্ডের কোন সরকারই দেশবিভাগ-জনিত সমস্যার প্রতি উদাসীন থাকিতে পারেন না—ডি. ভ্যালেরার সরকারকেও এ বিষয়ে মনোযোগ দিতে হইবে। কিন্তু রিপাবলিকান বাহিনীর গুপ্ত আক্রমণ দ্বারা দেশের পুনর্মিলন কতদূর সম্ভব সে বিষয়ে যথেষ্ট সন্দেহের অবকাশ আছে। বর্তমান পরিস্থিতিতে একমাত্র আলাপ-আলোচনার মাধ্যমেই তাহা সম্ভব। কিন্তু ব্রিটেনের রক্ষণশীল সরকারের নিকট হইতে এ বিষয়ে কোন-রূপ সহযোগিতা পাওয়া যাইবে বলিয়া আশা করাও যুথ।

সম্প্রতি কাউন্সিল ডি. আর্লটন আয়ারল্যান্ডের সংযুক্তির এক নূতন প্রস্তাব দিয়া বলিয়াছেন যে, উত্তর ও দক্ষিণ আয়ারল্যান্ডকে মিলাইয়া একটি ফেডারেশন রাষ্ট্র গঠন করিয়া আইরিশ নেতৃবর্গ যদি আয়ারল্যান্ড রাষ্ট্রকে কমনওয়েলথের সদস্য করিয়া—তথায় উত্তর আটলান্টিক চুক্তি সংস্থার সাহায্যার্থ সামরিক ঘাঁটি স্থাপনে অনুমতি দেন তবে মার্কিন যুক্তরাষ্ট্র হইতে অর্থনৈতিক সাহায্য লাভ সহজতর হইবে এবং আয়ারল্যান্ডের দুর্বলতারও অবসান হইবে। এই প্রস্তাব সম্পর্কে ডি. ভ্যালেরা রহস্যময় নীরবতা অবলম্বন করিয়াছেন।

আয়ারল্যান্ডের প্রধান সমস্যা—অর্থনৈতিক-দারিদ্র্য ও বেকার-সমস্যা। আয়ারল্যান্ডের লোকসংখ্যা ত্রিশ লক্ষেরও কম। কিন্তু দেশের অর্থনৈতিক অবস্থা এতই শোচনীয় যে, বিগত পাঁচ বৎসরে প্রায় দুই লক্ষ লোক দেশান্তরী হইয়াছে। জনসংখ্যার শতকরা দশ ভাগ লোকই কর্তাহীন দিনযাপন করিতেছে এবং প্রতি সপ্তাহেই এক হাজার লোক দেশত্যাগ করিয়া যাইতেছে। কৃষির অবস্থা শোচনীয়, শিল্পোন্নয়নের উচ্চ মূলধনের অভাব। দেশের এই অর্থনৈতিক দুর্গতি দূর করিতে না পারিলে আয়ারল্যান্ডের ভবিষ্যৎ অন্ধকার, কিন্তু নির্বাচনী প্রচারণে অর্থনৈতিক উন্নয়নের কোন অভিনব পরিকল্পনাই ডি. ভ্যালেরা দেন নাই।

ইন্দোনেশিয়ার সঙ্কট

আট কোটি লোকের দেশ ইন্দোনেশিয়া পৃথিবীর ষষ্ঠতম বৃহৎ রাষ্ট্র। কিন্তু স্বাধীনতাপ্রাপ্তির পর হইতে ইন্দোনেশিয়ার রাষ্ট্রীয় ও অর্থনৈতিক সঙ্কটের অবসান ঘটিল না। বৈদেশিক উৎসানি এবং স্থানীয় বিভেদপন্থীদের কার্যকলাপে ইন্দোনেশিয়া আজ এক বিশেষ বিপদের মুখে পড়িয়াছে। ইন্দোনেশিয়ার রাষ্ট্রীয় সঙ্কটের অগ্ৰতম বৈশিষ্ট্য রাজনৈতিক ব্যাপারে সৈন্যবাহিনীর হস্তক্ষেপ।

দেশে প্রায় এক ডজন রাজনৈতিক দল পারম্পরাগত কলহে মত্ত। ইহারই অনুষঙ্গরূপে দেশে দুর্নীতি এবং বেআইনী কার্যকলাপ বাড়িয়াই চলিয়াছে। তদুপরি সেনাবাহিনীর একাংশের অবাধতা রাষ্ট্রীয় নিরাপত্তা আজ বিশেষ বিপন্ন করিয়াছে। যদিও ইন্দোনেশিয়া একটি অবিভাজ্য রাষ্ট্র তথাপি বর্তমানে যবদীপ ব্যতীত ইন্দোনেশিয়ার আর কোন অংশের উপরই কেন্দ্রীয় সরকারের প্রভাব নাই। ইহার উপর কেন্দ্রীয় সরকারও বিধাবিভক্ত। ইন্দোনেশিয়ার দুই প্রধান নেতা ডক্টর সুকার্নো এবং ডক্টর হাতার পারম্পরিক মিল নাই।

ইন্দোনেশিয়ার আভ্যন্তরীণ দুর্বলতার বিচলিত হইয়া গত বৎসর অক্টোবর মাসে ড. সুকার্নো বলেন যে, ইন্দোনেশিয়ার উন্নতি সাধন করিতে হইলে বিভিন্ন রাজনৈতিক দলগুলি তুলিয়া দিয়া কিছু দিন “পরিচালিত গণতন্ত্র” (Guided Democracy) বাবস্থা চালু করা উচিত। তিনি বলেন, চীন গণতন্ত্রে তিনি যে বিপুল জাতীয় পুনর্গঠন কার্য দেখিয়া আসিয়াছেন ইন্দোনেশিয়াতে তাহার অনুকরণ করিতে হইলে রাজনৈতিক দলাদলি নির্বাসন দিতে হইবে।

স্বভাবতঃই প্রেসিডেন্ট সুকার্নোর এই মতবাদ অনেকেরই পছন্দ হয় নাই। ভাইস-প্রেসিডেন্ট ড. মহম্মদ হাতা নীতি পার্থক্যের জগৎ প্রায় সঙ্গে সঙ্গেই পদত্যাগ করেন। তাহার পর ডিসেম্বর এবং জানুয়ারী হইতে ইন্দোনেশিয়ার বিভিন্ন অঞ্চলে সশস্ত্র বাহিনী-গুলি কেন্দ্রীয় সরকারের প্রভুত্ব মানিয়া লইতে অস্বীকার করিয়া বিদ্রোহ ঘোষণা করে এবং প্রায় সঙ্গে সঙ্গেই সম্মিলিত মন্ত্রীসভার চারিটি দলের সদস্য মন্ত্রীসভা হইতে পদত্যাগ করে। মন্ত্রীসভার থাকে কেবল ড. সুকার্নোর জাতীয়তাবাদী দল।

এই রাজনৈতিক অচল অবস্থা অবসানের জগৎ ড. সুকার্নো গত ২১শে ফেব্রুয়ারী এক নূতন পরিকল্পনা উপস্থাপিত করেন। জাতির নিকট এক বেতার ভাষণে প্রেসিডেন্ট সুকার্নো ইন্দোনেশিয়ার ভূমিতে পশ্চিম হইতে আমদানীকৃত গণতন্ত্রের অনুপযোগিতার উল্লেখ করিয়া বলেন, ইন্দোনেশিয়াতে এখন একটি নূতন ধরনের রাষ্ট্রীয় ব্যবস্থা প্রচলনের সময় আসিয়াছে। তিনি বলেন, গণতন্ত্র পশ্চিমের দেশগুলির উপযোগী হইতে পারে, কিন্তু বিগত এগার বৎসরের ইতিহাস হইতে উহা স্পষ্টই প্রমাণিত হইয়াছে যে, ঐ গণতন্ত্র ইন্দোনেশিয়ার উপযোগী নহে। অতীতে যে সকল সরকারই

সামাজিক উন্নতিবিধানের জন্য সচেষ্ট হইয়াছেন তাহাদের প্রত্যেককেই বিরোধী দলগুলিকে দমাইয়া রাখিবার জন্য তাহাদের শক্তির একাংশ নষ্ট করিতে হইয়াছে। অতএব তিনি এই সিদ্ধান্তে উপনীত হইয়াছেন যে, পাশ্চাত্য গণতন্ত্রকে অগ্রসরণ করিতে গিয়া তাঁহারা ভ্রান্ত পথ অগ্রসরণ করিতেছেন।

ইন্দোনেশীয় সমাজের বিভিন্ন অংশের সম্মিলিত প্রায় নয় শত প্রতিনিধির সম্মুখে তাঁহার প্রস্তাবিত পরিবর্তনের কথা ঘোষণা করিয়া প্রেসিডেন্ট সুকার্নো অবিলম্বে একটি সর্বদলীয় মন্ত্রীসভা এবং একটি জাতীয় পরিষদ গঠনের আহ্বান জানান। জাতীয় পরিষদ মন্ত্রীসভাকে পরামর্শ দান করিবে। এই জাতীয় পরিষদ গঠিত হইবে দেশের সর্বশ্রেণীর জনসাধারণের প্রতিনিধিবৃন্দকে লইয়া। জমিক, কৃষক, বুদ্ধিজীবী, প্রোটেষ্ট্যান্ট, ক্যাথলিক, মুসলমান, বিদ্বান, সেনাবাহিনী, নৌবাহিনী ও বিমানবাহিনীর প্রতিনিধিবর্গ এবং মন্ত্রীসভার সদস্যগণ প্রস্তাবিত জাতীয় পরিষদের সদস্য হইবেন। নূতন পরিবর্তনায় কমিউনিষ্টগণও মন্ত্রীসভায় যোগদানের অধিকারী হইবে। (কমিউনিষ্ট পার্টি ইন্দোনেশিয়ার চতুর্থ বৃহত্তম রাজনৈতিক দল—বিগত সাধারণ নির্বাচনে কমিউনিষ্ট পার্টি বাট লক্ষাধিক ভোট পাইয়াছিল)।

প্রেসিডেন্ট সুকার্নোর প্রস্তাবিত পরিবর্তনকে জাতীয়তাবাদী দল সমর্থন করিয়াছে; আর করিয়াছে ইন্দোনেশিয়ার কমিউনিষ্ট পার্টি। কিন্তু ইন্দোনেশিয়ার অপরাপর বৃহৎ রাজনৈতিক দলগুলি—যথা নাদাতুল উলমা (গোঁড়া মুসলমান) এবং মসজুমী (মুসলমান)—এই প্রস্তাব অগ্রসরণ করে নাই।

প্রেসিডেন্ট সুকার্নোর এই পরিবর্তনায় ইন্দোনেশিয়ার শাস্তি প্রতিষ্ঠিত হয় নাই। উপরন্তু শস্ত্র বিদ্রোহ আরও ব্যাপকতর অঞ্চলে ছড়াইয়া পড়িয়াছে। অবস্থা এরূপ হইয়াছে যে, প্রেসিডেন্ট সুকার্নো জরুরী অবস্থা ঘোষণা করিতে বাধ্য হইয়াছেন। এদিকে ড. শাল্লে আমিনজোজোর মন্ত্রীসভাও পদত্যাগ করিয়াছে।

ভারত-পোলিশ সম্পর্ক

পোল্যান্ডের প্রধানমন্ত্রী মিঃ জোসেক সাইরেনকিউইজ, শীঘ্রই ভারত পরিভ্রমণে আসিতেছেন। তিনি ভারতে দশ দিন অবস্থান করিবেন। সেই সময় ভারত-পোলিশ সম্পর্ক এবং সাধারণভাবে আন্তর্জাতিক সম্পর্ক লইয়া জীনেহরু ও মিঃ সাইরেনকিউইজের মধ্যে আলাপ-আলোচনা চলিবে।

পোল্যান্ডের সাম্প্রতিক নির্বাচনের পর মিঃ সাইরেনকিউইজ পুনরায় পোল্যান্ডের প্রধানমন্ত্রী নির্বাচিত হইয়াছেন। মধ্যে কিছুদিন বাতীত ১৯৪৭ সন হইতে তিনি পোল্যান্ডের প্রধানমন্ত্রী রূপে কাজ করিতেছেন। ২৭শে ফেব্রুয়ারী তারিখ পোল্যান্ডের পার্লামেন্ট মিঃ সাইরেনকিউইজের নূতন মন্ত্রীসভার অগ্রসরণ করেন। পার্লামেন্টের শতকরা ৫১'৭টি আসন কমিউনিষ্ট পার্টির অধিকৃত; কিন্তু মন্ত্রীসভার ৩২ জন সদস্যের মধ্যে ২৪ জনই কমিউনিষ্ট।

মিঃ সাইরেনকিউইজ কমিউনিষ্ট পার্টির একজন বিশিষ্ট নেতা। নূতন মন্ত্রীসভার তাঁহার তিন জন সহকারী প্রধানমন্ত্রী আছেন, জেনন নোওয়াক (পোল্যান্ডের কমিউনিষ্ট পার্টিতে ষ্ট্যালিনপন্থীদের নেতা), পায়তর ইয়ারসজেউইকজ এবং টেকান ইগনার (সম্মিলিত কৃষকদের নেতা)।

২৬শে ফেব্রুয়ারী পোল্যান্ডের পার্লামেন্টে দুই ঘণ্টাব্যাপী এক বক্তৃতায় মিঃ সাইরেনকিউইজ বলেন, “অক্টোবরের পথ” হইতে আর অগ্র পথে যাওয়া হইবে না। (এখানে স্মরণ করা বাইতে পারে, গত অক্টোবর মাসে ষ্ট্যালিনপন্থীদের বিরুদ্ধে মিঃ গৌমলকার জয়লাভের ফলেই পোল্যান্ডে কমিউনিষ্ট ব্যবস্থার নানাবিধ অগ্রসরণ আবিচার দূর করিয়া নূতন ব্যবস্থা চালু হয়)। তিনি বলেন, তাঁহার সরকারের লক্ষ্য পোল্যান্ডে অধিকতর বাস্তব সমাজতন্ত্র প্রতিষ্ঠা করা।

অধিকতর ব্যক্তিস্বাধীনতা মারফত সমাজতন্ত্র প্রতিষ্ঠার যে নূতন প্রচেষ্টা পোল্যান্ডে চলিতেছে সকল ভারতবাসীই তাহা বিশেষ আগ্রহ ও সহানুভূতির সহিত অনুধাবন করিবে। ইউরোপের কমিউনিষ্ট রাষ্ট্রগুলির মধ্যে যুগোশ্লাভিয়া এবং পরে পোল্যান্ড জাতীয় স্বাধীনতার ভিত্তিতে কমিউনিষ্ট সমাজ প্রতিষ্ঠার চেষ্টা করিয়া কমিউনিষ্ট আন্দোলনের মোড় ঘুরাইয়া দিয়াছে। পোল্যান্ডের প্রধানমন্ত্রীর ভারত সফরে ভারত-পোল্যান্ড মৈত্রীবন্ধন আরও সুদৃঢ় হইবে বলিয়া আশা করিলে তাহা ভুল হইবে না।

ইতিমধ্যেই ভারত ও পোল্যান্ডের মধ্যে বিশেষ অর্থনৈতিক সম্পর্ক গড়িয়া উঠিয়াছে। ১৯৫৬ সনের ৩রা এপ্রিল যে ভারত-পোল্যান্ড বাণিজ্য-চুক্তি সম্পাদিত হয় গত ২রা মার্চ তাহার মেয়াদ ১৯৫৭ সনের ৩১শে ডিসেম্বর পর্যন্ত বাড়াইয়া দেওয়া হইয়াছে। উভয় দেশের মধ্যে বাণিজ্যের পরিমাণও ক্রমাগত বাড়িয়াই চলিয়াছে। ১৯৫৬ সনের এপ্রিল হইতে নভেম্বর পর্যন্ত ভারত হইতে পোল্যান্ডে রপ্তানীকৃত পণ্যদ্রব্যের মূল্য হইল ৭৬ লক্ষ ২২ হাজার টাকা। অপরপক্ষে ১৯৫৫-৫৬ সনে ঐরূপ রপ্তানীর মূল্য ছিল মাত্র ৩২ লক্ষ ৬০ হাজার টাকা। পোল্যান্ড হইতে ভারতে পণ্য আমদানীর ক্ষেত্রে অগ্রগতি আরও বিশেষ উল্লেখযোগ্য। ১৯৫৫-৫৬ সনে পোল্যান্ড হইতে ভারতে আমদানীকৃত পণ্যের মূল্য যে স্থলে ছিল মাত্র ৪৩ লক্ষ ১৫ হাজার টাকা, ১৯৫৬ সনের এপ্রিল-নবেম্বর এই আট মাসের আমদানীর মূল্যই তাঁহার প্রায় পাঁচ গুণের কাছাকাছি। ঐ আট মাসে পোল্যান্ড হইতে ১ কোটি ৯২ লক্ষ ৭ হাজার টাকা মূল্যের পণ্য ভারতে আমদানী করা হয়। ভারত হইতে রপ্তানীকৃত দ্রব্যের মধ্যে রহিয়াছে অন্ন, লৌহ এবং চামড়া। পোল্যান্ড হইতে আমদানীকৃত দ্রব্যের মধ্যে প্রধানগুলি হইতেছে বিভিন্ন ধাতু, লৌহ ও ইস্পাতজাত দ্রব্য এবং কাগজ।

আমরা পোলিশ প্রধানমন্ত্রীর ভারত সফরের সর্বদলীয় সাক্ষাৎ কামনা করি।

মার্কিনী গণতন্ত্রের নমুনা

মার্কিন যুক্তরাষ্ট্রে সকল নাগরিকেরই স্বাধীন রাজনৈতিক ও ধর্মীয় মতামত পোষণ করিবার মৌলিক অধিকার সংবিধানে স্বীকৃত হইয়াছে। কিন্তু কার্যতঃ এই স্বাধীন মত পোষণের অধিকার বর্তমানে বিশেষভাবে সঙ্কুচিত হইয়াছে। বিভিন্ন বিখ্যাত বৈজ্ঞানিক, শিক্ষাবিদ ও রাজনীতিবিদগণ তাহাদের মতামতের জগৎ মার্কিন যুক্তরাষ্ট্রে যেভাবে লাহিত হইয়াছেন, হিটলারের জার্মানী এবং ষ্ট্যালিনের রাশিয়া ব্যতীত আর কোথাও সেরূপ ঘটে নাই। বর্তমানে পুলিটজার (মার্কিন যুক্তরাষ্ট্রের লেখকদের সর্বশ্রেষ্ঠ) পুরস্কারপ্রাপ্ত লেখক আর্থার মিলারের লাহিনা আরম্ভ হইয়াছে।

গত গ্রীষ্মকালে মার্কিন যুক্তরাষ্ট্রের কংগ্রেসের অমার্কিন কার্য-কলাপ সংক্রান্ত কমিটি “আন্তর্জাতিক কমুনিষ্ট চক্রান্তের সাহায্যকল্পে পাসপোর্টের ব্যবহার” সম্পর্কে এক অনুসন্ধান করেন। অনুসন্ধানের অগ্রতম প্রধান সাক্ষী ছিলেন আর্থার মিলার। মিলার খোলাখুলিই স্বীকার করেন যে, তিনি বামপন্থীদের সঠিত মেলামেশা করিতেন। কিন্তু ১৯৪৭ সনে কমুনিষ্ট সভাসমিতিতে অগ্রাগ্র যে সকল লেখক-দিগকে উপস্থিত থাকিতে দেখিয়াছিলেন তিনি তাহাদের নাম প্রকাশ করিতে অস্বীকার করেন। অপরা একজন সাক্ষী ছিলেন নিউ ইয়র্ক বিশ্ববিদ্যালয়ের অর্থনীতির অধ্যাপক উক্টর অটোনাথান। তিনি কখনও কমুনিষ্ট পার্টির সদস্য ছিলেন কিনা সেই প্রশ্ন উত্তর দিতে অস্বীকার করেন। তিনি বলেন যে, তাহার রাজনৈতিক বিশ্বাস প্রকাশ সম্পর্কে তাহাকে বাধ্য করা হইলে তাহা মার্কিন যুক্তরাষ্ট্রের সংবিধান বহির্ভূত কার্য হইবে।

ফেব্রুয়ারী মাসের মাঝামাঝি তাহাদের বিরুদ্ধে মার্কিন কংগ্রেসের প্রতি অবমাননা প্রদর্শনের অভিযোগ আনা হইয়াছে। মিঃ মিলার এবং ড. নাথান দুই জনেই অবশ্য এই অভিযোগের বিরুদ্ধে সাহসের সহিত সংগ্রাম চালাইতেছেন।

মার্কিন যুক্তরাষ্ট্রে স্বাধীন চিন্তা সঙ্কোচনের আর একটি দৃষ্টান্ত মিলে সম্প্রতি অনুষ্ঠিত মার্কিন কমুনিষ্ট পার্টির জাতীয় সম্মেলনের সময়। “নিউ ইয়র্ক টাইমস” পত্রিকার সংবাদে প্রকাশ যে, যখন কমুনিষ্ট পার্টির সম্মেলন চলিতে থাকে তখন সম্মেলন ভবনের প্রবেশপথে মার্কিন গোয়েন্দা বিভাগের এক দল লোক সিনেমার ক্যামেরা লইয়া সম্মেলনে আগত সকল ব্যক্তির ছবি তুলিতে থাকে।

কমুনিষ্ট মতবাদ সম্পর্কে যাহার মনোভাব যেরূপই হউক না কেন কেবলমাত্র এই মতবাদ গ্রহণের জগৎ এইরূপ পুলিসী নিয়ন্ত্রণের যৌক্তিকতা কিছুতেই খুজিয়া পাওয়া যায় না। উপরন্তু মার্কিন কমুনিষ্ট পার্টি নূতন যে জাতীয় নীতি ঘোষণা করিয়াছেন তাহার পর মার্কিন কমুনিষ্ট পার্টি সম্পর্কে হিংসা বা ধ্বংসাত্মক নীতি অনুসরণের অভিযোগ করা ও এইরূপ কঠোর ব্যবস্থার দণ্ডিত করা চলিতে পারে কিনা বিচার্য। কেবলমাত্র বিরোধী রাজনৈতিক মতবাদ পোষণের বিরুদ্ধে এই ধরনের পুলিসী ব্যবস্থার প্রয়োজনীয়তা এবং যৌক্তিকতা তর্কসাপেক্ষ। ষ্ট্যালিনের বিদেশী রাষ্ট্র ধ্বংসকারী নীতির

বিরুদ্ধে বাহা বৃক্তযুক্ত হইলেও হইতে পারিত, আতঙ্কার পরি-স্থিতিতে তাহার কিছু পরিবর্তন প্রয়োজন।

যুগোশ্লাভিয়া ও সোভিয়েট রাষ্ট্র

আন্তর্জাতিক কমুনিষ্ট মহলে পুনরায় যুগোশ্লাভিয়ার বিরুদ্ধ প্রচার আরম্ভ হইয়াছে। বিশেষতঃ গত অক্টোবর মাসের হাঙ্গেরীর অভ্যুত্থান সম্পর্কে দৃষ্টভঙ্গীর পার্থক্য হইতেই এই বিরোধের উৎপত্তি কিন্তু ইহার গভীরতর সামাজিক, অর্থনৈতিক ও রাজনৈতিক কারণও রহিয়াছে।

সোভিয়েট ইউনিয়ন যুগোশ্লাভিয়াকে পঁচিশ কোটি মার্কিন ডলার মূল্যের অর্থনৈতিক সাহায্য দান করিবে বলিয়া প্রতিশ্রুতি দিয়াছিল, কিন্তু সম্প্রতি সোভিয়েট ইউনিয়ন সেই প্রতিশ্রুতি রক্ষা করিতে অস্বীকার করিয়াছে। ফেব্রুয়ারী মাসে সোভিয়েট ইউনিয়ন এবং যুগোশ্লাভ সরকারের মধ্যে অর্থনৈতিক আলোচনা বিফল হইবার পর বেলেগ্রেড হইতে খোলাখুলিই সোভিয়েট-যুগোশ্লাভ মতবিরোধের কথা স্বীকার করা হয়।

২৬শে ফেব্রুয়ারী যুগোশ্লাভ পার্লামেন্টে এক বক্তৃতা প্রসঙ্গে যুগোশ্লাভ পররাষ্ট্র-সচিব কোচা পোপোভিচ (Koca Popovic) অভিযোগ করেন যে, সোভিয়েট ইউনিয়ন যুগোশ্লাভিয়াকে কোণঠাসা করিতে চাহিতেছে। মিঃ পোপোভিচ বলেন, সোভিয়েট ইউনিয়ন মুখে অগ্রাগ্র রাষ্ট্রের প্রতি যেরূপ বক্তৃতা প্রদর্শন করিতেছে যদি যুগোশ্লাভিয়ার প্রতি সেইরূপ আচরণ করিত তবে যুগোশ্লাভ সরকার সন্তুষ্ট হইতেন। কিন্তু বস্তৃতঃ তাহার বিপরীত আচরণই করা হইতেছে। সোভিয়েট ইউনিয়ন এবং অপর কয়েকটি পূর্ব-ইউরোপীয় রাষ্ট্র যুগোশ্লাভিয়ার বিরুদ্ধে এক আন্দোলন আরম্ভ করিয়াছে যাহাতে যুগোশ্লাভিয়া তাহার রাজনৈতিক, সামাজিক এবং অর্থনৈতিক ব্যবস্থা পরিত্যাগ করে। কিন্তু সোভিয়েট-যুগোশ্লাভ আলোচনাকালীন সমস্তাগুলির উল্লেখ করিয়া তিনি বলেন যে, গত আগষ্ট মাসে সোভিয়েট ইউনিয়ন মন্টিনিগ্রোতে জলবিদ্যুৎ এবং এলুমিনিয়াম কারখানা নির্মাণের জগৎ ১৭ কোটি ৫০ লক্ষা মার্কিন ডলার মূল্যের যে অর্থনৈতিক সাহায্য দিবে বলিয়া প্রতিশ্রুতি দিয়াছিল সেই প্রতিশ্রুতি পালনে অস্বীকৃত হইয়াছে।

মত্বোর উত্তর আসিতেও বিলম্ব হয় নাই। ১১ই মার্চ সোভিয়েট কমুনিষ্ট পার্টির মুখপত্র “প্রাভদা” পত্রিকায় “পর্যবেক্ষক” (Observer) স্বাক্ষরিত এক বিশেষ প্রবন্ধে পেপোভিচের বক্তৃতার তীব্র সমালোচনা করিয়া বলা হয়, পেপোভিচের বক্তৃতা মার্কসবাদ লেনিনবাদের পরিপন্থী। সোভিয়েট ইউনিয়নকে সকল ব্যাপারেই অগ্রাগ্র বলিতে অস্বীকার করিবার জগৎ যুগোশ্লাভ নেতৃবর্গকে তিরস্কার করিয়া বলা হয় যে, সোভিয়েট ইউনিয়নের প্রতি মনোভাবই হইল সমাজতন্ত্রের কট্টপাথর। সোভিয়েটকে সমালোচনা করিয়া যুগোশ্লাভিয়া সমাজতন্ত্রবিরোধী কাজ করিয়াছে। (“Attitude to the Soviet Union as the first socialist country”

which has amassed the greatest wealth of experience of building socialism in the 40 years of its existence, plays an important part in the relations between socialist states. A nihilistic attitude to this experience...indicatss a definite attitude to the cause of socialism in general.")

পরিশেষে "প্রাভদা"র প্রবন্ধটিতে বলা হইয়াছে যে, সোভিয়েট-যুগোশ্লাভ সম্পর্কের উন্নতির জন্য সোভিয়েট ইউনিয়ন যথাসাধ্য কবিয়াছে—আর তাহার কবিবার কিছুই নাই। এখন বাহা কিছু কবণীয় তাহা যুগোশ্লাভ নেতৃবৃন্দই কবিবেন।

সোভিয়েট-যুগোশ্লাভ সম্পর্কের এই নূতন পর্যায়ে ইহাই স্পষ্ট হইয়াছে যে, মুখে সমাজতন্ত্র ও সাম্যের বাণী ছড়াইলেও আসলে সোভিয়েট নেতৃবর্গ কোন রাষ্ট্র সমানাধিকার দাি কবিবে তাহা সহ্য কবিত্তে পাবেন না।

কেনিয়া সাইপ্রাস ও এলজিরিয়ায় নির্যাতন

কেনিয়া, সাইপ্রাস ও এলজিরিয়ায় ইঙ্গ-ফরাসী নির্যাতন চরমে উঠিয়াছে। ১৯৫২ সনের অক্টোবর হইতে কেনিয়াতে ব্রিটিশ উপনিবেশিক শাসকগণ ১০,৫০০ আফ্রিকানকে হত্যা কবিয়াছে। সরকারীভাবেই এই তথ্য স্বীকার করা হইয়াছে। আসল সংখ্যা যে ইহা অপেক্ষা অনেক বেশী তাহা বলাই বাহুল্য। এলজিরিয়ায় জেসে ফরাসীদের নির্যাতন একরূপ বৃদ্ধি পাইয়াছে যে, এলজিরিয়ায় একজন স্বাধীনতা সংগ্রামের নেতা তাহা সহ্য কবিত্তে না পাবিয়া আত্মহত্যা কবিয়াছেন। এলজিরিয়া বিপ্লবীদের জাতীয় সংসদের স্ফটী কমিটির পঞ্চ সদস্যের অগ্রতম বিপ্লবী নেতা বেল মাহিদি লারাব কাবাগাবের সেলে নিজের জামা ছিঁড়িয়া তাহা দিয়া দড়ি পাকাইয়া আত্মহত্যা কবিয়াছে। ফরাসী নির্যাতন যে কি পর্যায়ে উঠিয়াছে একটি ঘটনা হইতেই তাহা বুঝা যাইবে। ৫ই মার্চ ২৪ ঘণ্টার মধ্যে ফরাসীরা ১৩৭ জন বিপ্লবীকে হত্যা করে এবং ৯ জনকে বন্দী করে। বিপ্লবীদের দমনে ফরাসীরা প্যারাসুট সৈন্য ব্যবহার কবিত্তেছে।

কেনিয়াতে ব্রিটিশ সাম্রাজ্যবাদীরা শ্রমিক নেতা দেদান কিমাতিকে ১৮ই ফেব্রুয়ারী কাঁসি দিয়া হত্যা কবিয়াছে।

ব্রিটিশ সংবাদপত্রে রাজনৈতিক সংবাদ

ব্রিটিশ সংবাদপত্রগুলিতে কি পরিমাণ রাজনৈতিক সংবাদ পবি-বেশিত হয়? ১৯৫৫ সনে ব্রিটিশ সাধারণ নির্বাচন অনুষ্ঠানের সময় ব্রিটিশ সংবাদপত্রগুলিতে নির্বাচনী সংবাদ প্রচার সম্পর্কে সম্প্রতি যে রিপোর্ট প্রকাশিত হইয়াছে তাহাতে দেখা যায় যে, জাতীয় নির্বাচনের স্তায় একরূপ গুরুত্বপূর্ণ রাজনৈতিক ঘটনাও ব্রিটেনের তথাকথিত জনপ্রিয় পত্রিকাগুলির দৃষ্টিতে বিশেষ গুরুত্বপূর্ণ পৈ পবিগাণত হয় না। জনপ্রিয় পত্রিকাগুলির মধ্যে "ডেলী

মিরর" ও "ডেলী এক্সপ্রেস" পত্রিকাৱই প্রচার বেশী। অত্যন্ত জনপ্রিয় পত্রিকাৱ মোট বৃত পাঠক আছে এই দুইটি পত্রিকাৱ পাঠকের সংখ্যা তাহার প্রায় দেড় গুণ কিন্তু নির্বাচনের সংবাদ এই দুইটি পত্রিকাৱ মোট সংবাদ পরিবেশন স্থানের বথাক্রমে মাত্র শত-করা ৫'৭ ভাগ ও ৫'৪ ভাগ অধিকার কবিয়াছিল। এমন কি শ্রমিকদের মুখপত্ররূপে পরিচিত "ডেলী হেরাল্ড" পত্রিকাও সংবাদ বিভাগের শতকরা ১২ ভাগের বেশী স্থান সাধারণ নির্বাচনের সংবাদ প্রকাশের জন্য দেয় নাই।

এই ঘটনা হইতে হয় ত একরূপ ধারণা হইতে পারে যে, ব্রিটেনের জনসাধারণ রাজনৈতিক ব্যাপারে বিশেষ আগ্রহাধিত নহে। কিন্তু বর্তমান পরিস্থিতিতে ব্রিটিশ জনসাধারণের সুস্থ রাজনৈতিক চেতনার উপরই ব্রিটেনের ভবিষ্যৎ নির্ভর কবিত্তেছে। ব্রিটিশ পত্রিকাগুলি এই সুস্থ রাজনৈতিক চেতনা উদ্বুদ্ধ কবিত্তে বিশেষ সাহায্য কবিত্তে পারিত। কিন্তু সত্য প্রচার অপেক্ষা মিথ্যা এবং অজ্ঞানতা প্রচারেই এই সকল সংবাদপত্রের উৎসাহ বেশী। কাশ্মীর-সমস্যা সম্প্রক্ত ভারতের নীতি সম্পর্কে ব্রিটিশ জনসাধারণের বিরূপ মনোভাবের কারণ বিলম্বণ কবিয়া বামপন্থী শ্রমিক নেতা বিভানের মুখপত্র "ট্রিবিউন" লিখিয়াছেন যে, সমস্যাটি স্ফূর্তরূপে ব্রিটিশ জনসাধারণের সমক্ষে তুলিয়া ধরা হয় নাই। কথাটি আংশিক সত্য হইতে পারে; কিন্তু অধিকাংশ ক্ষেত্রেই দেখা গিয়াছে যে, বহুল প্রচারিত ব্রিটিশ সংবাদপত্রসমূহ ভারতের বিবৃতিগুলি প্রকাশ না কবিয়া ভারতবিরোধী বক্তব্যগুলিকেই প্রাধান্য দেয়। এই অবস্থায় ব্রিটিশ জনসাধারণ ভারতের প্রতি বন্ধুভাবাপন্ন হইতে পারে না। ব্রিটিশ সংবাদপত্র-গুলির এইরূপ ব্যবহারের কারণও বুঝা কঠিন নহে। ইহাদের অধিকাংশই রক্ষণশীল পুঁজিপতিদের হাতে, ইহারা কোন কালেই ভারতের প্রতি বন্ধুভাবাপন্ন নহে। ভারতের সমৃদ্ধি এবং সম্মান এই কুটচক্রীদের চক্ষুশূল। তাই তাহারা সজ্ঞানে ভারতবিরোধী মিথ্যাপ্রচারে এত উৎসাহের সহিত লাগিয়াছে।

মধ্যপ্রাচ্যের রাজনীতি

পশ্চিম এশিয়ায় রাজনৈতিক পরিস্থিতি বিশেষ অনিশ্চয়তার মধ্যে রহিয়াছে। মধ্যপ্রাচ্যের রাজনৈতিক সঙ্কটের প্রধানত: তিনটি কারণ। প্রথমত: ঐ অঞ্চলের দেশগুলিকে স্বাধীন রাষ্ট্ররূপে দেখিতে ব্রিটেন, মার্কিন যুক্তরাষ্ট্র প্রভৃতি পাশ্চাত্য রাষ্ট্রগোষ্ঠীর অনিচ্ছা; দ্বিতীয়ত: মধ্যপ্রাচ্যে ব্রিটিশ আধিপত্য দূর কবিয়া তথায় মার্কিন প্রভূত্ব প্রতিষ্ঠার প্রচেষ্টার ফলে ইঙ্গ-মার্কিন বিরোধ—বাহার ফলে মধ্যপ্রাচ্যের একাধিক রাষ্ট্রের আভ্যন্তরীণ রাজনীতি বিশেষ জটীলাকার ধারণ কবিয়াছে; এবং তৃতীয়ত: বিশ্বব্যাপী কমিউনিষ্ট বিরোধী অভিযানের অন্ততম ঘাটরূপে মধ্যপ্রাচ্যের ব্যবহারে সোভিয়েট রাষ্ট্রের সক্রিয় বিরোধিতা—বাহার ফলে ঐ অঞ্চল বৃহৎ রাষ্ট্রগোষ্ঠীর ক্ষমতার লড়াইয়ের অন্ততম কেন্দ্রে পরিণত হইতে

চলিয়াছে। ইহা ব্যতীত ইস্রাইল রাষ্ট্রের প্রতি আরব রাষ্ট্রগুলির অন্ধ বিরোধিতাও পরিস্থিতিকে জটিলতর করিয়াছে।

পাশ্চাত্য রাষ্ট্রবর্গ মধ্যপ্রাচ্যে যে উত্তেজনার সৃষ্টি করিয়াছিল তাহার প্রত্যক্ষ ফল সুয়েজখাল জাতীয়করণ। কিন্তু সুয়েজখাল জাতীয়করণের পর প্রায় আট মাস অতীত হওয়ার পরও অবস্থার বিশেষ পরিবর্তন হয় নাই। অস্তর্কর্তীকালীন মিশর আক্রমণ এবং সাম্প্রতিক মার্কিন “শূন্যস্থান পূরণ” নীতি তাহার কারণ। তবে গত আট মাসে অবস্থার অচিরাৎ বিশেষ পরিবর্তন ঘটিয়াছে। সুয়েজ যুদ্ধ পরাজয়ের পর ব্রিটেন এবং ফরাসী সরকার মধ্যপ্রাচ্যের রাজনীতিতে দ্বিতীয় স্থানে পড়িয়াছে। মার্কিন যুক্তরাষ্ট্রের নব্য-ঘোষিত নীতিতেও তেমন বিশেষ সুবিধা হয় নাই। বর্তমানে মধ্যপ্রাচ্যের রাজনীতিতে প্রধান অভিনেতা মিশরের প্রেসিডেন্ট গামাল আবদেল নাসের।

বিগত আট মাসে নাসের প্রমাণ করিয়াছেন যে, কূটনীতিতে তিনি শ্রেষ্ঠ রাজনীতিবিদের সমকক্ষ। পাশ্চাত্য রাষ্ট্রগোষ্ঠীকে তিনি একের পর এক তাঁহার প্রস্তাব মানিয়া লইতে বাধ্য করিয়াছেন। মিশর হইতে সকল বিদেশী সৈন্য অপসারণ করা হইয়াছে, গাজা হইতেও ইস্রাইলী সৈন্য সরাইয়া লইতে হইয়াছে। সুয়েজ খাল পুনরায় জাহাজ চলাচলের উপযোগী হইয়াছে। কিন্তু সেখানেও নাসের স্পষ্টই জানাইয়া দিয়াছেন যে, মিশরীয় সুয়েজ খাল কর্তৃপক্ষকে টাকা না দিলে কোন জাহাজকেই খাল দিয়া যাইতে দেওয়া হইবে না।

পাশ্চাত্য রাষ্ট্রগোষ্ঠীও অবশ্য নিশ্চেষ্ট বসিয়া নাই। শেষ পর্যন্ত ইস্রাইল গাজা ও আকাবা অঞ্চল হইতে সৈন্য সরাইয়া লইতে সম্মত হইয়াছে। কিন্তু ইস্রাইল সন্তুষ্ট করিয়াছে যে, গাজা অঞ্চল রাষ্ট্রপুঞ্জ বাহিনীর অধীনে থাকিবে। রাষ্ট্রপুঞ্জ অবশ্য এই প্রস্তাব স্বীকার করেন নাই। কিন্তু মনে হয়, মার্কিন যুক্তরাষ্ট্র (প্রধানতঃ বাহার চাপে ইস্রাইল মিশরীয় ভূমি হইতে তাহার সৈন্য সরাইয়া লইতে সম্মত হইয়াছে) ইস্রাইলের এই সন্তুষ্ট যুক্তিযুক্ত বলিয়া মনে করে। ব্রিটেন, মার্কিন যুক্তরাষ্ট্র ও ফ্রান্সের অভিমত হইল এই যে, মধ্যপ্রাচ্যের বর্তমান উত্তেজনাপূর্ণ অবস্থায় চিরকালের জগ্ন না হইলেও অন্ততঃ সাময়িক ভাবে গাজা অঞ্চল আন্তর্জাতিক বাহিনীর অধীনে থাকা উচিত। অল্পকালব্যয়ে আকাবা উপসাগর এবং তিরাণ প্রণালীতেও মিশরের সার্বভৌমত্ব থর্ক করিবার জগ্ন পাশ্চাত্য রাষ্ট্রবর্গ বিশেষ প্রচেষ্টা করিতেছে। স্বভাবতঃই মিশর এইরূপে তাহার সার্বভৌমত্ব থর্ক হইতে দিতে স্বীকৃত হইতে পারে না এবং কার্যতঃ হইতেছে না। এই অঞ্চলগুলি বাহাতে পাশ্চাত্য রাষ্ট্রগোষ্ঠীর চক্রান্তে চিরকালের মত হাতছাড়া না হয় সেজন্য মিশর কয়েক কয়েকই যথার্থই উক্ত অঞ্চলের কর্তৃত্বভার বহুস্তে গ্রহণ করিবার জন্য বাধ্য হইয়াছে।

মিশর সুয়েজখাল দিয়া ইস্রাইলী জাহাজ চলাচল করিতে দিতে অসম্মত হইয়াছে। কিন্তু ব্রিটেন, আমেরিকা এবং ফ্রান্স মিশরের উপর চাপ দিতেছে বাহাতে মিশর ইস্রাইলী জাহাজকে সুয়েজ খাল

দিয়া অবাধ যাতায়াতেয় সুযোগ দেয়। মিশর ইস্রাইল সম্পর্কে এইরূপ বৈষম্যমূলক আচরণ করিতে পারে কিনা অথবা আকাবা উপসাগর ও তিরাণ প্রণালী আন্তর্জাতিক জলপথ কিনা তাহা আইনের বিচার্য বিষয়। এই সম্পর্কে সিদ্ধান্ত করিবেন আন্তর্জাতিক আদালত। পাশ্চাত্য রাষ্ট্রগোষ্ঠী এই ব্যাপারে কোন সিদ্ধান্ত মিশরকে উপর চাপাইয়া দিলে তাহা বিচারসহ অথবা সমর্থনযোগ্য হইতে পারে না।

সুয়েজ সমস্যা ব্যতীত মধ্যপ্রাচ্যের অপর প্রধান সমস্যা আরব-ইস্রাইলী বিরোধ। ইহাতে বিদেশী রাষ্ট্রগোষ্ঠীর হাত থাকিলেও প্রধানতঃ আরব রাষ্ট্রগুলির অন্ধ ইস্রাইল বিরোধিতাই এই সমস্যাকে তীব্রতর করিয়া তুলিয়াছে। আরব রাষ্ট্রগুলির এই কথা বুঝিবার সময় হইয়াছে যে, অন্ধভাবে ইস্রাইল বিরোধিতার দ্বারা কোন লাভ হইবে না।

নিরাপত্তা পরিষদের প্রেসিডেন্ট

নিরাপত্তা পরিষদে শ্রীকৃষ্ণ মেননের অক্লান্ত পশ্চিম ও সতেজ ভাষণের ফলে বাগদাদী চুক্তি ও যালাদের চক্রান্ত বার্থ হওয়ার পর, নিরাপত্তা পরিষদের প্রেসিডেন্টকে অনুরোধ করা হয় যে, তিনি যেন এখানে আসিয়া দুই পক্ষের সঙ্গে কথাবার্তা চালান। উদ্দেশ্য—যদি তাহাতে কাশ্মীর সমস্যার সমাধান হয়। সে বিষয়ে পণ্ডিত নেহরুর মতামত নিম্নলিখিত ভাবে ব্যক্ত হইয়াছে :

“এর্ণ কুলম, ২৪শে ফেব্রুয়ারী—প্রধানমন্ত্রী নেহরু এখানে বলেন, নিরাপত্তা পরিষদের প্রেসিডেন্ট যদি ভারতে আসেন তবে আমরা তাঁহাকে সম্মানিত অতিথিরূপে অভ্যর্থনা করিব।

এখানে এক নির্বাচনী জনসভায় বক্তৃতা প্রসঙ্গে নেহরু নিরাপত্তা পরিষদ কর্তৃক গৃহীত কাশ্মীর সংক্রান্ত নূতন প্রস্তাবের উল্লেখ করেন।

শ্রীমেনন যেকোন নিরাপত্তা পরিষদে ভারতের পক্ষে বক্তব্য পেশ করিয়াছেন, প্রধানমন্ত্রী তাহার প্রশংসা করেন। জনতা হর্ষধ্বনি করিয়া প্রধানমন্ত্রীকে সমর্থন করেন।

সাময়িক চুক্তির নিন্দা করিয়া প্রধানমন্ত্রী বলেন, কাশ্মীর ব্যাপারে বাগদাদ চুক্তির প্রভাব পড়িয়াছে।

মিঃ জারিং-এর ভারত আগমন সম্পর্কে নেহরু বলেন, আমরা ভদ্র ব্যবহার করিব এবং তাঁহাকে সাদর অভ্যর্থনা জানাইব। আমরা তাঁহার সঙ্গে আলোচনা করিব। কিন্তু আলোচনা কি ধরনের হইবে এবং আমরা কি নীতি অবলম্বন করিব তাহা এখনই নির্দিষ্টভাবে বলা আমার পক্ষে শক্ত। নির্বাচন শেষ হইবার পরে আমরা যতক্ষণ মিলিত হইয়া এ সম্পর্কে বিবেচনা করিতে না পারিতেছি, আমাদের প্রতিনিধি শ্রীকৃষ্ণ মেননের সঙ্গে আলোচনার সুযোগ যতক্ষণ না হইতেছে, নিরাপত্তা পরিষদে কি বলা হইয়াছে যতক্ষণ না দেখিতেছি, ততক্ষণ আমরা আমাদের নীতি নির্ধারণ করিতে পারিব না।

পশ্চিম এশিয়াকে সামরিক চুক্তির আওতা হইতে বাহিরে রাখিবার জন্ত সোভিয়েট রাশিয়া যে প্রস্তাব করিয়াছে, উহা বিবেচনা করিবার জন্ত গ্রীনেহরু আইসেনহাওয়ারের নিকট আবেদন জানান। তিনি বলেন, মার্কিন যুক্তরাষ্ট্র, রাশিয়া এবং সংশ্লিষ্ট অন্যান্য দেশের মধ্যে এ সম্পর্কে আলোচনা হওয়া কর্তব্য। এই আলোচনায় অংশ গ্রহণের ইচ্ছা ভারতের নাই।

নেহরু বলেন, আইসেনহাওয়ারের প্রস্তাবে সামরিক ব্যবস্থার অন্তর্গলে অনেক কল্যাণের বিষয় আছে। কিন্তু আমার সুস্পষ্ট ধারণা জন্মিয়াছে যে, সামরিক ব্যবস্থা দ্বারা কোন অকলমে শান্তি প্রতিষ্ঠিত হইতে পারে না। নেহরু বলেন, আন্তর্জাতিক সমস্যা সমাধানের দুইটি মাত্র উপায় আছে—একটি যুদ্ধ এবং অণ্ডটি শান্তি। বিবেচনাশীল কোন ব্যক্তি প্রথমটি চাহে না। কিন্তু শান্তির পথে সমস্যা সমাধান সহজ নয় এবং ইহাতে সময়ও লাগিবে, তবুও শান্তিপূর্ণ আলোচনা দ্বারা সমস্যা সমাধানই একমাত্র পথ।”

পাকিস্তান ও কাশ্মীর

ওদিকে নিরাপত্তা পরিষদে সকল যড়যন্ত্র ব্যর্থ হওয়ার পাকিস্তানে গোল বাধিয়াছে। কেননা পাকিস্তানের কর্তব্যবর্গের অল্প কোনও উপায় নাই নিজেদের বাঁচাবার—এই এক ভারতবর্ষকে পশুবিপণ্ড করা ছাড়া। শুধু মার্কিনী পররাষ্ট্রতে দেশ চলে কি করিয়া? সেই জগুই নিম্নস্থ সংবাদটির গুরুত্ব আছে :

‘করাচী, ২৪শে ফেব্রুয়ারী—পাকিস্তানের অর্থমন্ত্রী মিঃ আজাদ আলী গতকল্য পাকিস্তান জাতীয় পরিষদে বলেন যে, জারিং মিশন যদি কাশ্মীরের অসামরিকীকরণ এবং তথায় গণভোট গ্রহণের ব্যবস্থা করিতে না পারে, তাহা হইলে পাকিস্তান কাশ্মীর সমস্যা রাষ্ট্রপুঞ্জের সাধারণ পরিষদে উত্থাপন করিবে।

জাতীয় পরিষদে বৈদেশিক ব্যাপার আলোচনাকালে, মিঃ আমজাদ আলী বলেন, কাশ্মীরে গণভোট গ্রহণের প্রক্ষেপে ভারতবর্ষ যেরূপ মনোভাব অবলম্বন করিয়াছে, তাহার ফলে জারিং মিশন ব্যর্থ হইবে বলিয়াই আমাদের মনে হয়। যদি জারিং মিশন ব্যর্থ হয় তাহা হইলে পাকিস্তান কাশ্মীর সমস্যা সাধারণ পরিষদে লইয়া যাইবে।

গতকল্য জাতীয় পরিষদের কয়েকজন সদস্য এইরূপ দাবী করেন যে, কাশ্মীর সম্পর্কে নিরাপত্তা পরিষদে ত্রিশক্তির যে প্রস্তাব গৃহীত হইয়াছে, সেই প্রস্তাব অগ্রাহ্য করিয়া পাকিস্তানের সোভিস্তি ব্যাপারটি সাধারণ পরিষদে লইয়া যাওয়া কর্তব্য।

জাতীয় পরিষদে যাহারা গতকল্য বক্তৃতা করেন, তাঁহাদের মধ্যে অধিকাংশ বক্তাই নিরাপত্তা পরিষদের সিদ্ধান্তের সমালোচনা করেন।

বিশিষ্ট মুসলিম লীগ নেতা মিরাজ মমতাজ দৌলতানা বলেন যে, পাকিস্তানের পররাষ্ট্র নীতি ব্যর্থ হইয়াছে; কারণ সফটপূর্ণ মুহর্তে পাকিস্তান নিরাপত্তা পরিষদে কাশ্মীরের ব্যাপারে কার্যতঃ কাহারও সমর্থন লাভ করিতে পারে নাই।

বৈদেশিক ব্যাপার সংক্রান্ত বিতর্ক গতকল্যই শেষ হইবার কথা ছিল, কিন্তু গতকল্য রাত্রি ১১টা পর্যন্ত বিতর্ক চলে। বাহাতে আরও অধিক সংখ্যক সদস্য বক্তৃতা করিতে পারেন, তজ্জন্ত বিতর্ক আগামীকল্য পর্যন্ত স্থগিত রাখা হইয়াছে।

গতকল্য আওয়ামী লীগের কোন সদস্য বিতর্কে যোগ দেন নাই। যে দুইটি দল কেন্দ্রে শাসনকার্য পরিচালনা করে, আওয়ামী লীগ তাহার অগ্রতম। গতকল্য সরকারবিরোধী দলের সদস্যগণই বক্তৃতা করেন।

মিঃ আমজাদ আলী বক্তৃতা প্রসঙ্গে আরও বলেন যে, সাধারণ পরিষদ যদি সুনির্দিষ্ট ভাবে কিছু করিতে না পারে কিংবা সাধারণ পরিষদ কর্তৃক গৃহীত প্রস্তাব হইতে কোন কল পাওয়া না যায়, এবং জনসাধারণ যদি জায়বিচার না পায়, তাহা হইলে তাহারা শান্ত এবং সহিষ্ণু হইয়া থাকিবে না।

অতঃপর মিঃ আমজাদ আলী বলেন : আমি আশা করি যে, জগতের বিবেক উদ্বুদ্ধ হইবে। জগতের জনমত একটি সুনির্দিষ্ট আকার ধারণ করিবে এবং রাষ্ট্রপুঞ্জকে সুস্পষ্ট ভাষায় এই কথা ঘোষণা করিতে হইবে যে, কাশ্মীরের অসামরিকীকরণ হইবে এবং তথায় গণভোট লওয়া হইবে। জনসাধারণের সহিষ্ণুতার শেষ আছে, আমি আশা করি যে, প্রতিবেশী হিসাবে ভারতবর্ষ অবহিত হইবে, ...যদি ভারতবাসী অবহিত না হয় তাহা হইলে তাহারাই দোষী হইবে—আমরা নহি।”

কাশ্মীর ও বৈদেশিক চক্রান্ত

কাশ্মীর লইয়া যে চক্রান্ত পাকিস্তানকে কেন্দ্র করিয়া চলিতেছে তাহার রূপ নির্ণয় বন্ধী গোলাম মহম্মদ যে ভাবে করিয়াছেন তাহা আনন্দবাজার পত্রিকা হইতে নীচে দেওয়া হইল :

‘কাশ্মীরের মুখ্যমন্ত্রী বন্ধী গোলাম মহম্মদ গুজরাত কলিকাতার বিভিন্ন জনসভায় বক্তৃতাকালে ভারতের বিরুদ্ধে যে বৈদেশিক চক্রান্ত চলিতেছে তাহার স্বরূপ উজ্জ্বলিত করিয়া বলেন, সিয়াটো শক্তি জোট কাশ্মীরকে কুক্ষিগত করিতে চাহেন। কারণ কাশ্মীরের সামরিক গুরুত্ব অসাধারণ। কাশ্মীরকে সিয়াটোর আওতায় আনিতে পারিলে যুদ্ধবাজদের চক্রান্তজাল পরিপূর্ণ হইবে। কিন্তু নিরাপত্তা পরিষদে যত প্রস্তাবই গৃহীত হউক না কেন, কাশ্মীর তাহার লক্ষ্যপথ হইতে কখনও বিচ্যুত হইবে না।

তিনি দৃঢ়কণ্ঠে ঘোষণা করেন, ‘কাশ্মীর ভারতেরই অবিচ্ছেদ্য অংশ—কাশ্মীরের জনসাধারণ একবাক্যে এই মত প্রকাশ করিয়াছে। চক্রান্ত যদি পশ্চিম দিকেও উদ্ভিত হয়, তথাপি কাশ্মীরী জনসাধারণের এই স্বয়ং বহাল থাকিবে।’

নিরাপত্তা পরিষদে চতুঃশক্তির যে সংশোধনী প্রস্তাব অতি সম্প্রতি গৃহীত হইয়াছে, তাহার উল্লেখ করিয়া বন্ধী বলেন, ‘নিরাপত্তা পরিষদের সভাপতি মিঃ জারিংকে ভারতে পাঠাইবার

প্রস্তাব গৃহীত হইয়াছে। ভাল কথা, মিঃ জারিং ভারতে আসিতে চাহেন আসুন, আমরা তাঁহাকে অবশ্যই স্বাগত করিব। কিন্তু তিনি যেন আমাদের তিন-টি কথা স্মরণ রাখেন : (১) কাশ্মীর ভারতের অংশ, (২) পাকিস্তান কাশ্মীর আক্রমণ করিয়াছে এবং (৩) রাষ্ট্রপুঞ্জের ফৌজ যে কোন ভেদ ধরিয়াই আসুক না কেন, আমরা প্রাণ থাকিতে তাহা বরদাস্ত করিব না।”

নাগা বিদ্রোহ

নাগা বিদ্রোহ এখনও চলিতেছে। এখন ইহা আরও সুস্পষ্ট হইয়া দাঁড়াইতেছে যে, পুলিশ এ বিষয়ে সাফল্য লাভ করিতে পারিবে না। এমত অবস্থায় নীচের সংবাদটি প্রণিধানযোগ্য। মনে হয় শুধু সাময়িক কার্যক্রমে এই জটিল ব্যাপারের সমাধান হইবে না। কেননা বোগ বছ দিনের ও চিকিৎসা বিভ্রাটও ঘটয়াছে অনেক। দেখা যাক ফলাফল কি হয় :

“জোড়হাট (আসাম), ২০শে ফেব্রুয়ারী—অল্প রাত্রে পুলিশ-মহল হইতে বলা হইয়াছে, সেনাবাহিনী আগামৌকলা হইতে নাগা-পাহাড়ের সীমান্তবর্তী সমগ্র সমতল অঞ্চলে নাগা বিদ্রোহ দমনের সর্বময় কর্তৃত্ব গ্রহণ করিবে।

উক্ত এলাকার মধ্যে শিবসাগর জেলার ১৫০ মাইল জঙ্গলাকীর্ণ দক্ষিণাঞ্চল এবং মিকির পাহাড় জেলার অংশবিশেষ আছে।

জেনারাল থিমায়া এবং রাজ্যপাল মিঃ ফজল আলীসহ উচ্চপদস্থ অসাময়িক ও পুলিশ কর্মচারীদের মধ্যে সাম্প্রতিক উচ্চ পর্যায়ের বৈঠকে এই সিদ্ধান্ত গৃহীত হয়। আসাম রাইফেল-এর ইন্সপেক্টর-জেনারাল প্রিগেডিয়াস হরভন সিংহ অভিযানের নেতৃত্ব করিবেন। নাগা পাহাড়ের জি-ও-সি মেজর-জেনারেল কোছাবের সর্বময় কর্তৃত্বাধীনে জোড়হাটে তাঁহার সদর দপ্তর থাকিবে।

আরও জানা গিয়াছে যে, সীমান্তে নাগা পাহাড় বরাবর পুলিশ ঘাটের সংখ্যা বৃদ্ধি করা হইবে এবং সৈন্যপ্রেরণ করিয়া ঐগুলিকে শক্তিশালী করা হইবে। চতুর্দিক হইতে সেনাদল কর্তৃক বিতাড়িত হইয়া বিদ্রোহীরা বিপুল সংখ্যায় শিবসাগরের দক্ষিণাঞ্চলে বিস্তীর্ণ গভীর অরণ্য ও মিকির পাহাড় জেলায় প্রবেশ করিয়াছে বলিয়া জানা গিয়াছে এবং জানুয়ারী মাসের মধ্যভাগে ও ফেব্রুয়ারী মাসের প্রথম ভাগে তাহাদের তৎপরতা পুনরায় বৃদ্ধি পাইয়াছে।

পুলিশ মহল হইতে বলা হইয়াছে, ১৬ই ফেব্রুয়ারীর পর কোন ঘটনার সংবাদ পাওয়া যায় নাই।”

পলতা-ঢালা মেন পাইপ

এই কণ্ট্রাক্ট ব্যাপার লইয়া একটা একরূপ অদ্ভুত গোলযোগ বাধিয়াছিল বে, তাহা আশ্চর্যজনক। এদেশে ঐ জাতীয় বৃহৎ কাজের অভিজ্ঞতা আছে মাত্র বোম্বাইয়ের একটি কোম্পানীর। তাহাদের দামদস্তুর বিষয়ে কোনও প্রশ্নই নাই অথচ কেন উহা একটা বাঙালী কোম্পানীকে দেওয়া হইবে না—যদিও তাহাদের

একরূপ কাজের কোনও অভিজ্ঞতা নাই—এই লইয়া পৌরসভার ভ্রমুস তর্ক চলে।

কলিকাতার জল সরবরাহে এত গলদ, এত ক্রটি বহিয়াছে যে তাহার আশু প্রতিকার প্রয়োজন এবং এ খাতে টাকার প্রশ্নও খুবই গুরুত্বপূর্ণ, সুতরাং ভ্রমদ্রাস্তিতে কাজে দেয়ীর অবসর নাই।

এ বিষয়ে ডেপুটি মেয়র বাহা বলিয়াছেন তাহা আনন্দবাজার পত্রিকা হইতে আমরা নিম্নে তুলিয়া দিলাম :

“বৃহস্পতিবার অপরাহ্নে কলিকাতার ডেপুটি মেয়র ডাঃ অমরনাথ মুখোপাধ্যায় এক সাংবাদিক বৈঠকে দৃঢ়ভাবে একরূপ মত প্রকাশ করেন যে, পৌরসভার শেষ অধিবেশনে বোম্বাইয়ের ষ্ট্রাকচারাল ইঞ্জিনীয়ার্স কোম্পানীকে পলতা-ঢালা মেন পাইপ নিষ্কাশন এবং স্থাপনের ভার দান সম্পর্কে যে প্রস্তাব গৃহীত হইয়াছে তাহা কলিকাতা নগরীর অধিবাসীদের স্বার্থের অক্ষুণ্ণ। কারণ তাঁহার ধারণা ‘ভারতীয় প্রতিষ্ঠানগুলির মধ্যে একমাত্র ঐ কোম্পানীরই উপরোক্ত কাজ করিবার অভিজ্ঞতা এবং যোগ্যতা বহিয়াছে।’

এই প্রসঙ্গে তিনি বলেন যে, নিয়মের খুঁটিনাটি ব্যাপার এবং সামান্য আর্থিক সমস্যা যেন শহরের জল সরবরাহ ব্যবস্থার মত গুরুত্বপূর্ণ বিষয়ে অবিলম্বে কাজ আরম্ভ করার সিদ্ধান্ত লইবার পবি-পন্থী হইয়া না দাঁড়ায়। তিনি বলেন, বর্তমানে ষাট ইঞ্চি ব্যাস-বিশিষ্ট যে পাইপটির দ্বারা দৈনিক ৬ কোটি গ্যালন জল সরবরাহ হইয়া থাকে সেটির অবস্থা খুবই খারাপ এবং উহার আশু সংস্কার প্রয়োজন। তাহা না করিলে শহরের জল সরবরাহ ব্যবস্থা যে কোন দিন ক্ষতিগ্রস্ত হইতে পারে। শহরের পরিষ্কৃত জল সরবরাহ ব্যবস্থার উন্নতি করিতে হইলে, কলেরার বিপদ দূর করিতে হইলে এবং দৈনিক জল সরবরাহ ব্যবস্থা (ডুয়েল ওয়াটার সাপ্লাই) তুলিয়া দিতে হইলে পরিষ্কৃত জল সরবরাহ ব্যবস্থার প্রস্তাবিত উন্নতি সাধন সর্বোচ্চে প্রয়োজন। ঐ ৭২ ইঞ্চি মেন পাইপ বসান হইলে বর্তমান ৮ কোটি গ্যালনের স্থলে ১৫ কোটি গ্যালন জল সরবরাহ সম্ভব হইবে।

বোম্বাইয়ের উক্ত কোম্পানীকে কণ্ট্রাক্ট দিবার সিদ্ধান্ত সম্পর্কে তিনি বলেন যে, ঐ প্রতিষ্ঠান ইতঃপূর্বে আরও বৃহৎ এক পরি-কল্পনা নির্দিষ্ট সময়ে যোগাতার সহিত সম্পন্ন করিয়াছে। অপর পক্ষে কলিকাতার মেসার্স সুর আয়রণ এণ্ড ষ্টীল কোম্পানীর ঐ জাতীয় কোন অভিজ্ঞতা নাই।

সুর আয়রণ এণ্ড ষ্টীল কোম্পানীর সহযোগী প্রতিষ্ঠান মেসার্স কুলিজন কর্পোরেশন কোম্পানী বোম্বাই এবং দুর্গাপুরে বৃহৎ পরি-কল্পনার কাজ করিতেছে একথা তিনি জানেন কিনা, একজন সাংবাদিক প্রশ্ন করিলে ডাঃ মুখোপাধ্যায় বলেন যে, ঐ বিষয়ে তিনি শুনিয়াছেন বটে, কিন্তু ব্যাপারটি ঠিকমত জানেন না।

তিনি বলেন যে, বোম্বাইয়ের কোম্পানীকে ভার দিবার সিদ্ধান্ত সমর্থনকারীরা স্পষ্টভাবে উল্লেখ করিয়াছেন যে, অভিজ্ঞতা এবং

বায়ের প্রশ্ন ছাড়াও ঐ কোম্পানী 'বাহির হইতে বিশেষ কোনরূপ সাহায্য' না লইয়াও কাজ সম্পূর্ণ করিতে পারিবে।

একটি প্রশ্নের জবাবে তিনি বলেন যে, বোম্বাইয়ের কোম্পানী কলিকাতার জমি পরীক্ষা করিয়া দেখিবার জন্ত দুই জন ব্রিটিশ বিশেষজ্ঞ কলিকাতায় আনিয়াছিলেন।

ট্রাকচারাল ইঞ্জিনীয়ার্স কোম্পানীর ক্যাথডিক উৎপাদনে কোন অভিজ্ঞতা আছে কি না, এই প্রশ্নের জবাবে তিনি বলেন যে, 'এ বিষয়ে তাঁহাদের কোন অভিজ্ঞতা আছে কি না আমি জানি না।'

তিনি বলেন যে, বোম্বাইয়ের কোম্পানী ক্যাথডিক উৎপাদনের খরচা সমেত ৭২ ইঞ্চি ব্যাসবিশিষ্ট পলতা-ঢালা পাইপ লাইন বসাইবার জন্ত ১ কোটি ৪ লক্ষ ৭১ হাজার ৪৫০ টাকা চাহিয়াছিল। সূর্য আয়রণ এণ্ড স্টীল কোম্পানী ক্যাথডিক উৎপাদনের খরচা বাদেই পাইপ লাইন বসাইবার জন্ত ১ কোটি ১২ লক্ষ ৯ হাজার ৬২৫ টাকা চাহিয়াছিল। পরে তাহারা নূতন পাইপ লাইন এবং বর্তমান তিনটি পাইপ লাইনের ক্যাথডিক উৎপাদন ব্যবস্থার জন্ত আরও ৫ লক্ষ ৯৫ হাজার টাকা চাহে। ইহার ফলে উক্ত কোম্পানীর খরচের হিসাব দাঁড়ায় মোট ১ কোটি ১৮ লক্ষ টাকা।

ঐ কন্ট্রাক্টে অগাধ খরচা বাবদ যে আরও ১ কোটি ১৪ লক্ষ টাকা দেখান হইয়াছে তাহার মধ্যে জমির জন্ত প্রায় ৩ লক্ষ টাকা এবং তত্ত্বাবধান কাজের জন্ত প্রায় ২ লক্ষ টাকা ধরা হইয়াছে বলিয়া তিনি জানান। এই প্রসঙ্গে ঐ ব্যবসায়ী বলেন যে, কর্পোরেশনের চীফ ইঞ্জিনীয়ারের মত লইয়াই ঐ ব্যবসায়ী কৰা হইয়াছে।

এই প্রসঙ্গে তিনি বলেন, পাইপ লাইন বসাইবার মূল কন্ট্রাক্টটি ১ কোটি ৫ লক্ষ টাকার, সোয়া দুই কোটি টাকার নহে।

গম ও আটার কালোবাজার

কলিকাতার কালোবাজার কি ভাবে চলিতেছে তাহার একটি নিদর্শন আনন্দবাজার পত্রিকা হইতে তুলিয়া দেওয়া হইল। বলা বাহুল্য, এইরূপ কালোবাজারের মূলে সরকারী উচ্চপদস্থ কর্মচারী, এক বা একাধিক, বিরাজ করিতেছেন।

ইতিপূর্বে বহুবার এইরূপ ব্যাপার ঘটিয়াছে। গম, চিনি, চাউল, ডাল সকল জিনিষেই দেখা গিয়াছে শুধু সববরাহ বাড়াইলে দাম কমে না।

আসলে প্রয়োজন কঠোর দণ্ড এবং সর্বপ্রথমে প্রয়োজন সরকারী বিভাগে তদন্ত ও কঠোর সাজার ব্যবস্থা :

"সরকার কর্তৃক গম সববরাহের পরিমাণ বাড়াইয়া দেওয়া সত্ত্বেও কলিকাতার বাজারে আটার সমস্তা কিছুমাত্র সুরাহা হয় নাই। এক্ষণে কলিকাতায় দৈনিক প্রায় ১১০০ টন গম সববরাহ করা হইতেছে। ইহার পূর্বে দৈনিক সববরাহের পরিমাণ ছিল ১০০০ টন।

"কিছুদিন পূর্বে বাজারে আটার দর বাড়িলে সরকার গম

সববরাহের পরিমাণ বাড়াইয়া ন্যায্য মূল্যের দোকান এবং চাকী-ওয়ালার দোকানগুলিতে সাড়ে ছয় আনা সের দরে আটা বিক্রয়ের নির্দেশ দেন। কিন্তু ঐ দরে আটা সংগ্রহ করা দুষ্কর হয়। দোকানের সম্মুখে দীর্ঘ 'কিউ' পড়িয়া যায় এবং এই অবস্থা দেখিয়া যুদ্ধের সময়ের 'কন্ট্রোল' যুগের কথা মনে পড়ে। বহুক্ষণ অপেক্ষা করিয়া লোকে আটা না পাইয়া ফিরিয়া যায়।

"সংশ্লিষ্ট ব্যবসায়ীদের মধ্যে প্রভাবশালী একদল মনে করেন যে, কলিকাতার চাহিদা মিটাইবার ব্যাপারে ১০০০ টন গমই যথেষ্ট। সুতরাং গমের সববরাহ ১০০ টন বৃদ্ধি করা সত্ত্বেও যখন অভাব মিটিতেছে না তখন ইহাই প্রমাণিত হয় যে, উহার একটা বেশ বড় অংশ বেশী দামে চোরাবাজারে বিক্রয় হইতেছে। কিছু পরিমাণ গম চোরা পথে বাহিরে পাচার হইতেছে—এইরূপ বিশ্বাস করার মত কারণ আছে বলিয়াও ব্যবসায়ীমহল মনে করেন।

"বর্তমানে ন্যায্য মূল্যের দোকান হইতে আটা সংগ্রহ করা কষ্টকর হইলেও বাহিরের দোকান হইতে আটা সংগ্রহ করিতে কোন অসুবিধা নাই। ঐ সব দোকানে প্রচুর আটা মিলে। তবে উহার মূল্য সের প্রতি ৯ আনা হইতে ১০ আনা পর্যন্ত। ন্যায্য মূল্যে আটা সংগ্রহ করিতে না পারিয়া অনেকে ময়দা ব্যবহার করিতে সুরু করিয়াছেন। ময়দার সের ৯ আনা হইতে ১০ আনা।

"এই অবস্থার জন্যই সম্ভবতঃ রাজ্য সরকার ময়দার কলগুলিকে অধিক পরিমাণ আটা উৎপাদন করার জন্য নির্দেশ দিয়াছেন। এক্ষণে ময়দা কলগুলি সাধারণতঃ শতকরা দশ হইতে পনের ভাগ আটা উৎপাদন করে। রাজ্য সরকার উহার পরিমাণ বৃদ্ধি করিয়া শতকরা ৪০ ভাগ করার জন্য বলিয়াছেন।

"সম্প্রতি চাকীওয়ালার সমিতির পক্ষ হইতে রাজ্য সরকারের নিকট প্রেরিত এক স্মারকলিপিতে গম বণ্টন ব্যবস্থার উন্নয়ন সাধনের জন্য অহুয়োধ জানান হয়। ঐ স্মারকলিপিতে সমিতির নিকট প্রত্যহ বণ্টনের জন্য অন্ততঃপক্ষে ৩০০ টন করিয়া গম দিতে বলা হয়। ইহা ছাড়া সমিতি কর্তৃক বণ্টনের উদ্দেশ্যে মাসে আরও ৫০০০ টন এতদেশীয় গম সংগ্রহ করার অহুমতিও উহাতে প্রার্থনা করা হয়।

"সমিতির পক্ষ হইতে আরও বলা হয় যে, ন্যায্য মূল্যের দোকানের সংখ্যা হ্রাস করিয়া ঐগুলিতে গম সববরাহের পরিমাণ বৃদ্ধি করা হউক। সম্ভব হইলে ন্যায্য মূল্যের দোকানগুলিতে গম সববরাহ একেবারেই বন্ধ করিয়া দিয়া ঐ গম চাকীওয়ালাদের দোকানে সববরাহের ব্যবস্থা করা হউক। কারণ, ন্যায্যমূল্যের দোকানগুলিতে যে গম সববরাহ করা হয়, উহা মরাসরি অথবা অসঙ্গত পথে শেষ পর্যন্ত চাকীওয়ালাদের দোকানেই পৌঁছে।

"পশ্চিমবঙ্গ সরকারের এক প্রেসনোটে বলা হইয়াছে যে, ক্যালকাটা স্লাওয়ার মিলস এসোসিয়েশন এবং ওয়েস্ট বেঙ্গল স্লাওয়ার মিলস এসোসিয়েশন প্রতিনিধিবৃন্দ বাজারে অধিকতর পরিমাণে আটা সববরাহের উদ্দেশ্যে ১৯৫৭ সনের ১৪ই ফেব্রুয়ারী হইতে আটার উৎপাদন বাড়াইতে সম্মত হইয়াছেন। মিলের এই আটার খুচরা দাম পূর্বের তায় প্রতি সের ১৬ পাই থাকিবে।"

পুরুলিয়ায় ইউরেনিয়াম

পুরুলিয়া অঞ্চল বাংলায় কিরিয়া আসার পর অনেকে মন্তব্য করেন যে কাঁকড় মাটি ও কাঁটাখোপ লইয়াই আমাদের সস্ত্রষ্ট হইতে হইল। কথাটা নিতান্ত ভুল নয়, কিন্তু এখন আশা দেখা দিয়াছে যে, হয়ত সবই কাঁকড়মাটি নয়। অন্ততঃ তাহাই জানা যাইতেছে :

“পুরুলিয়ায় ইউরেনিয়াম (অণবিক চুল্লীর প্রধান জ্বালানি) পাওয়া যাইতে পারে, এইরূপ আভাস পাওয়া যাইতেছে। রবিবার পশ্চিমবঙ্গের মুখ্যমন্ত্রী ডাঃ বিধানচন্দ্র রায় পুরুলিয়ায় উক্ত সংবাদ পরিবেশন করেন।

ডাঃ রায় আরও বলেন যে, তিনি এরূপ রিপোর্ট পাইয়াছেন। এই জেলার ইউরেনিয়ামের অন্বেষণ কার্য চলিতেছে।

পুরুলিয়ায় কংগ্রেসের উদ্যোগে আয়োজিত এক নির্বাচনী সভায় ডাঃ রায় ভাষণদানকালে ইউরেনিয়াম সম্পর্কে উক্ত বিবরণ দান করেন। তিনি আরও বলেন যে, পুরুলিয়া জেলা প্রাকৃতিক সম্পদে পূর্ণ। এই সব সম্পদ এই জেলার উন্নয়ন কাজে ব্যবহার করা যাইতে পারে। গত ৩৪ মাসে তিনি যে রিপোর্ট পাইয়াছেন তাহা হইতে তিনি জানিতে পারেন যে, পুরুলিয়া জেলায় কয়লা ও চূণা পাথর পাওয়া যায়।

ডাঃ রায় বলেন, আগামী কয়েক বৎসরে রাজ্য সরকারের পক্ষ হইতে পুরুলিয়ায় সকল সম্পদের বৃদ্ধি ও উন্নয়নকল্পে সর্বপ্রকারে যত্ন লওয়া হইবে।

নভোমণ্ডল পরিক্রমা

মাঘ মাসে শুধু বায়ুমণ্ডলে ঘুরিয়া সস্ত্রষ্ট নয়, আরও উপরের আকাশে, হয়ত চন্দ্রলোকেরও, উড়িবার আকাঙ্ক্ষা তাহার বাড়িয়াই চলিতেছে। নিম্নের সংবাদটি সেই সংক্রান্ত :

“মস্কো, ১৬ই ফেব্রুয়ারী—রুশ বিজ্ঞানীরা রকেট বাহিত কয়েকটি কুকুরকে ১১০ কিলোমিটার (৭০ মাইল) উর্দ্ধাকাশে পাঠাইতে সক্ষম হইয়াছেন। উহার নিরাপদে ভূতলে কিরিয়া আসিয়াছে এবং তাহাদের কোন ক্ষতি হয় নাই। ভবিষ্যতে বোম-পথে ভ্রমণের অবস্থা নির্ণয়কল্পে এই পরীক্ষাকার্য চালান হয়।

রুশ ট্রেড ইউনিয়ন সংবাদপত্র ‘ট্রেড’ উপরোক্ত তথ্য প্রচার করা হইয়াছে। উহাতে বলা হয় যে, রকেটের প্রান্তভাগে যুক্ত, তাপ-নিয়ন্ত্রিত বন্ধ করা একটি কেবিনে কুকুরগুলিকে রাখা হয়। কিন্তু উর্দ্ধাকাশে রকেটচ্যুত কেবিনটি প্যারাসুট সাহায্যে নীচে নামিয়া আসে। ইহাতে তিন ঘণ্টা সময় লাগে। এই সময় স্বয়ংক্রিয় ক্যামেরায় কুকুরগুলির শারীরিক অবস্থার আলোক-চিত্র গৃহীত হয়। উহাতে তাহাদিগকে স্বাভাবিক অবস্থায় দেখা যায়।

প্যারাসুট হইতে ঝুলানো অক্সিজেন ভর্তি বিশেষ পরিচ্ছদাবৃত কুকুরগুলিকে মাটিতে নামাইয়া দিয়াও ভিন্নভাবে পরীক্ষাকার্য চালান হয়।

নন্দলাল বসুকে সম্মান দান

সলিতকলার ক্ষেত্রে বাংলার নাম যাঁহারা জগৎবিখ্যাত করিয়াছেন তাঁহাদের মধ্যে শ্রীনন্দলাল বসু অন্যতম। তাঁহাকে এই সম্মান যোগাভাবেই দেওয়া হইয়াছে :

“বোলপুর, ১৭ই ফেব্রুয়ারী—অত্যুপযুক্ত চার ঘণ্টার কলাভবনে কলিকাতা বিশ্ববিদ্যালয়ের বিশেষ সমাবর্তন উৎসব হয়। এই বৎসরে আচার্য্য নন্দলাল বসুকে ডি-লিট পদবী দেওয়া হয়। কলিকাতা বিশ্ববিদ্যালয়ের শতবার্ষিকী উৎসব উপলক্ষে তাঁহার অস্থপস্থিতিতে তাঁহাকে এই সম্মান দেওয়া হইয়াছিল। এই অনুষ্ঠানে যাহাতে সকল অধ্যাপক ও বিভাগীয় যোগদান করিতে পারেন তজ্জন্ম বিশ্বভারতীর সকল বিভাগ ছুটি দেওয়া হইয়াছিল।

কলিকাতা বিশ্ববিদ্যালয় উহার প্রতিষ্ঠার পর এই দ্বিতীয় বার কলিকাতার বাহিরে বিশেষ সমাবর্তন উৎসব সম্পন্ন করিলেন প্রথম বার ১৯৫৬ সালে বাঁকুড়াতে হইয়াছিল এবং স্বর্গত যোগেশ-চন্দ্র রায় বিদ্যালয়ধিকে এই সম্মান দেওয়া হইয়াছিল। শান্তি-নিকেতনেও এই দ্বিতীয় বার বিশেষ সমাবর্তন উৎসব হইয়াছে। ১৯৪০ সনে অক্সফোর্ড বিশ্ববিদ্যালয়ের সমাবর্তন উৎসবে গুরুদেব রবীন্দ্রনাথ ঠাকুরকে ডি-লিট পদবী দেওয়া হইয়াছিল।

এই বিশেষ সমাবর্তন উৎসব উপলক্ষে বিশ্বভারতী কর্তৃপক্ষ কলাভবনে আচার্য্য নন্দলাল বসুর চিত্রসমূহের প্রদর্শনীর ব্যবস্থা করেন।

আচার্য্য বসু এই তৃতীয় বার ডক্টরেট পদবী লাভ করেন। ইতিপূর্বে ১৯৫০ সনে কাশী বিশ্ববিদ্যালয় এবং ১৯৫৩ সনে বিশ্বভারতী তাঁহাকে এই পদবী দিয়াছিলেন।

গ্রাহকদের প্রতি অনবেদন

যাঁহারা সন ১৩৬৩ সালে প্রবাসীর গ্রাহক আছেন আশা করি, আগামী ১৩৬৪ সালেও তাঁহারা গ্রাহক থাকিবেন।

গ্রাহকগণ অগ্রহণপূর্বক আগামী বর্ষের বার্ষিক মূল্য ১২ বারো টাকা মনি-অর্ডার যোগে পাঠাইয়া দিবেন। মনি-অর্ডার কুপনে তাঁহাদের স্ব-স্ব গ্রাহক নম্বর উল্লেখ না করিলে টাকা ভ্রমার পক্ষে অসুবিধা হয় এবং তিনি নূতন বা পুরাতন গ্রাহক ইহা ঠিক করিতে না পারায় ভি-পিও চলিয়া যায়।

অতএব প্রার্থনা যেন তাঁহারা গ্রাহক নম্বরসহ টাকা পাঠান, অস্তথায় পূর্ব গ্রাহক নম্বরে ভি-পি যাইতে পারে; তাহা ফেরত দিবেন।

যাঁহারা আগামী ২৬শে চৈত্রের মধ্যে টাকা পাঠাইবেন না তাঁহাদের নামে বৈশাখ সংখ্যা ভি-পিতে পাঠানো হইবে।


যাঁহারা অতঃপর গ্রাহক থাকিতে অনিচ্ছুক তাঁহারা দয়া করিয়া আমাদেরকে ২০শে চৈত্রের পূর্বেই জানাইয়া দিবেন।

ভি-পিতে টাকা পাইতে কখনো কখনো বিলম্ব ঘটে, সুতরাং প্রবাসী পাইতে গোলমাল হয়। মনি-অর্ডারেই টাকা পাঠানো সুবিধাজনক। ইতি

শ্রীকেশবনাথ চট্টোপাধ্যায়
প্রবাসী-সম্পাদক

ভারতীয় জড়বাদ

শ্রীনীরদবরণ চক্রবর্তী



ভারতবর্ষ অধ্যাত্মবাদের দেশ। এখানকার লোক পরলোকে বাসা বাঁধবার ব্যস্ততায় ইহলোককে এক রাত্রির পান্থশালা ভেবে এসেছে। জড়বাদ ও ইহকাল-সর্বস্বতা পশ্চিমের আমদানী। এসব কথা ত হামেশাই শুনি। কিন্তু, ভারত-বর্ষেও যে জড়বাদ প্রচলিত ছিল, বহু ভারতীয় যে ইহকালকেই সর্বস্ব মনে করেছেন, তার পরিচয় আমরা অনেকেই রাখি না। ভারতীয় জড়বাদ হাল আমলের কোন ব্যাপার নয়। এর মূল রয়েছে সুপ্রাচীন বেদে। একথা অবিশ্বাস্য মনে হলেও মিথ্যা নয়। এই প্রবন্ধে সুপ্রাচীন ভারতীয় জড়বাদ ও জড়বাদীদের কথাই বলব।

ভারতীয় জড়বাদের প্রচলিত নাম 'চার্বাক-দর্শন'। চার্বাক বলে কোন দার্শনিক ছিলেন কিনা, জানা নেই। চার্বাকবাদীরা বলে, জড়ই চরম সত্য ও সত্তা, ইন্দ্রিয়-প্রত্যক্ষই একমাত্র প্রমাণ, ইহকাল ছাড়া কিছু নেই, পরকাল স্বার্থক-দের ভাঁওতা, ঈশ্বর পুরোহিতদের বুদ্ধকিকি, ইন্দ্রিয়সুখই জীবনের একমাত্র কাম্য। তারা আরও বলে, যতকাল বাঁচব সুখে শান্তিতে বাঁচব, ঋণ করে হলেও যি খেতে হবে। এমন সব 'চার্বাক' বা মিষ্টি কথা শোনায় বলেই এদের নাম চার্বাক। প্রাচীন ভারতে যারাই এমন ধারার কথা বলত তাদের সবাইকেই সাধারণভাবে বলা হ'ত চার্বাক। এখানে প্রশ্ন উঠেছে—এদের খবর জানা গেল কি করে?

চার্বাক-সম্প্রদায়ের মূল গ্রন্থ হারিয়ে গেছে। কিন্তু হিন্দু, বৌদ্ধ ও জৈন দর্শনের বিভিন্ন গ্রন্থে এদের কথা ছড়িয়ে আছে। হিন্দু, বৌদ্ধ ও জৈন দার্শনিকেরা চার্বাক-মত খণ্ডন করেছেন। এই সব দার্শনিক চার্বাক-মতের সত্য পরিচয় দিয়েছেন কিনা বলা মুশকিল। কিন্তু এদের কথাই প্রামাণ্য বলে মানতে হবে।

চার্বাক-মতের ঐতিহ্য 'ঋগ্বেদ' থেকে শুরু হয়েছে। ঋগ্বেদের ঋষি বৃহস্পতি লোক্য বা ব্রহ্মণস্পতি 'জড়'কে চরম সত্তা বলে ঘোষণা করেছেন। বৃহস্পতির আর এক নাম গণপতি। বৃহস্পতির শিষ্যদের বলা হ'ত বর্হস্পত্য বা লোকায়ত।

বৃহস্পতি যে ঐতিহ্য সৃষ্টি করলেন, তা পরবর্তীকালে বহুদিন পর্যন্ত অব্যাহত গতিতে চলেছে। রামায়ণের জাবালি মুনি জড়বাদী ছিলেন। তিনি রামচন্দ্রকে যে সব কথা বলেছেন তা ত চার্বাকদেরই কথা। চার্বাকরা বলত, দেশের রাজার চেয়ে বড় কেউ নেই। 'হরিবংশে'

রাজা বেন একধারই প্রতিষ্ঠান করেছেন। বেদ-বিরোধী বলে তাঁর কুখ্যাতি ছিল। ব্যাসদেব তাঁকে 'অধার্মিক' বলে নিন্দা করেছেন। অজিত-কেশ-কম্বলিন বুদ্ধদেবের সমকালীন লোক। তিনি চার্বাক-মত প্রচার করেছেন। অজিত-শিষ্য পায়াদি এই মতেরই ধারক। 'মহাভাষ্য' রচয়িতা পতঞ্জলি ভাঙুরিকে চার্বাক-দর্শনের মুখর সমর্থক বলে উল্লেখ করেছেন। পুরন্দর সুশিক্ষিত চার্বাক-সম্প্রদায়ের লোক। শান্তিরক্ষিত তাঁর 'তত্ত্ব-সংগ্রহ' গ্রন্থে পুরন্দরের নাম করেছেন। অবশ্য পুরন্দর ইন্দ্রিয়-প্রত্যক্ষ ছাড়া 'অনুমান'কেও কোন কোন ক্ষেত্রে প্রমাণ বলে মানতে রাজী ছিলেন। আরও পরবর্তীকালে চার্বাক-চিন্তায় কিঞ্চিৎ পরিবর্তন দেখা দিয়েছিল। এককাল চার্বাকরা ক্ষিতি, অপ, তেজ ও মরুৎ এই চারিটি উপাদানকে সৃষ্টির আদিম উপাদান বলে মানত। 'ব্যোমে'র অস্তিত্ব এরা স্বীকার করে নি, কারণ, 'ব্যোমে'র কোন ইন্দ্রিয়-প্রত্যক্ষ হয় না; আর এদের কথাই ছিল—ইন্দ্রিয়-প্রত্যক্ষ যা জানি না, তা মানি না। কিন্তু হরিভদ্র সূরির 'মুদ্রদর্শন সমুচ্চরে' গ্রন্থের ভাষ্যকার গুণরত্ন বলেছেন—কোন কোন চার্বাক 'ব্যোম'কেও একটি উপাদান বলে স্বীকার করেছেন। 'অষ্টমত ব্রহ্ম সিদ্ধি'তে সদানন্দ চার্বাক-মতসিদ্ধ 'আত্মা' সম্বন্ধে বিভিন্ন মতবাদের উল্লেখ করেছেন। কোন কোন মতে আত্মাকে ইন্দ্রিয়সমষ্টির সহিত অভিন্ন বলা হয়েছে, কোন কোন মতে প্রাণই আত্মা, আবার কোন কোন মতে মনের সঙ্গে আত্মার অভিন্নতা স্বীকৃত হয়েছে। চার্বাকদের এই সব মতবাদ পরবর্তীকালের সংযোজনা। বুদ্ধের পরবর্তী-যুগে ব্রাহ্মণ্যধর্মের পুনরভ্যুত্থান হয়েছিল। এই ব্রাহ্মণ্যধর্মের প্লাবন থেকে আত্মরক্ষা করার জন্মই বোধ হয় বহুকালের জীর্ণ চার্বাক-মত সংস্কার করা হয়েছিল। আত্মা সম্বন্ধে বিভিন্ন মতবাদ ও অনুমানকে প্রমাণ হিসাবে স্বীকার—এই সংস্কারেরই ফল।

চার্বাক-দর্শনের ভিত্তি চার্বাক-প্রমাণবাদ। চার্বাকদের বলা হয়—'প্রত্যক্ষের প্রমাণবাদী'। প্রত্যক্ষকেই এরা একমাত্র প্রমাণ বলে মানে। প্রত্যক্ষ আবার যেমন তেমন হলে হবে না, ইন্দ্রিয়-প্রত্যক্ষ হওয়া চাই। সত্য শুধু ইন্দ্রিয়-প্রত্যক্ষই জানা যায়। যা ইন্দ্রিয়-প্রত্যক্ষে পাই না, তা আছে, এমন কথা বলা অর্থহীন। অনুমান বিশ্বাসযোগ্য নয়। কিন্তু কেন? কথাটা খুলে বলি।

ব্যাপ্তি জ্ঞান ছাড়া অনুমান হয় না। 'রাম মরণশীল'

বলতে গেলে 'সমস্ত মানুষ মরণশীল' জানা দরকার। 'সমস্ত মানুষ মরণশীল' এই জ্ঞানই ব্যাপ্তি-জ্ঞান। সোজা কথায় সাধারণ প্রতিজ্ঞা (universal promise) ছাড়া অনুমান হয় না। এই সাধারণ প্রতিজ্ঞাই ব্যাপ্তি। আমরা বিশেষ বিশেষ মানুষের মৃত্যু প্রত্যক্ষ করতে পারি। কিন্তু সমস্ত মানুষের মৃত্যু কি প্রত্যক্ষ করা যায়? আর তা যদি না করা যায়, তবে ব্যাপ্তি জ্ঞান হবে কি করে? ব্যাপ্তি-জ্ঞান না হলে অনুমান হয় না। সুতরাং চার্বাকরা বলে, সাধারণ প্রতিজ্ঞা বা ব্যাপ্তির প্রত্যক্ষ হয় না বলে ব্যাপ্তি-নির্ভর অনুমান বিশ্বাসযোগ্য নয়।

শব্দ-প্রমাণ (Testimony) অনুমান-নির্ভর। অনুমান অবিদ্যাস্ত্র বলে—অনুমান-নির্ভর শব্দ-প্রমাণও বিশ্বাস্য নয়। বেদ-প্রমাণও বিশ্বাসযোগ্য নয়। বেদের মধ্যে পরস্পর-বিরুদ্ধ ও বহু অর্থজ্ঞাপক সব কথা আছে। একটি শ্রুতি-বাক্যে যা বলা হয়, প্রায়ই অন্য শ্রুতিবাক্যে তার বিপরীত কথা বলা হয়েছে। এই অবস্থায় কার কথা মানব আর কার কথাই বা ছাড়ব? বিশেষতঃ বেদে এমন সমস্ত কর্মফলের কথা আছে, যা কেউ কখনও পেতে পারে না।

অনুমান সম্পূর্ণ বর্জন করলে বিপদ। আমাদের প্রত্যক্ষ-জ্ঞান ত খুবই কম। জীবনের কাজ-কারবার অধিকাংশ ক্ষেত্রেই ত অনুমানভিত্তিক হয়ে থাকে। চার্বাকরা একথা বুঝেছিল। তাই তারা ইন্দ্রিয়গ্রাহ্য বস্তু সন্থকে অনুমানের প্রয়োজনীয়তা স্বীকার করেছে। তারা অনুমানকে দু'টি ভাগে ভাগ করেছে। কতকগুলি অনুমান অতীত বস্তু সন্থকে, আর কতকগুলি ভবিষ্যৎ সন্থকে। চার্বাকরা অতীত সন্থকে অনুমানের প্রামাণ্যতা স্বীকার করেছে, কিন্তু ভবিষ্যৎ সন্থকে অনুমানের উপর তাদের কোন শ্রদ্ধা নেই। কোন কোন চার্বাকপন্থী বলেছেন, জীবনে সম্ভাব্য জ্ঞানেও কাজ চলে। পরতে ধূম দেখে আমরা অগ্নির সম্ভাব্য-জ্ঞান পেতে পারি। জীবনের কাজ-কারবারের জন্য এই জ্ঞানই ত যথেষ্ট।

চার্বাকরা কার্য-কারণ সম্পর্কের খজুবন্ধন স্বীকার করে না। দু'টি জিনিষ পাশাপাশি যাচ্ছে বলেই একটি আর একটির নিয়ত কার্য, এমন মনে করার কোন কারণ নেই। ধোঁয়ার সঙ্গে আগুন দেখেছি। কিন্তু তাই বলে আগুনই ধোঁয়ার কারণ, তাও দেখেছি কি? নিশ্চয়ই নয়। আর তা ছাড়া ধোঁয়া থাকলেই চিরকালই আগুন থাকবে, এরই বা প্রমাণ কি? কেউ কেউ হয়ত বলবে—কেন, অনুমানই প্রমাণ। চার্বাকরা উত্তরে বলে—অনুমান ত বিশ্বাসযোগ্য নয়। সুতরাং অনুমান করে কিছুই প্রমাণ করা যায় না।

এখানে প্রশ্ন উঠবে—ঘটনা তবে ঘটে কেন? চার্বাকরা বলে—ঘটনার কোন সুনির্দিষ্ট কারণ নেই। সবই স্বাভাবিক

বা আকস্মিক। ইক্ষুর মিষ্টতা, নিষের তিক্ততা, পাখীর পালক আর গোলাপের কণ্টক সবই স্বাভাবিক ভাবে হয়। কেউ যদি বলে যে, এসবই আকস্মিক, তাতেও আপত্তি নেই। ঈশ্বর বলে কোন অতীন্দ্রিয় সত্তা এসব সৃষ্টি করেছেন, একথা বলা সম্পূর্ণ অর্থহীন। বিশ্ব জুড়ে আকস্মিক ঘটনার খেলা চলেছে। জগতের কোন ছক নেই, নিছক খেলা-খুশিতেই তার চলা। চার্বাকদের এই মতবাদের নাম 'স্বথেষ্টবাদ'।

কোন কোন চার্বাক অন্য কথা বলে। তাদের মতে জগতের সবকিছুই স্বাভাবিক ভাবেই ঘটে। স্বভাব বা প্রকৃতিই সমস্ত ঘটনার নিয়ামক। বিশ্বলীলা স্বভাব-লীলা, এটা কোন অতীন্দ্রিয় চেতক পুরুষের লীলা নয়। এই মতবাদের নাম 'স্বভাববাদ'।

চার্বাকরা ক্ষিত্তি, অপ, ত্রেজ ও মরুৎ এই চতুর্ভূতের অস্তিত্ব স্বীকার করে। তাদের মধ্যে 'ব্যোম' প্রত্যক্ষগ্রাহ্য নয় বলে অগ্রাহ্য। এই নিত্য চতুর্ভূতের সমন্বয়েই জগতের বিভিন্ন জটিল বস্তুর সৃষ্টি। প্রশ্ন উপনিষদে কবন্ধি কাট্যায়ন মুনিও অনুরূপ কথাই বলেছেন। চার্বাকরা বলে, প্রাণ ও মন জড় চতুর্ভূত থেকেই এসেছে। জড় থেকে প্রাণ এসেছে, এমন কথা বৃহস্পতি বলেছেন। পাণ্ডবেদের পরমেষ্টিবাদ বোধ হয় এই জাতীয় ধারণার উৎস।

চার্বাকদের মতে দেহই আত্মা, দেহাতিরিক্ত আত্মা বলে কিছু নেই। দেহ পঙ্গু হলেই ত লোকে বলে 'আমি পঙ্গু', দেহ রুগ্ন হলে বলে 'আমি রুগ্ন'। এসব লোক-ব্যবহার থেকে স্পষ্ট বোঝা যায়, 'দেহ' আর 'আমি' অভিন্ন। তার মানে দেহ ও আত্মা একই জিনিষ। মানবদেহ চতুর্ভূতের সৃষ্টি। চৈতন্য মানবদেহেরই একটি গুণ। চতুর্ভূতের বিশেষ সমবায়ের ফলে মানবদেহের উৎপত্তি হয়, তখনই এই গুণেরও আবির্ভাব হয়। মানবের মৃত্যুর সঙ্গে সঙ্গে এই গুণ বিনষ্ট হয়ে যায় ও দেহ চতুর্ভূতে পরিণতিলাভ করে। মৃত্যুই জীবনের শেষ। মৃত্যুর পর আর কোন জীবন নেই। পরলোক স্বর্গীয় পুরোহিত সম্প্রদায়ের সৃষ্টি। অমরতা বলে কিছু নেই। সংসারের সবকিছুই মরণশীল ও ভঙ্গুর।

চার্বাকরা বলে, পান, চুন ও সুপুঁরি কোনটাই লাল নয়, কিন্তু এদের এক সঙ্গে চিবুলে একটা লাল আভা লক্ষ্য করা যায়। তেমনি চতুর্ভূতে চৈতন্য নেই, কিন্তু চতুর্ভূতের বিশেষ সমবায়ের 'চৈতন্য' নামে এক নূতন গুণের আবির্ভাব হয়। আমরা একে 'নবোদ্ভিন্ন গুণ' বলতে পারি। হাল আমলের পাশ্চাত্য দর্শনে 'নবোদ্ভিন্ন অভিব্যক্তি (Emergent Evolution) নামে একটি মতবাদ প্রচলিত আছে। আলেকজেন্ডার ও মরগান এই মতবাদের প্রবক্তা। এঁরাও

মনে করেন যে, চৈতন্য একটি নবোদ্ভিন্ন গুণ। 'বস্তু'র নবোদ্ভিন্ন গুণ 'প্রাণ', আবার 'প্রাণ' থেকে নবোদ্ভিন্ন গুণ চৈতন্য। আশ্চর্য্য হতে হয় এই ভেবে যে, বহুকাল আগে ভারতীয় জড়বাদীরা এ ধরনের কথাই বলে গেছেন। বৃহদারণ্যক উপনিষদেও জড় থেকে চৈতন্যের আবির্ভাবের বিষয় লক্ষ্য করা যায়। ছান্দোগ্য উপনিষদের ইন্দ্র-বিবোচন উপাখ্যানে দেহকেই আত্মা বলা হয়েছে।

পরবর্তীকালে অবশ্য চৈতন্যের উৎপত্তি নিয়ে চার্বাকদের মধ্যে অন্যান্য কয়েকটি মতবাদ প্রচলিত হয়েছিল। কেউ কেউ বলত, ইন্দ্রিয় থেকেই চৈতন্যের উৎপত্তি। কেউ আবার বলত—প্রাণই চৈতন্যের উৎস। অন্য কারও কারও মতে মনই চৈতন্যের আধার। অবশ্য এরা কেউই প্রাণ ও মনের স্ব-নির্ভর সত্ত্বা স্বীকার করত না। এদের মতে প্রাণ ও মন দেহ থেকে ভিন্ন হয়েও দেহের উপর নির্ভরশীল।

চার্বাকদের মতে জীবদেহই জীবাত্মা। সুতরাং এদের মতে আত্মোপলব্ধি মানে দেহ-সংজ্ঞা। দৈহিক বা ইন্দ্রিয়-সুখই জীবনের পরম পুরুষার্থ। চার্বাকরা ত জোর গলায়ই বলেছে—'কাম এতৈবক পুরুষার্থঃ'। সংসারে দুঃখ আছে, বিরহ, মৃত্যু, রোগ, শোক সবই আছে। কিন্তু তা বলে সুখ নেই, এমন কথা বলবে কে? যদি সুখ না থাকত, তবে কি মানুষ বাঁচতে চাইত, তবে কি মানুষ মৃত্যুর নাম শুনে আতঙ্কে শিউরে উঠত? যেহেতু মানুষ বাঁচতে চায়, যেহেতু মানুষ মৃত্যুকে ভয় করে, সুতরাং সংসারে সুখ যে দুঃখের চেয়ে অনেক বেশী, মিলন যে বিরহের চেয়ে অনেক দীর্ঘস্থায়ী, শোক যে অ-শোকের চেয়ে ক্ষণস্থায়ী, তা মানতেই হবে। সুখদুঃখের যুক্তবেণী বয়ে চলেছে। বুদ্ধিমানেরা সুখধারায় স্নান করবে, দুঃখ-ধারার কাছে তারা যাবে কেন? আর সুখের সঙ্গে দুঃখ মিলে আছে বলে সুখ কি ছাড়তে আছে? কমলে কণ্টক আছে বলে কমল কি পরিত্যজ্য? মাছে ত কাঁটা আছে, সজ্ঞে কি সোকে মাছ থাকে না? ধানে তুষ আছে বলে ধান কি কেউ ফেলে দেয়? জীবনের পাত্র থেকে সুখামৃত গ্রহণ করতে হবে। সুখই কাম্য, সুখই স্বর্গ। দুঃখই জঞ্জাল, দুঃখই নরক। সুখ-দুঃখ ছাড়া স্বর্গ-নরক বলে অণুকিছু নেই। বেদে যে স্বর্গ ও নরকের কথা আছে, তা কি কেউ দেখেছে? যা কেউ দেখেনি তা ত কেউ জানেও না। আর যা কেউ জানে না, তা নিয়ে কথা বলাও উচিত নয়। পুরোহিত সম্প্রদায় নিজেদের রুজি-রোজগারের ব্যবস্থা করার জন্য মানুষকে স্বর্গ, নরক, পাপ, পুণ্য প্রভৃতি অস্বাভাবিক বস্তুর কথা শুনিয়ে এসেছে। পুরোহিতেরা স্বার্থ-কথাকেই পরার্থ-কথা বলে চালিয়ে লোকের চোখে ধুলো দিয়েছে। বুদ্ধিমানেরা এসব কথায় বিশ্বাস করবে না।

চার্বাকরা আরও বলে—অন্ধকার না থাকলে কি আলোর রূপ বোঝা যায়? কালোর পাশে থাকলেই ত আলোর ছটা খোলে। তেমনি দুঃখ আছে বলেই ত সুখের এত মাধুর্য্য। মানুষ অনেকক্ষণ অভুক্ত থাকলেই ত অন্নের অমৃত স্বাদ পায়। তৃষ্ণার্ত না হলে কি জলের মর্ম বোঝা যায়? বিরহের মধ্যেই প্রেমের সার্থকতা। বিচ্ছেদের পরে যে মিলন, তাই সবচেয়ে মধুর। সুতরাং দুঃখের মধ্যেই সুখ সবচেয়ে সুন্দর, সবচেয়ে সার্থক ও সবচেয়ে মধুর। সুখের জন্যই দুঃখকে আমরা গ্রহণ করব। পূর্বজন্ম নেই, পরজন্ম নেই। অতীত বিগত, ভবিষ্যৎ অনিশ্চিত। এই অবস্থায় বর্তমান জীবনের সুখই আমাদের একমাত্র কাম্য। জীবনের পরিপূর্ণ রসাস্বাদই একমাত্র পুরুষার্থ। তাই চার্বাকেরা বলে—'যতকাল বাঁচবে, সুখে বাঁচ; এই দেহ একবার ধ্বংস হলে আর ত ফিরে আসবে না।'

পরবর্তীকালে সুশিক্ষিত চার্বাকদের হাতে এই মত অনেকটা পরিমার্জিত হয়েছিল। তাদের কাছে কেবলমাত্র নীচ স্তরের ইন্দ্রিয়সুখই জীবনের আদর্শ ছিল না। তারা চতুষ্টিকলা-চর্চায় যে সুখ তাও জীবনের আদর্শের অঙ্গীভূত করেছিলেন।

চার্বাকরা ঈশ্বরের অস্তিত্বে বিশ্বাস করত না। আগেই ত বলেছি, তাদের একমাত্র প্রমাণ ইন্দ্রিয়-প্রত্যক্ষ। ইন্দ্রিয়-প্রত্যক্ষে অতীন্দ্রিয় ঈশ্বরকে কখনই জানা যায় না। চার্বাকরা বলে—যদি সর্বশক্তিমান ঈশ্বর থাকতেন, তবে তাঁর অস্তিত্ব সম্বন্ধে নিশ্চয় তিনি মানুষের মনে এত সন্দেহ রাখতেন না। দীন-দুনিয়ার মালিক ঈশ্বর বলে কেউ নেই। দেশের রাজাই দেশের একমাত্র মালিক। তিনিই সামাজিক ঞায়-অন্য় নির্ধারণ করেন। তাঁর আইন ও আদালতই চরম আইন ও আদালত। কিন্তু তা বলে চার্বাকেরা রাজার স্বৈরাচার সমর্থন করত না। তারা দ্বিধাহীন কণ্ঠেই বলেছে—'লোকসিন্ধো ভবেৎ রাজা...।' রাজাকে প্রজারঞ্জক হতে হবে। যে রাজাকে তাঁর প্রজারা মানে না, সে রাজা রাজাই নয়।

চার্বাকরা মানুষে মানুষে কৃত্রিম ভেদ মানত না। তারা বলত—ব্রাহ্মণ চণ্ডালে আবার প্রভেদ কি? সকল মানুষই জীবনের অমৃতের সমান অধিকারী।

চার্বাক-দর্শন ভারতবর্ষের সনাতন ধ্যান-ধারণার বিরুদ্ধে এক বিদ্রোহবিশেষ। চার্বাক-দর্শনের বিদ্রোহ আসলে বৈদিক-বিশ্বাসের বিরুদ্ধে যুক্তির বিদ্রোহ। ভারতীয় সনাতন বিশ্বাস সম্বন্ধে যুক্তিবাদী মানুষের মনে যে সমস্ত সংশয় জাগে,

চার্বাক-দর্শন তাই প্রকাশ করেছে। সাধারণ লোকের সমস্যা ও সম্ভেদ চার্বাক-দর্শনের উপজীব্য বলে এর আর এক নাম 'লোকায়ত-দর্শন'। দর্শনের জগতে সমস্যা-সমাধান বড় কথা নয়, সমস্যাসৃষ্টিই বড় কথা। চার্বাকরা নানা সমস্যার সৃষ্টি করেছে। সেই জন্ত পরবর্তীকালের ভারতীয় দর্শন-শোচনা এদের খণ্ডন না করে অগ্রসর হতে পারে নি। এই দিক থেকে দেখলে ভারতীয় দর্শনের ইতিহাসে চার্বাক-দর্শন

যে একটি বিশিষ্ট স্থান অধিকার করে আছে, তা মানতেই হবে।


এই প্রবন্ধ লিখতে যে সমস্ত গ্রন্থের সাহায্য নিয়েছি—

দক্ষিণারঞ্জন শাস্ত্রী—A Short History of Indian Materialism

মাধবাচার্য—সর্বদর্শন সংগ্রহ

হরিভদ্র—ষড়দর্শন সমুচ্চয়

রাধাকৃষ্ণন—Indian Philosophy, Vol I,



চৈতালী ছন্দ—সাঁওতালী দেশে

শ্রীগোবিন্দ মুখোপাধ্যায়

বল, তবে কোথা যাব—আমলকী-পরাগ-ঝরানো,
মহুয়ার সুগন্ধে মাতাল—এই রাঙা প্রান্তরের
দেশ ছেড়ে ? এই চৈত্রদিনে ! চেউখেলা পাথরের
বাকে বাকে আঙ্গিন বসন্তের—শিমুলে পলাশে ;
বামনকু-আঁকা-পাখা প্রজাপতি ; মৌমাছির গানও
আকুল করে যে মন ! কি যে ব্যস্ত আয়োজন, জানো,
নীড়বাধা ! আঁকাবাকা বনপথ । রাঙা দিগন্তের
গায়ে সাঁওতালী গ্রাম । অরণ্যের স্পর্শ ঘাসে ঘাসে ।

চিহ্নার হৃদয় ছায়া অকস্মাৎ দু'চোখ জুড়ানো
রুক্ষ প্রান্তরের বৃকে : সাঁওতালী বন অঙ্গনারা
গান গায় । মহুয়ার তাজা মদে আবেগ-উচ্ছল—
শোণিতে আগ্নেয় ছন্দ । বিবিবিবি বর্গার জল
অশোকের ফুলে লাল ; জলজলে ওঠে সঙ্ঘাতারা ;
এ-দেশ কি ভোলা যায় ! ছেড়ে যাওয়া—যৌবন ফুরানো ।

২


কুঁড়ে তোলা কালো পাথরের কিউপিড, ভেনাসের
মূর্তি ত দেখি নি ; তবু, তাদের জীবন্ত রূপায়ণ
এখানে গ্রামে, বনে, উপত্যকায় । বাৎস্যায়ন
তোলা থাক ; এস—দেখি, ভ্যান গগ্—গর্গার দৃষ্টিতে—
কি মিষ্টি মহুয়াফুলে উপচানো গন্ধ বাতাসের !
আহা, প্রাণ-শক্তিবলে গৈরিক পৃথিবী, মানুষের
সবল পেশীতে বাধা ; কি সরল সাঁওতালী মন !
জীবিকার প্রশ্ন তুচ্ছ, মাতে ওরা আনন্দ-সৃষ্টিতে ।

পুরাণের প্রমীলার নারীদেশ—তবু স্বপ্ন আনে,
গ্রীসের পুরুষদেশ 'মাউন্ট এথস্' মনে হয়—
ব্যর্থ, অন্তত আমার কাছে ; জীবনের মূল্যায়ন
করে এরা আদিম হৃদয়াবেগে । অরণ্য-রমণ
চৈত্রের বাতাস কাঁপে শালে ও পলাশে ; বনময়
উত্তল প্রাণের ছন্দ—সাঁওতালী নাচে প্রেমে, গানে ।

৩

ডিমি ডিমি নাকাড়া মাদল বাজে গ্রামে ; দূর বনে
বাঁশের বাঁশীতে উচ্ছল সুরের লাভা ; হাতে-বোনা
আঁটো শাড়ী-পরা মেয়ে উদ্ধত-যৌবন—গায়ে সোনা
রোদ জলে, উৎস যেন,—গাছের ছায়ায় গান গায়,
ফুল তোলে, ঝাঁকানো খোঁপায় গৌজে ;—পড়ে তার মনে
সহসা নাচের কথা—দল বেঁধে উৎসব-অঙ্গনে—
মাথায় পালক গৌজা বিচিত্র পাখীর, গান শোনা
পুরুষ বাজায় বাঁশী, শোণিতে কি চেউ খেলে যায় ।

এখানে অরণ্য দেশে আনন্দের সহজ প্রকাশ—
মাটিতে পাথরে, গাছে, পাখীদের কলকাকলিতে,
পশুচারণের মাঠে, শিকারের উদ্দাম লীলায়,
বর্গার মঞ্জুল ছন্দে, উৎসবের চত্বরে, টিলায় ।
কোথাও পাবে না তুমি শহরের অলিতে-গলিতে ।
এ-আনন্দ খুঁজে, আর, জীবনের উজ্জল আশ্বাস ।



জীবনবীমার রাষ্ট্রায়ত্তকরণ—কাহার স্বার্থে?

শ্রীকরণাকুমার নন্দী

১

ভারতের সমগ্র জীবনবীমা ব্যবসায়ের রাষ্ট্রায়ত্তকরণের যে আকস্মিক সিদ্ধান্ত ভারত সরকার গত বৎসর গ্রহণ করেন ও তদনুরূপ ব্যবস্থা করেন, সে বিষয়ে নানা গুরুতর প্রশ্নের জবাব সরকার-পক্ষ হইতে আজিও, প্রায় বৎসরকালের মধ্যে, পাওয়া যায় নাই। জীবনবীমা ব্যবসায়ের সঙ্গে দেশের জন-সংখ্যার একটি বিরাট অংশের স্বার্থ ওতপ্রোত ভাবে জড়িত রহিয়াছে। এই কারণে যেমন একদিকে ইহার সুষ্ঠু পরিচালনায় খানিকটা সরকারী দায়িত্ব স্বভাবতঃই থাকা প্রয়োজন ও সমীচীন, তেমনি ইহার পরিচালন-ব্যবস্থায় অভাবিতপূর্ব্ব যে-কোনও সরকারী সিদ্ধান্তের কার্য-কারণ সম্বন্ধীয় বিস্তৃত ব্যাখ্যা সাধারণ্যে পেশ করিবার দায়িত্বও সরকার-পক্ষ হইতে এড়াইয়া যাইবার চেষ্টা করা অসমীচীন।

এই অভূতপূর্ব্ব ব্যবস্থা অবলম্বনের সপক্ষে সরকার বীমা-কারীদের স্বার্থরক্ষাকল্পে তাঁহাদের দায়িত্বের কথা মাত্র উল্লেখ করিয়া সকল প্রশ্নের সমাধান করিয়াছেন। এই দায়িত্ব পালনের প্রয়োজনেই ১৯৩৮ সালের ভারতীয় বীমা আইন প্রবর্তিত হয় এবং ইহারই কারণে পুনর্বার সেই আইন সংশোধন করিয়া ১৯৫০ সালের সংশোধিত আইন প্রবর্তন করা হয়। তবে কি ইহা বুঝিতে হইবে যে, এই পর পর প্রণীত আইনের দ্বারা বীমাকারীদের স্বার্থরক্ষা করা সম্ভব হইল না, কিংবা এমন কোনও অতিরিক্ত সংশোধনী প্রস্তাবের খসড়া সরকারী মহলে যোগাইল না যাহার দ্বারা বীমা-কারীর স্বার্থসংরক্ষণ সম্ভব হইতে পারিত এবং যাহার ফলে একমাত্র সরাসরি রাষ্ট্রায়ত্তকরণ ব্যতীত বীমাকারীর স্বার্থরক্ষা করা চলে এমন কোনও সুষ্ঠু পরিচালন ব্যবস্থা সরকারী মতে সম্ভব ছিল না। এ বড় অদ্ভুত সিদ্ধান্ত!

বীমাকারীর স্বার্থের দিক দিয়া বিশ্লেষণ করিয়া দেখিলে এ কথা বুঝা কঠিন হইবে না যে, তিনটি বিষয়ে বীমাব্যবসায় পরিচালন-ব্যবস্থায় তাহার স্বার্থহানি হইবার আশঙ্কা ঘটিতে পারে। এক যদি লগ্নীকৃত বীমা তহবিল সম্বন্ধে এমনকিছু করা হয় যাহার দ্বারা লগ্নীর নিরাপত্তা নষ্ট হইবার আশঙ্কা ঘটে; দুই, যদি পরিচালন-ব্যয় সম্বন্ধে যথেষ্ট অপচয় ঘটাইয়া নির্ধারিত ব্যয়-সীমা অনবরত অতিক্রম করা হয় এবং তাহার ফলে বার্ষিক তহবিল বৃদ্ধি নির্দিষ্ট ন্যূনতম গতিতে অগ্রসর হইতে বাধাপ্রাপ্ত হয় এবং তিন—

যদি আমানতকারী বা বীমাকারীর উচিত পাওনা যথাযথ ভাবে এবং নির্ধারিত পরিমাণে ও উপযুক্ত সময়ের মধ্যে ফিরিয়া পাইবার পথে কোনও বিঘ্ন ঘটবার আশঙ্কা থাকে।

আরও দুই একটি বিষয়ের সঙ্গে যে বীমাকারীর স্বার্থ সংশ্লিষ্ট থাকিতে না পারে তাহা নহে। যথা—বীমার নির্ধারিত চাঁদার হার (premium rates) বীমাকারীর স্বার্থে গুরুতর আঘাত হানিতে পারে। এই দিক দিয়া বীমা কোম্পানী-সমূহের মধ্যে পারস্পরিক প্রতিযোগিতাই বীমাকারীর স্বার্থ-সংরক্ষণের শ্রেষ্ঠতম সহায়ক। এই প্রসঙ্গে উল্লেখ করা যাইতে পারে যে, দ্বিতীয় মহাযুদ্ধের চেষ্টা যখন এদেশে আসিয়া আঘাত করিল, তাহার ফলে দেশে যে অর্থ-প্রাচুর্যের বৃদ্ধি শুরু হইল, সে সময়ে জীবনবীমা ব্যবসায় অভূতপূর্ব্ব প্রসার-লাভ করে। বীমা কোম্পানীগুলির, বিশেষ করিয়া অগ্রণী কোম্পানীগুলির মধ্যে পারস্পরিক প্রতিযোগিতার সাময়িক ভাবে কোনও তাগিদ রহিল না। দেশময় প্রচুর অর্থের অল্পপাতে সীমাহীন নূতন বীমা-ব্যবসায়ের সুযোগ উপস্থিত হইল, কেবল দু'হাতে কুড়াইয়া লইবার অপেক্ষা মাত্র। এই অবসরে বৃহত্তম কয়েকটি বীমা কোম্পানী কয়েক দফায় চাঁদার হার প্রচুর পরিমাণে বাড়াইয়া দিয়াছিল। কিন্তু তাহা সাময়িক ভাবে মাত্র। যুদ্ধোত্তরকালে টাকার বাজারে অনিবার্য টান ধরিতেই যখন প্রতিযোগিতার প্রয়োজন নূতন করিয়া শুরু হইল তখন ইহারই আবার চাঁদার হার কমাইয়া লইতে বাধ্য হইল।

সে যাহা হোক, তিনটি বিষয়ের দিকে কড়া নজর রাখিতে পারিলেই বীমাকারীর মূল স্বার্থ সম্পূর্ণ ভাবে নিরাপদ করিয়া রাখা সম্ভব তাহার উল্লেখ উপরে করা হইয়াছে। সমগ্র ভারতীয় জীবনবীমা ব্যবসায়ের রাষ্ট্রায়ত্তকরণের প্রাক্কালে দেশে যে বীমানিয়ন্ত্রণ আইন (ভারতীয় সংশোধিত বীমা আইন, ১৯৫০), বলবৎ ছিল তাহাতে এই তিনটি বিষয়-সংক্রান্ত আইনের কি কি নির্দেশ ছিল তাহার বিচার করিলেই বুঝা যাইবে, বীমাকারীর স্বার্থ কতটা সে ভাবে সংরক্ষিত করিবার আইনানুগ আয়োজন প্রচলিত ছিল।

প্রথমতঃ দেখা যাক বীমাতহবিল লগ্নীকরণ সম্বন্ধে এই আইনে কোনও নির্দেশ ছিল কিনা এবং থাকিলে তাহার দ্বারা লগ্নীকৃত তহবিলের নিরাপত্তা কতদূর রক্ষিত হইবার সম্ভাবনা ছিল। ভারতীয় বীমা (সংশোধিত) আইন,

১৯৫০-এর ২৭ হইতে ৩১ সকল ধারাগুলিই জীবনবীমা তহবিলের লগ্নীকরণ-সংশ্লিষ্ট। ২৭ ধারায় জীবনবীমা তহবিলের লগ্নীর উপায় ও বিস্তৃতি সম্বন্ধে সাধারণ ভাবে নির্দেশ দেওয়া হইয়াছে। কিন্তু ২৭ক (27A) ধারায় তহবিলের কতটুকু অংশ কি কি বিশেষ লগ্নীতে খাটানো হইবে তাহার বিস্তৃত ও পুঙ্খানুপুঙ্খ নির্দেশ লিপিবদ্ধ করা হইয়াছে। এই ধারাটির সকল নির্দেশ এমন ভাবে সাজাইয়া দেওয়া হইয়াছে যে, বীমা কোম্পানী-বিশেষের কর্তৃপক্ষের জীবনবীমা তহবিলের অর্থ লগ্নীকরণে নিজেদের স্বাধীন ইচ্ছা বা বিচার প্রয়োগ করিবার অবকাশ সঙ্কীর্ণতম পরিধির মধ্যে সীমিত করিয়া রাখা হইয়াছে। ২৯ ধারার নির্দেশের দ্বারা জীবনবীমা তহবিল হইতে ব্যক্তিগত ঋণদান নিষেধ করা হইয়াছে। ৩০ ধারার দ্বারা ২৭ হইতে ২৯ ধারার নির্দেশসমূহ অমান্য করিলে পরিচালক গোষ্ঠীর (Board of Directors) সভ্যগণকে সামগ্রিক ও ব্যক্তিগত ভাবে দায়ী করিবার এবং কোম্পানীর তহবিলের ক্ষতিপূরণ করিবার ব্যবস্থা করা হইয়াছে এবং ৩১ ধারায় কিভাবে লগ্নীকৃত তহবিল রক্ষা করিতে হইবে তাহার বিশদ নির্দেশ দেওয়া হইয়াছে। ২৮ এবং ২৮বি ধারায় কিভাবে লগ্নীর হিসাব রাখিতে হইবে ও কোন্ কোন্ সময়ে তাহা সরকারী কন্ট্রোলার অফ ইনস্যুরেন্সের নিকট দাখিল করিতে হইবে তাহা নির্দিষ্ট করিয়া দেওয়া হইয়াছে।

জীবনবীমা তহবিল লগ্নী সংক্রান্ত উপরোক্ত আইনের নির্দেশসমূহ হইতে সহজেই প্রতীয়মান হইবে যে, জীবনবীমা-ব্যবসায়ের রাষ্ট্রায়ত্ত্বকরণের আবশ্যিকত পূর্বে দেশে এই ব্যবসায়ের নিয়ন্ত্রণকল্পে যে আইন বলবৎ ছিল, তাহার নির্দেশ মানিলে অন্ততঃ কোম্পানীর কর্তৃপক্ষের দোষে আমানতী অর্থের নিরাপত্তা বিঘ্নিত হইয়া বীমাকারীর স্বার্থহানি হইবার কোনই আশঙ্কা ছিল না। ভাল হউক বা মন্দ হউক, জীবনবীমা তহবিলের লগ্নীকরণের প্রায় সম্পূর্ণ দায়িত্ব আইনের নির্দিষ্ট ধারাসমূহের মধ্যে আবদ্ধ করিয়া রাখা হইয়াছিল এবং কোম্পানীর কর্তৃপক্ষের ব্যক্তিগত বিচার-বিবেচনার অবকাশ নিতান্তই সঙ্কীর্ণ গণ্ডীর মধ্যে সীমাবদ্ধ করিয়া রাখা হইয়াছিল। এই আইনের একচ্ছত্র প্রয়োগকর্তা সরকারী কন্ট্রোলার অফ ইনস্যুরেন্স, যদি সচেতন ভাবে ইহার নিরপেক্ষ প্রয়োগ সত্যই করিয়া থাকেন, তবে লগ্নীকৃত তহবিল কোম্পানীসমূহের কর্তৃপক্ষের অসমীচীন আচরণের কারণে নষ্ট হইবার কোনও আশঙ্কা ঘটিবার বিন্দুমাত্র অবকাশ হইত না। কিন্তু রাষ্ট্রায়ত্ত্ব বীমা বিল আলোচনাকালে সরকার-পক্ষ হইতে পার্লামেন্টে এরূপ অসম্ভব ঘটনারও উল্লেখ করা হইয়াছে। অবশ্য এরূপ একটি কি দুইটি ঘটনা ঘটিয়াছে

মাত্র এবং সেই অভূহাতে দেশের সকল বীমা-ব্যবসায়ীই বীমাকারীর স্বার্থ নষ্ট করিবার দুর্ভিসন্ধি করিয়া বসিয়াছিলেন এরূপ অভিযোগ অত্যাচার। কিন্তু আসল কথা তাহাও নহে। আসল কথা এইটুকু যে, সরকারী বীমা আইন প্রয়োগকর্তা কিভাবে এই আইনের প্রয়োগ করিয়াছিলেন যে, ২৭ হইতে ৩১, ঐ আইনের লগ্নী-সম্পর্কীয় সকল ধারাগুলির নির্দেশ মত্তেও কোম্পানী-বিশেষের কর্তৃপক্ষের পক্ষে বৎসরের পর বৎসর বীমাকারীর আমানতী লগ্নীকৃত তহবিলের বে-আইনী অপপ্রয়োগ সম্ভব হইয়াছিল? উপরোক্ত যে-কোনও ধারা অমান্য করার ফলেই ত ৩০ ধারা অনুযায়ী ব্যবস্থা তখনই অবলম্বিত হইতে পারিত ও হওয়া উচিত ছিল। কিন্তু ক্ষেত্রবিশেষে তাহা যে হয় নাই ইহার যখন স্পষ্ট প্রমাণ পাওয়া গিয়াছিল তখনই সরকারী সিদ্ধান্ত এই হইল যে, সকল জীবনবীমা কোম্পানীর কর্তৃপক্ষই বিশ্বাস ও দায়িত্বের অল্প-যোগী এবং একমাত্র সমগ্র জীবনবীমা ব্যবসায়ের রাষ্ট্রায়ত্ত্বকরণের দ্বারাই বীমাকারীর উপযুক্ত স্বার্থ সম্পূর্ণ সংরক্ষণ করা সম্ভব হইতে পারে।

আশ্চর্যের বিষয়, এই বিষয়টি লইয়া পার্লামেন্টে বিতর্কের সময় সরকার-বিরোধী দলের কেহই এমন প্রশ্ন উত্থাপন করেন নাই যে, যে সকল কোম্পানীর তহবিল কোম্পানী কর্তৃপক্ষের বে-আইনী বা অসমীচীন পরিচালনার ফলে ক্ষয়প্রাপ্ত হইয়াছিল তাহার প্রধান কারণ এই ছিল যে, বীমা আইনের প্রয়োগে সরকারী কন্ট্রোলার মহাশয় নিজের দায়িত্ব বা কর্তব্য যথাযথ ভাবে পালন করেন নাই। পূর্বেই দেখা গিয়াছে, এই বিষয়ে আইনের নির্দেশ এমন সর্বতোমুখী ছিল যে, তাহার যথাযথ প্রয়োগ হইলে সংশ্লিষ্ট কোম্পানী-গুলির তহবিলের নিরাপত্তা কর্তৃপক্ষের অত্যাচারের দ্বারা বিঘ্নিত হইবার আশঙ্কা প্রায় ছিল না বলিলেই হয়। তবু যে ক্ষেত্রবিশেষে এরূপ ঘটতে পারিয়াছিল তাহার একমাত্র কারণ সরকারী বীমা আইন প্রয়োগকর্তার দায়িত্বহীনতা ব্যতীত আর কিছুই হইতে পারিত না। ইহা হইতে এই একমাত্র সিদ্ধান্তে পৌঁছানো যায়, যে সরকারী কন্ট্রোলারের দোষত্রুটি ঢাকিবার উদ্দেশ্য-প্রণোদিত হইয়াই সমগ্র ভারতীয় জীবনবীমা ব্যবসায়ের উপরে এই আঘাত হানা হইয়াছে। এ পর্যন্ত সরকার-পক্ষ হইতে ভারতীয় বীমা (সংশোধন) আইন, ১৯৫০-এর প্রয়োগে কন্ট্রোলার মহাশয়ের ত্রুটি-বিচ্যুতি বিষয়ে কোনও বিভাগীয় বা অন্য কোনও প্রকার তদন্তের ব্যবস্থা করা প্রয়োজন মনে করা হয় নাই। বরং নবমুঠ ভারতীয় সরকারী জীবনবীমা অধিকরণে (Life Insurance Corporation of India) উক্ত কন্ট্রোলার মহাশয়কে উপরন্তু একটি দায়িত্বপূর্ণ পদে বহাল করিয়া

পূরস্কৃত করা হইয়াছে। ইহা হইতেই বুঝা কঠিন হইবে না যে, অন্ততঃ লগ্নীকৃত জীবনবীমা তহবিলের নিরাপত্তার দ্বারা বীমাকারীর স্বার্থসংরক্ষণকল্পে সরকারপক্ষ হইতে এই ব্যবসায়টিকে রাষ্ট্রায়ত্ত করা হয় নাই—ইহা অজুহাত মাত্র। ইহাতে অন্য উদ্দেশ্য নিহিত আছে।

এই প্রসঙ্গে স্বতঃই এই প্রশ্ন জাগে, যখন দৃশ্যতঃ বীমা আইনের সম্পূর্ণ প্রয়োগ হইলে কোনও জীবনবীমা কোম্পানী-বিশেষের পক্ষে কোনরূপে ইহার নিকট গুস্ত আমানতী জীবনবীমা তহবিল তহরূপ হওয়ার বা ইহার নিরাপত্তা বিঘ্নিত হইবার আশঙ্কার কোনই অবকাশ আইনের কাঠামোর মধ্যে ছিল না, তখন একমাত্র এই আইনের প্রয়োগের অভাবেই, যে-কোনও ক্ষেত্রেই হউক, এমনটি ঘটতে পারিত। যখন সরকারের নিকট প্রমাণ উপস্থিত হইল যে, ক্ষেত্রবিশেষে এমনটিই ঘটয়াছিল, তখন সরকারের কর্তব্য ছিল, কি কারণে এমনটি ঘটা সম্ভব হইয়াছিল সে বিষয়ে তদন্ত করা এবং ইহার জ্ঞাত ব্যক্তি-বিশেষে দায়িত্ব নিরূপণ করা। কিন্তু এই সাধারণ নিয়মের ব্যতিক্রম করিয়া সরকার-পক্ষ হইতে ক্ষেত্রবিশেষে আইনের নির্দেশ অমান্য করার দায়িত্ব সমগ্রভাবে ভারতীয় জীবনবীমা ব্যবসায়ের উপর রাষ্ট্রায়ত্তকরণের মাধ্যমে চাপাইয়া দিবার এই যে চেষ্টা ইহা হইতে একমাত্র প্রমাণ হয়, সরকার-পক্ষ হইতে বীমা আইন প্রয়োগকর্তার দায়িত্বহীনতার প্রমাণ এই ভাবে চাপা দিবার চেষ্টাই বীমাব্যবসায়ের রাষ্ট্রায়ত্তকরণের ব্যবস্থা হইয়াছে। এই ব্যবস্থা হইতে আরও প্রমাণ হয়, বীমাকারীর স্বার্থসংরক্ষণ চেষ্টার যে অজুহাত তাহা নিতান্তই ফাঁকা। এভাবে দায়িত্ব এড়াইবার চেষ্টার দ্বারা এইটুকুই প্রমাণ হয় যে, যখন একের দায়িত্বহীনতার দায় এভাবে চাপা দেওয়া হইল তখন নূতন সরকারী জীবনবীমা সংস্থার অনুরূপ সম্ভাব্য ভবিষ্যৎ দায়িত্বহীনতার বিরুদ্ধে বীমাকারী জনসাধারণের কোনই অভিযোগ টিকিবার বিন্দুমাত্র সম্ভাবনা নাই।

ভারতীয় পরিচালনা-গোষ্ঠীর নিয়ন্ত্রণে এদেশে জীবনবীমা ব্যবসায়ের প্রবর্তন হইয়াছে আজ ৮৫ বৎসরের উপরে। এই দীর্ঘ সময়ের মধ্যে নানারূপ ভুলক্রটি, এমনকি ক্ষেত্রবিশেষে চৌর্যাদি সত্ত্বেও সামগ্রিক ভাবে ভারতীয় জীবনবীমা-ব্যবসায় প্রশংসনীয় প্রগতি লাভ করিয়াছে এবং মোটামুটি বীমাকারীর মূল স্বার্থ যথাযথ ভাবেই রক্ষা করিয়া আসিয়াছে। ইহার মধ্যে যেটুকু ভুলক্রটি এমনকি চুরীচামারি ঘটয়া গিয়াছে তাহা সমগ্রের তুলনায় নিতান্তই সামান্য। কিন্তু সে সামান্যটুকুও ঘটিবার অবকাশ যাহাতে না পাওয়া যায়, সেই কারণে দেশের জনসাধারণেরই বারংবার দাবির ফলে প্রথমে ১৯১২ সনের ভারতীয় বীমা আইন প্রত্যাহার করিয়া ১৯৩৮

সালের আইন প্রবর্তিত হয়। আবার তাহারই ফলে পুনর্বার ভারতীয় বীমা (সংশোধন) আইন, ১৯৫০-এর প্রবর্তন হয়। এই আইনের দ্বারা বীমাব্যবসায়ের সামগ্রিক পরিচালনার দ্বারা এমন নিয়মের মধ্যে বাধিয়া দিবার চেষ্টা করা হয় যে, ভুলক্রটি বা চুরি ইত্যাদির অবকাশ যথাসম্ভব সম্পূর্ণভাবে নিরসন করা সম্ভব হয়। প্রয়োজন হইলে এই আইনের আরও পুনর্বার সংশোধন বিল পাস করাইয়া লওয়াও কিছু-মাত্র কঠিন ছিল না। অত্যাচার ব্যবসায়ের যে এমন ভুলক্রটি, এমনকি চৌর্যাদিও ঘটে নাই এমন নহে। উদাহরণ-স্বরূপ ভারতীয় ব্যাঙ্ক ব্যবসায়ের উল্লেখ করা যাইতে পারে। ভারতীয় ব্যাঙ্ক ব্যবসায়ের ইতিহাসের সঙ্গে যঁারা পরিচিত আছেন তাহার ভাঙ্গভাবেই জানেন কিভাবে বারে বারে দেশময় কত ব্যাঙ্ক ফেল হইয়াছে এবং তাহার ফলে দেশসুদ্ধ ধনীদরিদ্র এবং বিশেষ করিয়া কত মধ্যবিত্ত আমানতকারীদের রক্ত-জলকরা অর্থ সমূলে বিনষ্ট হইয়াছে। আজও তাহার জের কাটে নাই এবং এখনও এমন ফেল হওয়া বহু ব্যাঙ্কের সম্পত্তি হাইকোর্ট নিযুক্ত লিকুইডেটরের তত্ত্বাবধানে রহিয়াছে। এ সকল বন্ধ করিবার জ্ঞাত অবশ্যই উত্তরোত্তর কঠিন নিয়ম-নির্দেশ সম্বলিত আইন প্রণয়ন করিয়া ব্যাঙ্ক ব্যবসায়ের পরিচালনা সুষ্ঠু ভাবে নিয়ন্ত্রিত করিবার ব্যবস্থা অবলম্বন করা হইয়াছে। জীবনবীমা ব্যবসায়ের উঠতি পড়তির ফলে দেশের যত না লোক ক্ষতিগ্রস্ত হইয়াছে, তাহার অনেক অধিক হইয়াছে ব্যাঙ্ক ব্যবসায়ের উঠতি পড়তির দ্বারা। তথাপি সেই অজুহাতে সরকার পক্ষ হইতে দেশের সামগ্রিক ব্যাঙ্ক ব্যবসায়ের সম্পূর্ণ রাষ্ট্রায়ত্তকরণের কথা তোলা হয় নাই। সম্পত্তি কিছুদিন হইল ভূতপূর্ব ইম্পিরিয়াল ব্যাঙ্কটিকে অবশ্য সরকারী ব্যাঙ্কে পরিণত করা হইয়াছে। কিন্তু তাহার দ্বারা সমগ্র ভারতীয় ব্যাঙ্ক ব্যবসায়ের রাষ্ট্রায়ত্তকরণ ঘটে নাই।

কিন্তু এই প্রসঙ্গের অধিকতর আলোচনায় প্রবৃত্ত হইবার পূর্বে দেখা যাক বীমাকারীর স্বার্থ কি ভাবে রাষ্ট্রায়ত্তকরণের দ্বারা অধিকতর শুরক্ষিত হওয়া সম্ভব। জীবনবীমা তহবিলের লগ্নী সম্পর্কীয় সবিশেষ আলোচনা পূর্বেই হইয়াছে। এবার পরিচালনা-ব্যয় সম্বন্ধে আলোচনা করা যাক। ভারতীয় বীমা (সংশোধন) আইনের (১৯৫০) ৪০খ (Sec. 40B) ধারায় এ বিষয়ে বিশদ নির্দেশ লিপিবদ্ধ করা হইয়াছে। এই ধারার (২) উপধারায় নির্দেশ দেওয়া হইয়াছে যে, ১৯৫০ সনের ৩১শে ডিসেম্বর তারিখের পর হইতে ভারতবর্ষে কোন জীবনবীমা কোম্পানী প্রতি বৎসর নির্দিষ্ট হারের অধিক খরচ করিতে পারিবে না। এই হার নির্ধারণ করিবার সময় জীবনবীমা কোম্পানী-বিশেষের (ক) বয়স (খ) শক্তি

অথবা বিস্তুতি এবং (গ) তাহার নির্দিষ্ট চাঁদার হারের মধ্যে সংরক্ষিত ধরনের পরিমাণ, এ সকল বিষয় সবিশেষ বিবেচনা করা হইবে। ঐ উপধারার ব্যাখ্যায় ইহাও নির্দেশ করা হইয়াছে যে, যদি কোনও বীমা কোম্পানী উক্ত নির্দিষ্ট হারের অধিক পরিচালন-ব্যয় করিয়া ফেলেন, তবে যদি সেই অতিরিক্ত ব্যয় প্রতি বৎসর এই আইনের ৬৪৮ (Sec- 64F) অনুযায়ী প্রতিষ্ঠিত ইন্স্যুরেন্স এসোসিয়েশনের লাইফ ইন্স্যুরেন্স কাউন্সিলের পরামর্শমত কর্টোলার যে অতিরিক্ত ব্যয় বরাদ্দ করিয়া দিবেন তাহার বেশী না হয়, তাহা হইলে এই উপধারার নির্দেশ অমান্য করা হয় নাই ইহাই ধরিয়া লওয়া হইবে। এই আইনের নির্দেশমত যে ভারতীয় বীমা নিয়মাবলী (Indian Insurance Rules) প্রবর্তিত হয়, তাহার ১৭৭ নং ধারার অনুযায়ী জীবনবীমা সম্পর্কীয় পরিচালন-ব্যয়বরাদ্দ বিভিন্ন কোম্পানীর বয়স এবং ব্যবসায়ের পরিমাণ অনুযায়ী নির্দিষ্ট করিয়া দেওয়া হইয়াছিল। সরকারী জীবনবীমা ব্যবসায় বিষয়ক বার্ষিক রিপোর্ট হইতে দেখা যাইতেছে যে, ১৯৫৪ সনের ৩১শে ডিসেম্বর তারিখ পর্যন্ত ১৬৯টি জীবনবীমা কোম্পানীর মধ্যে ৭৫টি নির্দিষ্ট ব্যয়বরাদ্দের গড়পড়তা শতকরা ৫ টাকার কম তাহাদের পরিচালন-ব্যয়ভার সঙ্কুলান করিয়া লইয়াছিলেন আর ৯৪টি কোম্পানী নির্দিষ্ট হারের উপর গড়পড়তা আরও শতকরা ৬.৮ টাকা অতিরিক্ত ব্যয় করিয়াছিলেন। কিন্তু উক্ত রিপোর্টে ইহাও দেখা যাইতেছে যে, শেষোক্ত ৯৪টি কোম্পানীর মধ্যে ১০ বৎসরের অধিক বয়স ও ১০ কোটি টাকার উর্দ্ধাঙ্কের সমগ্র বীমার পরিমাণগুণালা কোম্পানীর সংখ্যা ছিল ছয়টি এবং ২০ কোটি টাকার উর্দ্ধসংখ্যক বীমার পরিমাণগুণালা কোম্পানীর সংখ্যা ছিল নয়টি।

এ সকল কোম্পানীর বয়স এবং ব্যবসায়ের বিস্তৃতির পরিমাণ বিচার করিয়া ভারতীয় বীমা (সংশোধন) আইনের (১৯৫০) ৪০খ ধারার ২ উপধারা অনুযায়ী ভারতীয় বীমা নিয়মাবলীর ১৭৭ ধারায় নির্দিষ্ট ব্যয়হারের বেশী অতিরিক্ত ব্যয়বরাদ্দ মঞ্জুর করিবার সপক্ষে কোনও বিচার-সহ কারণ দেখা যায় না। তথাপি তাহারা যে অতিরিক্ত ব্যয় করিয়া চলিয়াছিলেন তাহার জন্য এক সাবধানবাণী প্রচার করা ব্যতীত অন্য কোনও ব্যবস্থা অবলম্বন আইনের প্রয়োগ-কর্তা কর্টোলার অফ ইন্স্যুরেন্স মহাশয় প্রয়োজন বোধ করেন নাই। অথচ এই আইনের ১০২(১) ধারা মতে তিনি আইনের কোনও ধারা বা উপধারা বা ইহার বলে প্রবর্তিত কোনও নিয়মাবলী (Rules) বা আদেশনামা (Orders) অমান্য করিলে যে-কোনও কোম্পানীর বা তাহার পরিচালকের বিরুদ্ধে উপযুক্ত ব্যবস্থা অবলম্বন করিতে পারিতেন।

বস্তুতঃ ভারতীয় বীমা (সংশোধন) আইনের (১৯৫০) ধারাগুলি এবং তৎসম্পর্কে প্রবর্তিত নিয়মাবলী বা আদেশনামা ইত্যাদি বিচার করিয়া দেখিলে ও তৎসঙ্গে ১৯৫০ সনের পরবর্তী এবং জীবনবীমা ব্যবসায়ের রাষ্ট্রায়ত্তকরণ-বিষয়ক সরকারী সিদ্ধান্ত গ্রহণের প্রাক্কাল পর্যন্ত কর্টোলার অফ ইন্স্যুরেন্স প্রণীত ও প্রকাশিত ভারতে বীমাব্যবসায় সংক্রান্ত বার্ষিক রিপোর্টের জীবনবীমা-বিষয়ক তথ্যগুলি বিচার করিয়া দেখিলে স্পষ্টই প্রমাণ হইবে যে, প্রথম হইতেই বীমা কোম্পানীগুলি যাহাতে আইনের সকল নির্দেশ মানিয়া চলে তাহার পক্ষে কোন বিশেষ ব্যবস্থা অবলম্বন করা জরুরী মনে করিয়া কর্টোলার মহাশয় আইনের বলে তাহার উপরে যুক্ত দায়িত্ব পালনের বিন্দুমাত্র চেষ্টা করেন নাই। অধিকাংশ কোম্পানীই আপনা হইতেই আইনের নির্দেশ মানিয়া চলিতে চেষ্টা করিয়াছে। যে সকল কোম্পানী তাহা ঐ সময়ের মধ্যে সম্পূর্ণ পারিয়া উঠে নাই বা যাহারা এ বিষয়ে অবহিতই হয় নাই, তাহাদিগকে উপযুক্ত পরামর্শ বা নির্দেশ কিংবা যে সকল স্থলে আইনভুগ শাস্তিমূলক ব্যবস্থার প্রয়োজন ছিল তাহাদের বিরুদ্ধে কোনই ব্যবস্থা অবলম্বন করা হয় নাই। ইহা কাহার দোষ? জীবনবীমা ব্যবসায়ের, নাইহার সূচু পরিচালনা নিয়ন্ত্রণ করিবার জন্য অপ্রতিহত ক্ষমতায় শক্তিমান কর্টোলার অফ ইন্স্যুরেন্সের?

এইবার বীমাকারীর প্রাপ্য অর্থের যথাযথ প্রত্যর্পণ সম্বন্ধীয় ব্যবস্থার আলোচনা করা যাক। আলোচ্য আইনের ৪৫, ৪৬, ৪৭ এবং ৪৭ক ধারায় এ বিষয়ে সম্পূর্ণ নির্দেশ দেওয়া হইয়াছে। ৪৫ ধারায় বলা হইয়াছে যে, কোন জীবনবীমাপত্র (Policy) দুই বৎসরের অধিক চালু থাকিলে কোনও অজুহাতেই, এমনকি সেই বীমাপত্র লইবার সময় বীমাকারী মিথ্যা তথ্যাদি পেশ করিয়াছিলেন কিংবা জ্ঞাতবা তথ্য পেশ করেন নাই, এমন কোনও অজুহাতেই সেই বীমাপত্র বাতিল হইতে পারিবে না। কেবল বীমা কোম্পানী দুই বৎসর হইয়া গেলেও বীমাকারীর বয়সের প্রমাণ দাবি করিতে পারিবেন এবং দাখিলী প্রমাণ অনুযায়ী প্রয়োজন হইলে বয়সের অনুপাতে বীমার অঙ্ক কম-বেশী করিতে পারিবেন। ৪৬ ধারা অনুযায়ী যদি কোনও বীমাপত্র কোনও ভারতীয় রাজ্যের আইন অনুযায়ী কোনও বীমাকারীর পক্ষে ইস্যু করা হইয়া থাকে, তবে বীমাকারী উক্ত রাজ্যের প্রচলিত আইন অনুযায়ী বীমার টাকা দাবি করিতে পারিবেন, বা তৎসম্পর্কে আদালতে নালিশ দায়ের করিতে পারিবেন।


আলোচ্য আইনের ৪৭ ধারা অনুযায়ী কোন বীমাপত্রের বিনিময়ে প্রদেয় অর্থের উত্তরাধিকার বিষয়ে যদি পরস্পরের প্রতিকূল একাধিক দাবি পেশ হয় কিংবা উহার উত্তরাধি-

কারীর দাবি যদি সম্ভবজনক বলিয়া কোন বীমা কোম্পানীর মনে হয়, তবে প্রকৃত উত্তরাধিকার প্রমাণসহ দাবি দাখিল সাপক্ষে, সেই বীমাপত্রাধিকারী অর্থ প্রদেয় হইবার ছয় মাস গত হইবার পর পূর্ণ বিবরণসহ আদালতে জমা দেওয়া যাইবে। ৪৭ক ধারা অনুযায়ী ২০০০ টাকা বা তদ্বিশ্ব যে-কোনও অঙ্কের বীমার দাবির অর্থসম্বন্ধায় বীমাকারীর উত্তরাধিকারী এবং বীমা কোম্পানীর মধ্যে কোনও মতান্তরের বিষয় কট্টোলাস অফ ইন্স্যুরেন্সের নিকট বিচারের জন্ত পেশ করা চলিবে। বিচারে কট্টোলাসের সিদ্ধান্তই শেষ বলিয়া মানিয়া লইতে হইবে এবং তাঁহার রায়ের বিরুদ্ধে আদালতে নালিশ চলিবে না। উপরোক্ত ধারাগুলির নির্দেশ হইতে দেখা যায় যে, বীমার দাবির টাকা পাওয়া সম্বন্ধেও আইনের নির্দেশ সম্পূর্ণভাবে বীমাকারীর স্বার্থ-সংরক্ষক। কট্টোলাস যদি নিরপেক্ষভাবে এবং বিবেকের সহিত আইনের এই ধারাগুলির নির্দেশ সম্পূর্ণভাবে বীমা কোম্পানীগুলিকে মানিতে বাধ্য করিতেন তাহা হইলে বীমাকারীর দাবির টাকা কোনও ক্রমেই মারা যাইবার কোন অবকাশ ঘটিবার আশঙ্কা ছিল না।

বর্তমান আলোচনায় এটুকু প্রমাণ হয় যে, বীমাকারীর স্বার্থরক্ষাকল্পে ভারতীয় জীবনবীমা ব্যবসায়ের রাষ্ট্রায়ত্ত্বকরণ প্রয়োজন হইয়াছিল, সরকার পক্ষের এই যুক্তি একেবারেই অসার ও ভিত্তিহীন। জীবনবীমা ব্যবসায়ের রাষ্ট্রায়ত্ত্বকরণের সঙ্গে বস্তুতঃ বীমাকারীর স্বার্থরক্ষার কোনও সম্পর্ক নাই। বরং সরকারী নানা বিষয় ও নানা বিভাগের কাজকর্মের যে মান এবং ধারা আজ দেশের জনসাধারণের নিকট সুপরিচিত তাহাতে এ আশঙ্কা পোষণ করিবার যথেষ্ট কারণ ঘটিয়াছে যে, এই রাষ্ট্রায়ত্ত্বকরণ ব্যবস্থার ফলে বীমাকারী জনসাধারণের মূল স্বার্থ নানা ভাবে ক্ষুণ্ণ হইবার সম্ভাবনা রহিয়াছে। সরকারী তত্ত্বাবধানে যখন যে-কোনও ব্যবসা চালানো হইয়াছে, তাহাতেই নানাভাবে নানা দুর্নীতি আসিয়া দেশের জনসাধারণকে বিত্রত ও ক্ষতিগ্রস্ত করিয়াছে, এ ঘটনা দশ বৎসর পূর্বে দেশের স্বাধীনতা লাভের পর হইতে আজ পর্যন্ত নানাভাবে বহুবার প্রত্যক্ষ করা গিয়াছে। জীবনবীমা ব্যবসায় রাষ্ট্রকরতলগত হওয়ার ফলে ইহার বিষয়েও যে অনুরূপ অভিজ্ঞতা হইবে না, এই আশা বীমাকারী সাধারণ কোন ভরসায় পোষণ করিবে? মাত্র কয়েক মাস হইল রাষ্ট্রায়ত্ত্ব জীবনবীমাধিকরণের সৃষ্টি হইয়াছে, ইহার মধ্যেই বীমাকারীদের পক্ষে নানা তিক্ত অভিজ্ঞতার সূচনা

শুরু হইয়াছে। সময়মত টাঁকার টাঁকার রসিদ পাঠানো, টাঁকা দিবার শেষ দিনে তৎপরতার সঙ্গে সেই টাকা জমা লইয়া বীমাপত্রটিকে বাতিল (lapse) হওয়া হইতে রক্ষা করিতে সাহায্য করা ইত্যাদি বীমা কোম্পানীগুলির অতি সাধারণ নিয়মগুলির ইহার মধ্যেই ব্যতিক্রম হইতে শুরু করিয়াছে।

যাহা হোক, বীমাকারীর স্বার্থরক্ষার অজুহাত যদি ভুয়াই হয়, তবে সরকার পক্ষ হইতে এই ব্যবসায়টিকে সম্পূর্ণভাবে রাষ্ট্রায়ত্ত্বকরণের সিদ্ধান্ত গ্রহণ করিবার কি কারণ থাকিতে পারে, এ প্রশ্নের আলোচনা এখনও করা হয় নাই। সরকারী রিপোর্ট হইতে দেখা যায় যে, ১৯৫৪ সনের ডিসেম্বর মাসে ভারতীয় জীবনবীমা ব্যবসায়ের মোট সম্পত্তির পরিমাণ ছিল প্রায় ৪০০ কোটি টাকা এবং বার্ষিক আয়ের পরিমাণ ছিল প্রায় ৭০ কোটি টাকা। নিম্নোক্ত সংখ্যার, সকল খরচ-খরচা বাদ দিয়া এবং বীমাপত্রের উপরে প্রদেয় সব অর্থেব হিসাব-নিকাশ করিয়া লইয়া, বার্ষিক প্রায় আয়ও ৩৫ কোটি টাকা লগ্নী করা হইয়া থাকে। ৪০০ কোটি টাকার পাকা সম্পত্তির ঋণমূল্য এবং বার্ষিক ৩৫ কোটি টাকার নীট লগ্নীর অতিরিক্ত ঋণমূল্য (Credit Value) কতখানি তাহা সহজেই হিসাব করা যায়। ভারত সরকারের বর্তমান আর্থিক প্রয়োজনার পরিপ্রেক্ষিতে এই পরিমাণ অর্থের উপরে দ্বিধাহীন অধিকারের কতটা মূল্য তাহাও সহজেই অনুমেয়। তাহা ছাড়া ঐতিহাসিক দৃষ্টি লইয়া বিচার করিলে দেখা যায় যে, জীবনবীমা ব্যবসায়টি গত ৮৫ বৎসর ধরিয়া এদেশে দ্রুত গতিতে উন্নত হইতে হইতে বর্তমান অবস্থায় পৌঁছিয়াছে। এমনকি বিশ্ববাণিজ্য সঙ্কটের সময়ও অল্প সব ব্যবসায় ক্ষতিগ্রস্ত হইলেও জীবনবীমা ব্যবসায় অপ্রতিহত গতিতে আগাইয়া চলিয়াছিল। এই ব্যবসায়ের অতীত প্রগতি যদি ব্যাহত না হয়, তাহা হইলে যেমন ইহার সঞ্চিত মোট সম্পত্তি প্রগতির গতি অনুযায়ী ক্ষীণ হওয়া অবশ্যস্তাবী, তেমনি অল্প দিকে ইহার বার্ষিক আয় ও তদনুপাতে নীট লগ্নীর পরিমাণও বাড়িতে বাধ্য। মনে হয়, দ্বিতীয় পাঁচশালা পরিকল্পনার অর্থসংগ্রহের একটি অত্যন্ত মস্তব্য উপায় হিসাবেই জীবনবীমা ব্যবসায়কে রাষ্ট্রায়ত্ত্ব করিবার ব্যবস্থা করা হইয়াছে। সেই প্রসঙ্গে বীমাকারীর স্বার্থরক্ষার প্রয়োজনের কথা কেবলমাত্র কথার কথা ছাড়া আর কিছু নয়। কিন্তু যে ভাবে রাষ্ট্রায়ত্ত্বকরণ ব্যবস্থা চালু করা হইয়াছে, তাহাতে এই উদ্দেশ্য সিদ্ধ হইবার কোনও আশা আছে কি? এ প্রশ্নের আলোচনা আগামী প্রবন্ধে করা হইবে।





রূপকথা

শ্রীবীরেন্দ্রকুমার রায়

কোমর নাড়ে দশুঁর কাছাকাছি। পরেশনাথের আজ আপিস থেকে ফিরতে অনেকটা দেরি হ'ল, বাড়ীর সবাই চিন্তিত হয়ে পড়েছিল। যাক তিনি এসে পড়লেন এবং যথানিয়মে হাতমুখ ধুয়ে এসে খাবারঘরে ঢুকলেন। দুর্গা খাবার প্রস্তুত করেই বসে ছিলেন, স্বামী আসনে বসতেই খালাটা এগিয়ে দিয়েই পাখাটা হাতে তুলে নিলেন। তার পর পরেশনাথ যখন দু'চার গ্রাস ভাত মুখে দিয়ে একটু দম নেবার অবকাশ পেয়েছেন তখন একটু ব্যাকুস সুবেই জিজ্ঞেস করলেন—তার পর কি হ'ল? পলাশডাঙ্গা হতেই আসছ ত?

এই যে! তবে যে মা বলছিলেন এতক্ষণ কোথায় গেল, কি হ'ল ইত্যাদি—পাশের ঘরে পান সাজতে সাজতে সুলেখা ভাবে।

পরেশবাবু একটু খুশির সুবেই জবাব দেন—প্রায় ঠিকঠাক। এত শীগগির চুকে যাবে ভাবি নি। এখন আর কোন হাঙ্গামা নেই, শুধু আশীর্বাদটা হয়ে গেলেই হ'ল।

এই রে! পান সাজা সুলেখার চুলোয় গেল, মনটা তার অত্যন্ত চঞ্চল হয়ে উঠল। সে ভুলেই গেল বাবার পানই সে অতিরিক্ত মনোযোগ দিয়ে সাজে। পানটাকে সে সবসুদু জড়িয়ে নিয়ে সবজটাকে তার মধ্যে কোন রকমে ঠেলে গুঁজে দিয়ে বাটার মধ্যে এক রকম ফেলেই দিল।

এর পরেও মা কোঁতুহলী হয়ে আরও যেন কি কি জিজ্ঞেস করছিলেন, কিন্তু সে সবে আপাততঃ সুলেখার প্রয়োজন নেই। সে একদোঁড়ে উঠোন ডিঙিয়ে ওপাশে ঠান্দির ছোট ঘরটার চলে গেল।

কৈ গো, ঠান্দি কেমন আছ? শরীরটা এখন কেমন মনে হচ্ছে? বলতে বলতে সুলেখা একেবারে হুমড়ি খেয়ে তাঁর বিছানায় এসে পড়ে।

কিন্তু অত সাড়াশব্দ করার কোন প্রয়োজন ছিল না। ঠান্দি সম্পূর্ণ সচেতন অবস্থায় তারই অপেক্ষায় ছিলেন। কোঁতুহলে তার চোখ দুটো যে জঙ্গল ছিল, একটু লক্ষ্য করলেই সুলেখা তা দেখতে পেত।

তিনি শারীরিক কুশলের দিক দিয়েই গেলেন না, ব্যগ্র ভাবে জিজ্ঞেস করলেন—কি রে লেখা, কত দূর এগোল বল দেখি?

ওমা, তা হলে ইনিও জানেন! সুলেখা এবার রাগ-

প্রকাশের সুযোগ পেয়ে একেবারে দু'হাত দিয়ে তাঁর গলাট চেপে ধরে বলল—ঠান্দি পোড়ারমুখী! তুইও যদি জানতি তবে আমাকে বলিস নি কেন?

ঠান্দি সহাস্ত্রে গলা হতে তার হাত দুটো ছাড়িয়ে নিতে নিতে বললেন—ছাড় ছাড়। হতচ্ছাড়ী গলা টিপে মারি নাকি? তা হলে বল আশীর্বাদ পর্যন্ত ঠিকঠাক।

সুলেখা বিস্মিত হয়ে বলে—সে তুই এত দূর থেকে শুনলি কি করে?

ঠান্দি হাসতে হাসতে বললেন—এই যে তুই বললি। বরাত যদি তোর না খুসত তবে কি আর এমন করে আমার শোনাতে আসতিস, করতিস কি খারাপ সংবাদ পেয়ে ওখানেই পা ছড়িয়ে কাঁদতে বসে যেতিস—তাই ত আমার কি হ'ল গো—বলে তিনি মড়া কান্নার অশ্রু করণ করেন।

সুলেখা খিল খিল করে হেসে উঠল।

কিন্তু সহসা থেমে গিয়ে একটু সঙ্গজ কণ্ঠে বলল—তুই বিয়ে কর রাঙ্গুদী, আমি বিয়ে করতে যাব কেন?

ঠান্দি মুহূর্তে হাস্ত্রে সুলেখার আননে বিচিত্র বর্ণচ্ছটা লক্ষ্য করছিলেন। এ কথায় হঠাৎ কি জানি কেন তাঁরও হাসি থেমে গেল। সঙ্গে সঙ্গে সাগ্রহে লেখার হাত দুটো জড়িয়ে ধরে কিছুক্ষণ চুপ করে রইলেন। পরে নিজের অজান্তেই একটা দীর্ঘনিশ্বাস ফেলে চমকে উঠলেন—একি! তাড়াতাড়ি হালকা হবার প্রয়াসে একটু হেসে বললেন—সে কি আর তুই দিবি। তোর এত তপিস্ত্রের বর।

এই বরকাড়াকাড়ির কথা এর আগেও বহু বার হয়ে গেছে, কিন্তু আজকের বাস্তবের এই পটভূমিকায় কথাটা দু'জনেরই অন্তর ঘেঁষে গেল। সুলেখা এর উত্তরে অন্তর্দিন কত কি বলেছে, কিন্তু আজ কিছুই খুঁজে পেল না। হঠাৎ কানপাতার ভঙ্গিতে অত্যন্ত মনোযোগের সঙ্গে বলল—ওই যা বাবার খাওয়া হয়ে গেল, মা ডাকছে আমি যাই।

সে যেমন হুমড়ি খেয়ে এসেছিল, ঠিক তেমনি ভাবেই উঠে গেল। ঠান্দি টিপনি কাটলেন—আমি বুঝি আর কেউ...।

সুলেখা বারান্দা পার হয়ে গিয়েছিল, এ কথায় একটু লজ্জিত ভাবে পিছন ফিরে দরজার আড়াল-হতে মুখ বাড়িয়ে বলল—একটা গল্প মনে করে রাখিস, ঘুমোস না আমি আসছি।...

ঠান্দির জীবনটাই যেন একটা গল্পবিশেষ। এসংসারে তার রক্ত-সম্পর্কের কেউ নেই এবং বাড়ীও তাঁর এ গাঁয়ে নয়। পরেশনাথের মায়ের বালাসজিনী ছিলেন তিনি, বিয়ের সময় লাড়াছাড়ি হয়ে হু'জনে হু'দিকে চলে যান। ঠান্দি কিন্তু অচিরেই বিধবা হয়ে নিজের গাঁয়ে ফিরে আসেন। সে সময় একবার পরেশনাথের মা তাঁকে নিজের কাছে ডাকেন। সেই থেকে ঠান্দি বরাবরই এখানে, বাপের বাড়ীর ও শশুর-বাড়ীর সম্পর্ক তাঁর বছরদিন ধরে মুছে গেছে। এখন তিনি পরেশনাথের মাসী ও সুলেখার ঠান্দি। তাঁর পূর্বপরিচয় বহু লোকে জানেও না।

ঠান্দি ভুলেই ছিলেন, কিন্তু এই মুহূর্তে সুলেখার ওই ছোট্ট কথাটি তাঁকে অনেককিছু মনে করিয়ে দিল। তুই বিয়ে কর রাঙ্কুসী!

সত্যিই ত, তাঁরও ত একদিন বিয়ে হয়েছিল। কিন্তু সহিল না, সে যে রাঙ্কুসীর বিয়ে!

রাজপুত্র তাঁর ঘুম ভাঙাতে সত্যিই একদিন এসেছিল, তার প্রমাণ এই পোড়া কপাল, কিন্তু অল্প রকম প্রমাণও ত থাকতে পারত। থাকল না সে কার দোষে? লোকে বলে তাঁরই এবং তিনিও চিরকাল এক কথাই বলে এসেছেন—আমারই। কিন্তু মুখে যা বল যায় তাই ত আর জীবন নয়। তাঁর সংস্কারাচ্ছন্ন মনেও তাই মাঝে মাঝে সন্দেহ জাগে—আমি ত তখন অত ছোট!

কিংবা হয়ত পূর্বজন্মের কর্মফল।

কিন্তু যে পাপের ফলে এত বড় ব্যর্থতা আসতে পারে, আজ তাঁর এতখানি বয়সেও ঠিক অত বড় পাপ সংসারে কি হতে পারে সে হৃদিস ঠান্দি পান নি।

এমনি করে এলোমেলো চিন্তার স্রোতে রাত বাড়তে থাকে। বাড়ী এখন সম্পূর্ণ নিষ্কর।

কৈ ছুঁড়ি আসব বলেই গেল, এল না ত!—এই অস্বস্তিকর চিন্তার হাত হতে অব্যাহতি পাবার প্রয়াসে ঠান্দি মনে মনে বলে ওঠেন।

কিন্তু ছুঁড়ি যে ওদিকে তখন রাজকন্ঠে! তার রাজপুত্র ঘোড়ায় চড়ে জয়মাল্য নিয়ে এসে পড়ল বলে, হাতে তার নতুন দিনের সোনার বাঁশী। তার এখন ভাবনা কত!

আর ঠান্দি ভাবেন, তিনি ত রাজকন্ঠে নন—রাঙ্কুসী! কিন্তু তাঁরও যে সবই হতে পারত! সেই সব-হতে-পারা সোনার সংসার কোথায় কত দূরে, কোন্ তেপান্তরের পারে? ঠান্দি একটা নিশ্বাস ফেলে, তাঁর শীর্ণ হাত হু'খানি—যেন এই দূরত্বের পরিমাপ করতেই মাথার উপর দিয়ে এগিয়ে দেন। হাতে ঠেকে কাঁচা দেয়ালের মাটি। এই বুঝি তাঁর সব।

লেখা বলে গেছে তাঁকে একটা গল্প মনে করে রাখতে। কিন্তু সে ত জানে না মনে করাটা কঠিন নয়, বরং সেটা ভোলাই কঠিন।

তার কিছুক্ষণ পরে।

ঠান্দি জেগে আছ? দোরগোড়া হতে সুলেখার ফিস্-ফাস্ শব্দ ভেসে আসে।

ঠান্দি চকিত হয়ে ওঠেন, বলেন—আয় লেখা বোস। ঘুমোতে আর দিলি কৈ?

সুলেখা স্বরিত পদে তাঁর পাশে এসে শুয়ে পড়ে তাঁকে ছই হাতে জড়িয়ে ধরে বলে—তা যাই, তুই ঘুমো।

ঠান্দি তার এই নৈকট্যজনিত একটি নূতন সম্ভাবনার স্বাদ যেন নিজের সর্বাঙ্গে গ্রহণ করতে করতে বললেন—আমি ঘুমোব আর তুই কোথায় যাবি শুনি? জেগে থাকতে ত?

সুলেখা কৃত্রিম বিক্রমের সুরে বলল—তুই ত সবজান্টা। আমি কি আর সাধ করে জেগে আছি? কেন তোমার জ্বর, বাস্তিরে তোমার যদি কিছু দরকার হয় তখন কে দেখবে শুনি?

ঠান্দি আশ্তে আশ্তে বলেন—তাই ত। আমি ভুলেই গেছলাম কার জ্বর, আমার না তোমার। তুই যা, কাঁপছিস।

সুলেখা এবার সত্যিই ঠকে গেল। শীতের রাত্রি নয় যে তার উপর দোষ চাপানো যাবে। সে এবার ঠান্দির জ্বরতপ্ত বুকে ছেলেমানুষের ভঙ্গিতে মুখ লুকিয়ে বলল—যাঃ, কেবল জ্বর হলেই বুঝি কাঁপে?

ঠান্দি পরম স্নেহে লেখার মাথায় হাত বুলোতে বুলোতে মুহূ কৌতুকহাস্তে বলেন—আর কি হলে কাঁপে শুনি?


সুলেখা কিছু বললে না। ঠান্দিও চূপ করে রইলেন। হঠাৎ একসময় সুলেখা অত্যন্ত অস্ফুট স্বরে বলল—আমার ভয় করছে ঠান্দি।

ভয়। কিসের?—বলতে বলতেই অত্যন্ত বিশ্বয়বোধের সঙ্গে ঠান্দির আর এক দিকের চোখ খুলে যায়। তাই ত, কি হতে পারে, কি পেতে পারি এ নিয়ে ভয় হবার সময় ত এইটাই। তিনি ভুলেই গেছেন সুলেখা এখন আর শুধু একটি মেয়ে নয়, এবার সে নূতন মানুষ হতে চলেছে।

আর এ ভয় যে কিসের এবং কতখানি, তার সাক্ষী ত তিনি নিজেই।

এর পরে কেউ কিছু বলল না, চূপচাপ পাশাপাশি পড়ে রইল। প্রদীপের ক্ষীণ আলোয় আর তাদের মানুষ বলে চেনা যায় না, মনে হয় যেন দুটি ছায়া। দুটিই সমান অস্পষ্ট।

একজন কি হতে পারে, আর একজন কি হতে পারত। হঠাৎ ঠান্দি সুলেখাকে নিবিড় ভাবে জড়িয়ে ধরে বলেন—আয় তোকে আজ একটা গল্প বলি শোন।



শ্রীগোপেশচন্দ্র চক্রবর্তী'র চিত্রকলা

শ্রীনলিনীকুমার ভদ্র

সংস্কৃত শিল্পকলায় ইতিহাস আলোচনা করলে আমরা দেখি ভিন্ন ভিন্ন দেশে বিভিন্ন যুগ এক-একটি বিশিষ্ট ধরনের শিল্প-পদ্ধতির উদ্ভব হয়েছে আর কোনও এক জন শ্রেষ্ঠ রূপদক্ষকে কেন্দ্র করে গড়ে উঠেছে প্রতিভাশালী শিল্পী-গোষ্ঠী। তাঁদের অনুগামীরা কিন্তু নিষ্কিচাবে প্রথাগত ভাবে উক্ত ধারার অনুসরণ করে চলেন। শেষে

এমন অবস্থার সৃষ্টি হয় যে, অধিকাংশ শিল্পীর কাছের মধ্যেই ভাব-সম্পদ মৌলিক বা স্বকীয়তার পরিচয় পাওয়া যায় না, গতানু-গতিকতার পুনরাবৃত্তিই হয়ে দাঁড়ায় তাঁদের একমাত্র লক্ষ্য।

বিংশ শতাব্দীতে শিল্পীগুরু অবনীন্দ্রনাথের সাধনার পুনরুজ্জীবিত হ'ল ভারতীয় চিত্রকলা। ক্রমে ক্রমে তাঁর শিল্প-সাধনার আদর্শে অনুপ্রাণিত হলেন নন্দলাল, সুব্রজ গঙ্গোপাধ্যায়, সুব্রজ কব, অসিত হালদার, মুকুল দে, দেবীপ্রসাদ বারচৌধুরী প্রমুখ শ্রেষ্ঠ শিল্পী-গোষ্ঠী। অবনীন্দ্রনাথের বোগ্য উত্তর-সাধক এঁরা, অবনীন্দ্র-প্রবর্তিত ধারার অনুসরণকারী হলেও এঁদের প্রত্যেকেই শিল্পক্ষেত্রে দেখা গেল অস্ত্রবের ভাবসম্পদের রূপময় প্রকাশ, ফলে বাংলা দেশের চিত্রকলায় যে নব অভ্যুদয় হয়েছিল তার বেগবতী ধারা ক্রমে ক্রমে দুকুলপ্রাবিনী হয়ে সমগ্র ভারতবর্ষকে পরিপ্রাণিত করল।

কালক্রমে কিন্তু পুনরুজ্জীবিত ভারতীয় চিত্রকলায় গতিবেগ হ'ল মন্দীভূত, নূতন যে সকল শিল্পী ঐ ধারার অনুবর্তন করে চললেন তাঁদের অধিকাংশের মধ্যেই মৌলিক বা স্বকীয় শিল্পদৃষ্টি পরিলক্ষিত হ'ল না। ভারতীয় শিল্পের নামে তাঁরা যা সৃষ্টি করতে লাগলেন তা প্রতিভাবান শিল্পীদের ব্যর্থ অনুকৃতি অথবা ভারতীয় শিল্পীত্বের বিকৃতিমাত্র।

ওদিকে আর এক দল শিল্পীর মধ্যে দেখা গেল বিদেশী শিল্পীত্বের প্রতিচ্ছবিমূহ। ভারতীয় শিল্পের গৌরবময় ঐতিহ্যের কথা বিস্মৃত হয়ে তাঁরা হলেন উস্মার্গামী। এঁদের মধ্যে বৈদেশিক আঙ্গিকের অনুকরণে অনেকে হয়ত নৈপুণ্য অর্জন করেছেন, কিন্তু প্রাণের স্পর্শ নেই বলে তাঁদের আঁকা অধিকাংশ ছবিই শিল্পসৃষ্টি হিসাবে সার্থক হয়ে উঠতে পারে নি।

আজকের দিনে শিল্প-প্রদর্শনীগুলি দেখলে তাই হতাশ হতে হয়। সেগুলিতে দেখি প্রাচ্য ও পাশ্চাত্য উভয় পদ্ধতিতে আঁকা ছবির ভিড়, রঙের জলুস, বিভিন্ন আঙ্গিক অনুকরণের বিরাজিত একঘোষী



নগরীর আলোর আড়ালে



মানুষের পশুসত্তা

বেপার কেবামতি দেখানোর প্রাণান্তকর প্রয়াস, কিন্তু সবই মনে হয় কেমন যেন প্রাণহীন। ভবিষ্যতের বিপুল সম্ভাবনার আভাস কৈ বড় একটা ত চোখে পড়ে না। এমনই শোচনীয় হুবহু যখন আমাদের শিল্পকলা—বিশেষতঃ চিত্রকলার, তখন প্রায় ত্রিশ বৎসর যাবৎ লোকজের অন্তরালে একাধি নিষ্ঠার নীরবে চিত্রকলার সাধনা করে যিনি আজ কলালক্ষ্মীর প্রসাদ লাভ করতে সমর্থ হয়েছেন সেই সাধক-শিল্পী গোপেশচন্দ্র চক্রবর্তীর রূপ-সৃষ্টির শ্রেষ্ঠ নিদর্শনসমূহ আমাদের মনকে করে তোলে আশাবিত্ত।

গোপেশচন্দ্র সাধক-শিল্পী এবং শিল্প-সাধক দুই-ই। প্রথম যৌবনেই তিনি ধর্ম-সাধনার ক্ষুব্ধতার দুর্গম পথে পদক্ষেপ করেছিলেন, সম্পদে-বিপদে সুখে-দুঃখে কখনও তিনি বিচ্যুত হন নি তাঁর লক্ষ্য থেকে—ধর্মাত্মশীলনের সঙ্গে সঙ্গে চলেছে শিল্পকলার অক্লান্ত সাধনা, জীবনের চন্দ্র পথে তিষ্ঠে অভিজ্ঞতা লাভ হয়েছে প্রচুর, কিন্তু তা অন্তরকে তাঁর বিস্তৃত করতে পারে নি। যে দৃষ্টিভঙ্গী দিয়ে জীবনকে তিনি দেখেছেন তাকে কোন কোন ছবিতে রূপায়িত করেছেন অধ্যাত্মিক অহুভূতির অনাবিল রূপে অভিসিক্ত করে।



"কামিনী ও কাকন"

গোপেশচন্দ্রের শিল্প-শিক্ষা হয়েছে প্রকৃতপক্ষে কখনও বিশ্ব-প্রকৃতির উন্মুক্ত প্রাঙ্গণে নিতৃত্ত নিরঞ্জনতায়, কখনও বা জনতার হাতে—শিল্প-বিদ্যালয়ের শিক্ষা তাঁর নামমাত্র। সেই জগতই তাঁকে কোন বিশেষ শিল্পী-গোষ্ঠীর অন্তর্ভুক্ত করা চলে না; তাঁর রূপসৃষ্টিতে নেই কোন একটা প্রধানির্দিষ্ট পদ্ধতির ছাপ। তাঁর জীবন-দর্শন

যেমন সম্পূর্ণ নিজস্ব, তেমনি কি দৃষ্টিভঙ্গী, কি আঙ্গিক, কি রচনা-শৈলী সব দিক দিয়েই তাঁর রূপসৃষ্টিতে পাওয়া যায় মৌলিকত্ব, স্বাভাবিকতা এবং অভিনবত্বের পরিচয়। শিল্পীগুরু অবনীন্দ্রনাথকে একবার বিনীত ভাবে তিনি বলেছিলেন যে, কোন শিল্প-বিদ্যালয়ে বেশী দিন শিক্ষালাভের সুযোগ এবং সৌভাগ্য তাঁর



অবাধ গতি

হয় নি। তাঁর কথা শুনে অবনীন্দ্রনাথ জবাব দিয়েছিলেন—
“সেই জগেই তুমি হতে পেরেছ শিল্পী”। এই প্রসঙ্গে শিল্পকলার
অনুবাগিনী, গোপেশচন্দ্রের শিল্পচর্চার উৎসাহ-দাত্রী মিসেস এন্
বেসিল-এর নিম্নোক্ত কথাগুলি প্রণিধানযোগ্য : “Some pain-
ters conform to no particular school. Their
genius develops independently and they are a
law to themselves. Such a one is the Bengali
artist Gopesh Chandra Chakravarty who, though
comparatively unknown to the general public,
has been praised by all discerning art critics
who have been privileged to view his artistic
creations.”

অর্থাৎ, কোন কোন শিল্পী কোন বিশেষ গোষ্ঠীর অন্তর্ভুক্ত
নন। তাঁদের প্রতিভার বিকাশ হয় স্বাধীন ভাবে এবং তাঁরা

নিজেরাই উদ্ভাবন করেন নিয়ম-পদ্ধতি। এই ধরনের একজন
বাঙালী শিল্পী হচ্ছেন গোপেশচন্দ্র চক্রবর্তী। সাধারণের নিকট তিনি
অপেক্ষাকৃত স্বল্পপরিচিত, কিন্তু তাঁর শিল্পসৃষ্টি দেখবার সুবিধা যে
সকল সূক্ষ্মদৃষ্টি শিল্প-সমালোচকের হয়েছে তাঁদের সকলের দ্বারা
তিনি প্রশংসিত হয়েছেন।

১

আজ থেকে সাতান্ন বৎসর পূর্বে, সুরমা উপত্যকার বৈষ্ণা-
পাহাড়ের পাদদেশে শ্রীহট্ট জেলার মদনপুর গ্রামে বিশিষ্ট ব্রাহ্মণ-
পরিবারে গোপেশচন্দ্রের জন্ম হয়। তাঁর পিতা গুরুচরণ চক্রবর্তী
প্রাথমিক বিদ্যালয়ে প্রধান শিক্ষকের কাজ করতেন। মাত্র পাঁচ
বছর বয়স থেকেই চিত্রাঙ্কনে গোপেশচন্দ্রের সহজাত শক্তির পরিচয়
পাওয়া যায়—প্রকৃতির ভয়াল এবং সুন্দর উভয় রূপই আকৃষ্ট করে
বালকের শিল্পী-মনকে। কালি, কলম, আর কাগজ এই ছিল



ধ্বংসের কবলে

তার শিল্প-সৃষ্টির স্বল্প উপকরণ ; এর সাহায্যে এই শিশুশিল্পী এক দিকে যেমন আঁকত প্রজাপতি আর পতঙ্গ, অল্প দিকে তেমনি সগী-স্থপ এবং দৈত্য-দানার ছবিও ফুটে উঠত তাঁর কলমের আঁচড়ে। বালকের এই সকল ছবি মুগ্ধ করত সবাইকে। গোপেশচন্দ্রের বয়স মগন তেরো বৎসর মাত্র তখন তাঁর মাতা ইচ্ছাময়ী দেবী লোকান্ত-বিতা হন।

গোপেশচন্দ্র মফস্বলে থেকে প্রবেশিকা পর্যন্ত পড়েছিলেন বটে, কিন্তু পরীক্ষায় উত্তীর্ণ হতে পারলেন না। তখন তিনি পাণ্ডিচে এলেন কলিকাতায়—উদ্দেশ্য, শিল্পকলা শিক্ষা। 'গবর্ণমেন্ট স্কুল অব আর্টসে' শিল্পী ভর্তি হলেন, কিন্তু দারিদ্র্যের জগু শিক্ষা বেশীদূর অগ্রসর হ'ল না। মাত্র এক বৎসরেরও অনধিককাল শিক্ষানবিসির পর অর্থভাবে উক্ত প্রতিষ্ঠান ছেড়ে দিতে তিনি বাধ্য হলেন। তখন তাঁর বয়স ষোল বছর মাত্র। সন্ত-অতিক্রান্ত-কৈশোর এই শিল্পী তখন সম্পূর্ণ নিঃস্ব অবস্থায় এসে দাঁড়ালেন জনাকীর্ণ মহানগরীর রাজপথে। পথে পথে ঘুরে বেড়াতে লাগলেন তিনি আশ্রয়ের সন্ধানে, কিন্তু 'হায় যে

রাজধানী পাষণ কায়া"—এই বিরাট মহানগরীতে মাথা গুঁজবার একটুখানি ঠাই মেলে নি সেদিন তাঁর কোথাও, সাধারণ পার্ক-গুলিতে বেকের উপর শুয়ে সাবা রাত কাটাতে হয়েছে তাঁকে, সেদিন তাঁর রাতের প্রধান আশ্রয় ছিল ওয়েলিংটন স্কয়ার—দৈনন্দিন আহাৰ্য্য ছিল একমুঠো ছোলা—জলসংযোগে তা গলাধঃ-করণ করে তাঁকে প্রাণরক্ষা করতে হ'ত।

যে ধর্ম্মের বীজ শৈশবেই শিল্পীর মনে অঙ্কুরিত হয়েছিল, তা-ই ছায়াতরুতে পরিণত হয়ে এই অভাব ও দুঃখ-দুর্গতির দাব-দাহে তাঁকে আশ্রয়দান করেছিল। সেই চরম দুর্দিনে শক্তি ও প্রেরণা লাভ করতেন তিনি বাংলার পল্লীর নিবন্ধর সাধুসন্তদের রচিত গান গেয়ে এবং তাঁদের উক্তিগুহ আবৃত্তি করে—পরমহংস জীবামুকুন্দেবের 'কথামৃত' এই শিল্পীর দুঃখাভিত্ত পুস্তককে সাস্থনার প্রলেপে স্নিগ্ধ করে তুলত।

কিন্তু দুঃখের এই নিষ্ঠুর নিষ্পেষণ বার্থ হয় নি, শিল্পীর জীবনে। অভাবের ভাঙনায় পথে এসে দাঁড়াবার পর শিল্পীর সৃষ্টির সয়কে নৃতন

দিগন্ত উদ্ঘাটিত হ'ল, তিনি খুঁজে পেলেন নিজের পথ। গোপেশ-
চন্দ্রের গুণমুগ্ধ উক্তির স্ট্রিকালিদাস নাগ বলেছেন, "Born artist,
he soon discovered his real studio in the streets
and pavements, hearths and hovels of the poor
and the forgotten of society. Naturally the
sombre shades dominated over the shining
colours of his palette."

অর্থাৎ, জাত-শিল্পী তিনি, অচিরেই নিজের শিল্পাগার আবিষ্কার
করলেন রাস্তায় এবং শান-বাধানো পথে আর সমাজের দরিদ্র ও
যাদের আমবা বিশ্বস্ত হয়েছি তাদের গৃহকোণে। স্বভাবতঃই তাঁর
বন্দানির উজ্জ্বল বর্ণসমূহের উপর প্রাধান্যলাভ করল গাঢ় ছায়া।

এই ভাগা-বিপর্ষায় কিন্তু তাঁকে সংসারের উপর বীতশ্পৃহ
বা জীবনের প্রতি তাঁর মনকে বিকল্প করে তোলে নি, বরং ভাগা-
হত মানুষের জীবনের শোচনীয় অপচয়, সমাজ-সমস্যা সবকিছু
তাঁকে করেছে সচেতন। আদর্শবাদের সঙ্গে বাস্তবতার সমন্বয়
এই শিল্পীর শিল্পচর্চাকে এমনি একটা অপূর্ণ বৈশিষ্ট্য দিয়েছে
যার তুলনা সচরাচর মেলে না। একই শিল্পীর তুলিতে "মায়ার"
মত গভীর অধ্যাত্ম-ভাবজ্যোতক এবং "হু ভাংকর" মত বাস্তব
অভিজ্ঞতা-সমৃদ্ধ ছবি যে এমন অনবদ্য ভাবে ফুটে উঠতে পারে তা
পরম বিশ্বম্ভক্য বলে মনে হয়।

জীবনের অন্ধকারাচ্ছন্ন দিকটার সঙ্গে শিল্পীর আঁকেশোর গভীর
পরিচয়। নিশীথ নগরীর বিচিত্র আলোকচ্ছটা আমাদের দৃষ্টিকে করে
বিমুগ্ধ ও বিস্মিত, কিন্তু এই আলোর আড়ালে অন্ধকার অলিতে-
গলিতে জীবনের কি ভয়াল বীভৎস বিকৃত রূপ—সেখানে কত রাহা-
জানি, প্রবঞ্চনা আর নরহত্যার তাণ্ডবলীলা। আলো এবং
অন্ধকারের, স্র এবং কু এ দুয়ের নিকট-সংস্থিতিকেই শিল্পী কুটিয়ে
তুলেছেন তাঁর "নগরীর আলোর আড়ালে" নামক ছবিতে।

মানুষের মধ্যে আছে দুটি সত্তা—দৈবী সত্তা আর পাপব সত্তা।
মানুষের পণ্ডপ্রবৃত্তি প্রবল হয়ে যখন আচ্ছন্ন করে তার দৈবী সত্তাকে
তখন তার আকৃতি কি বিকট এবং বীভৎস হয় তা ফুটে উঠেছে—
"মানুষের পণ্ড-সত্তা" নামক ছবিতে। একটি নবাকার পণ্ড যেন
জীবন্ত হয়ে উঠেছে শিল্পীর নিপুণ তুলিকায়—এই নবপণ্ডটির মাথার
দু'পাশে মোষের শিং-এর মত একজোড়া শিং, চোখে হিংস্র স্তম্ভিত
দৃষ্টি, ক্ষীণ নাসাগ্রে পাপব প্রবৃত্তির উৎকট অভিব্যক্তি—মুখে হাসি
আছে বটে, কি এ যেন নিতান্তই দস্তবিকাশ মাত্র, এতে নেই
প্রাণের স্পর্শ। কিন্তু কি অসহায়, কালার চেয়েও করুণ এ হাসি—
মানুষের দৈবী সত্তার কাছে পাপব সত্তার পবাজয় যে অবশ্যচাণী—এ
হাসি তারই জ্যোতক। পণ্ড-প্রকৃতিবিশিষ্ট মানুষের অস্তরাত্মার
অসহায়তা ফুটে উঠেছে তার নিম্প্রাণ হাসিতে—মানুষের অস্তরসত্তার
পরিচয় যে পাওয়া যায় তার হাসিতেই।

সমাজে আর এক শ্রেণীর নব-পণ্ড আছে, ধর্মের নামে বাঘা
মানুষকে করে প্রতারিত। এই সকল ভণ্ডেয় সুযোগ খুলে দিয়ে-

ছিলেন পরভয়ম তাঁর 'বিবিধি বাবা' নামক গল্প। সেই গল্পেরই
পরিপূরক হিসাবে গণ্য করা যেতে পারে গোপেশচন্দ্রের "কামিনী ও
কাকন" নামক ছবিটিকে। সমাজে ধর্মধর্মীদের ভণ্ডামি



রূপকথার রাণী

কোন পর্ষায়ে গিয়ে পৌঁছেছে, এই ছবিটি সে বিষয়ে আমাদের
চোখ ফুটাবার সহায়ক হবে। বঠে মালা, মুখে যুহ হাসি, দক্ষিণ
হস্ত বহাভর মুদ্রার ভঙ্গীতে উচ্ছিত—"শ্রীগুরু মহারাজজী" আসনে
উপবিষ্ট। পুরুষ-ভক্তদের মাথার বেধেছেন ডান পা, ওদিকে নারী-
ভক্তেরা আকড়ে ধরেছেন—ভব-সমুদ্রের ভেলাংকণ প্রভু যার
পদ। প্রভু শিবার মাথার বেধেছেন বাম হস্ত, নারীভক্তেরা লাভ
করেছেন তাঁর নিকট-সারিধ্য। তার ডান পারের কাছে কাকন-
মুদ্রার পরিপূর্ণ ধালা—প্রভু 'কামিনী' ও 'কাকন' এ ছবিতে টেনে
নিচ্ছেন নিজের কাছে—ওদিকে অন্ধ ভক্তিতে গুণ্ঠিতপির পুঙ্খ-

ভক্তেরা শুরু মহারাজের এই পুণ্যকৃত সম্বন্ধে সম্পূর্ণ উদাসীন, দৃষ্টি তাদের নিবন্ধ তাঁর চরণতলে।

আগেই বলেছি যে, জীবনের তিক্ত অভিজ্ঞতা গোপেশচন্দ্রকে করে তুলেছে সমাজ-সচেতন শিল্পী। ধর্মের যে নিগূঢ় তত্ত্ব 'নিহিতং উহাযাম' তার রহস্য যে তাঁর শিল্পদৃষ্টির নিকট একেবারে অনুদঘাচিত



“তুমি দিয়েছিলে মোরে”

থাকে নি তা রূপান্তরিত হয়েছে “মায়া” নামক ছবিটিতে। তাঁর শিল্পানুভূতি এবং অধ্যাত্মসাধনা যে অঙ্গাঙ্গিতাবে বিজড়িত, এই ছবি দেখে তা সুস্পষ্ট রূপে উপলব্ধ হয়। কিন্তু এটা বাস্তবিকই বিষয়-কর বলে মনে হয় যে, আধ্যাত্মিক এষণা গোপেশচন্দ্রকে আমাদের আজকের দিনের শিক্ষা-সংস্কৃতি প্রভৃতি নানা বিষয়ক সামাজিক সমস্যা সমূহ সম্বন্ধে উদাসীন করে তুলতে পারে নি। আমাদের বর্তমান শিক্ষা-ব্যবস্থার আসল রূপটি প্রকট হয়ে উঠেছে “অবাধ গতি” নামক ছবিটিতে। শিক্ষাক্ষেত্রে এখন যে অনিয়ন্ত্রিত উচ্ছ্বলতা

চলেছে তার কুফল আমরা সবাই টের পাচ্ছি হাড়ে হাড়ে। এর কারণ উপযুক্ত চাককের অভাব—বলগা চালকের হস্তচ্যুত হয়েছে—তার নিজেরই পতনোন্মুখ অবস্থা। কাজেই শিক্ষারূপী ভূবঙ্গম অনির্দেশ্য ভাবে ছুটে চলেছে অবাধ গতিতে।

আর আমাদের সংস্কৃতির অবস্থা ত ততোধিক শোচনীয়।

আমাদের সংস্কৃতি বর্তমানে যে অবস্থায় এসে দাঁড়িয়েছে তাতে আস্ত এর প্রতিকারে অবহিত না হলে ভবিষ্যতে হয় ত সংস্কৃতি বলতে নাচ-গান ছাড়া আর কিছুই অবশিষ্ট থাকবে না। এখন জিজ্ঞাস্য এই যে, সংস্কৃতির এই শোচনীয় দুরবস্থার কারণ কি? কারণ যে, বর্তমান অর্থব্যবস্থা, শিল্পী তা আমাদের চোখে আঙুল দিয়ে দেখিয়েছেন তাঁর ‘ধ্বংসের কবলে’ নামক ছবিতে। এতে আমরা দেখি, প্রাগৈতিহাসিক যুগের অতিক্রম প্রাণীর মত বিকটাকৃতি তীক্ষ্ণ নগদস্তয়ুক্ত একটি ভিন্ন প্রাণী মুখবান্দান করে বিচিত্রাক্রম একটি হরিণকে গ্রাস করতে উদ্যত। বিকট আকারের এই জীবটি বর্তমান অর্থব্যবস্থার আর তার কলিত চাকুদের হরিণটি বৈচিত্র্যপূর্ণ বহুমুখী সংস্কৃতির প্রতীক। বর্তমান অর্থব্যবস্থার দরুন সত্যিই আজ আমাদের সংস্কৃত পুরোপুরি নিশ্চিহ্ন হওয়ার পথে এগিয়ে চলেছে—সংস্কৃতিপ্রাসী প্রাণীটির কির এতেও ক্ষুণ্ণবৃত্তি হবার লক্ষণ নেই—কোন নূতন ভক্ষার সন্ধানে তার ধাব, দুটি স্রমূপের পানে প্রসারিত কে জানে?

শিল্পী বাস্তবধর্মী যে সকল ছবি একেছেন তন্মধ্যে কতকগুলির পরিচয় এতক্ষণ দেওয়া হ’ল—এতে তাঁর বহুমুখী শিল্পধারার একটি দিকের মাত্র পরিচয় পাওয়া যাবে। কিন্তু বিভিন্ন বিষয়বস্তু নিয়ে এই প্রতিভাবান শিল্পী কত বিচিত্র ধরনের ছবিই না একেছেন।

তন্মধ্যে কোনটি গীতিকাব্যধর্মী, কোনটি আধ্যাত্মিক প্রতীকচিত্র, কোনটি বা অজস্র ফ্রেস্কোর সঙ্গে সাদৃশ্যযুক্ত। জে. টি. সাগাব-লাণ্ড, উক্টের বাধাকুঞ্চন ও রাষ্ট্রপতি রাজেন্দ্রপ্রসাদের মত মনীষী এবং উক্টের সুনীতিকুমার চট্টোপাধ্যায়, কেদারনাথ চট্টোপাধ্যায়, অর্ধেকুমার গঙ্গোপাধ্যায় প্রভৃতির মত কলাবিদগণ তাঁর আকা ছবির উচ্ছ্বসিত প্রশংসা করেছেন। শিল্পীর কল্পনায় গভীরতা এবং রচনারশৈলীর বৈশিষ্ট্য যুগপৎ এ দুয়েরই পরিচয় পাওয়া যায় তাঁর “রূপকথার রাণী” নামক ছবিটিতে। নিতুতি

ৰাতে চাঁদ-তারাৰ দেশ থেকে মাটিৰ পৃথিবীতে শিশুদেৱ বহুতলোকে নেমে আসছেন বিচিত্ৰ মুকুটধাৰিণী, অনুপম রূপলাবণ্যবতী রূপকথাৰ বাণী—সঙ্গে তাঁৰ সহচরী। বাণীৰ বাহন রূপকথাৰ বিহঙ্গম, তাৰ নীচের দৈত্যটিৰ আকৃতি বিকট বটে, কিন্তু হাসিটি শিশুৰ মত প্রাণ-খোলা। রূপকথাৰ দৈত্যাদানী শিশুদেৱ মনে অকাৰণে ভীতিৰ উদ্বেক কৰে সত্য, কিন্তু শিশুদেৱ সে ভালোবাসে—শিশুমহলে আনাগোনাৰ দক্ষন প্রকৃতিটি যে তাঁৰ শিশুৰ মতই সরল। এই ছবিটি অবনীন্দ্র-নাথ কর্তৃক বিশেষ প্রশংসিত হয়েছিল।


গোপেশচন্দ্রৰ জীৱনে শুধু যে চঃখ-দাৰিদ্র্যেৰ তিক্ততম অভিজ্ঞতা লাভ হয়েছে তা নয়, প্রিয়জনৰ মৃত্যুশোকৰ তীব্র আঘাতেও বারংবার বিদীৰ্ণ হয়েছে তাঁৰ হৃদয়। কিন্তু এই মৃত্যু-শোক তাঁৰ মৰ্মস্থলকে মথিত কৰলেও এই প্রসাদে যে তাঁৰ দিব্য-দৃষ্টি খুলে গৈছে, এক অপূৰ্ব অধ্যাত্ম অনুভূতিতে যে তাঁৰ অন্তৰ পরিপূৰ্ণ হয়েছে সে পরিচয় পাই তাঁৰ “তুমি দিয়েছিল মোৰে” নামক ছবিটিতে। অকালে—মাত্র এক বছর দশ মাস বয়সে বঙ্গা শ্রামলীৰ মৃত্যুতে শোকাভিভূত শিল্পী এই ছবিটি আকাৰ জন্তে একটি দিব্য প্রেরণা অনুভব কৰেছিলেন। দেবতা এসে শিশুকে নিয়ে যাচ্ছেন চিরকরে। যাৰ কাছে দেবতাৰ প্রসাদৰূপে এসেছিল শিশুটি, বাছছয় উৰ্দ্ধে প্রসারিত কৰেও সে তাকে ধৰে বাপতে পাৰছে না—তাৰ এই গভীৰ শোকে সাস্তুনা কোথায়? দেবতা অঙ্গুলিনির্দেশ কৰে দেখাচ্ছেন—শিশুকে নিয়ে চলেছেন তিনি মৃত্যুহীন চিরভাস্বৰ আলোকের রাজ্যে।

এমনি ভাবে শিল্পীৰ ব্যক্তিগত জীৱনেৰ কোন কোন ঘটনা তাঁকে এমন কতকগুলি চিত্ৰৰচনাৰ অনুপ্রাণিত কৰেছে, কলালক্ষীৰ ভাণ্ডাৰে যা স্থায়ী সম্পদ বলে গণ্য হবে। এ প্রসঙ্গে বলা যায় তাঁৰ “মধুৰ স্মৃতি” নামক ছবিটিৰ কথা। খ্রীঃ ১৮৮৬ জেলার শ্রদ্ধ পল্লীগ্রামে মায়েৰ কাছ থেকে বিদায় নিয়ে শিল্পী চলেছেন ষ্টীমারে আরোহণ কৰে শহৰেৰ অভিমুখে। হঠাৎ ষ্টীমাৰ থেকে তাকিয়ে দেখেন নদীতটবর্তী তাৰেৰ গৃহপ্রান্তে মা এসে দাঁড়িয়ে রয়েছে ষ্টীমাৰেৰ পানে উৎকণ্ঠাব্যাকুল দৃষ্টি মেলে, মূৰ্তিটি অস্পষ্ট—শুধু চোখ দুটি দিয়ে বিশ্বৰ সকল মমতা, সকল করুণা, সকল ব্যাকুলতা যেন ঝৰে পড়ছে—এল শিল্পীৰ জীৱনে এক দিব্য প্রেরণাৰ মুহূৰ্ত্ত—প্রবাসবাৰ্ত্তী সকল পুত্ৰেৰ জন্তু মায়েদেৰ অনন্ত ব্যাকুলতা, করুণাঘন দৃষ্টি-

মাধুৰ্য্য মূৰ্ত্তিমস্ত হয়ে উঠল যেন অন্তরেৰ সবটুকু ভক্তি-ভালবাসা উজ্জ্বল কৰে দিয়ে, নিপুণ তুলিকায় আকা ‘মধুৰ স্মৃতি’ ছবিটিতে।

কল্যা শ্রামলীৰ মৃত্যুৰ পৰ তাঁৰ স্মৃতিকে বাঁচিয়ে বাপবাৰ জন্তে শিল্পী গড়ে তুললেন ‘শ্রামলী’ নামক সেৱা-প্রতিষ্ঠান। এই সেৱা-ধৰ্ম্মেৰ ভিতৰ দিয়ে কল্যাৰ বিয়োগবাধা কতকটা ভুলে ছিলেন শিল্পী, সহসা এল আবার অপ্রত্যাশিত ভাবে অদৃষ্টেৰ নিষ্ঠুৰ আঘাত। ১৯৫৩ সনে দেওঘৰে শিল্পীৰ সহধাৰ্ম্মিণী সরস্বতী দেৱী লোকান্তৰিতা হলেন। এমনি ভাবে একটিৰ পৰ একটি কৰে বন্ধন ছিন্ন কৰে কলালক্ষী তাঁকে মহন্তৰ জীৱনব্রত উদ্ঘাপনেৰ জন্তে তৈরি কৰে নিলেন।

শোকজর্জরিত শিল্পীৰ মনে তখন জাগল শিল্পপ্রচাৰেৰ প্রচেষ্টাৰ সমগ্র ভারত-পৰিক্ৰমাৰ সঙ্কল্প। একদিন শুধু বেলেৰ টিকিটেৰ ভাড়াটি সম্বল কৰে সাত বছৰেৰ ছোট ছেলে কচি সহ তিনি বগুনা হলেন আসামেৰ ডিব্ৰুগড়েৰ অভিমুখে, সঙ্গে কৰে নিলেন নিজের হাতে আকা এক শতপানা ছবি। ১৯৫৪ সনেৰ ১৭ই ডিসেম্বৰ ডিব্ৰুগড়ে প্রথম অনুষ্ঠিত হ’ল তাঁৰ চিত্ৰ-প্রদৰ্শনী। তাৰ পৰ ভিন-সুকিয়া, ডিগবয়, কোহিমা, ইম্ফল, গোহাটি, শিশং, শিলচৰ প্রভৃতি আসামেৰ বিভিন্ন শহৰে প্রদৰ্শনীৰ অনুষ্ঠান কৰে, সৰ্বশ্ৰেণীৰ দৰ্শক-মণ্ডলীৰ সুখ্যাতি অৰ্জনাস্তে সম্প্ৰতি কিবে এসেছেন তিনি কলিকাতায়। শিল্পকলাৰ ইতিহাসে সম্পূৰ্ণ নিঃসম্বল অবস্থায়, বিস্তাৰালী ব্যক্তিদেৰ মুখাপেক্ষী না হয়ে, একক শিল্পীৰ এই নিঃসঙ্গ অভিযান এক অভিনব ঘটনা—পূৰ্বভাৱতে ধনীদরিদ্র নিৰ্বিশেষে সকল শ্ৰেণীৰ দৰ্শকদেৰ নিকট যে অকুণ্ঠ অভিনন্দন তিনি লাভ কৰেছেন, যে ভাবে সাধাৰণেৰ মনে শিল্পবোধ জাগ্ৰত কৰতে তিনি সমর্থ হৰেছেন, তা বাস্তবিকই বিস্ময়কর। অচিৰেই কলিকাতায় এই অভিবাত্তী শিল্পীৰ একটি শিল্প-প্রদৰ্শনী অনুষ্ঠিত হবে—তাৰই আয়োজন চলছে এখন পূৰ্ণোন্মুখে। প্রদৰ্শনী অনুষ্ঠানেৰ পৰ আবার শুরু হবে তাঁৰ পৰিক্ৰমা। এবাৰ যাত্রা কৰবেন তিনি দক্ষিণ-ভাৰতেৰ পথে। স্বকীয় শিল্পসম্ভাৰ নিয়ে শিল্পীৰ সমগ্র ভারত-পৰিক্ৰমাৰ সঙ্কল্প সার্থক হোক, বাঙালী শিল্পীৰ প্রতিভা সমগ্র ভারতে সমাদৃত হোক, সকল স্তৰেৰ গুণীজনেৰ স্বীকৃতিলাভ কৰুক—এই কামনাই আমরা কৰছি একান্ত মনে এবং শিল্পীকে আমাদেৰ আন্তৰিক শুভেচ্ছা জানিয়ে বলছি—“শিবাস্তে সন্ত পস্থানঃ”—“তোমাৰ পথ কল্যাণময় হোক”।



ব্যাঙ্কের পাস বই

ত্রিশিবংশকর দস্ত

বাংলা ব্যাঙ্ক টাকা জমা রাখেন তাঁহারা ব্যাঙ্কের পাস বই কি ও তাগতে কি থাকে অল্পবিস্তর জানেন। 'পাস বই' লেখা ব্যাঙ্কের কর্তৃ-মুদ্রণ মধো একটি প্রয়োজনীয় কর্ম। এ বিষয়ে বিশেষ কিছু আলোচনা করিবার পূর্বে 'পাস বই' কথাকে বলে তাহা জানা দরকার। ইংরেজী "Oxford Dictionary"তে পাস বই সম্পর্কে এই মর্মে লেখা আছে :

পাস বই হইতেছে—ব্যাঙ্ক তাহার আমানতকারীর নিকট যে জমা ও খরচের (অর্থাৎ আমানতকারী সেই ব্যাঙ্ক যে যে টাকা বা চেক জমা দিয়াছেন ও যে যে টাকা উঠাইয়া লইয়াছেন মায় প্রাপ্য বা দেয় সুদ) হিসাবে নিয়মিতভাবে পাঠায় ও বাহা দেখিয়া আমানতকারী বৃত্তান্ত পাবে ব্যাঙ্ক তাহার হিসাবে যত টাকা আছে।

বর্তমানে আমাদের দেশে ব্যাঙ্কঃ যে কাজ হয় তাহা বিলাতী প্রথা, বিশেষ করিয়া ইংলণ্ডের প্রথা। সুতরাং পাস বই দেওয়ার যেওরাজ ইংরেজী ব্যাঙ্কের অনুরূপে হইয়াছে। কবে হইতে এই পাস বই দেওয়ার প্রথা প্রচলিত হইল বলা বঠিন। এ বিষয়ে "Hoares Bank—a record 1673—1932" হইতে জানা যায়।

বহুকাল আগে ক'স কাগজে ব্যাঙ্কের হিসাব দেওয়া হইত। ১৮০২ সনে যে পাস বই দেওয়া হইত তাহাকে 'ধোপার খাতা' বলা হইত।

ইংলণ্ড ১৭১০ সনেও একপ্রকার হিসাব দেওয়া হইত। কিন্তু এই হিসাবকে 'পাস বই' বলা হইত না।

বিলাতে অষ্টাদশ শতাব্দী শেষ হইবার পূর্বে হইতে ব্যাঙ্ক কর্তৃক আমানতকারীকে 'পাস বই' দেওয়া হইত। কিন্তু তখন এই 'পাস বই'কে পাস বই বলা হইত না। Gilbert তাঁহার সুবিখ্যাত বইয়ে ইহাকে 'কাশ-বুক' বলিয়াছেন। ১৮১৬ সনের Dwyers vs. Noble মোকদ্দমার বায়ে ইহাকে 'প্যাসেজ-বুক' বলা হইয়াছে। ১৮২৮ সনে পাস বুক কথাটির চল ব্যাপক হয়

নাট। লর্ড চোলের তাঁহার এক বক্তৃতায় এই মর্মে বলিয়াছেন :

"ব্যাঙ্ক তাহার আমানতকারীর টাকা, নগদে বা কাগজে পাইলে তাহার হিসাব রাখেন এবং আমানতকারীকে বা তাঁহার হুকুমমত যে টাকা দেয় তাহারও হিসাব রাখেন। এই হিসাব ব্যাঙ্কের লেজারে থাকে। ইহারই একটি নকল—ছোট বইয়ে তুলিয়া আমানতকারীকে 'pass' করা বা দেওয়া হইত। এই থেকে ইহাকে পাস বই বলা হয় বা 'প্যাসেজ' বইয়ে সংক্ষিপ্ত করিয়া পাস বুক বলা হয় কিনা তাহা বলা কঠিন—ইহাকে যে উনবিংশ শতাব্দীর প্রারম্ভে প্যাসেজ-বই বলা হইত সে বিষয়ে কিছু সন্দেহ নাই।"

আমাদের দেশে টাকা লেন-দেনের বা ব্যক্তিবিশেষের কিংবা গদী বিশেষে সুদে অথবা বিনা সুদে টাকা গচ্ছিত রাখার অথবা বহুকালের হুজুরও প্রচলন বহুদিনের। বাংলার রাজত্ব নবাব-নাজিম জগৎশেঠের গদীতে জমা দিতেন; জগৎশেঠ হুজী কাটোয়া তাঁহাদের দিল্লীর গদীতে পাঠাইতেন। সেখানকার গদী বাদশাহকে এই টাকা দিতেন। ইহার হস্ত নবাব-সরকারে ও বাদশাহী-সরকারে জগৎশেঠের মধো হিসাব-নিকাশ হইত। এই হিসাব-নিকাশ অনেকটা পাস-বইয়ের অনুরূপ। আমাদের দেশের লোকেরা, মহাজনেরা বছরে দুই বার করিয়া 'দো-কদী' দিতেন—ইহাতে কত টাকা জমা দেওয়া হইয়াছে ও কত টাকা খরচ দেওয়া বা খরচ করা হইয়াছে তাহারও হিসাব থাকিত। 'দো-কদী' হাত-চিঠার অনুরূপ খাতায় দেওয়া হইত।

পূর্বে ইংরেজী প্রথায় যে পাস বই দেওয়া হইত তাহাতে থাকিত ব্যাঙ্কের খতিয়ানে (লেজারে) ব্যক্তিবিশেষের যে হিসাব থাকিত তাহার অবিকল নকল। এই হিসাবে ব্যাঙ্ক সেই ব্যক্তির নিকট হইতে বা তাহার হিসাব বাবদ যে টাকা পাইত তাহা ডান দিকে জমা করিত; আর সেই ব্যক্তি যে টাকা তুলিয়া লইত বা যে টাকার চেক দিত—যাহার দরুন ব্যাঙ্কের টাকা খরচ হইত—তাহা থাকিত বাম দিকে। যেমন

K. P. Basu,
in a/c with
Bengal Bank Ltd. Calcutta

Dr.

Cr.

Date	Particulars	Rs.	As.	P.	Date	Particulars	Rs.	As.	P.
1957 Jany. 1	To Subscription of Bangiya Sahitya Parishad	12	—	—	1957 Jany. 1	By Balance b/f	12,500	12	11
" 2	To Asiatic Society of Bengal	36	—	—	" 3	By Cash	500		
" 21	To cost of 100 Shares in Sarat Textiles Ltd.	10,000			"	By Bill Collected	3,001	3	1
" 31	To B. C. Sinha cheque No. P/F 001234	2,570		—	" 16	By Cheques	1,000		
	To Balance	10,484	—	—	" 25	By Cash	100		
					" 27	By Cheques	6,000		—
	Rs.	23,102	—	—		Rs.	23,102	—	—

বহুদিন হইল এই প্রথার পরিবর্তন হইয়াছে। আজকাল জমা-খরচ উন্টানোভাবে দেখান থাকে—অর্থাৎ ব্যাঙ্কে যে টাকা বা ব্যাঙ্কের পাস বইতে আমানতকারী নিজের খাতার বা লেজারে চকে পাঠান হয় তাহা থাকে বাম দিকে; আর যে টাকা তুলিয়া ব্যাঙ্ক সঞ্চয়ে যদি আলাদা হিসাব রাখেন তবে তাহাতে যে রকম লওয়া হয় বা চেক কাটা হয় তাহা থাকে ডান দিকে। তাহার হিসাব থাকিবে সেই রকম হিসাব পাঠান হয়। আগেকার যেমন :

Bengal Bank Ltd.
in a/c with
K. P. Basu

Dr.

Cr.

Date	Particulars	Rs.	As.	P.	Date	Particulars	Rs.	As.	P.
1957 Jany 1	To Balance	12,500	12	11	1957 Jany. 1	By Subscription of Bangiya Sahitya Parishad	12	—	—
" 3	To Cash	500	—	—	" 2	By Asiatic Society of Bengal	36	—	—
" "	To Bill Collected	3,001	3	1	" 21	By Cost of 100 Shares in Sarat Textiles Ltd.	10,000	—	—
" 16	To Cheques	1,000			" 31	By B. C. Sinha cheque No. P/F 001234	2,570	—	—
" 25	To Cash	100	—	—		By Balance	10,484	—	—
" 27	To Cheques	6,000	—	—		Rs.	23,102	—	—
	Rs.	23,102	—	—					

‘পাস বই’ এই নাম হইতেই বুঝা যায় যে, ইহা একখানি বই। কিন্তু আজকাল অনেক বড় বড় ব্যাঙ্কের পাস বই আর বইয়ের আকারে নাই। উপরি-উক্ত হিসাবের মাসিক, সাপ্তাহিক বা দৈনিক নকল নিয়মিতভাবে মাসে মাসে, সপ্তাহে সপ্তাহে বা দিনে দিনে আমানতকারীর নিকট আলাদা আলাদা কাগজে পাঠান হয়। এইগুলিকে ভাগভাবে গাঁথিয়া রাখিবার জগ ব্যাঙ্ক হইতে ভাল চামড়ার ক্লিপ দেওয়া খাতা পাঠান হয়। তাহাতে এই হিসাবগুলি পৰ পৰ সাজাইয়া রাখিলে এই সাজান হিসাবই “পাস বই” হইল। কলিকাতায় অধুনা-লুপ্ত ইম্পিরিয়াল ব্যাঙ্ক অব ইণ্ডিয়া সর্বপ্রথম এইরূপ পাস বই দিবার প্রথা চালু করেন। এখন অনেক ব্যাঙ্কে এইভাবে পাস বই দেওয়া হয়।

এই প্রকার নূতন পদ্ধতিতে পাস বই চালু হইবার কারণ—অনেক বড় বড় ব্যাঙ্কে ‘loose leaf ledger’ রাখা হয় ও কলে হিসাব রাখা হয়। যাহারা এইভাবে হিসাবগত রাখেন তাঁহাদের পক্ষে আলগা কাগজে হিসাব পাঠানই সুবিধাজনক। আমানতকারীরও সুবিধা—ব্যাঙ্কে পাস বই পাঠাইতে হইল না, পাস বই পাঠান হইলে আমানতকারীর হাতে ব্যাঙ্কের স্বীকৃত টাকা কোন প্রকার হিসাব রহিল না; পাস বই ব্যাঙ্কে পাঠান হইলে ব্যাঙ্কের কক্ষচারিগণ পাস বই পূরণ করিতে যে কয়দিন সময় লন সেই কয়দিন আমানতকারীর নিকট কোন হিসাব থাকে না, পাস বই পাঠান বা আনাইবার কক্ষটি ও খরচ কিছু লাগে না বা পাস বই খোয়া যাইবার কোন ঝুঁকি থাকে না।

যাহাদের দৈনিক অনেকগুলি চেকের লেন-দেন হয় তাঁহাদের পক্ষে এই পদ্ধতিই সুবিধাজনক। দিনে দিনে, সপ্তাহে সপ্তাহে বা মাসে মাসে ব্যাঙ্ক হইতে জমা-খরচের হিসাব আসিতেছে—তাঁহাদের নিজেদের খাতার সহিত মিলাইয়া বসিলেই হইল।

বাধানো পাস বই ও আলগা আলগা কাগজে লিখিত ও প্রেরিত হিসাব গাঁথিয়া যে পাস বই তৈয়ারি হইল ইহাদের মধ্যে কোনটি বেশী প্রামাণ্য ও আদালত-গ্রাহ্য সে সম্বন্ধে ইংলণ্ডের কোম্পানী আইন অনুসারে Hearts of oak Assurance Co. Ltd. vs. James Flower and Sons [1936]। Chancery p, 76 খাতা দ্রষ্টব্য। ঐ মোকদ্দমায় আলগা খাতা প্রমাণে ব্যবহৃত হইবার বিরুদ্ধে জজের মন্তব্য বিশেষভাবে লক্ষ্য করিবার বিষয়।

ব্যাঙ্ক পাস বই দেয় কেন ?

প্রত্যেক ব্যাঙ্কই আমানতকারীকে পাস বই—তা খাতাই হউক বা আলাদা আলাদা কাগজই হউক দিয়া থাকে। কেন ব্যাঙ্ক খরচা করিয়া, দায়িত্ব লইয়া, ঝুঁকি লইয়া পাস বই দেয় ? পাস-বই দিলে যে আমানতকারীর ব্যাঙ্কের সহিত তাহার নিজের হিসাব দেখিবার সুবিধা হয় সে-কথা বলাই বাহুল্য। ব্যাঙ্ক কি খরিদার বা আমানতকারী সংগ্রহ করিবার জগ বা ভরসা করিয়া এই পাস

বই দেয় ? না, আইনতঃ ব্যাঙ্কে এই পাস বই দেওয়ার কোন বাধ্যবাধকতা আছে ?

ব্যাঙ্কের সহিত আমানতকারীর সম্পর্ক যে প্রধানতঃ পাওনাদার ও দেনদারের সম্পর্ক—বিলাতের হার্ডিস অব লর্ডসের Foley vs. Hill মোকদ্দমায় ১৮৪৮ সনে এই সিদ্ধান্ত অনুমোদিত হইয়াছে। বহুপ্রকার কাজে পাওনাদার ও দেনদারের সম্পর্ক হয়—যেমন টাকা ধার দিলে বা টাকা ধার লইলে, দোকান হইতে ধারে জিনিষপত্র খরিদ করিলে বা বেচিলে। কিন্তু ব্যাঙ্কের সহিত আমানতকারীর যে দেনদার-পাওনাদার সম্পর্ক ইহা এক বিশেষ প্রকার দেনদার-পাওনাদার সম্পর্ক; এই সম্পর্কের মধ্যে মনিব-কক্ষচারীর বা মালিক-ম্যানেজারের ‘লি অব এজেন্টস্’র বহু অংশ চুকিয়া গিয়াছে। বিলাতের টুর্নিয়ার বনাম নেশনাল প্রভিডেন্সিয়াল ব্যাঙ্কের মামলায় ১৯২৪ সনে এই সিদ্ধান্ত অনুমোদিত হইয়াছে।

ইংলণ্ডে খ্রীষ্টীয় অষ্টাদশ ও উনবিংশ শতাব্দীর প্রারম্ভে ব্যাঙ্ক আমানতকারীর এজেন্ট—এই মত প্রবল ছিল। যিনি এজেন্ট তিনি যে টাকা এজেন্টরূপে পাঠিয়াছেন বা যে টাকা এজেন্টরূপে খরচ করিয়াছেন তাহার নিমিত্ত মালিকের নিকট সন্তোষজনক ভাবে কৈফিয়ত দিতে বাধ্য ও তাহার জগ দায়ী। সন্তোষজনক ভাবে কৈফিয়ত দিতে হইলে তাহার এজেন্টের হিসাব রাখা দরকার। যখনই মালিক চাহিবেন তখনই এই হিসাব দেখাইতে ও দিতে তিনি বাধ্য।

ইহা হইতেই ব্যাঙ্কের পাস বই দেওয়া প্রথার উদ্ভব হইয়াছে। কিন্তু হিসাব দেওয়া এক জিনিষ, আর হিসাব দাখিল করা আর এক জিনিষ। পার্থক্য অতি সূক্ষ্ম বটে, কিন্তু ইহার বুনিয়াদে ব্যাঙ্কের ও আমানতকারীর পরস্পরের ব্যবহারিক, আইনগত সম্পর্ক নির্ভর করে। আজকাল পাস বই দেওয়ার প্রথা এতই চালু হইয়া গিয়াছে যে, যখনই কোন আমানতকারী কোন ব্যাঙ্কে টাকা জমা দিয়া হিসাব গোমেন তখনই তাঁহাকে পাস বই দেওয়া হয়। ব্যাঙ্ক যে নূতন আমানতকারীর নিকট হইতে টাকা পাইয়াছেন এই পাস বই তাহার স্বীকৃতি। ফলে পাস বইয়ে সময় সময় ব্যাঙ্কের হিসাব উদ্ধার করিয়া দেওয়া সম্বন্ধ আমানতকারীর সহিত ব্যাঙ্কের একটি অলিখিত চুক্তি হইয়াছে বলা যাইতে পারে। এই চুক্তিমূলে ব্যাঙ্ক পাস বইয়ে হিসাব তুলিয়া দিতে বাধ্য।

ব্যবসায় জগতে কতকগুলি অলিখিত প্রথা আছে। আর এই প্রথা অনেক সময় পরিবর্তিত হয়। প্রায় এক শত বৎসর পূর্বে বড়বাজার অঞ্চলে কোন দোকানদার বা ব্যবসায়ী ঘর ভাড়া লইলে বাঙালী জমিদারকে পূজার সময় ও বর্ষশেষে ১৫ দিনের করিয়া এক মাসের ভাড়া বেশী দিতে হইত। তাহার পর মাড়োয়ারী বিত্তশালী লোকেরা বড়বাজারের অনেক বাড়ী কিনিয়া লইলেন, তখন রেওয়াজ হইল প্রত্যেক তিন বৎসর অন্তর ভাড়াটীয়াকে সেলামী দিতে হইবে—এই সেলামীর পরিমাণ ছয় মাস হইতে এক বৎসরের ভাড়া। তাহার পর এই অনিশ্চয়তা এড়াইবার জগ বীতিমত

এটনো বাড়ী হইতে লিঙ্গ-দলিল সম্পাদিত হইতে লাগিল। পরে ১৯২০ সনের য়েণ্ট এক্ট চালু হইল। এই অলিখিত প্রথা লোপ পাইয়া বৈশীষ ভাগ ক্ষেত্রে চুক্তিতে পবিত্র হইল।

ব্যাঙ্কের পাস বই দেওয়ার প্রথা কলিকাতায় গত সত্তর-আশী বৎসর ধরিয়৷ এত ব্যাপক ও সর্বক্ষেত্রে প্রযুক্ত হইতেছে যে, এখন ইহাকে একটি অলিখিত নিয়ম বলিয়া ধরিয়৷ লওয়া চলে। এবং আমানতকারীকে ব্যাঙ্ক পাস বই দিতে ও মধ্যে মধ্যে পাস বইয়ে হিসাব তুলিয়া দিতে বাধা ইহা ধরিয়৷ লওয়া যাইতে পারে।

ব্যাঙ্ক যে আমানতকারীর নিকট এজেন্ট হিসাবে পাস বই সম্পর্কে দায়ী আমরা দেখিয়াছি। ইহার সহিত কিন্তু ব্যাঙ্ক যে আমানতকারীর হইয়া বহুপ্রকারের এজেন্সী সাভিসেস করিয়া দেয় তাহার সহিত সম্পর্ক নাই। আজকাল ব্যাঙ্ক জীবন-বীমা, অগ্নি-বীমা প্রভৃতির চন্দা বা প্রিমিয়াম নিয়মিত ভাবে আদায় করিয়া থাকে। ইহার জন্ম আলাদা লিখিত চুক্তি থাকে। ব্যাঙ্ক অনেক সময় কোম্পানীর কাগজ বা শেয়ার "রিদ-বিক্রয়" করিয়া দেয়, কিংবা উইলের একজিকিউটাররূপে অথবা দলিলমূল ট্রাষ্টি-রূপে কার্য করে। কখনও কখনও আম-মোস্তার হইয়া কোম্পানীর ডিভিডেন্ট প্রভৃতি আদায় করে কিংবা চিঠিপত্র তাহার নিয়ত পরিবর্তনশীল ঠিকানায় পাঠাইয়া দেয়। এই সব কার্য অনেক সময় ভদ্রতা হিসাবে বিনা পারিশ্রমিকে ব্যাঙ্ক করিয়া দেয়; আবার সময় সময় ইহার জন্ম কিছু কমিশন কাটিয়া লয়। ব্যাঙ্ক যখন উইলে একজিকিউটাররূপে কার্য করে তখন উহা উইলের বিধান-সমূহ মানিয়া লইতে বাধ্য। এতদ্বারা কোনও প্রকার সন্দেহের কারণ ঘটিলে ব্যাঙ্ক উপযুক্ত আইনজ্ঞ ব্যক্তির মত লইতে পারে বা হাই-কোর্টের আদিম বিভাগে দরখাস্ত করিয়া আদালতের সে সম্বন্ধে কি সিদ্ধান্ত তাহা জানিয়া লইতে পারে। ইহার সমস্ত খরচা মুক্তের এপ্টেট হইতে সাধারণতঃ পাওয়া যায়। ব্যাঙ্ক যখন ট্রাষ্টিরূপে কার্য করে তখন ট্রাষ্ট দলিলের বিধানসমূহ মানিয়া চলিতে বাধ্য। ব্যাঙ্ককে ট্রাষ্টিরূপে নিয়োগ করিবার পূর্বে ব্যাঙ্কের সম্মতি গ্রহণ করা প্রয়োজন। বিনা সম্মতিতে ব্যাঙ্ক ট্রাষ্টিরূপে কার্য করিতে বাধ্য নহে।

অনেক সময় মূল্যবান হীরা, জহরৎ, গহনা, দলিলাদি safe custody বা নিরাপদ হেপাজতের জন্ম ব্যাঙ্কের নিকট গচ্ছিত রাখা হয়। ইহার নিমিত্ত ব্যাঙ্ক আলাদা কমিশন লয়।

পাস বইয়ের বিবরণ বলিতে গেলে একথাও উল্লেখ করা প্রয়োজন যে :

“The Law of banking revolves round the great principle that the relationship of banker and customer is that of debtor and creditor.”

কাজেই পাস বই প্রেরণ সম্পর্কে ব্যাঙ্কের দায়িত্ব নেহাত কম নয়। ব্যাঙ্ক তাহার কাষ্টমার বা আমানতকারীকে পাস বই দিতেছে—এই পাস বইয়ে ব্যাঙ্ক ভুল থাকিতে পারে—এখন

প্রশ্ন হইতে পারে যে, এ ভুলের জন্ম দায়ী কে? সাধারণতঃ মনে করা হয় যে, আমানতকারীর নিজের হিসাব পরীক্ষা করার কোন কর্তব্য নাই। এখন যদিও ব্যাঙ্কের দায়িত্ব অত্যধিক বলিয়া মনে হইতেছে—কিন্তু আমানতকারী তাহার হিসাবে কত টাকা জমা আছে তাহা না জানিয়া কাহাকেও চেক দিলে তিনি নিজে মুশকিলে পড়িতে পারেন। কাজেই আশা করা সমীচীন যে, “আমানত-কারীর কর্তব্য তাহার নিজের হিসাব পরীক্ষা করা। সাধারণতঃ কাষ্টমার বা আমানতকারীরা আশা করেন :

“That the banker is under a duty to his customer in rendering his account to ensure that the items are set out accurately.”

অবশ্য ভুল যে হইবে না তাহার কোন নিশ্চয়তা নাই, তবে ইচ্ছাকৃত ভুলের জন্ম সাধারণতঃ ব্যাঙ্কার দায়ী। এ সম্পর্কে নিম্নোক্ত কথাগুলি প্রণিধানযোগ্য :

“That a false entry deliberately made was binding on the maker”

অনেকেই মনে করেন যে, পাস বইয়ের আঞ্চিক ভুলভেদে আমানতকারী তাহার অযোগ্য লইতে পারেন। অথচ এ সম্পর্কে আইন হইতেছে :

“Such entries [i.e. in the Pass book] are not conclusive. They are admissions only and as in the case of receipts for payment of money they do not debar the party sought to be bound by them from showing the real nature of the transactions which they are intended to record.”

কাজেই দেখা যায় যে, পাস বইয়ে ব্যাঙ্ক ভুলবশতঃ বেশী টাকা জমা দেখাইলেও যখন ব্যাঙ্কার তাহার ভুল ধরিয়৷ছেন তখন :

“It will then be for the banker to prove affirmatively that the entry was wrong, and if he can do this, his action in rectifying it will be upheld.”

ব্যাঙ্কিং আইনে “Estoppel”-এর ব্যবহার প্রায়ই হয়, অবশ্য আইনের ব্যবহার দেশগত কোন প্রভেদ রাখে না। এ ধরনের আইনের প্রয়োগ এদেশে না হইলেও হইতে পারে।

পাস বই সমস্তের সকল দিক বিচার করিলে ব্যাঙ্ক কর্মচারীদের বিশেষ সতর্কতা অবলম্বন আবশ্যিক।

পাস বইয়ের ভুল ধরা পড়িলে ব্যাঙ্কের কর্তব্য আমানতকারীকে জানানো এবং বতর্কণ এ বিষয়ের বীমাংসা না হয় ততক্ষণ পর্যন্ত ব্যাঙ্ক এই ভুলের ভিত্তিতে আমানতকারী যে চেক কাটিয়াছেন তাহার সমস্ত টাকা তাহাকে দিয়া দেওয়া।



ফাণ্ডানের স্বপ্নছবি

শ্রী করুণাময় বসু

চিকণ সবুজে মোড়া ছায়া স্নিগ্ধ কান্তনের ভোরবেলা
কখনো বা মনে হয় জ্যোৎস্নারাত্রে এক ঝাক পরী
কুক্ষুচুচু ঘনবনে ফিবে ফিবে আসে ; ভুলে যাওয়া কবেকার ছেলেখেলা
হাওয়ার এসেছে উড়ে, ফেলে গেছে আনমনে ফুলের পাপড়ি ;
বকুলের কুমুম-ভালার, সেই স্মৃতি মনে পড়ে শান্ত অবকাশে :
ঘন গন্ধে রিমঝিম পরীর নিশ্বাসে
আশ্চর্য হারানো দিন ফুল হয়ে ফুটে ওঠে
যাহু-লাগে, চোখ বুজে আসে ।
জীবনের মবা ঘাসে ঘাসে ।
হৃপুকের শূণ্য মাঠ, বেতবোপ, নীল খড়িবন
গাছে গাছে আলোছায়া রঙ,
আশ্চর্য জ্যোৎস্নারাত্রে রূপ ধরে চিত্রলেখা পরীর মতন :
পাখিহাঁস চোপ বুজে
চিত্রিত মোমের মুখ, রাঙা ঠোঁট, এলোমেলো চুল,
কি যে খোঁজে কালো জলে শ্রীশ্রীর নতুন সবুজে :
কখনো কবরী বাধে, গুঞ্জে রাগে চাঁপা, বেলফুল ।
বুলবুল ভুল করে খুঁজে মরে সুরের সারঙ ।
অধিক মানুষী রূপ, অধিক নাগিনী,
মাঠে মাঠে, শালবনে রৌদ্রছায়া কবে বিস্মিল,
মাধবী পূর্ণিমা রাতে পদ্মচাঁক কালো জলে চেয়ে দেখো,
কঁচপোকা উড়ে আসে, আকাশে ছবির মতো আঁকা গাঙচিল ।
মনে হবে যেন চিনি চিনি ।
বেলা বাহ, ঘুঘুচাঁকা ঘুঘুম অপহৃত্ত আসে,
মনে হবে এইখানে পাশাবতী মেয়ে কোন পেতে রাগে ঝাঁদ,
সোনালি পাতায় মোড়া পদ্মকুঁড়ি-দিন
ধরেছে রাজ্যের ছেলে, তারামূল, বনলতা, চাঁদ ।
পাখী হয়ে উড়ে গেল গানের আকাশে ।
হঠাৎ এসো না কেউ একা একা আপনার ভুলে,
এ বড়ো মাটির দেশ, মণিমালা চমকায়
তার পয় বেলাশেষে চাঁপাবনে ছলছল চাঁদ,
পরীদের কালো এলোচুলে ।
মনে হ'ল ঘুঘুচোখে আমার কপালে ছোঁয়
ঘুম ঘুম গন্ধমাখা ফাঙ্কনের রিমঝিম রাত
অদেবা কোমল কারো হাত ?
মেলেছে রূপালি পাখী, আমার মনের বনে
আঙলে জড়ানো আছে মাধাময় সমতার ছাদ ।
ফুল হয়, পাখী হয়, পরী হয়ে উড়ে যায় আকাশে হঠাৎ ।

ভ্রম সংশোধন

সংখ্যা	পৃষ্ঠা	স্তম্ভ	পংক্তি	অক্ষর	শব্দ
মাঘ	৪০১	১	১০	সবাহর	সরহের
	৪০১	২	৭	ইন্দ্র	ইন্দ্র
	৪০২	১	৪২	হিক্র	হেবজ
	৪০৩	২	৩২	বৌদ্ধগণের	বৌদ্ধগানের
	৪০৩	২	৩৪	সংহপাদ ভূমুক	সংহপাদ ও ভূমুক

প্রবাসী ক'ল্লন সংখ্যার ৪৬তম ছবির নাম ভ্রমক্রমে 'ধৃতরাষ্ট্রের অরণ্যবাত্রা'
ছাপা হইয়াছে, ইহা হইবে 'একলব্যের গুরুদক্ষিণা' ।



শ্রীদীপক চৌধুরী

দুই

গতকালের ঘটনাগুলি মনে মনে গুছিয়ে নিচ্ছিলাম আমি। বণিক আপিসের বৈচিত্র্যহীন জীবনে হঠাৎ খানিকটা দোলা লেগেছে। স্মৃত্যুপার অল্পপস্থিতি বড়বাবুর চোখে পড়েছে।

চারটে বাজবার সঙ্গে সঙ্গে উঠে পড়লাম। কাজ করতে পারি নি। ঘড়ির দিকে চেয়ে বসে ছিলাম। বড়বাবু আমার ডেকে পাঠালেন। জিজ্ঞাসা করলেন, “দু’ এক দিনের জন্মে ছুটি নেবেন নাকি?”

“না। এক ঘণ্টা আগে ছুটি পেলেই খুশী হব।”

“শরীরটা বোধ হয় আপনার ভাল নেই। আজ ত একটা ফাইলও ক্লিয়ার করতে পারলেন না। কাজের ক্ষতি হচ্ছে।” এই বলে বড়বাবু তাঁর নিজের ফাইলগুলি গুছোতে লাগলেন। এক ঘণ্টার জন্মে ছুটি পেলাম কিনা বুঝতে পারলাম না। তাঁর সামনে দাঁড়িয়ে ইতস্ততঃ করছিলাম, এমন সময় তিনি বললেন, “দ্বিতীয় পঞ্চবার্ষিক পরিকল্পনা চালু হবে। প্রচুর কাজ বাড়ল আমাদের। স্বাধীন ভারত-বর্ষের নাগরিকদের দায়িত্ব সবচেয়ে বেশী।”

“আপনার কথা মিথ্যে নয়। কিন্তু স্মৃত্যুপা রায়েকে দেখতে যাওয়ার দায়িত্ব অনেক।”

“স্বাধীন ভারতবর্ষের চেয়ে স্মৃত্যুপা রায়ে কি বড় হ’ল?” প্রশ্ন করলেন বড়বাবু।

বললাম, “বাট করে জবাব দেওয়া মুশকিল। ছাত্রজীবনে স্বাধীনতা কথাটা বহু বার শুনেছি। ওতে এত বেশী নেশা ছিল যে, কথাটার মানে বোঝাবার চেষ্টা করি নি। এখন নেশার মাত্রা গেছে কমে। এবার মানে বোঝাবার সময় হ’ল।”

“তা হলে গড়িয়া অঞ্চলটা একবার ঘুরেই আসুন। জানাবেন, মিসেস রায়ে কেমন আছেন।”

“ছোট সাহেব কি তাঁর পুরনো স্টেনোর খোঁজ করেন নি?”

“মাজাজী স্টেনোর কাজ তিনি পছন্দ করেন খুব। তা ছাড়া সুয়েজ খাল বন্ধ। তিনি ত মাথায় হাত দিয়ে বসে আছেন—যাচ্ছেন?”

“আজ্ঞে হ্যাঁ।”

“একটু দাঁড়ান।” বড়বাবু ফাইল হাতড়াতে লাগলেন।

সুয়েজ খাল বন্ধ বলে দরকারী মেশিনপত্র আসতে দেরি হচ্ছে আমি জানি। হয়ত দেশের তাতে ক্ষতিও হবে। কিন্তু স্মৃত্যুপার ক্ষতি কি সমাজ কিংবা দেশের ক্ষতি বলে কোন দিনও গণ্য হবে না? তা যদি না হয়, তবে তেমন দেশের নাম যদি ভারতবর্ষও হয় তাতে স্মৃত্যুপার কি যায় আসে? যে পরিকল্পনার জন্মে বড়বাবু আমাদের অল্প মাইনেতে বেশী শ্রমদান করার অনুরোধ জানাচ্ছেন, স্মৃত্যুপা তার অংশমাত্র নয়। ভারতবর্ষের কোন পরিকল্পনার মানচিত্রে গড়িয়ার খালটিকে আমি দেখতে পাই নি।

আমি চলেই আসছিলাম। বড়বাবু এবার ফাইল থেকে মুখ তুলে আমার দিকে চেয়ে রইলেন কয়েক মুহূর্ত। আমি জিজ্ঞাসা করলাম, “কিছু বলবেন?”

“মিসেস রায়েকে কতদিন থেকে চেনেন?”

“কাল থেকে।”

“ও, হ্যাঁ—আপনিই ত বলছেন, কাল তিনি আহত হয়েছেন।”

“আমার একটু ভুল হয়েছে বড়বাবু। তিনি বোধ হয় আহত হয়েছেন অনেক দিন আগে—”

“কত আগে?” বুকে বসলেন তিনি।

ছোট সাহেব তখন সাহিড়ীর বেয়ারা এসে সামনে দাড়াইল। ধবর দিল, ছোট সাহেব তাঁকে ডেকে পাঠিয়ে-ছেন। বড়বাবু উঠে পড়লেন। তাঁর শেষ প্রশ্নটার জবাব দেওয়ার দরকার হ’ল না। তিনি বললেন, “আচ্ছা, আপনি তা হলে আসুন। ধবর দেবেন মিসেস রায়ে কেমন আছেন। আর ক’দিনের ছুটির দরকার তাও জেনে নেবেন। সবচেয়ে আশ্চর্যের ধবরটা বোধ হয় আপনি রাখেন না মহীতোষ বাবু?”

ধবরটা শোনবার জন্মে আমার আগ্রহ হ’ল। তিনি বলতে লাগলেন, “গত পাঁচ বছরের মধ্যে মিসেস রায়ে এক দিনের জন্মেও ছুটি নেন নি। তাঁর বরাদ্দ ছুটিও নষ্ট হয়ে গেছে। ওই অসুস্থ শরীর নিয়ে কি করে যে তিনি আপিসে আসেন ভেবে অবাক হয়ে যাই। আমি ত গোড়াতেই ঠিক করে রেখেছিলাম, এক সপ্তাহের বেশী টিকবেন না তিনি। দু’শ টাকার চাকরির জন্মে মশাই বালিগঞ্জের সেই সুন্দরী মেয়েটি আজও আমার সঙ্গে মাঝে মাঝে দেখা করে যায়।

তা ছাড়া আমার ভাইঝিটি আবার শর্টহ্যান্ড টাইপ রাইটিং
শিখছে, এবার পরীক্ষা দেবে। কি করি বলুন ত ?”

“আপনি আর কি করবেন বড়বাবু ?”

“না, না—আমার আবার করা-করি কি ! আমি ভাব-
ছিলুম সমাজের কথা। কি সাংঘাতিক বিপ্লব মশাই ! অর্থ-
নৈতিক স্বাধীনতা পেয়ে মেয়ে-পুরুষের সম্পর্ক সব বদলে
যাচ্ছে। বালিগঞ্জের সেই মেয়েটি বিয়ে করতে চায় না।
গত রবিবারে আমায় নেমন্তন্ন করে খুব খাওয়ালে মশাই।
কি একটা হোটেল নিয়ে গেল। ভেতরে গিয়ে দেখি ছোট
ছোট খুপরি, সেখানে গিয়ে বসলুম। বেয়ারা এসে পর্দা
ফেলে দিলে। প্রথমেই দেখি ইয়া বড় এক কবিরাজী কাট-
লেট—বলি ইয়া মশাই মহীতোষবাবু, মিসেস রায়ের কি হাত-
পা ভেঙেছে ?”

“না।”

“ভাগ্য ভাল। হাত-পা ভাঙলে ভদ্রমহিলার আর
ধাকবেই বা কি !” বড়বাবুর নিশ্বাসে সহানুভূতির উত্তাপ।
আমি বুঝতে পেরেছিলাম—তাঁর কথা এখনও ফুরায় নি।
গলা-বন্ধ কোর্টের বোতাম লাগাতে লাগাতে তিনি নীচু স্বরে
আমায় জিজ্ঞাসা করলেন, “স্বামী-টামি কাউকে দেখলেন
সেখানে ?”

“না।”

“জানতুম। আমাদের ছোটসাহেব যে মিসেস রায়ের
মধ্যে কি দেখলেন বুঝতে পারি না। শুধু হাত-পা
ধাকলেই যে ঠিকানা প্রকার হওয়া যায় না তাও কি আমরা
বলে দিতে হবে। এদিকের খবর তো আরও খারাপ।”

“কোন দিকের ?”

“মিসেস লাহিড়ী নাকি খুবই অসুস্থ। শুনছি দিনরাত
ভুল বকেন, বোধ হয় রাঁচি পাঠাতে হবে। কি যে মুশকিলে
পড়েছি আমি একমাত্র না কাশীই জানেন।”

“আপনার কি মুশকিল হ’ল ?”

“ওই যে বালিগঞ্জের মেয়েটি তাকে কথা দিয়েছি। কোন
একটা বিস্কুট কোম্পানীতে কাজ করছে, অল্প মাইনে। দেশী
কোম্পানীগুলোর কি যে হাস হয়েছে—খবর দেবেন।
মিসেস রায়কে বলবেন, দু’চার মাসের ছুটি চাইলেও তিনি
পাবেন, সাহেবকে দিয়ে মঞ্জুর করিয়ে দিতে পারব, পারবই।”
বড়বাবু আর অপেক্ষা করলেন না।

আমিও বেরিয়ে এসাম আপিস থেকে।

হারিসন রোডের সাধারণ একটা হোটেলের আমি থাকি।
লম্বা ধাঁচের বাড়ীটা, তারই পাঁচ তলার আমার ঘর। এখান

থেকে যে-জগৎটা আমি এযাবৎ দেখে এসেছি তার
সঙ্গে গড়িয়ার নব-আবিষ্কৃত জগতের কোন সাদৃশ্য নেই।
সাদৃশ্য থাকলে আজ আমি পাঁচ নম্বর বাস ধরে স্মৃতপা রায়কে
দেখতে যেতাম না।

বসবার ঘরটা দেখলাম আজ খালি, কেউ সেখানে নেই।
কি করব ভাবছিলাম, চার-পাঁচ মিনিট অপেক্ষা করলাম।
মনে হ’ল ঘরের দেওয়ালগুলি আমার ওপর সতর্ক নজর
রেখেছে। বিপিন চাটুজের গুলি খেয়ে এরা আর কাউকে
বিশ্বাস করে না। বিশ্বাস করবার মত এদের আর স্বাস্থ্য
নেই, পলস্তারা সব খসে পড়েছে। গর্ত দুটো শুধু বিদ্রোহী
লালু সরকারের চোখের মত জঙ্গ জঙ্গ করছে। স্বাধীন
ভারতবর্ষে লালু সরকার কি আজও পরাধীন ?

বলরাম ঘরে ঢুকল। কাল তার সঙ্গে আমার পরিচয়
হয়েছে। জিজ্ঞাসা করলাম, “মাসীমা কোথায় রে ?”

জবাব দিল না বলরাম। আমি লক্ষ্য করলাম বলরামের
মুখ শুকনো, পা দুটো কাঁপছে। শাট দুটো ঘামে চূপ চূপ
করছে। দু’পকেটে হাত দুটো চুকিয়ে রেখেছে। ওপাশের
ওই চৌকির ওপর বস করে বসে পড়ল বলরাম। আমি
এগিয়ে গেলাম ওর কাছে। গড়িয়ার আকাশ থেকে সূর্য
যে বিদায় নিয়েছে। বালিগঞ্জে হয়ত এখনও আলো
আছে, কিন্তু সরকার-কুঠীর বসবার ঘরে সন্ধ্যা সমাগত।
জিজ্ঞাসা করলাম, “কি হয়েছে রে ? জর এল নাকি ?”

জবাব দিল ষষ্ঠী দত্ত। এর পেছনে পেছনে সেও এসে
ঘরে ঢুকেছে। খোঁচা খোঁচা দাড়িতে হাত বুলোতে বুলোতে
মেক-আপ ম্যান বলল, “রক্তিতের মোড়ে ভিরমি খেয়ে
রাস্তার ওপর পড়ে গিয়েছিল বলরাম। রিফিউজীর বাচ্ছা
কিনা তাই পনের টাকাকে এক গাদা টাকা মনে করে।”
এই বলে ষষ্ঠী দত্ত পকেট থেকে বিড়ি বার করল। বিড়ি
ধরিয়ে সে বলতে লাগল, “ছোড়াটা এক সঙ্গে পনের টাকা
কখনও দেখে নি। একটু আগে আমার পকেট থেকে
পনেরটা টাকা খোয়া গেছে। বাস থেকে নেমে দেখি পকেটের
তলার দিকটা নেই, সবটাই কাটা। বলরামকে এত করে
বোঝালুম যে, কলকাতার শহরে মাত্র পনের টাকা খোয়া
গেলে লোকে কাশীঘাটে গিয়ে পূজো দিয়ে আসে কিন্তু এই
দেখুন ত, খবরটা শোনবার পর থেকে রিফিউজীর বাচ্ছা
প্রথমে ভিরমি খেয়ে পড়ে গেল, তার পর এখন ত বসে বসে
কাঁপছে। ওরে ও বলরাম—” ষষ্ঠী দত্ত চৌকির কাছে
এগিয়ে এসে পুনরায় বলল, “দু’চারটে রুদা না খেলে তোব
কাঁপুনি থামবে না দেখছি। এ হচ্ছে গিয়ে দাদা হোমিও-
প্যাথি চিকিৎসা, বিষ দিয়ে বিষ কন্ন করা। ওঠ—ফিফ-

ষ্টারদের মুখে ছ'পৌঁচড়া রং মাখালেই ষষ্ঠী দস্ত পনর টাকা
রোজগার করতে পারে—”

“কে বে এত লম্বা চওড়া বস্ত্রমে দিচ্ছে? আমাদের
ষষ্ঠী না? বলি হ্যাঁ রে ষষ্ঠী, গেল মাসের পুরো টাকা ত
দিস নি? আমি কি তোদের ধার করে খাওয়ার নাকি?
মুদির ছেলেরা তাগাদা দিচ্ছে সেই পয়সা তারিখ থেকে।
তোরা সবাই যদি বাকিতে খেতে চাস তবে সংসারটা আমি
চালাই কি করে? ওখানে কি বাবা?”

“কালকের বাবুটি আবার এসেছেন মাসীমা।” বলল
ষষ্ঠী দস্ত।

“কালকের বাবুটি? না ষষ্ঠী, ওকে বলে দাও এখানে
আর জায়গা নেই। আমরা আর পেইং গেট রাখতে পারব
না। মাসীমার সংসারে সবাই বিনে পয়সায় খেতে চায়। ওরে
ও ষষ্ঠী, বাবুটিকে জিজ্ঞেস কর পয়সা তারিখ আগাম দিতে
পারবেন কিনা। আজ সকালে ছ'জন প্রফেসর এসেছিলেন
—যাদবপুরে নাকি নতুন নতুন বাড়ী তৈরী হচ্ছে রে ষষ্ঠী?”

“হ্যাঁ।”

“সেই বাড়ীতে নাকি প্রফেসর ছ'জন চাকরি করেন।
মা সরস্বতীর কপালে এত দুঃখও ছিল। তাঁরা কিন্তু বাবা
আগাম দিয়েই থাকতে চান। বলি ও ষষ্ঠী, আলোটা জাল
না রে। বুড়ী হয়ে গেছি কিনা, চোখে ভাল দেখতে পাই
না। আমাদের ষষ্ঠী হচ্ছে গিয়ে মেক-আপ ম্যান। ফিল্ম
কোম্পানীর মেয়েদের মুখে রং মাখায়। হ্যাঁ রে ষষ্ঠী, আমার
মুখে রং মাখিয়ে বয়স কমাতে পারিস?” দীর্ঘনিশ্বাস ফেলে
মাসীমাই আবার বললেন, “পারবি নে। পারলেও পঞ্চাশটা
বছর লুকোই কি করে! তোর তুলির আঁচড় আমি
চিনি।”

ষষ্ঠী দস্ত আলো জালল। আমার দিকে চেয়ে তিনি
বললেন, “কে? মহীতোষ? আমি ভাবলুম, আমার
হোটেলের কেউ থাকতে এল বুঝি, বস।” মাসীমার গলায়
সুর বদলে গেল।

হেসে ফেললাম আমি। অনুরোধের সুরে বললাম,
“পয়সা তারিখে সব টাকাই আমি আগাম দেব। দেবেন
থাকতে?”

ইত্যবসরে মাসীমা বলরামকে দেখে নিয়েছেন। ওর মুখ
দেখে তিনি নিমেষের মধ্যে চিন্তিত হয়ে পড়লেন। ষষ্ঠী
দস্তর কাছ থেকে ঘটনাটা শুনলেন তিনি। বলরামের মাথায়
হাত বুলোতে বুলোতে মাসীমা বললেন, “শক পেয়েছে। কেউ
কেউ লাখ পনর গেলে শক পায়। সংসারটা বড় বিচিত্র
জায়গা! ষষ্ঠী, রাগাঘরে গরম হুখ আছে। ওকে নিয়ে যা
সেখানে। খানিকটা গরম হুখ খাইয়ে দে।”

বলরামকে নিয়ে ষষ্ঠী দস্ত ঘর থেকে বেরিয়ে গেল।
মাসীমা বললেন, “বস বাবা, বস। মনে মনে প্রতিজ্ঞা করে-
ছিলুম, আঘাত যত বড়ই হোক, কেউ আর আমায় দুঃখ
দিতে পারবে না। মনটাকে হাত দিয়ে ছোঁয়া যায় না।
ছুতে পারলে বুঝতে, আজও সেটা পাথর হ'ল না। বাবা
মহীতোষ, এ যুগের সবচেয়ে বড় উন্নতিটা যখন আমার
চোখে পড়ল, তখন দৃষ্টিশক্তি আমার সবচেয়ে ক্ষীণ। এমন
কি তোমাকে পর্যন্ত আমি চোখে দেখতে পাই নি।” এই
বলে মাসীমা বসে পড়লেন চৌকির ওপর, আমারই ঠিক
পাশে। ঈষৎ পূর্বের গ্রাম্য সুর আর তাঁর গস্য নেই।
যুগের বিশ্লেষণ তাই আমার শুনতে ভালই লাগছিল।
আমি জিজ্ঞাসা করলাম, “সবচেয়ে বড় উন্নতিটা কি
মাসীমা?”

জবাব দিতে দেরি করলেন না তিনি। বললেন,
“শিক্ষার সঙ্গে সঙ্গে মানুষের নিষ্ঠুরতা আজ চরমে উঠেছে।
জান মহীতোষ, এদের মন থেকে ক্রমে ক্রমে দুঃখবোধ পর্যন্ত
লোপ পাচ্ছে? তোমায় একটা উদাহরণ দিই শোন।”
এই বলে মাসীমা বেশ জড়সড় ভাবে পা গুটিয়ে চৌকির
ওপর বসলেন, চোখ বুজে অতীত উদাহরণ অবেষণ করতে
লাগলেন তিনি। তার পর একটু বাদেই আবার বলতে
লাগলেন, “প্রায় চল্লিশ বছর আগে এই গ্রামে আমি বৌ
হয়ে এসেছিলুম। বোধ হয় তখন আমার বয়স ছিল দশ
কি বারো। হঠাৎ একদিন মাঝরাতে ঘটকদের গোয়ালে
আগুন লাগে। তেমন কিছু একটা সর্বনেশে ব্যাপার নয়।
কিন্তু চারদিকে হৈ চৈ পড়ে গেল। আমার স্বস্তর ত লাফিয়ে
নেমে পড়লেন উঠানে। টেঁচিয়ে টেঁচিয়ে তোমার মেসো-
মশাইকে ঘুম থেকে তুললেন। আমি দেখলুম, বালতি হাতে
নিয়ে বাপব্যাটাতে মিলে ছুটতে লাগলেন ঘটকদের বাড়ীর
দিকে। পাঁচ মিনিটের মধ্যে চতুর্দিকে তুমুল কাণ্ড শুরু
হ'ল। শুধু বোড়াল আর বে'ষ্টমঘাটা নয়, চারদিকের গ্রাম
থেকেও লোক সব ছুটে আসতে লাগল। সে সময় ত বাবা
আশী নম্বর আর আটাত্তর নম্বর বাস ছিল না। পরের দিন
সকালবেলা শুনলুম, সোনারপুর, গোবিন্দপুর এমনকি বারুই-
পুর থেকেও অনেকে এসেছিল আগুন নেভাতে। কাউকেই
অবশি আগুন নেভাবার জন্তে এক বালতিও জল ঢালতে
হয় নি। ঘটকদের ছেলেরাই নিভিয়ে ফেলেছিল। ক্ষতি
ওদের তেমন কিছু হয় নি। কিন্তু ওরা যখন বালতি হাতে
নিয়ে বাড়ী ফিরে এলেন তখন আমি দেখলুম বালতিগুলো
শূন্য নয়, লাভের জলে তা একেবারে ভরপুর। ঘটকদের
লোকসান হতে পারে ভেবে এতগুলো লোক যে ছুটে এল

তার মধ্যে কি সামাজিক লাভ কিছু দেখতে পাচ্ছ না মহীতোষ ?”

বললাম, “পাচ্ছি।”

একটা দীর্ঘনিশ্বাস ফেলে মাসীমা বললেন, “অথচ বল-
রামের মত একটা কচি ছেলের সর্বনাশ দেখে কৈ সারা
ভারতবর্ষের কেউ ত চোখের পাতাটি পর্যন্ত নাড়ে না ? থাক
বাবা থাক, এ সব বড় ব্যাপার নিয়ে আলোচনা করে লাভ
নেই। ভারতবর্ষকে যারা শিক্ষার আলো দিয়ে আলোকিত
করবার চেষ্টা করছেন তাঁদের দৃষ্টিতে যেন অন্ধকার না
থাকে। মহীতোষ, আমি বাবা বলরামকে নিয়ে বড় মুশকিলে
পড়ে গেছি। কাজকর্ম কিছু নেই তোমাদের আপিসে—”
কথাটা শেষ করলেন না তিনি।

আমার নিজের কিছু বলবার মত কথা ছিল না। তা
ছাড়া সরকার-কুঠীর চুকেছি কথা শুনতে, বলতে নয়।
কিন্তু মাসীমা দেখলাম চুপ করে বসে রইলেন। দেওয়ালের
গর্ত দুটোর দিকেও তিনি দৃষ্টি দিচ্ছেন না। বললাম, বল-
রামের কাঁপুনি তাঁকে অস্থির করে তুলেছে।

আলোচনা চালু করলাম আমিই। বললাম, “আজ-
কালকার শাসনবিধি আগেকার দিনের মত নেই। শতকরা
একাল্ল ভাগ লোককে ভাল করে খাইয়ে পরিয়ে রাখতে
পারলে রাষ্ট্রনায়কদের ঘুমের ব্যাঘাত ঘটে না। একজন বল-
রামের জন্তে পৃথিবীর কোন মসনদই টলতে পারে না
মাসীমা।”

“তোমার খবর হয়ত মিথ্যে নয় বাবা। কিন্তু আমাকেও
ত একটা ছোটখাটো সংসার চালাতে হয়। কৈ কাউকে ত
এক বেলার জন্তেও না খাইয়ে রাখতে পারি না। শুধু একাল্ল
ভাগের কথা যদি ভাবতুম, তা হলে তোমার মাসীমার
হোটেলের উদ্ভূত দেখতে পেতে। কিন্তু এখন কি দেখছ ?
সরকার-কুঠীর সবগুলো দেয়াল থেকে পলস্তাখা ধসে
পড়েছে।” এই বলে মাসীমা শুধু একটা দেওয়ালের ওপরই
দৃষ্টি ফেললেন। তার পর আঁচল দিয়ে চোখ মুছে পুনরায়
বলতে লাগলেন, “যদিই বলরামকে নিয়ে এসে সেদিনটা
ছিল মাসের শেষ তারিখ। হিসেবের ভাত হাঁড়িতে আর
একটাও ছিল না। তবুও কি বলরামকে উপোস করিয়ে রাখতে
পারলুম ? না বাবা, তোমাদের রাষ্ট্রনীতি যত ভালই হোক,
আমাদের হোটেল-নীতিকে হেসে উড়িয়ে দিতে পারবে না।
এখানে শতকরা এক শ' ভাগ লোকেরই ক্ষিদে পায় এবং
তাদের খাওয়াতেও হয়। আমাদের হিসেবে এক পারসেন্ট
লোকও মালুষ। একাল্ল আর উনপঞ্চাশ ভাগের মধ্যে এক
তিলও পার্গক্য নেই। হ্যাঁ বাবা মহীতোষ, আমাদের হোটেল-

নীতির মধ্যে কি অসত্যতার গন্ধ পাচ্ছ ? আমাদের জংলী
ভাবছ, না ? কিন্তু সোঁদরবন ত এখান থেকে অনেক দূর।”

“দূর আর কৈ ? যেখান থেকে নম্বর দেওয়া বাস চালু
হয়েছে তার দূরত্ব বোধ হয় আধ মাইলও নয়। আমার মনে
হয়, গাড়িয়ার খালটা মরা বটে, কিন্তু এটাই বোধ হয় ছ’
অঞ্চলের সীমানির্দেশ করছে।” এই বলে হেসে ফেললাম
আমি।

মাসীমা মুখ নিচু করে বসে রইলেন। খোলা দরজা
দিয়ে দেখলাম সরকার-কুঠীর বাগানে অন্ধকার নেমে এসেছে।
কলকাতার রাাত্র ঠিক এমন অন্ধকার কোন দিনও চোখে
পড়ে নি। ঘরে বসে বাইরের দিকে চেয়ে থাকতে ভাল
লাগছে। রাাত্রির রূপ এখানে স্বাভাবিক। ঘড়ি না দেখেও
বলে দেওয়া যায় দিন শেষ হয়েছে। কলকাতার ব্যবস্থা
আলাদা। সেখানে অন্ধকারকে ঠেকিয়ে রাখবার জন্তে
রাাত্রের ছাঁদে আলোর সারি।

তবুও মাঝে মাঝে এখানে-সেখানে যেটুকু অন্ধকার
আমার চোখে পড়েছে তার কোন রূপ নেই, দেহ নেই।
কৃত্রিমতার উজ্জল কলকাতার অন্ধকারকে কুৎসিত করে
রেখেছে।

ঘরের নৈশক্যা ক্রমশঃ ভারী হয়ে উঠছিল। আমি
একটু নড়ে চড়ে বললাম। মাসীমা জিজ্ঞাসা করলেন, “উঠছ
নাকি ?”

“না। আসল খবরই ত আমার এখনও জানা হয় নি।
মিসেস রায় কেমন আছেন ?”

“কাল বাবা রাাত্রির দিকে জ্বর এসেছিল। কিন্তু আজ
সকাল থেকে সে ভালই আছে। বুকের বাঁ দিকটাতে একটু
জ্বখম হয়েছে।”

কথাটা আমার পুরোপুরি বিশ্বাস হ’ল না। মাসীমা
বোধ হয় স্মৃতপার জ্বখমটাকে ছোট করে দেখাতে চাইছেন।
আমি তাই বললাম, “সতকাল তিনি যখন মাটিতে পড়ে
গেলেন তখন অনেকগুলো লোকের পা-ই তাঁর গায়ের ওপর
পড়েছিল।”

“হ্যাঁ বাবা, তুমি ঠিকই বলেছ। একটা লোকের জুতোর
তলার বোধ হয় নাস বাধা ছিল।”

স্মৃতপার রায়ের জন্তে উদ্বেগ অশুভব করলাম। মাসীমা
বুঝতে পারলেন তা ; তিনি ধীরে ধীরে বলতে লাগলেন,
“স্মৃতপার আসল জ্বখমটা তুমি দেখ নি ... বলি ও মহীতোষ,
তোমাদের ছোটগাহের ত ওকে একবার দেখতে এলেন
না ?”

আমি একটু চমকে উঠলাম। মনের ভাব গোপন রেখেই

মাসীমাকে জিজ্ঞাসা করলাম, “লাহিড়ী সাহেবের আসবার কথা আছে নাকি?”

“না কথা কিছু নেই, এলে ভাল হ’ত। তাঁর কাছেই ত মেয়েটা চাকরি করে।”

“হয়ত আসবেন। সুয়েজ খাল বন্ধ বলে তিনি আপিসের কাজ নিয়ে খুব ব্যস্ত হয়ে পড়েছেন। খবর দেওয়ার দরকার থাকলে—”

“না, না বাবা, দরকার কিছু নেই।” একটু থেমে মাসীমাই আবার বললেন, “লালু যখন মুখ খুঁড়ে গড়িয়ার খালে পড়ে গেল, তখন ওর জন্তে আমি খুব গর্ববোধ করেছিলুম, লালু পেট্রিয়ট আমি তার মা। দেশের স্বাধীনতার জন্তে যে ছেলে ইংরেজের গুলি খেয়ে মরেছে তার মা হওয়ার মত মৌভাগ্য গড়িয়ার আর কোন মায়েই হয় নি। কিন্তু—মহীতোষ, তুমি কি মাসীমার হোটেলের এক পেয়ালা চাও খাবে না?”

“খাব। একটু পরেই খাব। আপনার আগের কথাটা কিন্তু শেষ হয় নি।”

“কি যেন বলছিলাম?”

“পেট্রিয়ট লালু সরকারের কথা।”

“ও হ্যাঁ। পেট্রিয়ট কথাটা শুনলে এখন হেসে হেসে মরে যেতে ইচ্ছে করে। ভগবান রক্ষা করেছেন, ও কথাটা এখন আর খুব বেশী শোনা যায় না। নইলে—মহীতোষ, সুয়েজ খালের সংক্ষেপে কি যেন বলছিলে?”

“ইংরেজ আর ফরাসীরা মিলে খালটা জবরদখল করতে চেয়েছিল। ওঁরা বলছেন, ইংরেজদের সাম্রাজ্যভোগের নেশা এখনও কাটে নি।”

“ওরা কারা?”

“ভারতবর্ষের বাঁরা মাথাওয়ালা লোক। ভারতবর্ষ এখন স্বাধীন দেশ। অতএব এঁরা যা বলবেন তা মেনে নিতেই হবে। হয়ত ইংরেজরা সত্যিই মানুষের সর্বনাশ করতে চায়।”

“কি জানি বাবা, এঁদের কথা শুনলে আমার ত হাসি পায়। কেন পায় জান?”

“না।”

হঠাৎ কান খাড়া করে মাসীমা পেছন দিকের জানালার পানে মুখ ঘোরালেন। কি যেন শোনবার চেষ্টা করছিলেন তিনি। একটু পরে আমিও শুনতে পেলাম, কে যেন দোতলার সিঁড়ি দিয়ে নিচে নেমে আসছে। মাসীমা এবার আমার দিকে চেয়ে বললেন, “না, তপা নয়। ভেবেছিলুম, মেয়েটা বুকি নিচে নামছে। মহীতোষ, তুমি ত আমাদের

হোটেলটা একদিনও ভাল করে দেখলে না। দু’দিনই সন্ধ্যাবেলায় এলে। একদিন দুপুরের দিকে এস বাবা। চার দিকটা ঘুরিয়ে ঘুরিয়ে দেখাব। গড়িয়া খালটা সরকার-কুঠীর পেছন দিয়ে পূর্ব দিকে চলে গেছে। এপারে আমরা থাকি। সবচেয়ে আশ্চর্যের ব্যাপার, এপারের সব ক’টি মানুষই হতভাগ্য। ইংরেজ কিংবা ফরাসীদের সঙ্গে এদের কারো সম্পর্ক নেই। অনেকে ফরাসী কথাটা পর্যন্ত কানে শোনে নি। তবুও এদের জীবনের মাটি সর্বনাশের বারুদ লেগে লেগে নিঃসঙ্গ হয়ে গেল। তোমরা সুয়েজ খাল দেখেছ, গড়িয়া খাল দেখ নি। ওপারের প্রতিবেশী রাম আর গ্রামবাগ থেকে শুরু করে সবাই যেন অনবরত চেষ্টা করছে এদের মুখের গ্রাস কেড়ে নেবার জন্তে। এদের বুকুর ওপর দিয়ে প্রতিদিন যে সব পাগুলো পার হয়ে যাচ্ছে সেগুলো সব স্বদেশী পা বাবা। বলরামকে দেখলে না? সূতপার কতটুকু দেখেছ? দেখতে হবে ষষ্ঠীকেও। চিরুণীর ভাঙা-দাঁতের মত ভাঙা-মানুষের একটা লম্বা মিছিল রোজই আমার চোখের সামনে দিয়ে গড়িয়ার খালটা পার হয়ে যাচ্ছে। আমি চোখে ভাল দেখতে পাই না, তবুও আমি বুঝতে পেরেছি যে, সমাজ ও রাষ্ট্রের পাগুলো কি কালো! কে রে? বাইরে কে? ভেতরে আর না—ও চণ্ডী! এস, কখন এলে? মহীতোষ, এর নাম হচ্ছে চণ্ডী ভটচাঁজ, ব.নুন। আমার বাপের বাড়ীর পাশের বাড়ীতে এরা থাকত। এখান থেকে মাইল ছয় দক্ষিণে। গোবিন্দপুরের নাম শোন নি?”

“আজ্ঞে না।”

“সোনারপুর থেকে বেশী দূরে নয়। নেতাজী সুভাষ বোসদের আদিবাড়ী ওই অঞ্চলেই ছিল। যাক গে। চণ্ডী এখন বাঙ্গিগঞ্জ অঞ্চলে জ্যোতিষী করে, থাকে আমার হোটেলের। বলি হ্যাঁ চণ্ডী, কত রোজগার করলে আজ?”

“শনির দশা না কাটলে রোজগারের অঙ্ক আর বাড়বে না। মাসীমা আর মাত্র আঠারো মাস বাকী। তার পর—হেঃ, বৃহস্পতির খেলাটা একবার দেখে নিয়ো। তোমার বাকিবকেয়া চুকিয়ে দিতে চণ্ডী ভটচাঁজ এক মিনিটও দেরি করবে না।”

“আরও আঠারো মাস যদি অপেক্ষা করতে পারি, তা হলে দু’চার মিনিট দেরি হলেও অসুবিধে আমার হবে না। চণ্ডী, এবার বল, তপার কোণ্ঠীতে কি দেখলি? বিচার শেষ হয়েছে ত?”

চণ্ডী ভটচাঁজ ফতুয়ার পকেটে হাত ঢুকালেন। বিচারের ফলাফল সম্ভবতঃ তিনি পকেটেই রেখেছিলেন। মনোযোগ দিয়ে লোকটিকে দেখছিলাম আমি। ফতুয়ার বা দিকের

পকেটটা নেই, খুলে পড়ে গেছে। বোধ হয় অনেক দিন ধরে তিনি অনেক লোকের ভাগ্যের বোঝা বহন করে ঘুরে বেড়িয়েছেন বাসিগঞ্জের বড় বড় বাড়ীগুলোর সামনে দিয়ে। ভাগ্যবানদের ফলাফল বয়ে বেড়াবার মত ফতুয়ার কাপড়টা শক্ত নয়। ঘাড়ের দু'দিকে দেখলাম ডবল তালি পড়েছে। প্রথম তালিটা ফুটো হওয়ার পরে দ্বিতীয় তালি লাগাতে হয়েছে তাঁকে। মেটে রঙের ফতুয়ার ওপর লাল কাপড়ের তালি। চণ্ডী ভট্টাচার্যকে এতটা মনোযোগ দিয়ে দেখছিলাম বলেই হঠাৎ মাসীমা গম্ভীর সুরে বললেন, “চণ্ডীর গণনার বেশী ভুল থাকে না। আর থাকলেই বা কি? ও ত কারো ক্ষতি করছে না! চণ্ডী তার পেট চালাবার জগ্নে রোজগার করছে। হুঁমুঠো ভাতের জগ্নে ওকে বার ঘণ্টার চেয়েও বেশী মেহনত করতে হয়। হ্যাঁ বাবা মহীতোষ, দেশের যারা নেতা তাঁরা ক'ঘণ্টা মেহনত করেন?”

“আমি, মানে—সত্যি কথা বলতে কি, প্রাতঃস্মরণীয় ব্যক্তিদের সত্বকে কোন খবরই রাগি না।”

“ভোট দাও নি?” চৈচিয়ে উঠলেন মাসীমা।

“না। আপিস সেদিন ছুটি ছিল বলে সকাল থেকে সন্ধ্যা পর্যন্ত ঘুমিয়ে ঘুমিয়ে কাটিয়ে দিলুম। আমাদের হোমেলের পাচ তলায় প্রচুর হাওয়া পাওয়া যায়।”

চণ্ডী ভট্টাচার্য এবার আমার দিকে চেয়ে বললেন, “আপনাকে আমি বোধ হয় কোথাও দেখে থাকব।”

“অসম্ভব নয়। আপিস কোয়ার্টারে দেখা হতে পারে। সেদিকে যান না?”

“দৈবে সৈবে। ওদিকটায় গেলে হয়ত উপার্জন কিছু বাড়ে, কিন্তু যেতে ইচ্ছে করে না। নাঃ, উপোস করে থাকলেও যাব না।”

“কেন?”

জবাব দিলেন মাসীমা। তিনি বললেন, “চণ্ডী যেতে চাইলেও আমি যেতে দেব না।” মাসীমা ভাবলেন একটু। তার পর আবার তিনি বললেন, “ও অঞ্চলে বড় বেশী শিক্ষিত লোকের ভিড়। চণ্ডীকে সবাই ভিক্ষুক মনে করে। আমার হোটেলে যারা থাকে তারা কেউ ভিক্ষে করে না। এবার বল দিকি বাছা, তপার সময়টা কেমন? আর কতদিন ওকে ভুগতে হবে?”

পকেট থেকে এক টুকরো কাগজ বার করলেন চণ্ডী ভট্টাচার্য। শেষবারের মত ভেবে তিনি ঘোষণা করলেন, “ভাল সময় আসতে বাধ্য।”

“কতদিন বাকী তাই বল না রে।” অনুরোধ করলেন মাসীমা।

“বেশী দিন আর অপেক্ষা করতে হবে না। সৌভাগ্যের সুরুর তাঁর এখানে থেকেই হবে।”

“বলিস কি চণ্ডী? হিসেব করে বললি, না অন্ধকারে টিল ছুঁড়লি?”

“হিসেব করেই বললুম। রাহুর দৃষ্টি ওর পক্ষে ক্ষতিকারক। এবার সৌভাগ্য বদল করছে।” এই বলে চণ্ডী ভট্টাচার্য আমার দিকে দৃষ্টি দিয়ে ঘোষণা করলেন, “সৌভাগ্য এমন জিনিষ মাসীমা যে, সময় এলে তার পা গজায়। নিঃশব্দে সে হেঁটে চলে আসে, এসে দাঁড়িয়ে থাকে মাথার কাছে। ডাকবারও দরকার হয় না—” দ্বিতীয় বার আমার দিকে দৃষ্টি দিয়ে তিনি ঘোষণা শেষ করলেন, “সৌভাগ্যকে কেউ নেমন্তন্ন করে আনতে পারে না, সে হঠাৎ আসে।”

চণ্ডী ভট্টাচার্যের গণনার ফাঁকি আছে মনে করে মাসীমা জিজ্ঞাসা করলেন, “মহীতোষের দিকে অমন করে চেয়ে কি দেখেছিস চণ্ডী? তুই বোধ হয় ভেবে নিয়েছিস, মহীতোষ হচ্ছে গিয়ে তপাদের আপিসের ছোটসাহেব?”

“তা কেন ভাবতে যাব? লাহিড়ী সাহেবকে আমি চিনি না বুঝি?”

“চিনিস? তুই যে আমায় অবাক করলি চণ্ডী!”

“সেদিন তাঁর বাড়ী গিয়েছিলুম। দেওদার ষ্ট্রাটে সাহেবি কারদায় দেখলুম বাড়ীঘর নাজানো। বললুম, এসব তাঁকে এক দিন ছেড়ে চলে যেতে হবে। লাহিড়ী সাহেব হচ্ছেন গিয়ে আমার বড় মকেল। স্ত্রীর খুব অসুখ যাচ্ছে।”

“কি অসুখ?” আগ্রহের আতিশয্যে মাসীমা খাড়া হয়ে বললেন।

“মাথার অসুখ। তাঁকে বলে এলুম, সেবে যাবে, গোমেদ পদবার জগ্নে উপদেশ দিয়ে এসেছি।”

“কই তপার মুখে ত এসব কথা কিছু শুনি নি?”

আমি আর চুপ করে বসে থাকতে পারছিলাম না। ভাবছিলাম উঠে পড়ব। হঠাৎ উঠে পড়বার কারণটা খুঁজতে গিয়ে দেখি, তপন লাহিড়ীকে আমি ঈর্ষা করছি। মনের সুস্থতা ফিরিয়ে আনা দরকার। সুতপা রাগকে এখন পর্যন্ত আমি চিনি না। কিন্তু তপন লাহিড়ীই বা ওকে চেনবার সুযোগ পেলেন কি করে? ধৈর্য ধরলাম আমি।

“মাসীমা, মাসীমা কোথায়?” বলতে বলতে ঘরে ঢুকলেন একজন মধ্যবয়সী ভদ্রলোক। মুখটা তাঁর দেখতে পেলাম না। তিনি বাইরে থেকে পাঞ্জাবীটা খুলতে খুলতে এলেন। মাথার দিকটাতে পাঞ্জাবীটা আটকে গেছে।

মাসীমা বললেন, “বোতাম খোল নি, পাঞ্জাবীটা মাথার ওপর দিয়ে গলবে কি করে বিজয় ?”

“ওঃ, তাই ত। আগে বোতামগুলো খুলে নিচ্ছি। সুতপা কেমন আছে মাসীমা ? আমার সেই ডাক্তার বন্ধুটিকে খবর দিয়েছি। বাড়ী ফেরবার মুখে সে একবার এসে দেখে যাবে। আজ আর জ্বর আসে নি ত ?”

“না। তোমার পকেট থেকে টাকা পড়ে গেল যে বিজয়। মহীতোষ, বিজয় হচ্ছে ইস্কুলের মাষ্টার। কাল এর সঙ্গে তোমার দেখা হয় নি।”

“না।”

“ছাত্র পড়িয়ে ওর ফিরতে একটু রাত হয়। আগে এক ঘণ্টা ত্রিশ মিনিটের মধ্যে চারটে টিউশনি করত—”

বাধা দিয়ে বিজয়বাবু বললেন, “এক ঘণ্টা ত্রিশ মিনিট নয়, এক ঘণ্টা পনের মিনিট। মশাই, মাসীমা আমার রোজগার কমিয়ে দিলেন। এখন একটাই করি।”

“তা কি করব বাছা ? মাসীমার হোটেলের যারা থাকবে তাদের নীতি একটা মানতেই হবে। বিজয়ের কীতিটা তা হলে শোন।”

“আমি উঠছি মাসীমা। ছোটো নতুন কোণ্ডী তৈরির অর্ডার পেয়েছি।”

এই বলে চণ্ডী ভটচাজ উঠলেন। বিজয়বাবু হাসতে হাসতে বললেন, “মাত্র ছোটো ? তা হলে জ্যোতিষসত্রাট হতে আপনার কত দিন লাগবে ভটচাজ মশাই ?”

“সত্রাট হওয়ার দরকার কি ?” জিজ্ঞাসু দৃষ্টিতে বিজয়বাবুর দিকে চেয়ে মাসীমা বললেন, “সত্রাটদের যুগ শেষ হয়ে গেছে। চণ্ডী যা রোজগার করে তার একটি পয়সাও কালো নয়। পয়সা ওরা চেনে। প্রাচীন কালে ভটচাজদের গঙ্গা দিয়ে চাঁদসদাগরের নৌকো চলত। মহীতোষ, তুমি বোধ হয় জান না যে, একসময়ে গড়িয়ার ওপাশ দিয়ে পঞ্চবতীর গা ঘেঁষে গঙ্গার ছিল গতি। শোনা যায়, চাঁদসদাগর পঞ্চবতীর কালীমন্দিরে যাওয়া-আসাএ সময় পূজো দিয়ে যেতেন। এখন সেই গঙ্গা বহু দূরে সরে গিয়েছে, কিন্তু নামটা রয়ে গেছে। আমার বাপের বাড়ীর সামনের পুকুরটাকে ঘোষেদের গঙ্গা বলে। চণ্ডীদেরটার নাম তো শুনলেই। যারা চাঁদসদাগরের পুণ্য পেয়েছে তারা পয়সা চেনে। কালো পয়সাতেও ওরা হাত দেবে না। বিজয়, তোমার সেই গল্পটা বলব নাকি ?”

“ও তো শুধু আমার একলায় গল্প নয়—”

“হ্যাঁ, হ্যাঁ, তাই তো বলি বিজয় বাঁড়ুয্যে হচ্ছে এ অঞ্চলের একমাত্র আদর্শ শিক্ষক। কিন্তু বাবা প্রথম যখন

এখানে থাকতে এলে, তখন কি ছিলে ? বুঝলে মহীতোষ, এক ঘণ্টা পনেরো মিনিটের মধ্যে বিজয় চারটে টিউশনি করে বাড়ী ফিরে আসত। ইস্কুলে যা মাইনে পেত তার চেয়ে বেশী রোজগার ছিল বাইরে। কিন্তু আমার কেমন সম্বন্ধ হ’ল, কচি কচি ছেলেগুলোর পরকাল নষ্ট করছে আমাদের বিজয়। বিপ্রদাসবাবু দেখি একদিন সন্ধ্যাবেলা এখানে এসে উপস্থিত। উনি ওই রন্ধিতের মোড়ে থাকেন। তাঁর ছেলেকে বিজয় প্রাইভেটে পড়াত। বিপ্রদাসবাবু বললেন যে, তাঁর মেজো ছেলে প্রথম হয়ে ক্লাসে প্রমোশন পেয়েছে। পাস করার মত ছেলে সে নয় বলেই তো তিনি বাড়ীতে মাষ্টার রেখেছিলেন। সে প্রথম হ’ল কি করে ? আর তাও মাত্র ছ’মাস মাষ্টার রাখবার পরে ! এমন পয়সা নম্বরের সোনারটাদ তো বিপ্রদাসবাবুর তিন পুরুষের মধ্যে একটিও জন্মায় নি। ছেলেকে ডেকে নিয়ে এসে তিনি পরীক্ষা করতে বসলেন। তিনটি সবস অঙ্কের মধ্যে তিনটিই সে ভুল করল। এক লাইন বাংলা লেখার মধ্যে পাঁচটা বানান ভুল। তার পর ?”

মাসীমার গল্প বলার ভঙ্গি দেখে চণ্ডী ভটচাজ হাসছিলেন। বিজয়বাবু মাথা নিচু করে বসেছিলেন। আমি শুধু গল্প শুনছিলাম না, সমগ্র সরকার-কুঠীর চরিত্রটা বোঝবার চেষ্টাও করছিলাম। পলস্তারা-খসা ভাড়াচোরা বাড়ীটার মেরুদণ্ড এখনো খুবই মজবুত। বোধ হয় মাসীমা তাঁর নিজের মেরুদণ্ডের বাঁধুনি দিয়ে সরকার-কুঠীর মেরুদণ্ড খাড়া রেখেছেন। অত্যন্ত আগ্রহ নিয়ে মাসীমার গল্প শুনতে লাগলাম।

তিনি বিজয়বাবুর দিকে চেয়ে বললেন, “এতে সজ্জার কিছু নেই বিজয়, বং অপরাধ স্বীকার করার মধ্যে গৌরব আছে। শুনেছি খ্রীষ্টভক্তরা পুরোহিতের কাছে গিয়ে সদাসর্বদা নিজেদের পাপের কথা কবুল করে আসে। নিয়মটা ভাল। গল্পটা এবার শোন। তার পর বিপ্রদাসবাবু বোধ হয় ছেলেটাকে মারধোর করলেন। ওমা, মার খেয়ে ছেলেটা বলে কি জানো ? বলে যে, পরীক্ষার প্রশ্নগুলো ওর জানাই ছিল। জানিয়েছে বিজয়। মাষ্টারীতে ওর খুব নাম। ওর ছেলেরা সব ভাল নম্বর পেয়ে পাস করে। বিপ্রদাসবাবু যখন এলেন বিজয় তখন বাড়ী ছিল না। তাঁর কথা শুনে আমার তো মরে যেতে ইচ্ছে করছিল। ওর হয়ে আমি বিপ্রদাসবাবুর কাছ থেকে ক্ষমা চেয়ে নিলুম। জানি, এমন অপরাধের ক্ষমা নেই। পৃথিবীর সর্বত্রই তো শিব্বধকে মহাপাপ মনে করে। বিপ্রদাসবাবু যাওয়ার সময় দুঃখ করে বলে গেলেন, একা বিজয়বাবুকে দোষ দিয়েই

বা কি করব? হয় ত আরও অনেকে এমন কাজই করে বেড়াচ্ছেন। নীতিহীন মানবসমাজের ভবিষ্যৎ আমি দেখতে পাচ্ছি। কাল থেকে বিজয়বাবুর আর পড়াবার দরকার নেই। ওদের ইঞ্জুলেও আর ছেলেটাকে রাখা চলে না। বললুম, বিজয়কে প্রারম্ভিত করতে হবে। কাল থেকে সে শুধু আপনার ছেসেকেই পড়াবে। মাইনে যা আপনি দিচ্ছেন, তাই-ই দেবেন। বিপ্রদাসবাবু তাঁর স্বীকৃতি জানিয়ে ছড়ি দোলাতে দোলাতে এই ঘর থেকে বেরিয়ে গেলেন। মহীতোষ, আমি যেন দেখলুম বিপ্রদাসবাবুর চতুর্দিকে শতাব্দীর অন্ধকার ক্রমশঃই ঘন হয়ে আসছে। তিনি ছড়ির আঘাতে অন্ধকার দূর করবার চেষ্টা করছেন বটে, কিন্তু পারছেন না। ছুটে গেলাম পেছন দিকে। গড়িয়ার খালে দেখলাম মাত্র এক ফুট জল! মরতে পারলাম না। লালুও তো ঠিক এইখানেই মরেছে। তার তপ্ত নিঃশ্বাস আমার গায়ে লাগতে লাগল। বসে পড়লুম মাটিতে। কি যেন খুঁজছিলাম আমি। হঠাৎ মনে হ'ল পেলুম বুঝি! কিন্তু আর কি পাওয়া যায়? লালুর পাড়ের রক্ত শুকিয়ে মাটির সঙ্গে মিশে গেছে। বিপিন চাটুজোর হাতে আজ নতুন অস্ত্র। হ্যাঁ রে, তোরা কি কেউ ওর হাত থেকে অস্ত্রটা ছিনিয়ে নিতে পারিস না? সুয়েজখালের ওপারের লোকগুলোর জন্তে তোরা কেঁদে মরছিস, লালুব জন্তে একটু কাঁদ। সারা দেশ যে ওকে ভুলে গেল রে।”

আমি বললাম, “মাসীমা, আপনি একটু স্থির হয়ে বসুন। বিজয়বাবু কাউকে দিয়ে ছু' পেয়লা চা আনানো যায় না?”

“ঠাকুরকে দিয়ে পাঠিয়ে দিচ্ছি। মাসীমা, এ গল্প তুমি আর কোনদিনও কাউকে বলতে পারবে না।”

“না বাবা, আর বলব না। লালু প্রতিশোধ নিয়েছে। কৃষিকার বিষ খেয়ে হাজার হাজার লালু আজ আত্মহত্যা করছে। তা করুক, আমি তো তা বন্ধ করতে পারব না। যাচ্ছিস বিজয়?”

“হ্যাঁ। তোমাদের চা পাঠিয়ে দিচ্ছি।”

“টাকাগুলো যে মাটিতে পড়ে রইল—”

মাটি থেকে তিনখানা দশ টাকার নোট কুড়িয়ে নিয়ে বিজয়বাবু বললেন, “তোমার কাছে রেখে দাও। এ মাসের ঠাকা তোমার শোধ হয়ে গেল। বিপ্রদাসবাবুর কাছ থেকে আজ মাইনে পেয়েছি। মাসীমা, এই টাকাটা হ'ল আমার নতুন সুরুর প্রথম উপার্জন।”

নোট তিনখানা হাতে নিয়ে মাসীমা বললেন, “এ টাকা কালো নয়।”

চণ্ডী ভটচাজ আগেই চলে গিয়েছিলেন। বিজয়বাবুও গেলেন। মাসীমাকে একলা পেয়ে এবার আমি জিজ্ঞাসা করলাম, “মিসেস রায় কেমন আছেন?”

“না বাবা তেমন ভাল নেই সে।” মাসীমা উঠে পড়লেন।

“তাঁর সঙ্গে একবার দেখা করতে চাই।”

“দেখি, সে নিচে নামতে পারে কি না।” মাসীমা এগিয়ে গেলেন দরজার দিকে।


পেছনে পেছনে আমিও গেলাম। অনুরোধ করলাম, “তাঁর কাছে আমায় একবার নিয়ে চলুন না। তিনি নিজেই আমায় আসবার জন্তে বলেছিলেন।”


“কিন্তু তা তো হয় না। তপা তো ঘরে একলা থাকে না, অথ একজনও থাকে।”

“বেশ, বেশ”—মাসীমার সঙ্গে সঙ্গে আমিও বাইরে বেরিয়ে এলাম, “আজ থাক, কাল আবার আসব। মিসেস রায়কে বলবেন—”


“তুমি চা খেয়ে যেয়ো মহীতোষ।” এই বলে একতলার অন্ধকারে তিনি অদৃশ্য হয়ে গেলেন। সেই অন্ধকার ফুঁড়ে বেরিয়ে পড়লেন সরকার-কুঠীর মালিক শ্রীবসন্তকুমার সরকার, এখানকার মেসোমশাই। তিনি বললেন, “চলুন একসঙ্গে বসে চা খাওয়া যাক। গড়িয়ার ইতিহাস শুনতে আপনার ভালই লাগবে।”

ক্রমশঃ





প্রধানমন্ত্রী শ্রীজবাহরলাল নেহরু কর্তৃক হীরাকুন্দ বাধের উদ্বোধন



মাদাম কুওয়াটলিসহ সিরিয়ার প্রেসিডেন্ট এইচ. ই. মিঃ শুকরি আল কুওয়াটলির
আগ্রায় তাজমহল পরিদর্শন



সোভিয়েট প্রতিরক্ষা মন্ত্রী মার্শাল জি. কে. জুকভ কর্তৃক প্রধানমন্ত্রী পণ্ডিত শ্রীজবাহরলাল নেহরুকে
দুই ফুট উচ্চ একটি ব্রোঞ্জ-মূর্তি উপহার প্রদান



১৯৫৭ সনের প্রজাতন্ত্র দিবসে অংশগ্রহণকারী বোম্বাই রাভোর নৃত্যশিল্পীগোষ্ঠীর 'সঙ্গীত-
নাটক আকাদেমি শিল্ড' পুরস্কার লাভ

প্রাণকৃষ্ণ আচার্য

শ্রীমলিনীকুমার ভদ্র

বাংলাদেশে উনবিংশ ও বিংশ শতাব্দীতে সাহিত্য, বিজ্ঞান, দর্শন, শিল্পকলা ইত্যাদি বিভিন্ন ক্ষেত্রে যে-সকল দিকপাল মনীষীর আবির্ভাব হইয়াছে তাঁহাদের জীবন ও কৃতির সহিত আমরা মোটামুটি ভাবে পরিচিত আছি, কিন্তু চিকিৎসাক্ষেত্রে বর্তমান শতাব্দীতে বাঁহাদের কৃতিত্ব একদা সমগ্র দেশবাসীর বিশ্বয় উৎপাদন করিয়াছিল তাঁহাদের মধ্যে অনেকের কথাই আজ আমরা ভুলিতে বসিয়াছি। অষ্ট শতাব্দীরও উর্দ্ধকাল সমগ্র ভারতবর্ষে চিকিৎসাক্ষেত্রে যিনি ছিলেন নেতৃত্বের আসনে প্রতিষ্ঠিত, সেই চিকিৎসকগণ্য স্যার নীলরতন সরকারকে আমরা ভুলি নাই সত্য, কিন্তু দেশের কল্যাণকল্পে তাঁহার বহুমুখী কর্মপ্রচেষ্টার কোন খবর আমরা রাখি না। নীলরতনের আর্ষেবন অস্ত্রবন্ধ সুহৃদ, বাংলার অগ্রতম মুখোজ্জ্বলকারী সন্তান, চিকিৎসকশ্রেষ্ঠ প্রাণকৃষ্ণ আচার্য মহাশয়ও মানব-কল্যাণত্রেতে নিজের জীবনটিকে উৎসর্গ করিয়া দিয়াছিলেন, কিন্তু সে-কাহিনীও বিশ্বতির গর্ভে বিলীন হইতে চলিয়াছে। নীলরতন ও প্রাণকৃষ্ণ ইহারা শুধু যে সমবাসায়ী ছিলেন তাহা নহে, ইহারা ছিলেন সমানধর্মী এবং সারাজীবন পরস্পরের সঙ্গে অবিচ্ছেদ্য-ভাবে বিজড়িত। ইহাদের এক জনের কথা বলিতে গেলে অপরের কথা আসিয়া পড়ে অনিবার্য ভাবে। এই দুই জন শ্রেষ্ঠ কল্যাণকৃষ্ণ মানুষের জীবনদর্শন বর্তমান যুগের বাঙালীকে মহত্তর জীবনগঠনে অনুপ্রাণিত করিবে।

চিকিৎসক হিসাবে প্রাণকৃষ্ণের খ্যাতি সারা বাংলাদেশে ছড়াইয়া পড়িয়াছিল। কিন্তু তিনি চিকিৎসক হিসাবে বত বড় ছিলেন, মানুষ হিসাবে ছিলেন তাহার চেয়ে অনেক বড়। শ্রদ্ধের স্বামানন্দ চট্টোপাধ্যায় মহাশয় প্রাণকৃষ্ণ সম্বন্ধে লিখিয়াছেন—“তিনি সততা, বুদ্ধিমত্তা, দৃঢ় প্রতিজ্ঞা, অধ্যবসায় ও পরিশ্রমের দ্বারা মানুষের মত মানুষ হইয়াছিলেন। পণ্ডিত শিবনাথ শাস্ত্রী জ্ঞানী সাধু-পুরুষের যেসকল লক্ষণ নির্দেশ করিয়া গিয়াছেন—জ্ঞানে গভীরতা, প্রেমে বিশালতা, চরিত্রে সংযম, কর্তব্যে নিষ্ঠা, ভগবৎভক্তি—সমস্তই তাঁহার ছিল।”

হিন্দুধর্ম ও দর্শনশাস্ত্রে প্রাণকৃষ্ণের ছিল বহুবিস্তৃত অধ্যয়ন। তাঁহার বাগ্মিতা এবং শাস্ত্র-ব্যাখ্যানকৌশলও ছিল অপূর্ব।

নীলরতনের সঙ্গে প্রাণকৃষ্ণের গভীর অন্তরঙ্গতা গড়িয়া উঠে ছাত্র-জীবনে। জীবনের শেষ দিন পর্যন্ত উভয়ের সেই অকৃত্রিম সৌহার্দ্য তিল পরিমাণও হ্রাসপ্রাপ্ত হয় নাই। দু' জনকেই প্রতিকূল অবস্থার সঙ্গে প্রাণপণ সংগ্রাম করিয়া জীবনে অর্থ ও প্রতিষ্ঠা অর্জন করিতে হইয়াছিল। এই দুই বন্ধুর প্রকৃতিগত সাদৃশ্যও ছিল বখেট। উভয়েই ছিলেন বহুমুখী কর্মপ্রতিভা এবং অতুলনীয় ধীশক্তির

অধিকারী, অধ্যয়নপ্রিয়, স্বাবলম্বী, দেশপ্রেমিক, পরমাত্মার প্রতি নির্ভরপরায়ণ। লোকহিতৈষণাই ছিল দু' জনের জীবনের মূলমন্ত্র—পীড়িত মানুষের সেবাকে ইহারা জীবনের ব্রত হিসাবে গ্রহণ করিয়াছিলেন—চিকিৎসাবৃত্তি ইহাদের নিকট পেশামাত্র ছিল না।

২

১৮৬১ সনে, ২৫শে আগষ্ট পাবনার এক অতি দরিদ্র পরিবারে প্রাণকৃষ্ণের জন্ম হয়। তাঁহার পিতার নাম হরেকৃষ্ণ আচার্য, মাতার নাম বিন্দুবাসিনী দেবী। বিন্দুবাসিনীর বয়স যখন কুড়ি বৎসর মাত্র তখন তাঁহার স্বামীর মৃত্যু হয়। এই অল্প বয়সে বিধবা হইয়া বিন্দুবাসিনী দুইটি শিশুসন্তান সহ যেন অকূল পাথারে পড়িলেন। কখনো অর্ধাশনে, কখনো বা অনশনে তাঁহাদের দিন কাটিতে লাগিল। প্রতিবেশীরা দয়াপরবশ হইয়া কিছু কিছু অর্থসাহায্য না করিলে তাঁহাদের আর বাঁচোয়া ছিল না। আট-নয় বৎসর বয়সের সময় প্রাণকৃষ্ণ প্রথমে এক বাংলা অর্বেতনিক বিদ্যালয়ে ভর্তি হইলেন, ছাত্রবৃত্তি পরীক্ষা পাস করিয়া তিনি চার টাকা বৃত্তি পান।

প্রাণকৃষ্ণের পক্ষে বাল্যকালে বিজ্ঞানশিক্ষা করা সম্ভবপর হইয়াছিল মুখ্যতঃ তাঁহার মায়ের যত্ন ও চেষ্টায়। শিশু-পুত্রদ্বিগকে লইয়া বিধবা বিন্দুবাসিনীকে যে ভাবে প্রতিকূল অদৃষ্টের সঙ্গে সংগ্রাম করিতে হইয়াছিল তাহা উপজ্ঞাসের কাহিনীর মতই বিশ্বয়ের উদ্রেক করে। প্রাণকৃষ্ণের পিতা সম্পত্তির মধ্যে রাখিয়া গিয়াছিলেন একটি ভগ্ন জীর্ণ কুঁড়েঘর—চেচা বাঁশের তৈরি তার বেড়াগুলি একপ নড়বড়ে ছিল যে একটু জোরে ধাক্কা লাগিলেই ভাঙিয়া পড়িবার উপক্রম হইত। কালের হস্তাবলেপে বেড়ার মধ্যে বড় বড় ফুটার সৃষ্টি হইয়াছিল। কখনও কখনও রাত্রে কুটীরের নিকট বাঘ আসিত। বিন্দুবাসিনী এই বিপদে অবিচলিত থাকিতেন এবং ইহাতে ভয় পাইবার যে কিছু নাই সে কথা বলিয়া ছোট শিশু-দুটিকে আশ্বাস দিতেন।

একজন প্রতিবেশী স্বতঃপ্রবৃত্ত হইয়া সাহায্য করার বিন্দুবাসিনীর পক্ষে পুত্রকে উচ্চ ইংরেজী বিদ্যালয়ে ভর্তি করানো সম্ভবপর হইল। অর্থাভাবে প্রাণকৃষ্ণের পক্ষে পুস্তক ক্রয় করা সম্ভবপর হইত না, সমপাঠীদের নিকট হইতে পুস্তক ধার করিয়া তাঁহাকে পড়া করিতে হইত। হাই স্কুলে অধ্যয়নকালে গণিতশাস্ত্রে তাঁহার গভীর ব্যাপ্তির পরিচয় পাওয়া গিয়াছিল। নিতান্ত প্রতিকূল অবস্থার মধ্যে বিদ্যাভ্যাস করা সশেষেও অপূর্ব মেধা এবং ধীশক্তির কল্যাণে তিনি অষ্টম শ্রেণী হইতে প্রত্যেক বৎসর উত্তম প্রমোদন পাইতে লাগিলেন এবং মাত্র চার বৎসরে প্রবেশিকা পরীক্ষার উত্তীর্ণ হইয়া

১৫ টাকা বৃত্তি পাইলেন। এন্ট্রান্স পাস করিয়া তিনি এফ-এ পড়িবার জন্ত কলিকাতায় আসেন। পাবনার ছাত্রেরা তাঁহাকে মেসের একতলায় একটি অঙ্ককার ঘরে বিনা ভাড়ায় থাকিতে দিলেন। দিনের বেলায়ও নাকি সেই ঘরে আলো জালিয়া পড়িতে হইত।

এফ-এ পরীক্ষায় পঞ্চম স্থান অধিকার করিয়া প্রাণকৃষ্ণ ২৫ টাকা বৃত্তি পান। খাউ ইয়ারে পড়িবার সময় বিলাতবাহারী সঙ্কল তাঁহার মনে জাগে এবং তিনি গ্রিলক্রাইষ্ট পরীক্ষা দেন। তাঁহার বিলাতবাহারী আকাঙ্ক্ষা কিন্তু চরিতার্থ হয় নাই।

বি-এ পাস করিবার পর প্রাণকৃষ্ণ এম-এ পড়াই স্থির করিয়াছিলেন, কিন্তু ঘটনাচক্রে তাঁহার জীবনের শ্রোত ভিন্নমুখী হইল। চিকিৎসাবিদ্যা অধ্যয়নার্থে তিনি মেডিক্যাল কলেজে ভর্তি হইলেন। মেডিক্যাল কলেজে প্রতি বৎসর প্রথম হইয়া তিনি বৃত্তি ও পদক ইত্যাদি লাভ করিতে লাগিলেন। শেষ বৎসরে গুড়িভ বৃত্তি পাইয়া তিনি ইডেন হাসপাতালের কার্যভার প্রাপ্ত হন।

নীলরতনের সঙ্গে প্রাণকৃষ্ণের প্রথম পরিচয় কখন কি উপলক্ষে হয় তাহা সঠিক বলি যায় না, তবে মোডক্যাল কলেজে পড়িবার সময় যে উভয়ের মধ্যে ঘনিষ্ঠ সম্পর্ক স্থাপিত হইয়াছিল তাহা ইহাদের অস্তুতম অন্তরঙ্গ স্বহৃদ জয়কালী দত্ত মহাশয়ের একটি প্রবন্ধ হইতে জানিতে পারা যায়।*

জয়কালী লিখিতেছেন—“১৮৮৩-৮৪ সন হইতে আমি কলিকাতার ডাই নীলরতনদের (স্মার নীলরতন সরকার) সঙ্গে থেকে পড়াশুনা

* প্রাণকৃষ্ণ আচার্য্য, জয়কালী দত্ত আর নীলরতন সরকার এই তিন জন ছিলেন অভিন্নাত্মা। ইহারা একসঙ্গে থাকিয়া পড়াশুনা করিতেন। নীলরতন যাহা রোজগার করিতেন, তাহা দ্বারা এই ত্রয়ীর যাবতীয় ব্যয় নির্বাহিত হইত। নিতাড়ায় নিরুপস্থিত উস্তী জয়কালী দত্তের জন্মপত্নী। আশুতোষ মুখোপাধ্যায়ের সঙ্গে একই বৎসরে তিনি গণিতশাস্ত্রে এম-এ দেন। তাঁহার জীবনের বেশীর ভাগ সময়ই কাটিয়াছিল রাঁচিতে। ১৩৪৯ সনে তাঁহার মৃত্যু হয়। তাঁহার লোকান্তরগমনের পর রামানন্দ চট্টোপাধ্যায় মহাশয় ‘প্রবাসীতে’ লেখেন—“বিগত ১৮ই অক্টোবর তারিখে ব্রাহ্মসমাজের কর্মী ও সেবক জয়কালী দত্ত পরলোকগমন করিয়াছেন। কলেজে পাঠকালে তিনি ব্রাহ্মসমাজের প্রতি আকৃষ্ট হন এবং শেষ বয়স পর্যন্ত তিনি সমাজের সেবা করিয়াছেন। প্রায় ত্রিশ বৎসর যাবৎ তিনি রাঁচির ব্রাহ্মমন্দিরের দায়িত্ব বহন করিয়াছেন। রাঁচির বালিকা-বিদ্যালয়টিকে অতি সামান্য অবস্থা হইতে তিনি বড় স্কুলে পরিণত করেন—বর্তমানে সেটি হাই স্কুল হইয়াছে।”

করিতাম। ১৮৮৭ সনে যখন আমরা সীতারাম ঘোষ স্ট্রীটে ২৭ নং বাড়ীতে থাকিতাম, তখন ‘বক্সী’ (ডাক্তার প্রাণকৃষ্ণ আচার্য্য) এসে আমাদের সঙ্গে জুটিলেন। কেমন করে তিনি এসে জুটিলেন কিছু মনে নাই। অল্প দিনের মধ্যেই তাঁর সঙ্গে আমাদের সকলের বেশ ভাব হয়ে গেল। আমরা তিন জন “বক্সী”, “নীলমণি” (নীলরতন) ও আমি প্রায় সমবয়সী। যখন আমরা মিলিত হই তখন আমাদের বয়স ২৫।২৬ বৎসর। তখনও আমাদের পরীক্ষার পালা শেষ হয় নাই।”

মেডিক্যাল কলেজে পাঠকালে প্রাণকৃষ্ণ প্রাণীতত্ত্ববিদ্যায় এম-এ পাস করেন। এই সময় তাঁহার বয়স ছিল ত্রিশ। কলেজ-জীবনে প্রাণকৃষ্ণ যে গণিতশাস্ত্রে বিশেষ পারদর্শী ছিলেন, রামানন্দ চট্টোপাধ্যায় মহাশয়ের লেখা হইতে তাহা জানিতে পারা যায়। প্রাণকৃষ্ণ ভক্ত কালীনারায়ণ গুপ্তের কন্যা সুবালী দেবীর পাণিগ্রহণ করেন।

প্রাণকৃষ্ণ, জয়কালী এবং নীলরতন এই তিন বন্ধুর মধ্যে তখন একমাত্র নীলরতনই ছিলেন উপার্জনশীল। তিনি যাহা রোজগার করিতেন, প্রধানতঃ তাহার উপরেই তিন বন্ধুকে নির্ভর করিতে করিতে হইত। নীলরতনের উপার্জনের পরিমাণও তখন খুব বেশী ছিল না। সেইজন্ম সময় সময় সকলের উপরাস থাকিবার উপক্রম হইত। এ সম্বন্ধে প্রাণকৃষ্ণের সহধর্মিণীর নিকট নিম্নোক্ত কাহিনীটি শুনিয়াছি :

একদিন প্রাণকৃষ্ণ স্নানান্তে আহারের জন্ত বাগানঘরে আসিয়াছেন। রন্ধন এবং পরিবেশনাদি নীলরতনের ভগিনী ক্ষীরোদবাসিনী করিতেন। প্রাণকৃষ্ণ আসনগ্রহণের উপক্রম করিবামাত্র ক্ষীরোদবাসিনী হাসিতে লাগিলেন। প্রাণকৃষ্ণ ত অবাক, বলিলেন, “ব্যাপার কি বল দেখি। এদিকে আমার কলেজের তাড়া, কিন্তু তুমি ত দিব্যি হাত গুটিয়ে বসে রয়েছ, ভাত-টাত বেড়ে দেবার কোন লক্ষণই নেই, তার উপর আবার হাসতে শুরু করে দিয়েছ।” ক্ষীরোদবাসিনী তখন বলিলেন, “থাবেন কি, আজকে যে উমুনই জ্বলে নি। মেহদা (নীলরতন) কিছু ভিজানো ছোলা খেয়েই বেরিয়ে গেলেন।”

শুনিয়া প্রাণকৃষ্ণ তখনই টাকা ধার করিবার জন্ত বাহির হইলেন এবং বহু আঘানে চার টাকা যোগাড় করিয়া আনিয়া ক্ষীরোদবাসিনীর হাতে দিলেন। তখন সেদিনকার মত উমুনে হাঁড়ি চড়াইবার ব্যবস্থা হইল।

চিকিৎসাবিদ্যার কোর্স শেষ করিয়া প্রাণকৃষ্ণ এম-বি পরীক্ষায় উত্তীর্ণ হন। চিকিৎসা-বাবসায়ে প্রবৃত্ত হইবার কয়েক বৎসরের

† ১৮৮৮ খ্রীষ্টাব্দে নীলরতন এম-বি পরীক্ষা দেন। সুতরাং এই সময় তিনি ছিলেন মেডিক্যাল কলেজের ফোর্থ ইয়ারের ছাত্র। প্রাণকৃষ্ণ তাঁহা অপেক্ষা মাস কয়েকের বড় হইলেও তাঁহার নীচে পড়িতেন।

মধ্যে কলিকাতার এবং ক্রমে ক্রমে সমগ্র বাংলাদেশের একজন শ্রেষ্ঠ চিকিৎসকরূপে প্রাণকৃষ্ণ প্রতিষ্ঠালাভ করিলেন। নিজে ঘোর দারিদ্র্যের সঙ্গে সংগ্রাম করিয়া বিদ্যা অর্জন করিয়াছিলেন বলিয়া দরিদ্র ছাত্রদের হৃৎপিণ্ড তিনি মর্মে মর্মে অমুগ্ধ করিতেন। চিকিৎসা-ব্যবসায় আরম্ভ করিবার সঙ্গে সঙ্গেই কয়েক জন দরিদ্র ছাত্রকে তিনি নিজ গৃহে আশ্রয়দান করিলেন। তাহাদের ভরণপোষণ, পড়াশুনা ইত্যাদির বাবতীয় ব্যয় তিনিই নির্বাহ করিতেন। ব্যবসায়ে উন্নতির সঙ্গে সঙ্গে তাঁহার আশ্রিত ছাত্রসংখ্যা উত্তরোত্তর বাড়িয়া চলিল। প্রসিদ্ধ স্থাপত্যশাস্ত্রবিদ প্রমথকুমার আচার্য্য এম-এ, পিএইচ, ডি, ডি-লিট তাঁহার আশ্রয়ে থাকিয়া কিছুকাল সিটি কলেজে পড়িয়াছিলেন।

প্রাণকৃষ্ণ পে-পেনে দান করিতেন বলিয়া কয়শত ছাত্রকে তিনি অর্থসাহায্য করিয়াছিলেন, কত ছাত্র তাঁহার সম্প্রদায়ের উপকৃত হইয়াছিল, স্বতঃপ্রবৃত্ত হইয়া কত জনকে তিনি পড়াইতেন সে কথা লোকে জানে না। জনহিতকর প্রতিষ্ঠানসমূহে তাঁহাদের দানের পরিমাণ বড় কম ছিল না। একমাত্র গরীব ছাত্রদিগকেই তিনি দান করিয়াছিলেন সবস্বত্ব এক লক্ষ টাকা।

যেমন গরীব ছাত্রদের প্রতি তেমনি দরিদ্র রোগীদের প্রতিও প্রাণকৃষ্ণের অপরিণীত দয়ন ছিল। এ বিষয়ে প্রাণকৃষ্ণ এবং নীল-রতন একই ধরনের মনোবৃত্তিসম্পন্ন ছিলেন। সংক্রামক রোগীকে নিবাসন করিতে গিয়া এই দুই বন্ধু সময় সময় নিজেদের জীবন বিপন্ন করিতেও কুণ্ঠিত হইতেন না। নিম্নোক্ত ঘটনাটি হইতে যেমন আর্জেন্টের প্রতি প্রাণকৃষ্ণের সহনশীলতা, তেমনি নীলরতনের বন্ধু-প্রীতিরও পরিচয় পাওয়া যায়।

একবার প্রাণকৃষ্ণের একটি কর্মচারীর প্লেগ হয়। কর্মচারীটি আশ্রিত হিসাবে প্রাণকৃষ্ণের বাড়ীতেই থাকিতেন। সকলে রোগীকে হাসপাতালে পাঠাইয়া দিবার জন্ত তাঁহাকে পরামর্শ দিলেন। কিন্তু সেখানে আত্মীয়স্বজন বন্ধুবান্ধবের অভাবে রোগীটি যে নিজেকে কিরূপ অসহায় মনে করিবে তাহা ভাবিয়া এই উপদেশ তিনি গ্রহণ করিলেন না। পরিবারস্থ সকলকে অস্ত্র পাঠাইয়া দিয়া কেবলমাত্র পত্নীসহ কলিকাতার বাটীতে থাকিয়া রোগীর চিকিৎসা এবং শুষ্কযাদি করিতে লাগিলেন। রোগসংক্রমণের ভয়ে সকল বন্ধুবান্ধব তাঁহার সংস্রব পরিহার করিলেন। কিন্তু এই সঙ্কট-সময়ে তাঁহার পাশে আসিয়া দাঁড়াইলেন তাঁহার সর্বোত্তম সুহৃদ নীলরতন। রোগীর শয্যাপার্শ্বে তাঁহার প্রাত্যহিক উপস্থিতি প্রাণকৃষ্ণের অন্তরে প্রেরণা-সঞ্চায় করিত, তাঁহাকে সাহস ও বল দিত। প্লেগরোগীর সংস্পর্শে থাকা বিপজ্জনক বলিয়া সুবাল্য দেবীকে নিজ বাটীতে লইয়া বাইবার জন্ত নীলরতন খুব গীড়াপীড়ি করিতে লাগিলেন। কিন্তু স্বামীকে একলা রোগীর নিকটে রাখিয়া অস্ত্র যাইতে সুবাল্য দেবী রাজী হইলেন না। দিনকতক পরে সুবাল্য দেবী হঠাৎ জ্বরে আক্রান্ত হইয়া পড়িলেন। ইহা প্লেগে পরিণত হইতে পারে ভাবিয়া নীলরতন অত্যন্ত উদ্বেগ হইয়া উঠিলেন,

তখন তিনি আর কোন ওজর-আপত্তি গুনিলেন না। বন্ধুপত্নীকে নিজ বাটীতে লইয়া গিয়া তাঁহার থাকার ব্যবস্থা করিলেন। এ-দিকে নীলরতনের বাড়ীটি ছেলেপুলেতে ভরতি। এমন অবস্থায় প্লেগের সময় জরাক্রান্ত বন্ধুপত্নীকে নিজ ভবনে স্থান দিতে নীলরতন কিছুমাত্র কুণ্ঠিত হন নাই। বস্তুতঃ পরস্পরের বিপদে-আপদে ব্যক্তিগত সুখস্বাস্থ্য বিদর্জন দিয়া ইহারা যেভাবে বন্ধুত্ব সম্পাদনে অগ্রসর হইতেন তাহার তুলনা বিরল।

আর একবার উমেশচন্দ্র দত্তের বাটীতে এক ব্যক্তি প্লেগে আক্রান্ত হইয়া মারা যান। ব্যাধিসংক্রমণের ভয়ে বাটীস্থ প্রায় সকলেই পলাইয়া গিয়াছিল। লোকাভাবে মৃতদেহ কিরূপে স্থানান্তরিত হইয়া যাওয়া যায় তাহা এক সমস্যা হইয়া দাঁড়াইল। খবর পাইয়া প্রাণকৃষ্ণ বাড়ীতে কিছু না বলিয়া দত্ত মহাশয়ের ভবনে গিয়া হাজির হইলেন এবং স্বয়ং শবদেহ বহনে অগ্রণী হইলেন। তখন তাঁহাকে সাহায্য করিবার জন্ত আরও কয়েকজন আগাইয়া আসিলেন—এবং প্রাণকৃষ্ণ অস্ত্র শববাহকদের সঙ্গে কাঁধে কাঁধ দিয়া মৃতদেহ বহন করিয়া সংকারভূমিতে লইয়া গেলেন।

এই সহজাত পরোপকারপ্রবৃত্তি সমগ্র জীবন প্রাণকৃষ্ণকে বিবিধ জনহিতকর কর্মসমূহে প্রণোদিত করিয়াছিল। তাঁহার লোকান্তর-গমনের পর রামানন্দ চট্টোপাধ্যায় মহাশয় লেখেন, “দরিদ্র ছাত্রদিগকে সাহায্য করা জীবনের শেষ সজ্ঞান দিবস পর্যন্ত তাঁহার একটি নিয়মিত কর্ম ছিল। মৃত্যুর কয়েক দিন পূর্বেও সিটি কলেজে যোগ্য দরিদ্র ছাত্রের শিক্ষার সাহায্যের বিষয়ে চিন্তা ও সঙ্কল্প করিয়া পুত্রদ্বয়কে তদনুযায়ী উপদেশ দিয়া গিয়াছেন। ‘দাসাশ্রম’ নামে গত উনবিংশ শতাব্দীতে কলিকাতায় অসহায় নিরাশ্রয় আতুরদের বাস গ্রাসাচ্ছদন ও চিকিৎসাদির যে প্রতিষ্ঠান ছিল, আচার্য্য মহাশয় দীর্ঘকাল তাহার স্বেচ্ছাবৃত্ত চিকিৎসক ছিলেন। বাণীবন বালিকা-বিদ্যালয়ের অট্টালিকা নির্মাণ প্রধানতঃ তাঁহার ব্যয়েই নির্বাহিত হইয়াছিল।”

“যে মহৎ ও বৃহৎ কাজটিতে তাঁহার জীবনের শেষ কয় বৎসর তিনি অনেক সময় দিতেন, তাহা আসাম ও বঙ্গের অল্পমত শ্রেণী-সমূহের উন্নতি বিধানিনী সমিতি। তিনি ইহার সম্পাদক ছিলেন। জাতিধর্মনির্কীর্ণশেষে দরিদ্র গ্রামিক লোকদের পুত্রকল্যাণদিগকে শিক্ষাদান ইহার প্রধান কাজ। ইহার তত্ত্বাবধানে নানা জেলায় প্রায় চারি শত বিদ্যালয় আছে। গ্রামিক লোকদিগকে শিক্ষার প্রয়োজনীয়তা স্বক্বে উদ্ভূত করিবার নিমিত্ত এবং ভিন্ন ভিন্ন গ্রামে বিদ্যালয় স্থাপনার্থ তিনি পদব্রজে, পা ক্ষতবিক্ষত করিয়া, বহুবার বহু দুর্গম পথ অতিক্রম করিয়াছিলেন।”

দুর্গত মানুষের হৃৎপিণ্ডেই ছিল তাঁহার জীবনের ব্রত। দীর্ঘকালব্যাপী চিকিৎসক-জীবনে কদাপি তিনি এই ব্রত হইতে বিচ্যুত হন নাই—কলিকাতা এবং মধ্যবর্তী বহু গরীব রোগীকে তিনি বিনা পারিশ্রমিকে চিকিৎসা করিতেন। শত কাজে তাঁহাকে বাংলার বিভিন্ন অঞ্চলে যাইতে হইত, কিন্তু যে উপলক্ষে যেখানেই

যান না বোগীকে নিরাময় করা যে তাঁর বিধাতৃনির্দিষ্ট কর্তব্য তাহা তিনি কখনও বিস্মৃত হইতেন না, এবং সেই জগুই কি শহরে, কি মক্কেলে কোথাও দরিদ্র রোগী চিকিৎসার আশায় তাঁহার নিকট আসিয়া কখনও বিমুখ হয় নাই। জীবনের শেষ কয় বৎসর তিনি বিনা পারিশ্রমিকে সকল রোগীর চিকিৎসা করিতেন—এমনি ভাবে অর্থের মোহ হইতে মুক্ত হইয়া আর্ন্ত পীড়িতের কল্যাণব্রতে জীবন উৎসর্গ করিয়া তিনি দেশবাসীর সমক্ষে যে উজ্জ্বল দৃষ্টান্ত রাখিয়া গিয়াছেন তাহা আমাদের জাতীয় জীবনের মণিকোঠার এক অমূল্য রিক্খরূপে চিরকাল সংরক্ষিত হইবার যোগ্য।

প্রাণকৃষ্ণের ব্যক্তিত্বের আর একটি লক্ষণীয় বৈশিষ্ট্য ছিল তাঁহার সুগভীর দেশপ্রেম। বাংলাদেশ বিধাবিভক্ত হইবার পর, স্বদেশী আন্দোলনের স্রোত যখন উদ্বেল হইয়া উঠিল, তখন তাহাতে তিনি ঝাপাইয়া পড়িয়াছিলেন। স্বদেশী আন্দোলনে তিনি সক্রিয় অংশ গ্রহণ করিয়াছিলেন, তিনি ছিলেন ইহার অগ্রতম নেতা। তাঁহার বাগ্মিতা তখন বহু লোককে দেশাত্মবোধে অনুপ্রাণিত করিয়াছিল। স্বদেশে প্রস্তুত দ্রব্যাদি ব্যবহারের জগু তিনি আন্তরিক ভাবে সকলকে উৎসাহিত করিতেন।

ষোড়শে প্রাণকৃষ্ণ ব্রাহ্মধর্ম গ্রহণ করেন। ক্রমে তিনি সাধারণ ব্রাহ্মসমাজের সভাপতির পদলাভ করিতে সমর্থ হন, শেষে আচার্য্যের পদে বৃত্ত হইয়াছিলেন। বহু শাস্ত্রবচন তাঁহার কণ্ঠস্থ ছিল, উপাসনার সময় ভাবগভীর স্বরে সেগুলি তিনি অনর্গল আবৃত্তি করিয়া যাইতেন। তৎপ্রদত্ত বহু জ্ঞানগর্ভ সরস ভাষণ তৎকৌমুদী পত্রিকায় মুদ্রিত হইয়াছিল। সেগুলি একত্রে সংগৃহীত হইয়া পুস্তকাকারে প্রকাশিত হইলে বাংলা মনন ও অধ্যাত্ত্ববিষয়ক সাহিত্যের সম্পদবৃদ্ধি করিবে।

আদর্শবাদী প্রাণকৃষ্ণ প্রথর ব্যবসাবুদ্ধিরও অধিকারী ছিলেন। সুদীর্ঘ জীবিতকালের কয়েকটি বৎসর তিনি নানা কোম্পানীর বোর্ড অব ডিরেক্টার্সের চেয়ারম্যান ছিলেন। এতৎসংক্রান্ত কার্য পরিচালনায় তাঁহার বিশেষ ক্ষমতার পরিচয় পাওয়া যায়।


প্রাণকৃষ্ণ জীবনে নানা ব্যক্তি দ্বারা নানা ভাবে ক্ষতিগ্রস্ত হইয়াছেন, কিন্তু মানুষের প্রতি বিশ্বাস হারান নাই, এমনকি দুই

বন্ধুর দরুন যখন তাঁহার ১,১৭,০০০ হাজার টাকা ক্ষতি হইল, তখনও তিনি নীরবে এবং শাস্ত ভাবেই তাহা সহ্য করিয়াছিলেন। বারংবার নানা ভাবে প্রতারণিত হওয়া সত্ত্বেও তিনি মানুষের কল্যাণসাধনে কখনও পরাশ্রয় হন নাই। এই লোক-হিতৈষণার প্রবৃত্তি আমৃত্যু সমভাবে তাঁহার মনে জাগরুক ছিল।

নিজের অস্তিম সময় যে ঘনাইয়া আসিতেছে তাহা প্রাণকৃষ্ণ বুঝিতে পারিয়াছিলেন। মৃত্যুর সপ্তাহদুই পূর্বে তিনি নাকি কৃষ্ণকুমার মিত্র মহাশয়কে বলিয়াছিলেন যে, তিনি আর মাত্র চৌদ্দ-পনের দিন বাঁচিবেন।

নীলরতন এবং প্রাণকৃষ্ণ যে অকৃত্রিম সৌহার্দ্যের বন্ধনে আবদ্ধ ছিলেন, প্রাণকৃষ্ণের অস্তিম মুহূর্ত্ত পর্যন্ত তাহা ছিন্ন হয় নাই। নিজের অসুস্থ শরীর লইয়াও নীলরতন প্রত্যহ নিয়মিত ভাবে তাঁহার শেষ রোগ-শয্যাপার্শ্বে গিয়া হাজির হইতেন। প্রিয়তম বন্ধুর সেই শ্রীতিপূর্ণ মুখচ্ছবি দেখিবামাত্রই প্রাণকৃষ্ণের বাণিষয়শক্তি মুখমণ্ডল প্রসন্ন হান্তে উদ্ভাসিত হইয়া উঠিত, মনে হইত যেন যাত্নমন্তবলে তাঁহার রোগযন্ত্রণার উপশম হইয়াছে। কিন্তু অবস্থা তাঁহার ক্রমে ক্রমে খারাপ হইতে লাগিল, রক্তের চাপ বাড়িতে বাড়িতে আশঙ্কার কারণ হইয়া দাঁড়াইল। অবশেষে ১৩৪৩ সালে জ্যৈষ্ঠ মাসে, ৭৬ বৎসর বয়সে প্রাণকৃষ্ণ সন্ন্যাসরোগে পরলোকগমন করিলেন।

প্রায় শতবর্ষের কাছাকাছি হইতে চলিল, একই বৎসরে পূর্ক এবং পশ্চিমবঙ্গের দুইটি অখ্যাত পল্লীতে জন্মগ্রহণ করিয়াছিলেন বাংলার দুই জন শ্রেষ্ঠ সন্তান—প্রাণকৃষ্ণ আর নীলরতন। তাঁহাদের আবির্ভাবে কুল পবিত্র হইয়াছিল এবং জননী কুতারা হইয়াছিলেন। বিধাতা ইহাদের জীবনকে একই সূত্রে গ্রথিত করিয়া দিয়াছিলেন—ইহাদের হৃদয় ছিল এক, বৃত্তি ছিল এক এবং আবৃত্তিও ছিল সমান। নীলরতনের গ্রাম প্রাণকৃষ্ণের খ্যাতি তত সুদূরপ্রসারী হয় নাই সত্য, কিন্তু সঙ্কল্পের দৃঢ়তা, চরিত্রের পবিত্রতা, অফুৎস্ব বৈধা ও অধ্যবসায় এবং সর্বোপরি স্বাবলম্বন এই কয়টি গুণের সমন্বয়ে মানুষ যে কি অসাধাসাধন করিতে পারে প্রাণকৃষ্ণের জীবন ও কৃতিসমূহ তাহারই প্রকৃষ্ট নিদর্শন।



মিথিলায় তিন দিন

শ্রীরামপদ মুখোপাধ্যায়

মিথিলা বসতে রামায়ণের কথাই মনে পড়ে। মহর্ষি বাল্মীকি তাঁর সাতকাণ্ড রামায়ণে এমন একটি চরিত্র সৃষ্টি করেছেন যার তুলনা বিশ্বের কোন মহাকাব্যে নাই। যোগ এবং ভোগ একই সঙ্গে নির্লিপ্তভাবে গ্রহণ করে সেই পুণ্যলোক মানুষটি হয়েছেন রাজর্ষি। বিদেহরাজসভায় বিদগ্ধজনপরিবৃত হয়ে শাস্ত্রালোচনা করতে ভালবাসতেন তিনি—এবং সেই সময় থেকেই বিদগ্ধসমাজে মিথিলার খ্যাতি-প্রতিপত্তি। মহাকবি বাল্মীকী আর একটি মহৎ কর্ম করেছিলেন তাঁর মহাকাব্যে, সারা ভারতবর্ষের মেলবন্ধন। কোথায় অযোধ্যা—কোথায় মিথিলা—দণ্ডকানন্দা, দ্রাবিড়ভূমি আর সমুদ্র পারে সৌধকিরীটিনী লক্ষা। ভিন্ন রাজ্যের অধিকারীরা সংস্কার-সংস্কৃতি, ভাষা ও চরিত্রে বহু প্রভেদ নিয়েও কাহিনীর মৈত্রীবন্ধনে সারা ভারতবর্ষে এক হয়ে গেছে। আধুনিক যুগেও এর কল্যাণ-স্পর্শ আমাদের অভিজুত করে।

যেমন ভারতবর্ষের সঙ্গে মিথিলার—তেমন মিথিলার সঙ্গে বাংলার যোগাযোগও অটুট ছিল। জনকসভার পাণ্ডিত্যের যশো-ভাতি হাজার হাজার বৎসর পরে ইতিহাসের পৃষ্ঠাতে এসেও অগ্নান ছিল—এই সত্য নবাগ্নয়ের উপাধি আহরণ থেকেই স্পষ্ট প্রতীয়মান হয়। নবাগ্নয়ে পক্ষধর মিশ্র আর কাব্যে বিদ্যাপতি—বাংলার হৃদয় জয় করেছিলেন। তার প্রমাণ রঘুনন্দনকৃত গায়বিধি—যার প্রভাব বাঙালীসমাজে আজও অমুভূত। মহাপ্রভু শ্রীগোবিন্দ ত বিদ্যাপতির পদাবলী আবৃত্তি করতে করতে ভাবসমাধি লাভ করতেন। যদিও গায়ের বিধি বিধান ও কাব্যের রসাস্বাদন—হুই দেশের মানুষকে অন্তরঙ্গতার পরিমণ্ডলে এনে ফেলেছে, তবু অনেকের কাছে হুই দেশের দূরত্বও ত কম নয়। পণ্ডিতজনেবা ও কাব্য-রসিকরা এ কথার প্রতিবাদ করবেন, মাইলের মাপেও এটি অস্বীকৃত হবে। কিন্তু মোকামা বা সেমারিয়ার গঙ্গাতীরে পৌঁছে কোন মিথিলাগামী বাঙালী অথবা বঙ্গঅভিমুখী মৈথিলী এ কথা অস্বীকার করতে পারবেন না। তাঁদের মানতেই হবে দিল্লীর চেয়েও মিথিলায় দূরত্ব অনেক—অনেক বেশী। কেমন করে? স্ব-অভিজ্ঞতার কথাই বলা যাক।

সবাই জানেন হাওড়ার ট্রেনে চেপে মোকামা ঘাট পার হয়ে মিথিলায় পৌঁছতে হয়। এই পথের দূরত্ব বড়জোর সাড়ে তিন শ মাইল। আকাশবানের যুগে এই দূরত্ব পলকপাতের ব্যাপার, বাষ্পযানেও এমন কিছু দীর্ঘ ও দুস্তর পথ অতিক্রমের ভীতি জাগায় না, কিন্তু গঙ্গা? একা নদী হুঁশো ক্রোশেরও বেশী। নামেই মোকামা ঘাট—আসলে শীতকালে এ ঘাট সবে যার হাতীদার। হাতীদা—যেখানে গঙ্গাকে সেতুবন্ধনে সারোজ্য করে হুঁটি বিহারের

যোগসূত্রকে নিবিড় ও যাত্রাপথকে সংক্ষিপ্ত ও সহনীয় করার ব্যবস্থা হচ্ছে। বেলপথে মোকামা জংশন থেকে হাতীদার দূরত্ব ছ'সাত মাইল—বাধা সড়ক দিয়ে যুঁবে যেতে হলে আরও দু'এক মাইল 'ফাউ' নিতে হয়। এমনই সুব্যবস্থা—সারাদিন যাত্রিতে একখানি মাত্র ট্রেন ষ্টীমার ঘাটে যায়, ষ্টীমারের সঙ্গে যোগাযোগ বন্ধ করে। ষ্টীমার কিন্তু একাধিক বার গঙ্গা পারাপার করে। জাতীয় সরকারের রেল বিভাগ—নিরুপায় যাত্রীদের মোকামায় পৌঁছে দিয়ে টম টম একা সাইকেল-রিক্সাওয়ালাদের করকবলিত করে দেন। এরা যাত্রী-দোহন কাষে কেমন পটু সে পরিচয় সেই দিন প্রত্যক্ষ করেছি।

রাত একটা। বেনারস এক্সপ্রেস থেকে উত্তর বিহারগামী বহু যাত্রীর সঙ্গে আমরা মোকামা জংশনে নামলাম। শোনা গেল—ষ্টীমার ছাড়বে দুটো কুড়ি মিনিটে। ট্রেন-যাত্রীদের ষ্টীমার ধরার কি ব্যবস্থা আছে? কিছুমাত্র নয়। সকালের বে ট্রেনখানি ঘাটে যায়—যাত্রিতে সেইখানিই ফিরে আসে—মাঝখানের ব্যবস্থা যাত্রীদেরই করে নিতে হয়। অথচ ষ্টীমার সমেত থু, টিকেট দেওয়ার ব্যবস্থাও রয়েছে! এ যেন কড়ি ফেলেও তেল মাখার অধিকার না দেওয়া।

অতএব ভরসা ওই টমটম, একা, সাইকেল-রিক্সা। ওদের বেকারত্ব ঘূচাবার জগুই এমন অপূর্ব পরিকল্পনা! রাত গভীর—পথ দুস্তর—যাত্রী পীড়নে ওয়াও পরাশ্রয় নয়। শহরের এলাকায় বিজলী আলোর ঝলমলানি, কিন্তু মাঝখানের বেশীর ভাগ পথই অন্ধকার। নিশানাঙ্করূপ দূর-দূরান্তে আলো থাকলেও—একটা পোষ্ট থেকে আর একটা পোষ্টের অস্তিত্ব অনুভব করা যায় না। মাথার উপর তারার ঝকঝকে আকাশ বত ঐর্ষ্যা বিস্তারই করুক, মনকে আশস্ত করতে পারে না। তা ছাড়া শীতের রাতে খোলা টমটমে বসে উত্তরবায়ু সেবন করতে করতে বাওয়া যে কি আরামের!

টমটমচালক অবশ্য অভয় নিয়ে বলল, ভয় নেই বাবু—আমি বেইমান নই, ঠিক পৌঁছে দেব।

ওর অভয়বাক্যে ভয়টাই বেড়ে গেল। তা হলে বেইমানও আছে, পথ আপদশূন্য নয়! ট্রেনে একজন টিকেট চেকারও বলে দিয়েছিলেন, খবরদার, একলা যাবেন না। যদি আরও সঙ্গী পান একা টমটমে উঠবেন।

সঙ্গী ত অনেকই ছিল, ভরসাও জেগেছিল তাঁদের দেখে। কিন্তু আমাদের টমটমখানা আর সমস্ত যাত্রীকে ফেলে যখন অন্ধকারের মাঝখান দিয়ে ছুটেতে লাগল—তখন হুঁপাশের নিয়ম

প্রান্তর, উপরের তারাতারা নিঃশব্দ আকাশ, দূরে নিশাচর পাখীর কর্কশ ডাক আর গ্রামপ্রান্তে সারমেয়ের আর্দ্রনাদ একটা অশুভ ইঙ্গিতই যেন বয়ে আনল।

মোকামা ঘাটের কাছে এসে চালক একবার তার সাধুত্বের প্রমাণ দিলে। বলল, দেখুন বাবু, বেইমান লোকদের কাণ্ড! মোকামা ঘাট পর্য্যন্ত এসে মাত্রীদের নামিয়ে দিচ্ছে পথে। বেশী ভাড়া না দিলে ষ্টীমার ঘাট পর্য্যন্ত যাবে না বলে জুলুম করছে। যাত্রীরা ত জানে না আসল ঘাট দু'মাইল দূরে হাতীদায়।

দেখলাম—প্রায় দশ-বায়োথানা সাইকেল-রিক্সা দাঁড়িয়ে। চালকদের সঙ্গে যাত্রীদের বচসা কুমুল হয়ে উঠেছে। গভীর রাত্রিতে ঘাট থেকে দু'মাইল দূরে পথের মাঝখানে দাঁড়িয়ে নিকুপায় যাত্রীর অবস্থা কল্পনা করতে পারেন কেউ?

যাহোক, হাতীদায় পৌঁছলাম যথাসময়ে। এখানে দেখলাম অনেক মজুর দাঁড়িয়ে। এরাও মোটা রকম দাঁড় মাঝবার প্রতীক্ষা করছে। রাত দুপুরে গ্রাম্য পারিশ্রমিক নিয়ে যাত্রীকে সাহায্য করবে এমন সংস্কৃতিপরায়ণ মানুষ বিরল। মোকামা জংশনে ট্রেন বদল করে মজুরের কবলে প্রথম দফা, টমটমওয়ালার থলুরে দ্বিতীয় দফা এবং হাতীদায় ঘাটে তৃতীয় দফা—দফায় দফায় যাত্রীদের দফা নিকাশ হওয়ার দাখিল। এর পরেও একটা দফা আছে—সেমারিয়া ঘাটে ষ্টীমার থেকে মাল নামিয়ে ট্রেনজাত করা। যাঁর মাল যত বেশী—মজুরদের কাছে তিনিই তত লোভনীয়।

ষ্টীমারে বসে দেখা গেল গঙ্গার বুকে কয়েকটি আলো-ঝলমলে স্তম্ভ। হাতীদায় সেতুবন্ধন আরম্ভ হয়েছে—তারই কয়েকটি পদক্ষেপ গঙ্গার বুকে। এগারোটি স্তম্ভ তৈরি হয়েছে—অল্প কয়েকটি বাকী। বছর তিনেকের মধ্যেই ট্রেন চালু হলে এই দুঃস্বপ্নের অবনান হবে।

সেমারিয়া ঘাটের ব্যবস্থাও চমৎকার। মাঠ ভর্তি বালি—তার মাঝে লাইন পাতা। একটুখানি আচ্ছাদন কোথাও নাই। শীত-গ্রীষ্মের প্রতাপ না হয় ব্যাগ-আলোয়ান জড়িয়ে আতপত্র মাথায় দিয়ে কোনরকমে ঠেকান গেল—বর্ষার বিক্রম কল্পনা করা যায় না। আর কল্পনা করা যায় না চৈত্র-বৈশাখের ঝড়ের দাপট। এর উপর ট্রেনের মেজাজ! সময় নিয়ে তার মাথাব্যথা নাই, আপন খেয়াল খুসিমত সে চলে। সকালের ট্রেন সন্ধ্যায় পৌঁছেলেও যাত্রীরা নিজেদের ধস্তাধস্তি করে—তবু ত ঠিকানায় পৌঁছানো গেল।

মিথিলায় পৌঁছে কিন্তু এত সব বিপত্তির কথা মনেই থাকে না। যারা দেশের মানুষ তাঁরা ত ঘরে পৌঁছেই সব রকম দুঃখ-স্মৃতি ভুলে যান, যারা নবাবগত তাঁরাও নূতন একটি দেশের নূতন পরিবেশে অচিরাত মুগ্ধ হয়ে পড়েন। বাকুণি জংশন পর্য্যন্ত বা একটু রুক্ষ জমি, শ্রীহীন গৃহ বা গৃহাঙ্গণ, কিন্তু মিথিলায় পুরদ্বারে প্রকৃতি শ্রীময়ী। সমস্তিপুর থেকেই মাটির রূপ বদল শুরু হয়। আকাশ ঘন নীল হয়ে ওঠে—বুড়িগুণ্ডকের পোল পেরিয়ে আদি-অস্তহীন শস্ত্রশামল মাঠ দৃষ্টিতে মোহ-অঞ্জন মাথিয়ে দেয়। স্বচ্ছ-

সজিল খাল-বিল, শস্ত্রভূষণা মাটি, বাঁশের ঝাড়, লতাগুল্মের ঝোপ, শিশু-শিমুল-মেহগ্নি-আম-অখথের বনরচনা—সবুজ আর নীলের অস্তহীন সমারোহ—এ যে বাংলা নয় কেমন করে বিশ্বাস করা যায়! পাখীর ডাকে ঘুমিয়ে পড়া আর জেগে ওঠার স্বযোগ না থাক (ট্রেন-কামরায়, এঞ্জিন আর বাঁশীর মিশ্র শব্দটাই অধিতীয়।) পাখী যে সংখ্যায় ও বৈচিত্র্যে কম নয় তার প্রমাণ ট্রেনে বসেও পাওয়া যায়। মাঠে গরু চরে, বাখাল ছেলে গরু-মহিষের পিঠে চেপে নাচন-বাড়িতে জাল দিয়ে গান গায়—এ দুশ্চর অভাবও ত নাই। দ্বারভাঙ্গা বাংলা দেশেরই দ্বার এবং মিথিলায় মধ্যমণি এ কথা লোলবার জো কি!

কথায় আছে ঢেঁকি স্বর্গে গিয়েও ধান ভানে,—আমাদের দেশান্তর যাত্রাও সেই গোত্রের। বাংলা সাহিত্যের একজন দীন-সেবক বলে দ্বারভাঙ্গার সন্ধ্যা-মজলিশের বার্ষিক সম্মেলনে যোগ দিতে এসেছি। এটি অবশ্য সংস্কৃতি সম্মেলন। দ্বারভাঙ্গার মেডিকেল কলেজের ছাত্রছাত্রী ও অধ্যাপক মিলে এর প্রাণপ্রতিষ্ঠা করেছেন। এঁরা যে শুধু দুঃকহ শারীরবিজ্ঞান অধুশীলনে দিনযাপন করছেন তা নয়—অবসর কালে নিষ্ঠাভরে দেবী ভারতীর আরাধনাও করে থাকেন। এরা সঙ্গীত, কলা, কাব্য ও কথাসাহিত্যের কুসুম চয়ন করে যে মাল্য রচনা করেন সারা বছর ধরে—তারই পরিচয় এমনই একটি মনোজ্ঞ বার্ষিক সাংস্কৃত সভার মাধ্যমে নিবেদন করেন, অতিথিদের কাছ থেকে শোনে সাহিত্য-সেবার ইতিহাস। শুধু বঙ্গ-ভাষাভাষী সাহিত্যানুরাগীজন নয়—বঙ্গভাষা-অনভিজ্ঞ সুধী-সম্মেলনবাও উপস্থিত থেকে এই সাংস্কৃত অনুষ্ঠানটিকে সার্থক করে তোলেন।

এই মজলিশের সঙ্গে জড়িত রয়েছেন—দ্বারভাঙ্গা নিবাসী বিখ্যাত কথাকার বিভূতিভূষণ মুখোপাধ্যায়। শুধু এই মজলিশ নয়—দ্বারভাঙ্গার বহু সাংস্কৃতিক প্রতিষ্ঠানের ইনি প্রাণস্বরূপ। বাংলার মানুষ যেমন বিদ্যাপতিক আপনজন মনে করে—মিথিলায় মানুষও তেমনি বাংলাকে ভালবাসে। বেশবাশে, আচার-আচরণে, এমনকি কথাবার্তায় দুই প্রদেশের প্রভেদ যৎসামান্য। মিথিলায় যেমন ব্যাপকভাবে দেবী বীণাপাণির প্রাতমা পূজা হয়—তেমনটি বাংলা ছাড়া আর কোথাও ত দেখি নি। এই অর্চনা শুধুমাত্র বহিঃস্থ উৎসব-কৌতুক নিয়ে তৃপ্ত নয়—আন্তরনিষ্ঠার প্রকাশটাই বেশী করে চোখে পড়ে। মিথিলায় স্কুল-কলেজে, পাঠাগারে, সমিতিগৃহে, গৃহস্থ বাড়ীতে কোথায় না জ্ঞানদায়িনীর অর্চনা হয়? ছেলেমেয়েরা স্নান সেয়ে শুদ্ধ বস্ত্র পরে, দেবীপূজার আয়োজন করে, দেবী চরণে অঞ্জলি দেয়, সাংস্কৃতিক সভা বসায়, শিক্ষাত্রতীয় কাছ থেকে শোনে দেবী সাধনার কথা। বিকটধ্বনিময় মাইক বসিয়ে মণ্ডপ ও দেবীর সাজসজ্জার প্রতিযোগিতায় স্পর্ধা প্রকাশ করে, হৈ-ছল্লোড় ও আমোদে উচ্ছ্বল হয়ে এবং প্রতিমা নিরঞ্জন মিছিলে অসংস্কৃত মনের পরিচয় দিয়ে মত্ততা প্রকাশ করে না। এমনি মনোজ্ঞ

একটি সাংস্কৃতিক অনুষ্ঠানে যোগদানের সৌভাগ্য আমাদের হয়েছিল, সে কথা পরে বলছি।

সন্ধ্যা মঞ্জলিশের বয়স বেশী নয়—১৩৫৩ সালে এর জন্ম। চিকিৎসাবিজ্ঞান আয়ত্ত্ব করতে যে সব ছাত্র এখানে সমবেত হন—উপাধি অর্জন করে তাঁরা চলে যান দেশ-দেশান্তরে—পরবর্তীদের হাতে আসে মঞ্জলিশ পরিচালনার ভার। এঁরা যে দেবীপূজার যোগ্য অধিকারী তার প্রমাণ প্রতি বৎসরের অনুষ্ঠান-লিপিতে মিলবে। এবারকার সম্পাদক ছিলেন অমৃত আচার্য, তৃতীয় বাবিক শ্রেণীর ছাত্র। গল্প, কবিতা আর প্রবন্ধ যঁরা পাঠ করলেন, তাঁরাও প্রথম থেকে পঞ্চম বাবিকের ছাত্র-ছাত্রী। সবগুলি লেখাই সাহিত্য গুণাঙ্কিত। পাঠের ধরণটিও ভাল। রবীন্দ্রনাথের সাজাহান কবিতাটি আবৃত্তি করলেন একটি ছাত্র। সুদীর্ঘ কবিতা—আবৃত্তির গুণে একটুও একঘেয়ে লাগল না। প্রসঙ্গত মনে পড়ল, বাংলায় রবীন্দ্র-জয়ন্তী উপলক্ষে যে সমস্ত কবিতা আবৃত্তি হয়। বেশীরভাগ ক্ষেত্রেই দেখা যায়—কবিতাটি ভাল করে মুখস্থ না করেই আবৃত্তি-কার বইয়ের পাতা খুলে সভামঞ্চে এগিয়ে আসেন। পাঠ আরম্ভ হলে বোঝা যায় কবিতাটি হয় এই প্রথম পড়ছেন, কিংবা পড়বার আগে অবহেলাভরে দুই-একবার চোখ বুলিয়ে নিয়েছেন। এদের ভাবটাই 'ষ্টেজে মেবে দেব' গোছের। কবিতার সম্পূর্ণ অর্থ হৃদয়ঙ্গম করার ধৈর্য বা শক্তি এদের থাকে না বলে শ্রোতার কানে কতকগুলি অর্থহীন শব্দব্যংকার একটানা আঘাত করে চলে। রবীন্দ্র-জয়ন্তীর গানও বহুক্ষেত্রে এই গোত্রের। প্রবন্ধপাঠ বিশেষ কিছু হয় না—যা বলেন সভাপতি ও প্রধান অতিথিরা।

যাই হোক, এখানে যঁরা গল্প-কবিতা ইত্যাদি পড়লেন, যঁরা আবৃত্তি করলেন এবং সুধীর আসনে বসে রসগ্রহণ করলেন, যঁরা সকলকার মধোই বাংলা-সাহিত্যের প্রতি অসীম প্রীতি ও শ্রদ্ধা লক্ষ্য করলাম।

অনেকদিন আগেকার একটা ঘটনা মনে পড়ছে। আমাদের দেশে একজন ভাল ভাগবত কথক বৃন্দাবন-লীলা পাঠ করেছিলেন এক সপ্তাহ ধরে। অপূর্ব তাঁর পাঠ, বাখ্যা ও গল্প বলার ধরণ। মেয়েরা বাড়ীতে এসে শতমুখে প্রশংসা করতেন। তিনি সপ্তাহকাল পাঠ শুনিয়ে চলে গেলে আর একজন কথককে ভাগবৎ-আসরে বসিয়ে বৃন্দাবন-লীলার সবটা শোনার ব্যবস্থা হয়েছিল। মেয়েরা যথারীতি শুনে যেতেন, কিন্তু বাড়ীতে এসে প্রশংসায় আর পঞ্চমুখ হতেন না।

লোক পরম্পরায় জানা গেল—পরবর্তী কথক তেমন স্কন্ধ নন, সদৃশ্যও নন। পূর্বকার কথকের সঙ্গে যদি আমরা তুলনা করতাম—মেয়েরা প্রতিবাদ করে বলতেন, তা হোক, ঠাকুরদেবতার কথা সবই ভাল। যেমন করেই বলা থাক না, ভালই লাগে। অসীম শ্রদ্ধা আর প্রীতি না থাকলে এমন কথা বলা যায় না।

সন্ধ্যা মঞ্জলিশের আসরে এমনই প্রীতিবিক্ষিপ্ত পরিবেশ লক্ষ্য করলাম, আশ্চর্য্য এখানকার সাহিত্য-প্রীতি। তরুণ প্রবীণ পণ্ডিত

ছাত্র সাহিত্য-অনুভাগী ও সাধারণ মানুষ—সকলেই স্থির চিত্তে শেষ পর্যন্ত বসে রইলেন। এমন জমজমাট আসর কদাচিত্ত দেখা যায়।

পাটনা থেকে এসেছিলেন অধ্যাপক রতীন হালদার, ইনি রবীন্দ্র-কাব্যে মানবিকতা নিয়ে আলোচনা করলেন, আমরাও কিছু নিবেদন করলাম। তিন ঘণ্টা ধরে চলল সারস্বত অনুষ্ঠান।

সভাক্ষেত্রের তোরণদ্বার থেকে সভামণ্ডপ পর্যন্ত একটি কচি-রমা পরিবেশ সৃষ্টি করেছিলেন ছাত্রদল। চিকিৎসাবিজ্ঞান সঙ্কে ললিতকলা ও রস-সাহিত্যের ঘনিষ্ঠ যোগাযোগ কিছু মাত্র অঘটন নয়—এটি স্তম্ভ প্রমাণ করে ছাড়লেন। জানি না, কতজন এঁরা চিকিৎসাবিদ্যা আয়ত্ত্ব করে উত্তর-জীবনে দেবী বীণাপাণির চরণ-তলে অর্ঘ্য নিবেদন করার সুযোগ পাবেন—তবে মেবার সুযোগ এঁদের বৃত্তির মধোই নিহিত। সাহিত্যের অঙ্গণে এসে মানুষের মনোবেদনার রূপটি যেমন প্রত্যক্ষ করেছেন—কর্ণক্ষেত্রে তেমনি দিব্যদৃষ্টি লাভ হলে আশার কথা। সেখানেও দেহ ও মনের বেদনা তো অল্প নয়। যেমন সাহিত্যে—তেমনি জীবিকার সঙ্গে জীবনের যোগসাধন না হলে জীবনযাত্রার স্বরূপটি উপলব্ধি করা যায় না।

পরের দিন সন্ধ্যাবেলায় একটি বিদ্যালয়ে এসে জমল ছাত্রেরা। তারা সাহিত্য সম্বন্ধে কিছু শুনে চায়। সকালবেলায় একজন ছাত্র প্রশ্ন করেছিল, শিক্ষার সঙ্গে ধর্মের কি সম্বন্ধ? জিজ্ঞাসা করেছিলাম, ধর্ম বলতে কি বোঝ তুমি? ঈশ্বর ভজনা? কতকগুলি আচার নিয়ম পালন? ধর্মের অর্থ তো এত সঙ্কীর্ণ নয়। ব্যাপক অর্থে তা দেহরক্ষা ও সংসার চালনার যতকিছু নিয়মকানুন পালন, মনোবিকাশের বা-কিছু সাধনা, মানুষকে শ্রদ্ধা করা, ভালবাসা, তাকে আনন্দ দেওয়া—তার সঙ্গে পেয়ে আনন্দ লাভ করা, পুত্র-পরিজন প্রতিপালন, প্রতিবেশীর প্রতি কর্তব্য, দেশপ্রীতি, নীতি, নিয়ম, অনুধেগকর বাক্য, সংকাজ—কোনটা নয়? জানি না—ছেলেটি কি বুঝেছিল, কোন উত্তর করে নি। সন্ধ্যাবেলায় সেই কথাটিই বললাম। সাহিত্য-সৃষ্টিও ধর্ম। সে ধর্ম—নিজেকে ব্যস্ত করার আনন্দ, নিজে সৃষ্টি করে আনন্দ, অপথকে আনন্দ-লোকে উত্তীর্ণ করে দেওয়ার আনন্দ। সৃষ্ট সাহিত্য ধর্ম-বোধাবিহীন হলে সমাজকে দুর্বল করবে না, মানুষকে নৈরাশ্যে ডোবাবে না, হিংসা-লোভ-দ্বেষ সংঘাতে জীবন ক্ষতবিক্ষত হবে না, দেহ-বিলাসের কামনার উত্তেজনা ও অবসাদ আসবে না—রূপলোক আর রস-লোকেব প্রবাহধারাটি নিত্যকালকে আশ্রয় করে সৃষ্টি ভালবাসার মহিমা প্রকাশ করবে। অসুন্দর সাহিত্য অসুস্থ মনেরই রচনা। জীবজগতে সব বস্তু যদিও সুস্থ নয়, সুন্দর নয়, উদার নয়, বৃহৎ নয়, গ্লানিমুক্ত নয়; মনের চোরাগলিতে অনেক অন্ধকার, অপরূহ রাসনার নদীতে অনেক পাক, কামনার অর্ধশত শাখার রুগ্ন কুলও প্রচুর কোটে—এবং এই সকলকে অস্বীকার করে সৃষ্টি সুন্দর রূপটিকে প্রকাশ করতে গেলে ছবিটা অসম্পূর্ণ হয়ে যায়। শুধু সং অসং

মিলিয়ে যে একটি পরম প্রকাশ—একটি পরম বার্তা আছে—বা থেকে চরিত্রের বা জীবনের সত্য পরিচয়টি পাওয়া যায়—তাকেই কি অস্বীকার করা চলে? উপনিষদের ঋষি তাই বলেন—আনন্দের প্রকাশ থেকে হ'ল সৃষ্টি—আনন্দে তার স্থিতি—আর আনন্দের যথোই তার লয়। মূলে যদি আনন্দই রইল, সুস্থ জীবন-দর্শন কেন থাকবে না? কেন যা সৃষ্ট হবে তার প্রধান উদ্দেশ্য হবে না আনন্দ দান? অতএব—

অতএব উপদেশ তত্ত্বকথা থাক, জীবনের অভিজ্ঞতার কথা প্রকাশ করে যাও শুধু। তোমার জীবন, আমার জীবন, নানা মানুষের নানা জীবন—স্বাদে, গন্ধে, রূপে, রসে বিচিত্র জীবন—সবের মূলেই রয়েছে একটি সুর। বীণার তার ঠিকমত বাঁধা থাকলে সঙ্গীত যেমন অবলীলায় সুর সৃষ্টি করে, তেমনি জীবনের তাবেও চলছে সুরকে ধরা আর সুরকে আশ্রয় দেওয়ার লীলা। চলিত কথা আছে—সব মহৎ চিন্তা একই ধারায় বয়ে যায়। সেটা আর কিছুই নয়, সহযোগিতার আকৃতি নিয়ে বিশ্বব্যাপী প্রেম-পরিচয়ের ক্ষেত্রটিতে পৌঁছলে মন যে সুরে গান গেয়ে ওঠে—সেই সুরই সমস্ত মানুষকে আপন আত্মীয় বলে কাছে টানে; একটি মহৎ কল্যাণ-চিন্তার মাধ্যমে হয় হৃদয় বিনিময়, নানা জাতের মানুষ মিলে তৈরী করে এক জগৎ, উপাসক হয় এক জগদীশ্বরের।

আদি মানবরা গুহার গায়ে অপটু হাতে জীবজন্তুর ছবি একে আনন্দকে প্রকাশ করতে চেয়েছে—সেই অপূর্ণাঙ্গ চিত্রই তো চিত্রজগতের শেষ কথা নয়। উড়িম্বার মন্দিরগাত্রে মিশূনাসক্ত নরনারীর ছবি থাকলেও মন্দির মধ্যে রয়েছেন নিরঞ্জনরূপী দেবতা। উদ্দেশ্যটা, মনের অনিত্য কলুষ-কালিমা একটি গোলা আরশিতে প্রতিবিস্তৃত করে কলুষমুক্ত মনকে নিত্য পথে বোধস্বরূপের স্রীপাদ-পদ্মে পৌঁছে দেওয়া। পথের দু'পাশে ঝোপঝাড়, খানাখন্দ, কণ্টক, শাপদ প্রভৃতি নানা বিঘ্ন থাকলেও অতীষ্ট একটি লক্ষ্যস্থানও তো রয়েছে। সাহিত্য বা শিক্ষা এই লক্ষ্যস্থানটিকেই চিনিয়ে দেয়।

দূরত্বের মাপকাঠিতে রাজা ও দেশাচার মানুষকে যে ভাবেই পৃথক করে মাপুক না কেন—মনোবীণার তারে সর্বব্যাপী চেতনার সুরটি এসে লাগলে ঘর-পয় ভেদ মুছে যায়, তখন ভেদাভেদজ্ঞানহীন এক পরম ভূমিতে এসে দাঁড়াতেই হয় তাকে। মিথিলার সংস্কৃত-বিজ্ঞাপীঠ থেকে বাণী-বন্দনা উপলক্ষে একখানি আমন্ত্রণ লিপি পেয়ে এই সত্যটি আর একবার উপলব্ধি করলাম। বাংলার মত এখানেও বাণী-অর্চনার উৎসব হয়—প্রতিটি প্রতিষ্ঠানে, প্রায় প্রতিটি ঘরে। সুদীর্ঘকাল ধরে সংস্কৃতির যোগাযোগে স্থানটি বাংলার সঙ্গে অঙ্গাঙ্গী-ভাবে জড়িত—তাতে আর সন্দেহ কি। কি গভীর নিষ্ঠা এদের বাণী-পূজার সে কথা! ইতিপূর্বে বলেছি, একটি সাংস্কৃতিক অনুষ্ঠানে যোগদান করে তা উপলব্ধি করলাম। মহারানী লক্ষ্মীম্বরী পাঠা-গারের অভ্যন্তরে দেবীমূর্তি পূজিতা হয়েছেন—সামনের বিস্তৃত প্রাঙ্গণে বসেছে সভা। বেলা তিনটা হলেও সভাক্ষেত্র সুধীজন

পরিপূর্ণ। এই অনুষ্ঠানে দু'টি বিষয় নিয়ে ছুল-কলেজের ছেলেদের বিতর্ক আহ্বান করা হয়েছে। প্রথম বিষয়টি হ'ল বিজ্ঞানের দান। বিজ্ঞান মানুষকে উন্নত করছে না ধ্বংসের পথে নিয়ে যাচ্ছে এ নিয়ে বিতর্ক। বলা বাহুল্য, পরমাণু শক্তি আবিষ্কার ও প্রয়োগ নিয়ে বিশ্ববাসীর মনে সম্প্রতিকালে যে শঙ্কা জেগেছে—এই বিতর্ক-সভা সেই প্রতিক্রিয়ার ফল। প্রতিযোগিতার যোগ দিয়েছেন আন্তঃকলেজের ছেলেরা। তিনটি বিভিন্ন ভাষায় (হিন্দী, মৈথিলি ও সংস্কৃত) এঁরা বিতর্ক করবেন। প্রথম ও দ্বিতীয় স্থানাধিকারী পুরস্কৃত হবেন। দ্বিতীয় বিষয়টি হ'ল—শিক্ষার ধর্মের স্থান। এই বিষয়টির প্রতিযোগীরা আরও নবীন—ইন্সুলের ছেলে। এদের বক্তব্য হিন্দী ও মৈথিলী ভাষায় প্রকাশ করতে হবে। সভাপতি হয়েছেন পাটনা নিবাসী প্রবীণ লেখক ও বিধান সভার সদস্য শ্রীজগন্নাথ মিশ্র মহাশয়। মিথিলা ইনষ্টিটিউটের অধ্যক্ষ শ্রীবৈষ্ণব প্রমুখ বহু বিশিষ্ট শিক্ষাবিদ ও পণ্ডিত এই সভায় উপস্থিত রয়েছেন। এই সভা-আয়োজনের পিছনে রয়েছেন পাঠাগারের সভাপতি কুমার কল্যাণগাল। মিথিলার প্রতিটি কল্যাণধর্মী প্রতিষ্ঠানের পিছনে এর সহযোগিতা থাকেই। এর সম্পাদকও একজন অক্লান্তকর্মী সংস্কৃতি-অনুয়োগী যুবক—শ্রীশঙ্কর মিশ্র। এই সভাক্ষেত্রে উত্তর-সম্প্রতিতম বর্ষের এক মৈথিলী পণ্ডিতের সঙ্গে পরিচয় হ'ল—নাম শ্রীজগদীশ্বরী শর্মা। বাংলা ভাষার উপর এর প্রবল অনুয়োগ, বাংলা বলেনও চমৎকার। এই কারণে ইনি 'বাঙালীবাবু' নামে খ্যাত।

ছেলেদের বিতর্ক ভাল লাগল। বেশ শুছিয়ে বাদ-প্রতিবাদ করলে ওরা—ইংরেজী, হিন্দী, সংস্কৃত ও মৈথিলীতে ভাষণ দিলেন বিশিষ্ট কোবিদ জন। সভাপতি আমাদের অনুয়োথ করলেন কিছু বলতে।

ইতস্তত করছিলাম—বাংলা কি এ বা ভাল বুঝবেন?

সভাপতি অভয় দিয়ে বললেন, বাংলাকেই বলুন, আমরা সবাই বুঝতে পারব। আমি আর বিভূতিবাবু বাংলার কিছু বললাম। বিভূতিবাবু অবশ্য প্রদেশীয় ভাষা ভালই জানেন—তবু মাতৃভাষাতেই বললেন। ওঁরা আনন্দ প্রকাশ করলেন। একটি অকপট শ্রীতির আশ্বাদ নিয়ে সভাক্ষেত্র থেকে ফিরলাম।

শ্রীমান শঙ্করের বাড়ীতেও বাণী অর্চনা হয়। সেখানে আমাদের নিয়ে গেলেন তিনি। শঙ্করের অশীতিপর পিতাকে দেখলাম পণ্ডিতজনের সঙ্গে বসে শাস্ত্রালোচনা করছেন। মিথিলার একজন বিশিষ্ট পণ্ডিত ইনি। আরও কয়েকটি স্থান ঘুরে মিথিলার বাণী-পূজার সার্থক রূপটি প্রত্যক্ষ করলাম।

গতকাল দুপুরে মিথিলা ইনষ্টিটিউটে আরও কয়েকজন কৃতবিদ্য তরুণকে দেখেছিলাম। এঁরা বিশ্ববিদ্যালয়ের শেষ পরীক্ষার সসন্মানে উত্তীর্ণ হয়েছেন এবং জ্ঞানভারতীর সেবার কবেছেন আত্মনিয়োগ। এদের বিনয়-নম্র ব্যবহার ও অতি সাদাসিধা বেশভূষা দেখে একটি

উপমাই বাববার মনে পড়েছে। মিথিলায় বিজ্ঞানন্দিরে এরা ফুলের মত ফুটে আছেন বলতে পারলেই উপমায় সার্থক প্রয়োগ হ'ত, কিন্তু এদের দেখে বসভায়ে অবনত ফলের কথাই মনে পড়েছিল। বর্ণ-সৌন্দর্য্য ও সৌগন্ধে ফুল মনকে আকৃষ্ট করে—অথচ তারই মধ্যে প্রচ্ছন্নভাবে একটু প্রচার অহমিকাও যেন লেগে থাকে। শাখার উপর ঈষৎ উদ্ধতভাবেই সে তার রূপসজ্জার মেনে ঙ্গঠাকে লুকু করে, কিন্তু সেই ফুলই বসভূষিষ্ঠ ফলে পরিণত হলে—অবনত হয়ে সবুজ পত্রের অস্তুরালে আত্মগোপনের চেষ্টা করে। মিথিলা ইনষ্টিটিউটে এরাও তেমনি মিথিলায় গৌরব গায়শাস্ত্র প্রভৃতিকে উদ্ধার করবার চেষ্টা করছেন আন্তরিকভাবে। সরকারী সাহায্যপুষ্ট এই বাণী-ক্ষেত্রটিতে প্রাচীনকালের সংস্কৃতির রূপটিকে উন্মোচন করে দেখাবার চেষ্টা চলছে কিছুদিন ধরে। কয়েকজন তরুণ গবেষক এ বিষয়ে অগ্রণী হয়েছেন—তার মধ্যে বাংলা দেশ থেকে এসেছেন শ্রীঅনন্ত-লাল ঠাকুর। বিজ্ঞানিন্দরী এই তরুণদল মিথিলায় প্রাচীন কীর্তিকে কিভাবে তুলে ধরবার চেষ্টা করছেন তা প্রাচীন পুষ্টিপত্রের সংগ্রহ দেখলেই বেশ বোঝা যায়। কিভাবে এগুলি সংগৃহীত হয়েছে—কিভাবে বা পাঠোদ্ধার হচ্ছে এবং বিনষ্ট শ্লোক বা টীকার অংশটি আদি-অস্তুর লিপিনবীতি অনুযায়ী কেমন করে পূর্ণাঙ্গ করা হয়, সমস্ত তথ্যই পরিবেশন করলেন এরা। শুনতে শুনতে কোঁতুল জাগে—বিস্ময় বাড়ে জ্ঞানদমুদ্রের অনন্ত পরিধির কথা ভেবে, চিত্ত পুলক-গৌরবে ভরে ওঠে প্রাচীন ভারতের সংস্কৃতি-সুন্দর মূর্তির আভাস পেয়ে।

এই বিজ্ঞানন্দ থেকে যে সব প্রাচীন পুঁথি এ পর্যন্ত আবিষ্কৃত, সম্পাদিত ও প্রকাশিত হয়েছে এবং যেগুলি প্রকাশের জন্ত গবেষণা চলছে তার কয়েকটির নাম মাত্র দিলাম।

কাব্যাদর্শ—সিংহলাচার্য্য রত্নশ্রীকৃত টীকা সহ প্রকাশিত হয়েছে, মূল সামীক্ষিক সম্প্রকাশিত হবে। প্রকাশিত হয়েছে—কবি কর্ণপুর রচিত পারিজাতহরণ। আরও প্রকাশিত হয়েছে—১। ত্রিতলাবচ্ছেদ বা বিচার (নবজ্ঞায়—শশিনাথ ঝা), ২। বিমণ্ডল বক্র বিচার (জ্যোতিষ—দয়ানন্দ ঝা), ৩। লিঙ্গ বচন বিচার (বাকরণ—দীনবন্ধু ঝা), ৪। History of Mithila (Dr. Upendra Nath Thakur, M.A, D.Phil), ৫। বৌদ্ধ গায়ত্রী (ক) রত্নকীর্তি নিবন্ধ ও (খ) জ্ঞানশ্রী নিবন্ধ। শেষোক্ত বই দুখানি শ্রীঅনন্তলাল ঠাকুরের সম্পাদনায় জয়সোয়াল মিসার্স ইনষ্টিটিউটে থেকে প্রকাশিত হয়েছে।

প্রকাশের অপেক্ষায় আছে যেগুলি তার মধ্যে ১। বিষ্ণুপুরাণের সামীক্ষিক সং, ২। তত্ত্ব চিন্তামণি বা স্বদেশের মূল (ক) পঞ্চধরের

আলোক ও (খ) মহারাজ মহেশ ঠাকুরের দর্পণ।) ৩। গায়ত্রী—গৌতম, ৪। গায় চতুগ্রাহিকা ষার মধ্যে আছে (ক) গায়ভাষা—বাংগায়ন, (খ) গায়ভাষাবার্তিক—উদ্যোতকর, (গ) গায়ভাষা-বার্তিক তাৎপর্থা টীকা—বাচস্পতি মিশ্র ও (ঘ) গায়ভাষাবার্তিক তাৎপর্থা পরিশুদ্ধি—উদয়নাচার্য্য, ৫। অলঙ্কার—অভয়তিলক উপাধায় (গুজরাট), ৬। মিথিলায় নবজ্ঞায়চর্চা—অধ্যাপক দীনেশচন্দ্র ভট্টাচার্য্য, ৭। লীলাবতী, ৮। বৌদ্ধসংস্কৃত গ্রন্থাবলী।

এই বিজ্ঞানন্দিরে অলঙ্কার, গায়, পুরাণ, স্মৃতিনিবন্ধ ইত্যাদি বিষয়ে গবেষণার জন্ত আটটি গবেষকের পদ আছে, এম-এ বিভাগ থেকে আচার্য্য ও গ্রাজুয়েট উপাধি গ্রহণের ব্যবস্থা আছে। আর সর্বোপরি আছে প্রকাশন বিভাগ। ভারতবর্ষের বিভিন্ন প্রদেশ থেকে কৃতবিদ্যা ছেলেরা গবেষণা বা উপাধি লাভের জন্ত এখানে আসেন। তাঁদের বসবাসের কোন অসুবিধা নাই, বৃত্তিলাভের ব্যবস্থাও আছে। কিন্তু শিক্ষিত বাঙালী ছেলেরা এদিকে বড় একটা আসেন না। চাকরির চেয়ে জ্ঞানদাধনার ক্ষেত্রটিকে তাঁরা হয় তো কাম্য মনে করেন না। অথচ জ্ঞানচর্চার ক্ষেত্রটি অবৈতনিক নহে, জীবনে সম্মান ও প্রতিষ্ঠালাভের সুযোগও এখানে বঞ্চিত।

মিথিলা ইনষ্টিটিউটের গ্রন্থাগারে অনেক হস্তাপ্য গ্রন্থ দেখেছি, সংরক্ষণের ব্যবস্থাও ভাল। এই মনোরম ভবনটি সারস্বত সাধনার অমুকুল পরিবেশে স্থাপিত। প্রশস্ত প্রাস্তর-বেষ্টিত তরুছায়াশ্রিত প্রাসাদ তুল্য এই ভবনটির মুখোমুখি দাঁড়িয়ে ধারভাঙ্গার গৌরব প্রকাণ্ড একটি ভূমি, শহরের মধ্যে অথচ জনকোলাহল থেকে সম্পূর্ণ মুক্ত। এক সময়ে এটি মহারাজের ইউরোপীয়ান সেক্রেটারীর আবাসগৃহ ছিল।

প্রায় দু'ঘণ্টা কেটেছিল বিদগ্ধ সজ্জন সাহচর্য্যে। এই জ্ঞান-সাধনার ক্ষেত্র দেখেই মনে হয়েছে—নবীন-মিথিলা প্রাচীন-মিথিলায় যোগ্য উত্তর-সাধক। রাজপাট আজ অস্তমিত, ক্ষমতা-দর্প জ্বাকজমক ক্ষণবৃদ্ধির মত কালের হাওয়ার ফেটে গেছে। এই সমস্ত নিরে যদি প্রাচীন মিথিলায় গৌরবসম্পদকে লিপিবদ্ধ করতে যেতেন কেউ—কোথায় থাকত সে মিথিলা! 'রাজা রাজ-পাট শূণ্ডে মিলায় ধূলায় নিশান তুলে।' প্রজ্ঞার ক্ষেত্রে মিথিলায় নবজাগরণের যে হৃদয়স্পন্দন অহুভব কবেছি কয়েকটি মুহূর্ত—তা মিথিলায় চিরজীবনেই বাঁজা। স্বামায়ণের জনক-চয়িত্র যেমন, জনকরাজার মিথিলাও তেমনি কালজয়ী।



প্রভু তথাগত

শ্রীবিনয় মুখোপাধ্যায়

প্রথম অঙ্ক

প্রথম দৃশ্য

স্থান কপিলাবস্তুর রাজপ্রাসাদের সন্নিকটস্থ উদ্যান

(নেপথ্যে স্তবগান ও বাজ্যের ঐকতান চলতে থাকে—
কাসে ষবনিকা ধীরে ধীরে উঠতে থাকে । একটি মনোরম
উদ্যানে স্বল্পালোকে দেখা যাবে কুমার সিদ্ধার্থ অগ্নমনস্ক উদাসীন
ভাবে উপবিষ্ট । নয়নে তাঁর তাপসের অস্তুর্ভঙ্গী জ্ঞানদীপ্ত
দৃষ্টি । সেই দৃষ্টি যেন এক পরম বহুশ্লোকে হারিয়ে গেছে ।
শাস্ত্র সমাহিত মূর্তি । সহসা বজ্রাঘাত অবস্থায় আহত একটি
রাজহংস কুমার সিদ্ধার্থের ক্রোড়ে পতিত হ'ল । কুমার সচকিত
হয়ে চীংকার করে উঠলেন)

সিদ্ধার্থ । একি ? কার এই নিষ্ঠুর আচরণ ? কে এই
নিরীচ রাজহংসকে এমন করে আঘাত করেছে ? (কণ্ঠস্বর কাম্বার
আবেগে আধুত হওয়ার কুমার আর কথা বলতে পারলেন না,
উদ্যানস্থিত সযোবর হতে জল নিয়ে এসে অসৌম্য করণায় সেই
কতস্থান ধৌত করতে করতে বলতে লাগলেন ।)

—মানবের জ্বিবাংসাপ্রকৃতিকে প্রতিবোধ করবার কি কোন
উপায় নাই ? বিনা প্রয়োজনে প্রাণীহত্যা ! এর কি কোন
প্রতিকার নেই ? (রাজহংসের দিকে করুণ নয়নে তাকিয়ে) আহা !
কেন্দু পাদপু তোকে এমন করে শরাঘাত করেছে ? তার কি
প্রাণে এতটুকু মায়া নেই, দয়া নেই ? (রাজহংস কুমারের
শুষ্কবাক্য ক্রমশঃ স্তম্ভ হয় ।)

(বেগে দেবদত্তের প্রবেশ)

দেবদত্ত । এই যে কুমার, আমার রাজহংসকে নিয়ে তুমি
খেলা করছ । এক অব্যর্থ লক্ষ্যভেদে ওকে আমি উড়ন্ত অবস্থায়
হত্যা করেছি । দাও আমাকে আমার রাজহংস ।

সিদ্ধার্থ । কে বললে এই রাজহংস তোমার ?

দেবদত্ত । বা রে ! রাজহংস আমার নয় ত কার ? ও আমারই
শরে যখন হত হয়েছে তখন ওর উপর আমার পূর্ণ অধিকার । কাল-
বিলম্ব না করে আমার রাজহংস দিয়ে দাও ।

সিদ্ধার্থ । রাজহংস মরে নি, আহত হয়েছে মাত্র । তুমি
তাকে আঘাত করেছ, আমি শুশ্রূষা করে তাকে সুস্থ করেছি,
রাজহংসকে যে বাঁচাল তার অধিকারকে তুমি অস্বীকার করছ কেন্দু
যুক্তিবলে ?

দেবদত্ত । বাজে কথা বলে আমার ভোলাতে পারবে না
কুমার । রাজহংস আমার চাই-ই ।

সিদ্ধার্থ । বৃথা তক করো না দেবদত্ত, রাজহংস আমি দেব
না । আমি তাকে করুণা দিয়ে, সেবা দিয়ে সুস্থ করেছি, সেই
সেবার অধিকারেই ওর ওপর আমার দাবি ।

দেবদত্ত । উড়ন্ত অবস্থায় রাজহংসকে আহত করে আমি
তোমাকে ওর সেবা করবার সুযোগ দিয়েছি, সুতরাং রাজহংস
আমাকে দেওয়া তোমার কর্তব্য ।

সিদ্ধার্থ । অদ্ভুত যুক্তি তোমার । স্পষ্ট ভাষায় আমি তোমায়
বলছি এই রাজহংস তোমায় দেব না । আজ আমি মর্মে মর্মে
উপলব্ধি করেছি—বাথার কি অপরিদীম দাহ, কি স্তম্ভীত জ্বালা ।
সামান্য শরের আঘাতে যন্ত্রণা যদি এতই তীব্র হয়, জানি না পিতার
রাজ-অস্ত্রাগারে রক্ষিত শাসিত সমরাস্ত্রগুলির কি মারাত্মক ধ্বংসের
ক্ষমতা ? স্তনৈচ্ছ শত শত যুদ্ধে ব্যবহৃত হয়েছে ঐ সকল অস্ত্র ।
সহস্র সহস্র সৈনিকের বক্তৃত্ত অস্ত্রগুলির ভয়াবহ ধ্বংসলীলা
আজ এই মুহূর্তে উপলব্ধি করেছি...আজও পৃথিবীতে মানুষ
মারাত্মক সমরায়োজনে অহংহ জিগ্ধ । মৃত মানব রাজাসুখের
লোভে, আত্মসুখের আকাঙ্ক্ষায় নিয়ত ধ্বংসের ইতিবৃত্ত রচনা করে
চলেছে—এর পরিসমাপ্ত নেই । দেবদত্ত, কপিলাবস্তুর সিংহাসন
তুমি চাও ? গ্রহণ কর ভাই, ঐ রাজ্য আমি অন্যায়ের পরিত্যাগ
করতে পারি...তবু ভাই যাকে স্নেহ দিয়ে সেবা দিয়ে বাঁচিয়েছি,
তাকে আমি দিতে পারব না...পারব না...

(ভাবাবেগে সিদ্ধার্থের কণ্ঠবোধ হয়ে এল । এক
অপরিদীম বেদনার যেন উদ্বেলিত হয়ে উঠছে তাঁর চিত্ত ।
দেবদত্ত চিত্রার্পিতের গায় অপসক দৃষ্টিতে ওর দিকে চেয়ে
বইল ।)

(ষবনিকা ধীরে ধীরে নামতে থাকে)

দ্বিতীয় দৃশ্য

(স্থান কপিলাবস্তুর রাজ-অস্ত্রপুত্র । রাজা শুদ্ধোধন ও
রাজ্ঞী প্রজাবতী এক গভীর উৎকর্ষায় কথোপকথনে রত ।)

শুদ্ধোধন । বড় চঃসংবাদ রাণী, সিদ্ধার্থ প্রব্রজ্যা গ্রহণ করা
স্থির করেছে । ওর মুখ চেয়ে আমার শোক আমি ভুলেছি, ওকে
সমভাবে পিতার কর্তব্য ও জননীর্ স্নেহ দিয়ে জালন করেছি, সকল
বিষয়ে এক নিদারুণ উপেক্ষা, এক গভীর ঔনাত্ত ওর প্রকৃতিগত ।
এতদিন অপরিদীম উৎকর্ষা নিয়ে দিনপতি করেছি, আজ সেই
উৎকর্ষার বীজ বাস্তবে মহীকুহ হয়ে দেখা দিয়েছে । এত সতর্কতা,
রাজপ্রাসাদের অকুরস্ত প্রলোভন গোঁতমকে প্রব্রজ্যা গ্রহণ হতে

প্রতিনিবৃত্ত করতে পারল না। আমার সকল আশা, সব সুখ, আজ সমূলে উৎপাটিত হতে চলল।

প্রজাবতী। সিদ্ধার্থ প্রব্রজ্যা নেবে? সত্য বলছেন আর্ষাপুত্র? তবে কি কুমারের জন্মকালে সেই ঋষিগণের ভবিষ্যদ্বাণী আজ সফল হতে চলল। চাঁদের মত পুত্র, সোনার প্রতিমা বধু গোপা, বিবাট শাক্যরাজ্য—রাজসিংহাসন, অনুরক্ত প্রজাকুল, স্নেহময় বৃদ্ধ পিতা—সবকিছু ফেলে, উপেক্ষা করে সন্ন্যাস নেবে গৌতম? এ কি অঘটন প্রভু? মাতা, পিতা, সুন্দরী বধু, সজোজাত শিশুপুত্র এদের উপর গৌতমের কি কোন কর্তব্য নেই?

(সহসা সিদ্ধার্থের প্রবেশ)

সিদ্ধার্থ। এক মহান কর্তব্যের নির্দেশে আমি প্রব্রজ্যাগ্রহণের সঙ্কল্প করেছি। সেই কর্তব্য সমগ্র মানবজাতির উপর। মানবের কল্যাণকামনায় আজ আমি মহান ব্রত উদঘাপনে প্রবৃত্ত হয়েছি। সংসারে মানবজীবনের এক শোচনীয় পরিণাম মর্মে মর্মে উপলব্ধি করেছি। জরা-ব্যাধির প্রকোপে মানবকুল অহরহ পীড়িত হচ্ছে। দুঃখের নিষ্ঠুর নিষ্পেষণে মানবসমাজ কত অসহায় তা আমি প্রত্যক্ষ করেছি। তাই আজ আমি মানবের কল্যাণকামনায় জীবন উৎসর্গ করব বলে সঙ্কল্প করেছি। আমার ব্রত যেন সফল হয়, তুমি আশীর্বাদ কর মা!

প্রজাবতী। বৎস, সন্ন্যাসের পথ বড় কঠোর, তোমার ঐ নবনীতকোমল সুকুমার দেহে সন্ন্যাসের সেই বেশ, সেই অনাহার, কৃচ্ছ সাধন কি সহ হবে পুত্র?

সিদ্ধার্থ। কঠোর ব্রত উদঘাপনের জগুই কঠোরতার সঙ্গে সংগ্রাম করতে হয় মা। কঠোরতাকে তুচ্ছ জ্ঞান করার মত বৈধা আমি যেন লাভ করি—তুমি আশীর্বাদ কর মা! (সিদ্ধার্থ নতজানু হয়ে প্রণাম করেন।)

শুদ্ধোধন। শোন কুমার, মানবজাতির মুক্তি-অন্বেষণে তুমি কেন অস্ত্রভুক দুঃখকে বরণ করবে? তোমার কিসের অভাব? স্বর্ণপ্রতিমা বধুমাতা গোপা, নব শশধরসম পুত্র, রাজসিংহাসন সবকিছু কেন পরিত্যাগ করবে? ধর্মাচরণ করতে তোমার যদি একান্ত অভিলাষ হয়—গৃহে বসে তুমি যজ্ঞাদির আয়োজন করতে পার। অক্ষয়, অধর্ম বৃদ্ধ পিতার জীবনের স্বপ্নকে, সাধনাকে বার্থ করে দিও না কুমার!

সিদ্ধার্থ। (সিদ্ধার্থের মনে এক অস্বাভাবিক উপস্থিত হ'ল। কিছুক্ষণ অধোবদনে থেকে বললেন) একটি মাত্র সর্ভে আমি সংসারে থাকতে পারি পিতা। আপনি অহুগ্রহ করে আমার চারটি বর প্রদান করুন।

শুদ্ধোধন। (উৎক্লান্ত হয়ে) চাও বৎস, কি তোমার অভিলাষ?

সিদ্ধার্থ। যৌবন যেন আমার জরায় আক্রান্ত না হয়, শরীর যেন আমার ব্যাধিশূন্য হয়, আমি যেন মৃত্যুঞ্জয়ী হই পিতা।

শুদ্ধোধন। (কিছুক্ষণ মৌন থেকে) তোমার অভিলাষ পূর্ণ

করা আমার সাধ্যাতীত বৎস! যোগাধিগণ সহস্র বৎসর সাধনা করে, কঠোর তপস্যায় যা লাভ করতে অক্ষম হন, সেই বর আমার মত ক্ষুদ্র মানুষ তোমায় কিরূপে দিতে পারবে?

সিদ্ধার্থ। (সহসা শুদ্ধোধনের চরণে পতিত হয়ে) তবে পিতা আমার এই বর দান করুন—আমার বিরহে আপনারা কাতর হবেন না, আমি যেন সাংসারিক ভোগস্বপ্নের সকল আকাঙ্ক্ষা থেকে নিজেকে মুক্ত রাখতে পারি।

শুদ্ধোধন। (সিদ্ধার্থের মস্তকে হাত বুলাতে বুলাতে) কঠোর সঙ্কল্প তোমার। আমার মত ক্ষুদ্র মানুষের সাধা নেই এই সঙ্কল্প হতে তোমাকে বিচ্যুত করি। মানুষের দুঃখনিবৃত্তি তোমার সঙ্কল্প। ঈশ্বর তোমার মনোবাসনা পূর্ণ করুন! তোমার সিদ্ধি অবশ্যজ্ঞাবী।

(শিশুকে কোলে নিয়ে প্রবেশ করে গোপা। রাণী প্রজাবতী গোপার কোল থেকে শিশুকে নিজের অঙ্কে গ্রহণ করলেন। স্বল্প বয়সে অপলক নয়নে শিশুকে দেখতে লাগলেন সিদ্ধার্থ। তার পর শিশুকে নিজের কোড়ে নিয়ে একবার তার মুখচুম্বন করে পুনরায় প্রজাবতীর কোড়ে ফিরিয়ে দিলেন। এই বার ধীর পদক্ষেপে রাজপুত্রীর বহির্দেশে অগ্রসর হতে লাগলেন। গোপা এতক্ষণ অবগুষ্ঠনাবৃত্তা হয়ে নীরবে কাঁদছিলেন। কুমারকে চলে যেতে দেখে গোপার অবগুষ্ঠন পসে পড়ল। উন্মাদিনীর মত ভূমিলুপ্তিতা হয়ে আছড়ে পড়লেন গোপা।)

গোপা। স্বামী, প্রভু!

(নেপথ্যে সারাক্ষণ করুণ বাতাবনি, বাতাবনি ক্রমে ক্রমে তীব্র হতে তীব্রতর হয়ে উঠবে। সিদ্ধার্থ একবার পিছনে তাকিয়ে ভুলুপ্তিতা গোপাকে দেখলেন, পরে দ্রুত পশ্চিম বাইরের দিকে অগ্রসর হয়ে গেলেন। যবনিকা নামল।)

দ্বিতীয় অঙ্ক

প্রথম দৃশ্য। ছন্দক ও সিদ্ধার্থ

সিদ্ধার্থ। এই সেই বন্ধাতীরস্ব বেণুবন? রজনী শেষ হয়ে এল। এই স্থান হতে তোমাকে বিদায় নিতে হবে ছন্দক।

ছন্দক! প্রভু। এ দাস আপনার সঙ্গ ছাড়বে না, আমাকে আজীবন আপনার সেবা করবার অহুমতি দিন প্রভু!

সিদ্ধার্থ। যাত্রাপথে বাধার সৃষ্টি করো না ছন্দক। আমাকে নিশ্চিন্তচিত্তে বিদায় নিতে দাও।

ছন্দক। সংসারে অনন্ত সুখের আকর পরিত্যাগ করে কিসের মোহে আপনি ছুটে চলেছেন প্রভু? স্নেহময় পিতা, অনন্ত করুণারূপিনী জননী, পতিব্রতা পত্নী, প্রাণপ্রতিম শিশুপুত্র—কেন আপনি ঐ সব পরিত্যাগ করবেন প্রভু? চিন্তা স্থির করুন।

সিদ্ধার্থ। স্থির চিন্তেই এই কার্যে আমি ব্রতী হয়েছি ছন্দক। ঐ দেখ ছন্দক। আজ পৃথিবী শুভ্র জ্যোৎস্নার বিমল হাসিতে

ভরে গেছে...কিন্তু কতটুকু তার স্থায়িত্ব? এই রক্তধারা স্নাত নিশার অবসান হবে, তার পর আসবে অন্ধকার রাত্রি। সংসারে সুখের স্থায়িত্বও এইরূপ। আর তর্ক নয় ছন্দক, সময় হয়ে এসেছে। আমার বিদায় নিতে দাও!

ছন্দক। (কাঁদতে কাঁদতে ঈষৎ অভিমানাহত হয়ে) বেশ, আপনার যা অভিরুচি করুন।

সিদ্ধার্থ। (একটু কঠোর দৃষ্টি হেনে) ছন্দক (শিরের উষ্ণীষ খুলে) এই নাও আমার শিরের আভরণ। এইবার মস্তক আমার বিনয়-নয়না শিখবে। এই নাও আমার অঙ্গের আভরণ, ঐ সুপ্ত ব্যাধের সঙ্গে আমি আমার পরিচ্ছদপরিবর্তন করব। আজ আমার অহঙ্কার, আভিজাত্যের, দান্তিকতার মুখোশ খসে পড়ুক। (নিজের তরবারির দ্বারা মস্তকের চুল কাটিতে উচ্ছাত হলে ছন্দক বাধা দিলেন)

ছন্দক। না না প্রভু! অত সুন্দর চিকুরবাজি আপনি নষ্ট করবেন না। নিজের উপর অতটা নিশ্চয় আপনি হবেন না।

সিদ্ধার্থ। অতটা অবুঝ হয়ো না ছন্দক, চিকুর নষ্ট করে আমি মিথ্যা কীর অসক্তি হতে মুক্ত হব। (চিকুরবাজি নষ্ট করে) এই নাও আমার তরবারি। ক্ষান্তবশু আজ হতে পরিত্যাগ করলাম...

ছন্দক। এ কি করছেন প্রভু! (কাঁদছে ছন্দক)

সিদ্ধার্থ। শোকার্ভ হয়ো না ছন্দক। রাজপ্রাসাদে ফিরে যাও তাড়াতাড়ি। পিতা-মাতা, পত্নী—সকলে গভীর শোকে মুহমান। সত্বর ফিরে গিয়ে তাঁদের সান্ত্বনা দাও। তাঁদের বাধা উপশমের সহায়তা কর। বিদায় ছন্দক! বিদায় বন্ধু! বিদায়!

(ছন্দক কাঁদতে লাগল। যবনিকা নামে।)

(সহসা স্বর্ণপাত্রের পায়সাল্ল সহ সূজাতার প্রবেশ)

সূজাতা। কে ওখানে? কে ঐ নয়নাভিরাম তাপস? উনিই কি তবে বনদেব? সেই স্বপ্নদৃষ্ট তেজোদৃষ্টি ভাস্বর জ্যোতিষ্কর পুরুষ। দেবতা সুপ্রসন্ন নিশ্চয়ই, তিনি আমার মনোবাঞ্ছা পূর্ণ করবেন। (উৎফুল্ল হয়ে সিদ্ধার্থের সন্নিকটে গিয়ে ভক্তিবরে স্বর্ণপাত্র গুঁকে উৎসর্গ করলেন।)

সূজাতা। বনদেব! দাসী আজ সামান্ত পায়সাল্ল অর্ঘ্য-উপচার নিবেদন করছে, দাসীর প্রতি বক্রুণা করে এ পায়সাল্ল গ্রহণ করুন দেব!

সিদ্ধার্থ। কে তুমি দেবি? তোমার পরিচয়?

সূজাতা। নান্দিকপতির তনয়া আমি, দাসীর নাম সূজাতা। পুত্রকামনায় আজকের এই অর্ঘ্যবচনায় ব্রতী আমি দেব। রূপা করে এইবার পায়সাল্ল গ্রহণ করুন।

সিদ্ধার্থ। ভদ্রে! অতি সামান্ত মানব আমি। তোমার সেই পরমায়ুধ বনদেব আমি নই। এই বনেই আমি তপস্যায় নিহত হয়েছি। আজ ঋৎপিপাসায় অত্যন্ত কাতর হয়ে তপস্যায়

বার্থকাম হয়েছি। যদি ষিধাহীনচিত্তে সংশয়হীনা হয়ে এক সামান্ত বুভুক্ষু মানবকে তোমার ঐ পায়সাল্ল নিবেদন করতে অভিরুচি হয়, তবে তুমি তা করতে পার সাধি!

সূজাতা। রূপা করে দাসীর এই অন্ন গ্রহণ করুন দেব।

সিদ্ধার্থ। আজ পরম তৃপ্তি ও আনন্দের সঙ্গে তোমার পায়সাল্ল গ্রহণ করলাম দেবি! আমার দেহ সঞ্জীবিত হ'ল। আশীর্বাদ করি তোমার মনোবাঞ্ছা পূর্ণ হোক! তোমার কল্যাণ হোক!

(করজোড়ে সূজাতা বসে রইল। ওর নয়নে আনন্দাঞ্জুরিতে লাগল। অতীব তৃপ্তিসহকারে অন্নগ্রহণ করতে লাগলেন সিদ্ধার্থ।)

দ্বিতীয় দৃশ্য। স্থান গয়াধাম।

সূজাতার পায়সাল্ল ও ভিক্ষালব্ধ অন্নের দ্বারা সিদ্ধার্থের দেহ সঞ্জীবিত হয়ে উঠল। নৈরঞ্জনা নদীতে স্নান সমাপন করে বোধিজ্ঞান মহাবুদ্ধকে সাত বার প্রদক্ষিণাশ্রেণী পুনরায় ষোগাসনে বসবার ইচ্ছা প্রকাশ করলেন। নিস্তরক উরুবিধবন। পূর্ণিমায় রক্তশুভ্র কিরণদারাস্নাত পৃথিবী। জ্যোৎস্নার সেই শুভ্র আলোকে এক কঠোর সঙ্কল্প অভিব্যক্ত হ'ল সিদ্ধার্থের মুখমণ্ডলে!

সিদ্ধার্থ। এই শেষবার। প্রাণপাত করে নিজের সঙ্কল্পে সিদ্ধিলাভ করতে হবে। এক স্থির সত্যকে আজ আবিষ্কার করতে হবে। মানবের নিকরানের পথ, মুক্তির পথ আজ আমার অহুসন্ধান করতে হবে। সঙ্কল্পসাধনের শুভলগ্ন সমুপস্থিত। এই লগ্নকে আমি বার্থ হতে দেব না। হে আকাশের বিমল শুভ্র পূর্ণশ্রেণী, নিস্তরক উরুবিধবনের মহীকহগণ, হে শাস্ত সমুন্নত প্রবীণ মহাদক্ষম, অরণ্যচারী হে স্বাপদকুল, কীট, পতঙ্গ, বিহঙ্গ, হে মুক নীরব প্রকৃতি, আজ তোমরা সাক্ষী হও। সাধনার পথে, সিদ্ধির পথে হে আমার নীরব দর্শকগণ—তোমাদের সাক্ষী করে আজ আমি এই শুভ লগ্নে পরম মুহূর্ত্তে দিব্য প্রেরণায় অহুপ্রাণিত হয়ে প্রতিজ্ঞা করছি...

ইহাসনে শুষাতু মে শরীরম্

ভগস্থি মাংস প্রলয়ঞ্চ যাতু

অপ্রাপ্য বোধিং বহুকল্প হুল্লাভাং

নৈবাসনাং কামমতশ্চলিষাতে।

(প্রতিজ্ঞা শুনে পৃথিবী কম্পিত হ'ল। আকাশ থেকে পুষ্পবৃষ্টি হতে লাগল। সিদ্ধার্থ সেই মহাবোধিজ্ঞানমতলে ষোগাসনে উপবিষ্ট হলেন। এক বিমল জ্যোতিতে চারিদিক আলোকিত হয়ে উঠল। যবনিকা খীবে দীয়ে নামতে লাগল।)

তৃতীয় অঙ্ক

প্রথম দৃশ্য। স্থান ঋষিপত্তন।

সন্ধ্যা উত্তীর্ণ। সিদ্ধার্থ সন্ধ্যোদিশাভ করার পর এখন প্রভ তথাগত নামেই পরিচিত। ঋষিপত্তনের সংঘারাম

শিষ্যগণের সাক্ষ্য-মাজলিক পাঠে মুখরিত। ধূপ-অঙ্কুর-চন্দন-মিশ্রিত ধূনার সুরগন্ধে চারিদিক আমোদিত। কাশ্যপ, আনন্দ উপালী, অনাথপিণ্ডদ প্রভৃতি শিষ্যগণ যোগাসনে বসে করজোড়ে সাক্ষ্য-মাজলিক পাঠ করছেন।

“পঠনং বোধি পল্লকং হৃদয়ং অনিমিসম্পিচ
তন্তিয়ং চকমন সেটং চতুর্থং রতন ঘরং
পঞ্চমং অজপালশচ মুচলিন্দেন ছটঠমং
সত্তমং রাজায়তনং বন্দেত বোধি পাদকং !!”

(কিছুক্ষণ নিস্তব্ধতার পর) বৃদ্ধঃ শরণং গচ্ছামি... ধর্মঃ শরণং গচ্ছামি, সজ্বঃ শরণং গচ্ছামি...

আনন্দ। প্রভু তথাগতের অনেকদিন কোন কুশলাদি পাই নি। প্রভুর জন্ম আজ সহস্রা চিত্ত আমার বিক্ষিপ্ত হয়েছে।

কাশ্যপ। শ্রাবস্তী, কোশল, বৈশালী, কোশাঘী প্রভৃতি রাজ্য-গুলি পরিক্রমা সমাপন করে প্রভু ঋষিপতনের অভিমুখে যাত্রা শুরু করবেন বলে সংবাদ পেয়েছি, এখন প্রভু মগধরাজ্যে অবস্থান করছেন বলে জানতে পেরেছি...

(সহসা প্রভু তথাগতের প্রবেশ, সঙ্গে শিষ্য সারিপুত্র ও মৌদগল্লায়ণ)

তথাগত। শুভমস্ত। শুভমস্ত। তোমাদের কুশল ত? সংঘারামের মঙ্গল ত? (সকলে সদস্যমে গাত্রোত্থান করে—প্রভু তথাগতকে প্রণাম করলেন।)

কাশ্যপ। প্রভুর কুশল ত?

তথাগত। তোমাদের কুশলেই আমার কুশল। মগধ হতেই এখন ফিরে এলাম। বংসগণ এবারের এই পরিক্রমায় আমি ঐ পবিত্র আশ্রয় দুটি আবিষ্কার করেছি। বহুটি ব্রাহ্মণকুমার। দু'জনেই আমার নিকট দীক্ষা গ্রহণ করেছেন। উনি সারিপুত্র, উনি মৌদগল্লায়ণ। (সজ্বারামের শিষ্যগণের সঙ্গে পরিচয় করিয়ে দিলেন।)

তথাগত। এইবারের পরিক্রমায় আরও তিনটি হৃদয়কে বিজয় করে ফিরেছি।

অনাথপিণ্ডদ। কোন মহানু সত্রাট কি আমাদের পৃষ্ঠপোষক হয়েছেন প্রভু?

তথাগত। হ্যাঁ। মগধাধিপতি আমাদের শীলের উপর প্রগাঢ় আস্থা স্থাপন করেছেন। আমি সেকথা বলছি না।

উপালি। প্রভু কি অল্প কোন মহাস্বায় সন্ধান পেয়েছেন?

তথাগত। শুভভক্তি আমি উপঢৌকন পেয়েছি। কুসংস্কার-চ্ছন্ন, ঘোর আত্মকেন্দ্রিক কৃষিক্রমী ব্রাহ্মণকুমার ভবধাজ সংস্কারমুক্ত হয়ে মানবপ্রেমী হয়েছে, সত্যাক্ষরী হয়েছে।

উপালি। অপর দুই জন!

তথাগত। এক হৃদ্যন্ত দম্ভা নবহত্যা, লুণ্ঠন, প্রভৃতি সমুদয় পাপাচার বিসর্জন দিয়ে সাধু গৃহস্থে রূপান্তরিত হয়েছে।

উপালি। শেষেরটি?

তথাগত। একজন নারী।

অনাথপিণ্ডদ। নারী?

তথাগত। হ্যাঁ, নারী। আমাদের ত্রিশরণ ও শীল গ্রহণে নারীর কোন বাধা নাই। বংস আনন্দের পরামর্শক্রমে আমি এই-বার সজ্বারামে নারীদের স্থান দেওয়া স্থির করেছি।

অনাথপিণ্ডদ। নারী যে মায়াময়ী প্রভু! তাদের সাহচর্যে মায়াপাশে আবদ্ধ হওয়ার সম্ভাবনা যে আছে প্রভু!

তথাগত। কিন্তু নারীরাও ত দুঃখভোগ করে বংস। তারাও জরা, ব্যাধি প্রভৃতির দ্বারা আক্রান্ত হয়ে কষ্ট পায়। নির্কারণ-লাভের তাবাও উপযুক্ত আধার।

উপালী। কে সেই মহীয়সী নারী প্রভু?

তথাগত। পুত্রশোকান্ধিতা কৃষ্ণা গোতমী। পুত্রশোকের সংস্কার হতে উনি মুক্ত হয়েছেন। সারিপুত্র ও মৌদগল্লায়ণ ঠাণ্ডা শীল সম্পর্কে জ্ঞানলাভে উৎসুক। আমি পুনরায় শীলগুলি বলছি, বংসগণ শীলগুলির প্রতি যত্নপরায়ণ হও। আর্ধ্যশ্রাবকেরা প্রতিদিন নিষ্ঠার সঙ্গে শীলগুলি পালন করবেন। এই শীলগুলি বিজ্ঞানের দ্বারা অমুমোদিত।

সারিপুত্র। নির্কারণ কি?

তথাগত। নির্কারণ অব্যক্ত। নির্কারণ কোন বিবৃতি নয়, নির্কারণ কোন সত্তা নয়—নেতি—অভাব, নির্কারণ একটি নেতিবাচক অবস্থা। শাস্তি, আনন্দ, পবিত্রতা, মুক্ত জীবনের এক পবন আশ্রয় নির্কারণের অবস্থা।

মৌদগল্লায়ণ। জগৎ কি?

তথাগত। জগৎ শুধু কতগুলি ঘটনার অনন্ত প্রবাহ। জগতে শাস্ত বলে, স্বয়ম্ভূ বলে কিছু নাই। এখানে চলেছে শুধু পরি-বর্তনের প্রবাহ। এই পরিবর্তন শুধুমাত্র রূপান্তর নয়, বিপরীত সংঘর্ষের মধ্যে এক নূতনের পরম আবির্ভাব। সমস্তই একটি নিয়ম-শৃঙ্খলার দ্বারা নিয়ন্ত্রিত। অনিয়ম ও বিশৃঙ্খলার স্থান জগতে নেই।

কাশ্যপ। জ্ঞান ও সত্য কি?

তথাগত। জগৎ অসীম। সত্যও সীমিত নয়। অনন্ত সত্যের ভাণ্ডার হতে আমরা একটি সত্যকে উপলব্ধি করেছি মাত্র। জ্ঞান—ধন নয়, মান নয়, রাজ্য নয়, শক্তি নয়, কঠোর পুণ্যময় জীবনধাপনের আদর্শই জ্ঞান। জ্ঞানী যিনি তিনি সংস্কারকে জয় করেছেন, কুসংস্কারকে পরিত্যাগ করেছেন। এই জ্ঞান লাভ করতে গেলে অষ্ট আর্ধ্য পন্থাকে প্রতিপালন করতে হয়। সমাক্ দৃষ্টি, সমাক্ সঙ্কল্প, সমাক্ বাক্, সমাক্ কর্ম, সমাক্ জীবন, সমাক্ চেষ্টি, সমাক্ স্মৃতি এবং সমাক্ আনন্দ বা সমাধি এই অষ্ট আর্ধ্য পন্থা! কোন বিষয়কে দেখে নেবার নাম সংঘা, জেনে নেবার নাম বিজ্ঞান, আর সঠিকভাবে বুঝে নেবার নাম প্রজ্ঞা। এই প্রজ্ঞাও আবার করুণা ও মৈত্রী ব্যতীত সম্ভব নয়। করুণাহীন জ্ঞানের নাম বক্ষ্যা প্রজ্ঞা!...

কাশ্যপ। প্রভু ব্রাহ্মণ কে?

তথাগত। জটা গোত্র, জাতিতে কেউ ব্রাহ্মণ হয় না। যিনি দত্যে ও ধর্মে প্রতিষ্ঠিত তিনি ব্রাহ্মণ।

আনন্দ। সত্য কি উপলব্ধির বস্তু ?

তথাগত। সেই সত্যকে নিজের প্রচেষ্টায় আয়ত্ত করতে হয়। তোমাকে যা সত্য বলা হবে তুমি তা সত্য বলে গ্রহণ করতে নাও পার। তুমি নিজেই নিজের প্রদীপ হও, নিজেই নিজের শরণ হও, নিজে বাকে সত্য বলে জেনেছ, বুঝেছ, দেখেছ—তাই সত্য।

অনাথপিণ্ড। ঈশ্বর কি ?

তথাগত। এই প্রশ্ন যে করে, এবং যে উত্তর দেয় উভয়েই ভ্রান্ত। থাক এ সম্বন্ধে এখন আর কিছু বলতে চাই না।

—কে ? কে আপনি ?

(জনৈক দূতের প্রবেশ ।)

দূত। প্রভু ! আমি কপিলাবস্ত হতে আসছি। মহারাজ শুদ্ধোধন আপনাকে কপিলাবস্ত যাবার আমন্ত্রণ জানাতে এসেছেন।

তথাগত। কপিলাবস্ত ! আজ ষাট বছর পূর্বে কপিলাবস্ত পরিত্যাগ করেছি। প্রণাম ভ্রাতৃমি ! প্রণাম তোমায়। (দূতের দিকে ফিরে) পথশ্রমে তোমার কোন ক্লেশ হয় নি ত ? বাজার সবকিছু মঙ্গল ত ? পিতামাতার কুশল ত ?

দূত। সবই কুশল প্রভু। তবে আপনার বিরহবেদনায় সকলে ব্যথিত। শ্রাবস্তী, কোশল, মগধ, কোশাষী প্রভৃতি রাজ্যগুলি আপনার পদধূলিতে কৃতার্থ হয়েছে, ধন্য হয়েছে। সকলকেই কৃপাবর্ষণ করেছেন আপনি। শুধু কপিলাবস্ত কি উপেক্ষিত থেকে যাবে ? কপিলাবস্তর উপর এতটা কার্পণ্য কেন প্রভু ?

তথাগত। কপিলাবস্তর আমন্ত্রণ আমি শ্রদ্ধাবনত চিত্তে গ্রহণ করছি। অবিলম্বে আমরা তথায় উপস্থিত হব। গুরুপদে আমার শ্রদ্ধা জানিয়ে এই বার্তা নিবেদন করো।

(যবনিকা)

দ্বিতীয় দৃশ্য

[উৎসবমুখর কপিলাবস্ত। রাজকুমার নন্দের বিবাহ-উৎসব। সুসজ্জিত নগরী। দিকে দিকে নৃত্যগীত...নহবতের সুরধ্বনি তান। পুরবাসিগণের গৃহঘর সিন্দুরলিপ্ত, মঙ্গলকলস ও আত্মপল্লব দ্বারা সুসজ্জিত। রাজ-অস্ত্রপুত্র হতে মঙ্গলশব্দ বাজছে। পুত্রের বিবাহোৎসবে রাজা শুদ্ধোধন কিন্তু ততটা উৎফুল্ল নন। এক গভীর উদাস্তো পরিপূর্ণ রাজার অস্তর, মনের মধ্যে অসীম শূন্যতা।]

প্রজাবতী। প্রভু, আজকের দিনে আপনি এত বিষন্ন কেন ? মঙ্গলাচার সম্পূর্ণ হয়েছে। বর-বধূকে আশীর্বাদ করবেন আসুন।

শুদ্ধোধন। তুমি আশীর্বাদ করলেই হবে। সুখ, আনন্দকে আজকাল আমার বড় ভয় হয় রাণী। সুখ আনন্দ আমার জীবনে আশীর্বাদ নয়...এ নিদারুণ অভিশাপ প্রবঞ্চনা। তাই ওদের আমি পরিহার করতে চাই...সবকিছু হতে নিজেকে সরিয়ে রাখতে

চাই। আজ আমার চিত্ত বড়ই বিক্ষিপ্ত রাণী। তুমি—কে—কি সংবাদ সচিব ?

(প্রধান সচিবের প্রবেশ)

প্রধান সচিব। মহারাজ, প্রভু তথাগত আজ শিষ্যাগণসহ কপিলাবস্তর উপবনে সমাগত হয়েছেন।

শুদ্ধোধন। সত্য বলছ সচিব ? সে এসেছে—এসেছে ? এতদিন পরে বৃদ্ধ পিতাকে তার মনে পড়েছে। ওরে—কে কোথায় আছিস, তোরা শঙ্খধ্বনি কর, জয়ধ্বনি কর। (নেপথ্যে শঙ্খধ্বনি) যাও—যাও সচিব তুমি অবিলম্বে তাকে অভ্যর্থনা করে নিয়ে এস। পরিচর্যার জন্য দাসদাসীদের পাঠাও। কনকমণ্ডিত বধ, কনক-কিরীট, রাজ-আভরণ কুরুবকের সুগন্ধি মালা প্রভৃতি বিবিধ উপচার নিয়ে তাকে বরণ কর। এতটুকু ক্রটি থাকতে দিও না। যাও।

প্রধান সচিব। সমস্তই পাঠিয়েছিলাম মহারাজ। তিনি সব-কিছু বর্জন করেছেন, প্রত্যাখ্যান করেছেন। শুধু ভিক্ষাপাত্র ও ধর্মচক্র হস্তে ধারণ করে পদতলে রাজপ্রাসাদের দিকে এগিয়ে আসছেন।

(প্রধান সচিবের প্রস্থান)

শুদ্ধোধন। (উৎফুল্ল হয়ে) ঐ দেখ রাণী ওরা আসছে। গবাক্ষের পথে দৃষ্টি নিক্ষেপ করে দেখ ঐ অপূর্ণ গৈরিক মেলার মিছিলকে। ঐ দেখ তোমার গোঁতমের গৈরিক বাসে আবৃত দেহের হেমময় অপূর্ণ আভা।

[নেপথ্যে বৃদ্ধ শরণং গচ্ছামি...ধর্মং শরণং গচ্ছামি...সজ্জং শরণং গচ্ছামি...ত্রিশরণ মন্ত্র ধ্বনিত হচ্ছে।]

(তথাগতের প্রবেশ)

তথাগত। ভবানু ভিক্ষাং দেহি !

শুদ্ধোধন। (অশ্রুসিক্ত কণ্ঠে) তোমার একি বেশ পুত্র ! তোমায় এ বেশে আমি দেখতে পারব না, পারব না।

তথাগত। ভবানু ভিক্ষাং দেহি। ভিক্ষুর এই ত ঐশ্বর্য পিতা। (তথাগতের মুখে প্রসন্ন হাসি)

শুদ্ধোধন। ওরে গোঁতম...পুত্র ! (প্রথমে দৃঢ় আলিঙ্গনে আবদ্ধ করলেন প্রভু তথাগতকে, এক দিব্য আনন্দের আবেশে শুদ্ধোধনের ভাবাস্তর উপস্থিত হ'ল। তিনি করজোড়ে ত্রিশরণ মন্ত্র গাইলেন। বৃদ্ধ শরণং গচ্ছামি, ধর্মং শরণং গচ্ছামি, সজ্জং শরণং গচ্ছামি।)

তথাগত। (প্রজাবতীর দিকে দৃষ্টি নিক্ষেপ করে) মা—মা।

প্রজাবতী। (কম্পিত কণ্ঠে) কে—কে—তুমি পুত্র ? তোমার দর্শনে এত সুখ, এত পুলকোচ্ছাস। কে তুমি।

[নেপথ্যে ত্রিশরণ মন্ত্র উচ্চ থেকে উচ্চতর গ্রামে উঠতে লাগল]

তথাগত। মা—মা।

[নন্দের প্রবেশ]

নন্দ। প্রভু বিবাহবাসর ত্যাগ করে তোমাকে দর্শন করতে

ছুটে এসেছি। তোমার মুখনিঃসৃত অমৃতময় আজ সকল মানুষকে সঞ্জীবিত করেছে...এই দীন দাসকেও দাও সেই অমৃতময় মোহন মন্ত্র। অামাকেও দেখাও সেই জ্ঞানের আলোকবর্তিকা।

(নন্দ তথাগতকে প্রণাম করলেন) তার পর সকলে ধীর পদক্ষেপে কক্ষান্তরে চলে গেলেন।)

(নেপথ্যে বৃদ্ধঃ শরণং গচ্ছামি...ধম্মঃ শরণং গচ্ছামি...সজ্বঃ শরণং গচ্ছামি।)

[গোপার প্রবেশ]

গোপা। কৈ সেই নয়নাভিরাম তেজঃপুঞ্জকলেবর দেবতা?

কৈ সেই পরমবাহিত বল্লভ? কোথায় তিনি?

—রাজপ্রাসাদের সকলেই পেল তাঁর সান্নিধ্যের স্নিগ্ধ স্পর্শ। শুধু আমিই উপেক্ষিতা থেকে যাব? প্রাণের বাকুলতায় ছুটে এলাম তাঁকে দর্শন করতে, কিন্তু কৈ তিনি? তবে কি শ্রুত আমাকে দর্শন দেবেন না?

(নেপথ্যে 'গোপা' 'গোপা' ডাক)

—ঐ আহ্বান কার? শাস্ত্র গভীর উদাত্ত স্বরে ঐ অমৃতক্ষরা আহ্বান কার?—ঐ ঐ ত শ্রুত আসছেন। (মুখে হাসি ফুটে উঠল, আবেগপূর্ণ কণ্ঠে) ঐ ত সেই পরমবাহিত বল্লভ!

(ধীর পদক্ষেপে তথাগতের প্রবেশ)

—হে পরম পুরুষ তুমি এসেছ? সার্থক হয়েছে আমার দীর্ঘদিনের প্রতীক্ষা। আমাকে তুমি বিস্ময় করে পূর্ণ করে দাও! (পবিত্র গঙ্গাবারি দ্বারা তথাগতের পদযুগল ধোঁত করে নিজের অলঙ্কার দ্বারা মার্জনা করলেন সেই দেবহৃদয় পদযুগল, নেপথ্যে বেজে উঠল মঙ্গলশব্দ। তথাগত অপলক দৃষ্টিতে লক্ষ্য করছেন গোপাকে)

গোপা। বাহুল! বাহুল! (শিষ্য সান্নিপুস্তের সঙ্গে সপ্তম-বর্ষীয় বালক বাহুলের প্রবেশ, তথাগত দেখলেন নিজ আশ্রয়কে)—আজকে কে এসেছে জানিস! দেখেছিস বাবা! ঐ সন্ন্যাসীকে চিনতে পেরেছিস বাহুল?

বাহুল। কে মা?

গোপা। ওয়ে তোর পিতা। তোর পরমগুরু। বা চাইবার আজ ঠর কাছ হতে প্রাণ ধুলে চেয়ে নে বাবা। (আনন্দের বিপুল আবেগে যেন গোপার সমস্ত শরীর কঁপছে)

বাহুল। (বিহ্বল দৃষ্টিতে তথাগতকে দেখতে দেখতে হস্ত প্রদারিত করল)—বাবা—বাবা!

তথাগত। বৎস!

বাহুল। বাবা!

তথাগত। সান্নিপুস্ত, বালককে ওর পিতৃধন দাও,—ভিক্ষাপাত্র!

(সান্নিপুস্ত বালকের হাতে ভিক্ষাপাত্র দিলেন)

গোপা। (আবেগ-বিহ্বল কণ্ঠে)—আজ সার্থক তুই বাহুল। এই ভিক্ষাপাত্রে কি আছে জানিস? মাত রাজ্য গুপ্ত ঐশ্বর্য ওতে

গচ্ছিত আছে। (বাহুল কিছুক্ষণ ভাববিহ্বল হয়ে দাঁড়িয়ে রইল, তার পর সান্নিপুস্ত বালককে নিয়ে কক্ষান্তরে প্রস্থান করলেন)

তথাগত। গোপা! সার্থক হোক তোমার জীবন। (নেপথ্যে হতে ত্রিশরণ মন্ত্রের অল্প বেশ শোনা যাচ্ছে।)

গোপা। (তথাগতের পায়ে মাথা রেখে আবেগকম্পিত কণ্ঠে) শ্রুত! শ্রুত তথাগত। (নেপথ্যে ত্রিশরণ মন্ত্র তীব্র হয়ে উঠল।...বৃদ্ধঃ শরণং গচ্ছামি—ধম্মঃ শরণং গচ্ছামি, সজ্বঃ শরণং গচ্ছামি—মঙ্গলশব্দ বেজে উঠল...গান শোনা যায়।)

তৃতীয় দৃশ্য

[স্থান—ঋষিপুস্তন সজ্জারাম। মাঘী পূর্ণিমার রাত্রি। যোগাসনে শ্রুত তথাগত উপবিষ্ট, মায়ের প্রবেশ।]

মায়। হে তপোধন—আমার শ্রদ্ধা ও অভিনন্দন গ্রহণ কর দেব। কঠোর তপোবলে—পবিত্র জীবনের এক মহান আদর্শে তুমি নিজেকে সুপ্রতিষ্ঠিত করে রেখেছ। তোমার কেশাঞ্জলি স্পর্শ করার মাথা আমার নেই।—হে মহান—হে জগজ্জ্যোতি তপোবলে জগতের নিয়ম-শৃঙ্খলা বিনষ্ট করো না। হে মহামহিম, তোমার নমস্কার। হিংসা-জর্জর, কলুষ-কালিমালিপ্ত মানুষ গভীর নৈরাশ্রের মাঝে তোমায় স্মরণ করে পাবে আনন্দ, আশা ও শান্তির অভয় মন্ত্র। দেব আমার অমুরোধ—

তথাগত। (যোগাক্রান্তাবস্থায়) তোমায় চিনেছি। উপলব্ধি করতে পেরেছি তোমার অন্তরের অভিলাষ।

মায়। শ্রুত তথাগত!

তথাগত। তোমার উৎকণ্ঠার কোন কারণ নেই। শঙ্কিত হয়ো না, জগতের কোন নিয়ম ও শৃঙ্খলায় আমি বিঘ্ন সৃষ্টি করতে চাই না। আজকের এই পরম লগ্নে আমি তোমায় প্রতিশ্রুতি দিচ্ছি আজ হতে তিন মাস পরে এই পূর্ণিমা তিথিতেই আমি পরিনির্করণ লাভ করব।

(প্রতিজ্ঞা শুনে পৃথিবী কম্পিত হ'ল)

মায়। শ্রুত তথাগত। (মায়ের অন্তর্দ্বান) (প্রভাত হয়ে এল। পূর্বদিগন্তে সূর্য উঠেছে। সজ্জারামের সকল শিষ্য ত্রিশরণ গাইলেন) কাশ্যপের প্রবেশ।

তথাগত। শিষ্য কাশ্যপ। তোমরা এইবার আশ্রয়ভিত্তি হও, আশ্রয়শরণ হও, মুক্তির জন্ত আশ্রয়নির্ভরশীল হও। এই সজ্জারামের স্রষ্টা পরিচালনার দায়িত্ব আজ তোমার উপর অর্পণ করছি।

কাশ্যপ। কেন শ্রুত?

তথাগত। আগামী তিন মাসের মধ্যে আমাকে আমার সকল কর্তব্য সম্পন্ন করতে হবে। আগামী পূর্ণিমাতিথিতে আমি পরিনির্করণ লাভ করতে চাই বৎস! এইবার আমাকে বিদায় নিতে হবে।

কাশ্যপ। না, না, প্রভু। আপনার বিবহ আমরা সহ্য করতে পারব না।

তথাগত। আমার পরিনির্বাণ হলে বৃথা শোক করো না বৎস! এই বিবহ জগতের নিয়ম। শোককে সহ্য করার জন্ত সংস্কারমুক্ত হও। অবিহিংসা-সঙ্কল্পপরায়ণ শীলবান ভিক্ষু কখনও শোক করেন না।

‘অহিংসকা য়ে মহুন যো নিচ্চং কাসেন সংবৃত্তা

তে যন্তি অচ্চ তং ধানং বথ গত্বা না সচবে।’

কাশ্যপ। প্রভু, আমরা আপনার উপদেশের মধ্য উপলব্ধি করেছি। কিন্তু—

মৌদগল্লায়ণ। প্রভু আপনি আমাদের প্রাণ হতেও প্রিয় তাই সহসা—

সারিপুত্ত। শীলের প্রতি আমরা আস্থাবান তবুও আপনাকে হারানোর মত নির্মম আঘাত আর কিছু নেই।

উপালী। আরও কিছুদিন জগতকে উপদেশ দান করুন।

তথাগত। বৃথতে পেরেছি, তোমরা শোকাক্ত হয়েছ। স্মৃতি, মার্গ, ধ্যান, সমাধি, সমাপত্তি প্রভৃতি সমস্ত পুত্র ধর্মের আধার শীল। শীলের উপর প্রতিষ্ঠিত কোন ব্যক্তির শোক নেই, শঙ্কা নেই, ভয় নেই, প্রয়োজন নেই। বৎসগণ, তোমরা শোককে পরিহার কর। প্রিয় হতে শোক, ভয় হতে শোক উৎপন্ন হয়। কাজেই তোমরা প্রিয়বিমুক্ত হও, শোকের সংস্কার হতে মুক্ত হও! কিসের শঙ্কা তোমাদের? কিসের ভয়? এই নাও আমার স্মৃতিবিজড়িত দেহবাস। এই দেহবাসের দায়িত্ব, সজ্জারামের দায়িত্ব তোমরা অকুণ্ঠ চিত্তে গ্রহণ কর। আমি আজই আনন্দ, সারিপুত্ত, মৌদগল্লায়ন এদের নিয়ে পরিক্রমা শুরু করব। অনেক রাজা আমার পরিভ্রমণ করতে হবে...সময় ক্রমশঃ সঙ্কীর্ণ হয়ে আসছে। আজ এই সজ্জারাম হতে বিদায়ের পূর্বক্ষণে আমি কি দেখতে পাচ্ছি জান?—তোমাদের এক গৌরবোজ্জ্বল ভবিষ্যৎ। এক পবিত্র ভাষার আদর্শের দীপ্ত মহিমা। জম্বুদ্বীপের প্রতিটি হঃগবস্থপাক্লিষ্ট মানুষই শ্রদ্ধাবনত শিবে গ্রহণ করেছে এই ত্রিশরণ মন্ত্র।...আমি দেখতে পাচ্ছি ত্রিশরণ মন্ত্রের এক মহা-প্রাবন—নিখিল বিশ্ব সেই প্রাবনে পরিপ্লাত হয়ে গ্রহণ করেছে তোমাদের আদর্শ। সূর্য্যবশ্মির মত অজ্ঞানের তমনাকে নাশ করে এই মন্ত্র সমগ্র জগতে পরিব্যাপ্ত হয়েছে, রাজা-প্রজা, দীন-হঃখী-দরিদ্র সকলে নিঃসঙ্কোচে ত্রিশরণের পতাকাতে সমবেত হয়েছে... জগতে তোমরা জয়ী হয়েছ।

(শিষ্য কাশ্যপকে নিজের দেহবাস দান করলেন, প্রভু

তথাগত। শিষ্যগণ সকলে প্রভু তথাগতকে প্রণাম করলে মঞ্চ অন্ধকার হয়ে গেল।)

সূত্রধর। (নেপথ্য হতে) ঠুঁদের যাত্রা হ’ল শুরু। সেই মহাপরিক্রমা। ধীর পদক্ষেপে অগ্রসর হচ্ছেন প্রভু তথাগত। সঙ্গে শিষ্য আনন্দ, সারিপুত্ত, মৌদগল্লায়ন উপালী, বশ প্রভৃতি ভিক্ষুগণ।

তাঁরা ঐ পবিত্র ভাষার আদর্শের দীপ্ত মহিমা প্রচার করতে করতে এগিয়ে চলেছেন। আত্মপালী হতে বৈশালী, বেলুব গ্রাম ধীরে ধীরে অতিক্রম করলেন ওরা। শ্রাবস্তীতে এসে শিষ্য সারিপুত্তের তিরোভাব ঘটল। মৌদগল্লায়নও বিদায় গ্রহণ করলেন নির্বাণ-লাভ করার জন্ত...এই সময় বোগাক্রান্ত হয়ে পড়লেন প্রভু তথাগত। বোগে জীর্ণ হয়ে আসছে তাঁর দেহ, তবুও ক্লান্ত পদে ধীরে ধীরে অগ্রসর হয়ে চলেছেন ভগ্ন গ্রামের দিকে। ওরা ক্রমশঃ অতিক্রম করলেন হস্তিগ্রাম, আত্মগ্রাম, জম্বুগ্রাম, চম্পানগরী...কৌশালী, কোশল প্রভৃতি। প্রভু তথাগতের পরিনির্বাণের সময় সমাগত জেনে প্রভুকে শেষ দর্শন করার মানসে দেশ-দেশান্তর হতে সমবেত হতে লাগলেন শিষ্যগণ! ভোগনগর অতিক্রম করে ওরা সমুপস্থিত হলেন আজ পাবাগ্রামে...।

[মঞ্চ আলোকিত হ’ল]

চণ্ড। আজ আমার বড়ই সৌভাগ্য দেব। পিতৃপুরুষের বহু পুণ্যফলে আজ আমার গৃহ আপনার পদরেণুস্পর্শে পবিত্র হয়েছে। কিন্তু প্রভু, আমি দীন অস্ভাজ চণ্ডালের পুত্র, অস্ভাজ কি প্রকারে কোন্ উপচারে আপনার সেবা করবে? আমার স্পর্শ যে দূষিত প্রভু!

তথাগত। তুমি আমার বন্ধু চণ্ড। আজ তোমার সেবার আমি পরিতৃপ্ত হতে চাই। তুমি অস্ভাজ নও বন্ধু, তোমার হৃদয় আছে, তোমাতে আমাতে আজ কোন প্রভেদ নেই, তুমি বিনয়ী তাই তুমি শ্রেষ্ঠ, তুমি অতিধিপরায়ণ, তাই তুমি ব্রাহ্মণ হতেও উত্তম।

চণ্ড। প্রভু তথাগত। (চণ্ড চলে গেল এবং কিছুক্ষণের মধ্যে খালাস করে শূকরমদব নিয়ে এল) অস্ত্রকিছু সংগ্রহ করতে পারলাম না দেব! অধম অস্ভাজের নিকুণ্ঠ সেবার পরিতৃপ্ত হোন প্রভু!

তথাগত। হোক এ শূকরমদব। তবু আজ আমি নিঃসঙ্কোচে এই আহার গ্রহণ করছি, দাও—দাও।

(প্রভু তথাগত শূকরমদব আহার করলেন। আর একবার মানবপ্রেমের বিজয়চন্দ্রুভি বেজে উঠল। মঞ্চ অন্ধকার হয়ে গেল)

সূত্রধর। কিন্তু চণ্ডপ্রদত্ত ঐ শূকরমদব গ্রহণ করে প্রভু তথাগত মারাত্মক রক্তামাশয় পীড়ায় আরও জীর্ণ হতে লাগলেন। সমস্ত শরীর তাঁর বিস্কৃত হয়ে উঠল। ক্রমশঃ ক্রীণ হতে ক্রীণতর হতে লাগলেন প্রভু তথাগত। শরীর বোগে ও পথশ্রমে ক্লান্ত।... আর অগ্রসর হতে পারছেন না, তবুও তিনি প্রিয় শিষ্য আনন্দের স্বপ্নে ভর দিয়ে এগিয়ে চলেছেন। পাবাগ্রাম হতে মাত্র বারো মাইল দীর্ঘ পথ অতিক্রম করতে অনেক সময় অতিবাহিত হ’ল। পশ্চিমধো বাববার তাঁকে ক্লান্তি অপনোদন করার নিমিত্ত বিশ্রাম নিতে হ’ল। অবশেষে দিব্যবসনের বস্ত্র্যাগ বধন দিগন্তের অস্ত্রালে বিলীন হ’ল, তখন কুশীনারা গ্রামে এসে উপস্থিত হলেন

প্রভু তথাগত। অত্যন্ত ক্লান্ত হয়ে পড়লেন প্রভু তথাগত।
ক্রমে সন্ধ্যা হ'ল। শিষ্যগণ সাক্ষাৎসাক্ষিক ও ত্রিশরণ গাইলেন...
বুদ্ধ শরণং গচ্ছামি, ধর্ম শরণং গচ্ছামি... সজ্ব শরণং গচ্ছামি।
পূর্ণিমার তিথি। আকাশে পূর্ণচন্দ্র উদ্ভিত হ'ল। বজ্রতণ্ডুল
জ্যোৎস্নার প্লাবনে স্নাত হয়ে উঠল সমগ্র চরাচর।

(মঞ্চ আলোকিত হ'ল)

আনন্দ। আমাকে সবকিছু সহ্য করবার ধৈর্য্য দান করুন
প্রভু! কোথায় আপনার পরিনির্বাণের ব্যবস্থা করব অল্পগ্রহ করবে
আমায় নির্দেশ দিন। আপনার মনোমত কোন স্থানটি নির্বাচন
করব বলুন দেব! সে কি চম্পানগরী, রাজগৃহ, শ্রাবস্তী, সাকেত,
কৌশাধী...না বারাণসী?

তথাগত। এই সেই স্থান! কুশীনারা!

আনন্দ। কুশীনারা? (সহসা আনন্দ কেঁদে উঠল)

তথাগত। আনন্দ শোকের এই সময় নয়, সংস্কার হতে
দুঃখের জন্ম, সংস্কার রূপ অজ্ঞানের অন্ধকার নাশের উক্ত চাই সংস্কার-
মুক্ত মন ও মানসিক দৃঢ়তা। পবিত্রচিত্ত ব্যক্তিগণ শীলগুলিকে
নিষ্ঠার সঙ্গে পালন করবেন। আমি মহাসম্বোধিলাভের সময়
প্ৰজাতাপ্রদত্ত অন্ন গ্রহণ করেছি এবং পরিনির্বাণলাভের পূর্বে
খেয়েছি চণ্ড প্রদত্ত শকরমদব। অতঃপর তোমরা চণ্ডকে দেয়াবোপ
করো না। সে আমার হিতকামী, বন্ধু হতেও প্রিয়। তোমাদের
আর কি কোন আনবার বিষয় আছে, আরও কি আছে কোন
সংশয়?

(মঞ্চ অন্ধকার হয়ে গেল)

সূত্রধর। শুভ্র জ্যোৎস্নাস্নাত ধরণীর নিস্তরতা ভঙ্গ করে প্রভু
তথাগতের মুখনিঃসৃত শেষ উপদেশবাণী শুনল শিষ্যগণ। এই

সেই আশ্বাসবাণী, উপদেশাবলী—দীর্ঘ পর্য্যটন বৎসর বাবৎ বে
বাণী তিনি জগৎকে শুনিয়েছেন তাবই সার মর্ম্ম ...শিষ্যগণের
হৃদয় এক দুঃসহ বেদনার ভারাক্রান্ত হয়ে উঠল। প্রভু তথাগত
যোগাসনে গিয়ে বসলেন। ধরণী নিস্তর হ'ল। নিস্তর হ'ল
কুশীনারা, সেই মূচ্ছ শালবন, বিঘাট অরণ্যানী...বিশ্বপ্রকৃতি! এল
দূর হতে দিবাসহীত ভেসে—

ফুল হতে দল করে একে একে

প্রদীপের শিখা ম্লন।

অস্তাচলের তীরে বান চলে

অমিত্যভ ভগবান।

সুন্দর হাটি আয়ত নখনে

মৃত্যু কুহেলি নামিছে গোপনে।

তবুও আননে মধুর হাসিটি

রয়েছে অনির্বাণ।

কুশীনগরের আকাশ বাতাস

করে শুধু হায় হায়।

মানবের চির কস্যাণক মী

ষাধ—চলে যায়।

অমৃতবাণী কণ্ঠে না করে

মূক হয়ে হয়ে গেল চরতরে

নিভল প্রদীপ মরণের কাড়

হ'ল সব অবসান!

করণাসাগর মুক্ত পুরুষ

ল ভলেন নির্বাণ!

(ষবনিকা)

বসন্ত না জাগে যদি মনে

শ্রীম্নেহলতা দেবী

বসন্ত না জাগে যদি মনে,
বনেতে বসন্ত তবে, কেবল জানিতে পার
বুধা তার আসা অকাংগে।
বুধা তবে বিহগ কুজন, বুধা বহে দধিনমলয়
বুধা শোভে পুষ্পগুচ্ছ ধরে ধরে ওই,
অমর স্তম্ভন বুধা বসন্ত সে কই,
বুধা মর কচি কিশলয়।
মনের বসন্ত যদি নাহি দেব সাজা
বনেতে বসন্ত এলে যায় কি তা ধরা?

সে যে বহু দূরে বহু দূরে,
বুধা তার বহু আয়োজন
হৃদয় গুমরি কাঁদিয়া মরে সক্রম সুখে।
ফুলে ফুলে ছাওয়া তরুতল,
শীতে বেন করে তার জীর্ণ পত্রদল,
রিক্ত শূন্য নিঃস্ব সে বনানী।
বনের বসন্ত শুধু থাকে একা বনে,
বসন্ত না জাগে যদি মনে।





শিশু ও কিশোর-কিশোরীদের হাসপাতাল

ড্রেসডেনে কয়েক দিন

শ্রীসুকুটিবালা সেনগুপ্তা

সুইজারল্যান্ডের লুজানে যে বিশ্ব-মাতৃসম্মেলন হয়েছিল ১৯৫৫ সনে জুলাই মাসে, মহিলা সাংস্কৃতিক সম্মেলনের প্রতিনিধি হয়ে সে সম্মেলনে যোগ দেবার সৌভাগ্য আমার হয়েছিল। সম্মেলনের শেষে প্রাগ্ হয়ে বাসিন্দে গেলাম জার্মান সরকারের আমন্ত্রণ পেয়ে। সেখান থেকে ১৯শে জুলাই প্রাতরাশের পর রিচার্ড বাসে উঠে ষাট মাইল দূরে ড্রেসডেনে রওনা হলাম। আমাদের সর্বক্ষণের সঙ্গিনী ম্যাডাম থিয়া আর দোভাষী হান্সও আমাদের সঙ্গে চললেন। ষাট মাইল রাস্তা বাসে চড়ে যেতে বেশ খানিকটা কষ্ট হলেও ছুঁদিকের দৃশ্য দেখতে দেখতে সময় কেটে গেল। আগেই শুনে এসেছিলাম যে, যুদ্ধের সময় সবচেয়ে বেশী বোমা পড়েছিল এই ড্রেসডেনে। ছুঁদিকের ধ্বংসস্তূপ দেখে সে সন্ধ্যাে আর কোন সংশয়-বইল না। নির্বিবোধী স্বামী-স্ত্রী প্রিয় পুত্রকন্যাকে নিয়ে সজ্জিত সুন্দর বাসগৃহে যে সুন্দর স্তরের ঘরকন্যা পেতে নিশ্চিত নির্ভয়ে বাস করছিলেন, অতিক্রান্ত একদা উচ্চাকাঙ্ক্ষ হতে নিষ্ফল মৃত্যুবাণ নেমে এসে এক নিমেষে সেই আশা-আনন্দে সমুজ্জল সংসারটিকে তছনছ করে দিয়েছিল।

ড্রেসডেনে পৌঁছে ওয়াল্ড পার্ক হোটেলে উঠলাম। এই কদিনেই আমাদের আবহোসেনী কায়েমী হয়ে এসেছে, তাই হোটেলটি বিশেষ পছন্দ হ'ল না। রাজধানী থেকে দূরে হলেও ড্রেসডেন ছোট শহর নয়। অবশ্য গাছপালায় শ্যামলতা জায়গাটাকে পল্লী-পরিবেশসমন্বিত করে তুলেছে। তখন ভোর হতে দেবি নেই। হঠাৎ যেন স্তম্ভ-স্বপ্ন দেখে লাফিয়ে উঠলাম। এ কি

সুন্দরাম? এ কি সত্যি না স্বপ্ন? না, স্বপ্ন নয়, সত্যি পাখীর ডাক শোনা যাচ্ছে। আমাদের দেশের পাখীর ডাকের মতই মিষ্টি ডাক। কোন গাছের পাতার নীচে লুকিয়ে কোন পাখী ডাকছে। গলায় সুরের মত তার দেহের মৌন্দবাণ্ড আমাদের দেশের পাখীর মত কিনা কিছুই জানা গেল না; তা না-ই থাক—তবু মিষ্টি সুরটুকু কানের মধ্যে মধুবর্ষণ করতে লাগল।

পল্লীর মাধুর্যা থাকলেও ড্রেসডেন বেশ বড় শহর। বড় বড় দোকান-বাজার, প্রশস্ত রাস্তা, রাস্তার দু'পাশে বিরাট সৌধশ্রেণী, ট্রাম-বাস কিছুমই অভাব নেই। কিন্তু রাস্তায় ভিড় অল্প, তাই ট্রাম-বাসও চলে কম। এখানে গোলাপের খুব বাহার। ডালের এ-টি বোটার একটিমাত্র গোলাপ দেখতেই আমরা অভ্যস্ত, কিন্তু এখানে আমাদের দেশের অতসী-করবীর মত, এক বোটার খোকা খোকা গোলাপ। নানা বর্ণের মখমল দিয়ে যেন ফুলগুলি তৈরী হয়েছে। এমন সুন্দর ফুলে কিন্তু গন্ধ নেই।

এখানকার এলব নদীর এপার-ওপার সর্বদাই লোকভরতি টীয়ার চলছে। এখানকার একটি চার্চ আর পিকচার প্যালেস দেখতে গেলাম। কিন্তু পূর্বের খ্যাতিতে এই ধ্বংসস্তূপ যেন এখন পরিহাস করছে। পিকচার প্যালেসে শিল্পীর অপূর্ব সৃষ্টিকে কি নৃশংসভাবেই না ধ্বংস করা হয়েছে। এইসব ধ্বংসবিধগু ভাঙা মূর্তিকে তাদের পুরাতন চিত্র দেখে আবার সংস্কার করা হচ্ছে। এসব বিষয়ে অর্থ আর শিল্পী দিয়ে সোভিয়েট ইউনিয়ন খুব সাহায্য করছে। বড় বড় কৃত্রিম বরণাও দেখা গেল। কিন্তু এই সব

শিল্পকলা যে আমাদের দেশের চেয়ে বিশেষ উন্নততর তা মনে হয় না। বাস্তব একথানা বড় পাথরের উপরে বড় করে 'এন' লেখা আছে, নেপোলিয়ন বোনাপার্ট নাকি এই পাথরের উপরে এসে দাঁড়িয়েছিলেন। সেখান থেকে ছোট ছেলেমেয়েদের পরিচালিত 'রেলওয়ে পাইওনীর' দেখতে ও চড়তে গেলাম। দরজা-জানালা আর ছাদহীন ছোট ছোট কয়েকখানা বগী দিয়ে ছোট্ট একখানা ট্রেন। গাড়ী চালানো ছাড়া সবই ছোটরা করে। এই ট্রেন থেকে ভানু দাশগুপ্তের নোটবইখানা পড়ে গেল। কত বড় করে এই বিদেশের তথ্য সব ঐ নোটবুকে সংগ্রহ করা হয়েছিল। বুক বুক করে ট্রেনখানা ষ্টেশনে গিয়ে থামলে আমরা টিফিন খেতে হোটেল গেলাম। ভানু হারানো নোটবুখানা সেখানেই এসে উপস্থিত। পাইওনীরের ছেলেরা সেটা পেয়ে ফেরত দিতে এসেছে। তার উপরে জাশ্বান ভাষায় লেখা আছে, "ডেস্‌ডেনের ছেলেরা তোমাকে দিল।" পাহাড়ের উপরে একটা বেষ্টিত বেণ্টে গিয়ে মুগ্ধ হয়ে গেলাম। মনে হ'ল দার্জিলিঙে এসেছি। নীচে বয়ে চলেছে নদী, টেট তুলে ষ্টীমার চলেছে, বাস্তাঘাটে মানুষ চলেছে, সবই ছোট ছোট দেখা যায়। এখানকার ছবি আকা পোষ্ট কার্ড আমাদের দেওয়া হ'ল, আমরা ওখানে বসেই দেশে চিঠি লিখে পাঠালাম।

পরদিন ২১শে সকালে প্রাতরাশ সেরেই আমরা ষ্টীমারে করে নদীতে বেড়াতে গেলাম। ষ্টীমার চলার শব্দের ছন্দের তালে তালে বাণ্ড বাজতে লাগল। তীরে তীরে দেখা যায় খালি-গায়ে খালি-পায়ে শুধু প্যাণ্ট পরে বড় বড় বালক ও শিশুরা ঘাসের উপর শুয়ে গড়াগড়ি দিচ্ছে। এটা নাকি ওদের গ্রীষ্মকালের রৌদ্র উপভোগের প্রণালী। আমাদের দেশে তখন বর্ষাকাল, ওখানেও মাঝে মাঝে মেঘলা হয়ে ছিটফোটা বৃষ্টি হলেও এই সময়টাই ওখানকার গ্রীষ্মকাল। ত'পাশেই সেই সুবিস্তৃত উচ্চ পর্বতশ্রেণী। পর্বতের চূড়ায় পি'পড়ের সারির মত অনেক মানুষ দেখা যায়। গ্রীষ্মের উত্তাপে ওরা ভ্রমণে বেরিয়েছেন। ছবস্ত বরফ-পড়া শীতের দেশে এই বোদটুকু পেয়ে সকলেরই কি যে আনন্দ! যেমন করে পাচ্ছে খুব এই প্রদত্ততাটুকু লুটেপুটে নিচ্ছে।

এক ষ্টেশনে নেমে একটা বড় ক্যাসেলে গেলাম। শোনা যায়, হিটলারের সময়ে এটা পাগলাগারদ ছিল, অর্থাৎ বেকার লোকদের

পাগল অপবাদ দিয়ে এখানে এনে অত্যাচার করে ইন্ডেকশন দিয়ে মেয়ে ফেলা হ'ত, দেশে বেকার লোক কথা প্রমাণ করবার জন্ম। এখন এখানে সোভিয়েট ইঞ্জিনীয়ারেরা থাকেন।

একটা নতুন জিনিষ দেখা হ'ল—'নাইট সেনেটিয়াম।' শ্রমিক কৃষকেরা সারাদিন কাজ করে প্রয়োজন হলে সন্ধ্যাবেলায় এখানে চলে আসে। এখানে খাল, চিকিৎসা, বিশ্রাম, আমোদ-প্রমোদ সবরকম ব্যবস্থাই আছে। বাত্রিটুকু থেকে একটু চাঙ্গা হয়ে সকালে আবার ওরা কাজে চলে যায়। যাদের অল্প অল্প, তাদেরই এখানে চিকিৎসা হয়, বেশী হলে নিশ্চয়ই তারা হাসপাতালে যায়। এদের খবচ ষ্টেট আর বড় বড় ফ্যাক্টরী থেকে দেয়।

তার পর যেখানে গেলাম, তাকে আশ্রম বলাই সঙ্গত। কোরিয়া যুদ্ধ মা-বাপকে হারিয়ে যে সব ছেলেমেয়ে অনাথ হয়েছে, তাদের অনেকে এখানে থেকে মানুষ হচ্ছে। তের-চৌদ্দ বছরের বেশী তাদের বয়স নয়, ছোটও আছে। এদের বায়ভাব ষ্টেটই বহন করে। তারা ঘনিষ্ঠভাবে আমাদের কাছে এগিয়ে এল, ভারতবর্ষ সম্বন্ধে আন্তরিকভাবে নানা প্রশ্ন করতে লাগল। প্রত্যুত্তর দিয়ে আমরাও ওদের অনেক প্রশ্ন কবলাম। এই অল্প সময়ের মধ্যেই ওরা যেন আমাদের নিতান্ত আপন হয়ে উঠল। ওরা আর আমরা একই মহাদেশের বাসিন্দা এই কথা



ডেস্‌ডেনে নগরীর একটি দৃশ্য



বোমা-বিধ্বস্ত ডেসডেনের একাংশ

ভেবেই বুঝি ওরা আমাদের আত্মীয় করে নিতে চেয়েছিল। ছোট ছোট ছেলেমেয়েও এসে আমাদের জড়িয়ে ধরে, বড়গা সিঁড়িতে ওঠা-নামায় সাহায্য করে, ফুলের তোড়া তুলে দেয় আমাদের হাতে। কয়েকটি ছেলে শুষ্ট হয়ে হাসপাতালে গিয়েছিল, তারাও আমাদের দেখতে চাইল। আমরা গিরে ওদের আদর করে আমাদের ফুলের তোড়াগুলি দিয়ে দিলাম। শুষ্ট ছেলেটা দল বেঁধে আমাদের সঙ্গে সঙ্গে গেট পর্যন্ত এল আমাদের বিদায় দেবার জন্য। ওদের জন্য কোন খাদ্যদ্রব্য আনি নি বলে আমাদের খুব আপসোস হ'ল। ওদের ছেড়ে আসতে অনেকেই কেঁদে ফেলেলেন।

'ছেলেদের হোটেল' আর একটা নতুন জিনিষ। এ হোটেলে ছোটরাই মুখ্য গৌণ তাদের অভিভাবকেরা। অষ্টাঙ্গ হোটেলে বহুসংখ্যক অভিভাবকের সঙ্গে দু'চারটি ছেলেমেয়ে থাকে, এখানে অনেক ছেলেমেয়ের সঙ্গে দু'চারটি বহুস্ত অভিভাবক আছেন। এখানে এই বকম নানা ব্যাপারেই বোকা যায় যে, ছেলেদের জন্য তারা ভাবে, ছেলেদের জন্য সর্বস্বত্বের ব্যবস্থা করাই এদেশের সবচেয়ে ডাঙ্গা। ছোটরাই জাতের উৎস, এ কথা তারা মনে-প্রাণে খাঁকার করে। এ হোটেলে আমাদের সবচেয়ে খেতে দিল।

২৩শে—কয়েকটি প্রস্তুতিসমন দেখতে গেলাম। সস্তান-সস্তাবিতা হওয়ার পর প্রস্তুতির প্রাথমিক অবস্থার জন্য যে হাসপাতাল সেখানে প্রস্তুতি তিন মাস পর্যন্ত থাকেন। তারপর দ্বিতীয় অবস্থার বান অন্য একটি হাসপাতালে, সেখান থেকে যে হাসপাতালে বান, সেখানেই সস্তান ভূমিষ্ঠ হয়। এর জন্য কোন বাধাবাধকতা নেই, প্রয়োজন অনুসারে প্রস্তুতি থাকতেও পারেন, বাড়ীতে চলে যেতেও পারেন। এর খবর টেটাই বহন করে, তবে সাধ্যানুযায়ী কিছু কিছু এ বাও দিয়ে থাকেন, তবে সে সম্বন্ধে কোন জোর-জব্দাস্তি নেই।

হাসপাতালগুলিতে কত আলো কত বাতাস, প্রস্তুতিদের প্রদম্ন ও স্বচ্ছন্দ চিন্তে থাকবার কত বাবস্থা! মনে পড়ে আমাদের দেশের দরিদ্র প্রস্তুতিদের কথা! কি অনাদর, কুণ্ডা আর অস্বাস্থ্যকর পরিবেশেই না তাঁদের দিন কাটে! সস্তান ধারণের সূচনাতেই ভয় ভাবনায় তাঁরা শুকিয়ে কাঠ হয়ে ওঠেন। অনাগত সস্তানের অভিনন্দনের প্রস্তুতি করা দু'ব থাক, যে বিধাতা তাকে পাঠিয়েছেন মনের মধ্যে তাঁর বিরুদ্ধে নানা অভিযোগ জমে ওঠে।

যে মায়েরা দিনান্তে পেট ভরে দুটি খেতে পায় না, তাদেরই পেটের শিশু দেশের মেরুদণ্ড বলে নেতারা ঘোষণা করেন, আর বছরে একবার দু'বার শিশু-উৎসবের চকানিনাদ করে তাঁদের কর্তব্য সমাপ্ত করেন! আমাদের দেশে বর্তমানে দুটি ছেড়ে চারটি ছেলেমেয়ে হয়েছে শুনলেই লোকে আতঙ্কে চমকে ওঠে। আমাদের সঙ্গে শ্রীযুক্তা মুক্তাকুমার নামে একটি মেয়ে গিয়েছিলেন। তাঁর দশটি সস্তান শুনে ওদেশের মেয়েরা খুশীতে উগমগ করতে লাগলেন; মুক্তাকে 'হিরোইন মাদার' খেতাব দিলেন, আর তাঁর বাচ্চা ছেলেমেয়ের জন্য অনেক খেলনা দিলেন। শিশুদের 'ক্রেশ'ও অপূর্ণ সৃষ্টি। আমাদের দেশের যে সব মায়েরা বাইরে বেঘিরে কাজকর্ম করতে বাধ্য হন, (আর আজকাল অনেকেই বাধ্য হয়েছেন) তাঁদের শিশু-সস্তানদের রক্ষা করা একটা বড় সমস্যা হয়ে দাঁড়ায়। বেশীর ভাগ মায়েরাই অশিক্ষিতা বিয়ের কাছে সস্তানদের বেগে বান। সে যি শিশুর সঙ্গে যথেষ্ট ব্যবহার করে।

এখানে প্রতিটি ফাস্টবীর কাছে কাছে আর শহরের নানা স্থানে শিশুদের রক্ষণাবেক্ষণের জন্য এইরকম অনেকগুলি ক্রেশ আছে। সেখানে কুড়িটি শিশুর জন্য একজন করে শিক্ষিতা নার্স আছে। শিশুদের স্বাস্থ্যরক্ষার, আমোদ-প্রমোদের প্রচুর আয়োজন করা সেখানে। শিশু-জীবনের অল্প বাতে কোনমতে কতিপয় দিন

হয় তার সতর্ক ব্যবস্থা আছে। কোন কোন ক্রেপে মা সকালে কাজে বাবার সময় শিশুকে বেখে বান, সন্ধ্যাবেলা কাজ থেকে ফিরে এসে তাকে কাছে নিয়ে বান। কোন কোন ক্রেপে সোমবার সকালে কাজে বাবার সময় বেখে বান, নিয়ে বান সপ্তাহ-শেষে শনিবারে। ছ' মাস পর্যন্ত শিশুরা মায়ের কাছেই থাকে, কারণ তখন তারা মায়ের স্তনপান করে। এখানকার খরচ প্রধানতঃ ষ্ট্রেট দেয়, মায়েরাও বংসামান্য দেয়। আমরা সকালে গিয়েছিলাম, দেখলাম রেলিং দেওয়া ছোট ছোট খাটে চুই মুখে দিচ্ছে কেউ উপুড় হয়ে শুয়ে আছে, কেউ রেলিং ধরে দাঁড়িয়ে আছে, কেউ কেউ বালিশে মাথা রেখেই পিট পিট করে তাকচ্ছে, এখনো ভাল করে তার ঘুম ভাঙে নি। আমাদের দেখে কেউ হাসল, কেউ কঁাদল। একটি বছরদুয়েকের ছেলে 'পটে' বসেছিল, নাস' তাকে পরিষ্কার করে ইজের পরিষে দিলে সে টলতে টলতে আমাদের কাছে এসে হাত বাড়িয়ে ঘুবে ঘুবে সকলের সঙ্গে হাণ্ডশক করতে লাগল। সেদিন শনিবারের সকাল, কয়েকজন মা বাড়ী থেকে নিয়ে আসা জামা ইজের পরিষে ছেলেদের নিয়ে গেলেন। নাসের কোল থেকে মায়ের কাছে যেতে ছেলে কঁাদে। এই ক'দিনেই সে তার মাকে ভুলে গেছে।

এদের জামা ইজের সবই দেখলাম মেশিনে কাটা হচ্ছে গরম জলে। বাসন কাপড়-চোপড় সবই এখানে গরম জলে ধোয়া হয়, বোগবীজাণু হুড়াবাব পথঘাট এইরূপে বন্ধ করা হয় বলেই এখানে সংক্রামক বোগ কম হয়। একটা ঘরভরতি ওদের খেলনা। নিজেদের ইচ্ছামত তারা খেলা করছে। ভারতবর্ষ থেকে আমরা একবুড়ি কাঠের খেলনা নিয়ে গিয়েছিলাম, সেগুলো ওদের দেওয়া হ'ল। এখানে শিশুরা তিন বৎসর পর্যন্ত থাকে, তার পর চলে যায় কিংসারগাটেন স্কুলে। ২২শে—গেলাম আমরা ডিষ্ট্রিক্ট কাউন্সিল হাউসে। কাউন্সিলর আমাদের আমন্ত্রণ করে পাঠিয়েছিলেন। জাঁকজমকপূর্ণ কাউন্সিল হাউসে খুব ফ্রায়াতাপূর্ণ সন্মেলন হ'ল। বহু লোকসমাগম হয়েছিল, প্রচুর আহায়েৎও আয়োজন হয়েছিল। ফুলের তোড়া উপহার দিয়ে পরস্পরের করমর্দন হ'ল। ওরা আমাদের অভিনন্দন জানালেন, প্রত্যুত্তরে আমরাও ধন্যবাদ জানালাম। খাবার-দেবিলে প্রচুর প্রস্রান্ত হ'ল। প্রশ্ন করে আমরা জানলাম যে, সেখানে সরকারের ইনডাস্ট্রির সংখ্যা শতকরা ৮০ ভাগ। এদের সর্বনিম্ন বেতন দুই শত টাকা।


চতুর্থাংশ। ঐ সব ক্যাক্টরীকে সরকার সাহায্য করেন। এই সব ক্যাক্টরীতে মহিলারাও কাজ করেন। বস্ত্রশিল্পের কারখানাগুলিতে মহিলাকর্মীর সংখ্যাই বেশী। এই সব মেয়ে কর্মী প্রদবের পূর্বে ছয় সপ্তাহ আর প্রদবের পরে পাঁচ সপ্তাহ পূর্ণ বেতনে মেটাবনিটি ছুটি পান। তা ছাড়া শিশু অথবা মা অসুস্থ হলেও তাঁদের পূর্ণ বেতনে ছুটি নেওয়া হয়। প্রথম ও দ্বিতীয় সন্তান ভূমিষ্ঠ হওয়ার পর আয়ু-যজ্ঞিক খরচপত্র ছাড়াও মায়েরা মাসে পঞ্চাশ মার্ক করে সরকারী সাহায্য পেয়ে থাকেন। তৃতীয় ও চতুর্থ সন্তানের জন্ম যথাক্রমে ১০০ ও ১৫০ মার্ক সাহায্য আসে সরকার থেকে।

যানবাহন বিভাগে আর ডাক্তার অথবা নাসের কাজে মেয়েরা নাইট ডিউটি করে। কৃষি, মজুরি, চিকিৎসা, দেবা, যানবাহন পরিচালনা সবরকম কাজই মেয়েরা করেন। এখানে ব্যক্তিগতভাবে কেউ চাষ-আবাদ করে না, সমবায় ব্যবস্থায় কাজ হয়। দুই-পঞ্চমাংশ চাষের কাজ মেয়েরাই করেন। চাষে যে শ্রম হয়, তার থেকে দশ ভাগের এক ভাগ সরকারকে দিতে হয়। উৎপাদন ভাল না হলে সরকার সাহায্য করেন। চাষী আর শ্রমিককে সরকার কি কি সাহায্য করেন প্রশ্ন করাতে ওরা বসলেন, চাষী আর শ্রমিকেরই রাজত্ব, তারাই রাজত্ব চালায়, সরকার তাদের কতটুকু সাহায্য করেন এ প্রশ্নের কোন মানে হয় না। তারা সবরকম সুবিধা আর সাহায্যই পায়। ছেলেদের শতকরা ৮০ ভাগই চাষ। চাষের জন্ম বৃহৎ বস্ত্রপাতি সব সরকার দেন, তবে ছোটখাটো মেশিন তারা নিজেরাও কেনে। স্বাস্থ্য সম্বন্ধে প্রশ্ন করে জানা গেল যে, এখানে শিশুদের সাধারণ বোগ খুব কম হয়। মহামারী নেই। ড্রেসডেন শহরে কুড়ি লক্ষ লোকের বাস। শিশুদের জন্ম এখানে



বেতনকারী শিল্পকারখানার সংখ্যা এক-

সীর্জায় ধন্যবাদ



কম্বুজ ডেমডেনবাসী

বাঘোটি হাসপাতাল আছে। প্রায় প্রত্যেক হাসপাতালে কুড়ি থেকে দুই শতটি পর্যন্ত 'বেড' আছে। ওখানকার এই প্রথাটাই খুব ভাল লাগল যে, প্রত্যেকের উপার্জনের ন্যূনতম একটা অংশ হাসপাতালের জন্য জমা দিতে হয়। এর ফলে পীড়ার সময় সকলেই সহজে হাসপাতালের সুবিধা পায়।

পাবলিক হেলথ অফিসার হাসপাতালে হাসপাতালে ঘুরে মা আর ছেলেকে দেখেন, প্রয়োজন হলে বাড়ীতেও যান। সাধারণ লোকের স্বাস্থ্য খুবই ভাল। শতকরা চার জন লোক অসুস্থ হয়। যক্ষ্মার হাসপাতাল প্রায় জনশূণ্য, ছ'চার জন ছাড়া রোগী নেই। রোগবীজাণু ছড়াবার আশঙ্কায় তাঁদেরও প্রায় আড়াল করে রাখা হয় সকলের কাছ থেকে। ডেমডেনবাসীদের জন্য শিশু-হাসপাতাল ছাড়াও ১২০টি হাসপাতাল আছে। এতে সবসময় কুড়ি হাজার বেড আছে। ছোট বড় মিলিয়ে ১২০টি মেট্রানিটি হাসপাতাল আছে। সামাজিক ব্যবস্থা সফল প্রমাণ করে জানা গেল যে, মেয়েদের ১৮-২০ বছরের মধ্যে এবং ছেলেদের ২০ বছরের পরে বিয়ে হয়। বিয়ের পরে এরা গাইড জীবন যাপন করেন। আমাদের সঙ্গে সে ক'টি মহিলা প্রায় সব সময়েই থাকতেন, তাঁদের দেখে বুঝতাম যে, এদের দাম্পত্য জীবন বেশ সুখের।

সোভিয়েট ইউনিয়নের ধর্মের প্রতি অনাস্থা ও বিরোধের বিষয় অনেক কথা শুনেছি। পূর্ক জার্মানীও এখন সোভিয়েট ইউনিয়নেরই অন্তর্গত, কাজেই তাদেরও ধর্মের প্রতি অনুব্রাগ না থাকা স্বাভাবিক এই ধারণাই আমাদের ছিল। কিন্তু এদের ধর্মচরণ দেখে আমাদের ধারণা বদলে গেল। এঁদের গোড়ামি বা পরধর্মে বিধেয় নেই, কিন্তু নিজের ধর্মে অনুব্রক্তি আছে। রবিবার দিন সকালবেলা সব হোটেল বন্ধ থাকে, সকলেই চার্চে

চলে যান উপাসনার জন্য। বেচারী ধিরা আর হান্স কিন্তু তাঁদের অপোগণ্ডদের ফেলে যেতে পারতেন না। ধিরা ব্যাগ খুলে প্রাতরাশের জিনিষপত্র বের করতেন, চা করতে যেতেন হিটার জ্বালিয়ে নিজে। তাঁকে সাহায্য করবার জন্য সকলেই আমরা এগিয়ে যেতাম।

শহরে বাইরে চাষের মাঠ-দেখে আমরা কৃষকের বাড়ী দেখতে গেলাম। এই যদি চাষীর বাড়ী হয়, তবে জন্ম জন্ম চাষী হয়ে থাকতেই বা আপত্তি কিসের? পল্লীটা খুব উচ্চ শ্রেণীর নয়, কিন্তু বাড়ীগুলি বেশ সাজানো। প্রত্যেক বাড়ীতেই বেডিও আছে। কৃষকদের এই বাড়ীঘর দেখে মনে মনে আমাদের দেশের কৃষকদের জীবন-যাত্রার সঙ্গে তুলনা করে নিলাম। চাষীরা বুড়ি ভবে আমাদের পিচফল খেতে দিলেন। চাষীদের শিক্ষা দিবার জন্য ওখানে বীতিমত

ক্লাস হয়, আর হাতেকলমে শেখানো হয় মাঠে। সহসা চমকে উঠলাম, দিনে দুপুরে বাঘ ডাকে কোথায়? কিন্তু শুনে আশঙ্ক হলাম যে, ওগুলো বাঘের ডাক নয় গরুর। এদেশের গরু 'হায়া' 'হায়া' করে ডাকে না, ডাকে বাঘের মত করে। শহরের ভিতরে গরু রাখবার নিয়ম নেই, শহরের বাইরে বেশ পাকা আর ঢাকা লম্বা ঘরে গরু রাখা হয়। গরুগুলি খুব ছুঁপুঁপ, যত্ন দিয়ে তাদের দুধ দোয়ানো হয়। তবে তাঁরা যে রকম যত্নের সঙ্গে গোপালন করেন, দুধ কিন্তু সে তুলনায় কম হয়। আমাদের দেশের গরু এত যত্ন পেলে এর চেয়ে ঢের বেশী দুধ দিতে পারে। বোম্বাইয়ের ডেলিগেটরাও এই কথা বললেন।

আমাদের দেশে পুলিশকে সাধারণ লোক এখনও এড়িয়েই চলতে চায়। কিন্তু এখানে শ্রমিক-কৃষকের বেশীর ভাগই পুলিশের কাজ অর্থাৎ দেশে শাস্তিবক্ষার কাজ করেন। তাঁদের ভিতর থেকেই অফিসার নিযুক্ত করা হয়। হিটলাবের সময়ে যারা ফ্যাসিষ্ট-বিরোধী ছিলেন, তাঁরাই সর্বোচ্চ পদে প্রতিষ্ঠিত আছেন। দল ভাগের আট ভাগ পুলিশই সোশ্যাল ডেমোক্রেট দলের সদস্য। বাকি দুই ভাগ আসেন যুব-সংগঠন থেকে। পুলিশ যা করে সবই জনসাধারণের কল্যাণের জন্য। যোগ্যতা অনুযায়ী এঁদের বেতন বাড়ানো কমানো হয়। পুলিশ বিভাগেও মেয়েরা কাজ করেন, তবে তাঁদের অধিকাংশই আপিসের কাজে নিযুক্ত। মেয়ে-পুলিস প্রায় প্রত্যেকেই উচ্চ দলের সদস্য। ভাল কাজের জন্য এরা পুরস্কারও পেয়ে থাকেন। ৮ই মার্চ মেয়েদের আন্তর্জাতিক দিবস। ছেলেমেয়ে একত্র হয়েই সে দিবস পালন করেন, তাতেও পুলিশ যোগ দেয়। কতদিন আমাদের ধাবার-টেবিলে এসে পুলিশেরা আমাদের বাজনা বাজিয়ে, গান গেয়ে গুনিয়েছেন।

অন্ন, বস্ত্র, বাসস্থান, শিক্ষা, স্বাস্থ্য কোন বিষয়েই ডেসডেনবাসীদের অভাব নেই; এজন্য তারা বর্তমান সময়ে সুখী একথা সহজেই অনুমান করা যায়। তাই যুদ্ধে নিহত বাসিন্দাদের স্মৃতি-রক্ষার জন্ত তারা একটা প্রদর্শনী করে রেখেছে। প্রকাণ্ড প্রশস্ত একটা মাঠের মধ্যে দুই ধারে সব পাথরের মূর্তি। বাসিন্দারা যে কত কষ্ট, কত অত্যাচার সহ করেছে, জার্মানদের জন্ত কত ত্যাগস্বীকার করেছে, পাথরের বৃক্ষে খোদাই করে সে সব স্মৃতিকে অক্ষয় করে রাখা হয়েছে। এখানে অনেকগুলি সিঁড়ি ভেঙে দেবমন্দিরের মত একটা মন্দিরে উঠতে হয়। ভিতরে

দেবমূর্তি নেই। তথাপি স্থানটি এত পবিত্র মনে হ'ল যে, জুতো পরে আমরা সেখানে ঢুকতে পারলাম না। বিচিত্র বর্ণের পাথর ও কাঁচে মন্দিরটি অপূর্ণ ভাবে সজ্জিত। মাঝখানে কালো পাথরের প্রকাণ্ড একটা 'ষ্ট্যাচু'। একটা লোক শিশু কোলে নিয়ে তবোয়াল হাতে হিটলারের স্বস্তিকা অর্থাৎ তাঁর নীতিকে কেটে ফেলেছে।

ওখানে একটা পাইয়োনীর ক্যাম্পে অধিনায়ক আর ভানু দশগুণ্ড গান গাইলেন। সঙ্গে সঙ্গে গান শুনা বেকর্ড হয়ে

গেল। আমরা সেখানে থাকতে থাকতেই বেকর্ড শুনা গুনলাম। অধিনায়ক মীরার ভজন গেয়েছিলেন। ভানু 'আয় বে আয়, লগন বয়ে যায়'—এই গানটি গেয়েছিলেন। একটা স্থায়ী পাইয়োনীর হাউস দেখলাম। প্রকাণ্ড বাড়ী, বিচিত্র ভাবে সজ্জিত। ওদেশের ছেলের খুব দাবা খেলতে দেখলাম, আমিও আমার দশ বছরের নাতীটির জন্ত একটা দাবার ছব কিনে নিয়ে এসেছি। একদিন চীনেমাটির কারখানা দেখতে গেলাম।

Toharn Friedrich BOTTGER নামে একজন বৈজ্ঞানিক সোনা তৈরির মানসে কাজ আরম্ভ করে এই চীনেমাটি আবিষ্কার করেন। তখন এই জিনিষ মাটির রং ছিল, অনেক চেষ্টায় এখন সাদা হয়েছে। সেই কারখানায় সব জিনিষ তৈরী হচ্ছে দেখলাম। কত সুন্দর কাজ একত্র হয়ে কত বৃহৎ জিনিষ তৈরী হয় দেখে অবাক হতে হ'ল। নানারকম ক্ষুদ্র-বৃহৎ জিনিষ তৈরী হয়েছে, ভাঙাঘেঁষে মজুতও আছে। ওগুলো শুধু দর্শনানন্দ দেয়, একটি জিনিষও কিনবার উপায় নেই, একেবারে অগ্নিমুখ্য। চীনেমাটি প্রস্তুতকারীর মেডেলের আকারের প্রতিমূর্তি আমাদের প্রত্যেককে উপহার দেওয়া হ'ল।

এনা নামে একটি ইংরেজ আর দুটি স্থানীয় মহিলা

প্রায় সব সময়েই আমাদের সঙ্গে সঙ্গে থাকতেন আর নানাভাবে আমাদের স্বাচ্ছন্দ্যবিধান করতেন। তাঁদের মধুর ব্যবহার জীবনে ভুলব না। ইংরেজ মেয়েটি নিজের লেগা একপানা করে ছেলের বই আমাদের প্রত্যেককে উপহার দিলেন। আমি আমার লেগা বই একপানা করে ওখানকার লাইব্রেরীতে দিয়ে এসাম। যেখানে যখন গেছি মিস্ট্রি কথা, ফুলের তোড়া, চা, ফল, ফলের, বস দিয়ে সকলেই অভ্যর্থনা জানিয়েছেন। আজ আমাদের আবার বার্লিনে ফিরে যেতে হবে। এখানকার বন্ধদের ছেড়ে যেতে হবে বলে সকলেই বিষয়। মাডাম থিয়ার মেজো মেয়ে এলুথে ডাক্তারী



নব-রূপায়ণে ডেসডেনবাসী

পরীক্ষা দিয়ে আমাদের সঙ্গে থাকতে এলেন। হাসিখুশী, বেশ মেয়েটি। ইংরেজী কথাও বোঝেন। বললেন, অবসর সময়টা তিনি কোন পাইওনীর গিয়ে কাজ করবেন।

২৬শে জুলাই সকালে প্রাতরাশ সেবে আমরা বাসে উঠলাম। যে পথ দিয়ে এসেছিলাম সেই পথ দিয়েই বার্লিনে ফিরে চললাম।

আবার বার্লিনে এলাম।

আমাদের দ্রষ্টব্য এখনও অনেক বাকি। অধচ সময় সংক্ষিপ্ত হয়ে এসেছে। ওঁরা আমাদের যে একমুঠো করে মার্ক দিয়েছিলেন ছেলেমেয়েদের উপহার কিনে নেবার জন্ত, সেগুলোও শেষ করতে হবে ওখানেই। নয় ত মুজা এখানে এনে আরেক মুশকিল। তাই আমাদের খুব তাড়াছড়ো পড়ে গেল।

জেনেভাতে চতুঃশক্তি সম্মেলন আর বাষ্ট্রপুঞ্জের কাজ শেষ করে সোভিয়েট প্রধানমন্ত্রী বুলগানিন আর কম্যুনিষ্ট নেতা ক্রুশ্চভ সেইদিনই বার্লিনে ফিরে এসেছেন। তাঁদের নিয়ে বার্লিনে আজ একটা সভা হবে। স্পেশাল কার্ডে আমাদের কাছে নিমন্ত্রণ এল। তাজাতাড়ি মধ্যাহ্ন-ভোজন সেবে আমরা সেখানে চলে গেলাম। প্রকাণ্ড মাঠে গালাগি পাতা আছে। জনসমুদ্র বললেও ঠিক হয় না এত লোক জড়ো হয়েছে। নানা রকমের পতাকা নিয়ে

অসংখ্য লোক এসেছে। আমরা গ্যালারিতে গিয়ে বসলে আমাদের হাতে কাল্পে অঁকা কাগজের পতাকা দেওয়া হ'ল। রুশ-নেতারা রুশ ভাষায় বক্তৃতা করলেন। বার্লিনের নেতারাও তাঁদের ভাষায় বললেন। এদের বক্তৃতা খুব সংক্ষিপ্ত, দীর্ঘ বক্তৃতায় শ্রোতাকে

এরা ক্লান্ত করে ফেলেন না। এত বড় সভা, কিন্তু শেষ হয়ে যেতে দেখি হ'ল না। বুলগারিন আর ক্রুশ্চেভ দূর থেকে টুপি খুলে ভারতবর্ষের প্রতিনিধিদের অভিনন্দন জানালেন। আমরাও জানালাম।

সংগ্রাম ও শান্তি

শ্রীশৌরীন্দ্রনাথ ভট্টাচার্য

শোষণে নিষ্পেষণে যারা চিরলুপ্তিত
উপেক্ষা যাহাদের সজ্জা,
অন্নবহুহারী যাহারা শান্তিহীন
বয়ে চলে স্বজাতির সজ্জা।
যাদের জীবন ধরে অজস্র করভারে
অসহ্য দৈত্যের হাহাকার,
দ্রব্যমুগ্ধা চাপে নিত্য যুত্নামুখে
ভেসে যায় যাহাদের সংসার।
তারা যদি হেঁকে কয়—“আমরা শান্তিবাদী
আমরা চাহি না কোনো সংগ্রাম,”
তাহারা জীবন্মৃত মানসপক্ষাঘাতী
তাঁদের এ বাক্যের নেই দাম।
যাদের নারীরা হয় ধরে ধরে লাঞ্ছিতা
পতির জুতার তলে পিষ্ট,
ধনীরা বিলাস ভোগ পূজার বলির লাগি'
যাহারা হয়েছে হেথা সৃষ্ট।
লক্ষ দুর্দশাতে জীবনটা তচনচ্
হাঁকে তবু শান্তির ভাষা,
স্বয়ং শান্তিদেবী তাঁদের বাক্য শুনি
নির্কোপ ভাবি করে হাস্য।
দুর্দশা থেকে যারা জাতিকে মুক্ত করি'
স্বদেশকে করিয়াছে স্বর্গ,
জন্মভূমিকে যারা সম্পদময়ী করি'
লভিয়াছে স্বজাতির বর গো ;
শান্তির উৎসবে তাহাদেরি অধিকার
তাহারাই শক্তির সস্তান,
গাহিবে পৃথ্বী ধরে গর্বে উচ্চ শিরে
তাহারাই শান্তির জয়গান।

ভেজাল খাও খেয়ে দুর্নীতি বহি' তার
নির্কিনকারের যারা যাত্রী,
তাঁদের লাগিয়া নয় শান্তির দিবালোক
তাঁদের লাগিয়া অমারাত্রি,
অপরাধ করে যারা তাঁদের চেয়েও পাপী
অপরাধ সহে যারা নিত্য,
সহিয়া অত্যাচার শান্তির গান গাওয়া
জীবন্মৃতেরি তাহা নৃত্য।
আত্ম ফাঁকীর এই মেরু ভূয়া শান্তির
বন্ধ করেছে ভাই জয় গান,
ঐ ছাধ্ সন্মুখে আসন্ন যুত্নার
ধাক্কায় হবি যে যে খানখান।
দুর্নীতি নাগপাশে দারিদ্র্যে দহে যারা
আগে চাই তাহাদের যুদ্ধ,
দুঃখের মুক্তির মস্তকের সিদ্ধিতে
আগে ভাই হওয়া চাই শুদ্ধ।
বন্দুক তোপ নয় আত্মার তেজ দিয়া
দুর্জয় এই অভিযান রে,
ত্যাগের মন্ত্র দিয়ে দুর্নীতি বণজয়
স্বার্থের এ যে বলিদান রে।
শান্তির কথা হেঁকে জীবন্মৃতের মত
শ্মশানে বাচার ভাই নেই দাম,
লক্ষ সর্প ফণা উত্তত সন্মুখে
তার সাথে আগে চাই সংগ্রাম।
জাতির দুর্দশাকে বহি' চলা অপরাধ,
ইহা পাপ—ইহা মহাত্মাশ্রি,
আগে চাই সংগ্রাম—বাঁচিবার সংগ্রাম—
তার পর চেয়ো ভাই শান্তি।

বাংলা ভাষায় 'রাগসঙ্গীত'

শ্রীলক্ষ্মীকান্ত মুখোপাধ্যায়

বাংলা ভাষায় রাগসঙ্গীতের 'বাণী' রচিত হইতে পারে কিনা সে বিষয়ে ইতঃপূর্বে সামান্য আলোচনা দুই-একজন সঙ্গীতজ্ঞ করিয়াছেন সত্য, কিন্তু এখনও পর্যন্ত সকলে মিলিয়া কোন পরিষদে এই বিষয়টি লইয়া বিশেষ আলোচনা হয় নাই। কাহারও মতে বাংলা ভাষায় রচিত গীত, মাটির ভাঁড়ের মত তাহার কাব্যসম্পদে সঙ্গীতের যাবতীয় রস শুধিয়া লয়, এজন্য সঙ্গীতের রস আশানুরূপ ভাবে সৃষ্টি করা সম্ভব হয় না। কাহারও মতে, রাগসঙ্গীতের প্রয়োজনীয় বোল আলাপ এবং বোল-তান ইত্যাদি রচনায় বাংলা ভাষা উপযুক্ত মাধ্যম হইতে পারে না। কিন্তু কেন বাংলা ভাষা রাগসঙ্গীতের উপযুক্ত মাধ্যম রূপে কৃতিত্বের সহিত ব্যবহৃত হইতে পারে না অথবা কোনদিনই পারিবে না, তাহা কেহ বিশদ ভাবে বিশ্লেষণ করিয়া বুঝাইয়া দেন নাই।

দশম শতকের পূর্ব হইতেই ভারতবর্ষের প্রাদেশিক ভাষাগুলি ধীরে ধীরে গড়িয়া উঠিতে আরম্ভ করিয়াছে, ইহাই পণ্ডিতগণের মত। তৎপূর্বে প্রাকৃত, সংস্কৃত, মাগধী, সৌরসেনী প্রভৃতি ভাষা প্রচলিত ছিল। বর্তমানে রাগসঙ্গীত অথবা হিন্দুস্থানী সঙ্গীত নামে যে সঙ্গীত উত্তর-ভারতে প্রচলিত তাহা প্রাচীন সঙ্গীত নহে এবং তাহার ভাষাও বর্তমানে প্রচলিত প্রাদেশিক ভাষা। সাধারণতঃ প্রচলিত রাগসঙ্গীতকে ক্লাসিক্যাল বলিয়া ঝাঁহারা আখ্যা দিয়া থাকেন—তাঁহাদের সহিত আমরা একমত নহি। অবশ্য একথাও আমরা অস্বীকার করিব না যে, পুরাতন সঙ্গীত ইহার অবয়বের ভিতরে কিছুমাত্র বর্তমান নাই। বিশেষ বিশেষ নিয়ম-সাহায্যে শব্দ বা তাদের যে রচনা প্রাচীন কালে সৃষ্টি করা হইত—এখনও প্রায় তদ্রূপই করা হয়। পোশাক-পরিচ্ছদ পরিবর্তনে ব্যক্তির পরিবর্তন হয় না সত্য, কিন্তু রূপের পরিবর্তন হয় একথা স্বীকার্য। প্রাচীন কালের রাগসঙ্গীত কবে, কেন ও কি ভাবে লুপ্ত হইয়াছিল তাহা গবেষণার বিষয়। বর্তমানে প্রচলিত রাগসঙ্গীত দেশী সঙ্গীত হইতে রাগরূপে পরিবর্তিত বলিয়া আধুনিক পণ্ডিতগণ স্বীকার করিয়াছেন। প্রাচীন সঙ্গীতের কিছু কিছু বাণী-মাত্র এখনও পাওয়া যায়। কতকগুলি প্রাচীন সঙ্গীত শাস্ত্রদেবের সঙ্গীত-রত্নাকরে দেখিতে পাওয়া যায়। এইগুলি নাট্যদেবের 'ভরত ভাষ্য' নামক পুঁথি হইতে গ্রহণ করা হইয়াছে। নাট্য দক্ষিণ-ভারতের রাষ্ট্রকূট বংশের রাজা; মিথিলায় আসিয়া তিনি কয়েক বৎসর মাত্র রাজত্ব করেন।

তাঁহার স্বরলিপীকৃত সঙ্গীতগুলি প্রাচীন কর্ণাটক পদ্ধতির। এই গীতগুলির ভাষা সংস্কৃত। নাট্যদেবের মার্গসঙ্গীতের দুই-একটি বাণী এখানে দেওয়া হইল:

“রক্ষত্ব বিষমনয়ন দহন তীব্রতর তাপমহু ভবতঃ।

কৃত মদন দেহভঙ্গং তৃতীয় নয়নোৎপলং শস্তোঃ।

কাংটুং কাংটুং

মহাকপালধর কমল সংভব পরমার্থ বিভব

সুশ্লাসুশ্ল সনাতন পরম্।

সকল সুবাসুর মুনিনারক কিংপুরুষবৃন্দ

নিরতিশয় বদন সংস্কৃত নিজ মহিমান্ ॥”

উচ্চারণাদির নানাবিধ নিয়ম পালন করিয়া এই সকল বাণী পূর্বকালে মার্গরাগে গাওয়া হইত। এই জন্ম সম্ভবতঃ স্বরগুলির ব্যবহারে অধিক বৈচিত্র্য প্রদর্শনের যথেষ্ট সুযোগ থাকিত না।

অধুনা-প্রচলিত রাগসঙ্গীতের বাণীগুলি লক্ষ্য করিলে বুঝা যাইবে যে, তাহাদের অধিকাংশই হিন্দী ভাষায় রচিত। ইহা ব্যতীত উর্দু, পঞ্জাবী ইত্যাদি ভাষায়ও কিছু কিছু রাগসঙ্গীত রচিত হইয়াছে দেখা যায়। ইহা হইতে এইরূপ মনে করা অসঙ্গত নহে যে, যখন যে প্রদেশে রাগসঙ্গীতের চর্চা হইয়াছে, সেই প্রদেশের ভাষায়ও তখন দুই-চারিটি রূপ সঙ্গীত সৃষ্ট হইয়াছে। লোচন পণ্ডিতের মতামুসারে ভিন্ন ভিন্ন প্রদেশে প্রাদেশিক ভাষাতেই মার্গরাগের অনুকরণে অসংখ্য রাগ সৃষ্টি করা হইয়াছে। হাই বর্তমানে দেশী সঙ্গীত অথবা রাগসঙ্গীত বলিয়া প্রচলিত।

“দেশ্যে তত্তদ্রাগাশ্রিতান্তান্তান্তদেশ গীতগতঃ।”

রাঃ তঃ

ইহা হইতে মনে হয় যে, প্রত্যেক প্রাদেশিক ভাষাতেই রাগসঙ্গীতের বাণী রচিত হইয়াছিল। বাংলা ভাষাতেও যে হইয়াছিল তাহা 'চর্যাপদ'গুলির উপরে লিখিত রাগের নাম দেখিয়া বুঝা যায়। কতকগুলি টপ্পা বাংলা ভাষায় রচিত হইয়া গুণীসমাজে প্রচলিত হইয়াছিল, তাহাও প্রায় লুপ্ত হইয়া যাইতেছে। স্বয়ং রবীন্দ্রনাথ প্রথম গীতরচনা করিবার সময়ে হিন্দী রাগসঙ্গীতের সুরের অনুকরণে অনেকগুলি ক্রম-পদ, খেয়াল ইত্যাদি বাংলা ভাষায় রচনা করেন। ইহা ব্যতীত হিন্দী ভাষায় ঝাঁহারা সঙ্গীতশিক্ষা করিয়াছেন তাঁহাদেরও দুই-এক জন বাংলা ভাষাতেও দুই-চারিটি রাগ-গীতি রচনা করিয়াছেন। আজ যে পরিমাণে রাগসঙ্গীতের

চর্চা বাংলা দেশে হইতেছে, এত অধিক আগ্রহ সহকারে আর কোন প্রদেশই বোধ হয় রাগসঙ্গীতের চর্চা হয় না অথচ ইহা অত্যন্ত উৎসাহের বিষয় যে, বাংলা ভাষায় রাগ সঙ্গীতের সংখ্যা খুবই নগণ্য। বাংলা দেশের গুণীগণ কেন যে এখনও এদিকে বিশেষ দৃষ্টি দেন নাই তাহা আশ্চর্যের কথা বটে। বোধ হয় নূতন রচনার কথা তাঁহাদের মনেই স্থান পায় না। 'রাগপ্রধান' গান নামে যে নূতন গান রাগের মধ্যে রাখিয়া সৃষ্টি করা হইতেছে, তাহা উন্নত আধুনিক গান ব্যতীত আর কিছুই নহে। এই গানগুলি লক্ষ্য করিলেও স্পষ্ট বুঝা যায় যে, বাংলা ভাষায় রাগগীতি রচিত হইতে পারে।

হিন্দী ও বাংলা ভাষায় পার্থক্য কোথায়? হিন্দী ভাষায় রাগসঙ্গীতের উপযোগী মাধ্যম কেন হইল? বাংলা ভাষায় অনুগত হইতে কোথায়? সেই ক্রটি দূর করা সম্ভব কিন? একথা অবশ্যই স্বীকার্য যে, প্রত্যেক সঙ্গীতেরই একটা উচ্চারণবৈশিষ্ট্য থাকে। ইহাকে সঙ্গীতিক উচ্চারণ বলা হয়। কথা অথবা পুস্তকের ভাষার উচ্চারণ হইতে ইহা কিঞ্চিৎ পৃথক। রবীন্দ্র-গীতের উচ্চারণ এমন একটি বৈশিষ্ট্য আছে যাহা বাদ দিলে অর্থাৎ অন্য রকমে উচ্চারণ করিলে রবীন্দ্র-সঙ্গীতের মাদুর নষ্ট হয় ও সঙ্গীতের উদ্দেশ্য আশানুরূপ সফল হয় না। শ্রোতার মনে যদি সঙ্গীতের অন্তর্নিহিত ভাবটি দোলা দিতে না পারে তবে তা সঙ্গীতের প্রকৃত উদ্দেশ্যই ব্যর্থ মনে করা যাইতে পারে। এই জন্য একই গান কাহারও কণ্ঠে অতি মধুর এবং কাহারও কণ্ঠে গতানুগতিক বন্দিয়া মনে হয়। কল্পিত ভাবে আমি লক্ষ্য করিয়াছি যে, রবীন্দ্রসঙ্গীতের 'ও'কার ও 'উ'কারের মাত্রমাত্র একটি নূতন স্বরবর্ণ উচ্চারিত হয়; ঠিক তেমনি 'এ'কারের উচ্চারণে 'এ' ও 'ই'র মাত্রমাত্র একটি স্বরবর্ণ ব্যবহৃত হয়। এইরূপ উচ্চারণে বাণী অতি শ্রুতিমধুর হয় এবং কণ্ঠস্বরেরও সাবলীল গতি বলায় থাকে। এই উচ্চারণ-বৈশিষ্ট্য বাদ দিলে রবীন্দ্র-সঙ্গীতের মাদুর অনেকখানি কমিয়া যাইবে বন্দিয়া মনে হয়। কীর্তনগানে 'আ' ও 'আ'-কারের বাহুলা দেখা যায়। অবশ্য অন্যান্য স্বরবর্ণগুলিও প্রয়োজনীয় রীতিতে উচ্চারিত হয়। এইরূপে লক্ষ্য করিলে দেখা যাইবে যে, সর্বপ্রকারের সঙ্গীতেই 'বাণী'র উচ্চারণ-বৈশিষ্ট্য সঙ্গীতের প্রভাব বিস্তারে বিশেষ রূপে সহায়তা করে।

কেবলমাত্র রাগসঙ্গীতেই নহে, পরন্তু সর্ববিধ সঙ্গীতেই স্বরবর্ণগুলির অর্থাৎ অ, আ, ই, উ, ও ইত্যাদির উচ্চারণ বিশেষ গুরুত্বপূর্ণ। প্রসিদ্ধ জার্মান বিজ্ঞানী হেল্মহোল্জ দেখাইয়াছেন যে, সঙ্গীতে ব্যবহৃত শব্দ বা নাদগুলি কোন-

না-কোন স্বরবর্ণের উচ্চারণজ্ঞাপক হয়। ব্যঞ্জনবর্ণের সহিত সঙ্গীতের শাব্দিক সুরণের সম্বন্ধ খুবই কম। তবে রাগসঙ্গীতে স্বরবর্ণগুলির উচ্চারণ প্রাঞ্জল করিবার জন্য জিহ্বার অগ্রভাগ দ্বারা উচ্চারিত দস্তাবর্ণ ত, দ, ন এবং র প্রভৃতি ব্যঞ্জনবর্ণ উহার সহিত ব্যবহার করা হয়। তাই উচ্চ-প্রতীকের আলাপে তে, নে, রে, নেতা, তোম, নোম, তুম, হুম, যিরেনা, ভেনেরি, ইত্যাদি শব্দাংশ ব্যবহারে প্রচুর সূক্ষ্ম কলিতে দেখা যায়। খেরাল গানের আলাপে সাধারণতঃ 'আ'কার অথবা গানের বিশেষ বিশেষ শ্রুতিমধুর বাণীগুলিই ব্যবহার করা হয়। উপরে লিখিত বোলগুলি (তে, নে, বি, নোম ইত্যাদি) বাংলা ভাষাতেও আছে। কাজেই আমাদের স্বীকার করিতে হইবে যে রাগসঙ্গীতে যে উচ্চপ্রতীকের আলাপ অর্থাৎ 'অনিবন্ধ গান' প্রচলিত আছে তাহা বাংলা ভাষায় ব্যবহারে হইতে পারে।

রাগসঙ্গীতের সর্বপ্রকার গুরুত্বপূর্ণ উচ্চারণ হইতেছে 'আ' এই স্বরবর্ণটির। এই 'আ'কারটি ঠিক একরূপ ভাবে কিঞ্চিৎ বক্র করিয়া উচ্চারণ করা প্রয়োজন হয় যাহাতে কণ্ঠস্বরের গতি মুহূর্তমধ্যে ইচ্ছানুরূপ উচ্চ বা নিম্ন দিকে দ্রুত চালনা করা সম্ভব হয়। ইহাৎ একটি তান অতি দ্রুত 'তার'-ষড়্জ হইতে মধ্য ষড়্জ পৌঁছাইয়া দিতে হইবে—এইরূপ আবশ্যক। এই 'আ'কারটি কিঞ্চিৎ বক্রভাবে উচ্চারিত না হইলে তাহা সম্ভব হয় না। তখন এই 'আ'কারটির উচ্চারণ 'আয়' এইরূপ শোনায়ে। দ্বিতীয়তঃ এই 'আ'কার সঠিক ভাবে উচ্চারিত না হইলে গায়কের নিজের কণ্ঠস্বর নিজেরই কানে 'কা কা' করিতে থাকে, তানপুস্তকের সুর তাঁহার পক্ষে শোনা কঠিন হইয়া পড়ে এবং প্রকাশ হই না করিলে গান করা সম্ভব হয় না। সুতরাং এই 'আ'কারটি কিঞ্চিৎ বক্র করিয়া উচ্চারণ করা সমীচীন। তাহা হইলে কণ্ঠস্বরও সর্বদা আবশ্যকমত শব্দ অথবা তান প্রকাশে সক্ষম হইবে। জ্ঞানেন্দ্রপ্রসাদ গোস্বামীর রাগসঙ্গীতের এই আকারের উচ্চারণ অতি সুন্দর ও মধুর ছিল। বাংলা ভাষায় রচিত কতকগুলি খেরাল গান তিনি রেকর্ড করিয়াও গিয়াছেন। ইহা হইতেও প্রকৃত উচ্চারণভঙ্গী সফল ধারণা করিয়া হওয়া যাইতে পারে।

এখন দেখা যাক, হিন্দুস্তানী রাগসঙ্গীতে যে বাণীগুলি সাধারণতঃ ব্যবহার হয় তাহার উৎস কোথায় এবং সেগুলি শব্দ বাংলা ভাষায় আছে কিনা। অতি প্রাচীনকাল হইতেই প্রথমে সংস্কৃতে পরে প্রাদেশিক ভাষায় 'শিবের মহিমা' অঙ্কনঘনে ধ্রুপদাদি রচিত হইত। এই শব্দগুলি বাংলা ভাষাতেও প্রচলিত আছে, যেমন :

"ভাষা অক্ষ গোবী সঙ্গ
জটা মে বিরাজে গঙ্গ।"

তৈরবী—চৌতাল

"ডমরু হরকর বাজে বাজে
ত্রিশূল ধর অক্ষ ভাষভূষণ।"

গুণকেশী—তীত্রা

"ভব ক্রম উগ্র সর্ব পশুপতি সমসমান
ঈশান ভীম সকল তেরোহী অষ্ট নাম।"

ভূপালী—চৌতাল

ইহার প্রত্যেকটি শব্দই ত বাংলা ভাষাতে আছে। সঙ্গীতের প্রধান অবলম্বন—শ্রীকৃষ্ণের বৃন্দাবনলীলা, 'কৃষ্ণ কাঙ্কাইয়া'কে লইয়া অধিকাংশ বাণীই রচিত। রামচন্দ্রের গুণ অবলম্বনেও দুই-চারিটি গান দেখিতে পাওয়া যায়। রামলীলা প্রসঙ্গে প্রচুর ভজনগান প্রচলিত আছে। 'নাদব্রহ্ম' লইয়াও কয়েকটি ধ্রুপদ রচিত হইয়াছে। ইহা ব্যতীত প্রিয়তমের বিরহ-মঙ্গল ইত্যাদি লইয়াও প্রচুর বাণী রচিত হইয়াছে। যেমন—

"পিয়া পরদেশ"

"পিয়া মিসন কি বারি"

"এবি আলি পিয়া বিন"

"পিয়রবা তেহারি"। ইত্যাদি

এই সকল শব্দ বাংলা ভাষায় নাই এরূপ নহে, অথচ বাংলা ভাষাতে রাগসঙ্গীত রচিত হইতেছে না কেন? যে শব্দগুলি হিন্দী ভাষা হইতে লইয়া রাগগীতি রচিত হইয়াছে, সেই শব্দগুলি যদি বাংলা ভাষায় পাওয়া যায় তাহা হইলে নিশ্চয়ই আমাদের স্বীকার করিতে হইবে যে, বাংলা ভাষাতেও রাগগীতি রচিত হইতে পারে। অবশ্য বাঙালী সঙ্গীতগুনীদের কাব্যপ্রতিভাও ইহার মূলে থাকা আবশ্যক এবং নৃতন বাণীরচনার প্রেরণাও থাকা প্রয়োজন।

বিশেষ ভাবে লক্ষ্য করিলে দেখা যাইবে যে, মাত্র কয়েক শব্দই সঙ্গীতে ব্যবহারের বিশেষ উপযুক্ত বলিয়া কয়েক শতাব্দী হইতে এগুলি ব্যবহৃত হইয়া আসিতেছে। 'সঙ্খ্য' হ'ল কাব্যসঙ্গীতের উপযুক্ত ভাষা, কিন্তু রাগসঙ্গীতে বিশেষতঃ খেলাসে 'সাঁজ ভই' শব্দের প্রয়োজন। তাহার কারণ ব্যঞ্জন-বর্ণের উচ্চারণ কিয়ৎ পরিমাণে প্রকৃত কণ্ঠস্বর প্রকাশের পরিপন্থী। ধ্রুপদাদিতে অর্থাৎ গম্ভীর চালের গানে 'সঙ্খ্য হ'ল' প্রভৃতি এই সকল শব্দ অত্যন্ত সুললিত হয়, কিন্তু খেলাসের বাণী যতদূর সম্ভব সহজ সরল উচ্চারণবিশিষ্ট হইবে, ততই রাগবিস্তারের পক্ষে সহজ ও উপযোগী হইবে। গানের বাণী লইয়া রাগবিস্তার করিতে স্বরবর্ণগুলির সাহায্যের জগ

উপযুক্ত ব্যঞ্জনবর্ণের প্রয়োজন হয়। সমস্ত ব্যঞ্জনবর্ণগুলিই সঙ্গীতে ব্যবহারের উপযুক্ত নহে। অবশ্য সঙ্গীতিক উচ্চারণ সম্বন্ধে বিশেষ অভিজ্ঞতা থাকিলে প্রায় প্রত্যেক শব্দই সঙ্গীতে ব্যবহৃত হইতে পারে।

রাগসঙ্গীতে ('আ', 'এ', 'ই', 'ও', 'উ') প্রত্যেকটি স্বরবর্ণেরই স্পষ্ট ব্যবহার হয়; কিন্তু কেবলমাত্র 'অ'কার উচ্চারণ রাগ সহ্য করিতে পারে না বলিয়া মনে হয়। হিন্দী ভাষায় 'অ'-এর উচ্চারণ কতকটা 'আ'কারের মতই শোনায। যে স্থানে নিতান্তই 'অ' প্রয়োজন সে স্থানে 'হসন্ত' ব্যবহারে এই 'অ'কারকে এড়াইয়া যাওয়া ঐ ভাষার নিঃস্ব স্বভাব হইয়া দাঁড়াইয়াছে। যেমন : তন্ মন্, ধন্, কোন্, মীত্, মন্দর্ ইত্যাদি। এই 'অ'কারের স্পষ্ট উচ্চারণ হেতুই কিন্তু বাংলা এবং উড়িয়া, অসমীয়া প্রভৃতি ভাষা রাগসঙ্গীতের বাণীরচনার উপযুক্ততা অর্জন করিতে পারে নাই। হিন্দী ভাষাতেও যেস্থানে 'অ'কার উচ্চারণ প্রয়োজন হয় তাহা কিঞ্চিৎ বক্র করিয়াই উচ্চারিত হয়। বাংলা ভাষায় রাগ-সঙ্গীতের বাণী রচনা করিতে হইলে রচয়িতার কর্তব্য হইবে সহজ সরল স্বল্পাক্ষরবিশিষ্ট ভাষা প্রয়োগ। সুবিশ্লীর্ণ কর্তব্য হইবে শব্দগুলি ঈষৎ বক্র করিয়া হিন্দী ভাষার মতই উচ্চারণ করা।

প্রত্যেক সঙ্গীতেই বাণীগুলির উচ্চারণে একটি বৈশিষ্ট্য থাকে। ইহাকে সঙ্গীতিক উচ্চারণ বলা হয়। এই উচ্চারণ কথ্য ভাষার উচ্চারণ হইতেও পৃথক। একটু লক্ষ্য করিলেই দেখা যাইবে যে, রবীন্দ্রসঙ্গীত লোকসঙ্গীত, রাগ, কীর্তন প্রভৃতি সঙ্গীতের শাব্দিক উচ্চারণের একটি স্বতন্ত্র ভঙ্গী আছে। কণ্ঠস্বরের সাহায্যে শব্দের বা নাদের প্রকাশ-দ্বারা যে ভাবের অনুভূতি শ্রোতৃমনে জাগাইয়া তুলিতে শিল্পী ইচ্ছা করেন, ভাষা যেন তাহার সাহায্যই করে। বাংলা ভাষায় রাগগীতি রচনা ও সুসংযোজনা করিতে হইলে একটু বিশেষ দৃষ্টি রাখিয়া শব্দ চয়ন করিতে হইবে, যাহাতে শিল্পীর সেই শব্দগুলি বক্রভাবে উচ্চারণ করিতে অসুবিধা না হয় এবং শ্রোতারও কানে বিসদৃশ না লাগে। কেবলমাত্র একটু বক্র ভাবে বাণী উচ্চারণ করিতে পারিলেই অথবা করিলেই বাংলা ভাষায় এই রাগগীতি সৃষ্টি করা যাইতে পারে। এই উচ্চারণকে যদি কেহ উপহাস করিয়া হিন্দী ভাষার অনুকরণ বলেন, আমরা তাহা স্বীকার করিব না। আমরা বলিব এই বিশেষ উচ্চারণটি বাংলা ভাষায় রচিত বাণীর সঙ্গীতিক উচ্চারণ। ভাষার উচ্চারণ এইরূপ একটু বিকৃত করিতে না দিলে বাংলা ভাষা রাগসঙ্গীতের মত এত বড় একটি সম্পদ হইতে চিরকাল বঞ্চিত থাকিবে।

ডক্টর শ্রীসুনীতিকুমার চট্টোপাধ্যায়ের মুখে শুনিয়াছি—তিনি সোমেশ্বরের 'মানসোল্লাস' হইতে প্রাচীন বাংলা ভাষায় রচিত গান সংগ্রহ করিয়াছিলেন।

কাব্যসঙ্গীতে যেসকল কথ্য ভাষার ব্যবহার শোভন হয়, রাগসঙ্গীতে তাহা নহে। রাগে সাধু ভাষাই ব্যবহার করিতে হয়, তাহা না হইলে যেন একটু 'হালুকা' প্রকৃতির শব্দরচনা হয়। যেমন পেয়ে, দিয়ে, চলে, এসে ইত্যাদি শব্দের বদলে পাইয়া, দিয়া, চলিয়া, আসিয়া ইত্যাদি সুসঙ্গত হয়। আরও একটি অনুরোধ শোনা যায় যে, 'বাংলা গান-গুলি শব্দবহুল', এই কথাটি ভিত্তিহীন। কারণ কবির উপরেই নির্ভর করে—কোন গান শব্দবহুল অথবা অল্প শব্দ বিশিষ্ট হইবে। দুই বা তিন অক্ষরে রচিত প্রচুর শব্দ বাংলা ভাষায় আছে, সকলেই লক্ষ্য করিয়া থাকিবেন যে, সাধারণতঃ

যুষ্টিমেয় কয়েকটি শব্দ সাহায্যেই গীত রচিত হইয়া থাকে। বাংলা ভাষায় রাগসঙ্গীত রচিত হইলে এবং বিশেষ কৃতিত্বের সহিত যদি গুণগণ তাহা ব্যবহার করিয়া দেখাইতে পারেন তাহা হইলে হয় ত এমন দিন আসিবে যখন ভারতের সকল স্থানেই বাংলা ভাষার রাগসঙ্গীত শোনা যাইবে। আমি নিজে কয়েক জন হিন্দুস্থানী গায়ক-বজুকে বাংলা খেয়াল শিখাইয়াছি। অবশ্য এইগুলি তাঁহারা বাঙালীসমাজ ব্যতীত প্রায়ই গান করেন না। সুসঙ্গিত শব্দসম্ভার যে ভাষায় বর্তমান সে ভাষায় রাগসঙ্গীত রচিত হইতে পারে না অথবা বড় একটা হয় নাই ইহা ভাবিতেও দুঃখ হয়। যাহারা বাংলা ভাষার বাংলা উচ্চারণের বিশেষ পক্ষপাতী, তাঁহাদিগকেও আমরা এই বিষয়টি বিশেষ ভাবে ভাবিয়া দেখিতে অনুরোধ করিব।

জনগণের একাংশ

শ্রীরথীন্দ্রনাথ মিত্র

ভারতবর্ষকে বাস্তবিকই বলা চলে উপমহাদেশ। এই উপমহাদেশের প্রথম শহর আর সমগ্র এশিয়াগণ্ডের মিলন-কেন্দ্র এই কলিকাতা শহরের জন-বৈচিত্র্য অপূর্ণ। আসমুদ্রহিমাচল ভারতবর্ষের সকল প্রদেশের বিভিন্ন আকৃতি ও প্রকৃতির লোক ত এখানে আছেই তা ছাড়া পৃথিবীর প্রতিটি দেশের বহু জনের অবিরাম কণ্ঠস্বস্ততা, আনাগোনা এবং পদচারণা চলছে বিরাট এই শহরের বুকে। এখানে দীর্ঘকায়, প্রাণচঞ্চল আমেরিকানের পাশে দেখতে পাই মধ্য-এশিয়ার মরুভূমির পুরুষ-প্রকৃতির মানুষকে আর তারই কাছাকাছি দেখা মেলে সুদূর প্রাচ্যের স্বল্পভাষী লোকদের। এর উপর আছে আবার পশ্চিমবঙ্গের বাইরেরকার সব রাজ্যের লোক। তাহা এসেছে বিহার থেকে, মাদ্রাজ থেকে, মধ্যপ্রদেশ আর উড়িষ্যা থেকে। এসেছে ওরা কলিকাতার বাবস-বাণিজ্যের দুর্ভাগ্য আকর্ষণ নিজেদের ভাগ্য ফেরাতে, পেছনে রেখে এসেছে নিজের গ্রাম আর জমি-জেরাত। পশ্চিমবঙ্গে অসংখ্য প্রদেশ থেকে বহু লোক এসেছে তার মধ্যে নিকট-প্রতিবেশী বিহার থেকে আগত লোকের সংখ্যাই সর্বাধিক।

অনুসন্ধানের ফলে দেখা গেছে পর পর দুই-তিন বৎসর অজন্মা হলেই ওরা চিন্তা করতে শুরু করে বিকল্প জীবিকার কথা। দৈহিক শক্তিই যাদের একমাত্র মুসধন, কায়িক পরিশ্রমসাপেক্ষ জীবিকাই তাদের অবলম্বন। আর তখনই ওদের চিন্তাকে অধিকার করে 'কলিকাতা মূলুকে'র নানা সুযোগ-সুবিধা। কলিকাতার ব্যবসায়-গত ঐতিহ্য তাদের মনে এমনভাবে রেখাপাত করেছে যে, তাদের ধারণা কলিকাতার জীবিকা-সমস্যার সমাধান অপেক্ষাকৃত সহজ। এখানে গেলে মাঠে বীজ বুনে নির্মেঘ আকাশের দিকে জলের প্রত্যাশায় তাকিয়ে থাকতে হবে না এই আশায় তারা কলিকাতার দিকে পাড়ি জমায়।

কলিকাতায় এরা কদাচিৎ একলা আসে, অধিকাংশই যাত্রা শুরু করে দল বেধে। বেশীর ভাগ ক্ষেত্রে তারা অনিশ্চিতের উপর ভরসা করেই যাত্রা করে, সঙ্গে নিয়ে আসে জমি-বাধা-দেওয়া কয়টি টাকা। শহরে এসে ওরা থাকে স্বজাতের বা স্বগ্রামের লোকের বাসায়।

মোট ব'য়ে বা রিক্সা চালিয়ে কলিকাতার প্রথম তাদের জীবিকা-

নির্বাহের পালা শুরু হয়। কলিকাতার পীচ-ঢালা ময়ূণ পথে জড় এবং জীবন্ত উভয় প্রকার বোঝা বয়ে যে কাঁচা টাকার আবাদ পাশ তাতে এদের শ্রম-জনিত ক্লান্তি দূর হয়ে যায়। এদের মধ্যে কেউ পানের দোকান চালায়, কেউ বা মাথায় তুলে নেয় ভাজা চীনে-বাদামের খুড়ি। এরা ক্রমশঃ জীবিকা-অর্জনের ক্ষেত্রে উঁচু ধাপে উঠতে থাকে। যারা মোট বয় বা রিক্সা চালায় তারা বেশীদিন এই কাজে লিপ্ত থাকতে চায় না। কিছু টাকা জমিয়ে তারা ছোটখাটো ব্যবসায় শুরু করতে চেষ্টা করে। করপোরেশন ইলেকট্রিক কোম্পানী বা ট্রাম কোম্পানীতে চাকরির প্রতি এদের প্রবল মোহ লক্ষণীয়। এদের যে আত্মমর্যাদা বোধ খানিকটা বাড়ছে তা বুঝা যায়—কোন কঠিন কার্যিক পরিশ্রমের কাজের প্রতি প্রবল অনিচ্ছা দেখে। এদের মধ্যে যারা ব্রাহ্মণ বা ক্ষত্রিয় শ্রেণীভুক্ত তারা দারোগ্যানের কাজ পছন্দ করে থাকে।

এদের বাসস্থানের সঙ্কীর্ণতা আর আবেষ্টনের অপরিচ্ছন্নতা না দেখলে বিশ্বাস করা অসম্ভব। যে ঘরে কোনক্রমে তুঁজনে থাকা যায় সেখানে ওরা নির্বিকারচিত্তে বাস করে চার-পাঁচ জন। সে ঘরে প্রবেশ করলে পৃথিবীতে যে আলো-হাওয়া আছে তা তুলে যেতে হয়। বেশীর ভাগ ক্ষেত্রে সেই অপরিষ্কার (খুপরি) ঘরেই উম্মন জ্বলে তারা রান্নাবান্না ইত্যাদি করে থাকে। বৈশাখের প্রচণ্ড গরমে দেখেছিলাম টিনে-ছাওয়া একটা কোটরে—যেখানে চুকতে গেলে মাথা নীচু করতে হয় আর শুলে পা গুটিয়ে নিতে হয়—উম্মন জ্বলে পরমানন্দে রান্না করেছে এক ছাপরাসী মুটে। সুবিধা থাকাসত্ত্বেও তারা পয়সা বাঁচাবার জন্তে পাশের ঘরে বিজলী আলো থাকলেও নিজেদের ঘরে তার ব্যবস্থা করবে না। তবে তারা সারাদিন কাজকর্মে বাইরেই থাকে, এই অস্বাস্থ্যকর পরিবেশে দিনরাত তাদের বেশীক্ষণ থাকতে হয় না। আর গ্রীষ্মকালে রাতটা খাটিয়া পেতে বা গামছা বিছিয়ে ফুটপাথেই কাটিয়ে দেয়। তবে শীত আর বর্ষায় ওরা গাদাগাদি করে ঐ অন্ধকুপেই রাত কাবার করে।

সাধারণতঃ ভাত আর ডাল কলিকাতার তাদের প্রধান খাদ্য। তবে সময় সময় ভাতের পাশে খানিকটা শাক-চচ্চড়ি উকি মারতে দেখেছি। বর্ষায় ইলিশ মাছ তাদের আহারের রুচিকে পরিতৃপ্ত করে। তবে যারা সবে এসেছে গ্রাম থেকে আর কাজকর্মও


জোটে নি তেমনকিছু তারা শুধু ছোলায় ছাতু জল দিয়ে মেখে তেঁতুলের আচারসংযোগে ক্ষুণ্ণবৃত্তি করে।


কলিকাতায় এসেছে এরা টাকা রোজগার করতে, তাই প্রতিটি ফুটো পয়সার ওপরও এদের গভীর মায়। অশনে-বসনে বিলাসিতা ত দূরের কথা সাধারণ মানও বজায় রাখে না। টাকা তারা জমায় কোন ব্যাঙ্কে নয়, কারুর কাছেও নয়, প্রত্যেকেই একটা করে টিনের বাস্ত্র আছে তাতে ভরতি করে রাখে। কিংবা মাঝে মাঝে 'মণিটর' করে দেয়, আবার বিশ্বাসী কোন 'দেশওয়ালী' দেশে গেলে তার মারফতেও পাঠিয়ে দেয়। ক্রমে ক্রমে তারা দেশে গিয়ে জমির ব্যবস্থা করে আসে। ফলে কলিকাতায় খেটে যেমন কাঁচা টাকা রোজগার করে তেমন নিজেই জমি থেকে খোরাকিটার ব্যবস্থা হয়। অবস্থা তাদের ফিরে যায়, কিন্তু তারা নিজেদের ভাগ্যটাকে আর পুরোপুরি জমির হাতে ছেড়ে দেয় না, ফলে কলিকাতায় বেড়ে যায় বিহারীদের সংখ্যা।

দেশে তারা ধার বৎসরে অস্তুতঃ একবার। অবশ্য দুই-তিন বৎসর পর পরও অনেকে গিয়ে থাকে। একশ্রেণীর লোক আছে এদের মধ্যে যারা ধান কাটা আর ধান রোয়ার সময় দেশে যায়। যেদিন যে বাসা থেকে কেউ দেশে যাবে সেদিন সে বাসার সকলের মধ্যেই যেন সাড়া পড়ে যায়। এদের পারম্পরিক সম্প্রীতি অনুকরণীয়। একসঙ্গে সবাই থাকে 'মেস' প্রথা, কিন্তু খাতা-পত্রে কোন হিসেব নেই, সব মুখে মুখে—কেবল বাসিন্দাদের নাম-লেখা একটা খাতা আছে।

কঠোর পরিশ্রমের মধ্যেও তারা আনন্দের ব্যবস্থা করে থাকে। কোন দূর গ্রামের প্রান্তে বেগে এসেছে প্রিয় পরিজনদের, তাদের বিচ্ছেদ জনিত বেদনায় ওদেরও মন ভারী হয়ে থাকে। প্রিয়বিচ্ছেদ-কাতর মনকে হাল্কা করবার জন্তে এরা আয়োজন করে নানা অনুষ্ঠানের। "রামলীলা" ওদের শ্রেষ্ঠ উৎসব। তা ছাড়া সমবেত সঙ্গীত আর হা-ডু-ডু খেলার মধ্যে ওরা প্রচুর আনন্দ পেয়ে থাকে। শহরতলীতে বর্ষাকালে উন্মুক্ত প্রান্তরে তারা লোকনৃত্যের আয়োজন করে থাকে, সেটা কাজরী নামে অভিহিত।

এই তাদের প্রবাস-জীবনের মোটামুটি চিত্র। এখানে বলা হয়েছে কেবল চাষী মুটে-মজুর প্রভৃতি শ্রেণীর মানুষদের কথা। সমাজের উচ্চতলার যারা আছেন, আধিক কৌলিগের দৌলতে তাঁদের জীবনের চিত্র সম্পূর্ণ বিপরীত।





* কালিদাস সাহিত্যের কয়েকটি উপমা

শ্রী রঘুনাথ মল্লিক

মহাকবি কালিদাসের সাহিত্যের যেমন সীমা নাই, তাঁহার রচিত উপমাগুলিরও তেমন সংখ্যা করা যায় না। এই প্রবন্ধে তাঁহার সাহিত্যসমৃদ্ধ হইতে কয়েকটি উপমা-রত্ন আহরণ করিয়া পাঠক-পাঠিকাকে উপহার দেওয়া যাইতেছে।

মানুষ যখন তন্ময় হইয়া কোনও কিছু দিকে একদৃষ্টে চাহিয়া থাকে, তখন তাহার সে দৃষ্টিভঙ্গীটি বর্ণনা করার জন্য মহাকবি রকমারি উপমার সৃষ্টি করিয়াছেন, তাহাদের মধ্যে কতকগুলি এখানে দেখানো যাইতেছে।

বিদর্ভ নগরের 'স্বয়ংবর' সভায় যখন রাজভগিনী অপূর্ব রূপদী ইন্দুমতী বরণমালাটি হাতে লইয়া মনের মত পতি নির্বাচন করার জন্য প্রবেশ করিলেন, যে সব রাজারা ও রাজপুত্রেরা নিমন্ত্রিত হইয়া ইন্দুমতীকে বিবাহ করিবার আশায় সভায় আসিয়া বসিয়াছিলেন, তাঁহারা রাজকুমারীর অসামান্য রূপের দিকে কি ভাবে তাকাইয়া রহিলেন, মহাকবি তাহা নিম্নলিখিত শ্লোকে বলিতেছেন—

'তান্ন বিদানাতিশয়ে বিধাতুঃ

কলাময়ে নেত্রশতৈক-লক্ষ্যে।

নিঃপতুঃস্তঃকবনৈন'ভেদ্রাঃ

দেহৈঃ স্থিতাঃ কেবলমাসনেষু।' (২য় ভাঃ ১১)

শত শত নয়নের একমাত্র লক্ষ্য, বিধাতার সেই অপূর্ব সৃষ্টি তরুণীর কাছে রাজগুণ তাহাদের অস্তঃকরণের মাধ্যমে চলিয়া গেলেন, দেহগুলি কেবল সিংহাসনের উপর পড়িয়া রহিল।

মহাকবি এখানে বলিতে চাহিতেছেন যে, নৃপাতী ইন্দুমতীর মনোমুগ্ধকর রূপের দিকে এমন বাহুজ্ঞান হারা হইয়া একদৃষ্টে চাহিয়া রহিলেন যে, সে সময় তাঁহাদিগকে দেখিলে মনে হইত যে, তাহাদের অস্তঃকরণগুলি—রাজাদের মতো প্রকৃত সত্তা—তাঁহাদের চক্ষুর ভিতর দিয়া রাজকুমারীর কাছে চলিয়া গিয়াছে, আর তাঁহাদের স্পন্দহীন সারশূণ্য দেহগুলি সিংহাসনের উপর নিশ্চেষ্ট হইয়া পড়িয়া রহিয়াছে। দেহের যা সারবস্তু মন, অস্তঃকরণ ইত্যাদি সেগুলি ত চক্ষুর ভিতর দিয়া দেহ হইতে বাহির হইয়া রাজকুমারীর কাছে চলিয়া গিয়াছে, সুতরাং দেহগুলিতে আর আছে কি?

প্রায় এই ধরনের একটি উপমা 'কুমার-সঙ্ঘবে' পাওয়া যায়। বর যাইতেছেন বধুর বাড়ী বিবাহ করিতে, সঙ্গে বরষাত্রী। 'বর আসিতেছে' শুনিয়া পথের দুই পার্শ্বের বাড়ীগুলির কোঁতুহলী নারীরা বর দেখিবার জন্য ভানালায়, এবং সোনালী 'চিক'-ফেলা বাবান্দায় দাঁড়াইয়া তন্ময় হইয়া বর দেখিতেছেন, মহাকবি তাঁহাদের সে বর দেখার ভঙ্গীটিকে উপমা দিয়া বর্ণনা করিতেছেন :

'তমেতদৃশ্যং নয়নৈঃ পিবন্ত্যা

নার্যোন জগ্ন বিষয়াস্তরাণি।

তথা তি শেষেন্দ্রিয়-বৃত্তিরাসং

সর্বাভ্যনা চক্ষুরিব প্রবিষ্টা।' কু-৭.৬৪

একমাত্র লক্ষণীয় সেই বরকে নারীরা যেন নয়নের দ্বারা পান করিতে লাগিলেন, অপর আর কোনও বিষয়ে তাঁহাদের মন রহিল না। তাহাদিগকে দোবয়া মনে হইতেছিল তাঁহাদের অস্বাভাবিক ইন্দ্রিয়গুলি যুঝি সর্বতোভাবে চক্ষুর মধ্যে প্রবেশ করিয়া রহিয়াছে।

এখানে মহাকবি বলিতেছেন যে, নারীরা এমন তন্ময় হইয়া অপনয়নে বর দেখিতেছিলেন যে, বর ছাড়া অন্য কোনও কিছু দিকে তাঁহাদের মন ছিল না, অন্য কোনও বিষয়ে তাঁহাদের মন যাইতেছিল না। তাহাদিগকে দেখিয়া লোকের মনে হইতেছিল, যেন তাঁহাদের শ্রবণ শক্তি অস্বাভাবিক ইন্দ্রিয়গুলি আপন আপন কর্তব্য ভুলিয়া, যে যাহার কাজকর্ম ছাড়িয়া একমাত্র চক্ষুর মধ্যে সকলে মিলিয়া আসিয়া জড়ো হইয়া রহিয়াছে, আর সেই কারণে নারীদের চক্ষু ছাড়া অন্যত্র অঙ্গপ্রত্যঙ্গগুলি নিস্পন্দ ও অসাড় হইয়া গিয়াছে। 'রঘুবংশের' ৭ম সর্গেও এই উপমাটি পাওয়া যায়।

নিবিষ্ট মনে কোনও কিছু দেখাচ্ছে মহাকবি অপর কয়েকটি স্থানেও চক্ষু দ্বারা পান করার আখ্যা দিয়াছেন।

'পুষ্পক' বিমানে বসিয়া বামসীতা যখন লক্ষ্মী হইতে অযোধ্যায় আসিতেছিলেন, তখন নীচে পম্পা সরোবর দেখিতে পাইয়া বাম এমন নিবিষ্ট মনে সরোবরের শোভা দেখিতে লাগিলেন যে, মহাকবি তাঁহার সে সময়কার দৃষ্টিভঙ্গীকে চক্ষুদ্বারা পান করিতেছিলেন, বলিয়াছেন :

'দূরাদবতীর্ণা পিবতী বধেদাঃ

অমুনি পম্পা-সলিলানি দৃষ্টিঃ।' রঘু-১৩.৩০

দৃষ্টিকে অত উদ্ধ হইতে এত নীচে নামিতে হইল বলিয়া সে যেন পথশ্রমে ক্লান্ত হইয়া পম্পা সরোবরের জল পান করিয়া লইতেছে।

মানুষ যখন বহু পথ হাঁটার ফলে অত্যন্ত ক্লান্ত ও তৃষ্ণাক্ত হইয়া পড়ে, তখন কোনও জলাশয় দেখিতে পাইলে সে যে ভাবে তাহার জল পান করিতে থাকে, রামের দৃষ্টিকে আকাশ হইতে নীচে পৃথবীতে নামিয়া আসিতে হইল বলিয়া মহাকবি বলিতেছেন, সে যেন অত বেণী পথ চলার পরিশ্রমে তৃষ্ণায় কাতর হইয়া পম্পা সরোবরের জল সেইরূপ নিবিষ্ট মনে পান করিয়া লইতেছে।

'রঘুবংশের' দ্বিতীয় সর্গে মহাকবি বলিতেছেন, রাজা দিলীপ

যখন সারাদিন ধরিয়া মাঠে মাঠে শুরুদেবের গরু চরাইয়া দিনের শেষে আশ্রমে ফিরিয়া আসিতেন, তাঁহার পত্নী সুদক্ষিণা সে সময় আশ্রমের সীমানার নিকট দাঁড়াইয়া থাকিতেন, রাজাকে আসিতে দেখিতে পাইলে, তাঁহার দিকে এমন আবেগপূর্ণ দৃষ্টি দিয়া চাহিয়া থাকিতেন যে, মহাকবি বলেন :

‘পপৌ নিমেষালস পক্ষপঙ্ক্তি

কপোষিতাভ্যামিব লোচনাভ্যাম্ ।’ রঘু-২৯

তিনি যেন তাঁহার উপবাসী নিমেষহীন নয়ন দুইটি দ্বারা তাঁহাকে পান করিয়া লইতেন ।

সারাদিন রাজাকে দেখিতে না পাইয়া সুদক্ষিণার নয়ন দুইটি যেন থাকিত উপবাসী, তার পর সন্ধ্যার সময় রাজার দেখা পাইলে সুদক্ষিণা তাঁহার দিকে বেরুপ সতৃষ্ণ নয়নে চাহিয়া থাকিতেন, তাহা দেখিয়া লোকের মনে হইত সারাদিন উপবাসে আটাইয়া তৃষ্ণাত-মানুষ সন্ধ্যার সময় পিপাসার জল পাইলে, সে জল সে যে অগ্রহ-ভাবে পান করিতে থাকে, সুদক্ষিণারও তেমনি উপবাসী নয়ন দুইটিও দিলীপ রাজার রূপসুধা বৃষ্টি সেইভাবে পান করিয়া লইতেছে ।

বিশ্বামিত্র মুনি যখন রামলক্ষ্মণকে সঙ্গে লইয়া মিথিলায় রাজ্যব-জনকের যজ্ঞ দেখিতে গেলেন, রামলক্ষ্মণের অনুপম রূপ মিথিলা-বাসীরা কি ভাবে দেখিতেছেন মহাকবি তাহা এই ভাবে বর্ণনা করিয়াছেন :

‘মঞ্জতেষ পিবতাং বিলোচনৈঃ

পক্ষপাতমপি বধনাং মনঃ ।’ রঘু-১১।৩৬

বিদেহ নগরের অধিবাসীরা যেন ক্ষুধারা তাঁহাদিগকে পান করিতে লাগিলেন, এমনকি চোপের পাতার নিমেষপাতও তখন তাঁহাদের দৃষ্টি-প্রতিবন্ধক বলিয়া মনে হইতে লাগিল ।

শীতল ও সুস্বাদু জল পাইলে মানুষ যে তৃপ্তির সহিত তাহা পান করিতে থাকে, এবং পান করার সময় যেমন কোন প্রতিবন্ধকতা সে সহ্য করিতে পারে না, বিদেহ নগরের অধিবাসীরাও তেমনি রাম ও লক্ষ্মণের রূপমাধুরী এমন পরিতৃপ্তির সহিত দেখিতেছিলেন যে চোপের পাতা ফেলার সময়ের দৃষ্টির মুহূর্তের প্রতিবন্ধকতাও তাঁহাদের নিকট অসহ্য বলিয়া মনে হইতেছিল ।

শ্রেমাতুর নাটকের সম্মুখ হইতে তাঁহার প্রণয়িনী যখন চলিয়া যান, তখন তাঁহার মনে যে বাথার সঞ্চার হয়, মনোবেদনার সে ভাবটি বুঝাইবার জন্ত মহাকবি ‘অভিজ্ঞান-শকুন্তলে’ ও ‘বিক্রমোর্ধ্বশী’ নাটকে তিনটি উপমা বচনা করিয়াছেন, এখানে সে তিনটি উপমা দেখানো হইতেছে ।

অপ্সরা উর্বশী যখন রাজা পুরুববার নিকট হইতে বিদায় লইয়া তাঁহার সখীদের সঙ্গে আকাশপথে উড়িয়া চলিয়া যাইতে লাগিলেন তখন তাঁহার প্রেমপ্রার্থী পুরুববা হতাশ ভাবে তাঁহার দিকে চাহিয়া থাকিয়া আপন মনে বলিতেছেন :

‘এষা মনো মে প্রসভং শরীরাং

পিতুঃ পদং মধামমুৎপত্তশী ।

সুরাঙ্গনা কর্ষতি খণ্ডিতাশ্রাং

সূত্রং মৃগালাদিব রাজহংসী ।’ বিক্রম-১ম অঙ্ক

রাজহংসী যে ভাবে পক্ষের মৃগাল খণ্ডিত করিয়া তাহার ভিতর হইতে সূত্র বাহির করিয়া লইয়া যায়, এই অপ্সরাও সেইরূপ আমার শরীর হইতে মনটিকে ছেদ করিয়া আকর্ষণ করিয়া লইয়া আকাশপথে চলিয়া যাইতেছে ।

পুরুববার মনে হইতেছে যে, অপ্সরা তাঁহার মনটি তাঁহার দেহ হইতে বাহির করিয়া লইয়া চলিয়া যাইতেছেন, তাঁহার মন আর তাঁহাতে নাই, কোনও কাজে আর তিনি মন দিতে পারিবেন না, যতক্ষণ না অপ্সরা আবার তাঁহার কাছে তাঁহার মনটিকে লইয়া ফিরিয়া আসেন ।

কতকটা এই ধরনের একটি উপমা ‘অভিজ্ঞান-শকুন্তলে’ পাওয়া যায় । রাজা দুর্ষাস্তের সম্মুখ হইতে শকুন্তলা ও তাঁহার দুই সখী অনসূয়া ও প্রিয়ংবা আশ্রমের কুটারে ফিরিয়া গেলেন, দুর্ষাস্ত ও নিজের শিবিরে ফিরিয়া যাইবার জন্ত তপোবন হইতে বাহির হইলেন, বাহির হইলেন বটে, তবে তাঁহার মন পড়িয়া রহিল শকুন্তলার কাছে—মনের এই ভাবটি জানাইবার জন্ত তিনি আপন মনে বলিতেছেন :

‘গচ্ছতি পুংঃ শরীরং ধাবতি পশ্চাদসংস্থিতং চেতঃ ।

চীনাং শুকমিব কেতোঃ প্রতিবাতং নীরমানশ্চ ।’ শকু-১ম অঙ্ক

শরীর আমার সম্মুখে চলিয়াছে বটে, কিন্তু চঞ্চল মন ধাওয়া করিতেছে পিছন দিকে, যেমন পতাকার ধ্বজা সম্মুখ দিকে লইয়া চলিলেও প্রতিকূল বায়ুর প্রভাবে তাহার উপবিস্থিত চীনদেশীয় বেশম-বস্ত্র পশ্চাদ্ দিকে উড়িতে থাকে ।

পতাকার দণ্ড যেমন সম্মুখ দিকে লইয়া চলিলেও বাতাস যদি বিপরীত দিকে বহিতে থাকে, তাহার উপরকার বস্ত্র পিছন দিকেই ধাবিত হয়, সম্মুখে আসিতে চাহে না, তেমনি দেহ যদিও শিবিরের দিকে অগ্রসর হইতেছিল, মনটি পড়িয়া রহিল পিছন দিকে, কথমুনির আশ্রমের সেই কুটারটির কাছে শকুন্তলা যেখানে বাস করার জন্ত চলিয়া গেলেন । রাজার দেহ যাইতেছে সম্মুখে আর মন চলিতেছে পিছনে ।

‘অভিজ্ঞান-শকুন্তলের’ তৃতীয় অঙ্কেও এই ভাবের উপমা পাওয়া যায় । লতাপকুঞ্জের মধ্যে দুর্ষাস্ত গোপনে আসিয়া শকুন্তলাকে প্রেম নিবেদন করিতেছেন, শকুন্তলার কিন্তু কেবলই ভয় হইতেছে; তিনি একাকী থাকিতে পারিতেছেন না রাজার কাছে, তাই যখন তিনি লতাপকুঞ্জ হইতে চলিয়া যাইতেছেন, আশাহত প্রণয়ী তখন তাঁহাকে গুনাইয়া বলিতেছেন :

‘ত্বং দূরমপি গচ্ছন্তী হৃদয়ং ন জহাসি মে ।

দিবাবসানে ছায়েব পুরোমূলং বনম্পতেঃ ।’ শকু-৩য় অঙ্ক ।

দূরে তুমি চলিয়া যাইতেছ বটে, আমার হৃদয়কে কিন্তু পরিত্যাগ করিতে পারিবে না, দিনের শেষে বৃক্ষের ছায়া বৃক্ষ হইতে দূরে চলিয়া গেলেও তাহাকে পরিত্যাগ সে করিতে পারে না ।

সূর্যাস্তের পর বৃক্ষের ছায়া যেমন বৃক্ষের নিকট হইতে বহু দূরে চলিয়া গেলেও বৃক্ষের মূলে তাহার একটা দিক লাগিয়া থাকে, বৃক্ষকে সম্পূর্ণরূপে সে ছাড়িতে পারে না শকুন্তলাও তেমনি সূর্যাস্তের সম্মুখ হইতে যত দূরে চলিয়া যান না কেন, তাঁহার মন তিনি সম্পূর্ণরূপে পরিত্যাগ করিয়া যাইতে পারিবেন না, রাজার মনের মধ্যে তাঁহার চিন্তা থাকিয়াই যাইবে।

সমুদ্রের জল যতই বৃদ্ধি পাক না কেন, তাহার উদ্বেলিত জল-রাশি যে সমস্ত নদী সমুদ্রের সহিত মিলিয়া গিয়াছে, কেবলমাত্র তাহাদের মধ্য দিয়া প্রবাহিত হয়, তটভূমি অতিক্রম করিয়া সাগরের জল কখনও জনপদ প্রাবিত করিয়াছে—এ ব্যাপার কেহ দেখে নাই বা শুনে নাই। সমুদ্রের এই মহত্ব উপমা করিয়া মহাকবি বলিতেছেন :

‘অপথেন প্রববৃতে ন জাতূপচিতোহপি সঃ ।

বৃক্ষো নদীমুখেইনৈব প্রস্থানং লবণাস্তসঃ ।’ রঘু-১৭।৫৪

তাঁহার (রাজা অতিথির) সমৃদ্ধি অত্যন্ত বৃদ্ধি পাওয়া সত্ত্বেও, তিনি কখনও বিপথগামী হইবেন নাই, লবণসাগরের জল উদ্বেলিত হইলে একমাত্র নদীর মধ্য দিয়া প্রবাহিত হয়।

সাগরের জল যেমন ইচ্ছা করিলে অনায়াসে বেলাভূমি অতিক্রম করিয়া লোকালয়ে প্রবেশ করিয়া সারা দেশ ভাসাইয়া দিতে পারে, কিন্তু এ অনাচার সমুদ্র যেমন কখনও করে না, রাজা অতিথিরও

তেমনি ধনসম্পদ অত্যন্ত বৃদ্ধি পাওয়া সত্ত্বেও তিনি কখনও বিপথ-গামী হইয়া সে ধন অসংকর্মে নিয়োজিত করেন নাই। সংপথে থাকিয়া সংকর্মে তিনি অর্থ ব্যয় করিতেন।

‘রঘুবংশের’ আর একটি শ্লোকে মহাকবি বলেন, রামচন্দ্রের হই পুত্র কুশ ও লব, এবং ভরতের ও লক্ষ্মণের পুত্রেরা রামচন্দ্রের মহাপ্রস্থানের পূর্বে পৈতৃক রাজত্বের কিছু কিছু অংশ পাইয়া-ছিলেন। তাঁহারা বিভিন্ন রাজ্যের রাজা হইলেও নিজ নিজ রাজ্য-সীমা অতিক্রম করিয়া কখনও অপরের রাজ্যে প্রবেশের বা অনিষ্ট করার চেষ্টা করেন নাই, তাঁহাদের এই মহত্বকে সমুদ্রের সহিত উপমা দিয়া কালিদাস বলিতেছেন :

‘অগ্ন্যজদেশ প্রবিভাগ সীমাং

বেলাং সমুদ্রা ইব ন বাতীযুঃ ।’ রঘু-১৬।২

বিপুল সম্পদ লাভ করিলেও, সমুদ্রেরা যেমন বেলা অতিক্রম করিয়া যায় না, তাঁহারাও তেমনি নিজ নিজ রাজ্যসীমা অতিক্রম করিতেন না (পররাজ্যে প্রবেশ করিতেন না)।

এখানেও মহাকবি সমুদ্রের মহত্ব লইয়া উপমা রচনা করিয়াছেন। সমুদ্র যেমন পূর্ণ শক্তি থাকা সত্ত্বেও নিজের বেলাভূমির সীমা অতিক্রম করিয়া উত্তাল তরঙ্গ লইয়া অপদের ভূমিতে কখনও অবৈধ প্রবেশ করে না, কুশ লব প্রভৃতি রঘুবংশীর রাজারাও বিপুল সমৃদ্ধির অধিকারী হইলেও নিজেদের রাজ্য ছাড়িয়া পরের রাজ্যে অনধিকার-প্রবেশ করিয়া গণ্ডগোলের সৃষ্টি করিতেন না।

পলাতক

শ্রীশ্রীশ্রী বসু

কিিয়া পাব কি আর সেই ত্যাময় রাত
ডালিম সূর্যের রশ্মি। কোনো রূপালি প্রভাত ?
বটের বৃক্ষের তলে তুণের ফরাসে শুয়ে,
গোধূলি বিকেলে কতু ছায়ার অঞ্চল ছুঁয়ে—
হবে কি কখনো আর লক্ষ স্বপ্নজাল বোনা ?
হৃদয়ের বিস্তৃত তটে ফুরালো সমস্ত সোনা।

আশ্চর্য বিশ্বয়ে কোনো মাজরাঙা চেয়ে দেখা,
সম্পষ্ট আধারে জলা জোনাটির জ্যোতির্লেকা,
শীতের আবেগ ক্ষেতে খুশিচক্ষু বলমল
হবে কি পিপাসা পূর্ণ মিঠারসে কঠতল ?

হাতে চলা মেঠো পথে কোনো পক্ষয় পাড়ির
পাশে আকা একখানি শান্ত গৃহস্থবাড়ীর
সেই নম্র পল্লীচিত্র কোথা আর পাব খুঁজে ?
এখানে প্রকৃতি অঙ্ক লক্ষ প্রাসাদে বৃক্ষজে।

এখানে বাঁতামোড়া ব্যর্থ স্থল কৃত্রিমতা
মুখোশে আবহ মুখ। স্বাসক্ক আকুলতা।
নিত্য তাই পাখী-মন স্বপ্নে,—প্রাণে বার উড়ে,
সেখানে আকাশে সন্ধ্যা আনে কেয়ারী বাহুড়ে।

চোরা-কাঁটা

শ্রীসন্তোষকুমার ঘোষ

কয়েক দিন আগে আঙুলে কাঁটা বিঁধেছিল একটা। বার করবার সমস্ত প্রয়াসকে ব্যর্থ করে দিয়ে সেটি আঙ্গুলাশ্রয়ী হয়ে আছে আজও। বাড়ীর সামনেই বাবার আপন হাতে গড়া মালঞ্চ। যত্নের অভাবে শ্রীহীন হয়ে পড়েছে এখন অনেকটা। তারই এক কোণে আগাছাদের ভিড়ের মধ্যে গোলাপগাছ আছে একটি। তার বিষণ্ণ-ম্লান অস্তিত্ব নজরে পড়ত না বড় একটা। হঠাৎ সেদিন চমকে উঠেছিলাম। কাঁটায়-ভরা অতি নগণ্য একটি প্রশাখা তার উর্ধ্ব আকাশের আশীর্ষাদের সোভে মাথা উঁচিয়েছিল কবে। তারই শীর্ষদেশে একটিমাত্র ফুল তার প্রাণের সমস্ত ঐশ্বর্য বিছিয়ে উচ্ছ্বসিত আবেগে হাসছিল যেন। লাবণ্যদীপ্ত অপক্লপ সে হাসি। দেখতে দেখতে অভিভূত হয়েছিলাম যেন। ফুলটিকে চয়ন করবার সোভ সামলাতে পারি নি সেদিন। রস্তুপন্ন কাঁটা একটি আঙুলে বিঁধে গিয়েই এ অবতন ঘটেছিল। বার করতে পারি নি সেটিকে কিছুতেই। মাঝে মাঝে ঝচ্ঝচ্ করে এখনও।

আজও ঝচ্ করে উঠল আবার কাঁটার ব্যথা। টেবিলের উপর ছাই পড়ে গিয়েছিল—একটু সিগারেটের ছাই। আঙুল দিয়ে বেড়ে ফেলতে গিয়েই অনুভব করলাম ব্যথার অস্তিত্ব। মুখ থেকে বেরিয়ে-আশা বেদনাব্যঞ্জক 'উঃ' শব্দটা অপ্রত্যাশিত একটা ক্ষনি-তরঙ্গ তুলল ঘরের মধ্যে। অদূরেই বসেছিল অতসী। খোকায় কাঁধায় নিবিষ্ট মনে সেলাইয়ের ফোঁড় দিচ্ছিল বেচারী। চমকে চোখ ফেরাল। স্বামীর আঙুলের কাঁটার ব্যথাটা ওরও মর্মে সঞ্চারিত হ'ল যেন চকিতের মধ্যে। হঠাৎ আমার কাছে উঠে এসে অতসী, অপ্রত্যাশিত তৎপরতার ভাব। অতকিতে আমার হাতখানা টেনে নিয়ে নিবিড় অনুরাগভরে বললে—কৈ, দেখি আর একবার চেষ্টা করে—কাঁটাটা বেরোয় কিনা। ঝচ্ঝচ্ করে লাগে বল, অথচ চোখে ত কৈ দেখতে পাই না—ভাল আপদ হয়েছে।

আপদই বটে। কাঁটাটার অস্তিত্বের সন্ধান মেলে না—ঝচ্ঝচ্ করে অথচ। ছুঁচের ডগা দিয়ে তর্জনীর বিশেষ একটি জায়গাকে অতি সতর্পণে খোঁচাতে লাগল অতসী। তীক্ষ্ণ সন্ধানী দৃষ্টি অতসীর। অপক্লপ প্রয়াস-ভঙ্গীটুকুও লক্ষ্য করবার মত। এ চেষ্টা যেন ওর ব্যর্থ হবে না

কিছুতেই। তবু কৌতুকভরে বললাম—এ চোরা-কাঁটা অতসী। তোমার সাধ্য নয় খুঁজে বার কর একে। কত দিন এখনও এমনি ভাবে ঝচ্ঝচ্ করে বাজবে—কে জানে।

হাতের উত্তপ্ত স্পর্শের সঙ্গে ওর উচ্ছ্বসিত অনুরাগও সঞ্চারিত হচ্ছে আমার দেহে মনে। ওর দিকে তাকিয়ে তাকিয়ে অল্প ভাবাবিষ্ট হতেই ঝচ্ করে উঠল আবার কাঁটাটা। ভাবলাম—অসম্ভব নয়। এ কাঁটার হয় ত হৃদিস পাবে অতসী। অসম্ভবও অবসান হবে হাত। কিন্তু মর্মে কোণেও যে আমার এমনি কাঁটা বিঁধে আছে আর একটি। চোরা-কাঁটার মতই ঝচ্ঝচ্ করে ওঠে প্রায়ই তার ব্যথাটা। সারা জীবনেও কি তার সন্ধান পাবে অতসী?

অনন্ত আকাশের কোল থেকে বিপুল সুদূর হঠাৎ হাত-ছানি দিলে যেন। জানালার ফাঁক দিয়ে দৃষ্টি প্রসারিত করে দিলাম সুদূরের পানে। চোখের সামনে থেকে কালের যবনিকা সরে গেল চকিতের মধ্যে। পনের বছর আগেকার অতীতের পটভূমি। বিয়োগান্ত একটি জীবন-নাটকের কয়েকটি দৃশ্যপট ফুটে উঠল দেখতে দেখতে।—অতসী তখনও গৃহলক্ষ্মী হয়ে আসে নি আমার সংসারে। মহাযুদ্ধ চলছে পুরাদমে, রেঙ্গুনে বোমা পড়েছে; কলকাতা রীতিমত আতঙ্কবিহ্বল। ইম্পিরিয়াল কেমিক্যাল কোম্পানির আপিসের চাকরি আমার। বোমার ভয়ে আপিসের কিছু অংশ সরে গেল পাটনায়। হুকুম হ'ল—আমাকেও যেতে হবে পাটনার নতুন আপিসে। গৃহ এবং পল্লীর অবিচ্ছিন্ন প্রীতি-স্নেহে আজন্ম-লালিত আমি। জীবনে এই প্রথম নীড়ভ্রষ্ট হলাম যেন। পাটনায় গিয়ে অনেক খোঁজাখুঁজির পর মিঠাপুর অঞ্চলে বাসা মিলল একটা। নতুন করে আবার কুলায়ে আশ্রয় মিলল যেন। নীড়ে দুটি মাত্র প্রাণী, আমি আর বনশ্যাম; বনশ্যাম উড়িয়া ঠাকুর আমার, স্থানীয় এক ভদ্রলোক জুটিয়ে দিয়েছিলেন ওকে।

ববিবারের আলমুমত্বর একটি প্রভাত। ভোরে একবার ঘুম ভাঙবার পর আবার কখন নিদ্রাধন আবেশে দেহমন আচ্ছন্ন হয়েছিল একটু। দরজায় ঘন ঘন ধাক্কার আওয়াজ হতেই তন্দ্রাবেশ কাটল হঠাৎ।—রাজুর মা এসেছে নিশ্চয়ই। খুব সকালেই ও আসে রোজ। ক'দিন আসতে পারে নি রাজুর মা। খবর নিয়েছে অবশ্য বনশ্যাম। সর্দি-

জ্বর নাকি হয়েছে বলছিল। অসুস্থ বলেই একটু দেরি করে এসেছে সম্ভবতঃ। রাজুর মা ঠিকে-বি হিসাবে কাজ করছে আমার এখানে—মাসদেড়েক হ'ল। পাটকাটা সারবে এখনি। বাসনপত্র ইত্যাদি মাজবে, ধোবে।

আবার ধাক্কা পড়ল দরজায়। সঙ্গে সঙ্গে চৌচিয়ে উঠল ঘনশ্যাম—মলা, এমতি ধকা লাগাইছ কাঁই! বাবু গোঁসা হই ঘিষ পরা ?—টিকে কুঅ।

অপরিচিত নারীকণ্ঠ ধনধন করে বেজে উঠল সমান তালে।—তুই খাম রে উড়িয়ার পো। গোঁসা হবে ত আমার কি রে মুখপোড়া ? কেনা দাসী বাঁদী নাকি যে মাথা কেটে ফেলবে! এদিককার সব খোয়ামোছা হয়ে গেছে কখন। ঠায় দাঁড়িয়ে আছি তখন থেকে। দরজা খোলবার নাম নেই বাবুর, বেলা বাড়ছে এদিকে। ঘাটে পথে, চার রাজ্যে রোদ ছড়িয়ে পড়েছে। এমন নবাবী ঘুম দেখি নি কখনও বাপের জন্মে।

আপিসের পদস্থ কর্মচারী আমি। বংশমর্যাদাও আমাদের গগনচুম্বী। আবালা ঝি-চাকরদের মুখ থেকে খোশামোদের বুলি শুনেতেই কান অভ্যস্ত। 'নবাবী ঘুম'—'কেনা দাসী বাঁদী'—উদ্ধত কথাগুলোর ধাক্কা লেগে আমার আজন্ম-অর্জিত মানসঙ্গমের ভিত কেঁপে উঠল যেন মুহূর্তের মধ্যে। বেশ কষ্ট মেজাজ নিয়েই বিছানা ছেড়ে উঠে পড়লাম। বাইরের নারীকণ্ঠ খাদে নেমে এসে হঠাৎ। অসু-যোগের গুঞ্জন কানে এসে।—ওঠবার নাম নেই, বেলা বাড়ছে এদিকে। তিন বাড়ীর কাজ বাকি এখনও আমার, সব সেবে হাসপাতালে ছুটতে হবে আবার ন'টার মধ্যেই। জবে বেহুঁস হয়ে মা ঘরে পড়ে রয়েছে। বৃকে-পিঠে সদি বসেছে চাপ চাপ। নিমোনিয়ার ভাব—সবাই বলছে।

মুখে চোখে বিপুল বিরক্তির ভাব নিয়ে দরজাটি খুললাম তাড়াতাড়ি। দেখলাম সামনেই দাঁড়িয়ে রয়েছে ধরভাগিনী প্রগল্ভা একটি মেয়ে। চোঁদ কি পনের বছরই বয়স হবে বোধ করি। বয়ঃসন্ধির অল্পময় ছন্দ লীলায়িত হয়ে উঠেছে সারা অঙ্গ ব্যোপে। ঘন ময়লা রং, মুখ চোখের শ্রী ছাঁদ নিতান্ত মাদামটা। চাহনির ভঙ্গীটুকু কিন্তু অপরূপ। আমাকে একনজরে দেখে নিয়েই মেয়েটি হেসে ফেললে ফিক্ করে। উপরন্তু আমাকে স্তম্ভিত করে দিয়ে বিচিত্র ভঙ্গিমায় মাথা তুলিয়ে বললে—আহা, সকালের কাঁচা ঘুমটা ভাঙিয়ে দিলুম—রাগ হ'ল বুঝি বাবুর ?—পরক্ষণেই অতি অস্তুরঙ্গের মত বলে উঠল—বলিহারি ঘুম কিন্তু বাবু তোমার। দেখ দিকি একবার ভোরের দিকে তাকিয়ে—কত বেলা হয়েছে! জোয়ান মান্নস তুমি—অত আলিস্তি ভাল নয় বাপু।

আমাকে ঐ ভাবে 'তুমি' সন্ধান। বিশেষ করে পরিচারিকাপ্রেমীর অল্পবয়সী একটি মেয়ের মুখ থেকে। এমন সঙ্গমহানিকর সন্ধান প্রবাসে এই প্রথম কানে বাজল আমার। আমার স্তম্ভিত হতবাক অবস্থা দেখে 'হাঁ হাঁ' করে এগিয়ে এল ঘনশ্যাম, ধমক দিলে মেয়েটাকে। আমার দিকে চেয়ে বললে—ঝিয়ের মেয়ে এটা। টিকে পাগল আছি বাবু।

চকিতের মধ্যে বাজ ফেটে পড়ল যেন কানের কাছে।—আমি পাগল হতে যাব কেন রে মুখপোড়া—পাগল তোর সাতগুটি।

পরক্ষণেই হঠাৎ সজল কোমল হয়ে এল মেয়েটির কণ্ঠস্বর। অপরূপ ভঙ্গীতে আমার দিকে চোখ তুলে বললে—তুমি পেত্যয় যেও না বাবু ও মুখপোড়ার কথায়। সে বছরে শান্নিপাতিক ধরেছিল ত আমায়। সবাই জানে—সে কি জ্বর! জ্বরের ধোরে ঘনধন মাথা চালতুম শুধু। তিন মাস ধরে একনাগাড়ে বিছানায় পড়ে। শুয়ে শুয়ে ষাড়ে পিঠে ঘা হয়ে গেল শেষটায়, এখন-যাই, তখন-যাই অবস্থা। মা বলে—শরীলটায় হাড় ক'থানা ছাড়া ছিল না আর কিছু। মহাপ্রাণীটুকু ধুকধুক করত শুধু! বেঁচে উঠলুম। পোড়া দেহও পুরল আবার। মাথাটা কিন্তু আর সারল না বাবু! আঙুন জলে যেন ভেতবটায়, কাপড় রাখতে পারি নে মাথায়। কি শীত কি গ্রীষ্ম—যখন-তখন জল খাবড়ে দিই। বকা রোগও বেড়েছে, চুপ করে থাকতে পারি না একদণ্ড। মাথা বেশী তাতলে ঘা-নয়-তাই বলেও ফোল যাকে তাকে। সবাই তাই বলে—রাজী পাগলী। ওরা বলবে না কেন ? আমার যেন কষ্ট হয় না এতে; আচ্ছা, তুমিই বল ত বাবু সত্যি পাগল কিনা আমি ?

বাষ্পাকুল চোখহুটিতে আসন্ন বর্ষণের আভাস যেন। মাথার রাগ চড়া চুলোয় থাক—কথা বলার বিচিত্র ধরন আর মুখ-চোখের অপরূপ ভঙ্গী—সব দেখে শুনে নরম হয়ে গেলাম মুহূর্তের মধ্যে। মেয়েটির জন্তে অল্প একটু মমতা জাগল যেন মনের কোণে। মাথা নেড়ে বললাম—না, না। পাগল হতে যাবে কেন ? সবাই ওকথা বলে রাগায় বোধ হয় তোমায়। যাও, কাজ সেবে নাও তাড়াতাড়ি। তোমার মায়ের অসুখ ত আবার বেড়েছে বলছ।

মুহূর্তের মধ্যে খুশীর ঢেউ উঠল ওর সারা মুখের পরি-মণ্ডল ব্যোপে। কাঁটা হাতে নিয়ে আমার ঘরের মধ্যে অসঙ্কোচে ঢুকে পড়ল তাড়াতাড়ি। যাবার আগে আর এক-বার বজ্রকটাক হেনে ঘনশ্যামের মেজাজে যেন আঙুন

ধারয়ে দিয়ে গেল। প্রথম অঙ্কের প্রথম দৃশ্য এই ভাবেই শুরু।

মায়ের বদলে পর পর আরও তিন দিন কাজ করতে এল রাজী পাগলী। অতি অশোভন কথা বলার ভঙ্গী মেয়েটার, বাবহারও ততোধিক বিরক্তিকর। তিন দিনেই অতিষ্ঠ হয়ে উঠেছিল ঘনশ্যাম। দেখে শুনে আমার মনেও পাহাড়প্রমাণ বিরক্তি জমে উঠেছিল। ঘনশ্যামকে ডেকে বলেছিলাম, অন্ত লোক একটা দেখ তুমি। ওদের জবাব দিয়ে দেব।

সপ্তাহখানেক আর পাত্তা মিলল না কারও। না রাজুর মায়ের—না তার সেই পাগলী মেয়ের। ঘনশ্যাম ইতিমধ্যে এক বিহারী নোকরকে এনে হাজির করলে কোথা থেকে। গঙ্গসী ভূত একটা বললেই হয়। তা হোক। তাকে দিয়েই ধোয়া-মোছা আর মালা-ঘষার কাজ চলছে কোন রকমে।

রবিবারের আর একটি আলস্যমস্তুর প্রভাত। বিছানা ছেড়ে উঠে পড়েছি অবশ্য অনেক আগে। পূর্বের জানালা দিয়ে শেষ পৌষের এককলক রোদ সামনের নিম-গাছটার মাথা ছুঁয়ে এগিয়ে এসেছে আমার ঘরের মধ্যে। চায়ের কাপে শেষ চুমুক দিয়ে কাপ-ডিশ এগিয়ে দিলাম নতুন চাকরটার হাতে। ক্ষৌরকর্ষের সরঞ্জাম নিয়ে বসলাম তাড়াতাড়ি। সকালেই আপিসের দু'জন ভদ্রলোকের আসবার কথা ছিল আমার বাসায়। গালে ক্ষুর ঠেকিয়ে টানতে শুরু করেছি সবে হঠাৎ বান্ধন করে কুয়াতলায় কাপ-ডিশ ভাঙার কর্ণভেদী শব্দ উঠল। সঙ্গে সঙ্গে সমান তালে ধনধন করে বেজে উঠল মেয়েলি গলার আওয়াজ—আ মরণ! এ যম আবার এসে জুটল কোথা থেকে! ভাঙলি—ভাঙলি ত মুখপোড়া দামের জিনিসটা? বেরো—দূর হ' বলছি—হতভাগা।

চিনতে দেবি হ'ল না একটুও, রাজী পাগলীর গলা। কিন্তু বলিহারি ধৃষ্টতা ওর! বিয়ের মেয়ে বৈ ত নয়। হোক পাগলীগোছের। তা বলে—আমার বাসায় দাঁড়িয়ে আমারই চাকরকে—'বেরো, দূর হ' বলবে! এ নিতান্ত অনধিকারচর্চা বৈ কি! ঘনশ্যাম বাইরে কোথাও গেছে সম্ভবতঃ। না হলে চড়া পর্দায় কড়া গোছের একটা জবাব দিত নিশ্চয়ই। নতুন চাকরটা হতভম্ব হয়ে গিয়েছিল বোধ হয়। ক্রুট মেজাজ নিয়েই উঠে গেলাম তাড়াতাড়ি। আমাকে দেখেই আরও জলে উঠল রাজী পাগলী। অগ্ন্যু-পাত শুরু হ'ল যেন। বললে—সব্বস ভেঙে খানখান করছে—এখুনি বিদেয় করে দাও মুখপোড়াকে। জুতটাকে

কোন্ চুলো থেকে ধরে আনলে বল ত বাবু? এ নিশ্চয়ই সেই উড়ে বেটার কাজ। গেল কোথায় মুখপোড়া—দেখুক এসে কাজের ছিরিটা!

হোক পাগলী! অতি অশোভন এবং অভঙ্গ সব উক্ত আর কি বিলী ভঙ্গী ওর মুখের, সত্যিই অসহ। রাগের চোটে হঠাৎ বজ্রকঠিন ধ্বনি বেরিয়ে পড়ল আমার কণ্ঠ দিয়ে—আমি এনেছি ওকে। আমার জিনিস ভাঙে আমি বুঝব। তুমি চেষ্টামেচি করছ কেন আমার বাসায় দাঁড়িয়ে?—তোমাদের আর কাজ করতে হবে না আমার এখানে। মাইনে চুকিয়ে দিচ্ছি এখুনি, নিয়ে চলে যাও তাড়াতাড়ি। চেষ্টামেচি আমি আদৌ পছন্দ করি না।

মন্ত্রশাস্ত্র ভুজ্জের মত অবস্থা হ'ল যেন ওর। তর্জ্জন-গর্জ্জন, দৃপ্ত-উদ্ধত ভঙ্গী—সবকিছু মিলিয়ে গেল চকিতের মধ্যে। 'ঘনশ্যাম, ঘনশ্যাম'—বলে হাঁক পাড়লাম বার দুই, সাদা মিলল না তার। হতভম্ব হয়ে দাঁড়িয়ে রইল নতুন চাকরটা। সকালেই হাদামা—অবাঞ্ছিত উপসর্গ এসে জুটেছে। গঙ্গগঙ্গ করতে করতে ঘরে ফিরে এলাম তাড়া-তাড়ি। ওদের পাওনাগণ্ডা আগে চুকিয়ে দিয়ে তার পর অন্ত কাজে বসব ঠিক করলাম। পকেটে মনিব্যাগের মধ্যে টাকা ছিল না আর একটাও। তাড়াতাড়ি স্ট্রটকেসের চাবিটা খুঁজতে লাগলাম। চাবির রিংটা গেল কোথায় ছাই! সপ্তাহখানেকের মধ্যে স্ট্রটকেসগুলো একবারও খুলেছি বলে ত কৈ মনে পড়ে না। গেল কোথায় চাবির গোছা! বালিশের তলা, দু'তিনটে জামার পকেট, তাকের উপর বইগুলোর পাশটা—চাবি থাকবার সম্ভাব্য সব জায়গা-গুলোই প্রায় দেখলাম দু'তিনবার করে। কিন্তু চাবি কোথায়! আমার পিছু পিছু রাজী পাগলী কখন ঘরে এসে দাঁড়িয়েছিল লক্ষ্য করি নি। ধমধমে আবহাওয়াকে চমকে দিয়ে অপ্রত্যাশিত অন্তরঙ্গতার সুর বেরুল তার কণ্ঠ দিয়ে। বললে—চাবি খুঁজছ বুঝি বাবু? বার করে দিচ্ছি আমি—সবো দিকি একটু। তোশকের একপ্রান্তের তলা থেকে চাবির গোছাটিকে বার করলে রাজী পাগলী। চাবি হাতে তুলে দেবার আগে অপক্লপ ভঙ্গী সহকারে বললে—এমন বেতাক মানুষ দেখি নি বাপু কখনও! চাবি বুঝি বাইরে অমন করে ফেলে রাখে কেউ! ঠাকুর-চাকরদের আবার বিশ্বাস আছে নাকি! ঘরঝাঁট দিতে গিয়ে সেদিন দেখলুম মেঝের পড়ে রয়েছে। ওখানে তুলে রেখে দিয়েছিলুম তাই।

স্ট্রটকেসটা খুলে সন্দিগ্ধ দৃষ্টিতে ভিতরের সবকিছু দেখে নিলাম একবার। কাপড়-চোপড়, শ'দেড়েক টাকা,

জুনিয়ার পার্কার পেনটা—না, উখাও হয় নি কোনকিছুই। সব জিনিসই রয়েছে যথাস্থানে। বড় স্মুটকেসটাও খুললাম ওর সামনেই, সন্ধানীদৃষ্টি দিয়ে তন্ন তন্ন করে দেখলাম সবকিছু। দামী আলোগ্যান, গরমের স্মুট এক-প্রস্ত, হাতবাড়ির সোনার ব্যাগ, সোনার বোতাম—গলার আর হাতের, দামী পাথরবসানো আংটি এক জোড়া—সবই পড়ে আছে ঠিক ভায়গায়। নিশ্চিত হয়ে মেয়েটার আপাদমস্তকের উপর দৃষ্টি বুলিয়ে নিলাম একবার। পনের দিনের মাইনে হিসাবে পাঁচ টাকা পাওনা হয় ওদের, পাচ টাকার একখানা নোট এগিয়ে ধরলাম ওর দিকে। নিলিপ্তভাবে হাত বাড়িয়ে নোটখানা নিলে রাজী পাগলী। আচসের খুঁটে ঝাঁপতে ঝাঁপতে অভিমানপূর্ণ কণ্ঠে বললে—তুমি কেমন মনিয়ি বাপু—একটু দয়ামায়া থাকতে নেই শরীলে! মা শুষছিল ক’দিন ধরে, পরশু সকালে মারা গেল। আসতে পারি নি তাই ক’টা দিন। ঠিকে কাজই না হয় করতুম, তা বলে পৌষ মাসের দিনে লোকে কুকুর বেড়ালও তাড়ায় নাকি ধর থেকে ?

এমন আদ্র-কোমল কণ্ঠস্বর জীবনে সেই প্রথম শুনলাম যেন। বাপ্পাকুল দুটি চোখ চকিতের জন্তে আমার দিকে একবার তুলেই চট করে আবার ঘাড় ফিরিয়ে নিলে মেয়েটা। সন্ত-মাতৃহারা আধপাগলী মেয়েটার জন্তে মনের ভিতরটা কেমন করে মোচড় দিয়ে উঠল হঠাৎ। পা বাড়িয়েছিল রাজী পাগলী চলে যাবার জন্তে, নিজের অজ্ঞাতেই যেন অন্তরঙ্গতার সুর বেরুল আমার গলা দিয়ে—একটু দাঁড়াও ত রাজী। পাঁচ টাকার আর একখানা নোট এগিয়ে ধরলাম ওর হাতের কাছে, বললাম—মা মারা গেছে তোমার তা বল নি ত আগে! টাকার দরকার হবে এখন তোমার, ধরো এটা।

চকিতের মধ্যে দৃষ্ট ভঙ্গীতে যেন ফণা ধরে ফিরে দাঁড়াল রাজী পাগলী। বললে—আহা, ভিক্রে মাঙতে এসেছি যেন ওনার কাছে! গতর খাটাই খাই—তা বলে অপচ্ছেদার দান নেব কেন গা ?

বিস্মিতই হলাম না শুধু, করুণাপ্রবণ মন কথার ঘা খেয়ে অনেকখানি সঙ্কুচিত হয়ে গেল সজে সজে। নিঃশব্দ পদসঞ্চারে ধর থেকে বেরিয়ে গেল রাজী পাগলী। মন সঙ্কুচিত হোক—আপদ গেল ভেবে কিন্তু নিশ্চিত হলাম অনেকটা। সত্যি, মুখ বেয়াড়া রকম আলুগা মেয়েটার, মাকুষের মানমর্যাদা বোঝে না। ক’দিন মাত্র এসেছে, সারাক্ষণেই অস্বস্তিকর ঠেকেছে ওর উপস্থিতি। আপদ গেলই বটে! কিন্তু অপ্রত্যাশিত ভাবে মাত্র একটি দিন পরেই আবার দেখা মিলল ওর। অতি প্রতুষ তখন, পরিচিত কলকণ্ঠের চড়া পর্দার চিংকারে ঘুম ভেঙে

গেল হঠাৎ। কানে এল রাজী পাগলীর মুখের কথা—কথা নয় অগ্ন্যুদগার যেন।—জবাব দিয়েছে—সে আমি বুঝে আর বাবু বুঝবে। তুই অমন করে চেঁচিয়ে মরছিস কেন রে উড়ের মড়া ? পরক্ষণেই হঠাৎ উদারায় নেমে এল কণ্ঠস্বর। বললে—পৌষ মাসের দিন। তাড়িয়ে দিলেই যেতে আছে নাকি! গেরস্তের ভালমন্দ ভাবতে হবে না বুঝি ? রাগের মাথায় অমন অনেক কথাই বলে ফেলে মাকুষে। মাইনে চুকিয়ে দিলেই জবাব দেওয়া হয়ে গেল নাকি! মাকুষ একটা খাবে কি, পরবে কি, কোন্ চুলোয় দাঁড়াবে থাকবে, এসব ভাবতে হবে না যেন।

ভালো আপদ জুটেছে ত! শুধু ছিটপ্রস্তই নয়—বিচিত্র পর্যায়ের জীব যেন এই মেয়েটা। বয়সের তুলনায় মনটা এর অনেকখানি পরিণত-পরিপক যেন, আর বাচনভঙ্গী—মাথায় আঙুন ধরিয়েও দেয় আবার মর্মে মোচড় দিতেও জানে। আমার আটাশ বছরের জীবনে নানা মাকুষের সংস্পর্শে এসেছি, এটি কিন্তু অভূতপূর্ব।

তাড়াতাড়ি দরজা খুলে অল্পপরিসর রোয়াকটার কাছে গিয়েই ধমকে দাঁড়ালাম, অপ্রীতিকর দৃশ্য। ঘনশ্রামের পুরোপুরি যুযুধান মূর্তি! রাজী পাগলীর হাত থেকে কাঁটাটা কেড়ে নেবার জন্তে সে কি প্রাণাস্তকর প্রয়াস তার! আমাকে দেখেই নিরস্ত হয়ে সরে এল একটু। বাড়ী ফাটিয়ে একে-বারে উন্মাদের মত চীৎকার করে উঠল রাজী পাগলী—আমায় এখানে কাজ করতে দেবে না হতভাগা। কাঁটা কেড়ে নিচ্ছে হাত থেকে। কজির কাছটায় কি রকম মুচড়ে দিলে মুখপোড়া, দেখো না বাবু।—বলতে বলতে হাউ হাউ করে কেঁদে ফেললে মেয়েটা। ছোট মেয়ের মত কান্নায় একেবারে ভেঙে পড়ে কোঁপাতে সুরু করলে শেষটার। ধমক দিয়ে সরে যেতে বললাম তখনই ঘনশ্রামকে। বললাম—ছিঃ ছিঃ।

সজে সজে আমার দিকে একবার তীব্র কটাক্ষ হেনে অভিমানমিশ্রিত কণ্ঠে মেয়েটি বললে—ওসব লোক-দেখানো সোহাগ বুঝি আমি। মনিবের উজ্জানি না থাকলে সাধ্য কি ও মুখপোড়া আমার গায়ে হাত দেয়।

গান্ধীর্যের আবরণ খসে গেল আমার মুখের উপর থেকে। হেসে ফেললাম মেয়েটার কথা বলার বিচিত্র ধরন দেখে। সত্যিই পাগলী মেয়েটা। কৃত্রিম রাগের ভাব দেখিয়ে বললাম—কাল পাওনা চুকিয়ে দিয়ে বলে দিলাম ত এস না আর তুমি। আজ সকালেই আবার জ্বালাতে এসেছ—আচ্ছা পাগল ত ?

চমকে উঠল যেন রাজী পাগলী আমার কথা শুনে। বললে—তা, তুমিও পাগল বলবে বৈ কি বাবু ? তোমার

আর কি দোষ বল ?—উড়ে ব্যাটাই লাগিয়ে ভাঙিয়ে এ সব বলাচ্ছে, করাচ্ছে। পাগলছন্ন হলেও বুঝি সব।

বিরক্তিভরে বললাম—বলেইছি ত কাল, আর কাজ করতে হবে না এখানে তোমায়। আমি অল্প লোক লাগিয়েছি, দেখছ ত ?

আমার কণ্ঠস্বরকে ব্যঙ্গ করে সঙ্গে সঙ্গে বলে উঠল মেয়েটা—কাজ করতে হবে না—অল্প লোক লাগিয়েছি—তা যাব কোথায় শুনি ? ছ'বাড়ীর কাজ ছুটে গেল, 'পাগল' বলে তাড়ালে। তোমারও মতলব, ঐ বলে বিদেয় করা। সাধ করে যেন বকি আর টেঁচিয়ে মরি আমি! মাথার রোগটার কথা ত কেউ ভাবে না ?—বলতে বলতে আবার অশ্রু-আত্ম হয়ে এল ওর কণ্ঠস্বর।

সকালের বলমলে আলোয় পরিপূর্ণ দৃষ্টি মেলে তাকালাম রাজী পাগলীর দিকে। বিপুল উৎকণ্ঠায় ভরা মুখ, চোখ ছটিতে একান্ত অসহায়ের দৃষ্টি। কোঁতুহল জাগল হঠাৎ মনের কোণে। সহানুভূতির স্বরে বললাম—তোমার আপনার লোক বলতে আর কে কে আছে রাজু ?

ছলছলে চোখজোড়া তুলে তাকালে একবার আমার দিকে। অস্তরের ছোঁয়া পেয়ে উদ্দীপ্ত হয়ে উঠল যেন একটু। বললে—যম আছে আমার। সহ পিসী আপনার কেউ নাকি ! তার নিজেরই বলে ছ'বেলায় জোটে না সব দিন তা আমায় খাওয়াবে কি শুনি ? কেবল বলছে—এবার সোয়ামীর ঘর করগে যা। মারুক, কাটুক মেয়েমানুষের সোয়ামীর ঘরই সগুগ।

চমকে উঠলাম। মেয়েটা বিবাহিতা তা হলে। কিন্তু সিঁথিতে ওর সিঁহর কৈ ! বিশ্বয়ের ভাব কাটতেই বললাম—সেই ভাল, স্বামীর কাছেই চলে যাও তুমি রাজু—সব বাগ্গাট চুকে যাবে।

দূর আকাশের দিকে একবার দৃষ্টি নিবদ্ধ করলে রাজী পাগলী। মনটা তার চকিতের জন্তে অতীতমুখী হ'ল যেন। পরক্ষণেই বললে—পোড়াকপাল আমার। সে আবার সোয়ামী নাকি। পাকা দেখা হ'ল না, গায়ে হলুদ হ'ল না। মেড়ো পুরুত একটা ইড়বিড় করে ছাইপাঁশ কি ছ'চাবটে মস্তুর পড়লে—ব্যস, বিয়ে হয়ে গেল অমনি। শুভদৃষ্টি না হলে বিয়ে হয় বুঝি—তুমিই বল না বাবু ? ছ'কুড়ির উপর বয়েস মিন্‌সেটার। গজদাঁতের মত তিনটে দাঁত উঁচু হয়ে আছে সামনে। ওপরকার ঠোট নেই বললেই হয়, গন্ডা-কাটার মত দেখতে। মাগো, পাগল বলে আমার পছন্দ থাকতে নেই যেন ?

কোঁতুহল বাড়তে লাগল ক্রমশঃ। চোখেমুখে আমার সে ভাব ফুটেছিল নিশ্চয়ই। রাজী পাগলী তা লক্ষ্য

করেছিল সম্ভবতঃ। এমন ধৈর্যশীল শ্রোতাও বোধ হয় পায় নি ও এর আগে। চোখেমুখে অপক্লপ ভাবের অভিব্যক্তি ফুটিয়ে বললে—ছত্তরের মেলা দেখতে গেছলুম ত গেল বছরের আগের বছরে। মন্দিরের কাছে মুখপোড়া মিনসের সঙ্গে দেখা। কাকেও বলো না বাবু—মা বন্ধমানের মেয়ে ত পালিয়ে এসেছিল এখানে। অনেক কাল পরে গাঁয়ের চেমা লোক পেয়ে মা মেলার কথা ভুলে গেল যেন। এর কথা তার কথা শোনাতে শোনাতে সেই যে আমাদের সঙ্গে নিলে মুখপোড়া—যেতে আর চায় না। আমাদের বাসায় এসে রইল বেশ দিনকতক। দেশে ঘরদোর আছে, ক্ষেত-খামার আছে, দুখা শুধু ঘরে নাকি বউ নেই মুখপোড়ার—মেয়ে দিতে চায় না কেউ। ভালই করে সবাই, মাথার চুলে পাক ধরেছে, তায় ওই ত চেহারার ছিঁরি। ক'দিন ধরে গুজগুজ ফিসফিস করে মার মন ভেজালে মুখপোড়া। নগদ আট গণ্ডা টাকাও গুঁজে দিলে মায়ের হাতে, মা জল হয়ে গেল অমনি। পাঁচ জনকে বললে—ওই ত পাগলছন্ন মেয়ে—বর জুটবে কোথায় এর পর, খাবে পরবেই বা কি ? নিজে থেকে যখন মেয়েটার ভাব নি'ত চাইছে মাহুঘটা।—ব্যস, দিলে অমনি বলির পাঠার মত উচ্চুগুগ করে! আমার জীবনটার কি হ'ল বল ত বাবু ?

আকুল জিজ্ঞাসা নিয়ে মেয়েটা আমার মুখের পানে চাইলে। কোঁতুহল কমে গিয়ে বিশ্বয়ের ভাব জাগল হঠাৎ আমার মনে। নেহাত পাগলী নয় মেয়েটা! তলে তলে সহজ মাহুঘের মত জ্ঞানবুদ্ধি রয়েছে দিব্যি। রাজী পাগলী এর পর আপনমনে গজগজ করতে লাগল। ধীরে ধীরে স্ফুটতর হয়ে উঠল আবার ওর কণ্ঠস্বর—আহা, সোয়ামীর ঘর করি নি নাকি কখনও ? দিনকতক ছিলুম ত মিনসের কাছে গিয়ে। নিত্য রাত্রে মল গিলে এসে পিটত আমায়, মুখ বুজে মুখপোড়ার সঙ্গে ঘর করতে হবে। শুধু তাই নয়—ভালবাসতে হবে আবার ওই হতচ্ছাড়া কে। মুখপোড়া কম হেনস্তা করে নি আমায় বাবু। এই ছাধ, মেরে মেরে আঠেপিঠে কি রকম দাগ করে দিয়েছে আমার !

সত্যি তাই! মাথায়, হাতে, কপালের উপরে কাটা দাগের মতই রয়েছে বটে! পতি পরমগুরু সোহাগের চিহ্ন এঁকে দিয়েছে অনেকগুলো। হঠাৎ বারুদের মত জলে উঠল রাজী পাগলী। বললে—আমিও তেমনি করিছি। যথাসম্ভব জালিয়ে দিয়ে পালিয়ে এসিছি বাবু, ও মুখো হচ্ছি না আর এ জন্মে। ঘষে ঘষে মাথার সিঁহরও তুলে ফেলিছি এখানে এসেই। ও বালাই আমার বেধে লাভ !

কোঁতুহলভরে তবু প্রশ্ন করলাম—লোকটা থাকে কোথায় ?—তোমার খসুরবাড়ী কোন্ জায়গায় রাজু ?

আবার জলে উঠল রাজী পাগলী। বোজে বললে—
যমের দক্ষিণ দুয়ারে। ক্ষেত-খামার ঘরদোর না ছাই—সব
বাজে কথা বাবু। কোলকাতার ওদিকে যেতে আসানসোল
বলে ইষ্টিশান পড়ে ত ? মুখপোড়া চা ফেরি করে শুনেছি
সেই ইষ্টিশানে।

১. হঠাৎ কোমল পর্দায় নেমে এল রাজী পাগলীর কণ্ঠস্বর।
বাশ্পাকুল ছুটি অসহায় চোখ তুলে চাইলে আবার আমার
মুখের পানে। বললে—পাগল বলে সবাই অগেরাহি কবে
বাবু, দুখ্য বুঝতে চায় না কেউ। তুমিই যা শুধু আদর কবে
'রাজু' বলে ডাক এক-আধবার—কান পেতে শোন সব
কথা। না হলে...বলতে বলতে অকস্মাৎ কিসের আবেগে
কে জানে উচ্ছ্বসিত হয়ে কেঁদে ফেললে মেয়েটা।

মনের মধ্যে হঠাৎ আলোড়ন সুরু হ'ল যেন।
উচিত-অনুচিতের দ্বিধা-দ্বন্দ্ব কাটিয়ে উঠতে দেরি হ'ল
অনেকখানি। স্বাভাবিক অবস্থায় এল যখন মন, রাজী
পাগলী তখন কাটা হাতে নিয়ে দিব্যি কাজ করতে সুরু
করে দিয়েছে। 'না' বলতে পারলাম না আর তাকে।
নতুন চাকরটাকেই বিদায় নিতে হ'ল সেদিন।

পুরো একটি বৎসর অতিবাহিত হয়ে গেল দেখতে
দেখতে। রাজী পাগলী ঘরের মানুষের মত হয়ে গেল
যেন। সকালে-বিকালে আসে রোজ, বকবক করে,
উদ্ধত মেজাজে চৈচায়—বাগড়াও বাধায় এক এক দিন।
হাত কিস্তি ওর কাজ করে চলে সর্বক্ষণ। কাঁচ ও ওর বড়
পরিপাটি। বিরক্তির ভাব জাগে না আর বড় একটা,
দৈর্নন্দিন অভ্যাসের কল্যাণে গা-সওয়া হয়ে এসেছে সব।
আমার মত ঘনশ্রামও বুকেছে মেয়েটা পুরোপুরি পাগলী।
পাগলী মেয়েটার বিচিত্র কথাবার্তা কৌতুকভরে উপভোগ
করে এখন, রাগে না আর।

শীতাস্তের একটি স্নান অপরাহ্ন। জ্বরতপ্ত দেহ নিয়ে
আপিস থেকে বাসায় ফিরলাম, গায়ে হাতে বেদনা—বিছানায়
শুয়ে পড়লাম তাড়াতাড়ি। ঘনশ্রামকে ডেকে শরীরগতিকে
কথা জানিয়েও দিলাম তখনই। রাজী পাগলী কড়ামাজা
ফেলে বেধে ঘরের মধ্যে এসে দাঁড়াল। সন্ধ্যার পর বাসায়
ফিরি রোজ আপিস থেকে। অসময়ে আমার এমন
অপ্রত্যাশিত প্রত্যাবর্তন লক্ষ্য করেছিল ও, অসুখ-বিসুখ
একটা কিছু অনুমানও করেছিল সম্ভবতঃ। দাঁড়িয়ে দাঁড়িয়ে
শুনলে সব। হঠাৎ কাছে এসে আমার মুখের উপর তীক্ষ্ণ
সন্ধানী দৃষ্টি বুলিয়ে নিলে একবার। কাজ সেবে যাবার সময়ে
শত উপদেশ দিয়ে গেল ঘনশ্রামকে। কানে এল অনেক

কথা—'ঠাণ্ডা লাগে না যেন বাবুর। দুধ একটু গরম করে
খাওয়াস রাতে। ছটফট করে যদি মাথাটার হাত বুলিয়ে
দিস একটু। চোখমুখ থমথম করছে যেন বাবুর। চণ্ডী
ভাজ্যরকে একবার ডেকে এনে দেখালে হ'ত না। দিনকাল
ভাল নয়, চারদিকে ঘরে ঘরে লোকের মায়ের দয়া হচ্ছে!'—
উৎকর্ষামিশ্রিত কণ্ঠস্বর।

রাজী পাগলীর অনুমান মিথ্যা নয়। পরদিন সকালে
দেখলাম গায়ে মুখে বসন্তের গুটি বেরিয়েছে কয়েকটা, জ্বরও
বেড়েছে বেশ। প্রবাসে নিঃসঙ্গ একক জীবন। মনটা অনেক-
খানি দমে গেল যেন। রাজী পাগলী সামনে এসে দাঁড়াল,
দাক্ষণ উৎকর্ষা আর শঙ্কায় ভরা মুখ চোখ। এমনই ভীতি-
বিহ্বল আরও দুটি মুখচ্ছবি স্বরণে জাগল হঠাৎ। টাইফয়েডে
আমার যাই-যাই অবস্থা হয়েছিল একবার, বছর পনের হবে
বয়স তখন। মা আর মেজদি এমনি মুখের ভাব নিয়েই
সারাক্ষণ বসে থাকত আমার পাশটিতে। সে দুটি মুখচ্ছবি
সঙ্গে এর মুখভাবের যেন মিল আছে কোথায়!

পাগলী মেয়েটা ঘরদোর সব ধুয়ে মুছে একটি শুচিস্নিগ্ধ
পরিবেশ রচনা করলে ঘণ্টাখানেকের মধ্যেই। মায়ের দয়া
হয়েছে আমার উপর, ঘনশ্রামকে বার বার সাবধান করে দিলে
—জাঁশ কিছু ঢোকে না যেন বাড়ীর ভেতরে। আর ঘন ঘন
পান চিবনো চলবে না তোমার। থাকতে না পার তিন দিন
সুপুরি চিবোও শুধু। ওসব অনাচার চলবে না ক'দিন এখন।
মা শেতলা ভালয় ভালয় গায়েবস্তুনো এখন মিলিয়ে দিলে
বাঁচি!—এমনি ধরনের কত কি কথা কানে এল। তাড়া-
তাড়ি স্নান সেরে এল রাজী পাগলী, ধুনো আনালা—গজা-
জলও আনালা কোথা থেকে। মেঝেয় জল ছিটিয়ে, ধুনোর
ধোঁয়া দিয়ে মন্দিরের মর্যাদা দিলে যেন ঘরখানাকে। মা
এসেছেন যে! জ্বরের কোঁক বেড়েছে তখন অনেকটা।
চোখ বুজে পড়ে পড়ে সমস্ত চৈতন্য দিয়ে ওর গতিবিধি
অনুভব করছিলাম। কপালে হঠাৎ মুছ একটু স্পর্শ পেতেই
চমকে চোখ মেললাম। কপালে কি একটা ছুঁইয়ে তুলে
রাখলে যেন রাজী পাগলী কুলুঙ্গির এক পাশে—পরসাই
সম্ভবতঃ। ছোট বোন মন্টির একবার বসন্ত হয়েছিল, বেশ
মনে পড়ে তিন দিন তিন রাত মায়ের সে কি আকুলতা—
কি অস্থিরতা! রাজী পাগলীর ব্যাকুলতাও কতকটা যেন
সেই ধরনের। অস্তুর বিচলিত হয়েছিল কিনা কে জানে—
জ্বরের ঘোরেই সম্ভবতঃ অত্যন্ত অস্তুরদের মত কস করে বলে
ফেললাম—কপালটায় একবার হাত দিয়ে দেখ ত রাজু, জ্বর
বোধ হয় বেড়েছে আমার!

ওর চোখমুখের ভাব দেখে বুঝলাম স্বর্গ হাতে পেল যেন
হঠাৎ রাজী পাগলী। কপালে মমতাস্নিগ্ধ হাতের স্পর্শ

দিয়ে বললে—মানত করিছি মায়ের কাছে, ভয় নেই, গা জুড়িয়ে দেবেন মা দু'এক দিনের মধ্যেই।

তিন দিন আর বাসা থেকে নড়ল না রাজী পাগলী। উড়িয়া বায়ুনটার ওপর বিশ্বাস নেই ওর, অনাচার হতে কত-করণ। কাছে কাছে থেকে আমার ধবরদারি করলে প্রায় সর্করণ। অভাবনীয় পরিবর্তন লক্ষ্য করলাম ওর মেজাজের। চোঁচামেচি, বাগড়াবাঁটি সব বন্ধ হয়ে গেল হঠাৎ। ঘনশ্যামের সঙ্গে ওর ঘনিষ্ঠতাও বাড়ল যেন অপ্রত্যাশিত ভাবে। ভীতিবিহ্বল কণ্ঠের গুঞ্জনধ্বনি কানে এল এক সময়ে—শ্রোতা ঘনশ্যাম। যুগ্মবিগুটির মত মায়ের দয়া হয়েই নাকি ওর ভাইটা মারা গিয়েছিল। সেও নাকি ফাল্গুন মাসের এমনি দিনে হয়েছিল। অজান্তে অনাচার হয়ে গিয়েছিল একটু। মা ওর মনিববাড়ী থেকে তেল আর আঁশ ছুঁয়ে এসেছিল নাকি। ভুলে সেই কাপড়েই রোগীর ঘরের চৌকাঠ মাড়িয়েছিল কখন। সেদিনই রাতে টকটকে জ্বাব মত লালপেড়ে শাড়ী পরে কে যেন ওর ভাইয়ের মাথার কাছে এসে বসেছিল। স্পষ্ট দেখেছিল ওর ভাই। অস্ত্র কেউ নয়—ওই মা শেতলা। স্বপ্ন হোক, সত্যিই হয়েছিল কিন্তু তা শেষটায়। দশ দিনের দিনই নাকি ভাইটি ওর মারা যায়। এমনি কত কি সব কথা।

তিন দিন পরেই জ্বর ছাড়ল আমার। রাজী পাগলী বড় আপনজনের মত বললে—পূজো দিতে হবে আজ মায়ের। চা-টা কিছু খেয়ো না আজ বাবু। মায়ের পেসাদ একটু মুখে ঠেকাতে হয়।

শীতলার পূজো। সংস্কারযুক্ত মন আমার। যুক্তি দিয়ে যাচাই করে দেখি সবকিছুকেই। পাগলী মেয়েটাকে কিন্তু যুক্তির কথা শুনিয়া লাভ নেই। পূজোর কথা তুলতেই হেসে শুধু উপহাস করলাম ওর প্রস্তাবকে। বিশ্বয়বিস্ফারিত চোখজোড়া তুলে মুহূর্তের জন্তে তাকালে একবার রাজী পাগলী, পরক্ষণেই ক্ষেপে উঠল যেন। গজ গজ করতে করতে বেরিয়ে গেল ঘর থেকে। বাসা ছেড়ে চলেও গেল সেই মুহূর্তে।

ঘণ্টা তিনেক পরে দেখি কোথা থেকে ফুল আর প্রসাদ নিয়ে এসে হাজির হয়েছে বেচারী। সে কি সাধাসাধি আমাকে। কপালে ঠেকাতে হবে ফুল, প্রসাদও মুখে দিতে হবে একটু। 'খাব না, ছোঁয়াব না'—এমন নাকি বলতে নেই। অস্ত্রের সে কি ব্যাকুলতা। পাছে অবজ্ঞা করে ঠাকুরদেবতার অপমান করি সে জন্তে শঙ্কাও কম নয়। যুক্তি-নিষ্ঠ মনেরই হার হয়েছিল সেদিন, কেন কে জানে অনিচ্ছা-স্বপ্নও প্রবাসে এই নিঃসম্পর্কীয়া মমতাময়ীর একান্ত অসু-বোধ এড়াতে পারি নি সেদিন।

খতুচক্রের আবর্তনের সঙ্গে সঙ্গে আরও একটি বৎসর অতিবাহিত হয়ে গেল কোথা দিয়ে। আপিসের কর্তৃপক্ষের হুকুম এল হঠাৎ আমাকে ফিরতে হবে আবার কলকাতার আপিসে। ধবর শুনে ঘনশ্যাম মহা ধুশী। হাওড়ার কোন্ চটকলে ওর ভাই কাজ করে, প্রায়ই চিঠি লেখে নাকি ওকে চটকলে কাজ নেবার জন্তে। আঠারো-উনিশ টাকা করে হপ্তা। ঠিক হ'ল ঘনশ্যাম আমার সঙ্গেই রওনা হবে। যাবার দিন দুপুরে বিছানাপত্র ইত্যাদি গুছিয়ে বাঁধছে ঘনশ্যাম, আমি তদারক করছি দাঁড়িয়ে দাঁড়িয়ে। পোষ্টকার্ড আকারের একখানা ফটো ছিল আমার, সেটার খোঁজ করতে গিয়ে হঠাৎ তার আর পাত্তা মিলল না। বাল্যবন্ধু বঙ্গনের তোলা ফটো, আমার একান্ত প্রিয় বস্ত্র সেটি। কলেজ-জীবনের বিশেষ একটি স্মৃতি জড়িত হয়ে আছে ফটোটির সঙ্গে। কিন্তু যাক সেকথা, ফটোখানা গেল ছাই কোথায়। চকিতের মধ্যে মনে পড়ল রাজী পাগলীর মুখখানা। বিবেক কিন্তু সঙ্কুচিত হয়ে উঠল সঙ্গে সঙ্গে। তিন বছর ধরে বাসার সব জিনিসপত্র নাড়ছে গোছাচ্ছে মেয়েটা, কোন দিন হারায় নি কোন কিছু। না, সম্বন্ধেই সীমার মধ্যে টেনে আনা চলে না তাকে কোনমতেই।

বৈকালে সোঁদিন পরিচিত কয়েক জনের নিকট থেকে বিদায় নিয়ে বাসায় ফিরলাম। দেখলাম রোয়াকের ধারে উদ্ভ্রান্তের মত বসে আছে রাজী পাগলী, মেঘাচ্ছন্ন অপরাহ্নের বিষণ্ণ-করুণ ছায়া নেমেছে ওর সারা অঙ্গে। আমার চোখের সঙ্গে চোখ মিলতেই ছোট বালিকার অসঙ্কোচে ব্যগ্রভাবে বলে ফেললে ফসু করে—আমি তোমার সঙ্গে যাব বাবু, আমাকে নিয়ে চল। ঘনশ্যাম যাবে আর আমি কেউ নই বুঝি ?

চমকে উঠলাম। বলে কি মেয়েটা! পাগলী হোক, রূপহীনা হোক, নবর্ষাবনের ভাবে টলমল করছে কিন্তু ওর সর্বাঙ্গ। উপরন্তু ইদানীং ওর কথাবার্তায় আর ব্যবহারে কেমন এক ধরনের অন্তরঙ্গতার ভাব ফুটে ওঠে যেন। সঙ্কুচিত হয়ে উঠি, অস্বস্তি বোধ করি পদে পদে। মেয়েটা নিতান্ত পাগলী বলেই মনকে প্রবোধ দিই, প্রশ্রয়ও দিই এ সবের।

তা বলে এ আবদারকে ত আমল দেওয়া চলে না কোন মতেই। একে পাগল তায় ওই ধরনের অসঙ্কোচ ব্যবহার ওর। কি বলে সঙ্গে নিয়ে যাওয়াতেও কম বিপত্তি নয়। উদ্ভিন্নর্ষোবনা এই মেয়েটিকে দেখে মা-কাকীমা, দাদা-বৌদিদিরা সব ভাববেন কি! দুর্বার লজ্জা আর সঙ্কোচ এসে মনকে অধিকার করে বসল কার্যমী ভাবে।

কঠোর ভাবে বললাম হঠাৎ—আমার সঙ্গে যাবে বলতে লজ্জা করে না তোমার ? কচি খুকী নাকি তুমি ? তুমি এখানে থেকে পাঁচ বাড়ীতে গতির খাটিয়ে পেট চালাতে পার ভালই—না হলে তোমার স্বামী আছে তার কাছেই চলে য়েয়ো তুমি ।

কথা শুনে আর আমার মুখচোখের ভাব দেখে একটুও চেষ্টা না রাজী পাগলী । মর্শ্বেদী দৃষ্টি মেলে শুধু তাকিয়ে রইল খানিকক্ষণ আমার মুখের দিকে । চাউনির ভঙ্গী দেখে মনটা আমার একটু বিচলিত হ'ল, অন্তরও বিগলিত হ'ল যেন আপনার অজ্ঞাতে । ওর পাওনা সব চুকিয়ে দিয়েছিলাম সকালে । তা হোক, বিদায়বেলায় কৃতজ্ঞতার দান হিসাবে কিছু দেবার লোভ সামলাতে পারলাম না । তাড়াতাড়ি দশ টাকার তিনখানা নোট নিয়ে এসে ওর দিকে এগিয়ে ধরলাম । অসঙ্কোচে নোট ক'খানা হাতে করে নিলে রাজী পাগলী । কৃতার্থ হওয়ার ভাব ফুটল যেন ওর মুখে চোখে । চলেও গেল সঙ্গে সঙ্গে, যাবার আগে অপরূপ ভঙ্গীতে আমার পানে একবার তাকিয়ে আমার অন্তরের শূন্যতাকে ভরিয়ে দিতে চাইল যেন । ভাললাম—ভালই হ'ল । অন্তরে প্রশান্তি অল্পভব করলাম যেন ।

রাত ন'টা নাগাদ ট্রেন । আকাশ মেঘমেঘর, টিপ্-টিপ্ করে বৃষ্টি পড়তে শুরু হয়েছিল আগে থেকেই । তা হোক, সর্বস্বার্থমার জন্মভূমির কোলে ফিরে চলেছি । প্রাণের আনন্দ-উদ্দীপনা বেড়েছে অনেকখানি । ষ্টেশনে এসে কিন্তু চমকে উঠলাম, আনন্দ ম্লান হয়ে গেল সঙ্গে সঙ্গে । রাজী পাগলী আগে-ভাগে এসে দাঁড়িয়ে ছিল কখন ষ্টেশনে—একেবারে প্ল্যাটফর্মের উপর । রাঙা চেলী পরেছে একখানা—বিয়ের সময়েরই চেলী সম্ভবত । শুধু তাই নয়, ব্রীড়াময়ী নববধূর ধরনে মাথায় কাপড় টেনে দিয়েছে দিব্যি । অভিনব ভাবভঙ্গী ওর, স্বপ্নাতুর হয়ে উঠেছে ওর চোখ দুটি । দুর্ব্বার আবেগ-কম্পন জেগেছে যেন ওর সারা দেহে-মনে । হাতে রঙচটা একটা টিনের স্কটকেস । আমাকে দেখতে পেয়েই উৎসাহে প্রদীপ্ত হয়ে উঠল রাজী পাগলী । প্রতীক্ষা-ব্যাকুল চিত্ত ওর হারানিধি খুঁজে পেল যেন—মুখচোখের এমনি ভাব হ'ল চকিতের জন্মে । আমার খুব কাছটিতে এসে কোন রকম ভূমিকা না করেই অতি আপনজনের মত বললে—টিকিট কেটে সন্ধ্যা থেকে ঠায় বসে আছি । আমি তোমার সঙ্গে যাব বাবু । ঝি-চাকররা বাবুদের সঙ্গে যাবে এতে আবার লজ্জা কি ! ওই বলে আমার ক'টা টাকা দিয়ে

ভুলিয়ে এখানে ফেলে রেখে যাবার মতলব । পাগলছন্ন হলেও আমি বুঝি সব । পরক্ষণেই অশ্রুভারাক্রান্ত হয়ে এল ওর কণ্ঠস্বর । বললে—পাগল বলে ফেলে রেখে যাচ্ছ এখানে সহৃদয়ীর কাছে । পিসী লোক ভাল নাকি ! ক'দিন হ'ল কি রকম পেছনে লেগেছে আমার । কোন্ চুলো থেকে ওর এক ফিচেল ভাইপো এসে জুটেছে । কেমন করে যেন তাকায় আমার পানে মুখপোড়া যখন-তখন । পিসীর মতলব মুখপোড়ার সঙ্গে আমার ভালবাসার সম্বন্ধ পাতিয়ে দেয় । উঠতে-বসতে কানে মস্তুর পড়ছে কেবল—আমার নাকি হিল্লো হবে, গায়েও নাকি সোনাদানা উঠবে ! পাগল বলে মানুষ নই যেন আমি ?—বুঝি না যেন কিছু ?

ছোট ধরের কদর্য কাণ্ড সব । কান পেতে শোনবার মত কথা নয় এসব । আপাদমস্তক জলে উঠল আমার । ভাললাম, সমাজের যে স্তরের মানুষ এরা সেখানকার সঙ্গে খাপ খাইয়ে চলাই উচিত ছিল ওর । কিন্তু উচিত-অনুচিত বিবেচনা করবার মত সময় ছিল না আর । ট্রেন প্ল্যাটফর্ম প্রবেশ করতে শুরু করেছে তখন । মুখ দিয়ে আমার কোন কথা প্রকাশ পাবার আগেই ঘমশ্যামের সঙ্গে পরম উৎসাহে সামনের তৃতীয় শ্রেণীর কামরাটার উঠে পড়ল রাজী পাগলী । দুশ্চিন্তাগ্রস্ত মন নিয়ে পাশের ইন্টারক্লাস কামরাটার গিয়ে উঠে পড়লাম আমি কোন রকমে । ট্রেনের গতি বাড়ার সঙ্গে সঙ্গে একরাশ অস্বস্তিকর চিন্তা ভর করল সারা দেহে-মনে । চিন্তাভারে স্নায়ুগুলো বিধ্বস্ত হ'ল সারারাত ধরে । রাতের শেষ প্রহরের দিকে একটু তন্দ্রাচ্ছন্ন ভাব এসেছিল যেন । যাত্রীদের হাঁকডাক, ফেরিওয়ালাদের চীৎকার শুনে ঘুম ভাঙল হঠাৎ । ট্রেন থেমেছে বড় একটা ষ্টেশনে, তাড়াতাড়ি নেমে পড়লাম—আসানসোল ষ্টেশন । পাশের কামরাটার দিকে দৃষ্টি নিক্ষেপ করলাম তাড়াতাড়ি, ঘুমোয় নি তখনও রাজী পাগলী । উন্মুক্ত জানালা দিয়ে মুখ বাড়িয়ে আমার কামরার দিকেই চেয়েছিল সম্ভবতঃ । চকিতে মাথায় আমার সমস্তা সমাধানের ইঙ্গিত খেলে গেল । মনের সব দ্বিধা-দ্বন্দ্ব ঠেলে রেখে রাজী পাগলীর কাটিতে এগিয়ে গেলাম । কোমল কণ্ঠে বললাম—তাড়াতাড়ি তোমার স্কটকেস নিয়ে নেমে এস রাজু । ট্রেন বদলাতে হবে আমাদের এখানে ।

দরজাটা খুলে দিলাম সঙ্গে সঙ্গে । আলগোছ হয়ে বলে ছিল যেন মেয়েটা । গাড়ী থেকে নেমেই ব্যাকুল ভাবে বললে—ঠাকুর যে ঘুমুতে নাগল এখনও, ওকে তাড়াতাড়ি ডাক বাবু !

আশ্বাস দিয়ে তৎক্ষণাৎ বললাম—ভয় নেই, এ গাড়ী

বনশ্যামের দেশের দিকে যাবে। ও নেমে যাবে ঠিক সময়ে।

আমার পিছু পিছু হনহন করে হেঁটে এল রাজী পাগলী। ওয়েটিং রুমের ভিতরে ওকে এনে বসালাম তাড়াতাড়ি, বললাম—আধ ঘণ্টা দেরি আছে এখনও আমাদের গাড়ী আসতে। তুমি বস এখানে চুপ করে, আমি আসছি এখনই।

উজ্জ্বল বৈজ্যতিক আলোকে উদ্ভাসিত হয়ে উঠল রাজী পাগলীর সারা মুখখানা। পরম নির্ভরতায় ভরা দুটি চোখ আমার পানে তুলে রাজী পাগলী ভীত সন্ত্রস্ত কণ্ঠে বললে—তুমি তাড়াতাড়ি ঘুরে এস বাবু—আমার ভারি ভয় করছে কিন্তু।

সঙ্গে সঙ্গে আশ্বাস দিয়ে বললাম—ভয় কি, পাঁচ-দশ মিনিটের মধ্যেই ফিরব আমি। কুলি ডেকে আমার সুটকেস বিছানা—এসব নামাতে হবে ত গাড়ী থেকে ?

তিন মিনিটের মধ্যেই ছেড়ে দিলে ট্রেনখানা। চলন্ত ট্রেনের মধ্যে উঠে পড়লাম তাড়াতাড়ি। গাড়ী প্ল্যাটফর্ম ছেড়ে আসতেই মুখ বাড়িয়ে দেখলাম একবার। দূরে—প্ল্যাটফর্মের উপরে—আলোর তলায় লাল চেলী একখানা জলজল করছে যেন। ওয়েটিং রুম থেকে বেরিয়ে চলে এসেছে নিশ্চয়ই রাজী পাগলী! মনে হ'ল গতিশীল ট্রেনের দিকে আকুল ভাবে চেয়ে আছে একজোড়া ভীত সন্ত্রস্ত চোখ। গতি বাড়ার সঙ্গে সঙ্গে আকুল দুটি চোখের দৃষ্টি ক্রমপ্রসারিত হয়ে এগিয়ে আসছে যেন ট্রেনের পিছু পিছু!

একটু নিশ্চিন্ত হলাম তবু। ভাবলাম, আর মাত্র ঘণ্টা-দেড়েক পরেই ত তিমিরাবরণ সরে যাবে পৃথিবীর বুক থেকে, সর্বপাপন্ন ধ্বাস্তারি দেখা দেবেন পূর্বাশার প্রাস্তে। দিনের আলো ফুটলেই রাজী পাগলী চারদিকে খুঁজে বেড়াবে নিশ্চয়ই আমাকে। বলেছিল স্বামী ওর চা ফেরি করে—আসানসোল ষ্টেশনে। নিশ্চয়ই আবিষ্কার করবে সে তার একান্ত বাঞ্ছিতাকে। উপায়ান্তর না দেখে রাজী পাগলীও নিশ্চয়ই তার স্বামীর ঘরে আবার আশ্রয় নেবে। নিশ্বাস ছেড়ে নিশ্চিন্ত হয়ে বসে সিগারেটে আঙুন ধরাবার উত্তোগ করতে লাগলাম।

মাত্র এক পক্ষ পরের ব্যাপার। অবকাশের মধুময় দ্বিপ্রহর একটি। আলোর বলমল করছে যেন দিগ্দিগন্ত। অন্তরের মধ্যেও পরিব্যাপ্ত হয়েছে নির্মল প্রশান্তি আর আনন্দ। আনন্দের কুলছাপা বান ডেকেছে যেন শব্দিকে। পিওন চিঠি দিয়ে গেল একটা হাতে। বি-

ডাইরেকটেড হয়ে আসছে খামটা পাটনা থেকে। খুলেই চমকে উঠলাম। দেখি খামের মধ্যে আমার সেই পাটনার বাসায় হারিয়ে-যাওয়া ফটোখানা রয়েছে। বিষয়-বিহ্বল মন নিয়ে সঙ্কের লিপিখানার উপর চোখ বুলাতে শুরু করলাম তাড়াতাড়ি। রঞ্জন লিখেছে আসানসোল থেকে, অবাক হলাম একটু! রেলের কর্মচারী সে—পি ডবলিউ-আই। হালে আসানসোলে বদলি হয়েছে সম্ভবত। কিন্তু আরও পুঞ্জীভূত বিষয় অপেক্ষা করছিল চিঠিটার শেষ দিকে। রঞ্জন লিখেছে একটা মেয়েছেলে রেললাইনে কাটা পড়েছে এখানে, পরশু দিন ভোবে। সঙ্গে তার টিনের সুটকেস ছিল একটা, সেটার মুখ খুলে গিয়ে কাপড়চোপড়, আয়না, চিরুণী যথাসর্বস্ব দেখি ছত্রাকার হয়ে পড়ে রয়েছে লাইনের ধারে। কাটা ধড়টার পাশেই দেখি তোমার এই ফটোখানা পড়ে রয়েছে! কলেজ কম্পাউন্ডের মধ্যে তোলা সেই ফটোখানা না? আমি স্যাপ নিয়েছিলুম মনে পড়ে? ভেবে অবাক হলাম তোমার ফটো এখানে এস কি করে? ফরসা হচ্ছে তখন হবে। টুলিতে চেপে ডিউটিতে বেরিয়েছি—দেখি এই কাণ্ড! ফটোখানা কুড়িয়ে নিয়ে এসে ভাল করেছি নিশ্চয়ই, কি বলিস? দেখে ছোট জাতের মেয়েছেলে বলেই মনে হ'ল। আহা! বেচারী, লাল চেলী পরে একা কোথায় যাচ্ছিল কে জানে; কোন নগণ্য গৃহকোণের নববধূ হয়ত। কিন্তু যাক, ভেবে অবাক হচ্ছি শুধু তোমার ফটোখানা এখানে এস কি করে? ইত্যাদি।

ফটোটার দিকে চাইলাম আর একবার। সঙ্গে সঙ্গেই মনে পড়ল ভীতিবিহ্বল অতি অসহায় আর একজোড়া চোখ আর সেই সে চোখের সেই মৌন, আকুল আবেদন, “তুমি তাড়াতাড়ি ঘুরে এস বাবু—আমার ভারি ভয় করছে কিন্তু”। মর্মের মধ্যে আজ আবার এ কথাই আলোড়ন শুরু হ'ল যেন। রক্তের দাগের মতই কি লেগে রয়েছে যেন ফটোখানার গায়ে। হাঁ, সেই রকম অস্পষ্ট একটা দাগই বটে! রাজী পাগলীর হৃদয়ের শোণিত-চিহ্ন হয়ত বা এ! আমার চৈতন্যলোকে হঠাৎ আকাশ ফাটিয়ে বজ্রপাত হ'ল যেন। সকল সস্তা চমকে শতধা হয়ে গেল যেন সঙ্গে সঙ্গে। লাল-চেলীপরা বধুবেশিনী রাজী পাগলীই তা হলে কাটা পড়েছে সেদিন রেললাইনে! চিঠির তারিখটা দেখলাম চট করে, ঠিক তাই। আধপাগলী মেয়েটা তা হলে তলে তলে অন্তরের মধ্যে অমুরাগই পোষণ করে এসেছে এত দিন ধরে। হুলভিতম একটি আকাজককে লালন করে এসেছে মনে মনে অতি গোপনে। আমার ফটোটার না হলে কিসের প্রয়োজন ছিল ওর? ফটোখানাকে লুকিয়ে

সরাবার লোভই বা তার মধ্যে জাগবে কেন। বজ্রহত্যের মত স্তম্ভিত হয়ে দাঁড়িয়ে রইলাম আমি। চোখের সামনে ছুটির দিনের সব আলো, সব উজ্জলতা, সব আনন্দ, চিন্তের নির্মূল প্রশান্তি—সবকিছুই সোপে মুছে একাকার হয়ে নিশ্চিহ্ন হয়ে গেল যেন মুহূর্তের মধ্যে।

ধচ্ করে ঠেল আবার আঙুলের কাঁটাটা। অতীত থেকে দৃষ্টি ফিরিয়ে আনলাম বর্তমানের সীমানায়। অহুরাগ-ভাবে অতসীর মুখের পানে তাকালাম, চোখে মুখে তার নূতন মহাদেশ আবিষ্কারের উচ্ছল আনন্দ। হুনিরীক্ষ্য

কাঁটাটার সূক্ষ্মতম একটি অংশকে ছুঁচের উদগায় রেখে তুলে ধরলে অতসী আমার চোখের সামনে। বার করেছি অতসী কাঁটাটিকে, সার্থক হয়েছে তার ঐকান্তিক চেষ্টা।

আঙুলের অস্বস্তির নিরসন হওয়ার সঙ্গে সঙ্গে মর্মের কাঁটাটা কিন্তু খচ করে উঠল আবার আজ দ্বিগুণ ব্যথা জাগিয়ে। ছাঁদনাতলায়, বাসরঘরে, ফুলশয্যার রাতে অস্বস্তি-কর এই কাঁটার ব্যথা অনুভব করেছি বারে বারে। আজও, এত বছর পরে একান্ত অহুরাগের মুহূর্তে অতসী খুব কাছ ঘেঁষে এসে বসলেই ব্যথাটা ধচ্ করে ওঠে।

অভিনয়

শ্রীআশুতোষ সাংঘাল

চিরদিন ধরি, একি মরি মরি,
অপরূপ অভিনয় !

সৃষ্টির মাঝে খুঁজিছ স্রষ্টা,
আপনার পরিচয়।

একসাথে জুড়ি' হাসিকান্নায়
গাঁথিয়াছ মাল্য চূনিপান্নায় ;
ছটি সহচর জীবন মরণ

চরণ-শরণ লয় !

প্রিয়! হয়ে থাকো বন্ধোবিন্দীন
বাসর শয়ন 'পর,

প্রিয়তমরূপে ভুঞ্জিছ মধু—

নিষ্ঠাডি' বিদ্বাধর।

কত যে মুরতি ধর অহরহ,—

তুমি প্রেম আর তুমিই বিরহ ;

তুমি বাঁশুবিয়া, তুমি হে বাঁশরী,

বংশীর তুমি স্বর।

নিবিড় ব্যথার আগুনে দহিয়া

চালো করুণার ধারা,

ভালোবাসো যাবে দুখ দাও তারে,

এ কি এ সৃষ্টিছাড়া !

জননী-জঠরে, শ্মশান-চিতায়

তব অভিনয়মঞ্চ কি হয় ?

চাই কি মহান্, ক্ষুদ্রের মাঝে

হইতে আপনহারা ?

তাইতো আমারে জালায়ে পুড়িয়ে

এত তব কৌতুক,—

কবিতা উৎস করিছ বাহির—


ভাঙিয়া চুরিয়া বুক।

হানিয়া মৃত্যুজরা ব্যাধিশোক

করিতে আপন লীলাসজ্জাগ—

সৃষ্টির সেই প্রত্যাঘ হতে

তাই তুমি উৎসুক।



চব্বিশ পরগনার কয়েকটি লোকসঙ্গীত

এ. কে. এম. হাসান উজ্জামান

বাংলার পল্লী-অঞ্চলে মুসলমানদের মধ্যে এক শ্রেণীর বাউল মারেফতি ফকির' নামে সমধিক প্রসিদ্ধ। ইসলামের গুঢ় তত্ত্বকে 'মারেফৎ' বলে। সেই মারেফতে সিদ্ধিলাভ করিতে হইলে চাই শরিয়ৎ অনুযায়ী কঠোর সাধনা। অধ্যাপক মনসুর উদ্দিন সাহেব "হারামণি" পুস্তকে যে সম্প্রদায়কে 'বাউল' নামে অভিহিত করিয়াছেন, মনে হয়—তাহারাই একটি শ্রেণী হইতেছে "মারেফতি ফকির।" ইহারা বেশী ফকির নামে অধিকতর পরিচিত। এই সম্প্রদায়ের মধ্যে সবচেয়ে লক্ষণীয় বিষয়—ইহাদের দর্শন বা ফিলজফি। ইসলামিক দর্শন লইয়া ইহারা সুন্দর সুন্দর সঙ্গীত রচনা করে। তাহাদের চিন্তা-ধারা যে উন্নত এবং শাস্ত তাহা অস্বীকার করিবার উপায় নাই। বহুপূর্বের বৌদ্ধ বা হিন্দুযুগে "বাউল" সাধনা ছিল, পরে মুসলমান দম্ভাবলম্বী "বাউল" সম্প্রদায়ের মধ্যে অনেকের সহিত তাহাদের মিলন হয়। তাই মুসলমান ফকিরদের পূর্ণ ইসলামিক ভাব নাই, বৈষ্ণব, শাক্ত বা বৌদ্ধভাব উহাতে প্রবেশ করিয়াছে। নিম্নে কয়েকটি গান প্রদত্ত হইল। গানগুলি চব্বিশ পরগনা জেলার মগরাহাট থানার নীলকুঠি অঞ্চলের কয়েক জন মারেফতি ফকির বা বাউলের নিকট হইতে সংগৃহীত।

১

মোহাম্মদ মোস্তফা নবী আরবের সে ফুল।
 ঐ নাম শুনেলে বলতে প্রাণ চার মোহাম্মদ রসুল।
 কি মধু সেই নামেতে, রহে না মন ঘরেতে
 গওছ কুতুব দিশেহারা, হয়ে ফুলে মাতুরারা,
 সাহা ফকির হ'ল হারা পেয়ে ফুলের মূল
 আমার মোহাম্মদ মোস্তফা নবী আরবের সে ফুল।
 ফুলটি হল রাসুল্লাহ, বাসটি হল গণি আল্লাহ
 আমরা কেবল হলুম যে ভাই উন্নতে রসুল
 আমার মোহাম্মদ মোস্তফা নবী আরবের সে ফুল।
 আমি বাঙ্গা গোনাহ গার, শোন মোনাজাত আমার ;
 একটি বার দেখাও আল্লাহ সেই নূরের পুতুল
 আমার মোহাম্মদ মোস্তফা নবী আরবের সে ফুল।

শব্দার্থ—মোস্তফা—পছন্দসই। এখানে হজরত মোহাম্মদের প্রতি সম্মানার্থ ব্যবহার করা হইয়াছে।

নবী—খোদার প্রেরিত পুরুষ।

রসুল—খোদার প্রেরিত পুরুষ।

গওছ, কোতব—একার্থক শব্দ : আধ্যাত্মিক বা তহওউক শাস্ত্র-জ্ঞানসম্পন্ন ব্যক্তির বিশিষ্ট পদবী।

সাহা ফকির—পদকর্তা। এই সাহা ফকির কে জানা যায়

না। তবে ইনি হারামণির ১৫ পৃষ্ঠায় উল্লিখিত শ্রীহট্টের ফকির পীর সাহা কি না কে জানে।

এশকেতে—প্রেমে।

রাসুল্লাহ—আল্লাহর রসুল।

গণি—বেনিয়াজ, পরমুখাপেক্ষী।

উন্নত—শিষ্য।

গোনাহগার—পাপী।

মোনাজাত—প্রার্থনা।

নূর—জ্যোতি।

২

আমি জেনেছি জেনেছি খোদা মহিমা তোমার

তোমার ভেঙ্কিবাজীর ব্যাপার

দেখে হই চমৎকার

আমি জেনেছি জেনেছি খোদা মহিমা তোমার।

বানিয়ে থাকের আদমের বেহেস্তে দিলেন আশ্রয়

কি কারণে খেতে গন্ধম নিষেধ কর বারে বার

কি কারণে পুনরায় আদম কাছে গন্ধম যায়,

তোমার বাহানায় খেলে গন্ধম আদম গুণাহগার

আমি জেনেছি জেনেছি খোদা মহিমা তোমার।

শব্দার্থ—ভেঙ্কিবাজীর—এখানে খোদার কুদরত বা সৃষ্টি-কৌশলের জগৎ তাঁহাকে প্রশংসা করা অর্থে নিরক্ষর বাউলগণ কর্তৃক ব্যবহৃত হইয়াছে।

খাকের—খাক ফারসী শব্দ, অর্থ মাটি। তাহা হইতে বাংলার খাকের হইয়াছে।

আদম—সৃষ্টির প্রথম মানুষ। তাঁহাকে মুস্তফা হইতে সৃষ্টি করা হইয়াছিল।

গন্ধম—ফারসী শব্দ, অর্থ গন্ধ। আদম ও তদীয় পত্নী হাওয়ারাকে জান্নাতে স্থাপন করিয়া খোদা বলিয়াছিলেন, "অলা তাকুরাবা হাজিহিশ শাজারাতা কাতাকুনা মিনাষ বা লিমীন।"

অর্থ—"তোমরা এই বৃক্ষের নিকটে বাইও না, (যদি বাও) তাহা হইলে তোমরা হইয়া বাইবে অত্যাচারীদের মধ্যে।" কোরআন ১ম পায় খুরা বাকারাহ ৩৫ আয়েত ৪র্থ ককু। কিন্তু ঐ নিষিদ্ধ বৃক্ষ সখকে মতভেদ আছে। এবনে আব্বাসের মতে উহা আজুয় অথবা গমের গাছ বা গন্দম আছ। কিন্তু এখন গন্ধমই নিষিদ্ধ বৃক্ষ হিসাবে প্রসিদ্ধ হইয়াছে।

আদম কাছে গন্ধম যায়—'গন্ধম কাছে আদম যায়' হওয়া উচিত ছিল।

৩

হক লা ইলাহা ইল্লাল্লাহ কলেমা পড়

ওবে ক্ষেপা মন আমার,

নবীজীর কলেমা পড়ে

দোজখ হতে পাও নিস্তার।

আওল কলেমা শরিয়তে

ইমান খাঁটি রাখ তাতে

মোহাম্মদ মস্তফা বিছে

জলছে বাতি দীপ্তাকার।

হক লা ইলাহা ইল্লাল্লাহ কলেমা পড়

ওবে ক্ষেপা মন আমার।

শব্দার্থ—হক—সত্য।

লা ইলাহা ইল্লাল্লাহ—আল্লাহ বাতীত কোন প্রভু নাই।
ইহা ইসলামের মূলমন্ত্র।নবীজীর কলেমা—অনেকের ধারণা, কেবল মোহাম্মদ এই মন্ত্র
প্রচার করিয়াছেন, কিন্তু ইহা ভ্রাতৃ ধারণা। তাঁহাকে লইয়া
মোট এক লাখ অথবা দুই লাখ চব্বিশ হাজার পয়গম্বর ইহা প্রচার
করিয়াছেন।

আওল—আউয়াল, প্রথম। উক্ত মন্ত্র ইসলামের প্রথম সূত্র।

কলেমা—আরবী শব্দ, অর্থ—শব্দ। এখানে ইসলামের মূলমন্ত্র।

শরিয়ত—ইসলামী বিধানশাস্ত্র। বিছে—উদ্ শব্দ বীচে,

অর্থ—মধ্যে।

৪

মন তুমি কোথায় ছিলে, কোথায় এলে,

আর তি কোথায় যেতে হবে, দেখ না ভেবে;

অথগু গোলক তেজে, লাভ নিতে এসেছ ভেবে,

রতি মায়া কমলে পরে, আবার ফিরে আসতে হবে।

আস্তা বোতু কাস্তা রুহ, খাই বলেছে

দেখে বোঝ হামাক।

এখানে না দেখতে পেলে, সেখানে যে দেখতে পাবে।

শব্দার্থ—মন তুমি...না ভেবে—“ইম্মালিল্লাহে অ ইল্লা এলায়হে
রা জেউন।” অর্থাৎ ‘verily we are from God and to
God we shall return.’—কোরআন, ২য়. পারা সূরা
বাকারাহ ১৫৫ আয়েত ১৯শ রুকু।

তি—উদ্ শব্দ, ‘ও’ অর্থে।

আস্তা বোতু কাস্তা রুহ—কোরআন শরীফের এক বাক্যাংশের
অপভ্রংশ। আসল, “আনতায়বুদাল্লাহাকা আল্লাকা তাবাহ” অর্থাৎ,
এমন ভাবে তাঁহার এবাদৎ (উপাসনা) কর, যেন তুমি তাঁহাকে
দেগিতে পাইতেছ। হামাক—উদ্ শব্দ, হামারা—আমাদিগের।

৫

আহম্মদ মিমের পরদা উঠয়ে উঠয়ে দেখবে মন

আহাদ সেখার বিরাজ করে খোদার নূরিতন।

খাদকে যদি চিনতে পারিস চিনবি খোদাকে

চোখ চেয়ে দেখ তোরই চোখে সেই নূরের রোশন।

যে চিনতে পারে রয় না ঘবে হয় সে উদাসী

আপন মনে ওজেন সদা নবীজীর চরণ।

ঐ রব শুনিয়া হ'ল পাগল মনসুর হাল্লাজ

আয়নাল হক, আয়নাল হক বলে তাজিল জীবন।

শব্দার্থ—আহম্মদ—চরম প্রশংসিত। হজরত মোহাম্মদকে
বুঝাইতেছে। মিম—আরবী শব্দ।আহাদ—এক। আল্লাহর একটি গুণবাচক নাম। নূরিতন—
নূর।আহম্মদ মিমের...খোদার নূরিতন। আলিক, হে, মিম,
দাল এই চারটি আরবী অক্ষর লইয়া আহম্মদ শব্দ গঠিত। ইহা
হইতে মিম শব্দ সরাইয়া লইলে আহাদ অর্থাৎ খোদার এক নাম
অবশিষ্ট থাকে। অর্থাৎ, খোদার যে বিশেষ সৃষ্টি আহম্মদ অর্থাৎ
মোহাম্মদ তাহাই বুঝানো হইতেছে।

তুলনীয়—

আহম্মদ নামেতে দেখি

মিম হরফ লেখেন নবি,

মিম গেলে আহাদ বাকী

আহম্মদ নাম থাকে না।

হারামণি, মনসুর উদ্দিন, ১ম খণ্ড, পৃষ্ঠা ৩৮।

শব্দার্থ—খাদকে—অল্প একটি ফকিরের বর্ণনায় খোদাকে অর্থাৎ
নিজেকে আছে। খোদ হওয়া সম্ভব।কেননা হাদিম শরীফে আছে—‘He who knoweth him-
self, knoweth God’. [Vide “Sayings of Moham-
mad”, by Sir A. Sahrawardy, p. 53,ঐ রব শুনিয়া হ'ল পাগল—অল্প একটি বর্ণনায় “এরূপ দেখিয়ে
গাগল হ'ল।” আছে। তুলনীয়—এরূপ দেখল মনসুর হাল্লাজ, জাহেরাতে হয়েছে তুল।—হারামণি
মনসুর উদ্দিন, পৃ ৫০। মনসুর হাল্লাজ—ইহার প্রকৃত নাম
হুসায়েন বিন মনসুর, পৈতৃক বাবদায় অনুযায়ী হাল্লাজ উপাধি।আয়নাল হক—প্রকৃত উচ্চারণ আনাল হক—অর্থ, অহং ব্রহ্ম,
অর্থাৎ, আমিই খোদা।

৬

মোহাম্মদ নামে একটি কুলে পাঁচটি রং ধরেছে।

সৌবভে গোরবে তাহই হুনিয়াদার সব যেতেছে।

সেই কুলের দার সুবাস যিনি, হজরত আলি গুণমণি

কুলের পাতায় মা জননী ফতেমা নাম তার রয়েছে।

সেই কুলে আতর যে জন, হাসান-হোসেন দুটি রতন

পাঁচ কুলের পাক পাঞ্জাতন এক রং-এ সব মিশেছে।

সেই কুলের এক বিন্দু, গওছল আজম দীনবন্ধু

পূর্ণ করে সকল সিদ্ধ যে তাঁর প্রেমে মজেছে।

শব্দার্থ—পাঁচটি রং—এখানে পাক পাঞ্জাতনকে বুঝাইতেছে।
পাক—পবিত্র।

পাঞ্জাতন—হজরত মোহাম্মদ, তাঁহার জামাতা, হজরত আলী, তাঁহার কনিষ্ঠা কন্যা হজরত ফাতেমা, তাঁহার দৌহিত্র এবং ফাতেমার পুত্রস্বয় হজরত হাসান এবং হজরত হোসেন ইহাদিগকে পাঞ্জাতন বলা হয়। পাঞ্জাতন আরবী শব্দ, অর্থ পঞ্চশক্তি।

গওছল আজম—শ্রেষ্ঠ গওছ। এখানে হজরত আবুল কাদেব জিলানীকে বুঝাইতেছে।

৭

খালেক নে কেয়া বানায়ী

মুরে নজর নামাজ,

মাহবুবে কবরীয়া হো

হোসেন নজর নামাজ

নামাজ আলি, কুল মোতায়ালী

নামাজ খাতুন জেন্নাত আলী

সাহাদৎ কলেমা উত্তারি

খালেকুল নামাজ।

শব্দার্থ—খালেক—সৃষ্টিকর্তা। নে কেয়া বানায়ী—উর্হু শব্দ।
কি সৃষ্টি করিয়াছেন।

মুরে নজর—চোখের মণি, নয়নপুতলি, এখানে জ্যোতির্ষয়।

নামাজ—ইসলাম ধর্মের উপাসনা। মাহবুব—প্রিয়। কবরীয়া—মহান। হো—হয়। হোসেন নজর—সুন্দর সৃষ্টি; এখানে জ্যোতির্ষয়।

নামাজ আলি—নামাজকে নারীর সহিত তুলনা দেওয়া ইসলাম ধর্ম অনুযায়ী নীতিবিরুদ্ধ। আর উপমা দুইটিও অদ্ভুত; একপ উপমা বড় একটা পাওয়া যায় না। মোতায়ালী—ট্রাষ্টী। জেন্নাত—বেহেশত। বেহেশতকেও পুরুষের সহিত তুলনা করা হইয়াছে।

সাহাদৎ কলেমা—ইসলামের দ্বিতীয় মূলমন্ত্র।

উত্তারি—নামাইয়া, এখানে পরে হইবে বোধ হয়।

খালেকুল—সৃষ্টিকর্তা।

সাহাদৎ কলেমা.....নামাজ—প্রথমে সাহাদৎ কলেমা দ্বারা বিশ্বাস ঠিক করিয়া পরে নামাজ পড়িতে হইবে এইরূপ ভাব বুঝাইতেছে। কেননা, ইসলামের পঞ্চভিত্তির প্রথম হইতেছে ইমান অর্থাৎ বিশ্বাস। দ্বিতীয় হইতেছে নামাজ।

৮

ও আমার আপন ধর আপনাবি হয় না

আপনারে চিনলে পরে যায় অচেনারে চেনা।

ও সাই নিকট থেকে মুরে দেখায়

বেমন কেশের আড়ে পাহাড় লুকায়, দেখ না।

লালন মোল মনের ঘোরে

হয়ে চোখ থাকতে কব না।

উপরের গানটি বিখ্যাত সাধক-কবি লালন কবিরের রচিত। তিনি নদীয়া জেলার অধিবাসী ছিলেন। তাঁহার বহু গান সংগৃহীত হইয়াছে।

৯

মন তুমি ত কাজ বোঝ না

অভয় অক্ষয় বস্ত ধরে

ভারি সঙ্গে প্রেম কর না।

অভয় পদে দিয়ে মতি

শেখবে মন অটল ভক্তি

বকে করে সঙ্গর সাথী

অমূল্য ধন কুড়িয়ে নে না।

পথে পথে দেখাওনা

পথের নাহি শেষ গণনা

হকের হাকিম সেই রকনো

পলে পলে হয় রচনা

একা সেই মহুয়ার

সর্বদেহে কেমনে রয়

প্রাণপাথী তোর নাইক রে ক্ষয়

অমৃত ফল কলিয়ে নে না।

হকের হাকিম—চার বিচারক। রকানা—থলু।

মহুয়ার—জটবা—‘মহুয়া উড়িয়া গেল পড়ি বৈল কায়া’।
‘পূর্ববঙ্গগীতিকা’। কিন্তু আসল বোধ হয় মনওয়ারা হইবে।
মনওয়ারা—সমুজ্জল, এখানে আত্মাকে বুঝাইতেছে।

১০

হজুর দেলে পড় নামাজ, শরিয়তের কাজ,

ও আমার মন হও নামাজি,

সে নামাজ হলে কাজা, পাবি সাজা,

বলে গেছেন মুর নবীজী।

সে নামাজ দমে বেদম, পড় হরদম,

যে জন হও সে কাজের কাজী।

এক নামাজ বহু করে, চার অক্ষরে

পড়ে গেল আজগর সাজি।

নামাজের রং চিনিলে, যাবে খুলে,

ছিন কাটিলে হবে আলি।

শব্দার্থ—হজুর দেলে পড় নামাজ—কায়মনে নামাজ পড়া।

কাজা—সময়মত বাহা আদায় করা হয় নাই। দমে বেদম—
সর্বক্ষণ।

চার অক্ষরে—নামাজের আরবী শব্দ সলাত। সোয়াদ, লাম,
ওয়ারা, তে এই চারটি অক্ষর লইয়া সলাত গঠিত। নামাজ উর্হু

শব্দ। ইহাও হু, মিম, আলিফ, জে, এই চারটি অক্ষর লইয়া গঠিত।

আজগর সাজি—বোধ হয় পদকর্তা। ছিন কাটিলে—বক্ষ বিদ্যাবিত হইলে।

আলি—বন্ধু।

১১

হক কুল হক বলে গেছে

আমার হজরত নবী পাঞ্জাতন

হকের হাকিম আল্লাহ

একিন হ'ল নায়ে মন।

আলাহুত বু করলেন সাঁইজি তিনি

কালু বালা কয় বরকত জননী।

শব্দার্থ—হক কুল হক—প্রব সত্য।

আলাহুত বু—আরবী শব্দের অপভ্রংশ—আলাহুতু বিরক্কিকুম।

ইসলাম শাস্ত্রানুযায়ী আল্লাহ সমস্ত আত্মাকে সৃষ্টি করিয়া বলিয়াছিলেন, “আলাহুতু বিরক্কিকুম” অর্থাৎ আমি কি তোমাদের প্রভু নই? কালু বালা অর্থাৎ তাহার (আত্মা) বলিল, হাঁ। কোরআন শরীফ।

করলেন—কহিলেন হইবে।

বরকত জননী—বেশর ফকিরগণ হজরত ফাতেমাকে বরকত জননী বলে। ইসলাম শাস্ত্রানুযায়ী ইহা ভ্রান্ত; তত্বেপি এখানে বরকত জননীর প্রয়োগ ঠিক হয় নাই। কারণ, শুধু হজরত ফাতেমা উত্তর দেন নাই, সমস্ত মানুষের আত্মা উত্তর দিয়াছিল।

১২

ও আমার মন কাবা শরীফের নিয়ত করো

বসুলের তন মদিনা, মন মক্কা তাও চেন না

করিয়ে অজুদ ফানা বসুলের দিদার করো।

সে কাবা খলিলের নয়, ও কাবা পরেতে হয়

এখন আদম কাবায় সেজদা রয় বলিল বঝানা

আদম চিনে সেজদা করো সফল জনম তারো

মক্কা মদিনার ঘরে সেজদা করো জড়ো।

শব্দার্থ—কাবা শরীফ—হজরত ইব্রাহিম নিশ্চিত মক্কার পবিত্র গৃহ। এই গৃহকে কেন্দ্র করিয়া সারা পৃথিবীর মুসলমান নামাজ পড়ে এবং এখানে তীর্থে আসে। কারণ, “কা অল্লে অজ্জহাকা শাত-বাল মাসজেদিল হারাম—অ হারসো মা কুলতুম ফা অল্লে অজ্জহাকুম” অর্থাৎ “আপনি (মোহাম্মদ) আপনার মুখমণ্ডলকে মসজিদে হারাম (সম্মানযুক্ত মসজিদ) শরীফের দিকে করুন এবং তোমরা সকলে (উম্মতে মোহাম্মদী) যেখানেই থাক না কেন, নিজেদের মুখ-মণ্ডলগুলিকে সেই মসজিদে হারাম শরীফের দিকে কর।” কোরআন শরীফ ২য় পারা সুরা বাকারাহ ১৪৪ আয়েত। ১৭শ রুকু।

শব্দার্থ—নিয়ত করা—মনস্থ করা। তন—দেহ; এখানে স্থান।

ওজুদ—অস্তিত্ব। ফানা—বিলয়।

ওজুদ ফানা—এখানে বোধ হয় আত্মাকে লীন হওয়ার কথা বলা হইয়াছে।

খলিল—বন্ধু। এখানে হজরত ইব্রাহিমকে বুঝাইতেছে। হজরত ইব্রাহিমকে খলিলুল্লাহ বা আল্লাহর বন্ধু বলা হইত। “লা ইলাহা ইল্লাল্লাহ, ইব্রাহিম খলিলুল্লাহ।” অর্থাৎ, “আল্লাহ ব্যতীত কেহই উপাস্য নাই এবং ইব্রাহিম আল্লাহর বন্ধু।”

সেজদা—খোদার উদ্দেশে বিশেষ প্রণতি; এই প্রণতি খোদা ছাড়া আর কাহাকেও করা যায় না। বেশর ফকিরদের ধর্মচ্যুত হওয়ার ইহা একটি লক্ষণ।

আদম চিনে সেজদা করো—ইহা ইসলামে নাই। ইসলামে খোদা ছাড়া কাহাকেও সেজদা করা হারাম বা কোরআনে নিষিদ্ধ। খোদার হুকুমে ফেরেস্তারা প্রথম মানব হজরত আদমকে সেজদা করেন। “ইজ্জুলনা লিল মালাই কা তিন জুহু লি আদামা ফাছাজাহু ইল্লা ইবলিস।”—“বখন আমি বলিলাম ফেরেস্তাদিগকে সেজদা কর আদমকে, ইবলিস (শয়তান) ব্যতীত সকলেই সেজদা করিল।” (কোরআন শরীফ ২য় পারা সুরা বা কারাহ ৩৪ আয়েত।)



সরস্বতী পূজা

শ্রীদেবেন্দ্রনাথ মিত্র

সরস্বতী পূজার সংখ্যা, আড়ম্বর, জাঁকজমক, দেবীর নূতন নূতন ধরনের মূর্তি প্রভৃতি যদি শিক্ষা বিস্তারের ও উৎকর্ষের অঙ্গতম মাপকাঠি হয় তাহা হইলে বলিতেই হইবে যে, শিক্ষার প্রভূত বিস্তার ও উৎকর্ষ ঘটিতেছে।

শহরে যে প্রায় প্রত্যেক হিন্দু পরিবারের বালকবালিকা-গণ সরস্বতী পূজার অনুষ্ঠান করিয়াছিল তাহা নহে, প্রায় সকল স্কুল, কলেজ, হোস্টেল এবং সংস্কৃতি পরিষদ প্রভৃতিতেও পূজা অনুষ্ঠিত হইয়াছিল। বর্তমান বৎসরে শহরের প্রায় সকল মহল্লাতেই অধিকতর আড়ম্বর এবং জাঁকজমকের সহিত সার্বজনীন পূজার আয়োজন করা হইয়াছিল।

ইহাও শুনিয়াছি যে, একই শিক্ষা-প্রতিষ্ঠানের একই অট্টালিকার অভ্যন্তরে পৃথক পৃথক বিভাগের (বালিকা বিভাগ, বালক বিভাগ, কলেজ বিভাগ প্রভৃতি) পৃথক পৃথক পূজা হইয়াছিল। স্বচক্ষে এক শিক্ষা-প্রতিষ্ঠানে দেখিয়াছি—বালকদিগের পূজার ব্যবস্থা হইয়াছে একতলার, এবং বালিকাদিগের পূজার ব্যবস্থা হইয়াছে দ্বিতলের এক ঘরে। এক শিক্ষা-প্রতিষ্ঠানে এমনও ঘটনা ঘটিয়াছে যে, কলেজ বিভাগের ছাত্রগণ কলেজের সন্নিহিতে এক প্রাঙ্গণে পূজার ব্যবস্থা করিয়াছেন, এবং মাধ্যমিক বিভাগের ছাত্রবৃন্দ বিদ্যালয়ের প্রাঙ্গণে পৃথকভাবে পূজার আয়োজন করিয়াছেন। বিভিন্ন শিক্ষা-প্রতিষ্ঠানে এইরূপ পৃথক পৃথক পূজার মধ্যে কত পরিমাণ ভক্তি ও শ্রদ্ধা ছিল জানি না; তবে পরস্পরের মধ্যে যে প্রতিদ্বন্দ্বিতা ছিল—এই কথা স্বীকার করিতেই হইবে। এই প্রতিদ্বন্দ্বিতা সর্বল ও সুস্থ মনের পরিচয় দেয় কিনা তাহাও জানি না, তবে ইহাতে প্রমাণ হয় যে, “মিলে মিশে কোন কাজ করিবার” আন্তরিক ইচ্ছা ও আগ্রহ এখন পর্যন্ত ছাত্রছাত্রীদের মধ্যে জন্মায় নাই। ইহাও শুনিয়াছি—কোন শিক্ষা-প্রতিষ্ঠানে সরস্বতী পূজার ঘটনা লইয়া আইন-আদালতও নাকি করিতে হইয়াছে, এবং রেঘায়েধির ফলে প্রতিমার উপর বোমাও বর্ষিত হইয়াছে।

সংবাদপত্র হইতে অবগত হইয়াছি যে, নির্বাচনই (ইলেকশান) এই বৎসরকার সরস্বতী পূজার সংখ্যা-বৃদ্ধি, আড়ম্বর, আলোকসজ্জা প্রভৃতির অঙ্গতম প্রধান কারণ। নির্বাচনে যাঁহারা দাঁড়াইয়াছেন, তাঁহারা নিজ নিজ কেন্দ্রে পূজার ব্যাপারে অধিকতর উৎসাহশীল ছিলেন, এবং মুক্ত হস্তে আর্থিক সাহায্য করিয়াছিলেন। রাজনীতি আদৌ বুঝি না, নির্বাচন সম্বন্ধে কোন অভিজ্ঞতাও নাই, সুতরাং এইরূপ পূজার মাধ্যমে নির্বাচন-প্রার্থীদের নির্বাচনে সফল হইবার জগু কি পরিমাণ সহায়তা করে তাহাও বলিতে পারি না।

কিন্তু আমাদের মত মধ্যবিত্ত গৃহস্থের পূজার হিড়িকে “প্রাণান্ত-কর পরিচ্ছেদ” হইয়াছে। আমি কলিকাতার যে অঞ্চলে বাস করি—সেই অঞ্চলের ছোট এলাকার মধ্যে পূজার সংখ্যা সঠিকভাবে বলিতে পারিব না, তবে আমাকে উনত্রিশটি পূজার চাঁদা দিতে হইয়াছে, সবগুলি রসিদ এখনও আমার কাছে আছে। একই লেনে বা রাস্তায় ১৫।২০ হাত অক্ষর ৫।৬টি পূজার ব্যবস্থা হইয়াছিল। সাধারণতঃ মাধ্যমিক ও প্রাথমিক বিভাগের ছাত্রগণ চাঁদার জগু আসিয়াছিল। প্রত্যেক দলকেই জিজ্ঞাসা করিয়াছি তাহাদের বিদ্যালয়ে পূজা হইতেছে কি না—উত্তরে শুনিয়াছি বিদ্যালয়ে পূজা হইতেছে। প্রশ্ন করিয়াছি বিদ্যালয়ে যখন পূজা হইতেছে পাড়ায় এইরূপ পৃথক পূজার আয়োজন করিবার কারণ কি? কাহারও নিকট হইতে কোন সহস্তর পাইয়াছি বলিয়া মনে হয় না। ইহাও প্রশ্ন করিয়াছি—একই লেনে বা রাস্তায় ৩৪।৫।৬টি পূজা করিবার আবশ্যিকতা কি? ইহারও কোন সহস্তর পাই নাই—তবে সাধারণতঃ অল্প-বয়স্ক বালকগণ বলিয়াছে—বড়রা আমাদের লইয়া পূজা করিতে চাহেন না, যদি বা করিতে চাহেন তবে তাঁহারা ‘মাতকারি’ কবেন, আমাদের কিছু করিতে দেন না। ছোটদের কথা বলিতেছি না, বড়দের কথাই অতি দুঃখ ও বেদনার সহিত বলিতেছি—তাঁহারা যে ভাবে চাঁদা চাহিতে আসেন তাহা মোটেই প্রীতিকর নহে, তাঁহারা এমনভাবে চাঁদা চাহেন বাহাতে মনে হয় গৃহস্থ যেন তাঁহাদের কাছে ঋণী, তাঁহারা পাওনাদার, সাধারণতঃ তাঁহারা ঘরের মধ্যে প্রবেশ করিয়াই বলেন “চাঁদাটা দিন”, যেন চাঁদাটা দিতে গৃহস্থ বাধা, ঘরের মধ্যে গৃহস্থ যদি বাহিরের লোকজনের সঙ্গে প্রয়োজনীয় কথাবার্ত্ত য আলোচনার ব্যস্ত থাকেন, সেদিকেও ‘চাঁদা-আদায়কারি-গণের’ জরুরি থাকে না। একটি প্রবীণ বন্ধুর জামাতার চায়ের দোকান আছে, জামাতা তখন দোকানে ছিলেন না, যত্নে সেই (প্রবীণ বন্ধুটি) দোকানে ছিলেন, কর্মচারিগণ চা বিক্রয় করিতেছিল—এই সময় একদল যুবক চাঁদা চাহিতে আসেন বন্ধুটি তাঁহাদের বলিয়াছিলেন—জামাতা এখন উপস্থিত নাই, পরে চাঁদার জগু আসিবেন। এই কথায় যুবকগণ উত্তর করিয়াছিলেন—চাঁদা এখনই যদি না দেন, চা বিক্রয় বন্ধ করিয়া দিব। আমাকে এই অবস্থায় সম্মুখীন হইতে হয় নাই বটে, তবে আমি যখন বলিয়াছি চাঁদা এখন দিতে পারিব না, পরে দিব, উত্তরে শুনিয়াছি “Thank you when shall we come again?” জানি না এই সব ছাত্রগণ বিদ্যালয়ে ইংরেজী ভাষায় কতটা উৎকর্ষ অর্জন করিয়াছেন। অনেক সময় কি ছোট, কি বড় ছাত্রগণকে বলিয়াছি—এইরূপ

ভাবে বাড়ী বাড়ী চাঁদার জল যাওয়া কি সম্মানজনক? অনেকে হয় ত রুঢ় কথা বলেন—ইহাতে কি তোমাদের আত্মসম্মানে আঘাত লাগে না? উত্তরে তুলিয়াছি, “দেশের কাজে মান অপমান কিছুই নাই।” খুবই ভাল কথা! কিন্তু এইরূপ ভাবে সরস্বতী পূজায় মধ্য দিয়া দেশের কাজ কতটা অগ্রসর হয় বুঝিতে পারি নাই। অনেক সময়ে সাহসের উপর নির্ভর করিয়া এই প্রসঙ্গ করিয়াছি—চাঁদা-আদায়কারীদের মধ্যে বিদ্যালয়ের পরীক্ষায় কতজন পুরস্কার অর্জন করিয়াছে। কিন্তু উত্তর তুলিয়া নিবাম হইয়াছি—কোন কোন ক্ষেত্রে অপমানিতও হইয়াছি—তুলিয়াছি “ও সব কথা রাখুন, চাঁদাটা দেবেন কিনা বলুন।” ভয়ে ভয়ে চাঁদা দিয়াছি। এই প্রসঙ্গে কোন সংবাদপত্রে প্রকাশিত বিবরণ লিখিতেছি। একজন সংবাদ-সরবরাহকারী একটি নয় বৎসর বয়স্ক বালককে জিজ্ঞাসা করিয়াছিলেন দেবীর নিকট সে কি প্রার্থনা করিয়াছে—বালকটি এই প্রশ্নে প্রথমতঃ একটু বিচলিত হইয়া পড়িয়াছিল, পরে স্পষ্টভাবেই উত্তর দিয়াছিল সে দেবীর কাছে এই প্রার্থনা করিয়াছিল যে, লেখাপড়ার সময় খেলাধুলা করিয়াও সে যেন পরীক্ষায় উত্তীর্ণ হইতে পারে। সংবাদ-সরবরাহকারী বলিতেছেন, বালকটির এই স্পষ্ট উত্তর সাধারণতঃ অনেক বয়স্ক ছাত্রদের উক্তি বলিয়া গণ্য করা যাইতে পারে। তিনি আরও বলিতেছেন—ইহা হইতে বুঝা যায় সরস্বতী দেবীর প্রতি ছাত্র সম্প্রদায় কি মনোভাব পোষণ করেন। এক বন্ধু বলিতেছিলেন, আত্মকাল পরিসংখ্যানের যুগ, পরিসংখ্যানের সাহায্যে নির্ণয় করা যাইতে পারে, যে সকল ছাত্র প্রত্যক্ষভাবে দেবীর পূজায় প্রতি এত বেশী আগ্রহশীল এবং এত বেশী পরিশ্রম করেন তাঁহাদের মধ্যে শতকরা কতজন শিক্ষায় কৃতিত্ব অর্জন করেন এবং যাঁহারা পূজায় এত বেশী মাতামাতি করেন না, তাঁহাদের মধ্যেই বা কতজন শিক্ষায় কৃতিত্ব অর্জন করেন। ছাত্রছাত্রীবৃন্দ কেবল যে তাঁহাদের স্ব স্ব গৃহে দেবীর প্রতি শ্রদ্ধা ও ভক্তি প্রদান করেন এবং অঞ্জলি দেন তাহা নহে নিজ নিজ বিদ্যালয়ে বা ক্লাবের পূজাতেও অঞ্জলি প্রদান করিয়া থাকেন। তাঁহারা মনে করেন যত বেশী বার অঞ্জলি দেওয়া যাইবে পড়া-শোনার ঘাটতি তদ্বারা পূরণ হইয়া যাইবে। একজন বৃদ্ধ ব্যক্তি


এই প্রসঙ্গে বলিলেন—পূজায় ব্যাপাবে ছাত্রছাত্রীগণ যে পরিমাণ উৎসাহ, উদ্বীপনা, মনোযোগ প্রদর্শন করেন লেখাপড়ায় যদি তাহার একশত ভাগের এক ভাগও করিতেন তবে পরীক্ষায় তাঁহারা আশ্চর্যজনক ফল দেখাইতে পারিতেন।

প্রতিমার মূর্তি সম্বন্ধেও সংবাদপত্রে পাঠ করিয়াছি যে, বর্তমান বৎসরের পূজায় এক বৈশিষ্ট্য হইতেছে প্রতিমার বিভিন্ন মূর্তি, আকার ইত্যাদি। এই আলোচনাকালে একজন প্রবীণ বন্ধু বলেন, আমাদের কালে দেবীর মাতৃমূর্তি দেখিয়াছি এবং সেই ধারণাতেই দেবীর প্রতি শ্রদ্ধা ও ভক্তি নিবেদন করিয়াছি কিন্তু বর্তমানের মূর্তি ভিন্ন, ইহার মধ্যে মাতৃমূর্তি দেখিতে পাই না—অল্প মূর্তি প্রকট হইয়া উঠে।

এই প্রবন্ধ-লেখা যখন শেষ করিতে যাইব, তখন এক সংবাদ-পত্রে দেখিলাম—কোন প্রাথমিক বিদ্যালয়ের শিক্ষক বিদ্যালয়ের পূজায় চাঁদা দেয় নাই বলিয়া একজন ছাত্রকে এমন প্রহার করিয়াছেন বাহ্যিক ফলে তাহার গলায় হাড় ভাঙিয়া গিয়াছে—হাইকোর্ট পর্যন্ত মামলা গড়াইয়াছে। এ সম্বন্ধে কোন মন্তব্য অনাবশ্যক, শুধু বলিতে চাই—কোথায় গিয়া আমবা উপস্থিত হইয়াছি!

যতই লিখি না কেন পূজায় হিড়িক বাড়াবে, কমিবে না—কিন্তু কি উপায়ে এই ক্রমবর্ধমান পূজায় অল্পমানের জল আমরা চাঁদা দিব? না দিলে অবাঞ্ছনীয় ও অপ্রীতিকর ঘটনা ঘটবে। আর একটি কথা লিখিতে ভুলিয়া গিয়াছি—প্রত্যেক দলই চাঁদা প্রাপ্তির একখানি রসিদ দিয়া থাকেন—এমন দেখিয়াছি একই দল দুই-তিন বার চাঁদা লইয়া গিয়াছেন।

আর কিছুই ভাবিতেছি না, কেবল ভাবিতেছি—মা সরস্বতীকে কোথায় নামান হইয়াছে! বাল্যকালে আমরা ঘরে ঘরে ভিক্ষা করিয়া দেবীর আরাধনা করিতাম না—পুস্তক পূজা করিয়া দেবীর প্রতি ভক্তি-শ্রদ্ধা নিবেদন করিতাম। ইহার মধ্যে কোন প্রকার “হৈ-ছল্লোড়” ছিল না। এখন দেখিতেছি পূজা হৈ-ছল্লোড়েই পরিণত হইয়াছে। আমরা সকলেই তাহাতে যোগ দিয়াছি। কে প্রতিরোধ করিবে?



উপজাতীয় লোকদের কতকগুলি সমস্যা

কাকাসাহেব কালেলকার

ইহা লক্ষ্য করিয়া আনন্দ হয় যে, সামগ্রিকভাবে দেশের জাগৃতির সঙ্গে সঙ্গে উপজাতীয় সম্প্রদায়ের আমাদের ভ্রাতৃগণও উন্নতির পথে অগ্রসর হইতেছে। ইহা সত্য যে, উপজাতীয়দের মধ্যে যে জাগরণ হইয়াছে তাহা হরিজনদের তুলনায় অনেক নূন পরিমাণের, কিন্তু এই কয় বৎসরের মধ্যে উপজাতীয় সমাজে যথেষ্টসংখ্যক এমন লোকদের আমরা পাইয়াছি যাহারা নিজেদের সমাজের উন্নয়নকল্পে সংগ্রাম করিতেছে। ইহা বাস্তবিকই আনন্দের বিষয় যে, মহাত্মা গান্ধীর প্রেরণায় অল্পপ্রাণিত হইয়া ঠকুর বাপা যে কাজের সূচনা করেন, দেশের সকল অংশে তাহা উন্নতির পথে আগাইয়া চলিয়াছে।

আসাম হইতে রাজস্থান এবং হিমাচল প্রদেশ হইতে কণ্ঠাকুমারী পর্য্যন্ত বিস্তীর্ণ অঞ্চলে হরিজন এবং ভূমিজনের অবস্থা প্রত্যক্ষ করিয়া আমার যে ধারণা জন্মিয়াছে, পাঠকদের সমক্ষে তাহা উপস্থাপিত করা সমীচীন বলিয়া আমি মনে করিতেছি।

উপজাতি অধ্যুষিত এবং পাহাড়িয়া অঞ্চলকে প্রকৃতি যে গরিমায় এবং সৌন্দর্য্যে নিভূষিত করিয়াছেন তাহার সহিত উপজাতীয় লোকদের প্রকৃত অবস্থার দারুণ বৈমাতৃগু বিদ্যমান। ষাতাঘাতের সুযোগ-সুবিধার অভাব এবং প্রকৃতির দ্বারা ও প্রাক্তন সরকারের দ্বারা শতাব্দীর পর শতাব্দী ধরিয়া পৃথকীকৃত এবং উপেক্ষিত হইয়া থাকাই এই সকল লোকের দারিদ্র্যের জন্ম দায়ী।

আদিম সারল্য

কেহ কেহ লক্ষ লক্ষ উপজাতীয় লোকদের বাধিতে চান তাহাদের আদিম সারল্যপূর্ণ জীবনচর্য্যার গণ্ডীর মধ্যে। তাহাদের নিকট উপজাতীয়দের জীবন এরূপ কবিত্বপূর্ণ

এবং চিত্তাকর্ষক বলিয়া প্রতিভাত হয় যে, তাহারা তাদের চতুর্পার্শ্বস্থ অবস্থার মধ্যে কোন পরিবর্তন দেখিতে চাহেন না। এই সকল কবিত্বভাবাপন্ন লোক আজিকার দিনের উপজাতীয় লোকদের জীবনের কঠোরতার কথা স্বল্পই অবগত আছেন। ইহা হয়ত সেই সকল নৃতত্ত্ববিদের কৌতুহল চরিতার্থ করিতে পারে, যাহাদের অভিপ্রায় এই যে, উপজাতীয় লোকেরা থাকুক যাবৎ প্রদর্শনযোগ্য মূল্যবান নিদর্শনরূপে। যে সকল নৃতত্ত্ববিদের কৌতুহল মানবিক অপেক্ষা সীমাবদ্ধ সঙ্কীর্ণ অর্থে অধিকতর বৈজ্ঞানিক—তাহাদের নিকট হয়ত মানবজাতির এই সকল 'নমুনা' আলোচনা ও গবেষণার মূল্যবান আধার বলিয়া গণ্য হইতে পারে। কিন্তু আমরা যাহারা উপজাতীয়দের ভালবাসি এবং আত্মীয়-কুটুম্ব হিসাবে দেখি তাহাদের কাম্য এই যে, জ্ঞানের সকল বিভাগে এবং জীবনচর্য্যার কলাকৌশলে ইহাদের উৎকর্ষ সাধিত হউক। মানবীয় বুদ্ধিকৌশলে সুখ-স্বাচ্ছন্দ্য-বিধানের যে-কোন উপায়ই উদ্ভাবিত হইয়াছে তাহাই এই সকল লোকদের পক্ষে যাহাতে প্রাপ্য হয় সে ব্যবস্থা করিতে হইবে। অপর লোকদের জায় আত্মোন্নয়নের এবং অবসরবিনোদনের যাবতীয় সুযোগ-সুবিধা তাহাদিগকে দিতে হইবে এবং জনসমষ্টির অন্যান্য অংশের লোকেরা আজ যে সম্মান উপভোগ করিতেছে, উপজাতীয় লোকেরাও যাহাতে সেই একই গৌরবজনক স্থান লাভ করিতে পারে সে বিষয়ে তাহাদিগকে সাহায্য করিতে হইবে। উপজাতীয়দের মধ্যে যোগ্যতাসম্পন্ন যে সকল যুবক আছে তাহারা অবশ্যই অত্র যে-কোন ব্যক্তির সমমর্য্যাদায় প্রতিষ্ঠিত হইবার উচ্চাশা পোষণ করিতে পারিবে।

ইহা খুবই স্বাভাবিক যে, উপজাতীয়দের সমাজের কতিপয় তরুণ-তরুণী কিছুটা শিক্ষালাভের অব্যবহিত পরে

তাহাদের স্ব-সমাজের লোকদের উন্নয়নের বিষয় চিন্তা করিবে, কিন্তু একথা আমাদেরকে অবশ্যই স্মরণ রাখিতে হইবে যে, কোন জাতি এবং কোন জনসমাজই উন্নতির শীর্ষতম স্থানে আরোহণ করিতে সমর্থ হয় না যদি তাহারা তাহাদের মনোযোগ এবং উচ্চাভিলাষকে সীমাবদ্ধ রাখে কেবল আত্মীয় স্বজনদের উন্নয়নের সঙ্কীর্ণ ক্ষেত্রে। পূর্ণতম বিকাশ কেবল তাহাদের পক্ষেই সম্ভবপর যাহারা সকলের উন্নতির কথা অর্থাৎ সামগ্রিক ভাবে দেশের উন্নতির কথা চিন্তা করে। উপজাতীয় সমাজের আমাদের ভ্রাতৃত্বভিন্দীদের উচ্চাভিলাষের পথে কোন সীমারেখা টানিয়া দেওয়া সমীচীন হইবে না।

এই সম্পর্কে আরও একটি বিবেচ্য বিষয় আছে যাহা আমাদের মনে রাখিতে হইবে। যখনই আমরা হরিজন অথবা ভূমিহীনদের অবস্থার উন্নয়নের জন্ত কাজ করার তখনই আমাদের নিজের গড়া কোন আদর্শ তাহাদের উপর জোর করিয়া চাপাইয়া দেওয়া উচিত হইবে না। আমাদের নিজের পছন্দ এবং ধারণার ছাঁচে তাহাদিগকে গড়িবার চেষ্টা হইবে অসমীচীন। উপজাতীয় লোকেরা হইতেছে ভগবানের শিল্পসৃষ্টির অল্পতম নিদর্শন। তাহাদের সমক্ষে আমরা বর্তমান মানুষের উদ্ভাবিত যাবতীয় ভাব আদর্শ এবং সুযোগ সুবিধা উপস্থাপিত করিব এবং বাছিয়া লইবার ভার তাহাদের উপরেই ছাড়িয়া দিব। যাহাই মনে পাড়া জাগাইবে তাহাই তাহারা আত্মসাৎ করিবে, যাহা তাহাদের পছন্দমত নয় তাহা প্রত্যাখ্যান করিবার স্বাধীনতা তাহাদের থাকিবে।

সমগ্র জগৎ আজ দ্রুত প্রগতির পথে আগাইয়া চলিয়াছে। সামগ্রিকভাবে উপজাতীয় লোকদের বর্তমান অবস্থাসমূহ সম্বন্ধে নিতুল ধারণা নাই। অদূরদর্শী স্বার্থপর লোকেরা এই সকল লোকের মরুতা এবং নিরীহতার সুযোগ লইয়া তাহাদিগকে শোষণ করে। এই ধরনের শোষণের হাত হইতে তাহাদিগকে রক্ষা করা হইবে আমাদের প্রথম লক্ষ্য। উপজাতীয়েরা যাহাতে তাহাদের চারিপাশের দুনিয়া দেখিতে পারে সে বিষয়ে তাহাদিগকে উৎসাহিত করিতে হইবে। উপজাতীয়দের সমাজের যুবকযুবতীদের শিক্ষার জন্ত আমাদের বিশেষ ভ্রমণ-বৃত্তির (Travelling scholarship) ব্যবস্থা করিতে হইবে। সমগ্র ভারতবর্ষ পরিদর্শনার্থ তাহাদিগকে উৎসাহিত করিতে হইবে। বিভিন্ন রাজ্যের লোকেরা কি ভাবে বাস করে, কথাবার্তা বলে এবং জীবনকে সাফল্য-মণ্ডিত করিবার জন্ত সংগ্রাম করে— তাহা প্রত্যক্ষ করিতে অবশ্যই তাহারা সমর্থ হইবে।

শ্রেষ্ঠ পন্থা

এই সকল লোকদের স্বতঃস্ফূর্ত বিকাশ এবং প্রগতির নিরাপত্তাবিধানের প্রকৃষ্ট পন্থা হইয়াছে—প্রকৃত শিক্ষা। যে প্রথাগত শিক্ষাপদ্ধতি জীবনের প্রকৃত প্রগতির পরিপন্থী বলিয়া প্রমাণিত হইয়াছে, জোর করিয়া তাহা যেন আমরা তাহাদের উপর চাপাইয়া না দিই। ইহাই কি যথেষ্ট নয় যে, যে সনাতনী ধরনের শিক্ষাপদ্ধতি বেকার সমস্যা এবং নিরুপায় অবস্থার সৃষ্টি করে তদ্বারা আমরা আমাদের নিজের শিক্ষীদের নষ্ট করিয়াছি। আমাদের অতীতের ভুলত্রুটিসমূহ দ্বারা আমরা দিগকে লাভবান হইতেই হইবে এবং এই সকল লোকের জন্ত এমন শিক্ষাক্রমের ব্যবস্থা করা সমীচীন যাহা জীবন-চর্যা তাহাদের নিকট সহায়ক হইতে পারে। এবং আমার মতে তাহাই হইতেছে ঐ ধরনের শিক্ষাপদ্ধতি—মহাত্মা গান্ধী যাহা দেশের সমক্ষে উপস্থাপিত করিয়াছিলেন প্রায় তাহার জীবনের প্রান্তদীপায় উপনীত হইয়া। এই ‘নই তালিম’ বা নূতন শিক্ষাকে তিনি জাতির নিকট তাহার শ্রেষ্ঠ দান বলিয়া ঘোষণা করিয়াছিলেন।

কিন্তু এই বুনিয়াদী শিক্ষা যেন অক্ষয় বলি প্রমাণিত না হয়। বুনিয়াদী শিক্ষা উপজাতীয়দের জন্ত অবশ্যই উচ্চতর শিক্ষার এবং উচ্চতম কর্মে নিয়োগের যাবতীয় পথ উন্মুক্ত করিবে। এ বিষয়ে সন্দেহ নাই যে, মহাত্মা গান্ধী কর্তৃক জাতির নিকট অনুমোদিত বুনিয়াদী শিক্ষা উপজাতীয় লোকদের সর্বজনীন বিকাশের পক্ষে সর্বাধিক উপযোগী, কিন্তু এই বুনিয়াদী শিক্ষাকে তাহারা সেই পর্য্যন্ত গ্রহণ করিবে না যে পর্য্যন্ত না সরকার তাহাদিগকে এই প্রতিশ্রুতি প্রদান করেন যে, যখন সরকারী চাকরির জন্ত লোক নেওয়া হয় তখন যাহারা বুনিয়াদী শিক্ষা পাইয়াছে তাহাদিগকে অধিকতর সুযোগ-সুবিধা দেওয়া হইবে।

এমন আর একটি বিষয় আছে যাহার সম্বন্ধে সরকারসমূহ এবং বুনিয়াদী শিক্ষার সমর্থকদিগকে গভীরভাবে বিবেচনা করিতে হইবে। এখন পর্য্যন্ত আমরা বুনিয়াদী শিক্ষার জন্ত শিক্ষক সংগ্রহ করিয়াছি নাগরিক অঞ্চলের মধ্যবিত্ত শ্রেণীর অন্তর্ভুক্ত শিক্ষকসম্প্রদায়ের মধ্য হইতে। এই সকল লোক সাধারণতঃ তাহাদের হাতের সাহায্যে কাজ করিতে পরাজন্য। অধিকন্তু তাহারা মনে করেন যে, হাতের কাজ তাহাদের সামাজিক মর্যাদা এবং শিক্ষার পক্ষে হীনতাজনক। নিজেরা কাজ করা অপেক্ষা তাহারা অপরের দ্বারা কাজ করাইয়া লওয়াতেই বিশ্বাস করেন। এই ক্রটিপূর্ণ শিক্ষা এবং দৃষ্টিভঙ্গীর দরুন তাহারা অপর লোকদের শোষণ করিয়া কেবলমাত্র নিজেরা লাভবান হইবার কথাই ভাবিতে

পারেন। এই ধরনের লোকেদের হাতে মহাআজীবী বুনিয়েদী শিক্ষাপদ্ধতি নিরাপদ হইতে পারে না। এখন আমাদের নীতির পরিবর্তন করিতে হইবে এবং বুনিয়েদী শিক্ষার শিক্ষক নির্বাচন করিতে হইবে গ্রামের কারিগর এবং বৃত্তিজীবী (occupational) সম্প্রদায়েয় ভিতর হইতে।

কি ভাবে কাজের সূচনা করিতে হইবে

জাতীয় দিক দিয়া প্রয়োজনীয় হাতের কাজে সকল লোকেদের পরীক্ষা দ্বারা আমাদের কাজের সূচনা করিতে হইবে। এইরূপে গাহঁত হাতের কাজে যাহারা নিজেদের পটুতা প্রমাণ করিতে পারিবে তাহাদের জন্য সাধারণ শিক্ষার এক বর্ধনশীল পাঠক্রমের ব্যবস্থা করিতে হইবে এবং অবশেষে বুনিয়েদী পদ্ধতিতে বালক-বালিকাদিগের শিক্ষা-প্রণালী সম্পর্কে একটি কোর্স শিক্ষাদান করিতে হইবে। সকল শ্রেণীর লোকেদের জন্য আমরা যে-সকল বিদ্যালয় খুলিব, তাহাদের আমরা সেগুলির শিক্ষকরূপে কাজে লাগাইব। এই একটি পছন্দলক্ষন দ্বারা আমরা বাঞ্ছিত ধরনের বুনিয়েদী শিক্ষক সংগ্রহ করিতে সমর্থ হইব, এবং গ্রামীণ লোকেদের শহরের লোকেদের সঙ্গে প্রতিযোগিতা করিতে বাধ্য হয় বলিয়া তাহাদের মধ্যে যে প্রকৃতিগত হীনতাভাবের (Inferiority complex) সৃষ্টি হয় অচিরে তাহার অবসান হইবে। এই সকল নূতন বুনিয়েদী শিক্ষক নীত্রেই দেখিবেন যে, তাহারা সেই সকল কাজ করিতে সমর্থ যাহা আয়ত্ত করা তাহাদের 'সাদা কলারওয়ালার' সম্প্রদায়ের লোকেদের নিকট তরুণ বলিয়া প্রতীয়মান হইয়াছিল।

গ্রামাঞ্চলে মহাআজীবী বুনিয়েদী শিক্ষাপদ্ধতি সম্প্রসারিত হইলে এক নব জীবনের ও এক নূতন সমাজ-ব্যবস্থার সৃষ্টি হইবে এবং আপনারা অচিরেই দেশে এক নূতন ধরনের নেতৃত্বলাভ করিবেন। শিক্ষকদের তখন চাকরি-ভিক্ষার্থী হইয়া সরকারের নিকট যাইতে হইবে না। তখন আসিবে সরকারের তাহাদের নিকট গিয়া সেবামূলক কর্ম চাওয়ার জন্য তাহাদিগকে অনুরোধ করিবার পালা। সরকার অচিরেই আবিষ্কার করিবেন যে, প্রশাসন পরিচালিত হইবে অধিকতর নৈপুণ্যের সহিত যদি তাহা এই সকল লোকেদের—যাহাদিগকে বলা যাইতে পারে বুনিয়েদী শিক্ষার প্রকৃত ফল—নিকট হস্তান্তরিত করা যায়।

জীবনে সাফল্যলাভের জন্য যে সকল প্রবণতা অত্যাবশ্যক, শিক্ষাদ্বারা অবশ্যই সেগুলি বিকাশপ্রাপ্ত হইবে। দেখিবার জন্য চোখের দৃষ্টিশক্তি হইবে তীক্ষ্ণ, শুনিবার জন্য কর্ণধরকে শিক্ষাদান করিতে হইবে, মস্তিষ্কের বিকাশসাধন

করিতে হইবে ইহার ক্ষমতার সর্বোচ্চস্তরে এবং আঙ্গুলগুলি অশুশীলনের দ্বারা চরমতম নৈপুণ্য অর্জন করিতে সমর্থ হইবে—ইহাই হইতেছে বর্তমান বিজ্ঞানের যুগের দাবি।

কুসংস্কারের কবলে নিপতিত যারা

শিক্ষার মাধ্যমে বিজ্ঞানকে সম্পন্ন করিতে হইবে—আর একটি কৃত্য। সাধারণ ভাবে গ্রামীণ লোকেদের এবং বিশেষ ভাবে উপজাতীয় লোকেদের কুসংস্কারের কবলে নিপতিত তাহারা যাচবিচা এবং ভূতপ্রত্যের অস্তিত্বে আস্থাবান।

তাহাদের এলাকায় যদি কোন সংক্রামক ব্যাধি মহামারীর আকারে দেখা দেয় তাহা হইলে চিকিৎসকের সঙ্গে পরামর্শ না করিয়া তাহারা সাহায্যের জন্য ছুটিয়া যায় যাদুকর এবং ঐন্দ্রজালিকের নিকট। তাহাদের গুরু-মহিষের পালে যদি মড়ক লাগে তাহা হইলে তাহারা হরিজনদিগকে বেদম মারপিট শুরু করিয়া দেয়, কেননা তাহারা বিশ্বাস করে যে, হরিজনরা তাহাদের যাচবিচার বলে গুরু-মহিষের মধ্যে মড়কের সৃষ্টি করে। কুসংস্কারের বিরুদ্ধে একমাত্র প্রতিষেধক ব্যবস্থা হইতেছে—বৈজ্ঞানিক জ্ঞানের সম্প্রসারণ। বৈজ্ঞানিক দৃষ্টিভঙ্গীর বিকাশের সঙ্গে সঙ্গে কুসংস্কারসমূহ লোপ পাইয়া যাইবে এবং তরুণ-সম্প্রদায়ের মধ্যে সকল প্রকারের প্রয়োজনীয় এবং সুকুমার কলাসমূহের বিকাশসাধন হইবে। নই তালিম অথবা বুনিয়েদী শিক্ষা সর্বোচ্চ স্থান দিবে—বিজ্ঞান এবং কলাকে।

উপজাতীয়দের—গিরিজন এবং ভূমিজনারের স্থায়ী হওয়া উচিত সর্বোৎকৃষ্ট ধরনের, কেননা মুক্ত বাতাস এবং কঠোর পরিশ্রমের জীবন তাহাদের। চামড়ার ভিতর দিয়া তাহাদের দেহে প্রচুর সূর্যালোক প্রবিষ্ট হয়। সুতরাং বহু রোগের হাত হইতে তাহাদের মুক্ত থাকে উচিত। কিন্তু প্রকৃতপক্ষে নানা ব্যাধির কবলে তাহাদিগকে নিপতিত হইতে হয়, মুখ্যতঃ স্বাস্থ্যবিধি সম্বন্ধে তাহার অজ্ঞতা এবং যে নিকৃষ্ট খাদ্য তাহারা পায় তাহার দরুন। তাহাদের জীবন সম্বন্ধে আমি যাহা পড়িয়াছি তাহা হইতে ইহা প্রতীয়মান হয় যে, যৌন সম্পর্ক সম্বন্ধেও তাহাদের যথার্থ ধারণার প্রয়োজন।

কেনাবেচা, সঙ্কয়ের গুরুত্ব এবং মূলধনের ব্যবহার ইত্যাদি সম্পর্কেও তাহাদিগকে পুঙ্খানুপুঙ্খ জ্ঞানদানের ব্যবস্থা আমাদের করিতে হইবে। আইন এবং আইন-আদালত, ভোট এবং ভোটদান, পার্লামেন্ট বা লোকসভার কাজকর্ম, জ্ঞানবিচারলাভের পদ্ধতি এবং নূতন ধরনের পঞ্চায়েতসমূহের কর্তব্য সম্বন্ধেও অল্পসল্প তাহাদিগকে বুঝিতে হইবে।

বিজ্ঞান শিক্ষাদানের অনুষঙ্গী হইবে প্রকৃত ধর্মীয় জ্ঞান—
যে ধর্মশিক্ষা আজ তাহারা পাইতেছে তাহা নহে—কিন্তু সকল
ধর্মের সার যাহা তাহাই তাহাদিগকে শিখাইতে হইবে।
আধ্যাত্মিকতাভিত্তিক সর্বাদ্য়সম্পূর্ণ জীবনের ক্রমাভিব্যক্তি
এবং উন্নয়নের জন্তু নাচ গান নাট্যাভিনয় প্রভৃতিরও সাহায্য
লওয়া যাইতে পারে। কিন্তু আদিবাসীদের নৃত্যগীতকে
উৎসাহিত অথবা এগুলির পৃষ্ঠপোষকতা করাই যথেষ্ট নহে।
তাহাদের নাচ-গানে ভাল এবং চিত্তাকর্ষক যাহা কিছু আছে
তৎসমুদয়কে আমাদের নিজেদের জীবনের অঙ্গীভূত করা
প্রয়োজন। যখন তাহারা ইহা দেখিবে এবং বুঝিতে
পারিবে যে, তাহাদের এমন কিছু আছে যাহাকে আমরা
মূল্য দিই, তখন তাহাদের আত্মবিশ্বাস বাড়িবে এবং
আমাদের সহিত মেশা তাহাদের পক্ষে অধিকতর সহজ
হইবে।

প্রকৃত সংস্কৃতি

আদিম জাতীয় লোকেরা অরণ্যবাসী হইলেও কোন দিক
দিয়াই তাহাদিগকে সংস্কৃতিহীন বলা চলে না। তাহাদের
সামাজিক সংগঠন, তাহাদের অকপটতা এবং সত্যের প্রতি
অনুরাগ, এবং যাহারা বিশ্বাস উৎপাদনকারী তাহাদের প্রতি
অনড় আশুগত্য এই সকলই হইল তাহাদের প্রকৃত আশু-
গত্যের নিদর্শন। জীবনের সমস্যাসমূহ সমাধানে তাহাদের
যে পন্থা তাহাতেও সংস্কৃতির পরিচয় পাওয়া যায়। কুটীর-
শিল্পসমূহে তাহাদের নৈপুণ্য, তাহাদের বাচ্যসমূহ ও কাঙ্ক্ষ-
কর্মের যত্নপাতি এবং শিকারের হাতিয়ারসমূহেও তাহাদের
সংস্কৃতির প্রাণশক্তি পরিলক্ষিত হয়। তাহাদের নিম্নিত
সূক্ষ্ম কারুকার্যমণ্ডিত দ্রব্যাদি আমরা শুধু আমাদের যাত্রা-
সমূহেই প্রদর্শন করিব না, আমাদের গৃহে অধিক হইতে
অধিকতররূপে গর্বের সঙ্গে সেগুলি ব্যবহার করাই সমীচীন
হইবে।

আদিবাসীদের ধর্মীয় ভাবাদর্শসমূহ সম্পর্কে গভীর এবং
শ্রদ্ধাপূর্ণ আলোচনা অত্যাৱশ্যক। অন্ত্যায়ের বিরুদ্ধে সংগ্রামে
আমাদিগকে সকল ধর্মের সহিত সহযোগিতা করিতে
হইবে।

ধর্মীয় কলহের স্থান দখল করিয়াছে এখন রাজনৈতিক
বিবাদ-বিসম্বাদ। একে অপরের সঙ্গে সংগ্রামে রত আজ
বিভিন্ন 'ইজম' এবং মতবাদ। পুঁজিবাদ, সমাজতন্ত্র-
বাদ, কমুনিজম ইত্যাদির পারস্পরিক বিতর্ক আজ
বিভিন্ন ধর্মের মধ্যকার বাগবিতণ্ডার মতই তিক্ত হইয়া
উঠিয়াছে। কিন্তু সহাবস্থান আমাদিগকে দেখাইয়াছে এই

তিক্ত কলহসমূহ যখন কাহাকেও সাহায্য করে না তখন
কেন আমরা তাহাদের হাত হইতে রেহাই পাইব না এবং
যেমন নিজেদের জন্তু দাবি করি তেমনি প্রত্যেককে কেন
অবস্থান করিবার অধিকার দিব না। ভগবান যখন
প্রত্যেককে সহ্য করেন তখন আমরা কেন অন্ত্যায়দের
শাস্তিতে বাস করিতে দিব না এবং নিজেরা শাস্তিতে
থাকিব না।

অসহিষ্ণুতা পরিহার করিয়া কেহ যদি শান্তিপূর্ণ
সহাবস্থান নীতি গ্রহণ করে, তাহা হইলে সহাবস্থান অচিরেই
পরিণত হইবে সহযোগিতায় এবং সহযোগিতা আমাদিগকে
লইয়া যাইবে সংশ্লেষ ও সমন্বয়ের সামঞ্জস্যে।

আমল প্রয়োজন হইতেছে প্রেম, সেবা, সৌভ্রাত্ৰ এবং
সহযোগিতার। যদি আমরা প্রেম এবং শ্রদ্ধা সহকারে
আমাদের ভ্রাতৃগণের সেবা করি এবং তাহাদের প্রগতিতে
সুখী হই তাহা হইলে সকল বগড়া-বিবাদ অপসারিত হইয়া
যাইবে।

ভাষাগত সমস্যাসমূহ

আদিবাসী সম্প্রদায়ের প্রত্যেক উপজাতি ইহার নিজস্ব
ভাষায় কথা বলে। কেবল যে সমাজসেবকগণ কর্তৃকই এই
সকল বিভিন্ন ভাষা অধীত এবং আলোচিত হইবে তাহা
নহে, আমাদের বিশ্ববিদ্যালয়সমূহও এগুলি সম্বন্ধে গভীর
ভাবে আলোচনা করিবেন। 'পুণা, ডেকান কলেজ রিসার্চ
ইনষ্টিটিউট'ের ড. কাতরে এই দিক দিয়া বাস্তবিকই একটি
প্রশংসনীয় কাজের সূচনা করিয়াছেন। আদিবাসীদের মধ্য
কর্মরত আমাদের সমাজ-সেবকদের উচিত তাঁহার সংস্পর্শে
আসা এবং তাঁহার সহিত সহযোগিতা করা।

আদিবাসীদের ভাষার জন্তু ব্যবহৃত হইবে হয় আঞ্চলিক
লিপি অথবা নাগরী লিপি। তাহাদের অভিধান, ব্যাকরণ
এবং গান মুদ্রিত হওয়া উচিত নাগরী অক্ষরে। ইহা উপ-
জাতীয় ভাষাসমূহ অধ্যয়ন ও আলোচনাকে সহজসাধ্য করিয়া
তুলিবে, আদিবাসী যুবকদিগকে অধিকতর সহজ ভাবে
হিন্দী এবং সংস্কৃত শিখিতেও ইহা সাহায্য করিবে।

স্বরাজের ভিত্তিকে যাহারা দৃঢ়তর করিতে চান এবং
জাতীয় সংহতির গুরুত্ব যাহারা উপলক্ষি করেন, আদিবাসী-
দের জীবন এবং ভাষা সম্বন্ধে—মন গভীর ভাবে তাঁহা-
দিগকে অধ্যয়ন ও আলোচনা করিতে হইবে যেন আদিবাসী
ভাষাসমূহ তাঁহার নূতন এবং যথোপযুক্ত শব্দাবলী উদ্ভাবন
করিতে সমর্থ হইতে পারেন। এবং আমরা নিজেরাও

প্রান্তিক ভাষাসমূহের এবং হিন্দীর অঙ্গীভূত করিয়া লইব না? আমাদের উচিত তাহাদের নৃত্য গীতও শিক্ষা করা। তাহাদের সহিত আহার করিতে এবং খেলাধুলা করিতে আমরা সমর্থ হইব। দিল্লীতে আমাদের জাতীয় উৎসবে যোগদান করিতে যেমন আমরা তাহাদিগকে আমন্ত্রণ করি তেমনি আমাদের আঞ্চলিক উৎসবসমূহে অংশ গ্রহণ করিবার জন্যও তাহাদিগকে আমরা আহ্বান করিব এবং আমাদের আনন্দোপভোগে ও অবসরবিনোদনেও আমরা তাহাদের সহিত একাঙ্গ হইয়া যাইব।

প্রকৃতির সম্ভান

যেমন আমরা তাহাদের সেবা করি তেমনি তাহাদের সেবাও মানন্দ গ্রহণ করা আমাদের পক্ষে সমীচীন হইবে। আদিবাসীর প্রকৃতির সম্ভান; বিভিন্ন প্রকারের ওষধি এবং গাছ গাছড়া গুণাগুণ তাহারা অনেকই জানে। আমাদের আয়ুর্বেদীয় চিকিৎসক এবং রাসায়নিকগণ তাহাদের নিকট হইতে অনেককিছু শিখিতে পারেন।

উপজাতীয়দিগকে শিক্ষাদানকালে এই বিষয়টিও বিবেচনা করা সমীচীন হইবে যে, অরণ্যচারী প্রাণীকুল, পশুপক্ষী এবং বনের উদ্ভিদজীবনের সঙ্গে তাহাদের জীবন ঘনিষ্ঠভাবে সংশ্লিষ্ট। প্রাথমিক উদ্ভিদবিদ্যা, প্রাণীবিদ্যা এবং খনিজ-বিদ্যা শিক্ষা করা তাহাদের নিকট সহজতর বলিয়া প্রতীয়মান হইবে। এই সকল উপজাতীয় লোকদের প্রায়শঃই লৌহ এবং কয়লার গনিষ্ঠমিতে শ্রমিকরূপে নিযুক্ত করা হয়। কিন্তু ইহাই যথেষ্ট নহে। উপজাতীয়দের ভিতর হইতে বুদ্ধিমান এবং উপযুক্ত যুবকদিগকে যদি বন-সংরক্ষণবিদ্যা (Forestry) অথবা খনিজবিদ্যা এবং ধাতুবিদ্যায় (Metallurgy) বিশেষজ্ঞ হইবার সুযোগ দেওয়া যায় তাহা হইলে তাহাদের প্রতি ঠিক হায় বিচারই করা হইবে এবং ইহা তাহাদিগকে জাতির সেবা করিবার সুযোগও প্রদান করিবে। কতিপয় যোগ্য তরুণকে জার্মানী, রাশিয়া এবং আমেরিকায় পাঠানো খুবই সম্ভব হইবে ইহার দরুন তাহারা আধুনিক যন্ত্রবিদ্যার (Technology) জ্ঞান আহরণ করিয়া আমাদের দেশে লইয়া আসিতে সমর্থ হইবে।

সমবায় এবং উপজাতিসমূহ

সমবায় সমিতিসমূহ লইয়া এখনে আমি বেশী আলোচনা করিব না। বিশেষজ্ঞগণই এই বিষয় সম্বন্ধে বাহানুবাদ করুন। এই পর্বে আমি জানি যে, 'আদিবাসীদের অরণ্য সমিতি সমূহ' (Forest Co-operative Societies for Adivasis) বোম্বাই রাজ্যে খুব কার্যকররূপে এবং সাকল্যের সহিত কাজ

করিতেছে। ইহাও আমি জানি যে, উপজাতীয়দের স্বভাবতঃই এই ধরনের সমবায়মূলক কর্মপ্রচেষ্টার যথেষ্ট যোগ্যতা আছে। প্রয়োজনীয় শিক্ষা এবং উপদেশ দিলে তাহারা নিজেরা নিশ্চিতই কৃতিত্বের সহিত সমবায় সমিতি চালাইতে পারে। ইহা মনে রাখা ভালো যে, বর্তমান নববিধানে সকলের শেষে যাহার স্থান সে হইতে পারে প্রথম।

প্রত্যেক সভ্য সরকারকে যথোচিত মনোযোগ দিতে হয় ইহার বন সংরক্ষণের ব্যাপারে। সরকারকে এই বিষয়ে নিশ্চিত হইতে হইবে যে, প্রতি বৎসর যে পরিমাণ গাছ কাট হয়, রোপণ করিতে হইবে অস্তুতঃ তাহার দশ গুণ অধিক। অরণ্যসমূহ আমাদের মূল্যবান সম্পত্তি এবং সে গুলিকে বিধ্বস্ত হইতে দেওয়া সমীচীন নহে।

কিন্তু ইহাও সমভাবে গুরুত্বপূর্ণ যে, অরণ্যবাসী উপজাতীয় লোকেরা যেন উপক্রম এবং দুর্গত না হয়। আদিবাসীদের সংখ্যা এবং শক্তিও আমাদের দেশের পক্ষে মূল্যবান সম্পদ।

বন-সংরক্ষণবিদ্যায় আদিবাসীদিগকে পুখানুপুখানুক্রমে মূলমন্ত্রে শিক্ষা দেওয়ার পর তাহাদিগকে ফরেস্ট গার্ড এবং ফরেস্ট অফিসাররূপে কর্মে নিযুক্ত করিতে হইবে। তখন বাহির হইতে লোক আমদানী করা হইয়া দাঁড়াইবে সম্পূর্ণ অনাবশ্যক।

শিক্ষিত আদিবাসী যুবকদের নিকট আমি কেবলমাত্র এই কথাই বলিব—“সর্বতোভাবে তোমাদের জনগণের, তোমাদের সম্প্রদায়ের সেবা কর। কিন্তু কেবলমাত্র ইহা দ্বারাই তোমরা কখনও তোমাদের লোকদের উচ্চতম লক্ষ্যে পৌছাইয়া দিতে সমর্থ হইবে না। সামগ্রিক ভাবে জাতির পরিপূর্ণ বিকাশের কার্যে তোমাদিগকে সহযোগিতা করিতে হইবে অশ্রান্ত মহান নেতাদের সহিত। তোমাদের পূর্ণাঙ্গ এবং সর্বতোমুখী প্রগতির ইহাই একমাত্র পন্থা।”

পূণ্যকৃত্যের অধিকারী তাহাই

দেশে এমন অনেক কল্পী আছেন, আদিবাসীদের সেবাকে ব্রতস্বরূপ গ্রহণ করিয়া যাহারা তদুদ্দেশ্যে জীবন উৎসর্গ করিয়াছেন। তাহাদের কাজ একটি পূণ্যকৃত্য। যাহাদের আমরা সেবা করি তাহাদের মধ্যে ভগবানকে দেখা আমাদের আদর্শ। ভগবান যখন এই সকল সাদাসিধা আদিবাসীর রূপে আমাদের সেবা গ্রহণ করিতে সম্মত হইয়াছেন, তখন আমরা যতখানি আমাদের সাধ্য ততখানি নিষ্ঠা এবং আনুগত্য দ্বারা আমরা ইহাদের সেবা করি—আমুন, তাহাদের আস্থাভাজন হইবার জন্য আমরা চেষ্টিত হই। তাহাদের পক্ষে আমাদের নিকট তাহাদের হৃদয়কে পরিপূর্ণ ভাবে

উদ্ঘাটিত করিয়া দেওয়া অসম্ভব যদি না তাহাদের ভাষা শিক্ষা করি আমরা পুথানুপুথ্যরূপে। আমরা যেমন তাহাদের সেবা করি তেমনি যদি তাহাদের ভাষারও সেবা করিত সমর্থ হইত তবে তাহা হইবে নতুন সাহিত্যের মাধ্যমে।

জাতিসংক্রান্ত কুসংস্কারসমূহ আমাদিগকে পানভোজন সম্পর্কিত অনেক 'ট্যাবু' বা ধর্মীয় নিষেধের কবলিত করিয়া ফেলে। সৌভ্রাত্যের অনুশীলন কেবল তাই আমরা করিতে পারি যখন আমরা এই সকল 'ট্যাবু' পরিহার করিতে সমর্থ হই। একথা বলা আদৌ আমার উদ্দেশ্য নয় যে, নিষিদ্ধ জব্যসমূহ আমরা পান অথবা আহাৰ করিব। কিন্তু কিছুই যেন আমাদিগকে যে-কোনও লোকের সহিত বসিয়া আহাৰ করিতে অথবা যে-কোনও লোকের দ্বারা রন্ধিত খাদ্য ভোজনে প্রতিনিবৃত্ত না করিতে পারে।

আদিবাসীদিগকে আমরা যত বেশী একাউণ্টেবলী বা

হিসাবপত্র সংরক্ষণবিদ্যা শিখাইব, তাহাদের প্রগতি হইবে ততই বলবত্তর এবং দ্রুততর। সাফল্যের সহিত তাহাদের সর্কার্থসাধক সমবায় সমিতিসমূহের (Multipurpose Co-operative Societies) কার্যপরিচালনার জ্ঞান বৃদ্ধি কিংবা হিসাব-কিতাবের কাজ অত্যন্ত প্রয়োজনীয়।

স্বাস্থ্য এবং স্বাস্থ্যবিধি সম্পর্কে তাহাদিগকে যথোপযুক্ত জ্ঞানদানেও সমর্থ হওয়া আমাদের উচিত।

প্রকৃত প্রয়োজন হইতেছে—তাহাদের মধ্যে আশ্রমসমূহ প্রতিষ্ঠা যেখানে আদিবাসী এবং অপর সম্প্রদায়ের কতিপয় পরিবার একত্রে অবস্থান করিতে পারে এবং যেখানে বিকশিত হইতে পারে সকল ধর্মের জ্ঞান শ্রদ্ধা। আমাদের আদর্শ হওয়া উচিত পবিত্রতা এবং জীবনের ঋদ্ধি।

আদিবাসীদের সঙ্গে আমাদের জীবন অবিচ্ছেদ্য ভাবে বিচ্ছিন্ন হওয়ার জ্ঞান বৃদ্ধি হইবে যে অনাবিল আনন্দ— তাহাই আমাদের সত্যিকারের পুরস্কার।

আদিবাসীদের লোকসঙ্গীত

শ্রীপ্রভাকর মাচণ্ডে

সবল গ্রামবাসীদের অথবা সমতলে কিংবা শহরের নিকটে যে সকল লোক বাস করে, আদিবাসীদের লোক-সঙ্গীতসমূহ তাদের লোক-সঙ্গীত থেকে ভিন্ন ধরনের। তাদের মধ্যে নিহিত রয়েছে সমাজতাত্ত্বিক এবং নৃতত্ত্ববিদের, সাহিত্য-বিষয়ক গবেষক-কর্মী এবং ভাষাতত্ত্ববিদের, আদিম সভ্যতা এবং সাংস্কৃতিক রীতি পদ্ধতিসমূহের পারস্পরিক বিপ্র-কর্ষণের অনুশীলকের গবেষণার উপকরণ ভাণ্ডার। এই সকল লোকগীতির অধিকাংশই অলিখিত এবং কাজেই তাদের লিপিবদ্ধ রূপের মধ্যেও বিরাট পার্থক্য বিদ্যমান। মূল ভাষান্তরের প্রামাণ্যতা বজায় রাখবার দিকেও আমাদের দেশে যথেষ্ট মনোযোগ দেওয়া হয় নি। মূলের আর্জিব বা সরলতা (Naivete) প্রায়শঃই ব্যাহত হয় অজ্ঞাতসারে মুখে মুখে রচিত কবিতার চরণসমূহ দ্বারা। কখনও কখনও স্বাধাতের (accent) একটি পরিবর্তনে অর্থের অদল বদল হয়। এবং যেহেতু আদিবাসীদের শব্দ-ভাণ্ডার এত সীমিত সেইজন্য এগুলি মূলরূপকে অবিকৃত রাখবার জন্যে প্রয়োজন চূড়ান্ত প্রযত্নের। এখানে ভারতবর্ষের বিভিন্ন অঞ্চলের আদিবাসীদের লোক-সঙ্গীতের রচনাংশসমূহ যদৃচ্ছাক্রমে উপস্থাপিত করা যাচ্ছে :

শবর উপজাতীয়দের ওড়িয়া লোক-সঙ্গীত

উড়িয়া! যেমন ভাস্কর্যের এবং বিভিন্ন রঙের আদ্যাকরে

অলঙ্কৃত (illuminated) হাতে লেখা পুথিব, তেমনি লোক-সঙ্গীতেরও সমৃদ্ধ ভাণ্ডার। এখানে শবর উপজাতির একটি লোক-সঙ্গীতের নিদর্শন দেওয়া যাচ্ছে :

মাদল বাজায় ক্ষেত-ইঁদুরের

নকুল হল যাত্রার।

কাঠবিড়ালী মদ বিলায়

ভেরী বাজায় শশকবর।

ময়ূর রাখে মুদঙ্গ যে

দীর্ঘ তাহার গ্রীবার 'পর।

দশ গ্রীবা তাই ত তার—

ক্ষেত-ইঁদুরের পিঠটা দেখি,

মস্ত বড় তার প্রসার।

সাক্ষিয়ে যখন পড়ল সবাই

ময়ূর-গ্রীবার মুদঙ্গে

'দিনজুব' 'দিনজুব' গান ধরিয়া

ময়ূর মাত্ত কি রঙ্গে!

"বুম্বসার" "বুম্বসার"

নকুলভায়া গান ধরে,

কাঠবিড়ালী বলছে ডেকে

মদের গ্লাসটা নাও ভরে।

'টিউডোই' 'টিউডোই'

শশক বুঝি গান করে।

মাদল বাজায় ক্ষেত-ইঁহুবে
নকুল হ'ল যাচকর
কাঠবিড়ালী মদ বিলায়
ভেরী বাজায় শশকবর।

কক্ষা, পবজা এবং অন্যান্য যে সকল উপজাতীয় লোক ময়ূরভঞ্জে অত্যন্ত প্রদেশে ও মহানদীর তীরে এবং চিক হ্রদের তীরে বাস করে তাদের মধ্যেও এই ধরনের সঙ্গীত প্রচলিত আছে। এই সকল অঞ্চলের অনেকগুলিতে এখনও যা দিয়ে লোক-সঙ্গীতের রস-সম্পদ আহরণের চেষ্টা হয় নি। শাস্তিনিকেতনে ডক্টর কুঞ্জবিহারী তাঁর অঞ্চলের লোক-সঙ্গীত সম্বন্ধে সূচু ভাবেই আলোচনা করেছেন।

রাজস্থানী লোক-সঙ্গীত

রাজস্থানী হচ্ছে বিভিন্ন উপভাষার—‘লি’ও তার অন্তর্ভুক্ত—সাধারণ নাম। রাজস্থানের লোকসঙ্গীতসমূহ অত্যন্ত বর্ণঢ্য। ওখানে যে সকল জাতির বাস তারা হচ্ছে তৌন্দাজ ভীল, অপরাধপ্রবণ কাঞ্জার, এবং “দেবী”-উপাসক ‘গরিয়া নোহার’—শেষোক্তরা হচ্ছে এক শ্রেণীর বেদে উপজাতির লোক। একটি বিখ্যাত রাজস্থানী (মাড়োয়ারী) বিবাহ সঙ্গীতের দৃষ্টান্ত এখানে দেওয়া যাচ্ছে :

সাদা কি, ওগো সাদা কি,
ভক্তদের তুলো সাদা
সাদা প্রভু সূর্যাদেবের বোড়া,
সাদা তাঁর পত্নী রাইনাদের দাঁতগুলো
উদীয়মান সূর্য্য সাদা
ডুবে-যাওয়া রবি কিন্তু সিঁদুরবাড়া
গোকুলগুলো গিয়েছিল চরতে
পাখীরা চলে গেল সূদুবে
পর্শের অস্থঠান যত সব
হ'ল প্রতিপালিত সূচাকুরূপে।
ওগো প্রিয় বন্ধু, আমার বাপের বাড়ীতে
বাজে মাদল।

লাল কি, ওগো লাল কি
চুড়িগুলির লাল লাল,
লাল প্রভু সূর্য্যাদেবের অশ্ব
লাল তাঁর পত্নী ‘বহু রাইনাকেব চক্ষু দুটি’
উদীয়মান সূর্য্য সাদা
ডুবে যাওয়া সূর্য্য সিঁদুরবাড়া
রক্তবাড়া যুদ্ধে আসা নলিনী।
গোকুলগুলি গিয়েছিল চরতে

পাখীরা উড়ে চলে তাদের পথে
আচার অস্থঠান যত হ'ল প্রতিপালিত
ওগো বন্ধু, আমার বাপের বাড়ীতে
বাজে মাদল।

উদয়পুরের হিন্দী বিদ্যাপীঠ মোতীলাল মেনারিয়ার উপযুক্ত পরিচালনায় ফুসাজী মীনা কর্তৃক রেকর্ড-করা শত শত ভীল গীত আমি পড়েছি এবং শুনেছি। একটি ভীল লোকসঙ্গীতে পাই তেজা ভীলের কাহিনী—খুব ভোরবেলা স রওনা হ'ল বাড়ী থেকে—সঙ্গে তার তরুণী বধু। গাঁয়ের সকল সোকে তাকে যেতে বারণ করল—কেননা সোমা নদীতে সেদিন বান ডেকেছে, কিন্তু কারুর মানা শুনল না সে—ফল হ'ল কি? নদী গ্রাস করে ফেলল তেজা আর তার স্ত্রী দু'জনেই। কবিতাটি ছোট, কিন্তু বড়ই মর্মস্পর্শী এবং শোকাবহ।

ছত্রিশগড়ের গোন্দ-সঙ্গীত

গোন্দ এলাকায় আমি ব্যাপকভাবে ভ্রমণ করেছি এবং রাতভোর গান করতে শুনেছি মারিয়া বিয়ের দলকে। শুনেছি রাজগোন্দ সম্প্রদায়ের এক অঙ্ক চারণকে এমন সব লোকসঙ্গীত গাইতে—যাতে প্রতিফলিত হয়েছে সাম্প্রতিক ঘটনাসমূহের রূপ—যেমন বিক্রুটিং অফিসার কর্তৃক শ্রমিকদের চা বাগানে নিয়ে যাওয়া ইত্যাদি। কিশোরদের “ঘটুল” সঙ্গীত এবং ‘দাদারিজাজ’ ও ভজুলি সঙ্গীত শুনবার সৌভাগ্যও আমার হয়েছে। ড. ভেরিয়ার এলউইন এই অঞ্চল সম্বন্ধে বিশদভাবে আলোচনা করেছেন তাঁর বই-গুলিতে।

গোন্দবা বাস করে শহরের অপেক্ষাকৃত নিকটবর্তী স্থানে এবং দুইটি যুদ্ধের অন্তর্বর্তীকালে তারা হয়েছিল বিপর্যস্ত। অনেক মোচড় খেতে হয়েছে তাদের চিন্তাভাবনাহীন সবল জীবনকে। মারিয়া লোকগীতিসমূহে দুর্ভিক্ষ এবং দারিদ্র্য-পীড়িত লোকদের উল্লেখ আছে প্রচুর। বিভিন্ন ফসলকাটার উৎসব এবং মজুরা-সঞ্চয়ন, ব্যাধি নিরাময় করা এবং অতি-প্রাকৃত শক্তিনিচয়ের তোষণ, অস্তোষ্টিক্রিয়া, এমনকি কামনা-তুর প্রণয়ের খালাধূলি প্রকাশ সম্বন্ধে পর্য্যাপ্ত বহু সঙ্গীত প্রচলিত আছে তাদের মধ্যে।

আসাম উপজাতীয় লোকে পূর্ণ—যেমন নাগা, আক্রামী নাগা, কাছারী, গারো খাসিয়া ইত্যাদি। “তারা তাদের তাঁতে কবিতা বোনে”—গাঙ্গাজী তাদের সম্বন্ধে বলতেন এই কথাগুলি। তারাও নাচে গায় এবং বিভিন্ন ঋতু-উৎসবে এবং আধা ধর্মীয় অস্থঠানসমূহে স্মৃতি আমোদ করে। প্রাচীন

কামরূপের পেছনেব সমাজতাত্ত্বিক বিজ্ঞানের প্রশংসনীয় আলোচনা পাওয়া যাবে পরলোকগত ড. বাণীকান্ত কাকতির “দি মাদার গডেস অব কামাখ্যা” নামক পুস্তকে। উপ-জাতীয়দের লোকসঙ্গীত লিপিবদ্ধ করার দিক দিয়ে দেখতে গেলে এই অঞ্চলের অধিকাংশই এখনও রয় গেছে অনবেক্ষিত। ভারতীয় বিদ্যানগণ এখনও পর্যন্ত পরিপূর্ণ ভাবে এই ক্ষেত্রে অনুসন্ধান করেন নি।

এই প্রবন্ধ অন্ততঃ কয়েকজনকে এ বিষয়টি শুধু সখ হিসাবে (যেমন আমার আছে) জীবনের প্রিয়বস্তু রূপে গ্রহণ করতে অনুপ্রাণিত করুক। এবং মহারাষ্ট্রের ডোঙ্গ, গুজরাটের ভীল, দক্ষিণের টোডা, বিহারের সাঁওতাল এবং হিমালয় অঞ্চলের বিভিন্ন পার্বত্য জাতির লোকসঙ্গীত সম্বন্ধে অধ্যয়ন এবং আলোচনার তাঁরা প্রবৃত্ত হোন।

টোডা প্রণয়-সঙ্গীত

টোডারা নীলগিরির একটি আদিম জাতি। এখানে তাদের একটি লোকসঙ্গীতের নমুনা দেওয়া হ'ল :—

যদি তুমি আমায় বিয়ে করো—
তবে, একই আকারের এবং রঙের যুগল পত্রের মতো
এক হয়ে যাবো আমরা। তাই এসো।
একই গাছের শাখা থেকে যেমন করে তৈরি
হয় দুটি মোষের মূর্তি
তেমনি করে মিসব আমরা। তাই এসো।
চল আমরা যাই ওখানে ওই পিপার মত
গৃহে। এসো।
এক কুঁড়েঘর ভরতি ছেলেপুলের জন্য দেবো আমরা
এসো।
খোঁয়াড় ভরা মোষ পালব আমরা। এসো।
বাক্স ভরতি টাকা হবে আমাদের। এসো।
যেভাবে থাকব আমরা সেভাবে বাস করে নি
কখনো কেউ। এসো।
আমাদের বাপঠাকুরদার মত থাকব আমরা। এসো।
পুরনো কালের মত থাকবে আমাদের
মোষের পাল। এসো।
বুড়ুকু মানুষকে দেবো আমরা খাদ্য এবং
ক্রীতি। এসো।
তৃষ্ণার্তকে দেবো আমার দুধ আর ভিক্ষা। এসো।
সবাইকে অনুরোধ করব আমরা মিসিত হতে
আমাদের মন্দিরের কাছে। এসো।
ভালো পোশাক-পরিচ্ছদ পরব আমরা। এসো।
নক্সা-তোলা কাপড় পরব আমরা। এসো।
একত্রে, আলাদা ভাবে নয়, আমাদের দিন গুনব আমরা।
এসো।

চত্রিশগড়ের, মারিয়া উপজাতিদের লোকসঙ্গীত

মহাজনের অত্যাচারে জর্জরিত আদিবাসীদের গভীর বেদনা ব্যক্ত হয়েছে এই লোকসঙ্গীতে :—

আমাদের গাঁয়ের মহাজন, সেই মহাজন
ওগো মেয়ে, ওগো মেয়ে!
অন্তরে তার অবহেলা, রসনায় তার প্রতারণা
ওগো মেয়ে, ওগো মেয়ে।
তার নিস্তিতে ফাঁকি, ওজনেও তার ফাঁকি
ওগো মেয়ে ওগো মেয়ে
দিন রাত সে সব আমাদের নিচ্ছে লুটে,
লুঠ করছে সব—
ওগো মেয়ে, ওগো মেয়ে—
ঋণ আমাদের জড়িয়ে ফেলেছে,
ঋণ আমাদের করেছে অভিভূত
ওগো মেয়ে, ওগো মেয়ে
বন্দগুলো নিয়ে গেছে সেই মহাজন
ওগো মেয়ে ওগো মেয়ে
শূণ্য লাঙ্গলগুলো করবে কি,
করবে কি শূণ্য লাঙ্গল
ওগো মেয়ে ওগো মেয়ে
এর চেয়ে যত্নাই যে ছিল ভালো,
কিই বা হ'ত যদি
মরে যেতাম আমরা
ওগো মেয়ে, ওগো মেয়ে।
আমাদের গাঁয়ের সেই মহাজন,
সেই মহাজন
ওগো মেয়ে, ওগো মেয়ে।
অন্তরে তার অবহেলা
রসনায় তার প্রতারণা
ওগো মেয়ে, ওগো মেয়ে।

শ্রীচৈতন্য মহাপ্রভুর মৃত্যু-রহস্য

শ্রীবিভূতিভূষণ মিত্র

শ্রীচৈতন্য মহাপ্রভু দেহত্যাগ করেন ৩১শে আষাঢ় শক ১৪৫৫, ইং ১ই জুলাই ১৫০৩ খ্রীষ্টাব্দে। তখন তাঁহার বয়স ৪৮ বৎসর মাত্র। কিন্তু আজও জনমনে এই প্রশ্ন জাগে যে, তাঁহার দেহাবসান প্রকৃত-পক্ষে কিভাবে ঘটিয়াছিল। এই জড়-জগতে জন্মগ্রহণ করিয়া মহাপ্রভু যে তাঁহার পার্শ্বভৌতিক দেহসহ শ্রীজগন্নাথের অধা। শ্রীগোপীনাথের বিগ্ৰহের মধ্যে লীন হইয়া গিয়াছিলেন, ইহা নির্ভর-যোগ্য ঘটনা কিনা, এ প্রশ্ন আজও সাধারণ ভক্তগণের, বিশেষতঃ ঐতিহাসিকগণের মনে টাঁকি মাখে। অন্ধ বিশ্বাসের কথা ছাড়িয়া দিয়া, মহাপ্রভুর মহাপ্রয়াণের ঘটনাটির সহিত বাস্তব ও সত্যের কি সম্বন্ধ থাকিতে পারে তাহা উদ্ঘাটিত হওয়া কর্তব্য। স্বয়ং শ্রীকৃষ্ণও দৈহিক মৃত্যু হইয়াছিল। বিষ্ণুপুরাণে আছে যে, যত্বংশ স্বয়ং হইবার পর শ্রীকৃষ্ণ ষারকতে আসিয়া যোগবলে দেহত্যাগ করেন। মতান্তরে, শ্রীকৃষ্ণ শাবিত ছিলেন এবং তদবস্থায় এক ব্যাধের শরাসাতে তাঁহার দেহাবসান ঘটে। এই উভয় প্রকার মৃত্যুই নবদেহধারীর পক্ষে অসম্ভব নহে। অধিকন্তু শ্রীকৃষ্ণের মৃত্যুর পর ষারকতেই তাঁহার শেখুত্যাগি নিপন্ন হইয়াছিল। কিন্তু মহাপ্রভুর দেহ অকস্মাৎ বিগ্ৰহমধ্যে অদৃশ্য হওয়া কি বিশ্বাসযোগ্য ঘটনা?

প্রভুপাদ হরিদাস গোস্বামী বধার্ঘই বলিয়াছেন, “মহাপ্রভুর সন্মোপন-লীলা হৃৎকরসম্পূর্ণ হইলেও এক্ষণে শিক্ষিতসমাজের তাহার বিশদ বিবরণ জানিতে প্রবল বাসনা দেখিতে পাওয়া যায়। শ্রীগৌরঙ্গ প্রভু পূর্ণব্রহ্ম সনাতন—স্বয়ং ভগবান। তাঁহার লীলা-কথার যতই আলোচনা হইবে, যতই বিচার বিশ্লেষণ হইবে, ততই জীবের পরম মঙ্গল হইবে... মহাপ্রভুর সন্মোপন-লীলার স্বল্প-স্বল্পরূপে বিচার করিলেই বা ক্ষতি কি?”

প্রধানতঃ ঠাকুর লোচন দাস ও জয়ানন্দ তাঁহাদের চৈতন্য-মঙ্গলে, নরহরি চক্রবর্তী তাঁহার ভক্তিবক্তার গ্রন্থে এবং মহাপ্রভু শিশিরকুমার ঘোষ মহাশয় তাঁহার অমিষ্ণ-নিমাই চরিতে মহাপ্রভুর মৃত্যু সন্ধে কিছু কিছু তথ্য প্রকাশ করিয়াছেন। কিন্তু অজ্ঞান প্রধান প্রধান বৈষ্ণব-গ্রন্থে যথা—কৃষ্ণনাম কবিতাজ বিবচিত শ্রীচৈতন্য-চরিতামৃত অথবা বৃন্দাবন দাস কৃত শ্রীচৈতন্যভাগবতে মহাপ্রভুর মৃত্যু সন্ধে কোনকিছুই উল্লেখ নাই। ইহার একমাত্র কারণ এই যে, তাঁহাদের হার একনিষ্ঠ গৌরঙ্গ-সাধক মহাপ্রভুর একান্ত স্মরণবিদায়ক মৃত্যু-কথা লিপিবদ্ধ করিতেও বিধাবোধ করিয়াছেন। সেই কারণেই দেখা যায় যে, মহাপ্রভুর পত্নী বিষ্ণুপ্রিয়াও

অল্পদান বৃত্তান্ত স্বমূরুপ অস্পষ্ট ভাবেই বৈষ্ণব গ্রন্থে লিপিবদ্ধ হইয়াছে। বিষ্ণুপ্রিয়ার মৃত্যু সন্ধে লিপিত হইয়াছে যে, এক দিন তিনি তাঁহার একমাত্র প্রিয় সহচরী কাকনমাদার সহিত নবদ্বীপে স্ব-প্রতিষ্ঠিত শ্রীগৌরঙ্গমূর্তি দর্শন করিতেছেন এমন সময় চঠাং শ্রীমন্দিরের দ্বার কড়ক হইল, গৌরঙ্গমূর্তি স্তম্ভসম হইয়া উঠিলেন এবং বিষ্ণুপ্রিয়া সেই ক্ষতি শুভ মুহূর্তে শ্রীগৌরঙ্গমূর্তিতে লীন হইলেন।

এখানেও বিষ্ণুপ্রিয়ার নশ্বর দেহের পরিণতি অথবা তাঁহার দেহের শেষকৃত্যাদি সন্ধেও কোন গ্রন্থে কোনরূপ উল্লেখ নাই। অতএব দেখা যায় যে, কোন কোন বৈষ্ণব-কবি শ্রীচৈতন্যের অবতারত্ব ও দেবত্ব অস্বল্প বাধিবার জন্য ইচ্ছা করিয়াই মহাপ্রভু ও বিষ্ণু-প্রিয়ার নশ্বর দেহ দুইটির শেষ পরিণতি সন্ধে কোনরূপ তথ্যাদির উল্লেখ করেন নাই। কিন্তু এই তথ্য গোপন না রাখিলে বা উল্লেখ করিলে যে তাঁহার অবতারত্ব সুর হইবে এমন নহে। যে সমস্ত বৈষ্ণব-সাধক এ বিষয়ে কিছু কিছু আলোকপাত করিয়াছেন, তাঁহারাও একনিষ্ঠ গৌরভক্ত। এখন, যে সমস্ত বৈষ্ণবগণ মহাপ্রভুর মৃত্যু সন্ধে কিছু কিছু তথ্যাদি প্রকাশ করিয়াছেন, তাঁহাদের যত্ববাদের সমালোচনা করাই এই প্রবন্ধের উদ্দেশ্য।

মহাপ্রভু ৪৮ বৎসর কাল জীবিত ছিলেন (খ্রীঃ ১৪৮৬-১৫০৩)। তন্মধ্যে চক্ষিণ বৎসর তিনি নবদ্বীপে ছিলেন। তৎপরে সন্ন্যাস গ্রহণ করিয়া ছয় বৎসর দক্ষিণ-ভারত, ষারকা ও বৃন্দাবন প্রভৃতি প্রধান প্রধান তীর্থে পদব্রজে ভ্রমণ করেন ও অবশিষ্ট ১৮ বৎসর নীলাচলে বাস করেন।

‘শ্রীকৃষ্ণ চৈতন্য নবদ্বীপে অবতরি।
অষ্ট-চল্লিশ বৎসর একট-বিহরি।
চক্ষিণ বৎসর প্রভু কৈলা গৃহ-বাস।
নিরন্তর কৈলা কৃষ্ণ-কীর্তন প্রকাশ।
চক্ষিণ বৎসর শেবে করিয়া সন্ন্যাস।
চক্ষিণ বৎসর কৈলা নীলাচলে বাস।
তার মধ্যে ছয় বৎসর গমনাগমন।
কত দক্ষিণ কত গৌড় কত বৃন্দাবন।
অষ্টাদশ বৎসর রহিল নীলাচলে।
কৃষ্ণ-প্রের নামাবৃত্তে তাগাল সকলে।’

শ্রীচৈতন্যচরিতামৃত

মহাপ্রভুর শেষ করেক বৎসর অহরহ প্রেমোচ্ছাস অবস্থায়

কাটিয়াছিল। মূর্ছা, উদ্ভগ্ন-মূর্তা, আবেশ ও উন্মাদনা এই অবস্থা-
গুলি তাঁহাকে ক্রমাগত আচ্ছন্ন করিয়া রাখিত। এই সময়ে তিনি
কখনও বা গভীরের দেহাঙ্গে শ্রীকৃষ্ণচরণভ্রমে নিজ মুগ্ধমগ্ন স্বৰ্ণ
করিয়া বক্তৃত্তকগেবর হইতেন, কখনও বা চটক পর্কিত দর্শন
গিবি-গোবর্দ্ধন ভয়ে ভ্রানন্দ-মূর্তা করিতেন, কখনও বা যমুনাভ্রমে
সমুদ্রমধ্যে নিমজ্জিত হইতেন, কখনও বা জগন্নাথ-মন্দিরের শিল্পা
গাভীগণের সহিত রাসালভাবে আশ্রয়গোপন করিয়া থাকিতেন,
আবার কখনও বা শ্রীরাধাভাবে বিভোর হইয়া থেম-লীলা কীর্তন
করিতেন। তৎকালে তাঁহার দেহবোধ একেবারে লুপ্ত হইয়াছিল
বলিলেই হয়। এই সময়ে স্বরূপ দামোদর, বায় রামানন্দ ও
গোবিন্দ দিবারাজ তাঁহার দেহবহীর কার্য করিতেন। তৎকালে
তাঁহাকে জয়দেব, বিজাপতি ও চণ্ডীদাসবৃত্ত প্রেম গীতিকার
সুনাটলে তিনি কথঞ্চিৎ প্রকৃতিস্থ হইতেন এবং তাঁহাকে স্বয়ং
রাখিবার জন্য স্বরূপ দামোদর ও বায় রামানন্দ সর্বদাই উক্ত বৈষ্ণব
কবিদের রচিত পদাবলী শুনাটতেন।

এই সময়ে এক দিন, সম্ভবতঃ ই.স.ই. তাঁহার জীবনের শেষ দিন,
(৩১শে আষাঢ় ১৪৭৫ শক, ইং ৯ই জুলাই ১৭৩৩) তিনি কাশী
মিশ্রের গৃহে অক্লান্ত আবেগে বক্তৃত্তক বধা করিতে কঠিনে
অধম্মাৎ নীরব হইতেন। তাঁহার বদনমণ্ডলে বিষাদ-কালিমা, বেগে
নয়নশ্রু বহিতে লাগিত। তিনি চর্চায় সাজোস্থান করিয়া উন্মাদের
জায় জগন্নাথ-দর্শন চলিতেন।

"হেনকালে মহাপ্রভু কাশী মিশ্র ঘরে।
বৃন্দাবনবধা কহে বাধিত অস্তরে।
সন্তোষ উঠিয়া জগন্নাথ দেবিনীরে।
ক্রমে গিয়া উত্ত্বিল সিংহধার।
আষাঢ় মাসের তিথি সপ্তমী দিবস।
নিবেদন করে প্রভু চাড়িয়া নিখাসে।"

—শ্রীচৈতন্যমঙ্গল

ঠাকুর শ্রীলোচন দাসের মতে মহাপ্রভু সেন্নিন উন্মাদের ক্রম
ছুটিয়া আসিয়া জগন্নাথের মন্দিরের দ্বারপ্রান্তে দাঁড়াইলেন, কিন্তু
তিনি যেন সেন্নিন মন্দিরস্থ জগন্নাথকে দেখিতে পারিতেন না।
এ কারণে কঠিনে কঠিনে তিনি গর্ভ-মন্দির প্রবেশ করিলেন।
নৈবক্রমে জগন্নাথ মন্দিরের দ্বার আপনা হইতেই বন্ধ হইয়া গেল।
তখন মন্দিরভিত্তিক মহাপ্রভু যাত্রা একা। তিনি হুই বাজ উচ্চ
তুলিয়া জগন্নাথকে আলিঙ্গন করিয়া বলিলেন, "ত পুত্রিতপায়ম,
এই কঠিনত জীবিত্তে সোমার মধো আশ্রয় দাও।" এই আকুতি
ও আকুনিবেদনের "পর দুহুর্ভেই তিনি দারব্রহ্ম জগন্নাথের বিরাট
লীন হইলেন।"

"এ বোল বসিয়া দেই ত্রিভুগত বায়।
বাজ ভিড়ি আলিঙ্গনে তুলিল হৃদয়।
তনীয় প্রহর বেলা বিবির দিনে।
জগন্নাথে লীন প্রভু হইল আপনে।" —শ্রীচৈতন্যমঙ্গল

ঠাকুর লোচন দাস আবেশ উল্লগ্ন করিয়াছেন যে, মহাপ্রভু স্বর্ণ
জগন্নাথকে আলিঙ্গন করিতে করিতে জগন্নাথের মধো লীন হইলেন
তখন "শুঞ্জাবাড়ী" হইতে এক পাণ্ডাঠাকুর উহা লক্ষ্য করিতেছিলেন।
ইহা কোন ভৌতিক বাপার মনে করিয়া পাণ্ডাঠাকুর ভিতর হইতে
সজাসে চীংকার করিতে থাকেন। তাঁহার চীংকারে বাহিরে অপেক্ষ-
মান ভক্তবৃন্দ দ্বার সৈনিক বাহা দেখিলেন তাহাতে সকলেই হার
হার করিয়া উঠিলেন। সকলেই দেখিলেন মহাপ্রভু আর নাই।
তিনি জনমের মত এই মৎজগৎ হইতে বিদায় লইয়াছেন
এমনকি তাঁহার নশ্বর দেহটি পর্যন্ত লুপ্ত হইয়াছে।
পাণ্ডাঠাকুর তখন সাক্ষরমানে বলিলেন—

"ভক্ত ইচ্ছা দেখি ক'চে পড়িছা তখন।
শুঞ্জ বড়ীর মধো প্রভু হৈলা অদর্শন।
সাক্ষাতে দেখিছ গোঁর প্রভুর মঙ্গল।
নিশচয় করিয়া কহি শুন সর্বজন।"

—শ্রীচৈতন্যমঙ্গল

আবার নবহরি চক্রবর্তী তাঁহার "ভক্তিভক্তাকর" গ্রন্থে
অল্পকপ লিখিয়াছেন। তিনি বলেন যে, মহাপ্রভু সেন্নিন বিপ্রহরে
স্বনের জগৎসমুদ্রীরে গমন করেন। কিন্তু তিনি সমুদ্রকূলে না
না নামিয়া দোড়া দোড়া গোপীনাথের মন্দিরের দিকে চলিয়া যান
এক মন্দিরের মধো প্রবেশ করেন। গদাধর পণ্ডিত তখন
গোপীনাথের পূজারত ছিলেন। মহাপ্রভু তাঁহার কানে কানে কি
কথা বলিলেন ও তাৎপরে অধম্মাৎ গোপীনাথ বিগ্নহরে সহিত লীন
হইলেন। এই অশর্চ্যা কাণ্ড দেখিয়া গদাধর পণ্ডিত মুচ্ছিত হইয়া
পড়িলেন। ভক্তিভক্তাকর গ্রন্থে গোপীনাথ আচর্চ্যা ও নবোক্তঃ
ঠাকুরের মধো কথোপকথন প্রদত্ত এইরূপ বর্ণিত আছে :

"ওহ নবোক্তম এইখানে গোঁর হবি।
কি জানি কি গদাধরে কহিল নীরি বীরি।
দৌহার নচেন ধারা বহে অতিশয়।
হাত নিবখিত্ত সবে পায়ার জ্বর।
লাদী চুড়ামণি চেষ্টা বুঝে সাধা কার।
অধম্মাৎ পৃথিবী হইল অধকার।
প্রবেশিয়া এই গোপীনাথ মন্দিরে।
হ'ল অদর্শন পুনঃ না আইল বাহিরে।
প্রভু সজোপন সময়েতে হ'ল বাহা।
লক্ষ মুগ হইলেও কঠিনে নাবি তাহা।
এইখানে গদাধর হৈল অচেতন।

এহা সব মহাপ্রভুর উঠিল ক্রন্দন।" —ভক্তিভক্তাকর

চৈতন্যমঙ্গলেও এই উক্তির সমর্থন আছে বধা :

"কি করিব কোথা বাব বাকা নাতি সবে।
মহাপ্রভু হাবাইলাম গোপীনাথ ঘরে।"

মহাপ্রভুর জগন্নাথ অথবা গোপীনাথের বিগ্নহরে সহিত লীন
হওয়ার উক্ত দুই প্রকার মতবাদ বাতীত ইহাও জনশ্রুতি আছে যে,

তিনি সমুদ্রগর্ভে আত্মাহুতি দিয়াছিলেন। কেননা তিনি বহু বার যমুনা-তীরে সমুদ্রজলে ঝলপ-প্রদান করিয়াছিলেন এবং একবার সারাযাত্রি যোগ-মুর্ছিত সমুদ্রজলে ডুবিয়া ছিলেন। পরদিন প্রভাতে জেলের ডালের সহিত তাঁহার দেহ সমুদ্রগর্ভে হইতে তীবে উঠিয়া আসিয়াছিল। কবিবাজ গোস্বামী লিখিয়াছেন :

“শব্জ্যোৎস্না সিন্ধোবব কলনয়া জাত যমুনা—
অমাদ্যবন্ যোহস্মিন্ হরিবিরহতাপার্ণব ইব ।
নিয়গো মূর্ছানঃ পয়সি নিবদন্ রাত্রিমধিলাং
প্রভাতে প্রাপ্তাঃ শৈববতু স শচী স্মৃত্তিরিহ নঃ ।”

অর্থাৎ, যিনি শব্দকালীন জ্যোৎস্নালোকে উদ্ভাসিত সমুদ্র-দর্শনে যমুনাতীরে আকুল আবেগে ধাবিত হইয়া কৃষ্ণ-বিরহ-তাপ রূপ সমুদ্র-মধ্যে নিমগ্ন রহিয়া তৎক্ষণে সারাযাত্রি বাস করিয়াছিলেন এবং পরদিন প্রভাতে ভক্তগণ কর্তৃক প্রাপ্ত হইয়াছিলেন—সেই শচীনন্দন আমাদের কাছে বক্ষা করেন।

মহাপ্রভুর এইরূপে বারংবার সমুদ্রে ঝলপ-প্রদানের দৃষ্টান্ত হইতে অনেকের এই ধারণা পোষণ করাও অসঙ্গত নহে যে, তিনি তদন্ত সমুদ্রগর্ভেই বিগীন হইয়াছেন।

কিন্তু জয়ানন্দ নিজ চৈতন্যমঙ্গলে মহাপ্রভুর মৃত্যু সম্বন্ধে একটি নূতন তথ্য উল্লেখ করিয়াছেন। তিনি লিখিয়াছেন যে, ১৪৫৫ শকের আষাঢ় মাসে বধষাত্রার সময় জগন্নাথদেবের বধের পুরোভাগে মহাপ্রভু উদ্যম নৃত্য করিতেছিলেন। সেই সময়ে তাঁহার পদতলে পথের পাথুরে পোষা বিদ্ধ হইয়া একটি গভীর ক্ষত হয় এবং ঐ ক্ষত হইতে অতি বক্ত রক্তমোক্ষণ হইতে থাকে। কিন্তু মহাপ্রভুর তখন সেদিকে জ্ঞানপত্র ছিল না। কেননা ঐ সময়ে প্রতি বৎসর নবদ্বীপ ও শান্তিপুর হইতে প্রায় তিন শতাধিক ভক্ত আসিতেন। সেই সমস্ত যজ্ঞ ও অঙ্কনগণ সহ তিনি আত্মগারা হইয়া বধার্থে নৃত্য করিতেন। তৎপক্ষে তিনি প্রায় অর্ধ মাইল দীর্ঘ এক কীর্তনের শোভাযাত্রা বাহির করিতেন। ঐ দল সাতটি ভাগে বিভক্ত করিয়া এক একটির পুরোভাগে অধৈত-প্রভু, নিত্যানন্দ-প্রভু, ঠাকুর হরিদাস, বক্রেশ্বর পণ্ডিত, শ্রীবাস পণ্ডিত, রাঘব পণ্ডিত ও গদাধর পণ্ডিতকে রাখিতেন। এই সাতজন বৈষ্ণব-চূড়ামণির নেতৃত্বাধীনে সাত সম্প্রদায়ের অপূর্ণ প্রেম-কীর্তন সারা নীলাচল প্রকল্পিত করিয়া তুলিত। এই কীর্তনকালে মহাপ্রভুর পদের ক্ষতের কি হইল না হইল তাহা তাঁহার নিজের অথবা অপর কাহাবও লক্ষ্য হয় নাই।

বধষাত্রার উৎসব সমাপ্তির পর ভক্তবৃন্দ তাঁহার পদের ঐ ক্ষত লক্ষ্য করেন। ঐ ক্ষত বিদ্যাক্ত হইয়া যায় ও তাঁহার জ্বর হইতে থাকে। ঐ দ্বত-জ্বর হইতেই তাঁহার মৃত্যু হয়। ইহা অতি সাধারণ এবং নরদেহধারী অবতারেরও লৌকিক মৃত্যুর নির্ভরযোগ্য ঘটনা।

চৈতন্যমঙ্গলের রচনাকাল ১৬শ শতকের সপ্তম দশক। জয়ানন্দ

মহাপ্রভুর নীলাচল বাসকালে জীবিত ছিলেন এবং তাঁহার মৃত্যু-কালেও যে নীলাচলে উপস্থিত ছিলেন ইহার প্রমাণ পাওয়া যায়। একারণ জয়ানন্দের উক্তি নির্ভরযোগ্য বলিয়া ধরা যায়।

মহাপ্রভুর এই দ্বত-জ্বরে মৃত্যুর ঘটনা সম্পর্কে ড. শ্রীশশীলকুমার দে জয়ানন্দের উক্তি সম্পূর্ণ সমর্থন করিয়া এবং মহাপ্রভুর শেষ জীবনের বক্রণ কাহিনীর বর্ধক্স উল্লেখ করিয়া নিম্নরূপ লিপিবদ্ধ করিয়াছেন :

“Sree Chaitanya’s emotions grew in intensity and became characterised by excess of stupor, trances and frenzied energy, verging upon hysteria and dementia. To the faithful the last twelve years of his life consist of an orgy of devotional passion of an exclusive madness of Divine love (Premonmada). Day by day he became incapable of taking care of himself, but he was watched and tended with loving solicitude by Svarupa Damodara and other intimate disciples. His prolonged emotional experiences of religious rapture must have made extraordinary demands on his highly wrought nervous system, and brought on exhaustion and constant fits of seizure. Under the increasing strain of an impossible emotionalism his physical frame broke down and he passed away in Asadha Saka 1455, June-July 1533 A.D. The piety of his followers has drawn a veil of mystery over the manner of his end; but various legends exist of his disappearance in the temple and in the image of Jagannatha, as well as of his accidental drowning in the sea during one of the frequent fits of ecstasy and even of assassination in the Gundica Temple. One of the less authoritative biographies records perhaps the actual fact of a less sensational but rather common human death by attributing the end to a wound in the left foot, which he received from a stone during one of his usual outbursts of frenzied dancing and

which brought on septic fever resulting in an untimely death.”*

ড. দীনেশচন্দ্র সেনও এই কথা সমর্থন করিয়া “শ্রীচৈতন্য ও তাঁহার যুগ” (পৃ. ২৫৯, পাটটীকা) নামক গ্রন্থে শ্রীচৈতন্যের তিরোভাব সম্বন্ধ আলোচনা করিয়াছেন।

এখন দেখা যায় যে, ক্ষত-জ্বর হইতেই যে মহাপ্রভুর মৃত্যু হইয়াছিল এ বিষয়ে অনেকেই একমত। কিন্তু হুঃখের বিষয়, জয়ানন্দ এই সাধারণ মৃত্যুর কথা তাঁহার চৈতন্যমঙ্গলে লিপিবদ্ধ করায় বৈষ্ণব-জগতে তাঁহার পুঙ্ক্তকথানি সমাদৃত হয় নাই। এমনকি তাঁহার চৈতন্যমঙ্গল পাঠ করাও নিষিদ্ধ হইয়া গিয়াছিল। যাহা হউক, মহাপ্রভুর তিরোভাব সম্বন্ধ বিবেচনা গ্রন্থ হইতে আমরা নিম্ন-লিখিত পাঁচ প্রকার মতবাদ পাইয়া থাকি।

১। জগন্নাথদেবের বৎসাব্দিকালে বৎসাব্দে উদ্ভূত নৃত্যকালে তাঁহার পদে যে ক্ষত হয় সেই ক্ষত হইতে তাঁহার ক্ষত-জ্বর হয়। এই ক্ষত-জ্বরেই তাঁহার মৃত্যু ঘটে।

* Vaisnava Faith and Movement, pp. 76-7.

২। জগন্নাথদেবের দারুণ মৃত্যু বিগ্রহের মধ্যে তিনি লীন হন।

৩। টোটা গোপীনাথের বিগ্রহমধ্যে তিনি অদৃশ্য হন।

৪। তিনি সমুদ্রগর্ভে বিলীন হন।

৫। শুশুটিামন্দিরের নিকট তিনি নিহত হন।

আবার এই পাঁচটি মতবাদের মাঝামাঝি আর একটি মতবাদ আছে যাহা একেবারে উড়াইয়া দেওয়া চলে না। মতবাদটি এই : নীলাচলে মহাপ্রভুর মৃত্যু হইলে (জয়ানন্দের মতানুসারে) সম্ভবতঃ তাঁহার নশ্বদেহ শুশুটিামন্দির অথবা টোটা গোপীনাথের মন্দির-সংলগ্ন কোন স্থানে সমাধিস্থ করা হইয়াছিল—অর্থাৎ, যেভাবে মহাপ্রভু স্বহস্তে বড় হবিদাসের সমাধি সম্ভ্রতীয়ে করিয়াছিলেন। মহাপ্রভুর এই সমাধির কথা বৈষ্ণব-ববিগণ সরাসরি প্রচার অথবা স্বীকার না করিয়া জগন্নাথ অথবা মনাস্তরে গোপীনাথের সতিত তাঁহার লীন হওয়ার উক্তি মাত্র করিয়া হস্ত বাস্তব ও অধ্যাত্ম-বাদের এক সামঞ্জস্যবিধানের প্রচাস পাইয়াছেন। স্মরণশীল ঐতিহাসিকগণ শেষোক্ত মতবাদের মধ্যেও কিছু সত্যের সন্ধান পাইবেন আশা করি।

তারার জগৎ

শ্রীসুধীর গুপ্ত

অনেক তারার চন্দির মিলেছে, এখনো অনেক—অনেক বাকী ;—
তারায় তারায় কিবিছে নহন,—তারায় তারায় ভবিছে আদি।
ও-ই যে অথই নিখর ইথবে প্রবাহ তুলিয়া আসিছে দ্যুতি,
এ মনের চোখে অচেনা লোকেব ঘনায় তুলিছে কি অশ্রুতুতি।
প্রকাশ-প্রয়াস—বিফল কেবল, কণার কণাও পড়ে না ধরা ;—
মনেবে তুলায়—তুলায় শুধুই জ্যোতির সাগর তারায় ভরা।
বসুন্ধরার বৃকে সে ছোয়ার জ্যোতির্শয়ের প্রীতির শিখা ;
আমার প্রাণের পরতে পরতে লিগিছে প্রেমের অনাদি লিখা।
নিবিড় গভীর গোপন আধারে দীপালি জ্বালায়ে ধেরায় কারে ?
কোন সে প্রিয়েব লীলার হাসিটি কোটে শত কোটি তারার ঠারে !


মাটির মানুষ আকাশ-পাথের ইশারা পেতেই ভোলে সে মাটি ;—
মাটির বাটির মধু পান করে, আকাশে তবুও কি হাঁটাইটি ?
জীবনের পরে কাটিছে জীবন, তবুও কিছুতে নেশা কি কাটে !—
জানার জগৎ ছাড়ায়ে সে হয় উধাও অজানা আকাশ-বাটে।
তারার আলোর আকুল তিথিয়া কবিল তারে যে পাগল-পায়া :
সৃষ্টি-কালের বঁধন কাটিয়া হয় সে শুধুই সৃষ্টি-ছাড়া।
কাষার মায়ায় মুগ্ধ এ মন মাটিতে যতই লুটায় পড়ে,
লক্ষ তারার আলো বার বার কার উৎসব-মশাল ধবে।
এ মহাজড়ের পাহারা এড়ায়ে জ্যোতির্শয়ের বাসবে কিরে
আধি-তারায় তার তারায় তারায় তাই কি হারায় তিমির-তীরে !

চন্দননগরের পুরনো কথা

শ্রীহরিহর শেঠ

সিপাহী-বিদ্রোহের ঠিক এক শত বৎসর পূর্বে পলাশীর যুদ্ধে ভারতের স্বাধীনতা যে ব্রিটিশ কর্তৃক অপহৃত হইয়াছিল সে কথা এই ১৯৫৭ সনে অনেকেরই মনে না আসিয়া পারে না। চন্দননগর বসিয়া ১৯৫৭ সনের ২৩শে মার্চের কথা আজ স্মরণ হইতেছে।

সেকালে নিভৃত সুপ্রপল্লী চন্দননগরের জাগরণের পর যখন ইহা উন্নতির চরম সময়ে উপনীত তখনও পর্যন্ত বর্তমান ভারতের অদ্বিতীয় নগরী কলিকাতা একটি সামান্য পল্লীমাত্র ছিল। তখন এই চন্দননগর এ প্রদেশের মধ্যে আভ্যন্তরীণ ও বহির্বাণিজ্যে একটি কেন্দ্রস্থল হইয়া উঠিয়াছিল। দুই সহস্রাব্দিক ইষ্টক-নির্মিত বাসগৃহ-সম্বলিত এক লক্ষ তিন সহস্র কোকের বসতিপূর্ণ গঙ্গাতীরস্থ এই স্থানটি একটি শ্রেষ্ঠ নগরীতে পরিণত হইয়া এখানে উপনিবেশ স্থাপনে উদ্যোগী অসংখ্য পাশ্চাত্য জাতির উদ্বোধন কারণ হইয়াছিল।



“অলেয়া হুগলসমীপে টাইগার, বেন্ট ও স্ত্রালিসবারি বনভূমি”

ব্রিটিশ জাতির প্রধান প্রতিনিধিক্রম এখানে তখন লর্ড ক্লাইভ অবস্থান করিতেছিলেন। ভারতীয়

শত্রুর দ্বারা ভারত বিজয়—তদানীন্তন চন্দননগরের সনকর্তা হুগলের পরিকল্পিত এই রাজনীতি তিনি গ্রহণ করেন। তখনই চন্দননগরের উপর প্রথম তাঁহার সোলুপ দৃষ্টি পতিত হয় এবং আক্রমণের জন্ত তিনি প্রস্তুত হইতে থাকেন। এ কথাও তিনি বুঝিয়াছিলেন যে, চন্দননগরেই তাঁহাদের ভাগ্যপরীক্ষা হইবে। অভিযানে বাহির হইবার প্রাক্কালে স্পষ্টভাবে এই কথা বলিয়াই পাদক্ষেপ করেন যে, হয় চন্দননগরেই তাঁহাদের শেষ, আর যদি শেষ না হয় তাহা হইলে সেইখানেই নিবৃত্ত হওয়া চলিবে না, তথা হইতে পুনরায় আরম্ভ হইবে তাঁহাদের অগ্রগতি।


যথাসময়ে জলপথে ভাগীরথীর উপর দিয়া টাইগার কেণ্ট স্ত্রালিসবারি প্রভৃতি বনভূমি লইয়া কনেল ওয়াটসন এবং স্থলপথে ক্লাইভ স্বয়ং সৈন্যসামন্ত সমভিব্যাহারে চন্দন-

নগরে আসিয়া পৌঁছেন। সুপ্রসিদ্ধ অর্লেয়া হুগলের পাদমূলে ১৭৫৭ সনের ২৩শে মার্চ যুদ্ধ হয়। সে যুদ্ধের কাহিনী ইতিহাস-পাঠকদিগের নিকট অবিস্মৃত নাই। বিশ্বসংঘাতক টেরেস্তর সহিত ষড়যন্ত্রের ফলে একপ্রকার বিনাযুদ্ধেই অর্লেয়া হুগল অধিকার তথা চন্দননগর-বিজয় পট্টে আর

গৌরহাটীস্থ হুগল পল্লীভগনের নিকট সারু আয়ার কুর্টের অধিনায়কত্বে সৈনিকবাহিনীর কিছুদিন অবস্থিতির পর তথা হইতেই পলাশীযাত্রা শুরু হয়।

পলাশীর প্রাক্কালেই ইংরেজের ভারত-বিজয়ের প্রথম ও প্রধান সোপান নিম্নিত হয়। আর ভারত-বিজয়ের ফলেই জগতে ব্রিটিশ জাতি পৃথিবীর অন্ততম বৃহৎ শক্তিরূপে পরিগণিত হইয়াছিল।

ফ্রান্সের পরাজয়ের পর প্যারিসের সন্ধির সর্তানুসারে ১৭৬৩ সনে চন্দননগর ইংরেজ কর্তৃক ফরাসীদের নিকট প্রতর্পিত হইল বটে, কিন্তু সেই দিন হইতেই ভারতে ফরাসীদের অভ্যুত্থানের পথ অবরুদ্ধ হয়। আরও তিন বার অবশ্য ইংরেজ ও ফরাসীর মধ্যে যুদ্ধ বাধিয়াছে, কিন্তু প্রত্যেক বারই চন্দননগর ইংরেজ-কর্তৃক অধিকৃত হইয়াছে। শেষবার



“ওয়াটসনের এক দিকে শৃঙ্খলিত চন্দননগর এবং অণ্ড দিকে মুক্ত কলিকাতা”

(ওয়েষ্ট মিনিস্টার এবেতে বক্ষিত প্রস্তরমূর্তি)

১৮১৬ খ্রীষ্টাব্দে ইহা ফরাসীদের নিকট পুনরায় প্রত্যাপিত হয়।

ক্লাইভ একদিন মদ্যে বদ্বিগ্ন ছিলেন—তাহারা বাহুবলে ভারত জয় করিয়াছেন, বাহুবলেই তাহ বক্ষা করিবেন। তাহার পর দেড় শত বৎসর চলিয়া গিয়াছে। আজ ভারতে ইংরেজ কোথায়, ফরাসী কোথায়? কীষ্টি এবং অপ-

কীষ্টি উভয়েই রাখিয়া তাহারা চলিয়া গিয়াছে। আজও ইংরেজের চন্দননগর বিদ্রোহ-স্মৃতি আর্দেয়ী দুর্গমীপে টাইগার, কেণ্ট ও স্কটিস্‌বারি বনভরীক্রয়ের আলেখ্য গ্রীণউইচের ষাট্‌ষরের কক্ষপ্রাচীরে বিলম্বিত বহিরাছে, আর পাষণ-বচিত,—কর্ণেল ওয়াটসন এবং শৃঙ্খলিত চন্দননগর আজও বিলাতের ওয়েষ্টমিনস্টার এবিতে বিরাজিত আছে।




‘প্রবাসী’ মাসিক সংবাদপত্রের স্বত্বাধিকার ও অন্তর্ভুক্ত বিশেষ বিবরণ প্রাপ্ত বৎসর ফেব্রুয়ারী মাসের শেষ তারিখের পরবর্তী সংখ্যা প্রকাশিতব্য :—

ফরম্ নং ৪

(ফর্ম নং ৮ ত্রুটিব্য)

১। প্রকাশিত হওয়ার স্থান—	কলিকাতা (পশ্চিমবঙ্গ)
২। কিস্তিতে প্রকাশিত হয়—	প্রতি মাসে একবার
৩। মুদ্রাকরের নাম—	ত্রিনিবারণচন্দ্র দাস
জাতি	ভারতীয়
ঠিকানা	১২০২, আপার সার্বকুলার রোড, কলিকাতা-২
৪। প্রকাশকের নাম	ঐ
জাতি	ঐ
ঠিকানা	ঐ
৫। সম্পাদকের নাম	শ্রীকেশবনাথ চট্টোপাধ্যায়
জাতি	ভারতীয়
ঠিকানা	১২০২, আপার সার্বকুলার রোড, কলিকাতা-২
৬। (ক) পত্রিকার স্বত্বাধিকারীর নাম	প্রবাসী প্রেস প্রাইভেট লিমিটেড
ঠিকানা	১২০২, আপার সার্বকুলার রোড, কলিকাতা-২
এবং	
(খ) সর্বমোট মূল্যবোধের শতকরা এক টাকার অধিক অংশের অধিকারীদের নাম-ঠিকানা—	



- ১। শ্রীকেশবনাথ চট্টোপাধ্যায়
১২০২, আপার সার্বকুলার রোড, কলিকাতা-২
- ২। মিসেস্ অরুন্ধতী চট্টোপাধ্যায়
১২০২, আপার সার্বকুলার রোড, কলিকাতা-২
- ৩। মিস্ রমা চট্টোপাধ্যায়
১২০২, আপার সার্বকুলার রোড, কলিকাতা-২
- ৪। মিস্ সুনন্দা চট্টোপাধ্যায়
১২০২, আপার সার্বকুলার রোড, কলিকাতা-২
- ৫। মিসেস্ ঈশিতা দত্ত
১২০২, আপার সার্বকুলার রোড, কলিকাতা-২
- ৬। মিসেস্ নন্দিতা সেন
১২০২, আপার সার্বকুলার রোড, কলিকাতা-২
- ৭। শ্রী অশোক চট্টোপাধ্যায়
১২০২, আপার সার্বকুলার রোড, কলিকাতা-২
- ৮। মিসেস্ কমলা চট্টোপাধ্যায়
১২০২, আপার সার্বকুলার রোড, কলিকাতা-২
- ৯। মিস্ রত্না চট্টোপাধ্যায়
১২০২, আপার সার্বকুলার রোড, কলিকাতা-২
- ১০। মিস্ অলোকানন্দা চট্টোপাধ্যায়
১২০২, আপার সার্বকুলার রোড, কলিকাতা-২
- ১১। মিসেস্ লক্ষ্মী চট্টোপাধ্যায়
১২০২, আপার সার্বকুলার রোড, কলিকাতা-২

আমি, প্রবাসী মাসিক সংবাদপত্রের প্রকাশক, এতদ্বারা ঘোষণা করিতেছি যে, উপরি-লিখিত সব বিবরণ আমার জ্ঞান ও বিশ্বাস মতে সত্য।

তারিখ—২০১৩/১২/৭ টং

প্রকাশকের সই—স্বাঃ ত্রিনিবারণচন্দ্র দাস

ভারতীয় বিজ্ঞান কংগ্রেস—কলিকাতা অধিবেশন

ডক্টর শ্রীমোহিনীমোহন বিশ্বাস

এবারে ভারতীয় বিজ্ঞান কংগ্রেসের ৪৪তম অধিবেশন বসেছিল কলিকাতায় বাঙ্গালী সাংস্কৃতিক বোর্ডের বিজ্ঞান কলেজের প্রশস্ত প্রাঙ্গণে। বিজ্ঞান কংগ্রেসের উদ্বোধন করেছিলেন পণ্ডিত শ্রীজবাহরলাল নেহরু। তিনি ভারত সরকারের প্রতিনিধি হিসাবে সমবেত বৈজ্ঞানিকগণকে সমগ্র অভ্যর্থনা জ্ঞাপন করলেন। যে ধরনের গবেষণার হিংসাক্রম কার্যের ইচ্ছা যোগায়, বিশ্বের বৈজ্ঞানিক-দিগকে তিনি তাঁর প্রশংসা দিতে নিষেধ করেন এবং মানব-সভ্যতার উৎকর্ষসাধন করবার জন্যই যে বিজ্ঞান-সাধনার প্রয়োজন—এই সত্য প্রচার করতে উপদেশ দেন। তাঁর মতে বিজ্ঞানকে কোনক্রমেই যুগা ও হিংসার ভাবধারার সহিত বিভ্রিত রাখা সমীচীন নয়। বিজ্ঞানীদের পক্ষে কেবল সত্য আবিষ্কার করে শক্তির সঞ্চার দেওয়াই কর্তব্য এটা ঠিক নয়। এই শক্তিতে ধ্বংস আসবে কি মানবজাতির কল্যাণ সাধিত হবে তাও বৈজ্ঞানিকদের অনেকাংশে নিঃসন্দেহ করতে হবে। বাঙ্গালী শ্রীশুভা নাইডু উপস্থিত দেশীয় এবং বৈদেশিক বৈজ্ঞানিকগণকে সমগ্র অভ্যর্থনা জানিয়ে এক প্রাবন্ধিক ভাষণ দান করেন। তিনি বলেন, আজ বিশ্বের বৈজ্ঞানিকদের সমবেতভাবে এটা প্রতিজ্ঞাই করা উচিত যে, বৈজ্ঞানিক সাধনালয় জ্ঞান দ্বারা মানব-কল্যাণই যেন সাধিত হয় এবং মারণস্ত্র প্রস্তুত করা বাতিল না হয়। অভ্যর্থনা সমিতির সভাপতি এবং কলিকাতা বিশ্ববিদ্যালয়ের উপাচার্য শ্রীনির্মলকুমার সিদ্ধান্ত বলেন, মানবজাতির সুখ-সমৃদ্ধির জন্য বৈজ্ঞানিক ও রাজনীতিবিদগণের মধ্যে ঘনিষ্ঠ সহযোগিতা আবশ্যিক। বিজ্ঞানী তাঁর আবিষ্কার নিয়ে মানবজাতির ঐশ্বর্য্য এবং সুখ বৃদ্ধি করেন। বিজ্ঞানের আবিষ্কৃত শক্তি শাস্ত্রের পথে যাতে চালিত হয় তাও জরুরি এবং যুদ্ধ, গৃহবিবাদ প্রভৃতি বন্ধ করতে রাজনীতিবিদগণের সাহায্য চাই।

বিজ্ঞান কংগ্রেসের সাধারণ সভাপতি ডাঃ শ্রীবিধানেন্দ্র বাব একটি সুদীর্ঘ পাণ্ডিত্যপূর্ণ অভিলেখন পাঠ করেন। ডাঃ বাব তাঁর ভাষণে বলেন, দেশ আজ পঞ্চম পঞ্চবার্ষিকী পরিকল্পনা শেষ করে দ্বিতীয় পঞ্চবার্ষিকী পরিকল্পনা আরম্ভ করেছে। এটা নতুন পরিকল্পনা কাঙ্ক্ষিত করতে হলে বহুসংখ্যক বৈজ্ঞানিক, ইঞ্জিনীয়ার এবং কারিগরের প্রয়োজন হবে। বৈদেশিক উপদেষ্টাদের কাছ থেকে সাহায্য পেলেও দেশীয় বৈজ্ঞানিকগণকে সবকিছু আয়ত্ত করে নিতে হবে। দেশীয় কাঁচামাল প্রভৃতি ব্যবহার করে পরিকল্পনাটি যাতে দ্রুত সাফল্যের পথে এগিয়ে যায় সে বিষয়ে সকলকে অবহিত হতে হবে। তিনি আরও বলেন, বিগত চল্লিশ বৎসর ধরে এদেশে বিভিন্ন বৈজ্ঞানিক বিষয়ে গবেষণা চলছে, কিন্তু ইঞ্জিনীয়ারিং বহুবিধায়—বিশেষ করে নতুন তৈরি, যন্ত্রপাতির উদ্ভাবন, নিষ্কাশন ও সংস্থাপন প্রভৃতি বিজ্ঞান তেমন উন্নতি পরিলক্ষিত হয় নি। ভারতবর্ষের মত দেশে কেবল যন্ত্রপাতি তৈরি করলেই চলবে না—আমাদের দেশীয় সমৃদ্ধি ও উপকরণ প্রভৃতির সাহায্যেই

যাতে যন্ত্রের সমগ্র যন্ত্রপাতি ও কলকারখানা নির্মিত হয় তাও ব্যবস্থা করতে হবে। ডাঃ বাব দ্বিতীয় পঞ্চবার্ষিকী পরিকল্পনার সাফল্যের জন্য ইঞ্জিনীয়ার ও বহুবিদগণকে জল্প বায়ে কার্যগুলি সম্পন্ন করবার উপায়সমূহ নির্ধারণ করবার নিমিত্ত অনুরোধ করেন। বৈজ্ঞানিক পদ্ধতির সস্তার কাঁচামালসমূহ উৎপাদন করতে পারলে সামগ্রিক ব্যয় ষষ্ঠে লাঘব করা যেতে পারবে।

অবশেষে ডাঃ বাব বলেন, আমরা এখন এক নতুন যুগে বাস করছি, তাকে আণবিক যুগ বলে। বিজ্ঞান আজ আণবিক বিস্ফোরণের মধ্যে এক অক্ষুণ্ণ শক্তির সঞ্চার পেয়েছে যার কল ভাঙ্গ ও মন্দ উভয়ই হতে পারে। হাইড্রোজেন বোমা মানবজাতির ধ্বংসের কারণ হবে অথবা স্থায়ী শান্তির উপকরণ হবে সে সম্বন্ধে এখনও কোন ভবিষ্যদ্বাণী করা সম্ভব নয়। আণবিক চুল্লি থেকে বহু উপাদান পাওয়া যায় যা গবেষণা, চিকিৎসা, কৃষি এবং শিল্পের ক্ষেত্রে বিশেষ মূল্যবান বলে গণ্য হবে। অদৃশ্য ভবিষ্যতে আণবিক চুল্লি প্রতিষ্ঠা করে আণবিক শক্তির কারখানাসমূহ গঠিত হবে এবং সেখান থেকে প্রচুর পরিমাণে নতুন শক্তি উৎপন্ন হয়ে মানব-সমাজের কল্যাণ সাধন করবে। যেসব দেশে তেল এবং কয়লা সম্পদের ঘাটতি দেখা যাবে সেগুলিতে আণবিক চুল্লির উপযোগী মালমশলা নিয়ে গিয়ে আণবিক শক্তির কারখানা তৈরি করলে বিশেষ সুবিধা হবে।

ডাঃ বাব বাসায়নিক সংশ্লেষণের সাহায্যে যে সমস্ত ঔষধ তৈরি হয়েছে সেগুলির বিষয় উল্লেখ করেন। বীজাণুসমূহের উপর বাসায়নিকের প্রতিক্রিয়া অনেক ক্ষেত্রেই উল্লেখযোগ্য হয়েছে। বাসায়নিক গবেষণার ফলে সিলিকলিস, কালাজের প্রভৃতি রোগের ঔষধ এবং বহুসংখ্যক হরমোন, ভিটামিন প্রভৃতি ঔষধও আবিষ্কৃত হয়েছে। আজকালকার ফ্লুমিং পেনিসিলিন আবিষ্কার করে চিকিৎসা-জগতে বিশ্বয় সৃষ্টি করেছেন।

ডাঃ বাবের মতে কৃষিক্ষেত্রের অধিকতর ফসল ফসানোর জন্য আধুনিক বিজ্ঞানসম্মত কৃষিপদ্ধতির সাহায্য দেওয়ার ব্যবস্থা করা উচিত। ভাল সারপ্রয়োগ, বীজসংরক্ষণের ব্যবস্থা করা দরকার এবং কতকগুলি পুণাতন পদ্ধতি পরিত্যাগ করে নতুন পদ্ধতির আশ্রয় নেওয়ার জন্য কৃষিক্ষেত্রের নির্দেশ দেওয়া আবশ্যিক।

রসায়নশাখার সভাপতিত্ব করেছিলেন বোম্বাই ইনস্টিটিউট অব সায়েন্সের অধ্যাপক এস. এম. মেটা। অধ্যাপক মেটা তাঁর ভাষণে বলেন, বিংশ শতাব্দীর প্রথম কুড়ি বৎসরের মধ্যে ভারতবর্ষে অজৈব রসায়নশাস্ত্রের উন্নতি দেখা যায় বাংলা দেশেই। এখানে আচার্য্য প্রফুল্লচন্দ্র বাব এবং তাঁর সহকারীগণ বিভিন্ন ধাতুসমূহের নাইট্রাইটস সম্বন্ধে বহু গবেষণামূলক প্রবন্ধাদি প্রকাশিত করেন। এর পরে আরও কুড়ি বৎসর বাংলার বাইরে অজৈব রসায়নের প্রসার দেখা যায়। তিনি বলেন, ভারতবর্ষে অজৈব বাসায়নিকগণের সংখ্যা


নমিতা সিন্‌হা

সর্বদা ব্যবহার করেন

লাক্স টয়লেট সাবান

“এটী যেমন শুভ্র
তেমনিই বিশুদ্ধ”

চিত্রতারকাদের সৌন্দর্যরক্ষার উপকরণ সম্বন্ধে
জ্ঞান থাকা অবশ্যই প্রয়োজন। শরীরের লাভণা
তাদের বিশেষ যত্ন সহকারে রক্ষা করতে হয়।
নমিতা সিন্‌হা, বাংলাদেশের উদীয়মানা চিত্রশিল্পী,
সর্বদা লাক্স টয়লেট সাবান ব্যবহার করে তাঁর
অকের লাভণাকে সতেজ সুন্দর রাখেন।



চিত্র-তারকাদের

সৌন্দর্য সাবান

ভারতে প্রস্তুত

LTS. 492-X52 BG

অত্যন্ত কম। ১৯৪৫ সনের আণবিক বিস্ফোরণ ঘটিত গবেষণার সঙ্গে অর্জিত বসায়নে যুগান্তর আসে। আণবিক গবেষণার কলে রাসায়নিক বিশ্লেষণ এবং সংশ্লেষণের নূতন পদ্ধতিসমূহ আবিষ্কৃত হয়েছে এবং অর্জিত পদার্থসমূহ অত্যন্ত বিশুদ্ধ অবস্থায় প্রস্তুত হয়েছে। পরমাণু অপেক্ষাও ক্ষুদ্রতর পদার্থের সম্ভাবনা পাওয়া গেছে এবং ঐ সমস্ত সূক্ষ্মকণার সাহায্যে নূতন পরমাণু সংশ্লেষণেরও প্রমাণ পাওয়া গেছে—এটাই ছিল একদিন এলকেমিষ্টগণের স্বপ্ন। অধ্যাপক মোটা আরও বলেন, প্রথম পঞ্চবার্ষিকী পরিকল্পনা শেষ হয়ে দ্বিতীয় পঞ্চবার্ষিকী পরিকল্পনা আরম্ভ হয়েছে। এখন ভারতীয় বৈজ্ঞানিকদের নিকট অনেক সুযোগ উপস্থিত হয়েছে। অনেকগুলি জাতীয় গবেষণাগার স্থাপিত হয়েছে। কেবল গবেষণাগার স্থাপিত হলেই চলবে না—যাতে পর্যাপ্ত কাজ হয় সেজন্য সরকারকে কয়েক জন সুযোগ্য রাসায়নিকের উপর দায়িত্ব অর্পণ করে নিযুক্ত করতে হবে। কলিকাতা বিশ্ববিদ্যালয়ের শিক্ষা-বিস্তারের জন্য সংশ্লিষ্ট আশুতোষের নিকট আমরা খানী এবং সর্ জে. সি. ঘোষের নিকটও অনুরূপ সাহায্য আশা করা যায়। উপসংহারে তিনি বলেন, পণ্ডিত জবাবলালের বৈজ্ঞানিক দূরদৃষ্টি ও আস্থাবিক সহায়তের কল্যাণে জাতীয় উন্নয়ন পরিকল্পনাগুলি সাক্ষরলাভ করুক এটাই কাম।

পদার্থ-বিজ্ঞান শাখার সভাপতিত্ব করেছিলেন ডাঃ কে. আর. দীক্ষিত। তিনি কিউপ্রাস-অক্সাইড রেকটিফাইয়ের ব্যবহার সম্বন্ধে একটি মৌলিক গবেষণামূলক বক্তৃতা দেন।

কৃষি-বিজ্ঞান শাখার সভাপতিত্ব করেছিলেন ডক্টর ঈ. এস. নারায়ণন। তিনি কীটপতঙ্গকুলের পরজীবী অণু শ্রেণীয় কীট-পতঙ্গের বিষয় আলোচনা করেন এবং কৃষি-বিজ্ঞানে এদের প্রয়োজনীয়তার বিষয় সমালোচনা করেন।

মনোবিজ্ঞান শাখার সভাপতিত্ব করেছিলেন অধ্যাপক এস. এম. মহীসিন। তিনি তাঁর ভাষণে বলেন যে, মনস্তাত্ত্বিক পরীক্ষা দ্বারা মানুষের কক্ষক্ষমতা নির্ধারণ করার যে ব্যবস্থা আছে তা সর্বক্ষেত্রে প্রযোজ্য নহে।

চিকিৎসা ও পশু-চিকিৎসা শাখার সভাপতিত্ব করেছিলেন ডাঃ সি. আর. দাশগুপ্ত। তিনি তাঁর ভাষণে বলেন, চিকিৎসাবিষয়ক গবেষণার জন্য উপযুক্ত শিক্ষাপ্রাপ্ত লোক এবং তাঁদের উপযুক্ত কর্ম-সংস্থান দরকার। ইণ্ডিয়ান কাউন্সিল অব মেডিক্যাল রিসার্চ গবেষণা-কর্মীদের জন্য অনেকগুলি সুবিধার সৃষ্টি করেছে। তিনি গবেষণা-কারীদের জন্য উৎকৃষ্টতর কর্মসংস্থানের ব্যবস্থা করে সেই সময়ের মধ্যেই আবার শিক্ষণের ব্যবস্থা করারও যৌক্তিকতা প্রদর্শন করেন। ডাঃ দাশগুপ্ত ভারতবর্ষের মধ্যে হিম্যাটোলজি সম্বন্ধে প্রথম কর্মীদের অগ্রতম এবং এই বিষয়ে মৌলিক গবেষণামূলক বহু প্রবন্ধ প্রকাশিত করেছেন।

শারীর-বিজ্ঞান শাখার সভাপতিত্ব করেছিলেন ডাঃ ইন্ড্রজিৎ সিং। তিনি পেশী সম্বন্ধে আধুনিক বিজ্ঞান যে সব নূতন তথ্য আবিষ্কার করেছে তার বিষয় বর্ণনা প্রসঙ্গে বলেন, শরীরের বাইরে পেশী সৃষ্টি করা বিজ্ঞানের দ্বারা সম্ভব হয়েছে, এতে জড় ও জীবনের পার্থক্য ক্রমেই কমে আসবে এবং এই ভাবে এগিয়ে গেলে মানুষ প্রকৃতিকে জয় করতে পারবে। তিনি দীর্ঘজীবন লাভের উপায় সম্বন্ধেও কিছু উপদেশ দেন। তিনি বলেন, আধুনিক সভ্যতার চাপে মানব-দেহ অতিরিক্ত শ্রান্ত ও ক্লান্ত হয় এবং তার ফলে রক্তের আধারসমূহ সঙ্কুচিত হয়ে রক্তের চাপ বৃদ্ধি করে। পথাদি নির্কীচনের উপরও রক্তাধারসমূহ সক্ষম বাণা বহুসাংশে নির্ভর করে। আধুনিক খাদ্যকালিকার মধ্যে অত্যধিক লবণ এবং কোলেস্টেরল ঐ সব রক্তাধার সঙ্কুচিত করে। এই রক্তাধারসমূহ স বল ও সক্ষম রাখতে পারলে দীর্ঘজীবন লাভ হয়। ভাত খাওয়া ভাঙ্গ, কারণ এতে লবণ কম আছে। ডাক্তার, উচ্চ প্রভৃতির পক্ষে ছুটি উপভোগ করা খুব ভাঙ্গ, কারণ তাঁদের অত্যন্ত বেশী মানসিক পরিশ্রম করতে হয়।

উদ্ভিদ-বিজ্ঞান শাখার সভাপতিত্ব করেছিলেন ডক্টর এম. এন. দাশগুপ্ত। শিল্পপ্রদায়ক জল বায়ু দূষিত হওয়ায় প্রাণী এবং উদ্ভিদ-জীবনের উপর এর যে বিষাক্ত প্রতিক্রিয়া দেখা দিচ্ছে সে সম্বন্ধে তিনি একটি মূল্যবান ভাষণ দেন।

ইঞ্জিনীয়ারিং ও ধাতু-বিজ্ঞান শাখার সভাপতিত্ব করেছিলেন ডক্টর জি. পি. চ্যাটার্জি। তিনি ধাতু-বিজ্ঞান সম্বন্ধে বহু মৌলিক তথ্যসম্বলিত একটি ভাষণ দেন।

প্রভৃতি ও নৃতত্ত্ব শাখার সভাপতিত্ব করেছিলেন ডক্টর এম. এন. কীনিবাস। তিনি ভারতবর্ষে জাতিভেদ প্রথার রূক্ষণ বর্ণনা করে একটি পালিত্যপূর্ণ ভাষণ দান করেন।

ভূ-বিজ্ঞান শাখার সভাপতিত্ব করেছিলেন ডক্টর বি. সি. বায়। শিল্পোন্নয়নকল্পে ভারতের গভিন্ন সম্পদ সংরক্ষণের জন্য সুব্যবস্থা যাতে হয় সেজন্য গভিন্ন বিভাগের নিমিত্ত একটি গৃহক মন্ত্রীদপ্তর প্রতিষ্ঠা করতে তিনি গবর্নমেন্টকে অনুরোধ জানান। এ ছাড়া বিভিন্ন বিভাগের দ্বারা বহু মৌলিক-গবেষণামূলক প্রবন্ধাদি পঠিত ও সমালোচিত হয় এবং দেশীয় ও বৈদেশিকগণ উক্ত আলোচনায় যোগদান করে সভার গৌরব বৃদ্ধি করেন।

বিজ্ঞান-কংগ্রেসের অধিবেশনে বহু বৈদেশিক বৈজ্ঞানিক যোগদান করে অধিবেশনকে অধিকতর সফলমণ্ডিত করেছিলেন। বিজ্ঞান কংগ্রেসের পরেই বালিগঞ্জ সারকুলাব রোডের বিজ্ঞান কলেজের একই প্রাঙ্গণে কলিকাতা বিশ্ববিদ্যালয়ের পঞ্চবার্ষিকী উৎসব আরম্ভ হয়। এজন্য বিজ্ঞান কংগ্রেসের সমারোহ এ বৎসর পূর্বাপেক্ষা অনেক বেশী প্রতীয়মান হয়।

দেখুন! মাত্র অর্ধেক

সানলাইট সাবানেই

এত সব জামাকাপড়

কাচা যায়!



সানলাইটের ফেণার আধিক্যই এর কারন !

ফেণার আধিক্যের দরুনই সানলাইট সাবান এত ক্রিয়াশীল। আপনি দেখে অবাক হয়ে যাবেন যে মাত্র অর্ধেকটী সানলাইটে কতগুলি জামাকাপড় কাচা যায়!

সানলাইটের এই অতিরিক্ত ফেণার দরুনই প্রতিটা ময়লার কণা ছর হয়ে যায়—জামাকাপড় হয়ে ওঠে আশ্চর্যকরম সাদা এবং উজ্জ্বল!

সানলাইটের ফেণার আধিক্যের দরুনই জামাকাপড় বিনা আছাড়ে পরিষ্কার হয়। তার মানে আপনার জামাকাপড় টেকে আরও অনেক বেশী দিন।



ভারতে প্রস্তুত

সানলাইট জামাকাপড়কে সাদা ও উজ্জ্বল করে

খুবই পরিচয়

আনন্দচন্দ্র বেদান্তবাগীশ, অযোধ্যানাথ পাকড়াশী,
হেমচন্দ্র বিহারত্ন (সাহিত্য-সাধক-চরিতমালা—১০)—শ্রীযোগেশচন্দ্র
বাগল। বঙ্গীয়-সাহিত্য-পরিষৎ, ২৪৩১ আপার মারকুলার রোড, কলি-
কাতা—৬। মূল্য এক টাকা।

বাংলা গদ্য-সাহিত্যের গোড়াপত্তনে সংস্কৃত পণ্ডিতদের দান অপরিণীম। স্বতন্ত্রভাবে বা বিভিন্ন প্রতিষ্ঠানের মারফত বিভিন্ন পণ্ডিত নানা বিষয়ে গ্রন্থ রচনা করিয়া বাংলা সাহিত্যকে পরিপুষ্ট করিয়াছিলেন। এই উপলক্ষে বহু সংস্কৃত গ্রন্থ বাংলায় অনূদিত হইয়াছিল—বহু সংস্কৃত গ্রন্থের তাৎপৰ্য্য বাংলায় বিবৃত হইয়াছিল। তৎকালীন বাঙালী জনসাধারণ এই সমস্ত গ্রন্থ পাঠ করিয়া প্রচুর উপকার ও আনন্দলাভ করিয়াছিল। ইহাদের মধ্যে কোন কোন গ্রন্থের মূল্য এবং প্রয়োজন এখনও অস্বীকার করা চলে না। তথাপি দুঃখের বিষয় এই যে, বর্তমানে আমরা এই সমস্ত পণ্ডিত ও ইহাদের রচিত গ্রন্থের কথা ভুলিয়া যাইতেছি। বঙ্গীয়-সাহিত্য-পরিষৎ 'সাহিত্য-সাধক-চরিতমালা' প্রকাশ করিয়া ইহাদের বিষয় আমাদের কাছে স্মরণ করাইয়া দিতেছেন—ইহা খুবই আনন্দের কথা। ফোর্ট উইলিয়ম কলেজ ও সংস্কৃত কলেজের পণ্ডিতদের কথা ইতিপূর্বে প্রকাশিত হইয়াছে। সম্প্রতি শ্রীযোগেশচন্দ্র বাগল মহাশয় আলোচ্য গ্রন্থে আদি ব্রাহ্মসমাজ ও তত্ত্ববোধিনী পত্রিকার সহিত সংশ্লিষ্ট কয়েক জন পণ্ডিতের জীবনকাহিনী বর্ণনা করিয়াছেন। ইহাদের রচিত গ্রন্থ

ও সমসাময়িক পত্র-পত্রিকা অবলম্বনে এই কাহিনী রচিত হইয়াছে। ইহাদের কল্পময় জীবনের বিস্তৃত পরিচয় সংকলন করা যথোচিত উপকরণের অভাবে সকল ক্ষেত্রে সম্ভবপর হয় নাই। বাগল মহাশয় এ বিষয়ে সম্পূর্ণ সচেতন। তথাপি যেটুকু বিবরণ তিনি সংগ্রহ করিতে পারিয়াছেন তাহার মধ্য দিয়া সে যুগের সাহিত্য-সংস্কৃতির একটি হৃদয় চিত্র আমাদের সম্মুখে উদ্ঘাটিত হয়। আমরা দেখিতে পাই—একাধিক মনোবী ও প্রতিষ্ঠান আমাদের প্রাচীন জ্ঞানভাণ্ডারে সঞ্চিত বিবিধ রত্ন সাধারণের মধ্যে প্রচারের কার্যে আত্মনিয়োগ করিয়াছিলেন। তাহারই ফলে আনন্দচন্দ্র বেদান্ত-বাগীশ 'বেদের অনেক প্রধান অংশ অনুবাদ করিয়া আমাদের বিস্তার উপকার সাধন করিয়াছেন'—'পদদর্শী, বেদান্তসার, উগনিব্দ ও ভগবদ্গীতা গ্রন্থ সটীক ও সানুবাদ প্রকাশ করিয়া এতদেশে ব্রহ্মজ্ঞান আলোচনার প্রবৃত্তি সোপান উন্মুক্ত করিয়া দিয়াছেন।' আজ হইতে এক শত বৎসর পূর্বে বেদান্তবাগীশ মহাশয় সংস্কৃত সাহিত্যে প্রসিদ্ধ বহুৎকথা গ্রন্থের বঙ্গানুবাদও প্রকাশ করিয়াছিলেন। রামায়ণের অনুবাদক হিসাবে প্রসিদ্ধ হেমচন্দ্র বিহারত্ন মহাশয় রঘুবংশ ও কিরাতাজুনীর গ্রন্থেরও সটীক সানুবাদ সংস্করণ প্রচার করিয়াছিলেন। ইহা ছাড়া, তিনি আজ হইতে ৫৫ বৎসর পূর্বে ভরতের নাট্যশাস্ত্র ও সোমদেবের 'রাগবিবোধ' নথকে বিস্তৃত আলোচনা করেন এবং রামায়ণের এক সংক্ষিপ্ত কাহিনী স্বতন্ত্র গ্রন্থাকারে প্রকাশ করেন;

ডায়-পেপমিন্ট
হৃদয় শক্তি বজায় রেখে
স্বাস্থ্যের উন্নতি করে...

খাওয়ার সারাংশ সম্পূর্ণ শরীরের
প্রয়োজনে নিয়োগ করলেই অল্পট
স্বাস্থ্য বজায় রাখা যায়। ডায়-পেপমিন্ট
ব্যবহার করলে এ বিষয়ে নিশ্চিত হইতে
পারেন। কারণ ডায়-পেপমিন্ট খাওয়া
হৃদয়ের সাহায্য করে।

খাওয়ার সময় ফোট এক চামচ ডায়-পেপমিন্ট খান।
ডায়-পেপমিন্ট তখনও বজায় রাখার ঠিক।

ইউনিয়ন ড্রাগ
কলিকাতা

এই সমস্ত সাহিত্যিক নিদর্শনগুলি আজ আর তেমন পরিচিত বা মূল্য নয়। বাগল মহাশয় ইহাদের কথা স্মরণ করাইয়া দিয়া শিক্ষিত বাঙালীর কৃতজ্ঞতা অর্জন করিয়াছেন। তবে এই সব মনীষীর কথা কেবল স্মরণ করিলেই আমাদের কর্তব্য শেষ হইবে না—ইহাদের রচিত কোন কোন গ্রন্থের পুনঃ-প্রকাশ বাঞ্ছনীয় বলিয়া মনে হয়। সেদিকে আমাদের দৃষ্টি দিতে হইবে। তাহা ছাড়া, মনে রাখিতে হইবে—ইহারা যে কার্যের সূচনা করিয়াছিলেন তাহা এখনও সম্পূর্ণ হয় নাই—এখনও অনেক করণীয় অবশিষ্ট আছে। সেই কর্তব্যসম্পাদনের প্রথম সোপান প্রাচীন মনীষীদের কৃত কার্যের পরিচয় লাভ করা। বাগল মহাশয় সেই সোপান-রচনার কার্যে ব্যাপৃত আছেন। এই কাজে তাঁহার সাফল্য কামনা করি এবং তাঁহাকে অনুরোধ করি, তিনি কালীঘর বেদান্তবাণীশ, শিবচন্দ্র বিহারী, চন্দ্রকান্ত তর্কালঙ্কার প্রভৃতি এই জাতীয় অপরাপর পণ্ডিতদের বিবরণ সংগ্রহ করিয়া ভবিষ্যৎ কার্যের পথ প্রশস্ত করুন।

শ্রীচিন্তাহরণ চক্রবর্তী

যুরোপে আধুনিক চিত্রকলার প্রগতি—শ্রী অক্ষয়কুমার গঙ্গোপাধ্যায়। রত্নসংগ্রহ গ্রন্থমালা কর্তৃক প্রকাশিত। মূল্য তিন টাকা।

আলোচ্য গ্রন্থখানিতে আধুনিক যুরোপের চিত্রসাধনার রূপটি গ্রন্থকার নিপুণ ভাবে অঙ্কিত করিয়াছেন। যে প্রকাশ-সম্প্রদায় মানুষের আজন্ম সহচর তাহা কেমন করিয়া কোন পথে নবা যুরোপে আপনাকে প্রকাশ করিতেছে তাহার সঠিক ধারাবিবরণী গ্রন্থকার আলোচ্য গ্রন্থের স্বল্প পরিসরে বৈদক্ষ্যপূর্ণ ভঙ্গীতে পরিবেশন করিয়াছেন। শিল্পী প্রকাশ-সাধনায় তন্ময়, তাঁহার প্রকাশের পয়সটুকু চিত্রকলা-এর ভেনাসমূর্তির মধ্যে যেমন স্তম্ভকট তেমনই আবার তাহা জিয়াকোমে বাসার 'দ্রুতগামী কুকুরের' চিত্রটির মধ্যেও সমান ভাবে প্রকাশ। ফরাসী দেশে এক অখ্যাত পল্লীতে প্রাপ্ত এই ভেনাস-মূর্তির নির্মাণকাল খ্রীষ্টের জন্মের পঁচিশ হাজার বছর পূর্বেকার ঘটনা বলিয়া পুরাতাত্ত্বিকেরা অনুমান করেন। সভ্যতার সেই অক্ষুট প্রভাষে মানুষ প্রকাশের যে সূক্ষ্মতার বাসনায় ভেনাসমূর্তি সৃষ্টি করিয়াছিল তাহাই আধুনিক

যুরোপীয় চিত্রকলার নানান ভঙ্গী আশ্রয় করিয়া 'চতুষ্পদবাদ' 'আকৃতিবাদ', 'নব্যতান্ত্রিকবাদ', 'নৈরূপ্যবাদ', 'প্রতিচ্ছায়াবাদ' প্রভৃতি বিভিন্ন স্রীতির জন্ম-দান করিল। মানুষের কল্পনা শিল্পরূপে বাস্তবকে অধীকার করিয়া এক পরামূলের রহস্যলোকের দ্বারোদ্ঘাটন করিল। কেমন করিয়া সেই রহস্য-লোকের সবটুকু রং, সবটুকু রস, সেই অনির্কণীয় হৃদয়ের সবটুকু নৌন্দর্য্য শিল্প ধরিয় দেওয়া যায় তাহাই হইল সর্ব্বযুগের শিল্পীর সাধনার বস্তু। ঐ যুগের যুরোপীয় শিল্পীরা বাস্তবকে অধীকার করিয়া সাদৃশ্য-বিদেষ্টকে তাঁহাদের মূলমন্ত্র করিলেও চয়নবাদীদের শিল্পবাদে বাস্তবকে পুরাপুরি অধীকার করা হয় নাই। প্রাচীন শিল্পবাদ মূলতঃ বস্তুপন্থী। আধুনিক চয়নবাদীর সেই প্রাচীন মতবাদের আংশিক সমর্থন করিয়াছেন। গ্রন্থকার আলোচ্য গ্রন্থে চয়ন-বাদীদের সমগ্রাত্মক শিল্পদর্শনের কথা বলিয়া গ্রন্থের উপসংহার করিয়াছেন।

গ্রন্থকারের দৃষ্টিকোণ যথার্থ শিল্পসমালোচকের। বহুবিস্তৃত শিল্প-অভিজ্ঞতার আলোক-সম্মুখে চতুষ্পদবাদের সাংখ্য আলোচনা গ্রন্থকার আলোচ্য গ্রন্থখানিতে সন্নিবিষ্ট করিয়াছেন। কেমন করিয়া চতুষ্পদবাদের পরিণতি ঘটিল নৈরূপ্য-বাদে, আমরা তাহা সাগ্রহে লক্ষ্য করিয়াছি। দ্বৈত কথিত শিল্পের বিরুদ্ধ বাচনের আর কোন সাংখ্যিকতা রহিল না—আধুনিক ইয়োরোপে নৈরূপ্যবাদের অকুণ্ঠ গ্রহণে ও সমর্থনে। শিল্পীমনের বস্তুবিমুখ চিত্রকল্পনা আধুনিককালে নক্সাবাদে আত্মপ্রকাশ করিল। মাতীল এই নক্সাবাদের অগ্রনায়ক। মাতীলের দৃশ্যবাদ প্রাতিবাদ হইতে স্তম্ভ। এত দিন যুরোপের চিত্রশিল্পীরা স্থাবর জীবনের প্রকাশ-সাধনা করিলেন। জঙ্গম জীবনের চলমানতা প্রথম মূর্ত্ত হইল 'ভবিষ্যৎ'বাদীদের হস্তে। তাঁহারা গঠিকে প্রমূর্ত্ত করিলেন আপনা-দের শিল্পকর্মে। শিল্পের প্রাচীন পীঠস্থান ইটালীতে 'ভবিষ্যৎবাদ' জন্ম নিল আপন আস্তর শক্তির প্রসাদগুণে। গ্রন্থকার ভবিষ্যৎবাদীদের মূলমন্ত্র-বলীর বিশদ আলোচনা গ্রন্থখানিতে সন্নিবিষ্ট করিয়াছেন। বস্তুর মধ্যে যে গতিচ্ছন্দ মূর্ত্ত তাহার প্রকাশ-সাধনা আধুনিক যুরোপীয় চিত্রকলার অত্যন্তম বৈশিষ্ট্য।

তৃতীয় স্তবকের শেষাংশে গ্রন্থকার বকরবাদীদের (Fauvist) শিল্প-বৈশিষ্ট্যের আলোচনা করিয়াছেন। শিল্পে বকরবাদের ঐতিহাসিক মূল্য

ছোট ক্রিমিরোগের অব্যর্থ ঔষধ

“ভেরোনা হেলমিন্থিয়া”

শৈশবে আমাদের দেশে শতকরা ৩০ জন শিশু নানা জাতীয় ক্রিমিরোগে, বিশেষতঃ ক্ষুদ্র ক্রিমিতে আক্রান্ত হয়ে ভয়-বাহ্য প্রাপ্ত হয়, “ভেরোনা” জনসাধারণের এই বহুদিনের অস্ববিধা দূর করিয়াছে।

মূল্য—৪ আঃ শিশি ভাঃ মাঃ সহ—২৫০ আনা।

ওয়ারিয়েটাল কেমিক্যাল ওয়ার্কস প্রাইভেট লিঃ

১১১ বি, পোবিন্দ্র আজড়ী রোড, কলিকাতা—২৭

ফোন: ৪৫—৪৪২৮

— সত্যই বাংলার গৌরব —

আপড়পাড়া কুটীর শিল্প প্রতিষ্ঠানের
গণ্ডার মার্ক

গেজী ও ইজের মূল্য অখচ সৌখীন ও টেকসই।

তাই বাংলা ও বাংলার বাহিরে যেখানেই বাঙালী
সেখানেই এর আদর। পরীক্ষা প্রার্থনীয়।

কারখানা—আপড়পাড়া, ২৪ পরগণা।

ফাং—১০, আপনার সার্কুলার রোড, দিভলে, কুম নং ৩২,

কলিকাতা-৩ এক টানমারী বাট, হাওড়া টেশনের সম্মুখে

আছে কেবল অত্যাধুনিক এই শিল্পবাদের পটভূমিকায়—ভারতবর্ষের লোক-শিল্প ও সিয়ানিয়ার বর্করজাতির শিল্পপ্রকর্ষ ও অস্ট্রােল দেশের লোকশিল্প নূতন অর্থে, নূতন ব্যঙ্গনায় শ্রীমণ্ডিত হইয়া উঠে। এই ভাবে বারবার শিল্পজগতে বিভিন্ন পরীক্ষণ-নিরীক্ষণের ফলে কখনও বা উগ্র অত্যাধুনিক শিল্পবাদ অতীতকে সম্পূর্ণরূপে অস্বীকার করিয়াছে, আবার কখনও বা তাহার বিরোধী মতবাদ অতীতকে সবিনয়ে স্বীকার করিয়া তাহার সহিত আপোষ করিয়াছে। প্রাচীনকালে ধর্ম ও শিল্প হাতধরাধরি করিয়া চলিয়াছিল। এ যুগের 'Pom-pous impressionist'দের দল ধর্মের পথ পরিহার করিয়া বৈজ্ঞানিক পন্থা আলম্বন করিয়াছিলেন। আমরা সবিস্ময়ে প্রত্যক্ষ করিলাম নৈরূপ্যবাদের অত্যন্ত প্রবল উল্লেখ্য বাসিলি কান্দিনস্কী বৈজ্ঞানিক পন্থা পরিত্যাগ করিয়া অধ্যাত্মিকতার পথেই আপন শিল্প-রথকে চালিত করিলেন। কান্দিনস্কীর নৈরূপ্যবাদের বিরোধী মতবাদরূপে আবির্ভূত হইল উদ্ভূত উদ্ভাসের 'আবত-বাদ'। এওয়াড ওয়াডওয়াথ ও নেভিনসন এই পথের পথিক। প্রথম মহাবুদ্ধের পরে নৈরূপ্যবাদের চরম পরিণতি 'সেচ্ছাচারবাদ' বা দাদাইজম্ জন্ম নিল। এতদিনকার স্বয়ং শিল্প-নির্দেশনার দাস একেবারে ভাঙ্গিয়া পড়িল সর্বগ্রাসী সেচ্ছাচারবাদে। অনেকে একে 'শিল্পবাদ' আখ্যাও দিয়া-ছেন। এই দায়িত্বহীন শিল্পবাদের সেচ্ছাচার হইতে পাবকশুদ্ধ হইয়া জন্ম নিল 'শুদ্ধিবাদ' বা Purism। 'শুদ্ধিবাদ' 'নিয়ন্ত্রিত নিয়মরহিতা' তথের উদ্ভব করিল আর এক নূতন পটভূমিকায়। সংযমের পথে, নিয়মের পথে আধুনিক শিল্পধারার প্রবর্তন ঘটিল শুদ্ধিবাদী অর্জেন কার্ট, জেনেরেং এবং লীজারের হস্তে। এমনি করিয়াই আধুনিক ইন্দোবিশ্বের সৃষ্টিপ্রয়াস রূপ হইতে রূপান্তরে, এক রীতি হইতে অন্য রীতিতে যাওয়া-আসা করিতেছে। পথান্ত শিল্পসমালোচক গঙ্গোপাধ্যায় মহাশয় ইয়োরাপে এই নব্য শিল্পরীতির পরীক্ষণ-নিরীক্ষণের কাহিনীটুকু হৃন্দর প্রাক্কল ভাষায় পরিবেশন করিয়া আমাদের ধন্যবাদার্থ হইয়াছেন।

পুস্তকখানি শিক্ষিত-সমাজের শিল্পদৃষ্টি উন্মেষের সহায়তা করিবে।

শ্রীশুধীরকুমার নন্দী

রাশি-বিজ্ঞানের কথা—শ্রীপূজেন্দ্রকুমার বসু। বিশ্ববিদ্যা-সংগ্রহের ১২১নং পুস্তক। বিশ্বভারতী গ্রন্থালয়, ৬৩ দ্বারকানাথ ঠাকুর লেন, কলকাতা-৭। মূল্য ৯০ আনা।

লেখক একজন রাশি-বিজ্ঞানবিদ, কলিকাতা বিশ্ববিদ্যালয়ের রাশি-বিজ্ঞান বিভাগের অধ্যক্ষ। রাশি-বিজ্ঞান যে কেবল কতকগুলি রাশি-তথ্যের সঙ্গঠন নয় বা কতকগুলি সূত্রের সমন্বয় নয়, এইটি যে বিজ্ঞানের এমন একটি শাখা সেটি সম্ভাবনার (probability) মূল সূত্রের উপর প্রতিষ্ঠিত এবং বাহার সাহায্যে সামান্য নমুনা হইতে পরিপূর্ণের অনুমান করা সম্ভব, নমুনা হইতে পূর্ণকে, সমগ্রকে জানা সম্ভব, লেখক তাহা অতি সহজ ভাষায় বুঝাইয়া দিয়াছেন।

আমাদের দেশে শিক্ষিত সম্প্রদায়েরও মধ্যে রাশি-বিজ্ঞান সম্বন্ধে জ্ঞান ত অল্পই, বরং ভ্রমাত্মক ধারণা আছে। লেখক এই ভ্রম দূর করিবার সাহায্য করিয়া দেশের ও সমাজের উপকার করিয়াছেন। পরিশিষ্টে কলিকাতা রাশি-বিজ্ঞান সমিতি কর্তৃক সংকলিত ও বঙ্গীয় বিজ্ঞান পরিষদের রাশি-বিজ্ঞান সারস্বত সঙ্ঘ কর্তৃক অনুমোদিত রাশি-বিজ্ঞানের পরিভাষা দিয়া, বাহার বাংলায় রাশি-বিজ্ঞান সম্বন্ধে আলোচনা করিতে চাহেন তাঁহাদের উপকার করিয়াছেন।

আমরা আশা করি লেখক রাশি-বিজ্ঞান সম্বন্ধে বাংলায় একখানি বড় পুস্তক লিখিয়া মাতৃভাষাকে সমৃদ্ধ করিবেন।

শ্রীযতীন্দ্রমোহন দত্ত

ভগবান তথাগত—শ্রীভক্তনা দেবী। অরণালোক প্রকাশনী। সচিত্র। মূল্য দুই টাকা।

বুদ্ধ জয়ন্তী উপলক্ষে লিখিত এই বইটি খুবই সুখপাঠ্য হয়েছে। ভগবান দেবীর লেখা পাঠকদের নিকট সুপরিচিত। আলোচ্য বইটিতে তাহার খ্যাতি অক্ষুণ্ণ থাকিবে। ধর্মসংক্রান্ত বিষয় এত সরল ও সরস ভাবে লেখা সাধারণতঃ খুব কমই দেখা যায়। ছবিও সুন্দর হয়েছে।

বুদ্ধচরিত্রের পুণ্যকাহিনী বাংলার ঘরে ঘরে জানা প্রয়োজন। জগতে ভারতের সংস্কৃতি-প্রচারের বুল এর মধ্যে নিহিত। সেই জন্ত ইন্দিরা দেবীর এই বইখানি সব দিকেই উপযোগী হয়েছে।

শ্রেণীর গল্প—শ্রীবিষ্ণু মুখোপাধ্যায় সম্পাদিত। রীডার্স কর্ণার। সচিত্র। মূল্য সাত টাকা আট আনা।

সমকালীন তেইশ জন খাতনামা লেখকের তেইশটি গল্পের সংগ্রহ। গল্প-গুলি লেখকদিগের স্ব-নিকর্ষাচিত।

কবিতা ও গল্পের—বিশেষে প্রেমধর্মিত ছোটগল্পের সমালোচনা করা বড়ই কঠিন ব্যাপার। কেননা শুধু যে মাপকাঠির বদল যুগে যুগে হচ্ছে তাই নয়, উপরন্তু রসাত্মকী বাবা তাঁদেরও বিভিন্ন সময়ে বিভিন্ন রসে রচি-অরুচি আসে। আবার সবশেষে আবে অভিনবদ, আধুনিকত্বের উৎকর্ষ প্রয়াস ও বিরাট সন্ধান।

বিশ্বব্যব্র সংগ্রহে সব রকমই অশুভ, অসম্পূর্ণ, ত্রিভুক্তব্যয়, সকল রসেরই পরিবেশন করা হয়েছে। অতরাং রাসিকজন এই প্রেমের বেসাতিতে ইচ্ছামত রসের আবাদন পাবেনই। এটা বড় সহজ কথা নয়।

বিখ্যাত লেখকদের বাহাইবরাহ গল্প, অতরাং পৃথক ভাবে আলোচনা রথা। শুধুমাত্র বলা যায় যে, প্রেম কত বিভিন্নরূপে দেখা দিতে পারে তার তেইশটি সম্পূর্ণ পৃথক পরিচয় এই সংগ্রহে আছে। তাতেই সংগঠিত সমষ্টিগত ভাবে সংগঠিত হয়েছে।

"প্রেমের গল্প" আলোচনা করতে গেলেই প্রথম কথা উঠে—"প্রেম কি?" ভূমিকায় সম্পাদক আগেই বলেছেন, "হৃদয়ের সৌষ্টম্য ও পরিবর্তন দুইই প্রেম"। একথা অস্বীকার করার চেষ্টাও সমালোচকের নাই। নাই এই কারণে যে, "তার পরই প্রেম আসবে" পারে "প্রেমের ভূমি কিই-না জানি?" তবে নির্ভয়ে না হোক ভয়ে ভয়েই বলি, যে ত সেই প্রেম বাতে "নাই কাম গন্ধ লেশ"—যথা :

রঞ্জকিনী প্রেম

নিকষিত হেম

বড় চণ্ডীদাস গাএ।

সম্পাদক মহাশয়ও বোধ হয় সেই জেহেই পরে বলেছেন, "কামনা বাসনাকে পরিশুদ্ধ করার কথা বলার পরও আমি বলব, যে কথা প্রারম্ভেই বলেছি, প্রেম দেখকে অস্বীকার করে নয় (নাই), অতিক্রম করে। প্রেম কাম নয় কামভিত্তিক। কাম যদি হয় কুশ্রম, প্রেম তার সৌরভ। 'দেহসন্তোগ বাসনার উদ্যমতায় যা রিপু, দেহাত্মগ অথচ কৃষ্ণ হৃন্দর ভাবকল্পনায় সমৃদ্ধ হুবুনার রূপে তাই মানবীয় প্রেম এবং দেহাত্মিক্রান্ত দিব্য স্রীতিতে তাই-ই ভগবৎ প্রেম।"

অবশ্য প্রয়ডীয় 'লিঙ্গায়েৎ' মহাশয়েরা অল্প কথা বলেন, তবে তাঁদের কথা ও মাথা ছুয়েরই উণ্টো সোজা বোঝা ভার।

যাহোক পাঠক যেন ভেবে বসবেন না, যে এই গল্পসংগ্রহ বুঝি আধ্যাত্মিক বা পারমাথিক দর্শনের উদাহরণসমূহ। কেননা যদি কোনও দার্শনিক মতবাদের ছায়া এই আলোচ্য গল্পগুলির অধিকাংশে পড়ে থাকে তবে সে চার্বাক-দর্শনের। সম্পাদক বলেছেন :

"এই সঙ্কলনগ্রন্থে সমকালীন খাতনামা গল্পকারদের প্রেম, প্রণয়, অনু-রাগ, স্নেহ, স্রীতি সম্পর্কে গল্পের একটি নিদর্শন দেবার চেষ্টা করেছি।"

এখানেই বলি চেষ্টা সফল হয়েছে।

ক. চ.

শরৎ-সাহিত্য (প্রথম খণ্ড)—শ্রীকালিদাস রায়। ১৩
চারণচন্দ্র এভিনিউ, টালিগঞ্জ, কলিকাতা। মূল্য তিন টাকা।

কবিশেখর কালিদাস রায়ের কবিত্বাতি সুপ্রতিষ্ঠিত। তাঁহার অধিকাংশ রচনাই ছন্দে লিখিত। কিন্তু গল্প রচনায় তাঁহার নিপুণতা কতটা এই পুস্তকই তাঁহার প্রমাণ। গ্রন্থখানি শরৎ-সাহিত্য-পরিচিতি। এই খণ্ডে তিনি শরৎচন্দ্রের পল্লীসমাজ, বিরাজ যৌ, বিন্দুর ছেলে, রামের স্মৃতি, পণ্ডিত মশাই, নববিধান, অরক্ষণীয়া, চন্দ্রনাথ, বামুনের মেয়ে, বৈকুণ্ঠের উইল, দত্তা, পথনির্দেশ, পরিণীতা, দেবদাস, দেবনাগাওনা, চরিত্রহীন, কাশীনাথ, অশুপমার প্রেম, মেজদিদি প্রভৃতি গল্প ও উপন্যাসের বিশেষভাবে আলোচনা করিয়াছেন। সে বিচারে কৃতিত্ব আছে। কিন্তু প্রথম পাঁচ পরিচ্ছেদে এবং অষ্টম পরিচ্ছেদেও গ্রন্থকার শরৎচন্দ্র সম্বন্ধে সাধারণভাবে যে আলোচনা করিয়াছেন তাহা যেমনি শরৎচন্দ্রের কথাসাহিত্যের উপর নানা দিক দিয়া আলোকপাত করে, তেমনিই গ্রন্থকারের মননশীলতা, পাণ্ডিত্য এবং অন্তর্দৃষ্টিও পরিচয় দেয়। লেখকের মতে শরৎচন্দ্র কোথাও গতভূগতিক নহেন, তিনি ক্রান্তদর্শী, রমণিশীলী, সত্যের আনন্দপ্রিয়। কথাসাহিত্যের মধ্য দিয়া শরৎচন্দ্র সত্যকে সরস করিয়া প্রকাশ করিয়াছেন। নারীজাতির ব্যক্তিত্ব প্রতিষ্ঠার জন্ত তিনি বাহ্য করিয়াছেন তাহাকে অসাধ্য-সাধনই বলিতে হয়। সংস্কারকে চূর্ণ করিয়া মানবজীবনকেই তিনি অখণ্ডভাবে গ্রহণ করিয়াছেন। তিনি সাধনাবলে বাংলা সাহিত্যে উপন্যাস রচনার অপূর্ণ-শৃঙ্খলা, পদ্ধতি ও গঠনভঙ্গী প্রবর্তন করিয়াছেন। বর্তমান যুগের অনেক কথাসাহিত্যিকের মতো শরৎচন্দ্রের রচনা পাঠে। তিনি আবার যে-সকল নরনারীকে তাঁহার চারিপাশে দেখিয়া আসিয়াছেন তাহাদেরই জীবনযাত্রা হইয়াছে তাঁহার সাহিত্যের উপজীব্য। জীবনের সহিত ঘনিষ্ঠ পরিচয় ও জীবনদর্শনের অতি প্রখর সৌন্দর্য-শক্তির সঙ্গে যুক্ত হইয়াছে অফুরন্ত অপরিমেয় সহানুভূতি। সৌভাগ্যক্রমে শরৎচন্দ্র কেবল সত্যদ্রষ্টা ছিলেন না, তিনি অসামান্য রমণশীলও ছিলেন। তাঁহার রচনার একটি প্রধান টেকনিক হইল অরঞ্জিত বাস্তব চিত্র দিয়া আরম্ভ করিয়া তারপর তিনি ধীরে ধীরে রঙ চড়াইতেন। শরৎচন্দ্র কথাসাহিত্যের ক্ষেত্রে নবযুগের প্রবর্তক। ঘটনার বিবৃতি বা গল্পের দিকে তাঁহার বিশেষ লক্ষ্য নাই, তিনি অতি সূক্ষ্ম নিপুণতার সহিত মনস্তত্ত্বের বিশ্লেষণ করিয়াছেন। কিন্তু সে বিশ্লেষণ অধিকাংশ স্থলে অন্তরের গভীর সহানুভূতির দ্বারা রঞ্জিত। যেখানে আমরা মনস্তত্ত্বের বা মনস্তত্ত্বের কোন প্রত্যক্ষা করি না, সেখানে তিনি মনস্তত্ত্ব ও মনস্তত্ত্বের আকস্মিক আবির্ভাব দেখাইয়া আমাদের চিত্তে একটা বিশ্বাসানন্দের সৃষ্টি করেন। শরৎচন্দ্র নূতন যুগের উদার নূতন ভাবায় নূতন আশা দিয়াছেন। ষষ্ঠ ও সপ্তম পরিচ্ছেদে শরৎ-সাহিত্য সম্বন্ধে গ্রন্থকারের দুই বক্তৃতার অন্ত-

লিপি। এ দুটি পরিশিষ্টে দিলে বোধ হয় ভাল হইত। গ্রন্থের অবশিষ্টাংশ শরৎচন্দ্রের পূর্বোক্ত গ্রন্থগুলির সমালোচনা। গ্রন্থকারের কাব্যের মত তাঁহার গদ্যও প্রসাদগুণবিশিষ্ট। রচনা পরিচ্ছন্ন, সরল, স্বচ্ছন্দ এবং সাবলীল। “শরৎ-সাহিত্য” পাঠ করিয়া বাঙালী পাঠক জ্ঞান ও আনন্দ উভয়ই লাভ করিবেন।

শ্রীশৈলেন্দ্রকৃষ্ণ লাহা

জলপ্রাবনের ভূগোল, ইতিহাস ও ভূবিদ্যা

শ্রীআদিনাথ সেন। ৩২, বালিগঞ্জ প্রেস, কলিকাতা—১৯ হইতে প্রকাশিত। পৃষ্ঠা ৩৩, মূল্যের উল্লেখ নাই।

গ্রন্থকার এই ক্ষুদ্র পুস্তকে দুইটি বিষয় সংক্ষেপে অথচ সুষ্ঠুভাবে আলোচনা করিয়াছেন। জলপ্রাবনের স্থায়ী প্রতিকার সম্বন্ধে বিশেষজ্ঞের মতামত উচ্চাঙ্কিত স্থান পাইয়াছে।

পুস্তকখানি দুই অংশে বিভক্ত। প্রথম অংশ পনেরটি অধ্যায়ে বাঁধ, জল-প্রবাহ, নদীনিয়ন্ত্রণ, জলাশয়, কৃত্রিম হ্রদ, বহুমুখী পরিষ্করণ, বনকগলা জলে শ্রাবণ, সৃষ্টিপাতে জলপ্রাবণ, সাময়িক শ্রাবণ, কসায় জলপ্রাবণ প্রভৃতির কথা আলোচিত হইয়াছে। বর্তমান ও প্রাচীন কালের নানা দৃষ্টান্ত দ্বারা বিষয়টিকে চিত্তাকর্ষক ও সুখপাঠ্য করা হইয়াছে। প্রথম অংশ পাঠ করিলে সাধারণ পাঠকের মনে জলপ্রাবনের ভূগোল ও ইতিহাস সম্বন্ধে স্পষ্ট ধারণা জন্মিবে।

দ্বিতীয় অংশে দ্বোলটি অধ্যায়ে, ভূপৃষ্ঠ, পৃথিবী, মহাকাশ, সৃষ্টি, পৃথিবীর আবরণ, পল্লবস্তর, আলোড়ন, গণ্ডোয়ানা, খেটিস সাগর, প্রাচীন ভূগোল ও ইতিহাস, হিমালয় অঞ্চলে আবহাওয়া ও আয়রণের নমনীয়তা প্রভৃতি বিষয়ের আধুনিক বৈজ্ঞানিক মতামত সঙ্কলিত হইয়াছে। বর্তমান অবস্থায় পৌঁছিতে পৃথিবীর বহু কোটি বৎসর লাগিয়াছে। যেখানে আজ হিমালয় পর্বত এককালে সেখানে মহাসমুদ্র ছিল। পর্বত, নদনদী, জলস্থলের অবিরাম পরিবর্তন চলিয়াছে। জড়জগতের এই সৃষ্টি-স্থিতি-ধ্বংসের বর্ণনা তথা বৈজ্ঞানিক আলোচনা ও গবেষণা গল্পের মতই চিত্তাকর্ষক। গ্রন্থকার গল্পপরিময়ের মধ্যে এই জটিল বিষয়ের আলোচনায় বিশেষ কৃতিত্বের পরিচয় দিয়াছেন।

সমবায়মূলক সাধারণতন্ত্র ও বিশ্বরাজনীতি—

শ্রীমনোরঞ্জন গুপ্ত। দাশগুপ্ত এণ্ড কোং প্রাইভেট লিমিটেড, ৪৪/৩ কলেজ স্ট্রীট, কলিকাতা-১২। মূল্য ১০। পৃষ্ঠা ৩৪।

বাদশাহী
(রেজিঃ)



লোমনাশক
স্নান, পাউডার
বা লোসন
— যেটি ভাল লাগে।
চর্মে সহন করে - ব্যবহারে জ্বলা নাই

প্রি. প্রি. মহাজন এণ্ড কোং. বোম্বে

স্টকিষ্ট : সুব্রহ্মণ্য ঠোয়াল
১৭৪নং হারিসন রোড, কলিকাতা-৭

দি ব্যাঙ্ক অব বাঁকুড়া লিমিটেড

ফোন : ২২—৩২৭২
গ্রাম : কৃষিসং
সেন্ট্রাল অফিস : ৩৬নং ট্র্যাণ্ড রোড, কলিকাতা

সকল প্রকার ব্যাঙ্কিং কার্য করা হয়
বিঃ ডিপজিটে শতকরা ৫, ও সেভিংসে ২, হ্রদ কেওয়া হয়

আদায়ীকৃত মূলধন ও মজুত তহবিল ছয় লক্ষ টাকার উপর
স্টোরম্যান :
কোঃ ম্যানেজার :

শ্রীজগন্নাথ কোলে এম,পি, শ্রীরবীন্দ্রনাথ কোলে
অফিস : (১) কলেজ কোয়ার্টার কলি: (২) বাঁকুড়া

সমবায় ও সমাজতন্ত্র এই দুইটি শব্দের বহুল প্রয়োগ সর্বত্রই করা হয়। ১৮৪৪ খ্রীষ্টাব্দে রকভেলের শ্রমিকগণ যে সমবায়ের প্রবর্তন করিয়াছিল সেই সম্পর্কে লে-অপারেটিভ কমন্ওয়েলথ কথাটি ব্যবহৃত হয়। লেখক উহার অনুবাদ 'সমবায়মূলক সাধারণতন্ত্র' করিয়াছেন। জগতের আর্থিক প্রগতি কোন পথে হইয়াছে তাহা লইয়া বহু গবেষণা হইয়াছে। ধনতন্ত্রের পথে এই উন্নতি বহু অবাঞ্ছিত অবস্থার ভিতর দিয়া অগ্রসর হইয়াছে। ইহার একটি হইতেছে শ্রেণীসংগ্রাম এবং অপরট দুর্বলের শোষণ। সমবায়-ব্যবস্থা সুগ্রাম ও শোষণ এড়াইয়া আর্থিক উন্নতি কায়ম করিতে চায়। সীমাবদ্ধ আর্থিক ক্ষেত্রে এবং বিভিন্ন দেশের পরিবেশে ইহার দক্ষতা দেখা গিয়াছে, সমগ্র বিশ্বের ব্যাপক ক্ষেত্রে ইহার প্রয়োগ ও দক্ষতা এখন পর্যন্ত গবেষণার বিষয়। লেখক বিশ্বরাজনীতির গতিপ্রকৃতি হইতে প্রমাণ করিতে চান যে, জগৎ বিশ্ব-সমবায়ের পথে চলিয়াছে। এই সম্পর্কে ভারতের প্রচেষ্টার উদাহরণগুলি লেখক বিশেষ ভাবে উদ্ধৃত করিয়াছেন। সমবায়ের পথ শান্তির পথ। রাশিয়া, আমেরিকা ও ভারত সকলেই শান্তি তথা বিশ্বশান্তি চায়। কিন্তু শান্তি কথাটি সকলে উচ্চারণ করিলেও ইহার প্রয়োগ সম্বন্ধে সকলে একমত নহে—বর্তমান বিশ্বরাজনীতি আলোচনা করিলে তাহা স্পষ্টই দেখা যায়। "কাল মার্কস ও গান্ধী একজন আর একজনের পরিপূরক" লেখকের এই অভিমত গ্রহণীয় বলিয়া মনে হয় না। 'রাষ্ট্র লোপ পাত্রা' (withering away of the State) সম্পর্কে উভয়ের মতও যে একেবারে অভিন্ন একথা বলা সমীচীন নহে। "রানরাজ্য" এবং "রাষ্ট্রহীন সমাজ" উভয়ই একটি আদর্শের বোধক—লেখক ইহা বলিতে চান। অথচ মার্কসের ধনতান্ত্রিক-ব্যবস্থা-সংসার উপায় ও গান্ধীর উপায় পরস্পরবিরোধী। এ ব্যবধান আন্তিক ও নাস্তিকের, জড়বাদী ও অধ্যাত্মবাদীর ব্যবধান। যাহা হউক আর্থিকবা

কাজল কালি

ফাউন্টেনপেনের

সেরা কালি।

১৯২৪ সালে সবার

আগে বাজারে বার

হয়।



সর্বদা সহজে কালি কলম থেকে ঝরে

কাগজে অক্ষরকে পাকা করে তোলে।

কেমিক্যাল এসোসিয়েশন (ক্যালঃ)

৫৫, ক্যানিং স্ট্রিট, কলিকাতা-১

উৎসবের দিনে

কে. হোডের

মুবাসিত

প্রসারিত সামগ্রী

কে. হোড এণ্ড কোং

কলিকাতা-১৪

পরমার্থিক কিংবা নৈতিক কারণে পৃথিবীর দেশগুলি আজ মহা মিলনের পথে যাত্রা করিয়াছে এ কথা মধে অনেকখানি সত্য আছে। লেখকের চিন্তা-ধারার সকলেই তারিফ করিবেন। সমাজতন্ত্র, সাম্রাজ্যতন্ত্র, ধনতন্ত্র, সম-বায়তন্ত্র সকল তত্ত্বই ক্রমবিকাশের পথে প্রতিদিন পরিবর্তিত হইয়া নূতন জগৎ সৃষ্টি করিতেছে। লেখকের আলোচনা-পদ্ধতি সুন্দর। তাঁহার ডায়ালেকটিক যুক্তির দ্বারা আদর্শের অনুসরণ স্বাভাবিক ভাবেই হইয়াছে। এই মূলিখিত গ্রন্থ পাঠকের চিন্তার খোরাক যোগাইবে সন্দেহ নাই।

শ্রীঅনাথবন্ধু দত্ত

ঠাকুরাণীর বাঘ—শ্রীজ্ঞানেন্দ্রনাথ বাগচী। দিগন্ত পাবলিশার্স,

২০২ রাসবিহারী এভিনিউ, কলিকাতা—২৯। মূল্য দুই টাকা।

শিকারের সন্ধানে উড়িয়ার বনে-পাহাড়ে দীর্ঘ আঠারো বৎসর ঘোরাঘুরি করিয়া লেখক যে অভিজ্ঞতা অর্জন করিয়াছেন তাহা এই পুস্তকে পরিবেশিত হইয়াছে। এই কাহিনীগুলি যখন 'যুগান্তর সাময়িকী'তে প্রকাশিত হয় তখনই পাঠকমণ্ডলীর মধ্যে বিশেষ আগ্রহ এবং কৌতূহলের সৃষ্টি হইয়াছিল। ইহার কারণ—প্রচলিত শিকারকাহিনীসমূহ হইতে এগুলি সম্পূর্ণ স্বতন্ত্র ধরনের। পুস্তকটির প্রথম লক্ষণীয় বৈশিষ্ট্য—শিকার সঙ্ক্ষে লেখকের অকপট স্বীকারোক্তি। সাধারণের ধারণা শিকারীমাত্রেই অসমসাহসী, তাঁহার প্রাণের ভয় লেশমাত্র নাই। যাহারা একাকী শিকারের সুযোগ সৃষ্টি করিয়া লইয়া শিকার করেন, লেখক তাঁহাদের বাহাদুরি অস্বীকার করেন না। কিন্তু দলবলসহ শিকারে গিয়া গুলি করিয়া হিংস্র জন্তু বধ করার বৃত্তি যে শুধু শিকারীর নহে, অধিকাংশ ক্ষেত্রেই 'ভাগ্যের খেলা' এবং 'নিহত জন্তুটির কৃতিত্ব' একথা বহু স্থানেই তিনি খোলাখুলি ভাবে প্রকাশ করিয়াছেন। তাঁহার অব্যর্থ লক্ষ্যভেদের পরিচয় পাওয়া যায় ভদ্রক হইতে প্রত্যাভর্তনের পথে প্রথম বাঘ শিকারের ঘটনাটিতেই, অথচ গুলিবিদ্ধ বাঘটিকে মোটরে তুলিয়া আনিবার সাহস যে তাঁহার হয় নাই সে কথা তিনি অকপটে স্বীকার করিতে কুণ্ঠিত হন নাই।

লেখক এমন অনাড়ম্বর ভঙ্গীতে ও আন্তরিকতার সহিত তাঁহার অভিজ্ঞতা বর্ণনা করিয়া গিয়াছেন যে, হৃদয় হইতেই পাঠকের মনে তাঁহার কাহিনীগুলির সত্যতা সন্ধে গভীর আস্থার সৃষ্টি হয়। কোথাও কল্পনার রং চড়াইয়া চমক

লাগাইবার প্রয়াস নাই, অথচ বর্ণনা এমনি জীবন্ত যে পাঠককে পদে পদে চমকিত হইতে হয়। আমরা যেন মনশ্চক্ষে স্পষ্ট দেখিতে পাই—বাগুড়ি গ্রামের পাঁচ মাইল দূরবর্তী জঙ্গলে বিরাটকায় ভল্লুকটি খাবামেলিয়া শিকারী-ঘরকে আক্রমণ করিতে উদ্যত। সহসা মাত্র হাতদেশক দূরের ভল্লুকের খোলা বুকে যুগপৎ বিদ্ধ হইল চারিটি গুলি—সঙ্গে সঙ্গেই তার মরণাহত কণ্ঠের বিকট চীৎকারে প্রকম্পিত হইয়া উঠিল নিশ্চক বনভূমি। খুবদার পথে বিক্রান্তমূর্ত্তি ব্যাঘ্রের কবলে নিহত হতভাগ্য গাড়োয়ান বাইধরের অন্তিম দৃশ্যটি কি বীভৎস-করণ! "সেই ছোট ফাঁকা জমিটার বাইধর চিং হয়ে শুয়ে আছে—তার বৃকের উপর একটি খাবা রেখে বাইধরের ওষ্ঠাধরের দিকে চেয়ে বাঘটি বসে আছে। কি যেন দেখতে সে মাঝে মাঝে, সোজা হয়ে চারদিকে তাকিয়ে দেখছে কোন আততায়ী আসছে কিনা! বাইধরের ওষ্ঠাধর তখনও কাঁপছে। সর্ব্বাঙ্গে ক্ষত, প্রচুর রক্তপাত হচ্ছে। বা পাশের চোয়ালের মাংস ঝুলে পড়েছে। কি মর্মান্তিক দৃশ্য!"—"পাহাড়ের অধিত্যকার বাঘের বিধ-বিজয়ী মূর্ত্তি আর তার পদতলে পড়ে আছে হতভাগ্য বাইধর।" এই দৃশ্য লেখকের শিকার-সঙ্গী দীনেশবাবু যেমন বহুদিন ভুলিতে পারেন নাই, তেমনি পাঠকের মনেও ইহা ছাপ রাখিয়া যাইবে। আর ভুলিতে পারা যাইবে না—নয়গড় রাজ্যের জঙ্গলে বুনো ঘাসের ঝোপের ধারে ডোরাকাট ব্যাঘ্র-দম্পতির সমরেখায় জলন্ত দু'জোড়া চোপের তীক্ষ্ণ দৃষ্টিকে। সেই 'রাজোচিত মূর্ত্তি শুধু লেখকের নয়, পাঠকদেরও 'দ্যানের বস্ত্র' হইয়া থাকিবে।

কিন্তু পাটকচিত্তকে অপরিসীম বিশ্বাসে একেবারে অভিভূত করিয়া ফেলিবে চাঁদকার জঙ্গলের সিন্দুরলিপ্ত শিলাখণ্ডাধিষ্ঠাত্রী দেবী 'ঠাকুরাণীর' মন্দিরের পাশে অবস্থানকারী শান্ত সমাহিতমূর্ত্তি বিশালকায় চিত্রাবাঘের কাহিনী। হিংস্র খাপদসকুল অরণ্যে জীবহিংসার প্রেরণাশূন্য ঠাকুরাণীর বাঘের স্বচ্ছন্দ বিতরণের কথা পড়িয়া মন শান্ত রসের প্রলেপে স্নিগ্ধ হইয়া যায়। অরণ্যচারী এই পশুটির অহিংস আচরণের ব্যাখ্যা খুঁজিতে গিয়া বুদ্ধি হার মানো, অলৌকিক ব্যাপারের অতুলস্পর্শ রহস্য অন্বেষণেই থাকিয়া যায়। লেখকের সঙ্গে সঙ্গে আমরাও প্রার্থনা করি—শান্ত, শুভলেশহীন পদক্ষেপে অরণ্যে বিচরণশীল এই বাঘ যেন দীর্ঘজীবী হয়।

লেখকের বর্ণনার মূল্যমানার কল্যাণে "ঠাকুরাণীর বাঘ" পুস্তকখানি শিকার-কাহিনী হইলেও সাহিত্যগুণাধিত হইয়াছে। আর একটি জিনিষ ইহাকে সমধিক উপভোগ্য করিয়া তুলিয়াছে—তাহা ইহার মধ্যে আগাগোড়া অনুসৃত স্নিগ্ধ অনাবিল স্বতঃস্ফূর্ত্ত কৌতুকরস। এই হিউমার অরণ্যের ভয়া-বহু পরিবেশকেও বহুস্থানে হালকা হাসির হাওয়ায় শ্রীতিকর করিয়া তুলিয়াছে। অপরিসীম কৌতূহলোদ্দীপক এবং কৌতুকরসসিক্ত এই শিকার-কাহিনীটি বাংলা শিকার-সাহিত্যে একটা বিশিষ্ট স্থান অধিকার করিবে তাহাতে সন্দেহ নাই।

শ্রীনলিনীকুমার ভট্ট

স্বামী বিবেকানন্দের বাণী—উদ্বোধন কার্যালয়, ১ উদ্বোধন লেন, কলিকাতা-১। পৃ ৩০৭। মূল্য দুই টাকা চারি আনা।

প্রকাশকের 'নিবেদন' হইতে জানা যায়, স্বামী বিবেকানন্দের মৌলিক রচনা, পত্র, কথোপকথন, বক্তৃতাগুলি ইত্যাদিতে যে সব মানবকল্যাণকর উক্তি ইতস্ততঃ বিকিণ্ড রহিয়াছে, আলোচ্য পুস্তকখানিতে তৎসমূহ বিবর্ত্তমানকারী এক স্থলে সংগৃহীত হইয়াছে। বিভিন্ন বিধে স্বামীজীর সৃষ্টিভিত্তিক বিভিন্ন আনিবার সুযোগ করিয়া বিরাট প্রকাশক আধুনিক পুস্তক-সমাজের ধন্যবাদভাজন হইয়াছেন। বিবেকানন্দ-সাহিত্য বিরাট হইতে সর্ব্ব সৎসম পুঁই অকল্যাণ এবং বিবিধ বিধে জ্ঞান-সাধনে উপনির্ভূত বা কোর্স-রূপে উপস্থিত হইয়াছে, আশা, উৎসাহ, বিশ্বাস

ও শ্রদ্ধা, ভক্তি, ধর্ম, ত্যাগ ও বৈরাগ্য, ব্রহ্মচর্যা, সেবা ও পরোপকার, চরিত্র, হিন্দু, হিন্দুধর্ম, মূর্তিপূজা, সমাজ, জাতি-বিভাগ, বিবাহ, শিক্ষা, নেতা, ভারত—(ক) ভারতের বৈশিষ্ট্য, (খ) ভারতের অবনতির কারণ ও (গ) ভারতের পুনরুত্থানের উপায়, বিবিধ প্রসঙ্গ—এই অধ্যায়গুলিতে স্বামীজীর উক্তিগুলি সন্নিবেশিত হইয়াছে। এ সমুদয় যেমন স্মৃতিস্তম্ভ ও জ্ঞানগর্ভ তেমন সাবলীল ও সুখপাঠ্য। স্বামীজীর মতামতগুলি এখনও, অর্দ্ধশতাব্দীরও অধিককাল পরে যুক্তিসহ বলিয়া প্রতিষ্ঠিত হইবে। নিষ্ঠাবান সমাজসেবী এবং শিক্ষা-নেতাদের এই নিবন্ধগুলি দিগদর্শন স্বরূপ হইবে। এখানে একটি কথা না বলিয়া পারিতেছি না। স্বামীজীর কোন কোন পুস্তক হইতে মূল বা অনুবাদে এই নিবন্ধসমূহ সংকলিত তাহার কোন নির্দেশ দেওয়া হয় নাই। এরূপ নির্দেশ থাকিবে কামান্দ-সাহিত্যরসিক এবং গবেষকের পক্ষে ইহা খুবই প্রয়োজনীয়। ভবিষ্যৎ সংস্করণে এ ত্রুটির সংশোধন হওয়া আবশ্যিক। ঘাছা ইউক, পুস্তকপানির বহুল প্রচার হইবে নিশ্চয়।

ভগিনী নিবেদিতা—স্বামী তেজসানন্দ। উদ্বোধন কার্যালয়, ১ উদ্বোধন লেন, কলিকাতা-৩। পৃ. ৩+১১৯। মূল্য এক টাকা চারি আনা।

গ্রন্থকার ১৯৫৬ সনের কলিকাতা বিশ্ববিদ্যালয়ের প্রথম 'নিবেদিতা-লেক্চারার' রূপে ভগিনী নিবেদিতা সম্পর্কে তিনটি বক্তৃতা প্রদান করেন। আলোচ্য পুস্তকখানিতে এই বক্তৃতা সন্নিবেশিত হইয়াছে। গ্রন্থকার 'নিবেদনে' বলিয়াছেন যে, নিবেদিতা-জীবনের মূল ঘটনাবলী পরিবেশের সঙ্গে সঙ্গে "বিভিন্ন ক্ষেত্রে—বিশেষতঃ ভারতীয় শিক্ষা, শিল্প, সংস্কৃতি, জাতীয়তা ও জাতির মুক্তি-সংগ্রামে তাহার কি অমূল্য অবদান তাহার সম্যক পরিচয় দিবার চেষ্টা করা হইয়াছে।" পুস্তকখানি পাঠে লেখকের শোভোক্ত উক্তির সারবত্তা সন্দেহময় হইবে। 'সিষ্টার নিবেদিতা' (ভগিনী নিবেদিতা) গুরু স্বামী বিবেকানন্দ-প্রদত্ত নাম। তাহার পূর্ব-নাম 'মিস্ মার্গারেট নোবল'। স্বামীজীর সংস্পর্শে আসিবার পূর্বপর্যন্ত মিস্ নোবল নানা বিষয়ে, বিশেষতঃ আয়ারল্যান্ডের স্বাধীনতা প্রচেষ্টায় সবিশেষ সংশ্লিষ্ট হইয়া পড়িয়াছিলেন। শিক্ষারতী রূপেও তাহার অভিজ্ঞতা কম জন্মে নাই। তিনি সুশিক্ষিতা, যুক্তিপন্থী, আত্মপ্রত্যয়শীল অহিংস জাতীয়তাবাদে বিশ্বাসী। মানুষের সুখ-দুঃখ, প্রেম-স্নেহ, আশা-আকাঙ্ক্ষা সবই তাহাতে পরিস্ফুট হইয়াছিল। এহেন পরিণতবুদ্ধি, মানবসেবাপরায়ণা মিস্ মার্গারেট নোবল স্বামীজীর বক্তৃতা, উপদেশ ও শিক্ষায় হৃদীয় মানস-কন্যা সিষ্টার নিবেদিতায় পরিণত হইলেন। ভগিনী নিবেদিতার জীবনকথায় আলোচ্যে এ কথাটি যেন আমরা না ভুলি। নিবেদিতা ভারত-মাতার সেবায় নিজেই সম্পূর্ণরূপে উৎসর্গ করিয়াছিলেন, তাই তিনি সত্য সত্যই 'নিবেদিতা'। সে যুগের বিখ্যাত কবি, সাহিত্যিক, শিল্পী, বিজ্ঞানী, সাংবাদিক, রাজনীতিবিদ, ধর্ম-নেতা—সমুদয়েরই শ্রদ্ধা-শ্রীতি তিনি নিজগুণে অর্জন করিয়াছিলেন। রবীন্দ্র-

নাথ তাহাকে বলিয়াছেন, 'লোকমাতা'। আচার্য্য জগদীশচন্দ্রের 'বহু-বিজ্ঞান মন্দির'ের প্রেরণাদাত্রী তিনি। তাহাকে আমরা প্রণাম করি। তাহার জীবনকথা আজকাল যে আলোচিত হইতেছে, জাতির পক্ষে ইহা বড়ই শুভ লক্ষণ। আমরা গ্রন্থকারকে অভিনন্দন জানাই। এই সুসিদ্ধিত তথাপূর্ণ পুস্তকখানি প্রত্যেক বাঙালীর হস্তে বিরাজ করুক ইহাই কামনা।

কর্মবীর রাসবিহারী—শ্রীবিজয়বিহারী বসু। প্রকাশক—শ্রীমতী ইলা বসু, গোমো, মানভূম। পৃ. ৩+ ৩৪৪। মূল্য পাঁচ টাকা।

বিখ্যাত বিপ্লবী রাসবিহারী বসুর জীবনকথা প্রত্যেক বাঙালীরই অনুধাবনযোগ্য। আমরা কৈশোরে 'প্রবর্তক' মাসিকে তাহার বিপ্লবকর্মের বিবরণ সম্বলিত লেখাগুলি যখন পাঠ করিতাম তখন বিশ্বাসে অভিভূত হইতাম। তাহার রচনাশৈলীর উৎকর্ষ হয়ত তেমন বৃদ্ধিতাম না, কিন্তু বিভিন্ন লোমহর্ষক ঘটনাপুঞ্জের মাদকতা আমাদের যেন পাইয়া বসিত। রাসবিহারী আইনতঃ জাপানের বাসিন্দা হইলেন, সেখান হইতে ভারতের সপক্ষে রাষ্ট্র-কার্য পরিচালনা করিতেন। এ সকল কর্মবেশী আমরা শুনিতে পাইতাম। কিন্তু দ্বিতীয় মহাসমরের প্রথমার্ধে তাহার কার্যকলাপ পুনরায় আমাদের মনে বিশ্বাস জাগায়। তিনি ভারতের স্বাধীনতা বাহিনীর প্রতিষ্ঠাতা, নেতাজী সুভাষচন্দ্রের হস্তে নেতৃত্বভার অর্পণ করিয়া রাসবিহারী অবসরগ্রহণ করেন। ১৯৩৫ সনের ২১শে জানুয়ারী তিনি মারা যান।

রাসবিহারী-জীবনের এই কয়েকটি মূল কথা মাত্র এ বাবৎ আমাদের বিশেষ জানা ছিল। আমরা এত দিন পর্যন্ত তাহার একখানি পূর্ণাঙ্গ জীবনীর অভাব বোধ করিয়াছি। রাসবিহারীর অন্তিম অধ্যাপক শ্রীবিজয়বিহারী বসু বর্তমান জীবনীগ্রন্থ প্রকাশিত করিয়া এই অভাব অনেকাংশ নিরাকৃত করিয়াছেন। রাসবিহারীর মত ভারতমাতার একনিষ্ঠ স্বাধীনতাকামী জীবনকাহিনী ও কার্যকলাপ আমাদের এবং ভবিষ্যৎদশীরদের জানা একান্ত আবশ্যিক। অথচ তাহার সপক্ষে আমরা কতটুকুই জানি। এই তথ্যবহুল পুস্তকখানি পাঠে আমাদের কোতূহল অনেকটা চরিতার্থ হইবে, আমরা যথেষ্ট জ্ঞান ও শিক্ষা লাভ করিব। স্বাধীনতার নূতন পরিবেশে জাতির কর্মপ্রচেষ্টা নূতন পথে পরিচালিত হইতে বাধ্য হইবেও তাহাই। কিন্তু ইহার মূলে রহিয়াছে ভারত সন্তানদের। সর্কারকনিষ্ঠা, ত্যাগ ও ধৈর্যশীল সেবা-পরায়ণতা। রাসবিহারীর মধ্যে এই সমুদয় গুণই অধিক মাত্রায় পরিলক্ষিত হইত। রাসবিহারীর জীবন হইতে ঐকান্তিক নিষ্ঠা, ত্যাগ ও সেবার ভাব আমাদের গ্রহণ করিতে হইবে। পুস্তকখানির লিখনভঙ্গী, ঘটনা-সমাবেশ প্রভৃতিতে ত্রুটি আছে বটে, কিন্তু গ্রন্থকার যে একখানি পূর্ণাঙ্গ জীবনীর মাল-মশলা ইহাতে সন্নিবেশিত করিয়াছেন সেজন্ম তিনি সকলেরই ধন্যবাদার্থ।

শ্রীযোগেশচন্দ্র বাগল





অখন

রেফোনা

আগের চেয়ে অনেক বেশী সুগন্ধী!

দেশ-বিদেশের কথা

আয়ুর্বেদ বিজ্ঞান পরিষদের মহর্ষি চরক জয়ন্তী ও রজত জয়ন্তী

আয়ুর্বেদ বিজ্ঞান পরিষদের উদ্যোগে ও পরিষদের প্রতিষ্ঠাতা সভাপতি কবিরাজ শ্রীবগলাকুমার মজুমদারের চেষ্টায় কলিকাতা বিশ্ববিদ্যালয়ের দ্বারভাঙ্গা হলে তিন দিন ব্যাপী (৩০শে ও ৩১শে ডিসেম্বর ১৯৫৬, ও ১লা জানুয়ারী '৫৭) মহর্ষি চরক জয়ন্তী ও পরিষদের রজত জয়ন্তী উৎসব উদ্‌যাপিত হয়। ৩০শে ডিসেম্বর, মহর্ষি চরক জয়ন্তী উৎসব অনুষ্ঠানের উদ্বোধন করেন শ্রীঅমূলচন্দ্র গুপ্ত। সমবেত সুধীবৃন্দকে স্বাগতসম্বাষণ জানান অভ্যর্থনা সমিতির সভাপতি বিশ্বভারতী বিশ্ববিদ্যালয়ের উপাচার্য শ্রীসত্যেন্দ্রনাথ বসু সভাপতি এবং অধ্যাপক শ্রীপ্রিয়দাঞ্জন রায় প্রধান অতিথির আসন গ্রহণ করেন। ড. শ্রীকালিদাস নাগ, ড. শ্রীমাণ্ডতোষ শাস্ত্রী, কবিরাজ শ্রীপ্রভাকর চট্টোপাধ্যায় প্রভৃতি চরক-সংহিতার বিভিন্ন দিক সম্বন্ধে আলোচনা করেন। কবিরাজ শ্রীযোগেন্দ্রনাথ বড়দর্শনতীর্থ এই আলোচনা-সভায় পৌরোহিত্য করেন। ৩১শে ডিসেম্বর রজত জয়ন্তী উৎসবের উদ্বোধন করেন ডাঃ শ্রীনলিনীদেবী সেনগুপ্ত। সভাপতির আসনে বসে হন কবিরাজ শ্রীরাখালদাস সেন; বাঙালিদের আয়ুর্বেদ বিভাগের ডিরেক্টর শ্রীপ্রেমশঙ্কর শর্মা বিশিষ্ট অতিথি রূপে হিসাবে এক মনোজ্ঞ ভাষণ দেন, কবিরাজ শ্রীনগেন্দ্রনাথ দাশ শর্মা, কবিরাজ শ্রীমুন্সি ঘোষ প্রভৃতি বক্তৃতা দেন। ১লা জানুয়ারী, আয়ুর্বেদীয় বিজ্ঞান কংগ্রেসের অধিবেশন অনুষ্ঠিত হয়। ইহার উদ্বোধন করেন কলিকাতা বিশ্ববিদ্যালয়ের রেজিষ্টার ডাঃ শ্রীহৃৎগহরণ চক্রবর্তী, সভাপতিত্ব করেন কবিরাজ শ্রীশচীন্দ্রনাথ বিদ্যাভূষণ। এই উপলক্ষে মিউনিসিপাল-মিউজিয়ামে আয়ুর্বেদীয় প্রদর্শনীর আয়োজন হয়। প্রদর্শনীর উদ্বোধন করেন শ্রীচৈমেন্দ্র প্রসাদ ঘোষ।

সন্ধ্যা মজলিসের বার্ষিক অধিবেশন

গত ২০শে মার্চ দ্বারভাঙ্গা মেডিক্যাল কলেজের বাংলা সাহিত্য-সংস্থা "সন্ধ্যা মজলিসের" বার্ষিক অধিবেশন হয়। এই অনুষ্ঠানে সভাপতিত্ব করেন কথা-সাহিত্যিক বিভূতিভূষণ মুখোপাধ্যায় এবং প্রধান ও বিশিষ্ট অতিথির আসন গ্রহণ করেন যথাক্রমে সাহিত্যিক শ্রীরামপদ মুখোপাধ্যায় ও অধ্যাপক শ্রীকৌশল হালদার। সংস্থার স্থায়ী সভাপতি সৌদীন্দ্রমোহন ঘোষ অতিথিদের পরিচয় দেওয়ার পর

সভায় কার্য আরম্ভ হয়। অতঃপর ছাত্র-সম্পাদক অমৃত আচার্যি কার্যবিবরণী পাঠ করেন। কলেজের ছাত্র-ছাত্রীরা স্বরচিত প্রবন্ধ, গল্প ও কবিতা পাঠ করেন, রবীন্দ্রনাথের কবিতা আবৃত্তি করেন; রবীন্দ্র-সঙ্গীতও পরিবেশিত হয়। বচনা, আবৃত্তি ও সঙ্গীতে অংশ-গ্রহণকারীদের গভীর নিষ্ঠার পরিচয় থাকতে অনুষ্ঠানটি মনোজ্ঞ হয়। ছোট গল্পে যুগ্মভাবে প্রথম স্থান অধিকার করেন অঞ্জলি চন্দ ও গুরুপ্রসাদ চট্টোপাধ্যায়, প্রবন্ধে প্রথম হন অঞ্জলি পাল। প্রধান অতিথি মুখোপাধ্যায় মহাশয় একটি নাতিদীর্ঘ সারগর্ভ ভাষণ দেন, বিশিষ্ট অতিথি অধ্যাপক হালদার 'রবীন্দ্র-কাব্যে মানবতা' সম্বন্ধে সুদীর্ঘ আলোচনা করেন এবং সভাপতি মহাশয় দ্বারভাঙ্গার বঙ্গ-সংস্কৃতির সংক্ষিপ্ত পরিচয় দেন।

প্রবাসী ও স্থানীয় ছাত্র এবং অধ্যাপকবৃন্দের মিলিত উদ্যমে প্রতিষ্ঠিত এই মজলিস মাত্র ১৩৫০ সালে জন্মলাভ করেছে। বাঙালী সাহিত্যানুরাগী ছাড়াও বহু বিশিষ্ট মিথিলাবাসী ইহার সঙ্গে ঘনিষ্ঠ ভাবে যুক্ত। প্রাচীনকাল হইতে দুই প্রদেশের সারস্বত ভূমিতে যে আত্মীয়তা-বন্ধন দৃঢ় রহিয়াছে, এই ধরনের সাংস্কৃতিক অনুষ্ঠানে তাব প্রমাণ পাওয়া যায়।

গোষ্ঠবিহারী দে

গত ৫ই জানুয়ারী অবসরপ্রাপ্ত জেলা ও দায়রা জজ রায়-



গোষ্ঠবিহারী দে



সুস্থ ছেলেমেয়েরা নিয়মিত লাইফবয় সাবান দিয়ে চান করে

- প্রত্যেক দিনের ময়লা বীজাণু ধুয়ে সাক্ষ করে দেয়!

• যে সব সাধারণ ময়লার সংস্পর্শে আমরা প্রত্যহ আসি, তাতেও বীজাণু থাকে আর তার থেকে রয়েছে আমাদের প্রত্যেকেরই রোগের বিপদ। সেইজন্যে স্বাস্থ্যবান লোক মাত্রেই লাইফবয় সাবান দিয়ে নিত্য ময়লা ও বীজাণু ধুয়ে নিজের স্বাস্থ্য সুরক্ষিত রাখেন। লাইফবয় সাবান সেই স্বরকারে তাক্সা তাব এনে দেয়



বাহার গোষ্ঠবিহারী দে মহাশয় হঠাৎ হৃদযন্ত্রের-ক্রিয়া বন্ধ হওয়ায় তাঁহার নাগপুরস্থ বাসভবনে পরলোকগমন করিয়াছেন। ১৮৮১ সালে বর্তমান জেলার জামালপুর থানার অন্তর্গত জাডগ্রাম নামক পল্লীতে গোষ্ঠবিহারীর জন্ম হয়। ছাত্রাবস্থায় তাঁহাকে প্রবাসে থাকিতে হয়। পাটনা কলেজ হইতে বি-এ এবং নাগপুর মরিস কলেজ হইতে বি-এল, পরীক্ষায় উত্তীর্ণ হইয়া তিনি মধ্যপ্রদেশের বায়পুর জেলা আদালতে আইনব্যবসা আরম্ভ করেন। অবশেষে ১৯০৫ সনে মধ্যপ্রদেশে বিচার বিভাগে মুন্সেফ নিযুক্ত হন। ১৯২৮ সনে তিনি যখন মধ্যপ্রদেশে অতিরিক্ত জেলা এবং দায়রা জজ ছিলেন তখন সরকার কর্তৃক মনোনীত হইয়া ভারত সরকারের আইন বিভাগে কর্মে নিযুক্ত হন এবং ১৯২৯ সনে নাগপুর হাইকোর্টের মেম্বার পদ লাভ করেন। ১৯৩৫ সনে বিশেষজ্ঞ হিসাবে কোর্ট ফি বিল প্রণয়ন করিবার কার্যে মধ্যপ্রদেশের আইন-সভায় সরকারী প্রতিনিধি মনোনীত হন। ১৯৩১ সন হইতে ১৯৩৬ সন পর্যন্ত কুতিডেব সহিত জেলা ও দায়রা জজের কার্য করেন। এই কাজ হইতে অবসর গ্রহণের পর ১৯৩৭ সনে ধার ষ্টেটের প্রধান বিচারপতি পদে নিযুক্ত হন এবং ১৯৪৩ সনে ঐ পদে ইস্তফা দেন, কিন্তু অল্পদিন পরেই ভারত সরকার তাঁহাকে এন্টি-করাপশন ট্রাইবুনাল—সাদার্ন কমান্ডের চেয়ারম্যানের পদে নিযুক্ত করেন। এই ট্রাইবুনালের কার্য সমাপ্ত করিবার পর তিনি কেন্দ্রীয় সরকার কর্তৃক এস কে. ঘোষ, আই-সি-এস প্রভৃতির বিরুদ্ধে আনীত প্রসিদ্ধ মামলার বিচার-ট্রাইবুনালের সভ্য নিযুক্ত হন।

গোষ্ঠবিহারী বাবু প্রবাসী বঙ্গসাহিত্য সম্মেলনের আজীবন পৃষ্ঠপোষক ছিলেন, ১৩৪৮ সালের কলিকাতা অধিবেশনে বৃহত্তর বঙ্গ-শাখার সভাপতি মনোনীত হন। তাঁহার লিখিত—C. P. Land alievatton Act-এর টীকা আইন-ব্যবসায়ী ও বিচারক-গণের নিকট বিশেষরূপে আদৃত হয়। তিনি গীতার একটি বঙ্গানুবাদ টীকা (ভাষা) প্রণয়ন করেন কিন্তু তাহা এখনও প্রকাশিত হয় নাই। তিনি তাঁহার জন্মস্থান জাডগ্রামের “মাখনলাল পাঠাগার” নামক প্রতিষ্ঠানের গৃহনির্মাণার্থ তিন হাজার টাকা, উক্ত গ্রামের অধিবাসীবৃন্দের জলকষ্ট নিবারণকল্পে একটি ইঁদুরা খননের জন্ত এক হাজার টাকা এবং তাঁহার মাতুলালয় পাঁচড়াগ্রামের বৃড়া শিব-মন্দিরের সংস্কারে নিমিত্ত দুই হাজার টাকা দান করিয়া গিয়াছেন। তিনি অনেকগুলি জনহিতকর প্রতিষ্ঠানের সহিত সংশ্লিষ্ট ছিলেন, এবং বহু দুঃস্থ ও দরিদ্র ছাত্রকে মুক্তহস্তে সাহায্য করিতেন।

দে মহাশয়ের সাহিত্যানুবাগ প্রবল ছিল। পল্লীর দুঃখ-দুর্দশায় তিনি বিচলিত হইতেন এবং সাধ্যমত সাহায্য করিতেন। প্রবাসে থাকিলেও তিনি জন্মভূমিকে কখনও ভুলেন নাই।

নর্মদা নদীতে শোচনীয় দুর্ঘটনা

গত ২৬শে জানুয়ারী জব্বলপুর হইতে তেরু মাইল দূরে নর্মদা

তিন পুত্র—ভাস্কর, অমের ও অংশুমান—নদীতে মজ্জমানা ভাস্করের নব-বিবাহিতা পত্নী স্মৃতিতা (ইভা)-কে বাঁচাইতে গিয়া প্রাণ বিসর্জন দিয়াছেন। বধুটিও জলে ডুবিয়া মারা গিয়াছেন।



অমের বহু



অংশুমান বহু

ভাস্কর (বয়স ৩০) ইংলণ্ড ও পশ্চিম ভারতীয়দেশে শিক্ষালাভ করিয়া বার্নপুরে ইণ্ডিয়ান আয়রন ও স্টীল কোম্পানীতে অফিসিয়াল

অমের (বয়স ২০) এবার সাগর ইউনিভারসিটির বি-এ পরীক্ষার প্রথম বিভাগে প্রথম স্থান অধিকার করিয়া স্তূর্ণপদক পাইয়াছিলেন। মংগুমান (বয়স ১৬) স্থানীয় স্কুলে গ্রী-ম্যাটিক ক্লাসে পড়িতেছে।

গত ২০শে জানুয়ারী ভাস্করের সঙ্গে তাঁহার বিবাহ হইবার পর তাঁহারা উভয়ে ভাস্করের পিতামাতার কাছে আসিয়াছিলেন।

ভাস্করের জননী শ্রীঅমিতাকুমারী বসু 'প্রবাসী'র একজন লেখিকা। বহুকাল যাবৎ 'প্রবাসী'তে তাঁহার প্রবন্ধ, গল্প ইত্যাদি প্রকাশিত হইয়া আসিতেছে। বসু-দম্পতি এই গভীর শোকে সান্ত্বনা লাভ করন, ভগবানের নিকট আমরা ইহাই প্রার্থনা করিতেছি।

সুনির্মল বসু

বিখ্যাত শিশু-সাহিত্যিক সুনির্মল বসু গত ১৩ই ফাল্গুন, ঢাকুবিয়া সেকিমপুর রোডস্থ তাঁহার নিজ বাসভবনে করোনাবী-ধ স্বাস রোগে মাত্র ৫৬ বৎসর বয়সে পরলোকগমন করিয়াছেন।

সুনির্মল বাবুর পৈতৃক নিবাস ছিল ঢাকা জেলার মালখা-নগরে। তাঁহার পিতা পশুপতি বসু একজন বিখ্যাত অভ-বাবসায়ী ছিলেন। পিতার বস্তুচল গিরিভিত্তেই তাঁহার বাল্যকাল অতি-বাহিত হয়। তিনি বিখ্যাত বিপ্লবী ও সাহিত্যিক মনোরঞ্জন গুহঠাকুরতার দৌহিত্র।



ভাস্কর বসু



সুনির্মল বসু



ইভা (ইভা) বসু

ইভা (বয়স ২০) বিহারের জেপুটি চীক ইন্ডিয়ান শ্রীঅমিতাকুমারী বসুর প্রথম কন্যা। তিনি মহিলা কলেজে বি-এ পড়িতেছেন,

গত পঁচিশ-ত্রিশ বৎসর যাবৎ সুনির্মল বাবু অক্লান্ত ভাবে গ্রন্থাদি রচনা দ্বারা বাংলা শিশু-সাহিত্যকে সমৃদ্ধ করিয়াছেন। ছোটদের গল্প, উপন্যাস, জমণকাহিনী, কবিতা, রচনার তিনি সমান দক্ষতা দেখাইয়াছেন। হাজার তাঁহার কবিতা ছিল অতুল

তাঁহার রচিত গ্রন্থের হালকাফা, বেড়ে মজা, ঠে



ছবির মধ্যস্থলে উপস্থিত শ্রীকেশবনাথ
চট্টোপাধ্যায়, তাঁহার জন ক্রিকে (তৃতীয়)
শ্রীজয়কৃষ্ণ সান্যাল

মরণের ডাক, ছন্দের টুংটাং প্রভৃতি উল্লেখ
যোগ্য। তিনি 'ছোটদের চরনিকা' এবং
'ছোটদের গল্প সংকলন' নামক সংকলন গ্রন্থ
ছইখানিও সম্পাদনা করেন। এই কৃতী
সাহিত্যিকের লোকসত্ত্বগমনে বাংলা শিশু-
সাহিত্যের অপূরণীয় ক্ষতি হইল।

সারস্বত সম্মেলন

গত ২৩শে ফেব্রুয়ারী, ২৫৯নং আপার
চিংপুর রোডে বাণী-মন্দির, সাহিত্য-সভা,
সঙ্গীত সমাজ ও তরুণ সঙ্ঘের উদ্যোগে, বাণী-
অর্চনা উপলক্ষে প্রবাসী সম্পাদক শ্রীকেশবনাথ
চট্টোপাধ্যায়ের পৌরোহিত্যে সাহিত্য
লোচনা ও উচ্চাঙ্গের সঙ্গীতানুষ্ঠান হয়।
সঙ্গীতানুষ্ঠান পরিচালনা করেন শ্রীজয়কৃষ্ণ
সান্যাল; সভাপতি মহাশয় সাহিত্য ও সঙ্গীত
সবন্ধে একটি মনোমম ভাষণ দেন। রূপদ
গানে গীতা ও অমিতা সান্যাল এবং চাঁপা
চাকলাদার অংশ গ্রহণ করেন। অরুণা ঘোষ
ছইখানি ভজন গান করেন, খেয়ালে চাঁপা
চাকলাদার ও রেখা বন্দ্যোপাধ্যায় অংশ গ্রহণ
করেন। সঙ্গীতচাচী শ্রীজয়কৃষ্ণ সান্যাল
দে মহাশয়ের সাহিত্য গ্রহণ করিয়া
তিনি বিচলিত হইতেন এবং করেন।
থাকিলেও তিনি উন্মত্তমুখে কথন

নর্মদা নদীতে শোঁ

গত ২৬শে জানুয়ারী জব্বলপুর হইতে বাসী প্রেস (প্রাইভেট) লিঃ, ১২০১ আপার সায়কুলাদ রোড, কলিকাতা-৩।

শৌলিকতায়, নির্ভরতায় ও আত্মনির্ভরতায়



১৬৭ সিং ১৬ সিং/১, বহুবাজার স্ট্রীট, কলিকাতা

ফোন ৩৪-১৭১০ গ্রাম - প্রিন্সিপালিট

আব : বালিগঞ্জ - ২০০/২/১ - রাসবিহারী এডিনিউ

কলিকাতা-২৯

ফোন : ৪৬-৪৪৬৬

আব - ডামাশেদপুর

ফোন : ডামাশেদপুর - ৮৫৮

শ্রীকেশবনাথ চট্টোপাধ্যায় ১২৪, ১২৪/১, বহুবাজার স্ট্রীট, কলিকাতা-১২

কেবলমাত্র বহুবাজার খোলা থাকে

